

















ISAACI CASAUBONI
EPISTOLÆ,

infertis ad easdem

RESPONSIONIBUS,

*quotquot hætenus reperiri potuerunt, secundum seriem
temporis accuratè digestæ.*

ACCEDUNT HUIC TERTIÆ EDITIONI,

PRÆTER TRECENTAS INEDITAS EPISTOLAS, ISAACI CASAUBONI
VITA, EJUSDEM DEDICATIONES, PRÆFATIONES,
PROLEGOMENA, POEMATATA, FRAGMENTUM
DE LIBERTATE ECCLESIASTICA.

I T E M,



MERICI CASAUBONI, I. F.
EPISTOLÆ,

DEDICATIONES, PRÆFATIONES, PROLEGOMENA,
ET TRACTATUS QUIDAM RARIORES.

Curante

THEODORO JANSON. AB ALMELOVEEN.



R O T E R O D A M I,
TYPIS CASPARIS FRITSCH ET MICHAELIS BÖHM,
M D C C I X.

1. 11. 11

2. 11. 11

3. 11. 11

4. 11. 11

5. 11. 11

6. 11. 11

7. 11. 11

8. 11. 11

9. 11. 11

10. 11. 11

11. 11. 11

12. 11. 11

13. 11. 11

14. 11. 11

15. 11. 11

16. 11. 11





Certe Constantinus similis in imagine vultus.
 Simulacrum formam exanese signis amae.
 Non oculos pingue quidam de plebe meretur.
 Sed doctus clari & Merita Pacis.
 Ans representat post mortem cardinalis natum.
 Imbuat exemplis quem pater ipse sua.
 Quis videtur castis memis sub pinnaculis alba.
 Illius liberi major imago parentis.
 Est aliquis putatus a teneris adveniens laudis.
 Ex primam titulus amplifera natus.
 Nimirum scis quia puerum esse solus videtur.
 Ad spem namque progreditur avia.

FRANC. HESCHLITZ.

VIRO PERILLUSTRI
ET EXCELLENTISSIMO,
JOANNI,
BARONI
AB
ARNHEM.

TOPARCHÆ IN ROSENDAEL, AC HARSLO,
SUPREMÆ CURIÆ DUCATUS GELRIÆ ET COMITATUS
ZUTPHANIÆ SENATORI EXTRAORDINARIO,
TETRARCHIÆ VELAVICIÆ SATRAPÆ,
NECNON ILLUSTRUM DELEGATORUM PRÆSIDI.



S. P. D.

THEODORUS JANSONIUS
AB ALMELOVEEN.

Exhibeo tibi, Vir perillustri & excellen-
tissime, dudum ab omnibus viris, qui fa-
mâ eruditionis commendati sunt, expectatum opus,
CASAUBONORUM EPISTOLAS, cum meo

EPISTOLA

*de illorum VITIS Commentario qualicumque
adauctas, curiosioribus oculis Vestris dignissimas.
Commendarunt hæc monumenta jam dudum duo
doctorum hominum, Gronovii & Grævii, com-
parata paria, quæ distinctis temporibus in lucem
ea exposuerunt, & ad pedes illustrissimorum viro-
rum, Adriani Plofii ab Amstel & Thomæ Rei-
nesii, detulerunt. Quorum alter præclarissimis
nostræ Reipublicæ dignitatibus auctus, alter quo-
que in Aula Saxonici Electoris Medici nobi-
lissimi ac Consilarii curâ functus est, utrique
literarum studiis præclari, ut pro Reinesio satis
abundè apertèque loquuntur, quæ in eruditorum
manibus versantur exquisitæ eruditionis scripta.
Duo, inquam, illi à Gronovio & Grævio delecti
sunt, ut essent Casaubonianæ laudis fideles testes,
& contra mordacia malevolorum convitia perpetui
vindices. Tu nunc, VIR PERILLUSTRIS, quem
Deus ad hæc difficillima tempora servavit, mihi
princeps videris inter patriæ nostræ Patres,
non solum ætate, sed experienciâ insignis, cujus
probitas & doctrina, quæ simul rarò apud No-
biles*

DEDICATORIA.

biles conjuncta reperiuntur, in patrocinio inson-
tium, & in omni cursu vestri regiminis certissi-
mis adeò documentis probata fuit, ut vix habeas
quibus animi vestri eximiae dotes enotuerunt, qui
non illas cum summa admiratione suspiciant.

Mibi profectò, ubi id meæ res exegerint, tu-
tissimum fuisti aliquando asylum, quod iterum
nunc esse debes meo Casaubono tibi cum omnibus
litterarum cultoribus notissimo. Parcam istius
viri hîc præconio; loquatur ipse in hoc vasto
Epistolarum volumine pro se, & satis habebit,
quibus vestra sitis restinguatur. Neque puto
Te id posse à Te ipso impetrare, ut ab illo ocu-
los avertas, qui non solum pius ad pios vestros
amplexus accedit, sed pluribus Regibus & mun-
di Principibus acceptus adeò vixerit, ut præter-
quam in Gallia & apud Genevenses, in quibus
ipsi natale solum esse contigerit, etiam in Anglia
videatur patriam suam invenisse, & ad vestrum
nunc supplex gremium festinans etiam post pios
hominis manes speraturus honestum locum se in-
venturum. Quem si pro miti & facili vestro in-

E P I S T O L A, &c.

*genio concedas, habebit quo ipse Casaubonus sibi
inter manus vestras versanti gratuletur: ego verò
hanc ex nobili vestro favore pro meis laboribus
reportans mercedem, omnem cumulum honorum
lætus à facie vestra discedens videbor mihi com-
parasse. Dabam Harderovici, ipsis Kalend.
Jun. CIO DCCIX.*

LECTORI

LECTORI BENIVOLO

S. P. D.

THEODORUS JANSONIUS

AB ALMELOVEEN.



Enacissimos non solum, sed & observantissimos sæpenumerò nos esse eorum, quæ primis studiorum annis iterum atque iterum majore studio cum à parentibus, tum à præceptoribus, virisve doctissimis commendantur, nemo hominum negarit. Docet hoc, alios ut silentio transeam, illustri suo exemplo, cujus VITAM atque EPISTOLAS nunc damus, præconio nostro longè major, Vir maximus, ISAACUS CASAUBONUS, qui à patre oblato ei Diogene Laërtio, tamquam eruditionis atque progressus sui in humanioribus literis specimine singulari, responsum tulit, se vel unam in Sacris Literis observationem pluris facere, quàm, utut accuratas & ingeniosas in Auctores profanos innumeras: quo ita fuit inflammatus, ut ab eo tempore numquam non de Sacris Literis cogitarit sedulò, aut in iis quicquam sit molitus. Ut autem tuâ pace, Lector benivole, parva cum magnis sine arrogantia comparem, sic memini me puerum deinde proveciorem domi audire parentem sanctissimum, præceptores in humanioribus optimos, ac permultos viros doctissimos commendare de meliore nota, præter alia summi viri scripta eruditissima, maximo in pretio futura,

Εἰς τὴν αὐτὴν πάλιν καὶ διόδορον μακροῦ πηγήλη *

* Scit.
Empir.
adv. Me-
them. pag.
4.

Isaaci Casauboni Epistolas, quas vel inde, ut nihil de eruditione in quovis genere literarum dicam iis contenta maxima, lectu dignissimas judicabant, quod maximi in hoc genere literarum viri, alter Academiæ Lugduno-Baravæ, Joannes Fridericus Gronovius; alter Trajectinæ, Joannes Georgius Grevius, (at quanta nomina!) lumen egregium, eas ubivis terrarum singulari industriâ investigare, publico exponere, omnibusque Musarum cultoribus non sine invidendo laudis utilitatisque elogio commendare non sunt veriti, existimantes, credo, has esse ex posterioris ævi numero, quæ ante alias mereantur legi. Fuit idem judicium Andreæ Riveto, qui anno CIO IO CXXVII. primus jam eas undique conquirere, & publico parare inchoavit. Fuit & viro magno, Hugoni Grotio (a), Mericum Casaubonum flagitanti, ut, si (a) Epist.
1245.
quas præter jam editas haberet, aut aliorum doctorum ad ipsum argumento luculentiores, eas publico donet, multos se iis demeriturum, in primis verò Grotium, ejus, quæ in ipso eluxit, pietatis simul atque eruditionis admiratorem maximum. His imbutus monitis, atque impulsus maximorum virorum exemplis, jam inde cœpi virum propter dona verè divina amare, desiderarique paulò diligentius, qualis fuerit, indagare. Et quî non? cum ipse illustri Grotius, qui an eum magis amaverit, an sit admiratus, constituere non potuerit (b), scribat: *Ego verò eorum, quæ in hac vita mihi felicia contigerunt, inter prima numero, viro illi non minus pietate, probitate, ac candore, quàm in immensum patente eruditione conspicuo, carum me fuisse. Deinde in difficillimis temporibus me ipsius potissimum, & eorum, quos probabat, usum consilii.* Verùm plurima erant cur ex voto consilia perficere non liceret; inprimis difficilioris indagationis materia. Hinc subinde notavi, quæ aliquando huic scopo essent inservitura, nequaquam despe-
rans,

(b) Epist.
1245.
pand.

rans, licet nullus de stemmate Casauboniano quicquam reliquerit Scriptor, cum tempore aliquid notatu dignum me detecturum. Huic intentus, cum deprehenderem Casaubonum fuisse generum viri celeberrimi, Henrici Stephani, longè major investigandi generis originem evadit amor ac voluptas. Sic ut in Dissertatione *de Vitis Stephanorum*, occasione uxoris, FLORENTIÆ STEPHANÆ, Henrici filix, & πατὴρ ejus vitam olim fuimus complexi.

Quum autem quotidie studiosius in Stephanos inquirerem, non poteram non eadem quasi operâ, eadem diligentia profequi Casauboniana, omnemque apud amicos, sive privato sermone, sive per literas apud Gallos, Anglosque, quorum in terris vixit cognitissimus, movere lapidem, ut, si quid haberent Epistolarum, Commentariorumque Casaubonianorum luce dignum, vellent mecum benignissimè communicare, grato animo semper agnituro confessuroque per quos profecerim. Pauculis itaque allatis ineditarum exemplis, crescebat opus, eoque non parum edendi sustentabatur spes ac desiderium. Unde Responsoriarum detegendarum gratia aequalium ipsius evolvere jam editas Epistolas putavi fore necessarium. Quæ aliquoties repetita lectio tantoperè mihi placebat, ut si vera velim dicere, sæpe sæpius admiratione fuerim abreptus, in primis cum viderem viros doctos haud rarò non tantum breviter ac strictim proavum vitas, mores, conditiones, studia ac genealogiam denique in iis describere, veluti noster suam (a), G. J. Vossius suam (b); verum frequentius ingenuè in amicorum sinus apertè de viris doctis sua effundere ac tuto deponere judicia. Nam, inquit Boineburgius (c), *judicia de viris doctis si non in Epistolis reperiuntur frequentia & bene ordinata, omni destituuntur nitore. In Epistolis ad amicos familiaribus de morte eruditorum, de eorum operibus editis & ineditis, de litigiis, de omni re eruditorum spissus est sermo faciendus, alias eas ne titivilitio quidem existiment.*

Hinc non sine ratione gravissima dixit Bataviæ lumen primum, Desiderius Erasmus (d), Epistolas servari instar cimæliorum, ut familiaritates cum viris doctis, & existimationes cognoscantur. Imò noster (e), vel eo nomine publici non esse juris, sed privati, privataque possessionis. Porro haud leviter animum addebat spes melioris successus quàm prima habuerat editio. Illa quippe per longè nimium tempus, id est, ab anno 1627. (f) ad 1638.

fuit tracta, refrigerato Elzeviriorum, qui operam addixerant, primum fervore, ac dissidentibus, qui curam susciperent, viris doctissimis, Daniele Heinssio atque Andrea Riveto, qui primus fertur egregium hoc opus inchoasse, sed cum pressus negotiis majoris momenti huic rei vacare non posset, curam

demandavit viro clarissimo, Joan. Friderico Gronovio (g), cui exinde haud exigua debetur laus atque gratia (h). Nam non fuisset cujusvis eam editionem dare, adeò in apographis negligentia descriptorum multa corrupta, præcipuè in Græcis, & instar foliorum Sibyllæ erant. Animum dico erigebat spes melioris fati, quod scirem mortuum jam diu virum clarissimum, Paulum

Colomesium, qui se Isaaci Casauboni Epistolas atque Poëmata olim promiserat editurum (i). Fortè etiam præmissa Vita, quam breviter in Italia sua Orientali descripsisse uspiam confiterur. Quod Colomesii Opusculum si Savoretus, Bibliopola Rupellensis, Amstelædamum ob infestam omnino in

Galliis emendationis Religionis persecutionem profugus, excudisset, haud exiguum argumento lucem & auxilium attulisset. Quid! omni labore atque difficultate superfedere potuissemus, si vel ipse Isaaci filius Mericus, quemadmodum Hugoni Grotio videtur significasse (k), patris Epistolas edidisset. Verum ex quo propositum meum olim aperuissem viro præclarissimo,

Eduardo

(a) Epist.
686.

(b) G. J.
Vossius
Epist. 276.

(c) Epist.
68. p. 276.
Adde quæ
scribit

Morhofius
Polyhist.
Literar.
lib. 1. cap.
23. §. 3.

(d) Lib. 1.
Epist. 9.

(e) Ca-
saub.
Epist. 828.

(f) Grot.
Epist. Ap-
pend. 152.
G. J. Voss.
Epist. 109.

(g) Sal-
maf. Epist.
86. pag.
192. Grot.
Epist.
1243.

(h) J. Fr.
Gronov.
ad H. Gro-
tium, Epist.
50. ed.
Joannis
Brantii.

(i) Gall.
Oriental.
pag. 123.

(k) Grotii
Epist.
Append.
372.

P R Æ F A T I O.

Eduardo Bernardo, novo quasi nutrimento exarsit agitatus jam dudum ardor. Is namque domum redux confestim, quod spontè in se susceperat, uti erat humanissimus, Oxonio transmittit haud contemnenda multarum Epistolarum ineditarum apographa, usus in iis describendis operâ viri clarissimi, *Richardi Parkeri*, cui plurimum debere mecum facillè fatebuntur qui Casaubonianis Epistolis delectantur. Egregiam præterea symbolam quoque contulit vir clarissimus, meique amantissimus, *Thomas Smithus*, Ecclesiæ Anglicanæ Presbyter, cujus in nonnullis detegendis venandisque operam, consiliumque si non agnoscam publicè, bipedum meritò audirem ingratisissimus. Omnium verò maximum augmentum mihi è scrinio suo suppeditavit vir singularis pietatis, atque comitatus mirificæ, *Joannes Batelius*, apud Cantuarienses Archidiaconus dignissimus; cujus facillimum atque paratissimum in communicandis iis, quæ possidebat, Casaubonianis animum prædicando fateor me imparem. Ille enim supra centum & quinquaginta ineditas Epistolas, nonnullas editarum multò auctiores, plurimas lacunis suppletis longè integrioribus à N. Spinkes descriptas, ex ipso autographo propriâ manu transcriptam benignè suppeditavit Isaaci Casauboni D I A R I U M, quod ab anno ætatis trigésimo octavo satis diligenter confecit, iis dumtaxat recisis, quæ ad historiam nostram non pertinere judicavit. Ex quo quantum luminis in conficienda Casauboni Vita hauserim, ipse facillè perspicias, benivole Lector, si quando Vitam evolvere non fueris indignatus. Ipsum verò autographum propriis tractassem olim manibus, si viro integerrimo vitam longiorem, quâ profectò erat ob singulares virtutes dignissimus, Deus Opt. Max. largitus fuisset. Promiserat namque commodâ occasione fido cuiquam amico ad nos invisenti traditurum. Verùm hæc spes prorsus concidit, nisi fortè amici Angli hanc nobis præstare velint queantque gratiam, reperiuntur fortè quæ legi aliquando merebuntur. Multas suppeditavit Vir clarissimus, *Joannes Hudsonius*; uti nonnullas Vir celeberrimus, *Petrus Burmannus*: ut Erpenianas, Gallix decus, *Joannes Harduinus*: sic alii viri doctissimi, quas possidebant, singulares. His instructus copiis ipsum opus, quod Romæ ob pietatem, quæ in eo elucet maximè, ut liber hæreticus, Vulcano traditum dicitur (a), aggressus, hocce ordine atque modo digessi, sperans, benivole Lector, hoc nostrum consilium, impensamque operam non reprobaturum. Primum, si quidem Epistolæ Historiam quodammodo vitæ Scriptoris, istiusque, quo scribuntur, temporis imitentur ac velut comprehendant, ordinem, (quem Historico vehementer commendat Diodorus (b) Siculus) quàm sollicitè potui, observavi temporum, licet deprehenderim vitio librariorum, qui autographa primi descripserunt, frequentissimè peccatum, unde falsus ipsemet unam atque alteram loco non collocavi, quemadmodum postea deprehendi, justo ac legitimo. Hinc planè mutata maximè mea numerorum à Græviana editione discrepat Epistolarum series. Ut autem commodior legenti foret usus, margini, quo scriptæ sunt, apposui annum. Deinde quum Vir clarissimus, Andreas Bosius (c), me docuisset viros doctissimos vehementer dolere, Scaligeri Casaubonique Epistolis non additas Responsorias, quòd sine iis satis intelligi nequeant; Epistolarum principiis in ora adscripsi numerum Epistolarum Scaligeri, Baudii, Lipsii aliorumve, ad quas respondet Casaubonus; in calce verò, quo loco ad Casaubonianas illorum virorum Responsoriarum reperiantur; inseritis tamen iis Epistolis, quæ hætenus lucem non viderunt. Cæterum cum plurimæ occurrant lacunæ, (quæ uti rectè in Lingelsheimianis observat clarissimus Vir, Petrus Bælius (d), impediunt quo minus personæ, res, negotiaque scitu necessaria intelligantur) multaue loca perobscura, & quasi ænigmatica (est enim ea ferè natura (e) Epistolarum, ut Lectorem non-

* *

num-

(a) Richardi Parkeri. Epist. select. pag. 240.

(b) Lib. 7. mox ab initio.

(c) Præfat. præv. Daurii & Redusi Epistol. vide Mor. bes. Polybistor. Lib. 1. cap. 23.

(d) Daurii son Di. monaire Critiq. Vos Bon. gati, lettre. H.

(e) Band. Cent. 1. Epist. 6.

P R Æ F A T I O.

numquam faciant halucinari) subjeci ad faciliorem intellectum, exigente id etiam Vigneul-Marvillio (a), Clavem Pauli Colomesii, quam in locis innumeris ampliavi, & plus quàm altero tanto reddidi locupletiore; quoniam, uti scitè observavit Morhøsius (b), non omnia notavit. Voluisssem quidem omnes tollere difficultates, obscuris dare lucem, ni tempus aut occasio impedimento fuissent. Nam & auxilio doctòrum virorum, qui, quod in Gallia, Germania, Anglia, vel in aliis terris de Casaubono reperiri fortè potuisset, subministrassent, plurimùm fui destitutus. Fortassis tamen plura conjecturà assequuturus, si primi descriptores locum, quò fuere missæ, adjecissent; quod factum laudo in Lipsianis, Rycquianis, Wouwerianis, Baudianis, Gudianis aliisque; imò suadeo faciendum, si quando novæ edantur virorum doctòrum Epistolæ. Dedi verò omnes integras, etiamsi deprehenderim aliquando aciores in Genevenses, quas jam suo tempore verebatur Hugo Grotius, Vir clarissimus (c), quòd quidam essent subducturi, quoniam ad stomachum Genevalem non erant scriptæ. De stylo, masculo tamen & dilucido, non est quod sumus solliciti, utpote conscii de eo varia pro captu censorum exstare judicia. Ita enim de iis Samuel Sorbierius ait (d): *Historiam viri optimi & doctissimi in illis contineri, & præter sermonis puritatem & animi candidi signa nihil eximium habere. Veruntamen à bonis omnibus non posse non excipi benigne quæcunque prodibunt tanti viri monumenta.* Equiore Jove de iis opinatur ac judicat Vigneul-Marvillius (e), inquiens: *Elles sont toutes parfaitement belles, & je ne crains pas de les mettre au rang de celles de Grotius & de Scaliger pour l'érudition, & même un peu au dessus pour la facilité & la netteté du stile, qui est tout-à-fait épistolaire, & nullement guindé. Il y a cent remarques à faire dans ces Lettres de CASAUBON.* Fatemur ingenuè nos facere cum Rolando Marefio (f); censente Casaubonum nimis frequenter Græca immiscere Latinis, quo multum elegantix decedit styli nitore; unde & raro id fecit, in Epistolis saltem gravioribus, Cicero, Plinius, & ii ferè omnes, qui nobis postèris elegantiores relinquere voluerunt Epistolæ. Verùm is mos fuit non unius alteriusve hominis, sed sæculi. Fecerunt id namque Desiderius Erasmus, Guilielmus Budæus, Josephus Scaliger, Adolphus Occo (g), Justus Lipsius, J. Rycquius, (rarius tamen Hugo Grotius) Dominicus Baudius, & qui post ea tempora vixerunt, Thomas Reinesius, Casparus Hofmannus, & pauci admodum alii. Culpat præterea, scio, in Epistolis Casaubonianis Franciscus Vavassor (h) frequentes Gallicismos; Gaspar Scioppius in limatissimo de stylo judicio, alia vitia plura. Verùm hisce exceptis, evitari nesciis aut incuriâ fufis, maculis, dignum censuit clarissimus Vir, Christophorus Adamus Rupertus, quem in Mercurio Epistolari ferè continuò in varii argumenti generibus imitandum proponeret, licet cogar fateri cum Plinio Juniore (i), *Stultissimum esse ad imitandum non optima quæque proponere.* Sed responderit quis hisce Ciceronianis (k), *prima sequentem honestum esse in secundis tertisque consistere.* Ego quamquam nemini imitandas suadeam aut proponam Casaubonianas; quandoquidem illæ non ad unguem sunt limatæ aut politiore curâ conscriptæ; sed subito, & tempore, quod ipsi occupatissimum aliis curis eripere debebat (l), effusæ; exoptem tamen omnes, quas umquam quâ privatim, quâ publicè scripsit, posse congerere Epistolæ, tum ut iis eruditio Casauboni summa, tum temporis Historia orbi literato foret longè notior. Novi enim permultas aut partium invidiâ suppressi, (quod Tilenus metuebatur, intercedente Riveto in gratiam Molinæi (m), in quem Casaubonus paulò vehementius erat invecus) aut tabellariorum incuria in viis, aut quorundam negligentia periisse. Sic Hugonem Grotium binas ad Fabrotum, corpori

(a) Melanges d'Histoire & de Littérature, Tom. 11. pag. 364.

(b) Polybist. Liter. lib. 1. cap. 23. §. 7. 69.

(c) Epist. Appendic. num. 372.

(d) Sorbieriana, pag. 50.

(e) Dans les Melanges d'Histoire & de Littérature, Tom. 11. pag. 364.

(f) Lib. 11. Epist. 8. pag. 213.

(g) Gafsend. de Vita Perisk. lib. 1. pag. 25. ed. Hagan.

(h) De Epigrammatic, cap. 11. pag. 301.

(i) Lib. 1. Epist. 5.

(k) In Orator. ad M. Brutum, cap. 5.

(l) Epist. 444. & 528.

(m) Grot. Epist. 152.

P R Æ F A T I O.

pori inferendas, Guilielmo Grotio, fratri misisse didici (a); quæ tamen numquam apparuerunt; quod fatum innumeris evenit aliis, uti abundè possim ex ipsis Epistolis docere. Has autem, aliasque, si quis offenderit, eum vehementer rogo mecum communicare non dedignetur, ut recudendis matura, ubi ad manus nostras pervenerint, potestas dari & occasio possit.

EPISTOLIS subjicienda necessariò putavi ea, quæ rarissimè occurrebant PROLEGOMENA, DEDICATIONES, PRÆFATIONES, & partim edita numquam, partim verò hîc illîc dispersa GRÆCA LATINA VE CARMINA, ut & egregium suppressi libri DE LIBERTATE ECCLESIASTICA fragmentum, quem ex voto perficere si licuisset, singulare profectò fuisset documentum, quantos eo in genere literarum fecerat progressus.

Tandem, secundo, ut ita dicam, volumine occurrunt EPISTOLÆ Viri clarissimi, MERICI CASAUBONI, Isaaci filii, quarum illas ad parentem suum, virum maximum, Joannem Fridericum Gronovium, mecum lubens communicavit vir clarissimus, *Jacobus Gronovius*. Plures hæcenus vel ex ipsa Anglia evocare literis non potui, quamvis fatear, cum paternis vix posse comparari. Mericus enim quod fuerit vitæ genere infelici patre longè infelicior, non ita multa, si Theologica, quæ vernaculo scripsit sermone, excipias, majoris moliminis in philologicis condidit, neque tantum tamque frequens cum viris doctrinarum gloriâ florentissimis per universam Europam exercuit literarum commercium, unde minori nominis famâ claruit, nec ea huc usque vitæ ipsius cursus dedit monumenta, ut distincto volumine, quæ ad illustrandum illum pertinerent, quisquam à nobis jure exigeret. In eo namque, postquam Merici filius, JOANNES, à paternis avitisque virtutibus & vestigiis planè desciverat, stemma illud Casaubonianum prorsus est extinctum. Etiam si Morerius in Lexico suo Historico-Critico scribat, in Galliis superesse istius generis sobolem; quod mihi omnino videtur à veritate remotum, cum Joannes Casaubonus, Isaaci filius, Merici frater, Pontificius factus in Galliis, quod equidem sciam, solus supervixerit, in hunc usque diem, neque munere aliquo aut literarum honore insignis. Ego verò celibem discessisse ferè conjecerim.

Merici OPUSCULA minus obvia, in primis quæ ad paterni nominis defensionem pertinent, Epistolis adjecimus, rati ea ad Vitæ Historiam haud parum lucis conferre. Quod ut in bonam accipias partem, benivole Lector, majorem in modum rogo, mihi que si ex tuo, quemadmodum etiam meo voto non omnia accuratè satis exposuerim, ignoscas, emendaturo lubens, si meliora pluraque tempus atque amici suggererint. Vale, & fave nostris conatibus.

JOH. FRID. GRONOVII

NOBILISSIMO ET ILLUSTRARI VIRO,
ADRIANO PLOSI

A B

A E M S T E L,

Ordinis S. Michaelis Equiti, Domino supremæ Jurisdictionis de Geyn, Jutphaes, &c. Domino de Oudegeyn & Lievendaal, Toparchæ de Tienhoven dominique de Uithoren, in Confessu Potentissimorum Ordinum Generalium nomine Provinciæ Ultrajectinæ Deputato ordinario.

VIR NOBILISSIME,



*E*A fuit ISAACI CASAUBONI etiam tum superstitis gloria, ut ob doctrinam stupendam, pietatem, inque omni vitæ colore sanctimoniam, merita in divinas humanasque literas, non doctis solum, qui magnitudinem hominis poterant interpretari, sed & indoctis, quos modo nomen ejus & odos afflaverat, grande seculi sui lumen, aliquis eruditionis parens haberetur. Ita quidem nobiscum comparatum est; quæ sibi facilia quisque factu putat, æquo animo accipimus; supra veluti ficta pro falsis ducimus; prorsus ut admirabile videatur tantam vim famæ ejus fuisse, ut & rem compertam illi libenter crederent, & hi judicium captu ipsorum majus, velut præsumptâ & contradictionem vincente veritate, extorqueri sibi paterentur. Regum denique, quod nullum augustius magisque verendum inter mortales vocabulum est, cura esse cæperat ostentare Casaubonum; nec immerito qui hunc odissent, in suspicionem venerunt, quasi parum essent Majestatum observantes. Nec tamen ullos acquisivisset hostes, quando virtute provocatam invidiam modestia componebat, nisi maturi ævi studia ad Antiquitatem Ecclesiasticam illustrandam & summorum Principum jura asserenda applicuisset. Eo namque per corruptionem temporum deventum, uti quorum docendorum omnibus, qui justam sui fiduciam haberent, copia facienda foret, quæque præstari, non permitti, deberent, de his mutire nefas: si hiscas, probra & maledicta in promptu; ea nescire aut dissimulare, ingens apud plerosque pericula censeatur. Hi tamen dum odia sunt professi, & quâ parte tenerrimo sensu laderentur, palam fecerunt, efficere nequiverunt, ut in optimis quibusque etiam illarum partium, etsi fortassis non omnes opiniones nostri figi & inolescere sinerent, unam opinionem indubitatam & ipsarum de perfecta ejus doctrina & singulari honestate labefactarent. Cum igitur tantus Vir ad beatos transisset, mirum non est, quoscunque commune publicum tangit, velut indicto literarum funere, luctum induisse; æstimantes quot egregiarum lucubrationum, ultimam Autoris manum flagitantium, aque solo ipso petendarum, jacturam fecissent. Dolere alii abruptas Exercitationes Ecclesiasticas; poscere nonnulli Polybianum Commentarium, aliaque majoris momenti; plurimi, (& harum desiderium acrius quia spe majori) Epistolas; quibus semper eum, qui magnam ocii etiam sui operam reddidisset, aliquid ad temporum notitiam, lucem historiæ, doctrinæ & officii regulam immiscere solitum nemo ignorabat. Quæ res vivo reverendo summo-

rum-

D E D I C A T I O.

rumque in Ecclesiam Dei meritorum, Andrea Riveto, potissimum incitamento fuit, ut vota publica non frustranda ratus longius de editione illarum serio cogitaret, ac conquistas undique, sive quos commercium hoc exercuisse cum Casaubono, sive ad alios scriptas asservare cognoverat, describi & ad operarum commoditatem parari curaret. Accidit percommode, ut eopse fere tempore ego tum celebritate loci illectus, tum aliis causis, quas hic nulla percensere opportunitas, in hanc civitatem migrarem. Conquestus igitur mecum vir venerandus, occupationum gravissimarum multitudine institutum suum impediri, si id muneris injungi mihi non gravarer, libenter id delegaturum affirmabat. Etsi non falleret me, quot horarum pretio ea se mihi provincia liceret, tamen cum paucas schedas evolvissem, velut astro instinctus ac thesaurum talem latere ultra indignatus, omnem molestiam devorare constitui. Et ne a symbolis ad has epulas accederem, statim ad amicos, ubi plures exstare Epistolas addidiceram, de consilio meo scripsi; quorum comitate factum, ut non penitenda accessione hunc apparatus auxerim. Quando id fuit melius quam si difficiles nugae nostras vulgare pergerem? ut maxime acu rem tetigissem, tamen & modeste de iis loquendum foret ut meis, & paucorum admodum, qui talibus capiuntur, studia colligerem. In hoc vero munere licet mihi sine derisu & invidia gloriari, tanquam alieno, fructusque ad omne genus Lectorum perveniet. Sive quis erudiri velit, admiranda & secreta doctrinae multa vestigia, de diversis Scriptoribus veteris & recentis aevi judicia, consilia de studiis consultissima reperiet: sive quis delectationem querat, innoxiae voluptatis variis illicibus delinietur. Qui variarum Ecclesiarum statum, eruditorum historiam cognoscere habebit; qui dictionem puram volet, elegantem, sine fuco ac cerussa, sine affectatione sensuum & argutiarum, quibus genuinam indolem Romani sermonis plerique nunc frangunt & vitiant; qui selectissimos Græcorum flosculos & vermiculata emblemata conspiciere gestiet; qui denique, quod maximum est, contemplari amabit animum viri rarissimi ac penitus τὸ κατὰ φύσιν, sæpe cum fortuna luctantem & saluberrimis se monitis erigentem, nunc hilarem & pudenti sale iucundum, modo pro causæ personæque assumptæ dignitate irritatum, ac mox iterum compositum; quisque pro gustu suo deliciis inescabitur. Si verò sint, qui hac editione offensos se arbitrentur, [& credo fore aliquos] ii primum conscientiam suam interrogent, quid ipsi de Casaubono & superflite & defuncto commeruerint: deinde nobis certe imputare nihil possunt, qui in alieno opere, quod interpolare, inque eo Curionem agere non erat pudoris nostri, auspiciis alienis ductuque nihil nisi ministri fuimus, & paullo plus quam manuariam operam præstitimus. Nam qui quærentur, nullam selectionem in tam amplo volumine adhibitam; potuisse complures rerum alicujus ponderis inanes luce prohiberi: accipiant, quæso, justissimam defensionem. Neque enim inficias ibo, ad eundem impegissem me olim lapidem, & ut in hoc genus scriptorum incideram, identidem superflue diligentia, ut credebam, vestigia annotasse. At postquam ipse in hujusmodi muneris portionem veni, vela dedi retrorsum & deprehendi religione quadam judicium inhiberi, ne tot monumenta veneranda nec ultra scripturæ manus distinguas magis quam ames. Non secus ac qui post longi temporis peregrinationem ex improvviso caris suis supervenientes hæsitant, quem primo invadere velint amplexu; deinde inobvios proximosque intempestivâ deliberatione neglecta irruunt. Cumque vivant adhuc multi, aut certe necessarij illorum, qui ad suum suorumque honorem pertinere putant, si tam insigni amicitia fama eorum renovetur, ac in hoc clarorum virorum theatro

JOH. FRID. GRONOVII DEDICATIO.

sedem impleat; ingratum fore fatebitur quivis sapiens, in communi expectatione plures per censuram nostram spe suâ fraudari; lubricum verò & anxium nobis, dispicere qui omitti possint, qui dilegi. Denique in tanta judiciorum varietate, ubi contingit, ut quod huic admodum arrideat, id elevet alter, quod ille laudet, id inspidum videatur isti; colligantur, age, suffragia, & detur nonnihil sententiæ singulorum; nonne idem eventurum credibile est, quod seni in fabulis, qui à puella vetulaque adamatus, hac nigros, illà albicantes capillos vellente, subito calvus apparuit? Optima ergo ratio est, ut ea selectetur quisque, quæ maximè ad palatum facient suum, reliqua aliis relinquat; nec sibi soli, sed universis consuli debuisse existimet. Atque hoc edecumatum opus nostraque in eo cura cùm patrociniò munienda essent, te, Vir illustris, compellare ausi sumus. Ego ex quo fama tua desiderium mihi, humanitas potestatem innotescendi tibi fecit, sæpenumero necum in consilium ivi, si ulla esset via, quâ hoc gaudium mihi ex tanti voti felicitate erumpere liceret. Etiam pridem multa argumenta collegeram, quibus ad dignam venerationem tui meipsum stimulare. Obversabatur ingens virtus tua & mores nihil non civile promittentes; quibus cùm ad spem æternorum commodorum Reipublicæ offensus fueris, nihil in illis immutavit præsentis fortunæ magnitudo & copia, quin civem patremque gereres, inque amplissimis honoribus labores potius tuos & sollicitudinem quàm gloriam putares. Obversabatur emineus tua dignitas, quam infinitis erga patriam meritis tot per annos sic continuasti, ut quantò decessores superasti tuos, tantum exemplum onusque relinquas [ô serò, & cum posteritate!] secuturis. Docent nos prisca Sapientes, grande & onerosum depositum esse creditam commissamque Rempublicam; ingentes oportere esse animas, & ad hanc rem à natura comparatas, quæ hujus molis sæcunditatisque, ut ita dicam, negotiorum & curarum tam in prospera quàm adversa fortuna sint capaces; à magistratu virum ostendi. Nempe hunc sanguinem, hos spiritus hausisti ex generosa Amsteliorum tuorum gente, per atrocitatem temporum latente aliquandiu & oppressa, ut per te honestaretur præstantissimis rebus gestis, nec ab alio profecturis, nisi pro quo laudatissimi majores spopondissent, & in quem omnia ornamenta sua transcripsissent. Quid dicam de singulari tuo erga omnes elegantis eruditionis cultores studio, qui ceu Prytaneum ædes tuas celebrant, & liberali sermone, præcipuo tuo post gravissimas curas avocamento, quicquid est doctæ oblectationis & dant pariter & accipiunt. Unde laudabile & præclaris viris ambiendum certamen, quis majore cum honore nominis tui scripta sua in famam mittat. Quæ aliæque plurima reputans, eam mihi speciem tui formaveram, uti quod offerretur à me tibi observantiæ pignus, in privatis opibus nihil dignum reperirem. Bonum factum verò, quòd æstum hunc cogitationum mearum sublevarunt ISAACI CASAUBONI EPISTOLÆ: quas cùm publicè videndi cupiditate accensum te dudum animadvertissem, nec me leviter in adornandis augendisque iis juvisses, non alii quàm tibi ipsæ commendari voluerunt. Accipe igitur, nobilissime virorum, hoc nobile munus, ejusque patronatum profiteri; qui & patrem illius τὸν μακάριον πατέρα facis maximi, & me, cujus obstetricatu id luce donatum est, adscripsi inter eos, qui propiores decora tua contemplantur. Scripsi Hagæ, a. d. 1X. Kalend. Octob. anno Christi CIO IO CXXXVIII.

Illustri Dignitati Tux

devotus

JOH. FRIDERICUS GRONOVIVS.

VIRO

JOH. GEORG. GRÆVII DEDICATIO.

VIRO AMPLISSIMO ET SUMMO,
THOMÆ REINESIO,

Principis Altenburgensis Archiatro, ejusdemque
civitatis Consuli.

EPISTOLAS ISAACI CASAUBONI, ingeniorum Principis, novā non levis incrementi accessione auctiores tibi offero, amplissime Reinesi. Causæ cur tuo potissimum nomine proscripserim, plurimæ mihi æquissimæque fuerunt. Quum publicas in consilium adhiberem, nemo hîc tibi præferendus fuit. Sive enim gravem Epistolarum festivitatem respiciamus, ecquis melius de illa existimare potest? Sive ad Auctoris dignitatem convertemur, nonne tu vindictam ejus, si qui insulsi aut malevoli detractatores oppugnare audeant, meritissimo suscipere & potes & debes? Ego equidem persuasissimum habeo, sanctissimos maximi viri manes, si quis manium sensus est, sibi maximopere gratulari, hanc provinciam tibi præcipue mandatam esse, in quo quasi imaginem sui superstitem contemplantur. Nam tu non tam vestigia tanti viri premis, quod imputare possunt, quibus hoc Deorum munere licet, quam invidiosa ingenii ubertate ad eandem eruditionis summam enituisi, ut, si à paucissimis discefferimus, quorum nomina in uno annulo (quod olim non nemo de bonis Principibus dixit) inscribi possunt, tu unus hac tempestate literarum illarum, quibus ò diva cultum & præsidium præstitit, fata moreris, earumque gloriam augeas ac tuearis. Nullam ego hîc adulationis notam metuo. Satis me ab hac suspitione absolvunt tot præstantissima ingenii tui monumenta, quibus seculum tibi devinxisti, ac juxta advertisti. Loquitur pro me lingua Punica, quam à multis annis primus à tenebris & ignorantia hominum afferuisti. Loquuntur variarum Lectionum libri tantis eruditissimorum hominum studiis excepti, ut omnium ora manusque occuparent, ac nemo eos detractaret, nisi cui inscitia & livor oculos præstrinxerat. Et sanè absque iis si essemus, quantum abstrusissimarum rerum nesciremus; quot præclaros Auctores æterna nox premeret; quot insignia loca in squalore & mendis cubarent; quot omnium seculorum Antiquitatis sacræ & profanæ mysteria laterent; quot quantique errores sub auctoritate magnorum nominum ac splendidis verborum titulis quanto tutiores, tanto & nocentiores & deprehensu difficiliores nobis imponerent? Quæ uti jam omnes, qui doctrinâ & candore censeri volunt, in admirationem rapuerunt, ita magnam expectationem illorum, quorum spem fecisti, excitant; adeo ut nonnulli impatientius ferant, tantâ advocatione ardentissima desideria sua suspendi. Non quod vereantur, ne splendidis promissis sollempni huic sæculo more biantes deludantur; sed, dum incerta & lubrica rerum humanarum secum reputant, ne tantâ spe excidant, tantoque thesauro Respublica literaria casu & vi quâdam ex transverso irrumpente, (despuo omen) fraudetur. At ego, qui tam varias, quibus distraberis, occupationes propius novi, non tam miror hæc nondum repræsentata, [quanquam reliquos Animadversionum tomos, Inscriptiones antiquas, easque plurimum ineditas commentario te digno instructas, aliasque in omni studiorum genere lucubrationes tuas non tam conceptas, quàm editioni adornatas, apud te pridem videre memini] quàm illa tantâ morositate exacta opera, quibus jam fruimur, inter tot molestias expediti

JOH. GEORG. GRÆVII DEDICATIO.

pediri potuisse. Et quis non miretur, qui nôrit & summa Reipublica, & tot illustrium capitum curam salutemque apud te excubare; omnem diem rerum actus, litium æstimationes, pecuniarum descriptiones occupare; omnes qui capite aut fortunis oppugnantur; calumniam aut jurant, aut metuunt, te adhibere, te causas docere, ad te tanquam unicam æquitatis artem ac miserorum portum confugere; qui cum deposita ac conclamata valetudine conflantur, se tibi inspiciendos præbere; à tua auctoritate pendere; apud te remedia quærere; & nisi inevitabilis hora instet, invenire: omnes denique tam Principes ac Potentes, quàm capite censos te adspicere, te obsidere, in te omnes spes opesque suas collocare, te tamen inter densissima ista negotia ea moliri & eruere, quæ nec ii potuerunt, qui non solidos dies, sed omnem vitam interioribus litteris impenderunt? Possem hîc longè plura & his potiora recensere, nisi me laudum tuarum jam totum cultiorem orbem pervagata opinio, pariterque modestia tua cohiberet. Et hisce tamen facile omnibus probarem optimè mihi rationes constare, quod sub auspicio nominis tui istam Epistolarum editionem publicaverim. Verùm tot aliæ eæque prægantes ac domesticæ causæ ad id me perpulerunt, ut, si factum mutassem, ingrati immemorisque animi invidiam nullo pacto effugere, aut nunquam abolere potuissem. Nihil jam dicam de incredibili illa humanitate, quâ me ignotum & in prætextata ætate constitutum, ingenti tamen confidentiâ ad favorem tuum adspirantem admisisti: nihil de affectu, quo me postea constanter complexus es; nihil de indulgentia, quâ me, quum frivolis nugis te maximis impeditum curis obtunderem, non modo non gravatus es; sed & provocasti, & ut laudabilis hujus inverecundiæ perseverantiâ diligentia meâ operam tibi redderem, animasti: nihil de hospitali officio, totque aliis beneficiis, quibus fecisti, ut totus beneficii tui sim. Mihi autem ab illo tempore nihil antiquius fuit, quàm ut officiorum assiduitate, obsequio, præsentique pietate te venerarer, ac occasionem circumspicerem, quâ meus animus tantis nominibus tibi obnoxius illustrior fieret. At quum curtam meam suppellectilem recognoscerem, nihilque reperirem, quod ære tuo me liberaret, ab alio potius solvendum duxi, donec arca meâ conficere potero; quàm conturbare, ac debitum, cui solvendo non sum, abjurare. Præsertim quum id ipsum, quod nunc apparet, fiduciariâ operâ obtineam, ac omne beneficæ tuæ erga me voluntati debeam. Nam quum in illam tot illustrium animarum palæstram Bataviam ad capeffendum ingenii cultum contenderem, tu mihi ad Gronovium, virum ingenio, doctrinâ, dignatione, maximis in rem literariam meritis nulli hujus ætatis secundum primos aditus munisti, ac tesseram præbisti admissionalem. Quam ut agnovit, non modo perquam humanè & comiter me excepit, omnium horarum ignoto adventori, quâ est inusitatâ morum facilitate, jus fecit, studiorum meorum dux & auspex fuit, magnis illis hujus ævi Heroibus, Vossio, Heinsio, Gevartio, Rubenio, aliisque viris doctis insinnavit, ac verè mihi, quod Solon olim Anacharsi præstitit, sed & hanc secundam Casaubonianarum Literarum editionem ipse æternis operibus suis intentus mihi delegavit. Quæ utriusque summa beneficia uti nunquam non agnoscam & profitebor, ita nihil mihi contentionis reliquum faciam, ut intelligatis, non malè vos illa locasse. Vale, sæculi decus. Amsterodami, pridie Kalend. Septemb. 1610

IO CLV.

Devotissimus tui Cultor,

JOHANNES GEORGIUS GRÆVIUS.

ISAACI

ISAACI CASAUBONI V I T A.



ISAACUS CASAUBONUS, Vir omni vitâ pariter Principibus ac doctis carus, anno partæ salutis CIO IO LIX. a.d. XII. Kal. Mart. (a) nascitur (A) Genevæ (b), (ubi etiam è fonte sacro fuit susceptus à D. Francisco Mazieres., baptizatus à Magistro (c) Raymondo; patre ARNALDO CASAUBONO, viro literis non tantum probè docto, (juvenis enim Burdigalæ Præceptoribus erat feliciter usus Gelidâ, Goveano, Mureto, summis eorum temporum (d) viris) sed vitæ morumque integritate maximè insigni: matre verò JOANNA ROSSEAU, singularis exempli feminâ, qui parentes sæviante tyrannide, cujus frequentissimè in Epistolis suis mentionem facit vir celeberrimus Franciscus Hotomanus, metu compulsi justissimo, ne propter purioris Religionis professionem vivi comburerentur (e), Burdigalâ, oppidulo Galliæ in Delphinatu ad Robionem amnem inter decliva montium septem leucis à Valentia versus Austrum, & quinque à Dia posito (f), Genevam, cujus Ecclesiam Martyrum Matrem quidam dixere (g), licet Justus Rycquius injustè Genevam vocet *nidum à-Géas* (h); tamquam tutissimum in asylum confugerant, nisi potius dicamus Chrestâ eos abiisse. Ejus oppidi meminit in Diario (i): *Chrestam*, inquit, *venimus*, oppidum *λεως οὗ ἀνέχον*. Ea est urbs ubi ab optimo parente sumus educati, & primis literarum rudimentis initiati. Pater enim ad τὴν τῆς θεῆς λόγῳ ἱεραγίαν eò fuerat Genevâ ascitus. Atque ille constantissimo animo, in ea urbe, certè in eadem λειτουργία perseveravit per varia discrimina & multiplices casus ad extremum vitæ diem usque. Sic & alio loco (k): *Chrestam venimus*, ubi veterum optimi parentis amicorum copia nobis reperta est: suave eorum alloquium nobis, & locorum, ubi fuimus pueri olim educati, aspectus. Chrestâ Burdigalam ad matrem optimam pervenimus, quam pro ætate valentem, & fratrem charissimum, atque familiam totam invenimus. Ex quibus apertè colligere est, eos sedatâ ac lenitâ paululum tempestate discordiarum turbulentissima (l) ad veteres lares ac focos reverbos, ad ultimum vitæ diem religiose coluisse. Nam ipse Casaubonus ait (m) patrem suum *Dia*, vel ut Veteres nominabant, *Deæ Vocontiorum* in Delphinatu placidè in Domino mortuum, ibidemque sepultum. Cujus vitam atque mortem, quam turpem atque ignominiosam fuisse Isaaco filio exprobraverat Græculus Cretensis Andreas Eudæmono-Johannes, ipsius Isaaci Casauboni verbis descriptam hoc loco inferam, cum ut sanctissimi (B) parentis (cui similem se, suosque liberos esse optabat, ea enim fuit illius virtus, sapientia, (n) eruditio) innotescat pietas, tum ut liberi, quos haud magno numero reliquit, cognoscantur.

„(o) Græculus Cretensis, Andreas Eudæmono-Johannes, animosissimus ille parri-
„darum patronus, lanienæ Parisiensis cupidissimus laudator, prodigium è mendaciis

(A) Nascitur Genevâ.] Quum ipse Isaacus Casaubonus, quo non incorruptior aut integrior alter testis, Epistol. 232. 293. 453. apertissimis verbis indicet se Genevâ esse natum; & Epist. 111. 112. 136. Genevam vocet patriam dulcissimam, imò Epist. 149. scribat se desiderare literas à Rege, quibus Jure Civitatis Gallica donetur, nullus possum satis mirari quòd adeò audacter in Lexico suo Historico clarissimus Morerius asserat; Isaacum Casaubonum Burdigalæ in Delphinatu natum. Isaac Casaubon, ait, étoit François né en 1559. à Bourdeaux, petite village dans le Diois, & non pas à Geneve, comme divers Auteurs l'ont écrit. Sa famille subsiste encore sous le nom de Casaubonne. Verum uti priora, sic hæc posteriora verba purem involvere errorem, quando quidem stemma suum describens ipse Casaubonus, numquam patrui, numquam fratris, ne dum fratrum; verùm binarum sororum, S A R Æ scilicet, natu majoris, & A N N Æ faciat mentionem, quarum Sara nu-

pta Petro Chabanzo, obiit 23. Octob. 1601 *. Hæc cum duobus filiis, Petro (mortuo Lutetia Parisiorum, a. d. 17. Kalend. Maj. 1602.) & Isaaco, adstiecit morienti patri Arnaldo Casaubono. Anna primâ vice, uti conjicio, nubit Joanni Rigoto †; secundâ vice Petro Perillæo, quem affinem, a. d. 15. Kalend. Maj. 1600. post xvi. annos amore fraterno Isaacus noster est complexus ‡. Hanc tamen videt bis † viduam. Sed quid, quæso, apertius, cum adjiciat? Ego solus liberorum, quæ mea fuit infelicitas, aberam.

(B) Sanctissimi parentis, &c.] Τὸ καὶ ἀνδρωπων λέγω de me ipse conjecturam facio, qui à virtute & singulari pietate patris mei, viri sanctissimi, sentio me longè abesse; & ne mei longius etiam abeam, metuo. Quod ne eveniat, ego & uxor dies noctesque operam damus, & assiduis precibus à Deo contendimus, per meritum τῆς μονογενεῆς υἱῆς, τῆς Σωτῆ-
ριος τῆς κλέους. Epist. 846. pag. 510.

(a) Epist. 162. 931.
(b) Epist. 232. 293. 453. 879.
(c) Diar. Biograph.
(d) Epist. 838.
(e) Epist. 453. 879.
(f) Baudrand. Lexic. Geogr.
(g) Franc. Hotoman. Epist. 2.
(h) Cent. 40.
(i) Anno 1599. a. d. 4. Non. Maii.
(k) A. d. 11. Kalend. Jun. 1603.
(l) Post biennium nempe: vide Epist. 879. pag. 527. b.
(m) Ad Baronii Appar. Exercit. 1. pag. 37.
(n) Epist. 499.
(o) Isaac. Casaubon. Exercit. 1. ad Appar. Annot. Baronii pag. 36. edit. 1655.

* Diar.
† Epist. 131.
‡ Exercit. Baron. pag. 37. & Diar. Biogr.

† Epist. 113.

„ & ignorantia conflatum, non solum Christianus audit; sed est etiam Jesuita, & Mis-
 „ sas Romæ quotidie, uti fama est, celebrat. Hic est parricidiorum in Reges & Prin-
 „ cipes unicus magister, qui ad cætera sua scelera, nuper adjecit immanitatis plusquam
 „ Turcicæ facinus execrandum. Nam qui objectis à me criminibus veri respondere
 „ nihil posset; non solum in me convicia falsa, absurda, ridicula, & furentis Cretis
 „ rabiem dumtaxat prodentia, effudit: sed etiam *Arnaldi Casauboni*, venerandi paren-
 „ tis mei, ante tot annos fato functi, pretiosam apud omnes bonos, qui norant, me-
 „ moriam, contra jus Gentium: spreto anathemate, quod veteres Hebræorum Sapien-
 „ tes in malè de mortuo loquentem pronunciarunt: denique contra ipsorum etiam Paga-
 „ norum instituta ac leges, impiè sollicitavit, ac diabolico mendacio ivit infamatum.
 „ Fingit scelestus Cretensis, & audet affirmare, quâ impudentiâ est, patrem meum,
 „ rei capitalis damnatum, laqueo vitam finisse (a). O furiam! ô immanitatem plus
 „ quàm Turcicam! nam etiam si ita esset, (est autem falsissimum, ut demonstrabimus)
 „ quæ hæc est barbaries, in cineres jam pridem conditos furorem exercere suum? filio
 „ casum patris, licet fabula non esset, exprobrare? Nescit scelestus, nescit, quid sit
 „ discriminis inter ἀρχήμα, & ἀδίκημα. Sed vide mihi Cretici hujus prodigii θυλάτω
 „ amentiam! Quum enim ter figmentum hoc suum repetat, ut paucos ante dies narrabat
 „ mihi Oxonii Joannes Prideaux, Vir doctissimus, & pietatis eximius; ego sanctè
 „ juro, me paucis paginis inspectis, putida & aperta mendacia floccifecisse, & nun-
 „ quam legisse: crimen tamen quod patri impingeret, ne fingere quidem ullum potuit.
 „ Elogium puniendi non recitat: non locum, non tempus indicat: crudum menda-
 „ cium, ut fuerat sibi à Satana inspiratum, contentus evomere. En quales exquisitio-
 „ ris pietatis Magistros patria Jovis edat; urbs septicollis in sinu suo excipiat, educet,
 „ foveat. En qualia mendacia, auctoritate Censuræ suæ Princeps Aquaviva soleat compro-
 „ bare. Pater meus, vir pietate, probitate, & prudentiâ inter paucos insignis, anno
 „ superioris sæculi, LXXXVI. Diæ, vel ut Veteres nominabant, Diæ Vocontiorum,
 „ in Delphinatu, ipsis anni novi Kalendis morbum (A) contraxit (b); invasitque eum
 „ febricula, lenta quidem, verum continua. Quum Medici, atque imprimis Laurentius
 „ Videlius, Avenionensis, (sed qui Religionis variè corruptæ Reformationem ante mul-
 „ tos annos erat amplexus) in ea arte eximius, & veteri amicitia patri meo conjunctissi-
 „ mus, nihil periculi, & omnia signa ad salutem esse confirmarent; ipse tamen, ex
 „ quo primum decubuit, instare sibi fatalem horam intellexit: & qui de exitu mor-
 „ bi non dubitaret, uxorem suam, matrem meam, piis alloquiis sæpe est consolatus.
 „ Kalend. Februar. pater testamentum condidit; quod excepit Notarius, uti vocant,
 „ Apostolicus, cui nomen Cheysieu. Scribendo testamento adfuerunt A. Podianus,
 „ (du Pui) Prætor urbis; qui paullò post peste extinctus, ingens sui desiderium civibus
 „ suis reliquit; L. Videlius, R. Bruerius, J. Draco, alii viri primarii, amici patris,
 „ quorum nomina in tabulis testamenti leguntur. Kalend. Februar. Dei nomen invo-
 „ cans, & delictorum veniam petens, sine ullo cruciatu placidè in Domino obdormivit;
 „ nactus, si quis mortalium, quam frustra sibi optabat Christum ignorans Augustus,
 „ ἰσχυράσιον. Adfuit ægrotanti, & beatam animam (sic opto, & spero) Creatori suo
 „ reddenti, pia mater, singularis exempli foemina, *Johanna Rosseau*; quæ annos ferè
 „ triginta, sine ulla, vel levissima, querela, vixit cum ipso conjunctissimè: adfuerunt
 „ & filia duæ, *Sara* & *Anna*, sorores meæ; gener etiam, *Petrus Chabaneus*, cum
 „ duobus ex ipso nepotibus, *Petro* & *Isaaco*. Ego solus liberorum, quæ mea fuit infe-
 „ licitas, aberam; quòd quadriennio antè, Francisco Porto, & Græco & Cretensi, sed
 „ quem sincera pietas, virtus excellens, & singularis doctrina bonis omnibus venera-
 „ bilem reddebant, in Græcarum literarum professione Genève adolescens successeram.
 „ Adfuerunt præterea ægrotanti frequentes cives, cum Dieneses, tum Chrestenses; qui
 „ belli causâ Chrestâ, sive Cristâ, (id oppidum est vicinum in Episcopatu Valentinen-
 „ si, cujus olim Dia caput erat, nunc membrum) Diam concesserant; item è Nobilitate

Refor-

(A) Morbum contraxit.] Pater meus ante annos
 viginti septem, & quod excurrit, Diæ Vocontiorum
 in Delphinatu ipsis Kalendis Januariis in morbum
 incidit. Habuerat eâ die concionem ad Nobilitatem
 ea in urbe comitia agentem, in qua vir pius & san-
 ctus ἀντὶ τοῦ ἀγέτιον γινώσκων, zeli incomparabi-
 lis specimen ediderat. Itaque torus sudore madens
 è suggestu descendit: mox illum febris occupat,
 quæ lentaerat, nec vehemens, sed continua. Men-

sem integrum ægrotavit. Kalendis Februariis ani-
 mam Deo Creatori placidè reddidit. Elatus est hu-
 meris honestissimorum civium. Deduxerunt su-
 nus cives omnes, & Gallicæ Nobilitatis ejus Pro-
 vincia pars maxima. Ingemuit morti illius tota
 Provincia, neque hoc nesciunt Jesuita, qui Tur-
 noni habitant, aut in aliis vicinis oppidis. Epist.
 893.

(a) Hanc
 fabulam
 excogita-
 vit Caro-
 lus Honar-
 tius, refo-
 Francisco
 Swertzio
 Epist. 891.

(b) Epist.
 891. &
 893.

„ Reformata Provinciæ illius quàm plurimi, quum fortè eo tempore frequentissimus
 „ Protestantium conventus Diæ ageretur. Elatus est a. d. i v. Non. Februar. succollan-
 „ tibus civibus honestissimis. Deduxerunt funus omnes civitatis Ordines, & Nobilium
 „ ac cæterorum, qui ad publica negotia convenerant, pars maxima. Luxerunt patrem, &
 „ diu desiderarunt omnes pii, probi & prudentes viri. In his fortissimus Heros, & glo-
 „ riâ rerum gestarum toto orbe notissimus, Lefdiguerius, & universa Nobilitas, in qua
 „ præcipuos amicos habuit, Cugium, Gauvernerium, Bellofortium, Porticum, Duma-
 „ lium, Consium, Chailarium, qui omnes, aut liberi eorum etiam nunc sunt in vivis. Chai-
 „ larius tunc admodum juvenis, ad Pontificis postea transiit. Idem tamen *Arnaldi Ca-*
 „ *fauboni* nomen sine honore usurpare, ne nunc quidem solet; memor arctissimæ amici-
 „ tiæ, quæ olim patri meo cum ipsius parente, viro magno, & cum Pedegrotio ejus-
 „ dem patruo, intercessit. Obiit ὁ μακαρίτης anno climacterico ætatis suæ sexagesimo
 „ tertio. Ego literis Videllii, a. d. x v. Kalend. Mart. scriptis, quas à Theodoro Beza
 „ mihi traditas servo, de obitu optimi parentis factus certior; dolerem meum paucis
 „ verbis ἀπλάτως testatus sum in Commentariis ad Strabonem, quos tum scribebam, li-
 „ bro 5. pag. 84. Qui si Cretensis hujus impostoris impudentiam, furorem & scelus
 „ prævidere potuisssem, vitam patris mei literis mandassem, & ingentia Dei Opt. Max.
 „ erga ipsum beneficia enarrans, omnibus Cretensibus, omnibus Jesuitis os obturassem;
 „ & de universo nomine Casaubonio bene essem meritus. Neglexi hætenus hoc offi-
 „ cium, conscius modestiæ & verecundiæ patris mei, quæ fuerunt in illo admirandæ.
 „ Nunc quia pietas id jubet, ne de veritate impunè inimici Dei triumphent; faciam
 „ tandem, volente Domino, quod ante multos annos factum oportuit, & importunam
 „ ac truculentam hanc feram, veræ narrationis telis undique confodiam. At tu, Christiane
 „ Lector, criminatione ab una cognosce omnes. Nam quid de toto libello Cretensis
 „ Jesuitæ judicandum sit, vel ex hoc uno potes statuere. Potes, dico; imò, si quid
 „ in te candoris, si quid veræ pietatis, omnino debes. Gemina quippe huic sunt om-
 „ nia pari scelere ficta, pariter falsa. Neque verò expectet hic aliquis, ut ad frigida
 „ illa convitia respondeam, *Quod sim Hæreticus Calvinianus*; quasi sit rabulæ hujus &
 „ Hæretici Bellarminiani, de verè antiqua fide judicare; quam aut nunquam didicit, aut
 „ unâ cum lingua Græca Græculus Apostata oblivioni tradidit. *Quod sim Græcarum li-*
 „ *terarum & omnis eruditionis imperitus*. Sed quis feret cæcum de coloribus? *Quod Latinis*
 „ *Græca immisceam*. Novum crimen, Caie Cæsar. Hoc tamen malo, quam si diceret,
 „ me defendendo parricidas, ad nova parricidia Castellis, Catisbeis & Ravallacis,
 „ Deus omen avertat! iter munire. Nolo eruditorum nostri seculi, Turneborum, Li-
 „ psiorum, Scaligerorum exemplo factum tueri. Nolo Panigarolæ conciones in me-
 „ dium asferre. Taceo morem multis aliis Concionatoribus partium Romanarum hodie
 „ usurpatum, qui apud indoctam plebeculam Latina, Græca, aliquando & Hebraica
 „ recitant, sæpe, (Latina præsertim) sine interpretatione. Certè olim Cicero ad Pom-
 „ ponium Atticum Græcè doctum ita scripsit, ut ego ad Frontonem Ducæum Græci ser-
 „ monis intelligentem. *Quod parum in Logicis exercitatus sim*. Melius istud novit Julius
 „ Pacius, Vir clarissimus, Jurisconsultus & Philosophus insignis, qui me adolescentem
 „ in studiis Juris civilis & Philosophiæ Aristotelicæ, non solum publicis recitationibus,
 „ sed etiam privato labore instituit, qui multis annis prius quàm suum in Organum ede-
 „ ret doctissimum Commentarium, mihi & Petro Perillæo affini meo, & P. Pineto,
 „ eruditissimis olim adolescentibus, quorum prior etiam nunc vivit, verbis ferè totidem
 „ illum dictaverat. *Quod inter operas typographicas domus Stephanicæ creverim*. Ego verò
 „ si ita esset, laudi id mihi vertendum contenderem. Nam ex illa domo, ceu ex equo
 „ Trojano, multos prædiisse excellentè doctrinâ viros, facile possem probare. Sed men-
 „ titur Cretensis; nam ego juventutem meam non corrigendis chartis typographicis
 „ exegi; sed bonis artibus discendis, & omnis generis Auctoris diurnâ nocturnaque
 „ manu pervolutandis. Verùm hæc & similia his missa faciens, illa potius hoc loco
 „ breviter attingam, quæ ut majoris momenti sunt, ita calumniatoris impudentiam &
 „ immanitatem melius produnt. Ait igitur Alastor pag. 168. patris mei memoriam me
 „ infensum Magistratibus reddere. Sed quid ergo fecerim, quod meum erga Magistratus
 „ animum infensum prodat, quam doctrinam defenderim Regibus & Principibus exitiabi-
 „ lem; hoc verò non docet Cretensis. Cur tacuit? cur mihi pepercit? Enimverò con-
 „ currant in unum omnes Cretenses; capita conferant omnes Loiolæ discipuli; ipsum, si
 „ voluerint, Diabolum (rem futuram non novam) in consilium adhibeant; nunquam ta-
 „ men in actionibus aut scriptis meis aliquid invenient, quod hujus criminis ullo pacto
 „ „ affinem

„affinem me queat reddere. De patre verò meo quàm impudenter mentiat̃ur Cres im-
pudencissimus, quid attinet dicere? satis hoc ex antedictis liquet. „

- Puer, (cujus jam prima ætas majora quàm vulgò promittens, quid de ingenii doti-
bus cum progressu sperandum foret satis augurabatur) sic ille de meliore luto confectus
cum esset indolis egregiæ, singularis judicii & memoriæ tenacissimæ, ab optimo parente,
homine Græcis Latinisque literis erudito, sed negotiis Ecclesiasticis prorsus distracto, do-
mi literis imbuitur: eoque felici discentis successu, ut vix prætextatus nonum agens an-
(a) *Epist.* num non modò expedite posset Latinè loqui, sed etiam emendatè scribere (a). Verùm
486. cum pater ipsius diutius quàm ætas & studiorum cura ferebant, domo abesset, (abesse enim
cogebatur ut muneris sui partibus satisfaceret, quâ causâ quidem Dei Ecclesiæ in Del-
(b) *Epist.* phinatu plurima & laudatissima officia præstabat, (b) familiæ tamen suæ non exiguo
455. damno, & vitæ, ni Deus cavisset, præsentissimo periculo, quo sibi quasi relictus) eve-
nit, ut ita eorum omnium fuerit oblitus, ut undecimo literas ignoraret; imò, quod
ipse dicere solebat, *duodecimum agens annum vix proprium suum nomen sciret declinare* (c).
(c) *Merio.* At parente, quo solo videtur usus Præceptore (d), post triennium reverso, ab
Casaubon. ipsis incunabulis, tantâ sedulitate ac diligentia, quæ hætenus fuerant neglecta atque in-
Pict. pag. 71. *Vide* termissâ, studia redintegravit, ut vehementem ardorem ac constantem in studia impe-
Epistolam tum, ne vitæ discrimen incurreret, pater fuerit coactus quàm sæpissimè, tamquam in-
879. jectis frænis, reprimere, & ne calamitates quidem publicæ, bella civilia, (e) tempo-
(d) *Epist.* rum infelicitates, non afflicta aut adversa fortuna, vel etiam quicumque possunt cogi-
17. tari molestissimi casus, quibus plurimum inhibetur studiorum cursus, illud incendium
(e) *Epist.* amoris, quo erga bonas literas agitabatur, potuere extinguere. Anno enim Christi
397. CIO IO LXXII. ætatis XIV. tempore detestandæ omnibus bonis in æternum laniæ
Parisiæ, (*excidat illa dies!*) unâ cum parente ad montium ac sylvarum secreta & profunda
(f) *Epist.* latibula profugus (f) sceleratissimas sicariorum manus timidus fugiens, in eremo ac so-
74. 879. litudine planè avia, fortè in antris atque casis, cum vitâ miser, animo tamen alacri lati-
taret, primùm à patre Græcarum literarum accepit elementa (A) ac fontes. Quarum ca-
ptus dulcedine tantos suo marte (nam pater publicis coactus vacare negotiis, filii optimi
studiis amplius præesse, eaque juvare ac promovere non poterat, licet ei (B) uni quantu-
(g) *Epist.* lumcunque in ipso esset eruditionis, (g) debere ingenuè fateatur) fecit progressus, usus
908. Caninii Grammaticæ, quam olim ejus notis adscriptis servabat olim Mericus filius,
uti post quinquennium, anno Christi CIO IO LXXVIII. Genevam studiorum absol-
(h) *Epist.* vendorum causâ mitteretur. Ita enim ipse de se (h): *Anno ætatis decimo nono Genevam*
455. 879. *sum missus studiorum causâ. Hic ego, quantum poteram, dies noctesque vires contendens si-*
tim meam conatus sum explere. Itaque Dei bonitas vigilis nostris ita benedixit, ut anno æta-
(i) *Epist.* *tis vigesimo quarto (i) Francisco Porto Cretensi, Græcorum omnium nostri temporis longè do-*
877. *ait* *ctissimo, viro admirandæ probitatis, & pietatis singularis in professione literarum Græcarum*
anno 1681 *successem. Vixi annos quatuordecim Genevæ Professor primò Græcarum literarum, deinde*
1683 *etiam Latinarum, aliquando etiam Hebraicarum. Hunc autem Franciscum Portum Creten-*
sem, Theophili Porti Cretensis filium, quondam Ferrariæ, postea Genevæ, linguæ
Græcæ Professore, anno Christi CIO IO LXXX. ita Græcè compellarat:

Φραγκίσκω τῷ Πόρτῳ, τῷ καὶ γίνῃ Εὐδωτῷ, καὶ τῇ τῆς Εὐλακτικῆς παιδείας ἐμπειρίᾳ μακρῇ
πάντας τὰς κατὰ αὐτὴν Εὐλακτικὰς ἀρετὰς ἀλλήλων, ἰσάαν ὁ Καταύθυν.

Εὐλακτικὰ μὲν πέντε, καὶ ἐμὸς πλότῳ ἑστῶ ἐπὶ αὐτῇ,
τῷ ᾧ κυβερνήτῃ μὲν ὁ σπᾶνις ἴσως πᾶρῳ.
Αἴτλα γέρον, σὸ δὲ τὸν ποδὲ μοὶ κρήνην ἰάδωρ,
Νῆα μὲν ἰδύνη αἴψα μάλ' ἔς Αἴμε' ΝΑ.

τῷ αὐτῷ.

Δεῦρ' ἵπ' πάντες ἔσως σφίσι καλὸς ἡμῶν εἴλε,
Δεῦρ' ἵπ' πῶς Πόρτῳ πρὸς σφίσι Αἴμε' ΝΑ.

Εἴτ'

(A) Elementa ac fontes.] Magni enim interest, inquit Cicero in Bruto cap. 58. quos quisque audiat quotidie domi, quibuscum loquatur à puero, quemadmodum patres, pædagogi, matres etiam loquantur. Atque ita Læliam, Caii filiam, inquit iterum, patris elegantia tinctam vidimus.

(B) Ei uni quantumque in ipso esset eruditionis, de-

bere.] Ingratus sim erga Deum, nisi illi gratias agam, eo patre esse me natum, cujus vita speculum est probitatis & omnium virtutum. Illi ego debeo quicquid in literis didici. Sed tu, Vir optime & doctissime, si parentis mei vita tibi esset nota, negares profectò dignum me, qui tantæ prudentiæ & sapientiæ viri filius audiam. *Epist.* 908.

Εἰς δὲ καλὰ καλῶ συνεῖν πημάθ' Ὀμήρου
 Ἀμφότρ'· τῷ δ' αὖτις ὅσῳ αἰδομένῳ.
 Εἴπε λόγους ἐθέλειν μαθῆναι δαίνας π καλῆς π
 ῥητῶν τ τῆς ῥητορικῆς δεκάδ'·
 Εἴπε παλαιγενέων ἑσσοῖς ἐγρέφησαν αἰθλοῖ
 Ἀνδρῶν, ἃ πάλιν ἢ φθορὰ ἢ κήσιες.
 Πέρη· πάντα μάθην· ἃ Πέρη· πάντα διδάσκουσιν
 Χρηστὸς ὢν ἐθέλει, πάντα φέρη· ὢν δύναται.

Respondit Portus hoc epigrammate :

Εἰς Ἰσαάκιον Κασαύβωνα, ὡς ἐπαινέσαντα θραγκίσκην τ Πέρην.

καίκε τὸ βαλεῖμην Ἰσαάκ φιλε, καίκε τὸ κέρδ'·
 ἢν δὲ πῶς Μασίων ἔργα μετρημένους·
 Ὄρμαι ἰμὲν γ' ἀνέμων σκίπτα ἰσχυρῶν, ἰσχυρὸν ὄνειαρ
 Ἐνρυχανί σοφίης πλαζομένους πλάγῃ·
 Ἀλλὰ σὺ Πηγαῖδ'· κρήνης πλῆθ'· εὐθε· ἤδη,
 Χερσάδας ἐχάρις ἀντὶ γ' εἰ βραχύν·
 Χαῖρ' ὅτι πῶς τὸς μηδέναι εἶδας ἀίξαν,
 Θελξύνουσι πῶν, ἀγλαΐαις ἰπῶν.

Quibus profecto & peritæ & amoris speciminibus usque adeo sibi devinxerit Francis- cum Portum, ut successorem suum in professione Græcarum literarum voluerit, quæ ta- men provincia admodum adolescenti Isaaco Casaubono prope invito est demandata (a). (a) Epist. Suscepto itaque recens gravissimo planè muneri parem atque idoneum se ut ostenderet, statim in *Diogenem Laertium* de Vitis Philosophorum, utilissimè propter Græci sermo- nis præstantiam, & antiquissimorum temporum Historias, in vitis illorum sapientissi- morum hominum jucundè relucescentes, primas curas, quas horis subcivis, cum ad- huc juvenis esset, (nam & pueriles (b) eas vocat) in graviora studia incumbens con- scripserat, tamquam majoris operis ac plenioris, seu prope jam affecti Commentarii spe- cimen edidit (c). Verum uti dolendum, sic mirandum maximopere est, cum tot an- nos supervixerit, cum Commentarium illum ad umbilicum perductum, atque ex senten- tia elaboratum, aut saltem prout jam affectum habebat, postea numquam edidisse. Præ- cipuè verò cum permiserit Henrico Stephano, tunc temporis jam focero, notas illas multò auctiores atque emendatiores recudere; imò ad Rittershusium scribat (d), *Se Scriptorem illum amare vel eo nomine, quia per eum aditus ei ad amicitiam doctorum viro- rum fuit.* Quo autem anno, quo loco, quâ formâ, apud quem Typographum primâ vice prodierint, frustra in accuratissimo Indiculo editionum Laërtianarum, Westenianæ præmissio, quum quævissem, nuper me docuit Placcius in Pseudonymis, anno 1708. recusis, id factum Moguntia 1583. in 8. pag. 368. *Has (e) cum Arnaldo patri of- f. ret, & de suis inceptis ad rem literariam promovendam multa juvenili more narraret: respondit ille, Laudare se quidem propositum ejus, καὶ πῶς πῶς τὸ μαθήματα ἐρμην· ceterum pluris se vel unicam observationem facturum ad Libros Sacros pertinentem, quàm illa omnia, quorum spem fecerat. Hæsit animo penitus infixa viri optimi vox illa, semperque ex illo tem- pore τὸ εὖ καὶ μελέων est conatus. Hæc ipsum narrantem sæpe audiui, & postea in literis ipsius ad amicos reperi (f).* Unde postea animum ad sacra magis applicuit, conscribens Sa- crarum Observationum libros (g), quorum gustum præbent *Notæ in Novi Testamenti partem priorem, etiam si numero paucæ, valde tamen accuratæ & viris sanctissimis pro- prius probatæ, quas etiam invito ei extorsit, uti videtur, Eustathius Vignon.* Ita enim de iis (h): *De notis in Novum Fædus, multum te amo: (illas enim eo inscio atque relu- ctante volebat recudere (i) Raphaelengius) tua enim diligentia molestissimum mihi scrupu- lum exemit. Ante multos annos invito & reluctanti, οὗτος δ' ἐπιμαρτυρῶ ἴστω, Typographus, qui Strabonem erat editurus, hanc opellam nobis extorsit. Quod si Deo ita fuerit visum, Ob- servationes nostras in Libros Sacros aliquando sumus edituri.*

Verum proximo à suscepta professione anno studiis, ut puto, philosophicis (adno- dum enim delectabatur lectione Platonis, Aristotelis, eorumque optimorum Interpre- tum) nimium intentus ac irretitus, ne videretur humaniores literas negligere, anno 1610 LXXXIV. sub nomine *Isaaci (A) Hortiboni* (nomen enim illud eo tempore ama- bat,

(A) *Isaaci Hortiboni.* Hortiboni nomine conti- nuo, uti ex Epistolis, quatum bina ad Josiam Mer-

cetum possideo ἀντάγραφα, patet, utebatur no- ster Isaacus, eximius tællor. In bono omnigenæ erudi-

bat, ut, quæ à primis vitæ annis ex Gallico idiomate gesserat, in Latinum transferret, & cum Latinarum literarum studiis ita transpositum commodissimè posset conjungere) Eustathio Vignon excudendam commisit *Theocraticarum Lektionum libellum*, Henrico Stephano, Typographo Genevensi, viro Græcis & Latinis literis eruditissimo, consecratum, id quod fortè ansam peperit tanto viro coram frequentius utendi, ejusque domum paulò familiarius deinceps frequentandi; qui congressus quotidiani postea Casaubonum Stephano arctissimo affinitatis vinculo reddiderunt conjunctissimum. Multus inde atque turpis invidorum hominum, qui famæ Casauboniani nominis pessimè voluerunt, natus error & falsissima calumnia, quibus ex illa Dedicatione turpissimam fabulam contexere libuit, tamquam Typographeio Stephaniano emendandis Typothetarum erroribus præfuisset. Hanc ipsi calumniam ab Eudæmone Joanne exprobratam, postmodum à Joanne la Caille (a), qui tamen affinem Paulum, non Henricum vocat, propagatam ipse deluit Casaubonus in Apologia pro *Arnaldo Casaubono*, Exercitationi Baronianæ primæ inserta. Ipsas autem Animadversiones, seu potius Casaubonum hoc encomio prosequutus est summus Criticus, harumque litterarum vindex acerrimus, Petrus Scriverius, cum albo calculo suo clarissimi Meursii Spicilegium Theocriti probaret:

(a) *Histoire de l'imprimerie*, pag. 136. B. G. Struvius, *Introduction ad Notitiam Rei Litteraræ*, cap. 5. §. 36. Teisser. *Nouvelles Addit. aux Éloges des Hommes sçavans*, pag. 420.

*Hoc quippe ex SICULO festivi vatis AGELLO
Falce suâ pingues glomeravit ad horrea messes,
Eximius messor CASAUBONUS, ille beatus,
Et nimium felix, unus qui possidet omnes
Præcorum genios, quem nec sua GALLIA tantum,
Verum omnes celebri ellogio, versuque frequentant
Sub gemina Hesperia, quis curæ est scandere montes
Aomos, frontemque sacris aspergier undis.*

Quum itaque, contractâ jam arctiore amicitia cum Henrico Stephano, frequentius adiret live Typographeion, sive domum Stephaneam, cum litterarum, tum pietatis maximè gloriâ celebrem; (quis enim qui vel famâ dumtaxat inaudivit de celebribus eruditione Typographis, primisque veræ reformatæ Religionis testibus ac vindicibus, quorum vitas describit Theodorus Beza, ignorat *Robertum Stephanum*, Francisci I. Galliarum Regis, optimum integerrimumque Typographum anno *MDCL* iniquissimis atque falsissimis criminationibus, ineptissimis absque ulla veritatis specie argutationibus insinulatum, ac si Lutetiâ Parisiorum fuisset pulsus atque indignè ejectus, quemadmodum in ejus vita olim apertè demonstravimus, Genevâ lares, totamque familiam, exceptis quibusdam liberis, qui ad Pontificiam transierunt Religionem, transtulisse, ibidemque novum exstruxisse focum, quem *Henricus* filius, ejusque domus postea diligenter foverunt) cum igitur Stephaneam domum pietate claram frequentaret quotidie ac coleret, animum ad virginem honestissimam atque modestissimam, FLORENTIAM STEPHANAM, applicuit; illectus, credo, suadelâ omnium præclarissimarum virtutum, quæ quidem in lectissimæ virginis avitis iisque mitissimis moribus, singularis formæ dote; præsertim tamen in egregia indole, animi clementia, perspicaci prudentia, sincera probitate, omnibus fortunæ bonis anteponenda elucebant. Quapropter ad amicos scribens, non præposterè sibi agere videbatur præstantissima illa dilectissimæ atque suavissimæ conjugis dona tantoperè laudare (b), tum quòd sibi fortè persuaderet vivo socero se multum posse proficere in studiis, & Regum atque Principum, quos plurimos numerabat sui amantissimos, singularem sibi favorem posse conciliare, mortuo verò unâ cum reliquis, qui ex ea familia superessent, ex parte hæredem futurum, non tam facultatum, quarum non nisi modica portio in ipsius potestate fuisse videtur, propter vitæ modum,

(b) *Vide Epist. 850. 853. 1047.*

eruditionis horto, cujus fructus per omnia secula nullo putredinis sensu perdurabunt. Nominis originem si quis velit ex proavorum vivendi ratione, tamquam colendis hortis fuerint assidui, petere, non minus illud obesse Casaubono putandum est, quàm quondam apud Romanos Hortensio, Fabio, Scipioni, vel qui casu aliquo in tenui conditione aliquid arripuerit, quo se à paribus distinguerent; qui tamen principes istius familiæ, (à quibus vera gloria radices agit atque * propagatur) nobilissimos quandoque dedere nepotes. Neque hic Cretensis ille audiendus est, qui, ut ex Merici Pieta-

* *Cic. de Offic. 11. c. 12.*

te constat, impudenti mendacio effinxit, „usque „aded puduisse Casaubonum ejus infortunii, ut in iis li- „bris, quos recente etiam tum facti memoriâ sumpsit, „pro CASAUBONO se HORTI-BONUM ap- „pellaret. Nam sanè libri, quos pater emisit post „avi mortem, Casauboni nomen præscriptum omnes „habent; quum illi, quos junior edidit, *Horti- „boni* nomine sint inscripti: ut si quid ex hac re „concludendum esset, nihil aliud tamen effici po- „tuisset, quàm etiam crevisse illi desiderium post „sui parentis obitum, ut omnes eum scirent *Arnaldi Casauboni* filium. „*Mær. Piet. pag. 79.*

modum, qui non uni loco affixus, ipsum ferè continuo oberrare & per multas ambages sedem mutare jussit, quàm quidem manu exaratorum codicum ac laborum antiquis utriusque linguae Scriptoribus diligenter impensorum. Annum, atque diem ipse huc indicat: *Anno Domini CIO IO LXXXVI. April. 28. die exeunte, stylo vetere, ego & Florentia Stephana, Henrici filia, matrimonio juncti filius in Ecclesia Dei, Genevæ in templo D. Petri (a).*

(a) *Dic.*

Rumor erat, fortè à Dionysio Godofredo, Juris Antecessore, familiari ejus profectus, hoc tempore cum prae manibus habere editionem binorum principum Satyricorum, Juvenalis nempe & Persii, quos ut pro virili maturaret, auctor ei erat Josias Mercerus, cui mox respondet (b). Id numquam habuisse in animo, licet diligenter satis & accuratè eos Auctores legisset, sed unicè urgere se Strabonem, quem tamen, ductus & captus amore ac studio linguarum Orientalium pro tempore seposuerat. Quibus haud leviter, quamquam non satis ex voto, imbutus, redit ad Strabonem, varias ob causas ei semper maximis in deliciis habitum, quarum haud ultima erat, quod elegantem illum & gravissimum Scriptorem apud omnes doctos, qui litteras amant, tot elogiis exornatum, & qui in cognitione Philologiae proficere velit, maximè necessarium, videret usque adeo neglectum etiam ab omnibus ferè viris, qui in literarum studiis non parum erant eruditi, atque praestantis ingenii famam meruisse vulgò videbantur, qui illo tempore haud exiguo vivebant numero. Quanto autem Strabonem edendi flagrarit studio, Epistola, quam ad virum clarissimum, primæ admisionis amicum, Theodorum Cantarum dedit, satis superque demonstrat: *Habeo, inquit, (c) & in Stephanum paratas (d) Epist. Notas, quæ inferum illum Scriptorem ab infinitis mendis aliquando, si Deo visum fuerit, vindicabunt. Habeo in alios Scriptores Græcos, præsertim Tragicos, parata non pauca: sed ante omnia Strabonem edere gestio, in quo quid præstiterimus, doctorum hominum, ac tuum maximè, doctissime Cantere, esto judicium. Equidem hoc non dubitabo affirmare, ita enim hætenus esse lectum, ut à paucis videatur potuisse intelligi. Ita præstantissimus Scriptor jacuit hætenus mendis oblitus; quas miror nemini in tanta doctorum hominum, quos hæc ætas tulit, frequentia curæ fuisse eluere: & tamen, nisi me decipit amor in illum meus, is est Scriptor Strabo, quem magni intererat Republicæ literarum legi quàm emendatissimum (A).* Sic ferè in Epistola, quæ Strabonem consecrat Jacobo Lectio, viro patricio & clarissimo, doctissimoque Jurisconsulto. Huic autem Geographo cum diligenter admodum invigilaret, atque unicè ferè inhaereret, nomen hocce Auctore parere sibi studens, (dicit enim, *quæ hætenus in Laertium & Theocritum à me profecta exierunt, ejusmodi sunt ut vix (d) agnoscam*) annitensque erudito orbi ostendere quid posset ab eo expectari, quæ studia, quæ facultates in eo erant sitæ non exiguae, uti ex Commentariis in Strabonis librum primum colligere est. Cum, dico, ita sollicitè singula quæque sedulo excuteret examine, ecce inopinus dilectissimi parentis, Arnaldi Casauboni, mortis, quæ ipsum pridie Kalend. Februar. anno CIO IO LXXXVI. è terris ac viventium numero eripuit, ei adfertur nuntius tristis, eoque sanè longè tristior graviorque, quod lege naturæ, si Deus ipsi longiores dies voluisset prospicere, diutius inter vivos superesse potuisset, si quidem anni sexagesimi tertii metam attigerat, climactericum vel decretorium annum Medici vocant, quod fortè singulares motus in humano corpore efficiat, & multos præclaros viros hoc ipso anno fato concessisse constet; quamvis illud mortis discrimen nullo idoneo argumento ex vitæ humanæ periculo demonstrari queat, sed falsò & erroneè Ægyptiorum & Chaldæorum commentis adscribendum. Quo ita fuit

(d) *Epist.*

Isaacus

(A) *Strabo, quem magni intererat Republicæ literarum legi quàm emendatissimum.*] Mirari verò subit in tanto doctissimorum virorum numero, quos nostra hæc & parentum ætas tulit, quum nullus jam relictus sit vetus Scriptor, quem non certatim emendare, illustrare, & interpretari, multi contenderint; vix tamen unum aut alterum adhuc extitisse, qui de Strabone nostro cogitavit. Atqui rei literariæ intererat, hunc potius Scriptorem legi quàm emendatissimum, quàm vel Apuleium, vel Martialem, vel Petronium, vel alium quempiam etiam meliorem his Scriptoribus: neque hoc dico quod doctorum virorum, qui in illis Scriptoribus laborarunt, consilium reprehendam: hoc tantum volo, rem videri indignam, nondum fuisse repertum aliquem, qui ex tam excellentis operis emendatione

laudem sibi & nomen parere studuerit. Non enim dici hoc potest, ita fuisse ab Interpretibus hoc negotium confectum, ut docti abstinere ab eo postea debuerint. Imò ita inteliciter & negligenter in hoc opere versati sunt Interpretes, ut nondum constituerim, fueritne illis honestius, negotium non suscipere, quàm susceptum ita negligenter exequi. Nos verò, quum jam ab illo tempore, quo vix ex ephebis excesseramus, Strabonem unicè amare & admirari, partim sponte nostrâ, partim optimi parentis hortatu cœpissimus, nihil magis in votis unquam habuimus, quàm ut susceptam hanc provinciam ab aliquo docto viro audiremus. *Epistol. Dedicat. ad vir. clariss. Jac. Leclium, pag. 4. & 5. edit. nostra.*

Isaacus noster perturbatus & afflictus, ut non potuerit sese continere quin gravissimum dolorem, haud exiguam moram, seu potius studiorum mutationem inferentem, publice hisce verbis testaretur: *Habent etiam difficultatis non parum, quæ de meridiano ei plautiei latere dixit, (Strabo) quæ omnia iis relinquo excutienda, quibus plus est ad hanc rem otii. Mihi nec vacat, nec lubet, hoc præsertim tempore, quo allatus mihi tristissimus de obitu, hei mihi! optimi, optimæque de me meriti parentis mei nuntius, ita me perculit affecitque, ut prorsus ab istis mansuetioribus Musis abhorrens animus meus, alias literas requirat, in quibus acquiescat, ac tanti vulneris medicinam reperiat. Quæ profectò non aliæ sunt, quam hæc, in quibus annos ferme triginta idem ille παλαιός pater meus se non sine fructu (Deo gloria sit & laus) exercuit; quasque voluit ille semper suis liberis versari ante oculos (a).*

(a) *Ad Strabon. lib. v. pag. 211. edit. Paris.*

(b) *Epist. 98. 689.*

(c) *Joan. Prideaux, Castigat. pag. 230.*

(d) *Epist. 879.*

(e) *Ibid.*

(f) *Epist. 12. & 189.*

Hisce laboribus, quibus & alios adjunxerat haud minus graves, (*Philosophicis enim & Jurisprudentiæ (b) studiis, ratus sine iis studia literaria non posse probè absolvi, aut ullo modo excellere, à longo tempore, sub viro clarissimo, Julio Pacio, Jurisconsulto & Philosopho (c) egregio, per tres annos (d) plurimum impenderat operæ*) fractus, ita graviter decubuit, ut non modò viri docti, sed etiam amici omnes de ejus immaturo abitu non temerè fuerint solliciti, quin imò ipse eò mortalitatis ita admonitus, ut ab eo tempore, quasi studiis literariis renuntians, sacra in posterum tractare proposuerit (e), quod etiam, quantum siverint tempora difficillima & res domesticæ, intermisit nunquam. Verùm quò magis mente perciperet reconditos Sacrarum Literarum thesauros, & ad abscondita illarum penetralia accederet, diligentem operam impendit studio Rabbinico, usus Præceptore doctissimo, Petro Cevalerio Genevensi (f), in cujus morte quantam jacturam fecerint sua studia, ipse plenius exposuisset, nisi animus memoriam tristissimi casus refugisset.

Restitutus sanitati, absolutoque Commentario Straboniano, mox rogatu, fortè soceri Henrici Stephani, Eustathiique Vignon, colligit *Animadversiones in Dionysium Halicarnassensem*, quem tamen ad amissum, quod quidem gravissimus ille Auctor exigebat, recensere non potuit: quandoquidem eo tempore præ manibus habebat *Polyanum Macedonem de Stratagematibus*, Scriptorem antiquum, eruditione & acuto ingenio clarum, quem Vossius de Histor. Græcis, II. 14. elegantem & argutum vocat, apud Imperat. Antoninum & Verum Oratorem ac Causarum Patronum, in eum usque diem Græcè non excusum, quemque in privatos usus magno ære sibi comparatum, in lucem exire æquo animo est passus, ut de Republica literaria bene merendi arriperet occasionem. Quæ summâ laude dignissima virtus atque facilitas si omnes exornaret nostri temporis eruditos viros, aliosque manu exaratorum codicum possessores invidos, haberet sine controversia Respublica literaria, quibus gloriari posset atque superbire.

Annum agens trigessimum primum, *Aristoteli*, Philosophorum Principi, expoliendo perdiligentem impendit operam, licet nomen fronti non præfixerit. Docet hoc satis superque eruditissima ad candidum & antiquæ Philosophiæ studiosum Lectorem prolixior Epistola; & quæ ad Vir. clariss. *Theodorum Canterum* exstat ordine quinta; quæ una tradit ipsum absoluto atque edito Philosopho Francofurtenses Nundinas adiisse, cupidum isthic videndi Philippum Canajum à Fraxinis, & Jacobum Lectium, viros singulari amicitia, familiaritate etiam jucundissimâ & summâ sibi junctos; in primis verò conveniendi virum clarissimum, Justum Lipsium, qui & ipse Cujacium & Scaligerum conjunctim salutare pluris æstimabat, quàm Romanum Consulem videre triumphantem (g). Verùm hæc spes omnis fuit inanis atque irrita. Nihil tamen vehementius ipsum afflixit ac depressit quàm quòd pro summo suo amico, nobili quodam Anglo, Henrico Wottono, non suâ, uti saltem videtur, culpâ; sed mercatorum perfidiâ (h) in maximas molestias conjecto, vas sponsorque factus, cum ipse fortunæ bonis non multum abundaret, haud exiguam coactus fuit persolvere nummorum summam, quæ ad ducentos & triginta aureos & amplius excrevit, cum præter hæc deberet illi aurcos tres

(g) *Lips. Quæst. Epistolæ. lib. III. Epist. 14.*

(h) *Epist. 17.*

(i) *Epist. 18.*

(k) *Epist. 24.*

(l) *Scaliger. Epist. 39.*

(m) *Epist. 18.*

& triginta; quò ita res ejus affligebatur (i), ut de tristissimo illo casu per bene longum tempus non solum gravissimè apud familiarissimos amicos (k) suos sit conquestus, verum opem, operam, & consilium imploravit. Quapropter obnixè inter eos rogatus, maximè Scaliger (l) amicè hortatur eruditissimum juvenem, Richardum Thomsonem, Casauboni studiosissimum, moneat identidem acrius Wottonum, ut hac sollicitudine, onere atque calamitate quàm citissimè liberet Casaubonum, qui hoc in negotio plurimum, (qui ipsum ex hoc casu, nulla suâ incommoditate, nedum jacturâ aut dispendio liberare potuissent) expertus est amicorum perfidiam (m). Nulli tamen fideliores in hoc negotio

negotio se praeftiterunt Buzenvallio, (a) Bullonio, & Thomfone (b); ante omnes Jo- (a) Epist. 14.
sepho Scaligero, quo annitente (c) post annum expensas nummos recepit (d). (b) Epist. 18. 29.

Curis autem ac molestiis illis solutus, huc usque indicatis Scriptoribus accuratam ope- (c) Scaliger. Epist. 35.
ram navasse, non sufficere ratus, animum ad altissima ac maxima quaeque summa ope- (d) Epist. 42.
nitentem, ad alios Auctores, Graecos verò ante omnes, omni diligentia ac vigore appli-
cuit, ut ea praecipue studia, quae tunc videbantur ferè in aeternis tenebris sepulta, at-
que perpetuae oblivioni tradita (in proverbium enim abierat regula Bartolica, *Graecum est, non legitur*) ex altioribus ruderetis effoderet, atque eruta in lucem protraheret.
Itaque *Athenaeum πολυμαθέστατον*, quem Eustathius ad Iliad. ψ vocat (quoniam quae ad
Physicam pertinent, Grammaticè ferè quos tractat) *καταναλω*, veterum Poëtarum, Histo-
ricorum, Philosophorum, Medicorum, quos nobis temporum injuria invidit, seu po-
tius, eripuit, quasi compendiosam, sed instructissimam tamen omnis generis eruditio-
nis Bibliothecam, sedulò arceptam ita evolvere ac restituere allaboravit, ut nihil supra,
testibus vel ipsius Ephemeridibus, quae quid singulis ferè in eo Scriptore praestiterit
diebus, accuratè referunt. Sed & qualem fructum hujus laboris ceperit eruditus (A) or-
bis, evincunt clarissimi Lipsii, in Epistola (e) ad Isaacum Casaubonum, verba: *Anim-* (e) Epist. 74. ad Ger-
*adversiones in Athenaeum tuas nuper vidi, nunc legi. Quid sentias? tuas esse, & vel ad in-*manos &
vidiam laboriosas & eruditissimas. Sic ipse Athenaeus ad Lipsium missus (f) vocatur *gra-*Gallos.
tum domum, & Animadversiones ipso Casaubono dignae; quale nec aliquis conetur, nisi inte- (f) Epist. 69. ad Ger-
riore quadam & variâ doctrinâ. Verum licet in hoc amœnissimo Auctore per longum manus &
tempus fuerit penè totus, tamen ex voto expolire atque illustrare nullus potuit. Hinc Gallor.
(quia animus in una eademque re non semper esse potest fixus ac continuus) quasi ani-
mum subinde laxaturus, ut per omnes Philosophiae partes eundo, & Auctores cujusque
doctrinae tractando sua tempora distingueret, alio prorsus studiorum genere, suscipit
Theophrasti Characteres ethicas, sive notationes morum ad Polycletem, (quos primus à
MSS. codicibus restituerat Henricus Stephanus, & de quibus ipse Casaubonus ad Ja-
num Rutgersium a. d. 3. Non. Januar. 1610. ita scribit (g): *Characteres Lugduni, brevi, ut* (g) Epist. 65.
spero, edentur, non negligenter recogniti. Nam Furlanius, homo Graecus, atque is doctissimus,
qui in eandem arenam post nos descendit, stomachum mihi movit, qui mihi ferè persuasit,
etiam Graecos homines in sua lingua posse aliquid à nobis discere, φθίνῃ δ' ἀπὸ τῆς λέξης καὶ
ὑμῶν, sed ejus versionem & notas si vidisti & expendisti aliquando, non aliud, nisi fallor, sen-
ties) libro commentario interpretandos, quod adeò feliciter ei successit, ut egregiis illis
animadversionibus haud exiguum famæ suæ attulerit honoris cumulum. Quin imò eo-
rum dedicationibus seu consecrationibus sibi primorum quæsierit acquisiveritque, uti in-
teriore, sic sinceriore amicitiam atque amorem, teste viro summo, Josepho Scali-
gero (b); uti enim studiorum primitias patri, *Arnaldo Casaubono*, ac, liceat mihi ita (b) Epist. 35.
loqui, secundarias focero, Henrico Stephano; sic proximas, Strabonem scilicet, Jacobo
Lectio, viro patricio, Jurisconsulto doctissimo, postea Senatori Genovensi sapientissimo;
Polyænum Philippo Mornaio, Plessiaci Domino, Theophrasti Characteres, viro præ-
stantissimo, Nicolao Brulardo à Sileri, Henrici IV. Franc. Reg. apud Helverios Rhatof-
que Legato dignissimo consecravit, etiamsi non ignoraret cum totum ac intimum fuisse
semper Pontificium (i), & anno CIO IO LXXXV. in patris sui Petri Brulartii, sum- (i) Bon-
mæ integritatis viri locum, Inquisitoriarum Classium Præsidentem creatum (k). gars. &
Lingels-
bem. Epist. pag. 86.

Hoc tempore literarum summo honore jam apud suos non tantum, sed & externos flo- (k) Thuau. lib. 81. Hister.
rens, quo se insinueret in amicitiam aliorum eruditione ac literis præstantium virorum,
omni modo mereri atque captare studet favorem tunc temporis eruditorum facilè princi-
pis Josephi Scaligeri, uti & Jacobi Augusti Thuani, proxeneta viro omnibus virtutibus

ornato,

(A) *Eruditus orbis, &c.* Scaliger Epist. 58. *Tua divina in Athenaeum Castigationes adeò me rapiunt, ut cum in illas incidi, agere me ab illis revocari patiar. Quis illam provinciam tam dignè administrare, præter te, potuisset? Deum immortalem, quantum bonarum rerum nos doces! Ego non erubescio tibi μαθητεύειν. nunquam sine fructu oculos in illud præstantissimum opus ævum conjicio. Nam satis me anxium res tuæ habuerunt; quarum statim cur consultum velim, primum amor in te meus; deinde publica utilitas facit; quæ non nisi rebus tuis salvis constare potest; quare à te nihil prodierit, quod non eximium,*

præstantissimum, & Reipublicæ literariæ fructuo-
sissimum sit. Multos habes discipulos, id est, to-
tidem lectores operum tuorum, in quibus eorum,
qui multum te magistro se profecisse dicant, ego
aut non deterrimus, aut rectè inter præcipuos sum.
Hanc confessionem, hoc testimonium à me ex-
primit tuus Athenæus, à cujus lectione longè do-
ctior & melior prodii. Sed hæc privatim. Et
alia longè luculentiora de te judicia mea vel iste
nobilissimus vir, vel alii amici nostri, tibi refe-
rent. Idem Epist. 61.

- ornato, & de studiis ejus optimè merito, Philippo Canajo à Fraxinis: quod quantà prudentiā, quantà modestiā, quæ virtutes in eo excellabant, quàm diuturnā deliberatione, quàm pudendo fecerit timore, vel ipsæ indicant Epistolæ VIII. IX. XI.
- A principibus hisce viris, plurimos enim alios silentio ex industria prætereo, adeò benignè ac humaniter in amicitiam admissus, atque ambabus ulnis in gremium receptus, nihil prorsus prætermisit, quo literato orbi probaret, se tantorum Heroum premere, quamvis passibus iniquis, vestigia, ac inprimis dignissimum, qui postquam sibi tot viros, officiorum multitudine devinxisset, vicissim quoque eorum gratiam mereri. Itaque præter Athenæum, ab aliquot annis intra manus hærentem, ac cum pluribus manuscriptorum Codicibus quotidie non sine felici successu comparantem, præter Diatribas de Venatione Amphitheatrali (a), (qua de Commentarios scribere Lipsius exorsus, cum ad librum secundum pervenisset, abjecit (b); licet tamen postea perfecisse agnoscat (c) de Circensibus (d), Lectus (e), Stragulis (f), ut & de Vestitu (g); etiam alias habebat quasdam penè confectas, quasdam absolutas, ut Apulei Medaurensis Apologiam, quam Theodori Canteri filiorum, juvenum eruditissimorum, suasu (h) Commentariis illustrare est aggressus, & Josepho Scaligero dedicare ausus (i), quo facto ita arētē putem sibi devinxisse Scaligerum, ut is Illustrissimis Ordinibus Hollandiæ fuerit auctor de Casaubono Lugdunum vocando, uti apertè colligere est ex hisce Pithæi Epistolis ad Scaligerum mense Octobri CIO IO XCIV. datis (k): On nous a dit icy que vous moyenez de faire appeller Monsieur CASAUBON où vous estes, ce qui nous fait esperer qu'avec plus grande commodité il fera encor d'avantage, & que le public vous en sera aussi redevable (l). Et aliā Epistolā: Je vous ay ci-devant escrit de CASAUBON: vous y devez penser. Je ne vois personne que vous puissiez succenturier dignement que celui-là. Vous le jugez aussi. Apertissimè verò hac (m): Monsieur, je desire sçavoir de vous, si Messieurs les Etats ont point donné ordre pour faire venir le Seigneur CASAUBON; il est digne d'eux, & eux seuls dignes de l'avoir. Quod si voluissent fata, qualis non fuisset cum ipsi Casaubono, tum Reipublicæ literariæ, tum Ecclesiæ Reformatæ felicitas? Præter Athenæum, longiora tempora exigentem, etiam avidè arripit C. Suetonium Tranquillum, Scriptorem magnum, & ut alio loco loquitur, bone Deus! doctum & accuratum (n); Auctorem juxta Vopisci sententiam emendatissimum, & cui familiare sit, amare brevitatem; quem molli nimis brachio videntur tractasse, quicumque ejus emendationem atque interpretationem sunt professi (o). In eum breves notas scribere cum decrevisset, præter opinionem in magnam molem Commentarius ille excrevit. Nec mirum. Cum enim eo in libro videret omnem suam existimationem periclitari in eo studiorum genere, sedulitate haud exiguā congeffit illa omnia, quæ vel ad parandam, vel tuendam partam famam putabat pertinere; unde gloriabatur audacter, si Deus dedisset absolvere, nihil ad sua, quæ edidissent priores Interpretes; quod & eventus comprobavit. Tanto enim cum applausu doctorum, Galliæ præsertim, fuit excepta illa prior editio, ut anno insequenti CIO IO XCVI. propè editio secunda in manibus Typographo esset (p).
- Græcis verò (quod literarum genus maximè sequebatur atque excolebat, unde in varios Auctores Græcos, ut pote Synesium, quem plus suis oculis amabat (q); Stephanum de Urbibus, Hefychium, imò plerosque Tragicos (r) conscripserat Animadversiones,) plurimum operæ videtur impendisse, non captus, sed quasi raptus summi Philosophi aureo libello (s), Arriani scilicet in Epictetum Dissertationibus, quas Genevæ publicè quàm diligentissimis interpretationibus exposuit, quo quantum βαθὺ esset in illius Philosophia didicit (t), quod observaret, neque Jacobum Schegkium, neque Hieronymum Wolsium (v) in hoc ingenio excellenti digno campo se probè exercuisse. Quare in partes vocat eruditissimum juvenem, Richardum Thomsonem, seu potius ei hanc exornandam mandat provinciam, omnia, quæ ad illustrandum principem illum Philosophum congefferat, lubentissimè se collaturum. Promittens (w) quod desperaret rebus suis, quæ publicis, quæ privatis (non enim ei cum socero, Henrico Stephano, morosioris ingenii homine, ac continuo ferè domo aberrante, magna familiaritas, aut cum aliis multus usus, aut ullum ferè otium fuit) Genevæ minus commodè fluentibus, quapropter totiens summo suspirio exoptabat in Germaniam vel aliorum vocari, se cum auctorem ex voto atque meritis posse condignè illustrare.
- Circa hoc tempus Monspelienfes, qui & anno superiore id jam modò tentaverant (x), Casaubonum ad linguarum & humaniorum litterarum professionem (y) in ipsorum urbe obeundam omni modo ad se pertrahere sunt conati conditionibus haud ita luculentis (z), circa quas animo hærebat, & non ita facilis eas accipiendi tamen in illa mentis dubitatione

tione consuluit, præ reliquis primæ adnissionis amicis, quorum consiliis familiarissimè uti solebat, Saracenum (a) & Jacobum Bongarsium (b) qui auctores ipsi fuisse videntur dissuasionè abitus, ne oblatas conditiones acciperet. Contrà tamen Philippus Canajus à Fraxinis, à cujus mente & consiliis totus pendeat, usque adeò suavit, ut qui renitentem animum ei probaret noster Casaubonus valde fuerit sollicitus (c). Nam is, quoniam summus atque intimus esset Casauboni amicus, non desisteat eam conditionem pluribus rationibus extollere, (d) ac Casaubonum etiam atque etiam amicè ac vehementer hortari, imò urgere acciperet eam, ac relicta Genève, ubi ob cognitam unicuique, non paupertatem, sed egestatem rerum lætiorum, omnis spes erat præcisâ, veniret ad se, id est, Montempessulanum, brevi copiâ amicorum, qui ejus studiis favebant, ipsumque amabant ad altiora transiturus (e). Interea dubius adhuc & animi planè suspensus suscipit iter non modò ad conficienda negotia domestica, sed optimam quoque visendam matrem, quam à septem annis non viderat (f), in Delphinatu non procul à Valentia degentem (g), animo usque in intimam Occitaniam ad amplissimum virum Canajum à Fraxinis, Fraxineti & Monticuli Dominum, sanctioris Consistorii Regii Consiliarium, Germaniæ Exlegatum, & in supremo Occitaniæ Senatu Præsidentem, Casserone (h) habitantem, quò jussu Regis, Præsidis munere functurus anno 1594. concesserat (i), amicum familiarissimum proficiscendi, quò commodius ac prolixius cum eo ageret, atque amplius deliberaret de conditionibus Montispessulanis. Verùm propositum non perfecit (k), quod vehementer dolebat, iter, intra mensem cum præsentissimis vitæ periculis, bruma namque erat, Deo propitio ad suos reversus (l).

Reducem, varias adhuc ob causas gravissimas (quas inter ab eo enumerantur cum uxoris (m), tum suus morbus (n), ineffabilis perpetuus ex dilectissimæ filix Abigail morte mæror (o), præcipuè verò, amicorum haud postremorum vaticinia, indicantia, Monspelienfium impetum fore *ὁλοχρόνιον*, (p) minus lautæ conditiones, muneris difficultas, & ante omnes alias Religionis diversitas) renuentem atque hæsitantem continuis precibus, imò exhortationibus, ne dicam convitiis expugnare sunt annisi amici plurimi, præcipuè verò Guilielmus Ranchinus, (q) Montispellii Professor Juris celeberrimus, & hujusce consilii inceptique primus suavor atque auctor Philippus Canajus à Fraxinis (r), qui vel ejus gratiâ volebat Montempessulum excurrere (s). Nec destiterunt ipse Senatus, Populusque Montispessulanus, qui iterato (t) ad ipsum scripserant, Legatos (v) suos partim ad ipsum privatum, partim ad Senatum Genevensem & Ministros Ecclesiæ mittebant, qui ipsum reluctanter omnibus modis perducerent ad accipiendam honestam illam oblatam conditionem. Quum itaque continuo undique impelleretur fortiter, neque Genevenses, quibus jam satis temporis concesserat deliberandi, ipsique, quod unicè sperabat optabatque (w), lautius ac honestius stipendium, quo ad tuendam rem familiarem indigebat, offerendi, ejus ullam haberent rationem, satisque diu, uti putabat, negotium hoc traxisset, (ultra biennium enim longè (x) protraxit) tandem, ut ut amore patriæ civitatis Genævæ, (in qua unicè sperarat (y) *ὑπερβόλαιον & ἐρασιβόλαιον*,) ait familiares suos nôsse, & apud Deum conscientiam (z) suam testem esse, licet, ne charissimæ & longè suavissimæ patriæ videretur succensere, nollet dicere quàm tenuiter ac jejune studia sua foverit Senatus, (quatuordecim enim annos sterile illic coluit Camænas) (aa) cum, dico, frustra diu esset reluctatus, passus fuit suam constantiam atque consilium, amicorum precibus, Monspelienfium magnâ benevolentiam, quam erga ipsum duabus legationibus ostenderunt, frangi. Ne autem hoc properè aut temerè, aut inconsultò (bb) fecisse diceretur, post longam molestamque aliquot annorum deliberationem (cc) denuò, priusquam inciperet, invocato submissis suspiriis divino Numine cum jucundissima conjugii socia ex instituto rursus de ipsa re deliberat, (dd) &, quam antea dubiâ responsione dederat, sine ambagibus implet Monspelienfium spem, iisque circa Octobrem mensem apertè *ἐκὼν αἰκονεῖν θύμῃ* (ee) addidit operam, quamvis jam antè Senatori Jacobo Lectio promiserat (ff) se, si conditionem accepisset, Genævæ permanfurum usque dum promissam (gg) atque susceptam (hh) modò absolveret Athenæi editionem, quem difficilem (ii) ac depravatissimum in multis locis Auctorem à longo tempore restituere erat aggressus. Verùm lento adeò gradu illa procedebat editio (kk), ut quæ diu cum retinuerat, (ll) eam imperfectam relinquere fuerit coactus (mm). Ardentissimo namque Monspelienfium resistere non valens desiderio, ast magno Scholæ Genevensis detrimento (nn), eoque majore quòd senio confectus præstantissimus Beza neque legere amplius posset, neque apud concionem verba facere, mediâ hyeme Genève abijt, summo Athenæi damno, ita enim Simon Goulartius: *Nôtre Escole est maigre, sur tout depuis*

- (a) *Epist. Franc. à Mr. de la Scala, pag. 265.* depuis le depart de Monsieur Casaubon fort respecté en Languedocq (a). Mompelium ap-
 pulsus, prorsus præter spem atque opinionem suam, quam Senatus Populusque longè
 superarunt (b), tanto amicorum applausu, tantâ gratulatione, tamque mirificâ & sin-
 gulari publicæ lætitiæ significatione excipitur, ut non modò amici virique docti, id est,
 (c) *Epist. 113.* Academiæ Professores, quos inter primus Guilielmus Ranchinus (c); verùm ipsi Con-
 sules ad miliare ferè integrum ei processerint obviam (d).
 (d) *Epist. 114.* Sub idem tempus Nemausensis quoque civitas Isaaci Casauboni operam in instauranda
 sua Academia honestis conditionibus per literas implorarat, quibus pro oblato munere
 quàm humanissimas egit gratias (e). Videntur & eodem tempore Francquerani ejus ra-
 tionem habuisse, quamquam id non ita apertè constet (f).
 (e) *Epist. 74.* Monspelii vixdum sedens, primo quoque tempore, mediâ anni hyeme, id est, mense
 (f) *Epist. 75.* Januario per obscurissimas tempestates semi-xger iter ingreditur Caferonem, urbem
 Galliæ Narbonensis ad fluvium Atacem, ad amplissimum Præsidentem Canajum à
 (g) *Epist. 117.* Fraxinis (g) non solum gratum testaturus pro collatis beneficiis animum, verùm etiam
 (quod non temerè licet conjicere) quâ ratione in hoc munere recens suscepto, bono pu-
 blico rem sapienter atque auspiciato esset gesturus. Nam præter Professionem, ejus cu-
 ræ atque fidei commissa fuit illius urbis studiosa juvenus, ejusque humeris impositum
 molestissimum Rectoris munus, quo ut probè fungeretur, statim de fidelissimis vocan-
 dis cogitavit Præceptoribus (h), quos inter locum addicebat Leoni ab Aitsema, viro me-
 liore fortunâ longè dignissimo.
- Insequenti proximè mense Februario Professionem auspicatur, non infelicibus sanè
 (i) *Epist. 115. b.* avibus, vel ipsomet in Epistola ad venerandum senem Theodorum Bezam teste (i): Nos,
 ait, hic professionem nostram hac ipsâ hebdomade auspicati sumus. Si cætera respondeant,
 est cur speremus non fore in his locis inutilem operam nostram. Suscepimus tractandum Anti-
 quitatis Romanæ locum, de Magistratibus ejus Reipublicæ; opus profectò arduum, & vi-
 rium prorsus non istarum. Et quidem maximè leges, quas Cicero lib. III. de Legibus
 (k) *Epist. 117. b.* conscripsit (k). Quibus descriptio continetur omnium Populi Romani Magistratuum.
 Quod argumentum tantâ pertractabat curâ ac diligentia, ut, si Deus sivistet ipsum to-
 tum id argumentum persequi, speraret suas ~~exposuit~~ bono publico lucem posse videre.
 (l) *Epist. 124.* Nam qui eum locum perpolierit, vel exstitit adhuc nemo, vel mihi, ait (l), certè
 visus non est. Quicquid sit, saltem illis principibus in Academia Monspelienfi viris
 (m) *Epist. 117. b.* Philologiam suam probasse ingenuè confitetur Canaio à Fraxinis (m). Veruntamen, uti
 nec ipse Jupiter, sive pluat, sive serenet, omnibus potest placere, atque invidia co-
 mitetur virtutem, statim sensit sibi adversantem quendam Zoilum Philippum, terræ
 filium, Philosophi nomen eminentem, cujus inhumani & peregrini hominis lites,
 apud Monspelienfès cives, tunc temporis divulgatæ, fidem fecerunt; malevolum fuisse
 Casauboniarum virtutum ~~diuturno~~, quem nec ipse Casaubonus, quamvis lacerationes istius
 fatis virulentæ fuere, quas tamen infra ejus iram putabat, latius describere dignabatur.
- Cæterùm omnia ei isthic fuere læta & prospera (n), quoniam hominum suorum animos
 (n) *Epist. 121.* mansuetiorum Musarum desiderio ac studio inflammarat, quo studia ei indies ita dulcia
 & jucunda evadebant, (o) ut istâ sede prorsus se contentum hisce scribat Joanni Pinal-
 do (p): Verbo tantum dicam. Postquam Genèveâ discedere Deus me voluit, non videri
 (p) *Epist. 134.* posse fieri, ut magis ex animi sententia usquam collocarer. Floret hic, si usquam in Galliis,
 Ecclesia Dei; zelus & pietas, etsi longè infra præscriptum opor, sic tamen viget, ut non-
 dum planè conclamatam esse religionem, vel unius Ecclesiæ argumento queat intelligi. Jam
 erga nos tanta comitas, humanitas & benevolentia, quantum ne speraveramus quidem. Et
 (q) *Narr. 142.* Epistolâ (q) ad Dionysium Gothofredum: Habeo quod gaudeam in eam venisse me urbem,
 ubi & pietas viget, si usquam in Galliis, & ubi, quantum humanis rationibus provideri
 potest, habitatio securissima; ubi denique honestissimorum, & literarum amantissimorum vi-
 rorum magna copia est. Verùm, uti dixi, breve admodum fuit hoc gaudium, & osten-
 tata effusè lætitia exiguo post extincta & planè in odium ac invidiam quasi conversa
 est, contra quam catastrophem se Stoicum fore ait. Nam (præterquàm quod literas,
 (r) *Epist. 149.* quibus Jure Civitatis Gallicæ donaretur (r), & operibus suis edendis Codicillos à Rege,
 ac privilegium regium Parisiis frustra (s) peteret) Consules Monspelienfès, ærarii pu-
 (s) *Epist. 132. 137.* blici hirudines, conditionibus non steterunt. Quum enim, absente Guilielmo Ranchi-
 no, qui vel ipso fatente (t), admodum familiariter usus est Casaubono, cum Consuli-
 (t) *Varior. Lest. lib. 1. cap. 9.* bus ageret de stipendio bimestri, omnes mutire, hæere, verba denique dare, & nihil aliud
 (v) *Epist. 145.* coeperunt (v). Unde vehementer Ranchinum, Parisiis degentem isto tempore, velit
 redditum accelerare, ne, si diutius absit, aliquid planè contra animi ejus sententiam accidat. Malè
 enim

enim dudum noster Casaubonus ex atra imminente nocte (a); maximè verò ex istis principiis non vanè quid ominabatur. Verùm satius erit ipsius querelam vi doloris expressam, in Præsidis Canaii à Fraxinis sinu depositam audire (b): Scito igitur, Consules de novis ita male meritis, ut certum consilium sit nisi tu impediās, in veterem patriam pedem quàm primum referre. Ista enim procrastinationes vanas, & sollicitationes, imò illusiones ferre non queo. Ut paucis omnia tibi aperiam, omnium eorum, quæ per literas absenti fuerant promissa, præsentis nihil bonæ fide præstitum est. Domum erant daturi; eam impetrare nunquam potui, nisi venirem in partem pensionis. Ita hyems tota miserrimè transacta in angustissimis cubiculis duobus, ut filiolum, quem habeo unicum, (Joannem) extrudere magnis impensis fuerim coactus. Tandem Vauchantianæ ædes data; sed eâ lege, ut decem ipse annuos aureos darem, atque ii statim exacti: suppellectilis nomine promissi aurei centum & quinquaginta; detracto triente, redacta summa est ad centum. Ligni spes facta: vix adhuc quasi convivio extorquere decimam partem quistus sum. In antecessum semestri stipendium erant representaturi; hoc nec factum in priore semestri, quod per minutas partes acceptum; & in isto nuper inchoato planè ostensum mihi, quid in posterum sperandum haberem: nummus enim exprimi adhuc ab illis non potuit. Non illi auctoritatem tuam reveriti sunt; non datæ fidei rationem ullam habuerunt; amicorum deique omnium meorum incassum vigilavit industria. Scio non desore quod causentur. Sed istæ æspæ mature prævidende erant: nunc illis nullus locus. Quid enim ad me, si sint occupati? si Rector Provinciæ in urbe est? si rerum novarum occasionem quaerentes nonnulli salis commercia rupere? Quid ergo nobis fiet, si non belli metus sit, sed certum bellum? Inventus hæc ad te scribo, Præses amplissime: sed coactus vi doloris, ne aliud dicam. Expertus enim sum, genus istud hominum esse ἀσίστατον, si quod est aliud. Paucos excipio veros amicos, Ranchinum, Serranum, & ipsum primum Consulem; quorum tamen nemo aut gratiā, aut ullā aliā re causam nostram multum potest adjuvare. Ranchinus abest; Serranus apud istos, qui pecunias tractant, parum potest; suos ipse nobis loculos aperuit. Consul quoque partim morbo, partim senectute, quæ est & ipsa morbus, κλίσιν δαίνυται jacet. Ceteris vel juvandi facultas nulla, vel voluntas.

Injustissimis itaque de causis respondet Consulibus si ita pergant secum agere, nec promissa impleant, ipsos sui curā liberaturum, ac seriò de abitu cogitaturum, vel Baleam (c), vel Genevam (d). Putare enim repertum iri vacuum aliquam professionem, ut inde sit, quo sibi & suis consulat. Sed hoc ipsis haud levem inustum ignominiam notam, qui Goulardum, aut Lectum, aut Pacium, cui dudum stationem obtulerant (e), aut Dionysium Gothofredum ad Juris professionem vocare constituerant (f). Verùm intercedente, procul dubio primo suatore, Canaio à Fraxinis mitigati; prorsus clementius Casaubonum tractarunt, sic ut ejus exemplum sequutus Julius Pacius ad Monspelienfes etiam transierit, cujus discessu Geneva, patria ipsi suavisissima, haud levem fecit jacturam, maximè silente Lectio (g).

Præter hæc, annus hicce ei fuit valde acerbus, eò quòd ferè continuò adversā confistabatur valetudine, nata ex molestissima & contumacissima destillatione (h) acrium humorum, cui suprà carissimæ uxoris gravem quoque morbum accedebat summus mecor, quem capiebat ex filiolarum desideratissima, quæ haud exiguum tot animi & corporis doloribus laborantis fuisset solacium, morte (i); ut fileam agritudinem acerbam, quòd Mompelii careret Typographo, qui Græca posset excudere. Hinc sub initium proximè insequentis anni CIO IO XCVIII. Animadversiones in Athenarum, opus arduum sanè & præmolestum, & longi tædii plenissimum (k) editurus, (l) relictā Mompelii familiā concessit Lugdunum ad virum amplissimum, cujus merita ipsum omni laude majorem reddebant amicum suum, Emericum Vicquium, qui impulsu (m) Gilloti & Canaii, ut isthic Athenarum ederet, plurimis rogatum & invitatum literis (n), mirā comitate cum amplectitur; apud quem tam diu debuit commorari (o), donec editio nem, quæ votorum suorum ferè summa erat, ad umbilicum perduxisset, licet multò mallet Parisiis sua ab eruditissimo Morello, vel Mamerto Patissonio typis exscribi (p). Lugduni otium nactus liberalius, quòd à libris & consueto, id est, quotidiano docendi munere abesset, legit accuratius allatum recens librum Josephi Scaligeri de Emendatione Temporum, eaque occasione comparat cum Baronii Annalibus Ecclesiasticis (q).

Recenset præterea Theophrasti Characteres, seu notationes morum jam antè editos; quos aliquot capitibus auctiores eodem tempore Lugduni prælo subjicit, cum Parisios ad Gillotum, ut ibi excuderentur, mittere antea constituisset (r). Quibus quamquam detineretur satis arctè, tamen familiæ eriscundæ causā cogitabat Genevam, quò jam uxorem præmiserat, quæ ipsius adventum præstolabatur. Verùm Casauboni studiosissimus,

- (a) *Epist.* 174. 175. si quis alius, Vicquius, cum intellexisset Genevenses pestilentia affligi (a), noluit cum dimittere: quin potius datam jam ante spem (b), quod Lutetiam à Rege vocaretur, (b) *Epist.* 164. (quod votum & consilium fuerat magnorum (c) virorum) latius aperit atque implet. Nam Vicquius Regis literis subito* Parilios revocatus, Casaubonum comitem secum abducit (d). Illic cum pervenisset mense Septembri statim non tantum benigne & humaniter ab omnibus amicis, qui ejus adventum vehementissime jam diu exoptarant (e), excipitur, sed ante omnes ab utroque Prælide Harlæo & Thuano, Principis Condæi educationi Præfectis (f), & Nicolao Fabro, ejusdem Principis Præceptore, qui Casaubonum primo quoque die ad hunc Principem, ad eum pagum, (e) *Epist.* 176. ubi educabatur, perduxit. Neque hos sensit solos erga se benevolos, sed & ipsum adeo faventem ac benignum Galliarum Regem, Henricum Quartum, ut (g) extemplo jussit relinquitis Volcis Arecomicis cum Lutetiam migrare. Quod an idem vellent, qui circa Regem erant, anceps pendebat animi (b). Confirmat hoc, quocum communicavit idem Bongarsius in Epistola ad Joachimum Camerarium data (i): *Casaubonus in Aula nostra fuit à Rege exceptus, & Lutetiam invitatus benignissime. Ipse quò inclinet, non planè constat; scribit enim dubius. Et scribens Caspari Scioppio (k): Casaubonus cum Lutetiæ fuit, & in Aula Regia à Rege exceptus & habitus benigne, & Lutetiam ad professionem invitatus, conditionem an acciperet, nondum ipse apud se constituerat cum literas ad me daret sub hujus mensis initium.* Dubius itaque redit ad suos mense Octobri, tradens se totum intermissæ & dilata (l) lectioni librorum Theophrasti de *Causis Plantarum*, in quibus, prout erat sagaci planè ingenio, sibi visus est felicissime restituisse plurima, à Julio Cæsare Scaligero, (propterea quod ei fecerant negotium) omiſsa, quæ, si sciret filium Josephum non ægrè laturum, aut malè interpretaturum, summopere desiderabat publico exponere. Ita enim ipse de hisce Commentariis (m): *Theophrasti subtilissimum opus de Causis Plantarum perlegimus: si dabit Deus otium ad ea concoquenda, quæ in eum Scriptorem meditati sumus, non luserimus, credo, operam.*
- (i) *Bongars. & Lingelb. Epist. pag. 46.* Novembri mense per sexdecim dies abijt Caseronem ad maximum virum Præsidem Philippum Canaium à Fraxinis, à quo non sine magnis molestiis periculisque redux, ne otiosus esset in urbe Monspelienſi, dum exspectet literas, quibus Lutetiam Parisiorum vocetur, publicè docere ac interpretari aggressus est Pindari Oden primam, nec non Ciceronis Epistolas ad Atticum, in quas, modò spes non decollarat, quæ ei facta erat Codicis cujusdam notæ non pessimæ, conscriptas divinationes suas publicasset. Quarum ex parte solummodò exigua, nempe in libri primi Epistolas XVII. priores, à filio Merico accepta vir celeberrimus J. G. Grævius ea elegit, & anno CIO IO LXXXVI. edidit, (n) *Epist.* 138. & quæ cæterorum Interpretum fugerant solertiam. Ut autem de iis, deque ipso Isaaco Casaubono quid sentiat summus ille Censor, cognoscamus, verba ipsa Græviana apponere lubet: *In libri primi prioribus septemdecim Epistolis videbis non paucas annotationes magni Isaaci Casauboni, numquam antehac in publico visas. Mompeli cum literas politiores promitteret, publicè interpretatus est Epistolas ad Atticum. Acroasies has in paucas illas, quas dixi, meæ fidei per cl. virum Jacobum Gronovium commisit non multis ante beatum suum decessum mensibus, filius patre tanto dignissimus, meique, cum superesset, studiosissimus, Mericus Casaubonus. Ex iis delibavi, quæ cæterorum Interpretum studium & solertiam fugerant. Quod si in alios libros incomparabilis viri notas nobis non invidisset fortuna, magna lux, magnum ornamentum accessisset huic editioni. Nam quæ fuerit capitalis illius ingenii excellentia, quæ doctrinæ latissime diffusæ varietas & copia, nemo ignorat, nisi hospes in literis; nemo negat, nisi livore perditus: quod verò fuerit ejus in his Epistolis evolvendis studium, mihi fidem fecit editio Bosſiana, quam detriverat, & cujus marginem implebat rerum, quas in iis scitu dignas observarat, annotatione. Verum illas jam antè, anno nempe CIO IO XCI. auctore magno Bezà & reliquis fui muneris Sociis instituerat in Schola Genevenſi interpretari (n); quandoquidem sperabat suâ diligentia suoque labore parem fore isti oneri ferendo; quòd putaret se aliquid in Commentatorum expositionibus inventurum quo posset juvari. Ast planè alio longè modò rem se habere comperit. Nihil tamen magis ipsum torſit quàm loca Græca ex composito quasi penè corrupta & malè habita ab ipso Bosſio, qui numquam minus est Bosſius quàm ubi Græca corrigere conatur. Hinc omnem spem ponebat in Francisco Junio (o), cujus notæ ferebantur proditura; quas admodum desiderabat Casaubonus, uti & hodie nos; non enim meminimus legere eas umquam lucem vidisse.*
- (n) *Epist.* 968. Tandem verò, postquam a. d. i v. Eid. Decembr. ab Emerico Vicquio literas, quarum summâ majores anxietates animo, & molestissimarum curarum cumuli, quam le-
- vantes

vantes relaxationes accessere, accepisset, invito Rectoris munere ad aliquot hebdomadas fungenti ei a. d. ix. Kalend. Februar. à cœna redduntur Henrici Magni, Franciæ & Navarræ Regis Christianissimi, literæ, a. d. iiii. Nonar. Januar. cix. id. xcix. datæ, quibus Lutetiam Parisiorum ad profitendas ea in Academia Regia Humaniores Literas evocatur (a).

MONSIEUR DE CASAUBON,

Ayant délibéré de remettre sus l'Université de Paris, & d'y attirer pour cest effect le plus de savans personnages qu'il me sera possible; sachant le bruit que vous avez d'estre aujourd'hui des premiers de ce nombre; je me suis résolu de me servir de vous pour la profession des bonnes Lettres en laditte Université, & vous ay à ceste fin ordonné tel appointement, que je m'assure que vous vous en contenterez. Partant vous ne saurez incontinent la presente reueüe, de vous préparer à vous acheminer par deçà, pour vous y rendre le plus tost que le pourrez commodement faire. Et à fin que l'obligation que vous avez d'enseigner en ma ville de Montpellier, ne vous puisse retenir ou retarder, j'escriis presentement aux Consuls d'icelle, qu'ils ayent à vous en tenir quitte & deschargé, & à vous assister de ce qu'ils pourront en vostre voyage: pour les fraix duquel j'ay donné l'ordre, que vous entendrez par les lettres du Sieur de Calignon, Conseiller en mon Conseil d'Estat: sur lequel me remettant je ne vous en diray icy d'avantage. Sur ce, je prie Dieu, Monsieur de Casaubon, qu'il vous ayt en sa sainte garde. Escrit à Paris, ce iiii. jour de Janvier, cix. id. xcix.

Quibus prorsus refectus, curis solutus, sibi que quasi redditus, è vestigio iter Parisiense intendere enititur. Itaque, cum Scholarum præfecturâ impeditus continuo abire non posset, uxorem unâ cum charissimis pignoribus Philippa, Joanne, & Gentili seu Joantilla Burdigalam ad matrem atque sororem a. d. xv. Kalend. Mart. præmittit. Ipse verò a. d. xv. Kalend. Mart. summo mane Volcis Arecomicis longum valere dicit; Mompe- liumque, unde quidem bonam famam, præterea verò nihil reportabat, reliquit, & in ea urbe, quantum conjecturâ colligere potuerim, binas filiolas, alteram Eli- sabetham isthic sepultam, alteram Joannam apud piam verè nutricem, uxorem unâ cum liberis reliquis Burdigalâ Lugdunum, indeque Lutetiam perducturus. Ipsi- bus verò Nonis Martiis relictâ in matris sororisque manibus filiolâ Gentile seu Joantillâ, Lugdunum salvus cum uxore & duobus liberis Philippa & Joanne pervenit, plenus spei se brevi inde Parisios cum familia perrecturum. Verum multò aliter rem evenire vi- det. Primò enim ejus amantissimus Mericus Vicquius, quem urbe egressum in ipsius occursum ante omnes amplectitur, incredibili, quâ cæteros superabat, comitate, boni- tate, liberalitate, & erga literas literatosque amore Casaubonum, & quos secum ad- duxerat uxorem, natosque domum suam adducit, hospitio excipit, & eo uti jubet, iter Parisiense ei dissuadens, saltem usque dum Regem, qui Lugduni exspectabatur bre- vi, convenisset. Accedebat Athenæi Deipnosophistæ lentissima futura editio. In pri- mis verò morari cgebant literæ altero ab adventu die Genève allatæ, nuntiantes uxori at- que liberis à Senatu Genevensi summam factam injuriam, (fortè in divisione hereditatis fœceri Henrici Stephani, cujus, quia intestatus obiit, quadrans omnium τὸν ἐκ μεγίστης κτή- νης ἐκείνης ἐν ἀπολησίῳν ad uxorem pertinuit) quapropter prid. Eid. April. ipsa FLOREN- TIA magnis de causis secum abducens Philippam natu maximam filiulam, Genevam proficiscitur, quam minus ex voto isthic fluentibus rebus vi. Kalend. April. sequi co- actus, propitius Kalend. April. Genevam venit (b), ubi, licet præclaras in Bibliotheca Stephanica invenerit reliquias, tot offendit molestias, adeò afflictam fortunam, ut ver- bis exprimere nullus potuerit. Cum Prætorum namque de eligendo sororculæ Andree Ste- phani (quæ tamen circa mensis Septembris initium moriebatur) tutore, qui Boræus con- stituebatur, coactus fuit agere, quo nihil ipsi durius, quippe qui relictâ Genève uxore Lugdunum revertitur, unicè Athenæi editioni, aliisque, quæ intra manus habebat, ope- ribus incubiturus.

Lugduni, ubi vehementer frigebant literæ (c), (non nisi rituales libros vendentibus (d) Bibliopolis) apud amplissimum Vicquium hærens, cum duobus Capucinis, viris modestissimis & pacati planè ingenii, de religione nonnulla diligentius excutere cœpit, non quòd ipse hoc desideraret, sed quòd Vicquius religioni Romanæ addictissimus hoc modo, uti persuadebat sibi, servare amicum suum sit annis. Verum cum frustra diu ex- spectasset Regem, eodem Vicquio auctore iter Parisiense suscipere statuit, quamquam prævideret ipse, ante quod jam Scaliger atque Vicquius, itineris primus suavor, mo- nuerant, Lutetiæ non tam commodè se victurum quàm quidem sibi proposuerat, quo- niam

(a) Chris-
tophorus
Colerus
scribit
Joanni
Kirchman-
no eodem
tempore
vocatus
Scalige-
rum. Ita
enim ipse:
Vocavit
REX CA-
SAUBO-
NUM Lu-
tetiam &
SCALIG-
ORUM.
Scaligero
sua ma-
nu scripsit.
Epist. à
P. Bur-
mann. edit.
pag. 253.

(b) Epist.
136. &
Dier.

(c) Epist.
192.
(d) Epist.
194.

- niam mirum in modum detestabatur intolerabilem fastum ac superbiam quorundam Parisiensium Pædagogorum, & inter eos præ primis Theodori Marcelli, Eloquentiæ Professoris Regii, eorum Apollinis (a); à quo quàm indignè antea, cum primà vice Lutetiæ commoraretur, fuit exceptus, & quæ sit Pædagogorum indoles, prolixè singulari ferè Epistolâ Josepho Scaligero enarrat. Cæterum propositum hoc, (quamvis amici, scilicet, Harlæus, Thuanus (b), Gillottus, moram increpantes conviciis eum Lutetiam (c) vocabant) evertunt uxori illatæ continuæ molestiæ, rixæ, lites, ac calamitates Genevenses, quæ alterâ jam vice eum evocant Genevam, ubi cum jacet, ecce uxor a. d. x i x. Kalend. Septemb. enititur filium, qui v i i. Nonar. Septemb. sacro fonte Ecclesiæ initiandus à parentibus, fortè *in animi grati testimonium* ac memoriæ servandæ gratiâ optimi hospitis Merici de Vicq, nomine appellatur *Mericus*, adeò ut infectis negotiis, sine uxore, Athenarum, Persium, Suetonium absolvere coactus, Lugdunum discesserit. Sed hæc negotia brevi post absolvit ac perfecit prudentissimus Senator Genevensis, Jacobus Lectius, quo, uti & prioribus beneficiis ita se ipsi agnoscit devinctum, ut nihil magis ex intimo optaret pectore quàm cum Lectio in eadem urbe consensescere (d), quod tamen maximè mirandum cum plurimis, iisque summis injuriis fuerat affectus. Verùm eas superavit, seu potius abolevit ineffabilis atque extingui nescius erga amicos, dulcissimamque patriam amor, ac maximum quietæ & pacatissimæ vitæ, quam unicè studiis melioribus consecrarat desiderium. Quæ conjuncta cum suprâ memoratis imminentibus molestiis prope eo Casaubonum perduxerunt, ut si honestè ac salvâ famâ & honore potuisset (e), Lutetiam fuisset profectus, oblatæ superiore anno, utut blandienti, conditioni renuntiaturus. Idque eò lubentius, quòd Vicquius Parisiis ei scripserat magno hiatu promissa evanesce-
(f) re, atque illos, qui ipsum ardentè amabant desiderabantque amicos parum posse (f). Diplomate tamen Regio ac literis vocatus, omnibus posthabitis negotiis, relictis rebus, etiam imperfecto Athenæo, quin imò ipsa uxore liberisque, visurus quorsum illa evaderent (g), remis velisque properat, eà quidem celeritate, ut intra quinque dies Lugduno Lutetiam appulerit. Ubi statim præter omnem opinionem cum suam, tum amicorum, optimi Principis, Henrici IV. sensit cum singulari humanitate conjunctam voluntatem (h), qui unicè optabat Isaaci Casauboni operâ ac diligentia instaurare Scholam. Flexus & expugnatus regio favore Casaubonus, suscepto munere, quorundam Professorum fastum, quem palam ac clarè detestabatur ac respuebat, declinaturus in remotissimam urbis partem (i), ex amplissimi putem Vicquii ædibus, quibus hætenus erat usus, in affinis sui Henrici Stephani, cujus probitas, summa humanitas, & benignitas eum illicuerat, quique ut ejus hospitio vellet uti precibus contenderat, concessit, mensem saltem unum, & si Deus vellet, aliquid amplius mansurus, quo tempore tria hæc sibi statuebat agenda. I. Finem imponere ferè ad metam anhelanti Athenæo; restabat enim præter Prolegomena solus liber x v. II. Exspectare quò evaderent; quorum magna facta spes, vota Gillotiana, sine quibus uxorem, liberos, totamque familiam Lutetiam ducere nec volebat, nec poterat. III. Exspectare, cujus, ut diximus, ferè solo ex consilio pendebat, Canaii à Fraxinis in urbem adventum, ut cum eo de summa suarum rerum deliberaret. Interea præter amicos virosque doctissimos, qui quâ in Aula, quâ in Senatu Parisiensi ἀμυντικὸν ἀσπίς, purioris litteraturæ (fortè & religionis) amantissimi numero erant haud pauci (k), invisit etiam Bibliothecam Regiam, ex qua tamen nihil ob agreste & morosum Bibliothecarii, qui erat Joannes Gosselinus (l), ingenium, profecit. Conficitur tamen negotium, & Penates primo quoque tempore Lutetiam deferre statuit.

Quum autem hoc tempore, (Romano Pontifice Clemente VIII. exigente restitutionem, ac Concilii Tridentini (m) confirmationem) exardere inciperet dissidium inter Pontificios atque purioris religionis assertores, quos *Protestantes* seu *Reformatos* vocant, quàm acerrimè contra adversarios asserere ac defendere, etiam maxima cum fortunarum everfione conabatur Philippus Mornæus, Dominus de Plessis, doctissimo atque elaboratissimo opere de vera Eucharistia contra *Missam* Papisticam edito, Protestantium partes uti solebat, sequi ac tueri se professus Casaubonus, qui propterea eum librum diligenter evoluit, maximè verò Patres antiquos, quorum dogmata orthodoxa, & simplicissimos ritus, cultumque divinum sincerum unicè probabat, nonnumquam à Rege super hoc negotio fuit consultus, quod apertissimè colligas ex Epistola (n) ad Davidem Hoeschelium, ubi inquit: *Et ex eo tempore molestissima negotia, in quæ operâ nostrâ Rex usus est, otium omne ad studia amantiora nobis eripuerunt. Et mox: Sed crede mihi serio affirmanti, nihil occupatius, nihil à studiis alienius eâ vitâ, quam in hac aula vivimus.* Eaque singu-

(m) *La Vie de Mr. du Plessis* pag. 260.

(n) *Epist.* 209.

singulis diebus fiebat acerbior. Nam cum Religionis dissidia quotidie magis ac magis haud exigua incrementa capere viderent, qui antea Regis Edicto Lutetiæ erant expulsi, nunc verò recens auxiliante gratiam Petro Cottonne, Societatis membro, in urbem revocati, Jesuitæ, odio sanè quàm impulsu ac vindictâ vehementer ea fovebant, freti auctoritate, ac in primis usi opera suorum restitutoris Cottonis (a). Erat autem is homo perscrutatus (a) *Epist. Franc. à Monsr. de la Scala, pag. 449.* sinæ frontis, supra omnes alios audax, verbosus declamator, ad assentationem summè eruditus artifex (A), qui non solum ipsum Rêgem, sed totam penè occuparat Aulam (B), *Scala, pag. 449.* omnibus se negotiis tam sacris quàm profanis immiscens; quod in Jesuitis, licet alias ejus Ordinis præclarus fautor atque patronus, ceteroquin vir optimus lectissimusque (b) *(b) Scaliger, Epist. 45. Senator inæc primos & Decanus* Senator Parisiensis Jacobus Gillotus culpât gravissimè, quum scribat ad Scaligerum (c): *Epist. 1030.* „ *Nihil sanctum hic, nihil sacrum, nisi quod illorum dextera sacraverit.* Et n'y a affaire „ en France, soyent procès civils & criminels, soyent querelles de femmes, soyent di- „ verses, soyent mauvais menages entre peres & fils, dont ils ne se messent. Et sur „ tous l'unique Pere Cotton, qui va par tout, *est instar omnium*, qui ne desdigne pas „ de se meller *etiam* des affaires de ... Je vous puis assurer, qu'il est grand personnage à „ flatter, & accommoder toutes choses. *Vis magna in illis verbis*, que je n'esclairciray „ pas davantage. „ Et alio loco, pag. 416. „ Le Pere Gossyp (id est, Cotton) est la plus „ grande & élevée personne qui fust jamais. *Nil sanctum, nil sacrum nisi quod sua dextera* „ *sacravit.* „ *Epist. 1030.*

Quonam verò modo res illa sese in hoc celebri Concilio habuerit, quique in hoc difficili negotio se gesserit, Papismi postea exinde multis malevolis suspectus, Casaubonus, variè à variis, modò strictius, modò verbosius, modò cautius, modò apertius, quod multum luminis Historiæ adferre possit, cum enarretur, consultum duxi rem omnem Jacobi Augusti Thuani, qui si quis alius, adeò sinceræ litavit veritati, ut ingrata judicia & plausus vili mercede redemptos non fuerit moratus, Historici, tum Rodolphi Boterei, in Magno Franciæ Consilio Advocati, (cujus utinam cum Thuani leniori animo fuisset comparandus, nec mordax adeò in Reformatos, quos ipse pro more seculi *Novatores* vocat, ac lividâ invidiâ invecus, quod patet in describendo viro sanctissimo, Theodoro Beza) quandoquidem rarior est ille liber, verbis describere, iisque subijcere narrationem ipsius Isaaci Casauboni, depromptam ex ejus vitæ Diario, cujus exemplum ex ipso autographo descriptum pro mirifico in politiora studia amore benignissimè mecum communicavit vir pietate singulari, literis Græcis Latinisque haud leviter imbutus, Joannes Battelius, Archidiaconus Cantuariensis dignissimus, quem honoris & amoris gratiâ nomino, quoniam ille ante omnes alios me in Historia hac Casauboniana adoranda haud parum consilio & exhortatione inflammavit, atque operâ juvit.

„ Post Sabaudi, *inquit Thuanius (d)*, discessum Rex Fontembellaqueum petit, ubi *(d) Hist. viar. lib. 123. pag. 394. edit. Francof. 1658.* collatio inter Jacobum Davidem Perronium, Episcopum Ebroicensem, & Philippum Mornæum Plessium, qui primarium olim familiaritatis locum in Regis Aula & belli & pacis artibus clarus tenuerat. Controversiæ origo inde fuit. Plessius librum de S. Eucharistia & in veteri Ecclesia sacrificio Gallicè ediderat, isque propter styli elegantiam passim per omnium manus volitabat, avidèque legebatur, eoque magis, quod Patrum tam Græcorum quàm Latinorum, nec non etiam aliquot Scholasticorum auctoritate ac testimoniis suam sententiam in eo tueretur. Itaque periculum veriti Theologi nostri passim in concionibus libri Auctorem tamquam falsarium exagitant, ut ab ejus lectione incautos deterrent. Quidam etiam repertorium locorum non bonâ fide citatorum confecere: nonnulli & libris editis eum confutare sunt aggressi: dum Burdi-

(A) *Ad assentationem summè eruditus artifex.*] Nous avons ici un qui fait merveilles de prescher, appelé le Pere Cotton, qui suit le Roy. Je ne l'ay pas veu, mais on m'a dit qu'il pippe en flatterie. *Jaq. Gillot, Epist. Franc. à Monsr. de la Scala, pag. 99. Idem ibid. pag. 426.* Nous avons un Pere Cotton, admirable Courtisan, & qui apprend à ceux qui pen- soyent y sçavoir quelque chose: au moins les Courtisans & bons le nous disent ainsi. Adulateur *supra quam credibile, & eo nomine* il plaist fort. Je l'ay ouy une fois. Il parle bien, & sans affection de paroles recherchées & phalérées; l'action bonne & agreable, & demulcet aures. Il plaist & est propre pour la Cour. De tesmoignage de grand sçavoir & éru-

dition il n'en donne pas. *Idem pag. 435.* Il y en a ici un à la suite de la Cour, appelé Pere Cotton, qui fait fort parler de luy. Il est ingenieux, & flatteur oultre mesure, & sa grande perfection est en cela. Car de doctrine je croy qu'il en a, mais non pas admirable, ni peut-estre, grande. Il a presché & presche ici: le Roy va à ses sermons. Il parle bien; mais d'instruction peu, ou point.

(B) *Qui... totam penè occuparat Aulam.*] François Castria à Monsr. de la Scala, pag. 223. *Epist. Franc. Je croy que par-ci-devant, vous avez secu du Pere Cotton Jesuite, qui a tellement possédé nostre Roy & toute ceste Cour, qu'il a gagné ce point que de vouloir faire abatre la Pyramide, &c.*

„galæ, ubi Jesuitarum Schola celebris erat, nec non Lutetiæ inter Concionatores na-
 „gotium caleret, Ebroicensis Episcopus itidem se demonstraturum recepit quingentos &
 „amplius locos ex Patribus antiquis ac Scholasticis in eo libro falsò citatos esse: quod
 „cùm ad Plessium relatum esset, ille scripto Lutetiæ publicato petit, ut tam Episco-
 „pus, quàm alii, qui ipsius librum falsi insimularent, libello supplici, quem Regi
 „porrecturus esset, subscriberent. Eo petebat, ut probitatis & doctrinæ perspectæ De-
 „legati à Rege nominarentur, qui librum diligenter examinent, & verè an calum-
 „niose hæc ab adversariis objiciantur, diducant. Id actum a. d. xiii. Kalend. April.
 „Perronus, qui Conditi erat primaria Ebroicensis Diocesis arce, scripto contrario re-
 „spondet quinto post die, & conditionem accipit, amboque à Rege petunt ut Dele-
 „gati nominentur, qui coram ipso, si interesse non gravabitur, & per occupationes
 „liceat, de re cognoscant. Intercessit initio Orator Pontificius, qui Religionis con-
 „troversias per disputationes in dubium revocari periculosum esse, idque sine Pon-
 „tificis auctoritate licere minimè putabat. Verùm cùm Rex & ipse Perronus hanc con-
 „certationem nihil ad ratas Ecclesiæ de fide decisiones spectare ostendissent, tantumque
 „de Plessii libro agi, verè an falsò loci in eo ex Antiquis adducti referantur, & siqui-
 „dem probetur, locos illos falsò citatos esse, fidem non solum libro derogari, sed mul-
 „tos ex Protestantibus, qui nimium quàm illi tribuunt, ab errore suo discessuros, facillè
 „apud eum pervicerunt, ut silentio rem transigeret. Igitur Delegati nominati pro Ca-
 „tholicorum parte Jacobus Augustus Thuanus, Senatus Parisiensis Præses, qui se ab
 „initio excusavit; Franciscus Pithæus, Nicolaus Faber, pro Protestantibus Sofredus
 „Caligno, Navarræ Cancellarius, in cuius locum, quòd morbo præpeditus venire
 „non potuerat, Philippus Canaius, Septimanæ Curia Præses, successit; Isaacus Ca-
 „saubonus. Sed cùm Nicolaus Faber interesse non posset, Joannes Martinus, profes-
 „sione Medicus, à Rege evocatus est. De forma collationis primò altercatum, pa-
 „rumque absuit, Plessio Regem à se alienatum causante, quin omnino colloquium
 „abrumperetur. Tandem post crebras contentiones, Plessio locos, qui falsi argueban-
 „tur, designari simul universos petente, & Perrono l. x. tantum initio proponente,
 „a. d. i v. Nonas Majas in rem ventum est: & cùm Pomponius Bellevreus, Cancellarius,
 „qui actioni coram Rege præerat, præfatus esset, nihil hic agi, quod auctori-
 „tati Ecclesiæ & doctrinæ in ea inter Catholicos receptæ, aut Edictis in Protestantium
 „gratiam factis præjudicium ullum asferre posset, ad moderationem utrimque servan-
 „dam partes hortatus est. Sic enim Regem velle ac jubere. Tum prolixiore oratione
 „Perronus eundem sermonem persequitur, & modestiam Regis laudat, qui non ut Ju-
 „dæorum ille Rex, qui thuribulum quòd sumpisset, leprâ percussus est, hoc est,
 „auctoritatem sacerdotalem, & in res sacras potestatem ullam sibi arrogavit; sed po-
 „tius Constantini, Valentiniani, Theodosii I. & II. exemplum secutus, inte-
 „grum ac liberum de fidei controversiis ac rebus Ecclesiasticis iudicium Pastori-
 „bus à Deo ordinatis reliquit. Pauca item pro se prolocuto Plessio, non ad ambitio-
 „nem aut vanitatem librum à se factum, aut disputationem hanc institutam; sed ut
 „ex ea aliquis ad Dei gloriam & Ecclesiæ emendationem tam diu speratam Regis opti-
 „mi auspiciis fructus rediret. Promuntur libri. Cancellarius & Delegati ad dextram
 „sedebant, Rex in medio, & post eum Archiepiscopus Lugdunensis, Nivernensis,
 „Castrensis, & Bellovacensis Episcopus; & rursus post eos quatuor viri à secretis Epi-
 „stolis. Ad lævam Valdemontanus, Nemorosius Mercurianus, Meduanus, Niver-
 „nius, Ellebovis, Aquillomius Duces, Jonvillæ Princeps, alique Proceres mensæ,
 „ad quam hinc inde Perronus & Plessius stabant, circumfusi passim à tergo turba.
 „Excussi primò Joannis Scoti & Durandi de præsentia & transubstantiatione corporis
 „Christi in S. Cœna loci, & rogatis Delegatorum sententiis pronuntiatum, Plessium
 „ratione inter Scholasticos usitatâ deceptum, objectâ pro decisionibus in utroque sum-
 „plisse. Tum S. Chrysostomi unum & alterum, nec non & B. Hieronymi de invoca-
 „tione Sanctorum locos non integros, quod fieri debuit, citatos esse. B. Cyrilli locum
 „de S. Crucis adoratione productum, nusquam apud eum reperiri. Constitutionem
 „verò Theodosii & Valentiniani aliquot verbis truncatam. Nec ex Petro Crinito, ho-
 „mine Auctore recenti, nec magni nominis produci debuisse, à Cancellario itidem pro-
 „nuntiatum. Dein confusa duo ex S. Bernardo loca de B. Virgine, quasi non media-
 „trix pro hominibus apud Deum intercedat, à Plessio citata arguit Perronus, & se-
 „cundum ejus censuram à Cancellario ex Delegatorum sententia pronuntiatum fuit.
 „Ultimus locus ex B. Theodoro discussus est ex Commentario in Psalmum c. xiii.
 „de

„ de imaginibus; & *idola*, non *imagines* verti debuissent contendebat Perronus. Tandem
 „ post longam de imaginum usu concertationem pronuntiatum à Cancellario, locum de
 „ simulachris Gentilium, non de imaginibus Christianorum intelligendum esse: & ita
 „ cum iam advesperasceret, solutus eo die Conventus; quem ut postridie continuare-
 „ tur, cum urgeret Perronus, morbo ex vigilia præcedentis diei contracto Plessius
 „ adesse non potuit; tandemque aliis atque aliis subortis difficultatibus, Delegati dilapsi;
 „ & Plessius ut valetudinem curaret, Lutetiam venit a. d. V I I I. Eid. Majas, ac postri-
 „ die Cancellarius cum Perrono, triduoque post Rex ipse cum omni aulico comitatu.
 „ Tandem interjectis aliquot diebus insalutato Rege Plessius Salmuriam discessit. „

Haftenus Thuanus. Accipe nunc verba R. Boterei: (a) In Regia Fontisbellei dum (a) Pag.
 Rex quietè inquietam vitam in venatu agit, Theologicæ Dissertationis occasio subna- 321. ed. 8.
 scitur, & cum à multis annis non spectatior neque dignior referri extiterit, operæ pre- pag. 229.
 cium fuerit, si aliquot paginas vera proflus, nec ad gratiam & odium occupet rei gestæ ed. 4.
 narratio.

Superiore anno Philippus Mornæus, Plessæi Dominus, vir utrâque linguâ facundus, Elogium
 in Aula tamen & castris summisque Præfecturis utriusque Regni, quàm in Scholis & Plessæi
 in Elæis, quàm in Peripateticis spaciis exercitior, opus Eucharisticum ediderat, Bel- Mornæi
 luam multorum capitum, quod penè omnium Prædicantium notis, animadversionibus, ob singula-
 lituris, laciniis, centonibus compactum erat, solius dictionis flore & phaleris à Phi- rem clo-
 lippo concinnatum & perpolitum, ut profectò omnium, quos nostra fert ætas, Plessæus quentiam.
 fandi peritissimus est, atque utinam vernaculæ facundiæ promeritam gloriam aluisset, Proposi-
 proxiissetque! at ille farragine congestâ Prædicantium (quibus doleo nimis fuisse cre- tum operis
 dulum Philippum) Missam antiquis Patribus non solum improbatam, sed & ritus illius Plessæi.
 & conceptas sacrificii precumque formulas ab eis profligatas & explosas probare con-
 tendebat. Quasi mediâ Lutetiâ natum foret ostentum, devotionibus publicis Concio-
 nantium, vulgi clamoribus, plaustrisque dirarum obruitur, tantæ esse impuritatis, ut
 solo rogo expiari possit, quotque intercipi potuere iracundo igne cinesacti, eâ acerb-
 itate, ut si in efferatæ plebis manus Scriptor incidisset, resque sui fuisset arbitrii, similes
 pœnas dedisset. At cum pravè sensa vel nequiter scripta animi sint intemperix & recti ju-
 dicii averfio, non pauci fuere, qui Plessæi opere discusso, plura nedum incuriosè, sed
 fallaciter, mendaciter conscripta dicerent. Bulengerius Juliodunensis, primus glaciem se-
 cuit, suoque classico mille scriptorum centurias ad publicum certamen fidei propugnan-
 dæ concitavit. Puteanus Vazatenfis, atque ipse Fronto, Ignatiani fodalitii veteranus,
 Plessæum sine fronte facit, publicatis falsitatum apicibus (parcite si barbara vox mihi
 excidit, res signandæ suis verbis) censuram suam inventarium nominavit; cumque exu-
 berarent, suoque ordine notaret, à suis Plessæus urgetur, ne Orthodoxorum probra &
 publicas devotiones præteritas & inultas sinat, illum falsi reum traduci, id Religionis
 non nisi summo dedecore in aula Regis & Regia urbe palam publicari. Hoc percitus æstro
 ab ignavis crabronibus, qui umbrâ & latibulis se tuentur, Plessæus ut certè est corda-
 tior, dat se in arenam, classicum pugnx canit, stadium aperit, atque ille monentibus
 nimis credulus transit Rubiconem; per insignem Neusticum, Nobilem Sanctæ Mariæ du
 Mont, libellum mittit, spargitque in eos, qui sibi operique suo detraherent, eoque po-
 tissimum Ebroicensis Episcopum appetit, quod ille in suis antiquorum Patrum cita-
 tionibus Plessæum falsi argueret, eo libello supplex Regem officiosissimè rogat, ut veri
 investigandi falsique damnandi arbitros deligeret. Ebroicensis, auditâ provocatione in-
 cruentæ pugnx, vadimonium accipit, publicato programme profitetur, Rege & quibus
 velit inspectoribus arbitrisque, in Plessæi opere quingentas falsas citationes, ex pluribus
 sigillatim & in numerum redactas, ne quis eum hyperbolicè jactare putet, enumeratu-
 rum & probaturum. Ebroicensis Regem deprecatur, ut Constantini Magni æmulus, pa-
 ce Regno partâ, Ecclesiis adversus bella & procellas hæresen pacem procuret, ex ea
 Dissertatione Religionis dissidia, vel finem habitura, vel certè apud quos veritas & fides
 prisca sit & fuerit constitutum. Plessæus suâ Epistolâ ad Regem morem gerit, arbi-
 tros & censores deligi petit. Utrique commilitoni diem Rex dicit in Regia Bellæifon-
 tis: hac novâ palestrâ de fide inquirenda commotus Nuncius Apostolicus, Regem adit &
 commonefacit, controversiis de rebus fidei jus dandi arbitros, duntaxat esse penes sum-
 mum Pontificem: Rex contrâ, Oratorem Pontificium de re tota securum esse non solum
 jubet, sed exinde summam lætitiâ expectare; de fidei articulis nullam moveri con-
 troversiam; hoc unum agi & discuti, num Plessæus Sacræ Paginæ dogmata, Patrum
 testimonia, verè, integrè, castigatè, non mendosè, hiulcè, & intercise citaverit, ad
 fidem

fidem codicum exemplaribus duntaxat opus esse; Dissertationem hunc habere limitem, non Theologicis Professoribus arbitrium committendum, cum de enucleandis sacris rebus non sit quaestio, sed eruditis, scientissimisque linguarum, qui collatis Plessæi citationibus, cum germanis & incorruptis codicibus, hoc unum explorent, num illas verè aut mendosè ediderit. Ergo hujus disquisitionis arbitri deliguntur, pro Orthodoxis Antistes Curiae purpuratus, Augustus Thuanus, Plessæo veteri amicitia & cognatione conjunctus, Pithœus, veteranus Curiae Patronus, & Faber ille, cui ob singularem eruditionem & pietatem Principem Condæum tenellum in disciplinam datum supra diximus, Plessæi à partibus stabant Calignonius, Regni Asturum Cancellarius; Canaius, in Edictali Occitaniae Camera Praeses, & Isaacus Casaubonus, omnes insigniter & ad nostri saeculi miraculum eruditi. Desideratis Fabro & Calignonio, in vicem absentium suffectis pro Catholicis Martinus, Medicus regius, & Canaius, maturè adfuit Ebroicensis in Confessu Cancellarii, qui summus moderator & Palæmon disputationis erat.

Paulò serius advenit Plessæus, caussatus extra urbem per saltus loco avio vix opportunè disceptationem fieri, utpote cui copia librorum non suppeteret. Diffugii primus hic colos, cui responsum, quòcumque Rex iret, ibi non desiderari librorum officinam, potissimùm eo loci, cum in ipsa Fontisbellæi Regia, Rex Franciscus I. luculentam Bibliothecam collocaverit, quæ Philadelphi, Vaticani, Veterumque omnes superaret. Plessæus citationes omnes continuâ serie operis sui non cursim & dissolutè, ad amussim censuræ expungi voluit, utque Ebroicensis, quas jactaverat quingentas falsitates (parcite Latini censores, verbum ad rem usurpo) syngraphâ & sigillo prænотaret, ille contra aliud esse Plessæi diverticulum Regem admonet, ante diem leges disputationis præsriptas, hoc examen totius operis inane & ridiculum, eo exemplo, quo si quis de lituris aut additis in contractu accusatus, se excusatum esse velit, quòd demptis aliquot, cætera omnia verè & germanè scripta sint, jure civili receptum eum, qui in verbo, in clausula, quæ pactum afficiat, reus sit, non omnium reum fieri. Omitto argutationes nimias, ad detrectandam pugnam verius innexas, quàm ad veri & propositi investigationem, quibus tota Gallia perstrepat, ita ut non aliis clamoribus prætereuntes obtundamur, viâ Palatinâ circumforaneis librariis totâ die Plessæum devoventibus. Ut se circo conclusum vidit, iterum supplici libello quærit effugium, iniquas condiciones conqueritur; cui à Rôsnio, Casaubono, suarum partium viris clarissimis acclamatur, cum qui diem dixit, provocavit, stadium aperuit, inglorium esse loco & pugnae defore. Ut verò publicam expectationem his artibus Rex ludificari agnovit, per Cancellarium Plessæo mandat, si arenâ cesserit, ejus librum censuræ publicæ permissurum, & si falsò perperam intercise, neque ex fide bona rem sacram & augustam, ut est Eucharistia, scripsisse deprehendatur, falsi citatoris probro & pœnæ obnoxium fore: neque vox illa Regis licet minax, homini metum ademit aut spiritus addidit, iterum nectit moras & venturi præscius, campum fugere quâ potest arte, meditatur. Sed historica brevitatis non patitur referri istas ludificationes, sed etiam nolentem campo includamus: præmonitus uterque non rixari, non acerbè, ut solet inter bellicos hostes, sed benevolè & Christianè, ut decet incruentos pugiles, qui de veri pervestigatione gloriosum certamen habent. In Triclinio post meridiem primâ Rex assidet; collaterales habet utrinque Dissertatores, stant in extremo Amanuenses delecti, qui fideliter & propere acta controversiæ excipiant, Antistites & Principes, Regni Proceres promiscui cultus, Nobiles & Aulici circumstant, in proximo aestuario omnium Codicum ad fidem citationum, parata erat suppellex. Indiçto silentio sic profatur Ebroicensis: Adsum (Rex invictissime) vadimonio, quod mihi Dominus Plessæus libello provocatorio dixit, vel scripto professus sum (& opere præstabo) me quingentos locos falsò, mendosè & intercise ab illo citatos, opere suo in Lithurgiam; idque nunc & liquidò probaturum. Regia tua Majestas quâ summâ est prudentiâ, hac Dissertatione nihil fidei detractum iri, (ut quæ tota sit ad disquisitionem veri & falsi) in Plessæi scriptis sedulò prævidit, ut quæ ad id unicè instituta sit, num ille veterum Patrum dogmata & sensa, sincerè & ex bona fide ediderit, aris adytisque ac mysticis apicibus, tua Majestas more majorum piorumque Cæsarium temperat. Novit ex Bibliorum sacro Codice, elephantiasi foedè percussam Regem, quòd temerè offerre incensum Domino, hoc est, politiæ res sacras admiscere tentaverit, multò sapientius, Constantini, Valentiniani & Theodosii pietatem æmularis, qui ad Clerum Pontificesque, Ecclesiasticas controversias ut rem merè sacram & mysticam ablegarunt. Hac ego fiducia, sed potissimùm fidei orthodoxæ clypeo, quam in hoc Con-

Ad disputationem
Ebroicensis præfatio.

sessu

fessu tuendam aggredior: jam ordior ipse, palam & publicè obtestans, me nullâ similitudine, ira, odio, aliove nequiore affectu impulsus in D. Plessæum, quem ego plurimum ob egregias animi dotes colo & observo, nec eum falsi accuso; sed eos, quorum susurris, tabulis, & commentariis nimis credulus, fidem adhibuit: atque ex comitate & modestiâ, hanc obtestationem veram nunc, quamdiu mihi cum illo res erit, apud auditores spectatoresque efficiam. Plessæus adversâ oratione sic profatur: Jussu regio illuc evocatum, ut libri assertor esset, non ambitu aut famæ gloria, sed sincerioris doctrinæ zelo, ad castigatorem Ecclesiæ statum, quem tot viri probi à multis annis desiderant, si opus suum ad hoc conducere possit, summo bono sibi deputare: sin minus, vel propriâ manu ambumtum cupere. Spem tamen sibi esse apud candidos censores, eum non incuriosè neque protervè in eo opere insudasse; nec mirum videri, si in sylva tanta citationum, mens, oculus, vel manus aberraverint; quasi Horatiano versu se excusatum vellet:

Adversaria oratio Plessæi.

Verum opere in longo fas est obrepere somnum.

Etiam in Romanæ Ecclesiæ Doctoribus, qui non ab uno sæculo scripserint, hanc ferendam incuriam, qui si ad hanc trutinam ponderentur, raros invenias, qui huic noxæ non sint obnoxii, contraria obtestatione profiteri. Singulare hoc certamen, si minus prosperè cesserit, nihil Reformatæ Doctrinæ detracturum, utpote cujus non sit arbiter, quæ ab eo non pendeat, & quæ ut eum antecessit, sic post eum perduratura sit. Dissertationis exordium fuit à Joannis Scoti citatione, quem sic docentem Plessæus scripsit: *Joannes Duns, cognomento Scotus, post Lateranense Concilium, penè exactis centum annis dubium facit, num corpus Christi verè & realiter panis & vini specie contineatur; atque ille contendit non contineri. Dubitandi & negandi rationes sunt, mensura, locus, aliæque functiones, quæ essentialiter veris corporibus hærent & insitæ sunt, id non ferant quale oportet esse verum corpus Christi.* Ebroicensis, Scoticè, & obscurè Scotum Plessæum interpretari respondet, pro ejus sententia adversariorum argumenta & disputationes sumpsisse, atque propugnatori corporalis existentie in Eucharistia, Sacramentariorum, quos impugnabat errores imputare, in explicandis Authoribus audax facinus, eorum sensa distorquere, & probatum acceptumque illis referre, quod maximè improbaverint. In hac prima velitatione turbati animi speciem tulit Plessæus, nec seriatim in orbita & defixa questione morabatur, sed extra semitam devius, oberrabat nunc istam, nunc aliam delibans; in hoc potissimum desudans, ut probaret Scotum in existentia corporali nutantem fuisse. Visum Confessui Plessæum pro sententia Scoti, argutationes Sacramentariorum, quas refellendas proposuerat, usurpasse. Secundæ Dissertationi locum fecit Durandi citatio, quem sic loquentem inducit Plessæus: *Durandus, quem Schola Sorbonæ Magistrum per antonomasiam, Doctoremque summum nominat, lib. 4. sententiarum, distinct. 11. ipsissima verba scripsit: Hoc posito (inquit Durandus) ut panis & vini utraque substantia existat, una hinc duntaxat emergit non utique nodosa & indissolubilis quæstio; (videlicet duo corpora simul existentia) contrarium verò si asseratur, plures difficultates suboriuntur, videlicet ratio disquirendi probandique, quo modo accidentia mutant naturam, ut ex his aliquid gigni possit, cum omnia ex subiecta materia ortum habeant.* Ebroicensis novum errorem Plessæi priori simillimum, adversarias Sacramentariorum dubitationes pro Durandi sententia habuisse, quinimò Durandum ipsum, more Scholastico discussis & prosligatis Hæreticorum hujusmodi deliriis & præstigiis, disputationem clausisse hac verissimâ & inconcussâ assertione: *Panis viniq; substantiam in Christi corporis veram substantiam efficaciam verborum commutari.* Durandi Codice exhibito perlectoque, & discussio articulo, pronuntiavit Cancellarius: Plessæum pro assertione Durandi, adversariorum contrarias objectiones sumpsisse. Tertia Dissertatio versabatur circa Divi Joannis Chrysostomi propositum, quo Plessæus Doctore oris aurei & doctrinæ incorruptæ, plumbei ingenii minusque sani judicii probrum imponebat, quod ille scripsisset, divalibus precibus & suffragiis non esse fidendum: Ebroicensis Chrysostomum non ex fide citatum, Plessæum fuccidisse, quod erat præcipuum, videlicet Chrysostomum scripsisse non absolute in Divorum intercessionibus salutem constituendam, quam sententiam mendosè Plessæus his verbis reddiderat: *Nullo modo imitandum precibus Sanctorum.* Adiciebat expunxisse quæ eo loco suadet Chrysostomus, nempe ut nos mortales Coelitem suffragia & preces non despiciamus; sed deprecemur, ut pro nobis apud Deum sint deprecatores. Prolatis Codicibus operum Chrysostomi, ex assidentium sententia pronuntiavit Cancellarius, *Præterita à Plessæo, quæ integrè neque intercisè scribi oportuit.* Quæsit Rex à Casaubono, cur ista expunxisset Plessæus? Respondit ea ab illo præterita, quod ejus menti & proposito adversarentur.

Protestatio & præcautio præfati Plessæi de minus profecto eventu.

Exordium disquisitionis.

I. Decretum in Plessæum.

Sententia Durandi de existentia vera corporis Christi.

II. Decretum in Plessæum.

III. Decretum.

Casauboni ad Regem.

ingenua
responsio
& verum
iudicium
de Plessæo.

sarentur. Quarta dispuñctio prioris est appendix ex eodem Chrysostomo, quem hec sensu protulit Plessæus, *Saluti nostræ tutius per nos consulitur, quàm alienâ ope & suffragiis, nec tam alienis precibus Deus veniam noxarum & felicitatem eternam condonat, quàm propriis votis & intercessionibus.* Exemplo sunt mulieres duæ Euangelicæ, Chananæa una, adultera altera, quarum nullo alio deprecante misertus est; & similiter latroni, cui paradisum nullo alio intercessore condonavit. Ebroicensis respondet, à Plessæo quæ proximè cohærent fuccidisse, *hæc à nobis scripta sunt, ne Divos ipsos non precemur, sed ne in propria salute, fiduciâ alienæ opis segnes & oscitantes simus.* Pudoris quærit effugium Plessæus, hac rimâ & diverticulo, ut testimonium Chrysostomi non protulerit adversus preces, quæ Divis fato functis fiunt, sed in eos duntaxat qui alienæ fiduciæ nimium incumbunt: cui Rex argutè & theologicè inquit, *verbo alterius ut quæ vox universalis sit, defunctos æquè ac superstites intelligi, & perperam à Plessæo additum, hæc Chrysostomum ad tollendum abusum tradidisse, cum pro vivis rogare, vivis de more sit, etiam in Religione, cujus est assertor Plessæus.* Gregarius quidam ex Prædicantibus susurro, Græculæ vecis nonnihil perstrepere ausus est, de quo cum Rex interrogasset M. de Vitry, *hominem, ait, catapultari prodromi instar esse, qui emissâ glande pugna cedit, aut verius Parthus ut emissâ fugiens post terga sagittâ.* Pronunciavit Cancellarius, *fuccidisse Plessæum, quæ integra & compacta citari oportuit.* Quinta disquisitio ad divalem intercessionem æquè pertinet: D. Hieronymus, (inquit Plessæus) in Commentariis in Ezechielem, sedatè & sine stomacho scribit, in solo Deo fiduciam collocandam; infelix enim quisquis homini fidit, quantumvis inculpatæ vitæ, vel quidem Prophetæ. Non Ecclesiarum Antistitibus confitendum; quantumvis enim iusti sint, seipsos duntaxat, non alios salvos, nedum proprios filios efficient. Ebroicensis, Plessæum prætermisisse respondet nervum & compagem totius orationis; hæc verba videlicet, *si negligentes fuerint, similiter pronunciatum locum hiulcum, & omissa fuisse, quæ scribi oportuit.* Sexta incidit in Divum Cyrillum, quem Plessæus scripsisse asserbat, à priscis Christianis nec adoratum nec cultum fuisse crucis simulacrum: id à Cyrillo unquam exaratum, nedum cogitatum, Ebroicensis negat: contrà Plessæus, id ipsum Christianis Julianum Apostatam exprobrasse, nec à Cyrillo responsum quidquam, de adoratione & cultu crucis; quod silentio neutiquam præterisset Cyrillus, si adorandi hic ritus invaluisset. Ebroicensis contrà hunc ritum confirmat, ex eo potissimum, quòd Cæsar ille desertor, sacris Christianorum non leviter tinctus, non exprobrasset venerationem crucis, si vera non fuisset, nec Cyrillus Christianos falsi & insoliti ritus probro aspergi tacitus tulisset: *Pronuntiatum commenta à Plessæo apud Cyrillum non extare.* Septima disquisitio etiam ad crucis mysterium pertinet. Plessæus contendebat, Imperatores Theodosium & Valentinianum Edicto vetuisse, ne Christiani icones & simulacra crucis pingerent vel sculperent, unde conjici necesse sit, crucem à Christianis non fuisse cultam. Ebroicensis ter falsum commisisse probat, primò qui legem Cæsarum contra titulum & indicem citaverit; secundò quòd voculam humi, quæ legis sensum & mentem explicat, sciens omiserit; tertio, quòd Petrus Crinitus, quo se tuebatur, falsi reus sit, qui pro Valentiniano Valentem scripserit. Plessæus adjicit, Crinitum testem citasse, qui sic legem protulerit, *Pronuntiatum illum quidem Crinitum citasse, sed mendum esse in Crinito.* Octava disquisitio ex Divo Bernardo deprompta fuit, referente Plessæo cum sic loquutum de Virgine Christipara Epist. 174. *Eam ad fastigium summæ gloriæ erectam inanibus hominum præconiis titulisque non indigere: ejus honori verò, & immortalis mortalium elogiis detrabi, Conceptionis diem festum, nec ritè, nec decenter excogitatum.* Ebroicensis contendit Plessæum laciniam & centonem ex intercisis discriminatisque contextibus texuisse, ut hæc verba cohærentia eraderet, *magnificæ gratiæ inventricem, salutis mediatricem, sæculorum reparatricem.* Plessæus nihil insolens fecisse respondet, cum etiam Apostoli in Prophetarum citandis oraculis, unâ serie, & glutino orationis etiam hiulca & intercisa loca cumulaverint, cum ad idem propositum facerent. Pronunciavit Cancellarius, *convenientius fuisse, si sigillatim & discriminatim, non permixtis contextibus D. Bernardum citasset.* Vespere jam inclinante finem fecit Dissertationi Theodoretî locus editus hac formulâ, *Deus quæcunque vult perficit, at imagines ad nutum artificum effinguntur; receptacula sensuum habent, sed sensu carent, vel infectis contemptiores, quòd illa animata sint; quique hæc simulachra venerantur, in rationis & sensus inopiam justo iudicio prolabi.* Ebroicensis Plessæo objicit, pro voce iconis vel imaginis, quæ speciali notâ antinomiam tollebat, idoli vocem suffecisse; & quòd falsi caput sit, prætermisisse idola ab Ethnicis loco Numinis habita. Plessæus vocem imaginis & idoli adæquari, Graio prototypo & Patrum Scholiis probaturum contendit:

SIRE,
c'est un
Carrabin
qui a tiré
son coup;
il n'avoit
que cela
de poudre.

IV. Decretum.

V. Decretum.

VI. Decretum.

VII. Decretum.

VIII. Decretum in Plessæum.

tendit : contra Ebroicentis significatu suo, editione Græcâ & Atticis Scholiis vocem imaginis, & idoli nusquam confundi, sed utramque propriè & determinatè sumi. Collectis circumstantium suffragiis, pronunciavit Cancellarius : *Visum Confessui, Græcis exemplaribus imaginis & idoli voces perpetuo distinctas esse, nec uno intellectu confundi.* A prima pomeridiana ad septimam protractâ citationum disputatione, Rex ad cœnam & quietem receptum indixit, dilato vadimonio in diem crastinum de controversis qui supererant articulis. Sed dum tota aula longioris luculentiorisque certaminis spe ducitur (hesternum enim, præludium fuerat) ecce Riverius Archiater Plessæum gravi morbo correptum denunciat; ab eo certamen diuturnius non esse expectandum. Hinc Rex missis facit sacrorum Codicum inspectores citationumque censores : eo ipso die Epistolio ad Ducem Espernonium rescribit, *Ebroicensem Dioecesim Salmuratensem superasse.* Ludus est, & argutia in voce vernacula, cuius venustas Latino sermone satis aptè referri non possit. Canaius Præses hac primâ velitatione deterritum, nullâ tubâ ad stadium revocare potuit. Plessæus, Rege & Cancellario insalutatis, aulâ se subducit, & ad suum Salmureum propugnaculum abit, si possit ægritudinem curaturus. Ille tamen, qui victum se negat, de iniquis conditionibus, asidentium præjudiciis, multa conqueritur, & ut quod verissimum fateantur omnes, vernaculè insigniter facundus, opusculo sibi canit triumphum, & luculentis verbis deterrimè facta excusat : Ebroicentis adversario opere rei gestæ tabulam eo penicillo delineat, ut aliter deformari non possit : Regem, Principes, Proceres, Amanuenses, quatuor primicerios testes citat, relata in tabulas recenset, & quanta voce vulnera intulerat, tanta calami mucrone infligit, ac in ipsum Plessæum sua diæteria falsè & festivè regerit. Ille enim sibi blandiens scripserat, *Muscæ Ebroicentis pro Elephantæ habitam; Ebroicentis contra unius diei præludium, & delibationem in Plessæi falsis citationibus, muscæ instar fuisse : quod si arenæ non se subduxisset, pro Elephantæ, quæ omnium maxima sit bellua, habitum iri.* Paulò post Fresneius Canaius, qui ob singularem eruditionem inter arbitros Plessæi delectus fuerat, ut Religioni repudium mittit, & cum orthodoxa in gratiam redit. Novatores in Canaium insurgunt, eum devotent ut transfugam & desertorem, sæculi præstigiis & ambitu aulico excæcatum damnant, sed has intemperias Catholicorum gratulatio, laudum ampliori fœnore, & cumulo compensat. Transitione Canaii ad Orthodoxos, Novatores non minus concussi, quàm ingens fabrica subductis tignis & fulcris, vel castra amisso Duce : vix enim unquam habuerat, vel in posterum habituri sunt, qui cum Fresneo eruditione, candore morum se comparet. Non solum sapientiæ civilis rerumque forensium (quæ sua Sparta fuit) peritissimus est; sed Aristotelem integrum, non Interpretum organo, sed nativo suo idiomate callet, quo prævio seu luce in tenebris, sophismata & tendiculas Ministrorum detexit, & nunc discussis jubar veræ fidei agnovit.

IX. Decretum.

Plessæi morbus disquisiti- ni huc fecit. Epistola Regis ad Espernonium.

Plessæus de disquisiti- ni huc fecit. Epistola Regis ad Espernonium.

Canaius ad Orthodoxos transit.

Fogium Canaii Fresnei à summa eruditione.

Ex Diario ISAACI CASAUBONI.

„ III. Kalend. Maj. Ecce literas à Rege, quibus jubemur Fontesbellaquæ statim
 „ venire, & ei Collationi interesse, quæ habetur ob contentionem inter (*Philippum Mor-*
 „ *naum*) Plessiaci Dominum, & (*Jacobum Davidem Perronium*) Episcopum Ebroicen-
 „ sem : intrepidè ibimus, & freti auxilio divino omnia insuper habebimus, modò in-
 „ servire gloriæ Dei aliquid possimus. In hoc itinere duo mihi proposita, ut quicquid
 „ in me fuerit situm, conferam, si dabitur occasio, propagandæ Dei veritati; & ut
 „ privatim rebus domesticis consulam. Erit, spero, occasio per D. Ronium, cui uui
 „ nostra negotia hætenus credidimus. Hic nobis tria agenda. I. Ut Diploma Regium
 „ consequamur declarandæ Regis voluntati circa nos & promissam nobis pensionem.
 „ II. De viatico ad uxorem & liberos. III. De Triente anni hujus, cuius cessit dies.
 „ His confectis faciliè erit de summa rerum nostrarum constituere; ante hæc confecta
 „ frustra hic aliquid sperem.

„ Prædie Kalend. Maj. Regis jussu Fontes venimus; usi dispositis equis, ad D. de
 „ Villeroi primò accessimus. Deinde ad Regem sumus deducti, qui magnæ benevolen-
 „ tiæ signa nobis exhibuit. De re, cuius gratiâ huc vocati sumus, pauca adhuc Rex
 „ nobis; plura alii : de modo progrediendi in hac Collatione adhuc contenditur.

„ Kalend. Maj. A prandio acciti à Rege ad ipsum venimus, & per horas ferè tres de
 „ negotio Plessiaco nobiscum est locutus. Si nos respicimus, nihil gratius, nihil honestius
 „ nobis eo colloquio. Si causam, de qua agitur, specto, nihil tristius, nihil magis
 „ contra spem & opinionem nostram.

„ VI. Non.

„VI. *Non. Maj.* Hæc scribebamus cum advenerunt amplissimus Thuanus, & clarissimus Pithæus: à prandio illi ad Regem; nos ad amicos.

„V. *Non. Maj.* Summo mane à Rege vocati sumus in Regis Consilium; ubi Rex libellum supplicem D. Plessiaci ostendit; qui fuit ultimus ab eo oblatus in hac causa. Rex vocato Episcopo Ebroicensi, cujus præcipuæ erant in hoc negotio partes, constituit Plessiaco significandum esse, se non posse, quod rogabat, ipsi concedere. Deinde vocatur Plessiacus, & id ipsi à Cancellario renuntiatur. Negat ille se conditiones accepturum, quas iniquas adeò judicaret. Rex audito quod ille responderat, qui assuturum se negaverat, pergere nihilo secius statuit. Jubemur itaque horâ tertiâ adesse omnes, qui capropter huc vocati sumus. Ego nominatim. Paulò post rejicimur in crastinum mane. Quid? Ego sedebo inter eos, qui librum damnare parant, quo pia & sancta doctrina contineatur? Adde quòd Parisiensis Ecclesia Molinæum ad me ad id unum misit, ut ne vellem eò venire, sed quovis cruciatus potius paterer. Amici ferè omnes verant huic interdicto parere: meam verò causam præcipuam esse: qui ministri Regis, in eam rem acciti, ut illi non parere jussi, non possimus, quin justam ejus indignationem referamus.

„IV. *Nonar. Maj.* Summo mane in hortum concessimus, & ibi Deum Opt. Max. supplici prece venerati sumus, ut priusquam aliquid prudentes aut imprudentes faciamus contra pii viri officium, de numero viventium nos tollat, & cælo accipiat. Quod ut facias, Opt. Max. Deus, iterum, iterumque supplex te oro atque obsecro. A te habemus hoc quaecunque nomen: tibi uni me & studia mea consecrari debere agnoscimus. In hoc consiliorum bivio deprehensi hæremus. Aperi nobis, ô Deus! quid est opus factò. Da constantiam, ut, quod piè fuerit decretum, sanctè & constanter exequamur, &c. Hæc ubi scripsimus, vocamur à Rege. Venimus, & totum mane cum ipso transégimus in ambulacro quodam tecto. Aderant Cancellarius (a),

(a) Mr. de Bellièvre, reconnu du tout affecté au Pape. La Vie de Mr. Du Plessis, pag. 263. 264.

Præses Thuanus, Pithæus, & à Consistorianis aliquot alii. Mox etiam aderat Præses Canaius à Fraxinis. Ibi narrat Rex, quomodo Plessiacus mutatâ sententiâ, proditurum se in certamen cum Ebroicensi Episcopo promississet. Acciderat pridie sub vesperam, ut consilio quorundam usus mutaret sententiam hac conditione, ut Ebroicensis Episcopus sibi locos controverses è quingentis, quos jactabat sibi esse ad manum, statim communicaret, & libros simul utendos concederet, quos ex urbe advehendos curaverat. Episcopus sub noctis meridiem (b) mittit ad Plessiacum annotatos in scheda

(b) Voyez la Vie de Mr. Du Plessis liv. 2. pag. 265.

locos, sexaginta & duos, de quibus esset tractaturus, & cum ipso disceptaturus: simul libros mittit, quos tamen post quatuor, & ad summum quinque horas repetiit. Hora Collationis inchoandæ fuerat dicta octava matutina: quæ jam fuit, cum Rex nos vocaret. Dum hæc nobis exponuntur à Rege; dum adhuc audiuntur Plessiacus & Ebroicensis; dum deliberatur de loco & modo futuræ Collationis, hora adest decima; quæ Regem admonet, ut in pomeridianum tempus deferatur hoc negotium. Ita ille abiit ad Missarum solennia: Cancellarius cum cæteris de loco adhuc deliberat; & cum placitum esset, ut in Aula, quæ dicitur Concilii, conventus haberetur, ipse pro sua prudentia & sedulitate parari Aulam jubet, & omnia quàm commodissimè componi. Locus est non nimis amplus, ut vix ducentos capere queat. Tres ibi mensæ collocatæ: mediâ ferè aulâ pro foco prima est posita, ad quam Rex federet in summo: ad latera Episcopus & Plessiacus Dominus: ille ad ignem, quæ pars honestior censetur; hic ab altero latere. Supra hanc mensam secunda fuit ad parietem, ad quam sederent, quibus judicium hujus controversiæ Rex permiserat. Cancellarius, Præses Thuanus, Præses Canaius à Fraxinis, Pithæus, Martinus Medicus, & nos cum his. Tertia supra hanc mensa Scribis parata. Ad Regis dextram in cathedris sedebant Principes, opinor, octo, qui tum fortè in Aula reperti: [horum nomina in chartula huic paginæ affixa hæc erant] 1. Monfr. de Vendôme, Valdemontis Comes. 2. Emanuel Philippus, Lotharingus, Dux Mercurii. 3. Le Prince Tonvillæ. 4. Carolus, Lotharingus, Meduanæ Dux. 5. Le Duc d'Esquillon. 6. Carolus Elboric, Dux --- d'Elbeuf. 7. C. Sabaudus, Nemeroli Dux. 8. Gonzaga, Dux Nivernensium, qui & Nemodum, Aëturorum. [Nomina hæc pessimè scripta fortè affectus non sum.] Horum sedilia ordine posita sunt circa mensam pone Plessiaci Dominum. Primus sedebat Dux de Maiene, deinde alii Lotharingiæ Domus Procures: pone istos erant Regis Consiliarii, & qui vocantur *Officiers de la Couronne*. Ronius in his, Messæus, Secretarii Regii duo, Villeroi, & de Fresne; Præses Janninus, alii multi. Pone Regem sedebant Archiepiscopus Lugdunensis, Episcopus Nivernensis, Episcopus Bellovacensis, Episco-

„Episcopus de Castris, & Abbates à tergo horum, itemque alii *ὑπὸ τῆς ἀλφειᾶς* non pau-
ci. Omitto alios.

„Ubi convenère omnes, ante omnes Rex loquitur, de suo in hac re consilio pauca
præfatus; cætera Cancellarium suum jubet proloqui (a). [*Deinde disputatum est utrim-*
que; *sed relatio Casauboni hic deficit, licet multa referenda haberet, ut apparet ex una vel*
altera pagella hic vacua.]

„III. Non. Maj. Erasmus inibi ut ad inchoatam Collationem veniremus imminente
horâ octavâ. Ecce ad nos Sadeelem & Mercerum, qui Plessiaci Dominum gravi mor-
bo (b) laborare narrant. Adimus ad Regem nihilominus. Princeps cum de morbo
Plessiaci factus esset certior, expectare nos jussit, si fortè post prandium melius se ha-
beret Mornaius, & certamen instaurare posset. Expectamus igitur jussi frustra. In-
valuit enim illius valetudo, nedum minuit. Sub vesperam iterum Regem veniam re-
deundi postulant, negare ille se prius abeundi potestatem facturum, quàm consta-
ret planius propter Mornaii morbum interrumpendam esse pridie institutam Collatio-
nem. Expectaremus igitur, & sequenti die ad se rediremus bene mane.

„Pridie Non. Maj. Ad Regem omnes summò mane adiimus. Ille ad Mornaium mise-
rat jam qui certa omnia de valetudine ipsius referrent. Relatum est nihilò melius eum
valere. Quo audito redire in urbem permisit Rex omnibus: rediimus igitur. Deo Opt.
Max. gratias agentes, quòd fecisset nos reverti ex illo loco sanos ac salvos, quòdque
dedisset nobis gratiam apud Regem invenire, qui de sua erga nos benevolentia jussit
nos esse securos. Sed mœsti nihilominus atque ex animo dolentes, quòd tam infelici-
ter hoc negotium amico viro & pio cecidisset. Planius verò sese explicat in Epistola ad
Vir clariss. Danielelem Heinsum (c), inquit: *Certò crede, mi Heinse, τὸν πόνον πλ.*
(Plessæum) *in eo quidem incepto, nihil se dignum fecisse. Negotium temerè susceptum, te-*
merè administratum, pudendo fine conclusum, utinam aliter accidisset! Cæterum fingere
τὴν μὴ ὕψι καὶ τῇ ἀληθείᾳ ὁμοίαν ἔχουσαν, meum non est. Videbunt posteri quæ solito can-
dore scripsit ea de re præstantissimus Thuanus, cui soli fides habenda, nemo rei veritatem
melius novit quàm nos.

Reversus Fontebellaquæ Lutetiam (infecto enim negotio ob summam Philippi Mor-
naii valetudinem dimissi erant à Rege Judices) statim cum Rosnio, Quæstore, aut Quæ-
storum Præfecto, recens inter Aulicos recepto (d), agit de pensionis triciente ipsi debita,
atque unâ de nummis, qui forent itineris sumptus & impendia, cum uxori, tum libe-
ris, Bibliothecæ denique ac familiæ ejus adducendæ à Rege concessis. Verùm Rosnius,
id est, Maximilianus Betunius Marchio de Rosny, Henrico IV. à thesauris, homo ini-
quior Casaubono, in aliquot dies traxit hoc negotium, usque dum Regis mandato tre-
centos aureos solvere fuerit coactus (e). Interea sæpenuerò cum Episcopo Eboracensi,
Præside Thuano, aliisque amicis ac viris doctis graves habuit de Religione ser-
mones, imò acerrimas subit nonnumquam altercationes usque eum in diem, quo Lug-
dunum repeteret. Inter eos amicos præcipuus erat etiam Philippus Canaius à Fraxinis,
qui, quamvis Regi jam spem fecerat haud exiguum se ad Pontificios transiturum (f), non
verebatur, argutè se adhucdum Protestantem primum simulans, cum Casaubono adire
Hablouem, (erat autem Hablo suburbanum mancipium agri Lutetiani, ubi Protestantes,
Novatores iterum vocat Botereius (g), sua sacra peragunt) Sacram Cœnam celebraturus.

Haud multis deinde post diebus valere jussis cujuscunque ordinis & admissionis ami-
cis, Diplomate Regio de quadringentis aureis in reliquum annum procurato, ac Hen-
rici Stephani, Arcæ Quæstori Operum Dominicorum, uxoris patrueli, (cui postea
Diatribam in Dionis Chrysostomi Orationes anno CIO IO CIV. dedicavit) fidei com-
missis C C X X V. aureis, a. d. I I I. Kalend. Jun. Parisiis discedit.

Lugduni Vicquianam domum, hospitium antiquissimum, vix primùm pedem infe-
renti, ecce traduntur ei molestissimæ à Joanne Pinaldo, sanctissimâ ipsi amicitia jun-
cto (h), Ecclesiæ Genevensis Pastore, literæ, quæ ille tam de ipsius Casauboni quàm
ejus uxore in vera Religione constantia dubitare se scribit, & palam de injuria facta
Plessiaci Domino graviter conqueritur, cujus optimi, sed temerarii viri literis mox re-
spondet, duo ingentia crimina ipsi impacta paucis, ast solidis verbis diluens. Nec so-
lus hoc crimen Casaubono exprobrabat Pinaldus, verùm præter malevolos multos, ca-
lumniantes ejus liberum de Plessiaci libro judicium, etiam tres alii acerbis iniquisque li-
teris in ipsum insurgunt amici Gigordus, Verbi Divini Minister Monspeliensis (i), qui
cum Petro Cottone, Jesuita disertissimo, disputavit Fontebellaquæ (k); Chalassius &
Chamiel.

(a) Voyez
la Vie de
Mr. Du
Plessis,
liv. 11.
pag. 269.

(b) De l'ore
stomac
& continen-
tiomitu.
La Vie de
Mr. Du
Plessis,
liv. 11.
pag. 272.
273.

(c) Epist.
299.

(d) La Vie
de Mornay
Du Plessis,
pag. 274.

(e) Diar.
Biograph.

(f) La Vie
de Mr.
Du Plessis,
pag. 264.

(g) Com-
mentar.
liv. XII.
pag. 416.
ed. in 4.

(h) Epist.
123. 134.
139.

(i) Epist.
320.

(k) La Vie
du Pere
Cotton,
pag. 121.

Verum enimvero quum animo intrepido atque incontaminato non solum cum falsissimis hisce rumoribus, Athenæi præterea in finem vergentis laboribus, plurimisque infatigabilibus aliis molestiis Lugduni Convenarum continuo luctatur strenue, ecce novum ærumnarum ingenti cumulo accedit, illudque non exiguum, malum. Mericus, scilicet de Vicq, quem huc usque sanctissime coluerat, & carissimi parentis habuerat loco, (nam in ipsius domo cum uxore atque liberis toto illo tempore fuerat commoratus) à Rege ad Helvetios designatus Legatus, Casaubonum vocat in partes, conaturque omnibus modis persuadere, cum eo ut tendat in Helvetiam. Quod uti mirum, ita inexpectatum propositum, quâ prudentiâ in utramque partem expenderit, præstare atque non injucundum fore puto, ex ipsius Diario accurate descriptum exhibere.

„ *A. d. v. l. Kalend. Jul.* Magna deliberatio hodie nobis proposita super Helvetica „ legatione. A Domino de Vicq vocamur in partes; & est non nemo, cujus consiliis si „ utimur, virum de nobis adeo bene meritum sequemur eò, & fortunas nostras cum „ fortunis ipsius jungemus. Difficilis deliberatio: possent in utramque partem multa „ afferri. Suadent hæ rationes. Amor insignis, & Domini de Vicq, & lectissimæ con- „ jugis. Non dubium optare nobis summum virum & læta omnia, & incrementum rei „ familiaris. Summa hujus fides & benevolentia erga nos: quid in posterum ab eo spe- „ randum habeamus, faciunt palam omnibus: neque dubium est fore illi multas commo- „ ditates adjuvandi rem nostram familiarem, si hoc sibi vir magnus proposuerit. Adde „ quod Lutetiæ quid sumus acturi necdum scimus. A professione arcemur ob Religionem. „ A cura Bibliothecæ multa, præsertim quod vir optimus, qui tot annos eo functus est „ munere, tam fideliter tamque laboriosè sine scelere amoveri vivens non potest. Super- „ est vita privata exposita mille incommodis, mille difficultatibus, mille periculis. Nam, „ quod omnium est maximum, odio sumus ob Religionem factiosis omnibus & hostibus „ purioris Religionis; ut metuendum sit, ne irruatur in nos, si quid turbatum fuerit. Ab „ hac parte sunt hæc & similia his. Suadent contrarium hæ rationes. Prima est om- „ nium respectus pietatis. Quid? semper liberâ Religionis, quam profiteamur, exerci- „ tatione, erit mihi carendum. Octodecim jam prope menses sunt, cum ego, uxor, „ liberi Mompelio sumus profecti; quoties ex eo tempore gemuimus ob amissam facul- „ tatem Coetus Christianos frequentandi. Deinde videndum nobis quid de hoc nostro „ consilio Rex, quid Ecclesiæ Galliarum, quid amici Parisienses sunt dicturi. Rex da- „ tam dicet à se pecuniam, ut familiam Parisios deducerem. Cur aliò abis? Ecclesiæ „ nostræ, quæ sinistram de nobis opinionem tam facilè concepisse videntur, longiorem „ cum hominibus diversæ Religionis moram quomodo interpretabuntur? Quid amici „ Parisienses, quos certum est clamatueros facinus esse indignum, omisso studiorum in- „ commodo, ob causas multa liberorum inopiam, doctorum penuriam, qui Soliduri „ nulli sunt: alia quæ *συν* præstat ἢ *ἐκφέρειν*. Sunt igitur, ut reverà sunt, potiores „ hæ rationes. *Θεὸς ἂν πάντα κυβερνᾷ βέλτε.*

„ *A. d. v. Kalend. Jul.* Adhuc hærebat animo illa quæstio & *σκέψις*, ac rebus omnibus „ expensis constituimus, *Θεὸς δίδωτος*, manere *ἐν πάσει*, & properare. Multa movent. „ In his non postremum, cura Bibliothecæ, quæ nobis inninet, siquid humanitatis ei „ eveniat, qui illi nunc præfectus. Est verò in extrema ætatis tegula. Atqui si abieri- „ mus, eo abeunte, nihil facilius, quàm ut ad alium ea cura transferatur. „

Constitutis itaque cum suo Parisios, tum Vicquii in Helvetiam itineribus, exit, (quis dixerit quàm tristi ac perturbato animo!) cum tota familia, quæ per tot menses haud aliter ac suâ erat usus Domo Vicquiana, rem suam propriis sumptibus curaturus. Hoc an ægrè tulerit Vicquius, non satis mihi constat. Saltem Lugduno profectum Vicquium inscio atque insalutato Casaubono, qui providè satis infausti hoc ominis non sine iustissima causa indicium atque multum refrigerati animi decreascentem amorem esse interpretabatur. Ex ipsius Diario colligo; ubi ita: *Quomodo accipiam, quod Dominus de Vicq abiit in Helvetiam Legatus nobis insciis? Mitto cætera, ex quibus mihi constat satis superque de immutata τῇ B. (suppleo βασιλευς) & aliorum Procerum voluntate ἂν τῆς ἡμετέρας πίστεως βεβαιώσηται.* Quibus subjicit se suamque uxorem terreri publicâ populi Lugdunensis in suos insaniâ, eamque monere ut sibi caveant; multa enim moliri ma-

(a) *Epist.*
211. *Vide*
et Dia-
riam.

(b) *Epist.*
208.

la (a). Discussis omnibus hisce calamitatibus respondit, remis velisque Lutetiam se contendere, jubenti, ac novis literis exigenti Regi ac tutori summo (b). Iter autem hoc suscipit 111. Kalend. Septembr. cujus mensis ipsis Idibus pervenit Lutetiam, ubi incredibili humanitate cum omnibus suis cum amplectitur & recipit vir optimus, Henricus Stephanus, ac per binos menses apud se detinet, omniumque rerum necessariorum cumulo fo-

vet & adauget, donec in conductas commodè transiret ædes. Reducem eum, uti antè, ipse Rex omnesque Proceres palam magno prosequuntur (a) favore, qui in Primo-
ribus, uti quidem in Rege utinam fuisset constans, & sincerus. At infelix noster Isaa-
cus haud longum tempus commoratur, quin apertè satis superque perspicit non tam Re-
gis, (ejus enim favor perpetuus atque immutabilis continuo mansit) sed Aulicorum ani-
mos admodum alienatos; seque malè ac imprudenter fecisse, quòd Scaligeri (b) aliorum-
que amicorum consiliis non paruisset. Sic enim ipse (c): *Quotidie magis agnosco quam*
egregie simplicitati nostræ impositum sit à magnis. Ille bellæ literæ quid pepererunt? Nihil uti-
que nisi risum. Promissa omnia Quidam. Cæteros mitto. Etiamne G. . . . in his censer?
Utinam expressisset nomen G. . . . ut posteris innotuisset tantæ perfidiæ exemplum!

In sinceri tamen amoris atque amicitiae fide nihilominus manserunt præter Nicolaum
Fabrum, de quo vide Epistolam 846. & 847. Præses primarius, Achilles Harlaeus, qui
continuo ei dari curat ducentas libras, ac postea etiam domum, teste Jacobo Gilloto, qui
hæc ad Scaligerum (d): *Je vous diray de meilleures nouvelles que tout cela. C'est qu'à ce*
coup Monsieur Casaubon tout est à nous, & fort résolu de vivre & mourir à Paris. Mon-
sieur le premier Président qui l'aime, comme la vertu le merite, l'a logé bravement & assez
près de nous. Nicolaus verò Rapinus ipsum Bonellam ad D. Bullionem, Senatorem Pa-
risiensem; deinde ad Præsidem Thuanum in arcem *Angervillianam* deduxit. In primis
verò Henricus Stephanus affinis, Regi à thesauris, benignum animum testaturus, uxo-
rem ejus deducit *Nauterum* (e); inde S. Germanum, ubi cum ad eos accessisset Casaubontis,
qui ab amicis illis invisendis redux, frustra Lutetiæ conjugem quæsierat; „ad vespe-
ram usque diligenter regia Palatia Vetus & Novum spectant, inque eo mirabiles Cryptas
„duas. Postridie veniunt Posliacum, ubi moniales Virgines invifunt. Mirus loci, mi-
„rus personarum ibi ornatus, & propè dixerim, τρυφή. Aulam illam (sunt verba Ca-
„sauboni) eo loci spectavimus lubentissimè, ubi ante annos multos coram Rege Carolo &
„Regina matre, aliisque principibus viris de Reformatione Ecclesiarum disputatum est
„cum Doctoribus Catholicis, à Vireto, Martyre & Beza, qui etiam librum de eo
„Colloquio (nam ita vocatum est) edidit. Nauterio (sic pergit ipse) Lutetiam redituri
„venimus ad pagum, cui nomen S. C L O U, funestum Henrico III. qui ibi à Monacho
„occisus est in ædibus Gocindiacis. Extat monumentum ejus cædis in Sacra Æde pri-
„vatâ pecuniâ dedicatum à privato viro.”

Postquam verò ex hoc jucundo itinere, quo animum plurimis gravissimis ætumnis
pressum, & adhuc inter spem metumque fluctuantem parumper levare atque reficere
contenderat, Lutetiam rediissent, ab amico suo, Sofrido Calignone; accipit literas
jucundissimas, quibus significat se ejus librum, id est, Athenæum Christianissimo Re-
gi, cui erat consecratus, non tantum obtulisse, verum ejus Majestati fuisse admodum
gratum & acceptum. Erat autem hic Suffridus Caligno Navarræ Cancellarius, æquissi-
mus ingeniorum æstimator (f), ob ingenii summi dexteritatem, acutissimi judicii ἀκρι-
βείας, rerum maximarum profundissimam cognitionem, tam flagranti apud Galliarum
Regem Henricum IV. in gratia, ut non solum publicis pariter ac privatis consiliis domi
interesset, verum difficillimis negotiis rebusque gravissimis eo ferè solo uteretur, quin
imò, si voluisset Pontificiam amplecti Religionem, totius Galliae creasset Cancellarium.
Qui etiam si Religioni Reformatæ addictissimus, suâ solâ intercessione effecit, ut Prote-
stantibus, quum antea pagum Blond, quatuor à Lutetia leucis distantem adire cogerentur,
Charentoni liberè suis moribus Deum colere, ac sacra celebrare fuerit concessum.
Hujus in vera Religione constantiam probatam, morum probitatem, & cætera ingenii
sublimia dona merito suspiciens Casaubonus nemo mirari debet, eum à Casaubono po-
stea electum, qui filium suum lavacro salutis impertiendum susciperet. Digna, imò
dignissima censeo, quæ adscribantur, ex Diario (g) ipsissima Casauboni verba:

Ad Sacrosanctam Cœnam & Φεστιν illud μυστήριον admissi sumus. Vehebamus curru magni
Thuani. Ego, Philippa (filia Casauboni natu maxima) & infans baptizandus cum reliqua
familia, in quibus & ἀδελφὸς Petrus Chabaneus. Hoc etiam die nuper natus infans lavacro
salutis impertitus, & PAULUS à susceptore est nominatus. Is fuit SUFFRIDUS CA-
LIGNONIUS, vir maximus pietate, eruditione & dignitate, quippe Navarræ Cancell-
arius. Susceptrix fuit nobilissima femina, D. de Chaulinau, τῆς μακαρίτης & uxoris magni
Thuani soror. Hic itaque Caligno, qui multis magnisque meritis apud Regem valebat,
gratum videns Regi oblatum amici sui munusculum, procul dubio commodâ hac occa-
sione illud justis laudibus ac dignis præconiis exornando, ipsum auctorem atque intimum
amicum ita præclare ac studiosè commendavit Regi, ut senserit commendationem illam
multum

- multum ponderis habuisse. Nam haud longè post ad Regem, nihil mediocre de ejus studiis omni genere doctrinæ instructissimis sibi pollicentem (a), accersitus, tam benignè ac clementer excipiebatur, ut in Diario reliquerit, *non levia benevolentiae signa ipsi à Rege esse exhibita*. Quid, prolixam voluntatem sapientissimus Rex abundè probavit, cum
- (a) *Epist.* 208.
(b) *Epist.* 209.
(c) *Epist.* 216.
(d) *Ex Diario.*
(e) *Ex co- dem.*
(f) *Epist.* 219.
(g) *Ita Diario.*
(h) *Epist.* 209.
(i) *Epist.* 294.
(k) *Epist.* 246. *Cavendish.* pag. 316.
- Casauboni operà in molestissimis negotiis uteretur (b), ac frequentissimè cum eo de pietate, religione, aliisque rebus sacris animo serio ageret privatim, quibus captus delectatusque benignissimus ille Rex ei Bibliothecæ Regiæ curam committere voluit (c). Hoc cum intellexissent qui circum Regem erant nonnulli, persuadebant sibi hac viâ eum commodissimè posse trahi ad Romanensium partes, quippe qui non auderet resistere vehementius urgentibus, & acerbius instantibus Aulicis, aut negligere ostensum tam singularem Regis favorem, incrementemque prope continuò benevolentiam. Hinc vetus amicus, Philippus Canaius à Fraxinis, vir quamvis optimus, (qui Religionem mutaturus id unum agebat, ut jure & justis de causis eo compulsus fuisset (d) videretur) Casaubonum ferè singulis diebus unâ cum Episcopis, Sacerdotibus ingenio callidissimis, non tam prandii causâ, quàm ut de Religione disputaret, ad coenam vocat. Cum his in multam noctem de rebus sacris, de veteri Ecclesia, de Religione disserit ac velitatur; verùm frustra. Apertè enim suam & sermonibus publico cultu profitebatur religionem ac fidem, adiens cum uxore liberisque Hablonem, sacram synaxim & exercitia publica celebratum; imò in media Luretia ipsam regiam arcem auditum Figerellum, sororis Regis Ministrum (e). Quo haud leve quorundam concitatum erga se odium usque adeò inflammavit, ut falsis promissis aliisque inhonestis viis ipsum prodere non sunt veriti. Eos inter erat G. . . , de quo sic ipse in Diario: *Hodie expertus sum vanitatem vanissimi hominis G. . . qui montes aureos pollicitus tot literis & quidem ultrò rogatus de re nihili, ingenii vitium prodidit, & quidem turpissimè*. Quibus subjicit: *Prodium à Rosnio; deserimur ab aliis. Thuanus, & si qui alii nobis serîo cupiunt apud illum barbarum παρ' ἑδν ἰον. Itaque (en quò tandem hominem miserum perduxerunt!) abitum jam paramus; eâ siue libris nostris renunciamus*. Quid usque eo videtur provecta contentio, ut notet in Diario: *Poterit hujus diei experientia omnem nobis ex animo spem aulicam ejicere*. Sic ut Genevam vel Sedanum cogitarit (f). Hisce itaque, indicatis jam antè, ferè quotidianis, sive cum Duce Bullionæo, sive cum aliis amicis, maximè Aulicis, colloquiis, seu in domo Canaii à Fraxinis ingratisimis eo nomine convivii, quæ invitatus cogebatur adire, certus illa institui non prandii, sed ipsius fidem tentandi, atque ad Religionem Pontificiam convertendi gratiâ, hominum oculos in se, suspectum jam mutatæ Religionis convertit. Nam infestissimi prævaricatores quotidianas salutationes (g), quibus officii gratiâ solebat maximum Thuanum, (h) virum divinitus isti seculo in exemplum probitatis, pietatis, integritatis datum, invisere, sinistrè interpretabantur, idque eò magis quòd ipse Thuanus suspectus esset Jesuitis, ac si purus & sincerus non foret Catholicus Romanus. Ejus enim (A) Historia, utut conscripta non infucatâ absque partium studio, fide, tantas excitavit turbas (i), ut nisi moderatiore animi quidam intercessissent, quos amicos habebat, Cardinales Perronius, Seraphin, & Sforce, Romæ fuisset censoriis virgulis notata, imò posterior pars, si non aliorum fuisset in manibus, à liberorum Tutoribus ac testamenti Curatoribus suppressa, teste Peirescio (k). Nec aliam Baptista de Machant

(A) Ejus enim Historia, &c.] Pierre du Puy à Monfr. de la Scala, pag. 163. L'Histoire de Monsieur de Thou ne sera pas si tost achevée. Le volume qu'il nous donne de nouveau, va jusques au temps de la St. Barthelemy exclus. Il a retranché tout le Concile de Trente, qui est fort grand dommage: il pourroit bien faire seul un juste volume. Il dit là les veritez qui ne se peuvent endurer maintenant, principalement à Rome, où son livre a faillie d'estre censuré, n'eust esté quelques amis Cardinaux qu'y a eu. Mon frere, qui est sur le lieu, luy a fort servy en cette affaire, & luy escrit fort souvent. Le Cardinal Seraphin François a rompu le coup deux ou trois fois. Je ne sçay si ce dernier volume sera tant parler que le premier qui luy a donné beaucoup de peine. Le même, pag. 309. La premiere partie de l'Histoire de Monsieur de Thou a eu mille traverses à Rome de s'eschapper de la Censure: mon frere (Christophle du Puy) y a servy Monsieur de Thou, comme son devoir l'y obligoit. Monsieur le Cardinal du Perron, avec lequel

il est maintenant, a montré combien il estoit amy de Monsieur de Thou, & qu'il affectionnoit grandement, ayant commandé à ce Schioppus de se taire, voulant au livre qu'il a fait contre vous, escrire contre le dict Seigneur President sur ce qu'il loue en son Histoire plusieurs grands personnages, comme Philippe Melanchton, Monsieur Casaubon, & autres; mesmes y mettre l'Epigramme que vous luy aviez dressé, vous excusant de ne vouloir donner au public vos Notes in Novum Testamentum. Les Cardinaux Sforce & Seraphin ont aussi fort defendu ce livre. Ceste seconde partie renouvellera la querelle. Nec aliter Jacobus Gillotus ad eundem Scaligerum in Epistolis Gallicis, pag. 420. Monsieur le President de Thou a eu de grands assauts pour son livre. Tantost l'on le vouloit defendre tout à fait, tantost censurer, tantost reformer. Les grands sont offensez de la liberté, & peut-estre de la verité. Le Roy a voulu que l'on luy en aye tourné la Preface ou l'Epistre, qui s'adresse à luy. Tandem quiescit.

chant habuit causam, quòd sub ficto nomine Joannis Baptistæ Galli famosum contra Thuanum scripserit librum (a). Non aliam habuit, puto, quare similem ederet Gretserus (b). Addo eandem ob causam, ne suspicio adangeretur, nec Thuanum ipsum, nec alios viros erudites publicà voce, id est, Epigrammatibus Josephum Scaligerum, fato functum, deslere aures (c). Quæ invidia ac odium ad mortis usque diem prope est comitata. Nam anno 1591 cum egregium vacaret munus aliquod publicum, quo dignissimus erat, ejus nulla habita fuit ratio; quo non solum amici, verum ipse adeo fuit offensus, ut relictà urbe, rejectis patriæ curis, procul à negotiis remotus in privatis prædiis constituerit vitam degere. Quod cum ad aures maximi Regis Jacobi VI. pervenisset, confestim jussit Casaubonum suo nomine hortari, ne Rempublicam, ne patriam in tanta virorum doctorum penuria desereret: difficillimis enim temporibus eam derelinquere idem ferè esse quod prodere (d). Hoc optandum foret indicasse Casaubonum aliove. Verum si hisce in tenebris micare mihi liceat, conjecerim fuisse, quòd ararii cura, uni adempta, Thuano juxta cum Castronovano & Jannino *Triumviris* demandata, *Triumviratu* non benè comparato, soli ac uni Jannino sit commissa (e). Ex iis, familiaribus uti videbantur, colloquiis rumor exortus est, falsà & temerarià famà, si non potius ab invidis adversariis sparsus in vulgus, quo odium magis ac magis incenderent, Casaubonum unà simul cum amico conjunctissimo, Philippo Canaio à Fraxinis, ad Pontificios transiisse; quod & ipsum gaudio exultantes Jesuitæ Burdigalenses publico libello, qui in manus incidit Casauboni (f), audacter confirmant. Serpit hic vulgatus per urbem rumor, crebrescit, & paucissimis diebus quaquaversum, quasi famæ velocissimis vectus alis per totum orbem dispergitur. Nam vel Romà id jam scripserat impurus ille Apostata Scioppius. Hinc Ecclesia Parisina, inde Genevensis, aliaque ad unum usque ferè omnes, quin imò singuli quoque boni in Casaubonum velut pari furore acti, ejus inconstantiam modò mirantes, modò tamquam malum auspiciū detestantes, unanimes confurgunt, culpant, & criminantur, & quod pace querundam irà præcoce abreptorum dixerim, vix juxta defensionem locum relinquentes inaudito contra omne fas reum pronuntiant. Hic nullius criminis, aut culpæ sibi conscius ab utroque latere fallissimis calumniis ita obrutus, ut vix sese posset extricare, gravissimè conqueritur ab una parte Pontificios magnificentius quàm verius jactare, cum Romanam Religionem amplexum; illos mendaciis non onerare, sed inquinare ejus famam. Ab altera parte Protestantes è contrario temerè nimium istis fallacibus ac iniquis rumoribus fidem adhibuisse, iisque impulsos ipsum haud aliter ac transfugam, aut bonæ causæ proditorum quàm vehementissimè clam palamque oppugnasse. Qualia iniqua de sese judicia vix potuit, nisi cum morte extinguere. Æmulorum postremus non erat in Ecclesia Parisina tum temporis auctoritate plurimum pollens, Pontificiorum capitalis adversarius, Petrus Molinaus, Verbi Divini Minister Charentonensis, quæcum, propterea quòd ejus inclementiora verba, quæ erat Casaubonus animi lenitate ac clementià, meliorem in partem acciperet, vixit non planè discors. Qui munere suo gravissimo latus atque inflatus Molinaus, ubi sese offerret, domi forisque diligenter arripiebat occasionem carpendi; quin & sibi gloriam vendicabat, quòd impediverit ne Casaubonus à vera desciverit Religione. Verum quid opus est nos eum defendere, cum defensoribus istis non egeat suæque causæ optimus patronus Casaubonus, amici sui Canaii insignem abjuracionem, quæ ærumnas prope intolerabiles ei attulit (g), hisce detestans: (h) *Quid dicam (A) de Pylade meo? Philippum dico Canaium à Fraxineto, qui cognitæ veritati, quam tot annos est professus*

(A) *Quid dicam de Pylade meo?*] Notatu sanè dignum est vel maxime, quòd isthoc tempore plurimi viri ingenio, doctrinà, pietate ac rerum Ecclesiasticarum cognitione præstantes, (an vanà mundi glorià turgidi, an lucro majore abrepti) sunt enim quidam eorum haud exigua munera Ecclesiastica consecuti, an egestate coacti, an Religionis veritate ac puritate convicti; an verò aliis rationibus justis persuasi & inducti, haud facile quis dixerit; an bene an malè, judicavit Deus) Pontificiam Religionem sint amplexi, quos, de J. Pricæi Angli, ac Nicolai Stenonis Dani ad Papismum transeu agens, velut in parenthesi, hoc ordine recenset Colomæsius in Bibliotheca Selecta,

pag. 142. *A propos du changement de Messieurs Pricæus & Stenon, je remarquerai qu'il y a eu de tems en tems de doctes Protestans qui se sont faits Catholiques. Tels ont esté, au siècle passé, Pierre Pinbou, qui changea après la S. Barthelemy; F. Pinbou, Sieur de Bierné, son frere; Florent Chretien, Precepteur de Henry le Grand; & Juste Lipse: & dans ce siècle, le Président de Fresne Canaye, qui changea après la Conférence du Cardinal du Perron & de Du Plessis; Nicolas Vignier, Medecin & Historiographe; Jérôme Vignier, son petit-fils, qui est mort Pere de l'Oratoire; Jean Vassan, neveu de Pierre Pinbou, qui est mort Eueillant; Jean Plantavy de la Pause, qui de Ministre devint Evesque de L. o. dére; Jean Morin, qui est mort Pere de l'Oratoire;*

professus, nuper renunciavit; ad vomitum ὁ τλήμων reversus. Scis tu, Deus καρδιογνώστης, quam me ea res prope affligeret, & quia Majestatem tui Numinis violatam ab eo viro censemus, & quia propter notam publicè amicitiam nostram multis persuasum est, perfidiæ in Deum editum ab illo exemplum brevi à nobis esse æmulandum. Mihi verò μωπιακὸς si potest χάρις ὁρίσῃ χθονί, priusquam de cognita veritate vel ἰσμία ἢ demutemus. Itaque simul ac de Canaio actum esse animadvertimus, veterem cum ipso amicitiam non dissolvimus, sed abrum-pimus; & jam mensis est ferè cum illum non vidimus, nec postea videre laboramus.

Calumniam verò hanc, licet plurimis Epistolis ad amicos datis, in primis obtinerere (a) Epist. ac contundere allaboravit egregià illà Epistolà ad Synodum Gergoviensem (a), & ad 232. Gasparum Laurentium (b), quam ex animo dolco non exstare integram, procul dubio 1070. tradituram, quæ haud parum luminis illustrandæ huic Historiæ conferrent; maximè ta- (c) Epist. men anno 1610. mense Majo, si calculus benè sit positus, Danieli Tileno (c) scripta; 1043. cui antea alià Epistolà amicum suum Canaium nativis coloribus depinxerat (d), per (d) Epist. Mazerium quendam, oblitum amicitiae, ad Scioppium, uti conjicio, missà (e), quā 1299. tantopere inflammatus fuit Canaius, ut, si non rabie, saltem furore quasi agitatus (f), (e) Epist. omnes suos adversus Casaubonum acerbissimis literis incitarit, adjecto missoque per om- 1449. nes oras, quò magis veteri amico noceret, ac illatam quasi injuriam ulcisceretur, Epi- (f) Ex stola Casaubonianæ ad Tilenum exemplo: quod nec sufficere quidem ratus, rem hanc Diario: ad ipsum detulit Regem, qui placidè tamen, uti fatetur, nostrum increpavit: Re- Epist. 331. gem (g), ait, hodie convenimus, & literas Bezae, venerandi semis, ei tradidimus. Sumus ab eo moniti sanè quàm benevolè de literis ad Tilenum à nobis scriptis. Nam ad ejus aures pervenit res improbitate Fraxinei. Respondemus quod erat; aliud nihil.

Præter ægritudines, quæ ex causa Religionis profluebant prope innumeræ, haud pa- rum ipsum affligebat nuntius tristissimus, quem ex Præsidente Thuano intellexerat, de moribus filii majoris natu Joannis. Quos licet pater silentio voluerit tegere, putem ta- men non obscura specimina dedisse propensi in Papismum animi; quem & postea infcio & invito patre amplexum fuisse infra sumus demonstraturi. Illis insuper accedebat vix ferenda, quòd numerosam haberet familiam, tarda nimium promissi stipendii solutio, quam ut maturaret, cogeatur implorare opem eorum, quibuscum ei etiam non magna erat familiaritas. Etenim cujus amicitiae nuntium misisse videbatur, obnixè rogat (h) (h) Epist. Canaium à Fraxinis, velut apud Episcopum Eboracensem, postea Cardinalem Perro- 243. nium, ita suam agere causam, ut debitum ei persolvatur stipendium. Quod uti & aliæ plurimæ causæ, quas tacitè continuò amicis significat atque innuit, ipsum cogeabant spe destitutum aliam circumspicere terram & remotiorem sedem, adeoque à Rege pe- tere viam ac facultatem urbe discedendi. Hoc cum primùm per Rosnium, ac deinde per (i) Epist. Colladonium, virum integerrimum, frustra tentasset (i), tandem, inquit, ausus sum 255. & ipse animi mei sensum (Regi) indicare; orareque obnixè, daret facultatem ab ea urbe excedendi, ubi me cum ipsi, tum in universum omnibus libera purioris Religionis professio reddebat inutilem, & tantum non ἰπώστου ἄχως ἀπέργει. Adiciebam multa in eam sententiam, quæ, ut opinio mea est, Principem aliarum rerum quàm literarum amantiorem de facili flexu- ra fuissent, nisi esset incautius à non nemine injecta mentio. Tum verò Rex commoveri, & serio negare missionem me unquam impetraturum: velle se operà meā in Bibliotheca sua ornan- da uti: postremò non obscurè significare, facturum rem ingratiſsimam, qui posthac de ea re verbum mutiret ullum: non animus nobis, non voluntas defuit experiundi aliā viā, si quid porro profici posset. Sed hoc mihi consilium ἔξ θυμὸν ἰσχυαίνων visum satius rem in aliud dif- ferre tempus. Persuasissimum quippe habemus, ut sunt hujus benevolentiae Regis erga nos pa- rum firmæ, ita & ipsam infirmam futuram atque ἐλκερῆ. Id si eveniat, confide fore brevi, ut ego & tu communis voti damnemur, si modò captis fuerit ὁ ὅμιλος ἡμῶν ὑμετέρῳ Θεῷ. Atque hæc ad illustrissimum Principem ante paucos dies scripta, ut rursus ex te cognos- cat, & de nostri animi constantia ne dubitet, per ego te amicitiam nostram oro atque obtestor.

Quibus adumbrare eum reor Professionem, quam Sedani Casaubono conferre nitebatur (k) Meric. Casaubon. Dux Bullionius (k), quo jam sororis Saræ filium, Isaacum Chabanæum, miserat, non 73. pag. sine spe successus; quem tamen postea, lenitè quodammodo imminente tempestate, li- 73. n. 1. teris revocavit (l). Nec semel tantum hoc rogavit Regem (m), sed adeundus ille, (l) Ex ait, nobis sæpius fuit, ut ex ejus voluntate de futuro statu nostro aliquid tandem constituere- Diario: mus. Ita ut serio rem hanc cum persequutum fuisset videamus. Quid quo subductus eo- (m) Epist. 258. rum

• Pag. 331. Luc Holstenius, qui est mort Bibliothecaire du Pape; & Pierre Lambec, son neveu, Bibliothecaire de l'Empereur. Quibus ex Vita Petri Cottonis Jesuitæ * addas

Messieurs Beringhen, & de Castelnau, de Mainville, de Saint Chaumont, & de Fonslebon, Gouverneur de Laon, & de Lomenie, Secrétaire d'Etat. Pag. 97.

rum oculis inimicorum animis citius requiescendi, ac subsidendi tempus aliquod atque occasionem concederet, per magnum Thuanum apud Regem egit, ut per aliquot menses ipsi liceret Hollandiam petere, atque Lugduni Batavorum summum illud literarum lumen, Josephum Scaligerum, invisere (a): verum nec vel hoc potuit tanto intercessore obtinere à clementissimo aliàs Principe; qui fortè, ut erat ingenio sagaci, prævidit, si hoc concessisset Casaubono, eum numquam reversurum; utpote certus quem invitum ac aliam sedem omnibus mediis ac modis quarentem, solà suà voluntate ac favore retineret. Omnia autem frustra expertus (b), cum videret ab optimo Rege *μνηστὴρ μνηστὴρ* missionem posse impetrare, cedit tanto Principi, scribitque Justo Lipsio (c): *Sed rationibus meis omnibus clementissimi Principum voluntas præponderat; cui parere, & dicto esse obedientem, pars pietatis. Quamobrem id nunc agimus, ut stabilitis hac in urbe fortunis, nostris prioribus studiis nos dedamus, & illustrandis Veterum scriptis otium nostrum impendamus.* Itaque in hac temporum infelicitate ac malorum turbine, quæ aliis animi fervorem extinguere, & jucunda studia solent amara efficere, haud segnius quàm diligentissimus quisque studiosus incubuit non tantum quotidianis laboribus, & communibus disciplinis, ac linguis eruditis familiaribus, Latinæ, Græcæ, Hebrææ, Syriacæ (d); sed, quò ulterius proveheret eruditionis gloriam, ac perduceret ad altius fastigium (e), linguam Arabicam incredibili cum voluptate addiscere studens (f), sæpissimè media sedit noctis ab hora,

(g) *Quà nemo faber, quàm nemo sedebat,
Qui docet obliquo lanam deducere ferro,*

usus, cum propriæ vires ac facultates deficerent, variis amicis potius quàm magistris. Præter virum summum, ejusque amantissimum, Josephum Scaligerum, ac Stephanum Hubertum, Arabicarum linguarum Professore Regium Parisiensem dignissimum (h), (Scholæ & urbi, quòd ne nummum quidem Quæstoribus extorquere posset, valere dicere coactum (i), cujus discessus conatus suos prope (k) abruptit,) quos per literas continuo consulebat, viro nobilissimo ac solidè docto, N. Floro (l), Curia Parisiensis Senatore amplissimo; nemine verò familiaris usus est Hadriano Guiljelmo Flessingensi (m), à Scaligero ipsi primùm quàm diligentissimè commendato (n), juvene adeò probè Arabicæ linguæ docto peritoque, quòd etiam ipse Scaliger eo Magistro uti voluerit (o). Quibus, quamvis jam multos annos ei curæ impendisset (p), nec otio destitutus multum profecisset (q), fidissimis Præceptoribus, maximè verò Hadriano Guiljelmo Flessingensi, brevi temporis spatio tantum profecit, ut non modò Alcoranum, Evangelia (r), Proverbiaque Arabica commodè cum fructu legeret, verum ad viros præstantissimos Arabicas scribere Epistolas (s), ac Geographiam Romæ editam, (fortè & (t) Avicennam) in quo jam aliquid opellæ posuerat (v), in Latinam linguam transfundere (w), imò vel Lexicon Arabicum conficere fuerit ausus (x), quòd observasset eo in genere nullam rem æquè desiderari ac Lexici alicujus auxilium, desperaretque Josephi Scaligeri Thesaurum umquam proditurum (y). Adde quòd, tanto hujusce linguæ captus studio, omnes, quos Arabicæ linguæ peritos cognorat, Scaligerum, Florum, Erpenium, Guionium, aliosque opem discendique viam ac methodum rogarit non modò, sed à Claudio Puteano, Petri fratre, Romæ (A) libros Arabicos sibi comparari mitrique petierit (z). Hoc ductus Scaligero suasit Thesaurum linguæ Arabicæ edere (aa); Thomam Erpenium incendit, quòd Proverbia Arabica, ab illustri Scaligero Notis illustrata, anno 1614. ediderit, quique ei, utpote primo suafiori atque exhortatori, gratum animum testaturus, illa quoque dedicavit, uti secundà editione ejus filio Merico.

Perseveravit quidem hoc in studio usque ad ipsam mortem (bb), licet sublato inopinà immaturàque morte Adriano (cc) plurimùm de eo remiserit; quippe qui tanti amici discessu tristissimo, usque adeò fuit afflictus, uti etiam multis post obitum Adriani annis, non sine piis lacrymis potuerit ejus meminisse. Hunc, quòd adeò ardentè dilexisset (dd), voluit propterea ab amicis Belgis, Scaligero, Heinio, Meursio (ee) desleri & Epitaphio ornari. Præstitit autem hoc vir clarissimus, Foppius ab Aitfema, *cujus* (ff) *utinam exstaret Epigramma!* Præstitit hoc vir maximus, Daniel Heinsius, ejus quoque amantissimus (gg), rogatu Casauboni, quòd subjiciendum autumavi:

(A) Libros Arabicos sibi comparari mitique petierit.]
Sic ex Bibliotheca Palatina Heidelbergenfi Lexicon Medicum Arabicum Georgii Michaelis Lin-

gelshemii operâ per aliquot tempus mutuam accepit. If. Casaub. ad Pers. Sat. IV. vers. 21.

(a) Epist. 225.
(b) Epist. 229.
(c) Epist. 236.
(d) Epist. 236.
(e) Epist. 236.
(f) Epist. 236.
(g) Epist. 236.
(h) Epist. 236.
(i) Epist. 236.
(j) Epist. 236.
(k) Epist. 236.
(l) Epist. 236.
(m) Epist. 236.
(n) Epist. 236.
(o) Epist. 236.
(p) Epist. 236.
(q) Epist. 236.
(r) Epist. 236.
(s) Epist. 236.
(t) Epist. 236.
(v) Epist. 236.
(w) Epist. 236.
(x) Epist. 236.
(y) Epist. 236.
(z) Epist. 236.
(aa) Epist. 236.
(bb) Epist. 236.
(cc) Epist. 236.
(dd) Epist. 236.
(ee) Epist. 236.
(ff) Epist. 236.
(gg) Epist. 236.

(a) Daniel.
Heinf.
Poemat.
pag. 67.
ed. 1640.

*In obitum Hadriani Guilielmi, Zelandi (a), juvenis Medicarum verum,
& linguarum Orientalium peritissimi, qui in ISAACI CASAUBONI
manibus exspiravit.*

Τὸν μέγαν ἡγετῆρα, τὸν ἀνδράσι πᾶσι θαλῖον.
Ἡλικίης πρώτης μέτρα παρερχόμενον,
Τὸν σφόν Ἀδριαῶν, Νηρηίδῃ αἶσιν ἀρέρης,
Τὸν γλυκερὴς πέμψιν ἰσθλὸν ἀκεσσορίης,
Γλώσσαις δ' αὖ πάσαισιν ὅσαις κλύες εὐχαίται Ἡῶς,
Ἀνδρομένης σοφίης ἐς πλεόν ἱκόμενον,
Ἴσσετα ὃ περ λιπύνηται τὸ πολυεὶδῃ ἱερὸν εἶδος,
Καὶ Φιλίῳ, πολλῆς ἐνίκεν ἰσορίης,
Χερσὶν ἐν γλυκερῇσι Κασσιωπείῳ θανάοντα,
Λευκετῇ γαίῃ κεύθει ὡς ἀλλοδαπῇ.
Ζεῦ πάτερ, ὅς τις ἴκοιτο καὶ ἐς Σύζα, φροσάτω ἀνδρῶν
Μέχρι καὶ εἰς Λίδεω χερσὶ κομίζεσθαι.

Si quis autem cognitionis ejus seu peritiæ in Lingua Hebræa, Chaldaica, sive Arabica, studii Rabbinici desideret specimina, is consulere poterit Epistolam 247. 275. 439. 452. 1078. Notas ad Lampridii Heliogabalum, cap. 21. & 22. Alexandrum Severum, cap. 1. ad Cæpitolini Gordianos tres, cap. 3. & 31. Trebellii Pollionis Claudium, cap. 17. (b) plurimaque ad alios Scriptores ab ipso illustratos adducta loca, passimque in Exercitationibus Baronianis occurrentia, quibus abundè confirmatur quod verissimè dixerit, se Rabbinorum scriptis admodum delectari (c); imò, si focium haberet, velle se in Rabbinorum libros immergere (d). Wilhelmus tamen Schickardus (e) scribit, infinitæ lectionis hunc hominem, cujus judicium & dexteritatem in allegationibus Græcis Latinisque veneratur, quando ad Hebræa ventum est, sæpenuerò dormire; quam tamen opinionem in notis ad hunc locum elaboratissimis refellit Joannes Benedictus Carpzovius, profundæ in Hebraicis doctrinæ vir. Inter hæc, inquit (f), ecce novas occupationes: quod enim in mentem venerat numquam, ad Regem Scotorum (Jacobum VI.) nobis dandæ sunt literæ; cujus causam atque occasionem, quod dolendum, non aperit. Has essetne scripturus, an verò modestè declinaturus, cum per integrum ferè mensem ferò deliberasset, gravissimis expugnatus rationibus, tandem inchoat atque absolvit; idque, quòd quasi de longinquo prævideret hoc oleum additurum camino, quoniam Rex ille Protestantes, cum quibus eandem Religionem Casaubonus profitebatur, amabat ac tuebatur, invitus, vel ipso teste (g): a. d. xii. Kalend. Octob. 1603. Hodie in libris nihil, non propter valetudinis curam, quàm ob Epistolam ad Regem Scotiæ scriptam. Nuper eam inchoavimus. Hodie & absolvi & descripsi. Juvat eâ curâ esse defunctum, quam sanè inviti susceperamus. Epistolam verò ipsam, & ad eam responforiam Regis, quòd in corpore non existent, subijcimus.

(b) Commentarium ad Polybium, pag. 33. 34. ed. Amstel.

(c) Epist. 210.

(d) Epist. 223.

(e) De Jure Regis Hebræorum, cap. 2. Theorem. 7.

(f) Ex Dianio.

(g) Ibid.

SERENISSIMO, POTENTISSIMO PRINCIPI,

J A C O B O V I.

Scotorum (postea Magnæ Britanniæ, Hiberniæ, &c.) Regi.

„ Q Uod minimè omnium Majestatem Tuam latet, Rex serenissime, idemque sapien-
„ tissime, adfectus ingentis hæc interdum vis est, ut mutis atque elinguis vo-
„ cem exprimat. Lydi quondam Regis filio id evenisse, testis Historia antiqua. Ade-
„ merat infelici puero vocis usum naturalis quædam linguæ impotentia: pietas vinculum
„ solvit, & opportuno tempore loquelâ donavit. Simillimum est, quod nunc & mihi
„ Tua Majestas usu videt venisse. Personant aures nostræ quotidianis multorum sermo-
„ nibus τῇ μεγαλειᾷ & θεῷ commemorantium, quæ ille fecit in ordinanda, imò cumu-
„ landa Tua Majestate generis omnis dotibus, quarum vel singulas in Principe tanto jure
„ aliquis

„ aliquis non adulandi studio miretur. Est qui benignitatem naturæ tuæ , pari comitate
 „ junctam, miris laudibus tollat in cœlum. Est qui de æquitate justissima, & æquissi-
 „ ma justitia, de prudentia, de judicio, quæ in omnibus dictis, factis tuis cernuntur,
 „ eximia prædicet ac rara. Alius mihi fortitudinem tuam, cujus grande nuper docu-
 „ mentum Majestas Tua dedit, meritissimò dilaudat. Versatur jam & in ore omnium
 „ amor Musarum tuus, & illa insignis, quæ in te est, peritia literarum, quæ judicio sa-
 „ pientissimi Imperatoris, fundamenta sunt cunctarum virtutum. Super hæc omnia ful-
 „ get longè latèque pietas tua, Rex serenissime, & purioris Religionis amor, atque in
 „ ejusdem professione & propagandi studio firma constantia. Harum igitur tot tanta-
 „ rumque virtutum frequens ac serîa contemplatio, cum impulisset me dudum, ut tacitâ
 „ cogitatione atque intimis sensibus sublime hoc tantæ præstantiæ tuæ fastigium venera-
 „ rer: tandem etiam vocem rumpere, & te, magne Rex, affari compulit; cum præfer-
 „ tim ab humanissimo & eruditissimo Joanne Spotisvodo, quem in comitatu illustrissimi
 „ tui Legati hic vidimus, intellexissemus Tuam Majestatem non solum de nostro nomi-
 „ ne & studiis inaudisse aliquid; sed & existimationi favere non obscurè. Nempe, hæc
 „ est magnarum & verè Διογενῶν animarum natura, hæc indoles, ut eorum etiam, qui
 „ possunt minimùm, conatus honestos benignè interpretentur; & non minus voluntatis
 „ quàm facultatis in pendendis cujusque meritis habeant rationem. Certè Suffenus ipse
 „ mihi non sum, nec unquam fui; qui ingenii mei brevem nimis modum probè novi.
 „ Et tamen diffiteri nequeo, ad nuntium hunc incredibili quodam gaudio esse me perfu-
 „ sum. Nihil enim ad commendationem lucubratiuncularum nostrarum aut sperare, aut
 „ omnino concipere animo majus poteramus, quàm ut per illas ei Principi vel leviter in-
 „ notesceremus, qui cæterarum tanto Regi convenientium virtutum gloriam, laude in-
 „ super eruditionis ivit cumulatam. O salve, & felix vive diu, immortale seculi de-
 „ cus. Absque te esset, haut satis scio an habitura esset nostra ætas, quod Vetustati,
 „ Pios suos & Philosophos Imperatores in Christiani nominis contumeliam jactanti, pos-
 „ set opponere. Unus tu, Rex sapientissime, amore ac studio cum aliarum disciplina-
 „ rum, tum imprimis pietatis, quæ vera Philosophia est, Veteres illos tam longo su-
 „ perasti intervallo, quanto divina distant humanis, & ut cum Poëta dicam, ἑσθ' ὑπάρων
 „ ἐς τὸν γαίης. Sed longè animi judicio meo fallitur, quisquis novum hoc veluti fidus
 „ ferreo isto potissimùm seculo casu aut fortefortunâ putabit illuxisse. Solet summus
 „ ille rerum Arbiter, quos ad magnas, & ut ita dicam, extraordinarias rerum conver-
 „ siones elegit, eosdem raris quoque & extraordinariis virtutibus insignire. Regna à
 „ majoribus fundata, & quasi per manus inter cætera patrimonii sibi tradita, quietis re-
 „ bus benè ac prudenter administrare, etsi laus est non mediocris; ejusdem tamen, si
 „ verum fateri licet, cui etiam mediocria interdum ingenia usu ipso paria se videantur
 „ præbuisse. Major animi vis, mens acrior, altior prudentia in eo Principe desidera-
 „ tur, quem Macedonia suæ non capi finibus, etiam hostes ipsi (ut est potens veritas
 „ vel à conjuratis osoribus suis verum extorquere) sunt passuri. Estne aliquis Europâ
 „ totâ, ac propè dixerim, toto jam terrarum orbe, quin sciat Magnum Henricum no-
 „ strum, Regem Christianissimum, qui rebus gestis etiam felicissima Scriptorum ingenia
 „ longè à tergo reliquit, ad debitum sibi jure sanguinis Regnum admirabili quodam ani-
 „ mi robore, & illis, quas heroicas dixere, virtutibus, magnâ mole Gigantum fratercu-
 „ lis contrâ nitentibus frustra multis, viam sibi fecisse? Te quoque, Princeps inclyte,

„ Majoribus ire per altum,
 „ Auspiciis manifesta fides.

„ Neque dubitamus, magnum aliquid, quod loquantur posterî, suo tempore editum
 „ iri ab excellentibus adeò & præstantibus virtutibus tuis. In quibus commemorandis,
 „ ac pro virili parte ornandis, facerem libenter, qui meus est in te adfectus, aut potius
 „ pietas, ut mediocris ingenii vires exfererem; nisi viderem gravissimis occupationibus
 „ tuis bono publico esse parcendum. Contraham igitur orationis vela, & cujus potissi-
 „ mùm gratiâ instituta hæc scriptio est, non tam meo privatim nomine, quàm publico
 „ bonorum omnium, quibus hic pietas & virtus cordi, quòd ex immani illa conjura-
 „ tione, quæ Majestatem Tuam anno opprefferat, memorabili in omne deinceps ævum
 „ exemplo, maximè quidem manu cœlesti, sed & virtutem ac fortitudinem tuam se-
 „ cundante sis liberatus; cuncti & tibi & universis gentibus, quibus aut jam imperas,
 „ aut quandoque imperaturus es, ex animo gratulamur. Maçte felicitate tuâ, Rex se-

„renissime, atque illud seriò gaude, seriò triumphā, tam inlustri argumento superos
„palam fecisse, teque & salutem tuam sibi esse curæ. Quis igitur adversus te, si Deus
„à te?

„Δυσμένειν παῖδες τῷ σὺ μῖναι ἀνπάστας.

„Quod superest, Rex Θεοφιλέσσι, Deum Opt. Max. assiduis precibus oramus, ut
„domi forisque omnia tibi tuta ac læta præstet, consiliis atque inceptis tuis adsit, præ-
„sitque semper benignus; faxit denique ut Tua Majestas, populos à Providentia divi-
„na & submissos sibi, & commissos, quàm optimè, quàm felicissimè, quàm diutissi-
„mè regens,

„Imperium Oceano, famamque ut terminet astris.

„Lutetiæ Parisiorum, a. d. x i i. Kalend. Octob. anno δὲ τῆς ἐσπέρης οἰκονομίας c i o
„i o c i.

TUÆ MAJESTATIS

devotissimus Cliens,

ISAACUS CASAUBONUS.

S E R E N I S S I M I

J A C O B I V I.

Scotorum (postea Magnæ Britanniae, Hiberniae, &c.) Regis,

E P I S T O L A

ad

I S A A C U M C A S A U B O N U M.

Innotuit nobis antehac insignis tua prudentia & eruditio: nunc adfectus tui erga nos, & cultus non levem fecisti significationem. Uterque gratus, etiam literæ tuæ, quæ effusæ in nostras laudes. Quanquam illud Tragici hætenus perplacuit, animo magis quàm voce laudari velle; tamen non diffitemur nos plurimum lætatos laudatione tuâ. Pulchrum, ait ille, laudari à viro laudato; annon à te? cujus nomen jampridem perclaruit in nostro orbe. Perge, per nos licet, laudare, colere, venerari, aut si quid aliquid aliud ducis magè nobis dignum, id face; nihil à te quod non gratissimum. Amamus enim eruditionem tuam, pietatem, prudentiam, acre judicium, & insignem animi temperiem, quorum nomine [& hæc non ultima laus, non minima,] vales gratiâ apud Regem fortissimum & potentissimum. Gratulamur ex animo utrique vestrûm; tibi quod honos sit habitus virtuti tuæ; illi quod ad cæteras virtutes hanc adjecerit verè regiam, cultum hominum literatorum. O felicem Galliam, si tanto Principe, si tam præclaris ingenis diu fruatur! Ruebat Regnum per motus bellorum civilium: ille retinuit; ille effecit ne jam animam agens exspiraret Respublica. Silebant artes, & tantum non peribant bonæ disciplinæ; vos restitulistis. Quid est quod non hinc speremus, dummodo pax constet & libertas libera genti? Sed Deus videbit. Litigia in Religione, ut intelleximus, inter vos satis fervent, nec remittunt adversarii quicquam de veteri pertinacia. Mirum quod in tanta luce non pudeat errorum; mirum quod non tedeat viros puerilium iugarum. Romanos porro certum est omnia miscere in gratiam sui Pontificis; serunt odia inter Principes; adimplent omnia suspicionibus; pacem Christianæ Reipublicæ sibi noxiam arbitrantur: etiam involant in Jura nostra, & Regna divino humanoque jure nobis debita aliorum transferre conantur. Hæc persentiscimus, & quàm humanitùs fieri potest, cavemus, securi de eventu. Deus enim hucusque à nobis, & in posterum, ut speramus. Tu verò, Casaubone, quicquid nostra scire interest, per literas, dum occasio erit, significabis. Scis quid momenti habeant opportuna nuntia, præsertim in Rebuspublicis. Pietas tua & affectus, de quo multa

multa apud nos Spotisvodus noster, hæc suadent: dein tu sub Principe, quotum nobis conjunctissima est amicitia; in illa Ecclesia, cujus status nos habet valde sollicitos. Optamus certe prospera omnia; nos interim prospicimus Ecclesiis nostris, certi unà cum imperio propagare certam in Deum fidem. Exteris, si dederit Dominus, opitulabimur: nunc & sicut hæcenus firmum nobis est, studia bonarum artium, sed & earum fautores fovere: namque hæc ornamenta Regnorum ducimus & firmamenta. Rectissime Seneca & ad nos: Etsi nostra magis refert fortiores fieri quàm doctiores, tamen alterum sine altero non fit: non enim aliundè venit animo robur quàm à bonis artibus, & à contemplatione naturæ. Ignoscimus Philosopho, quòd non adjecerit studia pietatis, quæ nos tamen ante omnia semper poscimus & meritissime: *Μία Φυλακή ἐνείκεα· ἐνείκες γὰρ ἀνδράσι, ὅτι δαίμων κακὸς ἐπὶ εὐμαρ- μῶν κρατῇ· θεὸς γὰρ οὐκ ἐπὶ τῶν ἐνείκεσσι ἐκ παλαιοῦ κακῶ.* Quod superest, impeditum in Scotiam iter tuum superiori legatione molestè tulimus; nobis multò potius coram tecum sermocinari quàm per literas; & dabit illud Deus aliquando, confidimus, fortasse in locis non ita dissitis. Tu perge interea, dum hoc fiat quàm inimus amicitiam crebrioribus literarum alloquiis fovere, ita feceris nobis longè gratissimum. Nunc quoniam itur ad occupationes publicas, te, charissime Casaubone, salvere jubeo & valere. Edimburgi, in palatio nostro suburbano, Kalendar. Februar. anno salutis *CIIO IO CII.* (a).

Ad quam iterum ita respondet Casaubonus.

SERENISSIMO, POTENTISSIMO
PRINCIPI,

J A C O B O VI.

Scotorum (postea Magnæ Britanniae, Hiberniae, &c.) Regi.

„ **T**Antine Tuam Majestatem, JACOB, Rex serenissime, leviculum illud nostrum
„ scriptionis officium fecisse, debitum pridem heroicis virtutibus tuis, ut literis
„ meis statim, non multò secus atque in privati hominis modum, responderes? ut in
„ tanta negotiorum mole hanc curam susciperes, & aliis & multis *παραπραπίοις* anteverte-
„ res? Adeone Te fastigii tui aut meæ humilitatis rationem habuisse nullam? Nempe il-
„ lud supererat, Rex maxime, ut etiam mihi privatim, civilitatis tuæ, & illarum tot
„ tamque illustrium virtutum specimen præberes, quas longè latèque radiantes dudum
„ in Te cum omnibus bonis, qui ubique gentium degunt, tacitus sum demiratus. Equi-
„ dem ut vidi, ut legi quas ad me Tua Majestas dignata est scribere, gaudione majore
„ fuerim affectus, an admiratione obstupescactus, non dixerim facile. Nam quæ hæc
„ est tam ingens, tam inusitata comitas? quæ tam obvia benignitas? Deum immorta-
„ lem! quàm hodiè, non dicam, ordinis tui Regum & Principum; sed omninò Pro-
„ cerum pauci vitam ad hoc exemplum instituunt? Inter illos paucos Tuam Majesta-
„ tem, JACOB, Regum decus, non dicam censerì debere; verum de loco principe
„ cum uno fortasse aut altero, *οὐκ ἔστι βέλτερός, οὐκ ἔστι*, contendere, ambigit hodie mortalium
„ nemo. Olim de magno quodam populi Romani Senatore vir disertus dixit: *Nihil*
„ *aliud eum esse quàm ex omni bonarum artium congerie collectam perfectionem.* Absit invi-
„ dia verbo; sed profectò meliore nunc jure de Tua Majestate communis gentium con-
„ sensus vulgò idem prædicat. Ut jam quacunque in orbis parte positus aliquis tuum,
„ Rex sapientissime, nomen audierit, perfecta magni Principis imago simul illi in men-
„ tem veniat. O illum beatum populum, cui talis tantusque Rector *θεὸς μοῖρα* obrigit!
„ Beatiores tamen illos, qui excellentissimas Tuæ Majestatis dotes familiarius nòrunt,
„ propiusque mirantur. Super omnes beatum Te, imò beatissimum, qui tam insignem
„ hanc gloriam, & omnia, quæ Dei Opt. Max. liberalis manus in Te non effudit, sed
„ profudit, bona atque ornamenta, auctori, unde habes, fers accepta. Persta, magne
„ Rex, in ista ratione propositi; atque illud firmiter crede, virtutum cæterarum, om-
„ nisque adeò felicitatis genitricem, conservatricem, amplificatricem, Pietatem esse, &
„ in ea fide, quam à puero imbibisti *ἀμετακίνητος* constantiam. Oro supplex venerorque

(a) Has
litteras
Georg.
Mich. Lin-
gelhemius
præclaris-
simas vo-
cas Epistol.
ad Jacob.
Bongar-
sius,
num. 44.

„ τὴν παραίτησιν ἐν τελευτῇ ποιεῖν, ut promovendæ gloriæ suæ, & imperiū tui propagandi
 „ faciles certasque Majestati Tuæ rationes suggerere; Teque novā semper laude flo-
 „ rentem, nepotibus ac pronepotibus nostris servare, perfectā denique beatitudine, ἃ ἐν
 „ τῇ παρίοντι ἔστι ἐν τῇ μέλλουσι αἰώνι, velit cumulare. In hoc voto finem faciam, ne publica
 „ Regni tui negotia intempestivo ocio meo inturbem. Si hoc unum Tuæ Majestati
 „ oravero obtestatusque fuero, sic de nobis sibi persuadeat, tuum unius nomen in terris
 „ esse, quod secundum clementissimum Herum nostrum, Henricum Magnum, Regem
 „ Christianissimum, omni cultu, observantiā, veneratione, devotā mente colamus, &
 „ æternū simus culturi. *Lutetiæ Parisiorum, a. d. x. Kalend. Maj. CIO IO GHI.*

Præterea infudabat diligenter variis Auctoribus Græcis Latinisque. In Græcis excu-
 tiebat Cleanthis ad lucernam juxta cum Polybio libros Græcos τὰς βιβλίους ex Bibliotheca
 Regia, quā mirum in modum, licet pro lubitu, aut quando otium esset liberalius, mo-
 rofioris naturæ hominis, Gosselini, Regis Bibliothecarii, non posset ingredi, capiebatur
 depromptos. Ex Latinis Cæsaræ Historiæ Scriptores, casu quodam intermissos (a),
 quos pridem elimare ac edere seriō constituerat, diligenter recensebat, bene de illis, be-
 ne de Historiæ Romanæ studiosis, sic saltem sperabat (b), meriturus. Verū, quæ
 desiderabat unicè necessaria, deerant ipsi adjumenta, Codices nempe manu exarati,
 (quamvis nonnullis Regiis sit usus) quos ipsos, aut quorum collationes undique stu-
 debat conquirere, unde ad nullum fermè scribebat virum doctum, cujus non imploraret
 in iis sedulam operam. Hinc tot tantaque in eos congestit Auctores, ut ipse miratus
 Animadversionum copiam atque amplitudinem scripserit Scaligero (c): *Institueramus*
criticas fermè Notas: exhibit, οὐκ ὀπίω, prope legitimus Commentarius liber. Verū has non
 antè edere constituerat, quā Scaligeri opus (Eusebium intelligit) vidisset, sed invi-
 tum compulerunt amici (d). Paraverat interea quoque *Commentarium de Critica*, quem
 prope affectum & ad umbilicum perductum absolvere intra manus hærentes alii labores
 non permittebant (e). In eo enim omnem Hebræorum *κατασκευὴν* explicare erat animus (f).
 Expolire etiam hoc tempore instituerat *Commentariolum de Læctis ac Stragulis Vete-*
rum (g); opusculum, uti opinabatur, duorum mensium; quod tamen nunquam per-
 fecit, saltem non edidit. Lectiones publicas, à quibus valde abhorrebat, an habuerit
 umquam Lutetiæ, non audacter asseruerim. In privatis verò ædibus, magnā clarissi-
 morum virorum coronā stipatus, amicorum rogatu interpretatus est Herodotum (h),
 Aristophanem, nec non alios Scriptores Græcos. Cæterum causas, propter quas publicè
 docere detrectarit, censuerim fuisse, I. quòd facilè perspiceret reliquis Professoribus sua
 non fore jucunda. II. Malevolos, quos inter postremus non erat Theodorus Marci-
 lius, Eloquentiæ Professor Regius, interpretationes suas in malam accepturos partem.
 III. Quòd certus esset, utut ipsi (A) faventem Regem, tamen Pontificis Romani
 veneratione non nisi sub conditione quadam concedere hoc ausum. Nam quòd ofores
 atque invidi prætextus Religionis vel ipsum Regem accusarent, ideò planè ejus libero
 arbitrio concessit, velletne publicè docere? (i) *Sed*, addit, *causas graves habui, cur*
valetudini meæ consulere & abstinere.

Interea Rex clementissimus, apud quem summo erat in honore ac singulari caritate,
 volens se Casauboni rebus dubiis quasi lumen ac præsidium præstare, inquietumque se-
 dare animum, dictis facta amiciora adjiciendo, ducenis aureis stipendio aucto (k)
 (quod Villaregius infcio prorsus Casaubono, tantum abest ejus rogatu (l) procuravit)
 haud gravatè sæpenuerò ad secretius colloquium admissum Bibliothecæ suæ creat Præ-
 fectum, eoque lubentius, quòd sciret Joannem Gosselinum, virum Matheseos scientissi-
 mum, cujus curæ ea Bibliotheca erat commissa, senem ætatis admodum decrepitæ
 non ita diu fore superstitem. Modum verò sanè quā jucundum atque jocosum, quò
 usus fuit clementissimus Rex, Jacobi Gilloti, Senatoris Parisini, Casauboni cum admi-
 nistratoris, tum cultoris summi, verbis adscribam (m): *Le Roy avant-hier luy (Casaubon)*
fit grande chere, luy reprochant qu'il avoit eu volonté de le laisser; mais qu'il ne trouveroit
jamais un si bon maître, & qui l'aimast comme lui. Qu'il vouloit qu'il fust en sa Librairie;
que celui, qu'il avoit, ne pouvoit plus vivre qu'un an. Qu'il verrât ses beaux livres, & lui
droit ce qui estoit dedans, où il n'entendoit rien. Bref, il lui fit bien de la faveur & de
l'honneur. Quinimò extemplò jam facti fuissent codicilli, ni inexpressibile prope odium
Religionis rem illam in plurimos menses traxisset. Postea verò ne poscenti quidem aut
cogitanti

(A) Ipsi faventem Regem, tamen Pontificis Romani veneratione, &c.] Epistol. 256. Quod si non obstat

Pontificis Romani respectus, pridem factum esset, ut Re-
 gis jussu publicè doceremus, &c.

eogitanti traduntur hi codicilli ea sub conditione, ob quam eos non magni fecit, ne morosus ille à thesauris regis loco moveretur (a).

Mortuo tandem tristissimo certè casu, relictus enim à famulo decrepitis senex ante focum, semiustulatus & vitæ expers postmodum est inventus (b), sub finem anni CIO IO CIII Gosselino, quietè atque ex animi sententia jam munere, ante triennium à Rege ultrò demandato, nunc novis codicillis per Regis Secretarium Perrottum allatis (c) confirmato, sub Thuano (d) functuro Casaubono insensitus adversantur jurati hostes Jesuitæ. „ Hi frementes boni Patres atque clamantes indignum fore, si tantus thesaurus obstinatissimo Hæreticorum, [sic enim vocitant] permitteretur (e), „ omnem lapidem nocte diuque apud Regem movent, ut remoto Casaubono planè alius, sine controversia, ab iis commendatus Gosselino daretur successor (f). Quod videns Casaubonus, securus in Musæo exspectat quid jussurus esset, cujus erat imperium. Nam ut de ea re vel verbum ullum faceret cuiquam, nemo potuit ab ipso impetrare. Hic fidei tenacissimus Princeps etiam erga humillimos, licet eorum vocibus precibusque importunis aliquantulum concussus, periculosi rem exempli fore ratus, si Religionis causâ delata semel provincia abrogaretur, rem tenet in suspensio. „ Interea exstiterunt homines ingeniosissimi, qui inventam tunc novâ malo mederentur. Fuere enim auctores, ut ad cernendam hanc hereditatem Hugo Grotius usque inde Hagâ vocaretur, ut intelligerent omnes non Religionis, quam profiteor, (sunt verba Casauboni) sed mei privato odio hoc fieri (g). „ Quod si profectò è re illius, Grotii scilicet, fuisset futurum, optasset fuisse factum (h). Quid? constat Regem, eodem tempore, quando, Jesuitis locum Collegio eorum reddeaturus, cum Jacobo Augusto Thuano ageret de Bibliotheca Fontembellaquæ transferendum, etiam voluisse vocare custodem Bibliothecæ suæ, Justum Lipsium. At hoc Regi omnino dissuasit Thiron des Portes, tamquam longè Lipsio præstantiores Regi commendans tum Josephum Scaligerum, tum Isaacum Casaubonum. Accipe rem ipsam, benevole Lector, verbis viri amplissimi, Jacobi Gillotti, qui ita ad Scaligerum (i): „ J'oublioy de vous dire, que le Roy ayant parlé à Monsieur le President de Thou, „ pour changer sa Librairie du lieu où elle est, qui est le College des Jesuites, que je „ croy il leur veut rendre, il luy dict, qu'il la vouloit faire transporter à Fontainebleau. „ Deux ou trois jours après, Monsieur de Thiron des Portes l'estant allé voir, il luy „ dict qu'il avoit volonté de retirer *Lipse* pour en estre garde, que l'on luy en avoit fait „ fort grand cas; que quelques-uns luy avoyent dict, qu'il estoit fort sçavant, voire „ le plus de ce siecle. Le Sieur de Thiron luy respondit, Que vous estiez bien toute „ autre chose, & que vous aviez plus de cognoissance de toutes les sciences & les langues, qu'il n'avoit d'une; qu'il y avoit bien à dire. A quoy le Roy respondit, que „ l'on ne luy avoit point dict cela. Et qu'après vous Monsieur Casaubon se pouvoit mettre au nombre bien petit de gens de sçavoir. Et luy dict-il, ils sont tous deux Français. Il trouva cela fort bon, & qu'il falloit y adviser, & que sa Librairie devoit & meritoit estre mise entre mains de telles gens. „ Fortè hoc medio, hacque occasione apud Regem uti voluit Petrus Cottonius, revocandi non solum, sed & convertendi Scaligerum, quemadmodum magnificentius, saltem insolentius quàm verius jactabatur, teste Vertuniano, qui sic ad Scaligerum (k): *J'ay veu là Messieurs Du Plessis Mornay, de la Nouë, de Saint Germain, Deputé de nos Eglises près de Sa Majesté, & d'Aubigny: qui tous m'ont prié vous advertir que Pere Cotton se vante que par promesses & menées il vous arrachera du lieu où vous estes honoré, & où on vous tient promesse, pour vous amener là, où vous ne recevrez ny honneur, ny le vray, de ce qu'on vous promettra.* Et aliâ Epistola (l): *MONSIEUR, ce mot ne sera que pour vous réiterer la jactance que fait le Pere Cotton de vous gagner par vaines promesses, & attirer à Paris, pour vous faire revolter, &c.* Quod etiam testatur Casaubonus (m), apud quem idem erat gloriatus. Verum confirmatus jam satis Casaubonus hoc solum sibi credidit negotii datum, ut accuratius Bibliothecam percurreret, examinaretque Indices, quos mendosissimè & negligentissimè factos conqueritur. Quapropter opem ejus ex hisce implorantibus amicis, quam quidem optabat maximam, adferre nullus potuit. Minimè tamen dubitarim quin, sinon in publicum, saltem in proprium usum aliquos emendavit, vel confecit novas. Hunc autem dignissimum cum Professore, tum Bibliothecarium Regium, quibus jucundissimis Epigrammatibus sit prosequutus vir doctissimus, Samuel Næranus, cui formandum etiam dedit filium suum Mericum, ea, siquidem rarius occurrant, ac locum hunc videantur mereri, lubens adscribam.

In incomparabilem Virum,
ISAACUM CASAUBONUM.

Quid Romam Romæ, quid Athenas quæris Athenis?
 Nomen iis tantum restat mane sui.
 Parisios hæ migrarunt, migravit & illa;
 Nam Casaubo sinu claudit utramque suo.

Miraris quòd Parisi Casaubo Lycæi
 Personat eloquio pulpita nulla suo?
 Qui totum flammis implet radiantibus orbem,
 Includi spatiosius brevior negat.

Franciscus Rex, Musarum quòd amavit alumnos,
 Implevit famam solis utramque domum.
 Illus est heres Henricus amoris; amorem
 Cur parilem parilis non concomitatur honos?
 Dissimiles hac parte quidem, quòd foverit ille
 Innumeros, unum quòd fovet hujus amor.
 Sed cum, quæ innumeri callebant singula, cuncta
 Calleat hic unus, quis neget esse pares?

Quæ modò Turnebi nituit, quæ luce Budæi,
 Nunc, Casaubo, tuâ, Gallia, luce nitet.
 Sidera cesserunt soli, qui prisca requirit,
 Sideribus solus posthabet ille jubar.

Eidem Bibliothecæ regiæ Præfecto.

Græcia quos jactat, Phæbi quos jactat alumnos
 Roma, tuâ cunctos sub ditione tenes.
 Eloqui suadela, & mentis acumine cunctis
 Cum præcas, cunctis jure, Casaubo, præes.

Instituit hoc anno CIO IO CIII. diu meditatum iter ad matrem honestè, sed parcè, si non duriter; nam ei ducentos aureos non sanè *ex tunc impensis*, sed tenui censu nostro, inquit, misimus, vitam Chrestæ in Delphinatu trahentem, indeque ad amicos Geneveses: quod ipse in Ephemeridibus ita describit.

„VIII. Eid. Maj. Hodie ego uxorque domo proficiscimur ad matrem, quæ in Delphinatu, & liberos, qui Genève, reliquos hic reliquimus cum tota familia.

„XI. Kalend. Jun. Chrestam venimus, ubi veterum optimi parentis amicorum copia nobis reperta est. Suave eorum alloquium nobis, & locorum, ubi fuimus pueri olim educati, aspectus. Chrestâ Burdigalam ad matrem optimam pervenimus, quam pro ætate valentem, & fratrem charissimum atque familiam totam invenimus.

„VIII. Kalend. Jun. Ponetum hodie ivi, ut sacræ Domini Cœnæ fierem particeps.

„VII. Kalend. Jun. Mompeliam hodie misimus, qui Johannam filiam huc adferrent.

„V. Kalend. Jun. Lugdunum appulimus.

„IV. Kalend. Jun. Hodie inspiciebamus reliquias naufragii, quod reculæ patriæ sunt passæ. Parens meus, vir sapientissimus, sic satis mediocres, cum moreretur, facultates matri meæ & nobis liberis reliquerat. Sed variis casibus attritum patrimonium est, ac prope jam exhaustum est totum; in quo hanc capimus consolationem ego & pia mater, quòd neque meâ, qui manus semper abstinui, neque illius, quæ sanctissima fœmina est, culpâ quicquam detritum est. Quare æquo animo jacturam, quamvis maximam, feremus, quod supererat spectabamus, & rationem inibamus omnium summularum: constat facultates matris in nominibus omnes ferè, quæ universa sum-

„ summam efficiunt aureorum quadringentorum quadraginta novem. Hanc efficiunt obligationum inscriptiones, quas infra descripsi.

„ *Pridie Kalend. Jul.* Lecti Psalmi Hebræi, cujus libri divinitatem quis potest aut lingua eloqui, aut animo concipere?

„ *IV. Non. Jun.* Quod Deus Opt. Max. bene vertat, hodie matri meæ optimæ & lectissimæ scæminæ, deque liberis suis optimè meritæ; de me autem eximiè, domunculam emi angustam illam quidem, sed amplam tamen satis pro loco, & cæteris hujus oppiduli domibus. Quin etiam hortus ei annexus est.

„ *III. Non. Jun.* Filiam, quam exspectabamus, hodie vidimus.

„ *Pridie Nonas.* Cum de negotiis nostris ageremus cum Consulibus hujus loci, invenimus ita malè affectos civium animos, ut nihil aliud plerique eorum optarent, quàm ut æs alienum dissolverent publicæ fidei naufragio. Itaque conati institutam litem reddimere jacturâ summæ non mediocris, tam malè consulti fuere isti, ut omnia experiri priusquam æquo jure uti malint. Quod igitur Deus bene vertat: inviti Gratianopolim ad supremos Provinciæ Judices iter instituere cogimur.

„ *Non. Jun.* Burdigalâ Chrestam, veterem patris mei sedem, venimus; inde Valentiam.

„ *Pridie Idus.* Genevam pervenimus, ab aliis viris probis accepti, maximè à sene reverendo, D. Beza, cujus vegeta senectus incredibili gaudio me meamque uxorem affecit. O Deus æterne, & illum virum optimum & omnes, qui hic vivunt pietatis veræ veri Φωστής, atque inter alios affinem Stephanum, sororem Rigotiam, serva, &c.

„ *XVI. Kalend. Jul.* Concionantem Goulardum audivimus: dein convivio excepti sumus publico, quod exhibebat Schola sive Pastorum Cœtus venerandus.

„ *XIV. Kalend. Jul.* Legebam *Δεγνῆς χάριν* potius quàm seriò Henrici Cornelii Agrippæ opus de *Incertitudine & Vanitate Scientiarum*, declamatio *invektiva*. Miratus sum viro docto tantum abs re sua fuisse otii, ut iis scribendis vacaret. Non aliter ipsum sensit, & scientiarum peritissimum ad scientias oppugnandas accessisse, nemini potest esse dubium. Qui igitur non habent pro ludicro id scriptum, sed pro seriò, falluntur seriò, &c. Hodie cum Theodoro Beza egimus. Miratus sum in viro sancto cum multa alia, tum circa ejus memoriam rem sanè *ἐξωμνημένον*. Nam cum senectus ei omnem ferè rerum humanarum usum ademerit, tamen de sacris rebus & Theologicis, cum loquitur, non senem *ἰσχυρότερον*, verùm ætate cum maximè florentem dixeris (a).

(a) Vide
Epist. 297.

„ *X. Kalend. Jul.* O lætum diem: mane summo Perotum audivimus; dein Faium; & sacra Domini Cœnæ participes sumus facti, præeunte in ordine reverendo sene, D. Bezâ.

„ *IX. Kalend. Jul.* Inspeciebam reliquias supellectilis librariæ Henrici Stephani.

„ *VIII. Kalend. Jul.* Cum leviro hodie de nostris negotiis cœpi agere seriò.

„ *VII. Kalend. Jul.* Et hodie cum leviro etiam præsentē Lectio multum egimus. Sed non multa, imò nihil planè. Sororis etiam negotia diligentius inspeximus. Et ô iniquos Judices! ô sedem rapacium Genevam! Misella pro fratribus mariti sui debita multa solvit; & eorum nomine ab illis exigere aliquid non potest. Et si favet hac quidem in parte Senatus, sed hætenus ut decernatur, non ut decreta executioni mandentur: & *φρονῆς ἰπποκρίδης*. Adde schedulas, ut vocant, prælatas legitimis obligationibus: nos quidem ita scribimus ex ipsis monumentis, quæ hodie inspeximus.

„ *IV. Kalend. Jul.* Illud permolestum quòd Francisco le Preux centum libras coacti sumus solvere planè indebitas, & quæ magno constant nobis: poteramus jus nostrum apud defendere: sed ille schedam & *χαρίγραφον* nostrum urgebat: maluimus itaque solvere quàm litigare.

„ *III. Kalend. Jul.* Hodie Genevam reliquimus.

„ *Prid. Kalend. Jul.* Rollam venimus, ibique pransi levirum, Paulum Stephanum, qui eousque nos prosecutus fuerat, dimisimus, confectis cum eo negotiis planè ex ipsius sententia, magis quàm ex mea aut meorum utilitate: sed si quid benefecimus, bene facti non poenitet.

„ *IV. Eid. Jul.* Domum salvi pervenimus. Ita confectum est iter diu optatum.

Reversum amici, atque inter eos maximè Fridericus Morellus, vir clarissimus (b), absolutâ jam editione Oratoris disertissimi, Dionis Chrysostomi, continuo adeunt, flagitant,

(b) Epist.
187. 391.

tant, impellunt, velit iis haud gravatè suppeditare si quid fortè eo in Scriptore elegantissimo observasset. Flexus autem eorum precibus, cum ejus mite & facile ingenium nihil eorum, quæ in ipsius erant potestate, amicis negare, vel subtrahere sciebat (a), breves pollicetur notulas, quas dum, semel tantum evoluto Auctore, describit, usque adeò adauget, latèque extendit, ut quindecim folia impleant (b), licet verè repentinas pronuntiarit (c), quoniam paucissimos dies se ei Diatribæ componendæ impendisse dicat (d).

(d) Epist. 392. Post hæc, quæ fuit ipsius infelicitas, videt se coactum ad aliorum potius quam suam voluntatem studia disponere (e), operamque, quam in aliis lubentius poneret, addicere ingratis prorsus laboribus. Etenim laceffitus ultrò capitaliter, Rege equidem hæc improbante, à Theodoro Marcilio in suis ad Suetonii Titum, modestius in Horatium notis (f), non solum in eum invehitur acrius (g), vocans *Asinum Marrucinum*, *Scholæ cujusdam Parisinæ Ludimagistrum*, indignum, cui cathedra, ex qua Turnebus & Mercerus oracula olim tradiderant, committeretur (h); verum hominis stupendam *asinitatem* (i) & imperitiam ostensurus, in A. Persium, præclarum quidem, sed tenebri-
(g) In notis ad Flavianii Vespasiani Carinum, cap. 16. & variis Epistolis. Vid. Epist. clar. Vir. à Burmanno edit. pag. 247.
(h) Epist. 388.
(i) Epist. 370.
(k) Epist. 381. 399.
(l) Epist. 437. 440. 441. 443.
(m) Epist. 376. 428.
(n) Epist. 381.
(o) Epist. 399. 413.
(p) Epist. 395.
(q) Epist. 398. 402.
(r) Epist. 410. 413.
(s) Epist. 424.
(t) Epist. 352.
(u) Epist. 416.
(v) Epist. 418.
(w) Epist. 420.
(x) Epist. 440.
(aa) Exstat num. 417.
(bb) Epist. 440.
(cc) Epist. 428.
(dd) Epist. 461.
(ee) Epist. 362.
(ff) Epist. 427.
(gg) Epist. 416.
 cosum Poëtam, seu Philosophum (k), Lectiones, quas olim in frequenti Auditorio Genævæ satis accuratè habuerat (l), edit. Non ut iis famam venaretur aliquam, sed pueris eum redderet clarum, quibus solis (m) scripta erant hæc Commentaria. Unde & ipse ita humiliter de iis sentit, quamquam multò maxima pars eruditorum vel hoc ipso tempore Casaubonum istius Poëtæ Interpretum principem haud immeritò arbitretur. Quid? suppressere eas, tamquam sibi scriptas volentem, revocarunt amici, persuaseruntque eas ut relegeret atque publicaret (n). Fecit hoc cum ob ingravescentem Parisiis pestilentiam (o), ac in primis verò uxoris carissimæ languidam & trahentem valetudinem (p), Medicis auctoribus, volente Rege (q) Madridum, Regis suburbanum prætorium, seu arcem, recessisset, ubi per tres integros hæsit menses (r). Quæ fortè causa fuit, quòd Regem, eundem ob morbum Fontembellaqueum qui aufugerat, intra octo menses non convenerit (s). Quum autem subinde urbem adiret, posteaque cum familia Lutetiam revertisset, pallim ab amicis, iplisque etiam Jesuitis, quibus uti antè exosus, ita tunc charus, ut nihil suprà, ante omnes alios à Frontone Ducæo, viro longè profectò meliore quam ut posset pro germano Loiolita haberi (t), jussu Regis (v) de novo tentatur, idque tanto astu, ut Casauboni facilitate ac modestiâ in detrimentum veritatis sint abusi (w). Vocabant namque, creduli quòd vanis rationum coloribus ac magnis pollicitationibus facilè posset dimoveri (x), cum prope quotidie ad cœnam, quò commodius dissertationes de rebus Religionem spectantibus instituerent. Quas ut primùm è re natas & nullo consilio institutas crederet, sic postea ex compacto Regisque jussu prolatas ipso exitu didicit. Accidit enim quòd, quum ad prandium Cardinalis Perronius, qui à quatuor aut quinque mensibus nullum verbum ei de Religione fecerat, cum vocasset, interque epulas de Religione velitationem instituisset, ut tanta ac tam vehemens exorta fuerit inter eos contentio, ut corrogatorum convivarum causâ puderet, sui poeniteret: quandoquidem, quod jam præviderat, per totam urbem fama ab amicis Cardinalis Perronii divulgata decantaverat omnia esse profligata, expugnatum Casaubonum, saltem manum dedisse se statim alium futurum (y). Quam novam, eamque falsissimam de promissa Apostasia calumniam coerciturus, tertio à prandio die, invitus, gravissimis tamen de causis Pastorum Ecclesiæ Parisinæ consilio impulsus (z), ad ipsum Cardinalem Perronium hac super re scribit Epistolam (aa) singularem. Quà cum minimè viderent obstructum obturatumque spermologis istis os, Pastores è re sua crediderunt, eam, quod tamen noster ægrè tulit, nihil luce dignum ea contineri certus, publicè edendi (bb). Hisce aliisque gravissimis enatis causis (cc); ut silcam quòd observasset frigere Parisiis literas, ac paucissimos de iis rectè judicare (dd); præcipuè verò Regis morbum periculosum (ee), sensit apertè suspectam molestamque Parisiis diuturniorem moram, quapropter afflictis prope suis fortune consulturus, apud *amédéeus* aliquem quærere cogeatur locum (ff), quem planè invenisset commodum. Si quidem harum molestiarum fortè conscii Nemausenses Consules eum honestissimis conditionibus, id est, in stipendium annuis sexcentis aureis ac pensione ædium vocarunt (gg). Verum oblatam hanc blandam occasionem arripere non est ausus, cum propter loci distantiam, tum quòd certò sciret Mecœnati suo maximo, id est, Regi, cui unicâ re exceptâ, Religione nempe, erat gratissimus, fore injucundum. Nam id ex ipso Thua-
 no satis apertè intellexerat: qui propterea Scaligerum obnixè rogat, velit ejus agitatum
 ac

ac fluctuantem animum sedare, consolari atque exhortari, ut æquo animo ferat injurias, maneatque ubi jam est, ne ejus abitu ineffabile patiantur (A) literæ, quas solus sustinebat, damnum (a): *Cela fâche nostre bon amy (Casaubon) qui en vostre absence seul icy maintient la reputation des lettres. Je vous supplie le vouloir consoler par la premiere que luy escrirez, & l'exhorter à porter patiemment au lieu, ou il est, le vice du siècle; car il y en a qui luy veulent persuader qu'il seroit mieux ailleurs. Une lettre de vous l'affermira, & le resoudra tout ensemble.* Idem Scaligerum flagitare videtur Jacobus Gillottus (b): *Nous sommes un peu en alarme d'une sollicitation que nous avons decouvert que l'on faict pour nous distraire Mr. Casaubon, lequel ils apprehendent, comme l'on diët que le serpent faict le chant du coq. S'il nous laissez, indubitablement nous sommes en proye à la barbarie. Sa personne seule les retient d'entreprendre sur les livres, lesquels enfin tomberoyent entre les mains de leurs ennemis. S'il vous en escript, persuadez le de ne nous deshonorer pas tant.* Quid autem Scaliger, qui putabat eum conditionem accepturum (c), ei & quam prudenter suaserit, Epistola cxi. testatur.

Præter Persium paraverat librum, cum hac *Ἰνυρα*, de Satyrica Græcorum Poesi, & Romanorum Satyra (d), de quibus quid docti essent judicaturi, cum foret scriptio jejuna & scholastica, dubius expectat, quamquam ipse sibi satisfecerat, quod intelligeret Scaligerum in ea deprehendisse, quæ placerent (e). In hoc argumento indulgit sibi, minime prolixitatis crimen reformidans (f). Erat enim necessarium, quoniam eo in Commentario Satyricæ & Satyræ rationem ac differentias uberius explicuit, quam ante eum nemo (g). Suscepto tamen hoc argumento proposuerat ita compendiosè ac breviter id tractare, ut Prolegomenon loco A. Persio præmitteret. Verum tantopere sub manu crevit hæc materia, ut justum deinde fecerit de eo Commentarium (h). Quem viri docti gratum utilemque si testarentur, posset, inquit, de facili plures ejusmodi locos ex Antiquitate ex adversariis depromere, quoniam sexcenta talia testatur se habere ferè confecta argumenta (i).

Accidit porro, quò abeundi studium augebatur justissimè, anno cix 15 cv. mense Augusto vel Septembri, quòd terror omnibus Orthodoxis injiceretur panicus, eò quòd absentia Regis (k) nonnulli confidentiores redditi, ausi sint novam minari piorum lanienam, & quasi diei Bartholomæi immanitatem (l) affixo palam, U. D. P. L. P. (m) typis edito programme, quo studiosi ad eadem redeuntium Hablone, è quibus unus licet ab aliis est occisus, cæteris noctes aliquot insomnes degentibus (n), convocabantur. Auctorem programmatis fugâ sibi consulentem dimissi sunt, qui diligenter inquirerent, atque in urbem reducerent, quem si cepissent, spes erat à prima stirpe horum motuum auctorem exquisitum iri, quoniam, quod bonos maximè consolabatur, habebant Regem, Senatuum, Magistratum bonarum partium defensores acerrimos (o). Interea inimici prout inquieta eos solet incitare malorum conscientia, donec pios everterint, nocte diuque laborant magno conamine Regis animum à Casaubono avertere, minimum ita revocare, ut clementissimi Regis beneficio diutius uti non posset. Quod si essent consecuti, statuerat patente modo viâ in Germaniam, (licet id credere non potuit (p) Guillimannus) se recipere, saltem ut Polybii editionem ibi curaret, tantisper donec Deus Opt. Max. certam aliquam sedem ei, ejusque familiæ ostenderet (q). Quibus suprà jam enarratis demigrationis causis adjectis, facile credimus ipsum prævidisse tempora, de quibus sine horrore ne cogitare quidem posset (r). Nam, (en quò invidia odiumque perduxit ejus inimicos!) eò fuerunt abrepti, ut noluerint eum edere Patres, quorum dogmata ac doctrinam probabat atque sequebatur, ne dum iis addere Notas seu Animadversiones (s). Veriti, propterea quòd apud ipsos hæreseos crimine fuerat notatus, ut illa monumenta corrumperet, vel malâ interpretatione illis alium sensum affingeret, vel exinde apertius veræ Religionis causam vindicaret, atque ita imperitioribus viam ad eam facillimè calcandam pararet. Cæterum quò majores ei insidiarum tricas per ambages struerent, longèque magis apud Regem atque stupidum studio in Papa populum redderent invidum, scelerati quidam, quibus est, ut Plautus ait, *malevolens genius*, falsas fingeant Epistolas, quas superscriptione ejus nomine insignitas publicas faciebant (t). Alii, quos inter ipse Papa, Cardinalesque Baronius atque Perronius, expensis nummis, (quod tamen negat (v) Abainius) subornant (w) bipedum nequissimum, protervum nebulonem

veræ

(A) Ne... patiantur literæ, quas solus sustinebat, damnum.] Bongarsius Kirchmanno: *Literæ, ut aliis in locis animant agunt, unius eas Casaubonus sustinet apud nos; quas ubique Jesuita impugnant.* Epist. clar. vir. à P. Burmanno edit. pag. 146.

(a) *Epist.* veræ Religionis, ut fastu honores veneraretur ac captaret, (a) desertorem, Gasparum Scioppium, qui nescio quàm futuli seu potius falsa ratione incensus ira, in Præfatione in M. Varronem, quàm acerbissimè Scaligerum atque Casaubonum, licet dissuadentibus hoc ei maximè duobus Cardinalibus Seraphione & Abainio (b), corripuisse; non sufficere ratus, non modò Francofurti (c) ac Moguntia (d); sed postea Romæ (e) calumniarum plenum adversus Casaubonum edit (f) librum, in quo præter alia bene multa vitia flagitiaque detestanda ei exprobrat Thrasionismum, Atheismum, & nescio quæ non horrenda facinora ac crimina falsissima, qualia ne in virum quidem honestum, nedum pium atque Christianum cadere posse quis credat. Quòd autem manibus pedibusque niteretur demonstrare Latine Loqui nescire, neque in istis literis quicquam intelligere Casaubonum, noster omnino ridebat (g). Verùm enimverò quis ab ingratisimo, qualem se erga Præceptores suos, Giphanium atque Rittershusium, ostendit (h); quis ab impudentissimo emissario (i), jussuque (k), ut quoscumque demum, præcipuè verò omnes Germanos secum ad Papismum, ad quem ipse spe togæ purpureæ scelestus transierat, pertraheret. (Quod etiam studiosissimè contendit testibus fide dignissimis, Jacobo Bongarsio (l) & (m) Wasero) quid honesti probive exspectet? Ab eo, dico, (liceat mihi hoc tuâ veniâ addere, Lector benevole) qui in Panegyrica oratione, Ferrariæ typis vulgata, quam habuit in laudem Pontificis Maximi, non tantum mirè adulari Pseudo-Petro, verum ad sæviendum in bonos perfidè & crudeliter invitare non sit veritus (n). Quo fortasse meruit hic Papæ fatelles (o), & fortis Papista (p), instructus artibus nocendi, à Pontifice Ratisbonam explorandi causâ mitti (q). Quod liquidò confirmare videtur vir clarissimus, Petrus Puteanus, quando Scaligero significet (r), fratrem suum Româ scripsisse: *Nisi Scioppius esset maledicus atque magnorum virorum obrectator, in illa otiosorum matre, (Roma) ei nullum fore gratiam, nullum locum.* Verùm hæc nefanda mendacia refellere non operæ pretium existimans Casaubonus, edoctus à Tacito (s), *spretæ exolescere, si irascere, agnita videri*, silere, id est, contemnere (t) constituit, aut si expugnatur patientia, quod & Romam scripsit, majoris dignationis delecturum Antagonistam, quocum se exerceat (v). Non enim major datur vindicta contemptu, sicut illud præclarissimorum virorum Thuani (w), Velferi (x), Baudii (y) vitarum exemplo, quæ iisdem ferè delationibus temerè fuerunt obnoxia, ostendunt. Itaque exprobrationibus satis responsum ratus amicis privatis literis scripsisse (z): *Enimverò si Athei essemus, Romæ essemus, quò magnis conditionibus ante hos septem annos ὅτῳ τῷ κατὰ τὸν τοῦ fuimus invitati: demiror quibus machinis sit probaturus suspicionem ἀθεΐας in me competere.* Et alio loco (aa): *Si Thraso essem, aliter mea scripta loquerentur: si Athens planè, Romæ essem, quò non semel invitatum me fuisse amici norunt, & habeo testes Baronii literas.* Hæc, dico, sufficere ratus, attamen ut ostenderet se istiusmodi calumniis non moveri, aut à probè percepta vera Religione depelli; sed magis magisque confirmari, constantis animi, solatiique ergo, amicorum hortatu (bb) Notis illustrat, atque in publicum edit purissimi Scriptoris, Gregorii Nyssenii, ineditam hæctenus divinam Epistolam. Hæc quantò minus, fortè ob egrègiam ei præfixam Epistolam dedicatariam, placuere Pontificiis (cc), & in primis Marco Velfero (dd), Pontificiorum dogmatibus additissimo; indeque, quo spectarent consilia τῶν ἐκ τῆς ἐπιλόφου parum attendenti (ee), & à Casaubono postea alieniori (ff); tantò magis laudabantur Scaligero (gg), Lingelshemii Socero (hh) Cafelio, aliis. Eas tamen biennio post evertere atque confutare studuit Jacobus Gretzerus Jesuita haud indoctus. Cujus notas postquam vidit Casaubonus, ingemuit se non isthuc esse, ubi loci liberè posset respondere. Quapropter (ii) *maluit tacere quàm non vela pandere orationi.*

Sub idem tempus cum inter Paulum V. Pontificem Romanum, & serenissimos Reipublicæ Venetæ Patres lis exorta (kk) esset summa ob leges quasdam ab illustrissimis Patribus renovatas, quibus cavebatur, ne absque Senatûs suffragio Tempia aut Cœnobîa nova conderentur, aut iis possessiones, prædia, fundi, aliaque soli bona addicerentur. Hique se viros præstare volentes, neque delibari vel minimum de libertate sua patientes (ll), sive per civem dignissimum, virum maximum, & in omni genere scientiarum paucis exceptis versatissimum, Paulum Servitam, cujus effigies, quòd Venetiis (cc) Papæ auctoritatem oppugnaret, Romæ combusta est (mm); sive per alios, non faciliè dixerim, amicos saltem vocat (nn), importunis precibus impellunt, ut anonymum conscribat librum *de Libertate Ecclesiastica*, in quo Dei & Regum causam contra pestes illas defen-

(a) *Epist.* 738. Aucta fuit illa invidia propter Epistolam ad Frontonem Duceum, *Epist.* 861. (gg) *Scal. Epist.* 123. 124. (hh) *Lingelshem. Epist. ad Bongarf.* pag. 223. (ii) *Epist.* 647. (kk) *Rudolph. Boterius Commentarior. lib. x. 111.* prælixe eam enarrat Historiam; *Truanus lib. c. x. x. v. 11. Eman. Van Meteren, Histor. lib. 28. fol. 518. 519. a. m. c. c. c. x. x. v. 11.* (ll) *Lingelshem. Epist. ad Bongarf.* pag. 222. 223. (mm) *Ibid.* pag. 219. (nn) *Epist.* 550. 881.

defendere est conatus; idque tantâ moderatione, ut, quis esset Auctor non tam ex iis, quæ forent dicta, quam quæ silentio præteritis dicenda, facile potuerint intelligere (a); (a) Epist. quamvis nomen non adiecit. Verum & hac nihil profecit. Jesuitæ quippe, quibus solis uti & Papæ affectis Parisiis de rebus sacris licebat apertè colloqui (b); (b) Epist. circa Regem erant, suis artibus atque blandimentis, si non potius minis Capitolinis, quas Rex timebat, (unde fortè offensior Casaubono, qui Villaregium orat vellet causam suam agere apud (c) Regem) effecerunt, ut liber hic ita utilis (A) supprimeretur, quem omnes docti dolent eum postea, cum in Anglia degeret, non periecisse. Scio Justellum, Virum clarissimum, spem fecisse olim viro docto ad se invicenti reliquam partem detegendi eique tradendi; hac conditione ut curaret in Batavia imprimi: verum ego potius cum Bullialdo putarim, opus illud numquam ad umbilicum perductum. Ita enim ipse ad Scaligerum (d): „Libellus de Libertate Ecclesiæ neque absolutus, neque hic potest absolvi. (d) Epist. „Disertè enim τὸ τελεσιγράφον vetuit is τὸ κερταῖσι μίσηται. Accedit quòd tempus prætere- „riit, & Auctor ita festinatò partum illum vel potius ἐκτρυπα effuderat, ut vehemen- „ter ipse gaudeat ejus deformitatem perpetuis tenebris esse damnatam. Qui si alibi esset, „atque id seriò ageret, in eo argumento nonnihil posset. „ Verum propterea quòd ad amicos folia continuò miserit (e), in totum supprimi non potuit. Idque fragmentum, (e) Scaliger. Epist. quod bis terve dicitur editum, quia rarum, equidem à Melchiori Goldasto in Collecta- „neis de Monarchia S. Imperii sub literis I. C. G. id est, *Isaaci Casauboni Genevensis*, ut ego interpretor, non, ut alii, *Isaaci Casauboni Galli*, recusum est. De eo sic Lingelsheimius ad Bongarsium (f): *De Libertate Ecclesiastica in admirationem rapit omnes qui viderunt. Jam scripsi autè quid sentirem, ô virum! Peccatur in publica commoda, nisi ipsi plena datur vacandi hujusmodi lucubrationibus.* (f) Pag. 233.

Omiseram prope significare ipsum eodem tempore brevibus quidem, attamen planè eruditis Notis explicuisse Inscriptionem Græcam, comprehendentem Dedicationem fundi ab Herode Magno factam. Erat autem illa deprompta ex arca quadam lapidea, plena aquæ medicatæ odore aromatico, reperta atque effossa in Via Appia, tertio milliari ab urbe Roma (g). Quam uno versu mancam ex Theologo Nuntii Romani Pontificis illustrissimi Cardinalis cum intellexisset (h), statim investigandæ veritatis causâ scribit ad Marcum Velsperum, qui de ea sic ad Davidem Hoeschelium (i): *Vis verum ex me audire? hæc tanta digna sunt secundis Casauboni curis. Saltem ne Inscriptio uno versu manca ad posteros transeat. Præterquam quòd compertum habeo, si totam triduum iis impendere inducat animum, procusurum libellum, cujus elegantia omnium politiorum ingeniorum amorem mereatur.* E quibus, quantus vir fuerit Casaubonus, facile colligas. Qui si se totum tradere potuisset literis, quod unicè optabat, quid? amabò, in studiis amcenioribus non præstitisset? Quid non ingenio, quod habebat perspicax, quid diligentia! quæ in eo ineffabilis, quid judicio! quo pollebat plurimum, ex ipsis Cimmeriis tenebris non eruisset? Verum continuò luctabatur non modò, cum adversariis, quæ occultis quæ apertis, sed etiam calamitatibus plurimis. Numquam verò magis quam anno 1608. Primò enim periculosum Josephi Scaligeri morbum intelligit, eoque nuntio perturbatus tanto mœrore afficitur, ut sibi vix esset (k) cum ad ipsum deferretur. Erat enim parentis instar Scaliger Casaubono, eumque continuò alterum parentem (l), suamque decus (m) appellare solebat, quapropter nuntiata paucos post menses morte hisce dolorem suum exprimit (n): *Nos, qui vivum pari semper prosecuti veneratione sumus & pietatis affectu, atque optimum parentem nostrum, quique literas ἐκπαῖς amamus; neque acerbissimi nobis casus recordari sine mœstissimo gemitu, sine ægerrimis suspiriis, sine profusissimis lacrymis possumus; neque porro advocare animum ab ejus memoria, & acerrimo doloris hujus sensu, valemus. Quòd igitur unum superest, dolorem nostrum & luctum ἀφ᾽ αὐτοῦ recordatione virtutis & præstantiæ τῶν ὧν μακάριος solamur. Atque in hac cogitatione quum essemus nuper toti, carmen repente effudimus, quòd placuit infrà subicere, æquis Lectoribus professione pietatis erga defuncti manes, ut spero, excusandum. Quod hoc loco, quoniam in carminibus omissum est, inseram:*

(A) Effecerunt, ut liber... supprimeretur.] Nam ad Historiam Augustam quam exornat, quàm proximè accedit Ecclesiastica, in qua non esset tyro, docuit anno Domini 1607. libro singulari de Libertate Ecclesiastica, cujus jam paginæ 264. typis erant editæ, cum Rex Henricus IV. augustæ memoriæ,

compositis jam Venetorum cum Pontifice Romano controversiis, vetuit ultra progredi, & hoc ipsum, quod fuerat inchoatum, supprimi voluit, ut ejus pauca nunc extent exemplaria. (Jacob. Cappell. in Dedic. lib. 1. Vindictar. pro Casaubon. Vide & H. Casaubon. Epist. 593.)

„ *Ips. Kalend. Jan.* CIO IO CVIII. Nos omnibus propemodum vitæ præsidiiis sumus destituti. Opes habemus nullas, neque præter liberos & liberos quicquam fere mihi superest. Accedit novum onus sororis, filiae, ejus affinium, quos penitus desere re impium sit. Stupet animus recordatione tot cladum, &c: Da, æterne Deus, vere βελῆμι, rectam mentem ad prospiciendum rei familiari melius quàm fecimus hætenus.

„ *Nonis Januar.* Certè de meis studiis, de re familiari mea actum, nisi tu, Deus æterne, subvenias. Alii scelere immani me & meos spoliaverunt fortunis nostris. Alii laboribus fruuntur bipedum ingratisissimi.

„ *XII. Kalend. Mart.* Omnium gravissimum, quòd si me sublevare nequeo hoc onere sororis & ejus filiae, Curiam ad Regis opem implorandam mihi veniendum necessarium. Hoc cum fieri nequeat, ut non depingantur suis coloribus Geneventes quid faciam? Egone ultrò ignominiae notam ibo inustum Ecclesiae, quam plerique hætenus putavimus esse omnium purissimam? In hoc negotio tu me rege, Deus æterne, & moderare meis affectibus. Nam negligere sororem ad mendicitatem redactam & longè ulterius; per pietatem non licet. Non etiam possum non moveri tot malis & damnis, quæ tum universa domus Stephanica est passa, tum etiam charissima uxor.

Hæc utut verè gravissima, cumulabantur tamen haud leviter tristissimo nuntio (a) obitus venerandæ matris, ob quam in Delphinatum uxor coacta fuit proficisci (b), tum subitaneâ morte filiae natu maximæ Philippæ, quæ inopino quasi fulmine, fallaci nempe morbi genere fuit erepta i v. Kalend. Mart. utrique parentum, cum aliis nominibus, tum maximè propter singularem pietatem, eximiam indolem, & adversus illecebras τὴν αἰῶνος firmam constantiam, non vulgarem in modum dilecta (c); cujus obitu ita fuit afflicta, ut in hæc verba eruperit (d): *Amissa superioribus diebus filia natu maxima eo me lætū affectit, ut nunc demum quàm parum insit mihi roboris adversus id genus casus, agnoscam. Sed ignoscent parentum lacrymis, qui probitatem, generosam indolem & firmam in pietate vera constantiam τὴν μακαρίων habuerunt notam. Mihi certè secundum ejus matrem nihil fuit, nec esse potuit charius, qui tamen facile consolor ipse me, quoties privatum aut publicum omnium bonorum in hoc Regno statum intueor.* Huic tale posuit Epitaphium:

VIXIT MEA PHILIPPA, MATRIS SUÆ AMOR
ET CURA, ANNOS XVIII. MENSES VI.
DIES XXI. HORAS FERE IV.

Præter ea subiit hoc anno a. d. x i i. Kalend. August. unâ cum uxore, filio natu maximo, Joanne, & ætate illi proximo Merico, ut & sorore summum vitæ discrimen. Charentonium namque scaphâ fluviatili profecti sacram Synaxim celebraturi, appulsu imprudenti gravioris navis penè in flumine perierunt. Casum verò singularem, quandoquidem ipse dignum censuit prolixius describere, hac occasione referre non injucundum fore Lectori autumavimus: „ Scito, ait, (e) (scribit Scaligero) accidisse τῇ Κυριακῇ (e) Epist. 626.
„ proximè elapsa (is erat dies hujus mensis (Julii 1608.) x x.) dum ad sacram συνάξιν
„ adverso flumine deferimur, ego uxor, duo natu maximi filii (scilicet Joannes & Mericus) & soror cum parte familiæ, ut scaphâ fluviatili, quâ vehabamur, ictu repentino
„ & inopinato magnæ navis percussa, & statim περιέρρητοι pene diem ultimum vitæ clauderemus. Longum faciam, si κτ' λικνῶν, quo modo res acciderit, exponere aggrediar.
„ Maximum certè periculum omnes adiimus. Sed uxor longè præsentissimum; ego illi
„ proximum. Nam cum majoris navigii marginem jam prehendiissem, viso ejus periculo, mei immemor dum illam jacentem supinam attollo, & porrigentibus brachia admoveo, cum sidente scapha pene eo sum delapsus, unde vix potuissem servari. Omnino
„ quòd servati sumus, ego præsertim atque uxor, singularis benignitatis Dei Opt. Max.
„ erga nos & nostros est argumentum.

Hiscæ, quibus pusillanimes atque degeneres succumberent, ferè obrutus; infraçto tamen immotoque animo cum studiis, tum Religioni, cujus libera professio sibi suisque denegata, plurimum creabat molestiæ, adeò ut conditiones, quæ sæpè verè, sæpius falsò ipsi offerebantur, accipere numerosâ onustus familiâ, septem enim habebat liberos, (f) *Diar. animam induxerit, sive Heidelbergensium, sive Nemausensium, quæ binæ eodem tempore oblata, singule tamen suas habebant illecebras, suas remoras (f).* De Heidelbergensi vocatione (g), quandoquidem inaudiverat ad aures serenissimi Electoris Palatini, aliorumque Principum summorum rem pervenisse, neque eos ab hoc consilio abhorre- (g) *Epist. 608.*
(unde ei scribit Scaliger (h): *Nolo te nescire, viros amplissimos, Electoris Palatini Confiliarios,* (h) *Scalig. Epist. 135.*

- liarios, hoc agere apud Principem suum, ut te illuc vocent) agit uberius cum virō insigni D. Buwinchausio, apud Regem in Gallia Legato, idque vice non unā. Attamen, quo
 (a) Epist. 623. spes erat posse perducī, rem ne intra annum quidem perducere potuit (a), omnem operam suam diligentissimè conferente licet ejus amantissimo Georgio (A) Michaële Lingelschemio, quo nullum, certè non in Germania, fidiorem habuit amicum. Causam reddere videtur Scipioni Gentili cum scribat: „(b) Fateamur liberè, nostris Magnatibus non inest is $\xi\lambda\theta$, quo flagrant $\epsilon\iota\tau\omega\nu\ \epsilon\zeta\ \epsilon\pi\alpha\sigma\iota\alpha\varsigma$. Itaque velimus nolimus $\epsilon\mu\phi\iota\lambda\alpha\varsigma$ $\lambda\omicron\chi\omega\rho\epsilon\iota\nu\ \eta\mu\alpha\varsigma\ \delta\epsilon\iota$, qui fortasse alibi poteramus, certè optabamus $\delta\pi\sigma\upsilon\mu\iota\alpha\ \tau\eta\ \mu\epsilon\gamma\iota\sigma\tau\eta$ Ecclesie Dei prodesse. „ Abeundi porro desiderium inflammabatur indies, quòd videret se destitui sacra Synaxi, quam tamen identidem in domo Legati Regis Angliæ unā cum uxore celebrabat vir pius, imò experiretur frigere magis magisque quotidie eorum amicitiam, qui ipsum isthuc vocarant spe futuræ mutationis (c). Eos inter viri maximi per totam hyemem, quin potius integrum annum, C I O I O C I X. machinis multis usque adeò eum impugnant, ita dies noctesque tenaciter urgent gravissimum de Religione negotium, ut summis animi cruciatibus confectus, nullum diem quietum in Galliis egerit. Neque id suā fecerunt sponte, verum impulsī ab illis, qui ejus fortunas diverso genere injuriarum attriverant, viderantque ipsi ærumnas ac difficultates, quòd spe auxilii esset destitutus, hac dissensione recentes enasci (d). Et erant illi non solum Romanenses, qui propter Religionis suæ negotia erga ipsum acerbè affecti minus culpandi, verum etiam, res mira! ipsi illi (e), qui iisdem sacris cum ipso erant addicti, & ex æquo unanimes vixisse debuerant, qui tamen collatis signis uno impetu innocentem aggredebantur. Quid! recens iterum & fortè acrior sustinendus fuit in sacris insultus. Perronius enim Cardinalis, auctoritate atque eloquentiā plurimū valens, jussu Regis eum vocat ad Colloquium. Sequitur, atque invitus adit. Per horas aliquot cum Cardinale ei gravissimus de Religione sermo est, è quo domum reversus Deum supplex hisce precatur (f): *Te oro, Deus, infundas in animum meum veritatis studium & amorem, servetque ab omni in re Religionis errore.* Quum verò maximus Heros Bullioneus de hoc inaudivisset Colloquio, ad invisentem ipsum Casaubonum quid de isto congressu cum Cardinale Perronio foret, inquit diligenter, unāque exhortatur & animat Casaubonum, velit bono publico sustinere in iis assensum, quæ pertineant ad D. Plessiacum, qui, etsi minus interdum fuerit oculatus, damnari tamen sine causa vera ac justa condemnationis haud potuit (g). Hæc plenius, & quis fuerit rerum suarum status, exposuerit procul dubio in Epistola isthuc tempore ad Frontonem, in Aula degentem, data; quæ ad manus nostras non pervenit. Cæteroquin quandoquidem omnia ei, qui primus inter amicos numerabatur, solebat quā apertissimè exponere, accuratius ea cognosceremus. Verum in hoc Colloquio, qui hactenus constanti atque immobili animo restiterat tot tantisque tentationibus, quibusdam viuis est quodammodo cespitasse; saltem ad quædam capita non ex tempore potuisse satis dilucidè respondere: unde tempus ulteriori exquisitioni sibi dari justissimè postulavit. Otium adeptus se unicè tradit sedulæ lectioni Patrum, optimorumque Theologorum, ipsi in deliciis, quā brevi ita instruitur, ut accuratius dubiis, atque objectis difficultatibus examinatis, superatis facilè atque ex animo eiectis, quos Cardinalis Perronius injecerat scrupulis, pristinæ fidei ac Religioni sese penitus addiderit. At quis, amabò, hoc ipsi vitio verterit, cum hoc genere literarum callentissimus, paratus semper & prævio consilio ad contentionem accesserit Perronius? Casaubonus è contrario non nisi coactus Theologus incertus fuerit continuo, quibus de Religionis capitibus adversarius esset acturus; adeòque haud ita, quā quidem potuisset profectò aliàs, promptus. Silco callidum Perronii ad inescandos homines ingenium. Nec est quod quis sibi imaginetur semel aut iterum hanc rem sacram agitalle eos sermonibus in conviviis, comestationibus, aut aliis occasionibus quæsitis. Verum quoties Perronius Casaubonum nostrum deprehenderet in Bibliotheca Regia, cujus custodibus præerat. Sedulò repetebat argumentum unde Casaubonus querens Perronii importunitatem, inquit (h), cum hoc viro assidue versans propter munus meum, assidue dimico.
- (i) Epist. 623. Prefat. in Polybium. Inter hæc adversa plurima, gemitus atque indignationes, quarum veretur ne altè impressa nimis multa in scriptis suis appareant vestigia (i), nihilominus Herculeo labore atque animo per longum tempus intra manus hærentem perficit atque absolvit Historiographo-

(A) Omnem operam suam diligentissimè conferente... Georgio Michaële Lingelschemio.] Ita Lingelschemius Epist. 81. ad Bongarsium: In Casauboni magni illius

virī causa nihil adhuc consitutum indignor, & lentorem istum nostrum abominor. Interea & M. Prasellum & Cancellarium urgere non desino.

graphorum Principem, Polybium. Hunc, Regum maximo Henrico IV. Patrono suo clementissimo consecratum, donat præter Proceres quosdam Cancellario, qui gratissimi animi indicium hoc munus benigno vultu in gremium receperunt; quò spe quasi divite erectus conjicit illos paraturos ei apud Regem viam liberalissimæ remunerationis. Itaque spei animique plenus a. d. xiiii. Kalend. Novemb. Regem ad Fontem Eblodi adit, Polybiumque ejus Majestati offert. Verùm qui fuerit exceptus, discere ex ejus Diario: *Sum exceptus à maximo nunc Regum humanissime, benignissime. Sed meum opus ita est exceptum, ut par erat ab eo suscipi, qui literarum est nullus rudis. Culpa erat & quidem insignis τῆ τὴν σφραγίδα καὶ χεῖρ, qui egregium mihi fucum fecit. Nam qui receperat sexcenties se de ea re cum Rege verba facturum, ne γὰρ quidem illi dixerat. Quid multa? Vanitatem Aulæ & rerum humanarum vidi ac risi. Lætus interim quòd eodem planè tempore Rex Angliæ suam benevolentiam prolixè mihi significandam curavit. Quæ verò causa frustrationis? Sola Religio, vel ipso teste Casaubono (a): „Prolegome- (a) Epist. 644.
„nō prolixitatem noli accusare: nōram Meccenatis mei benignitatem & erga me facilitatem ac benevolentiam; cujus grande monumentum essem consecutus oblato hoc munere, si per Religionem non stetisset. Nam si pati potes semel apud amicum καυχέ-
„μεν ἡμὲς Proceribus nostris ea pars, quā Regem laudavimus, ita probata est, ut ad
„suscipiendum ejusdem argumenti Panegyricum & Cancellarius noster, vir illustrissi-
„mus, & omnes certatim me hortentur. Qui debuerant potius Regi auctores esse ut ja-
„cturam rei familiaris, quam * (supplendum puto Genevæ) accepimus, iret factum.
„Sed obstat id, quod dixi. Itaque illo nos solabimur, virtutem amplam sibi ipsam
„esse mercedem. „ Quid autem in hoc Scriptore præstiterit, abundè testatur in Poly-
bio præmissā Præfatione; nec non ejus filius Mericus Casaubonus in Epistola, quā Le-
ctori sua in Polybium commendat. Non est animus mihi illa repetere, aut colligere
quid de ea editione senserint ad unum ferè omnes viri docti; sufficere rati subjunxisse
quid (A) Joannes Caselius, cujus judicio plurimum tribuebat celeberrimus Joannes
Georgius Grævius, de Casauboniano labore reliquerit; quid judicavit (B) Rudolphus
Botereius, vir doctissimus; sed in contexenda Historia eo minor summo Thuano, quòd
partibus videatur nimium quantum addictus. Polybio adjecit (b) vetustissimum Scri- (b) Epist. 643.
ptorem Græcum Æneam, cujus vel solā publicatione non dubitabat, quin apud viros
literatos gratiam initurus esset aliquam, ne dum jam Commentariis luculentis illustra-
rum.*

Interea dum hæc agigaret, familiaritatem atque consuetudinem contrahit cum Legato Regis Angliæ, ac per literas cum viris doctis in Anglia degentibus, inductus solo argu-
mento quòd audiret animadverteretque eo in Regno ab Elisabetha, piorum tutissimo re-
fugio,

(A) Quod Joannes Caselius.] Erico à Waldbausen in Munzel. CASAUBONUS autem, quem dixi, edidit Polybium, qui antè in multis minimè intelligebatur: ita ipsum Latine reddidit, ut cum aliis omnibus, tum equestri ordinis juventuti, qui tantum Scriptorem prius adspicere non poterant, sit obviu & facilis. Facile enim & hoc, à quo possitissima difficultas semota est, ut in iis locis lux, à quibus crassiores tenebræ depulsæ videantur. Neque enim nego nihilominus alicujus rem negotii futuram, etiamsi ille sentis veprisque exsecuerit. Quid in universum præstiterit, ex re ipsa videbis, & prius tamen cognosces, inquam, amplius, & quanta lux atque etiam dux vitæ sit Historia, & quomodo legenda, & quid quantumque conferat reductus in lucem, adeòque redivivus Polybius. Expeditione tamen etiam erunt omnia legentibus simul ejusdem Commentarios, quorum editionem expectamus indies, habuerimus. Kalend. Feb. 1610. lib. v. Epist. 28. ad Principes, Nobiles, &c. pag. 479. Idem Julio Jageman. Habemus enim nobilem Historiæ Scriptorem beneficio ISAACI CASAUBONI, quem legere magno nostro bono queamus, & juvenes nobiles debeatis. Hoc etiam avidius quòd ejusdem Commentarios propediem habebimus, qui ejusmodi sunt, è Præfatione ad Regem facile possumus statuere: imò expectationem illi etiam no-

stram superabunt. Sunt autem ejusdem viri scripta cætera ejusmodi, quæ testantur ipsum vel solum esse, vel in primis, qui bene de re literaria mereri possit, & præclare omnino mereatur. Lib. vii. Epist. 12. pag. 543.

(B) Quid judicavit Rudolphus Botereius.] Rudolphus Botereius, Commentarior. Lib. xvi. Ego obscurus Scriptor ex alieno igne fumo meo lucem dare laboro, ut hedera vappam commendat, bona merx malæ adjuncta venalem facit, sic ex aliorum operibus, mea minus despicabilia facio. ISAACUS CASAUBONUS, eruditorum ex tanta clade penè unus Reipublicæ literariæ Dictator, hoc anno Polybium, antea fœde laniatum, purè & castigatè cùm vertisset, Historiæ militaris principem Scriptorem, Henrico IV. militiæ Principi, quique scribendis Annalibus uberrimam segetem dieim præbet, dedicavit, obtulitque præmissā operi Epistolâ aureâ & dignâ planè Regum auribus. Ille non modò vultu comi, affatu blando, offerentem prosequutus est, sed aureo muneri aurum addidit, quantum nescio; & si fortè sciam, efferre nolim. Regia tamen liberalitas numquam illaudata, nec enim Musæ benefactorum memoriam interire patiuntur, viget adhuc post tot secula, fama illius Cæsaris, qui Græci Poëtæ de Venatione singulos versus nummo aureo donavit.

fugio, commutatis Romanorum sacris cum purissima Euangelii doctrina, & expulsis Pontificiorum Ministris, restituitque veritatis Christi Defensoribus (a), studiosius & quidem ab ipso Rege toli veram Religionem, quam alii Reges Principesque occæcati studio quorundam nequaquam percipiebant, satius & honestius ducentes turpiter servire quàm piâ libertate frui (b). Itaque recens in Galliam allatum serenissimi sapientissimi-que Regis Angliæ numquam satis laudatum legit librum, cui titulus: *Triplici nodo, triplex cuneus*; postea iterum beneficio Petri Junii Regi Angliæ à Bibliotheca, qui hoc munere Casaubonum donavit, fortè vel Regis nomine ei missio. Plurimi enim, uti ante dixi, Casaubonum faciebat Jacobus, Angliæ Rex serenissimus.

Sub initium verò anni CIO IO CX. cum viro celeberrimo, Joanne Uytenbogardo, qui illustrissimis ad Regem Galliarum Legatis Batavis fuit à sacris, de Religione satis apertos habuit sermones; quorum exemplum, quòd Historiam exornent, non possum non

(c) Epist. subicere (c):

Epist. Ecclesiast. & Theolog. num. 143. pag. 250.

„CASAUBON. Je suis fils de Ministre. Les Ministres point à leur aise pour
„maintenant. UYTENBOGARD. Il cuidoit être brûlé à Bourdeaux. CASAUB.
„Dieu a voulu que je vinsse icy, depuis ceux de Geneve m'ont fait la plus grande ini-
„quité du monde. Les Papistes pensoient à cette occasion se prevaloir de moy; me
„soliciterent fort, mesme le Roy. Je luy dis, que je le suppliois ne me faire rien faire
„contre ma conscience; qu'il en feroit un hypocrite. Il dit qu'il ne voulust pas, que
„je changasse de Religion, mais que je conservasse. Depuis je suis esté fort attaqué,
„nommément de Monsieur du Perron, qui à la verité est *fulmen hominis*: car comme je
„suis Bibliothecaire du Roy, quand il vient en la Bibliotheque, les occasions ne luy
„manquent point. J'ay subsisté jusques ores, graces à Dieu; mais il faut que cepen-
„dant je vous confesse qu'il m'a donné beaucoup de scrupules, qui me restent, & aus-
„sieurs que je ne sçay pas bien respondre: il me fâche de rougir. L'eschappade que je prens
„est, que je n'y puis respondre, mais que j'y penseray.

„Je confesse que je ne puis approuver le Concile de Trente, en ce qu'il a decreté tou-
„chant les Livres Apocryphes: c'est chose abominable; car ce sont des fables: ni pour la
„translation Latine, c'est chose abominable. La tyrannie aussi du Pape est intolerable.
„Et pour le fait des Images, ainsi comme cela maintenant est en usage, c'est un abus
„trop manifeste, & tout plein d'autres choses. Mais il fault, Monsieur, que je vous
„confesse, qu'il y en a d'autres qui me mettent en peine, quand je considere cette ve-
„nerable Antiquité. 1. Pour nostre Police Ecclesiastique, elle ne me semble pas ac-
„corder avec l'Antiquité. UYTENB. icy je consens. Addit. Que Monsieur de Beze
„luy avoit dit, que Mr. Calvin, voyant les abus de l'Eglise Romaine en cest endroit,
„avoit raclé cela; mais qu'en effet Mr. Calvin estoit Evêque de Geneve, & que peu
„devant son trespas il en avoit nommé de Beze, qui n'en voulut point. Un jour Mon-
„sieur de Beze avoit fait un prêche, où il avoit exhorté le Magistrat de son devoir sur
„quelque procès, afin que Justice tint la balance droite. Monsieur de la Faye recitant
„ses propres mots, en avoit prêché contre. Moy m'adressant à Monfr. de Beze, qui
„en pleuroit de regret, (c'estoit une ame vraiment Chrestienne, qui me dit un jour,
„qu'il avoit occasion de demander pardon à Dieu de ses pechés, mais que jamais il
„n'en demanderoit de l'ambition; vice, auquel il estoit le moins addonné). Je luy
„dis, que s'il avoit la Police de l'Antiquité, cela n'advieroit pas: ce que m'advoua.
„Je luy demandai, pourquoy donc il avoit tant résisté à l'Angleterre? Il ne respondit
„rien. 2. Nous n'avons plus de devotion: en l'acte mesme de faire la S. Cène, com-
„me nous allâmes, quelque un me demanda, comment se porte le cocque de vos poul-
„les d'Indes: se dire des injures. 3. Pour les malades porter la Cène: cela est dans
„l'Antiquité. 4. Pour le Baptême, est advenu qu'en un temps extrêmement rude
„quelqu'un portoit son enfant pour estre baptisé à Charenton, l'enfant estant malade à
„la mort, on ne voulut pas le baptiser devant le prêche, l'enfant mourut, le pere se
„revolta. 5. Pour le Sacrement, mesmes il est certain, que l'Antiquité donne à enten-
„dre, qu'il y a bien quelque autre chose. Plessis beaucoup de faussetez. Moulin aussi,
„au 3. chap. de S. Denis: *πρὸς Θεοῦ τὸ δῶρον: πρὸς Θεοῦ τὸ δῶρον*. (*in mixtum donum*;
„*oblationem domi*) 6. Pour la Predestination, il est mal aisé de ne tirer la consequence,
„*Deus est author mali*. 7. Pour le liberal arbitre, Mr. Calvin fait dire à S. Augustin,
„ce qu'il ne dit pas. 8. Pour les bonnes œuvres, il y a quelque autre chose qu'on ne
„dit, pour le moins, il les faudroit plus prescher; Monfr. Perrot disoit une fois à Ge-
„neve, qu'on avoit trop prêché la justification par la seule foy; il est temps qu'on par-
„le

„ le des œuvres. 9. Pour la descente aux enfers, Mr. Calvin parle trop cruëment. Je
 „ sçay que M. Calvin a esté grand personnage; mais ses disciples empirent les affai-
 „ res. Il y a un vray Pharisaïsme. Mr. Goulart un jour taschoit de faire jurer les
 „ Institutions de M. Calvin. Je suis en la plus grande peine du monde. D'un costé
 „ & d'autre je suis mal, nonobstant qu'il y a des gens doctes, graces à Dieu, qui m'ai-
 „ ment.

„ A tout cecy, *ego dixi, quod cogitatu essent digna: me etiam desiderare multa; & in*
 „ *negotio Prædestinationis me non videre quomodo dicta Calvini quædam excusari queant à*
 „ *consequentia, Deum esse authorem peccati: sed tamen nihil esse innovandum, ne plus*
 „ *scindantur Ecclesiæ quam antea. Quæsit de Arminio; an & ille haberet aliquid, de*
 „ *quo conquereretur. Respondi, habere; sed præcipuum esse quod ageret, ut posset uniri Chri-*
 „ *stianismus: modum autem hunc esse, ut discrimen fieret inter fundamentalia & non funda-*
 „ *mentalia; ut de illis certi esse possemus, de his liberè prophetare. Ad hoc ille: O sanctas*
 „ *cogitationes! Addidi, voluisse sua Arminium proponere in Synodo; sed hoc nomine multa*
 „ *passum. Narravi de Synodo habenda. Sic discessum, interveniente Reygersbergio. De*
 „ *hac autem Collatione ita Arnoldus Poelenburgius ad Christianum Hartfoekerum (a):* (a) *Epist.*
 „ *En tibi Rever. D. Uytenbogardi manu descriptum exemplar eorum sermonum, quos ipse, in*
 „ *Galliam unà cum D.D. Ordinum Generalium Legatis profectus Anno Christi 1610*
 „ *cx. habuit cum illustri viro, Isaaco Casaubono. Hæc sanè Collatio nobis eo nomine magni*
 „ *facienda est, quia hinc constat, virum primum, Casaubonum, inquam, nobis, & in ve-*
 „ *ritatis defensione & mutue tolerantie studio addictum fuisse.*

Non illuxit, credo, toto vitæ cursu tristior ullus Isaaco Casaubono annus, quam su-
 pra millesimum sexcentimum decimus, in quo conjurasse videntur in ejus exitum fata
 quæque, ferè dixerim, pessima. Nam supra continuas, quas cum Jesuitis, eorumque
 omnis ordinis ac dignitatis asseclis ac fautoribus, de Religione disputationes quotidianas
 acerrimas, præter calamitates domesticas, præter garrientes temerè de eo multa amicos
 inimicosque homines imperitissimos (b), accedebant bina, vix superanda viro constan- (b) *Epist.*
 tissimo mala. Alterum quod Meccenas ejus summus, Henricus IV. Galliarum Rex, 671.
 pridie Idus Majas, dum regio vehitur curru, à deperdito nequam, Francisco Ravillac,
 pugione interficitur (c). Quocum, licet post mortem Regis tranquilla & pacata om- (c) *Vid.*
 nia visa sunt (d), omnis melioris status ac quietæ magis vitæ spes planè concidit; uti id *Emanuel.*
 apertè colligitur ex plurimis Epistolis (e), in quibus tanti Regis, cui laudando se im- *Van Me-*
 parem fatebatur, mortem in amicorum sinibus deflet. Hinc plures causæ, quas ex *uren, lib.*
 Gallia communicare cum amicis non audebat (f), cogeant ipsum malè metuere (g), & *xxxii.*
 præcipuè in incerto nutantes fortunæ, de iis stabiliendis seriò cogitare (h). Inter eas *Isister.*
 haud exigua erat, quod apertissimè sentiret in eum locum redactas res, ut viderentur *Belg. fol.*
 brevi omnes Galli fore mancipia Lolitarum (i): ut fileam nihil majore studio deside- *611. qui*
 rasse ac eò pervenire, ubi libertate posset frui plenà (k). Constituit itaque trajicere in *hec prolixè*
 Angliam, invitatus frequentissimè ab ipso Rege plurimisque viris eruditis, præsens isthic *tradit.*
 cum amicis illis deliberaturus quid hoc rerum statu ipsi foret potissimum agendum (l). (d) *Epist.*
 Quare ad hoc iter suscipiendum veniam à Rege adhuc vivo petierat. Sed, quem prævi- *675.*
 derat, sequutus est vanus ejus voti exitus. Hinc mense Martio destinat Italiam adire, (e) *Epist.*
 ingenti cupiditate ardens videre Venetias, illamque regionem; verum ante omnia Pau- *675. 685.*
 lum illum *ὑπερέτατον*, (Servitam, Venetum) virum maximum, Auctorem optimi istius *687. 688.*
 de Concilio Tridentino libri; qui ex Papatu dicitur nihil nisi vestem retinuisse; unàque *(f) Epist.*
 pernoscere Ecclesiam Græcam, & fidem illius gentis atque Religionis consuetudines (m). *684.*
 At multis causis gravissimis impellitur mutato hoc proposito; seriò cogitare de itinere in *(k) Epist.*
 Angliam, quod, quoniam metuebat offendere Regem Henricum, tempusque amittere, *681.*
 uti & alia omnia, quæ eo spectabant, dirigit ac peragit per literas. Nactus occasionem *(l) Ibid.*
 xii Kalend. Maj. ad ipsum scribit (n) Regem Jacobum, & nonnullos alios, in quibus *(m) Dier.*
 haud ultimus erat Archiepiscopus Cantuariensis, Præsul illustrissimus & omni laudi ma- *pag. 31.*
 jor, qui hac super re cum Casaubono diu ac prolixè egit (o) pluribus, quæ interie- *(n) Epist.*
 runt, Epistolis. Convenit frequentius etiam Legatum Angliæ, Henricum Wottonum, *664.*
 cujus domo videtur familiariter usus, arbitror, ut pro eo intercederet, mortuo seu su- *(o) Epist.*
 blato jam Rege, apud Reginam, recens creatum Regem, omnesque Aulicos, penes *681.*
 quos erat summum Regni imperium, ac reliquos Principes Senatoresque Isaaco Casaubo-
 no favere, saltem videri qui volebant.

Alterum verò, quia domesticum, longè gravius malum vehementissimè affligit Ca-
 saubonum, quod ei nuntiatur, filium suum natu maximum, Joannem, quem Jesuitæ,

- Georgio Strachano, nobili Anglo, in Mathematicis tradiderat erudiendum, agentem jam annum decimum nonum, à quibusdam plectum, qui simul illi annuo ducentorum aureorum stipendio prospexerunt (a), patre infcio, (callidis enim consiliis secreto rem omnem confecerant) ad Pontificios transiisse. Quo turbatus nec opino nuntio pertristi, pariter ac percussus dolore maximo, benè longum tempus inter gemitus & querelas unà simul cum uxore, quæ postea de eo sine lacrymis nec loqui, nec cogitare potuit (b), ac suis moratus, in hæc verba erupit (c): *O vitam ærumnosam! O Satana insidias! Qui non potuerit me impellere, ut imagines adorarem, ut doctrinam diabolorum amplecterer, ii filium natu maximum mihi corripuerunt, & corruperunt. Γενίμωμ ἐχθρῶν, quid vos movit, ut hanc fraudem adversus me excogitaretis? Adolescentem, imperitum verum, imperitum disputationum Theologicarum, in retia vestra compulstis, me infcio, me invito. Dominus Iesus illius misereatur, & mei per illam infinitam suam misericordiam. Idem respiciat hanc domum; servet uxorem charissimam, & liberos in timore sui nominis. Amen.* Ex his meridianâ luce clarius constat falsum esse, quod gloriabatur Georgius Strachanus, se videlicet patris precibus ac consilio fecisse, quicquid fecerit, uti refert Jacobus Capellus (d): „Causauboni filium à Georgio Strachano Mathematicis disciplinis Pontificiæ doctrinæ corruptelas admiscente in præceptis datum, facile crediderim. Sed quod Strachanus gloriatur, id se patris precibus ac consilio fecisse, quàm id sit falsum, scio, qui viderim, quàm huiusmodi rumores iniquè ferret, quàm altis suspiriis filii casum lugeret etiam biennio post, cum in ejus rei fortè mentionem Londini me præsentem incidisset. Verum hæc non Joamu, sed Augustino Casaubono, quem Car. Ogerius dicit fuisse Ordine Capucinum, Calesti unà cum undecim aliis nefario quorundam civium scelere medicato veneno interfectum (e), adscribit Naudæus. Heribertus Rosweyodus fictitiam, (respondet enim Joannes fratri Merico, se nescire, unde & quænam sit illa Epistola, nec super re ea quicquam posse certi respondere, donec ipsam (f) viderit) ficti hujus Augustini Casauboni producit Epistolam, quâ vaser ille homo conatur luce meridianâ clarius demonstrare, Isaacum Casaubonum ad Papismum omnino inclinasse, imò non veretur scribere, teste sanctissimo Jacobo Capello (g): *Casaubonum convictum gravissimis Cardinalis Perronii disputationibus, fidem dedisse, fore, ut proximis feriis Pentecostes anno 1610 c. x. hæresi ejuraret, sed execrandum Regis Christianissimi parricidium consilia ejus intervertisse.* Sed subjiciamus quæ Jacobo Capello, Isaaci Casauboni optimo vindici, reposuit Heribertus Rosweyodus.
- (h) Rosweyodus, Syllab. Male Fidei Jacob. Capelli, pag. 4. & seqq.
- „(b) Tertiò malâ fide agit, cum ea, quæ de Casauboni in Religionem Catholicam inclinatione scripsi, in dubium revocat, cum Strachano crimen falsi impingit, cum Casauboni filium vult parentis mentem non percepisse. Quæ omnia & singula, pluraque huc spectantia, nunc apertius in lucem producam testatissimis filii tabulis, qui per Rev. Patrem Cuiusmodi à me rogatus de quatuor his punctis: I. de Strachano; II. de Plessæi libro; III. de Molinæ scriptis; IV. de patris ad Catholicam fidem inclinatione, hæc ad eundem perscripsit:
- „*Pour la premiere assertion, il est très-vray que j'ay dit à plusieurs, & comme je crois encore, au Reverend Pere Fronton, que feu mon pere avoit dit à Monsieur Strachan, qu'estant sur le point d'embrasser la Foy Catholique, il avoit une chose qui luy donnoit de l'ennuy; c'est à sçavoir la crainte qu'il avoit que ne voudrois pas suivre; sur quoy il pria le dict Sieur Strachan, avec lequel il me voyoit converser fort familièrement, de tascher de me disposer à embrasser quand & luy la Foy Catholique. Je vous pourrois icy dire plusieurs choses de la disposition, en laquelle il estoit lors de se faire Catholique, & des ruses dont les Heretiques se servirent pour l'en destourner; mais je me contenteray pour le present de dire, que peu de temps après il alla à Grigny, où il avoit une maison, à dessein d'y coucher par escrit les causes, pour lesquelles il pretendoit quitter son heresie, & il estoit là lors que le Roy desinect fut tué.*
- „*Pour la seconde assertion, je recognois qu'il est très-vray que j'ay dit au susdit Pere Fronton, que mon pere m'a souvent retenu longue espace du temps en son estude à feuilletter les Peres, me faisant voir, comme leur doctrine estoit contraire à celle que luy-mesme m'avoit autrefois apprise. Il est aussi très-vray qu'il m'a fait voir plusieurs passages de Du Plessis Mornay faussement citez; & au contraire plusieurs dans un livre du Cardinal, lesquels tous se sont trouvez vrais.*
- „*Touchant la troisieme assertion, qui est très-vraye, & dont je me souviens indubitablement avoir parlé au susdit Pere Fronton, Du Moulin mesmes, s'il veut, pourra servir de tefmoin à ceste verité, lequel a eu le livre près de huit jours entre ses mains: il ne peut ignorer qu'assez*

„ qu'assez souvent il y estoit taxé d'asnerie, de mensonge, & d'impudence; (ce sont des termes qui se trouvoient en ces marges) & en sa seconde impression il a corrigé quelque chose suivant ces memoires; comme entre autres de ce qu'en la premiere il avoit malicieusement appelé le glorieux S. Cyprian, Anabaptiste. Je croy qu'il n'a pas si peu de front qu'il oüst nier qu'en un certain endroit de son livre, où il parle contre le très-auguste Sacrement de l'Autel, & veut persuader que les Peres anciens ont esté de son opinion touchant ce point, des-lors qu'il commence de les faire entrer en lice, mon pere avoit mis à la marge en propres termes: Omitamus Patres: nam eorum auctoritate velle uti ad nostram sententiam confirmandam, est exquisitissimo genere insanix insanire. Reconnoissez par cet eschantillon quelles estoient ces notes marginales.

„ Reste la quatriesme, & en voicy ce que je reconnois avoir dit, & qui est très-veritable. Un jour comme Du Moulin eust tardé avec feu mon Pere jusques à plus de dix heures du soir, un mien cousin & moy l'accompagnâmes jusques en son logis, où par les chemins il me dit que c'estoit fait de mon pere; que bientôt nos adversaires triompheroient de luy, & en un mot que bientôt il seroit Papiste: c'est ainsi qu'il en parloit: & adjoûta après: De l'homme que je le cognois craintifve & pusillanime, il pourra encores trainer quelque temps; mais pourtant nous l'avons perdu: & pour moy si je croyois ce qu'il croit, principalement de la Messe, dès demain j'y voudrois aller.

Quæ Latine sic concipere possis:

„ Quod ad primam assertionem attinet, verissimum est, me pluribus, & quantum existimo, etiam Rev. P. Frontoni indicasse, patrem quondam meum G. Strachano dixisse, se, se, cum jam in proximo esset ut Religionem Catholicam amplecteretur, unâ maxime re cruciari, quod videlicet vereretur, ne detrectarem ejus sequi vestigia. Quare D. Strachanum, quicum familiariter versari me videbat, orabat, uti conaretur me ita instruere, ut unâ secum Fidem Catholicam amplecterer. Plura hic narrare possem de patris proposito, quod animo versabat, uti Catholicæ sese infereret Ecclesiæ, & quibus artibus Hæretici eum ab eo proposito avocare conabantur: quibus nunc supersedebat, hanc unam tantum rem proferens, patrem videlicet meum pauco post tempore se contulisse Grimacum, ubi domum habebat, eo animo, ut ibidem scripto consignaret causas, ob quas nuntium hæresi statuerat remittere. Et quidem ibi tunc versabatur, cum Rex Henricus IV. occisus fuit.

„ Quod secundam assertionem spectat, certissimum esse recognosco, me P. Frontoni dixisse, quomodo parens me sapius longo temporis spatio in Museo suo detinuerit, uti Patrum scripta percurreremus; mihi ob oculos ponens, qui horum doctrina contraria esset ei, quam ipse alias me docuerat.

„ Verissimum quoque est, varia mihi loca Mornæi Plessæi falsò citata monstrasse, & è contrario plura in libro Cardinalis, quæ omnia verissima invenimus.

„ Quantum ad tertiam assertionem, ea verissima est, & de qua indubiè memini me verba habuisse cum prædicto P. Frontone: quod & ipse Molinæus, si volet, testari poterit, qui librum penè octo diebus in manibus habuit. Ignorare non potest ibi sapius se infimulatum, *asinitatis*, *mendacii*, & *impudentiæ*; (hi sunt termini, qui marginibus adscripti erant) & in secunda editione correxit quædam his notis instructus; uti inter cætera, quod in prima editione malitiosè appellaverat gloriosum S. Cyprianum, Anabaptistam.

„ Credo autem non tam effrontem futurum, ut negare audeat, quodam libri ejus loco, in quo contra augustissimum Altaris Sacramentum agit, & persuadere nititur, veteres Patres (quod ad articulum hunc attinet) suæ opinionis fuisse, statim initio, ubi eos in certaminis circum inducit, patrem meum disertissimis his terminis margini adscripsisse: *Omittamus Patres: nam eorum auctoritate velle uti ad nostram sententiam confirmandam, est exquisitissimo genere insanix insanire*. Ex hac tessera præcidanea agnosce, quales hæ notæ marginales fuerint.

„ Reliqua est quarta assertio, de qua memini me hoc dixisse, quod verissimum est. Cum die quodam Molinæus cum patre quondam meo occupatus fuisset usque ad decimam horam vespertinam, ego cum quodam è cognatis meis domum deduxi. Quo ipso tempore per viam mihi dixit, actum esse de patre meo; propediem adversarios de eo triumphaturos; & uno verbo, eum in brevi Papistam futurum; eâ phrasi Molinæus utebatur. Addebat: Quia patris tui complexionem novi, quàm timidus sit & pusillanimis, posset aliquanto tempore morasnectere; interea tamen cum perdidimus: &

„ quantum ad me attinet, si ego crederem quod ipse credit, maximè de Missa, cras eam.
„ adire & audire vellem.

- Verum ego, ut jam dictum est, fidem nullus habeo dictis ac prolatis à Rosweydo, quoniam neque in scriptis Isaaci, neque Merici Casaubonorum, eorumque amicorum Epistolis bene multis, ipsaque parentis Isaaci Ephemeridum epitome, utut diligenter quaesierim, de Augustino aut volam aut vestigium deprehenderim. Quin potius, si quid veri lateat sub illa Epistola, saltem illam Joanni adscribendam autumarim, quamvis Mericus in refutatione istius Epistolæ neque Joannem, neque Augustinum nominet. Quod certè oportuit, si fuissent diversi fratres. Atque ita non unus, sed duo ex Isaaci Casauboni filiis Romanam amplexi fuissent Religionem, quod me umquam legere non memini. Impetratâ (a) pridie Kalendarum Octob. à Regia Majestate, quæ eodem tempore Casaubonum ad meliorem spem erexit, in aliquot hebdomadas Angliam sequendi veniâ, neglectis Academiæ Parisinæ rebus, quas non magis attingebat, quam qui aberat longissimus (b), festinantem moratur morbus, qui ipsum sollicitum habebat mirum in modum, uxoris. Hæc verò melius se habente, curis licet variis anxius, & ali-
- (a) *Diar.* 687. memini. Impetratâ (a) pridie Kalendarum Octob. à Regia Majestate, quæ eodem tempore Casaubonum ad meliorem spem erexit, in aliquot hebdomadas Angliam sequendi veniâ, neglectis Academiæ Parisinæ rebus, quas non magis attingebat, quam qui aberat longissimus (b), festinantem moratur morbus, qui ipsum sollicitum habebat mirum in modum, uxoris. Hæc verò melius se habente, curis licet variis anxius, & ali-
- (b) *Epist.* 687. quid mali de Anglicano itinere metuens, (scribit enim (c): *Videò enim quò me dem præcipitem, & quæ me circumstant pericula. Si quod opto, quieti meæ & tranquillitati consulere voluero. Scis Tu, Domine Jesu, quæ & quàm justæ rationes impellunt, ut hoc iter suscipiam. Tibi exitum permitto.*) v i i i. Eiduum Octobrium in comitatu viri illustrissimi,
- (c) *Diar.* 690. pag. 11. Henrici Wottoni (d), qui Legatus extra ordinem Parisios venerat, ac se suo ære ac sumptu promiserat Isaacum Casaubonum in Angliam deducturum, solus è familia sua discedit. v i. Eid. Octob. Samarobrigam Ambianorum veni (e), & x i v. Kalend. Novemb.
- (d) *Merici Casaub. Piet.* pag. 87. Doroverniam appulit, per viginti & quatuor horas inter Caletum & Doroverniam ita jactatus tempestate horrendâ, ut, naufragium non sine justo timore metuens, æger decubuerit. Verum omnes illas molestias facili ei absterferunt comitas, benignitas, civilitas, & amor erga ipsum tam illustrissimi Legati, quàm uxoris illius, Heroïnæ omnium laude dignissimæ (f). Insequenti verò proximo die x i i i. Kalend. Novemb. Cantuarium profectum, Benjaminus Carrierius, quocum in Gallia intimam contraxerat colueratque amicitiam, propriis ædibus perquam blandè benignèque excipit (g). Fama vixdum exierat per urbem advenisse Casaubonum, quin è vestigio accurrunt viri doctissimi atque pientissimi, Ecclesiæ, ut isthic vocantur, Præbendarii, quos inter totum ferè transegit diem, haud mediocriter gavisus summis illis viris gratas esse suas de Religione, quas conceperat, cogitationes. Sibi redditus, nausæa ac vomitu fractum tenue, quod gestabat, corpusculum cibo somnoque curans, ne quid temporis periret malè, legit aliquot tractatus Martini Becani, quos scripsit stylo facili & fatis acri; est enim disputator non parum vehemens; ac post eos Hadriani Saraviæ, quem senem gravissimum postridie invisit, ac graviter & liberè de malis nostris differentem audivit, librum contra Bezam de Episcopatu in Ecclesia: quod argumentum Beza planè novè tractaverat, ut novitatis auctor fuerit Scotis. Saravia autem eum acriter ac verè confutavit, probans etiam à Calvino suo Bezam dissentire, nedum ab omni vetustate, quam audacter spernit. v i. Kalend. April. præeunte viro doctissimo atque amico optimo, Benjaminio Carrierio, structuram ædis Cantuariensis Ecclesiæ perlustravit, etiam ad summum ejus fastigium ascendens. Quo probè lustrato, ædis amplissimam magnificentiam atque elegantiam satis mirari non potuit. Regem verò videre ardentè cupiens, i v. Kalend. Novemb. unà cum optimè de se merito hospite Londinense ingressus iter, per amoenissimam regionem, contemplato in transitu Rossein, ubi navale erat regium, petit Gravesindam. Proximo verò ab hoc die tendunt Londinum, in æstuario parvulâ vecti cymbâ, quam ventus secundus, fluxus maris, & remiges ita fortiter impellebant, ut intra quinque horas iter confecerint; delectati haud parum inter navigandum conspectu navis bellicæ majoris, *Princeps Walliæ* vocatæ, tanto Principe, sive magnitudinem, sive ornamenta spectes, dignissimæ. Londinum ingressi amicissimus hospes Carrierius rectà ad domum viri optimi, Joannis Overalli, Decani Ædis Paulinæ, Casaubonum deducit, cujus comitatem erga se tantam expertus fuit, ut à nemine majore vix excipi posset. Verum post breve colloquium statim adit ad Reverendum D. Archiepiscopum, cujus itidem viri benignitatem, quâ ipsum est amplexatus summâ, nullis verbis fatetur se posse exprimere; quod gaudium eo fuit longè latius, quòd in ipso sermone, quem bene multum cum eo habuit, maximus Præsul ei aperiret Regis desiderium Casaubonum isthic retinendi. Quum autem illo fortè tempore incidisset dies festus, commodam nactus occasionem dilucidè perspiciendi, quos dudum absens laudaverat, Ecclesiæ Anglicanæ ritus,

ritus, Templum ingreditur, & mores excutit, atque hoc calculo probat (a): „*Prid. (a) Ex*
 „*Kalend. Novemb.* diem sacrum non malè posui, Dei beneficio: sum enim invitatus ho-
 „die, ut interesssem sacris, quæ facta sunt ad consecrandos Episcopos duces Scotos &
 „Archiepiscopum Scotiæ. Vidi illos ritus, & impositionem manuum, & preces in eam
 „rem. O Deus, quanta fuit mea voluptas! Tu, Domine Jesu, serva hanc Ecce-
 „siam, & nostris Catharis, qui ista vident, da bonam mentem. „Cui si addideris alium
 locum, ab eodem P. Colomesio expressum, faciliè patebit, quodnam habuerit de Ec-
 „clesiæ Anglicanæ Ritibus iudicium. „*Prid. Non. Januar. 1611.* Gratias Tibi, Domine,
 „quòd hodie ad Sacram Mensam sum admissus, & Christi corporis sanguinisque factus
 „sum particeps in Ecclesia Anglicana, cujus formulam heri diligenter meditatus admo-
 „dum probavi, & ordinem agendi mirè laudavi, præ recepta apud alios (scilicet Gal-
 „los & Genevenses) consuetudine. „

Interea hic novus gratissimus Anglis hospes, ab omnibus ferè Gallis oppressus, expul-
 sus suis bonis, fugiens Jesuitarum tela, continuo adest viris sanctissimis maximisque, in-
 tegros cum iis consumens dies. Mox enim Episcopus Vigornensis, mox Londinensis,
 mox Archiepiscopus, modò vir nobilissimus amicus vetus, Arbertus, statim sapientis-
 simus & doctissimus Episcopus Eliensis Lancelotus Andreas, Legatus Regis Christia-
 nissimi Bauderianus, alique cum prandio & epulis literariis excipiunt lætissimi, tanto
 amplectuntur benevolentiae singularis affectu, ut attonitus & stupefactus præ honore,
 atque, quod alia omnia longè superat, sincero amore à tantis viris in ipsum cumulado
 domum quotidie rediret. Cæterum a. d. v i i i. Eid. Novemb. accessit ad eum bene ma-
 ne Capellanus Comitis de Dunbar, Regis nomine missus indicare Casaubono, se videndi
 ejus incredibili cupiditate flagrare, optareque ut insequenti proximo Lunæ die curru se-
 renissimi Comitis ad se ita advehatur, ut cum Casaubono antè posset colloqui, quàm
 egeretur rebus negotiisque urbanis vacare, iisque se immiscere. Exultans hoc lætissi-
 mo nuntio noster Isaacus, adit Archiepiscopum cum eo deliberaturus, qui hoc rerum
 statu, ut gratus ac ad morem Anglicum compositus tam potenti foret Regi, se gereret.
 Accipitur in prandio haud minore benignitate, nec paucioribus propensi animi mirificis
 testimoniis. Tertiâ enim, ex qua hoc significatum erat, die, matutino tempore jussu
 Regis accitus in Aulam, quoniam eo die ad Regiam domum suam Theobaldi venturus
 erat Rex, perducitur: *Eo, (utar, quò aperta magis & jucundior reddatur Historia,*
verbis ipsis Casaubonianis) sum vectus curru Comitis de Dunbar. Quando venimus, Rex
nondum advenerat; itaque inter expectandum, palatium & hortos, & topiarium opus,
spectavimus. Versantibus in Aula & cœnatoriis, uti vocant, repente Rex advenit, quem
more Anglico ubi salutassem juvenis, benignissimo vultu & verbis affectu plenis, ab ejus
Majestate sum exceptus. Quum inter cætera mihi diceret, Se post longam expectationem li-
bentissimo animo me videre, & optare ut felix in suum Regnum meus sit adventus. Atque
utinam, subiciebat Rex optimus, possem id assequi, ut patriæ oblivionem in animum tuum
inducerem! Quibus præmissis, mox cœpit de literis agere, & Romanensium in se recen-
 tem injuriam commemorare. Fortè enim habebat in manibus librum Satanicum à Re-
 boullio editum, qui furore tanto in Regem maximum est grassatus, ut ipsæ furiarum pe-
 stes in illo conscribendo videantur operam dedisse. Suspicebatur Rex, Perronii esse illum
 malè natum fœtum. Sed nos multis probavimus, esse opus Reboulli, hominis impii
 & fanatici. Quum ad mutandas vestes Rex secessisset, mox è cubiculo egressus est, &
 nos ejus jussu acciti, & illi adstitimus ad cœnam, & per universam cœnam totumque id
 tempus sermonibus de literis, præsertim sacris, est impensum. In hoc colloquio didici
 & alia, tum hoc quoque, numquam planè intercidiisse Episcopos in Scotia. Sed quando
 nostrorum vana superstitio sustulit totam veterem *regiam*, non poterant tamen efficere,
 ut non unus saltem aut alter remaneret. Proximo insequente die in Aulam manè redii-
 mus, & Regem, ubi surrexit, salutavimus, ac de libro Reboulli quædam retulimus.
 Deinde quia dies erat Martis, privatâ solennitate à Rege coli solitus ob casum fratrum
 de Gouri, concioni interfuimus, quæ habita est coram Rege. Multis nobis postea ser-
 mo fuit cum Rege de multiplici genere literarum. Incidit sermo de Tacito, Plutarcho,
 Cominæo, aliis. Quum Rex dixisset, errare eos qui Tacitum Magistrum civilis pru-
 dentiae unicum facerent, atque ego dixissem, ante annum idem judicasse me in Præfatio-
 ne ad Polybium, non mediocriter se gaudere Rex doctissimus dixit, quòd ego idem se-
 cum sentirem. In Plutarcho reprehendit iniquitatem erga Julium Cæsarem; in Comi-
 næo levitatem judiciorum & malignum elogium Anglorum. Quid? tertio ab hoc die ite-
 rum à prandio ad Regem accitus adii, & plures horas cum eo fui. Mira Principis benigni-
 tas,

tas, mira doctrina, mira pietas. Et ille quidem me sibi retinere vult. Ἰδιον ὁμιλῶν. Ego verò ut tanto honore me fateor indignum, ita eventum Tuæ, Deus, providentiæ permitto, & Te supplex oro, ut inter Reginam Galliarum, cui sum obstrictus, & hunc divinum Regem negotium meum componas. Hactenus ipse Casaubonus, qui usque adeò gratus acceptusque fuit Regi, ut non modò per quatuordecim dies comitante ipsum ferè continuò Capellano illustrissimi Comitis Dunbar, quotidie viderit Regem, sed cùm fortè incogitanti illi excidisset, velle Cantabrigiam Oxoniamque invisere, statim à Rege serenissimo, metuente Casaubono defore viaticum, acceperit mille libras Gallicas. Sileam Episcopum Bathoniensem, Jacobum Montacutum, Regis jussu scripsisse, Regem Jacobum testaturum suam erga ipsum benevolentiam singularem, ejusque consulturum rebus ei duas Præbendas assignasse, alteram Cantuariensem, alteram Westminsteriensem, quæ fortassis ad duo millia librarum annui redditus accedebant. Quibus

(a) *Diar.* adjecit stipendium bis mille librarum (a). In ordinem verò Præbendariorum Ecclesiæ Cantuariensis receptus fuit pridie Non. Februar. anno **CIO IO CXI.** omisis neglectisque
pag. 17.
Clar. vi-
vor. Epist. omnibus isto in negotio adhiberi solitis cæremoniis, jubente id Rege, quem obnixè roga-
à Burnam. rat, ne tales Gallicum circa hominem laicum, qualem se profitebatur, ritus solennes
edit. num. usurparentur. Et ecce testimonia summa & præstantissima, quæ nos judicare faciunt,
176. pag. quantus vir fuerit, & quo loco apud Jacobum Regem habitus. Iis, ut certiores fiant
250. increduli, subjicio majora hæc, licet ipse inficias non eat; quosdam amicos falsos omni studio conatos ipsum sinistris sermonibus apud suum Meccenatem Regem carpere, aut

(b) *Epist.* ejus famam inquinare apostasiâ filii Joannis, ad quem ita pater (b): *Ego apud Regem*
691. *sum, qui me, si fas dicere, in deliciis habet; qui omnia prolixè pollicetur; qui primum ad-*
venienti duplum stipendium obtulit ejus quod habeo Lutetiæ, cum certa spe, fore, ut libera-
litatem ejus sæpe experiar. Non enim leviter ei cordi sumus, utut homines amici traducere
me apud ejus Majestatem sint conati, longa historia, neque nunc narranda. Spero & Kupi
fore, ut omnes calumnias vincat integritas mea. Sed tæ occasionem illis maximè dedisti. Scis
Rex quod est à te factum; sciebat ο μακαρίτης Archiepiscopus, (Cantuariensis, qui obiit
pridie Eid. Novembris) in cujus obitu parentem alterum amisi. Hinc etiam ejus parenta-
tioni, licet sermone puro Anglico, quem non perfectè intelligebat, ex Apocalypf. x i v.
vers. 13. dictæ, interfuit, gaudens se tanti viri summique amici elogio dignissimo ut-
cumque consolatum. Interea Rex ita captus Casauboni adventu ac commercio ferè quo-
tidiano literario, ut dimittere nollet (c); Reginam Galliarum per literas rogari ju-
bet (d), diuturniorem in Anglia Casaubono elargiatur moram. Quam sibi concedi ex
literis Viri amplissimi Villaregii, Reginae mandato scriptis, ut intelligit Casaubonus,
statim eo nuntio lætatus omnibus amicis suis ac in primis Cardinali Perronio nunciari ju-
bet, curatque ei apud Regem pientissimum in Anglia esse quàm optimè. Verùm enim-
verò ea rerum mortalium est vicissitudo, ut rarò stabili loco absque casu volubili fortuna
consistat. Et sicut non idem floribus est honos vernus (e), neque uno Luna rubens niter
vultu, ita in hac dierum albedine nubeculam sensit statim à morte Archiepiscopi Cantua-
riensis, videns quosdam à se haud parum alienatos, scilicet,

(c) *Epist.* 701.
 (d) *Epist.* 696. 703.
 & *Diar.*
 (e) *Horat.* lib. II. Od. XI.
 confistat. Et sicut non idem floribus est honos vernus (e), neque uno Luna rubens niter vultu, ita in hac dierum albedine nubeculam sensit statim à morte Archiepiscopi Cantuariensis, videns quosdam à se haud parum alienatos, scilicet,

(f) *Pbad.* lib. III. Fab. 7.

(f) *Vulgare amici nomen, sed rara est fides.*

Amico tamen vetere, Thomfone, Andreâ Melvino, Episcopo Eliensi Lancelotto Andreâ, ex cujus pietate & doctrina magnum studiorum compendium paravit, aliisque quàm familiarissimè usus est viris doctissimis. Nullo equidem familiarius Lancelotto, vel ipso Casaubono teste (g): *Mihi, ait, cum illo Præsule quotidiana consuetudo interce-*
dit; atque ille vir mihi in hoc loco magni Thuanii desiderium cum oppido paucis aliis lenit.
Nam & profundâ hominis doctrinâ capior, & comitas incredibilis in summa dignitate miri-
ficè illum mihi commendavit. Attamen nihil arbitror æquè obfuisse Casaubono ac Pe-
trum Molinæum, qui, ne tamen reliqua viri dona patiantur injuriam, hoc loco infi-
duus Casauboni obtrektor audire meretur, officiosum, quamdiu Casaubonus Lute-
tiæ hæreret, se ostentantem amicum. Quem noster eò gravissimè videtur offendisse,
quòd ipsum moneret periculi insanæ sententiæ, quâ Molinæus statuebat: Omnia pervia
esse; omnia cuiusvis aperta; omnibus petentibus aspirare Sanctum Spiritum. Sacram Scriptu-
ram nullâ cujusquam interpretatione opus habere; quod etiam obiter significat in libro de Eu-
charistia (h).

(h) *Epist.* 741. *Vide*
Epist. 744.
 & *670.* Hujus Epistolam, paucos post dies ab adventu in Angliam Casauboni missam, quâ ipsum, capto tempore & occasione ad Jacobum Montacutum, Bathoniensem Episcopum,

pum, criminatur Papismi, hoc loco, ut Molinæ, qui volebat Casaubonum totum ex ejus ore ac consiliis pendere, arrogantia unicuique innotescat, inferam (a).

„Cunctantem me, Præsul amplissime, & metuentem gravissimas suas occupationes in-
 „tempestivâ scriptiione interrompere, impulit tandem Ecclesiæ utilitas, suasitque ea tibi
 „exponere, quæ mihi videntur ad Ecclesiæ vestræ & nostræ communem utilitatem per-
 „tinere: neque enim quisquam est, apud quem melius & tutius hæc deponam quàm apud
 „te, quem scio Dei zelo tangi, & apud serenissimum Regem plurimum posse gratiæ.
 „Causa mihi scribendi Isaacus Casaubonus, cujus ad vos profectio mihi non parvam in-
 „jicit sollicitudinem. Vir est sanè cordatus, pius & probus; sed quem metus &
 „iracundia transversum egerunt. Abhinc triennium cœpit de Religione malè sentire, &
 „inclinare in Papismum, paucis capitibus exceptis, quæ eum in Religione nutan-
 „tem à manifesta defectione cohibuerunt, qualis fuit *Communio sub una specie*;
 „*Tyrannus Pontificia*; *Liturgia linguâ ignotâ*; *imaginum cultus*; *opera supererogationis*.
 „Hos errores ille nondum concoquit, & in iis adhuc nobiscum sentit. In cæte-
 „ris capitibus controversiarum non obscurè præ se fert: ac palam profitetur odium
 „nostræ Religionis, quam inter Pontificios traducit contumeliosè, & quasi novitiolum
 „Calvini commentum odiosè exagitat. Me verò, quo semper usus amico & familiari, mo-
 „nentem amicè non tulit. Initium mali, odium in Genevenses, quos in lite pecuniaria,
 „quam Genève moverat, expertus est sibi adversos, quibusque intercessoribus ait se
 „excidisse causâ, & uxoris dote exutum fuisse. Ex eo cœpit Ministros omnes acerbè in-
 „sectari, & in cujusvis obvii sinum virus hoc effundere. Hominem ita perturbatum &
 „impotentis iracundiæ adortus Cardinalis Perronius, ingenium instabile loco facilè movit,
 „& penè pessumdedit. Ibi tum Casaubonus. Cardinale impulsore legere Patres, &
 „clam cum Cardinale habere colloquia, quæcunque verò in Patribus inveniret in spe-
 „ciem nobis adversa mordicè apprehendere. Vir sanè in Philologis & linguis doctissi-
 „mus; sed circa rerum cognitionem non perinde diligens, & in quo acrimoniam judicii
 „desideres: quippe qui plus memoriam quàm judicium exercuit, & insitâ facilitate se-
 „quacem quæcumque in partem impuleris. Tantum malum in viro tantæ doctrinæ,
 „& quem colo & facio maximi, tuli sanè graviter, & quod potui, conatus sum ad pri-
 „stinam mentem revocare; sed frustra fui, hætenus incalescente in dies ejus odio in Ge-
 „nevenses, & Cardinale altrinsecus instante, & suasiones pollicitationibus condiente.
 „Inter hæc commodum accidit, ut Rex vester serenissimus, impulsore D. Archiepiscopo
 „Cantuariensi, eum ad se vocaret. Ea res me recreavit aliquantulum, & in spem erexit
 „fore, ut tuis colloquiis & suasionibus, aliorumque, quos habet Anglia, doctissimos, in
 „rectam viam reducat, ejusque iracundia detumescat, mollita locorum & temporis
 „intervallo: quam ad rem ut quod potes industriæ conferas, Vir magne, etiam atque
 „etiam rogo. Quòd si nullatenus potest à sententia dimoveri, commodissimum & tu-
 „tissimum erit eum honestis præmiis obstructum occupari circa Historiam Ecclesiasticam,
 „& refutationem Baronii; ad quod opus jam multa congescit. Est enim, ut dixi, Pa-
 „pæ Tyrannidi adversus: ac in hac parte nobiscum sentit. Quocirca quidquid in hoc
 „argumento scripserit, cedet in Ecclesiæ ædificationem. Denique oro, obtestor, faci-
 „te ut quocunque modo vester sit; nam si ad nos redierit, certa est defectio. Unde in-
 „gens Ecclesiæ scandalum & offensio infirmorum: vivimus enim inter adversarios, qui
 „nostrorum lapsu incredibiliter triumphant, & cujusmodi Circenses pompas speciosè cir-
 „cumducunt. Ille quidem Reginæ nostræ valedicens promisit reditum: unde necesse
 „habet datam fidem liberare: sed si apud vos meliorem conditionem invenerit, & otium
 „cum honore, redibit procul dubio ad vos, postquam hic convasaverit supellectilem,
 „& Bibliothecam; quam habet amplissimam: nec mediocre erit Angliæ ornamentum
 „homo rei literariæ facilè princeps, & nos liberaveritis magno metu, & animam jam
 „pronam in ruinam servaveritis vestrâ industriâ. Avertat Deus hoc malum, & vos fa-
 „ciat tam boni operis instrumentum! Sed de his *καταλόγος*.”

Ex hoc fonte videtur sua hausisse in Jurius in Casaubonum, Auctor libelli, cui titulus,
l'Esprit d'Arnauld:

(b) Casaubon, l'homme du monde le plus flottant, comme chacun sçait, qui a vécu &
 qui est mort sans faire choix de Religion; Casaubon, qui nous accuse d'avoir abandonné l'An-
 tiquité, dans laquelle il n'étoit que médiocrement versé. C'est bien un homme comparable dans
 cette espece de littérature à un Martyr, à un Aubertin, à un Bochart, à un Daillé, à un
 Rivet: c'est un Grammairien, un demi-Theologien, & rien dans le fonds. Casaubon enfin,
 qui étoit Papiste, s'il étoit quelque chose. Fronton le Duc Jésuite, qui a passé pour honnête
 hom-

(a) *Post
Clementis
Epist. ad
Corinthios,
à Colome-
sio editis.
nom. 28.*

(b) *L'Es-
prit de Mr.
Arnauld,
Tom. II.
pag. 304.*

(a) *Incap. 27. lib. Basil. de Spiritu Sancto.* *homme en son tems, dans ses Notes sur St. Basile (a), dit, que Casaubon avoit donné parole au Cardinal Du Perron & à lui, de renoncer aux erreurs de Calvin les prochaines fêtes de la Pentecoste; qu'il croyoit de la Sainte Eucharistie ce que l'Eglise Romaine en croit. En effet ce fut Monsieur Du Moulin qui l'arresta sur le bord du precipice, & qui l'empêcha de faire cette lâcheté. Les descendants de Monsieur Casaubon ne seront pas trop aises de tout ceci; mais ils s'en doivent prendre à Colomesius (b).*

(b) *Epist. 28. edit. post Clement. Epist. anno 1687.* Hinc nata, licet alto corde supprimeret, ægritudo, plurimis deinde causis vehementer adaucta. Eas inter ultima non erat, cura filii Joannis jam ad Pontificios transgressi, absentia patriæ atque amicorum (c), quos, paucos licet, in Galliis reliquerat. In primis quoque quod Medicina, cui facultati filium Mericum destinaverat, in Anglia jaceret, ac vetus & vera illa planè Jurisprudencia paucis de nomine esset nota, nec studium Antiquitatum diligenter excoleretur (d), sed solis literis Theologicis forent posita præmia, teste Hugone Grotio (e), scribente Joanni Meursio: *Venio ex Anglia; literarum ibi tenuis merces: Theologi regnant: Legulei rem faciunt. Unus ferme Casaubonus habet fortunam satis faventem, sed ut ipse indicat, minus certam. Ne huic quidem locus in Anglia fuisset, ut literatori induere Theologum debuerit.* Iis accedebat, quod uxori inclementior foret

(c) *Epist. 702. 703. 706.* aër, linguæ imperitia, diversaque familiæ administrandæ ratio (f). Attamen hæc lenibat atque mitigabat, primò quod conspectu scelestissimorum ἀλαστόρων, & parricidarum non cruciaretur, Regisque ac quorundam doctissimorum virorum experiretur benignitatem, deinde quod eo Regno speciem agnosceret veteris Ecclesiæ, quam ex Patrum scriptis didicerat (g). Nihil verò ei gravius, in nihil molestius nihil durius acerbiusve quàm ita diu carere libris, atque ex iis collectis ad omne genus literarum accommodatis Adversariis.

(d) *Epist. 734.* Nam ex Gallia excedens nihil omnino præter Psalterium Hebraicum ac duos tresve alios libros secum sumferat (h). Hinc tædii plenus, summo mœrore penitus conticiebatur (i), expendens atque dolens non tam nominis quàm tanti tamque pretiosi temporis, ingravescente jam senectute maximum dispendium (k), quod destitueretur iis auxiliis, quæ ad conficienda ea, quæ ipsi Rex Jacobus imponebat, summoperè requirebantur. Bibliothecam itaque, quoniam uxor quinto demum mense maritum sequens, non appor-

(e) *Camden. Epist. pag. 210.* tarat, vel partem dumtaxat, si quidem pro ejus facultatibus erat satis instructa, consumtis penè in libris emendis omnibus ejus reculis (l), petituram post trimestrem in Anglia moram, in Gallias mittit suam uxorem, per literas orans, flagitans, obsecrans maximum Thuanum, apud quem in dolia coniectos libros deposuerat (m), velit, quæ erat erga ipsum benevolentia, uxori suis sapientissimis consiliis (n) adesse, (quod & lubentissimè ac diligentissimè (o) præstitit) ac apud serenissimam Galliarum Reginam intercedere, ut permittat uxori ejus, Bibliothecam ejusque partem in Angliam abducere. Verùm id nec prece nec pretio potuit primà vice impetrare. Postea verò, id est, post annum amplius integrum emollita longioris temporis intervallo, clementioribusque expugnata precibus, sivit partem modò aliquam, nempe tertiam ferè, eamque continentem libros minus necessarios (p), abduci, totam planè negavit (q), quandoquidem præ se ferebat Casaubonum aliquando in Galliam revocatum iri, quam spem ei sæpissimè Thuanus, uti & Villaregius faciebant non sine spe honesti otii (r). Verùm constanti animo respondet nolle se accipere conditionem nisi unà simul concederetur ipsi integra libertas modestâ scriptione errores Baronii detegendi (s). Prævidebat enim, saltem haud frustra metuebat saltem hoc esse strategema, quo malevolorum subjiceretur potestati (t), ipseque ita frustraretur scopo.

(f) *Epist. 772.* Detenta verò Lutetiæ per aliquot menses morbo filix (Anne) longiore ac difficili uxor, (v) aliisque causis gravioribus maritum suum Casaubonum absentia suâ usque adeò angebat, ut avocamenta à sensu doloris continuo quæsierit, quæ nisi in meditatione de voluntate divina ac precibus ad Deum inveniebat nulla (w). Unde facilè credo eum ad Eliam, suburbanum Episcopi Eliensis, magni Regis Eleemosynarii, Lancelotti Andreæ, viri admirandæ pietatis & doctrinæ divertisse, idque per quadraginta & octo dies, quoniam ipsum dimittere nolebat. Ibi detentus loco amœnissimo, quem integrâ Epistolâ describere constituit (x), temporis fallendi animique curis laxandi gratiâ legit vitam Melanchthonis à Camerario conscriptam. Quam eò maximè probabat, quod ei plurima de viris doctis interspersa, animum oblectantia offenderet (y). Liberatus tertianâ, diutius ipsum vexante, finem imponit Epistolæ, sapientissimæ Viro clarissimo Gronovio dictæ (z), quam Regis mandato scripserat ad Frontonem Ducem. Eamque accuratè nitidèque descriptam manu Sacellani Episcopi Eliensis serenissimo tradit Regi. Qui altero ferè mense post Salisbonâ per tabellarium quendam ei mittit Eliam usque, addito nuncio, se, mirificè probatam cum suo, tum Archiepiscopi Cantuariensis, nec non multorum doctissi-

(g) *Epist. 781.* morum

(h) *Epist. 726. 750.*

(i) *Epist. 731.*

(j) *Epist. 756.*

(k) *Diar. pag. 39. Epist. 737. 718.*

(l) *Epist. 785.*

(m) *Epist. 800.*

(n) *Epist. 808. 809.*

(o) *Epist. 737.*

(p) *Epist. 741.*

(q) *Epist. 741. 760. 773.*

(r) *Epist. 740. 741.*

(s) *Ad Arrian. lib. 4. 111. cap. 3.*

(t) *Epist. 741. 760. 773.*

(u) *Epist. 740. 741.*

(v) *Epist. 740. 741.*

(w) *Epist. 740. 741.*

(x) *Epist. 740. 741.*

(y) *Epist. 740. 741.*

morum virorum judicio (a), velle quàm primùm edi (b). At noster multò maluisset (a) *Epist.*
 ejus paucula tantùm manu exarata exemplaria (c) ad amicos Gallos mitti, cùm quòd mi- 744.
 nus commodè dicta possent facilius emendari aut mollioribus verbis leniri, tum quòd (b) *Epist.*
 tantum per urbem excitaret rumorem. Quamvis ipsi Frontoni fateatur se illam simplici 741.
 animo scripsisse remoto omni odio, aut obtrectandi cuiquam prurigine, à qua mala pe- 746. 1091.
 ste mores ejus quàm maximè abhorrebant. „ Equidem, namque subjicit, is non sum, 1092.
 „ qui si quid forrè incautius aut inconsultius Viro docto in scribendo exciderit, proti-
 „ nus in deteriore partem id velim interpretari, & in malæ mentis argumentum rapere.
 „ Bonum virum hæc *κακότης* & malignitas non decet, Christianam verò charitatem mul-
 „ tò minus (d). „ Quum autem cessare ac producere rem visus esset Regi, iterum atque (d) *Epist.*
 iterum repetita jussio est, datumque negotium illustrissimo Præfuli, Archiepiscopo Can- 730.
 tuariensi, ut perficeret quod Rex avidè cupiebat (e). Typis verò exscriptæ gravatè (e) *Epist.*
 quatuor exemplaria mittit Parisios, unum Jacobo Augusto Thuanò, alterum Cancellaria 746.
 rio, tertium Villaregio, quartum denique ipsi Frontoni Ducæo, adjunctis literis, qui-
 bus se prolixè excusat Frontoni (f), omnemque occasionem scriptionis & animum ape- (f) *Epist.*
 rit. Verùm Puritani, & qui plures erant infestissimi hostes, hac Epistolâ exasperati tali 746. 765.
 modo clamoribus suis ipsum poscebant, ut ad aures Regis Jacobi fuerint delati (g). Quin (g) *Diar.*
 imò significabant quidam ipsi Loiolitas, qui omnia isthuc posse dicebantur, Augustissi- *pag. 39.*
 mam Reginam & multò magis Christianissimum Regem ita ergà ipsum irritaturos, ut
 gratiâ utriusque Majestatis excideret, & spe omni beneficiorum ab illo fonte manan-
 tium (h), nam stipendium annuum adhuc ei persolvebatur. Alii, quod non difficile re- (h) *Epist.*
 cipiebat, putabant exoriturum ex Societate ea quempiam Bonarscium aut Græculum 752.
 præterea Joannem Eudæmonem, qui plaustra convitiatorum in eum evomeret, atque ut in-
 felicem Grammaticum exagitaret. Sed uti nullis conviciis umquam posset eo perducì ut
 totà voluntate, tamquam addiētissimus servus subditusque pro suavissimæ patriæ salute
 & servitio Regis ac Reginæ animam ponere non esset paratissimus, sic Deo propitio
 ipsis rebus, ac veris argumentis eorum maledicta refellere constituerat (i). Cæterum (i) *Ibid.*
 in tantum illa ad Frontonem Epistola placuit Jacobo Regi, ut propterea Auctorem Ca-
 faubonum haud pœnitendo affecerit munere (k). Probavit eam vir clarissimus, Geor- (k) *Epist.*
 gius Michaël Lingelshemius (l), permulti etiam Parisini, cur statim Lutetiæ Parisio- 773.
 rum fuerit recusa (m). (l) *Epist.*
 752. (m) *Epist.*
 773.

Agitabantur sub idem ferè tempus quæstiones Theologicæ varix, super quibus conti-
 nuò prolixèque Casaubonum conveniebat Rex literatissimus, qui hoc unico literarum
 genere sic capiebatur, ut suum & suorum ingenia in illo distenderet. Non enim temerè
 præteriebat dies, quo ad Majestatem illius non adferretur novus liber ab aliquo, ut plu-
 rimùm, Jesuita conscriptus, quem legendum examinandumque non dabat suis, quo-
 rum quoque diligenter de eo exigebat judicium (n). Erant in iis Conradi Vorstii *de* (n) *Epist.*
Deo liber, cujus opinionem, quoque reprobata à Gerardo Vossio (o), omnino palam 753.
 detestabatur. Hac de sententia an ipse Vorstius scripserit ad Regem, adhuc licet incom- (o) *Voss.*
 pertum habeam, certè mihi tamen persuaferim, quoniam Regis nomine accuratius ad *Epist. 233.*
 eam se Vorstio respondisse fateatur Casaubonus (p). Erat etiam Petri Bertii, ad (p) *Epist.*
 Pontificios postea transfugæ, *Apologia ad Fratres Belgas*, improbata & rejecta à 754. 760.
 Rege (q). Erant & alii non pauci numero, quos haud obscurè subinde innuit. 775.
 Hæc Casaubonum sequi Regem; hæc alia meditari, quàm animo conceperat, diu (q) *Epist.*
 multumque erat molitus, coëgerunt (r), adeò ut apud Virum clarissimum, Ca- 743.
 rolum Labbæum conqueratur priora sua studia funditùs interiisse (s). Post Episto- (r) *Epist.*
 lam ad Frontonem Ducæum, mandato Regis etiam aliam scripsit Epistolam (t) ad (s) *Epist.*
 illustrissimum Cardinalem Perronium, non tam suis quàm quidem ipsissimis verbis 753.
 Regis, cui fuerat à manibus (v). Hujus Epistolæ primò unum dumtaxat ad Cardi- (t) *Epist.*
 nalem Perronium misisset exemplum, nisi Rex esset arbitratus sua interesse alterum mitti (v) *Epist.*
 ad suum Legatum (w). Hinc libelli illius laudem non ad se redundare, verùm potius 761.
 ad Regem pertinere & gravissimos Regni Episcopos, quorum ex mente scriptum esse (w) *Ibid.*
 apertè significat (x). Neque id ferebat ægrè, quandoquidem illa Epistola à multis non (x) *Epist.*
 ita, quàm quidem sperarat credideratque, benignè fuit accepta, sive à Batavo, (forte 815.
Joanne Lydio) sive Gallis maximè, qui super ea scribentes ad Episcopum Bathoniensem;
 gravissimè Casaubonum accusabant, tamquam Papistarum patronum; quorum tamen
 errores, si quis alius, detestabatur (y). Gaudebat tamen probari Heinio, ac divini (y) *Epist.*
 ingenii viro, Hugoni Grotio (z). 743. (z) *Epist.*
 815.

Tandem destitutus quamvis duabus partibus Bibliothecæ locupletioris, privatus refer-

- (a) *Epist.* 781. tissimis Adversariis (a), incensus inflammatusque ab ipso Theologiae amantissimo, concordiae pacisque adeo studioso, ut à studio unitatis non recedat (b), Rege & Theologis, quibus Anglia abundat, (cò enim ferè studia (c) referunt) nonnullis aliis, Concilium seu Synodum Ecclesiarum Reformatarum unicè desiderantibus (d), componit se ad elaborandum illud egregium opus, quod ante aliquot annos in Gallis adumbraverat, cujusque speciem deformaverat. Exercitationes Baronianas (e) quia Papistis Annales isti sunt Canon Antiquitatis Ecclesiasticae (f), atque ibi dum esset plurimi prope quotidiano convitio praesentem, praestantissimi verò in Anglia, Germania, Italia Theologi creberrimis ad ipsum datis literis impellere ut absolveret, sunt conati: sed incassum. Eo tamen se perducere est passus, ut de Historia Ecclesiastica illustranda dies noctesque cogitaret, manumque admooveret operi, quod metuens sibi haud exiguum à Pontificibus malum edere non fuit ausus (g). At rebus humanis exempto patrono suo singulari, Henrico Magno, in Angliam, quam elegisse dicitur, ut liberè adversus Baronium posset scribere (h), profectus, libertatemque consequutus majorem, serio longè magis animo de eo cogitare coepit, indiesque colligere quae tanto operi promptè ac solidè refutando forent. Non ductus, ut quidam sibi falsò imaginantur, studio partium aut privato odio erga illustrissimum Cardinalem, virum sui seculi primum, cujus inexhaustam (i), verum sine judicio atque delectu adhibitam, diligentiam; sed quòd non concoqueret hunc primum Conditorum Annalium Ecclesiasticorum usque adeo attolli atque laudari, ac si nulli in tam immenso opere, ac nobili reperirentur naevi, nullaeque exstarent maculae, aut nisi levissimos Auctor commisisset errores, quos tamen maximos admisit cum Historicum exuat. Animum addiderunt, quae ex animo averfatur, convitia gravissima atque acerbissima in Reformatos seu Protestantes à Baronio plurimis in locis effusa. Currenti calcar, praeter viros utriusque partis etiam ipsa in patria (k), addit harum injuriarum impatiens Rex Jacobus (l). Quapropter licet non ita solidè quàm quidem tanti operis moles atque gravitas requirebat, instructus, unde sibi patere Bibliothecam Regiam, (m) *Epist.* 814. (quam ejus causà parare instituit (n) Rex) ac necessarios libros suppeditari postulabat (n), Tomum Primum aggressus (o), in arenam cum luctatore descendit (p), cui, si non omnino conficit, tot ac tanta infligit adversa vulnera, tamque graves atque insanabiles imponit plagas, ut vel hoc tempore conspiciantur, mirificè percussa. Scio viros laudatissimos Historiarum Antiquitatumque tam Ecclesiasticarum quàm Profanarum peritissimos in Casaubono reprehendere nimiam properantiam (q), indeque natos dicere nonnullos errores, quibus ea propter facilius ignosci debere ac posse putem. Non enim, quod pace eorum dixerim, oporteat illos ita graviter offensos quibusdam maculis, quas aut incuria fudit, aut humana natura parum cavit, si cæteroquin plura eo in opere, quod nullus negaverit, niteant, statim in eum invehi ac si foret imperitissimus, materiamque suscepisset tractandam (r) ipsi planè incognitam, ejusque viribus minus æquam, nec Horatio autore diu versasse quid ferre valerent humeri, quid recusarent. Longè aliter profectò de eo judicarunt viri istius seculi ac temporis praestantissimi, quos inter numerantur Georgius Michaël Lingelshemius, Fridericus Taubmannus, Hugo Grotius, Daniel Heinius, aliaque permulta nomina praclarissima, quorum elogia congerere non est nostri instituti. Putem hoc unum sufficere, Pontificiorum Scriptorum plurimos, quando ab ejus recedunt opinione, eamque erroneam esse viribus contendunt, modestiori modo, quin etiam honorificè de eo loqui, quemadmodum in praestantissimo opere, nuperrimè edito viri celeberrimi, Antonii Pagi, qui & ipsum innumeris in locis castigavit Baronium, apertè videre est. Refutarunt Casaubonum, (quis enim expers criminis aut in omnibus semper Oedipus haberi potest? Nam dormitantes quandoque culpæ veniam offendunt, ubi Ciceroni Demosthenem, Horatio ipsum etiam Homerum dormitasse (f) legerint) modestissimè Bourdelotius in Notis ad Petronium (t), Salmasius (v), Palmerius in Theocritum (w), cum dicat: *Abstine ut talem virum, (Isaacum Casaubonum) quo majorem in Græca literatura vix æqualem Europa non vidit, & quem maxime veneror, depri- mere velim.* Ita Thomas Gatakerus (x), & ipsemet, quem satis laudare non possum, quòd adeo ingenuas partes Isaaco Casaubono tribuat in elaboratissimo Commentario de Interpretatione, illustrissimus Abrincensis Episcopus, Petrus Daniel Huetius (y). Ignosco lubens istius tempestatis viris vehementi nimis partium studio abreptis, maximè Pontificiis, quales erant Erycius Puteanus, Andreas Schottus, alique plures, qui tam furiosè in eum sunt debacchati, ac si ex omnium scelerum colluvione foret natus sceleratissimus. Exemplo sint, ut alia, utputa Scioppiana, omittam, *Erycii Puteani Stripturae*, eisque atrocissima praemissa Epistola Dedicatoria; Andreæ Eudem-Joannis Cydonii

Cydonii defensio Annalium Ecclesiasticorum Cæsaris Baronii, S. R. E. Cardin. adversus Falsas Calumnias, errores ac mendacia Isaaci Casauboni, quas in Exercitationibus suis inferciit. Maximè verò Heriberti Rosweydi scripta acerbissima, absynthio ac bile pallim confersa. Verum hæc, quo erat animo admodum constanti clementique, ferebat patientissimè. Mordebat tamen acrius animum, quòd Richardus Montacutius, Episcopus Bathoniensis & Wellensis, ipso multis annis junior (a), qui apud Regem pollebat gratià (b), ei palmam hanc præripere fuerit conatus, edendo idem planè live argumentum, live argumenti dispositionem, live ad testimonium citatos Auctores (c), respiceret, adversus Baronii Annales opus; unde nescio quid suspicatus plagii scribit non modò perturbatus & indignabundus ad ipsum Montacutium singularem Epistolam, quam legas num. M L I X. sed adit illustrissimum Archiepiscopum, à quo mox impetrat, ut Montacutii opus supprimatur. Ipsius verò operis, in quo non Theologica, sed historica Baronii peccata demonstrare unicè intendit (d), ichnographiam rudem posuit v. Kalend. April. C I O I O C X I I. (e). Labori se accinxit post longam deliberationem, meditationem ac præparationem v. Kalend. Maj. ejusdem anni (f). An verò distinxerit in XII. libros, (constituerat enim singulis tomis singulos libros (g) op- ponere) non addit. Exorsam telam quàm ocysimè perficere cogebatur, eò quòd Rex, quotiescunque ei adesset, exigebat pensæ rationem (h), & quò magis proficere, eò ardentius instare Princeps, moram ferre nescius, cœpit (i). Absolutam partem primam ostendit, examinandamque dedit Archiepiscopo, nec non aliis, quibus admodum placebat, Episcopis, unde & ipsum bene sperare jubent (k). Absolutum verò totum a. d. XII. Kalend. Februar. C I O I O C X I V. intraque octodecim menses perfectum, opus, quo accuratius foret emendatiusque, bis terque propriâ descripsit manu (l), ac si supervixisset doctissimus D. Karrew, cum eo, uti & cum aliis etiam Parisinis amicis, communicasset (m). Prævidens autem hoc opus fore exosum (n), optabat edi posse sine nomine (o). Verum, quòd ipsa res exigere videbatur, ipsi Regi tamquam Auctori primo, promotori defensorique ut summo, sic accrimo, quam iustissima ex causa inscripsit, diu multumque equidem antè animo versans; ac cum Archiepiscopo deliberans, quid in Dedicatione, quid in Præfatione profuturum Ecclesiæ Dei diceret potissimum (p). Hæc erat viri sapientissimi prudentia & prudentissimi sapientia. Gratis jucundisque Regi prologis impressis a. d. I V. Eid. Mart. serenissimo potentissimeque Principi offert opus, quo tantoperè fuit delectatus Rex, ut non modò quædam recitare jussisset Casaubonum, verum non sine insignibus exultantis animi indicibus plurima (A) legerit ipse. Redux ex Aula paucis post diebus sentit corporis exhausti atque emaciati languorem summum, prout conjecturâ assequi poterat experientissimus Medicus,

Theo-


(A) Plurima legerit ipse.] De Exercitationibus Casaubonianis hæc scitu non indigna collegit Paulus Colomesius : Ces Exercitations ont esté si bien receuës des Protestans, qu'il s'en est fait plusieurs éditions. Outre celle de Londres, qui est la plus belle, il y en a une de Francfort in quarto, & deux de Geneve. Le Roy Jaques ayant vu les premières feuilles de cet Ouvrage, l'approuva fort. Mais les Evêques auroient souhaité que Casaubon eust traité Baronius un peu plus rudement qu'il ne faisoit : à quoi sa candeur & sa modestie ne purent jamais consentir. C'est ce que nous apprend Grotius retournant d'Angleterre, dans une lettre à Meursius. Ce Livre a esté refuté par le Pere Rosweydis, Jésuite, & defendu par Jaques Cappel de Sedan. Jules Cesar Boulenger, Théologien & Critique, l'a aussi examiné en plusieurs endroits dans ses Diatribes; qui ont esté refutées par Richard de Montaigne, Evêque de Norwic. Depuis Casaubon, un Ministre de Bearn, nommé Majendie, a écrit contre les Annales de Baronius. L'Ouvrage est imprimé à Amsterdam in folio, avec des Notes de Mr. Blondel sur ces mêmes Annales. S'il m'est permis de juger du travail de Mr. Majendie par l'échantillon que l'on m'en communiqua il y a quelques années, il n'y a rien dans ses observations qui soit comparable à celles de Casaubon. Il y a même quantité de fautes, que Mr. Majendie a faites pour avoir copié ceux de son ordre ;

comme il arrive ordinairement à ces Messieurs. Gérard Vossius semble avoir pensé à refuter Baronius; car voici de quelle façon lui parle Guillaume Laud, Evêque de Londres, & depuis Archevêque de Cantorbéry, dans une Lettre manuscrite du 14. Juillet 1628. De Baronio quod moliri instituis, imprimis laudo; præcipue verò quòd fixum habeas minutias non consecrari. Certè in Opere tam diffuso nimis longum iter esset per minutias, & quæ tædio afficerent & peritos viatores & festinantes. Caput rei est, illa, in quibus longius à primitiva Ecclesia, Romana recessu, brevibus ostendere, & argumentis insolubilibus demonstrare; quæ utraque tibi factu facilia semper æstimavi. Parmi les Catholiques, Mr. Davis, Professeur en Droit Canon, a refuté quelques endroits des Annales de Baronius. Un Moine de l'Ordre de S. Benoist prétendoit y avoir trouvé deux mille fautes, si nous en croyons Scioppius, dans une Lettre Italienne au Pere Fulgence, qui a paru depuis peu. Mr. Holsenius, au rapport du Docteur Guy Patin dans une de ses Lettres, disoit un jour à Mr. Naudé, qu'il pouvoit montrer huit mille faussetez dans Baronius, par les Manuscrits de la Bibliothèque Vaticane qu'il avoit en garde. Et Mr. Petau, Conseiller au Parlement de Paris, menaça une fois ce Cardinal, de découvrir beaucoup de ses suppositions & faussetez; car c'est ainsi qu'il s'en exprime écrivant à Scaliger.

h 2

Après

Theodorus Mayerne, exortum, quamquam id pro certo affirmare nec posset, nec aude-
ret. Ex eo quum sæpius antè, interpositis diuturnioris temporis remissionis interval-
lis, laborasset; nunc tandem ita corripitur vehementer, ut postremò morbi vehemen-
tiæ ac magnitudini debuerit laboribus & vigiliis continuis fractum succumbere cor-
pusculum. Mortis viam causamque abditam demonstravit exanimati corporis aper-
tio, quâ Medici plurimis experimentis sapientissimi didicerunt, quod ne ipse quidem
Æsculapius suâ sagacitate esset assequutus, singulare atque incognitum hætenus, & fortè
nemini mortalium umquam observatum vesicæ monstrum, cujus effigiem apponere, ut
unicuique pateat, censui necessarium:



Accuratam postremæ valetudinis Historiam à viro clarissimo, D. Brovario, posteris
traditam; unâ cum Raphaelis Thorii, Medici præstantissimi, Epistolam subijcere gra-
tum fore sum arbitratus.

H I S T O R I A

vesicæ monstrosæ

MAGNI CASAUBONI.

SUMmus, & clarissimus vir, ISAACUS CASAUBONUS, corpus gracile & siccum
à naturâ fortitus erat, temperamento ex bilioso in melancholicum plurimum declinan-
te. Ignei vigoris & cœlestis originis animam continebat fragile ergastulum, quod exili,
nec importunâ mole haud grave, hospitem sui planè juris esse sivit. Hinc factum, ut
literis deditissima mens parvam admodum habuerit sui domiciliî rationem. Ita vir
magnus non impalluit modò, sed penè inaruit chartis. Paucis, vel ferè nullis magnis
morbis obnoxium, transegit illud, quod ipsi Deus indulsit, ætatis curriculum. Et ca-
stigata corporis exsucca conformatio, fecit ut ea non senserit, vel leviter expertus fue-
rit incommoda, quæ vitam sedentariam, ut plurimum, consequuntur. Arenosam ali-
quando saburram deposuere renes, non sine aliquo urethræ inter mejendum ardore.
Nihil tamen effatu dignum, vel quòd sedulam, aut iteratam Medici postularer opem.
Cœlum, solumque mutavit sæpius, ab urbibus & principibus viris doctrinæ non vulga-
ris nomine humanissimè invitatus, & exceptus honorificentissimè, ut pateat ipsum non
uni assuevisse victus legi. Tandem à Jacobo I. Britannix Rege, accersitus, in floren-
tissimo illo Regno vixit per triennium. Pensum à maximo Rege accepit grave, at hu-
meris, qui antiquorum nodis atque ænigmatis solvendis innutriti erant, non impar
Theologicum aggressus opus, in Baronium ultra annum insudavit. Huic abstrusioris
sux eruditionis specimini edendo, animum in varia distrahi, & pungentibus agitati πει-
σμα non novum, ubi de asserenda veritate, & pariter de famæ discrimine agitur,
præsertim in polemico scribendi genere. Quot evoluit illo temporis spatio, Patrum an-
tiquorum volumina? Quot horas in Museo epularum immemor, & veluti raptus in ἐκ-
στασι, trivit vir optimus, qui terram calcans pedibus, cœlo mente affixus erat? Quot
insomnes transegit noctes, ut accuratissimum illud opus cuderet, & luci tandem daret,
quod nunc in Antiquitatis depravatores, quantumvis purpuratos, prostat? Hic paulla-
tim

*Après quoy il ajoute aussi-tost ces belles paroles, comme
par manière de correctif. Mais c'est chose ce me semble si
indigne de gens d'honneur, d'écrire ex professo les uns*

*contre les autres, que je n'y ose penser. Colomæsius,
Bibliothèque Choisie, pag. 112.*

tim vires imminui, corpus magis ac magis extenuari, dissipari spiritus, & debilitari calor natus, functionum omnium opifex, quibus cessantibus, vel saltem facultatum læsione depravatis, excrementorum quotidianâ germinatione succrescentium proventu, partes obrui, & naturam tandem fatiscere necesse est.

Duodecimo circiter ante obitum mense, qui vel antè quieverant, vel fugaci præsentia obiter saltem molesti fuerant, inter mejendum punctorii dolores, & urinæ ardores redivivi, coeperunt virum fatigare, primum longioribus intervallis, noctuque præsertim importuni, ita ut dulcem interromperent somnum, & expectatum adigerent ad matulam. Rubrarum arenularum profusio, causa istius irritationis statuebatur, neque ullis poterat æger incommodis à studiis avelli. Urina tandem ardore difficultatem pariens, subinde sistebat gradum, & non effundebatur, nisi mediocri saltem nisu, idque incurvato corpore, & facie pronâ. Tanta aliquando expultricis irritatio, ut qui parcè olim, vel semel, totâ nocte soleret urinam emittere, intra paucos menses bis, ter, quater, quinquies, sexies, & tandem infinitis vicibus cogeretur in eum finem surgere. Pectinis dolor, grave ano incumbens pondus, inter mejendum alvi exonerandæ cupiditas. Exeuntem urinam comitabatur dolor, cum per totum canalem urethræ, tum maximè in glande, cujus sensus erat quasi multorum acuminum simul pungentium. Ingens in dorso aliquando calor, ad quem levandum, vestem sæpillimè deponere coge-batur. Urinæ, ut plurimum, pallidæ, cum mucofo sedimento; post equitationem, vel violentius exercitium ambulationis, cum arenosis granis crassioribus, vel tenuioribus lapillis rotundis, præduris plurimis, quorum nonnulli granum tritici, plerique milii magnitudine æquabant. Ista symptomatum syndrome, Medicis calculi in vesica latentis suspicionem iniecit. Quem cum cathetere explorare libuisset, nullus instrumento in vesicam aditus, sed ita præclusa via, ut non obscura apparerent *καταγούσιος* meatum obfidentis indicia. Inter numerosum istum symptomatum concursum, quæ vel atletico corpori pessumando satis erant, sexto ante fatalem diem mense, in parte hypochondrii sinistra, inter albam lineam (seu vesicæ regionem supra pubem) & ilia, efflorescere coepit tumor, instar juglandis primum, qui paulatim auctus ad pugni magnitudinem, vel potius latitudinem excrevit, desinens in obtusum acumen; mollis erat, & qui fluctuatione, quæ contrectationem sequebatur, aquam subesse certò indicabat. Sicuti liber inter tussendum, vel respirandum, musculorum abdominis motus, materiam sub iisdem contineri, tumoris circumscriptio, eandem non in ventris cavitate vagam, sed in quadam cysti concludi, arguebat. Si durius impressa manu tractaretur tumor, vesica in consensum tracta dolebat, & micturiebat æger. Id quod à partium vicinia, & vesicæ inter duas peritonæi tunicas sepultæ, cum tumore connexionem fieri credebatur. Subsidebat nonnumquam, & paucis post diebus ad pristinam redibat dimensionem. In misero isto statu vitam languidam mensibus aliquot traxit, donec instante ultimâ & fatali horâ, sic acceleratus fuit viri piissimi interitus, ut sereno die, animi recreandi, & corporis exercendi gratiâ, rhedâ vectus, decem Anglica milliaria percurrerit. Reversus domum, noctu minxit frequentissimè, aucti dolores, aucta *δυσουρία*, cum *σπυγγώδης* urinæ cruentæ cum sedimento mucofo, quod maximè tenacis & vitreæ pituitæ simile aliquid puris admixtum habebat. Invaluit inter mejendum desidendi cupiditas, exclusi calculi exiles quàm plurimi, aucta uno verbo omnia. Invasit febris, quæ antea per intervalla inæqualia, licet levia, non tamen sine aliquo horrore, & inordinatis rigoribus occupaverat. Pugnatum iis, quæ acrimoniam lotii demulcere, mucum incidere, eique facilem, lenitione viarum, exitum procurare valebant, vano sanè labore. Siquidem urinæ tunc olidæ, turbidæ, instar lixivii, aut cerevisiæ profluxerunt, sine levamine; cum mictionem novum exciperet illico mejendi desiderium. Ardorem internum sibi molestissimum dicebat æger, & calidissimæ reddebantur urinæ, etiam ad tangentis manum. Mucus erat dimidii lotii pars, aliquando etiam quicquid reddebatur, mucus erat, tam tenaci filo coherens, ut vix divelli posset, & ex matula in pavementum, lubrico & continuo contextu efflueret. Notatu autem dignum, quod post redditam istius albugineæ pituitæ quantitatem, hoc symptoma per duos vel tres dies inducias dabat, novâ egestionem factâ, denuò, ut antè, recurrens. Tam diris cruciatibus excarnificatum tenue corpusculum ad dies viginti duravit, continuâ febris tabefactum, perpetuâ effluentis lotii, fusæ alvi evacuatione, pumice siccius redditum, urinæ foetore, quem ipse oris spiritus redolebat, infectum. Donec tandem felix animula, sui carceris impatiens, cui ab ipsis conformationis primordiis, iniquis conditionibus alligata fuerat, vocante supremo rerum Conditore, ad suam migrans originem, corpus humo, amicis lacrymas, literatis

raram eruditionem, omnibus probis eximiam pietatem imitandam reliquit die Veneris Kalend. Jul. CIO IO CXIV. ætatis anno LV.

Seçto autem cadavere, post exquisitam singularum partium perscrutationem, sequentia fidelibus oculis objecta fuerunt.

Urethræ inditus catheter argenteus, nullâ arte, nullâ vi valuit in vesicam adigi, ita ut sectâ per perinci longitudinem urethrâ, manifestò apparuerit σαρκινδὲς σῶμα, meatum occupans, foris intrò resistens, sed ab interna parte foras obsequentius, collo vesicæ apposito adstites, glandulæ prostratæ dictæ, quadruplo majores, quàm naturalis ferret conformatio. Vesicæ corpus contractum, crassum, & admodum spissum, internâ sui parte rugis quàm plurimis, & veluti cuniculis exsculptum, quorum cavernulæ lapillis infinitis rotundis scatebant: collum interius, quod declive, levi canaliculo sine ulla protuberantia naturaliter in urethram definit, introrsum tumens, elatum instar podicis gallinæ, vel colli interioris uteri, ita ut in ambitu esset, veluti sulcus, seu cavitas, per quam circumduci poterat digitus, cujus magnitudinem faciliè admittebat colli orificium, per urethræ retractionem sursum factam formatum, quæ virgo in arrigendo incurvationem invehbat. Ad sinistram latus perforatum fuit vesicæ corpus, & pervium rotundo foramine, quatuor digitorum apice admittente, in saccum sive ἐκφύσην vesicæ, vel addititiam vesicam, quæ urinâ turgens, capacitatis erat ad vesicam sextuplæ. Habuit sacculus isteunicas tres seu membranas, cum vesicæ membranis continuas, spissas admodum (ne quis ἀπονεύρωσις comminiscatur) cum insignibus nervis, venis, & arteriis. Situs talis, ut totam ὑπογαστρικὴν partem sinistram occuparet, usque ad ossa ilium, instar vesicæ, in ipsa peritonæi duplicatura latitans. Figura ejus inæqualis, ita ut infra foramen infima sacci pars propenderet plurimum: sicuti superior peritonæo affixa firmiter, multum supereminebat: utraque vesica lotio turgens plenissimè. Ast in addititiæ fundo, infra foramen pensili, ingens saburra putris & olidi muci, sive phlegmatis vitrei, quod cum tanto nisu & dolore à misero agro profunde batur. Vesica ipsa neque ulcerata, neque inflammationis præ se ferens vestigium. Addititiæ interna membrana erosa variis in locis, atque ob inflammationem rubra, livida, nigra, gangrænæ proxima, quæ mortis certissima, & inevitabilis causa fuisse videtur. Ureteres lati, urinâ turgidi: sinister inter sacci tunicas gliscebat profundius, uterque autem desinebat in vesicam veram, paulò supra collum. Ren dexter totus purulentus, sanus sinister. Partes cæteræ sanæ, exceptis pulmonibus, quos corruerat & denigraverat ferina & perennis fluxio à capite, in ipsorum bronchia & substantiam continuò stillans, quam prodebat ordinaria tussicula, & in ultimo hoc morbo, consueta raucedo ingeminata, etiam usque ad aliquam difficultatem vocis edendæ.

Vitiosæ istius conformationis in numero, situ, & meatu monstrum, quoniam doctorum animis exercendis satis est, atque amplum aperit campum disquisitioni medicæ, in hac lubet exspatiari planitie, cum ut credant ἡτρὴν παίδεσιν quotidie nova occurrere, quæ sub Antiquorum specie nobis imponere possunt, & conjecturæ acumen fallere; tum ut in observando seduli, in prædicendo & judicando cauti, in operando religiosi, atque à periculosa festinatione alienissimi esse discant. Fatendum ignotam fuisse tot malorum causam, & deceptos Medicos omnes, quorum alii calculum prægrandem adesse, alii ulcus in vesica, quidam tumorem aqueum, partim inter musculos, & peritonæum existentem, occupare autumabant. Rara non sunt artis, & in conjecturis, quantumvis artificialibus, parum est fiduciæ. Errorem suum confiteri ingenui est. In rebus inauditis, & nulli visis decipi non turpe. Observata (licet prognosi potius, quàm therapie idonea) posteris pandere non inglorium.

Equidem ab ipsis conceptionis primordiis vim πλατικὴν in hoc subiecto, insolenti utique & graviore errore lusisse arbitror, dum concurrente nimia ad vesicam fingendam à parentibus deciduâ materiâ, eam cum ἐκφύσει & cum foramine in hoc additamentum ducente, formavit. Eodem planè modo, quo lienes, & testiculos duos, & tres, sextum quoque digitum non semel vidimus. Ita seminum confusorum & sanguinis materni affluentis superflua quantitas, unâ cum vegeto calore, formas è potestate oblatæ materię educante monstra gignit. Porro credibile est, istud additamentum, primis annis vel exile admodum fuisse, vel etiam ipsi vesicæ sic agglutinatum, ut vel nihil excipere, vel exceptum statim refundere in naturalem alveum valeret. Incrementi autem seu dilationis ipsius primordia tum cœpisse verisimile est, cum vir pius penso gravissimo nimium intentus, dies noctesque libris assidens, permultos menses transegit, tum siquidem lotii reddendi immemorem quotidie, imò quâvis horâ reddebat animi à naturalibus

ad

ad sublimia avocatio. Ita ut à corpore veluti abstracta mens, nec incommoda sentiret, neque muniis necessariis vacare, vel ad corporis vilia officia se demittere dignaretur. Si ii, quibus mens ægrotat, dolorem non sentiunt, quid ni vesicæ pondus negligeretur? Quoties in ferventioribus studiis calor & spiritus ad rationis arcem vi quâdam rapti, cerebrum totum sibi vendicant, neglectis, nisi quantum ad vitam sat est, ut ita dicam, ignobilioribus partibus. Id videre est non tantum in melancholicorum, sed in pia religioforum, nec non in amantium *insensum*. Jam verò motus principium quantumvis debile, sat est ad incrementum. Indies aucta fuit ista dilatatio, viresque acquisivit cundo, & concavum istud corpus membranofum ductile, & facilis extensionis, repletionem erevit, inter peritonæi tunicas deorsum versus primò, ni fallor, ob contenti fœculenti pondus, deinde sursum suam nactum dimensionem, ad lævam hypogastrii primò extuberavit levius, deinde insigni erupit tumore, quod videlicet ad inferiora dilatatio obice ossium ilium, & pubis impediretur, quæ ad laterum mollitudinem erat facillima. Neque verò impune tulit istam extensionis libertatem ipsa naturalis vesica, cujus membranas cum additamenti tunicis continuas, his licentiosius expansis in se retrahi, & tandem corrugari necessum fuit. Sed quod gravius est, cum fibrarum transversarum & obliquarum beneficio, succedat quantitate gravius lotii expulsio; partis autem organicæ perfectio in legitima conformatione consistat, solutionem illam continui, actionum læsio, quæ inutilem vesicam reddit, consequuta est. Itaque per ureteres à calidissimis renibus ex toto corpore emulctum serum deducebatur quidem in vesicam; sed cum ea, nisi inæqualiter, in se comprimi non posset, ad expulsionem partim naturalem, partim voluntariam, antequam mejendi incefferit voluntas, saccum seu *κύστιν* oportebat impleri, etiam usque ad molestiæ importunum sensum, & consequutione necessariâ, in dies paulatim magis ac magis dilatari. Hinc factum est, ut intra paucos menses à dilatationis principio in magnam excreverit amplitudinem, quum excrementi quantitas, & facultatis imbecillitas æquali passu quotidie invalescant. Interioris membranæ vesicæ corrugatio urethram intrò traxit, & collum ipsum corrugatum in formam podicis gallinæ expulit, quæ causa una ex multis erat difficultatis in mejendo, unica autem, ni fallor, incurvationis virgæ in arrigendo, cum urethræ membrana nimis sequax, cavernosa corpora in arcum reflexa retineret. Idem ab inflammatione tumorem abbreviantem procurante in gonorrhœa contingere solet. Calculos in vesicæ rugosis cuniculis infinitos creavit urinæ tartareum sedimentum. Ea siquidem & naturaliter in hoc subiecto, plurimo turgēbat sale, & istius terreæ portionis separatio, sive tartari coagulatio, promovebatur, imò perficiebatur mora, quam excrementum præ languore, imò impotentia expultricis ob organi vitium, in cavitate facere cogeatur, proinde ac sui ipsius inspissationem, & homogeneorum ab heterogeneis separationem, vi caloris, numquam feriantis experiri.

Cur in imo sacci fundo nullus calculus, etiam prægrandis, cum ei generando plurima materia suppeteret, coagulationi etiam proxima? Nempe quòd in isto euripo intus lævi, non cuniculoso, perpetuus quasi esset urinæ meantis & remeantis æstus, cujus fluctibus pars eluebatur. At ut generetur per additionem partium calculus, quiete opus est. Adde quòd defuit isti concretioni tempus; ei si quidem mors existentiam præripuit. Ulcus vesicæ qui statuerunt, decepti fuerunt excreto purulento, confisi quod à rene dextro putri inflammato, & calorem intolerandum lumborum excitante, profluebat. Ulceratus sanè erat sacculus, falsuginosi tartari & lotii putris & statione foetidi, amuræ acuminis. Quæ materia cum in hujus additamenti declivi, atque infra foramen multum propendente & demisso fundo diutius stagnans hæreret, erosionem pariebat, à qua immunis erat vesica, per quam momentaneus saltem dabatur, ob ejus angustiam, transitus. Mucum autem, sive mucilaginosum phlegma, seu fœcem tartaream plurimam continebat *κύστις*, veluti iners actionisque omnis expertus quoddam additamentum. Quod præter eam separationem, quæ ab ipsa urinæ substantia fiebat etiam conditione suæ substantiæ membranofæ, fundebat viscidum excrementum, non minus quàm ipsa vesica vel calculo irritata, vel urinæ mordaci sale corrosa, eodem planè modo, quo puncti limaces, salivam ex proprio corpore in se contracto, expressione rejiciunt, viscida esse solent spermaticarum partium, in primis verò membranarum, excrementa. His positis, & diligenter perpensis haud obscurum est, quænam fuerint symptomatum causæ, quibus vir tantus ad acerbam & crudelem necem excarnificatus fuit. Sed cur inter mejendum oleti faciendi cupiditas, quæ ut plurimum, grandioris calculi vesicam occupantis est signum *παθολογικόν*; cur ano incumbens pondus, quod fallaci conjecturâ vel oculatissimis Medicis imposuit? Nempe ab ingenti *πυρετικῷ* tumore, quarum corpus inter mejen-

mejendum intestinum rectum premebat, & gravitate molestum naturam ad exonerandam alvum sollicitabat, idque eò violentius, quòd pari nisu per muscutorum abdominis introrsum factam contractionem comprimendo, urina & crassiores fœces exprimantur. Tumor autem istarum glandularum, an fuit naturalis in homine, cui vasa spermatica ampla, & qui plurimos suscepit liberos? An verò eum fecit urethræ contractio, colli vesicæ violenta sursum attractio, quæ latitudini addidit, quod debuit longitudini? An dolor, calorve, quorum proprium est, ad partem affectam trahere, multò magis ad glandulas, quæ laxæ, molles, spongiosæ, ad recipiendum pronæ, expellendum sunt ineptissimæ? Tot tantorum malorum hydram non potuit non consequi mbrs, quæ multorum accidentium populosa catervâ stipata, lento pede, virum feliciter extingui dignissimum tandem jugulavit. Hæc habe, clarissime Vir, à tuo Brovardo.

R A P H A E L I S T H O R I I

E P I S T O L A

D E

I S A A C I C A S A U B O N I

M O R B I M O R T I S Q U E C A U S A .

VIr amplissime, nescio quo pacto sensim delabor in pigritiam, nec forsan adhuc arripuissem calamum, nisi dolor adegisset acerbissimus ab extincto magno literarum lumine, CASAUBONO, quem tabido morbo liquefactum rapuit prima dies Julii. Dysuria diuturna confecit florem Doctorum, ex causa abdita, vix antea visa, vel audita. Signa omnia calculum in vesica attestabantur & mentiebantur. Nam aperto abdomine pro calculo inventa est vesica monstrosæ conformationis ab utero matris. In sinistro latere vesicæ prominebat *ἐκφυσις* vastæ capacitatis, sese attollens usque ad sinistrum os ilii, ejusdem substantiæ continuæ cum ipsa vesica, ut videri posset altera vesica naturali adjuncta. In eodem sinistro vesicæ latere foramen erat ejus magnitudinis, ut facile admitteret quatuor digitorum apices, pervium à vera vesica in adnatum saccum, quo refluebat lotium; ubi diutius retentum, putredinem, inflammationem, tabem & interitum tandem attulit. Accessit & renis dextri purulentia, unde aucta perniciēs restagnante illis in locis fœdissima illuvie. Hinc orificium vesicæ interius tumefactum ex assiduo conatu, hinc viæ angustiores, hinc refluxus totidem ferè in venas; hinc spirituum infectio, & postremò animæ purissimæ ab importunis fœtoribus profligatæ exitus placidissimus. Quæres, & bene, quid potuit vivere ad eam ætatem cum organo necessario tam malè conformato? Accipe responsum. Illa *ἐκφυσις* in primo ortu toto ambitu contingebat vesicam proximè, & foramen illud pervium occludebat, ut loco naturali moram faceret urina ad debitam emissionem. Progressu verò temporis continuo urinæ appulsu, & fortè longiore retentione, (ut attentis ad seria quandoque contingit) membrana illa adnata abscessit paulatim ab illo ostio, inque diem magis ac magis in ventrem accrevit, (ut videmus superfluas partes incrementum faciliè suscipere) donec sex vel septem postremis vitæ annis esset saccus ille pro urinæ alveo secundo; unde pars tantum urinæ aliqua regurgitabat in vesicam, & inde in ureterem, residuo semper aliquo fluctuante in illo marsupio: nam ab illo tempore conatu fuit opus ad exprimendum lotium. Ejus rei magnum argumentum est, quòd veræ vesicæ corpus contractum erat densius quàm pro naturæ modo, profundis rugis inæquale ex defuetudine dilatationis. Ex ea partium ad excrementorum expulsionem perturbatione, omnis corporis œconomia collapsa est, & vir magnus inter leti cruciatus extinctus per dolores ad astra penetravit, eà constantia & alacritate, ut spectantibus omnem mortis metum expectoraret. Dabam Londini, anno CIO IO CXIV. Idibus Julii.

E J U S.

E J U S D E M
DE MORBO ET MORTE
ISAACI CASAUBONI
N A R R A T I O.

Quàm ardua sit Artis Medicæ cognitio, vel ex eo constat, quòd negotium ei est non modò cum naturæ sapientia, sed etiam cum delirio. De monstris loquor, naturæ sive errore, sive ludo editis, quorum ea est varietas, ut nullâ lege, ea multitudo, ut nullo possint numero comprehendi. Illa si in abditas humani corporis partes incidunt, quarum usu vita nequit carere, affectus generant incognitos, enormes, quorum nec causa inveniri, nec remedium potest excogitari; artificem, dum latent, labore immenso & inani vexatum accusant imperitiæ, donec in lucem data eum absolvant. Ejus rei exemplum singulare dedit nobis homo singularis exempli, ISAACUS CASAUBONUS, longiore vitâ & fato molliore, si Deo visum fuisset, dignissimus, cui cum proprias homini partes excellenter natura fabricasset, ingenium, judicium, memoriam, in nonnullis, quæ nobis cum brutis sunt communes, ipsa hallucinari visa est, studio an casu incertum: certè in ipso delicto magna providentia eluxit, quæ vitio formationis, non sine aliquo commodo abusa, hominem cum miraculo in satis grandem ætatem servavit, at tandem exitio invita tradidit. ISAACUS CASAUBONUS, vir ad doctrinam formatus, corpusculum nactus erat tanto ingenio impar, non tamen ad obscunda animi imperia ineptum: color citrinus, macies, niger pilus, oculus cavus, sed vividus; omnia calidi, sicci temperamenti indicia; vigil, sermonis promptissimi, irasci facilis, in agendo vehemens, bilis notæ haud dubiæ, quæ omnia intenderat labor nunquam intermissus, somni parsimonia, animi perpetua contentio, magna voluptatum abstinencia, corporis neglectus, in potu & cibo ἀσφύα. In tali apparatu vix esse poterat valetudinis constantia, nec erat sanè: nam ex spirituum squallore & impetu febris opportunus cum esset, actionum offensam incurrebat frequenter, quam nec si cuperet, dissimulare poterat. Sed homini sui negligenti, in studiis attento ne conquerendi quidem otium erat, nec animus, adeò ut non nisi increpantibus amicis, & viribus deficientibus ægrotare se crederet. Ita comparatus dum urget propositum, vitæ curriculum ad metam accelerat; & non longum ævum sibi auguratus, tantò acrius stimulos inculcat, exemplo viatorum, qui declinante die & procul adhuc hospitio celeritate compensant residuæ lucis brevitatem: hoc consecutus tanto ardore, ut & vitæ actum ultimum citius pertransiret, & immortalitatem effrenis animus maturius attingeret; nam infirmum corpus heri imperiosi mandatis inquietum, paulatim concussum, subito tandem concidit, suæque ruinæ æternum memorix monumentum exstruxit. Verùm quoniam non longa ejus mihi fuit notitia, attingere libet ultimi tantum quadriennii historiam, quo novus Britannix hospes sanitatis suæ curam mihi credidit. Primo aspectu obstupui in tam humili hospitio tam excelsam sapientiam habitare; sed ex vultu de sanitatis incommodis ominatus, dolui tam brevem ejus boni usuram portendi; veritus ne, ut accidit, odio quietis, laboris dulcedine, in novo studiorum campo, in tanti Regis oculis, homo impiger exsangue corpusculum cursu concitato ad æternam quietem præcipitaret. Præter occulta mala, duo illum incommoda apertè exercebant, tussis ex catharro falso ferè continua, febris intermissa, erronea, ἰκτερίδης. Utriusque materia erat spirituum & succorum acrimonia, occasio vigilæ & motus animi vehementes, qui tanquam flabella internum incendium augebant; utque ex spontanea insomnia tussis & febris, sic invicem ex istis agrypnia necessaria, squallente nimirum cerebro, & interpellato per sonos & motus pectoris violentos somno, quem aliqui à natura habebat levissimum; edebat tamen, bibebat satis liberaliter, &, ut reliqua, cum impetu. Verùm quemadmodum victimæ aluntur non ut vivant, sed ut festo die moriantur; sic ille pascebatur in candidam illam lucem, quâ innocens anima carcerem egressa in patriam remigraret, non auctis à cibo carnibus, sed suffecto tantisper ad vitæ lychnum oleo, donec præfixa venisset hora, quæ cælo mentem succi plenam, corpus tæbe absumptum terræ traderet. In illo itaque declinationis statu prope quadriennium vixit, si vivere est, in sinu gestare apertæ mortis instrumenta; vixit, inquam, & verius, quàm

quàm qui plenà sanitate felices præter vultus nitorem & abdominis amplitudinem nihil vitale præ se ferunt; tametsi ille nigris circumquaque oculorum antris, prominentibus genis, colore lurido, nutante pectore, toto denique vultu & gestu mortis faciem adumbraret. Nemo enim, absit verbo invidia, ætatis in flore & valetudinis fastigio præstitit, quantum athleta noster inter lentos ignes, suspiria, stillicidia, aliaque mortis satellitia, solo animi ardore & constantià incredibili fretus elaboravit. Non putabat scilicet decorum veri decoris æstimator stationem deferere, nisi ultimam auram expiranti: & velut invictus miles succilis poplitibus de genu pugnat irà valentior quàm viribus, sic ille longo cum laboribus & morbis conflictu fractus non animo, sed membris; non mentis acie, sed organis, ad ultimum usque spiritum in munere sibi perlistendum affirmabat. *Quid enim vultis?* (dicebat amicis quietem suadentibus) *aliam ut naturam hoc ævo induam? Parebo si jubetis; sed ambos pænitebit; vos consilii, me obsequii. Mihi antehac imperatum otium, à me quæsitum, sed conatu irritum, imò pernicioso; non enim morbo, sed morte gravior est desidia; nec unquam infelicis valeo, quàm ubi iners retracto corporis mala, & ex iis studiorum naufragium præsentio.* Nec verba erant; violentiam quandoque indoli fecit, in gratiam amicorum bello libris indicto, sed tanto cum naturæ fastidio & indignatione, ut rursus laxare frenum ingenio cogeretur, non enim magis poterat à studiis quàm ab aëris haustu prohiberi. Permissus igitur arbitrio suo, eodem pede vitam & incepta ad finem promovebat per ægritudines intestinas quotidie invalescentes constanti semper habitu, quasi animus nihil egens corporis ministerio ei vilitatem exprobraret, deque naturæ ipsius infirmitate triumphans sceleton suum non amplius ut organum, sed ut feretrum circumferret. Magnum opus & longioris animæ aggressus in vitæ crepusculo & deliquio valetudinis, Ecclesiasticæ Historiæ vindicias, quo veram Ecclesiæ faciem per singulas ætates describebat, deterfis fucis, quos vel ignorantia, vel superstitio, vel partium studium induxerat; arduum quidem opus & prope immensum, sed ad cuius consummationem nihil præter tempus defuit; supellex enim tot vigiliis & Scriptorum thesauris parta abundè suppetebat ad componendum industria, ad disponendum iudicium nusquam maiora; alacritas, assiduus labor, ne juveni quidem imitanda. Illud unum invidit sæculo tam illustre ædificium, quod ut Crassus per jocum Dejotaro objiciebat ipse joco dignus, *δωδεκάτης ὥρας οἰκδομήν ἔρχετο.* Sed homo ad æternitatem compositus, & mentis actionibus omnis & semper intentus, nec annorum numerum recolebat, nec corporis damna pensitabat, nec denique adventum senectæ aut sanitatis detrimentum sentiebat: more militum, qui in calore pugnæ nec vulneribus acceptis dolent, nec brachium aut crus abscissum sentiunt, nisi cum aut feriendi, aut incedendi vim ablata sibi vident. Postquam igitur hibernis vigiliis absolutum majoris pensæ specimen primum dedisset, quale nullus Apelles possit ad umbilicum unquam perducere, remisso tantisper studiorum impetu occæpit corpus suum intueri, admonitus importunis dysuriæ aculeis, & lento incendio aquam expetente, & pristinos somniculos profligante; tum exesis carnibus ossium compagem figuramque contemplatus & reliquis partibus flaccescentibus ventrem miratus in utrem augeri, agnovit conditionem vitæ brevis & molestæ. Tum auditus est deplorare non morbi tædium, non sævitiam doloris, non mortis viciniam; sed studiorum interitum, sed operis perficiendi spem mortuam. Crescebant in dies vesicæ tormenta, jam parietes ventrem faciebant, & aliæ ex aliis rimæ lapsum minabantur. Spectabant Medici amantes singularis ornamenti triste præfagium, omni diligentia, quâ dabatur copia, ruinam sustentantes; sed inani operâ. Malum enim inusitatum quale nulla ætas aspexit, nulla veterum aut recentium Scriptorum diligentia nominavit, illudebat eorum consiliis: pugna erat cum monstro, & latente, quod hinc magni lapidis faciem omnibus notis ostendebat, cum ne scrupus quidem esset, illinc aquam facco inclusam præter naturam ad sinistram ilium regionem mentiebatur, cum illud, quicquid esset, à natura ipsa esset. Verùm etsi in assignanda morbi materia & modo ex naturæ ipsius impostura esset aberratum, in prædicendo exitu vates fuerunt nimium veri; sive enim lapis foret in vesica, qui sectionem necessariò posceret, spes salutis nulla; talem enim tali tempore secare, non erat vesicam, sed jugulum petere; seu quidvis aliud inexploratae causæ nocumentum in eo virium omnium collapsu lateret, nullus patebat ad incolumitatem exitus. Quod ergo unicum restabat, Deo permissus & naturæ expectabat intrepidè animæ exitum inter suas voluptates, hoc est, libros & studia, quum ecce derepente scena intervenit, quæ ultimum tragiæ actum clausit. Invitante cœlo & amicis, feriatum iverat circa Id. Junii ad Aulam regiam quatuor à Londino millibus, vetus rhedà per duras pavimenti Londinensis salebras, quâ civitas longissimè protenditur,

non

non inusitato quidem & hætenus innoxio ausu; sed tum demum imminente fato nihil non erat ferale. Mensæ ergo admotus ad primas epulas simul cum ipsis lætitiæ verbis ex jucundo congressu amicorum fluentibus auditus est voce querula dolorem solito acerbius accusare, & vultu licet ad tranquillitatem coacto adstantibus magni mali opinionem iniecit, tumque tentatis venis febris comparuit, in eo casu levi semper ominis nuncia. Verum ut erat moribus commodus, & amicorum observator, conversis ad hilariora sermonibus, prandium sine querela, at non sine convivarum metu absolvit. Inde ad ambulationem in amœnum viridarium sponte sua deductus, inter colloquia erudita & lectionem jucundam cum familiaribus diem ad vesperam protraxit, composito semper ad hilaritatem gestu, quantum licebat per sævitiam morbi. Hinc domum petiit ejusdem viæ & vehiculi incommoditate, concussus illis in partibus, ubi morbus & mors consistebant. Lecto datus egit noctem immitem in ea tortura, quâ magnus ille cruciandi magister Tiberius scientiæ specimen amicis dare solitus erat, restrictis lotii meatibus, & retrò pulso ad caput suum sædo flumine. Tum demum accepto vadimonio intellexit transferendum aliò mortale tugurium, & de stabili domicilio cogitandum. Inest enim eo tempore præfagus quidam vitæ desinentis sensus etiam plebeis animis, ita scilicet dispensante Deo, ne tanquam mali familiæ patres longum iter rebus inordinatis capeßamus, aut vitiis sordidi sine advocati præsidio illotis vestibus ad rerum capitalium Judicem accedamus. Mane converso ad Medicum sermone: *En, inquit, nostræ festivitatis epilogum? Theophrastus* [addit] *in assidua studiorum contentione centesimum annum egressus erat, invitatus ad nepotis ex fratre nuptias, unum & alterum diem seorsim à libris inter ludicra perdiderat, qui fuit ei studiorum ultimus; nam in morbum prolapsus citò expiravit. De me quid futurum sit, constituit Dei providentia; sed si mihi sit moriendum, si in his doloribus perdurandum, studiorum excidium prævideo: quicquid autem illud erit, letus & libens tibi parebo, Domine.* Ita loquutum magnâ alacritate, quæ illum ne in ipso quidem agone deseruit, bene sperare jussit Medicus, & refutato Theophrasteo omine, de vita & valetudine, ut cogitaret, oravit, fore ut dolorum acerbitas apto remedio demulceretur; simulque balneolum suavit, sed prius ad febrem & vesicæ ardorem detracto sanguine. Inde aliquantum remisso cruciatu in ipso labro sedens, gratias agebat Deo tam effusâ animi lætitiâ, ut videretur oblitus laborum, & securus futuri, magno certè veræ fortitudinis & humilitatis Christianæ documento. Quippe qui exquisita tormenta velut silentio admorsis tantum labris perferret, ad brevem dolorum remissionem exultabat, & in Dei laudes pro eo beneficio totus effundebatur. Intelligebat enim vir humanarum & divinarum rerum scientissimus, adversa nobis ex merito, secunda ex Dei gratia obvenire; in illis Dei justitiam, in his benignitatem elucere, contra quam solent molles & φίλαιοι, quorum frequens est cum Deo de pœnis vel levibus expostulatio, beneficiorum autem ingentium alta & pudenda oblivio. Alternis igitur ἀναπαύσις καὶ παροῦσι momentis suspensus in dies ad summam diem procedebat, ut nimium certis indiciis constabat; qualia erant fætor, & pus in lotio multum, febris incrementum, sitis ἀσβεστος, odor ex ore malus, vultus hominis jam mortui, sudor toto corpore abundans, frigidus, pinguis, lentus, quo se videbat lychni instar sensim absumi, sine ullo tamen perturbationis vestigio; tantum ad dysurix exacerbationem gemebat interdum, verum continuato molestiæ & obdurato sensu omisit etiam gemitus, ut crederetur ab hospitibus expers doloris, nec nisi rogatus de malo suo verbum faceret. Sed & alta rerum cœlestium meditatio totum hominem tenebat, ut non vacaret aut dolere, aut queri. Laus, me iudice, conferenda cum veterum Martyrum gloria; neque enim equulei tortura, nec stylorum aut ungularum lancini, aliaque crudelitatis instrumenta atrocius discruciant, quàm nervorum in corporis centro incendium, aut falis, quidquid attingit erodentis, lixivium, partes exquisiti sensus assiduis puncturis vellicans; utque strenui illi veræ pietatis satellites pro Dei gloria contra fictæ Religionis imposturas constanter animam per tormenta effundebant; sic ille pro tuenda Christianæ fortitudinis dignitate adversus ingenii humani molliem, sæculi delicias, mali dæmonis fufurros obfirmato animo victor ad ultimum usque spiritum inter acutissimos cruciatus depugnavit. Post velitationes ventum erat ad pugnam statariam cum hoste omnium maximè terribili, & vox militem nostrum ardore, siti, conatu raucum reliquerat; non sermo, qui exilis aure propiore audiebatur, & quia laboriosus, ideòque seriis rebus destinatus, nihil terrenum sonabat, sed perpetua de Deo & cum Deo colloquia, quæ animi summam tranquillitatem indicabant, nullo rerum mortalium desiderio affectam, nisi quòd subinde leviter deplorabat Historiæ Ecclesiasticæ opus ad Dei gloriam & Christianam concordiam inchoatum, non absolutum relinqui. Sed statim increpabat

verborum insolentiam, ne quid præter Dei arbitrium optasse videretur, quasi veritus esset penuriam hominum, qui simili studio Dei regnum procurarent. Itaque ordinatâ familiâ, vale amicis dicto, consecratis manu extremâ uxore & liberis, in lætitiæ signum laudabili exemplo clausit vitæ historiam solenni illo epulo, quo Servator mundi vitam positurus testatam voluit & suam cum suis & suorum inter se unionem. Si enim mos est amicis paulò longius aut diutius peregrinaturis in discessu cum familiaribus ad benevolentiae vinculum lautius convivari; non putabat intempestivum vir ad pacem natus, in magno illo ad cœlum itinere divino prandio suam cum universo Christianorum cœtu conspirationem in fide publicare. Sic mensâ remotâ, actis gratiis, conceptâ precatatione per amicum præsentem, mortuæ dexteræ ministerio nudato capite, ne unquam deessent membra ad Dei cultum, errantem summis labris animam in manus sui Creatoris feliciter vir maximus exhalavit; qui cum in omni vitæ labore supra fidem prodigioso virtuti & sapientiæ strenuam dedisset operam, omnium bonorum applausu celebratam; supremo tamen facinore mortis tam bene obitæ memoriam antea vitæ velut eminenti fastigio coronavit, dignus Heros, quem præsens ætas, quem postera admiretur, colat, imitetur.

RAPHAEL THORIUS.

Ex ejus itaque prorsus incognito, nec ferro, nec medicaminibus curabili multorum mensium morbo post varios cruciatus ineffabiles, mortuus ipsis Kalend. Jul. c13 13 cxiv. in Westmonasteriensî Templo conditur, hoc Epitaphio dignissimo donatus:

E P I T A P H I U M.
ISAACUS CASAUBONUS,

(O DOCTORUM QUICQUID EST, ASSURGITE
HUIC TAM COLENDO NOMINI)

QUEM GALLIA REIP. LITERARIÆ BONO PEPERIT.
HENRICUS IV. FRANCORUM REX INVICTISSIMUS
LUTETIAM LITERIS SUIS EVOCATUM BIBLIOTHECÆ
SUÆ PRÆFECIT. CHARUMQUE DEINCEPS DUM
VIXIT HABUIT. EOQUE TERRIS EREPTO. JACOBUS
MAG. BRIT. MONARCHA, REGUM DOCTISSIMUS,
DOCTIS INDULGENTISS. IN ANGLIAM ACCIVIT.
MUNIFICE FOVIT. POSTERITASQUE OB DOCTRINAM
ÆTERNUM MIRABITUR.

H. S. E. INVIDIA MAJOR.
OBIIT ÆTERNAM IN CHRISTO VITAM ANHELANS
KAL. JUL. c13 13 cxiv. ÆTAT. LV.

VIRO OPT. IMMORTALITATE DIGNISS.
THOM. MORTONUS EP. DUNELMENS.
JUCUNDISSIMÆ QUOAD FRUI
LICUIT CONSUETUDINIS
MEMOR PR. S. P. CV.

c13 13 cxxxi.

QUI NOSSE VULT CASAUBONUM,
NON SAXA, SED CHARTAS LEGAT,
SUPERFUTURAS MARMORI
ET PROFUTURAS POSTERIS.

ALIUD,

A L I U D,

Sive verum, sive fictitium, dignum tamen quòd adscribatur, suppeditat
FRANCISCUS SWEERTIUS, Antverpianus, in Epitaphiis joco-seriis,
quæ collegit, pag. 86.

HOSPES. SI PROFANUS. ES. CAVE.
LAPIS. QUEM. CALCAS. UNIO. EST.
PRETIOSUS. INQUAM. LAPIS.
SURDUS. ES?
JASPIS PRÆ ILLO LUTUM EST.
TOPASIUS. VITRUM.
ADAMAS. VERRUCA:
SMARAGDUS. CARBUNCULUS. PYROPUS.
NUGÆ. QUISQUILIÆ. FESTUCÆ.
NIHILI.
HIC. ENIM. ISAACI. CASAUBONI.
RELIQUIAS.
INCLUSAS. TENET.
TOTUM. DIXI. ABEI.

Mores, indolem, genium, studia tanti viri justis coloribus depingendo lubens fateor me imparem. Paucis tamen dicam ipsum nihil æquè in votis habuisse, ac primò se sua- que studia probare principibus in Republica literaria maximè viris, etiam de facie ne quidem notis, quòd ab ineunte ætate optimus parens cum docuerat (a), imò si fieri posset, ab omnibus amari, nemini esse odio (b), deinde literas ipsas ac eorum cultores ex animi interiore sensu colere (c). Ex iis verò paucos, at doctos atque pios (d) tantum sibi familiares reddere omni laborabat modo. Quos elegerat omni officiorum genere diligenter observare (e), monentibus meliora, quod ut facerent ipse rogabat (f), facilè obsequi (g). Inter amicos, (quorum alii ipsum sollicitaverant, ipse aliorum petierat amicitiam) habebat in Gallia, quæ noverca semper fuit ingeniorum pacis & quietis amantium (h), trigam (A) doctorum, Achillem Harlæum, Petavium, Jac. Aug. Thuanum, Philippum Canaium à Fraxinis, Jacobum (B) Gillotum, Curia Senatorem: Josephum Scaligerum, Daniele Heinsum, Hugonem (C) Grotium in Batavia; Jacobum Bongarsium, Mich. Georg. Lingelshemium, Marcum Velferum in Germania; ut fileam multos alios, etiam Pontificiæ Religioni addictos, vel in ipsis Cœnobiis Parisinis nonnullis, exceptis tamen Augustanis Sodalibus, quibuscum nulla ei umquam fuit consuetudo, vel usus (i). Amicos autem tam religiose colebat, ut, si quando in

corum

(A) Trigam doctorum.] Trigam, opinor, verorum amicorum hic habemus, Harlæum τὸν μίαν, Thuanum & Petavium. Cæteri omnes ἱεὺς ὁδῶν & φίλοι, linguâ factiosi. Is. Casaub. Epist. 225.

(B) Jacobum Gillotum, Curia Senatorem.] Qui hisce de Casaubono ad Joseph. Scaligerum *: Monsieur CASAUBON soupa hier avec moy, qui l'ay fort conformé, & sommes encorés icy assez de gens admirateurs de luy, & honorans sa vertu. Pour l'assûrer qu'il ne manquera de rien, je suis certain, qu'il se contentera de vous. Il m'a prie de vous faire ses excuses pour ce voyage; il est empesché à demenager, pour aller en ce nouveau logis. Quoy que nous puissions faire, nous ne le meritions pas, ny ne le meriterons jamais, & je ne scay, si la France est digne d'un tel homme, soit que l'on regarde sa doctrine, soit ses mœurs. J'auray l'honneur & le bien de le voir souvent, & profiteray en sa compagnie. Jamais je ne me separe d'avec luy, que je n'en vaille mieux. * Epître Franç. à Mr. de la Scala, pag. 105.

(C) Hugonem Grotium.] Casauboni gaudeo à te mentionem fieri, cujus ingenium verè apertum ac

probum non minus ego semper veneratus sum quàm raram eruditionem. Quàm mihi amicus fuerit, satis testari poterunt literæ, quas nuper in Batavos misi, cum editio ejus Epistolarum adornari diceretur. Dixit mihi ipse eum Londini quotidie simul essemus anno hujus sæculi XIII. se post migrationem è Gallia omnes illas militares literas ex animo abjecisse, quarum incitamentum illi fuerat Regum idem ac militum maximus; translaturum verò in Britanniam studia quoque se eo transtulisse, quò vergeret animus Regis, cui non tam arma quàm pax & Religio cordi. Deinde is erat Casaubonus, qui nihil parati penes se haberet, nisi in memoria, & si forè in oris librorum aut brevibus schedis Sibyllæ foliis. Itaque in Polybium Notas nullas habemus, nisi in librum primum, & has quoque non perfectas, quæ post editum ab ipso in angusta forma Polybium, cum minoris figuræ edito prodierunt. Nec in Ælianum quicquam ipsius est. Porphyrogeneti liber prorupit: sed non ipsius munere. Grotius Appendic. Epist. 184. ad Joachim. Camerarium.

- (a) *Epist.* eorum scriptis peccata deprehendisset, semper dissimulaverit (a), tantum abest, qui mos
521.
(b) *Epist.* Loiolitis, illorum manes sollicitaverit (b). A jactatione atque ambitione planè alienus,
511.
(c) *Epist.* admodum humiliter de suis sentiebat studiis (c). Litium, injuriarum, calumniarum-
173. 570.
608.
(d) *Epist.* que quòd fuerit fugitans, pacisque è contrario amantissimus (d), evidentissimè patet ex
747.
(e) *Epist.* eo, quòd semper stylum ita temperavit, uti si bonorum studia mereri non potuerit,
548.
(f) *Epist.* odium certè non sit meritus (e). Dicta confirmat vir clarissimus, David Paræus, cum
548.
(f) *Epist.* Jano Grutero, viro celebri, calumniandi pruritus exprobrans, hæc de eo narret (f):
548.
(f) *Epist.* Memini ante hos præter propter annos duos & viginti coram mihi narrare, *Virum omni*
548.
(f) *Epist.* *eternitate dignissimum*, ISAACUM CASAUBONUM τὸν μακροχρόνιον, cum mentio for-
548.
(f) *Epist.* tean injecta pestilentis κατὰ σήμερον, quâ hoc sæculum proprie laborare videbatur, & ANIM-
548.
(f) *Epist.* ADVERSIONUM quoque sermo fieret *Adversarii mei*, quas scripsit in *M. Annæum Sene-*
548.
(f) *Epist.* *cam*, serio affirmare, nullo alio argumento se absterritum ab earum lectione, quàm quòd mihi
548.
(f) *Epist.* inciviles nimis λοιδορίαι in gravissimum Jurisconsultum, virum ceteroquin innocentissimum,
548.
(f) *Epist.* deque Republica literaria bene merentissimum, singulis prosterent pagellis. Quàm longè quo-
548.
(f) *Epist.* que à nefando vitio, fordida avaritia, quam ei impurus Græculus Cretensis, & Andreas
548.
(f) *Epist.* Schottus (g), vir licet honestissimus, exprobrabant summam, significat ipse Josepho
548.
(f) *Epist.* Scaligero (h): „ Sum, inquit, otii amantissimus, neque aliud à Deo Opt. Max. exo-
548.
(f) *Epist.* „ pto, quàm ut in alta & profunda quiete, quod superest vitæ exigere possim, & simul
548.
(f) *Epist.* „ charissimis pignoribus meis consulere; non ut divitias illis congeram: abest à me
548.
(f) *Epist.* „ ὡς πρὸς πᾶσι illa cura; sed ut olim post funus nostrum sit unde honestè & liberaliter
548.
(f) *Epist.* „ educari possint. „ Quin imò diligentius removel hanc calumniam scribendo (i),
548.
(f) *Epist.* „ Clamant, perditissimis moribus esse me, pecuniæ ἐξυλισσέμενον mancipium; neque vi-
548.
(f) *Epist.* „ dent, si venalem conscientiam habuisssem, & Lutetiæ & Romæ emtorem potuisse me
548.
(f) *Epist.* „ reperire. „ Et (k): „ Ego si aurum pluris quàm pietatem fecissem, hodie in Anglia
548.
(f) *Epist.* „ non essem. „ Nam anno CIO IO XCIX. Romam non semel magnis optimisque con-
548.
(f) *Epist.* ditionibus fuit invitatus, testibus, quas diligenter custodiebat, Cardinalis Baronii lite-
548.
(f) *Epist.* ris (l). Ast ipsi à puero fuerat persuasum, eam (Romam) esse sedem τῆς μυστηρίου τῆς
548.
(f) *Epist.* ἀδικίας. Itaque bonis & suæ salutis amantibus nihil posse aut debere esse commune cum
548.
(f) *Epist.* illa ἐπιταλὶσθαι λυκιδῶν matre (m). Nec mirum quòd abhorruerit ab istis conditionibus,
548.
(f) *Epist.* cum omnes vigilias suas amoris veritatis in quocumque genere literarum semper impen-
548.
(f) *Epist.* derit, non λογεμαχίας πρὸς ἐπιδείξιν comparatis (n), ac unicè investigarit primævam Ec-
548.
(f) *Epist.* clesiam, cujus consensum faciebat magni (o). Liberos si quis alius adeò singulari amore
548.
(f) *Epist.* complectebatur, ut si unus ex iis decederet, dolorem ex morte susceptum continuò in
548.
(f) *Epist.* amicorum sinus deposuerit (p). In iracundiam agnoscit ipse se fuisse pronum (q), sed
548.
(f) *Epist.* omni conatu laborasse ut hunc supprimeret affectum. In tuenda fide fuit diligentis-
548.
(f) *Epist.* simus. Novatores, & qui nimia prophetandi libertate utebantur, quique Sacram Scri-
548.
(f) *Epist.* pturam ex libidine sua interpretabantur, &, quidquid suis interpretationibus non con-
548.
(f) *Epist.* veniret, falsum atque impium putabant (r), summo in odio habebat.
548.
(f) *Epist.* Religionis, cui erat innutritus, veræ erat tenacissimus, neque vi vel maximâ à veteri
548.
(f) *Epist.* Ecclesia sinebat se abduci, cujus simplicitatem, veritatem ac consensum, laudabat, cole-
548.
(f) *Epist.* bat, tuebatur (f), nullam privatam fovens opinionem. Pontificiorum ante alios ex-
548.
(f) *Epist.* secrabatur errores (i), quemadmodum & vanam sui sæculi gloriam. Quando enim Oxo-
548.
(f) *Epist.* nientis Academiæ Doctores, quo Bibliothecæ Bodleianæ visitandæ, nec non cum claris-
548.
(f) *Epist.* simo viro, Joanne Prideaux, Regis jussu, qui Casauboni defensionem contra Joannem
548.
(f) *Epist.* Endæmonem Cretensem suscepit, colloquendi gratiâ excurrisset, Casaubonum vellent
548.
(f) *Epist.* magnificis titulis ornare, eas constanter repudiavit omnes, contentus tantorum virorum
548.
(f) *Epist.* benevolentia (v), quemadmodum, quod suprâ monuimus, etiam Præbendarius fa-
548.
(f) *Epist.* ctus (w), Regem petiit, ut omnibus relictis cæremoniis, tacitus ac quasi privatus in
548.
(f) *Epist.* illorum ordinem reciperetur.
548.
(f) *Epist.* Studia à primis ætatis annis coluit diligentissimè. Firmiore quamvis præditus memo-
548.
(f) *Epist.* riâ, quæ ipsa in senectute suppeditabat ante triginti annos lecta (x), plures tamen con-
548.
(f) *Epist.* fecit *Adversariorum* (A) libros, in quæ digna animadversione ex libris, quos novos
548.
(f) *Epist.* statim

(A) *Adversariorum libros.*] De iis ista Mericus filius; quæ mihi suppeditavit vir clarissimus, Richardus Parkerus: Beatae memoriæ parens, Isaacus Casaubonus, præter Curas (ingens opus, de quo nos alibi in *Pietate*, pag. 110.) Polybianas, & institutam de *Re Vestinaria* Commentationem; item

Observationum Sacrarum & Ecclesiasticarum voluminem unum, & alia nonnulla; reliquit *Adversariorum* (ut divisit & indigitavit ipse) Tomos sex: omnes propriâ manu, sed non eadem librorum formâ scriptos. *Primus* & *secundus* Tomus uno (ut vulgò loquimur) in 4. libro continentur; *tertius* Tomus, fa-

tis

statim devorabat (a), extemplò consueverat referre (b), quò posset plenius, quæ alta cogitabat, ardua ac magna (c) perficere. Verùm voti compos, uti ipse ait, numquam

et alioqui spissus, in 16. descriptus est: quartus in 8. quintus in 4. sextus denique in folio sine ullo tegumento. Quid præcipuè singuli & quo ordine contineant, sequens eorum recensio indicabit.

MERICUS CASAUBONUS.

ISAACI CASAUBONI

Adversaria Manuscripta.

K. * In 4. incipit, *Index quorundam in duobus Adversariorum libris*, &c. Sunt autem Miscellaneæ, & ex omni Scriptorum genere sub certis titulis congestæ Observationes.

Item Excerpta (cum propriis passim censuris & observationibus) ex

Libris quibusdam Judaicis, Ritualibus & aliis. Cassiani Collat.

Epiphan. de Prophetis.

Palladii Hist. Laus. & Theodor. Græc.

Item Plin. Epist. Mamert.

Tacito de Vita Agricola.

Augustino de Civitate Dei.

Quintil. Declamation.

A. † In 16. incipit, *Libri querendæ*, &c. Continet

De Academia & eò pertinentibus.

Item de Critica.

Item Excerpta (pleraque cum censuris &c. ut supra)

E Codice Theodosii.

Liturgiâ Æthiopicâ.

Miscellanea eorum, quæ ad res vel personas Ecclesiasticas pertinent, è Patribus & aliis Scriptoribus.

Alexand. & Alexand. vocabula, vel aliàs rara.

Chrysostomi peculiare voces.

Ex Eustathii Epist. & Pall. 148.

Item Manuscriptis Græcis; item Palæphato.

Astrampsychi Geomantia & aliis Divin.

Hebr. & Arabica quædam.

Nummi Turcici.

Columna Trajani.

Notæ in Epistolas ad Atticum.

Ex Gregorio Nazianzeno.

Pap. Muscipula.

Ex Artemidoro.

Hebraica Inscriptio Theveti Cosmographi.

Ex Dionysio Halicarnass.

Hippocrate.

Marino de Procli Vita.

Jul. Solino.

De miraculis ætæ.

Ex Eusebii Historia Ecclesiastica.

Item Socrate & Theodoro.

Gilda Sapiente.

Jul. Toletani ætæ.

Idiotæ Contempl.

Bibliotheca Patrum.

Gregor. Nazianz.

Aristæ.

Ephrem Syro.

Libanio.

* Advers. v. 4. & 5.

† Advers. Tom. 4. f. 5. & 6.

Χαρακτήρες λόγων fusè è

Dion. Halicarn.

Cicerone.

Longino.

Postello.

Procopio.

Paulo Diacono.

Photii Biblioth.

Actuario, ubi de Notis βραχυγρ. Gr.

Suida.

Chrysostomo.

Ignatii Epistol.

Conciliis Græcis.

Firmico.

Clemente de Vita Petri.

Item Hemil. quib. Græc.

Zachariæ Gr. de Gradibus Cognationum.

V. † In 8. incipit, *De Surio & Lipom.*

De Gratiano.

Excerpta è Paulo Veneto.

Amplificatio potest. Pontif. per certa capita.

Index Auctorum è Batonio.

Excerpta è Baronio per singulos Tomos cum propriis passim Observationibus.

Omnes Episcopi omnes Oecumenici quodammodo, accuratè per certa capita.

Excerpta ex Pachym. de Vita Chrysost.

E Nupo Script. Græc. de Ritibus Græc. circa ἑχασ.

De Purgatorio quædam.

Excerpta ex

Nathan. Chomno.

Concilio Ticinensi.

Froissardo.

Manuscripto Reg. Bibl. viz.

Joh. Papæ Epistol. ad Photium.

Cyrilli ad Acacium ἐπὶ τῷ ἀπομυστ.

Τὰν ad accuratum Tractatum de Eucharistia cum proprio Indice.

Inter alia, ex Dionys. Areopag. & de ipso fusè.

N. † In 4. incipit prid. Non. Decemb. stylo Lit. 1. Advers. Tom. 4. f. 5. & 6.

Continet

Observationes ad Psal. 119.

Excerpta ex

Chrysostomo de Articulis Fidei.

Actis Concilii Chalcedon.

De Christi Geneal. apud Matth. & Luc.

Rainoldo de Idolol. Rom. Eccles.

Libro Hispanico de secunda Monarch.

MS. Græc. Oxon. ubi Choniatis Thes. Fid. &c.

Τελεσθία, Rituali Græco.

MS. Comm. Basil. in Esaiam.

Espenczo in Timoth.

De Fero.

Fides Orthod. Patr. de ἑχασ.

Alio Rituali Græco.

Osiandri Harm. Evang.

Warheddi Oxon. de Incorr. Hebr. Cod.

Laur. Systegæ Chronol.

Ephrem Syro.

Suiseth Calculatore: sunt Physica quædam de Elem. &c.

De

quam fuit factus, quoniam animo ac voluntati enitenti defuerunt præsidia, otium, ingenium (a). In primis verò continuis migrationibus ex urbe in urbem, inque iis de domo in domum (nam septies minori quàm septem annorum spatio supellex libraria circumlata est (b)), haud exiguum studia passa sunt detrimentum. Humaniores literas licet præcipuè tractaret, Historiæ amans veteris (c), tamen quæ ad sacra spectabant, haud minore excoluit diligentia (d), quandoquidem fructum suorum laborum putabar in omnibus veritatem investigare (e), studiosis literarum prodesse (f), & gloriæ Dei inservire (g). Quamquam autem quod & clarissimus Vir, Dominicus Baudius de se testatur (h), majore cupiditate raperetur legendi quàm scribendi (i), nihilominus amici ipsum indefinenter impulerunt, ut quæ in optimos utriusque linguæ Scriptores collegerat doctissima, cum orbe literato communicaret, quod quàm facile, quàmque frequenter fecerit, indicant ea, quæ suprà enumeravimus, quando quid singulis ferè annis ediderit, quæque pollicitus sit adhuc suppressa inchoatave Commentaria recensere-mus, à Merico filio paucis indicata. Eo autem ex ordine excidisse observavi *Commentarium* in venustissimum Poëtam *Musæum*, cujus meminit Daniel Paræus in Notis ad

De Tostato. Item Serrano & Masio.
Ad Bellarm. quædam obiter Observata.
* *Exstat* Epistola ad * Collinum contra Eudæm.
num. 763. Quædam ex pugillaribus transcripta.
Series Regum Assy. & Med. è MS. Gr.
Excerpta è 3. Concion. panegyr. in Loyolam.
Thom. Bosio. de signis Eccles.
August. sentent. de libero Arb.
Heidelberg. Theolog. sent. de Vorstii libro de Natura Dei.
Excerpt. ex Ambrosii Apol. S. Davidis, & aliis ejusdem libris.
Item alia *σποράδην*.
Voces & Phrases quædam peculiare, quæ in primo tomo Chrysostomi occurrunt.

† *Advers.* **B.** † In fol. incipit, Et hinc illud facile decidi potest, &c.
Tem. 4.
sive sex-
tus.

Continet

De potestate temporali Pontif. Roman. Baron. Anal. cum propriis observationibus & censuris.

Excerpta ex

Eusebio.
Cypriano.
Bernardo.
De posterioribus Papis ex Matth. Paris. &c.
Quædam Chronologica per Consules à partu Christi ad ejusdem ann. 100.
Item de Præsid. Syriæ.
De Sixto Senensi.
Incuria Patrum circa τὰ ἱερικά & φιλοσοφικά, nonnunquam & sacra.

APPENDIX ADVERSARIORUM.

T. 2. lib. incipit, Observationum & Emendat. ὅλη indigesta.

Continet

Notas in diversa Sacra Scripturæ loca.
Item Excerpta ex
Chrysostomo.
Athanasio.
Cyrillo Alexandrino, & deinceps ex diversis varia *σποράδην*.
Ex Ambrosio, quæ in Chartis insertis in 4.
Anastasio Sinaita.
Theodori Quæst.
Constitut. Apostolorum.
Balsamone in Canones.
August. de Unitat. & ejus Retract.
Ignatii Epistolis.

Z. In 4. & H. 3. & I. 3.
Continet

CURAS POLYBIANAS,
sub his titulis.

Τακτικῆς ὀνομασίαι. (sive propria rei militaris vocabula) Græcè, cum propriis Latinis sæpè: cum observationibus & explicationibus ad obscuriora quæque, ex Æliano, & Historicis utriusque linguæ per seriem Alphab.

Observatiunculæ quædam generales Rei Civilis, aut Militaris, per certa capita & numeros digestæ: numero 483. in H. 3. continuantur hæ Observat. ad numerum 528. ubi habes & illarum omnium indicem.

Miscellæ Observationes πολεμικαὶ apud Homerum. Index locorum priorum quorundam, & hominum in Polybio, & Livio, & aliis Historicis.

Quædam ὀνομ. πολεμικαί, ex Hesychio.

Ex Cæsare miscellæ Observationes.

Excerpta ex Constantini libro ad Fil.

Hebraicæ Observatiunculæ.

Rerum militarium miscellæ Observationes.

Vocum ἡ φρασ. Gr. cum propriis Latinis ex antiquis Scriptoribus συναρθ. Vocum compositarum, Polybianarum præsertim, vis & significatio. Item quarundam particularium vis & usus.

Locorum descriptiones aut appellationes.

Observ. quarundam vocum, quæ suis locis digerendæ.

Index vocum ἡ φρασ. Latin. rariorum, aut aliàs observand.

Ex Herodoto πολεμικά.

Index vocum καὶ φρασ. Polyb. accuratus.

Excerpta è Froiss. Histor. fusè.

Τὰν ad vitam Polyb. ubi & de Tacito multa.

Τὰν ad Tract. de ratione vertendi ex una lingua in aliam; & variis translationibus.

POLYBIUS Græcè editus Basileæ in fol. perpetuis ad margines Notis illustratus.

Y. In folio.

De Re Vestitaria, de Coloribus & Calceis Veterum.

De Lectis, & Veste stragula, Mappa, &c.

Cum tribus indicibus:

Græco rerum ad vestes pertinentium.

Mixto Colorum.

Latino rerum ad vestes pertinentium.

Item è Sacra Scriptura Observat. rerum, quæ ad hoc argumentum pertinent, accuratè.

ad eundem (A) Vatem (a). Circumferuntur tamen summā injuriā ac quā falsissimē (a) Pag. 37. ed. 1627. Itāco Casaubono, tamquam Auctori vero attributi libri duo, quorum alter inscribitur, *de Origine Idololatriæ*, quem ex professō refutat Mericus filius, cujus *Vindicationem pro Parente*, &c. multis incognitam viris doctis, recudi curavimus. Hunc ineptum libellum diu ante natum Casaubonum Gallico idiomate editum docet Cave. Alteri titulus est, *Isaaci Casauboni Corona Regia, id est, Panegyrici cujusdam verē aurei, quem Jacobo I. Magnæ Britanniæ, &c. Regi, Fidei Defensori, delineari, Fragmenta, ab Euphormione inter Schedas τῶ μακαρίτη inuenta, collecta, & in lucem edita*. Quo cum nihil sit flagitiosius, si quidem sub specie laudis optimi & pientissimi Principis, Regis vita, mores, scripta atrocissimis calumniis proscindantur, quod à gratissimo erga Principem viro Casaubono cum fuerit quā remotissimum, diu de vero istius libelli Auctore fuit disputatum. Erycius Puteanus (b), qui acerrimas *Stricturas* in Casaubonum edidit, fuit habitus Auctor, quod planē negavit, & editā Apologiam, cui epigraphe, *Russi & Gibbosi Crimen*, diluit, usque dum Casparum Scioppium istius nefandæ prolis esse verum parentem, posterior aperuit dies (c). Hanc nuper edidit Christianus Thomasius in *Historia sapientiæ & stultitiæ*.

Amorem in studia mirificum, innumeris omnis ævi viri clarissimi experimentis exemplifque comprobarunt, quæ etsi sciam varia ab Auctoribus tradita, attamen simile nostro Casauboniano me legere non memini. Ferunt Thomam Aquinatem infantem adhuc in cunis immodicè vagientem, exhibito ei libello confestim se continuasse (d); Joannem Franciscum Gropalum Genuensem ab ineunte ætate ita studiis deditum, ut omnem ei à parentibus lusu datam pecuniam libris impendisse (e); Antonium Caracciolum, puerum mensæ accumbentem, libellum è crumena protulisse, minimè parentis objurgationes verentem (f). Tradunt Antonium Possevinum adeo diligentem ac laboriosum fuisse, ut pedem noctu campanulæ adligaverit, quo mox atque obdormisset, à somno excitaretur (g). Sic Claudium Salmasium in Bibliotheca Heidelbergensi versantem tertiā demum nocte sololummodò obdormivisse (h). Quinimò Alphonsum, Ferdinandi filium, Regem Aragoniæ, morbo correptum, solā Quinti Curtii lectione recreatum à morbo convaluisse (i). Verū quis, quæso, tale excogitavit remedium? Ajunt Casaubonum, ne concubiā nocte somno corripere, oculis infudisse (B) acetum (k). Hisce fortassis pertinacissimis laboribus, vitæque sedentariā, ad exemplum Joannis Hentenii (l), Renierii Gemmæ Frisii (m), Joannis Hesselii (n), Robberti Abbatis (o), quos ex nimis laboribus in calculos incidisse scribunt, si quidem noster Casaubonus tenue admodum habebat corpusculum, etiam eundem in morbum incidit, quo ingravescente sævissimis cruciatibus emaciatus tandem miserè succubuit. Ingenii sagacitatem promptitudinemque colligere vel hisce ex speciminibus licet. Primā vice necdum instauratum ingressus Collegium Sorbonicum, jactanti cuidam, *Voilà une sale, où il y a quatre cens ans qu'on dispute*, acutè respondit interrogando, *Qu'a-t-on décidé* (p)? Sic eodem ex Collegio, ubi audierat quendam linguā tam barbarā theses defendentem, ut nullum assequutus esset verbum Latinum, egrediens aliquando dixit (q): *Je n'ay jamais ouy tant de Latin sans l'entendre*. Idem ferè eodem loco simili in casu de utraque lingua Græca ac Latina respondit, *malè καὶ κακῶς*.

Uxorem, quam duxerat, *Florentiam*, Henrici Stephani filiam, tam ardentem constanterque amavit, ejus virtutes singulares ita laudavit, ut iis secundum Deum adscribendum judicaret, quicquid illi literæ debent, aut sunt debituræ (r). Expertum enim se scribit quantum adjumentum sit studiorum grata & ὁμήρης uxor (s). Eā enim absente omnis rei familiaris cura ad ipsum redundabat, unde haud exiguum studiis detrimentum.

(A) Vatem.] Frontispicium *πλουτὶς* hujus Carminis à Nonno Panopolitano est, qui universum hocce venustissimum Poëmatum penè fecit; uti jam olim facile observavit magnus ille ISAACUS CASAUBONUS, *εὐλαστὶ καὶ ἰδρυαίωμα* politioris literaturæ, cujus acerrimo judicio elucubrata, & quasi Museo melle tincta dulcissima scripta,

Alterius famæ monumentis insita florent.

At verò nimis ἔγωγε ἀμνηστὴ καὶ ἔχω μαθῆν, quā temporis injuriā factum, ut aureum ejus Commentarium in hunc nostrum suavidicum MUSEUM

malè obscuraverit *λαῖπας ἀπὲς μαρτυρίαν νεώτερον*, quem tamen *πῶτις καὶ φάσις γλυκερώτερος* meus parens in Gallia suismet oculis manibusque, cum ad illum virum discendi gratiā frequentiusculè inviseret, usurpavit.

(B) Infudisse acetum.] Moïse Amyraut dans la suite de la dernière Partie de la Morale Chrétienne, pag. 161. Car celui qui pour imiter Casaubon, qui estudioit la plus grande partie de la nuit, se mettoit du vinaigre dans les yeux pour en chasser le sommeil, monstroient bien qu'il avoit de la générosité, & une grande affection pour les lettres.

- (a) *Epist.* 911. tum (a). Inprimis verò quia numerosam habebat familiam. *Florentia* enim illa egregiis florens virtutibus, omnium mariti ærumnarum fidissima consors (b), forti animo omnes omnium conatus malevolorum contemnens semper & ex animo execrans (c), (ipfi enim cordi erat quicquid sciebat marito cordi (d) esse) videtur Casaubono animum passim addidisse. Certè ter quaterve cum in Delphinatum ad socrum, tum Parisios, petitum mariti dilectissimi Bibliothecam, vel mediâ hyemis anni tempestate non sine vitæ discrimine, non sine plurimis itineris aërisque incommodis profectam ipse auctor est. Hicce accedit singulare, quod narrat, exemplum, illam a. d. xii. Kalendas Martias natali mariti die XLIV. (anno CIO IO CIII.) venisse ad ipsum, ac muneri loco obtulisse aureorum centum & amplius, quos prudentiâ suâ sumtibus seu impensis domesticis quotidianis resecat (e). Hoc præstitisse feminam hanc summopere mirandum est, cum ex Epistolis constet non tantum sæpenumero decubuisse graviter, sed singulis annis maritum incremento prolis fecisse letum parentem.
- (d) *Epist.* 903.
- (e) *Diar.*

Liberos quot Casaubono peperit fecunda Florentia, exactè non expresserim. Saltem vicies factum fuisse, ex Epistolis facilè demonstratu est. Pignorum nomina, quæ secundum nativitatis ordinem collegi, hæc sunt: *Philippa*, nata v. August. CIO IO LXXXIX. *Joannes*, natus . . . CIO IO XC. *Gentilis* seu *Joantilla*, nata . . . CIO IO XCVI. *Abigail* . . . *Elisabetha*, nata CIO IO XCVII. *Joanna*, nata . . . CIO IO XCVIII. *Mericius*, natus Genevæ XIX. Kalend. Septembr. CIO IO XCIX. *Anna*, nata IV. Nonar. Novembr. CIO IO C. *Paulus*, natus a. d. VI. Kal. Januar. CIO IO CII. *Carolus*, natus IV. Kalend. Octob. CIO IO CVII. *Maria*, nata IV. Non. Octob. CIO IO CVIII. & Regis Angliæ nomine insignitus (f) *Jatobus*, natus XIV. Kal. Novembr. CIO IO CXII. Horum omnium Mericius paterna premens vestigia nomen solus & stemmatis Casauboniani gloriam propagavit & sustinuit. Puer usus est præceptore Samuele Narano (g), Gymnasiarchâ Sedanensi; deinde Scholâ ac Magistris Anglis. Adolescentem parens cum vellet mittere Lugdunum Batavorum ad Joannem Polyandrum (h), Theologiæ Professore, formandum verò solidâ institutione Danieli Heinsio (i), jussu Regis Oxoniam legavit (k). *Ædis Christi* alumnus evasit anno . . . Studiis verò ita diligentem impendit operam, ut anno ætatis vigesimo primo magistralem promeruerit gradum; quo exornatus, inque Clerum deinde receptus, Ecclesiæ Cantuariensis Præbendam, nec non Rectoriam *Jackhamensem*, inde ad lapidem quartum acceperit. *Ætatis* anno trigesimo sexto unâ cum multis aliis Sacræ Theologiæ creatur Professor. Verum adductus Aulæ ac Regiæ familiæ belli civilis tempore utroque munere exiit. Quæ tamen restituto in statum pristinum serenissimo Rege Carolo II. munera recepit. Studiis suis plurimum obfuisse querebatur, quod patris Bibliothecæ pars haud contemnenda manserit in Galliis apud amplissimum Jacobum Augustum Thuanum, pars cesserit Bibliothecæ Regis Angliæ, adeo ut justissimè doleat per se numquam illam integram vidisse; imò addat suam quoque vigentibus intestinis motibus divenditam. Artes attamen liberales diligenter excoluit, imprimis literas Græcas; quare amico ad ipsum invidenti dixerit, se plurima Thomæ Stanleio in *Æschylum* suppeditasse, multumque in exponendo Marmore Arundelliano, quod Græca non intelligeret probè, juvisse Seldenum. Peritiam in Græcis, quâ patrem, quod præfiscinè dixerim, æquare visus non est, ostendunt Notæ in Auctores varios. *Epicteti Enchiridion*, *Hieroclem de Providentia & Fato*, *Diogenem Laërtium*, *Polybium*, atque *Antoninum* de se ipso ad se ipsum, quem à se in Anglicum sermonem transfusum & Notis illustratum dedit, in quas acriter invecus est Thomas Gatakerus, cui prolixè respondet Epistolâ VIII. quam inspicere est operæ pretium. Ex Latinis Scriptoribus illustravit *Optatum Milevitani*, *P. Terentii Comædias* binas posteriores. *Auli Persii Satyras* è Codice parentis dedit auctiores, quibus tamen nihil putem de suo adjecisse. Præter hæc scripsit *Pietatem contra Maledicos*, in qua acriter defendit patris famam, atque à falsissimis malevolorum criminationibus liberat doctrinam ac vitam integram. Post eam edidit *Vindicationem adversus Malevolos*, qui sub parentis Isaaci Casauboni nomine ediderant librum *de Idololatria*. Præter hos dedit *Commentationis de IV. Linguis* partem priorem, nempe de Lingua Hebræa, & Saxonica, *Diatribam de Verborum Usu*, nec non *Epistolam de editione Hackiana Homeri*, quos Commentarios quod nisi rarissimè inveniantur, dignos judicavimus EPISTOLIS & PRÆFATIONIBUS adjungi. Sequentes Anglico idiomate conscriptos prostant auctore Viro clarissimo, Antonio Wood (l).

(f) *Histor.*
& *Antiq.*
Oxonienf.
pag. 222.

Tractatus de Usu & Consuetudine, Lond. 1638.

Malorum temporalium causa primaria, Lond. 1645.

Tracta-

Traëtatus de Enthufiasmo, Lond. 1655. qui in Latinum sermonem conversus prodiit Lipsiæ anno 1709.

Lucii Julii Flori Historia cum Notis, Lond. 1659.

Responsio ad Labyrinthum Cantuariensem, quâ nempe defenditur *Laudi* Archiepiscopi cum Fishero Jesuita colloquium, Lond. 1665.

Epistola ad Doctorem Petrum Du Moulin, de *Philosophia naturali & experimental*, deque ejus argumenti libris quibusdam nuper editis, Cantabr. 1669.

De Credulitate & Incredulitate circa res naturales & civiles, Lond. 1670. quo in libro *Responsio* adornatur ad librum de *Veneficis & Veneficio* per J. W. Joannem nempe *Wagstaffe*, quondam è Collegio *Oriensi* conscriptum, & *Londini* anno 1669. propagatum.

Traëtatus, quo exemplis & indiciis abundè manifestis probatur, dari *Spiritus*, *Veneficas* & *operationes supernaturales*, Lond. 1672.

Responsio ad Auctorem libri, cui titulus, *Incessus stabilis*, ubi de modo probandæ *Infallibilitatis* recens excogitatio.

De Jure concionandi apud Antiquos.

Dissertatio de Christi Incarnatione & Exinanitione; deque Religionis Christianæ Principiis, Lond. 1646.

Concio in Hoseæ cap. 111. vers. 4. 5.

Notarum in Marci Aurelii Antonini Meletemata de seipso, translatio, Londin. 1635. Edendas porro tertiâ vice curavit.

Præmium ad librum Doctoris Joannis Dee, de commercio cum Spiritibus, Lond. 1659. in fol. in linguam denique vernaculam transtulit.

Antonini Meletemata de Hominis in statu naturali felicitate, Lond.

Inter promissa ac latentia volumina ipsemet enumerat *Observationes in Aulum Gellium* (a); *Auctiores longè Notas in hieroclem; Uberiorem Indicem Polybianum* (b), ut & (a) *Pref. in Polyb.* *Græcum verborum omnium* (quo phrasæ & formulæ Philosophorum propriæ comprehenduntur) *philosophicorum*, qui apud Antoninum reperiuntur, cum Latinis propriis ex Seneca, Cicerone, aliisque Veteribus (c). Præterea *Diatribam de Theosebio*, seu cultu Dei vero & falso; atque etiam *Traëtatum de Ortu Sermonis* (d). Multa se habere in *Livium*, *Servium*, & multò plura in *Philostratum*, *Antoninum*, ac præcipuè *Platonem*, cujus se Lectorem tam diligentem fuisse amico cuidam ad ipsum invisenti gloriabatur, ut millena loca observavit à Serrano malè versa. Seque, si quid scribere vellet vel posset, calamum stricturum in *Gassendum de Vita Epicuri*, in quo libro scelestissimum fuisse *Gassendum*, suscipere se demonstraturum, si quidem Auctor ille loca ubique pro *Epicuro* corrumpit, quod nemo ante eum observavit. (b) *In Notis ad Hieroclem*, (c) *Epist. pag. 179. 180.* (d) *Pref. de 1 v. Linguis.*

Uxorem duxerat tantis opibus abundantem, ut numquam indiguerit nummis, præterquam cum exortis motibus intestinis quasi exularet. Quot ex ea susceperit liberos, me latet. Filium verò Joannem, cui puero, uti videbatur, bonæ spei inscribit suam de *Verborum Usu & accuratæ eorum cognitionis Utilitate Diatribam*, in literis decoxisse, ac Musis nuntium misisse, (qui Baccho deditus contra patris voluntatem Londini pauperem filiam in matrimonium duxit) tristis conqueritur; è contrario exultans se habere filiam modestissimam, sermonem Romanum intelligentem. Uxor, valetudine adversâ diu afflicta, unde Merico minor in studiis voluntas ac voluptas, moritur anno C15 15 C11. Mœrore exinde summo languidus, remotissimus ab urbe atque libris in secessu, in prædiis puto amœnissimis viri nobilissimi, & ingenii dotibus, multiplici doctrinâ excultis, ornatissimi, *Joannis Cottonis*, *Thomæ filii*, *Roberti* (celeberrimæ illius, quæ *Cottoniana* vulgò audit, Bibliothecæ fundatoris) nepotis (e), ubi *Diogenem Laërtium*, quem paterno excitatus exemplo juvenis diligenter legerat (f), recensuit, vixit quietior, obnoxius attamen sæpe doloribus nephriticis, usque adeò vehementer virum affligentibus, ut ferè per integrum annum mentis non fuerit compos. Postea videtur Cantuariæ moratus. Ibi in meditatione mortis continuò versabatur. Ætate, ægritudine, infirmâque valetudine fractus rarò ante horam decimam è lecto exsurgebat; eundem ante solis occasum repetens, quapropter à multis annis ignorabat, quid in Republica literaria ageretur. Amicis ad ipsum invisentibus, ubi de studiis incidisset sermo, apertè dicebat in Angliâ exstinctas ferè literas ob serpentem Cartesii nuperam doctrinam, literas delentem. Academia Oxoniensi multos donavit manu exaratos Codices. Promiseratque omnem se daturum operam, ut patris scripta eò deferrentur. Cum viris doctissimis commercium literarum habuisse quotidianum non constat, quemadmodum nec amicorum numerum

aliquem. Paucissimos enim ipse indicat, in quibus invenio viros clarissimos, H. Grotium, G. J. Vossium, J. Fr. Gronovium, J. G. Grævium, omnes Batavos; ex Anglis Joan. Seldenum, cui *Antoninum* nuncupavit, & Ja. Wyndet, Medicum præstantissimum. Veræ pietati unicè devotus liberali manu pauperibus succurrebat, existens erga togatos civilis, clemens atque humanus. Ultra quadraginta & quinque annos Ecclesiæ Cantuariensis Præbendarius fato functus xiv. mensis Julii c15 15 CLXXI. in porticu quadam australi Ecclesiæ *Cantuariensis Cathedralis* (Ecclesia *Christi* nuncupatur) parti adjacenti sepultus fuit. Tumulum verò ejusmodi Epitaphio insignitum reperies (a):

(a) *Anton. Wood, Hist. & Antiq. Oxoniens. lib. 11. pag. 282.*

Sta & venerare, Viator,
Hic mortales immortalis spiritus exuvias deposuit:
MERICUS CASAUBONUS,
Magni Nominis }
Eruditique Generis } par hæres.
Quippe qui { Patrem Isaacum Casaubonum }
 { Avum Henricum Stephanum } habuit.
 { Proavum Robertum Stephanum }
Hui, quos Viros! Quæ literarum lumina!
 Quæ ævi sui decora!
Ipse eruditionem per tot erudita capita excepit,
Excoluit, & ad pietatis (quæ in ejus pectore Regina sedebat)
Ornamentum & incrementum feliciter consecravit:
Rempublicamque literariam multiplici rerum & linguarum
Supellectile locupletavit.
Vir, incertum, doctior an melior, in pauperes liberalitate,
In amicos utilitate, in omnes humanitate, in acutissimis
Longissimi morbi tormentis Christianâ pietate insignissimus.
Gaudeat primaria hæc Ecclesia Primariis Canonicis
Casaubonis ambobus.
Qui eundem in Eruditorum, quâ ipsa in Ecclesiarum
serie ordinem obtinent.
Obiit noster pridie Idus Julii, A. 1671. ætatis suæ 75.
 Canonicatus 46.

Hic etiam jacet Johannes, Merici filius; & Mericus, Johannis filius.
Illius ætatis 56. (92.) hujus. 6. (79.)

ISAACI CASAUBONI
P R Æ F A T I O

Præfixa

PUBLII SYRI MIMI SENTENTIIS,

ex nova Versione Græca

JOSEPHI SCALIGERI.

CANDIDO LECTORI.

Monendus es, Lector, illustrissimum virum, JOSEPHUM SCALIGERUM, olim in Publianis Græcè vertendis unicâ editione Pithœanâ usum fuisse, neque ab ea discessisse, ut plus aut minus quàm in ea conceptum est, sibi permetteret. Ea prodiit anno MD LXXVII. typis Patissoni. Titulus ejus hic fuit, D. LABERII, P. SYRI, & aliorum Veterum Sententiæ, &c. Tam editio, quàm titulus ipsum Scaligerum à calumnia illius, qui Ingolstadiensem editionem publicavit, vindicare poterit, qui non veritus est dicere, Josephum Scaligerum pro arbitrio mimos aliquot (ita vocat singulos versus, ne fortè quis novam Latinitatem miretur) mutasse, alios omisisse. Utinam & quos omisos, & quos mutatos putat, ostendisset! Nam octoginta fere annis post Erasmanam editionem, quæ omnium prima fuit, Pithœana prodiit, quæ nihil non habet, quod in illa Erasmaniana erat, & longè plures ac emendatiores versus, quàm illa. Par civilitas, & tali censore digna, quòd illam sententiam,

Hæc dux
Præfatio-
nes scribat
accesse-
runt.

Necesse multos timeat, quem multi timent,

ait ineptè à Scaligero pro Publîana venditari, quum sit Laberii. Magnum profectò crimen, si ille versus quosdam, qui Publîi non sunt, & tamen in illa editione extant, verterit, quum titulus à Pithæo positus non tantum Publîanas, sed & Laberianas quoque Sententias in unum conjectas fuisse testetur. Quin & versus alii sunt partim ex Tragædiis Senecæ, partim ex ejusdem Philosophicis scriptis, & quod magis mireris, ex Apuleio, & aliis Scriptoribus excerpti, & in legem jamborum ab Eclogariis coacti. Hoc est, quod in Schola illius Magistri ineptum vocatur. Vellem verò nos docuisset, quid vocet, venditare. Ubi nos docuerit, tunc an illius sit alienas Sententias venditari, qui ne suorum quidem poematiorum rationem habet, ostendamus. Sanè ipse vertit Græcè, non in compitis, neque per præconem venditavit. Sed, si nobis tantum otii, quantum illi superesset, ut eam editionem Ingolstadiensem discutere vellemus, non pauca ostenderemus, in quibus illi parum doctrinæ, præter ea, in quibus parum candoris profitetur, ut ea, quæ Scaliger primus notavit, & absque eo esset, nemo adhuc sciret, ipse tantum aut à se inventa, aut vulgò nota producit, de inserta ex Tertulliano, & Sententias Græcas, & alia id genus. Sed hæc missa facimus, quia Scaligeri non est morari hæc, qui ne poematia quidem sua curat, quæ si nullum alium nanciscerentur, qui ea tolleret, quàm eum, qui ea exposuit, actum esset de illis; quod & huic novæ Græcæ conversioni contigisset, quam tibi damus, benigne Lector, ex editione expressam, quam summus vir, & optimè de Scriptoribus Latinis meritis, Janus Gruterus, anno superiore publicavit. Eam illi *κατὰ τὴν ἀρχαίαν*, ut Justinianus noster loquitur, sequutus, versum versu reddidit, ut etiam in summis angustiis incolumem τὴν ἰδιότητα nitorem retinuerit. Quod si in quibusdam aut coactor aut paulò inconcinnior videtur, id, Lector, facile excu-

saveris, si tu ipse Latina cum Græcis contenderis. Tantum enim abest ut reprehendas, ut miraturus sis, id versu Græco, in quo nulla libertas est, potuisse reddi quod in Latino fieri laxitas permittit, in quo nulla pedum ratio, præterquam in ultima sede habetur. Quum igitur hanc novam interpretationem Græcam nacti essemus, ne illi idem quod aliis illius viri Poëmatiis accideret, eam à negligentia vindicare, & unâ operâ de studiosis bene mereri maluimus, quàm committere, ut nostrapte culpâ adolescentes studiosi, qui has Sententias de manibus nunquam deponere debent, illis diutius carerent. Vale, Lector, & illis frui. Lutetia Parisiorum.

P R Æ F A T I O

præmissa NOTIS in

N O V I T E S T A M E N T I

quosdam Libros.

ET si non improbo Librorum Sacrorum receptam hodie divisionem; tamen non dubito quin longè commodior esset futura Veterum distinctio, si quis magnus Theologus ei restituendæ operam impendisset. Veteres enim singulos libros in τίτλεις, singulos τίτλεις in sua κεφάλαια ita dividebant, ut Lectorem ea divisio multum posset adjuvare. Non enim, opinor, ut hodie factum videmus, plurimis in locis ea dividebant; quæ si quis diligentius animum advertat, conjunctim potius legi deberent: sed diversas potius quæstiones, & ejusdem quæstionis partes diversas ita distinguebant. Quod quantoperè sit exoptandum, nemo, qui artificiosissimas Pauli Epistolas legerit diligenter aliquando, potest ignorare. Vocabant autem majores partes τίτλεις; minores, κεφάλαια, contrà quàm hodie nos facimus. Quare etiam in numero κεφαλαίων magna diversitas. Nos hodie Matthæi Evangelium dividimus in capita xxviii. illi in κεφάλαια cclv. τίτλεις autem lxviii. Unde apparet, id ferè κεφάλαιον fuisse illis, quod nobis hodie versiculus. Numerum autem τῶν τίτλων ἢ κεφαλαίων in singulis Evangelistis observatum, ex his Suidæ verbis est intelligere: ὁ μὲν ματθαῖος ἔχει τίτλεις ξη, κεφάλαια τν. ὁ δὲ μάρκος τίτλεις μί, κεφάλαια λς; (sed hic numerus est mendosus) ὁ δὲ λεκάς τίτλεις πγ, κεφάλαια τιμη. ὁ δὲ ἰωάννης τίτλεις ιη, κεφάλαια σλβ.

E P I S T O L A M C X I .

J U S T O L I P S I O .

Hæc Epistola fœvius accessit.

DIu filui apud te, Vir præstantissime, non voluntate meâ, sed exemplo tuo. Nam qui ad binas mearum nullum à te, h. omittate viro, responsum tulerim; facile conjicio gravem esse causam, cur ego jucundissimo & exoptatissimo hoc amicitia nostræ fructu integrum jam annum caream. Atqui non deerant, de quibus tecum agere, hoc est, de quibus in consilium ad te ire optabam. Adhuc enim tenent nos Cæsareæ Historiæ Scriptores isti, quorum recensionem pridem institutam, sed postea casu quodam intermissam, seriò demum ante mensem aggressi sumus. Atque utinam

tempore non deficeremur! Sperarem affecturum me, σύννε τῷ θεῷ εἰπῶν, ut ab æquis & mei amantibus viris, qualis tu, clarissime Lipsi, & magnus Scaliger, diligentia & τῆς τοῦ λόγου laudem ferrem. Nunc conatibus nostris μυρία ἐπὶ μυρίοις adversantur. Accedit quòd dulcedine aliorum studiorum capti, ægrè ac prope repugnantes ab illis abstrahi nos sinimus. Enimverò fera jam pœnitentia est: nam omnino ἐγκατεργῶν cogimur, & hoc cuicumodi est ἐπάρασεν κακὸν ἀλγεῶσαιζεν. Senecam verò tuum quando exspectabimus? Sed non dubitamus futurum hujus moræ grande pretium: nam illum sapientissimum Scriptorem aut illustrabis tu nobis, aut τῶν νῦν σοφῶν, opinor, nemo. Vale. Lutetia Parisiorum.

ISAACI

ISAACI CASAUBONI
DEDICATIONES
ET
PRÆFATIONES.

QUIBUS
LIBRI AD ILLUSTRES VIROS,
AUT AD AMICOS MISSI,
COMMENDANTUR.

ISAACI CASAUBONI DEDICATIONES ET PRÆFATIONES.

ARNOLDO CASAUBONO,

Parenti plurimùm observando,

ISAACUS CASAUBONUS

S. P. D.

(*Præfixa Notis in Diogenem Laërtium.*)



Magna me spes tenet, Pater Venerande, fore, ut hoc munusculum, 1583.
quod tibi à me nunc offertur, gratum tibi acceptumque sit. Nam
etsi est id quidem, si ipsum spectes, exiguum ac levidense: tamen
quia à me, hoc est, ab eo, quem tu unicè amas, quemque tu
his literis summo studio ac labore imbuisti, proficiscitur; non du-
bito, quin has studiorum meorum primitias sis amaturus, & alacri libentique
animo accepturus. Quemadmodum enim bono colono nihil gratius potest usu-
venire, quam ut fructus ex iis percipiat arboribus, quas suis ipse manibus seve-
rit: sic ego existimo tibi volupe futurum, fructus istos qualescunque ex eo
horto decerptos videre, quem tu, Pater dulcissime, in gravissimis occupatio-
nibus tuis, tantâ curâ tantoque studio solus solùm coluisti. Vellem quidem,
observande Parens, aliquid ejusmodi possem tibi offerre, quod magnitudini
tuorum in me beneficiorum saltem aliquâ responderet ex parte: verùm quia id
ego non possum, in eo saltem quod potui, deesse mihi nolui, quin aliquod
tibi grati animi testimonium exhiberem. Atque hoc sanè consilio Notas has
tibi, mi Pater, do, dico, nominique tuo consecro: quas horis, ut scis, suc-
cisivis in Diogenis Laërtii libros scripsi. Erat quidem animus, ipsum Dioge-
nem, nostro studio & operâ emendatiorem factum, quàm fuerit hactenus,
edere: sed quùm non pauca postea rationes ab eâ me sententiâ deduxissent,
interea visum est, Notas has publicare, quas doctis hominibus eò acceptiores
fore speramus, quòd arduum nobis fuit, hâc præsertim ætate, gravioraque
in studia incumbentibus, eum Auctorem emendare, quem doctissimi viri cum
summâ laude, propè, ut videbatur, in pristinum splendorem restituissent.
Verùm nos quidem quid præstiterimus, docti homines, tuque imprimis,
εὐσεμνότητι κεφαλῇ, æstimabis: cui si non displicuerit hoc nostrorum studiorum
qualecunque specimen, abundè satis operæ meæ consecutus mihi pretium vi-
debor; eritque cur non omninò eam me putem, cùm hæc scripsi, luisse.
Vale, Parens etiam atque etiam observande, meque filium tuum, tibi perpe-
tuò obsequentissimum amare, ut facis, perge. Iterùm vale. *Ex Museo nostro*
a. d. x. Kalend. Mart. CIO IO LXXXIII.

DE
DIOGENE LAERTIO

Diogenis Laërtii paucissimi sunt è veteribus qui meminerint: iique non alii quàm Grammatici; quorum omnium antiquissimus est Stephanus, qui in *ἱστορίᾳ* conscripsit. De tempore autem quo floruerit, baud ita facile est conicere: facilius enim dixeris, quibus temporibus non vixerit, quàm quibus vixerit. Nam quia Plutarchum non semel laudat, meminitque Sexti Empirici nepotis ejus, & Epicteti, quem perhibent auctores rerum veterum, vitam produxisse ad Marci Antonini imperium usque, facile intelligimus non vixisse Diogenem ante Annum à Christo ducentesium. Rursus quia ita ejus meminit Stephanus, quasi auctoris satis antiqui, multò autè annum à Christo quingentesimum vixisse eum dici potest: id quod ex eo etiam licet intelligere, quòd de Polemone loquens, ait eum fuisse *πρὸ ἐδύου*. Fuisse autem hunc ait Suidas ante & post Augustum. Nec certius quicquam adhuc de hac re potui comperire. Porro, ubi, quomodo, & quamdiu vixerit, dicam quum inveniéro qui me doceat: nam nunc quidem parum, aut omninò potius non liquet. Cilicem eum fuisse, & à Laërta Cilicia oppido Laërtium appellatum docti viri *ἐκ τοῦ Λαέρτου*: à quibus cur dissentiam, causam non habeo. At fuisse auctorem hunc Epicuri philosophiæ deditum, eamque sectam secutum, non pauci horum librorum loci indicio esse potuerunt. An alia scripserit, præter hoc opus, de vitis & placitis philosophorum (quod ad mulierem nescio quam fuisse missum, ex unico qui est in Platone loco intelligimus) & τὴν Πάμμετρον, cujus in his libris toties meminit: ne hoc quidem compertum habeo. Qui putant autem eo potissimum nomine institutum hoc opus à Diogene fuisse, ut sua poemata nobis hac ratione obtruderet: nã illi baud animadvertunt, per esse verissimile τὴν Πάμμετρον multo ante conscriptum hoc opus in manus hominum pervenisse. Nam sanè Diogenes, quoties fere aliquod suum epigramma ascribit, indicat id se describere ex eo opere: & in Empedocle, ejus verba sunt hæc, *ῥέπεται δὲ καὶ ἡμῶν εἰς αὐτὸν ἐν τῇ Πάμμετρον, σκαπτικὸν μὲν, ταῦτα δ' ἔχον τὸν τρόπον*. Ecce, ait *ῥέπεται*: quomodo *ῥέπεται*, si is liber nondum fuerat vulgatus? videtur autem tulisse annos ἡ Πάμμετρον. Nam quod Joannes Tzetzes, scriptor vanior stolidiorque (nemo qui legerit dicet secus) quàm antiquior, Diogenem *ἐπιγραμματικὸν* appellat, crediderim visam ab eo τὴν Πάμμετρον: quæ nihil aliud fuit, quàm volumen poematum & epigrammatum in viros illustres, omni carminum genere factorum. Divisum id opus fuisse in varios libros testatur ipse: ut in Thalete. Cæterum, quàm sæpè in hoc opere scribendo vacillans memoria Laërtio fuerit fraudi, aut otium judiciumve ad ea digerenda defuerit, quæ satis confusè congefferat, poteris, benevole Lector, ex his nostris Notis cognoscere: plenius multò cogniturus, si dederit Deus Opt. Max. ut institutum & propè jam affectum Commentarium, quem in hunc auctorem paramus, absolvere liceat.

ISAACUS CASAUBONUS HENRICO STEPHANO.

(*Præfixa Lætionum Theocriticarum libello.*)

Mitto ad te, Vir eruditissime, quæ superioribus hisce diebus, Eustachii 1584.
Vignonis, dignissimi typographi, mihiq̃ue amicissimi, rogatu, in quos-
dam Theocriti locos scripsi. Is enim cū in animo haberet hunc poëtam denuò
edere, non antè conquieuit, quàm impetravit à me, ut cum perlegerem, &
si quid haberem, quo posset ornari ejus editio, secum id, atque adeò cum om-
nibus ejus poëtar̃ studiosis, communicarem: quòd quàm agrè ei receperim me
facturum, vel ex eo intelligas, quòd sæpè postea mutare mihi contigit senten-
tiam. Meritò: videbam siquidem haud ita esse facilè, in tantis præsertim
temporis angustiis, spicilegium post tuam messem in eo poëta colligere, quem
tu olim, doctissime Stephane, bis summo studio & diligentia emendaras. Ve-
runtamen diù reluctatus, quū viderem hoc, quòd mihi ipse intriveram, esse
mihi exedendum; cœpi, dūm ad finem perducitur hæc editio, schedas meas
colligere, in quæ memineram me nescio quid in hunc poëtam, ut & in alios
utriusque Linguae Auctores non paucos, aliquandò annotasse: non quidem,
ita me Deus amet, in eam spem, ut illa unquàm ederentur, sed in privatum
usum meum. Iis igitur adjutus, atque etiam scriptis duobus exemplaribus, al-
tero Theocriti, altero Scholiastæ, quæ in manus meas opportunè ante aliquot
dies venerant, mox pauca hæc, partim in Theocritum, partim etiam in alios
nonnullos Auctores, exaravi. Ea qualiacunque sint, volui esse amicitia no-
stræ testimonium. Vale. *Ex Museo nostro, vi. Idus Augusti, 1584.*
LXXXIV.

JACOB O LECTIO,

Viro Patricio & clarissimo, doctissimoque Jurisconsulto,

ISAACUS CASAUBONUS

S. D.

(*Straboni præmissa, edito anno 1587.*)

SI verum est, Vir clarissime, quòd omnes semper existimavere docti & sani 1587.
judicii homines, nihil esse quòd hominem ingentium ac liberaliter educa-
tum, maximèque eum qui ad Rempublicam cogitet accedere, vel erudire, vel
ornare magis possit, quàm historiarum cognitionem: dignissima profectò
sunt studio & operâ nostrâ ea omnia, quæ ad historiar̃ cognitionem præsidium
aliquod & adjumentum adferre possunt. Quæ quàm varia sint, nec unius
generis, mihi tamen primum inter illa locum meritò sibi videtur vindicare ea,
quæ à Græcis Sapientibus, quòd orbis descriptionem polliceretur, Geographia

1587. est appellata. Neque hæc sententia nostra magis est, quàm veterum omnium doctorum hominum, qui ad scribendam historiam animum appulerunt: quorum nullus est (eorum quidem certè qui hodiè exstant) qui non plurimis locis Geographi partes in suis scriptis suscipiat. Putarunt enim doctissimi viri, non posse historias, quas narrarent, rectè prius intelligi, quàm fuisset lectorum animus rudi saltem eorum locorum, ubi res gestæ fuissent, cognitione informatus. Et meritò quidem ita illis visum. Nam sicut Imperatori, locorum, in quibus versatur, imperito, difficile fuerit præclarum quicquam & memorabile præstare: ita iis, qui res ab aliis gestas legunt, difficile est de iis sincerè judicare, & rectè statuere, absque aliquâ eorum locorum, ubi res gestæ fuerint, notitiâ. Ac quamquam alias quoque plurimas, easque maximas, secum Geographiæ cognitio utilitates adfert: tamen hæc mihi præcipua fuisse causa videtur, cur clarissimi quique veteres Philosophi hoc argumentum studiosissimè persecuti sint. In hac siquidem se exercuere palæstrâ antiquissimi illi Philosophi Anaximander Milesius, Hecatæus, Democritus, Dicaearchus, & qui hos sequuti sunt, Eratosthenes, Hipparchus, Posidonius, alique multi, quorum hoc loco nomina recensere longum sit. Ipse quoque Marcus Tullius, opus Geographicum se aliquandò meditarum esse, in iis quas ad Pomponium Atticum scripsit epistolis, testatur. Qui si opus institutum, rei, ut ipse fatetur, difficultate permotus, non deseruisset, fortassè minùs esset cur hodiè Græcorum Geographorum scripta, quæ omnium edax & consumptrix vetustas abolevit, desideraremus. Accidit enim magno nostro damno, & insigni eorum hominum, qui superioribus seculis vixere, negligentia, ut ex omnibus antiquis, qui in hoc argumento ante Ciceronis tempora versati erant, nemo interitum effugerit, ne unus quidem: quæ jactura tanta sanè est, ut haud sciam an maiorem aliam res literaria senserit. Ac nisi divinâ quâdam providentiâ iisdem ferè temporibus, frustra tentatum à Cicerone opus, ab alio fuisset perfectum, nam nos hodiè in summâ Geographiæ, hoc est, rerum pulcherrimarum & utilissimarum ignorance versaremur. Nunc, postquàm Deo Optimo Maximo aliter visum est, unus extitit Strabo Philosophus, αἰρίου quidem Stoicus, cæterùm doctus, Deus bone, & laboriosus, prorsusque ad unguem factus homo: qui omni doctrinâ eruditus, iisque omnibus præfidiis abundè instructus, quæ ad hanc rem desiderari possunt, rem & magno animo suscepit, & tantâ felicitate confecit, ut persuasum habeam, si quis diligenter hujus scripta versare voluerit, eum antiquiorum Geographorum jacturam patienter ferre. Opus namque relictum nobis est à summo scriptore, quod præter accuratissimam totius orbis tunc cogniti descriptionem, tantâ doctrinâ, tamque variâ omnium rerum scientiâ refertum est, eâ denique arte contextum, ut si unius aut alterius è veteribus scripta excipias, nihil planè in omni vetustate reperiarn, cum hoc opere comparandum. Quò magis dolendum, neque integrum id ad nos pervenisse, & quæ pervenere, ita fuisse ab imperitis hominibus accepta, ut vix alius scriptor vel plura, vel graviora vulnera acceperit: prorsus ut jure queas illud tragici Poëtæ usurpare, πῖνυται διὰ τὸ πλεονεξῆν: adeò nihil reliqui fecere imperiti quidam & barbari homines, quin hunc autorem omnibus modis malè acciperent, & quantum in ipsis esset, mancum & contaminatum nobis traderent. Neque verò χθὲς καὶ πρόην factum est, cùm cœpit præstantissimus hic scriptor ab impuris illis harpiis inquinari. Anni sunt quingenti, & fortassean amplius, cùm cœpere Strabonis codices ita corrupti circumferri, ut sæpè viris doctis, qui imprudentius eos sequerentur, imposuerint. Mirari verò subit in tanto doctissimorum virorum numero, quos nostra hæc & parentum ætas tulit, quòmodo nullus jam relictus sit vetus scriptor, quem non certatim emendare, illustrare,

&

& interpretari, multi contenderint: vix tamen unum aut alterum adhuc extitisse, qui de Strabone nostro cogitarit. Atqui rei literariæ intererat, hunc potius scriptorem legi quàm emendatissimum, quàm vel Apuleium, vel Martialem, vel Petronium, vel alium quempiam etiam meliorem his scriptorem: neque hoc dico quòd doctorum virorum, qui in illis scriptoribus laborarunt, consilium reprehendam: hoc tantum volo, rem videri indignam, nondum fuisse repertum aliquem; qui ex tam excellentis operis emendatione laudem sibi & nomen parere studuerit. Non enim dici hoc potest, ita fuisse ab interpretibus hoc negotium confectum, ut docti abstinere ab eo postea debuerint. Imò ita infelicitè & negligenter in hoc opere versati sunt interpretes, ut nondum constituerim, fuerintne illis honestius, negotium non suscipere, quàm susceptum ita negligenter exequi. Nos verò, quum jam ab illo tempore, quo vix ex ephebis excesseramus, Strabonem unicè amare & admirari, partim sponte nostrâ, partim optimi parentis hortatu cœpissimus, nihil magis in votis unquam habuimus, quàm ut susceptam hanc provinciam ab aliquo docto viro audiremus. Itaque quum aliquandò intellexissemus, summum virum Josephum Scaligerum, principem hujus memoriæ Criticorum, emendationem hujus autoris esse aggressum, dici nequit, quàm grata ea res ad nostras aures acciderit. Verum postquàm comperimus præstantissimum virum aliis studiis intentum, vix hac de re quicquam cogitare, quum indiès cresceret in nobis Strabonis amor, decrevimus tandem faciendum non esse, ut diutius ab omni ope destitutus optimus & nobilissimus scriptor relinqueretur. Etsi autem eramus ipsi nobis nostræ tenuitatis optimè conscii, tamen non dubitavimus arduum opus aggredi: partim, æquitate doctorum hominum freti, quibus nostrum saltem consilium probatum iri sperabamus: partim, ut vel cum existimationis nostræ periculo, doctiorum studia excitaremus. Quod nisi multa nobis post susceptum hoc negotium contigissent, quæ alacritatem & impetum nostrum penè frangerent, magnâ in spe eramus, posse nos studio & diligentia nostrâ, ita de hoc autore mereri, ut etiam docti viri, qui his studiis delectantur, aliquid se nobis hoc nomine debere essent agnitori. Nunc coacti sumus opus affectum potius, quàm effectum (præsertim quod ad posteriores septem libros attinet) in vulgus emittere. Quod si alia fuissent tempora adhuc promere decreveramus. Et tamen, ne sic quidem diffidimus doctos viros conatus nostros æqui bonique esse consulturos: præsertim si hæc à nobis eo tempore scripta meminerint, quo præter publicam calamitatem in hoc concussi orbis motu omnibus bonis communem, multa nobis privatim contigère, quæ animum à studiis persæpè avocarent. Quorum omnium, cum tu mihi testis sis locupletissimus, Lecti clarissime, elegi te unum ex omni amicorum meorum numero, inter quos tu familiam ducis, cui hoc opus, qualecunque tandem id esset, donarem ac dedicarem. Nam sive id ejusmodi est, ut excusatione egeat, non possum meliorem testem mearum occupationum, & eorum omnium, quæ mihi dum id molior, non semel contra animi sententiam contigerunt, exhibere: sive contra, ejusmodi hæc sunt, ut laude aliquâ possint digna videri, neminem habeo, cui potius ista, quàm tibi oblata velim; imò debeam: debeam, inquam, tum publico nomine, tum etiam privato. Publico, quia nemo est bonus, qui te non plurimum colat & observet: ut qui jam locum cum in tuâ civitate obtineas, quem haud scio an eâ ætate, quâ tu es, ullus alius nemo ante te sit consecutus: nec mirum; nam quum eo parente nasci, cujus sola memoria aditum tibi ad quosvis honores patefaceret, divino munere tibi contigisset; tu tamen ab ineunte ætate non destitisti sedulo operam dare, non ut honores adipisceretur: sed ut iis quàm dignissimus piorum & bonorum omnium

1587. omnium iudicio posses videri. Quod etiam cumulatissimè tibi Deus Opt. Max. solus *ἰδὼν δὲ τὴν*, ut poëtae aiunt, concessit. Nam & sapientia, & cum aliarum artium bonarum, tum Juris Romani scientia ita te instruxit, ut unus omnium repertus sis, qui eodem tempore & Reipublicæ, consiliis prudentissimis prodesse, & juris studiosos doctissimis lectionibus juvares. Privato autem, quia, quum tot argumentis fuerit mihi perspectus & exploratus, singularis quidam amor, quo me jampridem constantissimè prosequeris: graviter peccare mihi viderer, si occasionem hanc testandi amoris erga te mei prætermitterem. Habe igitur, Lecti clarissime, amoris & observantiæ meæ pignus fidissimum: & siquidem gratum id tibi futurum est, eripe gravissimis tuis occupationibus aliquot horas, quibus hoc opus, quod tibi parum politum trado, recognoscas, atque pro acerrimo iudicio tuo corrigas. Hoc mihi gratus contingere nihil potest. Vale. *Datum è Museo nostro, pridie Kalendas Septemb. Anno ultimi temporis CIO IO LXXXVII.*

D E

STRABONE, ET EJUS SCRIPTIS.

STRABO, genere Cappadox, (ut eum Josephus nominat) natus est in urbe clarissima, Amasia, sicut ipse libro XIV. testatur: quo loco Amasiam eo studio & curâ depingit, ut quanta fuerit ipsius erga patriam charitas testatum satis superque fecerit. Neque dubium est, patrem ei fuisse unum aliquem è principibus ejus urbis viris: quanquam ipse paternum suum genus reticet. Nullus est enim in his quidem libris locus, ubi ejus facta reperitur mentio. Nam quòd in editione Xylandri lib. XI. legitur, Moaphernem fuisse patris Strabonis patruum; nos eum locum esse corruptum ex veteribus libris docuimus: in quibus legitur, *ὁ τῆς μητρὸς ἡμῶν Δαῖος*. non *τῆς μητρὸς*, ut primus Xylander edidit: qui non meminerat iterum lib. XII. sic scriptum esse, *ὁ πατὴρ δὲ Μοαφέρνης ὁ Δαῖος τῆς μητρὸς ἡμῶν*. Itaque de paterno ejus genere quod dicamus amplius nihil habemus. Maternum, ut ipse non uno loco docet, traxit à Dorylao Tactico, viro forti, & claro, qui fuit unus è Mithridatis Evergetæ amicis ac ducibus. Hujus Dorylai stirpem ex variis Strabonis locis infra descripsimus.

DORYLAUS ὁ τακτικός, Mithridatis Evergetæ amicus: Hic in urbe Cretæ Cnasso è Macedonissa muliere Sterope sustulit filios duos

Phileterus Dorylai Tactici frater. Huic filius fuit

Lagetan,
cui fuit

Stratarchan. Hic in
extrema senectute
Straboni visus.

Filia, quæ nupsit fratri Moaphernis.
Ex hoc conjugio nata est

Dorylaus, unus è
Mithridatis Eu-
patoris ducibus,
regi charissimus.

Filia, cui filius STRABO.

Atque hæc de Strabonis parentibus, qui quidem vel eo nomine laude dignissimi sunt, quod filium suum tanto studio instituendum & erudiendum curarint. Vix enim ullus fuit illis temporibus in ulla Asia schola clarus doctri-
na

nâ & literarum nomine vir; cuius STRABO γνῶσται & auditor non fuerit: idque à teneris annis, ut ipse testatur. Nam admodum juvenis cum esset, Nysam (quæ fuit minoris Asiæ urbs,) studiorum causâ profectus, Aristodemo, Aristarchi filio, magna cum laude tunc duas scholas obtinenti, (quum quidem manè Rhetoricam, vesperi Grammaticam profiteretur) operam navavit: postea etiam Tyrannionem, celebrem & ipsum Grammaticum, audit. Atque ita in Rhetoricis & Grammaticis horum operâ eruditus, ad studia Philosophiæ se contulit. Atque ut variæ tunc fuere Philosophorum sectæ, ita variorum operâ in Philosophiæ studiis usus est. Ipse aliquot ex suis præceptoribus commemorat: ut libro xiv. Xenarchum Seleucensem Peripateticum; & lib. xvi. scribit, se πῶς Ἀριστοτέλεια συµφιλοσοφῆσαι, hoc est, exercuisse se in Philosophia Aristotelis cum Boethio Sidonio. Unde adductus est Xylander, ut putaret Peripateticæ sectæ fuisse addictum Strabonem: idque (inquit) ex sparsis hoc opere disputationibus variis licet intelligere. Sanè si doctè & subtiliter scribere ac disputare, solis Peripateticis convenire & proprium esse concedimus: concedam ego quoque libens Peripateticum Strabonem fuisse, & quidem ἐν τοῖς μέγιστοις. Sed profectò non ita est: neque verè hoc à Xylandro est annotatum. Ipse Strabo multis locis Stoicum se fuisse satis apertè, nisi ἐκλογισθῆμεν, indicat: & veteres ferè Strabonem quum laudant, Stoicum semper nominant. Et verò id ut non esset, disputationes quas Xylander ait, ipsum jugulant: in quibus nihil non στοικῶτάων, & ex penitissimis Stoicæ disciplinæ fontibus haustum reperies: quod quia suis locis à nobis est annotatum, non refellemus hoc loco pluribus insignem hunc Xylandri errorem. Porro quo vitæ genere usus sit, & ubi potissimum vixerit, itemque ejus mortem, quum nemo veterum ea de re scriptum quicquam reliquerit, nos hodie ignorare necesse est: nisi quod ipse de se, & suis peregrinationibus (quæ maximæ fuere, in Italiam, in Egyptum, in Æthiopiam, & alias longinquas regiones) multa, prout dabatur occasio, literis mandavit: quæ cum omnibus obvia sint hos libros volventibus, non teram frustra tempus pluribus hoc loco ea commemorans. Scripsit præter Geographicum hoc opus, etiam historicos Commentarios: quod opus, si Suidæ credimus, in libros xliii. fuit distinctum: videtur autem mihi ejus pars proprium nomen habuisse τὰ μὲν Πολύβιον. Sic enim puto accipienda ejus verba lib. xi. quibus ait de Parthis plura se scripsisse ἐν τῇ ἑκτῇ τῶν ἱστορικῶν ὑπομνημάτων βιβλίῳ, διῆρα δὲ τῶν μὲν Πολύβιον ut idem liber intelligatur, qui fuerit sextus totius operis, secundus autem τῶν μὲν Πολύβιον. Meminere autem Strabonis aliqui è veteribus: sed admodum pauci, & ut opinor, præter Plutarchum, Josephum & Tertullianum, nemo. Nam Julianum quidem Architectum, Suidam, Eustathium, Jornandem, & reliquos id genus prætermitto. Jam quod scribit Strabo libro secundo se ὑπομνηματίζειν τὰς Ἀλεξάνδρου πράξεις, nescio an ita debeamus accipere, ut fuisse ab eo historiam Alexandri conscriptam intelligamus: non enim alibi factam reperio ejus operis mentionem: & videntur posse illa accipi de iis quæ cum alibi multis locis, tum maximè libris tribus postremis, de rebus gestis Alexandri scribit. Illud constat, post conscriptos historicos Commentarios tum demum appulisse Strabonem animum ad scriptionem hujus operis, cum jam ætatem eam esset assecutus, quæ scientiam & experientiam rerum quàm plurimarum asferre (studiosis quidem certè hominibus) potest, soletque. Id enim ipse testatur libro primo. Quanquam quum attentius hos libros lego, venio in hanc sententiam, ut putem multo antè annis de hoc opere eum cogitasse, primaque ejus lineamenta duxisse, semperque in eo exornando perseverasse, donec ad extremam

1587. *senectutem pervenit: quo quidem tempore opus ita limatum & perpolitum in vulgus edidisse videtur. Id ex eo maximè intelligimus, quòd multa narret Strabo, ut recens facta, vel quæ adhuc gerantur, quæ tamen historie eorum temporum testantur non mediocri temporum intervallo fuisse disjuncta: unde constat, non uno aut altero mense conscriptum hoc opus fuisse: sed longo annorum spatio magnâ curâ & diligentia elaboratum: ut jam mirum non sit, tantam ejus esse præstantiam, quantam docti viri & sani judicii, uno ore agnoscunt omnes & profitentur. Restabat ut de Strabonis ætate aliquid diceremus: quæ quidem quæstio, & per se satis est difficilis (maximè ob locum Athenæi) & quorundam tenebrionum culpâ ita nonnullis obscura fuit, ut non defuerint qui negarint Strabonem esse qui hodie in studioforum manibus versatur: sed alium nescio quem, quem ipsi Stratonem indigitant. Primus hujus sententiæ autor, Franciscus Patricius, homo Italus: qui in suis Peripateticis discussionibus longâ digressionem hoc paradoxum probare conatus est; & si stamus quorundam sententiæ, abundè probavit. Deinde secuti sunt alii, qui ut omnia sibi esse lecta ostenderent, hunc præstantissimum autorem non Strabonem, ut reliqui mortales, veteres, recentiores, omnes: sed Stratonem appellare cæperunt. Ac quanquam non ita diffidimus doctorum hominum judiciis, ut longâ oratione ad horum sententiam refellendam opus esse putemus: diceremus tamen ea de re quid nobis videatur, & Achillea illa Patricii argumenta dilueremus: nisi, & temporis premeremur angustiis; & factum id à nobis esset, in eo scripto quod adversus Patricii librum paramus: quodque brevi, faciente Deo Opt. Max. edemus. Intereà testatum hoc volumus, non recusare nos ut inepti, nullius judicii, ac planè stulti habeamur; si vel unicum verbum in hanc sententiam ab illo magno Critico, aut magno potius errorum hamaxario, prolatum sit, quod falsum non sit, ineptum, & prorsus eo homine dignum, qui nullo judicio in bonis scriptoribus versatur: idque ita esse, suo loco, ut jam diximus, manifestissimè probabimus. Sed & ad librum XII. notare nos meminimus, videri Strabonem diem suum obiisse (aut defuisse certè scribere, ac paullo post obiisse) ante annum A. U. C. DCCCLXXVIII. qui fuit annus Tiberii XI. vel XII. quo anno Cyzicenis ademptam fuisse libertatem Tacitus autor est, quem ipse disertis verbis eis tribuit. Atque hoc ante me observasse scripsisseque eruditissimum Taciti interpretem video.*

P R Æ F A T I O

præfixa Animadversionibus in

DIONYSIUM HALICARNASSEUM,

editum anno 1588. in folio, apud Henricum

Stephanum & Eustathium Vignonem.

1588. **N**Unquam existimaram fore, Lector candide, ut in Dionysium Halicarnasseum quicquam ederem. Etsi enim, quum ante decem plus minus annos admodum adolescentes eum legeremus, eâque editione, quæ sola tunc exstabat, uteremur, quædam videbamur nobis haud penitus *ἀγνώστια* observasse: tamen quia non ignoraremus, jam tum provinciam hanc emendandi ac denuò vertendi Dionysii ab aliis, qui magnam de se spem facerent,

rent, fuisse susceptam: adeò nihil in eum moliri volumus, ut verè possimus 1588. affirmare, nunquam nos ab illo tempore de Dionysio quicquam cogitasse: ac ne in manus quidem sumpsisse unquam, nisi rarissimè, & quoties usus esset. Quod nunc sententiam mutaverimus, casu id factum, potius quàm voluntate nostrâ: qui profectò maluissemus, quæ hîc annotavimus, maximè ea, de quibus nobis cum novissimis interpretibus non convenit, iis ipsis communicare, & hoc scribendi labore supersedere. Non enim tantum ab re nostra otii nobis est, ut in repellendis ejusmodi scriptis haud sanè admodum diligens, ullam temporis, quod vacuum nobis superest, partem, melioribus studiis nostris relictis, libenter collocemus. Verum, quia experti sumus non probari ipsis nostrum id consilium, visum est faciendum, ut quæ pridem ad oram libri mei (ut sit) annotaveram, relegerem, colligerem, & cum præstantissimi hujus Autoris studiosis communicarem. Relegi igitur, collegique: ac licet arrepto semel calamo multò plura quàm initio constitueram, annotaverim, brevissimo tamen tempore descripsi: omnia, Lector, in tuam gratiam. Tu, dum majora à nobis expectas, utere, fructu, & nos ama. Vale. Nonis Augusti, CLD IO LXXXVIII.

Nobilissimo, generosissimoque Viro,

PHILIPPO MORNAIO,

PLESSIACI DOMINO, &c.

ISAACUS CASAUBONUS

S. D.

(Polyæno præmissa, edito anno 1588.)

INterea dum horribilis illa tempestas sævit, Vir Nobilissime, quæ miseram 1588. nostram Galliam tot jam annos concutit: nos, quibus & ἡδοναίαι πολέμια ἔργα, quod unum possumus, precibus ad Deum Opt. Max. pro Reipublicæ, & bonorum omnium salute, dies noctesque excubamus: doloremque nostrum, quem ex hac tanta rerum omnium perturbatione summum, pro eo ac debemus, percipimus, quibuscunque rationibus possumus, lenire ac minuere conamur. Quam ad rem quantum litterarum studia valeant, ii demum mihi videntur posse ignorare, qui aut earum suavitatem nunquam degustarunt: aut rei adversæ periculum nullum unquam fecerunt. Itaque, qui à natura ita comparati essemus, ut sine litteris vitam nullam vitalem putaremus, ac ne optaremus quidem: nunc multò etiam magis in litteras nos abdimus, iis vacamus, iis nos totos dedimus. Hâc ratione quantum alii proficiant, nescio: nos quidem, si nihil aliud, hoc certè consequimur, ut animus interea noster à cogitatione tantorum malorum avocatus, & litterarum dulcedine recreatus, laxamenti aliquid capiat, & novas vires colligat, quibus par esse tantis æumnis, atque adeò eas vincere & superare ferendo possit. Quum autem amplissimus sit litterarum campus, visum est nuper, gravioribus studiis intermissis, eorum librorum lectione animum recreare, qui convenientissimum his temporibus argumentum complecti videbantur: eos potissimum intelligo, qui de re militari Græcè ab eruditissimis olim viris conscripti fuerunt: quorum pars alia, eaque maxima, pridem est quum fuit: pars adhuc in privatorum bibliothecis, aut omnino,

1588. omnino, aut ex meliore sui parte delitescit. Nos verò, qui eorum aliquot, dum præ desiderio bene de litteris & litteratis hominibus merendi, omnia satagimus, tandem adepti sumus, quorum alii nunquam usque adhuc editi fuere, alii verò non nisi Latine: quum ex eorum lectione voluptatem haud parvam cepissemus, faciendum putavimus, ut optimi auctores, & doctorum hominum votis sæpenumero expetiti, nostrâ operâ in publicum tandem prodirent. Eorum è numero est, is, qui tibi nunc à nobis, Vir Nobilissime, offertur, POLYÆNUS: scriptor antiquus, elegans, acutus, eruditus, &, quod ad rem facit, haudquaquam ἀπριπέληγος: sed qui utramque militiam, (sagatam, inquam, & togatam,) secutus est. Is præclara Imperatorum ac Ducum facta, Græcorum, Romanorum, Barbarorum, non quidem omnia: sed ea tantum, quæ proprio nomine stratagemata nuncupantur, octo libris est persecutus. Quod argumentum quum apud Latinos quoque Frontinus auctor non ignobilis tractare instituerit, si quis hos duos scriptores inter se compareret, facile intelliget, quàm sint Græci, quicquid susceperint, in eo tractando & uberiores & diligentiores Romanis. Accedit huc sermonis elegantia, quam Græcus noster longè majorem habet: non linguæ tantum bono & prærogativâ quâdam, sed studio etiam & industriâ partam. Fuit enim Polyænus orator & patronus causarum apud Impp. Antoninum & Verum: quas partes qui obiret, eum oportuit non leviter litteris tinctum fuisse, & in oratoria facultate haud mediocriter exercitatum. Hunc igitur scriptorem, Græcè nunc primum à nobis editum, ac locis pæne infinitis emendatum, ausi sumus sub tutela nominis tui evulgare, & de tuo splendore lucem illi, parum adhuc in vulgus noto, parare. Non enim dubitamus, quin, si probari is tibi potuerit, etiam reliquis omnibus, in quorum ille cumque manus veniet, gratus sit futurus. Nam quem alium quisquam potius quàm te harum rerum æstimatorem ac judicem desideret? aut cujus ego patrocinium Polyæno meo potius quàm tuum conciliem? Si enim rei militaris scientia quæritur, ecquis est, non dicam in nostra Gallia, sed apud exterarum nationes, qui ignoret, quâ prudentiâ tu bellicas res administrare, quantâque alacritate animi præliorum adire pericula soleas? quàm fortiter in iis te geras? Si litterarum, & ejus linguæ cognitio, quâ Polyænus loquitur: tu verò unicus pæne es ex omni nobilitate Gallica, qui studia Musarum cum Marte seriò conjunxisti: quique studia tua non ad oblectationem animi tantum, quod pleraque hodie nobilitas facere amat: sed ad gravissimarum rerum scientiam, & ad scrutanda religionis mysteria retulisti. Cujus quidem elegantissima, & gravissima scripta eruditissimi quique studiosè, nec sine admiratione reconditæ cujusdam doctrinæ, legunt. Taceo singularem prudentiam tuam, quæ pari cum charitate patriæ conjuncta, in omnibus tuis sapientissimis consiliis elucescit. Taceo reliquas virtutes tuas, quibus ita te præstantem natura finxit, ut omnium, etiam invidorum, judicio, paucos nostra hæc ætas ferat, qui tecum comparari possint: neminem qui tibi jure queat in contentione virtutis anteponi. Maçte animi, Vir Maxime: hæc vera, hæc germana est nobilitas, quâ mortales in his terris ad cælestium naturam quàm proximè accedunt: hæc vera via, quâ in cælum & ad astra post hanc vitam itur. Quod superest, peto à te etiam atque etiam, ut munusculum hoc, dignitati quidem tuæ longè impar, sed ab eo profectum, qui tuas virtutes eximias omnium maximè admiretur, hilari vultu pro tua humanitate accipias. Hoc si me à te impetrare siveris, cum mei me voti compotem reddideris, tum etiam effeceris, ut ego tuâ auctoritate confirmatus, nullius obtrectatoris calumniam posthac extimescam. Vale. *Ex Museo nostro, Kalend. Decemb. c10 10*

LXXXVIII.

PRÆFATIO

P R Æ F A T I O

præfixa

P O L Y Æ N O.

LECTORI CANDIDO.

Polyænum Macedonem, scriptorem antiquum & elegantem, nostro tandem 1588. beneficio, benevole Lector, habes: beneficio, inquam, nostro: qui etsi in privatos usus magno ære cum nobis comparaveramus, tamen quum haud æquo animo pateremur, tam eleganti scriptore tamdiu te carere, libenter fecimus ut occasionem hanc bene de tuis studiis merendi arriperemus, & præclarum scriptorem primi omnium in vulgus edere occuparemus. Ecce igitur eum tibi, non nostrâ tantum liberalitate è tenebris erutum: sed nostrâ etiam industriâ haud mediocriter adjutum. Nam qui nobis ita ἱλαστὸν βεβύων fuisse traditus, ut nec pes in eo, nec caput, nec ulla totius corporis pars sana superesset: eum nos tibi exhibemus vulneribus pæne infinitis aut sanatis, aut certe obligatis, pulchriorem multò, & longè suaviorem quàm nos simus eum experti. In quo recensendo non dicam quantum nobis fuerit laboris sustinendum: hoc certè fuit nobis iste labor, etsi paucorum admodum dierum, molestior, quod ita primum ad eum accesseramus, quasi animum casu miserrimæ patriæ mæstum, & curis confectum, voluptate aliquâ recreaturi, non novâ ullâ curâ effemus cruciaturi. Semel tamen susceptum negotium, quâ potuimus industriâ, diligentia haud mediocri, fide verò maximâ, gessimus, curavimus, confecimus. Multa nos suo loco ab imperitis librariis mota in suas sedes revocavimus, multa confusa quæ erant distinximus, multa corrupta emendavimus: multa, dico: imò pæne omnia: nam quid noster Codex habuit aut non distortum, aut non luxatum, aut accepto vulnere aliquo non aspectu fædum? addeò nihil Polyæno nostro adversus vim & injuriam librariorum sua stratagemata profuerant. Diceres ex Aliensi aut Variana clade eum effugisse. Porro quæ videbantur ancipitis esse emendationis, nec facile ex vestigiis litterarum posse emendari, aut omnino etiam sine meliori libro non posse, ea nos in Notarum libellum retulimus: ubi quid nobis de iis videretur, breviter, ut oportuit, & sine ulla ambitione exposuimus: aliis etiam scriptoribus non rarò lucem attulimus, prout eorum loci mendo aliquo in simili historia affecti, sponte suâ se nobis offerebant. Unum adhuc restabat: ut cujus nomine λόγος πεpendissemus, cujus etiam vulnera maxima ex parte sanassemus, eidem in publicum prodituro, vestem quoque novam, hoc est, Latinam interpretationem darem: quod etsi nobis haud ita difficile fuisset præstare, tamen qui & otio omnium minimè abundaremus, & sciremus χρόνον esse ἀνάλογον πολυπλάσειν, Polyænum iussimus hanc nostrâ liberalitate esse contentum: ne nobis bonæ horæ, quas aliis studiis destinamus, in eo negotio perirent: & ne multis, quibus magnum hoc videbitur, occasionem præriperemus laudis parandæ ex nova ejus versione: aut, si malint, ex Vultejanæ interpretationis emendatione. Mihi nunquam hoc fuit propositum, ut ex librorum Græcorum, historicorum præsertim, versione in Latinum sermonem, multò minus ex earum versionum, quæ ab aliis essent profectæ, emendatione nomen mihi parerem: quod neque admodum arduum fuit nobis, quoties libuit experiri, neque palmarium

1588. *unquam iudicavimus, aut dignam omnino rem, in qua, quod superest nobis ex gravissimis nostris occupationibus otii, collocaremus. Quare desinant, obsecro, doctissimi viri de nobis conqueri, quod superiore anno quum Strabonem nostrum ederemus, peccata interpretis non simus sigillatim omnia persecuti: qui si factum id ita interpretantur, quasi non essent illa à nobis animadversa, nã illi nos non nòrunt: qui profectò si id egissemus, & quæ illi notant, & alia quamplurima, quæ non omnes fortasse vident, notare nullo negotio potuissemus. Sed num, quæso, iniquè faciunt, qui plus à nobis exigunt, quàm nos polliceamur? Emendare enim & commentari Strabonem fuit nobis propositum: non interpretis peccata notare: quod si quando à nobis factum (& factum sanè, cum antè in Strabone, tum in Polyæno nunc,) alia causa fuit: nempe si quid ea res faceret ad lectionis veritatem. Jam quod alio loco iidem summi viri annotationem quandam nostram ad quartum Strabonis tot machinis labefactare conantur: nisi tamen aliud proferant, nunquam consequentur, ut in ea vel unicum apicem censeam mutandum. Ipsi sanè si totam illam nostram annotatiunculam perlegissent, non commisissent, ut qui omnia in iis admirer, candorem tamen in hac ipsorum responsione desiderare possem. Sed hæc pluribus aliàs. At morosos istos (non jam te alloquor, magne Belga) & iniquos alienæ industriæ æstimatores, nunquam tanti faciam, ut responsione dignos putem. Scilicet urit eos, quod nos eâ etate (vix dum enim vigesimum octavum ætatis annum eramus ingressi quum Strabonem edidimus) conati simus palmam illis præripere, ad quam ipsi per tot lustra ac decadas annorum contendebant. Atqui, quod eos magis etiam urat, si Deus, fautor unicus studiorum nostrorum, vitam & otium suppeditet, faciemus profectò, ut intelligant, nos ad poliendum & perficiendum opus, quod temporum iniquitas nobis invitis extorsit, eorum opem non admodum desiderare. Redeo ad Polyænum: in cuius versione si quid mutatum reperies, (reperies autem multa) id omne Joanni Tornæsio nostro acceptum feres: qui quicquid typis suis mandat, id ut quàm emendatissimum, & quantum in ipso est, omnibus numeris absolutum exeat, eniti solet. Nobis satis fuit, ex cimeliis nostris depromptum auctorem, qui usque adhuc latuerat, candide tecum communicare: & eum quidem, quoad ejus fieri potuit, quàm emendatissimum. Tu Lector, si æquus es, factum nostrum, (etiam si quid à nobis in hoc negotio admissum fuerit) bene interpretaberis, & muneris nostri editioni favebis: vel eo saltem nomine, ut ad reliqua evulganda, quæ penes nos sunt, reddas nos alacriores. Quod si aut ab ingenio, aut ab otio, aut à libris melius es instructus, age, curriculum ingredi: reperies à *polyæno*, qui superari in hoc certamine adeò non moleste ferat, ut etiam optet. Tu modò ne tibi, ne nobis desis: en lampada tibi trado. Vale. Ex Museo nostro, Kalend. Decemb. CIO IO LXXXVIII.*

P R Æ F A T I O

præfixa Operibus

A R I S T O T E L I S.

Ad candidum & antiquæ Philosophiæ studiosum Lectorem.

1590. *S*ÆPENUMERO intuenti mihi in viros maximos maximisque ingeniis præditos, qui post revocata in lucem, quæ perdiu sepulta fuerant, cum lingua-

linguarum, tum omnium liberalissimarum artium ac disciplinarum studia, 1590. effloruerunt; admiratione digna res visa est, quid causæ sit, cur in aliis quidem scientiis & disciplinis omnibus quàm plurimi qui excellerent, existerint: in studiis verò Philosophiæ, quibus humana omnis sapientia continetur, vel paucissimi. Nam quocunque te animo & cogitatione converteris, permultos admirabiles in quoque genere, non dicam mediocrium artium, sed etiam maximarum, & quarum cognitio difficilis meritò creditur, videbis. Ut enim de ea scientia primum loquar, quæ scientiarum omnium fastigium est & consummatio, & , ut Plato loquitur, *ἡγεμονία μαθημάτων*, quis est quin fateatur sacrosanctæ Theologiæ exquisitam cognitionem, haud minoribus consistare laboribus, quàm aliæ cujuscvis scientiæ? Quis autem dubitet quin plurimos, eosque summos Theologos, & qui etiam cum veteribus Patribus certare possint, nostra hæc, & patrum nostrorum ætas viderit? Jam verò cum latissimè pateat Juris Romani scientia, sitque cum summis difficultatibus conjuncta; nemo tamen inficias ire queat, vel unicam nostram Galliam, ut de aliis regionibus nihil dicam, summos tulisse viros qui cum antiquis Scævolis, La-beonibus, Africanis, & Papinianis jure merito contendere & comparari posse videantur: prorsus ut quod suâ ætate de Philosophia agebat Aristoteles, meritò nunc de Jurisprudencia liceat augurari: quòd tanta paucis annis accessio facta sit, brevi tempore absolutam eam fore. Quid illa humani generis conservatrix, Medicina? nonne in ea quoque qui excellerent, & veterum Asclepiadarum gloriam æquarent, multos nostra hæc ætas vidit? In studiis verò linguarum, humanitatisque, ac totius antiquitatis, quæ studia etsi superioribus scientiis jure cedunt, ejusmodi sunt tamen, ut neque suis careant difficultatibus, nec sine industria saltem mediocri, diligentia verò & labore immenso, quisquam in iis possit excellere: in his igitur, quis ignorat, summos viros, ad miraculum usque doctos, omniqve laude dignissimos & extitisse, & nunc quoque exstare? At verò in Philosophiæ studiis excellentes viros si requiras, cum omnia diligenter lustraveris, haud tamen scio an non jure possis Satyrici Poëtæ illud *παρρησίαν*,

Rari Philosophi: numeris vix est totidem, quot
Thebarum portæ, vel divitis ostia Nili.

Imò res eò rediisse videtur, ut bene cum genere humano actum iri sit putandum, si singulis ætatibus singuli aut paulò plures excellentes Philosophi, & qui tanti nominis mensuram impleant, inveniantur. Non enim de vulgari aliquo Philosopho loquimur, qualium magna semper fuit copia, sed de eo qui neque illotis, ut aiunt, pedibus ad Philosophiam sese contulerit: verum iis præsidis probè instructus, quibus quisquis fuerit destitutus, nunquam futurus est graviorum scientiarum *εισαὶ ἀποδείξις*: neque de eo qui aliquam Philosophiæ partem sibi selegerit, in qua se exerceat: sed qui omnibus ejus partibus, quæ mirifice inter se aptæ connexæque sunt, operam navaverit: qui denique non ex cænoso aliquo aut lutulento rivo scientiam hauserit, sed ex limpidissimis illis purissimisque Philosophiæ fontibus, præstantissimis, inquam, & omni scientiarum genere refertissimis veterum sapientum monumentis. Tales igitur Philosophos omnibus fortasse sæculis raros, sicut etiam Imperator Severus in Rescripto quodam ait, hoc nostro autem rarissimos esse, fatendum sanè est. Majus enim profectò est Philosophia, quàm aut vulgus, aut multi etiam qui supra vulgus sapere deberent, opinentur: & quod M. Tullius de dicendi arte, longè minori jure dicebat, pluribus ex artibus studiisque collectum: cujus splendorem & divinitatem videntur ple-

1590. rique hodie, qui se ejus doctores profitentur, nunquam animo concepisse. Quorum quidem videas alios in Logices gyris & macandris miserè consenesce-
re, neglectâ interim earum rerum cognitione, absque quibus esset nullus Logices usus, nulla aut necessitas, aut utilitas foret. Quò enim Logica, nisi ut aditum nobis ad scientias, quarum jure veluti clavis & janua esse censetur, patefaciat? Alios cernas qui Naturæ arcana, quorum amænissi-
ma est contemplatio, non tam viâ & ratione, quod eorum erat munus, possint suis vel lectoribus, vel auditoribus explicare, quàm frivolis & ineptis quæstiunculis sese aliosque implicare, diesque totos in eo consumere, ut de omnibus semper dubitent, nihil unquam sciant. Alii sunt, & ii quidem oppido quàm multi, qui quòd linguarum aut nullam, aut admodum tenuem cognitionem habeant, etiam nunc, in tanta literarum luce, βαλανφάγῃτες, agrestem illam & degenerem atque ineptam Philosophiam colant: atque etiam (quæ est ejusmodi hominum scævitas) in eruditissimos viros, qui studia sapientiæ è situ & squalore priorum sæculorum liberare nituntur, insurgant, honestissimosque eorum conatus ultrò irrisum eant, nedum eâ laude quam merentur, afficiant. Enimverò tolerandum æquo animo fortasse istorum factum videatur, qui non tam animi malignitate, quàm ignoratione, & eorum culpâ à quibus fuerunt in Philosophiæ studiis eruditi, errant præ vasa-
sana Sophistarum quorundam amentia, perversè ingeniosorum hominum, qui veræ Philosophiæ simul & ejus auctoribus βέλαισ'αῖς bellum ausi sunt, bellum nefarium nunc nuper indicare. Illos intelligo, qui cum alios veteres plerosque omnes, tum Aristotelem maximè, summum, bone Deus, virum, & unicam Philosophiæ aquilam! omni calumniarum genere vexare, odiumque illi & invidiam apud minùs catos cautosque homines conflare conati sunt: atque utinam conati tantum essent, non etiam nunc conarentur. Adbuc enim ardet flamma illa sive incendium, quod patrum memoriâ excitatum, paucis an-
nis per plerasque omnes orbis Christiani Academias est grassatum. Adèò brevi tempore sese extulère hujus infelicis arboris rami: adèòque Sophistis istis in-
sanum hoc ausum cessit feliciter: si felicitas ea est appellanda. Sed nimirum, plerique hominum, quod Venusinus Poëta ait, cerei sumus in vitium flecti: fa-
cileque errores & falsas opiniones admittimus, atque aliè in animos demittimus: veritati contrà aures foresque ocludimus, & sicut eleganti Græcorum pro-
verbio dici solet, ἀποκλείμεν εἰς τὸ μέτωπον τὴν ἀλήθειαν. Atque hæc ratio est, cur cum pauci semper fuerint, qui veræ Philosophiæ studia amplecterentur, contrà nova ista, tam multos statim quàm nata est, sectatores invenerit, & eos quidem ita cupidos, & amore ipsius ardentes, ut nihil suprâ. Dicas immensum aliquem boni thesaurum nactos esse, qui ei disciplinæ semel no-
men manusque dederunt: ita se, miseri, beatos putant, atque adèò præ-
dicant. Quod etsi mirum sanè est, & omnibus legitimæ Philosophiæ stu-
diosis ex animo dolendum; est tamen quod eos meritiò consoletur, ac meliora sperare jubeat: nam licet ingens est, quæ ingentem hunc errorem fovet, tur-
ba: tamen profectò est tantum, & ἀμύστων ἀνθρώπων, qui nec Sophiæ nec Gra-
tiis litarunt, ἐλάττω: quos quidem vel melior institutio defecit, vel spes me-
liora consequendi. Ita enim fato nescio quo comparatum est, ut in studiis tantum quisque probet, quantum se posse assequi sperat. Denique, ut pru-
denter de aliis cum Thebano vate doctissimus Galenus ait, καλὸς τις πῖθος, καὶ παρὲν αὐτὸ καλὸς. Nam cordatis quidem viris, & liberaliter educatis, quosque vel ingenii abundantia, vel diligentiae fiducia ad spem meliorum erexit, constanter videmus cum universam istorum rationem improbari; tum imprimis odio atque execrationi esse immanem illam, ut ipsi appellant, li-
bertatem,

bertatem, ut res clamat ipsa, licentiam ab animi impotentia summa profectam, quâ isti calumniatores Aristotelis passim usi sunt: quorum libri, si non famosi libelli potius sunt appellandi, vel eo nomine dignissimi me iudice sunt qui fiant *ἡ φάσις βυβλῶν*. Nam quid, obsecro, aliud aut sentire aut dicere possis de iis, quos effrænata quædam maledicendi libido eò evexit, ut summo & facundissimo Philosopho, cujus oratio adeò pura, casta, elegans, ac sæpe etiam venustatum Atticarum plena est, ut facile quemvis ex Græcis Oratoribus possit provocare; ignorationem Græcæ, hoc est, vernaculæ linguæ obijcere sustinuerint? O insignem hominum prodigorum nominis sui, ut modestissimè dicam, confidentiam! Itane verò, in tam erudito sæculo talia monstra reperiri potuerunt? aut si reperta sunt, non statim tanquam interitum literarum brevi imminentem portendentia, in novas terras deportata sunt, & piacularibus sacris procurata? Pace vestrà liceat dixisse, Viri Principes, qui Reipublicæ clavum tenetis: ipsi vestrà indulgentiâ non Philosophiam tantum, sed omnia omnium scientiarum studia itis perditum. Nam si hæc, quæ sub falso libertatis nomine toleratur, licentia latius serpere permittatur, certum est de studiis honestarum disciplinarum ac scientiarum etiam graviorum actum esse. Exiguum enim temporis medium, & statim, ut quisquam erit impudentissimus, & ad confingendas in veteres auctores calumnias ingenio paratissimo, ita plurimi à misera juventute, ut est illa ætas fraudibus Sophistarum obnoxia, fiet: is unus doctor præstantissimus habebitur: unus ceu munere divino terris concessus, coletur: denique unus ille erit qui deturbatis, tanquam senibus aliquibus depontanis, de gradu suo veteris sapientibus, quos tot anteauctorum sæculorum auctoritas comprobavit, tot doctissimorum virorum iudicium confirmavit, vacuum eorum possessionem occupet. Longè verò fallimur, si futurum putamus, ut hac fini istorum stet audacia: nam ut principia se dant, non est dubium quin quâ temeritate in Aristotelem, Platonem, Ciceronem, aliosque doctissimos viros sunt debacchati; eadem, aut majore etiam, graviore certè cum periculo, eos quoque auctores aliquando invadant, quorum sacrosancta auctoritas esse debet, multaque in iis quæ fixa esse oportet atque *ἀκίνητα*, innovent: nolo enim dicere, multa jam eos innovasse, aut innovare certè voluisse. Quid enim est tam sanctum, quod audaculi isti contaminare non ausint? quos quidem palam & passim audire est glorientes, quasi soli post homines natos reperti sint, qui scientias & disciplinas omnes viâ & ratione aliis possint tradere. Tanta est vanorum hominum vanitas & *κωδοξία*! quâ quidem re meum semper iudicium fuit, nullam esse pestem humano generi perniciosiorem. Quibus de causis clarissimos doctissimosque viros, qui ubique locorum sapientiæ puriorisque Philosophiæ simul & politioris literaturæ studiis delectantur, etiam atque etiam rogatos obtestatosque velim, ut quò pauciores sunt qui veram Philosophiæ viam, arduam illam quidem primo aditu & salebrosam, sentibus etiam ac vepribus obsitam, sed per quam ad suavissima loca & amœnissima Tempe mox pervenitur, insistant, eò fortius ipsi & animosius in præclaro instituto suo persistere velint: & ut cum exemplo suo adolescentibus honestissimis, quorum simplicitas Sophistis istis quæstui est, præeant, inque rectam viam eos reducant: tum verò auctoritate etiam suâ insanos eorum conatus infringant, qui Philosophorum titulum & nomen sibi arrogantes, germanam Philosophiam funditus extirpare, & fidelissimos ejus doctores ex animis & manibus studiosorum hominum excutere atque extorquere omni opere admittuntur: suâ denique navitate, industriâ, & solertiâ, cum Philosophiam ipsam augere & illustrare; tum Principum Philosophorum, Platonis

1590. & Aristotelis, scripta pene divina, & adversus recentes istorum aliorumque
 his similium calumnias, defendere, & à priorum seculorum barbarie magis
 magisque vindicare pergant. Sanè enim nulla ratio est, nulla, inquam, quâ
 omnes omnium Sophistarum conatus facilius retundi possint, quàm si viri
 summi, quales nunc quoque reperire liceat, suam industriam & ingenii
 aciem, ad veram Philosophiam illustrandam, & aurea veterum Philosopho-
 rum scripta suo nitore penitus restituenda, seriò & sedulò contulerint. Nam
 id quidem parum dignè adhuc à doctissimis viris, qui post veluti renatas li-
 teras vixerunt, præstitum esse, vel nova hæc Aristotelis, ut de Platone
 nihil nunc dicam, editio, planum testatumque faciet: quæ cum eo consilio
 ab optimis viris & juvandæ rei literariæ cupidis esset suscepta, ut cum
 Græco contextu fideliorum ac politiorum interpretum versiones conjungeren-
 tur: ubi ad rem ventum est, piget dicere quàm pauci libri ita tractati à
 nostris hominibus & conversi reperti sint, ut non adhuc eruditi alicujus, &
 industrii, navique interpretis operam manumque desiderent. Ergo agite,
 doctissimi Viri, qui quantum adhuc in hoc philosophico agro operis faciendi
 supersit, probè cognitum habetis, tanto operi vos accingite, eique manum
 ipsi quoque admove: aut si jam admovistis, quod spes est factum esse à
 quibusdam è vobis, qui nunquam nisi serò expectationi quam de se pridem
 concitarunt, satisfacient; nolite, obsecro, doctissimos vestros labores veræ
 Philosophiæ candidatis diutiùs invidere. Utinam verò, quod patrum nostro-
 rum memoria fuit in Anglia, etsi irritò conatu, à tribus viris, Latomero,
 Grocinio, & magno illo Thoma Linacro institutum, ut ad illustrandam Ari-
 stotelis Philosophiam, & vertendos denuò ejus libros, societatem jucundissimi
 & fructuosissimi laboris inirent: id, inquam, ô utinam nostrâ hæc ætate
 vigiliis & industriâ doctorum qui nunc sunt virorum, & magni alicujus
 Principis liberalitate effectum liceat videre: Dux namque & auctor opus
 est: bonus nimirum aliquis & literarum ac boni publici amans Princeps, cu-
 jus auspiciis tam præclarum & verè regium opus institui ac perfici possit.
 Quod bonum immensum dum adhuc expectatur, fruantur intereà homines
 Aristotelis amantes hæc librorum ejus editione: ad cujus expolitionem cum
 ab amicis viris qui eam curarunt, etiam atque etiam rogatus essem velut
 symbolam conferre: etsi etiam iis adminiculis parum suffultus, quæ ad tan-
 tum opus desiderantur, feci tamen non invitus, vel ut amicorum hominum
 voluntati, adeò præsertim honestæ, obsequerer, & quo possem modo de
 tanto scriptore ejusque studiosis bene mererer, ut operam aliquam in recen-
 sendis ipsis scriptis ponerem: & cum variantis scripturæ diversitates, quas
 vel editionum collatio peperisset, vel aliquot veterum codicum, qui mihi ad
 manum erant, tum meas etiam locorum aliquam multorum emendationes,
 ad oram libri annotarem. Quo in negotio (baud sanè ita facili ac nasutu-
 lis quibusdam scio videri, qui cum sint ipsum ignavum fuci pecus, nihil
 aliud quàm alienæ industriæ monumenta dente Theonino rodere, & livoris
 atramento nörunt perfundere) etsi non plus temporis est impensum, quàm
 quantum partim operæ vix aliquando interjungentes, partim aliæ occupa-
 tiones nobis concedebant: spero tamen non defuturos gratos homines, qui
 nostro hoc labore se adjutum iri fateantur, ac proinde gratiam nobis ali-
 quam habeant. Is enim auctor est Aristoteles, quem vel minimum juisse
 aliquam fortasse laudem mereatur: nedum tot locis emendasse, quot sunt à
 nobis partim librorum ac veterum interpretum ope, partim aliâ ratione cor-
 recti, & in integrum restituti, scædè in omnibus editionibus, ne ea quidem ex-
 cepta quæ nuper ab eruditissimis hominibus est profecta, depravati. Quamob-
 rem

rem unum illud certè affecutum me spero & confido, nemo ut inveniri queat, 1590. cujus animus tantis invidiæ angustis contineatur, quin nostrum hoc in Aristotelem studium, & qualemcunque ei navatam impensamque à nobis operam æqui bonique consulat, & benignè interpretetur. Et verò, quod præfscinè dictum sit, non ita de nostris studiis desperamus, ut non majora his, & polliceri *ἐν οἷῳ*, & favente divinâ ejusdem clementiâ, suo etiam tempore reapse præstare, atque in communem severiorum Musarum sacris operatæ juventutis utilitatem, evulgare possimus. Vale, Lector. Ex Museo nostro, Idibus Martiis, CIO IO XC.

Præstantissimo Viro,

NICOLAO BRULARDO A SILERI,

HENRICI IV. Francorum & Navarrorum Regis Christianissimi, in Sacro Consistorio Consiliario,
& apud Helvetios Rhætosque Legato,

ISAACUS CASAUBONUS.

(*Præfixa Theophrasti Characteribus.*)

DOctrinam morum, quæ vel utilissima Philosophiæ pars est, Brularde præstantissime, non unâ ratione veteres Sapientes tradiderunt. Fuere qui in rectè constituenda vitæ summa, & inveniendò bono ut putabant, summo, quærendisque, & explicandis mediis ad beatitatem ducentibus, suam omnem operam ponerent. Fuere qui ad singulas vitæ humanæ partes studium conferrent suum, & quid cuique personæ, cuique ætati conveniret, quæ officia singulorum, docere laborarent. Illam priorem Veteres *δευματικὴν*, hanc posteriorem *παρανεητικὴν* Philosophiam nuncuparunt. Fuit verò & tertium quoddam tractandæ morum disciplinæ genus, è re *χαρὰν η̃ρησιεύων* ab iisdem illis nominatum. Pulcherrimam hanc philosophandi viam, primus, ut videtur, senex facundissimi oris, Theophrastus invenit: primus certè, quod ex antiquis monumentis constet nobis, in eo se & elegantissimum illud ingenium suum exercuit. Neque abest conjectura, summum virum cùm à Platone didicisset, virtutem, si oculis cerneretur, mirabiles sui amores excitaturam: rationem & vestigasse prudenter, & pervestigasse solerter, quâ cùm virtutis speciem pulcherrimam, tum etiam vitiorum dedecus ac turpitudinem ipsis penè dixerim corporis oculis spectandam exhiberet. Magnum sanè ausum, & eo viro dignissimum, qui felici illo seculo viveret, quod tulit Socratem, Platonem vidit; Aristotelem generi humano dedit: tres viros constituendæ Philosophiæ sine dubio divinitus excitatos. Quorum in sinu & gremio cùm fuerit hic, de quo loquimur, educatus, nec dubium, nec mirum est, eam ipsum scientiæ *βαδύτητα* esse consecutum, eam scribendi facultatem adeptum, ut nihil unquam sit ab eo profectum, quod non visum sit studiosis sapientiæ omnibus numeris perfectum. Testes sunt hujus tantæ illius præstantiæ, cùm alia hominis monumenta, quæ in studiosorum manibus, hodièque versantur; tum hic quoque liber, aut libri potius *ἀπομνηστικόν*, quod me auctore, atque interprete in tuam se clientelam, si pateris, Brularde clarissime, gestit tradere. Est autem

1592. hic ille Theophrastei ingenii fœtus, de quo paulò antè dicebam: liber, sine dolo dicam, aurum contrà non carus. Nam quòd ille integer ad nos non pervenerit, adeò non debet ea calamitas reliquarum istarum pretium apud nos imminuere: ut contrà potius eò majore curâ ac studio, ceu tabulæ aliquæ ex ingenti naufragio superstites, colligendæ nobis colligandæque videantur. Neque sanè veteri unquam subiit, ne, quas horas in emendando, vertendo, & explicando hoc fragmento ponebamus, eas docti viri malè nos collocasse judicarent. Et verò præter gravissimorum virorum adhortationes, quibus excitari primùm sumus ad hanc qualemcumque operam Theophrasto commodandam: exemplo etiam sumus confirmati doctissimorum hominum, quos ante nos in eandem descendisse arenam videbamus; qui tantum aut temporis aut diligentiae huic negotio impendissent, quantum res postulabat: facile mihi persuadeo, potuisse illos & mihi, & aliis omnibus occasionem præcipere falcem in ipsorum messem injiciendi. Verùm quid inter illorum editionem & nostram hanc intersit, doctis candidisque Lectoribus æstimandum & judicandum relinquimus. In primis autem te, Brularde sapientissime, arbitrum ferimus: cujus judicio si stabit & probabitur nostra hæc opella, næ causâ non erit, cur de cæterorum eruditorum calculis aut desperemus, aut multùm simus solliciti. Quod enim ille olim de Platone, id ego non minore jure nunc de te, *Unus tu mihi instar omnium*. Nam & is es tu, in quo uno cunctas habitare virtutes, quas in aliis mirari solemus singulas, uno omnes ore pridem fatentur. Te quondam in media patria, & in oculis tuorum civium Reipublicæ gubernacula, integritate, justitiâ, & moderatione summâ inter præcipuos tractantem, laudibus in cœlum omnes ferebant. Te nunc legationis hujus amplissimo munere difficillimis hisce & tantùm non desperatis temporibus, prudentissimè, fœlicissimèque fungentem, omnes mirantur. Te denique fortissima Helvetiorum gens tanquam unicum, & cœlo delapsum fidei, constantiæ, veritatis, gravitatis, & ut uno verbo dicam, veteris illius Franciæ generositatis, quæ pridem defecisse in nostra gente artibus corrupta exoticiis, videbatur, exemplar intuetur, suspicitque. Quid ego nunc commemorem, non Juris civilis tantùm, sed plurimarum artium honestissimarum accuratam cognitionem? quid summum illum amorem, ardoremque in literas, & cùm plurima teneas, plura indies discendi desiderium? quod cùm à puero maximum tibi Naturæ auctor Deus inolevisset, ne nunc quidem inter tantas, tam molestas, tam difficiles curas & occupationes relanguit, nedum exaruerit. Accedit ad has tantas virtutes tuas, ceu inserta pulcherrima, singularis morum comitas: quæ te omnibus bonis non minùs reddit amabilem, quàm illa priora venerabilem. Et erit aliquis qui miretur tantum te gratiâ, tantum auctoritate apud omnes pollere? mirarer potius, si qui esset, qui cùm te vidisset, cùm loquentem audisset, non stuperet. Equidem ut primùm te vidi, & quæ antè famâ de te acceperam, præsens majora omnia in te agnovi: nunquam ab eo destiti silentio, atque *ὑψηλὰ* animum istum tuum tam excelsum, & tot virtutibus exaggeratum venerari, cujus affectus, animique in te mei patere, obsecro te, Vir maxime, extare hoc cuicuiusmodi est, testimonium: meamque hanc sive temeritatem, sive audaciam æqui boni consule. Vale.

a. d. *IV. Kalend. Febr. CIO IO XCII.*

Viro illustri,

JOSEPHO SCALIGERO,
JULII CÆSARIS FILIO,
ISAACUS CASAUBONUS
S. D.

(Præfixa Apologiæ Apuleji, editæ anno 1594. in Quarto.)

ERitne, Vir nobilissime, ut tu me putes otio meo abusum, cum hisce die- 1594.
bus recensendæ huic quam tibi mitto Orationi, temporis aliquantum po-
sui? scis enim pater illius quàm malè apud multos audiat: quàm graves de
ejus Latinitate sententiæ vulgò ferantur. Quod si tu idem censes, quid aliud
de me, & ea quam hîc impendi opera pronunties, nisi bonas horas me malè
collocasse? Ego verò cum ab eo longè absûm, ut ita de hoc scripto (nam re-
liqua ejusdem nihil moror) existimantibus assentiar: tum ejusdem te mihi ju-
dicii esse, nullus dubito. Nisi enim illorum opinioni accedimus, qui totius
Latinitatis fines sex, septem auctorum scriptis contineri putant; quid est cur
hic liber lectione ac studio nostro indignus esse videatur? Nam equidem sic
censeo, post tempora Antoninorum vix quidquam aliud extare hodie magis
πρωτότυπον, magis comtum, magis denique Latinum. Aut dicat mihi aliquis,
ubi major quàm in hoc tantulo, & eo quidem forensi scripto, eruditionis
non protritæ copia. Quàm eleganter, quàm doctè loci hîc aliquot è Philoso-
phia tractantur? quantum in sententiis acumen? quanta in dictione, ut iis
temporibus & locis, castitas? Non hîc mihi quisquam reperiat ullos τῶν νοημά-
των ὑψηλὸς & tumores vanos, aut argutiolas ineptas: non ullas verborum for-
des: quæ maxima orationis vitia plerisque omnibus ejus sæculi Autoribus, &
qui deinceps infecuti, fato quodam Eloquentiæ & Imperii Romani simul
ruentium; adhæserunt. At erunt fortassè qui non verborum, sed rerum cri-
mina objectent: quippe Apologiam hanc, à famoso olim Mago pro defen-
sione Magiæ scriptam, ab oculis conspectuque nostro esse rejiciendam: more
multorum videlicet facient, ut ea damnent quæ nunquam legerint, si qui ita
sibi persuadebunt. Nos contrà, non defensionem hanc esse Magiæ, sed gra-
vissimam ejusdem accusationem, audenter affirmamus. Quid enim aliud hinc
colligas, quàm fuisse omnibus semper sani judicii hominibus curiosas artes im-
probatas, & legibus vetitas? Ni ita sit, nunquam profectò, ut doctè sanctis-
simus vir Augustinus disputat, tantâ contentione, tantoque opere id crimen
ceu omnium maximum à se Auctor disertissimus amolitum iisset. Quamob-
rem dabunt, spero, nobis optimi & gravissimi viri voti nostri veniam, quod
tam eruditum antiquitatis monumentum non ita lacerum circumferri, neque
ita αἰκιστοὶ πλεγμαὶ deformari, semper optaverimus. Quamquam votum hoc
nostrum nihil aliud nisi votum fuisse, nosque de hac editione nunquam ante
hoc tempus quicquam cogitasse, & liquidò jurare ipsi possumus, & nôrunt
illi optimè, quorum petitu suscepta mihi & nata hæc scriptio est. Nuper
adeò, cum apud me essent amici quidam & familiares mei, adolescentes has
e literas

1594. literas apprimè docti, & super mensam orto de hujus libri mendis sermone, ostendissem iis quæ pridem inter legendum, ut fit, ad oram mei codicis adnotaveram: cœperunt vehementer à me contendere, vellem illa ipsa cum studiosis communicare. Quid multa? non antè finem orandi mei fecerunt, quàm exorarunt. Hæc ita accidisse, meque penè invitum, certè *ἐκὼντα ἀκρόντι* *ὑμῶν* horsum fuisse impulsus, illi ipsi amici mei, quod gaudeo, testimonium mihi apud te perhibebunt. Commodum enim, ut spero & opto, eodem tempore & illi isthuc appellent, & hæc nostra in tuas manus veniant. En igitur tibi, Josephæ Scaliger, princeps eruditorum, paucorum dierum dicam, an horarum fœtum: quem, etsi *ὑπερέμουν*, ausus sum muneri tibi mittere. Nam & gestiebat pridem animus, mei in te amoris atque observantiæ monumentum aliquod in vulgus edere: & me nunc illustris tui nominis patrocínio cum maximè indigere probè intelligebam. Tu ne auctoritatem defugas, per ego te nostram amicitiam, etiam atque etiam rogo atque obtestor. Debes hoc mihi; Vir nobilissime, debes: qui tuis literis ita me nuper excitasti, ita *ἐνσπύρας*, ut si quid in hoc negotio confidentius à me sit admissum: id ego non tam meum quàm tuum iudicium sequutus, peccaverim. Quæ ergo eius generis erunt, ea tu, pro divina illa tua æquanimitate, quæ me non ita pridem in ruborem dedit, excusabis: pro illa singulari eruditione, quâ omnes mortales in tui admirationem rapuisti, corriges: ac, pro tuo, tuique parentis, illius Sophi, more, quæ nobis aliisque sunt incomperta, nos docebis. Deus Optimus Maximus te servet, *Μεγαλῆτα*. Vale: & proximâ fœturâ, si vitam idem Deus, si otium concesserit, Athenæum ac Suetonium à nobis exspecta.

Viro Clarissimo,

PHILIPPO CANAIO,

Fraxineti & Monticuli Domino, Sanctioris Consistorii
Regii Consiliario, Germaniæ Exlegato, & in
supremo Occitaniæ Senatu Præsidi,

ISAACUS CASAUBONUS

S. D.

(Suetonio præmissa, edito anno 1595.)

1595. **T**riennium ferme est, Præses clarissime, cum Suetonii Tranquilli librum secundum in hac schola publicè explicui, in quo negotio ut eâ fide verfarer; quam & muneris mei ratio postulabat, & alacritas honestissimorum adolescentium, qui mihi assiduam operam navabant, occasionem nactus sum inquirendi in omnes Historiæ Romanæ partes, paullò quàm fecissem antea, diligentius. Est enim liber ille, quod te minimè later, Vir doctissime, ita scriptus, ut frustra sit aliquis speraturus, se eum vel explicare aliis, vel intelligere satis posse, quin omnia omnium Veterum scrinia excusserit, in quibus aliquid lateat, aut ad publicum ejus Reipublicæ statum, aut ad privatam singulorum vitam & mores pertinens. Quod cum à nobis non segniter sit tentatum, ejus laboris hunc fructum referre visi sumus, ut plurima, quæ in
Tran-

Tranquillo, quâ in aliis generis ejusdem scriptoribus, necdum cuiquam occu- 1395.
pata, observaremus. Itaque non destiterunt ex eo agere mecum amici qui-
dam, ut ea colligerem ac publicarem. Quibus tamen ut cederem, non antè
inducere in animum potui, quàm exististi mihi etiam tu, quando in Ger-
maniam tuo accitu veni, eorum edendi auctor & suator. Expugnavit propo-
situm meum auctoritas tua, Vir maxime: quæ merito suo tanta apud me est,
quanta non temerè aliis cujuscquam. Cepi igitur ab eo tempore præstantissimi
hujus Auctoris edendi consilium: quod sæpe tamen postea, destitutus antiquis
exemplaribus, præsidio ad eam rem necessario, abjeci. Enimverò præter om-
nem spem experti sumus, quod ille ait, --- πῶς δὲ πάντα πλεῖστα. Nam unde
nunquam existimaram, affulsit nostro huic incepto lux: de quo cùm clarissi-
mum virum, Augustum Thuanum, super cætera decora nostrorum quoque
literarum amore & cognitione juxta magnum, scripsissem, impetravit is mihi
ab humanissimo doctissimoque Petro Pichæo auxilium libri manuscripti: qui
nobis quanto usui fuerit, ἀνὰ δεξιὰ. Adfuerunt mox & alia, tam expetita
semper, quàm insperata diu adminiculâ: quorum suo loco facta à nobis sin-
gulatim mentio est. Omnium tamen maximum, ne quid dissimulem, fuit,
quod ipsi nobis oleo & operâ nostrâ paravimus: dum enim singula Suetonii
cum iis contendimus, quæ apud cæteros scripta leguntur, multis, nisi falli-
mur, locis lucem fecimus, quam priores Interpretes non fecerant. Quod non
eo dico, ut doctissimorum hominum laudibus obtrectem: præstiterunt alii,
quantum tempora permiserunt: alii, quantum per diversa studia & occupa-
tiones licuit: omnes, quantum potuerunt: quo majus aliquid velle exigere,
pars injustitiæ: non vidisse eos omnia, haud ipsorum culpa, sed fatum & lex
humanæ naturæ est. Quare neque illi suâ laude fraudandi, neque nobis, aut
iis qui nos porro sequentur, aditus ad eandem palmam debuit esse præclusus.
Laus est publica, inquit ille. Atqui fuerunt, qui rem me facturum dicerent
Lævino Torrentio viro clarissimo parum gratam, quòd in ejus messem, ut
ajebant, falcem injicerem. Ego verò falli eos persuasum habeo: & neque
genium nostrorum scriptorum, neque mores tanti viri nosse: quem ex iis
quæ adhuc edidit, novimus non minus candidi pectoris quàm doctum & eru-
ditum. Equidem non tam hujus judicium reformido, quàm aliorum quo-
rundam jejunas expecto querelas, quòd toties velut è via in diverticulum, ad
opem ferendam aliis scriptoribus, Græcis maxime, excefferim. Quos tamen
scire volumus, si studio factum hoc à nobis esset, potuisse nos facile vel alte-
rum tantum observationum, aut eo amplius adjicere: atque adeò nihil pro-
pius factum, quàm ut adderentur & illa. Nam cur oblatam bene merendi de
literis occasionem non ambabus arriperem? tempus tantum & otium defue-
runt: pleraque enim horum, etsi adnotata pridem in liturariis meis, casu ta-
men quodam scripta raptim, brevissimo tempore, prælis urgentibus fuerunt.
Sed nimirum animos tu faciebas nobis, Præses clarissime. Tuis auspiciis in-
choatum, tuis consummatum hoc quicquid est, qualecunque. Ut militem
animat in prælia Regis magni præsentia, redditque ἀντὶ τοῦ κρείττου: ita me sua-
vissima tui recordatio alacrem, & semper recentem. Sperabam quidem tuorum
in me maximorum meritorum, & meæ summæ in te observantiæ Polybium
potius fore apud omnes interpretem: sed cùm nimis spissè variis de causis,
quæ non erant τῶν ἐπ' ἐμοί, procederet id operis: memor esse ἀθροῦν σκιάς ἑναρ,
& bullam, non potui diutius debere tibi hanc grati animi mei testationem:
quæ ut in plurimorum manus veniret, meæ intererat pietatis: id verò à scri-
ptore Græco, in hoc studiorum tanto frigore & quasi senectâ, expectare non
poteram. Paucos enim habes, Vir doctissime, tui similes: qui Græcum ser-

1595. monem ita amas, ut nemo magis : ita calles, & quoties lubet usurpas, ut vix pauci. Dico audenter, neque vereor, ne ludibrium propterea cuiquam debiturus sim : habeo enim iudicii huius mei obsidem, volumen epistolarum tuarum, Deus bone, quâ elegantiam scriptarum ! quantâ eruditionis copiam refertarum ! Sanè qui disciplinam Juris, qui mysteria Philosophiæ Aristoteleæ mirabili solertia scrutetur, cum non linguæ tantum, sed literarum quoque Græcarum omnium peritissimum esse, πᾶσι ἀνάγκη tua quanta sit in utroque genere præstantia, & sciunt omnes eruditi, qui te norunt : & testantur doctissima scripta, quibus æternitati nomen tuum commendasti. Nolo verecundiam oris tui commemoratione cæterarum laudum tuarum onerare : de quibus si dicere aggrediar,

τί πρῶτον, τί δ' ἔπειτα, τί δ' ὑστέρον κατὰ λέξω;

Nam opes quidem avitas, & honores quos sub duobus maximis Regibus obiisti summos, facile prætermitto : tua enim propriè illa non sunt. Tuæ sunt illæ eximiæ animi dotes, quibus excellis : pietas, prudentia, fortitudo, cujus & in publicis sæpe, & in privatis periculis nonnunquam specimen dedisti, & illa animi altitudo, quæ in utraque fortuna te semper eundem præstitit. Ista sunt verè tua, verè bona, verè divina : sunt enim à Deo, qui hanc, ut dicam cum Alexandrino Clemente, ἐπέταξέ σοι δαπάνην θεῖαν. His ut fruaris quàm diutissimè, utarisque ad publicam patriæ salutem, Musarum patrocinium, tuum tuorumque decus, supplex Deum Opt. Max. etiam & etiam veneror. Vale, Præses clarissime, & me usu & mancipio tuum ama,

O & præsidium, & dulce decus meum.

E Musco meo, a. d. VII. Eid. Augusti, CIO. IO. XCV.

Amplissimo Viro,

PHILIPPO CANAIO,

DOM. A' FRAXINIS, & MONTICULO, Sanctioris
Consistorii Regii Consiliario, Germaniæ Exlegato,
& in supremo Occitaniæ Senatu Præsidi,

ISAACUS CASAUBONUS

S. D.

(Præfixa Appendiculæ Animadversionum in Suetonium, editæ anno 1596.)

1596. **L**ibros Suetonii Tranquilli de XII. Cæsaribus, cursim relegi, Præses amplissime, per hos dies : simul spicas in iis pauculas legi anno invisas nobis, cum nova pumice expolitos ad te eos misimus. Quod tunc ista nos fugerint, non mirabitur paullo quisquam iudex æquior. Nemo enim homo natus, tam sollicitè diligens unquam fuit, qui in ubere messe nullum relinqueret spicilegium : nemo unquam ita Lynceus, qui, in hoc præsertim literarum genere, cuncta semel pervideret. Sed & posteriorem semper diem prioris esse magistrum, oraculum est, non dictum majorum : Naturæ ipsius, non

non hominum scitum. Taceo quòd superior illa editio properanda mihi necessariò potius, quàm maturanda fuit. At esse tam pauca etiam nunc adjecta nobis, miraberis fortasse tu, qui plura his & graviora potuisse addi, pro tua singulari eruditione intelligis. Sed nos cùm hæc scribebamus, ita habebat occupatos atque exercitos Athenæi recensio, quam virorum doctissimorum hortatu suscepimus, ut alio mihi apud te patrono hoc tempore, quàm Athenæo, non sit opus. Is mihi, scio, facile à te impetraverit, ut quo vultu priorem editionem suscepisti, eodem hanc quoque parvam tantisper digneris, dum augustior alia tibi à nobis paratur. Feres igitur animo non iniquo, Cannai, decus nostrum, exstare in Monetæ Filiarum Sacrario hanc quoque, licet exiguam, & indicaturæ sanè quàm tenuis, inscriptam nomen tuum tabellam. Esto summæ illius admirationis, quam eximia illa tua atque excellens virtus pridem mihi expressit, etiam istud cuicunque apud posteros testimonium. Sic voveo; sic spero: sic meritum certè est tuum. Vale. Aug. 1596.

P R Æ F A T I O

præfixa Animadversionibus in

MONUMENTUM ANCYRANUM,

vulgò Suetonio adjectum.

Vlvo Augusto aras & templa fuisse in provinciis posita, testantur & histori, & alia prisce ævi monumenta. Primus ipse hoc in honorem patris sui vel imperaverat, vel petentibus concesserat, ut est apud Dionem lib. LI. Quod postquam semel institutum est, pleraque provinciæ exemplum secutæ, pro magno beneficio postularunt sibi jus dari aræ ponendæ, aut templi, in aliqua suarum urbium, ubi communi nomine populi totius provinciæ honoris ejus causâ, & sacra facerent & ludos ederent: talis in Gallia Lugdunensis ara, ad quam sexaginta populos convenire solitos refert Strabo: talis in altera Gallie parte ara Narbonensis, & in aliis provinciis aliæ, tum Augusto, tum Julio Cæsari positæ: tanto quidem studio & adulatione, ut earum urbium incolæ, quæ hujusmodi templa apud se haberent, non alio magis nomine superbirent, quàm quòd essent istorum νεώτερον νημι-
num ædificii: quemadmodum olim in Senatu Romano Lætorium esse locutum, refert Suetonius libro II. capite v. Sic interpretor veteres illos nummos in quibus extat vox ΝΕΩΚΟΡΩΝ. cujusmodi sunt cùm alii, tum isti: ΚΑΙΣΑΡΕΙΑ ΣΕΒΑΣΤΑ ΝΕΩΚΟΡΩΝ. ΙΟΥΛΑΙΟΣ ΘΕΟΣ & ΜΑΜΕΡΤΙΝΩΝ ΝΕΩΚΟΡΩΝ. Antiquarii, quorum diligentia & industria plurimum debemus, falsò existimant, in hujusmodi nummis vocem νεώτερον idem significare ac νεώτερος: quæ Græci sermonis imperitia pluribus arguenda non est. Sunt etiam nummi, in quibus adjecta particula δις, ut: ΚΝΩΣΙΕΩΝ, ΔΙΣΝΕΩΚΟΡΩΝ, & ΜΕΣΣΑΝΙΩΝ ΔΙΣΝΕΩΚΟΡΩΝ. Eâ voculâ putem (si ullus in re perobscura conjecturæ locus) geminum templum notari, alterum D. Julio, alterum D. Augusto sacrum. Porro inter alias urbes quæ maturè templum Augusto extruxerunt, urbs Ancyra fuit. Nam ibi divinos honores Augusto vivo fuisse exhibitos, testis ipse in Edicto, quod refert Josephus, Originum lib. XVI. cap. x. Verba Edicti sunt: τὸ π ψήφισμα π δέβιν μοι ὑπ' αὐτῶν ὑπὲρ τῆς ἱμῶς ἐνιστάσας, ἥς ἔχον πρὸς πάντας ἀνθρώπους, καὶ ὑπὲρ Καίρ Μαχίς Κηροπύλῃς, καὶ τῶ

τὸ διάταγμα κελύς ἀναπύθηναι ἐν ἐπιστημοτάτῳ τόπῳ γνηθῆναι μοι (*malim ἀναπύθηναι μοι*)
 ὑπὸ τῆς κοινῆς τῆς Ἀσίας ἐν Ἀγκύρῃ· ἵαν δὲ πῆ παραβῇ π τῶν προσηρημένων, δῶσαι δίκην ἡ με-
 τείων· ἐξηλογραφῆθαι ἐν τῷ καίσιν· ναῶ. *Vulgò legitur in Josephi codd. ἐν ἀγκύρῃ:*
nullo sensu. Quare etiam Rufinus, Josephi vetus interpres, ea verba omisit.
Sed docuit nos in magno opere De Emendatione Temporum Josephus Scaliger,
unicum literarum decus, legendum esse, Ἀγκύρῃ: quā conjecturā meo iudicio
nihil certius. Etsi subit mirari, cur commune Asiæ ei potius civitati illum
honorem habuerit, quā Epbeso, quæ erat per illa tempora πρῶσχημα, & ve-
lut metropolis Asiæ. At Ancyra non Asiæ, sed Galatiæ tantum metropolis
erat. Sed τῆς Ἀσίας fortasse fuit, quòd Augustus peculiari curā & amore hanc
urbem prosequeretur. Reperio enim, etiam conditorem Ancyrae Augustum
fuisse: cuius rei auctorem habeo Johannem Tzetzem, qui id narrat Cbiliade
primā, capite de Mida. Olim non totius Galatiæ, sed partis tantum
Tectosagum metropolis ea urbs fuit: verum postquam tota Galatia per Au-
gustum in unam provinciam est redacta, totius Galatiæ caput esse cepit:
quod non ex Strabone discas, quem mirari satis non possum, tam levem ha-
rum rerum fecisse mentionem: sed ex ista veteri inscriptione, quam Romæ
extare, testimonio doctorum virorum discimus.

Α. Φ Α Β Ι Ο Ν

Κ Ε Ι Α Ω Ν Α

Τ Ο Ν Λ Α Μ Π Ρ Ο Τ Α Τ Ο Ν

Ε Π Α Ρ Χ Ο Ν Ρ Ω Μ Η Σ.

Υ Π Α Τ Ο Ν Τ Ο Β.

Η. Μ Η Τ Ρ Ο Π Ο Λ Ι Σ

Τ Η Σ Γ Α Λ Α Τ Ι Α Σ.

Α Ν Κ Υ Ρ Α

Τ Ο Ν Ε Α Τ Τ Η Σ

Π Ρ Ο Σ Τ Α Τ Η Ν

Hinc est quod legimus apud Suidam, Ancyranos dictos esse, qui olim appel-
 labantur Ἐγκυρογαλάται. Auctor Itinerarii antiquissimi, à Petro Pitheo editi,
 hanc urbem nunquam Ancyram, simpliciter; sed semper cum adjectione,
 Ancyram Galatiam, aut Galatiæ nominat. Similiter & Græci, Ἀγκύρας τῆς
 Γαλατίας, ut apud Epiphanium libro III. in Marcello Ancyrano: vel unā voce,
 Ἀγκυρογαλάται, ut apud Athanasium in epistola quadam Patrum Sardicen-
 sum. Mortuo Augusto, quin multa ambitiosè decreta in ejus honorem fue-
 rint & Ancyrae, & in aliis plerisque oppidis provinciarum, nemo dubitabit
 qui eorum temporum adulationes noverit. Tunc temporis videntur Ancy-
 rani & petisse & impetrasse à Senatu facultatem transferendi in templum
 Augusti, quod in ipsorum urbe erat, hunc rerum gestarum ejus indicem:
 quem manu Græcorum, linguæ Latinae prorsus imperitorum, fuisse vel Romæ
 descriptum, vel postea sculptum, res clamat ipsa: adeo multa sunt perpe-
 ram & contra omnem Latinitatem expressa. Multa in hoc nobilissimo ve-
 tustatis monumento nuper eruditè animadversa sunt ab eruditissimo clarissi-
 moque viro Justo Lipsio: conabimur & nos aliquam illi lucem ex historia
 adferre.

H E N R I C O I V.

Christianissimo Galliarum Regi & Navarræ,

ISAACUS CASAUBONUS

S. D.

*(Præfixa Animadversionibus in Athenæum, editis anno 1600. in Folio.)*

ANIMADVERSIONES nostras in Athenæum, Græcorum ferè doctissi- 1600.
 mum scriptorem, ausus sum, Rex Christianissime, Majestati Tux consecrare. Ut auderem, multa me, præter eximiam lenitatem tuam omnibus cognitam, impulerunt. Opus est laboriosissimum: Tū non Principum modò, sed prope dixerim mortalium qui sunt, qui unquam fuerunt, laboris patientissimus, amantissimus. Ad lucem & rerum & morum antiquorum scriptum est: Tua Majestas quanti cognitionem antiquitatis penderet, cū aliis claris testimoniis sæpè, tū insigni nuper palam fecit: cū me viris amplissimis qui tuum consilium participant, de hoc studio notum, Lutetiam accivit, liberali stipendio donavit, marcentem ad spem meliorum erexit. Emendationem denique Opus nostrum proficetur auctoris magni, à vetustate miris modis deformati: Tua Majestas pace domi forisque partâ, virtute Dei, tuâ invictâ dexterâ, in eam nunc curam toto pectore incumbit, ut quicquid in Regno tuo superiorum temporum licentia depravavit, emendet, reformet, instauret. Hæ sunt cogitationes, quæ cœlestem animum tuum dies noctisque exercent. Et meritò, Rex maxime. Pater enim Patriæ & diceris, consentientibus omnibus omnium ordinum vocibus; & es revera. Nam quis ille paterfamilias, cui suorum liberorum fortunæ majori sint curæ, quàm tuorum tibi subditorum? Cui verò homini privato ita nota sunt domus suæ negotia, ut tibi omneis Regni tui, maximæ, minimæ partes? Et jam tu quidem, magne Rex, in ordinatione Reipublicæ tantum paucis annis promovisti, quantum vix multis fortasse lustris alius: nondum tamen, licet tot fessus præliis, tot inclutus victoriis, ad otium & quietem, ut natura fert hominum, converteris. Quin difficiliora in dies, majora, & meliora, moliris, aggredieris, exequeris. Ibit igitur in annaleis, Rex potentissime, unum te à multis retrò seculis extitisse, cujus mens ignea pari curâ ac felicitate belli munia, & pacis artes atque ornamenta coleret. O laudem etiam melioribus seculis, nedum isto ferreo, & magnarum animarum sterilissimo, raram atque inusitatam! Nec mirum: diversissima enim est ad utramque sectam via: dissimilis natura mentium: discrepantes pacis bellicque rationes. Non replicabo ambitiosè veterum aut recentium temporum monumenta, ut dicto faciam fidem. Sed profectò ita est: cū omnia evolverimus, vix Principum millesimus quisque invenietur, domi militæque juxta bonus. Enituit aliquis in bello? at oblolevit idem in pace. Alius in ista excelluit? at bellandi idem imperitus. Tua Majestas res olim dissociabiles, prudentiam civilem, & militaris rei scientiam miscuit, ac novo exemplo temperavit. Sed bellicas laudes tuas aternitate dignissimas, tacere malo quàm attaminare. Magnitudo quidem rerum à te gestarum ea est, ut celeberrimus quisque ingenio ad prodendam fortitudinis

1600. tuæ memoriam sine gratia aut ambitione, bonæ tantum conscientiae pretio, pelliciat. Clementiam verò tuam, propriam & peculiarem tibi virtutem, silentio transire, nefas ingens ducimus. Nam cujus miraculi est, bellatorem tantum, armis & præliis innutritum, stillam cruoris humani nullam unquam nisi in acie fuisse? ibi quoque vel insensissimis hostium, herbam modò porrigerent, semper libentissimè pepercisse? vitam cum multis hominum millibus dederis, nemini unquam exprobrasse? eà denique moderatione constanter usum, facile ut omnibus appareat, oblivionem te belli civilis malle quàm gloriam? Quamobrem, magne Heros, tantæ virtutis hoc à Deo præmium tulisti, ut nutans, & prope jam collapsum tuum & majorum tuorum Regnum in suam sedem restitueres, stabilires, & altioribus in posterum radicibus, (quantum quidem humanis consiliis potest provideri) fundares. Quid dicam de fama nominis tui, quâ orbem terrarum universum dudum implèsti? Narrant rerum Romanarum auctores, Augustum, Principem divinitus ad maxima electum, post Janum clausum, mirâ lenitate & æquitate imperantem, moderationis hujus famâ Parthos, veteres Romanorum hostes, ita cepisse, ut signa militaria, quæ M. Crasso & M. Antonio ademerant, reposcenti redderent. Quid posterì de Tua Majestate, Rex augustissime, dicturi sunt? cujus fama tantum apud potentissimum Hispaniarum Regem, Philippum, illum tot regnorum everforem, valuit, ut non signorum inutilium, sed urbium munitissimarum redditione tuam amicitiam sibi suisque judicaverit redimendam. Nam quod pro magno in iisdem legimus historiis, Nationes exteras amicitiam Augusti expectantes, Legatos undique Roman misisse? quis miretur adeò, qui sciat quâ magnificentia, quo comitatu magnus Allobrogum Dynasta, admiratione tuarum virtutum excitus, usque inde è finibus Italiae & Alpium radicibus ad Regiam tuam nuper sit profectus? Dies me deficiat, imò & annus, si decora sigillatim tua recensere instituiam. Sed enim, Rex maxime, tot palmis, tot lauris, tot coronis, unus adhuc ut accedat titulus, OBSERVATAS, ET PRISTINO SPLENDORI RESTITUTAS MUSAS, omnes qui literarum puritatem amamus, vota assiduè facimus, & ab indulgentia tua petimus, experimus, ac (*si fas dicere: sed fas.*) exigimus. Misereare, ô Pacis & Innocentiae magne Vindex, amicissimas pacis & innocentissimas Divas. Patieris, Princeps benignissime, jacere æternum tuam illam Academiam, clarissimum quondam non solum Galliarum, sed totius Europæ lumen? Patieris, doctissimos viros, qui se illi suamque operam addixerunt, opem tuam diutius desiderare? Patieris ut ventura secula, postquam ingentes illas substructionum moles, & nitentia marmore, auroque radiata palatia, quæque in Urbe, quæque alibi, tot simul locis regiis planè impensis à Majestate Tua excitantur, fuerint mirata, causam spretæ à te Academiae tuæ possint requirere? Ne hoc Deus immortalis firmit. Illum nos, Rex invictissime, ut quàm diutissimè Majestatem Tuam salvam atque incolumem præstet; utque tua omnia consilia fortunet, & ad gratum sibi, gloriosum tibi, utilem tuis finem dirigat, supplices, quantâ maximâ possumus pietate oramus, obsecramus, obtestamur. Exaudi, Deus Opt. Max. & sidus hoc, quod præcipitato in profundum, ac demerso in tenebras orbi Gallico refulsit, velis perlucere. Scripsi Lugduni, in ædibus viri Tuæ Majestati addictissimi, Merici de Vicque, veteris Musarum nostrarum hospitis, a. d. xvii. Kalend. Augusti, cio ioc.

P R Æ F A T I O

præfixa Animadversionibus in

A T H E N Æ U M.

AD LECTOREM.

VETUS est eruditorum querela, candide Lector, mendis deformibus Antiquorum scatere monumenta. Quæsti sunt & sæpe & graviter de hoc studiorum malo accuratiores omnium ætatum Philologi, Historici, Philosophi, Medici, Juris periti, & beati etiam Patres: atque uno verbo, sicut alibi clarè ostendimus, quicumque ferè apud Hebræos, Græcos & Latinos, ab annis retrò bis mille & amplius, cum iudicio pariter & amore veritatis, in literarum studiis sunt versati. Nimirum ita res habet: hominis & omnium humanorum operum, quàm corporis, quàm ingenii, si remps lex est. Nasçitur ille & denasçitur: sexcentis intereà valetudinis adversa incommodis, aliisque casibus obnoxius. Scias & in istis usu idem venire. Itaque cum ex infinita prope veterum scriptorum copia oppidò pauci interitum effugère: tum horum plerique sic laceri, sic corrupti, sic mendis deturpati, vix ut ipsi in suis scriptis, si virgulâ, ut ajunt, divinâ huic luci fuerint redditi, sese sint agniture. Tantum ævi longinqua valet mutare vetustas. Misera profectò res, & sapientiæ studiosis vel veris lacrymis descendenda. Unde enim nobis eruditio parabilis, unde cognitio disciplinarum, unde totius præteriti temporis notitia, nisi ex libris Antiquorum? Iis si utimur depravatis, quid superest aliud, nisi ut Ixioni similes, umbram pro re, errorem pro scientia, falsum pro vero amplectamur? Ut planè ridiculi sint, qui emendatione an inemendato libro utantur, sua nihil putant interesse. Isti sunt, partim Democriti populares, & Arcades βαδανφάρυι; partim vitiligatores, literas perverrà docti, divinæ Critices (legitimam intelligo, non istam volgivagam, & ut loquitur Tertullianus, passivam) hostes & contemptores: quorum fatuitatem aut κακότητας tot locis magnus Galenus tam acriter est infectatus. Nos autem in eo libro, quem accuratissimâ diligentia de Critica fecimus, plurimos in vitam errores ab hoc fonte manasse, vero vicimus. Sed studii hujus necessitatem Hebræorum Doctores verbo indicant, qui Legis divinæ, (quanto igitur meliore jure humanorum scriptorum?) sæpem esse Criticam, non minus verè quàm eleganter pronunciant. Enimverò, Lector, ex omnibus illis, quorum ad nos scripta pervenerunt, nullus est, quantum equidem memoriâ repeto, qui à vetustate pejùs aut crudeliùs fuerit acceptus, quàm Naucratica ATHENÆUS: scriptor verè ἀλοπαδίστης, verè undecunque doctissimus; & ut paucis multa complectamur, Græcorum Varro aut Plinius. Hujus igitur tam eruditi auctoris luculentissima scripta priorum seculorum barbaries ita vexavit, ut nondum statuerim, magis gaudendumne studiosis fuerit, non penitus illa intercidisse; an dolendum, quòd sic affecta ad nos sint transmissa. Parum fuit caput misero præcidisse & pedes: priores videlicet libros duos, cum tertii principio, & maxima ultimi parte: adjecta est artuum aliquot laxatio: in ipsum denique truncum ita sevitum, ut foricinâ neniâ confessorum eum nobis reliquerint. En temporum illorum immanitatem, quibus omnis humanitas, & meliores literæ ignorabantur: nedum ut Critices hominibus illis ullus superesset sensus. Postea verò quàm singulari

1600. Dei beneficio in Europam literæ sunt postliminio reductæ; seriùs quidem, sed tamen extitère tandem cordati viri, qui Athenæi aliis editione, aliis versione iter ad famam affectarent. Anno demùm M. D. XIV. Aldus ille, cui vitam multi scriptores Græci debent, è tenebris illum in lucem produxit, adjutus à Musuro Cretensi. Fatendum verò quod negari non potest, viros solertissimos & doctissimos neque in exemplaribus nanciscendis felices fuisse, neque in editionis suæ emendatione nimis accuratos. Et tamen Musuri diligentiam seriò commendat Aldus. Quales igitur fuisse dicemus eos codices, quibus ille est usus, cùm eorum comparatione Aldina editio emendatissima censeretur mereretur? Secuta est post annos viginti Basiliensis editio. Hanc concinnarunt Jacobus Bedrotus & Christianus Herlinus; ambo, opinor, juvenes Germani: qui etsi à librorum præsidio imparati, neque multò fortasse minus ab idonea eruditione, oneri subierunt viribus suis impari; vel solo tamen bene de literis merendi studio, qui posteritati ostendantur, non sunt indigni. Sed enim destitutum libris melioribus ad Aldini exemplaris emendationem accedere; hoc verò erat, siue navigio mare magnum velle transmittere. Quemadmodum autem horum conatus manu exaratorum inopiâ in nervum erupit: sic illum Venetum, qui ante omnes alios, (nam de Sanga Romano vereor ut credendum sit Paulo Jovio,) Latinum fecit Athenæum, Criticæ imperitia toto opere plus quàm pueriliter cøgit ineptire. Quamobrem, etsi erat ille vir non indoctus, quod alia ipsius testantur scripta, versio tamen edita ab eo est, adeò nullius frugis, aut tam exiguæ, ut præter egregiæ voluntatis testimonium, nihil penitus inde laudis reportarit. Non multò post provinciam eandem celeberrimi nominis in hac frequentissima urbe Medicus, Jacobus Dalecampius suscepit, cui viro eruditissimo, si tantum otii ad hanc ornandam Spartam quotidiana agrorum imperia concessissent, quantum fuit in ipso *φιδανίας* & amoris erga literas; non dubitamus, & meliorem & accuratorem interpretationem potuisse ab eo sperari. Etsi memoriâ tenemus, dixisse illum aliquando nobis, huic potissimum curæ, per annos paulò minus triginta, omnia se temporum successiva donasse. Ceterum quàm feliciter hoc negotium viro optimo successerit, ANIMADVERSIONUM nostrarum libri isti palàm facient. Quod tamen opus, candide Lector, scibis non eâ fine institutum à nobis, ut in versiones interpretum curiosè inquireremus. Neque enim ii nos sumus, qui alieni nominis obtrectatione famam aucupemur. Apage hanc ab iis protervitatem, qui Virtuti sacramento dixerunt, quique veræ laudi cupiunt litare. Equidem semper potius duxi mea peccata corrigere, quàm aliena indagare. Sed nec Commentarios in Athenæum scribere consilium nobis: vel quia propter abundantiam materiæ in immensum erat opus excreturum; vel quia minus id esse necessarium, nec nimis difficile in hac literarum luce, semper judicavimus. Nobis, mi Lector, cùm huic scriptioni manum admoliremur, hic præcipuus scopus ob oculos fuit, ut quæ erant in Athenæo obscuriora, necdum cuiquam illustrata, ipsi iremus illustratum: quæ vitio librariorum corrupta multa, quorum interpretibus ne subolevisse quidem videbamus, ipsi pro virili corrigeremus. Id verò inceptum quantis laboribus, quantis molestiis nobis constiterit, frustra tibi narrare institui, nisi periculum ipse studii hujus fecisti. Porro cùm emendandi veteres auctores duplex sit via; è libris, & ex ingenio: utramque nos viam in corrigendo Athenæo institimus. Priorem quidem ante annos quatuor, cum impulsu optimi atque amicissimi Hieronymi Commelini, eam editionem adornavimus, quæ paulò ante immaturum, & studiosis luctuosum illius viri obitum ex ipsius officina prodiit. Neque levis, neque parum huic auctori

auctori utilis, opera illa nostra extitit. Collatâ enim editione Basiliensi cum 1600. ea scriptorum codicum copia, quæ tum erat ad manum, multa primi publicavimus, antebac Græcè edita nunquam: plurima item emendavimus, in prioribus editionibus corruptissima; partim librorum secuti auctoritatem, partim certas, & omnibus manifestas rationes. Fuit prætereà animus, editioni illi breves Notas adjicere: & hoc amplius, omnium auctorum, librorum, & dramatum ab Athenæo laudatorum, accuratam descriptionem: quam dudum ad lucem non Athenæi tantum (nihil enim ubique titulis librorum & fabularum corruptius) paraveramus. Migratio nostra ex Allobrogum finibus in Galliam eodem tempore instituta, & ne illa tum à nobis adjicerentur impediit, & ut aliquantò inemendatior ea editio prodiret, fuit in causa. Hæc igitur nos jam antè è libris. At longè operosior altera est ratio, quam sumus hic secuti. Priore illâ operâ vulgatas editiones è veteribus libris auximus & emendavimus: posteriore hac & vulgatorum, & manu etiam scriptorum codicum lectionem ad rectæ rationis obrussam exegimus. Nam in scriptis exemplaribus vel antiquissimæ manus, πολλά μὲν ἰσθλὰ, πολλά δὲ λυγρὰ. Itaque in illis tractandis judicio magno opus, magnâ eruditione, nec mediocri usu: quæ tria Criticum illum ἄνθρωπον perficiunt, alibi nobis informandum. Qui autem codicum vetustatem, præsertim consentientium, recti argumentum & normam ubique certam esse arbitrantur; audiant illi Criticorum non minus quàm Medicorum principem Galenum, qui in tertio De Difficultate Respirationis, cùm de Hippocratei loci cujusdam vera lectione disputaret: πῶς τὸ παλαιὸν αἶτ, βιβλιογράφων ἡμαρτὴν ἔπειθ' ὅτως ἔχον ἰφθαγενὲς ἐκδοθῆναι τὸ βιβλίον ἰφυλάχθη τὸ εἰκ' ὅπως μέλλει διῦρο τὸ το σφάλμα. Jam olim, inquit, librariorum aliquis locum corruptit: deinde edito libro cum illo errore, non mirum servatum esse mendum usque adhuc. Causas postea servati erroris tamdiu affert istas: πῶς μὲν ὁ ἀρχαῖος ἐμμελῶν τοῖς τὸ παλαιὸν βιβλίοις, ὥς μήτ' εἰ λείπει π, μήτ' εἰ δὲ ἰππε γράμμα τὸ εἰρηπῆ γινώσκειν, ἐνίων δὲ γινώσκοντων μὲν, ἀλλὰ περὶ ὧν τὸ λῦπεν εἰ τοιμύτων. Et ita est: librariorum culpâ & doctorum incuriâ atque ignaviâ factum, ut semel commissâ in antiquissimis codicibus peccata in omnia deinceps exemplariâ propagarentur, ac per multa secula constanter servarentur. Plura alibi Galenus de genere isto mendarum; quas Philemon, Criticus vetustissimus, appellat πῶς ἐν τοῖς ἀντιγράφοις ἐμμελῶς ἡμαρτῶν γράφας. Nihil ergo mirum, plenum esse hujus generis mendorum, quantum extat hodie Athenæi exemplarium. Quæ quidem è duobus inter se jam olim diversis omnia esse transfusa & descripta observavimus. Ab eorum altero manavit Aldinum illud, de quo diximus: cui per omnia ferè simile est Palatinum, quod in Heidelbergensi Bibliotheca Illustrissimi Principis asservatur: item aliud, cujus nobis vir amplissimus, Regi ab intimis Consiliis, Andreas Huraldus Messæus copiam fecit. At longè istis tribus, & aliis omnibus quæ ab eodem exemplo sunt orta, & emendatius & integrius illud est, quod in celebratissima Cardinalis Farnesi Bibliotheca habetur. Ei libro acceptum ferre debes quicquid in prioribus desideratum, exhibet nostra editio: multas autem voces, multas periodos integras, interdum etiam plures, singulis prope paginis adjecimus. Ut taceam de insigni fragmento libri ultimi, quod ante nos Gulielmus Canterus indidem naclius publicaverat. Parilem huic codicem etiam in Vaticana Romæ servari accepimus. Nostra editio Farnesianum ferè exhibet, representatum nobis à clarissimo viro Henrico Stephano; qui ante annos fermè quinquaginta, cùm Romæ esset, accuratissimè omnes varietates scripturæ ad oram sui codicis adnotaverat. Idem fecerat paucis ante Stephanum annis & Benedictus Ægius Spoletinus, qui temporibus illis Romæ inter pe-

1600. ritissimos Græcarum literarum est habitus. Ejus etiam codicem vidimus nos inter alios neutiquam vulgares Petri Gelasii Hispani libros. Fecerunt idem postea & alii item multi. Itaque Farnesianas illas Notas passim reperias in eruditorum bibliothecis, non solum Italarum, sed & Cisalpinorum. Habuit eas uterque interpres: habuit & vir eximius Conradus Gesnerus, cujus librum doctissimi Gasparis Wolfii operâ nacti sumus. Easdem & nobilissimus, studiorumque nostrorum studiosissimus, Marcus Velferus Augustâ Vindelicorum ad nos misit, ab Andrea Schotto, altæ eruditionis viro, secum communicatas. Hæc igitur omnia exemplaria, sicut modo dicebamus, mendis inquinata sunt: adeo vetustis, ut ante Eustathium & eo priorem Excerptorum auctorem, qui multas illarum retinent, sint natæ: adeo non facilibus ad emendandum, ut eruditus vir, qui ante multa secula Epitomen illam confecit, fateatur ingenuè, multa se, quod essent corrupta, missa facere: τὸ, ait ille non semel, ἐν τῷ παλαιῷ ἐ μὴ γράψα. Non igitur hodie atque heri capti sunt Athenæi codices depravati circumferri; verum ante annos quingentos, & amplius. Atqui non desunt, quibus tantam esse mendarum, quæ bonos auctores obsident, antiquitatem, agrè persuaseris. Sicut anno accedit: orto enim super mensam apud amplissimum & præstantissimum virum Mericum de Vicq sermone de illa paginarum aliquot transpositione, quam in omnibus libris commissam, neque auctori Epitomes, neque interpretibus animadversam, libro quarto primi observavimus; mirari qui aderant viri doctrinâ judicioque præstantes, & multa de auctoritate manu exaratorum differere. Clara res tamen est, certisque argumentis à nobis probata. Inter antiquissimas veterum librorum corruptelas, trajectiones sunt hujuscemodi. Jam olim Critici antiquissimi, quorum extant in Homerum & Hippocratem observationes, corruptos hoc vitii genere locos multos adnotarunt. Sed & ætatis nostræ docti viri similia peccata in multis libris deprehenderunt. Vel unus ille Hercules Musarum, Josephus Scaliger, quàm multa apud Tibullum, Propertium, & Manilium mirè perturbata, nitori pristino hac ratione restituit? qui etiam superioribus mensibus de illa Athenæi luxatione per literas nos monuit. Ac licet multo antè idem nobis fuerat observatum, mirificè tamen vir incomparabilis hoc sui judicii indicio & delectavit nos, & in sententia confirmavit. Utinam & cæteris omnibus conjecturis nostris eadem ubique inesset. Atenim, candide Lector, cum in genere omni literarum, tum in studio maxime critico verissimum Galeni dictum: χαλεπὸν αὐτῶν ποτὶ ὅσα μὴ ἀμαρτάνειν ἐς πολλοὺς. ὅτι μὲν ἴσως ἀγνοῦσάντα, τὰ δὲ κακῶς κρίναντα, τὰ δὲ ἀμελέσσειν γράψαντα. Nos verò & homines sumus, & occupati: adeo quidem, ut temporis totius, quod ab instituto opere est lapsus, partem multo maximam frequentes ἀποδιδύμει nobis surripuerint. Ut alia fileam studiorum nostrorum gravissima damna. Sed non morabor te pluribus; neque committam, ut æquitati tuæ diffusus possim videri. Vale, candide Lector: & Prolegomena nostra, quibus de Athenæo, operisque hujus argumento prolixè actum est; necnon de convivatore Larensi, & omnibus convivis, quia casu quodam edi nunc non sunt quita, brevi, cum Deo. Iterum vale. Lugduni Segusianorum.

PROLEGOMENA

præfixa Notis ac Emendationibus in

HISTORIÆ AUGUSTÆ SCRIPTORES.

ILLUSTRIUM virorum vitas literis mandare, & antiquissimum institu- 1603.
tum est, & cum ad instruendam præclaris exemplis vitam adprimè utile;
tum etiam ad Historiæ ipsius omnes numeros explendos, planè res necessaria.
Est enim Historia nihil aliud, nisi Philosophia quædam exemplis utens, ut anti-
qui Sapientes pronuntiarunt. Illa autem non Respublicas tantum instituit, le-
gibusque ornat; verùm mores quoque singulorum suis præceptis separatim infor-
mat. Quemadmodum igitur Annales, & quæ de publicis rebus scriptæ sunt Hi-
storiæ τῶ πολιτικῆ τῆς φιλοσοφίας μέρος sunt ἀντίστοιχα. ita τῶ ἰδιωκῆς vitæ singulorum;
utique privatorum, & eorum hominum, quos vel sapientia, vel literarum,
aut scientiæ civilis, militarisve rei, aut cuiuscunque alius peritia insignis, aut
casus denique aliquis, fecit illustres, & dignos qui posteris narrarentur. At
qui virorum principum vitas composuerunt, necessario duos quasi parietes de
una fidelia dealbantes, mixtam scriptionem ediderunt, non τῶ ἰδιωκῆς solum
τῆς φιλοσοφίας ἀλλ', sed etiam τῶ πολιτικῆ ἀντιγράφου. Neque enim Imperatoris
alicujus aut Regis vitam ad plenum possis explicare, ut non de Republica si-
mul agas, cujus ille velut anima est ac forma. Quamobrem omnium gene-
ris hujus scriptionum duæ sunt ὁλοκληρῆς partes; publicè gesta, & privatim:
sive, ut loquitur Suetonius, qualis quisque fuerit in imperio; & interior
ac familiaris vita. In harum duarum partium temperamento vario posi-
tam ferè videas differentiam præcipuam, quæ inter Historiæ Augustæ vete-
res Scriptores potest observari: quippe alii, quæ ad publicæ rei statum spe-
ctabant, susceperunt περιγραφήως dicenda; quæ propriè ad Principem, & δε-
πρὸν καὶ περιγραφήως λόγον, ut dicerent Stoici: aliis contrà, præcipua cura & ope-
ris potior pars Princeps ipse, quæque ad illius originem, educationem, mores,
gestas res, & mortem pertinent: Respublica, κατ' ἐπακλήρημα illis attingitur,
& quasi per occasionem. Priorem viam ingressi sunt Cornelius Tacitus, Dio
Cassius, (Xiphilinus enim Dionis umbram exhibet, non Dionem:) Herodianus,
Ammianus Marcellinus, & similes: posteriorem, Suetonius Tranquillus, &
alii olim quàm plurimi, qui e re libros suos Vitas Cæsarum, sive de Cæsaribus
inscripserunt: nam illi priores monumenta sua Historias vel Annales jure
dixerunt. Utriusque generis auctores non male Historiæ Augustæ Scriptores
appellaveris: quomodo Vopiscus Cornelium Tacitum nominat: nec multo ali-
ter Herodianus opus suum, ἱστορίαν βασιλείας κομμίδου vel Σεβήρου. Possis etiam, Cæ-
sareorum temporum Scriptores: qui titulus apud eundem Vopiscum in Aure-
liano legitur: qui etiam in Probo cum ita scribit, imitatum se Suetonium
in vita Principum & temporibus disserendis, partem utramque hujusmodi Hi-
storiarum, de qua modò dicebamus, distinctè expressit. Ad posterius refer-
ri genus debent sex βιογράφοι Cæsarum hi, quos simul pridem jungi suetos,
simul nunc edimus. Ante aliquot retrò secula factum, ut veteris Historiæ
Romanorum Principum studiosus aliquis hoc corpus concinnaret, Suetoniano
operi subnectendum: quod & exinde obtinuit. Antiquitatem ejus Critici
ex eo conjicimus, quòd illius adhuc atate integra horum omnium opera ex-
tarent: quorum hodie tantum videmus superesse, quantum illi placitum.
Peruisse autem jam olim cætera scriptorum istorum omnia, argumento illud
est,

1603. est, quod in tanta *χρονία* copia, qui Ecclesiae & Imperii tempora una opera descripserunt, neminem adhuc invenimus, qui cujusquam istorum aliud quid praeter contenta hoc volumine laudaret. Scripserant autem, (instituerant quidem certe) quatuor ex his, Aelius Spartianus, Julius Capitolinus, Vulcatius Gallicanus, & Aelius Lampridius integram *ἡ πᾶσις ὁ κεφαλὴς* omnium Purpuratorum Historiam, orsi à Julio Cesare. Extant Spartiani & Vulcatii de suo consilio luculenta testimonia: illius in principio & fine Aelii Veri Caesaris; hujus in ea, quae sola ex omnibus ipsius scriptis superest, Commodi vita. De Capitolino & Lampridio, etiamsi tacerent ipsi, certum sit tamen è Vopisci Probo. Sed quousque Historias suas omnes hi perduxerint, meritò dubites: nam cum vixerint omnes sub Diocletiano & infecuti Principibus, quod in Notis probavimus, videtur horum nemo ad eum finem, quem sibi proposuerat, pervenisse: proximos enim aetati suae Principes neminem eorum attingisse, manifestissime evincunt quae scribit Vopiscus initio Aureliani: negat ibi praecise, expositam adhuc cuiquam Latinorum ejus Augusti vitam: cui querelae nullus omnino fuisset locus, si, non dicam omnes quatuor, sed vel unus saltem eorum quod proposuerat impleisset. Fuit autem Vopiscus omnium natu minimus: qui etiam praeter Spartianum & Gallicanum reliquorum meminit omnium. Neque hic, neque Trebellius Pollio aliud quicquam in hoc genere, quam quod hodie extat, videntur scripsisse. Quid fuerit consilii collectionis hujus auctori, quando in istam formam hoc corpus digessit, vatibus relinquimus divinandum. Suspiciamus tamen, totius Historiae principalis à Julio ad sua usque tempora tres illum partes distinctas, velut *ἰσχυρὰ* quasdam, animo concepisse: quarum primam vellet è Suetonii Caesaribus cognosci: alteram ex his libris, hoc modo à se comparatis: tertiam, quae ferè de Principibus Christianis erat, à scriptoribus Christianis, nisi fallimur conjecturae, reliquit petendam. Cum igitur ex illis tot Historicis, qui comprehensos hoc secundo volumine Principes in literas miserant, nullum inveniret, quem vel propter *ἀσυμμετρίαν*, aut nescio quam, malum! aliam ob causam, instituto suo accommodaret; ipse decerpens ex singulis quae vellet, hoc audaci facinore voti sui compotem se fecit. Atque ego non dubito Tribonianum istum cum hoc fecisset, visum sibi bellum hominem, qui erat saperda merus. Nam quare in alieno opere voluit esse ingeniosus? quare vetustam sapientissimè Pythagorae legem migravit? *ὁ νόμος δὲ καὶ ἡ, Synesii sunt verba, τοῖς βιβλίοις ὑπάρχον· ἀλλὰ βέλτερον μὲν αὐτῇ ἐπὶ τῆς πρώτης χροῆς ὁ πῶς ποτὶ ἰσχυρὰ τῶς ἡ ἀχρη.* O legem publicae rei literariae salutarem, & tota cupiditate expetendam! Hanc qui ignorant aut contemnunt, pestes sunt & venena literarum. Sed de Pythagorae Legis vi & necessitate serio disputamus alibi. Sciolus igitur iste operae suae egregium istud praeium tulit, ut sequens aetas, hoc Catone contenta, ceteros ejusdem Historiae scriptores, aut horumdem etiam libros alios, non desideraret: quo facilius fuit, ut tot vigiliae tot Historicorum, (nam quinquaginta minimum possumus nominare) cum aeterno superiorum seculorum dedecore, penitus interirent. Aperiret saltem nobis consilii sui rationem: diceret cur operis initio Nervam & Trajanum, duos bonitate insignes Principes, omitteret: nam de hiatu, qui est inter Gordianum III. & Valerianum, satis suo loco actum à nobis. Diceret quid fuerit causae, cur conjunctissimas vitas, puta Macrini patris & Macrini filii, è diversis auctoribus promeret. Postremò doceret nos, quid sit factum, ut in nonnullis vitis tam multa non suo loco posita, aut sine causa repetita saepius hodie inveniantur: cujus culpae ut non absolvimus in totum ipsos auctores; ita non dubitamus maximam ejus partem, quae penes hunc alienae mercis

mercis insitorem, quā penes librarios, genus hominum perdendis literis natum, hærere. Planè libri heic nonnulli sunt, quos jure dicas, centonum instar, è diversi coloris pannis fuisse confutos. Nemo legat quæ notamus ad Marci vitam, quin nobis assentiatur. Possis & de aliquot aliis idem facere judicium. Sed de Βιολιπάρτῳ istius flagitio satis. Quod autem modò dicebamus, auctores ipsos excusari penitus hac in parte non posse, ita prorsus est. Alibi judicium desideres limatius: alibi diligentiam exquisitiorem: in quinque præsertim primis, & omnium maximè in Capitolino: nam de scriptore oppidò erudito, & præ cæteris accurato, Flavio Vopisco, minùs licet queri. Quæ meo judicio dos Historiæ est primæ proxima, perspicua rerum explicatio, & quod Græci melius dicunt, τὸ καθαρότης, id nos in illis prioribus non invenimus. Ejus αὐθεντίας duæ sunt viæ, trita ambæ maximis scriptoribus: cum res explicantur vel per tempora, vel per species, ut ait Suetonius in illa divina Augusti vita. Dionysius Halicarnassæus appellat τὴν ἀκριβοῦς τῶν πραγμάτων: harum neutram cum isti satis tenuerint, haut mirum si τὸ εἶδος ἂν καὶ ἀπὸ τῆς ἀκριβοῦς, quibus tanto commendatur opere historica narratio, non sunt assecuti. Fatetur Capitolinus vitam se Marci scripsisse breviter & congesse: verè ille quidem; multa enim carptim congerit, non digerit: neque id in illo tantum libro, qui miris modis est conturbatus; sed etiam in aliis. At non solus hic in eo luto hæret: habet culpæ socios & Spartianum, & Vulcatium, & Lampridium; nonnihil & Trebellium Pollionem. Dicam clariùs, & quod volo exponam sub exemplo. Poterat Spartianus in contexenda Hadriani vita, vel temporum servare seriem, vel per partes sic dicenda distinguere, ut de publicè gestis, de peregrinationibus, deque privata cætera illius vita separatim ageret: nunc cum in principio visus esset temporum rationem servaturus, non longè post rationes conturbat. Vulcatii, qui solus superest, liber ita contextus est, ut videatur auctor quid diceret fortasse pensi habuisse: at quo modo, nè minimum quidem. In Lampridii Alagabalo, & Alexandro etiam, vestigia sunt initæ tributionis in species, ut auctoris, quem amamus valde, vocem retineamus. Sed lucis scintillam eam esse, non plenam lucem, intelligent, qui cum illa Suetonii, quam diximus, vita contenderint. Jam quòd eadem reponantur sæpiùs, est ubi peccatum jure censeas alienum: est ubi indiligentiam auctorum agnoscas. Quoties Serviani cædem legas in Hadriano Spartiani? & tamen præstare ausim omnia αὐθεντία. Adoptio Marci à Pio facta, & Ælii Veri à Marco, quàm sæpe, quàm varîè cum Spartiano, tum Capitolino exponitur? iteratio ab incuria est: varietas narrationis ex eo, quòd modò hunc, modò illum sequerentur auctorem. Maximum & Pupienum non diversarum personarum, sed ejusdem hominis esse nomina, non semel & iterum, neque bis aut ter, verum sæpiùs inculcat Capitolinus: ut qui vel optimo stomacho sint, ad hanc crambem non possint non nauseare. Idem cum in extremo de Maximinis libro Aquileiensem pro Romanis eam fuisse devotionem scripsisset, ut etiam crines mulierum pro nervis ad sagittas emittendas tonderent; in eo, quem de Maximo & Balbino fecit, hoc ipsum bis posuit: credo, ut vetus dictum tolleret, δις καὶ τρίς τὴν καλὰ. Cum autem tot imperitissimorum Grammatistarum versibus suas lucubrationes inquinarent, quid aliud quàm per alienas ineptias sese ipsi traducere, & ἐξ ἀλοτρίων κακῶν, ut ait Cœs. senex, ἰδέσθαι κατὰ δὲ ἐνδὴν, voluisse videantur? Nam & in hoc genere malus iudex litem suam facit. Verum enimverò hos velut in bona forma nævos, facile excusabunt, qui sic naturā esse comparatum meminerint, nullum ut cujusquam mortaliū sine venia placuerit unquam ingenium quamvis maximum. Lẽctionẽ

1603. enim nostrâ & commendatione dignissimos esse hos sex Historicos, nemo tam vel imperitus, vel iudicii nullius, qui negare ausit. Subjectum primò nobilissimum: universæ namque Augustorum Historiæ pars magna necessario hinc petenda: nisi quis fortè tantâ ἀρετῇ laboret, ut aliorum è Latinis compendiosa Breviaria cum horum luculentis narrationibus putet comparanda. Ne Græci quidem post decurtata τὰ περὶ Φασιτικῆς Dionis monumenta, ullum è suis nominaverint, cum his nostris in eadem lance ponendum. Herodianum aliquis fortasse dicat excipiendum, politissimum & iudicii non vulgaris rerum conditorem: sed ejus Historia, contentæ his libris pars solummodo est. Annos enim sexaginta ibi, heic paulominus centum & sexaginta invenies descriptos. Porro autem ea conditio fuit temporum, de quibus libris istis agitur, ut in incerto sit, plusne Romanus populus cùm illa fierent, quæ tum acciderunt, ærumnarum sit expertus; an utilitatis & oblectationis qui hæc legent, sint percepturi. Nam ubi major rerum varietas; ubi illustriora ludentis in rebus humanis fortunæ exempla? quàm notabiles maximorum Principum exitus? Herodianus quidem ante omnia in opere suo τὰς τῶν βασιλέων ἑταίρειαν ἀδελφείαν admonet observandas: verum hæc tam variæ, tam frequentes Principum mutationes, in nostris, ut in longioris temporis spatio, apparent non paullo evidentius. Est invenire septuaginta, & eo plures in horum temporum serie, qui vel justè vel injustè aut Cæsarum aut Imperatorum nomen habuerint: adde erant in illo principatu, quem omnes tamen mirantur, comitia imperii incerta. Tumultuario populi concursu, aut incondito militum strepitu, interdum & per jocum ad ludum, Imperatores creabantur: & Orbis terrarum dominatio in sceleris ac parricidii (Principem enim suum occidere, teterrimum parricidii genus est) præmium cedebat. Occidebant igitur & occidebantur, immanitate pari: cùm in armis esset jus omne regnandi. Inde hæc tam spissa principatuum mutatio: quâ re nulla alia miseris populis ne dici quidem aut fingi queat perniciosior. Ut quoties venit hujus in mentem nobis, Franciæ patriæ meæ felicitatem non possim non prædicare; quæ sub imperio Regum L XIII. non dicam CLX. annos, sed paullo minus CIO & CC. (rem omnibus seculis inauditam!) & beata egit, & egisset beatior, si sua semper bona intellexisset. Tanti est, jura regiæ successionis trabali lege semel fixisse. Sed redeo ad nostros auctores: quorum lectio cùm omnibus & Historiæ & morum antiquorum studiosis necessaria, nedum utilis; tum vel maximè iis, qui cognitione Juris civilis Romanorum delectantur. Quàm multa enim toto sparsim opere invenias, quæ ad Jurisprudentiæ studia propriè pertineant? quàm multis locis aut novum jus aliquod introductum, aut vetus antiquatum observatur? Ut taceam, quòd absque his Scriptoribus fuisset, plurimos prudentes, quorum extant in Pandectis & nomina & fragmenta, ignoravimus: taceam item dictionis genus, in multis commune cum antiquis Jurisconsultis. Quid? tot Principum pulcherrimas epistolas, tot gravissima Senatusconsulta, alia publica monumenta, è scriniis Augustorum, Actis Senatûs & Populi, aut nescio unde ex abdito eruta, quanti censemus facienda? aut quem mihi dabis ex omni veterum auctorum numero, cui propter similem vel fidem, vel diligentiam tantum debeamus? Nec prætermiserim cruditas illas, neque longè petitas, sed è re natas digressiones, quibus hi libri, tanquam segmentis purpureæ veri luminis, variis locis sunt ornati. Hi igitur tam boni, tam utiles Scriptores, cùm à priorum seculorum barbarie pessimè fuerint accepti: mirati sæpe sumus, quid causæ sit, cur post renatas literas nemo adhuc extiterit, qui serio se illorum vindicem profiteretur: nam & Egnatium & Ursinum,

fini, eruditissimorum hominum, conatus, etsi suâ laude non carent; mino-^{1603.}ris tamen molitionis esse omnes intelligunt, quàm ut inter ferias ipsorum curas haberi mereantur. Invitaverat nos quidem ante hos sex septem annos aliorum cessatio, ut post navatam Suetonio operam, manum & his ejus comitibus admoveremus; sed qui animati melius quàm parati negotium suscepissemus; non multò post, gnari quid sit sine librorum veterum ductu & auxilio cum vulgatarum editionum monstris pugnare velle, ~~mutavimus~~ consilium mutaveramus: quod postea tamen iterum mutavimus: nacti enim manu exaratum codicem, quem ditissima Regis Christianissimi Bibliotheca nobis suggessit, ausi sumus repetere auspicia, moxque operi nos accinximus. Ei libro ferri acceptum volumus quidquid nostra hæc editio studiosis potest imputare: non quia tanta sit illius bonitas: verum eo nomine, quòd ille primus scriptiõis hujus occasionem nobis præbuit: nam ipse quidem nec vetustate præstat, nec fide: imò verò deformiter etiam ipse est depravatus. Quia tamen aliter ferè corruptus est quàm vulgata lectio, locis innumeris ipsa vitii diversitas viam nobis ad verum aperuit. Multa igitur in ipso textu ope regii codicis emendavimus; plura in NOTARUM libro, vel certâ ratione ducti, vel probabili saltem conjecturâ. Omnino autem veterum exemplarium horum Scriptorum non magna in Europa copia est: & illa ipsa quæ reperiuntur, scias indidem pleraque fuisse descripta, quia simillimè sunt depravata. Quare etsi mendis gravissimis nostrum scatet; nibilo tamen Italica sunt meliora, quorum superioris ævi Criticos mentionem video fecisse. Planè illud, quo usus olim Angelus Politianus in codice suo emendando, cujus fecit nobis copiam Richardus Thomson, amicissimus noster, regio fuit geminum: & quis scit an illud ipsum? nam hoc ex Italia maximus & sapientissimus Princeps, Ludovicus XII. (aliter scripsimus alibi: sed falsi sumus) captâ Mediolano, in suam librariam, multarum Italicarum spoliis superbam, intulit. Nibilo etiam melius est Augustanum illud, unde excerptas scripturæ varietates amplissimus Marcus Velferus, & doctissimus Hæschelius ad nos miserunt. Idem & de illo possumus pronuntiare, quod ante viginti tres annos penes Vincentium Pinellum, meritis in Rempublicam literariam insignem virum, scimus fuisse. Leviùs aliquanto quàm ceteri à mendis laborat, quod Romæ in Vaticana servatur. His duobus codicibus usus fuit in Italia Vir clarissimus, Claudius Puteanus, inter præcipua Galliæ ornamenta, dum viveret, merito suo semper habitus; qui etiam scripturæ discrepantias omnes curiosè in schedis adnotaverat: quo illius labore uti nobis contigit beneficio Christophori Puteani, Claudii filii, viri eruditissimi, & non minus propter virtutes suas, quàm propter patris memoriam nobis charissimi. Cum autem diu ignorassemus, ex quibus Italiæ Bibliothecis eos codices ~~in~~ Puteanus esset consecutus; invenimus tandem manu ipsius adnotatum, altero se usum Venetiis, Pinelli munere; altero Romæ ex Vaticana, cum anno CIO IO LXX. hyemem ibi ageret. Atque hoc eò libentius referimus, quia non semel mirati sumus, Fulvium Ursinum, cum suas in hos Auctores Notas Romæ scriberet, Vaticano libro, omnium facile optimo, non esse usum. Quare hoc saltem nomine Ursiniani præstant, quas heic studiosis paravimus epulas, quòd ferculis Italicis, & quidem Romanis sunt instructæ, quæ civis Romanus vel ignoravit, vel sine causa est aspernatus.

HENRICO STEPHANO,

Arcæ Quæstori Operum Dominorum,

ISAACUS CASAUBONUS

S. D.

(Præfixa Notis in Dionis Chrysostomi Orationem, editis anno 1604.)

1604. **N**ihil poterat opportunius, Henrice Stephane, Vir amicissime, quam cum superioribus diebus Dionem Chrysostomum pari fide & diligentia recens à se editum, Claudius Morellus mihi legendum obtulit. Eram tunc temporis *της αιτας ελθον*, de morbo uxoris, patruelis sororis tuæ, longè periculossissimo, supra modum anxius; eoque nomine quotidianæ vitæ officia intermiseram: studia quoque literarum fastidiens; sine quibus tamen, ut vel paucos dies agam, *pretium atas altera sordet*. Ubi verò allatas chartas semel in manus sumsi, partim gravitate captus dissertationum excellentissimi Philosophi; partim pulchritudine illectus novæ hujus editionis, sic animum obduraui, ut ægrè priusquam volumine integro pellecto destiterim. Hujus autem operæ, quam uni mihi necessario meo tempore impenderam, ut etiam in publicum fructus manaret, Fredericus Morellus, Academiæ hujus Professor clarissimus, bonum factum puravit, atque adeò impulsu hortatuque suo effecit. Quippe Vir eruditissimus, cum Aldinum codicem, mendis quam plurimis deformem, critico suo pumice magnâ curâ expolisset; memor Homericæ præcepti *δύνα δὲ ἐρχομένῳ*, egit mecum pro mutua inter nos amicitia, ut quæ mihi inter legendum adnotaram, in communem studiosorum utilitatem paterer publicari. Equidem facile conjiciebam, eâ felicitate istam provinciam ab illo fuisse administratam, ut quancumque eodem symbolam conferrem, pannus purpuræ adtextus posset videri: me tamen ea cogitatio nihil deterruit, quominus amici viri aquissimæ petitioni adnuerem. Longè enim mores nostri à *δοκίμοις ἐπιδεικνόντων* ambitione absunt; qui existimationi suæ tantum putant detrahi, quantum alienæ industriæ fuerit tributum. Fatale hoc levium & ventosorum ingeniorum est vitium; quæ *ἐπιτηδεία ἐίσως* plena, omnisque solidæ eruditionis inania, magnam ex febriculosis scriptis suis potius, quam bonam famam captant. At viros graves, qui literas non vanitate, sed miraculo colunt, nihil minus deceat, quam *περιπεύεσθαι*, aut in promovendis rei literariæ commodis lentos esse, & *ἀκονήτες*. Statim igitur atrepto calamo, cum præsertim Dei virtute molestissimâ curâ nonnihil levati essemus, *αὐτοῦ ἰδίῳ* hanc in Dionis *λόγῳ* Diatribam effudimus, verius quam scripsimus. Tibi verò, Henrice Stephane, Vir integerrime, ut hoc quicquid est *ὀργάνῳ* lucubratiunculæ inscriberem, graves multasque causas habui. Sive enim amicitiae ratio fuit habenda; tu mihi amicissimus: nec magis propter arctissimam necessitudinem, quàm jungimur invicem, charus unice; quam propter singularem naturæ bonitatem, fidem, comitatem, & *παιδείην ἀρετὴν*, quam boni omnes in te amant: nos qui propius novimus, etiam miramur. Sive aliquid etiam in hoc versatur officii; feci lubens, ut tua in me beneficia in prima animi mei parte esse posita, hoc cuicunque testimonio tibi probarem. Quod si patronus innocenti scripto, *οἷς νῦν βροταί εἰσιν*, erat mihi

mihi quærendus; cui potius quam tibi eas deferrem? qui etsi in eligendo vitæ 1604. genere majorum tuorum sectam non es secutus; in amore tamen literarum ita vestigia eorum pressisti; ut Stephanicæ genti, tot in Rempublicam literariam meritis nobilissimæ, non mediocre accessurum sit decus, si quæ adolescens ad Poëtarum Græcorum lucem orsus es, detexere in animum aliquando induxeris. Vale. *Lutetie Parisiorum, a. d. 17. Eid. Martias, c10 10 CIV.*

Nobilissimo illustrissimoque Viro,

D. ACHILLI HARLÆO,

EQUITI, amplissimique Ordinis Principi,

ISAACUS CASAUBONUS

S. D.

(Præfixa Commentario in Persium, edito anno 1605. in Octavo.)

NICIAM, Pictorem quondam excellentissimum, dicere solitum legimus, 1605. Præses amplissime, artis pingendi non minimam partem in eo esse positam, ut argumentum eligatur pingi dignum, & quod spectantium oculos idoneum sit tenere. Hujus ego exemplum, quanto minus ingenio fidebam, tantò diligentius imitandum mihi esse duxi, cum de elucubrando aliquid cœpi cogitare, quod in sacrario Musarum tuo, ceu tabulam *χαλκήρεον* appenderem; tot tantorumque beneficiorum, quibus me tibi fecisti dudum obnoxium, testem; meæque adeò observantiæ erga te summæ, posteris, si fortè, monumentum aliquod; tibi certè pignus, uti spero, non ingratum futurum. Id igitur animo volvens, quum scriniæ omnia mea excussissem, ex illo auctorum numero, quorum illustrationi vigilias meas impendi, Persium Flaccum certo judicio elegi, quem non vulgari curâ, nec studio mediocri à me recensitum, & novo Commentario enarratum, tibi offerrem, Vir amplissime, atque nomini tuo splendidissimo consecrarem. Ductus autem sum hac minimè fallaci conjecturâ, quòd scirem eam demum studiorum sectam tibi præ cæteris probari, quæ neque amœnitates solum capter, sicut magna pars hodie facimus; neque rursus, mansuetioribus literis spretis, supercilium rigidè nimis contrahat; sed sapientiam cum eloquentia & eruditione justo quodam convenienteque temperamento misceat; &, ut Græcorum non ignobilis scriptor ait, *ἡ ἀρετὴ πὸν λόγον κοσμεῖ, πλὴν ἀρετῶν ὅ τῷ λόγῳ*. Quo in utroque genere si gravissimum hunc morum censorem, & virtutum præceptorem fidissimum contendam excellere; tam certus sum victoriæ sub te iudice, quæ tua est eruditio, & in literis quoque rectum iudicium; quàm illud non ignoro, ludibrium me sibi debere, sophos illos esse dicturos, quibus satis acceptum est, nullum Poëticiæ aut Eloquentiæ cum gravioribus disciplinis commercium intercedere. Nam quid aliud ab illis exspectem, qui fatali quâdam ignaviâ, res naturâ suâ conjunctissimas, studia dico scientiarum & humanitatis artes, adeò separant, *φύσιν ἐνδείκναι*, ut scribit Platoniorum mellitissimus, *κατακρηματίζοντες τὰ μὴ διωκόμενα χωρίζουσιν*: ut si quis illa curet jungere, hunc statim alienum esse omni Philosophiæ clamitent? Scilicet assensuri isti sunt veteribus Sapientibus, Poëticam

1605. τῆς πνευμάτων φιλοσοφίας εἶναι σύντασιν, (ipsis enim verbis illorum utar:) quos videmus omni curâ morum posthabita, quæ vera Philosophia est, in nescio quibus argumentatiunculis, in nugis sophisticis, in puerilibus argutiolis, *καὶ βεβαίως* denique ῥηματίους τῆς ἀψευδικίας, quod suâ jam ætate Euphrades Themistius conquereretur, summam sapientiam ponere. Scilicet facundiæ Persii virile robur, aut recondita illa eruditio eos capiet, quibus pristinam barbariem mordicis retinere, & in Antiquitatis totius ignorance versari, potius videtur esse ac melius, quàm possessionem literarum, olim simili socordia extinctarum, memoriâ verò Patrum, magno Dei immortalis beneficio, in lucem revocatarum ex alta hominum oblivione, sibi vindicare, & pro sua quemque virili posteris asserere: quod qui non faciunt, causam dicere nullam possunt, quominus pro tanti muneris bonitatis divinæ parum æquis æstimatoribus, imò verò iniquis ingratisque aspernatoribus sint habendi: adeò crimen ingens est, quod istis ne minimæ quidem culpæ affine judicatur. Equidem, Vir maxime, pro meo in literas amore sincero, hoc genus hominum meminisse nunquam possum, quin statim ejus mihi in mentem veniat, quod in Dissertationum Arriani pulcherrimis libris aliquando legisse te, quem meliorum literarum nihil fugit, non dubito. Scribit verò Arrianus, sapientissimum senem illum Epictetum impietatis in Deum eos insimulasse, qui in Philosophiæ studiis τὴν ἀπαγγελτικὴν δύναμιν, sive sermonis curam tanquam rem levem aspernarentur: quoniam quidem, agebat vir divinus, ἀπὸ βῆτις ἔστιν ἀνθρώπου πρὸς τὸ θεῖον χάρις ἀπμάζην· en germanum Philosophum: en vocem auream. Nec minus memorabile Synesii, Philosophi præstantissimi, vaticinium tristi eventu confirmatum, quod multò antè ab ipso est editum, cum rationem studiorum similiter perverti ab æqualibus suis cerneret. Disputans enim contra τοὺς ἀξιοῦντας δόγματι διακρίναι ἐν ἀλλήλοις ἐν λέξει τριδύπον: hoc est, adversus eos, qui ad sanctissimæ Theologiæ studia infantiam & sophisticen pro solida eruditione afferrent, fatidicam hanc quasi sortem edidit: *κὶ δὴ οὐδὲν, εἰς ἀβυσσὸν πρὸς φλυαρίας ἱμνοποιίας τούτοις ἀναφάρωται.* Utinam defuisset huic oraculo fides: sed profectò, si verum amamus, depravationi illi & hujus scientiarum reginæ, & omnium aliarum, quæ postea accidit, occasionem quidem Gotthorum & Alanorum invasiones præbuerunt: at causa illius propior ac vera est, ratio studiorum perversa, & in liberalibus disciplinis prava institutio, ac linguarum simul & universæ literaturæ melioris ignoratio. At enimverò quantum isti à recta studiorum ratione deflectunt, tantum alii diverso erroris genere peccant, qui in lectione antiquorum Sapientum assidui sunt, non ut animum, sed ut ingenium excolant: non ut discant vivere, sed ut loqui: neque ut meliores ab illis discedant, sed ut doctiores tantum: qui denique Grammaticorum solum oculis scripta eorum legunt, qui de virtute præcipiunt. Atqui non in eum certè finem viri magni & præcepta & exempla virtutum memoriæ commendata ad posteros transmiserunt, ut ad inanem aurium oblectationem, vel jactationem vanam inutilis eruditionis ea cognosceremus; verum ut suis nos lucubrationibus excitarent ad effodienda, & in actum producenda recti honestique semina, quæ quum à natura accepissemus, vitiis tamen circumfusa, & tantum non obruta, sic in nostris animis, nisi cultura melior accedat, latent, quasi in altum quendam scrobem penitus defossa. Huc spectant, quod te minimè latet, Vir sapientissime, tot illa volumina, quæ de morali disciplina Philosophi confecerunt. Tendit eodem & Græcorum Latinorumque Poëtarum pleraque manus: sed itineribus diversis. Quot sunt enim Poëtarum genera, (sunt autem quàm plurima,) tot fere diverticula & viarum ambages eductentium. Brevis & directa via est, quam Persius & reliqui Romanæ Satyræ Poëtar

Poëtae institerunt: omissis enim fabulis & omni Poëtarum aliorum *πραΐα*, 1605. rem ipsam dicunt, & cum vitiis *γυμνῇ τῇ κεφαλῇ*, quod ajunt, *ἰμῖος χρῆσαι*, eaque ridenda omnibus propinant. Qui si eo animo hodie tractarentur, quo scripsisse ipsos, antè ostendimus; uberrimos, ita me Deus, operæ suæ fructus & interpretes eorum, & lectores reportarent: nam tū solæ *ἡέπνευσεν* Literæ animi morbos possunt curare, sic ejusmodi Poëtarum assidua lectio curationem adjuvare; & quum sanare nequeant, possunt tamen sanabiles reddere. Fit enim nescio quomodo propter humani ingenii cum numeris cognationem naturalem, ut virtutis præcepta carmine alligata, & memoriæ firmitus hæreant, & in ima præcordia efficacius descendant. Hoc igitur animo quum ante multos annos Persii Satyras interpretati essemus, ut ipsi nos primū ad amorem virtutis, odium vitiorum capeffendum stimularemus: deinde ut studiose juventuti ad similem conatum duces nos præberemus, de quo priores interpretes parū videbantur cogitasse: ausi sumus, Præses amplissime, de illustribus tui nominis splendore stricturam aliquam luminis nostræ huic scriptioni ire mutuatum. Quod ut æqui boni consulas, tenueque hoc munusculum benignè ut accipias, per illam ipsam naturæ tuæ bonitatem te obtestor, quæ nullo meo merito tuam mihi tantam benevolentiam conciliavit, quantam vel optare sine audaci temeritate non poteram. Quum autem meritorum in me tuorum is sit cumulus, ut fides mea sine beneficio tabularum novarum liberari nequeat; æquitatis tuæ magnitudinisque animi fuerit, non quid adferam tibi, sed quo animo attendere. Neque enim id ago, ut nexu me exolvam operā tam levi: sed ut ingenuā bonæ copiæ ejuratione quantum tibi à me debeatur, palam omnibus faciam. Ut hoc non esset, merebatur tamen tua virtus, ne alium præter te patronum sibi Persius adscisceret: cui enim potius supplicet tam severus morum censor, quàm illi, cujus vita censura est? qui censorias illas virtutes, *τὴν σεμνότητα, τὸ βάρθρ καὶ τὸ ἀσφαιρίων ἐν τῇ δικαίᾳ*, indeclinabilem, inquam, justitiam, vitæ sanctitatem, gravitatem & constantiam, quas tantopere in suo Catone Romani stupebant, longo adèò temporum intervallo præstas redivivas. Neque hoc dico, ut Catonem tibi comparem, nedum ut te Catoni: qui sciam tantò majorem te omnibus Catonibus, quantò vera in Deum pietas cæteris, quamvis maximis, præstat virtutibus. Itaque imago vetustatis, columen sapientiæ, exemplum severitatis sic haberis ab universis Franciæ populis; sed non solis, ut non tantum adspectus, verum etiam cogitatus emendes, ac censuram exerceas. Neque quisquam adhuc tam malevolus aut invidus est repertus, qui Curiam ingredientibus, cujus tot jam annos Princeps es, aliud optandum existimet, nisi ut ad tuum se ductum applicent, te mirentur præsentem, de te cogitent absente. Et tamen venerationis hujus, quam omnes Ordines debere se tibi & fatentur, & pròlixè exhibent, nihil potest hæc canities, alioquin venerabilis, tibi imputare: quæ enim rarissima laus est, in ipso adolescentiæ flore pro canis tui mores tibi fuerunt. Jam tunc cum vix ætatem ingressus virilem, Augustoriti Pictorum extraordinario cum imperio jus dicens, severitate animadversionum in potentissimos reos, & inexorabili, verèque Achilleo animi robore contra gratiam aut minas, omnium oculos in te convertisti. Quare cum post aliquot annos Christophorus Thuanus, illustri laude vir conspicuus, orbam Curiam, & sui desiderio lugentem, diem supremum obiens reliquisset, non putavit Henricus III. esse quærendum sibi ecquem in illo sublimi dignitatis fastigio collocaret: unus enim tu occurrebas, dignus qui viro incomparabili absque te fuisset, succederes: qua in statione quæ & quanta sapientiæ, prudentiæ & fortitudinis, (nam

1605. & hac per conditionem superiorum temporum opus tibi fuit,) exempla edideris, unius epistolæ angustis velle complecti, res longæ historiæ, hoc verò sit *σχιδὴν πρῶτον μέγα λαϊκὸν θαλάσσιον*. Maneat Annalium conditores hæc cura: quorum ut quisque erit veritatis amantissimus, patriæ charitate ferventissimus; vel, ut aliis verbis idem dicam, Christianissimo Regi nostro devotissimus, in tuarum laudum commemoratione plurimus est futurus. Nos interea, quod assidue facimus, Deum Opt. Max. venerabimur, amplissimo Senatui, & universo Regno incolumem te quàm diutissimè præstet: nobilissimum filium tuum, per medias laudes in hac juventute sua quasi quadrigis vehementem, ex Anglica legatione sistat tibi reducem: utque tu illo, ille te longum fruamini. Vale, seculi decus immortale. *Lutetia Parisiorum, pridie Eidus Februarii, CIO IO CV.*

P R Æ F A T I O

præfixa Commentario in

P E R S I U M.

LECTORI CANDIDO.

1605. **V**ETERUM Criticorum notulas in *A. Persium* à Petro Pitheo, viro magno, & iudicii castigatissimi, excerptas olim ac publicatas, editioni huic nostræ adjiciendas tuâ gratiâ, Lector candide, curavimus. Primum quia Persii vita illis præfixa est lectu dignissima: sive sit ejus auctor Valerius Probus, ut pleraque exemplaria antiqua testantur; sive alius. Deinde autem, quòd in his pauculis notis invenire est nonnulla exquisita, & quæ frustra alibi quæras: absque quibus tamen foret, loci aliquot Poëtæ hujus vel doctissimis futuri sunt obscuri: ut de antiquitate ejusmodi σημειώσεων nemo sit jure dubitaturus, qui ad multorum retrò sæculorum barbariem & antiquitatis totius imperitiam animum adverterit. Longè istis uberiora sunt Scholia illa, quæ sub Annæi Cornuti nomine ab Elia Vineto Santone aliisque sunt edita: quibus multa item alia poteramus adtexere ex antiquis Persii codicibus, quos reperire est passim in omnibus Bibliothecis & interlinearibus Glossematis bene farta, & marginalibus adnotationibus probè oppleta. Sed neque illa, quæ publicâ luce donata sunt ab aliis; neque illa, quæ in membranis nostris, aut clarissimi eruditissimique viri Jacobi Bongarsii, aliisque invenimus, tanti sunt visa, ut ab eorum lectione juvenus studiosa paratior multò posset discedere ad intelligenda, si quæ sunt in Satyrographo nostro difficiliora: neque enim ejusmodi erant, quæ hætenus videre nobis contigit, ut meritò de illis dicas, *πλὴν μὲν ἰσθλὰ, μειγμένα, πλὴν δὲ λυγρὰ*: sed illud potius, *ἅπαν ῥύπε, ἔχον ἰπ' ἔργῳ*, paucissimis, si fortè, exceptis. Sibi igitur quisquillas ejusmodi habeant, qui libros non nōrunt nisi mole aestimare, *ἐνὶ φθόνῳ ἰδοὺς, παρ' ἡμῶν γ.*

PROLEGOMENA

IN

PERSIUM,

Commentario præmissa.

SATYRAM Romanam duo ista præcipuè constituunt ; doctrina moralis, 1605. Urbanitas & sales. Cætera communia sunt ejus Poëtis, cum aliis multis; acumen differendi, eloquendi facultas, numerorum concinnitas: anima verò, ut sic dicam, & ὁρῶν τῆς ἐπίτης ejus carminis est, vitiorum insectatio, & ad virtutem cohortatio: ad quæ perficienda salibus & jocis tanquam telo utitur. Habet hoc Satyra Romana cum Ethico Philosopho commune, quod de moribus tractat: sed tractationis proprius est modus: docet hic; illa plurimum castigat. Naturam & causas virtutum ac vitiorum Ethicus inquirit: satyricus Poëta vitiosos ferè objurgat; bonos parcius laudat & rarius. Præterea censura suæ scommata, risum, atque interdum etiam comicam & ἀγροικίαν βουλομένην Satyricus admiscet: quo nihil alienius à severitate philosophica: nam Cynicos & similis petulantiae magistros, præter habitum nihil quicquam Philosophorum habuisse certum: ἰδιαιτέων verò Satyræ, metri lex. Minus rectè sentire eos, qui Romanam Satyram cum Græcorum Satyrica Poësi comparant, ut ab illa ortam, satis probavimus eo libro, quem de utraque illa Poësi in gratiam nobilissimi doctissimique viri, Johannis de Rieu, Rutenorum Præsdis, à nobis scriptum, Persio comitem adjecimus. Cum autem trium Romanæ Satyræ Poëtarum, Horatii, Persii, & Juvenalis, idem sit propositum, idem scopus, quem antè diximus; magna tamen inter ipsos est differentia: quod breviter heic ostendere constituimus; non eo quidem animo, ut alium alii ambitiosè anteponamus: sic enim existimamus, omnes esse eximios, omnes lectu dignissimos, & qui diversis virtutibus laudem prope parem sint consecuti: sed quando neque hi, neque omnino quisquam mortalium πάντα καλοῦσθαι πρὸς τὰς ἐξουσίας ἡγεῖσθαι, munire viam juventuti volumus, ad æstimandas ipsorum virtutes judicio recto; & ἀποτυχίας, siquæ illæ sunt, animadvertendas: qua in re, cum vel suavissimus studiorum positus sit fructus, difficultas sine controversia versatur maxima. Præclare enim hoc Dionysius Longinus, ut alia multa: ἡ τῶν λόγων, inquit, καὶ τῆς πλῆθους ἐν πείρῃ πλεονεξία ὁρᾶται: nos verò ut huic oneri subiremus, non humerorum fiducia, sed publicæ utilitatis studium compulit. Accedit huc, quod consentientibus Veterum suffragiis, qui Poëtam nostrum mirati sunt, auctoritatem judicii sui recentiorum non nemo opponere non dubitavit: at qui vir? tanti judicii, tantæ eruditionis, tam portentosi acuminis, ut & Persius magnum solatium habeat, quod Æneæ magni dextra cadit: & nos vel bonam causam prodere, diu constitutum ac certum habuerimus, potius quàm cum illo Hercule in certamen descendere. Verùm de censura divini illius viri postea: nunc quas diximus differentias proponamus. Prima, & omnium maxima est circa τὴν φιλοσοφικὴν μέθεωσιν jam enim diximus, non levem esse huic Poësi cum morali Philosophia affinitatem: quid enim Philosophiæ proximum & affine, si hoc non est, de virtutibus & vitiis disputare? Heic verò magnum inter hos discrimen; ut enim quisque fuerat educatus, ut erat doctus & moratus, ita

1605. versatus est in hac parte. Horatius, libertinae prosapiae homo, & patre coactore natus, etsi magno parentis studio educatus, nihil spirat heic altum, sed ubique circa vulgarissima morum praecepta occupatur: quodque longè gravius est, & fatetur ipse de se, parum sibi constat, nec fidelem virtutis magistrum agit. Passim enim in aliena transit castra, non tanquam explorator, sed tanquam transfuga: saepe Stoicum dicas, saepe Epicureum, aut Aristippeum; saepe verò de Anyti & Meliti aut Aristophanis gente prognatum: adeò frequenter & acerbè Stoicos, penes quos solos illà aetate sapientiae magisterium fuit, suggillat, & irridet: neque dubitandum est, qualem videmus in ipsius scriptis, talem fuisse in vita quoque inconstantiam; scripsit enim sicuti vixit. Juvenalis mores ignoramus: in Satyris quidem suis τὰ φιλοσοφώδεια sic tangit, ut facile appareat, diuturniorem ipsum Rhetori quàm Philosopho operam dedisse: è Rhetorum enim schola & declamationum exercitationibus ad Satyræ scribendam haurit dubiè se contulit: unde illa acuta dicta, & ut vocabant, sententiae, quas in opere admirabili De Poëtica tantopere Julius Scaliger est admiratus. Persius verò qui ad Satyræ scriptionem, ut testatur ipse in quinta, ab eodem Cornuto fuerat institutus, à quo rerum Stoicarum cognitionem acceperat, (magnis enim opibus innutritus, ac felicissimè fuit educatus) & utroque φιλοσοφικὸν πρῶτον est: & eo nomine Horatio longè melior, quòd uni equus virtuti, perpetuus ac constans vitiorum hostis, sui semper similis, instrumento graviorum artium Poëticam locupletat: Stoicam denique professionem nunquam obliviscitur, adeò exactè & doctè aliquando σακίζων, ut ne Zeno quidem ipse aut Chrysippus, quod alibi dicebamus, porticum illam melius fuerit fulsurus. Itaque cum universae hujus Philosophiae duae sint partes à Sapientibus proditae, Decreta & Praecepta, sive ἡ δογματικὴ ἢ ἡ ἐθικὴ omnis Horatii & Juvenalis de virtute oratio ad praeceptivam partem spectat; decreta seriò attingunt nunquam. Persius verò assurgit altius, & Stoicum de ultimo sine dogma ubique urget, ubique inculcat: gnarus præcipuum caput ἢ συνειρηκέναι doctrinae hujus eo contineri. Qui igitur non ignoraret, longum iter esse ad vitae emendationem per praecepta; breve & efficax per dogmata; prudentissimo consilio utrumque institit: quod nos suis locis diligenter observavimus. Scias verò cum Persium legas, sentire illum quae dicit, & quod Graeci aiunt, πάντα ἐκ ἀρετῆς γενέσθαι, ἢ ἀπὸ τῶν δογμάτων ἢ ἀπὸ τῶν χρηλῶν. Didicerat nempe nobilissimus juvenis à Cornuto praeceptore suo, viro juxta sapiente & docto, non magis de virtute loqui, quàm ex virtute vivere. Quòd enim probitatem, quam in aliis exigebat, ipse praestaret, testis est qui vitam ejus scripsit, auctor dubio procul antiquissimus; testis etiam est modestia illa divina, quam ubique prae se fert in hoc libro; testis & illa consuetudo arctissima cum Thrasea Peto, viro ad exemplum virtutis nato; & Arria, Peti conjuge, ipsius cognata, prioris illius Arriae ἡ πατρὶς καὶ ἡ ἐργασίαν ἔχουσα, filia, matri quàm simillima: testis denique & alii, quorum amicitia usum legimus, viri omnes gravissimi, & magna sui saeculi ornamenta, Servilius Novianus, Lucanus, Seneca. Quamobrem omnium Persii laudum hanc primam, & velut fundamentum ceterarum ponimus, quòd ad præcipiendum de virtute, non ut aliquis è circo aretalogus, aut indoctus è trivio Cynicus profiluit; sed scientiarum plenus, & disciplinis Philosophorum diu excultus, eò accessit; propter emendatos mores suscepto operi non minus aptus, quàm eloquendi facultate abunde instructus. Est & alia non contemnenda circa hanc partem inter hos Poëtas differentia: nam Horatius, quod aliis ipse sapienter praecepit illo versu,

Denique sit quod vis simplex duntaxat & unum,

nunquam

nunquam ipse, aut rarissimè in Satyris suis servavit: quamcunque enim 1605.
materiam fuerit aggressus, eam mox deserit: nudas sæpe præceptiones con-
gerens, non multò aliter ac vetustissimi illi, *ἡ τῶ ἱκανοῦ λόγου πάντα πάντες,*
οἱ ὁμοῖοι, ἀμύητοι, Theognis, Phocylides, & his similes. Itaque pars maxima
Satyrarum Horatianarum meram lancis illius saturæ & *παγκράτης* imaginem
exhibent. Longè aliter Poëta noster; qui, more Philosophorum, à proposita
initio thesi vix digreditur, abit certè nunquam: ut non aliud ferè scribere
Satyram ei fuerit, quàm petitos è Philosophia locos carminis legibus inclu-
dere. Lucilium sine dubio imitatus est Horatius: Persius verò, primus om-
nium Romanam Satyram hujus generis, (duplex enim fuit) hac observatione
auxit, correxit, atque in melius mutavit. Etsi enim ad priorem imitatio-
nem, maximè autem unius Horatii, totum se comparaverat; iudicio tamen
ubique usus est suo: ut etiam inferius sumus observaturi. Probavit Persii
consilium Juvenalis; qui non per saturam, quod ajunt, varia argumenta
eodem carmine complectitur; sed Persiano more cuique Satyræ *ἢ ἡ ἀπλὴν ὑπο-
κρίματα* *ἢ ἡ*, ut plurimum, addicit. Huc etiam pertinet, quod in Persiana Ho-
ratii Imitatione observabamus, de gravitate in disputationibus nonnullis
Stoicorum explicandis, Persio servata, Horatio neglecta: cujus rei illustre
est exemplum in Persii quinta, & Horatii Davo; ex quorum carminum
comparatione ingenia utriusque Poëtæ diversa, & discrepantes ideæ, quas
Rhetores dicunt, optimè queant dignosci. Differunt præterea hi Poëtæ in sali-
bus & illa urbanitate, quam Satyræ Romanæ propriam diximus. Necesstitatem
hujus partis in hoc Poëseos genere docet Persius, cùm scribit de Horatio:

Omne vafer vitium ridenti Flaccus amico
Tangit, & admissus circum præcordia ludit.

Etiam in quinta, cùm facit Cornutum hæc sibi dicere:

pallentes radere mores

Doctus, & ingenuo culpam defigere ludo.

Quare non potest dubitari, ipsum in Satyris scribendis id habuisse propositum,
ut tristitiam argumenti & reprehensionum atrocitatem jocorum festivitate
exhilararet. Sed Persius jam tum in illa sua adolescentia gravis, totusque
ad severitatem factus, Xenocrati quàm Menippo similior, Gratiis, meo
iudicio, rarò litavit: longè enim hac laude & ab Horatio superatur, & à
Juvenale; quorum uterque felicissimè est affecutus, quod voluit noster, nec
potuit. Excellunt igitur in eo Horatius & Juvenalis; etsi ratione diversa:
nam illius sales *τὸ ὀχλοῦ ἀναγωγία*, & ut ita dicam, plebeium aliquid ferè
sapiunt; hujus omnes joci, quibus abundat, sic sunt urbani & falsi, ut
acumen sæpe atque eruditionem præ se ferant, & ingenium longo decla-
mandi usu probè subactum. In nostro verò loca non pauca sunt, quæ palam
ostendunt, non displicuisse illi jocos, sed non contigisse; quod de Demosthene
Fabius scribit: velut in prima, ubi disertè ait, ridere se malos Poëtas: ille
verò non *σκίπτει* solum, sed etiam *λαιδόρει*. Jocosæ & non invenusta illa:

nunc non cinis ille Poëtæ

Felix? - - -

& quæ sequuntur. Illud convitio propius:

Rancidulum quiddam balba de nare locutus:

item illa:

nugaris, cùm tibi, calve,

Pinguis aqualiculus protenso sesquipede extet.

Ista verò,

O Jane, à tergo quem n. - - -

indigna-

1603. indignationem illius magis arguunt, quàm aptitudinem ad movendum risum. Quin etiam, sicut in Demosthene observarunt veteres Critici, nunquam adeò à sese ipsum abire, quàm ubi facetus vult videri; ita nos de Persio pronuntiare non vereamur, si qua sunt in ejus libro frigidiuscula dicta, si qua ex periculo petita, in ea ipsum incidisse, dum quærit jocos & vult ridere, quod per naturæ suæ temperamentum illi nequaquam licebat. Frustra enim est cum persuadere vult nobis, fuisse se petulanti splene cacbinnonem. Ain' tu, Persi? οὐ γάρ, ὡς ἀπαρτὶς, ἰδιος εἶης, & nobis ignosce, qui hoc tibi non credimus: quin potius existimamus in te expetisse, quod apud Atticam de Persa nescio quo dixit: ἐν ῥαῖσι ἐν πῶς ἐκτελεῖται ὅσα ἡ γέλοια. Enimverò cum sint loci plures, è quibus ridicula dicta ducantur, Horatius & Juvenalis eos jocos non raro usurparunt, quibus aliquid inesset obsceni: quâ impuritate cum ferè in totum Persius abstineret, non ambigent sani judices, quin etiam in eo dicendus sit vincere, in quo culpa ingenii vincitur: nimium enim risus pretium est, si honestatis & probitatis impendio constat. Sed quæ ridere negavit Persio natura, ingenti dote defectum & ὑστέρημα istud pensavit, cum illi vim dedit & acrimoniam, & illud, quod Magistri dicendi τὸ ἐναγώνιον πρῶμα dicere consueverunt: quam virtutem tanti facit Criticus Halicarnassensis, ut Isocratis orationem, quod eâ careret, animâ carere dicat. In Persio verò, qui spiritus? qui ardor? qui stimuli? nam libertas quidem tanta, ut ne mortis quidem metu adduci potuerit, quò Neroni parceret: & tamen lenissimorum fuisse morum accepimus; sed acrem faciebat impressum ejus animo, altisque nixum radicibus vitiorum odium. Quod igitur desiderant Sapientes, contra vitia dici asperè, contra pericula animosè, contra fortunam superbè, contra ambitionem contumeliosè, ut ad Senecam suam scripsit olim Lucilius; id cum noster efficiat, illud simul ἐν πολλῷ τῷ περὶ τοῦ θ. præstat, quod antè dicebamus; ut liqueat tibi, illum sensisse quæ scripsit. Atque hæc sunt differentie præcipuæ, quas in tribus hisce Poëtis circa illa deprehendimus, quæ Satyræ Romanæ propriè χαρακτηρίζουσι. Ad reliquas verò quod attinet virtutes τῆς π. πραγµατικῆς & τῆς λεκτικῆς τέχνης, ne longum faciam, ita sentio: puritate sermonis, gratiâ narrationum & ἀπειρίας, atque inexplicabili quodam, etiam extra jocos, lepore excellit Horatius: ubertate inventionis, copiâ exemplorum, tractandi dexteritate, τῷ περὶ πῶς νοήσας ἀδρεσποβολῶν, denique τῇ περιπνεύῃ ἀξιοµατικῇ λέξει præstat Juvenalis. Persius inter hos duos interjectus, neque castitate sermonis Juvenali cedit; & illa, quam exposuimus, pugnacitate, celeritate, & νερόντι Horatium superat. Character dicendi in Horatio humilior; in Persio grandior; in Juvenale, ut plurimum, sublimis. Figurarum, quæ sunt orationis lumina, beata apud Horatium & Juvenalem copia: noster illis potissimum, quæ rebus addere pondus sunt idoneæ, & ὑποπλάττειν & ἐνεργεῖν pene regnat. Vel illas mihi considera hominis sordide parci descriptiones, quas in quarta, in quinta, & in sextâ duobus locis posuit: non poterant tenacium mores effingi majore cum evidentia. Taceo de verborum tropis, quorum crebritatem apud Persium sola excusaverit Satyræ licentia: densitate enim suâ orationi tenebras nonnunquam offundunt: de quo mox. Numerorum verò concinnitatem cum apud Horatium nullam invenisset, nullam juncturæ studium; hanc securitatem Persius nequaquam probavit; sed numeris ita consuluit, ut istâ laude eum, quem sequebatur, longo intervallo pone se reliquerit. Quid enim hujus versibus numerosius? quid absque mollitiæ concinnius? Neque electione est opus: omnes apti; omnes sonori: quidam verò ita magnifici, ut ad majestatem Maroniani carminis videantur aspirare. Neque aliquis mihi illum objiciat,

- - - euge euge, omneis bene miræ eritis res:

proba-

probavimus enim, ingeniosissimum Poëtam arte & judicio usum, viribus suis eo loci pepercisse. Exposuimus hætenus, ut erat noster captus, præcipua capita institutæ comparationis inter Romanæ Satyræ clarissimos Poëtas: ostendimus, quæ singulorum propria essent κατ'ἑξῆς, quæ ἰδιαίτερα: clarissimèque, nisi fallor, demonstravimus, ex illis esse neminem, qui virtute quâdam sibi peculiari reliquis non præstaret: neque rursus esse ullum, qui cæteris ratione aliquâ non esset inferior. Persium verò adeò non esse indignum, qui compararetur cum Horatio & Juvenale, ut vel de palma cum utrovis eorum jure suo possit contendere: etsi non sine aliqua ipsius injuria potest cum tantis ingenii committi Persius; cui per brevitatem vitæ totum se palam facere, & ingenii sui dotes maximas publicare non licuit: ut ex uno libello, atque eo imperfecto, necdum perpolito, illum æstimare, hoc verò sit leonem ex ungue, & quod apud Homerum faciunt proci, τὸ πρὸς τὴν ἐκ παλαιοῦ διαγεωγῆσθαι τὴν ἀδρεῖαν. Quid igitur de gravissimi illius Censoris judicio dicemus, qui tantum virum suffragiis privatum in Cæritum tabulas retulit? & quidem non censoriâ notâ affectum, sed ignominie elogio misere jugulatum: ineptum pronuntiat, indignum qui cum reliquis in comparationem veniat, ostentatorem eruditionis; obscurum denique, non secus atque alterum Heraclitum vel Cinnam. Pax! vir incomparabilis, τίς σ' ἐπὶ τοῦτο ἔκαστος ὀδύνηται; Persius ut sit ineptus? Si ineptum diceret, quem Græci ἀπὸ τῆς ἐκ τῶν γαλῶν, concederem. Ne nos quidem enim imus inficias, facultatem hujus rei illi defuisse; sed ostentatorem eruditionis quod nominat, omnino haut persuadet. Fatemur eruditissimum Poëtam eruditionem ubique ostendere; usquam ostentare, negamus. Illud doctissimi quique solent: quis autem uberius quàm οὐδ' αὖτε ὁ Censor? cujus scripta omnia χροστὴ χροστέπεια, si quis negat thyma Veterum undique redolere, haut mecum sentit. Hoc solet vanissimus quisque tantum, insolentissimus ὁ ψευδοκρίτης: quorum nihil in splendidissimum hunc Romanum Equitem cadit; de cujus singulari modestia, & liberali educatione sub maximis Præceptoribus, non autem Cathedrariis Sophistis, & vitæ illius auctor meminit, & nos aliquid supra attigimus. At obscurus est, & dignus cui nomen indatur Scotino. Mirari subit non semel, de obscuritate Persii verba fecisse illum virum, cui nihil erat obscurum: certè aliud Quintilianus judicabat, cum verâ laude dignum pronuntiaret: aliud Hieronymus, cum disertissimum Satyricum vocaret. Mibi quoque non pauci hujus Poëtæ versus ita clari & λαοὶ videntur, ut vel in cisio à mediocriter doctis legi possint. Quare non totus liber profectò est obscurus; sed loca tantum nonnulla. Quid? solus hic obscurus? non etiam optimus quisque attentissimum & πλουταῖον requirit lectorem? Non commemorabo Thucydidis τὰς πεντοέτας, τὰς ἑξαέτας, τὰς γλωσσηματικὰς & ἑῖνα, τὰ ἀνακρίσεις, & similia multa, quibus obducta caligo ingens illius Historiæ. Silebo Platonis τὰς ἀρχαίους καὶ ἀπλῆς μετὰ φρονέας, de quibus Longinus: hoc solum dicam, maximarum difficultatum ea potissimum scripta esse plena, quæ omnium seculorum docti homines maxime sunt admirati. Quis Pindarum intelligeret aut Aristophanem, absque eorum interpretibus? quis Græcis literis doctus choros Tragicorum inoffenso pede percarrit? Theocriti τὰ σκληρὰ notant veteres Critici, neque indignentur. Nos offendunt Persianæ difficultates? & qui laboriosas illius opilionis ineptias non gravamur; tam severum hujus carmen ut intelligamus, operæ nos pœnitebit? Porro obscuritatis hujus diversas asferre causas possumus, easque certissimas: in auctore sunt aliquæ, aliæ extra illum, quædam in interpretibus. Non negabo, perobscura quædam esse in quarta; prima quoque: sed Poëtæ facile ignosco, cum cogito, crudelissimi & φονεῦντες tyranni, in quem illa

1605. erant, metu, de industria atramenti sepium aliquid esse affusum: neque dubito, sapientissimum Praeceptorem Cornutum scribenti adfuisse, qui vetus verbum crebro illi insurraret, Σάπρον quod etsi disertè Probus, sive quicumque est vitæ scriptor, non dicit, ea tamen narrat, ex quibus hoc debemus colligere. Jam cum scribit idem Βιογράφοι, verecundiæ virginalis Partheniani nostrum fuisse, aliud agens causam nos docet, cur ille locus tenebri- cosè fuerit tractatus, cui vix alius toto libro obscuritate par, obscenitate similis nullus: ὡςκοπὴ illam dico è quarta,

At si unctus cesses.

Etiam illud ultrò concedimus, nonnulla Persii loca tropis parum usitatis & audacioribus esse offuscata: hujus quoque non culpam, sed causam, ita enim dicere æquius, ingenio Poëtæ assignamus: quod cum esset magnum, magna sectabatur. Dictiones autem tropicas magnitudinem naturâ suâ habere, cum alii docent τῶν ὡς τοῖς λόγοις, tum affirmat hisce verbis ὁ τῶν πάλαι κερπυῶν κερπυῶν Longinus: μεγάλα, inquit, φύσιν αἱ τροπικαὶ λέξεις, ἡ ὑψηλοπιδὼν αἱ μάλιστα, ἡ οἱ παθητικοὶ ἡ φερατικοὶ καὶ τὸ πλεῖστον αὐταῖς χαίρουσι τόποι. Hæ sunt illæ parum moderatæ & inclementes (id enim est ἀπλῶς) metaphoræ, quas ait idem in Platone, quo nemo unquam facundior, notari solitas à dicendi artificibus nonnullis. Etiam Demostheni quæ objiciebantur ab Æschine, tanto cum biatu, ut θαύματα diceret esse, non ῥήματα, quid aliud fuere, nisi paullo duriores translationes? adeò magnis quibusque ingeniis familiares hujusmodi excessus, & ὡςκακὸν δυνάμει δυνάμει dictiones. Dionysio quidem Halicarnasseo si credimus, τὴν ἀπὸ φαντασίας πολλὰ καὶ δυνάμει εἶναι, non jam excusandus fuerit nobis Persius, verum præconio ὑμνοῦστας clarandus. Fuit prætereà Flaccus noster ἡ φιλόμυθος πρὸς, sed amans brevitatis: quæ res obscuriorem est ubi illum reddit: non alia causa fuit, ut unum saltem exemplum asseram, cur hætenus non intelligeretur ille versus:

Inventus, Chrysippe, tui finitor acervi:

quem primi nos, absit verbo invidia, ex Poëtæ mente sumus interpretati. Extra auctorem possunt multa afferri: ego pauca tantum commemorabo. Quod igitur multa obscura hodie videntur, quæ cum scribebantur, pueris erant obvia; non penes auctorem culpa hæret, sed penes lectorem: quotus enim quisque Persium legentium saltem mediocrem morum veterum & Historiæ antiquæ cognitionem sudore partam habet? Adde quod ipsa rerum natura progressu temporum ita novam rebus humanis faciem inducit, ut ad intelligendos veteres Scriptores, nihil persæpe hodiernæ vitæ comparatione nos juvante, velut in tenebris sit micandum, & fallacibus conjecturis ad veritatis indagationem insistendum: atque huic querelæ tum præsertim est locus, quando vel privati, vel publici mores perstringuntur; in quo solo & Comædia, & Satyra Romana versantur. Non prætermittam genus ipsum Poëseos, naturâ suâ difficilioris: nam, ut alibi probamus, Satyra hæc & genus & nomen est non plebeji poematis, sed carminis eruditi: & propter asfinitatem, quam habet cum Dramaticorum fabulis, ipsâ personarum mutatione perplexum. Interpretes verò diverso modo obscuritati, de qua dicimus, causam præbuerunt: veteres, quia perierunt; quæ fuit seculi barbari flagitiosa negligentia: recentiores, quia alia ex ἡλικιωδύσαντι, alia παρῆλικωδύσαντι, lectores persæpe aut incertiores & indoctiores quàm dudum, aut malè doctos dimiserunt. Nemo in suam contumeliam dictum putet, quod de iis dicimus, qui hanc provinciam ante nos administrarunt: nam & nos, qui eorum dili-
gentiæ

gentiæ succrevimus, tam meminimus homines esse, falli faciles, literis le- 1605.
viter tinctos, quàm scimus, ipsos quæ nesciverunt aut male sciverunt,
ignorasse vel probasse, quia homines erant: hoc ingenue prostemur, nondum
quenquam incidisse in manus nostras e tot Poëtæ hujus interpretibus, cujus
rationem & interpretandi viam possemus probare. Unicum excipio Hadria-
num Tarnebum, virum in hoc genere literarum eminentissimum; qui si ex
professo Persium suscepisset enarrandum, nullo, ut arbitror, spicilegio no-
bis relicto, aliud scilicet curassemus: nunc cum obiter tantum quædam tra-
ctaverit, exemplo illius ad hoc quicquid est operis concinnandum sumus ex-
citati. Quoniam autem de libri hujus obscuritate multa docti indoctique
passim loquuntur; ne quid omitteremus, quod ad lucem illius posset desiderari,
postquam semel interpretem professi eramus, Græcorum illud verbum, χαλῶντες
φάριν, ὃ μὴ φάριν, censuimus nobis esse usurpandum: quod enim interpret, nisi
ut obscura illustret, difficilia facilia reddat vel primas literas doctis? Quod
quidem dum pro virili nostra conamur, eò prolixiores facti sumus, quod bre-
vior Persius: nam illorum fastidia, quibus satis est magnos scriptores ἰσοχρήσας
ἀεὶ τοῦτον, sapientissimo Imperatorum Marco reprehendi memineras. Simul
juvabat ejus auctoris explicationi immorari, cujus singula prope verba ali-
quid βραχυῶς continere animadvertēbam. Multa nos in tam erudito Poëta
observasse, de quibus ne cogitarant quidem alii, si dixerimus, fiducia veri
sit, non inanis jaclatio: quid autem præstiterimus, docti & candidi Lectoris
facimus arbitrium: nam etsi mediocris saltem diligentia sumus nobis conscii,
scimus tamen, ἐν παντί τῶν προσχόντων εἶναι τὰ ἀθλα, ut dicebat olim B. Chry-
sostomus: ἀλλὰ δηλονότι τὰ ἀνωθεν βραχυῶς.

P R Æ F A T I O

I N

PERSIANAM HORATII IMITATIONEM,

Commentario adjectam.

NEMO, qui vel summatim humanitatis studia attigit, Persii Satyras le- 1605.
git, quin statim imitationis Horatianæ aliqua saltem vestigia depre-
hendat: tam multa enim illius tam paucis numero versibus expressit, ut
fungum esse oporteat, cujus animum, simul ac in hunc librum oculos conje-
cit, ejus rei aliqua non percutiat suspicio. Et tamen eâ arte, eo judicio in
hac parte usus est Poëta ingeniosissimus, ut qui adeo multa non sua usur-
pat, suus tamen ubique sit, nec alieni beneficii ferè quicquam, verum pro-
pria omnia habere videatur: καὶ γὰρ παρ' ἄλλου λάβῃ τε ἰδίῳ αὐτῷ χρησάμενος ἴδιον πρὸς
φθὺν ποιεῖ: quod olim eruditissimi Critici de Thucydide, Homerum imitante, pro-
nuntiarunt. Quare equidem facile ignosco tot commentatoribus, quos palam
est ita negligenter in hoc negotio esse versatos, ut loca non pauca perperam
acceperint; quædam, sed illustria, non animadverterint esse corrupta, uni-
cam ob causam hanc, quod Persium cum Horatio diligenter contendere,
suarum partium esse, animum nunquam induxerint. Nos verò quam illis
tribuimus veniam, ne ab aliis petere ipsi opus haberemus, quæcunque in eo
genere observatione digna deprehenderamus, omnia studiosè collegimus, at-
que

1605. *que in unum veluti communem locum hac conjecimus. Speramus non ingratum fore tyronibus, quorum studiis prodesse optamus, nostrum istud consilium: cum praesertim imitationis artem, sine qua penè infructuosa Veterum lectio fuerit, nullius Magistri praecepta aequè bene ipsos doctura sint, atque hoc pulcherrimum tanti viri exemplum. Si extarent Lucilii Satyræ, non dubito etiam in illis reperiri quadam posse, quibus noster sua fecerit auctiora & luculentiora: sed illa, opinor, forent non multa; quantum quidem ex reliquiis ejus Poëta licet conjicere: horridior enim & incultior Lucilius fuit, quàm ut aliquid facile ex ipsius lutulentis carminibus tolleret Persius, atque in rem suam verteret. Venusinum verò Flaccum sic in deliciis habuit, miratusque est hic Flaccus, ut totum memoriâ tenuisse existimem: quod quidem ita esse, neminem puto dubitaturum, qui observaverit quàm saepe, quàm feliciter & sententias & dictiones ejus usurpet: apparet commentanti Persio verba versusque Horatianarum Satyrarum non anxie, sed ultro sub acumen stili venisse: ut videatur magis non repudiasse, quæ sibi commiter sua memoria suggererat, quàm de industria quæsisse. Neque enim debemus ejus infelicitatis tantum virum damnare, ut putemus aliquam ipsum ex affectata Horatii imitatione aucupatum esse gloriam: iniquum, ridiculum & stultum sit, tam ineptæ ambitionis nobilissimum juvenem ac sapientissimum velle insimulare; qui contra summo judicio virtutes Horatii sic imitatus est, ut nævos & introversas ejusdem cautus vitarit sedulo: quod cum alibi pluribus demonstratum sit à nobis, misso hoc sermone, quod institimus jam aggrediemur.*

Nobilissimo Viro,

JOANNI DE RIEU,

RUTENORUM Præsidi,

ISAACUS CASAUBONUS

S. D.

(Præfixa Libris de Satyrica Græcorum Poësi, editis anno 1605.)

1605. **O**blstrictam tibi fidem ante aliquot annos, cum unà Monspelii essemus, tuque domum ad me visendi & salutandi causâ venisses, quæ tua est humanitas, & in literas singularis amor, Præses dignissime; serius quidem, sed eò cumulatius jam tandem libero. Diatribam enim super Romanæ Satyræ natura atque appellatione, cum inter colloquendum de literarum studiis, in eum fortè sermonem incidissimus, tibi pollicitus: ne tam benignus creditor sortem sine aliquo fœnere, longo adèò præsertim intervallo, reciperes; disputationem aliam adjeci, ut non planè ejusdem, ita nec usquequaque dissimilis argumenti. Nam qui sciremus, non mediocriter solum eruditos cum vulgo credere; sed longè doctissimos etiam viros, & summæ in literis autoritatis, docere, genus illud Latinæ Poëseos à Græcorum Satyrica originem simul ac nomen traxisse; quum secus rem habere nobis persuasissemus, ne sine justa satis causâ à communi hac, & omnibus fermè recepta opinione videremur discere;

dere; faciendum esse duximus, ut de utraque Poësi, quæ veniebant in mentem, unâ eademque operâ scripris mandaremus. Accipe igitur, Præses clarissime, & quod Sapientes haut minoris fecerint, Vir doctissime, non ut spoponderam, paucarum horarum diatribam; sed aliquot saltem dierum lucubrationem, tuo nomini multo etiam prius quàm nasceretur, dicatam, meriti-
 tissimèque consecratam. Etsi enim magno & locorum & temporum inter-
 vallo dividimur; hæret tamen animo nihilominus, semperque hærebit, mul-
 tui amoris nostri jocundissima memoria, & honoris ejus grata recordatio,
 quem studiis meis aliquando habuisti, cum ut fructus illorum aliquis in vul-
 gus manaret, vigiliæque nostræ publicarentur, quia Monspeli res erat pro-
 pter loci conditionem difficilior, nullis parsurum te sumtibus, & verbis pro-
 lixè ostendisti, & re etiam ipsâ luculentè probasti. Equidem non sum adeò
 ignotus ipse mihi, ut quæ à me fuerint profecta, tanto hoc cujusquam, ne-
 dum tuo, viri eruditissimi, studio digna censeam: tu tamen, quum amore
 nostri aciem judicii tui præpediente, aliter sentires; præclarè hoc pacto, quan-
 tum humanitatis literis tribueres, palam fecisti. Simul amentiam illorum au-
 ctoritate sententiæ tuæ confutasti, quos nihil pudet, exquisitiorem Linguarum
 & Antiquitatis notitiam, ceu Reipublicæ inutilem, pietati verò etiam adver-
 santem, differre convitiis, ac diffamare: qui error fanaticus cum occulto quo-
 dam Dei judicio per multa secula hominum mentes occupasset; memoriâ de-
 mum avorum penè undique è Gallia nostra profligatus, certorum nunc ho-
 minum scelere immani in eandem & universam quoque Europam revoca-
 tur. Quid? nonne superioribus mensibus sacerrimus liber prodiit, quo im-
 pietatis omnes promiscuè arcessuntur, qui post literarum *παλαιοτητα* cum ali-
 qua laude in iis sunt versati? Aut quisquam dubitet, melioris literaturæ perni-
 ciam eos moliri, qui nefario ausu in doctissimum quemque nostræ ætatis, &
 de Republica literaria optimè meritum, tanta cum petulantia atque impuden-
 tia invehuntur? Saltem si maledicere volebant, portentis mendaciorum absti-
 nerent: si scribere gestiebant, Latinè scriberent: nam quis barbarissimos, so-
 læcissimos, sribligines eorum enumeret, aut patienter ferat? Non hortabor
 te, Præses integerrime, ut certo huic istorum malè conciliatorum furori te
 opponas, quod in te fuerit; ne prudentiæ & constantiæ tuæ in amore lite-
 rarum videar diffidere. Gratulabor potius bonitati naturæ tuæ, quæ neque
 in ratione studiorum, neque in administratione Reipublicæ à recto tramite &
 via regia deflectere unquam te sivit. Quemadmodum, qui & bonas artes
 semper ornaris, & bonas partes fortissimè semper defenderis, magnumque ex
 ea re nomen tibi pepereris; pulcherrimam hanc laudem illibatam ad extre-
 mum te conservaturum, omnes speramus, qui excellentem virtutem tuam ha-
 bemus notam: atque adeò ut ita facias, ex animo optamus. Vale. *Lutetia*
Parisiorum, a. d. ix. Kalend. Septemb. c. i. d. c. v.

CLAUDIO CHRISTIANO,

FLORENTIS FILIO,

ISAACUS CASAUBONUS

S. D.

(*Præfixa Cyclopi Euripidis, Latinitate donatæ à Septimo Florenti Christiano; Diatribæ subjunctæ.*)

1605. **E**URIPIDEAM CYCLOPEM, Latine olim à clarissimo viro, parente tuo, versam, & nudius septimus mihi à te communicatam, eruditissime Christiane, magna cum voluptate, ut omnia illius, legi. Quæ præcipua laus in hoc genere scriptionis merito censetur, ἔχεις καὶ πῶς τῆς ἀρχαιότητος, & Antiquorum sine affectatione aut damno sententiæ, æmulatio; eâ laude sic excellunt quæcunque vel de Latinis Græca, vel Latina de Græcis; ὁ μακαρίτης pater tuus fecit; ut præcellumne, & Veteribus comparandum ejus ingenium, an absolutam utriusque linguæ noticiam prius admirer, haud facile statuam. Etsi autem non ignoro, factum iri injuriam pietati tuæ adversus optimum parentem, & amoris erga Musas, quas studiosè colis; si quis te in publicandis illius scriptis fuisse hactenus cessatorem dicat; non tamen dubitabo, vel ἐκ περιστάσεως te convenire, hortarique etiam & etiam, ut communi huic studiosorum voto, relictis rebus, quàm primùm satisfacias. Interea verò fabulam hanc, quæ, ut liquidò probavimus, Satyrica est, cum iis, quæ de genere illo Græcæ Poëseos disputamus, in lucem simul edere, quoniam fidei nostræ eam permissas, placuit: neque tui, opinor, consilium improbabis. Vale.

Vide Epistolas Gallicanas ad Scaligerum, lib. 21. Epist. xxxi.

Nobilissimo Viro,

D. BENJAMINO

à BUWINKHAUSEN & WALMEROD,

Equiti, Illustrissimo Duci Wirtembergico à Sanctioribus

Consiliis, & apud Regem Christianissimum Oratori,

ISAACUS CASAUBONUS

S. D.

(*Præmissa B. Gregorii Nysseni Epistolæ, excusæ Lutetiæ Parisorum, anno 1606.*)

1606. **D**ivinitus olim Græcorum sapientissimus, animo meo, Socrates dicebat, Vir nobilissime, idem esse veritatem & virtutem. Etsi enim rerum naturam subtilius rimantibus tantum discrimen inter verum bonumque apparet, quantum hominis intellectus ab ejusdem differt voluntate; ea tamen inter utrumque

utrumque est conjunctio, ea cognatio, ea denique *συμφύια καὶ ἀλληλεγγύη*, ut ad 1606. alterum nisi per alterum non perveniatur; quum unica ad veritatem per virtutem pateat via. Non enim de qualibet veritate perpessus senex sentiebat; sed qui ad artem vitæ omnia referret, eam intelligebat, cujus notitia ad beatam vitam momentum facit. Hanc veritatem ipso naturæ instinctu, quæ desiderium felicitatis omnium mortalium mentibus infudit, & Socrates, & sapientissimi quique ab ævo homines studio summo, & acri contentione ingeniorum, etsi successu dispari, semper quæsierunt. Quorum ut laude maximâ dignissimus est conatus, ita fors nostra Christianorum, si quidem bona nostra intelligimus, beatissima meritò prædicanda. Quippe illi suo Marte, & solis ingenii naturæque viribus, atque ejus corruptæ & pravitæ occæcatæ, ad tantæ rei indagationem nitebantur: nos Dei Opt. Max. beneficio immortalis, illius ipsius ope atque auxilio fulcimur, velimus modò, penes quem unum totius bonitatis atque veritatis fons scaturit; quique adeò ipse est ipsa bonitas, ipsa veritas, Dominus noster Jesus Christus, *ὁ ὢν τὸ φῶς τὸ ἀληθινόν, τὸ ἐν τῇ σκία φῶς*. Porro autem ad veritatis hujusce verè salutaris non alia munita est via, præter illam, quam diximus, per virtutem & honestas actiones: nam qui aliâ grassantur, ii profectò non eunt, sed errant. Marci Eremitæ vox est memorabilis, eum demum Dominum Salvatorem esse inventurum, qui ipsum in suis præceptis quæsierit: ibi enim latere *ὡς πρὸς ἰδίαν ἐντολὰς ἐγκρατευμένον*, frustra alibi quærendum. Hoc videlicet voluit vir sanctissimus, quod aliis verbis suavissimus Philosophus, & piarum deliciarum Musarum, Synesius dicebat: bene sentiendi principium & fontem esse, bene vivere: *τὸ βιωῦν ἐρῶς*, ait, *προσέμειν τῇ φρονέειν*. Major enim verò, diviniore, & sanctior res est veritas hæc, quàm ut eam mens humana indipisci queat; nisi fordibus, ac vitis omnibus, quæ ceu atri veneni *δασυποῖω βαφῇ* natura nostra est tineta, antè mundetur, & quoad ejus fieri potest, penitus purgetur. Quod quum intelligerent & Græci *ἐνομασιθεῖται*, eam partem sapientiæ, quæ penitentiæ rerum divinarum doctrinam continet, *πλήρω*, velut scientiarum omnium ultimum apicem, dixerunt. Sic enim judicabant homines sapientissimi, neminem hujus disciplinæ satis idoneum futurum auditorem, prius quàm doctrinâ morum, & emendatione vitæ, quod unicum est rei caput, sese præparasset. Neque verò alia sententia fuit tùm aliorum veteris Ecclesiæ Patrum, tùm Gregorii Nazianzeni, viri sine controversia maximi, & qui ob exquisitam rerum divinarum notitiam, pari facundiâ eruditioneque junctam, gloriosissimum Theologi cognomen tulit. Hic igitur vir tantus gravissimum, & verè gemmeum libellum, quo de studio divinæ scientiæ disputat, ita concludit, ut oportere dicat, *ἀλλὰ καθάρεται καὶ τὸ καθαρόν*. Deinde autem iter affectantibus ad Dei, divinarumque rerum notitiam, Doctor fidelissimus hanc compendariam ostendit, ut per Domini mandata iter capebant; eâ, non aliâ quò tendunt, perventuri: actiones namque ex virtute velut alteram Jacob Scalam esse, & gradus, quibus ad cœlestem veritatem ascendatur. *βλέπει, inquit, θεολόγος γενέσθαι, καὶ τῆς θεότητος ἀξίον, πρὸς ἐντολὰς φύλασσαι. ἀλλὰ τῶν προσηγοριῶν ἔδυσεν; πράξις γὰρ ἐπίστασις θεωρίας*. Sed in primis memorandum est, quod apud Beatum Patrem Joannem Chrysostomum legere in hanc rem memini: scribit enim disertè vir facundissimus, tanti à Deo virtutem fieri, ut eum, qui *ἐναρτίον πολυμίαν* agat, vix fugere ad extremum veritas queat: adfuturum enim omnino Deum, qui in viam veritatis errantem sistat. *καὶ ἂν πλανώμενον*, inquit, *τύχῃ, ταχέως αὐτὸν ὁ θεὸς πρὸς τὴν ἀληθειάν ὁπισπάσκει*. Quod si quæ virtus est ex universo illarum choro, quæ in veritatis hujusce candidato, multò autem utique magis in Doctore, necessariò desideretur; quis dubitabit sanus, eam esse

1606. Charitatem, & erga omnes homines pium Christianumque benevolentiae affectum? Hæc enim est illa præcellens & admirabilis virtus, quæ mortalibus Cælos aperit, Cælos claudit: quatenus illam summus Imperator tanti facit, ut qui ἀγάπη ἀνυποκρίτως & dilectione sincerâ fuerit præditus, hunc Legem totam affirmet impleſſe.

Εν ᾗ φιλημοσύνη συλλέγδω παρ' ἀρετῆ ἐστιν.

Ita enim dicendum est, auctore Christo, qui verus est & legitimus virtutum æstimator; non quomodo Græci Sapientes fecerant. Quid quod si hæc virtus absit, ipsa etiam Dei cognitio non saluti, sed perniciæ cedit? Neque sanè mirum: superbus enim, & opinione sui inflatus animus, quæ vitia scientiam fermè comitantur, hostis est Dei, sicut Literæ Sacræ loquuntur. Quid multa? metropolis quædam est omnium bonorum, & totius felicitatis ταμείον, Dilectio, concordia mater, ἡ πασῶν τῶν ἀρετῶν πρόξενος, omnium hæreseum interfectrix. Ita dico, hæreseum victrix atque interfectrix est Charitas: quæ & natas exstinguit; & ne nascantur, impedit. Nisi quis est, qui aureo latice manantem Joannem Chrysostomum falsi velit ire argutum: qui sæpe repetit, sæpe clamat, omnium malorum, quæ terras adhuc colentem Ecclesiam lace- rant, vanèque agitant, causam esse, quòd exulet mundo vera amicitia: quâ salvâ, inquit, nulla possit esse discordia, nulli errores, nulla hæresis. Quàm esset optandum, Vir nobilissime, omnes ut hodie, qui vel esse, vel audire saltem Christiani volunt, ejusdem cum hoc cæterisque venerandis Patribus sententiæ essent; eundem affectum & φιλικὴν διάθεσιν induerent; eodem spiritu mansuetudinis ducerentur! Nunc quæ sit Ecclesiæ facies in Europa; quàm tristis, quàm fœda, quàm miserabilis, omnes vident: neque est quisquam paulò gloriæ Dei studiosior, ad quem ejus doloris sensus non perveniat. Nam ubi hodie inter Christianos amor ille pius, Christianæ mentis certus charac- ter, viget? ubi concordia? ubi illa charitas, Paulo Apostolo ædificans dicta? Magnus Basilus in illa stupenda ecphrasi Ecclesiæ, temporibus suis similem eam dicebat navi, salo agitata, in cuius perniciem venti, undæ, hostes, & quicquid maximè terribile maria fulcantibus solet occurrere, conspirant: cu- jus interim, ait, vectores & nautæ communis periculi oblitæ, mutuum sævi- tiam ferro, manu pro se quisque, furore immani, invicem exercent. En hodiernæ Christianitatis expressam imaginem! Exolvere dudum pacis & con- cordiæ studia; ubique contentio; ubique odia plusquam Vatiniana; &, quod Basilus alter dicebat: λείψανον εἰρήνης εἶδεν παρ' ὕδινι κατὰ λείλαπτα· πόλεμος ᾗ κατὰ πάν- των ὡς πᾶν ἀνέχεται. Bene sanè scriptor elegantissimus discordia in negotio religionis bellum vocat: verumtamen bellum ex ea causâ ortum, ipse non vidit. At vidit nostra hæc βαρυνάριος ætas multa; & quidem asperrima, cru- delissima, immanissima. Nunc etiam, quòd clementiâ superum & sanioribus Principum consiliis, maximè autem virtute & bonitate Christianissimi nostri Regis ab armis est, ubi cessatur; quid refert? calamis pugnamus: linguis pro lanceis utimur; graphiis pro gladiis: & quum veritatis cognitionem plen- nis buccis hinc & inde nobis vindicemus, certis rerum argumentis probamus omnes, (bonos & εἰρηνοποιούς semper excipio; quos ubique non dubito superesse; non multos illos quidem; sed tantò pretiosiores deficientis aurei generis fa- villam:) probamus, inquam, omnes, veritatis viam adeò nos ignorare, ut ne cogitasse quidem de illa investiganda videamur: veritatis enim, ut antè dice- bamus, & passim inculcant pii Patres, ὁδὸς ἡ ἀγάπη ἐστίν· qua ex re factum, ut quum plures hodie quàm unquam rerum divinarum scientiâ abundant; ve- ræ tamen pietatis exemplis, haut scio an ulla ætas, æquè ut hæc nostra, ca- ruerit.

ruerit. Nam ubi semel prædicta divinitus charitatis ψύξις, verum Dei homi- 1606.
numque amorem in animis multorum exstinxit, ilicet; ruere omnia in pejus;
pro simplicitate primævæ fidei succedere prurigo disputandi, & fatale hujus
ævi malum αἱ τῆς ψευδονύμου γνώσεως ἀπιδόσεις, quas vocat Apostolus: postremo,
pietatem verba putare, ut lucum ligna. Et hæc aliquis siccis oculis intuebi-
tur, qui se Christianum saltem meminerit? Equidem, præstantissime Vir,
tantam hanc sæculi nostri infelicitatem animadvertens, postquam eò rem in-
telligebam rediisse, ut velitandi, altercandi, contradicendi, & per eandem
lineam ferram reciprocandi finis nullus fieret; dicam quid ipse fecerim, ut
dolorem meum, si pote, lenirem, quem ex ea re, pro eo ac debui, vehe-
mentissimum capiebam. Nam quò possem oculos, cogitationem, omnes-
que meos sensus ab hodiernis Ecclesiæ malis avocare, constitui ad pristinæ
Ecclesiæ scriptores animi mentem seriò referre; omniaque succisiva mea tem-
pora (quando aliam, ut nôsti, Spartam nacti sumus) illi curæ impendere,
ut quæ fuerit primæva fides, quæ forma disciplinæ Ecclesiasticæ, qui ritus
verè antiqui, diligentius cognoscerem. Id enim optimum esse dubitavi nun-
quam, quod antiquissimum; id verissimum, quod à principio, ubique &
semper in Ecclesia pro vero habitum. In hoc igitur pulcherrimo suavissimo-
que stúdio versanti mihi accidit ante menses aliquot, ut Gregorii, Nyssæ
quondam Episcopi, quem inter præcipuos antiquæ fidei testes & Doctores
Ecclesia veneratur, Libellum sive Epistolam beneficio amicorum nanciscerer,
neque Græcè, neque Latine, opinor, luce publicâ adhuc donatam. Quæ
scriptio dignissima mihi visa est lectione omnium orthodoxæ fidei pariter, &
virtutis ac publicæ concordie amantium. Etsi enim non defuturos facile con-
jicio, ut sunt hodie ingenia hominum, nonnullorum præsertim ἀυθιμίαν σο-
φῶν, σπορτῶν θεολόγων, ut Gregorii Nazianzeni & Synesii verba usurpem; qui
hanc Epistolam, quoniam nihil admodum continet, quod polemicorum scri-
ptores suis libellis inferciant, non magnopere sint desideraturi: mihi tamen
longè aliter videtur; qui vel gravissimè in eo peccari vulgò arbitror; quòd iis
omissis, de quibus inter omnes convenit, ea duntaxat urgemus, inque iis
solis pietatis summam ponimus, de quibus non æquè consentitur. Quantò
enim erat satius, propter multa, de quæis idem sentimus, Christianam invi-
cem colere charitatem; quàm propter illa, de quibus minus consentimus, tan-
tum odiorum animis concipere? Sed nimirum hodie ita facti sumus; eundem
est in præceps; & ut hoc Europæ incendium foveatur, oleum camino ad-
dendum: eo enim animo multi, quod res arguit, Patres lectitant; qui, nisi
fallor, eâ potius fine erant diligenter legendi, ut salvâ fidei regulâ, quæ Sa-
crofanctis Scripturis continetur, remedia malis nostris quæreremus, & pro
viribus efficere conaremur, ne verus Græcorum dictum in nos tandem expe-
tat: *Si strangulat aqua, quid superest bibendum?* Sed illuc redeo. Nos
itaque gravissimi Patris hanc Epistolam nacti, ut dicere cœperamus, quod
primum otium à penso quotidiano operis instituti, & molestissimis occupa-
tionibus per castum Magnæ Hebdomadis ante Pascha consecuti sumus, in
hac editione illius paranda collocavimus. Tenuis, fateor, opella; sed non
in tenui re; quin potius omnium gravissima. De concordia enim Ecclesiæ, &
duabus in Christo naturis, agit heic Gregorius: quo argumento nobilius ex-
cogitari nullum potest. Eò impensius cavendum mihi fuit, ne quia hæcte-
nus doctis hominibus Nysseni liber hoc titulo nullus videtur fuisse notus, ca-
pitis controversia huic, quam publicamus, Epistolæ posset moveri. Propte-
rè studiosè fecimus, ut ex aliis ejusdem scriptoris opusculis & styli & doctri-
næ similitudinem, vel potius τὸ ταύτης pluribus probaremus: de quo ne-

1606. minem dubitaturum confidimus, qui Notas à nobis adjectas consulere fuit dignatus. Hoc autem, quicquid est, ut tibi dicarem, Vir excellentissime, recordatio jucundissima fecit eorum sermonum, quos unà nuper habuimus: in quibus quum præclara multa, eaque magnifica de potentissimo tuo Principe, Illustrissimo Duce Wittembergico, prædicares; nihil tamen æquè in fortissimo Heroë laudare te memini, atque ingens quoddam studium pacis, & tum in Republica, tum vel maximè in Ecclesia firmissimæ concordia. Huc referri plerasque sapientissimi Principis curas, horum spectare cogitationes; ut in conciliandis conjungendisque invicem cæterorum per Germaniam vestram illustrissimorum Principum animis, & ad pulcherrimi incepti societatem ineundam hortandis impellendisque devotæ suæ mentis, & Deo & cunctis mortalibus testimonium præbeat: ô curas, omni curâ dignas! ô cogitationes, verè principali menti aptas! eò quidem magis, quò est notius omnibus, ita ferè, si quod res est, dicere licet, vivi hodie, ut qui Regibus ac Principibus exemplo suo præire ad id genus consilia debebant, ab illis potius sui officii & professionis admoneri, opus sæpe habeant. Quod sanè genus mali neque novum in orbe Christiano esse, neque insolens, omnis propè superiorum temporum memoria, simillimis exemplis quàm refertissima, manifestò arguit. Hæc igitur nuper quum de inclyto Principe tuo commemorares, simul tui quoque animi cupiditate immensâ eòdem tendentis, significationem eam dabas; ut qui jam antè ob singularem eruditionem tuam, & in nobilitate tam alta, fortuna tam celsa, humanitatem comitatemque tantam, plurimum te colebam, propter hunc pium adeò affectum suspicere & venerari inciperem. Omitto nunc dicere de cæteris ingenii tui præstantissimis dotibus; tot linguarum peritiâ, tot populorum notitiâ *ἐξ ἀποψίας*, usu rerum, quem habes, & quibus præcipuè excellis, eximiâ fide ac prudentiâ: omnium instar unum hoc fuerit, quod nemo eorum nescit, qui te nôrunt, tantis hisce virtutibus consecutum esse te, ut quum Illustrissimo tuo Principi sis charissimus; Christianissimo quoque Regi, in cujus aula magno cum splendore & integritatis fama nunc vivis, sis acceptissimus; tantumque apud utrumque gratiâ polleas, quantus est, qui ipsos publico bono jungit, amor. Vale. *Lutetiæ Parisiorum, a. d. VIII. Eid. Jun. CIO IO CVI.*

H E N R I C O IV.

Franciæ & Navarræ Regi Christianissimo,

ISAACUS CASAUBONUS

S. D.

(*Præfixa Commentariis in Polybium, editis anno 1609.*)

1609. **S**APIENTES olim viri, Domine, quum uno omnes ore memoriam rerum gestarum laudibus in cælum certatim ferrent; eò venère demum, ut dicerent, conditores historicorum monumentorum divinæ providentiæ ministros in terris agere: porro autem Historiam, vim naturamque eam habere, ut homines antea rudes atque idiotas, (ipso enim verbo hoc utuntur) ad capeffendos honores, & res sive domi, sive militiæ gerendas, idoneos præstare valeat. Ita, si præstantissimorum Auctorum stamus sententiâ, unum hoc literarum

rerarum est genus, cujus studio Sapientia simul parabilis, & Prudentia; duo 1609. felicitatis, quæ summa potest homini nato privatim aut publicè contingere, sola, eaque certissima, instrumenta. Sapientia siquidem est, quæ Dei Opr. Max. numen docet agnoscere; opera contemplari; potentiam infinitam, pari justitiâ & bonitate junctam, mirari, venerari, revereri: quæ hominem sensu pietatis imbutum humo attollit, & supra cœlos evehit. Prudentia verò est, quæ inter bona malaque, utilia & noxia, salutaria & exitiosa, statuit discrimen; sine qua ne intelligi quidem ulla virtus potest: nihil enim adeò bonum, quod, ubi hæc abest, non vertat malè; nihil adeò malum, quod, si hæc adsit, non cedat bono: sola quippe in quolibet rerum habitu servata servat. Prudentia denique oculus est mentis, anima Politicæ, Reginæ illius omnium humanarum disciplinarum. Ad harum igitur utriusque adeptionem, Historiam sui studiosos mirum quantum adjuvare, excellentium judicio & rerum usu virorum constans semper fuit sententia. Rara omnino & planè magnifica laus hæc est: vera tamen, DOMINE, ac debita, & quæ nihil quicquam trahat ex vano. Nempe Historia, civitatum regnorumque ortus, incrementa, conversiones, atque interitus commemorat; populorum status, alibi pace florentes, alibi bello afflictos: ad hæc, Reges & Principes, modò purpurâ nitentes, in sellis aureis sublimes, majestatis suæ fulgore oculos palàm mirantium, clam invidentium præstinguentes, denique superis proximos; modò pullis miserè amictos, solis deturbatos, dignitate omni nudatos, rerum etiam necessariarum egenos; postremò cuivis etiam privatorum miserandos. Est qui narret, alibi motu terræ hausta oppida; alibi aquarum repentinâ inundatione obruta, aut tellure dehiscente absorpta; sedisse immensos montes; visâ in arduo, quæ plana fuerant. Est qui referat, superbas pauldò antè incolarum frequentia provincias, nedum urbes, unius autumnus intemperie, & paucorum dierum an mensium morbositate fuisse vacuefactas. Alibi subitâ invasione, alibi diutinâ obsidione, civitates pereunt. Heic flammâ, ibi ferro, homines, familiæ, nationes delentur atque exstinguuntur. Septentrio in Meridiem, Occidens in Orientem infunditur. Damascenus amnem Batim, Lusitanus Gangem bibit; Hispanus alterum orbem aperit. Est ubi nova surgunt imperia; est ubi antiqua, aut in sese mole suâ corruunt, aut alienâ vi concidunt. Dies, hora, momentum, evertendis dominationibus sufficit, quæ adamantinis credebantur radicibus esse fundatæ. Quid multa? hujuscemodi Fortunæ varietates omnis omnium gentium, quæ vetus, quæ recens loquitur Historia; humanæ conditionis, hoc est, fragilitatis plus quàm vitæ, testis fidelis; & vitæ hominum, tot casibus, quot erroribus obnoxia, imago vera. Non sunt ista Dei immortalis opera, quæ in gubernatione hujus Universitatis omnipotens ejus dextera à conditu rerum ad hanc diem indefinenter edere non cessat? Aut quisquam negabit, qui hæc narrare, & in unum collecta omnium oculis exponere ordine aggrediatur; eum timorem Numinis, veræ fundamentum Sapientiæ, attendentium animis ingenerare? Jam præmia bonorum, scelestorum pœnæ, quâ efficaciâ legentium animos, ut natura est hominum, soleant movere, ignorat nemo. Quo utroque genere exemplorum omnes Annalium paginae quum sint refertissimæ, non temerè usque eò vacordem reperire sit, qui dum ea legit, oculos cœlum versus, non interdum attollat, ac velit nolit exclamet, Est profectò Deus, qui dicta factaque mortalium videt, observat; muneratur, ulciscitur. Verè igitur Sapientiæ mater, Historia: verè ministri divinæ providentiæ, Historici: operum quippe Scriptores, quorum Deus est factor: judiciorum Scribæ, ut sic dicam, & actuarii, quorum Deus est auctor. Enimverò Sapienciam quidem

o

Historia

1609. Historia inchoat, non tamen perficit; ducit enim ad Deum, sed non perducit: quæ quidem cœlestis Mentis & Naturæ opera non ex professo rimatur, neque explicat; sed tantum, ubi in illa incidit, cupidè ac fide sincerâ profert in medium, & indicat; contenta velut aream ac solum stravisse, cui Philosophia & sacra Theologia, arcto illæ quidem sibi conjunctæ vinculo, sed diversæ tamen scientiæ, suarum deinceps demonstrationum substructiones arte subtiliore & otio majore immoliantur. Negotiosa namque & actiosa res est Historia, quæque disputantium subtilitates non capiat, non moretur. At Prudentiæ & civilis doctrinæ eadem & fundamenta ponit, & fastigium supremamque manum prope sola illis imponit. Hic utique est campus, in quo Historia decurrit; hic scopus, hic finis, ad quem se proficitur collimare. Planè, si definitionem admittimus ab antiquis Philosophis proditam, Prudentia nihil est aliud, nisi multarum rerum memoria, & usus complurium negotiorum: ex quo fit perspicuum, quàm sint, non dicam, affines; sed, penè idem, Prudentia atque Historia. Quid namque aliud legitime scripta Historia agit, nisi ut res hominum, mores, instituta, gesta, memoriæ commendet? vitam exemplis instruat? causas, eventus, & modum, quo res geri quæque, sive à togatis, sive à sagatis solent, aperiat, narret; & narrando, cum præsentibus, tum post futuros, doceat? Unde sequitur necessario, eum qui in memoria rerum seriam & diligentem operam posuerit, multiplicis experientiæ fructum, non multò aliter fore laturum, quàm si periculum ipsemet fecisset. Est quidem, fateor, illa, quæ actu & inter ipsa discrimina colligitur experientia, aliquantò efficacior: sed hæc dos quot aliis, quàm magnis, pensatur incommodis; brevitate vitæ etiam longissimæ; raritate occasionum; paucitate rerum, quas in ætate, quamvis longa, homini contingit experiri: ærumnis & periculis interim adeundis, è quibus emergunt oppidò pauci; ad extremum, frustratione finis. Quando enim istâ longo usu partâ & confirmatâ prudentiâ utemur? tum, credo, cum rugis aratam faciem frons asperat; corpus parum solidum & jam effectum senectâ dissolvit: quam ætatem vix dandis consiliis aptam, certè magnis facinoribus designandis patrandisque esse ineptam, etiam veteri Græcorum verbo monemur. Itaque Themistoclem, cum annos natus centum & septem moreretur, cum Natura ex postulasse accepimus, quòd tunc egrediendum esset è vita, quando usu longo sapere didicisset. Omnino tria sunt commoda, quæ experimenta Politicis afferunt, qui vel in administratione Reipublicæ, vel in re bellica (hæ sunt partes duæ Politici studii,) diu multumque fuerint versati. Primum, quòd rationes addiscunt eorum perficiendi, quæ in Conciliis publicis, aut Principum, agitari amant, & quæ usus belli postulat. Nam, verbi gratiâ, qui sit modus urbem coronâ cingendi, circumvallandi, munitiones exstruendi, stationes collocandi, machinas expediendi, quatiendi mœnia, cuniculos cavandi, fossas complendi, in insidias obsessos eliciendi, inani specie terrendi, postremò irrumpendi; illiterati ignorant, qui neque stipendia ulla fecerunt, neque obsidionibus unquam interfuerunt. Sic, metari castra quid sit; locum eligere sibi commodum, hosti inimicum; vigiliis disponere, agmine quadrato procedere, aciem instruere, atque eundem exercitum modò latius pandere, modò in angustum coarctare; & aut in cornua, sinuatâ mediâ parte, curvare, aut rectâ fronte explicare, soli inter literarum rudes intelligunt, qui sub Jove frigido aliquando manserunt. Hoc primum est usus beneficium; cui par alterum, scientia cavendi; nam difficultates, pericula, & casus rebus gerendis solitos intervenire, usus docet; meminit enim cui dolet. Alioquin sexcenta sunt in omni inceptione discrimina, à quibus cavere sibi non potest, qui

qui fuerit eorum, ut Græci dicunt, ἀνευρόντων· inexpertis enim nihil ejusmodi in mentem venit. Inde illa vox aliena prudentiæ, & quàm turpis semper, tam calamitosa persæpe, Non putabam. Tertium est, agilitas quædam & dexteritas, munia pacis aut belli exsequendi, quæ agendo contrahitur. Horum igitur trium, ut postremum indocilem usûs disciplinam desiderat, ad quod nulla Historiæ lectio, nulla meditatio, per se, nisi modica saltem accedat exercitatio, potest aspirare; ita duo priora, cur æquè bene, atque haut scio an non etiam melius, diligente & attentâ præstantium Historicorum tractatione possimus consequi, causam equidem nullus video. Certè, si multitudo negotiorum, si varietas casuum, si multiplex eventuum diversitas, si cognitio consiliorum omnis generis, & sollers talium observatio, elementa sunt Prudentiæ; quin sit prora & puppis doctrinæ politicæ, Historia, nemo poterit negare. Vult scire causas aliquis, quæ homines in commune consilere compellant; aut rursus, quæ contractas societates distrahant? quibus institutis parva Respublica fieri magna queat? quibus moribus, quâ peste Imperia labefactentur, decrescant, intereant? Historia est, quæ melius ista, quàm usus, aut ullus Philosophus demonstret. Vult scire, quomodo cum Regibus sit agendum; quomodo cum civibus, cum exteris, cum subditis? quâ arte populorum motus aut præcaveri, aut sedari queant? Historia est, quæ sexcentis hæc doceat exemplis. Vult scire, quanto judicio bella sint suscipienda, quo pacto gerenda, quomodo finienda, quæ sint in eo jura servanda? Historia est, quam tutò licet consular. Vult scire, quâ ratione rectè legationem poterit obire, in colloquium cum hoste impune descendere, fœderum & pacis negotium sine fraude sua tractare? Historia est, quæ omnes ritus, omnia conventionum solemnia, omnes paciscentium callidas & veteratorias artes non sinit ignorari. Vult scire, quæ hanc aut illam Rempublicam fata maneant? Historia est, quæ ad divinationem exercendam, & quidem innocentissimam, arte instruit non vanâ. Vult scire, quâ ratione oppugnatio urbis alicujus sit tentanda, quâ item defensio sit instituenda: quâ formâ aciei, quo genere pugnae, terræne an mari, pedes an eques, planis & apertis, an editis & salebrosis locis melius hostem possit aggredi? Historia est, quam *Nocturnâ versare manu, versare diurnâ* debet: neque enim exempli documentum deerit, quod imitetur. Postremò quæcunque tandem πολιτικῆς politica inciderit, quæcunque in armis molitio, audiat gravissimi Senatoris vocem, & sibi consilium datum putet: *Unde facilius*, ajebat M. Tullius, *quàm ex Annalium monumentis, aut res bellica, aut omnis Reipublicæ disciplina cognoscetur?* Audiat & virum sanctissimum, Lupum, Ferrariensem Abbatem, magnum quondam Galliarum lumen. Hic perturbatis mirâ confusione rebus in hoc regno, anxium curis, & consilii inopem Regem Carolum Calvum literis solatur, & viam ad salutem istis verbis illi indicat: *Imperatorum gesta brevissimè comprehensa, Vestra Majestati offerenda curavi; ut facile in iis inspicatis, quæ vobis vel imitanda sint, vel cavenda. Maxime autem Trajanum & Theodosium suggero contemplandos; quia ex eorum actibus multa utilissimè poteritis ad imitandum assumere.* O divinum prorsus inventum! ô vitæ certam magistratam! quæ juveni senectutis illud unicum bonum, prudentiam, confert; nec tamen è tam multis ætatis malæ incommodis ullum secum adfert: quæ peregrinationis commoda conciliat; mores gentium, regionum situs, opportunitates locorum docet; æumnas tamen peregrinationis detrahit; periculorum & animi & corporis gratiam facit: quæ scientiâ militaris disciplinæ non perfundit, sed imbuat; militiæ tamen vacationem & honestam missionem indulget. Quid verbis opus? Historia, posteaquam

1609. steaquam ut magna possimus conari, præstitit; præstat etiam, ut velimus. Nam quòd disertissimus ille Romuli nepotum, alique Veterum, Historiam speculum actionum humanarum appellarunt; rectè illi quidem; est enim verà: sed vis naturæque illius, quod erat præcipuum, hoc simile dissimulat. Neque enim imaginem duntaxat dictorum factorumque exprimit; verum hoc amplius, arcanà quadam Naturæ lege, spectatores, dictu mirabile! in actores transformat, & facta gemina iis, quæ admirabundi cognoverint, elicit. Est igitur Historia, speculum quidem, sed vivum atque ardens; cujus oppositu in animis generosorum, quod Q. Maximus, & P. Scipio de se soliti fateri, flamma æmulationis accenditur: ut plurimum causa vera, fons & origo facinorum omnium laude dignorum. Nam quum nullius non honestæ rei semina animi gerant, hoc quasi fomite efficaciter incitantur; non aliter quàm scintilla, flatu levi adjuta, ignem suum explicat. *Doctrina sic vim prorogat insitam, Rectique cultus pectora roborant.* Legimus in Annalibus, Gratianum Augustum, præclaræ indolis adolescentem & bellicosum, *ad æmulationem Lectorum progredientem Principum* decus sibi ac gloriam non mediocrem peperisse. At non solus hoc Gratianus fecit: fecerunt idem omnes magni Politici, & Senatores; magni item Duces, Imperatores ac Reges, quorum hodie facta cum stupore cognoscimus, nomina venerabundi ad aureis admittimus. Nihil dicam de Alexandro Magno, nihil de aliis civitatum Græciæ strenuissimis Ducibus; quos in rebus gerendis ab omni genere literarum præsidium petiisse, nemo nescit. Tacebo Achillem, qui à sapientissimo Poëtarum inducitur, per otium se oblectare meditans

Fortia majorum, præclaraque facta canendo.

Silebo Reges Syrorum, Persarum, Ægyptiorum, quos Historiæ admodum studiosos fuisse, & Literæ Sacræ, & alia monumenta testantur Antiquorum: Pœnos quoque, illam imitem gentem, Historias lectitasse; Hannibalem etiam scripsisse: ipsos quinetiam Turcorum Sultanos & legere, & inter armorum fragores consilia aliquando ab Historia opportunè petiisse, Annales ipsorum faciunt fidem. At Romanos, rerum dominos, qui virtute non minus quàm armis populos omnes superarunt, atque orbem terrarum sui juris fecerunt, sine piaculo prætermittere non queam; viros in exemplar omnium magnarum virtutum natos. Romanos igitur Proceres licet observare, DOMINE, quum per multa sæcula alias omnes literas ignorarent, Philosophiam verò etiam odissent, uni Historiæ mirandum in modum fuisse deditos; non quidem ut animi causâ, aut tempori fallendo aliquam inde oblectationem sibi pararent; multò minus, ut inertis eruditioni ostentandæ, qui multorum hodie est morbus, aliquid in vino aut circulis blaterarent; sed ut omne genus exempla prudentiæ & utilium consiliorum adnotarent, in opera mox, magno Reipublicæ suæ bono, vertenda. Publium Scipionem Africanum priorem, omnis memoriæ clarissimum Ducem, literæ Latinæ quasi datum cœlitus, neque humano fatu procreatum deprædicant; qui in prima adolescentia majorum laudem ob fortitudinem, per quam tot potentissimos hostes devicit; an ob temperantiam & moderationem, per quam cupiditates omnes suas semper domuit, mereretur, fecit incertum. Hic igitur vir tantus, tam admirabilis, si quo genere doctrinæ instructus, arcem veræ gloriæ occupavit, quæramus, reperiemus Historiam fuisse, quæ Scipionis *incoctum generoso pectus honesto*, cupiditate bonæ pariter magnæque famæ, & laudabili illâ excellentium virorum, de quibus legerat, æmulatione inflammavit; & velut è speculanti in ardua, faciem ostendendo præluxit. Narrant enim Auctores locupletes,

pletes, tanti illum Xenophontis Attici historicos libellos fecisse, tantopere 1609. eorum lectione fuisse captum, ut eos de manibus nunquam poneret. De Africano sequente minus id mirum videatur; quem majorum suorum virtutibus simillimum, omnibus belli ac togæ dotibus ingenique ac studiorum eminentissimum sæculi sui fuisse, produnt Scriptores. Extat apud gravissimum Historicum C. Marii oratio, quâ in nobilitatem Romanam durus Arpinas, & agrestis homo ingenii invehens, inter cætera dicit; illos quum Græcas literas didicissent, postquam Consules essent facti, ubi jam de Provincia & Imperio, more ejus Reipublicæ cogitare incipiebant, acta majorum impensiore curâ solitos lectitare. Absurdè quidem Marius, aut potius stultè; quod institutum cum primis laudabile, maledicti loco putavit objectandum: multum tamen illi vel sic Historia debet, quòd disertis adeò verbis prudentissimorum Senatorum, qui rei Romanæ columnina fuere, judicium consentiens super ipsius utilitate, imò verò necessitate, palàm fecerit: *Principibus placuisse viris, non ultima laus est.* Quid dicam tantopere placuisse? quid dicam talibus tantisque Principibus? prudentiâ enim & belli pacisque artibus, nihil toto Orbe Senatu Romano Sol hic majus unquam vidit. O decus Historiæ eximium! Quem porrò quantumque fructum sapientissimi Senatores ex hoc instituto suo perciperent, operæ pretium est, Tuam Nobilitatem, DOMINE, quæ generosa indole ne illis quidem ipsis Romanis est inferior, scire, & hoc loco recognoscere. Fuit Romæ tum temporis inter alia ejus sæculi lumina, L. Lucullus; qui, quòd adolescentiam in forensi opera, reliquam ætatem universam in pace traduxerat, laudem imperatoriam nemo ab eo exspectabat. Idem tamen Consulatum nactus, ad Mithridaticum bellum missus est à Senatu. Igitur quum totum iter & navigationem consumpsisset partim in percontando à peritis, partim rebus gestis legendis, ait Eloquentiæ Romanæ Parens, in Asiam factus Imperator venit, qui erat Româ profectus rei militaris rudis. Et adjicit idem, tantum Imperatorem in omni genere belli Lucillum fuisse, præliis, oppugnationibus, navalibus pugnis, totiusque belli instrumentis, & apparatu, ut Rex Mithridates, post Alexandrum maximus, hunc à se majorem Ducem cognitum, quàm quenquam eorum quos legisset, fateretur. Hic enim ille est omnibus sæculis admirandus Imperator, qui, ut alia infinita adversus Mithridatem & Tigranem, totius Orientis duos Reges potentissimos, fortia facta prætermittam; cum exigua manu militum vix undecim millium, innumera- biles hostium copias adortus, peditum cæcidit ad centum millia; equitum ad quinquaginta; Regem Regum Tigranem, & quicquid gladiis jam retusis occidi non potuerat, in pedes se conjicere compulit. Et audebit quisquam negare, vim eam esse Historiæ, quod initio dicebamus, ut rudes rerum & idiotas rebus gerendis aptos, & maximis quibusque muneribus pares valeat reddere? Audebit quisquam studium & operam, quæ gestis majorum cognoscendis impenditur, parum utiliter collocatam dicere? At non ita judicabat Pompejus Magnus; quem in illa tam excelsa fortuna non piguit per literas à Dionysio Halicarnassensi, homine Græco, admodum erudito Critico, petere, ut suum de Herodoto, Thucydide, Xenophonte, Philisto, & Theopompo, Græcorum celeberrimi nominis Historicis, judicium sibi exponeret. Non ita judicabat Augustus, felicissimus & maximus omnis memoriæ Imperator; qui & legere utriusque linguæ Historicos, & in legendo exempla publicè vel privatim utilia sectari solitus; eaque ad verbum excerpta, aut ad domesticos, aut ad exercituum Provinciarumque Rectores, aut ad urbis Magistratus plerunque mittere, prout quique monitionis indigerent. Non ita judicabat ille Deo charus Imperator Theodosius Junior, quem Auctor non obscurus inter

1609. Ecclesiasticæ Historiæ Scriptores narrat; dum priorum omnium excellenti laude illustrium virorum luminibus, piâ & generosâ æmulatione conatur obstruere, magnam Imperio felicitatem conciliasse. Quâ, obsecro, secundum opem Dei, arte? καὶ οὕτως, ait Historicus, ipsum Theodosium compellans, τὸν πᾶσι καὶ ἑσθέρως Ἑλλήσι τε καὶ Ῥωμαίοις τῶν ἱστορίων ἐκρίβουσας: *quoniam omnium, quæ sive Græci, sive Romani præclarè fecerunt, Historiam accuratè didicisti.* Et mira sunt, nec facile his moribus fidem inventura, quæ de contentione ejus Augusti in hac parte idem commemorat: tempus omne suum inter negotia & studia semper divisisse; diem illis, his noctem attribuisse. Non ita judicabat Imperator Julianus, maximis ille quidem præstans ingenii dotibus, & eâ statione dignissimus; verum eò miser atque infelix, quòd in tantorum munerum largitorem Deum ingratus extitit, ac mox ab agnita Veritate scelestissimè defecit; quem miles ipsius refert, post ardua & seria terminata ad procudendum ingenium solitum verti, & ex Historia quasi pabula quædam animo ad sublimia scandenti, conquirere. Idem in expeditione Persica civitatem amplam & populosam Pyrisaboram, triplici coronâ cinctam quum terneret, omnes alex. casus inter mutuas clades frustra expertus; facinus memorabile Scipionis Æmiliani, quod in Carthagine capienda ab eo editum legerat, imitari & referre constituit. Qui conatus, etsi exitum non habuit; quid enim misero illi bene verteret, qui à Deo sciens prudensque que sese averterat? illud tamen, quod probare intendimus, clarissimè confirmat. In eodem genere ponendum est, quod Marcus Brutus, ille Romanorum veteris Reipublicæ ultimus, etiam in castris, etiam inter belli sibi fatalis curas, nobilissimi Annalium conditoris Epitomen confecit. Cujus diligentiam tertio post sæculo imitans Regina Zenobia, illa quidem non Romana, sed Romanis Scriptoribus merito suo celebrata, æternitate nominis dignissima fœmina, Alexandrinam & Orientalem Historiam, cujus erat peritissima, in compendium redegit; atque eadem ne Latinam quidem ignorabat, quam Græcè legerat. Quid opus ire per singulos? Semel affirmare possumus, Romanos Duces atque Imperatores, quamdiu quidem illud Imperium suam gloriam obtinuit, adeò diligenter traditum sibi à majoribus Historiæ amorem & studium conservasse, ut plerique illorum non solum facerent scribenda, verum etiam scriberent legenda. Itaque de suis aut alienis rebus Commentarios composuerunt, Cornelius Sulla, Julius Cæsar, Augustus, Claudius, Trajanus, Hadrianus, & plures alii. Omnium verò sapientissimus atque doctissimus Marcus Antoninus, quem propter assiduam operam studiis navatam, vulgò Historici Philosophum cognominant; in libris aureis de vita sua, inter virtutes imperatorias hanc quoque ponit; facilitatem quandam & animi æquitatem in admittendis probandisque sententiis, quas homines Historiæ & priorum sæculorum gnari, edidissent. Quippe in summo Principe, consilium ab alio sollerter & ex usu excogitatum probasse, non minor laus censenda, quàm in privato excogitasse. Atque ut Principum Consiliarios in hoc studio exercitatissimos esse debere, ratio manifesta vincit; ita vicissim illos Principes plurimus semper est secutus honos, qui literas id genus doctos plurimi facerent, & in consiliis eorum plurimum acquiescerent. Testis esto Imperator optimus & laudatissimus Alexander Severus; cui fuit consuetudo, ut quoties de re militari in concilio suo tractaret, literatos Duces adhiberet; & maximè eos, ajunt Scriptores vitæ ipsius, qui Historiam nôrant; quum quidem subinde requireret, quid in talibus causis, quales in disceptatione versabantur, veteres Imperatores vel Romani, vel exterarum gentium, fecissent. Egregium planè institutum, & Rectore tantæ molis Imperii dignissimum. Non erat illi

illi satis, quòd gesta Veterum didicerat, & domi quotidie lætitabat; quòd 1609. viros omnis eruditionis principes in familiari convictu assidue secum habebat; sed etiam ab iis, qui suum participabant concilium, eandem peritiam exegit; etiam inter deliberandum de summa Republica facta Majorum præclara voluit audire & doceri. En adolescentem senilis prudentiæ! en illustre exemplum ab illustri Principe editum, omnibus quidem Principibus, sed maximè juvenibus ob oculos assidue ponendum! Non prætermisit hanc partem Basilii Imperator, quum præcepta bene imperandi Leoni filio traderet; quin potius Historiæ lectionem summo studio commendans, etiam & etiam eum hortatur, ut aliorum labore fruatur ipse sine labore. Annalium enim libros fideles sibi fore consiliarios; quos non odium, non gratia, non metus, non privati commodi spes aut cupiditas corrumpere; eosdem, vanitatis rerum humanarum testes esse locupletissimos. Possum insuper commemorare multos Imperatores, qui aut libris editis, aut ratione aliâ studium historicum excolendo nobilitarunt. Servatur in locupletissima illa Tua, DOMINE, & verè Regia Bibliotheca, Constantini Augusti Porphyrogeniti liber, publicè adhuc ignotus, quem in filii Romani, jam consortis Imperii, gratiam pius parens scripsit. Sciebat vetus regnandi Princeps, ad negotia gerenda, in quibus Reipublicæ salus continetur, illud adprime desiderari, ut ingenia hominum probe nota sint, quibuscum agitur. Sive illi sint subditi, sive amici aut socii, sive hostes; sive in propinquo habitent, sive summos longius fines colant; multum omnino interest, aut potius, in eo totum, prope dixerim, est positum, ut naturam illorum, mores, instituta, religionis formam, animorum inclinationes, aut aversiones ne ignores. Iccirco Imperator ille, populorum omnium, quibus aliquid cum Imperio suo commercii intercedebat, origines, rationes vivendi, belli pacisque instituta, partim usu, partim libris legendis quum accuratissimè didicisset; de eo argumento Commentarium sanè quàm doctum & utilem confecit, & filio suo hoc paterni affectûs monumentum excellentissimum reliquit. Dignum opus, quod Majestatis Tuæ jussu publicam aliquando lucem videat, vel eo nomine, quòd de inclytis Regibus Francorum, Majoribus Tuis, DOMINE, maximis Principibus, Princeps ipse maximus tam honorificè & scripserit, & senserit. De communi enim jure cæterorum Europæ universæ Regum & Dynastarum domum Francicam semper excipit; & quum affinitatem Italicam, Germanorum, Hispanorum, atque aliorum diversæ linguæ, & diversi in re pietatis sensûs, filio Romano ac nepotibus dissuadeat, & quodammodo interdicat; de Francorum nobilissimis & augustissimis Regibus longè aliud consilium suggerit: namque horum & amicitiam, & affinitatem decessoribus suis Imperatoribus Orientis semper fuisse probatam; sæpeque conditiones illos usque inde à Francia petiisse, allatis è superiore memoria exemplis, comprobat. Taceo Mauritium Imperatorem, Leonem VI. Porphyrogenitum, Basilii filium, & alios ejus ordinis illustrissimos Principes, qui Tacticos, sive de re militari, libros condiderunt: quum sit tota illa disciplina, pars quasi quædam Historiæ; certè ita illi conjuncta, ut neque hæc sine illa possit rectè intelligi; neque illa sine hac doceri ritè queat: cujus nos rei certam fidem faciemus, quando Ælianum, præstantem ejus doctrinæ Auctorem, è vetustissimis membranis Tuæ Bibliothecæ, Tacticis Scriptoribus luculentè instructæ, emendatum, & observationibus nostris seriò illustratum, Deo propitio, vulgabimus. Sed neque defuit studio historico Imperator, qui illud ipsum in eo moliretur, quod in legitima scientia Justinianus Augustus cum Triboniano suo antè perfecerat. Nam ut hîc librorum de Jure scriptorum infinitâ copiâ offensus, Corpus consieri jussit, quod uni-

1609. versam Legum doctrinam, intra certos fines cohibitam, contineret; sic Constantinus Porphyrogenitus, memorati Leonis, uti reor, filius, quum animadverteret & historicorum scriptorum numerum innumerum circumferri, adeò ut multi suâ ætate voluntatem cognoscendi res gestas simul cum spe abjicerent, tot volumina unquam perlegendi; conquisitis undique maximâ curâ & diligentia omnibus ejus generis Auctoribus, qui poterant adhuc in Græciæ & Orientis Bibliothecis reperiri, Corpus historicum præcepit concinnari, in parte ceu communes quosdam locos L I I I. tributum, quod politicis hominibus rerum ipsis cognitu necessariarum Thesaurum quendam inæstimabilem, & ut ille ait, pransum paratum, exhiberet. Nimirum ita judicabat sapiens Imperator; Senatoribus suis, pacis & militiæ negotia administrantibus, & de curis Imperii in sacro suo Consistorio unâ secum deliberantibus, non minus necessariam esse veterum exemplorum, causarum & eventuum notitiam; quàm sit Judicibus, lites inter Titium & Mævium disceptantibus, Juris ac Legum necessaria cognitio. Laudo propositum; judicium etiam admiror; neque formam operis, quantum licet ex unguibus leonem, improbo. At quàm bene, quàm verè Socrati olim, post vetèrem Poëtam, dictum est, Bonum & malum, quum prorsus contrariam habere naturam videantur; indissolubili tamen nexu sibi invicem coherere: ὥπερ ἐν μιᾷ κεφαλῇ, inquit, ἑμμένει δὲ ἓν, quasi de eodem capite & nodo ambo dependerent. Sæpe igitur ex antecedente causâ mala ortum bonum; at malum multò crebrius è laudabili principio. Sic inter spinas rosa colligitur: sic mel generat fel: sic in medicinæ remediis malignitas quædam naturæ inimica, ut plurimum, latitat: & extrema gaudii luctus occupat. Denique lex æterna est, ubi uber, ibi tuber. *Tanta est rerum discordia in ævo: Et subtexta bonis mala sunt.* Liceat fortasse ad tempus naturam arte & industriâ sublevare, & ruentem in pejus sufflaminare; cæterum corrigere in totum, nulla vis humani ingenii queat. Inde est, quod quæcunque moliuntur mortales, vel cùm primis considerati & sapientes, ocyus tardius omnia mutant nomen. Non est perendum aliunde exemplum, quàm ex illo ipso Constantini Augusti incepto, quod modò laudabam; nec muto factum. Sed crederetne aliquis, ipsum illud consilium, quod à Principe esset profectum Historiæ amantissimo, inter præcipuas causas Historiæ perdendæ fuisse? Atqui ita evenit tamen. Nam ubi semel Corpus illud historicum, in Politicorum usum ab eo concinnatum, versari in manibus hominum est cœptum; è vestigio nobilissimi quique Historiæ Scriptores antiquiores, (ex talibus utique flores illi fuerant decerpti) pristinam suam dignationem amiserunt; & monumenta æternitati consecrata, tot nobilium ingeniorum, ubi desita sunt legi, etiam describi, quod erat necesse, deserunt. Accessit & pestis alia, Compendiorum & Epitomarum confectio; quod genus scriptionis, ut ad privatum conficientium usum non parvas utilitates habet; ita publicè noxium, & magnis Scriptoribus semper fuit exitiosissimum. Fuit & tanti mali causâ, studiosorum partim incuria artium honestarum, partim judicium fatali quâdam cæcitæ depravatum: quorum duorum vitiorum, utrum sit Reipublicæ literariæ perniciosius, haut dictu promptum. Sed enim ejus triumphi, quem de bonis Literis Barbaries jam antè aliquot sæcula egit, gloriam magna ex parte Avaritia suo sibi jure vindicat. Nam quia uberrimi proventus & amplæ fortunæ spes unica è causidicina affulgebat; omnium fermè ingenia ad studia unius Jurisprudentiæ magno impetu sese contulerunt, & quum politicæ Philosophiæ pars sit, nobilis illa quidem, sed una tamen inter plures, scientia Legum; tantum lucelli amor valuit, & auri sacra fames, ut postquam in Scholis hæc regnare cœpit,

cœpit, illicò & Politica, ejus mater, & cæteræ disciplinæ, ejusdem sorores, 1609. quas inter omnes una excellit Historia, aut exulare inde cogerentur; aut, quod longè miserius, solis pueris & Sophistis, non ad usum aliquem, sed ad disputandum, vexandæ relinquerentur. Hoc pacto communis multorum sæculorum facta est querela, quam de suo Innocentium IV. ferunt habuisse; quum diceret, Liberales artes jam in mechanicas propter lucrum fuisse conversas: & ajunt, vehementer illi doluisse, quòd jam ferè omnes studiosi, intactis grammaticis rudimentis, Auctoribus & Philosophis, ad Leges properarent audiendas: quod studium, quum naturâ suâ sit augustum, quatenus tamen ad æs exit, inter liberales disciplinas vix censeri debere, fuerunt qui contenderent. Quum ergo ex hujusmodi causis in Oriente quidem optimi quique Auctores de manibus vulgi tandem essent excussi, totiusque adeò Humanitatis studia refrixissent; in Occidente verò à multis jam annis meliorum literarum & linguarum, maximè autem Græcæ & Hebraicæ, nomen prope ipsum esset extinctum; secuta mox est hujus calamitatis consummatio & integra perniciēs in partibus Orientis; quando ab immanibus & barbaris Turcis capta est Constantinopolis, & totum illud Imperium à fundamentis penitus est excisum. Tum verò grassari hostis ferus in omnium doctrinarum Scriptores; & excellentia monumenta literarum cujusvis generis, atque eruditionis instrumenta lacerare, discerpere, flammis addicere. Quo quidem tempore divinæ providentiæ in reliquiis disciplinarum conservandis certum & manifestum, ut si unquam aliàs in re ulla, argumentum est editum. Quum enim à pluribus retrò sæculis in Principum animis toto Occidente amor politioris literaturæ & Græci sermonis exolevisset; accidit, non sine Numine profectò, ut circa illa ipsa tempora Byzantinæ cladis, & paullò antè, summi in Europa viri, & Principes generosissimi, hunc veterum, ceu virgulâ divinâ tacti, opportunè excuterent, & ad bene merendum de studiis politioribus & de linguis, ardore incredibili accenderentur. Pritna terrarum Italia ad hanc palmam occupandam, è diuturno torpore tunc demum expergefacta, sese concitavit, & nationibus aliis per Europam exemplum, quod imitarentur, præbuit. In ipsa verò Italia, ad certamen adeò gloriosum Nicolaus Quintus, Pontifex Maximus, in cujus extrema tempora Byzantini Imperii everfio incidit, princeps, quod equidem sciam, signum sustulit: nam & literarum dicitur fuisse intelligentissimus; &, quod res arguit, earum amore flagrantissimus. Primus hic illâ ætate libros antiquorum Scriptorum sedulò conquirere curæ habuit; magnamque earum copiam in Vaticanam intulit: primus cum assiduis hortatibus, tum ingentibus etiam propositis præmiis, ad meliorem literaturam è tenebris oblivionis in lucem revocandam homines Italos stimulavit: primus, Græcæ linguæ Auctores omnis sincerioris doctrinæ esse promos condos, qui non ignoraret, ut Latino sermone exprimerentur, vehementissimè optavit, & efficere contendit. Est ita naturâ comparatum, ut in magnorum operum inceptionibus, eorum antevertat cura, quæ esse provisa, ad summam totius propositi plurimùm intersit. Ecquodnam igitur literarum genus, renascentibus disciplinis, illius vindicis Musarum auspiciis, primo reduci in vitam cœpit? Historia; cujus fuisse hunc Pontificem peritissimum, æquales illorum temporum affirmant. Qui primi Auctores Græcorum Latinitate sunt donati? Historici: nam Herodotum & Thucydident minister domesticus Nicolai, Laurentius Valla, rem sæculo majorem ausus, Romanè loqui docuit. An ergo dubitamus, quodnam tantus Pontifex de Historiæ præstantia judicium fecerit? Ego verò non solum magni ipsum doctrinam historicam æstimasse, sed etiam de toto hoc genere Scriptorum rectè scisse judicare, non dubitanter inde colligo, quòd ex omnibus Græ-

1609. cis. Historicis illum præ cæteris habuit in deliciis; qui ut eloquentiæ laude uni aut alteri priorum fortasse est inferior; ita prudentiâ & propriis aliis Historiæ omnibus numeris perfectæ dotibus sic excellit, ut pauci è cunctis, sive Græcis, sive Romanis, cum ipso mereantur componi; anteponi certè nullus. Scriptor ille, DOMINE, is ipse est, qui Majestati Tuæ nunc à me offertur, POLYBIUS; & à generis splendore, & ab instructu disciplinarum, & à rebus gestis, & ab ingenii monumentis, Vir & Philosophus nobilissimus: idem pacis, idem belli artibus, idem studiorum laude longè clarissimus; patriæ suæ, Reipublicæ Achæorum, quondam bonis institutis florentissimæ, cui hujus pater Lycortas diu Princeps præfuit, pars maxima. Qui Scipioni Africano, à quo deleta est Carthago, à consiliis amicus fuit, & in ea expeditione comes: qui in amicitiiis Regum, Ducum, Procerum, Græcorum, Romanorum, Asiaticorum, Ægyptiorum, quoad vixit, primas tenuit: postremò postquam obiit, Politicis, bellicæ rei studiosis, veræ & legitimæ Historiæ amantibus, dum suus literis honos stabat, unicè dilectus & probatus. Hunc communi fato omnium excellentium Scriptorum, pessimè superioribus sæculis acceptum, & in nostra Europa vix de nomine paucis notum, Nicolaus Quintus, vindex ille literarum primus, fecit tanti, ut ejus restituti gloriam ad cæteros laudum suarum titulos voluerit accedere. Itaque partem illius librorum aliquam natus, ejus in Latinum sermonem transferendæ, viro Græcæ & Romanæ linguæ, ut erat captus ejus ætatis, non ignaro munus delegavit. Magnificum est ad commendationem Historiæ, quòd ubi primùm literatura melior ex ipsis Orci faucibus incipiebat eripi; omnium prima novæ lucis beneficium experta, cæteras honestas disciplinas ad spem salutis erexit. Magnificum & gloriosum Polybio, quòd inter omnes sui generis Scriptores primus indulgentiam Principis, ad liberationem Musarum sese accingentis, promeruit. Sed nimirum rerum magnarum tardi sunt progressus; raròque tam bene cum humano genere agitur, ut incepta generosa ab iis, qui susceperunt, inoffenso pede statim ad finem perducantur. Quare etiam Nicolao, Polybii restitutionem molienti, multa sunt oblata impedimenta, quò minus quod optabat, posset perficere. Nam quum operis Polybiani, quod nostra exhibet editio, tres sint ratione certâ distinctæ partes; unam duntaxat harum Pontifex Nicolaus habuit; duas reliquas in rerum natura esse, ne scivit quidem. Jam ille eruditus Italus, quo ipse usus est Interprete, partim sæculi vitio, partim propriâ culpâ, provinciam sibi demandatam ita gessit malè; facile ut appareat, non ob singularem aliquam eruditionem, in Græcis præsertim literis, Polybium interpretari fuisse jussum; sed quia nemo erat qui amplius sciret, velut coclitem inter cæcos captum, qui in vacuam stationem pro tempore substitueretur. Et is erat tamen Polybius, qui propter genus dictionis ac doctrinæ hautquaquam translatitiæ; maximè autem propter summam rei castrensium peritiam, & imperatorium quendam stilum; attentum cum primis, & disciplinæ Tacticæ, totiusque militiæ Romanæ, Græcæ, Macedonicæ, aliorumque populorum peritum Interpretem desideraret. Quarum omnium rerum cognitio quàm tenuis ac penè nulla in ætatis illius hominibus fuerit; quantis doctissimorum hominum laboribus è profundo ignorantiae puteo fuerit postea educta, atque etiamnum educatur, nihil dicere attinet; rem nemini non notam. Quò magis equidem soleo demirari, à tam longo tempore, hoc est, ab annis fere CLX. tam erudito sæculo infecuto, tanto doctorum totâ Europâ virorum numero, nondum aliquem extitisse, qui opus in ipso principio *παλιγγενεσίας* literarum inchoatum, curaret perficere; neminem esse repertum ad hanc diem, qui si adeò celebris famæ apud Veteres Auctorem seriò perpolire aggrederetur, operæ

operæ pretium se facturum putaret. Quanquam non sanè defuerunt viri præstantes aliquot, Græci, Hispani, Itali, Belgæ, qui variis modis de Polybio mereri bene conarentur: alii, publicandis quæ prius visa non fuerant; alii, nonnulla explicando Latinè; quidam, selectâ operis totius parte, in qua illustranda vires ingenii experirentur. Quibus omnibus quum laus multò maxima deberetur; omnes tamen, si quod res est dicere volumus, sitint Lectorum exacuere, quàm sedare maluerunt. Non etiam defuere, qui in vulgares linguas tantum hujus verterent, quantum Latinè expositum inveniebant: si tamen vertere est, Romanæ interpretationis errores sexcentos aliis totidem cumulare; atque interim Græcæ linguæ peritiam in prima libri fronte mentiri. Unicam excipio Germanicam versionem, ab homine longè eruditissimo profectam: sed, quod res arguit, & alia ejusdem scripta testantur, variis semper curis occupato. At universum opus Latinum facere; laceri corporis membra, hætenus disjecta & dissipata, in unum colligere, atque invicem colligare; rerum aut verborum difficultates explanare; latentes in abdito opes referare; & quod maximè fuerat optandum, hujus Historiæ usum & præstantiam demonstrare, nemo dum eruditorum instituerat. Cedreni, Zonaræ, Simocati, Glycæ, Manassæ, & alii ejus farinæ, sive Græci, sive Latini quàm plurimi, legitimæ Historiæ, si verum amamus, dehonestamenta, suos assertores invenerunt; Polybius, situ & squallore obsitus, in tenebris jacet; Græcè nescientibus parte aliquâ tantum sui notus, idque perperam; parte aliâ, ne sic quidem. Ille, inquam, Polybius, cujus in Philosophia doctrinam, in moribus probitatem, in Historia prudentiam; Cicero, Strabo, Josephus, Plutarchus, Deus bone, qui quantique viri! & optimus quisque Veterum, dilaudant: cujus fidem Titus Livius, ille Romanæ longè Princeps Historiæ, tantopere probavit, ut penè ad verbum libros illius integros verteret, atque iis pro suis uteretur. Quem Marcus Brutus, severus ille morum scriptorumque Censor, cui ne ipse quidem Marcus Tullius satisfacit, adeò est admiratus, ut ejus lectioni prope modum immoreretur; ultimis certè suis temporibus, iisque adflictissimis, ad solatium doloris pariter & magisterium vitæ, Historiam illius exciperet, atque in compendium redigeret. Quem denique Constantinus Imperator, Corporis historici, de quo antea mentionem fecimus, Auctor, Senatoribus, Ducibus & Principibus tam utilem judicavit, ut qui è Diodoro Siculo, Dionysio Halicarnassæo, Josepho, Dione Coccejo, & aliis primæ notæ Historicis pauca admodum seligeret, quæ in suum Pandecten transferret; Polybium prope totum describeret, atque operi illi suo infereret. Utinam verò aut illi Augusto ejus incepti nunquam venisset in mentem; eâ quidem lege, ut integro hoc Scriptore frueremur: aut si hoc nobis carendum erat bono, Corpus saltem ab illo compositum hodie haberemus. Sciremus, quantus civilis prudentiæ, quantus disciplinæ militaris doctor habitus sit olim Polybius. Quarum rerum documenta conquirenti undique Constantino, plura multò unus hic suppeditavit, quàm cæteri omnes simul, è quorum libris Florilegium illud politicum fuit conflatum. Argumento sit, qui solus hodie superest ejus titulus, è tribus & quinquaginta, Legationum Excerpta continens: cui tertiam partem editionis nostræ debemus totam: facili conjecturâ, quid essemus debituri, si opus universum alicubi inveniretur, atque in publicum ederetur. Enimverò quum dos præcipua, quæ Polybium Antiquis commendabat, non in eloquentia nuda & verborum fucatorum lenocinio, sed in rerum politicarum & militarium exquisita explicatione sit posita; cujus gratiâ Viri principes & Politici omnes olim in pretio magno eum habebant; quia longè diversa hodie studiorum ratio obtinet, evenit, ut his præstantiam illius parum intelligentibus, ver-

1609. borum & linguæ dumtaxat studiosi, patienter eo carerent. Loqui enim, non vivere, plerique omnes hodie discimus: & Historiam, quæ *vita magistra* audit, non ad vitam formandam referimus; sed vel ad linguarum alicujus notitiam, dicendive facultatem augendam, vel ad rerum antiquarum cognitionem percipiendam. Atque ut Politicam & moralem Philosophiam,

In qua consilium vitæ regimenque locatum,

aut omnino non docemur, aut non nisi disputandi causâ: sic & Historiam, quæ practica quædam Philosophia est, non ut utamur, discimus; verum ut sciamus; planè iis non dissimiles, qui aurum, argentum & regias gazas parare nōrunt; artem utendi fruendi partis, neque sciunt, neque vel saltem de ea cogitant: similes item iis, qui Sacros, aut Mediocrum Libros multâ lætitant curâ, non ut animo corporive medicinam faciant; sed ut ingenito morbo curiositatis sciendi multa satisfaciant. Quod non invenustè Magistri Hebræorum de Lege Moïsi dicunt, Cor & corticem illi inesse; non immeritò de Historia quoque usurpetur. Doctrina politica, & scientia militaris, aliaque egregia documenta, quæ legitima Historia sui cultoribus affatim subministrat, initar cordis sunt: atque huic parti qui attendunt, cordatos fieri necesse. Orationis elegantiam, & Antiquitatis notitiam, præ illis, quid aliud nisi corticem appellemus? Sunt sanè apud Thucydidem, Xenophontem, hunc nostrum Polybium, dictionis virtutes multæ, eæque eximiæ: sunt etiam multa in eorum operibus, cognoscendæ Antiquitatis cupidis scitu necessaria. Si quis tamen propter ista solummodo Historias illorum requirit, næ ille cor non habet, neque unquam per istud quidem studium habebit; sed merum tantum corticem leget. Quid magis ridiculum, quàm Julii Cæsaris Commentarios, divinum opus, & maximarum atque utilissimarum rerum doctrinâ fœctum, eâ solum fine lætitare, ut loqui Latine discamus? aut ut Romanæ linguæ puritatem, & verborum proprietatem observemus? Mihi quidem simile facere videmur, ut si quis arboris alicujus præstantissimæ fructibus vesci aspernetur, florum amœnitate se oblectet. Et tamen, qui hodie veteres Historicos aut voce vivâ, aut scriptis suis interpretantur, quid nisi hoc unum curant? Quid illi, qui dies totos & tempus omne suum transeundis Historicorum voluminibus insumunt? quorum ut quisque plurima tenet, ac pectus suum locupletissimam Historiæ Bibliothecam fecit, ad vitæ officia muniaque obeunda plurimum est ineptus. Desinamus igitur mirari, quid causæ sit, cur hodie è lectione Historiarum nemo eum fructum ferat, quem tulit olim Lucullus: in promptu ratio est; nemo illam, ut Lucullus, legit; nemo, eâ fine. Itaque ergo eò studia videmus rediisse, ut qui strenuissimi rerum actores censerì volunt, hi adeò non sint veteris memoriæ studiosi; ut è contrario, etiam contemptum illius ultrò præ se ferant. Quid prius querat, nescio; Historiæne vicem, quæ olim in clara versans luce, Regum & Principum ac nobilium Procerum familiaritate intimâ frui solita; sapientiam & vitæ artem eos docere; dignitatem ab illis accipere; nunc velut naturæ prioris oblita, & ad vitæ actiones facta inutilis, hominibus privatis pulverem scholasticum terentibus, & in umbratico otio delitescens est derelicta: an potius nobilium adolescentium errorem doleam, qui falsâ persuasionem ducti, unicum hoc sibi propriè convenientis disciplinæ genus, maximum rerum gerendarum instrumentum, habent contemptui. O quis ille erit, qui operâ eadem pristinum Historiæ splendorem restituet; & nobilitatem Gallicam ex hoc errore in viam rectam sistet? Illa quidem literas non odit;

Non obtusa adeò gestamus pectora Galli:

sed

sed quarum literarum verus in utendo est fructus; quia nullum earum videt ^{1609.} usum, penè dixerim, meritò contemnit. Nihil erravero, si dixerò, interesse Majestatis Tux, DOMINE, ut generosi juvenes, quos majorum imagines, aut impetus animi, & vivida vis ingenii spondent ad Rempublicam ituros, errore tanto liberati, studii hujus beneficio utantur, quò ad jussa Tua capeffenda paratiores, & omnibus rebus instructiores accedant. Liberabuntur autem, si persuaderi semel illis potuerit, ut magnum hunc Scriptorem in consilium adhibeant; ejus in summa doctrina parem prudentiam non degustare summatim, sed penitus velint imbibere. Quo maximè opus habent, docebit eos Polybius; non solum, quàm uberes fructus ad rationes vitæ gesta majorum sint ipsis allatura; verum etiam, quo pacto percipere illos sint valituri. Est utique proprium hoc eximio huic Auctori, quod duo simul pari ferè curâ agit; ut narret, ac moneat. Bene ac perspicuè narrandi laus cum cæteris præstantibus Historicis illi communis; fideliter monendi, cum paucis; aut, ut verius dicam, cum nemine. Nego enim ex universo numero Græcorum, aut Romanorum generis hujus Scriptorum, vel unicum posse reperiri, qui pari fide & curâ duo hæc conjunxerit. Quid miremur? personam Historici cum assumpsit Polybius, non in totum exiit Philosophi. Philosophus enim erat; sed vitâ, non linguâ; operibus, non sermonibus; rebus ipsis, non professione & inani specie. Porro ut Poëtæ fingendo, Historici narrando; sic Philosophi monendo & præcipiendo vitam hominum corrigere propositum habent. Jure igitur suo est usus, cum diversa munera in unum conjungens, quâ narrando, quâ monendo simul humano generi prodesse est conatus. Narratio cognitione rerum variarum Lectorem instruit; monitio, prudentiâ, quæ observatione assiduâ colligitur causarum, eventorum & omnium rerum in vita hominum evenire solitarum. Præclare Peripaterici dicunt, generari prudentiam ἡ ἀσφάλεια, observando: & fore prudentem quisquis fuerit ἀσφαλὴς, observandi studiosus: ac vice versâ, omnem prudentem esse ἀσφαλὴν. Plena est Polybii Historia talium animadversionum; quæ brevi compendio Lectorem ad prudentiam rectâ ducunt, & illius Divæ sacris initiant. Mirum verò quo studio, quâ sollicitudine, quo affectu id genus monitiones, quoties datur occasio, inserat. Verè Philosophum, id est, parentem communem humani generis dicas, qui modò cunctis mortalibus in universum salutaria dictat præcepta; modò privatim hanc aut illam gentem familiarem sibi peccatorum admonet. Sic Mantinensibus, Cynæthensibus, Eleis, atque aliis Græciæ populis, pertinentia ad propriam cujusque illorum salutem, dat consilia. Sic Romanos, ut obstinatæ & præcipiti perviciæ, sæpe ipsis exitiabili, modum statuunt, graviter commonet. Sic Græcos omnes non semel hortatur, ut Romanorum in fide manean, statum præsentem ne sollicitent; otium, quo abundabant, curâ publicarum omnium rerum ad victorem populum translata, ceu opportunâ occasione utantur ad studia excolenda, non inertium literarum, sed βίωσις, & ad vitæ actiones utilium. Quin etiam apparet, atque hoc ipse non semel testatur, causam scribendi hujus ingentis quondam operis vel præcipuam eum habuisse, amorem patriæ; ut contumaces & ad rebellium pronos suorum animos parum adhuc servire assuetos, ad pacis, quâ fruebantur, etsi sub alieno imperio, firmâ & beatâ, amorem traduceret. Propterea in rebus gestis exponendis id unice spectavit semper, ut Græcis fidem faceret, non Fortunæ munus esse Romanorum Imperium; sed verâ illos virtute id sibi peperisse: frustra que adversus illos arma cogitari, quos in illa statione ipsa suis, quasi manibus, Virtus collocasset. Et tamen idem hic patientiæ suasor, quandiu spes aliqua restabat, posse Ro-

1609. manis obfisti, multò antè patriæ casum prospiciens, nihil prætermiserat, quo posset progressus illorum impediendo, imminentem Reipublicæ Achæorum ruinam aut arcere, aut tardare. Verùm fatis omnia ad Romanos trahentibus, rectis suis consiliis Polybius non tantam gratiam à civibus iniit, quam bello Persis offensam apud Romanos contraxit; quam mox Romam accitus, longi exilii tædio expiavit. Sed enim, *qui per virtutem peritat, non pol interit*: saluti fuit claritudo nominis bonis collecta artibus, & illa ipsa quæ adfluxerat virtus. Igitur deprecatoribus apud Senatum usus Catone Censorio, Scipione Æmiliano, & aliis Romanis Proceribus, libertati restituitur Polybius; qui libertatis potitus, ubi semel apud se constituisset, nullam Achæis suis, nisi in amicitia populi Romani spem superesse, ad colendam bonâ fide majestatem illius populi conversus, pro sua sapientia suis ipse moribus sibi fortunam finxit. Nam patria quidem ipsius aliquantò post immani suâ culpâ exitium sibi concivit; bello Achæico à Mummio deleta, & Achæorum soluto concilio; quum interim Polybius tranquillitate illâ frueretur, quam suâmet ipse prudentiâ & admirandâ sapientiâ sibi quæsierat. Idem, quum in urbe dominatrice multos annos Scipioni, Lælio, & aliis ætatis illius viris primariis, privatim charus vixerit; Patribus quoque acceptus, & unicè probatus; gratiâ, quâ pollebat apud Principes Romani nominis, non ad opes sibi struendas, more multorum, est usus; verùm in occasionem vertit, partim res magnas gerendi; ut cùm Scipioni Carthaginis excidium in Africa molienti, comitem sese, & conciliorum laborumque omnium participem præbuit: quo etiam tempore, classe à Scipione acceptâ, mare Atlanticum scrutandi illius orbis causâ, est circumvectus; partim bene de hominibus, præsertim Græcis suis, merendi. Testimonio sint statux cum amplissimis titulis per oppida Græciæ, quod scribit Pausanias, illi positæ. Dicat hoc ipsum & civitas Locrorum in Italia, quæ hujus ope immunitatem durissimorum onerum nacta, quorum præstationem ex legibus datæ pacis Romani exigebant, vitam & fortunas omnes suas uni Polybio ferens acceptas, in eo ornando nullum excellentis honoris genus prætermisit. Sed omnia beneficia, quæ à quoquam mortalium proficisci poterant, vicit scriptio hujus Historiæ; in eum præcipuè, ut modò dicebamus, scopum directæ, quò civibus civis prodesset, ac bonam illis mentem & prudentiam ingeneraret. Fuit omnino in hoc viro naturalis quædam bonitas, & efficax erga omnes homines humanitas: cujus celebratur vox divina, consilium dantis Scipioni suo; quoties foras prodisset, ne domum prius rediret, quàm aliquem sibi benefaciendo amicum adjunxisset. O hominem publico omnium hominum bono natum! ô dignum maximi cujusque Regis aut Imperatoris Consiliarium! Etenim quum plurimis amicitis fortuna Principum indigeat, præcipuum est, judicio Sapientium, Principis opus, amicos parare. Ab hoc igitur fonte, & illud ingens manavit studium efficiendi, ut fructum ex Historia sua omnes qui legerent, quàm uberrimum perciperent. Inde illa tot documenta, tot monita, quibus hoc opus, ceu intertextis gemmis, nitet. Quis autem erroris dedignetur monitorem, quem Scipio Africanus, quem multi Reges non sunt dedignati consiliorum auctorem? Probitatem verò Polybii, recti honestique amorem, & vitii odium, nemo satis pro merito hominis laudaverit. Uni æquus virtuti, pari tenore opere toto, præclara facta ubique extollit; secius admilla, gravitate quâdam censoriâ, non argutâ declamatione ad ostentationem ingenii, carpit & detestatur. Fidem, candorem, integritatem in dictis factisque passim commendans, qui iis utantur, viros bonos pronuntiat; versutos, veteratores, vafros, & dolorum architectos nusquam non abominatur. Ma-

litiam

litiam astutam, quæ ferè politicis hominibus Prudentia dicitur, tantâ severitate, tot locis, tam seriò infectatur, κακοπραγμοσύνη verâ appellatione indigerans, ut vel eo duntaxat nomine bonorum omnium amore, studio, ac lectione jugi, sit unus omnium Historicorum dignissimus. Neque tamen is est Polybius, qui supercilium quoddam Stoicum, aut rusticam simplicitatem, ad judicandum de actionibus hominum politicorum asserat. Faciunt hoc umbratici quidam Sophi, rerum humanarum imperiti, ac propterea iniqui persæpe virorum magnorum censores, quorum rationes non capiunt. Sciebat homo negotiorum calentissimus, & tanto usu præditus, quid sit discriminis ponendum inter eam, quæ simpliciter dicitur Prudentia, & περισκελὴν, cujus consilia, ut necessitate temporum expressa, & Sapientes excusant; prudentes verò etiam laudant: atque hæc est, quam solet ipse πολιτικὴν συνουσίαν nominare; quoniam aliud simulatur, aliud agitur: res toto genere diversa ab illa veteratoria malitia, ut in nostris Commentariis diligenter exposuimus. Discant igitur ab hoc doctore juvenes studii politici candidati, veram prudentiam & ejus leges; non ab illo Etrusco, in opprobrium Religionis Christianæ nato; cui probitas, fides, integritas, atque adeò in Deum pietas; (ô seculi dedecus!) inania sunt sine re nomina; prudentia, ars fallendi; politica doctrina, instrumentum inhumanæ tyrannidis. Discant & qui ad scribendum res gestas animum applicant, præcipuum Annalium munus esse, uni favere virtuti, unum odisse vitium; illam esse legitimam, & æternitate dignam Historiam, cui unum bonum honestas; unum malum, turpitudine. Sed probitatem hujus viri illa eximia æquanimitas manifestissimè arguit, quam in reprehendendis Antiquioribus, qui ignoratione, non malitiâ lapsi fuerant, semper adhibet: sic enim errores tollit, ut eorum, qui errarint, famæ nihil propterea velit detractum: quin etiam gratias illis agere se, plurimumque eos mirari profitetur, quòd etsi errassent, tentando tamen & conando viam posteris perveniendi ad verum indicaverint. Scias verâ virtute fuisse præditum, qui causam scribendi solam habuerit, publicam utilitatem, & errores vitæ corrigendi desiderium. Porro amor virtutis studium veritatis necessariò semper est conjunctum: neque enim virtus est, cujus non sit origo veritas; nec vitium, quod non à mendacio sumat initium. Veritas nullius non doctrinæ est fundamentum; veræ sapientiæ mater; legitimæ, nec præposteræ prudentiæ comes individua; fidei & societatis hominum anchora; omnis boni & honesti, ut agebat Plato, ἡγεμονίς. Quod si rectè attendimus, scire hominum aliud nihil est, nisi posse veritatem rerum contemplari, sive quæ sunt, sive quæ fiunt; quâ mente Philosophi antiquissimi Sapientiam definiebant, ἐπιστήμην τὴν ἐν τῷ εἶναι ἀληθείας. Simillimè & Historiæ naturam illi demum capiunt, qui sciunt esse veritatis illarum rerum notitiam, quas mortales gerunt. Græca eruditio τὴν γνώμην vel τὴν πρακτικὴν vocat. Regulam certè unicam, atque adeò animam Historiæ Veritatem esse, omnes, qui de ea sunt locuti, consentiunt. *Historia*, inquit Diodorus Siculus, περὶ φθίσεως καὶ τῆς ἀληθείας, *Dea Veritatis sacerdos est & propheta*. Dionysius Halicarnasæus idem: Ἰσθὰς, αἶτ, τὴν ἀληθείαν ἢ ἱστορίαν· qui etiam alibi pronuntiat, veritatem historicam esse totius Prudentiæ & Sapientiæ principium: quod & ille magnus Auctor sensit, qui Historiam esse dixit *universæ Philosophiæ quasi metropolin*. Sed ut pulchra omnia, quod proverbio dici solet, difficilia sunt; ita veritas Historiæ, res omnium pulcherrima, eadem & inventu difficillima est; & postquam inventa, quominus proferatur in medium, maximas difficultates experitur. Quòd latet, partim malitiâ fit hominum, qui prava sua facta sili, atque hoc pacto ignominiam lucrifacere volunt; partim incuriâ etiam eorum, qui res gerunt memoriâ & laudatione dignas. Jam quum propter has ipsas causas

1609. gestorum Scriptores nulli labori, nulli ærumnæ, addo & nulli impensæ, quod de Thucydide & Theopompo legimus, parcere deberent, ut veritatem illarum rerum eruerent & assequerentur, ad quarum narrationem sese parant; paucos tamen ab omni ævo sit nominare, qui hujus diligentiae gloriam ambiverint: plurimos contra omnibus sæculis, qui res parum sibi compertas posteris tradere aggressi, falsa pro veris traderent; alii ignoratione & securitate; alii vitio huic pari credulitate: plures & mentiendi libidine; quos aut turpis spes lucri, aut gratia, aut odium corruerat. Heic enimverò Scriptorem hunc præstantissimum omnes æquos judices demirari convenit; qui studio vera narrandi nullum laborem unquam refugit: nam & in remotissimas oras peregrinatione ob id ipsum susceptâ, Asiam, Africam, Europam lustravit; Atlanticum quoque Oceanum navigavit: ut de Hannibalis itinere sibi comperta narraret, Galliam & Alpes visit: ut de Scipionis rebus in Hispania gestis digna fide proderet, Carthaginem novam adiit, loca singula cum cura inspexit; Hispaniæ pleraque oculis usurpavit. Quin & linguam Romanam Polybius didicit; atque antiquissima monumenta, quæ vix pauci è Romanis civibus intelligebant, è Capitolina Æde ut promovere sibi liceret impetrato, in sermonem Græcum transtulit; ac Romanos ipsos Proceres suæ civitatis jura docuit, quæ ipsi ignorabant; & Fabius quoque Pictor, Senatorii vir ordinis, ignoraverat, qui de Punicis Bellis scriplerat. Ad hæc Polybius, ne nimis antiqua & parum explorata, atque, ut ipse ait, ἀκούων ἐξ ἀκούων scribere cogeretur, Historiæ, quam suscipiebat, terminos posuit, suam aut patrum memoriam. Multa ergo illorum, quæ scribit, præsens ipse vidit; certè nihil scripsit, de quo illos non posset consulere, qui rebus gerendis interfuerant. Adeò qui nullam perfectæ Historiæ legem negligebat, illam omnium maximam, quæ vera scribere præcipit, eâ fide custodiit, ut liquidò constet nobis, non solum rationem ipsum habuisse veritatis, sed etiam toto affectu illam amasse, & religione quâdam coluisse. Non est dubitationi relictus locus: ipse suam mentem nobis aperuit; idque verbis gravissimis, quæ meritò Brutus, sive quis alius, digna suo calamo judicavit: nos quoque digna censemus, quæ heic describantur: *Existimo equidem, ait, Naturam humano generi VERITATEM constituisse numen maximum, maximamque illi vim attribuisse. Nam quum ab omnibus oppugnetur, atque adeò omnes nonnunquam verisimiles conjecturæ à mendacio stent; ipsa per se nescio quomodo in animos hominum sese insinuat, & modò repente suam illam vim exerit: modò tenebris obtecta longo tempore, ad extremum suapte vi ipsa vincit, obtinetque, & de mendacio triumphat.* En animi veritatis amore stupentis testimonium luculentissimum. Huic autem dicto mirificè congruit tota ejus Historia; amorem enim veri, odium falsi sexcentis locis constanter profiteretur. Fuit Polybii sententia, Scriptori Historiæ nihil veritate antiquius esse debere: non ad gratiam, aut odio cujusquam; non respectu ullius, sive privatæ, sive publicæ amicitiae; non denique ullâ charitate erga parentes aut patriam; cujus sanctissimum in terris est nomen; veritatem professum; &, ut ipse loquitur, ἢ τὸ ἰσχυρὸν ἢ τὸ ἀναγκάσιον, debere adduci, ut vel latum, quod ajunt, unguem à vero recedat. In cætera quidem vita, ait ille, amicorum esse amantem ac patriæ, laudo; in scribenda verò Historia, etiam harum charitatum affectus exui volo: volo uni fidei consuli, &, vel cum dispendio existimationis amici, parentis, patriæ, uni litari veritati. Duram legem, aliquis dicet. Sed est tanti Veritas; quam tollere, aut per speciem cujusdam ψευδοῦς prudentiæ, vel mendacii officiosi, violare, tantò majus nescio quid est, quàm solem de mundo tollere; quantò DEUS creator omnium, totius veritatis auctor, atque adeò ipsa Veritas, sole major.

jor. Hanc legem quum principio operis sibi pariter & omnibus Annalium 1609.
 conditoribus imposuisset, per universam deinceps scriptionem exactissimè sem-
 per & religiosissimè eam ipse servavit: neque fuit quisquam adeò illi cha-
 rus, cujus gratiâ libertatem suam & παρρησίαν oblivisceretur. Aratum Sicyo-
 nium, Reipublicæ Achæorum Principem, paullo ante hujus ætatem Græcia
 omnis erat mirata; virum integritate, industriâ, rectitudine consiliorum, ac
 plerisque aliis magni Politici Ducisque laudibus, præ cæteris aequalibus suis,
 ornatum. Achæi verò tot beneficiorum ab Arato in suam Rempublicam colla-
 torum memores, fato functum ad sempiternam memoriam consecrarunt, &
 omnes Heroibus deferri solitos honores ei decreverunt. Hunc talem virum
 Polybius præcipuè videtur suspexisse; quod ex locis plurimis operis istius fa-
 cile potest intelligi. At non eo secius tamen Arati peccata commemorat;
 tardum in consiliis excogitandis vocans; ignavum in rerum inceptationibus;
 parum firmum ad micantium gladiatorum conspectum; salutis sociorum negli-
 gentem; auctorem unicum cladis ad Caphyas acceptæ: neque parcit dicere,
 tropæis illum contra se positis totam Pelopis peninsulam implèsse. Philip-
 pum, Demetrii filium, Regem Macedoniæ, modò laudat, modò vitupe-
 rat; & utrumque facit exquisitè. Judicii verò inconstantiam non semel de-
 precatur; gravissimasque hujus varietatis causas, & cum de hoc, & cum de
 Arato loquitur, profert in medium. Nulli videlicet mortalium ita superos
 indulgisse, ut non interdum, si minus sæpe, aliud agat, aut malè agat.
 Quin humani ingenii eam esse conditionem, ut non solum in diversis virtu-
 tibus idem homo appareat alius atque alius; sed etiam in eadem sæpe aliquis
 sibi sit dissimilis. Idem fortis in defendendo; ignavus in aggrediendo: ani-
 mosus in singulari pugna; cunctator in publica: ad Martem apertum aptus;
 ad insidias ineptus: audax in terra; trepidus in mari: constans adversus ir-
 ruentem hostem; pavidus in excipiendo cervo, aut apro. Mens præterea
 unicuique talis, (divinitus Homero dictum) quam in dies singulos DEUS
 suggerit. Non igitur personas agentes spectare Historicum debere; sed factis
 orationem suam adæquare. Ut enim Phidias materiam ad statuas, aurum
 vel argentum ab Atheniensibus sumere solitus, non ipse domo suppeditare;
 & floridos colores dominus pingenti olim præstabat; sic Rerum gestarum
 Scriptores non faciunt ipsi operis sui materiem, Poëtarum more; sed ab iis
 accipiunt, qui scribenda gesserunt. Ergo etiam optimi quique viri interdum
 venient culpandi, pessimi quique rarerent fortasse, at venient tamen non-
 nunquam laudandi. Eapropter reprehensus à nostro est Timæus, ille Hi-
 storiorum maledicentissimus, quòd Agathoclis, Tyrannorum omnium, quos
 Sicilia tulit, immanissimi, dotes ingenii & facta laudabilia vel dissimulas-
 set; vel in contrarium detorsisset. An Polybius vir integerrimus tyrannidem
 Agathoclis probabat? Ille verò non magis hunc probabat, quàm Aratum ode-
 rat. Sed aliud est, tyrannidem commendare; aliud, egregiè factorum exem-
 pla, à quocunque tandem profecta, sive amico, sive hoste, aut excellentem
 ingenii præstantiam non sinere indictam. Causam affert Polybius; quia
 fallere non minus videtur, qui gesta præterit sciens, quàm ille, qui nun-
 quam facta fingit. Pari item ratione Sozomenus, Ecclesiasticæ Historiæ Au-
 ctor, orthodoxorum hominum contentiones, jurgia, perfidiam multorum,
 & alios defædos naves narraturus, ἐθελόκαυε προαιρέτως opinionem deprecatur:
 non enim illa se scribere, quòd voluptatem ex talibus caperet; sed volentem
 nolentem; quoniam infecta reddere, quæ facta essent, non posset: quæ gesta
 autem essent, silere; hoc verò esset veritatem prodere, & Historiæ legitimæ
 jura corrumpere: μάλιστα, inquit Sozomenus, ἡ ἀληθείας ὁμιλησὶς χρεὶν, διὰ τὸ ἡ
 ἱστορίας

1609. ἱστορίας ἀκρίβητον & iterum, πάντα δεύτερα πεινῶσαι τὴν ἀληθείας τὴν συγγραφήν προσήκει. Juv-
vat unum adhuc commemorare candoris Polybiani testimonium, sed insigne.
Erat Reipublicæ Achæorum verus cum Regibus Ægypti fœdus; quod cum
singulis eorum, modò conditionibus iisdem, modò multum diversis, fuerat
renovatum. Accidit Olympiade CXLVIII. ut Ptolemæus Epiphanes ea de
re Legatum Demetrium ad Achæos mitteret. Scissa tum erat Respublica illa
in factiones duas; quarum alterius Principes censebantur Philopœmenes; &
Lycortas, nostri pater: alterius cum alii, tum Aristæus quidam. Quum
parti Philopœmenis amicitia Ægyptii probaretur, fit decretum de renovando
fœdere; eaque sine Lycortas ad Ptolemæum mittitur. It Lycortas; redit;
legationem renuntiat. Aristæus, qui fœdētis simpliciter fieri mentionem au-
diret, gnarus, plures ac diversas pro temporibus fuisse ejus formulas; petit
in concilio à Lycorta, ecquodnam è multis fœdus esset instauratum? Ad
hanc inimici vocem silere Lycortas, nec quod mutiret invenire. Evenerat
enim stupendâ quâdam Philopœmenis atque ipsius negligentia, & Con-
siliariorum Ptolemæi parili stupore, aut, quod potius arbitrer, & verius est,
astu, ut totum illud tanti momenti negotium, temerè, sine ulla distinctione
transigeretur; quod gravissimum peccatum, in ejus loci præsertim & digni-
tatis viris, magna & justa utrumque ignominia macula asperfit. Hanc hi-
storiam Polybius ita narrat, quasi de hominibus loqueretur, nullâ notitiâ sibi
conjunctis; qui tamen alterius erat filius; alterum parentis loco semper co-
luit. Sed memor vir summus legis à se rogata, maluit in Historia veritatis
amicum se probare, quàm φιλόφιλον, aut φιλοπάτερα. Non vivebat, opinor,
Lycortas, cum illa filius scribebat: sed si vel maximè vixisset, non fuit Po-
lybio verendum, ne hac ingenuâ libertate patrem offenderet. Levia ingenia
quia nihil habent, nihil sibi detrahi patiuntur: magni viri, & fiduciam ma-
gnarum rerum habentes, adeò fidelium Historicorum veritate non offendun-
tur; ut contrà, suos ipsi errores & frustrationes generoso animo profitean-
tur. Hippocratem à futuris capitis fuisse deceptum nesciremus, nisi ipse me-
moriam prodidisset. Cæsarem magnum ignominiam ingentem ad Dyrrachium
accepisse, & magnis sæpe in Tua Gallia, DOMINE, detrimentis fuisse affe-
ctum; nisi ipse narrasset, vix hodie sciremus. Nam quæcumque Dio, aut
alii Scriptores iis de cladibus scripserunt; præ iis, quæ ipse dicit, levia sunt.
Quod si memorias veteres replicare voluerimus, solos inveniemus Tiberios,
Caligulas, Nerones, Domitianos, Commodos, qui fidei præclaros scripto-
res, Cremutium Cordum, Livium, Suetonium, Arulenum, Senecionem &
his similes, exosos habuerint. Illud verò in hoc Auctore eximio, quàm exi-
mum & insigne; quòd miraculorum commenta & omnem παραδοξολογίαν acer-
rimè insequitur: causas verò cunctorum gestorum diligentissimè scrutatur. Ni-
mirum ex eo, quod posterius diximus, alterum illud prius nascebatur. Pro-
pterea enim osor extitit omnium præstigiarum, quas vulgus temporibus priscis
mirabatur; quia rerum omnium & eventorum causas vestigarat: quis autem
nescit, antiqua Paganorum miracula meras, ut plurimum, fuisse dæmonum
illusiones, & humanarum mentium ludibria? Scilicet pro vero credendum,
quod toties in aliorum monumentis historicis legimus, sanguine aut lapidibus
pluisse; saxum visum volitare; bovem esse locutum, & sexcenta istiusmodi
portenta. Quid ista? Hannibali & Scipioni Africano præsentem deum af-
fuisse: illi Alpes superare nitenti atque hærenti, viam prævisse; huic Cartha-
ginem novam temerè invadenti, aquas maris subduxisse. Eleganter non mi-
nus quàm verè solet Polybius dicere, Scriptores Annalium, qui talia chartis
suis illinunt, Tragœdias; non Historias componere. Nam ut Tragici Poætæ
postquam

postquam turbata sunt omnia, & fabula est impedita, atque ea facta est, 1609. quam Philosophus *διον & δράμα* appellat; ut exitum inveniant, & spectatores absolvant, deo indigent & machinâ: sic imprudentes Historici, ubi summos Duces magna aulâ concilio temerario, aut nullo, adoriri fecerunt; postquam ad rerum difficultates est ventum, ut sese expediant, tragico illo subsidio opus habent. Sed & vulgi imperiti causasque rerum ignorantis opinio erat, hoc divini auxilii commento eorum virorum gloriam mirum in modum augeri, quos omni laude volebant honestare. Historicorum autem levissimus quisque aut supersticiosissimus, tenendo & oblectando Lectori, mirabilia quam vera narrare præoptavit. Est namque humanæ naturæ vitium, rara, inaudita, indicta, &, ut ait Isocrates, *τὰς ἀβέλγηστας καὶ θαυμαστίας* amare. At noster hic, solidissimi judicii vir, ut ista pro frivolis haberet, & contrariam narrandi viam ingrederetur; ille, quem exposuimus, veritatis amor, & notitia causarum effecerunt. Qui igitur sciret falsò dici, primum Hannibalem cum exercitu Alpes trajecisse; quas multò antè non semel Galli, Italiam petentes, cum magnis copiis superaverant; sciret etiam, prudentissimum Pœnum, priusquam ex Hispania pedem moveret, missis ad Gallos, qui cis & trans Alpes habitabant, Legatis; rebus omnibus tanto incepto necessariis providisse; narrationem illius expeditionis, miraculorum quidem vacuum, sed summæ prudentiæ plenam instituit. Scipionem quoque, priusquam ab Urbe proficisceretur, omnes negotiorum difficultates probè meditatam; non miraculo, sed admirabili quâdam prudentiâ Hispanias domuisse ostendit: & eorum, quæ scribit, Lælium, Africani assiduam comitem, diligenter à se de singulis interrogatum, testem locupletissimum laudat. Innumera possent alia huc afferri, ex quibus de sincera fide & judicio exquisito hujus Scriptoris planissimè queat constare. Instar omnium hoc unum esto. Legionem Romanam è quatuor millibus Campanorum compositam, quæ Rhegium insignito perfidiæ exemplo, belli Tarentini tempore, diripuit & occupavit, totam postea à Romanis securi fuisse percussam, scribunt Orosius, Julius Frontinus, ipse etiam Titus Livius, necnon alii: noster contrà, trecentos dumtaxat eo supplicio affectos narrat; atque ejus sententiam verissimam certissimamque esse, clarè demonstramus in nostris Commentariis. Quid igitur Latinos illos impulit, ut tam liberali mendacio veritatem interficerent, ut cum Tertulliano dicam? Granditati videlicet rerum, quas exponebant, non simplici fidei studuerunt. Ut dubitare nemo debeat, Polybione, an aliis, qui res easdem diversè prodiderunt, plus auctoritatis sit tribuendum. Rara, grandia & miraculosa plerisque illorum tradere posteris curæ fuit; nostro, vera, certa, & fructuosa: delectare illi Lectorem suum; noster, doctrinâ civili instruere, propositum habuit; qui etiam loco non uno proficitur, de voluptate quidem auditoribus paranda, quam scribentium plerique sectantur, non admodum sollicitum se esse; utilitatis verò ad vitam pertinentis, tantam rationem habere, ut ad eam cuncta referat. Omnes igitur amœnitates & reficiendo Lectori diverticula, in opere tam serio neglexisse; ut uni adhæreret rerum gestarum accuratæ explicationi, & observationibus, quæ eodem pertinebant. Propterea Historiam suam *πραγματικὴν* vocans, quòd esset tota de negotiis gestis aut bellis; necnon *ἀπὸ ἀκριβοῦς*, propter certitudinem narrationum; id se agere ostendit, ac sæpius inculcat, ne velut artem quandam, &, ut ipse loquitur, *μεθοδικὴν ἐμπειρίαν* rerum gerendarum politicis hominibus concinnet. Quamobrem, sicut verum est dicere, Polybium Historiam sui temporis scripsisse; ita non minus verum est dicere, Polybium in Historia, quam scribebat, praxin politicæ doctrinæ & disciplinæ militaris exercuisse. Nihil ille, paullò præsertim majoris momenti narrat factum, cujus non affe-

1609. rat & antecedentes & cohærentes causas, cur ita sit factum; aut cur eum habuerit res exitum. Simul autem & modum accuratè explicat, quo singula fuerint administrata. Hinc illæ non infrequentes digressiones, quibus aut naturam locorum declarat; quâ non prius probè cognitâ, præliorum descriptiones, & similes expositiones, cæcæ, (nam sic ipse appellat,) sint futuræ; aut aliquod theorema politicum ex professo persequitur. Sic libro II. causæ quaruntur mirabilis incrementi Reipublicæ Achæorum. Sic libro IV. de miserorum Cynæthensium infelicitate, & ejus causis, multis differitur. Sic libro IX. de institutione Imperatoris, & disciplinis, magno Duci necessariis, doctissimè disputatur. Sic libro X. ratio tota dandorum signorum per faces, quâ multum, idque mirabiliter, usi sunt Veteres, non solum exponitur, sed & novis inventionibus ipsius auctoris perpolitur. Sic libro XVI. cur phalangem Macedonicam creditam prius esse invincibilem, & quæ reverà talis naturâ suâ erat, Romanæ legiones sæpe vicissent, pulcherrimè docetur, ejusque rei causæ manifestissimæ certissimæque afferuntur. Sic multa passim de officio Historici, & legitimæ Historiæ natura inferuntur. Totus quoque liber sextus, digressio quædam est à proposita narratione: sed, Deum immortalem! quàm ex usu, quàm docta, quàm divina! cum qua si componantur omnes omnium Auctorum digressiones, nihil simile invenias, nihil ulla ex parte comparandum. Exposuerat prioribus libris Polybius, quomodo Hannibal Italiam ingressus, Populum Romanum tribus continuis cladibus ad Ticinum, ad Trebiam, ad Thrasymenum, iisque magnis, attriverat, & quartâ insuper Cannensi, omnium longè maximâ, penè deleverat; eò certè redegerat, ut emerurus ex illo miserrimo statu nunquam videretur. Emergit tamen, & cum adversa fortuna aliquandiu luctatus; mox & Hannibalem Italiâ expulit, & pace cum Pœnis in suas leges factâ, ad spem Imperii Orbis terrarum sese crexit. Rei igitur stupendæ, & omnibus sæculis inauditæ causam eo libro aperit noster: causa autem erat, ipsa Reipublicæ Romanæ forma & scientia bellandi; quæ duo capita sic à Polybio explicantur, ut vel solus ille liber, qui nullo satis æstimari pretio queat, doctrinam, judicium, peritiam pacis bellicque artium, & summam Auctoris prudentiam arguat. Atque hoc in genere illud cum primis observatu dignum; quantâ curâ Polybius Lectorem suum ad contemplationem verarum causarum subinde revocet, unde successus sive læti, sive illætabiles manant: quantâ item multorum Veterum (atque utinam horum tantum) opinionem stultam, de Fortuna pendentium, reprehendat & confutet. Non enim pati poterat tantus Prudentiæ Magister, in res humanas induci cæcum illud cæcorum hominum πλάσμα ἢ εἶδωλον, ut Democritus vocabat, quod *Nullum Numen habet, si sit Prudentia*. Clamat igitur noster, τὸ συμβαίνοντι τὴν χλὴν αἰτιάσθαι, φάσιν. Fortunam facere causam eventorum, amentia est; quippe Sapientibus, & qui rectis consiliis utuntur, haut magni Fortunam momenti esse; aut potius Fortunam, quæ nihil sit, nullam intervenire: non enim casibus regi, sed regere magis prudentem casus: mentem, rationem, virtutem, pietatem dominari. Qui si aliquando parum sibi videtur constare, Fortunam ipso quoque nominans, & vim illius agnoscens; non tam sententiæ errorem cum esse; quàm loquendi consuetudinem quandam, abundè probatum est in nostris Commentariis. Ubi etiam illorum errorem supinum atque infanum magnum validissimis rationibus confutavimus, qui malè de Diis & divina Providentia Polybium sensisse, ausi sunt scribere. Ad eò homine imperito nihil quicquam injustius. Quid injustius, quàm ἀθιότης à malè feriato Politico & Theologastro omnis humanitatis imperitissimo eum virum damnari, qui Arcadiæ patriæ suæ præcipuum decus ponat ἐν τῇ εἰς τὸ θεῖον εὐσεβείᾳ, in pietate er-

ga Deum? Qui Locis sacris belli tempore non parcere, ultimam sceleris at-1609.
que immanitatis lineam putet! Qui pacis post diuturnum bellum infecuta,
primum & omnium pulcherrimum fructum agnoscat, Aedes sacras dirutas
aut collapsas instaurare; neglectas divini cultûs cerimonias in usum revocare?
Qui civitatis bene & legitimè ordinatæ primam omnium conditionem ponat,
ut in ea religio vigeat? Qui magnitudinem Imperii Romani pietati illius
populi ferat acceptam? quâ quidem usque eò Romanos vult excelluisse, ut
etiam superstitiosi, Sapientum judicio, videri possent: verum, quàm supersti-
tionem alii vocant, inquit, ea est apud Romanos *ὑπερβολή* pietatis. Qui to-
ties bona bonis provenire, malos malè perire, bene consulta parum bene in-
terdum cedere *παρὰ θεῶν καὶ τῶν δαίμονων*, Dei nutu atque numine, pronuntiet?
Qui denique omnia miraculorum commenta ex Historia, quam *πραγματικὴ* ap-
pellat, quum studio magno eliminat; verbis tamen disertis libro xvi. ea mi-
racula, quæ ad firmandam opinionem de Deo ejusque potentia pertineant,
& admittat & commendat. Poterantne à misero Ethnico illustriora incli-
nati ad pietatem animi proficisci testimonia? Sed ut melius constet, qui fue-
rit Polybii sensus, quæ sententia super quæstione tam gravi de rerum huma-
narum gubernatione; verba Suidæ, hominis Christiani, qui diligentissimè
illius scripta legerat, heic describam: *Fortuna*, ait ille, *apud Græcos & Pa-
ganos, est gubernatio mundi sine ulla Providentia; aut rerum cursus ab
incertis ad incertum, & id quod casu spontèque evenit. At nos Christiani
DEUM omnia administrare confitemur; idque etiam Polybius dicit.* Pudeat
nunc eos, qui crimen adeò tetrum tam bono Scriptori ausi sunt impingere.
Pudeat illum Politicum, qui audire Christianus quum vellet, de causis con-
versionum, quæ Imperiis accidunt, tam infelicitè & absurdè pronuntiavit,
ad numeros Lectorem suum revocans: quàm doctè & graviter Polybius libro
sexto; cum futuram olim mutationem in Romana Republica, cujus florentissi-
mam tunc cum maximè ætatem ipse videbat, centum ferè annis prius quàm
eveniret, verissimè prædixit. Post tot tantasque, & eas adeò insignes rerum
virtutes, facultatem dicendi in Auctore tam nobili laudatum ire, pars fuerit
injuriae: in quo nulla quum eloquendi virtus rerum Scriptori necessaria desi-
deretur; hoc fundamentum ingentibus illis, quas ostendimus, superstructum
molibus sic obruitur, vix ut appareat. Non deest, sed non eminet in Poly-
bio facundia: nihil verò est iniquius illis, qui nullam putant esse eloquen-
tiam, nisi ubi nihil est præter eloquentiam. Semper mihi apprimè placuit
Diodori Siculi sententia, vehementius in Historico eloquentiæ studium im-
probantis. Verborum enim curam nimiam rerum ferè par sequitur incuria.
Oratio vultus animi est: ut hic fuerit gravis aut solutus; ita etiam illa vel
severa erit, vel mollis. Polybii ingenium verbo judicavit excellens Auctor
Strabo, quum illum appellavit *τὸ ἔπος ἱσχυροσώφρον ἄνθρωπος*, virum adeò serium,
& rebus seriis deditum: nam hoc voluit Strabo. Non dubitabunt periti de
rectitudine hujus judicii & elogii veritate, qui diligenter expenderint. Inest
sanè in hujus scriptis gratus quidam sine ullo fuce veritatis color, & quod
Græci Critici appellant *τὸ ἔμπρακτον καὶ τὸ ἐναληθές τῶν ἐννοιῶν*. Equidem rideam
an indigner nescio, quoties apud Dionem Pharsalicæ, vel Philippicæ, aut si-
milium pugnarum descriptiones lego; in quibus eloquentiæ plurimum, bel-
licæ verò artis & Tacticæ peritiam nullam penitus animadverto: ut de Histo-
ricis aliis nihil nunc dicam, ne Dioni quidem ullo pacto comparandis. Da-
res eadem prælia Polybio describenda, in re eadem nihil idem diceret; omnia
alia & diversa: neque enim eo proposito ad præliorum descriptiones accedit,
ut in depingenda negotii facie rhetoricetur; verum ut, ceu Xanthippus ali-
quis

1609: quis Tacticus, usum ejus disciplinæ in ipsis rebus Lectorem doceat; causas hinc victoriæ, illinc cladis ob oculos ponat. Quid in eligendo belli campo, quid in ordinanda acie, quid in subsidiis disponendis, quid in procurrendo concurrundove, aut excipiendo hoste bene, aut secius fuerit factum: quis levis, quis gravis armaturæ fuerit usus: equitesne an pedites ad summam operis plus momenti attulerint. Ad harum rerum expositionem si orationem noster adhibuit nullis calamistris inustam, nullis fractam cincinnis, ac ne diligentius quidem comptam, sed masculam & quodammodo militarem, opus, credo, censorium fecit. Ut poma quædam sunt suaviter aspera; & in vino nimis veteri ipsa nos amaritudo delectat; sic in seriis magnisque Scriptoribus minus interdum culta dictio, non sine austeritate quadam juvat. Et est sanè Polybiana dictio ejusmodi; in qua multa verba, multas observo locutiones in castris natas, & gloriosum illum Martis pulverem, potius quàm Rhetorum lecythos & pigmenta redolentes. Quidni autem? maluit Polybius exercere in agendis rebus quantum habuit eloquentiæ, quàm inertio sese dare, ut sequeretur, quantum ejus poterat per ingenium consequi. Nam quid aliud ab eo exigas, cui paullo post quàm ex ephebis excesserat, legis annariæ gratia facta est à Concilio Achæorum, ut negotiis se immisceret, ac Legatus in Ægyptum cum patre Lycorta, & Arato, Arati filio, proficisceretur? Factum est hoc decretum, circa principium Olympiadis C L. Unus, credo, fuit ex omnibus Antiquis Dionysius Halicarnasseus, qui propter dictionis incuriam & minus accuratam verborum comprehensionem, tantum virum impoliticiæ notare sustineret: cujus Critici putidæ morositati sic alibi respondimus, ut æquis iudicibus nostrum iudicium probatum iri confidamus. Neque tamen novos, si qui sunt in hoc pulcherrimo corpore, dissimulavimus: nam equidem sicut eos, qui malignè scripta aliena tractant, scelestos & publicæ omnium execratione dignissimos censeo; ita qui sine cura discriminis omnia pariter laudant, sine iudicio in literis versari; & illa ipsa, quæ laudant, cur sint laudanda, non intelligere, persuasum habeo. Et fuit quidem felicitatis Populi Romani pars non pœnitenda, sempiternæ gloriæ per eum virum fuisse commendatum, qui ipse quoque in eo ornando propriam ingenii gloriam erat consecuturus: sed & Polybii magna prorsus extitit felicitas, in ea tempora incidisse, quæ materiam dignissimam facultate & copiâ suâ ipsi subministrabant. Scitum vetus est, Omnium Imperiorum, sicut cæterarum rerum humanarum, tria esse tempora; primordium, summam incrementi, inclinationem ad interitum. Græci melius, ἀρχὴν, ἀκμὴν, παρακμὴν aut φθορὰν. Hæc quum naturâ sint diversa; etiam Scriptoribus admodum diversam ad scribendum materiam suppeditant. Principia incerta, fabulis involuta, tenuia: semper enim, modò primùmque nascentia sunt minuta: postrema tempora, ipsa quoque, sed ex alia causâ, attenuata, & vitiis deformia; utpote exitio propinqua. Solum est medium tempus, quod vigoris florem obtineat; sive ad experiendum, sive ad scribendum, aut cognoscendum, pulchrum & optabile. Respublica Romana, ut observat Polybius, si qua ulla unquam alia omnes temporum diversitates secundum naturæ communes leges est experta: quæ ab obscuris, fabularum plenis, & oppidò exilibus profecta principiis, per annos fermè quingentos cum populis Italiæ perpetuum quasi bellum variâ fortunâ gessit. Tantæ molis erat Orbi terrarum dare caput. Deinde ubi semel pedem extra Italiam extulit, dictu mirabile, quanta cum sua gloria, quanto cum stupore tunc viventium & videntium, Europam, Asiam, Africam, triumphis peragratas, dominationi suæ subjecerit. Hæc fuit & Reipublicæ & virtutis Romanorum ἀκμή, & præcipuus vigor; quod tempus vulgò

vulgò Historici ad ducentefimum usque annum extendunt. Sed spatii hujus 1609. ultima civitatem sanguine civili fœdatam habuerunt, & luxu, postquam victores Asia capta cepit, multisque aliis vitiis corruptam. Eam partem Polybius non attigit, non vidit; qui ipsam dumtaxat ἀκμήν τ' ἀκμῆς, ut sic dicam, & purissimam laudatissimamque partem florentis Reipublicæ Romanæ ad occupandum ingenium, singulari felicitate aurei illius temporis, materiam est nactus. Quare Historiæ hujus non postrema hæc laus est, quod in parte ver-setur rerum Romanarum longè nobilissima; sive virorum virtutem spectes, sive publica instituta, aut mores, sive gestorum magnitudinem. Quum autem inter excellentis Historiæ conditiones doctissimi Veterum hanc cum primis ponant, ut certi intervallo temporis circumscribatur, & à notabili principio ad notabilem finem perducatur; hanc Historiæ legem, (ut quidem illis placet) à Polybio mirificè esse observatam, invenimus. Ille principio, cum ad scribendum animum appulit, annorum quinquaginta & trium res gestas suscepit explicandas; ab anno primo Olympiadis CXL. & initio belli Punici secundi ad finem belli Persici, & regni Macedonici ultimam eversionem; quo spatio affirmat Polybius, & incepisse & consummata esse Imperii Romani incrementa. Rectè; si modò intelligatur, ut in nostris Animadversionibus est expositum. Gestæ igitur sunt eo temporis intervallo, tot tantæque res, quot & quantæ nullo unquam sæculo pari numero annorum. Ante omnia bellum occurrit Punicum secundum; bellum, viribus partium, generositate Ducum, magnitudine cladum, varietate casuum, eventorum consequentiâ, omnium quæ ubi-vis terrarum gesta unquam sunt, maximum. Finem hujus initium Macedonici cum Philippo excepit; ob veterum Macedoniæ Regum famam, & Magni Alexandri gloriam, bellum nobilissimum. Secuta sunt, Antiochicum & Ætolicum; illud cum Rege Asiæ opulentissimo, & terrâ marique vi copiarum ingente instructissimo; hoc cum populo omnium ferocissimo, & qui bellandi decus sibi uni vindicabat, seque eo nomine impotentissimè jactabat. His interjecta sunt minora jam alia bella cum Insubribus, Boiis, cæterisque Gallis, trans Alpes Italiam incolentibus. Postremum fuit Macedonicum alterum cum Perse, Philippi filio; in quo illa antiqua Macedonum regia, cui aliquando Ἡν Ἑλλάς αὐτῇ σμικρὴν οἰκῆθ' ἴσκειν imò verò, cui capiendæ Orbis terrarum olim parvus erat, exemplo penitus miserando, est extincta. Tum primum omnes & Orientis & Occidentis nationes attonitæ, magnitudinis Romanæ stupore cœptæ sunt defigi; ac vim ineluctabilem fatorum intelligere, quæ Populo Romano imperandi honorem defererebat; sibi parendi necessitatem imponebat. Quæ admirabilis rerum universi mundi conversio, Polybium initia impulerat, ut hoc tam memorabili fine Historiam suam terminaret; paucis tantum annis infecutæ pacis adjectis; ut quàm modis omnibus laudabilis esset forma regendi Imperii, quâ Populus Romanus utebatur, & cunctis quidem omnium sæculorum gentibus, sed præcipuè Græcis suis testatum faceret. Ac quoniam non unius tantum populi hujus res peragere instituerat; sed Romani quidem primario; deinde autem & cæterorum totius Orbis populorum omnium, paullò saltem nobiliorum; multa de Regum Syriæ, Ægypti, Ponti, Cappadociæ, Persidis, aliarumque gentium rebus, ordinem secutus temporum, inservit, propter quæ, opus suum καθολικὴν ἱστορίαν, quasi, universalem Historiam dicas, jure nominat. Est hoc quoque Historiæ Polybianæ grande atque insigne decus, quod non de una tantum, aut altera natione fuerit instituta; verum de omnibus, quæ toto Orbe illis temporibus noscebantur. Cujus generis Historia, quum reliquas ejus formas tantum dignitate superet, quantum parte aliquâ sui totum est præstantius; iis cum difficultatibus est conjuncta, ut post homi-

1609. hominum memoriam perquam pauci fuerint reperti, qui oneri tanto subire auderent; quorum autem humeris onus illud bene sederet, paucissimi. Planè inusitatam animi magnitudinem, & parum vulgo consuetum ingenii modum præ se fert, qui universalis Historiæ, qualem Alphonsus X. Castellæ Rex, solitus optare, scriptionem *πραγματικῶν* aggreditur. Proprias verò laudes ejusmodi Historiæ, si commemorare velim, nimis longum faciam; & præclare noster hic ea super re nonnulla operis sui initio. Vel illud quantum est, quàm admirabile? Posse aliquem mortalium, illam Dei ter Maximi *πλουσίμωλον* & inenarrabilem sapientiam, quæ non unam aliquam aut alteram regionem, sed verò mundum universum regit ac temperat, quasi vestigiis persequi, mente capere, & stylo enarrare? Quid de populis Orientis, quid tempore eodem de Occidentis divina statuatur Providentia; quid vel sublevandis, vel premendis ad Aquilonem Austrumve gentibus, eadem decernat? Tot res, tam varias, vel animo posse capere, magnum sit: quid componere inter se, in ordinem digerere, & in unius Historiæ faciem concinnare? Hoc demum illud verè est, quod initio dicebamus, ministrum Providentiæ divinæ in terris agere. Polybius igitur tantis de rebus tam exquisitæ formæ Historiam, quam moliebatur, ultra illos quinquaginta & tres annos, & paucos alios pacis curam suam non extendebat; qui tamen eo labore perfunctus, novam Historiam annorum circiter octo, eorum bellorum, quibus ipse ut plurimum interfuerat, priori subtexuit; à principio Celtiberici ad deletam à Mummio Corinthum, & in formulam Provinciæ redactam Achaiam; necnon ad Carthaginem, paullò antè à Scipione captam, & solo æquatam. Scripserat & de Bello Numantino; sed separato à perpetua sua Historia volumine, ut Auctor est Tullius. Porro universum, quod modò exposuimus, argumentum, libris quadraginta Polybius fuerat complexus, vel porius, duodequadraginta; primus siquidem & secundus, Apparatum ad Historiam primario susceptam, non ipsam Historiam, continent. Nam quia Græcis hominibus illâ ætate res Romanæ, suâ memoriâ vetustiores, parum erant cognitæ, prudentissimus Scriptor ex usu futurum putavit, si Reipublicæ illius tempora strictim attingeret, à capta Roma per Gallos, Duce Brenno, ad primum extra Italiam cum classe transitum; & paullò uberius à prima traiectione in Siciliam, quando bellum Punicum primum est conflatum, ad Punici secundi annum primum: quas ille res cum Græcanicis, aliorumque populorum ratione temporum congruentibus, in illa duùm librorum Præparatione comparavit. At quàm dolendum, nec sine indignatione summa memorandum, quòd Auctoris tanti tam excellens opus superiorum sæculorum barbara ignorantia magna ex parte nobis invidit? Quando id vulnus Reipublicæ literariæ fuerit impositum, difficile est pro certo affirmare. Constantinum Porphyrogenitum, Pandectarum Politicarum ex Historiis compositorem, integrum opus habuisse, nullus dubito. Suidæ quoque Grammatico, suum illum Centonem contextenti, reor equidem totum Polybium ad manum fuisse: idque satis manifestò è fragmentis potest cognosci, quæ inde collegimus. Nunc, prohi dolor! solos quinque primos libros, quales Auctor reliquerat, habemus; cætera variâ manu interpolata ad nos pervenerunt. Tres operis totius partes distinctas editio nostra exhibet. Prima est eorum, quos modò dicebamus, quinque librorum. Sequitur altera, Excerpta continens à quinti fine ad principium decimi octavi: ipsam, nisi fallor, illam Epitomen, quam Marcus Brutus conficere orsus, non perfecit: qua de re plura nos alibi. Tertia quoque pars Excerpta complectitur, sed diversi generis: sunt enim illa ipsa loca laudabilia, quæ viri eruditi, jussu Imperatoris Constantini excerpterunt, ut titulo operis novi vigesimo octavo, exemplis Legationum destinato, intere-

insererent. Quis satis pro rei magnitudine jacturam hanc queat deslere? Habent quod doleant qui literas Græcas amant, tam bonum ejus linguæ Auctorem tam malè fuisse acceptum. Habent Historiæ Romanæ amatores, tam accuratum illius Scriptorem tantum detrimenti esse passum. Habent qui res Syriacas & totius Orientis, Regum successiones, defectiones Satraparum, bella ab Antiochis & Ptolemæis gesta, multorum item aliorum sive Principum, sive civitatum res, hodie sciunt majore ex parte ignorari. Habent etiam illi, qui in Ecclesiastica Historia Maccabaicorum temporum rectè capienda, quantum sit hodie difficultatis ex inopia veterum Historicorum, non nesciunt: & quantum illi lucis Polybii Historia, si integra extaret, foret allatura, ex iis, quæ supersunt, facere conjecturam sciunt. Omnium verò maximè quod doleant habent, qui gesta Majorum eo animo legunt, ut ad vitæ usum illa referant; quique doctrinæ civilis & bellicæ seriam cognitionem præstantissimum Historiæ legendæ fructum putant: neque nesciunt, suis potissimum utilitatibus eximium hunc & πολιτικώτατον Scriptorem ivisse consultum. At enimverò cui bono amissa deslere, nisi eorum desiderio excitentur generosi adolescentes, ut tantò diligentius quæ restant, velint cognoscere, & hoc Dei beneficio perfrui? Desinant igitur inutilium querelarum veræ doctrinæ candidati; & Polybium, quem nunc Majestati Tuæ, DOMINE, offerimus; non illum quidem integrum, sed qualem tamen nemo adhuc vidit, grati excipiant: quodque pars adeò luculenta excellentissimi hujus Auctoris naufragio sit crepta, eo nomine gaudeant, & publicæ rei literariæ gratulentur. Nos quidem totam Polybii Historiam non damus; sed vel in tota eminebant, ea sine dubio damus. Et formam quidem universæ scriptionis, ipsumque adeò Auctoris genium, è prima nostræ editionis parte, quæ integra & sine imminutione ulla notabili ad nos pervenit, licet hodieque cognoscere. Multa studiosi in duobus Præparationis libris invenient, nusquam alibi tam bene descripta; quædam omnino apud nullum alium, neque Græcum, neque Latinum, invenienda. Punici primi Historiam non plenè quidem ibi narrat Polybius; neque enim id agebat; ita tamen, ut hodie in tanta bonorum librorum paucitate, plura de eo bello unus hic quàm alii omnes nos doceat. Idem de bellis, quæ Romani cum Gallis in Italia degentibus gesserunt, est censendum. Licybi verò Carthaginensum, multis nominibus cum primis memorabilis, Historiam uni huic debemus. Reipublicæ Achæorum quondam illustrissimæ primam institutionem, augmenta, & formam, ex eodem Apparatu cognoscimus. Tres, qui deinde sequuntur, Historiæ legitimæ primi, propter subjecti magnitudinem, varietatem ingentem, accuratam ejus tractationem, doctrinæ, quæ civilis, quæ bellicæ uberrimam copiam, ut eos magni Duces & Politici diligentissimè sæpissimèque versent, merentur. Secundæ & tertiæ partis Excerpta, ossa & nervi sunt, carne & cute nudati: decus formæ abest, & illa vivi corporis venustas; unde tamen fructus feramus uberrimos, abunde adest. Mihi quidem videtur M. Brutus, sive est alius, magno judicio usus, in iis seligendis, quæ Politico informando erant accommodatissima. Iccircò librum sextum totum paucis exceptis sibi ac nobis descripsit; quod de illius præstantia & utilitate rectè judicaret. Planè totus ille liber omnibus Principibus, Ducibus & Politicis non legendus, sed ad verbum est ediscendus. Legationum Excerpta quam potissimum utilitatem spondeant, ipso titulo profitentur: in eum namque finem fuere confecta, ut viri politici, quorum industriâ in simili ministerio summi Principes utuntur, documenta inde sumerent, sibi usui futura. Scire quæ sint Legati partes, quis usus datæ potestatis, quæ illum circumstant pericula, doctrinæ politica

1609. liticæ pars minima non est. Exposui causas, DOMINE, cur Rempublicam cogitantibus, & cum utilitate omnium, suâque laude sive domi, sive militiæ eam administrare cupientibus, Historia quidem præ cæteris disciplinis studiosè sit cognoscenda; è cunctis verò illius Scriptoribus, qui vetustatem pertulerunt, Polybius præcipuè notus ac familiaris esse debeat. Non erat alienum huic loco, ut inter hunc, cæterosque Historicos, tam Græcos quàm Latinos, quid quantumque intersit, (& interest sanè haut parum;) quid inter hanc, & illorum Historias sit discriminis, expenderemus. Facit enim ad rem, si quid aliud, cùm in omni studio, tum in isto non minimè, de Auctoribus singulis, eorumque scriptis quid sit sentiendum, & veris principiis statutum habere. Verùm quoniam longius jam nescio quomodo oratio nostra est provecta, ea autem quæstio, non adeò facilis, ut paucis queat absolvi; ne planè immemor videri queam, apud Majestatem Tuam sermonem habere me pulcherrimi argumenti, & ad cognoscendum utilioris, quàm ad explicandum facilioris, tractatione accuratâ in præsentia superfedens; illud interim omni asseveratione confirmare, nequaquam verebor, non posse aliquem neque Græcum inveniri, neque Latinum ex illo meliore sæculo, nedum è posterioribus, quem non aliquâ legitimæ Historiæ laude, aut etiam pluribus, noster hic antecedit. Magnus sanè Scriptor Herodotus; & sine controversia, Historiæ Pater; sed qui ad πολυμάθεια & rerum antiquissimarum cognitionem plurimum; ad eam verò, quam quærimus, prudentiam, non multum sit collaturus. Magnus & vir, & Scriptor Thucydides; qui à gerendis rebus ad easdem stilo persequendas, quum sese contulisset, Historiæ ad usum politicorum scriptæ mortalium, credo, primus exemplum postfuturis mirandum potius quàm imitandum dedit. Sed vir maximus par ingenio argumentum non habuit: quâ quidem re tantò est Polybio inferior, quantò Græcia, hoc est, angustus terræ angulus, cæteris omnibus antiquæ *αἰκμαδύης* partibus est minor: ut de obscuritate dictionis Thucydideæ nihil dicam. Magnus Xenophon, & ejus oratio quovis melle dulcior: sed is belli pacisque artes in ficta Historia seriò docens, in seria & vera de eo proposito ne cogitasse quidem videtur. Thucydidem ille continuat; verùm ita, ut sit illi dissimillimus. Accuratiores idem in Anabasi; quæ tamen unius expeditionis narratio est, non alicujus Imperii aut potentis Reipublicæ legitima Historia. Magni sunt Auctores Diodorus Siculus, Dionysius Halicarnasseus, Josephus. Sed primus ille in priore operis sui parte fabularem Historiam quum persequatur, ne in altera quidem parte, licet præstantissima, eam rationem tenuit, quæ Politico informando erat accommodata: aliud enim, non hoc, spectabat: quippe in magna ingeniorum diversitate aliud alii natura iter ostendit. Dionysius, Polybii æmulus, à primis Romanorum orsus temporibus, Historiam suam eò perduxerat, unde noster, sæculo uno antiquior, suæ principium duxerat. Hunc aliquis cum Polybio putet componendum? qui nullam unquam Reipublicæ partem attigit: qui exercitiis nullis unquam præfuit; ac ne interfuit quidem, opinor? qui rerum usum experienciâ collectum nullum habuit: qui Historiæ Romanæ partem maximè exilem, maximè incertam & obscuram (ejusmodi semper esse primordia, antea ostendimus,) in qua se exerceret, delegit: qui denique omne suum studium dicendi parandâ facultate posuit. Josephus, populi unius res gestas & casus memorabiles describit; breviter quidem & strictim in Originibus; uberius verò in altera Historia: qui vir eximius, si materiam ad agendum primò, deinde ad scribendum, quanta Polybio obrigit, foret nactus; de dignitate & præstantia scriptionis merito suo dubiam atque ancipitem cum ipso palmam potuit habere.

bere. Magnus, vel potius, maximus Plutarchus; sed qui Historiam πραγματικὴν 1609. ex professio nunquam scripserit, in hujus comparisonem venire non est aptus. Multò minus Appianus, qui neque propria multa habet, & rationem propositi toto genere diversam est secutus. Coccejum Dionem inter nobiles Græcæ linguæ Historicos possumus recensere; ita tamen, ut propter omnia alia potius videatur laudandus, quàm propter illa, quæ in Polybio admiramur. E veteribus Romanis, qui usque in Græcorum ingeniorum comparisonem sunt evecti, magnus omnino Auctor est Crispus Sallustius; sed quem Polybius propter amplitudinem & varietatem subjecti, judicii rectitudinem, doctrinæ copiam, quæ civilium rerum, quæ bellicarum, postremò propter illam, quæ Græcis dicitur *ἰδὸς διδασκαλίας*, quæque in Historia vel maximè debet spectari, longè à tergo relinquit. Quod si veritatem & libertatem judicii hodierna ingenia ferre possunt; is profectò fuit Sallustius, & vitâ & scriptis, qui omnium libidinum servus, sic aliorum vitiis perpetuò irasceretur, quasi invideret. Inde est illud trux & violentum dicendi genus, quo LECTOREM mirificè interdum afficit, trahit, rapit. Omitto dicere de ejus dictione, quam multi Veterum valde laudarunt; multi non adeò; quidam vehementer improbarunt. Magnus, Deus bone! Auctor Titus Livius; lacteâ quâdam ubertate dictionis divinitus facundus; amans virtutum, osor vitiorum, rectus judicii, rerum togæ, rerum sagi, etsi non ex usu, neque experienciâ, egregiè tamen peritus; denique, si quid judico, hoc solum ingenium (de Historicis loquor) Populus Romanus par Imperio suo habuit. Cæterum tantus & tam admirabilis Scriptor, ut eloquentiâ Polybium facilè vincit, quod ingenuè fateor; ita aliis dotibus à Polybio non obscurè vincitur; nam ut de libro sexto nihil dicam, & id genus aliis Polybii digressionibus; & Tacticæ imperitiâ est ubi deprehendas; quod nostri Commentarii Polybiani dicent; & in causis rerum assignandis, à sincero nostri judicio, præ nimia superstitione non rarò deflectens, aniles solidis rationibus, & certis illius demonstrationibus anteponit. Illa quoque tam frequens & tam accurata portentorum enumeratio, annon eundem hunc animi illius morbum palam facit? ut non abhorreat à veri fide, quod memoriæ proditum est à nonnullis, Gregorium Magnum, Pontificem Religionis Christianæ propagandæ studiosissimum, hac tanti Scriptoris ridiculâ superstitione offensum, ex omnibus Bibliothecis ejus Historias curassè tollendas. Julium Cæsarem, Historicorum omnium in suo genere primum & maximum, propter instituti diversitatem prætermitto. Unus adhuc restat Romanorum, Cornelius Tacitus, quem in hac contentione piaculum sit omisisse. Hic magni & acerrimi vir ingenii, novæ cujusdam, gravis, concisæ & sententiosæ eloquentiæ genere eximie præditus; si à Fortuna non esset destitutus, quæ dignam ei tantâ facultate materiam negavit; quemvis è Principibus sive Romanorum, sive etiam Græcorum Historicorum videtur potuisse provocare. Nunc quum ejusmodi tempora constet ab eo, præsertim in Annalibus, esse descripta, quibus nulla unquam fuerunt turpissimis vitiis fœdiora, neque aut virtutum steriliora, aut virtutibus inimiciora; cum Polybii Historia Taciti libellos velle comparare, hoc verò fuerit, non Tacitum laudare, sed insignitam suam temeritatem propalam vulgare. Nam quid simile, quid ulla ex parte comparandum? non jam Scriptores ipsos inter se contendo; quorum alter Philosophus insignis fuit, rebus gestis vir clarissimus; alter, ut Romanus, ab omni Philosophia alienus, nullâ re publicè unquam gestâ admodum memorabilis: sed de materia amborum loquor; quam nemo sanæ mentis hîc præcipuè spectandam negaverit. Ut enim Therites, quem Apelles aut Protogenes pinxerit, non eò minus est turpis, quia excellentis artificis penicillo est pictus; quin potius contrà, eò

1609. magis conspicua est illius deformitas, quò præstantior est, quæ effinxit, manus; sic improborum scelestæ facinora cum à disertis viris sunt descripta, non minus quidem sunt detestanda, sed velut in editiore & illustriore loco posita, magis fiunt insignia. Quid igitur simile? Florem ipsum Romanæ virtutis, & ut dicebamus, ipsam ἀκμήν ἢ ἀκμῆς ejus Reipublicæ descripsit nobis Polybius: Regulos, Scipiones cum suis Læliis, Fabios Maximos, Marcellos, Paulos Æmilios, Flaminius, Metellos, Mummios, & similes his ἡρωαίαι Heroas: res domi militiæque gestas, omnium quæ ullâ unquam memoriâ hominum sunt gestæ, maximas; Provincias, Nationes, Regna, ad quæ vix Imperiū Romanī nomen pervenerat, stupendâ brevitate temporis Imperio adjecta: exempla fidei, fortitudinis, justitiæ, generosæ & altæ mentis adeò insignia, ut præ raritate apud posteros fides factorum laboraverit. Cornelius Tacitus Tiberios, Caligulas, Claudios, Neronēs, Vitellios, non homines, sed humanæ naturæ prodigia, nobis narrat: populum multiplici patientiâ & fœditate obsequii turpissimum: Senatores, alios meditatīs adulationibus gratiam Principis captantes; alios sævitiæ dominantis vel turpiter inservientes, vel scelestè adrepentes; alios etiam infimas delationes exercentes, & optimo cuique exitium per calumniam struentes: plures fomno & libidinosis vigiliis marcidos, segnitia sese ab invidia & periculo redimentes: postremò, ad unam rem fortes, mortem sibi consciscendam. Pleni sunt Taciti Annales non facinorum bellicorum, quæ ita rarò edebantur insignia; quum non hostis metueretur, verum Imperator; ut continuò exercituum otio creditum aliquando sit, ereptum jus Legatis ducendi in hostem: sed Senatusconsultorum adulatione novorum, aut patientiâ postremorum: pœnarum item bonorum, ab iis Principibus irrogatarum, qui ipsum, si possent, virtutis nomen excinderent; crimina Principum, voluptates, flagitia, incestus abominandi, lamentabiles veneni propinationes, parricidia; aulicorum proditioes mutuæ, criminationes, conspirationes, & similes artes accuratissimè describuntur; quarum rerum non tam cognitio potest esse fructuosa, quàm exemplum perniciosum: verissimè enim de talibus Plinio dictum, Parum abesse à docente eum qui narret. Sed Tacitum nascendi fors huic duræ conditioni alligaverat, (qua de re sapius ipse gravissimè queritur,) ut vel silendum ei esset, vel ista scribenda. Tacitum igitur facilè nos quidem excusamus; illos excusari non posse judicamus, ut qui unicum hunc Historicum omnibus aliis anteponunt; unum Tacitum politicis hominibus assiduè terendum pronuntiant; unum esse, unde Principes & Principum Consiliarii documenta regendæ Reipublicæ petere debeant: cujus absurditatem sententiæ si vellemus exagitare, facilè probaremus, qui ita sentiunt, eos tyrannidis Principes hodiernos tacitè accusare; vel palam tyrannidis instituta videri velle eos docere. Quid enim Principi, præsertim juveni, lectione illorum Annalium esse queat perniciosius? Ut bona exempla, si sæpe ob oculos versentur, proficiunt, etiam non sentientibus nobis; sic mala nocent: paulatim namque descendunt in animos, & vim præceptorum obtinet frequenter legere, aut frequenter audire. Sed longius abii quàm institueram; redeo in viam, & ad Polybium. Hoc igitur Scriptore adeò præstante, adeò utili, ne diutius carendum esset generosæ indolis hominibus, qui literarum studium cum actione rerum amant conjungere; Dei ope, & Tuo, DOMINE, qui hæc otia nobis præstas, immortali beneficio; labore verò nostro immenso, & mediocri industriâ, tandem est effectum. Erant infelicis Polybii membra, quæ superiorum ætatum feritas barbara fecit nobis reliqua, huc illuc dispersa; nos collegimus, & ad similitudinem unius corporis, quoad ejus fieri poterat, redegimus. Erant pæneque confusa, cæca & miserandum in modum corrupta; nos digessimus,

tem-

temporum luce illustravimus, & pro copia librorum veterum atque ingenii fa- 1609.
navimus. Quam quidem ad rem iis exemplaribus, quæ nobis Bibliotheca Tua
suggerebat, non ita acquievimus, ut aliundè subsidia non peteremus. Nam
quum essem admonitus, penes Serenissimum Principem, Franciscum Mariæ
Secundum, Urbini Ducem VI. eximie vetustatis codicem Polybii extare; egis-
semque per literas cum amplissimæ dignitatis viro, Philippo Canaio Fraxineo,
Tuæ Majestatis tunc temporis apud Serenissimam Venetorum Rempublicant
Oratori, ut ejus codicis usuram mihi impetraret; adeò non gravatè Princeps
sapientissimus, & quod jam olim re probavit, harum literarum & doctrinæ
Polybianæ peritissimus, quod rogabatur, sivit à se auferri; ut literis, quas
ad me dedit singulari humanitate conditas, disertè significaverit, studio
gratificandi Majestati Tuæ nihil sibi esse antiquius. Non parum instituto
nostro codex ille, quo vix alium antiquiorem hodie putem extare, fuit uti-
lis. Juvit postea aliquid & exemplar aliud Serenissimi potentissimique Prin-
cipis Maximiliani, Boiorum Ducis; quod virorum gravium & amicissi-
morum nobis operâ & favore sumus consecuti. Jam quia erat Polybii sermo,
ut hominis Græci, plerisque eorum hodie, quibus ipse scripsit, & quo-
rum præcipuè intererat, posse illum intelligere, ignotus; neque ab Interpreti-
bus prioribus quicquam auxilii poterat sperari; qui neque omnia verterant, &
pleraque omnia perverterant: nos, ut Romanè loqueretur, & quidem, si mi-
nus ornatè, at intelligenter tamen & castè; imprimis ut Græcis Romana con-
gruerent, fide bonâ operam dedimus. Præterea, quum in ejus libris & mul-
tæ magnæ difficultates reperirentur, quæ Lectorem, in Græcis literis rebusque
antiquis, præsertim bellicis, minus exercitatum, remorari, & lectionis fructum
omnem poterant impedire; nos studio & diligentia contentione effecimus,
(efficere certè conati sumus,) ut omnes sive rerum, sive & verborum obscuri-
tates tollerentur, omnes remoræ amoverentur, omnia denique plana & facilia
redderentur. Quin etiam memores eum Auctorem interpretari nos, qui tot
locis profitetur, sicut ostendimus, id agere se, ut in Historia scribenda artem
quasi quandam rerum gerendarum studiosis traderet; ipsi quoque ad istud in-
ceptum hoc proposito atque hoc voto nos accinximus, ut eorum potissimum
adolescentium studiis inserviremus, qui ad negotia sese parant. Itaque in ho-
rum spem gratiæ parum adhuc usitatum in istiusmodi Scriptoribus explicationis
genus, absit verbo invidia, aggressi rationem iis indicavimus, ac veluti præ-
ire viam studuimus, quam si ingredi voluerint, certum ex historicis monu-
mentis fructum, & ad rationes vitæ nequaquam pœnitendas utilitates pote-
runt referre. Sed de Commentariis in hunc Auctorem nostris, quorum edi-
tionem remorantur hætenus partim molestiæ graves, quibus nunc cursus meo-
rum studiorum impeditur; partim figurarum sculptura, quas ad rerum belli-
carum illustrationem necessariò adhibuimus; alius erit, spero, dicendi locus.
Animi interim mei velut pignus aliquod ut exhiberem, quod in illo nostro
opere veterum Tacticorum libris plurimum utimur; aureolum ejus generis
Commentarium, ab Ænea, vetustissimo Tactico, scriptum, placuit nunc edere,
atque opes Tuæ Majestatis, in Bibliothecæ forulis reconditas, & præsentibus &
futuris visendas fruendasque proponere. Hunc ego aliud agens quum invenis-
sem, non statim credidi esse illius Æneæ, quem ante annos minimum mille &
nongentos, ætati Aristotelis, Demosthenis & æqualium Scriptorum supparem,
memoriâ tenebam vixisse: ubi verò attentior lectio non esse falsum titulum mihi
persuasit, inventione libri seriò gaudens, & mihi ac literis gratulans, nullis
vitiosissimi codicis portentis impediri potui, quominus relictis rebus oblatum
casu ἔργον cum omnibus militaris literaturæ amantibus communicarem.

1609. EN igitur Tibi, DOMINE, humillimæ observantiæ meæ, & mediocriſ diligentia in curanda provincia, quam Tua Maieſtas mihi impoſuit, graviſſimos teſtes, Polybium & Æneam; qui duo nobiliſſimi Scriptores, quum & vitam ſe Tibi debere fateantur; & omne id, quicquid eſt, quod ad eos or- nandos Tuorum unus ſubditorum contulit, Tibi, ut par eſt, ferant acce- ptum, tantorum beneficiorum nequaquam fore ſe immemores aut ingratos, ſed Tuæ erga omnes homines benignitatis, erga eos, qui ingenio ſibi auctore famam repererunt; liberalitatis, necnon cæterarum ingentium virtutum, quas dudum in Tua Maieſtate univerſus Orbis ſtupet, apud cunctos populos & omnium linguarum nationes vocaliſſimos ſe præcones ſpondent futuros. Dicit Æneas, ſe, militari ſcientiâ quondam clarum, per multa deinde ſæcula oblivio- ne tam altâ fuiſſe ſepultum, ut ne nomine quidem eſſet notus: quod nunc ali- quâ ſaltem ſui parte in lucem redierit; quod legatur, totum id regiæ Tuæ eſſe munificentia. Dicit Polybius, multum ſe quidem olim Nicolao Quinto, Pontifici Maximo, debuiſſe, qui reſtitutionem ſuam & optavit, & primus inchoavit; ſed melius fata conſuluiſſe, quod ſui ſervati gloriam & decus in- tegrum Tibi ſervarint. Sibi enim auguſtiſſimi nominis Tui auſpiciis, favore & auctoritate eſſe opus, ut doctrinæ, quam affert, præſtantiam cum aliis, rum imprimis Nobilitati Gallicæ Tuæ poſſit approbare. Enimverò, DOMI- NE, in hoc tanto armorum ſilentio, in tam alta pace, quâ tot jam annos immortalis Tuo, ſecundum omnipotentem DEUM, beneficio fruimur; quid eſt, quod nobiles regni Tui adoleſcentes potius curent, quàm hoc genus ſtu- diorum? aut quorum Auctorum lectioni potius, quàm horum, & his ſimi- lium, otii ſui tempora impendent? Eſt quidem Nobilitati Tuæ ea ferocia & generoſitas animi ingenta, ut illo ſuo impetu ipſum, quod ajunt, cælum diruere poſſe videatur: eadem tamen nihilo ſecius doctrinâ opus habet; ſine qua etiam ſi quid, adjuvante naturâ, bene fiat; tamen id, quia, ſicut ma- gnus Dux apud Thucydidem ait, τὸ πρὸν τὸ ἀπείρητον ſcientiæ certitudinem non habet, ac plerumque fortuito fit, neque plenam laudem meretur, ne- que paratum ſemper eſſe poſteſt. Omnino tutiſſimum regimen actionum eſt ſcientia, & notitia exemplorum, quæ dat animis certum judicium; quæ in manu regulam ponit, ad quam facta ſua aliquis exigat; cui credat recta eſſe, quæ fecerit. Ad hanc ſcientiam, DOMINE, Tua Maieſtas in ipſa prope pueritia, ſine longo magiſterio, inaudita quâdam bonitate naturæ pervenit. Quippe adeò felix ingenium & capax recta diſcendi Tibi Deus dederat, ut neceſſaria documenta ex ore Doctorem, qui circa te erant, aut lectione li- brorum, velut in tranſitu raperes. Alia igitur audiviſti, alia legiſti, in non- nullis etiam operæ plus poſuiſti. Quid, quod Julii Cæſaris libros de Bello Gallico, quum ſpei Tuæ Florens Chriſtianus eſſet admotus, in patrium ſer- monem illâ ætate vertiſti? Vidi ipſe, vidi, & manibus hiſce admirabundus codicem tractavi, qui Tuam illam interpretationem continens, Tuâmet ipſius manu non ineleganter eſt deſcriptus. Memini etiam, dixiſſe aliquando mihi Tuam Maieſtatem, Commentarios rerum abs te geſtarum, eſſe tibi inchoa- tos; quorum perficiendi voluntas, ſi quando à publicæ ſalutis curis respira- res, non deeſſet. O faxint utinam ſuperi, & Tu velis editione operis illius, tantis rebus geſtis partam gloriam cumulare! nam quid dicendo valeas, & ſermo quotidianus, & pauca orationes ex ore Tuo dicentis raptim exceptæ, arguunt, inimitabili quodam genere graves, & cum admirabili ſuavitate pa- rem præ ſe ferentes maieſtatem. Eat nunc ſui oſtentatrix Vetuſtas, & Julii Cæſaris jactet eloquentiam. Cæſari in privatis Laribus nato, in ea civitate educato, in qua ad conſequendos honores plurimum vis dicendi valebat, & neceſſa-

necessarium hoc fuit à literis præsidium, & facile parabile; Tua Majestas pro- 1609.
 fatoribus orta Regibus maximis, non ambitu neque suffragatione Imperium
 meruit, sed nascendo. Cæsar ad Reipublicæ gubernacula serò, & jam ætate
 grandis accessit; Tua Majestas, quum jam inde à prima adolescentia in ipsam
 bellorum civilium flammam incidisset; ubi semel negotiorum fluctibus cœpit
 mergi, nullum exinde tempus, nullum diem, nullam, penè dixerim, horam
 à gravissimis curis & sollicitudinibus liberam habuit. Nam quis bella à Te
 gesta, quis pugnas, & pugnis numero pares victorias enumerare valeat? Quo-
 ties Tua Majestas cum hostibus acie instructâ & collatis signis, dimicaverit;
 quoties ex itinere & agmen ducens; quoties per aliam occasionem? Qua qui-
 dem in parte tantâ felicitate es usus, ut nullo unquam è conflictu nisi victor
 redieris: nunquam hostiles acies videris, nisi jamjam vincendas, aut jam per
 Te victas. Magnificum est, & longè gloriosissimum, quantum habueris ho-
 stium, tantum posse ostendere Te triumphorum. At invenient tamen pru-
 dentes alia in Tua Majestate, quæ potius quàm victorias mirentur. Majus
 enim profectò quàm vicisse est, causas vincendi in se habuisse; in quem finem
 & quatenus esset vincendum, quomodo victoriâ utendum, scivisse. Vicit
 olim Hannibal, vicit Marius, vicit Pompejus, vicit M. Antonius, vicere
 persæpe multi; quorum postrema primis quum non responderint, scire obvium
 est, plus illos Fortunæ, quàm suæ virtuti debuisse. Non in facto vera laus
 est; sed in eo quemadmodum fiat. Tua omnia gesta inter se congruunt; om-
 nia sunt unâ formâ percussa. Tibi quod imputet Fortuna, nihil quicquam
 habet. Vicisti, quia in Deo Exercituum spem & præsidium pio animo po-
 nebas. Vicisti, quia non solum lacertis, viribus & armis pugnabas, quibus
 plurimum Tui quoque inimici valebant; sed consilio, auctoritate, & causâ,
 quibus illi rebus Tibi pares non erant. Vicisti, quia cunctis perfecti Imperatoris
 artibus instructissimus, adversariis Tuis longè præstabas: omnium castrensium
 munerum numeros & callebas, & cum erat opus, obibas: laboris, inedia,
 algoris, vigiliæ patientiâ, & in excogitandis consiliis solertiâ, in exsequendis
 celeritate, omnes mortales anteibas: locorum opportunitates occupare, in bo-
 nis hære & habitare Tuis, Tuo tempore locoque prælium facere, hostem in
 alieno deprehendere, aciem ex usu disponere, & formam ex omnibus conve-
 nientissimam illi dare; vento, pulvere, Sole pugnare, admirabiliter nôras: in
 prælium quoties visa res postulare, primus ibas, prælio postremus excedebas:
 denique consilio Dux, exemplo miles eras. Hæ sunt artes, quæ ut vinceret,
 ut in potestate Fortunam haberes, Tibi præstabant. Hæc sunt, quæ magis
 in Te quàm Tuas laureas, illi mirabuntur, qui non ex eventis, sed ex antece-
 dentibus causis facta casusque magnorum virorum æstimanda nôrunt. Jam si
 urbes enumerare pergam, quas Tua Majestas, vel obsidione aut machinis ex-
 pugnavit, vel coronâ cepit, vel ingenioso aliquo stratagemate decepit, vel
 deditione accepit;

Antè diem clauso componet Vesper Olympo.

Ego verò animi Tui prope inauditam magnitudinem, non adeò ex iis, quas
 cepisti, urbibus posse intelligi contenderim; atque ex iis, quas capere quum
 posses, noluisti. Gaudeant sanè alii oppidorum everfionibus atque excidiis;
 augeant inde suæ superbiæ titulos: Tua Majestas, bono humani generis na-
 ta, amplificatis, non labefactis; ditatis, non quassatis; servatis, non deletis
 urbibus, & vult propter ingenitam bonitatem, & potest propter incompara-
 bilem fortitudinem, pari felicitate junctam, verè gloriari. Sunt igitur Prin-
 cipes alii Poliorcetæ, ut volent; dum Tibi, DOMINE, divinum illum, &
 longè

1609. longè gloriosissimum ΣΩΤΗΡΟΣ ac CONSERVATORIS titulum relinquant. Nam cui potius quàm Tibi hoc cognomen conveniat? qui bellum semper aliorum pace mollius gessisti: qui nunquam non maluisti, fortunæ Te pœniteret Tuæ, quàm victoriæ tæderet: quem universæ Galliæ civitates, & quas cepisti, ut servares; & quas non capiendo servasti, salutis suæ auctorem, vitæ, libertatis, & omnium fortunarum uno ore prædicant Conservatorem. Ne de aliis nunc dicam, hæc ipsa Urbs, hæc Regia Tua, & tot Provinciarum Caput; hæc Justitiæ & Musarum sedes, hic Europæ ocellus, Lutetia Tua, illa quidem fidei suos erga Principes semper tenax, sed non semper libera, utròque à Te servata modo, utra ex causâ plus Tibi debeat, incertum habet. Deum immortalem! quæ fuit illius diei species, quo Urbem nec opinantem, tot armatorum millibus stipatus, composito, & modesto ingressus agmine, sine ullo terrore, sine ulla direptione, sine ulla noxa Tibi illam asseruisti, libertatem suam ipsi reddidisti; hostem externum, cujus præsidio captiva tenebatur, sine tumultu, sine cæde, sine sanguine, partim novitate exempli, cui simile nihil ætas ulla unquam viderat, attonitum & stupentem; partim nominis Tui terrore perculsum, & virtutis tuæ fulmine afflatum, exire præcipitem, & longè terrarum facessere coëgisti! Quis tantæ rei miraculum animo capere, nedum eloqui satis queat? Cujus urbis ruinam omnes timuerant; eam sola lætitiæ significatio declaravit esse commotam. Ut enim vilis calculus decoctus, in smaragdum mutatur; ita miles tuus, etsi longâ patientiâ irritatus, egenus, victor & triumphator; Tuis tamen moribus temperatus, Tuo exemplo formatus, Tuâ prohibitione cohibitus, Cato-ne abstinentior, Xenocrate evasit continentior & castior. Victorem igitur Te Lutetia vidit & obstupuit; ipsa se victam esse non sensit. Urbem tu cepisti; ipsa se captam esse non credidit: nihil enim eorum neque Tibi, neque Tuo exercitui voluisti licere, quæ victori in victos licent: nihil igitur illa eorum est experta, quæ captis oppidis belli jure accidunt. O fortunatum, ô auspicem publicæ salutis diem! Panduntur jussu tuo valvæ Ædium sacrarum: recta è porta Majestas Tua quod in Urbe augustissimum est Templum, adit: aris advolutus, auctori hujus Imperii & fundatori, DEO OPT. MAX. gratias agis: Tuum exemplum populus Tuus certatim æmulatur: fit concursus undique: quid multa? junguntur cives civibus, & sub uno capite diversa Reipublicæ membra coalescunt: victores & victi pari ambo fruantes gaudio, uno concentu, uno clamore, lacrymis præ gaudio per genas manantibus, PATREM PATRIÆ Te consalutant. O diem ad perpetuam rei memoriam à prudentissimis Ordinis amplissimi Patribus meritissimè consecratum! cujus lætitiâ, gaudia, gratulationes atque exultationes nemo tantâ est vel ingenii copiâ, vel facundiâ, qui possit enarrare. Adhuc tamen nonnullorum mentes, quos prava consilia & fervida temeritas ab officio longius abduxerant, stimulabat ille metus, ne si in tuo victoris animo, & rerum jam potentis, sensus aliquis præteritarum injuriarum, ut sit, resideret, malè sibi foret consultum. Multa illi quidem de Tua benignitate & indulgentia audiverant; sed terrori nihilominus erat commune illud vincentium sive jus, sive error, summum victoriæ fructum in vindictæ licentia ponentium. Igitur inter spem metumque ancipitibus cogitationibus fluctuantes, latari palàm, dolere in sinu: modò bene sperare, modò tremiscere. Eloquar, an silebo? Sed tacere me rei magnitudo non sinit: dicere gestientem verba deficiunt meritis paria Tuis. Equidem hoc loco si Poëta essem, pectus æreum mihi optarem, centum voces, & linguas in carmina centum; si Orator, enthymemata Demosthenis, aut opulentiam Tullii: nunc qui nec Poëta sim, nec Orator, verbis

bis potius utar Johannis Papæ ad Carolum Imperatorem scribentis, atque il- 1609.
 lud audenter dicam; non si omnia sylvarum ligna vertantur in linguas, suf-
 fecturas tamen commemorandis clementiæ exemplis, quæ super humanam
 evecta fidem, in ipsa victoria, aut jam victrix Tua Majestas edidit. Clau-
 dius quondam Imperator in Senatu Romano Romuli conditoris Imperii ad-
 mirandam fuisse sapientiam, hoc argumento probavit; *quod plerisque populos
 eodem die hostes, dein cives habuisset.* At quantò, bone Deus! major fuit
 Tua sapientia, moderatio & clementia, qui etiam inter arma, etiam in acie
 persæpe, malè sanorum civium, & micantium gladiorum mucronibus Tuum
 latus petentium, quàm maximè poteras, sanguini pepercisti? postea verò quàm
 quicquid fuerat inimicorum devicisses, ipsius victoriæ victor, sic repentè præ-
 teritarum noxarum memoriam deposuisti, ut non solum victos omnes eà ipsà
 horâ pro civibus haberes; sed hoc amplius, in pristinos honorum & digni-
 tatum gradus omnes Edicto restitueres; multos inter ministeria Tua admitte-
 res; multos in amicitiam & intimam familiaritatem Tuam reciperes. Qui
 principem gratiæ locum apud Te quum ex illo tempore semper obtinuerint,
 & nunc quoque obtineant; documento omnibus sunt, quàm sit Tua Ma-
 jestas in offensis exorabilis, in accipienda satisfactione facilis, in reconciliata
 gratia fidelis: non enim facile solum, sed etiam semel placari soles. O ni-
 veum, ô aureum pectus! ô animum verè magnum, cui remedium injuriæ,
 oblivio est; non ultio! ô mentem, ut verbo omnia complectar, verè re-
 giam! Post tot victorias, tot inusitatæ merita clementiæ, quum jam omni-
 bus, qui ubique sunt, mortalibus esset expressa confessio, scire Te vincere,
 scire Tuos hostes debellare, scire debellatis parcere; unus restabat scrupulus,
 qui Tuorum animos, otii & quietis cupidissimos, non parum angebat; quòd
 an scires gloriæ bellicæ modum statuere, adhuc ignorabamus. Veniebat in
 mentem, naturæ legem perpetuam hanc esse, ut quibus artibus ingens ali-
 quis decus sibi quæsit, eas plurimum adamet, eas libentissimè exerceat, ab
 iis ægerrimè revocetur. Cogitabant præterea homines, rem unicam esse glo-
 riam, cujus honestâ quidem, sed insatiabili avaritiâ optimi quique Principes,
 & maxima ingenia teneantur. Te igitur bellicis à puero innutritum laudibus,
 ne materia deesset triumphorum, antiqua Majorum Tuorum jura repeten-
 tem, bella ex bellis gesturum, neque aut Tibi, aut Tuis ullam quietem indul-
 surum. Hi tum vulgi sermones erant, hic timor etiam eorum, qui supra
 vulgus sapiunt: nondum videlicet Tuarum omnium virtutum plenum jubar
 refulserat: nondum Tua Majestas præstantiam suam totam patefecerat. Ut
 Sol, quoties ab axe altero ad nos accedit, non repentè totam sui caloris vim
 in nos infundit, sed paullatim ex usibus nostris eam dispensat; sic Tua Ma-
 jestas cœlestem illam mentis altitudinem non statim, verum temporibus suis
 & judicio certo exeruit: prodesse enim Tuis, non admirationem Tui conci-
 tare voluisti. Itaque ergo quantus esses bellator, quàm clemens victor, scie-
 bamus; illud nesciebamus, pacis & belli rationes, naturâ suâ res diversissi-
 mas, ex æquo Tibi esse notas, & prout Tua dignitas, aut Tuorum utilitas
 postularet, hoc aut illam probare. Merito Tuo, DOMINE, omnis Te
 ordinis homines ore celebrant, devotione venerantur, amore complectuntur.
 Tu bello externo, quod credebatur fore multò diuturnius, finem non magis
 Tibi quàm universo nomini Gallico gloriosum, imposuisti. Tu bello civili
 extincto, quod metuebatur fore perpetuum, omnes turbas in tranquillum
 redegisti. Tu pacem, pacem almam, pacem augustam, pacem omnium
 bonorum largitricem, nobis dedisti. Tu urbes civibus, cives urbibus, cul-
 tum agris, honorem sacris reddidisti. Tu vim legibus, judiciis auctorita-
 tem,

1609. rem, Ordini amplissimo suam dignitatem, Ecclesiasticis debitam reverentiam restituiti. Tu tranquillitatem domi suas artes exercentibus, securitatem itinerum peregrè proficiscentibus, commoditatem navigerorum fluminum commercia agitantibus, certam cuique rerum suarum possessionem præstitisti. Quæ beneficia etsi videntur, & reverà sunt maxima; aliorum tamen meritorum erga nos Tuorum, magnitudine longo superantur intervallo. Annon enim omnibus antè dictis est majus, quòd civium animos, longinquitate bellorum civilium mirandum in modum efferatos, ad concordiam & amorem mutuum perduxisti; eosque sibi invicem ignoscere, & præteritorum oblivisci, ignoscendo atque obliviscendo docuisti? Omnium verò maximum, præstantissimum, Deo acceptissimum est, quòd stabilità civili concordia, ad generis alterius concordiam, cujus desiderio contabescunt boni, primus Tu, D O M I N E, viam munisti. Et quis scit, an hujus quoque restitutæ gloriæ, quâ nulla potest major optari, ac ne cogitari quidem, superi piorum votis & suppliciis tandem exorati, Majestati Tuæ relervent? Magnum inceptum, arduum, & vix ab humanis viribus sperandum. Sed rerum à Te gestarum magnitudinem ignorant, qui alia Majestati Tuæ putant convenire incepta, nisi magna, ardua, & à nemine mortalium, præter Te, exspectanda. Quid? hanc ipsam pacem præstare factam rectam, inconcussam, inviolatam, alius præter Te poterat? aut quum febrem sanasses, quæ Rempublicam vexabat, parum multa restabant *ἰατρικόν* Tuâ unius arte & industriâ curanda? Omitto bellum Allobrogicum è favillis prioris incendii conflatum; quod Tua Majestas eodem ferè tempore & suscepit, & confecit. Venisti enim, vidisti, vicisti: omitto coitiones alias, nullo strepitu, mirâ vigilantia à te disjectas. Nam ubi semel excelsò animo Tuo sedit, utilem rationibus Tuis, salutarem Tuis populis esse pacem; ostendisti eâ Te esse constantia, ut expugnare Tuum propositum nemo posset; eâ futuri prospicientia, ut omnes impendentium motuum causas, priusquam exoriantur provideas; eâ virium potentia, ut omnibus prospicias, & invitus cogi ad bellum non queas. Tumultuentur igitur pacis Tuæ inimici; moliantur quicquid volent: tam citra Majestatem Tuam eorum impetus deficient, quàm ipsi infra Tuam iram sunt positi. Nemo sibi stultè adeò blandiatur, ut altam hanc animi Tui tranquillitatem, rem putet esse precariam, de alieno arbitrio pendentem. Nullum est magnitudinis Tuæ certius argumentum, quàm nihil posse ei, quo instigetur, accidere. Sic quum inferior pars mundi in tempestates subinde impellatur; quæ supra Lunam sunt, propinqua sideribus, manent in suo statu, semperque illic serenum est.

*Lege Deum minimas rerum discordia turbat,
Pacem summa tenent.*

Quid nunc commemorem, hoc alto pacis Tuæ otio quemadmodem utaris, & quibus illud curis impendas? quod quidem Tuarum laudum ingens pelagus si semel ingrederer, vereor ut orationi meæ exitum possem invenire; adeò est ea materia ad dicendum benigna. Ostenderem nullam esse Reipublicæ partem, quam non reformaris, non ornaris; ad cujus splendorem non aliquid utile pariter & magnificum excogitaris. Dicerem, literarum studia & pacis omnes artes penè ex oblivione per Te revocatas, nunc cum maximè per Te florere: multa insuper artificia in hoc regnum & hanc regiam, magno Tuorum subditorum bono, à Te primo esse investa; & ut suam illis sedem assignares, alteram velut urbem in hac urbe esse exstructam. Enumerarem tot ingentium operum stupendas moles; tot in Urbe, tot ad Urbem, tot per omnes Provincias superborum ædificiorum substructiones, partim inchoatas aut jam profligatas, partim

partim omnino perfectas; tot pontes fluminibus impositos, tot vias resectas; 1609. portus noviter jussu Tuo institutos; flumina fluminibus juncta in usum commerciorum. Referrem qui sit Tuæ Majestatis etiam in hac ætate vigor, perpetuo gaudens motu; cui si quando levare animum ab influentium negotiorum cura lubeat, instar cessationis est, lustrare saltus, excutere cubilibus feras, equum agitare, arma tractare. Narrarem denique, rerum gestarum magnitudine, famâ prudentiæ, æquitatis & fortitudinis, maxime autem per hanc ipsam pacem, in illud gloriæ fastigium Tuam Majestatem esse evectam, ad quod nullum Principem à multis retrò sæculis neque vidimus, neque audivimus, ac ne legimus quidem pervenisse. Nam qui locum principem inter Christiani nominis Reges unâ cum successionem hujus regni à Majoribus Tuis accepisses, virtute effecisti Tuâ, ut hanc honoris tanti prærogativam non magis sanguini Tuo, quàm propriis in Rempublicam universam Christianam meritis Tuis deberi, omnes agnoscant, omnes fateantur. Te Principes potentissimi suspiciunt; Te Reges latissimè dominantes mirantur; ipse cum primis Pontifex Maximus Tuâ amicitia gloriatur. Tibi Serenissima Venetorum Respublica tranquillitatem suam fert acceptam; & cum Pontifice factam gratiam, Tuum interpretatur munus. Te Fœderatarum Provinciarum Illustrissimi Ordines, suæ libertatis defensorem, suæ pacis conciliatorem, sui Imperii protectorem, pleno ore profitentur. Tibi assurgit quicquid ubique mortaliū colitur. O salve, pacis magne auctor; periclitantium portus; rerum in Europa, salo & errore dudum fluctuantium, unica ancora. Veneror DEUM OPT. MAX. ut quâ benignitate hætenus cum Tua Majestate egit, eadem porrò constanter agat. Sis semper domi fortunatus, semper in publicum felix, semper augustus, semper concordia suavor idem & vindex; Orbis denique Christiani semper sis arbiter.

P R Æ F A T I O

I N

P O L Y B I U M,

Commentario præmissa.

TRIUM Polybii partium, quas nostra hæc editio separatas exhibet, sola 1609. est tertia, quam nemo ante nos, quod equidem sciam, verterat. Priorum duarum Latinam interpretationem non defuerunt qui aggredierentur; ut dissimili proposito, ita successu dispari. Primos quinque libros annis ab hinc circiter CLX. Nicolaus Perottus, Saxoferratensis, postea Archiepiscopus Sipuntinus, jussu Nicolai Quinti, Pontificis literarum amantissimi, Latinam fecit. Partis secundæ Eclogas, quum Wolfgangus Musculus patrum memoriâ primus omnium esset interpretatus; non multò post, Pompilius Amaseus, Romuli filius, cur telam eandem denuò retexeret, justam se causam habere putavit. Neuter tamen horum Eclogam libri sexti secundam, quæ est de Militia Romana, à Jano Lascari conversam, ausus post illum tentare: quod fecit postea Justus Lipsius, & novam ejus fragmenti translationem edidit. Hi sunt, opinor, qui ante nos hujus utcumque decursi à nobis curriculum, partem aliquam, majorem alii, alii minorem decucurrerunt: omnes viri eruditissimi, & propter scripta sua, quæ in hoc, aut alio genere litera-

1609. *literarum ediderunt, suis sæculis inter columnina Reipublicæ literariæ habiti. Ne quis igitur consilium nostrum calumniatur, aut levitatis nos arceat, quasi actum agere post tam illustria nomina, sine justa causa instituerimus; visum est faciendum, ut de priorum interpretationibus quæ nostra sit sententia, in hoc vestibulo operis exponeremus: quod quidem sine invidia, sine succo lolliginis, eâ simplicitate & animi equitate sumus facturi, ut bene actum iri nobiscum putemus, si possumus impetrare ab hodiernis ingeniis, ut parem candorem ad judicandum de nostris lucubrationibus adhibeant. Nos beneficio Dei ita nati sumus, ita ab optimo & sapientissimo parente educati, ut per alieni nominis ruinam velle crescere, quod scelesti quidam hodie faciunt, ingentis piaculi loco semper duxerimus: ultimamque adeo furoris lineam esse, à puero crediderimus, per turpitudinem velle splendere.*

- - - Tanti mihi non sit opaci
Omnis arena Tagi, quodque in mare volvitur aurum.

Sed ad rem. Igitur, ut à prima parte ordiamur, Nicolaus Perottus, ejus Interpres, literarum Latinarum, quas per diu docuit, exquisitè, ut illa erant tempora, fuit peritus, & cum primis curiosus; quod ingens ille in Martialem Commentarius, sub titulo Cornu copiae ab eo editus, ostendit. Erat præterea in hoc viro non vulgaris industria in Græcis ita vertendis (quæ quidem intelligeret) ut nullum persæpe Græci idiomatis in Latina ejus versione vestigium appareret; quam interdum esse opus αὐτοῦ τις dicas, non alieni interpretationem. Quod si par fides responderet, inter excellentissimos Interpretes poterat sine dubio Perottus recenseri. Est operæ pretium scire, quo favore hominum fuerit ipsius versio excepta, eo, quo edita est, sæculo. Paulus Jovius in ejus elogio, postquam dixisset, translatus ab illo Polybium, hæc verba subjicit: Non defuere tamen ex æmulis, qui ejus Auctoris translationem antiquissimam fuisse, furtoque surreptam existimarent; quod Thucydidem, Diodorum, Plutarchum, & Appianum, clarissimo ingeniorum certamine conversos, unus Polybius egregiâ fide Latinus, æqualiter & prædulci Romani sermonis puritate prorsus antecedit. Vides adeo consentiens fuisse omnium de præstantia hujus versionis judicium, ut etiam Perotti æmuli atque inimici fidem illius & elegantiam admirarentur: ratio autem est, quia nemo illis temporibus Italicorum erat, qui amplius Græcè sciret, quàm hic Interpres; pauci qui tantum, quantum ille. Nos verò è contrario affirmamus, Perottum à fidelis Interpretis laude tantum abesse, quantum qui longissimè. Quod enim hodie plurimis usurvenire videmus, ut postquam primis Græcæ linguae præceptis fuerunt imbuti, & communissima quæque vocabula Græca incipiunt intelligere, perfectam ejus linguae sibi videantur esse adepti cognitionem, qui reverâ vix in cortina adhuc adsistunt; planè videtur etiam Perotto accidisse. Cui si venisset in mentem cogitare, quantum ab ea notitia Græci sermonis abesset, quæ Polybii interpretationem professo est necessaria; ne Attalicis quidem conditionibus à Nicolao Pontifice potuisset adduci, ut cujus Auctoris ne unam quidem paginam rectè intelligebat, ejus interpretationem in se susciperet. Quum autem docuerimus, nullâ dote insigniorem esse Historiam Polybii, quàm accuratâ pugnarum descriptione, & omnium eorum explicatione, quæ ad rem militarem & Tacticam pertineant; nullo pacto ferendus aut excusandus est hic Interpres, homo bellicarum rerum & totius Tacticæ adeo rudis & imperitus, ut qui in cæteris partibus Historiæ Polybianæ multa nesciret, in descriptionibus præliorum omnia ignoraret, omnia peccaret; atque eadem operâ tanto Scriptori,

ptori, quod erat ferè præcipuum ejus decus, adimeret. Omnino prælium 1609. nullum, facinus militare nullum à Polybio fuerat paullo diligentius narratum, in quo gravissima & momenti maximi peccata ab hoc Interprete non sint admissa: qui quidem ἐν τῇ αὐτῇ & disciplinæ Τακτικῆς propriarum vocum omnium significationes quum nesciret, vel eas omisit, vel quidvis aliud, pessimo exemplo, pro verbis Polybii substituit. Sic paginâ hujus editionis CCCXXXV. qui non intelligeret illas locutiones, ἐξ ὑποστροφῆς ἀναχωρεῖν, se recipere sensim relato pede; item, πρὸς βλήμα πηλοῦ πῦρ πηλὸν, quod etiam dicitur ἐν πρὸς βλήμα πηλοῦ, munimenti loco flumèn objicere, gravissimi loci sententiam corruptit, & quod in memorabili Hannibalis facinore notaverat unicè Polybius, in versione Perotti est dissimulatum. Verba Polybii sunt: οὐδὲν ὅτι πραγματικῶς καὶ νομιστικῶς ἐξ ὑποστροφῆς ἀναχωρήσαντι Ἀννίβει, καὶ πρὸς βλήμα πηλοῦ πῦρ πηλὸν κατὰ ἄμφον πηλὸν, καὶ περὶ τῶν πηλῶν ἀβέβαιον οὐσημιῶν πῦρ κύνειον. quæ ita Perottus vertit: Verùm Annibal prælio abstinuit, & callidè hostibus cedens, castris supra ripam Tagi locatis, equitibus præcipit, ut cùm hostem aquam ingressum viderint, adoriantur peditum agmen. Quàm aliud Græca, aliud Latina sonant? neque id mirum; nam Perottus securus verborum Polybii, Liviana eorum loco inferfit, ex illius lib. XXI. atque hac licentiâ ille quum passim utatur, ne tum quidem eâ abstinuit, quando Polybii & Livii narrationes non consentiunt. Sic libro eodem pag. CCCXXXV. ut unum è multis exemplum asseram; quia non capiebat, quid esset in Τακτικῇ disciplinâ, ἐκπεριπαγῆ ἐκ πορείας, deflexio ex itinere recto, in dextram aut levam partem; nec magis intelligeret vocem ὑποστροφῆς, applicare se colli aut parieti, & prætexere sic ut minimè appareas, quod vernaculus sermo elegantissimè appellat, tapir, pessimè hæc Polybii verba expressit, aut potius, nullo modo expressit: τὰς ὅτι βαλίας καὶ λογχοφόρος ἡ τῶν πρὸς πορείαν ἐκπεριπαγῶν, ὑπὸ τὰς ἐν δεξιᾷ βάνες τῶν πρὸς τὴν αὐλῶνα κερμῶν, ἐπὶ πολὺ ὁρμητικῶς ὑποστροφῆς τὰς ὅτι ἰπποῖς καὶ τὰς κελύξας ἐμῶν τῶν ἐκπύων βανῶν κύκλῳ περιαγῶν, περιζήτην συνεχεῖς, ὥστε τὰς ἐχάτας εἶναι καὶ πᾶσι τῶν εἰσόδον, τῶν πρὸς πῦρ τῶν λίμνῶν, καὶ πρὸς πορείας φέρσων εἰς τὴν περὶ πηλοῦ πόρον. Pro istis omnibus hæc posuit Perottus: Baleares, omnemque levem armaturam post colles circumducit: equites cum Gallis in ipsis angustiis locat: ut simulac intrassent Romani, objecto equitatu, clausa omnia lacu & montibus essent. Obsecro, hoc vertere est, an pervertere? Ubi fides? ubi pudor? Sed fidus hic Interpres pro iis, quæ non assequebatur, Livii verba reposuit: quem nos demonstravimus in Commentariis nostris, adeò sui dissimilem in hac pugna describenda fuisse, ut à mente Polybii simul & à vero aberraret. Quis igitur Perotti imprudentiam, ne quid gravius dicam, in hoc & similibus locis, satis miretur? Sed ut intelligant militaris literaturæ studiosi adolescentes, quàm necessaria fuerit Polybii Interpreti rerum Τακτικῶν accurata cognitio, & quàm multa Perottus ejus disciplinæ ignorance, aut prætermittere fuerit coactus, aut pessimè sit interpretatus; age prælii alicujus descriptionem examinemus, & singula Polybii verba pressius expendamus. Ea, si lubet, esto pugna, quâ Antigonus Cleomenem ad Selasiam devicit: habetur sub finem libri secundi, estque à Polybio paucis verbis elegantissimè descripta. Ait Polybius initio ejus descriptionis, pag. CCIX. τὸ ὁδὸν μετὰ τῶν πρὸς τὴν οἰνῶντα πηλὸν φερέσων εἰς τῶν Σπάρτης. Perottus sic: Via inter hos media est, quæ per ripam profluentis fluminis ducit Spartam. Quia nomen οἰνῶντα formam habet participii, putavit esse, & vertit profluentis. Sic iterum mox, περὶ τὴν οἰνῶντα πηλὸν, non longè à ripa fluminis. Ut certum sit, nescisse illum amnis hoc esse proprium nomen. Hæc Livii sui eum meminisse oportuit, & horum illius verborum libro XXXIV. Quintus satis

1609. jam omnibus paratis, profectus ab stativis, die altero ad Selasiam, super Oenunta fluvium pervenit: quo in loco Antigonus, Macedonum Rex, cum Cleomene, Lacedaemoniorum Tyranno, signis collatis dimicasse dicebatur. Sequitur apud Polybium: ὅτι μὲν τὸν Εὐαὶ ἔπαξε τὰς περὶ αὐτὸν συμμάχους. Perottus: In Evam gregarium militem ac socios posuit. Atqui non dicit Polybius: τὰς περὶ αὐτὸν συμμάχους, sed τὰς περὶ αὐτὸν συμ. id est, auxilia sociorum finitimorum. Verum de voce περὶ αὐτὸν plura in Commentariis ad hunc locum. Polybius; ἐν ᾧ τὰς ἐπιπλοῖας πρὸς τὸν Πύλαμον ἐφ' ἑκάστης τῆς ὁδοῦ τὰς ἱππεὺς μὲν μέρους πρὸς τὸν Μιδοφόρον περιέβαλε. Perottus: Equites autem in planitie, supra utramque fluminis ripam, cum parte mercenariorum collocavit. Omisit illa τῆς ὁδοῦ; quæ verba esse otiosa, & nos, cum ista interpretabamur, putavimus: sed mutavimus sententiam, & libris suadentibus, & re ipsâ. Vertendum erat: ad utrumque viæ latus. Addit Polybius, Antigonum locorum naturam contemplantem, Cleomenis rationem in exercitu disponendo, quam ipse στρατοπεδίασιν vocat, vehementer laudasse, & judicasse, non potuisse commodius aut prudentius neque peditem locari, neque equitem; sed singulas exercitus partes convenienter naturæ suæ, & ingenio loci fuisse dispositas, cum ad cavendum, tum ad nocendum. Hanc sententiam pulcherrimo & appositissimo simili Polybius ita exprimit: σωτηριώδεις τὴν τὴν τύπαν ἐχυρότητα, καὶ τὸν Κλειομένην πᾶσι τοῖς οὐκ αἰσίου μέρους τῆς διωκόμενης ἄτης ὁδοῦ πρὸς τὴν ἀσφάλειαν τὰς διακρίσεις, ὥστε πρὸς ἀσφάλειαν εἶναι τὸ οὐκ αἰσίου σχῆμα τῆς στρατοπεδίας τῆς τῶν ἀγαθῶν ἐπιλομάχων πρὸς τὴν ἐξουσίαν τῶν πρὸς ἐπιπλοῖαν αἶμα καὶ φυλακὴν. ἀλλ' ὡς ὁρᾷ πρὸς τὴν ἐκτελέσειν ἐκείνης, καὶ περιμετρεῖν δυσπρόσιτον. διὸ καὶ τότε μὲν ἐξ ἰσοδύναμις καὶ ἀσφάλειας καὶ συμπερίεως πρὸς τὴν ἀσφάλειαν. Perottus, qui non intelligebat quid esset ἐπιλομάχων πρὸς τὴν ἀσφάλειαν, id est, positio lanistæ, sive magistri tractandorum armorum, ictum meditantis, ac simul ab ictu sibi caventis; nos vocamus posture, vel demarche; vafro compendio ex hoc loco se ita explicuit. Antigonus, uno tempore & difficilem locorum situm, & miram Cleomenis in disponendo exercitu industriam conspicatus, quippe qui nullum optimum Ducis officium prætermiserat, abstinendum sibi prælio in præsens tempus existimavit. Quemadmodum autem vocem πρὸς τὴν ἀσφάλειαν hic non intellexit, sic alibi ignorans quid esset βασίς, vel sarissæ καὶ ἀσφάλειαν, falsissimam & ineptissimam Polybio sententiam affinxit. Locus est libro v. pag. dxcv. in accurata descriptione pugne ad Raphias. Ait ibi Polybius: διὸ καὶ καὶ ἀσφαλὲν πρὸς τὴν ἀσφάλειαν οἱ περὶ τὸν Ἀνδρόμαχον καὶ Σωσίβιον ἐπὶ τὸν ἄνδρα. id est, Andromachus & Sosibius repente sarissis inclinatis, in hostem duxerunt: est enim καὶ ἀσφάλειαν, βασίς, quæ in itinere super humerum imposita fertur, aut erecta, aptatio ad inferendum ictum, & protensio. At Perottus sic: qui cum Andromacho & Sosibio erant, abjectis repente armis, fugæ sese commiserunt. Potuitne magis è diametro cum Polybii sententia pugnare? Sed redeo unde sum digressus. In proxime sequente periodo quid esset λαβὴν πρὸς τὸν ἀνδρα, de fluvio, quod modò exponebamus, omisit, ac simul prudentiæ Antigoni magnum argumentum reticuit. Pari fide tractatus hic, qui sequitur, locus eximius: αἶμα ᾧ καὶ πρὸς τὸν ἀνδρα πρὸς τὸν ἀνδρα πρὸς τὸν ἀνδρα. Solent Duces prudentes, ut hostem incautum & imparatum deprehendant, aliud simulare, aliud agere. Si equitatu pugnare decreverint, dant significationem quasi pediatu rem sint gesturi. Si à tergo velint aciem hostilem adoriri, dant operam, ut suæ aciei frons hostem assidue moretur, velut jamjam pugnatura. Sic in urbium oppugnationibus, quando aliquam portam aut murorum partem omnibus viribus sunt invasuri, ad partem oppositam & remotissimam, copiarum portionem aliquam ostendunt, ut à sensu ejus, quod paratur, sicut alicubi Curtius ait, mens oppidanorum alibi occupata avocetur. Hoc Polybius

bis appositissimè dixit, περὶ δὲ αὐτὸν πᾶς ἐπέβλεψεν, & finem, quem exposuimus 1609. spectare, appellat πρὸς τὸ μέλλον ἐκκαλεῖσθαι πᾶς ἐπινοίας. Quo igitur Perotto mens, ita vertenti? postea laceßere ad prælium hostes tentavit. Sequitur; & δυνάμει & λαβὴν ἔδεν ἄργον ἔδ' ἔχοντες, ἀλλὰ τὸ πρὸς πᾶν ἑτοίμως ἀνικνέουσιν τὴν κλειδίαν, & τῆς αὐτῆς ἐπινοίας ἀπέστη. Perottus: sed quum nullum prorsus vacuum custodiâ locum offenderet; siquidem omnia Cleomenis providentia diligentissimè construxerat, ab incepto destitit. Omittit alteram duarum istarum vocum, ἄργον & ἔχοντες: quæ translatae sunt à singulari certamine; & de eo dicuntur, qui ita consistit contra adversarium, ut nullam corporis partem habeat, quæ scuto, vel aliis armis non tegatur: quod summus Poëta appellat, in arma sua se colligere, ut,

Substitit Æneas, & se collegit in arma
Poplite subsidens.

Et alibi:

Bellis acer Halesus
Tendit in adversos, seque in sua colligit arma.

Libro III. pag. CCCXXII. καθάπερ ἐπὶ τῇ κατ' ἄνδρα καὶ ζῷον ἀγωνισμάτων, διὰ τὸν μέλλοντα νικᾶν σιωπῆσαι, πῶς δυνατὸν ἐφικέσθαι & σκοπεῖν, καὶ τί γινόμενον, ἢ πῶς ἔχοντες μέρει φαίνεσθαι τῶν ἀνταγωνιστῶν, ἔτω καὶ τὰς ὑπὲρ τῶν ὅλων περιεσῶτας σκοπεῖν. At verbum ἀνικνέουσιν quàm insulse expressum est, aut potius dissimulatum? Est autem ἀνικνέουσι motus, motui adversarii respondens; quo cavetur, ne aut latus, aut tergum possit ferire, manente semper fronte fronti obversâ. Mox, σιωπᾶσαι ἢ τύχη, non est conjunxerat, sed commiserat, ut cùm paria gladiatorum inter se committuntur, aut alii aut agonistæ. Notum quid Romani commissiones appellent. Sequitur: πρὸς μὲν ἂν τὰς κατ' εὐαν ὁ βασιλεὺς ἀντίταξι & Μακεδόνας τὰς χαλκασίδας, καὶ τὰς Ἰλλυρικούς, καὶ τὰς περὶ τὰς ἐσθλάς περὶ γὰρ. Perottus: Iis, quos in Eva collocatos diximus, Macedones scutatos opponit: item Illyricos, cohortesque in plures partes divisas, alternatim disponit. Vox scutatos Græcam non exprimit; quæ propriam scutorum speciem in militia Macedonica significat: qua de re multa in Commentariis. Cætera pessimè sunt expressa: estque errorem librorum secutus, qui habent καὶ πᾶς περὶ τὰς, pro eo, quod edidimus, κατ' πᾶς. Nam vox περὶ τὰς referenda ad Illyrios, quorum fuit proprium, catervatim pugnare, & copias suas dividere in parvas manus, quas περὶ τὰς appellare solet Polybius. Initio libri huius de Illyriis: χρησίμοι τῇ παρ' αὐτοῖς ἐπιστάσει πέσαι, περὶ καὶ περὶ τὰς περὶ τῶν Ἀιτωλῶν στρατοπέδων. Inde, qui parvis manibus pugnant, dicuntur, σπειρὸν μάχης, quod genus unum est tam seriæ quàm ludicræ pugnae. Strabo, lib. III. τὴν δὲ καὶ ἀγῶνας γυμνικούς καὶ ὀπλητικούς καὶ ἵππικούς, πυγμὴν καὶ δόρυ, καὶ ἀκροβολισμῶν, καὶ τῇ σπειρὸν μάχῃ. & Polybius in nona historia de Romanis: τῶν περὶ κατὰ σπείρας περὶ πτόντων. Ex Perotti versione intelligi non potest, catervas sive cohortes istorum Illyricorum fuisse equitibus permixtas: de quo genere militiæ multa alibi observamus. Omittit mox Perottus hæc verba, καὶ συμπαράσθαι πρὸς τῶν Ἀχαιῶν χιλίας, καὶ Μεγαλοπολίτας τὰς ἰσὺς vitio codicum, opinor, quibus utebatur. Nisi tamen idèd omisit, quia vocem συμπαράσθαι non intelligebat. Est verò συμπαράσθαι, ad latus adungere, & longâ serie porrigere. Sequitur statim, περὶ τὰς ἂν τὰς μισθοφόρους, ἐπέστη διφάλαγγιαν ἐπὶ ἅλλῃ τῶν Μακεδόνων. Perottus: Deductis igitur in aciem mercenariis, Macedonum phalangem statim subsequi iussit: quippe locorum angustiae, ne secus fieret impediabant. Mirum hominis errorem; qui putavit φάλαγγα & διφάλαγγιαν idem esse. Saltem exponeret vocem ἐπὶ ἅλλῃ. Sed Perottus non magis scrivit, quid sit διφάλαγγιαν,

1609. aut τριφυλαγγία in *Tacticis*, quàm quod maximè ignorabat. Sic autem appellantur phalangis partes, in quas fuerit divisa, propter angustias, aut alias difficultates locorum; quod vel adjecta à Polybio ratio clarissimè docet. Vide *Ælianum*, capite xxxvi. Erit igitur διφυλαγγία ἐπὶ ἀλλήλῃ, phalanx una in duo agmina divisa, quorum alterum præit, alterum sequitur: ἀρχὴ δὲ πρὸς τὸν λόφον προσβολῆς, non malè vertit, si rem spectes, initium inchoandi certaminis: verba sonant, accessionis ad collem faciendæ, sive accedendi ad collem: περὶ τῆς ἀρχῆς ἡ τὴν πρὸς αὐτῇ τῇ δὲ λόφῳ ῥίζῃ, non est simpliciter constiterunt; sed id quod expressimus, progredi ad radices montis, & ibi adherere ac subsistere, tanquam è superiore loco suspensum. Ait Polybius: παρήγγειλαν δὲ πλεον τὸ δῖον εἰς τὸν ἱππικόν. Mos gravissimi huius Scriptoris est, quoties pugnam aliquam describit, in iis quæ communia sunt, adeò non immorari, quod solent alii Historici facere, quibus sua placet eloquentia, ut vix eorum verbo uno aut altero faciat mentionem: cuius rei hîc est exemplum; nam his paucis verbis significat, Reges & Regum Duces, suos quemque ad fortiter dimicandum esse hortatos. Vertimus igitur; sui que eos officii admonuere, quorum eæ partes erant. Perottus, qui in superioribus necessaria prætervolabat, hîc verbis non parcat. Sic ille: Hortantur pro tempore socios, ut fortes magnoque animo sint, victoriam sibi in manibus esse non dubitent. Post hæc omnes incredibili audaciâ ad expugnationem collis irrumpunt. En Livius est, quem putabamus esse Polybium. At illa interim dissimulantur, πάλιν δὲ ὁ δῖος ἀναδύσας αὐτὸς. Major & periculosior in proximis verbis est error, μαρτυρεῖται τὰς σπείρας τῶν Ἀχαιῶν ἐν τῷ κατόπιν εὐνῇ. Existimavit Perottus, σπείρας esse cohortes Achæorum; ac vertit, ubi animadvertere cohortes Achæorum omni subsidio nudas esse. Atqui jam dixit Polybius, σπείρας fuisse Illyriorum, qui propius hostem collocati subsidium à tergo habebant Achæorum. Verùm Illyrii ad collem accedentibus, quum interea Achæi se non moverent, eveniebat, ut Illyrii à suo subsidio longius abscedentes, terga nuda haberent. Sed hæc clarissimè in Commentariis sunt demonstrata. Omnes absurditates superat, quod jam dicemus. Subjicit Polybius, ei manui militum Antigoni, quæ Evam collem invadebat, restitisse à fronte Euclidem, qui è superiore loco in ipsos pugnabat; eodemque tempore mercenarios nitentium terga, quæ modo dicebat fuisse nudata, infestasse. Sic ille: ὡς ἂν τῶν μὲν πρὸς τὸν Εὐκλείδαν ἐξ ὑπερδείξις καὶ πρόσωπον αὐτοῖς ἐφεισάτων τῶν δὲ μετὰ τὸν κατόπιν ἱππικόν, καὶ προτεφύοντων τὰς χεῖρας ἱππικόν. Perottus, qui ignoraret, quod pueri scire debent, ἐξ ὑπερδείξις esse, è superiore loco, dexteram hîc comminiscitur: deinde huic imperitiæ parem audaciam adjicit, & ita vertit: Si quidem à dextera Euclides cum gregariis militibus à frontibus præstabat; à læva verò mercenarii milites de tergo pertinacissimè irruentes, impressionem faciebant. Habes hîc dexteram, habes lævam; quarum nulla apud Polybium mentio. Sed primus error fuit, quod putavit hîc Interpres, ἐξ ὑπερδείξις ἀπὸ τῆς ἀριστερῆς valere, à dextera hostem invadere. Sic paullo post hæc verba, καὶ μετὰ τὸν πρὸς τὰς ὑπερδείξεις αὐτὸν πῶς ἀσφαλῶς, ita reddidit; postea cum opus foret, ad dexteram conversos, confestim sese ad tuta recipere. Libro primo, pag. xliiv. pro istis, κατὰ λαβὸν δὲ λόφον ὑπερδείξιον μὲν τῶν πλεόνων, ἀφου δὲ ταῖς ἐαυτῶν δυνάμειν, ἐν τῇ τῇ κατὰ τὴν ἀριστερὰν, scripsit hæc: proximum collem hostibus quidem incommodum, sibi verò commodissimum occupaverunt: prorsus contra mentem Polybii, ex ignorance ejus vocis; quam semper aut prætermittit, aut interpretatur perperam. Saltem cogitaret rei absurditatem manifestissimam; cum versione suâ confundit frontem & latus dextrum. Nam quid, malum, sibi illa volunt, à dextera à frontibus? quid illud?

*illud? præstabat? Sed videtur Perottus instabat scripsisse. Porro dexteræ, 1609. quam sibi finxerat, levam planè de suo adjecit. En dignum Interpretem, quem propter fidem in vertendo tota Italia admiretur. Addit Perottus: quibus ex rebus accidebat, eos uno tempore ab utroque hostium agmine circumveniri. Ecce aliam audaciam: nam horum verborum ne vestigium quidem ullum est apud Polybium. Mox ista, περιόρου το μέλλον υποδεικνύειν ἐπιβά-
λετο τοῖς προέτοι το συμβεβηκότων, vertit, quod optimum factu erat excogitavit, idque aperuit Ducibus: in sententia quidem nulla absurditas; cæterum à verbis Auctoris longè disceditur: ut & in proximè sequentibus. Ait Polybius: ὁμοκαλέως τὰς ἐαυτοῦ πολιτικὰς ἐπέβαλε τοῖς πολέμοις τοῖς μὲν. Perottus nudita-
tem hujus sententiae non tulit; sed Rhetorum pigmentis adbibitis, sic vertit: Quapropter ad concives suos conversus; Parta, inquit, est nobis victoria, fortissimi viri, si me sequimini: factoque contra hostium equitatum impetu; audacissimè eos invadit. Polybius: οἱ προσκείμενοι μεθοόροι καὶ ἔραν τοῖς προσβαίνουσι: mercenarii, qui accedentium ad collem terga cædebant. At Perottus: mercenarii, qui de tergo expugnantes, collem infestabant. Neque satis Latine & ob-
scure. Ait Polybius, hoc Philopæmenis facinore milites Antigoni, qui in col-
lem nitebantur, liberatos incommodo, quod à tergo accipiebant, magnâ dein-
ceps alacritate ad ulteriora perrexisse. τούτοις δὲ συμβαλλόντων, ἀπερίσπαστον ἡρόμενον, πῶς πὶ τῶν Ἰλλυριῶν καὶ Μακεδόνων, καὶ τῶν ἄμα τούτοις προσβαίνοντων πληθόντων, ἐκθύμως ὄρμηται καὶ π-
ερὶ ῥηχότως ἐπὶ τοὺς ὑπεναντίας. Perottus vocem ἀπερίσπαστον non intelligens, quæ de eo dicitur, quem à proposito res nulla retrahit, vertit, per hunc modum turbatis hostium ordinibus, Illyrii atque Macedonii. Idem pag. CCCLV. ejusdem originis vocem ἀντιπίσπασμα non intellexit, cum ait Polybius: ἐκλι-
μένοι ποιεῖν ἀντιπίσπασμα τοῖς Κελταῖς τοῖς μὲν Ἀντίον τραυματιμένοις, id est, volentes retrahere Gallos, qui Hannibali merebant, ad tuitionem suorum finium. At Perot-
tus: ut Gallis, qui cum Hannibale militabant, vices redderet. Piget cate-
ra pugnae hujus persequi, & satis superque hæc fuerint arguenda imperitiæ hujus Interpretis omnium eorum, quæ ad scientiam armorum spectant. Omit-
to imperitiæ Criticæ; cujus ignari ad quidvis potius idonei censeari debent, quàm ad Veterum scripta dignè explicanda. Ad hæc ἐλαττωμένα accedit His-
toriae, sive Græcæ, sive Latinae, incredibilis in eo viro ignoratio: velut cum in hoc ipso de pugna ad Selasiam loco, non intellectis Polybii verbis, Philo-
pæmenem fugit tum esse occisum, qui juvenis tunc erat annorum circiter xxx. nec satis concessit ante lxx. atatis suæ annum. De eo igitur scribit Polybius pag. CCXIV. συνέβη τὸ μὲν ἵππον πρὸς τὴν πληγέντα καίριος αὐτὸν δὲ πρὸς μαχομένῃ πε-
πρὸς τὴν τραυματὴν βιάσθαι, δὲ ἀμφὶ τὴν μὲν: accidit Philopæmeni, ut equus ipsius lea-
liter vulneratus caderet; ipse inter pedites pugnans, gravi vulnere, trajecto utroque femore, afficeretur: quod & Plutarchus in ejus vita commemorat. Sipuntinus verò, male acceptâ voce περιπτεῖν; ita vertit: Ad extremum, utrumque crus sagittâ transfixus, cum incredibili animi robore exspiravit. Sed Perottus quàm esset rudis Historiæ, in primis statim Polybii verbis, quæ præ-
fationem excipiunt, insigni argumento palam fecit. Ista enim, ἔτι μὲν οὖν ἐισήκει μὲν τῶν ἐν Ἀἰγῶ ποταμῶν ναυμαχίαν ἐννακαίδεκάσεν, πρὸ δὲ τὴν ἐν Λεύκτροις μάχην ἐκκαίδε-
κάσεν, ἐν ᾗ Λακεδαιμόνιοι τῶν ἐπὶ Ἀθηναίων γενομένων ἐπὶ τῶν ἐκέρυσσαν, sic vertit: Annus erat post eam navalem pugnam, quâ Cimon Atheniensis Xerxem superave-
rat, decimusnonus; ante bellum verò in Leuctris gestum, quo Lacedæmonii pacem cum Rege Persarum inierant, sextusdecimus. Obsecro, eum qui in tam paucis verbis tam multa deliria comminiscatur; qui Athenienses ad Ægos potamos dicat victores extitisse, & quidem Duce Cimone; &, quod facetissimum est, de Xerxe; qui denique ignoret, quid sit pax καὶ ἐπὶ Ἀθηναίων, bunc*

1609. hunc aliquid in Historia Græca scrivisse putabimus? aut credemus posse ab eo aliquam saltem tolerabilem interpretationem expectari? Venio ad Partem secundam. Hanc, sicut dicebamus, Latinam primus fecit, paucis exceptis, Wolfgangus Musculus, non tam suâ sponte, ut ipse significat, quam alienorogatu. Non fuit in hoc viro, neque Græcæ, neque Latinæ linguæ ulla eximia peritia: erat enim aliis deditus studiis; & grandi jam ætate ad capiendum ingenii cultum accessisse ipsum accepimus. Defuit etiam Musculo illa, quam in Perotto commendabamus, industria in Græcis ita exponendis, ut Lectorem queat fallere, quasi ^{αὐτὸς} sit oratio, neque aliunde expressa. At simplicitate & fide Perottum longè superat Musculus; qui & ea, quæ intelligebat, & ea, quæ non intelligebat, uti poterat, expressit. Nihil videas illum studio prætermittere; nihil alienum substituere: quæ familiaria sunt supra modum Perotto vitia. In utroque voluntatem bene de literis merendi æqui iudices citius laudaverint, quàm effectum. Pompilii Amasæi versio duarum Eclogarum è libro sexto, primæ & tertiæ, edita est Bononiæ anno CIO DXLIII. hoc est, paucis annis prius quàm Musculus integræ Partis illius interpretationem susceperet. Majorem hic omnino Græcarum literarum cognitionem, quàm vel Perottus, vel etiam Musculus videtur habuisse. Latina verò illius oratio pura est, & ad Tullianæ dictionis ideam non negligenter formata; nondum enim Amasæi ætate nova hæc studiorum secta erat exorta, quæ summam eloquentiæ laudem ponit in minutis quibusdam sensiculis, & sententiis vibrantibus. Adbuc credebatur dicendi magister optimus esse Marcus Tullius, quem hodierni Orbiliu ceu corrupto genere eloquentiæ usum, & parum idoneum Romanæ facundiæ auctorem è scholis extruserunt, & de manibus studiose juventutis extorserunt. Pompilius igitur, qui lectione Tullianâ & similium Auctorum probè subactum ingenium ad Græcos libros vertendos afferebat; facile assecutus est, ut etiam dum aliena vestigia premebat, disertus jure posset dici. Multum tamen hunc quoque in exprimenda Polybii mente non raro peccare observamus, quòd literarum Græcarum tantam notitiam assecutus non esset, quanta ei est opus, qui fidelis Interpretis habere se titulum postulet. Vel vide tertiæ libri sexti Eclogæ principium, & Græca cum Romanis Amasæi, vel nostris Latinis compara; non negabis, eruditissimum virum toto illo principio parum omnino vidisse. Etiam in primæ Eclogæ periodo prima, vocem ^{ἁλοσχερὲς} omisit, quæ non est otiosa, sed ad integritatem sententiæ necessaria. In eadem ^{ἀδελφότητι} ^ἡ ^{ἑα} tam Musculus, quàm Amasæus verterunt, ignobiliora animantium genera; errore insanum magno: quum in hoc voce ^{δέ} non gloriam denotet, sed opinionem. Intelligit enim Polybius animantes, quæ solo naturæ instinctu ducuntur, non adscititiis, quibus homo imbuitur, modò bonis, modò malis. Sunt igitur ^{ἀδελφότητι} ^ἡ ^{ἑα}, quæ, ut loquitur Epicurus, omnia faciunt ^{φυσικῶς, κατὰ λόγον ἢ αὐτοπαθῶς}. Polybius sese interpretatur in minuto fragmento, quod extat pag. MXLVII. ^{τὸ τῶν ἀνθρώπων γένος, ἃ περὶ ἀδελφότητος, καὶ ἑτέρον ἀπὸ τῆς ἀλογίας ἢ ἀπὸ τῆς φύσεως ἀμαρτάνει}. Idem Amasæus opera, quæ locari facienda à Censoribus solebant, vectigalia appellat; quæ potius ultrò tributa erant dicenda. Estque etiam hic error ingens: cui plures alios similes possemus adjicere in paucis illis paginis nobis adnotatos. Pervenit verò ad manus nostras è Bibliotheca eruditissimi viri, Friderici Sylburgii, scbida quadam parva, titulos XVI. continens variarum lucubrationum, quas hic vir doctissimus, Amasæum dico, illustrando Polybio composuerat. Postea etiam literis viri magnifici, Marci Velsperi, sumus admoniti, extare adhuc alicubi in Italia eorum libellorum nonnullos; qui si ab eruditis hominibus fuerint aliquando publicati, fructuosam eorum lectionem studiose juventuti futu-

futuram non dubitamus. Nos eorum nihil vidimus, præter versionem *Eclogarum*, quas *Musculus* sermone Romano expresserat: in quo multum admirati sumus, difficillima quædam fragmenta ab *Amasæo* non esse versa; sed *Musculi* translationem retentam, à *Pompilio* leviter castigatam. Erant tamen in ea, quam diximus, schida, aliquot tituli, prolixam explicationem pollicentes, & ejus *Eclogæ*, quâ Romana militia declaratur, & omnium penitus locorum hujus secundæ Partis, affinis argumenti. Quæ omnia hæcenus quum invisæ nobis atque incomperta sint, nihil habemus, quod amplius de iis dicamus. Janum *Lascarium*, hominem ἀνέπιδος, difficillimam partem scriptionis *Polybianæ* facere Latinam esse ausum, illis præsertim temporibus, magnum fuit, multumque veræ laudis eâ, quamvis brevi, opellâ, præstantissimus ille vir, me iudice, meruit: qui si in nonnullis parum videtur cavisse, non tam eo nomine reprehendendus; homo enim erat quàm admirandus, quod in plerisque καλίστους, Græcus enim erat. Novissimus omnium, qui ante nos in explicatione *Polybii* aliquam posuerunt operam, fuit *Iustus Lipsius*, vir clarissimus, & de meliorum literarum studiis excellenter bene meritus. Hic si integrum *Polybium*, aut unam aliquam è tribus illius Partibus Latinè expressisset; atque ad hoc inceptum tantam Græcæ linguæ peritiam attulisset, quanta in eo fuit cognitio veteris Historiæ totiusque Antiquitatis, & Latinæ dictionis facultas; post *Lipsum* in eandem palæstram descendere, hoc verò fuisset, post *Roscium* in scena gestum velle agere. Nunc quum sola Pars, quam *Lascaris* prior verterat, ab eo sit exposita; nos qui totum *Polybium* Latinè explicandum susceperamus, cur ne in illa quidem *Ecloga* *Lipsianæ* versionis acquiesceremus, graves causas habuimus, alibi explicandas. Quod igitur opus à tot viris eruditissimis pro parte dumtaxat tentatum hæcenus fuerat; id nos integrum, Dei immortalis beneficio, pro nostra virili effectum nunc damus: perfectum enim dicere religio sit; qui non ignoremus, quantum ab eo distet genus universum nostrarum lucubrationum, ut id verbi possit illis competere. Neque verò ita parum ipse me novi, ut quæ modo in aliis desiderabam, ad hoc negotium ritè curandum præsidia; ea me esse consecutum dicam: illud dicere non verebor, omnia fecisse me sedulo, ut etiam in hac mediocritate ingenii possem illa consequi. Optavi equidem existeret aliquis è tot viris Græcè Latinèque doctissimis, quos nostrum hoc tulit sæculum, qui operam suam atque industriam *Polybio* commendaret: optavi, inquam, & multos annos expectavi. Postquam nemo prodibat, imperavi tandem ipse mihi, etsi ægrè id quidem, & vix ante alterum aut tertium annum, ut cæteris studiis intermissis, provinciam ab aliis neglectam susciperem. Semel susceptam fide bonâ, audebo dicere, pro ingenii & eruditionis copia, gessi. Non sum mihi conscius ullius prætermisionis studio factæ, aut ullius omnino difficultatis dissimulatæ. Quid refert? Ut video esse mores nunc hominum, galeritam crista citius deficiet, quàm operi nostro reprehensor deerit. Alii genus ipsum nostræ versionis carpent; quam calumniam in minuta opella dudum passi sumus: ab iis reprehensi, quibus nulla probatur versio, quæ non sit τὴν ἰδίαν, & penè de verbo ad verbum expressa. Alii in partibus quærent, quod exagitent: nam hæc est hodiernorum Criticorum civilitas, hic candor. Illis prioribus satisfactum est à nobis eâ Diatribâ, quam de optimo genere interpretandi ex una in alteram linguam, composuimus, & unâ cum nostris Commentariis brevi, Deo faciente, sumus edituri. Posteriores, per ipsa studiorum communium sacra rogatos volumus, ne prius ad nostra carpenda *Lynceos* illos oculos suos adhibeant, quàm desperare ceperint, posse nostra à nobis meliora fieri. Vidi-

1609. *mus summos nostræ ætatis viros quinquies sexies sub incudem similes curas suas revocasse: quod semper invenire se in suis faterentur, quæ melius aliter dici possent: ego si δαίμονας saltem Θεοὺς meas postulem expectari, quis rem æquissimam petere me negabit? Quum præsertim verè possim confirmare, ὅ μὴ τίς ὠφελεῖ, hoc omne quicquid est operis, inter gemitus & indignationem, duos affectus gravissimos, esse mihi natum: illis causam præbente obitu, piissimæ primò matris, deinde filiæ natu maximæ, merito suo utrique parentum longè charissimæ: huic, certorum hominum improvisâ iniquitate, qui reculis meis oculos cupiditatis quum adjecissent, damnum rei familiaris meæ quantum ferè poteram maximum accipere, mihi conciliarunt. Atque horum propterea isto loco meminisse volui, ut si quas eruditus Lector in opere satis longo ægræ mentis hallucinationes, & stili properati, ac centies quotidie interpellati, παρεμπιπτόντως offenderit, neque potest sanè aliter, humanæ fortis memor, humanitatem suam mihi impertiri ne gravetur. Ego impetare dolori, ut scriberem, potui; ut pariter in omnia animum intenderem, quasi curis vacuus scriberem, non potui.*

P R Æ F A T I O

I N

HISTORIÆ POLYBIANÆ SYNOPSISIN CHRONOLOGICAM.

Ad Candidum & φιλομαγέον Lectorem.

1609. **Q**UUM siue accurata temporum adnotatione omnis rerum gestarum narratio sit cæca, & fabulæ non dissimilis; diligenter huic parti prospexisse, non postrema eorum, qui Historias scribunt, aut interpretantur, laus jure censeatur. Est verò ejus rei observatio eò difficilior, quò latius susceptæ ad enarrandum materiæ argumentum patet. Nam qui aliud quod singulare gestum describunt, aut privati alicujus hominis vitam commemorant, aut civitatis unius angustæ dominantis res explicant; semel prebendo narrationis principio, atque eo certis notis insignito; in reliquis ordine subtexendis, prout quæque acciderunt, non multum sanè laborant. At qui plurium diversorum populorum, aut magni Imperii res gestas stilo peragere instituerunt; hi cautione duplici opus habent: prior ad singulas propositi operis partes pertinet; quo nimirum sic omnia explicant, ne in Historia eadem ὑπερὰ πρόπερα committant: altera ad partium diversarum connexum & comparisonem spectat; ut quæ tempore eodem apud varias gentes contigerint, simul, ac loco eodem, quoad ejus fieri poterit, commemorentur. Quemadmodum enim qui Canones Chronologicos compingunt, diversarum gentium tempora colligentes, ea inter se comparant, & annos annis opponunt; qui dicitur illis συγχρονισμός: sic qui legitimas Historias componunt, atque eas de multis simul populis, aut etiam de universis, paullo qui sint nobiliores, (quæ appellatur καθολικὴ ἱστορία aut καθὺν) curam vel præcipuam & ἐμμεχρῆσται, & congruentia temporibus inter se conjungendi, debent habere. Præclare Lucianus in eruditissimo libello, quo Historiæ Scriptorem præceptis necessariis instruit: πρὸς πάντας, inquit, ἀπὸ δέτα, καὶ ὡς διατετὸν ὁμῶς χρῆναι· καὶ μὴ ἀπὸ αὐτῆς ἀπὸ Ἀρμενίας μὲν εἰς Μηδίαν· ἐκείθεν δὲ ποιεῖν καὶ εἰς Ἰβηρίαν· εἴτα εἰς Ἰταλίαν, ὡς μηδὲν

μυθῶδες καὶ ὁμιολογικόν· ex quibus verbis observationis hujus necessitas pariter 1609.
& difficultas potest intelligi. Non enim temerè exceptionem illam adjicit
Lucianus, quantum fieri poterit; quoniam aliquando causæ interveniunt,
cur aliter sit faciendum. Propterea magni interdum Scriptores in suis An-
nalibus res diversorum annorum in alienum tempus conicere satius ducunt,
quàm posteriora à prioribus separare. Causam affert Tacitus in XII. An-
naliū: ne divisa haud perinde ad memoriam sui valeant. Quæ etiam ratio
est, cur à Veteribus nonnulli, ut ferè Herodotus, & aperte magis Suetonius,
Historiam per species quàm per tempora tractare maluerint. Sed nescit le-
gitima Historia, hoc est, ea, quam Græci ἀνακταῖς, aut ἀνακταῖς; Latini
ferè, Annales nominant, aliam methodum, præter ipsam temporum seriem
& consequentiam; cum ea tamen, quam paulò antè dicebamus, exceptio-
ne. In temporum autem ratione, non omnes, qui Reipublicæ Romanæ res
posteris tradiderunt, aut universales Historias scripserunt, eandem secuti
sunt viam. Sallustius, Titus Livius, Cornelius Tacitus, & ceteri Ro-
mani, ad Fastos Consulares omnem suam temporum observationem retule-
rant; neque ullam aliam ad designanda temporis intervalla epocham aut no-
tam, nisi Consulū anni cuiusque nomina, adhibuerunt: nulla apud eos, ne
in externis quidem Græcorum aliorumve populorum rebus exponendis, aut
Olympiadum, aut ulloꝝ Magistratuum, nisi admodum rara, in eum finem
mentio. Ipsos quinetiam annos Urbis, quod sæpe subiit mirari, vix attingunt;
plerique etiam in totum omittunt. At non ita Græci homines; qui,
ut in omni genere doctrinarum, sic etiam in hac parte majore se literarum
usu præditos probarunt. Horum igitur diligentissimi quique Romanos Consu-
les quum non prætermitterent; hoc amplius, Romana tempora cum aliarum
gentium temporibus comparare non mediocriter studuerunt. Sic Halicarnas-
sensis Dionysius cum Fastis Romanis, annos Olympiadum, & Atheniensium
ἀρχόντων, sive Prætores, semper componit. Polybius verò & Diodorus Siculus,
qui non unius populi Romani, sed omnium toto Orbe tunc cognito Historiam
scribendam susceperant; etiam præcipuorum regnorum successiones in suis
scriptis pari diligentia adnotarunt: ea autem erant, Mæcedonum in Euro-
pa, Syro-Mæcedonum in Syria & superioribus Asiæ partibus, Ptolemæorum
in Ægypto; item Pergamenorum, Bitbynorum, Cappadocum & Armenio-
rum in reliqua cis Taurum Asia. Est etiam exorta temporibus illis Arsaci-
darum Parthorum in Perside dominatio; de qua, ut de cæteris omnibus,
sive Europæ, sive Asiæ regnis, aut Rebuspublicis insignioribus, Polybius &
Diodorus in suis universalibus Historiis egerunt, & cum facta memorabilia,
tū præcipue dominantium τὰς ἀρχαῖς exposuerunt, quæ est Chronologiæ poli-
ticæ atque historicæ anima; sicut & ἀρχαῖς & ἀρχαῖς, motus cælestes,
& siderum defectiones. Sed Diodori quidem simplex, & semper sibi similis,
in temporibus designandis ratio est: singulos enim annos Olympiadicis perpe-
tuâ serie adnotans, reliquas omnes temporum observationes ad Olympiades
refert, atque illis accommodat. In Polybii verò ingenti olim opere, ut scopi
illius possunt varii animadverti, quod alibi ostendimus; sic etiam quæ ad
temporum rationem attinent, variè ab eo esse tractata, licet observare: in
Præparationis libris, hoc est, primo & secundo, quum res diversæ comme-
morentur, nullà ferè inter se connexionē junctæ; inchoata libro primo series
annorum, in secundo non continuatur; sed nova rursus ab alio principio in-
stituitur; in ea utique parte, quæ est de rebus à Gallis in Italia gestis;
itemque in illis, quæ de Republica Achæorum scribuntur. Ita evenit, ut
vetustiora posterius, recentiora prius narrentur: pleraque enim libro priore

1609. Apparatus contenta, multis quæ libro ejus altero narrantur, sunt recentiora. Ne in legitima quidem Historia, quæ Præparationem excipit, ^{ὁμοιότης} ubique eadem. Nam quia res Græcorum & Asiaticorum tertio primum anno Olympiadis CXL. Romanis & Punicis cæperunt misceri; non ante finem ejus Olympiadis per annos singulos Historiani suam distinguere Polybius instituit. Consilium hoc suum ipse aperit, & rationem ejus explicat, cum alibi, tum istis verbis luculente pag. DXXVI. Πρὸς τὸ διωρακτέον ὅτι καὶ γὰρ τῶν ἀρχαίων ἐστὶν ἀναγκασιότατον ἐπὶ ταύτης τῆς Ὀλυμπιάδος ἡγεμένης εἶναι, ἢ μὴ συμπαλεῖν ἀλλήλους πρῶτον· ἀλλὰ χρὴ καὶ ἀγαθὰ αὐτῶν καθέσθαι ἐν θυγατρὶ· μέχρις αὖ ἐπὶ τῆς ἑξῆς Ὀλυμπιάδος ἰδόντες, καὶ ἵνα ἀξιώμεθα γράφειν τὰς κατ' ἀλλήλα γενόμενας πράξεις. Hæc ille in quinta Historia. Sextus liber, non verum gestarum Historiam, sed politicam digressionem longè gravissimam, & Auctoris instituto necessariam, complectitur: estque adeò liber ille ^{πολιτικὴ} ^{ἀγερθεῖσα} verius, quàm ^{ἱστορικὴ} ^{πράξεων} συγγραφή. Quare autè librum septimum narratio Polybiana κατ' ἑῶν distincta non fuit. Ab ea libro, quæ deinceps sequebantur, ad finem quadragesimi, omnia fuisse annuatim descripta, serie continuâ, more Fastorum & Annalium, nullum est dubium. Propterea Plinius Polybium ANNALIUM CONDITOREM in quinto appellat. Neque tamen ita rigide gestorum ordinem in singulis partibus suæ narrationis Auctor prudentissimus servaverat, ut perspicuitatis & ^ἡ ^{ἀρετῆς} non potiore semper rationem duceret. Quare illâ, cujus antè mentionem fecimus, cautione quum necessario sæpe uteretur; in tot tantarumque rerum adeò sibi invicem permixtarum explicatione, ^{ὅσα} ^{πρῶτα} non raro commiserat; rebusque ita postulantibus, consiliorum exitus interdum prius quàm initia exposuerat. Nam verbi gratiâ, Romanas res tractans, hujus, aut illius anni principio, responsa Legatis populorum Græciæ aut Regum data, prius aliquando retulerat, quàm de eorundem Legatorum missione egisset. Qua ex re ne aliquid obscuritatis oriretur, solitus est in longiorum sermonum ^{ἐκθέσεων}, & transitionibus ab uno anno ad alium, eorum quæ alieno loco dicta videri poterant, Lectorem diligenter admonere, atque ut ipse alicubi loquitur, ^{τὰς} ^{ἐκάστων} ^{ἀρχὰς} ^{καὶ} ^{συνελύξας} ^{παραπομπήσκειν} ^{καὶ} ^{ἐπιπλεῖν} ^{ἐκείνῳ} ^{καιρῷ}. In Legationum Ecloga LXXX. de hac re sic scribitur: Quos sermones apud Senatum isti Legati habuerint, quæ à Patribus responsa tulerint, & quomodo omne genus humanitatis & comitatis experti redierint; in expositione rerum Italicarum jam diximus. Est verò Lector nobis sæpe hujus admonendus, sicut etiam studiosè facimus; quòd non raro orationes habitas à Legatis, & data illis responsa, cogimur prius exponere, quàm de ipsorum legatione decreta & de missione verba fecerimus. Quoniam enim, per annos singulos res gestas, quæ temporibus inter se congruunt, scribentes, quæ apud quaque gentem sunt facta, summatim uno tempore conamur referre; perspicuum est, id scriptioni nostræ necessario evenire. Vides magni eruditique hominis circa hanc partem studium ac diligentiam. Vides operis universi ^{χρηστὴν} ^{καὶ} ^{ὁικονομίαν}, ut ejus Pater non semel appellat. Sed hæc olim fuere, benigne Lector; nam in hodiernis reliquiis adeò pristina facies operis integri est corrupta, ut videri possint qui secundæ ac tertiæ Partis Eclogas excerpserunt, præcipuè autem secundæ, id egisse de industria, ne ulla nisi oppidò tenuia superessent ejus diligentiae vestigia, quâ Scriptor exactissimus in temporum adnotatione, & rerum variis in partibus ^{ὁικονομίας} gestarum ^{συνχετισμῶς}, usus erat vel maximâ. Omissi sunt anni Olympiadi; omisse Regum successiones; Consulium item Romanorum plerorumque nomina, & Prætorum civitatum Græciæ: nihil denique ab Eclogariis in ea, quæ restant, Excerpta, secundæ præsertim Partis, est relatum, quod magnam ^{τὴν} ^{συνχετισμῶν} ^{rationem}

tionem ipsos habuisse demonstrat. Nam quòd Olympiades aliquot reperiuntur 1659. indicatæ, & quorundam etiam Magistratum nomina; quid refert? quum neque Olympiadicæ anni cum annis Consularibus comparentur; neque vel illarum Olympiadum anni sint apposti: politica nimirum documenta colligere, ut alio loco ostendimus; non autem Polybianæ Historiæ accuratam Epitomen conficere, qui ista excerpserunt, in animo habebant. Nos igitur, quibus erat propositum, nihil quicquam eorum prætermittere, quæ ad illustrati-
onem Auctoris optimi posse desiderari judicabamus; postquam singulis Eclogis sua argumenta præfixissemus, quò illa pertinerent indicantia; ad maiorem lucem tam Partis primæ, quæ integra quidem ad nos pervenit; sed variam & parum apertam notationem temporum habet, ut docuimus; quàm dua-
rum insequentium, quæ librorum amissorum Excerpta continent; Synopsin hanc Chronologicam universæ Historiæ Polybianæ concinnavimus. Cujus opelle necessitatem omnes intelligere necesse est, qui ad lectionem seriam operis hu-
jus aliquando se accinxerint. Utilitatem verò tyrones minus in Historiis antiquis exercitati, quibus potissimum ire consultum volumus, longè maxi-
mam utendo experientur. Nam Historia quævis, maximè autem universa-
lis, luce temporum destituta, quid aliud censeretur, nisi domus vastæ, quæ nullum penitus lumen admittit, imago quædam? Hinc illud est, quod in superioribus Polybii editionibus, rerum diversissimarum Eclogæ in secunda Parte, ceu Historia eadem nihil interrupta, absurde & ridiculè continua-
bantur: non enim intelligebant illi Critici, quàm diversorum temporum narrationes in unum deformem cinnum compingerent. Nunc per hanc Syno-
psin, & ea, quæ adjecimus, argumenta; quò ferè singula sint referenda, etiam pueri nullo labore intelligent. Jam quæ de Republica Achæorum adnotavimus, tot viris magnis illustri; quæ item de Polybii vita, parum adhuc in vulgus nota, cui non erit gratum cognoscere? Porro in ista Synopsi contexenda, quum id unum spectaverimus, ut Polybianæ Historiæ faciem præferremus; nostrarum omnino fuit partium, sive in principalium succes-
sionum temporibus designandis, sive in anno cujusque gesti, non quid esset per se verum; sed quid Polybius tradidisset, inquirere. Ut mirari nemo debeat, in nonnullis rationes nostras cum observationibus doctissimorum Chro-
nologorum, sive antiquorum, sive neotericorum, non planè congruere. Ac quoniam hujusmodi diversitatum causas in Commentariis diligenter expo-
suimus, petimus ab æquo Lectore, ut consilium nostrum in talibus ne prius damnet, quàm rationes nostras cognoverit atque expenderit: in plerisque enim, aut Polybii, aliufve alicujus probi Scriptoris auctoritate disertis ver-
bis expressâ sumus ducti, aut validâ conjecturâ, sive necessariâ consequen-
tiâ. Postremò cogitent velim qui hæc legent, aliud esse, tumultuariam annorum collectionem certo sine concinnare, ut nos fecimus; aliud, doctri-
nam temporum ex artis *χρονολογικῆς* præceptis ex professo tradere; quod nos hoc loco non proferimus.

P R Æ F A T I O

præfixa Notis in

Æ N E Æ T A C T I C O N,

POLYBIO adjunctum.

1609. **Q**UUM in omnibus, paullo saltem instructioribus & nobilioribus, Europæ Bibliothecis, multa hodieque Græcorum, qui de Re militari, aut machinis bellicis scripserunt, extent monumenta; nullum è cunctis minus est in vulgus notum, quàm istud hæcenus fuit, quod in ditissima Christianissimi Regis libraria inventum, descripsimus, & in generosa pariter atque eruditæ juventutis gratiam vulgavimus. Nam Athenæi quidem, Heronis Apollodori, Philonis, Julii Africani, item Mauricii Leonisque Augustorum, nec non aliorum, qui adhuc supersunt ejus generis, Scriptores, ad hanc diem inediti, docti viri non pauci mentionem in scriptis suis fecerunt, eorumque libros sibi lectos ostenderunt: Æneæ verò hujus qui meminisset, neotericorum inveni prorsus neminem; nisi quod Conradi Gesneri indicio didicimus, hujus libri exemplar in Vaticana Romæ servari. Quod si me non fallit conjectura, è Romano codex regius manavit: quanquam is non Romæ fuit descriptus, sed in hac ipsa urbe, manu Angeli Bergicii, hominis Græci, qui ante annos dumtaxat sexaginta ex alio exemplari, allato ex Italia; quod nescimus cujus fuerit, regium charactere elegantissimo depinxit, & inter cæteros libros Bibliothecæ Græcos dedicavit, quos Franciscus Magnus, parens ille Musarum, ac disciplinarum instaurator, & Henricus II. Francisci filius, in Italia sibi & Græcia conquiri, vel describi jusserunt. Porro hic Scriptor non illos solum universos, quos modo nominavi, vetustate longè superat; verum etiam Græcorum omnium, qui de Rei militaris scientia aliquid seriò scripserunt, penè fuit primus. Nam Ælianus, homo eruditissimus, qui Trajani & Hadriani temporibus vivebat, quum ab ultima antiquitate disciplinæ Tacticæ Auctores repeteret; secundum Homerum, & eos, qui Homeri *Τακτικῶν* exposuerant, ÆNEAM ante omnes recenset. Et addit Ælianus, Thessalum Cineam, prudentissimum illum Pyrrhi Regis amicum & Consiliarium, Æneæ Commentarios *Στρατηγικὰς*, sive, de iis, quæ ad Imperatoris officium pertinent, in compendium redigisse. Id operis non solum apud Græcos, sed etiam apud Romanos in magno quondam pretio fuisse, comperior. Nam Romani Proceres, quos alibi dicebamus, rei bellicæ scientiam ex Historiarum maximè & Tacticorum lectione, quo tempore in Provincias cum Imperio proficiscebantur, solitos fuisse sibi comparare; ad *Κίον* *παιδείαν* Xenophonteam, Tactica scripta Æneæ, sive Cineæ Epitomen, adjungebant; eamque diligentissimè legebant. Cicero in epistola quadam ad Papirium Pætum: Summum me ducem literæ tuæ reddidere: planè nesciebam, te tam peritum esse rei militaris. Pyrrhi te libros & Cineæ video lectitasse: itaque obtemperare cogito præceptis tuis. Et mox: Nescis quo cum Imperatore tibi negotium sit. *Κίον* *παιδείαν*, quam contriveram legendo, totam in hoc Imperio explicavi. Ex iis, quæ diximus de summa hujus Scriptoris vetustate, potest constare: nam Cineas Epicurum Athenis docentem audivit, ut significat Marci Tullii De Senectute liber. Epicurus

curus autem Athenas commigravit circa finem Olympiadis CXVIII. Idem 1609. Cineas anno altero Olympiadis CXXV. legatus Romam, missu Pyrrhi, venit. Æneam verò, è cuius scriptis uberrimis Epitomen suam Cineas confecit, ipso Cineâ vetustiore aliquot saltem annis fuisse, nemo, opinor, negaverit. Ut non abs re possit dubitari, sitne hic ille Æneas Stymphalius, Arcadum Imperator, qui, sicut testatur Xenophon in septimo ἐκδοικῶν, circa tempora pugnae ad Mantineam, hoc est, anno Olympiadis XIV. vivebat, & res Arcadum, non sine laude fortitudinis & prudentiae, administrabat. Idiomata sanè Peloponnesiorum, ac nominatim Arcadum, probe sibi notum fuisse, capite XXV. de voce πᾶννυς agens, ostendit. Equidem, ut pro vero affirmare hoc non ausim, ita de eo nullus dubito, Æneam nostrum, aut aequalem illorum temporum fuisse, aut non longo certè intervallo ab illis abfuisse. Argumento sit etiam illud, quòd machinas obsidionales commemorans, quæ Aristotelis ætate, ut ipse scribit, frequentius paullo usurpari à Græcis hominibus incipiebant, arietis quidem & ἀνταρίου, necnon catapultæ & testudininis, saltem leviter meminit; helepoleos verò & πτερόδελον manganorum, ac similibus, quæ posterius sunt inventa, nullam facit mentionem. Jam quum soleat Auctor iste præcepta sua, illarum rerum, quæ antea contigissent, exemplis illustrare; non temerè ullum toto libro gestum reperias, quod decimâ supra centesimam Olympiade non sit prius atque antiquius. Quoniam autem Æneæ nomen non hodie atque heri, ut initio dicebamus, sed ab aliquot retrò sæculis vulgò ignorabatur; Librarius, qui regium codicem descripsit, sive potius Critici illi, qui vetustiora regio exemplaria recensuerant, titulum libro ancipitem præscripserant, ΑΙΝΕΙΟΥ ἢ ΑΙΑΙΑΝΟΥ. Nos sine cunctatione vocem vitio adjectam sustulimus. Nam verum germanumque Æneæ opus hoc esse, non Æliani, certâ atque indubitatâ etiam Polybii auctoritate possumus confirmare. Scribit Polybius libro decimo, de signis differens per sublatas faces dari olim solitis, (πυρᾶς & φρυκτῆς Græci vocant,) Æneam in suis de Re militari Commentariis super eo argumento multa observasse. Idem prorsus hic quoque Scriptor de se testatur: qui propterea rationem attollendi faces in hoc scripto prætermittere se ait; quia alio in opere multis ea de re tractavit, ad quod Lectorem rejicit; ne, ut ait, bis idem scribere cogatur. Verba illius sunt capite VII. Ὅτι δὲ τὸ τῶτο γίνεσθαι, καὶ ὡς αἰρεῖν τὰς φρυκτῆς, ἐν τῇ Παρασκευαστικῇ βίβλῳ ἀποδείκνυται. ὅθεν δεῖ τὴν μάχην λαμβάνειν· ἵνα μὴ δις περὶ τῶν αὐτῶν γράφῃν συμβῇ. Quod autem ait Polybius, scripsisse Æneam ΠΕΡΙ ΤΩΝ ΣΤΡΑΤΗΓΙΚΩΝ ΤΠΟΜΝΗΜΑΤΑ, DE IIS, QUÆ AD IMPERATORIAM ARTEM PERTINENT COMMENTARIOS; is fuit generalis titulus omnium librorum, quos de universa Re militari Æneas composuerat. Ælianus appellat ΣΤΡΑΤΗΓΙΚΑ ΒΙΒΛΙΑ. Operis verò singulæ partēs inscriptiones sibi proprias habuerunt. Nam verbi gratiâ, pars hæc, quæ de toleranda obsidione agit, Πολιορκητικὸν ὑπόμνημα inscribitur. Sic illa pars, quæ erat de bellorum apparatusibus, Παρασκευαστικὸν ὑπόμνημα indicem fuit nata. Auctor ipse Παρασκευαστικῷ βίβλῳ nominat, ut capite VII. & VIII. interdum Παρασκευαστικὸν simpliciter, omisâ voce ὑπόμνημα, ut capite XX. alibi Ποριστικῷ βίβλῳ, ut capite XIV. neque enim aliter accipiendum. Simillimè pars illa, in qua Æneas de re castrensi tractaverat, Στρατοπεδικὴ βίβλος fuit inscripta; quod è capite XXI. discimus: idem de reliquis etiam partibus est censendum. Auctor est Suidas, scripsisse Æneam Περὶ τῶν στρατηγικῶν ὑπόμνημα. sed est illius Grammatici μνημονικὸν peccatum: locum enim Polybii, quem in animo habebat, corrumpit, & Strategica confundit cum Stratagematis: quæ non parum diversa esse argumenta, nōrunt qui literas Græcas vel sum-

1609. *matim & ἀγοδιῶς attigerant. Vide Julii Frontini Præfationem in librum quartum suorum. Alium præterea librum scripserat Æneas, exempla continentem diversorum eventorum; maximè autem, ut arbitror, rerum bellicarum; cui titulum indiderat ΑΚΟΤΕΜΑΤΑ de quo dicturi sumus ad caput xxxviii. Atque hæc sunt, quæ de Ænea & ejus scriptis habemus comperta. Cui viro tantum Vetustas tribuit, ut pleraque illius in sua scripta ad verbum transferrent, qui post ipsum de Re militari aliquid componebant. Exemplo erit Julius Africanus, doctus cum primis, & antiquus Scriptor; quem ex hoc ipso Commentario multa capita ἐκ τῶν παλαιῶν descripsisse, iisque usum pro suis in libro de Bellorum Apparatibus, suis locis infra probabimus. Postremò Lectores monitos volumus, regium codicem, quo uno sumus usi, fideliter à nobis in hac editione fuisse expressum; nisi quòd mendas leviores, de quibus dubitari non poterat, prope infinitas sustulimus. Qui meliora exemplaria nacti fuerint, ii vel conatus nostros adjuvent; vel certè, quod nos optavimus, ipsi perficiant; atque ut boni patres familias publicam rem literarum candido animo augeant. Omnino merebatur pulcherrimus hic liber, vel propter Auctoris vetustatem, ut Latinâ eum veste donaremus, atque uberiore Commentario explicaremus: quod hoc tempore præstare quum per varias curas & occupationes nobis non licuerit; breves saltem hæc Notæ, velut pignus navandæ, τὸν οὖν, operæ raptim exaravimus. Periti rerum, quorum est de hujusmodi scriptis ferre sententiam, si hunc Æneæ Commentariolum legerint, non dubitabunt, scio, pronuntiare, ab Auctore profectum, qui earum rerum, quibusde scribebat, magnum usum habebat, & judicio non mediocri valebat.*

P R Æ F A T I O

I N

M E D E A M E U R I P I D I S.

Postularit fortasse aliquis à nobis nunc, ut antequam aggrediamur ad expositionem hujus Fabulæ, pauca prius tum de Poëta ipso, tum in genere de tota Poësi tragica diceremus. Verum qui toties jam ex hoc ipso loco de Tragædiæ ortu, progressu & consummatione dixerimus; qui etiam nuper, cum HECUBAM aggredieremur, de Poëta ea dixerimus, quæ notatu digniora sunt visa; jure facturis mihi videor, si nunc eadem repetendi labore supersedeam. Neque facile adducar, ut putem elapsa vobis, quæ tum non negligenter sunt à nobis ex optimis quibusque Auctoribus decerpta, & vobis exposita. His igitur omissis, ad ea accedam, quæ ei Tragædiæ propriè conveniunt, quam nunc, Deo volente, explicandam sumimus.

Inscribitur hæc Fabula MEDEA, è re nomen habens. Nam etsi non sola est introducta in scenam Medea; tamen quia illa primas in hoc Dramate partes tenet, ejusque maximè gesta narrantur, idèd id Fabulæ suæ Poëta nomen indidit: sicut prioris, quam exposuimus, titulus erat HECUBA, non Polymnestor, non Polyxena, non Polydorus: nam illi quidem varia ἐπεισόδια ejus Fabulæ conficiunt; Hecuba verò totum δράμα. Idem censendum de reliquis aliarum Poëtarum Fabulis: quæ omnes (si modò rectè sunt nominatæ) nomen habent ab eo, qui est, ut sic dicam, perpetuum totius Fabulæ argumentum. Quare etiam reliqui Poëta, qui hoc argumentum tractarunt, Fabulam

Fabulam quisque suam Medeam vocavit: fuere autem multi, qui in hac palaestra se exercuerunt; sed quorum omnium Fabulae fuere tantum; esse autem pridem desperant; unicâ Senecae exceptâ, quam, si vultis bene consultum vestris studiis, & legitore diligenter, & cum hac Euripidea pensculatè comparate. Habetis de nomine hujus Fabulae: nunc accipite de Argumento.

ARGUMENTUM FABULÆ.

In ea parte Thessaliæ, ubi Jolcos, olim urbs celeberrima, fuit sita, regnavit aliquando Pelias, Æsonis frater, Neptuni ex Tyro, Salmonei nata, filius. Huic cum data fors fuisset, quâ monebatur, caveret sibi ab homine *μασπιδάλῃ*, hoc est, altero pede discalceato, fore enim ut per illum & regno & vitâ extueretur, incidissetque postea in Jasonem, fratris filium, qui alterum fortè calceum in Anauro fluvio amiserat, intellexit statim, non alium esse, quem Oraculo cavere moneretur, quàm Jasonem illum, fratris sui filium. Itaque ex illo cogitationes omnes suas eò contulit, ut perderet Jasonem simul, & se meru liberaret. Ac poterat fortasse hominem occidendum curare; aut ipse in eum sævire: sed non videtur tanta Peliae sævitiæ fuisse innata; nisi fortè alia fuit ratio, quæ Peliam ab eo consilio avocavit. Timuit enim fortasse sibi à civibus subditis suis, quos sciebat non ignorare, regnum ab eo occupari, quod jure Æsoni, fratri ejus, & liberis deberetur. Ut ut sit, hæc illi tandem potior sententia visa: fingit se de restituendo Jasoni regno cogitare; unum tantum prius ab eo contendere, ut antequam regno ei cederet, Colchos eat, & Vellus aureum inde referat: quod ut facilius impetraret, adjicit religionis prætextum: se enim, ait, in somnis divinitus, ut id fiat, moneri. Jason, etsi non ignarus, vitam suam, non vellus aureum peti; patruo tamen suo morigerum se præbet, tantumque in se onus recipit; vel gloriæ cupiditate incensus, quam sciebat paratam esse ei, qui tantum facinus ausus esset aggredi; vel desiderio aliarum regionum visendi, qui sciret, illis temporibus præsertim verè *ισοτάλαστον* & alterum penè Deum haberi virum, qui

Πολλῶν ἀνθρώπων ἰδὲν ἄστα, καὶ νόον ἔγνω.

Nondum enim illà ætate maria navigabantur; nondum audita in longinquas terras peregrinationes aliæ, quàm Triptolemi cujusdam & Bacchi, & paucorum similium, quos vel hoc nomine videtur simplex Antiquitas in numerum Deorum retulisse. Stimulabat igitur fortasse cupidum laudis Jasonis animum gloria horum, ac hæc similis, inprimis Phryxi, qui paucis antè annis è Græcia vellus illud aureum ad Colchos detulerat. Quid multa? paratur domus lignea; navis, inquam, res antè inaudita: coit flos Græciæ ad famam tanti facinoris: navis conscenditur: Cyaneæ petrae transvehuntur: pervenitur ad Colchos. Atque ibi labores vitamque simul finiisset, nisi casu quodam incensa amore Jasonis Medea, Regis filia, mulier venefica, rationem aperuisset Duci Ducum Jasoni, quâ superior ex omnibus certaminibus evadere posset, & quod quærebatur, vellus aureum in Græciam reportare quiret. Hæc illa est Medea, de qua Fabula hæc est composita; cujus vita non unius Fabulae, sed multarum Tragœdiarum argumentum suppeditaverit. Neque dubium, alias quoque res gestas ejus fuisse ab aliis Poëtis in aliis Tragœdiis tractatas, quæ hodie desiderantur. Vel cædes fratris Absyrti, quæso, qualis Tragœdiæ est argumentum? Quid Peliae in membra dissectio, & partium coctio? Longum sit omnia persequi. Poëta noster in hac Fabula illustrissimum ejus facinus est persecutus. Est autem hoc:

Medea hæc, postquam Jasoni nupsit, comitem se illi redeunti in Græciam addidit, ac post longos errores tandem Jolcon, quæ patria Jasonis fuit, pervenit. Ubi cum regnaret adhuc Pelias, nec vellet ex pacto Jasoni cedere regno, nec rursus satis virium esset Jasoni ad pellendum regno patrum, Medea rationem invenit, quâ & vitâ Peliam privaret, & Jasonem regni faceret compotem. Accessit ad Peliam, jam tum decrepiti, filias; persuasit illis, si patrem diutius vellent esse in vivis, reçoquerent ipsum, &, quod Æsoni antè accidisse audierant, adolescentiæ annis eum redderent. Parent incautæ virgines hujus consilio, & statim patrem suum pio consilio, sceleratis tamen manibus, in frustra concidunt, & in lebetem recoquendum indunt. Sic perit Pelias; sic Jason regno Thessaliæ tandem est positus. At enim nimis verè cecinit Æscæus vates:

Ἦ δὲ καὶ βυλὴ τῆ βελύσαντι κακίστη.

Itaque non poterat regnum hâc ratione partum diuturnum esse. Atque ita evenit. Nam paucis post annis Acastus, Peliam filius, coactis viribus Jasonem Medeamque cum liberis suis regno excedere coegerit; quo tempore illi in Corinthum ad Creontem, ejus Tyrannum, velut in spontaneum exilium secesserunt. Hinc ducta sunt primordia Fabulæ hujus. Nam cum pulcherriam filiam haberet Creon, Corinthi Tyrannus, Glaucom quidam vocant; Jason, ejus amore incensus, coepit Medeam odio & contemptui habere. Tandem eò ventum est, ut filiam Creontis Jason duceret, Medæ nuncium remitteret: quo facto ita exarsit irâ Medæ animus, ut vindictæ studio, & sponsam, & patrem ejus Creontem horribili incendio absumpserit: neque hoc tantum; sed hoc amplius, liberos etiam suos suâ manu in odium patris jugularit. Quo facto, Corinthum reliquit, & Athenas cum Ægeo, Rege Athenarum, qui fortè Corinthi fuit, cum illa gererentur, venit. *Hoc est Fabulæ hujus Argumentum. Nunc ejus ὁμιονίμια superest ut videamus.*

Ἦ τῶ δρᾶματ' ὁμιονίμια.

Commune hoc omnes Tragicorum Fabulæ habent, ut consent iisdem partibus quantitatis. Has Aristoteles quatuor fecit: Prologum, Choricum, Episodium, Exodum. Harum partium duæ sunt, quæ semel in eadem Fabula locum habeant, Prologus & Exodus: quarum ille initium est Fabulæ; hæc, finis. Neque plura principia, neque plures fines res eadem habere potest. Reliquæ partes idèò sæpius occurrunt, quòd ἑπαισίδιον quidem velut actus quidam est, & membrum integræ Fabulæ: habet autem varia res omnis membra; quare etiam varia Episodia eadem Fabula habet, vel varios Actus, ut Latini loquuntur. Restat Choricum, quod & ipsum sæpius recurrit: eo enim solent distingui, cum Actus inter se, tum Prologus ipse à primo Episodio. His positis facile est ὁμιονίμια hujus Fabulæ videre. Potest igitur Fabula hæc in XVI. partes distingui.

Prima pars est Prologus, in quo Poëta sub persona aliena argumentum Fabulæ exponit.

II. Pars est Chorus, quo separatur Prologus à primo Episodio.

III. Pars est Episodium primum, in quo Medea domo egreditur, & factum suum Choro, qui constabat è mulieribus Corinthiis, probare nititur, seque apud illas purgare. In eodem Creon jubet Medeam Corintho egredi, vix illi diem unum ad parandam fugam concedens.

IV. Pars est Chorus secundus.

V. Conti-

V. Continet secundum Epifodium, in quo Poëta introducit contententes inter se Jasonem & Medeam.

VI. Chorus tertius.

VII. Est tertium Epifodium, in quo introducitur Ægeus, Rex Athenarum, cum Medea consilia iniens de ejus fuga; ipsaque mox Medea de iis, quæ sibi erant agenda, deliberat.

VIII. Chorus sequitur quartus.

IX. In quarto Epifodio Jason à Medea accersitus, adit eam, & exoratur ab ipsa, ut pueros secum adducens muneribus onustos Creontem adeat, rogetque ut edictum de exilio liberorum è Medea susceptorum rescindatur.

X. Chorus quintus.

XI. Quintum est Epifodium, in quo Medea, postquam rescivit delata esse munera sua ad Creontem & filiam ejus, videns fore brevi ut sibi sit exeundum, deliberat quid sit faciendum liberis suis; tandemque occidendos esse statuit.

XII. Chorus sextus.

XIII. In sexto Epifodio Medeam certiolem facit nuncius de eventu donorum ad sponsum missorum.

XIV. Chorus septimus.

XV. In septimo Epifodio narratur liberorum Medæ ab ipsa Medea cades facta; & inter se certant Medea & Jason.

XVI. Sequitur Exodus & finis Fabulæ.

Sunt autem alia Epifodia aliis longiora, ut docet
Donatus pag. 199. & 266.

P R Æ F A T I O

I N

V A R I A O P U S C U L A

J O S E P H I S C A L I G E R I,

ad Nobilissimum Amplissimumque Viram,

J A C. A U G U S T U M T H U A N U M,

Regium in Sanctiore Consistorio Consiliarium, & in
Amplissima Regni Curia Præsidem.

ABSOLUTA est tandem, Præses amplissime, variorum editio Opusculorum 1610. Musagetæ quondam nostri, JOSEPHI SCALIGERI, tuo cum primis hortatu atque impulsu, ante annum fermè ipsum & suscepta & inchoata. Quæ editio, quum uno atque altero abhinc mense à Typographo ad umbilicum esset perducta; neque illius publicationem quicquam aliud jam moraretur, nisi ut, quemadmodum initio fueram pollicitus, de proposito Auctoris quando ista exarabat, & nostro edentium consilio, scitu necessaria quedam in operis vestibulo exponerem; ea repente calamitas intervenit, Sole Galliarum ex inopinato occumbente, quæ omnes ymæi Gallos in marem nullâ dicendi copiâ enarrabilem, & luctum amplexibilem conjecit: mihi verò non solum

d d

de

1610. de manibus calamum excussit, & studiorum meorum tenorem protinus abrupit; sed & mentem malo externatam confudit, vitamque adeo ipsam acerbam mihi reddidit atque ingratam. Meritissimè id quidem: nam si toto hoc amplissimo Regno nemo unus est repertus, vel mediocri saltem pietatis humanitatisve sensu, & civilis officii intelligentiâ præditus; qui nuperi parricidii nuntium sine lamentabili comploratione acciperet: si finitimi omnes populi, si multi etiam longis terrarum spatiis divisi; si omnes totâ Europâ Principes, tanto casu, non secus ac fulminis repentini ictu, stupefacti ingemuerunt, & doloris ingentis sui significationem dederunt: quid nobis animi esse debet, quibus Regis incomparabilis augustissimam majestatem pari humanitate conditam, mentem divinam, cælestè ingenium, & alias animi corporisque dotes sine exemplo maximas propius nōsse ac venerari, Numinis immortalis beneficio contigit? qui bonitatem ipsius, liberalitatem, & in suis indulgentiam, non ex aliorum sermonibus, sed propriâ tot annorum experienciâ notam habemus? qui semper à Deo non fictis votis, verum affectûs sinceri precibus petere soliti fuimus, ut vel de nostris annis annos illi vellet augere? Sed ut privatas doloris mei causas mittam, impium in patriam, & Gallici nominis hostem esse juratissimum oportet, quem publicè acceptum damnum in unius illius sacri capitis amissione, non commoveat, non squallore luctuque afficiat. Amisimus enim, amisimus, & quidem teterrimo parricidio, heu sæculi infamiam! amisimus, inquam, Christianissimum Regem nostrum, HENRICUM MAGNUM, Principem, Principum Europæ decus, Patrem patriæ, bello invictissimum, pacis amantissimum: prorsus ad Homericam perfecti Regis ideam, Ἀμφίτρον, βασιλῆα ἀνδρῶν, κρατερὸν ἰαχμυρτὴν, scientiâ bellandi, vel Julio Casari parem; arte & peritiâ regendæ Reipublicæ, vel Augusto: clementiâ facilitateque ignoscendi, & felicitate perficiendi destinata, omnibus omnium sæculorum Principibus aut parem, aut superiorem. Et potuit tamen inveniri, qui talem tantumque Principem, in quo salsus communis nitebatur; in quo tranquillitatis & quietis in Europa spes prudentibus præcipuè vertebatur, violare scelestus sustineret? Potuit inveniri, qui omnia divina humanaque jura exitiabilis sceleris novâ & inauditâ immanitate polluens, nefario se patriæ parricidio obstringeret? Potuit unius (si tamen unius) perditissimi Alastoris mens perversa, tantum, tam inexpiabile concipere: nec solum mens concipere, sed etiam, proh dolor! horresco referens; manus conscelerata exsequi? ô prodigium, non hominem! ô furiam! Cujus vitæ Mars ipse, Poëtis ἀνδρογύνῃ & inconstans dictus, in belli campo, ubi ferro cernebatur, constantissimè semper pepercerat; huic illa Erinnyes in altâ pace non pepercit: & cui tot centena hominum milia vitam debebant; pro quo integri exercitus, urbes integræ, populi Galliarum universi mortem alacri animo oppetissent, is manu vilissimi bipedum & deploratissimi vitam amisit. Illud os angustum, illud sacrum caput, per tot bella, tot conspirationes, tot insidias frustra appetitum, unius propudii perfidiâ atque audaciâ lucis hujus usurâ cassum jacet. Ille magnus bellator, ille magnanimus victor, ille hostium suorum triumphator, inter turbarum clangores, perdentium ac pereuntium clamores, telorum & gladiatorum fragores, terrificos tormentorum boatus, semper impavidus, semper securus & tutus; in media civitate fidelissima, amantissima, in publica omnium letitia, inter gratulantium voces, clandestinâ unius molitione, spiritu privatus, & mortalium oculis est ereptus, nescio an aliquid simile visuris. Deum immortalem, ἡ δὲ οὐρανὸς οἷον οἷον! quod gaudium quanto mærore est mutatum! In hanc cogitationem defixo mihi, subiit interdum, viderem magni viri querelam usurpare; ὦ τλήμων Ἀργεῖς, λόγῳ ἀπὸ ἡδονῆς, καὶ ἔργῳ quid

quid enim profuit optimo Principum, funditus everfam patriam servasse, ut 1616
 esset qui ipsum perderet? Sed non ita est: nam ut de præmiis apud Deum
 repositis nihil nunc dicam; vitam quidem istam caducam, quæ usu, non
 mancipio mortalibus possidetur, quamque paullo post Rex, etiam si nulla
 vis esset adhibita, fuit positurus, parricida tartareus potuit illi eripere;
 at gloriam virtute rebusque gestis partam, per quam magni viri fiunt im-
 mortales, adeo non ademit, ac ne imminuit quidem, ut cumulationem,
 certè illustriorem reddiderit. Hic enim tantus omnium gentium & natio-
 num in illius obitu deplorando consensus, quid aliud est, nisi gravissimum
 testimonium, non gratiâ aut metu, sed iudicio expressum, ejus opinionis,
 quam universus penè dixerim Orbis terrarum de virtute ipsius admirabili
 habuit? Jam subditorum amor, quo nihil magno Principi gloriosius, in
 morte Regis stupendus & vix credendus apparuit. Quod in nullius unquam
 Principis funere legimus accidisse, id vidimus in hac regia civitate eve-
 nisse, de aliis per Provincias urbibus certâ famâ accepimus. Simulac de
 Rege palam factum est, non solum omnis sexus, ætas, conditio, dignitas,
 parenti communi planctu, lamentis & pio quodam furore in Stygium par-
 ricidam parentavit; verum etiam, ceu tonitru cujusdam fragore subito ac
 vehemente edito, alii repente concidere, alii statim exanimari, vel in mor-
 bos incidere, quibus mox sunt exstincti; quidam stupere vivi, qui vix tan-
 dem, aut ne vix quidem ad se redierunt. Quid multa? populi per univer-
 sam Galliam in hujus morte vocem illam mirifici affectûs, mutato nomine
 repetere sunt auditi, quâ olim ante tot sæcula ipsius progenitorem Robertum,
 Regem sapientissimum, Hugonis Capeti filium, mortuum (ita veteres Au-
 ctiores scribunt) fuerant persecuti: HENRICO IMPERANTE ET RE-
 GENTE SECURI VIXIMVS, NEMINEM TIMVIMVS: PATRI
 PIO, PATRI SENATVS, PATRI OMNIVM BONORVM, FELIX
 ANIMÆ SALVS, FELIX AD SVPERNA ADSCENSVS, FELIX
 CVM CHRISTO REGE REGVM PER SÆCVLA COHABITA-
 TIO. Qui sic desideratur amissus, hunc vivum fuisse amorem & delicias
 suorum, quis non intelligit? Vivit igitur Henricus Magnus, optimus Rex
 noster, in animis & grata recordatione suorum subditorum, quam nulla
 unquam oblivio obscurabit. Vivit, æternumque vivet semper florens, sem-
 per recens illius ingens gloria, in memoria hominum & sæculi hujus & om-
 nium postfuturorum; qui præclara ipsius facta, in tuis, præstantissime
 Thuane, Historiis, incertum fide an facundiâ majore descripta, magno cum
 stupore sunt lecturi. Nemo itaque optimum Regem, quasi male cum ipso
 esset actum, lugeat: qui & in cælis nunc, uti speramus, alterius vitæ gau-
 dia delibans, meliore sui parte beatus vivit; & in terris quoque, licet Orbi
 Christiano, & Gallorum Reipublicæ, ac suis parum; sibi tamen & gloriæ
 suæ satis vixit. Non enim annorum numero, nec spatio ætatis præstantium
 virorum & Principum vita terminanda; sed laude, famâ, & perpetuæ po-
 steritatis immortalitate. Quin potius Christianorum Principum deplorandam
 hodie conditionem miseremur. Nam cujus illorum erit jam vita secunda?
 postquam utique in tempora vivi pervenimus ejusmodi monstrorum feracia,
 quæ cadem Regum, & quidem Regum Christianissimorum, in parte pietatis
 exquisitissimæ, & Deo, per quem regnant Reges, acceptissimæ, sibi per-
 suadent esse ponendam. Fuit videlicet illud olim tempus, cum omnes sine
 exceptione Christiani, non propter pænæ metum, sed propter conscientiam,
 Principibus etiam malis, etiam paganis, aut hæreticis & impiis, atque
 adeo Ecclesiæ Dei hostibus, parendum esse credebant: cum Reges, quorum

1610. nomen apud omnes gentes, etiam melioris cultus rudes, aut feras, & Deum nescientes, semper fuit sanctissimum, eò fidelius à cunctis Christianis colebantur, quò verior & melior gentium superstitionibus Religio est Christiana: cum salus dominantium unica, secundum pietatem, Reipublicæ basis & firmissimum esse fundamentum, inconcussa & ἀνταρπύου fide cuncti doctrinam Christi profitentes habebant persuasissimum. Quondam igitur, cum Neronēs, Domitiani, Severi, Decii, Gallieni, Diocletiani; at quæ, bone Deus, pestes humani generis! in Ecclesiæ greges quæsitissimis suppliciis sæviendo, Orbem terrarum sanguine piorum inundarent, Martyribus cælos complerent; Christianorum repertus nemo, qui verbo, nedum re aut ferro, Imperatorem suum ledere saltem cogitaret. Nunc quàm sit temporum ratio mutata, duorum Regum, (ne alios commemorem,) & re & nomine Christianissimorum, simili ferè cæde peremptorum, funestissima & tristissima docent exempla. Sed nihil agunt Deo atque hominibus exosi parricidæ; nescit enim mori Christianissimus Rex Francorum, quem lex Regni perpetua atque sanctissima facit immortalem. Regnum quoque ipsum commoveri, concuti, impelli ad ruinam potest; sed eà demum lege, ut per hanc agitationem firmitus in sua sede stabiliatur. Quis non putabat, extincto Henrico III. unà cum Rege dominationis regie formam, & universum hoc Imperium à fundamentis esse convulsam, nunquam postea instaurandum? At vidimus ipsi postea auspiciis, ductu, atque virtute Henrici IV. Regis prudentissimi, præter omnem spem omnia in integrum restituta: vidimus Regnum, quod putabatur nullum futurum, velut deposito senio ætati meliori redditum: vidimus leges patrias, quæ æternum sopitæ credebantur, vires paulatim recipere, ac tandem robur suum obtinere: vidimus denique, ubi ad concordiam mentes hominum sunt revocatæ, otii & publicæ tranquillitatis amorem tam altas, regnante optimo Rege nostro, in omnium animis radices agere, ut ne illo quidem sublato, quicquam sit turbatum. Quis credidisset, tantam in Regno mutationem sine ulla ipsius mutatione, atque adeò sine ullo planè strepitu, nisi quem lamentantes edebant, posse contingere? Sed affuit nimirum, amplissime Thuane, hujus potentissimi Regni auctor & conservator DEUS OPT. MAX. affuit opportuno tempore salutaris illius dextera, & porro semper, ut confidimus, aderit. Ille Regnum & regiam Domum, quâ salvâ salvi sumus, quâ inclinatâ salutem neque speramus, neque optamus, pro sua infinita benignitate, & benevolentia in hanc gentem, tot insignibus argumentis declarata, tutam præstabit. Ille Christianissimum Regem nostrum LUDOVICUM XIII. & gloriosissimam Reginam MARIAM, filii Imperium singulari prudentiâ nunc administrantem, cælesti Angelorum suorum præsidio teget, ac Spiritu suo ὑψιπνεύοντῳ consilia ipsorum reget. Hoc optamus, hoc speramus, hoc dies noctesque à Domino nostro Jesu Christo postulamus atque contendimus. Maueat adamante fixa hæc Principum, & Regni Procerum cum Ordine amplissimo sanctissima concordia; quæ in ipso articulo temporis necessarii, instinctu quodam repentino sancita, haut sine Numine profectò; inter pulcherrima fidei & prudentissimæ sollertiæ exempla, cum æterna ipsorum, & universi Gallici nominis gloria, atque admiratione audientium, olim memorabitur. Vides, amplissime Thuane, quò me vis doloris abripuerit transpersum; neque enim hic locus erat harum lacrymarum: at loci temporisve rationem habere, aut modum tenere, non est illius, qui ἡδὲ γιγνέται τῆς αἰτίας; quod mihi nunc accidit. Sed redeo tandem ad propositum. Ut igitur dicere inceperam, absoluta est variorum Josephi Scaligeri Opusculorum editio, te potissimum auctore, me autem impulsore, hæc suscepta. Erat sanè

sanè optandum, ut qui ista scripsit, idem recensuisset atque publicasset. Id 1610. verò quum ego multis epistolis ab illo petiissem; quarum unâ, ut esset impetrabilioris efficaciæ, publicè eum compellabam; non aliud nisi hoc responsum tuli: Multa se huiusmodi rogatu amicorum scripsisse, quorum exemplum nulum servare esset solitus. Postquam ergo semel illa è potestate sua exissent, desinere se, in rerum suarum censu ea habere; eorumque edendi aut non edendi plenum arbitrium amicis permittere: sibi, utrumutrum fecissent, perinde futurum. Afferebat etiam interdum excusationem æquissimam; quòd partim gravioribus studiis & scriptis seriis (nam hæc & similia his inter remissiones & oblectamenta sua ponebat) occupatus; partim curis aliis & assiduâ epistolarum scriptione impeditus, tempore ad ista recognoscenda necessario destitueretur. Et omnino ita se res habebat. Nam quod amici & familiares ipsius nōrunt, is erat Scaliger, qui stupendâ felicitate ingenii & assiduâ intentione studii quum esset assecutus, ut ingentes raræ doctrinæ opes in exprompta sua memoria, velut in sanctiore quodam ærario haberet reconditas: ut quæque sese occasio subita offerebat, sive in communibus colloquiis, sive ad quæsitâ ab amicis per literas responderet, liberali manu quicquid magno sudore quæsserat, promeret. Atque hoc tantâ facilitate & promptitudine, ut qui persæpe amicos ea doceret, quæ discere ab alio quàm ab ipso non poterant; beneficium tamen accipere, non conferre sibi videretur. Non enim pluvias, ut agebat Pindarus, aquas colligebat; sed uno gurgite ~~exundans~~, aut ~~potius~~ ~~exundabat~~. Nihil est quod discere quisquam vellet, quod ille docere non posset: nihil legerat, (quid autem ille non legerat?) quod non statim meminisset: nihil tam obscurum aut abditum in ullo veteri Scriptore Græco, Latino vel Hebræo, de quo interrogatus non statim responderet. Historias omnium populorum, omnium ætatum, successiones Imperiorum, res Ecclesiæ veteris, in numerato habebat: animalium, plantarum, metallorum, omniumque rerum naturalium proprietates, differentias, & appellationes, quæ veteres, quæ recentes, tenebat accuratè. Locorum situs, Provinciarum fineis, & varias pro temporibus illarum divisiones ad unguem callebat. Nullam disciplinarum scientiarumve graviorum reliquerat intactam: linguas tam multas tam exactè sciebat, ut vel si hoc unum per totum vitæ spatium egisset, digna res miraculo potuerit videri. Omitto mathematica ipsius studia, & nobilissimam temporum disciplinam: qua in parte, ut non assecutus sit semper, quod quærebat; ea, certè præstitit, quæ iustam admirationem doctis æstimatoribus non possint non exprimere. Quod equidem eò confidentius dico, quia scio, Franciscum Vietam, subtilitate & inventionum acumine Mathematicorum nostri sæculi facillè principem, non aliud iudicasse: ad quem aliquando quum venissemus ego & amicus quidam meus, vir optimus & eruditissimus, essetque de Scaligeri id genus scriptis ortus sermo; postquam exposuisset Vieta, quid in iis desideraret; hoc ad extremum suo candore dignissimum elogium adjecit: Quicquid huius sit, inquit, tanta me illius portentosissimi ingenii incessit admiratio, ut Auctores Rerum mathematicarum, præsertim Græcos, solum Scaligerum perfectè putem intelligere. Addidit etiam tunc idem; Pluris se Scaligerum vel errantem facere, quàm multos ~~καταφροντας~~. Quum autem non unius Vietæ, sed omnium, quos Jupiter æquus amabat, ea semper fuerit de summi huius viri præstantia opinio consentiens; ea ex re illud evenit, ut docti homines, & qui familiariter cum ipso vivebant, & qui ubivis Europæ degebant, suas ad ipsum dubitationes referrent; &, quod alibi dicebamus, ceu ~~πρότερον ἀπευκταί~~ Tripodem illius consulentes, responsa inde peterent. Equidem non ve-

1610. rear affirmare, si omnia in unum colligerentur, quæ Scaliger in amicorum gratiam scripsit, aut ab iisdem consultus respondit; ingens aliquod volumen posse componi. Sed omnia colligere, quæ tot locis diversis habentur, & ab hominibus Gallis, Germanis, Anglis, Belgis, aliarum nationum, inter pretiosissima cimelia servantur, hoc verò non unius est hominis. Exisset fortasse olim aliquis, qui curæ habiturus sit hanc curam. Nos interim quæ potuerunt in his locis inveniri, nunc damus; & ad simile inceptum, fidei ac diligentiae exemplum aliis præbemus: diligentiae, quia ad omnia investiganda hoc libro comprehensa, non mediocri aut segni opus fuit inquisitione: fidei, quia nihil quicquam huc admissum, de quo non certò liqueret, *ἡ γὰρ ἀνὰ τὴν πατρίδα τὴν παλαιοὴν* quin pleraque omnia ex autographis Auctoris manu suâ curatè descripsit Petrus Puteanus tuus, Claudii filius, cujus amor in literas, & cultus erga hunc Heroëm dum vixit, nunc erga mortui memoriam, hoc quidquid est operis, nescio unde ex abdito, nobis paravit & concinnavit. Pleraque enim istorum edita ante hunc diem non fuerunt; quædam antè publicata, nunc illius studio pleniora & emendatiora prodeunt. Constat nobis, nihil istis esse admixtum, quod aut Scaligeri non esset, aut quod si reviviscat idem, publicatum fuisse moleste sit laturus. Summa enim cautio adhibita, ne alterutro genere peccaretur; quod à sordidis Typographis, aut inverecundis literarum institoribus in magnorum virorum scriptis passim fieri videmus & dolemus. Ne de aliis dicam, in unius Jacobi Cujacii, Jurisconsultorum hujus ætatis nominatissimi, monumentis, utrumque est admissum: nam & multa illius sunt edita, quæ edi vetuerat: & quædam sub ejus nomine sunt publicata, de quibus ille id eo scriptus unquam cogitavit. Ejusmodi est illa Græcarum Epistolarum Latina interpretatio; quam inauditâ mentiendi & falsa fingendi licentiâ Cujacio quidam adscripserunt, & sub tam illustri nomine obscuri cujusdam & mediocriter docti Germani versionem publicarunt; quum vir clarissimus Franciscus Pitheus, à quo illi habuerunt, eam sæpe mihi in Bibliotheca sua ostenderit, & Basileæ nescio quo casu sibi repertam dixerit. Porro etsi non multum fortasse interest, quo ordine Opuscula hæc sint edita; possunt tamen utiliter & hæc & quæcunque alia his similia restant edenda, ad quatuor veluti classes referri: ita ut prima Animadversiones contineat in Scriptores antiquos: secunda, Diatribas philologicas, & de rebus variis Dissertationes, tertia, Poëmata quæ vel fecit Auctor, vel à Græcis vertit: quarta, Epistolas. Ad primum ordinem in hac editione, pertinent Notæ in Plinium, in Cæsarem, in Senecam Tragædum, & eum quem falsò ac ridiculè Asnium Cornelium Gallum dixerunt. Notis in Plinium præbuit occasionem Melchioris Guilandini verbosissimus in capita de papyro Commentarius. Hic Guilandinus, me adolescente in magna fuit apud plerosque Literatorum exquisitæ cujusdam doctrinæ opinione & fama: idque vel eò maximè, quòd per Ægyptum & Asiam dicebatur peregrinatus. Nam quia oculi creduntur esse *μακρότατος ἀξιωματικός*, plerunque fieri videas, ut plurimum fidei iis babeatur, qui plurimum per remotas terras errarunt; si modo aliquam doctrinæ speciem præ se ferant. Exemplo sit Andreas Thevetus, homo nullarum literarum, nullius doctrinæ, nullius judicii, denique ne communis quidem sensus satis particeps; qui per varias Orbis utriusque partes circumlatus, ac deinde Historias scribere aggressus, multis etiam eruditissimis viris imposuit: eratque adeò verendum, ne apud posteros quoque levissimus futulissimusque Scriptor & nomen & locum honestum obtineret; nisi tu, doctissime Thuane, qui tuus est insignis amor veritatis, & flagrans benè de literis merendi cupiditas, hominis tibi noti vanitatem detegendo, & sui erroris

roris eruditos admonendo, veri patrocinium hac etiam in parte ultrò isse 1610. susceptum. Longè alius vir fuit Guilandinus; qui præter medicæ artis & præsertim botanicæ peritiâ non vulgarem, ne meliorum quidem literarum notitiâ caruit. Iccirco, ubi primum prodiit illius in locum Plinii de papyro, planta Ægyptiaca, Commentarius; ea secuta est doctorum approbatio, ut celebris nominis vir Dalecampius, in eundem locum Plinii postea scribens, Guilandinum, propter istud scriptum maximè, mirâ laudatione afficeret: alii verò, qui de charta & toto illo argumento scripserunt, id demum apud Plinium probarent, quod Melchiori esset probatum. Adeò sit sæpe in literis, ut pro aureis vulgò habeantur, quæ *χολοκάδρια* tantum sunt, & felle lita. Nam seriò docti & iudicio instructi ecquod reconditæ eruditionis indicium in tam prolixo Commentario potuerint deprehendere, equidem fateor me ignorare: nulla quippe rei, qua de agebatur, singularis notitia, & frustra calcata Ægyptus; nulla Vetustatis solida cognitio; Auctorum Latinorum intelligentia mediocris; Græcorum ne mediocris quidem: quippe in Græca lingua totum se de Lexico suo pependisse, neque ipse diffitetur, & res clamat ipsa. Adde levitatem iudiciorum; ut cum multa corrigit integerrima; cum Auctores, præsertim veteres, temerè & sine ulla ratione reprehendit. Ut cum exempli gratiâ, Suetonius dat illi pœnas, quòd chartam plumbeam dixerit; quum nos id alibi non solum *ἀναλόγως*, sed etiam elegantissimè dictum esse probaverimus, & Lysimachum vetustissimum Scriptorem laudaverimus, qui multò ante Suetonium *κολοκάδρια χαρτες* dixerat: Guilandinum verò non puduit docere Romanum hominem, & quidem adeò doctum & castigatum, Romanè loqui, & jubere ut potius diceret plumbeam papyrum; quod est ineptissimum. Omitto planè desultoriam scriptionem; in qua Auctor prorsus, quod agebat Philosophus, *τοῖς ἑξῶθεν λόγοις ἀναπλάττει τὸν λόγον*. Meritò igitur Iosepho Scaligero doluit, Guilandinum, qui tam malè Plinium acceperat, tanto cum plausu passim ab omnibus accipi. Atque hoc suum iudicium jam olim scribens in Festum, quum paucis verbis indicasset; ut rationes, quibus movebatur, scripto brevi complecteretur, postea ab ipso impetravit vir clarissimus, atque integerrimus Senator, Claudius Puteanus; cuius mores & doctrinam ita Scaliger probavit, ut & conjunctissimè cum illo semper vixerit, & omnia sua studia familiarissimè communicaverit. Illi viro doctissimo, quem suorum sibi scriptorum Aristarchum fuisse, ipse Scaliger scribit, debetur hæc eruditissima contra Guilandinum disputatio. Notæ in Cæsarem Notitiæ Galliarum, velut auctarii jure accesserunt, de qua dicemus paullo post. Certum est, editionem Julii Cæsaris sæpe illum cogitasse: nam etiam in scriptis suis non semel ejus spem facit, & desiderium commovet. Sed incerta & semper vaga ipsius vita, priusquam in Hollandiam concederet; & Cæsaris & Plauti, & aliorum plurium veterum Auctorum editiones, de quibus seriò cogitaverat, nobis invidit. Prodiit tamen ante paucos annos Lugduno Batavorum Cæsaris editio, quam scimus, licet frons libri dissimulet, pumice critico magni illius Censoris fuisse expolitam. De Notis in Senecam tragicum nuper scribebat Daniel Heinsius, arte & ingenio vir excellens, & omnium doctorum gratiam vel eo meritis nomine, quòd Iosepho Scaligero, quem parentis loco vivum coluerat; postquam est fato functus, omnia pii filii officia abundè præstitit; in Bibliotheca τῆ μακαρίτης eas sibi esse inventas. Solebat hic literarum parens relaxandi animi gratiâ, & sicut olim de Origene, & alumnis ejus disciplinæ est dictum, *ἐν καιροῖς ἀνίστας φίλῶς λέγειν καὶ ἀκριβῶς τὰ ἀσκήρατα*: ita illi nata hæc opella est, multa continens tam illustri ingenio dignissima. Apparet autem, Typographi alicujus

1610. rogatu, qui illarum Tragædiarum editionem parabat, has Notas fuisse exaratas. Puteanus verò noster, quum exemplar illarum depravatissimum & longè corruptissimum fuisset nactus, Josias Mercerus, J. F. Græcè Latinèque vir doctissimus, suâ illas manu descripsit atque emendavit. Juvabit probos & *ἐπιμαθήσας* adolescentes, has observationes cum illis conferre, quas in eosdem Auctores Justus Lipsius, literarum, dum vixit, columnen, olim edidit: deprehendent enim, judiciorum quidem atque opinionum diversitatem non parvam; at *κακὰ καὶ δεινά*, invidiæ, livoris, nullum vel levissimè impressum vestigium in animo probissimi senis nostri, qui posterior scripsit. Discent igitur hoc exemplo, ita servandam in literarum studiis judiciorum libertatem, ut omnis absit malignitas, omnis alienæ famæ obtrectatio. Pseudo-Galli elegiam Itali Critici pro germano pœmate Cornelii Galli, æqualis Augusti, & cujus mortem Virgilius deslevit, venditabant. Consultus super eo hic nostri seculi Varro à Claudio Puteano, cui de fraude suboluerat, responsi loco Notulas misit, quæ heic habentur. Ad secundam classem referri debent hoc volumine comprehensæ Diatribæ istæ: De Judæorum Decimis; Notitia Galliæ; De Linguis Europæ, & Dialectis Francorum; item de Pronunciatione quarundam literarum; Judicium de Thesi chronologica; Constantiniani Numismatis explicatio, & quædam alia Gallicè conscripta. Pulcherrimam atque eruditissimam dissertationem de Decimis in Lege Dei, viro nobilissimo, tibi conjunctissimo debemus, Carolo Harlæo, fratri magni illius Achillis Harlæi, quo Principe Senatûs gloriatur hodie Ordo amplissimus; atque utinam gloriatur diu. Ille aliquid explicari sibi petierat, quod ad decimas Judaicas spectabat; Scaliger antiquum obtinens, totam illam partem Juris antiqui Judæorum, doctissimis etiam viris minus benè expositam, paucis verbis est complexus. Notitiam Galliæ non haberemus, nisi venisset in mentem Paulo Merulæ, viro juxta probo & erudito, in opere suo Geographico Gallias nostras describere, eamque ad rem opem & subsidium, ac velut Ariadnæ filium ab hoc Theseo petere. Videtur autem vir undecunque doctissimus, quando illam Galliarum in partes suas tributionem exaravit, de eodem, quod ajunt, oleo & *τῆναι* apud Julium Cæsarem elucidasse, & de hodiernis linguis illa differuisse, quæ Notitiæ sunt subjecta: eodem & observatio illa referenda, quâ de legitima aliquot literarum pronuntiatione agitur: quæ ita est à Puteano edita, ut est inventa, non ut optaremus. Judicium de Thesi chronologica, ut illa tam multa, quæ de hoc argumento in opere magno, De Emendatione Temporum & ad Eusebii Chronicon observavit, atque etiam alibi, peritiam exactam Historiarum, quæ Sacris Literis continentur, arguit; in quo plus esse difficultatis quàm scioli quidam arbitrentur, mortalium nemo ita clarè ostendit, ut hic noster Polyhistor. At in lectione Patrum quantam *ὁ μακαρίτης* habuerit *ἔξω*, & rituum veteris Ecclesiæ quantam notitiam, optimè omnium declarat nummi Constantiniani accuratissima interpretatio, ad virum Antiquitatis peritissimum missa, Marquardum Freberum, Jurisconsultum; quam spondeo, Ecclesiasticæ *ἀρχαιολογίας* studiosum neminem sine fructu & voluptate lecturum. Ad tertium ordinem referenda sunt Poëmata, quæ in hoc volumine continentur, quæque his addi possunt compluria, dum generum: aliorum Auctor est Scaliger, aliorum dumtaxat interpres. Lusus ipse juveniles suos, aut senilis insomnia solatium appellitabat: nunquam enim inter serias curas suas versus à se compositos & *ἡ ἑταίρῳ ἐξιδιαιτέρως* numeravit: nunquam exorari potuit, ut suos poëticos fatus tollere mallet, quàm exponere: qui tamen eâ facultate quantum in utraque lingua excelleret, Græcè Latinèque docti, & poëticorum sacrorum Mystæ satis nôrunt;

tu omnium optimè, clarissime Thuane; qui Græcos & Latinos Scriptores habens familiares, Poëtarum sacra opertanea, à quorum aditu profani arcētur, non ἀπεργασία nota habes, verum ut epopta, ad intima quæque illorum arcanorum penetralia dudum admissus. Inveni post impositum huic editioni colophonem, Psalmos aliquot Davidis, Græcè Scaligero versos; quos, ubi primum fuerit occasio, non patiar interciderē: merentur enim, ut in fronte prima hujus tertiæ classis locentur. Initia Orphei adolescens olim vertit, quando & Lycophronis Cassandram, geminum huic opus, doctis nunquam satis laudatum. Scimus, Q. Sept. Florentem Christianum, inter æquales Poëtas merito suo clarissimum, summā versionum hujus viri admiratione ductum, quam ante annos viginti-quinque publicè est testatus, & Initia Orphei, & Diras Æschyli ex ejusdem interpretatione, ad edendum præparasse. Sed Diræ quidem, incertum quo casu, perierunt: Initia verò manu patris descripta, Claudius Christianus Petro Puteano tradidit. In quarta classe specimen Epistolarum habetur, quas Josephus Scaliger ad amicos scripsit, & numero plurimas, & vel propter elegantiam ac propter quendam ipsi proprium dūvovτ & characterem, lectu dignissimas. Quod si quis omnes hujus viri Epistolas, non solum quas certo proposito argumento accuratius scripsit, sed etiam quas subito exaravit, publicaret; eum ego existimem non male operam positurum. Pertinet enim ad profectum juventutis, habere ipsam æmulationis Veterum tam illustre exemplar. Nam hodie qui Latine loquantur, multos invenias: at qui sine cacozelia & inepta affectatione Antiquos imitentur, oppidò paucos: qui verò sermonis Romani illum, ut sic dicam, indigenam saporem sincerè & castè exprimant, invenies omnino paucissimos. Etsi autem Epistolis Scaligeri omnibus inest aliquid, cujus gratiā eas legisse neminem possit pænitere; nobis tamen propositum nunc quidem non fuit, quasvis Epistolas ipsius edere; sed illas dumtaxat, quæ argumento essent notabiliores. Pleræque igitur, aut διδάσκοντ sunt, & præter solemnia literarum, aliquid scitu dignum continent; aut ἀπολογίζοντ, & defensionem Auctoris adversus invidentium obrectationes habent. Quod autem nonnullæ earum sunt editæ, quas ad me scripsit; hoc verò tuā gravissimā auctoritate, quæ plurimum, uti par est, apud me valet, non voluntate meā factum esse, testor fidem tuam, Præses amplissime. Erat enim mihi certum fixumque materiam malignis non dare; qui benignitatem viri candidissimi, in meritis amicorum supra meritum & ultra modum prædicandis, ad occasionem calumniæ rapientes, utrumque simul invadent; & illum quidem levitatis, qui ἐκ κἀνωπτοῦ ἐλέφαντα me vanitatis, qui ista sim passus edi, arcessent. Illi verò uti volent: ἐπὶ τῇ φρονήσει ἡ περικλείει. Nam Scaligero quidem, viro in literis tanto, & virtutis adeò spectatæ, quid honestius culpā immodicæ benignitatis? mihi verò in tua unius voluntate facti constat ratio. Scrivi alioquin, ac præ me semper tuli, tantum hanc illius amorem non adeò eruditione, aut ingenio esse me promeritum; ac cupiditate ingenti discendi quæ nescio: cui ipsum non minus cupide, pro insita sibi bonitate, solitum esse satisfacere, vel hæc pauca Epistola è centum undecim, quas ab eo acceptas servo, fidem fecerint. Multa studiosi in illis legent, quæ alibi se non legisse, si ingenui sunt, non inviti fatebuntur; sin autem, vel inviti agnoscere cogentur. Atque hæc ferè sunt, Præses amplissime, quæ vel à me, vel à Petro Puteano tuo, hoc tempore potuerunt reperiri, fugitiva, ut sic appellem, Josephi Scaligeri scripta, antea non edita. Nam Leges Atticas, Dissertationem de Re nummaria, Librum de Æquinoctiis, & alias lucubrationes ejusdem, quas scimus in publica Lugduni Batavorum Bibliotheca asservari; quum ab amicissimo Heinsio, ejus Bibliothecæ Præ-

1610. *fecto, nobis communicari petiissem, aut certè illic edi; respondit vir humanissimus, religione quâdam se impediri, quominus illa publicaret: quia testamenti tabulis cautum sit, ne quicquam edatur, inchoatum tantum vel affectum, non autem perfectum. Quamobrem & istis, & illo tantopere multis desiderato Arabicae Linguae Thesauro, unâ cum Suppellectile universa librorum Orientalibus linguis scriptorum, aliorumque manuscriptorum; nec non Commentariis in Historias Animalium à Julio Casare Scaligero labore ingenti compositis; his, inquam, omnibus, hoc est, incomparabili quâdam gazâ, soli jam, ut apparet, Batavi fruentur; qui & postremos vitæ illius annos obtinuerunt, & nunc mortui cineres possident. Utinam quidem aliter superis visum esset, neque tanto ornamento propriè suo Gallia nostra unquam esset orbata! sed quoniam ita Θεὸς ἐπέλατο βαλὴν, ad gloriam nobilissimæ Gentis, atque huic Regno conjunctissimæ, istud quoque decus accedere, æquo animo, καὶ ἀχρὺ μὲν καὶ, feramus: quum præsertim in fovendo colendoque Hercule illo Musarum, & ornanda ejus memoria, postquam fuit, quâ Principes ejus Reipublicæ, quâ literarum Antistites, honestissimæ cujusdam æmulationis pulcherrimum certamen inter sese videamus certasse. Non est prætermittenda hoc loco lucubratio Scaligeri, cujus alibi meminimus; brevis illa quidem & parva, sed interiorum & reconditarum literarum, quæ in illo fuerunt non parvum testimonium: Proverbia dico Arabica, Romano sermone in meam unius gratiam expressa. Duo ipse ejus libelli exempla diversis temporibus ad illum misi; quorum posterius priore longè emendatius, manu descriptum erat Hadriani Guilielmi, Flessingensis; qui paullo post in hac urbe inexplicabili morbo implicitus & abreptus, utrique nostrum, imò omnibus qui narrant, ingens sui desiderium reliquit; erat enim in illo adolescente præter eximiam morum probitatem, & Græcæ Latinæque linguæ notitiam, Arabicarum literarum & totius ἱερατικῆς ὕλης incredibilis, ut in illa ætate, peritia. Quoniam autem versio horum Proverbiorum, quæ penes nos est, è priore exemplari fuit propagata; δευτέρως φρονιμῶς è collatione posterioris sæpe à Scaligero exegi, atque ille mihi sæpe promisit: quod ipse morte præventus quum præstare non potuerit, hortatu meo in se recepit Thomas Erpenius, cum aliarum literarum & Philosophiæ callens juvenis, tum Arabismi & grammaticarum ejus linguæ observationum mirificè curiosus & intelligens. Quod si Deus immortalis cæptis faverit, spondemus brevi illum libellum unâ cum versione & Notis Arabicè à Gulielmo Lebeo, civè Parisiensi, editum iri; qui characteres Arabicos, atque etiam Hebraicos omnium elegantissimos (quod hæc etiam editio ostendit) arte industriæque suâ, ac propriis sumptibus sculpsit; & laudabili cum primis incepto, patriæ atque Academiæ huic decus non parvum nitendum, quo prius carebat, conciliavit. Sed jam tempus est, ut orationis vela contraham, & Epistolæ huic, quam dudum sentio suâ prolixitate modum excedere, finem imponam: si prius tamen te, Vir amplissime, Jacobe Auguste Thuane, rogavero, obtestatusque fuero, ut istarum Josephi Scaligeri, veteris amici tui, lucubrationum patrocinium adversus invidios Bambaliones, terræ filios, velis suscipere. Nam si cætera illius præclara inventa, & incredibilis doctrinæ plena scripta, malevolorum virulentos morsus non effugerunt; quæ spes est, hos libellos, ab eodem ingenio profectos, sed quos ipsorum pater ex tempore, & impetu quodam effudit, potius quàm meditatatus scripsit, meliore fato futuros? Non enim cogitabunt severi Aristarchi, rem esse omnium iniquissimam, exigere à quoquam mortalium, ut in otio & in negotio æqualiter animum intendat: non cogitabunt, siquid in subita scriptione interdum fit humanitus offensum; eum virum Scaligerum*

rum fuisse, ita de genere humano scriptis suis divinitus meritum, ut facile 1610.
 αἰδοῖς ἐν ἰσθλοῖς τὸν δ' ἀπαρτὴν ψόγον. Sed summe ego stultus, qui cum hominibus
 omnis rationis inimicis, rationibus agere institutam? Nam apud illos certè qui
 ubivis locorum doctrinâ & virtute pari librâ sunt ornatî, illustrissimi nomi-
 nis tui auctoritatem, Præses sapientissime, ad commendationem hujus libri
 abunde satis valituram, dubitare non possum; qui sciam, unum hodie in-
 ter togatos esse te, quem non magis dignitas hæc amplissima, magnis in
 Rempublicam meritis tibi parta, universis Franciæ populis reddat venerabi-
 lem; quàm inusitata ingenii dotes, quibus excellis, cunctis totâ Europâ
 probis doctisque hominibus, admirabilem. Nam quum tuâ olim operâ variè
 uti, multò antè quàm nascereris, destinasset magnus ille mundi Arbiter,
 omnia liberali manu in te contulit, per quæ aliquis ad veram solidamque
 gloriam potest pervenire. Nihil heic dicam de antiqua generis nobilitate,
 de majorum imaginibus, & cæteris, quæ vulgò dona Fortunæ vocitantur.
 Patrem quoque tuum silebo, virum maximum, qui Ordini amplissimo totos
 viginti annos quum principem locum obtinens præsideret, omnium sibi vir-
 tutum invicem consertarum & coherentium inesse comitatum, & privatim,
 & publicè, dictis, factis, liquidò comprobavit: hæc enim etsi ad bonorem
 tuum pertinent, magnoque tibi sunt ornamento; longè tamen illud magis,
 quòd in prima statim adolescentia cum te præbuisi, quem nullo negotio om-
 nes intelligerent, majorum suorum claritudini gloriæ esse præoptare, quàm
 meritis ipsorum splendorem suum debere: adeò ut nemo jam tum fuerit, qui
 id agere te dubitaret, ut quod lumen tibi parens præferebat, posteris ipse
 olim præferres. Igitur in studia liberalium artium & Juris civilis Romano-
 rum non secus illâ ætate incubuisti, (rarâ quâdam felicitate nactus Valen-
 tiæ Segalaunorum tempore eodem Præceptorem quidem Jacobum Cujacium,
 condiscipulum verò, sed ætate grandiorum, Josephum Scaligerum;) ac si
 ille solus ad gloriam aditus tibi pateret; aut in illo solo præsidio spes omnes
 tuæ niterentur. Studio legitimo defunctus, & peregrinationibus, quas ad
 multas Europæ partes suscepisti, publicæ rei administrationem auspiciatus,
 per varios deinceps honorum gradus, ad hanc illustrem dignitatem conscen-
 dens, in diversis muneribus, functionibus & legationibus probatus, mentis
 altæ consilium, moderationem animi, fidei ac morum constantiam, adversis
 rerum immerfabilis undis, ita perpetuò usurpasti; ut multum sæculi tui bo-
 minibus daturus fueris, etiamsi nihil præter exemplum dedisses. In tanta
 enim rerum varietate, quantam illis difficillimis temporibus experiri conti-
 git; cum quidem plerique hominum de Fortuna pendentes alternis Vatinii,
 alternis Catones erant, æqualitatem vitæ per omnia constantem sibi ser-
 vasse, neque ullo unquam casu graviore concussam, ab insita probitate de-
 scripsisse; aut perfecti Sapientis, aut, ut Stoicis pacatis utamur, ejus erat,
 qui ad perfectam sapientiam proximè accederet. Hoc illud est tempus, quo
 Henrici Magni castra sequens, inter tumultus castrenses, rerum toto Orbe
 memoriâ tuâ gestarum, præsidis ad tantum inceptum multò antè magno
 studio provisus, Historiam ἱστορίαν scribe instituisi: qua in scriptione
 quantâ diligentia & fide, (nam sermonis elegantiam omitto,) sis usus, om-
 nes, qui legerunt, scire possunt: nos hoc amplius scimus, quantas inter curas,
 quàm brevi tempore, horis tuis subcisivis bene utendo, propositam initio
 materiam ad scribendum peregeris. Nam qui neque muneri tuo laboriosis-
 simo, neque Regis obsequio ulla unquam in parte defueris; annis tamen
 duodecim & mensibus sex, libros centum & viginti octo, rerum memorâ-
 bilium admirandâ varietate refertos, confecisti; opus in eo genere litera-

1610. rum maximum omnium, quæ unquam post Titi Livii Annales sunt edita. Quemadmodum autem olim ad Rempublicam ita animatus accessisti, ut universorum consiliorum & *παιτευμάτων* tuorum suprema lex esset salus regni, non autem factionis alicujus studia; ita, cum res gestas es orsus literis mandare, non utique id spectasti, ut ea diceres, quæ his, aut illis grata essent futura; sed quæ Historiæ Regina VERITAS pateretur. Cujus generosissimi propositi hoc præmium tulisti; ut tunc demum Historiæ legitimæ majestas nostris hominibus capta sit intelligi, quando per Europam libri tui circumferri sunt capti. Hinc illi plausus & acclamationes bonorum, tibi pariter ac seculo gratulantium, ex Italia, Hispania, Germania, Polonia, & ultima etiam Livonia, in hanc urbem ad te & amicos tuos transmissæ. Enimvero, tam perditis moribus, & adeo inimicis virtuti temporibus, esse aliquem animi invicti virum, qui non gratiâ, non metu à veritate in Historia scribenda deflectat, è Republica humani generis est. Quid dicam de illo immenso tuo in literas amore? quem quidem eximie declarasti, cum in contexendis Annalibus tuis eorum interire memoriam non es passus, qui ad illarum illustrationem in hac ipsarum *παιδαγωγία*, vel mediocrem saltem aliquam symbolam contulissent. Non erat alienum huic loco de tuis erga me beneficiis commemorare: quæ etsi fateor extitisse quàm plurima; illa tamen præcipua ex omnibus, ut mei sunt mores, mihi videntur existimanda, quæ cum rationibus meorum studiorum sunt conjuncta. Illa igitur quantum tibi debeant, si dicere aggrediar, longum faciam. Nunquam ego te conveni, ut non ea ex te audirem, per quæ melior & doctior possem discedere: nunquam à tuo congressu temerè discessi, quin ad amorem patriæ, studium pietatis, honesti atque literarum, novâ quasi flammâ succensum me sentirem: nunquam sermonum tuorum factus sum particeps, cum tu de officiis vitæ, de salute aut interitu Rerum publicarum, de literarum studiis, de omnibus omnium ætatum Scriptoribus differeres; quin subiret illicò animum species admiranda, & raro admodum per sæculorum intervalla mortalium oculis conspecta idea, illius Politici omnibus numeris absoluti, quem maximus Philosophorum in scriptis suis informans, *ὡς πᾶν παιδεύειν* appellat, & omnium artium, disciplinarum atque studiorum *κύριος* statuit & judicem. Quod si mediocri diligentia id sum consecutus, ut vigiliarum mearum aliquis ad studiosos fructus perveniat, eoque nomine gratiæ mihi nonnihil debetur; tibi profecto ejus gratiæ, quantum lacunque ea est, pars debetur multò maxima; qui & re, & consilio studia mea subinde adjutans, assiduus *ἐπεδιδόκης* instas; & quod olim Ambrosius Origeni, id ipse es mihi. Verum de tuis in nos meritis, erit, spero, alio tempore, plura dicendi locus: quando ut aliquod grati animi pignus tibi exhibeamus, de domo numerationem faciemus: nam nunc quidem mutuum sumimus, & alienâ arcâ utimur. Deum veneror, Præses amplissime, ut te bono publico & literarum natum, cum nobilissima conjuge, singularis exempli fœmina, etiam si olim fuisset, ac suavissimis pignoribus vestris, omni bonorum genere cumulatam, quàm diutissime præstet incolumem. Faxint superi, ut hæc præcellens gloria, virtute & studiis literarum collecta, *παισὶ παιδὸν μεταλαμπαδεύουμένη*, Thuanæ genti fiat propria, & in natis natorum perpetuò hæreat. Vale. Datum Lutetiæ Parisiorum, a. d. 111. Kalend. Quintil. CIO IO CX. quo die Henrici Magni corpus, post solemnia regii funeris in Arce Lupara celebrata, pompâ efferrî cepit, magnificentissimâ quidem, sed ducentibus pariter & spectantibus acerbissimâ atque luctuosissimâ. Scires efferrî Patrem Patriæ, Principem non minus suis cbarum, quàm hostibus terribilem, omnium sæculorum eternâ memoriâ dignissimam.

Serenissimo

Serenissimo potentissimoque Principi,

J A C O B O,

Dei Gratia,

Magnæ Britanniae, Hiberniae, &c. REGI,

Fidei Defensori,

ISAACUS CASAUBONUS

S. D.

(Præfixa Exercitationibus in Annales Baronii.)

QUOD omnium optimè Tua Majestas novit, Rex serenissime & potentis-¹⁶¹⁴ sime, Veritatis à Deo hominibus manifestatæ ea natura est, id fatum, ut quum vinci ab hostibus suis nequeat, carere tamen hostibus non queat. Scripturæ Sacræ, & omnium seculorum experientia, cujus testis Historia, dubitare nos ea de re non sinunt. In illis audimus Jesum Christum, Dominum nostrum, de se dicentem, *Ego sum via, veritas, & vita*; ut verendum non sit, ne aliquando victa Veritas ad extremum deficiat aut intereat; quæ Dei viventis Filium, Deum verum, habet auctorem, assertorem, vindicem. At rursus in Oraculis divinis legimus, Jesum Christum nominari à Spiritu Sancto, ore Simeonis Prophetæ, *Signum cui contradicitur*, positum *eis πῶτον ἢ ἀνάσπουν*, ut propter illum & per illum, alii in ruinam præcipitent, alii de morte transcant ad vitam. Quò etiam pertinet Pauli Apostoli divina disputatio, docentis è Veteris Testamenti Prophetiis, Christum esse *lapidem offensionis, petram scandali*. Sed & Apostolorum Princeps, Petrus, sollicitè Fideles admonet, ut ab insidiis Satanae caveant sibi; illum enim ut leonem rugientem imminere, cupidum pios deglutiendi, & universæ Ecclesiæ Dei perdendæ; quod, salvâ cœlestis Veritatis sinceritate, ab illo fieri non potest. Jam & Historiæ omnes de Ecclesia Christiana, (quæ est sedes, *κύλῶς, καὶ ἰδρυµέναι* Veritatis) scriptæ, Prophetarum vaticiniis planè concinunt, fidemque illarum ex eventu comprobant: admirabili varietate casuum refertæ, quos experiri Ecclesiæ contigit: quum à prima illius institutione, neque externi, neque interni, hostes ullo unquam tempore ipsi defuerint, qui ad illam perdendam, & vel nomen ipsius, si fieri potuisset, de memoria hominum delendum, nullam vim, nullum dolum, nullas denique artes sinerent inexpertas. Sed enim Veritas, *θεὸς ὡς ἀλόγητος*, omnes adversarum tempestatum fluctus decumanos eluctata, etsi interdum latitans, & minus aliquando in oculos aliud agentium mortalium incurrens; semper tamen victrix, ad hæc secula duravit; duratura sine dubio, ad seculorum usque finem, & de omnibus suis inimicis plenissimum tandem & gloriosissimum triumphum reportatura. Porro ex omni illa prope infinita hostium copia, qui sub signis merentes Principis hujus mundi, bellum veritati *ἀσπνδον* atque implacabile indixerunt; haud equidem scio, an infestiores ei sint ulli alii, quàm sunt duo hominum genera, qui diversis, imò in speciem contrariis, illam modis aggredientes, & cursum ipsius omni conatu impredientes, detrimentum ingens Ecclesiæ per sæpe

attulerunt. Eos intelligo, Rex serenissime, & sapientissime, qui aut opinione sui inflati *καυχωρίας*, doctrinasque novas inducere; aut studio capti præpostero defendendæ Antiquitatis non veræ, ipsam Veritatem, quâ nihil antiquius, oppugnare totis viribus sunt conati. Sive Annalium replicare memoriam, Tua Majestas voluerit; sive ad hæc nostra tempora oculos referre; inveniet profecto, non gladios, non equuleos, non flammæ, non ungulas, non craticulas, non *πρὸς παλαιάς*, aliave ulla priscæ crudelitatis instrumenta, Ecclesiæ tantum unquam nocuisse, quantum ei nocuerunt, hinc novarum opinionum auctores, illinc præposteri Antiquitatis *ψευδώνυμοι* defensores. Quæ duo hominum genera, quum videantur inter se opposita, penitus dissidere, atque adeo affectibus, ut plurimum, ducantur contrariis; si quis tamen propius rem spectet, in effectu consentire, utrorumque conatibus eodem recidentibus, facile intelliget. Nam quid est Antiquitas non vera, nisi latens sub larva novitas? aut quæ Vetustas contra Veritatem stare potest; quum sit extra omne dubium, id verius esse, quod prius; id prius, quod à principio? Itaque hæreses non minus arguit novitas, quàm revincit Veritas. Primis statim nascentis Christianismi temporibus, quantus amor novitatis, hominum mentes, velut afflatas quodam pestilenti sidere, & invaserit & infederit; quis pruritus *φιλωνίας*, multorum ingenia titillaverit; quæ licentia sit passim vagata fingendi fabulas ineptissimas, & horrendarum opinionum portenta; quàm multæ denique hæreses ex arvo Ecclesiæ fructificaverint, degeneres veritatis, grano & mendacio sylvestres; testes sunt Simon Magus, Menander, Saturninus, Basilides, Carpocrates, Cerinthus, Ebion, Valentinus, Marcion, Montanus, & similia his alia Satanæ mancipia; quorum stultissima & foedissima somnia hostes fidei Fidelibus adscribebant, eoque nomine apud imperitos & veritatis ignaros sanctissimum pietatis Christianæ nomen infamabant. Quippe cupiditas novandi hæc secum mala semper trahit; Christi inconsutilem tunicam lacerat; sectas novas parit, & statim multiplicat; perniciosissimum denique ex ea ipsa scandalum generat; quod Ecclesiæ, etsi immerenti, in opprobrium vertens, paleas levis fidei ex area Christi facit avolare; positos verò extra Ecclesiam in sua perfidia indurat, & ruentes propriâ sponte in ipsum perniciem barathrum, magis magisque impellit: quod primis illis Christianismi seculis usu venisse, & Historia vetus, & pii Patres innumeris suorum scriptorum locis nos docent. Nec minus tamen Ecclesiæ Dei priscis temporibus obsuerunt, paganorum hominum clamores assidui & importuni; religionis suæ, & caerimoniarum, à majoribus acceptarum, Antiquitatem stultè jactantium; doctrinæ verò Evangelicæ novitatem pari stultitiâ objicientium. *Quantò venerabilius ac melius, dicebat Cæcilius Orator paganus apud Minutium Felicem, Antislites veritatis majorum excipere disciplinam, religiones traditas colere; Deos, quos à parentibus ante imbutus es, timere, quàm cognoscere familiaris, adorare: nec de Numinibus ferre sententiam, sed prioribus credere?* Simillimè Symmachus scribens ad Valentinianum, Theodosium, & Arcadium, Augustos: *Si longa ætas, inquit, auctoritatem religionibus faciat, servanda est tot seculis fides, & sequendi sunt nobis parentes, qui secuti sunt feliciter suos. Særa & contumeliosa est emendatio senectutis.* Non est facile dictu, quantum olim piis hominibus fuerit laboris exantlandum, ut hunc errorem, cæcutientium Paganorum animis penitus insitum, illis eximerent: declarant id satis superque tot Apologiæ, aliæque ipsorum scripta longè doctissima, in eum maxime finem elucubrata, ut demonstrarent, eam religionem, quæ à Deo Opt. Max. esset instituta, alias omnes tempore antevertere; neque ipsam post ceteras natam videri debere; sed ex ea cunctas per pravam æmulationem fuisse derivatas.

Tan-

Tandem igitur, etsi ægrè id quidem, & non nisi post aliquot secula, vinci 1614. nescia vicit Veritas; falsa Antiquitas veræ concessit; Gentium aniles superstitiones evanuerunt; & per totum orbem terrarum salutaris nuntii vox, invito Diabolo, est audita. Enimverò antiquus ille humani generis hostis, etsi in suis ministris sæpe vincitur; ipse tamen animo non vincitur: neque mentem mutat, sed propositi sui semper tenax, cum hac non successit, aliâ aggreditur viâ: januâ exclusus, per posticum subrepat: tunc maximè Ecclesiæ Dei metuendus, cum res illi humanæ ridet, & blandiuntur successus. Non potuerat Satan impedire, quominus cœlestis Veritas ad omnes Europæ, Asiæ, Africæ Provincias perveniret: mutatâ igitur consiliorum ratione, id agere cœpit, ne populi, quos respexerat Oriens ex alto, sementem, quam ipse Christus seminaverat, quantâ par erat diligentiam, custodirent: deinde nimium securis Pastoribus Ecclesiarum illudens, bonæ tritici sementi zizania, ut erat à Domino prædictum, clam per nocturnas insidias induxit. Quid multa? ira Dei tandem est accensa, & cœlo delapsa Veritas, hostibus domitis, à domesticis suis neglecta, alibi penitus est amissa, alibi vix laciniâ est retenta. Ne de Africa, aut Asiæ Ecclesiis dicam, quæ vel extinctæ sunt dudum, vel quum essent quondam florentissimæ, nunc sunt afflictissimæ; in nostra hac Europa quid acciderit, quantopere sit labefactata sinceritas veræ religionis, quibus quantisque novitatibus astu Diaboli sit corrupta, ne illi quidem possunt ignorare, qui magno redemptum velint, id ab omnibus ignorari. Uni Deo debitus cultus, creaturis variè & multifariam est communicatus. Cerimoniarum, sub quarum onere jam inde à temporibus B. Augustini gemebat Ecclesia, mirum in modum sunt multiplicatæ; quumque dixerit Dominus, se in spiritu & veritate fore colendum; quam ob causam Apostoli & prima ætas res externas ad Dei cultum adhibuerunt paucissimas; à contrario sic ad externa hominum mentes sunt traductæ, ut in iis plerique mortalium religionis proram & puppim, & salutis suæ ancoram ponerent. Inde illa sacrarum reliquiarum ultra legitimum modum veneratio: ipsa quidem etiam prius usurpata, sed aliter, alioque fine, & parcius. Inde illa in præsidio Sanctorum posita fiducia, & tam sollicita eorum invocatio. Inde ille, quem hodie videmus, cultus imaginum & adoratio: quæ novitas initio cum induceretur, Orientem & Occidentem inter se commisit, & aliquamdiu etiam collisit. Inde alii numero infiniti *idolatriæ ritus*, ut vocem Epiphaniæ usurpem, & novarum superstitionum novi ritus. Quarum innovationum tot & tantarum, ne aliquid suboleret populis Christianis, inauditâ prius Satanæ fraude, divina Eloquia non solum Laicis, sed etiam Cleri maximæ parti sunt adempta; eoque tandem perventum est furoris, ut grex Christi, Testamentum Christi, Pastoris illius sui boni, neque domi curaret, vel auderet legere, neque publicè lectum alienâ linguâ, posset intelligere. Accessit tot malis cumulus ingens, dominatio terribilis unius, in Ecclesiam pretioso sanguine Christi liberatam, ab aliquamultis seculis introducta. Sedes enim Romana, quæ prima inter Patriarchales quondam satis habebat censeretur; Domina Ecclesiarum esse, atque agnosci dudum est, cum voluit. Et Romanus Pontifex, postquam potestatem suam in rebus spiritualibus ad ultimum fastigium perduxerat; pertæsus fortunæ suæ, quasi nihil dum egisset, ad temporalem dominationem animi mentem convertit. Cui ubi semel inhiare cœpit, nunquam ex eo prius conquievit, quàm in illud culmen sublime terrenæ potentiae vidit se evectum, unde postea Imperatores, Reges & Principes, longè infra se positos, superbè despiceret, & quoties luberet, aut rebus ipsius expediret, pedibus posset conculcare. Has pœnas longè gravissimas, Ecclesiarum in Europa Principes populiue dederunt,

1614. runt, non diligenter vindicatæ Veritatis adversus Satanæ molitiones. Lux Evangelica versa est in tenebras; veræ pietatis aurea simplicitas, in superstitiones, Libycæ arenæ instar, numero carentes; Libertas Christiana in horrendam servitutem: Ecclesiæ jura omnia, cum ipsis Imperatorum ac Regum coronis, unius Monarchæ tiaræ sunt subjecta; qui dandi & auferendi Imperia Regnaque, instituendi & destituendi Mundi Potestates, jus sibi uni & soli vindicat. Sileo nunc alias calamitates omnis generis, & dirissima bella, quibus toties concussa est Europa, dum passim neglecta, & in profundum demersa latet Veritas. Sed ô vim illius admirandam, ô consiliorum Dei abyssum altam! Quo maxime tempore artes cœlesti Veritati contrariæ regnum in Europa obtinebant, cœpit illa vim suam exercere. Post longam siquidem malorum inenarrabilium tolerantiam, post diuturnos gemitus, quos doloris justæ magnitudo piis exprimebat; post expectatam per tot secula reformationem in Capite & membris, toties promissam, nunquam præstitam; reperti sunt ad ultimum, qui patientiam rumperent, & ad Veritatem ex intimo pectore anhelantibus duces se præberent. Nihil jam dico; quales illi viri fuerint, quid spectarint, quid egerint: hoc dicam, quod negari omnino haud potest ex ipso rerum eventu, luce meridianâ clarius constare, divinitus fuisse illos excitatos, si nihil aliud, certè ad hoc unum efficiendum; ut qui supremum in Ecclesia dominium, & plenitudinem potestatis sibi vindicabant, tandem, si potest, evigilarent; in sese descenderent, deque Religionis Christianæ variis corruptelis, quas longa dies invexerat, & de querimoniis omnium totâ Europâ Principum ac populorum serio inciperent cogitare. Quod si ea tum mens fuisset Romano Pontifici, ut sui admonitus officii, vinci se pateretur, quæ expressis, quæ tacitis precibus Imperatoris, Regum, Principum, tot nationum, ipsius adeo Ecclesiæ; neque toties spes illorum esset elusa, qui aliquam saltem tolerabilem ab eo reformationem exigebant, & sibi spondebant; certum est, non fuisse Religionis in nervum, ut evenit, erupturas. Non esset facta hæc, necessaria illa quidem, sed nihilominus lamentabilis Ecclesiarum in Europa, scissura: singulæ nationes privatim sibi consulere, & operi manus admoveere, cessante Româ, non fuissent coactæ: instauratæ Religionis primitivæ, & munda-
 datæ domûs Dei, ad alios non esset gloria translata: postremò populi Christiani, quorum hodie alii reformationem adhuc præstolantur; alii se saltem aliquam adeptos lætantur; divisi in sese, & in funestas factiones distracti, integrum jam ferme seculum Imperatoris Turcarum negotium non agerent; neque ad celerem suam ruinam, um æterno nominis Christiani dedecore, Deus omen avertat! suis ipsimet sibi manibus, proh dolor! viam munirent. Nunc quum admonitiones, preces, supplicationesque omnes omnium intolerabili planè supercilio à Romano Pontifice semper sint spretæ; quum in eos, qui vel solum legitimæ reformationis nomen auderent usurpare, flammâ & ferro semper ubique ipso auctore sit sævitum; quid, per Deum immortalem, illi facerent, quos Veritas è densissimis tenebris emergens, ceu novus aliquis Sol, pulchritudine suâ & majestate admirabili ceperat, & ad sui amorem ac desiderium; non aliquibus igniculis, sed flagrantissimâ veræ pietatis flammâ incenderat? Planè vim & efficaciam illius Dææ ignorant, qui admiratores ejus & cultores, inter vivicomburia, & omnes suppliciorum ideas potuisse inveniri, solent mirari. Utinam potius agnoscerent, opus reformationis, quo nullum neque majus, neque nobilius inceptum à multis seculis fuit inchoatum, non sine Numine fuisse susceptum. Unde enim, nisi à Deo, tantus ille zelus tot hominum, tot populorum, quo repente correpti, posthabitis rebus omnibus humanis, spreto omni metu, cultum divinum miris modis depravatum, ad
 pristi-

pristinam formam revocare, pro sua quisque virili, sunt conati? Aut non af- 1614.
 secuti sunt omni fortasse ex parte auctores Reformationis, quod totâ mente,
 totâ voluntate optabant. Esto: nam omnia magna opera, quæ per homines
 Deus fecit, suos progressus admodum aliquando lentos reperiuntur habuisse:
 verum illud certè sunt consecuti, sicut illorum unus Cardinali Sadoletto respon-
 dens scribebat, *ut à Pontificis Romani tyrannide se vindicarent, & paullo*
meliozem Ecclesiæ formam apud se constituerent. Non potest parvum hoc
 videri, nisi iis, qui ignorant (etsi quis hoc potest ignorare?) quot Reges ma-
 gni, aut Principes latè dominantes, superioribus seculis crudelissimè atque igno-
 miniosissimè à Papis habiti, postea imperiis suis dejecti; & ad malorum extre-
 ma ex alto suarum dignitatum fastigio detrusi, ac cervices demum suas Papæ
 subijcere, & calcandas præbere coacti; diem illum videre avidissimè desidera-
 runt, qui ipsos & populos ipsorum à tam dira servitute liberaret. Frustra:
 quia nondum è tenebris revocata Veritatis lux Europæ affulserat; de qua dixit
 Dominus, *& cognoscetis veritatem, & veritas liberabit vos.* Scit hoc om-
 nium optimè, Jacobe Rex maxime, propriâ experientiâ edocta Majestas Tua.
 Sciunt & Tuorum Regnorum omnes ordines, populique universi, immortales
 Deo aeterno gratias & habere & agere obstricti, nisi hominum ingratisimi vo-
 lunt censerî; quod divinæ hujus promissionis fidem in sese sint experti, &
 quotidie experiantur. Tu, quod pleno jure hodie regnas; quod non es fide-
 lis, id est, vile mancipium Papæ; quod feudatarius illius non audis, neque
 precario Regnum obtines, tanquam procurator hereditatis alienæ; quod Tibi
 cum reverendo Tuo Clero convenit, neque aut Tu ab illo Tibi metuis, aut ille
 à Te sibi; quod curam instituendorum Pastorum dividis cum tuis Episcopis, &
 partem Tibi debitam, quæ ad temporalia spectat, intrepidè Tibi vindicas; par-
 tem alteram curæ, quæ spiritualia attingit, ipsis relinquis; hæc omnia, quæ
 verum Te Regem probant, & sine quibus Regis quidem imaginarium nomen
 obtinere potuisti; rem ipsam & vim nominis non potuisti; hæc, inquam,
 omnia agnitæ cœlesti Veritati Tua Majestas, pro eo ac debet, fert accepta.
 Tu regnum Dei quæsisisti: illa & spem ejus Tibi fecit, rationemque certam
 illius consequendi ostendit: & hoc amplius, ista omnia Tibi adjecit. O ami-
 cum Principibus Numen, & omni studio ab illis atque sollicitudine colendum!
 Ubi nunc illa tempora, cum è Tuis majoribus, gloriosissimæ memoriæ Regi-
 bus, unus superstitione cecâ ductus, zelum habens, sed non secundum scien-
 tiam, ultrò, nullâ re cogente, Regnum suum Gregorio Tertio, Romano
 Pontifici, fecit vestigiale? aut cum Rex alter, propter adversa casuum in despe-
 rationem adductus, Innocentio Tertio, à quo exagitatus fuerat, cedere jure
 Regnorum Angliæ & Hiberniæ; & partibus villici Romani Pontificis cogitur
 esse contentus? O temporum cecitatem horrendam! O Petri successorem, fa-
 ctis suis Petrum egregiè referentem! Ingemuerunt tanto casui tanti Principis,
 tam tristi, tam fœdo, non solum Bârones Procereſque illius, & quantum fuit
 subditorum; sed etiam Regum ac Principum totâ Europâ prudentissimus quis-
 que atque optimus: suntque adeò relatæ in literas ad perpetuam memoriam
 voces, quas ad tam immanis exempli nuntium, eorum nonnulli ediderunt;
 testes justissimæ ipsorum indignationis simul & stuporis. Sed ipsius Regis il-
 lius infelicis vox extat apud Scriptores illorum temporum; dignissima, quam
 mente altâ Principes omnes recondant: *Postquam, ut dixi, Deo reconcilia-*
tus, me ac mea Regna, prob dolor! Romanæ subjeci Ecclesiæ, nulla mihi
prospera, sed contraria omnia advenerunt. Quid dicam de præſenti Cleri
 Tui & universi populi, si cum illis temporibus hæc comparentur, beatissima
 conditione? Non jam, ut olim, Episcopi electi trans Alpes currere, & suam
 b b confir-

1614. confirmationem vi pecuniæ ingenti à Papa redimere necesse habent. Non amplius pallii jus auri pondere magno est illis emendum. Romam accurrere singulis trienniis, aut quoties liberet Romano Pontifici, hoc est, quoties nummos Anglicanos sitiret, nulla nunc illos cogit necessitas. Non jam illa cura, ut quondam, Angliæ tuæ Episcopos sollicitat, ut beneficia optimæ notæ Italicis hominibus conferant; *in quibus beneficiis* (verba sunt Matthæi Parisiensis) *nec jura, nec pauperum sustentatio, nec hospitalitas, nec divini Verbi prædicatio, nec Ecclesiarum utilis ornatus, nec animarum cura, nec in Ecclesiis divina sunt obsequia; prout decet, & moris est patriæ; sed in ædificiis suis parietes cum testis corruunt, & penitus lacerantur.* Non metuit hoc tempore Dominus Archiepiscopus Cantuariæ, ne Papales Bullæ ad se afferantur, quæ ipsi nuncient, *se suspensum à beneficiorum collatione, donec trecentis Romanis in primis beneficiis vacantibus, fuerit provisum;* sicut accidit anno Domini 1239. Edmundo Archiepiscopo, missis Bullis à Gregorio IX. idque ex pacto, quod inierat Papa cum civibus Romanis, parum illi tunc cupientibus. Controversiæ Ecclesiasticæ in Anglia exortæ, è vetustissimo Canone, cujus etiam B. Cyprianus meminit, in Anglia terminatur. Exactores denarii Petri, item aliarum contributionum; visitatores, procuratores, & firmarii Romani, venditores indulgentiarum pro modo opum; dispensatores votorum, & legitimationis institores, ad suscipiendos ordines; Causini fœneratores, Romæ degentes, sed qui omnia in Anglia agebant, ferebant, dum Papæ congerebant pecunias Bullarum; delatores ad novas extorsiones; ingeniosi muscipulatores (sic Historia nominat) qualis aliquando Petrus Rubeus fuit, & sæpissimè alii, emungendæ pro Papa pecuniæ artifices solertissimi; & similes his aliæ sexcentæ nocendi artes, inenarrabili erga tuos Anglos, Rex serenissime, beneficio veritatis, nomina hæc sunt jam inaudita, & prorsus, absque superiorum seculorum monumentis, essent hodie incognita. Sed ne Legatus quidem à latere ullus amplius rapinas per Angliam exercet, quod plurimi olim fecerunt; nonnulli tanta cum auri fame, ut de illorum uno, Ottone à Gregorio IX. missio, legatur, ipsum, postquam toto triennio detestandis artibus pecuniam undique corralisset, tandem cum discederet, non tantum pecuniæ in toto hoc Regno reliquisse, quantum ipse partim jam miserat Romam, partim abiens auferebat. Et sunt tamen ista præ aliis malis levia, quæ Tuorum Regnorum populi à Curia Romana per aliquot secula continua esse passi, ab illorum temporum consentientibus Historicis narrantur. Verè enim *hortus deliciarum Papis fuit tum Anglia, & puteus inexhaustus,* sicut venustè aliquando Innocentium IV. legimus illam nominasse. Taceo impræsentiarum vera animi bona admissa, Reformationi imputanda, quæ pluris Tua Majestas, pro sua pietate, facit, quàm omnia terrâ universâ Regna. Unius Dei, sine sociis aut collegis, sinceram adorationem: Beatæ Virginis & Sanctorum, sine superstitione, venerationem: pacem conscientiæ apud Deum, per fidem in merita & mortem Christi; non ut cessent Fideles à bonis operibus; apage hanc infaniam; sed ut postquam omnia fecerit aliquis, servum se inutilem agnoscat, neque ex suis meritis sumat unquam fiduciam, oculos in cælum attollendi: consolationem inenarrabilem ex assidua lectione & jugi meditatione Scripturarum; non ut illas ex proprio sensu Fidelis interpretetur; sed ut iis, quæ habent perspicua (habent autem, si credimus Patribus, omnia ad salutem necessaria) & consentientibus primorum Ecclesiæ Doctorum expositionibus, animum sibi muniat adversus tot falsas opiniones, quæ pro antiquis fidei articulis hodie incautis obtruduntur: Sacrosanctæ Eucharistiæ ex institutione ac jussione Domini, secundum mille annorum atque amplius continuam in Ecclesia praxim,

sub

sub utraque specie, perceptionem: confirmatum denique animum adversus illa 1614. quondam terribilia excommunicationum fulmina; - quæ sæpe in innocentes Principes Papæ olim, ex humanis causis potius quàm divinis, quod nemo ignorat, vibrarunt: ut cum universos hujus Regni populos sub diro (ita credi jubent Papæ, & tunc credebantur) anathemate, integros sex annos, menses tres, & dies quatuordecim Innocentius III. olim tenuit: qui, si vel unum diem tot innocentes animas eo in statu detinisset, rationem facti à charitate Pastoris alienissimæ, Christo, Pastori Pastorum, nunquam esset probaturus: siquidem Papalium excommunicationum ea vis est, quæ Romæ jactatur. Hujuscemodi admiranda bona sunt, tam futuræ vitæ, quàm præsentis, experiendo Majestati Tuæ comperta, quæ poterant Principes populique omnes Europæ sibi polliceri, & Deo cæptis adeò sanctis aspirante, consequi, si collapsæ pietatis primævæ instaurationem, quam votis communibus tamdiu omnes optaverant, sæpe etiam poposcerant, communi item operâ procurare consensissent. Sed nunquam ita bene cum humano genere est actum, ut inoffenso pede magna & laudabilia incepta procederent. Nimirum inter cætera mortalitatis incommoda, istud etiam venit censendum, quòd ad præclara, alta, & salutaria quæque, rarus aut lentus, etiam inter prudentes, intervenit consensus; ad minus honesta, ne dicam perniciofa, ultro & concordēs populi accurrunt. Inde est, quod Reformationis opus arduum & planè heroicum multi Principum, ceu negotium, in quo nihil sibi neque meteretur, neque sereretur, neglectui habuerunt; plures totis se viribus illi opposuerunt; pauci quidem inusitatâ animi magnitudine capefferunt. Multos dulce venenum Consuetudinis, quæ & ipsa inter inimicos Veritatis nomen sæpe proficitur suum, (propterea B. Chrysostomo *Tyrannis* nominata) à tam præclara cogitatione avertit. Qui si Tertulianum in consilium adhibuissent, aliter profectò sensissent. Verè enim illi dictum, *Dominus noster Christus Veritatem se, non Consuetudinem cognominavit.* Sed & S. Bernardus ad Eugenium suum rectè & ex vero: *Quid non evertat Consuetudo? quid non assiduitate duretur? quid non usui cedat? primum tibi importabile videtur aliquid; processu temporis si assuescas, judicabis non adeò grave; paulò post & leve senties; paulò post nec senties; paulò post etiam delectabit. Ita paulatim in cordis duritiâ itur, & ex illa in aversionem, id est, insensibilitatem.* Quòd igitur multorum acquiescit animus in tot superstitionibus, & cultu Dei tantopere depravato, vis consuetudinis hoc facit. Quòd non pauci hodieque Principes Romanæ tyrannidis terribile jugum patienter ferunt; multi ne sensum quidem illius habent; id quoque vis consuetudinis facit. Ita evenit illis fortunâ, quâ nulla deterior, miseros esse, neque suam miseriam sentire. Multis quoque Principibus & Rebus publicis in ea deliberatione fuit fraudi, quòd persuasum haberent, Religionis Reformationem ad suam curam nihil quicquam pertinere. Non enim cogitabant, id sibi ab iis consilii dari, quos non verus zelus domûs Dei, sed utilitatis ratio ducebat. Quantum enim civilium omnium potestatum interest, in meliorem formam Ecclesiam Dei restitui; tantum Papæ, & omnium, quorum fortunæ à Papa sunt aptæ & pendent, interest, nihil moveri. A Julio Cæsare pristinæ libertatis restitutionem petere aut expectare, postquam ille semel Rempublicam evertit & occupavit, stultum & ridiculum fuisset. Rectè quidem illud dicitur, non esse Principum aut civilium Magistratum, leges novas de cultu Dei conscientis ferre, aut propria Sacerdotum obire munia: sed utinam considerare Principes vellent, aliud esse, Sacerdotem agere, ex umbone Scripturas interpretari, Sacramenta administrare, in nomine Christi ligare & solvere; aliud, auctoritate suâ prospicere, ut quæ sunt Sacerdotis, agat Sacer-

1614. dos, atque id ritè, ut est à Deo jussus. Has partes in Ecclesia Dei jam inde à principio pii Principes sibi semper vindicarunt. Quorum exemplum Tu hodie, Rex serenissime, piè insequeris ac sapienter: quicquid blaterent non magis Tui quàm ipsius Veritatis hostes conjurati. Nova, infanda, execranda Theologia ista est, quæ docet, curam subditorum pertinere ad Principem, tantum quatenus homines sunt, non quatenus Christiani. Ejus contrarium Tua Majestas in quodam suorum scriptorum, è Sacris Literis ita doctè & solidè probavit, ut pudorem ea disputatio aliter dictitantibus debuerit incutere. Religionis aut neglectæ, aut restitutæ decus dedecusve, divina Eloquia Regibus non adscriberent, si ad illorum officium ejus rei cura non pertineret: neque Spiritus Sancti testimonio Rex Joas laudaretur, quòd sacras oblationes in usus non legitimos absumi quum videret, Quæstorem suum Sacerdotibus imposuerit, cui rationes tenerentur illi reddere, qui ordinariam administrationem à Deo acceperant. Constantinus Magnus, Theodosius, Justinianus, & omnes pii Imperatores, negotiis Religionis quàm diligenter se immiscuerint, quis ignorat? Hispanorum Historiæ Regem commemorant Reccaredum Wisigothum, qui miseratione divinâ factus Orthodoxus de Arriano, veram fidem in Regno suo circa annum Domini nostri D LXXXIX. curavit recipiendam. Ipse igitur Synodum cogere, ipse interesse, ipse tridui jejunium Episcopis indicare, ipse confessionem scribere, & firmandam Synodo exhibere. Idem fuit & majorum Tuorum, veterum Angliæ Regum, ante exortum doctrinæ Hildebrandinæ, constans & perpetuum indicium. Adgarum Regem, qui circa annum Christi CMLIX. habenas regni suscepit, celebrant Historiæ Anglicanæ, non solum ut Principem pium, sed etiam de conservanda pietate sollicitum. Is Rex, in oratione quadam ad Ecclesiarum & Monasteriorum Patres, hæc verba inter cætera habuit: *Sed & meæ sollicitudinis est, Ecclesiarum ministris, gregibus Monachorum, choris Virginum, & necessaria procurare, & pacis eorum & quieti consulere, de quorum omnium moribus spectat ad nos examen*, ut referunt Albertus Riewalensis, in Epistola ad illustrem Normannorum Ducem, postmodò Regem; & Guilielmus Rishanger in Chronico: nam Parsonius Jesuita, cum (da veniam obiter hoc notanti,) nos mutavit in vos, magna ea perfidia fuit, & conscelerati in suos Principes odii certum argumentum: nos enim habent omnes antiquæ membranæ, quas probitate & doctrinâ vir insignis, Robertus Cotton, mihi nuper ostendit. Extat etiam Synodus Provincialis, Regis ejusdem jussu coacta, quam Dunstanus, celeberrimæ tunc famæ Episcopus, describens; Adgarum in præmio dilaudat, *ut regali officio ea in re functum, veluti Pastorum Pastorem*. Sed ex omnibus machinis, quas inimicus ille humani generis ad impediendam Religionis Christianæ instaurationem admovit, atque etiamnum admovent, duæ illæ sunt præcipuæ & hodie efficacissimæ, quas olim ad convellendam Christianismi institutionem fuisse admotas, paullo antè dicebamus; amor videlicet novarum opinionum, & præpostera falsæ Antiquitatis adversus veram defensio. Ad primos tumultus propter Ecclesiæ Reformationem excitatos, examina scelestissimorum Hæreticorum repentè emeruisse, qui piorum quietem sollicitarent, & eorum existimationem apud res. *ex* macularent, ultrò confitemur & dolemus. Sed qui eo nomine Auctores veræ Reformationis, aut Ecclesias ab illis institutas, quarum extant Confessiones, in unius corporis harmoniam redactæ, invidiam vocant; ii parum Christiano animo (ne dicam aliquid gravius) artes veterum Paganorum imitantur, & ipsorum calumnias adversus doctrinam Christi non sine offensione Dei maxima, revocant ex Orco. Quin potius cogitant, dispositiones divinas, & decreta constare semper sibi, æterno fixa clavo. Placuit semel

semel aternæ providentiæ, peculiarem sibi populum hoc genere tentationum exercere. Si nascens Ecclesia, & deinceps omnium seculorum, huic ærumnæ fuit obnoxia, cur hodierna, è superiorum temporum tenebris exurgens, & veluti renascens, postularer ab eadem conditione se esse immunem? quo jure? quo privilegio? Tunc aliquid dicerent adversarii Protestantium, si ex eorum corpore nemo extitisset, qui sectas nuper exortas vel in Germania, vel in Polonia, vel ubivis locorum, serio confutaret. Nunc quum in novos hæreticos nemo acrius, memoriâ nostrâ involarit, quàm sit factum à viris nostrarum partium primariis; quæ, obsecro, hæc iniquitas est, Reformationi ex iis sectis invidiam commovere, quas ut radicitus extirparent, & auctores & assertores Reformationis tantum gravissimorum laborum sustinuerunt? Memini, Rex *Γεωργιος*, quum ante biennium parvus quidam liber horrendarum hæreseon plenus, ab hæreticis nescio quibus Polonis Racoviæ esset editus, & quidem augusto nomini Tuo inscriptus; posteaquam in Tuas manus is libellus devenit, & Tua Majestas pauca in eo inspexit; quanta cum detestatione & scriptum Satanicum, & ejus Auctores, certissimam Satanæ progeniem, sis execratus; severe in illos animadversurus, si Tui juris & potestatis fuissent. Arrianum in sua perfidia obstinatissimum, qui in vinculis diu detentus, revocari ad sanam mentem nullâ ratione potuerat, flammis ulticibus Tua Majestas, impatiens injuriæ factæ Domino nostro Jesu Christo, Deo *αυτός*, jussit tradi. Novis opinionibus in vicinis regionibus super natura Dei nuper exortis, quo studio, quâ instantiâ Tua Majestas sese opposuerit, testis est universa jam Europa. Nec dum tamen scio, quæ est iniquitas hominum, an poterit impetrari à Catholicis Romanis, ut Ecclesiam Tuorum Regnorum, & alias, quæ cum ea idem sentiunt, in eandem criminationem non involvant, cum pessimis quibusque memoriæ nostræ hæreticis, Anabaptistis, Libertinis, Swenchfeldianis, Valentinianis, Arrianis novis, Semi-Arrianis, Tricheitis, & Socinianis. Sed quicquid vel hæretici moliantur, vel hostes Reformationis calumnientur; nunquam tamen neque hi, neque illi efficient, ut Fides Catholica & Orthodoxa, quam sectantur Protestantes, (quantum quidem ipsis è Dei verbo cognitum est,) apud Deum *πρὸς καρδιαν*, cum perditissimorum hominum deliriis, in eadem sint causa. Quod si præter scandalum tot sectarum, ne inter præcipuos quidem Reformationis duces, per omnia potuit convenire, cur adeò miremur? homines utique erant; via, quam insistebant, & in qua verum cupide quærebant, angusta: solet autem iter angustum rixas transeuntium concitare: quum illa diffusa & patens via, elogio Scripturarum damnata, ne populos quidem collidat. Quid? nonne in seculorum omnium Historia Ecclesiastica simile potest observari? nonne Basilius Magnus & Gregorius Nazianzenus, ut alios taceam, ejusmodi querelis & Epistolas, & alia sua scripta complerunt? Et tamen adhuc illis temporibus stabat suum jus, & in Ecclesia summa auctoritas Conciliis universalibus; quæ etsi cogi semper non poterant, semper tamen fas fuit piis hominibus, spe saltem consolari sese ejus remedii, quod solum ad componendas controversias & hæreses auctoritate Ecclesiæ debellandas, cum Scripturæ docuerunt, tùm prisci Patres agnoverunt atque usurparunt. Nunc verò, quàm mutata est, bone Deus! ratio temporum? Dominus & Monarcha Ecclesiæ esse creditur solus Papa; errare in fide solus non posse; supra omnes mundi potestates, & ipsa universalia Concilia solus eminere. Quò igitur hodie Concilia, nisi ad inanem speciem? Solus ergo imputet sibi Papa, quòd medendi Ecclesiæ malis, aut veteribus, aut recentibus, quæ illam mirè deformant, distrahunt & lacerant; neque ratio, neque spes ulla in terris hodie piis hominibus sit relicta. Sed enim præscriptum est videlicet jamdudum adver-

1614 sus omnes Novatorum Reformationes; neque aliud jam restat, nisi ut Antiquitas contra Novitatem vindicetur. Ita enim hodie Pontificiæ Monarchiæ, & Religionis ab aliquot seculis depravatæ acerrimi patroni dictitant: qui à se dissident, turbulentos esse Novatores, teterrimos hæreticos. Sunt sane hæretici, si Novatores: omnis enim hæresis novatio est circa fidem. Sed quâ fronte hæc criminatio in Reformationis Auctores, aut assertores hodie conferatur? qui à centum ferè jam annis hoc unum clamant; Reddite populis Christianis primam fidem; reddite primitivæ Ecclesiæ ritus; desinite nuper inventa, aut certè post semel traditam fidei regulam, pro credendis necessariò, & quidem sub anathemate, gregibus magni Pastoris obtrudere, & **VINCITE**. Qui in Reformatione instituenda hanc sibi legem dixerunt, ne ulla in re scientes prudentes à vera Antiquitate aberrarent; hoc est, ne extra Scripturas, quibus nihil habet Ecclesia Dei antiquius, fidei regulam quærent. Qui totis ingenii viribus eò collimarunt, ut fides, quam instaurabant, illa ipsa esset fides, cujus Auctor solus Christus, Apostoli præcones, verus Ecclesia propagatrix, prisca illius Doctores defensores. Ea est fides, ad quam Paulus Corinthios revocabat, ut labefactatam inter illos doctrinam de sacra Eucharistia in integrum restitueret: *Ego, inquit, accepi à Domino, quod & tradidi vobis*. Ea est fides, ad quam idem Apostolus etiam Galatas revocabat, tantâ contentione affirmans, aliud nullum esse Evangelium, nisi illud, quod ipse eis prædicaverat: nihil dubitans Spiritu Dei plenus, etiam de cælo venientibus Angelis anathema dicere, si aliquid aliud doctrinæ fidei adjicerent, *παρὰ τὸ παρελθόν*, præter illa, quæ ab ipso Galatæ acceperant. Ea est fides, ad quam alter Apostolus S. Judas omnes omnium Ecclesiarum Fideles revocabat; cum, pullulantibus inter ipsos jam tum hæresibus, hortatur pios *ἐπαγωνίζεσθαι τῇ ἀπαλῇ ἀγάδῃ, ὥστε νικῆσαι τοὺς ἀγῶνας*: ut fortiter decertent pro fide: quâ autem fide? *ea, quæ semel tradita fuit sanctis*. O divina verba, numero illa quidem paucissima, sed sensu uberrima: quæ vel si sola essent in Scripturis rectè expensa, hodiernas de fide controversias tollere, & Ecclesiis pacem reddere, si mens plerisque mortalium non esset læva, sint idonea. Volumus scire, quæ sit vera fides? Ea est, Auctore Judâ Apostolo, **QUÆ SEMEL FUIT TRADITA**. Volumus fidei regulam tenere, *quæ*, ut olim dicebat Tertullianus, *una omnino est, sola immobilis & irreformabilis*? Sequamur Judam, & illo docente discamus, illam demum esse veram regulam fidei, **QUÆ SEMEL FUIT TRADITA**. Volumus hodie scire, quum tot jactentur fides, Pontificis Romani, Lutheri, Calvinii, & cujus non? quæ sit omnium certissima, quam defendere, sit veram Antiquitatem defendere; quam oppugnare, sit meram Novitatem inducere? Confugiamus ad sacram ancoram, & discamus à Juda Apostolo, illam demum esse veram fidei Antiquitatem, **QUÆ SEMEL FUIT TRADITA**. Hoc & Tertullianus volebat; cum in libro de Velandis Virginibus scribebat: *Veritati nemo præscribere potest, non spatium temporum, non patrocinia personarum, non privilegia regionum*: de ea enim veritate sentiebat, quam Judas appellat *Fidem traditam SEMEL*; de qua etiam magnus ille Scriptor in libro de Præscriptionibus dicebat, *Principalitas* (ea est vera Antiquitas) *veritati, posteritas mendacitati deputanda: id enim esse Dominicum, & verum, quod sit prius traditum; id autem extraneum & falsum, quod sit posterius immixtum*: rectissimèque idem docet, parabolam Christi seminantis & Diaboli, postea sterilis fœni adulterium superinducentis, doctrinarum distinctionem figurasse, id est, veram Antiquitatem asservisse adversus posteriores quasque hæreses. Hoc & Beatus Martyr Cyprianus volebat, cum in Epistola ad Cæcilium, errantes in Religione, *ad radicem atque originem*

nem traditionis Dominicæ, omnibus novellis & humanis traditionibus valere 1614. *jussis, jubebat reverti.* Hoc denique & Patres illi volebant, qui *de rebus fidei aliunde suadere neminem posse* ajunt, nisi *ex literis fidei*, ut loquitur Tertullianus: qui ἀδὲ τὸ τυχεῖς, *ne minimum quidem*, quod ad fidem pertineat; aliundè peti debere nisi è Scripturis, præcisè definiunt, ut Cyrillus, Ierosolymorum Episcopus, in IV. Catechesi: qui fidei everfionem esse confirmant, ἢ ἀθετεῖν τὴν ἡγγραμμένην, ἢ ἱκανοῦν τὸν μὴ ἡγγραμμένον, *aut prætermittere, & quasi irritum facere aliquid, quod sit scriptum; aut aliquid non scriptum inducere*, ut Basilius Magnus, in libello de Fide. Et verissimè ille quidem: nam, ut est apud Magistrum Cypriani in Præscriptionibus, *Nobis nihil ex nostro arbitrio INDUCERE licet; sed nec eligere, quod aliquis de suo arbitrio elegerit. Apostolos Domini habemus auctores, qui nec ipsi quicquam ex suo arbitrio, quod INDUCERENT, elegerunt; sed acceptam à Christo disciplinam fideliter nationibus assignaverunt.* Et B. Chrysostomus aliique Græci Patres subinde admonent, Nihil hodie, post semel à Christo traditam fidei regulam, posse quemquam παρασφίρνειν, *novi aliquid inducere sine peccato*; nam ea est verbi Græci vis, quo & Chrysostomus & alii Patres in eam rem utuntur. Idcirco & Gregorius Nazianzenus, in Athanasii Epicedio, orthodoxam fidem ἡγγραφήν & στίχων nominabat, *pietatem Scripturis comprehensam*; hæresin verò Arrianam, ἀγγραφήν καὶ νεωτερίαν, *novitatem extra Scripturas inductam*: & è tribus Vincentii Lirinensis regulis, quæ jam in ore sunt omnibus, prima est, *Quod fuit principio.* Hæc, & similia his sexcenta, quæ in Scripturis & Patrum monumentis in eam sententiam passim leguntur, si diligenter apud se, uti par erat, expenderent inimici Reformationis, quam ejus auctoribus Novitatem objiciunt, eam in sinu suo reperirent; essentque omnino iidem excitatis à Deo viris in commune bonum æquiores; facileque intelligerent, non posse eos sine insigni calumnia damnari ut Novatores, quibus, etiamsi non semper ex destinato proposita fluxissent, animum tamen fuisse constat, fidem illam semel traditam, & postea humanarum inventionum mole penè obrutam, in lucem revocare; & verè, quod isti hodie jactitant, nec præstant, primævam Antiquitatem, contra posteriorum seculorum Novitatem vindicare. Quid? audebuntne instauratæ hoc seculo Veritatis inimici dicere, doctrinam de adempto populis calice extra calum necessitatis, de accidentibus sine substantia, de concomitantia, de communione sine communicantibus; de sacrificio Christi, non per commemorationem & repræsentationem ejus, quod semel est peractum in cruce; sed verè & realiter, omnibus sacrificii proprietatibus servatis; de cultu imaginum hodierno; de picturis Trinitatis, vel potius τριάδος, postquam in picturas Trinitatis admissa Beata est Virgo; de indulgentiis, & similibus quicquiliis ad extrahendas animas è Purgatorio; de absoluta necessitate servandi sigilli Confessionis, si vel fides ipsa Christiana, vel totus mundus in periculum adduceretur, ut affirmat Jesuita Henricus Henriquez: hæc, inquam, omnia, & similia his doctrinæ Romanæ capita innumera, audebuntne dicere, esse illam Judæ Apostoli, *semel traditam fidem*? Nam Papæ quidem Monarchiam, potestatem Imperatores & Reges instituendi deponendique, & tam de coronis illorum pedibus ludendi, (quod Cœlestinus olim fecit, referente & laudante etiam Baronio) quàm de capitibus statuendi, nullum est dubium, quin dicturi sint tantæ Novitatis defensores, eam esse illam ipsam Judæ Apostoli, *semel traditam fidem.* Dicturi sanè; sed quomodo probaturi? Enimverò digna res est, quam pii omnes veris lachrymis descant, extare hodie eruditos homines, qui posteaquam semel in animum induxerunt, omnes posteriorum seculorum Novitates, imò etiam novis-

1614. sima quæque inventa defendere, in eas angustias coguntur, ut clarissima Scripturarum verba torquere in alienissimos sensus non vereantur. Non metus Dei, non analogia fidei, non consentientes veterum Patrum expositiones, non aliquis suæ existimationis respectus, quam apud Deum & homines veri amantes miris modis traducunt & maculant, ab hoc proposito potest eos avertere. Igitur quum multa à paucis retrò seculis Papæ sibi vindicent jura penitus nova; omnium defensio in paucissimis Scripturæ verbis, sed maxime in illo unico, P A S C E, interpretandi subtilitate reperiuntur esse fundata. Monarchæ ergo & Reges in Ecclesia esse volunt, & sunt hodie Papæ. Quare? quia dixit Petro Christus: *Simon Bar-Jona, Pasce oves meas*, id est, Baronio interprete, *supremum in Ecclesia dominium tibi affere*; Bellarmino autem, *regio more impera*: ceu vellet hic Cardinalis ex professo contradicere voci Christi apud Evangelistas; *Reges Gentium dominantur earum; vos autem non sic*. Quanquam ne hisce quidem adeò perspicuis verbis suus defuit tortor, qui ex illis argumentum pro dominatione Papæ absoluta in Orbem terrarum vi magnâ torquendo exprimeret: sic enim illa Gaspar Scioppius in Ecclesiastico suo exposuit, capite 47. *Lex Christi*, inquit ille, *potestatem, quâ Reges Gentium dominantur, penitus tollit, & inter Christianos exerceri probibet*; Matth. 20. neque dubitat homo furiosus, illam infinitam in Principes tyrannidem Papæ, hoc Scripturarum loco & similibus fulcire. Sed redeo ad verbum P A S C E. Mirantur verè pii, Papam hoc sibi vindicare, ut sit summus Judex in controversiis fidei, quæ fuerunt olim partes Conciliorum ex Dei verbo; sed hoc jus Papæ asserit Bellarminus è vocula *Pasce*. Mirantur tribui Papæ ἀρχιεπισκοπία, & quòd ne possit quidem in fide errare: sed hoc probat Bellarminus eò argumento, quia dixit Christus Petro, *Pasce oves meas*. Mirantur tribui Romano Pontifici jus per tot secula inauditum, ferendi leges in Ecclesia, quæ conscientias Fidelium obligent; imò etiam, ut quibusdam placet, fidei articulos novos: sed hoc quoque Bellarmino eodem argumento facile probatur. Mirantur quicumque sunt Scripturarum aut Patrum lectioni innutriti, illum thesaurum superfluentium meritorum Christi, & Sanctorum, quem pro libitu dispensat Papa. Sed desinant mirari, & accipiant auctoritatem è Scripturis; quia dixit Christus Petro, *Pasce*: nam ita docet Bellarminus in libris de Indulgentiis. Mirantur & indignantur quicumque perduelles suorum Principum, Unctorum Dei, non sunt, audere Papam dicere, corruptum à suis adulatoribus, licere sibi, Imperia transferre, subditos sacramento fidelitatis absolvere, denique Reges facere non Reges: sed hoc jus Pontificum eliciunt Bellarminus & alii è vocabulo *Pasce*. Nec desunt, qui ex eodem illo verbo colligant, Romanum Pontificem jus habere coercendi etiam pœnis temporalibus, etiam mortis, Principes sibi immorigeros, ut Becanus Jesuita, adversus quem justa nuper ira Sorbonæ exarserat; & alius item Jesuita Suarius; homo, in aliis literis non sine laude versatus; in Ecclesiasticis verò Antiquitatibus planè infans; in Evangelica doctrina ne infans quidem; cujus librum adversus Tuam, Rex serenissime, Monitoriam scriptum, vidimus nuper, propter Satanicas hæreses, quibus scatet, & in legitimòs Principes plus quàm Diabolicam audaciam, in ignem publicè conjectum. Nec tamen pudet prodigiosarum Novitatum reum, neque Christi, sed Hildebrandi discipulum, eam, quæ in Tuis Regnis obtinet, fidei formulam, ut parum antiquam, exagitare; Tuamque adeò Majestatem, cujus scripta omnia in summa pietate maximam primævæ Antiquitatis reverentiam spirant, in ea Epistola, quâ omnes Europæ Principes adversus illam concitat, quod Novatoribus aurem præbeat, petulanter excusare. Scilicet Jesuita Suarius, & similes

similes ei noyarum hæreseon patroni, de Pauli exemplis, quæ modò commemora-
 morabamus, aut de Judæ præcepto, *decertate fortiter pro semel tradita fide*, aliquando apud se diligenter cogitarunt. Enimverò, Rex doctissime, &
 Deo charissime, parum est, quod hodierni partium illarum disputatores, qui
 Novitatum Novatorumque omnium profiteri odium videri volunt, de vera An-
 tiquitate in lucem & usum Ecclesiæ revocanda, nihil quicquam cogitant; præ
 eo studio, quo ferri illos cernimus, ipsam rerum antiquarum memoriam, &
 primitivæ Ecclesiæ auream, quæ in fide, quæ in ritibus simplicitatem, tene-
 bris opprimendi, & oblivione sempiternâ obruendi. Nam quum ipsorum
 Theologia, novorum Dogmatum plena, atque Institutorum in prisca Eccle-
 sia inauditorum, præsidio veteris Historiæ esset destituta; initio Reformationis
 facilè erat, vel unico illo argumento, *Non ita fuit à principio*, cujus usum
 Christus ipse suos docuit, etiam ab obstinatissimis Ecclesiæ Romanæ defenso-
 ribus, plurimarum depravationum ingenuam exprimere confessionem. Non
 enim poterant, vel audebant, id negare esse verius & melius, quod probare-
 tur antiquius. Prima ex omnibus Europæ nationibus, Germania post literarum
 παλιγγενεσίαν, & ad inquisitionem Veritatis vexillum ausa proponere; & ad ve-
 ram Ecclesiæ Antiquitatem è tenebris eruendam, exemplo suo præire. Notæ
 sunt Tuæ Majestati, quæ dicuntur Centuriæ Magdeburgicæ, à viris quibus-
 dam doctis in eum maximè finem contextæ, ut quæ fuerit Ecclesiæ fides per
 singula secula, quæ disciplinæ forma exterior, quæ mutationes illi acciderint,
 ob oculos hominibus ponerent. Etsi autem in partibus operis illius luculen-
 tissimi desiderari possunt non pauca, vel propter τὴν ἀμετρίαν τῆς ἀνθ' αὐτῆς, sem-
 per inimicam Veritati, ut jam olim querebatur Basilii; vel quia unus è pri-
 mariis illius incepti auctoribus, magnæ potius, quàm bonæ apud viros pios
 fuit famæ; summam tamen instituti laudabilem, & Ecclesiæ nostris tempori-
 bus apprimè fuisse utilem, nemo, alienarum vigiliarum judex æquus, negaverit.
 At non ita judicarunt Romanæ Monarchiæ hodierni patroni; qui probè in-
 telligentes, quantum suæ causæ detrimentum notitia accurata veræ Antiquita-
 tis, è priorum seculorum caligine emergentis, esset allatura; id ex eo cepe-
 runt curare, idque adeò etiamnum studio omni curant, & mirâ diligentia fa-
 tagunt, ut Novitatibus, quas tuentur, ab historicis monumentis apud posteros
 parata sit defensio. Ac quoniam nulla ejusmodi Historia primorum tempo-
 rum extabat, quæ ipsorum scopo admodum faveret; rerum Ecclesiæ memo-
 riam retexere, & novam illi faciem dare instituerunt, suæque industriâ effice-
 re, ut quæ in vetustis Historiis ipsi optabant invenire, neque inveniebant, id
 in novis, & à se retextis, posteritas sit repertura. Quo in proposito, quum
 multorum ex illis partibus doctorum hominum industria defudaverit; unus ta-
 men Cæsar Baronius, magnis suis laboribus postea Cardinalatum meritis,
 omnium priorum luminibus facilè obstruxit; vir ejus eruditionis, tantæ dili-
 gentiæ, itaque necessariis plerisque præsiidiis ad opus, quod parabat, instructus;
 ut mirum videri non debeat, tantam ipsi suas in eo genere lucubrationes apud
 omnes Nationes nominis celebritatem peperisse. Narrat ipse, juvenem se à Phi-
 lippo Nerio, Congregationis Oratorii fundatore, posteaquam Magdeburgen-
 sium Centuriæ Romam erant allatæ, fuisse designatum, cujus humeris com-
 ponendæ Historiæ, adversus illas Centurias comparatæ, provincia imponeretur.
 Annos igitur, non decem, quo spatio temporis elephantorum partus eduntur;
 sed ter decem, ei studio, sub Nerii ductu operam navasse, priusquam ali-
 quid ederet. Orbem universæ Historiæ, à primordiis Ecclesiæ ad nostra tem-
 pora, in Congregationi illi consuetis exercitationibus septies repetiisse, & ab-
 solvisse, dum ad susceptum opus sese accingit. Quo diligentia novo exemplo,

1614. in contexenda Ecclesiæ Historia universali, & iis omnibus, quæ per totum Orbem Christianum gesta sunt memoriâ digna, in unius narrationis seriem & formam Annalium degerendis, ea perfecit, de quibus ante ipsum perpauca cogitaverant, nemo simile quid unquam ediderat. Eò magis dolendum, virum sui seculi facilè primarium, in opere tam nobili, communi hodie multorum vitio, partium studio, ita licenter indulgisse; ut ejus *πλανάγησιν, πολυμέθειαν*, atque industriam, neque mirari, neque prædicare satis possumus, ejus fidem innumeris in locis vel inviti cogamur desiderare. Bonus cum primis Auctor Polybius, in officio Historiographi describendo, dicebat: Illum, qui ad scribendam Historiam se accingit, si quidem ad veram laudem iter affectet, omnium privatarum charitatum, atque adeò patriæ suæ oblivisci debere, ut ab affectibus liber, uni possit litare Veritati. Hoc saluberrimum & necessarium præceptum quia prorsus contempsit Baronius, oblitus planè in scribendo, se personam induisse Conditoris Annalium, non patroni ejus causæ, quam probabat; evenit ex ea re, ut Historia, quæ inter Paganos audiebat *Testis Veritatis*, inter Christianos facta sit Testis atque instrumentum falsitatis. Nam quod res arguit manifestissimè, Cæsar Baronius quando ad scribendum animum appulit, non id sibi negotiū credidit dari, ut faciem Veteris Ecclesiæ, qualem inveniebat, quâ in Scripturis, quâ in Patrum & Historiarum antiquissimis monumentis, & qualis verè fuit, penicillo suo simpliciter exprimeret; sed potius, ut talem ei fingeret *οφία* quâdam *κακοσυνήτη*, ut est apud Epiphanium, & perpetuis, in primo præsertim Tomo, anachronismis, qualem Romanæ Ecclesiæ susceptum patrociniū postulabat. Omnes hodiernæ de negotio Religionis controversiæ ad duò hæc capita, nisi fallor, commodè possunt revocari; doctrinam de dogmate, ritibusve, & de Romani Pontificis potestate ac Monarchia. In utroque horum capitum eam rationem tenuit Baronius, ut omissâ quæstione de voluntate Domini, & vera Antiquitate, omnia sine exceptione defenderet, quæ hodie, & à paucis sæculis, Romæ sciebat probari: in quo etsi subtilem artem interdum adhibet, quam nos appellamus *κρύβην* Baronia-
nam, plerumque tamen animi sui mentem ita palam præ se fert, ut puerum esse, vel cæcum oporteat, qui Annales hos legat, & consiliū Auctoris non intelligat. De Transubstantiatione, concomitantia, genere sacrificii Christianorum, vera ejus natura atque usu, calice laicis adempto, Scripturis populo ablatis metu hærescos, lingua in sacris non intellecta, Traditionum etiam recentium auctoritate, invocatione Sanctorum, imaginum adoratione, (sic Baronius milles appellat, in nono præsertim Tomo,) cultu reliquiarum, Purgatorii credendi necessitate, indulgentiis, denique de tota ratione & modo legitimi cultûs divini celebrandi, & superstitionibus infinitis in eum admissis, integrum ferè jam seculum inter Pontificios & Protestantes acerrimum est certamen: his, negantibus ullam earum rerum primis Ecclesiæ sæculis fuisse notitiam; & illum ex ore ipso Christi manantem gladium assidue rotantibus, A PRINCIPIO NON ITA FUIT; illis, ad tot Novitatum defensionem, nescio quas ratiunculas in contrarium afferentibus. Sed Baronius rationem invenit, quæ à manibus Protestantium telum illud in quæstionibus de fide ignitum excuteret, omnia sequiorum seculorum inventa colore imbuens veneranda Antiquitatis. Nam & in reliquis Tomis crebram harum observationum mentionem injicit; & quia non ignorabat, veram Antiquitatem Institutorum Ecclesiasticorum ab ipso Ecclesiæ principio debere originem habere; jam in primo, qui vitam Domini in terris, & jacta Ecclesiæ fundamenta prima continet, nihil planè istorum est ab eo prætermisum. Romani verò Pontificis Monarchiam, & illud infinitum imperium, ita assidue omnibus ingenii viri-
bus,

bus, *ὡς αἰὶν ὡς αἰὶν*, propugnat, ut optimo jure aliquando Petrus Pithæus, 1614. Galliarum singulare lumen, dum viveret, ubi primos Tomos inspexisset, dixerit; *non Annales Ecclesiastici, sed de potestate Papæ*, verum nomen istis Baronii lucubrationibus futurum. Qui vir optimus, si postremos Tomos vidisset, quid dicturus fuit? Novæ enim illius & horrendæ, ac Principibus Papam agnoscantibus fanestæ doctrinæ, quæ sacris illorum cervicibus Dominum imponit, absolutæ potestatis Monarcham; quæ vitæ & necis ipsorum dat illi potestatem; quæ subditos fidelitate ex jure divino & humano debitâ absolvit, & quoties lubet Pontifici, adversus Unctos Dei armat, nullus temerè animosior patronus Baronio, ne inter juris quidem Canonici Interpretes, vanalitia Paparum mancipia, potest reperiri. Pontificum, ut quisque in Imperatores aut Reges impotentissimè & ferocissimè sæviit; ita plurimum à Baronio laudatur: & quia Hildebrandus inter primos hujus hæreseos auctor, assertor, & propagator fuit; itcirco perfectissimi Papæ ideam huic Nerii discipulo videtur absolvisse, & miris elogiis prædicatur. Hic est Gregorius Septimus, qui Monarchiam Papalem in suis scriptis tam accuratè defendit: qui elementa totius illius Satanicæ doctrinæ brevibus quasi aphorismis est complexus, qui in ejus Epistolis leguntur, & *Dictatus Papæ* nominantur: qui praxin ejusdem furiosæ doctrinæ dum exercet furiosè, cælum terræ miscuit, & cædibus horrendis Germaniam atque Italiam complevit. Ille Pontifex à Gulielmo, Rege Angliæ, quem Conquestorem vocant, pecuniam & fidelitatem cum exegisset; Princeps generosissimus de pecunia facillè annuit, de fidelitate planè abnuvit. Hoc non magis Hildebrando olim displicuit, quàm Baronio, illam historiam describenti: persuaso nempe ex illius Pontificis Dictatibus, *Unum esse in terris nomen, videlicet Papæ*. Quemlibet Episcoporum Regem esse, & in Regno cuiusvis Regis plus ipso posse debere, cognitionibus illius intercedere, sententias de plano posse facere irritas, sapissimè in singulis ferè Tomis pronunciat. Principes, qui res Ecclesiasticas attingunt, ubique maledictis incessit; ausus etiam Reges veteres Francorum eam ob causam comparare *latronibus in sylvis*, anno Domini DCCCCLV. Principum fideles Consiliarios, qui jura suorum Regum adversus Curiam Romanam defendunt, locis innumeris teterrimæ damnat hæreseos; neque aliud occurrit frequentius in posterioribus Tomis, quàm hæreseos Politicorum dirissima detestatio. Magistratus civiles omnes & Præsides Provinciarum Episcopis ita reddit obnoxios, ut ab illorum nutibus velit ipsos pendere; alioquin è tribunalibus suis statim detrahendos ab ipsis Episcopis; sicut ait factum in Andronico ab Episcopo Synesio; lapsus in ea historia, justo Dei judicio, plusquàm pueriliter, ex imperitia Græcæ linguæ, ut sæpè alibi: Henrico Quarto, augustæ memoriæ Principi, triumphatori omnium suorum hostium; sed de quo, ô seculi infamiam! Hildebrandina doctrina triumphavit; Tomum nonum dedicans, exigere à tanto Principe non erubuit; non ut *comiter* Papæ *Majestatem coleret*, quæ fuit formula, quam olim exigebant Romani à sibi subditis Rebuspublicis & Principibus; ac ne *obsequium* quidem tantummodò, vocem his moribus fortasse tolerabilem; sed ut *humili quoque servitio Christi Vicarios coleret*: quasi non essetis vos quoque Reges, in Regnis vestris Dei Vicarii; quorum majestatem imminuere, crimen esse apud Deum, per quem solum vos regnatis, longè maximum, ante exortam hanc novam doctrinam, nemo unquam dubitaverat. Nulla inter Papas & ullum Principum superioribus sæculis rixa intervenit, quæ non ita describatur in Annalibus, ut ex ipsa narratione Lector, qui narrantis fidem sequetur, non sit collecturus, omnium criminum & scelestum, quæ in hominem cadunt, maximum esse, Papæ cæcā obedientiam non præstare. Neque autem re-

1614, fert, qualis sit Papa: nam quum ipsa rei veritas etiam illos, qui Pontificem Romanum ceu terrenum Jovem colunt, & Deum etiam nominant, (ita sæpe inter cæteros appellat Pius Bononiensis, Orator superioris seculi non obscurus, in orationibus Romæ habitis, Bononiæ editis;) coëgerit fateri; sedisse in illa Sede aliquando Papas quinquaginta, serie continuâ, per spatium annorum centum & quinquaginta sibi succedentes, non Apostolicos, sed Apostaticos, inquit Genebrardus, Protestantium hostis furiosissimus, in Chronico, seculi decimi initio: si quis tamen Imperator, aux Rex, aut Synodus legitima, ausa fuit, vel pessimo illorum obstrepere, ut factum est Joanni XII. *monstro nullâ virtute redempto*; statim ejus consilii auctores, ut perditorum perditissimi lacerantur in his Annalibus. Quid plura? Omnia Europæ Regna, omnes Insulæ, (tuæ cum primis Anglia & Hibernia) si fidem habemus Baronii Historiis, sunt Romani Pontificis: quod non dixit quidem ille primus, scio; sed in monumentis pessimorum seculorum inventum studiosè adnotavit, & interdum, extra oleas evagans, confirmavit: ut cum in anno Domini MXC VII. tantâ contentione & instantiâ Regnum Siciliæ à Rege Catholico repetit; certo indicio, Papas, ni vires deessent, vi & armis reposcitu- ros, quæ Baronius verbis tam enixè reposcit. Cujus Annales eò periculosius in manibus juventutis & rudium veritatis Lectorum versantur, quò majore arte scopum suum, in primis præsertim Tòmis, dissimulat. Nam Bellarminus, Becanus, Suarius, & id genus disputatores, nudo, quod ajunt, capite, veram Antiquitatem Religionis, & jura Principum invadentes, atque oppugnantes, minus videntur metuendi, ut qui aperto Marte rem gerant, & vel ipsis titulis librorum suorum, Principum sese hostes profiteantur. A Baronio verò, scriptionem Annalium promittente, quis sibi metuat? aut quis vidit Historiographum argumentosum? Atqui multæ ab eo narrationes ita artificiosè concinnantur, ut ad novum aliquod dogma hodie controversum, animis legentium insinuandum, plus Baronii narrationes, quàm Bellarmini argumentationes sint valituræ. Papam esse supra Concilium, novitium est inventum Doctorum ex Hildebrandina schola; pro quo Bellarminus, & alii pugnant argutiis, quæ apud mediocriter imbutos doctrinâ Evangelicâ non multum ponderis sint habituræ. Baronii verò Annales cui non hoc persuadent? In anno Christi trigésimo tertio, referens hic Cæsar historiam, quæ narratur Matthæo, capite xvi. sic illam concinnat, ut qui Papæ mentionem nullam faciat, hoc tamen illius stratagemate asserat vaferrimo. Fingit Concilium habitum esse à Christo & Apostolis, in quo vult datum esse exemplum Conciliorum deinceps habendorum; idque etiam alibi repetit. In hoc igitur Concilio, cui interest & præest Christus ipse, solus Petrus articulos de fide condit, & quid sit credendum, *solus clavum figit*, ait Baronius; & addit de aliis, *ut nihil fermè jam esset opus, consulere cæteros tunc Apostolos*. Quis igitur ex hac Historia, (figmentum veriùs dixerim) non statim colligat, Papam, Petri in omnia jura successorem, habere solum potestatem condendi articulos fidei, & de Conciliis omnibus statuendi ut volet? quod alibi tot locis palam defendit Baronius. En tibi, Rex sapientissime, quanto astu in his Annalibus, Historia etiam Evangelica ad rationes Paparum inflectatur. Sic cum in anno xxxiv. Petrus magnâ contentione demonstratur, fuisse Apostolorum Princeps; non quomodo Patres illam vocem Petro attribuerunt, coryphaum ejus sacri chori, & ordine primum fuisse ipsum significantes; sed dominator & Monarcha; cum etiam affirmatur, illum regio more imperantem, Paulo & cæteris Apostolis præcepisse, ceu dominum subditis suis, quam partem Ecclesiæ vellet quemque ipsorum curare; facile intel-
ligit

ligit Tua Majestas, quam vim hæc narratio apud vulgus imperitum, imò 1614. etiam apud omnes Principes, qui de veritate Historiæ parum fuerint solliciti, sit habitura, ut jugum tyrannidis Romanæ minus deinceps graventur. Transsubstantiationis hodiernum dogma, prorsus Veteribus ignotum, ut defendant Bellarminus & alii tractatores Controversiarum, omnem movent lapidem: nemo tamen illorum negat, nomen saltem recens esse inventum. Baronius verò historiam institutæ Cœnæ Domini commemorans, in anno xxxi v. inter prima verba prolixæ disputationis de eo argumento, Transsubstantiationem nobis oggerit; repertam sibi, credo, in aliquo Evangelista, quem nobis Trans-Alpinis, quibus non patet Vaticana, nondum videre contigit. At quàm longè alio spiritu ducebantur Basilius, Gregorius Nazianzenus, & alii veteres Patres; qui voces τρία & ὁμοούσιος, etsi clarissimis Scripturarum testimoniis contentas, & sacri Concilii Nicæni auctoritate firmatas, usurpare vix audebant; *parcentes*, inquit Basilius, *uti nominibus, quæ non extant in Scripturis totidem literis.* Sed hæc olim fuere: nunc alii sunt mores ejus, quæ se jactat solam esse Ecclesiam Catholicam, solam Ecclesiam. Scripturas Sacras à Laicis non esse attingendas, apertè quidem non docet Baronius; manifestè tamen illam doctrinam insinuat in illo ipso anno. Imperatorem, Reges, & Principes habere jus vocandi Concilii in suis ditionibus, semper Ecclesia verus credidit: & eo jure tam Augusti Romanorum, quàm Reges Francorum, & omnes Principes Christiani, nemine repugnante, constanter sunt usi, priusquam periret de rebus pudor. Baronius, ut cucurbitis persuadeat, jam inde à Concilio Nicæno Jæsolam Papam id jus habuisse, quas adhibet machinas, modò tectas, modò apertas? quarum ut hæc sunt inverecundiores, ita illæ periculosiores: Lectori enim incauto, & ad cognoscendam Antiquitatem simpliciter intento obrepunt, & velut ex insidiis Veritati latus confodiunt. Sed deficiat me dies, & ego patientiâ tuâ, Optime & Clementissime Principum, nimis impudenter abutar, si omnes rationes explicare hoc loco aggrediar, quibus vera Antiquitas, studio defendendæ modicæ Vetustatis, in his Annalibus dissimulatur, obscuratur, & quantum fieri potest, aut obruitur, aut hodiernæ doctrinæ subtiliter accommodatur. Quanquam, si æquis ponderibus rem volumus æstimare, non tam profectò Conditori Annalium, quàm ipsi Pontifici, & Romanæ Curiæ, culpa depravatæ Historiæ venit adscribenda. Nam Baronius quid ageret? Fateretur irrepsisse in Ecclesiam Romanam, tractu longi temporis, multas corruptelas, & quæ fuerunt à Domino prædicta, infelicia lolia? Atqui per Romani Pontificis ἀναμαρτησίαν, & nunquam errandi in fide privilegium, hoc illi Romæ integrum non erat, ubi non δαλόν τῇ ὑπερίσσει, grande fuisset nefas, & Inquisitioni obnoxium. Fateretur, Monarchiam Papæ recens esse inventum, cujus neque rem, neque nomen meliora Ecclesiæ secula noverunt? Atqui hoc illi non permittebat Romanæ Sedis Theologia; quæ tota ad hunc ἑρῶτα δυσέρῶτα dominationis, quæ spiritualis, quæ terrenæ, jampridem est comparata. Referret suas lucubrationes ad concordiam inter Principes & populos Christianos ineundam, Ecclesiæ veram Antiquitatem, tam his, quàm illis partibus, sine fucis, & fallaciis imitandam proponens? Scilicet hoc Papa ferret, qui Barbarum Turcam in interiora jam Europæ admissum, vastantem omnia ferro atque incendiis, & deletis Ecclesiis, plebes integras in captivitatem abducentem, siccis oculis videre potest; ut Principibus, & gregibus Dominicis inter se divisus, ad pacis consilia ducem se præbeat, & de eo jure, quod iniquissimè usurpat, nonnihil remittat, inducere in animum non potest! Quod igitur Aristidi apud Athenienses olim legimus usuvenisse; qui in rerum suarum administratione justissimus semper habitus, unde illi Justus cognomen;

1614. in gerenda tamen publica re, multa contra jus & æquum designavit: *αὐτὸς τὸ ἰσχυρὸν ἢ παρὰ τὸ δίκαιον*, sicut solitus fuit ipse dicere, *ὡς σὺν ἡμῖν, ἀδίκιας δεξιόχην*: quod rationibus patriæ sese accommodaret, quæ multâ iustitiâ opus haberet: id ipsum Cardinali Baronio videtur Romæ accidisse; qui probitate, iustitiâ, & studio veritatis, ut accepimus, in privata vita non mediocrem adeptus laudem; in scribendis Annalibus, dum cupidè nimis causæ sui Pontificis inservit, discedere à se coactus, superiorum virtutum ne umbram quidem retinuisse, plurimis locis deprehenditur. Sed veniam tandem ad me, & cuius maximè rei gratia hic sermo est institutus, breviter expediam. Ego, Rex serenissime, cum ante plures annos Baronii percurrrens Annales, consilium illius, quale hætenus exposui, animadvertissem; & in Historia Ecclesiastica gravissimas passim hallucinationes deprehendissem: optare ingenti cupiditate cœpi, ut veritati pessimè interdum à discipulo Nerii acceptæ, sæculo hoc tam erudito ne deesset patrocinium; sed potius, ut è numero prope infinito doctorum hominum, quos nostra hæc ætas in omnibus Europæ regionibus tulit, aliquis existeret, gloriæ Dei zelo succensus, qui veram Antiquitatem adversus Novitates Baronianas generoso animo susciperet defendendam. Movebat me cum primis illa quoque ratio, apud animum quidem meum momenti longè maximi; quòd concordie desiderio, bonorum omnium cordibus, sive harum, sive illarum partium, altè impresso, scopum istum Baronianum intelligebam vehementissimè adversari. Quamdiu enim Principes populique Christiani sibi sinent persuaderi, studium primæ pietatis instaurandæ, meram esse Novationem; defensionem verò inventionum humanarum & recentiorum, ipsissimam esse Religionis à Christo traditæ Antiquitatem; indubitatum est, & omni certo certius haberi debet, (errant gravissimè qui aliter judicant, & nescio quæ media consilia sectantur, quæ nulla sunt) ineundæ concordie, nullam amplius, neque rationem, neque spem in terris omnino superesse. Quò magis optabam, reperiri aliquem immunem, quantum fieri posset, ab illo insano partium studio, cui indulgent hodie tam multi, qui ad legendum cum fructu opus Baronianum juventuti, & minus cautis Lectoribus viam muniret. Atque in hac dudum mihi suscepta sententia mirificè postea sum confirmatus, quando viros doctrinâ, probitate, & pietate excellentes, idem planè mecum sentire, idem optare, cognovi. Ne longum faciam, quia cessabant meliores, ventum est ad me: & quam ego operam ab aliis expectabam, eadem cœpta est à me exigi: neque id Gallorum duntaxat meorum quotidiano prope convivio, dum eram in patria; sed etiam præstantissimorum Theologorum, aliorumque hortatibus, qui ea super re ex Anglia Tua, Germania, ipsa etiam Italia, literas ad me dederunt creberrimas. Etsi autem incepti tam ardui magnitudo, virium mearum tenuitas, & necessariorum præsidiorum carentia, ad hæc, occupata opera in aliis literis pro mea virili excolendis, iustæ mihi causæ fuerunt, cur morem gerere amicis recusarem; tantum tamen cohortationes frequentes bonorum apud me valuerunt, ut qui induci non poteram, quamdiu fui in Gallis, ut operi manum admoverem; inductus sim tamen, ut de Historia Ecclesiastica illustranda dies noctesque cogitarem. Inter hæc rebus humanis Henricus Magnus est exemptus, & unius parricidæ scelere æternum detestando, nutantibus Galliarum fati, omnium Gallorum fortunæ in periculum præsentissimum sunt adductæ: mihi quidem tam inopinatus, tamque immanis casus, tantum rerum præsentium, ipsiusque adeò vitæ fastidium attulit, ut qui nullam sine literis vitalem vitam hætenus credideram, libris tunc temporis renuntiarem. Tenebat me annos jam plurimos incredibile quoddam desiderium, florentissimum hoc Regnum Tuum invifendi, Ecclesiæque Anglicanæ, quam

quam ex fama & libris tacitus dudum venerabar, formam cognoscendi; inul- 1614.
 ro autem magis dexteram tuam, Princeps, Principum decus, contingendi, &
 illas tot tantasque virtutes, sapientiamque altam, propius inspicendi, quas in
 Tua Majestate Orientis hodie atque Occidentis populi, stupore defixi, admiran-
 tur. Cujus voti ad exitum ducendi facultas quum semper mihi antè defuisset,
 occasionem rerum in Galliis, inquietarum magis, quàm turbatarum, duxi
 arripiendam, ut priusquam redirem cum Musis in gratiam, huc excurrerein.
 Non est hîc commemorandi locus, quantum aut beatus Tuorum populorum
 status, aut Ecclesiæ Tuæ præsens felicitas, aut denique Tuæ Majestatis inex-
 plicabilis humanitas, & illa inusitata virtutis absolutæ species, me ceperint:
 certè, cum Rex Christianissimus, & Regina Mater, Princeps sapientissima,
 fecissent mihi potestatem commorandi in Tua aula, & Majestati Tuæ inter-
 viendi, quamdiu id ipse non nolle videreris; non invitus, & patriæ charitatis,
 & consuetudinis amicorum, quos habeo Lutetiæ, & in aliis Galliæ partibus,
 neque obscuros, neque paucos, ad tempus sum oblitus. Hîc primùm, Rex
 serenissime, beneficio Tuo immortalî, frustra mihi per tot annos optatam oc-
 casionem simul, & facultatem adipisci contigit, res veteris Ecclesiæ, omissis
 aliis curis omnibus, pro ingenii viribus, & copia eruditionis, si qua illa in
 nobis, illustrandi, quæque dudum in eo literarum genere eram commenta-
 tus, in lucem proferendi; atque eâdem operâ Baronianos Annales ad Veritatis
 amussim examinandi, & veram Antiquitatem contra Novitatem asserendi.
 Quo in opere, sanè arduo, & virium, fateor, non istarum, an hoc assecutus
 sim Dei ope, studio & vigiliis meis, ut Ecclesiæ aliquid meæ lucubrationes
 sint profuturæ, meum non est dicere: Tuum est, Rex piissime, idemque do-
 ctissime, judicare & statuere. Mihi hoc unum bona conscientia profiteri li-
 cet, summam voti mei in hac scriptione versantis, hanc fuisse; ut Judæ Apo-
 stoli præcepto obtemperans, pro fide semel tradita decertarem, & falsò cre-
 ditæ Antiquitati larvam detraherem. Quod si vitam Dominus JESUS dede-
 rit, ceteros quidem Tomos strictim percurrere fert animus; primùm verò,
 ut in quo legitimæ victoriæ certa spes est posita, Religio mihi fuit, non
 quantâ maximâ poteram diligentiam examinare. Nam si probatum semel fue-
 rit, initio nascentis Ecclesiæ omnia illa fuisse incognita, quæ hodie fidei ar-
 ticularum inferuntur, ac propterea in controversiam vocantur, conclamata est
 causa Pontificia; cui penitus evertendæ, vel illa sola Filii Dei verba, NON
 SIC FUIT A PRINCIPIO, aut Judæ illud unicum SEMEL, abundè
 sint suffectura. Accipe igitur, Rex serenissime, quod supplex offero Majestati
 Tuæ, multis nominibus Tuum opus; quod rudi cogitatione in Galliis infor-
 matum, in Regno Tuo, Tuis præsidiis, Tuis auspiciis inchoatum, & aliqua
 saltem ex parte ad umbilicum perductum, in clientelam tuam, si pateris, gestit
 recipi; ut augustissimo nomini Tuo honoriq; inscriptum & consecratum,
 meæ in aula Tua moræ diuturnioris, animique mei non ingrati, apud præ-
 sens & ventura secula extet monumentum. Tuum est, Rex sapientissime,
 propriè Tuum, de nostris cum Baronio disputationibus cognoscere, & senten-
 tiam ferre; qui literarum disciplinarumque omni genere supra hominum fi-
 dem quum sis excultus, orbemque ad eò scientiarum mente illâ Tuâ igneâ
 complexus teneas; præcipuè tamen pietatis primæ studio Te esse accensum,
 non solum dictis factisque, sed etiam scriptis doctissimis comprobasti. Tuum
 est, propriè Tuum, si quis pro fide semel tradita decertet, Majestatis Tuæ
 umbrâ illum protegere; FIDEI enim DEFENSOR audis; quem glorio-
 sum titulum illi potissimum ex omnibus inimicis Tuis Tibi invident, qui in
 proximorum seculorum Novitatibus acquiescentes, ad primitivæ Ecclesiæ tem-
 pora,

1614. pora, quæ est demum vera Antiquitas, neque ipsi volunt, neque alios patiuntur oculos attollere. Bellarminus enim, Becanus, Suarius, & ille infamis parricidarum patronus, Andreas Cretensis, Jesuita, totusque adeo ille grex Scriptorum infrunitorum, qui ad impugnationem Epistolæ Tuæ Monitoriæ omnibus ingenii viribus tantoperè incubuerunt; quo alio genere armorum, nisi Antiquitatis ~~ψευδονόμος~~ vanâ specie instructi, in certamen descenderunt? Tuum est, propriè Tuum, pro veteris Ecclesiæ disciplina pugnantes regii clypei, quem pro sinceræ pietatis defensione gestas, umbone propugnare: qui Ecclesiam habeas in Tuis Regnis, partim jam olim ita institutam, partim magnis Tuis laboribus ita instauratam, ut ad florentis quondam Ecclesiæ formam nulla hodie propius accedat, quàm Tua, inter vel excessu, vel defectu peccantes mediam viam secuta. Quâ moderatione hoc primum affecuta est Ecclesia Anglicana, ut illi ipsi, qui suam ei felicitatem invident, sæpe tamen ex aliarum comparatione, illam cogantur laudare: deinde, ut etiam in remotissimis terris positæ Ecclesiæ communione jungi cum Tua, vehementissimè cupiant. Quod nuper magni beneficii loco vidimus enixè petiisse unum è Patriarchis Orientis, cujus literas, itemque unius Episcoporum Asiæ, ad illustrissimum Præsulem, Dominum Cantuariensem, prudentissimè scriptas, & antiquam pietatem redolentes, magna cum voluptate ante paucos dies legabamus. Postremò, Tuum est, bellorum Domini fortissime Imperator, (nam cujus potius?) doctrinæ Hildebrandinæ fundamenta everrentes, quod hoc libro strenuè factum est, & causam Principum, pio animo, contra Novatorum genus pessimum agentes, in numeros Tuos referri jubere: qui unus hodie Regum ac Principum, causæ Regiæ patrocínio suscepto, & de hæreseos illius defensoribus nobilissimo parto triumpho, cæteris Tui ordinis Principibus exemplum dedisti, quid facere illos oporteret, si dignitatem suam, si subditorum suorum utilitatem, si communem salutem sibi curæ esse apud Deum & homines, vellent facere testatum. Oro, venerorque Deum Patrem, per Jesum Christum, illum unicum mundi Salvatorem, & omnis bonæ donationis auctores, ut Te, Rex serenissime, unicum hodie rei Christianæ columnen, quàm diutissimè lex humanæ naturæ feret, servet incolumem; Tuam Majestatem suo Spiritu verè ~~ἡγεμονικῶ~~, regat, dirigat; inclytam sobolem Tuam, & nunc, & semper in posterum, omni maximarum benedictionum suarum genere quàm largissimè cumulatam, Regnorum Tuorum sceptrâ piè, pacatè, beatè, quod Tu nunc facis, olim moderantem, recenti semper laude præstet florentem. Amen, Amen.

Serenissimæ Tuæ Majestatis

humillimus & submississimæ devotionis servus,

ISAACUS CASAUBONUS.

PROLE-

PROLEGOMENA

præfixa

EXERCITATIONIBUS

I N

BARONII ANNALES,

in quibus de Baronianis Annalibus candidè & φιλαλήθως disputatur.

Lectori Christiano, & φιλαρχαίῳ, salutem in Domino.

QUUM Sacrae Theologiae ea sit dignitas, vel potius majestas, candidè ^{1614.} & pietatis antiquae studiosè Lector, ut reliquae omnes scientiae necesse habeant ipsi ancillari; non omnes tamen disciplinae eodem modo, vel pari gradu, illi inserviunt: sed earum nonnullae sunt interioris, ut sic dicam, admissionis, arctiore quodam vinculo Reginae illi & Dominae suae conjunctae. Quo in numero censeretur debere Historiam, praesertim Ecclesiasticam, satis superque vel illud arguit, quòd à primis Ecclesiae Christianae temporibus, quale per singulas aetates Theologia, tale etiam Historia fatum semper est experta: simul floruerunt, simul jacuerunt; incrementum, aut decrementum simul acceperunt.

Tribus primis seculis, quae Ecclesiae infantia, & tempus innocentiae possunt appellari, Christiani homines in praxi verae pietatis, magis quam ipsius scientiae theoria, fuerunt occupati. Hinc fidei hostium persecutiones, illinc Sanctorum zelus & stupenda constantia, magis quam exulta insigniter scientia Theologiae, tempora illa nobilitarunt. Idem planè de Historiae studiis dicamus licet; Tatianus enim, Theophilus, Clemens Alexandrinus, Julius Africanus, & si qui alii ad genus hoc eruditionis animum applicuerunt, ii de Historia Ecclesiastica magis videntur cœpisse cogitare, quam ad eam Spartam ornandam seridò se accinxisse. Historia illorum temporum, Acta Martyrum erant; quae non sunt Historia Ecclesiae, sed pars duntaxat illius.

Tempore Constantini Magni, mutatâ orbis Romani facie, Ecclesia, quae fugere & latere, ut plurimum, aut omnes malorum ideas perpeti hactenus fuerat coacta, in libertatem vindicata, rebus omnibus florere subito est visa. Ut jure merito hoc seculum cum duobus sequentibus, ἀκμὴ τῆς Ἐκκλησίας, flos ipse Ecclesiae, & aetas illius aurea queat nuncupari. Hæc illa sunt beata secula, quae Athanasios, Hilarios, Basilios, Gregorios, Ambrosios, Hieronymos, Chrysostomos, Augustinos, Cyrillos, & similia lumina tulerunt; à quibus quantoperè scientia Theologiae fuerit illustrata, dicere nihil attinet. Hic fuit fructus illius pacis & felicitatis, quam sub Imperatoribus Christianis Ecclesia Dei est consecuta. Quum igitur Theologica studia ubique tunc florent; Historia quoque Ecclesiastica, hactenus planè ignorata, cœpit efflorescere, tanquam fructus alter pacis sub piis Augustis longè uberrimus. Primus, imperante Constantino, Eusebius Caesariensis, sui seculi sine controversia vir eruditissimus, ad scribendam Ecclesiae Catholicae Historiam καθολικὴν & universalem, animum appulit: primus certè, quod affirmat ipse libri primi initio, manum operi admovit; & orsus à nativitate Domini, rerum
m m
gestarum

1614. gestarum seriem ad sua usque tempora singulari diligentia pertexuit. Eusebii exemplum postea secuti sunt, qui hodieque extant, quique ab Euagrio soli nominantur, Sozomenus, Theodorus, Socrates, & post hos, ipse Euagrius, cuius Historia in anno definit Imperatoris Mauricii decimo, Domini sexcentesimo, tribus demptis, vel paullo plus.

Post seculum sextum quam sit paulatim una cum temporum conditione immutata prior forma Theologiae, nemo potest veteris memoriae peritus ignorare. Magni viri, quales priora secula viderant, aut nullis aut admodum rari apparent. Scripturae minus diligenter tractantur, minus simpliciter exponuntur. Res externae, miracula, imagines, Reliquiae, Sanctorum cultus, ac tandem unius Papae dominatio & Monarchia, prioris religionis institutis succedunt. Igitur qualis fuit istorum temporum Theologia, talis & Historia. Nam & in historicis monumentis miracula, ut plurimum, utramque paginam conficiebant, vel à Sanctis, vel ab imaginibus, vel à reliquiis edita: atque ut supremum Ecclesiae Monarcham Theologi agnoscebant; ita multi Historiam scribere professi, Romani Pontificis successiones, Antipapae schismata, aut novas artes à Papis excogitatas firmandae potentiae suae, literis mandare; id verò erat Historiam scribere Ecclesiasticam. Soleo dubitare, debeamne illa secula *καὶ τὰς περὶ αὐτὰς*, an *ἀγνοίας* nominare: fuit sanè illorum temporum & imperitia meliorum literarum magna, & miraculorum benigna copia; verorum sine dubio multorum, sed & falsorum nibilo pauciorum.

Secuta est tandem, Dei immortalis nunquam tacendo beneficio, literarum *παλιγγενεσία*, quam ratio temporum excepit adeò varia, adeòque è contrariis mixta, ut non facile scias, gratulari superiori seculo & huic nostro jure meliore queas, an vicem dolere. Postquam è densissimis tenebris lux literarum emerferat; omnes artes, omnes scientiae & disciplinae, ipsa imprimis Sacra Theologia, brevi tempore ita sunt excultae, ornatae, auctae, ut eo nomine florentissimo cuique priorum seculorum, quod proximè est elapsum, videatur posse anteponi. Sed hanc felicitatem infelicitas nibilo minor, ex dissensione in causa Religionis, est comitata. Qua ex re natae sunt inter populos Europae discordiae implacabiles, odia plus quam Vatiniana, bella dirissima, & nullum non malorum genus. Inde illa nomina prius nunquam hoc sensu audita, Pontificiorum & Protestantium. Inde studia partium, non solum in vita hominum, sed etiam in scriptis palam dominantia. Inde unius & ejusdem Religionis Christianae duplex & multum diversa Theologia: in maximi quidem momenti capitibus doctrinae, arcano providentiae divinae beneficio, ut plurimum, consentiens; in aliis dissidens, & in mutuum perniciem conjurata.

Quod de Theologia hodierna diximus, de Historia Ecclesiastica dictum puta: nam & hodie non minus quam olim utriusque idem est fatum. Ergo etiam in Historiam studia partium penetrarunt; & Veritas, quam homines pagani, solius naturae ducti instinctu, pronunciarunt, unicam esse legem Historiae; victa studiis partium, aut si ita mavis, rationibus utilitatis, in rerum antiquarum narrationibus, pro affectibus narrantis, aut expressa, aut suppressa, aut aliquo mangonio corrupta reperitur. Quare cum hodiernis de religione controversiis quaestio de Antiquitate interveniat, videas alios, quibus nihil est antiquum, nisi quod ipsi pro suo arbitrio prius judicaverint orthodoxum: alios contra, omnia velle esse antiqua, quae ipsis placent, vel si ante pauca secula, vel si heri aut nudius tertius fuerint inventa. Quod si hic morbus *ἰνδοῦ* plebeia tantum & vilia ingenia occupasset, minus id esset dolendum; nunc quum viri primarii, & eccellente doctrinâ praediti

ditum eodem animi morbo deprehendantur laborare, quis Ecclesiæ vicem non 1614. doleat? Nam si in questione, de eo, quod antiquum est, aut recens, quæ facti, ut sic dicam, questio est, & tñ in, convenire inter doctos non potest; magna scilicet spes restat, in questione tñ dicti, aut de mente Scripturarum posse inter eos convenire!

Ne alios nunc commemorem, nostrâ memoriâ in Historiæ Ecclesiasticæ collectione, aut illustratione versatos, quos fama obscura recondit; quis nescit, Cardinalem Baronium operam in eo genere literarum adedò insignem posuisse, ut omnibus suâ diligentia palmam præripuerit? Hic enim est, qui primus omnium, totius Orbis Christiani res gestas, præsertim autem quæ ad Ecclesiam pertinebant, in continuam seriem annorum sic digessit, ut si unius urbis Fastos concinnaret: qui nescio unde ex abdito, tam multa planè prius ignota, primus prompsit in lucem: qui antiquorum Episcoporum in magnis urbibus successiones; veterum hæresium originem, progressum & finem; tempora Ecclesiæ, sive tranquilla, sive turbulenta, tam accuratâ diligentia explicuit; qui denique merita sua in Ecclesiam si immoderato partium studio non corrupisset, dignus erat sine controversia, cui omnes, & veteres & recentiores, qui illam eruditionis partem unquam attigerunt, assurgerent, & fasces submitterent. Sed vir eruditissimus quando ad scriptiorem se accingebat, de approbanda fide sua ex æquo omnibus, sicuti par erat fidelem Historicum, adedò nihil cogitavit; ut contra id summa studio videatur egisse, ne qui in negotio Religionis alia sequebantur castra, ullum usquam æquitatis vestigium in suis scriptis reperirent. Adedò in defensione illarum partium, quas probabat, totus est ubique. Historiam professus, non solum Theologum, sed etiam persæpe disputatorem è schola agit. Locos communes, à narratione historica digrediens, sæpissimè contextit; præsertim in primo Tomo. Protestantes passim nullo discrimine, convitiis, maledictis & infandis calumniis incessit. Jura Principum, quæ à paucis seculis obtentu Religionis imminui caperunt, ita cupide, quoties datur occasio, contrahit, arrodit, evertit, ut natum in Regno, noscere nequeas; educatum, altum & auctum Romæ, facile agnoscas. Denique ita se gessit Baronius totis duodecim suorum Annalium Tomis, ut qui dubitari nollit, præcipuum sibi scopum fuisse, Papalem Monarchiam stabilire, amplificare, & ad cælum usque evehere.

Sed fallor fortasse judicii, & quam in aliis moderationem desidero, ipse non præsto. Sanè cum non ita pridem in Epistola ad Frontonem Ducem de hoc Baronii scopo aliquid parcè & modestè dixissem; repertus est Romæ infamis quidam parricidarum patronus, novum è Creta prodigium, Andreas Jesuita, qui negaret rem ita habere, ut dixeram: idque eo maxime argumento confirmaret, quòd è tam vasta mole Annalium ne unum quidem locum asserre potuissem, unde fidem dictis facerem. Equidem nebulonis infamis calumnias tanti non penderem, ut ullam ipsius rationem habendam arbitrarer; nisi esset certissimum, è tot Lectoribus horum Annalium oppidò paucos esse, ac fortasse paucissimos, qui justum illorum pretium norint, quive satis intelligant, quid in iis laudandum, quid excusandum, quid ne excusandum quidem. Atqui certissimum illud est; quemadmodum sumuntur à conversantibus mores, & quædam in contactos corporis vitia transiliunt; ita Lectorum animos, ex iis quæ legunt, voluntatem & judicium formare.

Eam ob causam nos, quibus in hoc opere suscipiendo propositum fuit, (sicut in Epistola ad Regem serenissimum pluribus exposuimus,) Lectori, mi-

1614. nus in his literis exercitato, viam munire; quò certiores fructus ex horum Annalium lectione possit percipere: priusquam ad rem aggredimur, facien- dum duximus, ut nostrum de hoc ingenti opere iudicium, candidè quidem & liberè; sed absque livore, aut alienæ gloriæ obtreptione, paulò accura- tius exponeremus. Enimverò, pie Lector, cum tota hominum vita inter er- rores volutetur, ut scire hominum, ut Sapientes olim pronuntiarunt, nihil sit; cur adeò mirum tibi videatur, in opere tam arduo, tam vario, tam longo, multa inveniri notâ culpæ digna? Non hominis, sed humanæ naturæ vitium est, errare, falli ac decipi: doctorum autem errores modeste indi- care, non est injuriam illis facere; sed Deo suam gloriam asserere, qui so- lus ^{in apud omnes} & de humano genere præclarè mereri; occasionem errandi, secuturis alioqui malè præcuntes, amovendo. Equidem ad hanc disquisitio- nem, etsi atrocibus maledictis scelestissimi nebulonis è Creta provocatus, eam animi aequitatem adhibebo, ut suspicionem invidiæ, vel malignitatis & ^{inven-} ^{ti-} ^{as} non sin reformidaturus.

Ut ad rem accedamus; proficitur Baronius in fronte primi Tomi, fuisse sibi propositum, quando opus hoc instituit, non solum res gestas Ecclesiæ stylo condere, vel etiam Imperatorum, Regum, ac Principum, quæ essent cum Ecclesiasticis conjunctæ; sed hoc amplius, temporis rationem, quantum fieri posset, exactam inire; quæcunque in Historiæ explicatione obscura, & inter- pretationis luce indigentia occurrerent, illa omnia elucidare; Monarchiam Ecclesiæ visibilem, semper in Ecclesia conspicuam demonstrare, & Religio- nis Christianæ in eadem fide propagationem. Vides incepti magnitudinem, varietatem, & difficultatem. Nam ad Historiographi partes implendas, vel primum caput erat susseclurum; secundum pertinet ad Chronographum, cu- jus munere fungitur Baronius non raro; tertium Philologi, aut Critici ope- ram desiderat, non Historiographi; quartum caput & quintum, uti quidem in his Annualibus tractantur, ad partes spectant Theologi. Ut igitur legi- timum operis hujus pretium intelligamus, id videndum est, quàm bene unus homo Baronius tot personas, quas ipse sibi imposuit, in opere suo gesserit: Historiographi officium (inde enim ordiemur) in his tribus ferè est positum, diligentia, iudicio, fide. Nam & diligentia in colligenda scribendorum ma- terie, opus est non vulgari; & iudicio non minore, ut videas, quibus cre- das; fides autem in eo spectatur, ut in narratione historiæ, nudam veri- tatem exponas, sive illa tibi probentur, quæ gesta sunt, sive improbentur. Fingere enim, quæ cupias facta, & pro rebus gestis ea narrare, poëticae li- centiæ optimè convenit, ab historicis expositionibus est alienissimum.

Quod igitur ad diligentiam attinet; ea verò in Baronio tanta fuit, ut vix desiderari major queat. Retulit ille in suos Annales, non solum quæ- cunque à prioribus omnibus Historiographis, sive Græcis, sive Latinis, erant commemorata; sed etiam quæcunque apud Patres, aut alios cujuscun- que generis Scriptores sparsim leguntur ad res Ecclesiæ pertinentia. Neque fuit ei satis, Auctores vulgò notos & publicatos in consilium adhibere; sed celebriorum plerarumque Bibliothecarum forulos vel ipse, vel per amicos est scrutatus, ut ad plenam rerum Ecclesiasticarum cognitionem nihil, quoad ejus fieri poterat, prætermitteret. Hoc ut magnâ dignum laude, ita illud jure non laudes, quòd rerum copie intentus, delectum sæpe nullum habuit veri aut falsi, pertinere ad suum officium ratus, ut in Annales falsa inter- dum non minus quàm vera comportaret. Multa ergo passim commemorat è libris Apocryphis, aut fabulosis Scriptoribus, quæ non dubitabat esse falsa; eo tantum sine, ne quid à quoquam dictum fictumve prætermitteret. Exem- pla

pla adeò passim obvia, ut illa adnotare non sit opus. In anno verò Domini 1614. LII. numero 2. narraturus de iis, quæ Paulus Athenis gessit, meram adfert ex Hilduino fabulam: excusatione hac suum factum tuetur: Quæ quidem licet non in omnibus nobis probentur, tamen ne quid subtraxisse ab avidis legentium animis videamur, hîc eadem voluimus descripsisse: quum alioqui sic comparati simus, ut velimus pauca potius, sed solida, certaque fide constantia, persequi; quàm multa congerere, quæ fide vacillent ac nutent. Ubi planè Baronius vetus dictum tollit:

Video meliora proboque,
Deteriora sequor.

Nam postremis verbis legem proponit, quam sequi debuerat; prioribus ostendit, non fuisse propositum sibi in condendis Annalibus legem illam servare: quod & alibi non semel profitetur, ut in anno XXXIV. 192. ubi postquam è falsis Pilati Actis ineptum figmentum recitasset, subjicit hæc: Qualia autem sint ea omnia, fides apud Auctores remaneat: nos verò sic ponimus, ne quæ ab Antiquis sunt enarrata, inconsultè prætermisisse videamur. Hîc jure aliquis miretur, & causam quærat, cur Baronius operi tam gravi adeò putidas interdum fabulas inseruerit; de iis loquor fabulosis narrationibus, quas ipse improbat: sunt nimirum aliæ fortasse non minus aniles, quas propterea inseruit, quia fidem illius habebat; de quo postea dicendum. Illas verò priores quòd non prætermiserit, duplici ratione factum ab eo videtur; nam præter studium immodicum nihil quicquam prætermittendi, de quo diximus; etiam illa ratio potuit ipsum movere, quòd non ignoraret, multorum è suis partibus ingenia, hodieque in hac tanta literarum luce, anilibus fabulis ita delectari, ut ne Historiam quidem Ecclesiasticam ab illis esse repurgatam, equo animo essent passuri. Neque verò inanis erat hic Baronii metus; quod eventus comprobavit. Nam ex iis, qui post ipsum scripserunt, non pauci in eo laborarunt, ut fabulas, vel apertè, vel saltem silentio damnatas à Baronio, ab oblivione vindicarent. Vide, si lubet, quæ observamus de Christophoro à Castro, Jesuita Hispano, Exercitatione primâ, diatribâ xv. Sed multò diligentius hoc ipsum conatus est postea præstare Hispanus alius, Jobannes de la Puente, ex Ordine Predicatorum; cujus recentem librum nugacissimarum nugarum, & reprehensionum Baronii sæpe iniquissimarum plenum, nuper Oxonii in illustri Bodlæana Bibliotheca non sine risu & justa indignatione percurreram.

Est observare in his Annalibus & aliud nimie diligentie peccatum, non sanè leve. Cupiditas enim immoderata omnia trahendi ad propositum suum, quæ usquam legerat, Baronium sæpe adegit, ut inepta quædam & absurda Annalibus insereret. In Apparatus numero 27. & 28. multa prodigia commemorantur è Suetonio, Dione, Plinio, aliis, quasi fuissent signa adventus Domini; quum ejusmodi portenta singulis ferè annis à Livio, cæterisque Historicis commemorantur; neque dubium sit, pleraque illorum esse mera ludibria, quæ non possunt, nisi absurdissimè, ad Christi apparitionem referri. In anno primo, numero 15. narratur, Augustum, qui Judæos prius vehementer oderat, cognito adventu Christi, vehementer illos cœpisse amare: quæ mera est hallucinatio, è cupiditate nata referendi in Annales beneficia Augusti in Judæos; quod ut commodâ occasione faceret, miraculosam illam mentis mutationem in illo Principe coactus est fingere, sicut suo loco ostendimus. In anno xi. Lex Papia Poppæa prolixè exponitur, quæ ad commendationem vitæ asceticæ quàm obtorto collo trahatur, dictum est in Exercitatione

1614. tatione octava. In XVI. narratur mors Augusti. Ibi igitur ex iis, quæ per jocum maximus ille Princeps fecerat, occasio sumitur disputandi prolixè de pallio, & de præstantia linguæ Latinæ; quo nihil importunius, neque absurdius fieri poterat. In XXXI. 70. exponitur historia Paralytici per tegulas demissi, Luca 5: 19. Meminerat Baronius legisse apud Ciceronem, de Antonio per tegulas quondam demisso: locum igitur Ciceronis adnotat; sed tam absurde, ut nihil queat magis, sicut ostendimus. In XXXII. 14. tractatur præceptum Domini, quo vetatur battologia in Oratione: Baronius eò refert, quæ legerat de comam jactantibus; absurdissimè prorsus, & ineptissimè. Sic quia legerat apud Dionem, Legionem Ferratam in Judæa stationem aliquando habuisse, non dubitavit scribere, Centurionem, cujus habetur mentio Matthæi 8: 5. unum ex ejus legionis fuisse Centurionibus. In quo ratio ipsum quantopere fugerit, declaratum est Exercitatione decimaquarta. In XXXIII. 37. ab aquis fontis Siloæ transitur ad fluvium Sabbaticum. Occasio nempe querenda erat Plinium reprehendendi; quem nos tamen rationibus defendimus non vanis. Locum Suetonii de Syriacis legionibus, frigidissimâ conjecturâ ductus, proposito suo accommodat, in anno XXXIII. 40. In proximo anno XXXIV. 95. ut referret quæ legerat de poculis myrrinis ad vinum *εμπυρην*, cujus sit mentio in passione Domini, quàm gravia peccaverit, piget dicere. In XLIV. 60. illa tot mirabilia, quæ Romanis dicuntur accidisse ad Petri adventum Romam, quis neget certissimum esse argumentum illius, de quo loquimur, studii immoderati trabendi omnia ad Historiam Ecclesiasticam? Numero 74. causa assertur, quare Paulus se nominaverit *εμψυμα*, partum abortivum, I. Corinth. 15: 8. è Suetonio Tranquillo, abortivos Senatores Romanos commemorante: quò si respexisset Paulum existimavit, mirè illum ratio fugit. In XLV. 24. de osculo pacis Christianorum differens, & de Poëtarum osculis sermonem exorsus, non sentit delapsus ad osculi genus, inter amantium nequitias nequissimum, quod *εμψυμα* vocabant. Addit autem: Nullum unquam de his legimus penes Christianos exemplum: quorsum igitur illas scditates inter sanctissima Ecclesiæ instituta? In LXI. assert conjecturam suam, videri Paulum è carcere liberatum Romæ, propter gaudium publicum è cade Agrippinæ, matris Neronis: & in sequente ait, cum in Apocalypsi 3: 18. datur consilium Laodicensis, ut vestes albas sibi parent; putare se, allusionem esse factam ad lanas Laodicensium nigras, quarum Strabo meminit; quæ conjecturæ mihi quidem videntur nigræ Gallicæ frigidiores. In anno XCVIII. 9. cerdones apud Juvenalem interpretatur de Christianis; & Poëta hanc vult fuisse mentem, tunc periisse Domitianum, quando Christianis cæperat esse metuendus. Sed quem inveniet, cui hoc persuadeat? In CLXIV. II. Tatiani locum ad Crescentem Philosophum Cynicum refert, quo pantomimorum gesticulationes & motus loquaces venustissimè & *κατασκευασμένως* describuntur. Est autem ille error tantus, & adeò manifestus, cum loquatur ibi Tatianus de ludis Paganorum, ut excusari non queat. Sed vir eruditissimus, præ nimia diligentia, & illo studio, de quo diximus, nusquam non isto modo peccat.

Judicium in Historico variè potest considerari: nos hic de Scriptorum delectu agimus, ad quem habendum, scripturo de Ecclesiæ rebus, præsertim antiquissimis, judicio opus non mediocri. Nam cum pauci adeò Scriptores verè antiqui & *αὐθεντικοί*, hoc est, genuini seu germani, ad nos pervenerint, qui prima Ecclesiæ secula descripserint; evenit tamen, ut de rebus illis vetustissimis plurima mentio reperiatur apud Scriptores posteriores, & ut plurimum, fabulosos, aut nimium credulos. Sed & universa Ecclesiastica Historia, etiam

etiam proximorum seculorum, fabularum figmentis mirè est involuta; ut 1614. sæpissimè sit difficillimum, per obseptum iter tot difficultatibus ad veri cubile pervenire. Neque hoc non vidit Baronius; cujus ea de re, & nominatim de Actis Martyrum & Martyrologiis, tantâ licentiâ sæpe depravatis, querimonias in primo Tomo, & ferè in singulis legere est gravissimas. Idem igitur plerisque ex illis fabulosis Scriptoribus, qui tanti hodieque à multis sunt, & damnat, & rejicit à suis Annalibus, sicut virum gravem decebat. Ejus generis sunt Dorotheus, Prochorus, Abdias, Meliton, Epistola sub nomine Hieronymi ad Paulam & Eustochium, de Transitu Mariæ, item alter eidem magno Patri attributus liber de Nativitate Mariæ, Augustino ascriptus Sermo xxxv. de Sanctis, Acta Andreae, & alii plurimi. Sed & Auctoribus alioqui non pœnitendis, vel etiam præclaris, propter τὸ φιλόμυθον, aut incuriam secernendi veri à falso, fidem meritò & prudenter derogat: ut Orosio, Gregorio Turonensi, Cedreno, Metaphraste, Damasceno, in libris de Imaginibus, & id genus non paucis. Magna hæc est, quis neget? laus Baronii: sed quæ longè major futura erat, si constitisset ipse sibi, neque adeò varium se in hac parte præbuisset; sicut ostendemus, cum de Critica illius dicemus.



Fidei quoque laudem neque adimere Baronio, neque tribuere sine exceptione possumus. Diligentia illa tanta, quâ usum ipsum indicavimus, & tot Auctorum rejectio, quos ipse à suis sacris arcuit, luculenter declarant, non habuisse ipsum susque deque, falsa pro veris tradere. Sed enim amor veritatis, & susceptum ab eo patrocinium parum omnino inter se conveniebant. Unde factum, ut toties in Baronio fidem desideremus, quoties ille Historicum exuit, ut induceret patronum. Rectè olim exacti vir judicii, Dionysius Halicarnassæus, dicebat, In ferenda sententia de aliquo Historico cum primis spectandam esse τὴν διάνοιαν τὴν ἐννοεστικὴν, quomodo animatus ad scribendum accessisset: vix enim, ac ne vix quidem, fieri potest, quin scriptio affectum animi prodat. Propterea Græci Historias, in quibus scribentium affectus eminent, elegantissimè comparant speculis ἀσπερίδας, ἀσπιδόχρους; & ὑποπόχρους, quæ res oppositas non referunt, quales sunt; sed corruptâ formâ, vel colore non suo, vel figurâ alienâ. Cum igitur Baronius, Romanæ Ecclesiæ splendorem respiciens, Dominum JESUM nobis describit Cœnatoriis magni pretii indutum, & ad S. Eucharistiæ institutionem vestimenta adhuc pretiosiora assumentem; cum stabilicndæ Papæ Monarchiæ, Petrum inducit Monarcham inter Apostolos agentem, Paulo & ceteris collegis sua pensa assignantem, denique regio more imperantem; cum Romanos Augustos facit veniam vel auctoritatem Concilia indicendi, à Romano Pontifice petere; cum inducit Concilia universalia, confirmationem suam à Papa expectantia, quasi aliter nihil foret actum; cum similia his alia sexcenta nobis narrat, meritò fides ejus laborat; qui res non exprimit, quales invenit; sed ἀσπερίδας, ἀσπιδόχρους, ὑποπόχρους.

Pertinent etiam ad Auctoris ἀδύναμιν, & affectibus corruptam mentem, illa horrenda convitia, quæ passim toto opere jaciuntur in Protestantes, quos nunquam aliter pro sua modestia Christiana, nisi Hæreticos aut Novatores appellat; aliquando, impios Epicureos, ut in anno xxxiv. 272. interdum à Simone Mago ortos, xxxv. 24. pari ratione, ut cum alibi Auctores Reformationis nominat, sine Sacris Scripturis Theologos. Ridicule istud quidem.

Hoc Ithacus velit, & magno mercentur Atridæ.

In anno Domini dccc. commemoratur Sergius, Manichæus hæresin horrenda-

1614. *reudarum pater, præcurfor Antichristi, Mahometis. Ibi scribit Baronius: Videant Novatores; & recognoscant suum ipsorum Catechistam, Diabolum; qui eadem, quæ ipsos, docuit Sergium per Manichæum; & erubescant, suam ipsorum intuentes originem & auctorem. Deinde ait, à Diabolo didicisse Protestantes Hagiomachiam; & credere etiam Laicis Scripturam: quum Ecclesia Catholica nemini unquam Scripturas, nisi Theologis, commiserit legendas. Sed hæc postrema affirmatio de Ecclesia vetere Catholica mendacium adedò infandum & apertum continet, ut nemini mediocriter sano possit esse dubium, etiam præcedentes calumnias ab eo esse profectas, qui est Pater mendacii. In anno MCXVII. describuntur fanatici errores Basilii, Bongomiliorum auctoris. Rejecit libros Mosis, septemque tantum divinæ Scripturæ libros recepit: Deum humanâ formâ præditum dixit: Mundum creatum ab Angelis malis: Michaëlem Archangelum fuisse incarnatum: Eucharistiam esse Dominicam Orationem: Omnes orationes, præter Dominicam, vaniloquia esse: Suos omnes concipere Verbum Dei, & parere, sicut B. Virgo peperit: Nullam esse resurrectionem, præter penitentiam. Deinde postquam dixit, jussu Imperatoris Alexii crematum esse portentum illud hominis, addit: Quo supplicio afficiendos Novatores cum Basilio sentientes, candidus Lector jure consentiet. In anno MCXXVI. Tranchelini, apud Antverpienses Hæretici, furores infandi, quibus vix simile aliquid habet Mahometana superstitio, describuntur: tum autem subjicit hæc Baronius: Videant nostri temporis Novatores, quibus præcursoribus gloriari possint, & quos se suorum dogmatum habere Patriarchas exultent. Eant post eos, quos omnium nefandissimos tunc & semper Ecclesia devovit atque damnavit. Scit Deus & universus mundus, hæc non magis vera esse, quàm illa erant, olim adversus Christianos jactata, de stupris promiscuis in conventibus nocturnis: de cane ad candelabrum alligato: de adoratione asini. Planè qui spiritus ista olim Paganis, idem illa Baronio, & similia illis sexcenta, quæ in ejus Annalibus leguntur, suggestit.*

Sed Baronium, Romæ viventem, à Diabolo fuisse deceptum, minus miror: nuperum verò illius Epitomatores, Spondanum, qui inter Protestantes fuit educatus; quem, nisi fallor, ego vidi Genève cum aliis fratribus literis operam dantem, etiam auxisse Baronii errorem, quis non stupeat? aut quis non intelligat, quàm diræ illum miserum Furæ agitent? In anno CMXCVI. factâ mentione Matthæi Parisiensis, quo nemo vixit unquam neque Papismi superstitionibus addictior, neque rapinarum horribilium, quas Papæ in Anglia exercuerunt, fidelior testis, & expositor; assert Baronius conjecturam suam; nisi, inquit, probra illa fuerint addimenta potius ejus, qui edidit, Novatoris, hæretici hominis; quum peculiare sit illis, libros, quos potuerint, depravare. De Hæreticis verò, nomine sic dictis, assentior Baromo. Sed si libros veteres depravare, certa est hæreseos nota; quis tam impudens erit, qui negare audeat, certissimos illos esse Hæreticos, qui tot hodie artibus veteres Patres mutilant, depravant, expurgant? Res omnibus nota; de qua, si Deus volet, plura alibi dicentur à nobis. Neque verò difficile erit probare, consarcinatores Indicum Expurgatoriorum, bellum cum Auctore Scripturarum, cum Patribus, cum omnibus bonis, cum ipsa denique Veritate nefarium quotidie gerere. Quid ipse discipulus Nervi? An ille depenitus ab hoc crimine integer? An difficile est, loca veterum Auctorum observare, in eis Annalibus depravata in gratiam Papæ contra fidem veterum Exemplarium? Sed eo omisso, de Matthæo Parisiensi breviter respondeo. Conjectura Baronii, quæ & à Bellarmino nuper est allata, vana, falsa, ridicula est.

Extant

Extant in hoc Regno vetera exemplaria ejus Scriptoris, quæ vanissimæ vani- 1614.
tatis eam conjecturam arguant. Omnia enim illa habent, propter quæ fides
editoris hodie in dubium vocatur. Habeo ipse jam in meo musæo codicem
Matthæi, in membranis descriptum eleganter, è Regis serenissimi Bibliote-
ca promptum, ejus vetustatis, ut credatur ille ipse liber esse, qui ab Au-
ctore in Bibliotheca S. Albani fuerat dedicatus. In eo codice nullam nos ad-
huc diversitatem observavimus, quod ad illa attinet, quæ de Paparum ra-
pinis scribuntur. Extant etiam in Bibliothecis Anglicanis alia ejusdem Au-
ctoris scripta nondum edita, ut Historia minor, & de Vitis Abbatum S.
Albani; in quibus similia, vel etiam graviora de rapacitate Romana la-
mentabiliter describuntur. Legi ipse nonnulla ejus generis in vetusto libro,
Vitas Abbatum illorum continente, quem mihi in sua libraria ostendit inter
plurimos alios scriptos manu libros præstantissimos, eximia vir probitatis &
eruditionis, Robertus Cotton, Bruceus, Baronettus. Non igitur illa sunt
à Protestantibus Matthæi libris inserta; sed justissimas illas querelas rei ve-
ritas extorsit ab homine, alioquin, ut dicebamus, supersticiosissimo. Quare
falsissima est Baronii & Bellarmini conjectura.

Omitto alias Baronii calumnias. Taceo, brevitatis studio, judiciorum te-
meritatem viro gravi indignissimam. Omnia, sive lata, sive adversa, quæ
Principibus, vel populis, vel etiam privatis hominibus evenerunt; non alia ex
causa ferè in his Annalibus produntur orta, nisi ex aliqua aut observan-
tia insigni in Papam, Ecclesiamve Romanam, aut contumelia, vel injuria.
In anno Domini cccxlix. 27. Theodosius, pius Imperator, Imperio & vitâ
privatur. Quæ causa? plus juris usurpaverat in procuranda Ecclæ Concilii
Oecumenici, quàm Principibus Doctrina Hildebrandi attribuit. Anno dxxviii.
gravissimo terræ motu concutitur Dardania: Meruerant enim, ait Baronius,
qui toties à Gelasio Papa, & Hormisdæ moniti, non paruerant. Justiniano
imperante multæ Romani Imperii Provinciæ à Barbaris vastatæ sunt, aut
deletæ: nimirum postquam in Silverium, Romanum Pontificem, fuerant vio-
lentæ manus conjectæ, ait Baronius, dxi. 43. nam vitia hominum ejus
ætatis teterrima, hæreses passim grassantes, Vigiliæ Papæ execrabilem impro-
bitatem Baronio descriptam, Deus scilicet non attendebat. Anno dliii.
Totilas perit: Narses victoriam adipiscitur longè maximam: quare? Simul
ac Ecclesiæ capiti debitus honor impertitur, à Deo rependuntur bona cun-
cta, inquit Baronius. Quòd Galliam & Britanniam populi Septentrionales
invaserint, & cladibus olim affecerint, non factum id ex illis causis, quas
Salvianus Massiliensis, & Gildas Sapiens exposuerunt; sed quia vel cum Papa
non communicabant, vel nescio aliud quid simile admiserant. Similium his
judiciorum pleni sunt isti Annales. In quibus etiam leges, Ecclesiam An-
glicanam hereseon alluvione nostrâ memoriâ esse absorptam. Cur autem id?
Simul ac denarium Petri solvere desierunt, ait Baronius, dcccxi. 15. Pos-
sem commemorare testimonia plurima veterum Historicorum Angliæ, qui su-
perioribus seculis sæpe factum queruntur, ut propter inenarrabilem Papa-
rum rapacitatem fides in hoc Regno ferè deficeret: sed hæc mitto, & in
proposita disputatione pergo.

Personæ legitimi Chronographi gerendæ quàm parum idoneus fuerit Ba-
ronius, non esset difficilis probatio; nisi hoc ab exercitatissimis in ea doctrina
viris sæpe jam esset demonstratum. Fatemur nos quidem, non parum in eo
positum fuisse operæ à Conditore Annalium, ut constaret ipsi certa annorum
ratio; neque inficias imus, quædam etiam in illa parte fuisse eruditè ab eo
observata; ceterum vel in ipso capite annorum Domini constituendo, falsis-
simas

1614. *finas ipsum sibi finxisse aliquando hypotheses, clarè demonstratum est, Exercitatione primâ, & sæpius alibi, dum pro Iosepho illi respondemus.*

De Philologi & Critici persona, quam sibi Baronius induit, latus esset dicendi campus; nisi multa me, ut orationis vela contraham, admonerent. Magna, proculdubio, cupiditas benè merendi de Sacrarum Antiquitatum studiosis, illum impulit, ut duram hanc provinciam ultrò, in contexenda Historia, novo exemplo, suspiceret. At vellem, humeros suos prius consulisset, ut exploratis viribus suis cognosceret, quid illi ferre valerent, quid recusarent? Nam illustrare nascentis præsertim Ecclesiæ instituta; Historiæ Evangelicæ, his Annalibus insertæ, lucem fanerari; scripta Patrum & aliorum scriptorum obscura illustrare, & explicare, nemo profectò potest, qui Hebraicæ Græcæque linguæ peritiâ, & omnium veterum Antiquitatum notitiâ non sit quàm instructissimus. Quum igitur testimoniis Scriptorum Hebraicorum & Græcorum hic præsertim Tomus primus sit refertissimus; quærat jure aliquis, an parem tanto incepto cognitionem illarum linguarum, & antiquæ eruditionis copiam Baronius habuerit? Atqui hoc singulis fere paginis isti Annales clarissimè negant, testimonia exhibentes, quæ luculentissimè demonstrant, illorum Auctorem neque Hebraicæ literaturæ, neque Græcæ ullâ notitiâ fuisse præditum. Satis hoc probatum est in his Exercitationibus, locis quàm plurimis, ut dubitari de eo nequeat. Anno xxxiv. 19. tractans locum ex Actis v: 37. *μετὰ* exponit *πρὸς* neque intelligit, ad eam sententiam, quam probabat, tam esse ineptum *πρὸς*, quàm *μετὰ*. Anno xxxvi. 4. agens de loco ex Actis vii: 58. ob non intellectam vocem *ναῖας*, hoc est, adolescens, quantos in simpulo fluctus movet? Ea est dictio, quæ apud Iosephum non intellecta, ad falsam & ridiculam de annis Herodis opinionem Baronium adegit, ut probatum est à nobis. Anno lvi. 16. exponitur mirâ subtilitate vox *ἐξμολόγησις*, hoc est, confessio: *ἐξ*, inquit, Præpositio, idem est quod foris; & *ἐμολόγια*, quod est, ut declarat Suidas, confessio. De Præpositione est puerilis error: nam si *ἐξ* in compositione significat semper foris, ut postulat expositio Baronii; igitur *ἐκπνέων* erit foris vigilare; non, ut nos putabamus, è somno transire ad vigiliam: *ἐκπνέων* erit foris spirare: neque poterit domi aliquis exspirare, quia *ἐκ* significat foris: *ἐκπνέων* non erit, graviter aliquem tentare, sed foris tentare: itaque domi nullus erit *ἐκπνέων*, hoc est, gravis tentatio, nulla *ἐκπνέσις*, hoc est, exspiratio, ac ne *ἐξμολόγησις* quidem. Sed beat nos, cum advocatâ Suidæ auctoritate, probat rem valde ignotam; *ἐμολόγια* est confessio. Anno lvii. 61. in verbis Pauli, i. Cor. ix: 5. urget, quòd non sit adjectus articulus: sed nemo Græcè peritus illi concedet, *ἀδελφὴν γυναῖκα περιάγειν*, hoc est, sororem uxorem circumducere, non posse per Hellenismum rectè exponi, circumducere aliquam mulicrem, quæ mihi sit, & soror in Christo, & uxor. De vera sententia nihil pronuntio; de locutione Græca tantum loquor. Sic statim Phil. iv: 4. *σὺν*, hoc est, compar, vult esse proprium nomen: quod etsi quidam è Græcis Scholiastis ante ipsum dixerunt, vix tamen per Hellenismum potest admitti, propter vocis *σύν*, hoc est, germane, proprietatem. Anno lix. 7. verba Pauli *ἐν ἅτῃ τῇ πραιτωρίῳ*, hoc est, in toto prætorio, Phil. i: 13. cum invenisset exposita à Vulgato Interprete, in omni prætorio; non animadvertit, omne, ibi positum esse, pro, totum. Deinde hoc errore admissò, sanè puerili, alium excogitavit ipse plus quàm puerilem. Vult sensum esse, actum esse de causâ Pauli, non solum coram Nerone; sed & apud Collegium Pontificum, atque, ut ipse loquitur, in omni urbis Prætorio. Quàm hæc ridicula? Anno clxxv. 5. ignorat, Sympherusa verum esse nomen piæ Martyris; *συμφέρουσα*, hoc est, commoda; sæpe enim Græcis nomina

mina propria sunt à participiis, ut Alexamenus: vel ut ferè scribitur, 1614. Symphorosa, aut Symphorosa; συμφορᾶσι, à συμφορᾶν, hoc est, congerens, à congerendo, quod diversum est à συμφορᾶν, hoc est, commodum seu utilem esse. Baronius nomen inauditum Græcis hominibus, σύμφερτος, nobis profert, quod analogia confutat ac rejicit; & simul quicquid ibi scribitur. Sed Baronius hoc jus sibi persæpe vindicat, ut Græcarum dictionum ex ingenio suo numerum augeat. Inde est ἔσθῃ, vocabulum, quo Græcæ linguae opes auxit, in anno CCCLIX. 89. Inde πλεμάχιον, quasi dicas, in fine pugnans, à τέλος, hoc est, finis; & μάχη, hoc est, pugna; nomen Martyris, qui spectaculo gladiatorum finem imposuit, ut ait ad 1. diem Januarii in Martyrologio. Si legisset unquam Baronius nomen illud apud Græcos πλεμάχιον, quasi dicas, è longinquo pugnans, ut apud Theodoretum Lib. v. cap. 20. abstinuisset à conjectura tam absurda. Ad diem 22. Septembris, decimationis, pœnæ militaris facit mentionem; & ait, à Polybio vocari διασίαν. Quis malum decepit virum bonum, & ei persuasit, vocem illam, quæ apud Græcos non legitur, esse probum verbum Polybianum? Origenistæ Orthodoxos olim irridentes, Pelusiotas per contemptum vocabant, ut auctor est Hieronymus ad Pammachium, adversus Johannem Ierosolymitanum, & ad Pammachium & Occidentales, de erroribus Origenis. Ipse convitium explicat, Pelusiotas nos appellant & luteos: πηλὸς lutum; πλεσιώτης, luteus. Sic apud Latinos convitium erat, lutum es. Persius:

Udum & molle lutum es,

hoc est, ad verbum, πηλὸς ὢ, vel πλεσιώτης. Ita nos quidem existimabamus: sed Baronius in anno CCCXIII. corrigi Hieronymi codices jubet, & scribi Pilosiotas, non autem Pelusiotas, ut depravatè legitur, inquit. Vide quid sit, Romæ esse: nam nos Transalpini hæc mysteria ignorabamus. Quod Gallicè vocamus, une copie, exemplar ex alio descriptum; Græci appellant ἱστον, vel ἱστὸν: quæ voces leguntur initio multorum Actorum & Epistolarum, in Collectionibus Conciliorum. Sic planè Latini, à pari; ut initio aliquot Epistolarum Zosimi Papæ, in anno CCCCXVII. & Hormisdæ, in anno DXIX. dicunt pro eodem; & à paribus, quod non intelligens Baronius, quàm insigniter operam ludos facit, & in anno DXCI. 4. MLXXIV. 61? Vel hæc pauca satis ostendunt, quàm imparatus à Græca literatura ad scribendum se contulerit Pater Annalium; quem in Exercitationibus probavimus, Græcos Scriptores non nisi ex aliena fide tractasse; ac proinde toties in eo errasse, quoties parum fidelem nactus esset Interpretem. Quid autem interest, male ipse vertas, an malam versionem probes? Omitto dicere de literis Hebraicis, quarum peritiam quantam habuerit Conditor Annalium, ostendimus Exercitatione XLII. diatribâ 37. & sæpe alibi.

Spectare ad Critici officium Veteres putarunt etiam illud, ut de Auctoribus veris aut falsis posset pronunciare. Baronium in hac quoque parte multa vidisse, & de multis Scriptoribus præclarè judicasse, jam diximus. Sed nos, quod in his Annalibus deprehendimus, dissimulare non possumus. Observamus enim locis innumeris, ipsum, ubi de exaltatione Papæ agebatur, aut alia re simili, quam ipse cordi habebat, legitimæ Criticæ oblitum, narrationes suas utilitati accommodasse. Hinc illa judiciorum varietas, imò iniquitas aliquando tanta, ut nihil supra. Decretales primorum Paparum est ubi videtur ἐκλίσιν, hoc est, expungere, & cum viris bonis & doctis sentire, qui illas respuunt; sæpius tamen pro illis in arenam descendit,

1614. dit, non fundâ quidem ornatus, sed maledictis, quibus invadit, quos per antiphrasin amat Novatores appellare. Clementis Constitutiones, ut liber apocryphus & ἡ γνῶσις, hoc est, non germanus, severè damnatur, xxxii. 18. alibi non semel defenditur & laudatur; alicubi etiam ad Turrianum Lector rejicitur, qui pro tuitione earum Constitutionum ad insaniam usque declamavit. Acta Concilii Nicani I. quæ ex Arabico scilicet versa, pro legitimis obtrusit idem Turrianus, mera somnia esse pronunciat Baronius; doctè ut verè, cccxxv. 63. sed quoties eadem illa in Annalibus citata inveniuntur? Metaphrasten & similes fabularum bamaxarios sæpe rejicit, sæpe laudat, sequitur & propugnat idem Baronius: non enim exuerat illum ἡ ἀδοξολογία amorem, qui tot in Historiam Ecclesiasticam fabulas invexit. Dialogos Gregorii Magni, ut fabularum plenos, perstrinxerat vir gravissimus, Melchior Canus, cui etiam alii sunt assensi: at Baronius, quas & quàm graves eo nomine pœnas exigit à Cano? Acta Sylvestri majore studio damnet an excuset, non possum dicere. Sed excusando nihil agit: semper enim πρὸς τὰ λατρεῖα περιγίνεται. Donationem Constantini, quæ etiam in Græcorum nonnullorum libris habetur, falsam esse, & τὰ πονηρὰ κόμματα, vis veritatis expressit ex ore Baronii: laudo; sed illud non laudo, quòd invidiam criminis falsi transfert in Græcos, & ait:

Quicquid id est, timeo Danaos, vel dona ferentes,

in anno cccxxiv. 118. At quæ hæc iniquitas, quæve hæc barbara morem permittit patria, ut ejus scripti invidiâ onerentur Græci, cujus argumentum Ecclesia Romana mordicus defendit, & quod scriptum tot Papæ, qui errare non solent, pro legitimo Instrumento Imperatoribus toties objecerunt? Et tamen audet Baronius, in anno Domini mxlvi. totâ corporis sui mole in Balsamonem insurgens, ut illum prosternat, prostratum jugulet, omnes palestra artes adhibere. Quas autem adferat adversus ipsum ratiunculas, non est hujus loci expendere.

Accedamus ad caput ultimum, de iis, quæ scribuntur in his Annalibus ab eorum Auctore, Theologi personam gerente. Cujus enim, nisi Theologi est, de Scripturis & earum obscuritate, de Traditionibus, de Sacramentis, de Imaginibus, de Angelorum cultu, de Reliquiis, de ritibus in Synaxibus, & celebratione Sacramentorum, & cæteris Religionis capitibus hodie controversis, longas disputationes instituire, loca Patrum cumulare, & cum diversa sentientibus ferram reciprocare? Hoc igitur passim in hoc primo Tomo cum faciat Baronius, Theologi personam in eo agnosco, Historiographi desidero. In hujusmodi autem omnibus disputationibus ad quem ipse scopum collimarit, ostensum est in Epistola ad Regem serenissimum: ad quem autem collimare potius debuerit, si Veritati & Ecclesiæ Dei, paci ac tranquillitati voluisset ire consultum, uti par erat, ostendimus Exercitatione xvi. diatriba 28.

Refero ad Theologicas Baronii disputationes & illa omnia, quæ de Romano Pontifice, & illius dominatione Monarchica passim ubique totis his duodecim Tomis tam accuratè differuntur. Nam & in prima operis parte Evangelicam Historiam suis narrationibus intexens, ut è doctrina Christi illius institutionem hodiernis opinionibus congruentem asserat; & mox ut Petrum fuisse verum Ecclesiæ Monarcham probet, non minore contentione Baronius laborat, quàm vel Bellarminus, vel quivis alius hodiernorum ejus causæ patronorum. Sed & in totis deinceps Annalibus id semper curâ agit præcipuâ, ut continuationem & amplificationem Papalis potestatis,

potestatis, & praxin perpetuam Hildebrandinæ doctrinæ, quantum potest, 1614. ob oculos hominum proponat.

Sed spirituales fortasse dumtaxat potestatem Romano Pontifici attribuit Baronius; imò verò & spirituales & temporales dominationem ita amplam Papis vindicat, ut per ejus doctrinam Imperatoribus, Regibus & Principibus nihil restet aliud, nisi Romano Pontifici SERVIRE, & ad jussa ejus humiliter capeffenda maturè sese componere. Hoc ut ita esse, isto loco breviter demonstrarem, adigit me fides, quâ omnes Christiani obstringuntur erga suos Principes; & ea fidelitas ac devotio, quam præstare teneor Regibus Christianissimis; quorum Sacrosancta Majestas nisi per Hildebrandinam doctrinam evluisset, duos maximos Principes, Henricum III. & Henricum Magnum, pari scelere, ac ferè simili pacto non luxissemus exstinctos.

En igitur, pie Lector, doctrinæ istius, Principibus funestæ, capita pauca è multis ex Annalibus Baronianis in tuam gratiam collecta. SACERDOS quilibet major Rege, quia Politicus Principatus Sacerdotali est subjectus. Hoc axioma passim asseritur in his Annalibus; maximè autem in anno Domini LVII. 18. Ibidem, 32. sunt hæc verba: Cum igitur Rex, quantumlibet Christianus, non nisi inter Laicos adnumerandus sit, Sacris Ministris minorem gerere ordinem certum est. Mox: Cum quæ à Deo sunt, ordinata sint, politicum Principatum sacerdotali esse subjectum, nulla potest esse dubitatio. Ed spectat, quod in anno Domini xxxiv. 293. verbis Petri palam abutens docet, Sacerdotium esse in Ecclesia institutum, conjunctum cum Regia dignitate; ac propterea Regiæ dignitatis insignibus videri omnes Apostolos usos. Papa Judex supra omnes potestates à Deo constitutus. In anno ccxvi. cur Papa Romanus dicatur summus Pontifex, hanc rationem adfert: Quia à Deo rerum divinarum humanarumque Arbitrarius constitutus, judiciaria potestate super omnes effulgeat. Quò igitur illæ distinctiunculae, directè, indirectè, propriè, impropriè, & similes νεφελαί, tantum ad fallendum excogitatae.

SACERDOTES & Episcopi jus habent antiquandi leges Imperatorum contrariis legibus. Anno cclvii. 15. illud planè consideratione & observatione dignissimum, Episcopos nullam habuisse rationem quarumcumque legum civilium, quæ aliqua ex parte officere & impedimento esse viderentur Ecclesiasticis functionibus: quin eas contrariis legibus editis, irritas prorsus redderent, ac penitus abolerent.

In anno cdi. 60. Hic velim, Lector, consideres, Episcopum omnium miserabilium personarum esse judicem competentem, sui que juris esse; malè ab aliquo judicata rescindere, etiam si Princeps esset qui injustam sententiam protulisset. Sæpe repetit, Sacerdotes judiciariam potestatem accepisse ex institutione Christi; ut LVII. 28. Imperatores autem, quando suis legibus jus illis attribuerunt judicandi, nihil novi eis contulisse, sed id tantum confirmasse, quod è jure divino poterant sibi vindicare; ut in cccxviii. 64. Idem tamen in anno cccxiv. Principibus aliquantò æquior. In anno cccxxxvi. 18. affirmat Autor, non esse Imperatorum, in Episcopos ferre sententiam; sed tantum, à Concilio antè latam executioni mandare. In cccclxxx. 7, 11, 12, 13. prolixè conatur probare, Sacerdotes ex jure divino nihil debere Regibus pendere, quibus ipsi sint superiores.

Axioma est Baronii: Præsidibus Provinciarum præfendere Episcopos, qui jus habeant sententias illorum rescindendi, si ipsis libuerit. Hoc sæpe repetit; sed in anno cdx. etiam exemplo id confirmare nititur. Ait, à Synesio Episcopo Andronicum, Pentapoleos Præfectum, fuisse à tribunali depositum, in quo in Deum & homines multa deliquerat. Sed est error τριπλαστος, insanum magnus. Lo-

1614. *cus Synesii est in Epistola 90. συγνὴ βήματ' αὐτὸν ἱκετόμεθα, id est, è subsellio Pœnitentium ipsam exemimus: narrat ibi Synesius, se pœnitentiâ Andronici seriâ adductum, ut omnibus modis ei faveret; συγνὴν βήμα, subsellium mœstum, est locus Pœnitentium, qui separatim ab aliis in Ecclesia stabant, aut sedebant. Sequitur apud Synesium; καὶ τ' ἄλλα ἐλάττωσ' αὐτῷ ὡς πλὴν τὰς συμφορὰς ἐπιήσασμεν: etiam cæteras calamitates ipsi multò reddidimus leviores. An hoc est detrabere Præfectum de tribunali? Vanissima igitur est illa Baronii gloriatio: Quanta hæc auctoritas Episcoporum? ut malè judicantes Præsides cessare imperent: id enim affirmat Synesius. Sed exemplum est falsum; falsa igitur doctrina.*

Aliud axioma: PAPA solus potest dare Imperium; ad cuius consecutionem nihil refert, filium esse Imperatoris, nisi placeat Papæ. Ad hanc doctrinam stabiliendam magna pars horum Annalium refertur. Clarissima verba sunt, quæ afferemus ex anno MCLIX. 7. Fridericus Imperator, si consulisset Annales, haud certè progenitoribus suis acceptum tulisset Imperium, sed tantum Apostolicæ Sedi, sine cuius nutu nihil prodest, genitum esse ex Imperatore, ut quis possit fieri Imperator; sed tantum quod elegerit, vel eligendum concesserit ipse Papa. Ut instituire, ita destituere Imperatorem tam facile potest Romanus Pontifex, quàm descendit imber, cum pluit. In anno DCCC. 15. habetur hoc effatum: Hanc potestatem esse in Ecclesia Dei, & in ipso Pontifice primario residere; posseque ipsum, si causa postulet, Apostolicâ plenissimâ potestate, infestum Ecclesiæ Regem, sive Imperatorem deponere, inque loco ipsius justum & pium sufficere, exploratissimum est. Puto sanè Romæ, & ubicunque hæresis Hildebrandina impune viget, id quod ait Baronius, esse exploratissimum: sed magna Deo gratia, quod major & melior pars orbis Christiani, in qua censentur etiam supremarum Gallie Curviarum Patres amplissimi, & è Romano-Catholicis optimus quisque, & Protestantium tot populi, non id, quod Baronius dicit; sed ejus planè contrarium habent pro exploratissimo.

Accipe aliud oraculum: Duo gladii sunt Papæ, tam materialis, quàm spiritualis; & hoc negare hæresis est. Doctrina est Baronii iisdem verbis enunciata, in anno MLIII. 14. Jam igitur habent Protestantes, quod lætentur, non solos se hæresin sapere; sed omnes illos, qui Papæ duos gladios non attribuunt. Quis autem Christianus ita insanit, si paucissimos excipias, quibus rectum rationis usum morbus animi nescio quis eripuit?

In anno DCCLI. de translatione Regni facta in Galliis ita scribit: Francorum Monarchiæ benè consulturus Romanus Pontifex, Francorum Regnum, quod sub Regibus Merovingiis inertibus, & novissimè sub Hilderico Stupido periclitaretur, Apostolicâ auctoritate in Pipinum, Caroli Martelli filium, Carolomanni germanum, post obtentas adversus diversos hostes sæpe victorias, transtulit, eumque Regem creat, ipso Hilderico anno sequenti deinceps detruso in Monasterium. Hæc narratio ita nuda, quàm falsa sit, & Monarchiæ Francorum à Deo solo institutæ, quantum offerat præjudicium, virorum prudentium est diligenter expendere; sicut & illa accurate iis considerata, quæ scribit idem, DCCCLXX. 24. maximè autem quod ait in CMXII. 34. Reges Francorum Papæ subditos esse, cuius jussa capeßere debeant.

Est & illud unum è scitis Baronianis: Imperatorem debere Romano Pontifici inservire, ut ejus auctoritas facta tecta præstetur. Sicut dicitur in ccccxlv. Item hoc: Imperatori non satis suppetit juris ad Regem aliquem ejectum Regno restituendum, nisi interveniat voluntas Papæ; in anno DCCCIX. 34. Item istud: Præsides Provinciarum tenentur jussa Paparum exsequi, non adscripto

adscripto PLACET, sicut fit hodie. Colligit hoc Baronius ex Historia falsa, 1614. in anno CDXIX. 8. Quod quidem, inquit, illud primum ostendit, inservisse Præsides Provinciarum, & qui illis parebant, milites Romanos, Pontificibus: in exsequendis Apostolicæ Sedis sententiis tantum abest, ut eas impedirent, vel remorarentur, vel ut Apostolicis ipsis literis PLACET, subscriberent, arrogarent.

Quum Tomus II. Annalium, propter repetitum tantâ contentione Regnum Siciliæ à Rege Catholico, à fidelibus ejus ministris censura fuisset subjectus; Baronius hoc, & similibus factis Papæ majestatem autumans imminui, injuriam ultus est hisce verbis M C X X X V I. 24. Dictu nefas, horrendum factu, quod infelicissimis nostris temporibus probata à Romano Pontifice scripta ministri regii redigere audeant sub censuram, ut ea à librariis vendi non sinant, nisi ab ipsis impetratâ licentiâ, quam etiam interdum pro arbitrio negent, atque prohibeant ne vendantur. Hoc Baronius dicit esse alteram clavium Petro adimere, & grande nefas admittere. Igitur cum omnia Europæ Regna, omnes Principatus sint Romani Pontificis, ut tantâ curâ demonstratur in his Annalibus; si Papam libido incesserit, vel occasio invitarit, ut unum aliquod è suis Regnis velit repetitum ire, & liber aliquis in eum finem scriptus, ipsi fuerit probatus; Rex ille, à quo Regnum repetetur, vel ejus ministri, si ausi fuerint mutire contra, scelus videlicet admittent dictu nefas, horrendum factu, judice Baronio. O cælestis Veritas, exoriare, & Reges magnos libera ab hac tetra servitute!

In anno DCLXXXIII. conditionem nostrorum temporum lamentatur, ea-que appellat miserrima tempora: an propter supremum Dei numen tam negligenter hodie à multis cultum? aut propter blasphemias, quas impii quotidie in Deum Patrem, Jesum Filium Dei, Spiritum Sanctum, & Beatam Virginem, & alios Sanctos quotidie evomunt? Minime: accipe causam: Quibus nihil sollicitius, vigilantius ac vehementius Præsides Provinciarum agant, quàm ut Ecclesiasticum tribunal, solitarium reddant. Incipiunt tandem Reges ac Principes evigilare. Hinc illæ lachrymæ. Querelæ de Præsidentibus Provinciarum affinis est querela de Regum Consiliariis, quos Baronius indigetat Politicos Novatores, Hæreticos, & quidem aliquando teterrimos Hæreticos, ut desinant Lutheri & Calvini discipuli iis appellationibus gloriari, quum videant hodie tam multis eas communicari. Anno DCCCLXII. 3. ita eos compellat: Huc adeste, Politici Novatores, qui in controversiam admodum frivole revocatis, num Summus Pontifex potuerit Francorum Regnum ab Hilderico Stupido in Pipinum transferre. Ait autem eo loco, posse Episcopos etiam hæreditarium Regnum in alios transferre. Anno DCCCLII. 8. negat, Reges ullum penitus in rebus Ecclesiasticis jus habere: & subjicit; unde erubescant Politici Novatores, cum Ecclesias subjiciunt Regibus.

Circa annum DCCCLXX. in causa Hincmari Rhemensis, & Hincmari Laodunensis, Hadrianus Secundus literas Manianas scripsit ad Carolum Calvum. Carolus Hadriano respondet eâ Epistolâ, quæ hodieque extat: non minus tanto digna Rege, quàm illa Hadriani erat legitimo Petri successore indigna. Quid ad hæc Baronius? Liberè dicam; & de præfatis hæreticis. Audet erga Regem optimum, quod non ausus Michaël Archangelus erga Diabolum; καὶ τὸν Πρωτοεὶ βλασφημία. Carolus Calvus, inquit, ista dicens, nec capillum habuit in capite rationis: quasi haberent pilum boni viri, qui adversus Unctos Dei os aperiunt ita petulanter: tum autem viris probis & eruditis, ejusdem cum ipsa religionis, qui in suis scriptis ejus lucubrationis fecerant mentionem, inclementer dicit, & convitia ingerit.

1214. Fateor, non probari Baronio in anno MCLXXVII. quod Alexander III. Friderici Imperatoris prostrati ad pedes suos, cervices pede presserit & calcaverit: sed addo, propterea de illo facinore sædo liberius ab eo pronunciari, quia non putavit esse veram historiam. Nam si putasset rem gestam fuisse, laudasset proculdubio, non reprehendisset. Quare enim Alexandrum III. vituperaret, pedibus Imperatorem suum calcantem, qui Cælestinum III. pedibus ignominiosissime & nequissime ludentem coronâ Imperatoriâ, non veretur laudare, & factum tam immane defendere? Sed Baronius cum adeo pertendit, non debere fidem haberi narrationi, de cervicibus Imperatoris à Papa calcatis, aut ignorat, aut dissimulat lamentabilem illorum temporum infelicitatem, quando & Papæ, & ministri Paparum, Reges etiam maximos impune ludibrio habebant. Narrat Mattheus Parisiensis in anno Domini MCCXIII. Pandulphum, Subdiaconum, & Papæ in Anglia Legatum, pecuniam, quam in arrham subjectionis Rex Joannes contulerat, sub pede suo conculcasse, Archiepiscopo dolente & reclamante. Sine causa igitur Alexandri factum adeo miratur Baronius: nam

Quid Domini facient, audent cum talia servi?

In anno DCCXXX. 5. negat, hæreticos Principes fini debere in Ecclesia regnare: & Gregorium II. dilaudat, qui ejus rei exemplum primus dedit.

Sed vultne aliquis certò cognoscere, quo fuerit Baronius animo erga Imperatores & Reges? accipiat ejus rei luculentam demonstrationem. In anno CDXCI. narrat è Suida, Euphemium, Patriarcham Constantinopolitanum, aliquando Imperatorem Anastasium de fide habuisse suspectum: igitur minitandum compellasse ipsum in hæc verba: Sin secus feceris, resectâ tuâ comâ, in triumpho ducam te cum populo. Hoc exemplum prorsus insigne est, & cui nullum legatur simile: ausum esse non jam Papam, sed Archiepiscopum Constantinopolitanum tantâ contumeliâ Imperatorem afficere, ut minaretur, se illum propriâ auctoritate tonsurum, & in Monasterium aliquod inclusurum. Non puto esse aliquem Dei timentem virum, qui audaciam Patriarchæ non detestetur: miserrima enim futura est Regum atque Imperatorum conditio, si hoc exemplum admittitur. Ego hîc tragœdias à Baronio expectabam, vel eo saltem nomine, quòd tantum jus alius præter Papam sibi vindicat. Ille verò exultat ad hoc factum, & ita scribit: Hæc cum dixit Euphemius, planè exauكتورationem ei comminatus est: siquidem idem erat recidere Imperatoris comam, quod in Ordinem Monachorum redigere ad pœnitentiam, ut de pluribus factum legitur. Vidisti quantâ sibi auctoritate Sacerdotii sumat Euphemius, ut abrogationem Imperii magnâ animi celsitudine intrepidus publicè comminatus fuerit Imperatori? quod timens ille, ab Hæreticorum cœtu ad tempus saltem abcessit, simulans se esse Catholicum. Quis hæc legit, & non agnoscat Baronii in Principes animum? Sed Deus causam Principum adversus illum fortiter hoc loco vindicavit: mirâ enim Θελαβία exultabundus ille animus fuit hic percussus. Historia falsa est: locus Suidæ, ut tale aliquid ex eo posset exprimi, præcipuis verbis, pessimo exemplo, fuit truncatus: denique crimine falsi manifesto deprehensus hæret, non dicam Baronius, sed is, qui hunc Baronio locum suggessit. Suidas expresse notat, Anastasium, quando hæc ad illum Euphemius, fuisse silentiarium. Zonaras explicat, de eodem Anastasio loquens, τὸν χαμαιζών ὃ τὰ τοῦ ἀξιωματικῶν, Silentiaricus erat, una è vilissimis dignitatibus. En facinus indignum: quod de abjectissimæ conditionis homine narrant Historiæ, id Imperatori tribuere, & de ejus falsa contumelia adeo im-

impotenter triumphare. At frans illius, à quo hunc locum Baronius ac-
cepit, insignis, & quovis supplicio digna: sustulit enim è verbis Suidæ ista,
ὁ μὲν ταύτῃ βασιλεύσας, is qui postea regnavit; si postea, non igitur tunc, quan-
do id illi accidit. Bis autem habentur apud Suidam illæ voces; in Ἀνακτόνῳ,
& in Φεαργίᾳ.

Eat nunc parricidarum patronus, Andreas Cretensis, Jesuita, & dicat
desuisse mihi, quando ad Frontonem scribebam, facultatem, vel unicum ex
Annalibus locum proferendi, quo probarem, Baronium Principibus minus
equum fuisse, Papæ nimis addictum. Atqui non pauca tantum loca seligi
ad ejus rei demonstrationem queant; sed libri etiam multi, quamvis prolixi,
de eo dumtaxat argumento possent confici. Quæ cum ita sint, neminem ar-
bitror pium & prudentem iri repertum, quin ultro fateatur, non sine ma-
gno periculo ejus Historiam in manibus juventutis, aut corruptorum supersti-
tione Lectorum hodie versari. Videmus, quot machinæ quotidie labefactan-
dæ Principum auctoritati adhibeantur. Videmus, quàm multi in Italia,
Hispania, Germania, ipsa etiam in Gallia, vel aperte, vel per cuniculos id
propositum urgeant. Videmus, qui sint illius Cerbereæ doctrinæ fructus.
Parricide pietatis obtentu armant se in suos Reges: ferro, igne, pulvere
Unctorum Dei vita appetitur: supplicium ex eo crimine martyrium vocatur:
parricidarum caussa Romæ sine pudore defenditur: parricide convicti &
confessi cælis inferuntur: ô tempora! ô mores! Non dico, Baronii Annales
crimen illud nefarium & horrendum palam docere. Quid juvat? si Hilde-
brandum cum suis Dictatibus tollit in cælum: si divissima quæque Paparum
in Principes facta deprædicat: si Sacerdotes vult esse Regum Reges: si hæ-
resin esse pronunciat, & quidem teterrimam, aut negare, duos gladios esse
Papæ, (non quo sensu olim Bernardus, sed quo sensu utrumque sibi à pau-
cis seculis Papæ vindicarunt,) aut pro Regum defensione adversus Curiam
Romanam audere hiscere.

Magnam igitur, meo quidem judicio, laudem meretur, vir ille dignita-
tis primariæ, & erga Reges Christianissimos fidei compertissimæ; qui Galli
hominis, horum Annalium nuperi Epitomatoris, ad Senatûs Parisiensis am-
plissimos Patres nomen nuper detulit; quod Epitomen suam contexens, per-
niciosissimæ hujus hæreseos venenum, quasi aliud agens populis Galliarum
propinasset, sicut est ab ipso perspicue demonstratum.

Post cædem infandam duorum Regum Christianissimorum, quos dira illa
doctrina exstinxit; cessare, aut periculum dissimulare, si aliis nationibus li-
cet, nobis certè Gallis non licet; nisi antiquæ majorum nostrorum gloriæ
fidelitatis exquisitæ erga Reges nostros cogitamus renunciare, ὁ μὲν γένειτο,
ὁ δὲ ἔσται.

Me ut hoc potissimum tempore istud opus susciperem, illa cum primis caussa
impulit; (scit Deus, scrutator cordium!) quod memoriæ Henrici Magni non
male parentaturum me credidi, si doctrinam, cujus pestem ipsi experiri con-
tigit, pro mea virili refutare conarer atque infamare. Initio igitur, cum
ante biennium ad scribendum serivò animum capi appellere, illa solummodò
attingere consilium erat, quæ ad jura Principum pertinent. Quod postea
ne illa quidem prætermiserim, quæ ad hodiernas spectant de Religione con-
troversias, studio factum est illustrandæ pro viribus Antiquitatis Ecclesiasti-
cæ etiam in illa parte. Baronium igitur præeuntem & ἄδας, hoc est, per
vestigia, sequens, occasionem habui multa in eo genere mihi observata in
lucem proferendi. Quædam breviter attigi, quædam paullo uberius tra-

1614. Clavi; ut doctrinam de Sacrosancta Eucharistia: de qua dum vestigia Baronii premo, tres scripsi disputationes: unam de variis ejus Sacramenti apud Veteres appellationibus; alteram de Transubstantiatione; tertiam de genere sacrificii Christianorum; conatus primorum seculorum doctrinam, non minus candidè & ἀφ᾽ ὁμοῦ, quàm accuratè exponere. Prima disputatio habetur in Exercitatione XVI. reliquæ duæ propter Typographi festinationem, quia erant longiusculæ, edi nunc non potuerunt. Quoniam autem Cardinalis Baronius, in primo operis sui Tomo, capita hodiernarum controversiarum, pleraque omnia putavit sibi tractanda, ideò & nobis imitandi ejus exemplum necessitas incubuit. Inde illa tam luculenta rerum copia, de quibus aut jam egimus in hanc priore parte; aut restat deinceps agendum, οὐδὲν ἑξῆς, in posteriore. Ita enim visum commodius dividere, quæ rescripsimus ad primum Tomum. In priore multa ex Evangelica Historia occurrerunt tractanda: posterior, nascentis Ecclesiæ formam, quæ internam, quæ externam, si faverit ceptis Jesus Christus ὁ σωτὴρ, accuratè descriptam complectetur.

Quod superest, peto à te obnixè, pie & candidè Lector, persuadeas tibi, me ad hoc genus studiorum, in quæ à prima juventute optimus parens me educavit, quæque ipse amavi, & pro facultate colui semper, etiam cùm in aliis literis videbar esse totus; non levitate animi, non studio duntaxat gratificandi cuiquam mortalium; non denique humani alicujus commodi spe deflexisse; verùm ejus unius mercedis cupiditate, ut in timore Dei, veræque Antiquitatis Ecclesiasticæ cognitione & proficerem ipse magis magisque in dies; & aliis, si quos fortè eadem cupiditas tenet, viam à Cardinali Baronio prius munitam, magnis meis laboribus redderem aliquantò munitiorem & planiorem. Discordias augere nunquam fuit animus mihi. οὐδὲν δὲ ἱμμάριον ἔστιν iter ad concordiam indicare, id verò totâ voluntate, si possem, vellem. Faxit Deus immortalis, ut & me hæc, & aliorum omnium, qui in iisdem literis excolendis desudant, lucubrationes, ad sanctissimi nominis sui gloriam, Ecclesiæ ædificationem, & nostram omnium salutem semper dirigantur. Γένοιτο, γένοιτο. Londini, a. d. VI. Non. Martias, CIO IO CXIV.

Εἰς Θεὸν δόξα καὶ χάρις.

P R Æ F A T I O

præmissa Notis in

VETEREM INSCRIPTIONEM GRÆCAM,

nuper ad Urbem in Via Appia effossam; Dedicationem
fundi continens, ab HERODE Rege factam.

(*Exstat in Museo philologico & historico Thomæ Crenii, Tomo primo,
pag. 337. & seqq.*)

EXIMUM Vetustatis monumentum istud Româ nuper accepit Senator amplissimus ac præstantissimus, Jacobus Gillottus, missu viri exquisitâ eruditione atque humanitate præditi, Christophori Puteani, Claudii filii, Parisiensis. Fuerat autem, ut scribebat idem Puteanus, ante paucos dies ad Urbem in Via Appia inventum, ac præsentē se terrâ erutum. Jam ante annos aliquot assinis ac prope ejusdem argumenti columna ibidem, ut apparet, fuit reperta, & inde postea ad Farnesianos Hortos translata; quam Inscriptionum antiquarum Thesaurus viri clarissimi, Jani Gruteri, titulo primo exhibet. Sed Farnesiana quidem columna charactere vulgò Græcis ætatis illius minùs usitato, & ut nuper ad Eusebium suum illustrissimus Scalliger fuisse demonstravit, Ionicis literis est exarata: hoc verò recens Puteano descriptum monumentum à communi Græcorum charactere nihil variat. Utraque Inscriptio ab Herode olim in fundo posita, quem ad tertium ab Urbe lapidem, in Via Appia possedit. Clarè hoc docet Farnesiana columna; cujus verba sunt statim initio: Οὐδενὶ θεμιτὸν μετακινήσαι ἐκ τῆς τριόπιου, ἢ ἐπὶ τῆς τρίτου ἐκ τῆς ὁδοῦ τῆς Ἀππίας, ἐκ τῆς Ἡρώδου ἀρχῆς. Triopium κτίρις est ædes Triopæ Heroï sacra, de quo postea dicetur. Herodis villa, sive suburbanum, ab hac æde videtur cognomen invenisse: imò verò territorium universum, quo prædium Herodis continebatur, Triopium appellari solitum, non obscure v. versus & v i. significant. Porro Herodem istum privatæ sortis hominem nequaquàm fuisse; verùm regio ornatum titulo, versus x x i x. arguit, qui Regem ipsum nominat. Quum autem ex Historia etiam Sacra tres noti sint Judæorum Principes hujus nominis; Magnus videlicet Herodes, & filius ipsius, Antipas; cum ejusdem nepote, Herode Agrippa: eum, cujus heic sit mentio, Herodem Magnum fuisse, arbitramur. Hic vir scelestissimus & versutissimus precarium beneficio Antonii atque Augusti Regnum nactus, Religionem pro ambitionis instrumento semper habuit: in Urbe sancta & inter Judæos, Judaicarum Legum atque Institutorum observans: extra urbem & inter Græcos, pro Græco ac gentili persæpe se gerens. Cum alia igitur multa contra morem patrium Judæorum designavit Herodes; tum etiam Diis Gentium templa variis extra urbem Jerosolyma locis, sumtu ingenti atque magnificentia singulari exstruxit. Josephus, libro x v. capite x i i. Ὑπὸ δὲ τῆς εἰς τοῦτο φιλοτιμίας καὶ τῆς θρασύτητας, ἢ θράσους Καίσαρος καὶ Ῥωμαίων τοὺς πλείους δυναμένους, ἐκβαίνον τῶν ἡθῶν ἡγαγὰς, καὶ πλὴν τῶν νομίμων παραχρῆσταν, πόλιν τι κτίζον ὑπὸ φιλοτιμίας καὶ ναοὺς ἐγείρον, οὐκ ἐν τῇ

τῇ τῶν Ἰουδαίων· οὐδὲ γὰρ ἀνὴρ σέχοντο τῶν τοιούτων ἀπηγορευμένων ἡμῖν, ὡς ἀγάλματα καὶ τύ-
πους μεμορφωμένους πρὸς τὴν Ἑλληνικὴν τρέψαι· τὴν δ' ἔξω χεῖραν καὶ πᾶς πόλις οὕτως κα-
πεκινάζετο. Postea duas affert causas, cur hoc fecerit Herodes; studium nem-
pe gratificandi Augusto, ceterisque Romanis Proceribus; & profundam cu-
piditatem monumenta Imperii sui ad posteros transmittendi. Ut non alia
querenda nobis sit ratio, cur ambitiosissimus Princeps in tantæ celebri-
tatis loco, atque adeo in ipsa propemodum urbe Roma, hoc suæ impietatis
& Ἑλληνισμοῦ luculentum testimonium exstare voluerit.



ISAACI CASAUBONI,
GENEVENSIS.
DE LIBERTATE
ECCLESIASTICA:
LIBER SINGULARIS.

*Ad Viros politicos, qui de controversia inter Paulum V.
Pontificem Maximum, & Rempublicam
Venetam, edoceri cupiunt.*

Anno Domini MDCVII.

P R Æ F A T I O

AD VERE PIUM ET VERÈ POLITICUM

L E C T O R E M.

Sine caussa multi, etiam interdum viri graves, exortam non ita ^{1607.} pridem controversiam inter Paulum V. Pontificem Maximum, & Serenissimam Rempubicam Venetam, tantoperè sunt admirati. Nam ut imperitam rerum plebeculam, & sui duntaxat questus diurni satagentem, ad hujusmodi nuntium stupuisse merito, atque inhorruisse, non sit rationi alienum; ita, cur hominibus prudentiâ & notitiâ rerum antè gestarum, quæque nunc cum maximè geruntur, præstantibus, ulla admodum incesset admiratio, nihil quicquam profectò erat: quippe illa demum Sapientes mirari solent, quæ vel rarò accidunt, vel caussas quare acciderint, obscuras habent, & ad pervestigandum difficiles. At controversiarum similium & bellorum etiam severissimorum, è pari caussa conflatorum, exempla, quibus cunctæ præteritorum nostrorumque adeò temporum Historiæ sunt refertissimæ, quis potest vir prudens ignorare? Caussa porrò in promptu, & omnibus obviam. Ex quo enim Summus Pontifex ab adulatoribus suis, fatali magnarum Potestatum peste, sibi persuaderi sinit, suum esse Orbis terrarum imperium: suam rerum omnium, non spiritualium solum, sed & temporalium, uti vocant, dominationem: à se uno Reges universos ac Principes pendere: ut cujus in manu sit, Regna firmare, mutare, adimere, & in quos voluerit cunque transferre: quem antè ceu Patrem communem omnes venerabantur; omnes gravari, suspectare, ac formidare cæperunt: hinc illa tam frequentia, tam diuturna, totiesque repetita jurgia, dissidia, bella denique funestissima, & à Pontifice & adversus Pontificem ingentibus odiis gesta. Ac licet communi utilitate exigente, ab armis sæpe est cessatum; quia tamen inter dissidenteis animis & sententiis Potestates, sibi invicem perpetuò imminenteis, satis bonâ fide convenire nunquam potuit, poterit nunquam; dilatio belli, non certa pax ea cense-
feri debet.

Pax antè fida nivibus & flammis erit.

Quis namque vir cordatus, dominationis legitimæ compos, tam immensum & infinitum imperium, cui simile ne fando quidem est auditum, non detrectet? non omni nisu eat excussum? Omnino libertate suâ, nedum majestate, Principes spoliant, qui Pontifici potentiam istam, nullis coercitam finibus, divina humanaque jura omnia peræquè amplectentem, tribuunt: impunitas, fateor, illis erit interdum; securitas certè nunquam. Quare non si inter Pontificem ac Principes parum sæpe conveniat, admiratione digna res censeri debet: verum illud potius demirari convenit, quibus tandem machinis persæpe generosæ mentes maximorum potentissimorumque Principum expugnentur; ut cogi se in ordinem vel non intelligant, vel etiam scientes prudentesque animis æquis patiantur. Enimverò quâ arte ple-
risque illorum aliud agentibus manus adeatur, operæ pretium est attendere. Quemadmodum enim in civitate libera fieri amat, ut pauci, quò rerum summam ad se trahant, astu civeis aggrediantur, & iis quæ sapientis-
simis

1607. *simis Philosophorum oligarchiæ sophismata nominat: ita planè qui hujus inbonestæ servitutis jugo, (de temporali dominatione Pontificis loquor;) Principes subicere moliantur; rei duritiem verborum honestate sedulo molliunt: certam & manifestam usurpationem, ut jam ævo suo beatissimus Pater Bernardus vocabat, LIBERTATIS ECCLESIASTICÆ appellatione velant: qui si nihil aliud intelligerent, quàm quod ipsæ præ se ferunt voces, amore omnium & prædicatione erant dignissimi. Christianus enim haberi non meretur, qui libertatem & conservationem Ecclesiæ Dei, sponsæ Domini Jesu, pro qua & vitam ponere ipse suam sustinuit, non optet; non pro virili parte adjuvet. Sed aliud longè heic agitur, aliud simulatur: aliud verbis palàm dicitur, aliud reverà in-occulto sentitur: & dum Ecclesiæ libertas obtenditur, unius cum paucis dominatio impotens quæritur: quumque, non secus ac si in hoc uno Religionis Christianæ cardo verteretur, certorum hominum in eo desudet hodie industria, ut majestate suâ Imperatoribus, Regibus, ac Principibus universis detractâ, non tam supra omnes, quàm omnium loco unus substituatur: inceptis omnibus atque ausis, mirè interdum horrendis, Libertatis Ecclesiasticæ blandum semper nomen prætextitur. Ne præteritarum calamitatum, quæ ab hoc uno fonte in Italiam, Galliam, Germaniam ubertim sæpe exundarunt, memoriam refricem; nunc nuper Pontifex Maximus cum dirum illud Anathematis carmen adversus Serenissimam Venetorum Rempublicam pronuntiaret, tantarum irarum causam attulit, LIBERTATEM ECCLESIASTICAM VIOLATAM. Fidem Dei atque hominum! quenam ista, obsecro, libertas est, cujus contemptus, tam illustris capitis, tam benè meriti de Ecclesia universa Senatûs, tot innocentium civitatum ac populorum damnatione æternâ sit expiandus? Sed cur nomina, quæ rerum signa sunt, commutantur? Neque enim de Ecclesiæ libertate in hac causa agitur; verùm de paucorum commodis, qui loquendi usu quodam an abusu Ecclesiæ nomine censentur: de impunitate item Ecclesiasticorum agitur, & licentia quidvis specie Religionis audendi; non de electionum libertate, pro qua mille mortes oppetere, Senatus populusque Venetus sint parati: non denique de re ulla ad communem gregis Christiani utilitatem spectante. En quæ dicitur hodie libertas Ecclesiastica; quæ tot infantium animarum damnatione sancitur; cujus gratiâ stabilientiæ Dei Opt. Max. laudes filere: jube sacrificium jubetur tolli: omni pietatis exercitatione infinita multitudo, nihil commerita misella, interdicatur: belli quin etiam & omnium malorum, quæ bella comitantur, metus incutitur. Quid multa? hæc est illa libertas, adversus quam si quis patriæ charitate ductus, mutire audeat, POLITICUS è vestigio, tanquam Christiani appellatione indignus incipit vocitari. Unum hoc nimirum seculo nostro ad omne dedecus restabat, ut quasi parum in multas partes Ecclesiæ Dei nostra hac tempestate foret scissa: novum istud insuper à turbulentis quibusdam Tribunis, publicæ tranquillitatis juratis hostibus adinveniretur nomen, quo consentientes ceteroquin in fidei dogmatis invicem abalienent; abalienatos in partes secedere compellant: aut illis etiam, si fortè, velint nolint se adungere, quos à Communione Romanæ Ecclesiæ esse suspensos, Christianus orbis universus dudum gemit.*

Hoc Ithacus velit, & magno mercentur Atridæ.

Et tamen, quid eos velle aliud aut quærere hodie censeas, qui Politicis quos nominant, voce & scriptis inclementer assidue dicunt? In odium plebi levissime illos vocant: differunt, lacerant, & immanibus convitiis proscindunt.

Novatores; Novatoribus ortos, impios, hæreticos, locis sexcentis suorum 1609.
Annalium illustrissimus Cardinalis Baronius, ipsos nominat. Sunt in omnium
manibus diversorum Auctorum scripta, velut Thomæ Bozii, Alexandri Ca-
rerii Patavini, Romæ, Patavii, atque alibi, ad defensionem istius liberta-
tis Ecclesiasticæ ADVERSUS IMPIOS, POLITICOS publicata: isto
enim titulo libri proscribuntur. Pulchram sanè & oppido efficacem ratio-
nem, gregem universum ad unum ovile reducendi: cum & domestici atroci-
bus maledictis, quæ ingenuorum supplicia sunt, veluti furcis, quod ajunt,
foras extruduntur; & jam alienatis, spes quoque ipsa reditûs, novis quo-
tidie offensaculis objectis, in æternum præciditur. Sed est tanti libertas ista,
ut ad tuitionem illius susque deque miscere omnia, cælum terræ, sacra pro-
fanis, nullus sit pudor: quumque cælestis Doctoris præcepta sint invariabilia, ad
quæ suo etiam ipse exemplo nobis prævit; Charitatem super omnia modis
omnibus fovere, vel cum inimicis; &, Potestatibus à Deo institutis sub-
jici, ac propter conscientiam dicto illis esse audientes: adstruendæ firmandæ-
que libertati huic, per tot meliora secula incognitæ, penitusque inauditæ,
jurgia assiduè serere, bella ubique ciere, Regibus ac Principibus terrori ef-
se, subditos eorum legibus solvere, atque in proprios armare Principes, cun-
ctæ denique divina & humana jura temerare, pium & sanctum vocatur,
ac Deo gratissimum esse disputatur. Nempe ita facere illos oportet, qui ve-
teri dicto fidem apud posteros cogitent conciliare:

Malè imperando summum imperium amittitur.

Verum ad vos, gravissimi prudentissimique Viri, qui Principum Concilia par-
 ticipatis, jam me converto; atque ut libellum hunc, pingui illum quidem Mi-
 nervâ scriptum, sed ab amore veritatis & erga Potestates divinius institu-
 tas, devotione singulari profectum, lectione vestrâ dignemini, à vobis peto
 atque contendo. Interest fidei vestræ, quorum consiliis cuncta in Republica
 administrantur, ut causam hanc, quæ vim omnem dominationis civilis bene
 intellecta firmat; sin aliter, destruit, & perspectam ipsi penitissimè habea-
 tis: & à cunctis vestrorum Dominorum subditis velitis studeatisque accura-
 tè cognosci. Omnium verò maximè Principum vestrorum interest, ut nu-
 dam rei veritatem hac in parte à vobis accipiant, eamque rectè capiant.
 Solent enim doctrinæ istius assertores, homines solertissimæ industriæ atque
 ingeniosissimi, mirificè illis obrepere, & verbis honestis, quod antè diceba-
 mus, pestilentis doctrinæ venenum incantis propinare: longè enim aliter apud
 aures Principum de hac quæstione loquuntur, aliter apud vulgus & in libris
 suis blaterant. Quod quidem artificium ita feliciter hætenus illis processit,
 ut quid verè sentiant, quid doceant super Potestate principali, pauci adhuc
 Principes videantur cognovisse. Posthac verò ne rem necessariam possint
 ignorare, cautio vestra est, prudentissimi sapientissimique Viri. Nos quidem
 summis ex ordine vestro Proceribus scimus esse persuasissimum, idque hoc bre-
 vi libello clarè & liquido nos demonstrasse confidimus; si doctrinæ isti locus
 detur, & hæc *ὑπερβολή* libertas in animos hominum prius admittatur,
 quàm excutiatur, ilicet; de civilium omnium Potestatum vi atque juribus ef-
 se actum & conclamatum: dominationis enim res ipsa penitus adimitur Prin-
 cipibus: utut nomen inane illis videatur relinqui; quanquam ne nominis
 quidem usurpandi jus, nisi ad alienum arbitrium, per hanc doctrinam ipsis
 conceditur; quo quid contumeliosius, quid magis probrosum iis possit accide-
 re, qui sublime dignitatis suæ fastigium uni Deo ferunt acceptum? Cujus
 ordi-

1607. ordinationi manifestò repugnant, qui jura Principatum subvertunt, subditos fidei sacramento solvunt, vincula dominationis civilis omnia abrum-punt. Hoc facile cognoscant, sciant, penitusque imbibant, & qui regunt, & qui reguntur. Omnium Principum communis hæc caussa est: omnium enim libertatem falsò dicta hæc Libertas Ecclesiastica opprimit: quid dico, opprimit? imò verò Regna integra legitimis possessoribus erepta, obtenta hujus scuti Pontifici Maximo vindicantur; idque tantâ vehementiâ, tantâ verborum acrimoniâ atque atrocitate, nihil ut queat magis. Legatur, quasò, vel unica illa accuratissima Cardinalis Baronii digressio in XI. Annalium, quâ Siciliæ Regnum à Rege Catholico it repetitum: miraberis Carolum V. immortali laude dignissimum Imperatorem, cum filio ac nepote, duobus Philippis, Hispaniarum Catholicis Regibus, Sedis Apostolicæ propugnatoribus acerrimis, non secus ac viles quosdam orbis terrarum prædones, & Ecclesiæ hostes esse exceptos: quo autem jure? Libertatis nempe hujusce Ecclesiasticæ, cujus nomen singulis paginis ad fastidium usque ab Auctore inculcatur. Ite nunc, Principes, & patrocinio istius libertatis opes, Regna & vos ipsos impendite. Nec refert, quòd quibusdam illorum ab hac Doctrina nihil in præsens videtur mali impendere: nam si semel in animis subditorum fundamenta suæ dominationis labefactari per incuriam passi fuerint, ipsam quoque dominationem & Imperium suum labare, nutare, ac parum validis radicibus esse fundatum, omnino necesse est. Cogitate, Viri prudentissimi, omnibus minari Principibus, uni qui injuriam facit. Cogitate, sapientissimè illud à Felice II. Romano Pontifice esse dictum: Error, cui non resistitur, approbatur; & veritas, quæ minimè defensatur, opprimitur. Negligere quippe, cum possis deturbare perversam opinionem, nihil est aliud quam fovere. Cogitate, eos vos esse Politicos, quorum nomen sectæ istius Auctoribus tantoperè est exosum. Facite igitur, ut vim nominis vestri probè vos intelligere, & verè Doctrinæ civilis esse peritos, reapse experiantur: futuri providos, *ἀναγκαστὴν καὶ ἐνὶ τῷ* sagaciter prospicientes; &, quod prudentium docet esse proprium sapiens ille Megalopolitanus, non Fortunæ fidentes, verum consiliis, quæ recta ratio suaserit. Quod superest, omneis eos, in quorum manus hæc nostra inciderint, obsecro atque obtestor, ut si quid paullo liberius in hac disputatione nobis fortè exciderit, neque malevolentia id adscribant, neque irreverentia erga sacrum ordinem, quem debito honore colere me ac venerari profiteor: sed partim amor patriæ, omne id quicquid erit, condonent; quem esse in nobis vehementissimum, nunquam dissimulaturi sumus: partim studio veritatis, cujus præcipuam semper in omni disquisitione habendam esse rationem dubitat nemo, qui quidem hominem se esse natum rectæ rationis participem meminerit. Ita DOMINUS JESUS, qui nec fallere, nec falli potest, mea supplicis vota exaudiat. Valete, prudentissimi amplissimique Viri, & cum DEO bene rem gerite.

OBSERVATIO EDITORIS.

HOc Opusculum quorundam Magnatum apud Gallos consilio & jussu fuerat elucubratum. Arreptâ scilicet occasione controversiarum, quæ inter Pontificem Romanum & Venetorum Rempublicam agitabantur. Sed mutatis rebus, & compositâ lite dum sub prælo sudabat, excudebaturque pagina 264. Luteriæ Parisiorum, anno Domini MD CVII. in octavo, vetuit Henricus IV. Rex Galliarum, ultrâ progredi; jussitque, ut quod jam fuerat editum, supprimeretur: ideò imperfectum remansit illud Opus. Inchoata quæ fuerant exemplaria, prodiêrunt in lucem paucissima, tacito CASAUBONI nomine. *Melchior Goldastus* exemplar, quod in manus suas inciderat, inseruit *Tomo primo MONARCHIÆ S. ROMANI IMPERII*, pag. 674. & seqq.

Utilitati publicæ inservire credidimus, si novam editionem libri rarissimi curaremus. Quàm eruditus in Antiquitatibus Ecclesiasticis fuerit CASAUBONUS, tam ex hoc specimine, quàm ex EXERCITATIONIBUS IN BARONII ANNALES facile probari poterit.

ELENCHUS CAPITUM LIBRI HUIUS DE LIBERTATE ECCLESIASTICA.

- I. **C**ausa & occasio scriptiois hujus. Nominis explicatio. Libertatis variae species. Libertatem Christianam à Deo datam, Sanctis Patribus antiquis saepe memorari: Libertatem Ecclesiasticam non item. Error Interpretum juris in definienda Libertate Ecclesiastica: ejus definitio accuratè vestigatur. 167
- II. Quae & qualis fuerit Libertas veteris Ecclesiae à primo ejus ortu ad tempora Constantini Magni. Comparatio Potestatis utriusque, Ecclesiasticae ac Civilis, & de utriusque jure, tam ordinario, quàm extraordinario. 176
- III. Quae & qualis fuerit Libertas Ecclesiae à temporibus Constantini Magni ad Gregorium Magnum. 191
- IV. Quae & qualis fuerit Libertas Ecclesiae à temporibus Gregorii Magni ad Hildebrandum, sive Gregorium VII.
- V. Quae & qualis fuerit Libertas Ecclesiae à Gregorio VII. ad Concilium Tridentinum.
- VI. Quae & qualis Libertas Ecclesiastica hodie doceatur & defendatur: qui praecipui ejus defensores, & quis eorum sit scopus.
- VII. Libertatem Ecclesiasticam, quae hodie defensatur, omnium Potestatem civilium fundamenta radicitiùs convellere.
- VIII. Exempla aliquot paralogismorum & sophismatum, quibus hodierna Libertas Ecclesiastica defenditur.
- IX. Libertatis hujus patrocinium ejus defensores adegisse, ut absurda, enormia, impia dicerent.
- X. Cardinalem Baronium, studio Libertatis hujus Ecclesiasticae stabiliendae, multa scripsisse, quae veritati sint contraria. Ejus Parænesis confutatur: Annales notantur.
- XI. Libertati Ecclesiasticae modum adhiberi ipsi cum primis Romanae Ecclesiae, utile atque honestum fore. Epilogus hujus libri.

ISAACI CASAUBONI,
GENEVENSIS,
DE LIBERTATE
ECCLESIASTICA:
LIBER SINGULARIS.

CAPUT I.

Causa & occasio scriptiois hujus. Nominis explicatio. Libertatis variae species. Libertatem Christianam à Deo datam, Sanctis Patribus antiquis saepe memorari: Libertatem Ecclesiasticam non item. Error Interpretum Juris Canonici in definienda Libertate Ecclesiastica. Ejus definitio accuratè vestigatur.

QMnes homines libertatem, bonum animi inter præcipua, amant, 1607. sibi optant, ejusque causâ aliis favent. Ecclesiam verò Catholicam Domini Jesu Christi, columnam veritatis, salutis portum, cuncti suspiciunt atque venerantur veri Catholici ac Christiani. Et tamen erga Ecclesiasticam libertatem, quam hodie vocant, non eodem modo omnes, qui dicuntur & sunt profectò Catholici ac Christiani, apparent animati. Multi unicam pietatis Christianæ hanc arcem putant; in hujus propugnatione & amplificatione summam religionis totius ponunt; aliter sentientes, ut in errore pernicioso versanteis devitant, & pro sacris atque intestabilibus eos habent: pertendere contra alii, falli istos, atque errorem insanum magnum errare; & vim hujus appellationis aut simpliciter ignorare, aut subdole dissimulare: quippe hodie libertatis speciosum nomen ab iis prætexi, qui alienum servitium, & dominationem sibi concupiunt. Quemadmodum vitia sæpe esse virtutes mentiantur, ut tenacitas parsimonia, effusio largitas, crudelitas zelus justitiæ, remissio pietas velit videri, quod Gregorius Magnus agebat; sic libertatem Ecclesiasticam falsò ab illis dici atque ostendi, qui Ecclesiæ, non vindictâ Prætoris, sed pretioso Christi sanguine in libertatem assertæ, ipsis etiam Regibus ac Principibus durissimæ servitutis jugum eant impositum. Bonitatis verba imitari, cum noxam pares majorem esse malitiam. Enimverò nemo est paullò Historiarum peritior, quin sciat, Libertatem hanc Ecclesiasticam ab aliquot retrò seculis instar fomitis cujusdam fuisse atque incentivi, quod populos in Europa Christianos inter se commisit, bellisque dirissimis, atque iis admodum diuturnis, miserandum in modum lugubriter attrivit. Nunc quoque cur ille nobilissimus orbis terrarum ocellus, Italiam dico, turbetur & inter bellum ac pacem, salutem aut perniciem, nutet incertus, eadem ista libertas Ecclesiastica est in causâ. Hoc enim queritur Pontifex Maximus Paulus V. in elogio damnationis adversus Serenissimam Reipublicam Venetam prolata; VIOLATIONE LIBERTATIS ECCLESIASTICÆ suam sibi majestatem eos imminuisse. Veneti è contrario, jura Reipublicæ suæ & veram Ecclesiæ

1607. Ecclesiæ libertatem à se proditam iri, si Pontifici morem in hac parte gesserint. Est omnino quæstio hæc longè gravissima, quæque merito præstantissima multorum ingenia excitavit, ut partis utriusque justa certatim literis mandarent. In tanta scribentium copia, nulla erit, spero, invidia, si & nos cœpit impetus rem tantam penitus cognoscendi; cum præsertim magnus nobis ab illustissimo Cardinali Baronio scrupulus esset injectus; qui tot locis suorum Annalium ita libertatem hæc propugnat, ut secius erga illam animatos, hæreticos, & flammis æternis addictos pronuntiare non vereatur. Quis erit Catholicus tam socors, & salutis suæ securus, quem tam atrox denuntiatio non advertat? non incendat cupiditate intelligendi quid rei sit, quod Libertatis Ecclesiasticæ nomine hodie censeretur? Nos quæsimus, non contendendi studio, testamur Deum immortalem: sed veri inveniendo desiderio. Igitur, ut ordine ac viâ progrediatur disputatio, à capite quæstionem arcessemus, & de nomine ipso primum, cuius varia & multiplex usurpatio, paucis agemus.

Liber primâ notione verbum est ruri natum, ut *clades*, *soboles*, & alia multa, quæ posterior ætas ad res diversissimas transtulit: λέπθ Græcis, cortex arbori detractus: sed pro π alii β ponebant: unde λεβήρις dicta, quasi λεπθίρις, auctoribus Grammaticis; qui primitus eâ voce significari scribunt λέπθ κυάμω, fabæ corticem. Veteribus Latinis ex eo *liber*, notione eadem primò, cortex ab arbore sua solutus: *liberare*, corticem detrahere: postea cum in bellis captus aliquis captorem suum eluserat, militari elegantia an lascivia *liber* dici cœpit: ut contra qui semel captus victori adhærebat, neque poterat se expedire, *servus* & *mancipium*: paullo aliter Græcis, ἐλεύθερος ob facultatem eundi quod vellet: non ut nugantur ἰ ἐλεύθερον ἐπεῖ ἱρά, sed pari analogiâ ac πειθερός is, ad quem funus pertinet, à πειθῶ γοερός γοῶ, & alia hoc genus. Libertas igitur captivitati & servituti opponitur. Cæterum & libertas & servitus multis modis in hominem cadunt: multa item sunt loquendi genera, in quibus variâ notione vox hæc usurpatur; de quibus breviter heic dicendum, ne nominis ignoratio rei ignorantiam, quod alioquin necessario fit, secum trahat. Doctè enim in Gorgia Plato: *qui nomina rectè norit, & res ipsas eadem noverit*. Plutarchus quoque sanè quàm verissimè, ex communi, ut ait, Philosophorum sententia: *qui nomina interpretari rectè non didicerunt, hi & res ipsas perperam accipiunt*: quod in proposita quæstione multis hodie evenire, quæ deinceps dicentur, manifestissimè arguent: verum ad rem. Libertas propriè personis tribuitur: interdum tamen & inanimatis rebus: pro immunitate vel peculiari quodam jure illis indulto. Hominis libertas, vel in singulis spectari potest, vel in pluribus unum quasi corpus constituentibus. Ejus quæ singulis competit, tot species sunt, quot sunt rerum genera, ad quas voluntates hominum possunt referri: semper nimirum ratione voluntatis atque arbitrii de homine dicitur libertas aut servitus. Voluntates hominum vel res illas respiciunt, quas humanus intellectus appetit ut sibi necessarias, quatenus animal est vitæ particeps: Sacra Scriptura & Patres vocant τὰ βιωτικά vitæ hujus instrumenta. Aristoteles τὰ πρὸς τὸ εἶναι ἀναγκαῖα, necessaria ut sis: vel ad illas actiones respiciunt, in quibus virtutis & vitii discrimen intelligitur: quæ homini conveniunt, quatenus rationis est particeps. Philosophus vocat necessaria πρὸς τὸ καλῶς εἶναι, ut non vitam solum degas, sed eam honestam: vel denique ad ea spectant, quæ hominis intellectus appetit, quatenus cœlestis suæ originis memor, ad futuram vitam & beatitudinem se comparat: hinc & libertas triplex oritur. Prima est corporis; quæ & primæva appellatio libertatis: de hac multa in libris prudentiæ civilis. Sacra Scriptura & Theologorum, non ita multa: quia ad civilem vitam plurimum interest, liber sit aliquis an servus:

vus: ad futuram beatitudinem consequendam nihil prorsus, sicut persèpe in 1607. Evangelio docemur: & si ut liberi quàm servi esse peroptemus, disertè monet S. Apostolus, priore ad Corinthios. *Servus vocatus es? non sit tibi cura; sed & si potes fieri liber, magis utere.* Sacro ordine & familiis Monachorum arceri servos, multis super eo canonibus & constitutionibus editis, nemo nescit. Proxima huic est libertas animi, priore tantò nobilior, quantò nobilior est animus corpore: hac carent qui vitiis & affectibus serviunt: illi tenent, qui expulsis vulgi erroribus, uni addicti virtuti nihil cupiunt, nihil metuunt: ad hanc consequendam Moralis tota Philosophorum doctrina fuit comparata: & notissimum est Stoicorum scitum: Solum sapientem esse liberum; ceteros omnes, servos. Sed neque per humani ingenii sapientiam, neque etiam per Mosaicam legem, quæ populo Judaico pietatis & virtutis fuit magistra, ad libertatem animi potuit quisquam pervenire; omneis enim mortales, quæ Judæi, quæ Græci, peccati servi, ut in divina illa ad Romanos Epistola evincit Apostolus: itaque nemo ex omnibus mortalibus liber. Tertium ideo libertatis genus fuit opus, ut ad optatam libertatem homines possent evadere. Hæc est illa spiritus, non animi solum libertas, Fidelium propria, morte Domini nostri Jesu Christi Ecclesiæ ipsius parata, tantò priore præstantior, quantò cœlestia humanis antecellunt, vita morte, gloria æterna cruciatibus sempiternis. De hac libertate B. Thomas, in Joannis Evangelium: *Sermo Domini per hoc, quod est veritas, liberat à coactione & obligatione vanitatis: per hoc, quod est sermo gratiæ, liberat à culpæ & iniquitatis servitute: per hoc autem, quod est sermo omnipotentis Dei, liberat à servitute miseriæ.* Primo dat libertatem naturæ, secundo libertatem gratiæ, tertio libertatem gloriæ: hæc vir acutissimus. Theologi gravissimi libertatem hanc ad duo ista referunt: liberationem à morte, quæ stipendium est peccati, & à præceptorum Legis Mosaicæ præsertim cæremonialis rigida observatione: itaque libertas Christiana duorum generum est: de priore loquitur Dominus in VII. Joannis: *Amen, amen dico vobis; quia omnis, qui facit peccatum, servus est peccati; servus autem non manet in æternum: si ergo vos Filius liberaverit, verè liberi eritis.* De posteriore B. Apostolus Paulus, ad Galatas cap. IV. ubi post expositum libertatis hujus typum, concludit ad extremum: *non sumus ancillæ filii; sed liberæ: quâ libertate igitur Christus nos liberavit, in ea stete; & nolite rursus iugo servitutis contineri.* Est verò illa demum absoluta libertas, cum Deo servimus: propterea in Sacris Literis liberum esse, & Deo servire, verbis differunt, re sunt idem. B. Petrus in priore: *quasi liberi, & non quasi velamen habentes libertatem; sed sicut servi Dei:* & Paulus in ea ad Romanos libertatem Christianam vocat *servitutem justitiæ.* Dominus in Evangelio *iugum;* sed lene, & subeuntibus salutare: *ὁ ζυγὸς μου*, inquit, *levis ἐστίν.* Huic contrarium est iugum legalium farcinarum & præsumptionum humanarum, quæ imperitorum conscientis onera alligant supervacua, ut piè admonet B. Augustinus in erudita illa ad Januarium Epistola CXIX. *Hoc, inquit, nimis doleo, quia multa, quæ in Divinis Libris saluberrima præcepta sunt, minus curantur; & tam multis præsumptionibus sic plena sunt omnia, ut gravius corripitur, qui per octavas suas terram nudo pede tetigerit, quàm qui mentem vinolentiâ sepelierit.* Solent etiam Beati Patres libertatem Christianam appellare, fiduciam illam, quæ bonæ conscientiæ comes est individua: quando aliquis uni Deo placere laborans, gratiam & odium hominum pariter contemnit. Hoc sensu dicit Chrysostomus, III. de Sacerdotio, cavendum Sacerdoti, ne potentiæ cupidus locum illum ambiat; *ut cum libertate omnia ipsi administrare liceat: nam qui in hac potestate ostentui esse non cupit, nec depositio-*
nem

1607. *nem ab illa formidat: porro qui metus hujus est expers, cum libertate Christianis conveniente omnia facere poterit.* Subjungit postea de metu huic libertati contrario. Petrus Damiani adversus Leonem Papam arma tractantem declamans in Epistola ad Firminum Episcopum: *Et revera quâ fronte, quâ libertatis audaciâ Sacerdos quilibet in dissidentium confederatione desudet, cum ipse suis osoribus non remissionis indulgeat veniam, sed effrenetur implacabiliter ad vindictam.* Idem Chrysostomus alibi *libertatem* nominat, Sanctorum fiduciam bonis operibus partam: ut cum in sermone de Babyla hunc Martyrem ait **LIBERTATE**, *vel superiorem, vel certè parem Eliæ ac Joanni fuisse:* ἴφθασιν, inquit, ὅπως ὡς μηδὲ τὸ τυχὸν ἀπολαφῆναι τῆς ΕΛΕΥΘΕΡΙΑΣ τῶν γενναίων ἐκείνων ἀνδρῶν. Passim alibi idem Sanctus hanc libertatem vocat *παρρησίαν* & *πιστήν*, quæ sunt Apostolo familiaria verba. Latino Interpreti, *fiducia* & *confidentia*. Etiam quæ piorum cœtui & Ecclesiæ tribuitur à Deo libertas, multifariam potest distingui. Interdum *libertas Ecclesiæ* appellatur, libera conveniendi ad cultum Dei facultas, à Principe & peti & impetrari solita: quod Gregorius Nazianzenus ad Nectarium scribens, dixit ἐξουσίαν λαβεῖν συνάξεως: quidam hodie vocant *libertatem conscientie*; Optatus Milevitanus simpliciter, *libertatem*. Diversa ab ista est illa Libertas Ecclesiæ, quam ipsi datam esse à Christo, Ephesini Concilii Patres pronuntiant: qua de re plura erunt dicenda cap. 111. Atque hæc sunt Ecclesiæ libertates, quarum partim Sacræ Literæ, partim venerandi Patres antiquæ Ecclesiæ Græcæ & Romanæ meminerunt. Postea verò quàm publicè Christianismus fuit receptus, & Clerus per Imperatores primò, deinde Reges atque alios Proceres Christianos, opibus & dignitate fuit auctus; tùm enimvero cœpit paulatim in Ecclesiâ Dei inter alia multa prius inaudita, vox **LIBERTATIS** novâ significatione usurpari: honoris nimirum prærogativam, privilegia, immunitates, & similia omnia jura **LIBERTATEM ECCLESIASTICAM**, aut numero multitudinis, **LIBERTATES** dixerunt: atque hoc verbi in frequentem adeò usum tandem venit, ut nullum magis. Quando primùm ea vox in Ecclesiis audiri cœpta videatur, capite quarto dicemus. Quid autem Libertatis Ecclesiasticæ appellatione intelligatur, necdum satis ad liquidum declaratum invenio: & mirari sæpe subit, quum in Jure Canonico tot locis hujus libertatis fiat mentio, nusquam tamen ad vim verbi declarandam ne descriptionem quidem ullam, nedum accuratam definitionem esse adhibitam. Interpretes verò Canonici Juris adeò diversas super hoc sententias prodiderunt, ut frustra inde auxilium speres. Liqueat nobis, pro affectu cujusque erga Pontificem Maximum, & Romanam Sedem, aliter atque aliter esse ab iis pronuntiatum. In privilegiorum & immunitatum diplomatis, quæ olim Imperatores Christiani alique Principes, postea etiam Romano Papæ modò universæ Ecclesiæ, modò alicui privatim soliti concedere, vocum **LIBER** & **LIBERTAS** tralatitius ac sollemnis est usus. In diplomate Caroli Magni circa annum ab humani generis redemptione **DCCCIV**. Osna-brugensi Ecclesiæ in Saxonia indulto, hæc leguntur: *Insuper eidem Episcopo ejusque successoribus perpetuam concedimus licentiam, libertatem, & ab omni regali imperio absolutionem: nisi fortè contingat, ut imper. &c.* In diplomate Nicolai II. circa annum Domini **CICLX**. in gratiam Monasterii S. Felicitatis Florentiæ emissò: *Liberum præterea idem reddimus Monasterium, atque absolutum ab omni seculari & mundana conditione, sive distractione: in aliis leges, liberam concedimus facultatem, & liberum esse volumus.* Non dubium est mihi, quin ab hac origine Libertatis Ecclesiasticæ manarit appellatio: nam & vulgò *libertas* pro privilegio usurpabant: & ut

antè

antè dicebamus, rude illud atque impolitum seculum vocem hanc supra mo- 1607.
dum frequentavit; ut aliquando quid sibi velint, conjecturâ sit diviniandum. In
Edicto Friderici Ahenobarbi, anno Domini c i o c c x x i i. facto, quo duo
Monasteria uniuntur: *turbatores temerarios nostræ hujus libertatis & unionis
tanquam rebelles Numini in perpetuum bannimus*; postea vocat *concessionem
& donationem*. Sæpè etiam *privilegium ac libertas*, junctim ponuntur;
vel *libertas & immunitas*, ut in Decretali de immunitate, Sexti lib. 3. item,
jura & libertates, ut ibidem. Apud Rigordum, *libertas militum & libertas
ac specialis prærogativa scholarium*, Parisiis sub Rege Philippo Augusto & ejus
patre. *Libertates seculares*, quid appellat Bonifacius is, qui Germanorum
Apostolus est dictus, non sine causa dubitet aliquis. Sic ille in Epistola ad Ead-
burgam, cognomento Buggam, Regis Cantiorum consanguineam: *Melius
mibi videtur, si propter libertates seculares in Patria libertatem quietæ
mentis habere nullatenus possis, ut peregrinatione libertatem contemplationis,
si valueris & possis, acquiras*: illud verò minus etiam capio, quod in Epi-
stola Gregorii VII. ad P. Albanensem Episcopum, & G. Principem Salernita-
num scribitur: *Item Magnus Imperator* (de Carolo Magno loquitur) *Saxo-
niam obtulit Beato Petro: ejus etiam devicit adjutorio, & posuit signum
devotionis & libertatis, sicut Saxones ipsi habent scriptum, & prudentes
illorum satis sciunt*, hoc est, suæ devotionis, & libertatis Romanæ Ecclesiæ
ac dominationis, quam habet in omnes & in omnia: si quis aliter interpretari
voluerit, per me licet; est nimirum obscura satis sententia. Nec multò clarius
illud in Diplomate Urbani II. quo factum confirmat Berengarii Comitis, qui
ejus auctoritate commonitus, ut ipse Urbanus testatur, Tarraconem cum agro
suo juris papalis fecerat. Ait: *Nos itaque, qui præstante Deo, restitutionis
hujus optamus cooperatores existere prædicti Comitis institutum libertatesque
& consuetudines, quas novis Tarraconensis urbis colonis permulgasse cogno-
scitur, collaudamus*. Ex ista igitur loquendi consuetudine LIBERTAS
ECCLESIASTICA nomen invenit in Ecclesia Latina: nam Græci ut rem
ipsam, ita & nomen ignorarunt: de ea loquor libertate Ecclesiastica, quæ
hodie tantoperè jactatur, & peculiariter ita nominatur. Nam errant gra-
vissimè, qui istam libertatem Ecclesiasticam cum potestate Ecclesiæ confun-
dunt, & cum jure bona cujuscunque generis possidendi, cum immunitate,
& privilegiis. Potestas vera Ecclesiæ, de qua extat liber eximius Joannis Ger-
sonis, Theologi excellentissimi, ea est, quam B. Chrysostomus de Munere Sa-
cerdotali differens, in *ἐργον* & *ἀρχὴν* sive *πρῶτον* distinguit: *functionem ipsam
muneris sacerdotalis, & honorem, qui Sacerdotibus debetur*, de quo plura
sequenti capite: vocat & *ἀνθεμία*. hæc potestas utrum ex jure divino sit an
non, sine blasphemia disputari non potest: quum sit piis omnibus persuasissi-
mum, statim à principio Christum Ecclesiæ suæ & ministris ipsius eam tri-
buisse. At libertas Ecclesiastica utrum sit ex jure divino, diu est cum qua-
runt Canonici Juris Interpretes, & adhuc sub judice lis est. Et meritò sanè
plerisque perabsurdum videtur, jure divino introductam rem dicere, quam
melior Ecclesia per tot secula penitus ignoravit. Jus bona possidendi, in Græ-
corum Canonibus est *δικαίον κτήσεως*, vel *κατοχῆς* immunitas, *ἀτέλεια τῶν λειτουργῶν*,
vel simpliciter *ἀπλῆα*, aut *ἀλειτουργησία*. Privilegia ibidem *προνόμια* dicuntur, &
φιλομήματα βασιλέων, *δίκαια* sive *δικαιώματα*. interdum etiam *παρεμυθία*, & ut li-
bertatem pro privilegio usurpari ostendimus. Sic *ἐλευθερία* & *ἀνέξουσις* li-
bertatem, & *proprie voluntatis arbitrium* in libris Juris Canonici Græco-
rum privilegia, certis Monasteriis indulta ab Imperatoribus Constantinopolita-
nis dici observavimus. Extat Alexii Comneni Constitutio, in qua mentio

1607. fit Monasteriorum institutorum vel κατ' ἐπίδοσιν, vel κατ' ἰσορίαν, vel κατ' εἰρημίαν; παντὶ κατ' ἰλευθέρην, quibus plenaria libertas est attributa: quæ propterea ipse nominat ἰλευθέρη & αὐτὴν ἐξ ἑαυτῆς μοναστήρια. At longè diversa res est LIBERTAS ECCLESIASTICA illa, de qua jam sermonem instituimus; & cujus naturam atque vim qui simplici definitione unicâ voluere complecti, magnas, si verum dicere licet, nugas egerunt: dictionem nimirum æquivocam, nullâ prius adhibitâ distinctione, velle definire, quid est aliud nisi operam ludere? aut quis negabit, homonymiam multiplicem huic appellationi inesse? Quàm variè usurpata sit vox *libertas*, jam ostendimus: idem necessario observandum heic & de voce ECCLESIA: nam quot modis accipi hæc dictio solet, tot erunt & libertatis Ecclesiasticæ definitiones diversæ. Propriè ECCLESIA dicitur cætus κλητῶν ἀγίων, ut loquuntur Apostoli, hoc est, *Fidelium vocatorum, ut sint sancti*; qui & Electi appellantur. Sed quia boni malique permixtim hoc ævum degimus, Ecclesiæ appellatione solent omnes comprehendere, qui Christi nomen profitentur. Tertia notio jam olim obtinuit: ut diviso grege Fidelium in Clerum & Laicos, solus Clerus tanquam potior pars & nobilior, Ecclesiæ nomine intelligeretur. Quarta deinde & quinta notiones accesserunt, quarum hodie frequentissimus est usus: illius, cum Ecclesiæ appellatio ponitur pro Romana Ecclesia; hujus, cum Ecclesiæ nomen ad unum Pontificem Romanum designandum usurpatur. Tres primæ notiones Græcæ & Latinæ Ecclesiæ sunt communes; quemadmodum & illa consuetudo loquendi pariter Græcis ac Latinis jam olim usurpata invenitur, quando loca sacra *Ecclesiæ* nominantur. Quartam quoque notionem propter B. Petri honorem, & Romanæ Ecclesiæ auctoritatem, etiam in Oriente multi, cæterum Occidens totus à multis seculis cœpit usurpare. Quintam ne in Occidente quidem omnes unquam probarunt; sed illi duntaxat, qui universalis Ecclesiæ caput & Principem, imò Dominum Papam Romanum agnoverunt. Cum in Capitularibus antiquorum Regum, & cœvis Scriptoribus *Libertas Ecclesiæ*, & *Libertas electionum* commemorantur, & pro eodem ponuntur; libertas intelligitur universæ Ecclesiæ à Christo tributa; quamque per diu obtinuit, ut communibus suffragiis populi & Cleri crearentur, qui erant in sacrum ordinem cooptandi: postea res mutavit, & jus suffragiorum ad solum Clerum fuit translatum. Ita pro tempore hæc libertas variavit; etsi ECCLESIAE LIBERTAS semper est appellata; tertiâ nempe ejus vocis notione, non ut autè, primâ & secundâ. Innocentius III. in Epistola ad Constantiam Imperatricem, Reginam Siciliae, præscribens modum, quem in electionibus faciendis vult servari à Siculis, vocat ECCLESIAE CANONICAM LIBERTATEM. Qui libertatem Ecclesiasticam volunt esse exemptionem Clericorum ab omni subjectione suorum legitimorum Principum; quæ est Roberti Bellarmini Cardinalis in libello ea de re publicato sententia, itemque aliorum multorum; tertiâ significatione Ecclesiæ nomen accipiunt. Quod etsi sine fraude fieri videatur posse, quia jam olim ea notio illius vocis obtinuit; fraudem tamen periculossimam habet adjunctam: quia obtentu nominis hujus, imperitis & plebeculæ persuadetur, libertatem universæ Ecclesiæ in eo verti, ut illi refragari aut resistere, totius impietatis sit cumulus: quum re verâ paucorum libertas, imò licentia, & unius absoluta dominatio hoc colore defendatur. Quamobrem accuratius rem perpendenti liquidò constabit, Libertatis Ecclesiasticæ patronos nomen Ecclesiæ quintâ notione pro solo Romano Pontifice accipere. Huic enim uni plenaria libertas paratur, uni imperium, uni potestas, sine fine, sine modo, in capita, res, & fortunas Imperatorum, Regum ac Principum, & omnium prorsus hominum, qui toto orbe terrarum

rum Christiani dici expetierint. Nam quod aliquis objiciat, longè aliter 1607.
 Cardinalem Bellarminum docere libro v. de summo Pontifice; huic objectioni
 parata responsio est certissima, de qua pluribus capite sexto agetur, & sequenti-
 bus: ibi docebimus, quæ dicto libro disputantur à Bellarmino, ferventissimi zeli
 patronis libertatis hujus ita esse improbata, & quotidie refutari, ut pro indictis
 & antiquatis sint habenda. Alexander Pefantius Romanus in libro *De Im-
 munitate Ecclesiastica, & Potestate Romani Pontificis*, quem non ita dudum
 Paulo v. nuncupavit; editionis Romanæ pag. 45. *Dico: summus Pontifex
 jure divino habet plenissimam potestatem in universum orbem terrarum, tum
 in rebus Ecclesiasticis, tum in Politicis.* Et in ora libri notat Auctor: *Papa
 jure divino est directè dominus orbis: eadem multi alii.* Verùm pergamus
 usum locutionis hujus ostendere. Gregorii VII. verba sunt in Epistola ad
 Episcopum Pataviensem, & Hirsaugiensem Abbatem, quo loco agit de eligendo
 à Germanis Imperatore in Henrici locum: *Scimus, inquit, quòd fratres
 nostri longo certamine, diversisque perturbationibus fatigantur: nobilius ta-
 men esse dignoscitur, multo tempore pro LIBERTATE S. ECCLESIAE
 decertare, quàm miserae ac diabolicae servituti subiacere. Certant namque
 miseri, scilicet membra diaboli, ut ejusdem miseræ servitute oppriman-
 tur: certant è contra membra Christi, ut eosdem miseros CHRISTIANAM
 LIBERTATEM reducant.* Verba sunt aurea, mens plumbea. Ecclesiae pro-
 priè dictæ libertas ostentatur, servitus diabolica deploratur. Quis Christianus
 erit tam ignavus, quem ista non excitent? non inflamment odio in Principem
 suum? Sed meminerimus, & hoc loco & similibus aliis de investitura Cleri-
 corum agi; quam Romanus Pontifex Imperatori & omnibus Principibus ere-
 ptam, sibi uni & iis, qui jus à se acceperant, vindicabat: atque hæc *propria
 libertas Ecclesiae* nominatur in Canone quodam ejus Concilii, quod Hildebran-
 dus idem anno Domini c10 lxx x. Romæ celebravit. Heic igitur & in gemi-
 nis huic locis ECCLESIA pro Papa sumitur; & LIBERTAS CHRISTIANA
 appellantur jura, quæ sibi idem vindicat, tanquam Christi Dei & hominis vi-
 carius. E contrario, anno Domini c10 c lvi i i. Fridericus Augustus, orto
 inter Regnum & Sacerdotium dissidio, ita scribit ad Imperii Procures: *Quia
 hætenus honorem ac LIBERTATEM ECCLESiarum, quæ jamdiu indebi-
 tæ servitutis iugo depressa est, à manu Aegyptiorum, (Hadrianum IV. Pa-
 pam Romanum intelligit) studuimus eripere, & omnia eis dignitatum sua-
 rum jura conservare intendimus; universitatem vestram super tanta igno-
 minia nobis & Imperio condolere rogamus.* Heic Fridericus ECCLESIAE no-
 mine, vel universam Ecclesiam, cujus ipse pars erat; vel Clerum intelligit.
 Et ita sæpissimè in Historiis rerum gestarum à temporibus Gregorii VII. ob-
 servabis: cum atrocissimè Pontifices atque Principes dissiderent, sæpè etiam armis
 inter se pugnarent; utrimque tamen DEFENSIONEM ECCLESIASTICÆ
 LIBERTATIS pro titulo belli fuisse. Adeò verum est, quod in Oratione con-
 tra Leptinem prudentissimus Oratorum, Demosthenes dicebat: solere multos,
 μεταφoρiτας τὰ iνομата ἀπατᾶν: *translatis nominibus in aliam significationem deci-
 pere.* Sunt enim multi, qui rerum vocabulis non aliter utantur, quàm ut
 præstigiatores & psephopæctæ suis acetabulis & calculis. Fridericum sanè li-
 bertatem Ecclesiae propugnasse, etiam Cardinales illi testantur, qui Epistolam
 scripserunt, cujus initium: *Ex quo contra honorem Ecclesiae Dei & Imperii,
 amicitia inter Dominum Papam Hadrianum & Wilhelmum Siculum facta
 est, &c.* Infra dicturi sumus, honorem Ecclesiae & libertatem Ecclesiae, pro
 eodem sumi solita. Ajunt igitur Cardinales Presbyteri: *Nos autem è contra duxi-
 mus potius Siculum excommunicandum; qui omnia jura Ecclesiae, tam spiri-
 tualia,*

1607. *Italia, quàm temporalia violenter abstulerat; quàm Imperatorem, qui Ecclesie Romanæ & Imperii jura fideliter laborabat recuperare, & ECCLESIAM de servitute ad LIBERTATEM reducere.* Quare, si his credimus, libertatem Ecclesie Pontifex quidem falsò; at Fridericus verè tutabatur. Neque hoc mirum debet cuiquam videri: non enim soli huic Imperatori, sed multis etiam aliis Augustis; multis item Francorum, Anglorum, & cæterarum gentium Regibus pro libertate Ecclesie cum Romanis Pontificibus fuit decertandum; quo in certamine etsi eadem omnium Christianorum causa erat, non omnium tamen idem fuit semper animus, neque par constantia. Christianissimorum Regum, piissimorum Francie Episcoporum, totiusque ordinis sacri, ac magnanimorum Regni Procerum, propria hæc laus, absit verbo invidia, quòd pietate generosa & generositate pia libertatem Christianam Ecclesie suæ, etsi non planè illibatam, firmam tamen & stabilem ad hanc diem, immortali Dei beneficio, conservant. Quis vel in extremo Septentrionis axe positus, levem saltem aliquam rerum Gallicarum notitiam fando accepit, qui de LIBERTATIBUS ECCLESIE GALLICANÆ aliquid non inaudiverit? Ita vocat forensis usus jura libertatis Ecclesiasticæ, quæ quum universæ Ecclesie à principio essent communia: (nam unus idemque omnium auctor & fundator Dominus Jesus) fato quodam accidit, ut in nobilissimis quibusque Europæ Regnis Ecclesie sua sibi jura atque libertatem eripi sinerent: unde factum, ut populis vicinis servituti suæ ingementibus, LIBERTATUM ECCLESIE GALLICANÆ nomen etiam apud exteras gentes illustri famâ celebraretur. Quanquam & alia Regna idem ipsa quoque fecerunt, sed remissius, nec pari successu. Sic in Anglorum Historiis LIBERTATUM Ecclesie illius habetur mentio, & LIBERTATUM REGNI. Quæ tamen adversus oppressionem & angarias Romani Pontificis, parum ipsis profuerunt: extant monumenta ipsorum quàm plurima, in quibus cum lamentabili gemitu onera sibi imposita à Pontifice Romano, vel Legatis ipsius deplorant. Sed hæc suo loco clarè demonstrabuntur: ad propositum redeo. Qui Libertatis Ecclesiasticæ appellatione exemptionem Ecclesiasticorum volunt intelligi; vim hujus exemptionis accuratè explicant. Hæc autem est: ut qui modò Principi huic vel illo subditus erat, ubi inter ordines sacros locum aliquem fuit nactus, momento turbinis liber exstat ab omni jurisdictione Principis illius: non ipsum pro Principe suo agnoscat; non majestatem ejus revereatur, nisi pro arbitrio suo; non tributum pendat; non metuat sibi ab illius legibus: disertè enim affirmatur, legibus civilibus nullis penitus Clericos teneri, quod ad coactionem: sed duntaxat quod ad directionem. Quid si aliquis è Clero, (potest enim fieri) scelus aliquod supplicio dignum in Republica admiserit? Quid si libidine fœdus & maculosus vixerit? Nullane hujus coercendi potestas erit Principi? Id verò præcisè negatur. Joannis Marianæ, Jesuitæ Hispani, verba sunt libro primo, capite x. ejus scripti non inelegantis, quo Philippum III. Regem Hispaniæ præceptis informat: *Deinde sacrati ordinis immunitates & jura intacta ut sint, curare Princeps debet. Neminem ex sacrato ordine supplicio QUAMVIS MERITO subjiciat.* Sed quid opus in Hispaniam ire? nam interpretationem juris Pontificii non possumus aliundè melius petere, quàm ab urbe Roma; cum præsertim multi admodum ingeniosi homines à paucis mensibus in urbe libros ediderint, per quos ignorare nobis non licet vim hujus verbi. E multis, quorum recentia scripta legimus, unus Johannes Antonius Bovius, Carmelita, rem optimè videtur expressisse, quare verba ejus prætermittere sine piaculo non possumus: eccum illa fideliter ex Italico versâ: *Libertas opponitur necessitati, vinculo aut servituti: quemadmodum igitur liber-*

tas peccati in eo consistit, ut peccati vinculis simus soluti; & Libertas Legis 1607. *Mosaicae eo, ut iugo ceremonialis Legis simus soluti atque exonerati: sic LIBERTAS ECCLESIASTICA in eo consistit, ut Ecclesiastici in personis, bonis & causis suis sint exempti, neque legibus potestati, & jurisdictioni Principum sint obnoxii, quomodo sunt Laici, & hæc vera est ac propria definitio Libertatis Ecclesiasticæ, quæ vi suâ omnia complectitur: partes duæ, quæ sequuntur reliquæ, instar habent declarationis. Quod autem ait Bartolus in authentica causa, Libertati Ecclesiasticæ illa statuta repugnare, per quæ Ecclesiastici timidiore, Laici audentiores redduntur: hoc nempe vult; jure exemptionis, quo gaudent Ecclesiastici, fieri, ut Principes non dicam directe & cum effectu in ipsos & res ipsorum nequeant manus injicere; sed ne indirecte quidem, & vel tantum in speciem præjudicium facere libertati eorum queant. Dicam planius, si potero: vult dicere Bartolus, adeo non posse Principes damnum inferre Ecclesiasticis, ut NE LEVISSIME QUIDEM TERRITANDI ILLOS, AUT TREMEFACIENDI JUS HABEANT. Quo jure, quâ injuriâ hæc ita dicantur, postea quæremus. Habemus certè heic luculentam exemptionis Ecclesiasticorum & plenariæ licentiæ libertatis declarationem. At non nedum omnia, quæ propter Libertatem Ecclesiasticam in Jure Canonico fanciuntur, ad exemptionem Ecclesiasticorum possunt referri. Bonifacius VIII. libertatis hujus vindex acerrimus, in Sexto, titulo XXIII. *Eos, qui temporale Dominium obtinentes, suis subditis ne Prælati, aut Clerici, seu personis Ecclesiasticis quicquam vendant, aut emant aliquid ab eisdem, neque ipsis bladum molant, coquant panem, aut alia obsequia exhibere præsumant, aliquando interdicit: quum talia in DEROGATIONEM LIBERTATIS ECCLESIASTICÆ præsumantur, eo ipso excommunicationis sententiæ decernimus subjacere.* Ad perficiendam definitionem Libertatis Ecclesiasticæ prætereunda hæc Decretalis non erat, quæ de jure quidem exemptionum non est; sed prærogativæ Ecclesiasticorum veluti colophonem quendam imponit. Nam si propter res tam levis flammis æternis devoveri possunt Laici omnes cujuscunque dignitatis aut ordinis; quid aliud curare habent imi summi, nisi hoc unum, quâ ratione pacatis Ecclesiasticis uti poterunt? Poterunt autem, opinor, si in omnibus præbeant se illis obnoxios; illorum voluntati inserviant; & de rebus suis statuendi liberum arbitrium ipsis permittant. Hoc voluisse isto Canone Bonifacium, nemo negaverit. Ex iis, quæ hæcenus disputata sunt, hoc tandem elicimus, non longè ab hodiernorum Pontificii juris doctorum sententia aberraturum, qui Libertatis Ecclesiasticæ hanc sive descriptionem, sive definitionem contexuerit: *Libertas Ecclesiastica jus est quoddam, primariè quidem Pontifici Romano adhærens, quo unversi orbis dominium illi paratur; secundariè verò Ecclesiasticis, quo viritim & in commune eximuntur ipsi, & bona ipsorum ab omni omnium Principum subjectione, jurisdictione, potestate: Laici verò ipsis ad omne obsequium redduntur obnoxii.* Hæc definitio ut numeris omnibus non sit perfecta, quod non pollicemur; vim tamen ejus, quæ à neotericis & proximorum seculorum hominibus Libertas Ecclesiastica nominata est, satis explicat. Nunc igitur, quo tempore, quibus molitionibus, & per quos in Ecclesiam Dei hæc Libertas sit injecta, quærendum superest. Deinde rationes præcipuas, quæ ab illius patronis solent afferri, expendemus: simul quàm periculosa res sit tum Ecclesiæ, tum Reipublicæ Christianæ ejusmodi licentia, breviter docebimus.*

CAPUT II.

Quæ & qualis fuerit libertas veteris Ecclesiæ, à primo ejus ortu ad tempora Constantini Magni. Comparatio potestatis utriusque, Ecclesiasticæ ac Civilis: & de utriusque jure, tam ordinario, quàm extraordinario.

1607. **E**Xpositis variis modis ejus Libertatis, quæ Christiana aut Ecclesiastica dici solet, priusquam aggredimur ostendere, quo potissimum libertatis genere quæque ætas Ecclesiæ sit usa, faciendum videtur, ut sacerdotalem potestatem cum civili paucis comparemus: habet enim & Respublica Libertatem suam; quæ ab Ecclesiastica quid differat, ex hac comparatione liquido palam fiet. Igitur, ne in tam amplo argumento longius quàm instituti ratio postulat, oratio evagetur, proponemus quædam theoremata, sive ut loquuntur in scholis, conclusiones, vim & jura utriusque potestatis complectentes; deinde cuique theoremati brevem explicationem ac probationem subjiciemus.

I. Ecclesia & Respublica interdum re & ratione; interdum ratione duntaxat differunt.

Quod dicebat Optatus Milevitanus, *Ecclesiam in Republica esse*, id verissimum quidem est; sed eget interpretationis. Nam aliquando ita est Ecclesia in Republica, ut penitus separatas suas peculiare rationes habeat à rationibus Reipublicæ; qui fuit nascentis Ecclesiæ status, antequam obstinatos animos & pervicaciam Infidelium Salutis doctrina perfregisset. Interdum sic Ecclesia est in Republica, ut eadem sit quodammodo Respublica; sicut tum accidit, quando Paganicorum errorum caligine depulsâ, Christianismi professio vulgò ab hominibus fuit suscepta. Ex eo enim tempore, qui Rempublicam constituerebat populus, idem etiam Ecclesia fuit: verum id diversâ ratione, & fine, ut mox dicetur; quare idem est aliquo modo, & non idem. Auctores heic sæpe *ἐπὶ τῇ* nominum parum servant; & vel Reipublicæ ea tribuunt, quæ propriè conveniunt Ecclesiæ; vel contrà. In Epistola Synodali ad Ludovicum, Regem Francorum, Caroli filium, ipse Rex dicitur *Rektor Sanctæ Dei Ecclesiæ*. Rex propriè non est Rector Ecclesiæ; sed Reipublicæ *πρωτεύων* & primariè; Ecclesiæ verò, quatenus pars est Reipublicæ & *κατακληθήμα*. at ibidem & passim, audit Rex *Defensor Ecclesiæ*, propriè.

II. In omni societate, quæ diversos habet fines, iidem & præesse & subesse possunt diversis rationibus.

Quæ ab hominibus incuntur societates, quæ privatim, quæ publicè, ex interdum simplicem habent finem; interdum plures simul. Quoties vectores navem conscendunt, ut mare vel flumen trajiciant, tacitam societatem inter se inisse intelliguntur; cujus finis unicus & simplex, transvectio. Quando legio ad pugnandum cum hoste triremem ingreditur, duplex heic societas, & finis duplex: quatenus sunt vectores, gubernatori navis omnes parent; quatenus milites, Tribuno legionis aut Consuli: respectu gubernatoris etiam Consul inter vectores; & tam hujus quàm omnium aliorum salus à peritia & arte illius pendet: rursus gubernator respectu militarium imperiorum, Consuli parer, & jussa illius capessit. Et Ecclesia & Respublica instar navis habent; eaque similitudine passim Veteres utuntur. Ante receptum Evangelium unicus Reipublicæ finis erat, degere hoc ævi, quanta maxima cum commoditate & honestate fieri possit; ea enim in fine, impulsu naturæ, civitates

vitates instituuntur. Aristoteles modò *αυτάρκειαν*; quasi dicas, omnium re-1607.
rum sufficientem copiam, nominat; modò, humanum bonum, quòd in
fruitione illarum dotium & corporis & animi positum est, ad quas in hac
vita participandas aptum Natura finxit hominem. Dixi, in hac vita; quia
Doctrinæ civilis primarius finis non ultrà patet. Est verò aliud insuper ho-
minis bonum, ad cuius participationem cum aptum initio hominem Deus
creasset, atque ille suà culpâ aptitudinem illam amisisset; Christi Servatoris
beneficio immortalì, eandem aptitudinem, & quidem efficaciorè iterum
est nactus: illud bonum est beatitas, quæ in altera vita pios manet; ad cu-
jus spem ea, quæ dicitur ECCLESIA, in terris atque intra Rempublicam
ipsius Christi voce cogitur. Sicut instituendæ Reipublicæ finis est adeptio
humani boni; sic Ecclesiæ cogendæ, Numinis cultus, & ad futuram beati-
tudinem præparatio. Nec diverso fine duntaxat Ecclesia & Respublica distin-
guuntur; verùm etiam conditione, institutis ac regimine. Respublica in hoc
mundo tanquam in legitima sua patria versatur; opes & omnia vitæ hujus
instrumenta conquiret; potentiam sibi parat; & fines suos, quantum potest,
promoveret: quippe in eo humanum bonum, quod dicebamus ex Aristotele,
positum esse, vulgò homines autumant. Ecclesia, brabium supernæ voca-
tionis persequens, ut ait Apostolus, & ad melioris vitæ fruitionem spes co-
gitationesque suas indefinenter referens, terrenis bonis non fruitur, sed uti-
tur: neque ut patriam suam terras colit; sed ut inquilina vel peregrina, non
autem ut civis, in iis hospitur. Idcirco Patres Ecclesiam alio nomine CI-
VITATEM DEI vocitant: habet enim *πλῆθυσιν* suum & municipatum in
cœlis, quod idem inquit Apostolus; didicitque Ecclesia à Christo Rege suo
dicere, *Regnum meum non est de hoc mundo*: hæc tanta diversitas & recto-
res diversos esse desiderat. Qui Ecclesiam regunt, communi nomine Sacerdo-
tes; qui Rempublicam, Principes dicuntur. Horum diversa officia è finium
exposita differentia pendent: idem è diversitate subjectorum, circa quæ ver-
santur. Nam ut ait Synesius, politica facultas circa *ὕλην materiam*, id est,
res humanas & mundanas, aut, ut Theologi loqui solent, negotia secularia,
versatur: sacerdotium, circa Deum, ait idem; hoc est, res divinas, aut
certè humanas, quatenus divinis sunt conjunctæ. Omnia igitur, quæ ad di-
vina spectant, propriè sunt juris sacerdotalis; & contrà, quæcunque ad pu-
blicam rem, aut privatorum bona, facultates & commoda pertinent, omnia
juris sunt principalis. Ac quoniam in Republica, ceu pars in toto, est Ec-
clesia, hujus quoque conservatio & defensio ad Principis officium tantò ma-
gis pertinebit, quò nobilior hæc pars est Reipublicæ, & quò pluris refert, hanc
sartam tectam conservari. Postremò in rebus merè divinis Sacerdotes plena-
riam potestatem obtinentes, Princeps ovis erit; at in rebus civilibus, Sacerdos
communi jure cum cæteris è populo censèbitur, nisi beneficio Principis præ-
rogativa honoris & privilegia illi fuerunt indulta. Hinc sequitur necessariò,
sacris legibus & universalis Ecclesiæ Canonibus Principem Christianum teneri;
civilibus & politicis, Sacerdotem. Gelasii Papæ, qui circa annum ccccxi.
Felici in administratione Apostolicæ Sedis successit, Doctrina hæc est ac sententia;
sic enim scribit ad Anastasium Imperatorem: *Duo sunt, Imperator Auguste,*
quibus principaliter mundus hic regitur, auctoritas sacra Pontificum, &
Regalis potestas; in quibus tantò gravius est pondus Sacerdotum, quantò
etiam pro ipsis Regibus Domino in divino reddituri sunt examine rationem.
Nosti nimirum, fili clementissime, quòd licet præsideas humano generi digni-
tate, verum tamen Præsidibus divinarum devota colla submittis, atque ab
eis causas tuæ salutis expetis; inque sumendis cælestibus sacramentis, eisque

1607. *ut competit disponendis, subdi te debere cognoscis Religionis ordine, potius quàm præesse. Nōsti itaque, inter hæc ex illorum te pendere iudicio, non illos ad tuam redigi velle voluntatem. Si nimirum quantum ad ordinem pertinet disciplinæ, cognoscentes Imperium tibi supernâ dispositione collatum, LEGIBUS TUIS IPSI QUOQUE PARENT RELIGIONIS ANTISTITES, ne vel in rebus mundanis excelsæ videantur obviare sententiæ; quo, rogo te, decet affectu eis obedire, qui pro erogandis sunt attributi mysteriis?* Vides manifestissimam Gelasii sententiam; cum de salute agitur, hoc est, in spiritualibus, Imperatorem colla submittere; in cæteris rebus, parere Pontifices Principis imperio; cuius esse supremum jus in Republica, postea ostendemus. Hæc verò occurrent exemptionis Clericorum, quæ hodie appellatur Libertas Ecclesiastica, patroni; & rem absurdam esse clamitant, ut qui spiritualia administrant, tractantibus temporalia subsint. Homines acuti non intelligunt, quod initio probavimus, cum primis esse naturæ consentaneum, ut ubi sunt fines diversi & diversæ potestates, ibi etiam sint imperia diversa; & idem numero imperet atque pareat; ratione videlicet aliâ atque aliâ. Sic sæpe videmus, eos, qui in vita civili amplissimos Magistratus obtinent, postquam in castra devenerunt, longè inferioribus parere. Medicorum privata ferè vita est, & ab omni iurisdictione aliena; Medicorum tamen imperiis ipsi Imperatores obtemperant: idem igitur & inferior & superior, in quo venustè luit olim Themistius, qui à professione sapientiæ, quæ jure suo Regibus imperat, ad sublimem Præfecturæ gradum translatus, ab Imperatore Constantio, in elegantissimo epigrammate ita se ipse compellat: *Νῦν ἀνέλθῃς κατὰ, καὶ γὰρ ἄνω κατέβης; nunc ascende deorsum, quia sursum descendisti*: cui simile illud B. Chrysostomi, homiliâ in Matth. l. x v i. de sublimi Christi, omnium Domini, humilitate: *ἡ κατέβας αὐτῇ, inquit, πάντων ἀνέβας γίγναι*. & similia multa apud eundem Patrem.

III. Ecclesia & Respublica Christiana unicum agnoscit CHRISTUM, qui simul sit Rex & Sacerdos.

Sacræ Literæ unius Christi Sacerdotium in Ecclesia agnoscunt, secundum ordinem Melchisedechi; hoc est, cum Regno junctum. Psalm. 109. & Apostolus ad Hebr. cap. vi i. v. 1, 17. Sanè inter homines principio quam regna & donationes sunt institutæ, erant iidem Reges & Sacerdotes; mansitque ea consuetudo apud Ægyptios aliosque Barbaros, & ipsos etiam Græcos, per multa secula, ut Plato in Politico; Aristoteles in i i i. de Republica; Clemens Alexandrinus in v i i i. Stromat. & plures alii sunt Auctores. Marcus quoque Cicero in primo de Divinatione, hoc ipsum de antiquis Romanis testatur. Mutavit deinde mos, & in locum primorum Regum, qui & Sacerdotes erant, Athenis, Romæ & alibi Reges sacrificuli, tanquam dicis causâ, sunt instituti: non multum iis dissimiles, qui celebrantur in mimo; regii nimirum præter nomen habebant nihil. Plato *κλειρωτῆς* Reges vocat, ut qui sortitione fierent. Etiam in populo Dei similis quondam fuit observatio: nam ut de Melchisedech, Rege & Sacerdote notissimo ex utriusque Fœderis Libris, nihil dicam; constat, veteres Patriarchas, Noachum, Abrahamum, Isaacum, Jacobum, atque ad eò omnes primogenitos, ut docet Hieronymus, Regni & Sacerdotii speciem quandam inter suos gessisse. Sed mutatæ consuetudinis auctorem DEUM prodit Synesius, Epistolâ l v i i. ubi etiam mutationis causam indicat: *Quoniam, inquit, res divina humano more curabatur, propterea conjunctas prius in eadem persona vitas, Sacram & Principalem Deus separavit*. Et ait venustè idem præstantissimus Scriptor: *ἐπὶ πολλῶν καὶ ἀρετῶν ἱερουσὴν συγὰ πένειν*,

πῶς, ὡς ἐλάττω ἐστὶ τὸ ἀπολύτως. Politicam facultatem Sacerdotio jungere, conglomerare est in unum res, quæ naturâ suâ conjungi nullo modo queant. Sed rationes, cur in Ecclesia sua Dominus eam distinctionem servari voluerit, explicat accuratè Gelasius Papa, cujus verba necessario hîc ascribam: *Fuerint hæc, inquit, ante adventum Christi, ut quidam figuraliter, adhuc tamen in carnalibus actionibus constituti, pariter Reges existerent & pariter Sacerdotes; quod Sanctum Melchisedech fuisse, Sacra prodit Historia. Mox: Sed cum ad verum ventum est eundem Regem atque Pontificem, ultrâ sibi nec Imperator Pontificis nomen imposuit, nec Pontifex regale fastigium vindicavit. Quamvis enim membra ipsius, id est, veri Regis atque Pontificis, secundum participationem naturæ magnificè utrumque in sacra generatione sumxisse dicantur, ut simul regale genus & sacerdotale subsistant; attamen Christus memor fragilitatis humanæ, quo suorum salutis congrueret, dispensatione magnificâ temperans, sic actionibus propriis dignitatibusque distinctis, officia potestatis utriusque discrevit, suos volens medicinali humilitate salvare, non humanâ superbiâ rursus intercipi: ut & Christiani Imperatores pro æterna vita Pontificibus indigerent; & Pontifices pro temporalium cursu rerum Imperialibus dispositionibus uterentur, quatenus spiritalis actio à carnalibus distaret incursibus; & ideò militans Deo minimè se negotiis secularibus implicaret; ac vicissim non ille rebus divinis præsidere videretur, qui esset negotiis secularibus implicatus; ut & modestia utriusque ordinis curaretur; ne extolleretur utroque suffultus; & competens qualitatibus actionum specialiter professio aptaretur. Hæc Gelasius in Tomo de Anathematis vinculo; unde accepit Nicolaus Papa, ex quo Gratianus. Notabis duas causas gravissimas, cur in Ecclesia Dei nemo homo possit esse Rex & Sacerdos: prior, modestia utriusque ordinis. Appellat Auctor gravissimus modestiam, quam Græci Politici, cum de natura Rerumpublicarum disputant, ἰσοψηρίαν & εὐνομίαν, momentum æquale & liberamentum par: docent enim, non posse firmam & stabilem Rempublicam esse, cujus partes, quæ geometricâ proportionem illam constituunt, partibus hinc inde momentis in suo ac legitimo statu non contineantur; alioquin futurum omnino, quod heic ait Gelasius, ut nimia potestate suffulta pars extollat se, & quod aptissimo verbo dixit Polybius, ἐλαττω, id est, suâ sede migret. Altera ratio est, ne id eveniat, quod paullo antè à Synesio dicebamus; sed contrâ, res sacras sacratæ personæ procurent; non sacras, non sacrati. Episcopi Provinciarum Rhemensis & Rothomagensis ad Ludovicum Regem: *Deus in carne veniens, qui SOLUS REX FIERI POTUIT ET SACERDOS, & in cælum ascendens, suum Regnum, id est, Ecclesiam inter pontificalem auctoritatem & regiam potestatem gubernandam disposuit.**

IV. *A Christo Rege & Sacerdote potestatem accipiunt Princeps, & Sacerdotes, sive Pontifex; ille civilem, hic sacerdotalem; sed diversâ conditione.*

Utriusque potestatis auctor Christus, Deus & Homo; neque vel sacerdotalis in rebus divinis à Rege, vel regia in humanis pendet à Pontifice; quod posterius falsò multi hodiè nituntur persuadere. Verè enim plerique Regum ac Principum Christianorum inter ipsos honorum suorum titulos DEI GRATIA esse se, quod essent, jam olim profiteri cœperunt; rectèque Imperator Justinianus, Novellâ VI. Sacerdotium ac Regnum ab eodem principio scribit manare; nempe Christo; qui ut Episcoporum universitati dixit in Petro, *Pasce oves meas*; ita in Phariseis universo populo cujuscunque ordinis præcepit:

1607. *Reddite quæ sunt Cæsaris, Cæsari; & quæ sunt Dei, Deo.* Idemque Christus per Paulum, Apostolum suum, clamat: *Omnia anima Potestatibus sublimioribus subdita sit: non est enim potestas nisi à Deo: quæ autem sunt, à Deo ordinatæ sunt:* ubi de Potestatibus secularibus ipsum loqui, non ecclesiasticis, ita manifestò sequentia evincunt, ut putidum sit, de eo dubitare; merum sophisma, aliò transferre. Idcirco Gregorius Nazianzenus, in concione, Nazianzi habita, dicebat, Magistratum civilem *Χριστῷ συνῆχθη, Χριστῷ συνδικαίωται, communi imperio cum Christo uti, communis administratione.* Et Symmachus, Pontifex Romanus, scribens ad Anastasium: *Defer, ait, Deo in nobis; nos deferemus Deo in te.* Nec refert, quòd Principum alii jure hæreditario, alii per electionem, quidam armis dominationem obtinent: nam etsi Deus ad stabiliendum Principem, aut constituendum Sacerdotem, certorum hominum ministerio utitur; impium tamen est, Dominum & Potestatem quæcumque, Deo primariè acceptam, non ferre; per Deum enim Reges regnant, ut locis prope infinitis Sacræ Literæ testantur. Hoc Principes volunt, cùm à Deo immediatè potestatem se accepisse suam contendunt. Ludovicus Bavarus, Imperator: *Juris utriusque testimonia manifestè declarant, Imperialem dignitatem & potestatem immediatè in Filio Dei ab antiquo processisse, & Deum per Imperatores & Reges mundi jura humano generi apertè tribuisse.* Et postea: *Declaramus, quod Imperialis dignitas & potestas est immediatè à solo Deo.* Jure hoc quidem; nam si neque qui plantat, est aliquid; neque qui rigat; sed Deus, qui dat incrementum: si neque Paulus ipse est aliquid, neque Apollo; sed Deus, qui dat fidei incrementum; audebimus dicere, eos, qui Principem in terris eligunt, aut coronam capiti imponunt, esse aliquid? Aut negabimus, Imperatores Constantinopolitanos, qui à Patriarcha coronam accipiebant, jure & propriè *ΘΕΟΣΤΕΒΕΙΣ, à Deo coronatos*, se nominasse? Cæterum Regno & Sacerdotio illud commune, quòd *ἀρχαί*, id est, *Principatus*, dicuntur. Paulus priore ad Corinthios inter Ecclesiastica munera & gubernationes recenset; vel à re nautica voce petita, vel à politicis Magistratibus. Joannes Chrysostomus, & in libris De Sacerdotio, & sæpe alibi docet, Episcopatu inesse *ἐξουίαν*, id est, munus docendi, sacramenta administrandi, atque uno verbo, pascendi: & hoc amplius, *ἀρχήν, πῦρ & αὐθεντίαν, principatum quendam, honorem & auctoritatem.* Gregorius Nazianzenus suum Episcopatum etiam *δυναστείαν, dominationem*, nominat, & Tribunal sibi attribuit: neque hoc solùm; sed cum civili eam comparans, tantò majorem & perfectiorem esse ait, quantò major est spiritus carne, terrenis cœlestia. Quin etiam similia his alia non rarò pii Patres ad venerationem Sacerdotio conciliandam suis scriptis insperferunt. Sunt &, qui Sacerdotium Soli, quod est luminare majus, comparent; Imperium, Lunæ, quod est minus luminare: eaque similitudine Innocentius quoque III. iisdem verbis cum vetustioribus Patribus, at non eadem mente utitur. Enimverò quis æquus rerum æstimator dubitat, cœlestia præstare terrenis, spiritum carne, vel etiam animo? Aut quis ignorat, Sacerdotem divina legitimè administrantem, ratione muneris sui supra omnia terrena Imperia longè eminere? Quod præclare veteres Augusti illi intellexerunt, qui cum morem primi instituerunt, ut, quemadmodum ipsi in Lege quadam narrant, ad Christi altare sine diademate, sine satellitibus, sine cæteris majestatis infulis accederent: hoc nempe significantes, intra ovile Christi oves se esse; & intra Ecclesiæ septum, solum Christum, & qui vices illius exhibeant, jus propriè ac potestatem habere. Hodie verò qui istiusmodi testimoniis Patrum antiquorum abutuntur, quò potestatem spiritualium rerum administratione finitam, in dominationem convertant, temporalia pariter cum spiritualibus complectentem; imperitis & veritatis incuriosis miri-

mirificè imponunt: nam venerandis illis Patribus aliam fuisse mentem, *conf. 1607.* que de exemptione ista Clericorum, sive libertate hac Ecclesiastica, ne per somnium quidem cogitasse, imperitia est nescire, impudentia negare; impietas, eaque summa, contrà pertendere. Urgent simile illud, quod ex Gregorio Nazianzeno attulimus; & stupendam inde conclusionem præcipui illorum eliciunt; nec vident, aut videre dissimulant, facundissimorum illorum Patrum esse consuetudinem, ut oratoriâ vi, & eâ, quam Græci dicendi magistri *διδασκαλία* vocant, plurimum utantur. Multa igitur more oratorio elatè, magnificè, magna cum vehementia dicere, quæ interpretationis commodæ opus habeant; nam omnia Patrum dicta velle vergere, quod isti faciunt in hoc præsertim argumento, neque ad scopum attendere, pravitatem Hæreticorum est imitari, qui impia sua commenta hoc pacto soliti defendere. Sic olim infelix Arrius improbam de vero Filio Dei vocem suam *πείσμα*, ex orthodoxi Patris, Dionysii Alexandrini, scriptis contra Sabellium tuebatur; propterea monebat piè & doctè Honorius Papa in Epistola ad Sergium Constantinopolitanum, *quosdam Patrum aliqua balbutiendo docuisse, condescendentes ad informandas mentes, atque intelligentias parvulorum, quæ ad Ecclesiastica dogmata trahi non debent.* Non errabit in talibus, qui aureum illum B. Athanasii canonem memoriâ tenuerit: *ὅς δὲ κατ' ἐκκλησίαν γραφομένα καὶ γινόμενα, πάντα κακότητις δέχεται*: QUÆ PER DISPENSATIONEM SCRIBUNTUR VEL FIUNT, ET MALIGNÈ INTERPRETARI NON OPORTET. O canonem, ut dicebam, aureum, & cujus latissimè utilitas patet! Nam omnino ita se res habet: multa olim pii homines, Patres & Principes, non solum dixerunt aut scripserunt, sed etiam fecerunt pro temporibus ritè, piè, sanctè; quæ malignè & versutè à posterioribus sunt accepta, ut ait Athanasius; & quæ hodie, neglectâ Honorii Papæ salutari ac necessariâ admonitione, ad Ecclesiastica dogmata trahuntur, ac pro fidei articulis in animos hominum insinuantur. Planè hoc faciunt illi, qui superius Gregorii Nazianzeni dictum afferunt ad firmandam Clericorum exemptionem, ut Cardinalis Bellarminus, & plureis alii. Eâ concione vir sanctus duo sibi proposuerat: Magistratus, atque omnes, qui Nazianzi publicas res administrabant, solari, & metu levare, in quo tum versabantur maximo propter offensam, apud Provinciæ Præsidem contractam. Alter ejus scopus est, iram Præsidis mitigare, & ad veniam miseris concedendam animum ipsius flectere. Est autem ita naturâ comparatum, ut quoties aliquid ejusmodi petitur, nihil æquè ac petentis dignatio spectetur: ferè enim pro petentis dignitate, non pro causæ merito, æstimatur petitio. En veram causam, quare vir divinæ humilitatis initio suæ postulationis, Sacerdotii, quod sustinebat, majestatem adeò magnificè extollat; non ut supra Reges se efferat, verùm ut civibus suis, in sordibus & pædore jacentibus, utilem se fingat. Sic Paulus, vas illud electum, totius virtutis & gratiæ divinæ hospitium, quo Evangelium suum reddat augustum, jactationem suæ præstantiæ non refugit. Obsecro verò, quid est in Gregorii verbis, quod hodiernæ doctrinæ vel minimum faveat? Sacerdotium enim spiritui comparare, civilem potestatem carni, id est, homini *ψυχικῶς*, ut loquitur Apostolus, quid est aliud, nisi id dicere, quod ultrò omnes fatentur? Spiritualibus præesse Episcopos; temporalibus, Principes. At qui exemptionem Clericorum & subjectionem Principum in rebus secularibus hinc eliciunt, quâ fronte præcedentia paullò antè verba possunt legere, quibus idem ille vir Apostolicus convenienter doctrinæ Christi & Apostolorum, parendum esse Magistratibus, bis disertè inculcat? Neque verò Laicos cogit in ordinem Gregorius; se & reliquos Sacerdotes subjectorum numero eximit; quin se quoque

1607. Laicis accensus: *Simus, inquit, subiecti, & Deo, & invicem alter alteri, & terrenis Principibus: Deo, propter omnia; alter alteri, propter dilectionem fraternam; Principibus, propter ordinis recti conservationem.* Deinde hoc ipsum præceptum verbis Apostoli repetiturus, unam hanc esse legem præfatur, ex iis, quæ nobis Christianis sint impositæ; eamque cum primis laudabilem, optimam, & à Spiritu Dei profectam. Taceo, quod se quoque iis adnumerat ibidem Gregorius, tantus Sacerdos, qui Principi tributum tenentur præstare. Taceo, quod ait ibidem: Magistratus, qui potestatem suam rectè administrant, Deos fieri: *ἱεῖς ἰσταν, inquit, οὐκ ἔστιν, in tua potestate est, ut Deus fias:* ut desinant isti simile Constantini dictum de Episcopis tantoperè jactare, cum præsertim nusquam in Sacris Literis Sacerdotes Dii nominentur; ac reperiantur laicæ potestates ita dictæ, quod ignorat nemo. Taceo, quod Præsidentem compellans, sic ait: *Novi te ovem mei gregis, pecudem magni illius Pastoris, & supernè à Spiritu præclarè educatum, quique à sancta & beata Trinitate juxta nobiscum illustrari:* quæ oratio gravissimi Patris longè distat ab istorum Zelotarum fastu, qui Principes & omnes Laicos sic arcent sacris, tanquam profanos, & ad Dei curam nihil quicquam pertinentes; de quo postea erit dicendi locus. Judicent nunc Lectores non disputandi, sed veritatis cognoscendæ cupidi, quâ fide Patrum scripta tractent, qui exemptionem Clericorum fidiculis subtilis ingenii sui ex illo Gregoriano simili exprimunt. Pari subtilitate & loca B. Chrysostomi quædam afferuntur, quibus vel Sacerdotium laudibus in cælum vehit, vel simile aliud argumentum familiari illâ sibi facundiâ orator ille sublimis tractat: illud, credo, dissimulatur, quod multis locis idem Pater repetit: Episcoporum ἀρχὴν, sive præfecturam non tam esse rectè attendentibus Principatum, quàm ministerium docendi: coactivam certè jurisdictionem nullam penitus habere, sed admonendi tantum jus & obsecrandi: *Ad doctrinam verbi, inquit, sumus instituti: ἐκ οὗ ἀρχὴν οὐκ οὐκ ἀδύνατον, non ad imperandum, vel auctoritatem usurpandam.* In Epistolam ad Ephesios, & in ea ad Titum homilia 11. comparantur Episcopus & ὁ ἑξουσίαν ἀρχῆς, id est, Princeps secularis, sive Magistratus: hunc ait Chrysostomus νόμος κρατῶν καὶ ἀνάγκη, lege imperare, & cum necessitate parendi; illum ἐκείνους ἀρχῆς, volentibus imperare, hoc est, cogendi jus nullum habere. Eandem sententiam in 1. de Sacerdotio pluribus explicans: *Judices, inquit, seculares (ὁ ἑξουσίαν) ubi maleficos Legibus obnoxios tenent, potestatis suæ vim exerunt, & invitos moribus suis obtemperare cogunt: Episcopus verò, non vim faciendo, sed persuasione verborum ad meliorem frugem maleficum tenetur revocare.* Nam neque facultas ejusmodi concessa nobis est à Legibus, ut peccatores possimus coercere; neque si esset concessa, ejus usurpanda rationem sciremus. Simili item fide posteriorum Pontificum nonnullorum dicta congeruntur, quibus potestatem illam infinitam in capita Regum ac Principum videntur sibi vindicare; divina illa priorum Pontificum humilitas dissimulatur, quæ tantò sublimius illis decus peperit, quanto ipsi à fumoso mundi fastu fuerunt alieniores. Unicum è multis Pelagii, Pontificis Romani, exemplum afferam, qui circa annum Domini 1015. sedere cepit: is enim ad Childebertum, Francorum Regem, fidei suæ professionem mittens: *Quanto, ait, nobis studio ac labore satagendum est, ut pro auferendo suspicionis scandalo obsequium confessionis nostræ Regibus ministremus? QUIBUS NOS ETIAM SUBDITOS ESSE, SANCTÆ SCRIPTURÆ PRÆCIPUUNT.* Ut ad rem redeam, quod modò dicebamus è B. Chrysostomo, Sacerdotalem præfecturam coercendi vim nullam habere, de pœna temporali intelligendum: nam alioquin nulla potest esse disciplina, quæ præ-

mium & supplicium non proponat : is nervus unicus disciplinæ & *inimicus*. 1607.
 Sed duæ sunt causæ, cur ita Chrysostomus loquatur : nam quum non alias
 pœnas vetus Ecclesia noverit, præter Presbyterii censuras & anathematis vincu-
 lum, qui est gladius ille spiritualis; opinio magni hujus Patris fuit, dirum il-
 lud telum aut quàm rarissimè, aut ne sic quidem, adversus Fideles esse vibra-
 dum; qua de re plura alibi, propitio Numine. Altera ratio, quòd gladius
 hic spiritualis Sacerdotum; nisi materiali civilis Magistratus fulciatur, fieri non
 nauci ab improbis etiam Clericis, nedum Laicis, solitus; vel vide Legem
 II. Cod. Theodosiano, De episcopali judicio; quia enim pœna sacerdotalis
 in futura demum vita effectum est sortitura, plureis invenias, quos posita ob
 oculos voluptas alliciat, quàm qui metu futuri olim mali in officio conti-
 neantur; idcirco, licet tantò formidolosior sit gladius hic gladio Magistra-
 tûs, quantò terribilior mors animæ morte corporis: plus tamen, ut sunt ferè
 hominum ingenia, ad disciplinæ Ecclesiasticæ conservationem hic quàm ille
 valet: atque hoc est, quod Theologi vocare solent insufficientiam & imper-
 fectionem gladii spiritualis. Decreti Quæst. v. c. xx. *Intrâ Ecclesiam Po-
 testates necessariae non essent, nisi, ut quod non praevaleret Sacerdos efficere
 per doctrinæ sermonem; Potestas hoc impleat per disciplinæ terrorem.* Ri-
 chardus Cantuariensis in Epistola, à Petro Blefensi inter suas posita: *Ecclesia
 jurisdictionem suam prius exercent; & si illa non sufficit, EJUS IMPER-
 FECTUM suppleat gladius secularis.* Idem & in gladio materiali similem
 notat insufficientiam; ut propterea opus sit, mutuas operas sibi præstare, &
 conspirare amicè. Sic ille: *Duo sunt gladii, qui mutuam à se mendicant
 auxilium, atque ad invicem sibi vires impertiuntur alternas; Sacerdotium
 Regibus, & Sacerdotibus Regnum; idèdque si ab altero suppletur alterius
 insufficientia, non videtur duplex contritio, aut punitio combinata.* Opti-
 mè verò B. dicebat Bernardus, gladium materiale *jussu Imperatoris move-
 ri, nutu Pontificis*; hoc est, indicante, & quasi deferente Sacerdote, ac con-
 sentiente: id enim est *nutus*: non quod illi volunt, qui Principes nobis con-
 cinnant, ceu *ἀντίπαις* quosdam & publicos Romani Pontificis servos; quum
 certum sit, exerere gladium suum Principem, tanquam Dei omnipotentis mi-
 nistrum; Christi Regis vicarium in terris; non alienum arbitrium, sed ex
 Imperii sui vi & legitima potestate, cui non minus cervices suas subicere Sa-
 cerdotes, Pontifices, & quodcunque est Ecclesiasticorum hominum genus, de-
 bet, quàm ille in Ecclesia collum ipsis submittit, ut dicebat Gelasius. Enim-
 verò Sacra Theologia tria in homine considerat; corpus, animum, spiritum:
 ex his tribus, quod est omnium nobilissimum, spiritus, quo doctrinam cœ-
 lestem capimus, quàm neque caro, neque sanguis revelarunt, ad Sacerdotis
 pertinet præfecturam & potestatem: ille Spiritum notitiâ Dei imbuat; ille cœ-
 lorum viam aperit; ille contumaces spiritus gladii sui vi leto tradit; nam se-
 parari à communionem Christi & gregis Christiani, mors est teterrima: an
 hæc potestas parva cuiquam videbitur? aut ille contumeliosus in ordinem sacer-
 dotalem poterit jure dici, qui eum vitæ aut damnationis æternæ arbitrum cer-
 tum (clavis modò ne erret: quod aiunt Theologi) credit? At corpus & ani-
 mus prorsus in potestate Principis sunt; corpus, propter res corporeas, &
 uti vocant, temporales illi necessarias; & quia corpori vitam eripere ob noxam
 & ad utilitatem publicam, cuicunque subditorum suorum potest Princeps jure
 suo: animus, quia civilibus legibus hunc Princeps informat, & ad civilem
 vitam instituit. Nobilior ergo potestas sacerdotalis; sed principalis in regimine
 Reipublicæ Christianæ latius pater. Theodorus Balsamon, Juris Canonici vir
 consultissimus, in quadam Meditationum suarum: *Imperatorum auxilium ad*

1607. *illuminationem & stabilimentum sese tam animi, quàm corporis porrigit: quum Patriarcharum majestas ad animi solummodo utilitatem coarctetur: nam eorum, quæ ad corporis commoda spectant, parva istis cura est.* Illud ipsum docet Balsamo, quod modò dicebamus; sed obscurius: nam triplex illa distinctio, quam attulimus, mirificè rem illustrat. Animum autem inter & spiritum Sacra Pagina sic distinguit. Sed appellatione ψυχῆς, animi, vel animæ, sæpe etiam spiritus comprehenditur. Sic sæpe leges, rectorem animorum vel animarum esse Sacerdotem; nempe quod ad spiritualia: nam quod ad politica, Princeps est animorum rector. Propterea laudata vox quondam Constantini Magni, qui in sermonibus super mensam, cui accumbebant plures Episcopi, & in his Eusebius Pamphili, ὑμῖς μετὰ τῶν εἰσῶ της ἐκκλησίας ἐγὼ δὲ τῶν ἑσπεῖς τῶν θεῶ κατιστάμεν & ἐπισκοπεῖν αὐτῶν: *Vos quidem, inquit, eorum, quæ intra Ecclesiam geruntur, Episcopi estis; ego verò eorum, quæ extra, à Deo institutus Episcopus, sive observator queam dici.* Vel sic; quia vocula τῶν heic ambigua: *Vos quidem eorum, qui intra Ecclesiam sunt, Episcopi estis; ego eorum, qui extra.* Græci quæ ad Ecclesiam aut forum Ecclesiasticum non pertinent, ea vocant οὐκ ἐκτὸς: contrà, spiritualia, ἐκτὸς. Clericos, τὰς εἰσῶ. Sic judices seculares τὰς ἐξωθεν δικαστὲς supra dici notabamus à Chrysostomo: non autem prophanos aut paganos, ut quidam putarunt. Sic *intra Ecclesiam*, in Jure Canonico, pro, in rebus Ecclesiasticis, causà 20. Quæstione 5. *Principes seculi nonnunquam intra Ecclesiam potestatis adeptæ culmina tenent, ut per eandem potestatem disciplinam Ecclesiasticam muniant.* Quomodo autem Episcopum ageret Constantinus, ita explicat Eusebius: *Convenientia sermoni, quem habuerat, mente agitando, omnes subditos ἐπισκοπεῖν, vicem Episcopi observabat; & quantum poterat, ad piam vitam capeffendam eos hortabatur.* Ut Constantinus Episcopum se dixit, sic alii Imperatores dixerunt se Sacerdotes; multò durius & periculosè. Leo Isaurus ad Gregorium I L. scripsit: *Εγὼ βασιλεὺς καὶ ἱερεὺς εἰμι*: neque eo nomine tamen reprehenditur Leo à Pontifice, quòd ita scripsisset; verum idèò potius, quòd tituli veritatem opere non exhiberet. Operæ pretium verba Gregorii apponere: *Obsecutus es pervicaci animo tuo ac domesticis perturbationibus, & scripsisti, Imperator sum & Sacerdos. Enimverò qui ante te fuerunt, hoc opere ac sermone demonstrarunt; qui condiderunt & curam gesserunt Ecclesiarum, unà cum Pontificibus cupiditate zelæque accensi, rectæque fidei veritatem pervestigantes.* Mox: *Hi sunt Sacerdotes & Imperatores, qui id opere demonstrarunt.* Adeò apud Veteres extra controversiam erat, Principes non solum Defensores Ecclesiæ esse; qui fuit olim Francorum Regum peculiaris titulus; sed etiam custodes ac vindices disciplinæ Ecclesiasticæ; non ut dogmata fidei innovarent; apage; sed ut universum Clerum officii, quoties erat opus, admonerent: quare Ludovicus Pius *admonitorem se legum Ecclesiasticarum, non Legislatorem* vocat: quod aliis verbis magnus Imperator Justinianus significabat, Novellâ 137. cùm diceret, datum sibi à Deo civilium quasi legum τὴν ἐξουσίαν, potestatem eas figendi refigendi pro utilitate communi & temporibus Reipublicæ; at Canonum & Ecclesiasticarum legum τὴν ὑποφυλακὴν, custodiam, & defensionem. Et Canonici Juris Græcis Auctoribus dicitur Imperator, in rebus Ecclesiæ ἐκ αὐθεντῶν, ἀλλὰ κατὰ τὸν διεξάγεσθαι. non cum Imperio decernere; verum ex formula Canonum omnia transigere. Quod autem jure divino hæc inspectio rerum sacrarum Principibus conveniat, Regum institutio à Deo facta arguit, Deuter. cap. x v i i. & exempla Regum Judæ, 4. Regum, cap. x i i. Joas Rex, quum videret, pecuniam sacram à Sacerdotibus non rectè administrari, immiscet se illi curæ, & auctoritate regiâ rem componit; idque sine cujusquam querela; ne Joas quidem

quidem Pontificis, à quo in Regem fuerat unctus. 111. Regum, cap. xx11. 1607. laudatur Josaphat, ut Rex pius: sed notatur idem, qui non planè divinum opus perfecisset: non enim altaria diruerat: quomodo autem, nisi ejus rei potestas penes Regem fuit? Idem de pluribus aliis dicitur: at Ezechias, 4. Regum, cap. xv111. tanquam religionis instaurator unice laudatur. Plena est Ecclesiastica Historia similibus exemplis Regum Christianorum, qui in Gallia, Hispania, Anglia & alibi ultrò atque ex auctoritate regia collapsa pietatis antiquæ instituta renovarunt; de quibus alio loco agetur. Hic igitur notandum est, discrimen inter civilem potestatem, & sacerdotalem: nam civilis non solum in temporalibus directum imperium habet; sed etiam in res Ecclesiasticas indirectum: at Sacerdotibus ita res divinæ permittuntur, ut secularibus negotiis se immiscere prohibeantur. Possunt sanè ex officio charitatis illa attingere; sed non ex vi, & imperio ullo sacerdotali. Qui aliter sentiunt, & afferunt Pauli locum è priore ad Corinth. cap. v1. & similes alios, cap. v111. refutantur. Scimus extare exempla veterum Sacerdotum Judaici populi, qui non solum Rempublicam attigerunt, sed res maximas in ea gesserunt. Verum id vel expresse Dei mandatu factum: ut cum Eliseus ungit Regem Jehu, 1v. Regum, cap. 1x. vel extraordinario quodam jure; cujusmodi sunt illa officia, quæ Græci Philosophi vocant *κτ̃ περιεργον*. docent enim, præter proprium cujusque civis officium pro ratione loci & stationis, quam obtinet in civitate, ea Reipublicæ tempora aliquando incidere, ut fas cuique sit publicæ saluti, si quid potest, extra ordinem consulere: hæc illi vocant officia *κτ̃ περιεργον*, velut è casu & Reipublicæ necessario tempore pendentia. Sic cum nemini privato fas sit, quemquam occidere, in oppressa tamen Reipublica si quis Tyrannum occiderit, huic, tanquam de civitate benè merito, præmium decernitur. Hæc officia lege certâ definiri nullâ aliâ possunt, quàm utilitatis publicæ respectu; cujus causâ dicunt Græci Sapientes, oportere *χαλάσαι τι τῆς ἀκριβείας*: *descripto jure aliquid remittere*. Idem pro regula in talibus versum Poëtæ afferunt, qui illud optimum augurium esse definit, quò salus patriæ constabit: qua de re non possum, quin Joannis Chrysostomi præceptum apponam, ex Homilia xxv. in priore ad Corinthios: *τὸ το κανὼν Χριστιανισμῶ, τὸ ἐρῶ ἰκελευμένῳ, αὐτῇ ἡ κερυφὴ ἡ ἀνωπύτω, τὸ τὰ κοινῇ συμφέροντα ζητεῖν*. *Hæc est Christianismi regula, hæc illius exacta definitio, hic est vertex supra omnia eminens, PUBLICÆ UTILITATI CONSULERE.*

V. *Suprema in Republica Christiana bene ordinata Potestas est civilis, non sacerdotalis.*

Pro certo & confessio ponimus, quod in Politicis facilè demonstratur, & de quo nemo prudens dubitat: Saluti Reipublicæ consuli aliter non posse, quàm si unus numero in illa sit Principatus: sive ille ab unico sustineatur, ut in statu monarchico; sive à pluribus, ut in Optimatum, vel populari statu: nam & in istis unus est numero Principatus. Hoc posito & concessio, quin suprema auctoritas in Republica Christiana ad Principes jure pertineat, ac dubitandum quidem videtur. Sunt sanè Ecclesia & Respublica duo systemata ac corpora, quorum utrumque in rebus propriè ad se pertinentibus, plenariam à Christo potestatem accepit, sed cum hoc discrimine, ut Ecclesia Regibus in hoc mundo foret subjecta, Regnum suum expectaret in cœlis; ibi non aptè cum capite suo regnatura: Respublica Regnum in terris teneret; sed Regnum temporale, quod in terris ortum, in terris definit. Ad hæc, sacerdotalis Potestas non ad dominandum à Deo instituta est; verum ad ministerium verbi & rerum divinarum; quod jam demonstravimus. B. Bernardus

1607. dus ad Eugenium, lib. 11. *Apostolis interdicitur dominatus; ergo & tibi. Tu usurpare audes, aut Dominus Apostolatum, aut Apostolus dominatum? Forma Apostolica hæc est; interdicitur dominatio, inducitur ministratio.* Si hoc verum (est autem verissimum) in Apostolis; quanto magis in Presbyteris, Episcopis, Pontificibus, quos dignitate pareis esse Apostolis, nemo, opinor, prudens dixerit? Accedit, quod latius patet Respublica quam Ecclesia: cur igitur pars minor majori dominetur? cum præsertim, diversissimæ sint rationes regendi Ecclesiam, & regendi Rempublicam. Si arator peronatus, nauticarum rerum imperitus, navem regendam poscat, *exclamat Melicerta perisse Frontem de rebus*; tu, qui spartam es nactus tractare divina, sacra curare, mundi curis abrenuntiare, Reipublicæ gubernacula tibi deberi contendes? Et quum prudentia civilis, quæ est anima Reipublicæ, cum administratione bellorum sit conjuncta, cum effusione humani cruoris, aliis multis sanctimonix sacerdotali prorsus contrariis, tu duo hæc, ad eam suam naturam dissidentia, tibi uni vindicabis? Sanè priusquam Ecclesia in Rempublicam admitteretur, ipsa Respublica erat, & Imperatores ac Reges summum jus obtinebant. Proferatur locus aliquis è Sacris Literis, qui sua jura Principibus adimat; quique ereptam ipsis dominationem, Sacerdotibus Christianis tradat: nos interea credamus cum universa Ecclesia, Dominum Jesum cum ordinatis jam antè Rebuspublicis, hoc beneficium novum contulit, ut etiam Ecclesiæ Dei fierent, priora jura nulla ex parte imminuisse aut labefactasse. Alioquin falsò caneretur illud Sedulii in Ecclesia Catholica:

*Hostis Herodes impie,
Christum venire quid times?
Non eripit mortalia,
Qui regna dat caelestia.*

Huic testimonio, non jam Sedulii, sed Ecclesiæ Catholice congruunt multorum Pontificum Romanorum testimonia, ut Gelasii & Pelagii, quæ antè sunt allata. De Gregorio Magno dicitur capite 1 v. Nicolai, qui anno Salutis DCCCLVIII. Benedicto successit, vox est in Epistola ad Michaëlem Imperatorem: *Nolite præjudicium Ecclesiæ Dei irrogare; illa quippe nullum imperio vestro præjudicium infert.* Si Ecclesia nihil præjudicat Principibus, qui ante Christianissimum receptum supremam dominationem in suis Principatibus obtinebant, manent igitur illis integra sua jura, neque verum est, quod hodie docetur, Dominum orbis terrarum esse Pontificem Romanum, & quidem directè, ut quotidie Romæ declamatur, & à certis hominibus etiam alibi. Præterea, certum atque notissimum est, quicquid hodie juris in rebus temporalibus Ecclesiasticis obtinent, id totum ex liberalitate Imperatorum ac Principum Christianorum mansisse, qui profectò cum illa jura, & privilegia tam multa Ecclesiasticis indulgebant, nihil minus cogitabant, quam ut sibi detractum summum imperium in eos transferrent: quare locum heic habet illud Hormisdæ, Pontificis Romani, in Epistola ad Dorotheum, Episcopum Thessalonicensem: *Quo pudore, rogo, privilegia circa te illorum manere desideras, quorum mandata non servas? & reverentiam, quam non exhibes fidei, cupis tibi Ecclesiasticâ potestate deferri?* Hormisdæ quidem alia de re loquitur; sed planè in hoc quoque argumento valet eadem ratio: nam & in Jure Canonico Græcæ Ecclesiæ extat hæc regula: *ὁ δωρησάμενος βασιλεὺς, ἢ ἐχαρισίας περιπέσει λογος, ἀναλαμβάνει τὴν δωρεάν*: *Rex, qui aliquid fuerit largitus, interveniente causâ ingratitudinis, libertatem revocat.* Et affertur Græci Patres hanc regulam in disputatione de privilegiis Ecclesiæ ab Impera-

Imperatoribus concessis. Notissimum etiam est Juris Longobardici aequissimum 1607. axioma: *Feudum amittit, qui feudum sciens inficiatur*. Quod tamen minus multò est, quàm si eum tibi subditum esse contendas, quem prius Dominum & legitimum tuum Principem agnoscebas. Accedant præteritorum temporum exempla, quæ pro lege esse debent: nam à Constantino Magno, qui fuit primus Princeps Christianus, omnes deinceps Imperatores, præsertim Orientis, sed & Occidentis, quotquot dominationis sibi à Deo traditæ vim intellexerunt: omnes, inquam, supremam potestatem in Republica Christiana obtinuerunt; idemque jus postea, qui in locum Imperatorum successerunt, variarum gentium Reges, sibi meritissimè vindicarunt. Semper igitur creditum est firmiter ab omnibus illud, quod Græci Interpretes & Civilis & Canonici Juris, passim inculcant: τὸ νομοθετῆν ἀνέται τοῖς βασιλεῦσι, *ferendi leges in Republica, jus est solis Principibus concessum*. Idem Principes cùm ex suggestione, vel consensu Episcoporum, Synodos præsertim majores indicerent; mox, Decreta Synodorum auctoritate suâ firmabant: conveniendi enim & cætus cogendi jus à Principe manat. Qui autem negant, Synodos olim jussu Imperatorum ac Principum solitas cogi, rem negant verissimam, certissimam, notissimam, contestatissimam; rem negant, de qua vel dubitare, stupor & imperitia est fœda; rem negant, cujus ita manifesta fides, ut ire contrà, sit veritati bellum indixisse, mendacii patrocinium palam suscepisse, pudori & verecundiæ nuntium remisisse. Ignosce, quæso te, Lector candide: ex eo enim de potestate, quoties video magnos viros dexteritate ingenii sui uti an abuti, non quò rerum gestarum memoriam è tenebris eruant; sed ut tenebris obruant. Notum omnibus, non solum literis Principalibus convocari solitos Episcopos; sed etiam publicorum vehiculorum usum Diplomatis regis fuisse iisdem tributum. Intererant & Principes Conciliis, vel ipsi personaliter, vel eorum jussu Præsides Provinciæ, aut alii, quos jussissent. Heic verò dignitas, auctoritas, & potestas Ecclesiæ eminebat: cùm Princeps *ἰσχυρίας* & modestiæ vindicem agere contentus, de cætero privatum se gerebat. Patres contrà, pro auctoritate à Deo sibi tradita, cuncta gerere; Concilio præesse; controversias Ecclesiasticas dirimere; de fide orthodoxa pronuntiare; Hæreticos ex doctrina Christi refellere; contumaces exitio devovere; Canones & leges Ecclesiasticas Ecclesiæ præscribere; postremo, ipsa Imperatorum placita super rebus duntaxat Ecclesiasticis, quæ sacris Canonibus repugnarent, emendare & antiquare. Hæc Patrum legitima potestas; hæc vera Ecclesiæ libertas; quam si quis putet faciendam parvi, hic quid magnum in rebus humanis ducat, velim scire. Sed quia, ut antè ostensum est, Episcopi nullam à Deo coactivam potestatem acceperunt, per quam populum Christianum vi possint adigere, ut sua Decreta suscipiat, etsi Canonibus synodalibus, apud pios sua constabat auctoritas sine ulla imperiali sanctione, imò verò etiam renitentibus ipsis, & contrà furentibus, ut primis Ecclesiæ temporibus, quò tamen in Republica Christiana locus illis esset, & adversus inobedientes actio posset institui, civilis potestatis auxilium desiderabatur: ergo Imperatores pii, quæ Patres decreverant in Ecclesia, ea ut reciperentur à populo universo, pro imperiali sua potestate, sive ut loquuntur Jurisconsulti, pro plenitudine suæ potestatis, statuebant, & sub adjunctione pœnæ sanciebant: ita Canones illi, quos prius solâ auctoritate episcopali fultos, boni duntaxat piique suscipiebant; ubi accesserat pondus potestatis civilis, etiam malos & divini Numinis contemtores constringebant: hoc nimirum est, quod suprà dicebamus, gladium materiale supplere, quod deest spirituali. Extant prope innumerabilia Imperatorum & Regum Edicta, quibus Synodi, præsertim œcumenicæ, confirmantur. Græci

1607. vocant *Διπύγματα*, vel *πιστώματα*, aut *χρυσόβλλα κυρτά* πῆς συνοδικῆς ἀποφάσεως, *Edicta*, vel, *bullas aureas ad synodales sententias regiâ auctoritate munien- das*; id enim est *κυρῶν*. Græci Politici appellant τὸ κυρθ & τὸ κρατθ Principatum illum, quem dicebamus esse debere in Republica unum numero tantum, velut caput unicum in uno homine; quam ob causam sicut Ecclesiæ suæ caput dici solet Episcopus, ita Imperator in antiquis monumentis audit *caput temporale populi Christiani*, & *temporale caput mundi*: item, *Rektor & temporale caput Fidelium*. Ut igitur unum est in Republica τὸ κυρθ, sic τὸ κυρῶν, & fanciendi ut vim legis aliquid habeat, unius est ac solius Principis. Rectè ergo Græci Patribus in Synodo adunatis tribuunt πῆς ἀποφάσεως, *jus pronuntiandi quid sanctum, quid non*. At τὸ κυρῶν, id est, fanciendi ut vim legis Decreta Synodi obtineant, id verò Principi attribuunt. Sic legas in Jure Canonico, administrari res Ecclesiasticas synodali κρίσει, *judicio*; & easdem confirmari regiâ Περικρίσει, *judicio quasi secundo*. In Epistola Synodali de non avellendis Episcopis à sua metropoli: εὐρέθητι καὶ τοῖσιν γινόμενον ΚΡΙΣΕΙ συνοδικῇ, & ΕΠΙΚΡΙΣΕΙ βασιλικῇ κυρῶν, id est, *invenitur & antè simile quid factum DECRETO Synodi, & POSTEA FACTO DECRETO Imperatoris firmatum*; digna quæ observetur dictionum proprietas. In eandem sententiam paulò post ibidem scribitur, Imperatores Πιστογραφῆσαι τὰ κεκριμένα: *Decreris Patrum auctoritatis suæ sigillum apponere*. Neque tacendum, in eodem Jure Canonico Canones Patrum vocari *πιστάγματα*, ut si dicas *mandata*; Imperatoris *Edicta*, *πιστάγματα*, *jussa*. Quid plura? Lege diligenter res gestas omnium Principum Christianorum veterum; lege etiam Jus Civile & Canonicum antiquum; nunquam invenies factum, ut vel Synodi ullius, vel Pontificis cujusquam Decreta ad universam Ecclesiam spectantia, vim legis in Republica prius habuerint, quàm à Principe, qui est Reipublicæ caput, id jus accepissent; qui mos, quum in nobilissimo Francorum Regno & à principio fuisset institutus, & magnâ deinceps religione à majoribus nostris servatus; nunc quoque ab amplissimo ordine in omnibus supremis Curiis, ceu magnum Imperii arcanum, custoditur. Hoc Jus & Libertas Regni; cui velut basi ac fundamento innituntur illæ, quas forensis usus appellat Ecclesiæ Gallicanæ Libertates.

Expositâ comparatione, quam institueramus sacerdotalis & civilis potestatis; ad illud nunc accedamus, quod erat ab initio propositum: ecquam libertatem prima hæc Ecclesia noverit, atque usurpaverit; omnes enim in hoc consentiunt Catholici, Ecclesiam Dei, quò propius à Christi, capitis sui, & Sanctorum Apostolorum temporibus adfuit, tantò uberius atque illustrius iis omnibus virtutibus abundasse, quæ sunt Ecclesiæ Dei propriæ & necessariae. Videamus igitur, si qua fortè hodiernæ libertatis Ecclesiasticæ vestigia in antiquis temporum illorum memoriis possint observari.

Heic verò meminisse oportet ejus, quod suprà dicebamus, primis ortûs sui temporibus Ecclesiam ita fuisse in Republica, ut tamen Reipublicæ pars non censeretur; adeò ut separatas penitus rationes suas haberet à rationibus Reipublicæ; omni quippe suppliciorum genere & tormentorum diritate ejus interitum per aliquot secula, qui Rempublicam regebant, sunt moliti. Poterat fanè Deus inde à principio Romanorum Imperatorum animos Evangelicâ luce illustrare; nutritios Ecclesiæ suæ, quod ait Propheta, posteaque evenit, illos efficere; & ad propagationem doctrinæ Christianæ ministerio illorum uti: verum ita semper solet Deus Opt. Max. ad res quasque maximas perficiendas, & præsidia & consilia humana aspernari; & erat præterea æquissimum, ut quam ipse in terris vitam dedicaverat, eam discipuli quoque ipsius tenerent, ac posteris ejusdem

eiusdem propositi exemplum darent. Atque ut ante Solem creatum lux esse iussu, ne tantum beneficium mortaleis Soli ferrent acceptum; sic ne salutis doctrina virtute Principum initio fuisse recepta, ac mox latè diffusa credi posset, terrenas Potestates ab hoc munere Providentia cœlestis abjudicavit. Accedit huc, quod dum hac ratione à reliquis mundi hominibus secreta, non tam loco quàm institutis Ecclesia Dei viveret; sanctimoniam, pietatem, integritatem illibatam tantò servabat commodius, quantò erat ab hujus vitæ commerciis magis seducta & remota: mundo enim sic utebantur primi illi Fideles, tanquam non uterentur; quod Paulus monet: cùm interim flagrante pietatis zelo, morum innocentia, mutuo inter se amore ac dilectione sincerâ, humilitate non fictâ, jugi futuræ beatitudinis meditatione, fide atque obedientia erga Potestates civiles, quantum per conscientiam licebat; postremò in tolerandis pro vera Religione cruciatibus constantia inenarrabili, & plusquam humanâ, theatrum universo mundo quotidie fierent; & ipsos etiam hosteis in admirationem sui vel invitos raperent. Hujusmodi fuerunt nascentis Christianismi primordia; hæc prima Ecclesiæ Christi ætas; quam supplicia beatam, ignominia gloriosam, auri contemptus auream, corona martyrii, non autem Regni, reddebat augustam. Et tamen libertatem aliam sancta hæc, & Deo chara Ecclesia nullam novit, nisi spiritualem, quam veteres Patres Christianam nominant: hæc, sicut dictum antea, nihil aliud est, nisi vehemens Deo serviendi cupiditas; quâ cupiditate incensi primi illi Christiani, licet renitentibus Principibus, & Synaxes suas, & Synodos clam primò agitant; deinde etiam erumpere in plenam lucem ausi, omnes disciplinæ Ecclesiasticæ partes cum sancta libertate intrepidè exercebant. Deo enim potius quàm hominibus esse parendum, à Spiritu Sancto didicerant, & Petri cæterorumque Apostolorum exemplo, Actuum vers. 29. Neque sanè alium liberatis ejus, quam usurpabant, titulum nôrant: istam verò, quæ jam Ecclesiastica dicitur, & ceu Christianæ Religionis quoddam Palladium tantâ contentione defenditur, laudatur, quotidieque ampliatur, ne nomine quidem tenus habuerunt piæ illæ animæ cognitam. Tria præcipua libertatis Ecclesiasticæ esse capita, definitio superius collecta evincebat; Romani Pontificis supra omnes seculares dignitates imperium, Ecclesiasticorum ab omni potestate civili exemptionem, & Laicorum ad quodvis illorum obsequium subjectionem. Quid horum in primitiva Ecclesia est invenire? Scilicet dominabantur Imperatoribus Romani Pontifices, qui, perpaucis exceptis, omneis ad Silvestrum usque, crudelibus suppliciis iussu Principum vitam finierunt. Si orbis dominium, ut hodie docetur, jure divino pertinere ad se magnanimi illi Heroës putarunt, cur ne tum quidem significationem ullam ejus rei dederunt, cùm asserendæ dominationi credentium multitudo poterat sufficere? Nam armis potuisse illos suum jus persequi, docuit multis post seculis Gregorius II. cujus exemplo alii deinceps Papæ ferè innumeri pro dignitate Pontificia cùm Principibus bella gesserunt atrocissima. Quod autem ajunt hodie multi, fidelibus, non infidelibus Imperatoribus Romani Pontifices imperare, ac propterea jus hoc suum ad Constantini Magni tempora fuisse illis necessario dissimulandum, id verò falsum est & oppidò ridiculum: neque enim de spiritali potestate heic loquimur, cujus respectu Sacerdotibus colla submitunt etiam Principes, ut aiebat Gelasius. At in rebus civilibus cur minus plenò ac libero imperio utatur Constantinus, quàm vel pater Constantius, vel Diocletianus, aut quivis alius priorum Augustorum? Jam & de Clericorum exemptione eadem penitus est ratio; nam ut pro fanatico habendus ille sit, qui antè Christianos Principes hoc jure illos fuisse usos contendat; sic qui subjectione

1607. Christianorum Principum illos eximunt, iniquè faciunt & ridiculè; ut de manifesta impietate eorum taceam, qui clarissima Sacrae Paginae verba, quò illa ad suam sententiam flectant, miserè contorquent, sicut in sequentibus sumus demonstraturi. Qui autem immunitatis ac libertatis Ecclesiasticae originem referunt ad Zephyrini & Caji, aliorumve Pontificum leges inter flammās ipsas diræ persecutionis latas, si recti iudicii aliquod vestigium haberent, viros sanctos tam absurdæ ambitionis suspicione nunquam traducerent. Absurdissimum sanè esse, non potest negari, eos jugum dominationis civilis ereptum ivisse aliis, qui essent ipsi cum maximè eidem dominationi obnoxii: quique mox ad luendas pœnas crudelissimorum Principum jussu sint ducti. De Laicorum verò obsequiis erga Ecclesiasticos quid attinet verba facere? quæ eò prolixius illo tempore præstabantur, quò minus exigebantur. Apostolus ad Galatas scribens: *Testimonium*, inquit, *perbibeo vobis; quia, si fieri posset, oculos vestros eruissetis, & dedissetis mihi*. Sed non erat is Paulus, sicut Epistolæ ipsius ostendunt; non Apostoli cæteri, qui exactionibus supervacaneis & novis subinde angariis, quod postea factum, Ecclesias Dei onerarent. Ad horum exemplum quum se totos primæ Ecclesiæ Episcopi, viri sanctissimi, componerent, pariter & populos ad omnia, quæ exigebantur, obsequia paratissimos semper fuisse, non est dubium: necessariis etenim contenti, neque subjectis populis, neque alter alteri dominari pii Pastores appetebant; sed ut Beatus Cyprianus ait, *universi gregis portionem sibi adscriptam, unusquisque regebat, actūs sui rationem Domino redditurus*. Verum enimverò Ecclesia Dei agro non sine causa in Sacris Literis comparatur: hunc agrum semente optimâ initio conspersum, studioque summo à patrefamilias excultum, veterator ille antiquus, non magnâ interpositâ morâ, conatus est adulterare: exinde inter nitentia culta, lappæ, tribuli & steriles avenæ cœperunt succrescere; alii à rectæ fidei noto tramite ad ignotas semitas deviare; alii prioris zeli ardorem tepore lento mutare; alii divitias congerere; multi, etiam ex ipsis agri dominici colonis, honoribus inhiare, ambitioni non leviter se dedere: simulac enim usura aliqua pacis ab externis hostibus concederetur, omnia hæc è vestigio mala intestina, velut agmine facta, in Ecclesiam irrumpentia, priorem ejus pulchritudinem mirificè deturbabant. Beatus Cyprianus de Lapsis, loquens de persecutione Deciana longè gravissima: *Si cladis causa cognoscitur*, inquit, *& medela vulneris invenitur. Dominus probari familiam suam voluit; & quia traditam nobis divinitus disciplinam pax longæva corruerat, jacentem fidem & penè dixerim dormientem, censura celestis erexit*. Postea corruptelam Ecclesiæ vir sanctissimus copiosè describens, inter cætera mala, illud longè gravissimum commemorat, quòd seculares curas spirituali ministerio jam tum illâ ætate Episcopi miscere inciperent: *Episcopi plurimi*, inquit, *quos & hortamento oportet esse cæteris & exemplo, divinâ procuratione contemptâ, procuratores rerum secularium fieri; derelictâ cathedrâ, plebe desertâ, per alienas Provincias oberrantes, negotiationis questuose mundinas aucupari; esurientibus in Ecclesia fratribus non subvenire; habere argentum largiter velle; fundos insidiosis fraudibus rapere; usuris multiplicantibus fœnus augere*. Simillima his sunt, & graviora etiam, quæ de Episcoporum ambitione ac potentie cupiditate Eusebius refert lib. VII. initio, dum causas explicat excitate divinitus persecutionis illius, quam sub Diocletiani imperio passa est Ecclesia vehementissimam. Quin etiam in tantum jam temporibus illis contemptum Ecclesiastica disciplina venerat, ut spiritualis gladii auctoritate obsoletâ, adversus contumaciam Pauli Samosatani auxilium gladii civilis ab Aureliano, Principe

cipe infideli, & mox infensissimo hoste Ecclesiæ, Synodus circa annum Christi 1687. sti CCLXXV. Antiochiæ coacta, opus habuerit implorare. Atque hic erat Ecclesiæ tum status, cum Providentia divina ex insperato novâ facie illam induit.

C A P U T I I I.

Quæ & qualis fuerit libertas Ecclesiæ à temporibus Constantini Magni ad Gregorium Magnum, Pontificem Romanum.

TRecentos propemodum annos inter continuos ferè cruciatus, coronâ martyrii insignis, & sanguine suo, ut plurimum, purpurata, egerat Ecclesia Dei, cum Tyrannorum crudelissimorum jugo ipsam tandem eripere, Deo Opt. Max. placitum. Jam enim optata illa tempora advenerant, à Domino multis antè seculis promissa, à Prophetis prædicta, quando se suaque sceptrâ Reges terræ Regi Messiae erant submissuri: neque ipsum duntaxat humiliter adoraturi, verum etiam Ecclesiæ ipsius Nutritii, Pastores ac Defensores futuri. Igitur diuturnam Ecclesiæ servitutem libertas excepit, quam illi Constantinus Magnus primò peperit, quamque insecuti deinceps Christiani Imperatores eidem conservarunt, & variè auxerunt. Quoniam autem libertatis hujus interpretatio, vis ac jura pro temporibus mutarunt, sicut capite primo ostendimus; ut clarè & liquidò possit intelligi, quid ab hac priore posterior differat; (ea nempe, quam hodie Ecclesiasticam vocitant;) temporum distinctionem adhibebimus, eaque separatim considerabimus. Tria itaque libertatis Ecclesiæ tempora in Historiis observamus, mirum in modum inter se diversa. Nam à Constantino Magno, auctore illius primo, per annos trecentos, & quod excurrit, sub Imperatorum & Regum imperio floruit Ecclesia, solâ rerum spiritualium & ecclesiasticarum administratione contenta; ab omni dominationis temporalis contagione aliena & immunis. Hæc est altera ætas Ecclesiæ, quam docendi gratiâ Pelagii II. qui Gregorium Magnum antecessit, Pontificatu terminamus. Secuta deinde est ætas alia, in qua Ecclesiastici secularium negotiorum administratione sese immiscere primò sunt coacti, rebus ita exigentibus. Deinde etiam ultrò harum rerum curam susceperunt, & pertinere ad se judicarunt. Hujus temporis spacium constituimus à Gregorio Magno ad Gregorium VII. Tunc primùm hodiernæ libertatis Ecclesiasticæ jacta sunt fundamenta; quæ libertas à Gregorio VII. insigniter aucta & confirmata, quum altas jam radices egisset; temporibus deinceps insecutis, per varias occasiones & artes diversas amplificata, in eam demum formam est perducta, quam primo capite ostendimus. Cum ista ergo posteriorum seculorum libertate nihil fuisse commune illi priori, cujus auctor Constantinus Magnus, omnes æquos Lectores eorum, quæ hoc capite dicturi sumus, agnituros esse confidimus. Cæterum, ne in amplissimo argumento liberior stylus vagetur, certis quibusdam finibus præsentem Diatribam coërcebimus.

I. *Ecclesia Christiana libertatem Religionis à Principibus accepit.*

Quicquid juris Ecclesia est consecuta per concessam sibi ab antiquis Imperatoribus libertatem, id omne ad quatuor hæc capita commodè potest referri: liberam Religionis professionem, quam Imperatores Constantinus & Licinius *libertatem Religionis* in Ediçto suo vocant: immunitatem, quæ ἐλευθερία τῶν λειτουργημάτων, *libertas à publicis oneribus*, Justiniano appellatur: exemptionem Ecclesiasticorum à secularibus judiciis: postremò auctoritatem etiam de Laico-

1607. rum causis cognoscendi. Hæc jura cujusmodi fuerint illis temporibus, de quibus isto capite agere instituimus, ordine exponemus. Libertatem ergo Religionis nominarunt Imperatores liberam facultatem omnia agendi, quæ ad Christianam Religionem plenè exercendam desiderantur; quo in genere sunt jus conveniendi ad sacras synaxas & publicas preces; ædificandi sacras ædificandi; Synodos cogendi, & disciplinæ Ecclesiasticæ usurpandæ. Ideò narrat Eusebius, post hujus Edicti publicationem, incredibili cum alacritate & lætitia populos liberè convenisse; templa struere passim cœpisse; multas Synodos celebrasse. Eadem omnia & multò antè fecerant Christiani; sed ελευθέρως & ἀπλάτως, ut ajunt Imperatores, id est, liberè & sine ulla dissimulatione, tunc primùm. Errant periculosè in multis, qui non distinguunt inter potestatem à Deo datam Ecclesiæ, & eam, cujus auctor est Princeps: illa separat Ecclesiam à Republica, dum peculiarem Deo populum ipsam efficit; hæc Ecclesiam Reipublicæ adjungit, & ad communionem ejusdem juris cum cæteris Reipublicæ membris admittit: nam, ut antea dicebamus, Ecclesia hætenus ita in Republica fuerat, ut tamen pars illius non censeretur; ac propterea æquo jure cum reliquis civibus non utebatur, neque alium ferè suarum injuriarum, aut contemptæ disciplinæ vindicem, nisi Deum habebat: ubi verò libertatem Religionis à Principe fuit consecuta, & injuriarum suarum ultorem eundem Principem habuit, & disciplinæ quoque Ecclesiasticæ custodem ac vindicem; ex quo etiam illud postea evenit, ut Hæretici, qui hætenus in eadem causa cum orthodoxis Catholicis fuerant sub infidelium Principum imperio, Edicto Constantini ab Ecclesia separarentur, & libertate Catholicis concessâ privarentur. Vide Sozomenum, libro II. capite XXXI. & similibus Principum Edictis adversus Hæreticos plena est Historia Ecclesiastica.

II. *Ecclesia vetus sub Christianis Principibus solita Synodos cogere, aut expressâ jussione Principis, aut tacito ejusdem consensu.*

Jam diximus, Imperatores cum libertatem Religionis Edictis suis Ecclesiæ concesserunt, simul jus liberè cogendi Synodos illis attribuisse. Nam cultus Christiani hæc pars est, prorsus necessaria & εὐσεβείας propterea Synodi illæ, quas statim post libertatem acceptam convocatas fuisse narrat Eusebius; ut Ancyrana, & Neocæsarena, quarum hodièque extant Canones; etsi jussione Constantini coactæ non dicuntur, regiâ tamen auctoritate, non minus quàm quotidianæ Synaxes fulciebantur. Hic verò discrimen cum primis observandum occurrit inter topicas particularesque Synodos, & Concilia œcumenica: nam illæ quidem interdum à Metropolitanis, aliisve Episcopis, sine expressâ Principis jussione aut consensu, dicuntur congregatæ; interdum expresso Imperatorum mandatu: at universales Synodi nunquam illis temporibus sine jussu Principis leguntur fuisse coactæ. Ratio diversitatis est, quia ut prospiciendi necessitatibus Ecclesiarum sibi commissarum, plenariam potestatem à Christo primùm, deinde etiam à Principe Episcopi metropolitani, & Patriarchæ habebant; sic Princeps conservare tam in partibus Ecclesiæ, quàm in eadem universa disciplinam Ecclesiasticam, cavereque ne ullam orthodoxa Doctrina innovationem acciperet, sui muneris ac juris esse arbitrabatur. Ideirco magnus Constantinus, ut antea observabamus, Episcopum se τὸν ἐκ τῆς divinitus constitutum dicere solebat; quod ad hanc curam Synodos indicendi refert Eusebius, libro primo vitæ ipsius, ubi de cætero ejus studio adjuvandæ reformatæque Reipublicæ locutus; *Ecclesiæ tamen Dei*, inquit, *peculiarem sollicitudinem impertiens, quum per varia loca exorirentur inter Episcopos dissensiones; ipse ceu communis aliquis Episcopus à Deo constitutus συνίδος τῶν*

θεῶν λειτουργῶν συνεχρόται, *Synodos ministrorum Dei indicebat*. De topicis Synodis 1607. hæc intelligenda: atque hinc manifestò patet, Constantinum minora Concilia auctoritate suâ convocasse, quoties vel ipse per se, vel ex suggestione Episcoporum publico Patrum conventu opus esse indicaret. Moris præterea fuit, ut qui Provinciæ suæ suspectas Synodos haberent, Judices à Principe sibi dari postularent. Fecerunt hoc Donatistæ, cùm Aulinus, Proconsul Africæ, mandatu Constantini ipsos urgeret, ut Cæciliano, orthodoxo Episcopo Carthaginis, conciliarentur. Id exemplum in simili re primùm editum est in Ecclesia Christiana: nam qui dicunt, ante Paulum Samosatenum à Synodo ad Aurelianum Imperatorem appellasse, non attendunt, ipsos fuisse pios Episcopos in Antiochena Synodo congregatos, qui ad deturbandum ex Episcopo contumacem Hæreticum, auxilio civilis potestatis, prudenter atque utiliter sunt usi. Donatistarum verò longè alia ratio: nam hi Judices ab Imperatore petierunt non suspectos, qui de causa Ecclesiastica cognoscerent. Sunt enim hæc eorum verba apud Optatum Milevitanum: *In Africa inter nos ceteros Episcopos contentiones sunt: petimus ut de Gallia nobis Judices dari præcipiat Pietas tua*. Vides non deferri judicium de rebus Ecclesiasticis Imperatori; sed hoc tantum, ut pro sua auctoritate Princeps cogi Synodum jubeat, non suspectam: qui propterea exemplum damnant, quia à Donatistis profectum, pessimè judicant: simul enim infinitos Romanos Pontifices, atque alios viros sanctissimos damnant, quos constat ab Imperatoribus petiisse, ut adversus anteaactas Synodos nova Concilia indicerent; ut de Patribus Nicænis, Joanne Chrysostomo, Innocentio Primo, Leone, aliisque dicturi sumus. Quod autem ait Optatus, Constantinum *pleno livore respondisse* Donatistis, & eos objurgasse, quòd judicium à se in seculo, id est, temporali dominatione prædito, non autem spirituale Regimen Ecclesiæ obtinente, Judices poscerent; eò valuit, ut significaret Constantinus, melius atque optabilius futurum, si adeò concorditer & amicè agerent inter se Episcopi, ut nemo ipsorum auxilium à Principe opus haberet petere; quod quia primi, & quidem sine justa causa, faciebant tunc Donatistæ, quid miramur, Imperatorem, pacis & unitatis in Ecclesia conservandæ studiosissimum, novitate rei motum, asperioribus aliquantò verbis eos excepisse? cùm præsertim omnia nova exempla Sapientes advertere acrius soleant. Id autem Donatistarum exemplum non poterat non esse novum; cùm illud ipsùm non multò prius cœpisset, ut Christianis Imperatoribus subjecta esset Ecclesia Dei. Optimè sanè judicabat Constantinus, id maximè votis omnibus esse expetendum, ne inter Episcopos ulla unquam similis exoriretur contentio: ceterum hoc quoque sciebat, credebaturque firmiter idem ille pius Imperator, quoties id mali genus extirpisset, Christiani Principis officium esse, ut auctoritate suâ curaret per illos rem componendam, quorum est proprium, de causis ad fidem vel disciplinam Ecclesiasticam spectantibus, pronuntiare. Idcirco subjicit Optatus: *Et tamen dati sunt Judices; Maternus ex Agrippina civitate, Rhetitius ab Augustoduno civitate, Marinus Arelatensis*. Postea Concilium Romæ habitum jussu Constantini commemorat: neque enim soli tres illi Episcopi de causa cognoverunt; sed inter plures, quorum ibidem nomina censentur, hi tres cum Melchiade, Romano Pontifice, præcipui erant. Extrat in decima Historia Eusebii formata Epistola Constantini ad Melchiadem, & tres illos superiores eodem exemplo, ut sic in formatis, missa, super convocatione ejus Concilii. Inscriptio Epistolæ est: *Κωνσταντῖνος Σεβαστὸς Μιλτιάδῃ* (Melchiadem plerique Græcorum libri ita vocant) *Ἐπισκόπῳ Ῥωμαίων, καὶ Μάρκῳ*. Eruditus Nicephori Interpres vertit: *Constantinus Augustus Miltiadi, Episcopo Romanorum, & Mar-*

1607. co, &c. Videtur fuisse in Græco exemplari, καὶ Μάρκου καὶ Λοπιῆς: sic sæpè qui literas formatas describunt, unius duntaxat, vel ad summum, alterius eorum, ad quos illæ fuerunt missæ, nomen apponunt: quare illa, καὶ Λοπιῆς, & cæteris, id designant, paria exempla cæteris quoque fuisse missa, quorum nomina ponuntur; ut in hac Epistola Rheticii, Materni, & Marini: ex quo apparet, in hac inscriptione mendosè omnino Marci nomen pro Materni, vel Marini irrepsisse; ac pro καὶ Μάρκου, scribendum esse καὶ Μαρίνου, vel καὶ Μαίονος, quod minus probo. In ea Epistola Imperator cognitionem hujus causæ Melchiadi Papæ, & tribus illis mandat his verbis: *Visum mihi, ut idem Cæcilianus cum decem Episcopis, qui illum reum agere videntur, & alios prætereà decem, quos ipse sibi ad causam suam necessarios esse arbitratur, Romam navigent, ut ibi coram vobis, item Rheticio, & Materno ac Marino, collegis vestris, quos proptereà Romam properare jussi, audiri queant, prout venerandissimæ legi convenire cognoveritis.* Vides, congregationem Episcoporum à Principe imperari; & quidem exertæ auctoritatis principalis verbis, VISUM MIHI, & JUSSI: at judicium permitti Episcopis, ut statuant ipsi ex lege divina & canonibus: hic enim est, quem ipse vocat νόμον σεβασμώτατον, *legem augustissimam.* Porro Donatistæ Romano Concilio non acquieverunt; sed ad Principem appellarunt: pessimo sanè exemplo, ut meritissimè pius Imperator exclamarit, *O rabida furoris audacia! sicut in causis gentilium fieri solet, appellationem interposuerunt.* Sed Donatistæ hoc colore se tuebantur, quòd in Romano judicio pauciores adfuerant Judices, quàm magnitudo causæ exigeret: & eventus quidem docuit, tergiversandi animo hæc ab illis fuisse obtentæ; neque hoc non videbat Imperator, ut apparet ex Epistola ad Chreitum. Sed rursus hoc quoque notat Constantinus, tot agras mentes eorum, qui per Africam à communione Catholicorum abhorrebant, vi & suppliciis ad sanitatem perducere non posse: itaque necessitate compulsus, magnam Synodum Arelate indicit. In Epistola formata, eà fine scripta, sunt hæc verba: *Prospiciendum mihi fuit, ut negotium, quod dudum post sententiam latam, spontaneâ consensione terminatum esse oportuit, nunc certè pluribus præsentibus finem consequi tandem aliquando possit. Quoniam igitur plurimos è diversis ac prope infinitis locis Episcopos in Arelatensium urbe, intra Kalendas Augusti convenire jussimus, etiam ad te scribendum duximus.* Rectè autem scribit Augustinus Epistolâ CLXII. Constantinum Synodo hac indicenda, nequaquam illud sibi sumpsisse, ut de Romani Concilii Patrum judicio ipse judicaret; sed eatenus querelas Donatistarum suscepisse, ut alios Episcopos daret Judices. Itaque nihil in hoc Constantini factò invenit Augustinus, quod damnet; qui etiam Epistolâ eadem ut consilium ejus Episcopi se non fore laudaturum ostendit, qui proconsulari judicio purgari ultrò expetierit, aut ad Imperatores provocaverit; sic eos Episcopos, qui judicium illius, cui causam delegaverat Imperator, non detrectarant, acriter tueretur, ipsum Principem non obscurè laudans, quòd laboranti Ecclesiæ auctoritate suâ subvenisset. Verba sanctissimi viri sunt: *Ait quidem Donatista: Non debuit Episcopus proconsulari judicio purgari; quasi verò ipse sibi hoc comparaverit: ac non Imperator hoc quæri jusserit, AD CUIUS CURAM, de qua rationem Deo redditurus est, RES ILLA MAXIME PERTINEBAT.* Si judicio tanti Patris rectè fecit Constantinus, quòd tumultuantibus in Africa Donatistis, Proconsuli causam delegavit; quis illum reprehendat, si etiam post Concilium Romanum victus pertinaci animositate nequissimorum hominum, instaurari judicium Arelate ab Episcopis, sed longè pluribus numero, maluerit, quàm vim adhibere, aut gladio sævire? Itaque sine causa

in Annalibus Ecclesiasticis de hoc Constantini factò longè aliter pronuntiatur: 1607. sed nemo miretur, eum, qui de potestate Ecclesiastica & Pontificia longè diversam opinionem ab Augustini sententia, omni ratione tuendam à principio suscepit; de hac quoque re longè aliter quàm Augustinum & universam Ecclesiam veterem sentire ac pronuntiare. Porro cùm ne Arelatensis quidem Synodi judicio acquiescerent Donatistæ, atque iterum ad Imperatorem appellassent, à rigore juris nonnihil deflexisse visus est Constantinus, cùm de causâ toties ab Episcopis judicata, cognoscere ipse instituit; non ut benè statuta à Patribus, quorum ea cognitio erat, Imperatoriâ Majestate antiquaret; sed ut cervicosis hominibus omnem tergiverlandi ansam penitus præcideret, & hac ratione vel invitos, si pote, servaret. Itaque veniam audentioris consilii fuisse illi postea ab Episcopis petendam, B. Augustinus indicat; sed veniam facilem, & cum ipsius laude, qui videbatur deliquisse, meritò conjunctam: *Utinam, inquit ille, saltem Imperatoris judicio insanissimis animositatibus suis finem Donatistæ posuissent, atque ut eis ipse cessit, ut de ea causa post Episcopos judicaret, à Sanctis Antistitibus postea veniam petiturus; dum tamen illi, quod ulterius dicerent, non haberent, si ejus sententiæ non obtemperarent, ad quem ipsi provocaverant; sic & illi aliquando cederent veritati.* Quod igitur de causa ab Episcopis judicata Princeps cognovit *ἐκλογικῶς*, & dispensatione factum, ut veteres Theologi loquuntur, neque aut malignè interpretandum, ut illi faciunt, qui Imperatorem eo nomine graviter accusant; neque rursus ad exemplum temerè trahendum, ut ex Gelasio superiore capite dicebamus. At quòd Synodus Romanam & Arelatensem indixit, & Episcopis causam delegavit, hoc verò Imperator ex potestatis suæ vi fecit; eoque jure tum cæteri Imperatores pii sunt usi, tum hic imprimis Constantinus, dum vixit, semper religiosissimè. Is igitur, ubi videt flammam in Ægypto ab Ario excitatam, tot Synodis topicis Episcoporum Ægyptiorum non restingui, suam auctoritatem interponit; & acri Epistolâ tam Arium, cujus impietas nondum planè innotuerat, quàm Alexandrum Episcopum ad officium revocat, & ut eleganter ipse ait, inter duos contendentes *εἰρήνης πρῶτον ἰατρὴν προσέχων εὐκότως, pacis moderatorem jure suo se admovet.* Cùm ne sic quidem hilum esset profectum, secuta est illa nobilissima, celeberrima, augustissima Synodus Nicæna: quo auctore, quæso, & quo jubente? Si verum est, quod hodie pro articulo fidei docemur, nemini præter unum Romanum Pontificem, non dicam Synodum cogendi; sed ne hiscendi quidem in rebus Ecclesiasticis jus esse; nullo dubium est, Sylvestrum, Pontificem Romanum, Nicænum hoc Concilium indixisse. Itaque hoc omnes isti hodie libertatis Ecclesiasticæ patroni pro certo & indubitato ponunt. Mitto sophistas, & nugatores veteris Historiæ imperitos. Cardinalem verò Baronium id adeò affirmanter scribere & asserere, quis non miretur? nam hoc Veterum nemo dixit. Quare igitur affirmatur? saltem aliquid adferret vir diligentissimus ex Antiquitatis thesauris, unde aliqua hujus rei suspicio posset videri orta; sed ne id quidem potest: itaque ad miseras conjecturas confugit; de exemplo Dionysii, Episcopi Alexandrini; quondam apud Dionysium, Papam Romanum, accusati; & de legatione Osii. Quod ad vetus exemplum Dionysii, agemus nos de eo paullò post, cùm de appellatione à Synodis tractabimus. Osius verò, Legatum Romani Pontificis, ea gessisse, quæ scribit Baronius, tam faciliè cuivis negare, silentibus omnibus Historicis, quàm ipsi affirmare contra omnes Historicos. Sed ut hoc impræsentiarum illi concedamus, quid inde sequetur, nisi quòd ex suggestionem Sylvestri hoc Concilium Imperator indixerit? Hoc verò ultrò fatebuntur omnes pii, ab Episcopis, maximè autem à Romano, ut primæ Sedis Antistite, ejus admoneri solitos

1607. Imperatores: nam etiam preces humillimas adhibuisse Romanos Pontifices legimus, ut ab Imperatoribus Synodos indici impetrarent; aut si res exigeret, indictas differri. Leo Papa, Epistolâ 1 x. ad Theodosium Imperatorem: *Si Pietas vestra suggestioni ac supplicationi nostræ dignetur annuere, ut intra Italiam haberi jubeatis episcopale Concilium, citò poterunt omnia scandala, quæ in perturbationem totius Ecclesiæ sunt commota, refecari.* Idem Leo, Epistolâ x l i i i. ad Marcianum Augustum: *Poposceram à gloriosissima Clementia vestra, ut Synodum, quam pro reparanda Ecclesiæ Orientalis pace, à nobis etiam petitam, necessariam judicastis, aliquantisper differri ad tempus opportunius juberetis.* Et prior Leone Liberius ad Constantinum scribens: *Ad exorandam Mansuetudinem tuam, ut benevolo animo allegationes nostras audire digneris, fratrem & Coëpiscopum meum, sanctum virum Luciferum, cum Pancratio, Compresbytero meo; & Hilario, Diacono, placuit proficisci: quos credimus de Clementia tua ad pacem omnium Ecclesiarum Catholicarum non difficulter posse Concilium impetrare.* Omitto similia exempla, quæ sunt plurima; ex quibus nemo sanus collegerit, Imperatorem jus indicendi Synodos non habere; verum illud potius clarè ac manifestè ex illiusmodi testimoniis consequitur, Episcopos, præsertim verò Romanum, ut præcipuæ Sedis Antistitem, pro cura pastoralis sua in Ecclesia Dei, de indicendis Conciliis solitos Principibus aurem vellere; Principes pro auctoritate, quam habent supremam in Republica, cujus pars Ecclesia, Concilia indixisse. Ergo etiam Nicænum ab Imperatore esse indictum, & ratio manifesta suadet, & testimonia veterum Scriptorum evincunt. Eusebius libro 111. de rebus Constantini, literas Imperatoris quibus hæc Synodus convocata, ἐπίταγμα Constantini appellat, *mandatum & jussionem.* Theodoretus libro primo: *Constantinus*, inquit, *spe componendi tumultus Alexandrinos falsus*, τὸ πλυτρώλητον ἐκέλευεν πρὸς εἰς τὴν Νικαίῳν σιγήσαι σὺν ὁδοῖν, *convocavit Synodum Nicæam in Bitynia.* Socrates, & Gelasius, alique in eam rem verbo συγκροτῆν usi; quin ipsi quoque Nicæni Patres initio Epistolæ ad Alexandrinos, à Deo & Imperatore συγκροτηθῆναι se testantur. Id verbi solent Græci Scriptores Ecclesiastici de eo usurpare, qui auctor fuerat Synodi alicujus habendæ, & qui indixerit: propriè de choragis Atheniensium dicebatur, quorum erat munus, chorum in tribu sua proprio sumtu instruere. Quò respexit Eusebius, cùm hanc ipsam Synodum appellat *χορείαν ἐπισκόπων, chorum Episcoporum*; &, εἰκόνα χρείας ἀποστολικῆς, *imaginem chori Apostolici.* Dicitur & de Imperatore, qui cogit exercitum: nam συγκροτῆν στρατὸν passim leges in Historiis Græcorum. Theodoretus & Sozomenus de Synodo Cæsareæ in Palæstina aliquot post annis celebrata, utuntur vocibus *προσέταξεν, & ἐκέλευσεν*, ac jussu Constantini illam habitam significant. Ea Synodus magna ex parte factiosorum & perditorum hominum conventiculum fuit, ad perdendum Athanasium conjuratorum; sed optimo Imperatori fraus facta est ab Episcopis, qui sub ovina pelle animos lupinos latere non intelligebat; ideò excusat ipsum Theodoretus, quòd fidem hominibus improbis habuerit, propterea quòd Sacerdotes essent. Idem Princeps dolo intellecto horum Episcoporum, aliam denuò Synodum in urbe Tyro προσέταξεν ἀθροίσθαι, *jussit congregari*, ait Theodoretus. Ipse Imperator in Epistola ad Synodum, Edictum suum, quo indicit Concilium, appellat *κέλευσιν, jussionem*: item ἐπὶ τοῖς ἀντοκρατορικῶν ἐντολαῖς ἐκτελεσθῆναι, *imperialia decreta pro Religione edita*; & ne facultate conveniendi ad malum aliquod patrandum iterum abuterentur Episcopi; Dionysium, virum consularem, ait se misisse, omnium agendorum, maximè autem modestiæ cujusque futurum *κατάσκοπον*, id est, *exploratorem, & observatorem.* Sed hic Dionysius potestate sibi delegatâ abusus, non disciplinæ custodem ac vindic-

vindicem se exhibuit, verum apertâ vi grassatus, religiosâ Synodi formam in 1607. speciem Conventus secularis, imò tyrannici convertit: ideo Synodum eam posse vocari, jure negat Athanasius in Apologia 11. *Quâ fronte, ait, talem Conventum Synodum appellare audent, cui Comes præfedit? ubi spiculator apparebat? Commentariensis, loco Diaconorum Ecclesiæ, nos admittebat? Ille loquebatur; Episcopi silebant, vel potius, Comiti obediebant: ille jubebat; nos à militibus ducebamur.* Hæc & plura his Athanasius de vi adhibita ad illud Concilium. Sed hujus mali totius non adeò Comes fuit auctor, ut ipsi Episcopi Ariani; qui fidem rectam, & magnum ejus patronum Athanasium ut perderent, extremis Constantini temporibus, & postea regnantibus Constantio, Juliano & Valente, nulli neque violentiæ, neque immanitati perpercerunt. At Constantinus, ubi ab Athanasio de rebus Tyri gestis cognovit, regiam potestatem in conventiculi illius Episcopos exerens, apicibus suis sistere se Constantinopolim omnes jubet; rationem perperam admissorum reddituros. Coacta ibidem & Synodus est, de qua Rufinus: *Arium nequicquam apud Alexandriam commorantem venire facit Imperator, & imperialibus Edictis Concilium denuò Constantinopolim convocari.* Omitto Jerosolymitanum, quod proximè secutum est Tyrium, & ferè ab iisdem Episcopis fuit celebratum. Id quum ad Encæniam templi Jerosolymitani agitando præcipuè conveniret, quin jussu Imperatoris sit collectum, ne dubitari quidem potest. Obiit verò magnus hic & pius Imperator non multò post Novæ Romæ actum Concilium. Constantium filium non eodem solum jure cum parente usum in Synodis indicendis; sed etiam potestatis legitimæ fines longè emigrantem, per regie potentie ministros in Arianorum suorum gratiam plurimas coëgisse Synodos, ex Historia Ecclesiastica nimis certum: & jure Veteres Parasynagmata, non Synodos appellant, ejus auspiciis coactos Conventus Antiochiæ non semel, Philippopoli, Jerosolymis, Sirmii, Nicæ in Thracia, Nicæ in Bithynia, & aliis item in locis. Hinc illæ adeò frequentes querelæ apud Athanasium, Hilarium, cæterosque ejus ætatis Scriptores de Constantii, quem ipsi Antichristum dicunt, omnia Ecclesiæ jura temerantis, ausu nefario. Iidem tamen in legitimis Synodis ab illo coactis, non inviti auctoritatem Principis agnoscunt. Sardicensem Synodum fatetur Athanasius convocatam *καὶ παρ' αὐτὸν, ex jussione piissimorum Imperatorum, Constantii & Constantis.* Ariminensis quoque orthodoxæ Synodi Patres, Dei καλέσαν, *jussione*, & Imperatoris παράγγελμα, *præceptione* solitas cogi Synodos profitentur: quod & superioris Sardicensis Patres aliis verbis significarunt in Epistola Synodi apud Theodoretum, libro 11. cit. VIII. De indicta Nicæam Synodo œcumenica Constantii literis, & postea aliis ejusdem literis divisa in Ariminensem Occiduorum, Seleucensem Orientalium, habes apud Athanasium in Commentariolo de iis Synodis scripto. Liberium quoque, Romanum Pontificem, enixis precibus ab hoc ipso Principe, quamvis impio atque hæretico, Synodum expetiisse, supra ostendimus. Quæ autem à Julio Papa, Constantio imperante, in causa Athanasii habitæ sunt Synodi, eæ cum universales non essent, Principis expressam jussionem minus desiderabant, ut antea dicebamus: itaque Metropolitanos & Patriarchas in suis Diocæcesibus Episcopales Conventus propriâ auctoritate habuisse, passim observabis. Constat sanè, unum Athanasium Alexandriæ multas Synodos è subditæ sibi ditionis Episcopis convocasse. Romano verò Pontifici eximium aliquod jus præ cæteris jam tum cepisse attribui, ostendetur inferius hoc ipso capite. Non abutar otio meo singulis Synodis majoribus minoribusque commemorandis, quæ deinceps intra ejus temporis, quo de nunc agimus, terminum, leguntur habitæ: satis erit, præcipuas duntaxat carpsisse; ex quibus luce clarius constare

1607. æquis Lectoribus queat, crudelitati rudis popelli mirificè eos illudere, qui rem adeò veram certamque negant. Joviano Principe, circa annum Domini cccLxv. Lampfacenum famæ non obscuræ Concilium habetur. Narrat autem Sozomenus lib. vi. cap. vii. Helleponti & Bithyniæ Episcopos Hy-patianum misisse ad Imperatorem: ὥστε ἡπίκραπῆναι συνελθεῖν ἐπὶ διορθώσει τοῦ δόγματος, *ut sibi venia conveniendi tribueretur ad restituendam in integrum fidem Christianam.* Qui responsum ab Imperatore tulit: *Mihi equidem, qui Laicis accenseor, curiosius de istis inquirere nefas: at Sacerdotes, quorum ea cura, per se ubicunque voluerint, conveniunt.* Græcè est, ἐμοὶ μὲν λαῖ πηγαμένῃ, *mibi, qui sedem habeo cum Laicis.* Alludit Imperator ad sessionem in templo, ubi quum ante Ambrosium sederent Augusti intra sacerdotalis ordinis septa, morem primus ille mutavit, sedemque ipsis posuit separatam quidem à populo, verum extra Sacerdotum subsellia, ut in septima Historia docet Sozomenus. Non igitur negat Imperator, quod falsò & ridiculè nonnulli scribunt, indicendæ Synodi tantum jus ad se pertinere: sed infelici Constantii exemplo factus sapiens, nolle se ait πολυπραγματεῖν, *curiosius rimari negotium fidei.* Principalem verò auctoritatem luculentè exerit idem illo verbo προσέτρεψεν, *ad Synodum accedunt.* Anno octuagesimo primo supra trecentimum, œcumenicum Concilium habetur Constantinopoli, non numero Episcoporum, sed præstantiâ eorum, qui adfuerunt, insigne. Quis indixit? Uni Theodosio Imperatori id beneficium acceptum ferunt Episcopi in Synodicis suis; & illis assentitur quantum est Historicorum, qui rei meminerunt. Cardinalis tamen Baronius ex animi sui sententia disputat, Damaso Papæ laudem eam deberi: verum id conjecturis adeò invalidis, ut ne refutari quidem mereantur. Auctor est Socrates, in hac Synodo decretum esse, ut cujusque Provinciæ negotia à Synodis provincialibus definirentur: & addit tanquam rem necessariam, etiam Imperatoris sententiâ id Decretum esse firmatum. De Romano Concilio anni sequentis audiamus Hieronymum in Epistola ad Eustachium: *Cum Orientis & Occidentis Episcopos ob quasdam Ecclesiarum dissensiones Romam Imperiales literæ contraxissent; vidit admirabiles viros, Christi Pontifices, Paulinum, Antiochenæ urbis Episcopum; & Epiphanium, Salaminæ Cypri, que nunc Constantia dicitur.* Ex quibus verbis apparet, etiam cum Romam Synodus major indicebatur, literis Imperialibus id factum, non autem Romani Pontificis. Quare ad hanc ipsam Synodum Romanam scribentes Episcopi Orientis, qui tempore eodem Constantinopolim convenerant, ad Veterem Romam & Concilium istud vocatos se fuisse testantur, διὰ τῶν τοῦ Θεοφιλεστάτου βασιλέως γραμμάτων, *piissimi Imperatoris literis.* Quod si veræ Antiquitatis monumentis indubitatis tantum isti, quibuscum agimus, quantum par erat, tribuerent, poterat vel unica ea Epistola ad evincendum, quod heic contendimus, sufficere. Quòd enim invitati essent ad Synodum Romanam Episcopi Orientis, id ipsi charitatis mutux & dilectionis Christianæ officium interpretantur, eoque nomine gratias illis agunt; non autem subjectionem suam, dominationem alienam; qui non aliter cum Occidentalibus agunt, nisi ut fratres, ut & ejusdem Patrisfamilias æqualis dignationis ministri, & civilibus Potestatibus pariter subiecti. Ubi ergo illa temporalis Monarchia, quam hodie Corybantes quidam somniant, & in Ecclesiam Dei invehunt? Anno cccxcix. Theophilus, Alexandrinus Patriarcha, in coacta à se Synodo errores Origenis damnat. Sequenti anno Joannes Chrysostomus, Patriarcha Constantinopolitanus, Concilium Ephesi convocat, & ut labantem disciplinam instauraret, Episcopos ditionis suæ duodecim, vel ut Sozomenus scribit, tredecim, thronis suis deturbat. Magnas lites & multorum odia ambo hi Patriarchæ,

Patriarchæ, cum hæc facerent, sibi conciverunt; sed tamen, qui eos repre- 1607.
henderent, quod auctoritatem alii debitam usurpassent, extitit nemo. Prin-
cipis verò jussione expressâ opus ipsis non fuisse, sapius jam dictum; quæ
etiam ratio est certissima, cur in tot Conciliis minoribus & majoribus, quæ
hac tempestate à Metropolitanis & Primatibus Africæ Carthagine, aut in aliis Pro-
vinciis ex Comprovincialibus sunt coacta, de jussu aut permissione Principis
nihil plerumque dicatur. Synodum, quæ Joannem Chrysostomum solio expul-
sit, coactam fuisse regio *μεσέγμαν*, jussu, auctor est Sozomenus. Ab hac Sy-
nodo quum ad Concilium Oecumenicum Joannes appellasset, quæ erat unica
mali accepti medela, ut scribit Innocentius Papa ad Clerum Constantinopoli-
tanum, multum & ab Innocentio, & ab universâ Romana Synodo, eo nomine
congregata, fuit laboratum, ut per Honorium, Imperatorem Occidentis, ab Ar-
cadio, qui in Oriente rerum potiebatur, ejus cogendæ jus ad veniam impetra-
rent. Palladius, Episcopus Helenopolcos, in Historia rerum Chrysostomi:
*Congregati Italiæ Episcopi Imperatorem orant, ut scriberet Arcadio fratri
suo, ut juberet Concilium fieri; quò facilius possent unâ utraque partes
Orientis atque Occidentis concurrere.* Sozomenus lib. V I I I. extremo: *Innocen-
tius, Romæ Episcopus, revocari Joannem cupiens, ad Imperatores, Honorium &
Arcadium, Legatos misit, σύνδοτον ἀιτήσαντας, & καιρὸν ταύτης & τόπον, qui Synodum po-
stularent, ejusque tempus ac locum.* Exortâ deinde contentione de Sacerdotio
Urbis æternæ inter Bonifacium & Eulalium Antipapas anno C C C X I X. plures
ab Honorio Imperatore constat brevi tempore fuisse indictas Synodos. Anno
C C C C X X. convenit Ephesum Oecumenica Synodus, quæ Nestorii hæresim damna-
vit: certum est plurimum in eo Concilio ac negotio toto delatum esse Cælestino,
Romano Pontifici. Synodum tamen non coëgit Cælestinus; sed Imperatores
Theodosius & Valentinianus. Extant formatæ Augustorum ad Metropolitans
missæ, quibus omni causatione sepositâ, Ephesum ad certum diem se transferre
jubentur: itaque ubi convenere Patres, ante omnia alia poposcit Juvenalis,
Episcopus Jerosolymorum, ut jussio Imperialis in omnium auribus recitaretur;
quod & statim factum. Non afferam ex Actis ejus Synodi verba Patrum, qui-
bus disertè fatentur multis locis, adunatos se in illum locum, cum gratia Dei,
& *ἐν μαρτυρίᾳ καὶ προσήκοντι*, nutu & Edicto Imperatorum. Cælestini tantum
verba subjiciam ex Epistola ad Theodosium: *Huic cælesti curæ vel gloriæ
unusquisque nostrum pro sacerdotali officio operam nostram, in quantum va-
lemus, impendimus; & huic Synodo, quam esse jussistis, nostram præsentiam
in his, quos misimus, exhibemus.* Postea: *Hoc à Pietate vestra suppliciter
deposcimus, quod vos habere credimus in votis; ut quod à Deo petitis, hoc
in fide ipsius causâ præstetis:* id est, ut quemadmodum firmum ac stabile
imperium à Deo vobis petitis; sic ipsi, ut inconcussa maneat fides vera, re-
giâ auctoritate efficiatis. Sic & Cyrillus de eodem Nestorio scribens ad Juvena-
lem Jerosolymorum, ait, studiosè petendum esse à Principibus *καρίαν τῇ ἐκκλησίᾳ
τὸ βέλαιον ὡς πρὶν ὄντιν, ut fidem rectam orbi terrarum præsent immotam.*
Omitto Concilium Romanum, in causâ Sixti Papæ anno C C C C X X I I I.
jussu Valentiniani Augusti in Sessoriano atrio habitum: neque enim Synodus
dici potest, Conventus è Presbyteris & Senatoribus mixtus: cujusmodi Conven-
tus in frequentissimum postea usum venisse, alibi dicemus. Anno C C C C X L V I I I.
Theodosii Junioris mandatu acta est Constantinopoli generalis Synodus, quæ
Eutychetem damnavit. In literis ad Synodum scribit Theodosius: *Quoniam
scimus, magnificentissimum Patricium Florentium esse fidelem, & testimoniis
probatum in recta fide, volumus ipsum interesse audientiæ Synodali.* Etiam
Nicolaus I. scribens ad Michaëlem Imperatorem, negat jus esse Imperatori, ut

1607. Ecclesiasticis Conventibus interfit, nisi ubi de fide agitur. De Synodo Ephesum vocata sequente anno ab eodem Principe, sic Liberatus Diaconus: *Dirigens Imperator Sacram Dioscuro in Alexandriam, præcepit ut decem Metropolitanos Episcopos, quos voluisset, ipse eligeret, & veniret Ephesum, & congregato Concilio ipse Eutychetis causam discuteret, jubens Barsumam Archimandritam adesse.* Extat ipsa Imperialis Sacra in Actis Concilii; si tamen eo nomine dicenda *ἀνεγκλή* illa prædonum congregatio, in qua impius Eutyches absolvitur; pius vir, Flavianus, Patriarcha Constantinopolitanus, pro scelesto condemnatur. Ad hanc Synodum vocatus Leo Papa ab Imperatore, rescribit illi inter cætera: *Cum tam evidens fidei causa sit, ut rationalibus causis ab indicenda Synodo fuisset abstinendum; tamen in quantum Dominus juvare dignatur, meum studium commodavi, ut Clementiæ vestræ statutis aliquatenus pareatur.* Prudens & sanctum, quod docuit eventus, erat consilium Leonis; cui nunquam placitum est, ut hæc Synodus indiceretur: sed ubi dissuadendo pii Pastoris officio functus est Leo, Principis imperio, amputatis excusationibus, quomodo poterat, paruit. Adeo temporum illorum Pontifices jura hodiernæ libertatis ignorabant. Et sunt similia in Leonis Epistolis multa: ut cum ad Theodosium scribit, petens Concilium universale intra Italiam cogendum: *Omnes partium nostrarum Ecclesiæ, omnes Mansuetudini vestræ cum gemitibus & lachrymis supplicant Sacerdotes, ut generalem Synodum jubeatis intra Italiam celebrari.* Et in Epistola ad Clerum ac plebem Novæ Romæ: *Quoniam oportet, vos post divinum auxilium, etiam Catholicorum Principum gratiam promovere, ut petitioni nostræ, quâ plenariam indici Synodum postulamus, clementissimus Imperator dignetur annuere.* Quid multa? ex Epistola Pulcheriæ Augustæ ad Leonem constat, Marcianum Imperatorem jure fermè toto indicendæ hujus Synodi generalis ipsi Leoni celsisse. Sit enim Pulcheria: *Tua Reverentia quocunque modo prospexerit, significare dignetur, ut omnes etiam totius Orientis Episcopi, Thraciæ atque Illyrici (sicut etiam nostro Domino, piissimo Imperatori, meo conjugii placuit) in unam civitatem velociter ab Orientalibus partibus valeant convenire; & illic in Sancto Concilio & de Catholica confessione, & de his Episcopis, qui ante hoc segregati sunt, sicut fides & pietas Christiana exigit, te auctore decernant.* Leo tamen moribus antiquis stetit, & auctoritatem Synodi jubendæ Principi relinquens, penes quem Reipublicæ *τὸ κύριον* & summum imperium esse notat; ea tantum suggerere, quæ necessaria putaret, suarum partium duxit. Sic igitur ille postea in iis, quas ad Imperatorem dedit: *Unde piissimæ sollicitudini vestræ, quam de indicenda Synodo habere dignamini, per legationem, quæ confestim ad Clementiam vestram, Deo annuente, perveniet; quicquid ad causæ utilitatem arbitror pertinere, plenius atque opportunius suggeretur.* En igitur Ecclesiæ adhuc temporum illorum consuetudinem: Romanus Pontifex suggerit, Imperator indicit Synodum. Ideo in literis Imperialibus, quibus ad hanc I V. Oecumenicam Synodum Episcopi vocantur, ita scriptum: *Quia dubitationes quædam circa orthodoxam fidem motæ sunt, sicut indicant literæ sanctissimi Archiepiscopi, felicissimi Romæ Leonis; placuit nobis, prope Sanctum Concilium fieri in Nicea, Bithyniæ civitate.* Postea Chalcedonem, jussu Principum, Patres hujus Synodi sunt translati; ubi Concilium anno Domini ccccxi. est peractum, propter infecutas ejus occasione turbas, quæ Orientalem ab Occidentali Ecclesia longissimo tempore diviserunt, cum primis memorabile. Marciano successit Leo; à quo Imperatore quum Synodum aliam generalem malæ fidei homines assidue poscerent, atque ipse ab eorum petitione alienus non esset; Leo Papa singularis

laris modestiæ pariter ac prudentiæ literis assensum inhibuit: *Literas*, inquit, 1607. *Clementiæ tuæ, plenas virtute fidei & lumine veritatis, veneranter accepi; quibus cuperem obedire; sed magis id vobis arbitror placiturum, quod eligendum ratio demonstravit.* Deinde cur non sit necessaria nova Synodus, causas adfert. Constat sanè, parcius ab hoc tempore Concilia etiam Provincialia in Oriente fuisse agitata; œcumenicum verò nullum prorsus per annos amplius centum: nam œcumenica Synodus quinta anno Domini 1011. convenit: sedes ejus Concilii, Constantinopolis; suatores, Vigilius, Papa Romanus, qui in ea tum degebat urbe; & Menas, Patriarcha Constantinopolitanus; auctor & iussor, Justinianus Imperator. Ideò Patres cum ipsum compellant, solennem illam in simili re formulam ipsi quoque usurpant, ut se *ἡ θεὸς βούληται*, *Dei nutu ac voluntate*; Imperatoris verò *τέτακται*, *decreto* fuisse congregatos, profiteantur. Hactenus ea tantum Concilia recensuimus, quæ Romanorum Imperatorum auspiciis fuerunt convocata: sub aliorum verò Principum dominatione, quæ ratio fuerit servata in Synodis indicendis, quæve obtinuerit consuetudo, sequentibus capitibus perspicuè docebitur. Quoniam tamen, jam illis, de quibus nunc loquimur, temporibus, non multis solum Provinciis imminutum est Romanorum Imperium; sed etiam Urbs, rerum quondam Domina, à Barbaris aliquandiu fuit occupata, nonnihil etiam hoc loco de ea re adjiciemus. Enimverò manifestò constat, Reges ac Principes, qui in locum Romanorum successerunt, simul cum pietatis Christianæ sacris, etiam jus illud protegendæ Ecclesiæ, & conservandæ Ecclesiasticæ disciplinæ suscepisse. Ergo etiam hi in suis quisque principiis, non secus ac Romani Imperatores jus cogendi Concilia, & robore auctoritatis suæ firmandi, meritissimè sibi vindicarunt; idque, sicut modò dicebam, statim simul ac Christo, Regum Regi, sua sceptrâ submiserant. Omnium Regnorum, quæ ex dissipatione Imperii Romani originem habuerunt, antiquissimum, nobilissimum, Christianissimum est Francicum. Primus autem Regum Francorum Christianus, Clodoveus fuit, quintus à Faramondo, Rege principe. Is non multò post quàm legem Christi esset amplexus, Synodos indicendi posteris suis Principibus exemplum dedit. Synodi Aurelianensis, jussu ejus convocatæ circa annum Domini 1061. meminit Hincmarus in vita B. Remigii: *Per consilium Beati Remigii in Aureliano civitate Episcoporum Synodum convocavit; in quo Conventu multa utilia constituta fuere.* Acta Synodi ad ipsum Regem missa ita incipiunt: *Domino suo, Catholica Ecclesiæ filio, Clodoveo, clarissimo Regi. Omnes Sacerdotes, quos ad Concilium venire jussistis, &c.* De Lugdunensi in causâ Salonii & Sagitarii Episcoporum Gregorius Turonensis libro quinto: *Quod cum Rex Guntheramnus comperisset, congregari Synodum apud urbem Lugdunensem jussit.* De Cabilonensi idem mox: *Anno quarto Childeberti, qui fuit decimus octavus Guntheramni & Chilperici Regum, apud Cavillonum civitatem Synodus acta est, ex jussu Principis Guntheramni.* De Matisconensi idem libro 11. *Interim dies placiti advenit; & Episcopi ex jussu Regis apud Matescensem (aliàs Matisconensem) urbem collecti sunt.* Aurelianensis II. sub Childeberto habitæ, *Quum ex præceptione gloriosissimorum Regum in Aurelianensem urbem de observatione legis Catholicæ tractaturi, Deo auxiliante, sancti Patres convenerint.* Idem profitentur & alii Patres cæterarum Synodorum, quæ illis temporibus vel in eadem urbe, vel alibi convenerunt. Simillimè & Sigismundus, Burgundiorum Rex, simul ac Ecclesiæ Dei ovis est factus, Synodum, Epaunensem quam vocant, haberi jussit. Non omittendum est nobilissimum exemplum, quod Hispaniarum suggerunt Historiæ. Intulerant in eas oras dirum

1607. Arij virus Gothi, cùm illos tractus occuparunt. Accidit, miserante Christo, circa annum 10LXXXIX. ut maximus Princeps, Reccaredus Rex, agnitæ veritati dans manus, Fidei confessionem & disciplinam totam Ecclesiasticam in Regno universo susceperet emendandam. An igitur ad rem tantam ultrò conveniunt Episcopi? An tractorias expectant sibi mitti ab urbe Roma? Neutrum fit horum, sed jubet Rex; illi alacres parent, & accurrunt. Auctor Rex ipse, qui eos de more compellans, *Et ideò, ait, venerandi Patres, ad hanc vos peragendam congregari jussimus Synodum.* Idem ipsi quoque Patres: *Quum pro fidei suæ sinceritate gloriosissimus Princeps omnes sui regiminis Pontifices in unum convenire mandasset.* Hæc est illa celeberrima Toletana tertia Synodus. Sed & initio quarti Concilii Toletani similis professio: *Quum convenissemus Sacerdotes Domini apud urbem Toletanam, ut regis imperiis, atque jussis commoniti, à nobis agitaretur de quibusdam Ecclesiæ disciplinis tractatus.* At clarissimus Annalium Ecclesiasticorum Auctor de Toletano tertio Concilio agens, quid non conatur, quò rebus gestis auctoritatem Romani Pontificis probet intervenisse? Itaque, ut anus ad armillum, quod ajunt, sic vir doctissimus ad familiarem sibi machinam se convertit. Ait, Leandrum, Episcopum Spalensem, Romanæ Sedis Legatum, omnia pro imperio egisse. Sanè interfuit ei Synodo Leander; sed ut Metropolitanus Provinciæ Bæticæ, non ut Legatus summi Pontificis; quod vel in inscriptionibus servatus ordo evincit: nam Massona, Episcopo Emeriteni, primum locum occupante; Euphemio, Toletano Episcopo, alterum; Leander hic in tertium locum est rejectus: quod non ferat, scio, Baronius in Legato Romanæ Sedis. Accedit, quòd de legatione ista nihil prorsus tot Concilio neque Rex, neque Patres; ne Leander quidem, cùm sermonem habuit initio Synodi, quo gratias Deo agit pro Regis & Regni conversione ad fidem; nihil item Isidorus neque in Chronico, neque in Leandri vita. Quid? quod etiam ab Arianis Regibus veniam congregandi Synodum orthodoxi Patres soliti petere? Circa annum 10CVI. Agathense Concilium coit, cujus Acta sic ordiuntur: *Quum in Dei nomine ex permisso Regis Alarici in Agathensem civitatem sancta Synodus convenisset.* Erat autem Alaricus Rex Arianus, ut plerique omnes illis temporibus Barbari, qui Galliam, Italiam, Africam, Hispaniam infestabant: Arianus erat & Theodoricus, Rex Italia; cujus auctoritatem in rebus Ecclesiasticis Pontifices Romani ei subjecti agnoverunt. Quum igitur eo regnante quartum Romæ inter Antipapas, Symmachum & Laurentium, schisma esset exortum; ab auctoritate Principis, quamvis Ariani, mali remedium petitur. Anastasius: *Facta contentione hoc constituerunt Patres, ut ambo ad Ravennam pergerent ad judicium Regis Theodorici; qui dum ambo introissent in Ravennam, hoc judicium æquitatis invenerunt.* Postea quoque recrudescente malo ad componendas turbas, suburbicarios Episcopos non semel vocat Theodoricus, ut auctoritate Synodali vel judicium instaurent, vel sine judicio rem transigant, & quietem ac pacem urbi reddant. Ait Rex in Epistola ad Episcopos, quæ *Præceptio regia* inscribitur: *Quia non nostrum judicamus, de Ecclesiasticis aliquid censere negotiis; ideò vos de diversis Provinciis fecimus evocare.* Sed de Synodis in ea causâ habitis, plura inferius hoc capite erunt dicenda.

III. Synodos veteris Ecclesiæ horum temporum confirmabat Imperator, non autem Pontifex Romanus.

Quomodo Canones Synodales etiam principali auctoritate opus habeant, capite superiore exposuimus. Ibi regiam auctoritatem, per quam vim legum habent

bent in Republica, distinguebamus ab episcopali & divina, per quam in Ec- 1607. clesia valent, & apud bonorum conscientias: sed aliud est conscientiae forum, aliud civile; neque possunt legum civilium pœnis antè vindicari Synodaliū Canonum temeratores, quàm eis Princeps vim legum attribuerit. Qui prætendunt, hodie Decreta Synodica nullius indigere confirmationis à Principe; abundeque iis sufficere, quàm accipiunt ab Episcopo Romano, Ecclesiae firmitatem; ii vel ignorant, quid sit discriminis inter Ecclesiam & Rempublicam; vel, quod potius credam, id agunt, ut toto orbe terrarum Ecclesia & Respublica in unum confusæ, unicum agnoscant, quàm in spiritualibus, quàm in temporalibus, supremum Monarcham, Romanum Papam: sicut Roma facit & universum Petri patrimonium; ibi sanè concedam illis, Decreta Ecclesiastica non aliunde firmitatem habere, quàm ab uno Pontifice; sed qui duas diversas personas hodie sustineat, Sacerdotis & Principis in Galliis, Hispaniis, & ubicunque separatæ sunt hæ diversæ naturæ suæ Potestates, longè aliter se res habet; quod & ratio certa, & omnium temporum praxis evincit, ut superius dicebamus. Porro confirmatio à Principe pluribus fieri modis solita: vel non expressè; cùm datâ veniâ conveniendi ad Synodum, etiam Decreta Synodi intelligitur probare idem Princeps; ut plerumque fieri amat in minoribus Conciliis: vel expressè, puta Edicto aut Epistolis eam in rem scriptis, aut solâ Principis subscriptione. Omnium generum passim extant exempla in Actis Conciliorum. Subscripta à Principibus multa Concilia inveniuntur, Græca pariter ac Latina; Epistolis verò, sive Edictis Principum omnia Oecumenica fuisse firmata, mox palam faciemus. At non placet hoc Cardinali Baronio, qui de Nicæno agens, confirmationem illius non ab Imperatore vult esse factam; verùm à Pontifice. Affert primò locum ex Actis Sylvestri, quibus id disertè sic affirmatur, nihil ut queat disertius; si tamen in tam barbarum & infrunitum Scriptorem ea vox cadit. Subjicit deinde Felicis III. Papæ testimonium, & ipsum quoque luculentum; postremò veteris Ecclesiae Canonem objicit, qui semper hunc morem in Ecclesia fuisse arguat servatum, & quidem inviolabiliter, ut ipse loquitur. Quod ad Sylvestri Acta, nihil aliud nunc dicemus, nisi quod tot locis ipse Cardinalis Baronius ingenuè fatetur, falsa esse illa, fabularum & mendaciorum, & nugarum absurdissimarum plenissima; ut potius reddere rationem virum gravem par sit, cur ad rem tantam tam probrosum testem adhibeat, quàm mihi quærenda argumenta ad fidem illius infirmendam. Sanè quidem etsi multa sunt in illis spuriiis Actis inepta, nihil tamen ineptius totâ illâ pericopâ, quæ Patres Nicænos inducit confirmationem Decretorum suorum à Sylvestro petentes; ubi neque verbis integritas, neque sententiæ constat veritas. Felicis III. Epistola, quæ allegatur, licet inter Felicis Epistolas habeatur, ipsius tamen Felicis non est; sed *Synodi*, Romæ coactæ circa annum cccclxxxiv. Ajunt illi: *Trecenti decem & octo Sancti Patres apud Nicæam congregati, confirmationem rerum atque auctoritatem Sanctæ Romanæ Ecclesiæ detulerunt; quam utramque usque ad ætatem nostram successiones omnes, Christi gratiâ præstante, custodiunt.* Ut horum verborum rectam mentem capiamus, huc referenda sunt, quæ de duplici auctoritate Canonum Synodicorum antè disputabamus: nam & Princeps illa confirmat, auctoritate Regiâ sanciendo; & Episcopi, si præsentibus sunt, censendo & assentiendo; si absentes, ratum habendo, quod fuit decretum. Erat autem perpetuus majorum præsertim Synodorum mos, ut ad Patriarchas & alios illustriorum sedium Episcopos, Synodicas darent, quæ de rebus in Conventu sacro gestis eos faciebant certiores; extantque hujus consuetudinis etiam apud B. Cyprianum exempla. Episcopi igitur, qui Synodica Decreta admit-

1607. tebant, & ut ea observarentur in Ecclesiis suis, operam dabant, non sine ratione confirmationem & auctoritatem illis attribuere dicebantur; quamquam magis propriè illi, qui Synodo interfunt, Canones confirmare dicuntur, quando suis suffragiis illos statuunt. Utrovis modo accipias, non sine aliqua ratione Felici suo Romana hæc Synodus jus istud vindicaverit: jam enim tempestate illâ hoc ad se pertinere Romani Pontifices disputabant, ut postea dicemus hoc ipso capite. Sed quod ajunt à Nicenæ Synodi Patribus delatum esse id juris Romanæ Sedi, prorsus ab Historiæ fide est alienum: itaque hujus dicti non est facilius rationem excogitare, quàm, cur Zosimus, Bonifacius & Cælestinus Nicæno Confessui jus appellationum ferant acceptum; de quo Patres Nicænos nihil unquam cogitasse, liquidò constat. At Cardinalis Baronius, qui superiora verba sive Felicis, sive Synodi ita interpretatur, quasi negetur fuisse moris, ut Canones Synodicos Principes confirment; cur sententiam manifestò falsam Pontifici, vel Patribus Romanæ Synodi adscribat, ipsi videntum relinquimus: nos hoc scimus, & mox probabimus, nullam & præsertim Oecumenicam Synodum sub Imperatoribus extitisse, quam Sanctionibus suis ipsi non firmaverint. Non magis facit ad rem Canon eidem allatus. Julius Papa, cum videret, Arianos, qui Asiæ, Syriæ & Ægypti Ecclesias infestabant, topicas Synodos cogere, fidei regulam novis inventis temerare, ac propterea Athanasium solio Alexandrino expulisse; ut illarum Synodorum Decreta impia convelleret, & laborantibus Ecclesiis subveniret, negavit pro legitimis Conventibus illos esse habendos; quoniam, agebat, vetus lex est, sive consuetudo, quæ vetet, Ecclesias Canonem ullum ferre præter conscientiam Romani Episcopi. Sozomenus ita exprimit libro III: *Εἶναι γὰρ νόμον ἱερατικόν, ὅς ἀκούει διδοφαιρῆ τὰ ὡς γινώμην πραττόμενα τῷ Ῥωμαίων ἐπισκόπῳ: Legem namque extare ad jura Sacerdotum pertinentem, quæ illa pronunciat irrita, quæ præter sententiam, sive conscientiam Romani Episcopi fuerint acta.* Paullò aliter Socrates libro primo non semel *κατὸν ὁ ἐκκλησιαστικὸν κελεύει, μὴ δὲν ὡς τὸ γινώμην τῷ ἐπισκόπῳ νόμος τῆς ἐκκλησίας κανονίζαν.* Quorum verborum sententia est, extare Canonem Ecclesiasticum, qui vetet, absque conscientia Episcopi Romani Canonem ullum condi ab Ecclesiis; & meritò quidem: nam quum universæ Ecclesiæ, quæ unica est, pars potissima atque adeò caput & censeretur, & esset Romanus Episcopus; qui neget æquissimum esse, ut neque in fide, neque in disciplina Ecclesiastica quidquam innoveretur eo inconsulto? Sed ex eo inferre, jus propterea non esse Principum, sancire auctoritate suâ Synodorum Decreta, & ut vim legum in Republica habeant, illis præstare; quænam, obsecro, consecutio hæc est? Quæ vis argumentationis? Unde hæc conclusio? An quia amplissimus Ordo sine conscientia Præsidis sui decernere nihil potest, inde sequitur, Christianissimi Regis non esse, Senatûs Consulta confirmare? Aut quia Auditores Rotæ nihil absente Præside suo statuere possunt, jus Pontifici non est, Rotæ Decretis auctoritatem dare? *ὡς γινώμην* in hoc Canone significat, *non auditâ super eo sententiâ Romani Papæ*: nam etsi poterat Synodus Oecumenica aliquid decernere, quod aliter Romano Papæ videretur; quia, ut ait Hieronymus, *si auctoritas quæritur, orbis major est urbe*; non tamen poterat aliquid decernere, priusquam super eo Romani Pontificis sententia esset audita ab ipsius Legatis. Quare quid sit *ὡς γινώμην* in hoc Canone; explicat Theodoretus libro II. cap. XXII. cum inter varias causas, cur Ariminensis Synodus sit illegitima, hanc quoque adfert: quòd Romani Papæ assensu careret, &, ait, *περὶ πάντων ἰδὲ τῶν γινώμην ἐκδίδωκε, ejus sententiam expectare ante omnium sententias oportebat.* Nunc ostendamus, veterem Ecclesiam aliter credidisse quàm Cardinalem Baronium, & hodiernæ Libertatis Ecclesiasticæ patronos. Nicæ-

Nicænum Concilium Epistolis Constantini fuisse firmatum, Sozomenus est: 607. auctor. Ejus Synodi duo præcipua extiterunt Decreta: ordinatio diei Paschalis, & Arii ac Doctrinæ ejus condemnatio. De priore scripsit ad Ecclesias universas Constantinus formatam illam, quæ ab Eusebio, Gelasio, Sozomeno, atque aliis describitur: eâ Epistolâ præcipit Imperator Ecclesiæ Pastoribus, ut statutum Nicænorum Patrum de celebratione Paschatis notum omnibus faciant, suscipiant, & usum ejus in Ecclesia instituant. De Ario Imperator ad omnes Ecclesias misit illud Edictum, quod damnatio ejus continetur; & pœna capitis statuitur in eos, qui oblatos sibi Arii libros non exusserint. Secundum œcumenicum fuit Constantinopolitanum, quod Theodosius indixit. Patres Concilii eo peracto, scribunt ad Imperatorem; & post gravem actionem gratiarum, quas illi pro studio ipsius erga veram pietatem agunt, subjiciunt verba ista: *Petimus à Clementia tua, ut Edicto Pietatis tuæ confirmetur Synodi sententia; ut quemadmodum literis, quibus nos vocabat, Ecclesiam honorasti; ita etiam Decreta communibus suffragiis tandem facta, sigillo tuo confirmes.* En ut pii Patres non solum convocandi Synodos, & Decreta Synodica confirmandi jus habere Principem agnoscunt; sed etiam ut hoc Imperator faciat, ad honorem Ecclesiæ pertinere profitentur. Cardinalis verò Baronius, cui ab initio erat propositum, jura Principum ire imminutum, & in ipsam Rempublicam Ecclesiæ Monarchiam invehere; quum detrudere huic Patrum scripto fidem non posset, quod unum supererat, non prætermisit; ut interpretatione facti imperialem Potestatem enervaret. Vult enim, eò tantum spectasse Patres, cum studiose adeò hoc à Theodosio peterent, ut eo modo sibi fidem Imperatoris stabilem duraturam oppignerarent. Cæterum confirmatam Synodum hanc à Damaso Papa eidem placet; idque à Photio memoriæ esse proditum. Enimverò testimonium in hanc rem Photio denuntiari miror; homini Græco, & qui alibi in Annalibus superbus, impius schismaticus, hostis Ecclesiæ Romanæ infensissimus dicitur fuisse. Quis ergo credat, Monarchiam Romanæ Sedis iis moribus hominem agnovisse? Locus Photii est in libello de septem Synodis œcumenicis; ubi postquam coryphæos è Nicænis Patribus, quos ipse ἱεράρχας vocat, nominatim recensuit, subjicit hæc: οἱς δὲ πάλαι χρίνεται, διὰ δαμάσκου ὁ τῆς ρώμης πρὸ αὐτῶν κρατούντων ἰγνωρίζεται, σύμφωνα τῆς προλαβούσης κατιστάμενον. hoc est: *Nec multò post Damasum quoque, Episcopum Romæ, eadem firmare, est istis cognitum; cum ille antè nominatis consentientem rem se præbuit.* Loquitur Photius de auctoritate Episcopali, cujus vis est omnis spiritualis, quæque Romæ Episcopo communis est cum cæteris aliis: nos autem heic loquebamur de auctoritate illa, per quam Canones in Republica vim legum obtinent. Quanta igitur absurditas est; quia dicat Photius, Papam Romanum auctoritate Episcopali ratum habuisse, quod decretum erat à Patribus in Concilio sedentibus, propterea negare Principibus suum jus in Republica? An verò quisquam ignorat, verba illa κρατούντων, Πικρυῶν καὶ κραταιῶν, de Principe & de Episcopis diversâ notione usurpari? Synodus sanè Constantinopolitana, quæ proximo anno convenit, de suis Decretis ita scribit ad Synodum Romanam, ut auctoritatem illorum à Romani Papæ confirmatione nequaquam pendere manifestò declarat: expositâ enim retum in Concilio hoc gestarum summâ, & quibusdam nominatis, quos in nobilissimis Sedibus Episcopos Synodus instituerat, hæc addit: *Quum igitur legitime hi & canonicè sedes suas apud nos obtinuerint, Reverentiam vestram, ut illis gratuletur, hortamur, spirituali charitate intercedente, & Domini metu omnem humanum affectum cobibente.* Oecumenici tertii confirmatio Regia in fine Actorum habetur, cum imperiali sententia adversus Nestorium & ejus scripta, quæ flam-

1607. mis addicuntur, pronunciata. Quarta Synodus generalis, Chalcedone habita, ab eodem, qui jusserrat, Marciano est confirmata. Ejus sunt hæc in Epistola ad Palladium, Præfectum Prætorio: *Nemo Clericus, vel militaris, vel alterius cujuslibet conditionis de fide Christiana publicè turbis coadunatis & audientibus, tractare conetur in posterum, ex hoc tumultus & perfidiæ occasionem requirens. Nam & injuriam facit judicio reverendissimæ Synodi, si quis semel judicata ac rectè disposita revolvere, & publicè disputare contenderit; cum ea, quæ nunc de Christiana fide à Sacerdotibus, qui Chalcedone convenerunt, per nostra præcepta statuta sunt, juxta Apostolicas expositiones & instituta sanctorum Patrum CCCXVIII. in Nicæa, & CL. in hac Regia urbe definita esse noscantur. Nam in contemptores hujus legis pœna non deerit.* Quinta universalis Synodus suis sententiis robur tribui petiit ab Imperatore Justiniano: & quidem pii Patres eadem formulâ Principem compellant, cum hoc illum rogant, quâ secundæ œcumenicæ Episcopi Theodosium in simili re fuerant affati; adeò etiam his priorum modestia placuit, quam paullò antè commendabamus. Atque hæc sunt Concilia œcumenica, quæ in illa tempora incidunt, quibus de nunc agimus.

IV. *A sententiis Synodalibus appellabatur illis temporibus ad majorem Synodum, vel ad Principem.*

Ut de appellationum jure in veteri Ecclesia servato veritas clareat, rem paullò altius repetere non pigebit. Sciendum igitur, antiquos Patres ita attendisse gubernationi commissarum sibi peculiariter ovium, ut curam gregis universi alienam à se non ducerent: quam ob causam Cyprianus, Athanasius, Basilus, cæterique ejus dignationis viri pastorem curam suam non creditarum sibi privatim Ecclesiarum finibus coërcuerunt; sed ad universam Dei Ecclesiam præ fervore pietatis, & studio unitatis, extenderunt. Beatus Chrysostomus in laudatione S. Eustathii Antiocheni præclare hoc docet, sic scribens: *Edoctus probè fuerat à Spiritus gratia, Ecclesiæ Antislitem non de illa solum, quæ ipsi à Spiritu sit commissa, curam debere gerere; verum etiam de universa, quæ per orbem terrarum degit: atque hoc ille ex precibus sacris discebat; nam si pro universa Ecclesia, quæ à finibus terræ ad fines extenditur, precandum est; multo magis prospicere, omnium salutis cunctas pariter curare, & de cunctis oportet esse sollicitum.* Similis Athanasii laudatio apud Basilium in quadam Epistola: *Cæterorum quidem, ait, Episcoporum plerisque sufficit, si quæ propriè ad se pertinet, diligenter singuli curent; tibi hoc non est satis: quin Ecclesiarum omnium cura & sollicitudo tanta tibi incumbit, quanta illius, quæ privatim à nostro omnium communi Domino tuæ fidei est commissa.* Ideò etiam καρυφὴν τῶν ἐν ταῖς ἐκκλησίαις ἀρρώστων ὁ κύριος ἡμῶν ἱταμύσατο. Quamobrem & Gregorius Nazianzenus de Athanasio scribit, ipsum, quando factus est Episcopus Alexandriæ, πρεσβῆναι τῶν τῆς οἰκουμένης πάσης πρὸς Ἀσίαν, præfecturam suscepisse totius orbis terrarum. Idemque Gregorius Cyprianum & Athanasium non aliter describit, quàm velut generales quosdam omnium Ecclesiarum Episcopos: neque hoc propterea tantum, quòd illi, de quibus diximus, amplissimarum sedium erant Episcopi; nam etsi ad prærogativam dignitatis magnificentia urbis, ut ait Augustinus de Diaconis loquens, plurimum valebat; in iis tamen, quæ muneris sacerdotalis propriè sunt, ejusdem meriti ejusdemque Sacerdotii omnes censebantur, sicut Hieronymus ad Evagrium scribit. Neque aliud videntur voluisse

voluisse illi Episcopi, quos ait in II. Apologia Athanasius, omnes se Episcopos 1607. pari & eodem honore afficere; neque ex urbium magnitudine eos censere. Itaque tam Micropolitani, quam Metropolitani convenire sibi arbitrabantur, quod in Clementinarum Constitutionum libro VI. cap. XIII. legitur in commune de Episcopis, ipsos *τὸν καθόλου ἐπισκοπὴν προσήναι* quasi essent modo quodam singuli universalis Ecclesiae universales Episcopi. Auctor Epistolæ, quæ Eleuthero Papæ tribuitur: *Hujus rei gratiâ universalis vobis à Christo Jesu commissæ est Ecclesia, ut pro omnibus laboretis, & cunctis opem ferre non negligatis.* Sidonius Apollinaris libro VI. ad Lupum, Tricassium Episcopum, scribens: *Benedictus Spiritus Sanctus, & Pater Dei omnipotentis, quod tu Pater Patrum, & Episcopus Episcoporum, & alter seculi tui Jacobus, de quadam specula charitatis, nec de inferiore Jerusalem, tota Ecclesia Dei nostri membra super inspicias; dignus qui omnes consoleris infirmos, quique meritis consularis ab omnibus.* Ratio autem, quæ antiquis Patribus hoc persuasit, est, quod universa Ecclesia toto mundo diffusa, unica est; corpus ejus, unicum; caput unicum, Dominus Jesus: ergo etiam Episcopatus unicus, etsi in plures velut ramos expansus. B. Cyprianus de Unitate Ecclesiae: *Nemo fraternitatem mendacio fallat: nemo fidei veritatem perfidâ prævaricatione corrumpat. Episcopatus unus est, cujus à singulis in solidum pars tenetur: est autem, in solidum tenere, plenario jure, & ἰσχυρῶς non per vicariatum alius cujusdam in terris Domini: neque item cum socio; nam unius Ecclesiae unus potest esse Episcopus, ut Canones præcipiunt, & tot locis idem Cyprianus probat. Idem Epistolâ ad Stephanum Papam: Et si Pastores multi sumus, unum gregem pasчимus; & oves universas, quas Christus sanguine suo & passione quaesivit, colligere & fovere debemus.* Alludit Cyprianus ad Pauli verba, Actorum capite XX. *Attendite vobis & universo gregi, in quo vos Spiritus Sanctus posuit Episcopos, regere Ecclesiam Dei, quam acquisivit sanguine suo.* Iterum Cyprianus in divino libello de Unitate Ecclesiae: *Unitatem firmiter tenere & vindicare debemus, maximè Episcopi, qui in Ecclesia præsidemus, ut Episcopatum quoque ipsum unum & indivisum probemus.* Hujus qui meminere, simul veram causam intelliget multorum veteris Ecclesiae institutorum; ex quorum sylva ingenti pauca heic, priusquam ad appellationum jura explicanda accedimus, delibasse satis erit. Solebant igitur Patres de omnibus paullo majoris momenti rebus, quas in Ecclesia Provinciave sua fecissent aut statuissent, facere alios certiores. Exempli gratiâ: Decreverat Synodus Africana, pacem lapsis non dare, nisi post longam pœnitentiam: deinde cum immineret persecutio, placuit alia sententia. Id Cyprianus Cornelio Papæ per literas significat; quibus etiam Concilii causas fuse exponit; non quasi inferior reddens superiori rationem; sed ex charitate Christiana ad conservandam unitatem. Quare idem alibi, cur tam sollicitè de petitione lapsorum & confessorum in verecundis postulatis ad Clerum Romanum scribat, causam hanc affert: *Et dilectio communis, & ratio exposcit, fratres charissimi, nihil conscientia vestra subtrahere de his, quæ apud nos geruntur; ut sit nobis circa utilitatem Ecclesiasticæ administrationis commune Concilium.* Clerus autem Romanus ad illum rescribens, ingenuè profitetur, non hoc Cyprianum facere, quod teneatur subjectionis ratione; sed ex affectu charitatis: *Hoc, te frater Cypriave, facere, non mirum est; qui pro tua verecundia & ingenita industria, consiliorum tuorum nos non tam judices voluisti, quàm participes inveniri; ut in tuis rebus gestis laudem tecum, dum illas probamus, inveniremus; & tuorum Conciliorum cohæredes, quia & affirmatores, esse possemus.* Ab hac consuetudine Synodicarum literarum usus manavit, de quibus antea dictum.

1607. aliquid. Alexander, Episcopus Alexandriae, initio Encycliae ejus, quam ad omnes Episcopos dedit, post damnatum à se in Synodo Provinciali Arium, moris causam ita explicat: *Cum sit unum corpus Ecclesiae Catholicae, cumque in Sacris Literis traditum & praeceptum nobis sit, ut concordiae ac pacis vinculum teneamus; consentaneum est, uti per literas colloquamur inter nos, aliique alios mutuo de rebus, quae apud singulos geruntur, certiores faciamus: quo sive unum ex membris patiatur, sive letatur, nos inter nos vel patiamur unà, vel unà letemur.* Solebant etiam in creatione Episcoporum, & suffragia interdum mittere, & eà peractâ literis gratulatoriis novum Episcopum affirmare. Ita Cyprianus suâ & aliorum Africae Episcoporum auctoritate, Cornelii Papae electionem comprobat, Epistolâ Pamelianae recensionis **X L I I**. Qui autem Episcopatum erant nacti, de sua vocatione Encyclias ad omnes, vel saltem primarum Sedium Episcopos dabant; quae literae professionem fidei ipsorum continebant. Extant id genus Epistolae hodieque multae, praesertim Romae Veteris & Novae Episcoporum, hoc officio invicem mutuo fungentium. Ex Cypriano verò, cujus Epistolae sunt Antiquitatis Ecclesiasticae ingens thesaurus, apparet, etiam de minorum locorum ordinationibus, puta Presbyterorum, Lectorum, Diaconorum, Hypodiaconorum, literas dari solitas ad transmarinas quoque Ecclesias. Interdum etiam admonebant sese invicem, hortabantur, increpabant. Ita Cyprianus Cornelium Papam solatur, & ut Haereticorum minas floccifaciat, hortatur. De Stephano verò Papa, cui à Basilide negligenter erat obreptum, Epistolâ **L X V I I I**. liberam sententiam pronunciat; quod & super alia re facit sanè quàm acerbè in Epistolis ad Quirinum & Pompejum. At multò etiam vehementius eundem Stephanum accusat Firmilianus, Episcopus Caesareae in Cappadocia, iis literis, quas ad Cyprianum misit; qui etsi causam tuebantur, quam postea Ecclesia non probavit; certum tamen nihilominus ejus, quod diximus, argumentum praebent. Sic quum inter Innocentium Papam & Theophilum Alexandrinum, non convenire accepisset Africana Synodus, circa annum **C C C C V I I**. celebrata; sui officii esse, admonere Orientis & Occidentis Patriarchas, non dubitavit: *Placuit*, Canon ait, *ut de dissensione Romanae atque Alexandrinae Ecclesiae ad S. Papam Innocentium scribatur; quo utraque Ecclesia inter se pacem, quam praecepit Dominus, teneat.* Romani verò Pontifices quàm multis per universum idem officium praestiterint, ignorare potest nemo. Solebant & Clericos ac Sacerdotes in alienis finibus impunè instituere; quantumvis jure ordinario *αἱ ἐπισκοπὴ καὶ κληρονομία* essent prohibita; ut est in Canone Apostolico **x x v**. saepe tamen pii Praesules non ex ambitione, sed ex vi illius, quem diximus, universalis Episcopatus, id leguntur fecisse; praesertim verò necessariis Ecclesiae temporibus id constat usurpatum. De Eusebio, Samosatorum Episcopo, magno Christi athleta, cum in Ecclesiam furebat Valens, narrat Theodoretus libro **v**. capite **x I I I**. *Eusebius cum multas Ecclesias Pastoribus orbatas intellexisset, habitu militari indutus, & capite tiarâ operto, Syriam, Phoeniciam, & Palestinam peragravit; quò tum Presbyteros, tum Diaconos crearet, tum alia Ecclesiastica obiret officia. Quod si quando in Episcopos secum doctrinâ conjunctos incidebat, eos Ecclesiis, quae carebant Pastoribus, praeponebat.* Rufinus de Lucifero Calaritano per Aliam fidei causâ exulante, Constantinii temporibus: *Lucifer intento animo Antiochiam pergit, ibique dissentientibus adhuc partibus, ad unum tamen revocari posse sperantibus, si sibi talis eligeretur Episcopus, erga quem non una plebs, sed utraque gauderet, praeproperus Catholicum & sanctum virum, ac per omnia dignum Sacerdotio Paulinum Episcopum celebravit.* Similiter & Osius Cordubensis, Gregorius Nylle-

Nyssen, & Eusebius Vercellensis, Epiphanius Salaminæ in Cypro Episcopus, alique viri magni, dum per varias occasiones diversas Provincias lustrant, earum malis pro copia medentur, fidem rectam firman, ordinationes faciunt. Jam quoties novæ hæreses vel schismata oriebantur; si cessarent, qui proximi erant aut vicini; at qui procul degebant, nequaquam cessabant: neque in aliena diligentia spem salutis Ecclesiæ, otiosi spectatores ipsi ponebant. Ita Cyprianus Romam Carthagine mittit Caldonium & Fortunatum, ut schisma componant: rursus Cornelio sedente Mettium Hypodiatonum mittit Romam Cyprianus, ut Confessores illic, Novatiani & Novati pravitate seductos, ad matrem suam, id est, Catholicam Ecclesiam, unde recesserant, revocarent: idemque vir Dei, ubi rescisset, Martianum, Arelatensem Episcopum, Novatiano se conjunxisse, gravem Epistolam ad Stephanum Papam exarat, quâ illi, quid sit opus facto, fraternè ostendit: *Ei rei, inquit, nostrum est consulere & subvenire, frater charissime; qui divinam clementiam cogitantes, & gubernanda Ecclesiæ liberam tenentes, censuram vigoris peccatoribus exhibemus.* Et mox: *Quapropter facere te oportet plenissimas literas ad Coepiscopos nostros in Gallis constitutos, ne ultra Martianum, pervicacem & superbum, & divinæ pietatis & fraternæ salutis inimicum, Collegio nostro insultare patiantur.* Sic etiam Hilarius, Gallicanæ Ecclesiæ lumen, postquam cognovisset, sedere in Mediolanensi Cathedra Auxentium Arianum, illuc advolat, & ad expellendam illam pestem totis viribus connititur. De Athanasio auctor est Basilius, nullum finem fecisse ipsum, modò præsentem, modò per Epistolas; sæpè etiam per Legatos suos, cunctas ubique locorum Ecclesias ad sanitatè mentis & concordiam atque unitatem revocandi. Nominatim verò Antiochiæ eundem Athanasium Alexandrinum turbas ingentes suâ auctoritate composuisse, & Basilius ait, & Historia Ecclesiastica confirmat. Pari jure & Cyrillus, cognito, Nestorium, Patriarcham Constantinopolitanum, adversus naturam Christi, & honorem verè *Θεοῦ* beatæ Virginis blasphema quædam ferere dogmata, nihil moratus Prætoris interdictum finium regundorum, mitius primò, deinde totâ libertate ac fortiter se illi opponit; mox & Cælestinum, Romæ Archiepiscopum, ad societatem ejusdem laudis invitat. Denique in dissensionibus Ecclesiarum, ut quisque auctoritate plurimum valebat, aut Dei gratiis abundabat; ita plurimum se etiam remotissimarum Ecclesiarum negotiis immiscebat: neque id temporibus illis cuiquam invidiosum erat; sed longè potius apud omnes gloriosissimum. Adeò tunc temporis pulcherrimæ cuidam Aristocratæ proprior erat administratio Ecclesiæ, quàm illi, quæ postea invehi cœpit, absolutæ & crudæ Monarchiæ. Itaque Nestorius ipse Cyrillum hostem suum eo nomine laudare cogitur; quantumvis piâ ipsius admonitione nollet proficere: *τῆς διγυτῶν σκανδαλιζομένην φροντίδι,* inquit, *καλῶς πικρῶς ἀντιχομενῶ· καὶ χάρις τῇ τῶν θείων μεριμνητικῇ σου ψυχῇ, καὶ τῶν περὶ ἡμῶν φρονιζούσῃ.* quibus verbis Cyrilli studium commendat consulendi pacis, Ecclesiæ sublatiis offensionibus; & quod de Ecclesia Constantinopolitana cui ipse Nestorius præsidebat, tantam curam haberet, gratias illi agit. Hæc præmonenda erant, ut quæ fuerint in veteri Ecclesia appellationum jura, possit intelligi. Nam quia notum erat universis, ad omnium Antistitum curam ex æquo pertinere quicquid universalis Ecclesiæ unitatem rumperet, aut quietem sollicitaret; qui in Provincia sua, sive jure, sive injuriâ, damnationis sententiam passi erant, ad aliarum Provinciarum Episcopos auxilii petendi gratiâ sæpe confugiebant: rursus, quoniam inter omnes Ecclesias, Romana variis nominibus eminebat, Romani multi contendebant; ut Romani Pontificis gratiâ, & auctoritate, si Cathedrâ fuissent dejecti, eam recuperarent: si à Communione suspensi, ad

1607. eandem admitterentur. Ita quondam Marcion in Helenoponto, quæ patria ejus portenti fuit, excommunicatus à patre suo, ait Epiphanius, hoc est, Episcopo, ut arbitror, Sinopensi, contumeliæ inter suos impariens, Romam concessit: ita postea Felix & Fortunatus in Africa spiritali Cypriani gladio jugulati, eodem proficiscuntur: sic & Athanasius, Joannes Chrysostomus, Flavianus Constantinopolitanus, Monachi Scythæ, atque alii in Oriente malè habiti, vel per se, vel per Legatos Pontificum opem poposcerunt. Qui igitur hujusmodi exempla volunt esse appellationum ad Romanum Papam certa testimonia; si quæ hætenus de universalis Ecclesiæ cura diximus, omnium Episcoporum olim communi, attenderint, & dare locum veritati curaverint, aliter sentient: nam etsi prærogativâ quâdam honoris eminebat Romana Sedes, atque adeò gratiâ & auctoritate plus aliquantò poterat, quàm cæterarum singulæ, quæ vel plurimum valebant; si tamen jus spectetur, non magis Romam primis temporibus appellari solitum, quàm vel Alexandriam, vel Carthaginem, vel Mediolanum, aut aliò, unde in simili re subsidium pariter constat esse petitum: nam privatus Hæreticus in Lambesitana Colonia damnatus, Carthaginem venit, ut ubi causam ageret. Novatianus, Presbyter Romanus, à Romana Synodo excommunicatus, ab Africanis Ecclesiis & Alexandria recipi in Communionem expetiit. Scythæ Monachi à Patriarcha Constantinopolitano abstanti, ut ad Communionem viam sibi munirent, Legationem duplicem in Occidentem miserunt; unam in Italiam ad Hormisdam Pontificem, cæterosque Italiæ Episcopos; alteram ad Africanarum Ecclesiarum Antistites. Joannes ipse Chrysostomus, cujus exemplum tantopere urgeri solet, de eodem atramento ad Innocentium, Romæ Pontificem, & Venerium Mediolanensem, ac Chromatium Aquilejensem ejusdem argumenti literas exul dedit. Enimverò vetus observatio, & nuda rei veritas hoc modo se olim habuit. Qui sententiâ Episcopali condemnationem subierant, quo restituerentur in integrum, vel ordinario jure grassabantur, vel extraordinario. Jus ordinarium erat, ut à minore Conventu ad majorem appellaretur: maximus autem Conventus Ecclesiasticus est, Synodus œcumenica: sed ante Constantinum neque ulla fuit ejusmodi unquam Synodus, neque ullum extat cuiusquam exemplum, qui eò appellaret: quare neque in Canonibus, quos vocant Apostolicos; neque in Clementinis Constitutionibus, ubi tam multa super judiciis Ecclesiasticis & Episcopalibus, de Concilio œcumenico ulla habetur mentio, magis quàm de appellationibus ad Romanam Sedem. Et tamen etiam illis temporibus res controversas à minore conventu ad amplio-rem referri solitas patet. B. Cyprianus instante persecutione, circa causam lapsorum consilio cum paucis communicato, statuerat, pacem illis laxandam: deinde multis factum improbantibus, ubi primum quies & tranquillitas data esset, ac conveniendi in unum facultas, copiosum Episcoporum numerum cogit, quibus hanc quæstionem proposuit disceptandam. Quum ne sic quidem satisfactum esset multorum scrupulosis mentibus, ultrò Cyprianus, disciplinæ Ecclesiasticæ rigidissimus observator, numerosiori Præsulum Conventui rem detulit denuò disceptandam. Scribit enim ad Antonianum, obrectatorem suum: *Si minus sufficiens Episcoporum in Africa numerus videbatur, etiam Romam super hac re scripsimus ad Cornelium Collegam nostrum; qui & ipse plurimis Coëpiscopis habito Concilio, in eandem nobiscum sententiam pari gravitate & salubri moderatione consensit.* Docet hoc ipsum etiam Jovini & Maximi iterata condemnatio, de qua paullo post. Cæterum disciplinæ is vigor tum obtinuit, ut qui sententiâ Episcopi sui, consensu Presbyterii esset abstantus, non secus ab universa orbis totius Ecclesia extorris viveret,

veret, quàm si eam sententiam Oecumenicum aliquod Concilium pronuntias- 1607.
set: huic enim nulla usquam patebat Ecclesia absque formatis literis. Istas por-
rò ab uno illo Episcopo poterat expectare, à quo sententiam alligationis acce-
perat; à mortalium præterea nemine. Si quis enim spretà hac observatione,
excommunicatum alibi ad Communionem in sua Ecclesia admittebat, is neque
reum absolvebat, & ipse vinculo eodem se innodabat. Lege Canones Apo-
stolicos x. xi. xii. idem xxxii. xxxiii. & in eos Canones Zonaram ac
Balsamonem. Hac ratione eveniebat necessariò illud Cypriani, ut unius cujus-
que causa illic audiretur, ubi erat crimen admissum: ex quo etiam illud pari ne-
cessitate consequebatur, ut appellationum ad Judices extra Provinciam nullus
esset usus. Atque hoc ordinarium jus erat, cum exacta vigeat Canonum illo-
rum observatio. Qui obstinatiores animo adversus disciplinam Ecclesiæ con-
spirabant, hi subsidium contra auctores damnationis suæ, unde unde poterant,
sibi comparabant. Sed hac ratione extraordinariâ primis illis temporibus nemi-
nem penitus usum legimus, præter oppidò paucos, & eos quidem magna ex
parte Hæreticos. Auctor est Cyprianus, veterum Hæreticorum & Schismatico-
rum perpetuum hunc morem fuisse, ut postquam ab Episcopo suo de Ecclesia
essent ejecti, socios Communionis ostiatim & oppidatim quærent; idque du-
plici fine: nam & spargere virus suum quàm latissimè gestiebant, & redire ad
Communionem Ecclesiæ Catholicæ plerique optabant. Hinc illa id genus ho-
minum extra Provinciam suam circumcursatio, & Legatorum missitatio. Verba
Cypriani, Epistolâ xli. de Legatis Novatiani ad Africanos: *Ac ne eorum fu-
rens audacia unquam desisteret, heic quoque in schismatis partes Christi
membra distrabere, & Catholicæ Ecclesiæ corpus unum scindere ac laniari ni-
tuntur; ut ostiatim per multorum domos, vel oppidatim per quasdam civi-
tates discurrentes, obstinationis suæ & erroris scissi sibi quærant comites.*
Epistolâ xlix. ad eundem Cornelium scribens: *Vestris literis, inquit, & didi-
cimus, & docere atque instruere jam cæteros cepimus, Evaristum de Episcopo
jam, nec Laicum remansisse, Cathedræ & plebis extorrem, & de Ecclesia Dei
exilem per alias longè Provincias oberrare, & ipsum veritatis ac fidei nau-
fragium factum, circa quosdam sui similes paria naufragia concitare.* Sed
hos nebulones sine formatis ad se accedentes pii Episcopi procul amoliebantur;
ut etiam duabus illis Epistolis testatur Cyprianus à se factum. Neque solum ar-
cebant Communionem suâ alibi scissos; verum etiam literis insuper suis notabant.
Idem magnus Scriptor, Epistolâ lv. *Privatus vetus Hæreticus in Lambe-
sitana Colonia antè multos ferè annos ob multa gravia delicta nonaginta
Episcoporum sententiâ condemnatus; antecessorum etiam nostrorum, Fabiani
& Donati, literis severissimè notatus; cum causam suam apud nos in Conci-
lio, quod habuimus Idibus Majis, quæ proximè fuerunt, agere velle se dice-
ret, non admissus est.* Interdum tamen non planè rejiciebantur, qui sine
formatis veniebant; sed judicium instaurabatur; præsertim quoties prima sen-
tentia à paucis fuerat pronunciata. Exemplum ejus rei extat in eadem illa Epi-
stola: nam ait Tertulliani discipulus, magistro melior: *Sed & Jovinus &
Maximus comites cum Privato Hæretico assuerunt, ob nefanda sacrificia &
crimina in se probata, sententiâ novem Episcoporum, collegarum nostrorum,
condemnati, & iterato quoque à pluribus nobis in Concilio, anno priore absten-
ti.* Etsi postulabat rigida Canonum observatio, ut qui non exhiberent pro-
prij Episcopi formatas, inauditi statim expellerentur; quia tamen paucitatem
Judicum isti causabantur, datum hoc eis à Cypriano, ut in Confessu numero-
siore ipsorum causa iterum cognosceretur. Licuit hoc Cypriano cæterisque
Episcopis pro libertate Christiana, quæ in Ecclesiis tum vigeat; & illo etiam

1607. jure universalis curæ; sive, ut est in Constitutionibus Clementinis, *ἡς καὶ ὁ δέσπο-
 τὴς*, de quo antè diximus. Quo item jure hoc sibi interdum Antistites illorum
 temporum sumebant, ut si quis Episcopus in alia Provincia malè sentire de
 fide diceretur, accusationem ejusmodi non planè rejicerent; sed pertinere ad
 se eùm maximè putarent. Idcirco Dionysius, Romanus Pontifex, quum à Pen-
 tapolitanis accepisset, Dionysium, Alexandriae Episcopum, de Natura Christi
 perperam sentire ac scribere; delationem hanc, licet falsam & calumniosam,
 ut exitus probavit, non neglexit; sed veræ doctrinæ patrocinium simul susce-
 pit, ac falsam scripto confutavit; & cum eo, qui fuerat delatus, per literas egit:
 auctor Athanasius, qui eam historiam fusè descripsit. Porro ubi frustra vici-
 nas Provincias circumcursaverant sententiam passi Hæretici, quò facilius fallere
 possent, longinquas petebant. Romam igitur plerique veniebant. Cyprianus
 Epistolâ L. V. ad Cornelium Papam: *Denique quia conscientiam suam nôrunt,
 nec nos audent adire, aut ad Ecclesiae limen accedere; sed foris per Provin-
 cias circumveniendis fratribus & spoliandis pererrant, & omnibus jam satis
 noti, atque undique pro suis facinoribus exclusi, illuc etiam ad vos navigant.*
 Quis dubitat, omnium Hæreticorum & Schismaticorum commune olim fuisse
 studium, ut, (quod de Nestorio duobus locis scribit Cyrillus) Romanam Eccle-
 siam possent *συνομεῖσθαι*, id est, furto sibi conciliare, & ad partes trahere? Nullo
 enim breviori compendio ad cæterarum Ecclesiarum Communionem pervenire
 poterant, quàm si communicatorias literas ab Romana se impetrasse ostende-
 rent, cujus erat fides notissima, auctoritas maxima. Hoc consilio Romam olim
 sunt profecti, vel literas à Romano Pontifice furto & fraudulenter, ut ait Cy-
 prianus, sunt conati elicere, Cerdon è Syria, Marcion è Ponto, Valentinus ex
 Ægypto, Basilides & Martialis ex Hispania; ex Africa verò Privatus, Felicissi-
 mus, Fortunatus, Novatus, plureis alii. Deinde horum imitatione posteriori-
 bus temporibus quàm plurimi. Longè ab istorum perditorum hominum consilio
 separanda causa est sanctissimorum virorum, ut Athanasii & Joannis Chrysosto-
 mi, & paucorum similium, quos in adversis solatium Româ propriis malis pe-
 tiisse, testatur Historia. Quòd autem neque illi, neque hi, cum Romam vene-
 runt, aut Legatos miserunt, appellaverint ad Romanum Pontificem, paucis
 probemus; dicturi postea de jure, ac postremò de utilitate aut periculo hu-
 jusce juris. Cerdonem ac Valentinum, quia appellasse eos Romam, nemo
 quod sciam, ne recentiorum quidem dixit, prætermitto. Marcion apud Car-
 dinalem Bellarminum in albo eorum, qui ad Papam provocarunt, agmen du-
 cit. Atqui neque Irenæus, neque Tertullianus, qui hujus adventum Romam
 commemorant, hoc dixerunt; ne Epiphanius quidem, quem laudat unicum
 Cardinalis Bellarminus. Unde igitur istud habet: Narratio Epiphaniï est hæc:
 Marcion in patria ab Episcopo suo Communione expunctus, multis cum pre-
 cibus *αἰτῶντος μετάνοιαν*, *petitâ pace*, pii & cati senis animum flectere non po-
 tuit: ille popularium jocos non ferens, Romam concedit; quia Hygini mor-
 te vacabat tum Sedes; Presbyteros Romani Cleri adit; petit ab his, *εὐαχθῆναι*,
ut ad Sacram Communionem admitteretur. Negant illi summo omnium con-
 sensu. Furere tum Marcion, & Cerdoni se adjungere: quum erroris admoni-
 tus, culpam in Presbyteros Romanos transferret, ac diceret, *Cur me suscipe-
 re nolulistis?* Respondent pii Presbyteri: *Hoc enim facere absque permissione
 venerandi tui Patris, (Episcopum ita vocabant) non possumus nos; una si
 quidem est fides, unus omnium consensus; neque licet nobis Collegæ nostro &
 Consacerdoti Patri tuo adversari.* Quid hîc, obsecro, quod appellationis
 vel tenuem suspensionem præbeat? APPELLARE enim est, provocare ad ma-
 jorem potestatem à minore. At negant disertè Romani, posse illum à se solvi,
 qui

qui ab alio esset vinctus: & jure illi quidem; nam veteris disciplinæ Canon 1607. est, inter Apostolicos x i i. *Si quis Clericus aut Laicus excommunicatus sive abstentus in aliam civitatem profectus, recipiatur absque literis formatis, excommunicetur & qui suscepit, & is, à quo susceptus est.* Neque huic Canonì ulla adjecta est exceptio de privilegio aliquo hac in parte Romanæ Sedi indulto: nulla ergo heic potestas major; ac proinde nulla appellatio. At, inquires, recipi se petit Marcion à Romanis; quod rescindere erat sententiam ante latam. Credebat igitur Marcio, & vulgò tum omnibus erat persuasum, rescissionem sententiarum Episcopaliū & Synodicalium Romā petendam. Nugæ. Jam diximus, idque ex Cypriano probavimus, Hæreticorum ac Schismaticorum hunc fuisse morem, ut exclusi à suis, vicinas Ecclesias pererrarent. Quid igitur ab illis petebant? Nemo sanæ mentis negaverit, Communionem cum iis quæsisse, & pacem, quam inter suos amiserant: nam illis temporibus adeò penitus in animis Fidelium defixa erat persuasio de unitate totius Catholicæ Ecclesiæ, ut quemadmodum ab una separatus ab omnibus exulabat, sic cum una conjunctus, ad omnes aditum habebat commercio formatarum. Hinc illa abstentorum circumcursatio. Quare si expetere Romanæ Ecclesiæ Communionem, appellare est Roman; ergo etiam ad quasvis alias appellatum Ecclesias. Quin potius dicimus, quod Historiæ non imperiti sciunt esse verissimum. Nam quia nihil in hoc negotio pro potestate geri solitum; sed ἀγαπῶντες, ut Græci Patres dicere solent, id est, ex officio charitatis Christianæ; nulla fuit appellatio, nulla ad hoc quidem potestatis inæqualitas. Porro Clerum Romanum etiam vacante sede, communicatorias literas dandi jus habuisse, ipse Clerus ostendit in ea, quam scripsit ad Cyprianum, ubi Privati Lambesitani meminit. Marcioni subjicit Cardinalis Bellarminus Fortunatum & Felicem, *qui in Africa à Cypriano depositi Romam navigaverunt, atque ad Cornelium appellaverunt.* Hæc ille ex Cypriano, inquit Epistolâ tertiâ, quæ in Pameliana editione est quinquagesima quinta. Cyprianus, vir acutissimus, neque Felicem, neque Fortunatum Romam navigasse, eo loco scribit; sed Felicissimum à Fortunato Pseudo-Episcopo, (qui cum & Felix alius Pseudo-Episcopus faciebat) & in Africa seditionis vexillifero, Romam missum esse cum multis aliis. Appellasse ad Romanum Pontificem neque dicit Cyprianus, neque verum est. Otto in Africa schismate, creati fuerant illi duo Episcopi, partim à Privato, vetere Hæretico; partim ab aliis paucis ejusdem pravitatis sectatoribus. Quum exemplo Cypriani, & aliorum, qui cum ipso sentiebant, cæteri quoque Africani Episcopi à Communionem sua prædones Ecclesiæ alienos certatim pronuntiassent, neque illi pace oppidatim per Africæ Provincias quæsitâ, quicquam proficerent; ut labantem jam factionem multis quotidie remeantibus, atque ad Ecclesiam pulsantibus, ut ait Cyprianus, sustentarent, mittunt Romam Felicissimum cum amplissimis literis paucorum Pseudo-Episcoporum; quos illi mentiebantur esse Catholicam Ecclesiam Africanam. Dicebamus supra, morem veteris Ecclesiæ fuisse, ut qui Episcopatum essent nacti, ad alios Episcopos literas darent, ut Epistolas ipsorum elicerent; ex quibus constaret, ejusdem Communionis ipsos esse: hoc enim modo novam electionem confirmare dicebantur, qui vel ex remotissimis regionibus ad ipsos scriberent. Sic Cyprianus cæterique Africani Episcopi Cornelii Papæ creationem comprobant. Non est dubium, Epistolas, quas Pseudo-Episcoporum Legatus Felicissimus Romam attulit, ejus argumenti fuisse: id enim ad decipiendos Africæ populos futurum erat telum efficacissimum: quare ut à Cornelio communicatorias auferrent, non solùm preces adhibuerunt, quas statim repudiavit Cornelius; verum etiam minas

1607. atque terrores, quibus penè Romanus Papa succubuit: sed nutantis gressus firmavit Cyprianus illà divinà Epistolà LV. Quoniam autem magnis clamoribus jactabat Felicissimus Romæ, paratum se probare, sine causa à Catholicis in Africa se & suos fuisse excommunicatos; ideòque judicium Romæ renovari postulabat. De ejus postulati iniquitate multa disputat Cyprianus, quò animum Cornelii eò inclinantis revocaret à sententia, quæ libertatem omnium Ecclesiarum erat læsura. Ejus Epistolæ pars magna in eo versatur, ut probet Auctor, actum esse de fide & disciplina Ecclesiastica, si Sacerdotalis dignitas facta recta non conservaretur: *Nec unus in Ecclesia ad tempus Sacerdos & ad tempus Judex vice Christi cogitaretur.* Loquitur autem Cyprianus de se & de omnibus in commune Episcopis, qui separatas Ecclesias singuli in solidum tenebant; non de Romano Pontifice, ut falsò & absurdè nonnulli scribunt: quum contrà, eo loco Cyprianus jus suum & reliquorum Africæ Episcoporum apud Cornelium Papam adversus ipsum Cornelium tueatur. An igitur ad Cornelium appellavit Felicissimus, aut illi, quorum missu Romam venit? Nequaquam; sed more temporum illorum, de quo antè diximus, querelam de injuria ab Episcopis accepta, ut quidem arbitrabantur, ad Episcopos primò Africanos, deinde Romanum, pari jure detulerunt. Cyprianus verò, qui virum sanctum Cornelium non tulit, potestatis aliquantò plus in eo negotio exerentem, quàm charitati Christianæ videbatur convenire; eo ipso quòd tam acriter illum dictà Epistola castigat, & in ordinem cogit, duo operà eàdem nos docet; neque prioribus temporibus tale quid factitatum fuisse in Ecclesia Dei; & quòd posterioribus seculis graviora longè acciderint, mirum id nemini debere videri. Nunquam enim nova exempla in eo manent, undè incesperunt: cujus rei probatio in longum tempus dilata non est, ut declarant quæ statim subjiciemus. Pergit enim Cardinalis Bellarminus, & ait: *Non diu post, Stephano Pontifice, Basilides in Hispania depositus, ad Stephanum appellavit.* Basilides & Martialis ob gravissimas causas depositi sunt in Hispania. Martiali quiescente, Basilides Romam proficiscitur: ibi tam sibi quàm Martiali literas communicatorias à Stephano Pontifice impetrat: eodem in Hispania reverso, tam ipse quàm Martialis sedes suas receperunt. Negamus tamen posse dici, istos appellasse ad Romanum Pontificem: usi enim sunt, quod jam sæpius diximus, consuetudine veteris Ecclesiæ, quando auxilium sibi quæsiverunt à Romano Papa, quod frustra, sine dubio, à vicinarum Provinciarum Episcopis speraverant. Stephanus verò deprecatoris vice functus est, aut potius testis, non autem Judicis potestatem majorem exercentis in fratres, & κατ'ἐξουσίαν αὐτῶν. Certissimum, clarissimum, & ipsis penè manibus palpabile argumentum hujus est, quod ut Basilides & Martialis auctoritate Romani Pontificis adversus Collegas suos Hispanos, à quibus fuerant Cathedrâ expulsi, se muniverunt; ita Collegæ ipsorum judicio Cypriani & Africanorum Episcoporum adversus sententiam Papæ Romani. Si Stephanus auctoritate summi Judicis sententiam secundum excommunicatos pronuntiaverat, idque juris ea ætas Papæ Romano tribuebat; quid sibi volunt prioris sententiæ Auctores, qui post reditum, Basilidis negotium integrum ad Episcopos Africæ deferunt, & super eo ipsos consulunt? Cyprianus Epistolà LXVIII. *Cum in unum convenissemus, legimus literas vestras, fratres dilectissimi.* Deinde post narrationem facti: *Et desiderastis rescribi ad hæc vobis, & justam pariter ac necessariam sollicitudinem vestram vel solatio, vel auxilio nostræ sententiæ sublevare.* Quæstionem postea tractat, & ex divinis præceptis quid fieri debeat docet: postremò de Stephani facto quid judicandum esset, ita paucis explicat: *Nec rescindere ordinationem jure perfectam*

seclani potest, quod Basilides post crimina sua detecta, & conscientiam etiam propria confessione nudatam, Romam pergens, Stephanum, Collegam nostrum, longè positum, & gestæ rei ac tacitæ veritatis ignarum fefellit; ut exambiret reponi se injustè in Episcopatum, de quo fuerat jussu depositus. Vel id ipsum, quod tam levi operâ, tam paucis verbis Stephani sententiam rescindit Cyprianus, sive hoc suâ unius auctoritate faciat, sive de consilio paucorum Collegarum, ad quos consultatio fuerat delata; vel id ipsum, inquam, non contemnendum veritati argumentum præbet. Nam si Præsules isti ad Papam legitimè appellatum credidissent, tanquam ad supremum tribunal; censi ita perfunctoriè Judicis ἀποκρίσει sententiam ausuros esse rescindere? At, inquires, falsam sententiam rescindere ipsos, & cui error intervenerat; absque hoc fuisset, manus duros, & Romani Pontificis judicio acquieturos. Non negamus; quin fatemur ultrò, eam simplicitatem illius aureæ ætatis fuisse, ut rectè monentibus & olitoribus, quod ajunt, sponte suâ homines obedirent, nedum Romano Pontifici, Petri Paulique successori ἐποδοξῶ pariter & ἐποθρῶν. Hoc tamen dicimus, hoc iterum iterumque affirmamus, Monarchica ista Imperia illo seculo fuisse inaudita in Ecclesia Dei, adhuc libera, adhuc nemini, præter Christum, servituti mancipata. Nullum igitur Romæ supremum tribunal; nulla ad Curiam Romanam appellatio. Hactenus appellatio ad Romanam Sedem exemplis Hæreticorum & Schismaticorum est defensa; quorum neque doctrina ad probandum, neque facta ad imitandum in Ecclesia solent proponi. Sed his Cardinalis Bellarminus aliquot sanctorum virorum exempla subjicit: magni Athanasii, qui ad Julium I. Pontificem appellavit; Joannis Chrysostomi, qui ad Innocentium I. Flaviani, Episcopi Constantinopolitani, qui ad Leonem; postremò etiam Theodoret, qui item ad Leonem provocavit. Heic enimverò Lectorem, cognoscendæ veritatis studiosum, volumus oratum, ut quàm verè, quàm appositè hæc dicantur, sua interesse putet non ignorare; sed probè velit intelligere atque cognoscere. Nos equidem inficias non imus, quin potius ultrò profiteamur, extitisse ab aliquot retrò seculis magnæ auctoritatis viros, qui, ut appellationes omnes Romanæ Sedi assererent, tantorum Heroum exempla in medium attulerunt, & pro regula omnibus Fidelibus esse debere contenderunt. Sed enim adversus hæc duo respondemus nos: nam & appellasse hosce viros sanctos ad Romanum Papam, pernegamus: & quicquid est, quod illi necessitate compulsi fecerunt, ad jus ordinarium cognoscendum perperam atque absurdè afferri, constanter asserimus. Meminerit verò Lector, de appellatione heic nos loqui vera; hoc est, secundum vocis proprietatem accepta: magno enim errore quamlibet auxilii petitionem ab injuria passo factam, appellationem vocaveris; quum illa demum vera sit appellatio, quæ secundum leges jure ordinario fit, & à minore potestate provocat ad majorem. Ubi verò potestas aut nulla est, aut par & eadem, non est ea appellatio; sed ἀποφυγή & perfugium. Qui autem appellatur, quantâcunque auctoritate præcellat, nisi arbitrium à partibus ipsi fuerit delatum, deprecatoris, non Judicis officium præstat. Atheniensium humanitas ita quondam celebrata est inter Græcos, ut ad Misericordiæ aram, in ea urbe positam, tanquam ad commune perfugium ex universa Græcia multi, quos potentiorum injuria oppresserat, confugerent. Heraclidæ, Argivi, Hippocratis liberi, cum aliis sexcentis opem & auxilium ibi invenerunt. Si quis tamen dixisset vel Lacedæmone, vel Thebis, aut apud Megarenses in vicinia positos, ad Athenienses ab omnibus Græciæ partibus appellari; haud dubiè non ferret impune; sed potius, qui fuit amor libertatis in illis populis, in magnum periculum veniret, ne audientium manibus discerperetur, aut stupidæ certè ignorantie damnaretur;

1607. tur; qui inter juris regulam & humanitatis officia nesciret distinguere. Sic quum in populo Judaico ex institutione divina perfugium homicidis ad urbes quasdam pateret, ad eas tamen civitates fuisse appellatum, dementia sit dicere. Denique aliud est, adversus iratum patrem deprecatores sibi parare; vel adversus inimici amicum opem poscere; judicium illi permittere: aliud, ab iniqua pedanei Judicis sententia ad Prætores appellare, vel à Prætores ad Principem. Athanasium igitur, Chrysostomum, Flavianum, & alios viros pios Romanorum Pontificum auxilium implorasse adversus vim manifestam, ultrò fatemur: eoque nomine Romanam Ecclesiam laudari satis non posse, agnoscimus, & contentâ voce prædicamus, quòd eâdem operâ & fidem rectam adversus Arii, Nestorii, Eutychetis aliorumque veterum Hæreticorum deliria defenderit, & fidelibus Episcopis, pro eadem causâ laborantibus, manum porrexerit; sed appellationem improprie & periculosè nominari dicimus, quæ erat auxilii simplex petitio. Quandoquidem, ut jam diximus, non est appellatio proprie dicta, nisi ad majorem potestatem. Quum igitur Athanasius, Chrysostomus, Flavianus Synodorum Decretis Sedes admisissent, qui dixerit ad Synodum aliam ipsos appellasse, verè dixerit & convenienter Antiquis: nam adhuc illa ætas superiorem potestatem in Ecclesiasticis rebus nullam agnovit, nisi majoris Synodi: aut si fortè, Principis: qua de re postea dicemus. At si dixeris ad Patriarcham Antiochenum, vel Jerosolymitanum, aut Romanum Papam appellasse; aut falsò, aut improprie locutus fueris. Falsò, si de vera appellatione intelligas; improprie, si de auxilii petitione sentias. Extant & Athanasii, & Joannis Chrysostomi de suis casibus propria scripta multa: nego posse vel unicum ex iis locum afferri, ubi Romam se appellasse dixerint. Nego etiam, Socratem, Theodoretum aut Sozomenum in ea re verbum appellandi unquam posuisse. Nihil enim aliud de Athanasio narrant Historici, nisi Romam ipsum venisse, ut salutis suæ consulere: neque de Chrysostomo aliud, nisi hoc; ad Innocentium & Episcopos Occidentis literas illum dedisse, quibus de sua injuria certiores illos faceret, & opem atque subsidium ab iis peteret. Ostendimus initio hujus Disquisitionis, veteres Episcopos tanti fecisse unitatem Ecclesiæ, ut singuli eorum universalis Ecclesiæ curam putarent pertinere ad se ratione quadam: ex quo fiebat, ut unius injuria omnes adverteret. Itaque licet Canones Apostolorum, Nicæni, & alii multi terminari omnes controversias iis in Provinciis, ubi essent ortæ, jubebant; quoties tamen æquum jus in competenti sibi foro Ecclesiastico aliquis impetrare non poterat, judicium ad quosvis alios Episcopos, vel potius arbitriam de causa cognitionem deferrebat: neque operam detrectabant, qui adibantur. Idque non alio jure, quàm τῆς καθόλου Ἐπισκοπῆς, quod antè exposuimus, & charitatis Christianæ, cujus glutino invicem hærebant compacti, corpus unicum efficientes. Sic narrat Sozomenus libro VIII. Ammonium & Isidorum adversus Theophili Alexandrini injurias præsidium petuisse ab Joanne Chrysostomo Constantinopolitano. An ergo jus fuit, ab Alexandrino Patriarcha ad Constantinopolitanum appellandi? Minimè gentium; sed aliud est, latiusque patet officium humanitatis, quàm stricti juris observatio. Quo igitur jure aditum est ad Chrysostomum? Huic quæstioni ita satisfaciunt Sozomeni verba in facti narratione: εὐοντο γὰρ ἐν δίκῃ παρρησίας αὐτὸν παρελθόντων, δυνάμει τῆς δίκαιας βοηθεῖν αὐτοῖς: Putabant enim, inquit, Joannem Chrysostomum pro suo studio conservandæ legitimæ libertatis, posse auxilium in causa justa sibi præstare. Appellat eruditus Scriptor Παρέλθοντες ἐν δίκῃ παρρησίας, studium illud omnibus Episcopis commune procurandi utilitatem universalis Ecclesiæ: nam παρρησία ἰνδικος est, jus legitimum id curandi, quod, ut sæpe monuimus, in Clementis Constitutionibus ἡ καθόλου Ἐπισκοπὴ appellatur.

pellatur. Planè ita & Socrates loquitur libro I. cum literas illas Julii Papæ, 1607. quas Athanasio & aliis exulibus Episcopis dedit, ut in sedes suas restituerentur, vocat παρρησιαστικά γράμματα, literas scriptas eâ libertate, quæ singulis Episcopis, præsertim verò primæ sedis Antistiti competit. Si quis malit referre ad libertatem Ecclesiæ, res eodem redibit: intelligetur enim studium, quod Pastoribus esse debet, conservandæ libertatis cujusque Fidelium, præsertim Ecclesiasticorum, ut hi erant; ne à potentioribus opprimantur infirmiores; quod sibi accidisse querebantur Ammonius & Isidorus. Deinde addit Sozomenus, Joannem scripsisse ad Theophilum; ut profugos istos in Communionem reciperet, quia de fide sentirent rectè. Ni putaret reperendum esse judicium; mitteret τον διαδομένον, id est, aliquem, qui adversus ipsos litem institueret. Sibi nempe Chrysostomus partes Judicis assumit, pari jure, atque ipse postea factione damnatus Innocentio & aliis Episcopis judicium de sua causa detulit. In ea Epistola Chrysostomi ad Innocentium præclarè ordinarium jus ab extraordinario separatur. Ait enim de Theophilo, & de se: *Sed absentibus nobis, & Synodum convocare volentibus, judiciumque flagitantibus, neque cognitionem causæ fugientibus, sed inimicitias manifestas, accusatores tamen admittebant.* Mox: *Injectus in navim noctu navigabam, quia Synodum ad istud judicium vocare volueram.* Et paullo inferius: *Ingressi ad Imperatorem oravimus, ut ad ulciscenda facinora Synodum cogeret.* Et statim: *Nos conscientie nostræ fiduciâ institimus apud piissimum Imperatorem, ut Concilium congregaret.* Paucis interjectis: *Instabamus jugiter orantes judicium fieri, in quo audiri judicarique possemus.* En veram disciplinam illorum temporum. Synodus perversè dejicit Patriarcham: ille adversus Synodum malignantium ad Synodum appellat; majorem nimirum, aut etiam universalem: de Romano Pontifice verbum nullum. Ubi verò legitimâ petitione Chrysostomi spretâ, omnia vi gerebantur; neque ullus disciplinæ Ecclesiasticæ locus erat relictus; ita demum vir sanctus auxilium extra ordinem à fratribus suis petere cogitur. Hinc illæ ipsius ad Orientis & Occidentis Episcopos literæ; cum primis verò ad Innocentium, Romanum Pontificem, ut præcipuæ sedis & præcipuæ auctoritatis Antistitem. Postquàm igitur tam expressè dixit, totiesque repetiit, se viâ Canonicâ uti volentem, ad Synodum appellasse, verum frustra; tandem expositis injuriis, quæ sibi & aliis piis Episcopis fuerant factæ: *Hæc igitur, inquit, omnia cogitantes, Domini beatissimi ac reverendissimi, dignum vestrâ constantiâ & congruum robur ac studium sumite; & hanc perniciem, quæ invasit Ecclesias, oramus, avertite.* Deinde petit, ut in adversarios censuræ vigorem exerceant; & si opus fuerit, causæ cognitionem suscipiant: atque hoc modo ad Innocentium & alios Episcopos Occidentis delata est cognitio causæ inter Chrysostomum & Theophilum, ipso, ut vides, deferente Chrysostomo. In Athanasii causa paullo aliter accidit: nam ad trahendum ad se cognitionem de ea re, utraque pars Julium Papam invitavit. Post casum Athanasii habita est piorum Episcoporum Synodus, quæ ad universos orbis terrarum Synodicam scripsit: ad celebriores etiam Ecclesias per Legatos misit, quò Athanasii innocentiam cunctis exponere, & ad ejus causam amplectendam universos hortaretur. Hæc Epistola, ait Athanasius in Apologia de fuga sua, tum ad alios omnes Episcopos est missa, tum etiam ad Julium, Episcopum Romæ. Quare Synodus scriptione ejus Epistolæ velut classicum cecinit adversus inimicos Athanasii: simul & omnes Episcopos, quibus esset facultas ipsum adjuvandi, Judices ejus causæ constituit. Accessere postea preces non solum Athanasii, postquam in urbem venit; sed etiam aliorum Episcoporum, qui ibidem pariter exulabant.

1607. Erant autem hi gravissimi & magni nominis viri: Paulus, Patriarcha Constantinopolitanus; Marcellus, Ancyrae; Asclepas, Gazæ Episcopi: sed & ab altera parte iudicium fuisse delatum Julio, Athanasius, & ex illo Historici ostendunt. Athanasii verba eodem libro: *Quin & Eusebiani ad Julium literas misere; & quia putabant se terrorem nobis incussuros, Synodum postularunt convocari, & ut ipse Julius, si vellet, Judex causæ fieret.* Videntur hæ Eusebianæ factionis literæ Romam prius pervenisse, quàm Athanasius eodem appulisset, vel piæ Synodi Epistola Julio fuisset reddita: nam Theodoretus ita scribit: Julius acceptis literis Eusebii, τῇ τῆς Ἐκκλησίας ἐπέμεινεν ὁ νόμος καὶ αὐτὸς καταλαβεῖν τὴν ῥόμην ἐκέλευσε, καὶ τὸν θῦον Ἀθανάσιον εἰς τὸ δικὸν ἐκάλεσε: *Secundum Ecclesiasticam legem & ipsos Eusebianos Romam se conferre iussit, & divinum Athanasium ad causam dicendam vocavit.* Quam legem Ecclesiæ intelligit hoc loco Theodoretus? Nullam quidem scriptam; sed vel illam consuetudinem, de qua dictum superius, cùm de Synodorum confirmatione ageremus; vel consuetudinem ἀγραφὴν ita vocat, usu Ecclesiæ confirmatam, quæ in dissensione Ecclesiarum quemvis Episcopum, quem altera pars appellasset, Judicem constituebat controversiæ; si modò altera pars non noller, ut antea probavimus. Sed Patriarchalibus sedibus hunc potissimum honorem delatum, credere verum est; omnium autem maximè Romano Episcopo, cujus præcipua semper fuit inter fratres prærogativa aliqua dignitatis. Itaque Sozomenus & Socrates privilegiorum Romanæ Sedis in hac re mentionem à Julio factam significant; quæ tamen ab Episcopis Orientis esse exsufflata, Historici memoriæ prodiderunt: nos autem docuimus, aliam fuisse causam graviolem, quæ illi auctoritatem suam huic negotio interponendi jus daret: ac præsertim Synodicam illam Epistolam, cujus exemplum extat apud Athanasium; quæque, ut titulus iudicat, missa est τοῖς ἀπανταχῇ τῆς καθολικῆς Ἐκκλησίας ἐπισκόποις: *ad omnes ubique terrarum degentes Ecclesiæ Catholicæ Episcopos.* Jam intelligis, candide Lector, quantam Juliano & Innocentio injuriam faciant, qui dicunt ipsos contra consuetudinem Ecclesiæ αὐτοκαλεύεσθαι, & propriâ duntaxat auctoritate fretos, rapuisse ad se cognitionem de causis Athanasii & Chrysostomi. Superest de Flaviano dicere. Hic vir insignis in Synodo Ephesina 11. molitione Dioscori, Episcopi Alexandrini, qui prædonum Conciliabulo illi præerat, & sedem suam depositus amisit, & vitam quoque plagis contusus. De eo scribit Liberatus in Breviario causæ Nestorii: *Flavianus contra se prolatâ sententiâ, per ejus Legatos Sedem Apostolicam appellavit libello.* Ex iis, quæ hæcenus disputata sunt super simili causa Athanasii & Chrysostomi, apparet, locutum esse Liberatum & novè; quia non ita loquebantur priores, ut probavimus; & improprie, quia Flavianus non unicum appellavit Romanum Pontificem; sed simpliciter appellationem interjecit: nam Acta Synodi ita habent: *Post recitatam sententiam in Flavianum. Tunc Flavianus dixit, Appello à te:* quæ appellationis brevissima formula ex jure communi ejus temporis exponi omnino debet. Diximus autem, jus commune fuisse, ut à Synodo ad Synodum appellaretur; aut si ea spes decollaret, ut à potentiorum Ecclesiarum fratribus auxilium peteretur. Non est dubium, hoc voluisse Flavianum. Accidit verò tunc temporis, ut vi sceleratæ Episcopis etiam Orthodoxis cedentibus, & damnationi subscribentibus, pauci viros se præberent. In his autem fuerunt Legati Leonis Papæ præstantes pietate & animi magnitudine, Hilarus, qui postea fuit Pontifex; & Renatus: atque ut Flavianus appellationem interjecit, sic Hilarus oppositionem, Acta Concilii: *Hilarus, Diaconus Romanæ Ecclesiæ, dixit: Contradicitur.* Idcirco Flavianus rebus desperatis libellum appellationis huic tradidit; eo videlicet

licet fine, ut ad Leonem reversus, illum stimularet, quò efficeret pro sua au- 1607.
 storitate, ne tantum scelus impunitum sineretur. Hoc voluisse Liberatum, pe-
 riti Historiæ Ecclesiasticæ illorum temporum non negabunt; si modò antici-
 patis notionibus nudam veritatem antepone curaverint. Sine causa Cardina-
 lis Baronius de hac apud Liberatum vocula tam impotenter Io triumphæ cla-
 mat. Sed in Annalibus illius non pauca invenire est ejusmodi *ναικὰ* dicta,
 quæ me aliquando magno stupore defixerunt: velut cùm dicit, sivilisse Deum
 tantis calamitatibus virum cœlestem Joannem Chrysostomum obrui, ut de Ro-
 mani Pontificis Principatu in Ecclesia nemo dubitaret; & cùm malorum om-
 nium, quæ alicui vel Principi, vel Provinciæ humanitùs contigerint, nulla alia,
 ut plurimùm, in Annalibus causa assignatur, præter unam hanc, quòd Maje-
 statem Romani Pontificis, vel dicto vel factò læserint. Non ignoramus, quid &
 quantum veteres Romanis Pontificibus detulerint; at dicta his similia & aliis
 sexcentis in Annalibus, nulla adhuc reperimus apud antiquos Patres. Quid?
 magnum adèò visum illi stabiliendæ Romanæ Monarchiæ argumentum, quòd
 dixerit Liberatus, Flavianum appellasse ad Papam Romæ? At cogitaret, contra-
 rium evincere multa, eaque certa argumenta; quod ejusmodi appellationum lu-
 culentiores Liberato Historici rerum Ecclesiasticarum, neque in hujus Flaviani
 causa, neque usquam alibi mentionem ullam fecerint; quòd Athanasius,
 quum toties damnaretur, tot ærumnas in Ægypto & Asia perferret, postea
 etiam ad Treveros sive seponeretur, sive relegaretur, ne semel quidem in tot
 annorum spatio, hujus appellationis expedito remedio sit usus; quòd Chryso-
 stomus iniquà damnatus sententiâ, non aliò quàm ad Synodum provocaverit;
 quòd neque hic, neque ille, cùm suos casus narrant, ad Romanos Pontifices, Ju-
 lium & Innocentium, se appellasse unquam scripserint; quòd ipsi illi Pontifi-
 ces nihil penitus pro monarchica potestate in hac re gesserint, sed communi
 jure usi, judicium instaurari procurarint, literas innocentiae ipsorum, & suæ
 cum illis Communionis testes ad Ecclesias dederint; deinde pro exulibus pre-
 ces suas Imperatoribus obtulerint; Julius Constantio, Innocentius Honorio;
 quòd ubi primùm exoriri cœpit in Ecclesia hujusce juris, quo omnia ad Ro-
 manum Pontificem Ecclesiæ negotia trahuntur, tenuis aliqua suspicio, pii
 Episcopi se illi opposuerint; ut de Cypriano ostendimus: de variis Synodis
 postea dicemus. Postremò cogitaret, Liberatum hunc iis temporibus vixisse,
 quibus non deerant, qui jus illud vel sponte suâ Romanæ Ecclesiæ deferrent,
 vel etiam ipsi illud sibi vindicare incipienti secundas facerent. Nos autem heic
 non quærimus, quid pauci Romani Pontifices amplificandæ potestatis suæ plus
 æquo fortasse studiosi, vel dixerint, vel senserint; de quo inferius dicetur; verùm
 quid universa Ecclesia illorum temporum, quibus de agimus, & crediderit & fe-
 cerit. Sed ne quis sit calumniæ locus, doceamus clarâ luce clarius, ita loqui in-
 terdum veteres Scriptores, ut appellare eos dicant, qui auxilium ab aliquo non
 juridicè; sed ἀγαπητικῶς, & ut loquuntur mediæ ætatis Theologi Latini, chari-
 tativè petunt. Patres piæ Synodi, quæ expulso Athanasio convenit, postquam
 omnes Episcopos obsecrarunt, ut Athanasio dexteras communionis porrigerent;
 ejus injuriâ dolerent; justam indignationem suam adversus mali auctores ex-
 promerent, subjiciunt ista: ὅτι μᾶλλον ὁ δόξας κατὰ τῆς τοιαύτης ἀδικίας ἀπικαλύμματα ὑπο-
 μνήσκοντες τὸ δόξαστικόν, ἐξάρων τὸν πονηρὸν ἐξ ὑμῶν αὐτῶν. Quæ sic erant vertenda: *Vos
 enim tantæ iniquitatis vindices, APPELLAMUS; Apostolicum illud vobis in
 memoriam revocantes: Auferte mala de medio vestrum.* Est autem hæc Sy-
 nodica non ad Romanum Episcopum privatim missa, neque ad ullum alium
 ex iis Præsulibus, qui plurimùm in Ecclesia tum poterant; sed generaliter, ut
 præ se fert titulus jam antè à nobis descriptus, ad omnes totius Ecclesiæ Ca-
 tholicæ

1607. tholicæ Episcopus. Quare huic Epistolæ ista subjicit Athanasius: ταῦτα οἱ ἀπ' Αἰγύπτου γράψας πρὸς πάντας, καὶ πρὸς ἑλέσι τὸν ἐπίσκοπον τῆς Ῥώμης: *Hæc Ægyptii cum ad universos scripserunt, tum ad Julium, Romæ Episcopum.* Si arguari lubet, dicemus piam Synodum à factiola Synodo ad quemlibet Episcopum appellare: nam id sonant verba illa, ἐκδίκης δικαλόμεθα: Græcis appellatio dicitur ἐκκλητῶ, vel ἐκκλητῶ δίκη· appellare, ἐπικαλεῖσθαι. Nota vox Pauli in Actis, καί τινες ἐπικαλεῖσθαι, *Cæsarem appello*; & sæpe illo capite xxv. Sed quis ferat dicentem, ad singulos pari jure licuisse appellare dictâ appellatione à Synodi sententia? Fateamur igitur, ἐπικαλεῖσθαι in hac Synodica, *appellare* apud Liberatum, & similibus locis, qui rarissimè occurrunt, de ejus auxilii petitione debere intelligi, quod charitas Christiana & Cura Pastoralis tenetur afflictis exhibere. Propterea Cœlestinus Papa in Epistola ad Clerum Novæ Romæ, de perfugio Athanasii ad Sedem Romanam ita scribit: Athanasius, inquit, ἐν τῷ τῷ θρόνῳ εἶρε κοινωνίας ἀνάπαυσιν· ἀφ' ἧς αὖ τῶν καθολικῶν γεννᾶται βοήθεια: *In hac sede invenit Communionis solatium; unde semper Catholicis existit auxilium.* Planè sic est, ut Cœlestinus dicit: qui ad potentiores sedes confugiebant, ubi fidei suæ integritatem probaverant, ad Communionem fraternitatis recepti, literis (τόπας & πύρρυσιατικὰ γράμματα, & συνελικὰ Historia Ecclesiastica vocat) donabantur, orthodoxæ ipsorum fidei testibus atque indicibus; deinde eâ velut contellatione hospitalitatis acceptâ, quocunque venirent, pro fratribus à Catholicis excipiebantur. Rectè igitur Cœlestinus hanc Communicationem pacis & appellationem fraternitatis, ut loquitur Tertullianus, κοινωνίας ἀνάπαυσιν nominat; ut quod merum esset humanitatis officium, è fonte charitatis Christianæ manans. Ideò Sidonius Lupum Tricassinum, primariæ quondam per Gallias auctoritatis Præsulem, & ut ipse appellat, Episcopum Episcoporum, ait *de quadam specula charitatis tota Ecclesiæ Dei membra superinspicere.* Julius quoque Papa ad cognoscendum de causa Athanasii charitate ductum se proficitur, non inani & fumoso illo typho, quem tantoperè SS. Patres detestantur. Verba Julii sunt in responsione ad Synodi Antiochenæ Episcopos: *Quid? an non charitatis argumentum est, quòd Presbyteros misimus, qui afflictorum dolores participarent, & eos, qui ad me scripserant, (Eusebianos nempe, qui judicium ipsi detulerant) hortarentur huc venire, ut sublatis controversiis omnia quàm primum componi queant, & neque fratribus nostris malè sit, neque vos à nonnullis male audiat.* Satisfactum est de appellationibus Athanasii, Chrysostomi & Flaviani; quas tantoperè Libertatis hodiernæ patroni solent urgere, propter sanctorum illorum Martyrum (ita meritò illos appellaverim) auctoritatem in Ecclesia longè maximam. De Theodoro nihil privatum addam; nam & hujus, & omnium eadem ratio est; & Epistolam illam Theodori ad Leonem Papam Græcè adhuc videre mihi non contigit; in quo tamen quantum sit momenti, piget dicere quoties experti sumus in tractandis Historiæ Ecclesiasticæ monumentis. Nunc superiori disputationi illud adjicimus, absurdum esse, cum de ordinario jure disciplinæ Ecclesiasticæ quæritur, exempla illa ingeri, quæ tum edita sunt, cum vi & injuriâ latè dominante omnia Ecclesiæ jura erant sepulta: nam cur Athanasius in Occidentem se conferret, hæc propior & verior fuit causa; quia aliter non potuit. Intra Ecclesiam sæviebant Ariani, homines violenti, scelesti, omnibus modis detestandi: extra Ecclesiam furor Constantii, Principis hæretici, omnes per Orientem Ecclesias devastabat: Orthodoxi undique deturbabantur, in exilia relegabantur, mactabantur. Ariani impune quicquid lubebat, licebat; omnia autem lubebant, quæ bonis essent & molesta & funesta. Dejicitur ergo Athanasius, & ad eandem expetitur à crudelissimis lupis. Quid faceret? quò se verteret? unde auxilium peteret? Nunquam

quam ergo pedem efferret vir *ἀθανάσιος* ex illis cavernis, ubi tot annos dicitur 1607. delituisse? Et erunt, qui pro magno jactent, Athanasium ex Ægypto & Oriente Romam concessisse? Magna sanè Dei Opt. Max. erga Romanam Ecclesiam apparuit indulgentia, cum per tot secula adversus illas Orientis lues Arium, Apollinarem, Nestorium, Eutycherem & alios in propugnaculum Romæ Ecclesiam & plerasque Occidentis constituit. Nam etsi alia tunc erat causa, tamen & cum ejectus est Chrysostomus ex urbe Constantinopolitana, & cum Ephesi ad mortem est compulsus Flavianus, facies Ecclesiæ Orientalis non multò fuit neque pulchrior, neque lætior, quàm vivente Athanasio. Jure igitur ad Occidentem oculos in adversis viri pii converterunt, quum ibi & orthodoxa fides vigeret, quod toties illis gratulatur Basilius; & Principes rerum potirentur fidei integræ & verè pii: quales fuerunt Constantinus Junior & Constans, qui pro Athanasii causa laborarunt; & Honorius, qui pro Chrysostomi. Quæ tunc gesta sunt à viris probatis, partim iis, qui necessitate ad omnia extrema consilia impellebantur; partim iis, qui commotis visceribus fervore dilectionis, quidvis tentabant, quò afflictiis opem ferrent; ea velle statuere pro lege perpetua Ecclesiæ, mera insipientia est & inscitia. Esto enim: migraverint & Julius & Innocentius legitimæ suæ potestatis fines; jus in fratres usurpaverint non antè usitatum; adde, si voles, fortasse parum legitimum: at constat illis sui facti ratio; cum ea temporum esset conditio, ut, sicut ajunt Medicorum filii, extremis malis extrema remedia essent adhibenda. Itaque cessante jure ordinario, officiis extraordinariæ charitatis fuit locus, atque adeò fuit opus. Ea sunt, quæ Græci Sapientes, ut superiore capite dicebamus, appellabant officia *καὶ ἀνάγκης*, velut ab ipsa temporum necessitate expressa. Quoties autem vel in Rempublicam, vel in Ecclesiam similis tempestas incumbit, multa fieri à bonis necesse, quæ legitimæ ordinationi repugnent: quia tamen studio conservandæ vel Reipublicæ, vel Ecclesiæ illa fiunt, non solum excusantur ac feruntur; sed omni etiam laude digna censentur. Cæteris cogere, adire ad populum, & publicè pro concione illum affari, solis Magistratibus licebat Romæ: cæteris id tentasse, nefas & capite luendum. Idemque jus in omnibus Rebuspublicis bene institutis semper obtinuit. Menenius Agrippa id fecit, & omnium ore est laudatus. Quippe turbatâ seditione Respublica id officium à bono cive exigebat. Populum ad arma vocare, Ducem se illi præbere, civem occidere, & quidem Tribunum plebi; quis neget esse populi Romani majestatem imminuere? Publius tamen Scipio Nasica tumultu per Tiberium Gracchum turbatâ civitate, quia segniter agebat Mucius Consul, sequi se jussis, qui salvam Rempublicam vellent; Gracchum in Capitolium persecutus oppressit: idque Scipionis factum Mucius ipse multis Senatusconsultis non solum defendit, sed etiam ornavit. Quærenti de forma legitima Reipublicæ Romanæ & jure civitatis ordinario, si quis hæc exempla afferret, & similia facta ad jus consuetum revocaret, censent pro sano hunc esse habendum? an non potius pro cerrito & circumferendo? Planè hoc faciunt, qui rara exempla bonorum virorum, ad Occidentem & Romam, rebus in Oriente perditis, confugientium, ad stabiliendum jus istud appellationum valere postulant: & quæ pauci Pontifices, (de antiquioribus loquor, publicæ utilitatis studio, aut certâ dispensatione, ut Theologi loquuntur, usurparunt, ad Ecclesiastica dogmata, contra Honorii Papæ præceptum, trahunt. Utinam potius regulæ illius meminissent, quam ex B. Athanasio in superioribus afferebamus, ac jure merito commendabamus: **QUÆ PER DISPENSATIONEM SCRIBUNTUR VEL FIUNT, EA MALIGNÉ INTERPRETARI NON OPORTET.** Ac de quæstione quidem facti,

1607. quod ad illa tempora attinet, quibus de nunc agimus, hætenus dictum esto. Superest de jure quæstio; cujus exacta tractatio propter subtiliora quàm veteriora quorundam commenta, aliam operam & scriptionem desiderat, quàm æquo Lectori ad omnia, quæ objici solent, abunde fiet satis. Rei veritas, ut summam dicam, hæc est. Ante Concilium Sardicense nihil quicquam penitus hac de re cautum nominatim legitur; sed eo jure usam esse Ecclesiam Catholicam patet, ut appellationum extra Provinciam usus omnino ignoraretur. Hanc vim habebat observatio formatarum, ut jam ostendimus: non enim solvi poterat, qui censuræ vinculo fuisset innodatus, nisi ab illo ipso, qui nodum adstrinxerat. Cui bono igitur appellare? nisi fortasse à Presbyterio unius Ecclesiæ ad plurium Episcoporum Consessum provocaretur; inde ad Comprovincialium Synodum, cui etiam ille intererat, à quo appellabatur. Patriarchalium sedium jura primis seculis sunt ignorata. Romanæ quoque Ecclesiæ nullum hac in parte jus eximium fuisse, Marcionis exemplum, superius discussum, liquidò demonstrat. Non tamen negamus, jam illis temporibus extitisse, qui in Provinciis suis sententiam passi, vicinas Provincias pererrarent; Romam etiam interdum venirent, quò pacem impetrarent: nam id factitatum aliquando, vel illud arguat, quod in Canone xxxiii. Apostolico, uti vocant, certè antiquissimo, causa, cur tam expressè caveatur, ne sine commendatiis sui Præfulis quisquam peregrinus suscipiatur, affertur hæc *πλὴν γὰρ κατὰ συναρχιεπίσκοπον γίνεσθαι*. Quorum verborum sensus est, eos Episcopos, qui sine formati erroneos istos admittunt, & de causis ipsorum cognitionem sibi vindicant, furtivâ obreptione sæpè decipi. Quare etiam Cyprianus nobilissimâ illâ ad Cornelium Papam Epistolâ, adversus istos circumcursatores, desperatos & perditos homines, ut ipse loquitur, qui Romam ex Africa perebant, statutum hoc affert veteris Ecclesiæ, æquum & justum, inquit ipse: **UNIUS CUJUSQUE CAUSA ILLIC AUDIATUR, UBI EST CRIMEN ADMISSUM.** Quo statuto ita appellationes omnes & Romam, & aliò extra Provinciæ fines prohibentur, ut multum subtilitati ingenii sui confidere illos oporteat, qui adversum tam manifestam veritatem congregi non verentur. Concilii Nicæni Regulæ duntaxat viginti hodie extant; easque solas jam inde à principio in corpus Canonum, quo utebatur utraque Ecclesia Orientis & Occidentis, esse relatas constat. In iis de jure appellationum ne verbum quidem: Canone autem tertio, qui est de creatione Episcoporum, hæc habentur: *τὸ δὲ κύριον τῶν γινεμένων γίνεσθαι καὶ ἐκαστὴν ἐπαρχίαν τῇ μητροπολίτι*: *Auctoritas & confirmatio omnium, quæ in quaque Provincia geruntur, ad Metropolitanum spectat.* Unde colligimus, Patriarchalium Sedium jura, de quibus tam multa posteriorum ætatum Synodi sanciverunt, nondum fuisse satis cognita; etsi Canon sextus eorundem Patrum illas sedes jam usu quodam comprobaret, firmat. Secuta est non multò post Synodus Antiochena, cujus Canon quartus docet, depositis Episcopis unicam superesse spem restitutionis in alia Synodo. Porro hanc Synodum jubent cogi sequentes Canones è solis Comprovincialibus, aut è vicina Provincia. xv. ita cavet: *Si quis Episcopus aliquorum criminum accusatus fuerit ab omnibus Provinciæ Episcopis condemnatus, & omnes unam consentientem adversus eum sententiam tulerint; is ne amplius ab aliis judicetur; sed Provinciæ Episcoporum firma maneat sententia.* Præcedente autem Canone præcipitur, si minus conveniat super causa alicujus Episcopi inter Comprovinciales, ut proximæ Provinciæ Metropolitanus cum aliis Episcopis de causa illius cognoscat. Scio in Beati Chrysostomi causa homines improbos, qui malo fine hunc Canonem allegabant, eâ exceptione esse summos, quòd Semi-Ariani fuissent ejus auctores, magni

Athanasii

Athanasii hostes jurati, & sunt sanè æternâ infamiâ digni, qui tantis viris tantum molestiarum exhibuerunt. Cæterum ipsorum Canonum diversa causa est atque Auctorum. Itaque vetus Ecclesia, quæ ne pessimorum quidem Principum leges bonas repudiabat, magno consensu tanquam hujus Synodi Canonibus auctoritatis, quâ in Oriente, quâ in Occidente tribuit; ut in Canonici Juris corpus antiquum & statim illos retulerit, & postea eundem honorem iis constanter servaverit: verum hæc aliàs pluribus. Antiochenam mox Sardicensis Synodus excepit; cujus magna semper apud Orthodoxos fuit auctoritas: fidem namque Nicænam firmavit; & Athanasium putidarum calumniarum absolvit. Veteres tamen pro Oecumenico illud non habuisse, & pueris notum; qui saltem nomina septem Oecumenicarum Synodorum, lippis & tonsoribus nota, non ignoraverint: nam etsi convocati ad eam fuerant utriusque orbis Episcopi, magnaue adeò, ut Athanasius est auctor, Antistitum frequentia hanc Synodum celebravit; Canonibus tamen scribundis perpaucos adfuisse Orientalium, nemo dubitat; quæ fuit, haud dubiè, ratio, cur pro universali Concilio Antiqui istud nunquam habuerint. Ut valdè mirum sit, in nuperis Conciliorum editionibus titulum commentitium & falsum esse inditum; sed hoc *παρεγχείρημα* & similia huic *σκαυρήματα* alia multa quò spectent, & qui cæcutiunt clarè vident. Jam diximus, quàm diversa illis temporibus regnante Constantio esset conditio Ecclesiarum Orientis & Occidentis; quum hæ singulari beneficio Christi, fidem veram, etsi non ubique, at in præcipuis saltem civitatibus, maximè autem Romæ servarent: illæ miserandum in modum laceratæ, multiplices hæreses palàm foverent; orthodoxam fidem raris in locis retinerent; propterea, Osius Cordubensis & alii pii ex Occidente Patres ejus Concilii, qui non semel antè in Athanasii causa, quantum esset in Romani Pontificis auctoritate præsidii, animadverterant: ut id quasi asylum adversus Arianorum diram persecutionem Occidentalis Imperii hominibus aperirent, novum jus introduxerunt. Deceverunt enim, ut si quis deponeretur Episcopus, Romam liceret appellare; atque ut renovetur judicium, à Pontifice Romano petere. Quòd novum jus id fuerit, apparet vel ex verbis Osi, qui ejus fuit auctor & *εισηγητής*. Canone quarto ita scriptum: *Osius Episcopus dixit: Quod si aliquis Episcopus adjudicatus fuit in aliqua causa, & putat se bonam causam habere, ut iterum judicium renovetur, si vobis placet, S. Petri memoriam honoremus: ut scribatur, vel ab his, qui examinarunt, vel etiam ab aliis Episcopis, qui in propinquo morantur, Romano Episcopo: & si judicaverit renovandum esse judicium, renovetur, & det Judices. Si autem probaverit talem causam, ut ea non refricentur, quæ acta sunt; quæ decreverit Romanus Episcopus, confirmata erunt. Si ergo omnibus placet, statuatur. Synodus respondit, Placet.* Si jure divino, ut hodie declamatur, appellationes omnes fuissent ad Romanam Sedem relatæ, aut Canonibus Nicænis hoc ei jus esset attributum; quid opus erat hoc Canone & aliquot sequentibus? Aut quis non intelligit, rem introduci ab Osi, de qua nihil ad eam diem esset sancitum? Nam hoc evidentissimè significatum Osius voluit, cùm diceret: *Si placet vobis, S. Petri memoriam honoremus.* An ea mens fuerit Patrum Sardicensium, ut Decretis suis omnes tam in Oriente, quàm in Occidente Episcopos vellent teneri, non temerè affirmaverim. Ea certè erant tunc tempora, ut optandum piis fuerit, non in extremo tantum Oriente Occasum versus, quò perveniebat Romæ veteris imperium; sed per totum orbem utrumque vim Decreti hujus extendi. Sed quum probaverimus, pro Oecumenico id Concilium nunquam esse habitum, putare Decreta ab Occidentalibus facta vim legis necessariæ in Oriente habuisse, plus quàm pueriliter est errare.

1607. Habita fuerat paullo ante Synodus Antiochiæ, quæ literis Julii Papæ restitutione Athanasii in Synodo Romana facta, acerbè admodum respondit: *Rescripserunt*, inquit Sozomenus, *Julio Epistolam verbis ornatam, stilo caustidici-
nae compositam, ironia multæ plenam, cui nec minæ decrant gravissimæ.* Addebant postea, ut ipsi Romano Pontifici se non opposuerant, cum excom-
municarat Novatianum: ita neque illum jus habere contradicendi, quoties
aliquem è suis de Ecclesia ejicerent. In eadem Epistola, quum viderentur
Orientales Romano Pontifici deferre τὴν προέχουσαν, id est, prærogativam ali-
quam honoris, velut primogenito inter fratres, quod à principio extitisset Ro-
ma Apostolorum schola, pietatis metropolis; mox quo animo hoc dicerent,
palàm faciebant, hæc subjicientes: *Licet ex Oriente Romam venissent, qui
Religionem Christianam illos docuerant.* Quod planè erat priora destruere:
ideò rectè ait Sozomenus, per ironiam laudatos fuisse Romanos iis literis. Illud
verò, quod sequitur, magis mentem illorum ostendit: apertè namque quem
dedisse videbantur, honorem repetunt, funemque relegunt: *At postulare se,
ne propterea secundas ferrent, si magnitudine & copiâ Ecclesiæ minus abun-
darent.* Faceti sanè homines, qui locum principem Romano ita concedere-
rent, ut tamen in secundum se rejici non paterentur. Atqui si nemo est secun-
dus, neque tertius, ut in orbem constituentibus; neque primus quisquam esse
potest. Similis faceria, vel potius ambitio & æmulatio eorum, qui in Ca-
none Concilii Constantinopolitani & Chalcedonensis, quo donantur Constan-
tinopolitani honore primæ sedis μετὰ τὸν Πῶμον, *secundum Episcopum Romanum*,
vocem μετὰ sic intelligendam contendebant, ut Nova Romæ Veteri non postpo-
neretur; quod non argutum, sed planè ridiculum erat: neque enim ordo po-
test consistere, si non est aliquis primus, quem cæteri sequantur. Itaque rectè
hanc interpretationem explodit Zonaras. Illud verò palam contumeliosum,
quod addunt Orientales in eadem Epistola: ὡς ἀπὸ τῆς καὶ παλαιᾶς νικούντες, *quod
ipsi virtute & moribus vincerent.* Hæc non eo animo commemoramus, quod
nobis probentur: meminimus enim, à quibus scribantur, & quo fine: verum
ut ostendamus, ita fuisse tunc & semper animatos Orientales, ut Canones istos
Sardicenses magnis clamoribus fuerint excepturi, si quis novum hoc jus ipsis
obtruderet; neque de pravis solùm, & hæretica dogmata tuentibus id volumus
intelligi; sed etiam de orthodoxis & verè piis. Quis pietate aut verâ humili-
tate illustrior vixit unquam magno Basilio? Quis omni Christianâ laude di-
gnior Gregorio Nazianzeno? At sciunt qui horum saltem Epistolas legerunt,
quis horum sensus fuerit, quæ & quàm justæ quærimoniæ de fastu, superbia,
& immani cupidine dominandi τὸν δυτικὸν, *Occidentalium*; id est, Romani
Pontificis, ut mox probabimus, allatis ipsorum verbis modestiæ plenis. Erat
Orthodoxa Synodus Oecumenica Constantinopolitana, cujus Epistolam ad
Synodum Romanam describit Theodoretus libro quinto, non planè dissimi-
lem illi Patrum Antiochenorum: nam & hæc figurata est, ac speciem aliam
præ se fert, aliam interius spectata mentem exhibet; ut facilè appareat, etiam
orthodoxos & sanctos per Orientem viros, majestatem Romanæ Ecclesiæ ita
coluisse comiter, ut plenam libertatem se obtinere crederent: neque ullo modo
esse illi inferiores, nisi ratione ordinis καὶ τῆς ἑνταξίας. Itaque Zonaras aliique
Juris Canonici Interpretes Græcorum, quoties de appellationum jure dispu-
tant, Sardicenses Canones interpretantur, de Romanis & eorum pravis inter-
pretationibus gravissimè conqueruntur. Idem Sardicensi Concilio non Occu-
menico duo Oecumenica opponunt, Constantinopolitanum & Chalcedonense;
quibus eadem jura Novæ Romæ Episcopis tribuuntur, ac Veteris. Canone au-
tem hono hujus appellationes omnes ad regiam urbem Constantinopolim reji-
ciuntur;

ciuntur; quod utique intelligendum de Provinciis Orientalis Imperii: at qui 1607.
 nodum hîc in scirpo quærunt, & à Nicolao Papa veram interpretationem
 istius Canonis petere nos jubent, confingerent pauca saltem exempla, quibus
 probarent, Sardicensi Decreto locum in Oriente illis temporibus fuisse. Quid?
 negabunt isti, multos Episcopos in Asia, Syria, Ægypto post habitam Syno-
 dum Sardicæ, partim jure, partim injuriâ fuisse depositos. Proferant ex tanta
 exemplorum copia, quantam Historiæ suggerunt, unum saltem, qui Sardi-
 censis Decreti beneficio sit usus: aut qui omnino ejus mentionem injecerit.
 Atqui Panchrestum hoc remedium erat futurum, quo uterentur omnes, qui
 per Orientem injuriam vel paterentur, vel pati se autumarent. Chalcedo-
 nensis Concilii Canonem nonum vel mutavit, vel explicavit postea Justinia-
 nus Novellâ cxxiii. capite xxii. cujus mentem ita exprimit Julianus
 capite cccclxiv. *Si contra Metropolitanum adire quispiam velit, regio-
 nis illius Patriarcha negotium discernat.* Sed addit Græcus textus: *ἡ δὲ τις μέρους
 καὶ τῆς ὑποῦσας ἀντιλέγει διαμένει: ita ut neutra pars sententiæ Patriarchæ
 sui possit contradicere.* Ergo nec appellari Romam poterat, neque hoc no-
 vum jus est à Justiniano introductum; sed juris consueti, & dudum in Ec-
 clesiis Orientalibus vigentis est affirmatio. Verum enimverò quid quantum-
 que priscis temporibus fuerit discriminis inter auctoritatem Oecumenici alicu-
 jus Concilii & auctoritatem Concilii Sardicensis, nemo aut intellexit melius,
 aut certius docere hodie nos potest, quàm Zosimus Pontifex, cum duobus
 successoribus suis, Bonifacio & Cœlestino. Post annos circiter septuaginta à
 Synodo Sardicensi celebrata, induxit in animum Zosimus Papa hoc ipsum,
 de quo disputamus, appellationum jus ad Romanam Sedem ab Africanis
 Episcopis impetrare; & ut Decreta Sardicensia super ea re facta vim Legis Ec-
 clesiasticæ in Africa obtinerent, efficere: eo fine Legatos à latere, quos jam
 tum vocabant, in Africam mittit, amplis mandatis instructos. Si pro Oecu-
 menico Concilio Ecclesia Catholica illorum temporum Sardicenses habuisset,
 facilis erat futura causæ peroratio apud Catholicos Episcopos Africanos. Nam
 de mente ejus Concilii nemo poterat dubitare, qui saltem leviter Acta vel
 Canones inspexisset. Sed probè nôrat Zosimus, Legatos suos ad hoc jus im-
 petrandum Canones Sardicæ allegantes, hac exceptione ab Africanis repel-
 lendos; quòd ejus Synodi non ea erat in Ecclesia Catholica auctoritas, ut ad
 tantam rem conficiendam posset sufficere. Acutè sanè ac prudenter prævidit
 Zosimus, quod omnino futurum erat; nam adhuc illo tempore adeò obscu-
 rum fuit inter Ecclesias Africæ nomen hujus Synodi, ut haut sciam, an totâ
 Africâ unus aut alter potuerint inveniri, qui de ea fando aliquid accepissent.
 Docet hoc altum in tot Synodis, Carthagine habitis ob id ipsum, de Sardi-
 censi silentium; nemine inter omnes Episcopos reperto, (erant hi aliquando
 plures ducentis, flos delibatus ex universis Africæ Provinciis) qui ullo indicio
 proderet, sibi de ea Synodo aliquid esse compertum: quod quidem mirum
 nemini videbitur, qui meminerit, ipsum Augustinum, faciliè principem cun-
 ctorum ejus ætatis Africanorum Præfulum, de pio & orthodoxo Confessu
 Patrum Sardicensium omnia penitus ignorasse. Lege illius Epistolam cliii.
 & contra Cresconium libro iii. cap. xxxiv. videbis, virum doctissimum,
 & rerum Ecclesiasticarum peritissimum, nullam, ne tenuissimam quidem, fa-
 mam de ullo alio ejus nominis Concilio accepisse, nisi de Conciliabulo quo-
 dam Arianorum, qui ad Donatistas ex illa urbe literas in Africam dederant.
 Propterea Zosimus, ut quod optabat impetraret, tacito Sardicensis nomine,
 Nicæni Concilii nomen in commonitorio proficiscentibus Legatis dato, sin-
 gulari solertiâ posuit. Verba ejus sunt in illo pittacio: *Verba Canonum in*
k k k 2 plenio-

1607. *pleniorē firmitatē huic commonitorio infervimus; ita enim dixerunt dilectissimi fratres in Concilio Nicæno.* Deinde Canonem subjicit, quem nemo unquam dubitavit, septimum esse Sardicensium. Veniunt Legati in Africam: cogitur Carthagine Concilium; illi mandata sibi tradita exhibent. Ad nomen Nicænæ Synodi Patres omnes attoniti, qui de appellationibus ad Romæ Papam nihil unquam in ejus Canonibus, probè sibi notis, legissent; memorabili pietatis & modestiæ exemplo, quantum sacrosanctæ Nicænæ Synodo honoris deferrent, ostenderunt. Statuunt Patres, quia ad vindicandum sibi transmarinarum appellationum jus, Canones Nicænos Zosimus in medium afferret, quos in Africanis codicibus non invenirent; priusquam momenti maximi controversiam deciderent, mittendos esse ad Orientis Patriarchas, maximè Alexandrinum, & Constantinopolitanum, qui instructiores Bibliothecas haberent, Legatos; ut de fide suorum exemplarium melius sibi constaret: interim, dum veritas adhuc lateret, Zosimo Papæ hunc honorem habuerunt, ut omnia jura suspensa secundum mandata Legatorum servarent. Dum itur, dum reditur, labuntur anni plures. Intercà loci moritur Zosimus; cui Bonifacius successit: sed ne hic quidem exitum negotii incepti vidit; nam & ipse diem prius clausit supremum, quàm res conficeretur. Id vero accidit non ante Cælestini tempora, qui Bonifacii morte vacuum locum obtinuit. Urgent sui antecessoris propositum & Bonifacius & Cælestinus; ac quum vota ipsorum unica res moraretur, quòd Canonum, qui allati fuerant, auctoritas esset incerta; si quantum Nicænæ tribuebat orbis Catholicus universus, tantum & Sardicensi auctoritatis fuisset in Ecclesia universa; quis non videt, productis veris tabulis momento rem potuisse confici? Sed neque Bonifacium, neque Cælestinum fugiebat, paratam exceptionem, de qua diximus, si pro Nicæna Sardicensis in re tanta Synodus nominaretur. Qui aliam causam afferunt, cur stupendâ obstinatione animi tres Pontifices, Zosimus, Bonifacius, Cælestinus Sardicæ Canones pro Nicænis laudarent, & Africanis obtrusum iverint; etsi magni sunt subtilitatum architecti, durissimam tamen provinciam sustinent: habent enim adversarium, quicum manus conferunt, illam Polybii *μεγίστην θέν*, vinci ad extremum nesciam; veritatem dico, cujus radii etiam in densissimis tenebris semper micant; nedum in clarissima luce, cujusmodi hæc est. Quinque amplius annos hoc negotium trahitur; aliquando tamen terminatur; simul & illa quæstio deciditur, quam heic ventilamus. Extant Acta publica ejus controversiæ: ex iis describemus nos heic tibi, Lector, illam Epistolam, quæ post accepta probatissimæ fidei exemplaria Canonum Nicænorum, peractâ Synodo ad Cælestinum à Patribus Carthaginiensibus fuit missa. Habetur hæc Synodica in omnibus Conciliorum editionibus, etiam novissima Colonienſi anni proximi. Quid igitur super appellationibus transmarinis ad Romanum Papam universale Concilium, Carthagine coactum ex omnibus Africæ Provinciis, statuisset, ita declarant Patres Cælestino:

Domino dilectissimo & honorabili fratri Cælestino, Aurelius, Valentinus, Antonius, Tatus, Servus Dei, Terentius, Fortunatus, Martinus, Januarius, Optatus, Celtitius, Donatus, Theasius, Vincentius, Fortunatianus, & ceteri, qui in universali Concilio Carthaginis assuimus. Optaremus equidem, quemadmodum Sanctitas tua de adventu Apiarii letatos vos fuisse, missis per Compresbyterum nostrum Leonem literis, intimavit; ita nos quoque de ejus purgatione hæc scripta cum letitia mitteremus. Esset profectò & nostra & vestra modò alacritas certior; nec festinata, nec præpropere videretur, quâ adhuc tam de audiendo quàm de audito præcesserat. Adveniente sanè ad nos sancto fratre & Coëpiscopo nostro Faustino, Concilium
congre-

congregavimus, & credidimus ideò cum illo missum, quoniam sicut per ejus 1607. operam Presbyterio antè redditus fuerat, ita nunc posset de tantis criminibus, à Thabracenis objectis, eo laborante, purgari. Cujus tanta ac tam immania flagitia decursum nostri Concilii examen invenit, ut & memorati patrociniū potius quàm judicium, ac defensoris magis operam quàm discptatoris justitiam superarent. Nam primum, quantum obstiterit omni Congregationi, diversas injurias ingerendo, quasi Ecclesiæ Romanæ asserens privilegia, & volens eum à nobis in Communionem suscipi, quem tua Sanctitas, (credens appellasse; quod probare non potuit) Communioni reddiderat; quod minime tamen licuit; quod etiam gestorum melius lectione cognoscēs. Triduo tamen laboriosissimo agitato judicio, cum diversa eidem objecta afflictissimi quæreremus, vel moras Coëpiscopi nostri Faustini, vel tergiversationis ipsius Apiarii, quibus nefandas turpitudines oculere conabatur; Deus, Judex justus, fortis & longanimis, magno compendio refecavit. Tetriore quippe ac putidiore obstinatione compressa, quā tantum lividum cernum impudentia negationis volebat obruere, Deo nostro ejus conscientiam coarctante, & occulta, quæ in illius corde, tanquam in volutabro criminum, jam damnavat, etiam hominibus publicante; repente in confessionem cunctorum objectorum flagitiorum dolosus negator erupit; & tandem de omnibus incredibilibus opprobriis ultroneus se ipse convicit; atque ipsam quoque nostram spem, quā eum & credebamus & optabamus de tam pudendis maculis posse purgari, convertit in gemitus; nisi quoniam istam nostram mastritiam uno tantum solatio mitigavit; quod & nos laborē diuturnioris quæstionis absolvit; & suis vulneribus qualemcunque medelam, etsi invitā, ac suæ conscientie reluctante confessione providit, Domine frater. Præsato itaque debite salutationis officio, impendū deprecamur, ut deinceps ad vestras aures heinc venientes, non facilius admittatis, nec à nobis excommunicatos in Communionem ultrā velitis excipere; quia hoc etiam Nicæno Concilio definitum facile advertet Venerabilitas tua. Nam etsi de inferioribus Clericis, vel Laicis videtur ibi præcaveri, quantò magis hoc de Episcopis voluit observari, ne in sua Provincia Communionem suspensi à tua Sanctitate, vel festinato, vel præproperè, vel indebitè videantur Communioni restitui? Presbyterorum quoque & sequentium Clericorum improba refugia, (sicuti te dignum est,) repellat Sanctitas tua; quia & nullā Patrum definitione hoc Ecclesiæ derogatum est Africanæ, & Decreta Nicæna, sive inferioris gradūs Clericos, sive ipsos Episcopos suis Metropolitanis apertissimè commiserunt. Prudentissimè enim justissimèque providerunt, quæcunque negotia in suis locis, ubi orta sunt, finienda; nec unicuique Provinciæ gratiam Sancti Spiritūs defuturam, quā æquitas à Christi Sacerdotibus & prudenter videatur, & constantissimè teneatur: maxime quia unicuique concessum est, si judicio offensus fuerit Cognitorum, ad Concilia suæ Provinciæ, vel etiam universale provocare. Nisi forte quisquam est, qui credat, unicuique posse Deum nostrum examinis inspirare justitiam, & innumerabilibus congregatis in Concilium Sacerdotibus denegare. Aut quomodo ipsum transmarinum judicium ratum erit, ad quod testium necessariæ personæ, vel propter sexūs, vel propter senectutis infirmitatem, multis aliis intercurrentibus impedimentis, adduci non poterunt? Nam ut aliqui, tanquam à tuæ Sanctitatis latere, mittantur, nulla invenimus Patrum Synodo constitutum; quia illud, quod pridem per eundem Coëpiscopum nostrum Faustinum, tanquam ex parte Nicæni Concilii exinde transmisisisti; in Conciliis verioribus, quæ accipiuntur Nicæna à sancto Cyrillo, Coëpiscopo nostro Alexandrinæ Ecclesiæ, & à venerabili Attico, Constan-

1607. *tinopolitano Antislite, ex authentico missis; quæ etiam ante hoc per Innocentium Presbyterum, & Marcellum Subdiaconum, per quos ad nos ab eis directæ sunt, venerabilis memoriæ Bonifacio Episcopo, prædecessori vestro, è nobis transmissa sunt; in quibus tale aliquid non potuimus reperire. Executores etiam Clericos vestros quibusque petentibus nolite mittere; nolite concedere, ne fumosum typhum sæculi in Ecclesiam Christi, quæ lucem simplicitatis & humilitatis diem Dominicum videre cupientibus præfert, videamur inducere. Nam de fratre nostro Faustino, (amotum jam pro suis nefandis nequitias de Christi Ecclesia, dolendo Apiario) securi sumus, quod cum probitate ac moderatione tuæ Sanctitatis, salvâ fraternâ charitate, ulterius in Africa minimè sustinere patiatur. Et alia manu: Dominus noster Sanctitatem vestram ævo longiore orantem pro nobis custodiat, Domine frater.*

Multa poterant ad illustrationem hujus cumprimis memorandæ Epistolæ afferri, quæ impræsentiarum missa facientes, pauca tantum adnotabimus magis necessaria. Principio observet Lector, sic agere Patres Africanos cum Romano Pontifice, ut cum alio quovis Episcopo ex honoratioribus: ideò & fratrem vocant, ut semper Cyprianus Cornelium, ac Stephanum Pontifices. Tituli, qui heic adjiciuntur, tralatitii sunt, neque habent proprii quidquam. Etiam illud, *SANCTITAS TUA*, hodie proprium in compellendo Papa Romæ; olim commune omnium. Ita alii Papam; ita Papa alios; ita cuncti Episcopi se mutuò compellabant. Zosimus, Romanus Pontifex, in Epistola ad Africanos Episcopos: *Censuimus innotescere Sanctitati vestræ super absoluta Cælestini fide nostrum examen.* Apud Beatum Augustinum in Epistolis, & in aliis Auctoribus frequens est ejus formulæ usus: ut Canone c. i. Concilii Milevitani. Apiarius, cujus initio meminerunt Patres, Presbyter fuit Africanus, qui justissimâ Urbani, Episcopi sui, sententiâ piorum Communionem ejectus, ad Zosimum confugerat, & ab eo susceptus atque absolutus fuerat. Sub idem tempus Pelagius & Cælestinus, Hæretici scelestissimi, ab Africanis Episcopis excommunicati, quum ad eundem Zosimum confugissent, pariter ab eo sunt suscepti. Atque horum occasione usus est Zosimus, ut jus appellationum ad Papam Romanum in Africa stabiliret; quod ut efficeret, tres in Africam Legatos misit; duos Presbyteros, Philippum & Asellum; item Faustinum, Potentinæ Ecclesiæ Episcopum; hominem improbum, ut ex hac Epistola apparet; qui postquam venit in Africam, multa gessit tyrannicè, contra voluntatem Episcoporum Africæ; præsertim in causa perditæ nebulonis Apiarii; quem Presbyterio per vim restituit, gementibus Afris: deinde ut renovaretur judicium in generali hoc Concilio, effecit. Quod judicium quomodo fuerit celebratum, & quomodo, hærente universâ Synodo propter impudentiam Apiarii, quem Faustinus magnâ vi tuebatur, Deus nodum Gordium expedierit, hæc Epistola ostendit. Ajunt Patres: *Quem tua Sanctitas, credens appellasse, quod probare non potuit, Communioni reddiderat; quod minimè tamen licuit.* More Africanorum parum dilucidè loquuntur Patres: nam illa: *quod probare non potuit*, utrum ad Apiarium referri debeant, an ad ipsum Papam, obscurum est. Græci ita verterunt: *ἂν ἡ σὺ ἀγνοῦνῃ πρὸς τὸν ἐκκαλεῖσθαι, ὡς ἀποδείξαι αὐτῇ τῇ κοινωνίᾳ ἀποδέδωκεν* haud dubiè referentes ad ipsum Pontificem. Ut sit hic sensus: Pontificem Romanum, sive Zosimum, sive Bonifacium, sive ipsum Cælestinum (nihil enim interest, quia quod priores fecerant, posteriores confirmarunt) ideò sumsisse hoc sibi, ut Africanorum Episcoporum judicia antiquaret, & quos illi ejecerant, ipse susciperet, ac suscipi etiam ab Africanis mandaret; quia crederet, jus omnium appellationum ad se pertinere. *Quod tamen probari non potuit*, inquit illi. Verè sanè: nam Canones Nicæni falsò

falsò in eam rem afferebantur, ut mox in hac Epistola dicitur. Sublato au- 1607.
tem illò jure imaginario appellationum, necessario sequitur, quicquid in hoc negotio factum erat à Romano Pontifice pro imperio & absoluta potestate, id ipso jure esse irritum, utpote usurpatum atque illicitum. Significant hoc manifestò Patres, cum addunt: *Quod minimè tamen licuit*. Cæterum toto isto scripto sic jura libertatis suæ tuentur Africani, ut de Romano Pontifice & loquantur semper modestissimè, & sentire se quàm commodissimè videri velint. Nondum enim magistrâ experienciâ didicerant viri hi sancti, quò tandem ab hisce principiis, quibus se opponebant, evasuri erant deinceps Pontifices. Idem Patres Africani, si hodie jubente illo, qui apud Prophetam disjecta ossa compingit, in hanc lucem redirent, & illa intelligerent, quæ postea ab Hildebrandis, Bonifaciis, Alexandris, & similibus sunt gesta; quæque hodie de absoluta Romani Pontificis Monarchia non jam disputantur, sed pro necessariis fidei articulis docentur; quàm stuperent? quàm aliter longè atque olim loquerentur? Nam Cardinalis Baronius patientiâ Lectorum palam abutitur, quando modestas horum querimonias acrioribus quidem, sed non minus justis eorum opponit vocibus, qui deinceps vixerunt. Ajunt igitur Patres: *Deprecamur, ut deinceps ad vestras aures hinc venientes non facilius admittatur*: hoc est, ne eâ facilitate admittatis, quâ sæpè hactenus fecistis; neque eâ mente, quasi ad Romanam Sedem appellationum jura pertineant: nam alioquin noluerunt Patres impedire, quò minus ex illo charitatis officio, quod antè exposuimus, injuriam in Africa passos, susciperet Romanus Pontifex; & more solito, quem indicavimus, illos sublevaret. Dominationem, non autem humanitatis officia gravabantur pii Patres. Sic etiam accipiendum, quod postea sequitur: *In sua Provincia Communionem suspensi, à tua Sanctitate vel festinatò, vel præproperè, vel indebitè videantur Communioni restitui*. Patronis Libertatis Ecclesiasticæ hodiernæ, quorum causam jugulat hæc tantorum Patrum sententia, ansam ad argutandum præbuerunt voces istæ: *Liberius, festinatò, præproperè, indebitè*: nam inde eliciunt, non in totum denegare Papæ Africanos jus appellationum; verum petere, ut modus alius humanior earum prosequendarum à Pontifice instituitur. Sed quum Cœlestinum revocent Patres ad Canonum Nicænorum observationem; atque iidem seriò disputent, à Nicæna Synodo omnes sublatas esse appellationes; minorum quidem ordinum, disertè; Episcoporum verò, per necessariam consequentiam; quis non perspicuè videt, falsissimum & absurdissimum esse, quod isti contendunt, de modo tantum appellationum in hoc Carthaginensi Concilio esse actum? Evidentissimè Patres hoc demonstrant, cum hæc postea addunt: *Quia & nullâ Patrum definitione hæc Ecclesiæ derogatum est Africanæ; & Decreta Nicæna, sive inferioris gradûs Clericos, sive ipsos Episcopos suis Metropolitanis apertissimè commiserunt*. Sed & quæ sequuntur, vanitatem ita cavillantium clarissimè arguunt: eas enim rationes afferunt, quæ faciliè commentum refellant: *Prudentissimè, inquit, justissimèque provide- runt* Patres Nicæni, *quæcunque negotia in suis locis, ubi orta sunt, finienda*. Quis adeò hebes, aut malignus est, quin fateatur, Africanos Præsules, cum ista scriberent, id egisse, ut omnia Africanarum Ecclesiarum negotia in Africa terminarentur? Hoc certè Cyprianus volebat, cum eadem illâ ratione Achilleâ Cornelium Papam latius evagantem in lineam revocabat. Jam quod ibidem Cyprianus dicebat: *Paucos esse desperatos & perditos, quibus minor videretur esse auctoritas Episcoporum in Africa constitutorum*, quàm Cornelii Pontificis, ad quem scribebat; id ipsum aliis, sed mitioribus verbis hujus quoque Synodi Episcopi intelligi voluerunt, cum Cœlestinum

1607. ita compellabant: *Nisi forte quisquam est, qui credat, unicuique posse Deum nostrum examinis inspirare justitiam; & innumerabilibus congregatis in Concilium Sacerdotibus denegare.* Quod autem sæpè diximus, non aliud appellationum genus veterem Ecclesiam aut novisse, aut in usu habuisse, nisi à minore Synodo ad majorem, aut etiam ad Oecumenicam: hoc & Patres Africani apud Cœlestinum heic asserunt; cùm propterea inutiles fore appellationes ad Romanum Pontificem ostendunt: *Quia unicuique concessum est, si iudicio offensus est Cognitorum, ad Concilia suæ Provinciæ, vel etiam universale provocare.* Verba verò illa Patrum: *Nam ut aliqui, tanquam à tuæ Sanctitatis latere, mittantur, nullâ invenimus Patrum Synodo constitutum,* interpretatione sunt adjuvanda: probavimus enim satis superque in superioribus, antiquissimum piorum Episcoporum fuisse morem, ut ad alias Ecclesias, quæ vel hæresi, vel schismate laborarent, vel aliâs tumultuarentur, & literas & Legatos suos mitterent; quod à Cypriano, & Athanasio summo studio factitatum narrabamus. An igitur eo jure Romanum Episcopum privare voluerunt Africani? Non est ita: sed hoc ideò illi, quia non ex simplici charitate, uti ceteri, id facere Romani videbantur; sed ex prærogativa juris cujusdam, & dominatione, quam obtinerent in fratres. Istud deprecantur & detestantur Africani: propterea & repetunt mox: *Executores Clericos vestros quibusque petentibus nolite mittere.* Ubi vel executorum appellatio animos prodit eorum, qui eos mittebant: qua de re multa Augustinus in Epistola ad ipsum Cœlestinum. Enimverò in tota hac gravissima Epistola nihil memorabilius occurrit illâ divinâ modestiâ, quâ utuntur sancti isti Patres in refutanda allegatione falsissima Canonum Nicænorum. Agebatur res maxima, libertas Ecclesiarum Africæ; quarum dominationem Romani Pontifices videri poterant non optimis artibus appetiisse; iidem manifestissimè, si stricto jure agerent Africani, tenebantur falsi convicti; neque excusationi locus erat, quasi imprudentibus error obrepisset. Nam consulto Concilio non autem casu id factum, nemo dubitabat, & erat verissimum. Non tamen querunt Africani, non clamant, fraude se circumveniri; non verbum denique ullum edunt asperum, aut charitate illâ indignum, quæ omnia suffert, omnia sustentat, inquit Apostolus. Sed nec propterea peccatum alienum dissimulant; sed arguunt Romanos Pontifices; & quum mentitos eos fuisse non dicant, mendacium tamen locutos esse re pariter ac verbis probant: *Illud, inquit, quod tanquam ex parte Nicæni Concilii transmisistis, in Conciliis verioribus, ex authentico missis non potuimus invenire.* Quid erat aliud hoc dicere, nisi dicere, tres Papas, qui Canones istos pro Nicænis constanter obtruserant, errore lapsos & falsos fuisse. Nondum videlicet inoleverat hominum mentibus hodierna quorundam persuasio, quasi errare ac peccare Pontifex Romanus non queat. Nondum illa portentosa vox Nicolai Primi audita in Ecclesia Dei fuerat: *Vetus Novumque Testamentum recipienda esse, non quòd Codici Canonum ex toto habeantur annexa; sed quòd de his recipiendis Sancti Pape Innocentii prolata videatur esse sententia.* Nondum irruperant in ovile Christi Doctores illi, qui regulam pii vel impii, & veri aut falsi obtrusam non aliam agnoscunt, nisi Romani Pontificis voluntatem. Ecce tres ordine Pontifices Nicænos haberi postulant Canones, qui non erant. Dubitant Africani: inquirunt rei veritatem: eandem sedulâ vestigatione inventam non produunt; verum asserunt; & adversus Romanum Papam, modestè illi quidem, sed tamen tuentur. Et audebit Cardinalis Baronius divinam istorum Patrum modestiam interpretari argumentum subjectionis? Audebit dicere, sanctum istud Concilium non refragari appellationibus ad Romanam Ecclesiam? Audebit negare,

negare, aliud esse, appellatione uti; aliud, perfugio? Nam exempla, quæ ex Au- 1607
gustino affert, non probant, appellatum esse juridicè ad Papam; sed eò paucos
refugisse, qui in judiciis Africanorum non acquiescerent; qua de re multa in su-
perioribus sunt dicta. Caveant studiosi ab hujusmodi sermonis improprietate;
nam vocis *παράνομια*, ut appellat Maximus Tyrius, gravissimus Philosophus; sen-
tentiam planè *παράνομη* imprudentium animis insinuat. Melius ipsi Patres Afri-
cani, qui *Clericorum perfugia* in hac Epistola dicunt, non appellationes. At
debuit meminisse Cardinalis Baronius, exempla illa, de quibus triumphat, vel
ipso teste, contigisse ante peractum hoc Concilium; quo decisa tandem est
quæstio de appellationibus ad Romanum Papam. A Zosimo verò ad finem
hujus Synodi annorum amplius quinque spatium intercessit; quo toto tempo-
re jura Africanorum, liberâ ipsorum concessione, fuisse suspensa, jam osten-
dimus. At post Concilium hoc peractum; veritatem Nicænorum Canonum
exploratam, & Synodicam hanc ad Cœlestinum missam, adeò nullus fuit in
Africa appellationum usus ad Romanam Ecclesiam, ut multis persuasum fue-
rit, (verè an falsò, non id nunc disputò) Africanos ex illo tempore in totum
se à Communione Romana separasse; aut ab ipso Papâ, tanquam Schismatici-
cos esse præcisos. Extat sub nomine Bonifacii II. scripta ad Eulaliû quæn-
dam Epistola, cui si fidem habemus, Patres hujus Sancti Concilii, in quibus
erat Beatus Augustinus, excommunicati omnes fuerunt à Romana Ecclesia;
duravitque id schisma ultra seculum integrum, quod centum & decem est an-
norum: donec tandem sedente Bonifacio II. venit illa relatio ex Africa, cu-
jus fit in ipsius vita mentio. Hæc sive sunt verâ; ut plerique omnes cre-
dunt; sive eorum vacillat fides, ut pauci existimant; illud certè liquidò
hinc constat, ita rarò post istud Concilium Africanos perfugii causâ; ne-
dum appellationis, Romam ventitasse, ut penitus ab ejus Communione se-
parati viderentur. Sub finem Epistolæ causam aperiunt Patres, cû tam
sollicitè Romanis Pontificibus, appellationes transmarinas ad se trahentibus,
resisterent: *Ne, inquit, typhum seculi in Ecclesiam Christi, (quæ lucem
simplicitatis, & humilitatis diem Deum videre cupientibus præfert,) videa-
mur inducere.* Idem jam antè ad Bonifacium ita scriplerant: *Sed credimus,
adjuvante misericordiâ Domini Dei nostri, quòd tuâ Sanctitate Romanæ
Ecclesiæ præsidente, non sumus jam istum typhum passuri.* Cupiditatem Ro-
manorum Pontificum stabiliendi jus istud appellationum appellant sancti Pa-
tres *typhum seculi*, id est, fastum, ambitionem & superbiam; eumque in-
vehi in Ecclesiam Dei, illis dolet; atque id ne fiat, quantum in ipsis est, se-
dulò impediunt. Sic paucis post annis Concilii Oecumenici tertii Patres;
quum relatum esset, Antiocheum Patriarcham res Ecclesiasticas Cypri insulæ
ad cognitionem suam præter antiquam observationem trahere: mali exempli
rem esse pronuntiantes, typhum hominis coërcent: *Ne fortè, inquit illi,
Canone VIII. sub specie administrationis rerum sacrarum, TYPHUS poten-
tiæ mundanæ in Ecclesiam sese insinuet; sensimque imprudentes LIBER-
TATEM eam amittamus, quam Dominus noster, Jesus Christus, omnium
Liberator, suo sanguine pretioso nobis largitus est.* Ibidem verè pronuntiant
Patres, typhum hunc *πράγμα εἶναι τῆς πάντων ἐλευθερίας ἀπέρμενον: rem, quæ LIBER-
TATI omnium faciat præjudicium.* Planè dignissimum observatu, utriusque
Concilii Patres, quum eodem Spiritu afflati idem sentirent, dominandi cupi-
ditatem, fatale jam illâ ætate Ecclesiæ malum, eodem modo designasse, &
detestatos esse. TYPHUM SÆCULI Carthaginienses vocant: Ephesinus
Confessus, ΤΥΦΟΝ ΚΟΣΜΙΚΗΣ ΕΖΟΤΕΙΑΣ. Utinam & verbi hujus vim &
præcepti necessitatem, qui illâ tempora exceperunt Episcopi, rectè semper at-
tendit.

1607. tendissent: sed nos in sequentibus demonstraturi sumus, tanto mox impetu Romanos præsertim Pontifices ad potentiam parandam se convertisse, ut præ hac una cura cætera omnia facerent non magni. Itaque fideles monitores, inque his Christianissimos interdum Reges Francorum, qui ipsa hujus Concilii Carthaginensis verba illis occinebant, insuper habuerunt. Atque hæc de appellationum ad Pontificem Romanum jure, dicta impræsentiarum sunt. Porro haut temerè factum nobis quidem videtur, quod in legenda Historia Ecclesiastica observabamus; ut toties ferè Episcopi Urbis Romæ periculosissimè fuerint decepti; quoties, vetustissimorum Canonum observatione neglecta, excommunicatos aut damnatos alibi à piis Episcopis, suscipere ipsi & audire præsumserunt. Cornelium, virum optimum, penè commisit cum Cypriano & aliis piis Africæ Episcopis, Felicissimus, Schismaticorum sceleratissimus Legatus. Stephanum Basilides Hispanus contra disciplinam Ecclesiæ susceptus, sententiam edere compulit; quam justissimè, nec sine aliquo tanti Præsulis dedecore, Hispaniæ atque Africæ Ecclesiæ communibus suffragiis damnarunt. Eustathius quidam fuit*Sebastenus Episcopus, subdolus & versipellis Hæreticus; qui Orthodoxorum sententiis in sua Provincia Melitena (partem Cappadociæ sic vocabant) damnatus: ὁδὸν ἑαυτοῦ, ait Basilus in quadam ad Occidentales Epistola, ἧς ἐπικαταστάσις ἐπινέησι, τὸ δὲ ὅς ὑμᾶς ἀφίξιν: *viam restitutionis hanc sibi adinvenit, ut Romam proficisceretur.* Sedebat tum Liberius, quem beatissimum Episcopum idem nominat: sed & Liberio verba dedit ista vulpecula. Impetratis ergo commendatitiis, postquam Synodo Tyannensi *παιρησιαστικᾶς* Papæ Romani literas ostendisset, priorem locum faciliè recepit. At non multo post canis immundus ad vomitum reversus, orthodoxas Ecclesias Provinciæ suæ eadem operâ turbavit, & gloriam Liberii non leviter lutulavit. Damasum quoque non dissimiliter Vitalis, alius ex Oriente Episcopus, fefellit. Ille errore agnito, & μεταδιδασχθεὶς, ut ad Cledonium scribit Gregorius Nazianzenus, ἀποκρίνεται αὐτὸν πεπνίχαι, καὶ πρὸς αὐτὸν τὸ ἀπέρτω ἀντὶ δυσχερείας, ἐν ἑπαθεν ἐξ ἀπλότης: *Vitalem excommunicavit, fraude ipsâ insuper offensus; quâ præ simplicitate nimia deceptus ab eo fuerat.* Zosimus, Patrocli Arelatensis, flagitiosissimi tenebrionis, blanditiis deceptus, quid non audet? Ordinationes Urli & Terentii, ante annos fermè viginti ritè celebratas, & quidem in legitimo Concilio Augustæ Taurinorum habito, irritas facit. Erotem & Lazarum, zelo Dei accensos, Galliarum nostrarum Episcopos, non unis literis iniquissimè, vel teste Cæsare Baronio, proscindit; ipsum Patroclum accessione novi honoris quantum potest extollit; postremò Pelagium, hostem gratiæ Christi, absolvit Zosimus idem; nec non Cœlestinum, Hæreticum insignem; & Apiarium, omnibus vitiis contaminatum Presbyterum, adversus viros sanctos, Africæ Episcopos, qui disciplinæ gladio in illa portenta animadverterant, suscepit defendendos. Atque isti sunt, quos dum tuetur Zosimus, de appellationum jure magnas lites orditur. Vixit autem hic Pontifex in administratione Sedis annum unum & quatuor menses; qui si diutius sedisset, quo ingenio erat, quid non designasset? Cœlestinus, quum Antonii, Episcopi Fussalensis, post obitum Bonifacii, ad quem ille jure merito in Africa sede sua pulsus, confugerat, patrociniū acri contentione suscepisset; terrore tanto eam provinciam Africā complevit, ut ad ipsum in hæc verba scribere B. Augustinus cogeretur: *Judicia illis & publicas potestates & militares impetus, tanquam executuros Apostolicæ Sedis sententiam sive ipse, sive rumores creberrimi comminantur; ut miseri homines Christiani Catholici graviora formident à Catholico Episcopo, quàm cum essent Hæretici, à Catholicorum Imperatorum Legibus formidabant.* Omitto similia his exempla; quæ

quæ nunquam profectò accidissent, si antiqua disciplina mansisset; ac quod 1607.
in Marcione factum ostendimus, idem in aliis omnibus esset servatum, quo-
rum diversa, at non melior causa erat quàm Marcionis. Sequitur, ut de
appellatione ad Principem paucis dicamus. Est autem diversissima res, cùm
Princeps appellatur, & cùm Synodus major: nam rerum divinarum legitimi
Judices sunt Episcopi, qui ad Synodum conveniunt. Ad hos igitur provoca-
tur, ut ad eos, quorum est propria cognitio hujusmodi controversiarum: ad
Principem verò, non ut super rebus divinis ipse pronuntiet; verùm ut jubeat
ritè atque ordine pronuntiari; est enim hic ἐνταξίας, & disciplinæ ac legitima-
rum omnium ordinationum custos ac vindex, non minus in Ecclesia, quàm
in cætera Republica. Hæreticum dogma est, quod hodie multi tuentur; qui
Principi in rebus Ecclesiasticis nullum alium locum

*Cetera desiderantur, per Papam Paulum V. effecta, ut Regio
Mandato inhiberentur.*

ISAACI CASAUBONI C A R M I N A,

tum GRÆCA, tum LATINA;
nunc primùm simul edita.

Ἡ Νομικὴ πρὸς ἸΩΑΝΝΗΝ ΣΑΡΡΑΚΗΝΟΝ ἐν τῇ αὐτῇ περὶ
ὑπὲρ ἀρετῆς ἀγωνιζόμενοι.

Ὁ Λῶς πατὴρ ποῖ λῶσι, φέρει φέρει,
Παιδεύει ἐς Μῆσας, φιλημένῳ ἔχοχα Μῆσαις
τίλαιο, καὶ ζήλους ἐὼν πατρὸς καὶ ἰδίου
Ἐκ δ' ἐπὶ καρποῦ σοφίης βεβλημένῳ ἔισθι
Σκληρὰ πρὸς ἐλκὸς γλυκίων καὶ ἱέρπιο καλῶς.
Βάλλ' ὅτως· καὶ κινῶ πρὸς Νομικῇ πὶ γένειο
Καὶ Μῆσαις· Μῆσαις Νομικῇ ὅς ἐμὲ ἀμφαγαπάζων.
Νῦν δὲ πῶν καμάτων ἀπείξων ἀνυσ' ἀμοιβήν,
Μαρτυρίην πινυτῶ νόσ' πινυτῶν ὧδ' ἀνδρῶν.
Ἀθλα πόρων τὰς πρὸς ἀνέγκας ἐνέκ' ἐμῶ.

Εἰς τὴν Διοσκορίδα ἔκδοσιν τὴν ὑπὸ ἸΑΝΟΥ ΑΝΤΩΝΙΟΥ Τῷ ΣΑΡΡΑΚΗΝΟΥ
μετ' ἀκριβοῦς πλήρης ὅσης ἐκπηγήσαν.

ΝΟΥΣ ΠΩΝ λευκαλίων ταῖς σῶμα δαμάζεται ἀμὲν,
Καὶ μινύθει βελανὸν περὶ ἰὸν, καὶ τήκεται ἀμῶς·
Ὀλλύμενον φθινυθὸν π, θιῶ μινύθει δια βελαν,
(Ἡμετέρων, αἱ αἱ πατέρων ἀπὸ γινετήρων)
Πολλὰ Διοσκορίδης ἀλκμήλα φάρμακα πρῶτῳ
Εὐραμμένῳ, γαίης ἐν ἀμφοτέραις ἐπελθεῖς,
Εὐραπύλῳ, Ἀσίῳ πὶ μάχης βεβλημένῳ ἔισθι.
Πολλὰ δὲ καὶ πινυτῶν πινυτῶ νῆι εὐρηθέντα
Ἀνδρῶν, οἱ πρὶν ἐγίγιντο, Διάσπρα ἀλλοθεν ἄλλα
Δεξάμενῳ συμπαύει, σφῶν τὰδε πύχῳ ἱπυξί,
Δαυδάλειον, πρέπυσον, ἱατροφίλοις μὲν ὕμναι.
Ἐνθα πῶας εὐροὺς καὶ δένδρεα ἀνθεμύνει,
Ἡ δ' ἴσ' ἐπὶ τετραφύλλῳ φύεται, ἡ βένθεσι γαίης
Φαρμακίοντα μέλας ὅσα γίνονται, ὅσα ἐν πόσῳ.
Ἐνθ' ὅφῳ ἱέρων πὶ σίτη ἐλοφώϊα θηρῶν

Ἀπρίδῃ κατέλιξε, λύσιν θ' ἱππαλῖα κίδνας
 Ἀλλ' ἐτὼν ἦν ἡδύ.· ἐπεὶ φῶπες κακουργοὶ
 Γράμμα τὸ πρὶν ἀρίδηνλοι αἰδρεῖσθαι τόσι
 Φθιραντες, Φεῦ, Φεῦ! κακὰ θηρία, ἀηλὸς ἔηκάν.
 Οὐ γάρ σοι ρίζαι καὶ αἵμα δαιμονί' αἰδρῶν,
 Χραίσμῳσαν, ὅσα τ' ἄλλα ἐπίσταται αἶσαν ἐρύκειν.
 Οὐ μέλθ, κ' μέρθ' ἄλλον ἔχεις παλαπίρι πρῆσθ,·
 Ἰητρος δ' ἄλλων περὶ ἴων, βρούς ἔλκεσιν αὐτῆς.
 Εὐθ' οὐκ ἀν' βρίζοντα ἴδοις διὰ Σαρακηνόν,
 Τὸν νέον ἱπποκράτην τῷ περ παλαμαῖσι σοφῆσι
 Πολλάκις εἰς αἶδα νεκρῶν σπάνις ἔπλετο πώλη.
 Κεῖνθ' δὴ τὸν ἄριστον ἐν ἱητροῖσιν ἄρισθ.
 Ἰητρὸς, θεράπυσ' ἰδυήφασα φάρμακα πάσων.
 Σὺν πατὴρ ἐκκαλῶν, σὺν δ' ἐγχεῖσθαις ἑπιχρύων.
 Οὐδὲ πατημέριθ' ἀποσκαρπεῖον ἀπένει,
 Πρὶν εἴσθαι παλίντρον εἰς αὐγὰς ἡλίου.
 Οὐλομελῇ, ὕμνῳ, πρῦταπιν τ' ἄλλοις ὕμνῳ.
 Σὺ δ' ἄμα πύσαςθ' ὁ μὲν νοσῶν, ὁ δ' ἰατρὸς κάμνων.
 Χαίρεις δὴ Σαρακῶ ἔργον μέγα ἐκπλοπύσας
 Ὀψιμον, ἐψήλειςον, ὅς κ' ἐκκλῇ ὑπὸ ὀλίπῃ.

IS. CASAUBONUS.

In Lectionum Theocriticarum libellum, Δικάσιχον.

Ὅπλοπρην πῶδε γράμμ', ἀγνοῖ γονὴ, λῶπρ' ἴφρουν
 Στοργῆς γλυκίας πικρῆς νῆς τεκνός.
 Ὅς παρθ' ἡλιόμλων ἐμ', εἰς ἀθάπτι βάπτιον
 Ἀπμῆλκτον εἶα, κ' φήσας πικρῶν.
 Ἀρπ' με κεῖνθ' ἀνέλιν, ἐπ' πικρῆς τ' ἀνέσθ,
 Ἀλλὰν ἀραιοφασίης, τῶν ἐμοὶ φίλων.
 Οὐδὲ δὴ Κεμίδης ἐπύχον πινθ'· ἀμφὶ δ' ἡ γῆα
 Πατὴρ ἐμ' ἀμφέβαλλε λιπὴ γῶν πέδι.
 Τῷ Σκαλανῷ κ' Κομμελίνῳ χάρις· ἐνικεν ὕμνων
 Ἐχθ' γόνθ' γονῆα, κ' γονεύς γόνον.

Εἰς τὴν τῶν Παλαίων Ἐπιγραμμάτων ἑκδοσιν, ὑπὸ τῷ πλυμαθιστάτῃ,
 ΙΑΝΟΥ Τῷ ΓΡΟΤΤΗΡΟΥ ὡς ἀκριβέστερα ἐκπινηθῆσαν.

Ἔργα παλαιγενέων, μνήμης ὅσα ἐξεπλήθη
 Εἰν ἀρεῇ, εἰρήνῃ τ' ἀξία αἰδίσ,
 Τεκταίνοντες περὶ πάλαι σέφει ἀνίρες εὐσκολαίφιν
 Εἰς χαλκῆς σήλας, μαρμαρίας π' πλάκας.
 Καὶ πῆς ἐπὶ πατὴρ ἰσλὸν ἀπώλισον, ἡ βασιλῆα,
 Ἡ' γόνον, ἡε φίλῳ σύζυγα, ἡ ἱταρον.
 Λαῖνον εὐσάμινθ' τύμβον, καὶ τ' ἐνομα γλύψας.
 Ἐσχεν ἀκθ' σήλην θυμοδόροιο πόθῃ.
 Νήποι· ὡδ' ἠδῆσαν ὅσον δένθ' ἐπὶ χρόνοις,
 Ἐργματ' ἀμαλδύνειν ἐπιδανῶν μέρεσιν.
 Γλύμματ' δὲ φθίρας πάντ' ἠίσωσιν ἀν' ἐκθ
 Ἀνθ', ΓΡΟΤΤΗΡΟΥ μὴ ἱλαισαμένους.
 Θραύσματ' ἀλλήλας δ' ἐμ', κ' εἰν ἐνὶ πύχῃ ἀρίσας,
 Εἰς τὰς αἰώνας πῶδ' ἀδάμαντι μένειν.
 Νικᾷ πάντα χρόνῳ· νικᾷ χρόνον ἡ βίβλ' ἡδε.
 ΓΡΟΤΤΗΡΟΣ λήθης φάρμακον εὖρε μόνθ'.

ΙΣΑΑΚ ὁ ΚΑΣΑΥΒΟΝΙΟΣ ἐπίη.

Ad Julii Capitolini Maximin. cap. 9.

ET qui ab uno non potest occidi, à multis occiditur.
Elephas grandis est, & occiditur:

Leo fortis est, & occiditur:

Tigris fortis est, & occiditur.

Cave multos, si singulos non times.

Ἐν ᾧ τις πεφουγὸς, κτείνεται πολλῶν βία.
Ἐλέφας μέγας ἐστὶ θῆρ, καὶ κτείνεται.
Ἰσχυρὸς ἐστὶ χ' ὁ λέων, καὶ κτείνεται.
καὶ τίγρις ἐστὶν ἀλκίμη, καὶ κτείνεται.
Πολλὰς φύλας τὰς καθ' ἑνὲς φοβούμεν.

Ad Julii Capitolini Maximin. Junior. cap. 1.

Qualis ubi Oceani perfusus Lucifer undâ
Extulit os sacrum cœlo, tenebrasque resolvit;
Talis erat juvenis primo sub nomine clarus.

Οἷον ἀπ' ὠκεανοῦ Εὐσφόρον ἴσι βράν
Οὐρανόθεν κεφαλὴν σφύρον, σκεδάων δέπ' οὐκία,
Ταῖον ἦν νέον ἔργον, ὅν' ἠλίκεσσι φανέας.

Ad Trebellii Pollionis Trigint. Tyrann. cap. 11.

Donat sepulchro victor post multa tyranni
Prælia, jam felix Claudius Aureolum:
Munere prosequitur mortali, & jure superstes
Vivere quem vellet, si pateretur amor:
Militis egregii vitam qui jure negavit
Omnibus indignis, & magis Aureolo.
Ille tamen Clemens, qui corporis ultima servans,
Et pontem Aureoli dedicat & tumulum.

Λιτῶ, νικήσας πολλὴν μετ' ἰσχύα, τύραννον
Δορεῖται τύμβον Κλαύδιον Ἀυρίολον.
Δῶρον ὅγε, καμίνω οἷον θίμης ἐστίν, ἐπέζων.
Ἡθέλειν ὅν' ζῶεν ἢς ἐνεκ' ἡγορήεις.
Ἦν δ' ἄρα ἔχ' ὅσων σόσσωται ἀπέσθαια πολλά.
Ἐξήκοντας πάντων δ' ἔχοντα Ἀυρίολον
Τίθμια δ' αἰδομένης νεκύων, ταχὺς ἡπόμηνες,
Τήν γε Φύραν π' νέμει, καὶ τὰ Φον Ἀυρίολον.

Ad Ælii Spartiani Adrianum, cap. 25.

ANimula vagula, blandula,
Hospes, comesque corporis,
Quæ nunc abibis in loca
Pallidula, rigida, nudula;
Nec, ut soles, dabis jocos?

Ἐράσμιον ψυχάριον,
Ξίνη, χ' ἑταῖρα σόματι,
Ποῖ νῦν, τάλαιν', ἐλεύσας,
Ἀμεινῆς, γεραί π', καὶ σκιά,
Οὐδ' οἷα παρ' ἐν τρυφήσιν.

|| || ||

Ad

Ad Ælii Spartiani Pescenn. Nigrum, cap. 8.

Optimus est Fuscus, bonus Afer, pessimus Albus.

Ἄψτος ὁ Φαῖος, Ἀφρὸς δὲ ἰσθμῖος,
Λευκὸς ᾧ κάκιστος.

Funderetur sanguis Albi, Nigrique minantis,
Imperium mundi Pœna reget urbe profectus.

Εὐσσιπαι αἷμα χύδην Λεύκῃ, Μίλανός τε ἀγανῶ,
Ὅς ᾧ Λίβυς γένος ἴσιν ἀντὶς, κύνος βασιλεύσει.

Vel:

Ὅς Λιβυκῆς πίλινος δὲ ἄσος πίλει, ἕπος ἀνάξει.

Cui dederint Superi, nomen habere Pii.

ἢ Θεοὶ Εὐσσιπῶ τῆνίμα δῶν ἔχον.

Bis denis Italûm conscendet navibus æquor:
Si tamen una ratis transfiliet pelagus.

Εἴκοσι νῆας ἔχον Ἰταλὸν ἀναδύσσει αἶαν
Εἷς μίᾳ πύπνῃ νηὺς ὅλον πελάγος.

Ad Ælii Spartiani Nigrum, cap. 12.

Error Ægyptiaci Niger astat militis ingens,
Thebaidos socius, aurea secla volens.
Hunc reges, hunc gentes amant, hunc aurea Roma;
Hinc Antoninis charus & imperio.
Nigrum nomen habet, Nigrum formavimus ipsi,
Ut consentirent formâ metallâ tibi.

Λιγυπτικής αἰῆς ὁ Μέλας μέγα δῖμα πέρισι,
Θηβαϊδὸς σέμαχος, χρύσεια πᾶσι νοῦν.
Τὸν βασιλεὺς κ' ἔθνη φιλεῖσι, καὶ σύγ' Ἰώμῃ.
Τὸν κ' Ἀντωνίνους παντοκράτορι φίλον.
Οὐνεμά οἱ Μέλας, ἐπὶ λίθῃ μελανῇ ᾧ κ' εἰκὼν
Ἡ δὲ συνωδὸς ὕλη ἔφρα γέναιτο φυῇ.

Ad Julii Capitolini Opil. Macrinum, cap. 11.

Histrio jam senior turpis, gravis, asper, iniquus,
Impius, & felix sic simul esse cupit.
Ut nolit pius esse, velit tamen esse beatus:
Quod natura negat, nec recipit ratio.
Nam pius & felix poterat dici atque videri.
Cui imperium infelix est, erit ille sibi.

Ἐν θυμέλῃσι βίβς ὁ γέρον, ὁλώπις ἀνδρῶν,
Δυσσεβὴν συζῶν ἄετο ἰσχυρίαν.
Καὶ ῥ' ἐνομ' ΕΥΤΕΛΕΟΣ μὲν ἀνίστατο, ΕΥΤΥΧΕΟΣ δ' ἔσθ'.
Συγχαρῆι δὲ αὐτῷ κ' φύσις, ἔδδ' λογῶν.
Τὴν δὲ ἐπ' Ὀσσεβίῃ Ὀδαιμονίῃ σὶ ἀπώπας,
Καὶ πᾶς ὀλί, ἀρχῶν ἀρχομένων ἐλθὼς.
Ἀλλ' ἐγ' ἐπ' Ὀσσεβίῃ μὲν οἰόσσοι, νήπιος, ἔλθων.
Ἐς δὲ θινὸς ἀσιδῶν δυσυχίᾳ θρόνον.

Ad Julii Capitolini Opil. Macrinum, cap. 14.

VIdimus in somnis cives (nisi fallor) & istud:
 Antoninorum nomen puer ille gerebat,
 Qui patre venali genitus, sed matre pudicâ:
 Centum nam mœchos passa est, centumque rogavit.
 Ipse etiam calvus mœchus fuit, inde maritus:
 En Pius, en Marcus: Verus nam non fuit ille.

Εἰ ἐτέονγε, πολῖται, ὡς καὶ τὰ πρὸς Φαάνθη
 Οὐνομα ποῖς φορέσκειν ἀνέκλυτον ΑΝΤΩΝΙΝΩΝ.
 Πατὴρ δ' ἀλυνήτα γεγονώς, μητὴρ δ' ἀπὸ σεμνῆς.
 Ἡς γ' ἑκατὸν μοῖχοι, μοῖχος δὲ διζήσει δὲ ἄλλος.
 Χ' ὁ Φαλακρὸς ὅτε νῦν μὲν ἀνὴρ, προπαύριθε δὲ μυχός.
 ΜΑΡΚΟΝ ἰδὲ, ἢ δ' ΕΥΣΕΒΕ· ἢ γὰρ ἦν ἐγ' ΑΛΗΘΗΣ.

Ad Ælii Lampridii Antonin. Diadumen. cap. 7.

Commodus Herculeum nomen habere cupit,
 Antoninorum non putat esse bonum:
 Expers humani juris & imperii:
 Sperans quin etiam clarius esse Deum,
 Quàm si sit Princeps nominis egregii.
 Non erit iste Deus, nec tamen ullus homo.

Κληθῆναι γλίχεται Κόμμοδος Ἡρακλῆς.
 Οὐδ' Ἀντωνίνων εἶργον ἔχων ὄνομα.
 Μὴ πρὸς βροτῶν εἰδὼς τέθνηται μητ' ἀνάκων.
 Μᾶλλον δ' αἰετῶν κλησὶν ἔχων θεικτὴν,
 Ἡ' κεκαρπὸς τι κλέων παμβασιλεύς τ' ἀγαθός.
 Ἔσται δ' ἀδέσποτος γ', ἢ θεός, καὶ ἀνὴρ.

Ad Ælii Lampridii Alexand. Severum, cap. 14.

TE manet imperium cæli terræque marisque.

Γῆς ἀρχὴ σὲ μένει καὶ Ὀλύμπου καὶ θαλάσσης.
 Ἡ δ' ἀρχὴ σὲ μένει παγκρατὴς ἐνυὶ κράτος.

Vel hoc modo:

Γαίαν, ὕψος π καὶ ἄρα ἴσσαις ἄρχων.
 Ἡ δὲ μένει σὲ κράτος· παῦτος ὑπερθε κράτης.

Ad Ælii Lampridii Alexand. Severum, cap. 38.

Pulchrum, quod putas esse vestrum Regem
 Vulgari miserande de fabella:
 Si verum putas esse, non irascor;
 Tantum tu commedas velim lepusclos,
 Ut fias, animi malis repulsis,
 Pulcher, ne inideas livore mentis.

Τὰ κάλλος ὅτι τὰ σίθεν μέδοντ'
 Διόβοις, πύγμακι, αἰτίαν προσάπεις,

Καὶν δόξῃ σοι ἀληθές, ἔμελλε μοι·
Βολομένη δέ σε ἐσθίειν λαγῶας
Ὡς ψυχὴν κακίας καθάρας, ἵης
Καλός, μηδὲ καλοῖς κακὸς φθονοῖς.

In percussorem Regis, captum in ipso conatu, ac mox
supplicio affectum.

ὦ τὰ δυσσεύει! τοιμήμα! ὦ ἀημίς·
Ἔργα! Φεῦ τῆς σῆς ὦ παῖ ἀπαθάλις!
Ἐτλῆς ἀφρετορ καὶ ἀνέστη εἰν ἐνὶ λαιμῷ
Φραγκὸς ἰὼν Φραγκὸς πάντας ὁμῶς καταΐειν.
Ἡ σὶ μὲν λύκῳ ἴσκει παῖρ, μήτηρ δ' υἱαίη,
Καὶ τίγρις μάστιγος σοὶ πόρε φουμένω.
Οὐ γὰρ Φραγκὸς ἴης· Φραγκεὶ φιλέειν ἀνακίας
Πάγχυ ἴης· θῆρ δ' ὦν ἐν μερόπιοι λάθεις.
Καὶ κε χερ' ἰεδὼλῳ μέγα δὴ μέγα ἔργον ἔριξας
Εἰ μὴ ὑψιμέδων ἔρξεν ἀνακτα μέρω.
Σῶσε Θεὸς βασιλῆα, αἴωσι δ' λαὸν ἀμ' ἀλῆφ.
Χαίρει ἱππομόνοι, χαίρει ἱπποθελιοί.
Καρμυρή δέ σε δεινότητι κίχῃ δανὸς ἀλατορ·
Καὶ θάνεις αἰνόμερῳ· δυοῦσανάτῃ θανάτῳ.
Οὐκ ἀρετὰ κακὰ ἔργα· ἔχει Θεὸς ἰκδικεῖν ἔμμα.
Οὐδὲ Δίκη μερόπων πάντας ἔλειψε γένῳ.

Ἄλλο.

Ἡ θέλειν, ὦ μέγα θαῦμα! ἵης λελαθημένῳ αἵης
Φραγκὸς ἰδρυλῶν ὅν μεδούλα κτανεῖν.
Τὸν καὶ ἐν ὑσμίνῃ ἴεν· Ἐκέρει ἡ Ἀχιλλῆα,
Καὶ Θέμιδ'· δίας μιλίχιον προπλον.
Ἡ θέλειν· ἀλλὰ Θεὸς λαὸς ἐλευθέρως ἀπειρῶς
Τὴν ἱερὰν κεφαλὴν ρύσασθαι ἐκ βελίων.
Οὐκ ἴφθης κτανίων μιανύταπ· μυρία δ' αὐτοῖς
Ἐκπύρης περπαθὼν ἄξι· ὦν πλείονων.
Εὐρε Θεὸς τὸν ἀλιτρόν· ἔχεις πέλας οἷα ἔργας,
Εἰς τὰδ' ἰδὼν τρεμάτω ὅστις ἀλιτρόνῳ.

De Gallorum Concordia Carmen; anno CIO ID XCIV.
cū magno bonorum omnium gaudio Jesuitæ sunt ejecti.

Τὸν μέγαν Ἑρρίκον Κελτῶν ἱόν Ἡρακλῆα
Ὅς Κελπικὸς διέπει σκῆπτρ' ἐχθρῶν βία,
Συμδότην ὀλέσονται κακὸς κακοί, Ἐσπερίης π
Τύρανι Πλάτων, καὶ σὺ Γώμης Κέρδερε
Ἐπιδόφα τρικάραν· τὸν ὕδατος ὀλετῆρα
Ὀρρόδιοντις αἱ βροτῶν ἀλάστορες
Τῶν ὕδατος π βίη π σιδέρεον ἔρανὸν ἔκει
Βαλαῖς ἀηκίστις τὰ πανταχῶς κυκωμένων.
Καὶ δὴ ὁ μὲν μισθῶ, ὁ δὲ αἰμυλίαις ἐπίεσθ
Πείπειται λαὸς Κελπικὸν διόλεσθαι.
Εἴθ' ἔκ ἂν βελίζοιτο ἰδὲς μοναχῶν ὅσοι Φύλα
Οἷγ' ὡς Ἑρμυῖς μάχας ξυνεκρόταν.
Καὶ φάσαν, εἰ δ' ἀγρ' ὦ φραγγοὶ ξυνάγωμιν Ἀργα·
Ἰτ', ἱγκονῆπ, κάεστε, κάετ' ἀνη· ἴως
Εὐ μὲν πρὸς δερὺ θηξάσθω ἰὺδ' ἀσπίδα θιάσθω
Ἀΐδως δ' ἀπίσω, καὶ Θέμις, Θεῶ τ' ὅπρ.
Ἑρρίκον δ' μάστιγι βαλεῖν, δολῶ πὲρ βίηφι
Εὐαδε φιλίππῳ τῷτο τῷ γῆς κορῶν.
Δαιμόνιοι τί κάθησθε; τί δ' τρομέθ'· ἔλλαθε γυνῆ.
Ἄνωγε ταῦτα χ' ὡ μείδων Γώμης Θεός.

Ως Φάπιν· οἱ δ' ἐπὶ τὴν τραϊοὶ τ' ἀγρόν τε μάλ' ὤκα.
 Ἐνάλια καὶ δὴ πάντα πλέν ἄνω κάτω.
 Ἀς δ' αὖρ ἄς δ' ἐπιφύει, ἀδελφὸς ἀδελφὸν ἔλει,
 Πατὴρ ὃ παῖδα κτείνει, καὶ παῖς πατὴρ ἰόν.
 Τοιαῦθ' ἡ τλήμων φραγγίς ζυμφορὰ μούνης π
 Τῆς τῶν δ' ἀπύρμα τῆς θ' ἔς ἀδελφίας.
 Αἱ αἰ πατρὶ φίλῃ, καὶ τὰς φρένας ἐκπιπτάσθαι·
 Παρ' αὖ π πυκνὴ πὶ περίπλευζας νόσ·
 Νῦν δὲ σοὶ ὑπαινέσθην φάσθαι αἰσὶν ἐξιφάσθην.
 Ἡ' πρὶν τ' ἐπ' ὅσων ἀχλὺς ὅσ' ἀφῆρθε
 Ἐγὼ δὲ πρὸς τὰς τ' αἶτας, μέγατ' ἀχθεῖαι ἐχθροῖς
 Ἐλὼρ π κύμα π γιομένη φρενῶν βλάβη.
 Φθίρεκ νῦν δολομήχαν Ἰβήρ· καὶ γὰρ σὺ ἐλέγχθη
 Τὰ δῶρ' ἀδελφ' ἰούλα, καὶ οὐκ οἴσμαι.
 Φθίρεκ δ' αὖ πιμὴν ὀλεῖται· πάντα γὰρ ἔρρει
 Τὰ κρυπτὰ σὺς πρὸς δὴλα πᾶσι μῆδεα.
 Ἐξήλθ' ἡ μοναχοῖ, εὐχόμεν γένεθαι, ἔξῃ πατράς
 Ἀνακτερόντων θηρίων ἐναύσματ' α.
 φραγγίς ἰὸν βασιλῆα, ἰὸν φραγγίς πατὴρ ἰδὼν
 φίλῃ φίλῃ τὸν μέγαν ΒΟΡΒΩ' ΝΙΟΝ.
 Δαρὸν δὲ φιλοῖται χρεόν, καὶ δαρὸν ἐναίδει
 Λιὼς τ' ἀνακτῇ, τῷ λιὼτ' ὠνάς σῆν.

In Nuptias clarissimi Viri, Jacobi Lectii, J.C. cum nobilissima
lectissimaque foemina, Esthera Christiana Guilliand.

Ως τῆς ἀρμονίας! ὦ τριλλίαν ὑμναίων!
 ὦ φίλῃσι ζυγῷ! ὦ ἐρατῶν π γάμων!
 Καὶ πρὶν μὲν γὰρ πρὶν πρὶν αὐτὸς ἐν ἀκμῇ
 Ἀκμαῖν καὶ αὐτὴν, καὶ σοφὸς ἦλε σοφῇ.
 Ναὶ μά σοφὴν σοφὸς ἦλ' ἐπ' ἀκμῇ ἰχάρετ' ἔδῃ
 Ἐς δόμον· ἐκ ἀγῆς πρὶν ἔγνῃ γάμῳ.
 Τὰς αἰὲς τὸν ὅμιον ἀγῆς ὡς τὸν ὅμιον,
 Τὰς αἰὲς ἀσβείων κήδεσσι ὑψιμέδων.
 Διὸν δὲ θάλλοιτε, φίλοι ἄμα· καὶ ὦ θεὸς ὑμῶν
 Καὶ πατρὶν παῖδων ἀφθονα πάντα ἔμει.

In Obiitum nobilissimi fortissimique Herois, Domini Novæi,
qui pro Christo & patria occumbens, cum alios filios ἐφίδεκε & supposititios
reliquit, tum imprimis Dominum à Teligni, verè Heroem ex Heroë.

Αἱ αἰ καὶ συ ΝΟΑΪΕ τίς πρίν περὶ μαχητῶ
 Ἀλκαρ ὦ ἀσβείων, δυοσβείων ἢ τρέμῃ.
 Τὸν πρὶν ἐν ὑσμίνῃ κρατράς ἐλέκησεν φάλαγγες
 Πᾶς πρὶς ἰδὼν ἱεράκη, καὶ ὦ βροτολογὸς Ἀρης.
 Καὶ δὴ ἐδύρμεναι σε κάτω νύκτι κάρηνα
 Ἀθάτασσι διοσά Εὐσεβίῃ, Ἀρετῇ.
 Τῶν χάριν ἔστα φέρετ' ἐμὸν γένος, ἰδ' ὅσα ἔπυξας
 Οὐδ' ἔμῃ ἐστὶ νόσ, καὶ ἐπὶ τὸν σωματῶν.
 Πῶς μὲν ἔσθ' ἔστιν χάρις χαρήσεται ἔς πρὶς ἀλιτρός
 Βασιλεύς θ' ἢ ὅς πρὶς ἐναντίῳ.
 Δυσμενέες ἀλλὰ κάκιστε, τί σοὶ πλέν· ἐχθρὸν πρὶν
 Πηλείδῳ Τροίην εἰλε Νεοπτόλεμῳ.

Εἰς τὸ Διὰ Φόρον Γερμανικῶν βασιλέων Νομικῶν, καὶ τὸν αὐτῷ πλουμαθίστατον ἐξηγητὴν
φριδερικὸν τὸν Δινδμπύργιον.

Η' Νορὶς ἀλκῆς τ', ἰδ' ἐν ἔπῳ ἐξῆς ὁρμῆς
 Τῆς σῆν ὦ Κελῶν ἱθῇ Ἀρημάνῃ
 0 0 0

Μάρτυρι

Μάρτυρες ἀνδρώπων ὅσῃ γῆς ναιετάουσιν
 Προς δύσιν, ἀσολήνῃ, ἢ νότον, ἢ βορέην.
 Θεοσιπλῆς ἢ σῖθιν μίχα δὴ τῆδε γῆμα βραπίσιν
 Ἐπὶ νόμους σοφίης, ἔπὶ δικασπιλῆς.
 Μάρτυρα βίβλων ἰδὲ· ἢν περὶ δ' ἴσα τυκτὸ σκαλινὸν
 Λευκότεραν Φαίῳ· νῦν δ' ἔπὶ φριδερικῳ.

Christophero Gygæo Tigurino, Viro eruditissimo & amicissimo,
 cum in inclyta Mompeliensium Academia Medicinæ Doctor renunciaretur.

Ἡ δὲ πῆρ· πῆρ· ἐνὶ κύμασι πολλὰ παλίν
 Νῆα σαυζομένην ἐπὶς ἰδὼν λιμένῳ.
 Ἡ δὲ ἔ· ἐν πλέμῃσιν ἀπερισίγας μετ' ἰωκῆς
 Ἐπὶ δίδω νίκην ἀλλοπερὶσταλῳ· Ἀρῆς.
 Ἡ δὲ καὶ ἐν ἰρείσιν ἀεθλίστα ἄγῳσι
 Ἀθλα φέρειν κόποι, μῆλα, σίλινα, πίνω.
 Ἡ δὲ ἐν Μυσίων πεδίοισιν ἀριεύσασθαι
 Δῆσαδ' σοφίης αἰδίων τίφασιν.
 Οἷον νῦν Κύριε, γλυκερὸν Φάῳ· ἀνδρείς ἔπλεξαν
 Πάνσοφοι ἡδὲ τῇ ἀμφίησαν κεφαλῇ.
 Οὐκὲν ἰατρικῆς ὀπμητῆ· ἔξοχα πύχνης
 Ἐμπύραμ· φαίνε περὶ τῆς κρινόμενῳ.
 Ζηλῶ σ' ὡς τριπύρη Φυῆς, Ζηλῶ ἢ π πύτρας,
 Ζηλῶ σ' ἐυσέβης, ἡδὲ μαθημοσύνης.
 Ἡρᾶς πρὶν καμάτας μαλαγῆς, νῦν δ' ἔραο νίκην,
 Νίκην ἡδίστην, ἔπὶ οὐλυνμένην.
 Λεῖπὸν ἰὼν ὕγις, ἄλλοις ταμίης ὕγιης
 Πρεσβίτης μακάρον, ὅς τίς· Ἰπποκράτης,
 Ζῆθι μάκαρ, μακάρε ἐν πατρίδι κύδι γαίῳ
 Ἀθανάτης π φιλῶν, ἔ· φίλῳ· Ἀθανάτης.

Εἰς δέσποιναν σιμοσιτίω ΜΑΡΙΑΝ ΒΡΑΒΑΝΣΟΝΗΝ ΧΑΝΝΙΤΙΔΑ τῇ καὶ γένεος λαμπρότητι
 καὶ πανπλῶν ἀρίτων ἀσκήσει ὑπερίνδοξον, αἶμας μὲν, μακαρίως ἢ πλωτήσασαν.

Αἱ αἱ ἀριστομένηθλε, σὺ μὲν βροτίων μελεδάνων
 Λέχασα ὑλμπινδ' ἀσμένη εἰσανίβης.
 Κεράδιον δ' ἄλοχον περὶ πῦρ· αἱ αἱ,
 Θαῦμα βίβ· ΘΥΑΝΟΝ ὅχιω θυμωσάν.
 Χ' ὡ μὲν οὐδύρομν· χοῖρον καὶ νύκτα καὶ αὐτὸν,
 Ἰμῆρα γλυκύν, πίνω, σὺν ὁδῶν,
 Σὺν ἰάρον, σιμῆ π τῶος, Φυῆς τ' ἰρατινῆς,
 Γραπλῶν ἔχων κραδίη σῆς τύπην ἀγλαίης.
 Σύζυγε δ' αἰάλοισι συναιάχων ὁμαρτῇ
 Ἡ τλήμων Ἀριτῇ ταῖτ' ἀγαταὶ Χάριτες.
 Οἱ μοι λευγαλῆς ἀτης! τίς νῦν χερ' ὀρίζω
 Τ' μιν εἰζυρῇ πινόμεναι πινῇ·
 Νεσάκερς τίς ὀπισκίψω· τίς λύτρα διδύσιν
 Δώσιν· τίς γυμνὰς ἐδίδω ἀμφιάσιν·
 Ἀ δειλὸν μερόπων γένος! ἢ ῥ' ἰπὸν περ ἰπῶν,
 ΠΑΝ ΤΟ ΠΕΡΙΤΤΟΝ ΛΕΙ ΕCΤΙ ΜΙΝΤΗΘΑΔΙΟΝ.

Francisco Porto.

Ἐλλάδα μὲν ποτὶς, καὶ ἰμὸς πλό· ἐπ' αὐτῇ,
 Τῇ ἢ κυβερνῆται μ' αὐτῶν ἔχει πῆρ·
 Ἀπὸ γένεος, σὺ δ' ἔ· νῦν τῆδε μοι κρήνην ἰέλαος,
 Νῆα μὲν ἰδὼν αἴψα μάλ' ὡς ΛΙΜΕΝΑ.

Τῇ αὐτῇ.

Δεῦρ' ἵπ' πάντες ὅσους σοφίας καλὸς ἱμεῖο· ἤλι,
 Δεῦρ' ἵπ' πρὸς Πόρτεν πρὸς σοφίας ΛΙΜΕΝΑ.
 Εἴτ' ἐν καλῇ καλῇ συνίῳ ποιήμαθ' Ὀμήρου
 Ἀμφοτέρ'· ἡδ' ἄλλων ὅσοι αἰδομένοι.
 Εἴπε λόγος ἐθέλωτι μαθεῖν δεινὸς πὶ καλῶς πὶ
 Ῥητήρην τῶν τῆς ῥητορικῆς δεκάδ'·
 Εἴπε παλαιγενέων ἑσσοις ἐγράφησαν αἰθλαί
 Ἀνδρῶν, καὶ πόλειν ἢ φθορὰς ἢ κτίσεις.
 Πόρτεο πάντα μάθει· καὶ Πόρτεο πάντα διδάσκειν
 Χρηστὸς ἰὼν ἐθέλει, πάμπαν ὡς δύναται.

In Fr. Porti Cretenfis Commentarios in Pindarum, post
 ejus obitum in lucem editos.

Πιερίδες Μῦσαι, μεγάλα τίθει ἀμφιχυθεῖσαι
 Πόρτε (ἀπείνων ἀνδρῶν αὐταῖσιν φίλα
 ἔχου· ἵπ' αὖ πάντων ἴσκει γ' ἔχου· ἄλλων)
 Ἀὐτὴ ἐπείκειθ' ἱμέρην πὶ καὶ πόθον.
 Αὐτὰρ ὃ κ' εἰν Ἀΐδαο Φιλῶσαι ἀντιφιλῶσαι
 Καλὸν καλαῖς Μοῖσαισι δῶρον ὥπασαι,
 Δῶρον, γαί Μοῖσαι, καλὸν ὥπασαι· Πόρτε σὺ δ' ἔτι
 ὧς ζῶν μίγναι, καὶ μίγναι τῶν θανόντων,
 Καὶ Μοῖσαι καὶ πῆλ' ἑσσι Μοῖσαις ἐφίλασθαι
 Ζῶν τ' ὠφίλησαι, ὠφελὺς πὶ τῶν θανόντων.

De Geneva παραδηθὲν, ex Anthologia, v. 359.

Κερδαλίην διζίωθε πῆλιν ληίστηρες ἄλλῃ·
 Τῇδε δικαιοσύνη ἱμπιδὲς ἐπὶ φύλαξ.

Idem Latine.

URbibus ex aliis, prædones, quærite prædam;
 Namque hæc Justitiæ tuta manebit ope.

Ex Ausonii Epitaphiis Heroïum, n. 17.

NASTI & AMPHIMACHO.

Nastes, Amphimachusque, Nomionis inclyta proles,
 Ductores quondam, pulvis & umbra sumus.

Græcè penè ad verbum.

Νάστις κ' Ἀμφίμαχος, Νομίονος ἀγλαὰ τέκνα,
 Οἱ πρὶν ἀγροὶ πόλεμον, νῦν σκιά ηδὲ κόπης.

De Sampson & Hercule.

Τίς οὖν, τίς δόξης πέλειται Σάμψωνος ἀπυθῆς;
 Καὶ τίς Ἀλκιὸς τ' ἄνομ' ἄπυσεν τοῖς;
 Ἀμφω μὲν κρατῆροι, βελαροὶ τ' ἀμφω· ἀπὲρ ἀμφω
 Κάλλος· θηλυτῶν μάρτυρες ὅσα δύναι.

Idem Latine.

Ingens Sampsonis cui non est gloria nota?
 Herculis aut quenquam Martia facta latent?
 Ambo magnanimi, fortes ambo; atramen ambo;
 Quid præstare queat fœmina pulchra, docent.

Ad Muretum.

Α' βάλε τὸν Χρυσὸν, χρυσῷ π θυσία θάπη
 Γινῶμαι καὶ τερνὴν ἡθελίς ὀψέ ππ·
 οὐ γὰρ ἐγὼ φαίην τόπ· σὺ ἀντάξιον ἄλλον
 Οὔτων, ἰσομένων, τὴν μετόπισθε, πάλας.
 Νῦν δ' ἐμὸι ἐν δόμῃ μάλα θυμέε· ἐπὶ σι μάλισσε
 Παιδείας τ' ἀρχαίαι, καὶ κακίας συγίω.

Psalmus CXXXVI.

Α' θάνατον πάντες κελαδεῖ· θεὸν παύσεται·
 Ἀγαθὸς γὰρ ἐστίν, εὐμενὴς π διαμπερές.
 Ἀθάλασεν κελαδεῖ· θεῶν θεὸν ἔχον ἄλλων·
 Ἀγαθὸς γὰρ ἐστίν, εὐμενὴς π διηνηκός.
 Ἀΐνασεν κελαδεῖ· ἐς πάντας ἀναξιν ἀνάσσει·
 Ἀγαθὸς γὰρ ἐστίν, εὐμενὴς τε διηνηκός.
 Ὅς ἤντη μιν· τέλει καὶ δαίδαλῃ ἔργα·
 Ἀγαθὸς γὰρ ἐστίν, εὐμενὴς π διηνηκός.
 Ὅς καὶ ὀψιμαμένους μέγα πλάσσει κῦτ· ἐλύμπ·
 Ἀγαθὸς γὰρ ἐστίν, εὐμενὴς τε διηνηκός.
 Ὅς μεγάλυν μεγαλῶσ' ἰδρύσασθ· γὰρ ὑπὲρ ἄλμας·
 Ἀγαθὸς γὰρ ἐστίν, εὐμενὴς τε διαμπερές.
 Ὅς δὴ παμφαίνον· ἄστ' ἑρῶν ἰστέλξει·
 Ἀγαθὸς γὰρ ἐστίν, εὐμενὴς τε διαμπερές.
 Ἡμάτα μιν φαίδονται διακρίνεν ἐπιτελεῖν·
 Ἀγαθὸς γὰρ ἐστίν, εὐμενὴς τε διαμπερές.
 Νυκτὶ ᾧ σημαίνειν διὰ αὐγῆ σιλάνα·
 Ἀγαθὸς γὰρ ἐστίν, εὐμενὴς π διαμπερές.
 Πρωτοπύκας δ' Ἀγύπτι· ὁμᾶ σύμπασης ἀνέκλει·
 Ἀγαθὸς γὰρ ἐστίν, εὐμενὴς π διαμπερές.
 Καὶ γιν· ἡφι βίηφι σωσέσθ· Ἰσακιδάων·
 Ἀγαθὸς γὰρ ἐστίν, εὐμενὴς π διαμπερές.
 Παλρίδα δ' Ἰσακιδάει· πόρε νόστιμον ἔμαρ ἐπ' αἶας·
 Ἀγαθὸς γὰρ ἐστίν, εὐμενὴς π διαμπερές.
 Καὶ ῥέον ἀνδρῶν· ὅστις βαθυρρῶ· ἑρυθραίο·
 Ἀγαθὸς γὰρ ἐστίν, εὐμενὴς π διαμπερές.
 Καὶ θάλλ· Ἀβραάμ· ὑδάτων ἔγεν διὰ μέσων·
 Ἀγαθὸς γὰρ ἐστίν, εὐμενὴς π διαμπερές.
 Ἐνθα φάρμα· τρεῖς π πελιδόρμον· ὅλστε κύμα·
 Ἀγαθὸς γὰρ ἐστίν, εὐμενὴς τε διαμπερές.
 Καὶ διὰ διψαλίας· ἵον ἔγεν λαὸν ἱρήμα·
 Ἀγαθὸς γὰρ ἐστίν, εὐμενὴς τε διαμπερές.
 Ἔα δὲ ἡγεῖν· τρεῖς ἑξαλάπηξε· ἡράντων·
 Ἀγαθὸς γὰρ ἐστίν, εὐμενὴς τε διαμπερές.
 Πολλὰς δ' ἐξανάλξει· καὶ ἀφνίως βασιλῆας·
 Ἀγαθὸς γὰρ ἐστίν, εὐμενὴς τε διαμπερές.
 Δὴ γὰρ Ἀμορραίων βασιλῆα· ἔπειθε Σέον·
 Ἀγαθὸς γὰρ ἐστίν, εὐμενὴς τε διαμπερές.
 Καὶ βασιλῶν· μεδόντα· πελάγειον· ἐκταῖν Ὠρον·
 Ἀγαθὸς γὰρ ἐστίν, εὐμενὴς τε διαμπερές.

Καὶ νῦν δὲ αὐτὸς ἐπὶ πᾶν γαῖαν δαΐστω λαῶ·
 Ἀγαθὸς γὰρ ἐστίν, εὐμενὴς π. Διαιμπερὶς.
 Δαΐστω· ἢ παίδων παιδεύειν ἰδοὺ νίμιδοιαι·
 Ἀγαθὸς γὰρ ἐστίν, εὐμενὴς π. Διαιμπερὶς.
 Ἀὖτις ἐς ἄμμι ἀλεξίκακον· γίγνεται καὶ ἀρμόγιος·
 Ἀγαθὸς γὰρ ἐστίν, εὐμενὴς π. Διαιμπερὶς.
 Ἡ δ' ἀπὸ δυσμενέων αἰετὶς ἡμᾶς ῥύσασθαι χερῶν·
 Ἀγαθὸς γὰρ ἐστίν, εὐμενὴς π. Διαιμπερὶς.
 Μῦν· δὲ αὖ ἔχοισι βίον πάντες περὶ ζῶν·
 Ἀγαθὸς γὰρ ἐστίν, εὐμενὴς π. Διαιμπερὶς.
 Ἀφ' ἡνίκαν κελεύειν πᾶν ἔργον ἐναιετῆρα·
 Ἀγαθὸς γὰρ ἐστίν, εὐμενὴς π. Διαιμπερὶς.

Elogium Magni Bezæ.

Μαργαρίτῃ ἐν λαίῳ, Φασφόρῳ ἐν σπλάιῳ,
 Ἐν ᾧ βροτῆς σφὴν λάμπει ὁ Βηζιάδης.

Psalmus XIV.

Ὡς ἴα θεὸς πάντας πλῆθει μηδεὶς, μέγα θαῦμα;
 * Σιγῇ βοῶσι πῶς κακοί.
 Τῇ δὲ, ἢ περὶ ῥίξιν ἐν ἀνθρώποις ὁλωλεῖ,
 Ὁλωλεῖ πᾶσι χρηστότης.
 Οὐδὲ γὰρ ἔδ' ἵνα μὴν ἐν ζύμπασι δίκαιον
 Ἐνεστὶν ἄλλο τῷ θεῷ.
 Β' ξυμῖν· ἐς ἐπ' ἔργον ἔχομεν· τ' ἀνθρώπων
 Ἐκαστὸν ἑκάστων ἰφραῖα.
 Ὅσοι βαλὼν δὲ ἐς ἑκάστον ἐν ἀνδράσιν ἄνδρα δίκαιον
 Ζητῶν, κινήσας ἄδεια.
 (Καὶ γὰρ ἔλον μερόπων γέν· ἤλιπν, ἤλιπν, ὦραν
 Πειῶσαν ἑδμῖαν θεῷ)
 Αἰψά δὲ ἴφθ, Ἀ' δαίλοι δ' ἀπ' ἡνίκαν κατ' ἱμῶ
 Ὁλοῦσι πῶς ἔγω φρεσὶ
 Οὐκ ἐπ'· πᾶσι λέν πᾶσι καχαρισμῖον ἄρτα
 Δίκην πηρὶ βρούσκεπ·
 Νήπιοι, ἔδε θεὸν κοπιῶντι περὶ ἰλάσκεο
 Λιτῖαν· ἀντὶ ἐσσετα
 Ἡμᾶρ· ἐπ' ἀν' ἱερῶν ὑμῶν, ἄμμι ᾧ χάσμα γίγνεται
 Δικῶν δικαίων· θεῷ.
 Μάψ γὰρ πῶς ἰδύοισι κακοὶ κακὰ μηχανάσθαι
 Τῶς τῷ θεῷ πεπνυγῶσι.
 Σοὶ δ' ἄρτα πᾶσι τριπλήτην ἰλάσκειν ἔξεται ἡμᾶρ,
 Πότ' ἐκ Σιν· ἱσραὴλ·
 Δὴ τοπ γηθήσει ἰάκωβ· χαρμῖον π
 Σκιρτήσας ἱσραὴλ οὐδ'.

* In illa
 chartula
 Calaubo-
 nus scri-
 bit, Πῶς
 θεὸς αὐ-
 τὸς τοὺς
 κακοὺς.

Εἰς Κλαυδίου Πηττιανόν, τῆς ἐν Λεπτικίᾳ λαμπροτάτης βουλῆς σμυτάριον
 καὶ σεφάτατον βασιλέην.

Πηττιανὸς μακάριον ἔδραν ἠλάξατο γαίης.
 Φεῦ! πῶς καλὸν σέοι Πηττιανὸν ἔρμα.
 Ὡς ἄλλο Εὐνομίας ἱερὸν βάσις· ὡς αἰ αἰ
 Ὁφθαλμοὶ βαλῆς, τῆς ἀρχῆς πᾶσι κλέει.

Ἀλλο.

Τύμβον ὄρεα παροῦσα, ἐς ἀντὶ ὅσα κλέει
 Σάφρον, ἰδυοίκα, βαλεφρον, ἀξιαγάτα,
 Μαλιχία, πινυφρον, ἀτρεκί, πολυμύτα,
 Ἐσλῆ, ξηνοδέχα, μεγαλήτορ, ὀλομοίρα,

ρ ρ ρ

φιλοφίλ,

φιλοφίη, φιλοκοράνη δόρυ, εὐπαιδῶ
 Μεσίων φίλῃ ἔχον· παντὶς δὲ ἴγ' ἐπ' ἄκρον
 Τέρμα μολὼν ἀρετῆς, καμάτων βιοτῆς θ' αἰὲς εἴπας
 Οὐκ ἀγῆει, πὺν ἀνέγρεπν αὐτίκα ὕπνος ἴανει.
 Καὶ γάνει μὲν θνητὸν σὸ σῶμα τὸ δὲ ἄσπετον εὐχῶ
 Κλαύδιε πῦρ γαῖης κατ' ἀπείρονα κύκλον ἀπάσης
 Τηλεφάει· ψυχὴ δέ τι ἔρατ' ἐνναέτιρα
 Χῶρον ἔχει πολυέλδον ἱεραρχήσαν· Ὀλύμπῳ.

Ex Ausonii Epitaphiis Heroïum, n. IX.

PYRRHO.

ORbe tegor medio, major virtute paternâ,
 Quod puer, & regis Pyrrhus opima tuli,
 Impius ante aras quem fraude peremit Orestes.
 Quid mirum, cæsa jam genitrice, furens?

Τὸν σφαγέα Πριάμοιο νέον, καὶ κρείσσονα Πύρρον
 Πατρὸς ἐμῆς, γαῖης ἐμφαλῶ ὧδε μ' ἔχει.
 Σχέτλι', ἐν περὶ βωμὸν ἐπιφνι δόλοισιν Ὀρέστης.
 Τί ξάνον; καὶ πρὶν μητρί' ἀνέλε μανίης.

In Libro Joannis Hesychii.

Κεῖν παῦτ' ἐχάραξ' ἔς σ' ἐκ μυελῶ Φιλῆ ἄκρον
 Ψυχῆς ἢ δ' ἀρετῆς καὶ σοφίας ἀγαπή.

In Libro Joannis Tornæsii.

ΑΨπίσεν, δὴρ' ἐν χρόνῳ, ἰδὲ πανόλβιον εἴη
 Σὲ ζῆν, ὦ πάντων φίλτατ' ἐμοὶ ἀνέρον.
 Μοῖμαι πὺν φιλέωσιν ἴσα ζυγῶ, ἄς φιλέας τυ
 Εὐσεβίην τ' ἀσκήας καὶ δικαιοσύνην.

Ex Ausonii Epitaphiis Heroïum, n. VII.

ANTILOCHO.

Consiliis, belloque bonus, quæ copula rara est,
 Carus & Attridis, carus & Æacidis:
 Præmia virtutis, simul & pietatis adeptus,
 Servato Antilochus Nestore patre, obii.
 Non hic ordo fuit: sed justius ille superstes,
 Troja capi sine quo perfida non poterat.

ΑΨόπρον, μέγα θάμν', ἀγαθὸς βαλόντι βοήπ,
 Καὶ φίλῳ Ἀτρείδαις, καὶ φίλῳ Διάκιδαις
 Εὐθὺς τῆς ἀρετῆς π' λαχὼν χάρας εὐσεβίης π'
 Ἀντίλοχῳ καίμαι ρυσάμενῳ πατέρα·
 Ὀπλόπρῳ μὲν ἐγὼν ἀπὸρ ἔτω κέρδιον ἔσκει
 Καὶ γὰρ ἀνευ πατέρῳ, ἴλιον ἐκ ἐάλῳ.

In Lerii Historiam Americæ.

Εἴς δ' οἱ μάλα θυμὸς ἰμοὶ φίλε, πῶς σ' ἰομένην,
 Ἡὲ Λαιρπαδῶν, ἢ Μελισσιγένην.
 Πρὶν γὰρ πῶς πάθος τ' εἶδες τ' ἴδε πολλ' ἐπωληθεῖς
 Οὐδ' ἀπενόησας ἀλλ' ἰὼν Οὐσούς.
 Οὐ μὲν περ πολίπερθεν ἰὼν μάλλον ᾗ πολίσσων
 Ἀνθρώπων ἀγρίων γὰρ ἀπολιν τὸ πάρος.
 Νῦν δ' αὖ Ὀκειανόν περ λίγυν καὶ πείρατα γαίης,
 Καὶ Λαιρρυζονήην, ἑλεμένους τ' αἰέμας,
 Κύματα τ' ὀκελοέντα, ἀπὸ λυμῶν περ ἐπαίρας,
 Πῶς ἐκ ἀλλ' ἔφυς, φίλε, Μελισσιγένης.

Εἰς τὸ Νομικὸν κατὰ σοιχεῖον τὸ ὑπὸ Πέτρῳ τῷ Βριδεράδῃ συγγραφέν.

Τὰς πρὶν τῆς Νομικῆς, τὰς ἄχθεα δεινὰ καμῆλων
 Βίβλους παμπόδων, ἐνὸς ἀνθρώπου εἴηκα
 Ἀχθῶν, ἐφ' βασιλῆϊ σφοῖ σφῶ ἤρα φέροντες
 Ἀνέρες· ὧν δὴ καὶ λαμπρὸν κλέος ἔρανον ἴκα.
 Τῶν ζῆλῳσιν οὐ γὰρ Πέτρῳ ἀρετὴν περ καὶ ἔργα,
 Ἀνθεα δρεψάμεν καλὰ πάνθηθεν, οἷα μέλισσα,
 Βίβλον τῆνδε μίαν τεύξω, ἐλίγην περ καλὴν περ
 Εἰς θ' ἀμύν' ἐγὼ πολλὴν αἰτιάξιν ἄλλων.
 Τῷ δὴ χαῖρε, φίλη κεφαλῇ, ὅς πολλαὶ μερήσεις
 Τὼς μέγα ἔρασε κύδ' ἔσαν πάρος ἔρασε μόχθον.

Ἐρρίκῳ τῷ Σπφάνῳ.

Ἐσθλῇ σπῷ κλέος, Ἐρρίκει, τίς ἐστιν ἀπυθῆς;
 Τίς χθὼν, τίς νῆσος, τίς πόλις, ἢ τίς ἀνὴρ;
 Τὴν γὰρ Μάσας Μάσας πεφιλημῶν αὐτὸς
 Καὶ τέχνη κοσμῶν, καὶ πόνος ἀμφίπτων,
 Οὐρανίον κλήσω κλέος αὐταῖς, ἴδε καὶ αὐτῷ
 Τῇ περ σφῇ τέχνῃ, τῷ μεγάλῳ περ πόνῳ.

Τῷ αὐτῷ· Δορίστῳ.

Ἀνδρὸς ἐπὶ σωτῆρ' ἡγωνίως τίς ἰοῖο πολίτῳ
 Ἐν πόλει τῷ Ρώμα ἄξιον ἦν σιφάνῳ,
 Ἀξιὸν εἶ πόσσων, Σιφάνε, σιφάνων; ὅρα σώσας
 Οὐχ ἵνα παμπλείτως δ' ἐξερύσας αἰδῶ.

Ex Catone Christiano D. Beza.

IN ADULTEROS.

Vis orbem exscindi? subvertitō funditūs urbes.
 Vis urbes ipsas tollere? tolle domos.
 Vis delere domos? careat fac conjuge conjux,
 Vanaque sint sancti fœdera conjugii.
 Ergo perire domos, urbes, orbemque necesse est,
 Orbe vel expelli, quisquis adulter erit.

Inscriptum libro Tobiae Sculteri, Poëtae laureati, amicissimi.

Τὶ σκύλλεις Σκυλτῆ φίλῳ φίλῳ· ἔ γάρ αἰδὼς
 ἔυχμαι ἔμμεν' ἰγὰ· δρὺν βαλάνιζ' ἑταίραν.
 Τίς δ' ἐπίων σοι ἔμων χροῖς; Φιλίης νόμῳ ἄτῳ
 Σὸς μὲν ἰγὼ, σὺ δ' ἑμός· θυμὸν ἑμὸν κατήχης.

In obitum illustrissimi Principis, Joannis Casimiri.

Κλεινότης πέτρων Κασιμίρη ὅς τις ἀκάνης
 Ὄναρ σκιάς ἰὼν μάστι·
 Φράζῃ δ' ὡς τὰ βρόπια παρίερχετο ὅτε νόημα,
 Κρείττον π μοίρας ἔδὲ ἴς.
 Ἀρχόντ' ἀρχόμενον, πλυπαύμμενα, ἠδὲ πινυχρὸν
 Ἐμαρψεν αἴσ' ὁμοίῃ.
 Ἐμπα γὰρ μὲν ἀνέρων ἐκ ὤλετο πρὸς κλέῳ ἰσλὸν,
 Ἐσλαῖς πρᾶπτοι κικασμένων.
 Οἷον νῦν Κασιμίρη πόν κλέῳ ἐκ ἑμαρᾶνθῃ
 Ἐκ γὰρ μεταστῆν' ὀφθῆν.
 Ἀυτῇ, ἰδὲ, σινάχασαι ἰὸν ποθέσιν ἀνακτᾶ
 Μᾶσαι σι τὸν Μικηγάτῳ.
 Μῶσαι, τὰς ἰφίλις, τὰς ἐκία καλὰ ἰδιμας,
 Δόροις π πμὼν διτίλεις.
 Τοιγὰρ ἐπὶ Φθιμένῳ γαστρί κ' δάκρυα λείβει
 Ἀπας αἰδοσίων χροῖς.
 Πᾶς δ' αὖ σὺν π μὲν πολιμέτριά τ' ἔργα κλειῖζι
 Ὅτῳ μέμνη' Ἀρης βροτῶν.
 Σὺν γὰρ ἐν ὑσμίνῃσι θροσυχῶν κατὰ ἑχθρῶν
 Ἡστράβει πολλάκις δόρυ.
 Πολλὰ σύ γ' ἰουσιῶν ὑπερίσχει χεῖρα κραταίῳ,
 Ἀλκτῆρ π πυρομένους γένε.
 Ἢ σὺ μάλ' ἀθανάτῃ μέλλεις ἀλιπόδαι ἰφειτμᾶς
 Ὡτ' ἐ λόγιο σύγγραμμε
 Σχιτλή, ἀλλ' ἐυχῶ μὴ νῦν ἐλοοῖσι λύκοισιν
 Ἐλαρ γυνέσθ' κύρμα π.
 Ἐύχεο ὄφρα πιν ἡλλοτῶν νῶν Φριδερικὸν
 Σώζῃ θείῳ Δισμπρίς.

Εἰς ΘΩΜΑΝ ΒΟΔΛΑΙΟΝ, ἰππία Πιφανέζου, ἔς τὴν ἐν Ὁξονίῃ Βιβλιοθήκῃ ἀνασκευάσας,
 καὶ αὐξήσας, βιβλίου ἀριθμῷ κρείττερος αἰς αὐτὴν ἀνέθηκε.

Τὸν μέγαν ἐπιτοῖ μικρὰ κόπῃς ἀμφικαλύπτῃ
 ΘΩΜΑΝ ΒΟΔΛΑΙΟΝ, πὸν μακάριον φίλῳ.
 Παιδὸς ἐς μεγάλῳ σοφίῃς βιβλιομένῳ οἴστρο
 Ὅσπθ' ἰὼν κπᾶτων φείσασθαι καμάτων.
 Καὶ δὲ λαμπρότατον κατὰ γένῃον Ὁξονίῃσι
 Μοίαις κ' Μοισίων δαμάμινῳ προστάλῃς.
 Εἴτα βιβλίων γαμίσας ἐξ ἀνελίης δύσως π
 Παντοδαπῆς γλώττης, παντοδαπῆς ἰδέας
 Κηδόμενῳ πάντων ἡσυχρὸν τίτδ' ἀνέθηκε
 Πᾶσι σοφίῃς σοφίας ἔργα μεπερχομένοις.
 Διὲ γέρον, σὺ δ' ἐν Διὸς ὄν, εὐεργεσιάν
 Νῦν ἀπὸ χροῖς μισθὸν, καὶ χάρις ἐκ ἀχαρις.
 Ὅνομα γὰρ πείπεται, ἰδε κλέῳ ὑφανόμενης
 Ἐκ Μοισίων πάντων ἤρας μεσοπύλων.

Viro praestantissimo, JOANNI PRIDEAUX.

Vir doctissime,

Hodie inter induendum vestes Epigramma sum meditatus, quod postea in ipsa Bibliotheca descripsi. Id tui iudicii facio; ut si tanti putes, meo nomine illustrissimo Domino Procancellario illud offeras; sum enim ab ipso invitatus, ut illud scriberem. Vale, Vir doctissime.

Tui observans, IS. CASAUBONUS.

q q q

Εἰς

Εἰς τὴν μέραν Θεολόγον Θεόδωρον τὸν Βήζαν.

Η Νίκα Χριστὸς ἀναξ τὸν εἰς πῖσιν θράσυντα
 Τὰς μερίπων πιθὺν, τὸ σέμα θιότατον
 Ἀγγελοῦ ἀτρικίης, ἀνείων δὲ π σμυδὸν ἀγαλμα
 Βήζαν εἰς μακάρων ἔγχε χοροποσίην,
 Διεξαμένη μὲν ἅπαντα ἐν φίλον ἔσχα ἥρω
 Γέθησιν μεγάλως ἑρανή στρατή.
 Ἡ δὲ μάλα σοταχέως ἡ πᾶσα Δίαστρο ἀνδρῶν
 Τῶν ἐπὶ γῆς πᾶ θεῶν ὁρᾶ σιζιζμένων,
 Ὡχέτ', ἔφη, Βήζας πικρῶ ἔμος, ἄχισ ἀσῆρ
 Τῇ βιστῇ π λογῶν ἴσα φαινόμενῳ.

Εἰς τὸν αὐτὸν Βήζαν.

Α Ἰδοὺς, ὦ ψεύσαι, Στύγιον γένῳ, οἱ φάθ' ἔπιμον
 Τὸν Βήζαν πλέθειν πρὸς τὸ μεταμφιάται.
 Καί γὰρ, ἰδὼ, πῖσιν τηρήσας λαμπρὸς ἀριστὺς
 Τὸ γάδιον τ' αἰνύσας, τὸν σίφανον κατήχει.

Beza ipse respondet iis, qui de Apostasia cogitare
 ipsum dicebant.

Μ Ἄρτου κ' αὖ με δέοι ὑπὲρ ἰουσιῆς παλινέρον
 Τ' ὕψην εἰς κόσμον μυρία δαίνα πιδῆν,
 Ἡ πάλιν, οἷσι νῦν εἰσὶν βροτῆ, εἴπες ἐμείγχε
 Κρητῶν προχέειν ὀλβια πάντα ἥλαι,
 Οὐκ αἶμ', εἰς ἔσχα θεῶν ἀντιβῆν πλεμίζων
 Παπποκολαχ'· μὴ τῶτ' ὀμμασι Κελτῆς ἰδοι.
 Ἄλλον κρονον βασιλεύει· κ' μὲν γὰρ αὐτῆς
 Οἷα κύων ἐμπεῖν τὸν πρὸ πρην φίλιν.

Εἰς Κάρολον Γονζάραν, ὃς τῇ Παιονίᾳ ὀπιδιμήσας Τύραν αὐτὴν ἀρόντων κ' φερόντων,
 ἀνδρείαν π κ' τὴν ὑπὲρ Χριστὸς ζῆλον θαύμασθ' ἀξίως ἔργοις ὀπιδύσασιν.

Δ Ἰζέμεν σέφην ἐπιδεύει πᾶσαν ἐπ' αἶαν
 Ἀλλ' Ἀρπαδὸς, Γόνζαγ' ἀντίητ.
 Παιονίᾳ δ' ὀπιδᾶς, μιανὴν στρατὸς εὐτ' Ἀγαρηῶν
 Ἀστα Χριστιανῶν πέρην ἀπειρίσι.
 Ἡ πᾶχ' ὀπλα λαβὼν λαῆς π πῆλεις π αἰῶσι
 Οἰομένων θανέειν, ἰφι βιαζέμεν.
 Ἐχθρὸν δ' ὀλλυμένων φύγειν ἐθια· καί πς ἱηπ
 Οὐ νέμισις φάγειν· φράγχε Ἀρης μάχιστη.
 Δι' ἥρας σὺ ἢ βληθῆς τ' ἐξ αἰδαόπ ρυαῖς,
 Οὐ θεῶς, ἀλλὰ θεῶ φίλτατ' ὦν ἰφάνης.

Scaliger.

D Iverfas habitant virtus & laurea sedes;
 Pugnat apud Parthos Romanus, in urbe triumphat:
 Sic auctorato Christi vexilla sequenti
 In terra pugna est, in cœlo palma parata.

Vertebamus.

Ἐδραν μὲ ταύτῳ Ἀρετῇ τ' ἔχει ἡδὲ βραβῆον·
 Καί πς πρῶτον Πάρθους Ρώμῳ ἰσχυροῦν.
 Οὕτως ὀπιδᾶς εἰς Χριστὸς ἐμείρεται ἄλλων
 Ἐὐτ' ἐπὶ γῆς πολέμῳ, ἀνω γὰρ κύνει χαίει.

IS. CASAUBONUS.

Vel

Vel fic:

Αρετὴ βραδύνει· ἐκ παντ' ἔχουσι ἔδου·
 ἐρλάμει ἐν ῥώμῃ, ἐν ᾗ Περσιδ' ἡ μάχη.
 Ζήλωσι δ' ἔς τις τὸν κατὰ Χρυσὸν βίον,
 Ἠ'χθὼν πάλαιερα τῷδ' ἄνω δὲ τοῖς βραδύνει.

Εἰς Λαυρέντιον Γαλλήσον παιδίαν εὐχρίστητον τὸν καὶ ἀνδρεία καὶ παιδείαν
διαλάμπσαντι, οἰκτρῶς ὃ ὑπ' ἐχθρῶν φονευθέντι.

Η Νίκα Γαλλησά ἔχθρῶν δόλω ἐκ ἀρίστῃ γῆ,
 Ἐκ ριθίνῃ ψυχῇ ἔρανον εἰσπείσῃ,
 Εἶπ' ὀλοφυρομένη ζωῶσά τι πᾶσι περὶ χθῶν,
 Πάντες μυσόπολι, πάντες ἀργίφιλοι,
 ὦ πόποι! ἱθύνῃ ὥρις ὦ πῶλεο αἰ αἰ
 Πάτεραι ἔρκ' ἱῆς Ξανοφῶν ὁ νέκυ'.

Josephus Scaliger in cujusdam Amici Libro.

O Mnis cupido laudis, omnis ambitus
Pruritus animi est febrientis. Gloriæ
Contemptor animus major omni gloriâ est.

Scriptimus nos eidem Amico.

Δ' ὅξῃς γλίχισθ' τῶν θ' ὑπερέμπον γερῶν
 Πρὸς ἀνδρῶς εἰν ἔς νόσον ψυχῆς νοσῆ,
 Ὑπερφρονῶν γάρ τῆσδε μείζων ἢ τυχῶν.

Parodia, continens celebratam toties Aristoteli Epicharmeam
ἐπιμοδόμεσιν.

Θ'Σ ἔρχε ἐκ π γυναικῶν ἐκ τ' ἀνδρῶν ἀπόλοιπ·
 Ε'ξ ἧς λοιδορία· ἐκ δ' ἄρα τῆσδε μάχη.

**In Aphorismos Hippocratis, novis Observationibus
illustratos à Paulo Offredo.**

Α ῥχαῖον Φάπς ἔδε, ὅπῃ ῥδον, ἔνθα ἀκαιοθαί;
 Οὕτως πικρὰ φύσις συνδύασι γλυκίσιν.
 Μάρτυρ ἰδὼ χρυσὴν πῦχον τοδε· ἐξ ἀσπφείης
 Τὰς ἐρμηνευίας τὰς ἔπει· ἔυρον ἴσας.
 Δὴ χωρ πάντα πᾶρ^{ον} νυκτὶ σκιδνωθῶ μιλαίην,
 Αἱ λέξεις, ὁ νό^{ος}, χ'ἡ κρυφία μέθοδ^{ος}.
 Τὸν νῦν, τὰς λέξεις μέγας εἰν ἰατροῖσι Γαληνὸς
 Τὴν μέθοδον Παῦλ^{ος} νῦν ἐτραύωσι μὲν^{ος}.

Henrici Sculteti Symbolum:

VOLUPTATEM VICISSE VOLUPTAS MAXIMA.

Ε'χθρὸς νικῆσας, νικῆθη πολλάκις αὐτὸς
καὶ ῥάμνη ἀγαθὸς κάρρον ἀντίτυχε.
Αὐτὸν ὁ σωφροσύνη νικῆσας ἠδυνάσθαι
ἠδὺν αἰτήτῃ λειπὸν ἄγε βίωτον.

q q q 2

Epi-

Epigramma Plinii, ex Epistola IX. lib. VII.

UT laus est ceræ, mollis cedensque sequatur,
 Si doctos digitos, iussaue fiat opus:
 Et nunc informet Martem calta nque Minervam,
 Nunc Venerem effingat, nunc Veneris puerum.
 Utque sacri fontes non sola incendia sistunt;
 Sæpe etiam flores vernaue prata juvant:
 Sic hominum ingenium flecti ducique per artes
 Non rigidas doctæ mobilitate decet.

Δείγμα καλῆ κηρὲς τότε ἔχρον κ' εὐμετέπλεστον
 Εἰ χερσὶν ἐσπόμην· παν ὁ, πᾶν γίνετο
 Νῦν Ἀρεὺς ἰδὺς μορφῇν, ὅτε δ' ἄλλο Ἀθίης,
 Καὶ πάλιν Ἀφροδίτης, ἢ γόνυ Ἀφροδίτης.
 Νάματ' πυρκαϊῶν· ἔμκτον σβένυσιν ἰρά
 Λειμῶνας δ' ἄρδεις, κ' αἰθερὰ εἰάγνα.
 Τῶς γοῦν ἀνθρώπων ραδίεις θ' ἔγρης π. γενέσθω
 Τέχων πασιῶν ἔργα μεπεχόμεν.

Isaaci Casauboni Epigramma, cūm διαρροία & feбри jam
 aliquandiu laborasset, ex Ephem. 10. anno.

Τῆχομαι ὁ τλήμων κη φθείρομαι· ἡ δὲ γυ νῆσθω
 Ἀ' συγρὰ συγρὰ σάρκας ἑλας καπίδει.
 Πῦρ κη ὕδωρ ἔτω γίνομαι εὐλθ'· ἂν τὸ μὲν αἰθῆ.
 Τῆτο δὲ αἰνάς ρεῖ ποταμῶ δίκην.
 Ἐμψης, ὦ Σῶπερ, πλὴν τῆδ' ἐνὸς ἔδεομαι σε
 Ποίησέν με θέλειν σὲν τὸ θέλημα μόνον.

In nobilissimi atque eruditissimi, Wenceslai à Zastrisfel,
 Moravi, DE VIRO NOBILI, Orationem.

φάπς παλαιὰ ἐπὶ τῶν πνὸς σφῶν
 Νέων ἀντι, τῆς κλυτῆς Μοραβίς τρέφει
 Βενκίσλα', ὡς λέγ'· ἐκὶ ἀδοξάντων ἰῶν
 Κἀκ τῶν δεκνίην· αὐτίς, ἔ ταυτεν δίνει.
 Ἡ' λεγῆ συμπαρ ἀληθες ἐν χρόνῳ πέδε.
 Πάσης γάρ, ὡς εἰπὼν ἐπ'·, τίχνης σφῆς,
 Ἐπίων π κόσμος δεινότηθ'· τ' ἐς λόγους
 Ἡ' τῆ λέγονθ'· πλλάκεις κατίχουσι
 Δέξη π κ' εὐγένεια. Τῶν γι μὴν ὁμῶ
 Λέγειν π δεινῶν κη γίνε λαμπρῶν π ἔ
 Μίλλει περσίνεν γλῶττα εὐ πηγημέτης
 Οἶον πᾶρεσί σοι, τὰ νῦν Βενκίσλας
 Λέγειθι, διπλὴν Μιυλίχης Πυθῆς ἐπλον.
 Λάμπνπι μακρὰν τῇ γίνε εὐδοξία,
 Δώρουπ δ' αὐ Μυσίων ἀγανίς κικασμένῳ.
 Οἶατο δὲρὸν Σατρίσηλε τῆς τύχης.
 Οἶατο εἶπὸ ἔ πατέρα, γονίς, φίλοι.

ISAACI CASAUBONI EPISTOLÆ.



EPISTOLA I.

JOSIÆ MERCERO.

1584.



U verò, vir doctissime, ignotus mihi (quod ais) non es: cujus ego eruditionem atque ingenium, & ex multorum sermonibus, & ex nuperis ad Nonium notis probè habeo cognitum: cujus etiam ex quo tempore notas illas doctissimas legi, miro quodam flagranti semper videndi desiderio. Itaque quantum me Godofredo meo debere sentiam, quo Interprete & veluti parario, hic inter nos conciliatus est semper ut spero victurus amor, ne dici quidem potest. Tibi etiam gratias ago immortales, qui ad me, novum prorsus hominem, & eorum omnium, quæ me possent apud viros doctrinâ claros (quorum tu in numero es) in gratiam ponere, expertem, prior scribere dignatus es: quem ego sanè à me laceffitum, literas meas responsione minimè dignari, haud essem miratus: atque hoc unum nisi me semper deterruisset, jam pridem factum esset, cum ego te literis meis interpellassem, & tecum de re studiorum contulissem: in quo, quando tu me (quæ tua est humanitas) antevertisti, faciam ego sedulo ut quanti te tuamque amicitiam æstimem, crebritate literarum mearum intelligas. De Juvenale quæ scribis, valdè mihi fuerunt jucunda: sunt nimirum doctissimè à te excogitata, & reliquis tuis notis simillima. Omnino autem mihi visus es in illis verbis Satyræ XI. vers. 17. *Ergo haud difficile est*, &c. rem acutè retigisse, factusque mihi est lectione tuarum literarum locus apertissimus, in quo mihi nunquam potueram ipse satisfacere. Perplacuerunt etiam mihi, cum alia omnia, tum conjectura illa tua de Nerone apud Petronium intelligendo: maximè, quia memineram monuisse Scaligerum, idem hominis mon-

strum esse apud Persium Satyræ I. vers. 1584. 98. intelligendum, illo loco:

*Quidnam igitur? tenerum, & laxa
cervice legendum?
Torva Mimalloneis, &c.*

quæ facillè omnes intelligunt, fide historiarum niti. Superest igitur, doctissime Mercere, ut tentatum opus, quando tam foeliciter cessit, strenuè & graviter aggrediaris, paresque te ad duos illos aureolos poetas nobis exponendos, & tuis observationibus illustrandos: quod ut facias, te per Musas oro, obsecro & obtestor. Nam de me quidem, quod scribis, audisse te, esse me in eo, valde falleris. Neque ego satis intelligo qui hoc ad tuas aures pervenerit, nisi fortasse amicus magnus meus D. Godofredus, quia me vidit illorum poetarum esse paulò studiosiorem, inde primùm sibi, deinde etiam tibi persuasit parare me eorum editionem: quod, ita me Deus amet, in mentem mihi nunquam venit. Varias quidem lectiones in utrumque poetam colligendi, & codices veteres, quando data est occasio inspiciendi, fui semper studiosus, sed non in eam spem. Quin ego quascunque nactus sum varias lectiones ex MSS. codicibus, si ita placeat, libentissimè ad te mittam. Me alia studia, alia incepta mea aliorum trahunt: studium præsertim earum linguarum, in quibus doctissimus, & piis omnibus venerandus parens tuus gloriam consecutus est immortalem: ad ea me conferre, ut in iis aliquandiu totus sim, nunc est animus: brevi ut spero rediturus ad Strabonem, quem, si Deus Optimus Maximus coëptis aspiraverit, & MSS. codicum ope, & meis nec mediocribus laboribus fretus, confido facturum ut haud paulò emendatiùs legatur, faciliùsque intelligatur, quam fuerit hætenus. Sed hæc ἡ δὲ ἐν γούνασι κούρει. Est verò quod tibi pro nostra amicitia gratuler, charissime Mercere: audio

1584 audio nimirum te Biturigas venisse ad maximum illum virum audiendum, cujus lectionibus non equidem dubito, quin tantos sis & in jure & in totius antiquitatis cognitione facturus progressus, ut ad summam doctrinam brevi nihil tibi sit defuturum. Deum oro, ut sit tibi hæc felicitas diuturna: teque tui voti damnatum in perpetuum beet. Vale, & me quia semel coepisti, & tuâ amicitia & tuis literis dignum judica. Iterum vale. *Genevæ, a. d. xv. Kal. Majas* CIO IO LXXXIV.

D. Godofredus, qui te etiam atque etiam salutat, hodiè potionem valetudinis causâ sumpsit, quæ non ei permittit ut ad te scriberet. Sed nos brevi ad te literas dabimus; interea habebis eum excusatum.



EPISTOLA II.

EIDEM.

1585. **C**Upiebam jampridem vehementer, charissime Mercere, tabellarium nancisci qui meas ad te perferret, quum ecce tandem post multos menses venit ad me amicus quidam meus, qui nuntiaret esse qui Avaricum Biturigum proficisceretur: sed eum jam petasatum & tantum non *ἐπιούρευον*: hic ego, etsi non parùm impeditus, facere tum non potui, quin relictis rebus omnibus pauca hæc ad te exararem: quæquò breviora sint, eò majorem vim ad declarandum amorem erga te meum habeant velim. Certè, qui te jampridem ob singularem virtutem tuam, summamque eruditionem diligere coepi, postea autem provocatus à te per literas, etiam amare, idque vehementissimè, nunquam faciam, ut lenior in suscipiendâ, quàm constantior in conservandâ fovendâque amicitia videri possim. Te orarem ut in eodem erga me animo permaneres, quam tuis nuperis literis abundè satis mihi patefecisti, si me ullo modo de tuâ constantia sineret dubitare suscepta semel de tuâ probitate & morum integritate opinio. Illud peto à te, charissime Mercere, ne quem pro tuâ singulari humanitate dignatus es prior per literas provocare, eundem postea indignum judices, cui laceratus rescribas. Vale, & me, quod facis, amare perge. Iterum vale. *Data Genevæ Allobrogum, a. d. xi. Kal. Feb. CIO IO LXXXV.*

EPISTOLA III.

THEODORO CANTERO.

CUm nuper significasset mihi Co-1585. melinus noster egisse te, vir ornatissime, secum, ut salutem mihi tuis verbis nunciaret, constitueram literas illi ad te dare. Sed dùm ille discessum parat, ecce repentinâ calamitate, ceu fluctu decumano aliquo, ita totus obruor, ut omnem continuò & scribendi & aliud quidvis agendi curam omitterem. Sic factum est, ut ille ad vos sine meis literis rediret: ac nunc quoque, quò minùs pluribus ad te scribam, idem me casus tristissimus impedit. Quod si quandò ad musarum studia quali postliminiò rediero, ac meas literas tibi non ingratas esse intellexero, efficiam profectò, ut earum frequentia, & quanti ego te faciam, & quanto studio tuam mihi putem ambiendam amicitiam, facilè intelligas. Interea sic tibi velim persuadeas, eum esse te quem ego jampridem, & propter fratris tui *μακρίτη* memoriam, & propter insignem tuam virtutem, ac præclaram in omni eruditionis genere doctrinam; (quæ mihi partim ex multorum, qui te probè nôrunt, sermonibus; partim ex tuis eruditissimis scriptis nota sunt,) unicè colam atque observem. Hùc si accesserit, quod equidem (quæ tua est humanitas) non despero, ut tu me tuâ amicitia digneris; habebis me ita tui studiosum & observantem, ut nemini hac in parte sim cessurus. Vale, vir doctissime. *Genevæ, a. d. Dec. Kal. Sept. CIO IO XXCV.*

EPISTOLA IV.

EIDEM.

ACcepi tandem, vir clarissime & hu-1586. manissime Cantere, quas ad me dedisti literas: quæ quàm mihi gratæ fuerint, faciliùs tu conjecturâ possis assequi, quàm ego verbis exponere. Enimverò ferreus sim, si me non mirum in modum delectent, cum singularis illa, quæ in tuis literis elucet, humanitas, tum insignis tuus erga me amor, cujus vestigia in eisdem literis quoquò me verterem, impressa vidi. Equidem cum ita sim naturâ comparatus, ut ab omnibus amari, nemini odio esse præterquam malis à puero vehementissimè semper optaverim, quanti tuum, ac tui similium virorum amorem faciam, haud facilè verbis, in hac præsertim infantia, expresserim,

1586. presserim, & simul malo ex literarum posthac mearum frequentia id tibi conjiciendum relinquere. Tu modò fac in amore respondeas, & quod polliceris, reipsa præstes. Mihi, adsit tantum cui tuto dare possim, nec voluntas scribendi unquam deerit, nec argumentum. Nam si nihil aliud, de communibus certè, ut ais, studiis quod scribam semper suppetet. At quando tua præclara opera literis tuis significare dignatus es, audeo ego quoque conatus quosdam meos tibi declarare: ea maxime fini, ut si potes (nec dubito quin possis quàm plurimum,) sed tamen si potes, ante meorum editionem me adjuves, in Strabone præsertim: quem nos scriptorem magnis laboribus nostris emendatum, & perpetuis annotationibus illustratum, brevi *ὅν θεὸς εἰπὶν* edere paramus: libenter tamen dilaturi, si aut tu, aut alius tuo hortatu conatus nostros aut scripto codice, aut aliâ ratione juvare in animum induxerit. Habeo & in Stephanum paratas notas, quæ miserum illi scriptorem ab infinitis mendis aliquando, si Deo visum fuerit, vindicabunt. Habeo in alios scriptores Græcos, præsertim Tragicos, parata non pauca: sed ante omnia Strabonem edere gestio; in quo quid præstiterimus, doctorum hominum, ac tuum maxime, doctissime Cantere, esto judicium. Equidem hoc non dubitabo affirmare, ita eum hætenus esse lectum, ut à paucis videatur potuisse intelligi: ita præstantissimus scriptor jacuit hætenus mendis oblitus: quas miror nemini, in tantâ doctorum hominum, quos hæc ætas tulit, frequentia curæ fuisse eluere: & tamen, nisi me decipit amor in illum meus, is est scriptor Strabo, quem magni intererat reipublicæ literarum legi quàm emendatissimum. Sed de his alias: nam si dederit nobis aliquando Deus Opt. Max. ut luci donentur quæ jam pridem in arcâ nostrâ latent recondita, faciam ut vel invito in oculos tuos incidant nugæ nostræ. Mitam enim ad te exemplum unum, & ut nostra legere & emendare digneris, te etiam atque etiam rogabo. Quam quidem operam te mihi non esse recusaturum, (quæ tua est singularis humanitas) audeo mihi polliceri. Utinam verò is ego essem, cujus opera in simili re tibi possit esse utilis: facerem, ita me Deus amet, ut intelligeres, quàm sim tui honoris studiosus. Nunc mihi satis est tua erudita scripta ita legere, ut ex iis semper aliquid novi addiscam. Quamquam si edito Strabone [nam quæ hætenus & in Laërtium, & Theocritum à me profecta exierunt, ejusmodi sunt,

ut vix ea agnoscam] notas tuas mecum³ communicaveris: dabo ego quoque operam, ut in ingratum te hoc beneficium contulisse queri non possis. De Ammiano quod scribis, per mihi gratum est, & est, mihi crede, te tuoque excellentissimo ingenio dignum cœptum. Sunt penes me aliquot Græci scriptores, qui eandem cum Ammiano historiam eleganter & accuratè descripserunt; qui, si cum eo conferantur, & illum multis locis meliorem facere, & ab eo sæpè illustrari possint. Nec refugiam ego eum laborem, si tu in proposito manseris, & gratum id tibi futurum significaveris. Expertus affirmo non fore eum laborem tibi inutilem. Nihil autem tam difficile esse possit, nec laboriosum, quod tuâ causâ non libenter suscipiam. Vale, vir doctissime & humanissime, ac nos, ut facis, ama. Iterum vale. *Genevæ, a. d. Nonis Maji*
CIC IO LXXXVI.

EPISTOLA V.

E I D E M.

FACIS ut te dignum est, & mori-1590.
bus tuis convenit, Cantere viro-
rum optime, cum de nostris rebus es sollicitus, & statum nostrum scire desideras: quo nomine ingratus sim, nisi ex animo tibi gratias agam, habebō quidem certè *ἀδιαλείπτως*, dum spiritus hos reget artus. Sunt verò res nostræ Dei Opt. Max. beneficio haud paulò meliore loco, quàm quando tuas priores, ante quinque opinor menses, accepi. Tunc enim civitatis nostræ res accisæ & afflictæ vehementer, spesque omnes [humanæ quidem] *eis σενὸν* admodum erant redactæ, idque *τῶν δεινῶν τῶν εἶναι φίλων* culpâ, ne dicam fraude & perfidiâ, prorsus ut verus proverbium usurpare potuerimus, *ἡπάτημεν ἢ κλίμαξ τὴν ἀγρίππιν*. Sed quid agas? in ea nimirum tempora devenimus, ut nunc demum avolasse è cœtu hominum sancta fides dici queat: adeò sunt omnia fraudis & perfidiæ plena. *Ἀλλὰ τὰ μὲν πιστεύειν εἰσὶν ἀπὸ τοῦ ἀγρίου περ*. Et verò Harpocratem video, qui silentio ista premi imperat, præsertim cum Deus Opt. Max. istorum ignaviam [sic enim jam malo appellare] in gloriam suam & reipublicæ nostræ salutem mirabili quodam artificio verterit. --- Quæ postquam vidit se ab omni humano præsidio destitutam, cum omnium admiratione & hostium ac inimicorum stupore civitas nostra præstitit: sed Dei ipsius manus, quæ panè *ὀφθαλμοφανὲς*, quicquid gestum est adversus hostes,

1590. ipsa est executâ. Nos interea, quod meritò mireris, otio fortassè etiam majore quàm antè fruebamur: & tempus omne vel in spectandis divinis miraculis, quibus sæpè interfuimus; vel in recensendis Aristotelis scriptis, quæ tum edebantur, consumebamur. Quod opus cum ad umbilicum esset perductum, incessit me voluntas visendæ Germaniæ; & nundinarum imprimis Francofurtensium. Itaque sine ullâ morâ itineri me statim accinxi: eò quidem libentius, quod spem mihi amici quidam fecerant fore, ut hic D. à Fraxinis Regium Legatum reperirem, nec non D. Lectium, quorum cum utroque singulari sum amicitia & familiaritate conjunctus. Accedebat & alius stimulus, isque acerrimus, rumor quidam de adventu Lipsii Francofurtum: quæ omnes spes meæ inanes & irritæ hætenus fuerunt. Porro in Aristotele, [nam id scire cupies] quem amici viri Genève ediderunt, hoc cursim & ὁδῶ πάρεργον præstitimus, quod ex collatione codd. & Græcorum interpretum non pauca restitimus. Præstitimus & alia quædam, quæ non referemus; patent enim. De animadversionibus in Dionysium *, quæ scribebam nuper, intelliges, si novam versionem ejus auctoris, quam Stephanus & Vignon ediderunt, inspicias: cui sunt nostræ animadversiones adjectæ. In Athenæo totus nunc sum, cujus optima nactus exemplaria. Interea verò dùm ejus editionem paro, observationum nostrarum libros exspecta. At tu, vir doctissime, quid tibi vis? cur tam diù observationes tuas doctissimas nobis invides? cur fragmenta illa pridem à te collecta & emendata? cur etiam Ammianum Marcellinum, aliaque multa, quæ pridem moliri te omnibus notum est? An ut exemplo tuo alios doceas, quàm sit lentè festinandum? Ita herclè puto: itaque sicut Stesichorus παλινωδήσω: & quæ modò me brevi editurum dicebam, ea si supra nonum condam premamque in annum, sapiam à tuo exemplo. Vale, virorum optime, Cantere clarissime. *Francofurti ad Mœnum, a. d. XII. Kal. Majas* CIO IO XC.

EPISTOLA VI.

E I D E M.

1590. Quid agis, suavissime & charissime amicorum? ut vales? ut musæ tuæ? quæ quidem mihi nimis diù tacere videntur. Nam obsecro, quando erit, cum tuam fidem de fragmentis veterum poetarum liberabis? quod opus

tam avidè ab omnibus, qui his sacris initiati sunt, expectari scito, ut jam multi paratum habeant, nisi hoc nomen dissolverim brevi, ædes pulsare tibi, & clamore rem poscere, nec dissimulabo tibi, in his me nomen profiteri. Tu igitur cave tibi. Interea si lubet, vide mihi hunc Callimachi locum, quem puto te non prætermisurum in tuis ἀνάγραφαι: apud Etymologici scriptorem sic legitur in Δακρυῆς; lego sic.

Τάδεκα καὶ νέκυες πορθήσιον ἔτι φέρονται
Μένη ἐνὶ πολλῶν ὄγε τῶν μὲν εἰσέμεν ἄλλων
Ἀνθρώπων σωματέσσι νέως Ἀ' χειροντίας ἐπὶ
βάθρον.

Nisi fallor animi, haud procul à verâ lectione aberrat hæc γραφή ex nostrâ emendatione: quod tamen ita videbitur mihi, si te non aliter sentire intellexero. Hæc scripsi autem tibi, quia aliud quod scriberem tibi non habebam: literarum inanum jam tanquam δρυσὶ ἄλκις. De republicâ verò nostrâ, noli, amabò, quærere, ne aut tu me, aut ego te in fletum adducam: conclamatum est, si homines respicimus: sed in Deo spes & opes nostræ sitæ; itaque tam hilares vivimus, quàm unquam fecimus. Vale, vir amicissime. *Genève, a. d. IX. Kal. Sept. CIO IO XC.*

EPISTOLA VII.

E I D E M.

Recreasti me nuper, Cantere viro-
rum optime, literis tuis: quæ eò gratiores erant, quò magis optatæ & diutius expectatæ fuerant. Noli tamen, obsecro, deinceps differre mea gaudia: sed singulis nundinis fac me, amabò, de tuo statu vel verbo certiorum. Scis tu veteres solitos illo principio in scribendis literis uti: *Si vales bene est, ego valeo*: mihi hæc sola à te scripta pro epistolâ erunt. Non quò non idem soleam de tuis epistolis dicere, quod olim dictum est Aristophani de Archilochi jambis, optimam illam esse quæ longissima: sed quia scio te hominem occupatissimum, ut cui sæpè pluribus verbis scribere non vacet. De Callimachi loco alias quæremus: iterum tamen tibi dico, ægrè mihi eripi sinam, ita eos versiculos esse restitue-
dos:

Τάδεκα καὶ νέκυες πορθήσιον ἔτι φέρονται
Μένη ἐνὶ πολλῶν ὄγε τῶν μὲν εἰσέμεν ἄλλων
Ἐν σωματέσσι νέως Ἀ' χειροντίας ἐπὶ βάθρον.

* Heli-
carassien-
sem, edi-
tum a. d.
1588.

EPISTOLÆ.

1591. **E**t si, inquam, invitus facio, ut tibi non assentiar, cujus iudicium meritò facio maximi, eruditionem etiam admiror; tamen spero facilius te in meam sententiam venturum, ubi causas emendationis nostræ legeris, quàm ut ego in tuam; quùm alioquin ea demùm à me profecta mihi placere incipiant, quæ intellexerim tibi probata esse aut similibus tui. Vale virorum optime, & nos, quod facis, ama. *Genevæ, a. d. VIII. Cal. Sept. c15 15 xci.*

Clarissimi viri Lectius & Faius plurimā te salute impertiunt, inprimisque magnus noster senex *, imo femo, cui grata nuper à te salus.

EPISTOLA VIII.

JOSEPHO SCALIGERO.

1593. **D**ubitavi diù, vir illustris, audemne adire ad te, & amicitiam tuam palàm petere atque ambire: quod ne hæcenus facerem, pudor me semper inhibuit. Quotiès enim te, virorum maxime, affari conarer, totiès mihi *αἴψ' ἐκνῶ ποτὶ χαλῶ ἑλάμβανε μῦθον ἰόντα.* Vadum ramentum tentare, & fores amicitiae tuæ pulsare, tandem constitui. Nam & desiderio pridem ardebam tuas virtutes in omni genere summas propius noscendi, & ut auderem contantem impulit ingens illa tua humanitas, quæ nihil est cæteris tuis planè heroicis virtutibus obscurior. Nihil enim quod in te sit, obscurum esse potest, quem unum quotquot in orbe, poenè dixerim universo, *μισθῶν* sumus *θεράποντες*, unicè observamus, unicè colimus. Nam quòd pauci quidam reperti sint, qui summis tuis obstreperent laudibus, certum est non iudicio eos, sed morbo agi rapique. Ut qui oculis parùm valent, solis radios ferre non sistent: sic fulgore *λαμπροτάτῃ καὶ φαεινοτάτῃ* nominis tui offendi eos mirum non est, qui & *ὀφθαλμὸν ποιήρην*, & animum ærugine tinctum habent. At tu, decus unicum literarum, *ἀν' ἑλαχίς, ταύταιν* per Deum immortalem, ne desere. Tua autem illa est provincia, tuum unius munus, arcana & mysteria literarum soli tibi nota, *οἷσι κ' ἐκ τριπόδ' ἀτρικεστάτῃ* pandere mortalibus. Equidem, si meas literas tibi non ingratas fore intellexero, audebo dehinc compellare te nonnunquam, & super multis quæ me in literis torquent, consulere. Tu modò obnixè petenti da mihi hanc veniam, ut adire nonnunquam ad te liberum mihi per te sit: & ut consulenti responsum dare digneris. Vale, vir maxime, &

me dilige, qui te pridem *ἔξ ἀπορ' ἠνέμιλλ' ἡ ψυχὴ* amo, atque veneror. *Genevæ, a. d. XVIII. Kal. Jan. c15 15 xciii.*

EPISTOLA IX.

JACOBO AUGUSTO THUANO.

Stimulabar me pridem latè diditā tui *1593.* nominis famā, Thuane præstantissime, ut aditum ad te omni ratione quaererem. Flagrabam enim desiderio, qui te summā observantiā multos jam annos tacitus colerem, noscendi propius tuas virtutes, & si fas optare, amicitiam tecum jungendi. *αἰεὶ γὰρ τὸ καλὸν, σεῖς ἴψ' ἐαυτὸ καλῶ, & quod Poëta ait, αὐτὸς ἐφείλεται ἄνδρα σιδήρεον.* Sed quid agerem? aut quam rationem inirem, ut mei me voti facerem compotem? verobar ne si frontem perfricarem, & prior appellarem, statim tu mihi: *τίς, πῶθεν αἶς ἀνδρῶν; πῶθεν τοι πτόλις ἢ δὲ τοκήεις?* meritò; quid enim nos sumus, ut iter affectare ad tuam, eā dignitate viri, eo splendore, addam etiam eā doctrinā, amicitiam non dubitemus? Vadum tamen, etsi uti tum iudicabam, periculosum, tentare aliquotiès memini: nam & ante menses, opinor, *xvi.* recente adhuc Characterum Theophrasti editione, datum à me Hotomanno juniori exemplum unum, tibi meo nomine cum officiosissima salute offerendum. Sæpè etiam calamum in manus sumsi scripturus ad te, ut hunc saltem affectum meum tibi indicarem, & quod ajunt, palàm procarer: sed meum hunc impetum pudor semper inhibuit. Hinc enim quotiès hiscerem, & te, vir maxime, affari conarer, *αἴψ' ἐκνῶ ποτὶ χαλῶ ἑλάμβανε μῦθον ἰόντα.* Tacui igitur, & ignem hunc intra mea præcordia fovi hæcenus, unicā illā spe fretus, si quando vir omnibus virtutibus ornatus, & de meis studiis optimè meritis Ph. Canajus à Fraxinis isthuc veniret, fore tum, fore, ut ipse mihi tuæ amicitiae talis tantusque pararius fores referret. Sic ego affectum in te meum sustentabam, cùm ecce offeruntur mihi à D. Stabaterio tuæ ad ipsum literæ, in quibus non solum honorifica nostri nominis mentio facta, sed etiam amicitia tua, quam tanto ambiebam opere, amicè adeò & benignè oblata. Quid dicam? non enim possum verbis gaudium hoc meum exprimere. Ten' meam amicitiam expetere? ten' priorem lacerare? sic me Sophia, *ἢ μόνῃν νυκτὸς καὶ ἡμέρας προσβίβω*, amet, ut ego me *ἐμὰν* talis *ἐντυχίας*. Habe igitur me deinceps, *ὦ θεία καὶ ἱερὰ κεφαλὴ*, habe non

1593. amicum, [unde enim? ἐπεὶ φιλότιμος ἰσότης;] sed unum ex iis qui te colunt, qui te observant: qui denique tuo nomini devotus pridem sim, ac porro sim futurus. Quod si Deus cœptis aspirarit, faxo ut quantum animo isto in me tuo glorier, omnes nōrint. Habeo autem [quando libenter te hoc quoque scitutum video] inchoata multa, affecta quædam, penè perfectæ etiam nonnulla; quæ si olim publicavero, luminis fortassis aliquid nostro nomini, rei certè literariæ lucis nonnihil videtur posse accedere: quo in genere sunt duo non indiligenter conscripta nobis monobibla: alterum de Venatione amphitheatrali: alterum de Circensibus. Lipsius enim, qui hanc provinciam pridem susceperat, uti vides, tacet: & sunt tamen non pauca, in quibus mihi neque cum illo, neque cum doctissimo Fabro convenit. Est in manibus & Suetonius, cujus novam editionem mentes amplius bis novem parturimus: sed defunt præter ingeniosi vires omnia subsidia. Tu si quid habes, qui in tuâ pueritiâ ista omnia perdidicisti, oro, obsecro, adjuva. In Athenæo recensendo feliciores fuimus: multa enim ex manu sc. codicibus habemus, quæ mirificè nos juverunt. Vellem in Synesio, quem ego auctorem plus hiscè meis oculis amo, par felicitas contigisset. Est in manibus etiam Arriani Epictetus, liber, ut nosti, verè aureolus, quem J. S. magni apud suos nominis homo, sic Latinum fecit, quasi jurasset omnia non vertere, sed pervertere. Hæc aliaque id genus multa in hoc nostro qualicumque otio paramus, futura σὺν τῷ Θεῷ aliquandò egregiæ nostræ in literas voluntatis & φιλοπονίας monumenta. Non enim inficias iverimus, etsi quantum profecerimus hætenus nos sanè poenitet, magnam tamen fuisse nostram ad bonas artes seriò discendas ἐρμην, magnum imperum. Cæterum tempora quæ sint vides: quàm inimica hiscè studiis, quibus hodiè nullus usquam ferè gentium honos; quid honorem dico? verius dixerim, locum vix ullum esse, ubi tutò liceat his ἰδιατρίβειν καὶ σχολάζειν. Itaque ἐγκαλυψάμεν in meos libros, & quando publicè minus possum, mihi certè quotidie conor prodesse. Si tui similes, vir eximie, perditæ, heu! perditæ nostræ Gallia multos haberet, non sic jacerent bonarum scientiarum studia: esset fortassis, esset tūm nobis in aliquo charissimæ patriæ angulo locus. Nunc & illa funditus, nisi Θεὸς δὸς μηχανῆς adjuvet, periit: & nos quoque cum patriâ animo æquissimo, si ita visum τῷ κρείττωι, interitum

feremus. Interea Deum Opt. Max. venerari non cessabimus; ut te tuique similes illa τοῦ χριστοῦ γένος λαίψαντα oppidò quam pauca amet, servet, æternumque sospitet. Vale, vir maxime, & me ama. *Genevæ, a. d. vi. Kal. Nov. CIO ID. XCIII.*

EPISTOLA X.

THEODORO CANTERO.

Binas à te, clarissime Cantere, literas à nundinis autumnalibus accepi: ipse ad te toties ab eodem tempore scripsi. Meas te non accepisse tam indignè fero, quàm lætor te meum silentium clementer adeò & benignè interpretari. Sic enim ais, *sive scribam, sive non, de meo in te animo nunquam dubitaturum.* O vocem mihi suavem & animi candidi certissimum testem! Nam ferè ita fit, ut ex nostris moribus aliorum facta æstimemus. Tu verò, mi Cantere, non falleris, Θεὸς δὲ Παιμάγονος ἱσχυ. Sive igitur crebras sive nullas à me literas contingat tibi accipere, sis certus, & illud altè imbibe, Canterum in imis medullis Casauboni esse inscriptum. Amavi vestrum nomen non multò post quàm literas cœpi posse per ætatem amare. Accessit postea grandis stimulus, notitia tui & morum tuorum; quos ego deosculor. Nam etsi de facie notus mihi non es, tamen ex multorum sermonibus & ex literis tuis [nam οἱ δὲ θυμὸς, οἱ δὲ λόγος] tam mihi perspecta est simplicitas animi tui, quàm ex libris pridem tuis cognita singularis eruditio. Jam verò cumulum attulit filius tuus, qui apud nos aliquot jam agit menses, de quo nihil aliud possum dicere, quàm quod illa apud Comicum, esse illum ἀντίπατον σὺν. Equidem μὴ ὁραῖσιν ἰκόνμεν, si vidisse unquam meminerim modestiorem, honestiorem, aut spei melioris adolescentem. Itaque cum has virtutes etiam in alio non potuissim non amare, quid censes facturum in eo, qui tua sit vera εἰκὼν? Quod si pateretur fortunæ nostræ tenuitas, facerem rebus intelligeret, non verbis meum in se animum. Ac licet voluntati non respondeat facultas, tamen quibus rebus cumque potero, officio meo non deero. Tu in utramque aurem, mi Cantere, quod ad hanc curam attinet, dormi. Obtuli illi à principio, uteretur meis omnibus, non secus ac suis. At tu, quid tibi vis cum isto fidejussore Comelino? Novi sanè probitatem & facultates D. Comelini, sed mihi instar multorum Comelinorum est Canterus. Quare hæc missa face

1594. face deinceps, & me amare perge. Omnia mea tua sunt & tuorum. Vale. Raptim Genevæ, a. d. vi. Non. Mart. CIO IO XCIV.

EPISTOLA XI.

JOSEPHO SCALIGERO.

1594.

* vide

farræ

Epist. viii.

ad Scalig.

A Usus eram nuper * post longam contationem scribere ad te, maxime virorum, teque orare, ut me in eorum album recipere velles, quos amicitia tua dignaris. Fecerat me ut audem singularis illa tua & admirabilis, cujus longè latèque famâ didita, humanitas. Mox literas à Thomsons meo accepi, quibus & se agebat salutem tibi meis verbis nuntiasse, & tuo me nomine vicissim salutabat. Lætabar jam immensum tali nuntio, & quod fores mihi ad tuam amicitiam patere viderem, gaudio, mihi crede, triumphabam. Ubi verò ad illam partem veni, quæ erat de tuo judicio nostrarum scriptiuncularum, tum stupere ego, mirari, & in ἐγχαρυσύνης tuaς καὶ χρηστότητος contemplatione totus defigi. Nam quid aliud esse dicam, cur tu me iis oneres laudibus, quarum partem vel minimam sim impudens si agnoscam? O pectus verè aureum! ô animum verè magnum, verè divinum! voluisti nimirum, vir illustis, animos facere dubitanti, & specie laudationis hortari ad majora. Te sequor, maxime virorum; tibi parebo: ac licet ut credam quidem tibi de me plus quam mihi, nunquam adducar; tuâ tamen auctoritate fultus audebo deinceps ea, quæ absque te fuisset nunquam eram ausurus. Cujus enim reformidabo miniatulas ceras, si Scaliger meas esse aliquid putat nugas? Equidem Scaligero uni probari malim, quam cæterorum omnium suffragiis contra quemvis alium, atque adeò ipsum te, coronari. Si aliter loquor, ac sentio, tum me omnes Musæ Gratiæque omnes oderint. Sed de tuis laudibus non est hic locus. Quin ego te potius oro, ut quando cœpisti errare ac decipi in judicando de nostris scriptis, errare ac decipi porro te pariaris. Nam si semel ad meorum lectionem ignem illum acerrimum ingenii tui admoveris, ilicet, πάντα τὰ κείρινα ὀχῆσαι: nam etsi φιλομάθειαν, & earum artium, quæ te in cœlum eveherunt, studium acre insitum mihi à pueris fuisse non negaverim: tamen quod ingenuè fateor, neque illâ ingenii præstantiâ à Deo sum donatus, neque iis præfidiis fui unquam instructus, quæ sunt illis ἀπὸ ἀπλῶς necessaria, quibus inter procures reipublicæ literariæ,

[quorum tu princeps es] locus sit ali- 1594. quando futurus. Itaque cum in adolescentia, [etsi ἐλπίσθης, & postquam à patre discessi ἀντροδιδάσκω], quodque te non fugit quale sit, hic agens,] spem aliquam de meis studiis supra vulgus concepissem, nunc qui videam spem meliorum, quæ me hætenus sustentabat, penitus esse ereptam casu patriæ nostræ, quæ ne te quidem retinere valuit: remitto paulatim acrem illam contentionem, quæ me antè stimulabat, nec somnos carpere sinebat, tuos, domine, reputantem triumphos. Quò magis miror tantoperè potuisse tibi quicquam à me profectum probari. Me verò ne finat Deus ὡς ἐστιν ἐκείνου, si quò minùs quicquam meorum ad te mitterem, aliâ re factum, quàm quòd omnia illa, uti erant, ita judicata mihi sunt tuo conspectu parùm digna. Scaligero enim aliquid legendum obrudere, plus aliquantò semper quàm publicè edere putavi. Nunc quando mihi tuus amor notus est, tuaque ista tanta perspecta facilitas, audebo, si quid paullo curatius edidi, aut deinceps editurus sum, tibi offerre. Strabonem imprimis habere te munere meo volo: quem autorem cum ex tuis maxime scriptis cœpisssem admirari, conatus sum ex parte mendis fœdissimis, quibus totus scatebat, liberare, ac præstitissem fortassè, quantum, te excepto, non quivis, οἷσι νῦν βροτοὶ εἰσιν: alius, nisi omnia mihi tunc temporis adversa contigissent. Sed profectò illud opus non ut partus legitimus ingenioli nostri, sed ut ἐκζητῆμα ἐξ ἀμνηνῶν haberi debet. Constitui igitur unum exemplar percurrere, & quædam emendare, priusquam illud tibi trado. Quarè sustine te, quæso, paulisper, & adhuc à Strabone nostro oculos abstine: spondeo brevi te exemplum paullo melius & accuratius habiturum. Mittam, ut spero, & Suetonium, proxima fœtura: scriptorem, ut scis, magnum, & quem molli brachio nimis videntur tractasse, quicunque hætenus ejus emendationem atque interpretationem sunt professi. Nos quid in eo præstiterimus nescio: diligentiam certè adhibuimus, ut in hoc rerum nostrarum statu, non parvam, ἡ γὰρ δὲ ἀφιδὴν τῶν ἀναγινωσκόντων, ut docuit me gravis scriptor Strabo. Docuisti & tu, vir summe, exemplo tuo, cujus quidem longè vestigia semper adoro. Habemus & alia multa in manibus, cum in isto literarum genere, tum in aliis: sed & illis & nobis ipsis quid futurum sit, ἵνα ἴδῃς. Vale, Scaliger, augustum mihi nomen. Genevæ, a. d. iv. Non. Mart. CIO IO XCIV.

EPISTO-

vide
lib. i.
Epist.
Scaligeri.
Epist.
XXXV.

EPISTOLA XII.

RICHARDO THOMSONI.

1594. **A** Ccufas silentium meum, charissime Richarde, immeritò. Scripsi enim, & prorsus tecum, si aliis rebus nequivi, hoc saltem officii genere parem calculum ut haberem feci. Scripseram etiam ad maximum Scaligerum ante quatuor menses amplius: ac deinceps ad te etiam scripsi aliquoties. Si meae diligentiae mihi fructus periit, est ego cur doleam, non cur à te vapulem; qui persuasus esse debes, seu scribam, seu taceam, in amore tui constantem & ἀδάμαντον me fore. Sin ita es comparatus, ut paucorum mensium ἀπροσηγορία labefactari posse amicitiam nostram putes, vide quomodo tui magistri, illius veteris dico ambulatoris, κυρίας δεξας, quibus te esse addictum scio, possis tueri. Sed profectò & tibi & mihi de meliore luto Titan praeordia finxit: quare μέμψων quidem αἷς. Duas autem à te postquam Lugdunum venisti literas accepi: quae me quidem tantae χαρμοσύνης ἐπέβησαν, ut jam triste nihil posse accidere mihi stultus ego crederem. Cum ecce sub idem tempus quasi fulmen ἐξαγρόθεν ἐσχέπη, quod me poenè tibi meisque abstulit. Raptus enim est his diebus in sedes μακαρίων ille verè μακαρίτης Petrus Chevalerius, dulcissimum mihi nomen; cuius in morte quantam jacturam fecerint mea studia, dicerem, nisi animus memoriam tristissimi casus refugeret. Sed & ille nimirum mortalis erat: & nos quoque illum, cum Deo visum fuerit, sequemur. Crede mihi, nunquam magis imbibi: *Vitæ summa brevis spes vetat inchoare longas*: etiam illud accrede, amisisse te amicum de meliore notà. Sed redeo ad tuas, quae profectò maria quaedam gaudiorum mihi attulerunt. Primum illud quanti me aestimare putas, quod tuo nescio quo stratagemate factum, ut ille mortalium

* ἄπει ἀπάντων κριτικῶν. tanti nostras nugas faceret, quanti tu quidem ais. Scis ipse, me qui meorum pretia novi, ejus oculis dignum nihil judicasse quod esset à nobis profectum. Si ipsi aliter videatur, patiatur, amabò, me hac in una re διχα φρονεῖν. Sed tu nimirum hominem fascinasti. Quod scribis de Empirico †, semel velim itatuas, me meaque omnia tua esse, tibi que patere ut tua. Sed quod ad ‡ N. N. attinet, nosti hominem; nosti mores; nosti quid apud eum possim; hoc est, quàm nihil possim; qui videtur in suam perniciem conjurasse. Nam quod tu putas eum hic esse, fal-

* Jos.
Scaliger.

† Sexto
Empirico.

‡ Id est,
Henricum
Stephanum,
qui
erat socer
Casauboni.

leris: postquam semel abiit ante menses 1594 octo aut novem, ex illo semper non quidem per Elysios campos, sed per Germaniam ἀλάτῃ, πλανᾷται καὶ ἀλύει. Ita enim planè audio ἀλύειν eum, ut neque domum redire, neque alibi aptas sedes reperire queat. O hominem dignum cujus te misereat! Spes illa, quam tuis literis facere mihi videris, tuum in me animum magis magisque mihi testatum facit. Sed quod Scaligerum scribere memini, quis γλῶσκα Ἀθήνας? Tu nihilominus aeternum me tibi devinxisti; cujus amorem, fidem, & merita nunquam non prædicabo. Libros nondum accepi quos mitti à te, tua epistola agebat. Nostrorum enim merces nondum venerant cum hæc scripsi. Quicquid meâ causâ impenderis, id cui refundi velis fac me certiore: alioquin carebo hoc fructu amicitiae tuæ: tuâ enim operâ non utar. Mandaveram Probo nostrati, ut exemplar Concordantiae Graecae à Stephano editæ, tibi curaret deferendum; reversus affirmavit fecisse. Ego nunc Arriani Dissertationes publicè expono, cujus aurei libri neque Schegkii neque Wolfius umbram viderunt. O Philosophum! O dignum tuo excellenti ingenio campum! quare si me audis, rape mihi hanc palmam dum adhuc in medio est posita. Offero tibi quicquid habuero, quod juvare te possit. Moliebar ipse aliquid: sed melius hoc onus in tuos valentissimos humeros incumbet. Nos omnibus malis infirmi sumus, tamen quid fieri possit utcunque possumus animadvertere. Suetonium scis mihi esse ad manum: in eum si quid habes, quaeso, adjuva. Procopii libellum, quem tam blandè offers, si semel pellegero, remittam statim. Agathias doctissimi Vulcanii ubi est? non enim comparet his mundinis. Quid ille πλεγματισμός ἐκ κύκλου, quando exstabit? Beatum te qui talis viri ἐμιλία fruaris. Ovum quod misisti, eò gratius fuit, quod & à tali viro erat, & me non semel valdè vexaverat: non enim mihi stomachus passeris marini, ut cibos ferreos concoquam. Salus à Doufis, viris nobilissimis & doctissimis, item ab eruditissimo Vulcanio sic mihi grata, ut nihil queat magis. Spondeo tibi scripturum ad ipsos, ut primum occasio fuerit oblata: nam nunc quidem nullo poteram modo. Uxor, soror mea, & sororecula tua te ferunt oculis, & plurimum salvere jubent. Salutat te & sapientissimus Lectius noster. Vale corculum meum. *Geneve, a. d. vii. Kal. Iulii.*

Ante alios salutat te frater * Paulus Stephanus. Dionysia †, cum ista maxime

* Uxor
frater,
Henrici
Stephani
filius.

† Uxor
soror, Hen-
rici Ste-
phani filia.
mè

1594. me scriberem, sic ægrotabat, ut de ejus salute medici inciperent dubitare. Deus illi, tibi, nobisque adsit. Iterum vale.

EPISTOLA XIII.

JOSEPHO SCALIGERO.

1594. **E**Go verò scribendis ad te literis non defatigabor, utut perfidè mecum agant, quibus meas hæctenus tradidi. Audio enim nullas te mearum adhuc accepisse: cum possim liquidò jurare ternas jam ad te literas esse à me datas. Nam postquam de tuo in me animo factus sum certior, habui nihil antiquius, maxime virorum, quam ut te affarer, & tibi gratias agerem. Multorum liquidem sermonibus, ac literis nonnullorum (imprimis autem Thomsonis mei) intellexi, probari tibi nostra studia, &, quod ille ait, *nostras te esse aliquid putare nugas*. Agnosco, vir illustis, candorem animi tui: qui tantus est, ut cum, fatente invidia, mortalium sis *κρυπτόμενος*, videaris tamen in æstimandis alienis scriptis, meis certè, plus *χρηστότητος* quam *κρίσεως* adhibere. Meritò igitur te à teneris annis unum colo, unum veneror; meritò etiam unum te nunc amo, qui fores amicitiae tuæ tam benignè aperuisti mihi: mihi, inquam, qui quidem in votis illud unum habebam, ut quâ observantiâ te tacitus prosequerer, ipse non nescires. Perit enim procari, aiunt, si latet. Nôrunt omnes qui me nôrunt, imò novit *ὁ καρδιογνώστης*, quàm altè sit in corde meo Scaligerorum illustre nomen insculptum, quàmque sæpè factum, ut aut cum indoctis, aut perversè doctis, ut quisque obrectare vestrum nomen ausus esset, res mihi fuerit. Vel Cornelius* quidam tibi, sat scio, notus, testis sit meæ *πρὸς σε*, ut ita dicam, *ἐξουσίας*. Verùm ille & quicunque *καρνηλιάζουσι*, solemnia infaniunt, & animi sui morbum produnt nimis. Tu verò, summe virorum, perge, obsecro, rem literariam divini illius ingenii tui radiis illustrare. Quod si non ingratas tibi meas esse literas intellexero; non dubitabo posthac sæpius te compellare, teque in multis, si per te licet, magistro uti. Atque utinam, iterum utinam fecisset Deus Opt. Max. ut *τόμα πρὸς τόμα* te alloqui, & suavissimo atque exoptatissimo tuo conspectu frui liceret. O illos *μακαρίους τῆς βίης*, quibus tale concessum est spectaculum; nobis non datum est *ἡρόθεν* esse tam felicibus! Quanquam fallor equidem; nam ego te, vir nobilissime, in oculis, in ore, in pectore habeo, habeo

* Bonaventura Cornelius Beringamus, de quo diximus in Gallia Orientali, pag. 68. & 199. Colomel.

boque *ἀδελφείπῳ* ἐστ' αὖ γὰρ ὁρᾷ. 1594. Scripsit nuper ad me adolescens eruditissimus, & mihi charissimus, Richardus Thomson, se isthuc telam nescio quam esse orsum, quam si pertexeret, *ἴλπις αὖ ἢ ἔλπις* σοὶ μαθητύον ἐπερ γίνετο αὖ μὴ χάσμα πᾶν ἢ χαρμάτων ἀπείρη. Sed cur id consilium sperem exitum habiturum, caussam nullam video. Nam ego quis sum? aut quis *γλαῦκα* Athenas? Quarè ista quidem censeo omittenda: &, quod feci semper hæctenus, me meaque studia Deo permittenda, qui si nos *ἔδεν μέγα φροῦν* in his studiis voluerit, illud nimirum fortiter usurpabimus, *ἐπὶ τῷ θεῷ*. Intercè tamen ne hic nihil agamus, lectitamus semper aliquid, & amicorum *κελεύμασιν* impulsu, quædam edere paramus. In his est Suetonius, quem pro virili nuper emendavimus, & locis multis illustravimus novâ luce. Eum ut publicem urgent amici: nec deest interdum voluntas. Sed tu, mi Scaliger, stimulum acerrimum atque adeò *πειρανάγκην* aliquam admoveris, si aliquâ juvare me hac parte dignatus fueris. Quod ut facias, te etiam & etiam oro atque obtestor. Cætera quæ in manibus habebamus, tanrisper suspendimus, donec aliqua divinitus lux nostris studiis affulserit. Quod quando sit futurum, aut *τὴν ἀρχὴν* sitne aliquandò futurum, novit ille *ἀρροτέχνης* summus rerum arbiter. Eum supplex veneror, maxime Scaliger, ut te nobis quàm diutissimè salvum servet & incolumem. Vale, & me ama. *Genevæ, a. d. VII. Kalend. Majas, CIO IO XCIV.*

EPISTOLA XIV.

JACOBO BONGARSIO.

NOn eram scripturus ad te ante pro- 1594. ximum mercatum Argentoratensem, neque enim argumentum habebam, & ego ita nunc sum occupatus, ut vix anima reciprocare liceat. Repentè oborta multiplex *ὁπῆσις* scribendi. Nam & nobilis hic D. à Burghausen, & præceptor ejus Tobias Scultetus tibi per me voluerunt innotescere. Quarè differre non potui, quin has ad te exararem. Peto igitur à te, ut & nobilissimum adolescentem, omnibus virtutibus insigniter ornatum, D. à Burghausen; & præceptorem illius, magnâ eruditione virum, Poëtam optimum, in tuam amicitiam recipias, ut tibi à me de meliore nota commendatos. Deindè gratias tibi ago gratissimas pro tuo munere, quo nihil mihi gratius, nihil oportuniùs poterat accidere. Ego jam per annum

1594. num integrum & ampliùs cruciabar expectatione ejus libri: nôram enim ante quadriennium ferè missum fuisse ab Ursino ad Plantinianos: beasti igitur me, & sanè juvabunt me nonnihil notæ Ursini, etsi de Italis hodiè, quod sit meum iudicium, non expectas. Ursinus quidem doctissimus vir est, & de literis, si quis alius, optimè meritis. Sed ego miror eum toties nostras Transalpinorum emendationes ignorare: emendat enim ferè ea tantùm, quæ pridem sunt Turnebo, aliisque Transalpinis, ut ipsi appellant, animadversa. De Polieratico per te primum intellexi: neque enim in eo catalogo erat, quèmi vidi. Mox librum accepi missum à Comelino: quare libero te curâ. Martyrologia expeto cupidissimè; & dùm in Germania es, quæso te, erue mihi alicundè Nicephorum utrumque: nondùm enim potui ullâ diligentia consequi, neque Leonem Africanum. Fragmentum quod misisti, etsi, ut judicas, nimis antiquum non est; erit tamen usui, extabitque hujus beneficii memoria. Quod castigas moram meam, scito auctore te me lentum esse: servo enim sub claustris epistolam tuam quandam auro contrâ caram, quâ mones amicissimè, existimationis meæ rationem habeam. Castigas etiam levia quædam mea, quæ mihi exciderunt. Illam epistolam habeo pro tuæ summæ adversum me benevolentia grandi testimonio: itaque tuo consilio uti in posterum constitui. Terrent etiam naufragia famæ, quæ video facta esse ab iis quos tu nosti. Suetonius tamen penè editus est: eramus in libro VII. cùm ista scribebam. Superfunt animadversiones meæ; opus, verè dicam, laboriosum: ubi fuerit editus, faxo habeas exemplum statim: modò sciam ubi sis futurus, & quò mittendum. De conditione Montpelienfi tibi prorsus assentior: & miror nonnihil ita eam extolli à D. de Fresnes. Equidem ita nullam spem hic habeo, ut facilè potuerim paulò meliorem conditionem probare. Sustinebo tamen me, & quod feci hactenùs, Deo atque amicis meis mea commendabo. Scaliger indicavit mihi, D. Busenvallium, tuis opinor, impulsu literis, multa meâ causâ fecisse in negotio Wottonico. Officii igitur mei esse duxi gratias illi agere. Mitto fasciculum, quem velim quam diligentissimè fieri poterit, cures perferendum. Vale. *Genevæ, a. d. XIII. Kalend. Junias, CIO IO XCIV.*

EPISTOLA XV.

CONRADO RITTERSHUSIO.

NÆ tu me non nosti, Vir doctissime, 1594. qui diù te cunctatione ais impedire, quò minùs ad me scriberes. Si tuæ voluntatis ad me vel tenuis ulla suspicio pervenisset, ademisset tibi pridem dubitationem omnem, teque priùs lacecessisset. Quid enim mihi queat esse jucundius talis tantique viri amicitia? Ego verò tacitus te pridem, etsi ignotus, amo; nempè ab illo tempore, quo primum licuit in manibus N. * *Henrici Stephani, qui suscepit eas se suis descripturum typis. Vido Rittershusii præfationem in Græcæ Scholæ in Oppiano Halimuticæ.* nostri tuas in Oppianum lucubrationes leviter inspicere. Quod etsi leviter à me factum & raptim, facilè tamen jam tum animo concepi præstantiam ingenii tui: quia non cadebat, opinione meâ, tale institutum in plebejum & vulgarem animum. Quid enim aliquis de plebe Jurisconsultus literas Græcascuret? quid illi cum elegantia summi vatis? aut quid hoc *περὶ τῆ ἀλφίτα*, quæ sola vulgus quærit? Meritò igitur te amo, mi Rittershusi, qui nostras literas non ames solum, sed tam diligenter, tam feliciter colas. Atque ego non possum exprimere quantum perceperim ex eo gaudium, quod testandi amoris mei erga te tam opportuna occasio se obrulit. Quem enim amiseras, verèque perdideras ingenii tui foetum, ecce cum tibi meâ operâ & fide redivivum: postea enim quàm de tua re & injuria, quæ tibi facta erat, literis tuis sum certior factus, constitui illicò omnem mihi machinam esse adhibendam, omnem lapidem movendum, ut tibi per me satisfaceret: quin hoc verè possum affirmare, antequàm ulla inter nos intercederet notitia, sapiùs me tuam vicem cum N. † exposulasse: quod non eò † *Herr. Stephani.* dico, ut mihi gratia apponatur: neque enim captare illo facto tuam gratiam potui, cùm tu mihi adhuc notus non esses: sed enim quia jus & fas ab amico violari intelligebam, quod in me fuit, obstiti. Falleris verò toto cælo totaque terrâ, si me putas apud senem illum optimum quicquam posse, aut ad ipsius bibliothecam ullum habere aditum: æquè ac tu, mi Rittershusi, qui tanto intervallo abes: nam etsi amicissimè & conjunctissimè vivimus, tamen ea hominis morositas est, ne dicam aliud, ut planè sit mirabilis in multis ejus vita. Quod igitur eo absente ausi sumus claustra revellere & omnia *ἀφ᾽ αὐτῶν*, ut tuum librum tibi mitteremus repertum, mihi crede, illum expugnâvimus. An tu nescis quâ difficultate,

1594. cultate, quo annorum spatio Xenophonem suum Leunclavius ab illo receperit? Deterior tua erat futura conditio, ni *ὡς δὲ περὶ σοφίας* meam audaciam Deus adjuvisset. Tu nunc mihi tuum agas vide: hoc est, caveas ne tuâ operâ de hac re quicquam unquam resciscat N. * noster, cujus ingenium sic est, ut si non refrices memoriam, de eâ re verbum nullum sit facturum: si facturum, si ullâ viâ quod consciâ ejus uxore & filio N. † gestum à me est resciscat, dici nequit quantum turbarum sit excitaturus. Ille verò *ἔπειτα λέγει ὅτι παλαμάσθω ὁ, πᾶν ἔμοι μέλει, τὸ γὰρ ἐν μετ' ἐμῶν*. Quod superest, te oro, factum hunc tuum ne diutius comprimas, sed liberes tandem, & ejus editione de studiosis benè mereri ne differas. Vale, & me ama. *Genevæ, a. d. ix. Kalend. Sept. c. d. c. d. xciv.*

* Henr.
Stephanus.

† Paulo
Stephanus.

superest, duo quæ à te petam habeo: 1594
alterum, ut apud maximum parentem tuum in gratiam me ponas; alterum, ut me vestri nominis studiosissimum constanter ames. Vale, & diu vive, diu flore. *Genevæ, a. d. vi. Kalend. Septembr. c. d. c. d. xciv.*

Richardo * nostro, quem ego adolescentem juxta cum oculis meis amo, quid factum sit, & in qua illam quæram profectura, ex te scire cupio: nam post ejus Stadâ profectorem nihil mihi de eo compertum. Hoc quoque à te peto, ut quid paret, quid molitur magnus Scaliger, significes. Comelino mandavi, ut unum tibi exemplar Apologiæ † mitteret; item unum doctissimo Vulcanio, quem meis verbis salutes velim.

* Thom.
Juni.

† Apuleji.

EPISTOLA XVII.

JOSEPHO SCALIGERO.

EPISTOLA XVI.

JANO DOUSÆ F.

1594. **A**Ccipe à me, Adolefcens doctissime, tenue munus & levidense: verum amoris in te maximi testimonium fidelissimum. Non faciam tecum paria, fateor; neque *ἀντάξιον δῶρον* ei rependam quo me nuper affecisti: sed nosti, mi Doufa, vetus verbum: *εἰ πλείον ἔχον, πλείον ἰδίδω*. Tuum quidem illud carmen, quo me ante aliquot menses donasti, planè erat *χρυσὴ ἢ ἀργύρεα ἄξιον ἀντιρῶσα*. Scriptum † quod ad te nunc mitto, quanti sis æstimaturus nescio. Ego sanè vereor ut satis prudenter fecisse vobis isthuc videar, qui præter morem *σχεδιάζειν* ausus sum, & temeritatis aleam subire: sed quid me ad hanc scriptionem impulerit, ab illis ipsis audies, qui hoc totum negotium mihi intriverant. Neque enim dubito, quin Canteros juniores, par fratrum excellens, & mihi charissimum sis visurus: illi *πᾶσαν τὴν ἀλήθειαν* tibi narrabunt. Unum scio probabis, pietatem meam in illum † quem ambo *ἐξ ἑστίου* miramur: sed tua fors felicior, cui etiam præsentem intueri, & ambrosiâ sermonum tanti herois pasci datum. Nobis non licet esse tam beatis: itaque quod solum licet, procul miramur & veneramur. Cum ab eo semone discessi, quicquid superest admirationis in te consumo, adolefcens doctissime: facile enim ex iis quæ adhuc vidi, quam frugem factura sit hæc seges, quæ adhuc in herba est, auguror. Deus Optimus Maximus, adolefcens nobilissime, tua studia proferet, tuam juventutem regat, vitam totam omnibus bonis cumulet. Quod

† Apuleji.
quæ Josepho Scaligero dicantur.

† Scaligerum.

Magnâ & insigni injuriâ sum nuper 1594
à Comelino affectus, Vir illustris, literas enim ad me tuas, quas ego omnibus gazis prætulerim, non reddidit, sed perdidit. O jacturam gravem & magno æstimandam! Sed erat nimirum in fati, ut superiores nundinæ Francfordienses multis nominibus mihi essent arumnosæ: tot res adversæ simul eodem tempore mihi evenerunt, quibus tamen magnâ ex parte levatum me putarem, si tui colloquendi, hoc est, tuas literas legendi, & affectu pio *μελέτης* osculandi facultas fuisset. Librum † quoque dono à te missum audio, quem nondum accepi: nec mirum; libri enim nondum sunt Francfurto allati. Interea magnas tibi, imò maximas grates ago, vir maxime, pro isto tuo in me affectu; proque eo quod me tuorum subtilissimorum & gravissimorum scriptorum lectione dignum judicaris. Non omnino sanè falleris: nam imitari nec scio, nec possum: at mirari scio, & Deum Opt. Max. *ἐκπῶς καὶ ἀδιαλείπτως* orare, ut quia facultatem tibi dedit talium scriptorum, addat & voluntatem. Nos nostraque studia gravis quidam casus propè afflixit. Accidit enim ut Anglus † ille nobilis, de quo proximis meis ad te scripsi, in molestias maximas, non suâ culpâ, me conjecerit; sed perfidiâ quorundam mercatorum, quibuscum illi res sæpè fuerat. Propterea nunc ad illum scripsi in Angliam: easque literas, quia isthuc plurimum me à te amari confidebam, tibi misi; ut, si grave non est, eas tu quàm primùm in Angliam mittendas cures. Vides quàm familiariter tecum

† Cyclo-
metrica.

† Henr.
Wotton.

1594. agam, vir maxime; sed qui ita sim erga te affectus, ut tuâ causâ libentissimè omnia sim facturus, ausus sum (præsertim cum aliter facere non possem) te hoc rogare. Scribo etiam ad Thomasonem, studiosissimum mei virum, ut si quid poterit me hic adjuvet: eas quoque literas cures velim & mihi ignoscas. Cæterum accepisse puto te libellum * quem nuper misi, & cum eo literas meas: quamquam, ut hominum perfidia est, nescio quâ fide eum fasciculum curaverint ii, quibus fuit à me commissus. Si vitam Deus largitus fuerit, & otium unquam usquam concesserit, non despero posse me aliquo insigni testimonio animum erga te qualem habeam patefacere. Tibi enim uni ac fermè soli quicquid in nobis eruditionis est [quod scimus quàm sit exiguum] acceptum ferimus. Pater meus, vir optimus & verè pater, fundamenta jecerat: tui zelo quicquid accessit, superstructum est. Non defuit ad magna animus, non voluntas: defuere præsidia planè necessaria; defuit otium, quo nunquam abundavi; defuit ingenium: non ad hanc vulgarem meam & mei similitum eruditionem; sed ad alia majora, ad quæ me hortabatur animus, nisi frigidus obstitisset circum præcordia sanguis. Nunquam tuos aut maximi parentis tui libros in manus sumpsi, quin cupiditate audendi aliquid titillarer: nunquam eosdem posui, quin simul desperatione studiorum meorum adductus, vetus dictum, *λὰν βιώσους*, probandum tollendumque mihi censerem. Quæ hætenus edidimus, ea penè invitis expressa nobis temporum & locorum iniquitate: semper enim confeci nobis fuimus, si cura & lima accederet, posse multa emendari & fieri meliora. Probari tibi adeò (sic enim omnes ajunt, & scribunt ad me) genium scriptorum meorum, testis mihi Deus accidisse id mihi præter animi expectationem. Sed puto Doctorum raritatem in causâ esse, cur tantoperè nostra dilaudes: nam qui hodiè & jam per aliquot annos in his literis propè soli regnare visi sunt, ii, meo judicio, ingenii plus quàm altæ doctrinæ habuerunt. Non semel de illis mihi in mentem venerit, quod de triumphis Asiaticis Pompeji dixisse Cæsarem ajunt, postquam *χαυνότητι* earum gentium est expertus. Sed fatin' ego sanus qui te tamdiu à gravissimis tuis studiis avocem? parce, quæso, Scaliger, venerandum mihi nomen, & da mihi hanc veniam, ut tecum aliquandò garrire possim. Sic me Deus amet, ut ego ex omnibus meis ærumnis conquiesco,

* *Apologiam Apuleji.*

cum ad te scribo. Videor præfens præsentis os illud *αἰσάσμεν* intueri. Verum desino, & tumultuariam epistolam voto claudio. Deum supplex veneror, mi Scaliger, te, literarum unicum præsidium, quàm diutissimè salvum servet atque incolumem. Vale, & me ama. Raptim in summis curis iisque molestissimis, *Genevæ, Idibus Octob. c. 15 15* XCIV.

Cum ad me scribes, vide, obsecro, cui literas trades: si iterum tuæ pereant, ilicet; perii ego quoque. Iterum vale. In Suetonio & Athenæo, aut Polybio si quæ habes, vel potius, quæ habes observata, ea mecum communicates, precibus maximis à te contendo. Accedat hæc meis scriptis commendatio, quod eorum autor & conditor privatim à te multa fuerit edoctus. O si quis me Deus isthuc transferat, ut te videre, tibi *μαθητέον* possim! Interea non possum dissimulare, exambire me, ut editio nostra Suetonii aliquo tuo elogio ornata prodeat. Potes vel disticho, potes vel versu uno ambitioni meæ satisfacere.

Ad hanc respondit Scaliger. Epist. lib. 1. Epist. XXXVIII.

EPISTOLA XVIII.

JACOBO BONGARSIO.

BInas ad te jam scripsi; nobilissime 1594 Bongarsi, post acceptas illas tuas priores ex Lotaringia, ni fallor: postea etiam alteræ mihi sunt redditæ, quæ mihi qualem lætitiarum cumulum? Tu qui me aliquid linguâ posse credis, hoc, mihi crede, in summis meis ærumnis, ob casum, de quo nuper ad te scripsi, expressisse à me tuas literas non gaudium tantum, sed etiam gestientem illam lætitiâ, quæ latere non potest. Merito quidem, mi mellitissime & *φιλαφίλων* Bongarsi: merito, inquam; soleo enim absque tuis literis in suavissima tui nominis recordatione ex omnibus molestiis acquiescere. Age igitur, amabò, virorum optime, perge me, penè dixerim, servare, & ex iis angoribus eripere, qui penè me absorpserunt. Nam, ut scripsi ad te nuper, Anglus * quidam nobilis meam rem familiarem penè afflixit: non sine aliquâ meâ culpâ, quod doleo, qui in magna summa sic pro eo sponendi, quasi nescirem illud, *ἐγγύα. πέρα δ' ἅπερ* vel illud, *Νᾶρε καὶ μέγαρον ἀπὸ τῶν ἀφ' ὧν πέντα τῶν φρονῶν*. Sed laudetur Dei Opt. Max. in me benignitas, quæ oranti præstò fuit. Ille, ille me non fellit, ut plerique meorum hic amicorum, qui cum possent nullâ suâ incommo-
cerare

* *Hier. Walton.*

1594. *cere suum animum amicum, maluerunt*
vetus proverbium tollere, ἀποχρηστικῶς ἀν-
δρὲς ἐυθὺς ἐκποδὼν φίλοι. Abceant verò illi
& ἐπέτιπσαν, homines tam sancto &
gravi nomine indigni. Sed fatin' ego
sanus qui hanc expostulationem apud
te instituo? Enimverò dùm totus animo
& mente defixus sum in amoris tui fi-
de, vi & constantiâ, subiit istorum tui
dissimillimorum recordatio. Maeste, vir
nobilissime, & hanc gloriam, quæ pau-
cissimis hoc tempore convenit, magis
magisque tibi vindica. Sum autem, ne
sis nescius, planè omni nunc molestiâ
exolurus. Nam hic omnibus satisfeci
ad summam v. 230. exceptis 48. quos
meo nomine Pariliis solutorum se obru-
lit alter quidam Bongarsius, Bullionius,
vir quem virtus & eruditio juxta com-
mendant. Tu carmen vorivum mihi
concinna è tantis molestiis elapso. Ei-
dem charissimo Bullionio pridem ali-
quot Apologiæ exemplaria dedi Lute-
tiam perferenda, & iis offerenda qui
me illic amant: in his tibi unum in-
scriptum est, & aliud clarissimo Putea-
no, cui & misi eadem viâ tuum Pli-
nium cum Ennodii Panegyrico. Quid?
tu me putas malæ fidei debitorem, qui
tot literis de eo libro mittendo me ap-
pelles? nonne si meas omnes fortunas,
si quicquid mihi carum est, à me pere-
res, nedùm rem tuam, verbo semel
voluntatem tuam indicasse esset satis?
De Suetoniis, euge, euge, ô factum
benè quod attulisti. Sed quando illos
videbo? nam sanè fervet opus. Heus
tu verò, qui meam lentitudinem calti-
gas; quid tibi vis? nonne tute mihi
epistolâ quâdam ante annum, & quod
excurrit, auctor procrastinandi fuisti? il-
lam dico epistolam quæ sapientissimè,
mellitissimè scriptiunculas aliquot meas
nimis quàm leves exagitabat. Mi Bon-
garsii, Deum testor, cùm à te plurima
mihi jucundissima sint in me profecta,
nullâ tamen re æquè me tibi obstrin-
xisti, atque illâ aureâ epistolâ: quam
ego servo non sub claustris, ut ille ait,
sed ἐν δέλτοις φρενῶν inscriptam. Scias
igitur me tuo consilio uti, & quæ paro
ad edendum, ea benè & naviter con-
coquere; ut, si fieri possit, nihil nisi be-
nè coctum exponam. Ad Suetonium pu-
tavi me breves notas scripturum: ecce
autem magnæ molis surgit Commenta-
rius, necdùm tamen finis. In eo libro,
amicissime virorum, periclitatur omnis
nostra existimatio in his literis. Nam
si, quod institui, Deus dederit absol-
vere, audebo dicere, nihil ad nostra,
quæ ediderunt interpretes priores. Sed
quantis premar temporis angustiis, vi-
des: cui quoridiè docendum maximo

cum labore & diligentia: sæpe ut vix 1594
suffurari privatis studiis aliquot horas
singulis hebdomadibus possim. Et mi-
raris meam lentitudinem? magis mirere
si quid tandem, quod ad tuum gustum
sit, possit à me elaborari. De Laërtio *
Romano, quàm doleo me cum vidisse
necdùm? ille mihi multis nominibus
carissimus auctor. Quid autem isti per
Deum novi præstiterint? nam jacent, ut
scis, Græca studia totâ Italiâ. Si potes,
fac videam; sin, per alios curabo:
quanquam nostrates quotidie in meis
mandatis experior nimis quàm negli-
gentes, cùm tamen nunquam sine ma-
gno suo lucro mecum paciscantur. Sed
tandem manum de tabula. Vale, ami-
cissime, charissime, optime amicorum.
Genevæ, raptim prid. Kalend. Nov.
CIC IO XCIV.

EPISTOLA XIX.

JOSEPHO SCALIGERO.

Næ þ ego durâ frontē fuissē, Vi- 1594.
rorum maxime, si tuas literas non
per legenti *ἡμετέρας αἰδώς* genas non
suffudisset. Tunc ut in meis lucubratio-
nibus quicquam præter *ἀμύσιαν* mireris?
tunc ut ex animi sententiâ ita nostra di-
laudes? Non mentior, Scaliger præ-
stantissime, sed quod res est dico: hæc
tuâ epistolâ planè alium me, quàm prius
eram, fecisti: jacentem, inquam, ere-
xisti, & ad audendum deinceps aliquid
animos fecisti: tantum denique alacritatis
ad scribendum adjecisti, ut quic-
quid unquam mihi respublica literaria
debebit, [si quid debitura est] id to-
tum uni tibi in solidum acceptum ferri
debeat. Quantum tibi tribuam, ex eo
potes æstimare, quod probè mihi con-
fiscius quàm sit mihi curta supellex; ta-
men tibi de me ipso plus quàm mihi
credere incipio. Hoc tû unis literis as-
secutus es: quid me fiet, si, quod spe-
ro, plures miseris? Sed fallor: nam ut
arbitror, quam ingenioli nostri admi-
rationem [sic enim loqueris] Charac-
terum ꝑ lectio excitavit, eam tibi ejus-
dem ingenii, sed non ejusdem genii,
certè diligentia non paris, opella adi-
mer, quam ausus sum ad te musteam
adhuc mittere. Apuleji Apologiam di-
co, quam hisce diebus, *ἐμπι χρία Σά-
μος αἰν*, recensui ac paullo meliorem
feci. Eum librum non dubitavi tibi,
vir maxime, *αρεστωτέρω*, & de tui no-
minis splendore lucem illi fœnerari: au-
denter nimis, fateor: nam, quid hic
dignum quod te à divinis tuis studiis
vel tantillum avocet? sed fecit me au-
dacem fiducia tuæ illius immensæ ἀρεχί-
κας,

1594. κακίας, quā si videbor abusus, quæso, ignosce & deprecanti veniam concede. Datam mihi scribendi ejus libelli occasionem, ne te pluribus morer, narrabit H. W. * nobilis Anglus, qui has tibi, ut spero, tradet. Narrabunt & Canterii fratres, clarissimi viri Theodori Canteri filii ἐγγεγάτοι: & qui cum illis apud me erat Werkhovius, adolescens Ultrajectinus optimus & pereruditus. Hi sunt quos in περὶ σφωρηλικῆς epistolā testes allego: quos ego confido huic scripto ἐσχημασμένῳ patrocinium apud te paraturos. Equidem hoc unum vehementer laboro, ut animum tibi prorsus devotum & καθωσπικμένον probem. Hoc si assequor, voti reus sublimi feriam sydera vertice. Quod si hoc amplius impetrare me à te siveris, ut meos errores ὁδὸν πάρεργον castigare, & quæ nescio docere me digneris, immortalitate me donatum putabo. Hoc majus à te expetere aut expectare nihil possum: ἐν γὰρ τῷ ἐπίταφῳ κεκοιμήται πρὸ ἐμοῦ τ' ἀθρόον ἀγαθόν. Vale, unicum sæculi decus, & me ama. *Genevæ, a. d. vi. Kalend. Decemb. c. d. d. xciv.*

Strabonem mitto, qualis ante aliquot annos est editus: hoc est, meis & typographi σφάλμασι scatens. Volui aliquid emendare: deinde operā aliquoties negociis interruptā, mutavi sententiam, & me tibi totum aperui: hoc est, frontem seriò perfricui. Salutant te vetus amicus tuus Johannes Pinaldus, Lectius & Tornæsius.

EPISTOLA XX.

JACOBO AUGUSTO
THUANO.

1594. **P**osthac igitur literis te meis appellare, Thuane præstantissime, non verebor, quandò id tibi gratum fore ex mellitissima epistola tua intellexi. Mallem equidem præsens tui conspectu tuique colloquiis interdum frui, meumque adversum te animum alio officii genere tibi testatum facere: sed quoniam omnem ejus rei in præsens facultatem, in futurum etiam spem patriæ propè depositæ status nobis adimit, non committam ut in hoc saltem cuiusmodi officio meam desideres diligentiam. Ac respondiſsem equidem maturius suavisſimis illis literis tuis, nisi illis quoque idem usu venisset, quod iis quas anno ad te miſi accidisse ajebas, ut lentè adeò atque testudine gradu ad te pervenirent: ocius aliquanto tuæ ad nos, sed, ut arbitror, non multò. Accessit deindè & dilata in horas, in dies, in menses denique plures

cruditissimi & charissimi Bullionii, cui 1594. meas traditurus eram, isthuc profectio. Ex illo intelliges (si modò est tanti) quo studio, quaque animi alacritate in hac publica temporum lue veteres nonnullos utriusque linguæ auctores recensere, eorumque editiones concinnare pergam. In his est, ut nuper etiam scribere memini, Suetonius Tranquillus, scriptor [Deus bone!] doctus & accuratus; quod omnium minimè te fugit, doctissime Thuane: verè enim ad cæteros tuos titulos adjici hic quoque potest. Eum tantum auctorem cum aliquandò accuratius recensuiſsem, & non pauca prioribus censoribus invisâ observassem, cepi ejus edendi impetum. Sperabam verò levi operâ & molli brachio brevique tempore posse me eo negotio defungi, nunc cum ad calamum manum admovi, commentarium fermè justum scripsi propè citiùs quàm sensi. Non lusero, uti spero, operam: id enim sedulò curatum mihi, ne actum egisse æquis existimatoribus & doctis possem videri. Cæteri quid sint judicaturi, & φροντίς ἱπποκλειδῆς tibi tuique similibus lectissimi judicii viris si satisfecero, omne me tulisse punctum putabo. Hanc unicam mercedem jugis & indefessi studii in literis mei posco. Vale, vir maxime, & me tui observantissimum amare perge. *Genevæ, a. d. xiii. Kalend. Decemb. c. d. d. xciv.*

EPISTOLA XXI.

JACOBO BONGARSIO.

Et discedens in Gallias literis meis 1594. tibi valedixi, Bongarsi, amicorum dulcissime, & nunc ex itinere Dei beneficio redux, ante alios amicos salvere te jubeo omnium primum: utique eorum, quos absentes per epistolam solum cogor compellare: isthuc si venissem, aut tu hic esses, nullius meorum limen priusquàm tuum accessissem. Cujus enim meorum in me vehementior quàm tuus affectus est? qui præter alia innumera beneficia quibus me tibi devinxisti, paucis illis diebus, quibus abfui, binas ad me dederas: totidem enim reperi tuas, simul sum domum ingressus. Prioribus pollicebaris mihi Africanum Leonem; posterioribus offerebas. Faciebas & de Nicephoro spem: quam ego non vereor ne decollet. Tuum est, quod sæpè expertus dico, postquàm aliquid promisisti, id quasi debiti loco ducere, & statim fidem solvere. Perge sanè: neque enim te possum impedire, ac ne velim quidem, si possim, quominus tuus sum tandem

1594. καὶ πᾶσι ἄσπε & librā tibi quæsitus. Ego verò quid aliud possum quàm amorem tuum & munificentiam prædicare? quod quidem nuper facere volui, cum occasione Urliniani libri facerem tui mentionem: nam quod ais (volo enim binis tuis sigillatim respondere) librum illum non fuisse tanti: ego verò sic me locutum putabam, ut Lectori planum facerem, multa alia, eaque eximia, tua fuisse munera, quibus studia nostra adjutum isti: sed huic malo brevi, σὺν * *Sueton.* 91. medicinam fecero. De loco * pag. *Nit. c. 12.* 132. 16. *Citharam autem à jud. &c.* rectè mones exstare & aliam γραφή Citharæ: nec omittemus; etsi alteram putamus veram esse, & rationes asseremus. In Nerone benè scriptum: *Deinde in orchestram senatumque transit*; nam orchestra in theatro Romano sedes senatorum: & ita loqui auctores solent, sedere in orchestra; sive, quod idem est, sedere in senatu. Veterem illam libelli de illustribus Grammaticis editionem Mediolanensem, quam laudas, tibi periisse, summo dolori mihi est: nam equidem nullos neque editos, neque scriptos libros hic nancisci potui, quorum subsidio perpolirem illa *δοκίμιον*. Sed nos aliud molimur in eo genere, & de Criticis veteribus ea parata habemus ex antiquis Hebræis, Græcis & Latinis, quæ non promittit in suo de Criticis libello ὁ πάλαι περὶ ἀκριβείας Stephanus. Venio ad alteram epistolam tuam. De Apollonio Tyrio & Eugippio libero te curā; nactus enim sum apud nostros mercatores. Magnam orexin excitaverunt mihi incogniti isti tituli: reperi autem vetus dictum, Ἰσοκρίτης ἀνδραγῆς; sed editoris culpā nullā, qui vir gravis est, & à venditando fumo alienus. Camerarii de partibus corporis humani vidi nunquam: certè quidem non legi; nam vidisse quidem memini in manibus Stephani: ita tamen ut cum ille meis quotidie libris abuteretur pro suis, fas tamen mihi tangere, nedum pervolvere, non fuerit. Non dubito quin ex illo blattas ac tineas misellus in libraria, quam à multis annis non invisit suus dominus, paverit. En hominis! sed continebo me. Lipsii ad Polybium tandem vidi: & vis dicam liberè quid sentiam? opus est, labore magno, iudicio recto, ingenio denique talis viri conceptum feliciter ac formatum. Nemo negaverit unum illum hodiè res veteris Reipublicæ Romanæ, & nosse eximiè, & explanare omnium elegantissimè: veruntamen, quod inter nos liceat, (μόνον γὰρ ἱσμεν) mirari interdum subit, cur hanc potissimam rationem

tractandi ejus argumenti elegerit? Nam 1594. ad Polybii lucem quid admodum attulerit sui, nondum videre potui. Multa ille quidem melius vertit quàm priores fecissent interpretes: sed magnam eorum partem Turnebus, alique sibi vindicant. De cætero, si quid in Græcis illis obscuri fuit, lucem id adhuc desiderat: non enim alluxit fax Lipsiana illis locis: fecerit fidem vel unum verbum σάλωμα, de quo nihil notatum ab illo vidi pag. 170. non vulgare, non omnibus notum, nihil denique quod mentem Polybii explicet aut vim verbi. Mitto errores aliquot mihi notatos in explicandis locis Græcorum scriptorum: neque nos tamen studiosè quæsimus, sed casu in illos incidimus. Quare si tua me confirmaverit auctoritas, non desistemus ab incepto, & Polybium tandem nostris vigiliis illustratum publicabimus: præsertim cum publicè nuper, in sciis quid à Lipsio esset editum, fidem meam adstrinxerim, & quidem disertissimis verbis, ad librum, si memini, tertium †. De Tertulliano, † *Tiber. cap. 65.* ita est, ut dicis: possem ita illum suscipere explicandum, ut simul historiam Ecclesiasticam multum juvarem: sed eam provinciam audio jam à Francisco Junio esse susceptam: qui si acerrimo illi quo pollet ingenio, minus indulserit, non alium ille Afer vindicem poscere debet. Mihi sæpissimè ea res in mente fuit: & memini ante triennium egisse me cum collegio nostro, ut de Pallio, libellum fanè quàm obscurum, publicè fas esset interpretari. Cæterus noster in alia omnia transiit, me multum renitente: totus enim eram in eo. Sed postea relanguit ille imperus. Sic tamen ut ne nunc quidem omnem spem abjecerim. Quid? inquis, Stoici tui ubi sunt? hem: captus sum. Video enim calvere me amplius non posse, nec pedem struere: urges enim tu, & latitantem investigas semper. Quid igitur faciam? quid autem, nisi ut rem ipsam tibi explicem; & si possum, moræ adhuc aliquid à te impetrare coner? Equidem, charissime Bongarsi, debere me eam operam tibi, debere iis, qui me suis libris instruxerunt, non nego. Sed datam adhuc mihi esse exequendi, quod sum pollicitus, facultatem, hoc verò nego. Nempè hoc petis, ut novam Arriani & Simplicii editionem parem & adornem: atque id ego & volo, & σὺ 91. spero. Sed quis nunc illam suscipiet? Condolus, qui nuper edidit minorem formā Arrianum cum versione Schegkii, sine damno & fraude sua non potest: nam Schegkiana ejusmodi non sunt, ut si nostra ediderimus, (absit invi-

1594. invidia verbo) illa futura sint assis unius. Possem alii typographo tradere: tum verò major etiam iactura facienda esset Condolo. Quid ergo faciam? dic tu, quaeso, & Homericò verbo *Ἐξαιδα μὴν κεῖθε νόον ἵνα εἶδομεν ἄμφορ.* Sanè tempus est ericque mihi longissimum, usque dum tibi aliisque amicis hanc parte satisfecero. Quod reditum in Galliam paras, Deus consilium fortunet. Quod me invitas ad societatem itineris, vellem ita felix essem, ut sperare tantum gaudiorum & amœnitatum possem. Sed res meæ eo loco non sunt, ut aut mihi aut tibi promittere id queam. Tamen videbimus, aut Deus potius videbit. Sed, *ὦ πῆς ἀδολεισχίας!* inquires. Vale igitur, meum mel. *Genevæ, a. d. xviii. Kalend. Januar. c10 10 xcv.*

Quas huic adjunxi epistolæ, velim cures perferendas: feceris, ut sæpè, rem gratissimam: velim etiam legas epistolam, quæ est ad Albericum, & rem promoveas.

EPISTOLA XXII.

JOHANNI SARACENO.

1594. **B**inas à te, Saracene eruditissime, post meum è Delphinatu reditum, accepi literas: dum enim cupidè expecto facultatem prioribus respondendi, nec tamen reperio, ecce oppressit me altera epistola tua, brevissima illa quidem & sermone scripta *τῷ ἐπιχειρίδι-ζενπ*: quorum utrumque cum sit præter consuetudinem tuam, non vana fortasse suspicio mea est, te, posteaquam in celeberrimum illud emporium scientiarum venisti, cœpisse nos nostrasque Musas contemnere, & pro indignis habere qui isthic parto indutria tuâ nectare vesceremur. At nos antiquum obtinemus, & quia assuevimus Latine tecum loqui per literas, non imitabimur factum tuum: si modò permittis nobis ut tecum more nostro *ἀδολεισχῶμεν*, & ut quidquid in solum venerit, chartæ impingamus. Sed misso joco consilium tuum de non migrando ut amoris indicium & testimonium grande habeo. Crede mihi, ubique est *κακῶν ἰλίας*: sed mala consueta, ut ille ait, tolerabiliora. Audio scripsisse ad me Ranchium & Gigordium: literas nondum accepi, sed noster Joli affirmabat. Rescribam ubi accepero. Vale, & longiores à me expecta. Nam quis tibi dixit me esse de numero eorum, qui dormierunt in Parnasso? ego verò haustum nullum unquam hausi de fonte Caballino. Vale: nam laciniâ me tenet tabellarius, sive alius ejus nomine

ad me missus, ut has acciperet. Vale. 1594. *a. d. xiv. Kalend. Januar. c10 10 xcv.*

EPISTOLA XXIII.

JACOBO BONGARSIO.

ERgo tu iterum in Germania, Bongarsi 1595. præstantissime? O si quis me isthuc sistat superum! quo ego gaudio perfunderer, si te videre, alloqui, amplecti mihi divinitus concederetur? sed nobis non licet esse tam beatis. At jucundissimâ certè intereâ fruimur atque adeò pascimur amoris nostri recordatione. Nulla enim abir dies, nulla (mirum dictu, sed verum) hora labitur, quâ ego non suavissimam tui memoriam recolam, de te cogitem, de te apud amicos loquar. Ita altè sedet in nobis, virorum optime, tui amor: quem tu & aliàs sæpe, & nuper munere declarasti, & magno & grato *ῥωμασδὸν ὄσον.* Accepi enim tandem, quos doctori Lobetio commiseras, libros: pro quibus quas tibi grates agam, nescio. Nam usitata verba in hoc genere, vel frequentibus jam literis ejusdem argumenti pridem consumsi, vel etiam infra meritum tuum longè esse videntur. Quid enim tibi reponam pro ista continua juvandi mea studia cura? Sanè benè de me mereri, & me tibi devincire non poteras aliâ ratione tam efficaci: mihi enim *πᾶς ὁ βίβλ* sunt literulæ nostræ: in quibus totum tempus atque adeò otium hoc quaecunque totum colloco. Deme literas mihi, & ipsas steriles Musas: tunc erit non amplius vita vitalis. Quid parem, quid adornem, pluribus exponerem, nisi hæc rapidissimè scriberem: & tamen nosti, illa scilicet, quæ sæpius ex meis literis didicisti. Suetonium enim ne ederem his nundinis, nihil admodum impediit quàm tui codicis expectatio. Eum ante tres quatuor hebdomades nactus, operi me statim accinxi: & jam, cum ista leges, sis persuasus rem inibi esse, ut consummetur. Arrianum à me peris: non frustra eris, si Deus vires dabit! sed cum eum auctorem publicè superiore anno exposuerimus, didicimus tandem, quantum *βᾶθ* esset ejus philosophiæ. Multa alia sunt de quibus plura scribam ad te, otii plusculum nactus. Quæ scribis de magnis illis amicis Parisiensibus, grata, gratissima fuere. At de maximo illo amicorum D. de Fresnes, quid taces? annus est & amplius cum de eo nihil ad nos. Vale, charissime Bongarsi. *Genevæ, iii. Non. Martii c10 10 xcv.*

EPISTO-

EPISTOLA XXIV.

JOSEPHO SCALIGERO.

1595. *Scilicet Apuleji Apologiam.* **A**Ufus sum ante aliquot menses, maxime Scaliger, libellum * nescio quem, cujus editionem precibus, imò convitiis penè extorserant à me amici quidam, ad te mittere, & de tuo fulgore lumen illi foenerari. Eum acceperis necne incertus sum: tacuisti enim ab illo tu: ego certè tuas nullas accepi: cum tamen aliquoties ad te postea literas dederim. Illum quidem librum oblaturum se tibi meo nomine receperat nobilis quidam Anglus †, cui duo exemplaria à me fuerant tradita, alterum tibi, alterum Doufæ Juniori. Quid illi Anglo, quid libris sit factum, juxta scio cum ignarissimo: planè enim *ἄπειρος αἰσος ἀπὸ τοῦ*, sic ut de eo, postquam Francofurto exiit, nihil omnino scire potuerim. Is quantam mihi molestiarum Iliada Francofurti creaverit, ex iis literis, quas novissimè ad te dedi, intellexisti. Verùm ista Deus, uti spero, *εἰς ἀγαθὸν κινήσῃ* neque attinet vanis sermonibus diutius à divinis tuis studiis te avocare. Quare desino, & verbum non addo, si prius te oravero, ut sive librum illum acceperis, sive non; factum meum æqui boni consulere velis. Vale, Vir plurimum observande: Deus te nobis diu diuque præstet saluum valentemque. *Genevæ, a. d. 1x. Kalend. April. c15 15 xcv.*

Suetonius sub prælo est. Immortali beneficio me tibi devinxeris, si quas habes in eo autore castigationes & animadversiones, eas mecum communicare fueris dignatus. Hoc à te peto etiam atque etiam maximopere. Cum hæc scribebam, aderat mihi Tobias Scultetus, excellentis ingenii vir, & nostris literis apprime cultus: qui iter ad te affectans, me interprete & admisso uti se posse credidit. Peto igitur à te, ut tu studiosissimum nominis vestri juvenem in numerum tuorum cultorum recipias.

EPISTOLA XXV.

JANO DOUSÆ F.

1595. **C**UM ante aliquot menses literas à te accepissem, Doufa præstantissime, amoris in me tui indices, rescripti mox, & pro præstantissimo illo carmine, quo me donaveras, musteum adhuc libellum nostrum misi: eas literas librumque illum acceperis necne haud scio: nihil enim ex eo tempore literarum ab eo nobili Anglo accepi, cui

fasciculum meum commiseram; nihil item à te, nec à magno Scaligero, quem binis literis à discessu Angli compellavi: ego verò benè mecum agi putabo, si ternis quaternisque meis unas illius expressero. Novi enim quàm peccent in publica commoda, qui heroem illum à divinis tuis studiis vel tantillum avocant. Tuas verò, nobilium juvenum decus, paullo frequentiores expeto simul expectoque: nihil enim jucundius mihi, nihil gratius accidere potest, quàm si, quando aliter non possumus, hoc saltem modò invisamus nos & invicem colloquamur. Equidem etsi soleo esse occupatissimus, tamen in colendo hoc genere officii tecum, ne meam diligentiam possis desiderare, sedulo cavebo: tu ut parem mecum ponas calculum vide: aut ne me ita accendisses in amorem tui: planè enim ita me cepisti; eam flammam in animo meo quàm amoris, quàm admirationis tuæ istius tam raræ indolis excitasti, ut cum ab eo discessi, quem non isti quantà veneratione prosequar, neminem habeam quem tibi anteponam, & à quo me amari magis cupiam. Vale, & nobilissimo parenti tuo plurimam à me salutem. *Genevæ, a. d. 1x. Kalend. April. c15 15 xcv.*

Clarissimos doctissimosque viros Junium & Vulcanium meis verbis salutes velim. Canteros juniores, si isthic sunt, plurimum salvere jubeo & benè rem gerere. Scripsi ad patrem: scripsissem & ad illos, si otium fuisset.

EPISTOLA XXVI.

DAVIDI HOESCHELIO.

COMMODUM nuper cum tuis responderem, allatum mihi est, habere te, Hoescheli doctissime, Athenæi Epitomen M S. Eò statim adjeci scriptæ jam epistolæ preces meas, ut ejus libri usum mihi, concinnanti illius auctoris editionem, concederes. Misi illicò eas literas Francofurtum ad Commelinum, obnixè rogans, ut eas turò curaret perferendas. Sperabam sanè, quæ tua humanitas est, non denegaturum hoc te mihi, præsertim rogarum, & in communem utilitatem. At ecce opinione meâ falsus sum: tu enim petitionem meam non expectasti, sed ultrò librum, quem habebas, utendum misisti. O benignitatem obviam atque prolixam! *ὦ τῆς οὐκ ἐκρηγμένης*! Non tu imitaris ineptos quidam homines, quibus nulla adeo gloriatio placet, quàm siquid rari habent, id ut soli habere & sibi tantum dicantur. Odiosum, im-

1595. portunum αὐθιχῶς, & à Musis alienum genus hominum. Tales memini me experiri aliquoties magno cum stomacho meo. Tu verò ita me tibi facilitate hâc adjunxisti, devinxisti, atque adeò obstrinxisti, ut persuasissimum tibi cupiam esse, patere mea omnia tibi. Cæterum de Athenæi editione nondum cogitare possumus, quin prius Suetonium, qui nunc in eo est ut edatur, cum nostris Animadversionibus perfecimus: multum enim scriptor ille eximius rerum Romanarum nos exercuit. Eo labore defuncti statim emittemus οὐν τῷ Θεῷ Athenæum; & mox, uti spero, etiam Polybium maximâ curâ à nobis recensitum & illustratum. Sperabam hâc præteritâ hyeme posse me pleraque hæc perficere: sed gravissimi casus ejus rei facultatem mihi eripuerunt. Vale, Vir clarissime. *Genevæ, a. d. VIIII. Kalend. April. CIO IO XCV.*

EPISTOLA XXVII.

JACOBO GILLOTTO.

1595. Quam gratæ tuæ literæ mihi fuerint, Vir præstantissime, non si mihi χαλπεὶν ἢ ἑπὶ ἐνείῃ, possim verbis satis eloqui. Equidem ita factus, ita ab optimo parente sum educatus, ut in colenda, ἢ ἐλαχον, Sparta semper ante oculos habuerimus publicè prodesse; quamplurimis & magnis viris, quos etiam de facie incognitos ab incunte ætate sum veneratus, me & studia mea probare: alterum quàm sim hætenus affecturus, aut porro sim affecturus haut scio: præstiti certè minus, quàm volui. Facultas enim & ingenii vires, quæque ad eam rem prorsus sunt necessaria præsidia omnia citra voluntatem steterunt. Quò maximè gaudeo tam abundè alterum mihi contigisse: video enim magnum istum omnium doctissimorum virorum consensum in probanda laudandaque alacritate animi, quâ feror ad juvandas penè vergentes ad interitum literas. Tuæ verò literæ, Gillotte clarissime, tui hujus adversum me animi testes & indices, ita me affecterunt, ut iis lectis cumulus ingens accesserit studio meo priori de Musis benè merendi. Video enim magnâ diligentia opus esse, si vestram expectationem fallere noluero. Equidem det modò vitam, vires & otium ὁ ὑπὲρ ἡμῶν, mihi nunquam deero. Cæterum si eventus opinionum tuæ, tuique similibus, qui dignum aliquid vestris accuratissimis judiciis à me expectant, non respondebit, vobis imputate: neque enim verbis meis in eam opinionem estis inducti:

sed omnis in tua humanitate mea sita 1595. spes est, tu scriptis nostris pretium addes. Nemo enim futurus est inter doctos, qui illa quantivis non faciat, quæ tuam meruisse commendationem intellexerit. Quare illud unum te rogo, ut me meaque ornanda suscipias, aut potius, quia sponte tuâ suscepisti, pergas porro tuum mihi patrocinium commodare, non aliam omnium meorum laborum mercedem postulavero. Suetonius tandem prælo commissus est: sequentur, si Deus voluerit, Athenæus, Polybius, Dio, Arrianus, Epictetus, alii, quos ordine publicare stat mihi. Superest, ut pacem & quietem non solum κατεργασθῶν, ut vocatur à poëta, sed & μακροχρόνιον ab eo petamus, qui solus ruentem miseram patriam, & tantum non depositam fulcire, atque in priorem splendorem restituere potest. Vale, Vir maxime, & tibi persuade, eâ cupiditate videndi tui me flagrare, ut si patietur temporum atque itinerum ratio, teneri diutius non queam, quin isthuc excurram. Vale itidem, & me ama. *Genevæ, Idibus Aprilis, CIO IO XCV.*

Si grave non est, peto à te, ut præstantissimum virum Jac. Augustum Thuanum Amerium meis verbis quàm officiosissimè salutes: scripsi nuper ad illum, & Apologiam mihi, non ut tu apellas ἐπεμνὲς δῶρον, sed verè nec minus ἐμπερικῶς ἐλπίον πείθειν. Mittam & tibi & illi Suetonium, ubi primum fuerit editus. Literas ipsius, quas amicissimo Bullionio tradidisse ais, scelerati homines interceperunt, meque tanto bono privarunt.

EPISTOLA XXVIII.

JACOBO AUGUSTO THUANO.

1595. Significavit mihi nuper literis suis clarissimus vir Jac. Gillottus, accepisse literas se à te, quas ad me scripisses, quasque ipse tradiderit amico nostro Bullionio. Eas literas perisse neque ad me pervenisse significavi nuper, cum per ejusdem amicissimi Bullionii servum à pedibus isthuc literas darem. Sed & impræsentiarum oblatam occasionem affandi te, Auguste verè auguste, & literis meis salutandi prætermittere nolui: præsertim cum spes esset tutò perventura quæ scriberem in tuas manus. Qui enim tuum in me animum notum habeam, interesse mea judico, quàm creberrimè apud te & amoris mei & studii testimonium exstare. Ne pluribus scribam, facit Suetonii editio, quæ

1595. quæ ante dies octo instituta totum me sibi vindicat mancipatque. Eo labore perfunctus habeo alia plurima, quæ statim prælo, si ita τῇ κρίσει videbitur, committantur: ἵλπμαι μὲν ἐν εἰρήνῃ γράσσειν τίλθ, ut Lyricus Poëta inquit. Mihi verò nihil tam deest (& desunt tamen multa) quàm libri ad ea, quæ paro, prorsus necessarii. In his sunt Martyrologia vetera, quæ equidem ita cupidè expeto, ut si quis copiam mihi illorum fecerit, is mihi planè futurus sit alter Apollo. Sunt etiam alii libri ad rerum antiquarum lucem planè mihi necessarii, quos hic reperire nec porui adhuc, nec potero fortasse unquam. Quare nil mihi aliud superest, quàm ut illorum magnorum virorum felicitatem commemorem, qui eadem mihi studia tractantes, & ab ingenio & à librorum præfidiis melius fuere instructi: sed hæc querela non est hujus loci. Volui tamen intelligeres, Vir maxime, si parum in literis præstamus, non tam ignaviâ nostrâ id fieri aut socordiâ, quàm quod instrumenta non sunt ad manum. Nam si quis est cui nostra studia probari cupiamus, tu profectò is es. Vale, & me ama, qui te colere & observare nunquam cessabo. *Geneva, Nonis Maji CIO IO XCV. raptim.*

E P I S T O L A XXIX.

JOSEPHO SCALIGERO.

1595. **Q**ui adversis meis doluisti, gaude nunc latis, Vir nobilissime. Recrearunt me proximæ nundinæ Francofurtenses, tam felices mihi, quàm fuerunt superiores infaustæ. W. * satisfacit, meque eâ molestiâ liberavit, in quam, ut verè scribis, conjecerat me ἀκαίρῳ mea facilitas. Non malè hariolatus eras: sed fueras hîc quoque, ut semper in omni re εὐσεχῶ. Persuassus sum tuis maximè literis effectum & Busenvallii, nec non operâ Thomsonis nostri, ut hâc sollicitudine liberarer. Quare immortales tibi ago agamque dum spiritus hos reget artus, gratias: dicerem relaturum me, si vel meæ fortunæ tenuitas, vel tuæ splendor pateretur. Quod Æschines olim Socrati, id ego bonâ fide nunc tibi: quid aliud tibi offeram non est ad manum: en me totum tibi totum tuum, utere me, abutere: res tua sum. Sed pergo εὐτυχίαν meam tibi narrare. Acciderat autumnali mercatu, ut quas Commelino nostro dederas, non reciperem: quæ tamen in meas tandem manus casu quodam miro pervenerunt: repertæ siquidem in foro

nostro à mendico puero sunt, qui eas 1595. aliquantò post ad me detulit cum literis Commelini, quibus multum se excusat, morbum accusat. His nundinis melius mecum actum est, binas enim à te eodem ferè die accepi. Quare nulla tuarum, ut puto, epistolarum periit: salva omnes, & salvus ego qui illas accepi. Quod video non ingratum accidisse tibi munusculum meum, mihi crede, cœlum meruisse me puto. Nôram æquanimitem tuam; nôram amorem illum singularem quo me prosequeris: quia tamen nihil ab eo tempore literarum à te acceperam, factum meum damnare incipiebam: & memet increpabam, quod meas nugas ausus essem tibi obtrudere. Perlata sunt & tua munera, libri quos dono misisti ad me: de quibus judicium meum ἐν οἷῳ ἐπὶ non exspectas. Ego tamen divinam illam moderationem tuam in ocores & obtrectatores tuos satis admirari non queo. Appendicem verò tuam ad Cyclometrica, legit nemo eruditorum, quin statim veniat ei in mentem, quod de medicorum Deo Celsus scribit libro ultimo, id in te dici nunc posse. Macte isto animo, Vir nobilissime, neque tamen putes te tantâ hâc civilitate invidiam malevolorum & jejuni animi hominum posse effugere. Narro tibi, singulis diebus de te Lausannæ vel ovationem vel triumphum duci: nuperus quidem solemnî promotione scholæ insignis fuit: nam & nostras hîc aures plaudentium & acclamantium iò triumpho verberavit strepitus. Quin annos jam ipsos XI. paratur adversus te liber, cujus editione omnes tricones, rupices & opici sint vadimonia deserturi. Igitur nisi omnes Musæ nos oderint, habebimus brevi novum opus non heptaplum quidem, sed διπλόν: nam homo benignus, qui te diu inter Gallica arma audit versatum, veritus est, credo, ne χρεὶν ὂν ἐν βαρβάρῳ ἰκθάρβαρῳ θῆς: propterea ut tuam sublevert imperitiâ, Gallico-Latinum opus illud Dædaleum emittere cogitat. Epigramma tuum fuisse mihi gratissimum εἰς δὲ καὶ αὐτὸς: puto enim patere tibi intimos animi mei sentus. Atqui ego maluissem doceri & erudiri à te quam laudari. Quare etsi fecisti mihi rem gratissimam, tamen noli, quæso, putare defunctum te hâc operâ omni officio. Itaque iterum peto à te, sed seriò, ut in difficillimos Suetonii locos quosdam tuas mecum cogitationes communices: præstitisti id olim Opsopæo, Aphorismos Hippocratis recensenti, quod ex ejus Notis apparet. Cur ille plus apud te gratiâ quam ego valuerit, causam

1595. nullam esse puto: nam ego me pietate in te nemini mortalium concedere, hoc verò scio. Vale, Vir maxime. *Genevæ, a. d. XIII. Kalend. Junias CIO IO XCV. raptim.*

Suetonii aliquot loci.

Tib. cap. VI. *pueritiam habuit luxuriosam.* Quid censes de hac voce *luxuriosam*? nam ita constanter omnes libri.

Calig. cap. XX. *Syracusis hasticos ludos.* Nec de lectione satis sum certus, nec quid *hasticos* ludos vocet scio.

Ibid. cap. XXVI. *decimas maturius dabat.* Ita omnes libb. constanter: aut explica, quæso, aut emenda: non deest quod suspicemur: sed nostris utemur, si tua nos deficient.

Ibid. cap. XXXIV. *ne quid respondere possent præter eum.* Sic omnes vet. Itali, *equum*: quidam *eccum* emendant. Tu quid?

Claud. cap. XL. *Quid, ego tibi Theogonius videor & deperit?* Variant hic veteres libri. In membranis sic reperi: *Quid, ego tibi Theologonius videor? ****

Nero cap. XXVII. *Indicebat & familiaribus cernas, quorum uni mellita quadragies constiterunt, alteri pluris aliquanto ab Syrtio rosaria.* Hæc lectio commentum est Italorum. Nam in omnibus libris vet. est constanter: *mitellita*, non *mellita*; repperi & *Myrtellitica*. Sed & reliqua corrupta. Oro, obsecro, adjuva me. Plura parabam: sed qui laturus erat literas, pipulo eas flagitabat petasatus, ocreatus. Tu, si quid dignaris respondere, propera: nam liber sub prælo est per mensem jam integrum. Tuas sitio.

EPISTOLA XXX. CONRADO RITTERS- HUSIO.

1595. **B**inis tuis suavissimis literis unis hisce respondebo, Vir amicissime. Quod gratum tibi adeo de Oppiano, tantæque agis gratias, agnosco humanitatem tuam. Ego non poteram officio meo deesse, quin magni criminis me obligarem: peccassem in te; peccassem in publica commoda; peccassem in gravissimi & dilectissimi mihi poetæ manes. Tu nunc peccas, qui adhuc sub claustro continens. Quid? ergo non erit illud *κακὸς* & carceris *παλάγιον*, sed *ἀλλοτρίον* tantum? Vide fidem præstes; sin, pipulo flagitabimus promissum munus. Quod de Pindari aliquot locis scribis, ita me Deus amet, ut magnæ mihi voluptati fuit: sed heus tu, non tibi metuis

à tui ordinis hominibus, qui magnas tibi molestias creabunt, si resciverint malle te cum Pindaro, Homero, Platone, Aristotele, & id genus nihili homuncionibus colloqui, quàm cum Bartolo, Baldo, Jafone & similibus? peristi si hæc emanarit de te fama, eò enim res videtur aut rediisse jam, aut propediem reditura, ut nemo possit idem cum Musis amcenioribus colere amicitiam, & Jurisconsulti famam ac locum tueri. Sed misso joco, quod graviora studia tua insititis istis oblectas deliciis, laudo vehementer. Sanè qui cognitione nostrarum artium ita excellas, thesaurum defodere non debes. Quæ disputas de Epicharmi loco apud Clementem, mihi epistolam tuam legenti valde placebant; item quæ de locis Pindaricis: & perge, amabo, id genus literas ad me mittere; referam, si potero, par pari: sed aliàs, nunc enim ita eram occupatus & districtus editione Suetonii, ut vix his paucis raptim exarandis tempus repererim. Jam auctor ipse, Tranquillum dico, erat ad umbilicum perductus: supererat improbus labor in describendis nostris Animadversionibus, & colligendis. Multum sudamus, mi Rittershusi, his præsertim æstivis diebus, quos experimur hic calcentissimos: plus tamen antè sudavimus aliquoties in eo scriptore recensendo. Limam enim judicii adhibuimus: *ἀλλὰ γλώσσα πῇ πρέμῃ*; neque enim *μῆλα πῇ ἐπὶ* antè decet, quàm *γλῶσσαν* criticorum accesserit calculus. Tu in his, Vir doctissime: cui placere nostra, quæ hætenus edidimus, vel ex eo conjicio, quod indicem eorum mitteri tibi à me postulas. Vereor ne mihi potius optandum sit, ut in tam eruditæ manus non veniant nugæ nostræ; quare à me catalogum non habebis: mea quæ hætenus edidi, tanti non facio; paucis exceptis, quæ tibi nota esse prior epistola tua arguebat. Vale, & grandem à me expecta brevi *ὅτι τῇ ἐπὶ* epistolam. *Genevæ, pridie Kalend. Junii, CIO IO XCV.*

Si isthic est nobilissimus vir, Firxius Livonus, plurimam illi meis verbis salutem nunties rogo: item clarissimis viris Camerariis, & Jurisconsulto Poëtæque insigni Scipioni Gentili.

EPISTOLA XXXI. E I D E M.

1595. **N**ondum libero me ære alieno, quod apud te, Vir amicissime, contraxi nuper, cum grandem aliquam tibi epistolam promisi. Scribebam enim has

1595. has literas, quo tempore nostris mercatoribus Francofurtum petentibus ad plurimos amicos dandæ erant. Ego vero vixdum benè excussò jugo quod mihi Suetonii editio imposuerat, otio frui optabam quàm uti. Scito tamen bonæ fidei debitorem esse me. Ubi ad Musas rediero, quibus valedicere ad tempus animus est, nihil prius faciam quàm ut tecum de nostris literis epistola licentiorè garriam. Nunc mihi tota in Gallus mens est: quò excurrere ad visendam optimam matrem certum mihi: det modò facultatem, & iterum securitatè præstet τὸ κρείττον. Tentabo certè omnia, ut priusquam seriò libros tractare instituam, voti quod est supra omnia mea vota, compos fiam: septimus enim annus agitur, cùm ego parentem meam non vidi, cùm intereà neque ego ipsius, neque ipsa mei desiderium ferre possimus: quod eò tibi volui significare, ut deinceps silentium meum per aliquot menses excusares. De Oppiano satis superque proximis tuis fecisti mihi. Laudo propositum tuum, cujus, scio, te nunquam pœnitebit. Sustinebimus igitur, & nostra gaudia adhuc differemus. Vidi & γένμα illud tuæ interpretationis, quod ad Cameraarium misisti: sapit nimis meo quidem palato: si omnia, quod confido, ad id exemplum, multos spondeo tibi convivas; quotquot nempe sunt qui his epulis delectentur. In Querolo tua disscam lubens, unde descriptus sit tibi Nicetæ locus ad vocem *Patus* notatus tibi: nam in nostris libris aliter legitur, & sine dubio rectè: πᾶτ' enim non Nicetæ vox est, sed σχολῶν ex veteri libro descriptum Wolfio: quod quare sit à te in contextum receptum doceri cupio. At falli doctissimum Gruterum, qui *Mandrogeros* vocandi casu ferre non potest, non te fallit: est enim forma Græcanica declinationis Atticæ, quæ in nominibus deductis à γῆρας servari solet, ut ἰσχατόγῆρας dicit autor & *Mandrogerontem*: id quoque ἀναλόγως, ut Homerus τυμολόγοντα. Sed hæc mitto. Vale, doctissime Rittershuti. *Genevæ, a. d. x. Kalend. Septembr. c15 15 xcv.*

EPISTOLA XXXII.

FRIDERICO LINDENBROGIO.

1595. DE Notis ad Suetonium egi antè gratias, si memini, non semel: sed si illæ meæ literæ in itinere, ut sæpe fit, naufragium fecerunt, testor iterum fecisse te mihi rem gratissimam. Sum

& publicè id testatus, cùm superiori- 1595. bus diebus notulas nescio quas recensitæ Suetonii editioni adjicerem. Ejus exemplar Commelino curavi tradendum, ut is ad te mitteret. Utinam posses & in cæteris historicis, qui Tranquillo conjungi vulgò amant, nos adjuvare: quod quidem ut facias, si ullà ratione potes, per omnes Musas te oro atque obtestor. Hoc sic à te contendo, ut vehementius nihil possim: teneor enim quasi ex voto suscipere eorum librorum editionem: eo me ad egit obsequendi magnorum quorundam virorum voluntati studium. Igitur vel ipse succede oneri, & melioribus, quàm ipse sim, humeris, & ætate ad istos sustinendos labores commodiore: vel, si hoc impetrari à te non sinis, συλλάμβανε ἡμῶν τὴν ἀθλὸν, ὡς φιλοπονεῖς. Amabò, curæ habeto hanc curam, & à Scaligero magno, ab aliis erue aliquid, quod ad rem faciat. Ut scias quàm non ἀκρίβοις alienam opem implorem, respondeo tibi de *Catacræanis libris* apud Spartianum, nihil habere me quod te doceam: omninò tamen satagemus aliquid, si in isto conatu docti nobis faverint. Tertulliani loci è lib. de Pallio non visi nobis magnam habere obscuritatem: & vidisti, puto, quæ paullo pòst scripsit in illa verba doctissimus vir *, *Franc. Junius.* quanquam ego non planè illi assentior, in quibusdam verò nullo modo. Anni sunt amplius tres, cùm id volui in hac schola præstare quod ille, cùm cum libellum suscepit explicandum. Fateor multa me in ejus notis legisse, quæ in mentem venerant nunquam: sed mihi in multis alia planè videtur esse mens quàm ipsi. Uter melius, docti pronuntiabunt, si quando receperit me impetus ille prior. De loco capite xvii. de spectaculis amplius cogitemus. Vale, & me ama. *Genevæ, a. d. vi. Kalend. Septemb. c15 15 xcv.*

EPISTOLA XXXIII.

JOSEPHO SCALIGERO.

Q Uod maximo semper opere am- 1595. biisse non diffiteor, Vir præstantissime, ut amore tuo possem gloriari, id me consecutum esse, ex eo intelligo, quod multi ad te iter affectantes me primum adeunt, me interprete & parario uti volunt. In his est eruditissimus hic Frisius adolescens, Joannes Soeckma, qui domum revertens, & isthac transiturus egit mecum, ut meas

1595. ad te literas sibi traderem. Poteram excusatione uti: nam hâc ipsâ horâ dederam alias Commelino nostro, qui se illas cum Suetonio, quem à me accepit, curaturum sanctè recepit. Sed malui *φρονέας* tibi esse, quam committere ut parum gratiâ apud te existimarer valere. Hæc unica nostra gloriatio est. Quæ ne falsa videatur, peto à te ut eo vultu amicum hunc meum excipias, quo ipsum me exciperes, si mihi fata tantum boni essent largita ut isthuc venissem. Quod tamen non penitus futurum olim despero: nam equidem tui desiderium ferre diutius non queo. Vale. *Genevæ, a. d. vi. Kalend. Septemb. c10 10 xcv.*

EPISTOLA XXXIV.

JACOBO BONGARSIO.

1595. Tandem Suetonium habes à me: Hui, inquires, tam serò tam rude opus! fateor, Virorum optime: sed quis tibi dixerat, amabò, fore aliquid ejusmodi quod in arce poneretur? an ego sum sollicitus nostras nugas venditare? quin tu tibi imputas potius, si opinione falsus es, cum aliquid majus à me exspectares: etsi illud sanè accidit perincommodè, quòd otium, quod speraram ad opus poliendum, mihi ademptum est. Id non unâ occasione factum, quod pluribus tibi exponere superfedeo. In Athenæo nunc essem *ἐλθὼν καὶ παρὲς*: nisi & defessus essem animo, & necessitas visendæ optimæ matris mihi fuisset imposita: quo ex itinere simul rediero, dabo operam *οὐδὲ γὰρ διδοῦναι*, ut eorum memorem me agnoscas, quæ sapius te mihi imposuisse, meque recepisse memini. De morbo tuo, optime Bongarsi, sic me Deus amet, ut pupugit me is nuntius, utque fui ab illo de te sollicitus *νύκτας π καὶ ἡμέρας πάλιν*. sed ut spero & opto, convaluisti jam, & rediit ille animi corporisque vigor, qui te per longinqua terrarum semper est comitatus. Deum veneror verum sit hoc meum augurium: velitque is te nobis quàm diutissimè salvum & incolumem præstare. De Nicephoris sic res habet: est qui vocatur Nicephorus Callistus, quem ego his diebus nactus sum ab amico: sed scin' quomodo? pretio majore triplo quàm æquum erat: quid facias? sic vivitur apud nos, ubi omnes sunt non homines, sed mera virtutum exempla, & rectè vivendi norma. Est qui vocatur Nicephorus Gregoras, quem audio Græcè editum [nam alter Latinè solùm] Basileæ in folio: eum per mihi emi cupiam. De

Leone Africano pergratum quod spondes. Sed quis erit finis tuorum in me beneficiorum? impudens nimis sim, nisi me pudeat. Sed age, si potes, mihi commodare aliquid hac in re, & reperire mihi, quæ per alios nancisci non possum, utere, obsecro, pecuniâ meâ, operâ tuâ. Mandavi mercatori nostrari Probo ut solveret quod opus esset. Hoc si fiat, non dubitabo te orare, ut sicubi libros reperias, de quibus antè significavi, eos mihi compares. Monspessulanam conditionem tibi displicere eò magis lætor, quod omnium ferè amicorum meorum eandem esse sententiam comperior. Itaque ne mihi quidem probari potest: etsi, quî D. à Fraxinis factum meum possim satis approbare, non parum sum sollicitus: sed de hoc viderimus. Ego malo isto qualicunque otio frui, quàm temerè me & meas omnes fortunas periculo exponere. Si quid accidat tamen, cur novo consilio locus esse queat, faciam te statim certior. Vale, Vir clarissime, &, quod publicè sum testatus, cui *nostra studia* plurimùm debent. *Genevæ, a. d. iv. Kalend. Septemb. c10 10 xcv.*

Si amicum verè te mihi, quod fuisti semper, vis præstare, culpas meas in hoc opere qualicunque mihi deteges, apud alios excusabis.

EPISTOLA XXXV.

JOSEPHO SCALIGERO.

1595. Promissum Suetonium anno, ecce mitto tibi, Vir maxime: opus expectatione tuâ tantò inferius, quantò amor tuus in me major est, meritis meis, non dicam in te, quæ nulla sunt, nec possunt esse; sed in rempublicam literariam, quæ sunt oppidò tenuia. Quid facerem? vetus dictum est: *ἀεὶ τοῖς μικροῖς μὲν διδοῖσι οὐδὲν*. Tu verò tibi imputa, doctissime virorum, si opinione tuâ falsus es: non enim ego autor tibi majoris spei, si quam fortè de nostro hoc foetu conceperas, qui tamen poterat paullò saltem politior in vulgus exire, nisi imposita fuisset mihi brevi absolvendi necessitas, quam pluribus exponere superfedeo: nisi quod brevi me iturum in Gallias, ut matrem visam & quædam negotia conficiam, nolo te fugiat: ne silentium meum fortè mireris tantisper dum domo abero. Post reditum animus est, si Deus dabit, de Athenæo fidem liberare: ne malæ fidei debitores amantibus harum literarum videri queamus. Peto autem à te, nobilissime Scaliger, ut si quid in eo scriptore,

1595. ptore eruditissimo vel ὁδὲ πἀρεργον, vel παρὸδὲ ἔργον emendasti, observasti, id mecum communicare ne graveris. Sanè si quis est ex veteribus autoribus, qui tuum aut tuo par ingenium desideret, ille profectò est: in quo sexcenta sunt ita affecta, ut nihil aliud quàm divinare, & velut in tenebris micare superfit: de quibus si non obstarent ἔργα πολλὰ μεταξὺ, referrem ad te, qui solus ὄντων πρὸς ἑνὸν, meo quidem animo, ulcera ista desperantia solitus sanare: quæ quidem plebei Medici quàm felicitate attingant, testis sit vel nuperus interpretes Lugdunensis *, vir, fateor, doctissimus, ἀλλὰ πρὸς τὰς ἐπεφυκῆς quare nusquam minus mihi satisfacit, quàm ubi maximè ingenio est usus. Sentire te mecum, si quando tantum tibi abs re tua fuit otii, ut quædam illius expenderes, non dubito. Mihi ne idem eveniat cautio est: malo desideres in me acumen & ingenium, quàm temeritatem accuses. Atqui si propius à te abessem, poteram de tuo solvere quod domi deest. Verùm obsecro, illustrissime Scaliger, juva conatus nostros, & per otium impende aliquot horas emendandis aliquot ejus Scriptoris locis, nulla nisi ἀπὸ τῆς οὐκ ἀντιμετακίτης spes salutis. Hoc si me à te siveris impetrare, cælum te mihi dedisse putabo. Interea quod solum tuā causā possum, Deum orabo ut te quàm diutissimè salvum & incolumem nobis præstet. Vale, & me ama. Geneva, a. d. iv. Kalend. Septemb. c15 15 xcv.

Jam clausæ erant, & propè Commelino traditæ hæc literæ, cum allatæ sunt mihi quas dederas iv. Non. Jul. Ex iis cognovi non pessimè fortunam mecum agere, quæ tuas omnes paullo quidem ferius, sed tamen mihi omnes servat & perferendas curat: meas, ut puto, non omnes tibi reddit. Sed mearum levis jactura: nisi quod totidem pignora meæ in te observantiæ tibi pereunt: imò mihi, cujus plurimùm interest, ut exilent quàm frequentissima devoti animi mei virtutibus tuis testimonia. Cum omnia fecero, nullam partem affectus fuero tuorum in rempublicam literariam, & privatim in me maximorum meritorum. Quod mihi trinis tuis gratias agis, desine, obsecro, talium sermonum: non ita durum mihi os, ut vel minimam gratiarum actionem meritum propterea me existimem. Ego scio & profiteor ingenuè, tantum me τριμεγίστω parenti tuo & tibi debere, cum omnibus qui literas amant, ut neque ego neque quisquam alius celebrando nomini vestro sit suffecturus. Quod Plato de virtute soli-

tus dicere, id ego in te experior: quem 1595. invisum sic veneror, ut virtutem ipsam par est. Sub finem epistolæ tuæ spem meliorem facere videris; curæ certæ esse tibi me & studia mea indicas: testatur idem studium tuum opera quam in W. † negotio posuisti maximam: ago tibi, Vir nobilissime, gratias quantas possum maximas: & quia superat facultates meas hæc tua ingens & ἀφάτου benignitas, quàm me fateor indignum, quid aliud possum quàm Deum tibi debitorem delegare, quem precor ut gratiam tibi pro me referat? Cæterum permitto me tibi, & in clientelam trado lubens merito. Vale.

EPISTOLA XXXVI.

FREDERICO LINDENBROGIO.

PRO eximio munere, quod superio- 1595. ribus nundinis misisti ad me, gratias ago tibi maximas: sed magis pro amore non vulgari tuo in me, cujus mihi testes literæ, quas muneri adjunxisti: amo hunc affectum tuum, & φιλέω sincerè atque ex animo ἀντιφίλω. At causas amoris, quas allegas, non admitto, neque agnosco: humanitati tuæ acceptum fero, non merito ulli meo, quod meam notitiam & amicitiam expetieris. Habet hoc communio studiorum, ut & animos jungat, & ignotos atque in diversissimis oris positos conciliet invicem atque devinciatur. Ex eo factum, ut tu me, simul nosti de libellis nostris, amare coeperis: idem & nos facturi eramus, etiam si lacessiti à te non fuisset, postquam nuperum illud γύμνα tuorum studiorum vidissemus. Cum igitur consent nobis causæ institutæ inter nos amicitia, superest ut officiis inter nos certemus. * Tu ubi locorum sis futurus, & quò meas sim missurus, fac me ut sciam. Vale. Geneva, a. d. iv. Kalend. Septemb. c15 15 xcv.

EPISTOLA XXXVII.

THEODORO CANTERO.

EXIT tandem promissus anno Sueto- 1595. nius, cujus exemplar unum Commelinus noster se curaturum tibi nomine meo sanctè promissit. Erit illud pertenuæ grandis amoris in te mei testimonium. Non peto à te, ut meas excuses culpas: ut accuses & mihi indices, ultrà peto. Dico ingenuè, non potes ullo

* Jacobus Dale-
champius.
Colomes.

1595. ullo officii genere majorem inire à me gratiam: præsertim cum sim mihi concilius, pleraque ex meis adversariis prope-
peranter promissè me, cum otium ad poliendum præter spem esset ademptum. Speraram enim in describendis quæ pridem, ut fit, observaveram, lentè me progressurum, & limam judicii singulis accuratiùs adhibiturum, quod totum casu quodam aliter evenit. Nunc inibi eram, ut in Gallias ad visendam optimam matrem profiscerer: unde simul fuero, Deo dante, reversus, Athenæum edere paramus. Nam quia publicè fidem nostram de eo obstrinximus, jacta alea est: alioquin referrem fortasse pedem, metu laboris qui mihi ingens subeundus erit, si hydram illam *μυρικήφαλον*, quæ cum autorem deturpavit, velim expugnare. Sed in æquitate doctorum virorum omnis mea spes: cum bonâ fide τὸ γὰρ καὶ δύνανται præstitero, quis negabit mihi æquus iudex τῶν εὐρημάτων χάριν, τῶν δὲ εὐρημάτων ἢ ἡ καλὴς εἰρημένην συγγνώμην. Sanè non omnes eam diligentiam & fidem in benè de antiquis scriptoribus merendo adhibent: quod cum in aliis sæpe, tum nuper non sine admiratione & indignatione deprehendi in eruditissimo illo viro, qui Dionem Latinum novissimus edidit; cujus errores maximos tam multos toto illo opere observavi, ut illa excidisse homini adeò docto, & in literis Græcis juxta & historia Romana versato per mihi mirum visum sit. Indicio fuerint quæ ad Suetonium per occasionem sæpe notavimus: sed plura potuisse observari, ipse, Vir doctissime, facilè mihi assentieris, si quando periculum facere volueris. Erit fortasse aliud tempus cætera publicandi, quæ sunt nobis cum cura observata, dum nobilissimum illum historicum studiosè legimus, & cum Latinis contendimus. Sed de nostris nimis multa. At tu, clarissime Cantere, cur cessas? cur susceptam à puero provinciam orandarum literarum gravaris? nam quando vel Ammianum Marcellinum, cujus aliquando spem fecisti, vel fragmenta Græcorum Poëtarum, vel alia quæ tamdiu premis, defines nobis invidere? Equidem tuas gravissimas occupationes novi: sed neque illud me fugit, pridem parata habere te non pauca, quæ lima jam atterit potius, quàm polit. Spero & à Lamberto tuo, juvene eruditissimo, uberem quandoque messem: modò tamen ille exemplo tuo cunctator esse non discat. Quid tu, quid ille, quid ejus paris indolis & spei frater agatis, paretis, vestris literis certior quàm sæpissimè fieri vehementer cupio. Vale,

Vir clarissime, & me ama. *Geneva*, 1595.
a. d. IV. Kalend. Septembr. CIO IO
xcv.

EPISTOLA XXXVIII

LAMBERTO CANTERO,
THEODORI F.

EST quidem ex animo, doctissime & 1595.
jucundissime Cantere. Hæret enim adhuc, atque oculos ante meos uxorisque assidue obversatur eximia illa & verè expressa species virtutum multarum, quas in te præsentem magnam cum voluptate nostra intuebamur simul & amabamus. In primis capiebat nos singularis quædam humanitas, & morum suavitas tuorum, quorum recordatio & nunc & semper nobis jucunda. Testantur eandem nuptæ quoque literæ tuæ: quibus nihil humanius amicusve scribi poterat. Igitur quod vobis sæpe restati sumus cum hic esses, id optamus tibi esse persuasum, omnia nostra tua esse, nobisque usui venire nihil jucundius posse quàm si omnia de te quàm lætissima audiamus quàm sæpissimè. Suetonium tandem exiit, utinam bonis & addicentibus avibus: non enim parum metuo, quid istic doctissimi Critici de hoc factu nostro sint pronuntiaturi. Exemplar ad clarissimum parentem tuum misi per Commelinum, cui ipsius tradidi ἐκ χειρὸς ἡς χεῖρα. De Athenæo nunc cogitamus si Deus Opt. Max. esset facturus, sed prius in Gallias erat nobis eundum. De Lipsio, quàm fuit jucundum quod scribis! non quàm triste & molestum, ita nos ei ex animo nullo merito nostro excidisse: si esset tibi facultas appellandi hominem nostro nomine, agerem tecum obnixè, ut ipsum meis verbis salutare, & explorares, ecquid illi penitus διὰ θυμὸν ἐπιστάδην, quod si est, restor τὸν φίλιον δία & nullâ culpâ meâ, & præter expectationem omnem id mihi evenisse. Verùm desino querelarum, nam quicquid de nobis sentiat clarissimus ille vir, nunquam tamen efficiet quo minus à me ametur colaturque. Vellem hoc posses ipsi aliquâ ratione significare. Facem ejus sic expectamus, & tam avidè, ut nihil supra. Vale, optime & doctissime Adolefcens. *Geneva*,
a. d. IV. Kalend. Septemb. CIO IO
xcv.

Constitueram literas ad fratrem tuum dare, sed vix licuit istas obsignare: quæso, apud ipsum me excusa. Valet ambo, & nos amate.

EPISTOLA XXXIX.

JACOBO AUGUSTO
THUANO.

1595. **S**uetonium mitto, ecce tibi, Vir maxime, debitum non illi tantum singulari benevolentiae, quā tu me pro tua humanitate prosequeris, sed & beneficio illo quo me assecisti maximo, cum ab humanissimo Pithœo ipsius exemplar mihi impetrafti. Is liber quā utilis mihi fuerit, res docet. Multum igitur illi, plurimum tibi debeo, cujus ope & operā thesaurum illum sum nactus. Quare non dubito, quin amaturus sis fœtum hunc qualemcumque nostrum, cui concipiendo & in luminis auras producendo, tantum momenti attuleris. Et si autem improbè fecero, nedum imprudenter, si fore sperem, ut in tantis tuis occupationibus quicquam temporis lectioni eorum impendas, quæ ad illum scriptorem observata nobis, quia tamen divinum ingenium tuum harum quoque rerum cupidum esse scio, non sum veritus hoc exemplar ad te mittere, & oculis tuis hoc quicquid est operæ nostræ subijcere. Volui nempe devoti animi mei & καθυσταμένου virtutibus tuis pignus hoc tibi offerre. Nam alioqui mearum assaniarum non ita me aut amor tenet, aut latet pretium, ut illas tuo conspectu dignas judicem. Ut olim Lucilius à Persio sua poemata, ita ego, quæ scribo, à Scaligero, à Fabris, à Pithœis legi reformido: τί γὰρ ἐμὴ καὶ μακροῖς αὐλοῖς; novi oris mei modum atque ingenii: frustra aliquid dignum vestris auribus tentavero, his præsertim locis, ubi præsidia ad eam rem necessaria deficiunt nos universa. Quare superest nihil nisi ut verus verbum usurpemus, coque nos solemur, αὐτὶ τοῖς μικροῖς μικρὰ διδάσκει θεὸς. sed pecco in publica commoda, qui de re tam levi tam multa tecum. Vale igitur, Vir maxime & amplissime. *Genevæ, a. d. VIII. Id. Octob. c. 13. 15. xcv.*

EPISTOLA XL.

PETRO PITHŒO.

1595. **S**cripseram ad te hanc ipsā die, imò horā, Vir maxime, Lugdunensi viā, & simul Suetonii nostri exemplar tibi unum, alterum fratri tuo miseram: quia tamen D. de Changobert*, frater vester, hinc discedens turō se curaturum pollicebatur, ut hæc literæ ad te pervenirent, (nam de libris negabat se

* 1595
Nicolaus
Pithœus,
Petri
Francisci
& Johannis

posse) prioribus adjeci hanc velut appendicem, indicem & ipsam meam summa in te observantia. Tu ut me ames non peto: re enim expertus amorem tuum, facerem tibi injuriam si distimularem. Ne constantiam quidem amoris tui petam: à tuis moribus alienum fuerit, quem ultrò cœperis diligere, cum tui studiosissimum & semper amatissimum destituere. Illud te rogo, nostra studia velis ire adjutum, & eorum quæ habes quā plurima, quibus ornari & augeri tuo beneficio nostrā operā res literaria potest, nonnulla communices: multum nostra studia recrearis, si ad tuam amicitiam & bibliothecam instructissimam aditum mihi liberum patefeceris. Ac ne te lateat in quibus nunc studiis simus, animus est, si Deus vitam vireſque dederit, locos aliquot antiquitatis accuratè tractare: cujusmodi sunt, de Circensibus; de venatione amphitheatrali; de re vestitaria, & alii id genus: duos quidem priores affectos pridem habemus; editionem tamen duo hætenus impediunt: spes penè certa fore ut Lipsius promissa perficeret, & inopia quorundam librorum quos planè lectos prius velim: ejus generis sunt, martyrologia veterum, quæ avidissimè desiderans, nancisci hætenus nunquam quitus sim. Utinam tuā operā voto damari tandem queam. Interea Athenæum expecta: in quo ἐλθὼ καὶ πᾶς brevi eram futurus ἐάν γε ὁ θεὸς ἰθὺν. Vale, doctissime & amicissime Vir. *Genevæ, a. d. VIII. Idus Octob. c. 13. 15. xcv.*

EPISTOLA XLI.

E I D E M.

Mitto ad te Suetonium nostrum, Vir doctissime: nostrum, inquam: nam & tuus ex parte ille est, atque haut scio an non potiore & meliore: ita me tuum illud exemplar juvit, quod anno per Jacobum Bongarsium, eximiā eruditione virum, accepi: quantos, Deus bone, thesauros attulit mihi illud tuum munus! Equidem sic semper judicavi, sic statui, qui ad hoc scribendi genus sine MSS. auxilio se applicant parum cautè, ne dicam imprudenter, facere: sed in hac sententia magis magisque confirmavit me præstita in Suetonio opera. Quamobrem etsi multa nobis inter lectitandum observata in utriusque linguæ scriptoribus, constitui tamen omnia non in nonum annum, sed in æternum premere; quia universa ejusmodi ferè sunt, ut soli ingenio nostro accepta ea feram: conjecturæ,

1595. inquam; meræ & observationes veterum librorum auctoritate non suffultæ. Unde enim nobis eorum copia, in hoc terrarum angulo? Beatos illos, qui in alio velut orbe versantur; eos, dico, quibus licet esse tam beatis, ut tuâ tuique fratris instructissimis bibliothecis, atque aliis, quarum ingens isthic copia est, uti liceat. At nos qui hic vel unius veteris libri ope juvare queat, est nemo: nam N. * quidem noster, etsi vivens valensque, pridem numero hominum, certè doctorum, eximi meruit: ea est illius inhumanitas, & quod invitus dico, delirium: qui libros quos habet veteres, ut Indici gryphi aurum, aliis invidet, sibi perire sinit: sed quid ille habeat aut non, juxta scio ego cum ignarissimo. Non is animus tibi, Vir magne: qui ignoto, & quod maximi facio, non petenti ultrò optimi libri fecisti copiam. Vellem sic tuo beneficio essem usus, ut id novum provocaret. Sed si aliud tibi probare nihil possum, candidum certè animum, & gratum iri probatum tibi confido. Hoc unum in me est, quod præstabo largiter, & in quo vinci me à quoquam non patiar: nam ut præstem aliquid in literis dignum quod in arce ponatur, hoc est, lectione tuâ, non opis id nostræ. Ex animo loqui me & planè ita ut sentio, *ὅτις ἐπιμαρτυρεῖ* quem oro quæsoque, ut te fratremque tuum diu servet salvos & incolumes. Vale, Vir magne, & me amare perge. *Genevæ, a. d. viii. Id. Octob. c15 15 xcv.*

EPISTOLA XLII.

JACOBO BONGARSIO.

1595. **N**on quòd otio abundarem, sed quòd ex insperato oblata erat certa occasio, scripsi ad te hæc pauca. Primum ut me utramque epistolam tuam accepisse scires: quarum utraque, (nisi quod utraque nimis Laconica) longè fuit mihi gratissima. Gratus & libellus quem misisti. Puto te vidisse epigrammatia duo sine libri primi *Animadv.* in Suetonium inserta ejusdem argumenti: quæ ut demerem, amici auctores postea, sed serò, fuerunt; nam, inquiunt, ita præpeditur iter libro isti in Italiam & Hispaniam: & puto faciam alterâ editione: vel ut nòrint monitores mei quàm sim *ιδέω* & cereus flecti, cum aliquis mihi bonam mentem suggerit: quod eò dico, ut meas culpas mihi indicare ne graveris, certus non lusurum operam. De libris quod promittis, libens accipio, & gra-

tias habeo. Quod jubes frontem perfricare, & audenter petere quæ sint opus, agnosco summum tuum in me amorem. Sed cupiditati meæ frenum injicit exigua, quæ in me est, aut nulla potiùs gratiæ referendæ facultas. Libros sanè proximarum nundinarum nullos admodum desidero: nam præter unum aut alterum, quem spero habiturum me à nostris mercatoribus, nihil admodum reperio in catalogo, quod salivam moveat. Martyrologia ego verò nulla planè habeo, nulla adhuc vidi: si potes alicunde ea mihi exsculpere, feceris rem gratissimam: cum hoc tamen, ne cum aliquo tuo incommodo id fiat. Memini etiam in superiore catalogo legere hos indices librorum mihi incognitorum & invisorum: *Historia ab Eugippo ante annos circiter M. C. scripta &c. Augustæ Vindelicorum ad insigne pinus: item, Narratio eorum quæ acciderunt Apollonio Thyaneo, ex vetustis membranis: necnon, Clemens Alexandrinus cum commentariis Gentiani Hermeti: Joachimi Camerarii commentarius de partibus corporis humani:* horum nihil planè visum adhuc mihi. Sed facio invrecundè qui te postularis meis onerem. Vale, Vir clarissime. *Genevæ, raptim a d. viii. Iduum Octobris, c15 15 xcv.*

Hæc scripsi iter ad optimam matrem parans: si quid constituerò, faciam te ut scias: tuas exspecto. Iterum vale, Corculum meum. Pithœi liber, quem laudo, (nam id quæsisisti) is ipse est, quem tu misisti. Utinam talia subsidia à talibus viris sæpe nanciscerer. Sæpe ad utrumque fratrem scripsi; etiam Suetonium misi: verbulum tamen elicere non potui: meæ diligentiae testis D. de Changobert, qui ternas vidit meas: vidit & libros. Gestit animus, si iter esset paullo liberius, excurrere Lutetiam, & salutare illos Semones, ac statim pedem referre: nam, ut verè dicam, suspicor ea imminere, quæ iter illud *ἐνέπουν* sint præclusura: Deus meliora. Richardus Thomson scripsit ad me, nescio vigilans an somnians, hæc verba: *Lipsium plurimum in edendo Polybio sudasse; multa tamen peccasse, ut paginâ pr. &c.* quid? Lipsius ergo Polybium edidit? per omnes Musas te oro & obtestor, inquire, investiga. Idem Thomson jussit salutem tibi verbis suis ascriberem; unicè enim ab illo & amarum & observaris: scripsisset si scisset ubi hæreres. Uti video, fasciculus ille literarum, quem misi ad te per Tobiam Scultetum, ut ad Scaligerum curares perferendum, vel gradu testudineo delatus, vel potiùs periit: nam illis literis

1595. literis, & ipsum & Thomsonem monebam de recepta tandem pecunia Angli. Adjeceram & literas ad D. Busenvallium, quibus gratias illi agebam. Scribam iterum ex commodo. In Athenæo mox, si Deus dabit, eram futurus: negotium sanè molestum vel ipso argumenti genere: nam illa quam tantopere olim ambiimus πολυμάθεια, quæ nusquam uberior quàm in illo scriptore, nunc minus grata; quærit enim animus in his publicis miseriis, aliud nescio quid, in quo acquiescat. Atque utinam esset copia librorum, quam sperare hic non possum: conarer historiarum veteris ecclesiæ eam lucem asferre, quam sperare illius auctores Græci, præsertim à quolibet de grege sacro, non possunt. Sed hæc ἀπὸρρηγ.

EPISTOLA XLIII.

EIDEM.

1595. **S**Alve, amicissime Virorum, & vale. Simul enim hæc scribebam & equum ascendebam visurus optimam matrem, quæ in Delphinatu agit, fortasse & usque in intimam Occitaniam ad D. Canajum nostrum excursurus: quanquam terrent me nuntii certi de rebus novis, quæ illis in locis parantur. Non hoc dico ex vulgi rumoribus, sed quia certo scio. Venerat huc minister Monpessuli, ut me abduceret: dum ille hic agit, venit ecce ad illum tabellarius ob id ipsum publicè missus, qui nuntiat turbas & tumultus inceptos potiùs quàm imminentes. Causa est, Præfectus recens à rege impositus, contrà quàm legibus conventionis nuperæ ferebatur. Poterat iter meum frangere hic nuntius: cum præsertim in vicinia undique Hispani duo exercitus nos cingerent. Sed vicit tamen pietas, & ἀφ᾽ αὐτῶν cupiditas visendæ matris. Deus, spero, aderit: qui si me ex eo itinere saluum & incolumem esse voluerit, alacri animo ad ea edenda me statim accingam οὐδὲ δίδωμι, quæ habeo affecta paratave quàm plurima. Vale, Ocelle mi, & me ama, qui te depereo. Geneva, die lunæ, summo mane, XI. Kalend. Novemb. CIO IO XCV.

EPISTOLA XLIV.

HIERONYMO COMMELINO.

1595. **B**Revissimæ epistolæ tuæ, vel schedio potiùs, respondebo non multò liberalius. Quod meâ gratiâ fratri * commodaveris, fecisti rem gratissimam mi-

* Paulo Stephano.

hi, & magnas habeo agoque gratias: 1595. feceris εὐ εἰδὲς ἐν σε fraude tuâ, ut erat in XII. Utinam & Procopium, cujus spem fecisti, tradidisses ipsi. Nam Athenæus noster opinione meâ citius ad umbilicum, spero, perducetur: cujus quidem contextus omnis paulò post Jan. Kal. οὐν οὐκ absolvetur. Supererunt illi tot indices, non omitteendi quia necessarii: de iis ut tecum ageret frater, mandaram: mihi enim nihil unquam fuit cum indicibus, aut porrò futurum est: ἀρκῆ labor ille ἀπαλῶ, quem jam sustinui in recensendo auctore, & qui superest adhuc non minor in Animadversionibus nostris colligendis componendisque. Spondeo mihi per Dei benignitatem & clementiam, futurum opus & me & te dignum. Sed cum illi ante absolutam editionem Athenæi manum admoveere non possim, vel tacente me vides ἀδύνατον εἶναι, ut ad vernum mercatum res ad exitum perducatur. Quod igitur in Senecâ & Erymologico & Theocrito fecisti, separatim Athenæum expones unum: vel paullulum expectabis. Quid tibi animo sedeat, facies me quàm primùm ut sciam. Libellos à te non quos sperabam omnes accepi, sed istos: Heliodorum, Scaligeri in Theocritum, Pisidam, Philonem, Nonnium, Basilium Seleuciæ Episc. &c. Codini excerpta à Doufa versa: non sine admiratione mea, cur novam in Curopalatem appendicem omisisses: cur item Eunapium. Crede mihi, amicissime Commeline, quod tuos libros mihi à te mitti cupio omnes, non facio quia hic emere nolim, sed quia non possum. Nostris enim bibliopolis ita mens læva est, ut tua quæ ferè πρὸς τὴν ἀλφίτην non putant facere, advehere negligant. Fabrum excipio, qui non adeo omnino focors est. Ab eo emi quæ ille habuit tuorum. De Chrysostomo non antè habebō gratiam, quàm ad Tornæsium scripseris, ut eum mihi tradat. Hactenus inutilia mihi sunt quæ misisti: ita ille obstinato animo pernegat daturum ante mandatum tuum. Jam hæc quidem verbosa epistola est, non Laconica, ut proposueram. Est tamen quod adjiciam. Nuper cum isthic esset frater jussu patris †, expertus sum non † Henrici Stephani. esse aptos curandæ editioni Athenæi nostri, quorum fidei negotium ipse commiserat: quippe duo fuerunt juvenes, qui corrigendi laborem in se curamque susceperunt: atque alter eorum usu & peritiâ linguæ Græcæ luculenter instructus, rudis artis typographicæ, καὶ τῆς περὶ ταύτην τριβῆς fuit: alter in hac satis versatus, πρὸς τὴν ἑλληνικὰ merus

1595. *πρὸς λόγαν.* Omnis igitur humeris meis incumberet labor: cui ferendo cum propter studia, munus meum & gravissimum morbum in quem incidi, par non essem, cum etiam omnia experiunda putarem, priusquam operas dimitterem quas ægre tandem frater nactus erat, ut neque illæ dissiparentur, & ego arumnis liberarer, dum frater expectatur, tradidi ipsis Turnebi illius, ut scis, *τρισμαζίσ* quosdam libellos edendos: memor non fuisse ingratum tibi quod ante biennium simili occasione ausus eram apud Laimarium. Res est non magna: vix enim ad XIX. folia opuscula illa pervenerunt. Et tamen si quid in ea re contra tua commoda factum putarem, invenirem facile aliquam machinam, ut tibi *ἱκτὺς πημάτων* πίδα ponerem: velis ergo agnoscere pro tuis, quæ sunt edita, an non, si lubet indicabis. Est autem editus commentarius Turnebi in libros de Legibus & de Fato. Vale, & illud scito, cum hæc scribebam, fuisse me inibi, ut post dies paucos Monspelium cum familia migrarem. Satis enim hic cum * * ‡ luctati sumus. Deus fortunet hoc consilium. Non est quod verearis ossuturam Athenæo nostro hanc migrationem: proderit magis: plura de ea re scribam brevi. En epistolam Laconicam. Iterum vale. *Genevæ, a. d. VI. Id. Novemb. CIO IO XCV.*

‡ Foris.
Senatu.

EPISTOLA XLV.

JACOBO BONGARSIO.

1595. *Σ*Cripsti nuper ad Te, Bongarsi nobilissime, per nostros mercatores ad vestras nundinas proficiscentes: neque adhuc à te quicquam literarum *ἀμοιβαιδῶν* receperam. Sed differendum non putavi quo minus mitterem ad te quamprimum D. de Fresnes epistolam hisce diebus mihi redditam: rogat ille me ut cum cura & fide eam curem: & quantocius responsum tuum faciam, recipiat. Id primum in te situm: qui si scripseris & miseris, omni nitar diligentia, ut mos ei geratur. Debeo hoc illi, cui omnia debeo. Debeo tibi, qui amore in me ne illi quidem concedis. Non desinit magnus ille amicus meus serio & sæpe hortari, urgere me, exeam isto loco, veniam ad te, hoc est, Montempessulanum; ubi, etsi in præsens non usque adeo lauta offertur conditio, spes tamen certa ostenditur meliorum, &, ut ejus verbis utar, *ille futurus est infimus fortune mee gradus in Gallia, unde ad uberiores & luculentiores conditionem transitus brevi possit*

*sperari: habere me in Galliis copiam amicorum, qui me ament, qui studiis meis cupiant consultum: posse aliquam rationem inveniri quâ otium illud *τετραζῆλον*, quod tam diu sitio, otium studiorum optimum coagulum, consequar.* Addit postremo, *hic posito mihi omnem etiam spem rerum lætiorum esse præcisam.* Unde enim illa affulgeat? cui non nota & cognita nostræ Reipublicæ non paupertas, sed egestas? & tamen sunt alia quoque non pauca quæ vetent ab iis, qui hic clavum tenent, *λόγ* quicquam *ἀξίον* sperare. Non diffitebor, Bongarsi charissime, ancipiti animo in hac deliberatione sic *κλυδωνίζομαι*, ut nunquam magis. Per igitur nostram amicitiam te oro, suscipias paulisper meas partes, & quâ vales prudentiâ deliberes, statuas demum quid è re mea sit futurum. Equidem tantisper respondere superfedebam, donec literas à te accepero, sententiæ super hoc negotio tuæ indices. Hæc gratius facere nihil mihi potes. Vale, Vir nobilissime, & me ama. *Genevæ, a. d. XIX. Kalend. Januar. CIO IO XCVI.*

EPISTOLA XLVI.

JACOBO AUGUSTO THUANO.

*L*iteris tuis, Vir amplissime, quas 1595. ante sex septem menses reddidit mihi D. Bullio, & serò & raptim respondebo: quod seriùs scribam, in causâ est spes quæ me hætenus lactavit, posse me isthuc cum eodem Bullione ad vos revertente venire: nam & te id non nolle intelligebam, & ego hoc planè multos jam menses sitio, nedum cupio: verum ego quartâ me puto lunâ olim natum, cui quidem ita spissè & lentè quicquid opto evenit. Sæpiùs in longa vita hanc fatorum meorum inclementiam experiri memini: sed enim molestius evenire nihil ferè mihi recorder, quàm quod hoc consilium exitum habiturum sit nullum: mihi enim prorsus *τῶν ἀδυνάτων* ἐν ante proximam æstatem exactam iter isthuc suscipere. Quæ me impediant atque aliquot jam menses habuerint impeditissimum, narrare superfedeo; raptim enim ista & tumultuariè exaravi, fretus etiam eo non nihil, quod melius hæc coram idem ille Bullio sit tibi expositurus: ex eo intelliges, Vir amplissime, [si modò ad tuam curam ea res pertinet] migrationem nostram ex ea urbe, quæ nos hætenus fovit, in Occitaniam. Tandem enim constantiam nostram, & consilium *τοῦ ἐν ἱκτὺν τῇ πάλιν ἐγγράσκων*

1595. καὶ ἐναυθίσκων fregit Monspeliensium, ad se nos vocantium, ἐλπίδα καὶ προσδοκίαν. Quod igitur benè vertere mihi, benè illis velit Deus Opt. Max. eò lares transferre constitui: quin hæc ipsa Lugduni scripta mihi, cum eatenus pervenissem, & meos meaque omnia perduxissem. Simul illuc appulero scribam ad te, Vir amplissime, de nostris studiis plura. Vale, & me tui observantissimum amare perge. *Lugduni raptim*, XIV. Kalend. Januar. CIO IO XCVI.

EPISTOLA XLVII.

JOHANNI SARACENO.

1596. ECCE provocho te, mi Saracene, neque exspecto ut à te laceslar, & ad scribendi vices inviter. Ipse videris quâ fide & diligentia mecum paria sis facturus. Mihi quidem tuis literis gratius nihil potest poterive unquam accidere. Quanquam id opto potius, ut ad nos redeas, & honesta aliqua tibi offeratur occasio vitæ hic nobiscum degendæ. Id si, quod spero, (cupio quidem certè) eveniat, haud parvam Genevæ partem in tuo patruo viro clarissimo, in te fratreque tuo recuperasse mihi videbor. Patrem tuum valere, possum tibi ex illius literis affirmare. Casserone enim reversus duas ejus epistolas reperi, ambas eâ festinatione scriptas, ut neque ad fratrem, neque ad filios licuerit ei tum literas dare; omnes tamen plurimum salvere jubebat. Illum verò Deus Opt. Max. saluum servet atque incolumem cum omnibus suis. Equidem quantum illi debeam, nullâ verborum copiâ exprimere queam. Parum erat quod dum isthic fui, quotidie operâ ejus sum ad meam aut meorum salutem usus, nisi in absentem pergeret esse officiosus. Utinam possimus & nos hunc animum nostrum erga vos eximio aliquo officio testari! Sed erit fortasse olim aliqua occasio. Interea peto à te ut meis verbis quàm officiosissimè salutes eos, quibus me isthic innotuisse atque adeò charum esse non ignoras. D. de la Mer, vicinum tuum imprimis, & Jugum, nec non De la Grange, cui etiam offeres libellum, quem mitto tibi illi inscriptum. Salutabis & Rotanum, Vanleranum, & Fontanum, ac si quis alius est nostri amans. Vale, charissime Saracene, πατρός καὶ φίλου καὶ καὶ καὶ καὶ. *Monspeli*, pridie Kalend. Februar. CIO IO XCVI.

EPISTOLA XLVIII.

EIDEM.

NON ago tecum pluribus, amicissi- 1596. me Saracene: eram enim, cum ista scriberem, variis negotiis ἐνθὺς καὶ ἐνθὺς ὑπὸ Ἀγοσθίου occupatissimus: cum erit otii major copia, grandes ad te epistolas exarabo: tantum tibi gaudium meum indicabo, tibi que gratulabor ob illam, quam confido te esse consecutum, non Bacchi lauream, sed The- midis. Macæ proposito, Adolescens ἐνθὺς καὶ ἐνθὺς lic itur ad astra. Quod ver- sus à me exigis, puto me parum tibi notum, qui tamen debueras totum in- tus & in cute novisse. Quis dixit tibi me esse de grege eorum qui dormierunt in Parnasso? falleris, & toto quidem, quod ajunt, cælo: Adolescens olim de- lectabar interdum eo genere παιδῶν: ne nihil agerem, cum aliud non agerem: maturior hæc ætas abstulit mihi omnem ejus facultatem nescio dicam magis an voluntatem. Quid? nonne habes affi- nem (nostis quem dicam: ô misellum senem!) qui meam vicem versus satis multos quotidie evomat. Cur igitur me inani labore exerceam? ut scias quàm exaruerit in nobis omnis Μαικήρς vena, ascripsi versiculos quos inter pranden- dum heri rogatu fratris tui, cum aliud tempus non haberem, effudi: non mit- to ut edantur: sed ut scias nihil esse tibi à me expectandum in eo genere dignum quod edatur. Vale, & pa- truum tuum, virum clarissimum, salvere jube. *Genevæ*, prid. Id. Februar. CIO IO XCVI.

EPISTOLA XLIX.

JANO ANTONIO SA-
RACENO.

QUàm non capiat animus meus duas 1596. cogitationes, vide. Venit modò ad me quem miseris, ut me ad crasti- num prandium rogaret: rogavit, pro- misi: immemor aliquot prius horis Co- miti Hannoviensi idem me esse polli- citum: nempe alibi mens mea fuit: totus etiam eram inter prandendum in eo, ut filio tuo maximo natu satis- facerem, qui ternis literis versus à me petit, qui omnium minimè sum poëta. Sed amor meus adversum illum expres- sit à me istos versiculos, quos tui facio judicii:

1596.

Ἡ Νομικὴ πρὸς Ἰωάννην Σαρράκηνον
ἐν τῷ αὐτῆς σταδίου ὑπὲρ ἀρεταῖς ἀγωνιζομένην.

ὦ λῆξ παῖδες καὶ λῶξ, φέρεται φέρεται
Παιδοῖν ὡς Μάταις, πεφλημένῳ ἔχεχα

Μέταις,
Φίλας, καὶ ζήλωτας ἰὼν προγόνων κλέθ-
εῖδλον

Ἐκ δ' ἐπικρασίης σοφίης βεβλημένῳ οἷσιν
Σκληράπιδι προδίδει ἔλα γλυκύν καὶ ἐπὶ πτο
καλ' ἔς.

Βάλλ' ἄπας, καὶ κέν ἡφάθῳ Νομικῇ π γέναι
καὶ Μέταις: Μέταις Νομικῇ θ' ὅμῃ ἀμ-
Φαραπάζειν.

Νῦν δὲ πᾶν καμάτων ἀντέχων ἄρυσ' ἀμοι-
βῶ,

Μαρτυρίῳ πινυτὶ νόξ πινυτὶ τῷ ἀνδρῶν.
Ἀθλα πένων τὰς προδίδει ἀνέχοι ἐνέκ' ἐμῆς.

Si videtur esse tanti, mittes ad filium.
Genevæ, ipsis 14. Febr. C15 15 XCVI.

EPISTOLA L.

JACOBO BONGARSIO.

1596.

Binas à te simul accepi literas, sua-
vissime & φίλιστα amicorum Bon-
garfi: ego verò paria tecum faciam non
numero epistolarum, sed prolixitate:
tamen plures, sed breves & Laconicæ
scytalæ similes: ego fortasse pauciores,
sed τὴν Ἀσιατικὴν τρῶπιν ἀδελισχόμενος & be-
nè longas mitto. Quid facerem? Ut
si isthic essem nihil facerem libentius,
quàm ut totos dies tecum transigerem,
& soles conderem: ita nunc absens per
epistolas garrio tecum quàm lubentissi-
mè. Verè garrio. Nam planè quic-
quid venit in buccam, id stylus exarat.
Tuum est ἀδολισχίαν & incuriam in scri-
bendo meam facere æqui boni. Venio
ad tuas, & quidem ὁμηρικῶς ὕστερον προτί-
πον. Ain' tu, Sylburgius fuit? O factum
malè! ὁ gravem reipublicæ literariæ
jacturam! en quò spes mortalium re-
deant: nam paucis antè diebus per
Commelinum mihi significatum erat
de multis ipsius cœptis & inchoatis la-
boribus. Habent Græcarum literarum
amantes quod doleant: quanquam, ut
nunc vivitur, paucos ea cura tangit;
prorsus enim contemptæ jacent nostræ
Musæ Græcæ; &, si ita pergatur, pau-
ci adhuc anni, & vel nomen Græco-
rum auctorum interierit. Viden' subo-
lescentem istam juventutem, ut tædula
est, ut molliter & delicatè literas tra-
ctat? alii ambitione & gloriolæ cupidi-
ne ducuntur, plerique ad quæstuosas
artes properant lucripetæ frugiperdæ.
Ira vivam, amicissime Bongarfi, ut
hæc res impetum meum sæpe retardat,
moratur, & frangit: nam quibus labo-
res sudoresque nostros imputabimus?

Τὶς τῶν νῦν τὰ Μεσῶν ἄγλα μεπερχομένων χά- 1596.
ραν οἶσται; de juventute loquor, cujus

studia juvare erat animus. Verum ista
querela non erat hujus loci, neque
temporis: quanquam volui te scire
quid me lentum adeò faceret in iis pu-
blicandis, quæ sunt nobis in Græcos
auctores observata: nam tu quidem non
cessas latus fodere. Mihi verò ἐν δοίῃ
θυμῷ vel obtemperare tibi, vel calamo
& stylo longum vale dicere: nam si in
Galliam me semel abdidero, quiescam,
opinor, ab hac cura, & alias res agam,
si tamen impetrare à me hoc possum,
ut alias res agam. Noli facere, in-
quies, βεβαρβαρωμένα loca omitte. At
rursus quæ me hic incommoda pre-
mant [ubi ne spes quidem meliorum
videtur relicta] non te fugit. Quid igitur
faciam? nempe quod Deus Opt.
Max. quod amici in dies & horas sug-
gerent. Annus quidem certè necessa-
riò hic agendus, postquam senatori
nostro ita me facturum recepi. Intercà
Athenæum, Persium, & quædam alia,
si vivimus, & Deus aderit, edemus.
Polybium eodem tempore publicè ex-
plicabimus: cujus propterea separatim
edi curavimus quæ pertinent ad rem
militarem Romanam. Vires ingenii
contendemus, nobilissime Bongarfi, ut
aliquid præstemus nostris certè audito-
ribus non inutile: etsi quis noster au-
ditor erit? quis Græca tractantem cu-
rabit? opinor vel duo vel nemo. Ut
scias tamen quàm altè radices in nobis
egerit scribendi cacoëthes, finem nul-
lum faciemus tecum orandi, ut quæ
novissimis tuis pollicitus es Parisiis ad
illius scriptoris editionem præsidia, cu-
res atque communices. Hoc ita te ro-
go ut nihil possim studiosius. Addo
amplius hoc unum, quod impudenter
fortasse tibi imponam, sed imponam
tamen: ut librum Ursini, quo marmo-
ra antiqua & statuas expressit atque
imagines, mihi investiges. Dici nequit,
quanto usui mihi illa antiquitatis speci-
mina esse queant. Addes & Duillii sta-
tuæ inscriptionem seorsim editam cum
Commentario Ciacconii: puto libellum
esse editum non ita pridem à Rapha-
lengio, qui cum pollicetur in nupera
editione Sallustii: amabò, fac habeam.
Etiam illud à te peto, & quidem ob-
nixè, ut cùm Parisios ibis, magnis ibi
viris aliquot salutem à me dicas, qui-
busdam etiam Suetonii exemplaria no-
mine meo offeras, quæ tibi Chouetus
nostràs dabit mandatu meo. Ego enim
multos jam menses frustra quæro viam
eorum mittendi. Tu igitur, si grave
non est, accipies à Choueto exempla-
ria quatuor, & dabis unum Emerio
Thuano,

1596. Thuano, alterum Fabro, qui Simplicii in Epictetum copiam nobis fecit: duo reliqua duobus Pithœis. Illud à te non expecto, ut munuscula ista nostra verbis tuis ornes: satis est, si nostram vicem illa offerre digneris. Scripsissemus ipsi, ni defuisset quæ otium, quæ scribendi argumentum. Jam enim & ad Emerium virum amplissimum, & ad clarissimos Pithœos ternas literas dedimus: pervenisse nostras in ipsorum manus, tam pro comperto habemus, quam mirari solemus, nullum adhuc tulisse nos responsum. Eramus tamen scripturi nihilominus, ni pridie quàm has daremus, uxor abortum fecisset, & ex ea re gravissimè adfecta decumberet: neque alibi ista mihi scripta quàm ad spondam lecti illius accumbenti, & ipsam subinde appellanti affantique. Poteram aliquot adhuc dies scriptionem hanc differre, sed doctus multis experimentis literas quoque naufragium sæpe facere, nactus tam opportunam occasionem prætermittere nolui. Parabam plura: sed somnus urget. Vale, Vir clarissime & amicissime. *a. d. vi. Nonas Martias, CIO IO XCVI.*

Tuas ad D. à Fraxinis Tornæsio commisi. Eam tutissimam esse viam experientiâ habeo compertum. Is Lugdunum mittit ad suos, qui fideliter curare hætenus soliti, ut responsa arguant à Prælide missa.

EPISTOLA LI.

CONRADO RITTERSHUSIO.

1596. **D**ilu filui, nec filui, doctissime & amicissime Rittershusi. Silui apud te; non filui de te apud amicos, & Musarum ὁμῖος ἡμῶν θεράπων. Ego verò nominis mei prius obliviscar quàm Rittershusii: quem penitus ἐν δόλοις φερῶν inscriptum, & μελὴ ψυχῆς, καὶ εὐρυπιδν, infixum circumfero. Omnia in te me capiunt; eruditio, industria, judicium: sed nihil æquè ac similitudo, quam animadvertisse mihi videor, in tuis meisque moribus. Quamobrem ἐκ ἀδελφῶν juncta inter nos hæc amicitia est: ὡς αἰεὶ τὸν ὁμοῖον ἀρετῆς ὁρᾷς ὡς τὸν ὁμοῖον. Suetonium nostrum tantopere tibi probatum fuisse, (sic enim ais) cum vehementiam amoris in me tui cogito, non nimis miror. Scis enim quàm soleat τὸ φιλεῖν περὶ τὸ φιλέμενον τυφλοῦσθαι, & tamen gratum nihilominus fuit judicium tuum de nostra illa opella cognoscere: præsertim cum clarissimorum longèque eruditissimorum virorum, Philippi Scherbii & Scipionis Gentilis, suffra-

giis tuum hoc judicium comprobari scribas. Equidem is non sum, ἃ μὰ τὸν ἐν ἀρετῇ ὕψιστον θεόν, qui inanis gloriolæ cupidine ad scribendum impellar: sed neque cornea nobis fibra est: ut si quid nostri talibus viris placuerit, non lætemur. Quod me hortaris, ut quæ in Polybium aliosque auctores sint nobis observata, edam: currentem tu quidem: etsi sunt sanè nec pauca nec levia, quæ me interdum monent, ut his studiis serò quidem, sed seriò renuntiem. Verùm de iis agam tecum aliàs pluribus. Nunc in Athenæo eram: neque jam per nos stabit, quò minùs post dies oppidò paucos prælo liber subjiciatur. Absque hoc incepto foret, in Galliis fortasse nunc essem: unde nuper cum præsentissimis vitæ periculis Dei ope sum reversus. Oppianum tuum avidius semper in dies & horas expecto. Gratissimum verò mihi, quod naras de Gunthero, Poëta, ut tempora erant, eximio. Legi illius Ligurinum Wecheliana editionis: nec alia mihi nunc ad manum. Si esset, aut omnino haberem aliquid, quo ornari augerique tua posset editio, scias eâ fide id me tecum communicaturum, quam præstari mihi ab amico in re simili postulo. Epigrammata nostra, quæ fecisti de non pessimis fortasse Græcis Latina quàm optima*, sic mihi, sic aliis* hic placere, ut mea tuis libentissimè, velis modò, sim commutaturus. Meritò te plurimum amo, amicissime Rittershusi, qui Poëta cum sis, nostra, qui ne versificatores quidem sumus, tanti feceris. Mitto ad te quæ olim in Theocritum scripsi, & nuper rescripsi. Vale, & me ama, qui te vehementissimè. Magnis isthic viris Scherbio Gentilique plurimam à me salutem. Scripsi nuper ad Joachimum Camerarium amantissimè ab eo laceffit: puto meas fuisse illi redditas: illi quoque & Philippo, dignissimis tanto patre filiis, salutem meis verbis, si grave non est, impertieris. Vale iterum. *Genevæ, a. d. 111. Idus Martias, CIO IO XCVI.*

EPISTOLA LII.

JACOBO BONGARSIO.

TRadideram paullò antè fasciculum tibi inscriptum Rapellenſi illi viro doctissimo & honestissimo, qui liberos D. Sancii aliquando rexit: mox venit in mentem, non posse meas ad Firxium tutius cuiquam credi, quàm tibi: igitur has ad te è vestigio exaravi, ut, si grave non est, cures meas perferendas, quas his adjunxi. Tu vicissim quod-

* Versus in Joh. Casp. Bellam intellige, quos habes in Casauboniana Suetonii editione, pag. 46. & 230. Colomel.

1596. quodcumque volueris, onus humeris meis impone, bajulabo eâ fide quâ debeo, homo tam multis officiis & beneficiis tibi devinctus & obstrictus. Tuas ante profectiorem in Gallias expecto paullo uberiores. Vale, amicissime Bongarfi. Deus te Opt. Max. servet ac brevi reducem *χαίρετε σύν χαίρεσθ.* Argentinam sistat, quando prae ea, quae te tulit, placet patria. Iterum vale. *Genevæ, Idibus Martiis, CIO IO XCVI.*

EPISTOLA LIII.

DAVIDI HOESCHELIO.

1596. **C**um erit plus otii, scribam ad te pluribus, Hoescheli doctissime. Nunc occasione sese offerente pratermittere istud quasi legitimum carmen nolui, valere me, & omnia tibi felicia faustaque à Deo Opt. Max. optare. His diebus rusticatus sum cum Theocrito. Olim penè puer in eum eram aliquid muginatus. Putabam ἀνεμιαῖον illum & verè ἐλαττωμένον ingenii nostri factum in doctorum manus nunquam venturum, & me illi fore supersitem. Contrà evenit: nam summus doctorum Scaliger recudi voluit, relegi igitur, & nescio quae interpolavi. Commelinus mittet tibi exemplar unum, rogatus à me. Proximis literis puto me tibi de inchoata Athenæi editione significaturum. Quicquid potero præstabo. Id ne nimis exiguum sit in tam difficili opere nimis vercor. Et, ut verum tibi fatear, ἀρπυγὶς ἐγώ εἰμι πύλης. Sed quod mihi imprudenter intrivi, fortiter devorandum. Vale, Vir doctissime, & Vester viro clarissimo plurimam à me salutem. *Genevæ, Idibus Martiis, CIO IO XCVI.*

EPISTOLA LIV.

JOSEPHO SCALIGERO.

1596. **S**emestre hoc silentium tuum mirarer, nobilissime Scaliger, nisi conscius mihi essem, causam ei esse à me ipso præbitam. Memini enim ante menses, opinor, septem * scripsisse ad te de itinere in Gallias quod tum parabam. Eo factum suspicor, ut cum huc literas dares post paullo ad Bezam & Goulardum, nullas ad me adjiceres, quem absentem putares. Ego verò mentem tantum abfui: postea enim quàm matrem visi, quae non procul Valentia habet, è vestigio pedem retuli, nec iter institutum † ad virum amplissimum Philippum Canajum à Fraxinis perfeci.

* Pag. 48.
edit. Gra-
vii.

† Pag. 57.

Fueram ab eo non unis literis vocatus, 1596. ut quod adhuc persuadere per epistolas non potuerat, de migratione in urbem Montispeffuli, verbis coram efficeret. Mihi ea conditio multis de causis nondum satis probari potuit. Sum enim otii amantissimus: neque aliud à Deo Opt. Max. exopto, quàm ut in alta & profunda quiete quod superest vitae exigere possim, & simul charissimis pignoribus meis consulere, non ut divitias illis congeram: abest à me ὡς πρὸς πᾶσι illa cura: sed ut olim post funus nostrum sit, unde honestè & liberaliter educari possint. Tu, Vir summe, qui nostrorum Gallorum ἰδέσθαι καὶ νοῦν ἔχεις, quid suades? stabo enim libentissimè etiam in his rebus, iudicio tuo. Magnam quidem benevolentiam erga nos duabus legationibus Montispeffientes ostenderunt: conditio tamen non adeò lauta, aureorum ducentorum cum ædibus, & nescio quibus aliis rebus. Noster hic Senatus, ni deessent nervi non belli tantum, sed omnium ferè rerum, facilè illos in hac contentione superaverit: nunc in angustissimum locum redactæ sunt res hic nostræ publicæ. Cæterum scripsit ad me nuper Commelinus noster autorem te sibi fuisse, ut in Theocriti quam parabat editione veteres quasdam nugas nostras non omitteret. Næ tu oculos habes Lynceos, qui latitantem inter sentes & rubos libellum inveneris. Ea fuit causa, cur denuò eam opellam retexuerimus: sed profectò non majore otio quàm antè texueramus. Vale, *θεοκρίτου ἐμὴν ἀδελφὰ.* Deus te servet, rei literariæ culmen & columnen. *Genevæ, Idibus Mart. l. i. c. 11. q. 11.* CIO IO XCVI.

Ad hanc
respondet
Scaliger
l. i. c. 11. q. 11.

EPISTOLA LV.

FRIDERICO LINDENBROGIO.

Ternas à te literas, doctissime Lindenbrogi, accepi, cum totidem eximii & gratissimis muneribus tuis. Primis respondi pridem, tibi gratias egi pro carmine, quod primum fuit ex muneribus illis, quibus sum à te provocatus. Vinculum obligationis ejus nondum exolveram, cum ecce iterum atque iterum adstringis me novis beneficiis. Si ita pergis, non poterit, quin tui tandem sim juris & mancipii. καὶ πᾶσι. Veruntamen si offert se occasio, certabo tecum iis artibus, quibus me primum es aggressus. Igitur alia aliàs cum Deo: nunc mitto tibi, quae olim in Theocritum scripsimus, & nuper rescripsimus, tenue & levidensè prorsus

1596. prorsus munus, sed quod gratum fore spero, vel eo nomine, quia viris magnis id velut tyrocinium nostrorum studiorum non displicuisse scimus. Si de tuo consilio edendi Pauli Diaconi prius essem factus, certior, juvissem te MS. codice, quem habeo non pessimæ notæ. De Isidoro fac, amabo, opus appareat, & illas tandem Glossas publica, quarum desiderio penè contabui. Glossarii editionem parari à Vulcanio, viro doctissimo, lubens intellexi: liberatus sum curâ pridem mihi curatâ maxima ex parte. Fuit enim animus non semel, idem conari, & in ea palæstra sudatum mihi non leviter: sed nec cum Vulcanio igne congredi libet, nec ita asotus existimationis meæ sum, ut Apollinis ejus, qui Delphis relictis suum isthic tripodem collocavit, respectum non habeam: ut Junios, ut Douzas, ut alios taceam. Theodoretum locum, de quo per epistolam quæris, attigimus ad librum primum Suetonii*: sed scito quod fugit nos tum monere, ut alia multa, non primum Theodoretum ita locutum. Dio Chrysostomus: *περὶ οὐμ-*

* Ad cap.
81. Jul.
Cap.

† Orat. 11. pag. 554. edit. Casaub. *περὶ τοῦ καλεῖν [loquitur de Platone] μάλα ἐπὶ τῶν σπουδαίων αὐτὸν ἐρῶ, καὶ μύρω καὶ ἀρχαῖας, ἀφ' ὧν καὶ αἱ ἀλλὰ τὰ τοιαῦτα αἱ γυναῖκες ἐπὶ τῶν χειρῶν ποιῶσιν.* De loco Suetonii è Claudio cap. xxxiii. viderimus alibi. Tertullianus in Apo-

† Cap. 13. logetico † cū scribit: *nam & aruspex mortuis apparet*: tangit veterem aliquem ritum circa mortuorum solemnia, quem ut obirent & exsequerentur aruspices, moris erat: id quale sit, alibi non meminimus *Ἀρρητὸν* expressum. Arnobii locus uterque, de quo me consulisti, manifesto corruptus est, nec prius explicari potest, aut debet, quàm emendari. Nihil nunc succurrit, quo me reque expediam. Tu, quem solis .i. nostri radii propius tangunt, cur aliundè lucem quæsis? illum adi, sodes: posterioris sanè Arnobiani loci mens non est obscura. Habes *πρὸς τὴν οὐρανὸν ἀποκρίσεις* non *δοκίμους*, sed *συναποκρίσεις* meas. Vale, Friderice eruditissime. *Genevæ, Idibus Mart. c10 10 xcvi.*

† Jof.
Scaliger.

EPISTOLA LVI.

JOSEPHO SCALIGERO.

1596. **N**Udius quintus cū ad te scriberem, Vir illustrissime, & animum variis curis *ἐν τῇ κατὰ τὴν ἀρετὴν ἀσχολίᾳ* habebam, duo prætermisi, de quibus vel maximè institueram tecum agere. Alterum fuit, ut gratias tibi agerem maximas, quod ad propositas tibi à me è Suetonio dubitationes respondere non

insuper habueris; sed novissimis tuis 1596. abundè mihi satisfeceris: quæ etsi seriùs ad me sunt perlata, quàm ut beneficio tuo possem in hac editione, quæ jam ad umbilicum erat perducta, uri: constabit tamen nihilominus tibi operæ tuæ fructus. Alterum erat, ut novum à te beneficium, si pateris, extorquerem. Cupio enim (& cupio sic, ut nihil unquam vehementius) mecum à te communicari, quæ haud dubiè in Athenæo *ὁδῷ πύργου* olim observasti. Hoc mihi te non esse denegaturum, quæ tua est humanitas & amor in me singularis, spero equidem atque adeò confido. Cæterum qui has tibi tradet, per est honestus adolescens, bono genere prognatus. Is cū isthuc se conferre studiorum causâ cogitaret, per me voluit tibi innotescere. Quare rogo te etiam atque etiam, ut tuâ illam benevolentiam, vel meo nomine digneris. Vale, & vive diu quàm felicissimè *ἀμφοτέρων τῇ ψυχῇ καὶ τῷ σώματι ἰσχυμένῳ*. *Genevæ, a. d. xlii. Kalend. April. c10 10 xcvi.*

EPISTOLA LVII.

JACOBO AUGUSTO THUANO.

MUltis nominibus jucundissimæ tuæ 1596. mihi literæ, Præses amplissime, fuerunt; sed hoc amplius, te pro tua singulari humanitate nos & studia nostra curâ tuâ dignari: nam quod tam benevolè me hortaris, ut bimestrem peregrinationem isthuc suscipiam, quanto id cessurum sit studiorum meorum commodo ac bono, non me fugit. Maximas igitur tibi eo nomine gratias & habeo & ago, teque obnixè oro, ut eadem benevolentiam me semper amplecti velis: non contuleris beneficium in pertusum animo neque immemorem: etsi quid ego possum tibi *ἀντίστοιχον ἀποδιδόναι*? sed tu cupientis paria tecum facere voluntatem spectabis, non facultatem. Utar verò beneficio tuo, Vir maxime, & tam bonam proficiendi occasionem ambabus, ut ajunt, manibus arripiam: etenim diu est, cū ego *φιλομαθείας οὕτω πεπληγμένῳ* Luteriam vestram visendi cupiditate totus ardeo: quod quia hætenus factum non est, mirari nemo debet hujus tantæ infelicitatis impressas notas in nostris scriptis ubique apparere: nam quid *λόγου ἔστιν* ab homine expectes omnibus subsidiis destituto, quæ in hoc literarum genere vel maximis ingeniis sunt necessaria, nedum mihi. Equidem si quando isthuc venero, nullus dubito idem mihi

E

ufuven-

1596. ussumenturum quod rusticis aut rure educatis solet, cum in urbem primum veniunt; omnia mihi vestra illa *καμάρια* nova erunt; imò ego, puto, *ξυβή* vel planè hospes in cognitione antiquitatis vobis videbor. Sedet tamen, si qua proximà æstate commoda offeretur occasio, eam non prætermittere: constitui enim, priusquam Athenæi editioni jamjam inchoandæ me accingo, voti hujusce mei me facere *ὅν τι θεῶν* compotem. Suetonium nostrum vidisse te, nec improbasse, ita vivam, ut libenter ex tuis didici: at illud molestum, nullam adhuc esse me nactum facultatem mittendi isthuc exemplaris pridem tibi destinati: tentavi multas vias: frustra: tandem cum doctissimo Bongarsio ad vos redeunte per literas egi, ut tibi mihi hanc operam navet, &, spero, faciet. Cupio sanè existare hoc in Musæo tuo meæ adversum te observantiæ testimonium: tantisper dum Musis bene juvantibus aliud luculentius paro. Vale, Præles amplissime, & me ama. *Genevæ, a. d. 1x. Kalend. April. c15 15 XCVI.*

EPISTOLA LVIII.

JACOBO BONGARSIO.

1596. **A**ccepi nunc ipsas quas Paulo Stephano meo dederas: & simul cum iis fasciculum librorum aliquot. Literis tuis, hisce meis respondebo. Pro libris quid possum aliud, nisi gratias tibi agere & habere multò maximas? Ego verò id facio: & ex animo quidem prorsusque medullitùs. En erit unquam ille dies, cum ego luculento aliquo testimonio meum in te amorem summum testatum tibi facere, atque adeò omnibus potero. Tuus certè sum, ære tuo tibi quæsitus, partus, mancipatus. Sed quid ad te redibit inde boni aut commodi? nempe, ut quæ in me singulis prope diebus confers beneficia, malè ea collocata ne putes, quippe in rem tuam: quæ ut indies augeat, crescat, melior fiat, tua interest non parum. O si mihi unus item & alter amicus! forem brevi ad illa, quæ paro, instructior & paratior. Sed quò rarior in terris avis est amicus perfectus, & qui tanti nominis mensuram impleat; eò pluris tua mihi facienda meritò, Bongarsii charissime, amicitia. Accepi igitur & Nicephorum pridem: & hisce proximis nundinis quicquid per varios tabellarios librorum & literarum misisti: quorum omnium gratiâ, grates tibi quas maximas potui binis literis egi: alteras P. Sabaterio Lutetiam misi, quo-

niam te illuc brevi putabam profectum. 1596. rum; alteras Melchioris Junii, discretissimi viri, filius, qui hic est, promisit se traditurum homini certæ fidei. Mitto ternas quas proximo mercatu dedi: quarum primas puto periisse, quibus adjectum nescio quid fuerat nostrarum in Theocritum nugarum: simul epistola ad Rittershusium, & libelli ejusdem exemplar unum. De Notis ad de Pallio judicium meum liberè scripsi proximà epistolâ. Quod nostras petis Notas, obsecro te, seriò loqueris, an per jocum? hoc potiùs putem: tamen quasi aliter res habeat, & ex animi sententia id me roges, morem geram voluntati tuæ. Igitur ternas expecta cis dies paucissimos: unas de Polybio, alteras de eo libello Tertulliani, tertias de Aristæneto. Viden' ut otio tuo abuti parem? Deus te servet, Vir amicissime. *Genevæ, raptim a. d. 111. Non. Majas, c15 15 XCVI.*

Celaſti me versionis Aristæneticæ autorem, & in incerta conjecturarum me coniecisti. Puto autem Josiam Mercurum esse, non alium, qui id stadium adeò feliciter decucurrit. Quisquis sit, in partem amicitiae illius venire tecum vehementissimè cupio.

EPISTOLA LIX.

CONRADO RITTERSHUSIO.

Binas post meum è Galliis reditum à 1596. te accepi: prioribus respondi nuper, & literas ad Bongarsium virum clarissimum misi, & simul nostrarum nescio quid in Theocritum nugarum: posteriores reddidit mihi Amandus Polanus vir eruditissimus. In Gunthero esse te intellexi iterum lubens: scripsi quid de eo proximè, quæ nunc, ut repetam, non est operæ. Conjectura utraque tua, quam mihi indicasti, judicio meo recta est: & næ ego plurimum tibi debeo, qui cum hætenus rerum cassas literas semper à me acceperis, luculentas ipsè mittere non cessas, ex quarum lectione doctior fiam: negare non potes, quin jure in te vetus dictum expectat, *χρῆστα χαλκίαν*; verumtamen neque ego propterea Diomedes, neque tu Glaucus. Memini grandem aliquam epistolam minatum me tibi aliquando: nondum periculum effugisti: noli adhuc Æsculapio gallum: ubi primum occasio offeretur commoda, senties memorem. Hæc scribebam occupatissimus, solum ut scires tuis literis nihil quicquam posse mihi accidere jucundius. Vale, doctissime Rittershusi, & pluri-

1596. plurimam à me salutem viris clarissimis, à quibus nos isthic amari, & quos à nobis coli non ignoras. Iterum vale. *Genevæ*, III. Non. Majas, CIO IO XCVI.

EPISTOLA LX.

PHILIPPO CANAIO A' FRAXINIS.

1596. **O** Εὐαγγέλιον de reditu τῆς ὁδῆς σουζύγας τῆς πολυτάτης! expectabam avidus & μετῴρων cum nuncium: præsertim ex quo intellexeram peregrinari illam non solum ἐν γαστρὶ ἔχουσιν, sed planè ἐπίπικα ἔχουσιν, καὶ Ἡρόδοτον. Magna igitur Deo Opt. Max. laus, magnæ grates, qui & illam, & te cum illa per tot pericula rerum servavit. Confido etiam cumulatū esse jam beneficio alio non minori prius istud sanè magnum & luculentum. Spero enim te priusquam has legas, novā prole auctum ὑποκηρύσσας τῆς τριποδότης ὁδῆς δεσποίνης. Ita esto, ὁ magne rerum omnium arbiter: & hujus quoque voti damnas esto, Præses integerrime: non gaudebis solus tua gaudia: & nos illa tangunt, qui semper ἐξ ἄλλος μὲν ψυχῆς καὶ χαίρειν συγχαίρουσιν καὶ λυπεμένοι συλλυπεμένοι. Hæc lex æterna veræ amicitiae: idem velle, idem gaudere, dolere idem. Igitur ut ego ex literis tuis factus sum lætior, ita te ex meis tristiores fieri oportet: magnum enim cepi nuper dolorem ex obitu viri clarissimi & doctissimi Alberii * nostri. Is, si nescis, Divione ante mensem circiter hominem exiit. Beatum illum qui patriam sic affectam, ut spes salutis sit prope nulla, maturè reliquit; mutans aliā meliore & semper quidem optanda, cæterum nunc maximè expetenda. Me verò angit illud maximè, talem tantumque virum ita multas frustra vigilias vigilasse, tot incassum sudores sudasse: nec literis, quod poterant eximiè, quicquam unquam ejus labores profuturos. Nam ut alia omittam, Hippocratem certè & Aristotelem, ejus industriā illustratos, non videbimus. Schedæ ejus & in eo genere scripta, si quā possum ratione, efficere conabor, ut tibi servantur, agamque de ea re cum illa, quam tuis literis indicasti, studiosissimè. Res nostræ suo & solito loco sunt, nisi quod diem illum avidissimè præstolamur, qui nos junget invicem. Quare persuasissimum sit tibi edito Athenæo advolaturum me statim isthuc σύν γὰρ τῷ θεῷ. Quod Montem Pessulum te meā gratiā venturum affirmas, tribui mihi à te amplius sentio quàm vel pudor meus ferre, vel

* Est hic Claudius Alberius, ejus exstant Orationes de Anima Immortalitate, Resurrectione Mortuorum, de Charitate, & Terra motu.

lingua possit eloqui. Tu ut ad me venias? Ignosce mihi, ipsam rerum naturam commutas. Quis enim ego sum? unus nempe illorum hominum, quos sapientissimus Imperator vulgò haberi ait ζῶα ὅν πάντες καὶ ἀχλὺς. Tu autem quis? sed nolo tibi esse molestus. Veniam igitur ipse potius ad te, Vir maxime, neque mihi unquam longa via erit, quæ ducet me πρὸς τὸ ἔπαινον τῆς ἐμῆς ψυχῆς ἡμῶν. Omnino si quem exitum habere debet pridem institutum negotium, conveniamus prius necesse est: multa enim sunt quæ malim tecum præsens quàm per epistolas. Scito tantum alta esse quæ cogitamus, ardua, & magna. Deus ille, ille μέγας ἐν ἑρανθῇ θεός, favcat conatibus, & cœptis benedicat: prodesse posteris, gloriam & ὑψίστην promovere, hæc omnis mea cura, omnis amor. Sed enim quid nos sumus? iterum dico εὐδαίμονες planè, imo τὸ μηδέν; & quod maximum ἀνάξιος & ἱκανωθῆναι ἀπ' αὐτοῦ. Verum ista coram. Nunc quid sit futurum, & quam τροπὴν τῶν πραγμάτων Iccius portus, adeò turpiter amissus, sit allaturus, velim ex te scire: quatefecit & concussit animum meum magnitudo ejus casus. Nisi igitur aliter ipse sentis, tibi huc, non nobis isthuc est cogitandum. Tuas expectabo impatientissimè. Vale, Præses amplissime, & scriptionem ἐσχιδασμένῳ boni consule. Ego & uxor pro tua & nobilissimæ conjugis, suavissimorumque pignorum salute, & παυτοδαπί felicitate Deum precibus fatigare & Μεγαλαπρόσδον. Vale iterum. *Genevæ*, a. d. III. Non. Majas, CIO IO XCVI.

Iterum dico tibi, tuarum expectatio me cruciat; magnum enim est quod accedit: καὶ ἔρχεται κύριος, ὁ γὰρ εἰς αὐτὸν.

EPISTOLA LXI.

E I D E M.

ECquid tantum tibi abs re tua otii erit, Canai amplissime, nostrum decus, ut tot literis legendis vaces, quot ego ad te scribo? puto enim me paucis his mensibus, qui à reditu meo fluxerunt, vicenas & eo plures tibi misisse. Ego verò, ut omnes meas legas non postulo: satis mihi satis erit superque, si quod spero, benigno semper vultu à te excipiantur: fuerit hoc ipsum grande satis tui adversum me amoris testimonium. Ipse quod nullum scribendi ad te finem faciam, multiplex causa est: vel quia esse hoc aliquod officii genus vulgò creditur, quod equidem sine piaculo deferere posse

1596. haut putem : vel quia in ista omnium rerum perturbatione tu unus es meus amor, mea cura, in quo animus meo-
 rore prope confectus acquiescat : tu unus es quem affari, quem appellare, quocum garrere, pro levamento om-
 nium mearum arumnarum soleam : tu unus denique imis animi nostri medul-
 lis inscriptus, impressus, infixus, quem dies noctesque ore & circumferam, at-
 que in oculis gestem. Qui igitur tibi sic junctus hæream, miraris si garruli-
 tate meâ sim interdum submolestus? Quid fieret, inquires, si propius abesse-
 mus? Quid, si unâ essemus? denique subit aliquando vereri, ne hic merus ab eo quod institueras, te avertat. At ego interea amore tui & desiderio mar-
 cescam, tabescam, liquecam. Quàm vellem quod inceperas, vel aliter ceci-
 disset, vel tibi in animum venisset nun-
 quam : mihi enim illud tantum ex eo contigit, ut quò propius à fruendi spe affui, eò nunc tuo conspectu tuâque
ομιλία impatientius caream. Sed si Athenæus fuerit semel ad umbilicum perductus, faxo *σὺ τῷ παιδείῳ* *Θεῷ*, quàm hæc verè loquar, re cognoscas ipsâ. Vale & salve, Vir maxime, & tecum nobilissima uxor tua cum omni-
 bus tuis. Deus vos server. *Genevæ, prid. Id. Majas, CIO IO XCVI.*

EPISTOLA LXII.

JACOBO BONGARSIO.

1596. **S**I novissimas accepisti meas, Viro-
 rum optime & amicissime, non du-
 bito quin hanc brevitatem sis accusatu-
 rus, meque vel oblivionis, vel incon-
 stantiæ incusaturus : memini enim pol-
 liceri me tibi iis literis quas statim exa-
 ravi ad te, illis pellectis quas Paulus Stephanus adtulit, tres epistolas brevi
 tempore scribendas, unam de Poly-
 bio, alteram de Tertulliano de Pallio, tertiam de Aristæneto. Ubi igitur illæ
 sint, inquires. Ego verò oblivione, uti vides, hic non pecco : sed curis obru-
 tus molestis, & tempore destitutus spem tuam destituo : non facturus si
 plusculum otii essem nactus. Igitur ubi primum respiraro, èque negotiis il-
 lis me expediero, quibuscum nunc lu-
 ctabar, præstabo me promissi memo-
 rem : nisi tamen tu gratiam prius feceris
 scriptionis ejusmodi, & ea me su-
 perfedere volueris. Id quidem esset
 melius : sed ego quî possum aliter ob-
 strictissimum & gratissimum tibi testa-
 tum animum facere? mihi verò ardet
 pectus cupiditate, quâ flagro dies no-
 ctesque, declarandæ meæ adversum te

ἀρρήτῃ & ἀφάρτῃ φιλίᾳ. Ita meritis es, 1596.
 amicissime Bongarsii. Vale : neque enim
 plura nunc poteram. Scito autem qua-
 ternas jam misisse me ad te literas post
 nuperas Francofurtenses nundinas.
 Item illud, accepisse me quicquid li-
 brorum misisti : quorum omnium no-
 mine ago tibi habeoque multò magis
 gratias quas possum maximas. Iterum
 vale. *Pridie Idus Majas, CIO IO XCVI.*

Fasciculum Condolo traditum acce-
 pi, & tuas ad D. à Fraxinis curavi.
 Quod superest, Patritii Senensis velim
 sit tibi curæ : ut possim integro benefi-
 cio tuo perfrui : utinam & quæ Chou-
 lus quidam scripsit, haberem. Stepha-
 nus antiquum servat.

EPISTOLA LXIII.

JANO GUILIELMO
STUCKIO.

Literas tuas IV. Idus Majas datas ac-1596.
 cepi hodie, Vir doctissime & ami-
 cissime, quæ mihi eò gratiores quò
 longiores erant. Ipse ne redhostirem te
τῷ αὐτῷ μέτρῳ, non occupationes, quas
 causari solemus ; sed valetudo parum
 adhuc firma, faciet. Scribebam enim
 ista tibi vix dum satis recreatus è gra-
 vissimo morbo, qui superioribus die-
 bus velut turbo quidam in me derepen-
 tē incubuit, & *τῷ τῶν μακάρων χάριτι ἐλ-
 γῃ* *δὲν* nos admovit. Quid multa? ma-
 gnâ enim animi voluptate illam beatif-
 simam beatitatem videor mihi digustasse,
 quæ nos manet post hæc tot tan-
 tasque procellas & omne genus ærum-
 nas. Quod superstitem adhuc me Deus
 Opt. Max. esse voluerit, & ipse habeo
 maximas agoque illi gratias : & te quo-
 que habiturum pro nostra amicitia con-
 fido. Mihi tam diu vita erit vitalis &
 jucunda, quàm diu conferre aliquid
 ad divini Numinis gloriam labores no-
 stros posse spes erit. Vita ignava &
 otiosa nec placita unquam nobis : &
 ne aliquando vel necessitas, vel volun-
 tas adveniat, serio deprecor. Quos
 mihi commendasti nullus vidi : si se
 obrulerint, & erit occasio, sentient tui
 amantissimum. Amandus Polanus te
 plurimum *ἀνταρᾶται* : reliquos non-
 dum vidimus. Vale. *Genevæ, a. d.*
VIII. Kalend. Junias, CIO IO XCVI.

EPISTOLA LXIV.

PHILIPPO CANAIO A
FRAXINIS.

1596. **R**Evocatus ex ipso prope μακάρων χώ-
ρῳ, quò morbus me detulerat, hæc ad te scribo, Præses amplissime. Statues ipse gratularine mihi debeas, quòd ex violentissimo morbo tam facile emerferim: an vicem meam dolere; quòd exoptatissimum portum tam prope accesserim, nec tenuerim illum tamen: me si unum spectes, dolebis, scio, cum dolente: meam & meos si intueare, non noles ita potius accidisse, & Deo Opt. Max. mecum, imò cum aliis quàm plurimis gratias reddes & laudes. Det verò ille mihi pro sua infinita clementia, ut quod super volet esse vitæ, totum ad nominis ipsius gloriam pro virili augendam, pio sanctoque animo à me conferatur. Ut diu vivam, non id est votorum meorum summum: ut bene vivam, id verò toto pectoris affectu opto, aveo, voveo. Spero equidem, si cœptis Deus aspirarit ἱκετὸν ἔρον, fore olim ut meorum laborum neque patria, neque Ecclesia fructu careant. Sed hæc coram ut spero brevi, quamquam vota mea non parum moratur Athenæi, quam suscepi σὺν θεῷ, editio. Tunc de Monspelienſi negotio affatim agemus: quòd equidem quem habere exitum queat nescio. Scis enim in quibus studiis simus, aut esse potius velimus ἡ λοιπὴ ἔλοι καὶ πάντες. Scripsit ad me & Nemaufensis civitas, operam meam in restauranda Academia sua exposcens: respondi ut nuper Monspelienſibus faciendum præscribebas: illac nempe iter me brevi facturum dum ad te propero. Atque hæc quidem ita habent: cætera Deo curæ erunt, & ut sint precor. Eundem oro venerorque supplex, servet te, tuam & tuas ac tua αἰς πολλῶν ἐπὶ δακάδας. Hoc fac, Deus magne, per Jesum Christum, qui est vera Salus, & à quo omnis salus. Vale. *Genevæ, a. d. III. Kalend. Junias, CIO IO XCVI.*

EPISTOLA LXV.

JACOBO BONGARSIO.

1596. **I**Tane etiam isthuc de morbo meo fama pervenit? etiam vos ea cura sollicitos habuit? Illa quidem vana certè non fuit. Nam repente ceu turbo aliquis in me incubuerat, vis morbi sanè ἀτλήτης καὶ ἀφίρτης, nisi Deus & Medici brevi succurrissent. Ei valetudini cho-

leræ nomen est apud Medicos: ut mirer 1596. illi me, hominem ab ira alienum & felle, adeò fuisse obnoxium: quòd enim scribit Celsus, * non esse mirandum si primo impetu æger tollatur violentiâ morbi, id mihi ολίγη δὲ evenit. Quòd aliter acciderit, Deo gratiæ, Deo laus & honor. Tibi quoque, Vir amicissime, pro ista sollicitudine tua, cujus index epistola fuit quam modò accepi, gratias ago & habeo quàm maximas. Equidem prostratus ita ἀθρόως omnibus viribus, magnam spem animo concep-ram missionis honestæ ab hac statione, in qua summus omnium rerum arbiter nos collocavit. Quoniam verò ad metam nondum pervenimus, neque adhuc stadium decucurrimus, fortiter ἐν τῇ ἀγῶνι pergam, & quæ pridem orsi sumus, Deo adjuvante, ad aliquem finem perducere conabimur. Enimverò jam prope illud tempus est, quo missionem meriti esse videamur, qui, ut cætera taceam, tot jam annos sub matrimonii egimus jugo, quòd tu necdum subiisti. Quid vis tibi? quando legi naturæ parebis, & ἀντὶ βροτῶν βροτὴν δόσεις? Verus Poëta dixit: δάκτυλῳ ἡμέρα: verius dixerim ego, δάκτυλῳ ἅπας ὁ τῆς ἀνθρωπίνης ζωτῆς χρόνος. Bene igitur factum, quòd tandem hac de re statuiſti, & diu tractum negotium perficere decreviſti: quo nomine simul utrique toto pectoris affectu gratulor, & ut ea res tibi tuæque non jam speratæ, sed pactæ & sponsæ, bene eveniat, supplex Deum Opt. Max. oro quæsoque. De Polybio, dic obsecro, vigilans an somnians, illa scripsiſti? Næ omnes me Musæ amabunt, si seriò, non per jocum vel tu, vel Pithœus sponderitis. Age igitur, effice, amabò, opus ap̄pareat, & prius quàm re confecta delinere noli: languentem recrearis, jacentem excitaris, cunctanti stimulum admoveris: omnem denique, fateor, antiam excusationum præcederis, si librum illum, cujus spem facis, in manus mihi tradideris. Scribam etiam ad clarissimum Pithœum, simul erit otium & tabellarii copia. Interea lubet quòd nuper sum pollicitus, specimen aliquod nostrarum in eum scriptorem observationum tibi exhibere. Longè enim opinione meâ falluntur, qui putant vel Urſinum, vel Lipsium sic expolisse præstantissimum illum auctorem, ut neminis opera sit amplius necessaria. Prior ille quàm leviter eâ curâ sit defunctus, nosti tu, Vir eruditissime: posterior neque totius operis illustrationem instituit, & in illa ipsa parte, quam tantâ curâ tractaverit, quæso te, an semper ἐντοχία litavit? mihi quidem

1596. non videtur: sed statues tu melius, cuius est, si ullius, hodie istarum rerum propria cognitio. Ego miratus sum saepe potuisse excidere Lipsio, tractatum quem suscepit explicandum, è Polybii alio opere, non è sexta historia, esse promptum: nam cur non habebitur ipsi auctori potius fides, qui tribus locis id disertè testatur? At hoc leve, inquires: imò gravissimum: leviter enim in Polybii versione oportet esse versatum, qui non animadverterit prudentissimum illius consilium & scopum, cuius gratiâ in historia sua de Romana Militia tantâ diligentia tractaverit. Nolem etiam dissimulatam ab eodem difficultatem, quæ in ipso principio occurrit. Ait scilicet Polybius, stipendia legitima peditum fuisse olim vicena, sive annorum viginti: sin gravius aliquid accideret, annorum viginti esse stipendia peditum. Quis ferat ita delirantem? neque enim delirare quid sit scio, si hoc non est. Atqui verba illius sunt ex interpretatione Lipsii: *pedites vicena stipendia explere oportet necessario in annis XLVI.* Paulo post: *Quod si quando res & circumstantes necessitas eo adigunt, debent pedites facere annua vicena stipendia.* Nos qui istud tam subtile non quimus capere, duas rationes explicandi æstus nostri excogitavimus: putamus enim alterutro loco mendum esse in numero, & legendum vel sic: τὰς δὲ πεζὰς ἔκαστοι δὲ στρατίας πλεῖν καὶ ἀνάγκη ἐν πέντε τετρακύντα καὶ ἑξ ἔσονται ἀπο γυναικῶν. Statim post: εἰάν δὲ πρὸς καμπύλῃ τῇ τῆς πεζιστάδας, ἐφείλχον οἱ πεζοὶ στρατεύειν ἕκαστοι πέντε στρατίας ἐνιαυσίας. vel sic: τὰς δὲ πεζὰς ἑξ καὶ δεκά τρ. Mox: ἐφείλχον οἱ πεζοὶ τρ. ἕκαστοι στρατίας ἐνιαυσίας. Prioris lectionis sententia est, fuisse in vetere Republica Romana ordinaria quidem legitima stipendia annorum XVI. extra ordinem verò propter necessitates Reipublicæ, interdum & XX. Hanc lectionem cum alia confirmant, tum quidam è primo Annalium Taciti * locus: narratur ibi, milites tumultuantes post Augusti obitum inter alia hoc quoque flagitasse, ut stipendia redigerentur ad annos XVI. pro XX. Etsi autem non dicit Tacitus, cum quondam fuisse modum legitimorum stipendiorum: est tamen verisimile veterem legem reposuisse istos, & juris antiqui atque obsoleti mantelum suæ seditioni prætexuisse. Non te fugit, hunc perpetuum esse seditionum hominum morem. Posterioris lectionis occasionem nobis præbuit Servius †, qui plenæ militiæ fines annis XXV. terminat, ut videatur non absurdè conjici inde posse ordinaria stipendia fuisse anno-

rum XX. in majoribus Reipublicæ Augustiis XXV. Sed non est novum numeros esse depravatos, cum & Galenus ‡ saepe de ea re queratur, & ne † De An. longè abeam, paulò post aliud in Polybii verbis non dissimile mendum, quo loco scriptum est in equitum delectu explicando: τὰς ἰππικὰς ἐὼς θύσαν δικομίζον ἐπὶ ταῖς τετρακύντα ἡμέραις. Legendum enim ἀμφοτέρωθεν. Autor ipse Polybius, cuius sunt in tertia historia hæc verba: τὸ δὲ στρατόπεδον πεζὰς μὲν λαμβάνει πέντε τετρακύντα, ἰππικὰς δὲ ἀμφοτέρωθεν. neque dubium eam esse Polybii mentem, ut mirer Lipsium dissimulasse hæc verba in versione prorsus catè. Sed sunt & alia pertinentia ad equites Romanos, quæ novâ luce opus habent: mihi enim adhuc nondum licuit videre ullius eruditi explicationem verborum Plinii è lib. XXXIII. cap. II. quibus affirmat, *Ciceronis temporibus, atque adeò per Ciceronem maximè natum esse Reipublicæ tertium illud corpus*; qua de re cum erit plus otii, agam tecum pluribus: nam nunc quidem satis, opinor, muginati sumus, ac patientiâ tuâ abusi, & alioqui eramus nunc maximè occupati: erant enim literæ in Galliam scribendæ necessariò. Adde quod hodie primum folium incipit edi Athenæi nostri, quod velit Deus esse felix & faustum. Non facile credas, quantum laboris improbissimi in eo negotio mihi sit exanclandum. Ea editio morabitur profectio-nem meam in Gallias, cum absque ea esset vehementissimè cuperem Lutetiam excurrere. O si te comite, imò duce, id possem! vel hoc me stimulare satis posset, ut tibi, omnibus rebus omissis, ad indictum locum & diem occurrerem. Verùm hæc εὐχῆς πύξ, neque enim tam felici fato natus sum. Literas ad te meas, quas Junio Juniori traderam, valde suspicor periisse, & iniquè fero: nolim enim temerè in aliorum manus venire quæ tecum garrigo; semper quidem ἐσχιδιασμένως, ceterùm saepe etiam ἀπεισικίπτως sed persuasus sum in te vetus dictum expetere, ὃ φίλον ἀλλοτρίον ἐγώ. Cum hæc maximè scriberem, rogatus ab uxore sum, ut suis verbis te & nobilissimam tuam sponsam officiosissimè salutarem. Intellexisse enim ajebat literis D. Fequieres ad uxorem suam, D. de Chalonges pridem itineri se accinxisse, ut quoniam tibi pedem efferre è Germania non liceret, filiam suam ad te deduceret: quod si est, spero te priusquam has legas, dulcissimum illud jugum, quod tam diu detrectasti, subiisse. Deus Opt. Max. cœpta tua omnia, atque istud quidem maximè, fortunet. Vale, virorum

ami.

* Cap. 17.

† Ad Virgil. Æn. lib. II. v. 157.

1596. amicissime, Bongarsi eruditissime. *Genevæ, a. d. XIV. Kalend. Jul. CIO IO XCVI.*

Non dissimulo apud te gaudium meum, cum ex tuis literis intellexi divinasse me, quis fuisset interpres Aristaneti. Macie tali amico, & in hoc amore patere me rivalem fodes. De Aristaneto & Tertulliani de Pallio, maximè; nam & publicè exponere eum libellum statui οὐν θεῶ. Quas misisti D. de Fresnes inscriptas, eas curavi omnes, proximis exceptis, quæ penes me sunt adhuc, sed non diu hæsuræ.

EPISTOLA LXVI.

JANO DOUSÆ F.

1596. **I**N summis occupationibus meis, Vir doctissime, pauca hæc ad te exaravi verè raptim & ἐσχιδασμένως sed qui scirem fratrem tuum literas ad te dare, facere non potui, quin significarem tibi dolorem illum insanum magnum, & prope dixerim ἀφελόν καὶ ἀτλήον, quem mihi bonus ille senex imposuit, per quem factum audio, ne tu ad nos superiore hyeme venires. Crede mihi, charissime Doufa; crede, inquam, jurato, haut temerè molestius quicquam mihi evenisse longo jam tempore. Sperabam fratris saltem tui, adolescentis εὐφροσύνης, præsentia effectum iri, ut tui desiderium lenius & patientius ferrem: contrarium planè usuvenisse video: nam ex quo probissima illius perspecta & cognita indoles, cupiditate tui videndi ac propius noscendi μάλλον καὶ μάλλον flagrare cœpi. Tu si pari οἷσιν βεβλημένος fuisses, nunquam factum esset, ut cum accessisses tam prope, pedem insalutatis nobis referres. Atqui æquum erat ἴσα ζυγῶ amaremus invicem. Sed video paratam tibi excusationem, cum ab iis sis revocatus, contra quorum voluntatem vel manum à te verti ipse quoque grande putarem nefas. Tuus sanè adversum me amor satis mihi vel ex iis literis cognitus est, quas nuper amantissimè scriptas misisti: plura ad illas tibi, cum plus erit otii, referibam. Nunc illud ὁδὸν πάρεργον scito, in editione Athenæi esse me occupatissimum: ea hoc ipso die ἀγαθὴ τύχη inchoata est: si eà curā me semel expediero, meliora fortasse σὺν θεῷ parabimus, & inchoabimus majus opus. Simul alia multa detexere conabimur, quæ pridem sumus orsi: verum hæc οἷόν ἐν γένεσι κείνη. Vale, amicissime & charissime Doufa. *Genevæ, a. d. XIV. Kalend. Jul. CIO IO XCVI.*

EPISTOLA LXVII.

AMANDO POLANO.

Salus, quam à te mihi Lignarius noster 1596. nuntiavit, per mihi, Vir clarissime, fuit jucunda & grata. Spero te nostri memoriam & amorem quocunque loco, quocunque tempore conservaturum. Tui certè suavissima & jucundissima recordatio in uxoris meoque animo semper recens vigeat, dum uterque nostrum spirabit. Ingrati nimis sumus, si fecerimus secus: quod crimen abesse à nobis ὡς πορρωτάτω, possumus, nisi fallor ἐν θεῷ καυχώμεθα. Sed quid verbis opus? re velim ipsa animum nostrum experiare; probabis sincerum animi affectum, & nos tui amantissimos reperies. Deus te, Polane charissime, tuis, nobis, imò Ecclesiæ suæ universæ quàm diutissimè salvum esse velit atque incolumem. Res nostræ post tuum discessum tristes semper & lugubres fuere: quasi enim abitus à nobis tuus πέρας ἡμῶν πόσις εὐτυχίας & rerum lætarum finem attulisset, eà ipsa nocte quæ professionem tuam præcessit, in morbum ineiderunt quæ uxor, quæ filiola Abigail. Sed conjunx quidem Dei gratiā, sine periculo, quod quidem hæctenus provideri à peritissimis Medicis potuerit, ægrotat: filiola suavissima post cruciatus summos & ferè continuos, cum maximè ista scriberem, eo loci erat, ut ante perscriptam hanc epistolam videretur beatam animam Deo, unde habet, redditura. Beatam, quæ ad speratam paratamque piis felicitatem προωρίαν vocatur. Beatissimam, quæ Creatorem suum, illum totius Naturæ parentem & arbitrum, peccatis offendere brevi sit desitura. Nos tamen, mi Polane, homines sumus, & quamvis in Dei Opt. Max. voluntate parati simus acquiescere, ὅμως καὶ πασχέζῃ αὐτῇ συμπάσχομεν, καὶ ἰὰν ἀπὸ ληθῆ ἀπληθῶσαν desiderabimus, flebimus, lugebimus. Verum hæc οἷῳ μελίσι· cui sit honos, gloriaque εἰς αἰῶνας τῶν ἀνθρώπων ἀμήν. Perrotti nostri negotium velim tibi sit curæ. Spero fore eum usui illustriss. D. Baroni. Parcius de ejus studiis loquar necesse est, propter arctissimam amicitiam & familiaritatem, quæ mihi cum ipso intercedit: tantum dicam, peritiam Græcæ linguæ esse in eo non vulgarem: quod non temerè affirmamus: sed quod sic esse probè cognitum nobis exploratumque est. Illud nunc addam, siquid ejus causā præstiteris, sic me illud interpretaturum, quasi mihi aut meis collatum.

Vale,

1596. Vale, Vir clarissime, & me uxoremque φίλην & ἀντιφίλην, & precibus apud Deum tuis adjuva. Clariss. viro Jacobo Grynæo plurimam à me salutem: velim etiam meis verbis salutes eruditissimum virum Feschium Junio- rem, arctâ pridem nobis amicitia junctum: Zuingerum quoque, famâ pridem mihi notum, à me salutes oro te quoque. Iterum vale. *Genevæ, a. d. VII. Id. Jul. CIO IO XCVI. raptim & animo confuso.*

EPISTOLA LXVIII.

JACOBO MONAVIO.

1596. **L**iteræ tuæ, Vir clarissime, quas mihi Lovisius noster reddidit, singularis cujusdam tui adversum me amoris indices, singulari me gaudio affecerunt. Nam & is sum ego, qui amari, nedum æstimari à laudatis viris vehementissimè semper optavi: & tu, Monavi clarissime, is es, cujus gratiam meruisse prærium operæ sit. Ita merita virtus est tua: cujus prædicatores tot habes, quot sunt qui te propius nôrint, imo quot omnino sunt qui te nôrint. Ego in his nomen profiteor meum, cui etsi non contigit ut de facie notum te haberem, animo tamen, quæ potior & melior nostri pars, sic mihi notus es, ut in admiratione tui nemini concedam. Peterem à te, ut me vicissim amares, nisi eadem illa virtus & humanitas tua juberet me esse hac de re securum. Nam etsi nullâ re me id esse meritum fatear, quia tamen amare me semel cœpisti, alienum à constantia tua foret animum hunc adversus me tuum mutasse, ὃ μὴ γίνεται ὅτ' ἔσται. Quod scripta nostra dilaudas, Vir doctissime, agnosco benevolentiam tuam, & gratias ago: judicium non agnosco, & id potius desidero: doceri enim quàm laudari, à te præferim, hæc eruditione viro, longè malim. Quin ergo potius illud te velim oratum, si quando nostras legis nugas, memor sis pleraque omnia cruda adhuc & immatura nobis vel excidisse, vel esse casu aliquo extorta. Ita rem habere fidem fecerimus, si Deus Opt. Max. otium illud, otium quod tantopere expetimus, olim concesserit. Sed nos, Vir clarissime, trigessimum octavum annum ætatis jam agentes, vitæ summa brevis spes verat inchoare longas: alioqui habemus inchoata quamplurima, affecta etiam quædam, futura, si quando illa ediderimus σὺν Θεῷ, egregiæ nostræ erga literas voluntatis haut quaquam levia testimonia. Nunc in Athenæo sumus ὅλως καὶ πᾶσι: volumus enim

publicè obstrictam fidem liberare. Ab- 1596. sit enim à nobis quorundam vanitas, multa promittentium atque adeò jactantium, de quibus præstandis ne cogitarant quidem unquam. Ea editio inchoata ante mensem jam alterum, lentè quidem, sed procedit tamen: nisi quod hisce diebus remora magna studiis nostris objecta est per charissimæ filiolæ, & jam [hei mihi!] cùm ista scriberem, conclamata valetudinem. Ea me cura multos jam dies habuit mirum in modum sollicitum atque anxium; verumtamen & illi, & nobis quid sit futurum, Θεὸς ἐν γένοισι κείτω. Salus mihi à Rhodomano, viro doctissimo, per te nuntiata gratissima fuit: amo illum & colo: est enim illius mihi nota eruditio. Scripsissem ad eum si otii plusculum fuisset: accepi namque superioribus diebus quas ante menses amplius decem scripserat: respondebo brevi, Deo juvante. Fieri illi injuriam à nostro sene *, id verò auribus invitis- simis intellexi: sed profectò ita est, si quis fuit, qui vetus dictum tolleret, δὲ παιδὲς οἱ γέροντες, is ille est. Hoc dicere & sentire malo quàm quicquam gravius. Nostras in Theocritum Tel- lenas tricas misissem nunc tibi, quando illas desiderare visus es, si per tabellarium licuisset. De nobilissimo Burghausio, & amicissimo Sculteto atque eruditissimo, gratum quod scribis: nescio an meum illi silentium accusent: ego ipsorum certè. Sed sarcie mus, spero, brevi. Vale, Vir clarissime. *Genevæ, a. d. VI. Idus Julias, CIO IO XCVI.*

* Hemius
Stephano.
Colomel.

EPISTOLA LXIX.

JACOBO BONGARSIO.

Libros, quos muneri misisti mihi, 1596. accepi ambos, Bongarsi amicissime: simul literas non unas, sed ternas proximis Argentinensibus nundinis accepi. Utrum prius laudem, diligentiam in scribendo, an magnificentiam in largiendo, haud scio: plurimum certè & hoc & illo nomine me tibi habes devinctum. Utinam istum erga te animum meum re tibi, non solis, ut hætenus, verbis facere testatum queam. Interea te oro, quæsoque, Bongarsi suavissime, spectes voluntatem, quæ sanè eximia; non facultatem, quæ oppidò quàm tenuis. Pervenere ad meas manus & tres illi libelli, quos misisti. Næ tu rectè judicasti, qui eam Pelissonis opellam luce dignam censuisti: idem est & nostrorum hic omnium judicium: quò magis dolemus virum illum, à quo multa poterant egregia sperari, ita immaturo

1596. maturo obitu esse nobis ereptum: οὕτως δ' ἐπ' αἰείῃ βέλῃ. Grata mihi quæ de Polybiana editione à Vechelis suscepta narras. Serio affirmo tibi facturum in hoc negotio quicquid præceperis: nam etsi non ignoro quanto id cum existimationis meæ periculo sit futurum, si tibi de meis viribus plus credam quam mihi: tamen quia ita velle te video, constitui voluntati tuæ morem gerere: cum hoc tamen si MS. librum mihi impetraris, si item alia præsidia, quæ seis tute planè esse necessaria. Scripsissem ad Cl. Pithæum: si illuc te putassem transiturum, cum in Gallias proficisceris. Dabo operam, ut alià viâ meæ ad ipsum literæ perferantur. Si Lutetiam veneris, amplissimum virum Jacobum Thuanum, cæterosque amantes mei viros, quos summâ observantiâ colo, plurimâ salute meis verbis impertiaris velim. Josias Mercerus in his, quem virum amo pridem juxta & colo. De ejus Aristæneto, deque Tertulliano de Pallio, satisfaciam, ne dubita, οὐδ' οὐδ'. In Athenæo nunc sum totus: nisi quod his diebus Suetonium relegi, & nescio quid in eum notarum aliud agens effudi: mittam proximis exemplum. Vale, & me ama. *Genevæ, a. d. Kalend. August. c. 10 10 xcvi.*

E P I S T O L A LXX.

DAVIDI KUGLERO.

1596. **G**RATÆ mihi quas nuper à te accepi, Kuglere charissime. Mirabar sanè silentium tuum, & tacitus apud me fidei non servatæ reum peragebam. Memini enim sic à nobis te discedere, ut spem faceres assiduorum literarum, ex quibus de tua valetudine & studiis fieremus certiores. Amamus enim te ego & uxor: semperque jucundissimum nobis futurum est, si te valentem vigentemque, & in pietatis, virtutis ac literarum studiis quotidie promoventem intellexerimus. Hoc votum nostrum est: hoc à Deo. Opt. Max. tibi, charissime Kuglere, petimus, oramus. Nos valemus nunc quidem sic satis Dei beneficio: sed post tuum discessum graviter ægrotavimus, ego & conjunx: obiit etiam charissima filiola Abigail, non sine summo parentum luctu. Sed enim οὕτως ἐπ' αἰείῃ βουλή· cujus voluntati non acquiescere summa amentia simul & impietas. Illum oro, te servet, regat, fortunet. Viro optimo parenti tuo & matri quoque plurimam à me & uxore salutem nuntiabis. Velim etiam verbis meis salutes clarissimos doctissimosque

viros, Junium, Glaferum, Havenreuterum. *Genevæ, raptim Non. August. c. 10 10 xcvi.*

E P I S T O L A LXXI.

JACOBO BONGARSIO.

TUarum epistolarum nulla, opinor, 1596. perit, Vir amicissime: plures enim accepi à reditu nostratium mercatorum è nundinis Argentinensibus. Uni fuere adjecti tres libelli Patissoni: nam illas prætermitto, quas attulit D. Puis cum duobus fasciculis librorum Choulo & Patritio. Horum omnium egi tibi quas potui, non quas debui, proximis literis meis, gratias: quid aliud tibi impræsentiarum referam, ad manum nihil est. Ingratum tamen ne putaveris: sed animum potius intueri candidissimum tibi deditissimum. Accepi amplius quas juveni à Cornput perferendas tradideras, quas item paulò post scripsisti, quibus erant adjectæ aliæ ipsi Cornput inscriptæ. Omnes salvæ sunt, omnes cum fide mihi traditæ. Novissimas simul accepi; illicò pertuli ad Cornput suas. Persuadeas velim tibi, cum ex tua commendatione esse mihi ac fore curæ. Video illum studiose interessè lectionibus Polybianis: quo fructu, hoc minus scio; quia quàm sit eruditus, non satis novi: probus certè & ingenuus ex vultu & verbis videtur: si erit occasio, faciam sciat quantum apud me ponderis tua commendatio habeat. De Polybio scripsi tibi superioribus hisce diebus, quæ nunc non repetam. Tu fac opus appareat, ego rem factam dabo. Suetonium relegi, his diebus minore formâ à nostris editum: ita factum ut Appendiculam novam adjicerem. Videbis proximo mercatu οὐδ' οὐδ'. Incessit animum cupido, iis scriptoribus, qui Tranquillo solent adjici, Spartiano, Lampridio &c. opem aliquam ferre. Ægrotare eos, & desiderare medici manum, hoc te non latet: ipse quid præstare queam, moriar si satis adhuc scio: nec tamen in integro res est; nam quasi ex voto te neor. Quare advoco te in auxilium: fer suppetias, si me, si illos auctores amas. Scribam ea sine ad clarissimum par fratrum Pithæos, aliosque amicos: rogabo, vel libris, vel consilio, vel observationibus suis juvent: ita spero fore, ut quod à me vix possem, solvam ab amicis. Quæso te, habeas curæ hanc curam. Non dubito quin si adnitaris, aliquid nescio unde sis investigaturus magno futurum usui, ea tua felicitas, ea solertia est. De Panegy-

1596. ricorum editione, quæ à Puteano expectabatur, quid spei reliquum, hoc quoque scire velim. Nam si ea spes decollavit, non patiar diutius in situ & squallore jacere eos elegantissimos scriptores. Servo enim tuum munus: hoc est, descripta ex tuo libro quæ annotaveras: illum tamen utinam potius haberem! Inscriptiones quas repetis, mitto ecce tibi bonâ fide: hoc est, sine ullius scedulæ iactura. Vale, Vir amicissime, & diutissimè cum tua domina felix vive: hoc meum, hoc uxoris votum est. *Genevæ, a. d. Non. August.*
C10 10 XCVI.

EPISTOLA LXXII.

PHILIPPO PARÆO.

1596. **E**T serius & brevius tuis respondeo, Paræe charissime, quàm voluntas mea, credoque tua, erat. Possum hujus moræ & multas & graves excusationes afferre: sed eo labore supersedebo hoc tempore: eò quidem libentius quòd Regium nostrum, adolescentem juxta tecum mihi charum, longioris epistolæ vicem functurum apud te persuasum habeam. Novit me Regius: novit assiduas occupationes meas: & quod caput est, novit idem quâ benevolentia, imò quo amore spem istam tuam amplectar, prosequar. Deus faxit, mi Paræe, bonorum & eruditorum virorum studia sic promerearis ἀνδραγῶν, ut excitasti nunc ἡβάντων, καὶ ἔτι εἰς ἀνδρας τελέων. Quæ scripsisti de studiis tuis, jucunda mihi grataque fuerunt: teque volo rogatum, pergas mecum de iis per literas agere. Ego de meis tecum quoties erit otium. Patri tuo, viro clarissimo, auctor esse ut huc te mittat (id visus es à me petere) equidem decreveram, eramque omnino facturus: cupio enim te propius nosse: sed duplex me, cùm inibi essem, respectus inhibuit, loci ubi es, status & nostri: illic vigent florentque Musæ & annona; hic illæ quidem fortasse non frigent penitus, at annona certè per est cara: ea si convaluerit, & nos inviseris, re experieris quàm tibi cupiam. Serio dico, mi Paræe, si huc veneris, senties nos tui studiosos & amantes. Vale raptim. Parenti tuo plurimam à me salutem ex animo. *Genevæ, a. d. Non. August.*
C10 10 XCVI.

EPISTOLA LXXIII.

JACOBO GUILIELMO STUCKIO.

Nunc ipsum petasato jam tabellario, 1596. qui has tibi tradet, factus sum de ejus professione certior. Exaravi illic hoc schedium, ut scires ἀμφοτέρων, καὶ ἱρῶσθαι ἐμὲ, καὶ ἱρῶσμένην tui memoriam conservare. Ipse ut valeas, quid agas rerum, pridem ignoro, & scire aveo. Nos Athenæus, ante aliquot menses prælo commissus, habet plus satis exercitos. Atque utinam brevi eà operâ defungi concedat nobis, qui solus potest ὁ μολίχῃ οἷός τε θεός. Opus longum, asperum, tædii plenum, & prorsus virium non istarum: quas in dies languescere, & præter ætatem minuire sentimus. Vix eam, quæ censetur ἀκραιψύνη esse ἡ ἀνθρώπινα βίη pars, attigimus, & ecce in ὄρεσιν nos versari multa arguunt. Non faciemus tamen quod olim Theophrastus: sed quandoque jussit magnus ille Imperator, stationem alacres deseremus, etsi fortasse propter φυσικὴν erga nostros affectus τρυγὴν oculis non irretortis. Verum αὐτὸς εἰσελθαι, ὃ καὶ ὑπὲρ ἡμᾶς μέλει καὶ τὰ ὑπὲρ ἡμῶν. Vale, Stucki clarissime, & me ama. *Genevæ, a. d. xvi. Kalendar. Septemb.* C10 10 XCVI.

EPISTOLA LXXIV.

JOANNI DRUSIO.

Qui te plurimum semper amaverim, 1596. ex quo primum cepi gultum aliquem sacrarum literarum habere, lætatus sum nuper non parum, postquam te conspirare in amore, & paria mecum facere intellexi. Id primum ex ea pererudita epistola cognovi, quâ me publicè affatus es anno. Accepi post illa, & chirographum, aliam epistolam tuam, priore illâ, quamvis gratissimâ, tantò gratiorem, quantò impressa altius tui adversum me amoris in illa vestigia apparebant. Crede enim mihi sine fuco & fallaciis affirmanti, is tu mihi es, Drusi doctissime, cujus judicio probari nostras scriptiunculas, imò verò ipsum me, serio gaudeam. Equidem studiorum vigiliarumque mearum nullum mihi unquam aliud præmium proposui, nullam optavi unquam mercedem aliam, quàm ut ἐν θεῶν ἱλαχῇ σπάρταν κοσμῶν bonis placerem, rudioribus prodessem: id si sum consecutus, quid est cur non ut τῷ θεῷ εὐχαριστῶν serio triumphem? Atque ego sum mihi probè con-

1596. conscius, quàm longè absit ab egregia voluntate mea literas ornandi facultas: ut illa taceam incommoda quæ mihi sunt propria, tempora ipsa vides in quæ incidimus, quàm parum Musis nostris amica: in nostra utique Gallia, quæ bonis pacis τῆς καλοῦς, & μέ-
σαις προσφιλεστάτης frui nescit: sævire in sese, ah! misera, & viscera sua lacerare more ferarum ab eo ipso anno, quo nasci mihi contigit, non cessat. Beatos illos viros doctos qui patrum ætate vivere: illis in patria, in pace, in otio, ἐν πάσῃ βασιίῃ philosophari licuit, & literis ἐγγηράσκειν. Nobis hætenus omnia ἐκ τῆς ἐναντίας συμβέβηκε: cum tamen nihil nos æquè torqueat ut veterum librorum inopia: quibus facile abundaremus, si per istos civiles furores in patria esse nobis liceret. At enim οὐδὲ πλείετα βουλή: illius voluntati acquiescere nos, nec πρὸς κέντρα λακίζειν, verum est. Sed nostram interdum patientiam sollicitat infans quidam ætus rei literariæ juvanda: quod cum minus commodè multis de causis præstare hoc loco possimus, sedet animo, sicunde spes certa otii majoris ostendatur, uti conditione. Nos quidem Monspelienses ad se pertrahere omni ope & operâ conati sumus superiore anno. Nuper etiam Nemausenses, propositis conditionibus sanè quàm luculentis. Sed me adhuc terrent quæ videntur universæ Galliæ imminere procellæ: hæret etiamnum animo lanienæ anni septuagesimi secundi memoria, cum puer optimum parentem per montes ac silvas aliquandiu sum comitatus. Suavissima sanè recordatio, sed quæ in posterum cavere moneat, quantum quidem humano consilio provideri potest. Sed abutor otio tuo, Vir clarissime. Vale, & me ama, qui te juxta amo & colo. *Genevæ, a. d. x. Kalend. Septemb. c. d. d. xcvi.*

EPISTOLA LXXV.

JOHANNI SÆCKMÆ.

1596. **E**T præsens multis indiciis tuum erga me amorem patefecisti, Vir doctissime, & absens tuam in eodem constantiam fatis nuper epistolâ eâ significasti, quam humanissimè scriptam ad me misisti. Ingratus sim si propensum hunc in me animum vel non agnoscam, vel agnoscens non prædicem. Ego verò agnosco, & eo me tibi amplius tanto esse hoc nomine obstrictum fateor, quò minus tale quid à te promeritum me esse scio: quanquam illud equidem nullus negavero, si volunta-

tis, etiam ubi facultas deest, habenda sit ratio, posse me vel principem in amicis tuis jure locum postulare, & cum necessariorum tuorum quolibet πρὸς τῶν πρῶ-
ταίων ἀμφοιβήειν. nemini enim concedo eorum qui te amant, aut bene tibi cupiunt: nemo, inquam, illorum est quosim hâc parte inferior. Sed cum aliud nunc quidem possim nihil, quod superest assiduè præstabo, & Deo Opt. Max. preces votaue pro salute & felicitate tua fundam. Suetonium nostrum tulisse isthic plausum, [sic enim scribis] per mihi gratum est ac jucundum. Sic enim cogito, summis in literis viris placuisse non esse ultimam laudem: tales omnino sunt quibus vestra floret Academia. Quò magis miror venisse clarissimo Drusio, tibi aliisque nonnullis in mentem, arcessere me isthuc, & in tantorum virorum numerum cooptare. Obsecro autem te, mi Sæckma, seriò id scribitis, tu & Drusius, an ex abundantia tantum amoris in me vestri? hoc potius putem, scripsi tamen super mutatione loci quis esset animi mei sensus, ad doctissimum Drusium. Scripsi autem aliud nihil quàm quod ex me, cum hic esses, audisti sapius: ardere me cupiditate juvandi τὴν γὰρ καὶ δωδεκάτην rem literariam: id quia hic minus possum, necessariò, nisi impediat οὐδὲ ἀπὸ μηχανῆς, aliò esse mihi cogitandum, sicunde honesti otii spes mihi ostendatur: otii dico, nam si id non potissimum quærerem, facile fuisset pridem apud Monspelienses, nuper etiam apud Nemausenses in Gallia iniquitatem istorum stipendiorum luculentâ & optimâ conditione mutare. Sed hæc οὐδὲ ἐν γένει. Quæ disputas super legitima ætate judicum ante Augustum, legi libentissimè: quid autem ad illa responderi posse videatur, in altera Animadversionum editione, quæ brevi σὺν οὐδὲ prodibit, explicabimus. Nam ut nunc est, nihil habeo tuis addere. Peto autem illud à te, pergas mecum de istis rebus communicare. Non potes mihi gratius quicquam facere. Puto autem morum meorum ingenuitatem tibi esse perspectam: ut vereri nullus debeas dissimulaturum me per quem profecerim. Vale, Vir amicissime. *Genevæ, a. d. viii. Kalend. Septemb. c. d. d. xcvi.*

EPISTOLA LXXVI.

MARCO VELSERO.

NÆ ego, Vir præstantissime, in te sum expertus, quanta sit ad conciliandum amorem in virtute vis atque

1596. *ἐπίγραμμα* nam ubi primum scripta * illa tua videre mihi contigit, quibus patriæ gloriam auxisti, tibi autem æternum decus comparasti, simul mirari excellentissimum illud ingenium tuum cœpi, & amare. Nihil dabo auribus tuis: sed profectò ita me lectio ejus operis totum cepit, itaque tibi adjunxit, ut videar mihi jure meo posse à te postulare, habeas me deinceps in eorum numero qui te amant juxta & observant: nam equidem nemini concessero illorum, quos novi habere te plurimos tuarum virtutum admiratores. Deus bone, quàm mihi placuit ille candor, illa *φιλανθρωπία*, quæ nusquam non apparet in eo scripto! Liceat mihi per te veram vocem mittere, unus tu mihi adhuc repertus es, qui ad ornandam patriam simul & veritatem invenendam defendendamque accesseris. Cæteros enim qui de antiquitatibus vestræ Germaniæ libros ediderunt, quis est judicio aliquo præditus, quin videat plerisque omnes dum cupiunt patriæ splendorem adjicere, *ἀφειδῶν τῆς ἀληθείας*; sive is cæcus quidam patriæ amor, sive judicii imbecillitas, aut potius utrumque: hoc puto verius: nam & *τὸ φίλον τυφλῶσαι περὶ τὸ φιλεῖν* certum, & plures esse qui ingenio valeant quàm judicio, assensurum te mihi non dubito. Macte igitur esto, Velsere charissime, & perge bonis avibus, istoque ingenii ac judicii temperamento ad asserendam literis suam dignitatem diu felix utere. Boiariæ descriptionem te nunc in manibus habere, didici nuper ex literis amicissimi & eruditissimi Hæschelii: rogatus sum ab eodem, si quid in Museo haberem quod usui tibi esse posset, id tecum vellem communicare. Ego verò, si quid ejus generis haberem, vel ambiciosius precibus te orarem ut illo uti velles. Verùm hæc mea semper fuit infelicitas, ut libros ferè nancisci nisi tritos & vulgo notos haud potuerim: quò mihi æquiores viros doctos esse par est, si in nostris scriptis reconditæ cujusdam eruditionis, quæ fere è blattariis libris hauriri solet, aut nullæ, aut paucæ notæ reperiantur. Hoc in universum ab omnibus eruditis, privatim à te, Velsere clarissime, peto, quando te quoque nostras nugas solitum interdum in manus sumere ex Hæschelii literis intellexi. Hæc spe mitto tibi quæ his diebus in Suetonium exaravi, cùm minore formâ cūsum illum relegerem. Vale, & me ama. *Genevæ, a. d. VII. Kalend. Septemb. CIO IO XCVI.*

EPISTOLA LXXVII.

SIBRANDO LUBBERTO.

NÆ tu, Vir clarissime, qui ad illu- 1596. strandas res veteris Ecclesiæ me provocas, surdo fabulam non narrares, si voluntati par suppeteret facultas. Scito enim, tibi que ita persuade, quod hætenus in aliis studiis fuerim, casu quodam id factum potius, quàm judicio aut voluntate meâ. Nunquam enim ita desipui, aut mei oblitus sum, ut in amœnioribus istis literis putarem mihi esse acquiescendum. Quem cupio speroque vigiliarum mearum fructum, is profectò alius longè est ab ea jucunditate & voluptate, quam solam spondent suis cultoribus novem istæ Sorores. Sed mihi cùm admodum adulescenti prope invito imposita hæc provincia fuisset, ad Sirenium scopulos obdormiscere, iisque adherere contigit. Sic mihi vitæ pars melior in aliis quàm volueram atque semper optaveram, studiis transacta. Est enim, ut nosti, *βραχύς ὁ βίος*: ut serum sit, cùm trigessimum octavum jam prope exceßerim annum, spes inchoare longas, aut novas. Grata mihi tamen tua, Sibrande doctissime, *κλειύσματά*. Si me ad illa studia maturius amici & familiares mei essent hortati, pridem factum esset, ut extaret in eo genere industriæ nostræ, (si quæ ea est in nobis) aliquod specimen. Nunc in editione Athenæi toti occupamur: eâ curâ si Deus voluerit nos defungi, & reliquis cœptis faverit, ea paramus ac pridem cogitamus, quæ tibi cæterisque bonis omnibus non ingrata fore speramus. Sed de nobis nimis multa. Tu, Vir doctissime, cui Deus dedit & velle & posse, perge de ejus Ecclesia, de omnibus piis bene mereri: hic verè illud licet usurpare: *Sic itur ad astra*. Deum Opt. Max. quæso oroque, servet te nobis quàm diutissimè salvum & incolumem. Vale, Vir clarissime, & me ama. *Genevæ, a. d. VII. Kalend. Septemb. CIO IO XCVI.*

EPISTOLA LXXVIII.

JANO DOUSÆ F.

ERgo tu in patriam antè redibis, 1596. quàm ad nos veneris? O nimium crudelis Alexi, cur tu nos spernis qui perimus? adeone tibi magnum esse visum ab instituto paululum deflectere, & nos invisere? Næ ego nunc scio quid sit amor, & quàm facile qui amant sibi

1596. sibi somnia fingant: postea enim quam relatum mihi est de tuo Heidelbergam adventu, μετέωρον illum exspectavi diem qui te huc sisteret, & videndum mihi amplexandumque præberet. At tu quid? obdurasti nempe, & Ungaros, Polonos, Turcas denique videre quam nos optasti. I nunc & dicere aude, te nos sic medullitus amare, ut ipsi te facimus, quibus vita adeo acerba est, quia voti hujus rei facti non sumus. Quoniam igitur hæc spes penitus decollavit, quod superest, te oro, Doufa amicissime, literis tuis quam sæpissimè nos invisas, habeasque persuasissimum, esse me ac fore, dum fuero, tui amantissimum, tuique nominis & honoris studiosissimum. Igitur si planè tibi non sordemus, fac nos quam primum certiores, quid agas, quid pares, & quo scripto brevi nos sis beaturus: cessare enim te, aut etiam differre diutius nostra gaudia nefas. Ego quibus in studiis nunc sim, pluribus exponere tibi supersedeo; qui sciam fratrem tuum verbis id melius tibi significaturum. Vale, & vive diu felix, o magnæ spes altera Romæ. Nobilissimo doctissimoque parenti tuo plurimam, si grave non est, à me salutem: iterum vale. *Genevæ, a. d. VII. Kalend. Septemb. CIO IO XCVI.*

EPISTOLA LXXIX.

RICHARDO THOMSONI.

1596. **D**iu exspectavi literas tuas, ὦ τῆς ἐμῆς ψυχῆς πρὸ ἡμῶν mirabar quid esset quod tam diu sileret tuus amor, & refrixisse illum ne suspicatus quidem unquam sum: humanæ potius sortis memor, fingebam animo sexcenta pericula vel tua, vel earum quas ad me dedisses. Tandem metu omni & sollicitudine sum liberatus, cum tuas, a. d. Kalend. Jul. scriptas, accepi. Quid tibi nunc dicam quibus gaudiis elatus animus mihi sit, ubi tuas vidi, inspexi, legi? Erat tanti doluisse adeo & tam diu, ut postea tantis lætitiis ἀσπρώς afficerer. Quid? tu igitur ad nos aliquando reversurus es? O diem illum mihi lætum & festum, qui te mihi osculandum amplectendumque sisset. Tu, Deus magne, votis annue, & in illud nos serva tempus. In Italiam tendere te, cum voluptate haud mediocri ex tuis didici: negare non possumus, nutriculam olim cam fuisse, & veluti matrem, ingeniorum: nunc de iis quid sentiam, qui per Italiam soli sapere cluent, nolo tibi indicare: ne tu fortasse me apud Lucumones istos deferas, qui nos Trans-

alpinos meros fungos & Musarum ἱερὰ τέματα existimant. Cum inde reverteris, volupe mihi erit, quid ipsis videatur de nostris scriptiunculis, ex te audire. Sed ne quid dissimulem, præter admodum paucos verè γενίμους κριτὰς, vix illuc nomen nostrum penetrasse putem: adeo diversa studia sunt quæ colimus, ab iis quæ sola ibi florent, & in pretio sunt. Catalogum querendorum mihi in illis oris librorum nullum mitto: nam etsi te meâ causâ omnia velle persuasus sum, mihi tamen etiam & etiam videndum cavendumque est, ne facilitate amici abusus dici queam. Accedit quod census omnis noster librarius ὀλίγη δὲν tibi est notus; nam post tuum à nobis discessum paucos admodum è rarioribus nactus sum: eos nempe quos vel tuus amor mihi dono misit, vel gratia Bongarsii. Duit Deus utrique ἀγαθὸν ἀγαθίδας pro ista adversum me benignitate: nam etsi duo fasciculi postremi tui perfidiâ quorundam mihi pericere, non tamen & tibi: cui pares gratiæ etiam pro illis à me habentur, ac pro reliquis fide meliori curatis. Omnino siquid Græci, Latini, Hebraici nobis invisum illic inveneris & mihi comparaveris, rem feceris gratissimam. At illud super omnia gratum & commodum, si brevi inde ad nos advolaris, priusquam tui expectatione planè tabescamus. Vale, & me ama, ac creberrimas literas mitte si salvum esse vis. Uxor, soror, liberi te plurimum salvere jubent. Iterum vale. *Genevæ, a. d. VII. Kalend. Septemb. CIO IO XCVI.*

EPISTOLA LXXX.

JOANNI A VOWEREN.

Pætronium, quem dono misisti nuper, Vir eruditissime, accepi, & gratias ago: exstabit hoc inter καμήλια nostra eruditionis tuæ simul & amoris erga me luculentum testimonium. Mitto ἀντίδωρον sanè quàm leve, Suetonium minore formâ hic cûsum, cum recentibus quibusdam notulis nostris. Poteramus de facili plura adjicere: sed malimus expectare alteram editionem Animadversionum nostrarum, quam brevi prodituram οὐδὲν ἐξ ἡμῶν speramus. Accedit quod toti nunc in aliis studiis sumus; Athenæum enim habemus in manibus, scriptorem multis locis depravatissimum, & planè virium non istarum. Equidem unum unicissimum novi, cui satis ad subeundum id onus firmi humeri, florem illum dico illibatam Musarum, Josephum Scaligerum: quem

1596. quem ego quod viderim nunquam, vitam prope non vitalem, certè acerbissimam duco: τοῖς μάκαρις καὶ πῖσι, quibus contigit studiorum ducem μαθητῶν illum habere. Quid tu nunc pares, & quid proximè sis editurus, avco scire: neque enim dubito fortiter te perrecturum in itinere, quod bonis adeò avibus es ingressus: futurumque animo jam prævideo, ut literarum sis mox σμῦνεν ἐρεῖσμαι. Ita velit, ac votis meis annuat ὁ μέγας ἐν ὁρανῶ Θεός. In hoc omine desiturus eram: sed habeo quod te rogem: at scin' quomodo? obnixè & ἐκπνῶς, sic ut nihil possim magis. Scito igitur susceptam nobis Spartiani, Capitolini, &c. editionem: quam ad rem cum à libris MSS. prorsus destituamur, peto à te, si quid potes me juvare, facias quàm primùm: mitte, inquam, sive aliquem veterem codicem, sive antiquam editionem habes; ac confide, Vir amicissime, non in pertusum animum te istud beneficium esse collaturum. Vale, & nos ama & juva. *Genevæ, a. d. vi. Kalend. Septemb. c15 15 xcvi.*

EPISTOLA LXXXI.

HIERONYMO COMMELINO.

1596. **D**ecimus sextus hic, opinor, dies, Commeline amicissime, cum postremis tuis respondi: eas literas Regio, adolescenti Anglo, Theologiæ studioso dedi: neque dubito esse illas ad te perlatas. Quo loco esset suscepta nobis Athenæi editio, & quousque tunc pervissemus, ex illis intellexisti: quid postea sit factum, frater Paulus Stephanus verbis melius narrabit. Cum igitur nullum mihi aliud sit relictum scribendi argumentum, pluribus non tenebo te; nisi ut te orem, sis promissi memor, & quod nuper omisisti penitus, id nunc tantò cumulatiore mensurâ præstes. Cum primùm unâ erimus, contractum apud te ars alienum, vel βιβλία ἀντὶ βιβλίων rependens, vel aliâ ratione expungam. Apuleji Apologiam si quando pares sub incudem revocare, id mihi significes velim. Vale, Vir amicissime. *Genevæ, a. d. vi. Kalend. Septemb. c15 15 xcvi.*

EPISTOLA LXXXII.

JOSEPHO SCALIGERO.

1596. **E**cquas tibi, Vir præstantissime, pro nuperis tuis adeò eruditissimis literis gratias referam? docuisti enim me,

quod suspicatus ex tuis scriptis pridem 1596. eram: sed de quo iudicium ferre, & pronuntiare τὴν ἀρεσκασιν, meum non erat. Tu fecisti, & veram tanti principis γένειον me privatim docere sustinui: ego statim postea alios: satis vel hoc nomine μέγα φρονῶν, quod istâ occasione tuus in me amor omnibus notus erat futurus. O si mihi Scaligero μαθητῶν divinitus concederetur! sed nos tam felici sydere nati non sumus. Atqui sic habe, si me pia εὐεργη erga uxorem & liberos non teneret, pridem factum foret cum tuus essem: ita mihi animus est verè eruditionis αἴσθη βιβλιοθήμην: quam etiam in hac ingenii tenuitate videor mihi posse consequi non mediocrem tanto magistro. Tu me per avia Athenæi, ubi nunc nihil aliud quàm erro, duceres inoffenso pede. Tu Polybii obscura, in quibus vetus amicus * noster miserè deliravit nuper, plana mihi redderes. Tu mihi Tertulianum de Pallio explicares. Tu denique infinitis Græcorum, Latinorum, Hebræorum locis, ubi nunc erro aut hæreo, luce illius divini ingenii, quod à Deo accepisti, mihi alluceres. Sed quid ego frustra ἀνεμῶν βαλῶ; tantum enim boni optare nobis licet, sperare non licet. Amare certè, colere, venerarique absentem nihil vetat. Id faciam dum vivam summâ fide, & ita dicam, religione. Vale Scaliger, sæculi decus; & libellum, quem mitto, ut summæ observantiæ pignus tenue, sed ἀφελῆς, accipe. *Genevæ, a. d. vi. Kalend. Septemb. c15 15 xcvi.*

Per ego te Dei hominumque fidem obtestor, quæ habes in Athenæum & Strabonem, ea nobiscum communices. Quod possum pretium summum, id offero tibi, me ipsum æternum futurum tuum. Suscepi & Spartiani, Capitolini ac cæterorum editionem, non sanè viribus propriis fretus, sed Doctorum adminiculationibus. Appello igitur tuam fidem, mi Scaliger: firma tantem, & labanti manum porrigere.

EPISTOLA LXXXIII.

JACOBO BONGARSIO.

Ignarus ubi gentium esses, & quæ te 1596. haberent terræ, has nihilominus ad te, virorum suavissime, exarabam. Malui enim perire mihi, si ita accideret, hanc opellam, quàm committere ut officio defuisse videri possem. Boni tamen consules, si propter hanc animi incertitudinem fuero in scribendo brevior. Id nisi esset, suppetebat quamvis proluxæ epistolæ argumentum: parabam

* Lipsius.
Vide supra.
Epist. XLII.
& LXV. ac
infra, Epist.
LXXXIII.

1596. bam enim fidem meam apud te liberare, deque Polybio & Tertulliano multa eram tecum garriturus. Non te fugit, opinor, exponi à me publicè illud ipsum Polybii fragmentum, quod Lipsius nuper edidit: in cuius opere illo quàm multa quotidie observem, quæ mihi vel meâ, vel auctoris culpâ non satisfaciant, piget dicere. Quare ne dubita, si subsidia librorum adfuerint, editum à me iri *αὐτὸν τῶν ὁρίων* excellentissimum illum autorem. Cur hoc tibi nunc scribam, non ignoras, si meministi quid antè sis pollicitus. Te amabo, opus appareat, & postea me vide. Scito autem ita me ardere visendæ Lutetiæ cupiditate, ut edito Athenæo, non si omnia me morentur, diutius tamen id iter sim dilaturus. Sed enim ista molitio nostra sic lenta est, ut penè suscepisse pigeat: nam si ita pergitur, ante annum finis attingi nequit: quo temporis intervallo fore ut canescam, imò senescam, non dubito. Qui potest aliter? cùm verum sit vetus verbum, *τὸς πλεονέκτης ἐν ἡμετέρις πράσκειν*. Suetonium, nuper minori formâ à nostris editum, relegi: eâ occasione notulas adjeci, quas cum ipso autore à Choueto accipies. Vale, Vir amicissime. *Genevæ, a. d. vi. Kalend. Septemb. c. d. d. xcvi.*

* Pag. 87. edit. Grav. Vide supra, Epist. LXXI. LXXX. & LXXXII. ac infra, Epist. LXXXIV. &c.

Scripsi nuper * de suscepta editione Spartiani, Capitolini, &c. Nunquam factum quicquam imprudentius, nulla enim ad manum adsunt tanti cœpti subsidia. Te igitur ex lege sanctissimæ amicitiae nostræ convenio, adjuves laborantem, & eruas alicundè aliquid futurum usui. Pithœi fratres soli possunt regem me facere.

EPISTOLA LXXXIV.

DAVIDI HOESCHELIO.

1596. Scripsi his diebus notulas nescio quas ad Suetonium, recens minore formâ editum. Ejus simul & illarum unum exemplum tibi, Velfero alterum mitto: non dubito te pro summo tuo in me amore muneris levitatem æqui bonique consulturum. Gravissimus & minus familiariter notus Velferus ne fastidiat nostras nugas, interdum vereor: sed aderis tu, & munusculo, quod à se non habet, verbis tuis pondus adjicies. In Athenæo pridem sumus: & procedit ejus editio; verùm ita lentè, ut planè testudineus hic noster sit gradus. Interea suscepi quasi invitatus, sed suscepi tamen, Spartiani, Capitolini, & omnium id genus historicorum editionem. Appello tuam, appello Velferi fidem,

ut me vel libris, vel animadversionibus 1596. vestris adjuveris: hoc à vobis sic peto, ut majore contentione nihil possim: sum enim parum ad id cœptum viaticatus. Expertus sum in Apulejo & Suetonio, quanto usui primæ editiones esse possint: eam non habeo istorum auctorum. Si vestra operâ mihi illa contigerit, immortalis beneficio me affectum à vobis putabo. Libellos, quos mihi dono misisti, legi omnes: nec diffiteor paucula quædam in iis mihi observata vel suspècta, vel manifesta mendi. Sed quia illa levia erant, & operis ascribenda, ideò notare neglexi: cùm voles relegam, & monebo. Vale, amicissime Hoescheli. *Genevæ, a. d. vi. Kalend. Septemb. c. d. d. xcvi.*

EPISTOLA LXXXV.

CHRISTOPHORO FIRXIO.

ECquid vales, Firxi nobilissime? cc-1596. quid nostri viget adhuc aliqua in animo tuo memoria? Spero equidem, quod sciam de meliore luto tibi fieta præcordia: etsi miratus sum nonnihil, fateor, quod nuper cùm Mombelgardum, sic enim audio, venisti, atque ad nos propius accessisti, prius inde pedem retuleris, quàm nos vel verbulo salutassēs: verùm hoc malo magnitudini, & multitudini negotiorum tribuere, quibus in Illustrissimi Principis tui aula distringi soles, quàm aut oblivioni aut neglectui. Ipse quod rarius ad te literas do, habeo paratam excusationem: nemo enim ad manum adest, cui meas committam; secus si esset, frequentiam illarum desiderare ne possēs, efficerem: obtunderem te potius, qui meus est in te amor, & quæ ferè est amoris comes *ἀδολοχία*. Neque tibi, reor, ingratum esset de nostro statu fieri sæpius certior: qui quidem impræsentiarum lætus sic satis est. Valemus enim ego, & uxor: at non superioribus mensibus valuimus: cùm illa diu summos cruciatus perferret; ego non diu quidem, sed periculosissimè ægrotarem: utriusque nostrum velut piammentum fuit filiola Abigail, paulò post fatali morbo correpta, ac nobis erepta. Ingemuimus ejus morti, atque etiam nunc oculis non siccis ingemiscimus. Sed quid nos sumus, ut Dei magni voluntati obstrepamus? feriat igitur ille uti volet, & quamdiu volet: nos Jobum imitabimur. Sed lætiora & experti postea sumus, & porro speramus. Oro illum, Firxi amicissime, supplexque veneror, te nosque salvos atque incolumes præstet. Vale. Uxor quàm officiosissimè te salut.

1596. tat. *Genevæ, a. d. v. Kalend. Septemb.*

C I O I O X C V I.

Salutant te veteres amici, Beza, Lectius, Pinaldus, Colladonius.

EPISTOLA LXXXVI.

CONRADO RITTERSHUSIO.

1596. **N**æ est ita, Vir clarissime: omnium rerum est vicissitudo: fuit cum tu in scribendo diligentiam me vinceret: ego nunc eam re antecello tibi: nam post novissimas tuas scripsi ad te non unas. Testis mihi diligentiae meae Jacobus Bongarsius, ad quem binas literas tibi inscriptas superioribus mensibus mittere memini. Quid te mutavit? aut eur factus es minus vocalis? nisi tu fortasse *λύκεν εἶδες*: sed fallor: non enim dubito, quod fuisti in hoc officii genere omissior, eò factum id esse, quod Guntherus tuus te sibi totum vindicaret, cupidus luce illam frui, quam tu ei pridem promissam præstare debes. Si ita est, libero te culpa: recordor enim similis indigentiae reum fuisse me nuper, cum in Suetonii editionem incumberem *ἐλθε καὶ πᾶς*. Essem fortasse etiam nunc, si operæ, quibus in Athenæo cudendo typographus utitur, non tam crebrò interjungerent. Non enim nescis, opinor, prælo ante aliquot menses subjectum id opus. Cæterum adeò lentè hætenus res cessit, ut vix ante *πεπεπρωμένον ἐνιαυτὸν* finis futurus videatur. Enimvero is scriptor ille est, in quo nullā cunctatio longa videri debeat. Hoc tu optimè nosti, qui Musas Græcas tantā felicitate coluisti: vitiligatores ista nesciunt, qui nos putant *ἐν ὅσῳ ἀρχὴ ἀργίας*, quotquot in recensendis veterum scriptis operam ponimus *ἐν αὐτῷ οἱ περὶ Προδῶντος τὴ σοφίας*: nos maneamus *ἐν πείσῳ*, & pro virili de literis bene mereri pergamus. Vale, clarissime Rittershusi, & omnibus amicis, viris clarissimis, Camerario utrique, Scipioni Gentili, & Philippo Scherbio Philosopho, plurimam à me salutem, nisi grave est, nunties velim. Iterum vale, nostri memor. *Genevæ, a. d. v. Kalend. Septemb. C I O I O X C V I.*

Quando proditurus sit Oppianus tuus, scire cupio: jam enim expectatio longa nimis.

1596.

EPISTOLA LXXXVII.

JANO GRUTERO.

Accepi nuper ab erudito quodam viro literas, quibus Artemidori editionem obnixissimè postulabar. Revocavit ea res mihi veterem quandam tuam, doctissime Grutere, epistolam, quæ susceptæ à te illius provinciae mihi testis & index. Respondi igitur & tum illi, & postea aliis, idem à me petentibus, non me, sed Gruterum eo nomine esse conveniendum. Oro igitur te, Vir doctissime, mancas in sententia, & nos ejus voti reos facias. Habeo Astrampsychi quædam cum Artemidoro: si me audis, conjungenda mittam & ista, & quicquid aliud etiam in potestate. Tu vicissim, *ὁ φιλότιμος*, juva me: planè enim tuo mihi auxilio opus in editione, quam suscepi *σὺν Θεῷ καὶ Μουσῶν*, Spartiani & cæterorum. Obtestor te, ut in hoc conatu mihi opem feras: idem petiturus eram à doctissimo & clarissimo Frehero; sed sedet mihi nullas ad eum literas dare, priusquam de Themistio, quod ei nuper sum iterum pollicitus, præstitero. Ipse interea si grave non est, meam apud illum causam ages. At tuus Plautus quamdiu dormit? ut video, non aberis, quin pipulo sis poscendus. Quid tuæ illæ Observationes? Imperator quidam olim scripsit, *Apud verecundam conscientiam mendacii genus est, promissa tardare*. Hoc quam vim habeat intelligis. Vale, amicissime & clarissime Grutere. *Genevæ, a. d. v. Kalend. Septemb. C I O I O X C V I.* Scripsi raptim.

EPISTOLA LXXXVIII.

THEODORO CANTERO.

Memini, Vir præstantissime, scripsisse te aliquando ad me susceptam tibi Ammiani Marcellini editionem, cujus honestissimi consilii cur te postea pœniteret, causam nullam video, neque factum puto: reor magis propter gravissimas tuas in vestra republica occupationes nec te, nec nos voti hujus fieri adhuc potuisse compotes. Igitur cum alia præclara exspectare nos à te scito, tum etiam eximii illius historici editionem. Atque utinam velles de una fidelia duos parietes dealbare, & cum Marcellino cæteros recensere omnes, qui Suetonio adjungi ferè solent: Spartianum dico, Capitolinum, Lampridium, reliquos: non dubito futurum id tibi facile, (si modò per publi-

1596. ca negotia liceat) posita jam sedula in in Ammiano operâ. Igitur si tu quidem illam in te provinciam suscipis, fac nos, obsecro, de tuo instituto certiores: sin tantum tibi otii non suppetit, scito impositam mihi posterioris hujus oneris necessitatem: edito enim Suetonio egerunt mecum amici quidam viri magni, ut pergerem ad inseguri temporis historicos illustrandos. Ne te multis morer, accidit mihi prorsus quod ait Seneca, ut δυστυχία, quam ille frontis imbecillitatem vocat, faceret me liberalem, & onus in me reciperem, cui impares humeros haberem. Nolem, factum: sed ἀναλύσας καὶ ἀνακαλῶν τὴν ὑπόθεσιν ὀνέμεν. Atque scito penitus hic esse me à libris veteribus destitutum. Quare oro obsecroque te, feras mihi opem, & quicquid habueris quod usui esse possit versanti in eo negotio, id mecum communices: feceris mihi rem gratissimam, fortasse etiam reipublicæ literariæ non inutilem. Ipse vicissim si aliquid habuero vel Marcellino illustrando, vel aliis scriptoribus, quibus tuam operam addixeris, id omne tibi bonâ fide offero. Vale, Vir clarissime, & me adjuva. *Geneva, a. d. v. Kalend. Septemb. CIO IO XCVI.*

Eruditissimos filios tuos, veteres hospites meos, cum Johanne Werkhoven plurimum salvere ego & uxor jubeamus.

EPISTOLA LXXXIX.

VERDERIO A' VAU-
PRIVAS.

1596. ET eruditionis tuæ, & inclytæ illius quam habes bibliothecæ, fama impulerat me pridem, ut tibi innotescere, & studium cultumque meum offerre cuperem. Eum enim esse te, Vir clarissime, ex multorum sermonibus intellexeram, qui, cum plurimum posses literis & illarum cultoribus prodesse, voluntatem facultate inferiorem non haberes. Facile igitur in eam spem adducebar, si contracta semel inter nos notitia esset, parata mihi in tua bonitate certa præsidia, ad ea præstanda, quæ, nisi fallimur, bono multorum veterum scriptorum pridem conamur. Ardebam igitur cupiditate isthuc unius tui causâ veniendi; cum nuper vir clarissimus & amicissimus, Jacobus Læti, Lugduno rediens, meam se apud te causam egisse retulit: teque sibi omnia prolixè pollicitum esse affirmavit, quæ in tua potestate sita usui nobis ad ea, quæ paramus, esse possent. Ago tibi, Vir doctissime, pro ista tua

humanitate gratias quas possum maximas. Simul te oro, atque adeo, si pateris, ex illa pollicitatione velut ex syngrapha te appello ac convenio, ut quod habere te audio Polybii exemplar manuscriptum, id nobis utendum concedas. Audivi & Athenæum in libraria tua haberi: si ita est, ambós mittas oro te quæsoque: ambos enim, si Deus faverit, edere sedet nobis: jamque hic prælo ante menses aliquot subjectus: alter non longo, uti speramus, intervallo sequetur. Molimur & Historiæ Augustæ scriptorum post Suetonium editionem. Si & hic nos aliquid potes juvare, beaveris. Quam sit autem moribus meis alienum dissimulare, per quos profecerim, vel unicus, opinor, Tranquillus idoneus testis. Vale, & me ama, tui nominis studiosissimum. *E Museo, a. d. v. Kalend. Septemb. CIO IO XCVI.*

Si quid missurus es, tutò id fidei nobilis hujus adolescentis, qui tibi has tradet, & simul cum istis Suetonii recens hic editi exemplar, commiseris, aut Tornæsii.

EPISTOLA XC.

PHILIPPO CANAIO A'
FRAXINIS.

TUas accepi tandem, Præses amplissime, illas dico quas Kalendis ipsis Augusti ad me dedisti: quas enim triduo post te scripturum ajebas, illas ego nondum vidi. Cum reddita mihi tua est epistola, quâdam συγχρηία factum, & bono nescio quo meo fato, ut statim mox afferrentur literæ ab amplissimo Præsidente Thuano, à clarissimo Gillotto, nec non à doctissimo Petro Pithæo: omnibus idem fuit argumentum: seriò enim mecum agunt, ut Lutetiam ad menses aliquot concedam: debere me hoc ipsorum causâ præstare, qui tam avidè me expectent; debere mea & literarum, quibus juvandis idoneior (agnoscis verbum juris) postea sim futurus quàm nunc sum. Quippe reperturum ibi quæ diu & frustra quæserim. Ipsa sunt clarissimi Thuani verba: qui non unis, sed pluribus literis hujus itineris necessitatem mihi imposuit: nosti enim vestras τῶν μέγα δυναμένων δέησις πιθανάγκας esse. Quâ enim fronte recusem? Sedet igitur Λαφίαν τῶν κακῶν, cui nunc obnoxia urbs est, & illos & me voti hujus facere competentem: quod tamen sub hac conditione dictum accipias velim, si ita tibi videatur, tu enim solus omnium meorum consiliorum clavum tenes: tu mihi pro-

1596. ra & puppis: tu mihi *πέντε*. Ac miror cum jam aliquoties hac de re tecum per literas egerim, nullis tamen esse à te responsum mearum. Ego verò persuasus sum multas epistolas ad te meas periisse: nullo quidem tuo, sed meo nonnullo damno: non enim assequor quod cupio, ut assiduitate scribendi meam erga te observantiam tibi faciam testatam. Athenæus noster lentè procedit: quæ res summo mihi cordolio est. Nam quando fruar tuo, suprâ quàm ego dicere, aut tu fortasse tibi persuadere queas, mihi exoptato conspectu? Scit Deus *ὁ καρδιογνώστης* omnium mearum deliberationum summam eo niti cardine, & in eo solo itinere maximas, imò omnes, spes meas *πέντε καὶ ἀνθρώπου καὶ ἀνθρώπων* esse sitas. Atque utinam illum aliquando diem videam: nam aut aliquis tum erit mearum ærumnarum finis; aut nullus unquam futurus. Tu igitur *ἔχει, ἔχει, ὦ φίλε ἥλιε*. Exorere, inquam, dies ille omnium mihi jucundissime dierum, qui mihi pridem illuxerunt. Non peto à te, ut de me inter ista cogites, & parandi mihi otii aliquam inecas viam. Illud Deum Opt. Max. oro, viam tibi aperiat, quæ mihi adhuc patet nulla. Sed hæc coram melius. Deus, idem ille Deus, ter Maximus, ter Optimus, te tuamque nobilissimam *δίσσωπτον*, & suavissima pignora servet. *Genevæ, a. d. v. Kalend. Septemb. c15 15 xcvi.* defessâ mente ac manu scribendis literis ad Francofurtenses nundinas.

EPISTOLA XCI.

TOBIÆ SCULTETO.

1596. **B**Inas omnino post tuum à nobis discessum, Scultete charissime, literas à te accepi: nec tu, opinor, à me plures. Mirarer & me & te ita fuisse officii hujus negligentes, nisi locorum ingens intervallum utrumque nostrum excusaret. Deinceps, uti spero, opto quidem certè, magis erimus assidui: quamquam ego culpâ vacavero, nisi tu diligenter locum indicaveris, ubi sis proximam hyemem acturus. Colonia Ubiorum te nunc esse, adductus novissimis tuis & Monavii epistolis, cum hæc scribebam, persuasum habebam. Itaque cum Commelino nostro egi, ut illuc Suetonii nuper editi exemplar unum curaret perferendum, tibi que reddendum: habebis illud tantisper amoris nostri pignus, dum prior Animadversionum editio sub incudem revocatur. Nolo enim nescias, tanto cum applausu doctorum, Gallorum præsertim nostrorum, priorem

editionem fuisse susceptam, ut jam in 1596. manibus prope secunda editio sit nostris typographis. In Athenæi editionem toti nunc incumbimus: absque quo esset, pridem fortasse Gallia me haberet suum. Cum omnia expendi, & rationes omnes subdixi, inclinatus animus: nec sine aliqua spe, posse me in mediis illic turbis otium studiis meis nancisci: nam id unum peto, quæro, sitio. Moveor copiâ amicorum viro- rum clarissimorum & amplissimorum, qui totâ Galliâ me amant, me cupiunt, me vocant. Eò, si visum fuerit, edito Athenæo lares conferre [nihil dum enim statui: & tenet me dulcedo hujus alterius patriæ *** gratissimæ,] sed si eò visum tandem fuerit proficisci, denuntio tibi, sis memor veteris pacti conventi: agam enim tecum stricto jure. Crede autem mihi, Vir medullitus mihi chare, si manseris in sententia, nunquam te poenitebit. Habeo gravissimas, cur ita sentiam, causas: sed de his post Athenæum consummarum, si ita Deo Opt. Max. videbitur: cui quidem *σώσεα* debes, hoc est, *ὑμῶν ἐνχαλεπκόν*, quod me superioribus mensibus è gravissimo morbo liberavit. Ægrota- vimus enim eodem ferè tempore ego, uxor, & charissima Abigail: morbus meus non sine periculo fuit, uxoris non sine cruciatu, filioli suavissimæ & dilectissimæ fatalis & postremus. Ignosce piæ *σεργῇ*: tertius jam is mensis, & tamen sine lacrymis ista non scribo. En quid sit patrem esse. Erigo me tamen, & divinæ voluntati libens meritò acquiesco. Uxor & liberi te oculis ferunt, & quàm officiosissimè salutant. Plurimam verò omnes nobilissimo, & nobis colendo Burghausio tuo salutem impertimur. Vale, corculum meum. *Genevæ, a. d. iv. Kalend. Septemb. c15 15 xcvi.*

EPISTOLA XCII.

DIONYSIO GOTHOFREDO.

PUTO accepisse te, Vir clarissime, quas ante dies circiter quindecim studio- so cuidam Anglo tibi perferendas tradi- di: eò nunc brevior ero: præsertim cum variis curis distrahar. Probus nec venit, nec scripsit: ut jam quid eo sit factum, hic nemo sciat. Spero tamen Francofurti cum ad nundinas futurum: si ita est, tu illum in reditu videbis. Videor mihi intellexisse inibi esse te, ut cum Stephano inritâ societate Plutar- chi editionem suscipias. Nollem id me celasses: juvissem fortasse vel re, vel consilio:

1596. consilio : & nos illum scriptorem *πρωτο-
πλάκην* : & nos aliquid in his literis vi-
demus. Optimum senem * nostrum
* *Henri-
cūm Ste-
phanum
Coiomel.* solum sibi videri sapere, nec mi-
ror, nec suam ipsi vel famam, vel
doctrinam, vel sapientiam invidco.
† *Stepha-
num.* Paulum † fratrem id apud me tantope-
re dissimulasse demiror. Suetonium
nuper relegimus : accipies ejus exem-
plar unum à fratre Paulo. In Athenæo
nunc sumus : quo absoluto, sedet animo
nutantem rem familiarem seriò firmare.
Deus Opt. Max. cœpta adjuvet : quem
supplex veneror, servet te, tuam ac
tuos. Vale, Vir clarissime. *Genevæ,
a. d. Kalend. Septemb. c15 15 xcvi.*

morbū vocant, interque acutissimos 1596.
recensent. Id verò *οὐδ' ἐν γένεσιν*. Omi-
seram de adolescente eo respondere,
qui mihi fuit à te commendatus. Is
apud D. de Piedmante habet. Invisit
mē, ego illum vicissim aliquoties : in-
teresse etiam ferè solet lectionibus Po-
lybianis : ac videtur esse literarum cu-
pidus. Vixit sanè, dum hic fuit, quàm
honestissimè & modestissimè : unum mi-
hi molestum, quòd non possum aliquo
insigni officio erga te amorem illi fa-
cere testatum : sed quæram occasio-
nem. Deus te servet, Vir amicissime.
Tuas ad D. de Fresnes curabo, ne du-
bita.

EPISTOLA XCIII.

JACOBO BONGARSIO.

1596. **H**eri manè occupato mihi in clau-
dendis iis, quas ad te scriptas fra-
tri P. St. † cram traditurus, ecce asse-
runtur literæ tuæ Francofurti scriptæ
† *Paulo
Stephano.* die xxvi. Aug. Hodie item exeunti mi-
hi à lectione traditæ sunt, quas scripse-
ras xix. ejusdem mensis. Gavissus sum
supereffe adhuc mihi facultatem re-
spondendi, cum necdum frater esset
profectus. Ago igitur tibi quas &
quantas maximas possum gratias, pro
ista sollicitudine tua conatus nostros
adjuvandi. Non potes magis me tibi
devinctum atque obnoxium reddere.
Risi illorum stultitiam, qui schedas
optimi Sylburgii tanti indicarunt tibi,
pro quibus si vel assem Cajanum dedis-
ses, non tulissem æquo animo. Nolo
detractum quicquam memoriæ pii viri,
docti, amici : sed genus notarum ejus
fatis notum te habere opinor. Hoc au-
tem cuperem, ut versio Amasæi, quam
ille pressisse diu existimatur, tandem
ederetur, quanquam & illam non esse
in arce collocandam, facile credo D. à
Fraxinis, qui olim sibi visam ac lectam
affirmavit. De subsidiis è Gallia osten-
sis major mihi cura : de codice, in-
quam, MS. Pithœi, & altero quod
Lugduni esse dicitur. De Pithœano &
scribam ipse, & tu omnia præstabis :
de Lugdunensi certa ferè mihi spes, cis
paucos dies in meam potestatem eum
futurum. Tum aliud nihil quàm otium
desiderabitur, cui parando longiore
deliberatione opus. Deus providebit,
mi Bongarsi : & tu quoque ut soles ad-
juvabis. Vale. *Genevæ, a. d. pridie
Kalend. Septemb. c15 15 xcvi.*

Hæc scripsi semiæger, & prorsus,
nisi Deus avertat, eodem morbo ten-
tandus, quo paulò minus sum in bea-
tas sedes delatus. Medici choleram

EPISTOLA XCIV.

THEOPHILO RICHARDO.

Æquius erat ut tu mihi prior; ego 1596.
enim *αὐτὴν*, tu minor : diu
propterea expectavi, ecquid tui officii
tandem veniret in mentem : frustra ;
obdurasti enim animum, & constanter
siluisti. Non laudo, Richarde, tuum
factum ; culpo magis. Quid enim ha-
bes dicere quo te excuses ? non puto
factum tamen, ut animo penitus tibi
excideremus : malo enim causam tuam
adjuvare, & benignè interpretari tam
diuturnum silentium, quàm stricto jure
tecum experiri. Ut igitur agnoscas de-
fuisse te officio, ecce provoco ad mu-
tuam scriptionem, quam fortasse alius
eâ ætate, quâ tu es, non unis sollici-
tasset. Tuæ nunc partes, sic postea
mecum agere, ut posterior diligentia
priorem, negligentiam diluat. Quan-
quam quod fueris in scribendo lentus,
levius id est : modò in studendo assi-
duitatem tuam desiderari non sis passus.
Hoc ego mihi de te spondeo : hoc pa-
rentem tuum literis non unis, ut sibi de
te promitteret, hortatus sum, tuæque
apud illum fidei & industriæ quasi ob-
ses sum constitutus. Vide ne utriusque
opinionem fallas : & spero meliora.
Novi enim probam indolem tuam, &
præclara jacta fundamenta : fac verò
semper ante oculos tibi hareat, quan-
tum optimis parentibus debeas, qui
tantâ benignitate studia tua fovant.
Impius in Deum sis, si istis tantis bonis
non utaris bene. Sed tu potius spem
nostram superabis, quàm falles. Sic
erit, modò opem divinam precibus
assiduus implorare non cesses. Ita faci-
to, & vale. *Genevæ, a. d. Kalend.
Septemb. c15 15 xcvi.*

EPISTOLA XCV.

FRANCISCO PITHOEO.

1596. **I**ncidi nunc ipsum felici quādam συγ-
 κρυψα in tuam, Vir clarissime, foro-
 rem lectissimam, matronam D. à Vassā,
 à qua dum quaro, ecquid literas à te
 acceperit, aut de tuo statu & valetudi-
 ne aliquid intellexerit; didici certum
 esse quendam hominem, qui istuc sit
 jamjam profecturus: posseque me, si
 quid vellem, ad te literarum dare, &
 tutò ei committere. Gavissus sum esse
 mihi oblatam adeò bonam scribendi ad
 te, quod pridem cupiebam, occasio-
 nem: nam etsi aliquoties ipse jam tibi
 scripsi, tu autem, quod equidem sciam,
 nunquam mihi, non eò tamen minus
 aut colam te, Vir magne; aut etiam
 amabo. Enimverò antè leves pascen-
 tur in æthere cervi, quàm ego defati-
 ger præstando officio erga te meo. Ita
 dico, officio; nam quod omnes litera-
 rum & μακρὸν ἡρεσμένης, in quæ ego
 nomen profiteor meum, te depereunt,
 te observant; debetur is honos pridem
 tuis virtutibus & illi excellenti erudi-
 tionis tuæ, cujus τὸ βιβλίον soli mirantur,
 ἐπί τῳ τῷ σεμνῷ τῷ τῷ Μακρὸν ἔργον μιμνήσκται.
 In quorum album si tu me censueris ef-
 se referendum, nā ego tuo unius judi-
 cio veræ gloriæ amplius consecutum
 me putabo, quam sexcentorum aliorum
 elogia, ne dicam encomia, asserre mi-
 hi possint. Atque is tuus de nostris stu-
 diis si fuerit sensus, non dubito quin
 facile impetraturus à te sim, quod ut te
 rogarem, autor mihi Jacobus Bongar-
 sius nuper fuit. Is mihi per literas sig-
 nificavit, habere te Polybii MS. exem-
 plar, cujus copiam rogatus à me non
 difficulter esses mihi facturum. Ecce,
 rogo, obsecro obtestorque te, Pithœe
 eruditissime, concede mihi hoc benefi-
 cium, ut libro illo tuo uti aliquandiu
 possim. Paro enim (quod te non nesci-
 re arbitror) ejus gravissimi scriptoris
 luculentam sanè editionem. Adjuva
 igitur, amabò, conatus meos, feceris
 mihi rem πεινῆς λόγῳ πῖρα gratam, me-
 que tibi immortalis beneficio devinxe-
 ris. Vale, Vir doctissime. *Genevæ,*
raptim a. d. iv. Idus Septemb. c15 15
x cvi.

EPISTOLA XCVI.

PETRO PITHOEO.

1596. **Q**uas Bullioni dedisti, Pithœe cla-
 rissime, accepi nuper: eas verò
 nullus vidi, quas te antè misisse signi-

ficas. Atque ea jactura multis nomini- 1596.
 bus per mihi est acerba & prope lu-
 ctuosa: facile enim ex istis conjicio
 quales illæ fuerint literæ quæ perierunt:
 quàm doctæ & eruditæ, & quot quan-
 tarumque rerum incognitarum magi-
 stræ mihi esse potuerint. Quàm multa
 enim didici ex hac tuâ epistola,
 quamvis properanter adeò scripta.
 Deinde tu me oras, veniam isthuc &
 te visam. Atqui ego vel si vetares,
 facerem tamen, infinità quādam di-
 scendi cupiditate inflammatus. Sitis
 enim, ut si quis alius, rerum veterum
 cognitionem, bonarum, inquam, &
 quas cognovisse sit operæ: quæ cum
 sit in te & fratre tuo excellens adeò,
 ut in nemine magis, (possem amplius
 aliquid & verius dicere, sed nolo apud
 te) constitui σὺν θεῷ quàm primùm oc-
 casio se obtulerit, isthuc venire, &
 oculos animumque vestri desiderio pri-
 dem faucium satiare atque explorare. Sed
 nunc tempora quæ sint vides: itaque
 necessariò hanc cogitationem in alia
 tempora differimus. Redeo ad episto-
 lam tuam: ex qua primùm de Phœdro,
 Augusti liberto, cognovi: nam planè
 mihi antè id nomen incognitum: pror-
 susque de eo quā scriptore, quā scri-
 pto vel legi nihil, vel si est aliter, non
 memini. Quare tu, mi Pithœe, ad
 istud quod attinet, ἀλλήν δὲ βιβλίον
 à me nihil excutere aut extundere po-
 tes. Sed urge, obsecro, editionem
 ejus auctoris; & prioribus tuis in rem-
 publicam literariam meritis, quæ maxi-
 ma sunt, etiam hoc adjice. De Sene-
 ca quod scribis gratum mihi, imò gra-
 tissimum: etsi fateor ingenuè, superare
 vires nostras id onus, quod tu, & cla-
 rissimus Nicolaus Faber, humeris meis
 paratis imponere. Cur non potius alter
 vestrum, ambove rem perficitis? verè
 dicam ἀρετῆς: aut vos potestis, aut hæc
 tempestate potest nemo. Quod scribis de
 locis aliquot in συναγωγῇ fragmentorum
 Suetonii prætermisissis, & cur prætermi-
 serim quæris: respondeo tibi uno ver-
 bo: nescivi nempe, qui ne libros qui-
 dem eos habui, unde tu illos excerpsti.
 Quamobrem oro te etiam atque
 etiam, colligas quæ eo facere judica-
 bis omnia, & mittas. Oro etiam te,
 quia suscepta nobis Spartiani, Capito-
 lini &c. editio est, adjuves hic quoque
 nostram industriam, & libris quibus
 poteris instruas ad id cœptum necessa-
 riis; nam ego planè à MSS. hic sum
 destitutus. Plura tecum hac de re aliis-
 que multis agerem, nisi vetarent tem-
 poris angustia. Sum enim de hujus
 profectioe serò, & casu à lectissima
 sorore tua, D. de Vassā, factus certior.
 Igitur.

1596. Igitur festinationi meæ ignosce, & vale, Vir clarissime, ac felix quàm diutissimè nobis vive. *Genevæ, a. d. iv. Idus Septemb. c13 13 xcvi. raptim.*

E P I S T O L A XCVII.

JOANNI COCEO.

1596. **L**iteras tuas, & eleganter scriptas, & omnis humanitatis notis tinctas, Cocce nobilissime, reddidit mihi nuper vetus hospes tuus, Perrottus noster. Lætatus sum, & Deo Opt. Max. gratias egi, quod valeres, quod viveres nostri memor, quod amicitiam nostram faceres tanti, ut etiam laceßere literis tuis, & provocare ad vices scribendi sustinueris. Antevertisti me, fateor, & occupasti partes quæ meæ potius erant. Nam ego in ære sum tuo, non mediocri à te beneficio affectus, tu à me nullo. Verùm ego te, alti animi virum, arbitror sic tecum rationem putare, quasi acceperis ipse beneficium, quum dedisti memori, nec fortasse indigno. Maeste, generosa ista indole esto: ac persuade tibi, si quis est ex omni necessariorum tuorum numero, qui te amet ex animo, & bonâ fide colat, cum esse me. Puto autem in patriam te tandem cogitare. Itaque oro te, ut cum illuc veneris, apud nobilissimum Savilium & eruditissimum Dunæum magis magisque ponas me in gratiam. Scripsi ad hunc sæpius, ad illum semel: cujus mei officii testem videor mihi posse te laudare. Nisi enim fallor, adhuc nobiscum fuisti: & ego literas ad illos esse me daturum significavi tibi. Sanè quanti Savilium faciam, non ignoras tu, qui ad eruditissima ipsius scripta intelligenda tantâ me operâ juvisti. Vale, Vir nobilissime, & me, quod facis, ama. *Genevæ, a. d. pridie Idus Septemb. c13 13 xcvi. raptim.*

E P I S T O L A XCVIII.

GUILIELMO RANCHINO.

1596. **E**T literas tuas, & quem muneri misisti libellum, Ranchine præstantissime, accepi nudiusquartus. Non puto expectare te, ut de eo scripto quid sentiam, tibi aperiam: neque enim te fugit, etsi olim studio juris non parum sumus oblectati, tamen earum rerum judicium nostrum non esse; elegantiam certè sermonis, summamque antiquitatis peritiam, quâ velut emblemate pulcherrimo graviora studia ornasti, agnovi & (ita me omnes Musæ ament) miratus sum. Beasti igitur me

quod exstare in Musco meo eximium istud singularis doctrinæ tuæ simul, & amoris erga me testimonium voluisti. Nam quod tu εἰσενέγκης [sic enim interpretor] à cucullis periculum ei fuisse scribis: voluisti nempe, quid mihi de meis scriptis esset sperandum, comiter indicare. Illis verò eveniat quicquid lege fati quo nata sunt continetur. Verè & ex animi sententia dicam, non curat Hippoclidēs. Mens nobis animusque semper fuit, eritque porro, rem literariam pro virili ire adjutum. Cæterum Marti & Musis quàm parum conveniat, nos non later. Quò magis subit mirari constans adeò vestrum studium in hac rutuba, ut ait Varro, jacentes ubique bonas artes & literas è pulvere excitandi. Maeste estote, viri magni & verè generosi, virtutis hujus & constantiæ. Pergite modò uti cœpistis, & conatibus Deum adfuturum sperate. Quod autem visum vobis me potissimum eligere, cujus in eam rem operâ utamini, albâ nimis mente sim, nisi vestrum hic potius erga me agnoscam studium, quàm probem judicium. Novi enim ipse me: quàm sit, inquam, mihi supellex curta, probè novi. Putabam equidem, dum me, dum seculum istud intuebar, satius fore, ut, quod pridem erat institutum, omitteretur: & jam scilicet in utramque securus dormiebam, cum ecce de improvviso tale nihil cogitanti, vestræ mihi literæ afferuntur. Mirum dictu quàm sim repente illarum lectione immutatus. Existimavi enim non sine numine inditam vobis hanc mentem: ut si toties tam amanter vocatus haud sequerer, non optimè tantum de nobis meritos viros offenderem, sed ipsum consilii autorem * primum. Igitur (quod Deus * *Philip. pum Caninum à Fraxinis.*) Optimus Maximus bene vestræ reipublicæ, bene mihi velit evenire) statui illicò rem mox perficere. Ea sine certum hominem ad vos mittere visum, qui hunc animi mei sensum vobis indicaret. Erat namque multis gravissimisque de causis prorsus necessarium, si quid hujus futurum est, fieri id quantocius. Illas tibi commemorare isto loco supersedebo, persuadeo enim mihi lecturum te quas publicè civitati vestræ † scripsi: quod quidem ut facias, te oro atque obtestor, meque ut in omnibus juves, quæ ad mea & meorum commoda pertinere intelliges. Equidem ut vestræ obtemperarem voluntati, omnia uti par erat postposui & insuperhabui. Athenæum ipsum, cujus pridem, ut scis, inchoata mihi editio, destituere animus est. Jure igitur meo facturus videor, si fidem tuam, Ranchine

1596. chine clarissime, appellavero, & te iterum per ipsum amicitiae praesidem Deum obsecravero, videas sollicitè, ecquid è re cum vestra publica, tum etiam mea hoc inceptum sit futurum. Dein si ita sedet vobis, efficias pro ea quâ merito polles gratia & autoritate, ut isthic mihi meisque quibus rebus cunque poterit, consulatur. Sanctè polliceor tibi, si nos eura tuâ fueris dignatus, futurum nunquam ut te poeniteat. Fateor referendæ pro meritis gratiæ imparem & esse me, & semper futurum: sed habeo quem exhibeam fidejussorem; Deum dico immortalem, quem tibi debitorem delegabo, precibusque fatigabo, ut omnia bonorum genera quàm cumulatissimè tibi tuisque praestet. Vale, Vir clarissime, & me ama. *Genevæ, a. d. ix. Kalend. Octob. c15 15* XCVI.

EPISTOLA XCIX.

PHILIPPO CANAIO A
FRAXINIS.

1596. **Q**uintus dies hic est, Praeses amplissime, quum à Consulibus Mompelientibus literæ redditæ mihi sunt, quibus peramanter ad se me vocant: simul binas tuas, & à clarissimo Ranchino unas accepi. Has omnes ubi legi semel iterumque; Dei primùm invocato numine, dein cum jucundissima conjuge re deliberatâ, cepi mox consilium, Deum sequi vocantem, & tuam, meum decus, fidem apud eos liberare, quibus eam obstrinxeras. Causâ quibus sum inductus ut nunc potissimum rem vellem perficere, multæ exque graves sunt. Speroque me brevi σύν Θεῷ illas tibi in primo nostro congressu narraturum, & probaturum. Intercâ mitto tibi exemplum literarum quas Consulibus M. * & quas Ranchino scripsi. Grave onus imponam tibi, si teoravero ut ambas velis legere: sed mea interest quamplurimum, ut scias quid mihi praestari velim, & omnino quomodo in hoc negotio me gesserim. Audebo igitur te rogare ut illas legas. At illud equidem te non orabo adjuves me, & causam meam suscipias. Tu, amice magne, incepti hujus primùm illis autor, deinde suasor mihi fuisti: tuæ unius literæ me horsum primò impulerunt, deinde etiam compulerunt: tuo, inquam, unius ductu atque auspiciis & inceptum & prope jam perfectum hoc negotium est. Itaque facerem, nisi fallor, gravem tibi injuriam, si tecum pluribus agerem, ut me in tuam suscipias clientelam. Ego verò pridem tuus sum;

* Mompe-
liensis.

tu mihi jam per multos annos patrocini- 1596.
um tuum assiduè præbuiisti: ego cultum, observantiam, ac verum amorem & præstare conatus sum semper, & æternum præstabo. Deus Opt. Max. faxit, redeat aliquis tandem ad te fructus officiorum omnium erga me tuorum. Ita fiet, ne dubita, Praeses amplissime, mihi quidem ego sic futurum persuadeo; πιστευκα γὰρ εἰς τὸν κύριον. πᾶσι δὲ ὁ Θεὸς ἡ δικαιοσύνη, ἵνα ἀναπόδομα καλὸν κῆ ἐν τῷ νυνὶ βίῳ ἡ ἐν τῷ μέλλοντι ἐν ἡμέρᾳ κρίσεως. Vale, ὁ meorum studiorum unicum praesidium. *Genevæ, a. d. ix. Kalend. Octob. c15 15* XCVI.

EPISTOLA C.

FLORENTI CHRISTIANO.

Accepi ante paucos dies, Vir doctissime, 1596.
Notas in Athenæum aliquas, à clarissimo Servino missas: in quibus ego cum tuum nomen non semel invenissem, arripui libens hanc occasionem scribendi ad te, atque, si tu modo non nolueris, amicitiam tecum instituendi. Equidem à quo primùm Græcarum literarum amore sum captus, te quoque amare, observare & mirari nunquam desii. Notam enim te, quàm illarum rerum cognitione excellas, quarum cupiditate totus ipse ardebam. Atque hoc velim mihi accredas, Μεγάλην ἰσχυρὴν ἐργασίαν, acerbam mihi sæpe vitam fuisse, quòd te cum cæteris oppidò quàm paucis rei literariæ fulcris & desiniis videre, vestroque ductu proficere nondum quirus sim. Quoniam tamen ἐλπίδες ἐν ζωῇσιν, non abjeci adhuc omnem spem. Sedet enim, nisi conatibus nostris summus humanarum rerum Arbiter adversetur, Lutetiam statim ἐπισυντρεῖσθαι κακῶς excurrere, & te, Vir doctissime, eadem invisere. Intercâ ago tibi pro illis in Athenæum Notis, quas mecum nuper communicasti, gratias quas nullis verbis explicare possim. Hoc illud est, quod jure & merito semper dolui, adeò procul ab iis nos abesse, qui nostra studia poterant adjuvare. Mea verò præcipua fuit quædam infelicitas, qui & consuetudine tuâ carui, & doctissimorum scriptorum lectione, quæ proximis hisce annis edita esse à te, Anglus quidam me docuit. Dici non potest quàm malè ea me res habeat. Frustra enim omnem ad hunc diem movi lapidem, ut illa mihi aliundè pararet, eò magis quòd Athenæi quædam fuisse in illis à te emendata, ex eodem cruditissimo juvene intelligere memini. Nam, quod te non fugit,

1596. git, ejus authoris editio suscepta nobis, studio haut dubiè majore quàm consilio. Sed, amabò, Vir doctissime, laborem meum [potes enim] tuo suble-
va. Hoc ego sic te oro quæsoque, ut nihil queam *ἐκπύρω* aut studio majore. Vale, & vive, ac floridissimè *Μα-
αῖν ἄν.* *Genevæ, a. d. vi. Kalend.*
Octob. c13 13 xcvi.

EPISTOLA CI.

PHILIPPO CANAIO A
FRAXINIS.

1596. **C**onsilium nostrum super instituto pridem negotio, recens & ante dies viginti quatuor susceptum, puto jam tibi esse notum. Mihi enim è vestigio certum hominem ad Consules Mompelienses, qui doceret ipsos, *ἐν δέσποια* tandem literis eorum novissimis acceptis: eidem tabellario tradidi, & tibi, meum decus, inscriptum fasciculum: mandavique ut siquidem Montepessulo posset statim, viâ certâ mitteret, sin minus, ipse cum ad te perferret. Adjunxeram autem meis literis Suetonium, minore formâ nuper hic editum. Exspecto nunc hominis illius reditum: qui mihi quidem lentior Myrmecide jam videri incipit. Sed enim fatis citò, si modò fatis bene: cujus rei spem omnem in Deo Opt. Max. & secundum Deum in te positam habeo. Exspectemus igitur. Intercâ mitto tibi Bongarsii, viri optimè de studiis meis quotidie merentis, epistolam, cui ut quàm primùm respondeas tuasque ad me mittas, rogo te atque obsecro. Sum enim ab eo vehementer oratus, ut responsum à te sibi curarem. Scito autem quas nuper ad illum scripseras, Argentinæ periisse, cum integro fasciculo mearum, quem Melchioris Junii filio tradideram, & fidei hominis commendaram. Vereor ne & aliquot aliis mearum idem casus evenierit: fortè & tuarum quæ meis adjectæ. Ut metuam facit Bongarsii affirmatio, negantis se ullas à te per istos octo menses accepisse. Quicquid ejus sit omni culpâ vaco. Illorum omne scelus qui per summum nefas, aut vægrandem certè negligentiam spei meæ illuserunt. Vale, Vir amplissime, & diu nobis quàm felicissimè vive cum nobilissima conjuge & suavissimis liberis. *Genevæ, a. d. iiii. Idus Octob. c13 13 xcvi.*

EPISTOLA CII.

GUILIELMO RANCHINO.

Expectabam literas tuas, & reditum 1596. tabellarii, quem ad vos misi, animo suspenso præstolabar, cum de sua ad vos perfectione facit me certiore qui tibi has reddet. Is est Sarraceni nostri filius, & patris causâ, cui omnia debeo, & suo etiam merito mihi ex animo medullitùs dilectus. Igitur facere non quitus sum, quin isthuc proficiscenti hoc schedium traderem, velut tesseram aliquam hospitalem, quâ tibi de meliore nota eum commendarem. Quod equidem ita studiosè & diligenter facio, ut nihil queam magis. Fac juvenis hujus periculum: præstabo vel periculo existimationis meæ dignum tuâ (cùm ita dico, memini quem alloquar) amicitia. Itaque peto à te, Ranchine clarissime, teque per eam, quâ me prosequeris, amicitiam obtestor, ut optimo huic & nostræ disciplinæ alumno adolescenti aditum ad te istis literis esse reclusum atque patefactum velis: quicquid ejus causâ feceris, id ego mihi præstitum interpreta-
bor. Vale, Vir magne, & me ama. Iterum dico, *μνήσθη* vestras expectabam cùm ista scriberem. Scripsi raptim. *Genevæ, a. d. Idus Octob. c13 13 xcvi.*

EPISTOLA CIII.

PETRO PITHOE O.

Literas tuas, & quos misisti libellos 1596. accepi, Vir clarissime, & gratias ago. Tum primùm videre mihi contigit Phædrum tuum, scriptorem, meo judicio, politissimum, & vel propter antiquitatem luce dignissimum. Sed non unus Phædrus alapas Pithœis debet: debent jam alii quoque plures: & ut spero optoque, alii porro multi debebunt. Deus Opt. Max. istud velit, & utrique vestrum vitam longam beatamque duit. Gratus etiam mihi Hilarrii libellus quem adjecisti, ad quem non minus quàm ad Phædrum notas exspecto tuas: est enim sanè quàm multis locis corruptus. Plurimam verò tibi senex noster * salutem nuntiari jussit, quem voluisti tuorum istorum *καθη-
μερίων* fieri participem. Perge, Vir magne, in hoc literarum genere bene de omnibus probitatis & veritatis amantibus mereri. Debes hoc Christiano orbi: eò quidem magis quò majore perfidiâ multos in id genus rebus vides grassari.

* *Hem-
ricus Ste-
phanus.*

1596. grassari. Nos utinam tam felici fidere nati essemus, ut in eo studiorum genere aliquid possemus: animus certè in iis literis solis acquiescit, & omnino, nisi morimur juvenes, tentabimus aliquid. Sed hæc coram melius. Nunc illud te, & simul doctissimum clarissimumque virum, fratrem tuum oro, si quid habetis quo ornari editio Athenæi (in ea nunc totus sum) possit, id velitis mecum communicare. Hoc mihi gratius facere nihil potestis. Scripsissem ea sine ad fratrem tuum, si plusculum orti mihi fuisset: sed neque ejus erat copia, & suberat suspicio non esse illum isthic, quando trinis à me literis provocatus respondere adhuc distulit. Erat mihi aliqua spes de manuscripto Polybio, quem habere ipsum intellexi: ea spes ne decollet, in te uno situm puto. Verùm plura de his brevi. De Phædri * versu: *Multo majoris alape mecum venerunt*: non erat tuum quenquam consulere: qui verbulo uno veram sententiam indicasti intelligentibus harum rerum, non enim dubito αὐτὴν κεκοσμήναι ὡς πρὶν βατῆρα πρὸς τὸν ἄλκιμον: neque aptius ad sententiam potest quicquam: est quidem dictum duriusculè *mecum venerunt*, pro *apud me*: sed eam duritiem molliunt alia in eo libello non dissimilia. Vale, Vir clarissime, & me ama, qui te cum fratre tuo planè ex animo, ut λέειναι ἔχωσιν γένος, veneror. Iterum valere. *Genevæ, Kalend. Novemb. CIO IO XCVI.*

* Lib. II.
Fab. 5.

EPISTOLA CIV.

HENRICO SAVILIO.

1596. ET ex literis non unis Richardi Thomsonis, Savili clarissime, intellexi pridem, & nuper ex ejusdem sermone plenius cognovi, me, qui tuam eximiam eruditionem maximasque virtutes amo juxtaque colo, vicissim à te non vulgarem in modum diligere. Beavit me vir amicissimus isto nuntio: non enim mihi aut gratius aut jucundius potest quicquam contingere, si nos nostraque studia iis probari sensero, quos sua virtus & scientia in eum evexit locum, quem tu, Savili, vel faciente invidia, hodie inter Μεσσηνίων γερόντων obtines. Me verò ita novem Sorores ament, ut lætis hausi auribus, nostras te esse aliquid putare nugas. Cur enim ego apud te dissimulem, summæ voluptati mihi esse, non improbari scripta nostra ei viro, quem certò scio posse talium rerum vindicare sibi iudicium? Quod igitur à doctis hominibus nostri libelli interdum isthic lectiten-

tur, [sic enim audio,] id non auctori suo æquè debent ac tibi: plus enim ad illorum commendationem tuum unius iudicium, quàm nostrum ingenium attulisse nullus dubito. Quum itaque vel isto nomine tantum me tibi debere fatear quàm exsolvere nunquam possim: tamen quia ingenui animi est, ut ille ait, cui multum debeas, eidem velle debere quàm plurimum, petere à te non verebor, teque obnixè orare, ut in Polybii editione, quam σὺν τῷ Θεῷ molior, opem feras laboranti, tuoque labore meum adjutes. Posse te, hoc satis scio: non nolle, id quoque persuasus sum. Hæc spes mea si non decollaverit, & cœptis Deus adfuerit, de eo præstantissimo scriptore τὰς φιλομαθείας τῶν ἀνδρῶν jubeo esse securos: quantum enim cumque illud est, quod poterò, (parum esse fateor) sed tamen quantumcunque poterò ad ejus lucem conferre, bonâ fide vires experiri certum est. Unum adhuc est quod nos moretur: sum enim in Athenæo τὰ νῦν ὄλκιμα καὶ πᾶσι: eâ curâ simul liberati fuerimus, ad Polybium mentem animumque convertemus: velit modò Deus Opt. Max. Hunc veneror supplex, ut te quàm diutissimè velit esse salvum atque incolumem. Vale. *Genevæ, a. d. III. Nonas Novemb. CIO IO XCVI.*

EPISTOLA CV.

GUILIELMO CAMBDENO.

NON Anglos solum tuos, Vir doctissime, opere illo tuo semper victuro tibi obstrinxisti; sed omnes quotquot ubique sunt veteris historię amantes & cupidi. In quæis cum ego nomen profitear meum, persuasum velim habeas, ut literarum, sic tui, qui tantum in literis potes, studiosissimum me esse. Omnia in tuis scriptis mirificè mihi placent, ingenium, diligentia, eruditio, & quod supra omnia est, iudicium. Ut scias me non temerè & πρὸς τὴν σὴν χάριν hæc scribere, sed planè ἀφελῶς, & ex animi sententia, indicabo tibi, quod mihi aliquando venit in mentem tecum loquenti, hoc est, librum tuum legenti. Scribis enim, *Brithaniam* dictam à *Brith & tania*. *Taniam* esse Græcis terram, regionem: profers autoritatem Glossariorum: quibus equidem sine locuplete teste fidem arbitrabor nunquam. Aut igitur doceat me aliquis, τανίαν apud scriptorem aliquem eâ notione positum; aut mihi accredat eam vocem Græcam non esse, nec quicquam significare. Non dubito autem fingendæ illi præbuisse occasionem

1596. sionem dictionem *ταυία*, quæ est quando ponitur pro terræ lingula, vel ora: eam memini aliquoties apud Strabonem & alios etiam offendisse scriptam depravatè. Inde origo figmenti & somnii ejus, qui primus in Lexicon suum *τὴ ταυία* annotavit. In eodem sermone quod ais præcisè adeò, tria sola præter Britanniam majorem regionum nomina quæ in TANIA terminentur, reperiri: *Mauritaniam*, *Lusitaniam*, *Aquitaniam*: causam non video, cur *Cape-taniam* & *Occitaniam* omiseris. Hæc & pauca id genus alia annotabam, dum eximium illud opus percurro: quæ etsi levia sunt, tamen ut de iis te consulere, pervicit amicissimi doctissimique, & tui studiosissimi viri, Richardi Thomsonis hortatio. Is mihi in sermonibus sæpius affirmavit, fore tibi pergratum, si de communibus studiis tecum per literas conferrem. Ut illi deinceps constet apud me fides, in te nunc situm. Ita enim intelligam gratas tibi meas fuisse, si pari munere me redhostieris, & meorum errorum monueris. Sic mihi quicquid opto contingat, ut hoc gratius facere nihil mihi potes. Vale, Vir doctissime. *Genevæ, a. d. Nonis Novemb. c15 15 xcvi.*

EPISTOLA CVI.

DAVIDI HOESCHELIO.

596. **Q**uas Francofurtum miseras, accipi, Vir doctissime, & libellum infimul, quem muneri misisti; eoque nomine & ago & habeo tibi gratias. Laudo factum tuum, quod etiam ad has minutias descendere non graveris, dum studiosæ juventuti consulas. Sed te eximia eruditio tua multum in istis operæ aut temporis ponere non patitur. Alius generis sunt, quæ à te omnes φιλομαγείας exspectamus & flagitamus. Habes amplum, in quo excellens ingenium tuum occupes, stadium; veteres dico Theologos, qui in nobili Augustana bibliotheca latent. Hos profer, sodes, in lucem, & novo nos semper aliquo bea munere. Athenæus noster paulatim eò deductus est, ut seriò nobis recensitus plus dimidiâ parte jam sit editus. Mea ratio hæc fuit: ut textum infinitis emendatum suppletumque locis edicem, cui è regione versionem Dalechampii cum notis non tam adjeci, quàm passus sum adjeci. Meas emendationes, quarum ratio reddenda erat, in libro Animadversionum servavi. Si votis Deus annuerit, spondeo opus fore non poenitendum. Quamquam illud molestè accidit, quod antè

migrandum hoc loco mihi est necessario, quàm res sit planè confecta. Sed in fide & diligentia Pauli Stephani affinis mei certa spes. Quæ causæ ad hanc migrationem me tandem compulerint *ἐκὼντα ἀέκωντι ἰσχυρῶ*, puto aliâ epistolâ breviter me tibi significasse. Deus Opt. Max. consilium approbet. Vale, amicissime Hoescheli. *Genevæ, a. d. VII. Idus Novemb. c15 15 xcvi.*

EPISTOLA CVII.

MARCO VELSERO.

NEquè ante biduum cum tuas acciperis, Velsere clarissime, per gravissimas curas, quæ totum me sibi tunc vindicabant, respondere illis potui: neque adhuc tantum otii sum nactus, ut bonâ fide id nomen expungere queam. Quod igitur bona alioquin, sed lenta nomina postulare solent, ut dies solutionis proferatur, id sine me, quæso, à te impetrare. Memorem me, crede, experieris debitorem, & cui non sit vellenda auris. Pro flagitatore serio erit quâ summus amor iste meus, quâ voluptas illa *απαυσις*, quam ex tuarum lectione percepi. Tam bona proficiendi, & novi semper aliquid addiscendi occasio ne mihi pereat, cautio est. Nam de Tolisto-Bois * quæ disputas, & ex * *vide Marc. Vels. ser. Ref. Boicar. lib. 11. pag. 38. & pag. 791 792, & 813. edition. Norimb. 1682.* eruditæ antiquitatis penetralibus eruisti, sic mihi visa proba & soletter indagata, ut operis illius desiderio mirum in modum torqueri incipiam. Verum ista pluribus *ὅν τῷ Θεῷ* cis paucos dies. Ceterum qui has tibi reddet, & admodum eruditus est, & tui nominis studiosissimus atque observantissimus. Eum si tui benevolentia dignatus fueris, rem feceris, meo judicio, tuâ humanitate dignam; mihi certè ipsique gratissimam. Vale, Vir amplissime, & me ama, qui te medullitus. Deus Opt. Max. te nobis *εἰς πολλὰν ἰσχυρὰν διαδάσ* servet. Iterum vale. *Genevæ, a. d. VII. Idus Novemb. c15 15 xcvi.*

Posthac si quid literarum ad me daturus es, Monspelium viâ Lugdunensi mittas oportet. Puto enim sub hujus mensis fine eò me cum tota familia migraturum, ad publicam professionem cupidissimè, & honestissimis conditionibus eò vocatum. Deum veneror, bene verat hoc inceptum.

EPISTOLA CVIII.

ANDREÆ DUNÆO.

NOvissimis tuis, quas Græco sermone 1596. ne scriptas misisti, etsi non eadem elegan-

1596. elegantia, lingua tamen eadem respondi pridem. Quid factum meis sit nescio: perisse in itinere illas ut suspicer, silentium tuum facit: nullas enim postea literas à te accepi. Obsecro te, Vir doctissime, colamus deinceps diligentius istud officii genus. Mihi quidem quæcunque à Dunæo venit epistola, gratissima semper venit. Neque ego libentius quicquam facio, quàm ut tecum per literas (quando aliter nefas) colloquar. Sed me nunc breviorum facit negotium molestum & grave; in quo totus eram, cum hæc scribebam. Accedit quod de meo statu, studiis & propensâ in te voluntate ut pluribus ad te jam scribam, nihil opus; quum ex hujus nobilissimi viri, qui has tibi tradet, sermonibus omnia te intellecturum confidam. Ex eodem migrationis meæ in Narbonensem Galliam causas disces. Ita statui tandem, post longam & molestam aliquot annorum deliberationem. Deus Opt. Max. nostris cæptis *πρόσθεν ἔστω* velit concedere. Athenæus nihilominus pedetentim ad umbilicum ferè est perductus. Ac licet vix fore putem, ut ad proximas nundinas impressa proflet editio, antequam Animadversionum nostrarum opus fuerit absolutum; scito tamen affectum jam esse, & *ἀπὸ τοῦ ἀπὸ τοῦ* absolutum Athenæi, uti vocant, contextum. Animadversionibus ne aliquam moram discessus meus ex his locis afferat, videbo. Cupio enim, imò sitio, hæc operâ & curâ quàm primum defungi. Vale, Vir doctissime. Raptim. *Genevæ, a. d. vi. Idus Novemb. CIO IO XCVI.*

EPISTOLA CIX.

STEPHANO TREMULEO.

1596. **M**eministi' eorum sermonum, quos nuper habuimus, quum negarem tibi posse me diutius hic *ἀπὸ τοῦ πειθαίτων*? Ecce nunc venit illud tempus quando dicta oporteat exequi. Adest Legatus Monspeliensium, qui me acriter vocat. Ego sequi Deum præeuntem, etsi *ἐν τῷ ἀπὸ τοῦ*, planè decrevi. Causam consilii hujus mei unam esse, eamque necessariam, non te fugit. Erat enim æquum, ut tandem aliqua ratio iniretur à me prospiciendi mihi, uxori charissimæ, suavissimis liberis. Atque utinam, iterum utinam *ἐγγράσκειν* huic solo & cælo licuisset: at non omnibus licet esse tam beatis. Quid facerem igitur? Atque scito quod olim in simili causâ tibi accidit, mihi nunc cum maximè evenire, ut multorum iniqua judicia experiar, pro libito quidvis sin-

gentium, opinantium, garrientium. Fa- 1596. teor, mi Tremulee, non est mihi cornea fibra, & ad hos sermones movetur mihi interdum vitrea bilis: modicè tamen, & sic, ut me statim colligam. Subit enim animum hæc cogitatio, non primo aut soli hæc mihi evenire. Solatur etiam me conscientia antea actæ vitæ. Quid enim non fecimus, quid non sumus experti, ut hic nobis vivere liceret? Nec te fugit, *βίον* Græcis dici, & vitam, & quæcunque sunt ad vitam necessaria. Ista qui nobis denegant, simul quantum quidem in ipsis est, vitam nobis auferunt. Hæc maluissimè coram: necdum omnis mihi spes isthuc veniendi perit. Interea volui istud nescius ne esses. Simul te obtestor per nostram amicitiam, inquiras ubi lateant libri Alberii, & an aliquo pretio emi quicquam ex ejus bibliotheca possit. Scies facile à vidua Bouvs. Iterum à te obnixè contendo, curæ habeas hanc curam, & me facias quàm primum certiorum: sum enim totus in libris undique emendis. Vale, oculissime *ἀντιδιδότω*. Viris clarissimis collegis tuis plurimam à me, si grave non est, salutem. Raptim. *Genevæ, a. d. xiv. Kalend. Decemb. CIO IO XCVI.*

EPISTOLA CX.

JACOBO GILLOTTO.

Binas omnino literas à te, Vir clarissime, accepi: ipse ad te pro eo ac debui, non semel aut iterum, sed sæpius scripsi. Testes mihi diligentiae meæ, præter D. Bullionem, etiam alii idonei & locupletes viri, quorum fidei meas commisi. Qui enim te pridem colebam, & ad tuam amicitiam iter adfectarem, si tam amanter & benevolè à te provocatus, officio defuissem meo, quin omnium bonorum amicitia, non solum tuâ indignus meritò haberer, causam non dixerim. Me verò non sinat Deus ita officii esse incuriosum & negligentem, ut vagrandi adeo culpæ unquam sim futurus affinis. Scripsi igitur ad te, Gillotte præstantissime, & scripsi ter quater. Tu, quod nullas dum à me acceperis, sic enim intelligo, aliorum id perfidiâ, qui mihi & aliis amicis imposuere, factum, non negligentia. Verum hic mea præcipua fuit infelicitas, per quam factum, ut mihi meæ diligentiae fructus periret: quanquam fallor, neque is mihi perit, aut peribit. Jubet me hoc sperare suavissima & elegantissima epistola, quam mihi à te reddidit suavissimus Bullio, cui quod serò adeo & raptim respon-

1596. deo, causam ex eodem Bullione discas, & hanc tumultuariam scriptionem pro legitima responsione tantisper, obsecro, feres, dum otii plusculum nactus de nostris studiis [quando te hæc quoque cura tangit] pluribus tecum agam. Vale, Vir plurimum observande: & si quid posthac literarum ad me daturus es, Monspelim eas scito mittendas. Lugduni enim ista scribebamus, illuc cum familia migraturi, & studia vestrarum literarum ibi excitaturi. Deus Opt. Max. consilium fortunet, idemque te nobis quam diutissime saluum fervet atque incolumem. Iterum vale. Scripsi raptim. *Lugduni, a. d. xiv. Kalend. Decemb. CIO IO XCVI.*

EPISTOLA CXI.

JANO GUILIELMO STUCKIO.

1596. **S**erius, fateor, quam par erat tuis respondeo, Vir charissime. Sed lenitudinis hujus justas causas habere me, velim mihi accredas. Unicam non proferam, ne & tibi & mihi otium pereat. Volui enim hisce literis significare tibi, quem tandem exitum Monspeliense negotium (de quo pridem ad te scribere memini) esset habiturum. Id verò nunc demum queo. Tertius enim dies est, cum amplissimus Senatus noster ἐκὼν δέχοντι θυμῷ missionem concessit. Deus Opt. Max. cœptum fortunet, atque ad gloriam suam nostros deinceps labores non esse inutiles velit. Hic mihi est votorum omnium meorum ὅρος καὶ σκοπός, nisi quod & meorum curam habere, & φυσικὴ σοφίη, & pietas me jubet. Quid quantumque malorum exanclarim, ut hic ἐγγράσκειν possẽm, & nōrunt familiares mei, & mihi apud Deum conscientia mea testis est. Senatus quàm tenuiter & jejune mea studia foverit, nolo dicere, ne charissimæ patriæ & longè suavissimæ succensere videar. Ego verò Genevensis animo magis quàm nativitate sum, semperque ero dum spiritus hos reget artus. Sed cur Deum vocantem non sequerer, rebus meis eo me compellentibus atque adeò trudentibus? Nihil hic properè, nihil cupidè à nobis factum: biennium integrum est tractum istud negotium: toties ad me scripserunt Consules Monspelienses; toties Legatos suos partim ad me privatim, partim ad Senatum & Ministros miserunt: cur interea mihi non est consultum? Hæc eò pluribus ad te, etsi raptim, Vir amicissime, scribo, quia non omnium æqua judicia nunc experior. Quod

sanè me malè habet: sed ut dixi, οὕτως 1596. τ' ἐπιμαρτυροῦμαι. Athenæus ad umbilicum vergit: fratri Paulo Stephano caræ curæ: tamen propter indices multiplices & Animadversiones meas vix est, ut ante nundinas autumnales opus detexatur. Convivales tuos sermones, opus doctum, Deus bone! & laboriosum, recudi gaudeo. Vellem posse fieri, ut occasionem tibi præberem inferendi nominis nostri tuis scriptis: amo enim te, & amari me à te, ut omnes sciant percipio. Sed otium omnino deest. Vale igitur, Vir magne, & propter longius paulò intervallum noli in scribendo ad me esse omissior. Literas curabunt amici hic nostri, vel viâ Lugdunensi Antonius de Harfi, librarius Lugdunensis, & ibi habitans. Vale, vale, ô dilectum mihi caput: plurimam verò à me clarissimo Wolfio salutem. *Genevæ, a. d. x. Kalend. Decemb. CIO IO XCVI.*

EPISTOLA CXII.

JACOBO LECTIO.

1596. **M**onspelim tandem, Lecti sapientissime, pervenimus: ubi quàm amanter, quàm honorificè fuerimus accepti, propterea narrare superfedeo, quia vereor ne si omnia sigillatim tibi recensere instituam, tu me putes isto nimis honore gaudere, quo me planè indignum & agnosco & fateor. Nihil enim prætermisum est ad ingentis cuiusdam publicæ lætitiæ significationem. Breviter, omnibus modis superatæ sunt hæcenus spes nostræ: ac nisi vis major obstiterit, nullus dubito, facturos Monspelienses omnia, quo me consilii poenitere nunquam possit. Id verò in Dei unius ter Optimi, ter Maximi voluntate & manu situm. Illum veneror supplex, fingat me eorum studiis utilem, qui tanta cum cupiditate meam expetierunt operam. Nos quidem publicè de superiore loco vocem nullam adhuc misimus. Sed me omnes amici de successu professionis nostræ jubent sperare quàm optimè. Esse enim in hac urbe & studiosæ juventutis non exiguum numerum; & virorum etiam, qui publicis muneribus fungantur, aut qui reis patrociniū suum accommodent, nostrarum literarum percupidorum. Hi sunt, mi Lecti, quos tui nominis fama impulit, ut de te huc vocando pridem cogitarent, quod tamen initio, cum exitum id consilium habere posse non putarent, ab hominibus tui studiosissimis spretum neglectumque est. At ubi mox ad juniorem Sarracenum, qui hic

1596. agit, scriptum intellexerunt te istuc non docere, erecti omnium animi sunt. Itaque inter salutationis prima verba & ab amplissimis Consulibus, & ab omni laude majore G. Ranchino, de Lectio me scito interrogatum. Respondi, non putare me, ita unquam futuram iis mentem lavam, in quorum potestate es, ut deferendæ stationis tuæ aut causam ullam tibi præbeant, aut facultatem concedant. Sin aliquid hujus eveniat, [quia ἐν ἀνθρώποις ἔστιν ἀπόμνητον] ipsorum fore tum partes, occasione uti. At hoc Deus ne sirit, ut Genevæ Lectius relinquat: quin hoc potius toto pectore & opto & voveo, in florente tua meaque patria vigeas floreasque *eis πολλὰν ἰστίαν δεκάδας*. Verum hac de re, ubi D. à Fraxinis videro, scribam ad te pluribus & accuratius. Video enim non antè Monspelienſes desituros ab hoc incepto, quàm re, si modò possit, confectâ. Atque utinam, mi Lecti, iterum utinam, (quod sine fraude dulcissimæ patriæ meæ fiat,) vel tu hic mecum, vel ego isthic tecum vitæ quod superest degere, unâque soles, ut eramus soliti, condere aliquando possimus. Mihi quidem sine te, meus amor, ut animæ sine corpore, vita nulla aut est, aut erit unquam vitalis. Joberti F. Consiliarium in Curia nescio qua [sunt enim hic plures] eximium, tuis verbis salutavi: isque te vicissim peramanter *ἀντισπάζεται*. Scias literarum esse illum amantem nostrarum, qui ad milliare ferè integrum cum ceteris ejusdem ordinis viris, & secundi loci Consulibus, obviam nobis procedere non sit veritus. Vale, oculissime Lecti, & me ama qui te pereo. Scripsi raptim. *Monspeli*, a. d. prid. Kalend. Januar. CIO IO XCVII. ut hic tempora putantur.

EPISTOLA CXIII.

RICHARDO THOMSONI.

1597. **Q**UAS Lugduno ad te dedi, fuisse tibi redditas, ὃ ἀντιδέλφον ἐμοὶ κάλλος, confido: cò nunc ero brevior; nam & valerudo brevitatis me admonerat, & argumentum scribendi ad te nullum admodum suppeditabat: quod enim suppetebat solum de adventu meo in hanc urbem, id omne jam exhaustum est literis ad fratrem & sororem: quas tibi quoque ostensum iri nullus dubito. Omnino spem atque expectationem nostram hæcenus Senatus populique Monspelienſis superarunt: τὸ μέλλον θεὸς οἶδε. ὃ δὲ ἔμεινον πρὸς ἡμῶν, ἀλλὰ καὶ πρὸς ἡμῶν μέλλειν

καὶ μέλοι. Quæ mihi discedenti sunt à 1597. te promissa, eorum ut me esse futurumque memorem ipse memineris, oro te quæloque. Ipse vicissim, quicquid tuâ causâ potero, faciam memorem agnoscas & amicitiae & acceptorum beneficiorum. *Æschyleas schedas nostras curæ tibi esse cupio: cùm fueris usus, Sarraceno trades, aut Paulo * fratri, * Steph.* ut ad me tutò curentur. Simul expecto illa Servii *ἐ τριπιδήτης* excerpta; & si quid in eo genere habes quod usui mihi esse possit. Ego hic meorum librorum expectatione crucior *μανικὴν ὄσον*. Octavus hic dies est cùm appulimus ad portum, & adhuc (proh dolor!) quid sit illis factum nescimus. Atqui mecum advexi librorum scriptorum meorum ne γὰρ quidem. Ita omnes meas fortunas una habet navis: quam Deus ter Opt. Max. servet, regat, sistatque huc quàm primùm. Nam si quid illis factum fuerit... sed malè ominari nolo. Scripsisse te ad Scaligerum meam vicem persuasus sum. Mihi adhuc inter salutantium officia nihil otii fuit: scribam tamen hodie, spero, vel cras. Nobilem tuum, verè nobilem Robertum, ego, uxor, liberi tecum amantissimè salutamus. Sororem meam bis viduam cupio tibi esse, dum isthic eris, commendatam. Vale, Vir mihi ex animi sententia dilecte & probare. οἱ θεοὶ σὺ ἀγαθὴν ἀγαθίδας καὶ πᾶσαν εὐτυχίαν εὐχῆς πέζα. Scripsi raptim. *Ipsis anni novi Kalendis*, quem tibi, imò vobis omnibus, cupio cum aliis quamplurimis annis illucescere quàm faustissimum, *Monspeli*, CIO IO XCVII.

EPISTOLA CXIV.

THEODORO BEZÆ.

MOnspelium tandem salvi & incolu- 1597. mes, *Βεζα σεβασμώτερον*, ego, uxor, liberi pervenimus. Itineris difficultates propter anni tempus non mediocres, nec minora pericula, singulari Dei benignitate ita superavimus, ut vix senserimus. Libri adhuc in expectatione sunt: quæ me cura sic angit, ut verbis exprimere non queam. Mihi enim sine illis πᾶς ἀβίασι βίβλιν. Sed venient spero brevi, & que nos rexit perduxitque Dei manus, candem illos quoque servaturam confido. Absque eo sit, omnia adhuc nobis lata & spei plena. Omnes hic bonarum artium & literarum cupiditate flagrant. Omnes imminentem barbariem detestantur, atque abominantur. Ea Procerum voluntas, ea Senatus, ea populi universi. Non desunt tamen quæ habeant

1597. beant sollicitum, & huic incepto metuere cogant. Percellit enim animum meum religionis diversitas non mediocriter. Communi siquidem utriusque partes consilio regi cuncta atque administrari necesse est. Quod quàm sit difficile & periculosa plenum alex, pro tua singulari prudentia non ignoras. Accendit ea res in meo uxorisque animo desiderium, quod Genève attulimus, redeundi isthuc olim, si ita Deo Opt. Max. visum, & res nostras paulò meliore loco collocaverimus. Quod utinam à latere tuo, Pater venerande, discedere vis major non me coëgisset! sed enim, ducunt volentem facta, nolentem trahunt. Testor immortalem Deum, licet mihi adhuc omnia hic ultra spem grata, tamen quod *πῶς οἷός τις ὀμιλίας* fructu carco, quod te non intueor, quod canos tuos præsens venerari non possum, vivendi prope omnes causas mihi periisse puto. Idem uxoris sensus: quam confirmo tibi sic in his locis vitam instituere, sic semper *σὺν Θεῷ* victuram, ut facile omnes Genexæ natam, & in Ecclesia Genevensi educatam agnoscant: nam hic quidem aliter vivitur. Sed de his aliàs. Deum supplex veneror, Vir maxime, fervet te non tuis magis, quàm universæ Christi Ecclesiæ. Vale, & me ama. Uxor & te & conjugem tuam quàm officiosissimè salutat. *Monspeli, a. d. IV. Non. Januar. CIO IO XCVII.*

EPISTOLA CXV.

DIONYSIO GOTHOFREDO.

1597. **Q**uod diu multumque sunt moliri amici hic mei, atque adeò Senatus populisque Monspeliensis, ut me huc pertraherent, id tandem, Vir charissime, esse perfectum, jam, opinor, nosti. Quod per alios potius quàm per meipsum factus sis eo de consilio certior, condona, obsecro te, occupationibus maximis & plurimis molestissimisque, quibus sub protectionem meam ab urbe sum paulò minus obrutus. Ita quod præstare ipse non poteram, id ut meam vicem exequeretur frater, rogatus à me vehementer atque obnixè est: ejusdem fidei & Juvenales tuos tres MS. commisi, ut eos tibi quando jusseris, perferendos curet. Magnæ verò gratiæ, quod illis me tamdiu uti volueris siverisque: etsi factum negligentia meâ, ut illis nondum sic essem ut decreveram usus: dum enim diem de die duco, & alterum cras semper exspecto, expertus sum tandem

quod ille ait, *Αἰεὶ δ' ἀμβολιερὸς ἀνὴρ ἀγαπῶν πολλὰ*. Omnino si quantum in me harum rerum studium est, tantum ingenui pudoris non fuisset, excusare apud te factum meum, postquam illos huc attulissem, quàm illis carere maluissem: valde mihi enim unum saltem utile illorum erat futurum ad multa, quæ paro. Sed Deus ne sirit, ut dici unquam studiorum curiosus, officii incuriosus jure queam. Redeo ad perfectionem in hæc loca meam, quam ego non dubito miram tibi visum iri. Atqui hoc, Vir amicissime, scito, itaque persuasum habeto, nihil hic à me factum temerè, nihil properè, nihil inconsultè: biennium integrum tractum hoc negotium est. Testis mihi Dominus, toto illo tempore aliud nihil optasse quæsisseque me, nisi ut liberalius paulò stipendium nactus curis rei familiaris liberarer, studiisque literarum me dederem *ὅλον καὶ πέντε*. Hoc in cœtu nostro, hoc apud Senatum, hoc ubique sum semper professus. Sperabam fore aliquando ut nostri aliqua haberetur ratio. Cùm omnis tandem præcisa spes videretur, cùm me privatim multa urgerent, cùm instarent quotidie Monspelienses, nostri obsurdescerent, dedi manus, meamque operam iis addixi, qui illam tanto desiderarent opere. Accedebat eo respectus quoque matris, cujus negotia meam præsentiam expetebant: ea verò non longè hinc abest. Erant & alia nonnulla momenti quàm maximi, quæ mihi nunc *ὑστέρμα κείσθω*. Habes causas consilii hujus mei, cujus ne me poenitere unquam possit, facturos omnia spero, qui me huc vocarunt. Hactenus quidem certè omnia læta, omnia spei plena, etiam ultra spem. Mirus enim omnium ardor in literas, nec minor cunctorum in nos amor: *πὸ δὲ μέλλει Θεὸς οἶδε* cui ego soli me, meos meaque omnia committo ac permitto. Hic te quoque, charissime Gothofrede, ac tuam & tuos servet, regat, fortunet. Vale, Scripsi raptim. *Monspeli, a. d. Non. Januar. CIO IO XCVII.*

EPISTOLA CXVI.

JACOBO BONGARSIO.

Simul in hæc loca veni, Bongarsi, 1597. meus amor, habui antiquius nihil, quàm ut amicos, à quibus partim discesseram, partim longius recesseram, de felici itinere adventuque nostro facerem certiores. Scripsi igitur ad plerosque meorum Genevensium, tertius hic, opinor, jam dies est, aut quartus.

1597. tus. Ad te ne eadem scriberem, eò factum, quòd Præsidem amplissimum, à Fraxinis, mox me credebam posse invisere: quòd quia hæcenus facere non quitus sum, cursim hæc intercà tibi exaravi, ut & felicitatem mihi hujus itineris gratulareris, & certò scires, quòd longiore nunc disjungimur intervallo, eo impatientius amari te à nobis. Enimverò, *Antè leves pascentur in æthere cervi*, quàm noster hic amor aut mutet, aut nutet, nedum minuat. Sola est quæ sanctissimæ amicitix, pridem inter nos coalitæ, vincula sit resolutura mors. Mors sæva, crudelis, & (absit verbo impietas) ἀναστροφή, quæ nuper maximum virum Petrum Pithœum nimis, ah nimis citò nobis eripuit. O tristem & lugubrem casum! qui solus propemodum literarum dignitatem hodie sustinebat in Galliis, eripitur is nobis! Lugduni cùm essem, literas super ea re lacrimarum plenas à Præsidente amplissimo, D. Thuano, & clarissimo Gillotto accepi, quæ me ἐλπίς δὲν δίδω ἀγαθή. Accepi simul & à fratre Francisco Pithœo, quibus mihi suum offert Polybium: rescripsi in ipsâ navi, facturum rem gratissimam, & reipublicæ, nisi animi fallor, haud inutilem. Si quid ad illum literarum dederis, animos addas velim, & ut omnes moras tollat horteris. Vale, Bongarsi nobilissime. *Monspeli, a. d. Non. Januar. CIO IO XCVII.*

Quas discedens Genævæ ad te scripsi, puto fuisse tibi redditas. Tuas ad Præsidem à Fraxinis heri traditas à me scito familiari ipsius atque intimo.

EPISTOLA CXVII.

JOSEPHO SCALIGERO.

1597. Q Uod mihi meisque, & civitati huic felix faustumque Deus Opt. Max. esse velit, tuo, Scaliger, Musarum decus, consilio usus sum. Paucis enim diebus postquam tuas accepi literas, quibus de conditione Monspeliensi quid sentires, amicè significabas, lares meos in eam urbem transtuli, eamque sedem studiorum meorum elegi. Imò illi me potius elegerunt, honestissimisque conditionibus ad linguarum & humaniorum literarum professionem ad se vocarunt. Spero equidem cum volente propitioque Deo institutam hanc à nobis migrationem, foreque nunquam ut me consilii poeniteat. Quia tamen ἀνδρὶ πρῶτον φέρει ἔδωκεν ἀπόμωτον, quicumque nos deinceps manet status, solatio certè illud semper futurum, quod in hoc tanti momenti negotio temerè, aut

properè, aut inconsultè nihil à nobis 1597. factum. Etsi scio non planè mecum sentire amicos, & familiares meos, qui me inviti invitum à se dimiserunt. Sed cùm annos ipsos quatuordecim steriles ibi Camœnas coluissim, essetque omnis in posterum spes meliorum amissa, si meis meorumque commodis statui tandem consulere, ecquæ, obsecro te, Vir æquissime, invidia est? aut quid hic à me peccatum? At illos, de quibus me loqui nosti, viros sanè optimos, & mei amantissimos, amoris ergo me vehementia iniquiores mihi reddidit. Cæterum animi mei candorem, & ingens erga illam civitatem * studium novit is, qui omnia. Mihi * Gen. crede, Vir maxime, cùm ob alias causas molestissimus fuit nobis ab illis locis discessus, tùm quòd longius à te eram afuturus. Nam si auspiciis meis vitam possim instituere, nullus mihi gratior, imò nullus æquè gratus esse queat locus, ut ille esset, qui te, & omnes unà tecum Musas haberet. Id quia eventurum nobis unquam planè desperamus, dolorem quem ex ea re capimus, hæc maximè cogitatione levare solemus, quod olim certè ἐν τῷ μακάριον χρόνον καὶ χρόνῳ unà sumus futuri. Me quidem ejus optatæ mansionis corpūsculum hoc subinde admonet: effectum prope jam, semperque languidum, & superiore anno gravissimos ac ferè continuos morbos expertum. Novus hic annus: quæ secum fata vehat, οὐδὲν ἐν γένεσιν κέκτηται. Principium quidem non nimis lætum ob distillationem ἐν τῷ δόχμῳ ἀρτηρίας, atque interiora veterem & oppidò contumacem. Vexavit me is morbus per hos dies vehementissimè: nunc Dei beneficio habebam meliusculè, & iter ad sanitatem videmur ingressi. Itaque licet semiægri, audemus Casseronem ad amplissimum Præsidem à Fraxinis, mediâ anni hyeme, perque obsœnissimas tempestates profectionem suscipere. Indè simul reversi cum Deo fuerimus, conabimur cum Musis, quas pridem ne salutavimus quidem, in gratiam redire. Vale, & me, Scaliger illustissime, amare perge, qui te unice veneror. *Monspeli, a. d. xiv. Kalend. Februar. CIO IO XCVII.*

Lugduno discedenti nuper redditæ mihi sunt ab amplissimo viro Emerico Thuano, quibus de Petri Pithœi & Florentis Christiani obitu faciebat me certior, qui nuntius tantum mœroris nobis attulit, ut ne nunc quidem siccis oculis ejus meminisse possimus: dubitandum non videtur quidem de omni eruditione actum esse in Galliis.

EPISTO-

EPISTOLA CXIII.

LEONI AB AITSEMA.

7. **D**iligebam te, Vir eruditissime, ex eo tempore quo mihi primum innotuisti. Mirificè enim conciliarunt me tibi singularis probitas, quæ in vultu clucebat; & eruditio, quæ in sermonibus. Non autem te fugit, naturâ suâ bonos bonis esse conciliatos: utique si ad pietatis & virtutis studia accedat hoc literarum vinculum, quod vel solum poterat me tibi adjungere. Diligebam igitur te antea: nunc etiam amo. Nam postquam hujus urbis juvenus fidei nostræ est commissâ, impositumque nobis hoc molestissimum Rectoris nomen, unum hoc vehementissimè optamus, Præceptores illi reperire fideles, & qui præclari ejus nominis mensuram impleant, ut ille ait. Multum igitur te amavi, qui ita candidè & ingenuè offers te nobis. Veni verò ὡς τίχιστα, & tuum adventum mihi fore gratissimum confide. Omnino si quæ nostra est in hoc negotio autoritas, locum tibi polliceor. Unum à te postulo, ne prius quod molimur in vulgi aures veniat, quàm res erit confecta: quod fieri posse eis paucissimos dies, cum veneris ex me cognosces. Vale. *Monspeli in Volcis Arecomicis, a. d. Kalend. Februar. CIO IO XCVII.*

Ostendit mihi vir optimus, & tui amantissimus Bernardinus, quas ad ipsum dedisti. De Tirone quod monuisti, factum bene; nam ego aliud constitueram: nunc voluntati tuæ morem geram.

EPISTOLA CXIV.

JACOBO BONGARSIO.

In summis occupationibus meis scripsi hæc ad te raptim, Bongarsi, viro- rum optime: raptim, inquam, sicut nihil unquam magis: sed religio mihi fuit, occasionem prætermittere mittendi ad te quas mihi nuper tradidit Cassenone Præses à Fraxinis. Hoc unum te nunc volui. De mea profectio- ne & abitu Genevæ scripsi cum discederem: de adventu etiam in hanc urbem scripsi nonnulla post. De Polybio & notis ad Biblia Græca ac Novum Testamentum alias ὡς θεῶ pluribus. Vale, oculissime Bongarsi. *Monspeli, a. d. vi. Id. Februar. CIO IO XCVII.*

EPISTOLA CXV.

RICHARDO THOMSONI.

Binas jam à te accepi literas, charis- 1597. sime virorum: ipse, opinor, à me non multò plures. Accepi & quas milit Aubrius * Balileâ. Gratum fecisti quòd * *Wicks- liam.* illi responderis vicem meam: sed illud molestum, quòd, in quam sententiam responsum illi dederis, non significasti: urget enim, uti video. Notulas nescio quas in Novum Testamentum non postulat, sed flagitat: quarum si facta ei est aliqua per te spes, non puto liberum esse jam mihi pedem referre. Ad Scaligerum quod scripsisti, id verò mihi longè gratissimum. Deus nobis illum sermonem quàm diutissimè præster incolumem. Non facile credas, mi Thomson, quàm malè me habeat quod longè adeo à te, ab illo, à cæteris doctis amicis meis sim semotus. Sed hæc est conditio rerum humanarum: ubi uber, ibi tuber. *πυλὸ ποδὶ καὶ ἀλγὴ ἐν ἐν κακὸν ἐν δὲ καὶ ἐὼς λαν.* Professionis nostræ per hos dies πὶ ἑγκαίνια celebravi- mus. Quid multa? multorum opinio est, illatas in hanc provinciam Mulsas adventu nostro. Ego me pede meo metiri & olim didici, & nunquam obliviscar sanus. Soror † de tuis erga † *Scilicet, Casaubon.* se officiis pluribus ad me scripsit. Duxit tibi ὁ μέγας ἐν ἀγαθῇ θεῶς pro cumulo veterum tuorum erga me beneficiorum, quicquid *ὅπερ σὺ σὺ μνησθῆς.* Gratius quidem certè facere nihil mihi potuisti, aut unquam poteris. Uxor & liberi te, & Robertum nobilem tuum quàm offici- osissimè & peramanter salutant. Hos- piti tuo, viro hisce oculis mihi cha- riori, & ejus uxori graviter ob silen- tium istud pertinax succensumus ambo, qui scripsimus ambo ad ambos. Vale, meum delictum, meus amor. *Monspeli, a. d. XIII. Kalend. Mart. CIO IO XCVII.*

Scripsi nuper ad Scaligerum, & per occasionem literas ad Goulartium misi.

EPISTOLA CXVI.

THEODORO BEZÆ.

Literas tuas, Beza *παραμύθηται*, à 1597. Deodati allatas, amoris erga me tui plenas accepi, nec sine suspiriis legi. Revocarunt illæ mihi in mentem prioris felicitatis meæ tempora, cum licebat nobis suavissimâ atque exoptatissimâ consuetudine tuâ adfatim frui: licebat quotidie ex tuis sermonibus ali- quid, imò multa potius addiscere, qui- bus

1597. bus & melior fierem & doctior. Sed hæc prius fuere: nunc omnis ejus rei adempta mihi facultas est. Quæ cogitatio ita mihi molesta esse solet, ut licet in frequentissima & mei studiosissima urbe degam, in solis tamen locis mihi versari ipse videar. Sed quid ego dolore meo narrando te ad dolendum meam vicem impello? quin potius τῇ περὶ τὰ πάντα αἰσθησὶν mœrori meo modum faciam, &, quod unum superest, Deum Optimum Maximum supplici prece venerabor, ut te nobis, venerande Senex, atque universæ Ecclesiæ suæ quàm diutissimè saluum atque incolumem præstet. Gratum mihi quod ex tuis aliorumque literis intellexi, florere Scholam nostram recens auctam trium doctissimorum virorum accessione: Lignaridi, Laurentii, & Deodati: det illis ingeniorum Pater, ut ἡ περὶ ἱλαχὸν Σπερτὴν hanc ornent. Laurentium certè Gasparum facile spero effecturum, ut diligentia suâ nostram obliteret ex animis vestris negligentiam. Mihi verò ita divina benedictio contingat, ut ex animi sententia id opto & a Deo precor. Nos hic professionem nostram hac ipsâ hebdomade auspicati sumus. Si cætera respondeant, est cur speremus non fore in his locis inutilem operam nostram. Suscepimus tractandum antiquitatis Romanæ locum, de Magistratibus ejus reipublicæ: opus profectò arduum, & virum proflus non istarum. Sed erat parendum Pindarico præcepto, quod jubet πρῶτον θέμει πηλαυγῆς tantum ut valetudo nostra labores confectos ferat: nam continua & contumax defluxio nescio quid minatur. Verùm hoc atque omnino πάντα πὲρ μέλλουσι θεῶι μέλει. Non excidère mihi sermones, quos unâ habuimus, de pellenda scholis obsecratione: habendæ ejus argumenti orationi tempus erit, cum dedicanda fuerit ea, quæ nunc instituitur schola. Valere omnes patres & fratres ceteris vestri semper mihi observandi, ex tuis magno cum gaudio intellexi: jucundum etiam cum primis, servare omnes nostri memoriam, & nobis bene precari. Nos vicissim, ego, inquam, & uxor mea, pro vestra omnium salute vota facimus ἐκνέες καὶ ἀρχαίπνοες. Exaudiet nos, spero, Deus: qui si nostrorum votorum reos aliquando nos faciet, erit olim cum minus dolebimus. Vale, & vive diu felix, Pater venerande. Uxor & te, & conjugem tuam quàm officiosissimè & amantissimè salutat. *Monspeli, a. d. XIII. Kalend. Martias, CIO IO XCVII.*

EPISTOLA CXVII.

PHILIPPO CANAIO A
FRAXINIS.

Philologia nostra Dei beneficio ex-1597.
cepta blandè & benignè ab omnibus, doctissimi cujunque & æquissimi judicio stat, & spero stabit. Nihil dabo auribus tuis, qui mea curas tanto opere, neque mihi ipse porro Suffenus ero: sed ita profectò est, ut quisque in hac civitate eruditissimus, ita nostras quoque nugas aliquid esse, & sentit & proficitur. Possem referre duorum summorum virorum elogia, Præsidis Philippi, illius optimi & doctissimi senis, & D. de Massilan; verè eruditi, & nostras literas callentis: possem chori totius musici, cujus longè princeps * Ranchi-^{* Gall.} nus noster, consensum & ἐπιστημασίαν^{πρω.} commemorare: sed me ista nihil afficiunt, nisi ut tanto ἐκνέες Deum supplex orem, ne meâ indigentia aut culpa committam, ut tuæ de nostris studiis pollicitationes & νειαικῇ ἐπαγγελίᾳ probro tibi vertant. Hic mihi ad connitendum aculeus, hoc incentivum, hæc fax esse solet. Omnino enim eventum, ut sine existimationis tuæ imminutione frigere nostra studia non possint. Parum abest quin de te conquerar: adeo duram provinciam humeris nostris imposuisti. Nam equidem ad docendum nunquam accedo, quin ob oculos mihi obverberis, ut si possim, tuâ quoque approbatione digna promam: eò quidem magis, quod Zoilum mihi non deesse terræ filium nescio quem, Philosophi nomen eminentem, per hosce dies compertum ἔχει πάντα μὲν ταύτη. De schedis sic habe. Concio, quam primam habuimus, ea nobis perscripta est, ut ferè est habita: quam die alterâ habuimus, de laudibus & necessitate Philologiæ, ea jacet in schedis, quæ ἄλλω ἔστι πρὸς λόγον continent. Erat animus polire utrumque sermonem, &, si ita videretur tibi, in vulgus edere. Sed me multa adhuc quæ terrent, quæ impediunt. Terret expectatio tua & aliorum, quæ summa est: impediunt quotidianæ ἀκροάσεως tantâ elaborandæ curâ, ut multis non Philologus, sed Consultus juris videar. Hoc postulat susceptum argumentum. Leges enim exponimus, quas Cicero Lib. III. de Legibus conscripsit. Exspectemus igitur, amabò, reditum tuum, aut ista potius, si lubet, omittamus: quanquam hoc scito, fore me in tua semper potestate. Libros fidei meæ commissos à Tornæsio habeo, invenique inter meos omnes.

1597. nes. Iterum dico, Corpus Juris Accursianum illud est quinque aut sex voluminibus constans. Eo si tibi non opus, scribam ad T. * & cum ipso agam: ceteros mittam primâ occasione: etsi qui properum tuum discessum adeo futurum videam, Cujacio tuo fortasse ad aliquot dies utar, & adventus tui tempus [quod sit utinam quàm brevissimum] expectabo. Venio ad iter illud tuum, quod me quàm habeat sollicitum noli querere. Si animum meum nosti, illud quoque nosti, tuis fatis mea quoque fata illigata esse. Noli igitur dubitare, pro celeri & fausto tuo reditu Dei Opt. Max. aures me esse fatigaturum. Duit ille tibi, ô meum decus unicum, & pervenire quò tendis feliciter, & perficere quæ *ὀρεσι σῆσι μανιναῖς* celeriter, & mox in uxoris amplexus redire quàm citissimè: ut rebus omnibus ex animi sententia ritè confectis, Reipublicæ commissa tibi gubernacula, quod hæcenus fecisti, tractare & regere quàm felicissimè & diutissimè possis. *Γένετο, γένετο.* Vale, & cum Luteriam veneris, mei memor esto. Literas ad Præfides amplissimos Harlæum, & Thuanum, & ad Gillortum brevī mittam. Iterum vale, mea cura. *Monspeli, a. d. v. l. Kalend. Martias, CIO: IO XCVII.*

Locus è Psalmi *μδ.* epigraphæ ὑπὲρ τῶν ἀλλεωθησμένων, longam orationem desideraret, si quæ divinus ille Basilius philosophatus est super illis verbis, cum in hac inscriptione, tūm ἐν τῇ β' ὡ'. commemorare vellem, sed nimis certum, ex imperitia sermonis Hebraici illa fluxisse, ut & vulgatissimum illud ἡς π. πλ. Vox Hebraica organi nomen notat, quod ad huiusmodi similitudinem erat effectum. De advocatis dies discessus esto: meminero tamen post reditum tuum, quem celerrimum futurum & spero, & ut sit voveo. Exaudi, Deus Optime Maxime, & me hujus voti reum face.

E P I S T O L A CXVIII.

E I D E M.

1597. Q Uo ordine meas literas acceperis, Vir maxime, quas post reditum ad te dedi, non scio: hoc scio, jam ter aut amplius factum, ut binas de eodem oleo & hora eadem exararem. Nescio enim quo casu factum, ut plures eodem temporis puncto literas meas à te expeterent. Quid facerem? negarem? sanè ita faciendum fuit, si apertas vellem suscipere cum multis inimicitias. Tu, qui hominum quotquot

terram colunt *ἡρηνικώτατα*, esses mihi 1597. ejus consilii auctor? Non jam ignoras quid velim: ferendum nempe tibi æquo animo, Præses amplissime, si multos tibi quotidie commendem. Scio & profiteor nullum esse meum erga te meritum, cujus gratiâ jure meo uti possim videri, cum tuam opem aliis imploro. Sed quia ita hominibus placet, ut ego frequentibus literis sim tibi molestus, sine me hanc servitutem honestam servire: ipse tuo jure utere, uti libuerit. Ne multa, qui has tibi trader, commendatus mihi à Bernardino, cujus quotidiana exstant in me officia, tibi porro à me voluit commendari. Si quid precibus meis moveris, peto à te ut vel vultu paullo familiariore amorem erga me tuum illi testificeris, & causam ejus *ἡ θεμὶς ἐν* adjuves. Vale. Deus Opt. Max. te, & scæminarum decus, conjugem tuam, tuosque omnes servet atque fortunet. Ad amicos magnos Parisienses cras, si Deus dabit, aut perendie scribam. Totum me sibi nostræ *ἀκροάσεως* nunc vindicant: & quod inter nos liceat, in dies excitat auditor studium. *τῇ θεῇ τῇ πανηγύρει ἀρθεὶς ὁ ζαχαρίας.* *Monspeli, a. d. v. l. Kalend. Mars. CIO: IO XCVII.*

E P I S T O L A CXIX.

JACOBO BONGARSIO.

U Nas omnino, postquam huc veni, 1597. literas à te accepi, Bongarsi, meus amor: ego plures ad te scripsi. Vix enim ulla mihi prætermissa occasio est, quam non arripuerim, ut de meis hic rebus facerem te certior. Nisi eadem & fasciculos aliquot Præfidis à Fraxinis: qui si naufragium fecerunt, non ipsius, non item meâ, sed tabellariorum culpâ & perfidiâ factum. Scripsisse illum sæpius, & ejus literas misisse me ad te, jurato velim accredas. Crede, inquam, mi Bongarsi, ita rem habere. *Θεὸς δ' ἐπιμαρτυρεῖ.* Scio hac de re & te esse sollicitum, & ipsum: at tu hoc amplius scito & tibi persuade, non ipsius negligentia factum, quod tam diu nullas ab ipso acceperis. Accepi nuper ab Aubrio Wecheliano literas, quibus significabat mihi de aliquot Polybiis, quos se tradidisse nescio cui scribebat, qui eos ad me esset curaturus. Velim sanè perveniant in meas manus. Nam si vitam & otium, quod spero, Deus dederit, ne ipsum poeniteat faxo. Nunc in *ἀκροάσει* nostris toti sumus. Tractamus enim publice, in cruditissimorum hominum & maximæ dignitatis cœtu, Leges à Cicerone

1597. rone scriptas Lib. III. de Legibus, quibus descriptio continetur omnium Populi Romani Magistratuum: tractamus autem sic, ut quod in nobis sit, nihil ad ornandam Spartam nostram omittamus. *a. d. Kalendis Martii, CIO IO XCVII.*

EPISTOLA CXX.

EIDEM.

1597. **A**ccepi nunc ipsum, Bongarsi, meus amor, fasciculum Polybiorum, quem misistis tu & Wechelius. Quid eo contineatur, vixdum scio; statim enim fuerit hæc exaranda, atque ei tabellario tradenda. Sed videro *αὐτὸν εἶναι*; & quid sperare à me debeatis, brevi faciam vos certiores. Equidem totus feror impetu magno ad libri ejus editionem. Ceterum exitus rerum *οὐδὲν ἐκ γὰρ τῶν κινήσειν*. Sed hæc pluribus, ut spero, brevi. Nunc te illud oro; significes mihi, si grave non est, acceperis necne duos literarum fasciculos, quos mihi ad te post reditum Castlenone meum. Utroque continebantur literæ Præsidis de Fresnes ad te & alios in Germania. Video sollicitum esse illum de istis negotiis: & ni fallor, cā sine iter brevi Lutetiam cogitat: imò consilia omnia sua ipsius mihi aperuit: velle se vendere bonorum patriorum partem, ut ære isto se liberaret: quod ego affirmo tibi juratus certum & verum esse. Quare si illum, si nos amas, ipsius estimationem apud omnes strenuè tuearis oro te quasque. Vale, Bongarsi amicissime, probissime & doctissime. *Monspeli, a. d. XIV. Kalend. April. CIO IO XCVII. raptim.*

EPISTOLA CXXI.

CAROLO PERROTTO.

1597. **Q**uod me officio scribendi antevertis, Perrotte *ἡεφίλειται*, genas suffunderer, nreßet in promptu excusatio. Nam qui literarum argumentum nullum haberem, & possem per filium tuum te, quoties illuc literas daret, salutare, omissior fuisse hac in parte & fateor; & culpam, si culpa est, serio deprecor. Amare quidem certè & colere te nunquam desistam; *ὁποῖα ζήσῃς μενίσῃ*. Testis mihi uxoriq; meæ erit olim, cum ad vos redierit, Dionysius tuus, aut potius noster, quàm feramus uterque impatienter tui & cæterorum istic amicorum desiderium. Omnia hic etiam ultra spem, Dei beneficio, hætenus contingere læta & prospera.

Unum est quod nos urit, priorum amicorum memoria, quæ in animis viger, & dum erimus, semper recens vigebit. Studia filii tui curæ tibi esse, qui te norim, & sciam quid sit *φρονεῖν σπουδῇ εἰς τὴν τέχνην*, non miror. Sed tu illius nostri ingenium, quod non tam calcari bus quam freno videtur egere. Vidi quas ad ipsum dedisti, ac legi: nec distitebor tibi, qui tuus sensus est, eundem & meum semper fuisse. Itaque hortari illum non cessò, ut studia medicinæ feliciter adeo inchoata olim capessat denuo, & fortiter id spatium decurrat, quando semel est ingressus: sed dissimulare non possum, ipsum paulò mox, cum huc venit, repentè immutatum, & ab eo consilio penitus aversum: quod etsi non damno, factum tamen auctore me non est, nec suasore. Atque hoc volui nescius ne esses. Vale, Vir venerande, & patrum ac fratrum cœtum, summâ observantiâ colendum, etiam atque etiam meis verbis, si grave non est, saluta. *Monspeli, a. d. XIV. Kalend. April. CIO IO XCVII.*

EPISTOLA CXXII.

RICHARDO THOMSONI.

ERgo tu delicias facies? nam quid aliud dicam nescio. Acepi enim *ἀδελφός* ab omnibus serè amicis, qui isthic sunt, literas, te uno excepto. Putabam nescisse te de occasione literas ad nos mittendi tam bona quicquam; & jam pro excusato te habebam: sed postquam optimi hospitis tui literas legi, non amplius persuaderi id mihi sum quitus. Itaque quid causæ sit, cur nullas ad me dederis, quæro adhuc, nec invenio. Tu me facies ut sciam, si putas esse tanti. Equidem cum semisomnis isthuc literas scriberem, & multis curis animum *ἐνθὺν καὶ ἐνθὺν* districtum haberem, quin tamen has ad te raptim exararem, facere non potui. Martialem expectare me indices, imò in horas, *οἷός τε καὶ αὐτὸς*; ea spes ne decollet in te situm. Vale, ex animo & penitus dilectè Thomson. Uxor te, & nobilem tuam salutat quàm officiosissimè. Iterum vale, *τὸ εὖ μὲν μέλλω*. Scripsi raptim *νυσσάζων καὶ τῇ κεφαλῇ νύκτον*. *Monspeli, a. d. XIV. Kalend. April. CIO IO XCVII.*

Ad summum Scaligerum scripsi nuper, & mihi per occasionem ad Goulartium literas.

EPISTO-

EPISTOLA CXXIII.
ISAIÆ COLLADONO.EPISTOLA CXXIV.
JACOBO AUGUSTO
THUANO.

1597. **A**Mabo te, dic fodes, seriò an per
jocum illa scripsisti, quæ in tuis li-
teris questus de me es? visus enim de
animo in te meo dubitare, & quæ jo-
catus sum de silentio tuo accepisse non
bellè. Tu verò, Vir amicissime, dul-
cissime, suavissime, si adduci potuisti,
ut de amore meo in te incertus dubita-
res, quid sit amare nescis. Nam quòd
tuas vehementius desideravi; quòd ea-
rum longiorem expectationem tuli im-
patientius, si ab alio fonte profectum
putas quàm ab amoris vehementia; *ἀδ-
κίς ὡπὲν τὸ φίλιον*, & ipsum *φιλίας πρε-
σβύτην θεὸν τὸν φίλον*. Disce igitur, si lu-
bet, *τὸ ἱερὸν καὶ*; & memento simul, ami-
citiam quòd arctior est, eò esse magis
querulam, ut rectè dictum Veteribus.
Me quidem, & cordis mei intima, opi-
nor, nosti. Sum enim, si quis alius,
(esse quidem certè cupio) *ἀπλῆς*, &
minimè factus ad simulandum. Per-
suasus igitur esto, meum delictum, quæ
fuit olim inter nos amicitia, duraturam
in animis meo & uxoris *ἀμετακίνητον*,
ἀμεταπώσῃ, nec metuentem solvi, dum
spiritus hos utriusque nostrum reget ar-
tus; *καὶ πᾶσα μὲν αὐτῇ*. Gratum nobis
quòd & tu, & lectissima uxor, frater,
cæterique communes amici valeatis.
Deus Opt. Max. vobis omnibus duit
ἀγαθὸν ἀγαθὰς, hoc est, benedictio-
nem suam; in qua una *συνλήβδω* om-
nia bonorum genera continentur. Quæ-
so, saluta meis uxorisque verbis Pinal-
dum, sanctissimā amicitia nobis jun-
ctum, & omnem ejus domum, fratrem
tuum cum lectissimis uxoribus vestris,
sorore, affinibus & amicis. Si per
otium liceret, quotidie literas ad vos
omnes darem; adeò facio id libenter:
sed omnem ejus rei facultatem adimunt
mihi studia & professio quantò hone-
stior, tantò onerosior: non enim cum
pueris, ac nè cum adolescentibus qui-
dem hic nobis res est. Florere Scholam
vestram, imò velitis nolitis nostram,
quàm gratus sit mihi nuntius, scit Do-
minus *ὁ καρδιογενής*. Is faciet, spero,
ut in dies incrementi potius aliquid ac-
cedat, quàm decedat aliquid pristini
splendoris. Sic voveo, sic opto. Vale,
charissime Collandon, & me ac meos,
qui te ac tuos perimus, ama. *Monspeli-
lii, a. d. xiv. Kalend. April. c. d. d.*
xcvii.

Tertius hic mensis est, cùm Lugdu-
no transiens, dum hæc loca, in
quibus nunc sum, peterem, & literas
ipse ad te dedi, Præses amplissime, &
tuas sub exitum ab urbe illa accepi.
Quæ etsi eo nomine quòd à te erant,
per mihi jucundæ, ut semper, fuerunt,
ob argumenti tamen genus ingratae at-
que invisæ statim lectæ evasere. Per-
culit enim me ac prope adfixit tristissi-
mus ille de morte optimi, doctissimi,
sapientissimi, & amicissimi Petri Pi-
thœi nuntius. Inaudiveram quidem ea
de re jam antè aliquid: narraverat
enim eo ipso die Dominus Bullio, su-
per illius obitu scriptum ad se nescio
quid fuisse. Sed me tamen nonnihil
adhuc vana illa & fallax dea, quam Sa-
pientes *ἐγρηγορῶτων εὐπνιεν* indigitant,
Spes lactabat, & meliora ominari ju-
bebat, donec in ipso portu oram sol-
venti tuæ redditæ sunt, quibus lugu-
brem hunc casum amanter adeò &
ubertim desces. Quod si nulla mihi cum
optimo illo virorum amicitia jura fuisset,
si me insignis hæc jactura, quam
res publica literaria facit, nihil tange-
ret; si Scythia denique aliquis essem aut
Barbarus, tamen illæ tuæ literæ in la-
crymas me adducerent. Ea erant im-
pressa ubique doloris tui *ἐν δακρύτοις*, &
penè, sic enim ais, *ἀφ' ἑρτου καὶ ἀτλήτου*
vestigia. Cùm tu igitur, hac gravitate
Vir, hoc rerum usu; tu, inquam, ille
veræ & sanctæ constantia Doctør tan-
tus, ita animum dejicias, & ferendæ
huic ægritudini imparem te fatearis;
quid nos censes fecisse, quibus nec cor-
nea fibra est, nec ad manum ea præsi-
dia luctui imminuendo, quæ pridem
tibi sunt parata. Adde quod major no-
bis & justior dolendi causa quàm tibi.
Scribis tu quidem, Vir clarissime, quò
familiarius tantum virum nosces, eò
nunc ereptum impatientius gemere. Sed
mihi aliter longè usuvenit: nam quia
videre illum, sic præsertim mei aman-
tem, non contigit, accendit ea cogi-
tatio mœrorem meum mirum quan-
tum; eò quidem magis, quò propius,
scis ipse, à spe fruendi tam optato vo-
to abesse me rebar. Atque utinam, ò
utinam res aliter cecidisset, neque ab
instituto ad vos itinere desistere supe-
riore anno essem coactus! Dolerem
nunc levius, & imagine Semonis illius
luctum meum solarer; quæ tamen nihilo-
minus oculis meis dies noctesque ob-

1597. versatur, non ex oculorum quidem intuitu suscepta; sed lectione scriptorum ejus concepta pridem in animo meo, & atque adeo impressa, ut ἐξήγηται ipsam nulla unquam dies sit redditura, nedum deletura. Rectè autem judicas, Præses amplissime, Pithæo extincto vix hodie superesse, qui literarum dignitatem satis tueantur: tanta hominis fuit in jure civili, in vera Theologia, & veteris Ecclesiæ historia, in artibus denique liberalibus & φιλολογία nostra præstantia. Sunt, fateor, etiamnum in vivis, & ut diu sint precor, quibus jure merito idem tribui elogium queat. Sed quos partim aliæ occasiones, partim curæ majores de literis assidue sic mereri, ut merebatur quotidie ὁ μνηστήρ Pithæus, non sinant. Tu in his, Thuane doctissime, qui unus, si gravissima & ad summam Rempublicam pertinentia negotia permitterent, Cujacium & Pithæum potuisti exprimere, ac velut redivos listere, & damnum, quod morte eorum εἰ φιλομαθεὺς τῶν ἀνδρῶν fecerunt, sarcire. Itaque etiam conclamata jam omnis videtur Eruditio, & jam triumphare victrix Barbaries incipit, te salvo tamen nunquam deerit, scio, Musis nostris firmum præsidium. Erit qui illas amet, colat, æstimet: erit qui à vulgi contemptu & fastidio illas vindicet: erit unde omnes discant, solida & vera eruditio quantum à fucata & ὑπερλαβῇ distet. Vive igitur, ὦ Musarum decus unicum, vive felix, ac vige & flore quam diutissimè. Deum Opt. Max. supplici prece veneror, votis annuat, teque nobis εἰς ἐπὶ τὸν περὶ πλομένων αἰς πλείους δεκάδας saluum esse velit atque incolumem. Literæ nostræ (quando & hæc ad tuam curam pertinent) propter nuperam in hanc urbem migrationem, cujus causas aliâ epistolâ tibi exponere memini, nonnihil frigefactæ; Σεμαίνεσθαι tandem paullatim incipiunt. Institui enim, in nova hac professione auspicanda illustrem antiquitatis locum de Magistratibus Populi Romani publicè interpretari: & jam mensis alter est quod incepimus: quo successu, non scio: curâ certè & diligentia non mediocri; ut spes aliqua sit nobis, si totum id argumentum persequi nos Deus sinit, posse nostras ἀκροάσεις bono publico lucem videre. Nam qui cum locum perpolierit, vel exstitit adhuc nemo, vel mihi certè visus non est. Sunt enim multi nostrorum hominum libri tantum de nomine mihi noti: multi ne sic quidem. Quæ res quanto impedimento sit nostris studiis, non facile credas: nam περὶ ἀλλοτρίων & bene dicta ab aliis reponere, prudentis ho-

minis esse nunquam putavi. Hic autem talium librorum aut nihil est penitus, aut minimum. Athenæum cum MSS. collatum, & locis infinitis emendatum, Genève discedens reliqui penè ad umbilicum perductum. Annotationes nostræ supersunt perficiendæ edendæque: opus lentum & sanè quàm difficillimum: sed quando ἐρρίφθη ὁ κύβητος, & sera nunc prænitentia est, erimus bonæ fidei debitores, & præstabimus τῷ γοῦν καὶ δόξαν, Deo volente & propitio, ætate proximâ. Dein ad Polybium & alias curas animum convertemus. Multa enim nobis in manibus inchoata, aut affecta: quibus detexendis otium semper, (quod totum nobis professio & hoc docendi munus eripit) sæpe & voluntas deest. τὴν γὰρ ἰσχυρὸν χιτῶνα, ut vocant Plato & Tacitus τὴν φιλομαμίαν, maturè exuere incipimus: utique postquam à vobis, qui Reipublicæ literariæ tres veluti soles estis, te, Scaligero, * Thudor, & sene * optimo nostro, longè adeò recessi. Voluntatem tamen ornandæ pro virili spartæ nec posuimus, nec ponemus, donec γούνατ' ἐρῶρη. Adest in hac provincia assiduus hortator & ἐργασίης Præses à Fraxinis, vir laudatione nostrâ major; qui si quod pridem Φρισὶν ἦσι μνημονὰ perficere aliquando potuerit, nā fecerit ille ut otium tandem nacti fiamus, absit dicto invidia, αὐτὰ αὐτῶν κρείττονες. Est & in hac urbe literarum nostrarum amator cultorque insignis, ut cæteros taceam, Guilielmus Ranchinus, cui has literas tibi perferendas tradidi; vir, sine dolo dicam, veterum morum, & altæ eruditionis: qui ad munus suum, quo in supremo hic Senatu fungitur, Regis Advocatum agens, publicam juris interpretationem junxit, magnamque ex ea re sibi laudem peperit. Hic cum nomine publico venturus isthuc sit, innotescere tibi, teque præsens præsentem salutare, quem pridem animo colit ac veretur, gessit. Quod si is ego essem, qui imputare aliquid tibi possem, orarem te etiam & etiam, ut ad tuam amicitiam charissimo mihi viro, & cujus multa exstant in me officia, aditum patere velles. Hoc quidem omni asseveratione confirmare tibi nullus dubitavero, si eum semel in tuorum numerum asceveris, fore nunquam ut eo honore parum dignus possit videri. Vale, Præses amplissime, & nos, uti facis, amare perge. *Montpelii, a. d. XII. Kalend. April. CIO IO XCVII.*

EPISTOLA CXXV.

JACOBO GILLOTTO.

97. **Q**Uàm vellem, Vir clarissime, quidvis aliarum rerum nunciasses mihi potius, quàm Pithœi obitum, quem novissima epistola tua descebat. Abiit igitur, abiit in communem locum tantus vir, σμῖδον illud ἱερὸν μῶν non Ἀθηνῶν, sed totius Reipublicæ literariæ? extincta est illa sæculi nostri lux? perijt illud Gallix nostræ decus prope unicum? O tristem & fortean fatalem nostris Musis calum! nam ubi hodie Perri Pithœi sunt? Post amissum magnum Cujacium ille fuit cum aliis oppidò paucis, qui dignitatem literarum in hoc regno tueretur: eo extincto, ne brevi concedat Respublica literaria metus est. Nam cæteri viri magni, si qui sunt adhuc superstitēs, [sunt autem nonnulli, atque eorum unus tu, doctissime Gillotte, es & habetis] sibi docti, communem literarum utilitatem, quod ὁ μακαρίτης semper fecit assidue, procurare, aliis curis occupati, non possunt. Agnoscamus igitur, omnium aliarum rerum, ita literarum quoque fatalem esse circulum: qui florere diutius ipsas loco in uno haud finat. Fuit cum usque ad exterarum gentium invidiam laude literarum Lutetia vestra, totumque adeò hoc regnum floureret: nunc mutari tempora incipiunt, & fugientes jam Musas agrè pauci vos, τὰ δὲ χρυσὰ γένεα λείψαντα, laciniâ tenetis. Tenete tamen, obsecro, Viri magni, & imminet barbariem fortiter ac strenuè, qui soli potestis, expellite, extrudite, & θάψετε αὐτὰς καὶ μακρὰ οἰκίζετε καλεῖται. Si nihil aliud, hoc certè effeceritis, ut exister apud posteros vestri hujusce honestissimi & sanctissimi studii memoria & testimonium. Quod si necdum exhausta divina in Gallos clementia, sperate non penitus inutilem Reipublicæ hanc vestram operam futuram. Sed quid ago? neque enim ἀντιστάμενος institui: nisi quod summus in literas amor meus hæc mihi expressit. Vale, Vir magne, & me tui studiosissimum atque amantissimum redama. *Monspeli, a. d. XII. Kalend. April. CIO IO XCVII.*

EPISTOLA CXXVI.

PHILIPPO CANAIO AFRAXINIS.

97. **S**I necdum persuadere quitus sum tibi, quæ hic cunctorum & de tuo in nos amore esset opinio, ecce tibi, Præ-

ses amplissime, luculentum ejus rei testimonium, & ut Tragicus ait, βλάπτειν πικρῶς. Jobertus enim isthuc ad negotium nescio quod curandum sua putavit interesse, ne sine meis coram te se silteret; vir, ut scis, & merito suo maximæ autoritatis, & patris laudibus clarissimus. Si igitur ὁ τοιαύτου ἀνὴρ καὶ ἄνω σφραγὶς ἔνδοξος, nostra nihilominus μεσιτεία καὶ προσέλευσις tuam illustrem dignitatem sibi putavit conciliandam; quid superest, nisi ut quasi tuorum consors bonorum exultem & incipiam μέγα φρονεῖν? Sed hem, ita tecum jocantem percellit tristis nuntius. Ecce enim à Wecheliis literas, quibus certior si delicias nostras Bongarsium vivere illum quidem, sed vivere in languore, & situ ac squallore. Luctus & illuviei causâ, obitus repens sponsæ: quæ diu sperata, cum tandem Argentinam advenisset, quatrinduo post ipsâ horâ, quæ celebrationi nuptiarum fuerat destinata, terris relictis in cælum peste correptâ migravit. Cogita nunc quis amici nostri filius optimi animus, qui quantique gemitus: meipsum certè tangit iste dolor: & quamvis ἔρια πολλά μὲν πένθος πύσχει, tamen συμπόσκει & συλλυπημαὶ τῷ ἑταίρῳ λυπεμένῳ. Hæc veræ amicitiae vis. Scripsi autem ad illum nudiusquartus, tantum ut si quid tuis literis esset factum, sciret nullam hic culpam tuam. Sed bene est: scribit enim ad me Sarracenus noster Genève, se & accepisse, & statim misisse. Nondum eram desiturus: sed vocor aliò, nec res moram patitur, ac adest qui literas à Joberto postulet, quem ut vel meâ causâ familiariore paullo vultu excipias, per ego te nostram amicitiam oro. Quanto mihi opere tuâ auctoritate opus, ut hic degere cum dignitate aliqua possim, scribam proximis diebus σύν Θεῷ. Ad D. de Farges, ut jusseras, adivi, etsi longè situm, nec reperi. Vale. Deus te, tuam & tuos servet. *Monspeli, a. d. XI. Kalend. April. CIO IO XCVII.*

EPISTOLA CXXVII.

E I D E M.

SEquitur vara vibiam, ait vetus distichum, & Tragicus ait, πένθος πύσχειν φίλ. In te & me, Præses amplissime, si in quos unquam, hæc dicta competunt: heri alium, hodie alium, cras item alium tibi commendem necesse est, & erit. Extra jocum dico, nisi effeceris ut pereat, atque ex animis hominum evellatur constans hæc opinio, quam omnes habent de nostra apud te gratia, ilicet, conclaman-

1597. di sumus: nullus enim modus erit, nullus finis. Semper tibi legendæ συνηπ-
κη nostræ, mihi scribendi incumbet
necessitas. Aude igitur contemnere
clientem, & frontem semel contrahe,
ne quotidie necesse habeas. Prius ta-
men sine me hoc à te impetrare, ut
causam doctissimi viri N. advocati no-
stratis, cujus frater isthic est, ἡ θύμης,
suscipias cognoscendam, & pro συμφύ-
τῳ tibi æquitate disceptandam. Hoc
gratius facere nihil mihi potes. Interea
expecta longam epistolam, quā me ti-
bi, non alios, commendem ante di-
scessum tuum. Sunt enim non pauca
quæ te prius volo. De casu Bongarsii,
& sponiæ ejus morte ἀπροσδοκήτῳ atque
intempestiva, fatis heri. Deus, Pater
misericordiarum, per Jesum Christum
Filium suum te, tuam, tuos, ac tua
servet, fortunet, regat. Vale, meum
decus. *Monspeli, a. d. x. Kalend. April.*
CIC ID XCVII.

* EPISTOLA CXXVIII.

JACOBO LECTIO.

1597. Quid de uxore ducenda κίρκας tan-
dem, & lectissimam virginem,
pietate, moribus ac genere insignem,
Baronatam, conjugem tibi afficere
statuisti; & gaudeo ex animo, Lecti
amicissime; & ut ea res bene ac feliciter
tibi ipseque verat, Deum Opt. Max.
τὴν εὐχὴν ζῆλον καὶ χαμήλιον εὐεδοί, precor
venerorque. Faxit ille, ut annos Ne-
storcos unā exigatis μιὰν ψυχὴν ἔχοντες,
καὶ ἐν πᾶσιν ὁμοφρονήσας,

ὁ μὲν γὰρ τὰς κρήσας καὶ ἀρεάς,
ἡ δὲ ὁμοφρονέοντι νοήμασιν οἶκον ἔχοντες
Λ' ἡρ' ἰδε γυνὴ πολλὰ ἀλγέα δυσμενέουσι
Χάριματ' ὁ ἐνδρέτῃσι. μάλιστα δὲ τ' ἐκλυον
αὐτοί.

Jecisti, scio, firma huic rei fundamenta.
Pietatem enim in hac deligenda te po-
tissimum esse secutum, novi ipse. Gra-
tulator igitur & tibi, & illi toto pectore.
Gratulatur vobis & uxor mea, quæ
tuorum in nos officiorum juxta mecum
meminit, juxta mecum te amat, te co-
lit, tibi que & Cajæ tuæ factum cupit,
καὶ τῶν μὲν τῶν τῶν. Scholam vestram
silentio tuo, Vir magne, & Pacii abi-
tu adlietam doleo. Et eod quidem magis,
quod pauciores isthic esse videntur,
qui ista, uti oportet, accipiant. Avidè
expecto quid tuus hic Consulatus Mu-
sis nostris sit profuturus. Aut enim
Consule te caput erigent, aut isthic
perpetuò jaceant necesse est. Fac me
igitur quàm primùm certiore de om-

nibus: ut aut quid sit sperandum sciam; 1597.
aut, si res conclamata est, id quoque
non nesciam. Vale, amicissime, dul-
cissime, & sine lachrymis ac suspiriis
nunquam mihi nominande Lecti. Ite-
rum vale, & scribe, si cupis saluum,
ἐς αὐτὸν τὸν τέταρτον καὶ ἡμέραν οὐ πῶς,
ὁ τριπλοῦν τὸν μὲν κάρα. *Monspeli, a. d.*
ix. Kalend. April. CIC ID XCVII.

Præses à Fraxinis te amantissimè no-
vissimis suis salutabat, & ut diurnum
istud silentium æqui boni consuleres,
obnixè rogabat.

EPISTOLA CXXIX.

JACOBO BONGARSIO.

EX literis amicorum intellexi nuper, 1597.
nobilissimam sponsam tuam diem
suum ante nuptias Argentinæ obiisse:
teque ex ejus obitu, pro eo ac par-
erat, summum dolorem percepisse.
Non miror, Bongarsi amicissime, tan-
to & tam inopinato casu tangi te ac
prope dejici. Homo non sit, quem
non moveat & afficiat tristis adeò res,
& mors ita intempestiva. Me certè pu-
pugit hic nuntius, & ad ejus auditi-
onem vix lacrymas tenere fui potis. Pri-
dem enim est, cùm Stoicorum ἀπαθεία
renunciavimus, ac suas eam res habere
jussimus. Nobis placet μετριοπάθεια, di-
splicet ἀπάθεια: quam vix putamus in
hominem natum posse cadere, καὶ μὴ
γὰρ ἐστὶν ἀνθρώποι; & velimus nolimus,
dum hominem fungimur, humanos
animos geramus necesse est. Quæ non
eò à me dicuntur, ut luctum hunc
tuum accendam & augeam: verum eā
fine potius, ut animum meum atque
amicitiam tibi probem. Est enim veræ
amicitiæ τοῖς αὐτοῖς χαίρειν καὶ λυπεῖσθαι. Sed
vin' tu, Bongarsi nobilissime, te respi-
cere? neque enim longa dies expectan-
da tibi est, quæ dolorem hunc minuat,
& te officii tui admoneat. Quod enim
literæ nobis, si tempore necessario ni-
hil nobis profunt? fac igitur, Vir do-
ctissime, veniat tibi in mentem eorum
quæ adversus ægritudinem disputata,
in scriptis veterum Sapientum pridem
legisti. Intelliges ex facili, quàm nihil
sit, cur τὴν μακαρίην illam lugeas. Ut
interea de præsentī nostræ Galliæ statu
nihil dicam: quam vides, & pro sin-
gulari tua prudentia agnoscis, certò
scio, ita affectam, ut pro conclamata
habenda videatur, nisi aliquis θεὸς δὲ
μηχανὴς, quod vix sperandum, brevi
adfuerit. Qui igitur tantum imperium
ruere, & lento igne consumi ac perire
vides, unius mulieris interitum mira-
beris, aut feres ita graviter, ut ὀδυνη-
θῇς.

97. *Ἰνῶν* nolis? Tu verò non facies, Bon-
garfi amicissime: sed Deo potius te tua-
que regenda tuendaque committes at-
que permittes. Vale, & me ama, qui
te perco. Datum *Monspeli*, a. d. VIII.
Kalend. April. CIO IO. XCVII.

EPISTOLA CXXX.

ISAIAE COLLADONO.

97. **E**T si redditas puto jam tibi fuisse,
quas viâ Nemausensi nuper misi:
quia tamen haut facile patior vinci me
à quoquam isto officii genere, en tibi
paucis exaratum schedium, idque rap-
ptim & inter multas curas. Quod igitur
& tu, & tua *δισπασια*, (sic veteres
Græci; sic hodie Sabaudi) & ceteri
omnes tui valetis, per id mihi, per
uxori gratum & iucundum: *τῷ δὲ πιννα-
ξίσῳ θεῷ χάρις καὶ δοξά*, qui vos omnes
publicè privatimque servavit à nostro
discessu valentes semper vigentesque.
Is vos in posterum quoque, spero, ser-
vabit, ac salvos incolumesque præsta-
bit. Scholam isthic florere, si quis est
qui lætis auribus hauriat, is ego sum,
Vir amicissime: sed dolet mihi apud
vos jacere studia jurisprudentiæ: non
enim potest frater tuus, etsi vir doctis-
simus, & eo loco dignissimus, tantum
onus solus sustinere. Sed hoc feramus,
modò ceteræ isthic vigeant, ut audio,
artes & disciplinæ. Nos hic Dei Opt.
Max. virtute adhuc effecimus, ut suis
nostris literis honos tribueretur. Ter-
rebat me initio vetus dictum: *Ignoti
nulla cupido*. Sed ea literarum præstan-
tia est, ut simul nosci amarique inci-
pian; ergo etiam nostrorum hominum
animos mansuetiorum Musarum deside-
rio & cupidine inflammasse videmur:
nobis certè ita in dies dulcia & iucun-
da studia nostra evadunt; ut hoc po-
tissimum præsidio adversus imminen-
tes procellas firmemur. Verùm de istis
aliàs *ὄν τῷ θεῷ*. Doctissimo & amicis-
simo Thomsoni excuses me velim, quod
scribere nunc ad ipsum quitus non
sum: scripsi ante paucos admodum
dies, nihil moratus quod nullas ab ip-
so pridem acceperissem. Et ipsi, & ejus
comiti nobili plurimam à me salutem.
Uxor & te, & tuam conjugem, foro-
rem, affines ac domesticos omnes unà
mecum salutat quàm amantissimè. Va-
le, Vir amicissime & suavissime: *Mon-
speli*, a. d. IV. *Kalend. April.* CIO IO
XCVII.

EPISTOLA CXXXI.
THEODORO BEZÆ.

EX literis amicorum intellexi nuper, 1597.
& valere te, Pater *σεβασμιότατε*, &
omnes muneris tui partes, quâ in Eccle-
sia, quâ in Schola feliciter implere. Su-
stuli ad cœlos manus, & Deo Opt. Max.
gratias egi immortales pro hoc tanto in
te & in Ecclesiam universam beneficio:
oravi etiam supplex, quod & nunc
quoque facio, pergat pro sua infinita
benignitate propitium & benignum
adeo se tibi & vobis omnibus præstare:
spectat enim ad omnes pios fructus hu-
jusce illius benignitatis. Locus Mat-
thæi *, de quo nuper scripsisti, meri-
tò facessit tibi negotium, ob eas caus-
fas quæ epistolâ tuâ commemorantur:
rectè etiam judicas frigere magni In-
terpretis commentum, qui putat non
de resurrectione Christi dubitasse Apo-
stolos, sed venientem non statim agno-
visse. Tua conjectura, si quâ solitus es
modestîa in annotationibus tuis eam re-
tuleris, cur fraudi tibi esse debeat non
video: est enim ejusmodi, ut literulæ
unius mutatione plurimum *σαφηνείας* ob-
scuro loco asferre videatur. Paucis ta-
men eam te probaturum arbitror. Ob-
jicietur enim consensus omnium Vete-
rum, qui difficultatem loci & viderunt,
& solvere laborarunt. Sic legit omni-
no Syrus interpres, qui *τὸ οὐδὲ* vertit
ἢ ἢ: sic Theophylactus auctor
scholiorum Græcorum, ubi multa eru-
ditè super his verbis: sic etiam Hiero-
nymus: Antiqui denique, nisi fallor,
ἀπὸς ἀπλῶς omnes. Jam quod quaeris,
an *οὐδὲ* pro *πῶς δὲ* Græcum sit; sanè:
& multa ad manum exempla. Dioge-
nes Laërtius: *ἐπιμνήδης πατὴρ ἦν Φαι-
σός· οἱ δὲ Δουσιᾶδες· οἱ δὲ Ἀθηναῖοι*. Ali-
bi, *Ἀισχίνης Χαρίης ὁ Ἀθανιαπιδ*: οἱ δὲ
Λυσανίης, Ἀθηναῖος. Idem, *Σπύλιον δὴ-
κεσε μὲν τῶν ἀπ' Εὐκλείδους πιναν, οἱ δὲ καὶ
αὐτῶν Εὐκλείδους ἀκέραια φασὶν αὐτὸν*: & alibi
sæpe idem scriptor atque alii multi: nec
dubium his similibusque locis *οὐδὲ* esse,
quod interdum aliis verbis dicit Laër-
tius *ἔνιαι δὲ*. Possumus igitur vulgatam
lectionem ferre, & cum Theophylacto
interpretari. Habes, Pater veneran-
de, nostram de proposito loco senten-
tiam. Sed nobis id demum probatum
iri scito, quod tibi placitum esse intel-
lexerim. Paraveram & alia nonnulla,
de quibus tecum agerem: fui enim per
hos dies in lectione epistolarum aliquot
Pauli diligentior. Ac videor quædam
annotasse, quæ non malè tecum com-
municentur. Sed id esto alterius episto-
læ

1597. læ aut plurimum potius, si Deus voluerit, argumentum. Nam si nostras tibi notulas legere & expendere vacaverit, assiduis literis esse tibi molesti non veremur. Ego enim tum demum vero mihi gaudio frui videor, cum tuas lego, aut ipse ad te scribo. Uxor te conjugemque tuam, matronam lectissimam, salutat quam officiosissimè. Sorores nostras; meam, quæ olim Johanni Rigoto nupsit; & uxoris, Dionysiam, Stephani filiam, tibi cupimus, Pater venerande, esse commendatas. Cæterum etiam patrum ac fratrum, quos unice observare atque amare dum fuero nunquam desinam, tuis verbis ut salutes, etiam atque etiam te oratum velim. Deus te nobis servet. Vale, *Monspeli, a. d. Kalend. April. c. d. id. xcvii.*

EPISTOLA CXXXII.

PHILIPPO CANAIO A
FRAXINIS.

1597. Cogitanti mihi de acroasi, cujus hora imminebat, significatum est nunc ipsum, scriberem ad te, o meum decus, si quid vellem. Dubitavi quid facerem: temporis angustia urgebant, & ne scriberem suadebant: amor & cultus rapiebant in contrarium. Scripsi igitur paucula hæc raptim, & quasi aliud agens, non ut in solutum illa veniant, sed ut futuram brevi numerationem ejus artis, quod pridem apud te contraxi, spondeant. Ita ergo tibi persuade, Vir maxime, si Deus me sanum & valentem esse voluerit, scripturum ad te cis dies unum alterumve uberiore stylo. Exponam tibi tum, quo loco sit valetudo nostra: quæ, ne quid dissimulem, sic videtur affecta, ut Veraneus noster sepiusculè, seriò an per jocum, brevem, sed gloriosam pollicetur futuram. Omnino aliquid contumax defluxio minatur, quæ pectus & latera ita jam opplevit, ut doloris, sed remissioris, nulla pridem contigerit intermissio. Eâ re factum, ut omissis aliis studiis, in sacrarum literarum lectione, & cum ab illis vaco, Senecæ per hosce aliquam multos dies facerim: atque utinam det mihi Dominus Deus, possim aliquando proferre quæ in utroque hoc literarum genere sumus meditati! Sed hæc cernit ipse pro sui nominis gloria & utilitate nostra quam optimè. Intercæ illi mecum gratias agas oro te quæsoque: decimus namque hic dies est, cum uxor charissima familiam filiolâ auxit: hanc cum in Ecclesiam reciperetur, Sarracenus noster tenuit. De

codicillis à Rege impetrandis ut dignitati nostræ consulatur, ne γὰρ quidem ad 1597. amicos Parisienses scripsi: cujus tamen negligentia non ita me poenitet ac dolet, ut quod de privilegio impetrando nihil mandaverim Ranchino nostro, cum absque eo multa quæ habemus, quæque οὐ θείῃ vel projicere mortalitatis memores statuimus, edi vix possint commodè. Si Deus dabit, plura de hac re tecum proximâ epistolâ. Scripsi enim hæc non aliâ fine quam ut silentium meum apud te excusarem. Platonis siquidem vera in primis sententia est: εὖ δὲ ζῆν ἀνθρώπων ἀδελφῶν. Ergo & tu nobis ignosce, qui mœrore ruentis patriæ penè absorpti, quasi animum despondentes ἐγκαλυψάμενοι aliquamdiu tacuimus. Tandem collegimus nos, & ad solennia officia redimus. Quare frequentiores posthac à nobis expecta literas. Iter enim tuum putamus hoc rerum statu te esse dilaturum. Scripsi autem ad semones illos Parisienses ante aliquot dies, cum illuc Ranchinus, vir clarissimus, proficisceretur. Philologia nostra Dei beneficio stat, & videtur aliquam consequi dignitatem posse in his locis, nisi immineret nox atra, quæ suis tenebris omnia involvens γῆν περιῇ sit mistura. Cæterum τὸ μέλλον θεὸς οἶδεν, ἀνθρώπων δὲ ὕδης. Illum precor ἵνα πᾶς, saluum te saltem nobis & incolumem præstet cum tua & omnibus tuis. Vale, meum decus unicum. *Monspeli, a. d. Id. April. c. d. id. xcvii.*

EPISTOLA CXXXIII.

E I D E M.

UT qui morbo περιεδικῶ sunt obno- 1597. xii, si qua bona scæva longius paulò aliquod intervallum dilucidum experiantur, stupent: sic ego solitus turbâ eorum inquietari, qui se & causam suam tibi à me commendari vellent, miratus sum non semel, Præses amplissime, quod per hosce dies aliquam multos nemo fores meas pulsavit, ut ego tuas pulsarem; nemo fuit mihi molestus, ut ego tibi essem: sed mirari desino; nam venit ad me nunc ipsum amicus summus meus, qui necessario cuidam suo has ad te meas impetrat: ἀμὲν ἐπὶ, ἀμὲν ἐργον: simul enim rogatus sum, arrepto calamo paucula hæc exaravi. Peto igitur à te, Præses amplissime, ut causæ hujus tantum faveas, in quantum ἐμφορὸς σοι æquitas patietur. Sic te Deus Opt. Max. & tuam tuosque omnes protegat. Vale, meum decus. *Monspeli, a. d. Id. April. c. d. id. xcvii.*

EPISTOLA

EPISTOLA CXXXIV.

JOHANNI PINALDO.

1597. **Q**uas scripsisti ad me, & Gregorio Benedicti filio dedisti, Vir observande, & ex animo dilecte, accepi. Gratum mihi suprâ quàm verbis possum exprimere, quod nostri memoriam & amorem constanter adeò servas. Persuade verò tibi & penitus imbibere, neque me, neque uxorem meam te esse inferiores in mutue benevolentie contentione. Quamobrem gratius nihil mihi, nihil ipsi possit accidere, quàm si de prospera valetudine tua & omnium tuorum sapissimè feceris nos certiores. Equidem licet occupatus, & planè ad scribendum otio carens, ne meam tamen negligentiam possis accusare, aut officium desiderare, sedulò cavebo. Res nostræ quo hic loco sint, ne pluribus nunc scribam, facit tabellarius istarum, qui omnia de nobis, si operæ est sciscitari, certa referet. Verbo tantum dicam: postquam Genève discedere Deus me voluit, non videri posse fieri, ut magis ex animi sententia usquam collocarer. Floret hic, si usquam in Galliis, Ecclesia Dei: zelus & pietas, etsi longè infra præscriptum *ἔρον*, sic tamen vigent, ut nondum planè conclamata esse religionem, vel unius hujus Ecclesiæ argumento queat intelligi. Jam erga nos tanta omnium comitas, humanitas & benevolentia, quantum ne speraveramus quidem. Sed plura de nobis aliàs: scripsi enim raptim non solum semisomnis, verum *νυκτὶ* planè *καὶ τῇ κεφαλῇ σημαίνων*, ut Poëta nescio quis ait. Vale igitur, Vir amicissime, & me uxoremque meam ac nostros liberos, tuumque inprimis Johannem amare perge. Iterum vale. *Monspeli, a. d. iv. Idus April. c15 15 xcvii.*

EPISTOLA CXXXV.

PETRO FABRO.

27. **P**osteaquam in hanc Provinciam lares meos transferre me Deus voluit, habui nihil antiquius, Præses amplissime, quàm ut tibi innotescerem, ac si possem, in tuam me amicitiam insinuerem. Diu enim est cum ego illustre nomen tuum *σὺν τῷ ἐμῷ*, ut ait Poëta, colo venerorque. Debetur id maximis tuis in omni genere virtutibus, & eruditioni illi summæ, quam omnes in te *μακρὸν ἡρεσπιν*, quibus cor sapit, admirantur, pauci invident, quibus ani-

mus ærugine subfusus: sed si quisquam 1597. est qui doctissima tua scripta plurimi faciat, teque ex animo plurimum amet, plurimum colat, is ego profectò sum. Ac memini in tui admiratione defixum hæsisse me sæpe, dum stupeo, qui fieri potuerit, ut tu, ad gubernacula Reipublicæ sedens, planèque mersus civilibus undis, tantum librorum legeris, tantum rerum abstrusarum observaveris; è tenebris princeps erueris, & clarâ luce donaveris. Equidem sic censeo, cum hæc ætas nostra plurimos eruditione clarissimos viros tulerit, unum tamen extitisse te, qui Varro seculi nostri appellari, & vir undecumque doctissimus audire possis jure, imò debeas. Ignorans sim & iniquus æstimator genii ingenique tui, si aliter sentiam, qui ex tuorum librorum lectione tantum quotidie & honestæ voluptatis & solidæ eruditionis percipiam. Accedit eo quod non alienum esse te à nobis, ex verbis amplissimi Præsidis Philippi Canaii à Fraxinis, viri tibi simillimi & tui amantissimi, nuper cum ad eum venissem intellexi: quâ re quàm non delectatus, sed gavisus sim, noli quærere. Ego enim, Vir maxime, tuam tuique similium amicitiam tanti facio, ut illam consequi *ἔρον* ferè statuam meæ dum hominem fungar *ἐντυχίας*: petoque à te, & peto obnixè sic, ut nihil queam magis, recipias me in tuorum numerum, prorsusque tibi persuadeas eum esse me, qui secundum pietatem in Deum eas literas, quæ te nobilitant, tanti faciam, nihil ut putem in rebus humanis cum illis comparandum. Vale, Præses amplissime, & me non quia sim meritis, sed quia moribus tuis dignum est, tui observantissimum redama. *Monspeli, a. d. vi. Kalend. Majas, c15 15 xcvii.*

EPISTOLA CXXXVI.

PATRIBUS SYNODI SALVENDIS.

Si voluntati meæ valetudo respondisset, Patres observandi, non mihi nunc literis vobiscum agendum foret. Constitueram enim venire isthuc, & vestrum confessum præsens affari ac salutare. Nam posteaquam ita Deo Opt. Max. visum, ut Genevæ patriam dulcissimam, & Genevenses Pastores ac Professores, collegas mei amantissimos, æternum mihi colendos, relinquerem, & in hanc provinciam venirem; in votis mihi semper unicè fuit, ut vestram omnium amicitiam omni ope & operâ mihi conciliarem. Videbar autem com-

K

modè

1597. modè id facturum, si hoc tempore isthuc me transferrem. Nunc igitur quando per invalentudinem optati adeo voti compos fieri non possum; officii mei esse duxi, has ad vos scribere, meae adversus universum ordinem vestrum, & privatim erga unumquemque summæ observantiæ testes. Cujus animi cum mihi conscius ipse sim, facile venio in eam spem, fore neminem è vobis, qui in suam amicitiam me non recipiat, aut parum illà dignum judicet. Atque ut sciatis ex animo loqui me, neque, ut ait Poëta, ἔπειν μὲν κεῖθεν ἐν ὄρεσιν, ἀλλ' οὐδὲ βάζειν, en me totum in vestra potestate. Videte, quæso, & vobiscum deliberate, ecqua in re opera mea publicè Ecclesiæ Dei, cujus administratio vobis commissa est, utilis esse poterit: ego me spondeo, sanctèque recipio, vestris consiliis obtemperaturum; & pro virilicessetum, ut voluntati vestræ per me satis fiat. Equidem ita sum à natura comparatus, ita ab optimo parente olim institutus, ut studiorum & vigiliarum mearum nullum unquam alium finem mihi proposuerim, nullam aliam mercedem aut speraverim, aut optaverim, quàm ut illarum aliquis fructus ad πατριάρχην matrem Ecclesiam rediret. Novit ὁ καρδιογνώστης Deus hanc re nihil mihi jucundius, nihil gratius, dum adhuc terras colam, posse contingere. Sed & D. Bernardinus, quicum mihi summa familiaritas intercedit, animum meum penitus notum perspectumque habet. Is, si operæ est, plura de nobis & egregia nostra voluntate erga sacræ Theologiæ studiosos commemorabit. Verum de nobis nimis multa: simul vereri subit, ne si longiore epistola vos tenuero, in publica commoda peccare videri possim. Unicum est; quod si adjecero, finem faciam. Nam cum Genève nuper discederem, mandatum est mihi à venerandis Pastoribus & Professoribus, si qua se offerret occasio, vos omnes ipsorum verbis quàm officiosissimè & amantissimè salutarem. Rogabant iidem obnixè, ut assiduis vestris ad Deum precibus Genevensē Ecclesiam, omni nunc cum maximè ope humanā nudatam, juvaretis. Accepi etiam postea non unas à magno & reverendo sene Theodoro Beza literas, quibus omnibus hoc ipsum à cunctis vobis, & suo, & totius Ecclesiæ nomine petit, & summo contendit opere. Valete; Viri plurimum colendi, & res Ecclesiæ σὺν τῷ Θεῷ feliciter gerite. Scripsi *Monspeli*, *languente manu*, a. d. pridie Nonas Majas, CIO IO XCVII.

EPISTOLA CXXXVII.

PHILIPPO CANAIO A
FRAXINIS.

Quod sit felix & faustum, hodie in 1597. ædeis Vochantanas migravimus. Si verum est, rerum principia habere omen, Gymnasium hoc mihi futurum video, in quo ad patientiam exercear. Ita hic dies ob varias causas mihi uxorie meae illuxit illætabilis. Sed hæc Deus Opt. Max. qui solus potest, vertet in melius: sin aliter fata ferunt, confide Stoicum sapientem evasurum me. Sum enim, si quisquam alius, doctorum ejus sectæ studiosus & avidus discipulus. In hoc quotidie adlaboro, in hoc me exerceo, ut quod illi suo sapienti vix tantum θεωρητῶ, nunquam autem viso, tribuunt, id homini accomodem, rebus non nomine, Christiano. Juvat nos, sapientissimorum virorum vestigia legentes, ab aliis principis ad easdem conclusiones pervenire: atque eadem ferè illis dicere, sed alio modo. Equidem sanctissimorum veterum Patrum laudo consilium: qui τῶν ἱστορῶν σεφῶν scripta vel eo nomine legenda nobis censent, ut sapientissima illorum præcepta & exempla laudatissima pudorem nobis inculcant, & nos nobis accinere cogant. Hæc fecere, quibus veræ lucis vix aliqua scintilla affulserat: nos, filios lucis, quid æquum est facere? nos, quibus ad omne virtutis genus dux, doctor Filius Dei, & ipse Deus; quibus (si tamen professionis nostræ nomen non e mentimur) cœlo immisâ & infusâ vis Sancti Spiritus ἡ ἀκαλήτης semper adest? Hujusmodi cogitationibus jacentem sæpe animum erigere, & ad suam originem revocare soleo, Vir maxime: neque id, uti spero, frustra. Cum plus profecero, tentabo curatelas facere, & medicum profiteri. Puto risisse te in hoc dicto, & vanitatis me arguisse. Et ita profectò est, curvi non est velle curva corrigere: hæc igitur mitto, & narro tibi rem lepidissimam. Scripsit ad me clarissimus Ranchinus, se postquam in aulam venit, omnem movisse lapidem, ut codicillos quales nosti, mihi impetraret: amplius tamen efficere nihil potuisse, quàm ut pretio aureorum quinquaginta eos liceat mihi redimere; hoc mihi ab aulæ Proceribus pro summo beneficio concedi. Ego verò, magnæ animæ, beneficii hujus gratiam vobis facio: habere, servate vobis codicillos; quibus equidem eo solo nomine fateor me indignum, quod tam fatuus fui ut expeterem: πὶ γὰρ μοι καὶ

1597. *πῇ μακρῇ αὐλῇ.* At enim illud certum, non quia istorum iudicio parum dignus sim, eo mihi negari hunc honorem; sed quia auri sacra fames latè grassatur per infelicem aulam. Queritur M. Tullius, vexatam suis temporibus Rempublicam ab infima plebe, quam ille hirudinem ærarii summi probri loco indigerat. Nostra hodie longè deterius habet Respublica, quam non alii regunt nisi meræ quædam ærarii hirudines, quibus pro Deo lucrum est, pro virtute regina pecunia. I nunc & aude boni aliquid sperare, dum isti *παραμάχηται* sedebunt ad clavum. Et non est ea tamen nostri fundi præcipua calamitas: aliud est; aliud ulcus planè desperans. Verùm ista *ἔντομα κλέων βῆς γὰρ ἐπὶ γλῶττι μέγας.* Cæterum (ut res est) de privilegio impetrando scriptis nostris non est quod cogitemus: bis enim in eundem lapidem impingere, sapientis non est: sedet autem nobis, literas non *καταλείπει.* Diu abutor patientiâ tuâ, nondum tamen finem faciam. Habeo enim quod te rogem. Scripsit ad me vir clarissimus Jobertus, Joberti filius, *συμπλά* nostra multum apud te ponderis habuisse: optare autem se, ut tibi homini occupatissimo iterum de suo negotio aurem vellam. Quod igitur liceat mihi cum bona gratia tua, Præses amplissime, peto à te, des illi aliquam tui in nos amoris significationem. Equidem quod tibi imputem aliud nihil habeo, nisi hoc unum, quod tibi uni accepta ferimus incrementa nostræ dignitatis. Hic meus de tuis erga nos meritis maximis sensus, hic animus, si nos Sapientum præcepta non fallunt, necessitatem tibi imponit in dies bene de eo merendi, quem semel ornandum & protegendum suscepisti. Non potes autem ullâ ratione plus nobis prodesse, quàm si intellexerint qui primas hic tenent, esse nos tibi curæ, & gratiâ aliquid apud te posse. Fieri etiam fortasse poterit, ut tuâ nobis opus sit commendatione apud nunc Consules. Sed esto hoc argumentum alterius epistolæ. Vale, & me ama, qui te niveo prorsus pectore colo & veneror: quique pro tua & omnium tuorum felicitate *πὴν μέγαν ἐν ἡρώδῃ θεῶν* sollicitare non cesso, non cessabo. Iterum vale, meum decus unicum. *Monspeli, a. d. Nonis Majis, CIO IO XCVII.*

EPISTOLA CXXXVIII.

JACOBO LECTIO.

1597. **T**ertium jam, opinor, mensem files, Vir amicissime, & ne laceffit

quidem respondere dignaris. Hæccine 1597. data fides? hoc sperare à te potui, quem ego plus meis hisce oculis amo; quique *ἰσὺ ζυγῇ* à te amari me semper credidi? *ἀδικίης ὁ πόνος*, & gravius quidem fortasse quàm facile tibi persuadeas. Mihi enim postquam à te discessi, in mœrore & squallore vita hætenus acta est: neque ullum aliud doloris levamentum quàm in suavissima, ὁ meus amor, tui recordatione, aut tuarum lectione. Mirum dictu quàm se quotidie exerat meus in te affectus; quàm recrudesceat quotidie dolor, qui animum meum vulneravit cùm tibi valedixi. Et tamen spe aliquâ sustentor, si Deus votis faverit, fore aliquando ut aut hic, quod optant omnes; aut isthïc, quod potius velim, unâ simus futuri. O illum beatum diem, qui te mihi, me tibi redditurus est! Propterea scribas cupio, quod sit isthïc literis in posterum sperandum. Persuade enim tibi, secundum patriam nostram, nullum hodie locum esse in terris, quem nostri ordinis homines isti præferre debeant. Tu verò sic ab omnibus expereris hic, ut nemo queat magis. Melius autem Ecclesiæ Dei, quæ in Gallis est, consuli non poterit, quàm si aut tu, aut tui aliquis similis in hac urbe jus profiteatur, & piam juventutem Tholosâ revocet, ubi non sine corporis animique periculo multi nostrorum nunc degunt. Sed hæc pluribus, exacto oneris tui anno. Vale, ὁ animæ meæ plus quàm *πὴν ἡμῶν.* *Monspeli, a. d. Idibus Majis, CIO IO XCVII.*

EPISTOLA CXXXIX.

JOANNI PINALDO.

Diu est, Vir amicissime, cùm tuas 1597. exspecto. Respondi enim non semel novissimis, quas à te accepi: etsi autem non clam me est, magnis multisque negotiis solitum te, occupari: nihilominus tamen peto à te, scribas ad nos de tuo & omnium tuorum statu quàm sæpissimè. Ego vicissim eam præstabo diligentiam in scribendo, ut queri de me non queas: quanquam (nisi vehementer animi fallor) ea nos manent tempora, quibus difficillimum sit futurum nobis, hoc literarum commercium exercere. Conemur tamen, obsecro, Vir amicissime, & mutuam amorem crebris allocutionibus, si fieri ullâ ratione potest, focillemus. Omnes nunc isthïc, amici mei, videmini conspirasse, ut me vestro silentio torqueretis: neminis accuso negligentiam, omnium tamen desidero diligentiam. Atqui si per-

1597. persuasum haberetis, quàm lætæ mihi uxoriq̃ meæ sunt quæ isthinc veniunt literæ, aut valde elanguit vester in nos amor, aut crebriores ad nos daretis. Valetudo mea eo adhuc in statu est, ut nondum constituerim, æger an sanus dici debeam. Sed Deus dabit, spero, meliora: utrique si operâ nostrâ diutius uti illi placeat: inertem enim vitam non optamus. Uxor Dei beneficio filiolarum *ὑποθήκισα* ante sex septem hebdomadas peperit. De tua & omnium tuorum (qui & mei sunt) valetudine quàm optima literas sitio. Etiam illud te oro, ut verbis meis venerandum cœtum Pastorum ac Professorum salvere plurimum jubeas. Deum veneror supplex, benedicat vobis omnibus καὶ καὶ καὶ καὶ *idæa*. *Monspeli, languente manu, a. d. Idibus Majis, c10 10 xcviij.*

EPISTOLA CXL.

STEPHANO TREMULEO.

1597. **F**allor, an verum est quod audiui? venisse in hæc loca fratrem tuum. Si est, miror ita excidisse tibi memoriam nostri, ut ne verbulo quidem salutare nos sis dignatus. Sed talione, ut video, pensare, imò ulcisci nostram negligentiam voluisti: nam quia nullas à me acceperas, nullas mittere nisi lacessitus voluisti. En igitur, provoco te; ipse ne officio nunc saltem desis vide: quanquam si scires, quàm impeditus hæctenus fuerim; quàm parum bellè me habuerim, postquam huc veni, silentio fortasse meo ignosceres. Sed id mitto: & magni beneficii loco à te peto, ut cum, qui has tibi redder, in tuam amicitiam meâ gratiâ velis recipere. Cur isthuc sit profectus, narrabit ipse tibi: quantum autem juvare eum tuâ commendatione possis, scio ego: idque uti facias te oro. Vale, amicissime & dulcissime Tremulee. *Monspeli, a. d. Idibus Majis, c10 10 xcviij.*

EPISTOLA CXLI.

THEODORO BEZÆ.

1597. **D**u est, Beza *σβασιμύτης*, cum tuas exspecto. Respondi enim non unis literis meis quas à te novissimè accepi. Ex fuere, quas Benedicti & *μακαρίτη* filio dederas, qui cum ante menses tres, opinor, advenerit, dici non potest quàm sit longa jam mihi tuarum exspectatio. Quod si mihi nunc plusculum otii fuisset, statueram bene longam ad te epistolam mittere. Sum enim

totus in tuorum scriptorum lectione: 1597. non possum aliter summum lenire dolorem, quem capio dies noctesque, cum cogito, quàm dulci *τῆς οἰς ἐμῆς* fructu caream. Sic me Deus Opt. Max. amet, ut me tui, Vir observande, desiderium angit & cruciat. Sed quid agam? *Θεὸς γὰρ ἐπὶ λείῳ βλάη.* Contuli hisce diebus tuas in aliquot Pauli Epistolas observationes cum Syriaca versione, & veteribus aliquot Interpretibus: visus sum nonnulla annotare, quæ si isthic essem, tecum lubens communicarem: ea, qualiacumque sint, brevi describere est animus, & tibi mittere. Vale, venerande Senex. *Monspeli, a. d. Idibus Majis, c10 10 xcviij.*

EPISTOLA CXLII.

DIONYSIO GOTHOFREDO.

Post longam, & mihi molestissimam 1597. expectationem, tuas tandem accipi: quibus tunc & pluribus respondebo, cum & plus otii fuero nactus, & ex aula redierit Guilielmus Ranchinus, vir doctissimus, Juris Professor in hac Schola ordinarius, tui amantissimus & studiosissimus. Is cum aliis multis omni studio, *πίση σπουδῇ καὶ μηχανῇ* id agit, ut vel te, vel Lectum in hanc urbem pertrahat. De Lectio si qua fuerat spes, ea nunc valde minuit. Tu si animum huc appellere volueris, non erit, spero, cur te pœniteat. Me quidem mutationis non piget, aut pœnitet, nisi quod *ἐμφύλῳ* veteris patriæ amor urit animum persæpe. Atque utinam fieri olim posset, ut ego & tui, in pristinas sedes restituti, frui invicem amicitia nostrâ eo loci possemus, ubi eam inchoavimus. Id quoniam nulla spes est posse unquam perfici, habeo quod gaudeam, in eam venisse me urbem, ubi & pietas viget, si usquam in Galliis; & ubi, quantum humanis rationibus provideri potest, habitatio securissima; ubi denique honestissimorum & literarum amantissimorum virorum magna copia est. Cogita igitur, obsecro te, meus amor, & si huc animum inclinaveris, fac me certiore; & meis uxorisque verbis lectissimam conjugem tuam & filios plurimum salvere jube. Scripsi raptim. *Monspeli, a. d. 11. Kalend. Jan. c10 10 xcviij.*

EPISTOLA CXLIII.

JOSEPHO SCALIGERO.

1597. **A** Ccepi tandem quas ad me 111.* Vide
Scaliger.
* 42.

Idus Februar. dedisti literas*, Scaliger præstantissime, & cum illis tuas in aliquot veteres Scriptores notas. Beasti me isto munere, tibi que sic obstrinxisti, vix ut queas magis: animum etiam adjecisti, ut jam suscipere editionem eorum scriptorum, ad quos illustrandos me hortaris, non verear: utut enim parum aut nihil futurum est, quod meopte ingenio sum præstiturus: quia tamen tuum illustre nomen opus nostrum est exornaturum, haud aberit, quin doctis id placeat: me certè tua cohortatio cum notis tuis ἐπὶ ἐρωσεν. Sed rursus animo deficio, cum cogito, quam bonam discendi occasionem amiserim, qui tam longè à te abierim; præsertim quoties cogito, ea tempora imminere, exigua ut spes sit, aut nulla potius, exercendi inter nos literarum commercium. Itaque in solas terras venissè mihi videor: & cum magnam quotidie Magalonensium nostrorum in me benevolentiam experiar, tui tamen desiderio, aut certè literarum tuarum sic crucior, ut ipsa prope vita mihi sit acerba. Adjice eo, quod nulla hic prorsus librorum edendorum facultas. Cogitabam de Lugduno aut Geneva: sed & locorum intervallum magnum, & pericula multa. Ut taceam, sic tractari eam artem in utroque loco, ut abstinere satius sit, quàm typographorum hoc genus operà uti. Verumtamen si minus aliis capere possumus, nobis certè & Musis. Quorum amor in nobis non antè minuet, quàm desinemus ipsi esse. Hic erit ἰσχυρὸν χιτὼν, quem exuemus postquam hora decretoria advenerit. Janum Doufam Juniorem abiissè, ex tuis literis primum didici, atque utinam quidvis aliud nuntiaffes mihi potius quàm hoc. O casum gravem! ô funus verè acerbum! nempe ita est, mi Scaliger, quod tu olim μαυνοῦρδον scripsisti, vergunt doctæ artes ad interitum, estque omnis jam in Europa eruditio vera & recta conclamata. Parum erat, quod Mars ubique pridem furens Musarum cultum & amorem ex animis ferè omnium sustulit: parum erat, quod veræ doctrinæ loco ἡ ἐρμηνεύει καὶ σοφιστικὴ σύν τῇ χρηματικῇ regnum hodie obtinet. Hoc supererat, ut si qui restarent γνήσιαι μαθημάτων θεράποντες καὶ ἐπαφύται, ii maturè raperentur, & stationem desererent. Fleui ergo, & fleo adhuc tantæ spei

juvenem, cui equidem ex universa juvenile literis operata parem novi neminem. Sed feramus necesse est quod mutari non potest: neque enim forte, aut casu ista evenere: sed voluntate & αἰκονομία ἢ τὴν πάντα ἰφροσύνην θείαν, cujus ἡ πολυποίκιλος σοφία ἀνθρώποις ἡμῶν ἐστὶν ἰφικτή. Illum obsecro & supplex veneror, Scaliger præstantissime, servet te nobis, & valere nunc ac semper velit: Tuum de emendatione Temporum opus non exspecto, sed ἀψῶ. Athenæi notas ut hætenus detexerem, valetudo non fuit: quæ ne nunc quidem bona est: nisi quod graviter affectis sanitatis loco est bona remissio. Vale, Vir illustrissime, prorsusque ἐξ αὐτοῦ νοσήσας ψυχῆς mihi πεφιλημένε. Quod si me saluum cupis, noli committere, ut tuum in scribendo officium jure desiderem. Iterum vale. *Monspeli, a. d. VII. Eid. Jun. CIO IO XCVII.* raptum & languente animo.

EPISTOLA CXLIV.

DIONYSIO GOTHOFREDO.

QUOD à me postulasti binis tuis responsum, ecce illud tibi, Gothofrede præstantissime. Erit puto, parum gratum iis, quorum causæ faves, & planè, quod ajunt, ἡ δὲ τὸν Σκυθῶν ῥήσις: sed animum hominis flectere nostræ opis non fuit. Si quid aliud tuâ causâ potero, confide esse me totum tuum. Nihil tam difficile imperaveris, quod non libentissimè spe gratificandi tibi sim suscepturus. Expeti te hic ab omnibus doctis, scripsi jam antè non semel: & est profectò ira: magnum enim meritò nomen tuum, ubicunque purioris jurisprudentiæ studia vigent. Spes est, si facilem te præbueris, posse eam tibi parari hic conditionem, quam fortasse non sis aspernaturus. Sed quia vir clarissimus Ranchinus, qui tibi omnium cupit plurimum, & summam apud suos auctoritatem obtinet, ex aula nedum rediit, amplius de hoc negotio in præsentiarum scribere superfedebō. Letitium quidem nostrum, Musarum illud delictum, vix spes ulla superest posse huc unquam cogitare. Ego dies noctesque hoc molior, hoc Deum oro, ut iterum unà vitam aliquando possimus degere. O si ejus voti olim me Deus damnaverit, tum demum dicere incipiam, *Nunc juvat vivere.* Sed suspituum ἀλγος. Vale, meus amor, & diu felix vive. Scripsi raptim. *Monspeli in Volcis Arecomicis, a. d. Idibus Junis, CIO IO XCVII.*

K 3

EPISTO-

EPISTOLA CXLV.

GUILIELMO RANCHINO.

1597. **C**UM à nobis discessisti, Ranchine doctissime, & brevi rediturum te sperabam, & literas isthuc me daturum ad te sæpius: quod ne facerem hæcenus, multa me impediunt: morbus primum meus & uxoris proximi à tuo discessu temporis facultatem mihi eripuit. Deinde ubi in gratiam cum valetudine redii, mox te adventurum persuasus sum. Scripsi tamen [sic me Musæ omnes ament] ante mensem: sed cum rumor de vestro omnium reditu in dies crebresceret, affirmassetque mihi matrona lectissima, uxor tua, nullas se amplius ad te literas daturam, meam epistolam ipse conscidi, ne in alienas fortasse manus veniret. Hæc commemoravi tibi, non tam ut meam negligentiam irem excusatum, quam ut scires valde fefellisse te nostram expectationem, qui cæteris revertentibus isthuc maneat. Id enim didici nunc ipsum cum ex aliorum sermonibus, tum ex verbis conjugis tuæ. Non possum verbis tibi satis exprimere, quantum hic illam nuntius affligerit, quantum lacrymarum fuderit, postquam novissimas tuas legit. Puto, qui tam miti animo sis & φιλόστοργος, si scias quàm iniquè tuam hanc moram illa ferat, haud alio fore tibi opus protelo, ut itineri te statim accingas. Sed non dubito, graves, quæ te isthuc detinent, causas esse: quare consilium tuum nullus reprehendo. Deum potius obsecro, fervere te saluum & incolumem, tibi quæ efficiendi quæ φρεσὶ σῆσι μενοινᾷς, det vires ac facultatem. Persuade tamen tibi, expectatione reditus tui nullum mihi unquam tempus visum esse longius. Nihil dicam de nostra amicitia, quæ profectò nostrum hoc divortium æquo animo ferre non potest: hoc scito, multa post discessum tuum contigisse, quæ tui acre desiderium in nobis excitent. Equidem expertus sum hisce diebus in re non maxima, homo homini quantum præstaret: nam cum de bimestri stipendio ageretur, mutire omnes, harere, verba denique, aliud nihil dare. Tum egomet mecum cogitare cœpi, si nunc tanta ἀπορία & ἀμνηχανία, quid deinceps sperem futurum? Sed nimirum tu aberas, Ranchine amicissime: qui si adesses, facile viam aliquam inires, quâ mihi id præstaretur, quod promissum est. Te igitur expectabimus, verum accelera: ne, si diutius afueris, aliquid accadat planè con-

tra animi tui sententiam. Fuisse te isthuc nostri memorem, ex iis intellexi, quas ad me scripsisti. Ago igitur tibi gratias quantas possum maximas. Nam quòd nihil promoveris, non eò minus me tibi devinxisti. Video fatum esse omnium bonorum, ut in illis locis, ubi es, parum sine immensa auri copia possint. Quare omittamus, censeo, has cogitationes, & alia curemus. Literas meas curasse te cum fide, lætatus sum. Peto à te etiam atque etiam, salutem meis verbis omnibus illis nunties, ad quos scripseram. Quod si doctissimus Serranus isthuc esset, scripsissem ad illum; sed mihi frater ejus nuper significavit, se in dies ipsum expectare. Veruntamen si aliter res habet, velim illum à me quàm amantissimè salutes. Vale, Vir præstantissime. *Monspeli*, a. d. *Idibus Junii*, CIO IO XCVII. raptim.

EPISTOLA CXLVI.

JACOBO LECTIO.

Siccine te veteris amici memoriam abjecisse? ἀδικεῖς ὁ πῦρ, & facinus facis non bellum. Scio quidem otio te non abundare: sed nunquam te sic impeditum putabo, ut duo saltem verba exarare, & vel hoc tantum scribere non possis, tibi si lubeat, non liceat. Habemus & nos quod jure caussemur: verum ea est amoris in te nostri vis, semper ut tibi vacemus. Itaque aut nunquam, aut raro factum, ut oblatam scribendi ad te occasionem non arripuerim. Ἀλλὰ τί μὲν περὶ τῆς ἐλπίδος ἀχνόμεθα πρ. Spero enim nunc certè, iter ad nos instituentem Pacio viro clarissimo, tam bonam occasionem prætermittere fore tibi religioni. Expectamus igitur illum diem. Interea scitò, expeti hic te ab omnibus doctis, Juris præsertim studiosis: ac quoniam ita naturâ comparatum est, ut qui amant ipsi fingant sibi somnia, efficit in multorum animis altè insitus tui amor, ut futurum plerique omnes sperent, hanc Academiam à te aliquando ornatam iri. Meorum votorum hæc summa est, ut vel hic, vel isthuc jungamur iterum, & amicitia nostræ fructu invicem fruamur. Vale, Vir magne, & nos ama, qui te in oculis dies noctesque ferimus. Vale iterum. *Monspeli*, a. d. *xiv. Kalend. Julias*, anno δ'αὐτῆς τῆς ἑβδωκάτης CIO IO XCVII.

EPISTO-

EPISTOLA CXLVII.
THEODORO BEZÆ.

1597. **C**redo equidem, Beza *παρασκευάζει*, si notas illas accepisti in aliquot Novi Testamenti locos, quas nuper misi, assentiri te mihi, & parum dignas censere eas, quæ tibi legendæ offerantur: quia tamen visus es aliquoties hoc officii genus à me postulare, facile feram conatus in literis meos tibi improbari, modò obsequium proberetur. Nam si quis est eorum omnium qui hodie terras colunt, cui gratificari & parere cupiam, is tu profectò es. In ea ad Titum scribitur Cap. I. vers. 9. *ἀντιχρόνιον ἔχει καὶ τὴν διδασκαλίαν πρὸς λόγον, ἵνα διδάσκῃ καὶ παρακαλεῖται.* &c. Hujus versus videtur hæc esse sententia. Vult Apostolus, Episcopum *ἀντιχρόνιον* ἔχει πρὸς λόγον, hoc est, *σπουδαῖον* & diligenter vacare studio Theologiæ. Ait, *καὶ διδασκαλίαν*, id est, sic ut ad docendum fiat in dies aptior & instructor. Nam potest aliquis addiscere aliquam scientiam non ad aliorum institutionem, sed suam tantum. Si hoc sentit Apostolus, nolim *ἀντιχρόνιον* tenacem vertere, sed *incumbentem*, aut *adherentem*. Chrysostomus pulchrè *φρονιζόντα*, ἔργον τὸ τοιοῦτον *παιδείαν* nec minus aptè Syrus verbo *בנין* hic usus, quod responder Græco *σπουδαῖον*. Non probem etiam hæc *καὶ τὴν διδασκαλίαν* verti, qui ad doctrinam facit: *διδασκαλὴ* enim ipsum docendi actum, nisi fallor, notat hic; non doctrinam quæ docetur. Ita hunc locum Chrysostomus accepit: quod mihi non improbat. At Cap. II. vers. 3. frustra moveri videtur ab eo quæstio in voce *καλοδοκασκάλος*, quomodo hoc conveniat cum alio Pauli, ubi vetat sustineri à mulieribus docendi partes: neque enim ea Pauli videtur esse mens hoc loco, ut velit, docere quicquam foeminas in Ecclesia. Propterea placet versio tua, *honestatis magistræ*. Versu 5. non assentior iis, qui tollendam censent distinctionem inter *οἰκάρης*, *ἀρχαῖος*. Duo requirit Paulus à pia matrona: ut sit *οἰκάρης*, hoc est, ut domi se contineat, sicuti à te est rectè expositum. Veteribus Latinis *οἰκάρης* est *casaria*, Hebræis *בית*. Huic virtuti conjuncta est rei familiaris cura: propterea quidam *οἰκάρης* exposuere, quæ rectè domum curat. Naumachius, Poëta elegantissimus, utrumque præceptum hoc versu expressit:

Σὺ δ' οἰκοφιλίῃ μελέτω, οἰκονομῶν * Φυλάσσων.

Nam hoc vult, fac sis *οἰκάρης*. Alterum 1597. quod requirit Apostolus à matronis, est, ut sint *ἀρχαῖαι*, hoc est, *benignæ* & faciles erga ancillas & famulos. Sic accipiunt Græci vocem *ἀρχαῖος*, & Poëta *ἰσθλός*. Naumachius †:

† 16. pag. 319.

Μὴ κακὴ δυνάστω πῶς ἴσθλῳ, μὴ μάλ' ἰσθλῷ
θαίνο.

Quod Gallicè dicimus, *être bon à ses domestiques*. Syrus tamen aliter accipit, & tollit *ἀρχαῖος* sed ita magnus Chrysostomus. Versu 10. *ἐνδείκνυσθαι πίσιν*, est *fidem præstare*: nam *ostendere fidem* parum Latinum videtur, & *ἐνδείκνυσθαι* passim pro, facere & præstare aliquid reipsâ. Sed videamus num *πίσιν* scribendum sit hoc loco pro *πίσιν*: ita Vetus, opinor, legit: ita & Syrus, nisi erro, qui vertit, *ἐν* quibus verbis semper alibi exprimit *ἐν* *πίσιν*. Hæc nunc satis; imò plus satis: piger enim abuti diutius patientiâ tuâ. Sororem meam, Rigotii pridem viduam, tibi cupio esse commendatissimam. Magnus is accesserit tuis in nos meritis cumulus. Uxor & te, & conjugem tuam quàm officiosissimè & amantissimè salutat. Uter nostrum tui desiderium impatientius ferat, uter magis ex animo pro salute & valetudine tua vota quotidie faciat, *δυσέχμαρτον*. Universum cœtum venerandorum Pastorum & Professorum meis verbis à te salutari, nisi grave est, percupio, idque ut facias te oro. Vale, Senex *πρωτόπαι*, & me ama ac meos. *Monspeli, a. d. XIV. Kalend. Jul. c. 13 c. xcvii.*

EPISTOLA CXLVIII.
PHILIPPO CANAIO A
FRAXINIS.

Diu scribere ad te distuli, Præses 1597. amplissime, ne ea, quæ te scire nollem, scribere cogerer. Quia tamen unus tu mortalium portus mihi & præsidium es, quid acciderit post tuum discessum, celare non possum, non debeo. Scito igitur, Consules de nobis hæcenus ita malè meritos, ut certum consilium sit, nisi tu impediās, in vererem patriam pedem quàm primùm referre. Istas enim procrastinationes vanas & pollicitationes, imò illusiones ferre non queo. Ut paucis omnia tibi aperiam, omnium eorum quæ per literas absenti fuerant promissa, præsentī nihil sine aliqua immutatione, hoc est, nihil bonâ fide præstitum est. Domum erant daturi: eam impetrare nunquam potui, nisi

* Grotius in Stobæi Florileg. pag. 317. μετατρέπον.

1597. nisi venirem in partem pensionis. Ita hyems tota miserrimè transacta in angustissimis cubiculis duobus, ut filiolum, quem habeo unicum, extrudere magnis impensis fuerim coactus. Tandem Vauchantianæ ædes datæ: sed eâ lege, ut decem ipse annuos aureos darem; atque si statim exacti. Suppellectilis nomine promissi aurei C L. detracto triente, redacta summa est ad centum. Ligni spes facta: vix adhuc quasi convitio extorquere decimam partem quitus sum. In antecessum semestri stipendium erant representaturi: hoc nec factum in priorc semestri, quod per minutas partes acceptum: & in isto nuper inchoato planè ostensum mihi, quid in posterum sperandum haberem: nummus enim exprimi adhuc ab illis non potuit. Non illi auctoritatem tuam reveriti sunt: non datæ fidei rationem ullam habuerunt: amicorum denique omnium meorum incassum vigilavit industria. Scio non defore quod causentur. Sed istæ *περὶ φάνης* maturè prævidendæ erant: nunc illis nullus locus. Quid enim ad me, si sunt occupari? si Rector Provinciæ in urbe est? si rerum novarum occasionem quærentes nonnulli salis commercia rupe-re? Quid ergo nobis fiet, si non belli metus sit, sed certum bellum? Invitus hæc ad te scribo, Præses amplissime: sed coactus vi doloris, ne aliud dicam. Expertus enim sum, genus istud hominum esse *αὐθιγαστον*, si quod est aliud. Paucos excipio veros amicos, Ranchinum, Serranum, & ipsum primum. Consulem: quorum tamen nemo aut gratiâ, aut ullâ aliâ re causam nostram multum potest adjuvare. Ranchinus abest; Serranus apud illos, qui pecunias tractant, parum potest: suos ipse nobis loculos aperuit. Consul quoque partim morbo, partim senectute, quæ est & ipsa morbus, *κλιήρης* domi jacet. Cæteris vel juvandi facultas nulla, vel voluntas. Hic est rerum nostrarum status, Vir maxime, quem semel aperire tibi visum, ut dares ipse ante discessum, consilium: vel si suppetit nullum, causas haberes cognitâs illius quod video mihi necessario capiendum. Est autem ejusmodi, ut vel Genevam, vel Basileam lares conferam, & vitæ quod superest ibi degam. Puto repertum iri vacuum aliquam professionem, ut inde sit quo mihi & meis consulam. Moner & cupiditate proferendi in lucem multa, quæ hæctenus in nostris adversariis malè latuerunt. Sed nos cupiditas omni segniores efficiebat: quæ spes cum jam nulla affulgeat ex ulla terrarum parte, cruda studia & extremæ

lineæ egentia scripta nostra proferre 1597. certum. Hæc sententia si placet tibi, quàm primum exequi *ἢ ἀπὸ τοῦ δεξιῶν* constitui. Scribe igitur, si grave non est, priusquam itineri te accingis; & tibi persuade, maximas & gravissimas mihi fuisse causas, cur hoc consilii inirem. Sed mihi nullum unquam placebit consilium, cujus tu mihi dux & auctor non fueris. Quæ duo ad dandum consilium necessaria sunt, amor & prudentia: eorum altero longè me superas, altero omnes homines: nemo enim est, cui chariorem me putem quàm tibi. Vale, Vir maxime. Deum Opt. Max. supplex veneror, & te, & nobilissimam uxorem tuam, atque omnes tuos servet, fortunet, & omni bonorum genere cumulet. Iterum vale, & me ama. *Monspeli, a. d. XIV. Kalend. Jul. CIO IO XCVII.*

EPISTOLA CXLIX.

E I D E M.

O Stendit mihi nunc ipsum literas 1597. tuas, quæ erat in illis facta nostri mentio, Cabaſus. Simul addidit, tabellarium qui suas ad te esset allaturus, jam esse petasatum & ad portam urbis. Igitur accipe, Præses amplissime, non illud, quod postulabas, breve *ἡς ὑμῶν* rerum nostrarum, cum Lutetiam veneris; sed querelas tantum de iis, qui conditiones omnes, quibus me huc vocarunt, *ἡτέρας*. Scripsi ante dies sex septem ea de re plura: noli putare, eo tempore quod inde fluxit, resipuisse ad quos ista cura pertinet: constant sibi, & nos nostrasque æquissimas *δαισῆς* animo obstinato insuper habent. Consul primus *κλιήρης* jacet pridem: alios ipse parum novi. Veni tamen ad secundum nuper deducente Serrano: exposui quid vellem: addidi, si ita mecum agerent, brevi me repedaturum, & ipsos nostri curâ liberaturum. Quid promoverim, res loquitur. Omnes se mihi cupere, mirum quantum ajunt; omnes fidem Consulum appellant; multi quiritantur rem esse indignam, datam occasionem tam citò conquerendi: risuros & irrisuros omnes qui ista resciverint; magnum scilicet fore hoc protelum Goulardo, ad quem nuper scriptum; item Lectio, aut Gorthofredo, de quorum altero scis nostros cogitare. Hæc & similia his *πᾶσι λέγει* *ματ* cæterum nemo proficit hilum. Quid ergo consilii capiam? dic tu, Vir maxime, amicissime; cui non minus quàm mihi fieri ab istis injuriam, equidem doleo. Sed erat nimirum, ita ut

1597. ut multos prædicere memini, fore istum Monspelienſium impetum ἐλιγοχρονίον, & verè, ajunt, ἐξ ἀχούρων πύρε. Diſſimulare non poſſum, magnum ex hac iſtorum inconfantia capere me dolo-rem. Nam ſi ſiniſtrâ ave huc pedem intuli, redeundum eſt nempe in veterem locum. Sed pudet nos mutata tam citò ſententiæ: & hominum illorum noſti ingenia. Scis quid ab illis ſit, nunc præſertim, nobis ſperandum. Sed ſeramus fortiter neceſſe eſt, quicquid mutari non poteſt. Utinam tantum bibliotheca noſtra hac occaſione non malè pereat: in multis variſque curis meis nihil habeo, quod me angat vehementius. Scis enim, abſque noſtris libris vitam nobis nullam vitalem. Exſpecto igitur quid conſilii in re crepera ſis daturus. Quare, etſi non neſcio, in hac præſertim tua profectione vacui temporis habere te nihil, peto nihilominus tamen à te, ſcribas tuam ſuper noſtris rebus ſententiam ante diſceſſum. Ad Conſules ut de noſtro negotio ſcribas, non poſtulo. Satis enim ipſis perſpectus eſt tuus, quo uno glori-rior, in nos amor. Adjice co, recentem eſſe in eorum animis illorum verborum memoriam, quibus me ipſis nuper tanto commendavi opere. Quid igitur epiſtolam tuam nunc abeuntis effecturam apud eos ſperem, quos præſentis divina illa πειθὼ parum movit? Sed hoc ſtatues ipſe melius. Lutetiæ quod noſtrâ cauſſâ agas, jam unum ſuper eſt, ſi tu nobis deferendæ Galliæ auctor, vel certè ſuaſor. Literas enim, quibus civitatis Gallicæ jure donor, quorſum expetam hoc ſtatu rerum mearum? minus codicillis dignitatis nobis futurum opus, ſi opera noſtra nullum opus Magalonenſibus noſtris. Solum privilegium eſt, de quo te exoratum velim, ut illud quàm optimâ lege & conditione fieri poterit, mihi impetres. Ego interea dies nocteſque Deum Opt. Max. precibus ἐκπνεύω fatigabo, ut te euntem, tuaque agentem, & mox redeuntem ſervet, regat, & omni ſuarum ἀγαθότητων genere cumulet. Vale, Vir maxime, & meum unicum decus, *Monspelii, a. d. xi. Kalend. Julii,* CIO IO XCVII.

✱ EPISTOLA CL.

EIDEM.

1597. **E**Xpecto te, Præſes ampliffime, ſi binas meas accepiſti, quas ſuperioribus diebus ſcripſi, miratum eſſe & illarum argumentum, & conſiliorum meorum ἐν καύρῳ. Sed velim mihi accredas,

ſuiſſe graves cauſſas, quare ex cogitationes animum ſubirent meum. Earum ſumma hæc eſt, ſi meam ſpem deſtituant, qui ita cupidè, ita amanter huè me vocarunt, non poteſt nos non manere ἰλίας κακῶν, & ærumnarum pelagus. Quare ſi poſthac ita mecum putarem actum iri, quemadmodum hæcenus eſt actum, omnino proſpiciendum mihi meis rebus foret. Sed hoc vetant me credere, aut etiam ſuſpicari viri graves non pauci, nec mediocriſ apud nos auctoritatis. Videbimus igitur, & quoad ejus fieri poteſt, κατὰ ζῆλον παραδοκῆσομεν τὸ μέλλον. Tandem enim inſita ratio eſt, quâ nobis debitum ſtipendium præſtaretur. Idque ibam ceptum numerari hac ipſâ die. Quod ſuper eſt, de tuo itinere dies nocteſque ſcito me eſſe ſollicitum: accendit ea cura in nobis ſtudium orandi Deum Patrem per Jeſum Chriſtum, Filium ſuum, ut tibi in omnibus, quæ ὁπρὸς σῆς μενοινῶς, adſit: te & nobiliſſimam uxorem tuam, veſtroſque ſummæ ſpei liberos regat, & regat. Vale, Præſes, præſidium, decus. *Monspelii in Volcis Arecomicis, a. d. vi. Nonas Julias, anno* ἀπὸ τῆς ἀπὸ Παντίας τῆς Θιανδράπας καὶ Σωτῆρος ἡμῶν, CIO IO XCVII.

EPISTOLA CLI.

JULIO PACIO.

ADventum tuum in hanc provinciam, 1597. Paci clariffime, omnes literarum amantes cupidiffimè exſpectant. Equidem, etſi tui videndi deſiderio nemini conceſſero, doleo tamen Genevæ noſtræ, ſuaviſſimæ mihi patriæ, vicem, quæ talem neceſſario ſuo tempore jacketuram faciat. Quid autem Schola illa fiet te abeunte, Lectio ſilente? Sed ſeramus quod mutare non poſſumus. Nunc igitur, poſtquam κίερα καὶ jacta alea eſt, auctor tibi ſum, adducas tecum, ſi fieri poteſt, typographum aliquem, typis præſertim Græcis inſtructum: nullus enim in his locis, qui aut tibi, aut mihi operam navare poſſit, penuriâ Græci characteris. Huic incommodo ſi medicinam, admonitus à me, feceris, cur te unquam mutationis hujus poſſit poenitere, nullus video. Non eſt autem quod dubiter noſtrorum aliquis, te ſequi: audebo enim ſpondere illi, non deſore unquam quod agat: ſit modò inſtructus neceſſariis characteribus. Atque hoc eſt quod te volui: ſeceris rem mihi gratiſſimam, omnibus utiliſſimam, in primis autem tibi mihiſque, ſi Volcis Arecomicis Ty-

L

pogra-

1597. pographum unum donaveris. Vale, Vir amicissime. *Monspeli, a. d. iv. Eid. Julii, c13 13 xcvi1.*

EPISTOLA CLII.

JOSEPHO SCALIGERO.

1597. **L**iteris tuis mense Februario scriptis statim respondi, mi Scaliger, cum exeunte Majo eas accepissem. Egi autem tibi pro tuis non quas debui, sed quas potui gratias. Docuisti nos multa, de quibus absque te esset, in mentem fortasse nunquam venisset nobis. Ea non prememus, sed brevi *ἐν ὅσῳ* proferemus; tibi que morem geremus, qui ad editionem illorum autorum tantopere nos hortaris. Animus certe non deest, licet valetudine pridem utimur parum firmâ. Typographum tantum desideramus, qui in Volcis Arecomicis nullus est. Itaque Lugdunum, aut Lutetiam nostra mittamus necesse, quod & longum, & periculosa plenum aleæ est. Sed hæc videbimus. Opus tuum de Emendatione Temporum avidissime exspecto. Non dubito, futuram illius *παλιγγενεσίαν* omnibus ingenuè doctis admirationi: cujus quidem prior editio vel eruditissimis expressit hanc confessionem; unum Scaligerum *πινύδῳ*, cæteros *σκιὰς αἰσιοῦ*, & *αἰὲ ἰναὶ παῖδας*. At perge, obsecro te, Vir maxime, ea nos docere, quæ potes unus. Nam linguæ Arabicæ, & Persicæ item promissas dudum institutiones, à quo exspectabimus, si tu cessas? Si propius à te abessem, orandi finem non antè facerem, quàm te exorassem. Quæ de nominibus Persicis & Chaldaicis à te disputantur, satis magno argumento sunt, quantum earum linguarum cognitio hominibus veræ eruditionis cæstro percitis (in quies ego nomen profiteor meum,) sit necessaria. Et quæso te, Vir magne, unde illa tibi eruta? quis tibi *πυθιδὲς τριπλῆς* hæc arcana *ἀποφύγματο;* non enim ab Hebræis magistris illa habes: qui suæ unius periti, aliarum omnium imperiti ferè sunt omnes. Nostrâ autem memoriâ, qui eas linguas vel *ἀκρῶν*, quod ajunt, *δακτύλῳ* attigerit, novi neminem; nisi quòd Postellum nescio quid muginatum esse de lingua Arabica memini. Sed illa quàm tenuia, quàm exilia: de Persica, quod equidem sciam, neque ille, neque alius quisquam vel *γὰρ πὶ λεγόμενον*. Miror igitur, ecqua tibi *ἀφορμὴ* fuerit, illa studia primum tentanti. Sed næ ego stultus, qui tuum ingenium ex meo, aut aliorum metior: quasi nesciam, uni Scaligero *βέσσμα*, quæ aliis *ἀβαστα*; uni

πέρμα, quæ cæteris *ἀμεγα*. Fruere, Vir 1597. illustrissime, tanto bono: fruire, & ad publicam literarum utilitatem diu illo utere. Vale, & nos amare perge. *Monspeli, a. d. Eid. Jul. c13 13 xcvi1.*

EPISTOLA CLIII.

JACOBO BONGARSIO.

Etiamne in illud niveum pectus tuum 1597. nostri penetravit oblivio? Sapientis, ajunt Sapientes, non est, dicere, *οὐκ ἂν ὀλῶ*. Ego vero fateor, suspicatum esse me nunquam, fore ut tam raras ab amicis literas acciperem. Sperabam enim vel Lugdunensi, vel aliâ quâ viâ posse me tecum, Bongarsi amicissime, & cæteris amicis isthic meis literarum exercere commercium. Atque ego in scribendo negligens profecto non fui: fortasse neque tu fuisti; sed omnis penes tabellarios culpa, qui literas parum bonâ fide curare soliti. Equidem conscius mihi sum, postquam in Volcis Arecomicis pedem posui, quinas aut senas dedisse ad te literarum. Vix binæ tuarum in meas adhuc venerunt manus: posteriores habuere conjunctas, quas ad Præsidentem Canajum scripseras: quasque ipse *ἐκ χειρὸς ἐς χεῖρα* ante quindecim dies eidem tradidi. Venerat enim huc magnus ille utriusque nostrum amicus; partim ut negotia quædam sua curaret; partim ut amicis valediceret, brevi Lutetiam iter instituturus. Erat & tertia causa, quæ illum huc adduxerat. Expertus enim ante annum dolorem in alterius pedum articulis, ac bis ab eo tempore repetitus, ad nostros Medicos quæstionem detulit, ecquod genus id morbi esset? podagram enim esse, licet suspicaretur, vix tamen adduci posse ut crederet. Responderunt Asclepiadæ uno consensu omnes, nondum liquere sibi de hujus morbi natura, aut nomine. Adhuc igitur exspectandum, priusquam in album *πιδάγρακον* referretur. Ita rediit Præses domum, prorsus incertior quàm dudum, ferè tamen persuasus, meram & *γυνεῖας* *πιδάγρας* eam esse. Tuis ille discedens non respondit, sperans se cis paucos dies Lutetiam literas ad te daturum, viâ & rutiore, & brevior. Nurat & nostra valetudo per multos jam menses: urget enim nos destillatio molestissima & contumacissima. Docemus tamen & studemus, scribimusque aliquid semper. Typographum hic habemus, cujus operâ utamur, nullum: qui adest, Græcis literis caret. Pergemus tamen nihilo segnius, ac vel Lugdunum, vel Lutetiam nostra

1597. nostra mittemus, vel Basileam ad Aubrium*. Sed de his plura proximis literis. Vale, Bongarsi amicissime & clarissime. *Monspeli, Id. Jul. CIO IO XCVII.*

EPISTOLA CLIV.

CONRADO RITTERSHUSIO.

1597. **E**T corpore, propter morbum, languebam, & animo magis, propter recentem charissimæ filiolæ obitum, cum hæc ad te, Vir clarissime, exaravi. Sed vis amoris mei in te vires ad scribendum suggerebat. Non enim dubito, mirari te, atque adeo indignari, quod nullas à me, postquam in Gallias veni, literas acceperis. Sed oro te, per Deum τὸν ὑγιῶς Φίλιον, quidvis potius putes silentii mei causam fuisse, quam ullum frigus mei in te amoris: nam ille quidem, ut semper, & viget, & fervet. Valetudinem potius accusa, quæ diu me exercuit, & nunc quoque parum prospera. Præterea vides quantum locorum intervallum, quæ itinerum pericula expertus sum, vix dimidium epistolarum, quas in Germaniam, aut Helvetiam scripsi, tuto fuisse perlatas. Quid ergo mirum, sequirem esse, cum metus sit, ne pereat & oleum & opera. Scribam tamen, Vir amicissime, & tuas vicissim expectabo. Athenæus adhuc nos habet: scriptor difficilis, & mihi certè molestus: si valetudo & negotia sivistent, sperabam in Deo posse nostras curas perfici multo citius quam nunc possint. Oppianum tuum videre non cupio, sed διψῶ. Vale, & viros clarissimos collegas tuos, à quibus nos amari scis, plurimum à me salvere jube. *Monspeli, a. d. VII. Idus Septemb. CIO IO XCVII.*

Oppianum tuum sic expecto, ut dies noctesque de eo cogitem: amo enim illum Poëtam, ut si quis alius. Tum autem vigilas tuas videre, iisque frui opto vehementer. Si fuerit editus, spero per Lugdunenses mercatores me brevi habiturum.

EPISTOLA CLV.

JACOBO BONGARSIO.

1597. **E**ti ignarus eram ubi gentium esses, adductus tamen probabili conjecturâ, ut te isthic esse crederem, has ad te, Vir amicissime, raptim exaravi. Valere nos, & in studiis esse assiduos, hoc te primum scire volo. Diu tamen siluere literæ nostræ propter morbum & languorem, qui diu me tenuit. Post-

quam Dei benignitate meliusculè habere cœpimus, ad dolium nostrum rotandum sumus reversi. Sed alacritatem nostram sæpe minuit inopia Typographi, qui hic nullus est. Mittere autem Genevam, quæ volumus edi, longum iter est ac periculosum. Scripsi ad socerum † Parisiensem, qui ante aliquot ^{Henricum Stephanum.} menses in hac urbe suam mihi operam ultro pollicitus est. Si potes, adjuva me in hoc negotio. Ante omnia de tuarum rerum statu fac me, obsecro, certiore. Vale, Vir doctissime, & me ama semper tuum. *Monspeli, a. d. VI. Eidus Octob. CIO IO XCVII.*

EPISTOLA CLVI.

JOSEPHO SCALIGERO.

Raptim hæc exarabam ad te, Scaliger præstantissime, cum repente isthuc literas mittendi oblata esset facultas. Plura igitur οὐκ οἶσθαι cis dies paucos: neque enim deest quod scribam, cum multa quotidie in Athenæo occurrant, de quibus cupiam te consultum: verum hæc brevi. Nunc hoc volo tantum scias, valere me virtute Dei, & in literis esse quantum per varias ac graves occupationes licet. Ætatem quidem proximam experti sumus infaultam: nam & graviter ipse ægrotaui, & filiolum suavissimam & oculissimam ex morbo, cui æstus ingens causam, ut videtur, præbuit, amisimus. Postea verò quàm Sirius fervorem cœpit remittere, & nos melius habere cœpimus. Itaque cum alia cœpta nostra κατὰ τὴν δύναμιν urgemus, tum in primis Athenæum. Quod si Typographi esset in his oris copia, diutius desiderari opus illud à studiosis hominibus non pateremur. Sed neque in hac universa Provincia adest qui nostra possit edere: neque adhuc aliò mittendi fuit facultas. Quò autem mittamus, equidem non scio: nisi quòd Commelinum appellabo, & ut curet emendatè nostras Animadversiones edi, rogabo. Tuum opus de Emendatione Temporum tandem ad umbilicum esse perductum gaudeo, tibi quoque eo nomine gratulor. Non dubito, æquos & doctos viros demonstrationibus tuis acquieturos, & gratiam, ut par est, esse habituros: hominibus ἱερῆς, qui seram reciprocare malunt quàm discere, ægrè satisfeceris. Sed pessimum veri argumentum est, placere ταῖς πολλοῖς. Librum tuum si Genevam, vel Lutetiam Parisiorum miseris, spero facile eum posse huc perferri. Mihi verò id munus non dicam aureum & χρυσὸν ἀξίον ἀντιφέρειν.

1597. *οὐδὲ* videtur, sed *ὅτι* πάντα καὶ πρῶτα ἡμῶν. Vale, maxime virorum, & me quod facias, ἀγαπᾷς ἀμα, tui nominis studiosissimum. Scripsi raptim. *Monspeli*, a. d. ix. Kalend. Decemb. CIO IO XCVII.

consulere, ad quos mea adhæsit na- 1597. vis:] te Doctore non dubito, fore omnia plana, quæ quidem sint ἐπισημῶς δητεῖς ὅσον ἡμῶν. Vale, illustrissime Scaliger, & me ama ex asse tuum. *Monspeli*, a. d. vi. Kalend. Januar. CIO IO XCVIII.

Ad hanc
respondet
Scaliger.
Epist. XLV.

EPISTOLA CLVII.

EIDEM.

1597. **N**ovissimis tuis, Vir præstantissime, quas ante mensem, & quod excurrit, reddidit mihi Johannes à Wouweren, adolescens tui observantissimus, respondi non multò post, measque literas Petro Brederodio Belgæ, Lutetiam pergenti, commisi. Ex eo tempore accepi à Thomfone nostro Athenæi mechanica; libellum paucularum chartarum, imò, ut dicam cum antiquis Criticis, ἴχων ἐλπίδων; vel eo rāmen nomine, quòd lucem necdum vidit, πλουτίμητον & verè χρυσῶ ἀντίστιον. Quare multum me doctissimo Thomfoni debere fateor, qui eo munere me donaverit. Egit autem ille mecum per literas, ut illud scriptum quàm primùm ad te mitterem; te enim, qui eo careres, hoc vehementer velle. Mihi verò, Scaliger illustrissime, hac re nulla erit μάλλον ἀδυστάδασ, quàm ut tibi, quibus rebus cunque potero, gratificer. Mittam igitur, simul nactus fuero cui possim tutò dare. Si nosti aliquam satis certam viam, illam mihi, quæso te, significa: nam ut rem ita charam periculis itinerum temerè exponam, consultum non est. Opus de Emendatione Temporum, à te recentatum, expecto adhuc. Quod si mittere exemplar erit animus, (id nupera quadam epistola tua agebat,) poteris, puto, vel Genevensium, vel Parisiensium mercatorum operā uti. Nos quoque, nisi certior offeratur tabellarius, illis commitemus, quæ isthuc ad te perferri volumus. Sed nostrarum quidem curarum nihil adhuc possum polliceri. Nam quia Typographo hic caremus, lentè in iis poliendis pergimus, quæ aliquando οὐδὲ δίδον, sumus edituri. Adde quòd instituta pridem Athenæi emendatio difficilior indies nobis videtur, non enim leviter & ὀδῶ πόνερον ἐὰν curā defungimur. Sed erat istud onus tuarum, magne Scaliger, non nostrarum virium. Tu facile omnia confecisses, quæ ego nullo labore possum assequi: quia tamen non è portu solùm exiimus, & oram solvimus, verùm etiam in altum jam sumus pro-
vesti, idque autore & suatore te, πῶς πλὴν ἀγαπᾷς, [eā tamen lege, ut liceat mihi brevi, de iis omnibus locis te

EPISTOLA CLVIII.

JACOBO AUGUSTO
THUANO.

Postquam isthinc discessi, Præses am- 1597. plissime, dies nullus fuit, hora nulla, ac ne ῥεπὶ quidem καιρῶ, penè dixerim, quā non ante oculos versata mihi sit jucundissima imago tui, & suavissima tuorum in me beneficiorum recordatio. Ea enim existerunt erga nos officia tua, nobilissimæque tuæ conjugis, ut cū eorum prædicandi, pro eo ac debeo, finem nullum faciam, mihi rāmen satisfacere non queam. Sed enim si paria tecum me posse facere sperem ullā ratione, frustra omnino sim: ego verò non spero; neque recuso, qui tot tantisque beneficiis tibi sim devinctus, tuus esse & usu & mancipio. Nihil literarum me à te accepisse dum, qui tuas nōrim gravissimas occupationes, non miror. Scripsi tamen aliquoties ad te, & Lugduno, & ex hoc loco; neque Deus sinit, ut meam in hoc saltem officii genere diligentiam possis meritò desiderare. Regiam pecuniam D. Vicquio fuisse tandem numeratam, ex ipsius literis intellexi. Miratus sum, non fuisse eidem traditas ad Consules nostros literas regias, ut de mea isthuc vocatione etiam aliundè quàm ex me fierent certiores: hoc unicum est, quod me hic nunc tenet, quodque nostrarum vigiliarum editionem moratur. Scripsimus autem, ex quo in gratiam cum Musis nostris rediimus, ea in Theophrasti libros de Causis Plantarum, quæ tibi probari non diffidimus. Nunquam putaveramus, divinum virum Cæsarem Scaligerum, quem qui non mirantur, Marrucini sunt, tantum spicilegium nobis reliquisse. Si isthuc venire Deus nos voluerit, agamus ea de re cum principe nostrarum literarum, ejus filio. Tuo atque illius judicio cū alias omnes nostras lucubratiunculas aut stare, aut cadere volumus, tūm hanc maximè. Sed de his alias. Vale, Vir præstantissime, cam nobilissima uxore. Deus Opt. Max. omni bonorum genere magis magisque vos cumulct. *Monspeli*, a. d. vi. Kalend. Januar. CIO IO XCVIII.

EPISTOLA

EPISTOLA CLIX.

JACOBO BONGARSIO.

1597. **P**ost reditum in Gallias tuum, Bongarsi amicissime, unas tantum à te accepi literas, quas mihi Genève attulit Johannes à Wouweren, adolescens tibi probè cognitus. Facis in iis mentionem fasciculi alicujus, in quo & Josiæ Merceri literas ad me fuisse scribis. Illum scito periisse, aut necdum certè in manus meas venisse: quod equidem tuli, & adhuc fero valde iniquo animo. Si qui enim est, qui Mercerum amet plurimique faciat, is ego sum. Cupio igitur veterem amicitiam, quæ mihi cum ipso est connata, renovare: quod te interprete & proxeneta spero facile mihi futurum. Aristænetum ab illo editum scis quanti semper fecerim. Paucula sunt, in quibus mihi cum illo non planè convenit: vel quia ipse erro, vel quia Mercerus suæ sententiæ rationes nos celavit. Scripsi de nonnullis ad ipsum, non ut docerem, sed ut docerer. Eam epistolam huic adjunxi. De Bibliis Græcis, & aliis libris, quos donasti mihi discedens à Germania, ago tibi gratias quàm possum maximas: etsi enim non unis literis id jam est à me factum, quia tamen eas tibi fuisse redditas non constat mihi, *πάλιν αὖ καὶ πάλιν ἐνχαριστῆν* tibi potius debeo, quàm vel in suspensionem animi ingrati venire. De studiis nostris non aliud tibi nunc dicam, nisi quòd, si privilegium à Rege potuerit impetrari, brevi multa edituri sumus nostræ in literis *ἀκρίβειας* monumenta: hoc spondeo tibi, & mihi credas volo. Si fallo, tum me omnes Musæ malè oderint. Quòd necdum quæ in Athenæum scriptissimus sint edita, & rei difficultas, & pericula itinerum, & parum firma valetudo sunt in causa. Enimverò in tam arduo conatu, satis citò, si satis bene. Sanctè & liquidò juro tibi, me nullum unquam molestiorem laborem sustinuisse. Sed sera poenitentia est cùm jam in alto sumus. Vale, Vir amicissime, & omnium *προσφιλέστατον*. *Monspeli, a. d. 14. Kalend. Januar. C15 15 XCVIII.*

EPISTOLA CLX.

JACOBO GILLOTTO.

1597. **B**inas tuas paucis diebus, Vir clarissime, accepi. Utrisque simul respondebo hisce meis, quando ejus rei facultas data antè non est. Amoris erga nos tui constantiam, imò vehementiam

equidem, vel in præcipua felicitatis mea parte pono. Amari enim à Thuanis, Gillottis, Pithoeis, quibus vel innotuisse pretium sit operæ, quantum est? Meo certè judicio, tantum, ut huic temerè ullum aliud *τῶν ἀνδραγαθῶν* sim comparaturus, nedum antepositurus. Utinam esset in nobis aliquid tantorum virorum amore dignum, καὶ τῆς ἡμετέρας Φιλίας ἐλευστικόν, cujusmodi nihil agnoscimus, nisi quòd voluntatem bene de literis merendi, pro re fortè interpretari, libido est vobis. Ego videndum mihi etiam atque etiam, ne spem vestram aut destituam, aut fallam. Atque in eo sanè omnis nostra dies noctesque industria occupatur. Athenæum hæc sine recensuimus, & Animadversionibus illustravimus, quæ si lucem aliquando, ut spero, viderint, non recuso, quin de ingenioli viribus ex eo opere fiat judicium. Mitto alia, quæ hæcenus partim inchoata, partim affecta, quàm plurima, quorum nonnulla isthuc brevi sum missurus, si spes, quam habeo, excitandæ hic typographiæ, decollaverit. Scripsi ea de re ad amplissimum Thuanum, qui & ipse suam mihi, quæ est ipsius humanitas, operam prolixè obtulit, novissimis literis, quas ab ipso accepimus. Quod si ita accadat, ut nostri libelli necessariò isthuc edendi sint, omnis mihi in vestro amore fiducia erit. Vos, spero, id operam duros, ut & eleganter & castigatè illi edantur. Sed id prius video mihi esse faciendum, ut à Rege impetrem privilegium, qua in re si tua gratia opus fuerit, suscipe, quæso te, meà causà & studiorum meorum hunc quoque laborem, ut amicum hunc meum, qui has tibi reddidit, adjuves. Is enim discedens pollicitus mihi est, se facturum diligenter omnia, quo ego voti hujus compos fierem. Hoc quidem certissimum est, priusquam id impetravero, nihil omnino lucubrationum nostrarum posse lucem videre. Iterum igitur, iterumque hoc à te precibus contendo, ut ne siveris re infectâ amicum meum ad nos redire. Vale, Vir clarissime. *Monspeli, a. d. 14. Kalend. Januar. C15 15 XCVIII.*

Peto à te per eam amicitiam, quam mihi sæpe testatus es, ut, quas ad Josephum Scaligerum scripsi, cures tutò efferendas.

EPISTOLA CLXI.

ISAIAE COLLADONO.

Non ex otii abundantia, sed amoris vehementia hæc mihi nata epistola

1597. la est, amicissime, dulcissime, suavissimeque Colladone. Sed quia Lugduno literas ad te dare, ut eram pollicitus, non quitus sum, omnia postposui quo possem id nomen, ubi primum huc appuli, expungere. Mei sanè moris non est, in isto genere officii (sic enim existimatur) lentum esse procrastinatorem. Ut id non esset, vereri tamen non debes, quin sedulus & assiduus in scribendo ad te semper sim futurus: nam ut isthic cum eramus, faciebam nihil libentius quam ut tecum; tecum, inquam, meus amor, meum delictum, garrirem: sic nunc per literas, tecum sermones serere quam creberrimè, & cupio, & faciam *οὐδὲν* diligentissimè. Faxit aliquando Deus, hac literarum vicissitudine opus ne sit nobis: sed aut tu hic mecum, (quod mea in patriam charissimam pietas optare non finit:) aut ego isthic, quod *οὐδὲν ἐν γένεσι χεῖρας*, vitæ quod superest degere & peragere possumus. Vale, amice dulcissime, & de me merite quam optimè. Doctissimo fratri tuo, uxoribusque vestris, sorori, affinibus, *ἐμὸν ἑαυτῶν* cæterisque amicis tuis, à quibus & nos amari non ignoras, plurimam à me & uxore mea salutem velim nunties. Deus Opt. Max. & publicè omnes, & privatim quemque vestrum omni bonorum genere cumulet. Iterum vale. *Montpelii, raptim a. d. prid. Kalend. Januar. CIO IO XCVIII.* ut hic tempora putantur.

EPISTOLA CLXII.
PHILIPPO CANAIO A
FRAXINIS.

1598. Cum ad hanc epistolam exarandam accessi, Præses amplissime, non aliud mihi propositum fuit scribendi argumentum, quam ut Arriani promissum librum tibi offerrem. Sed mihi, uti video, non munusculum offerendum, verum deprecanda potius venia est, quod post longam adeò expectationem ne nunc quidem illum mittam. In causâ est, iniquitas & angustia ejus loci, qui mihi adhuc pro Museo est. Nam cum solutos nuper libros ubi collocem non habeam, susque deque omnia perturbata sunt, ut quæsitus mihi cum maximè, [*οὐδὲν ἑαυτῶν* *ἐστὶν*] ille liber inventus tamen non sit. Atqui ego illum casu in meas manus delapsum ante sex septem dies seceveram, & certo loco posueram, ubi facile eum reperire mihi futurum fuit, nisi vel tagax aliqua manus, *ὃ μὲν γένεσι*, eum mihi abstulit: vel imprudentia aut mea, aut alicujus meorum illum loco movit, & in aliorum turbam conjecit.

Scio te pro tua singulari humanitate 1598. omnia consulturum æqui boni: sed me malè habet, quod tantum quotidie temporis in quærendis libris malè ac sæpe frustra collocem: etiam illud ægerimè fero, quod præstare quod promiserim, necdum possim. De ædibus, spero, brevi prospicietur. Si quid futurum est, scribam statim ad te, quando etiam hæc levia, Præses amplissime, ad tuam pertinere curam non dubito. Deus Opt. Max. & te, & nobilissimam heroinam, uxorem tuam, & omnes tuos ac tua servet, sospitet, semperque fortunet. Vale, nostrum decus. *Montpelii, a. d. XII. Kalend. Mart. CIO IO XCVIII.* ipso natali nostro trigesimo tertio ineunte, quem velit Deus ita felicem illuxisse, ut ad publicam utilitatem & hic vitæ nostræ annus, & si qui alii futuri sint, referantur omnes. Iterum vale, Vir maxime.

Sed non differam diutius, quid nostri judicii sit super proposita quæstione è Psalmo *μδ.* Initio statim abuisse videntur LXX. ab Hebræo, cujus vestigia nostri propius sequuntur. Sed nos impræsentiarum omitemus quid secuti illi sint, cum sic verterent: *ἐν τῷ πνεύματι πρᾶσι* vel *ὡς αὐτὸν πρᾶσι*. Hoc dicimus, sensum ex iis verbis non dissimilem posse elici: *πρᾶσι* verbum insolens, & quod vulgò explicant, *sitire*: nempe aliquid dicendum est, etiam quum nihil quod dicamus habemus. Nos ita puramus, quam rectè, ipse videris, *ὡς τὸν πνεύματι πρᾶσι* *ἔστιν* *πρᾶσι* est, arca horti: *πρᾶσι*, nisi animi fallor, est *ἐμφανὴς* dictio, quæ denotatur hoc loco summum desiderium. Propriè dicitur hortus *πρᾶσι*, qui avidè curam & manum domini expectat: quasi dicas, velle in *πρᾶσι* distingui, hoc est, coli, & curâ *ἀξίως*. Materia, inquit Philosophi, formam naturaliter appetit: heic forma est *πρᾶσι*: est autem hoc desiderium vehementissimum animæ piæ, quæ fertur erga Deum * hac voce indicari. Plura poteram in hanc sententiam: sed nec ego stultus, qui non meminerim, intelligenti satis esse vel unicum verbum. De Psalmo *μδ.* cum erit otiosi tantillum, scribam. Vale, & me ama, ô puriorum Musarum delictum.

EPISTOLA CLXIII.
DAVIDI HOESCHELIO.

Mirabar silentium tuum, optime 1598. idemque doctissime Hoescheli: nec mirabar tantum, sed &, ne quid dissimu-

1598. similem, succensebam. Est enim profecto vehemens omnis amor (ut meus in te) semper *μυμψισμός*. Tandem accepi quas Kalend. Augusti ad me dederas cum * Lampria tuo; cuius nomine ago tibi gratias magnas. Sed vide tuarum literarum peregrinationem: missæ enim sunt ad me ex ultima ferè Aquitania: neque eas videre mihi contigit ante illud ipsum *ἀναγίς & χρεὶς*, quo hæc ad te scribo. Commodum enim, cum illæ mihi redditæ sunt, aderat tabellarius petasatus, qui Lugdunum proficiscebatur. Censeo, hac vid posthac utaris, si quando volueris tuis literis me beare. Basilii orationem *ἐκ τῆ ἀγαθῆς* necdum vidi: & jam à lectione tuarum maceror, & crucior expectatione illius. Ego totos dies sum tecum, te alloquor, te amplector. Ita bene de studiis meis es meritis, missa Epitomâ Athenæi. Spero, *ὅτι οὐδὲ ἐπὶ πέντε*, cics dies viginti & quinque colophonem me impositurum Animadversionibus in Athenæum; operi, Deus bone, laborioso & molesto. Cum absolvero, scribam statim, ut mihi gratuleris, qui tantum pelagus in hac corporis *ἀδυσία* sim emensus. Quanquam ego, non quod volui, præstiti: sed certè, quod potui, bonâ fide. Ain' tu autem, esse te in eo, ut Photii Bibliothecam edas? ô munus verè munificum! ô te liberalem! facile est ex iis, quæ sunt edita de illius libris, tanquam ex unguibus leonem æstimare. Audivi sæpe ab H. Stephano, qui nunc *μικροῦς* quiescit à laboribus, habere se Photium MS. integrum. Si Genève essem, cum tibi mittendo curarem: & faciam fortasse; nam illuc mihi necessariò eundum erit, propter uxoris dotem. Meminero tum tui, & si potero, referam pro Athenæo gratiam. Ad clarissimum Velferum scripsi nuper, & jam illius exspecto literas. Vale, amicissime Hoescheli, & à me magnum illum civem tuum salvere *μυμψισμός* jube. Scripsi raptim. *Monspeli, a. d. 111. Eid. Martii, c10 10 xcviij.*

EPISTOLA CLXIV.

JACOBO GILLOTTO.

1598. **C**onstitueram, Vir clarissime, nullas ad te literas antè dare, quam Athenæi Animadversionibus ultimam manum imposuissem; [jam enim virtute Dei Opt. Max. opus ad umbilicum vergit,] sed oblata scribendi occasione paucula hæc raptim exaravi, ut scires, nuperas tuas mihi fuisse redditas. Scivi ex illis, quod & prius cognitum habe-

bam, quantæ curæ tibi res meæ essent. 1598. Ago igitur tibi, pro eo ac debeo, gratias gratissimas: eò quidem impensius, quòd referendi spes nulla nisi verbis: sed enim impar gratiæ reddendæ sum, nec est operæ pro factis verba pendere: sed spectâ, obsecro te, hunc animum, qui gratus tibi videri laborat. Crimen enim *ἀχαριστίας* abominatur. Quod si ostensa mihi spes à Domino de Vicq istuc peregrinandi, cum ille ad vos redibit, non decollabit, fruatur conspectu tuo, Vir clarissime, & cæterorum magnorum virorum, qui splendoris vestri lumine Galliam nostram illustratis. At Passeratium non videbo, cuius nuper audiui obitum. Næ vestra Academia vel præcipuum, nisi fallor, tibicenem amisit, quo fulciebatur. Nunc autem quis tanti viri locum occupabit? Stephani * etiam nostri obitum puto * *Hamis*, intellexisti, Commelini quoque. An parant Musæ fugam ex Europa? Nam juvenus ista, quæ succrescit prioribus *μυμψισμός*, si quid judico, vix frugem faciet. Sed de his fortasse eis paucos menses *ἐν τῇ πόλει*. Quod utinam ita Deo videatur. Vale, & me constanter ama. Scripsi raptim. *Monspeli, a. d. 111. Eid. Mart. c10 10 xcviij.*

EPISTOLA CLXV.

DAVIDI HOESCHELIO.

Quas Lugdunum miseras, ut mihi 1598. hi Monspelum perferrentur, doctissime Hoescheli, accepi hoc ipso die Lugduni. Hæc nunc nostra est sedes, critque *ὅτι οὐδὲ ἐπὶ πέντε*, donec deducetur ad umbilicum nostrarum in Athenæum Animadversionum editio. Fregit enim anno superiore conatus nostros, cum hoc ipsum moliremur, susceptum *ὅτι οὐδὲ ἐπὶ πέντε* iter in aulam. Inde Monspelum reversi, scripsimus de nostris rebus epistolam bene longam ad amplissimum Velferum. Ne te multis morer, Regis voluntas, & amicorum consilium impulerunt me, ut Volcis Arécomicis longum vale dicerem. Rex Lutetiam nos vocat: amicus magnus meus, vir amplissimus, & omni laude dignissimus, de Vicq, hac in urbe nos tener, non ante dimissurus quàm erit confectum, quod æstate superiore perfici non potuit. Dies pauculi sunt, cum adveni, & jam Dei beneficio operis specimen editum est. Faxit *ὅτι οὐδὲ ἐπὶ πέντε*, ut institutam semel editionem nihil moretur. Nostrorum nunc votorum ea ferè summa est. Valde enim optamus, ex hoc nostræ *φιλομαθίας*, &

1598. & erga literas propensionis testimonio fructum aliquem provenire. Characteres me absente editi sunt: rectè an secus, ipse judicabis: mitto enim unum tibi, alterum Velfero exemplum. Photium tuum in dies semper exspecto avidus. Si Genevam nuper, ut sperabam, fuisset profectus, facile, ut puto, confecissem de exemplari Stephanico, quod pridem sum pollicitus. Quia antè non potuit, promitto sanctè tibi omnia me facturum, cum illuc venero, ut voto tuo satisfiat. Sperabam, cum hæc scribebam, post unam aut alteram hebdomadem eo me iturum; & præmissa jam uxor adventum meum præstolatur: eadem curabo tibi mittendos, quos petis, libros. Virgilium illum, tamdiu doctis expetitur, esse tandem editum isthic, lubens ex tuis intellexi. Vidi nuper Lutetiæ aliquot chartas ejus Servii, qui à Petro Daniele edebatur. Ita erit planè ex ἀπερίας πέρθε. Liturgiæ quas ais edi, scire velim, an adjunctas habituræ sint aliquas Margunii notas. Magnam verò res literaria jacturam fecit in morte magnorum virorum, de quibus ad me scribis. Quæso autem, nos quæ tempora manent, cum sic ἐπὶ ἀλλὰ exstinguuntur illa lumina literarum? Nam præter nominatos tibi, obiit & Saracenus meus, omnis virtutis rarum exemplar, ut de literis nil dicam: neque enim dubito, vidisse te illius in Dioscoridem eruditissimas lucubrationes. Rem sanè tristem, & veræ literaturæ amantibus lugubrem. Sed quid agemus? Οὐδὲ ἐπὶ ἀλλὰ βυλῇ. Ille nobis magnum virum Velferum tuum, teque cum eo, & quicumque verè Musas amant, quàm diutissimè servet πμῶτων ἱκτὸς ποδα ἔχοντες. Vale, charissime Herscheli, & me constanter ama, constanter tuum. Lugduni, a. d. XIII. Kalend. April. CIO IO XCVIII.

EPISTOLA CLXVI.

JOSEPHO SCALIGERO.

1598. **N**arro tibi, Vir illustrissime, dies hic alter est, cum Dei virtute Animadversionibus in Athenæum τὸν κολοφῶνα ἐπιθήκαμεν. Si me amas, & ingenii nostri foetus putas esse tanti, est quod nobis gratuleris. Magna enim & molestâ curâ liberati sumus. Fateor ingenuè, & semper fatebor, unum esse te, magne Musageta, cujus humeri tanto sint oneri pares. Itaque dici non potest, quàm sæpe in ipsis difficultatibus incepti nos pœnituerit. Sed quid agerem? ἀναδύεσθαι γὰρ τῷ ὑπὸ στίχειν pudor verabat, fortasse ineptus. Αἰδοῦς

δ' οὐκ ἀγαθὴν κεραιμένην αὐτὸν περιβαίνει. Quicquid 1598. quid hujus sit, quod publicè eramus polliciti, bonâ fide præstitimus. Magnum æquor sumus emensi: magnis tempestatibus jactati sumus: naufragium sæpe fecimus: tandem portum tenemus. Nunc illud superest, ut freti benignitate tuâ & amore erga nos, de locis quibusdam te consulamus: quorum morbus fuit κρεῖττον τῆς ἐμῆς ἰατρικῆς. Nam quis homo natus speret se tot monstra posse superare? Veniam igitur ad te, summe Scaliger, cui Deus dedit humani ingenii ἰσχυρὸν ἔργον. Tu, si grave non est, nostrâ & literarum causâ hunc laborem suscipies: dabisque hoc mihi, ut de splendore nominis tui lucem fœneretur nostrum hoc (Deus bone!) laboriosum opus. Libros tuos de Emendatione Temporum proflare, ab amicis didici. Gratulor itaque tibi, mihi gaudeo. Tu labore immenso & inæstimabili defunctus tandem, nunc κούδι γαίης. Ego infinita mihi incognita, scitu dignissima, è densissimis tenebris eruta, te docente discam, animo juxta discendi avido & grato. Atque utinam adfectum adversus te meum officii aliquo genere possem tibi testatum facere. Scires, neminem unum esse, qui eruditionem, virtutem & pietatem tuam religiosius colat. Vale, & brevi literas à me exspecta, quæ manum utramque tibi impleant. Vale iterum. Monspelii, a. d. XV. Kalend. Maj. CIO IO XCVIII.

EPISTOLA CLXVII.

JOANNI SARACENO.

Risi, & ipsum me irrisi, cum legi 1598. tuas novissimas, Vir doctissime & amicissime. Itane verò, ego mei nominis sum oblitus? O literarum oblivio! quid jam igitur magni de nostris conatibus in literis tibi spondeas, si ταῦτα πείσχομεν ἐξ ἀπεροσσίας· ἢ γὰρ δὲ πικρὰ λήθης ἀληθείης. Possem causari multitudinem negotiorum, quæ me ferè semper distrahunt, & εὐλαχὲ δυνὸν obruunt. Sed malo culpam deprecari, & te rogare, ut negligentiam meam interpreteris clementer. Hoc quidem malo, oblivisci mei nominis quàm tui: quod altè inscriptum ἐν Φριγῶν δέλτοις deleri non metuit. Scripsit ad me vir clarissimus Jugeus de itinere ad nostram urbem. Si Domino sic fuerit visum, eo mihi proficiscendum esse necessario certum est: & jam non unis nec binis, sed ternis literis à clarissimo viro, parente tuo, sum illuc vocatus. Eamus igitur bonis avibus, hoc est, Deo Opt. Max. duce: sed eamus tres unâ: quâ
re

1598. *ve* nulla mihi possit esse jucundior. Vale, Vir amicissime, & meis verbis magni heroïs, quem scis coli à me religiosè, uxorem nobilissimam plurimum saluta, & ceteros quoque isthic amicos meos. Scripsi raptim. *Monspeli, pridie Kalend. Majas, CIO CI XCVIII.*

EPISTOLA CLXVIII.

JACOBO GILLOTTO.

1598. **A**Ccepi nunc ipsùm, Gillotte præstantissime, quas ad me ante diem undecimum Kalend. April. dedisti. Beasti me hac diligentia. Nondum enim, puto, cum eas scripsisti, novissimas meas tibi fuisse redditas. Quàm diligenter cavendum mihi video, ne, qui omnibus à te vincor longo adeò intervallo, diligentia quoque in hoc genere sinam me superari. Scribam igitur, quoties erit facultas, si modò per te licet ἀδελισχῶ. Nunc hoc tantum dicam, absolvissè me tandem virtute Dei Opt. Max. molestissimum, difficillimum, & tædii plenissimum opus, Animadversiones in Athenæum. Si nostras nugæ puras esse tanti, Vir magne, gratulare, quæso, nobis. Multum enim sudavimus, multum æstuavimus, multum ausi sumus: nihil denique reliquimus intentatum, quo exiret hoc à manibus nostris opus vestrâ summorum istic virorum expectatione dignum. Quid præstiterim, nescio; nec si scirem, dicerem tamen. Quid conatus sim, & quâ sim usus diligentia, vide. Hoc verò scio: sed plura non addam. Vereor enim Nemescin. Nunc omnis spes mea in Domino de Vicq, qui admolitur, ut benignitate suâ foetum hunc χαμαιρίφῃ tollat, & publico donet. Vale, Vir magne, & me ama. Raptim. *Monspeli, a. d. vi. Eid. Maj. CIO IO XCVIII.*

Cum de reditu amplissimi Præsidis Thuani intellexero, scribam ad ipsum. Scripsi etiam nuper Jo. Sarrano. Puto etiam, Franciscum Pithæum, virum clarissimum, & τῶν μεγάλων τῶν παιδικῶν, accepisse, quas nuper misi ad Dominum de Vicq istuc perferendas. En erit ille unquam dies, cum ego vos hisce oculis tuebor, prope dixerim, τίπ μὲν χά-
ναι ἑνὶ ἡμέρᾳ χθόν.

EPISTOLA CLXIX.

E I D E M.

1598. **P**rimùm tibi, pro eo ac debeo, gratias agam, Gillotte, quòd tua officia adeò prolixè & humanè immerenti

mihi offers. Quid faceres laceffitus? 1598. Enimverò bene cum mortalitate actum iri censeam, si vulgò homines eo animo τὰς χάριτας ἀπομνημόνευει, & accepta beneficia referant, quo tu bene de nobis quotidie mereris. Pacc tuâ dixerim, Vir prudentissime & consultissime, jura civilia, quoties ad me scribis, pervertis: qui meus creditor es, debitorem te fingis, & ea deinde usurpas verba, quæ mihi conveniunt, non tibi: nisi tu id agis eo consilio & fine, ut omnem mihi præcipias occasionem & καὶ διὰ λόγῳ ἀξίως σοι εὐχαριστῶν. Nam si tu mea verba occupas, καὶ τὰς ἐμὰς πρὶν πῶς λόγους φθάνεις αὐτὸν παραλαβὼν, quid superest, nili ut inopia verborum ἐχέμεν τὸν tacito animi sensu te colam, & tuum hunc adversus me animum mirer? Erit fortasse olim ille dies, cum ego præsens foris verecundiâ quantum me tibi debere sentiam testatum faciam. Gestit sanè animus istuc peregrinari, & semel, priusquam morior, summos, qui istic estis, viros affari & coram venerari, quos absentes pridem miror. Sed mihi nondum ita propitius fuit cæcus ille Deus, ut tantum iter sine magno rei familiaris damno possem conficere. Ingenuè confitebor tibi, magne Gillotte, meam imprudentiam. Nam qui tot annos in colendis Musis defudem, nihil adhuc ex meis laboribus sum consecutus, nisi ut acceptas à patre mediocres fortunas valde labefactarem & imminuerem. Bonus pater familias non fui, neque ante hunc diem sollicitus unquam fui alia de re, quàm ut spartam, ἢ ἑλαχον θροῦν (sic confido) pro virili ornarem. Annos ipsos quatuordecim, magnam humanæ vitæ partem, nullâ ferè mercede literas in ea urbe sum professus, quæ nunc absentem magis desiderat, quàm præsentem fovit: quanquam ego de illa non queror; non enim amplius poterat, quàm præstabat. Nihil tamen minus bibliothecam non pro tenuitate nostra nobis comparavimus, cum aliter satisfacere discendi desiderio, quo mirè flagravimus à puero, non possemus. Ita crescente bibliothecâ & familiâ, etiam minuit res familiaris. Possem hoc non curare, qui ἀφιλοχενηματίας palmam nemini facile concesserim. Sed me amor in liberos, & illa ἀφ' αὐτῶν φυσικὴ τροχὴ non sinit esse securum. Verùm quid ago? aut quid hæc ad te? Ex his tamen intelligis, Vir optime, ut tanto à tot annis peregrinandi istuc desiderio percitus, domi adhuc hæream. Cogit me tamen Typographi inopia, ut brevi pedem domo efferrem, & ad clarissimum optimumque virum Dominum

M

de

1598. de Vicq me conferam, qui opem suam, tuo, opinor, impulsu, & magni Præsidis à Fraxinis, offert ad edendas nostras in Athenarum Animadversiones. Itaque, quod bene vertat Deus Opt. Max. constitui ante diem decimum septimum Kalend. Jul. accingere me itineri, ut, si potest fieri, opus illud statim Lugduni edatur, aut si propter Græci characteris inopiam vel inelegantiam id nequit, videbo an Lutetiam fas erit nostra deferre. Vellem certè, & ita vellem, ut haut sciam an aliquid vehementius cupiam, posse scripta nostra à doctissimo Morello edi, sive Patissionio. Sed quis me faciat hujus voti compotem? si aliud nihil possum, Characteres * saltem ad te mittere constitui, cum Appendice aliquot capitum hæctenus ineditorum. Verum de his plura *συν τῷ ὑπερ ἀγαθῷ Θεῷ*, cum Lugdunum venero. Vivere adhuc doctissimum & ingeniosissimum Passeratium, magno cum gaudio ex sermonibus amplissimi Episcopi Monspeliensis, & literis tuis ita intellexi. Deum supplex oro, servet nobis adhuc singulare illud vestræ Academiæ ornamentum. Veneror eundem *μέγαν ἐν ἑμῇ Θεῷ*, ut tibi, Gillotte *μακαρίῳ*, omnia dunt lacta & fausta, *καὶ ἐν τῷ παρόντι αἰῶνι καὶ εἰς πν μέλλοντι*. Vale, & me constanter ama, qui tuus sum *ἐλθ. καὶ πῶς. Monspeliū, a. d. XIII. Kalend. Jun. CIO IO XCVIII.*

* Theo-
phrastii.

Si quid adhuc ista curat *ὁ τρισμέγας* ille Præses, Præsidum princeps & ornamentum, potes illi sine tuo periculo adfirmare, absolutas ante mentem, & quod excurrit, nostras in Athenarum vigilias nullā meā culpā tamdiu in forulis nostræ bibliothecæ delitescere. Reditum in urbem alterius magni Præsidis, quem expectari ais, ego quoque avidissimè expecto. Si tibi cum doctissimo viro Josia Mercero notitia est, oro te, significa illi, habere me paratum quod à me petit. Sed otium adhuc ad describendum non fuisse. Erit *σὺν Θεῷ* brevi.

EPISTOLA CLXX.

JOSEPHO SCALIGERO.

1598. **A**Thenæi Mechanica mitto ecce tibi, præstantissime Scaliger. Non dubito longam tibi visam hanc moram homini in talibus *ἐξουσίῳ*. Sed qui experiar quotidie, itinerum pericula quæ & quanta sint, constitueram non antè è manibus meis illa mittere, quàm tu mihi viam indicasses, quæ satis cura videretur. Cum igitur Nicolaus Gillottus, vir clarissimus, nuperis suis li-

teris de tua voluntate certiore me fecisset, morem illi statim, pro eo ac debui, gessi, & libellum Athenæi ad D. de Vicq, qui Lugduni degit, misi, rogavique ut ad Gillottum sine mora curaret perferendum. Puto illum ejusdem operæ usurum, cujus ipse sum usus. Commodum enim accedit, ut D. de Montigni, finitâ Synodo, Lutetiam ad suos rediret, ei fasciculum commisi Lugduni tradendum D. de Vicq. Nam is, cum ante paucos dies Gillotti literas ad me mitteret, studiosè mecum egerat, ut suæ hac in re operæ ne parcerem: se tui studiosissimum à Nicolao Gillotto rogatum, ut curæ haberet hanc curam. Pluribus hæc tibi, *καράπτει ἀνδρῶν*, expono, ut scias me *ἢ ἐφικτὴν ἀνδρωπότην προεία* sedulo cavisse, ne periret in tam longa via pulcherrimum istud nostri Thomsonis *καμύλιον*. Legi eum libellum, simul in meas manus venit, avidissimè: ac quoniam ei describendo otium non suppeditabat, jussi amanuenssem id facere: ille verò mendas *ἢ αὐτογράφῳ* sic multiplicavit, ut verè dici posset *ἐδὲν ὄμιες*. Contuli equidem quā potui diligentia: sed persuasus, te, qui potes hodie solus, id scriptum recensiturum, fui in eo negotio omisior, præsertim cum non esset ad manum qui figuras imitaretur ibi expressas. Audio latere alicubi Lutetiæ integrius aliquod ejus libelli exemplar. Quare, si eò me venire Deus siverit aliquando, [id esse votum & consilium magnorum quorundam virorum, non te fugit,] omnem movebo lapidem, ut illius tu meā operā compos fias. De nostris studiis scripsi nuper adfatim: atque hæc jam quarta epistolâ est, quam post novissimas tuas, xv. Kalend. Septemb. anni superioris * scriptas, tibi misi. Proflare librum tuum de Emendatione Temporum, ab amicis intellexi: ipse adhuc videre quitus non sum, talium enim mercium nihil huc adfertur. Lugduni *σὺν Θεῷ* videbo: eo enim cogito multas ob causas, de quibus scribam inde ad te oportunius. Vale, Vir maxime, & me ama. *Monspeliū, a. d. VI. Eid. Jun. CIO IO XCVIII.*

Ad hanc
responsoria
Scaligeri
existat
n. 48.

EPISTOLA CLXXI.

SIMONI BASTIDANO.

1598. **M**E verò ita Musæ ament, ut lectio-
ne tuarum capior, doctissime Bastidane: vel illud, quò Athenaicas nostras vigilias laudasti, epigramma, quàm elegans! *ὦ Ζεῦ, quàm ἐδνηκον, σέβας μ' ἔχει ὑπερδόντα*! Si me natura fecisset *μυκρόψυχον*, & invidiæ angustis pectus mihi

1598. mihi arctasset, inviderem tibi hanc tantam, tam ex facili partam τῆς ἐλληνικῆς παιδείας ἐμπειρίαν. Nos enim si quid in his literis supra vulgus sapimus, οὐ πνεῖα καὶ ἀποσπαραξοί μὴ τῇ Μνημοσύνης θυγατρὶν, id sumus ægrè tandem, quantum id cunque est, consecuti. Tu, qui vix dum ἡδέσκειν longè adeò provectus es, quo per Deum eveheris antequam ætatem illam assequaris, quæ vulgò homines negotiis maturos solet reddere? Non hoc dicam, ut tibi blandiar; verum quia ita judico, neminem esse hodie tuorum æqualium mihi notum, de cujus ingenio majora sperare possim, quàm de tuo. Crede mihi, Bastidane eruditissime, οὐκ ἀθείη hanc studiorum viam es ingressus: i modò quò te fata, hoc est, Dei providentia vocat. Spondeo tibi, paratam esse laboribus tuis palmam & ἀντάξιον γέρας. Atque utinam ejus sponsæ, quam video te tantopere ambire, rivales plures haberes, τῇ ἐρῇ παιδείας καὶ ὅλως σοφῆς σοφίας ἐρασάς. Nunc quanta sit solitudo rectorum studiorum, vides: quò minus miror, novem Sorores, cum vulgò se sperni viderent, tuum hoc erga se studium probasse, & ἰσὺ ζυγῇ te amare cœpisse. Habes igitur quod gaudeas: nos tui amici habemus, cur tibi gratulemur: ego in his & gaudeo tuo bono, & tibi ex animo gratulor. Vale, amicissime Bastidane. *Monspeli, a. d. xv. Kalend. Jul.* CIO IO XCVIII.

Magni Præsidis à Fraxinis reditus in Provinciam cogit me iter adhuc differre.

EPISTOLA CLXXII.

JACOBO GILLOTTO.

1598. Tandem Lugdunum me attraxit, Vir magne, Dominus Vicquius, in cujus ædibus eram, cum hæc ad te scriberem. Merebatur sanè tanti viri eximia virtus, ut rebus relietis ipsum viscerem; atque hæc vel præcipua mihi fuit causa, cur hoc iter susceperem. Nam hæreditas foceri, viri de literis quàm optimè olim meriti, non erat fortasse tanti, cujus gratiâ uxorem relinquerem, dum uxoria bona prosequor: sed de una fidelia plures dealbare, frugis hominis esse videtur, & ejus, qui πρὸ ἡμετέρων ἀνάλομα didicit æstimare. Quando igitur sic fata mea ferunt, ut Typographo carendum mihi sit domi inter meos adfœctus versanti, constitui, καὶ ὁ Θεὸς ἤϊλεν, Animadversiones in Athenæum prius edere, quàm domum redeo; si modò tamen futura mihi ejus rei in hac urbe sit facultas. Neque enim

te fugit, Gillotte clarissime, quàm non 1598. magnum usum Græcorum characterum operæ Lugdunenses habeant. Sed illis facit animum nunquam sine honoris præfatione mihi nominandus D. Vicquius. Ille me plurimis ad se literis invitavit. Ille me, postquam adveni, mirà comitate & humanitate excepit. Ille etiam, spero, faciet, ut superatis omnibus difficultatibus nostra hic edantur. Deus Opt. Max. & illi, & vobis omnibus, qui literas amatis, tantopere velit, faxitque λατὼν εὐφρανεα χρόνον ἔρπειν. Vale, & me ama. *Lugdun, a. d. vi. Eid. Julias,* CIO IO XCVIII.

EPISTOLA CLXXIII.

E I D E M.

EXculationem stili tuam, Gillotte 1598. præstantissime; sic accipio, ut tu illà es usus: ἡρωενύμην nempe ea scripsisti: simul, nisi fallor, quales à me epistolas expectatis, ἐσχηματισμένας, more veterum σοφιστῶν, indicare voluisti. Sed da mihi, quaeso, ut ἀντιφώνη ἢ ὡς ἱππὶν ἀντιπαρὰ λέγει tecum loqui liceat. Polire impensâ curâ quæcunque scribas, præsertim autem epistolas, & de singulis vocibus ire in consilium, diligentioris est hominis, atque, ut ingenuè dicam, πῶσαν τὴν ἀλήθειαν φιλοπονήσας, quàm ego sum; quem natura fecit, & institutio etiam ab omni ambitione quàm alienissimum. Nobis à puero in votis hoc unum fuit, ut ἐμφθῇ illud studium promovendæ rei literariæ, quo flagrabamus, Deo, & mortalium optimo, ac doctissimo cuique probaremur. Quæ ad ingenii famam & pompam magis, quàm ad γνώσιν ἀδείας facere videbantur; ea semper ceu specie inani blandientia insuper habuimus. Falsus sim necne, haut facile (οὐ γὰρ βροτοὶ ἴσι) pronunciaverim. Ita certè esse, ut dixi, etiam tacentibus nobis, πῶσιν φιλοκαλίας γυμνοὶ nostri libelli produnt nimis. Testantur & quas ad amicos scribimus epistolæ αἱ τῇ ἡμετέρᾳ ψυχῇ εἰσὶν ἐμψυχοὶ ἐκέντες ὅσαι, quas scimus τῇ ἀραιότητι τῶν λόγων ἀφένοντες μὲν ἔχειν φρενὸς ἀφείσας πικρῶν. Iterum igitur, iterumque, Vir clarissime, te oro, condones genio ingenioque meo, si tecum per literas non ἰσχυρομένῳ καὶ παρὰ δασυδὲν loquar. Quod gratularis de Animadversionibus in Athenæum ad umbilicum perductis, ago tibi grates gratissimas. Si Deus fecerit, ut lucem aliquando id opus videat, & tibi, Vir doctissime, tuique similibus probetur, non erit, cur operæ in eo politæ nos poeniteat: sin aliter eveniet... sed δυσφρυν

1598. *Φημὲν*, & malè ominari necdum nato partui nolo. Quicquid futurum sit, non exponemus eum factum; sed *οὐδὲ διδόντες*, alemus, si valemus: quanquam de publicatione *καὶ τυπώσῃ* nihil adhuc certi constitutum habemus. Nostra vota & tua quid nunc moretur, superioribus literis *ἀλλὰ πλείων* tibi exposui: scito tamen, id agere Dominum Vicquium, virum optimum, integerrimum, & *ἡνυμασίωσαν*, ut sublatis omnibus longioris moræ causis, brevi lucubrationes hæ nostræ publicæ luce donentur. Quid sit futurum absolutâ Characterum novâ editione, ante dies sex septem inchoatâ, videbimus, & te statim certiolem faciemus. Ain' tu autem, sapientissimos viros, illa dico Galliæ lumina, Harlæum & Thuanum, teque cum his, clarissime Gillotte, spem aliquam de mea istuc peregrinatione concepisse? *καὶ ὅτι βυλόμεν, καὶ ἡνὲν πολὺ κέρδιον ἔσθι*, nisi nos tenuitatis nostræ conscientia veta-ret id sperare. Sed mihi crede, *ἀφίλῳ καὶ ἐν ἀπλότῃ καρδίᾳ* ferid affirmanti, neque ii nos sumus, qui eum honorem & locum mereamur, neque ea porro nobis frontis durities, ut onus in nos suscipere velimus, quod ferre humeri recusant. Noli putare, *ὅτι μικροψυχίας*, quam damnant Sapientes, dici hæc à nobis, sed quia novimus nos optimè. Enimverò adfuctum & innutritum obsecuriorum locorum tenebris, tantam repente lucem posse ferre, naturæ, ut scis, rerum repugnat. Quare, amabò, vide quem commendas. Rapini tui, viri doctissimi, & elegantissimi ingenii oden magna cum voluptate legi. Feceris mihi rem gratissimam, si ejus amicitiam mihi conciliaveris. Ego amo illum pridem, & *οὐ γὰρ ἀπ' ἡμῶν* colo ex sermonibus maxime Johannis Pinaldi, quem memini, de Rapini popularis sui probitate, integritate & ad omnia magna *ἐν φωνῇ* multa solitum mihi narrare. Vale, Vir plurimum observande. *Lugduni, pridie Kalend. August. c15 1598.*

EPISTOLA CLXXIV.

THEODORO BEZÆ.

1598. **F**acio invitus, venerande Pater, quòd literas Bernardini nostri, quas *ἐν χερσὶν εἰς χεῖρας* tibi tradere gestiebam, ad te mitto. Quid me isthuc properantem sistere gradum coegerit, & plures jam dies hic continuerit, etiam tacente me satis nosti: neque enim potes ignorare sparsum de pestilentia per urbem vestram grassante (quod Deus ne sirit) rumorem; quem equidem oculis non

siccis intellexi. Scis verò quàm difficilis sit nostrarum urbium aditus venienti è loco, qui eo nomine malè audiat. Non enim Germani sumus, neque apud nos obtinet securitas & *ἀσφάλεια* candidissimæ gentis. Deum Opt. Max. supplex veneror, liberet urbem vestram, dulcissimam patriam meam, & hoc, & omni alio malo. Interea mitto ecce tibi, Beza *σβασμώσαν*, quas mihi Monspelio discedenti vir optimus, & Ecclesiæ Dei fidelis *ἐκπρέτης* Bernardinus dedit. Si dabit mihi is, ejus in manu sunt omnia, ut priusquam pedem refero, coram te possim alloqui, exponam tibi Ecclesiæ Monspelientis statum omnem; quod ut facerem, rogatus sum à Seniorum lectissimo cœtu. Quæ tua pietas est & prudentia, facile intelliges, non sine gravissima causa esse factum, quòd viri pietate insignes, & *τὸν δὲ οὐδὲ ζῆλον ἔχοντες*, Seniores nostri, unum aliquem de numero vestro in suam Ecclesiam adfiscere, si vobis ita visum fuisset, toties tantoque studio sint conati. Equidem in hoc negotio quomodo sim versatus, cum meâ operâ Monspelienteses uti vellent, ut eo facilius viro eximio Goulartio potirentur, neque tu fortasse nescis, & sciunt optimè quidam è vobis. Sed dissimulare jam nullo modo possum, eam esse præstantissimæ illius Ecclesiæ conditionem, ut rem Deo gratissimam facturi videamini, si aliquam ipsius rationem habueritis. Duos in præsentia Pastores frequentissima, & nulli alii è Gallicanis cedens Monspelientis Ecclesia habet: alterum admodum senem, & non suo, sed ætatis vitio languentem: alterum vix dum *ἡβάσκοντα*, & qui per ætatem Episcopi locum tueri in tam illustri loco non facile possit. Gigetius, vir doctissimus, & nostræ Ecclesiæ *ἡνυμασίωσαν*, nunc abest. Eundem cum adest, partim studia, partim alia negotia sic occupatum habent, ut aliquando per mensem unum aut alterum vox ejus in sacra *συνάξει* non sit audita. Mitto nunc alia commemorare, quæ Seniores nostros impulerunt, vos respicerent, meque isthuc proficiscentem orarent, suam Ecclesiam vobis etiam atque etiam commendarent. Nam Rotanum nostrum impetrare à Synodo nulla *μετὰ* potuerunt. Spes autem illa, quam in Peirolò, viro optimo, doctissimo, & quod homo de homine possit pronuntiare, *ἐκβεβήκει*, posuerant, eos destituit. Aliter enim visum divinæ providentiæ: ejus etsi causas non semper capimus, semper tamen *ἀποπλήσμα* mirari, & in his acquiescere debemus. Quare obsecro te, Vir

1598. Vir maxime, per Deum immortalem, & studium quo flagras promovenda ejus gloriæ, si quid hic potes, enitere & demum perface, ut beneficio tuo auctior apud nos sit numerus τῶν πρὸς τὴν διανοητικὴν ἀρετὴν. Et quoniam de Goulartio post tot repulsas vel mutire nimis temerarium duco, de Manesserio quid tui judicii sit, quaeso, significa. Omnino opus nobis est eo viro, cujus perspecta & probata sit pietas, eruditio, & illa, quam omnes boni admirantur in tractatione τῶν ἑοῦς λόγων, vestra simplicitas. Formicum alumnaum suum nostri repetunt, sed hac tamen lege, si tuo & totius ordinis judicio hoc ipsorum consilium probetur. Hisce de rebus scripserunt αἱ προεβούλευται ad vestrum cœterum, easque literas, quando isthuc ire non poteram, istis adjunxi. Vale, Pater plurimum venerande, & cum omnibus tuis, atque universa isthic Ecclesia lætus valensque inter lætos & valentes, Nestoreos annos imple. Γένετο, γένετο. Scripsi *Lugduni Conventuarum*, in ædibus maximi viri, & tui amantissimi, Vicquii, *Kalend. August. anno δ'απὸ τῆς Λόγης ἐναυθρομήσεως, CIO IO XCVIII.*

EPISTOLA CLXXV.

JOSEPHO SCALIGERO.

1598. **L**iteras tuas diu multumque expectaveram, Scaliger, meum decus, cum binas ferè eodem tempore Lugduni accepi. Alteras uxor misit è Volcis Arcemicis; alteras è finibus Allobrogum, Goulartius noster. Puto etiam, magnificum illud tuum munus, quo me beasti, fuisse meis redditum: quanquam eorum insigni incuriâ factum, ut id planè adhuc non sciam. Interea dum expectabam exemplar à te missum, aliud mihi impatiens moræ etiam Montpelii paraveram. Non enim dubitabam, ἀφ'αὐτοῦ quendam θησαυρὸν ἀναδύναι in opere te propalaturum & publicaturum. Nōram pridem tuorum scriptorum genium; sciebam verò, intendisse te hic nervos: quare omnia maxima & nova expectabam. Sed omnem spem meam & cogitationes omnes meas longè superavit tui illius admirandi operis lectio. O altam rerum abstrusarum cognitionem! ὦ βάθος τῆς γνησίας παιδείας! O ingenium planè in exemplum & admirationem natum! εἰς βάθος μὴ ἔχει ὑποπόδιστά, eò quidem magis, quòd contigit mihi, dum Lugduni otiosus agerem, tuum opus cum Baronii Annalibus, nondum mihi tum visis, posse contendere. Ita demum didici,

verisque argumentis ἐπ'αληθοφωρίῃ inter 1598. φιλανθρωπίαν, & gratiæ aucupium interesse tantum ὅσον ἔργον ἐστὶν ἀπὸ τοῦ καί. Verum de Baronio & ejus Annalibus habeo alia, quæ tibi narrare cupiam, si esset otium: & faciam ὅν τινα, ut primum ad libros me contulero. Nunc quidem cum Musis nullum nobis commercium: nam & absumus domo alterum jam mensem; & quando Museum nostrum simus visuri, incertum habemus. Lutetiae enim hæc scribimus, cùm significasset nobis amplissimus Thuanus, simul urbem sumus ingressi, esse qui isthuc proficisceretur: scriberem, si quid vellem. Raptim igitur ista tibi, Vir maxime, exaravi; plura eis dies paucissimos scripturus. Gestit enim animus, & de studiis meis prolixè tecum agere, & causam mei in hanc urbem adventus tibi exponere. Quod quia nunc facere non possum, tantum nunc scito, non virtute, aut merito ullo meo, sed tuo unius præconio adductos esse multos præstantes hic viros, ut mihi & studiis meis factum cupiant. Eo fine Vicquius, vir magnus, & tui amantissimus, cùm Lugduno iter facerem Genevam hereiscundæ familiæ ergò, & rumor quidam esset (non vanus is quidem) de pestilentia per eas oras grassante, apud se voluit subsistere; si qua fortè iniri posset ratio nobis melius consulendi. Substiti igitur, & homini de me optimè quotidie merenti morem gessi: præsertim cùm vehementissimè cuperem, lucubratiunculas meas diversi generis publicare, quod Montpelii ne facerem, Typographi penuria verabat. Institui igitur Lugduni alteram Characterum editionem, auctam aliquot capitibus ex MS: & nostrâ curâ paullo factam meliorem. Sed accidit perincommodè, ut inceptum opus cogeret deferere. Regis enim literis subito revocatus Vicquius, omnino itineris hujus comitem me sibi esse voluit. Ita Lutetiam, quod felix sit, hodie primum vidi, & statim magni Thuani Museum ingressus, quàm multa ignorarem, quàm parum, aut nihil scirem, agnovi. Sed quid ab eo homine expectes, qui natus & educatus, semperque hætenus versatus fuerit in locis, ubi bonorum librorum vix auditum sit nomen: quâ re nullus dubito quin tibi contingat ψευδομαρτυρῶν ἀλτῆραι, quod literulas nostras tantopere dilaudaveris. At tu ne fecisses, & tuis illis laudibus ne nos onerasses, quas video hic esse in ore omnibus. Sed cupientem eo nomine pluribus tecum postulare amici non sinunt. Vale igitur, Vir multis nominibus mihi æternum

1598. venerande. *Lutetiae, a. d. iv. Non. Septemb. CIO IO XCVIII.* Scripsi raptim, ut vides, & tuâ benevolentia fretus.

Aderat Vicquius, cum ista scriberem: egit igitur is mecum, ut te suis verbis quàm officiosissimè salutarem. Quantum vir ille præstantissimus te amet, & quanti te faciat, potes ex eo cognoscere, quod ita vehementer mihi cupiat. Nullam enim causam habet hujus tanti amoris, nisi quod nostras te esse aliquid putare nugas non ignorat. Memini etiam, ejus uxorem, foeminam nobilissimam & lectissimam, de te multa mihi Lugduni narrare, & suam adversus te benevolentiam sæpius mihi esse testatam. Iterum vale. Athenæi *μυχανικα*, puto, accepisti. De Zonaræ Lexico subiraſcor tibi. Sic enim id petis à me, quasi diffideres daturum si possem. Tene id de me potuisse cogitare? facis mihi magnam injuriam, testor Deum. Videbo igitur quid possit fieri, & si ulla *μυχανή* possum, statim id curabo ad te mittendum. Volo tamen, scias, nondum mihi visum & *μακαρίτης* Stephani * bibliothecam: non dico ab ejus obitu: sed omnino invisam esse eam nobis: tanta fuit in optimo sene *ἀναγκασία τῶν τροπῶν*.

* Hemici.
Ad hanc
responsionem
ex his
apud Scaliger. u.
49.

EPISTOLA CLXXVI.

E I D E M.

1598. **A**thenæi *μυχανικα* tandem fuisse tibi reddita, ex novissimis, quas mihi clarissimus Gillottus reddidit, non mediocri cum meo gaudio intellexi. Eram enim de eo fasciculo nonnihil sollicitus. Assentior autem tibi, Vir præstantissime, non respondere figuras, in eo libro descriptas, Autoris verbis. Suboluerat hoc & nobis, cum leviter illas inspiceremus, & cum descriptionibus Athenæi contenderemus. Constitui die crastino clarissimum Servinum adire, & illius exemplaria diligenter tractare. Si quid erit auribus tuis dignum, faciam te ut id quàm primum scias. Non dubito, quin facile sit tibi futurum, si putaveris esse tanti, usum eorum codicum ab ipso impetrare. Est enim, quod tu, credo, non nescis, humanissimus vir, harumque literarum juxta amans & peritus. Si mihi in hac urbe diuturnior futura esset mora, & tibi rem gratam facturum me putarem, vel descriptum meâ manu tibi mitterem, quicquid adhuc superest in Doctorum bibliothecis, quod te videre tua intersit. Tu modo vide, quid tua gratia me vel hic, vel ubicunque tandem locorum sim futurus, velis præstare. Nam de

Zonaræ Lexico, si modò quod optas 1598. *ἐκ τῶν ἀδυνάτων* non fuerit, jubeo te securum esse. Simul Genevam venero, agam serio cum affine Paulo Stephano, ut liber statim ad te mittatur. Omnino eundem mihi illuc esse video, vel herciscundæ familiæ causâ, vel ut Animadversiones in Athenæum liberari tandem manu asserantur, & publici juris aliquando fiant. Infelicem herclè partum, qui suum parentem diuturnis adeò ærumnis cruciaverit, & lucem tamen videre non queat. Sed quid eo nobis sit faciendum viderimus, postquam de loco futuræ deinceps habitationis aliquid certi constituerimus. Certissimum est, Regis voluntatem hanc esse, ut relictis Arecomicis Volcis, *Lutetiam* migrem: an & *τῶν περὶ αὐτὸν* ea sit voluntas, anceps adhuc animi pendebam, cum hæc scriberem: imò verò amici mei, qui id optant vehementissimè, si sunt qui exitum negotii hujus solliciti expectant. Nam ipse, qui ut hoc contingeret neque speravi, neque optavi unquam, *ἐπ' ἀμφοτέρων καθεύδων*, iter ad meos post diem tertium, faciente Deo, instituturus, hoc mihi certum & *ἐμπέδον*. Neque enim Deus sivit, ut ingenium meum aulicis artibus velim accommodare: *ἀφρήταρ* ille mihi, *ἀξέμευσθαι*, *ἀνέστιθαι*, qui natus ad majora, eo tamen se dejecit. Egone ut regiorum *καὶ Φυλάκων* aditus colam & limina teram? *τὸν μὲν χάρις εὐρύα χθονί*. Nosti tamen quomodo hic vivatur, & quibus difficultatibus ad reginam pecuniam perveniatur. Vidi quæ de ea rescriptisti ad amplissimum Thuanum: miratus sum vehementiam tui erga me amoris, & summam prudentiam: sed *τούτων ὅλως*. Manilium tuum expectari à me *ὡς περὶ θυμὸν* scito. Sed hæc alias: atque utinam, ô iterum iterumque utinam aliquando de istis præfens tecum vel paucissimas horas possem fabulari. Esset mihi id *χάρμα πάντων χαρμάτων ἀντάξιον*. Vale, & diu felicissimè vive, decus unicum literarum & omnis eruditionis. *Lutetiae Parisiorum, Non. Octob. CIO IO XCVIII.*

Heri deduxit me clarissimus Nicolaus Faber in eum pagum, ubi educatur Princeps Condæus, magnæ spes altera Romæ. Post prima salutationis verba, quæsiuit à me Princeps, *Numquid scirem quomodo valeret Scaliger? quid nunc ageret? an reditum in Galliam cogitaret? Tantum virum non debere abesse Galliâ*. Hæc ille, & similia his alia, vultu eo & gravitate tantâ, ut planè admirationi sapientia hæc ante annos veniens mihi fuerit. Ego illi spondei, facturum me ut scires, in ipsius

1598. sius animo esse illustre tuum nomen inscriptum. Libri, quos scribis inaudisse te, haberi eos à clarissimo Servino, inspecti mihi sunt hoc ipso die: duo sunt satis grandia volumina, Autores varios rei militaris continentia; hi sunt Æliani *τακτικά*, Onofander, Julius Africanus, Athenæus, Ctesibius, Bithon, Urbicius, & aliquot alii. Libris Mechanicis adjectæ figuræ, eæque pictæ variis coloribus. Qui libros illos diutius tractarunt, negligentissimè scriptos esse affirmabant: quod & mihi raptim aliquid legenti est visum. Caterum non Servini sunt ii codices, sed Regis; pertinent enim ad Medicæam Catharinæ, nostræ olim Reginæ, bibliothecam. Hæc volui nescius ne esses. Vale, magne Scaliger, & me constanter ama, verè & animo tuum *κτίσθαι καὶ χεῖρσιν*.

EPISTOLA CLXXXII.

E I D E M.

1598. **S**ub ipsum discessum meum ab urbe hæc ad te scribebam, magne Scaliger, cum biduo antè longissimam epistolam tibi misissem variis de rebus; quam amplissimo Thuano tradidi. Egi tecum iis literis variis de rebus. Nunc unum hoc à te peto, ut nobilissimum hunc adolescentem, bonum bonis prognatum, cum Præceptore ipsius, doctissimo & tui observantissimo Paludio, hilari vultu excipias. Etsi ab omni ambitione absumus Dei beneficio *ὡς πρῶτον*, hoc tamen à te contendimus precibus ambitiosissimis. Tua unius est, magne Scaliger, amicitia, quâ glorior: neque parvum beneficium te mihi tribuisse iudicabo, si tuæ erga me benevolentia aliquam significationem hisce dederis. Vale, meum *μίσθμα*. *Lutetia Parisiorum*, in ipso abitu & reditu ad meos, *a. d. vi. Eid. Octob. c. 15. 15. xcviij.* Ignosce, amabò, festinationi.

EPISTOLA CLXXXIII.

JACOBO GILLOTTO.

1598. **N**equè Lugduni tantum habui otii, ut tecum, Vir præstantissime, per literas possem loqui; neque nunc multò major ejus copia est; sed penitus *ἀπεχρησσία* apud te uti, prope religio sit. Indignus sim eâ, quam mihi toties demonstrasti benevolentia, si ullam prætermisero occasionem testandi animi mei adversus te grati. Habeo etiam quod rogem te *μίσθμα* π, ut apud maximum & illustrissimum virum, D. Har-

laum, Præsidum principem, in gratiam me ponas. Multum tibi debuerò, si tuâ operâ hoc fuero assecutus, ut vir tantus benevolentia suâ non indignos nos esse iudicet. Si dederit Deus Opt. Max. dabo operam, efficiamque adeò omni genere observantia, intelligat *ὁ δαίμων* *ἐκείνῳ ἀντὶ*, quantus sim virtutum ipsius, & meritorum in patriam admirator. Sed hæc alias *ἀντὶ τῷ Θεῷ*. Vale, doctissime Gillotte, & me amare perge. Scripsi *Montpelii, Nonis Novemb. c. 15. 15. xcviij.*

EPISTOLA CLXXXIV.

JOSEPHO SCALIGERO.

Non si mihi *δέκα μὲν γράσσαι, δέκα δὲ 1598.* *γράματα* essent, possem tamen satis exprimere tibi, quibus incessem latitiis, cum binas tuas eodem tempore, præstantissime Scaliger, accepi. Aliis quid soleat evenire, cum tuas literas legunt, non scio: equidem ita semper affici earum lectione soleo, ut ei voluptati, quâ tum fruor, nullam possim comparare. Utinam propius à te abessem, nulla dies abiret, quâ non id studiosè agerem, ut tuas elicerem. Nul- lum huic nectar, nullam ambrosiam contulero. Sed de nostra migratione ex his locis, quæ nunc maxime erac in spe, scribam ad te *ἀντὶ Θεῷ* alias. Nunc scire te hoc volo, legisse me per hos dies libros Theophrasti de Causis *φωτῶν* paullo diligentius. Visus sum non pauca in eum scriptorem emendare, quæ divino viro, *τῷ τρισμεγίστῳ* tuo parenti, fecerunt negotium. Sed cum ille *δαίμων* *ἀντὶ* in suburbano suo, grassante pestilentia, eos Commentarios conscripserit, mirandum non est, si quid ipsius diligentiam fugerit. Equidem qui omnia illius demirer, id tamen opus præcipuè *ἐπιμενέω* soleo. Hunc animi mei sensum esse, hoc iudicium, faxo omnes intelligant, si quando illa edemus, quæ nuper in eum præstantissimum scriptorem exarare ceppi. Sed restor *μίσθμα* *ἐν οὐρανῷ Θεῷ*, non aliter de ejus lucubrationculæ editione me esse cogitaturum, quàm si tibi ita placere intellexero. Si dabit Deus, ut Lutetiam aliquando veniam, & tu nostras nugas putabis esse tanti, mittam ad te quæ in hoc genere sumus meditati. Tu eris, si tanto honore nos dignatus fueris, nostrorum scriptorum non solum *κάνον*, sed etiam *κρίσις*. Atque ego non dubito, fore plura relinquendis tollenda. Sed bene mecum agi putabo, si meorum aliquid fuerit, quod iudicio tuo iter. Accidit autem mihi, ut re-creandi

1598. creandi animi causâ fessus ex lectione subtilissimorum Philosophorum, Theophrasti, & tui parentis, Ciceronis ad Atticum Epistolas in manus sumerem. Spes mihi facta codicis cujusdam non pessimi; quæ spes si non decollaverit, audebimus & nos nostras divinationes publicare; quando, uti video, omnia nunc omnibus licent. Sed abutor patientiâ tuâ. Vale igitur, Vir summe, & epistolæ hujus atque omnium mearum inelegantiam & ἀμασίου boni consule. Non enim quia te parum revereor, sic scribo ad te αὐποχρηστικῶς καὶ ὑποσυρμένως; sed quia diligentius & elegantius aut non possum, aut nescio. Vale iterum. *Montpelii, a. d. vi. Kalend. Jan. c10 10*

Ad hanc
respondet
Scaliger
Epi. 51.

EPISTOLA CLXXXV.

E I D E M.

1599. **L**iteris Regis Luteriam vocatus, Vir præstantissime, Arecomicos Volcos reliqui ante menses duos, & quod excurrit. Erat animus, Parisiorum τὴν μεγάλην πλιν revifere; eoque familiam & bibliothecam meam trahebam. Posteaquam Lugdunum veni, sententiam mutare coëgit amplissimus, nostrique amantissimus Vicquius. Is nobis manum injecit, & Regis adventum in hac urbe, atque adeo ædibus suis præstolari jussit. Igitur, quod bene veritat, non antè Lugduno proficisci constitui, quàm editum fuerit nostrum in Dipnosophistam opus, cujus editionem priusquam instituerem, Genevam necessariò excurren. Multa me illuc vocabant; sed nihil æquè, ac spes videndi Bibliothecæ * reliquias. Et si pars magna illius periit non uno modo; reperi tamen in iis, quæ supersunt, multa eximia, καὶ τῶν σὺν ὑπερίσων. At Zonaræ, quod petebas, Lexicon non inventum est. Dolui vehementer duplici nomine, & quia poteram ejus libri lectione ignorantiam minuere, & quia adempta mihi facultas tibi gratificandi: quo nihil mihi, dum terras colam, futurum est unquam jucundius. Quas nisi ad te πρὸ τριμηνιαίᾳ χρόνῳ, an acceperis, nescio. Ego nullas à te jam diu. Itaque desiderio illarum scito me tabescere. Absolutâ editione libri hujus, quid nobis futurum sit, θεῶν ἐν γύνασι κέται. Luteriâ rumores afferuntur in dies magis turbulentis. Dici non potest, quàm ἐκδηστικῶς, quàm ingens sit odium τῶν ἑτεροδοξόντων & πρὸς τῆς θεοσιβείας. Itaque nili vanum augurium est Sapientum omnium, nondum Gallia nostra malis

* Henrici
Stephani.

defuncta. Sed βλάβος μὴ mitto. Dum hic erimus, quasi in specula positi καραδίκησμεν τὸ μέλλον. Quicquid futurum est nobis, faciemus te ut scias. Amplissimus Vicquius te salutat, gloriæ tuæ favens, si quis mortalium. Vale, Vir illustrissime, & me ama, æternum tuum. *Lugduni, a. d. xv. Kalend. Majas, c10 10 xcix.*

EPISTOLA CLXXXVI.

DAVIDI HOESCHELIO.

Genevam tandem veni, & quem petis librum, amicissime Hoescheli, vix quidem, sed tamen inveni. Duo sunt grandia ἱκανῶς volumina, magnam partem manu Ἰ. μακαρίτης Henrici Stephani scripta. Egi cum Paulo Stephano fratre, ut ea curaret ad te perferenda; neque dubito facturum. Videar malè de te sentire, si te nunc orem, ut de Stephano quàm honestissimè loquaris: scio quanti illum tu feceris; & scio, quibus moribus tu sis. Sed monet me improbitas quorundam, quibus video propositum esse, de illo viro detrahere, & manes illius violare. Equidem hominis morositatem excusatum non ibo: postrema etiam quædam † illius scripta vellem non scripta. At enim, verò quis mortalium suis nævis caret? Quid? nonne ὁ μακαρίτης ἄλλοισιν ἰδομένοις facile τὴν δ' ἀπυθίται ψόφον? Quantus ille vir fuerit in literis, si nesciebam antè, potui adfatim discere ex iis, quæ reperta sunt mihi in bibliotheca καὶ φιλομαθείας καὶ πολυμαθείας prope incredibilia monumenta. Næ iste, qui nuper tam multa de optimo sene blateravit, & apud Belgas edidit, indignus est qui Stephano matulam præberet. Sed contineo me, & oro te etiam atque etiam, excuses me apud doctissimum Vellserum, quod nullas nunc ad ipsum mittam. Scripsi ista occupatissimus, Lugdunum repetens, unde statim ad vos solitâ viâ sum scripturus, θεῶν δίδοντ. Agam tum tibi gratias & amplissimo Vellsero pro misso libro. Etiam quid de tuis eruditissimis emendationibus sentiam, scies tum ex me. Hoc interea, diu esse, cùm Græcorum Bibliorum editionem cogito. * * * * Vale, amicissime Vir. Magnum Vellserum à me saluta, οἷς προθυμότης καὶ φιλοφρονέσας. *Genevæ, a. d. xi. Kalend. Majas, novo stylo, c10 10 xcix.*

Egit mecum his scriptis Paulus frater, significarem tibi, se & Photium, & Test. B. ‡ novissimæ editionis, & † Notum quicquid aliud fuerit libitum tibi, ei traditurum, cui hoc negotium mandafcs.

† Putat
in prius
sciam,
Apologie
pour He-
roclote, &
de Latini.
tate Juli
Lipsii Pa-
larum.

‡ Notum
Testam-
tum Beza
Colomel.

1599. ses. Liber est, ut scis, λέγῃς αὐτῷ, nec nisi perspectæ fidei homini committendus: Photium dico.

EPISTOLA CLXXXVII.

EIDEM.

1599. **A**Gnovi manum tuam in eo, quod ad me misit magnus Velferus, magno munere. Ago tibi, optime & doctissime Hœscheli, gratias. Conabor etiam aut hoc, aut simili modo ἀντιγράψαν, si ulla erit facultas. De Photii exemplari scribam ad * Stephanum Genevam. Non dubito, præstaturum illum, quod promisit: & puto jam id factum. Laërtium ipse mittam. Onofandrum hic non invenio. Acta Concilii Niceni edita audio, ipse necdum vidi: habeo scriptum manu exemplar, quo si lubet uti, è vestigio illud ad te mittam. Opus nostrum non multum adhuc promotum, sed id nullâ meâ culpâ. Simul erit editum, ne dubita, isthuc volaturum ad te unum exemplar. Si ingenium in nobis desideraturus es, candorem certè desiderabis nunquam σὺν τῷ Θεῷ. Appiani Illyrica fac legamur quàm primùm beneficio tuo Græcè. Immortali beneficio Musicum omnem cœtum obstrinxeris. Sed, amabo, gaudia nostra differre noli: specimen, quod misisti, salivam movet; & ut tibi aurem vellam, admonet. De filio tuo cogitabo, & ad amicos Genevenses scribam. Si ego isthuc degerem, filium meum, charissimum mihi caput, tuæ fidei concederem, ut tu tuum meæ. Proximis literis plura ea de re, velit modo ὁ ὑπεράρρητος Θεός. Vale, optime & doctissime Hœscheli, & tuum Casaubonum constanter ama. a. d. III. Eid. Jun. CIO IO XCIX.

EPISTOLA CLXXXVIII.

JOANNI MEURSIO.

1599. **G**Ratissimæ mihi, eruditissime Meursi, literæ tuæ fuerunt. Postquam venere primùm in meas manus lucubrationes tuæ, nunquam ex eo destiti & amare te, & favere nascenti famæ tuæ. Multos habes, scio, qui tibi cupiant, & spei tuæ omnia fausta ac læta à Deo Opt. Max. precentur. Sed, mihi crede, eorum qui te plurimum diligunt, & tuos in literis conatus magni faciunt, nemini nos concedere. Vellem paullo citius epistola tua mihi fuisset reddita. Inscruißem libenter in locum suum tuam illam notam, cujus me admonuisti. Non enim dubium mihi est,

veram esse tuam de Athenæi loco sententiam: etsi fateor ingenuè, priusquam essem à te admonitus, ejus mihi in mentem non venisse. Si habes similes huic alias observationes, feceris mihi rem gratissimam, si eas mecum communicaveris. Sed maturato est opus, siquidem aliquid missurus es. Jam enim nostrarum aliqua pars edita est; sed quia grandiusculum est opus nostrum, non potest ante vernas nundinas Francofordientes finis illi imponi. Itaque licebit tibi, si voles, recribere. Quæ suis locis non adnotavero, tua meaque in Diatribam unam conjiciam. Vale, mi Meursi, & parentem tuum † à me saluta. Lugduni Convenarum, a. d. VI. Kalend. Aug. CIO IO XCIX.

† Joh.
Meursium,
Pastorem
Lugdunensem
Colomel.

EPISTOLA CLXXXIX.

JOSEPHO SCALIGERO.

QUas ad me pridie Nonas Majas † 1599. dedisti, præstantissime Scaliger, ante paucos dies accepi. Tibi cum illas scriberes, nondum, ut video, fuerant redditæ, quas scripsi ad te, simul ac in hanc urbem appuli. Nunc cum te illas existimem accepisse, de meis rebus plura narrare supersedebam. Scripsi enim postquam huc veni, non semel aut iterum, sed sæpius, teque de omnibus feci certior. Ac consilium quidem approbent ei κρείττορες. Cæterum de itinere Parisienti jacta alea est. Sed nos adhuc detinet hic suscepta & inchoata Animadversionum in Athenæum editio. Ejus consilii autor mihi Vicquius, qui singulari amore nos complexus, id sedulo agit, ut otium tandem & præsidia ad vitam necessaria Regis munificentia nobis præstet. Lutetiæ fore nobis assidue cum iis incommodis luctandum, quæ sapientissimè & γρηγορικῶς ob oculos mihi ponebat novissima tua epistola, etiam ille vir prudentissimus dudum prævidit, meque admonuit. Sed putat idem satis futurum mihi ab omnibus periculis cautum; si impetrari à Rege potuerit, ut liber à docendi munere, eo stipendio fruatur, cujus nuper cum in aula essem, spes mihi facta. Nam de quæstorum fastidio, quamdiu ipsi nostra futura sunt curæ, non est fortasse cur multum sim sollicitus. Magis me illa Padagogorum μαροληκία terreat Parisientia. Nam si quod est omnino genus hominum, à quibus plurimum mores nostri dissideant, illud profectò est. Scis porro, neque amicitie ullum esse glutinum validius, quàm morum similitudinem: neque item ullum odiorum incentivum aut stimulum

N

acrio-

1599. acriorem, studiorum & morum dissimilitudine. Possẽm tibi narrare lepidam historiam, quæ Lutetiæ accidit, cùm ibi essem; ex qua intelligeres, quo supercilio isti *δοκίμοι* me exceperint. Sed esto id alterius epistolæ argumentum. Ridere enim nunc non vacat: etsi non possum abstinere, cùm venit in mentem, quã vultus tristitiã Pædagogorum Apollo * jussit, me si se vellem videre, ad se accedere. Cùm imperio paruissem, & ad fores accessissem; ecce aliud *ἐπιτάγµα*, ascenderem in Manlii hujus Museum; quod semper meminero, regulis fuisse proximum. Veni igitur, & vidi tandem quem hodie plurimũ miratur Parisiensis juvenus. Quid ego tibi nunc commemorem sermones, se & sua solũ mirantis, aliena autẽ omnia fastidientis? Monstrata est nobis incredibilis librorum edendorum copia; quibus omne scibile contineretur. Alii foruli commentarios in libros juris civilis continebant: alii Romanæ *ἀρχαιολογίας* locos communes sic elaboratos, ut nihil pote melius: alii interpretationem præcipuorum Aristotelis librorum. Sed omnium capacissimi fuere, qui capiebant Magistri hujus dictata in optimos quosque Scriptores Latinæ Græcæque linguæ: quæ ille agebat, annorum viginti spatio confecisse, & de superiore loco suis dictasse. Nam Pythagoræ carmen, & Martialem, quæ duo sola, opinor, sunt adhuc ab eo publicata, aliud agenti sibi juveni excidisse: neque se illa pro suis jam agnoscere. Toto genere *ἀφ᾽ ἑαυτοῦ* quæ lateant in scriniis, tunc demum publicanda, cùm omnes Docti suos errores publicaverint. Hanc enim iste curvorum corrector gloriæ suæ segetem habet. Affirmo tibi, nullam ab eo *ἀκροάσαν* prius finiri, quàm aliquoties vapulaverint Scalliger, Lipsius, & [quod ego in præcipua gloriæ parte pono] Casaubonus †. Delata sunt ad me dictata quædam illius: inveni toties erroris argutum Suetonii novum interpretem, ut non mediocriter gloriari soleam, nos quoque cirratorum esse dictata. Hæc sunt ingenia Pædagogorum Parisiensium, à quibus jure scribis, mihi esse cavendum. Postquam erit opus nostrum editum, quid nobis futurum sit viderimus. Utemur autem tuo consilio: quod non minus prudens esse, quàm tua scripta sunt erudita, sæpius sumus experti. Amorem verò tuum in nos summum esse, dubitare non possumus. Hunc tu mihi, obsecro te, serva constanter. Ego tuam *βαθύνει* & omnium virtutum *πανοπλίαν* religiosè colam semper, dum spiritus hos reget artus. Vale. *Lug-*

* Theodorici Marci
cibus,
Professor
Eloquentiæ
Regius.

† Vide
Epistolæ
Françoises
à Mr. de
la Scala.
pag. 102.

duni Convenarum, a. d. vi. Kalend. 1599. Augusti, CIO IO XCIX.

Manilium tuum edi, fama ad nos pertulit: audio etiam, Orationes tui patris à te editas nuper. Lugdunenses mercatores negabant vidisse adhuc. Utinam posses efficere, ut omnia sermonis illius, qui te sibi simillimum *ἴφους*, opera in unum collecta ederentur. Nactus sum in Gallia Narbonensi consultationem quandam illius super parvulo, qui dicebatur septimestris, edito à Maloscata, nobile scæmina: si non vidisti repertam in illius bibliotheca, curabo describendam, ut ne solus his laudibus fruatur. Vicquius, tui nominis studiosissimus, te salutat amantissimè; scripturus ad te, si licuisset.

EPISTOLA CXC.

GUITARDO RATEO.

Amplissime Præsul, diuturni silentii 1599. & cessationis ab officio scribendi, quæto, veniam serio petenti. Causam non prætexam, ut fieri amat in talibus, otii inopiam, argumenti penuriam, & id genus. Quare, etsi verè possem *περὶ παρ᾽ ἑαυτοῦ*, malo tamen culpam semel agnoscere & deprecari. Tu verò de me quidvis tibi persuade: modò ne obrepisse animo nostro oblivionem aliquam putes tui adversum me meosque amoris: *μὴ τῆτι φίλον διὰ παρ᾽ ἑαυτοῦ*. Viveret vigeatque in animo nostro jucundissima tui & virtutum tuarum recordatio, dum terras coleamus. Perge modò, Præsul clarissime, nos amare; non quia admodum mereamur, sed quia convenit constantiæ & commodissimis moribus: quos si quis qui novit & non amat, is mihi sacer est atque intestabilis. Cæterum qui has tibi redditurus est, unicè mihi commendatus à Bandio, ut tibi porro à me commendaretur. En illum tibi trado in clientelam: simul oro te, gratiã tuã dignum putes, quem eruditus adeò vir tam sollicitè commendat. Vale, Præsul amplissime. *Lugduni Convenarum*, a. d. vi. Eid. Septemb. CIO IO XCIX.

EPISTOLA CXCI.

JACOBO LECTIO.

EX literis uxoris intellexi, Lecti sapientissime, magnum prioribus tuis in nos meritis cumulum superioribus diebus esse additum à te, cùm nuper illius negotia confecisti. Quantum video, plus illa tibi debet quàm mihi, qui dudum renuntiavi omnibus id genus

1599. nus curis. At tu, qui illas tuâ curâ es dignatus, quantum me tibi devinxisti? Parum fuit tibi, quod me ac meos veteribus beneficiis plurimis tibi obstrictos pridem teneres, nisi hunc illis colophonem imponeres. Ago tibi, Vir amicissime, quantas possum maximas gratias, teque etiam atque etiam oro, persuadeas tibi nil me optare magis, nihil à Deo Opt. Max. ἐκπνεύσας expectere, quàm ut det mihi συγγράσκειν rectum, ô amicorum amicissime, & urbi vestræ ἐγγράσκειν, non inutilem Reipublicæ literariæ, cui me genius meus consecravît. En unquam erit ille dies, cum ego isthuc redibo, nunquam postea emigraturus? Sed rerum nostrarum statum nôsti. Adhuc velim nolim tam optato bono carendum mihi est: adhuc obfirmandus animus est, & perferendum tui desiderium: quo equidem in dies crucior magis ac magis. Amici nostram moram increpantes, Luteriam nos conviciis vocant. Libri, quem nôsti, instituta editio sic procedit lentè, ut ex dolore ejus rei cani quotidie mihi nascantur in capite. Et reverà, mi Lecti, senescimus, cum interea uxori charissimæ & suavissimis liberis prospicere nondum inceperimus. Sed faciemus posthac, volente Numine: jam enim seriò illa cura animum est meum. Verùm ô ὑπεράσπας καὶ ὑπεράρρητος θεὸς ἄψεται, quem oro supplex, te servet cum omnibus tuis, & beneficiis cumulet. Vale, & me ama. *Lugduni Convenarum, a. d. xv. Kalend. Octob. c10* 10 XCIX.

EPISTOLA CXCI.

DAVIDI HOESCHELIO.

1599. **A**ccepi, quod misisti munus ἔπινος καὶ ἀνέλιον, clarissime Hoescheli. Obluli etiam magno Vicquio quod miseris exemplar. Agimus tibi grates gratissimas: relaturi animo lubentissimo, si quæ se offerat commoditas. Dudum est, cum egit mecum Vicquius, viderem, si quid esset in bibliopoliis Lugdunensibus, quod Musarum patrono Velfero, tibi que gratum futurum putarem. Velle se benevolentiam suam erga vos ambos testificari vobis. Nihil adhuc reperi oculis vestris dignum. Jacent enim hic literæ: si quid desideraveritis, quod hic reperiri queat, facite ut sciamus. Atque hoc, ut Velfero significes, velim. De editione instituta pridem operis nostri scripsi nuper ad te, & nunc quoque ad Velferum satis multa. Adhuc paucorum mensium mora mihi operisque nostris concedenda. De

Photio, spero Paulum Stephanum, 1599. quod toties est pollicitus, jam præstitisse. Illyricorum versionem nullo negotio poteris addere, Vir doctissime: sed alia videlicet moliris majora, quibus absolvendis longos tibi annos & felicissimam vitam à Deo Opt. Max. quotidie precor. Vale, optime Hoescheli. *Lugduni, a. d. vi. Nonas Octob. c10* 10 XCIX.

EPISTOLA CXCI.

FRIDERICO LINDENBROGIO.

Cum ante mensem, opinor, tuæ mihi sunt redditæ, in quibus tuum nomen non erat adscriptum, venit quidem mihi in mentem non semel, esse alias à te profectas: quia tamen subvehebar, ne vanus conjector essem, à scribendo supersedi. Nunc cum auctorem te illarum profitearis eo schedio, quod modò traditum est, nolui committere, ut officium meum in scribendo diutius desiderares. Scito autem, postquam semel relictâ Genève pedem in Gallia posui, ne γὰρ quidem literarum à te ad nos pervenisse. Quas dedisse ais Servino, nullus vidi, & miror quid illis factum. Librum etiam illum, cujus facis mentionem, neque recepi, neque in ullo Lugdunensi bibliopolio invenire potui. Cupio tamen mirum in modum videre, ut qui omnia tua plurimi faciam. Igitur nisi grave est, sitim hanc meam quàm primum sedita. Nos in editione Animadversionum in Athenæum toti nunc sumus: est enim & longum & molestum opus. Sudavimus in eo plus satis. Fidem, credo, & diligentiam, καὶ φιλομάθειαν nostram omnibus bonis & æquis viris probabimus. Vulgus istud imperitum quid sit judicaturum, & φρενὴς ἰπποκλείδης. Habemus alia, prope dixeram, χαρμακοσιχίρια per hos annos nobis instituta aut consummata. Sed de iis, absoluto quod nunc in manibus est opere, viderimus: imò potius ille ἄψεται, qui λέγει πάντα κυβερνᾷ. Historiæ Romanæ scriptores οἱ μὲν τὰ Τράγκων in manibus nostris hærent adhuc. Si tu, aut alius tibi similis anteverterit, habebo gratiam. Tu quid moliaris, fac me ut sciam. Vale. *Lugduni, a. d. xvi. Kalend. Novembr. c10* 10 XCIX.

EPISTOLA CXCV.

DAVIDI HOESCHELIO.

1599. **Q**Uàm gratum mihi fuit, munus à te missum accipere, clarissime Hoescheli; tam fuit molestum intelligere, quæ scribis de Photio. Itane affinis meus nullis meis precibus potuit exorari, ut sine ambagibus librum illum tibi utendum concederet? Non hoc ille mihi promiserat, cum eo nomine jure meo cederem in multis, quando foceri familiam ante paucos mentes hæredes herciscerent. Quia focer intestatus obiit, quadrans omnium τῶν ἐκ μεγάλης πότι περιουσίας ἐν ὑποδικήνῃ, ad uxorem pertinuit. Ego veneratione domus Stephanicæ motus, renitentibus omni ope atque operâ cohæredibus, effeci, ut omnes manu exaratos codices Paulus Stephanus præciperet. Gaudebam, in ea domo, quæ literis aliquando tantum profuisset, remanere instrumenta bene merendi de iis, qui publicam Reipublicæ literariæ utilitatem procurarent. Sperabam, nihil in ea re difficultatis futurum, si aut ego, aut alius, qui uteretur me interprete, libro aliquo vellemus uti ex iis, quos ipse illi conservasset. Nominatim de Photio tibi mittendo millies inter nos convenit. Hæcine data fides? Sanctè juro tibi, iniquissimo animo hoc me ferre. Die crastinâ, favente Deo, per literas cum ipso expostulabo, & faxo sentiat gravissimè commotum. Mea certè culpa hæc nulla est: qui nihil non feci, ut voluntati tuæ fieret satis. Redeo ad eximium illud tuum munus, cujus nomine ago tibi gratias, quantas possum, maximas. Sed quid ego tibi pro assiduis donis rependam? quod ἀντίδωρον? Nostri bibliopole hic præter rituales libros nihil. Pindari nuper editi exemplaria duo habeo: alterum tibi, alterum Velfero τῷ πάντῳ destinatum est. Sed in iis nihil quicquam invenies, cur vadimonium deferas. Profectò si fuisset aliud ad manus, quod mitterem, istud non misissem. Opus nostrum Dei beneficio non segniter perficitur. En erit ille dies, cum ab isto improbissimo labore conquiescam? Mihi crede, optime Hoescheli, tædet jam nos laborum. Quæ de Lexici editione nuper scripsisti, grata mihi. Persuassus sum, nihil unquam à te profecturum, quod Reipublicæ literariæ utile non sit futurum, & tibi honestum. Vale, Vir eruditissime, & si me amas, magno Velfero meis verbis salutem dices quàm amantissimè. Vicquius meus abest nunc domo, à Rege jussus

cum Legatis Sabaudi de pendente apud 1599. Pontificem Maximum lite Salutiana tractare. Ejus nomine ago tibi gratias, & studium ipsius tibi ac nobilissimo Velfero bonâ fide offero, si quid est, quod vestrâ amborum causâ possit. Nisi spes esset de imponendo brevi colophone Animadversionibus nostris, facerem, quod visus es nuper mihi author esse, ut facerem: ac libri mei quod jam editum est, Velfero mitterem. Sed nihil est causæ, cur sitis ἐπιπύτοι. Iterum vale. *Lugduni, pridie Kalend. Novemb. CIO IO XCIX.*

EPISTOLA CXCV.

THEODORO CANTERO.

QUî has tibi reddet, Vir clarissime, 1599. amicus meus est, Saraceni Ἰωάννης καρίτης filius, qui ante biennium Dioscoridem recensuit, & versum à se edit. Magna mihi pridem cum ea domo amicitia intercedit. Itaque euntem huc ad vos ἐκ τῶν ἀκινήτων & literis meis, & mandatis oneravi. Is tibi, si putaveris esse tanti, omnem statum nostrum, omnia consilia palam aperiet. Nam quod scribis de nuncupatione operis nostri, quod nunc editur, habet id σκῆμμα nonnullas difficultates, itaque tuo hac in re mihi consilio opus. Sed prius illum audias velim. Magno Vicquio quantum debeam, verbis satis explicare non possum. Uno verbo, nullum humanitatis aut comitatis genus prætermisit, quin erga nos uteretur. Libri porro argumentum, ut scis, ingratum, opinor, τοῖς ἀρχαίοις. Polybius fortassè magis ad gustum faceret. At opus non est confectum, inquires, & rectè quidem, quanquam multum sanè promovimus. Sed ne quid dissimulem, aliquot mensium & fortassè plusculam moram ea opera desiderat. Hic igitur διασκευώμεθα ἐνδεὲς καὶ ἐν inopiâ consilii hæreo. Maneo tamen in sententia, si per vos licet, ut insignem hæc benevolentiam aliquo testimonio prosequar. Reliqua Saracenus meus εἰς τὸν σκοπόν. Voluntati tuæ mos gestus à nobis est. Scripsimus ad fortissimum Heroëm, D. Harlæum, τῷ πρώτῳ τῷ πρώτῳ literas ἐνχαριστίας, pro singulari ipsius erga nos benevolentia, cui tui mihi testis. Spero gravissimum virum factum meum non esse secius interpretaturum. Scripsi etiam ad amplissimum & doctissimum D. Thuanum. De Manilio summi viri. (Scaligerum dico.) nihil dum accepi, neque scio, sit is liber editus, an non. Si quid certi habes, fac me, quæso te, ut sciam, simul

1599. mōl de Iemonis illius statu quicquid fuerit tibi compertum. Nobis nunc non vacabat, ut literas ad eum exararemus. Et jam Dei beneficio vergit opus inamabile & inamœnum ad finem amœnissimum, *ὄντα τῇ θεῷ*, quem oro supplex, ut te fervet, & bonis omnibus cumulet. Vale, Vir clarissime, & me ama. *Lugduni Convenarum, prid. Non. Decemb. CIO IO XCIX.*

EPISTOLA CXCVI.

JACOBO AUGUSTO
THUANO.

1599. **A** Moris tui erga nos constantiam, Præses amplissime, ex omnibus clarissimi Gillotti epistolis intellexi hætenus: *ἐξ ἧς αὖτε* ex epistola ejusdem novissima. Scribebat enim ille, optare te nostrum isthuc adventum, & non votis solum, sed & consilio & re velle nos adjuvare. Ago igitur tibi, pro eo ac debeo, grates gratissimas: teque etiam atque etiam oro, pro tua singulari prudentia statuas, quid nobis in hac re opus sit factō. Quid nos hic tot jam menses tenuerit, probè nosti: jam Dei beneficio ad colophonem inchoata editio vergit. Liberalitas & benignitas, summusque in nos amor magni Vicquii hæc nobis otia fecit. Visum itaque nobis probè factum, si opus, illius beneficio luce donatum, illius merita in nos palam prædicaret, & gratum animum nostrum apud omnes testaretur. Alio nos literæ non unæ *ἡ μυσικηπέτη* Gilotti vocant. Hæreo igitur animi anxius & consilii incertus, si potes, Vir sapientissime, æstum meum expedi. Nostrum judicium semper fuit, nihil æquè fugiendum, nec sollicitius cavendum, quam ne aut ingrati, aut inconstantis animi maculam conciperemus. Plura super hoc, si pateris, amicus hic meus tibi narrabit. Filius est *ἡ μακαρίτης* Saraceni, cujus Dioscoridem recens editum, & adhuc musteum, tuo beneficio primum vidi, & in Prætorio tuo avidissime, si memoriâ tenes, *ἐκ πῶτος ἐν κεφαλῇ* percurri. It per vestigia optimi & doctissimi parentis filius ejus eruditissimus, quem si in eorum numerum receperis, à quibus coli & observari tibi gratum est, magno & me, & illum beneficio obstrinxeris. Vale, Vir amplissime. *Lugduni, Nonis Decemb. CIO IO XCIX.*

EPISTOLA CXCVII.

DAVIDI HOESCHELIO.

Fecisti mihi rem gratissimam, Vir 1599. optime & eruditissime, quod Nunnèsiana illa mecum communicasti. Pridem nota erat mihi illius viri eruditio: neque dubito, profuturam Reipublicæ literariæ hanc illius operam. Quare hortor te, atque adeò oro & obsecro, des sedulò operam, ne debeas publico diutius hunc ejus commentarium. Utinam bonâ aliquâ fortunâ in tuas, aut magni Velferi manus illos decem Pauli Leopardi libros Emendationum conjiceret, quos scimus ab eo fuisse conscriptos. Eruditionem viri illius, & rectum judicium in literis nosti. Si quid est in nobis judicii, intererat omnium *τῶν φιλομαθῶν*, ne exstingueretur, aut tenebris damnetur quicquam ab eo ingenio profectum. Quod scribis de notis tuis in Thucydidem, non memini quicquam tuâ manu scriptum invenire, cùm Stephanicæ bibliothecæ reliquias non pœnitendas nuper recognoscerem. Sed fieri potest, ut id exemplar aut manus, aut oculos nostros fugerit. Spero Paulum Stephanum, ubi primum erit occasio, sub incudem magnum illum scriptorem esse revocaturum, & tuo beneficio usurum: me certè habebit hortatorem assiduam. De itinere Parisiensi dicam tibi *πῶτος τὸ ἀλλοθῆναι*. Sic est profectò, ut ais, & vota multorum Procerum eò nos vocant, & voluntas Principis nostri est, ut illuc cogitemus. Ipse disertissimis verbis hoc nobis dixit anno, cùm essemus in aula. Et cùm inde penè furtim nos subduxissemus, mox regio diplomate jussi sumus Arecomicis Volcis *δοποπὲ τρεῖς αἶ*, & Lutetiam iter instituere. Quod hic tamdiu hæserimus, in causa fuit, ingens desiderium publicandi nostras in Athenarum Animadversiones. Ducebamur enim magnâ spe, posse id brevi tempore quàm commodissime fieri, annitente præsertim viro maximo, & nostri amantissimo Vicquio. In hoc luto adhuc hæremus, unde si dederit Deus Opr. Max. pedem unquam efferre, quid postea simus super eo negotio statuturi, *ἢ οὐδὲ οἶδον*, ipsi nescimus. Nam etsi honestissima conditio est, non pauca tamen nos ab eo incepto avertunt: utique si volente Rege pedem liceat referre: quod negant fieri posse, qui ad nos Lutetiâ & ex aulâ quotidie scribunt. Scito autem, ita amari nos ab optimo & præstantissimo Vicquio, ut omnium nostrorum consiliorum is unus

1599. jure merito prora sit & puppis. Quicquid futurum est, faciam te, ut scias. Josephi Scaligeri verba, quæ epistolæ tuæ inferueras, non sine rubore legi. Sed Deus meliora, quam ut *ἀπαρ* hic summi viri in nos amor nos corrumpat. Nobis studia & vigiliæ nostræ non aliam jucundiorē attulerunt hætenus fructum ullum, quam ut nos & nostra nossemus. Fatemur quidem fuisse illud aliquando tempus, cum de nobis fortasse poterat dici, quod de Olori filio scriptor Thurius: sed conatus nostros non fortuna destituit, verum arcana quædam supremi Numinis providentia tardavit, ac prope fregit. Quoties nobis per civilia nostra bella omnis facultas erepta est studia promovendi? Quoties de nobis deseperavit optimus parens, cui uni debemus, quantulumque est in nobis eruditionis? Mitto alia incommoda, quæ experti sumus prope *ῥαυματισμοῖς*. Sed de nobis nimis multa; & hæc ipsa melius fuerat tacuisse. Nam infelicitas studiorum nostris lucubrationibus fatis tibi cognita: si non corrupto amore judicio illa legeris. Amplissimo Veltero, si grave non est, plurimam à nobis salutem. Volebamus & ad illum literas dare, sed otium deerat. Opus nostrum ad colophonem vergit. Itaque *εὐχαριστέον* mihi para. Photium tuum avidissime expecto. Non dubito, potuisse nostras Animadversiones aliquot sfoeculis orationes in lucem prodire, si nobis ejus libri pellegendi copia fuisset. Si operam uti vis, jure tuo impera. Sum enim tuus planè *ἐξ ἀνδρῶν μὲν & σοφῶν*. *Lugduni, a. d. v. Eid. Decemb. c. d. 15 xcix.*

Amplissimus Vicquius & te, & Velscrum *πρὸς πᾶσι* officiosissime salutat.

EPISTOLA CXCVIII.

DOMINICO DE VICQUE,
MERCII F. Abbati Beccensi.

1599. Silentium meum quomodo interpretaris, Abbas honoratissime, nescio. Me certè suppudeat tam seræ scriptio- nis: nisi conscius ipse mihi sim multarum & gravium occupationum, quæ me hætenus scripturientem impedi- runt. Absque iis fuisset, frequentes meas habuisses: nam & tuas elicere cupio: & te, maximæ spei Adole- scentem, non possum, qui meus est in te amor, non hortari ad concupiscenda ac- riore in dies impetu literarum stu- dia. Age igitur, mi Dominice, quam excitasti de te expectationem, ne desitue, sed supera potius & vince. Id verò nisi ipse tibi desis, difficile tibi

non est futurum. Primum te Deus Opt. 1599. Max. ingenii necessariis dotibus benignâ manu instruxit: patrem deinde habes, cui nihil antiquius, quam ut omnibus te virtutibus ornatum videat. Taceo Præceptoris tui diligentiam. Silco etiam doctissimi Ribesti exemplum, jam tibi domesticum. Cum igitur talia & tanta irritamenta ad studia habeas, noli per Deum immortalem committere, ut tu tibi solus defuisse possis videri. Vale, & nisi tu non vis, brevi literas, tui in literis profectus indices, mitte. Uxor te amantissime salutat, teque unâ me- cum orat, ut illustri & lectissimæ ma- tronæ, Dominæ matri tuæ, nostris ver- bis plurimam salutem nunties. *Lute- tiæ Parisiorum, a. d. xiv. Kalend. Januar. c. d. 15 c.*

EPISTOLA CXCIX.

JACOBO LECTIO.

UT spectare diu, ita gratæ admo- 1599. dum, Lecti clarissime, tuæ literæ mihi fuerunt. Quantum ex tuis intelli- go, & ex publico rumore, benignior tandem vos fortuna respexit. Jamenim, ut videtur, urbi vestræ securitas par- ta, & meliorum spes ostensa in posterum non incerta. Gratulor igitur vobis, Deoque Opt. Max. gratias ago, quan- tas possum maximas. Catarinam * de- ** vide Rad. Be- terii Com- mentar. lib. vii. pag. 603. & seq.* ditione captam constans hic fama: ean- dem mox diruendam affirmant pleri- que omnes. Quare unum jam superest, ut ære alieno, quod publicè contraxi- stis, liberati, pacis artes in vestram ci- vitatem revocetis. Quod non dubito, Senatū amplissimū pro sua pruden- tia maturè esse facturum. Itaque *παλιγγενεσία* quandam veteris meæ patriæ vi- dere mihi videor: atque ex ea re in- credibile quoddam *συν ἐπ' ἐμῶ* capio gaudium. Iterum iterumque supremum Numen veneror supplex, ut hæc bona firma vobis præstet. Vale, amplissime Vir, & meis uxorisque verbis, uxorem tuam, quæso, salvere jube. *Lutetiæ Parisiorum, a. d. xiv. Kalend. Januar. c. d. 15 c.*

EPISTOLA CC.

FRIDERICO LINDEN-
BROGIO.

DE Balsamonis loco & Rufini ingen- 1599. tes habeo gratias. Scient posterī, per quos profecerimus, sanè quidem si nugarum nostrarum *τὰς ἐσομένας* aliqua manet cura. Perge verò, eruditissime Vir, studia nostra adjuvare. Ego si quid

dabit Deus alterius editionis facultatem, 1599.
 multa quæ prætermisimus, adjiciuntur:
 multa fortasse, in quibus erravimus,
 corriguntur: utique si tu, Vir doctissi-
 me, juvare & emendare nostra quàm
 commendare malueris. De Photii loco
 ita censeo. Evagrium fuisse domo Epi-
 phanensem, nullus dubito. Urbs fuit
 Syriæ Coelæ, Εἰφανία nomine, cujus
 multa apud Geographos & Historicos
 mentio. Hujus ἰθὺκὲν est Εἰφανεύς, ut
 scimus cum ex analogia, tum ex Ste-
 phano. Rectè igitur in editione Eura-
 grii scriptum, Εἰφανεύς, rectèque In-
 terpretes, *Eriphanensis*. Hoc ipsum
 indicare voluit Photius, cum scriberet:
 Πόλις δὲ Εἰφανεύς τῆς κατὰ τὴν Κεϊλὴν Συ-
 ρίας. Πόλις Εἰφανίης est Epiphania, si-
 ve Epiphanea. Sic ἡ μεγάλη πόλις τῆς
 Ἀραβίας, pro Megalopolis; ἡ τῆς Ἀντιό-
 χιης est Antiochia; sic de aliis. Non ta-
 men displiceat, si quis putet legendum
 esse: π. δὲ Εἰφανείας. Habes super hoc
 sententiam meam. Tu vicissim de Sido-
 nii loco nuper à clarissimo Lipsio * emen-
 dato ad Paneg. Plin. p. 10. quid sentias
 scribe. Nam mihi videretur, insigniter
 vir doctissimus esse hallucinatus. Verba
 Sidonii: *Ulpio incomparabili Principi
 incomparabilem panegyricum scripsit*. Placet
 illi: *incomp. paneg.* Non capiebat acumen
 cæti. Vult Sidonius, Trajanum nulli
 principum esse comparabilem; sed illi
 non potest comparari posse Plinii librum; hoc
 patet, ut inter omnes sui ordinis excellit
 Trajanus; ita inter omnes Panegyricos,
 Plinianus. Nosti argutias Sidonii: est
 quando frigentis. Expectabo tamen
 veredictum tuum. De iis quæ nunc in
 manibus habemus, proximâ epistolâ τὸν
 ἀντιόχου. Varia enim molimur: necdum
 quid edituri primùm simus, constitu-
 tum habemus. Puto tamen agrè diu-
 sis nos repressuros τὰς μετὰ Suetonium,
 pridem à nobis recensiti publicari
 et nos gestiunt. Quamobrem, mi
 Escheli, si quid in eos infelicissimos
 ætenuis scriptores habes, brevi com-
 nicâ. Ναὶ ἀγέλωτ' αὖ καὶ δέμας, ὦ Φιλί-
 ππε. Vale, & me constanter ama. *Lu-
 ciæ Parisiorum, a. d. XII. Kalend.*
Mar. CIO IO G.

* Pag. 300. 10th
 IV. Ober.
 ed. 1637.

DAVIDI HOESCHELIO.

1599. **T**ardius responsum ad gratissimam
epistolam tuam, occupationibus vel-
lim meis impures: quæ ita frequentes
sunt, ut videatur nobilissima urbs co-
nomine futura nobis aliquando odio.
Omnia nos quidem tentamus, ut nos
nobis asseramus & studiis dedamus; sed
vincunt *τῶν ἡμετέραν ἀνδρῶν* amicorum
officia, & Procerum *δείκνυσι*: quas neces-
sitate mixtas olim apud Platonem lege-
ram, nunc autem usu experior. Itaque
omnia jam nobis hic minus grata esse
incipiunt. Nam absque libellulis no-
stris *πᾶσι ἡμῶν ἀδελφοῖς βίβλιν*. Hinc adeo
factum, ut mensem ipsum post acceptas
tuas elabi sinerem, priusquam ad respon-
dendum me accingerem: quod ne aliam
in partem accipias, peto à te etiam atque
etiam. Laudes quibus opus nostrum
aspergis, catenus admitto, ut amorem
tuum in nos & candidum animum in
ea tuarum parte deosculer. Non enim
ita nos ignoramus, ut quo te *ἐν τῇ αἰσῇ*
adfectus provexerit, non agnoscamus.
Est tamen (ne quid dissimulem) gratif-
simum mihi, quod tuo & magni Velseri
iudicio fretus, operam non malè à me
esse positam, persuasum jam habeo. Si

MARCO VELSER.

Itane, Vir nobilissime, miniatarum et cerarum nihil à te expectandum? Hæc quidem planè est; quod ajunt, *et dicitur ex quo dicitur prius.* Quoniam igitur ut per te proficiam; hæc ratione non impetro; aliam ecce aggredior viam. Inset cætera, quæ habeo nunc præ manibus,

1599. bus, Observationes sunt nostræ in Spartianum, & ejus socios scriptores. Quàm malè hætenus cum illis sit actum, stultus sim, si pluribus tibi exponere institutam. Tentavimus nos, bene de illis, bene de Historiæ Romanæ studiosis mereri: sed libris, mi Vellere, deficiamus. Nam præter regium unicum non pessimæ notæ exemplar, ullum MS. eorum auctorum vidimus nunquam. Atqui librorum ope nobis opus, si feliciter & bono publico susceptam provinciam administrare volumus. Itaque peto à te, Musarum magne patrone, si quid ejus generis habeas in tua aut amicorum potestate, id mecum velis communicare. De tuo negotio sæpe cum Thuano, viro amplissimo; & tui studiosissimo, sumus collocuti. Sed propter Regis absentiam, & aulæ totius, nihil poterat ne tentari quidem à nobis. Posteaquam Rex, καὶ οἱ πρὸς αὐτὸν fuerint reverſi, agam cum illustrissimo Cancellario, & quid spei sit reliquum explorabo: qui illius est in me amor, non dubito, datum iri aliquod ab ipso consilium, quod è re sit futurum. Erat autem, cum hæc scriberem, constans fama, Regem post dies quindecim urbem cum Regina esse ingressurum. Vale, nobilissime Vir. *Lutetia Parisiorum, a. d. xi. Kalend. Januar. CIO IO C.*

EPISTOLA CCIII.

DANIELI HEINSIO.

1599. **L**audes illas immodicas, quibus me oneras, Daniel eruditissime, post hæc si mihi tuas vis esse omni ex parte gratas, velim omittas. Duo nobis literarum studia capeſſentibus contigerunt, quæ vel maximo ingenio virum, nedum me, tardare poterant: ut & ἀσκηματίας ἐσθμὸς, & ἀντιδιδακταί. Seis vetus esse dictum vatis præcipui: τῷ δ' ἐπὶ πρὸν μὲν ἰδὼναι πατήρ, ἔπειτα δ' ἀνένυσαν: hoc nos experimur in nobis esse verissimum: nam cupiditatem quidem discendi, & bene de literis merendi animo nostro inſevit Naturæ Parens: at facultatem proficiendi, & quæ mente agitabamus perficiendi, non dedit. Sanè cum eâ ætate eſſem, quâ te nunc esse ex magni Scaligeri literis conjicio, bonorum authorum nomina, paucis admodum exceptis, ne fando quidem audiveram unquam. Quod & libentius commemoro, ut ἐμμερίαις τὸ πρὸς σὺν & fati tui clementiam agnoscas. Fruere, eruditissime Adolescens, tanto bono: & studia tua sic compara, ut olim cum maturior ætas advenerit, inter literarum lu-

mina merito tuo censearis. Hanc spem 1599. ut de te conciperem, divini Scaligeri literæ effecerunt, quibus ille singularem tuam eruditionem mihi dilaudat. Accessit tanti viri commendationi erudita epistola tua, multis nominibus gratissima. Magni enim beneficii loco officium illud duco, quod tu mihi istic præstitisti. Nec tamen minus gratum, quod de Hesychii editione, quam moliris, nuntiasti. Equidem ita semper judicavi, omnium veterum Criticorum, qui hodie extant, eruditissimum illum esse. Perge igitur, per omnes te oro Musas, & tanto munere τὸ καὶ τὸν φιλεμαθῆσαν quàm primùm affice. Scriptum exemplar, quod sciam, nullum hic extat: si fuerit inventum, experieris studiosum me tui & tuorum studiorum. De tuis poematis nescio quid ad me Scaliger: si me amas, fac ut illa videam: non enim usquam hic, opinor, extant. Vale. *Lutetia Parisiorum, prid. Kalend. Januar. CIO IO C.*

Meursius quid agat, scire cupio: amo enim illum vehementer, & eruditioni ipsius, ut si quisquam alius, faveo.

EPISTOLA CCIV.

JOSEPHO SCALIGERO.

Illustrissime Vir, nisi mihi simplicitas 1599. animi tui perspecta probèque dudum cognita esset, adducerer nunquam, ut quæ in tuis superiore mense datis super nostro opere non sine rubore legi, ea serio à te scripta existimarem. Tunc enim? ut meorum quicquam mireris? culpas duntaxat excipio: quarum nonnullas nobis animadversas, & ipsi sanè miramur. Quod igitur largâ adeò manu rudes conatus nostros laudibus cumulas, sanus cerebri non sim, nisi indulgentiæ & tui in me amoris istud esse agnoscam, non judicii. Cum aliquot horas in eo (ita enim scribis, quod equidem sum vehementer miratus,) percurrendo posueris, tum tu de lucubratiunculis nostris melius judicaveris, suumque illis pretium γνώμη τη δικαιοσύνη & ἀκριβοσύνη melius assignaveris. Ego verò nullus dubito, divinam mentem ingenii tui tam multa in opere illo, quæ jure displiceant, offensuram,

Quàm multa in sylvis autumnii frigare primo

Lapsa cadunt folia.

Itaque censuram tuam cupidissimè expecto, ut si quando alterius editionis facultatem ὁ παρὲς ἡμῶς sit nobis concessurus, te magistro profecisse me publicè possim gloriari: εἰς γὰρ αὐξήσιν παιδείας

1599. δέας καὶ ἀμαθίας ὅλη μὲ ἐκκέχυται ἡ ψυχὴ. Sed nos hoc à te beneficium flagitare ἱταμόπρον gestientes, revocant occupationes tuæ, quas non nescimus haud paullò & graviore & meliores. Eusebium enim recoqui nunc à te, ex tuis ad amplissimum Gillottum cognovimus. Felicem scriptorem, qui tot obscænis vulneribus confectus, τὸ σὲν ἐκίνησε tandem ἔλεσθαι. Tu illi verus eris Æsculapius, tu illum Virbium ὄντως præstabis. Utinam & Græcum exemplar Chronici Eusebiani tibi contigisset nancisci. Habui olim in manibus Græcum χρονολόγησιν, unde multa aliud agens restitueram. Commentarios panepistemonis tui parentis, quantâ jam anxietate animi expectemus, nulla verborum copia satis expresserit. Scribit ille semo, totum fermè Galenum suâ se manu descripsisse: quod equidem sæpe θυμώσεως ἔχον: nec minus tamen, quod scribis tu: post incepti operis profligationem, describendis patris commentariis operam te daturum. Hoc illud est, quod in utroque vestrum μυριμευρίαις ad stuporem me dedit: in divino ingenio supra hominem φιλοπρία. Ego si isthic essem, assiduus precibus te expugnarem, ut in partem pulcherrimi & utilissimi laboris me patereris venire: fero enim animo periniquo tantum temporis gravissimis tuis occupationibus perire. Oro autem te atque obrestor, tanti operis, aut potius thesauri publicationem quâ poteris cunque viâ & ratione procures, promoveas, urgeas. De notis in Novum Fœdus, multum te amo: tua enim diligentia molestissimum mihi scrupulum exemit. Ante multos annos invito & reluctanti, οὐκ ἐπὶ ἐπιμέλειαν ἔσω, Typographus, qui Strabonem erat editurus, hanc opellam nobis extorsit. Quod si ita Deo fuerit visum, observationes nostras in Libros Sacros aliquando sumus edituri. Scripsit ad me Daniel Heinssius tuus: quem eruditissimum adolescentem, & meritò ipsius & ex tuis literis non mediocri amore sum complexus. Nemo jam dubitat, te, cum isthuc venisti, omnes tecum Musas abduxisse, & in Batavis καλοικίσαι. Ut mirum non sit, tantam isthic eruditissimorum juvenum copiam paucis annis exstitisse: quanta hic conspicitur culpa docentium in juventute δοκησιοφία. Quæ mea est in patriam pietas, non possum quin exclamem: ὦ Gallia, maximorum ingeniorum quondam parens fœcundissima, εἰς οἷα ἐξ οἷον! Etiam nuper novum monstrum est editum; Maphilacas quidam gouyobombix, qui veterem jurisprudentiam recenti scripto conspurcavit, præmium maledicentiæ, improbitatis &

illius παναρεμίας vitiorum, quæ ipsum 1599. nobilitavit, hoc est consecutus, ut inter regios Professores ascriberetur. Erunt qui me hortentur ad provinciam eandem suscipiendam? mihi verò vel γαῖα χάνει potius, quàm ut collega talis viri audiam. Constantiæ meæ in vera religione fructum hunc percipio, quod nihil hætenus mihi cum istis negotiis intercessit. ὁ μὲ γένετο, ἔδ' ἔσται. Vale, Scaliger, famæ meritò pars maxima nostræ. *Lutetie Parisiorum, prid. Kalend. Januar. CIO IO C.*

Deum supplex veneror, ut & proximum annum, & multos deinceps alios exigas quàm felicissimus.

EPISTOLA CCV.

JACOBO GILLOTTO.

GRatæ mihi, clarissime Vir, tuæ li- 1599. teræ, & item literæ illæ, quas à magno Scaligero acceptas ad me misisti. Accepi eodem tempore & à Lipsio sanè quàm amanter scriptas. Rescribam & huic, & illi, propitio Numine, cum plusculum otii nactus ero. Raptim enim ista, & ἰδὲ πάρεργον exaravi, cum ὧδ' ἀπεσοδονίαν seie obtulisset, cui tutò possem dare. Scito igitur nihil esse, quod abutum ex his locis meum moretur. Misi expectationem regii diplomatis ad nostros Consules. Interest enim existimationis meæ, ne viros optimè de nobis meritos temerè, aut invitos derelinquam. Ut velint me bona cum gratia dimittere, unica efficiet Regis voluntas ipsis significata. Oro te, Vir amplissime, si quid in ea re futurum est difficultatis, causam nostram suscipe, & hoc quoque prioribus tuis in me meritis adjice. Vale, δόξτissime Gillotte, & τὴν τρισμέγιστον Francorum Achillem * nostram * *Har. leum.* memoriam ponere ne finito. Iterum vale. *Monspeli, a. d. Kalend. Januar. CIO IO C.*

EPISTOLA CCVI.

JOSEPHO SCALIGERO.

VIr illustrissime, hodie tuas novissi- 1600. mas, † & Manilium, quem dono † *vide Scaliger. Epist. 52.* misisti, accepi. Habeo tibi agoque non quas debeo, sed quantas maximas possum, gratias. Etsi sum occupatissimus, paucis tamen horis magnam partem operis καινοποιαιᾶ devoravi. Næ tu jure Virbium vocas. Quanta cum voluptate & πὶ περιεργόμην, & cætera omnia legerim, frustra coner tibi verbis explicare. Nunquam experior acerbius,

1600. bius, quanta sit mea infantia, quam cum de te, aut scriptis tuis loquor. Sed eximie & παντες λογα πειρα exhilaravit me illa pars epistolae tuae, quae admonebas me de commissa transpositione in Quarto Athenæi. Menses sunt amplius septem, cum ea de re iudicium nostrum & voce probavimus amplissimo Vicquio, & scripto exposuimus Diatribarum nostrarum libro IV. cap. xxv. Quibus igitur lætitiis incessere me nunc credis, cum tibi quoque idem videri intelligam. Idem ferè accidit & in Senatus-Consulto Lacedæmoniorum, quod à te emendatum est in notis ad Manilium: nam & nos idem tentavimus libri VII. cap. XI. quo successu, scibo, cum tuas divinationes diligentius contulero cum meis dubitationibus. Bone Deus, quoties ego, dum versor in hoc molestissimo opere, optavi aut tibi μαθητιέναι, aut propius à te abesse: ψεύσομαι ἢ ἔγωγε ἴσως χέλεται δέ μοι θυμός. si nostra φιλοπονία ope divini tui ingenii fuisset sublevata, non desperassem, potuisse à nobis aliquid proficisci dignam, quod vel in arce poneretur. Sed hæc studiorum meorum infelicitas non minoribus aliis incommodis juncta est: de quibus non est hic dicendi locus. Raptim enim hæc scribo: tantum ut scires, non periisse munus tuum, sed post longas moras tandem nobis esse redditum. Cætera, ut spero, brevi pluribus, ex minus remoto loco. Lutetiam enim cogitabam cum hæc scriberem: non ut ibi lares figam, sed potius ut ostensæ anno conditioni semel renuntiem. Nam quod ex literis amicissimi Vicquii non unis cognovi, omnia illi magnifica promissa φραδα εἰχεται: quoniam ii, qui nos amant serio, παρ' ἑδν εἰσι. πῆς δὲ ἑδν μέλει. Itaque de futura sede omnia incertiora quam unquam. Sed Deus, spero, providebit. Vale. *Lugduni, a. d. xvi. Kalend. Mart. c15 15 c.*

EPISTOLA CCVII.

DAVIDI HOESCHELIO.

1600. Quintus decimus, opinor, hic dies est, cum redditus mihi fuit, Vir clarissime, Photius tuus. Cujus rei dum te certiores facere paro, tabellariumque exspecto, qui meas isthuc perferat, ecce literas ex aula, quibus lectis, Lutetiam versus iter sine mora cogor instituere. Itaque rebus relictis, paulò mox dedi me in viam: eaque celeritate usus sum, ut spatio dierum quinque Lugduno Lutetiam pervenerim. Inde has ad te dedi, in summis licet occu-

pationibus. Sed nolui nescire te, quid 1600. agerem, & ubi locorum essem. Inter viaticas sarcinas Photium detuli per otium legendum: quod confide me facturum primo quoque die: mirè enim allicit nos quæ rerum varietas, quæ verborum & orationis φιλόκαλον. pauca adhuc legi: videor tamen posse aliquam symbolam ad illius lucem συνασφίσαι, quod vel tuâ causâ faciam lubentissimè. Sed nos adhuc tenent occupatos Athenaicæ Diatribæ: quarum ultimus liber erat in manibus, cum opus interrumpere sumus coacti. Id vero acriore animo ferimus, quia spem omnem jam antè amiseramus, posse vernis nundinis esse id confectum. Erit, uti spero, eis paucas hebdomadas. Ac statim ad te, & ad clarissimum nobilissimumque Velsorum promissâ dudum, imo debita, mittentur exemplaria. Pithæus, qui Photii Bibliothecam habet penes se, facturum se libri sui copiam promissit, ut cum editione tua conferatur. Quod negotium curabitur à nobis σὺν Θεῷ ἐπ' αὐτῷ non negligenter. Vale, optime Hoescheli, & me apud Velsorum tuum magis magisque in gratiam pone. Iterum vale. *Lutetiae Parisiorum, a. d. vii. Eid. Mart. c15 15 c.*

Quid nobis futurum sit, proximis literis juvante Domino tibi & amplissimo Velsoro significabo. Utrumque vestrum plurimum salvere jubet, optatque fautor studiorum nostrorum, magnus Vicquius.

EPISTOLA CCVIII.

JOSEPHO SCALIGERO.

1600. EN tibi, Vir illustis, rerum humanarum σίλιν καὶ ἀκαταπαύσιον. Nuper enim, cum ad te Lugduno scriberem, de conditione Parisienti omnia deplorata, & extra spem posita nunciabam. Vix eas literas exarare desieram, cum evocatus sum in aulam, iussusque velis remis Lutetiam contendere. Veni igitur, & ut ne longum faciam, iterum magno Regis & omnium Procerum favore sumus excepti. Ac πῶς μάλ' ἔγωγε quidem εἶδεν ὁ Θεός; cæterum cur hujus consilii nos pœniteat, causam adhuc habemus nullam. Crabrones, quos nosti, irritare non est animus: etsi non semel demonstrarit nobis ὁ ὑπεράδελφος Princeps noster voluntatem suam, operâ nostrâ utendi in restauranda hac Schola. Nos contrâ ab eo consilio sumus quàm alienissimi: eâ fine in remotissimam ab ea, quæ fuit olim Academia, urbis partem concessimus. Ut, si fieri possit, inter εἰσὲς illos ne nomen

1600. men quidem nostrum audiatur. Si ex his tenebris in lucem mihi prodeundum erit, tute, magne Scaliger, hanc molestiam mihi creaveris, qui vehementia amoris tui erga me dum honorem *καὶ αἰὲν περὶ πᾶν ἡμῶν* studuisti, onus imposuisti humeris nostris *καὶ ἐν ἀγκυλῶν καὶ ἐν βάσανοις*; imò verò, quone opprimamur, metus est. Nam Rex, etsi ut scis *ὁ βασιλεὺς*, quod olim de Hadriano dictum, illis tuis fidem veri excedentibus elogiis adductus, quæ sunt illi quotidie in ore, nihil mediocre de nostris studiis sibi pollicetur. Jure igitur, nisi descendere in nos nescimus, nobis *ἡμῶν ἐν ὁμιλίᾳ πάντων*. Hæc vel maxima causa est, cur uxore, liberis, ac libris carere adhuc constituerim. Videndum enim, quortum hæc evadent: & quam bene sustinendæ ei personæ, quam tu nobis imposuisti, pares simus futuri. Interea librorum aliquot lectio ne otium nostrum oblectabimus. Manilium tuum hic primum seriò tractavimus. Quæris quid centeam? quod olim de Gregorio Basilus: *ἐν τῷ ἐν ὄρεσι. ὡς δὲ ἰδὲ ἐν ἀστέρι. ὡς δὲ περὶ τῶν ἀπὸ τῶν ὄρεων. μία δὲ κατὰ πάντων φωνή*. Nam, Deus bone! quantus in eo libro, qui mihi quàm *ἀριστός* visus est, abstrusarum & reconditarum rerum thesaurus? Catonem etiam tuum his diebus incredibili cum voluptate & legimus, & legendum aliis dedimus. Etsi mirabilis quædam est *τῶν ἑλληνικῶν ῥωμαϊκῶν* Jamborum suavitas, plus tamen Græcos tuos miratus sum: planè enim, cum illa legerem, obstupui, ut ne verbum quidem possem hincere. Atqui putabam, omnem tuorum scriptorum admirationem in animo meo dudum esse consumptam: quod tamen aliter esse, tum maximè sum expertus: nec minus hesternâ die, cum Orpheum tuum, Latine loquentem, audirem; & alia quædam legerem, quâ Græca, quâ Latina; quæ nisi tu brevi edis, nos faciemus, haud dubiè de posteritate melius meritori, quàm si rudes conatus nostros illi exhibuerimus. Quod si per amicos mutis nobis esse licet, post Diatribas in Athenarum editas, pausam faciemus, & in penitissimum Museum nos abdemus. Ita sum fœlix, ut hæc ferè votorum meorum summa est. Vale, decus nostrum, & nos constanter ama. *Lutetiae Parisiorum, prid. Eid. April.*

C10 10 C.

Audio isthic esse Jausandum, juvenem eruditissimum, & mihi amicissimum, qui Lugdunum bis ad me scripsit, ut *συγγράμματα* à me impetraret ad amicorum meorum principem, te nempe. Si ille tibi aliunde innotuit, fac ut

meam commendationem apud te poneris aliquid habuisse cognoscat. Hoc accesserit cæteris tuis in nos meritis. Si *Ad hæc respondet Scaliger.* certo scissem, illum isthic esse, scripsissem & ad ipsum, facturus *ὅν Θεός, n. 53.* cum rescivero. Iterum vale.

EPISTOLA CCIX.

DAVIDI HOESCHELIO.

A Ccepi, Hoescheli amicissime, quas 1600. novissimè ad me scripsisti. Quod studium meum erga te proximis meis tibi probavi, gaudeo non mediocriter. Non is ego sum, quem *πολυφιλία* admodum delectet; offendit magis: sed initam semel cum paucis probisque amicitiam, religiosè semper *σύνει τῷ Θεῷ* colemus omni officiorum genere *πρὸς γὰρ καθ' ἑαυτὸν*. Libros, quos desideras, & inquisivi jam diligenter, & posthæc etiam vestigabo *πάντη σπουδῇ καὶ μετὰ χαρῇ*. Sed non credas facile, quàm rarò hic inter vanales prostant auctores, quos mandas querendos. Libanii *μελέτας* hætenus reperire emendas nequè mihi, nequè tibi sum quitus. Pellegi nuper cum librum antè invisum mihi, (fatebor infelicitatem studiorum meorum,) & impetum edendi cœpi, si Hypographum in illo calore nactus essem. Verùm neque tum ad manum fuit, cuius operâ uterer: & ex eo tempore molestissima negotia, in quæ operâ nostra Rex usus est, otium omne ad studia amœniora nobis eripuerunt. Eo etiam factum, ut nuperis tuis opinione meâ, ac fortasse etiam voluntate tuâ serius responderem. Nunc verò cum per valitudinem nutantem plusculum otii essem adeptus, raptim ista ad te: ut voluntatem saltem obsequendi tibi, & egregios conatus tuos juvandi perspectam haberes. Photium tuum quantâ poteram diligentia inter aulicos strepitus, avidissimè certè, percurri. Ostendi etiam munus tuum doctis magnisque viris, quorum in hac regia urbe numerus haudquâquam pœnitendus. Omnes tibi & præstantissimo Velfero gratias agere immortales, quorum auctoritate & industria utilissimum scriptorem proximo autumno se habituros sperant. Principem inter hujus ordinis viros locum obtinet Præses Thuanus, quem ego virum divinitus datum censeo sæculo isti in exemplum pietatis, integritatis, probitatis, & ut uno verbo dicam, *πάντος ἀρετῆς καὶ καλοῦς ψυχῆς*. Sunt & multi alii quâ in aula, quâ in Senatu Parisiensi *ἀμύνης ἀ ἱερεῖς*, omnes vestri studiosissimi, & purior s literaturæ amantiissimi. Omnes hi Photium ve-

O 2

strum

1600. *strum cupidissimè expectant, eximie autem Franciscus Pithœus, de quo nuper * scripseram, esse in ejus manibus Photii exemplar: collaturum me tuum codicem cum illo, & excerptas inde γράφας ἀγαθὰς isthuc missurum: neque ab illo, neque à me insuper habita ea cura. Sed paucorum foliorum comparatione didicimus, nihil aut parum omnino auxilii ad ornandam tuam editionem à Pithœi libro esse expectandum. Quare aliud, censeo, agamus. Equidem si domi in Museo meo, quæ sunt à te missa, legissem, aut otii plusculum habuissem ad id negotium, plura & meliora in eo scriptore observassem, & tecum communicassem. Sed crede mihi serio affirmanti, nihil occupatius, nihil à studiis alienius eâ vitâ, quam in hac aula hactenus viximus. Ut scires tamen, etiam in summis hisce occupationibus nostris Phorium tuum nobis esse lectum, paucula quædam illevimus huic chartæ, quæ tum nobis in mentem venerunt. Nam gravius aliquid frustra nunc à me expectaveris. Vale, Vir doctissime, & me constanter ama. *Latetia Parisiorum, a. d. v. Kalend. Junias, CIO IO C.**

EPISTOLA CCX.

JOSEPHO SCALIGERO.

1600. **D**E altero libri tui exemplari, quod ante aliquot dies accepi munus à te, maximas tibi grates. Ex quo primum in meas manus venit id tuum scriptum, nullus dies abiit, cujus magnam partem in ejus lectione non posuerim: quò sæpius enim illud repeto, eo magis me rapit. Utinam plura hujusmodi abs te habeamus: eâ tamen lege, ut Eusebianæ curæ tuæ cæteras omnes antevertant. En erit ille dies, cum devorabo corporis mentisque oculis tantopere expectatum opus. Pusillum de Olympiadibus libellum quin acceperis, nullum mihi dubium. Temporario enim ante dies oppidò multos tradidi. Magnâ curâ me liberaveris, si eo fasciculo quid factum sit, literis tuis significaveris, quod ut facias, etiam & etiam te vehementer oro. Scripsi raptim. *Latetia Parisiorum, propriis Kalend. Jun. CIO IO C.*

Amplissimo Buzenvallio, & viris clarissimis Baudio atque Heinio, si feret occasio, plurimam verbis meis salutem ut nunties, te rogo.

EPISTOLA CCXI.

JACOBO AUGUSTO THUANO.

Sperabam, Præses amplissime, posse me isthuc citius redire: sed mihi res hic est cum operis non lentis solum, verum planè somnolentis. Ego igitur *φύσιν αὐτὴν πᾶσιν ἀγαθὸς*, aliorum culpâ fio Myrmecidæ simillimus, qui assidue currens digitum non promovebat. Nos tamen multa isthuc revocant, nec pauciora hinc expellunt. Quorum quidem maximum est, odium nostri contrarium in animis plerorumque *τῶν τὰ ἡμέτερα φρονούντων*, cum in hac urbe, tum in vicinis provinciis. Mira quorundam aut improbitas in fingendo, aut fatuitas in credendo ea de nobis, quæ tu, Vir sapientissime, & *φιλαληθής*, nosti probè esse falsissima. Sed hæc melius coram, cujus rei facultatem utinam brevi det nobis Deus. Omnem molestiam, quam istorum *ἀθυρογλωττων στόμα* nobis attulit, sanè magnam, tuum alloquium facile absterferit. Vale, amplissime Vir, & diu quàm felicissimus vive, *αἰὲν ἀγαθῶν καὶ ὑπέρροχθ' ὦν ἄλλων*. Scripsi raptim. *Lugduni Convenarum, a. d. v. Kalend. Jul. CIO IO C.*

EPISTOLA CCXII.

DAVIDI HOESCHELIO.

O Latum nuncium, quem tuæ mihi 1600. literæ nuntiarunt! Itane Geographica illa *πλοῦταλα*, certè *πλοῦτων*, si quid judico, *πλεόντων ἀξία* proximo mercatu habebimus? Quantum alii eorum editione se tibi debituros existimaturi sint, non scio. Ego profiteor magnum cum accessurum cumulum tuis in nos meritis. Maecte, mi Hoescheli, hoc animo & diligentia istâ. Opus nostrum *, cum superioribus diebus in ipso penè portu naufragium facturum esse videretur, tandem eo redactum est, ut faciente Deo post octo dies nihil futurum sit nobis cum illo; quod quidem ad hanc editionem attinet: quæ eo minus grata nobis futura est, quòd Prolegomena nostra, quia paullo erant uberiora, edi nunc non potuerunt. Sed hæc proximis literis. Vale, amicissime Vir. *Lugduni, Nonis Augst. CIO IO C.*

EPISTOLA CCXIII.

RICHARDO THOMSONI.

1600. **E**Cce tibi, quem tantopere visus es optare, amicissime Thomson, Animadversionum nostrarum librum. Qui si spei tuæ nulla respondeat ex parte, testor fidem tuam, non hanc esse meam, sed tuam culpam. Nam ego quid dixi, cur expectationem tantam infortunatissimi scripti in animo tuo excitarem? Equidem *τὸ καὶ δὲ λέγειν* fide bonā præstiti: sed magna optimo Deo gratia, quod quantum inter velle & posse meum interesset, seriò tandem isto maximè experimento didici. Adde, quod otium & quietem altam studia hæc postulant. Nos ab instituto opere variis casibus continuò jactati, vix mensem unum, vix diem tranquillum inter libros egimus. Quæ summa studiorum meorum infelicitas, facile spero, veniam à te, & ab omnibus æquis judicibus meis culpis impetrabit. Ego verò, mi Thomson, etiam illud à te pro mutuo amore nostro exspecto, ut quæcunque aut ipse animadverteris, aut ab aliis animadversa esse cognoveris perperam nobis scripta, ea omnia in schedam conjicias, & mecum *ἢ δέμις ἐν τοῖς τεύχεσιν φίλων* communices. Hoc mihi præsta officium: & immortalitate me donatum abs te censebo. Quod scribis, te, si semel Luteriam uxorem ac liberos produxero, ad nos advolarum, seriòne, amabò, an joco à te scriptum! Si joco, cur me, cur uxorem, tui amantissimos, ludis? si seriò, quid moraris? en hic omnes, quos petis, adsumus, cupiditate tui videndi amplectendique incensi. Veni igitur, optime & amicissime virorum. Multa habeo quæ in sinum tuum *ἀλλὰ τίμαρ* malim, quàm *ἀλλὰ γραμματέων*. Gratissimum etiam, quod spem facis notarum in Epistolas ad Atticum. Legi ante biennium librum illum cum cura & attentione: scire enim avebam quid tuus N. novè attulisset. Seis quàm illum virum vel solo pietatis nomine venerer. Ingenue tamen fatebor tibi *πᾶσαν τὴν ἀλήθειαν*, cum illius notas legerem, ipsum aliud egisse cum illa scriberet, existimabam. Nos quoque nescio quid in eo genere sumus meditati. Verùm hæc levia, majora moliremur ad communem pii cœtûs utilitatem, si otium nacti essemus. Nunc ita incertus noster status, ita instabilis fortuna nostra, ut præter rei familiaris curam nihil nobis videatur cogitandum: eò demum res nostræ rediere. O divinum planè virum,

Josephum Scaligerum, quem quidem 1600. omnia multò antè prædicere memini, quæ nunc reapse experior: neque ego tam lævâ unquam mente fui, ut prudentissimi viri monita insuper haberem. Sed quid agerem? ardebam enim incredibili quodam desiderio libellos nostros edendi: quod aliter fieri non poterat, quàm ut è Narbonensi Gallia exiremus. Verùm ista quando jam mutari non queunt, missa faciamus: Deus enim profectò est, qui nutu suo naviculæ nostræ clavum, quò vult, dirigit, & quomodo vult, regit. Polybianas & Suetonianas notas tuas scito me tandem accepisse. Propositam à te quæstionem ante sex septem annos cum cura tractavimus Genevæ, solemnè promotionum publicarum die. Nosti morem. Quæ tum nobis observata sunt, in adversariis habemus inter nostras chartas. Illæ verò cum universa bibliotheca colligatæ ad vecturam, nondum solutæ sunt: domum enim adhuc quærimus, quæ Musas nostras hospitio excipiat. Simul ac *ἀντικεινὴ καὶ ἀνέστις* esse desiderimus, & libros revilemus, & voto tuo satisfaciemus. Vale, amicissime Thomson. Uxor & liberi plurimam tibi toto pectore salutem precantur. Iterum, vel potius *μυελάνε* vale. *Lu-
tetia Parisiorum, a. d. xii. Kalend.
Octob. c10 10 c.*

EPISTOLA CCXIV.

JOSEPHO SCALIGERO.

Diatribas in Athenæum nostras in 1600. manus tuas, Vir illustrissime, puto jam pervenisse. Simul enim lento & infortunato operi colophon est impositus, dicatum tibi exemplar Francosurdum ad clarissimum Bongarsium misi, qui id perferendum isthuc curaret. Fides hominis sæpe mihi perspecta, ne tibi quidem, ut arbitror, est ignota. Quare non dubito, consilium meum, cum viam hanc elegi, tibi quoque iri probatum. Utinam & quod misimus opus, exactissimo judicio tuo probetur. Sed nos, præstantissime Scaliger, tyronibus ac similibus nostri eo scripto volumus consultum: eruditi homines neque nobis opus habent doctoribus, neque nos ipsis lectoribus. Te verò, doctorum doctissime, libelli nostri, *ἢ τις ἢ ἐν τοῖς χαρταῖς αἰδώς*, sine rubore nunquam aspicient. Verùm age, per Deum immortalem te oro atque obtestor, rudes conatus nostros adjuva: & hoc mihi præsta, ut ope tuâ assequamur in scriptore difficillimo, quæ ne proprio intelligeremus Marte,

1600. Marte, frigidus obstitit circum præcordia sanguis. En cupidissimum discendi discipulum. Tu modò τῆς σῆς διδαχῆς ἀξίωσον ἡμᾶς. Testor supremum Numen, præ tanto bono omnia mihi τὰ πάντα πλάγια fore non nauci. Scito autem, Lutetiam tandem reverbos esse nos cum uxore, liberis, & libris. Diu multumque exercuit nos hæc cura, veniremus huc, necne. Vicit demum eorum sententia, qui audendi erant autores. Itaque decimum jam diem in urbe agimus, ἰσοδιδόντες ἑλθόντες ὅδε ἀπήμασται τῇ ἑορῇ χόρῳ. Cæterum quam spem habeamus in posterum, nondum satis exploratum nobis, adhuc enim hæret nobis inter spem metumque anceps animus. De his igitur aliàs: & quidem seriò, ut puto, brevi. Quod scribis de congressu * Diomedis cum Glaucò: sic est omnino, ut tu judicas rectè. Vir optimus, si cum sua prudentia, Orbi Gallico satis explorata, non defecisset, nunquam ejus certaminis aleam subiisset. Nunc ea acciderunt, quæ verissimè dictum arguant à divino vate, τῶν εἶναι νέον ἀνδρῶπιον, εἶον ἐπ' ἡμᾶς ἀγχι εἶς. Nam in hoc negotio toto à principio ad exitum usque εἰς ὅ, πᾶν φρονίμως ὑπὸ τῷ δ' κῆν' εἶναι καὶ ἐν' ὧς ἀληθῶς φρονιμολάτῃ διαπράχθη· ἵνα μὴ λέγω πᾶσι τῶν παιδείας ἑλαττώματα. Et scis quàm sit ὁ ἐξ ἰσότητος τῆς σφιστικῆς προδρείας τρίτων, καὶ πᾶσι ταῦτα δινῆς. Atqui vir ille octodecim ipsos menses, & hoc amplius, in hanc unicam curam insumperat, ut si quid in eo libro vel εἴδους, vel φαινόμενος μεμπτον inesset, id omne rimaretur, & in gloriæ suæ materiem verteret. Equidem in lacrymas prope adducor, quoties subit animo tristissima illius diei species, cùm de ingenua nobilitate, de excellenti ingenio, de ipsa denique veritate pompaticè adeò vidi triumphatum. Non desunt, qui πῶν μέδοντα hic accusent: sed neque patroni illi desunt. Nos quoties apud ipsum amici viri causam agere institimus, responsum hoc tulimus: *Sibi imputet: Ego quid feci?* Atque hæc, mi Sciliger, quia valde velle visus es, scribo ad te prope invitus. Nam & memoriam illius rei luctu refugit animus, & propter hoc negotium tot calumniis nostra integritas est appetita, ut seculi infelicitatem & averfa à simplici vero ingenia hoc maximè experimento cognoverim. Itaque πᾶ καὶ ἀλεπίον ne à nobis expectes. Deus Opt. Max. languentis Ecclesiæ suæ mitereatur. Sed nos, nisi vanum augurium est, tenebræ manent densissimæ, & ex quorundam peritia, aut perversa aliorum scientia errores ψαμματοεργαρχοι, ἐπεὶ τὸ γινώμενον

* Plessai
as Plessai
Colloquio.
Colomel.
Vide Rod.
Boisierii
Comment.
sar. Lib.
vii. pag.
321. &
seqq. & la
vic de
Monfr. du
Plessis, liv.
11. pag.
263. 264.

ὅρας οἱ μὲν καὶ τὰ γράμματα ἔμαθάνυσιν, 1600. οἱ δὲ ἐπ' ἀρεστὰ μαθάνυσιν· ἀλλὰ ταῦτα ἡμῖν εὖσος καὶ ὄψω. Vale, meum decus unicum. *Lutetia Parisiorum, a. d. x. Kalend. Octob. c15 15 c.*

De Eusebio quæ scripsisti ad Gillottum, incredibili cum animi voluptate legi.

EPISTOLA CCXV.

E I D E M.

DE recepto Chronologo feci te fla- 1600. tim certiore, præstantissime Sciliger, illo epistolio, quod liberandæ apud te fidei suæ causâ exegit à me is, qui librum attulerat. Sed dolet mihi κηρόδι μάλλον, non esse à te servatas eas schedas, cuicumodi illæ sint, quamdiu saltem in Eusebio tuo es futurus: nam profectò tanti non est iste χρόνος φθός, ut in eo describendo vel minimam temporis tui partem poneret: quod cùm debeatur totum melioribus curis & exercitationibus illis nobilioribus, quibus divinum ingenium tuum quotidie occupatur, magni criminis se obligat, qui ut vel tantillum ejus tibi pereat, quoquo modo est in causa. Equidem, si isthic essem, antiquius nihil haberem, quàm ut tibi ὑπεργύν, & operâ meâ tuum possem laborem sublevare. Absens quoque si quid tuis studiis possim commodare, ἐξαύδα, μὴ κούτε νέω, ἵνα ἰδοῦμαι ἄμφω: certusque esto, nihil unquam te mihi imperaturum adeò durum, ut ego tuum detrectem imperium. De proverbii Arabicis quod aures vellis alterâ epistolâ, quam his diebus accepi, sic habe: non illa solùm, sed & multa alia missurum me ad te fuisse, si nactus essem cui rectè darem: cupio enim vehementer, librum illum de anno Persico videas, quo de plura nuper ad te scripsi. Fallor, aut erit aliquid in opere satis magno, quod nolis non legisse. Quare etiam non expectato responso ad postremas mearum, si aliqua se occasio tuta obtulisset, essem illâ usus. Sed constet mihi de illius fide necesse est, cui rarum adeò καμῆλιον sum commissurus. Velim agas ea de re cum amplissimo Legato: qui etsi isthic positus, fortasse tamen pro sua ἀρχινοία & rerum usu πῶρον aliquem inveniet. Si, quod pridem molitur, isthuc tandem iter instituat illustrissima δίσποινα, Auriaci Principis vidua, tam bonam occasionem non prætermitemus. Notæ in Historiam Augustam nostræ quotidie eduntur, sed lentè, ut non totum prælum sibi vindicent. Enitemur ut ad vernas nundinas exstet opus

1600. opus profestetque: vereor tamen ut possimus, vel propter istas rot & tam frequentes *ισοστάσεις* *ἡμέρας*, quæ me jam enecant: fecit nos lentitudo operarum præter voluntatem nescio quomodo in eo opere *πολυλόγως*. Institueramus criticas fermè notas: exhibet, *συνὸ θεῶν εἰ-πῶν*, prope legitimus commentarius liber. Commentarium de Critica pridem affectum habemus, sed labore isto prius defungamur necesse est, quàm aliud quid suscipimus. De illo igitur alias tecum plura: neque enim leviter præclaram illam hypothesein sumus tractaturi, si dabitur nobis *ἔρανος* perficere quod instituimus. Vale, illustrissime Scaliger. Imò verò expectata dum, quæso te, & nisi grave est, *λύσον με τῆς ἀπορίας*. Legebamus hodie, ego, & eruditissimus atque optimus ille *φιλάρετος*, juvenis Flessingensis, quem ante menses aliquot mihi commendasti, in Arabe Geographo V. Climatis Sectionem secundam. Ubi cùm alia multa offendimus ignara nobis, tum illud quid sit nescimus *ברננס*: nam in eo tractu quem describit, nullum locum ejus nominis meminimus. Putabam ego perperam scriptum *ר* pro *ר*, & Visontionem intelligebam, quam ille autor *Bezanson* hodierno indigetat nomine. Ut Lugdunum idem *לונד* In eadem pagina *גנא* interpretamur Genevam, cujus nomen ut in tam bono autore non reperiremus, nihil esset suave meritum. *לנא* Lanslanna, opinor, est: *לנא* videtur esse Langres: sed vix alii loci patiantur. Mons *נא* nescio quid sit. Juram postulat loci ratio, *נא* *ἡμῶν* *δανῶν*. Quòd autem Alemannos in finibus illis statuatur, videtur cum vetustioribus sentire, qui ibi primum *ἐν τοῖς* *ἑνὶν* *ἀποταμίαις* eos locant. Oro te, mi Præceptor, atque obtestor, legas meâ causâ eam paginam, & obscuriores appellationes ibi nominatorum locorum mihi explanes. Ego interea, quod facio *ἀδελφάτως*, pro tua quàm longissima vita, & perfectâ felicitate Deum Opt. Max. supplex orabo. Iterum vale. *Lutetiae Parisiorum*, a. d. 1x. Kalend. Octob. c10 10 c.

EPISTOLA CCXVI.

E I D E M.

1600. **Q**Uantum repeto memoriâ, Vir illustris, nullius unquam rei longior mihi fuit expectatio, quàm epistolæ hujus tuæ, quæ nunc ipsam ab optimo Plumbeo nostro * mihi est red-dita. Menses ipsos quatuor, & quod excurrit, silueras: certè tam longo in-

* Jacobo
Eschm-
shardo,
Rupellensi,
Colomeli.

tervallo nihil à te literarum acceperam. 1600. Itaque *πέθω τῷ σῷ καὶ τῶν σῶν γραμμάτων ἐπηκόμῳ*: nam quas Abbæi fratres attulerunt, *ἑωλε* erant, & sollicitum de tua valetudine nihil admodum juvant. Ad illas responderamus, & jam epistolam tradideramus, cùm venit ad nos Plumbeus, tuas afferens. O merum mel! ô delicatissimas delicias! ubi sunt, qui voluptatibus omnibus docent abstinendum? equidem isti quid voluptatem appellent nescio: ego me, ajo, ex tuarum epistolarum lectione incredibili quâdam affici voluptate: *καὶ ταύτης ἦν ἡ εἶναι τῆς ἡδονῆς φημί ἰσθῶ*. Hanc tu mihi, divine Scaliger, ne invidere: facile omnium gazas contempsero. Hæc scribentem, *καὶ πῶς ὠδῶ σε γράμματι ἐν-τρύφῳ*, febris, quam gravis tussis præcesserat, repente me corripuit, & lecto affixit: *κλινέρης* igitur ista adrexe-bam, cùm urgeret tabellarius. Astram-psychem habes, & si meo consilio uteris, gratias ages amplissimo Memmio: cujus instructissima libris, præsertim Mathematicis, bibliotheca tibi patebit in posterum, si hoc officium non neglexeris. Hoc ego non sine causâ te vehementer oro. De libris Regiæ Bibliothecæ *θυμὸν ἔχει ἀναθῶν*. Amplissimus Thuanus utetur suo jure: heri eò profectus, ut omnia explorarem, hominem non inveni: redibo & curabo. Multi jam sunt menses, cùm Rex benignissimus ei curæ nos destinavit. Et jam codices li facti essent, quod scimus jussisse eum sæpius: sed adhuc res odio Religionis infecta. Ego non urgebo, & jussum Regis expectabo, quem scimus nostris studiis factum velle: plura cis dies paucos *συνὸ τῷ θεῷ*. Vale, illustris Scaliger. *Lutetiae Parisiorum*, Kalend. Octob. c10 10 c.

EPISTOLA CCXVII.

E I D E M.

PRæstantissime Vir, simul pedem do-1600. mo extuli refocillatâ valetudine, Bibliothecam Regiam adii, lustravi singula, quantum poterat fieri, diligenter. Inveni nusquam librum G. Monachi cum Theophane. Olim nos habuimus eum librum, & legimus. Nunc ille codex servatur in Bibliotheca Palatina. Solum offendimus breve *χρονικόν*, nomen Georgii Monachi inscriptum, cum Choniæ Historiâ conjunctum, sine Theophane. Hunc quoque librum percurri. Inveni nihil admodum quod tibi usui esse possit. Igitur cùm esset nihil ad manum, quod tibi mitterem, excerpta illa, de quibus aliquando scribere



1600. bere ad te memini, duxi esse mittenda. Liber, unde excerpimus, satis grandis est: ille ipse, quem Sigonius & Onufrius semper Fastorum Sicularum nomine indigerant. Utinam eo libro uti posses integro. Id verò cum non posse videaris, en tibi καὶ διῶπρον πλὴν ἐκλογαῖς nostras: quas memineris properanti calamo olim à nobis descriptas. Cum fueris usus, si placet, remittas velim. Vale. *Lutetiae Parisiorum*, discedente tabellario, qui casu se obtulerat, *Kalend. Octob. c15 15 c.*

Amplissimus Praefes Thuanus nullum non movebit lapidem, ut tuae voluntati satisfiat, sit modo in urbe liber ille.

ger, si nos, si studia nostra, si salus 1600. denique mea ad curam tuam pertinet, noli, amabò, permittere, ut tam insignita injuria nobis isthic fiat. Sin minus, persuasum habeat tuus familiaris, omnia me experturum, qui ipsum iniqui adeò poeniteat incepti. Vale, τὸ μὲν ἀγαλμα, & an superiores meas, ante mensem scriptas, acceperis, fac me certiozem. *Lutetiae Parisiorum*, a. d. x. *Kalend. Novemb. c15 15 c.*

De rebus nostris, quia novi nihil est quod scribam, nihil nunc ad te: studia quidem planè languent adhuc, & ἔτι ἡμεῖς ἵσταν istud ob puriorem religionem odium non mediocriter nos sollicitat.

EPISTOLA CCXVIII.

EIDEM.

1600. **D**E epistolis τρισμεγίστη tui parentis ago tibi, praestantissime Scaliger, gratias immortales. Jam antequam in manus nostras munus tuum perveniret, librum totum ἐς πῶδας ἐκ κεφαλῆς pellegeram. Utinam & cetera omnia Semonis illius scripta è tenebris in lucem hanc tandem protrahantur! Qua de re quid spei sit reliquum, scire ex te avco. Nuper quidem incredibili gaudio literis suis Thomson noster nos affecit; quibus significabat, commentarios panepistemonis illius Sophi in De Historia Animalium operà tuà isthic edi. Id verò gaudium an solidum sit futurum, non autem ὑπνέμιον, incertus adhuc animi pendeo. Nam desiderium quidem meum illius operis legendi, verbis exprimere non queam. Hoc igitur nos tu proximis tuis, si grave non est, docebis. Sed habeo & aliud quod te rogem, atque obsecrem. Nam cum hesternà die Francofordiensis mercatùs indicem percurrerem, inter libros qui ad proximas nundinas ostenduntur, Novum Foedus inveni cum nostris notis. Eum librum pollicetur Raphelengius vester. Obsupui, mihi crede, amicissime Vir, ad tituli illius conspectum. Nam quæ iniquitas est, ἐπὶ ἡμῶν ζῶντι καὶ ἐπὶ χθονὶ διακομμένῳ, me inconsulto, ne dicam invito, abortivam illam opellam sub incudem velle revocare? Significaret saltem consilium suum, & detrahendi adjiciendive, quæ desunt aut superfluum, faceret potestatem. Taceo publicum odium, quod mihi hisce in locis conflatura est repetita ἀκαίρως tempore alienissimo notarum illarum editio. Si tam infelix unquam scriptiuncula illa fuit, ut in manus tuas incidèret, non dubito ξυνιέναι σὲ ὃ, πλέων. Quamobrem, illustrissime Scali-

EPISTOLA CCXIX.

JACOBO LECTIO. ✕

EX novissimis tuis, Vir clarissime, 1600. quas mihi Brossæus noster reddidit, summam tuam cupiditatem mei isthuc reditùs cognovi: nec solum cupiditatem, sed etiam operam in eo positam navatamque à te ὡς πρεσβυτέρῳ, ut publicè vocatus, vester iterum fierem. Hoc ipsum literis accuratè scriptis amicissimus utrique vestrum Violetanus mihi significavit. Brossæus verò rem omnem coram prolixè nobis aperuit. Ago tibi, Lecti praestantissime, non quas debeo, fateor, sed certè quantas possum maximas gratias, & quoniam ingrati animi crimen, victi tuorum in nos meritorum magnitudine, aliter amoliri à nobis nequimus; Deum Opt. Max. oramus supplices, rependear ipse tibi tuisque, pro sua infinita benignitate, omnia illa tua beneficia, quibus & me, & omnes meos æternum tibi devinxisti. Nam quòd exitum istud tuum, Vir amicissime, inceptum non habuit, nihil quicquam propterea me tibi minus debere judico. Tu, quod in te fuit, abundè praestitisti: & quod ad te, diu factum est cum nos veterem patriam repetimus. At viris optimis, & mei amantibus (sic mihi persuadeo) aliter visum: & his quoque magnam habeo gratiam; multumque me illis debere, serìò agnosco. Nam si meis tuisque illorum vota accessissent, non fruerer nunc iis commodis, quæ pax hæc alta ubertim nobis largitur. Omnino sive studia mea spectem, sive rem familiarem, alibi quàm Lutetiæ (dum quidem per temporum conditionem licebit) degendum nobis non fuit. Rex ipse, si maximè cupiam, ferat nunquam solum me vertere. Hoc ille nobis sæpe affirmavit. Et ut serìò nos illi cordi esse sciremus, misit nuper benignissimus Principum,

1600. cipum, & quidem ultrò misit codicillos, quibus ad Bibliothecæ curam designamur. Adjectum honorarium ducen-
torum aureorum annuorum. Ac ne quid liberalitatis deesset, in exactum propè jam annum hunc extendi iussit hoc beneficium. Quid dicam de optimis & rarissimis libris, quibus hic fruimur? Censeri potuisse me alibi trimestri spatio tantos in Arabica Lingua facere progressus, ut jam ingentem sylvam observationum eo spectantium habeamus? Hic, hic, mi Lecti, oportebat nos esse, ut Ducem Maurum nancisceremur. Quid multa? τὸ μέλλον quod in manu Dei, cui nos & nostros committimus, permittimusque. Cæterum ut nunc res sunt, non possum, quin exclamem & dicam, ταῦτα μὲν ἡμῶν πλάκας κρίσσειν βεβλήται. Nam equidem ingenuè fateor, post ἀποστασίαν veteris amici diu mihi exosam fuisse hanc urbem, & ingratam inter tot hostes veræ fidei habitationem. Ferebam animo iniquissimo, infaustos nescio quos & penitus falsos jactari rumusculos. Itaque Genavam aut Sedanum, aut nescio quò terrarum cogitabamus. Haud ita superis visum: queis chariorem hominem esse, quàm sit ipse sibi, etiam Stoici docuerunt: nedum dubitemus nos, & ἡγεδιδάκτοι ὄντες, & διὰ τῆς πέρας ἀπειράκεις μαθήντες. Itaque immortalī Deo toto pectore gratias agimus, nostramque illi naviculam permittimus. Sed abutor patientiā tuā, amicissime sapientissimeque Lecti: nisi quòd & res nostras pertinere ad curam tuam certus sum. Iterum iterumque ὑπὲρ τῆς σῆς ὀλοκλήρας εὐμοιρίας Numen supplex veneror. Vale cum lectissima tua conjuge, & omnibus tuis. *Lutetiae Parisiorum, a. d. XIX. Kalend. Januar. CIƆ ID CI.*

EPISTOLA CCXX.

✱ JOHANNI ARCERIO.

1600. **P**ER mihi gratæ fuerunt, quas ad me scripsisti, Vir optime & eruditissime. Nota mihi pridem erat φιλοπονία tua in literis, & non vulgaris etiam cognitio: eoque nomine vel incognitum aliàs plurimum te diligebam. Ubi verò ex tuis literis singularem pietatem, probitatemque tuam pari erga nos benevolentia junctam cognovimus, etiam amare te illico coepi, & illud seriò optare, ut me posthac in tuorum numerum adscribas. Testis mihi animi hujusce mei adversum te, spei optimæ juvenis Canterus, quicum memini non semel de te, & scriptis tuis verba facere. Quin etiam multò antè quàm tuas ac-

ciperemus, cum ipso egeramus, ut tibi significaret, si quando de altera Jamblichi editione cogitares, & nostras observatiunculas ului tibi putares futuras, lubentissimè eas nos missuros. Quod quidem eò studiosius nunc faciemus, postquam te quoque id vehementer velle significasti. Puto nondum inibi te esse, ut sub incudem illud opus revoces. Itaque facile me à te impetraturum confido, ut ex commodo meo ei opellæ vacem. Sin est aliter, & hoc solum tuam editionem moratur, omnia postponam ut tuæ voluntati satisfaciam. Vale, Vir optime, & me constanter ama. *Lutetiae Parisiorum, a. d. XVII. Kalend. Januar. CIƆ ID CI.*

EPISTOLA CCXXI.

JOHANNI DRUSIO. ✱

AIn' tu, Vir clarissime, venturum te brevi in has oras, & hanc ipsam urbem? O lætum non mihi solum, sed & aliis multis amplissimis viris, qui te hic colunt, nuntium! Etsi enim jacet Academia hæc, extinctis prope jam in illa linguarum studiis, non tamen regiæ huic urbi sua defunt lumina, doctissimi videlicet viri, & literarum amantissimi. Possem nominare non paucos, & quidem τῶν ἐν πλείοις, quos scimus esse tui nominis amantissimos; eximiè autem amplissimus Thuanus, cum eruditissimis scriptis tuis delectatur, tum etiam existimationi tuæ ac famæ plurimum favet. Nobis autem quantum gaudii tuus adventus sit allaturus, rebus ipsis quàm verbis nostris malumus te cognoscere. Equidem in animum ita semper induxi meum, communione aut similitudine studiorum vix aliud esse firmiter amicitiae coagulum. Quod scribis de imposito tibi ab Ordinibus munere novo, beasti me eo nuntio. Puto enim eadem operâ tuas observationes te fore editurum. Discam lubens, quid judices de novis istis interpretibus, quibus religio est cum vetere ullo in loco consentire. Mihi unquam φιλοκαίνία hæc tanta certorum hominum probari potuit. Ab illo fonte illæ monstrorum plenæ in Tertullianum notæ prodierunt: quibus nihil aliud auctor, homo sanè doctissimus, est consecutus, quàm ut tali ipsius scripto amici dolerent, inimici gaudio triumpharent. Sed melius ista coram. Veni igitur, & vale. *Lutetiae Parisiorum, a. d. XVII. Kalend. Januar. CIƆ ID CI.*

EPISTOLA CCXXII.

✠ SIBRANDO LUBBERTO.

1600. **M**Agnum mihi gaudium literæ tuæ, Lubberte doctissime, attulerunt. Quod enim valere te intelligo; quod memoriam nostri servare; ita vivam, ut mihi uterque hic nuntius accidit gratus. Sollicitudo verò illa tua de fortunis nostris in magnam admirationem humanitatis tuæ nos rapuit. Itaque ago tibi eo nomine ingentes gratias, relaturus etiam animo lubentissimo, si ulla se olim nobis tibi gratificandi occasio obtulerit. Vera autem sunt, quæ super nostro, postquam huc venimus, statu scribis inaudisse: neque illa vana fuit fama. Nam cum benignissimus fortissimusque Rex cupide in Regiam hanc suam nos vocasset, delatâ literis non unis quàm honorificentissimè scriptis publicâ professione; tamen ubi advenimus, longè alium illi esse animum, & re ipsâ, & ex ipsius sermonibus cognovimus. Quod etsi susque deque habeamus, ut qui ab professione publica gravibus de causis semper abhorruissemus, subiit tamen animum iustissima indignatio: tantumne ne possè Romanam illam *Μορμὸν*, ut ejus respectu Princeps tantus sententiam mutare cogatur? Non enim dissimulavit Rex secum per literas R. P. exposulasse, quod obstinatos hæreticos tam inlustri loco irer collocatum. Enimverò si scirent auctores hujus consilii, quàm lubenter hic quidem sileam; qui eorum est animus, poeniteat ipsos proculdubio sententiæ. Regis quidem erga nos animum nihil propterea esse immutatum, multa quæ deinceps sunt secuta, palam fecerunt. Habes, mi Lubberte, rerum mearum statum, ut quidem res nunc habent, haud fortasse poenitendum. In posterum plusne metuere mali, an sperare boni debeamus, pronuntiare non ausim. Optimum Principem ab omni vi alienum esse, certi sumus: è contrariò πάντας τὰς ἀμφ' αὐτὸν, odium nostri ex R. P. mandatis vix possè jam continere, id quoque certò scimus. Sed erit, spero, salus piorum Deo Opt. Max. curæ. Vale, Vir clarissime. *Lutetiae Parisiorum, a. d. XVII. Kalend. Januar.* CIO IO CI.

EPISTOLA CCXXIII.

✠ JOANNI KIRCHMANNO.

1601. **A**Nte horas, opinor, sex septem, mi Kirchmanne, tuas accepi, quibus

jubeo te responsonem expectare bene 1601. longam; & quæ, ut ille ait, utramque manum impleat. Sed dierum aliquot dari mihi veniam postulo, atque adeò flagito; sum enim occupatissimus: neque moram negotia patiuntur, quæ me nunc cum maximè *Δυσπῶσιν ἔσθιν καὶ ψην*. Non diu te traham; omnino enim proximâ hebdomadâ, *σύνε τῷ Θεῷ εἰπῶν* meas ad te solutiones, ad τὰς οὐς *δομ-ρίας*, aut certè *συναπορήσεις* missurus sum. Interea pauca hæc tibi scribenda duxi, ut de constantia mei in te amoris non dubitares. Ego verò, eruditissime Vir, & amo te plurimum, & studiis tuis planè ex animo faveo. Perge vera humanitatis studia cum severioribus Musis, *ἀγαθὴ τύχη*, maritare: neque dubita, hanc esse unam, hanc solam viam, quam seniores illi, *ἢ μὲν νέου καὶ παλαιὸν* calcarunt, quorum in omni genere literarum præstantiam orbis miratur. De Mercero me vide, & factum puta. Is mihi amicissimus est. Vale, Vir eruditissime. *Lutetiae Parisiorum, Non. Mart.* CIO IO CI.

EPISTOLA CCXXIV.

E I D E M.

✠

ET obrutus negotiis, & curis confe- 1601. ctus, hæc ad te, Vir amicissime, scripsi; ut nihil mihi fide antiquius esse cognosceres; quæ ut scis, ex eo nomen habet, quod fiat id, quod dictum est. *Ζητήσεων* tuarum quadrigam priorem relegi hodie: simul quæ veniebant mihi in mentem, quo tibi satisfacerem, huic chartæ illevi. Quæris, quid sit in Lege Numæ, *fulmine occisum supra genua tollere*. Nobis quoque id loquendi genus negotium persæpe fecit. Nam doctorum, quas affers, interpretationes planè sunt *ἀνεμάρητοι*. Sed non est dubium, significari à Pompilio iis verbis, quod usitatus & brevius dici solet, *justa facere*. Est enim *ἀνασπέρητος* mens Legis hæc: non licere *τὸ νομιζόμενον* illi ποιεῖν, quem occidisset fulmen. Putabat nimirum vetustas, τὰς κερανισθῆναι Deorum odium esse promeritos: itaque ut superis exosos abominabantur; atque ut sceleratis hominibus aquâ & igni interdicebant: ita illos fato functos funeris honore privabant: *τότε γάρ τις ἐστὶ θανόντων*. Sic suspendiosis *justa facere* fuit nefas; sic etiam apud Lacedæmonios *ἐκ τῶν θύμης οὐσίας τυχεῖν ἀνδρῶν νεκρὸν βέλτερον* τὸ ὀπίσσω, ait Eustathius. Hoc voluit Numa *ἀναμνηστικῶς*: sicut etiam subjecta apud Festum verba declarant. Est igitur *supra genua tollere* *φερέσθαι* καὶ *μέρος τῆς παντὸς δηλωτικῆς*: hoc est, *πείσθαι τῆς αἰετῆς*

1601. *πρὸς νεκρὸν σώας καὶ κυδίας.* Proprie *supra* *genua tollere* iis convenit, qui corpus exanime nudabant, lavabant, ungebant. Muliercularum ea fuit cura ut plurimum: quæ humi sedentes cruribus porrectis, tibiisque supra genua positum cadaver curabant. Omnino Legem Numæ explicant antiquæ statuæ, quas in hac urbe aliisque videmus. Mulieres sunt, habentes Christi τὸ σωτήριον corpus cruci detractum, idque nudum, πρὸς τὸ ἐκτεφάζειν αὐτὸ. Si hujusmodi imagines vidisti, non quæres amplius, quid sit *supra genua tollere*. Nam ut dixi, ita fuit moris pollinctoribus aut mulieribus illis, quæ mortuorum corpora *πείθεισαν*, ut Græci loquuntur, & lavabant ungebantque. Nosti versum, *Tarquini corpus bona femina lavit & unxit*. Morem cremandi mortuos non Imperatorum Constitutiones sustulerunt, sed religionis Christianæ πολιτεία. Sidonius Epist. 111. lib. 111. magis ad cremandi ritum alludit, quam significavit Christianis hominibus usurpatam fuisse ævo suo νεκροκαυσίαν. Et aliter rem habere certum est. Fuere autem Macrobius & Sidonius æquales. Ambos sub Theodosio Juniore vixisse constat. Plinii locum, de ignoratis Iliacis temporibus unguentis, attingimus in Animadversionibus in Athenæum, lib. xv. cap. xi. vide ibi Athenæum; nam Plinius Græcum scriptorem habuit quidem ante oculos, sed parum ex fide sententiam illius expressit. Inter summi viri *παροράματα*, quæ non parva sunt, nec levia, hoc quoque censeretur debet. Quod de Anacreonte subjicis, mirum quo spectet, cum aliquot seculis ejus ætatem *πρὸς τὴν Ἰλίου* præcedant. Idem sentiendum de Legum xii. auctoribus. Non est neque obscurus, neque difficilis ὁ *Πυθαγόριος*. Apud Servium lego, *moris fuit, ut noctibus efferrentur ad funalia*, nisi mavis natum errorem ab imperiti Critici emendatione, qui posteriori syllabæ vocis *noctu* superscripserat te, quasi egeret scilicet emendationis vox illa. Malo illud prius. Habes ad priorem quadrigam: neque nunc plura poteram, urgentibus molestissimis negotiis. Sed de cæteris jubeo te esse securum: non enim conturbabo. Vale, & me constanter ama. *Lutetia Parisiorum, a. d. 111. Eid. Mart. c10 10 c1.*

EPISTOLA CCXXV.

JOSEPHO SCALIGERO.

1601. **H**eri demum, magne Amice, tuæ literæ mihi sunt redditæ, quarum etsi diu me cruciavit expectatio, op-

portunius tamen in meas manus venire 1601. non poterant. Eram enim, cum illas *Hæc est* accepi, animi æger, & curis confectus. *ad Scaliger. Epist. lvi.* At tuarum lectio omnem prope mihi doloris sensum absterfit: certè quidem lenivit mirum in modum *καὶ καπνὸς*. Omnium primùm, quod vales & *ἐνθυμῶν διατίλεις*, incredibili cum gaudio intellexi. Nam qui religionem tuam in scriptione literarum probè novi, diuturnius silentium tuum mirari jam incipiebam, eramque de tua valetudine anxius & sollicitus. Nosti vetus verbum, *Res est solliciti plena timoris amor*. Sustuli igitur in cælum manus; & quod læta omnia de te intelligerem, Deo Opt. Max. grates egi gratissimas: quem etiam supplices veneramus, ut tuum illud, quod scripsisse ais, testamentum per lustra adhuc multa maneat irritum. Diatribas nostras in Athenæum legisse te, sanè quàm mirati sumus vehementer. Quid? tantumne tibi ab rebus tuis esse otii. Quod autem non obscurè significas, multa tibi inter legendum in mentem venisse, quibus nostri conatus emendari & corrigi possint; ita vivam, ut mihi is nuntius fuit jucundus. Enimverò quid *σοφίας ἀληθινῆς γνησίᾳ ἐραστῇ* gratius accidere queat, quàm ut errore liberetur, & in veritatis indagine adjuvetur? utique à te, divine Scaliger, cui ego *μαθητεύειν* gesti-vi semper; & ut aliquando possem, à Deo sapissimè petii. Testis mei hujus voti amplissimus vir, & tuarum virtutum maximus admirator, Jacobus Thuanus: quicum serió nuper egi, ut per Regis voluntatem liceret mihi isthuc proficisci, & per aliquot saltem menses tibi operam dare. Atque hujus rei facultatem cum ab æquissimo Rege adhuc impetrare non simus quiti, ab iniquissimo Quæstorum Præfecto jam fermè consecuti sumus. Nam ut ne te lateat rerum nostrarum status, scito luctari nos hîc cum iis incommodis, quæ ante annum literis non unis ob oculos nobis posuisti. Itaque *γὰρ πρὸς ἡμῖν* non ex animi levitate, sed justis necessariisque de causis, cogitamus. Omnino enim de studiis nostris est actum, si cum hoc genus hominibus diutius nobis res est futura. Et tamen de Principis benevolentia erga nos certi sumus. Sed longè nobis favor Regis, quoties ad illum accedendum est, qui in ararii administratione omnes pariter, dignos, indignos, bonos, malos, bene, aut secus meritos, magnos, parvos, eodem loco habet, eadem vultus truculentia excipit, aut fastidit potius. Quamobrem, nisi huic incommodo regii Consilarii, qui & literas, & nos amant, brevi

1601. brevi prospexerint, certum est, studiis meis quietem alibi gentium quærere: & aliquò migrare, ubi quod superest vitæ, procul ab aulico strepitu possim exigere. Non dubitamus multis è Proceribus molestum hoc nostrum consilium futurum: sed enim, mi Scaliger, ex eorum numero qui nos amant, atque etiam fortasse æstiment, multi sunt: qui juvare nos aut possint, aut curent, pudet dicere quàm pauci. Trigam, opinor, verorum amicorum hic habemus, Harlæum τὸν μέγαν, Thuanum, & Petavium: cæteri omnes ἐξ ὀνόματ' ὀφίλνται, linguâ factiosi, inertes operâ; omnium autem maximè is, qui Eusebium tibi . . . Sed continebo me, καὶ ταῦτα μὲν ταῦτα. Eusebio tuo moram esse injectam, iniquissimo ferimus animo. Quod autem ais, non ex ullo MS. exemplari petendam esse illius operis illustrationem, equidem nunquam aliter iudicavi, ac memini seriò me ante mensem cum nescio quo jurgatum esse verbis, qui absque libro optimi viri Petavii editionem tuam futuram prope nihil audebat dicere. Nos contrà, qui in legendis tuis scriptis operæ plus posuimus, constanter affirmabamus, nihil adeò exquisitum ex ullo MS. posse afferri, quod cum una, aut altera tuarum profundissimarum observationum mereretur comparari. Sed profectò ita est, qui magnitudinem ingenii tui, & præstantiam tuorum in Rempublicam literariam meritorum iustis ponderibus æstimaret, & tuorum immortalium laborum sensum haberet, μονώτατον hic adhuc reperi optimum, sapientissimum doctissimumque Thuanum; cui tamen illustrissimum Harlæum meritò adjunxero. Græcus χρονολογῶν, de quo nuper scripseram, in Palatina Bibliotheca asservatur, nisi fallor; aut inter libros Sylburgii ἡ μακαρίτης alicubi latet. Ante annos, opinor, octodecim, vivo adhuc parente meo, emeram eum codicem à Græculo quodam; qui nactus cupidum emptorem, non prius à me discessit, quàm aureis prope trecentis me emunxisset. Sed vitâ functo optimo patre, & per bellicos tumultus parte maximâ bonorum illius direpta, cum ipsi intereâ literas Græcas Genevæ nullis ὀλίγῃ δυν' stipendiis publicè doceremus, ea mox tempora inciderunt, quæ me cogerent libris parum necessariis ad ea studia, in quibus tum eramus, alios libros planè mihi necessarios antepone-
nere. Itaque χρονολογῶν & aliquot alios ad Fridericum Sylburgium misimus, qui eorum loco alios libros nobis Francofurti comparavit. Sed narrabat no-

bis idem Sylburgius, cum paulò post 1601. animi causâ in Germaniam essemus profecti, plerosque libros, quos à me acceperat, in Palatinam Bibliothecam esse conditos. Habes quid sit eo libro factum. Excerpta nostra ex illo propediem missurum me confido. Utinam & tu, quæ in Athenæum observasti; quorum cognoscendi desiderio vix est ut non tabescamus. Vale, magne Vir, & ἀδελισχίαν mearum boni consule. *Lutetiae Parisiorum, Eid. Mart. c10 15 c1.*

EPISTOLA CCXXVI.

JANO GRUTERO.

VAlere te, Vir eruditissime, & gratulor tibi, & magnopere ipse gaudeo. Nos quoque beneficio Numinis valemus μετρίως γὰρ ἔχοντες ἀπλῶς καὶ ἐξ ὁλοκλήρου. Opus veterum Inscriptio-
num, quod curari à te audimus, omnes hic avidè exspectamus, quibus

De meliore luto finxit præcordia Titan.

Sed & observationes tuas cupidissimè omnes te poscimus. Quid? Adeon' te inclementem esse adversus tuam prolem, ut tollere eam nolis? Si non moveris φυσικῇ σαργῇ, at solitudinem vide, quæ est in Mularum ædibus; spectâ ingeniorum infrequentiam, & paucitatem τῶν γνησίως αὐτοῖς ἡραπευούσων. Equidem haud scio, quàm isthic caleant humanitatis studia: hic illa non jam frigere, sed penitus esse extincta, possum tibi confirmare. Habet sanè urbs hæc non paucos, qui has literas & amant & æstiment, quum sint ipsi earum peritissimi. Sed hæc scito esse τὴν χρεὺς γένεσις λεύκανα: cui partim culpâ docentium, partim arcanâ lege factorum, ætas successit ferrea, juvenus nempe ἀμαθίης, ἀψύκτου, δοκησιστοφῶν. Quamobrem, mi Grutere, stationem ne deseramus. Quin potius imminenti, & prope jam instanti Barbariei fortiter nos opponamus. Hoc agimus nos quidem pro virili nostra; assiduè in eam incumbentes curam, ut si possumus nihil aliud, at egregiam certè voluntatem nostram posteris probemus. Verùm de his ὁ πατέρις θεὸς ὀψεται, qui te, Vir eruditissime, servet. *Lutetiae Parisiorum, a. d. xi. Kalend. April. c10 15 c1.*

EPISTOLA CCXXVII.

DAVIDI HOESCHELIO.

HAVE, Hoescheli eruditissime, & 1601. salve à me. Quid agas nunc rerum,

1601. rum, ut valeatis⁹ tuque & præstantissimus Velserus, scire vehementer cupio. Jam enim multi fluxerunt menses, cum filetis vos. Ego scripsi interea sæpius: etiam ante dies oppidò paucos ad vestrum utrumque literas dedi, multarum aliarum comites, quas è Piëtavis acceperam, ad vos mittendas. Eum fasciculum an acceperis, velim facias me certiozem. Jam enim mihi via Lugdunensis incipit esse suspecta. De rebus meis atque studiis satis nuper. Mitto tibi quas fidei meæ commisit homo, & de facie, & de nomine mihi incognitus. Vale, amicissime Vir, & amplissimo Velsero plurimam à me salutem, nisi molestum est. Iterum vale. *Lutetiae Parisiorum, a. d. xi. Kalend. April. c15 15 c1.*

EPISTOLA CCXXVIII.

DANIELI HEINSIO.

1601. **D**E versibus Græcis, quos ad me misisti, & ago & habeo gratiam tibi. Sed ut quam commovisti ἐρεξιν, sedes, etiam atque etiam vide: magnam enim ex eorum lectione cepimus voluptatem, & statim ἐκ τῆς ὀνυχῆς πν λίσσιν, ἐκ τῆς κρασιδὸς τὸ λοιπὸν ἰμάτιον ἐκπιμύσασθαι. Itaque optamus mirum in modum cætera, quorum spem facis, quàm primùm videre. Constitueram, si fuisset otium, docti cujusdam viri emendationes in Nonnum tecum communicare: & faciam eis paucos dies; cupio enim extare illius viri fanè quàm docti, aliquam in tuis lucubrationibus mentionem: de hoc igitur aliàs. Hesychium si pergis recensere, & nostras in eum authorem observationunculas fore tibi ex usu judicas, faciam tibi πρὸς φρονίθυμῳ earum copiam. Multa enim ὁδὸς πέρμερον emendavimus in ora nostri codicis, cum aliquando eum Criticum ἐς πίδαας ἐν κεφαλῇς percurreremus. Breviter, hoc velim tibi persuadeas, nihil mihi posse jucundius accidere, quàm ut studia tua quâ potero cunque ratione adjuvem. Atque utinam sexcentas in optimos scriptores nostras observationes, quæ nobiscum interiturae sunt, tecum possemus communicare; ingens enim earum penes nos ὕλη. Obitus Raphelengii magnum mihi mœrorem attulit. Salus ab illius fratre mihi missa, gratissima fuit. Velim seriò illi affirmes, si quid possim ejus causâ, planè me totum esse ipsius. De Artemidoro, ubi primùm erit otii plusculum, meminero. Vix enim unus & alter dies est, cum tuas accepi; longo intervallo post epistolam Scaligeri, cui

nuper respondi. Vale, eruditissime 1601, Heinsi, & me constanter ama. Meursio & Putschio amicissimam à me salutem. *Lutetiae Parisiorum, a. d. vi. Kalend. April. c15 15 c1.*

EPISTOLA CCXXIX.

JOSEPHO SCALIGERO.

Vir illustrissime, constitueram viâ istâ 1601. mittere ad te excerpta nostra ex illo Græco Chronologo, de quo superioribus literis. Sed quia ipsum autorem malim te videre, censeo faciendum tibi, ut per Gruterum nancisci eum tentes. Puto futurum id non ita difficile: nam & nobis Athenæi MS. olim facta est copia ab illustrissimo Principe. Etsi autem non possum magnum aliquid de eo scriptore polliceri; non tamen affirmare dubitavero, ejusmodi esse, quem satius sit à te videri quàm negligi, ἐρεῖσθαι quàm παρορθεῖν. Itali fastographi ei scripto nomen fecerunt, Fasti Siculi: nos in exemplari nostro hanc solùm Ἐπιγραφὴν invenimus. Ἐπιτομὴ χρονων ἀπὸς Ἀδάμ ἕως πρὸς πλάσιν ἀνθρώπων ἵως καὶ ἔως βασιλείας Ἡρακλείδου τῆς εὐσεβείας καὶ μὲν ὑπατείας ἔως 15, καὶ ἔως τῆς βασιλείας Ἡρακλείδου νέου Κωνσταντίνου ἕως αὐτῆς Ἰνδικτιόνος γ'. Liber est satis magnus. Nos præcipua tantùm excerptimus: τὴν ἀκολουθίαν τῶν χρόνων, & annotationem Olympiadum, Indictionum, Consulium, & alia id genus. Sunt in his nonnulla, ex Eusebii χρονικῇ palam descripta. Si quidem igitur integrum librum potes consequi: sin minus, excerpta nostra, cuiusmodi illa sunt, statim missurus sum. De nostris rebus aut studiis nihil nunc: & verò satis nuper, hoc est, ante dies, opinor, octo. Si per inhumanitatem istorum γαστροφύλακων licuisset, jam esset inchoata autorum τῶν μὲν Suetonium editio: ad quam plurima naesti sumus è libris auxilia. Sed qui prævideam futuram brevi migrationem ex his locis mihi necessariam, quicquid temporis mihi aut negotia, aut amicorum officia vacuum relinquunt, totum colloco in lectione librorum alibi ἐκ ἐνπερίστων. Vale, illustrissime Vir, & diu multumque vive beatus, atque ex omni parte felix, ὁ literarum τὸ σπουδάζον ἐρείσμα. *Lutetiae Parisiorum, a. d. vi. Kalend. April. c15 15 c1. raptim.*

EPISTOLA CCXXX.

JUSTO LIPSIO.

NOvissimas, quas ad te scripsi, ac-1601. ceperis necne, Vir præstantissime,
P 3 non

1601. non scimus: diu enim est cum siles: fuitque illa felicitas nostra *περὶ τῆς αἰδοῦς* & *ὀλιγοχρόνῳ*, cum binæ * mense uno à te reddita nobis sunt literæ. Atqui spem prope certam animo conceperamus futurum omnino, ut, dum hic erimus, literarum commercium assidue tecum exerceremus. Quid igitur? an hoc potius centes faciendum, ut de communibus studiis per literas interpretes posthac conferamus? Equidem habeo quàm plurima, de quibus si isthic sim, sententiam tuam libentissimè & *ὡς περὶ θυμὸς πῶτα* exquirerem. Nam etsi justis gravibusque de causis magis ac magis in dies marcescit in nobis scribendi studium; discendi tamen cupiditas nobis *ἐμφορῶν*, & desiderium bene de literis merendi adeò nihil propterea minuit, ut contra quotidie, imò in horas gliscere videatur. Verùm desino *περιουτολογεῖν*: & te, mi Lipsi, oro, de tua valetudine præclarisque inceptis facias nos certiores. De rebus nostris si quid est quod scire cupias, narrabit omnia tibi Baronius tuus, adolescens nobis eximiè charus; primum quidem ex commendatione tua, postea verò ob ingenii dotes & *τὸ ἐν ἀρετῇ τῶ ἔθους*. Vale. *Lutetie Parisiorum, propriæ die Kalend. April. c10 id c1.*

Ad hanc
respondet
Lipsius
Miscellan.
lib. III.
Epist. LXIX.

EPISTOLA CCXXXI.

✠ JOANNI KIRCHMANNO.

1601. **N**on feram, mi Kirchmanne, ut in ære tuo sim diutius. Atque utinam minus molestæ, minus graves occupationes essent, quæ nos assidue tenent: non responderem solum ad quaesita tua, verum quaestionibus ultro te fatigatum irem. Et erit fortasse brevi, cum otii plus habebimus ad generis hujus meditationes. Interea ad posteriorem quadrigam tuarum *ζητήσεων* accipe, quæ veniebant nobis in mentem, cum tuas legeremus. Scribit Festus: *Funebres tibiæ dicuntur, cum quibus in funere canitur: quas Flamini audire putabant illicitum.* Repugnat istis, inquis tu, Noctium Scriptor, cujus verba: *Flamini Diali funus exsequi non est religio.* Et habent re verà contradictionis speciem hæc assertiones: speciem inquam, non *ἀληθινὴν ἐναντιώσιν*. Possunt autem variis modis hæc inter se conciliari. Non ineptè contenderit aliquis, de temporibus diversis locutos Festum & A. Gellium: hunc de suorum temporum sentire consuetudine: illum de prisco, & vetustate ipsa obsoleto more. Ideò ait, *putabant*, non *putant*. Si dicas non Festi eam esse vocem, sed

brevioris: etsi nihil video, cur ita 1601. existimare sit necesse, non in eo tamen solutionis cardinem constituo. Negabo potius tibi contraria esse, *funus exsequi, & tibiæ funerum audire non posse*. Primum quia non omnia funera ad tibiæ ducebantur: scis enim in honestiorum funeribus tubam pro tibiæ esse adhibitam. Deinde illud potest dici: Pontifices raro itasse exsequias: qui si quando eo venirent, habitum esse ipsis hunc honorem, ut eorum gratiâ tibiæ removerentur. De solenni mulierum laudatione, quid tibi respondeam, animi pendeo: per enim mihi mirum videtur, tam longo temporum intervallo post latam legem, ignoratam Romæ fuisse eam consuetudinem. Sed & Marcus Tullium idem miratum esse non dubito: ideò de Popillia est ab illo adnotatum: ceu res observatu digna. Et tamen non audet Cicero affirmare, primam omnium mulierum eam fuisse laudatam publicè, verùm *ita se*, ait, *putare*: quasi dicat, fieri posse, ut & aliis olim is honos esset habitus: sed quarum nulla extaret in historiis memoria. Sciendum etiam, non statim moribus receptum esse, quicquid per Leges licebat. Illustria exempla in Lege de Divoritiis: & in illa, quæ malum debitorem secare *μελέσθαι* permittebat. Quod autem mulierum *ἐπιτάφιος λόγος* Romæ non essent in usu, etiam Polybius & Dionysius Halicarnassæus indicant, qui de eo instituto multa scribentes, muliebris laudationis nullam fecerunt mentionem. Orcinos libertos lectum dominorum defunctorum solitos antecedere, Livius ait, alique è Latinis. Dionysius Halicarnassæus: *ταῖς κλῖναις ὠθακολεῖσθαι*; hoc est, *lectos prosequi*. Aliud nihil *ὠθακολεῖσθαι* significat hoc loco. Quare irent præ, an pone sequerentur, ex Dionysii verbis cognosci liquidò non potest. Propriè *ὠθακολεῖσθαι* est honoris causâ latius tegere alicui: ponitur & pro, sequi è vestigio. Sed & in genere prosequi significat, quod aliâ voce *προσέμπεσθαι* dictitant Græci. Sic quod ait Capitolinus, *Verum Marcus Imperator Capuam usque profecutus est*, possis Græcè dicere *τὸ οὐτὶν Μάρκου μίχλα καπύης παρεκολεῖσθαι*. Hac notione apud Dionysium capiam. Non assentior Rævardo, qui verba Legis XII. *Mortuo ne ossa legito*, &c. ad morem illum restringit, de quo Festus. Aliud est *digitum abscindere*, aliud *ossa legere*. Etsi valde sunt res affines, & ab eadem causa manantes. Sed videtur utrumque olim factitatum, augendo luctui, uti ait Cicero. Erant qui ante *ἐκφορὰν* mortuo digitum præciderent: ad quem servatum

1601. vatum iusta fierent postmodum, quoties luctum vellent instaurare. Erant alii, qui ossa in condendis cineribus legerent, ac domum reportarent, fini eadem. Ita exponenda esse verba Legis, exceptio illa arguit, quæ est apud Cicronem: *Bellicam*, inquit, *peregrinamque mortem* excipit. Et scimus ita fuisse moribus receptum: nam peregræ aut militiæ defunctorum ossa legebant, & domum reportabant, inibique iustum illis funus faciebant. καὶ πύλα μὲν πύλη. Quod superest, ubi primum erit orium, literas omnes tuas relegam; & si quid est, cui non sit responsum, erit illud proximæ epistolæ argumentum. Sequentur postea, quæ ipsi observavimus: nam & illa cupimus omnia tecum communicata. Vale, Vir amicissime. Scripsi raptim, *Lusetiæ Parisiorum*, *Eidibus April.* CIO IO CI.

E P I S T O L A CCXXXII.

P A T R I B U S,
AD SYNODUM GERGAVIÆ
CONGREGATIS.

1601. **E**T si facio invitus, Venerandi Patres, ut gravissimas curas & occupationes vestras interpellem; quia tamen ad Dei gloriam res, nisi fallor, nonnihil pertinet, faciendum omnino censeo, ut testes animi mei literas hæc ad vos mitterem. Non enim dubito, pervenisse ad plerorumque è vobis, ac fortasse omnium aures, sparsum de nobis totâ Galliâ rumorem, quasi inibi essemus, (quod nec commemorare sine horrore possum) ut puriori religioni, quam ab optimis parentibus acceptam hæcenus sumus professi, brevi cogitarem renuntiare: hoc plenis buccis ubique locorum τὰς ἐξ ἐναντίας scimus prædicare: hoc libellis editis, quos variis ex locis pii homines ad nos miserunt, vidimus non dubitanter affirmatum. Sed ante annum, amici, quos habemus in Germania quàm plurimos, per literas nos monuerunt, Gasparem Scioppium, juvenem amœniorum Musarum ἢ τῆς ἐξουθεν παιδείας amantiorum, quàm gloriæ Dei & veri Christianismi studiosum, Româ ad suorum multos scripsisse, quod religionem mutasset: plurimum se in ea mente esse confirmatum, cum & nos idem non multo post esse facturos cognovisset. Quid multa? tam constans fuit hic de nostra in re pietatis inconstantia rumor, ut non aliis tantum in locis, sed & Genevæ, ubi lucem hanc primum vidimus, ubi tot annos non obscuri, χάριτι & ἐλευθερίᾳ, atque omnibus

bonis charissimi viximus, ubi denique 1601. liberos nostros etiam nunc in religione ac literis educamus, multi tamen sint reperti, quos non mediocriter ea res commoveret. Nuper verò cum ad Pontificiorum partes vir magnâ autoritate *, magnisque in nos meritis, * Philip. transitum faceret; quod non esset ob- rui Ca- scura amicitia, quæ nos arctissimè prius Fraxinis. jungebat, iactatum hic vulgò, & à Colomel. multis etiam creditum, triste funestumque illius exemplum nos quoque propediem sequuturos, & ut vetus dictum est, ἡμεῖς πικρὸν μετασέσω. Tantum apud homines minimè illos quidem malos, sed nimis profecto παχυπαιδῆς, ut modestissimè dicam, eorum callidissimæ technæ valuerunt, quos palam est τὰ ψεύδη τοῖς ψεύδουσιν propugnare ὑπερήφανας πᾶσι ὑπερηφάνους τῷ πατρὶ & ψεύδους. Quasi verò nota jam orbi terrarum non esset istorum αὐτοκατακρίτων tenebrionum ἡ πονηρία πρὸς τὴν μεθεόειαν τῆς πλάνης. Hosce igitur sermones, Venerandi Patres, licet integritate conscientiæ meæ fretus poteram negligere, cum vel iudicio Sapientum, vir bonus nihil præter culpam teneatur præstare; tamen nihil unquam prius habuimus, quàm ut Ecclesiæ Dei omnia nostra quæ facta, quæ dicta approbemus, ἀπομολογῶν istorum fraudibus, quæ poterimus cunque ratione, obviam ire constituimus. Quod si grandes non obstitissent causæ, fuit animus isthuc me sistere, & dolorem meum in sinum vestrum effundere; quem ex nonnullorum simplicitate & credula nimis facilitate capio gravissimum. Nunc cum mutare consilium fuerim coactus, oro vos, Reverendi Patres, atque obtestor per immensum Deum, & τὴν μωρῶτατον Σωτῆρα τῶ κόσμου Jesum Christum, ut falsos esse fictosque huiuscemodi rumusculos ἀδιωκτάς, & constanter credatis, & aliis porro pro vestra autoritate ita esse persuadeatis. Est Deo gratia, quod non adeò infelicitè in pietate fuimus à puero instituti, ut κλυδωνιζέσθαι καὶ περιφρεῖσθαι παντὶ ἀνίμῳ διδασκαλίας ex ignorance veritatis necesse habeamus. Accessit deinde & studium, quod in ea parte posuimus, & nunc cum maximè ponimus impensius: quæ quidem opera nostra, ut promovendæ gloriæ Dei olim interviat, & optamus toto pectoris affectu; & si cœptis divina clementia faverit, etiam speramus. Sed non morabor vos pluribus. Deum veneror supplex, det vobis laborum vestrorum, quos in tuitione orthodoxæ religionis sustineris maximos, hunc exoptatissimum fructum, ut ad veritatis acquisitionem, & verè Christianam concordiam, Galliam universam

1601. versam videamus tandem conspirare. Valere, Patres Venerandi; & me, Ordinis vestri observantissimum, vestra benevolentia dignum habete. *Lutetia Parisiorum, pridie Nonas Majas, CIO IO CI.*

EPISTOLA CCXXXIII.

✠ DANIELI TILENO.

1601. **S**ic est profectò, doctissime Tilene, ut ais: non fefellit te, non faller unquam concepta de candore morum nostrorum opinio. Quod si verè dictum priscis Sapientibus, Vinculum amicitiae firmissimum esse τὸ ἐμοτέρων τῶν ἰθὺν, confido equidem, teque pariter jubeo confidere eâ lege, iisque auspiciis institutam hanc inter nos amicitiam, ut nullâ unquam vi, nullâ humanarum περιστάσεων περιπέτεια solvi metuat. Itaque, mi Tilene, non celabo te quod res est: quoties enim venit mihi in mentem, quæ nos maneat vita, si voluerit Deus, quod supplex illum oro συσῶ ἡμᾶς, & in promovenda ejus gloria συμπανῶν, vix contineo me, quin moras omnes abrumpam, & in tuum ruorumque collegarum sinum convolem. Nimis, ali nimis diu inter κοσμοπολίτας habitatum est, qui μέγαντιν εὐσείας habentes, re illam aut oderunt, aut contemnunt. Quid hætenus nostra moretur vota, ex iis intelliges, quas ad Illustrissimum Principem scripsi. Sed dabit, spero, Deus Opt. Max. consilio huic exitum. In ejus manu sunt Principum corda. Ille Ducem Bullionem, nisi fallor, impulit, ut hoc moliretur: ille idem Regem nostrum flectet, ut quod adhuc videtur nolle, quàm primùm velit. Tum ego, mi Tilene, è vestigio ad vos. Vale, Vir doctissime & amicissime. *Lutetia Parisiorum, CIO IO CI. Eidibus Junii.*

EPISTOLA CCXXXIV.

✠ DESIDERIO HERALDO.

1601. **E**tsi dudum nobis perspectus exploratusque ἀκριβῶς tuus, eruditissime Heraldæ, in nos amor; suave tamen fuit, Petrum Chabaneum meum ἀδελφιδὸν narrantem audire, quæ vehementia sit tuæ adversum nos συρρῆς. Scis quid ad te multos ante menses scripserim: cum multa me ad vos allicerent, nihil tamen commovere nos vehementius aut violentius, mutuo isto amore qui nos jungit. Itaque, mi Heraldæ, confide, si mei arbitrii res est futura, tuum esse me καὶ συμβιώτῳ, &

συμύσῳ sacrorum eorundem. Missio- 1601. nem impetrare adhuc à Rege non sumus quiti: sed movebimus constanter lapidem omnem, quò communi huic voto nostro quàm citissimè satisfiat: & ταῦτα μὲν ταύτη. Opus nostrum in Athenæum lectirasse te non ὁδὸ παρέργον, narrabat idem Petrus. Nempe, ut video, otio hic plus satis abundatis. Nam scis profectò, non tibi, nec tui similibus elucubratum id fuisse quicquid est operis. Non dubito autem, multa te in Athenæo, plura in nobis peccata observaturum: eoque nomine gaudio triumpho. Doceri autem quæ nescio, (quantulum est autem quod scio?) pars magna est votorum meorum. Tu nos multa, scio, docebis: non ille canis impurus, qui ex intimo spelæo suo nostrum nomen allatrare non cessat. Illum dico tenebrionem, telluris filium, cujus recentem in Persium commentarium vidisti. O malè, quòd indignus est indignatione nostrâ! Nam si ita esset meritis, responsum tulisset. Sed ἔρρετο ὁ κακηγέρθ. Tu autem, cum lectissima tua conjuge, vale, & longum flore. Uxor te & tuam salutat. *Lutetia Parisiorum, Eidibus Junii, CIO IO CI.*

EPISTOLA CCXXXV.

✠ DANIELI TILENO.

Seriùs redditæ epistolæ tuæ, amicis- 1601. sime Tilene, seriùs respondere cogimur multis de causis. Nihil dicam de occupationibus istis, & gravissimis, & molestissimis, quæ à literis me multas in hebdomadas avocant. Qua ex re tantum capio dolorem, quantum neque verbis exprimere, neque sanè ferre possum diutius; ita me angit & cruciat temporis jaclura, quam in hac infelici urbe facimus necessariò. Sed fuit & alia ratio, cur non statim tuis responderem. Cupiebam enim de exitu instituti negotii certa omnia & explorata posse tibi nuntiare; quod tamen præstare necdum queo; adhuc enim voluntati nostræ Rex adversatur. Egi cum ipso primùm per Rosnium τὸν πάνν. deinde per Colladonium, virum integerrimum: tandem ausus sum & ipse animi mei sensum indicare; orareque obnixè, daret facultatem ab ea urbe excedendi, ubi me cum ipsi, tum in universum omnibus libera purioris Religionis professio reddebat inutilem, & tantum non ἐπώσων ἀχας ἀρέρης. Adjiciebam multa in eam sententiam; quæ, ut opinio mea est, Principem aliarum rerum quàm literarum amantiorum de facili flexura fuissent,

1601. sent; nisi esset incautius à non nemine injecta mentio. Tum verò Rex commoveri, & serio negare missionem meam in bibliotheca sua ornanda uti: postremo non obscure significare, facturum rem ingratissimam, qui posthac de ea re verbum mutaret ullum: non animus nobis, non voluntas defuit experiundi alià vià, si quid fortè profici posset. Sed mihi hoc consilium *καὶ θυμὸν ὁμοῦ* visum satius, rem in aliud differre tempus. Persuasissimum quippe habemus, ut sunt hujus benevolentiae Regis erga nos causae parum firmæ, ita & ipsam infirmam futuram atque *ἀσφαλτομένην*. Id si eveniat, confide fore brevi, ut ego & tu communis voti damnemur, si modò coeptis faverit *ὁ ὕψις ἡμᾶς ὑπερβαίνει*. Atque hæc ad Illustrissimum Principem ante paucos dies scripta, ut rursus ex te cognoscat, & de nostri animi constantia ne dubitet, per ego te amicitiam nostram oro atque obtestor. Vale. *Lutetiae Parisiorum, a. d. vii. Kalend. Jul. c10 10 CI.*

EPISTOLA CCXXXVI.

✱ JUSTO LIPSIO.

1601. Quid literis tuis serius respondeam, non negligentiam meam, Lipsi præstantissime, sed eorum culpam factum, qui epistolam tuam, ix. Kalend. Maj. scriptam, ante dies demum quindecim nobis tradiderunt. Hæc fides est istorum vitiiis aulicis innutritorum hominum. Antverpiensis via, nisi fallimur, est certior & expeditior. Eam nos posthac utemur, scribemusque ad te de studiis & incepris nostris quam sæpissimè. Nam quod antè existimabamus, fore brevi, ut Lutetiam relictam, Lares aliò, nescio quò, transferremus, omnino futurum non est, aut certè non tam citò. Missionem enim ab optimo Rege *μηδὲ μὴ μηχανῇ* impetrare sumus quiti. Et erant tamen graves causæ, quæ me ut aliò cogitarem, impellebant. Sed rationibus meis omnibus clementissimi Principum voluntas præponderat: cui parere, & dicto esse obedientem, pars pietatis. Quamobrem id nunc agimus, ut stabilitis hac in urbe fortunis, nostris prioribus studiis nos dedamus, & illustrandis Veterum scriptis otium nostrum impendamus. Quo in genere habemus multa, de quibus sententiam tuam inquirere constituimus. Verùm de his tum agemus tecum, quando in gratiam cum Musis redierimus. Nunc ita sumus occupati, ut *πρὸ βληθείας* *ὡς*

et locos Senecæ vix raptim potuerimus inspicere. Inspecimus ramen, & de iis quid nobis videatur, nisi grave est, paucis accipe. *Ingenus Capitolii vestigial* puto scribi sine vitio: tibi quæ assentior, dictum existimanti per comparisonem. Non dubium est, consecrationi numinis cujuscunque comitem semper fuisse vestigialium attributionem, ad sacrorum sumtus necessariorum. Romæ Jupiter Capitolinus Deus habitus supra omnes Deos; ergo & vestigialia ejus Templi maxima. Eo Seneca respicit, quanquam & aliò referri posse non negaverim. *In quas per Temppla aditur*, interpretor vel *κατὰ τὸ ἑπὶ τὸν ἀπλὸν* quod nec tibi displicere video; & pluribus exposuerunt alii: vel hoc modo: In quas non prius aditur, quam ab introituris orati Dii in Templis suis fuerint, ut institutum iter fortunare, & Cæsarem propitium præstare velint. Videntur & ipsis Imperatoribus sacra fecisse, qui erant eos adituri. Nōlli versus Ovidii in 111. de Ponto:

*Sed prius imposito sanctis altaribus
igni,
Thura fer ad magnos, vinaque pura,
Deos;
E quibus, ante omnes, Augusti
numen adora.*

Translatus mos è Curia & Senatu ad defœdam Principum adulationem. Alexandrum cur Antigoni vocet nepotem Seneca, juxta tecum miror, neque interpretatione hic, sed excusatione opus illi esse existimo. De parmæ veteris magnitudine assentiri tibi non possum: obstat enim vox *διὰ μέγεθος*, quam *ἀντιπροσφειάς* esse usquam ab eruditissimo scriptore positam, adduci nequeo ut credam. Obstat & res ipsa: cum certum sit, *πάρμην τρίτην*, ex interpretatione ista, inutilem futuram, aut non magno certè usui: nisi putas, eruditissime Lipsi, de his locutum Procopium in Militiæ Romanæ descriptione: *μικρὰς* quasdam *ἀσπίδας* commemorantem, quæ faciei tantum & collo tegendis essent. Locum adscribam, quia Græcum, opinor, non habes: sic autem ille in prioris *τρίτην*, hoc est, totius operis præfatione: *τοιαύτη μὲν περὶ τῆς ἡγεσίας φασί ναιαι πρὸ πρῶν· ἡ δὲ γὰρ πρὸς τὸν πολεμικόν, ἵατιν μὲν ἀρχαίον πειρακισμένοι πρὸς καὶ κινησάσας ἐναρμόζονται, μέχρι εἰς γένον· ἡ δὲ αὖτις δὲ τῆς δεινότητος πλευρὰς πρὸς βέλῃ· δὲ τῆς ἐτέρας πρὸς ἑξῆς· εἰσι δὲ οἱ καὶ ὀρεῖ πρὸς σαρπηδά, καὶ βραχὺά περὶ τῶν ὤμων ἀσπίς, ὅχλῳ χάρις, εἰα πρὸς τὴν ἀμφὶ τὸ πρὸς σπον καὶ ἀρχὴν ὁπικαλῆσαι. In notis ad Polybium pluribus ista disputamus;*

Q

ubi

1601. ubi etiam de altero loco, ubi *διὰ μέσον* exponis similiter, à te dissentimus: non contradicendi studio, quod hominis est aut improbi, aut invidi, desiderio veri cognoscendi, quod scimus esse in te maximum. Vale, doctissime & candidissime Vir. Scripsi raptim, & tumultuario stilo. *Lutetia Parisiorum, a. d. VII. Eid. Jul. CIO IO CI.*

EPISTOLA CCXXXVII.

✠ DESIDERIO HERALDO.

1601. **D**E rebus nostris ex iis, quas ad Illustrissimum Principem aliosque scripsi, intelliges. Novissimæ tuæ perculerunt nos: neque ea res nihil habet ponderis. Nam absurdum videtur, τὰ ἀπὸ τῆς διάνου, τῶν δὲ παρόντων ἡδονῶν ποιεῖται ὄρα· ἀλλὰ πρὸς τὰ τοιαῦτα, βῆς ἐπὶ γλῶσση καὶ τῇ μέγας. Ut nunc res sunt, quid nobis sit futurum, juxta scimus cum ignarissimis. Rex ἀπὸ τοῦ ἀβιτουριαν-tem retinet, sed retinet blandis verbis. Consilii nostri causæ dum manebunt, voluntas exequendi, quod orsi sumus, manebit. Quid igitur tandem statues? Hoc si me roget aliquis, jubebo pauxillum adhuc temporis expectare, & mecum *καταδοκεῖν τὸ μέλλον*. Deus, cui nos nostraque esse curæ toties sumus experti, hic quoque, spero, nobis aderit. Atque hæc una spes in tot adversis nos solatur. Vale, amicissime Herald. Uxor te, & tuam amantissimè salutat. *Lutetia Parisiorum, a. d. VI. Eid. Jul. CIO IO CI.*

EPISTOLA CCXXXVIII.

✠ MARCO VELSERO.

1601. **N**on dubito, Vir nobilissime, quin cessationem meam tacitè cogitatione apud te reprehendas. Nam, quod ingenue fateor, tertius jam, opinor, hic mensis est, ex quo nihil ad te literarum dedi: itane oblitus nostri? inquires. Tu verò *ἐν φῆμει ἄν*, & tibi persuade, πέντε ἑτάλλα prius γενέσθω, quàm nos chari adeò καὶ τιμῆς capitis oblivio capiat. Sed me per hos superiores menses ita anxium, ita sollicitum, ita denique occupatum nostra negotia habuerunt, ut de silentio nostro conqueri jure nemo queat. Scis tu, nobilissime Velsere, quæ sit eorum conditio, qui vel in *ἐν τακτοῦσιν τὰ μέγιστα* aulis degunt: nostrum verò si modum teneas, si genus vitæ τῶν ἐν αὐτῇ καὶ πάντων τῶν πρὸς αὐτὴν, mearum infrequentiam mirari, atque eo nomine mihi succensere statim desinas. Inquires nimirum,

& igneus planè herois hujus animus 1601, neque ipsi, neque aliis laboris inducias concedit ullas. Atqui adeundus alie nobis sæpius fuit, ut ex ejus voluntate de futuro statu nostro aliquid tandem constitueremus. Nam etsi propter optimorum librorum copiam, & præstantissimorum virorum consuetudinem capit nos incredibiliter regia hæc urbs, præponderabant tamen ei multæ graves aliæ causæ, quæ mihi non tedium solum, sed & odium præsentis conditionis afferebant. Itaque *γὰρ πρὸς τὴν* cogitabamus. Aliter, credo, superis visum: neque enim missionem ab optimo Principe, cum & ipsi, & per alios obnixè rogaremus, potuimus tamen impetrare. Ac consilium quidem fortunet Deus Opt. Max. Cæterum eam scito rationem esse hujus aulæ, ut certior sit gravissimorum incommodorum ob certorum hominum ἀπεροκολίας metus, quàm ullius commodi ex benevolentia Principis benignissimi expectatio. Tantum ille unus potest, qui unus ac solus regis pecuniæ promus est ac condus. Hic ille est, qui invisam hætenus Lutetiam nobis reddidit. Hic etiam est, quo repugnante promoveri adhuc quicquam in tua causâ non potuit. Frustra enim jus aut æquitatem rei allegis apud eum, cui ad omnium voces quacunque ex causâ pecunias repetuntium, aut poscentium aures obsurdaverunt. Nondum tamen de tuo negotio omnem penitus ex animo spem abjeci: adhuc superest una, quam heri primum tentavimus, via. Admoniti enim ab amicis, venisse ad Regem Lugdunensium Legatos, qui de veterum quorundam nominum solutione agerent, & in eam rem *πρὸς χρημαστῶν* novos aperirent; ad illos accessimus, deque tuo negotio cum ipsis egimus. Quid hinc nobis sit sperandum, brevi faciam te ut scias. Vale, Vir amicissime; tibi-que nulla in re operam nostram defuturam, firmiter crede. *Lutetia Parisiorum, a. d. VI. Kalend. August. CIO IO CI.*

EPISTOLA CCXXXIX.

DAVIDI HOESCHELIO.

Non utar longiore excusatione apud 1601. te, Vir amicissime, ut diuturnioris silentii culpam à me nunc amoliar. Confido enim, penitus tibi esse perspectum τὸ ἀρρίπτειν καὶ βίβαιον ὃ ἡμεῖς ἔδωκε. Quare non dubitabis, vel si verbum non addiderim, quod plusculos menses apud te siluerim, magnis & continuis occupationibus meis id esse feren-

1601. ferendum acceptum. Hæc maxima, ac prope unica est causa mea hac in parte indigentia. Accedebat, quod diu incerti de futuro statu nostro fuerimus. Itaque rerum nostrarum quis exitus futurus esset, priusquam ad te scriberemus, exploratum habere volebamus. Ac fuerunt quidem causæ graves, cur missionem à Rege posse impetrare optaremus; sed cum omnia experti alienam ab eo consilio voluntatem illius esse cognoverimus, mutare sententiam planè ἐκόντες ἀέκοντες ἡμῶν constituimus. Multum studiis nostris hæc cogitationes incommodarunt: absque quibus fuisset, absoluta jam foret, quæ necdum inchoata est, τὸν μετὰ Suetonium ἱστορικὸν editio; necnon alia item non pauca: quæ brevi, vitam atque otium præstanti Domino, emissuri sumus. Sumus nunc in Commentario de Lectis & Veste stragula: qui etsi majoris operis pars est, seorsim tamen οἷον γὰρ μὰ τι ἔστι συντέγματος ἔδει edetur. Ita quidem constituimus nos, & jam per nos parata omnia. Caterum operum nostrarum ignaviam præstare haud possumus. De Photio tuo satis superioribus literis, & quidem non unis. Utinam, quod videris polliceri, Procopium pari elegantia & fide susciperes edendum. Habeo regium exemplar in manibus meis: quod publici juris facere, si te alia studia sibi vindicaverint, pedibus manibus contendemus. Sed age, doctissime Hoescheli, tibi huic quoque oneri, & me hac curâ leva. Equidem ita studiosus sum ejus scriptoris, ut editionem illius omni studio atque operâ procurare constituerim. Vale, amicissime Vir, & me ama. *Lutetiae Parisiorum, a. d. vi. Kalend. August. c10 10 c1.*

Quas accepi nunc ipsum à nobili Pictavo, eccum tibi: quicquid viâ Lugdunensi missum à te fuerat post meam illa ex urbe profectionem, totum periiit. Quæ jactura, si nullo tuo incommodo sarciri potest, quid codici meo desit, tibi significabo.

EPISTOLA CCXL.

✠ D. CONSTANTII.

1601. **D**UO mihi in Epistola tua, Vir amicissime, placuerunt eximiè: amoris notæ, quibus illa tota est conspersa, & τὸ εὐχρηστικὸν τῆς διανοίας. Horum prius illud facile mihi præstare, & quidem ἰξίσως posterius velim à me exigas: at non nunc certè. Scribimus enim ista inter plurimas occupationes; & scribimus more nostro, hoc est, ἐπιστορικῶς ac sine cura. Non enim id agimus, ut rectè

scribere tibi videamur, sed ut amari te à 1601. nobis ἐπελπίαν, & singularem pietatem tuam, tot præstantibus animi doribus junctam, justis ponderibus æstimari mihi persuasum habeas. Quod igitur in scribendi officio nos anteverteris, rem fecisti gratissimam; eoque nomine plurimum me tibi debere profiteor. Posthæc ne pudorem nobis tua diligentia incutiat, cautio erit. Quanquam, si quis, mi Constans, quam vitam post abitum tuum hætenus vixerimus, cessationem meam æquiore animo feras. Dum enim feriò id agimus, ut aulam hanc ὡς πρὸς πόλιν fugiamus, multas hebdomadas aulici, (ὁ Ζεὺς καὶ οἱ αἰεῖ) aulici esse cogimur. O genus vitæ non ad gustum mihi! ὁ jacturam studiorum gravem! quæ quidem si diuturnior futura est, bonâ fide affirmo tibi, de amico tuo conclamatum est. Et erant tamen ferendæ arduæ istæ, si per has molestissimas molestias ad optatam quietem pervenissemus. Nunc spes meliorum relicta nulla. Detinemur enim, & sperato portu adhuc arcemur. At conditionem tuam fecisti meliorem, inquires. Testor æternum Deum, non curo taceri. Solo enim hic sumus corpore, animus quàm longissimè abest. Itaque languemus, & cum nos humana deficiant prædia, expectamus divina. En epistolam bene longam, & tui dissimilem. Vale, Vir præstantissime, & me constanter ama, constanter futurum tuum. *Lutetiae Parisiorum, propriidie Kalend. August. c10 10 c1.*

EPISTOLA CCXII.

POMPONIO BELLÆVRÆO, ✠
FRANCIÆ CANCELLARIO.

CUM nudius quintus adiissem ad te, 1601. ut hominis conjunctissimi causam tibi exponerem, quæ tua singularis benignitas est, jussisti me illicò domum pedem referre, & literulis meis vacare; nolle enim te, ut propter istius generis curas à lucubrationibus nostris avocemur vel tantillum. Utar, Illustrissime Domine, beneficio tuo; & ne quid nobis temporis pereat, brevi hoc schedio ad præcellam & illustrem Amplitudinem tuam homini amicissimo aditum patefaciam. Deus Opt. Max. Illustrissime Domine, annos tibi Nestoreos, omni felicitate cumulosos, largiatur. Amplissimæ dignitatis tuæ observantissimus,

IS. CASAUBONUS.

De Paris à Paris, au logis
de Mr. le Chancelier,
le VII. d'Août 1601.

Q 2

EPISTO-

EPISTOLA CCXLII.

JOANNI MEURSIO.

1601. **A**In' tu verò, nullas accepisse te à me literas post Exercitationum tuarum publicationem? Atqui scripsimus nos ad te, eruditissime Meursi, Lugduno Segusianorum non semel. Periiisse autem literas nostras in itinere, neque tibi fuisse redditas, ex tua primùm epistola cognovimus. Nam si vel tenuis ejus rei suspicio ad nos pervenisset, officio, mihi crede, non defuissimus, quin iterum aut sapius & de accepto munere te faceremus certiores, & gratias pro illo gratissimas tibi ageremus. Puto cum illis melius actum, quas ad amicum illum tuum dedi, qui Aureliano Lugdunum & epistolam tuam, & librum simul miserat: cum igitur quorundam, quibus meas commiseram, perfidiâ factum sit, ne tempestivas tibi gratias agerem, accipe nunc *πρόφρονι* *ῥομῇ*, seram quidem, sed seriam, & ab animo proficiscentem verè grato, verè tuo, gratiarum actionem. Neque enim parum me tibi debere sentio, qui amoris tui adversum nos tot exstare in eruditissimis scriptis tuis expressa vestigia volueris. Persuade autem tibi, mi Meursi, ex omnibus, quos eruditio tua tibi conciliavit, esse omnino neminem, cui nos in amore tui & tuarum virtutum prædicatione concedamus. Librum de Gloria tuum, multò antè, quàm missum à te exemplar acciperemus, avidè, ut omnia tua, legeramus, & amicis ostenderamus. Nunc etiam quid moliaris, quid ab ingenio tuo expectare habeamus, laboro scire. Quod sit nostrum de lucubrationibus tuis iudicium, facile inde colligas. Audio editum pridem esse ab eruditissimo Heinio Silium Italicum: & jam in Hesychio eum esse. Velim ex te scire, verè hæc, an falso hic jactentur. Nam de Silio nihil nos docent isti Francofordiensium nundinarum catalogi, quos quidem viderimus. In Hesychio posse illius inceptum adjuvari nonnihil operâ nostrâ existimamus. Quanquam scio, qui magno Scaligero adeò familiariter utatur, posse eum non nostram modò opem, sed omnium ἀπαξάντως quamlibet eruditorum contemnere. Proximis literis scribebat Scaliger, Heinium aliquid ad nos literarum dedisse: quas vidimus adhuc nullas. Vale, amicissime Vir; & Grotio, Scriverio, Heinio, adolescentibus supra suos annos doctis, plurimam à me salutem. *Lu-
tetia Parisiorum, a. d. VI. Eid. Aug.*
C10 10 C1.

EPISTOLA CCXLIII.

PHILIPPO CANAIO A' ✠
FRAXINIS.

CUm nuper discederem à te, ad 1601.
Episcopum Ebroicensē profectus, convenire illum non potui. Post illa autem domi nos invaletudo multos dies continuit. Heri demum parantem iter ad te, certiores me de tua isthuc profectioe amicus fecit. Quando igitur præsens non possum, contitui per epistolam te orare, agas semel adhuc de negotio nostro cum Episcopo Ebroicensi, qui pro sua singulari humanitate opem operamque suam prolixè nobis est pollicitus. Scio multum te apud ipsum gratiâ valere: itaque si nostras ad ipsum literas commendatione tuâ adjuveris, non dubitamus, negotium, in quo tot jam menses frustra laboramus, & brevi, & de facili confectum iri. Aequitatem *ἀεὶ* nostrâ pluribus tibi exponere supersedeo: rem enim tenes omnem. Illud nempe unum agimus, ut nos Rex aut occupet, aut dimittat. Et optamus, nos quidem ne tanti Principis iudicio inutilis opera nostra ad promovenda studia literarum censeatur: ceterum si ita accadat, labentibus reculis nostris de amicorum sententia consulere pro virili conabimur. Verùm de his melius coram. Vale, amplissime Vir, & amicissime. *Lu-
tetia Parisiorum, a. d. XVIII. Kalend. Sep-
temb. C10 10 C1.*

EPISTOLA CCXLIV.

VINCENTIO PINELLO. ✠

ET quidem, amantissime atque offi- 1601.
ciosissime, planèque, ut est apud Poëtam, *ἔξ ἀκοῆς μέγα ψυχῆς*. Ea namque est, Venerande Senex, virtutis tuæ præstantia; ea sunt tua in Rempublicam literariam merita, ut nemo hodie sit paulò saltem humanior, quin tuum illud Musis amicum nomen & nôrit, & suspiciat. Hoc facimus nos certè jam pridem, teque, etsi de facie ignotum, singulari tamen veneratione multos jam annos silentio prosequimur: prima nobis tua notitia ex doctissimorum hominum scriptis, qui præstantiam ingenii tui, & propensionem in literas, earumque amantes certatim dilaudarunt. Ferreus enim sit oportet, aut penitus ἀπρόκαλος, qui cum non miretur, in cuius laudes tot exquisitæ eruditionis viros, Italos, Gallos, Germanos videat consentire. Nos verò in ea mente non
medio-

1601. mediocriter postea confirmavit Petrus Galeſius, Hispanus, ὁ μακαρίτης, tuus quondam, opinor, familiaris: quem de tuis laudibus multa sæpe audivimus prædicantem: cumulus demum ingens admirationi nostræ tuarum virtutum per eos sermones accessit, quos de Musis & earum alumnis, ego & amplissimus vir, omnique laudatione major, Præſes Thuanus, quot diebus habemus. Sic enim tibi persuade, clarissime Pinelle, cum multos ubique gentium doctrina moresque tui meritò tibi conciliarint; neminem tamen extare usquam, qui Thuano aut sentiat de te magnificentius; aut libentius, quoties de præstantibus Italiæ vestræ viris sermo incidit, tuum nomen laudibus in cælum ferat. Idem sensus & cæterorum omnium, quos in hac urbe amor & notitia literarum supra vulgus extulit: eximie autem Francisci Pithœi, cuius singularem eruditionem pari junctam probitate, pridem tibi esse notam scimus. Ab hoc doctissimo viro cognovimus, esse penes te ἀνεδότων Procopii manu exaratum Codicem. Cujus libri invisi adhuc nobis, exemplar sicundè possemus aliquâ ratione nancisci, faceremus libentissimè, ut cæteris ejus excellentissimi scriptoris libris, quorum editionem nunc paramus, eum adjungeremus. Quamobrem oro te, præstantissime Pinelle, atque adeò per tuum in literas amorem te obsecro, ut exemplaris tui, de quo solo nobis aliquod compertum est, copiam nobis quàm primùm facias. Poteris, si videbitur, amplissimo Regis Legato, qui nunc ad vos proficiscitur, viro excellentis doctrinæ, veterique amicitia mihi conjunctissimo, tuum librum committere. Ille summâ fide curabit, ut absque periculo ad nos perferatur. Feceris rem omnibus, opinor, literarum amantibus gratissimam, & tuis moribus καὶ πρὸς προεξομιάνοις convenientissimam: me certè, incredibili quodam novem Sororum amore succensum, immortalis beneficio tibi æternum devinxis. Vale, Senex venerande; & Nestoreos annos, faciente Deo, felix imple; meque tui nominis studiosissimum, tuâ benevolentia dignare. *Lutetia Parisiorum, a. d. ix. Kalend. Septemb. c10 10 c1.*

EPISTOLA CCXLV.

✱ JANO GRUTERO.

1601. **M**Agnum mihi novissimæ, quas à te accepi, Vir doctissime, gaudium attulerunt, quòd de tua valeru-

dine meliora expectatione significarent. 1601. Scis, credo, qui meus sit erga Musas & omnes illarum ἀσφίτας amor: tu verò ita mihi charus, ut verè dicere possim, ex omni tuorum numero paucos esse qui aut commodis tuis magis ex animo latentur, aut adversis doleant: quòd igitur videtur vetus illa tua infirmitas mutasse in melius, & gratulor tibi ὡς προθυμότητι, & summum παῖδινα oro atque obsecro, ut integram, numerisque omnibus perfectam sanitatem, & ἐν ἑσὶ tibi benignus præſter. De magno opere, cuius urges editionem, quid nobis sit sperandum, cupio ex te scire: nam angit me quod scribebas de operarum tuarum lentitudine. Burgundicæ illæ inscriptiones, quarum meministi in tua epistola, tanti non sunt, quæ morari te debeant. Nobis adhuc illas posse nancisci, datum non est. Ex omnibus regni hujus provinciis vix ulla est, in qua paucos æquè habeamus notos & familiares. Itaque opera mea minus hic tibi futura utilis: quanquam si ita lubet tibi, experiemur, quid possimus: fortasse enim ταυτίματιν ἡμῶν κάλλιον π βυλεύεται: quod in rebus hujusmodi sæpe sumus experti. At superiorem ætatem ita habuimus duram & difficilem, ut alia omnia quàm studiorum amœnitates cogitare fuerimus coacti. Posthæc, siquid humanis rebus fidendum, rerum nostrarum & certior & melior futura conditio. Quantum enim molestiarum quorundam περιστάσι, imò perversitas nobis exhibuit, tantum optimi & benignissimi Regis amor sponder in posterum præsidii. Deus nimirum est, Deus Opt. Max. qui sui timentibus opportuno semper tempore χρεὼν παρέχει. Sed teneo te diutius, amicissime Grutere, & in publica pecco commoda. Vale igitur, & me constanter ama. *Lutetia Parisiorum, pridie Kalend. Septemb. c10 10 c1.*

EPISTOLA CCXLVI.

SCIPIONI GENTILI. ✱

Mitto tibi, Vir clarissime, Syntagma-1601. matium super Satyrica Græcorum & Romanorum Satyra, simul & scriptum nobis, & editum: nam ut Horatiano præcepto pareamus, per occupationes nostras non licet nobis. Et profectò res non erat tanti. Equidem soleo invitissimus ad scribendum trahi, qui probè conscius ingenii, doceri à mutis magistris, quàm alios ipse docere præoptem. Sed mihi per amicorum celeusmata otioso esse non licet. Itaque excitati illorum prope convitio

1601. quotidiano, aliquid scriptitamus, quod prelis statim subjicitur. Hic genius meorum scriptorum, doctissime Gentilis: quæ si postulem tibi probari, jure exclames, frontem de rebus periisse. Nos certe tironibus scribimus: neque vos spectamus doctos, cum commentamur. Velut nuper cum Persium ederemus: nam etiam tirunculorum rationem habui tunc: nunc quoque propositum argumentum ita ubertim tractavimus, ut non multa desiderari putem, quæ eo spectarent. Cur succenseatis, vos docti? non enim parata vobis hæc mensa: exquisitiores epulas, scio, eruditum palatum vestrum requirit: nos has epulas iis instruximus, qui paupere cenâ & simplici possunt esse contenti. Si tamen cum à gravioribus studiis vacabis, διαγωγῆς χάριν libellum hunc inspexeris, peto à te per nostram amicitiam, censorem induas, & judicium tuum de ea scriptione, seposito affectu mihi aperiās. Hoc ego à te sic contendō, ut nihil possim vehementius. Tuum enim est, mi Gentilis, de istiusmodi rebus judicium: qui ad exquisitam eruditionem & Juris civilis scientiam, studium Poëticae adiecit. Poëtam autem de iis, quæ ad Poëticam spectant, judicem ferre, nulla est invidia. Da hoc igitur amicitiae nostræ, ut non quasi amicus, sed quasi judex severus, in libellum hunc animadvertas, & liberè me de omnibus moneas, quæ improbaveris. De Judæo vestro gratissimum fuit quod scripsisti. Utinam unà essemus: sic agerem ejus discipulum, ut fortasse aliquid operâ meâ posset uti: non possum negare, amare me illas literas: etsi quantum adhuc profecerim, poenitet me. Gratissimum feceris, si de ejus inceptis feceris me certiorē. Miratus sum in inchoato Dictionario cur tantum vacuæ chartæ interponeretur, inter auctorum πρὸς χάριν: nam si ad hoc exemplum opus procedit, quis par erit tantis sumptibus? atque parci poterat dimidio hujus impeniæ. Iterum te rogo significes mihi, quid parer, quid habeat præ manibus. Vale, & me constanter ama. *Lutetiae Parisiorum, a. d. 111. Non. Septemb. c15 15 c1.*

Inscriptio.

Clarissimo Viro, Scipioni Gentili,
Jurisconsulto celeberrimo, amico plurimum colendo. Altorfium, cum libro.

EPISTOLA CCXLVII.

JOSEPHO SCALIGERO.

Illustrissime Vir, & literæ tuæ, quas 1601. superioribus diebus Labbæi fratres mihi tradiderunt, & multò etiam magis sermones ipsorum τὰ ἑρρωμένον τῆς σῆς πρὸς ἡμᾶς Φιλίας abundè testantur nobis. Agis nimirum, Vir sapientissime, convenienter moribus tuis: tibi, inquam, constas; & quem semel orandum suscepisti, commendatione tuâ & patrociniò non desinis honestare. Quid ego nunc tibi pro tantis beneficiis tuis gratias verbis meis agere institutam? Me verò ita ament οἱ κρείττονες, ut quoties de tui erga nos amoris magnitudine venit in mentem, verba deficiunt: eò quidem magis, quòd causam hujus tui affectus in me scio esse aut nullam, aut non magnam. Equidem conscius mihi sum, in æstimatione & veneratione tuarum, quas super terrarum orbis, virtutum nemini me cedere. Sed non ita insanio, ut gratiæ id mihi apponi velim, quod tibi etiam cumulatiùs debeatur, quàm præstari à quoquam possit mortalium. Nam is demum admiratione suâ ingenii tui dotes æquabit, qui capiet. Quis autem ille est? aut in quo terrarum angulo nobis quærendus? Ego adhuc novi neminem. Itaque longè alia, Vir excellentissime, conditio tua est, quàm cæterorum, qui eruditione suâ atque ingenio admirationem sui in animis τῶν Φιλελεσθῶν (in quæis & nos sumus) excitant. Illos non solùm ἱπποκρίτων, qui usum dicendi vel mediocrem habent, possunt; verùm etiam ὑπερπαινῶν: præstantiam verò animi tui nullus unquam Tullius satis laudaverit: nedum ut merita in Rempublicam literariam tua augere dicendo vel amplificare possimus nos. Vel hic Græcus Cato tuus, doctissime virorum, quem scimus non παρὰ δὲ, sed σχολῆς τῆς σῆς εἶναι τέκνονμα, quid habet in eo genere aut par sibi, aut proximum? σέβας μ' ἔχει ὑπερῶντα. Eant nunc Græci, & suum Plaudem nobis ostendent. Sed de Plaudem minus sum miratus, quem ego scriptorem inter coryphæos habui nunquam. Gazam verò, Græcorum omnium, qui à multis sæculis vixerunt, longè doctissimum, longo adeò intervallo esse à te superatum, & quidem in vernacula sibi lingua, futura ætas mecum, scio, demirabitur. Hoc igitur tam eruditum carmen tuum, cum cæteris quæ illi conjunxisti, ut quàm emendatissimè & elegantissimè hic edatur,

1601. tur, ego & Labbæi fratres summo studio curabimus. Atque utinam, divine Scaliger, consuetudine tuâ frui aliquando possemus. Diem nullum intermitterem, quin è thesauris ingenii tui rarum aliquid, & præclarum, elicerem. Testor illum, qui omnia *ῥητὴ καὶ ἀρρήτα* habet nota, non aliâ viâ quàm tuorum inventorum publicatione, si mei sit arbitrii, ad tradendam posteris nostri memoriam fore grâtiarum. Quod si per te licet, tentabimus posthâc, etiam absentes, fructum hunc amoris tui percipere, ut quæ nescimus per te doceamur. Dabis enim, spero, mihi hanc veniam, ut gravissima studia tua interpellare ne dubitem. Vale, Scaliger, meum decus, & me constanter ama. *Lutetia Parisiorum, a. d. vi. Id. Septemb. c17*

17 c1.

* Philippi.
cap. 11.
vers. 30.

† Scaliger.
Epist. LX.

Memini superioribus literis, quas ante quatuor fermè menses ad te dedi, multis tecum egisse de loco Pauli *, ubi vulgò legitur, *παρεβυλεύσατο*; † nos tecum affirmamus scribendum, *παρεβυλεύσατο*, [ut & in Puteani codice invenimus, cum hac interpretatione: *parabolans fuit de anima sua*] & multos Chrysostomi locos similiter emendamus, ubi constanter hodie & scriptum pro o simplici. Nam quin ita scripserit Chrysostomus, non sinit nos interpretatio ipsius dubitare. Hæc igitur, & *φιλοσοφία* alia nonnulla iis literis: quæ an pervenerint in tuas manus, scire velim: responsum certè accepimus nos adhuc nullum.

Σητήσεις Διά.

Invenio apud Rambam in præclaro opere *הנבנים* multam mentionem cujusdam populi, cujus alibi nomen non legi: *Zabios* ‡ vel *Zabeos* vocat. Plurima de istis libro I II. cap. xxx. & xxxviii. & xlviii. Doce me, obsecro, quæ hæc gens fuerit. Ego Hebræum codicem ejus scriptoris vidi adhuc nullum. *Sabeos* esse non puto, qui Hebræicè *סבאים* per s, non y aut f. Arabs tuus Geographus de istis fortasse aliquid.

‡ De his fuit Salmasius Prolegom. ad librum de Annis Climactericis, & Pocockius Notis ad Specimen Historiæ Arabum Abul. Fa. raii, pag. 138. & seqq. Colomel.

Etiam quæ de vocibus *Hacat* & *Hacot* disputat idem Moses, cum alibi, cum libro I II. cap. xlvii. & xlviii. non assequor; & ut rationem harum vocum mihi explices, te oro. Videtur esse aliquid affine voci Hebræicæ *חכמים*; sed Interpretes Latini peregrinas voces, quas retinuerunt ut *παιδαίς*, mirè torquent: quod non semel observavimus.

Inciderunt in manus nostras octodecim paulò minus Mosaicæ Geneseos capita, Hebræicis characteribus scripta, sermone, ut existimo, puro puro

Arabico. Ex schedæ magno nobis ad-1601. miniculo fuerunt, *ἀεχέζον* tentantibus: cum præsertim puncta essent adjecta, deessentque nobis omnia alia prælidia. Nam Romanæ editiones sunt *ἀπαιτοι*. Cupio igitur, *σβασιμύτα* Scaliger, doceri à te, quantum istis *ἀδισπώτοις* chartis tribuere debeam. Eà sine pauca inde hic descripsi, planè ut sunt à me inventa. Sic igitur illæ:

אול כח כלל אל סמאח ואל ארד
ואל ארד כחנח נאחח ומכהבחרהוצלאם
עליונה אל נמר
ורח אלהה חכ עליונה אלכח
ויח אלהה חכ כור כבאן נור
פלמח עלם אלהה חכ אל נור גך ופעל אלהה
כין אלכח וכן אל צלאם

Ad hoc exemplum cætera sunt exarata: bene an secus, scirem, si me Deus Opt. Max. tam voluisset esse felicem, ut vel pauculos solum menses tibi, divine Vir, possem *μαθηπύην*. En erit unquam ille dies, cum voti hujus dam-nabor? Interea per ego te supplex oro, *βεβλημένον οἰστρον* peregrinarum linguarum aut re juves, aut consilio. Cum in eo libro, quem de Critica fecimus, omnem Hebræorum *κεμπλήν* explicare sit animus, *σύντα τῶ Θεῷ οἰπέν*, velim indices mihi, si quem Rabbiorum vidisti, qui in eo argumento operam non poenitendam posuerit. Ego præter notas Bibliorum Venetorum, & eruditissimi Eliæ libellum, novi nihil hujus generis.

Ad hanc respondet Scaliger. Epist. LXII.

EPISTOLA CCXLVIII. THEODORO CANTERO.

Accepisti, opinor, Vir amplissime, 1601. quas ante mensem unum, vel alterum ad te scripsi. Ex iis rerum notarum statum omnem cognovisti. Ue nunc res sunt, incolæ hujusce urbis diutius quàm persuaseramus nobis videmur futuri. Sed non ignoras, & omnium quidem humanarum rerum *ἔξωχος δὲ τὸν ἐσταυθῆα τὸν πύλον, καὶ ἀπαλῆσαι*. Simul nôsti, superiorum motuum vel causas, vel certè *τὰς ποσφάσεις*, non esse sublatas. Itaque malis liberati, quæ regnum hoc prope jam pessum dederant, metu nihilominus & suspitione *τῶν μελλόντων θηνῶν* non caremus. Nos tamen ista mediocriter, atque adeò intra modum afficiunt: quippe longo usû jam doctos, unicum esse *ἃ παλὸς ἀπαρδύναμιν κυβερνήτην*, qui pro sua voluntate *τὸ ἃ θέμις αὐτῷ λαὸν πλοιάριον* regat dirigatque. Sed & Regis maximi conversus ad otium & artes pacis animus,

1601. mus, læta & tranquilla sponder omnia; dum quidem tantus Imperator habenas tractabit: quod ut quàm diutissimè faciat, nemo est τῶν μισοπελίμων, quin precibus suis à Deo contendat. Quicquid sit, quod nos maneat, in eadem, nisi fallor animi, & nos, & vos sumus navi. Sic enim judico: neque nostram, neque vestram florere posse Rempublicam ἡμετέραν, quod omen abominor, τῶν κοινῶν ἐχθρῶν. Ceterum τὸ μέλλον θεὸς καὶ ἐν γένοιτο. Quod scribis, paratos habere te de Veterum sacris opertaneis commentarios, ita nos Musæ ament, ut lætati sumus jucundissimo eo nuntio. Meminimus enim, multa inter lectitandos auctores reperiri, propter ignorationem illorum rituum caliginosa, & ad intelligendum difficilia: quibus omnibus opera & diligentia tua claram iri illatam lucem non dubitamus. Pertinet eo Clementis Alexandrini locus, de quo ad filium scripsisti. Sed malè in omnibus libris scriptum: Ἀλλὰ τὰ μὲν ἐπὶ Σάγγα μυστήρια: cùm sit legendum, ἐπὶ τῇ Ἀγρᾷ. Agra & Alimus vicini Athenis δῆμι fuere, ubi mysteria parva peragi solita. De Agra disertè Stephanus, esse τῆς Ἀττικῆς χωρίον πρὸς τῆς πόλεως ἐν ᾗ τὰ μικρὰ μυστήρια ὁπταίνονται. Quare omnino sic emendandum. Illa verò Ἀθήνησι πεινῶσαι habent hanc sententiam: Unius populi, Atheniensis nempe, finibus conclusa, minus nocent universo mortalium generi. Opponit sacra solis nota Atheniensibus, ludis sacris, qui celeberrimi erant, & maximo plurimorum populorum concursu celebrabantur. Hos vocat αἰσχρὸν κοσμικόν, & in publicos omnium fermè gentium mores corruptelam magnam ab eo fonte ait manasse. Quod quæris de ordine, qui tibi servandus in instituto opere, impræsentiarum quod tibi respondeam nihil habeo. Longioris epistolæ, & otii majoris ea quæstio est. Et si autem non ita πεινῶμαι, ut operam aut consilium meum tibi hic censeam exspectandum: quia tamen ita vis, cogitabo ea de re attentius, & ubi primùm nactus ero plusculum otii, quid mei sit iudicii faciam te ut scias. Vale, Vir amplissime, & me constanter ama. Ornatissimis filiis tuis, contubernalibus olim meis, & eruditissimo Werkhovio plurimam verbis meis salutem velim nuncies. *Lutetia Parisiorum, a. d. VI. Eid. Septemb. c15 15 c1.*

EPISTOLA CCXLIX.

ANDRÆ LAMO. ✠

G Ratæ mihi, doctissime Lame, multis nominibus, quas à te accepi. Quod reducem te in patriam, properâ frui valetudine, nostri memoriam simul & amorem servare intelligam, capio ex ea re gaudium, pro eo ac debeo, maximum. Illud vero longè jucundissimum, quod de Regni vestri rebus, quâ politicis, quâ Ecclesiasticis, læta omnia, & literæ tuæ, & Vir ille optimus atque eruditissimus, qui eas nobis reddidit, nuntiaret. Fuera diu de te sollicitus; qui non ignorem, quot quantisque periculis capita sua obijciunt, qui itinera, adeo præsertim longa, sulcipiunt. Sed me à te mensum unum aut alterum curâ de salute tua nescio quis liberaverat, visum te isthuc sibi salvum atque incolumem seriò affirmans. Publicum rerum vestrarum statum ad firmam & stabilem concordiam esse perductum, coaluisseque omnium animos, qui leviter saltem videbantur in re non levi dissidere, ex tuis primùm literis, deinde ex Spotisvodi tui, vel potius nostri, sermonibus cognovi. Egi statim, mi Lame, atque etiam nunc ago Deo Opt. Max. gratissimas grates, cujus immortalis erga vos & universam ipsius Ecclesiam beneficio factum, ut erumpenti jam incendio, quod latè per regnum vestrum opinione hominum existimabatur grassaturum, iretur feliciter obviam, omnisque in posterum (sic enim speramus) fomes, omnia ἐναύσματα atque incentiva maturè subtraherentur. O lætum illum, & candido lapillo notandum diem, qui vestros omnium animos, non obscure prius commotos, & magnum humanæ imbecillitatis, nisi affuisset Christus ὁ σωτὴρ, exemplum duros, unum sentire atque unum velle primus vidit. Iterum iterumque, vel μυριάκις potius agimus, Lame eruditissime, immortales Deo immortalis gratias, qui hanc vobis piam mentem, hoc prudentissimum suggessit consilium. Sed & Serenissimum Regem vestrum plurimum pro sua pietate & prudentia ad tam præclarum facinus momenti attulisse, lætis auribus accepimus, cùm de tanti Herois præstantia multa Spotisvodus vester mihi narraret. Beatos vos! qui Regem nacti estis, qualem animo Plato conceperat, oculis nunquam viderat. Quid igitur ad consummandam omnibus numeris felicitatem vestram superest, nisi ut quàm diutissimè ille vos regat, vos illi secundum

1601. dum Deum ὡς προθυμίας pareatis? Cætera quæ & Regem vestrum & vos manent, illi erunt curæ, à quo pendent omnia. Vale, eruditissime Lame, & de meo in te affectu securus, constanter me ama. *Lutetia Parisiorum, Id. Septembris, ὡς τῆς ἐν σάββαις οἰκονομίας, C13 13 C1.*

EPISTOLA CCL.

✠ ANDRÆ MELVINO.

1601. ET quidem amantissimè, planèque, ut est apud Poëtam, ἐξ ἀρετῆς νόε. Ea enim est, doctissime Melvine, tua pieras, ea eruditio, ut neminem arbitrer hodie extare bonum, & literarum amantem, cui non sit nomen tuum eximiè charum, ne dicam notum. Genevæ primùm tua mihi virtus innotuit ex minorum virorum Bezzæ, & τῆ μακαρίτης Σπφάνη, nec non eruditissimi Lectii, aliorumque sermonibus: quos omnes de tua integritate, probitate, ingeniique præstantia, quoties tui incidisset mentio, multa eximia memini solitos narrare. Scis tu, quos igniculos in animis τῶν καλῶν καγαθῶν excitare splendor virtutis sit solitus: ut mihi videatur sapientissimè Majores pronuntiasse, bonos omnes sibi invicem conciliatos, invicem amicos, quantumvis sæpe intercedat ἡρεα πλῆλῃ μετὰ καὶ κόμαλα μακρά. Qui igitur pridem in te, doctissime Vir, in pietatem & literarum peritiam (quæ duo flagrantissimis semper votis nobis quoque experita) amem ac tacitus venerer, faciendum tamen duxi, ut affectus hujusce mei testes literas ad te mitterem. En igitur tibi leve quidem, sed certè ἀφελὲς amoris illius testimonium, quem à me, hoc est, ab homine tibi ignoto, constans tuarum virtutum fama expressit. Simul accipe & meam, & omnium φιλομαθῶν, quibus de singulari tua eruditione compertum est, æquissimam querelam. Non enim dubitamus, multa in Sacris præsertim Literis tibi elaborata esse, quæ magno Ecclesiæ Dei bono in studiosorum manibus versarentur. Quid igitur est, cur illa tu premas, & vigiliarum tuarum fructus nobis invidas? At sunt nimis multi, inquires, quæis hodie manus pruriunt. Sic est profectò, Vir eruditissime, qui scriptis suis innotescant, habemus hodie multos; at Melvinum tamen habemus, opinor, nullum; aut certè oppidò paucos. Tu prodi, sodes: & quam personam Deus tibi imposuit, eam sic gere, ut ad nos quoque tuorum studiorum fructus perveniat. Vale,

doctissime Melvine: in tuorum numerum me posthac habe. *Lutetia Parisiorum, Eidibus Septemb. C13 13 C1.*

EPISTOLA CCLI.

PETRO MATTHÆO.

SI quid ad curam tuam pertinet, Vir 1601. amicissime, Lutetiam nos οἷς χάρισι salvos pervenisse atque incolumes, scibus. Quindecim ipsos dies in itinere consumplimus: cum adversus nos omnia elementa conspirasse viderentur. Aqua nos deficiebat: aer turbidus semper, & contrariis ventis infestus. Quid quod incendii periculum semel adiimus? taceo difficultatem producendæ hucusque mulieris ἐν κατὰ ἰχθύος. Taceo frequentes λειποθυμίας Carolæ, fidei nostræ ab illustri matrona commissæ. Taceo alias ψαμμακιστοχαρῆρας ærumnas, nobis in hoc itinere exantlatas. Cæterum levia hæc fuerunt omnia præ Charitatenſium calumnia, qui riscos uxoris, & librorum meorum fasciculos, merces esse causari, in jus nos vocarunt, & misellum nauclerum quatuor, & amplius, aureis multarunt. Hoc erat per alienum latus nos ferire: nam illi infelici nummulus fuit ὅδε ἔς, unde judicatum solveret. En fidem, en integritatem Judicium Charitatenſium, quibus pro hac insignita improbitate aut meliorem Deus mentem duit, aut παύλιναι παντὶ τῷ γένει εἰσνεγκη. Aureliæ primùm versa in melius fortuna nostra. Urbs pulcherrima & amœnissima, amici in ea nobis reperti multi, καὶ τῶν ἐν πλῆθι libri denique aliquot λόγος εἰς ἀνάγνωσιν eo loci nobis dono dati. Itaque læti inde atque hilares profecti, Lutetiam nudius tertius ὑποθέσας ἀποχαλῶς τῆς τύχης apulimus. Hic fuit peregrinationis nostræ finis: hic & epistolæ hujus finis erit. Non enim ex otii abundantia, sed amoris vehementia raptim ista exaravimus. Vale, amicorum intime, & me amare perge. Uxor pro tuo munere immortales tibi gratias agit. Vitam languentibus nobis inter navigandi molestias eo munere biduo ferè fovisti, servasti. Iterum vale. *Lutetia Parisiorum, a. d. XVI. Kalend. Octob. C13 13 C1.*

EPISTOLA CCLII.

JACOBO AUGUSTO
THUANO.

1601.

Amplissime Præses, tandem paruit * nobis ad Regis Bibliothecam aditus: etsi propius nihil factum, quàm *Yohannis Gesselinus, Bibliotheca Regia Custodita* ut optimi senis * morositas inutile nobis

R

bis

1601. bis beneficium tuum redderet, καὶ ἄχα-
 ριν χάριν. Jubebamur enim redire aliàs,
 & spem pro re domum reportare, quod
 eò futurum erat molestius, quia sæ-
 pius illuc veneramus ἀπρακτοί· sed bene
 quod exoravimus. Invenimus autem,
 non quod quærebamus, sed nescio quid
 aliud ejus generis: nam liber, qui Hi-
 storias Monachi & Theophanis continet,
 de quo Scaliger ad te, & quem
 ajebat Faber, fuisse annos multos pe-
 nes Franciscum Pithœum; is, inquam,
 liber ἔχεται, neque usquam hodie inter
 regios libros reperitur: quæsi vi etiam
 an exstaret illius nomen in catalogo;
 inveni nusquam. Verùm id non mi-
 ror: video enim, multos libros in album
 illud non esse relatos: neque est quic-
 quam eo catalogo ineptius. Reperi χρη-
 στικόν breve, cujus auctor dicitur Geor-
 gius Monachus: cum codicem ad dies
 decem utendum sumsi, ut inde excer-
 perem, quæ ad Scaligeri institutum fa-
 cere judicarem. Sed non est hic ille
 Historicus, quem summus ille vir desi-
 derat, quemque ipsi aliquando habui-
 mus & legimus. Nos etiamnum habemus
 excerpta luculentissima, quæ ante
 multos annos è Græco illo Chronogra-
 pho confecimus, quem Onufrius & Si-
 gonius Sæculorum Fastorum nomine in-
 digerant. Liber magnus est, qui hodie in
 Palatina Bibliotheca asservatur: ex eo
 facile fuerit totum fermè Eusebii Chro-
 nicon in integrum restituere, quod non
 dubito Scaligerum ex ingenio felicissi-
 mè præstiturum. Constitui tamen illa
 ipsa, quæ sola in potestate nostra sunt,
 excerpta ad illum mittere. Perierius *
 autem Bibliopola in Bataviam certum
 hominem post biduum aut triduum mis-
 surus est. Utemur eà viâ, nisi melior
 intercè se nobis ostendat. Tussis nostra
 adhuc nos vexat, cui curandæ post
 pharmacorum potionem & φλεγοµία, rationem
 aliam inire suadet Medicus. Illo jubente,
 cœnare levissimè, vinoque in totum abstinere,
 nisi in prandio, institui-
 mus: jamque meliusculè habere cœ-
 pimus. Vale, amplissime Vir, & nos
 ama. *Lutetiae Parisiorum, a. d. iv.
 Kalend. Octob. c10 10 c1.*

* Adria-
 nus Perier
 fuit gener
 Christo-
 phori
 Plantini.

EPISTOLA CCLIII.

EIDEM.

1601. **A**ccepi, Præses amplissime, utramque
 epistolam tuam, & quam ad Scalige-
 rum, & quam ad me hanc legi luben-
 tissimè, illam curabo diligentissimè. Sed
 quod scribis, ut fidei tuæ apud summum
 virum testimonium præbeam, næ tu, am-
 plissime Præses, frustra es. Scit Scaliger,

unum te, aut certè cum oppidò paucis; 1601.
 unum, inquam, esse, qui præstantiam
 ingenii illius aut possis pro tua eruditio-
 ne, aut velis pro candore tuorum morum
 ἀξίως æstimare. Ego memini, non unis
 literis familiariter cum ipso agentem
 scripisse ipsi, vixdum esse mihi inven-
 tum, te uno excepto, qui in penden-
 dis ipsius meritis mihi satisfaceret. De
 hoc autem officio tuo scripsi nuper ad-
 fatim, & iterum quoque scribam pri-
 mæ occasione ubertim. Quod scribis
 de gaudio tuo ob natum puerum, ne-
 mo est bonus & Republicæ amans,
 quem is nuncius non compulerit ma-
 nus in cœlum tollere, & Deo Opt.
 Max. gratias agere pro tanto hoc tam-
 que insigni beneficio, quod utinam,
 iterumque utinam firmum præstet nobis
 ejusdem Supremi benignitas. Scis vetus
 dictum Sapientis: πὲρ μέγαλα ἔθνεα δύνει
 μέγαν ἔχον φόβον. nos autem qui sumus,
 aut qui vivimus, aut quotuscunque est,
 qui tantum bonum satis grato erga
 Deum immortalem animo prosequatur?
 Verùm hæc illi curæ, cui uni sa-
 lutem suam servata Gallia toties debet.
 Librum tuum mitto tibi, quando sic
 voluisti: ego nondum absolvi ejus le-
 ctionem, factus lentior Patissonii nostri
 lentitudine, ut livorem uva ducit ab
 uva. Sperabam ruri per has vindemias
 hac oblectatione me fruiturum. Sed
 turbat valetudo: nondum enim febric-
 caremus, quæ eò suspectior, quò re-
 missior. Domi nos continemus; nisi
 quod heri maximum virum Florium Se-
 natorem invisimus. O doctum solidè
 hominem! de quo plura coram: plura
 enim nunc febris non permittit, quam
 hac nocte solitò graviores sumus ex-
 perti. Deus te servet, amplissime Præ-
 ses, & nos tecum. Vale. *Lutetiae Pari-
 siorum, Kalend. Octob. c10 10 c1.*

EPISTOLA CCLIV.

CAROLO LABBÆO.

Gratum mihi etiam atque etiam, 1601.
 eruditissime Labbæe, quòd de re-
 ditu in patriam tuo fratrisque fecisti
 me tuis literis certiorum. Posthac de
 studiis & inceptis vestris cum libebit,
 & quoties libebit, mecum δι' ἑπιστολῶν
 [ἃς φησὶ ὁ μέγας ἐν ἀγίοις βασιλεὺς, δι-
 νὰς τῶν ἀπόντων φίλων σκιαγραφῆν τὴν πα-
 ρείαν] pro necessitudine mutui inter
 nos amoris agetis. Mihi semper lon-
 gissima quæque à te, aut fratre tuo epi-
 stola, sicut olim de Aristophaneis ver-
 sibus dictum, accidet gratissima. Neque
 deero officio, quin rescribam statim, &
 paria vobiscum faciam. Amo enim vos
 καρῶς.

1601. *καρὸς μέλλον*: & de utriusque vestrum studiis nihil mediocre animo concepi. Pergite modò quo cœpistis pede: & laborum, quos Musarum amore alumni ipsarum sustinent, ne vos antè pigeat aut poeniteat, quàm *μέγα τι ἐσπεμένον* *πυρρίδι* in lucem protuleritis. Locus Glossarii, de quo ad me scribis, alium Oedipum desiderat, aut tempus certè ad deliberandum. Ager enim ista scribebam è lectulo; cùm mensem totum, & quod excurrit, gravis *ἀσθένεια* nos vexasset. Accedit languor animi propter aulica negotia, quæ etiam sic affectum prodire cogunt in publicum, magno valetudinis incommodo, rei familiaris autem commodo planè nullo. Jure, mi Labbæ, indignamur: miramur etiam, quòd hoc fiat, cùm nova quotidie testimonia non vulgaris benevolentiae Rex nobis exhibeat. Sed omnino latet aliquid *ἐνδομύχου*. Itaque videbimus, & *ὅν τῷ Θεῷ* in posterum providebimus. Vale, & nos ama. *Lu-
tetia Parisiorum, a. d. 111. Eid. No-
vemb. C13 13 C1.*

EPISTOLA CCLV.

DAVIDI HOESCHELIO.

1601. **D**E Phrynicho magnas & habeo, & ago tibi gratias. Næ multum tibi meliores literæ debent, qui ipsarum illustrationi tantum operæ impendas. Erat sanè ille Criticus & Nunnesii, & tuæ etiam opis indigus. Utinam ita res ferrent tuæ, ut omnes ejus generis Criticos veteres recensitos à te, arque isthuc editos, beneficio tuo aliquando haberemus. Neque enim nescis quàm multa sint apud Pollucem, Harpocrationem, Hesychium *τὴν πάλιν*, & alios similes, quæ corrupta, quæ obscura. Tibi porro facile futurum, hac diligentia, hac eruditione viro, ea præstare in editione scriptorum ejusmodi, quæ temerè ab alio, *οἷς νῦν βροτὶ εἶσι*, si fortè unum aut alterum excipias, expectari non queant. Aude igitur, mi Hoescheli, & fac, obsecro, ut immortalibus tuis in rem literariam beneficiis accedat hic cumulus. Quod tamen non eà fine dico, ut ab editione Procopii, quam paras, te avocem; quin oro te potius, atque adeò obtestor, ut ab instituto consilio, nisi re confectâ, dimoveri te non patiaris. Ego cùm de illius nobilissimi scriptoris editione cœpi cogitare, idem & tibi venisse in mentem nescivi: simul ex Notis tuis ad Photium de voluntate tua cognovi, mutatâ sententiâ, & tibi, & magnis viris, quos *ἀγαθὴ τύχη* nactus es *ἐργασάμενος*,

cedere constitui. Sive te intueor, & 1601. eruditionem, quæ in te est; sive elegantiam librorum, qui isthuc eduntur, cur tibi statione illâ cedere debeam, justissimas causas invenio. Satis hoc superque ad nominis nostri commendationem futurum, si observatiunculas nostras non censueris indignas, quæ operi tuo à te intexantur: *καὶ πάλιν μὲν ταύτῃ*. Vale, amicissime & *πρώτα* Hoescheli. Auctores post Suetonium dudum prælo subjectos, propriedem à nobis expectare te jubeo. *Lu-
tetia Parisiorum, a. d. xv. Kalend. Decemb.
C13 13 C1.*

EPISTOLA CCLVI.

JOSEPHO SCALIGERO.

MAGNUM amoris magni erga nos tui, 1601.

Vir inlustrissime, argumentum est, sollicitudo illa tua de rebus nostris, cujus mihi & nupera epistola tua testis, *καὶ ἔχ' ἔκαστε* amplissimus Vir, Legatus Regius. Agerem hoc nomine tibi gratias, nisi ea esset dudum tuorum in nos meritorum magnitudo, ut quoties de iis cogitare incipiam, (quod facio & lubentissimè, & læpissimè,) toties *ἀφασίας* cogar obmutescere. Qui igitur *ἀξίως τῶν σῶν εἰς ἡμᾶς ἐνεργημάτων εὐχα-
ριστῶν οὐδ' ἔχ' εἰς τί τιμι*, in testimonium grati animi hoc unum asferre possum, quòd gratiis tibi agendis verba me deficiant tuis paria meritis. Sunt autem res nostræ nunc quidem paullo, quàm fuerunt hætenus, meliore loco. Auxit enim Rex stipendium nostrum aureis ducenis. Dedit etiam, & quidem non poscenti, ac ne cogitanti quidem, codicillos, quibus Bibliothecæ cura nobis mandatur: cum hoc tamen, ut morosus ille *πυροβόλος* *, qui thesaurum il-
lum obsidet, loco ne moveatur. Ita-
que codicillos non magni facimus: nisi
quod benevolentiae Regis erga nos non
leve hoc testimonium. Quod si non
obstaret P. R. † respectus, pridem factum esset, ut Regis jussu publicè doceremus. Sed mirum est, imò verò *παύ-
μα θαυμάτων μέγιστον*, quantum in dies, ac prope dixerim, in horas adolescat in Procerum nostrorum animis illius reverentia, timor etiam & *πείρασμός*, quem certum est clarissimis notis ante tot sæcula fuisse demonstratum. Ergo etiam fidissimi illius emissarii brevi creduntur revocandi: sequetur mox Concilium Tridentinum, ut fama est. Quid post illa expectare habeamus, quæ tua est prudentia, facile divinabis. Sed ista omitto. Eusebium tuum nullâ re amplius posse à nobis adjuvari, scito: nam ille

* Joann.
ves Gess-
linus.
Coliomes.

† Fontè
Pontificis
Romani.

1601. ille liber, de quo scribis, in Bibliotheca amplius non reperitur. Excerpta quæ habui χρονολογικά, misi nuper ad te: miseram & paucos ante dies Rabulium amplissimi Memmii. Qui libri an tibi fuerint redditi, cupio ex te intelligere. Velim etiam excerpta illa quam primum remittas, futura nobis interdum usui in recensendis Augustæ Historiæ Scriptoribus, quorum jam ad umbilicum vergit editio. Induxeram in animum non antè ei operæ manus admove, quam prodisset in lucem opus tuum, cujus expectatione nimium cruciamur diu. Sed invitum ad editionem hanc amici compulerunt. Atqui alia studia nos habebant. Nacti enim ducem ad studia Arabica, incredibili quadam cum voluptate paucos menses illis literis impendimus. Dux ille fuit Hubertus*, Medicus; qui Arabicam linguam iussus à Rege in hac Schola profiteri, cum à Quæstoribus nummum adhuc nullum potuerit extorquere, & Scholæ & urbi coactus est valredicere. Vir est optimus, & qui in Africa linguæ principia edoctus, alterum jam annum non infeliciter in eo studio est versatus. Ingratus sim, nisi me plurimum illi debere agnoscam. Quanquam nonnihil & nos eum juvabamus, propter aliquem usum Hebrææ & Syriacæ linguæ; in quibus ipse operam adhuc non posuit. Ausi sumus συναγωγῶν vocum Arabicarum in usum nostrum tentare: jamque crescebat moles, cum incepto desistere sumus coacti. Scimus quid in hoc genere sit à te præstitum, & stupemus, ac prope dixerim, ἔξισταμεν τῶν φρενῶν, cum de præstantia divini ingenii tui cogitamus. Utinam isthic essemus; abiret nulla dies, quin & meliores & doctiores per te fieremus: quod si Deum exorare aliquando contingat nobis, non abibit, quin aliquando conspectu saltem tuo, διὰ ἀδρόν, fruamur. Oro supplex æternum Numen, servet te, & vividam hanc senectutem tuam omni bonorum genere cumulet. Vale, & me constanter ama. *Lutetiæ Parisiorum, a. d. vi. Eidibus Decemb. c13 13 c1.*

Hæreo in sequentibus: tu, quæso, me doce.

Heligobali nomen aliter scribendum esse, didici ex nummis, lapidibus, & verbi etymo. Sed constantem scripturam omnium librorum Græcorum (Herodiano excepto) & Latinorum an sollicitare debemus? Ego putabam, Græcos homines in hoc nomine consuetudine suâ usos; qui soliti barbara vocabula sic efferre, ut ad suæ linguæ analo-

giam illa torqueant. Græcos Latini 1601. sunt secuti.

Salambon, in vita Halagabali, est Adonis. Didici ex Hesychio, Venerem dictam fuisse Babylonis Σαλαμὼν: inde ergo & hoc nomen. Sed quæ origo vocis? non enim me expedit.

Tiberius ille Africa Proconsul, de quo Tertullianus, Apologetici cap. 1x. an est Imperator Tiberius? Ita omnes sentiunt: ego non possum adduci, ut credam illis. Obstant sequentia verba; quibus ait Tertullianus, se rem didicisse ab iis ipsis militibus Afris, quorum operâ usus Tiberius: quod non ferat temporum ratio. Deinde Africæ Proconsulem fuisse Tiberium Imperatorem, nusquam lego. Falsissima & ineptissima sunt, quæ nuper prodierunt in illum locum*. O nugas nugacissimas! quod sanè invirissimas dico: sed non possum non σκάφην σκάφην. Putabam intelligi alium quendam Proconsulem Africæ, qui paullo ante natum Tertullianum, aut eo juvene Africam rexit. Invenio in Fastis: Ti. Julium Candidum sub Trajano iterum Cos. An hic est ille Tiberius? Habeo in illum autorem plurima, de quibus tuum iudicium aliàs σὺν Θεῷ sum exploraturus.

Interea doce me verbum illud, quo utitur Arabs ἀντὶ τοῦ ἀρχιῆρεως, an sit à radice הכה *sprevit*, an thema potius sit הכה? Doce etiam nos, si quid hætenus præter Postelli Grammaticam ejus generis editum videris. Iterum vale.

EPISTOLA CCLVII.

DESIDERIO HERALDO. ✠

ERuditissimæ epistolæ tuæ, doctissime Vir, & serò, & parum seriò responderem, occupationes istæ cogunt molestissimæ, αἱ με πολυμερῶς ἔχουσιν ἀνέναντον ἀσχολίαν. Dies totos aut literas scribimus, aut amicos visimus, aut ab amicis visimur: quod quidem longè nos habet deterius. Nam ipsi quàm rarissimè possumus, pedem domo efferrimus. Accedunt typographicæ occupationes, vergente jam ad umbilicum editione τῶν μετὰ Suetonium. Erat animus, breves Notas adjicere, & levi operâ opus illud recensere. Ubi ad rem accessi, serio sensi τὴν ἐμὴν ἀδυναμίαν. Negotium enim mihi accersivi multò quàm initio putabam difficilius, & temporis longioris. Itaque mala nomina imitatur, & urgentem Typographum ludimus, eludimus. Qui tuus est candor, amicissime Heraldè, jam scio, longiorem ἀμειβάταις ἐπιστολῆς expecta-

* Stephanus Hubertus, Medicus, Amstelredamensis. Colomel. G. l. O. ient. P. 146. 147.

* Notata à Francisco Junio, edita 1597.

Ad hanc responsuram Scaligeri exstas n. 66.

1601. spectationem mihi condonasti. Cupiebam sanè de eo loco Athenæi fusè tecum agere: sed frustrà tempus adhuc ei scriptioni captavi. Aliàs igitur, si per te licet, & quidem, uti spero, brevi. Intereà scito, eximiam videri observationem illam tuam: cui equidem similes aliàs multas sibi in mentem venire cupiam. Tu, si me amas, perge in instituto opere, & meos mihi errores animo benevolo indica. Ego mihi egregiæ in literis voluntatis sum conscius: quantum præstiterim, aut omnino præstare in literis possim, æqui Judices (tuque in his) æstimabunt. Sed abit dies. Vale, Vir amicissime. *Lutetia Parisiorum, a. d. v. 1. Eid. Decemb. CIO IO CI.*

EPISTOLA CCLVIII.

JOSEPHO SCALIGERO.

1601. Illustrissime Vir, invenimus tandem quæsitum frustra hætenus librum, quem desideras. Cum enim hodie apud amplissimum Thuanum, audissem Franciscum Pithæum affirmantem, visum sibi non ita pridem illum codicem in Medicea, quæ nunc est Regis, Bibliotheca; constitui egomet mecum, nihil inexpertum relinquere, neque ante rem penitus exploratam conquirere. Inde igitur è vestigio in Bibliothecam, ubi tandem πάντα διφθαιρας, latitantem istum Hylam invenimus, atque in lucem protraximus. Liber jam est in manibus & πάντα ἀγέρῃ Thuani; qui eò tandem inclinavit, ut ipsum exemplar ad te mittatur. Cras, opinor, aut post diem tertium fidei præstantissimi Bursenvalii eum codicem sumus commissuri. Intereà hæc ad te scribenda duximus, ut scires, δαίμονι πεινῶν, neque Thuano facultatem, neque mihi voluntatem deesse, aut defuturam unquam tuis studiis inserviendi. Σὺ δὲ Θεὸς τόσα δόξῃ ἔσαι Φοῖβος σῇσι μυνιάς. Vale, & me ama constanter. *Lutetia Parisiorum, a. d. XIX. Kalend. Januar. CIO IO CII.* quem annum, cum aliis quàm plurimis, cupio & inchoari & exigi à te ὡς ὑποχέμεται. Iterum vale.

An meas omnes acceperis, velim scire. Quinta hæc epistola est, quam duobus hiis mensibus ad te scripsi. Dedi ante quatuor dies amplissimo Legato fasciculum, ubi fuerunt & ad Meursium literæ. Ab Heinsio nihil accepi literarum; neque illas vidi, de quibus tu nuper. Ausus sum etiam hæitationes quasdam meas tibi proponere: expecto quid ad utramque ὕλην περὶ ἀληθείας sis responsurus. Vidimus hic edi-

tum nuper Arabem Geographum, cuius versionem, puto, adhuc editam nusquam: neque hic est, opinor, ille, de quo multa Ramusius Venetus, vir doctissimus. Comperi tamen hunc esse, quem laudas tu variis locis; atque eo nomine librum illum pereò. O si isthic essem! quod utinam concedat aliquando mihi ὁ μέγας ἐν ἑργῶν Θεός.

EPISTOLA CCLIX.

GASPARI LAURENTIO. ✕

Accepi, Vir clarissime, munus tuum, 1601. quod mihi abs te Concantius noster reddidit. Innotuerat jam mihi è quorundam φιλομάθων sermonibus ingenii tui felicitas: ipsum quidem etsi cupidè optaveram, nondum videram. Nunc vidi beneficio tuo, & totum ἐς πῶδας ἐκ κεφαλῆς statim legi. Utinam, mi Laurenti, quæ sint à te piè, doctè & sapienter observata, altè imbibant ii, quorum interest id genus præceptis esse quàm instructissimos. Nam ut in totum ab ejusmodi disputationibus abstineatur, rectè judicas, fieri non posse. Et tamen quàm periculosa res sit alex, temerè cum Sophistis λογισμαχῶν, & contentionis funem ducere, nimis, ah nimis frequens experientia palam fecit. Observatur adhuc animo tristissimæ illius diei species, cum de Veritate, æterni Dei filia, pompaticè adeò vidi triumphatum: quod profecto accidisset nunquam, si viri sapientissimi & præstantissimi omnia exactè servassent, quæ super ea re prudenter à te sunt paucis chartis comprehensa. Certè multà cautione opus, quoties id agitur, ut ὁ τῆς ἀληθείας ἀπλὸς λόγος cum arte fucatis, & cholobaphinis rationibus committatur: quandoquidem satis jam comperum, non alio sine hodie, οἷο νῦν βρότοι εἰσι, disputationes institui, quàm ut per altercationes de veritate veritas amittatur. Eximiè vero placuerunt mihi, quæ de auctoritate Verbi Dei præclare disputas. Quàm longè aliter vetus amicus noster sentit, qui ante aliquot menses Venetiis ad me scripsit, & post longam obsecrationem, ut περὶ ταῦτο τρόπον ζητημάτων per literas vellem agere, hanc in extremo conditionem adjecit, ne se obtorto collo ad Sacras Scripturas traherem. Satis enim, inquit, magnus ille Episcopus Ebroicensis fastuosam Scripturarum provocationem confutavit. Obstupui, steteruntque comæ, & planè ἐξέστη τὸ θάμβος, cum illa legerem. Itaque responsum à nobis tam portentosum scriptum nullum tulit, nullum feret, cui enim bono? Illius misereatur

1601. tur misericordiarum Pater : qui te ser-
ver, Vir amicissime, cum omnibus tuis.
Venerandum Pastorum & Professorum
Cœtum meis verbis quàm officiosissimè
salutes velim, & nominatim D. Bezam,
D. Pinaldum, D. Goulartium, & D.
Colladonium, cui nuper scripsi. Fi-
lium meum tibi illique velim esse com-
mendatum, ut officii sui eum moneat.
Vale. *Luætiæ Parisiorum, a. d.*
XIII. Kalend. Januar. CIO IO CII.

EPISTOLA CCLX.

JOSEPHO SCALIGERO.

1601. **D**u exspectatas literas tuas nudius
quartus tandem accepi, quibus si
putas mihi accidere aliquid jucundius,
necesse est te lateat, qui meus sit &
quantus adversus te amor, quæ gloriatio
mea de tua erga nos benevolentia : pa-
rum, inquam, me nôsti, si non habes
persuasissimum, pluris esse apud me vel
brevissimam epistolam tuam, quàm ulla
cujuscunque Principum diplomata. Sed
de meo in te animo, & singulari ad-
miracione tuarum tot tantarumque vir-
tutum non institui nunc agere; & malo
apud alios quàm apud te. De meis au-
tem rebus agam tecum cis dies paucos
uberius, cùm aliquid erit certi, & quid
nobis sit futurum, habebimus explora-
tum. Nunc cùm maximè animi pen-
debamus, *ἐν δόξῃ μένεν ἡ δόξα πείσασθαι τῇ*
αὐτῇ. Habemus enim gravissimas caus-
sas, cur mora in hac urbe diuturnior sit
nobis suspecta : sive meas unius res pri-
vatim spectem, nihil est, opinor, quod
me hic admodum detineat; piget enim
vanas *ἐλπίδας ἐξ ἐλπίδων αἰεὶ κυλινδῶν*, ut
taceam *ἐκδομύχας* alias gravissimas *αἰτίας*.
sive rem specto publicam, omnia *ὑπερ-
λα*, omnia *συνεχῆ*, ut justissimi merus
omnia sapientissimo cuique plena vi-
deantur. Verùm ista pluribus, uti spe-
ro, brevi. Nunc narro tibi, quod tu
apud Paulum Apostolum censuisti le-
gendum esse, *παρεβλάσασθαι*, non ut
editum est, *παρεβλάστασθαι*; reperisse me
eam scripturam in antiquissimo codice
Ἐμακαρίτης Puteani. Liber est veneran-
dæ vetustatis, majusculis literis exara-
tus : habens è regione versionem Lati-
nam longè aliam ab ea, quæ est edita.
Cujusmodi est quod hic invenimus :
nam *τὸ παρεβλάσασθαι* versum est, *para-
bolanus fuit de anima sua*. Nos au-
tem priusquam de eo libro quicquam
recessissemus, multos Chrysostomi locos
correxeramus, ubi constanter editum
παρεβλάσασθαι; cùm constet nobis, Chry-
sostomum Pauli hanc vocem usurpasse,
& scripsisse *παρεβλάσασθαι*. Ascribam

ejus verba, ut judicio tuo sententia no-
stra aut corrigatur, aut confirmetur.
Primum igitur, quod interpretatur eam
vocem Chrysostomus, *ἐκδομύχας* non *τῷ παρεβλάσασθαι*, sed tuæ
lectioni ea interpretatio convenit. Nam
alibi dixit Chrysostomus : *ὁ παρεβλάσας*
ἐαυτὸν τὰς κινδύνους ἐκδίδως, & παρεβλάσας
κινδύνους. Perperam igitur in ea scri-
ptum, *αὐτὸς παρεβλάσασθαι* & *ἐξέδωκεν* *ἐαυ-
τὸν*. Malè etiam, *ἐπεὶ ἰδὼν αἰτίας ἐν κιν-
δύνους παρεβλάσασθαι*. & alibi, *ὁ ἐξ ἐκά-
στης κινδύνου προσδοκῶν πεινῆσαι*, & *εἰδὼς ἐπὶ*
ζηστῆται μὴ μὴ παρεβλάσασθαι, *πεινῆσαι*
ταὶ δὲ τοιαῦτα τελεῖν &c. Omitto simi-
les alios ejusdem magni Patris locos,
ubi constantissimè editum *παρεβλάσασθαι*
pro *παρεβλάσασθαι*, quod elegantissimum
verbum videntur antiqui librarii quasi
ex compacto voluisse de notione homi-
num tollere. Vidi antiquæ manûs Lexi-
con parvum, vocum apud Paulum ob-
scuriorum, ubi similiter corruptè scri-
ptum *βσ* pro *βο*. Legi etiam incertum
scriptorem, qui in *τακτικῶν* Regiæ Biblio-
thecæ volumine habetur, hæc verba :
*ὁ ὡσαύτως δὲ μικρὸν π παρεβλάσασθαι &
πὲρ μάχην ὁρμήσαι*. Non dubito, au-
torem aliter scripsisse. Quid sit *παρε-
βλάσασθαι*, fatis tu, magne Vir, nos do-
cuisti. Invenio pro eodem *πείναι* *παρε-
βλάσασθαι*, quod *ἀπλῶς* usurparunt pro *ἀγνο-
νίσθαι*. Astrampsyclus : *οὗτος παρεβλά-
σας νικᾷς εὐθύμῃ* &c. Et sæpius idem
scriptor, in libro, quem inscripsit :
*λαξευτήριον Πυθαγόρου, ἡτοι γ' ἀβέλιον Περ-
σι*. Veneritne is codex aliquando in
tuas manus, haut scio : hoc scio, di-
gnum esse quem lectione tuâ non de-
digneris. Multa in eo vocabula He-
braica, plurima Persica. Autor dici-
tur Astrampsyclus, librorum Biblio-
thecæ Alexandrinæ *ἱεροφραγής* : sic
enim ipse se vocat in titulo epistolæ
πρὸς Φωνηπικῆς ad Ptolomæum Regem.
Sed videtur, è Persica aut alia lingua
in Græcam opus translatum; nam ser-
mo recentem Hellenismum sonat. Liber
est in Bibliotheca Memmii : ubi alia
multa præclara vidimus. Si hunc non
vidisti, & putas esse tanti, (nam res fa-
nè non magni momenti; γίνετο π nimi-
rum *μαντικής* ex positura signorum cœ-
lestium) lapidem movebo omnem, ut
ab optimo & amplissimo Memmio eum
tibi impetrem. Enimverò, divine Sca-
liger, non contineo me, quin dolorem
animi mei tibi aperiā. Cùm enim co-
gito, quantum studia mea semper in-
felicia fuissent adjuta, si vel paucos
mensēs *μαθητεύειν* σὺν potuissem; Pro-
ceribus nostris gravissimè succenseo,
qui professionem meam è Gallia ma-
nibus pedibusque impederint. O in-
visum

1601. visum mihi diem, & nigro lapillo signandum: sed desino inutilium querelarum. Vale, *δὲν ἀνδρῶν*, & nos constanter ama. *Lutetia Parisiorum*, CIO IO CI.

Legebam his diebus observationem tuam super locò Glossarii isto: *desiderata*, *κατηχηρία*, *πλῆτῃ*· refers ad vota τῶν μυστῶν, hoc est, Catechumenorum, & *desideratam*, explicas, *τῶν ἐνχαριστῶν*. Næ tu homo divinus es: quis non demiretur ingeniosissimam conjecturam? Cùm ex Patrum scriptis certum sit, Catechumenos assiduas preces fundere solitos, quò liceret sibi ad beatissimum illum *ἐποπτείας* diem pervenire. Disertè Chrysostomus pag. 74. nuperæ editionis, *δὲν ὁ κατηχημένων* commemorat ὅτι μὴ μῆναι κατηχημένους. Quæ ad amplissimum Thuanum de Josepho scripisti, impulerunt me, ut tuâ ejusque gratiâ conferenda exemplaria MSS. Regiæ Bibliothecæ promitterem me suscepturum, si ea mihi traderentur: quod etsi in ejus potestate debuit esse, non tamen puto tam facile futurum.

EPISTOLA CCLXI.

THEODORO CANTERO.

1601. EXcufationem tuam de literarum infrequentia, nobilissime Cantere, eò admitto lubentius, quòd agnoscam ingenuè, eadem & mihi apud te opus esse. Facit enim hæc multitudo occupationum nostrarum, ut non quoties vellemus, sed quoties possemus, literas ad te daremus. Scripsimus tamen, ex quo filius huc ad nos advenit, ternas. Quæ omnes an ad manus tuas pervenerint, nescio: ex tuis novissimis suspicari cœpimus, periisse unam aut alteram epistolarum nostrarum. Nam de præclaro incepto tuo illo, & sacrorum opertaneorum commentariis nuper affatim scripseramus. Aliâ item epistolâ de Clementis loco sententiam nostram tibi exposuimus. Sed perge, obsecro te, Vir clarissime, & observationes illas tuas de Eleusiniis sacris, aliisque hoc genus adhuc liquidò cognitis, in medium profer. Attuleris eadem operâ & Ecclesiasticis multis optimæ notæ Scriptoribus lucem maximam. Nos in diversis studiis otium nostrum consumimus. Sed ante alia omnia observationes paramus in Spartianum, & reliquos illius comites Historicos. Tu si quid habes, quo possimus in hoc incepto adjuvari, quæso te, benignè imperti: feceris rem longè gratissimam. Studia filii tui mihi esse curæ, malo te ex ipsius quàm meis literis cognoscere. Omnino sic

tibi velim persuadeas, & tui & omnium 1601. tuorum esse me quàm amantissimum. Vale, Vir clarissime. *Lutetia Parisiorum*, a. d. XIII. Kalend. Januar. CIO IO CII.

EPISTOLA CCLXII.

DANIELI TILENO. ✕

1602. Libellum tuum, Vir doctissime, accepi, legi, relegi. Pores inde colligere, quod nostrum sit de illo iudicium. Non enim sanè ex otii abundantia, ut tempus falleremus, multi in eo fuimus; sed quia lectione elegantissimi & ingeniosissimi scripti miro quodam modo capti sumus. Itaque per multos dies ponere id de manibus non potuimus; cùm assiduè aut ipsi lectionem repeteremus, aut familiaribus & amicis invisum adhuc libellum magni loco beneficii traderemus legendum. Omnia me in eo delectabant: argumentum grave, dictio, suprâ quàm de homine peregrino facile credi possit, pura, & minimè exotica: tum autem illi sales, quibus totum opus est tessellatum, quem non capiant? Mihi quidem (*εἰρήσται γὰρ τ' ἀληθές*) in hoc genere solus prope videris regnare. Non enim è plaustro, aut è circo petiti, quales multos in gravissimorum ætatis nostræ Theologorum scriptis notavimus sæpe, prorsus, ut ille ait, è compito, è trivio, *ὅτι τῆς κυριακῆς λαλιᾶς*. Tui sales liberales sunt, in quibus cum urbanitatis acumine certant eruditionis notæ. Quid multa? Iterum dico, & quidem ἐξ ἀφελειᾶς καρδίας & φρονῶν δὲ μυχῷ, cepisti me, Vir eruditissime, & jam ex asse tuum, *μᾶλλον & μᾶλλον* totum me tibi conciliaisti. Utinam proficiat hoc catharticum illi *παισιώρῳ*, cui est à te propinatum. Sed nimis vereor, ne vitales illas & *καίρας* ipsius partes pridem gangræna serpens sit depasta; ut jam ne precibus quidem, ac ne *συμβαίῃ* quidem sit locus. Illum igitur sinamus tortori suo, quem dies noctesque inclusum in pectore gestat, & sine dubio experitur. Tu, amicissime Vir, vive felix, *αἰὲν ἀριστῶν & ὑπεύχῳ ὢν ἄλλων*. Vale, & pro tranquillitate studiorum meorum Deum Opt. Max. interpella. Nos ista exaravimus inter summos dolores, cùm uxori τῇ *τριπλήτῳ* adessemus, acutissimis *πλευρίτιδῳ* vexatæ doloribus. Res est in summum periculum adducta: sed recreamur τῇ *spe* illâ, quam in Unius Dei ope positam, *μυελομενέαις* sumus experti non vanam. Vale. *Lutetia Parisiorum*, a. d. VII. Eid. Januar. CIO IO CII.

EPISTOLA

EPISTOLA CCLXIII.

✠ STEPHANO HUBERTO.

1602. **V**ir amicissime, scripsi nuper ad te de tuis rebus adfatim, neque ex illo quicquam habeo novi, quod ad te scribam. Domi enim me ab eo tempore gravissimus uxoris morbus continuit, quæ & ante partum, & à partu pessimè habuit. Tandem etiam pleuritide correpta, æterno jam me luctu damnaverat, cum adfuit Dei manus, quæ languentem liberavit. Illi honor, καὶ δόξα εἰς αἰῶνας αἰῶνων. Grassatur hic ille morbus Ἰππιδίμῳ, qui superioribus diebus Amplissimo Præsuli Bellovacensi matrem abripuit. Itaque Vir optimus in luctu miro & lacrymis. Nobis quoque multum per conjugis invaletudinem temporis periit. Semper tamen ad libros, delicias nostras, oculos referimus. Legi adeò nuper Rabbini cujusdam de Romanis Imperatoribus libellum; ubi exercuerunt me obscuro quidam loci. Duos ex illis selegi, de quibus in consilium ad te irem. Ait de Tiro, Vespasiani filio, fuisse hominem valde eruditum, cum aliis artibus, cum eâ, quam ipse vocat הכנת אלמנה. Quæro, ista sapientia quænam sit, cujus nomen alibi in Romanorum scriptis aut non existat, aut mihi non lectum. Puto esse artem distillatorum, quam iste vocat *doctrinam alambic*. Agnoscis articulum Arabicum. Si aliter judicas, fac, quæso, ut sciam. Alter est locus, ubi de Antonino Pio loquitur, quem ait incidisse in morbum הנקרא אלפ-איה. Hic mihi planè sunt tenebræ, nisi quod vocem esse Arabicam facile agnosco. Cætera tu doce me, Doctor meus. Atque utinam ex Avicenna tuo possis aliquid promere ei loco illustrando. Inferam illud laboriosissimis commentationibus nostris, quas scis esse nunc cum maximè nobis in manibus. Vale, amicissime & doctissime Huberte. *Lutetiae Parisiorum, a. d. v. Eid. Januar. c 10 10 c 11.*

Tuus toto pectoris affectu,

IS. CASAUBONUS.

Amplissimo Tiballerio plurimam, nisi grave est, à me salutem.

Inscriptio.

A Monsieur,

Monsieur Hubert, Medecin du Roi, & son Professeur és Lettres Arabes: étant à présent

A ORLEANS.

EPISTOLA CCLXIV.

✠ RICHARDO THOMSONI. ✠

Tertius, nec inficior, mensis agitur, 1602. amicissime Thomson, cum tuas mihi literas nobilis quidam Gallus reddidit. Quibus dum uberius respondere cogito, & simul Regii Legati abitum præstolor, ecce tibi de improvviso nuntius affertur mihi, esse illum profectum, & itineri pridem accinctum, illud tandem ἐν ἀπροσδοκίᾳ inchoasse. Non facile dixerim, inopinatane ea res mihi acciderit magis, an molestior: καὶ γὰρ ἦν ὅπως δεινόν, tam bonam & certam occasionem, adeo præter expectationem, quasi de manibus esse mihi elapsam. Adde, quod te quoque diuturnioris jam silentii mei causam consideraturum non nesciebam. In hoc igitur animi æstu unum illud fuit, quod curam & dolorem (ita dico, dolorem) levaret meum: cum subiret animo, isthic jam esse eruditissimum, & utrique nostrum amicissimum Baudium, quem neglecti officii culpam omnem procul à nobis amoliturum confidebam. Omnino sic persuasum habeo, si modò invicem conveneritis, nullo amplius aut patrono, aut deprecatore apud te mihi esse opus. Cupiditatis siquidem meæ dandi isthuc literas testis nobis locupletissimus ille idem, quem diximus, μασικότα Baudius. Sed δπολογίαν tanquam δευῆς ἀλυσ. De Epistolis ad Atticum ago tibi αληθῆς εὐχαρίας. Scito tamen, hæere adhuc eum codicem in Labbæorum manibus, necdum oculis nostris visum, nedum manibus tractatum. Sed mittent, spero, brevi è patria, ubi tertium jam mensem agunt, reduces è peregrinatione sua. Si cessaverint τὸ κατ' αἶσαν exequi, non cessabo ego te certiore facere: duntaxat ut sui illos officii comiter moneas. Multa ante hos sex septem annos in eos libros notavimus: multa etiam in Junianis Notis falsa deprehendimus, de quibus ex veritate illud possum dicere, αἰέγων, ἔγων καπῆγων. Tuam fidem, Vir eruditissime, hocci-ne est corrigere libros, an corrumpere? Et tamen ista, cuicuiusmodi sunt, præ Notis in Cypriani Magistrum, laudem fortasse mereantur: adeo vir ille δαιμόνιος in illum infelicem Afrum est grassatus. Itaque ægrè contineo me, quin eruditum virum τυφομανίας νόσῳ προσφαιτὸν ἐαυλονότα pro commerita noxa publico scripto castigem. Si vidisti Jesuitæ, nescio cujus, contra illas Notas, aliaque ejusdem scripta Diatribas, inceptum

1602. ceptum meum, scio, laudabis. Quam enim turpe, nobis unius ob noxam Calvinitas omnes (sic passim impuræ illi Bestiæ vocatur) acriter adeo & acerbè vapulare? Et tamen quotam iste partem attingit Junianorum peccatorum? Si ab- sim à te propius, utar in hac te consilio tuo lubentissime. Nam planè mihi *ὑπο φιλαρμίας μὴ εἶχ', οἷος δ' ἐπιμαρτυροῦμαι* *ἢ ἀλλ' ὑπο φιλαληθείας* manus pruriunt. Verùm de his aliàs. Nunc autem in Historiæ Augustæ Scriptoribus & animo & corpore sum totus. Id opus eā spe ante menses aliquot prælis subiectum, ut proximo mercatu Francofurtum deferretur; nihil jam, præter Notas meas, moratur. Sed neque per occupationum assiduitatem, neque per operis difficultatem tam citò eā operâ licet defungi. Quid hic præstiterimus, malo te ex lectione, quàm commendatione meâ cognoscere. Habes ibi *ὁδὸν παρεργὸν* de proposita à te quæstione super Navigationibus Indicis iudicium nostrum. Cætera de meis rebus, si Baudium vidisti, te non ignorare existimo. *Εἴν' λόγῳ*, si res in deterius non verterint, *ὁ μὴ γένοιτο* *ἢ δ' ἴσαι*, cur nos præsentis conditionis pœniteat, aut pigeat, nihil video esse causæ. Quod superest in dies vivimus, & *τῷ πανευκτρίμῳ* *οἷῳ* nosque & nostros affectus animo æquissimo permittimus. Illius beneficio immortalis (si quid hoc ad curam tuam pertinet) servata mihi superioribus diebus *ἢ ἐπιπύθη* conjux, cum illam recentem à filii partu *πλευρίης* octavo ab hinc die occupasset, atque ipsis prope jam *αἰδῶ πύλῃ* admovisset. Vale, amicissime *καὶ τιμωτέῳ* Thomson. *Lutetiae Parisiorum, Id. Januar. c10*
10 c11.

Accepi, non ita dudum, à Dunæo Epistolam Græcam, suavissimè juxta atque amantissimè, planèque *Ἀ' τιμωτέῳ* scriptam. Tanta autem fuit indiligentia illius, cui ea fuerat commissa, ut vix post quartum, opinor, mensem, quàm literæ scriptæ fuerant, eas mihi reddiderit. Iis respondere impræsentiarum cum non possimus, obruti curis & negotiis, peto à te obnixè, ut à doctissimo viro, & Græcarum Elegantiarum Patre brevis temporis moram mihi impetres. Velim sit hoc tibi cura. Vale tu, mea cura.

EPISTOLA CCLXV.

* HENRICO SAVILIO.

1602. **E**Git mecum verbis tuis, Savili clarissime, nobilis Anglus amicus tuus, ut vellem ad te mittere catalogum om-

nium, quæ in Bibliotheca Regia ser-
vantur, B. Chrysostomi Operum. Dixi illi statim, multa esse, cur voluntati tuæ pro virili morigerari essem conatus. Nam & publicæ literarum *παρακαλῶ* sum studiosissimus, & ille sanctissimus Scriptor, nescio quomodo, ex omnibus Patribus mihi acceptissimus. Te porro eum esse, cujus causâ nihil non sim facturus, possim modò. Prædem enim, nobilissime Savili, & innotuit mihi eruditio illa rara & alta, quæ in te est; & nos illius gratiâ amicitiam tuam ex illo semper ambivimus. Testes binæ literæ, quas ad te superioribus annis misimus: alteras Genevâ, alteras Roannâ ad Ligerim: cum fortè se obtulisset occasio conscendenti jam navim, & oram solventi. Etsi autem nihil unquam abs te literarum accepi, tamen, quæ tua est humanitas, favere te nostris conatibus in literis, & egregiam saltem voluntatem hanc probare, persuasum habeo. De Chrysostomo sic habet. Extare in Regia Bibliotheca Opera illius prope infinita, sed quorum bona pars *κακῇ τινὶ τύχῃ* sit *ἀνέφαλτος* *ἢ ἀπλῆς*: ut catalogum eorum accuratè conficere difficile sit, & longi temporis. Accedit alia difficultas: sunt enim illius Bibliothecæ claves penes hominem & ætatis vitio, (est enim *πυμνηρὼν*), & magis naturâ suâ morosum, *δυσμερῆς*, *δυσήλεκτεν*, & qui Gratiis litavit nunquam. Itaque licet regio diplomate patefactus nobis eò aditus, non tamen dictu facile, quibus difficultatibus constiterit nobis hoc, quicquid est, quod tibi tantisper mittimus: dum accuratiorem & uberiores Indicem scriptorum illius Patris per otium tibi parabimus. Vale, & nos ama. *Lutetiae Parisiorum, Eid. Januar. c10*
10 c11.

EPISTOLA CCLXVI.

L A B B Æ I S.

Mitto vobis, eruditissimi Adolescentes, 1602. quas ex Anglia superioribus diebus accepi. Erat & in fasciculo eodem doctissimi Thomsonis epistola, ubi adscripta salus utrique vestrum sanè quàm peramanter. Ille me iudicium meum poscit super codice Epistolarum ad Atticum, qui adhuc penes vos. Respondi, non dubium esse mihi, quin primo quoque die cum missuri essetis; simul accepero, beneficio hoc illius usurum, & adfatim mox scripturum. Anni sunt, opinor, sex septem, cum in eo Ciceronis opere, ut mea sententia est, præstantissimo, multi fui-

1602. quos nihil moror. Nactus sum Arabicorum proverbiorum libellum oppidò elegantem: cujus exemplar, si ejus tibi copia non est, manu meâ tibi describam hac mercede, ut quæ in illo non capio, tu me doceas. Est quidem adjecta versio Latina; sed quâ sæpe nihil ineptius. Mense Decembri cum ad te literas darem, adjeci epistolam ad Meursium, sed periisse naufragio tabellarium, narrabat heri nobis amplissimus Busenvallius. Sed quia mense eodem sæpius ad te literas dedi, scire ex te velim qui periit fasciculus? sitne is, in quo erant literæ ad Meursium? nam ille pridem silentium nostrum accusat.

EPISTOLA CCLXVIII.

✠ RICHARDO THOMSONI.

1602. **A**Micissime Vir, per ego te τὸν φίλον θεόν oro, ne propter diuturnius silentium succensere mihi velis. Liquidò affirmo tibi, neminem hominum multos jam menses impeditiore curis aut molestis sæpe negotiis, quàm Isaacum tuum vixisse. Neque tu propterea putes, magnum aliquid moliri me in hac aula, aut aliquod à Principe beneficium captare. Nugæ sunt, quæ me occupant, & officia amicorum ac mutux plerumque ὁμιλίαις, quas prætermittere εἰς νῦν βροτὶ ἕσι πάντως ἔμμελλον. Itaque sic ferè hætenus viximus; ubi illuxit, patent fores, veniunt amici, (si tamen amici sunt dicendi, qui studiis meis tantam afferunt perniciem) alius officii causâ, alius ambitiosis precibus à me contendens, ut vel magno Thuano, vel alicui alii Procerum nostrorum, quos velut majorum Gentium Deos colunt, suam causam commendem. Quid facerem? nondum enim frontem potui obdurare, & seriò memet mihi & studiis meis vindicare. Verum enimverò ὃ πᾶν ἔχει θυμὸν ἀγαθόν. Nam certum est mores mutare, & omnes procul amandare, qui mecum alia de re quàm de literis sint acturi. Tum igitur, amicissime Thomson, ero tuus, cum fuero meus: tum vocabo tibi, cum & mihi: & frequentes & longas feres tum à nobis epistolas. Nunc ista pauca raptim, & horis quidem matutinis, quas scis esse Musis sacras. Quod me ad libellorum editionem hortaris, de quibus obiter ad Athenæum, scito, doctissime Thomson, καὶ ἐν φρεσὶ κατέβησεν non per inanem jactantiam illa nobis promissa, sed quia aut affecta, aut propè jam confecta penes nos, hoc est, in literariis nostris ea habemus. Sed ad

publicationem illorum non hoc est satis. 1602. Nolumus enim, si ulli σπαθὴ ἢ μηχανὴ possumus, ἀφαιρῶν τὰ ἀναγνωσκόντων. De Re Vestiaria opus ingens in manibus habemus: pars ejus libri est de Coloribus; quem tamen separatim animus est edere. Qui tuus est in nos amor, si acumen non laudabis, diligentiam tamen amabis in tam subtili argumento. Habemus item alia multa, olim, si Deus Opt. Max. voluerit, edenda; sin minus, nobiscum sepelienda. Illud διαρρήδην prædico tibi, temerè nihil editurum me; nisi vis quædam major coegerit. De novo Persii interprete tibi assentior. Impurus Ludimagister, κενὴς οἰσιν ἐμπλεὴς ἀσκὴς, doctissimum se mortaliū & putat, & prædicat. Cæteri præ ipso fungi, bardi, bestix denique, & vix λογικά ζῶα. Soleo dicere, nequissimum plagiarium uno beatum, quod stomacho meo sit indignus. Nam si mereretur, & omnia illius essent tanti, non ferret inultum; quod in me, quod in magnum Scaligerum, & item magnum Cujacium, ut alios taceam, est ausus. Seis, opinor, ante decem annos exactissimæ diligentix Commentarium scriptum nobis in cum Poëtam. Eo quid facturi sumus, viderimus. Iste quidem nebulo observatiunculas nostras non præripuit nobis: quas tamen aspernari & facere non tanti, magis magisque indies assuescimus. Nunc in Spartiano, &c. sumus: de quo opere quid tu, quid docti gentis tuæ judicaturi sitis, aveo jam scire. Sed mensibus adhuc aliquot nobis opus. Eâ curâ defuncti aliud agemus, εἰς τὴν διδασκαλίαν. cui volo te, amicissime Thomson, pro restituta mihi uxore ἐξ αὐτῶν τῶν ἀδελφῶν, & acutissimis πλευρίπνοϊς mox à partu doloribus, gratias mecum agere. Illa mecum amantissime te salutat. Vale, meus amor. Scripsi raptim, & incertâ spe, cum fama esset prope constans, Perrotum, qui tuas miserat, jam ex Anglia discessisse. Illi tamen fasciculum inscripsimus; cum nesciremus, an Baudius noster adhuc isthic esset. Velim amplissimo Legato, qui recens isthuc venit, innotescas, ut per illum nostris literis ultrò citròque tuta præstetur via. Et ad illum, & ad doctissimum Dunæum paucis diebus scripturi eramus. Iterum vale. *Lutetix Parisiorum, pridie Non. Februar. CIO IO CII.*

ΕΠΙΣΤΟΛΑ CCLXIX.
DOMINICO BAUDIO.

1602. **P**rimum tibi, pro eo ac debeo, amicissime Baudi, ex animo gratulor, quod ex ipsis penè Orci faucibus ereptus, salvus tandem atque incolumis isthuc perveneris. Habes igitur, ὡ τῶν ὕν ποιητῶν γεννιάται, luculentam materiam, in qua fecundum illud tuum & μακροπρόθετον ingenium exerceas. Nam si ἡδὺ σωθῆναι μεμνηθεὶς πόνον, quantò illud suavius, tantum Opt. Max. Dei beneficium fidibus tuis numerosissimis aprare, & memoriam illius posteritati consecrare? Deus bone, qui fluent numeri ex isto mellito planè ore tuo, si stylum semel in manus sumpseris? puto equidem, licet altè in animum tuum præsentis adeò periculi metum discendisse non dubito; longè tamen nobis, qui tua omnia miramur, descriptionem tui casus fore suaviorem, quàm acerbum fuerit tibi frementis undique maris & indignantium undarum murmur. Excusationem tuam lubens accipio. Non commissemus ut esset ea opus, si hospitium tuum habuissemus notum, quod cùm te sæpius rogarem, semper sum expertus inexorabilem. Constitueram nihil non tentare, qui possem officio fungi, & domum te visitare, sed consilium meum præceps discessio tua antevertit. Ἀλλὰ πὶ μὲν περὶ τὴν κατὰ τὴν ἀρχὴν ἀντιλήψιν. Cùm præsertim in nobis sit mutuarum literarum commercium exercere, quas verè dixit ὁ μέγας ἐν ἀρχαῖς βασιλεὺς, δανείας εἶναι καὶ τὴν ἀποδοτῆν τὴν παρὰ τὴν σκιαγραφίαν. Vale, doctissime Baudi; &, si me amas, viro amplissimo Mæcenati tuo, quem ego juxta tecum & colo & observo, plurimam à me salutem. Equidem inter adversa mea refero, quod proficiscentem illum à nobis cùm sæpius quæriverim, invenire tamen non potuerim, ut præsens præsentem valedicerem, & veteri verbo rogarem, nunquid vellet aut juberet. Iterum vale. *Lutetiae Parisiorum, Eid. Februar. c10 10 c11. r. a.* prim, more mco, καὶ ὑποσχεσθῆναι.

Ad hanc
responsionem
Baudii
ex ista
Centur. 1.
n. 68.

ΕΠΙΣΤΟΛΑ CCLXX.
✠ CAROLO PERROTTO.

1602. **S**i plus esset otii, ὑποδείξας Perrotte, pluribus exponerem tibi, quàm gratæ mihi acciderint, quas à te Vassianus noster tibi reddidit. Sed nec verbis opus, cùm animi mei candorem penitus tibi esse perspectum confidam: &

nos ita multa urgent negotia, ut vix 1602. exarare hæc paucula licuerit. Quod scribis, vivere in δειλοῖς τῆς σῆς φρενὸς deliderium nostri; optasse etiam aliquando, ut publicè revocatus vitæ prior redderet; utinam quidem, amicissime Perrotte, is ego essem, qui operam eam & industriam fulcire Scholam vestram possem. Verùm neque is ego sum, cujus absentis ratio haberi ab his, qui summæ rerum isthic præsent, debeat; neque ea nunc est temporum conditio, ut ei deliberationi queat esse locus: πὶ δὲ μέλλειν παντὶ ἄνθρωπῳ φρενὶ ἀδελφῶν ὄν, θεῶν ἐνὶ γένεσιν καὶ ταῖς. Illum supplices oramus obtestamurque, ut & nos fingat utiles promovendæ ὁπείσωσιν gloriæ suæ; & te, mi Perrotte, hac pietate, his meritis virum, quàm diutissimè, quàm felicissimè servet, omnique bonorum cumulet genere. Vale; & venerandum mihi Coetum vestrum, nisi grave est, meis verbis ὡς προθυμότητά σαλuta; nominatim autem D. Bezam; cujus reverentia gliscit in animo nostro quotidie,

Quantum vere novo viridis se subjicit alnus.

Lutetiae Parisiorum, pridie Kalendas Martias, c10 10 c11.

ΕΠΙΣΤΟΛΑ CCLXXI.
DAVIDI TILENO. ✠

Clarissime & amicissime Vir, posue- 1602. ram spem omnem inveniendi otii ad exaranda vel paucula hæc, quibus silentium meum diuturnius apud te excussem. Itaque egeram cum clarissimo fratre, ut meæ ignaviae patrociniū apud te pararet. Postea verò plusculum nactus temporis, hæc ad te ἰσχυρίασάμην; ut vel sic integerrimi animi mei, & summi erga te amoris leve aliquod tibi exhiberem testimonium. Librum tuum, etiam ante missum à te exemplar, devoraveram; posteriorem dico: nam de illo priore scripsi nuper πὶ φρενὶ καὶ ταῖς ἐν μυχῷ. Sales tuos epistola illa memini laudare: at in altero hoc plus eruditionis & illius γνησίας θεολογίας inveni, quàm in priore leporis, etsi erat lepidissimus, &, si quid judico, ὑπερβαῖναι παιχθῆς. Utinam, mi Tilene, hanc provinciam sumere velles, ut omnibus ἀπαξ ἀπλῶς, quæ par-episcopus iste hæctenus tanto nisu foras emisit, responderes: faceres, mihi crede, rem Ecclesiæ Dei utilem, & omnibus bonis gratam. Non possumus negare, hominem esse semidoctum, & qui id agat summā vi & conatu, ut acceptis

1602. ceptis ἀνδρῶν ingenii dotibus in contumeliam auctoris magnā dexteritate abutatur. Miserum non τοῖς καὶ τίτλῳ, sed μυριομυρίασι! Quanto erat æquius, acumen istud & ingenium omne ad illius gloriam comparare, à quo acceperat? Sed purpurei pilei nulla, credo, στεφανόθεν spes ostendebatur. Qui propius nōrunt, etiam non è nostris, hunc illi esse propositum finem ἀρχιτεκτονικὰς τὰς ἀφαιρέσεις affirmant. Itaque ὁ μὲν θρηνητὴς τῆς μανιώδους προαίρετος ἡμῶς δὲ, ἀπὸ ἀξιοθύνῃς ὑπὲρ τῆς χρίσεως ἀνιμαθῶναι felices & beati. Vale, Vir præstantissime. Uxor te salutat, redux ἐξ ἀδελφῆς, Dei beneficio. *Lutetiae Parisiorum, a. d. 1111. Nonas Mart. CIO IO CII.*

EPISTOLA CCLXXII.

✱ DESIDERIO HERALDO.

1602. CUM ad conjunctissimum fratrem P. Perillæum isthuc necessàriò literas darem, quia non putabam fore otii satis vel pauculis istis scribendis; cum eo egeram, ut meum silentium apud te seriò excusaret: sed vicit amor meus occupationes molestissimas, quæ me planè multos jam menses absumptum tenent. Itaque, mi Heralde, vitam vivimus prope ἀβυσσόν, cum vix unquam interjungentes studiis tamen non vacamus: quæ summa est infelicitas nostra. Quid ergo est, inquires? Audi, & misere. Amicos visimus, ab amicis visimur: literas legimus, literas scribimus. Hæc summa est: hæ sunt diurnæ, imò & nocturnæ sæpe occupationes nostræ. Ita senescimus: ἤδη γὰρ, ut scis, προβέβηκε πλεὺν ῥυτίς, verè ῥυτίς. Quid enim aliud hæc vita quàm caligo quædam densa, in qua plurimùm offendimus, plurimùm erramus. Testor Numen, nunquam me ita cœpit vitæ contemptus atque nunc; nisi quod affectus meos cum respicio, piam matrem, charissimam uxorem, suavissima pignora, dilectissimam sororem, sustineo lubens hoc quicquid est, ærumnarum; & me jam vitæ non pœnitet, ne illis ἀμυνέσθω καὶ ἀφενέσθω creetur luctus. Verùm hæc nescio quomodo sub acumen styli venerunt: non enim id ago, ut dolore meo faciam te dolere. Opus à nobis inchoatum, causam non mutat: & pœnitet profectò temeritatis. Quæ enim imprudentia mea, non expectasse editionem absolutam Scaligeri Notarum in Eusebii Chronicon, ubi omnia eadem? Utinam quod factum est, infectum fieri posset. Quod quia ἐκ' αἰὸν π, dabimus summā curā operam, ne illa tangamus, quæ virum divinum scimus

tractare. Multa de illo habeo, quæ te scire velim: sed urgemur, mi Heralde: itaque de his aliàs. Vale, & me constanter ama. *Lutetiae Parisiorum, a. d. 1111. Non. Mart. CIO IO CII.*

EPISTOLA CCLXXIII.

CAROLO LABBÆO,
ET FRATRI.

HOC primum à vobis peto, amicissimi & eruditissimi Labbæi, ut silentii diuturnioris mei causam aliam ne putetis esse, quàm vel corporis languorem, vel continuas occupationes, quibus ὡς καὶ ἄλλοις ἀποσώματα. Multos jam menses venit in parte curarum mearum opus institutum, quod non nescitis pridem esse subjectum prelis; sed illud ipsum quotidianis negotiis antevertentibus, ita lentè procedit, ut sæpe & me, & Typographum pœnituerit incepri. Adde quòd institutæ ab initio breviores notæ, currente stilo prolixæ annotationes sunt factæ. Videbit Lector meus, si quam impensioris operæ gratiam mihi sit habiturus. Ego non possum à genio meo impetrare, ut studio brevitatis, quæ scio obscura, prætervolem. De Epistolis ad Atticum habeo gratias; quanquam simul in eum librum oculos conjeci, nescio quomodo spes, quam conceperam de illo codice, cœpit minuire. Sed expendam accuratius, & quid inde sit expectandum, proximis, οὗτος δὲ διδόντω, literis significabo. Quicquid autem sit, eruditissimo Thomsoni certum est gratias agere. De notis Polybianis multum vos amo. Oro enim, ut si quid posthac ejus generis in manus vestras inciderit, mecum velitis communicatum, eà quidem lege, ut omnia mea sciatis esse in vestra potestate. Quod ex animo, & sincerè me loqui experimini, cum periculum facietis. Gaudeo venisse in tam bonas manus Eusebii illud Cujacianum Chronicum. Sed amabò, si quid est, quod τερματίζω Scaligero possit esse usui, omnibus modis in eam curam incumbite, ut quàm primum ad ipsum mittatur. Nam vix longiorem moram res patietur, ubi semel, quæ nuper hinc misimus, receperit. Hæc raptim exarata boni consulite, & valete, amantissimum par fratrum. Charissimo Parenti vestro, Viro clarissimo, plurimam à me salutem. *Lutetiae Parisiorum, a. d. 1111. Kalend. April. CIO IO CII.*

EPISTOLA CCLXXIV.

✱ JOHANNI SPOTISVODO.

1602. **F**elicem tuum in patriam reditum, Vir amicissime, etiam antequam tuas acciperem, ab aliis cognoveram. Sollicitus enim de tua salute, nihil prætermisi, quo possem æstu & curâ molestâ quàm primùm liberari. Sciebam quo anni tempore discessisses: nec clam me est, quæ sit inconstantia, imò quæ perfidia (sic Poëtæ, ut scis, vocant) vasti illius elementi, quod ubi semel est commodum, implacabile juxta & ineluctabile multi quotidie experiuntur. Tu quoque, optime & doctissime Spotisvode, ut ex tuis intellexi, jactatus vexatusque diu, summum vitæ periculum adiisti: cujus narrationem, cum in elegantissima epistola tua legerem, sic me Deus amet, ut horror membra invasit: καὶ μοι ὑπὸ φόβου θυμὸς ἐνὶ στήθεσσι παλίσθεν, ut ait Poëta. Sed magna τῷ πολυέλειθ' Οἰῷ gratia, qui te ex Orci faucibus reductum, amissæ prope jam vitæ restituit; & reliquum mox iter tuum ἐνέδωκεν. Illi igitur καὶ νῦν, καὶ εἰς τὰς αἰῶνας τῶν αἰώνων τιμῇ, καὶ δόξῃ, καὶ κρατὶ. Erant cætera omnia in tuis lata, non minus mihi, qui lubentissimè illa intellegebam; quàm tibi, cui contigerunt. κοινὰ γάρ, ut ajunt, τὰ τῶν φίλων καὶ ἐκκληρίων. Veteri dicto fidem fecisti tu, qui tantâ fide tantoque studio meas ad maximum Regem vestrum curasti. Nam quòd benignissimus Principum adeo gratum officium hoc nostrum habuit; quòd humanitate suâ erga me, hominem peregrinum, ignotumque sibi, pietatem meam adversus ipsum, quem miratur hodie universus Orbis, superare sit aggressus; quod denique in eorum numerum nos dignatus sit recipere, à quibus colit propius & observari diligentius patiatur; totum hoc, mi Spotisvode, muneris est tui, non mei meriti. Ego verò toties erubesco, quoties venit in mentem, maximum Regem de nobis ea credere, non quæ insunt nobis, sed quæ tuus amor illi persuasit, esse in nobis. Qui si quando me, non qualis sum à te depictus, sed qualis re verâ sum, agnoverit; quid te, quid me futurum sit, vide. Equidem in magno periculo utrumque nostrum versari, facile prospicio. Sed me conscientia mea solatur; qui non aliâ fine ad sapientissimum Principem initio scripsi, quàm ut operâ nostrâ intelligeret, esse & in his oris quàm plurimos, ad quorum curam res illius & gloria pertinerent. Tu,

qui semel tanti Principis benevolentiam mihi conciliasti, ut eandem mihi in posterum conserves, oro te quæsoque πάση σπουδῇ καὶ μηχανῇ, emittere. Sed de ea re, cum erit plus otii, pluribus tecum. Eram enim, mi Spotisvode, cum ista raptim exararem, occupatissimus. Nam posteaquam à nobis discessisti, tot adversa ἀθρόως in nos ingruerunt, ut illis tolerandis vix pares fuimus, aut etiam nunc simus. Atque utinam hac fine stet Dei visitatio: imò verò, ut dicam melius, utinam & mea & meorum voluntas ex illius nutu semper pendeat. Hic certè quintus jam mensis est, cum uxoris morbus, matris meæ tristissimi casus, & conjunctissimarum personarum mortes omnem ex animo alacritatem mihi excusserint. Sed hæret tamen animo firmiter illud Regii Vatis: *Si vel in Orcum Deus meus me detruserit, in bonitate tamen illius sperabo constanter; neque confundi unquam verebor.* Essem ingratus, nisi agnoscam præsentissimam illius opem inter hæc adversa. Vel illud quantum est, quod Rex noster non leve nuper suæ erga nos benevolentiae testimonium nobis dedit? cum, auctoribus multis, quibus nostra in vera pietate constantia per est molesta, ut nobis abeundi hinc faceret potestatem; ille verò non solum facturum se negavit, sed arctiore etiam benevolentia nos est complexus. Et scis tamen, quàm parum mores nostri sint aulici; quàm alieni ab istis sumus artibus, quæ opes & dignitates solæ propemodum conciliant. Me verò non pœnitet privatæ hujus vitæ: constet modò pax Reipublicæ, & Ecclesiæ Dei tranquillitas. Quod & futurum adhuc videtur; licet nihil ab illius hostibus prætermittatur concitando Principi, & ad sinistra consilia impellendo. Nos scimus illius voluntatem ad pacem & pacis artes penitus inclinatam. Sed tam multa parari quotidie videmus, ut τῶν μελλόντων aliquid certi sibi promittere, insipientis esse hominis judicemus. Si quid increpuerit, stat sententia inter primos, οὐκ ἀδίκῃ, solum vertere, & cogitare γὰρ περὶ γῆς. Quod si aliquis casus nos isthuc detulerit, confidimus paratum esse nobis in benignitate Regis Serenissimi perfugium. Sed tristitia ominari nihil necesse; & ut quidem nunc res sunt, metuendum videtur nihil: dies postera quid vehat, οὐ θεὸς οἶδεν. Vale, amicissime & doctissime Vir. *Lutetiae Parisiorum, a. d. XII. Kalend. April. ἀπὸ τῆς τελέως ἰσαριθμοῦ, CIO IO CII.* Scripsi raptim, & in recenti luctu sororis charissimæ, & filii ipsius, qui major jam natu, studia

1602. dia mea non mediocriter solitus suble-
vare.

Cum suppunderet Regi magno, vestro dico, diutius responsum debere, pauca ad illum inter hasce molestias meas exaravi; quæ tuæ fidei mando, ut non sine excusatione Majestati illius tradantur: simul verbis meis obsequium illi nostrum quam humillimum, & à devotissima mente offeras. De nostris ad Melvinum literis quid sit factum, scire cupio. Iterum vale.

His scriptis, accepi ab amico viro integerrimo scriptum libellum adversus illos, qui de Servatoris nomine se appellant. Putavi lectionem aculeati & veri scripti Regi vestro fore utilem: nisi igitur cum bona spe veniat, si quid hic peccatur.

EPISTOLA CCLXXV.

JOSEPHO SCALIGERO.

1602. **A**ccepi, magne Scaliger, epistolam illam tuam *, quæ ad ζητησάμενα mea omnia luculenter adeo mense Januario respondisti. Quid prius in te admirer nescio; benignitatisne magnitudinem, an σοφίας βαθυ. Fecit illa, ut etiam inter gravissimas occupationes tuas, ne mihi quidem incognitas, orium tamen iis literis πῶς μὲν τῆς τηλικαύτης aut invenires, aut sumeres. Per hanc, quæ non me, qui tenuis & tenebricosi ingenii mei sum mihi conscius, sed verò omnes, qui ἀπ' αἰώνος genus hoc literarum tractarunt, aut nunc etiam in eo studio versantur, longè superasti: plurima docuisti me unis illis literis, quæ neque ipse scivi, neque ab alio potui discere. Ago igitur tibi, divine Vir, pro hac tanta comitate tua non quas debeo; neque enim possum, sed certè quantas possum maximas gratias. Quantum autem gaudiorum epistola illa tua mihi attulerit, malo te ex nobilissimi & amplissimi Busenvallii sermonibus, quam verbis meis cognoscere. Et scis tu, opinor, non remissiore nos flagrare discendi cupiditate, quam fuere semper magna, & nunc cum maximè sunt, illa impedimenta πλυνδῆ, quæ me in hoc stadium ingressum ἐβλαψαν τῆς προκοπῆς. Non igitur dubitandum tibi, σιβασμώτε Scaliger, quin hoc jucundissimi officii genere, velut adamantinis quibusdam vinculis, æternum tibi me obligaveris. Quod autem lucubrationum tuarum in Martialem aliquam spem nobis commoves, utinam quidem à gravioribus tuis curis tantum esset tibi otii, ut perficere quæ video esse à te inchoata,

posses. Cæterum si hoc Deus sirit alioquando evenire, quid illo Bambalione infelicius? aut quis nobis felicior? nisi quod ille quidem κακοδαίμων ὑπὸ τῆς πυρρίσσης τῆς καρδίας dedecoris sui probro- rumque sensum habet nullum; ego magnitudinem quotidie reputans tuorum in me tot tantorumque beneficiorum, cum ne testandi quidem animi mei adversum te grati rationem ullam inveniam satis idoneam, jure ἀδικοῦμαι καὶ σωτῆρας ἀγνοῶ. De iis quæ impendere nobis scribis, eò facilius tibi assentior, quòd timere jam negotia videntur. Possem de eo plura: sed malo ἡσυχίαν, & melius ista coram prudentissimis Legatus. Ita autem est: non cessat in horas per literas, per ministros suos ὁ χεῖρ πρὸς ἡμᾶς πρὸς ἡμᾶς πρὸς ἡμᾶς ἡμῶν παροξύνει. Ille quidem fidei tenacissimus, otii- que amantissimus, sed mira est ἡ τῆς μερμῆς ἐκείνης δυνάμεις, mira ἐπιτομία. Itaque, ut ais verè, in præcipiti stant res nostræ. Cujus rei quoties in mentem venit [venit autem, ut par est, sæpissimè,] aliud nihil minuendo meo dolori invenio, nisi hoc unicum, ut πᾶσι μέλλοντα τὸ ὑπὲρ ἡμᾶς ἀναγῆς, literulis me involvam meis. Quod tamen ne serio possim, multa obstant. Sum enim, mi Scaliger, occupatissimus, qui dies totos persæpe in nugis cogar ponere; maximo studiorum & inceptorum nostrorum damno, quorum propterea deferendi impetus nos sæpe cepit. Conatus nostros in Arabicis literis non tam rei difficultas, quam Huberti mei discessio, & instituta editio Spartiani ac reliquorum hætenus interruperunt, ne dicam, abruperunt. Video longum esse iter, non dicam, ad cognitionem ejus linguæ perfectam, sed vel mediocrem notitiam. Nam quod venustè sic, ut nihil possit magis, scriptum à te, in aditu blandiri hanc linguam; cum verò intus admissus fuerit aliquis, commendatitiis esse opus; id, inquam, experti reapse nos sumus. Initio cum huic curæ primum adjecimus animum, comparisonem quandam institueramus Hebraicæ Arabicæque linguæ: quo incepto, fatebor enim ingenuè, visus sumus nobis per dies aliquammultos belli homines, qui eramus saperdæ meri. Fruantur illi sanè opinione suâ, qui ex aliquot pagellarum intuitu, non enim lectione, satis scio, repentè prodierunt Arabes. Tu, Scaliger, unus Europæorum, ne dicam, mortalium, eam linguam pariter cum tot aliis familiarem tibi reddidisti. Sed oro, obsecro te per Deum immortalem, ingens illud opus, quo dictiones Arabicas interpretatus es, publico ne invidè diutius.

Nam

* Exstat
n. 66.

† 666.
Regim
nostrum.
Colonies.

1602. Nam te silente, quis tam temerarius qui mutire audeat? Inciderunt in manus meas chartæ quædam, in quibus principium est Dictionarii Gallici, Arabici, Turcici, quæ fragmenta si tuis studiis putarem aliquid profutura, omni ope contenderem, ut vel illas ipsas schedas, vel exemplar ipsarum manu meâ descriptum haberes. Initium infra subjeci. Tu facile ex unguibus leonem. Scripti etiam nuper de Arabicorum proverbiorum libello, sanè venusto. Eum nobis descripsimus; missuri *ὡς περὶ μύθων*, si facis tanti, aut eo cares. Arabem Geographum à te versum non esse, per mihi dolet. Ego, si isthic essem, tuum agerem *περὶ πλῆθος* neque abiret, quin aliquâ *μυχαρὶ* extorquerem tibi illius libri interpretationem. Nam etsi possumus jam ipsi nihil, mirum tamen quantos nos innocentissimorum horumce studiorum amor teneat. De *Tiberii Proconsule* omnino acquiesco sententiæ tuæ; quæ aut vera est, aut sic verisimilis, ut qui meliorem non attulerit causam, dicere non queat, quin illa pro recta & certa sit nobis recipienda. Equidem nullus dubito ita esse, ut scribis; & *Tiberii Proconsulem* appellari, missum à *Tiberio*. Ergo etiam nomine hoc *πλάτος οὗ καὶ οἶδα, καὶ ὁμολογῶ χάριτας*. Proconsulum appellatio, quæ Imperatoribus quibusdam tributa legitur in faxis, me quoque in admirationem rapit: nam Veterum, quod sciam, nemo causam aperit tam insolentis appellationis. Hariolabamur nos repetitum ad honorem cuiusque illorum Principum Senatusconsultum vetus, quo perpetuus Proconsulatus Augusto fuerat decretus. Dio extremo libro LIII: Dedit, inquit, Senatus Augusto *τὴν ἀρχὴν τῶν αὐτοκρατορῶν ἐπὶ καθόλου ἔχειν*. *ὥστε μὴ ἐν τῇ ἐπιστολῇ παρρησίαν καὶ ἀντιθετὴν αὐτῶν, μὴ αὐτοῖς ἀναρῆσαι*. & notat ibidem, cæteris quoque Principibus honorem eundem esse tributum. Omnes igitur Proconsules: sed cur titulus hic à quibusdam solum, non in universum ab omnibus fuerit usurpatus, id verò dicere non possum. De Georgio Monacho velim scire, quid sis iudicaturus cum legeris. Ego mihi videor nonnulla observasse, in iis præsertim, quæ contra Eusebium disputantur, tuis eruditissimis oculis non indigna. Ad id tamen opus, quod nobis nunc in manibus, pauca inveni quæ essent usui; & præterea peccata non pauca in assignandis illorum Principum temporibus. Exspectabo tamen iudicium tuum. Rabulum paucis diebus post novissimarum mearum scriptionem missionemque accepi. Quod tunc non significavi,

nolim vitio mihi vertas. Nam etsi in 1602. urbe tum fuit, cum illam epistolam scriberem, ego tamen id penitus ignoravi. Nam ille nobilis, cui deferendum mandaras, post suum in urbem adventum dies plures servavit apud se, ut complutum in itinere siccaret. Dein venit ipse ad me, & cum multis summæ tui observantiæ indicis, librum reddidit, quod & meæ & illius quoque fidei causâ volui te non nescire. Vale, magnæ Vir, & me ama. *Lutetia Parisiorum, a. d. vi. Kalend. April. c15 15 c11.*

Initium Lexici Gallico-Arabico-Turcici, à Massiliensi quodam instituti, qui pueritiam & adolescentiam egit, minister filiorum Fessani Regis.

Aage, *أشع*
 Abaisser, *أسفل*
 Abandonner, *تخلى*
 Abandonnement, *تخلي*
 Abatre, *أهبط*
 Abbay, *أبرم*
 Abbaier, *أبرم* erat subscriptum
 צר
 Abbregé, *גור*
 Abbreger, *גור*
 Abreuver des chevaux, *אגור אטלרי*
 סקר הסא

Turcica ultra dimidium *τὴν σ* non sunt adjecta; hoc est, ultra vocem *Changeur*. Libellus proverbiorum, de quo dicebamus, dicitur collectus è scriptis cum aliorum, tum *אבוועד* Abuobed, * si fortè de hoc aliquid tibi compertum. Inveni in eo illud Pythagoricum, *πῦρ μαχαίρα καὶ σάλευον*. *לא חכש* *אלואר באלסכן*

EPISTOLA CCLXXVI. JUSTO LIPSIO.

Paulus Prevotius, qui tibi has reddi- 1602. turus est, Lipsi præstantissime, disciplinæ tuæ cupidissimus *ἑσθὺς*, etsi jam tibi notus, commendationem tamen nostram, neque tibi ingratam, nec sibi inutilem fore iudicavit. Egerunt igitur mecum rogatu illius magni, & præcipuè apud nos dignationis viri, quos Prevotius cognatione attingit, ut meo & ipsorum nomine te orarem, velles *ἐπεὶ πρὸς τὴν σὴν διδασκαλίαν ἐγγὺν* juveni ad familiaritatem tuam aditum patefacere. Puto & amplissimum Thuanum, pro suo in cognatum conjunctissimum adfectu, hac fine literas ad te daturum. Mihi verò rem longè gratissimam feceris, si commendationem hanc meam aliquid apud te ponderis habuisset.

* Pag. 518. edit. 1606.

* Hujus Arabica lingua idiomati, metro com-probent, ab Histia-goro laudantur, Bibliotheca Orientalis pag. 161. Coimel.

1602. se significaveris. Hoc volui hac epistolâ; nam de studiis nostris, etsi quod scriberem non deerat, otii tamen inopiâ cogimur ἐπὶ χαν. At Senecam tuum quando videbimus? jam enim præ desiderio & cupiditate ejus operis tui κατὰ γρηγοράδα: sed non dubitamus, futurum hujus moræ pretium grande. Vale, præstantissime Lipsi; & me, quod facis, ama. *Lutetiae Parisiorum, Kalend. April. CIO IO CII.*

EPISTOLA CCLXXVII.

✠ PHILIPPO CANAIO AFRAXINIS.

1602. **N**ili mihi certum conscientia mea testimonium suggereret animi in tui cultu, Amplissime Domine, firmi & constantis, verendum mihi putarem, ne diuturnius hoc silentium meum pristinum in nos amorem tuum immutaret. Nam defuisse me officio meo, adeo non nego, ut ultrò etiam profitear. Ἀπρὸς γὰρ αὐτὴν autem lentescere etiam bonorum, & ex virtute vitam agentium amicitias non nescio. Ut enim ignis, si fomitem subtrahas, non ὑπὸ ἀδρανείας, sed per Naturæ ipsius leges primò marcescit, deinde etiam extinguitur; sic omnes humani ingenii impetus, omnes animi adfectus cessatione minui, tandemque etiam desinere, & ratio evincit, & quotidiana experientia palam facit. Si quid igitur & de tua adversus nos benevolentia longiore taciturnitate nostrâ sit delibatum, ubi illius causas acceperis, & diligentiam, quâ deinceps uti cogitamus, fueris expertus, non dubito, qui tuus est candor, Amplissime Vir, sarciri, & quasi in integrum restitui priorem posse gratiam. Quòd autem tot menses literis nostris carueris, per meam & meorum valetudinem, nonnullorum etiam obitus, quos necdum eluxi, scito accidisse. Nam à discessu tuo dies prope dixerim abiit nullus, qui novam subinde causam & materiem doloris non attulerit. Ita multa adversa ἀθρόως proximis mensibus in nos ingruerunt. Huic fortunæ meæ, non mihi condonare te æquum est, quicquid apud te culpæ indiligentiâ nostrâ fuerit admissum. Ipsi; audebo dicere, peccavimus nihil; qui dies noctesque etiam inter gravissimos mentis sæpius, interdum & corporis cruciatus de te assidue cogitavimus, veteris amoris in nos tui memoriam sanctissimè summâque religione custodientes. An simus defuncti tot malis, novit Deus, non ego. Sed quicquid illud sit, quod nos maneat, priorem

cessationem emendare certum est, ne-
que committere, ut nostrum in hoc genere officium posthac jure unquam, οὐδὲ ἐπὶ εὐκαιρίᾳ, delideres. Felicem tuum isthuc adventum, quia serum & ἔωλον, gratulari tibi prætermitto. Sed quòd Venerus aër sanitatis tuæ rationibus parum sit accommodus, magno cum dolore meo intellexi. Fama fuit, cogitare te eo nomine de reditu, quem modis omnibus faustum atque felicem opto tibi quàm vehementissimè. Mitto ad te integerrimi & præstantissimi Thuani literas, à quo amari te, & pro tantis ingenii dotibus ἀξίως aestimari, planè mihi compertum est. Quare non dubito, daturum te operam, ut in eo, quod à te petit, votis ipsius fiat satis: eadem me quoque, tot jam vinculis obstrictum, magis & magis tibi devinxis. Nam etsi mens nostra, assiduis hisce calibus obrunsa, in fastidium sæpe studiorum venit, cùm tamen agere nihil non possit, urgere priora incepta, & nescio quæ parare, posteris fortasse profutura, perseverat. Quamobrem oro obsecroque te, Vir amplissime, quod fecisti hæcenus, porro etiam velis facere; meos ut conatus adjuves, & libros, quorum nulla hic copia, ad magnum Thuanum, & ipsius, & meo etiam nomine, quàm primùm occasio dabitur, cures mittendos. Vale, præstantissime Domine, & me ama. Deus Opt. Max. te cum omnibus tuis servet beetque. *Lutetiae Parisiorum, Kalend. Aprilis, CIO IO CII.*

Uxor, ex gravi & diuturno morbo nondum refocillata, & tibi, & nobilissimæ tuæ uxori læta omnia mecum precatur.

EPISTOLA CCLXXVIII.

HENRICO LINDENBROGIO.

TU quidem, eruditissime Henrice, 1602. sic ad me scribis, quasi nunc primum inter nos literarum institueretur commercium. Ego tamen videor meminisse, ante sex, credo, annos, antequam Genevam relinquerem, & accepisse literas à te, & statim respondisse. Perierunt, credo, meæ; neque tibi unquam visæ. At animo nostro jugis ex illo tui memoria hæsit, & eruditionis tuæ atque virtutum æstimatio. Quòd igitur κατὰ δεύτερον πλὴν ἑαυτῆς lacessis iterum, & ad scriptionem provocas, rem facis gratissimam: de notis verò, quas misisti, multum te amo. Sum sanè nunc in eo, ut operâ nostrâ lucis aliquid nobilissimæ Historiæ Scrip-

1602. prioribus accedat: sed me ἱμάνων πρὸς de-
stituunt multa necessaria præsidia. Et
erat fortasse fatius, Camarinam hanc
non movere, nisi pudor vetaret in-
choatum opus ἀπλεῖσθαι deferere. Pi-
get certè incepti; cùm possemus studiis
melioribus hoc temporis impendere.
Nam in ea urbe me nunc esse, quæ in-
vito licet ac reluctanti plurimum tem-
poris suffuretur, scit optimè Frideri-
cus, frater tuus, quicum mihi vetus &
arctissima intercedit amicitia. Vale,
eruditissime Vir, & me constanter ama.
*Lutetiae Parisiorum, a. d. 111. Non.
Maj. c10 10 c11.*

EPISTOLA CCLXXIX.

DAVIDI HOESCHELIO.

1602. **D**E Homiliis Chrysostomi magnas ex
animo gratias. Legeram superio-
ribus diebus plerasque illarum in Regis
Christianissimi Bibliotheca, ubi beatif-
simi illius Patris scripta extant quàm
plurima, antiquissimâ descripta manu,
ut plurimum. Id eò dico, ut si quid
posthac ejus generis sis editurus, & Re-
giis libris uti velis, scias licere. Dabo
enim operam, ut codices nostros, quo-
ties postulaveris, non desideres. Sed
de Chrysostomo minus te jam labora-
re opinor, qui totus sis in Procopii
editione adornanda. Laudo consilium,
teque hortor, ut non prius, quàm re
confectâ, quiescas. Curaveram descri-
bendum è Regio codice elegantissi-
mum illum scriptorem. Nactus enim
semel tam insignem thesaurum, parum
me putavi consecutum, nisi extra peri-
culum ponerer ejus quandoque caren-
di. Si puras futurum è re tua, ut mei
exemplaris tibi faciam copiam; ubi
primum dabitur occasio, id ad te mit-
tam. Scio Josephi Scaligeri codicem
indidem esse descriptum, sed illum
homo imperitissimus, ut à Thuano ac-
cepi, descripsit: meum non multum
variare à Regio, possum tibi affirmare.
Adjiciam & notas meas ad oram libri,
si per tempus licet. Fac igitur nos de
tua voluntate quantocius certiores. Ad
autumnales nundinas, aut, si possum,
maturius, Francofurtum mittam ad cla-
rissimum Bongarsium, quem scio cu-
raturum ad te antiquâ fide. Tuas igitur
expectabo. Vale, amicissime &
eruditissime Hœscheli. *Lutetiae Pari-
siorum, a. d. 111. Eid. Maji, c10 10
c11.*

EPISTOLA CCLXXX.

MARCO VELSERO. ✕

DEsine, Vir præstantissime, Musas 1602.
Arabicas incusare, quasi illæ à
prioribus studiis nos avocent. Utinam
quidem ea felicitas fuisset nostra, ut
quod ingenti voluntate in eo genere
institueramus, ejus perficiendi data es-
set facultas. Sed qui fortunam in om-
nibus ferè meis conatibus expertus sim
novercam, hic quoque nihilò indul-
gentiorem inveni. Incensum enim cu-
pидitate earum literarum, spe etiam
non levi inflammatum, in ipso prop-
modum primo conamine dux simul &
otium destituerunt, duo sic necessaria
præsidia, ut iis deficientibus animum
velle obdurare, infani, meo judicio, sit
hominis, & similis θυμαχίης. Ita-
que inviti quidem nos & dolenter, sed
fecimus tamen, ut saltem ad tempus
novam hanc spartam relinqueremus, &
quicquid nobis otii conceditur, veteri
colendæ ornandæque bonâ fide statue-
remus impendendum. Quod si per
mutatam dudum valetudinem & mole-
stissimas curas licet, dabimus, spero,
nostræ in his studiis constantiæ plura
brevis tempore testimonia: multa enim
simul paramus, si modò eorum dere-
xendi, quæ sumus orsi, Opt. Max.
Deus facultatem nobis est concessurus.
Proximis Nundinis, ut Casareæ Hi-
storiæ Scriptores sex cum nostris Notis
in lucem prodeant, sedulò enitemur:
& si quæ mea valetudo est, quæ negò-
tii hujus pridem inchoati lentitudo, ne
ultra dictum diem comperendinatione
opus sit, nimis veremur. Planè etiam
in hoc opere idem nobis, atque in
Athenæo usu venit: breves, & ferè cri-
ticas ab initio notas institueram: ubi
manum calamo admovimus, propè le-
gitimus exiit commentarius: sed mo-
dum scriptioni imponam, & styli luxu-
riam seriò coërcebo. Quod quæris de
Pompeji & Cleopatraz amoribus, cui
potissimum tempori verba Plutarchi sint
accommodanda, de eo sic nobis vide-
tur. Cnejus Pompejus, Magni filius,
cujus ἑρμηνεύματα cum Cleopatra
magno illi scriptori narrantur Antonio,
classi Ægyptiæ præfuit, bello civili
Pompejano: quod scriptum est disertè
in tertia Historia ejus belli Latina.
Hanc classem Pompejus à Rege puero
& Cleopatra per Legatos impetraverat,
ut non obscurè significat Libro secun-
do Appianus. Nos autem putamus,
legationem hanc non alium obiisse
quàm Cnejum Pompejum Junio-
rem.

Tum

1602. Tum igitur Cnejus in Egyptum venit, & eam cum Cleopatra consuetudinem habuit, de qua loquitur ὁ Χαλκιδεύς. Tibi, Vir maxime, si aliter videtur, non præter opinionem acciderit. Meram enim, ut vides, conjecturam afferimus. Quare si quid habes super hoc exploratius, quæso te, benignus imperi. De Procopio, urge, obsecro te, propositum, & quod olim Ambasius Hermogeni, id tu, Vir amplissime, esto Hoeschelio. Sic semper utriusque vestrum votis Deus immortalis adsit benignus. Vale, & me ama: salve & à magno Thuano. *Lutetia Parisiorum, a. d. 111. Id. Majas, CIO IO CII.*

EPISTOLA CCLXXXI.

FRONTONI DUCÆO.

1602. Sic est profectò, ut scribis tu, eruditissime Ducæ: inter illos, qui de literis hac ætate bene merentur, non postremi, πολλοὶ καὶ δῖοι, censendi sunt, qui in Græcorum Patrum illustratione operam ponunt suam. Quo in genere si nostrorum hominum præclara ingenia hodie occuparentur, haut paulò fortasse meliore loco Orbis Christiani res fient. Nunc tam honesti studii, tam utilis, tam denique suavis ac jucundi quam paucos amor teneat, omnes videmus. Quò magis te ex animo, Vir doctissime, pridem amo; qui multorum beatissimi Chrysostomi scriptorum publicatione omnes meliorum literarum amantes æterno beneficio tibi devinxisti. Sed perge, obsecro te, in hoc præclaro incepto: & si quid aliud vel illius magni Patris, vel aliorum Veterum penes te latet, publicè adhuc invisum, id ne invidere nobis. Narro autem tibi, si fortè nescis, Henricum Savilium, excellentis ingenii & admirandæ eruditionis virum, in eo nunc esse, ut omnia τὰ χρυσόγραφον ἐκείνῳ καὶ πιστῶς ἐκδοτέρι πατρὶς Opera Græcè Latineque in hac urbe edenda curet. Egit ille mecum per literas, ut si quid possem, ad tantum opus symbolam conferrent, seque aut re, aut consilio irem adjutum. Magna illi ex Angliæ, Galliæ & Germaniæ Bibliothecis parata subsidia. Tibi quoque si compertum fuerit, quod scire illum melius sit quam ignorare, oro quæsoque velis ipsum admonitum. Feceris rem non minus publicè utilem, quam illi gratam, & hac tuâ humanitate dignam. Vale, Ducæ eruditissime, καὶ ὑμῶν ἀγαλλία. *Lutetia Parisiorum, Eid. Majis, CIO IO CII.*

EPISTOLA CCLXXXII.

JOHANNI TORNÆSIO.

A In' tu, quaternas te ad me literas 1602. dedisti? nam ita scribis in illis, quas nunc ipsum Drovardus noster mihi reddidit. At ego sanctè tibi affirmo, Vir optime & eruditissime, unas solùm tuarum in meas venisse manus, ad hunc diem, ex quo Lutetiæ factus sum civis. Si fallo, tum me non ille fabularis Jupiter, sed ὁ ἴσας θεός... Quid? tu me putas tamdiu tibi debitum fuisse responsum? supra modum aut inhumanus sim, aut officii negligens; quorum neutrum venim posse mihi verè obijci, & spero sic hactenus vixisse, ut non possit. Nam quod ad illas non tulisti responsum, quas fateor & ipse accepisse, causam dicet tibi qui eas discedens à nobis mihi reddidit, amicissimus Vilartius, qui & Concautius. Is cum traderet, negavit responso opus, cum aliæ tuæ essent in expectatione, quibus simul commodius posset responderi. Fatebor ingenuè, nactus patronum meæ ἀπρεσβείας, concessi occupationibus, quæ me assidue distringant. καὶ πῶτα μὲν ταύτην. Librum, de quo scribis, nondum vidi: cum videro, consilium inibo, qui possit voluntati tuæ mos geri. Sed mihi videbatur mirum, Regi inscribi Historiam, quæ ad hostem ipsius pertinet, & hostem perfidiâ, scelere, immanitate ante alios notum. Vel nunc quid molitus sit, vides. Deus talem terris avertat pestem. Quid faceret, si vires magni nostri Regis haberet? nã, mi Tornæsî, pridem esset cum non essetis. O bonum, ô justum Deum! ille suâ bonitate virtutem Principis nostri novis quotidie cumulat beneficiis: ille suâ justitiâ novum Salmoneum suo sibi jumento malum quærere sinit; ridet, & cum fatalis hora advenerit, κακὸν κακῶς perdet. O illius expectationem longam! Sed viderit, qui omnia videt; qui te servet, mi Tornæsî. Vale. *Lutetia Parisiorum, a. d. x. Kalend. Jun. CIO IO CII.*

EPISTOLA CCLXXXIII.

CAROLO LABBÆO.

Mensis, opinor, est, cum reverso 1602. mihi è Thuanæo prætorio, ubi dies aliquot cum illo Semone egeram, tuæ, eruditissime Labbæe, literæ sunt redditæ; quibus cum ἀνθρῶπι responde-re cogitarem, nescio quo tamen casu hactenus scriptionem distulimus. At-

1602. qui negotia excusare nolo, quæ huic curæ postpositurus fueram, nisi casus alius intervenisset. Hoc eo dico, ne tu me putes, charissime Adolefcens, parum gratas habuiffè tuas illas, eruditionis refertas notis, literas. Ego verò ita sum factus, ut nullum epistolæ genus præter hoc unum probem, hoc amplectar, in hoc libenter tempus collocem: utique cum ad te scribo, charissimum mihi caput, καὶ ταῖς ἀγαπώμεναις φιλημέναις ἑξοχα μένεις. Quod igitur semel te volo monitum, quoties eveniet cumque, ut de literis interrogatus, responsum statim non mittam, persuade tibi, τύχης ἡμῶν ὅτι ἐννοήσης ὅτι σημειῶν ἂν καὶ τὰ τοιαῦτα, ἀλλὰ περμήρη. De incepto illo tuo sententiam nostram & audisti sæpius, & paucis nunc habe. Placet eximie nobis, quod paras in duo Glossaria omnes illas πολυσχιδῆς Glossas conjicere. Levaveris studiosos harum literarum labore, quem sæpe experti sumus molestum, & tædii plenum. Rectè igitur feceris, si Latino-Græcum alterum, alterum verò Græco-Latinum concinnaveris; additis, ut ais, literis, quæ sint futurae indices auctoris cuiusque ἐξηγηματικῆς, puta P. Philoxeni, C. Cyrilli, & ita in aliis: nam & hoc valde probo; nec cuiquam eorum, qui olim in hoc argumento operam posuerunt, fiat injuria. Non improbaverim certissimas quasque conjecturas statim representari, cæteris in alium locum rejectis. Neque enim aut omnia margines capiant, aut in locis perspicuè mendosis expectatione suspendere lectorem æquum fuerit. At cum ad conjecturas, præsertim incertas, erit veniendum, notis, & quidem interdum uberioribus, erit opus. In hanc rem parata tibi scimus ea subsidia à divino Scaligero & propria industria, ut nostram operam non desideres. Si quid tamen est, quod à nobis expectas, nullius rei ferēs repulsam, quæ quidem in nostra sit potestate. Aliorum emendationibus præter Scaligeri quid fieri oporteat, quæris. Ego verò nihil putem prætermittendum, quod ad emendationem aut illustrationem suscepti operis pertineat. Laudo etiam consilium tuum de Lexico Græco recentioris ἑλληνισμοῦ: neque enim integrum cogitas Vocabularium Græcum, si rectè ego tuas capio; & post tot eruditissimorum hominum vigilias res minus jam necessaria. Recentior verò hellenismus adhuc, si pauca excipias, manet indictus & ἀνισήρητος. Bene igitur de studiis nostris meritis fueris, si aut Zonaræ Lexicon, aut aliud τινεσσοτρόπον undeundè extruderis, & publici juris fe-

ceris. Expecto quid ad tuas sit respon- 1602.
surus amicissimus Thomson; quem me-
mini literis non unis spem fecisse no-
bis Zonaræ illius Lexici. Eustathii
locus de Philoxeno ita habet: ὁ δὲ ἡ. μί-
ρῳ δὲ ἐπὶ σῶματι ἐπὶ τὰς ἀγκῶνας, ὡς
φασὶ φιλιζέμεν εἰπεῖν ἐν τοῖς περὶ Ῥωμαίων
διηγήσεσθαι. Colloquia è Bibliotheca ma-
gni Thuani mittam, cum voles, &
quicquid meorum desideraveris; modò
remittas cum usus fueris, quia & nobis
talia possunt, ἐπὶ ἑπ., esse usui. Ἀδελ-
φῶν δὲ φάσις laudavimus è libris editis,
non MSS. Et vidisti, puto, nuperam
Theodosii editionem, à juvene Helve-
tio profectam: aut si nec vidisti, fa-
ciendum tibi censeo, ut videas. Ille
juvenis spem facit nobis diversorum
Glossographorum, qui vix de nomine
adhuc vel eruditissimis noti: ψεύσμα, ἢ
ἐπὶ μὲν ἐρέω; κέλεται δὲ με θυμὸς, cum
prodibunt, inveniēmus, quod est in
proverbio, θησαυρὸς ἀνθρώπου. Quare
detertere te nihil ea res debet. Ma-
crobii locum * esse corruptum, judi-
cas rectè; sed de ejus emendatione ali-
ter nobis videbatur. Nam ut *lac* sive
lacte proprium sit ficorum, nunquam
evincet Macrobius. Scimus enim, Græ-
cos Latinosque Sapientes in describen-
dis plantis γαλακτοειδῆ quendam succum
lac appellare. Is succus manat è di-
versis, quæ herbis, quæ arboribus. Qua-
re falsissimum, ficis ἰδίον esse vocabu-
lum. Putamus è libri ora in textum
hanc vocem irrepsisse, cum studiosus
lector paullò mox eam adnotasset ad
sequentem versum: *sumas ab alio lacte
diffusos grossos*. Cætera tu rectè. De
vocibus περιφροσύνης & ἀργυρόκωπος non
dubium, quin rectè exposita sint in
Glossario. Scimus, viros eximios re-
cessisse à vulgata lectione sæpe levi,
sæpe nullà causâ. Nollem factum: ut
taceam, quæ bonam interdum versio-
nem non meliore, ne dicam aliud, mu-
tarunt. Sed condonamus facile viris
summis, qui profectò facile ἄλλοις
ἰδιώταις τὸν δὲ ἀπαυθνήτην ψόρον. Rectè ta-
men feceris, si talia, cum se obtu-
lerit occasio, notaveris, & lectorem
tuum ὁδὸν ἀρετῆς admonueris. Habes,
opinor, ad omnia: finem igitur faciam,
si te oravero, ut amplissimum paren-
tem tuum, & charissimum fratrem meis
verbis salvere jubeas. Vale. *Lutetia
Parisiorum, pridie Kalend. Junii, c10
10 CIL.*

* Salm.
pal. l. II.
cap. 16.

EPISTOLA CCLXXXIV.

✠ JUSTO LIPSIO.

1602. **M**Unus accepi, Vir præstantissime, quod amoris tui pignus voluisti me habere, Epistolarum tuarum recens Syntagma, vel Syntagmata potius. Nescit enim modum tua liberalitas, adeo opes tuas non dispensas, sed effundis *χρῆν* & τὸ τῆς λόγου ἀντὶ τῆς θουλάης. Perge sanè tuorum scriptorum studiosos, hoc est, omnes qui literas & humanitatem amant, ἐπαοσιέρις numeris beare. Quod ut quàm diutissimè facias, & mortalitati quàm tardissimè renunties, supplex imo de pectore æternum veneror Numen. Sed quas ego tibi, mi Lipsi, pro tam grato dono aut referam aut agam gratias? Prius illud possem, si par essem ingenio tibi; posterius, si linguâ & *ἰνέπῃ*, quæ cum in te sint maxima, in nobis modica, noli, quæso te, à me exigere, ut vel re, vel verbis paria tecum faciam. Nam quod in tam eleganti opere tuum de nostris lucubrationunculis iudicium palam fecisti, equidem sic interpretor, ut immortalitatem nomini meo existimem à te donatam. Quid igitur ἀντάξιον tibi rependā? quod *ἰσοστέσειεν ἀντιδωρεν*? Sed nullum est in rerum natura; certè in potestate mea nullum. Quantum est vigiliarum nostrarum, si in unam contulero, & ἀθρόως tibi obtulero, non tamen hoc nomen expunxero. Non igitur ut obligatione me exsolvam, sed quia videor facturum rem non ingratam, posthàc si quid edemus, statim ad te. Sunt autem quæ paramus sanè multa, & diversi generis. Verùm de aliis, cum Deo, aliàs. Nunc in Auctoribus sumus Historiæ Augustæ; quos Scriptores cum eo animo in manus sumsissemus, ut brevi tempore & operâ levi eos recensere-mus, nescio quomodo factum sit, ut inter manus opus excresecet. Quare mihi ipsi succenseo, & seripcionis huius τὸ πολύσχηον offendit me. Quid facerem? αὐτὸς γὰρ ἐφελκεῖαι ἀνδρὰ σίδηρον. Sed moderabimur, & styli luxuriem moderabimur. Senecam tuum avidè sic exspectamus, ut nihil unquam avidius. Nam quod videris tu velle, nostram de scripto illo tuo expectationem minuere, nos contrà persuasi sumus, futurum omnino, ut in tam excellenti opere pandas vela, ac si quando aliàs, toto ingenio veharis; & sci-mus alioquin, à Lipsio nil nisi Lipsio dignum posse proficisci. Vale, Vir clarissime, & me constanter ama. *Lu-
teriae Parisorum, a. d. 1v. Non. Jun.*
CIC 10 CII.

EPISTOLA CCLXXXV.

JOSEPHO SCALIGERO.

PLures * à te paucis diebus, præ-
stantissime Scaliger, literas accepi: * *Scilicet
sed omnes brevissimas, & quæ ad nul-
lam trium epistolarum, quas ad te men-
sibus Martio & Aprili misimus, respon-
derent. Erant in illis plulcula ζήτησι-
21α, de quibus sententiam tuam exqui-
rebam. Cum igitur nihil adhuc ad illa
responsi à te tulerim, ut mea fuerint
tibi redditæ, vereri incipio. Sed nec
de Georgio Monacho ex tuis adhuc
potui cognoscere, perveneritne is li-
ber in tuas manus, an necdum tui hu-
jus voti sis compos factus. Quia tamen
affirmavit mihi Tardiazus † noster, vi-
sum sibi conventumque Hagæ Comi-
tatenſi amplissimum Legatum Busen-
vallium, confidimus ego & ὁ κερύπτερος, *
ἐπεὶ πᾶντα ἀγασθῶ Thuanus, codicem
illum pridem esse tibi redditum. Li-
beraveris utrumque nostrum sollicitu-
dine non mediocri, si ita esse, literis
tuis nobis significaveris. Scripsi nuper
ad te de Prisciano tuo, fidei meæ à
Francisco Pirhæo commissæ, ut eum
tibi deferendum curem. Quod & fa-
cturus sum, ubi primum, cui tutò tra-
dam, nactus fuero. Defunctum eo la-
bore te esse, quem veteribus Inscriptio-
nibus impendisti, narrabat mihi Tar-
diazus. Quare eo nomine tibi gratulor,
teque etiam atque etiam oro, si-
gnifices mihi, ecquando tantis illis la-
boribus tuis simus fruituri. Stat enim
sententia, si modò ullâ ratione facere
possumus, affanias nostras in Spartia-
num, & reliquos Cæsareorum tempo-
rum Scriptores, non antè publicare,
quàm tuum illud opus viderimus. Sci-
mus probè, quantum Scriptores hi no-
stri ab illis commentariis tuis possint
claræ lucis sperare. Quamobrem etſi ur-
gemur νύκτας τὸ ἔμματα πάντα ab amicis,
ac multò etiam magis à Typographo,
animum tamen obdurabimus, & quam-
diu licebit, ad illorum querimonias au-
res obstruemus. Accidit sanè, haud
satis scio quomodo, ut meditatus no-
tas breves in eos Scriptores, prolixum
oppidò commentarium scripserim. Sed
modum adhibebimus, & pleraque, nisi
mutamus sententiam, recidemus. Ne
sic quidem à calumnia erianus, scio,
satis tuti. Utinam omnino liceret esse
Harpocrati! Deus bone, quàm agrè
mihi est, quòd exiguum illud tempus,
quod ab aliis curis reliquum sit nobis,
non licet totum impendere melioribus
studiis! Aristotelis Historias cum Se-
monis*

1602. monis illius tui parentis commentariis quando habituri sumus? per Deum immortalē, Vir magne, incumbere serio in hanc curam. Sed & Eusebium tuum avidissimè expectamus, atque utinam ne expectemus diutius. Deus Opt. Max. te servet, ô salus literarum unica. Vale. *Lutetiae Parisiorum, prid. Eid. Jun. CIO IO CII.*

Accepi nuper Heinsii tui Tragœdiam. Miratus sum molitionem tuam, qui αὐτὴν τῷ ἐπὶ τῷ λόγῳ, non quæ nunc est, sed quæ olim, isthuc transtuleris. O elegantem gravitatem! ô dignum tanto doctore discipulum! Parabam ad illum literas, & nescio quæ in Nonnum & Hesychium, [sic enim vult ipse] item ad eximium Grotium tuum, & Meursium quoque. Sed impeditur maturior quàm putabam, tabellarii profectio. Velim illis me excuses, si grave non est, & magis apud amplissimum Legatum Bursenvallium.

EPISTOLA CCLXXXVI.

DANIELI HEINSIO.

1602. **A**Uriacum tuam, eruditissime Heinsi, ex literis magni Scaligeri primum mihi notam, vidi, legi. Quæris quid sentiam? Ignosce mihi, dicere non possum: ἐπὶ γὰρ ἡμᾶς οὐδὲ θάρσος κατέχει ἀφασίη. Planè quod iis solet, qui lupum priores viderunt, id mihi accidit, cùm Tragœdiam illam ἐς πόδας οὐ κεφαλῆς percurrerem: tantâ enim admiratione defixus obstupui, ut hæreret vox faucibus. Tum demum cognovi, haud temerè ab illo semone scriptum, eam esse compositam à te Tragœdiam, cui scribendæ unus tu ex omnibus qui literas nunc colunt, par esses. Mirabar adeo δὲ πρὸν tantum viri ἀπίφασιν, & (farebor enim) agrè accedebam. Diffidebam enim non ingenio tuo, sed ætati ad quævis alia, ut rebar, aptiori quàm ad tragicas ἐπιθέσεις & gravissimos cothurnos. At tu, doctissime Heinsi, non æquales solum tuos, sed omnes omnino, si quid iudico, longè à tergo reliquisti, qui à multis seculis in hanc arenam descenderunt. Omnia in tuo dramate ἀγῶνα θαυμαστέα argumentum magno iudicio electum, & iis, quæ nunc geruntur, accommodatissimum: inventio totius δρασκυῆς ingeniosissima: ἡ λέξις πᾶν μέγιστος καὶ ὡς ἀνεκτίετα ῥομαίζοντα τῶν παλαιῶν ἢ δεινότης μεγίστη καὶ ἵνα μὴ μακρολογῶ, δοκεῖς μοι ὥσιν καὶ τὰ ῥήματα καὶ τὰς λεξικὰς ἀρετὰς καταρτυμέναι. Deus tibi, γεννιάτα πινυῖα, has dotes. Illi igitur honos, illi gloria. Ille te novis subinde benedi-

ctionum suarum incrementis augeat; 1602. ille servet, fortunet; & in omnibus, quæ institues, quæ molieris, δαίη σοὶ εὐδομήνῃ οὐκ ἐπὶ πημάτων ἔχων πόδα. Si quis est, qui gloriæ tuæ faveat, is ego sum: quod serio persuadeas tibi velim. In Hesychio sedulam te ponere operam, vehementer gaudeo: neque video, ubi melius hæc tua industria possit occupari: cùm præsertim propè adsit Scaliger, quem non dubito vel propter barbaras voces sæpe tibi vocandum in partes. Hoc magistro, quid potes ignorare? Quia tamen ita vis, pauca è nostris in illum Glossographum observationibus describam, & ad te mittam. Subjeci infra illarum εἰσὲς γένμα. Scio posse te iis carere; sed mos gerendus est voluntati tuæ. Nonnum habeo in manibus, ab erudito quodam viro multis locis emendatum: quem esse penes te optarem; & mittam fortasse, cùm fuero nactus, cui tutò Priscianum & τρισμύχιστον Scaligeri committam. Theoricum ab aliquot annis non legi: itaque nihil hac in parte sperandum à nobis. Otio enim, mi Heinsi, in negotiosissima hac otiosorum matre destituimur. Quare lampada tibi cursu tradō; unum illud à te petens, ut quotiescunque nostrorum scriptorum aliquid ob oculos tibi versabitur, nostræ in studiis infelicitatis veniat tibi in mentem: de qua memini aliàs ad te scribere. Vale, amicissime Heinsi, & vive quàm diutissimè, αἰὲν ἀρετῶν καὶ ὑπέρχου ἢ λυκοῦ ἤβης. *Lutetiae Parisiorum, a. d. VI. Eid. Jul. CIO IO CII.*

Notas, quas eram adjecturus, cogit omittere tabellarius, horis aliquot opinionione meâ citius discedens, & literas sine mora sibi dari iubens. Hoc apud te me velim excuset: non fallemus expectationem, σὺν τῷ θεῷ. Oro etiam te, apud amplissimum virum, D. Bursenvallium, me excuses τὸ νῦν εἶναι: nam & ad illum scripturus fui, si per tempus licuisset. Etiam ad eruditissimum Meursium; quem meis verbis velim salvere jubeas.

EPISTOLA CCLXXXVII.

JOSEPHO SCALIGERO.

Illustrissime Vir, ecquid futura mihi 1602. apud te liberioris dicti parata venia? Spero equidem: novi enim & ἐμφυτὴν tibi bonitatem, & vehementiam tui erga nos amoris. Hac fiducia dico tibi ἀπαρρόδην, nullis ambagibus, videri mihi te à moribus tuis discessisse, & οὐκ εἶδα ἔπος ἀλλῶ γενέσθαι ἐξ ἀλλῶ. An non ita est? planè ita; ἀφρονῶ, in-

quàm

1602. quam, ἐξ ἐυφάνης factus es. Videris ipse, quæ te mala Circe mutarit: ego rem factam queror, καὶ μάλα ἀχρύνει. Crucior enim animi tam longa, tam insolitâ literarum tuarum expectatione. Atqui solitus eras hoc quoque officii genere diligentiam nostram longè superare. Quid igitur accidit, cur ad datas sub hujus anni principium literas à nobis, necdum sit responsum? Sed perierunt istæ fortasse. Illas certè accepisti, quas amplissimo D. Busenvallio discedenti in manus tradidi: quod tamen scire adhuc per te non potui. Binas omnino à quatuor jam mensibus accepi: alteras attulit Belga φιλάρετος; alteras, Tardius noster. Et hæ, & illæ paucissimorum verborum fuerunt; neque erat in illis quicquam, ex quo meas tibi fuisse redditas possem cognoscere. Quod si nobilissimi Busenvallii non esset fides nota, mirè solliciti essemus, ego & amplissimus Thuanus, libro Regio quid esset factum: nunc non sumus; sed de tua solùm valetudine, quam præstet tibi firmam & bonam, teque nobis & literis ἐς βαθυτάτην γῆρας Deus immortalis servet; qui & te, & tua studia sibi curæ esse, tot argumentis approbavit. Vale, illustrissime virorum. *Lutetiae Parisiorum, a. d. vi. Eid. Julias, CIO IO CII.*

Scripturum ad clarissimum virum Bonaventuram Vulcanium, oppressit nuntius à tabellario, qui literas convitio poscebat. Volui illum monere, nuper cum apud Episcopum Bellovacensem ejus Bibliothecam spectarem, casu incidisse in Cyrillum MS. Græcum, cui erat adjuncta Latina versio, itidem MS. Inspeci; vidi in ima cera ejus nomen. Exilui gaudio, egique cum Episcopo, ut faceret potestatem remittendi ad autorem, qui, ut videtur, pridem opus illud suum amisit. Magna profectò jactura, quam posse per me restitui seriò læter. Sed fidem dedit Præsul optimus, impleturus, cum primùm erit, per quem tutò mitti possit. Autor tamen sim clarissimo Vulcanio, ut literis suis beneficium ab illo postulet, quod scio facile impetraturum. Emit ille cum aliis libris, Basilicæ allatis. Hoc, si placet, Vulcanio nunciabis, & amicissimam simul à nobis salutem. Iterum vale.

EPISTOLA CCLXXXVIII.

BONAVENTURÆ VULCANIO.

1602. Vir doctissime, diu est, cum occasionem cupio mihi dari scribendi

ad te, non ex otii abundantia, sed amoris & honoris. Utrumque affectum largè pridem tibi exhibeo. Ita meretur singularis tua eruditio, & earum literarum notitia, quas plurimè semper fecimus. Indignus sit quem Musæ ament, qui Vulcanium, Ἐλκωνιάδην Μασάων τῶ παιδικῶ, non amet. Ego facio, & ex animo quidem. Accipe igitur non minus gratum mihi, quàm tibi futurum confido, ἐναγγελίαν de Cyrillo tuo, verè nunc tuo; erit enim, quando volueris. Allatus est is liber Basilicæ in hanc urbem, ante menses duos aut tres. Factum est autem οὕτῃ εἰκονοµήνῃ, & bono genio tuo, ut eum codicem Præsul amplissimus emeret, Bellovacensis Episcopus, mei amantissimus. In illius Bibliotheca cum Græcè Latinèque descriptum nuper eum librum vidissem, etiam antè quàm in tuum nomen inciderem, suboluit mihi quod res erat. Memineram enim, commovisse te ante multos annos spem de Cyrilli editione. Ubi igitur nomen tuum legi, & nescio quo casu periisse tibi tantos labores cognovi, egi cum optimo Præsule, ut tuum librum tibi vellet donare. Non multum laboravi; est enim cupidissimus rei literariæ juvandæ, & tui quoque privatim amans. Omnia enim quæ hætenus edidisti, & habet, & legit. Quare si eo libro cares, neque aliud exemplar habes, scito licere tibi istud repetere. Censeo tamen faciundum tibi, ut ad illum scribas: cætera mihi erunt curæ. Vale, doctissime Vulcani, & ex his literis occupationes nostras agnosce. *Lutetiae Parisiorum, a. d. xiii. Kalend. August. CIO IO CII.*

EPISTOLA CCLXXXIX.

GEVERHARTO ELMENHORSTIO.

Gratæ mihi, eruditissime Vir, quas 1602. à te accepi; ex quibus & eruditionem tuam, & amorem erga nos perspexi. Huic tuo affectui laudes fero acceptas, quas largâ manu in nos conjicis. Non negaverim, pro ea ingenii sanè modici copia, quod est in nobis, tentasse me omnia, quæ posset opera nostra literis esse non inutilis. Sed hoc tanto studio quantum profecerim, non scio; illud scio, nulla ex parte egregiæ voluntati nostræ facultatem respondere. Taceo illa tot incommoda, quæ assiduè sumus experti vel maxima. Verùm ista mitto, & venio ad te, id est, Juvenalem tuum, quem edi à te quàm primùm cupio. Habeo aliquot manuscripta

1602. scripta exemplaria: quæ si propius isthinc abessem, tibi mitterem. Nunc cum id commodè non potest, videbo, si quid λόγος ἀξίων in illis possit reperiri. Addam & nostras in aliquot locos notatas, si modò per otium licet; sum enim occupatissimus; sed nitar, &, spero, efficiam, ne officium hac in re meum possis desiderare. Vale. *Lutetiae Parisiorum, a. d. xiii. Kalend. Sext. Juliani, c15 15 c11.*

EPISTOLA CCXC.

JOSEPHO SCALIGERO.

1602. **V**ir inlustrissime, nudius tertius cum apud amplissimum Thuanum essem, redditæ sunt utrique nostrum literæ tuæ, x. Kalend. Quintilis Juliani scriptæ; quæ cum voluptatem incredibilem mihi, ut semper omnes tuæ, attulissent, cumulus heri accessit per aliam epistolam, 111. Kalend. Jun. Julian. à te scriptam. Etiam ante paucissimos dies cum ἐπὶ π μνημοσύνης ad te literas exarassem, jamque illas compilarem, allatum est ab amplissimi Gyllotti famulo ὀπισθοδράμην quoddam tuum, vii. Kalend. Majas datum. Quod si omnes acceperissem, quarum fieri à te mentionem video, & cumulatione adhuc gaudio fruerer; & multa, quæ ignoro, ex tuis addiscerem: nondum enim illæ tuarum nobis redditæ, quibus ἑτημασίαις nostris respondisti. Sed venient fortasse aliquando, nec tantus mihi peribit thesaurus. Quicquid tamen futurum sit, ago tibi maximas gratias, teque oro obtestorque, ut περιστάσεων meam æquo animo feras. Nam fanè suppuet me, tantum tibi negotii in tantis occupationibus tuis exhibuisse. Centesima pars tuarum curarum alium obrueret: me certè, qui studiis & officiis istis ἐγκυλίαις jam par non sum: & profectò, misera conditio mea; qui dies noctesque occupatus, vix pauculas horas ex animi sententia quotidie colloco; sæpe nullas. Lucubrationes tuas in opus Inscriptionum avidissimè expeto. Illud nos superioribus diebus ἐς πύδας ἐκ κεφαλῆς percurrimus. Proverbia Arabica mittam, cum nactus fuero cui rectè dem: mittam autem, si potest fieri, ἀντίγραφον, unde nos descripsimus. Sin illud non impetramus, tuā gratiā describemus; est enim liber non ita magnus. Mitterem quod habeo exemplar, nisi esset à nobis insertum majori volumini, quo nugæ nescio quæ nostræ continentur. Est in urbe juvenis ille φιλόλογος*, qui tuas mihi nuper attulit. Huic copiam feci

* Hadrianus Fleissingenis.

ejus libelli: sed ita, ut in meo Museo 1602. describeret. Cogito illum mihi in hoc labore socium adjungere. Quare confide, te brevi ὁμαλὴ διδύμη hujus voti damnatum iri. Etiam de Lexicis operam dabo, ut tibi morem geram. Atque utinam esset ad manum, cui rectè darem. De Spartiano parebo tibi, & jam folium primum nostrarum Observationum est editum; etsi maluisssem tua exspectare: sed ἐπρίσθω ὁ κύβητος. En pro aureis tuis, plumbeas & scoriâ plenas literas: sed aliter mecum non potes. Vale, illustrissime & nobilissime viro- rum; Deus te servet. *Lutetiae Parisiorum, a. d. xiii. Kalend. Sextil. c15 15 c11.*

Proximè cum ad te literas darem, adjeci & ad Grotium atque Heinsium, duos spectatissimos juvenes. Velim scire num ille fasciculus perierit, quod vereor ne in tuis meisque literis sæpe accidat.

EPISTOLA CCXCI.

JUSTO LIPSIO. ✕

DE tuarum Epistolarum gratissimo 1602. munere egi tibi, & nunc quoque ago gratias immortales. An priores illas meas acceperis, nescio. Dedi quidem illas amico certò, & Plantinianis vestratibus probè noto: sed quia hoc rerum statu nihil satis certum, nolui committere, ut meum tu hac in parte officium & animi grati testimonium posses desiderare. Sperabam missurum me tibi proximis nundinis levidense ἀντίγραφον nostrarum in Spartianum & ejus socios Observationum. Et jam prælis subjectum est opus, & quidem multos ante menses; nondum tamen multum promovimus. Quod non meâ culpâ accidit, sed Typographi lentitudine. Etsi non nego, amore otii & tædio scriptionis non nimis vigere me. Nobilem adolescentem, quem posterioribus tuis mihi commendas, nondum videre mihi contigit. Dixi ei, qui tuas mihi reddidit, nihil esse tantum, quod propter te ejus causâ non scripserim. Atque hoc tibi seriò velim esse persuasum. Vale, præstantissime Vir, & nos ama. *Lutetiae Parisiorum, a. d. x11. Kalend. Sextilis Juliani, c15 15 c11.*

Penè acciderat quod vehementer scire cupio, quis ille infrunitus lanapugnarius, cujus notæ in Tacitum verum nuper prodiere. Putabam Italum esse, & ἀπὸ οὐκὼς omnia interpretabar. Sed injicit scrupulum dissimulatus editionis locus; nam Basilcâ prodiisse compertior: aliud nihil expiscari adhuc possumus.

1602. tuimus. Ne illud quidem prætermittam, quia commodum venit in mentem. Miratum me nuper non parum, illud tuum de literis Græcis iudicium. Tene, hac eruditione virum, hac ingenii præstantiâ, hac denique in literis auctoritate, hodiernæ juventutis socordix patrociniū tuum commodasse? Ignosce mihi, irascere tibi, si possem, & pateretur meus in te amor & cultus. Feram hoc in alio; in te non fero. Iterum vale.

EPISTOLA CCXCII.

✠ HENRICO WOTTONIO.

1602. **Q**UOD silentium diuturnum excusas, nobilissime Wottoni, præis exemplo mihi, ut in pari causa idem & ipse faciam. Nam & ipse, nec dissimulo, longum jam tempus silui. Faciebat enim me incertitudo tui statûs in scribendo ad te omissiorem. Nam cum omnes diligenter, qui ex Italia ad nos venirent, percontarer, certè inveniebam nihil: aliis, Florentiæ in Italia; aliis, in aula Imperiali & ultima Germania degere te, affirmantibus. Quod igitur meas dirigerem? otio porro, ut tute scis, non abundamus nos. Itaque tacui, sed apud te, non de te. Habeo testes multos populares tuos, quibus cum prope quotidianos de pristina consuetudine nostra sermones habere soleo. Cujus exstare in animo quoque tuo memoria ἐκ ἐπὶ τῶν, ita me Deus, ut maxima cum voluptate mea ex nuperis tuis cognovi. O mi Wottoni, quæ fuere tempora illa, cum securi quid ferus vesper veheret, dies totos liberatis fabulis transigeremus! cum ex ore tuo, πολλά δ' εἶδες ἅστα καὶ νόον καὶ ἔγνωσ διεξοδικώτερον narrantis, ego penderem; tu de literulis nostris non junctis aliquid à nobis audires. O vitam verè vitam! ô delicias & voluptatem sinceram! Ita quidem, ut temporis illius sine suspiriis recordari non possimus. Nam quæ post illa viderimus, quæ subierimus vel mala, vel extremorum malorum pericula, horret meminisse animus. Melior tamen tua quàm nostra conditio. Tu adversis tuis perfunctus, portum, ut videtur, nunc tenes. Nos, ut vides, in ipsis periculis cum maximè nunc versamur. Nuper adeò, quàm penè absorpti sumus σφοδρότατη quâdam τρικυμία, haud dubiè ipse nôsti: & magna quidem τῶ παντοκράτορι θεῷ laus & honos, quod ἡμῶν δ' περισχόντων τοῖς γινόμενοις ἐσώθη καὶ ὑπερῶς κρατοῖν terrarum in ea tempora devenimus; ut necessariò nobis & omnibus bonis sit

φιλοσοφίαν. Olim fuerit hoc otii honesti oblectamentum, nunc unicum, (divina semper excipio) hoc superest adversus imminentes verticibus nostris procellas præsidium ac solatium. Quod mihi gratius erit, ea videre, quæ sunt à te, doctissime Wottoni, super ardua quæstione disputata, quæ tot præclara ingenia omnibus retrò seculis habuit exercita. Durum profectò humeris tuis onus imposuisti, sed illorum valentiam & robur tum novimus nos. Prome igitur illa, sodes, & prome quàm primum. Quod autem scribis, velle te nomine nostro eruditas lucubrationes tuas inscribere; equidem pro affectu hoc tuo in nos ago habeoque tibi gratias immortales λόγος παῖς πῶρα. Sed unde hoc nobis, ut tu tanto nos honore digneris? Habes, scio, magnam amicorum copiam, virorum summorum, & omni laude florentium. Nos, qui, aut quid sumus? unica res est, in qua nemini tuorum concesserimus, magnitudine amoris erga te, & singularem tuarum virtutum admiratione. Verùm hoc imputare tibi non possumus; debeo enim affectum hunc illis ipsis, quas dixi, virtutibus, & tuæ adversum nos benevolentix: hanc tu mihi serva firmam & inconcussam. Deus tibi bonam valetudinem, omni felicitate cumulata. Vale. *Lutetia Parisiorum, a. d. xii. Kalend. Sextilis Juliani, c. 10 c. 11.*

EPISTOLA CCXCIII.

JOHANNI CASELIO.

ANni sunt ferme viginti, αἰδεσµότατε 1602. Caseli, cum adolescente quodam è vestra gente perhonesto, disciplinæ tuæ alumno, familiariter sum usus: qui de tua singulari pietate, probitate, & eruditione multa quotidie commemorans, magnam in animo nostro tui admirationem, & ex admiratione amorem excitavit. Legi postea varias, & diversi generis lucubrationes tuas, doctas, Deus bone! & elaboratas, planèque pro ea opinione, quam de tua præstantia antè conceperam. Nunquam ego ab illo tempore destiti de te rebusque tuis inquirere: & σὺ γὰρ ἐπ' ἐμὲ omnia tibi ac tuis studiis fausta & læta optare. Adfari etiam te, & literis, quia aliter non poteram, compellare in votis semper habui, nisi me olim quidem juniorem pudor ἐμφορῶ, postea verò ingens locorum, qui nos habebant, intercapedo, & literarum mittendarum difficultas ab incepto revocassent. Nam quod te fortasse non latet, reliqua ante annos sex septem suavis-

1602. vissimâ patriâ Genève, in remotissimam à Germania vestra partem Galliarum, otii desiderio concesseram; ubi aliquot annos obscuri, & propè dixerim, *αἰσῶν ἡ ἀπῆλθεν* transigimus. Neque longum adhuc est tempus, cum optimi fortissimique Principum, Christianissimi Herois nostri iussu ex illis tenebris, & grato nobis secessu, in regiam hanc urbem, & clarissimam lucem transitum fecimus. Ita factum est, clarissime Caseli, ut licet nominis tui studiosissimi, nihil tamen adhuc literarum ad te dederimus. Quo in officio antevertisse humanitatem tuam cunctationem nostram, incredibiliter gavissus sum nuper, cum ante unum alterumve mensem literas tuas accepi. Tunc, præstantissime Vir, hac ætate, his in Republicam literariam meritis, ut me provoces, ut meam amicitiam expectas? sic enim scribis, & quidem literis non unis; nam & altera jam nobis diebus superioribus reddita est abs te epistola. Hæc nempe est comitas illa tanta, illa tam insignis benignitas, quam in te popularium tuorum multos memini prædicare. Nam in nobis quid est tanto hoc tuo dignum studio? literæ? *καίτοι τὸ βελτίον, καίτοι πλεονέκτημα ἔστιν.* Utinam, inquam, venerande Senex, ii nos essemus, quos tuus amor nos sinxit. Sed me iudicio huic tuo de nobis, & lucubratiunculis nostris vetat assentiri virium ingenii tenuissimarum conscientia. Ut taceam de studiorum nostrorum infelicitate; cum & sero ad literas accesserimus, & ferè *ἀποδιδάσκοντες* magisterio nostro profecerimus; si modò aliquid profecerimus. Nam optimi & eruditissimi parentis, quo jure gloriamur præceptore, operam diuturniorem statim initio publicæ curæ, quas ille, dum vixit, sustinuit gravissimas, nobis inviderant. Quatuor denique lustra ætatis nostræ præterierant, priusquam è regni hujus procellis evadere, & Genève, ubi nati, sed non educati sumus, studiorum causâ possem repetere. Sed quid verbis opus? Ipsa, quod ingenuè fateor, scripta nostra *ἐπιμαθήσαν* authoris sui, & desideratam semper *παύσιν*, concessam vix unquam

Κύνδιον ὅτι ἔπιν ὅτι γυμνάσιον βούλ.

Magna igitur *χρηστότης* tua, Vir humanissime, & erga nos magna benevolentia, qui de nostris conatibus ea prædices, quæ sine rubore à nobis nunquam legantur, nedum agnoscantur, ut debita, aut ex vero profecta. Nam de Josepho Scaligero *ἐνφύσει ὡπλιν*. Ille vir divinus, quocunque ingenium converterit, aquilæ instar cælum petit: nos

in aliqua literarum parte, *ὅπῃα ὅτις δι-* 1602. *δοῖ, περιεργασθεῖς.* Illud unum non abnuo, enim me semper pro mea virili, ut, si minus possem ingenio, at modestiâ certè bonorum judicia promererer. Sed de nobis nimium multa. Te verò, doctissime Caseli, ornare laudibus non aggredior. Nolo enim onus subire, cui me sciam futurum imparem. Quis enim, vel mediocriter eruditus, nescit non solum, quàm eximia sit eruditio tua; sed etiam, quantis laboribus sit effectum, ut meliores literæ, Græcæ præsertim, illic floreat. Quis puriorem & veram Philosophiam per te maximè in illis oris conservatam ignorat? Audivimus enim agones tuos: pervenitque etiam ad nos ingens Principis vestri decus ac fama, qui pro sua prudentia ac sapientia Barbariem simul & *τὴν σοφιστικὴν* è suis terris eliminavit. Hujus facti, æternâ memoriâ dignissimi, prima laus Illustrissimo Duci vestro debetur, proxima tibi. Illius auspiciis, ductu autem tuo victi isthic & triumphati duo illi *τῆς γνησίας παιδείας* hostes. Utinam hos animos & cæteri omnes Principes induant. Nam, ut nunc vivitur, mi Caseli, actum de literis: quibus nescio plus mali sit à neglectu Regum & Principum, an à perversis judiciis eorum, qui illas tractant. Sed longius abeo; quare desino. Deum Opt. Max. ut te quàm diutissimè incolumem præstet, oro atque obsecro: te, ut nos constanter ames. Vale. *Lucretie Parisiorum, a. d. XII. Kalend. Sextil. Juliani, ὁδὸς τῆς ἑξ Ἀργεῖς ἐς Παρισίους, CIO IO CII.*

EPISTOLA CCXCIV.

DAVIDI HOESCHELIO.

Ternis tuis, unis meis respondebo; 1602.

non solum, quia occupatissimi, ut semper, sumus; sed etiam quia propè *ἀθρόως* & tempore eodem illæ nobis redditæ. Gaudeo non mediocriter, perstare te in proposito tuo constanter, recentisque subinde animos adsumere, & novas quotidie palmas meditari. Deus tibi, mi Hoescheli, & magno Velsero, cæterisque tuis *ἐργασίας* longam firmamque valetudinem, & omnibus numeris perfectam felicitatem. Hadriani *ἀντιγραφὴν* Lugduni vidimus in Verderii Bibliotheca. Eo nuper defuncto, quid factum sit illo codice, non scio; sunt enim distracti omnes illius libri, & à pluribus Episcopis coempti. Et hic liber, & cæteri, quorum spem facis, elegantia typorum vestrorum *παρ' ἑμὶ καλῶς* sunt dignissimi.

De

1602. De Procopio per mihi gratum est, quod longioris temporis moram nobis concedis: neque enim recuso in partem aliquam honestissimi laboris venire. Esto tu in hac militia tribunus; ego vel unius manipularium locum implebo. Sed tempore, ut jam dixi, opus nobis. Privilegium, spero, nullâ difficultate me impetraturum tibi: quod si in rem tuam extenderis, *ἐκ τῆς ἀμαρτίας & σπουδῆς*. Ipsi auctores Juris sic docent, sic jubent. De Epicteteis si monitore opus haberes, instarem tibi, ut quàm primum *ἡσυχάζειν* illum *τῆς ἀνθρώπινης σοφίας* nobis proferas. Exspecto avidè quid eruditissimus N. * ad N. suum; nam habet fanè in illius scriptoribus, unde luculentas nobis dapes concinnet. Sed vidisti illius de literis Græcis judicium nuper in epistola quadam proditum? Decoras vult non necessarias esse. Hoc tu illi concedes? non facies: neque ego certè, qui de eodem atramento ante unam alteramve horam seriò illo nomine cum ipso exposulavi. Et vis dicam, mi Hæscheli, quod res est, *μηδὲν ὑπεριλάμυνες*? Memini Plinium alicubi *ἐπιστάλιν* sic: *Naturale est cuique, ut ea, quæ quis adeptus est, ipsa quàm amplissima existimari velit*. Vir optimus, si quantum in Latinis operæ posuit, tantum & in Græcis sudasset, nunquam ita pronunciasset. Eclogas *πρὸς θεῶν*, oro te per Musarum sacra, ede quantocius. Memini ante viginti amplius annos videre illa ipsa Excerpta in Darmarii Græci hominis manibus. Non dubito, multa ibi latitare, quæ ad Cæsareos Scriptores meos pertineant; maximè in Dexippo, cujus mentionem toties Græci, Latinique Historici faciunt. Juvenis, quem mihi commendasti, si opis meæ ulla in re indigus ad me accesserit, faciam experiatur reapse, qui meus sit in te animus. Sed heus tu, de Herodoto, quis tibi hoc retulit? non enim memini scribere. Proximo Septembri, cum amicorum rogatu in privatis ædibus ejus interpretationem suscepissemus horis succisivis, initio convenere sex septem, quorum gratiâ, atque adeò rogatu, ut dixi, res instuebatur: deinde ubi rumor emanavit, concurrere omnes, qui literas hic amant, etiam viri graves omnis & dignitatis, & ætatis. Sensi rem apud bonos gratam, apud malos invidiosam; qui prætextu Religionis non me, sed *τρισμύριτον* Mæcenatem meum obtredebant. Ille quidem, ut est benignissimus, & quod istis (de ludimagistris è trivio non loquor) dolet mei amans, meum arbitrium esse voluit, docerem an non. Sed caussas graves habui, cur valetudini meæ

consulerem & abstinerem. Rex & Mæ- 1602. cenas clementissimus paulò post codicillos misit ad nos, quibus Bibliothecæ suæ curam nobis mandabat, non sine benevolentiae testimonio haudquaquam vulgaris. Eos codicillos habemus nos, qui tamen onus illud hætenus subire nolimus. Ita nobis hoc ignavum otium placet, quod Dei benignitas & Regis liberalitas facit. Et si quid dico otium? quo nunquam adeò carui. Cogor enim dies totos, ah miser! persæpe in nugis ponere. Adeò verum est, *πυλὸς ποδὲς κεφαλῇ ἐν μὲν κακόν, ἐν δὲ ἡ ἐσθλόν*. nam si Lutetia non essem, ea præstare non possem, quæ, spero, præstiturum per hanc optimorum librorum copiam: rursus alibi si essem, multa perficerem, de quibus in hac negotiosissima otiosorum matre ne cogitare quidem possumus. Locum Ciceronis, ab amplissimo Velle-ro indicatum, videbo; & si possum, satisfaciam: nunc ne id quidem poteram; nedum scribendi ad illum erat facultas. Vale. *Lutetia Parisiorum, a. d. XII. Kalend. Sextil. Juliani, CIO IO CII.*

EPISTOLA CCXCV.

ANDRÆ SCHOTTO.

Domum reversus ex itinere duorum 1602. mensium, binas tuarum, præstantissime Schotte, simul accepi. Ex posterioribus cognovi, frustra nos fuisse, cum à Condolo tuum exigeremus librum, qui, uti narras, in ejus manus pervenit nunquam. Gaudeo non mediocriter *τὰν νόμων* in hoc negotio melius tibi quàm ipsum te consuluisse. Nam tuus ille Bellerus, cujus fidem secutus eras, parum se tibi præbuit fidelem; cum te infcio, in remotas adeò oras, ut alia taceam, tuum codicem se missurum recepit. Quod quia aliter accidit, spero factum iri brevi, nisi jam factum, ut velut postliminii jure ad te redeat tuus hic fugitivus filius. At tu si me audis, nullâ morâ manu cum mitte, ne iterum publicæ lucis avidus foras aliquâ ratione te invito erumpat. Equidem si quid hic tuum hoc inceptum possum juvare, opem atque operam meam prolixè tibi polliceor. Sed qui habeas facultatem typorum Plantinianorum, cur alium requiras Typographum? Nostratium certè hic quanta sit negligentia, nuper sum expertus, cum Scriptores post Suetonium curarem edendos: in quibus frequentes adeò mendæ sunt commissæ, ut me, verè dicam, editionis illius propè pudeat. Declamationes Quintiliani, qua-

* Justus
Lipsius.
Vide supra,
Epist.
CCXC I.

1602. quarum in tuis meministi, olim edidit Patissōnius, homo eruditus, & in arte fide singulari uti solitus. Ille viroptimus, cum ad plures ante biennium transiit, parem sibi fide, industria, & aliis virtutibus in eam rem necessariis, neminem reliquit. Si tamen ita lubet tibi, & codicem tuum ad nos mittere constituisti, omni curâ efficiemus, & ut spero, prætabimus, ne te consilii unquam pœniteat. Vitam Demosthenis Augustæ Vindelicorum editor: non enim dubito, opus quàm emendatissimè iri editum. Fidem & amorem in literas summorum virorum, Velferi & Hoeschelii, satis perspectam habeo. Justum Lipsium post gravem morbum παλαιά in tuos venisse amplexus, utrique vestrum gratulor. Atque utinam tertius ego vobis accessissem: cupio enim, mi Schotte, & te, & illum præsentem aliquando, si voluerit ὁ ὁμῶς ἡμᾶς, tueri. Sed miror, nihil ad nos literarum Antwerpiâ dedisse clarissimum Lipsium: nam scripsi ad illum ternas post ejus novissimas, missimus etiam operis, nuper à nobis editi, exemplar unum per Plantinianos, quod an fuerit ei redditum, nescimus. Scribam ad ipsum, ubi primum nactus fuero, cui meas rectè tradam. Interea si quid de illo, aut ejus cœptis novi habes, fac me, quæso te, ut sciam. Vale, Vir amicissime. *Lutetiae Parisiorum, a. d. x. Kalend. Aug. CIO IO CII.*

EPISTOLA CCXCVI.

DAVIDI HOESCHELIO.

1602. **A**D ternas brevi spatio mihi à te reditas, duabus epistolis respondi, quarum alteram ad Bongarsium misi, alteram hodie traditurus sum Mago mercatori, apud quem habitat adolescens Augustanus, quem mihi nuper commendasti. Hujus unicum argumentum est, ut honestissimo & eruditionis amantissimo callentissimoque Tardæo meo isthac proficiscenti aditum ad te patefaciam. Ille, quia literas amat, te quoque & amat, & colit. Tu cum ipsum nôris, amicitia tuâ dignissimum judicabis. Hoc interim mihi accrede, & omni ex parte lætus ac foelix per lustra multa ἔρῳσο ἢ εὐμετῶν μὴ ἀλέλειπε. *Lutetiae Parisiorum, a. d. x. Kalend. Aug. CIO IO CII.*

EPISTOLA CCXCVII.

E I D E M.

OMnibus tuis respondi iis literis, 1602. quas ad Bongarsium ante triduum misi; neque erat nunc, quod ad te scriberem, nisi mihi ab alio præbita esset occasio. Is est mercator ille honestissimus & probissimus, cujus fidei concreditus est adolescens Augustanus, quem mihi nuper commendasti. Venit ille nudius tertius ad me, consilium petens super eo juvene & ejus studiis. Post longam deliberationem de ea re, ita visum nobis, futurum è re hujus adolescentis, si ad Galandium, Gymnasiarcham notæ probitatis & eruditionis, demigraret, istiusque eximii viri hospitio, mensâ, & in studiis consilio atque disciplina uteretur. Cur illum omnibus aliis præferam, causas habeo multas, τὸ ἐλευθέρῳ τῆς ἀγωγῆς, τὸ καλὰ ἔχειν, τὸ γνῆσθαι τῆς παιδείας. amor denique erga nos; ut videatur vel eo nomine studio non mediocri traditum sibi à nobis discipulum profecuturus. Audio optasse adolescentis patrem, ut illi ipsi mercatori maneret συμβίτης. Sed cum longissimè à studiis absit ejus domus, nullâ hoc ratione fieri potest. Nôsti enim hujus urbis magnitudinem, ut taceam periculum valetudinis, si tam longum iter toties sit conficiendum. Habet illum adhuc apud se mercator, non dimissurus, nisi intellectâ patris voluntate. Ille igitur statuatur, & suæ voluntatis filium admoneatur, quem tuâ gratiâ, & quia meretur ipsius indoles, futurum nobis curæ debes confidere. Vale. Hoc ipso die ad amplissimum Velferum scripsi per alium, cui & ad te literas dedi. Vale iterum. *Lutetiae Parisiorum, a. d. viii. Kalend. Aug. CIO IO CII.*

EPISTOLA CCXCVIII.

E I D E M.

DOmum reversus ex itinere satis longo, 1602. inveni tuas, cum foliis, quæ decrant integrando libro Eclogarum tuarum. Ex epistola autem tua cognovi, Notas nostras expectari à te ad proximas nundinas: in quo vereor, ut expectationi tuæ possim omni ex parte satisfacere. Miseram enim prorsus vitam hic agimus; non inter libros, sed inter occupationes nescio quas, quæ me vix interdum sinunt toto die librum aspicere; ut non possit mihi non acerba esse vita, eo solatio desti-

162.

† Seu
potius,
Dionis
Chrysos-
tomi Ora-
tiones.

† *Georgius Henricus*.

Egi librum tuum, eruditissime Ti-1602.

Lene, coque nomine tibi gratias ago maximas. Vellem referre possem, & ἀντίδωρον mittere opus, in quo tot menses sumus: sed non patitur operarum nostrarum lentitudo. Quod malum aliud quoque est consecutum. Nam quia inter manus nostras tamdiu hæsit ista commentatio, factum est imprudentibus nobis, ut longè supra id, quod institueram, opus crederet. Quid facerem? αὐτὸς γὰρ ἐφέλκει ἄδρα σιδήρῳ. Nam quæ videbantur obscura & implicita, dissimulare, candoris nostri non erat. Sed de nostra opera alias. Tuus verò liber, amicissime Vir, incredibiliter me delectavit, ut omnia semper tua, à quorum lectione nunquam nisi melior discedo & doctior. An erit unquam illa dies, cūm τῇ σοφιστικῇ ἔ ταις ἀπὸ τῆς ἐπταλόφου ἰλιπσίης ἀπταξάρδου. Antagonista tuus * veritatis manus dabit? * Cardinialis Peronius. Colonies. ἡ τὸν gloriosum, & quavis melius victoriā. Sed vetat nos hoc sperare ἢ τῆς καρδίας πόρσεως, πᾶθ' ἡ γέλαπν corum hominum, qui agnitam veritatem infesto animo persequuntur. Miseret me illorum, maximè autem veteris amici mei †, qui Venetiis nuper ad me literas dedit, accuratissimè scriptas, ut me ad suas partes traheret. Ibi vir ingeniosissimus & facundissimus multis disputat, extra Ecclesiam esse me, quæ una sit, Romana nempe, omnibus numeris perfectissima: hæc una Christo legitima sponsa; in hac una speranda salus; & hoc genus quisquiliarum. Nōsti enim repolitam toties cramben. Ille autem non contentus immeritis laudibus Romanam Ecclesiam ornare, nostram insuper convitiis proscindit; & quantā maximā potest ingenii vi, nostros lacerat; improbos, * impios, irrisores nominans, & turbarum auctores; & quid non? Heu miserum! οἶσ' ἐξ οἷς. Ita me Deus amet, charissime Tilene, ut ad lectionem illam totus cohorrui. Videbar enim videre imminentem Dei dexteram, & ultricem manum. Ne nunc quidem extra pavorem sum, & illud cogito, ὅψε θεῶν ἀλέξαι μύλαι, ἀλέξαι δὲ λεπταί. Det illi Deus rectam mentem. Idem te servet, & amorem tuum mihi. Vale. Scripsi raptim. Lutetiae Parisiorum, a. d. 111. Kalend. Sextilis Juliani, CIO IO CII.

Galenum vocari *ἀγαθόν* miror, virum
tam assiduum in Dei sapientia prædi-
canda.

1602. canda. Ego illum eo maximè nomine dignum laude & æternâ prædicatione semper iudicavi.

EPISTOLA CCC.

JOSEPHO SCALIGERO.

1602. **N**Unquam ego ad libros confero me, quin multa statim occurrant, de quibus te, illustissime Vir, si liceat, velim consultum. Nam & multa ignoro, ne dicam omnia; & cum te scio esse, qui me non indignum iudices, cui scientiæ tuæ facias copiam. Multa igitur habeo, de quibus, ubi primum otii plusculum fuero nactus, per literas tecum agere constitui: quanquam, ut ingenuè fatear, non tam occupationes meæ impediunt, quam terrent tuæ, quas scio esse gravissimas. Est mihi enim religio, vel ἀκαίρως πρὸς χρένς à melioribus curis te avocare. Quamobrem cupiditati meæ fibulam imponam; si hoc tamen unum oraverò, dicas mihi de Johanne Medico, qui προέχειον τῶν Περσικῶν χρόνων Græcè scripsit, quid iudices; puto enim sagacissimos oculos tuos non fugisse eum librum. Ait ille, περιεμιάζμεν & libro Persico totam illam artem se didicisse & transcripsisse; quod magnis ipsi laboribus constiterit. Totius Operis capita sunt XLVII. Argumentum cognoscas ex paucis, quæ subjeci, lemmatis:

- α. Περὶ τῆς ἡμέρας ἢ τῆς νυκτός, ἢ δ' μηνὸς καὶ δ' χρόνους.
- β. Περὶ δ' ἑταρὸς δ' μηνὸς ἢ δ' χρόνους· τί αἰσι καὶ πόθεν ἐγνώσθησαν.
- γ. Περὶ τῆς κατὰλήψεως τῶν ἐτῶν γενεμένων δι' ἄλλων κατὰ τὸν ἡμέτερον καιρὸν.
- δ. Περὶ τῆς κατὰλήψεως τῆς ἀρχῆς τῶν χρόνων ἢ τῶν μηνῶν κατὰ ποίαν ἡμέραν εἰσέρχονται τῆς ἐβδομάδος.
- ε. Περὶ τῆς εὐρίσσεως δ' χρόνους τῶν μηνῶν, ἢ τῶν ἡμερῶν τῶν Περσῶν.
- ς. Περὶ τῆς εὐρίσσεως τῆς ἡμέρας τῶν Περσῶν κατὰ τὸν ζητῶμενον μῆνα τῶν Ἑλλήνων.
- ζ. Περὶ τῆς ἀλλαγῆς τῆς ἡμέρας τῆς δ' χρόνους ἀρχῆς, ἥπερ κατὰ πόσας ἐπὶ συμβαίνει.

Potes ex istis de operis universitate facere conjecturam. In fine sunt κανόνια quàm plurima, magno labore confecta. Habeo etiam Michaëlis Pselli libellum, nondum, ut puto, luce publicâ donatum, cujus est index: κεφάλαια περὶ τῶν ἑραίων σμμάτων ἢ τῆς τῶν κινήσεως. Sunt hic χρονικά nonnulla, sed pauca, & tuo conspectu parum, ut suspicor, digna.

Hunc librum, quia meus est, si puta- 1602. rem tuis studiis aliquid profuturum, sine cunctatione ad te mitterem: illum, qui meus non est, ἀνενδίατος offerre non possum. Offero tamen; fac me tantum de tua voluntate certior. Priscianus tuus in Puteanorum fratrum, tui observantissimorum adolescentium, manibus tam diu hærebit, donec erit, cui rectè dari possit. Scripsi nuper ad amplissimum Legatum, & ad clarissimum Vulcanium, cùm paucis antè diebus ad Grotium & Heinsium literas dedissem. An fuerint tibi omnes meæ redditæ, quas ab uno aut altero mense scripsi, velim fieri certior, & ut facias bonis observande ac suspiciende Scaliger. *Lutetia Parisiorum, a. d. xi. Kalend. Septemb. c. i. d. c. ii.*

Didici è tuis in Catullum annotationibus, discedere te à Budæi calculo in æstimatione veteris pecuniæ Romanæ. Cùm igitur tuam super ea re sententiam penitus cognoscere incredibiliter ardeam, oro te atque obtestor, proximâ epistolâ paucis illam mihi digneris indicare. Ignosce, quæso, cupiditati meæ; & seriò tibi gratulare, quòd longius absum à te. Deus te servet, æternum sæculi decus.

Ad hanc
responsionem
exstat
n. 76.

EPISTOLA CCCI.

CONRADO RITTERSHUSIO.

DE meo in te animo, Vir clarissime, 1602. malo ex sermonibus optimi & præstantissimi Gentilis nostri cognoscere te, quàm ex meis literis. Enimverò satis exorbitavimus; redeamus, censeo, in viam, τῶν δὲ πεπραγμένων ἐν δίκῃ πρὸς τὴν δίκαν λάβῃ πόντος σὺν εὐδαίμων γένετ' αὖν. Fidem fecerimus hæctenus Tulliano dicto, * *Bonorum animos facile esse irritabiles*: nunc illud potius probeamus, ἀκεταί τοι φρένες ἐσθλῶν. Non clam me est, causas habuisse te aliquas, cur existimationi δ' νῦν μακαρίτη † faveres † Henrici Stephani Colomesi. minus: illum impurum, qui de magni Dei certissima sobole, Veritate, triumphos nunc agit, quid impulit, ut virum de literis optimè olim meritum, & vel parentis Roberti ‡ nomine præcipuo honore dignum, hac immanitate laceraret? Ingenuè fateor, amicissime Rittershusi, cùm illa primum vidi, vehementer sum commotus. Atque is ego sum tamen, cui uni optimi senis morositas plurimum displicuerit, plurimum offuerit. Sed præponderabant apud me semper tot illa & tanta in rempubli-

Cicero
ad Attic.
lib. i. ep.
27. (Opti-
morum.)
† Henrici
Stephani
Colomesi.

‡ Step-
hani

1602. publicam literariam merita, quibus commemorandis nolo vel patientiâ tuâ, vel otio meo abuti; & sunt omnia tibi, si cui alii, probè nota. Omitto privatum hoc affinitatis vinculum*; quod si contemnerem, magno me scelere, vel iudice te, impiatum putarem. Ἀλλὰ τὸ μὲν περὶ τοῦτα εἶστομεν, ἀχνομένα πρὶς. Quod superest, oro Deum Optimum Maximum, clarissime Rittershusii, ut pro tua singulari pietate & probitate omni bonorum genere te cumulet, firmanque tibi valetudinem, mihi amicitiam tuam præstet. Vale. *Lutetiae Parisiorum, a. d. 1v. Non. Septemb. c10 10 c11.*

* *Uxoribus
duxerat
Galsabon
nus Flo-
rentiam,
Henrici
Stephani
filium.
Coloniæ.*

EPISTOLA CCCII.

DAVIDI HOESCHELIO.

1602. **Π**ερὶ μίαν, quam postulasti, ecce habes, optime Hœscheli; neque est, quod eo nomine magnas mihi gratias agas. Vix unum ea de re cum amplissimo Thuano verbum commutaram, atque ille statim auctoritate suâ, nullo labore meo, rem confecit. Scis enim, qui ille vir sit, quantus literarum amator. Tui verò ita studiosus est, ut tuâ causâ omnia libentissimè sit factururus. Porro quantum ego & ille tua in literis merita æstimemus, scires, si præscripta à nobis verba formularii isti suis non mutassent. Historiæ Augustæ Scriptores nostri publicâ luce adhuc carent; non tam profectò culpâ aut cessatione meâ, quam operarum nostrarum: nam equidem hac curâ vehementissimè cupio defungi. Procopium quia non urges, neque nos admodum urgemus; sumus enim impeditissimi: sed quod primum fuero nactus otium, id ponam in relegendo codice meo, quem statim sum tibi missurus. Deus modò te, amicissime Vir, & nos tecum servet, præstetque incolumes. Vale, & me ama. Scripsi raptim. *Lutetiae Parisiorum, a. d. 1v. Nonas Septemb. c10 10 c11.*

EPISTOLA CCCIII.

✱ SCIPIONI GENTILI.

1602. **U**T vales, optime virorum? ut hoc iter tibi successit? Spero quidem, ex animi tui sententia: sed me tamen levabis curâ, si de tuis rebus ex literis tuis volueris me cognoscere. Ecce autem tibi ad clarissimum Rittershusium epistolam, quam ut verbis tuis ornes, pro meo jure postulo. Tu mihi scribendi auctor; non quòd non & ipse

cuperem cum veteri amico in gratiam 1602. redire, sed me veteris quidam tenebat, cui tu morbo Æsculapius fuisti. Peto enim abs te, ut de meo in ipsum animo ea referas, quæ accepisti à me, constantiam etiam amoris in posterum spondeas, & ab ipso vicissim meo nomine stipuleris. Ego faciam, σὺν θεῷ ἐπαύ, ne aut te, aut illum possit unquam pœnitere. Vale. *Lutetiae Parisiorum, a. d. 1v. Nonas Septemb. c10 10 c11.*

EPISTOLA CCCIV.

PHILIPPO CANAIO A' ✱
FRAXINIS.

Amplissime Vir, quòd Epistolæ tuæ 1602. nuper non responderim, cum Præses Thuanus literas ad te dedit, causam cessationis meæ ex illis ipsis literis puto tibi cognitam. Quare aliâ excusatione non utar. Omni enim culpâ vaco; qui vix tertio demum die post tabellarii profectionem de elapsa jam occasione aliquid rescivi. Quòd autem ne nunc quidem justâ Epistolâ te compello, ignosce: δέομαι σὺ καὶ ἀντιβελῶ καὶ λιτανεύω. da molestissimis occupationibus meis, quibus nunc cum maximè distringebar, ne fraudi mihi sit subita hæc & tumultuaria scriptio. Ego enim post amissam superiorem occasionem securus, illud tempus expectabam, quo præstantissimus Thuanus iterum tibi esset scripturus. Nôram quippe hoc esse illi in animo. Sed cum fortè ad illum venissem, & acceptum à te Hebraicorum librorum Catalogum tibi scirem remitti, religio mihi fuit committere, ut Indiculus hic sine meis literis ad te perferretur. Accipe igitur, amplissime Domine, non responsionem ad illam tuam accuratissimè scriptam Epistolam; neque enim patitur τὸ ἐξυτῆ καὶ καὶ. sed fidum planèque certum observantiæ pignus, ab eo profectum, qui cum in omni officii genere candorem simplicitatemque suam ac constantiam tibi cupit esse probatam, tum in eo maximè negotio, quo de tanta accuratione à te nuper est actum. Noli verò, per immortalem Deum te obtestor, hanc moribus meis notam inurere, ut alterplicum hominum more aliud me corde sentire, aliud fronte promptum gerere existimes: non facio, non feci unquam, neque unquam sum factururus: servet modò Deus Opt. Max. quam indidit nascentis animo φιλαλέθειας. cujus ego vel præcipuum testem fueram te laudaturus, si fors tulisset, ut alieno testimonio τὸ σπέρμα τῆς ἐμῆς γνώμης

1602. γνώμης καὶ ἀπλότητος habere probandum. Putavi ego stultus, persuasissimum tibi esse ex veteris amicitiae, quā me dignatus es, longo usu, tuum Casaubonum ceteras quidem laudes, quas fortasse quorundam comitas illi adscribat, ut alienas, aspernari, & facere non tanti; ceterum id unum summopere semper contendisse, ut vivus, nec vivus, veteris Poetae dictum tolleret, πᾶν ἐπὶ ἀλαθίᾳ πεπλασμένον οἷον οὐδὲ ἔστιν. At tu, magne Vir, ἀνέκδοτον illis me adnumeras, quos Pater ingeniorum ὅμως αἰδῶν ἀνέλεον bonis ait exotos. Scribis enim, satis te acceptum habere, nos in re omnium gravissima ἔπρον μὲν κενὸν ἐν φρεσίν, ἄλλο δὲ βάζαν. Me ne? Δεμαρτύρημα πάλιν αἰθίς τὴν καρδιογνώσκειν θεῖν, non scire me, unde ista tibi de nobis nata sit opinio. Convenio memoriam meam: ab illa omnes sermones exigo & garritus nostros: nihil invenio, nisi fortè justissimas querelas in tuum sinum liberius olim effusas, de certorum hominum sinistritate, & in bona causa animo, ut videbatur, non bono. Si alia sit mens nobis, cur dissimulem? cum praefertim quod me hic teneat, nihil quicquam eorum inveniam, quae in rebus experendis solent spectari, praeter causae iustitiam. Quid? tu me adeò infanum judicas, ut contra mea commoda & meorum, qui vitam meam mihi chariores sunt, animum in dissimulatione obdurem? O me vacui capitis, & iudicii, si ita est, planè nullius! Sed & odio dignissimus sim tot Procerum & summorum virorum, qui pro sua in nos benevolentia & in literas amore tantopere tam saepe idem quod tu, à nobis exegerunt. Omitto illius divini capitis πεινανόχας, in cuius unius, secundum Deum, potestate ac nutu omnes spes, fortunae, vita ipsa nostra est posita. Huic ego tam benigno, tam clementi hero meo, sine ulla exceptione morem posse gerere, ipsa, mihi crede, vitam meam vellem redemptum. Sed scit ipse quid me impediat; & pro sua equitate facilis ignoscit. Tu quoque, amplissime Domine, idem facias velim; tibi quoque persuadeas, neque in hoc negotio, neque in tui cultu & observantia aliud unquam mihi linguam esse professuram, quam quod φρεσὶν μένεται ἐν μυχῷ. Sed ab eo longius, quam initio proposueram; neque enim tuis respondere nunc institui. Vale, amplissime Domine, & me ama, qui pro tua & omnium tuorum perfecta omnibus numeris felicitate assiduas cum uxore, & tua quoque Philippa ad Deum immortalem preces dirigo. *Lutetiae Parisiorum, a. d. 14. Non. Septemb.* CIO IO CII.

EPISTOLA CCCV.

JACOBO LECTIO. ✱

Modum tuum, clarissime Lecti, accepimus, legimus; & quamvis vatabamur, laudavimus tamen sine modo. Nam quis in hoc modum teneat? omnibus Musis invisus sit, quem non supra modum capit tam cultum, tam elegans, & quod nobis eximiè placet, adeò βιωφελές poema. Acciderat, ut pridie quam fasciculum tuum acciperem, amici beneficio in meas perveniret manus *ἡμετέριον* illud carmen. Fremere igitur & indignari, & tacitis querelis tecum expostulare, quod per alios prius quam per te tuorum aliquid essem nactus. Sed venit ad me postridie Parisiensis ille mercator, cui tuas commiseris, lentitudinem suam excusans, jam enim multum temporis esse lapsum, ex quo τὴν καλὴν Genevam reliquisset; verum Lugduni necessariò opinione sua diutius substitisse. Agnovi lætus errorem meum, & in amoris tui constantia, cujus testis erat luculentissima tua epistola, seriò triumphavi. Igitur pro tam eximio munere magnas maximas tibi gratias, non meo solum nomine, sed & incomparabilis illius viri; cui exemplar alterum fuit à te adjectum. Utinam plura misisses: cupiebam ad Scaligerum, unum; alterum, ad Lipsium; quotidie enim scribimus invicem: sed illud ipsum, quod dono à te acceperam, vetus amicus tuus Plumbeus Rupellensis abstulit non invito. Avebam enim volitare per nostrorum hominum manus carmen tam bonum, tam comtum. Spartianus & comites ipsius Historici adhuc nos tenent; operæ enim Parisienses planè illud servant, σπεῦδε βραδέως. neque nos urgemus nimis: etsi mirificè diem illum videre optamus, quo molesto operi gratum finem, σὺν θεῷ εἰπεῖν, imponemus: cogito enim è vestigio ad vos, quod me pietas duplex vocat, ut piam matrem visam, & ut res uxoris isthuc, si potest, in tuto collocem. Addo & tertiam causam, ut te, τὸ μὲν μέλημα, dissuavies, & aliquot tecum dies condam. O longum illud mihi tempus, quo te praesens praesentem videbo! Sed certè videbo, aspiret modò votis qui solus facere ut possimus, potest. Ille te, amicissime virorum, servet, & quicquid tibi charum. Reverendo Seni D. Beza plurimam, nisi grave est, salutem. Vale cum tua, quam unā tecum ex animo salutat mea. *Lutetiae Parisiorum, a. d. 11. Eid. Septemb.* properante calamo, CIO IO CII.

EPISTOLA

EPISTOLA CCCVI.

✱ JUSTO LIPSIO.

1602. **E**T quod Libellum inficetum, Musif-
que iratis natum, responsione sis
dignatus; & quod scripti illius tui
feceris nos statim participes, utrumque
juxta gratum. Ago igitur, præstantis-
sime Lipsi, utroque nomine magnas
maximas gratias. Erat omnino facien-
dum, ut semel saltem stili tui mucro-
rem in istos verè *λυσιπώδας κύνας* stringe-
res, quorum gregem *μαυριλάκας* ille du-
cit, qui olim Epistolâ quâdam à te lau-
datus, cotidianos ex illo triumphos
de te ducere intermisit nunquam. Il-
lum dico *γωνιόβρυχα*, bipedem *ἑντων*
ἰσοσκελῶν περὶ ἑντων arrogantissimum,
peculatissimum, insulsißimum, qui Per-
sium nuper impuris suis manibus con-
spurcavit. Decimus annus agitur, cum
gravissimum illum Poëtam publicè in-
terpretari sumus haud mediocri dili-
gentiâ; extantque in liturariis nostris
quæ ad ejus lucem congesseramus quàm
plurima: horum publicandi si imperus
aliquando nos capiat, vix est ut conti-
neri possumus, quin furiosum Magistel-
lū pro suis meritis accipiamus. Sed
ne illucescat ille dies, qui me exorbi-
tantem à veræ virtutis semita, & eo-
rum vestigia deferentem, quos *πέρω-
θεν* quidem, sed tamen sequor, sit vi-
surus: *πρὶν μοι χάνει εὐρεῖα χθὲν*. Nam
moderationem illam tuam, quâ in ista
Pelusiorâ castigando æterna cum laude
usus es, mirari facilius possim quàm
imitari. Quis autem iste lucifuga te-
nebrio? Ego titulum totum puto fal-
sum ac fictitium. Sed & hic, & qui-
cunque alieni nominis obrectationem
gloriæ suæ segetem arbitrantur, *ἑρπύλλας*
ἀΐσει ἀπείρι. Planè autem sic est, mi
Lipsi, ut scribis; cum primū in lu-
cem insubidus libellus ille prodiit, mi-
rari multi, diripere & assidue prædica-
re. Puto tamen, fore neminem adeo
ἀματάπιστον, qui post lectam dispuñtio-
nem tuam, priorem sententiam non sit
mutaturus. Nos non mutabimus, qui
insipidum illud scriptum ab homine
erudito esse profectum, credidimus
nunquam, palamque aspernati semper
sumus. Vale, præstantissime Lipsi.
Lutetiae Parisiorum, a. d. x. Kalend.
Octob. CIO IO CII.

EPISTOLA CCCVII.

CAROLO LABBÆO.

NOn longior tibi, eruditissime Lab-
bæe, mearum expectatio fuit,
quàm molestum mihi est, quod tandiu
in ære tuo esse cogimur. Sed multitu-
dinem occupationum mearum si habeas
notam, aliâ apud te excusatione mihi
opus non sit. Scis librum edi à nobis,
haud scio quanti pretii, certè difficilio-
ris & longioris operæ, quàm initio
putabamus. Atqui illud etiam scito,
minimam ferè partem nostri temporis
hanc curam occupare. Potes ex eo con-
jicere, quantum nobis subcivivi tem-
poris reliquum sit, quod scriptioni
epistolarum impendamus. Venio ad
tuas. In Regia Bibliotheca esse aliquid,
quod tuo conveniat instituto, facile
adducor ut credam; nondum tamen
quicquam ejus generis in nostras ma-
nus incidit. Sed, mi Labbæe, in ea
Bibliotheca, etsi regis codicillis curæ
nostræ commissa, peregrini adhuc su-
mus: optimum enim senem*, sed pau-
lò morosiorē, offendere vitavimus, ac
spontè hactenus nostro jure cessimus,
ac porro etiam cedemus, nisi distinctè
jubeamur à Rege, *τῷ καὶ κράτῳ ἐστὶ μέ-
ρις*. Si quando igitur in manus nos-
tras ille thesaurus venerit, benevolen-
tiam nostram experieris. De iis, quæ
in nostra sunt potestate, nullam dico
causam, cur non illis utaris ut tuis, sed
quid à me sperare possis, ipse nōsti.
Omnia enim vidisti, quæ sunt penes
nos. Placidius mihi est incognitus,
quare *ἄλλω δρῶν βαλάνιζε*. Quod editio-
ne Glossarii, quam parat ille juvenis
Helvetius, ab incepto non deterreris,
laudo constantiam, coque nomine mul-
tum te amo. Fallor conjecturæ, aut
non multum illi cucullati, quorum co-
piâ illum audio esse instructum, nos ju-
vabant. De Dionysio Gothofredo, *εὐφί-
μου, ὁ πᾶν φιλοῦ καὶ ὁ ἀνὴρ*, & quod ve-
rè dicere possum, *τὸ πᾶν ἀριστῶ*. Quid
videretur nobis de loco Macrobii, nu-
per scripsimus; nunc vel inspicere lo-
cum non licebat: si fallimur, & tua
verior sententia, [movebamur cum tuas
legeremus] *τὸ εὖ νικάτω*. Placent quæ di-
sputas de vocibus *rumā*, *rumus*, & *θη-
λή*. In voce *κινέτης* superest adhuc nescio
quid scrupuli; sed cogitabimus. Cæ-
tera omnia, quæ apud Isidorum, aut
alios emendasti; perplacent. Atque
ego ab hoc velut gustu in spem magnam
adducor, & toto corpore venio ad al-
teram epistolam tuam. Quod putas, li-
belli, quem miseram ē Bibliotheca

* Joh.
Gosseli-
num, Bi-
bliotheca
Regia cu-
stodem.
Gosiomel.

1602. Thuani & πάνυ, auctorem esse Julium Pollucem, falleris, & cave credere. Ut Julius Pollux tam jejuni scripti sit author! at! recanta. Nam illa verba, quibus ait scripsisse, *πλείνα ῥήματα καὶ πᾶν τὸν ἀναφῶν πραγμάτων*, non ad Julii Pollucis Onomasticum referenda, sed ad breves illos tractatus Glossis subjectos, ubi congeruntur rerum nomina planè *καὶ πᾶν τὸν ἀναφῶν πραγμάτων*. Possum multis argumentis probare, multum distare à Pollucis seculo, qui illa scripsit. *Superaria* scribas in Glossis an *superalia*, ciccum non interduim. Scis enim, duas has literas R. & L. in omnibus linguis in Manuscriptis esse permutabiles. *Plagiarius & Frogana* pro eodem posuisse Veteres, conjecturam facis è loco Glossarii. Ego non puto: monstrum hic latere, nullus dubiro. Nōsti tamen, non pauca apud hunc Magistrum legi, de quibus jure illud Jurisconsultorum usurpaveris *, *Non potest omnium, quæ à majoribus dicta sunt, reddi ratio*. Hæc breviter & raptim ad tuas. Cùm eā curā, quæ me nunc exercitum habet, fuero liberatus, faciam libenter, ut si quid opera mea utilis tibi esse possit, tibi vacem. Vale. Amplissimo parenti tuo, & fratri optimo plurimam à me salutem. Etiam illud à te peto, ut virum eruditissimum Stephanum Claverium, à quo nuper literas accepi, meis verbis quàm amantissimè salutes. Scripsissem ad illum, nisi accepissem à Typographo, cujus operā est usus, in itinere eum esse ut huc veniat. Quod petiit à me, id tulit. Velim hujus ne obliviscaris: *πάλιν αὐτὸ καὶ πάλιν ἔρρωσο. Lutetiae Parisiorum, a. d. 14. Eid. Octob. 1601.*

* *Constituta. lib. 20. ff. de Legib.*

EPISTOLA CCCVIII.

JACOBO AUGUSTO THUANO.

1602. **A**mplissime Domine, cùm nuper tui ad nos venerunt, ita curis eram non occupatus, sed confectus, ut gestienti ad te scribere otium defuerit & tempus. Ad quotidianum pensum operis jam molestissimi, & alia furtiva studia, quæ me devinctum tenent, accessit morbus uxoris vehementissimus. Dies enim decimus quintus agitur, cùm illam capitis vexat dolor planè capitalis, & prope ἀλλήτοι καὶ ἀφελῆτοι, nisi dilucida quædam illi velut reparandis viribus darentur intervalla. Itum ad Medicos, & tentatum nihil non. Profecere tamen tot remedia ad hanc diem non multum. Sed bono animo sumus, quia *μὴ Φονῆ* affirmant nobis *ιατρῶν*

παῖδες, extra periculum rem esse. Exspe- 1602. ctamus igitur τὴν ἀπ' ἑραῶν βοήθειαν, certi, frustra futuram omnem *θεραπεσίαν*, nisi, quod nomen ipsum nos docet *ἀλγοεισθητικόν*, humanis remediis Dei auxilium sit adjunctum. Ad hæc tot impedimenta cumulus ingens die illā fuerat adjectus; jussi enim fueramus à Rege, Landgravium Hassiæ in Bibliothecam deducere. Diei ferè integri jacturā constitit mihi illud obsequium. Sed erat tanti: dignissimus enim est ille Princeps, quem omnes colant, qui Musas amant. Venimus igitur ad librorum principalium gazam: mirari Hassus tantam tot codicum notæ tam bonæ copiam, & multa de nobis quærere; multa etiam ipse de suo in literas amore, & studio congerendæ Bibliothecæ. Ac concessit sanè prope jam *μυρίσβηλον* quam tamen, dum tuā licebit nobis uti, invisuri ipsi nunquam sumus: parare enim sibi vim librorum magnam multorum est, atque adeò omnium, qui à fortunæ opibus non sunt destituti; eligere & discrimen facere non omnium; conficere verò numeris omnibus absolutam qualem habes tu Bibliothecam, tua unius quod equidem sciam, Vir summe, laus est. Accepi ab illustrissimo Principe rem meā tuāque admiratione dignam; nam cùm libros Mathematicos versaremur, dixit ille mihi, Josephum Scaligerum libellum de anno Persico ante annum scripsisse, atque ipsi nuncupasse: eundem cùm de peregrinatione Hassi brevi suscipienda inaudisset, obnixis precibus ab eo contendisse, ut cùm Lutetiam venisset, Commentarii de anno Persico, quem sciret esse in Regis supellectile libraria, usum sibi vel à te, vel si opus esset, à Rege impetraret. Obstupui, cùm hæc audirem, Scaligerum librum edidisse, & quidem ante annum, & id me ignorare; nihil ab illo, nihil à te, nihil à quoquam mortalium de eo libro me rescivisse? Verum, nisi fallor, ne tu quidem oculatior heic quàm ego: itaque vix sum adductus ut crederem; sed ita esse, non semel atque iterum, verum amplius decies sobrius Princeps affirmavit. De libro, quem petit, quid acturus sit, nescio: respondi illi, optare me prius de ea re tecum agere: nam si spes esset describendi ejus codicis, esset fortasse satius, rarum adeò *κεμήλιον* alex periculi eximi. Sed de his hæcenus: nam de Hassio plura primo congressu; qui quidem iniquo animo ferebat, quod tui videndi spem factam sibi à Rege frustra viderat cadere. Venio ad Indices tuos, quos curavi reddendos suis autoribus. Cùm libri venerint, da-
bo

1602. bo sedulo operam, ne quid eorum, quæ notasti, desideres. De Avicenna verò, quid ego tibi dicam, aut quibus verbis tibi gratias agam? Sed videris, amplissime Vir, superioris epistolæ meæ verba in aliam partem accepisse, atque ego scripseram. Neque enim ita projecti pudoris sumus, ut munus tantum à te petere sustineremus;

Non obtusa adeò gestamus pectora Pæni:

neque ita porro desipimus, ut magnitudinem tuorum in me ac meos beneficiorum non intelligamus. Quamobrem oro te atque obtestor, parce, Vir summe, verecundiæ nostræ, & tanto hoc munere noli nos onerare. Satis est quod jam apud te contraximus obligationis. Esto Avicenna tuus κήσσι· meus, si placet, χεῖρσι. Possum illo uti, sine ulla chartarum injuria: utar verò nunquam, quin tui memor & beneficiorum tuorum animum ad Deum convertam, & ab illo fausta tibi ac læta omnia, καὶ ἐν τῷ παρόντι, καὶ ἐν τῷ μέλλοντι αἰῶνι supplex precibus petam enixissimis. Vale, & parcius nos ama. *Lu-
tetiae Parisiorum, a. d. x. Kalend. No-
vemb. c. d. c. c. ii.*

EPISTOLA CCCIX.

JOSEPHO SCALIGERO.

1602. **A**Dvenit tandem ille dies, cum illustissima Princeps ad vos iter instituit. Expectavi diu hanc occasionem, ut possem ad te mittere quæ paraveram pridem. Ea fuerunt hæc: Priscianus tuus, Pselli κεφάλαια ἀστρονομικά, Πρό-
χειρον annorum Persicorum, & libellus Proverbiorum Arabicorum. Ex his priora duo en habes in fasciculo: duo posteriora cur non sunt adjecta, æquo animo causam accipe. Constitueramus ego & amplissimus Thuanus, si eum librum antè non vidisses, (quod heri demum ex tuis cognovi) nemine conscio, è Regia Bibliotheca, quæ fidei illius commissa, utendum tibi ipsum Regis exemplar concedere. Propterea cum nuper binis literis de eo ad te scriberem, cujus esset is codex, aut ubi lateret, non adjeci: magni enim & Thuani & mea intererat, scire neminem missum ad te herilem librum: Νῦν γὰρ ἐστὶν δεσπότης ἀγροικῶν ὄργλῳ καὶ δυσκολοῦται· εἰδ' αὐτὸν πάντες οἶα ὅ, πᾶν διωάμενοι κατὰ τῶν μὴ παππομανέντων συνεχῆς αὐτὸν ἐπιθίξουσιν. Quare cum emanasset casu quodam nostrum consilium, quia hac non succedebat, aliam inire viam necessario sumus coacti. Est hic Medicus quidam, Græcè doctus, qui describen-

dis Græcis libris miscellus victum quar-
1602. ritat: cum eo amplissimus Thuanus, heri solum à rusticatione vindemiali reversus, acturus est hodie aut cras, ut summā & fide & diligentia eum codicem tibi describat: ego futurus sum ἐρμηνεύς· & ut quidque erit descriptum, statim ad te. Quare de hoc securus, aliud age: habes meam & ter-
maximi Thuani fidem obstrictam; quam profectò cis paucissimos dies, faciente Deo, liberabimus. Arabica Proverbia quod nondum descripserim, oro te, ignosce mihi: occupatissimus enim sum, non in editione solum Notularum in Spartianum, & comites ejus, sed & curis aliis multis, & molestissimis quidem; cum præsertim menses jam aliquot ex gravi morbo decumbat uxor. Missem quidem exemplar, quod mihi descripsi; sed neque illud est absolutum; & cum ultro adolescens Flestin-
genfis ille φιλάραψ, quem mihi commendasti, onus describendi in se suscepit, peto à te, paucillum temporis concedas adhuc nobis: tantisper dum nacti iterum illud autographum, quo ipse usus sum, inde potius quàm ex apographo meo libellum tibi describemus. Obsecro te, ne propter longiusculam hanc moram mihi succense. Ju-
venis ille, qui tuas heri mihi reddidit, non defuturam occasionem affirmavit, quoties vellem aliquid ad te mittere. Illi igitur, quem scio esse tui observantissimum, fasciculos meos posthac sum commissurus. En etiam tibi primum Eusebii folium *, Burdegala ad me
missum à certis hominibus, quos urit
expectatio tui operis. Et ajunt illi, ni-
hil esse causæ, cur in hac palæstra
amplius te exerceas, quod cum Gurges
tuus, ὁ πάντων καὶ ὄντων καὶ ἐσομένων Λοιολι-
κότατος, mihi referret, penè in oculos
involavi; à convitiis certè, etsi aderant
magni & graves viri, non temperavi:
erat enim indignum, institui aliquam
comparationem divinorum tuorum scri-
ptorum cum iis, quæ ego aut Cluvienus præstare possumus, vel animo concipere. Sed negatur hodie, quicquam lectu aut fide dignum ab eo posse proficisci, qui palam veritati bellum non
indixerit. Quare de tuo Eusebio com-
mitia jam celebrata sunt, sententiæ di-
ctæ. Quid quæris? Episcopus Vasaten-
sis † si esses, omnes faterentur, quod
res est, solum te in literis regnare;
tuum unius esse, Eusebium redivivum
præstare. Nunc dubitatur, an literas
didiceris: nam Historiam Ecclesiasti-
cam ut attingas tu, ingens nefas. O
tempora! ô mores! Tu verò, magne
Scaliger, cum hæc vides, non rides?
Non

1602. Non quò tendant illa, intelligis? Hortaret te, ut opus institutum acceleres, nisi otiosum putarem. *αὐτὸν δὲ καὶ αὐτὸν ἐπρωτόν.* Obtestor potius te, ut valetudinem tuam cures, & ad ridendum te pares, cum illud *ἐκτρομα* prodierit, si tamen aliquando proditum est; nam ego non temerè dubito; & folium istud inane puto esse *μορμολυκῆον*. Amicus Venerus * furit *ἐλατῆς μανίας*; urget nos epistolis; proponit gryphos; sic ipse vocat, & verè; sunt enim *παίγνυδι περὶ ἀλυσία*, etsi ut de re gravissima enixissimè perit à me, respondeam & solvam: *Εὐα τamen lege*, inquit, *ne mihi satisfactum putes, si me ad Scripturarum tribunal obtorto collo rapueris.* Ipsa verba illius posui; quæ ut *βλασφημίας ἡμετέρας*, sine horrore non descripti. Atqui ille addit, *pridem explosam penitus à magno illo Eboracensi* [Ebroicensē volebat dicere] *Episcopo fastuosam provocationem Scripturarum.* Judica nunc, & dic, quælo, mihi, putetne aliquid posse huic impietati adjuvi. Vale, illustrissime Vir; & quod epistolam imprudens produxi, ignosce. Amplissimo Legato plurimam, nisi grave est, salutem velim nunties. *Lutetie Parisiorum, a. d. vi. Eid. Novemb. CIO IO CII.*

* Philippus
Canaus à
Straximis.

EPISTOLA CCCX.

DANIELI HEINSIO.

1602. **A**Ccepi ante mensem, opinor, quas ad me a. d. v. Eid. August. dederas. Longiores illas, quarum spem facis, vidi nullas; quæ si & scriptæ à te sunt, non promissæ tantum; habeo quod cum fortuna expostulem, quæ literas tuas, rem mihi gratissimam, mihi invidit. Nam ut Aristophanis versum, sic epistolam tuam, quò longior fuerit, eò meliorem fuisse, qui notum habeam tuorum scriptorum genium, dubitare non possum. Sed nulla fortasse perit mihi tuarum; neque post illas, quæ reddite sunt, quicquam ad nos scripsisti. Si ita est, noli longiore expectatione tuarum nos cruciare; cupio enim de te, & studiis tuis, atque inceptis omnia *καὶ λεπτόν* cognoscere. Novâ professione ornatum te, & Poëticam docere in Academia vestra, ex humanissimi atque eruditissimi literis Bertii primum cognovi. Gratulor igitur tibi, mi Heinsi, & quidem planè ex animo. Simul magnum illum *ἑσάν δότηρα* veneror, fortunet benignus hæc auspicia; tibi que ad maxima nato, ut maxima quæque donorum suorum largiatur, toto pectore ipsum oro. Hesiodi, quam

curas, editionem cupidè expectamus, 1602. vel propter notas tuas, quas fore eruditissimas, hoc est, Heinsio dignas confidimus. Hesychius, si nos audis, sequetur postea; omnium veterum Criticorum, quos habemus hodie, longè, si quid judico, doctissimus, & seriò Græcantibus apprimè utilis. Multa obiter, ut sit, in eo scriptore emendavimus; quæ, etsi posse te operâ nostrâ carere scio, quia tamen ita vis, colligam simul ac otium nactus fuero: nunc enim sum occupatissimus, planè ut studia nostra diversis curis obruta jaceant. Etiam in Nonnum multa habemus; quæ ut describantur, brevi, cum Deo, curabimus, tibi que mittemus. Vale, amicissime Vir. *Lutetie Parisiorum, a. d. v. Eid. Novemb. CIO IO CII.*

Quid de isto Hesychii loco censes? *Εὐδοκί, δαίρε, πρώτῃ &c.* Scribimus: *Εὐδοκί δ' αἰρεῖ* [vel *αἰρεῖ*] *πρωκτός παρμμία δὲ πῆς, εὐδοκί κύριῃ αἰρεῖ & καθῶσιν & κύριῃ, non κύριος.* Et in fine: *Κρατὶν Ἀρχιλόχῳ.* Elegantissimum proverbium est, *εὐδοκί κύριῃ αἰρεῖ*; aut, si malis, *αἰρεῖ* quod tamen minus probo. De iis dicebatur, qui viderenter ab omni parte beati, & qui perficerent quicquid instituerent. Scis quid de Timotheo, Duce Atheniensium, jactatum sit, quem amuli sui pingebant *κοιμῶμενον, τῷ δὲ τύχην πῆς πῆλεις αὐτῷ περιβάλλεσσαν*, ut scribit Plutarchus in Syl-la. In libello autem de Malignitate Herodoti, idem narrans, vocem *κύριον* usurpat.

Aliud etiam proverbium, in Hesychii Codice depravatum, ita scribendum: *Εἰς πῆρ κορύζωμεν, εἰς πῆρ χαίνομεν*: ex eodem in *κορύζει*. Sed hæc tu melius. Iterum vale.

EPISTOLA CCCXI.

GEVERHARTO ELMENHORSTIO.

ACcepi, eruditissime Geverharte, quas 1602. ad me dedisti, opinor, omnes. Primis respondi statim: alteris literis, quia eram, cum illas accepi, ut ferè semper, occupatissimus, priusquam responderem, tertia tua epistola me oppressit in ipso articulo. Parabam enim isthuc fasciculum ad illustrissimum Scaligerum, ad te, & alios amicos meos, cum tuæ mihi sunt redditæ. Quòd igitur diligentia tuâ officium meum antevertisti, velim persuasissimum tibi sit, nullâ meâ culpâ factum; sed per assiduas occupationes meas, quæ & plurimæ sunt, & molestissimæ. Quare neque de collatione exemplarium manuscriptorum

1602. ptorum fidem meam liberare adhuc possum; neque de poliando commentario, quem scripsimus de Critica, vel cogitare. Urgemus enim nunc cum maxime Auctorum post Suetonium novam cum uberioribus Notis editionem; quæ si ad umbilicum semel fuerit perducta, & vitam cum otio benignus Deus produxerit, multa, ut spero, quæ habemus non inchoata, sed affecta, brevi edemus. In his est prope jam absolutus commentarius de Lectis & Stragula Veterum Vestis; qui liber non leviter nos aliquando exercuit. Sequetur postea is, de quo nuper scripsisti; nescio an accuratior, sed prolixior certè, nisi fallor, expectatione tuâ futurus. Est enim pulcherrimum argumentum, & cujus notitia omnibus, qui in literis seriò versantur, sit necessaria. Verùm ista, quoniam tempore opus est, Deo permittimus. Vale, Vir eruditissime. *Lucretia Parisiorum, a. d. v. Eid. Novemb. CIO IO CII.*

EPISTOLA CCCXII

ANDRÆ SCHOTTO.

1602. **B**Inis tuis, Vir optime & eruditissime, unis meis respondebo; quando antevertit diligentia tua occupationes nostras. Ante mensem, & quod excurrit, quum mihi fasciculum tuum honestissimus adolescens traderet, spondi illi, me statim librum à te missum esse lecturum, & brevi tuis respondurum; orare interea illum, ut suis hoc tibi significaret, & nostræ fidei velut ἰγγυτης apud te intercederet. Quæ illius probitas est, amor in nos, in te etiam observantia, non dubito præstis-isse quod prolixè receperat; ut valde miratus sim, cum ex posteriore epistola tua cognoscerem, nihil horum adhuc te intellexisse. Sed fuerit fortasse in causa discessus tuus ab Antwerpia. Quicquid hujus sit, oro te, Vir humanissime, celsationem meam ne sic interpreteris, quasi parum mihi gratæ accidissent literæ. Illæ verò, mi Schotte, longè gratissimæ; nisi quod suppudebat, quod non provocassem ipse prior. Tu enim major, & tibi æquum erat me in hoc officio præire. Nam merita in Rempublicam literariam tua quanti faciam, ne tu quidem nescis. Quò molestius fuit nobis, de tua oculorum ægritudine ea legere, quæ nuntiasti. Dicerem, factum malè, & non sic oportuisse; nisi certus essem, evenire omnia mortalibus, minima, maxima, ejus nutu & voluntate, qui sit non solum *Maximus*, sed etiam *Optimus*. Non

dubitas, illi te chariorem esse, quàm 1601. ipse sis tibi. Confide igitur, eruditissime Schotte, illius ἀφάτω καὶ εὐταραρίητι, & παυτοδωάμῳ benignitati ac clementiæ, teque ipsi totum permitte. Sed quid ego γλαῦκα τις Ἀΐδας? quasi vel de robore animi tui dubitarem, vel professionem tuam & pietatem ignorarem. Venio igitur ad librum Vitarum comparatarum Aristotelis ac Demosthenis, quem misisti; ac primùm ingentes tibi gratias ago, quod usuram ejus, etiam antequam publicatus esset, mihi concessisti. Eram quidem, cum illum accepi, occupatissimus; urgent enim nos operæ typographicae, quas in editione Spartiani ac sociorum Historicorum occupamus; urgent & curæ aliæ molestissimæ: ut taceam assiduas amicorum Προκίψις, quæ me in hac negotiosissima otiosorum matre enecant: taceam etiam de gravissima uxoris valitudine, quæ menses jam duos corpus illi, animum nobis cruciat. Non tamen impedierunt ista, quin libellum tuum statim acceptum devorarem; quod cum dico, simul & judicium meum de illo tibi ostendo. In tantis enim & otii & temporis angustiis nunquam lectioni ejus vacassem, nisi & argumenti genere, & tractandi modo mirificè & initio cepisses me, & captum tenuisses. Hortor igitur te, atque adeò oro etiam & etiam, utilissimi scripti editionem omnibus modis acceleres. Nemo Aristotelem, nemo Demosthenem amat, aut in illorum lectione seriò versatur, quin pro navata hac opera obnoxium se tibi sit agnitus. Sed, amabò, cui hunc ingenii factum sis commissurus, vide: fidelem & diligentem opto tibi Typographum. Levia sunt scripturæ peccata nonnulla, quæ emendanda prius quàm operis liber traditur. Si Plantinianis minus vacat, & Parisensium operâ volucris uti, ego futurus sum ἐρροδιώμενος, neque aliter curaturus quàm si mea res ageretur. Utinam & Senecæ controversias ad nos misisses. Nam quid tibi cum Lugdunensibus Typographis? Equidem cum nuper venisset ad me Candolus, & de tuo libro sermonem injecisset, vix illi fidem habere poteram. Illum nos & præsentem officii sui monuimus quàm diligentissimè, & absentem urgere literis non desinemus, priusquam res erit confecta. De fragmentis Polybii, etsi jam antè à Francisco Pithœo illa acceperam, immortales tamen tibi & habeo & ago gratias. Anni multi sunt, cum eum Scriptorem nobilissimum magnâ diligentia recensuimus; sed quia versio à nobis exigitur, quæ nos à melioribus

1602. & gravioribus curis advocatura est, impetrare ipsi à nobis nondum potuimus, ut ei negotio seriò accingeremur: multa enim habemus in manibus, labore & industrià nostrà, si qua tamen illa est in nobis, fortasse digniora. Vale, Vir amicissime; & quæ obtemperandi tibi studio de libro tuo infrà subjecimus, eo animo accipe, quo scripsimus. *Lutetiae Parisiorum, a. d. xv. Kalend. Decemb. c10 10 c11.*

EPISTOLA CCCXIII.

DAVIDI HOESCHELIO.

1602. **V**ir optime & amicissime, mitto tibi amici Pictonis tui literas, quas ab illo accepi; filii mitto nullas: causam ex adjuncta epistola cognosces. Vellem, mi Hoescheli, & planè ex animo vellem, quod accidit, ne accidisset; neque enim futurum dubito, ut confundat te hic nuncius, & magno afficiat mœrore. Homo es, & homo humanissimus: pater eras; magna ista sunt luctus incentiva, magna, fateor; sed aliis: tibi mediocria, aut potius modica; habes enim parata præsidia minuendo luctui, quæ nota sunt oppidò paucis. His, oro te, nunc utere, Vir doctissime; & literas, quarum tanta in te notitia, à vulgi calumnia vindica, quasi illæ nihil admodum cultoribus suis prosint. Tu verò proba exemplo tuo, τῇ γνησίᾳ καὶ μὴ ψευδυνύμῳ παιδείᾳ vim hanc inesse, ut eā præditi non solum de virtutibus disserere, verum etiam præcepta illarum καλῶν & καίρων possint exercere. Nemo est paulò saltem humanior Europâ totâ, quin sciat eruditissimum esse te, & omnia in numerato habere, quæ adversus luctum è veterum Sapientum scriptis solatia peti queant. Fac nunc experimento isto cognoscant tui familiares & amici, illa te non legisse, verum imbibisse; non oblectationem ex iis quaesisse, verum adversus omnia fortunæ tela certa inde remedia tibi comparasse. Super omnia veniat illius tibi in mentem, qui gravissima passus, auream vocem emisit: *Dederat Dominus; abstulit Dominus: sit nomen Domine benedictum.* τοῖς μάκαρος, mi Hoescheli, καὶ πτεράκις, qui totos se cum omnibus suis providentiæ divinæ permittunt sic, ut quicquid eveniat, ita melius esse, persuasissimum habeant: ὦ & καλὸν διδάγμα! ὦ νηπιόθεν ὅτως φαρμάκον! Deum supplex veneror, det tibi hunc casum sic ferre fortiter, ut posthac laude & omni genere bonorum florens inter florentes tuos, vitam producas quàm longissimè, quàm beatissimè.

Vale. *Lutetiae Parisiorum, a. d. xv. 1602. Kalend. Decemb. c10 10 c11.*

EPISTOLA CCCXIV.

MARCO VELSERO.

Literas quidem abs te, præstantissi- 1602. me Velsere, superiore mercatu accepi nullas; sed librum accepi, mole non adeò magnum, existimatione meâ vel maximum. Habent igitur tandem Boji tui Historiam Rerum suarum, eâ diligentia è tenebris erutam, eâ stili felicitate compositam, ut quid amplius in ea quidem parte desiderent, reliquum sit nihil. Utri potius gratuler, illine genti, an tibi, nescio: sed gratulor certè utrique ex animo; tibi, quòd opus susceptum, ut erat te dignum, graviter & ex fide perfeceris, genti nobilissimæ & nostræ συγγενῆ, uti probas, quòd virtutum suarum dignum tandem sit nacta præconem. Præses Thuanus, vir omni laudatione major, cum ex Indicibus Francofordiensibus de libri hujus editione cognovisset, non quievit prius, quàm totum *ὡς πίδαξ ὁ καὶ ἀλλῶς* devorasset. Ex quo potes intelligere, quod sit ipsius de iis, quæ à te proficiscuntur, iudicium. Nemo omnium mortalium est, qui majore iudicio in literis versatur; & cum subcivica tempora non multa habeat, quæ musicis curis impendat, magnâ curâ quæ legit cumque eligit; ut qui δαιμόνιον virum nōrint, possint sine cunctatione pro optimo librum habere, quem ab eo sciant pellectum: Equidem munere tuo accepto, cum ad eum accessissem, ut de mustei adhuc libri editione facerem illum certior, ita sum exceptus: *Vidisti ergo, inquit, Marci Velseri librum? ego verò ante aliquot dies totum legi.* Quid istis subjecerit, tacere malo, quàm in os tibi; & fortasse aliàs plenius de tota illa Historia quid vir summus iudicet, prolixiore epistolâ sum expositurus. Nunc illud tibi narro, tristes me ad optimum Hoescheli literas mittere, ex quibus de obitu filii sui est cogniturus. Oro itaque te, nobilissime Vir, ut alloquio tuo minus illi gravem nuntium hunc efficias. Vale. *Lutetiae Parisiorum, a. d. xiv. Kalend. Decemb. c10 10 c11.*

EPISTOLA CCCXV.

JOSEPHO SCALIGERO.

Illustrissime Vir, cum de suo isthuc 1602. reditu Johannes Westhovius me fecisset certior, & operam suam ultrò mihi

1602. mihi obtulisset, si quid vellem ad te mittere, egi cum ipso, ut fasciculum paratum multos ante dies, ut illustri matronæ, Auraci Principis viduæ traderetur, isthuc deferendum vellet suscipere; tædebat enim longæ adeo procrastinationis. Accipies igitur, maxime Vir, quæ nunc mitto; & ad illa describenda, de quibus alteris (ex sunt Prisciano tuo inclusæ) uberius scripsi, temporis paullo longioris usuram nobis concedes. Non deerimus officio nostro, neque ego, neque amplissimus & summus tui mirator, Præses Thuanus. Sed per Deum immortalem, cura valetudinem tuam. Tristissimum his diebus nuntium accepi-mus de obitu trium * luminum Academiae vestræ. Deus Opt. Max. servet quod superest, teque imprimis, Scaliger, decus sæculi. Vale. *Lutetiae Parisiorum, a. d. xii. Kalend. Decemb.*
CIC IO CII.

* Luca
Trelcatii,
Francisci
Junii,
Joannis
Heurnii.

donis tantis rectè utamini. Pergite igitur, optimi Adolescentes; & in ea vitæ secta, quam jussu ductuque magni viri patris vestri ingressi estis, constanter permanete. Scitote etiam, veræ laudis, quam assidue expeti par est à vobis, unicam esse rectam semitam, quæ à principe Tragico certissimè demonstrata, cum dixit:

- - - - Τῷ παντὶ δ' ἐκ Θεῶ
Ὁ φίλιστα τέκνοντα ἔπονот κλεός.

Valere, charissimi Molæi, & me πάντοτε ἀγαθῶς ὑμᾶς φιλεῖν, ἀντιφιλεῖν μὴ ἀφελίππιν· πάλιν ἔρωθε. *Lutetiae Parisiorum, a. d. xii. Kalend. Decemb.*
CIC IO CII.

Viro præstantissimo Tibal. * nisi grave est, plurimam verbis meis salutem nuntiate. Cum plus otii fuero nactus, separatim ad utrumque sum scripturus, τὰ θεῶς δίδονται.

* Fortè,
Tiballaris.

EPISTOLA CCCXVI.

MOLÆIS FRATRIBUS.

1602. Mittite ista, quæso, charissimi Molæi, neque aggrediamini ea mihi persuadere, ἀ λήγεις ἔ μὴ με πείσῃ, ἢ δ' ἂν πείσῃ. Equidem voluntatis cuiusdam eximie erga utrumque vestrum testis sum ipse mihi: sed vestra studia quàm parum pro illa infinita cupiditate mea adjuverim, id quoque probè scio. Accidit enim, ut meministis, perincommodè, ut necessariis curis atque occupationibus penè semper, dum heic essetis, obruerer. Olim fortasse erit aliqua occasio, re, non verbis solum testandi, quantum ego amplissimum parentem vestrum venerer, vos amem. Atque illucescat ille dies, cum studiis isthic feliciter peractis, solidam τῆς γνησίας νομιμῆς, cui nunc incumbitis, cognitionem, ceu spolia quædam optima domum deportabitis. Sic enim habete, ἀποσφιλέσασθαι νεανίας, esse neminem qui vos nōrit, quin de vestra indole rari aliquid sibi sponponderit. Quò diligentius enitendum vobis est, magnæque animi intentione efficiendum, ut hanc expectationem tantam non solum ne destituantis, sed verò enim superetis. Superabitis autem cum bono Deo facile, si adversus omnes juventutis illecebras maturè animum obfirmaveritis, vobisque seriò persuaseritis, σύν Ἀβελῶ δᾶν καὶ τῷ χῆρεα κινᾶν. Nam quòd omnia abundè vobis, quæ natos ad magna adolescentes decent, contigerunt, genus, ingenium, educatio, alia; parum hoc tamen, nisi hisce Dei

EPISTOLA CCCXVII.

JUSTO LIPSI O. ✱

Vix scripseram quas ad te mense superiore misi, præstantissime Lipsi, cum redditæ mihi sunt tuæ, a. d. vi. Kalend. Septemb. datæ. Eò fui in scribendo omissior; cum præsertim curæ multifariæ & sollicitudo de uxoris longa valetudine, ab accepta epistola tua, continuè hætenus me habuerint exercitum. Quàm autem jucundæ nobis literæ illæ tuæ fuerint, noli quærere. Equidem nunquam melius agi mecum arbitror, quàm cum vel à te, vel à magno Scaligero literarum aliquid accipio. Sed hæ novissimæ tuæ eximiæ voluptate me perfuderunt, propter adscriptum de literis Græcis iudicium tuum †. O utinam nōrint omnes, qui tuam eruditionem, quanti par est faciunt, hanc tuam mentem & rectissimam κέλεσιν. Ego certè dubitavi nunquam de tui iudicii etiam in re ista rectitudine. Sed ferebam impatienter, istos, qui πᾶσαν τὴν ἑλληνικὴν παιδείαν faciunt non tanti, vel contra animi tui sententiam verbis tuis posse abuti. De elegantissimo libello tuo scripsi nuper τὸ γ' ἐμοὶ δοκεῖν. Omnino siquid in ea descriptione peccatum à te, illud est, quòd barbari hominis insolentiam parum pro commerita noxa exagitasti. Deum immortalem! Quantò melius cum humano genere ageretur, si parem modestiam ad docendum refellendumque afferrent omnes, qui Indices Francfordienses bis implent quotannis: Nūν δὲ ὡς ἀπὸς, ἔκκει τοῦ τῆς ἐπιτομῆς κήρυγμα· εἰς ἑρῖδαν

† Consist
tuam
supra.
Epist.
cccxciv.

1602. ἱπὸν ἱκανοῦα, καὶ πλέμνν ἀλλὰς περι-
 σσαι· ἀλλὰ τῶν κρινὼν εὐσεμα κίβδω.
 Vale, & nos ama, qui te ἐξ ἀκρὸς μυστῶ
 ψυχῆς. *Lutetiae Parisiorum, a. d. IX.*
Kalend. Decembris, CIO IO CII.

EPISTOLA CCCXVIII.

DAVIDI HOESCHELIO.

1602. **C**larissime Hoescheli, salve; ac scito
 redditum mihi tuum fasciculum;
 quo nihil gratius, nihil opportunius
 poterat nobis contingere. Nam eo tem-
 poris articulo ille advenit, quo facta à
 nobis erat in Notis ad Lampridii Ale-
 xandrum * tui mentio, cum de Dexip-
 po ali uid scriberemus. Olim ea frag-
 menta in nostras manus inciderant, sed
 tantum ut oculis cerneremus, non
 frueremur. Cum igitur toties Aucto-
 res, in quibus nunc sum, ejus memi-
 nerint, quo gaudio affectum me putas,
 cum ea accepi, quæ fasciculo tuo con-
 tinebantur? Perge verò, amicissime
 Vir, de studiis nostris, & omnium φι-
 λημαίων sic mereri. Legam verò quæ
 misisti, & quicquid observavero, sta-
 tum per literas communicabo. Opus
 nostrum fini jam proximum, beneficio
 Dei, qui si vitam & otium porro con-
 cesserit, & de Procopio fidem libera-
 bo, & ita me comparabo, ut hujus ho-
 nestissimi otii & Mæcenati magno meo,
 & omnibus bonis rationem reddam. Li-
 teras tuas curabo: sed jam non igno-
 ras, opinor, quid acciderit. Scripsi
 nuper ubertim, & literas ad clarissi-
 mum virum Bongarsium misi, quas an
 acceperis, velim me facias certiore.
 Scripsi & ad amplissimum Velferum,
 pro misso libro gratias agens, & de
 Privilegio scriptis nostris impetrando à
 sacra Majestate Cæsarea consilium pe-
 tens. Oro te, & saluta illum meis ver-
 bis, & ex commodo ipsius tuoque ap-
 pella. Scimus ab eo non insuper ha-
 beri nostras nugas: has certe Notas
 fortasse luce non indignas judicaturus
 est. Vale, charissime Vir, ac me ama.
Lutetiae Parisiorum, Kalend. Decemb.
CIO IO CII.

EPISTOLA CCCXIX.

JOSEPHO SCALIGERO.

1602. **S**cripseram nuper ad te, nobilissime
 virorum, quasi literas meas alicui à
 familia Principis Auricæ traditurus.
 Erat enim mihi præ certo affirmatum,
 post unum alterumve diem ipsam ab
 urbe profecturam: quod cum aliter ac-
 cidisset, paratum fasciculum Johanni

Westhovia, Medicinæ Candidato, ist. 1602.
 huc redeunti commisi commendavi-
 que. In eo δεσμιδῆς fuit Priscianus tuus,
 cum Pselli libello quodam mathema-
 tico, quem visus eras ex postremis tuis
 videre velle. Liber de anno Persico
 cur non esset adjectus, rationes expo-
 sui necessarias; etiam de libello Pro-
 verbiorum Arabicorum, cujus utrius-
 que exemplaris spem certam memini
 tibi fecisse eadem illa epistola. Interea
 igitur, dum alter amplissimi Thuani
 mandatu tibi describitur, mitto Pro-
 verbia, amici manu descripta. Illius
 nempe juvenis † Flessingensis, quem † Hadria.
 ante sex, opinor, menses mihi com-
 mendasti. Is cum Medicinæ profes-
 sioni se paret, incredibili desiderio fla-
 grat Arabicam linguam intelligendi:
 quo in studio tantum, meo judicio,
 jam profecit, ut spem eximiam de ip-
 sius in hoc genere conatibus videamur
 posse concipere. Scio autem consilium
 ejus esse, cum in his literis fuerit paul-
 lo versatior, de quibusdam difficultati-
 bus ad te referre, teque obnixè orare,
 ut se illis solvas, velisque docere quæ
 nesciat: quod eo libentius te, illustris-
 sime Scaliger, facturum confidimus,
 quia eadem me atque illum juveris.
 Sed hoc, postquam in lectione Avicen-
 næ diutius se ille exercuerit. Nostræ
 in Spartianum Notæ fini jam, Dei be-
 neficio, sunt vicinæ, quo in opere ni-
 hil mihi accidit jucundius, crebrâ tui
 nominis commemoratione; cui præbue-
 runt occasionem observationes in hos
 Scriptores tuæ, quas ante aliquot an-
 nos benignè mecum communicasti. O
 si possem à te idem beneficium in Athe-
 næo quoque impetrare! Cur autem non
 impetrabo? aut cur tu cuiquam potius
 quam mihi τὴν ἐπιστολὴν τῆς σὺς πα-
 ρίδας copiam facies? Scimus quomodo
 nascentur tibi vel conclamatorum loco-
 rum emendationes. Scimus aliud agenti
 tibi solita in hoc genere venire in men-
 tem, quæ nullo labore possimus ipsi
 excogitare. Quare oro te atque obte-
 stor, quæ habes in Athenæum aut Po-
 lybium observata, ea velis nobiscum
 communicare. Adjicerem, & Strabo-
 nem; nisi puderet me, tantum oneris
 tibi imponere: neque enim nescio,
 quàm soleas esse occupatus, & quàm
 gravibus curis. Quod igitur commodum
 tuo fiat, petitionis meæ rationem ita
 habe. Super omnia illud à te contendo,
 ut difficillimis hisce temporibus,
 cum isthic pestilentia grassatur, valetu-
 dinis tuæ curam habeas, teque cum
 bono Deo nobis, imò Reipublicæ li-
 terariæ serves incolumem. Audivimus
 de Academix calamitate, & in obitu
 clarif-

1602. clarissimorum virorum * ex animo ingemuimus. Sed melioribus literis unicuique est in te præsidium, tu solus earum dignitatem tueris. Faxit verò Deus Opt. Max. ut bono publico natus, vitam in studiis literarum & agas semper quam beatissimè, & producas quam longissimè. Vale, maxime virorum, & me semper ama. *Lutetia Parisiorum, prid. Non. Decemb. CIO IO CII.*

* *Vide supra. Epist. CCCXV.*

Annus ferè est, cum mihi ad te expressas imagines aliquot gemmarum, tuam super illis sententiam exquirens. Eas literas, ut & aliquot alias mearum, perisistè, eò suspicor, quia ad dubitationes meas nihil à te responsum tuli. Nunc verò mittit ad te vir nobilis Racassius de Bagarris plura id genus *ἰμαγῶν*, cum suis super illarum interpretatione conjecturis. Feceris verò & illi, & mihi rem gratissimam, si iudicium tuum de illius suspicionibus nobis, cum vacabis à gravioribus curis, aperueris. Vir ille & merito suo, (*ἰσὶ γὰρ τῶν καλῶν, καὶ ἁδὺν, ἀρχαιολογίας πρὸς φειδῶς ἰεραῖς*) & quia magnus Thuanus vehementer illum amat, tu quoque amicitia dignissimus est. Rex illum elegit, quem præficeret suis antiquarum Rerum *καταλήξει*. Iterum vale. Amplissimo Legato Regio salutem hic adscribere per te liceat, oro.

EPISTOLA CCCXX.

THEODORO CANTERO.

1602. **L** Iterarum infrequentiam mearum, Vir optime, si inconstantia mee in tui amore & cultu putas esse argumentum, nã parum aut ingenium meum, aut præsentem statum nôsti. Nam animus quidem adversum te nôster is est, erique semper *ἔφρα γένεαι ἐπ' ἐπ'*, qui fuit hætenus, imò quem par erat, comitari opinionem, quam de tua virtute & singulari eruditione habemus. Sed ne faciam semper paria cum amicis in hoc scribendi officio, multa me impediunt. Valetudo toto fermè hoc anno adversa; deinde autem amicis dies solidos in hac negotiosissima otioforum matre mihi solent adimere. Ut alia sexcenta occupationum genera taceam, quæ ad desperationem studiorum meorum quotidie me adigunt. Adde quòd verni & æstivi temporis partem in peregrinatione posui, quam ad piam matrem, in Delphinatús remotissimis oris degentem, institueram. Ex eo itinere domum reversus, inveni quas ad me Majo mense dederas. Iis literis quòd non prius responderim, præter superiores causas, etiam illam

possum afferre, quòd responsum à si-1602. lio expectavi, cui statim perferendas tuas curavi. Mihi certè viâ tutissimâ Monspelium, quò ille se profecturum studiorum causâ, novissimis literis scripserat. Ex Saumuro, quò è Pictoni- bus se contulerat, datæ erant, mihi- que ante profectionem meam fuerunt redditæ. Ex eo tempore nihil me ab ipso literarum accepisse, soleo mirari, sed multa potuerunt cadere, cur ille non scriberet, aut non inveniret cui sua rectè daret; maximè quidem ob absentiam meam ab urbe per aliquot menses. Scripsi tamen ad amicos Monspelienteses, & rogavi, de eo significarent, si quid notum haberent. Est ibi Gigordius, Minister, vir pietate insignis, & mei amantissimus: est & Pacius, J. C. * cujus notum tibi procul dubio nomen: ad utrumque horum scripsi, & in dies literas *ἀποσιταίαις* expecto. De carmine Nazianzeni, quod sub Amphiloerii nomine publicatum est, dabo operam, si potest fieri, ut tua voluntati morem geram. Sed ne nos quidem, qui aliquot veteres codices ejus Patris tractavimus, Græcè id carmen legimus; nostrâ fortasse culpâ, qui aliud agentes, non attendimus. Soleo Regis Bibliothecam interdum adire, etsi, propter valetudinem, & loci distantiam, rarius. Cum primùm ibo, meminero *τῶν ὑποσχέσεων*. Utinam aliud tuâ causâ possim. Tu si me posse iudicas, en tuus sum, & tuorum filiorum, quibuscum mihi vetus notitia, ut sis, intercedit. Vale. *Lutetia Parisiorum, a. d. x i. Kalend. Januar. anno πῦ Σατῆρ Ⓞ Dionysiano, CIO IO CIII.*

* *Junif. consultat. Vide infra. Epist. CCCXXV.*

EPISTOLA CCCXXI.

JOSEPHO SCALIGERO.

QUum ante dies quinque tuas accep-1602. sisse, inlustrissime Vir, rescripsi statim viâ eadem. Postea venit ad me alter Puteanorum, qui adhuc in urbe sunt, rogans ut suas ad te curarem tibi perferendas. Etsi recens eram à scriptione, feci tamen lubenter, ut hanc quoque occasionem arriperem te appellandi. Nulla enim temporis pars est, quam tanta cum voluptate transigam, atque cum ad te scribo, aut tuas lego: quanquam tu profectò, cui uni acceptum fero, si quid in literis didici, & vigilantibus & somniantibus ob oculos semper versaris. Quotidie magis magisque in tuis scriptis versanti nova subit admiratio tam altæ, tam abstrusæ eruditionis. Si per amicos liceret ex voto tempora mea disponere, constitueram

Y

Opus

1602. Opus tuum non prius de manibus ponere, quam eo penitus intellecto. Cum à lectione Sacrorum Librorum discessi, nihil invenio, in quo majore cum fructu aut voluptate operam ponam. Christophori Laureti Chronologiam si non vidisti, faciam ut videas, & primà occasione mittam. Interest veritatis, exster de eo novo Chronologo judicium tuum. Non omnes, scio, illo stabunt; at illi certè, quibus cordi ἡ φιλαλήθεια. Eusebium tuum, per omnes te Musas oro, accelera. De Chronicis excerptis scripsi nuper: & scis tu, jus tibi esse in me & omnia mea; ut & mihi omnia imperare, & meis uti ceu tuis possis ac debeas. Sed optarem ipsum opus in tuas manus venire, unde nostras Eclogas excerptis. Gruterus posset id præstare tibi; qui haud dubiè vel in Palatina Bibliotheca, vel inter libros τῆ μακροτέρου Sylburgii id opus reperiret. Nili tu vetas, primà occasione mittam nostras chartas, quas cur nuper non servaveris, miratus sum. Nos nescio quas veteres nugis recoquimus, & in Persium commentarium paramus, non sanè ad exemplum ullius Interpretum priorum. Si per valetudinem licet, & alia simul edemus τριγυροῦσα, quæ in liturariis nostris diu pro derelictis jacuerunt. Vale, & me ama. *Lutetiae Parisiorum, a. d. x. Kalend. Januar. CIO IO CIII.*

* I. Nau-
sonius
à Cassillo-
Francio.
Co.omef.

Est in hac urbe minister quidam *, è Provincia Narbonensi, qui librum à se compositum editumque Regi eà lege obtulit, si præmium operæ dignum vellet rependere. Liber inscribitur, *Mémoires du Guide-Aimant*. Autor mirabilia promittit de inveniendis novâ arte locorum longitudinibus non per ecclipsium observationes, sed hujus inventi sui ope, certâque notione magnetici, ut loquitur, poli, & à mundi polo distantia. Cœli & nauticæ rei periti in consilium adhibiti, & autorem & inventionem μὲν Φωνὴ dilaudarunt; quàm meritò, Hollandi tui judicabunt.

EPISTOLA CCCXXII.

DOMINICO BAUDIO.

1602. **L**Egi, mi Baudi, quam misisti orationem, quæ vel si ἡλιάδου μακροτέρα fuisset, tamen cupidos adhuc nos dimisisset, nec planè dum satiatos. Equidem hoc mihi non fumo, ut de talibus judicium putem ferre me posse: si quid tamen usu longo consecuti sumus, neque in totum linguæ Latinæ fumus ἀμύητοι, quid sit Latinè scribere, non

scimus, nisi hoc est, ita loqui, ut tu loqueris. Sive versibus, sive πῶς καπιλο- γάδην à te scripta lego, videor colloquentem mecum audire, sine fuce, sine cincinnis & meretriciis ornamentis, quibus insana hæc juvenus τὴν τῆ λόγῃ καμψίτητα metitur. Quod autem novum vitæ genus institueris, & ad colendas Musas, tam propitias tibi Deas, totum te contuleris, ita vivam, mi Baudi, ut ex ea re gaudium insanum magnum capio. Bene sit viris illis magnis, qui tibi isthic manum injecerunt, & in tua te castra, etsi fortasse obtorto collo, reduxerunt. Quantam enim passura fuit Respublica literarum jacturam, si tam excellens ingenium in tenebris & inter forenses rabulas, aut aulae alicujus mancipia consenuisset? Scito vero, ex omnibus, qui rebus secundis tuis lætantur, neminem esse, qui magis ex animo tibi gratuletur. Vale, præstantissime Baudi, & me ama. *Lutetiae Parisiorum, a. d. x. Kalend. Januar. CIO IO CIII.*

EPISTOLA CCCXXIII.

FRONTONI DUCÆO. ✕

QUod serius paullo ad tuas respon- 1602. deo, Vir eruditissime, eò factum, quia expectabam Savilli ad tuas responsum. Sed illo cessante, pauca hæc ad te libuit scribere, ut scires, & quas ad me, & quas ad ipsum dederas, tutò fuisse curatas. Chrysostomus veteris Bibliothecæ vestræ, de quo mentionem facis, in cujus tandem manus venerit, nescio. Audire memini à multis, totam supellectilem vestram, etiam Librariam, miserè fuisse dilapidatam: ἀγόντων πάντων καὶ φερόντων φύρδην καὶ ἔπος ἑκάς εἶχε δράσας. Inde accidit, ut disjecta membra vix possint colligi. Equidem liquidò jurare possum, Bibliothecam meam ex casu illo incrementum nullum accepisse, ne pili quidem unius. Eusebius Scaligeri prelo jamjam subji-ciendus erat, cum ante mensem ad me scriberet. Opus est magnum, & tanto viro dignissimum. Pervenerunt in manus meas chartæ quædam, ex quibus dabitur fortasse mihi occasio scribendi ad Episcopum Vasatensem, qui isthic aliam Eusebii editionem molitur. Sed ignarus morum hominis, adhuc superse-di. Curopalatae codex Græcus non alius mihi visus, quàm τῶν ὀφθικίων & τῶν παλίων τῆς Κωνσταντινουπόλεως: uterque liber editus postea est. Sed aliquantò luculentius est exemplar meum. Panegyricos in Josephum & Sufannam incidisse ἀγαθὴ τύχη in manus tuas, vehementer gaudeo.

1601. gaudeo. Non enim imitaberis, scio, infrunitos quosdam, qui ἐπὶ βιβλίον δυσχερεῖταιν θησαυρίζει μέγα φρονῶσιν, atque eorum usum nobis invident. Georgius, qui ad Scaligerum missus est, ille ipse est μοναχὸς Γεώργιος καὶ δὲ γκελλῶ, cujus meminit Cedrenus in ipso principio. In eodem Libro & Theophanes habetur, de quo etiam Cedrenus. Cave autem putes, quicquam ex omni vetustate extare cum Georgio conferendum, ἐν ταῖς περὶ τὰς χροίας. Codex vægrandis est, antiquæ manus, & characteris ἡ μάλα ἱκαναγνίστη. Vale, Vir doctissime. *Lutetiae Parisiorum, a. d. x. Kalend. Januar. anno τῷ Σωτήρι Χρυσῷ Dionysiano, CIO IO CIII.*

EPISTOLA CCCXXIV.

✠ JOANNI A' WOUWEREN.

1602. **L**ibros, quos misisti muneri, accepi superioribus diebus; cum multò antè eos vidissem, & tuum in iis genium facile agnovissem. Gaudeo quòd ad ornandas hujus generis literas videris te seriò contrulisse, quæ & jam olim in deliciis mihi fuere; nunc autem ingravescente ætate, solæ, ἐλὶ γὰρ οἷω εἶπαι, cordi ac voluptati. Nos quoque ad illustrationem illius Historiæ symbolam fortasse non pœnitendam poteramus conferre, nisi animum & curas nostras multæ ac graves causæ aliò traducerent. Eæ cujusmodi sint, non difficile erit tibi divinatori, qui & nôsti me intus & in cute, & inter quos degam, non nescis. An enim putas, heic versanti fas fore, teneras quorundam auriculas mordaci radere vero? Nam quæ in eo argumento hinc inde prodire hætenus, negare non possumus, partim rerum ignorance, partim auxiliandi videri vitiosa. O quando exorietur aliquis verè doctus, verè φιλαλήθης, & ab omni partium factione alienus, qui positam adhuc in medio palmam occupet? Equidem spero, te hoc animo & consilio isto ad hæc studia accessisse. Deum oro, hanc tibi mentem duit, & cœptis aspiret tuis. Quod superest, diurni silentii mei causam paucis accipe. Cùm in hanc urbem secundum veni ante annos quatuor, relatum mihi ab amicis familiaribus aliquando tuis, te, quandiu heic versatus es, solitum de me, de uxore, de liberis jocosos sermones cum nequissimo bipedum, qui Sidonio tuo tantum debet, habere. Non sum veritus virtute Dei, ne honestati domus meæ talibus sermonibus posset noceri. Ipse virtutis & literarum amorem professus

semper, cur riderer, materiam, quod 1603. sciam, nemini mortalium dedi. Uxor pietate, probitate, & aliis muliebribus virtutibus conspicua: pudicitia autem adeò insignis, ut ne fabulæ quidem occasio vel minima sit ab illa dara. Liberos vel ætas tam adhuc tenera ab eorum urbanis dictis, qui parentes parum amabant, tutos præstare debuit. Atque hæc eò tibi nunc aperio, non quòd aut novum, aut admodum mihi videatur δεινὸν extitisse, qui me riderent, aut mea; sed ut causam agnosceres, cur ad varias epistolas tuas, quas ex Italia & Germania ad me misisti, respondere hætenus supersederim. Vale. *Lutetiae Parisiorum, a. d. ix. Kalend. Januar. CIO IO CIII. anno τῷ Σωτήρι Χρυσῷ Dionysiano.*

EPISTOLA CCCXXV.

THEODORO CANTERO.

EXspectavi diu occasionem scribendi 1603. ad te, amicissime Cantere, quia uberiores filii tui literas incertæ fidei hominibus nolebam committere. Eas ille misit ad me è Pictonibus, profectus illic tuo, ut audio, nonnihil etiam meo consilio, non tam studiorum causa, quæ parum ibi calent, quàm ἰσθμίας χάριν καὶ θείας. Novissimis literis, quas ab eo accepi, cognovi cogitare ipsum in Narbonensem Galliam, habereque in animo, Monspelii aliquot menses subsistere. Laudavi consilium, cujus & auctor ei fuisset, si sponte suâ illud non cepisset. Inveniet ibi Julium Pacium *, qui ferè solus hodie in nostra Gallia cum laude Jus Civile proficitur, & est alioquin ea pars Galliarum, si qua alia digna, quam εἰ φιλοβιάδους ἀρχαιολογίας ἐρεῖται ducant visendam. Equidem in filio tuo eas pietatis & ingenuæ probitatis scintillas animadverti, ut non multò aliter ac si meus esset, fausta ipsi omnia optem, & læta. Libros tuos de Mysteriis & operantibus Veterum sacris cupidissimè expecto: oro te & attestor, ne velis hanc operam publico diutius debere. Nos hisce diebus finem imposuimus notis in Spartianum & comites Historicos; quæ si politicissimo judicio tuo & paucorum aliorum fuerint non improbatæ, erit cur me non malè tempus existimem posuisse. Vale. *Lutetiae Parisiorum, initio anni, quem tibi tuisque felicem precor, CIO IO CIII.*

EPISTOLA CCCXXVI.
JOSEPHO SCALIGERO.

1603. Spero tibi redditos omnes fasciculos meos, quos à tribus mensibus ad te misi; cupio tamen ex tuis literis id cognoscere; teque oro, ut me facias ejus rei certiorum. Misi autem ad te per quendam Medicinæ Candidatum Pselli, quem visus eras desiderare, libellum: deinde cum Princeps Aurica isthuc proficisceretur, viro nobili Van der Mylio Proverbia Arabica, & aliquot veterum quæ nummorum, quæ gemmarum rarioris figuræ *ικμάγμα* tradidi, ut tibi deferret. Scripseram etiam aliquantò prius literas non unas, quas an acceperis, nescio. Novissimæ enim quas à te accepi, ex sunt, quas Eremita tuus, adolescens eruditissimus, attulit. Is si ad te scripserit, quantum apud me *συζήσια* tua ponderis habuerint, significabit. Non enim prius conquievimus, quàm fuit ei optimè consultum. Liber de anno Persico in tuam gratiam jussu magni Thuani describitur. Constitueram, operis partem ad te mittere, sed consilium meum casus impediit. Sed brevi te habiturum librum integrum, ejus pars magna jam descripta, sanctè tibi polliceor. *Διαγράμματα*, quæ sunt quàm plurima, sollicitos nos habent: nam ille Medicus*, qui operam suam mercede addixit, τῶν μαθημάτων rudis, eorum transcriptionem in se noluit recipere. Cum librum ipsum legeris, statues necessaria sint, an non, ea *Διαγράμματα*: quæ si desideraveris, *πάντα λιβὸν κινήσομαι*, quo voluntati tuæ satisfiat. Tu modò, Vir illustrissime, ne tuarum desiderio diutius cruciemur, vide. Hoc mihi nihil jucundius possit accidere. Sum enim de te & tua valetudine non secus sollicitus, ac si pater sis meus: & meretur sanè summa in studiis præstantia tua, ut omnes, qui illas colimus, te amemus, te veneremur, ut communem & literarum & literatorum parentem. Ego faciam sedulò, dum spiritus hos reget artus. Vale, Vir maxime, & nisi grave est, amplissimum Legatum meis verbis salvere jube. *Lutetie Parisiorum, a. d. v. Eid. Januar. c. 15 c. 111.*

* Vide
supra.
Epist.
cccix.

Jacobus Lectius, Senator Genevensis, misit ad me carmen, meo judicio, non inelegans: ejus exemplum volui isthuc venire. En illud tibi. Quid nuper Genævæ acciderit, puto esse tibi notum. Deus certè est, qui illam servavit. Mitto etiam exemplum Psalmi, Arabicè hic editi, ipsius Typographi

ἀρξάναι: ab eo enim accepi, ut descenderem tibi curarem. Planè hic *ἡμεῖς* homo est, qui *δημιουργὸς ἐν τῷ Παιδείῳ* prorsusque literarum expertus, tanto exarlit tamen Musarum Arabicarum amore, ut curas omnes ei studio videatur postponere. Itaque tantum profecit, ut suapte industriâ characteres hosce ipse inciderit, & quandam etiam Grammaticen sibi collegerit.

Ad hanc
respondit
Scaliger,
Epist.
LXXVIII.

EPISTOLA CCCXXVII.
BONAVENTURÆ VULCANIO.

Vir clarissime, accepi literas tuas, 1603. quas mihi tabellarius hic reddidit: priores, quarum mentionem facis, vidi nunquam. Mirabar sanè quid esset, cur mearum tamdiu responsum nullum ferrem. Atque hoc silentium tuum non mediocriter sinistrum rumorem firmabat, qui de tua valetudine allatus ex Anglia in Galliam, diu tui amantes tortis: multos enim menses publica fama frequentavit, te gravi morbo implicitum, (*ὃ μὴ γένοιτο, εἰδ' ἔσται*) studiis & literariis curis in totum renuntiassè. Nec deerant, qui tristiora etiam loquerentur. Quamobrem post scriptas superiores meas, egerunt varii Typographi cum Episcopo Bellovacensi, ut tuum Cyrillum sibi traderet edendum. Erant in his Perierius quidam, Parisiensis, & affinis ille *Ἰ. μακαρίτης* Commelini, qui ei Typographio nunc præest. Erant & alii: sed omnibus restitui nos; cum facinus immane dictitarem esse, cuiquam potius quàm tibi parenti hunc excellentissimi ingenii tui foetum committi. Impetravimus verò non agrè ab humanissimo viro, ut tuas exspectarem. Idem cum epistolam tuam legisset, & rescripturum se, & voto tuo, ubi primùm esset occasio, satisfacturum affirmavit. Cum igitur ante triduum de tabellarii hujus opportunitate eum monuerim, & literas ab eo, & librum ipsum in horas jam expecto. Nondum tamen, cum hæc scribebam, quicquam ab eo acceperam: sed lentitudinem hanc excusavit nudius tertius, mandavitque puero meo, ut occupatum se in curando matris funere nuntiaret. Urgebo tamen, daboque operam sedulò, ne prius discedat tabellarius, quàm librum tuum abstulerit. Atque utinam aliud quid tuâ causâ possem: scires, Vir doctissime & amicissime, ex omnibus, qui summam eruditionem tuam in Rempublicam literariam merita maximi, pro eo ac debent, faciunt, neminem esse unum,

1603. unum, cui ego in amore tui sim concessurus. Tu vicissim ut nos ames, te oro. Vale, præstantissime Vulcani. *Lutetiae Parisiorum, a. d. Eid. Januar. CIO IO CIII.*

Opt. Max. te servet cum venerando 1603. patre & charissimo fratre tuo. Vale. *Lutetiae Parisiorum, a. d. xi. Kalend. Febr. CIO IO CIII.*

EPISTOLA CCCXXVIII.
CAROLO LABBÆO.

1603. **D**ictum verus est, humanissime Labbæe, moræ lenocinium esse magnum: quare non dubito, & meas, & *πέν* Thomsonis, quas nunc mitto, literas eò gratiores tibi futuras, quò expectatiores venient. Qui fasciculum à Thomstone attulit, Phorium idem mihi attulit. Quatuor, & quod excurrit, sunt menses, cùm amicus quidam Thomsonis & literas, & librum ab illo acceperat, ut ad me deferret: sed cùm ille præter opinionem in Anglia remanisset, neque ex ea Insula pedem extulisset, post *τεμίν* expectationem suam repetit *ὁ καλὸς καμαθὸς* Richardus; qui aliâ epistolâ, quam amicissimo Puteano ostendi, moram longiorem excusat. Habemus ergo tandem Lexicum illud *τεμίν* Photii, quod mittam ad te, mi Labbæe, ubi primum occasio se obtulerit bona & tuta. Qua in re tuum, & optimi Puteani consilium sequar. Velim autem cùm in tuas manus ille liber pervenerit, eo utaris statim, & postea remittas. Nam ut ad ea, quæ nunc sunt in manibus, parum ex usu is codex nobis est, sic ad proximas curas, quibus me jamjam, cum bono Deo, accincturus sum, magnæ utilitati videtur futurus. Probo consilium tuum de inferendis Placidii Glossulis illis, quas edidit Vulcanius. Sed opus hic tuis Notis: nam pleraque eorum, quæ adscripsisti, sine dubio detorta sunt ex Varronis & Festi libris, quod facili, si attendas, observabis. *Actarii* sunt *Actuarii*, de quibus in Jure, & sæpe in Historia Romana. *Arse verse*, non est proverbium, sed est formula averruncandi incendii, ut docet Festus. *Carminatores à carendo* dicti, de qua voce Varro, & magnus illius Interpres *. Quæ de vocibus *deribere*, & *deribitio*, & *deribitorium* ibi leguntur, non sunt *τεμίν* *ἐξ*. Sed notum est, quid sit *diribere* & *diribitorium*. *Mus* inepre pro *amissis*. Omitto reliqua, ad suos fontes à te in Notis revocanda. Chrysostomi *ὁ ὡς ἀληθὲς χροσστήμων πατὴρ* *ὁς ἐν βάσι*, cùm libuerit mittere, utar gratus, & reddam fide bonâ. Scis omnia mea tibi patere: hoc volo tibi esse persuasum, & ut me ames. Deus

EPISTOLA CCCXXIX.
JOANNI PORTHÆSIO.

EGo verò, mi Porthæsi, te confu- 1603. lere, quàm à te consuli malim. Tu enim major; tibi me est æquum cedere: quod & libentissimè facio: nec tibi solum, vel propter ætatem, [ut de eruditione nihil dicam] viro venerando; sed verò etiam cuivis è trivio, qui me aliquid docere fuerit paratus. Equidem non inficias eo, quantum per furores nostrorum plus quàm civilium bellorum licuit, id sedulo egisse me, ut aliquid addiscerem; sed omnium laborum meorum hic jucundissimus ad me redit fructus, quòd descendere in memet didicisse videor, & nòsse, quàm sit mihi curta suppellex. Ingentem enim & propè infinitam discendi cupiditatem, quâ flagramus, facultas comitatur oppidò quàm tenuis. De proposita quæstione sic paucis habe. Planè divina res est Hebræorum Critica, quam ipsi Massoram vocant. Sepem Legis solent Rabbini hanc indigetare *πέν* *ἐν* *σῶχος*: quod tu non ignoras, qui, ut video, in hac palestra te exercuisti. Originem Massoræ variè explicant Judæorum Magistri. Vidisti, credo, quæ super ea re scripsit Elias Levita, in Præfatione suæ Massoreth Hammassoreth. Vir ille doctissimus & acerrimè judicii haut dubiè sensit rectè hac de re; etsi scripsit non satis rectè. Videtur enim tandem eò revolvì, ut eorum accedat sententiæ, qui putant traditam Massoram Librorum Sacrorum ab ipsis eorum Auctoribus: quod non solum falsum, sed & ridiculum est. Neque hoc non videbat Elias; quod facile ex ejus verbis apparet: sed nihil difficilius est, quàm usu confirmatum errorem vel agnoscere, vel liberè repudiare. Atqui omnino verum est, Autorem non esse Mosem *מֹשֶׁה* & *קִי*, estque *παγγέλιον* existimare, ab ipsis autoribus esse profecta, quæ in arte illa docentur. Similior veri est eorum Rabbiorum opinio, qui inventionem *מֹשֶׁה* & *קִי* ad sapientissimum illum Legis Scribam Ezram referunt. Sed hoc verum fuerit in Libris duntaxat Mosaicis & aliis antiquioribus. Nam ut disputat Elias rectè, in scriptis recentiorum Prophetarum vix opus adhuc fuit correctorum diligentia. Horum sententiam puramus nos aut veram,

* *Josephus*
Schæger.

1603. ram, aut veræ proximam; neque dubitamus, vel Ezram, vel alios circa illa ferè tempora, initium dedisse huic Hebræorum Criticæ; quam postea doctissimi quique è Judæorum Scholis tractarunt. Quemadmodum autem Philosophorum apud Græcos, atque etiam Grammaticorum Sectas legimus fuisse; ita & Massoretarum diversæ Scholæ, ac velut familiæ extiterunt. Nam quæ in Oriente remanserunt Synagogæ, præcipuum hujus eruditionis autorem secuti sunt Jacobum, Nephtali filium. Qui in Occidentem & veterem patriam redierunt, conditorem Massoræ suæ laudant Aaronem, filium Ascher. Ita scis-^a est hæc disciplina in duas *ὡς εἰπὼν ἀπέσπασε*, בן נפתלי & בן אשר. Qui existimant, Massoram corruptorum Librorum *ἡσπνεύσαν* esse argumentum, næ illi magni criminis se obligant; cum potius certæ fidei & integræ testimonium divino Verbo hæc ars præbeat. Quod aliquando, *οὗτος δίδωται*, nostro quodam exactæ diligentiae commentario sumus probaturi. Orbiculi, de quibus scripsisti, nullum alium usum habent, nisi ut Lectorem admoneant, ut oram libri consulat, inventurus ibi notam Massoreticam. In magnis Bibliis tamen Venericis notæ Massoretarum, non ut fieri amat, ad contextum in margine sunt adnotatæ: verum partim in eo intervallo, quod est inter Hebraicum textum, & Chaldaicum Targum; partim utrique illi pagellæ subjicitur. Solent marginales Criticorum notæ singulis ferè literis scribi; ut videbis eo, quod diximus, interstitio. Exempli gratiâ: Circulus τῷ א-ב impositus rejicit ad notam, quam illo loco habes: quid autem illi numeri significant, declaratur in altero, quem indicavimus, loco. Cum hic orbiculus duabus dictionibus interjicitur, scire licet, ad utrumque verbum adjectam notam criticam pertinere. Non minima sanè difficultas est, omnes has notationes ejus artis rectè intelligere: quâ re excelluit olim divinus vir Joannes Mercerus, omnium Christianorum nostri seculi sine controversia Hebraicè doctissimus. Speramus non mediocrem aliquando lucem operâ nostrâ accessuram huic studiorum generi: verum hoc *οὗτος ἐν γὰρ καὶ τῷ γὰρ δὲ καὶ σχολῆς*. Nunc quidem aliæ curæ nos habent. Vale, & nos ama. *Lutetiae Parisiorum, pro-
prie Kalend. Februar. anno 2021 τῆς ἑ-
λένης ἰανουαρίου*, CIO IO CIII.

EPISTOLA CCCXXX.
JOHANNI VASSANIO.

Quam gratæ mihi literæ tuæ fuerint, 1603. Charissime Vassani, vel ex eo con-
jicere potes, quod semi-æger hæc ad te exaro, postpositis aliis curis multis. Sed nolui tam bonam prætermittere occasionem tuis respondendi, ut & lætari me amore tuo intelligeres, & mutæ benevolentiae significationem à me vicissim acciperes. Gratiarum actionem, quâ apud me uteris, catenus admitto, ut animi mei te potius rationem habere censeam, quàm meritorum: quæ agnosco & ipse tenuia, cum esset ille magnus, & tuorum studiorum adjuvandi cupiditas vehemens. Sed incidit tuus ad nos adventus in ipsam negotiorum nostrorum *ἀκμῶν*, ut tute scis probè. Quare succisiva temporum, quæ tibi impenderemus, habebamus propè nulla. Nunc abundabimus, spero, otio, postquam ex hac valetudine vires receperimus; quod brevi confidimus futurum, *ἐν τῷ Κυ-
ρίῳ*. Opus institutum *, mediocri di-
ligentiâ usi, inter curas plurimasque & molestissimas longumque *τῆς φιλο-
σοφίας* morbum, absolvimus tamen ante dies ipsos octodecim, eoque nomine Deo laudes diximus: non quasi aliquid *μέγα
καὶ ἱστομένον* præstiterimus; sed quia scriptionem experti longiorem, quàm initio conceperamus animo, dici nequit, quoties prius quàm pervenimus ad umbilicum, tædiaverimus. Exspectari scimus cum librum à multis; quorum expectationi si minus lectio responderit, eo nos solabimur, quod bonâ fide *τὸ καθύναμιν* in continuis interpellationibus ad ejus Historiæ lucem contulimus, quod ante nos fecerat nemo. Ofores horum studiorum, de quibus aliquando garrere unâ tecum memini, aut Marrucini obtrectatores nostri nominis quid judicaturi sint, ne curamus quidem. Verum de his plura aliàs. Vale, mi Vassani, & silentium meum apud lectissimam matrem tuam patrocinio tuo subleva. Uxor illi tibi plurimam salutem. *Lutetiae Parisiorum, a. d. iv. Eid. Februar. CIO IO CIII.*

Senem summoperè reverendum Bezam, & clarissimum virum, mihiq; conjunctissimum Lectium meis verbis salutes velim. Scripsi ad illum nuper: nunc quoque fui scripturus, si aliter habuissem.

EPISTOLA CCCXXXI.

JOSEPHO SCALIGERO.

1603. **O**nerasti magno onere pudorem meum, divine Vir, literis tuis, quas à te paucis diebus amplissimus Thuanus binas mihi reddidit. Equidem in animum induxeram, beneficiis illis immortalibus, quæ me tibi devinctum tenent, cumulum nullum posse tantum accedere, cur ego propterea fierem tibi obligator: tantum enim debere tibi me intelligebam, quantum plurimum cuiquam deberi ab aliquo mortalium potest. Sed me ratio longè fugit, ut tùm primùm intellexi, cum novissimas tuas accepi. Nam etsi & plurima, & maxima sunt priora tua in nos merita, unius tamen hujus accessione ceu vagrandi quodam cumulo, præterita omnia videris obruisse. Quare noli exspectare, ut munere tuo dignas tibi gratias agam. Superasti hac benignitate & insigni comitate non expectationem solum meam, sed & vota etiam. Nunquam enim venerat mihi in mentem, ut vel optarem beneficium à te tantum: occupationes enim tuas nôram; neque autem vel mea, vel omnino cujusquam privata studia esse tanti unquam putavi, ut eorum à te ratio haberi deberet. Quanquam si per te licet, non uni mihi aut alteri amico

* Hadria. Flessingensi * cam operam navaveris, sed omnibus qui his literis delectantur. Habeo in adversariis meis Græcorum præsertim Proverbiorum non mediocre sylvam. Est animus, si consilium probas, centuriam unam inde excerpere, & brevi publicare. Præponam meis tua hæc, & de collato in me beneficio publicè tibi gratias agam. Sed priusquam liber prælo subjicitur, proximis literis indicabo tibi, quomodo Maronitæ Romanenses illa verterint, quæ alibi negas tibi lecta. Habeo enim & illorum versionem; sed quæ, cum tua collata, vetus dictum tollat: *ὁ χιθωνὶς τὸν κέρον* nihil enim ineptius; addo etiam, imperitius. Hæc igitur proximis literis. Nunc mitto tibi librum de anno Persico, beneficio magni Thuani descriptum: ipsi cum veteri codice *ἀπὸ γράφου* comparavimus. Sed quia urgebat optimus & tui observantissimus Eremita noster, institutam collationem ad umbilicum perducere non potuimus. Diagraphas, quæ plurimæ sunt, non adjecimus; quia necdum repertus, qui illarum descriptionem vellet suscipere. Si eas desideras, *ἔχουδα μὲ καὶ τὴν νόον*, nos jussu capessere fas est. Certè operam

dabimus, atque adeò efficiemus *οὐδὲν* 1603. *εἶπεν*, ne fidem, diligentiam, pietatem denique nostram tibi defuisse possis aliquando queri. Parabam alia multa, de quibus tecum garrire. Sed adfuit hæc scribenti Eremita noster, qui propè convitio fasciculum poscebat. Vale igitur, illustrissime Scaliger, & diu vive quàm felicissimus. Si otii plusculum fuisset, ad amplissimum Legatum de furore amici Venetensis ^{† Philippus Canani a Fraximis.} ea scripsissem, quæ ille esset admiratus. Clarissimo viro Vulcanio, nisi grave est, salutem à me velim nunties; seriòque illi confirmes, vel ipsius causa, quem amo & colo, vel quia tu jubes, cui non per omnia obsequi, impietati proximum ducam, curæ mihi esse & futurum ejus Cyrillum. Sed mira quædam est hominum improbitas: nam cùm rogatu Episcopi Bellovacensis ad illum de hoc negotio primùm scripsissemus [†], postea incellit hominem superstitio; & quod ultrò obtulerat, id nullà adhuc vi, nullis machinis extorquere potuimus. Sed omnia experiemur; neque antè quàm re, ut spero, confecta conquiesceremus. Vale iterum. *Lutetia Parisiorum, a. d. xiiii. Kalend. Mart. cix id ciii.*

EPISTOLA CCCXXXII.

EIDEM.

CUm ante menses fermè duos minus incomparabile à te accepissem, divine Scaliger, Arabicorum Proverbiorum interpretationem, etsi jacebam tum *ἐνταῦθα ἰδὲ ἀπὸ τῆς νόστον κλινῆρης*, surrexi tamen, & quàm primùm fieri potuit, ad te scripsi, gratiasque tibi, pro eo ac debui, gratissimas egi. Adjunxi illi epistolæ librum de anno Persico. Atque hunc fasciculum Eremita tuus, si tamen tuus, Belgæ cuidam mercatori tradidit, isthuc è Sangermanica panegyri redeunti. Spero omnia rectè curata esse: literas tamen tuas, quæ sollicitudine omni me liberent, avidè exspecto. *Διαγράμματα*, quæ mitti tunc non potuerunt, si planè ita vis & jubes, saxo habeas: audebimus enim tuâ gratiâ *καὶ τὴν ἀκίνητα κινῆν*: præsertim si aliquem tibi notum mihi indicaveris, cujus fidem habeas exploratam. Accepi ex eo tempore binas tuarum, alteras Bibliopola vestras attulit, alteras ante septem dies *ὁ πάλαι ἀγὼς* [†] *Θουαῖος* ad nos misit. Ex iis cognovi sollicitudinem tuam de valetudine nostra. Quid? tu ergo *μάντις*, & certus vates? Nam quis tibi dixit, parùm valere me? Atqui gravissimè tùm ægrotabam, cùm illæ

1603. illæ tuæ mihi amoris ἐν ἀγαθῇ notis plenissima literæ redderentur: ut ingens θυμωσμός animo subierit, unde tibi hæc suspicio sit oborta: nam vicini mei de valetudine mea nihil dum cognoverunt; etsi dies jam viginti vel lecto, vel certè cubiculo continemur. Quamobrem hæc quoque ματαιότης tua oblitupescit nos. Amoris verò tui vehementia πῶς, δοκῶς, ἡμᾶς διέτηκεν. Principibus placuisse viris, inquit ille, non ultima laus est: amari verò à te, Literarum unico Rege & Imperatore summo, amore præsertim adèd vehementi, quantum est? Sed tu, qui morbum nostrum εὐσεχεῖν conjecturâ divinasti, causam tamen illius veram, mihi crede, assecutus non es. Nam studia nostra adèd non sunt immodica, ut per illa æternitatem nobis liceat sperare. Olim fortasse paullo vehementius aliquid conati sumus; sed διότι ἀκίχνητα pridem desimus: nec jam aliter quàm ἀεργαγῆς χάριν Mufas colimus. Si fidem mihi non habes, at operi novissimo, quod superioribus diebus ad te misimus, scio, credes. Sex enim Historiæ Augustæ Scriptores sic accepimus, ut corporis animique languorem, & hoc amplius τὸ ἀφαιρεπὲν scriptio ipsa primo aspectu prodatur. Ajunt verò παῖδες ἱατρῶν morbum hunc, (ὡς ἐστὶν est vehementissimus & contumacissimus) non magis à contentione in studiis, quàm ab acrioribus curis & molestiis solere proficisci. Multa autem publica quotidie accidere, quæ virum bonum luctu & mœrore possint conficere, non clam te est; ut de sollicitudine εἰς τὸ μέλλον, tot imminentibus procellis, nihil dicam. Enimverò ad cæteras molestias nostras gravissimas superioribus diebus cumulus accessit per Eremitam, quondam tuum, nunc tuo & omnium, queis pietas cordi, odio dignissimum. Is juvenis infanum magno πλεονεξίας εἰς τὴν βλῆθις, cum prioribus conditionibus, quas studio & commendatione meâ nactus est, sanè luculentas, non acquiesceret, casu quodam non tam volente me, quàm non repugnante, in Vicquii Legati Helvetientis domum εἰσεφθῆσιν. Est autem Vicquius optimus vir quidem, & ἐν πῶς μάλιστα φιλέων; sed superstitionibus τῶν ἐξ ἐναντίας supra fidem obnoxius. Monueram igitur Eremitam, videret quid ageret, & ad quotidianas velitationes se compararet; ante omnia animum obfirmaret, & ex constantia non solum ἀργύριον mercedem certam; verum etiam ab hominibus, & ipso imprimis Vicquio laudem ac certissimam gloriam sibi sponderet. Ille verò vix adhuc novum hospitium fuerat ingres-

1603. sus, cum & puriori religioni, & amicitia meæ simul nuntium remisit, in quo tanto usus est astu, ut ante discessum ipsius cum uxore Vicquii tantum κακοπῆμα me latuerit: tanta item impudentia, ut semel à novo hospite admisus, post illa nos nunquam adierit, nobis infalutatis abierit: cum tamen ipse Vicquius pridie quàm uxorem præmitteret, ad nos venerit, & de sua profectioe nos fecerit certiores. Adde, quòd ipso, quo discedebat die, rogatus meis verbis ab uxore mea, & filia & aliis meorum, ut ad me accederet, & literas peteret, quas in ipsius commendationem Stuckio, & Polano scripseram, ad officium compelli non potuit. Et cum in ipsis Vicquii ædibus uxor, quæ eò venerat officii causâ, de ejus ἀποστασία aliquid inaudisset, ac statim vocatum gravissimè increpuisset, tui etiam nominis injectâ mentione, dissimulare ille, & quo poterat modo, factum excusare. Sed mox filia audivit, cum Lusitano cuidam Franciscano, homini imperitissimo, impudentissimo, ochlagogo & plano insigni, gratias ageret, quòd sibi oculos aperuisset. Hæc sunt periti juvenis verba. Habebam alia multa, quæ vellem super hoc ad te scribere; sed quia premimur quâ angustia temporis, cum urgeat Plumbeus noster, quâ languore corporis, parum adhuc confirmati, cogor finem facere, & aliud tempus expectare. Vale, τὸ ὑμέτερον αὐχμημα. Lutetia Parisiorum, a. d. vi. Eid. April. c. 10 c. 11. raptim; ut vides.

Quæso te, silentium meum apud amplissimum Legatum excusato. Tradidi Bibliopolæ vestrati, qui mihi tuas reddidit, exemplaria tria; unum tibi, alterum Legato, tertium Heinio nostro inscriptum. Scribam, ubi primum per valetudinem licuerit. Vale.

EPISTOLA CCCXXXIII.

E I D E M.

1603. Hæc literas ad te dedi, inlustrissime virorum, ex quibus de valetudine nostra cognosces, & de perfidia Eremitæ tui in causâ pietatis. Omnino vel modus ipse, quo usus est in hac mutatione facienda, tuo & omnium bonorum odio reddit illum dignissimum. Nam adolescentem πρὸς τὴν μαθήματα ἐνφυῆ & benè doctum, ab imperitissimo plano, cui nullus inest melioris eruditionis sensus, primâ congressione devictum esse, indignissimè fero. Sed nimirum fecit iste, quòd ferè omnes, qui certo consilio veram religionem desc-

runt.

1603. runt. Victi enim à cupiditatibus suis, id agunt, ut vulgò credantur edocti quæ antea nesciverint. Ita planè ante biennium Legatus Venetensis *; ita quotidie alii; in quibus utinam hic juvenis non fuisset. Ego illum semper, tuâ maximè gratiâ, habui charissimum, & quibuscunque potui officiis sum profecutus. Sed erat mihi dudum hoc ingenium suspectum, propter incredibilem in ea ætate opum sitim, quam non levibus notis in eo deprehenderam. Collocaveram ipsum in honesta conditione, ubi præter victum quinquaginta annuos aureos habebat. Hoc ipsi initio magnum est visum; mox mediocre, postea nihil. Itaque ante duos menses ægrè cum impedi, quò minus Ebriocensi Episcopo operam suam addiceret. Ab hoc incepto cum eum avertissem, ecce alium Episcopum, cujus nomen scire potui nunquam, qui penè abduxit eum, in Italiam. Tandem & hoc consilium nostrâ autoritate fractum est. Erat animus mihi, nobilissimi viri De Montarere liberos ejus fidei committere: jamque res erat propè confecta, cum mala quadam scæva in ædes Vicquianas illum induxit. Quanquam non potuit tale ingenium diutius contineri; jam enim magna signa dederat hominis *αὐτὸς τὸ ἔργον καὶ τὸ πρῶτον ἔργον ἡμῶν ἀντιπρὸς τὸν*. Vir fide dignus, & tibi notissimus, his diebus narrabat mihi, audisse se cum diceret: *Omnia sibi quæ hodie disputantur, æquè & probari & improbari; paratumque se ad omnia pro tempore, & rerum suarum emolumento.* Cum vir pius hanc vocem abominaretur, cachinno Eremitæ est exceptus, stultitiam eorum *παρὰ τὸν* ridens, qui nescirent *τὸ ἴδιον ἐν ἡμέρῃ*. Hæc ante alterum ferè mensem. Eo ex tempore vix semel, aut iterum ad nos accessit: nos ad illum semel, cum tuas illi deferremus, & amore quidem ipsius, sed multò magis nominis tui reverentiâ ducti, ut ejus gratiâ nihil non vellemus factum. Miseret me parentis ejus; qui si virum se præstiterit, nondum de salute filii spem omnem abjeci. Ego primus aurem vellam. Significavi etiam hesternis literis, tria operis nostri exemplaria vestrati Bibliopolæ fuisse à nobis tradita; unum tibi, alterum D. de Buzenval, tertium amicissimo Heinsio: quibus ne nunc quidem ut scribam, per valetudinem aut otium licet. Clarissimo Vulcanio velim significes, diligentia & operâ nostrâ tandem effectum esse, contra magni Thuani spem, qui conatum hunc meum ridere solitus, ut Cyrillum ipsius Bellovacensi Episcopo eriperemus de manibus: & Græ-

cum & Latinum codicem dedimus ei- 1603. dem Bibliopolæ Vulcanio deferendum. Lex mihi libros recipiendi hæc imposita, ut operis quandoque editi duo exemplaria vel sumptibus meis tenerer dare partim Episcopo, partim Advocato cuidam L'Eschallero, qui componendæ huic inter me & Episcopum liti bonam operam navavit. Hodie tuas accepi, quibus de recepto libro facis me certiore. Quòd de ommissis schematibus quereris, obsecro, ne verbum posthac: constitui enim voluntati tuæ morem gerere. Sed opus hic silentio: quare aliud cura, & me vide. De Eusebio tuo beasti me; atque utinam exstet opus quàm primum. Etiam de Martiali jucundissimum est quod scribis. In extremis Notis * contineri non potuimus, quin nequissimum morionem † perfringeremus. Is nunc Iliada κακὸν, vel certè κακολεγομένη dicitur in nos meditari; & jam opus editur. Nobis certum est, furiosi Orbilii rationem habere nullam. De versione Maronitarum Romanensium plura proximis literis, si Deus volet, ut cum valetudine, quod sperare incipio, in gratiam redeam. De editione Proverbiorum eadem epistolâ plura. Vale, unicum seculi decus. *Lutetia Parisiorum, a. d. v. Eid. April. c. 15 ciii.*

Nunc ipsum venit ad me optimus adolescens Christophorus Puteanus, de Eremitæ fide conquerens, qui acceptum librum commodato, abstulisset ut proprium. Etiam ex eo cognoscere est *τὸ ἔργον καὶ τὸ πρῶτον ἔργον*. Deus illi bonam mentem.

EPISTOLA CCCXXXIV.

DANIELI EREMITÆ.

Defuisse te adeò officio tuo, ut nos 1603. parum dignos judicares, quibus discedens valediceres, miratus sum: sed multò magis, quod à professione tua primùm cognovi, purioris Religionis professionem. deseruisse te. Equidem affirmanti hoc mihi uxori non poteram adduci ut crederem: donec advenit meorum aliquis, qui tibi adfuit, cum Monacho Lusitano gratias ageres, quòd primus oculos tibi aperuisset. Agnosceis ipsa verba tua, quibus apud illum es usus. Ergo, mi Daniel, Lusitanus iste mirabile aliquod pietatis arcanum te docuit, antea tibi incognitum? Ego, qui hominem intus & in cute novi, satis acceptum habeo, non te ab illo, sed ipsum à te potuisse doceri: non acumen in eo tantum, non eruditio, non lectio Patrum, ut ad primum ejus con-

* Philip-
pus Ca-
rissimi à
Fraxinis.

* Ad Fla-
vii Vapisei
Carinum,
cap. 16.

† Thea-
dorum
Marcia-
linus.

1603. gressum herbam porrigere cogereris. Victus igitur es, non quia resistere non poteris; sed quia volebas optabasque vinci. Si adeo erant valida argumenta illa Achillea, quæ ad nu Lucilianum te adigebant, cur ad amicos non adibas? cur rem tantam iis inconsultis *ἐκαιρομένους*? cur denique consilium hoc tuum ita studiosè nos celasti? Sed mitto amicos, & in his ter maximum Scaligerum: patrem tuum, senem infelicem te filio, nisi resipiscis, cur in consilium non adhibuisti? Heri ostendit mihi pictor quidam Belga probè tibi notus, epistolam ab optimo parente tuo sibi scriptam, quam equidem cum legerem, lachrymas vix tenebam, tanta apparebat probi & providi senis sollicitudo de te, & tua in virtute ac vera pietate perseverantia. Diceres vatem esse, qui imminentem mutationem tuam animo præflagiret. Cogito nunc quid animi futurum illi sit, postquam omnia intellexerit, quæ binis jam literis, etsi ægro corpore, prolixè ad Scaligerum scripsi. Oro te, mi Daniel, redi ad te, & ex lubrico, quem insistis, loco pedem refer, priusquam toto corpore concidas. Deus Opt. Max. *ἐπιζήτει ἐν ὁδῷ τῆς ἀληθείας*. Vale. Præstantissimum virum, D. Riberium, meis verbis, quæso te, saluta. Scribam ad illum, ubi cum valetudine in gratiam rediero; quod videor brevi facturus, volente Domino. *Lutetia Parisiorum, a. d. 111. Eid. April. C10 10 C111.*

EPISTOLA CCCXXXV.

CL. DOMINO,
✠ ISAACO CASAUBONO,
D. EREMITA.

1603. **Q**uanquam & levitatis nomine, & imprudentiæ suspectum tibi me esse doleam, propterea quod tantis abs te beneficiis affectus, malè gratiam retulerim, teque discedens insalutato parum sin visus tua in me officia recognoscere. Tamen cum certè me quædam causæ in peccatum impulerint, videbam mihi locum aliquem esse relictum excusationi, eamque ob causam Aureliis statim à discessu, ac subinde Lugduno literas ad te dedi copiosiores, quæ meam apud te causam agerent, testimoniumque meæ perhiberent simplicitatis. At quanto melius fuerat, benè egisse semper, quàm benè excusasse. Accidit interea mihi, quod certe sine dolore immenso vix possum profiteri, ut ex tuis ad me datis etiam alienissimo tempore literis peccasse me demum gravius cognoscerem quàm putaram, doloremque conciperem plusquam huma-

num, cum commotum te exacerbatum. 1603. que, licet meritò, intelligerem; ac præterea illustrissimo Scaligero ante auditum me communicasse. Respondi tamen ad illas, prout tum res erat, & occasio ferebat, quæ utrum in manus tuas venerint, dubitare cogor, cum sciam me incerto commisisse. Vix aliquot dies intercesserant ab hoc iusto meo dolore, cum novis obruior literis parentis, quem illustrissimus Scaliger hac de re tota fecerat certiore; in eo tamen adhibito, ut nihil quicquam de religione, credo, satis sibi constans, vix in me tale quid posse cadere, cuius ipse ingenium cottidianè penè consuetudine perspexisset, eoque calumniæ esse potius. Quæ quidem omnia inopinatum me ita commoverunt, ut etiam pæniteret vixisse. Eheu me miserum! quid agam nunc, aut quò me vertam! Itane tandem omnes illicò spes meas concidisse, ut ne apud ullum quidem profugium aliquod restet mearum miserationum! Quid autem hoc? in quorum ego sinu spes omnes meas, quas in re percepi literaria, deposueram; quorum exemplo doctus, consuetudine instructus, officiis adjutus me æternum devinxeram, eos omnem omnino de me eiecisse animum, ut conciliari prorsus non queant! Quod quidem si merito meo accidisset, unum restaret, ut deprecor culpam; & certè deprecor, quia in crimen deveni, existimoque id mihi accersivisse vitio meo, à quo prorsus sum alienus. Nam ut tandem aliquando rem totam aperiā tibi, & ad singula tuarum literarum capita respondeam; ægrè te video tulisse, quod te insalutato iter ingressus sim. Jam peccatum id quidem est, sed habet tamen aliquem modum: si rem ipsam spectes, maximum est; si animum, certè nullum: sed est aliquis error in causa, in re non est, quem priusquam declarem, deprecor, quæsoque te, ne propterea me damnes; nam non respondit eventus. Nosti quo me loco constitueris, cui me Domino (ut duriusculè dicam) emancipaveris, cuius ut animus omnino esset in me, quem optarem, religionis tamen diversitas abalienaret. Hinc cum ita compararem me, ut placere paulatim magis magisque inciperem, measque cuiusvis actiones probarem, monere quotidie me, hortari, instare etiam, ut animum meum à religione averterem, & ineptissimas illorum & absurdissimas opiniones induerem. Nec caruerunt monita promissis; ipse mihi Dominus Legatus prolixiora spondebat. Ego, qui facile à ratione persuadebar, quàm esset is religionis cultus rei veritate alienus, nunquam adducere animum potui ad illas partes. Nihilominus tamen cum gratiam Domini mihi vellem mere-

ri,

1603. *ri, remisi animum, & moderatius paulo ut de illis rebus loquebar, ita auribus levibus illorum dicta excipiebam, atque id quidem ex consilio tuo, si meministi fortè mihi dixisse, ne partes ullas foverem, neque illis quicquam per asperitatem adversarer. Ita moderatum utrique, & spes favoris & gratiâ plenioris, & novitatis etiam studium, animum labefactatum cotidianis interpellationibus in Missæ auditionem pertraxerunt, non eo animo, ut reclamata alterâ parte, hanc profiterer, sed ut ista res importunas illorum hortationes componeret & inclinaret. Nec verò adeò abieram in partes, ut existimarem conscientia posse me prohiberi audire homines loquentes; nam certè alius rei causâ Missam non accessi, nisi ut rem incognitam explorarem. Casus etiam aliquis me iniecit in Monachum Lusitanum; cuius ut imperitiâ cognovi, memetipsum damnavi, quod vel aures sordidis ipsius sermonibus præbuissem: in quo quidem si peccatum est, est certè ætatis: juveniliter lapsus sum; ut juvenis excusandus sum; præsertim cum ita nunc mihi cum Domino Legato conveniat, ut arbitrio meo relinquat res religionis. Cæterum cum ita se haberent res, & jam nostris hominibus eam excitasset opinionem, ut existimarem nihil mihi prius fore, quàm ut me prorsus ad religionem, ut vocant, Catholicam traducerem; jamque dimanabat ista opinio, & abibat in homines. Ego itaque conscius mei erroris, quod ita parum esset prospectum rebus meis, ut ista jam venirent in publicum, rebar etiam idem ad te, aut à Riberio, aut alio quopiam esse delatum. Ita cum præsens iudicii tui censuram subire non sustinerem, sperabam id fore tolerabilius, si absens tibi ejus rei rationem exponerem. Vides hic candorem meum, quàm nihil dissimulem etiam, quod minus in rem sit meam, quique subterfugerim coram te præsentem erubescere. Quare cum peccasse me, inficias ire non possim, solum est in humanitate tua præsidium: oro te quæsoque, clarissime Casaubone, per humilem meam voluntatem, quæ tibi semper fuit expositissima; per sacras illas Musas, quas tu cum tanta tui nominis magnitudine ad nostri exemplum coluisti; per tua illa, quibus me devinxisti, innumera beneficia; per facilem denique tuam illam, suavemque naturam, oro atque obtestor, ne vitius meis, in quæ ætatis vitio lapsus sum, adductus, pristinam tuam de me exuas voluntatem, sed eum, quo me meaque studia erexisti & incitasti, favorem in me continues. Ego, si quid de me habeam polliceri, velim existimes me esse planè eum, qui res, famam, me totum sim pro nominis tui di-*

gnitate ac incolumitate expositurus. Unus 1603. mihi restat scrupulus, ut eximatur hæc optuio magno Scaligero, quem cum ita suspicerem, ut locum non existimarem esse relictum admirationi, tantò miratus sum magis, quod ita temperavit justæ indignationi, ut ne patri quidem nisi obscure perscripserit. Ad me quod attinet, facile patri hanc eximam opinionem, & erit cum satisfactus vobis, apud reliquos etiam hanc maculam deluam, nisi quod ter maximi illius viri, Scaligeri dico, offensum animum non audeam etiam tentare per litteras; ne consopita illius mei malefacti memoria obstrepero meo interventu excitetur; tamen ubi conciliatum mihi aliquo, vel etiamsi libet, te ipso intercedente, paulum cognovero, non deero mihi, curaboque ut sim apud illum eo loco, quo fui. A te verò etiamsi quod peto obtinere non possim, ut redeam tecum in gratiam, tuumque mihi antecedentem favorem non intercludas, facere tamen non potero, quin tibi vel invito gratum me præstem de tuis meritis, quæ quotidie mihi ob oculos versantia, me erroris mei admonent: cum namque otium contemplor meum, quod tua mihi gratia conciliavit; cum libros meos inspicio, quos tuus labor mihi reddidit utiliores, cum denique me ipsum intueor, omnia mihi clamant, me, quantus quantus sim, totum id esse beneficio tuo. Itaque iterum quæso te, respicias humilem tuum clientem, cujus verecundiâ interveniente adversa fortuna malo illi fuit; cujus imprudentia intempestiva actis rebus tuâ facilitate corrigi expetit; qui denique, quod jure obtinere non potest, à sola tua humanitate exquirat. Vale, Literatorum spectatissime. Soloduri in Helvetiis, CIO

IO CIII.

Tuæ Humanitatis addictissimus,
D. EREMITA.

EPISTOLA CCCXXXVI.

JACOB O, ✠
MAGNÆ BRITANNIÆ,
SCOTIÆ, & C. REGI.

Rex Maxime,

SI Majestatem Tuam animum erga 1603. ipsam meum parum habere notum existimarem, totis ingenii viribus id nunc agerem, ut feriâ & accuratâ gratulatione meam tibi devotionem probarem. In tantis enim bonorum omnium, qui utique terrarum tibi gratulantur, adclamationibus faustissimis vocem nostram non imòpus audiri, turpe mihi, atque adeò impietati proximum censerem. Ego verò, Jacobe, Rex Maxime, & seculi τὸ μέγα αὐχμῆς, pro

1603. co ac debeo, pioſque omnes decet, toto intimi pectoris adfectu planè ſic medullitus Maieſtati Tuæ gratulor, ut ne tuorum quidem ſubditorum quenquam eſſe contendam, cui maiorem lætitiã impolita nuper ſacraſſimo Tuo capiti corona attulcrit, quàm mihi. Sed graviffimarum curarum memor, quas nunc cùm maximè divina mens Tua neceſſariò ſuſtinet, deſungi apud me tacitus, Numine ſolùm conſcio, hoc genere officii ſatius duco, quàm importunã ſcriptione vel tantillum Maieſtatem Tuam à publicis negotiis avocare. Scit ſanè vir eruditiffimus, cui has tradituri eramus, quã reverentiã & veneratione cùm cæteras excellentiſſimas virtutes Tuas, tùm in primis Orbi terrarum univerſo notam Pietatem, & in prioris Religionis amore conſtantiam Tuam, multos jam annos proſequar. Nam iſtos ex mendaciis conſutos rumigerulos, qui candidiſſimam nominis Tui famam miris inventiunculis maculare conantur, non ego ſolùm, qui animi tui teſtes literas habeo, quibus anno me beaſti; ſed verò boni omnes incredibili conſenſu ἐμίζεν καλούμεν. Oro obreſtorque Deum Opt. Max. per μονογενῆ Filium ſuum, Dominum noſtrum Jeſum Chriſtum, ut qui tot Regna tibi commiſit, idem Spiritum illum ſuum πνῆμα ἅγιον ἡμετέρις magis magisque in dies Maieſtati Tuæ impertiat, Eam regat, & ab omni inſidiarum, aut cuiuſcunque noxæ genere ſervet, diutiſſimèque præſtet incolumem. Valcas, Rex Sereniſſime, Potentiſſime, & quod res arguit ipſa, Θεοφιλέτα.

- - - Quem ſi modo poſſe videre
Fata ſemel dederint, cælum accepifſe
videbor.

Lutetia Pariſſorum, a. d. x. Kalend.
Maj. anno Juliano, CIO IO CIII.

EPISTOLA CCCXXXVII.

MOLÆIIS, FRATRIBUS.

1603. CUM mihi ampliſſimus Præſes, parens veſter, eruditiffimo Molæi, literas ſe iſthuc die craſtini daturum ſignificafſet; feci lubentiſſimè, ut hæc raptim ad vos exararem. Nam quòd longo adeò tempore nullas ad me dederitis, equidem quam in partem interpretari debeam, anceps animi interdum hæreo. Scio vix cadere in candidiſſimos veſtros mores, ut quem adfectu non mediocri complexi aliquando eſtis, ejus memoriam ita repenti ex animis veſtris deleretis: & tamen diu-

turnioris hujus ſilentii cauſſam aliam 1603. non eſſe; μεμψόμενος aliquis, haut forſitan ſine ratione, ſuſpiceretur. Ego non ita; qui, vel quòd mihi ipſe blandior, vel quia de virtute veſtra ſecius aliquid cogitare nefas duco, omnia alia fingere potius conſtitui, quàm de veſtra in amore mei conſtantia vel mediocriter dubitare. Enimverò malè jacta ſint oportet illius amicitia fundamenta, quæ propter intermiſſum ſcriptionis officium labefactari, nedum ſolvi metuat. Quamobrem, chariſſimi Adoleſcentes, eſſi mihi ſemper literæ veſtræ chariſſimæ ſunt futuræ; hujus tamen officii ultrò gratiam vobis facimus, ne vel tantillum temporis, quod totum ſtudiis veſtris dicatum eſt, vobis pereat. Quin illud potius ab utroque veſtrum peto & contendo, ut temporis, rei pretioſiſſimæ, quantam maximam fieri poterit rationem habeatis. Rex Medicorum * dixit olim, ἡ τέχνη * ἡμε- μακρὴ, ὁ δὲ καιρὸς ὀξύς. Verè proſus, & pro ſapientia illa ſua divina! Ne- que ſola eſt Aſclepiadarum ars, cujus longitudo aut difficultas ejus ſtudioſos reddere debeat temporis avaros: quod ſapientiſſimus ſenex de ſua dixit, de omnibus poteſt dici; maximè autem de illa, cujus nunc ſtudium; mox, ut ſperamus, notitiam profeſſuri eſtis. Porro autem generoſi animi eſt, in ea quam profitearis arte, velle excellere; ἐμφοτον γὰρ, ut Ariſtoteles ait, τοῖς κρείττοσιν ἡ μεγαλοφροσύνη. Vos verò, quæ gloriæ hujus cupiditate incendant, multa ſunt vobis, ſcio, probè nota. Hæc cogitate, oprimi Adoleſcentes; hæc dies nocteſque meditamini: ante omnia autem patris, viri præſtantiſſimi, exemplum facite ob oculos vobis aſſiduè proponatis: illius eruditionem, probitatem, & πανόλιν ἀρετὴν ſi olim expreſſeritis, bonorum omnium votis & exſpectationi, quam de vobis conceperunt, abundè ſatiſfeceritis. Valere, eruditiffimi Juvenes, & me planè medullitus ὑμᾶς φιλέω, ἀντιφίλειν μῆποτε παύειν. Scripſi raptim, & languido adhuc corpore è graviffimo morbo, qui viventium numero propè nòs ſubduxerat, ni fuiſſet viſum aliter Deo magno, penes quem unum ſunt καὶ ζωὴ καὶ θάνατος πείραται. Lutetia Pariſſorum, prid. Kalend. Maj. CIO IO CIII.

Graviſſimum & doctiſſimum virum Theballior meis verbis ſalutetis velim. Iter mihi neceſſariò inſtituendum cis paucos dies, cujus occasione fortaſſe & ipſum, & vos iſthuc viſurus ſum.

EPISTOLA

EPISTOLA CCCXXXVIII.
CÆSARI BARONIO,
CARDINALI.

1603. **I**mpulere nos amici quidam, inlustri-
sime Baroni, ut Historiæ Augustæ
Scriptorum, qui Suetonium sequuntur,
editionem concinnaremus, ipsosque
cum observantiunculis redderemus ad
intelligendum faciliores. Eram quidem
& à scriptis codicibus [nam editos *ἡ-
κεῖν βρύον*, nōsti tu optimè] & ab aliis ei
incepto necessariis præfidiis parum in-
structus, sed cū hoc me ii viri roga-
rent, quibus denegare poteram nihil,
voluntati ipsorum pro virili morem
gessi. Contuli enim dictos Autores cum
Regiæ Bibliothecæ exemplari, cujusmo-
di illud esset; ac Notas etiam in eos-
dem scripsi, illas quidem uberiores lon-
gè quàm ab initio cogitaram. Ac quo-
niam persuasi sumus, nostras te esse ali-
quid putare nugas, librum editum con-
festim ad te mittere volumus, & ut
possemus, occasionem hætenus studio-
se quæxivimus. Verū ea est locorum
intercapedo, ut ejus rei aut nulla hic,
aut oppidò rara facultas existat; nos
certè invenimus adhuc planè nullam;
deinceps si se aliqua fortè obtulerit, eā
utemur. Speramus enim, non involu-
pe futurum tibi, si quando à graviori-
bus curis vacas, his literis otium tuum
oblectare, quarum juxta amantem &
peritum esse te, scripta tua loquuntur.
Itaque profecisse nos per te, non semel
sumus professi. Quod si leviter aliquan-
do rationes aut expositiones nostræ à
tuis dissident, modestiam in scriptis
nostris desideraturum esse te, amplif-
sime Baroni, non putamus. Errare,
falli ac decipi facile, ut homines &
ἐπιδανὶ μέρεσι possumus; cognitæ veri-
tati repugnare, neque in hoc, neque
in ullo literarum genere unquam, cum
bono Deo, convinci poterimus. Vale,
præstantissime Vir. *Lutetia Parisiorum,*
Nonis Maji, *ὑπὸ τῆς ἐνοικίας τῆς λέξης εἰκο-
νεμίας* anno, CIO IO CIII.

✱ EPISTOLA CCCXXXIX.

* Font. MUTIO RICCERIO *.
Riverio.

1603. **E**T epistolam tuam, & quod ei ad-
junxisti, eruditionis ac *λεξικῆς καὶ
παιδικῆς δυνάμεως* tuæ specimen utrum-
que accepi, Vir eximie: quæ omnia
quàm mihi acciderint grata, literis
meis statim significassem, nisi obstitis-
set hætenus valetudo, à tuis acceptis,
semper adversa, & prope adflicta; ac,

si Asclepiadis nostris fides constat, in 1603.
periculum adducta maximum. Quod
eò scribo, ut ne silentium nostrum diu-
turnius aliorum trahas, aut interprete-
ris secius. Equidem haud facile cui-
quam sim concessurus, qui hoc officii
genus aut diligentius, aut majore, quàm
nos facimus, religione colat: & tamen
ut hoc non esset, eam de ingenii tui
præstantia opinionem dudum concepimus,
ut amicitiam tuam, adeò præ-
sertim humanè & benevolè oblatam,
non mediocris beneficii loco ponam.
Nos quidem tuorum scriptorum pauca
adhuc vidimus: sed ea judicio omnium
ita heic probata, ut facile sit nobis,
leonem, quod ajunt, ex unguibus.
Quòd Pauli Jovii Historias persequi
paras, laudo inceptum, & *τὸ μεγαλειό-
βουλον τῆς οἰκῆς γνώμης*: nam hujusmodi κα-
θολικὰς ιστορίας, ut cum Diodoro Siculo
dicam, ab alio tentari nefas, nisi ab
eo, qui ad *φύσιν, παιδείαν, ἀσκήσιν* bo-
na, doctis omnibus communes dotes,
alia item multa & varia præfidia in eam
rem necessaria comparavit, quibus te
non dubitamus abundare. Sed nescie-
bas fortasse, mi Ricceri, cū tantæ
molitionis opus susciperes, ab amplif-
simo Præside, Jacobo Augusto Thua-
no, Galliarum nostrarum unico lumi-
ne, scriptionem eandem non tentaram,
sed prope jam ex omni parte confec-
tam. Hic quippe vir divinus, & *μα-
θηματικῆς*, si quis mortalium, cū
multos jam annos in eo argumento oc-
cupatam habuerit industriam suam, ad
umbilicum ferè universam post Jovium
Historiam perduxit. Totum id corpus
librorum futurum octoginta, ut ab ipso
accepi; quorum jam septuaginta, & co-
plures, sunt conscripti: pars etiam
prælo subjecta. Quamobrem si res eas-
dem oratione solutā persecutus fueris,
videndum ne actum agas: si numeris
adstrictā, ingentem video paratam tibi
laudem; sed fidei, ut scis, minus. Ve-
rū ipse pro tua prudentia melius sta-
tues. Vale. *Lutetia Parisiorum,* *No-
nis Maj.* CIO IO CIII.

EPISTOLA CCCXL.

DANIELI HEINSIO.

Quas ad me XIV. Februar. dedisti, 1603.
eas accepi; priores, quarum
mentionem facis, vidi nullus: quòd
eò ad te scribo, ut si potes, repetun-
darum agas cum illo, qui curaturum
se promiserat, & postliminio receptas,
ad nos iterum mittas: nullius enim tua-
rum jacturam patienter ferimus. Quod
si per valetudinem & has *ὑγκλίνας* oc-
cupa-

1603. cupationes liceret, quotidianis epistolis nostris lacefferis. Orationem item illam & Odam, cujus spem commoves, nondum accepimus: quare oro te quæsoque, & hæc, & quicquid à te publicatum fuerit, quàm primum tutissimâ viâ nobiscum communices. Theocritum autem tuum quando editurus sit Commelinus, scire percipio; novi namque hominis alioquin optimi ἀμολιερῶσαν itaque opus illi monitore. Hesiodum confidimus esse jam ad umbilicum perductum. De Hesychio & Nonno quin expectationem, quam excitasti, superes, non dubito. In eos Authores missuri eramus aliquot notulas, nisi per valetudinem & curas assiduas fuissetus hætenus impediti. Genève reversi, quò proficiscebamur, cùm hæc raptim exararemus, promissorum memores erimus. Vale, præstantissime Juvenis, & nos constanter ama. *Lutetiae Parisiorum, a. d. VIII. Eid. Maji, CIO IO CIII.*

Dies sunt sex septem, cùm eruditissimi Meursii crudicissima Poëmata accepi: quo nomine gratias illi acturus eram, si per otium licuisset. Quæso te, verbis meis illum salvere jube.

EPISTOLA CCCXLI.

JOSEPHO SCALIGERO.

1603. **B**inas paucis diebus, virorum illustrissime, literas ad te misi, quas quoniam tibi fuisse redditas mihi persuadeo, non repetam ipsarum argumentum. Valetudo nostra, cùm diu etiam Medicos habuisset sollicitos, usu balneorum non parum videtur confirmata. Speramus etiam non mediocriter profuturum iter in Delphinarum, quod crastinâ die, volente Deo Opt. Max. suscepturi sumus, ut optimam matrem, & jam annis gravem visamus. Erant multa, quæ huic consilio adversarentur. Sed vicit facilè omnia ἡ φύσις καὶ σέβη, aut potius, pietas. Est animus, & Geneventes amicos hac occasione salutare; vel eo nomine, ut urbem divino miraculo περὶ φανδὸν servatam videamus. Mense uno, aut spatio non multò longiore totum iter confectum iri confidimus. Διαγράμματα quæ mitti cupis, si fuerimus nacti, cujus fidei rectè committantur, mittere constituimus: hætenus quidem inventus nemo. Plombinensis noster, tui vir studiosissimus, hoc negotium in se recepit. Verùm heic alto silentio opus, propter eas, quas antè significavimus, causas. Eusebium tuum prælo esse subiectum, non dubitamus; atque ut ita

sit, tuque clarissimum seculi sidus, ut 1603 longos annos inter mortales fulgeas, superos oramus, & ἐκ νεφέλης veneramur. Vale. *Lutetiae Parisiorum, a. d. VIII. Eid. Maj. CIO IO CIII.*

Quia spes facta fuerat amplissimo Thuano alicujus adolescentis, qui Chrysococci καρυῖνα describeret, ideo adduci necdum potuit, ut itineris periculo Regius ille liber committeretur, quare longiusculam moram, quæso, feras æquo animo: omnino enim de fide ejus constet oportet, cui hoc κέμνηλον sumus tradituri: sed confide, σὺν τῷ Θεῷ εὐπρεπῶς, voluntati tuæ morem iri gestum.

EPISTOLA CCCXLII.

PETRO JUNIO.

EGit mecum Joannes Pinaldus, verus 1603. amicus meus, cùm nuper Genève essem, ut suas ad te curarem: quod cò libentius recepi me facturum, quia ex multorum sermonibus, literis etiam Spotsvodi nostri, viri præstantissimi, cognoveram, non innotuisse solùm tibi nostrum nomen, verùm etiam studiis conatibusque nostris favere te (quæ tua est singularis humanitas) non mediocriter. Ago tibi, amplissime Juni, habeoque grates gratissimas; oroque etiam & etiam, ut cui ultrò aditum ad amicitiam tuam visus es offerre, cum virtutes tuas admirantem, omnibus notissimas, qui rerum vestrarum non sunt planè rudes, & credas esse tui amantissimum, & mutuo amore tuo non penitus indignum. Meæ erunt partes, si hoc abs te impetro, omni diligentia efficere, ne te judicii, quod de literulis nostris habuisti, aut comitatis, quam exhibueris, unquam poeniteat. Scripsit ad me Spotsvodus, esse in manibus tuis nonnulla, quæ ad illustrationem Strabonis pertineant; uter, si modò vellem, paratum enim te omnia πρόφασιν θυμῷ communicare. En igitur supplicem me tibi, doctissime Juni: mitte, δέομαι σε καὶ λιτανεύω, si quid habes hujus generis, & simul confide, neminem esse mortalium, qui aut discat libentius ab aliis, aut qui magis ingenuè eorum, per quos profecerit, nomina profiteatur. Vale, & nos ama. *Lutetiae Parisiorum, a. d. xv. Kalend. August. CIO IO CIII.*

EPISTOLA CCCXLIII.

✱ JOANNI SPOTSVODO.

1603. **Q**uod Epistolæ, quam à te novissimam accepi, seriùs respondeo, Vir præstantissime, non voluntate meâ factum, sed per impedimenta varia, quæ mihi semper hætenus sunt oblata, quoties aliqua exstitit occasio literas isthuc mittendi: ut de valetudine interea nihil dicam, quam ab acceptis tuis adversam ferè, interdum & afflictam sum expertus, quo maximè nomine iter in remotissimas Galliæ oras ad visendam piam parentem meam nuper institui: neque amplius sunt quàm tres dies, cum ex eo itinere salvus, atque refectis non mediocriter viribus, benignitate Supremi Numinis, domum sum reversus. In reditu etsi multa me urgebant, non potui tamen temperare mihi, quin *ὁδὸν παρρηγὸν* recenti adeo servatam miraculo Genevam viscerem. Deum immortalem! quantæ mihi voluptati fuit, veteres amicos meos, pietate insignes viros, velut ex imis Orci faucibus virgulâ divinâ extractos, & luci redditos posse amplecti, & debitas Supremo Numini gratias communi cum ipsis voce, animo atque affectu reddere. Suave erat, singula civitatis illius loca oculis usurpare, insigni aliquo cœlesti benignitatis testimonio jam notabilia. Jam illa tor immanium & perfidissimorum hostium capita, quibus prætexta sunt mœnia, incredibili quodam cum gaudio, neque aliter, quàm sublatis in cœlum manibus, à nobis spectata. Unum tamen Bezam, mi Spotsvode, super omnia sumus mirati. Hic enim verè *ἡνριμάσι* vir in hac decrepita ætate sua, (quintum siquidem supra octogesimum annum agit) omnibus humanis curis exutus, quarum etiam in totum fermè amisit memoriam, ita nunc vivit, ut futuram beatitudinem maturè inchoare videatur: omnis illi vita continua quædam concio est: Deum unum cogitat, de illo solum loquitur; ad illius amorem ac timorem se continuò stimulans, alios hortans. Equidem nunquam ab eo discessi, non oblitus factus rei novitate, cum viderem tam obliviosum in cæteris senem, tam recentem Literarum, præsertim Sacrarum, servare memoriam. Loquitur Latine ac Græcè, ut ante annos viginti: verborum ac textuum Sacræ Scripturæ, maximè autem Fœderis Novi, sic meminit, ut olim cum doceret & concionaretur assidue. Autor ei fueram, ut ad Serenissimum Regem ve-

strum literas daret, meam illi spondens 1603. operam, ut per amicos ipsius studiosos Majestati Regis ejus literæ offerrentur: sed ætatem homo modestissimus excusans, exorari adhuc non potuit. Urgebo tamen per literas, ut tibi, mi Spotsvode, & aliis piis viris, qui apud maximum Principem gratiâ & auctoritate valetis, detur occasio provocandæ erga venerandum senem regiæ liberalitatis. Hujusmodi subsidii fulcitur ejus domus, alioquin brevi ruitura: nōsti enim, credo, Ecclesiæ illius paupertatem. Sed hæc aliàs pluribus. De meis rebus, & incerto earum statu nihil scribam: omnia narrabit, si tanti facis, ut velis cognoscere, amicus hic noster. Ex tuis literis, & multorum sermonibus intellexi, multis isthic operâ tuâ nomen innotuisse nostrum. Itaque ago tibi non quantas debeo, sed certè quantas possum maximas gratias. Nam de Regis benevolentia, quam unus tu maximè mihi conciliaſti, quid tibi dicam? Superat enim *δύναμιν λαμπρὴν* nostram magnitudo beneficii hujus tui. Oro supplex Opt. Max. Deum, & Regi, & regno vestro, aut regnis potius, cum publicè, tum privatim, modis omnibus benedicat. Vale, præstantissime Vir, & nos amare perge. *Lutetia Parisiorum, a. d. xv. Kalend. August. c15 15 ciii.*

EPISTOLA CCCXLIV.

GUILIELMO BEDWELO. ✱

Ignotus fortasse tibi etiam de nomine, 1603. te appello, Vir doctissime. At tu non ignotus nobis: tuum enim nomen auditione pridem accepimus; cum multi viri docti isthinc venientes, & de cæteris tuis virtutibus, & de peritia atque usu, quem habes linguæ Arabicæ, eximia quædam & rara prædicarent. Atque hanc famam confirmavit non mediocriter eruditissimus hic Lago, tibi probè notus, & tuæ in eo genere literarum præstantiæ *μάρτυς ἀξιόπιστος*.
* Itaque certior ab illo factus de tuo *Atque.* ad vos reditu, committendum non putavi, ut tempus aliud expectarem adfectus adversum te mei expromendi. Diu namque est cum inire tecum amicitiam, eruditissime Bedwele, percupio. Mereatur tua singularis doctrina, ut omnes te ament ac colant, qui virtutem ac literas, quos inter nomen nostrum ab ineunte ætate professi, sic vitam hætenus instituimus, ut eorum amicitia nihil antiquius duceremus, quos pietas eruditioni juncta commendaret. Quod si benevolentia tuâ non indignos nos judica-

1603. dicaveris, de iis literis, in quibus tu cum oppidò paucis excellis, frequentibus posthac epistolis tecum agemus. Vale. *Lutetiae Parisiorum, a. d. 1x. Kalend. August. CIO IO CIII.*

EPISTOLA CCCXLV.

JOSEPHO SCALIGERO.

1603. **E**T cupienti tecum per literas pluribus agere, & habenti non pauca, quæ velim tecum communicata, unicuique obstat τὸ ὄν ἀναι, temporis inopia & otii. Recens enim ex itinere factis longo reversi, variis curis & occupationibus sic distinemur, ut necessario expectanda mihi sit alia occasio. Sed non diu expectabimus: modò enim hinc abit nobilissimus Legatus, qui de suo ad vos celeri reditu spem iniecit. Sustinebimus igitur nos, & his literis hoc solum à te, illustrissime viro- rum, petemus, ut adolescentem hunc tuâ benevolentia ne putes indignum. Quis sit, & cujas, ex ipso melius scies. Ego hoc illi tantum recepi, aliquem ad te epistolâ hac me ipsi esse patefacturum: cetera ipsum præstare, est æquum; ut tanto bono ne parum tibi videatur dignus. Hoc etiam addam: post eas, quas attulit Legatus, nihil me literarum à te accepisse: itaque an librum nostrum acceperis, nondum scio. Scripsit tandem ad me Eremita, & culpam deprecatur, petitque sibi ignosci. Spero equidem, nondum conclamatum esse cum adolescentem; sed ad frugem quandoque perventurum. Faxit hoc Deus Opt. Max. qui te servet, Vir divine, & mihi tuum amorem. *Lutetiae Parisiorum, propriae Kalend. August. CIO IO CIII.*

Miseram & ad eruditissimum Heinsum, exemplar unum; de quo etiam intellexi nihil; sed neque de Cyrillo, quem clarissimo Vulcanio misi: de quo magis sum sollicitus, quàm de nostris libris; qui si perierint, jactura sanè levis. Velim facias me ut intelligam, eo fasce quid sit factum. Vale, τὸ μὲν αὐ-
χμα.

EPISTOLA CCCXLVI.

E I D E M.

1603. **L**Egi modò quas ad me a. d. sexto Nonas Quintilis Juliani * dedisti, quæ et si magnâ voluptate me perfuderunt, ut à te scriptæ, percepi tamen ex earum lectione non mediocrem dolorem, quod periisse videam librorum fasciculum, quem ante profectionem

meam vestrati cuidam Typographo tradideram. Erant in eo Historiæ Augustæ, nobis nuper editæ, exemplaria tria. Sed horum jactura non nimis moveor; nam & mihi facillè erit, alia mittere, si tu & alii amici, quibus ea fuerant destinata, desideraverint; & opus ipsum, scio, non est tanti, ut sui desiderium apud te possit concitare. De Vulcanii Cyrillo, quem tantis cum difficultatibus nupero emptori extorseram, & cujus causâ graves inimicitias susceperam, quid factum sit, jure sum sollicitus. Ipsum Vulcanii silentium ut periisse existimem, me impellit. Sed oro te, si quid spei ejus recipiendi superest, fac me quàm primum ut sciam. Mihi nomen excidit ejus sive Typographi, sive Bibliopolæ, cujus fidei & Cyrillum, & reliqua commisimus. Is mihi literas à te attulerat; quò fui pronior ad hæc illi committenda. Mitto nunc tibi & quos petis Fastos Siculos, & diu promissum Chrysococci librum. Præses Thuanus, etsi tui amantissimus, propter causas tamen & graves, & multas agrè adductus est, ut cum librum isthuc deferri pateretur. Tandem amor tui & publicæ utilitatis respectus omnia, quæ in hac deliberatione occurrebant pericula, pervicerunt. Adjeci Proverbiorum Arabicorum exemplar, ex autographo descriptum uberius multò & correctius. Latinam versionem hætenus describere non licuit. Ubi primum fuerit otium, eam quoque ne desideres præstabo. Nunc ita sumus occupati, ut plura non possimus. De Geneva hoc solum dicam, singulari beneficio Dei concessam illi superioribus diebus pacem. Debetur ea laus Helveticæ genti; illi namque, omisâ quæstione de religione, componendam pacem miro consensu susceperunt, neque antè quàm re confecta quieverunt. Scio cum perfidissimo hoste nullam stabilem posse sperari pacem. Sed quid facerent miserrimi Genevenses? quos in summam inopiam redactos ubi videre Proceres nostri, per se ruentes conati sunt impellere. Scis quid velim. Scripsi ad te Genève, & iterum simul ac reversus sum ex itinere Lutetiam. Vale. *Lutetiae Parisiorum, Non. Sext. CIO IO CIII.*

De notis Dominicani Alcoranicis, quia oblitus sum in epistola, hic accipe. Chartæ sunt paucae, eaque solutæ ac semipurpuræ. Continentur iis aliquot Scharath versæ, nescio quâ fide, certè non ad verbum. Legi enim, & quædam studiosè comparavi. Cum molem videas, putes magnam operis partem esse versam: quod non ita est; nam

1603. in iis scidis, quas nacti sumus, vix tertia pars aut quarta reperitur versa; & quod me deterius habet, series passim interrupta, amissione foliorum. Sed augeat libri molem textus Arabicus, è regione descriptus in multis. Ego & Flesingensis amicus, sive magister meus, constituimus, *σὺν Θιῷ*, omnia *ἀκριβοῦς*, ac referre ad te. Atque utinam interpellare mihi licentius tuas curas, fas esset; consulere te de multis, quæ mihi valdè magnum negotium faceffunt: nam sæpè in verbis non laboro; de mente non constat: adeò *ἐνὶ ῥαβδισμῷ πρὸς τὴν ἀραβισμῶν*. Ne longè abeam, in Avicenna aliquid opellæ posui; & tamen quàm multa sunt in Præfatione, quæ non satis assequor? Quot quantisque auri montibus anteponebam tuam ejus *πρὸς αὐτὸν*, vel dimidiati versionem *κατὰ πίδα*? Porro in his scidis ne γὰρ quidem existat.

EPISTOLA CCCXLVII.

MOLÆIS, FRATRIBUS.

1603. **G**Ratum mihi, eruditissimi Adolescentes, literas accipere, cum præsertim non inanes, sed *ζητητικαὶ & πρὸς φιλολογίαν ἐντείνεσθαι* sint; cujusmodi erat epistola vestra, quæ nudius tertius mihi fuit tradita. Quæritis super istis Amorum Magistri versibus sententiam nostram:

*Porrige & ancillæ, quæ pœnas luce
pendit*

Lusa maritali Gallica veste manus.

Quid si ego vos jubeam *ἀλλὰ δρῶν βαλανίζην*? neque enim ita sumus nos *πρὸς ἱστορικὰ δεινὸν*, ut arcana ejus doctrinæ omnia calceamus. Scitè admodum ac verè *ὁ γὰρ* Plato in Poëtarum interpretatione *πρὸς τὴν ἀμάραν τὴν ἀμαξοπίαν* censuit consulendos: *πρὸς τὴν κεραμικὴν καὶ κεραμικὴν τὴν κεραμικὴν καὶ τὴν κεραμικὴν*. Quin igitur potius de amatorio poemate alium in consilium adhibebitis? Sed missè joco, non intellectum vobis cum locum Poëtæ ingeniosissimi, haud miror. Nego enim, ullam vel tolerabilem sententiam ex edita lectione posse, quoquò te vertas, elici. Nos igitur ita scribendum emendandumque posteriorem versum judicamus:

Tunsa maritali Gallica veste manus.

Jam pulsæ tenebræ, jam lux reddita. Omnes, inquit, *τὰς πρὸς τὴν ἐρωμένην* demeraris officiis oportet: ancillam utique, quæ sæpe heræ suæ ac tibi fideiorem quàm heræ se præbet, dum pensum non explevit, aut nescio quid aliud deliquit, flagellata à marito tuæ domi-

næ, tenuis alicujus munusculi dono 1603. solanda recreandaque à te est. *Gallica* nomen ancillæ est. Pro veste omnino legendum *veste*; & pro *lusa*, *tunsa*; nisi malis *causa*. Quoties apud Plautum & alios leges, *cædi veste*? quod erat supplicium servile, modò gravius, modò levius: illud grave, cum sublimes columnæ alligabantur, & à conservis domini jussu cædebantur: hoc leve, cum jussu manum porrigere, eâ solùm corporis parte pœnas luebant. Utriusque generis supplicia apud Comicòs & alios Veteres non rarò occurrunt. Possemus super istis multa adtexere: sed & hæc ne nimio plura sint quàm oportuerit, vereor. Valete, & natalium vestrorum memores *παντοῖα ἀρετῶν ἀσκήσιν*. *Lutetia Parisiorum*, a. d. xv. Kalend. Septemb. CIO IO CIII.

EPISTOLA CCCXLVIII.

A MONSIEUR

DE FRESNE, ✱

à Venise.

1603. **A**mplissime Domine, etsi constitueram nihil ad te literarum dare, qui certò scirem, non meâ, sed alienâ culpâ alienatum à nobis animum tuum; quia tamen intellexi, epistolam, quæ mihi hodie à viro præstanti Francisco Maria Illyrico reddita sit, certè cum tuis isthuc fuisse missam; non potui responsionem earum literarum ad te mittere, quin simul pauca hæc raptim etiam ad te exararem. Primum igitur tibi pro hoc officio gratias ago; teque oro, ut pro cætera humanitate tua cures ad eximium virum deferendas, quas hisce adjunxi. Deinde illud à te etiam atque etiam peto, persuadeas tibi, nullis machinis aut te, aut quenquam mortalium efficere posse, quò minus grata sit nobis recordatio veteris amicitie tuæ, & meritum in nos tuorum. Quod si in ea re, quam nôsti, assentiri tibi non possumus, multò minus in animum inducere, ut exemplum tuum sequamur. Obtestor fidem tuam, ne me pervicacem potius credas quàm *ἀπλοῖκα*, & earum, quas *μὴ πάσης πληροφορίας πίπθαι εἶναι ἀληθεῖς*, sententiarum tenacem. Cæterum *πρὸς τὴν πῖστο τροπῶν* cum nemine velitari unquam, pridem *κέκοικα*. Vale, Vir amplissime. *Lutetia Parisiorum*, a. d. vi. Kalend. Septemb. CIO IO CIII.

EPISTOLA CCCXLIX.

JOSEPHO SCALIGERO.

1603. **P**Ercurrenti mihi nuper Johannis Chrysostomi Commentaria in Actus Apostolicos, occurrit non semel aut iterum, sed sæpius, vox μονάδες, quam fateor non intelligere, ideòque ad te adeo, teque oro, eam mihi explices. Verba ejus sunt, Homilià xi: Εἰ πάν-
 τες ἡ πᾶσαι τὰ αὐτῶν ἐλθούσα ἐκάντων χρή-
 ματα, ἡ χωρία, ἡ κλήματα, ἡ εἰκίας, [ἀν-
 δράπδα γὰρ ἐκ αὐτῶν εἰπόμεναι, ἐδὲ γὰρ τίπτε τῶτο ἦν
 ἀλλ' ἐλευθέρως ἴσως ἐπίτρεπται γίνεσθαι.] τὰχα
 αὐτῶν μονάδες λιτρῶν χρυσῶς συνήχθησαν,
 μᾶλλον δὲ ἡ δισ, ἡ τρεῖς τοπύται. Sequitur:
 Ἐννόησον γὰρ μοι, ἡ πῶς ἡμῶν εἰς πόσων
 ὀχλῶν ἀριθμῶν συντινύνται πόσας βάλειδε εἶναι
 Χριστιανῶν; βάλειδε δὲ καὶ μονάδας; τὸ δὲ ἄλ-
 λο εἰρήμων καὶ ἰσδαίων· πόσαι μονάδες αὐ-
 τῶν χρυσῶς συνελήθησαν; πόσῳ δὲ ἀριθμῶς ὅτι
 πινύτων; ἔκ οὖμαι πλέον μυριάδων πένπ. His
 locis quid vox μονάδες significet, planè
 ignoro. Erat facilis emendatio in μυ-
 ριάδες, aut nescio quid aliud; nisi mo-
 veremur autoritate codicis Thuanei, vetustissimi & prorsus ἡ ἀγαθὴ κόμματος.
 Etiam illa non satis capio, quæ de nu-
 mero τῶν ἐξακισχιλίων philosophatur
 idem Pater, Commentariis in Epistolam
 Pauli ad Timotheum II. editionis Co-
 melinianæ, pag. 1676. Memini tamen,
 similia quædam legere apud Anastasium
 Sinaitam. Nam is in quæstionibus,
 vel potius ἀναγκαῖα ὁραταῖς εἰς τὴν ἐξακί-
 σμιν, postquam ostendit, omnia Dei
 opera ad sex classes posse referri, ad-
 dit: Τὸτε χάριν ὁ ἐξακισχιλίων ἀριθμὸς τῆς
 ἐκ τῶν γραμμάτων λεγομένης μονά ἐστὶ πᾶσης ψή-
 φου ἡ ἀριθμῶς, ἡ μονάδων ἡ δυάδων ἡ τριάδων,
 ἐκ τῶν τοῖς ἐπὶ τοῖς, καὶ μετὰ τοῖς κλίμασι
 περικλυταῖς, πᾶσης ἀριθμητικῆς ἐπιστήμης ἡ
 ποσότητος σημαντικῶς ὄν. Ac quoniam cœ-
 pi tibi esse molestus, ὁ οὐ θαυμάσιος do-
 ctor meus, amabò, dic mihi quid ju-
 dicii tui sit super Rabbino illo Hacca-
 dos, unde probat Galatinus, omnia
 τῆς Χριστιανῆς θρησκείας μυστήρια, maximè
 autem τὰ περὶ τῆς μετὰ τοῖς χειώσις, atque
 id genus περιπλάγια fuisse antiquissimis
 Judæis cognita. Ego rationibus ut exi-
 stimo non levibus adducor, ut & quæ
 ex hoc adducuntur, & quæ ex aliquot
 aliis τειχότρεπα, credam esse ψευδεπί-
 γραφα, non minus quàm τὰ ἡ τρισμυρί-
 σς, quæ ab antiquissimo illo Ægyptio
 esse profecta, tum credam, cum τῇ κοι-
 νῇ nuntium remisero. De his si quid
 sentias, hoc est, quid sentiendum sit,
 me docueris, cumulum vægrandem
 prioribus beneficiis tuis, quæ fateor
 esse maxima, adjeceris. De interpre-

ratione Alcorani quòd me monueris, 1603.
 ago tibi gratias maximas. Inveni au-
 tem disjecta quædam folia, semiputri-
 da, & prope ἐξήματα· quod utinam
 opus totum exstaret! Sed pars maxima
 periit; paucula enim, ut dixi, inven-
 ta sunt folia; quæ tamen alicui futura
 mihi usui, reapse jam sum expertus.
 Itaque fateor, indicinam & μόνον me
 tibi debere. Enimverò quicquid est in
 nobis melioris literaturæ, quod scio
 quàm sit exiguum, sed tamen quicquid
 id est, tibi, magne Vir, tibi uni à no-
 bis debetur. Erant alia sexcenta, de
 quibus tecum agerem; sed pudet me
 τῆς μακρολογίας. Vale igitur, & diu vi-
 ve quàm beatissimus, ac me ama. *Lute-
 tiæ Parisiorum, anno Dionysiano, c15
 15 CIII. a. d. v. Kalend. Septemb.*

Qui has tibi reddet, nobilis est, li-
 terarum amantissimus, quem si rogatu
 meo benevolentia tua fueris dignatus,
 & ipsum maximo, & me non mediocri
 affeceris beneficio. Sed & Vassanium
 Genevensem, qui isthuc brevi venturus
 est, etiam atque etiam tibi commendo.
 Mater, matrona lectissima, Pithæorum
 soror, tenuem fortunam cum libertate
 conscientia magnis opibus anteponens,
 Genævæ ab anno septuagesimo secundo
 habitat, & tres filios ab optimo marito
 sibi relictos, summâ curâ educavit.
 Nunc eò loci fortunæ ipsius sunt reda-
 ctæ, ut sublevanda sit potius à liberis,
 quàm oneranda. Itaque si qua honesta
 conditio offeratur, velim huic ado-
 lescenti eam concilies. Iterum vale.
 Narrabat quidem mihi non ita pridem,
 incidisse in suas manus Simplicii Epi-
 stolæ, aut nescio quæ alia fragmenta;
 quæ cum sint adhuc invisa nobis, ve-
 lim ex te scire, quid ejus rei sit; nam
 libellum esse editum, ille ajebat. At-
 que hoc impensius quæro, quia illu-
 strem illum locum à te laudatum in di-
 vini operis, & verè ὑπερφύς, pag. 345.
 non memini legere in ipsius Commen-
 tariis in Aristotelem, quæ tamen olim
 non negligenter lectavimus.

EPISTOLA CCCL.

DOMINICO BAUDIO. ✕

BInas à te accepi, Vir eximie, post-1603.
 quam ex Anglia isthuc trajecisti:
 quòd serius respondeo, quæso te, ne
 interpreteris secius. Multa enim quo-
 tidie impedimenta obijciuntur, quæ
 me in hoc officii genere obmissiorem
 planè ἀκοντι θυμῷ reddant. Accedit
 morbus diuturnus, & peregrinatio eum
 infecuta plurium mensium. Quod igi-
 tur hætenus non potui, nunc tibi,
 præ-

1603. præstantissime Baudi, toto intimi pe-
ctoris affectu gratulor, non in patriam
solum reditum, sed etiam ad illud vi-
tæ genus, quod nunquam à te fuisse
derelictum, omnes, non dicam, tui,
sed omnino literarum amantes magno
vellent redemptum. Nemo est vir bo-
nus, cui tuum excellentissimum inge-
nium innotuerit, qui non literarum
causâ, in quibus tantum potes, omnia
tibi fausta ac læta optarit. Sed agimur
nimirum arcanâ quâdam factorum lege;
neque est semper in nobis situm, ea
eligere ac sequi, quæ ratio suggerit
tanquam utiliora ac potiora:

Ἀλλὰ τὰ μὲν περὶ τὴν ἰατρικὴν ἀγνύ-
μηναι κτλ.

Equidem non dubito, quò serius ad
hoc vitæ genus accessisti, eò fore ad-
mirabiliores studii ac diligentiae tuæ
fructus; qui utinam in publicum bre-
vi prodeant, cum studioforum utilita-
te, & nominis tui æterna fama! Faxit
hoc Deus Opt. Max. mi Baudi, tibi que
modis omnibus ἐπιτυχίῃς benedicat.
Vale. *Lutetiae Parisiorum, a. d. v. Ka-
lend. Septemb. c. d. c. l. i. i. i.*

Eruditissimo Heinsio plurimam meis
verbis salutem velim nuncies. Hesio-
dum audio ab illo editum, & nescio
quæ alia, quorum hic ne nomina qui-
dem novimus. Si quid nunc ab eo pa-
retur, me feceris certiore, habebō
gratiam. Nonnihil nisi exquisitum ab
illius ingenio expectamus.

E P I S T O L A C C C L I.

JOHANNI VASSANIO.

1603. Quid me rogasti, ut literis meis ad
illustrissimum virum Josephum
Scaligerum te ipsi commendarem, sci-
to factum accuratè eâ epistolâ, quam
amico huic meo tradidi. Itaque opta-
rem, si fieri posset, ut ipsi adesses, cum
ad Scaligerum est venturus. Sed ut hoc
non fiat, vereri non debes, quin me-
mor commendationis meæ sit futurus,
quotiescunque ad illum accesseris &
quandocunque. Non semel aut iterum,
sed sapissimè experti scimus, eo viro ne-
minem esse alium, qui amicorum pre-
ces plures faciat. Tantum illud vereor,
ne raræ isthic conditiones reperiantur,
quæ possint tibi esse commodæ. Hic
certò ita difficile invenias, ut nihil su-
pra. Itaque ubi fratrem tuum colloca-
remus, adhuc invenire non potuimus.
Quævivimus tamen, ut & porro quæ-
remus: cupio enim quibus potero cum-
que rationibus honesta incepta vestra
adjuvare, & lectissimæ fœminæ, matris

vestræ, voluntati, quod in me erit, fa-
cere satis. Vale, mi Vassani. *Lute-
tiâ Parisiorum, a. d. iv. Kalend. Sep-
temb. c. d. c. l. i. i. i.*

Velim verbis meis salutem nuncies
clarissimo viro, Paulo Merulæ; meque
facias certiore, sitne adhuc prælo
subjectum opus insigne ab eo compo-
situm in Geographia: sic enim accepi,
& jam videndi ejus scripti cupiditate
ardemus. Quid igitur spei sit, fac me
ut sciam.

E P I S T O L A C C C L I I.

JOSEPHO SCALIGERO.

Narrabo tibi hesterni diei ἐγκύριαν. 1603.

Rogatus ab amico, adolescente
nobili, & literarum amante, literarum
aliquid ad te dare; posteaquam μὴ
ἔχοντες exarasse, eique statim
tradidisse; ecce tibi ἀπαρχή, ad-
venit Gallus quidam juvenis cum tuis,
a. d. xii. Kalend. Sext. datis *. Læ-
tatus sum, pleraque eorum, quæ mihi
mandabas, jam esse expedita; nam &
Chrysococci ἀπαρχάς, & Fastos Si-
culos confido te pridem accepisse ab
amplissimo Legato Buzenvallio. Quan-
quam velim, nisi grave est, id ipsum
ex literis tuis cognoscere; ne etiam in
hoc fasciculo idem usu nobis veniat,
quod in alio ante quatuor ipsos menses
isthuc misso, qui an pervenerit unquam
in tuas, aut Vulcanii manus, scire ad-
huc non potui. De Dioscoride Re-
giæ Bibliothecæ scito sæpius nos cogi-
tasse; & quod præcipis, aliquoties ten-
tasse. Quod necdum rem confecerim-
us, duo sunt in causâ; nam & scri-
ptura est ἐξήγησις, ac molestissima; &
ex paucis, quæ sunt descripta, videmur
olfecisse singularem imperitiam ejus,
qui voces Arabicas apposuit. Cum pri-
mum erit otium, & morositati βιβλιο-
πέφης senis litaverimus, dabimus ope-
ram, ut voluntati tuæ fiat satis. De Eu-
sebio tuo malè narras: sed benè tecum
agitur, cum naturam in omnibus aliis
rebus expertus matrem indulgentissi-
mam, in istiusmodi sentis novercam.
Nobis potius hac ἀπολογίᾳ dolenda;
qui cupiditate ejus divini operis [ejus-
modi sunt omnia tua] incensi, dies
omnes hujus moræ pro annis totidem
ducimus. De schedis Alcoranicis su-
periore epistolâ fatis. Tu, oro, ne gra-
veris illi respondere, & nos διχοδικίᾳ
docere, quæ nescimus. Sed de Sim-
plicio gratiam facio: neque enim jam
dubito, Vindicinum illum, qui de fra-
gmentis à se visis narraverat, vanum
fuisse & ἀλάζονα. Locus autem, cujus

1603. in epistola mentionem faciebamus, hodie inventus nobis, cum secundum Commentarium *εις τὴν περὶ ἑρμῆς* percurreremus. De rebus Geneventium nuper ad te scripsi paucis verbis *πὲ πέντε*. Utinam stabilis sit pax, quam Dei beneficio, & Helvetiorum ministerio sunt consecuti. Et si non est profectò Geneva, quod olim fuit, mihi tamen incredibili cuidam voluptati fuit, post insignem adeò casum, veteres amicos *οἱ οὗτοι ἐξ ἁδῶς πολλῶν* reduces videre atque amplecti. Multus ibi cum Beza, cum Pinaldo, cum Goulardo de te sermo; qui non semel, sublatis in cœlum manibus, Deo Opt. Max. gratias egimus, quod hoc potissimum seculo, contra veritatem obstinatissimo, te voluerit nasci, bonis in exemplum, aliis *εις ἐλεγχον*. Quod vehementer sum admiratus, non tacebo. Venerandus senex, Theodorus Beza, cum per longinquitatem ætatis factus sit obliviosus adeò, ut post frequentes de novo Rege Angliæ sermones, subinde me rogaret de Regina, an verum esset, quod fama jactaret, illam fatis concessisse, idem tamen in literis visus nobis is esse, quem ante annos viginti noveramus. Loquitur Latinè, interdum & Græcè, ut antea: audivimus de Historia veteri differentem è re nata luculentissimè; ut videretur recens esse à lectione Plutarchi & id genus Autorum. Jam textus Biblicos, maximè autem Novi Foederis, in numerato habet. Longum sit omnia persequi, quæ sumus in optimo fene mirati. Vale, illustrissime Scaliger, & nos constanter ama. Quas ad Buzenvallium scripseras, remitto ecce tibi. *Lutetiae Parisiorum, a. d. III. Kalend. Septemb. c1515 c111.*

EPISTOLA CCCLIII.

CONRADO RITTERSHUSIO.

1603. **Q**uas ante annum scripsisse ais, scito, clarissime Rittershusi, eas nunquam fuisse nobis redditas. Quod cum admodum mirarer, quia meas fuisse tibi Francofurti traditas, ex literis communis amici Scipionis Gentilis didiceram, etiam antequam superiores tuas acciperem, cessationis hujus culpam omnem in tabellarii fluxam fidem conjiciebam. De illa igitur priore epistola tua quid sit factum, is viderit, ejus diligentia est à te commissà. Posteriorem ante paucos dies accepi, cum ex Allobrogico itinere domum rediissem. Et literæ, & munus à te adje-

ctum, gratissima fuerunt. Dedi am-
plissimo Thuano, quod fuerat illi mis-
sum, qui te salutatur peramanter, & *φι-
λῶν ἐλπίσιν* muneris nomine gratias
agit. Ex eo cognovi, posse te sine
ipsius offensa, imò etiam cum bona
gratia, quod cogitasse scribis, exequi,
& tua cum ipsius Poëmatibus sacris con-
jungere. Clarissimo Bongarsio inscrip-
tum ei exemplar nondum dedi; abest
enim ab urbe, Regem & Aulam comi-
tatus, nec ante viginti plus minus dies
ad nos videtur rediturus. Scripsi nu-
per ad præstantissimum virum, Scipio-
nem Gentilem; à quo integro jam fer-
mè anno literarum accepi *ἔτι γὰρ*, quod
ajunt. Scripsissem nihilò tamen minus;
nisi & otium defuisset, & argumentum.
Oro te, plurimam ipsi & amicissimam
meis verbis salutem nunties. Velim
etiam, quid ille, quid tu paretis *εις τῶν
τῶν φιλομαθόντων ὁφέλειαν*, ex literis ve-
stris cognoscere. Nos quid primum edi-
turi simus, nondum constituimus; dis-
cendi enim cupiditas à scribendo nos
avertit. Vale, Vir clarissime. *Lute-
tiæ Parisiorum, pridie Kalend. Septemb.
anno Christi Dionysiano, c1515 c111.*

EPISTOLA CCCLIV.

DAVIDI HOESCHELIO.

DE Origenis foliis magnas & habeo, 1603.
& ago gratias: etsi inciderunt illa
in manus nescio cujus, qui vecturam
utriusque fasciculi tui *πρὸς ἱσὺν ἐλίγῃ δὴν
ἀργυρίῳ* Lugduno Parisios æstimavit:
nam qui Lugduni recipit literas vestras,
sæpius oblatam à me pecuniam pro ve-
ctura accipere nunquam voluit: at quæ
inde ad nos afferuntur per equos dispo-
sitos, interdum *πρὸς ἰσὺν ἀργυρίῳ*
vaneunt: quod ferè accidit, cum aliàs
in Photii aliquot foliis, tùm nuper in
istis. Sed mandavi amicis Lugdunen-
sibus, ut alià viâ tuos ad me fascicu-
los, præsertim si fuerint grandiores,
mittant. Nondum contigerat mihi, ut
ejus scriptoris Græcè quidquam lege-
rem: quo majore cum voluptate tuas
schedas statim devoravi. Inveni pau-
ca, quæ vel tuam, vel meam operam
desiderarent: quædam ab operis pec-
cata, de quibus monitum te non du-
bito. Heraclidis *περὶ ἀπὸ* apud Vete-
res in magna fuit fama, ut olim nota-
re meminimus ad Præfationem Dioge-
nis Laërtii, qui libri ejus meminit. De
Procopio integrum jam mihi non est,
ut hoc mercatu voluntati tuæ morem
geram: tuas enim multò post accepi,
quum nostrates mercatores sua *φαστίδια*
Francofurdum curaverant. Adde, quòd
si

1603. si notas scripturi sumus, vellem eas posse simul cum libro mitti. Cæterum paratum est exemplar; &, si ita vis, ad Argentinenses nundinas mitteretur. Notas ad Legationum excerpta, obrutus curis à reditu meo, non absolvi. Misi nuper *divèi γένος τῆς* quod an acceperis, velim scire. Sic est, ut ais, excuditur hic Origenes: at noli putare, ad ornandum opus tuum aliquod inde tibi esse sperandum præsidium. *οὐ γὰρ πορεύσιν* à Rigaltio impetrabo tibi hodie, aut aliunde faxo habeas. Liturgiarum exemplaria Græca difficillimè hic inveniuntur: sed attendendum erit ad occasionem. De Privilegio sic accipe: cum ea de re amplissimum Thuanum convenissem, respondit, auctorem se tibi esse, ut aliud denuò impetrares, in quo libri omnes continerentur, de quibus quodocunque edendis cogitas. Mitte igitur ad nos Indiculum, & rem factam confide. Vale, amicissime Vir. *Lutetiae Parisiorum, prid. Kalend. Septemb. CIO IO CIII.*

His scriptis Rigaltium vidi, qui se curaturum isthuc unum exemplar promisit.

EPISTOLA CCCLV.

✱ JOANNI MATTHÆO WACKERO.

1603. **M**Agnum prioribus suis in nos meritis cumulum vir summus Marcus Velferus adjecit, cum commendatione suâ effecit, ut non innotesceremus solum tibi, maxime Wackere; sed hoc amplius, ut eos esse nos judicares, qui benevolentia tuâ essemus non indigni. Testes mihi hujus animi adversum nos tui binæ tuarum, quas à te accepras, nobiscum idem ille *τὸ πάλαι ἀρξάν* Velferus communicavit. Ex iis cognovi, quantum studii operæque impenderis, ut libellis nostris à Cæsarea Majestate privilegium impetraretur: quod negotium etiam exitum non habuit, ego tamen non ita sum imperitus rerum æstimator, quin plus consecutum intelligam, quàm optare ausus sim, nedum speraverim. Nam Principum diplomata scimus dignis indignis sæpe concedi; ut ad veram laudem non multum, aut nihil potius in eo sit positum momenti, siue quis impetraverit, siue repulsam tulerit. At de amore tuo cur lætemur, gloriemur, atque adeo serîo triumphemus, justissimam nos habere causam, nemo ambiget, qui tuas, excellentissime Vir, summas virtutes, pari dignitate junctas, habuerit notas. Ecquis autem est totâ jam Europâ paulò sal-

tem humanior, cui tuum illustre nomen sic incognitum? Nihil igitur jam nos movent, qui nostris in promovenda Republica literaria conatibus parum favent. Nam istorum morosæ *δυσκαρῆς* judicium tuum opponimus. Id verò nos tanti meritis facimus, ut hac propositâ mercede nullus queat esse labor tantus, quem pro facili ac levi non ducamus. Quod superest, te oro, obtestorque, præstantissime Wackere, quod cepisti ultro, aut rogatu alieno, ut me amares, id ipsum petenti mihi studiosæque ambienti ita concedas: si prius tibi persuaseris, in tui cultu, observantia, ac reverentia neminem esse mortalium, cui simus concessuri. Vale, & quàm diutissimè terras colens, communem Literatorum omnium Mæcenatem age. *Lutetiae Parisiorum, prid. Kalend. Septemb. anno τῶς ζωτίης τοῦ Διονυσίου, CIO IO CIII.*

EPISTOLA CCCLVI.

JOSEPHO SCALIGERO.

DE Augusta Historia quæ distavit 1603. amor in nos tuus, legi penè invitis, certè verecundis oculis; cò quidem magis, quod subit animum metuere, ne superioribus meis aliquid ejusmodi exegisse tibi videar; quod ne in animum velis inducere, per ego te omnes Musas oro. Sed habui justam causam, cur de clarissimi Vulcanii libro essem sollicitus, quem totius Reipublicæ literariæ intererat incolumem isthuc pervenisse. Quod ita accidisse, lubentissimè ex ipsius literis cognovi: nec minus jucundum, quod traditum amplissimo Legato fasciculum recepisti. Equidem præcipuam soleo voluptatem capere, quotiescunque aliquid ex animi tui sententia tibi evenisse intelligo. Gaudeo igitur mirum in modum, *τὸν περιστάσαντων* quæ desideraveras tandem, potitum esse te tandem aliquando. Utinam detur mihi aliqua alia facultas voluntati tuæ & nobilissimis studiis inserviendi. Tuus is erit labor tantum, ut imperes: ego quicquid jusseris, sedulus exequar. Itaque de vocabulis Arabicis *τῆς ἰατρικῆς ὕλης* ne dubita, futurum iri, *ἐν ὅτῳ ἀπὸν*, quod postulas. Sed moram feras oportet paulò fortasse diuturniorem, idque multas ob causas, quas facili tibi conjecturâ assequi. Scito pridem tentatum id ipsum à nobis: verum præ rei difficultate parum hætenus promovisse, cum judicaremus oleum & operam nobis peritura. Nam aut fallimur, aut valdè erat *τῆς ἰατρικῆς* imperitus, qui

1603. illa vocabula appinxit. Verum hoc tu melius, vel potius, solus benè. De schedis Atcoranicis scripsi nuper, & scribam aliàs, ut spero, plura. Nunc mitto tibi vocabula quædam, mihi oblata, ut illa explicarem. Quod cum opis nostræ non sit, (multa enim ex illis ignoramus, peto à te doceas me, & operâ eadem, cum amicum illum meum, qui & te veneratur, & me amar, tum me veterem discipulum tuum hoc insigni afficias beneficio. Sunt penes me Hebraicæ quædam inscriptiones, quas, si facis tanti, mittam. Vale. *Lutetia Parisiorum, Eid. Septemb. c15 15 ciii.*

EPISTOLA CCCLVII.

BONAVENTURÆ VULCANIO.

1603. Quid de reddito tibi, clarissime Vulcani, libro tuo fieri certior optavi, nolim in eam partem interpreteris, quasi ego gratiarum actionem aliquam à te expectarim. Debui hoc officium tibi, viro de literis adeo insigniter merito merentique: debui & literis ipsis, quas promovere instar triumpho mihi est, erique porro semper *ζῶντι π καὶ ἐπὶ χρεὶ δ ουμένῳ*. Quare noli de moribus meis adeo malè existimare, ut *ἐκ τῶ ψυχρῆς ἢ το φιλοτιμίας ἀλῶναι ἡμᾶς* in animum inducas tuum. Sed expertus *μυριάς* subleſtam hominum fidem, jure de re tam chara tibi mihiq; fui sollicitus. Sed benè, quod omnia tutò sunt isthuc delata. Nunc tuæ erunt partes, Vir doctissime, ut quàm primùm cæteris immortalibus tuis in Rempubicam literariam meritis cumulum hunc addas, & pressum tandem Patrem illum manu tandem mittas. *καὶ δέμου σὺ ὡτὰς καὶ ἀντιβλῶ καὶ λίσσινω*. De foliis missis ago magnas gratias. Deum immortalem, quanta cum voluptate præclarum illud Cyrilli Proœmium legimus! Utinam ita hodiè sentirent isti, qui nihil nisi Cyrillos & Chrysostomos crepant. Verum illi *ἐναντι π της ισχυρογνωμοσύνης*. Tu perge, per Deum, in hoc potissimum genere scriptorum industriam tuam occupare. Procopium quoque brevi ut absolvas, oro te: dignus planè liber tuâ operâ. Vale, & me ama æternum tuum. Doctissimo Heinſio salutem velim à me nunties. *Lutetia Parisiorum, Eid. Septemb. anno 5 Σωτῆρς vulgari, c15 15 ciii.*

EPISTOLA CCCLVIII.

FRIDERICO LINDENBROGIO.

A Micus quidam meus, singularis vir 1603. probitatis & pietatis, cujus causâ fortunas suas omnes amisit in Lotharingia, homo & natalium, & facultatum honestarum, is igitur rogavit me, ut sibi de conditione aliqua prospicerem, ubi ministerio non prorsus vili occupari cum aliquo commodo suo posset. Recepi cum amicis ea de re acturum me, & pro virili operam daturum, ut illi aliquis alicubi pateat locus. Ea propter constitueram ad amplissimum Calignonem adire, ut egeum hominem, sed fidei plenum, ipsi commendarem. Cum autem per negotia non licuerit isthuc venire, famulum ad te misi, qui rem omnem tibi aperiet. Oro autem te, si potes aliquid hujus causâ, velis & illum & me æterno beneficio tibi devincire: in primis autem illud, ut meis verbis hoc ipsum *ἐν πᾶσι* Calignonem roges. Vale. *Lutetia Parisiorum, a. d. xvi. Kalend. Octob. c15 15 ciii.*

EPISTOLA CCCLIX.

JACOBO AUGUSTO THUANO.

A Mplissime Domine, expectatam 1603. diu lucubrationem tuam hodie, nescio an missu tuo, beneficio certè eruditissimi Rigaltii vidi, & aviditate magnâ statim percucurri. Qui sum aliquando in meis nugis expertus, hujusmodi præcentiones quàm sint molestæ, gratulor tibi, quòd hac curâ sis defunctus. Sed non puto ultimam adhuc manum ei scripto luculentissimo esse adhibitam. Narrabat enim Rigaltius, in animo esse tibi, copiam illius nobis per aliquot dies facere: quod etsi necessarium non putamus nos, qui beatissimi nobis videremur, si nostra omnia ad exactissimi judicii tui obrussam possemus exigere; si tamen ita lubet, dabimus sedulò operam, ut nostram de singulis sententiam exponamus, atque adeo *παιδεία* fortassean ista in re peccabimus. Unum intereà, amplissime Vir, pro mea in te pietate, ne dicam officio, tacere nequeo; etiam atque etiam diligenter videndum tibi, ne benevolâ adeo immerentis mei commemoratione certorum hominum sermonibus occasionem præbeas, qui, ut sunt hodierna plerorumque ingenia, optima quæque &

1603. & admiratione dignissima traducere quoquo modo, in deliciis habent. Equidem scio hoc tanto honore planè indignam tenuitatem ingenii, cujus sum ipse mihi conscius; sed ut maximè ii essemus, quos tuus amor nos esse fingit, causa tamen, ut scis, non deerit, cur multi factam nostri mentionem tam illustri loco secius sint interpretaturi. Quare te iterum oro atque obtestor, nolis committere, ut amor, quo nos pro tua bonitate prosequeris, divino operi frigus aliquod conciliet; quod non tu vehementius optas quàm nos in publicum prodire omnibus acceptissimum. Vale. *Lutetiae Parisiorum, a. d. 1x. Kalend. Octob. anno 8 ζωτήρ Dionysiano, CIO IO CIII.*

EPISTOLA CCCLX.

EIDEM.

1603. **A**Mplissime Domine, de Avicenna, quando ita κίχρικας, age, mos geratur voluntati tuæ. Ego, quod possum, animo gratus, & λοιπὸν debitorem tibi delegabo, qui non metus est ne decoquat, aut rationes conturbet. Deum dico Opt. Max. cujus naturam nullā peræquē re ac τῷ εὖ ποιῆν posse mortales imitari, constat inter Sapientes. Quantum utilitatis studiis cœptisque nostris tuum hoc munus sit allaturum, non scio; vix enim adhuc eas literas degustavimus. Quod tamen apud te liceat, si conatibus adfuerit Ille, quo sine nil alti mens inchoat, his præsidii subnixi ea videmur posse præstare, quæ ab hoc Literatorum vulgo non possint expectari: sed tardat vota nostra institutum opus, ad cuius finem totis ingenii viribus vehor. De libello Josephi Scaligeri, idem quod tu, ego quoque conjiciebam, cum primum de eo accepi ab illustrissimo Principe. Verum ille rogatus à me sexies septies, essetne typis editus liber, quem narrabat, constanter affirmavit, esse. Cum sollicitus quærerem, accepisset illum, an speraret? (nam initio missum fortè sibi, non acceptum, dixerat) ille ad hæc verba, *Ego verò, inquit, accepi, legi, habeo.* Cum quæxisset, haberetne inter viatorias sarcinas, negavit, sed domi reliquisse in Bibliotheca sua. Quare de hoc nullum jam potest esse dubium. Quid cum Rege sit actum super libro mittendo, nondum habeo compertum: codex penes nos est; nec inficiis nobis negotium potest transigi. Iveram hesternā die apud Principem Hasium, & officii causā, & ut quid sit actum rescirem. Cubiculum ingres-

sus, inveni ludentem aled; & quia 1603. πανηγύρι dicebatur lufurus, αἰφύρρι ποτὶ δῶμα pedem retuli. Accepi, diutius moraturum illum in hac aula; nec puto esse causæ, cur de rustico urbanus fiat. Equidem sic existimo; rectam mentem ὁμιλίαις & καλαῖς facilius posse corrumpi, quàm ut unius exemplo afuescant multi, suum pretium virtuti & eruditioni ponere. Vale, Vir amplissime. *Lutetiae Parisiorum, a. d. 1x. Kalendarum Octobrium, CIO IO CIII.*

EPISTOLA CCCLXI.

EIDEM.

AMplissime Vir, scriptum tuum ad 1603. eruditissimum Fabrum, in suburbano prætorio adhuc rusticantem, curavi perferendum. Literas etiam ad eum dedi, quibus illum moneo de eo, quod fieri voluisti apud τὸν δῆνα Episcopum. Non dubito, fore ei curæ, ut ex voluntate tua res geratur, si modò, quod non puto, ἐνδομὲν τὸ νῦν εἶναι ὁ περὶ εὐχῆς ἀνὴρ ἐκείνῳ. Puto narrasse tibi doctissimum Rigaltium sermonem, quem super tuo opere nuper cum eodem illo Præsule habui. Nam cum perbella se obtulisset occasio, dixi illi, meminisse me audire à te aliquando, hæere etiamnum memoriæ tuæ infixæ, quæ de concordia Ecclesiæ in Galliis ambo olim unā locuti essetis; teque dicere solitum, si qua operis tui pars unquam esset publicanda, præfationis tuæ non aliud argumentum futurum, quàm ut pium hoc tuum votum palàm faceres. Probavit hoc Episcopus; qui non obscure significavit, magni se honoris loco ducturum, si quid fortè harum rerum sibi abs te communicaretur. Quare consilium, quod sponte tuā pridem cepisti, laudo; teque oro, sive ille adest, sive abest, rem tamen non negligas. Non dubium est, invidiæ levandæ, εἰς νῦν βροτοῖς εἶσιν, non inefficax telum futurum tanti viri nomen. Libros Francofordo allatos vidi; sed semel, & paucos; non enim licet nobis, nisi rarò, exire per ἀφ᾽ ἑρρίων, quā mensem ferè integrum domi continemur: id nisi fuisset, hospitem omninò me habuisses. Tuum reditum eò cupidius exspecto, quòd confido, in tuo Museo me visurum aliquot libros, qui alibi nondum mihi reperti. Dionysius Gothofredus scripsit ad me, se magnā cupiditate patriam repetere cogitantem, mirificè conturbatum esse, cum in eandem urbem Jesuitas brevi admissum iri intellexit: petere igitur à me consilium. Respondi igitur, de Loyolitis nihil mihi adhuc constare: consilium

1603. lium non à me, sed à se ipso peteret, qui suum illic, ubi nunc degit, statum unus optimè nòset: me, cum ante aliquot annos in simili deliberatione versarer, tandem decrevisse, ἐπεὶ δὲ τῷ Θεῷ necdum consilii pœnitere: ceterum τὰ μέγιστα in unius manu & notitia esse, qui solus πρόσω καὶ ὀπίσω τὰ πάντα ἰσχύει. Vale, amplissime Domine. *Lutetiae Parisiorum, a. d. 111. Non. Octob. anno salutis Dionysiano, C15 15 CIII.*

EPISTOLA CCCLXII.

EIDEM.

1603. **A**mplissime Præses, εὐαγγέλιον narro tibi, Avicennam Arabicè loquentem brevi habebimus: tu, inquam, habebis & frueris: ego, si per te licet, utar, & occasionem ἑ ἀρετίζαν planè divinitus oblatam nobis, non dimittam. Quanquam sumus occupatissimi, constituimus tamen, omnia temporum succisiva per hanc hyemem ei studio impendere: experti enim non semel jam sumus, quantum eà re conatus in literis nostri possent adjuvari. En verò tibi recentium librorum Indicem, nunc ipsum mihi allatum à Drovardo. Percurri leviter, nec multa ad gustum meum inveni: πολεμικά pleraque omnia, & dissidiis nostris fovendis nata. Ergo finis malorum nullus? per istos quidem πάντα ἐναλλαγνίσονται priusquàm turbatae res componantur. Agnovi ibi nuperum Arnaldi contra Loyolitas libellum. Fallor, an aliquid magnus Scaliger ad editionem ejus versionis contulit? Videbimus, cum liber venerit. Meministi verò, dixisse me nuper tibi, cum isthic essem, non satis capere me Pannoniæ descriptionem, quæ septimi libri initio habetur. Sperabam posse omnia facilè ex Bonfinii comparatione intelligi; sed non memineram, Bonfinium cum magna parte Bibliothecæ nostræ in Arcecomicis Volcis adhuc esse. Qui igitur præsidio ejus libri destitutus, λυὲν τις ὑποχρέωσις non potui, paucula, de quibus dubito, huic chartæ illevi. Folii xxviii. priore facie, *Mauromorfios* montes, alibi legere non memini. Ibidem, *Arrhabo* Ptolemæo semper παρρησύν. Cur mutemus? nam in xi. Strabonis Ἀρραβὼν κατὰ τὸ καυκάσιον ῥέον alius est. *Mamorfios* videtur ejusdem folii postica in facie *Marusius* dici: cogitandum igitur. Fol. xxx. pro *sui*, scripsimus *omnes circa ipsum*. Displicebit fortasse ἑλληνισμὸς: sed ita Suetonius amat loqui. Fol. xxxi. in averfa pagina totum locum

de vestigialibus salinarum non assequor. 1603. Hæc sunt, de quibus censui ad te referendum. In cæteris, si quid fortè occurreret, usi sumus eo jure, quod tuus amor nobis concessit. Legatum Helvetium, virum amplissimum, tuique studiosissimum, atque, ut ipse loquitur, observantissimum, semel vidi. Multa ille de tua valetudine nos statim percontatus, salutem suis verbis quàm officiosissimam tibi à nobis mandavit nunciari. Vale, amplissime Domine, & nos ama. Eruditissimum Rigaltium jubeo salvere, & seriò ἐναρτοποιεῖν. *Lutetiae Parisiorum, a. d. 1v. Eid. Octob. C15 15 CIII.*

EPISTOLA CCCLXIII.

CAROLO LABBÆO.

Quod epistolæ tuæ, ante aliquot 1603. menses acceptæ, nondum responderim, eruditissime Labbæe, morbus primò fuit in causâ; deinde iter, in quo plures fuimus menses; postremò ἱγκύκλις istæ occupationes, quæ nos assidue hic enecant: ut sæpe mihi optare in mentem venerit, eveniret tale aliquid, quod me in negotiosa hac otiosorum matre ἐμπαρεσκεῖν non sineret. Non enim nobis vivimus, sed aliis; qui nullo studiorum nostrorum respectu, tempus omne sic nobis suffurantur, ut succisivas horas non multas habeamus, quas curis melioribus impendamus. Quod si studere, nobis vivere est, ut profectò est, cogita quantam quotidie faciamus vitæ jacturam; qui & matutini & pomeridiani temporis meliorem partem cogamur perdere miserimè. Sed hæc mitto: ἡ γὰρ τις προῆξις κρυεῖται ἡρόω. Tu, mi Labbæe, fraterque tuus feliciores, qui, ut accepi hodie à charissimo Puteano, institutum Glossariorum opus ad umbilicum jam perduxistis. Mastrè estote hac diligentia & φιλοπονία. Aveo, si quis alius, exactum & publicatum opus videre. Sed tamen illud occinere non desino, σπύδιον βραδείως. Planè eximia provincia est, quam suscepistis; verùm ejusmodi, opinor, quæ properanter administrari nolit: quid enim latius fustum eo argumento? Video enim, vos non segniter & ἀφροσύτως χάριν eà curâ velle defungi; quod consilium etiam atque etiam vehementer laudamus. De Isidoro, quæ communicasti, perplacent. Nos cum olim eum Auctorem percurreremus, pauca ad oram codicis nostri adnotavimus verè ἰδὼς πάρεργον quæ non dubitamus, vobis esse animadversa. Est quidem is Scriptor necessarius

1603. rius potius quam doctus; sed non malè de literis fueritis meriti, imò verò, ut iudicium nostrum est, quam optimè, si illum operà vestrà fueritis dignati. De oratione *τῆς βάρια* magnas habeo gratias. Legi, sed quædam superant * adhuc excerpenda. Excerptam, & statim remittam. Vale, & meis utere, si quid est quod velis. Amplissimo patri & fratri multam salutem. *Lutetia Parisiorum, Eidib. Octob. anno 5 Σωτήρος Dionysiano, c13 13 c111.*

* Foris, super-
c. ant.

Photio cum usus fueris, ipse lubens utar.

EPISTOLA CCCLXIV.
ANDRÆ SCHOTTO.

1603. **P**ER mihi gratus fuit, Vir præstantissime, Anagnostæ tui adventus, quanquam longè gratius futurum erat, si venisses ipse, & tui amplectendi copiam fecisses. Quid vester Ordo de Gallia sit meritis, aut quæ sint vulgò hic hominum de isto iudicia, non laboro: hoc tibi omni asseveratione affirmo, & te, & tui similes, qui *μενεκλώ σπάρται, λὺ ἰλάχην, κοσμίην*, omnibus bonis venerationi esse. Equidem ubi primùm tua scripta juvenis olim legi, de singulari morum probitate, quæ in te est, eam opinionem concepi, quæ postea multorum sermonibus est confirmata. Itaque licet nulla mihi dum notitia esset tui, nisi quam lectio tuorum scriptorum mihi conciliaverat, jam ex illo tamen te amabam, & magni faciebam: quid censēs nunc, cum de tuo in nos affectu benevolo certi sumus? Magnam igitur voluptatem ex adventu cepissem tuo, si ita res tulissent tuæ: verùm istud quidem *οὐδ' ἐν γένει κίττη*. De munusculis verò, quæ misisti, magnas tibi ago gratias. Etsi accidit sanè quàm incommodè, ut Senecæ codex iste eo tempore mihi concederetur beneficio tuo utendus, quo eram *ἰλθ' καὶ πῆς* curis diversi generis occupatus. Unde factum, ut Tantalo similis delicias mihi appositas viderem, non gustarem; nisi quòd paucula quædam sublegi, velut canis è Nilo. Repetenti tamen librum Anagnostæ tuo lubens reddidi, ne rem alienam invito domino contrectasse dici possem; quod longè abest à moribus meis. Vellem, si fieri posset, paullò longiorem usuram ejus codicis impetrare à *5 μακαρίτη* hæredibus: quod te facturum aut nunc, aut quando erit commodum, spero: sin alia mens illis, tibi tamen illibata *πρὸς ἡμῖν ἀποκρίσται* beneficii hujus gratia.

Nunnesii, viri doctissimi, scripta hic 1603. posse edi, tecum opto; & si quid ponderis in commendatione nostra futurum, scito eam rem, vel tuā gratiā, fore nobis curæ; aut potius, jam fuisse: nam heri Bibliopolas nostros, quod rarò facio, adii ob id ipsum, si quem fortè invenirem, qui voluntati tuæ faceret satis. Offendi adhuc neminem; sed nondum spem omnem abjeci. Hoc facile video, prensandos fore illos nobis paulò diutius. De Plethone item curabitur à nobis diligenter; eò quidem impensius, quòd habemus nonnulla illius, nondum, quod sciam, edita. Misit enim ad me ex Italia Anglus quidam ante annos aliquot, Diatribam non indotam Plethonis, in primos Strabonis libros. Habeo etiam penes me libellum hoc Indice: *πλῆθυνος περὶ θεωρημάτων*. Sed liber est *ψευδής*. Strabonis enim est tota illa descriptio, non Plethonis. Videor mihi in Regis Bibliotheca nonnulla ejusdem vidisse *ἀνέκδοτα*. Quod si editorem invenero, omnia colligam, & in unum corpus congeram. Vale, Vir doctissime, & nos amare perge. *Lutetia Parisiorum, anno 5 Σωτήρος 5 Χρυσῆς Dionysiano, c13 13 c111. a. d. xv. Kalend. Novemb.*

EPISTOLA CCCLXV.
JOSEPHO SCALIGERO.

Illuſtrissime Vir, quas ad me XIII. 1603. Kalend. Octob. † dedisti, eas accepi nudius tertius; illas nondum, quibus *περὶ μονάδος καὶ τῆς ἱεραρχικῆς ἀρχῆς* disseruisse ais. Opto illi adolescenti, cui eas tradidisti, fausta omnia, & celerem in hanc urbem adventum; ne mihi tuæ amicitiae tam preciosum cimelium diutius sit expectandum. Ipse an acceperis novissimas mearum, cupio vehementer scire, eas dico, quas scripsi statim lecti epistolā illā tuā, quā de Historia Augusta scribebas. Scripsi tum & ad clarissimum Vulcanium; misi etiam tibi Sylvam quandam vocabulorum Arabicorum, de quibus erudiri à te cupiebam. Quare si eæ literæ tibi sunt redditæ, obtestor benignitatem tuam, ne molestiam docendi me velis defugere, nec te poeniteat facilitatis & *χρηστότητος*, quam hætenus sum in te expertus. Scito autem, in eo nunc nostram occupari industriam, ut divinum opus tuum de Emendatione Temporum possimus tandem intelligere. Jam in eo conatu menses aliquot impendimus, & multum sudavimus. Quæris quid profecerim? Multum sanè, sed illud eximium, B b quòd

1603. quod accuratè tuorum, & parentis tui scriptorum lectione, mea & similium mei scripta disco κατ' ἀξίαν aestimare. Narro tibi quod res est, lectione ejus operis ita me percussit, ut constituerim, cum bono Deo, non antè quiescere, quàm ea mihi comparaverim praelidia, quæ ad intelligentiam tuarum demonstrationum sunt necessaria. Nam ubi melius succisiva mea tempora locem? Quid possum discere, cujus utilitas latius pateat? Quid jucundius, quid nobilior earum rerum cognitione? Atqui non desunt, qui urgeant, ut in aliis potius operam ponam, & nescio quas nugas veteres meas edi; à nobis cupiant: sed quia tanta fuit studiorum meorum infelicitas, ut quæ puer scire debueram, ea nunc propè seni sint discenda, enitar, si potero, emendare quod peccatum est. Operarum in tuo illo aureo libro παραρτήματα alicujus momenti observavi, de quibus per otium alias ad te scribam. Legi

* Joannis. etiam * Temporarii & † Laureti Chronologias; de quibus, si isthic essem, † Christo. tuum judicium lubentissimè cognoscerem. Nobis nullæ hic judicandi partes; nisi quòd Temporarium βικαιπληγίζεν, & tuis plumis dissimulanter se ornare, fero admodum impatienter. De Laureto quid dicemus, qui LXX. anteponit Hebraicæ veritati? Hæc feres tu, magne Censor, neque notam appones? O si mihi aliquando contingat quod opto! De Summatis epistola, miratus sum famam etiam ad te pervenisse, in quo verè possum affirmare, nullam meam esse culpam, qui ne tuas quidem, quas longè pluri facio, cuiquam solitus sum ostendere. Sed quas tibi gratias, δαίμονα ἀνδρῶν, præ † tam salutari consilio referam? nam quæ scribis, ea nobis quoque suboleverant. Quis autem ille, quem designas? An conjecturà sum affectus? qui de illo docto viro accipio, quem non ignoras Chrysostomi editionem meditari. Quisquis ille sit, χαίρειτω. Ne dici quidem potest, quàm opportuna fuerit tua admonitio. Merito igitur pridem ego te

† Ferit, pro.

parentis loco veneror. Venio ad Arabica studia, quæ mihi jam tecum futura, si coeptis faverit Numen, communia: verum ita, ut cum annos multos ei curæ impendero, vix tandem sim dignus futurus te magistro. Nunc quidem ἐς τὰς αἰτίας ἐπ' ἑσμίν· nam errorem tuum multum risi nuper, cum tu me πλεὺς ἀραβίζων argumento scripturæ divinabas. Non enim memineras, cam esse manum juvenis, omnium quos vidi, optimi & integerrimi, Hadriani Flessingensis, qui tantà diligentia in Arabico Avicenna, & paucis aliis libris est versatus, ut profectum illius mirari satis nequeam. Is adolescens probissimus, & omni laude cumulatissimus, tantà modestiā est præditus, ut nullo hortatu, nullis precibus meis impelli potuerit, ut ad te scriberet: neque enim aliter te veneratur, quàm ut δαίμονα quendam inter mortales versantem. Cum hoc egi, ut ad Bibliothecam iret, & vocabula Dioscoridi adscripta describeret, quod & confectum jam esset, nisi repentinus quidam casus ante triduum penè illum nobis, quod Deus avertat, eripisset. Fuera-
mus unà totum diem; sub vesperam cum domum repetiisset, invenit, in vicina domo quosdam pestilentia fuisse extinctos, duos in hospitio suo agrotare: hoc ego nunc ipsum didici, eo narrante. Venit enim ad me, ut celsationem suam excusaret: quanquam omnia ab eo descripta, sed in liturariis, ut alius vix queat legere. Liber Regius neque perfectus est, neque rectè colligatus, chartæ enim, sive membranarum πρὸ παράλλου præposterò ordine collocata; quo nomine difficilius est collatio. Subjeci pauca, ex quibus faciliè erit tibi, de cæteris facere conjecturam. Vale, inlustrissime Scaliger, & me, quod facis, ama. Amplissimum Legatum Buzenvallium, clarissimum Vulcanium, & πρὸ πανμάστον Heinsum, salvere jubeo, & plurimum valere. Lutetiae Parisiorum, a. d. xiiii. Kalend. Novemb. anno ἑ' Σωτήρος Dionysiano, CIO IO CIII.

שאמר	Lepidium.
אלכניכ	Ranunculus.
שקאק	Anemone.
נע אבר אלשקאק	Argemone.
און אלפאר כירי	Anagallis.
לבראב אלשקאק וכרי	
אבר אלשקאק	Hedera.
ערוק אלשקאק	Chelidonium.
רומי	Othonna.

און אלפאר	Auricula maris.
שגור אלני	Isatis.
אנל אלסוס	Glycorriza.
סוס	γλυκύριζα.
שגור אלופא	Hysopus.
בארוארד	Spina alba.
קיסוס	Abrotanum.
אכינוס	Acinus.
סראב	Ruta.
אלקרבן	Coccus baphica.
מחרות	Silphium.
שגור שנין	Melanthium.

Ita passim, opinor, cum in Oriente voces Græcæ aut Latine usurpabantur.

Cætera

1603. Cætera quæ non explebunt, scio, tuam sitim, proximis literis manu Hadriani mei. Audio parari isthic Lexici Arabici Raphelengiani editionem; quod an ita sit, & omnino an aliquid in eo genere literarum isthinc sperandum sit, oro te, significa. Sed ante omnia de Eusebio tuo, quæ res, quæ spes sit reliqua: nam quamdiu *κεχρημένος* expectabimus? Editor Aquitanus*, Antagonista tuus, (*εἰρηόδω γὰρ ἄτως*) aliquot millia MSS. Eusebiorum congerit, & eorum diurnâ nocturnâ collatione suis persuasit unum se sapere. Non rides?

* Vide
suprà.
Epist.
cccix.

EPISTOLA CCCLXVI.

JACOBO AUGUSTO
THUANO.

1603. **A**mplissime Præses, quod vales, gratissimus mihi nuntius est; Deumque oro, præstet tibi firmam valetudinem, & annos Nestoreos duit. Novi quod ad te scribam, habeo nihil, præter hoc unum, Illustrissimum Landgravium cum à Rege multa de te cognovisset, itemque ab aliis, ægerrimo animo tulisse, quod te infalutato cogereetur hinc discedere. Sed eum repentina calamitas domum revocavit: cogitantem enim diutius hic morari, atque hinc Britanniam petere & Belgium, nuntius de uxoris obitu sententiam cœgit mutare. Statim enim audito morbo illius graviore, equum ascendit, vix Rege salutato, ut mihi postea dictum est; nam ego illum non conveni à reditu è Bibliotheca. Sed narravit mihi nobilis Anglus, qui absente Anglico Legato res heic agebat Regina, multa se ab eo audivisse de suo tui videndi desiderio. Cum nuper ad te literas dedi, jam ille in urbe non erat, itaque sera erat tua consalutatio. Hoc habui unum, quod ad te scriberem; quæ tecum garriam, ubi adveneris, multa. Veni igitur, amplissime Domine, quàm primùm. Equidem in eremo versari mihi videor; ita solus sum, quoties abs te diutius abs sum. Scripsi raptim. *Lutetiae Parisiorum, pridie Nonas Novemb. c10 10 c111.*

EPISTOLA CCCLXVII.

DANIELI HEINSIO.

1603. **Q**uæ in Theocritum scripsisti, doctissime Heinsi, hodie vidi: nam cum in tuum librum casu incidissem, arreptum statim devoravi. Non ego is

sum, qui præter animi sententiam solitus sim cuiquam ancillari. Sed me profecto tuum illum libellum legentem admiratio incessabat, cum ætatem præsertim tuam cogitarem. O perge, magne Juvenis, & literarum spes altera, quo cœpisti pede: nam quid sperari à te viro, nedum sene, queat, facile iis æstimare, qui eximiam eruditionem, quæ in iis, quæ edidisti, hætenus apparet, non possunt satis mirari. Quod autem operis partem † nomini meo † *vide Daniel. Heinsii Notæ in Theocritum, pag. 98. edit. C. mml. 1603.* volueris inscribere, hoc est, immortalitate me donare, agerem tibi, ingeniosissime Heinsi, gratias pro tanto beneficio, si verba suppetere, *ὡς ὑπὲρ ἑαυτῶν*. Quamobrem τὸ μὲν *ἀλλὰ λόγῳ χάρις* ἐν τοῖς ὁμολογῶν, *παρήσω*: verum illud à te contendam, ut confidas paratissimum me esse, *ὥς τὸ ἐργῶ ἀμειβεσθαι τὴν χάριν*, *ὥς ποτ' ἄρα ταῦτ' συμβαίη καίρις*, ut tu operâ meâ uti velis. Interea quod unum possum, illud faciam assidue, ut pro studiorum tuorum *εὐροία* Deum orem, utque incepta omnia tua benignus semper secundet. Scripsi hæc *μαλακῶς ἔχων ἐκ τῆς ἀδονείας*. cum melius habebō, uberius ad te scribam. Vale. *Lutetiae Parisiorum, a. d. vi. Eid. Novemb. anno ἔ Σωτήρος Dionysiano, c10 10 c111.*

EPISTOLA CCCLXVIII.

JOSEPHO SCALIGERO.

Habebam quæ ad te scriberem multa. Sed admonet me silentium tuum, ut occupationibus tuis parcius obstrepam. Tertius hic mensis est, ex quo binas à te solum accepi, etsi plures à te scio scriptas; nam illas *τριποθήτης* *πρὸς τὰ ἑξακισχιλίσια ἀριθμῶ* scito necdum mihi fuisse redditas; quas tamen puto non periisse. Paratus sum etiam in hac fortunæ mediocritate *ἰσορροπῶ χρόνῳ* redimere. Meæ si parem fortunam sunt expertæ, aliquot horarum jacturam lucrifecisti: erant enim pleræque omnes *ζητητικαί*, & Platonis verbo *μαυνητικαί*. Illud dolco, si ita sit, simul chartas Dioscoridis periisse, quarum habendi desiderium in te fuisse magnum, non unæ tuarum indicium fecerunt. Expecto igitur, quid sis ad omnes meas rescripturus. Scripsi nuper & ad doctissimum Heinsium, simul ac in manus meas ejus Theocritus incidisset. Exaravi ista raptim *ἐκ τριμήνου ἀδονείας*. Deus te servet, magne Vir, & nobis amorem tuum. *Lutetiae Parisiorum, a. d. vi. Kalend. Decemb. c10 10 c111.*

EPISTOLA CCCLXIX.

DAVIDI HOESCHELIO.

1603. **A**Ccepi, Vir clarissime, & quos viâ Francofordienſi, & quos Lugdunenſi miſiſti faſciculos. Sperabam, me quas ſtagitas Noras citius miſſurum, quàm ſim facturus; neque hæc meâ culpâ; ſed valetudinis, quæ tertium amplius meſem ſic affecta eſt, ut à ſeverioribus ſtudiis, & intentiore meditatione abſtinendum mihi ſit neceſſariò. Sub anni principium iſtero moleſtiſſimo διμνην ferè χρόνον laboravimus: nunc cum διαρροία nobis res eſt contumaciſſima, quàm hætenus ſiſtere αἰ ὡς δὲ τὴν ἰατρικὴν βοήθειαν non quiverunt. Sed jubent illi bono eſſe animo; & jam cum literis in gratiam incipimus redire. Itaque tertius hic dies eſt, cùm Perſii editionem adornare, σὺν Θεῷ ἐπιπύν, inſtitui. Olim eum Poëtam publicè expoſuimus: nunc ut juveniles nugæ noſtras ne contemneremus, efficit ἀλάστωρ ille impurus *, qui ante annum, opinor, alterum aut tertium eum Poëtam conſpurcavit. O ſtolidum caput! O inutilem πολυαναγιωσίαν! Eſt animus, paucos dies huic curæ impendere. Ad nundinas Francofordienſes, ſpero, opus editum iri. Velim hæc cum ampliffimo & præſtantiſſimo Velfero communices, & meam ceſſationem apud illum excuſes. De Libanio, ego & Morellus magnas gratias. Utetur ille, nec abutetur. Vale. *Lutetia Pariſiorum*, a. d. III. Non. Decemb. C I D I D C I I I.

* Theſophyl. Mar-ciliani.

Chartas Origenis accepi, ad pag. 248. Cætera velim mittas viâ Lugdunenſi: providi enim, ne mea ibi non curarent, quorum de fide nuper ſum apud te conqueſtus. Quare aliam viam eligere non debes.

EPISTOLA CCCLXX.

JOSEPHO SCALIGERO.

1603. **Q**Uas ad me a. d. VIII. Kalend. Novemb. † dediſti, hodie accepi: illas nondum, quibus ſcripſiſſe ais ὡς ἐπὶ LXXXVII. μονάδῃ. Utinam veniat tandem, qui illarum eſt bajulus! exſpectatus juxta & gratus veniet, cùm propter commendationem tuam, tùm propter tuas illas literas, quarum exſpectatio longior non parum nobis moleſta. Intercæ ago tibi gratias quantas poſſum maximas pro hoc beneficio: λέων, dico, τῆς πρεσβυτέρου δόξης. Vides verò quàm benè tecum agatur, quod abſum à te longius; nam ſi iſthic eſſem, dubitationi-

† Scaliger. Epist. LXXXVII.

bus meis tibi negotium aſſiduè faceſſe-1603. rem. Lexicon Nebriffenſis Hispano-Latinum neque habemus, neque unquam hætenus nanciſci vel utendum potuimus. Collegimus non pauca id genus μιζομαυρινοαργαδικὰ vocabula è libris aliquot Hispanorum, quos eâ ſolùm ſine legimus, maximè autem ex Hiftoria de Arabico verſa à Michaële Luna. Sed difficile eſt, quæ Hispanicè ſunt ſcripta, etiamſi purè ſint Arabica, cognoscere, & in ordinem cogere. Hoc potes tu præſtare; nos ne conari quidem: itaque aliud curamus. Scripſi ad te nuper de morbo, qui multos meſes ſtudia noſtra retardavit. Nunc cùm beneficio Dei meliuſculè habeamus, conſtitui, impellente maximo Thuano, veteres chartas evolvere, & aliquid ſubindè publicare. Poſſum melius collocare bonas horas, quas invitum me ponere in talibus ſcit, qui nihil non ſcit. Sed infeliçitatis meæ pars magna eſt, quòd ad aliorum potius, quàm meam voluntatem, ſtudia mea cogor diſponere. Eo factum, ut Perſium nunc ederemus, qui in aliis libentius operam poneremus. Legi his diebus quæ in cum Poëtam ante biennium bipedum arrogantiſſimus, Ludimagiſter ‡ Pari-† Theſophyl. Mar-ciliani. ſiæ cujuſdam Scholæ, eſturivit. Equidem ſciebam cùm librum in manus ſumerem, nihil exquiſiti ab illo morione eſſe exſpectandum; ſed tantam hominis eſſe imperitiā, & tam ſtupendam aſinitatem (non enim poſſum aliter vocare) putavi nunquam. Miſeram diligentiam κακοδαίμων σφιγῶ! Atqui ſcito, ante meſem dedecus illud hominis in publicum fuiſſe productum, & in eam cathedram impoſitum, ex qua olim Turnebi, Merceri & alii ſummi viri oracula edere ſoliti. Beatum te, qui hæc non vides: quanquam jocus & riſus hæc ſunt præ aliis, quæ ſingulis diebus oculos noſtros incur-runt; nam de Loyolitis puto accepiſſe te ab aliis rem omnem. Hem, Vir divine, quò tandem iſta evadent? Audiſtine aliquid unquam παραδίδεσθαι? incredible enim dictu eſt, quàm ſit in eorum poteſtate iſ, ὅπερ κράτος ἐστὶ μέγιστον. Fateor tibi, vix parem eſſe me ταῖς ἀναποτάταις ἀνείαις, quas ex impendentium malorum cogitatione præcipio. Quoties chariſſimam uxorem, quoties ſuaviſſima pignora, quoties denique libros meos inſpicio, ſubit animo diei illius infauſti ſpecies, quo furor Dei hoſtium ante annos triginta & unum in bonos crudeliſſimè eſt graſſatus. Et avertent quidem ſuperi, ſpero, tantam à nomine Gallico infamiam. Cæterum, ut ſunt ingenia hodierna, maximè

1603. maximè autem τῶν δημαγωγῶν τῶν ἀκριβέστερον παππομαχόντων, ἢ δὲν ἀπόμεινον. Verum hæc τῷ ὑπὲρ ἡμᾶς καὶ ἐπὶ πᾶσι Θεῷ μιλῶσι. Quod ad Διγενίτιον Δοπεδημίαν, omnem pone metum: consilio enim utemur tuo; neque commitemus, ut illi κακονομάτῳ διχαιοσόφῳ nos objiciamus ἐλθὼν καὶ κύρμα. Excerpta Chronologica nuper recepi; & sum miratus, cur tam citò remitteres. Si ita placet tibi, dabo operam, ut brevi ad te referantur. Utinam prodeat aliquando tandem Eusebius tuus! Utinam tuos illos Isagogicos Canones, priusquam supremum obeam diem, inspicere, & admirabilem doctrinam tuam percipere possim! Nos quidem animati egregiè, & παιδείας τῆς οἷς εἰσὼν βιβλοημένοι ἡνουμεσίς; sed infelices conatus nostros cum adversa valetudo, tūm istæ θυμολόγοι anxietates penitus frangunt. Unicum in malis solatium habemus non leve, quod de tuis scriptis & meritis in rem literariam divinis longè aliter quàm vulgus hominum & judicamus, & pronuntiamus. Chronicis Excerptis utere, abutere, ut voles. Vale, & me ama, ὡς ἀνὴρ σεβασμιώτατος. Deus Opt. Max. te servet omnibus modis ἀπῆμασται. *Lutetiae Parisiorum, CIO IO CIII.*

Oro te, liceat mihi cessionem meam hic excusare apud Heinsum, cujus libellos nuper accepi, & maxima cum voluptate legi. Rescribam cis tres quatuorve dies, & gratias agam. Soleo de eo dicere, pusillus Scaliger hic est: olim si vivat, [& ut vivat oro] iturus per vestigia tua, præstiturus quæ aliis tentare nefas. Rescribam etiam ad Dominicum Baudium, qui Orationem suam * purissimæ Latinitatis misit. Et hi, & nobilis adolescens Henricus du Piu, cum ad te accedent, ex istis, nisi molestum tibi, cognoscent suas mihi fuisse redditas. Novissimæ, quas ad te scripsi, ad Buzenvallium missæ sunt, cui etiam scripsimus. Is fasciculus habuit Lindenbrogii literas adjunctas. Iterum vale, tuque, & ὁ καὶ πρὸς Buzenvallium, cum cæteris, quos nominavi.

EPISTOLA CCCLXXI.

E I D E M.

1603. CUM nuper, post longam plurimorum mensium expectationem, literas à te, inlustriissime virorum, accepissem, rescripsi paullo post, & Arsenio meas tradidi, qui se curaturum promisit. Nunc ista raptim exarabam, cum isthuc Mauricius noster proficisceretur, ex quo de rebus nostris plura,

si lubet, intelligere poteris. Omnino 1603. ἐν δόξῃ μοι θυμὸς, non ex levitate, sed propter multas gravesque causas. Quod si me vetus illud Viri sancti in monte, *Deus providebit*, non solaretur, tantæ sollicitudini par non essem. Scripsi nuper de obitu Gosselini: quæ postea acciderunt, si referre incipiam, nimis te morer. Certum est, τὰς λοῦωλίτας omnem lapidem movisse, ut ejus ministerii, cujus codicillos ante triennium domum à Rege missos acceperam †, alius fieret successor. Quid † *vide supra. Epist. CCLVI.* objiciatur, non ignoras; neque nihil profecerunt, neque effecerunt tamen quod moliebantur. Adhuc sub judice lis est. Ego securus in Museo expecto quid jussurus sit, cujus est imperium; nam ut ea de re verba cuiquam faciam, nemo à me impetraverit: πρὸς τῶν καὶ πικταίνων, καὶ παλαμάων εἰ ἱμπεριονημένοι ὅ, πᾶν. Ego digitum non porrigam eâ causâ. Cæterum quò hæc spectent, & quid rerum pareatur, imprudentissimus sim, si non videam. Sed omnem mimum tempus aperiet; & quidem, ut arbitror, brevi discemus multa. Ego de vestris rebus, & tuo statu non minus sum sollicitus, quàm de fortunis meis. Deum veneror, salutem Ecclesiæ suæ velit prospicere; teque ut nobis quàm diutissime servet, virorum maxime, & mihi amorem tuum. Vale. *Lutetiae Parisiorum, a. d. xix. Kalend. Januar. CIO IO CIV.*

Scripsi nuper ad clarissimum Heinsum, & de pridem tradito exemplari Dionis † Beisio feci certiorum. Opto † *Cbrystom.* illi omnia læta & magna.

EPISTOLA CCCLXXII.

FOPPIO AB AITSEMA.

ET si gratum mihi fuit, cum tuas heri 1603. accepissem, amicissime Foppi, dolui tamen, eo potissimum tempore tua Poëmatia mihi fuisse allata, quo minimè vacuum supererat tempus ad ea legenda. Nam etsi facilè intelligo, ejusmodi tua esse, ut cenfore opus non habeas; fecissem tamen lubentissimo animo, ut qui aliter nequeam, hoc certè officii genere amorem meum tibi testarer. Sed nos impræsentiarum cum aliæ molestæ curæ habent exercitos, tūm etiam Regia Bibliotheca, cujus custodia superioribus diebus nobis fuit demandata. Itaque non voluntatem, sed otium defuisse nobis scito; cupidis alioquin voluntati tuæ morem gerendi. Epistolam verò super obitu Hadriani † *Ἰωαν. Μακαρίτη*, quam ad Josephum Scapula *† Fleiss.* ligerum scripsi, cum non invenirem, *† Fleiss.*

B b 3

ut

* *Auspicalem in Plinio Paegyricum. Colomel.*

1603. ut scires memorem me esse illorum sermonum, quos unâ habuimus, cum proximè unâ essemus, raptim aliam exaravi argumenti ejusdem: quam si ejusmodi esse putas, ut amicitiae nostrae testem apud posteros illam extare cupias, judicio tuo utaris per me licet. Ego neque eam, neque quicquam meorum facio tanti, ut dignum judicem oculis cruditorum. Verùm ipse pro tua prudentia statues. Vale. *Lutetiae Parisiorum*, a. d. xiv. Kalend. Januar. CIO IO CIV.

EPISTOLA CCCLXXIII.

DANIELI HEINSIO.

1603. **Q**Uum in manus meas fortè Theocritus tuus incidisset nuper*, praestantissime Heinsi, non distuli, quin statim & gratias agerem meritissimas, & admirationis, quam exprimunt mihi tua scripta, testes literas ad te mitterem. Acepi postea & epistolam tuam novissimam, & libellos, quibus me beasti. Quid tibi dicam, quibus incessem latitiis? quanta cum voluptate & Poëmata, & Orationes, & Epistolam tuam legerim. Næ tu merus Asteropeus verè ἀστροπεδίτης, qui prorsa & vorfa æquè polleas. Cum versus Græcos tuos lego, Homerum, non Heinsium puto me legere; cum Latinos, Ovidium aut Propertium. In oratione, utrum potius admirer nescio, τὴν τῆς Διονυσίου περὶ τῆς καὶ τῆς εὐρυκλείας, an purissimam Latinitatem. O longum fruaris, amicissime Vir, tantis hisce dotibus. Imò verò fruatur Ecclesia Dei hoc divino ingenio tuo. Audio enim, id te cogitare, eoque nomine immensum capio gaudium. Quod si quid apud te gratiâ possem, non desinerem molestus esse, antequam Davidis Psalms Græcè versos tibi expressissem. Vides quàm multi nostro sæculo rem tentarent, & quàm vel infelicitè, vel ridiculè. Obtestor te, & obnixè oro, accinge te operi, cui secundum τὸν μέγαν ἥρωα † unus tu hodie par esse potes; imò, si pateris, quod sentiam, liberè dicam; haut scio an à plurimis seculis sit repertus, qui Græci Poëtæ titulum mereretur: ne Apollinarem quidem excipio, quem Nonnus in Paraphrasi sua, si quid judico, longè à tergo relinquit. Sed tuum hoc potius judicium est. Vale, προσφιλέστατε ὁ φίλος Heinsi. *Lutetiae Parisiorum*, a. d. x. Kalend. Januar. CIO IO CIV.

* Vide supra Epist. CCCLXXII.

† Scaliger. *Thm.*

illas curas retractare; sed ita lubitum 1603. amicis. Legi quæ Marrucinus * iste, * Marius de quo elegantissimè scribis, ad illum effutiit. Moriar, nisi opinionem meam de hominis insania res ipsa longè superarit. Quando autem prodibit scriptum, de quo spem facis? velim de eo proximis literis aliquid.

EPISTOLA CCCLXXIV.

JOSEPHO SCALIGERO.

DE Autore operis novi περὶ τῆς χαλὺ-βουλευτικῆς, non meum, sed aliorum judicia tibi indicavi, missis ipsorum literis, qui rem ad te referebant. Atque illi sæpe me conveniunt, ut suas acceperis necne, cognoscant. Ego etiam valde sollicitus sum de hoc diuturniore tuo silentio. Sed bene erit, modò valere te intellexero; quod ut ita sit, pari affectu à superis peto, ac vota pro salute uxoris iisdem facio. Porro mitto nunc tibi illum ipsum, de quo dixi librum, ab Autore tibi donatum. Is mecum diligenter egit, ut rogarem te atque obtestarer, iis literis velles respondere, quas ad munus suum adjunxit. Omnino vir optimus est, & pietatis raræ: nam & κίρνη & βίος λόγος ἐστὶ. Multa ille per tuum divinum parentem profecisse profitetur; te quoque reverentiâ, quâ debet, profequitur. Spondi illi, librum suum ab humanitate tua benevolè iri acceptum. Quod ut temerè affirmasse ne videar, per eam benevolentiam, quâ me compleris immerentem, etiam & etiam te vehementer oro. Vale, illustrissime Scaliger. *Lutetiae Parisiorum*, a. d. x. Kalend. Januar. CIO IO CIV.

EPISTOLA CCCLXXV.

DANIELI HEINSIO.

Primùm tibi pro eximio carmine 1603. gratias ago, quod in Commentarium nostrum Persianum scripsisti. Fateor equidem, id studio non vulgari conatum me, ut tenebricosum Authorem vel pueris clarum redderem: sed an quod volui, sim assecutus, tu judicabis, si tanti facis scriptum verbosissimum, ut pauculas horas in ejus lectione putes tibi esse perdendas, quod tamen ne facias, maturè te moneo: nihil enim eruditis tuis auribus dignum in eo libro te inventurum prædico, qui in tyronum gratiam & susceptus est & confectus. Ut taceam, quod verè possum dicere, eò jam pervenisse te eruditionis ac scientiæ, ut à lectione nostro-

1603. nostrorum librorum doctior non possis discedere: cum contrā nunquam tuas lucubrationes de manibus ponamus nos sine ingenii & *μεγαλυνίας* tuæ summa admiratione. De conditione quod nuper scripsi, ita res habet: posteaquam ex Foppii Sceltonis, familiaris tui, sermonibus cognovi, cogitare te brevi in Galliam, tantum ex nuntio concepisti lætitiæ, ut non continerem me, quin apud amicos de tuo adventu multa loquerer. Est in urbe vir, pietate, doctrinā, & magnis in Rempubicam meritis insignis, D. Caligno, Navarræ Cancellarius, qui hoc cognito, mecum egit, simul ac venisses, ad se te deducerem: facturum enim ne aut te poenitere posset, aut me, cui tua comoda majori futura sunt curæ quàm tibi. Jam olim, hoc est, ante annos quinque commendatione nostrā idem vir amplissimus in ædeis suas recepit N. N. exindeque eo loco semper habuit, ut nunc quoque lubentissimè ibi hæreat. Sed conditione illius, etsi oppidò lauta est & perhonestā, tua longè melior futura. Est enim Caligno æquissimus ingeniorum æstimator, *τὸ τοιαῦτα κρίνειν ἰκανέταλ' ἐν*. Quare si nihil te moratur aliud, iter tuum diutius ne differ, securus omnium rerum: deerit enim nihil tibi, non magis quàm mihi. Sin commodiorem anni tempestatem mavis expectare, non dissido posse fieri, Deo Opt. Max. vota mea exaudiente, ut habcas me itineris comitem, quando à magno Scaligero revertar, ad quem vere proximo visendum jam parata mihi sunt omnia. Faveant modò cœptis Superi, & hujus voti me damnatum velint, quo nihil potest mihi aut optatius contingere, aut gratius & jucundius. De Loyolitis quod metuis, multum te amo: sed libero te metu, nam illa *μερμὴ*, etsi meritò φοβερὰ, ἐκ ἰδανὲς tamen hætenus quidem: *τὸ δὲ μέλλον θίγῃ ἐν γύνασι καται*. Ex iis, quas ad illustrem Heroem scripsi, intelliges, quàm penè sit factum, ut in contumeliam nostram Grotius vester huc vocaretur, quod profectò si è re illius esset futurum, oprarem esse factum: amo enim non minus quàm admiror stupendum illius ingenium. Verùm de his, ut spero, adfatim *ῥῆμα πρὸς ῥῆμα*. Vassani fratres de tua humanitate, quam isthic quotidie experiuntur, multa ad me scribunt: quamobrem illo nomine me tibi devinctissimum fatear necesse est. Dionem * an acceperis à Beisio, velim significes. Vale, meus amor. *Lutetiae Parisiorum, a.d. 1v. Kalend. Januariar. c13 13 c1v.*

* *Cbryso-
stomus.*

EPISTOLA CCCLXXVI.
JOSEPHO SCALIGERO.

Quia persuasissimum mihi est, per- 1603.
tinere ad partem aliquam tuarum curarum, illustrissime Scaliger, reculas nostras; facere non possum quin fortunam meam hujusce diei tibi narrem. Gaudebis, scio, meo gaudio, & Deo Opt. Max. gratias mecum ages. Angebar non mediocriter, atque adeò acrius quàm literis meis significarem, ob raritatem tuarum, quas multis jam mensibus unicas acceperam. Scis quàm sit amor, utique vehemens, solliciti timoris plenus. Itaque *δυναμι* vivebam, soleo enim, si quando molestioribus curis animum confectum velim reficere, tuarum lectione me oblectare. Jam verò ex postremis mearum, si modò eas accepisti, non clam te est, quo loco fortunæ nostræ heic essent: penè enim conflagravimus eo incendio invidiæ, quàm nobis excitarunt boni viri illi *, quos nōsti. Atqui tempore ac *Loy-
lita.* propè momento eodem & literas à te juvenis quidam mihi attulit, & Perrotus, Regis Secretarius, cum regis codicillis ad me venit; quibus non solum in tuto fortunæ nostræ collocantur, sed etiam aliquantò meliore, quàm hætenus fuerint, loco. Scripsi nuper tibi de Gosselini tristi obitu. Id muneris quum ante triennium mihi esse à Rege ultrò demandatum, nos tamen, ne venerando seni dolori essemus, ne verbum quidem ullum unquam super eo cum ipso commutavimus. Accidit verò sanè quàm perincommodè, ut tunc ille satis concederet, quando flamma illa cum maximè ardebat, quā prope modum ustulati sumus. Fremere igitur boni Patres, & clamare indignum fore facinus, si tantus thesaurus obstinatissimo Hæreticorum [sic enim vocitant] permitteretur. Est quidem Princeps noster fidei tenacissimus etiam erga humilimos; concussus tamen est illius animus istorum vocibus. Ac quoniam periculosi res exempli fore videbatur, si religionis causā delata semel provincia abrogaretur; exstiterē homines ingeniosissimi, qui inventiuncula nova malo mederentur: fuere enim autores, ut ad cernendam hanc hereditatem Hugo Grotius usque inde ex Haga Hollandorum vocaretur: ut intelligerent omnes, non religionis, quam profiteor, sed mei privato odio hoc fieri. Cum hæc agerentur, plures amicorum ad me venerunt, qui monerent, irem in aulam, & cum optimo Principe agerem;

1603. rem; quod cum imperrare à me non possent, illud facile obtinuerunt, ut literis de Gosselini morte amplissimum Villaregium facerem certiore. Præterierunt septimanæ aliquot; cum interea alii gratiā, alii pecuniā rem tentarent. Post illa venit Rex in urbem; quem statim pro more & officio adii, quo loco Bibliotheca esset, aperui; de me ne verbum feci. Senti voluntatem illius erga me non leviter immutatam; neque enim familiari illo vultu nos excepit, quo prius solebat, quæ singularis ipsius est comitas & benignitas. Postridie adiit ad illum magnus Thuanus; qui animum ejus cum vidisset nutantem, nullo negotio firmavit. Non diu deliberatum est post illa; nam altero die venit ad me idem Perrottus, qui nuntiaret, placere Regi, ut pristinum beneficium ratum maneret; ut ejus rei testes codicilli, prout moris est, quàm honestissimā formā perferberentur; atque adeo jussisse ipsum, ut Thuanus & Villaregius ei negotio finem imponerent. Erant meæ jam partes, ut ambitiosis precibus à summis illis viris obtinerem, quod Rex sponte suā dederat. Sic enim in hac aula vivitur; ubi nulla unquam mihi fuit molestia, si quid vellem à Rege mihi concedi; plurimæ, si Procerum aliquem vellem conventum. Hac omni sollicitudine ὁ γυνάσιος Thuanus sic me liberavit, ut rem prius confectam intellexerim, quàm in animum inducerem, cuiquàm eo nomine supplicare. Hodie igitur cum tuas, xii. Kalend. Novemb. datas, legerem, & de te fabularer cum illo adolescente, qui eas reddiderat, allatum diploma est, quo præter verborum honorem, quadringentarum librarum stipendium priori pensioni adjicitur. Id verò mihi eò gratius accidit, quia Villaregius nullo meo rogatu, imò verò nescio me, hanc συντάξιως προδίδωμι mihi procuravit. Nunc si per Dei benignitatem liceat, constitui Bibliothecam illam propius inspicere; adhuc enim hospes in illa sum ac peregrinus. Hoc solum vereor, ne quò paratior à libris ero, eò tempore atque otio magis deficiat. Ejusmodi sunt αἱ τῶν ἀνθρώπων ἐνημερίαι, quibus semper plus aloës quàm mellis solet esse admixtum. Quò enim mihi illa librorum optimorum copia, si uti non datur? Conabimur tamen, neque nobis deerimus. Habes, illustrissime Vir, præsentem meum statum; qui nisi præsidio fulciatur divino, mutari in dies, in horas potest. Quicquid acciderit, feremus æquo, ut par est, animo, & te de omnibus certiore faciemus. De profe-

ctione isthuc, consilio tuo utar; etsi 1603. longum mihi est, Majum expectare, ut te præsens venerer. Eusebium Burdigalensem sunt qui affirmant sibi visum; ego non vidi, ne amplissimus quidem Thuanus, qui tamen studiosè quærivimus. Utinam tuum brevi legere contingat nobis; possumus alterius illius deliderium patientissimè ferre. Dionem an acceperis, tandem nescio: ea scriptio ut repentina fuit, ita brevis. Nunc Commentarium edimus in Persium, iis scriptum, qui vix primas literas norunt. Itaque ἀπραντολογίας meæ seriò me pudet. Addemus libellum de Saryrica Græcorum Poësi & Saryra Romanorum, quæ opella si tibi non displicet, satis justam μεγαλαυχίας ὑπόψιν nos putabimus esse consecutos. Vale, τὸ μὲν αὖχμα, & diu vive quàm felicissimus. Lutetiae Parisiorum, a. d. iv. Kalend. Januar. cio 10 civ.

EPISTOLA CCCLXXVII.

DANIELI HEINSIO.

A Ccepi, clarissime Heinsi, & quod 1603. misisti, Theocriti folium, & quas scripsisti, literas. Hæ, quòd erant amoris notis plenissimæ, ut omnes tuæ, magno gaudio me affecerunt: illud, quòd spem faceret accuratæ editionis Poëtæ ejus, quem vehementer amo. Gratissimum etiam mihi, pervenisse ad umbilicum Hesiodum tuum; quem, si tuo missu brevi consequor, plurimum me debiturum tibi profiteor. Nam qui isthic eduntur libri, rarò admodum, nec nisi post περὶ λόγων ἐναυτίῳ hic inveniuntur. Itaque magni Scaligeri Proverbia, isthic cusa, necdum nancisci potui, quamvis summā & cupiditate & diligentia quæsierim. Memini etiam, quæstum nuper apud me amplissimum Thuanum, quòd Orationes tuas nusquam reperisset, quæ ipsi tamen famā sunt notæ. Est ille vir tuorum omnium studiosissimus, neque ei quicquam, opinor, deest eorum, quæ à te sunt edita hætenus, præter Orationes, & si qua hoc genus ex ingenii tui fonte prodierunt mole minutā, quantumvis re magnā & verè γυνάσιος. Velim significes proximis literis, de Martiali Scriverii quid jam spei sit reliquum; nam annus, ni fallor, præterit, ex quo scripsit ad me Josephus Scaliger, inchoatam ejus editionem. Nos Commentarium in Persium jamjam edituri, ξὺν τοῖς εἰρηῖς, sumus. Vale, charissime Heinsi, & me ἀποφύῃς ἱστὸς ζυγῶ, ut tuus ait Poëta. Clarissimum Vulcanium, & præstantissimum Bau-

1604. Baudium meis verbis salutes velim. *Lutetiae Parisiorum, a. d. VIII. Eid. Januar. CIO IO CIV.*

E P I S T O L A CCCLXXVIII.

JOSEPHO SCALIGERO.

1604. **V**ir illustrissime, encaverat me superior epistola tua, quā omnem spem ferē videbaris amisisse de editione Eusebii tui, quem ubi prelo jam esse subjectum, ex novissimis tuis intellexi, incredibile dictu, quo gaudio exultaverim. Oro cœleste Numen, det tibi, quam orsus es, telam detexere feliciter, & debitā summis tuis in rem literariam meritis laude frui in terris quā diutissimē, αὐτὸν ἀριστεύοντα καὶ ὑπὲρ ἑαυτὸν ἄλλων. De Excerptis Siculorum Fastorum miror adeo sollicitē ne semel à te scribi. Adeo' ignotum esse me tibi, ut hoc nomine veniam tibi orandus? Tunc fieri posse existimasti, ut quod te velle rescierim, id ego nollem? Utinam δέκα mihi sint γλῶσσαι, δέκα δὲ στόμαθα, ut quā te veneratione colam, pietate amem, possem tibi significare. De Antagonistæ * tui cessatione non magis tu sollicitus es quā ipse sum. Omnino cumulus aliquis gloriæ tuæ accedet, si præcedat ejus editio. Sed bono animo esto: nuntio tibi fervere opus Burdigalæ, nisi decepit me nuper nescio quis, à quo mihi communicati sunt loci aliquot in Eusebio conclamati, quorum restitutionem ostiatim totā urbe petit per suos novus ille editor. Quid multa? cū nullus esset Æsculapius repertus, ventum ad me. Erant quædam, de quibus non censui eundem in consilium. Pag. 3. editionis Basil. *Latona Jovis conjux tunc palitia fugit*: respondi statim, legendum esse: *conjux usurpatitia*, hoc est, παλλακή. De cæteris responsū à me, adiret ad alios, quibus orti plus quā nobis. Sed quoniam tam bella occasio est oblata, volo eā uti, ut penitus omne hoc negotium cognoscam, & tibi certō referam, quo loco res sit. Confide fore mihi hanc rem curæ, nec defuturas rationes omnia explorandi & certō cognoscendi. Vale, & me ama. *Lutetiae Parisiorum, a. d. VIII. Eid. Januar. CIO IO CIV.*

* Arnoldi
Pontici.

E P I S T O L A CCCLXXIX.

CAROLO LABBÆO.

1604. **E**T si per mihi gratum esse solet, literas ad amicos scribere, eruditos præsertim, quo in numero tu, Labbæ

doctissime; accidit tamen persæpe, ut 1604. eo in genere officii accusandæ cessationis meæ occasionem illis, quorum amorem plurimi facio, præbeam: ne alius dicam, ipsum te exoptulare σὴ ἐμὴ αὐτῇ mecum, & quod novissimis tuarum adhuc non responderim, causāam requirere, nullus dubito. Ego, verò multa habeo, atque adeo plura quā vellem, non προφασίζω, sed verè αἰτιάζω. quæ cū ex superioribus meis confidam tibi esse nota, iis repetendis supersedebo. Valetudo certē nihilō firmior; occupationes verò & ἐνοχλήματα legitimarum curarum adeo non minuunt, ut indies crescere videantur. Quid faceres? οὐδὲ ἐπλεέτο βελή. qui me nihil tale cogitantem huc migrare voluit, damno studiorum meorum haud scio majore, an comodo. Copia librorum ἀνεκδότην & δυσχευρήτων alibi, hic verè πλεονάζοντων, animos mihi initio addiderat, & spem in animo meo excitarat magnæ cujusdam προοπτικῆς, quā nihil in rebus humanis possit accidere jucundius: rursus verò hæc tot & ferè continua impedimenta, quæ heic experior, incredibile dictu est, quantum animos mihi dejiciant & mœrore involvant. Quod igitur non statim, ut quæque tuarum mihi est allata, sed ex comodo meo tibi respondeo, æquum est te ignoscere, nec secius interpretari. Ego, si ita fors unquam tulerit, ut vel re, vel consilio tibi possim prodesse, facilè vincam, ex omni tuorum numero neminem esse unum, qui te κρεῖθι μάλλον amet, rebus nempe, non verbis, aut, literis, amor verus æstimandus. Dosirheum, si penes Lectium virum clarissimum, & mei amantissimum, esset, facilè cum tibi impetrarem: verū quid heic aut ego, aut Lectius possimus, non video; si tamen jubes, tentabimus: πῶς θλω πόντα πλύται, ait Siculus Poëta. Vale, amicissime Labbæ. Literas à magno Scaligero tibi mitto. Tu si quid ad illum, mitte, & factum puta. Patri, viro amplissimo, & doctissimo fratri salutem, amabò, verbis meis. *Lutetiae Parisiorum, Eid. Januar. CIO IO CIV. raptim.*

E P I S T O L A CCCLXXX.

CHRISTOPHORO PUTEANO.

GRatissimas accidisse mihi literas 1604. tuas, amicissime Puteane, etiam tacente me confido tibi esse exploratum. Præter arctissimæ amicitiae, quæ mihi tecum intercedit, jus sanctissimum, sunt & aliæ plures causæ, cur iis
C c ac-

1604. acceptis gauderem; sed illud eximium, & mihi crede, magnum, quod post intellectum morbum, quo isthic laborasti gravissimè, sollicitus semper vixi: ut nihil fermè potuerit evenire mihi jucundius, nullum ἀκρόαμα suavius, quàm ut eâ curâ liberarer, factus de convalescentiâ tuâ certior. Ago, mi Puteane, ex animo, si quisquam tuorum, magno Deo gratias, qui te servavit, & porro etiam (sic spero & voleo) servabit. Tu quoque siquidem ἰσφ. ζυγῶ nos ἀντιφιλῆς, meo nomine eidem Σωτῆρι vero σῶσρα debes. Nam si nescis, à tuo discessu vix unum egimus diem à morbo vel uxoris, vel amborum immunem: quin & nunc quoque jacenti, & tantum non conclamatae adsumus, cum has scribimus. Quintus hic est dies, cum ἰατρῶν παῖδες, viri in arte sua excellentissimi, pro deposita eam habebant. Adfuit velut κατὰ μηχανῆς ὁ ἐπὶ πᾶσι θεός, cujus ope effectum confidimus, ut jam spei non dubiæ sit aliquis locus: Nos ab eo tempore pedem extra cubiculum ipsius vix extulimus; quo factum ut apud amplissimum Præsidem tuam, sicut optare te scribis, causam agere non potuerimus. Verum nostro patrocinio nihil opus tibi, cum neque offensa sit ulla admodum contracta; neque, si maximè esset, alio deprecatore opus haberes, quàm lectissimâ matronâ, parente tuâ, quæ apud sapientissimum virum tantum potest, quantum & virtus ipsius meretur, & commune cognationis vinculum. Quod scribis, impetum cepisse te, noscendi propius & penitus Historiam Ecclesiasticam, laudo inceptum, atque adeo, qui meus est in te amor, serio tibi gratulor tam generosæ mentis. Nam quotus quisque est ex hodierna juventute, ejus præsertim, cujus es tu, loci, eorum majorum, quem hæc tangat cura? Omnes ad forum properant, omnes illud χρυσῶν ἥρῳ πὲρ βίβλια, ut nescio quis Veterum dixit, amplectuntur, mirantur; eò cruda studia deferunt, eò cogitationes omnes suas referunt. Melius tu, mi Puteane, qui animum tuum ad verè sublimia, verè cœlestia paras appellere, aut jam potius, appulisti: βάλῃ δ' αὖτ' εἰκὲν τι φέας δαναταὶ γέναις. Quicunque ille fuit, qui tam salutaris consilii fuit auctor, hunc sequere, & propitio Numine aggredere studium utilissimum simul ac suavissimum. O mihi præteritos referat si nunc Deus annos! testor, nihil mihi eo genere literarum antiquius: sed nobis, cum erat adhuc γόνυ χλωρὸν, dux defuit atque hortator. Tu i, cui virent genua; i bone, quò tua te virtus vocat. Spero equidem εὖ καὶ ἀνδρῶν

obortum in animo tuo rei tam præcla- 1604.
ræ desiderium. Amabo autem, serio-
ne an joco petis à me, ut rationem ti-
bi aliquam indicem feliciter ingredien-
di hujus studii? Ego ut in hoc genere
aliquid præcipiam tibi? Ut obliviscar
aut ipse qui sim, aut tu ubi sis? Ἀρχα-
δὴν μὲ αἰτῆς; μίαν μὲ αἰτῆς, ἔτοι δ' αἶσω.
Prorsus sic est, rem magnam me rogas,
& cui præstandæ parum sim idoneus.
Quanquam si mihi ista scribenti pluscu-
lum otii fuisset, nec tam gravis ærumna
omnem animi mentem mihi excussis-
set, totis ingenii viribus in eam curam
incubuissẽ, ut quâ ardeam gratificandi
tibi cupiditate, non nescires. Nunc
cũ ista raptim exarare cogar, in spon-
da lecti sedens, cui affixa est consors
mea, acerrimis vexata cruciatibus, da,
quæso, hanc dolori meo veniam, aut
etiam si ita vis, me quoque, sed aliàs
consulas. Si de lite, quamvis parvæ
rei, in consilium ad te aliquis adirer,
& multis & molestis districtum curis,
huic tu consulendum te præberes? Non
ἄλλω δρῶν βαλάντιον juberet? Et meritò
quidem: ἱερὸν γὰρ ἡ βαλὴ. Feres igitur
animo æquo, Vir amicissime, si volun-
tati tuæ impræsentiarum, non facio fa-
tis. Omnino ingens, immensum, va-
stum est pelagus illud, cui navim tuam
cogitas credere. Sed nihil tam arduum
aut difficile, quod labore & diligentia
non sis superaturus: nihil est rerum
omnium, quod non sit μελέτη ἀνάσκειν.
Multum autem & operæ, & tempo-
ris perituum tibi, nisi maturè certam
rationem inieris, quæ ad optatum
portum te dirigat. Quænam autem
illa? Nempe hoc est, quod tu me ro-
gās, de quo cū jam non possim
sententiam meam tibi aperire, non re-
cuso quin liberatus hâc tantâ molestiâ
voluntati tuæ morem geram. Vale.
*Lutetiæ Parisiorum, a. d. xii. Kalend.
Februar. anno Messia τῷ Χριστῷ cto to
civ. Dionysiano.*

Si mihi librorum Indicem miseris, qui isthic Arabicè sunt editi, aut qui putentur brevi edendi, facies mihi rem gratissimam. Velim etiam, si tibi notitia cum D. Spondano intercedit, verbis meis illum salutes quàm officiosis. Accepi ante aliquot dies, illustrissimi Cardinalis, D. Baronii literas, quas curavit ipse: his nos respondebimus cis breve tempus, *ἔσται τῷ Θεῷ εἰπών.*

EPISTOLA CCCLXXXI.
 ANDREÆ SCHOTTO.

Litera tuæ, quas ante paucos dies ac-
cepi, non voluntatem, sed occu-
pa-

1604. pationes meas anteverterunt. Diu namque est cum scribendi ad te & otium, & occasionem capto. Nam donatus à Grutero nomine tuo Senecæ libro *, quem nuper publicasti, ingratus sim nisi gratias tibi agerem. Ego vero grates tibi, doctissime Schotte, & ago & habeo, quantas possum maximas; cum propter munus, quo me privatim affecisti, tum multò etiam magis ipsius Senecæ nomine, quem immortalis esse affectum à te beneficio, nemo negaverit harum literarum intelligens. Perge sanè, Vir eruditissime, hujus generis monumentis decus & famam tibi parare. Quàm sis enim in utraque lingua exercitatus, satis superque probant, quæ sunt hætenus à te edita; eximie autem, si quid judico, opus illud, quo duo illa Græciæ terræ lumina, Aristotelem & Demosthenem, descripsisti. Equidem pro mea virili multum me tibi debere propter operam in in eo argumento positam, ingenuè profiteor. Exemplaria, quæ jussêras mitti Augustâ Vindelicorum, missa non sunt. Verùm nihil in eo peccatum; imò etiam pudori meo consultum, qui tot jam nominibus tibi obstrictus sum, ut ἀναξίας ἀποδοῖς rationem nullam inveniam: quid enim rependam? Meorum aliquid? Hoc quidem erit χάρις ἀπὸ χειρῶν. Mittam tamen tuo amore fretus, quæ in Persium jamjam, εὖν τῷ θεῷ, sum editurus. Expresserant à nobis amici, ut quæ ante multos annos, cum publicè cum ἑμμετρον Philosophum interpretaremur, nobis scripseramus, relegeremus, & publicaremus. Quid præstiterimus, judicium erit tuum. Marrucinus † quidem ille, qui ante biennium in hac urbe cum conspurcavit, non multò melius Persium intellexit, quàm aliquis de vervecum patria. Sed valeat τῶν δοκησισέων ὁ κορυφαίος. Te, mi Schotte, Deus Opt. Max. servet, & felicem præstet. Lutetie Parisiorum, a. d. ix. Kalend. Februar. C13 13 CIV. & Σωτῆρ.

† Suprà
Epist.
CCCLXXIII.

EPISTOLA CCCLXXXII.

✠ JANO LERNUTIO.

1604. Ita vivam, clarissime Lernuti, ut acceptis literis tuis, gestiente quâdam lætitiâ sum elatus. Ipsum primò nomen tuum non mediocri voluptate nos affecit, cum missam ab eo salutem magni faceremus, quem inter præstantissima sæculi hujus ingenia meritissimè celebrari non nesciebamus. Ubi verò epistolam tuam amanter adedò scriptam legimus, tuumque adhuc adversus nos

amorem; non enim dicam, benevolentiam, cognovimus, προσίαι καὶ τῆς χάρις, mihi crede, ἐγνώμεθα. Nam id si verabat tenuitatis meæ conscientia eorum, quæ liberali manu nobis tribuis, quicquam agnoscere de amicitia tamen tua, unde hoc ἐκ ἀδελφῶν judicium intelligebam esse profectum, jure merito triumphabam. Quid ego tibi, Vir eximie, pro ista tanta humanitate possum rependere? Quid autem aliud nisi ipsum me? qui profecto & jam olim dulcedine carminum tuorum captus, nunc autem novâ hac tui erga nos adfectûs significatione ita sum tibi conciliatus, ut verè possim affirmare, sine fuco & fallaciis esse me jam tuum. Perge igitur, eruditissime Vir, quod ultro cepisti tuo amore nos complecti; nos te semper fide summâ colimus, quodque unum possumus, fausta omnia tibi ac læta oprabimus. Adolescenti nobili ac docto, quem mihi commendastis, & tuo nomine, & propter ipsius virtutem omnia officia mea libentissimè detuli, si quidem esset aliquid, in quo meâ operâ vellet uti. Lætatus sum, quod ex eo intellexi de tuorum Poëmatum editione sibi commissâ. Nos si quid possumus, & tibi & ipsi luculenter satisfacimus. Narravit ille mihi, incidisse in manus ipsius Plinii Historiam Naturalem, cum Victoris Giselini emendationibus ex antiquis Membranis; seque eum librum ad te misisse. Oro te, Vir præstantissime, facias me certior, illæ notæ cujusmodi sint. Nam viri magni, quorum petitioni agrè resistimus, prope invitis nobis onus imponunt similis laboris. Quod si ὁ μακαρίτης Giselinus eam palmam occupavit, χαίροντες ἐυφημεῖντες ejus vigilis fruemur, teque per sacra Musarum orabimus, ut opus illud primo quoque tempore in lucem edatur: hoc nihil mihi facere possis gratius. Vale. Lutetie Parisiorum, a. d. ix. Kalend. Februar. C13 13 CIV. & Σωτῆρ. Dionysiano.

EPISTOLA CCCLXXXIII.
JOSEPHO SCALIGERO.

Vir illustrissime, heri tuas accepi, 1604. quas mihi tradidit Pastor gregis Arausionensis. Omnes tuas statim reddidi; ac quoniam eodem temporis articulo, quo tuæ mihi reddebantur, admonitus sum de tabellarii hujus profectio, molestissimis negotiis, quæ me sibi totum vindicant, tantulum temporis suffuratus sum, quantum satis erat hisce exarandis, brevi, si Deus voluerit, uberius & animo tranquilliore scripturus.

1604. pturus. Nunc illud tantum significabo tibi, publicatum esse tandem Burdigalensem Eusebium, cujus editionis Autor duo exemplaria mihi cum primis tradi jussit: alterum eorum tibi ut curarem, obnixè sum rogatus; simul ut significarem, operis patrem & summo- perè ingenii tui dotes admirari, & amicitiam suam offerre, si modò tu illam non dedigneris. Qui libros tradi- dit, & domum meam curavit afferen- do, Fronto Ducæus, statim prolato indice, tanquam conscriptis tabulis, Pontaci judicium de tuis in Rempubli- cam literariam meritis, mihi probavit. De ipso quidem opere non adeò impu- dens sum, ut quid ipse sentiam, prosi- teri prius ausim, quàm à te doctus fue- rim, quanti illud sit faciendum. Mitto etiam tibi Guilielmi Nautonerii, qui * Mecometriam edidit, epistolam; cui si respondere non fueris gravatus, non solum ipsi, verum & mihi rem feceris gratissimam; est enim vir bonus, & qui in magna felicitatis parte amicitiam tuam ponit. Quod superest, dum orii plusculum nanciscar, apud clarissimum Heinsium meum silentium ut excuses, te etiam atque etiam oro. Dionis exem- plaria an vobis fuerint reddita, eò ve- lim scire, ut si fraus mihi facta, inju- riam hanc cum Drovardo & Beisio pos- sim expostulare. Persii unicum superest folium; sed homo catus, ne judicia ve- stra isthic subeat, tuum potissimum, vi- rorum maxime, non invitus in Typo- graphio latitat: atque utinam semper latuisset; nos enim profectò prolixita- tis ferio pœnitet pudetque. Vale, il- lustrissime Vir, & me amare perge. *Lutetiae Parisiorum, a. d. Eid. Februar. CIO IO CIV.*

EPISTOLA CCCLXXXIV.

DAVIDI HOESCHELIO.

1604. **A**Ccepi hodie utrumque simul fasci- culum tuum. Gaudeo, impositum à te finem libris eruditissimis contra Celsum, quorum lectione mirum in modum sum delectatus, ut prioribus meis tibi significavi. Gregorii Thau- maturgi, quam adjecisti, Orationem, accuratè legam; & quæ videbuntur no- tatu digna, si qua illa sunt, statim ad te. Jam enim beneficio Dei Opt. Max. ex ærumna gravissima respirare incipio, meliusculè in dies se habente uxore, quæ ab octava hujus anni die periculo- sissimè & gravissimè ægrotavit. Equi- dem pro conclamata eam non semel ha- bui, neque quicquam potest fingi ad- flictius, quàm fuimus nos ab illa die

ad istam continuò ferè semper, cum ab 1604. ejus lecto non discederemus. Itaque Persius, quem Typographo jam tradi- deramus, jacet, & omnino mea lan- guent studia. Nunc, si ita τὸ ἐπὶ πᾶσι θεῶν fuerit visum, ad solennia redibi- mus, & brevi fortasse aliquid edemus. Verum de his, & de tuo Privilegio, ac superioribus literis plura brevi. Va- le, doctissime Vir. Amplissimo & no- bilissimo Velsero salutem officiosam ve- lim nunties. *Lutetiae Parisiorum, a. d. xv. Kalend. Martii, anno ἔ Σωτῆρος CIO IO CIV.*

EPISTOLA CCCLXXXV.

EIDEM.

PAucas hodie impendi horas lectioni 1604. chartarum, quas ante triduum, ut statim significavi, abs te accepi. Incre- dibilem in modum delectarunt me cum Origeniaca, quæ nondum legeram; tum etiam εὐχαριστήριον ille λόγος, quem ad- jecisti, S. Patris Gregorii Thaumatur- hi. Nondum, ut existimo, illa Ora- tio, cujus apud Veteres celeberrima mentio est, publicà luce fuerat dona- ta; etsi facis tu mentionem nescio cu- jus interpretationis, quam equidem vidi nunquam. Ne illi quidem, opi- nor, viderunt, qui de rebus Ecclesia- sticis hætenus scripserunt, post litera- rum παλιγγενεσίαν. Diligentissimus certè vir, Cæsar Baronius, lectione hujus Orationis Annales suos poterat locu- pliores reddere & emendatiores. Per- ge verò, mi Hoescheli, de literis, præ- fertim verò ejus generis, mereri benè. Quod ut perdiu facias, & μετὰ πόσης ρασιώνης, Deum ex animo precor. An extet is liber in luculentissima Regis Christianissimi Bibliotheca, non scio: scirem, & diligenter inquirerem, si per gravissimum uxoris morbum, qui alterum ferè jam mensem me angit cru- ciatque, liceret. Abest enim longius Regia Bibliotheca, quàm ut illam adi- re post acceptas tuas adhuc potuerim. Accedit, quòd in tanta librorum copia pusillum adeò scriptum diu quærendum erit, priusquam inveniri queat. Indi- ces quippe librorum mendosissimè facti sunt & negligentissimè. Meminero ta- men, cum primùm illuc veniam, & ut voluntati tuæ morem geram, πάντι, quod ajunt, κινήσω κάλον. Interea quæ percurrenti mihi eam Orationem, in mentem venerunt, paucis accipe, & boni consule. Vale. Amplissimum & nobilissimum virum Velservum verbis meis, nisi molestum est, salutabis. *Lutetiae Parisiorum, a. d. xii. Kalend. Mart. CIO IO CIV.*

* Hæc

* *Font.*
1603. in
fol.

1604. * Hæc sunt, eruditissime Hoescheli, quæ inter molestissimas curas, cum uxori gravissimè ægrotanti adfiderem, dum elegantissimam Orationem rogatu tuo percurro, observabam, quæ singulari tuo in his literis iudicio fretus tibi mitto, ut illis arbitrio tuo utaris. Vale, & me, quod facis, ama.

EPISTOLA CCCLXXXVI.

✱ PETRO TERLONIO.

1604. Q UOD fieri solitum in stadio, non te latet, Vir eruditissime, ut σπύδοντας καὶ αὐλὸς τὰς δρομίας τοὺς εὐφημίας, & togarum jactatione, multiplicique plausu spectatores incitarent; id ego nunc erga te accuratâ oratione facerem, teque in studio virtutis atque literarum confirmarem, hortarerque ad perficiendum quod feliciter adeo cœpisti; nisi idem me impediret, quem habeo consilii hujus auctorem: patrem tuum dico, virum clarissimum, & longè doctissimum; qui isthuc rediens, pro ea, quæ inter nos recens instituta est amicitia, mecum egit, ut literis meis te appellarem, & sponte suâ φιλομαθείας οἴσῃ succensum animum tuum magis magisque inflammarem. Feci lubens, ut optimo viro, quem multis de causis veneror, morem gererem. Sed ut tecum pluribus agam, utve longiore oratione literas tibi commendem, quas scio πὶ πῶν esse μέλημα, neque nunc per occupationes licet; nec, si maximè liceret, facerem tamen; cui enim bono? cum neque ipse monitore opus habeas, & domi studiorum tuorum auctorem eum habeas, & consiliorum tuorum rectorem, eâ cum eruditione, tum prudentiâ, ut δεινπραγώνιστῳ non desideret. Id unum dicam, quod dissimulare non possum, & me, & omnes parentis tui amicos, qui de ejus laboribus in formanda juventute tua ac rectè instituenda mandavimus, ingentem quandam de te spem concepisse; quæ spes ne nos destituat, secundum Opt. Max. Deum in tua diligentia positum est. Nam ingenium & cæteras animi dotes, quales à Natura acceperis, scimus; quantum etiam hætenus profeceris, id quoque scimus. Quid igitur restat? nempe hoc unum, ut quam ingressus es viam, fortiter insistas, neque unquam movearis tot æqualium tuorum exemplis, qui nomine literarum, aut πρὸς τὴν δόξαν, aut πρὸς χρηματισμὸν turpiter abutuntur. Dent hoc superi, faxintque ut annis crescentibus, ipsum, qui te bis genuit, parentem tuum, pietatis eruditionisque laude superes. Vale. Lu-

setiæ Parisiorum, a. d. viii. Eid. 1604. Mart. c13 13 CIV. τῇ τῇ ἑορτῇ τῆς Λόγῃ.

EPISTOLA CCCLXXXVII.

DAVIDI HOESCHELIO.

PROcopium dudum promissum mitto 1604. tibi: cum usus fueris, remittes; est enim mihi ille liber cō charior, quod manu optimi adolescentis, sororis meæ filii, Petri Chabanæ, scriptus est, paullo antè, quàm extremum diem obiret. Amavi vivum, luxi mortuum, & hoc velut pignus τῆς αὐτῆς εὐχῆς, ἢ πρὸς ἡμῶν διατίλῃ ἔχων, inter κειμήλια cupio servare. Notas non nisi neque in Legationes, neque in Procopium, quod velim mihi condones: enimverò si scires, quàm sim quotidie in nugis occupatus, quàmque misere dies, menses mihi pereant in hac damnosa studiis meis civitate, tibi quædam mei misericordia incesceret. Adde nunc valetudinem, tum meam, tum uxoris, quæ mihi vitâ meâ charior. Illa verò tertium jam mensem, imò ferè semper, ex quo huc venimus, lecto adfixa hæret. Quod cō dico, ut scias non deesse nobis voluntatem tibi obsequendi, facultatem hætenus defuisse. Quanquam nuper notas nescio quas in Gregorium Thaumaturgum ad te misi, de quibus exspecto, quid sis judicaturus; nam & raptim scriptæ sunt, & Auctor ille mihi vitus est Πικρὸς salebrosus. Persum ante tres menses Typographo dederam; sed uxoris morbus alacritatem omnem scribendi nobis abstulit. Scripti tamen his diebus Diatribam in Dionem Chrysostomum, rogatu Morelli, qui cum Auctorem ediderat. Promiseram pauculas notas ejus scholiis inferendas; sed dum illas describo, librum imprudens feci, qui si in tuas manus venerit, velim memineris, eam esse lucubratiunculam ἀντισχιδίων, quod & titulus præfert. De Privilegio puto πῶν πῶν Bongarsium scripturum pluribus. Res erat impetrata Thuanii amplissimi operâ: sed repertus in aula, qui rem factam nescio quâ simplicitate judicii redderet irritam. Hodie ad Cancellarium iveram, exposulaturus hanc injuriam; sed per valetudinem conveniri non potuit. Cras manè ibo, & rem conficiam, ἔνθ' ὁδῷ. Vale, & apud amplissimum Velsorum silentii mei causam redde. Lutetiæ Parisiorum, a. d. xv. Kalend. April. c13 13 CIV.

Amicum hic habeo adolescentem, & magni Scaligeri γράμμεον, qui ingens volumen composuit ex omnibus antiquis

1604. quis Glossariis: hujus si potes cœpta juvare, feceris & mihi & illi gratissimum; nec facti, spondeo, unquam pœnitebit.

EPISTOLA CCCLXXXVIII.

DANIELI HEINSIO.

1604. **H**esiodum tuum quâ cupiditate expectem, puto, non ignoras; qui scias non obtusa ad eò gestare nos pectora, ut de genio scriptorum tuorum judicare nequeamus. Magnus Scaliger, cum paullo post acceptum à se librum illum literas ad me scriberet, non continuit se, quin suam tui admirationem indicaret. Cogita nunc quàm longum mihi futurum sit tempus expectationis hujus. Mitte igitur quàm primùm, si quid me amas, & mitte quàm tutissimâ viâ. Nos ἀντίδωρον missuri sumus non invenustum; Dionem Chrysostomum, magnâ formâ editum heic à Morello nostro. Adjecimus & nos Diatribam αὐτοσχέδιον, cum opus consummatum ab editionis authore oblatum esset legendum. Erunt, spero, emendationes, quæ se tibi approbent: nihil prorsus quod mireris; raptim enim illa scribimus: nondum enim opus totum perlegi. Sed mitto ista. In ea epistola *, quam nudius tertius accepi ab illustri Scaligero, πρὸ κεντηγάρια, quorum mentio in recentiorum Græcorum scriptis, redigebantur ad æstimationem hodiernæ pecuniæ nostræ. Revocavit id mihi in mentem, quod à multis acceperam, δαιμόνιον illum virum de toto illo argumento scripsisse aliquid. Vidi qui affirmarent, habuisse se illud scriptum. Ego scio sæpe factum, ut rogatu amicorum similes quæstiones & locos antiquitatis Scaliger tractaret. Quare te oro per omnes Musas, omnia conquiras ab eo perfecta, & nisi grave est, mecum communices. Ego nonnulla nactus sum, digna prorsus tanto Heroë, quæ si voles, curabo describenda, & ad te mitam. Vale, magne Juvenis. Amplissimo & nobilissimo D. Buzenvallio, itemque simillimo tui Grotio amicissimam salutem à me velim nunties. *Lucretiæ Parisiorum, a. d. vi. Kalend. April. CIO IO CIV.*

* Scaliger.
Epist.
LXXXIV.

Perfius noster Typographo jam traditus ob uxoris morbum periculosissimum excidit nobis de manibus, nec videmur reperituri, antequam promissis à te versibus fuerimus excitati. Studium ad illustrationem ejus Poëtæ attulimus sanè magnum; sed non tam nostra fortasse laudem merebuntur, quàm asinus ille † dignus omnium bonorum

odio, qui eum Poëtam conspurcavit 1604. heic ante annos duos aut tres. Idem μυραλάζων in Horatium scripsit his diebus; quæ velim videas, præsertim ubi Græca attingit. Miraberis hominem τῆς φρενολαβείας oro, lege.

EPISTOLA CCCLXXXIX.

JOSEPHO SCALIGERO.

Accepi tandem, Vir illustrissime, 1604. quam putavi diu periisse epistolam tuam *, quâ petitioni meæ super Chrysostomi loco fecisti satis. Incredibili à te affectum me esse beneficio sentio, qui docendi mei laborem non sis gravatus: discipulum certè habes ingenuum, & cupidum sic, ut nemo queat magis. Omnino autem verum est tuum de optimo illo Patre judicium. Nos sanè multa in ejus scriptis adnotavimus, quæ τῶν ἐκ ἐμπειρίας αὐτῆς τῆς φιλοσοφίας π καὶ τῆς φιλολογίας manifestò arguant: ut de Historia nihil dicam, in qua penè puer aliquando possit videri. Sed nos in viro sanctissimo hos nævos facillè ferimus, qui sciamus, omne illius studium in eo positum fuisse, ut sine jactantia, καὶ ἀνευ πάσης περὶ περὶ τὸν σεμνωθέντα ὁ κόσμος Σκτῆρα prædicaret. Longè diversis moribus coaxatores isti sunt, quorum tribunitiæ conciones plenæ ostentationis quotidie audiuntur. Etiam de Galatino judicium tuum accepi lubens; nam profectò non ferendi sunt, nec qui Rabbini minus tribuunt quàm par sit, neque item illi qui minimas maximas ceremonias, quæ hodie obtinent, antiquissimis Judæis, & si fidem illis habemus, etiam ante τὴν τῶ λόγῳ ἐνοπίκωσιν notas, & multò antè descriptas, nedum cognitæ fuisse volunt. Ex tuis literis primùm didici, Galatinum ex Raimundo Sebone multa esse mutuatum. Utinam extarent Sebonis Opera! Quædam illius esse edita accepi, quæ ex tua commendatione quæram & legam diligenter. Equidem non dubito, multa in Sacris Literis ex Judæorum scriptis posse, atque ad eò debere illustrari. Sed quotiusquisque nostrum est, qui de eo vel cogitet, vel qui eum usum τῆς Παλαιῆς Διαλέκτου habeat, ut par sit tanto incepto? Olim in eo studio aliquid operæ atque olei consumpsimus, usi Magistro Petro Cevalerio Genevensi, quo nihil probius, nihil ἀπλοικώτερον. Verum amissò morte immaturâ amicissimo Præceptore, non multum post illa profecimus. Tu verò, illustrissime Domine, quem etiam in eo genere literarum excellere scripta testantur, & maximè illa Appendix di-

vina;

1604. vina; noli, per Deum immortalem, committere, ut in excolendo agro Dominico lentitudine usus possis videri. Fuit mihi aliquando familiaritas cum Santandreano Abbate, probè tibi noto. Is mihi solitus cum stupore magno referre de peritia tua id genus literarum. Et erat ille, si quid in his video, iudex ἀξιόχρεως; homo, ut natalibus, sic etiam animo Judæus merus. Quare etiam amore ἡ ἰσθαίσεμ Venetias aliquantò post se contulit. Ex illo nonnulla didici de aliquot ritibus, qui in Novo Testamento perstringuntur. Sed nōsti ineptissimas ineptias ἡ ἰσθαίσεμ, quibus nihil persæpe stultius aut magis ridiculum posse fingi videtur. Equidem vel paucos dies tibi μαθητεύειν malim, quàm omnium, quotquot nunc vivunt, Magistrorum scientiam esse consecutum. Quamobrem te oro atque obtestor, studiosis Sacrarum Literarum tuas in hoc genere vigilias ne velis invidere. Vidi quæ super Decimis sunt à te scripta, & item alia quædam τοις ἑτέροις, quibus mirandum in modum cupiditas mea incenditur. Eusebium tuum omnes arrectis auribus expectamus, qui rerum veteris Ecclesiæ cognoscendarum studio ducimur. Episcopus Vafrensis * scripsit nuper, brevi se editionem suam missurum; quam ego statim ad te. Ejus literarum pars magna fuit de te, quem popularem suum appellat: sic autem magnificè de tua in literis singulari præstantia loquitur, ut ne ipse quidem, cujus interiorum animum confido esse tibi notum, possem magnificentius. Atque hoc volui nescius ne esses. Quæsi de illo Medico, quem nuper scribebas ex sermonibus amplissimi Buzenvallii de Lexico Hispanico spem facere; adhuc tamen, quis ille esset, rescire non potui. Velim, nisi grave est, nomen significes: quod si semel notum habuero, quid sit inde sperandum, faciam te ut scias. De editione Fastorum Sicularum nihil adhuc cognoveram. Doleo te inanem sustinuisse laborem; cum posses nostra servare, & tibi parcere. Heinrici Hesiodum valde cupio videre: non dubito ejusmodi opus esse, quod expectationi nostræ facile respondeat; qui ab ejus ingenio nihil expectamus nisi exquisitum, & magnum, πῶς ἔστι μακρὸν πρῶτον. Sed nimis te obrundo. Vale, unicum literarum lumen, ac decus. *Lutetia Parisiorum, a. d. v. i. Kalend. April. c. i. d. c. i. v.*

Johannes de Laet, quem mihi tanto studio commendasti, referet tibi cum isthuc redierit, quā comitate me ipsi obtulerim utendum fruendum. Etenim iis moribus, eā pietate adolescentem es-

se video, ut merito suo amorem nostrum mereatur. Nunc cum accessit toties repetita, tam accurata commendatio ejus, cujus in potestate omnes animi mei sunt motus, propemodum eò compellor, ut optem aliquid heic exhiberi ipsi negotii, quo possit operā nostrā uti. Nam ut nunc est, vereor ne prius hinc abeat * quàm fructum ullum tuæ commendationis percipiat; non quòd ipse officio meo, sed quia utriusque occasio defuerit; quod ne mihi sit fraudi, te obtestor. Quia autem Eremitæ in hujus commendatione meministi, scito neminem hodie vivere Misfarum inexplabiliorem, aut sitientiorum. Quare illa παλινωδία simulata fuit, mendax & ὑποκριτική. In dies ejus herus † expectatur; quò præsentē, veram vocem audiet à me iste Proteus. Morellus Dionem edidit elegantissimè; Scriptorem, ut scis, elegantissimum: de Chrysostomo Dione loquor. Absolutā editione ventum ad me, si quid fortè in eo Scriptore observassem. Promissi pauculas notas, quas dum describo, crevit earum numerus ad quindecim, aut plura etiam folia. Volo ad te Dionem mittere; sed velim indices mihi, si quem nōsti, cui tutò possit dari. Ego interea omnia explorabo. Vale.

EPISTOLA CCCXC.

E I D E M.

EX iis literis, quas mihi à te Medici-1604. cus Supervilla reddidit, Vir illustrissime, & ex sermonibus illius de tua prospera valetudine cognovi. Nulla omnino res mihi potest nuntiari, quam lubentius audiam. Proximum verò illud, quòd Eusebii tui editionem diligenter isthuc curari intellexi. Non possum verbis exequi, quā flagrem cupiditate illius libri, aut verius, thesauri. Opto tibi, illustrissime Scaliger, tot annos, quot opus futurum est, ut infinitam illam cruditionem, quæ in te est, expromas. Ita habebimus post Eusebium, Josephum; post illum item alios, quos illustrare potes tu solus, alius mortalium nemo. De opere τῆς πεπρωμένης ‡ nuper ad te scripsi, & de singulari honore ac reverentia, quam ipse tibi præstat. Quin etiam de fato suo conqueritur, quod in mentem unquam sibi venerit, ut hanc subiret provinciam; nunquam facturus, ut sanctè affirmat, si de tuo consilio antè rescisset aliquid. Equidem ut ne dissimulem, misericordia me quædam illius incessit; nam ex paucis, quæ vidi, folius genus seripcionis totum cognovi.

Au-

* Vide Scaliger. Epist. cccc xxxviii.

† D. de Virg. Vide Epist. ccccxlii.

* Arnoldus Ponticus.

‡ Hat est responsoria ad Scaliger. Epist. xcii.

‡ Arnoldus Ponticus. Colomel.

1604. Ausim affirmare omni asseveratione, cum in eundem Autorem scribatis, nihil tamen dicturos eodem modo. Quod si augurium me non fallit meum, æquè vitabitur uterque, ille, ne dicat aliquid non protritum; tu, ne aliquid, cujus antè notitiam vel doctissimi habuerint. Non istud minabatur tuus ille Gurges, cujus *ἡ ἀρετὴ λόγῳ* tibi non sunt ignoti. Sollicitudinem tuam de valetudine uxoris ademerant tibi superiores meæ literæ, si illas, ut spero, accepisti. Per mihi gratum, quod etiam ea res ad tuam curam pertinet; amorem enim tuum ex eo *μᾶλλον ἐπὶ καὶ μᾶλλον* agnosco. Illa autem adeo *ἑπικρινδυνὸς ἐνέστη* ab octava hujus anni die, ut ne nunc quidem priori valetudini sit restituta; *πλὴν καὶ δὲ* ac valde vereor ne diuturna sit futura hæc illius *ἀδυναμία*. Morbus fuit vehementissimus: semel etiam per initia spes omnis præcisa à Medicis, viris suæ artis peritissimis. Sed ipsam forti quoque animo *ὑποταξαμένη* huic vitæ, vitæ restituit qui poterat solus, *ὁ ἐν τῇ ἀπύρῳ ἐνέστατον* *Θεὸς*. Utinam tanti beneficii præstemus nos memores; ego, inquam, & liberi mei. Vale, & me, quod facis, ama. *Lutetiae Parisiorum, Non. April. CIC IO CIV.*

* Amicus meus *, vir eruditus, cum de Magnetis Directione sermo incidisset, optavit scire te, quid sperari posset de nupero inventore; & misit ad me chartam, quæ hic est adjuncta. Acepi nuper à præstantissimo Baudio, & aliis amicis literas. Ab Heinio nullas accepi; cui tamen amantissimam velim à me, nisi grave est, salutem nunties: ego illum in oculis fero, & summopere admiror. Dio Chrysostomus, de quo nuper scripsi, nondum editus est: Autoris quidem pridem editio absoluta; sed nostræ notulæ adhuc cum morantur.

At hanc
respondeo
Scaliger
Epiſt.
xciv.

EPISTOLA CCCXCI.

E I D E M.

1604. **V**ir illustrissime, etsi vereri subit, ne te frequentia mearum obtundam, ternas enim paucissimis diebus tibi literas scripsi; non potui tamen differre, quin statim acceptam ab amico epistolam tibi deferendam tabellario traderem, & simul paucula hæc exararem. Qui epistolam scripsit, vir est tibi de facie notus †; fuit enim isthic cum Comite Saltenſi ante alterum, opinor, annum. Si propius hominem nôſſes, haud dubiè non minus amares, quàm te suspicit ac veneratur. Nullum est li-

† David
Rivalinus
à Floren-
tia, de
quo plura
in Gallia
Orientali,
pag. 110.
Colomel.
Scaliger
Epiſt.
xciii.
male Ri-
valinus.

terarum genus, quod non attigerit; 1604. etiam Arabicas, & heic, & cum Romæ esset. Ille imputat mihi libellum Proverbiorum Arabicorum. Sed præcipuum illius studium fuit *ἐπὶ τῇ μαθηματικῇ* in quo multa ipsum scripsisse, testes nos sumus oculati. Archimedem etiam Latinum fecit & Gallicum, ut Nobilitati nostræ gratificaretur. Hic igitur, cum apud me vidisset epistolam tuam *ἐπὶ χαλυβοδοίῳ*, eâ occasione utendum putavit, ut te appellaret. Spero fore tibi rem non ingratam. Ego affirmo tibi, & modestissimum virum esse, & tuâ benevolentia, si quid iudico, dignissimum. Vale, illustrissime Vir, & nos ama. De nostris rebus, deque uxoris valetudine, parum adhuc confirmata, superioribus meis satis: eas dedi juveni cuidam, qui perferendas, credo, curabit; etsi vereor, ne paullo serius. Erat adjunctus fasciculus, quem tradiderant Labbæi fratres. *πάλιν αὖ καὶ πάλιν ἔρρωσθε, σὶ λέγω, καὶ τὸν μικρὸν Σκαλαῖν* Heinſium *τὸν θαυμασιώτατον*. *Lutetiae Parisiorum, a. d. v. Eid. April. CIC IO CIV.*

Non possum quin rem jucundam tibi narrem. Is, quem nuper in Historia Augusta † perstrinximus, Horatium edidit, ubi multa in nos, etsi moderatius, audio; nam Rex ipse id sibi displicere significavit. Ille, inquam, heri suas in Catullum notas dono misit cum iis elogiis, quæ vel ab amicissimo viro profecta, odiosa fuissent. Adjecit mandata ei qui detulit, velle mihi amicum esse; pœnitere, quod temerè lacessisset; orare, paterer mihi satisfieri; posthac alium fore. Respondi, si mores mutaret, & bene meritos de literis, ut par est, coleret, me virum putaturum, & amaturum. *τὰ τίς Ca-* tullum mittam, naetus cui dem.

† Ad
Flavii
Vopisci
Catinum,
cap. 16.
ſc. Theodo-
rum Mar-
cillum.
Vide Epiſt.
174.
clarissi-
morum
Viro-
rum
Epiſt. à
viro cla-
rissimo
Petro Bur-
manno
edit. pag.
247.

EPISTOLA CCCXCII.

E I D E M.

Illustrissime virorum, non unis, aut 1604. alteris literis, sed quatuor, credo, vel etiam quinque epistolis te interpellavi superioribus diebus: ut jure nunc parcere verbis debeam, & tuarum occupationum rationem habere. Non potui tamen, cum ad Heinſium tuum literas darem, non & ad te aliquid; *τῆς αὐτῆς ὁδῷ* *Φασίν* exarare. Exspecto Eusebium Burdigalensem, cujus nuper facta spes fuerat; qui si in manus meas venerit, enitar ut statim ad te perferatur. Mittam etiam Dionis exemplar nuperæ editionis, quam Fredericus Morellus curavit. Nos quoque in aliquam laboris

1604. laboris illius partem vocati sumus, & paucissimos dies impendimus Diatribæ componendæ, quâ totum Autorem *εις πῶδας ἐκ κεφαλῆς* percurrimus. Opus est tenuissimæ indicaturæ, vel potius, nullius. Sed meretur elegantia editionis, ut tuo conspectu non censeatur indigna. Nostra dudum sunt edita; eodem enim tempore & scribebantur à nobis, & ab operis typographicis *ἰτυπητο*. Ea fuit vel *δυσωπία*, vel temeritas mea: quamvis mœrore tunc cum maximè occupatum animum haberemus, *ἰπικινδύνως νοσῶσης τῆς συγγράμματος*. cujus valetudo etiam nunc valde nos habet sollicitos. Cum absolutæ fuerint Morelli notæ, quæram cui tutò possim tradere, quæ isthuc mittere constitui exemplaria. Mox ad Persium, *εἰς Βελμίνου εἰς τῆς Θεῶς*, redituri sumus. Sed aveo prius videre Stoica Lipsii, quibus lucem ait fecisse cum aliis Scriptoribus, tum etiam Persio; sic enim ad me scribit. Interea *Ἀρχιεπισμῶν* nos oblectamus, si oblectatio est, inter spinas versari & sentes. Sed reficimur cognitione plurimarum rerum, quas aliunde non erat reperitare. Itaque animum obduramus. Verùm quid ago? *λακωνίζην* institueram, & ecce altera jam procedit pagina. Vale, illustrissime Scaliger. *Lutetia Parisiorum, a. d. iv. Kalend. Maj. c13 13 c14.*

Amplissimo & nobilissimo Legato Buzenvallio salutem, nisi grave est, velim nuntiari.

E P I S T O L A CCCXCIII.

DANIELI HEINSIO.

1604. **E**Cce tibi à Brugenfi quodam juvene literas, qui, ut audio, aliquâ te cognatione attingit. Dignus certè est, quem propter mores & eruditionem ament, quicunque probitatem & literas. Ex commendatione * Lernutii, viri clarissimi, ille nobis innotuit; sed postea accessit usus aliquis & familiaritas, ut jam inter charissimos nobis censeatur. Cum igitur de eruditione tua & scriptis *ἀξιαρίστοις* mentio incidisset, quod sæpe solet, ille de vestra conjunctione retulit. Ea fuit occasio literarum scribendarum, quas ad te mitto. Hesiodum tuum in Francosfordienfi Indice vidimus adnotatum: ipsum avemus atque adeò gestimus videre, & legere, quod cis paucos dies futurum speramus. Diatribam nuper in Dionem Chrysostomum scripsimus, ac simul edidimus. Expresserunt à nobis amici, quibus negare nihil scimus, tenuem illam operam, in qua nihil invenies

* Jani.

præter *Lego & Scribo*: quia tamen singularis est ejus editionis elegantia, exemplaria aliquot isthuc missurus sum, simul ac Morelli notæ erunt ad umbilicum perductæ. Mox ad Persium redibimus, si per Dei voluntatem, & mearum charitarum valetudinem ac meam ipsius liceat. Vale, & me ama, qui te planè *κρησθι μάλλον*. *Lutetia Parisiorum, a. d. iv. Kalend. Maj. c13 13 c14.*

E P I S T O L A CCCXCIV.

JOSEPHO SCALIGERO.

ACcepi tuas, *ὁ σέβασμιώτατον κάρτα*, li-
teras, illas, dico, trium paginarum, a. d. vii. Eid. Januar. † datas, quarum lectione ita sum oblectatus, ut viderer mihi *εἰς ἀρετὴν* eo potissimum tempore, cum propter uxoris periculosissimum & *χρονιώτατον* morbum mœstissimus essem, tanto munere abs te donatus. Itaque per multos dies illas in manibus, & ob oculos semper habui; cum neque legendi, neque admirandi ullum finem possem facere. Jam primum de consilio illo saluberrimo, quod non unâ jam epistolâ dedisti mihi, quas possum tibi satis dignas agere gratias? adfectum enim tuum, & amorem incredibilem erga nos, sic ea pars tuæ epistolæ exprimit, ut mihi videar hisce oculis te videre, de meis & meorum commodis non aliter sollicitum, quàm si tua res ageretur. Illud pietatis est tuæ, & cum admirabili prudentia conjunctæ sapientiæ, quod ab illo uno me vis pendere, in cujus manu sunt omnium *ἐξ ὧν βλαυμάτων*. Te sequor, Vir divine, tibi parebo; & futuri securus, *τῷ κρείττονι* me ac mea permittam omnia. Quare de translatione fortunarum ne cogitamus quidem; ut nihil mihi metuere debeas ab *** Eodem tempore ex tuis discebam, & ex Herois incomparabilis *** *πῶς δοκεῖς* fuisse jucundum mihi, judicium & verba utriusque conferre, planè consentientia. Eusebium tuum sensim perfici, ego & magnus Thuanus mirificè gaudemus: equidem rarius nunc, quàm solebam prius, ad illum adeo. Sed quoties unâ sumus, non alii ferè sermones nostri sunt, quàm de te & tuis stupendis scriptis. Omnino amplissimus ille vir unus adhuc mihi repertus, qui magnitudinem ingenii tui videretur capere. Vidisti, opinor, ejus Historiam, cujus fidem haud dubiè & *φιλαλήθειαν*, ac constantiam in dicendo vero, nisi fallor, miraberis. Quæ turbæ post editionem ejus libri illum ex-

D d

cepe-

1604. ceperint, malo ex aliorum sermonibus te agnoscere, quàm ex literis meis. Tantum quidem potuit odium veritatis, ut consilium reliqua publicandi repente ac necessarias ob causas mutaverit. Disputationem tuam de Magneticis Directione manu meâ descripsi, ut cum Mathematicis nostris de sententia tua agerem. Videro an æquiores sint futuri iudices tuorum nobilissimorum inventorum, quàm illi, de quorum supercilio scripsisti. Ego ex diligenti tractatione librorum de Emendatione Temporum nescio quid ejusmodi suspicatus eram, cum animadvertissem in Meridianorum certa constitutione vel præcipuum totius quæstionis cardinem verti. Eusebium Vafatensis Episcopi ad umbilicum esse jamjam perducendum, ex Ducai Frontonis literis nuntio: constitui, quod primum nactus fuero exemplum, id statim ad te. Vale, meum decus, & felix Nestoreos annos imple. *Lutetia Parisiorum*, CIO IO CIV. a. d. Non. Majas.

Doctissimum & amicissimum Hein-
sium ἡγαιέν καὶ ἐννεμὲρνα ἀγαπᾶν cu-
pio, optoque.

EPISTOLA CCCXCV.

E I D E M.

1604. **N**ON diu est, cum ad te literas dedi; quod sæpius feci superioribus diebus, cum nulla in re acquiescam lubentius ex hac ingenti ærumna, quam crudelissimus uxoris morbus mihi affert, quàm in tuo colloquio. Ita enim mihi videor te præsens alloqui, cum ad te scribo. Sed quamvis ægrè occasionem tam bonam sine longioribus literis sinam præterire; plura tamen nunc non possum, obrutus dolore & luctu, propter summos cruciatus, quos multos jam dies experitur illa, de cujus valetudine te quoque sollicitum esse, ex postremis tuarum didici. Oro Deum immortalem, te servet πάντες πύματα ἡκπὲς ἔχοντα πόδα. illam autem mihi & liberis nostris restituat salvam & valentem. Vale, illustrissime Vir, & me ama. *Lutetia Parisiorum*, Eid. Maj. CIO IO CIV.

Qui has tibi redditurus est, frater est Vassani, illius juvenis, quem ante aliquot menses pluribus tibi commendavi. Méretur & indoles adolescentum horum, & singularis virtus Pithœæ matris, ut tuâ benevolentia indignos iudices. Spero facturos ipsos, ut cum propius nôris, illis etiam cupias. Atque hoc te etiam atque etiam oro.

EPISTOLA CCCXCVI.

GEORGIO MICHAELI
LINGELSHEMIO.

CUM nuper Janum Gruterum per li- 1604.
teras rogarem pro nostra vetere conjunctione, ut Codicis Arabici usum mihi impetraret, quem nôram in illa ἀβελόητῃ illustrissimi Principis vestri Bibliotheca servari; quò minus etiam à te, Vir nobilissime & præstantissime, summis precibus id contenderem, non alia res me deterruit quàm pudor quidam & δυσωπία. Veritus enim sum, ne parum intelligere tuas gravissimas occupationes videri possem, si studiorum meorum causa te interpellare sustinerem. Sciebam alioquin, tantum te isthic pro tua excellenti virtute gratia valere, ut unus omnium maximè posses, velles modò, conatum hunc meum adjuvare. Didici postea ex iis, quas ad clarissimum Bongarsium misisti, benignitatem tuam antevertisse petitionem meam. Sic enim scribis, *daturum te operam, ut voti istius mei fiam compos.* Ago tibi, Vir sapientissime & humanissime, non quas debeo, fateor, certè quantas maximas possum gratias; teque etiam & etiam oro quæsoque, sic tibi de me persuadeas, humanitate hac tuâ adeò obviâ & prolixa ita captum me, ut habeas heic neminem, qui plus se tibi debere agnoscat, quàm ipse faciam; aut qui lubentius prædicatione beneficii tui ingrati animi crimen amoliri conetur, quàm ego sim factururus, ὅσα ζωῆσι μὲν. Equidem si oratus à me passus esses te exorari, magni pro eo ac debeo æstima- rem; meque eo nomine æternum tibi devinctissimum futurum affirmarem. Quid nunc cum ultrò benevolentiam tuam defers, & operam polliceris? Sive igitur quod peto, sum impetraturus, sive aliter eveniat, ὃ μὴ γένοιτ, ad- vigilandum mihi intelligo, ne te iudicii hujus tui unquam possit poenitere. Adjicerem preces ἐκπνεύσας, nisi confiderem favere te studiis nostris, & nobis cupere: simul vercor, ne longiore scrip- tione in publica peccemus commoda: hoc unum si dixero, finem faciam. Illustrissimum & omni laudatione majorem Principem, si petitioni meæ annuerit, fidem meam laudaturum. Deus Opt. Max. Celsitudinem illius quàm diutissimè τῷ ἀβελόητῃ ἀοτῷ λαῷ, cujus est μέγα ἔργον, velit concedere: idemque te servet, & mihi amorem tuum. Vale. *Lutetia Parisiorum*, a. d. x1. Kalend. Jun. anno ἑ Σωτηρ, CIO IO CIV.

EPISTOLA

EPISTOLA CCCXCVII.
CAROLO LABBÆO,
ET FRATRI EJUS.

1604. **V**iri doctissimi atque amicissimi, per mihi fuit heri molestum, quod in urbe cum essem, vos non poteram videre. Sed vastitas negotiosæ urbis hac me voluptate privavit. Accessit & aliud præter voluntatem, quod ἀδελφίδῳ meo, qui literas ad magnum Scaligerum mittendas vobis detulit, epistolam Gru-teri non tradiderim, quam vestra interest, ut legatis. Eam igitur nunc mitto. Habeo verò aliquid non leve, quod vos rogem. Didici heri, versari inter Typographorum manus novum Commentarium in Persium: affirmavit Stephanus *, uxoris meæ cognatus, vir cruditissimus, per aliquam multos dies eum librum in sua potestate fuisse, jam non esse. Qui igitur nolim actum agere, oro vos atque obtestor per omnes Musas & amicitiam nostram, rimemini de hoc negotio πᾶ καὶ ἴκατε, quis Author, quæ res, quæ spes sit? Utinam quidem possētis librum ipsum videre: quod vestrum acumen est, spero, levi inspectione posse vos, quis sit genius scripti ac Scriptoris, deprehendere. Si quid igitur nos amatis, in hanc curam incumbite, & rem exploratam vel perscribite; vel, si hoc possum à vobis impetrare, ad philosophicum venite prandium, ubi fabularum literatarum plus futurum, quam cibi aut vini. Valete, & ἰνυμ-
ρῆντις αὖ ἐν πᾶσι Διαιτῶν. Fasciculos Scaligerianos vobis etiam & etiam com-
mendo. πάλιν αὖ καὶ ἱρρωθεῖ. *Madridi, pridie Kalend. Jun. CIO IO CIV.*

* Robertus
Stephanus,
Roberti
filius,
Roberti
nepos.

EPISTOLA CCCXCVIII.
JOSEPHO SCALIGERO.

1604. **I**llustrissime Vir, post longiorem tua-
rum expectationem, ternas tandem
simul accepi; quæ etsi abundè cupidi-
tatem meam explere poterant, huic ta-
men ἱερμαίῳ accessit insigne corollarium
Græcorum Poëmatum tuorum; quem
fecundissimi ingenii tui foetum divi-
num, quod προσφωνίῳ nobis volueris,
tanti æstimo pro eo ac debeo, quanti
à cordatis viris ὑπεροφημία & nominis
immortalitas æstimari solet. Etsi au-
tem nunquam eò dementiæ, aut typhi
venimus, ut dignum aliquid notitiā
τῶν ἱστομένων posse à nobis præstari spe-
rarem; quin tamen ejus voti cupi-
ditate jam à prima ferè adolescentia

titillati fuerimus, diffiteri non possu-
mus: sive is est communis ἡδονῶν με-
ρόπων error, sive propria stultitia mea,
qui licet spes omnis cessaret, desinere
tamen ἔ τῶν ἀδελφάτων ἱερμαίῳ nequibam.
Nunc igitur cum immortalis munere
tuo consecutum me videam, quod spe-
rare ab ingenio meo non poteram, quā
fruar lætitiā, quo gaudio triumphem,
facilis tibi conjectura. Ago itaque ti-
bi, virorum maxime, pro inæstimabili
hoc beneficio, non quas debeo, (un-
de enim?) sed certè quas possum, &
quantas possum maximas gratias, ἔ
ἀρετῆς ψυχῆς μνηστῆρ. Simul te illud oro at-
que obtestor, persuadeas tibi, nihil
mihi in omni vita magis fore propo-
situm, quàm ut quotidie vehementius
te de me optimè meritum esse læteris.
De præstantia autem aureoli muneris,
quo me beasti, si dicere incipiam, dies
me potius deficiat, quàm tuarum lau-
dum argumentum. Etsi non is ego
sum fortasse, qui τὸ ἱπποφρόδιον τῆς σῆς
Μάσης, καὶ τὸ ὀπτιχὲς τῆς ἱερμηνείας pienè
percipiam; si quid tamen supra vulgus
earum elegantiarum sumus intelligen-
tes, pronuntiare non vereamur, edi-
tione ejus libelli palàm fecisse te, ne-
mini cuiquam illorum Veterum, quos
jure omnes mirantur, de laude inge-
nii, & scribendi quicquid volueris fa-
cultate, te concedere. Est omnino is
genius tuorum scriptorum, ut quicquid
instituas, ita in eo excellas, quasi illud
unum toto vitæ curriculo agere didice-
ris. Equidem cum tuos versus lego,
& simul cogito quā facilitate velut Ἀγ-
γοῦντος χάριν cos fundites, totus stupeo.
Quid cum cætera tua scripta lego, πῶς
εἰς τῶν φρενῶν ἔξισταμαι ὑπὸ τῶν ὁρμῶν;
ut sæpe in tuis libris versanti mihi, quod
familiares mei sciunt, acciderit ut ma-
nus in cælum tollerem, ac Deo Opt.
Max. gratias agerem, quòd hac potis-
simum ætate sum natus, quā poteram
tantum naturæ θαῦμα non ignorare. O
utinam faxit idem ὁ ἐπὶ πᾶσι Θεός, ut
vitam in terris tantisper agas, donec
omnia quæ orsus es, aut porro ordiri
paras, detexueris, atque in commune
contuleris! Permolestum fuit, quod
scribis de operarum, quibus uteris, len-
titudine. Tu tamen, τέτλαθι διὰ γέρον-
καὶ κυῶπρον ἄλλο πᾶσι ἱτλης. Sed ego eā
spe me solabar, quòd Commelinum,
cujus res agitur, non commissurum exi-
stimabam, ut ejus officium hac in par-
te posses desiderare. Nostra longè du-
rior conditio, qui partim ob valetudi-
nem uxoris, partim ob nugatorias ple-
rumque occupationes, maximam hujus
anni partem amisimus, qua ex re into-
lerabilem dolorem perciperemus, nisi
longa

1604. longa hujus mali patientiâ occalluisse-
mus, propè jam *τοῖς ἀπιφυγμένοις* facti
similes, qui *ἐν ἰσχάτοις* ὄντες malorum
tamen sensum nullum habent. Quid
facerem? *Θεὸν γὰρ εὐοῶν* ἐπὶ ἐπλείετο βελή.
De studiis quidem nostris, si nondum
spem omnem posuisti, vereor ne in
cæteris perspicacissimus, minus in hoc
videas: sed experiemur quæ secessum
hunc nostrum fortuna sit exceptura.
Quia enim Medicis autoribus loci mu-
tationem afflicta conjugis valetudo po-
stulabat, Madritum, volente Rege, con-
cessimus; quod consilium si ex voto
cesserit, speramus paucis mensibus nos
ea præstare posse, quæ aliquot annis
in urbe nequissimus. Dionem, de quo
huper spem feceram, tenet adhuc cap-
tivum Morellus noster, qui cùm ini-
tio confirmasset mihi, se vix tres aut
quatuor chartas notarum meditari,
postquam lucubratiunculam nostram vi-
dit, quæ eò scripta fuerat, ut vir opti-
mus labori suo parceret; ille contrà,
sententiâ mutatâ, *μακρὸν ἱλιάδα* inchoa-
vit, cujus principium habemus, char-
tarum, ut audio, jam ad quadragin-
ta, vel amplius. Finem quando simus
habaturi, ne ipsè quidem operis pater
compertum habet, nedum sciamus nos.
Suspitor tamen, vel ad has proximas
nundinas aliquem illarum annotationu-
m fore finem. Persium toties susce-
ptum, quoties ab octo proximis men-
sibus respiravimus, serio pœnitet atti-
gisse; magis, promississe: *μυρία ἱπὶ μυ-
ρίοις* in eum Poëtam notata habemus,
è quibus dum pauca eligere, & obscu-
ro Autori lucem interpretationis asser-
re conamur, ita opus crescit, ut tæ-
dio *ἀπεραντολογίας*, quæ jam descripta
erant *ἐς καὶ αὐτὸν*, non semel conscide-
rimus. Sed teneræ frontis sumus; ne-
que audire sustinemus pollicitatores
inanes. Itaque obdurabimus; & quod
nobis ipsi intrivimus, exedemus. Mor-
ror te. Vale, illustrissime virorum ἑ-
των, ἰστομένων, πρὸς τὴν ἑταίαν. *Madriti,*
propridie Kalend. Jul. CIO IO CIV.

Velim scire an liber de Magnetis Di-
rectione, quem Autor tibi misit cum
benè longa epistola, fuerit tibi reddi-
tus. Vir ille optimus tuas avidissimè
exspectat. Florentius tuis acceptis gau-
dio exiit, brevi gratias acturus.

EPISTOLA CCCXCIX.

DANIELI HEINSIO.

1604. **M**Unus à te missum, clarissime Ju-
venum, accepi superioribus die-
bus: Hesiodum dico tuum, de quo
cùm salivam mihi commovisset semo

noster *, ex lectione operis cognovi, 1604.
virum divinum non solum ex animi
sententia, *ἀλλ' ἐπεὶ ὑπερβολῆς* quæ scripsit, * *Jo-
phus Sea-
liger.*
scripsisse; verum etiam *δοξολογία* qua-
dam usum, nec planè quanti tuum il-
lud scriptum faceret, indicasse. Equi-
dem sic discessi à tuorum lectione, ut
nondum constituerim, utrum prius mi-
rari debeam, judiciumne supra annos,
an exquisitæ eruditionis copiam, vel
in senè admiratione dignam. Qui ta-
lia id ætatis præstas, obsecro, quid
facturus es *πλείας ἀνδρῶν ὁνῆς μέτρα πλε-
ροπύδου*! Ergo extitisti tu, eruditissi-
me Juvenis, qui post tot sæcula pri-
mus nos doceres, *Εἶσα καὶ ἡμέραι* quid
essent? Qui nugas Grammaticorum so-
lidè confutares? Qui Proclum (at qua-
lem & quantum virum!) de vicinia
veritatis aberrantem, comiter in re-
ctam viam deduceres? Liquidò constat
mihi, virum magnum, si viveret, in
disciplinam sese tibi traditurum: ne-
dum id facere debemus nos, *ἐτώσια*
propè dixerim, si cum tanto viro com-
ponamur, *ἀρέτης ἀρχή* de me loquor,
& mei similibus, qui tam multa, de
quibus vix leviter cogitaveramus, cùm
in tuis scriptis legimus doctè adeò ob-
servata atque exposita, quid aliud pos-
sumus, si grati sumus, quàm te magi-
strum agnoscere, & omnia læta ac fau-
sta tibi optare. Viderint alii, quo
animo tuis laboribus fruantur; ego præ-
dicatione tuorum in Rempublicam li-
terariam meritum aliis fortasse, mihi
certè ipsi satisfacere non possum. Dio
† noster pridem frontem perfricasset, † *Chry-
sostomus.*
& magnum censorem, teque ejusdem
dignitatis candidatum adiisset, ni per
Morellum staret; qui nescio quid ma-
gni καὶ ἐπὶ σφαιρίοις πύθια in eum Autho-
rem molitur. De Persio quid scribam,
nescio; ita multa impedimenta oblata
sunt nobis, quoties vel *ἀπὸ δακτύλου*
veteres in eum, Philosophum nescio
dicam an Poëtam, nostras curas cœpi-
mus attingere. Nunc autem cùm in
secessu hoc amœnissimo sumus, [Ma-
driti enim habitamus, quod Regis
suburbanum est Prætorium] videbimus
quantum otii Dei benignitas sit nobis
concessura. Quicquid illud erit, stu-
diis certum est impendere. Vale, cha-
rissime Heinſi, & me ama. *Propridie*
Kalend. Jul. CIO IO CIV.

Oro te meis verbis salutes virum cla-
rissimum, & mihi amicissimum, Domi-
nicum Baudium; quique ejus, nisi fal-
lor, est *συμβίωτης*, Hæliærium Pinæum,
nobilem Gallum; nec non Vassanos fra-
tres. Nobis ad eos scribere *ταὺν νῦν δυνά-
μιν* cōν ἔχοντες.

EPISTOLA

EPISTOLA CCCC.

✠ PETRO SCRIVERIO.

1604. **M**agni Scaligeri Græca Poëmata, tuâ curâ in lucem edita, doctissime Scriveri, superioribus diebus accepi. Nescio utri vestrum plus debita sint publica studia; illine, qui sine edendi voluntate illa scripsit; an tibi, qui parentem ἀπεργὴν coëgisti prolem agnoscere, dignissimam, ita me omnes Musæ, quæ tolleretur. Multum sanè universum genus hominum, quibus cor ritè salit, tibi debet, quod vel suafore, vel impulsore te, tantus elegantiarum thesaurus publicam lucem aspexerit. Equidem ejus levitatis non sum, ut de semonis illius scriptis judicium feram; quantulumcunque tamen est, quod in iis literis profecimus, videmur sine arrogancia id posse nobis sumere, ut quid inter Græcè loquentem, & βαρβαρὸν distet, agnoscamus. In quo si judicii non fallimur, ita excellit hic liber, ut mediis Athenis cum Aristophane, & Sophocle, atque Euripide Auctor vixisse queat videri. Enimverò intererat Reipublicæ literariæ, extaret ejusmodi aliquod exemplum, quod ἐμφυῖς juvenus ad imitandum sibi proponeret. Nam qui versus Græcos factitent, multos scimus & semper fuisse, & nunc esse; qui Græcè loquantur, à multis seculis repertos esse oppidò paucos. Quare pro opera tam bene locata immortales tibi ago gratias; cum publico τῶν φιλομαθῶν, in quæis nos semper optavimus censeri, nomine; tum etiam privatim meo: quando illi ita placuit, ut summis suis in nos meritis hic accederet tam ingens, tamque insperatus cumulus, quo quidem munere nominis nostri immortalitatem, quam ab ingenio tenui nostro sperare non poteramus, nos confidimus esse consecutos. Tu quoque, doctissime Scriveri, crudita illâ tuâ epistolâ multum nos tibi devinxisti; qui eam benevolentia tuâ erga me significationem dedisti, ut faciliè omnes intelligant, ab amoris abundantia, non à merito ullo nostro ea esse profecta, quæ nobis tribuis. Quod me adeò obnixè rogas, ut de Critica quæ polliciti sumus, publicemus, agnosco etiam in eo affectus tui vehementiam: neque enim ejusmodi nostra sunt, quorum causâ vos docti vadimonia deseratis. Illa autem lucubratio peculiarem habet difficultatem, cum & spinosa sit tota, & quædam in eo contineantur liberius adversus eos disputata, qui scelere imma-

ni de Sacra Pagina audent detrahere. 1604. Adde quod orium desiderat adhuc is noster scetus, si volumus τὸν λόγον eum non esse. Lætatus sum nuper, cum viderem Joannem Wouwerium, juvenem eruditissimum, ex parte idem argumentum suscepisse tractandum: magis verò lætatus essem, si, quæ paramus omnia, essent ab illo occupata, ut legitimam occasionem haberemus superfedendi ab eo labore; quod quia ab eo factum non est, dabimus, & διδῶν, operam, ut tuo desiderio quàm primùm satisfaciamus. Nunc Pertii editionem parabamus, audebo dicere, penitus novam. Vale, doctissime Scriveri. *Madriti ad Lutetiam, propriæ Kalend. Jul. c15 15 CIV.*

EPISTOLA CCCCI.

JOSEPHO SCALIGERO.

Illustrissime Vir, scripseram ad te ante 1604. te horam, & Illustrissimorum Ordinum Legato Arsenio meas tradideram, cum advenit tabellarius hic, rogavitque nunquid vellem. Arripui statim calamum, & hæc exaravi; mihi enim religio est, ullum ad te sine meis dimittere tabellarium. Parem diligentiam à te non exigo; sed tamen oro te, ne sinas nos diutius ignorare, quo loco res tuæ sint; tu, ut valeas; tuus Eusebius quàm feliciter isthic procuretur. Omnes heic eruditi illum tantâ cupiditate exspectant, quantâ par est opus tuum. Deus Opt. Max. te servet, virorum maxime, & nobis amorem tuum, Vale. *a. d. xv. Kalend. Aug. c15 15 CIV.*

EPISTOLA CCCCII.

E I D E M.

Non dubito invitum esse te lecturum, quæ invitus & mœstissimus scribo. Nuntio enim tibi obitum Hadriani Gulielmi, Flessingensis, juvenis supra annos docti, supra fidem probi ac pii. Ex tua primùm commendatione innotuerat ille mihi; sed is postea accesserat usus, ea inter nos familiaritas, ut hominem intus atque in cute nôssẽ totum. Quod sanè difficile mihi non fuit; nam apertior illo, aut ἀπλῆς τὸ πᾶν nemo vixit unquam. Itaque ea coaluerat inter nos amicitia, ut cum ego illum filii charitate complecterer, ille & me & uxorem non aliter quàm parentum loco amaret & coleret; quò fuit molestior utrique nostrum hic casus tam inopinatus funeris tam acerbi. Sed me non tam privata

1604. amicitia movet, quam respectus publicæ rei literariæ; quæ in hujus adolescentis morte incredibilem, si quid judico, fecit jacturam. Ardebat ὁ μακαρίτης amore flagrantissimo cum universæ τῆς ἑκκλησιαστικῆς παιδείας, tum illius præsertim partis, quæ in cognitione rerum naturalium est posita; quo in studio eos jam fecerat progressus, ut æquales suos sine controversia superans, paucos vel senes peritiores illarum rerum videretur posse invenire sibi magistros. Imprimis τῇ ἀνατομῇ & τῇ τῆς ἱατρικῆς ὕλης γνώσει operam impenderat; tantâ quidem felicitate, ut paucis antequam obiret diebus, præstantissimis Academiæ luminibus, Marsilio Ficino, & Pietro, ipsius genero, miraculo esset, cum in saltu Madridano, quò ad visendam uxorem meam convenerant, obvias omnes plantas agnosceret, & nominibus tam vulgaris, quàm veteribus Græcis, Arabicis & Latinis designaret. Ego verò, qui studia illius nota habebam, longè majora & sperabam, & aliis recipiebam. Sciebam quâ diligentia Medicos Arabes, Avicennam, Serapionem, Rasis, alios legisset, ac cum inter se contendisset, tum cum Græcis comparasset. Testis eram pulcherrimarum observationum, quas in eo genere fecerat. Nam in Arabicis literis quantum profecisset, sine lacrymis recordari non possum. Tantum affirmo tibi, magne Scaliger, eam ἔξω fuisse adeptum, ut pauca legeret, quorum mentem non caperet, ubi paululum attendisset. Avicennam usu contriverat: Alcoranum ita familiarem habebat, ut cum à te discessi, neminem Europæorum fuisse illi putem secundum. Sed quod maximè sum admiratus, præceptiones grammaticas ejus linguæ eximie callebat. Nactus erat meâ, aut amicorum meorum, Huberti * & Florentii, virorum eruditissimorum, ope quatuor aut quinque Arabum Grammaticas manu exaratas; in his ille se anno exercuerat, ut exceptis oppidò paucis, cætera omnia posset ex tempore in Latinum sermonem vertere. Quod cum sit per se difficile, & dignum admiratione, magis tamen mirareris, si scires quàm difficili caractere Africano, quàm corruptè scripti sint illi libri, unde hanc tantam ejus artis notitiam hauserat. Egeram cum eo persæpe, ut quæcunque legerat ejus argumenti, in unum colligeret, & postquam tuum consulisset oraculum, cum studiosis ejus linguæ eam operam communicaret. Sed diu modestissimus juvenum consilio ac voluntati meæ reluctatus est; cum diceret, rudem se om-

* Fuit hic Hubertus Medicus, & in lingua Arabica Professor Regius.

nium rerum, & me in ea opinione, 1604. quam de ejus studiis conceperam, falli vehementiâ amoris, contenderet. Quid multa? adeò sui negligens & παρρησιᾷ φρονῶν ἔν, ut literas ad te scribere, etsi cupidissimus, & tui, si quis mortalium, γυνισθῆναι admirator, ausus tamen sit nunquam. Scimus paratam illi fuisse dubitationum sylvam, quas relaturus ad te fuerat; sed pudor adhuc inhibebat. Expugnaveramus tandem ejus modestiam; & assiduis hortatibus, ac propè dixerim, convitiis quotidianis impetnaveramus, ut meum potius consilium quàm judicium suum sequeretur. Jam igitur ad Grammaticam Arabicam edendam animum appulerat. Itaque itineri Constantinopolitano, quod ante aliquot menses instituerat, profecturus cum regio Legato, cui de meliore nota ego, & amici illum commendaveramus, ea sine renuntiaverat: atque ut majore otio frueretur, in Regis Prætorio Madridano, quò propter uxoris morbum concesseramus, nobiscum venerat. In eo secessu cum dies circiter quindecim jucundissimè inter libros egissemus, jamque operis istius ἱερογραφία ei esset absoluta, quædam etiam capita diligentius polita; ecce tibi languor eum occupat, & ἀρχὴ potius quàm morbus; quo factum ut venienti mihi in urbem negotiorum causâ, comitem se adjungeret; rediturus, ut existimabamus, vel mecum, vel biduo, aut ad summum, triduo post. Ita inter nos convenerat: sed [O cæcas hominum mentes! ô spes inanes!] non ita Illi visum, cujus nutu minima maxima geruntur. Luteriam igitur hilares venimus, viâ laborem fabulis literatis levantes; hilares item apud amicum pransi sumus. Deinde cum ego amicum Medicum vocassem, & mentionem suæ valetudinis Hadrianus, etiam tum meus, quasi aliud agens iniecisset, jussus linguam ostendere, & manum præbere, gravissimè ægrotare statim à Medico judicatus est. Ridere ille, & negare ægrotum se; verum levis tantum ὑπερπνοῖα indigere. Erat illi non multò antè conductum hospitium in altissima urbis parte, propè illius ædes, qui characteres sculpsit Arabicos, quibus se brevi usurum sperabat, ac propterea è Sangermanico suburbio illuc migraverat: eò igitur se recipit, me redeunte. Lapsi sunt dies pauci priusquam gravius quicquam Medici, quorum operâ usus est assiduâ & fideli, metuendum precisâ spe pronuntiarent. Ego tamen per sororis filium ferè quotidie curavi eum visendum; deinde ipse etiam veni. Hic me verba pœnè deficiunt, cum illius diei venit in mentem, quando

1604. do illum gravissimè affectum vidi *ἡρόδοτος περὶ τῆς*, & tormina infra umbilicum acerrima perpetientem. Adii ad Medicos; consului de genere morbi: responderunt, aut longam fore *ἀσθενείαν*, liquidem esset evasurus; aut citò vitam cum morte commutaturum: quod & accidit; sed velocius quàm vel ipsi Medici opinarentur. Postridie enim ejus dici, quo illum videram, & quo erat ille me amplexus quàm arctissimè, ut vix remissurus videretur; scripserunt Medici, & certum hominem miserunt, qui nuntiaret, si vellem vivum videre, accurrerem; jam enim in extremis eum versari. Conscendi equum sine mora, etsi alta jam vespera erat, & accurri. Inveni non mortuum, sed morientem; & dum preces Pastor funderet, animam beatam Deo auctori suo reddentem. Aderant illi amici multi, viri pii, quibus ipse propter virtutem & eruditionem ac præcipuam pietatem fuerat charissimus. In his erant Molinæus & Desiderius Heraldus, quorum unum ex scriptis, alterum etiam ex vultu scio tibi notum. Hic fuit obitus juvenis optimi, & cum summis viris, si longiorem vitam fata indulissent, merito suo mox comparandi. Nunc præclara omnia tanti ingenii incepta *οἱ καὶ οὐδὲν*; nam qui lucubrationes suas non per simulationem, ut nonnulli, sed ex vera modestia, sperneret, solitus erat quæcunque observabat, in minutissimis scidis adnotare; quæ post ejus obitum collectæ sunt à nobis, verè sparsa Sibyllæ folia, & nullà penitus inter se connexionem coherencia. Hæc nos adeò chari capitis monumenta, cuiusmodi tandem illa sint, jure amicitiae vindicavimus nobis, cum cæteram ejus omnem supellectilem, quæ quidem variè sparsa potuit inveniri, coram amicis curaremus describendam, & amplissimæ dignitatis viro, Arsenio, Legato Illustrissimorum Ordinum, tradendam. Hæc autem eò pluribus ad te scribenda duxi, præstantissime Scaliger, quia fidei, quam præstare tibi debeo, interesse judico, ut scias nulla in re officia nostra ei defuisse, quem tua primùm commendatio nobis conciliaverat. Deinde illud cogitavi, fore isthic fortasse illius amicos, quibus volupe esset, *τὰ πρὸς αὐτὸν* plenius cognoscere; sed de re tam tristi plus satis. Vale, illustrissime Vir, & me, ut semper, ama. *Lutetiae Parisiorum, a. d. xiv. Kalend. August. CIO IO CIV.*

EPISTOLA CCCCIII.

DANIELI HEINSIO.

DE præstanti munere, quo me do-1604. nasti, egi nuper tibi, doctissime Heinsi, gratissimas gratias; etsi illis longè impares, quas animo habeo: sed & animum ipsum meum tibi confido esse notissimum. Nunc raptim hæc exaravi, ut per omnes Musas te orarem, atque obtestarer, veteris amici tui * *Hadriani Gualtheri, Eussinensis, scriptum vero carmen existat, pag. 67. edit. 1640. Poemat. Danielis Heinsii.* memoriam versibus tuis ad posteros transmitteres. Quis ille sit, ex iis, quas ad *τὴν ὑπερμεγαν* Scaligerum scripsi, cognoscere poteris. Ex eo intellexi, singulari amicitia vixisse vos aliquando conjunctos; neque illi ullum erat jucundius *ἀνθρώπων*, quàm cum de tuis laudibus prædicantem me audiret. Paucis adeò diebus prius quàm fatalis hora illum corripere, cum in Hesiodo tuo penitus defixum me videret, incredibilem ex ea re voluptatem capere se significavit; & de vestra conjunctione multa mihi tum narravit. Sæpe etiam audire memini, cum disceret, se quicquid in Græcis sciret, tibi ferè uni acceptum ferre. Igitur qui te tantopere & amabat, & colebat, dignissimus est, qui præconem te virtutis suæ & incredibilis eruditionis habeat. Vale, amicissime Heinsi, & dolorem meum quàm primùm solare. *Lutetiae Parisiorum, a. d. xiv. Kalend. August. CIO IO CIV.*

EPISTOLA CCCCIV.

CAROLO LABBÆO.

LANGUENTI mihi è febricula, tuæ red-1604. ditæ sunt, & magni Scaligeri literæ. Sensi non mediocriter sublevatum me utriusque epistolæ lectione; nihil enim mihi jucundius, quàm cum amicis colloqui; ambo autem amicissimi. Gaudeo tergeminum illum Heroem valere, & opus institutum urgere. Scribere nunc ad illum non possum; & non valde opus; cum pridie, quàm Lutetiā exirem, binas eodem die dederim, quod velim tuis illi significes. Addas etiam, de Eusebii Chronico Burdegaliensi planè inaudisse me nihil à tribus mensibus, & quod excurrit. Omnino suspicio illius de eo opere recta est. Convenère & capita contulère quàm plurimi, & communi operâ faciendum decreverunt, ne quid Respublica, hoc est, E. R. † detrimenti caperet, si *† Ecclesia Romana.* aliquis ea præstaret, quæ non posset homo *παρρημένος*. Id igitur est, quod

1604. quod paratam pridem & absolutam editionem moretur. Illi verò καὶ παλαμάδων, καὶ πετανέων ὅπῃ nunquam tamen efficient, ut non cæteris avibus aquila regner. Sed hæc melius coram. Tunc & tibi satisfaciam de illius epistolis; quas daturum me, iterum iterumque confirmo: sed prius in ordinem eas redigere est animus; quod brevi faciam: si cessavero, en! veni huc, & illas aufer: non enim vacuus redibis. Vale, & fratrem tuum à me saluta peramanter. De carmine ago gratias: Auctorem Scaligerum esse, nolim præstare: cujuscunque est, ἀγαθὸν πρῶτον est opus. Iterum vale. *Madridi, a. d. xii. Kalend. August. c. i. d. c. i. v.*

De Glossariis melius coram: si de sententia Scaligeri vobis constat, quid vultis ἀλλῶν δρῶν βαλανίζην; quæ tamen videbuntur, congressu primo dicam vobis, εἰ δὲ ὑπὸ κεύσομαι.

EPISTOLA CCCC.

JOSEPHO SCALIGERO.

1604. CUM ante menses ferè tres munus πολυτέλειαν à te accepissem, præstantissime Scaliger, egi tibi per literas non quas debebam quidem, sed quantas maximas certè poteram gratias: ut si nihil aliud possem rependere, in eo saltem officio meo non deessẽm, neve committerem, ut quanto honore essem abs te affectus, parum viderer intelligere. Opto scire, an tibi eæ fuerint redditæ; item aliæ, quas paullò post mœstissimus scripsi de re lugubri, cum de obitu certiorẽ te feci adolescentis optimi & doctissimi, Hadriani Gulielmi, Flessingensis; in cujus morte quantam severiores Musæ fecerint jacturam, quàm magis cogito, tam magis intelligo. Itaque non secus affectus sum hoc casu, quàm si filius mihi aut frater periisset. Quàm incredibiles in literis Arabicis fecisset progressus, pluribus nuper significavi. Ego profiteor, eo magistro me multum profecisse, aut ut verius dicam, potuisse proficere, nisi mens lava fuisset, ac κενῶν ἐλπίδων plena; nam magisterio illius, quantum ipse cupiebat, usus non sum; cum partim illi parcerem, partim alia studia me impeditum tenerent: ὃ μὴ ὠφελεε γένεσθ. Amisi enim stultitiā meā occasionem, quam desideraturus sum æternum, recuperaturus nunquam. Cœperamus Geographiam Arabicam vertere; quod, paucis locis exceptis, erat ipsi sanè facilè. Alia item multa aggressi eramus; quæ persequendi & facultas mihi nunc deest & animus. Tu quoque, illustrissime

Vir, γησιῶται amisisti tuæ summæ 1604. cruditionis admiratorem. Ἀλλὰ τὰ μὲν προτίτευκεν ἑατορῶν ἀχνύμεναι περ. Quod superest, te oro atque obsecro, digneris amicitia tuā nobilissimum virum, qui tibi has reddet. Hic quoque eorum unus est, quibus *de meliore luto finxit præcordia Titan*. Cum narrantem audies, πῶς αὐτῶν ἰδὲν ἅπαντα καὶ νότον ἔγνω, miraberis tantum illi superfuisse οὔτι ad disciplinarum & Historiæ veteris cognitionem parandam. Quod si quid in nobis iudicii est, non multos hodie Germania ejus ordinis & nobilitatis viros habet, quorum amicitia possit tibi gratior esse aut jucundior. Eusebium tuum duobus prelis urgeri, suspicabamur ex novissima epistola tua. Atque utinam ita sit! bonorum omnium, & φιλομαθῶν desideriis satisfeceris. Nunc enim suspensi animi nostri sunt expectatione tanti muneris; opes enim editoris, & in regia gaza μεγαλοπρέπειαν habemus satis notam. Burdegalenli editione quid factum sit, nescimus; & virum optimum (εὐρίδω γὰρ ἔτος) non implese quæ promiserat, miramur. Sed est profectò ita, ut tu coniecisti, μάλα εὐτόχως. Quasi summa Respublica ageretur, comparantur undique præsidia, & publicis consiliis privata res agitur. Illi verò καὶ παλαμάδων, καὶ πετανέων ὅτις nunquam tamen aquilæ in aves imperium abrogabunt. Nos quoque quid agamus, fortasse quæres: agimus verò nihil, quod quidem tuā curâ aut notitiâ sit dignum. Persium nuper recensuimus, & libro commentario sumus interpretati. Sed dum rudiorum studiis consulimus, ita nescio quomodo opus excrevit, ut eâ lucubratione quid simus facturi, nondum constituerimus. Dioneas tandem notas absolvit amicus noster *. Agam cum hoc viro nobili, * *Fredericus Martellus.* ut si potest fieri, ipsius operâ isthuc curatur tibi dicatum exemplar. Amplissimum Legatum Buzenvallium in aula esse multas jam hebdomadas, his diebus primum didici. Heinsium quoque τὸν θανμάσιον brevi venturum, affirmabat mihi quidam ejus familiaris nudius tertius. Ego illi de conditione prospexi, non minus lauta quàm honorifica, & cujus ipsum minimè poeniteat. Vale, illustrissime Heros, & nos amare perge. *Lutetiæ Parisiorum*, quò ex secessu suburbano veneramus, *a. d. xv. Kalend. Septemb. c. i. d. c. i. v.*

Mathematicus †, qui de Magnete scripsit, te obnixè rogat, respondeas epistolæ ipsius. † *Nau-sionperius. Vide suprà. Epist. cccxxi.*

EPISTOLA CCCCVI.
DANIELI HEINSIO.

1604. **E**X sermonibus amici illius tui, qui salutem à te nudius quartus mihi nuntiabat, cognovi multas epistolas meas, quas ad magnum Scaligerum & ad te scripsi, aut omnino periisse, aut in vestras manus serò pervenisse. Affirmabat enim ille mihi, te, cum ipse discederet, nihil literarum pridem à me accepisse. Atqui superioribus mensibus sæpius me ad te scripisse, sciunt Labbæi fratres, quibus meos ad Scaligerum fasciculos solitus sum tradere tabellariis deferendos. Sed postea fortasse accepisti ἀθρῶς plures simul epistolas meas. Quod quidem an ita sit, velim facias me certior, neque existimes potuisse in me tantam ἀπερηκλίαν cadere, ut de luculento munere tuo non agerem tibi statim gratissimas gratias, quas equidem longè uberiores habeo, & porro semper sum habiturus. Audio te in eo esse, ut profectio- nem ad nos instituas. Utinam quidem quàm primùm ille exoriatur dies, quo tam charum mihi caput potero suaviari! Sed audin? sive ego in urbe sim futurus, sive Madriti, rectà statim ad me: nisi vis reus fieri gravissimi criminis violatæ amicitiae nostræ; quam injuriam quibus potero cunque modis ulturum me, pro certo habe. Est mihi

* *Sofredus Caligno, Navarra Cancellarius, Colomel.*

† *Fred. Morelli.*
amicus *, vir illustris dignitatis, sed pietate & eruditione longè major, apud quem hospitium tibi metatus sum, quamdiu volueris in urbe esse. Itaque veni ἀχαθῆ τῶ χη· spondeo fore, nunquam ut te consilii poeniteat; οὐδὲ μὲν τοι βοηθήσει, cui te & studia tua curæ esse, nullus ambigo. Dionis notæ amici nostri † tandem ad umbilicum sunt perductæ. Itaque id nunc ago, ut inveniam, cui tuto tradam, quod tibi missurus sum, exemplar. Amplissimum Buzenvallium sine tuis ad nos venisse, [ita audimus; nondum enim vidimus] miramur. Sed eò suspicor illud accidisse, quia nihil à nobis pridem literarum acceperas, quod nollem ita accidisset. Vale, amice πρὸς τὸν π. *Lutetiae Parisiorum, a. d. xiv. Kalend. Septemb. c15 15 CIV.*

EPISTOLA CCCCVII.
JACOBO GILLOTTO.

1604. **D**E versione ‡ Turnebi ita sentio, ut videatur magis non indigna tanto viro, quàm satis digna. Fidelis

‡ *Epistolarum*

est, & nihil peccat; sed minus exquisita & ornamentis carens quàm tibi as-
fentior, amplissime Vir, & omnino fa-
ciendum judico, ut titulus præfigatur, *Synesi. vide Epl. ties Fran- çaises à Monfr. de la Scala, pag. 101. & 109.*
qui quod res est, dicat. Audio nescio cuius operâ emendata quædam in illa fuisse. Ego verò malè vereor, ne ἀθρῶς illæ extiterint magis, quàm ἀθρῶς. Nam in Græcis palàm corrupta quædam, non casu animadverto. Si quid juvanda fuit Turnebi interpretatio, ut quæ ex tempore fusa erat, vellem ea provincia mihi fuisset demandata; non quia id mihi tribuam, ut acutius hæc videre potuërim quàm ille, quisquis est, qui eam recensuit; sed quia pro ea reverentia, quâ sermo- nis illius manes prosequor, diligentius fortasse in eo negotio essem versatus. Ego enim Turnebum non γρησῖος solum, verùm etiam ἱμπαθῖς colo. Quidquid est, multum tibi posterì pro munere hujus editionis sunt debitori. Perge verò, amplissime Gillotte, & Musas demereri, & nos amare, qui te ex animo observamus. *Madriti, a. d. iv. Non. Septemb. c15 15 CIV.*

EPISTOLA CCCCVIII.
GEORGIO MICHAELI
LINGELSHEMIO.

1604. **N**obilissime Vir, si quas habeo tibi gratias animo, agere verbis institutam, longum faciam, & tamen minus omnino, quàm quod sentio, dixerò. Tu me ignotum, nihil unquam de te meritum, non solum tuâ benevolentia dignum judicasti; sed etiam effecisti, ut illius fructum perciperem, & ante meas preces ejusmodi beneficium mihi præstitisti, quod nullis precibus posse me à te impetrare semper existimaveram. Enimverò alii aliis capiuntur, & ut ille ait, *voto non vivitur uno*: tuum verò beneficium ejusmodi est, ut vix aliud videatur potuisse in nos à quoquam conferri adeò *δυσμῆς* ac gratum. In literulis enim nostris omnes nobis positæ sunt voluptates atque amœnitates; quibus ærumnosæ hujus vitæ πρὸς μικρὸν edulcamus. Spero autem ad studia nostra non mediocriter momentum esse allaturum illustrissimū Principis Codicem Arabicum, cujus usum tua mihi benignitas impetravit. Ex aliis Arabum libris pridem mihi illius Autoris nomen innotuerat, quod liber Palatinus fronte præfert; sed an ille sit, quem Abisenæ † Interpre-
tes passim laudant, nondum affirmare ausim; aliis enim studiis impeditus adhuc fui, neque cum Codicem seriò ad-
huc

† *Aliis Alenina: unig. Avicenna vocantur.*

1604. huc versavi. Brevi faciam, propitio Numine, & statim illum ad vos; ut omnes intelligant, fide nihil mihi esse antiquius. Vale, præstantissime Vir, & me ama, qui & sum, & sum futurus æternum tuæ virtutis admirator, dignitatis cultor. *Madriti, a. d. III. Non. Sept. CIO IO CIV.*

EPISTOLA CCCCIX.

CONRADO RITTERSHUSIO.

1604. **H**Avebam scire, ut valeres, & quid ageres, clarissime Rittershusi, mirabarque binis meis superioribus nulum à te responsum esse datum; ut nec à Scipione Gentili, Academiæ vestræ lumine, quicquam literarum accepi, postquam ex itinere Gallico isthuc est reversus: eramque adeò de utriusque vestrum valetudine ac statu sollicitus, cum misit ad me Bongarsius, ὁ τῶν ἐμῶν φίλων αὐτῶν, epistolam illam tuam, quam utrique nostrum communem esse voluisti. Gavissus sum non mediocriter, & quòd valentem te intellexi, & quòd ita in literas animatum, ut bene de illis merendi finem nullum facias. Nam quod scribis de repertis Beati Patris, Isidori Pelusiotæ, epistolis, & tuâ curâ descriptis, atque ad edendum paratis; beasti me, mi Rittershusi, hoc euangelio. Maeste hoc studio atque hermæo isto. Multa quidem tibi jam Respublica literaria debet, propter egregia ingenii tui monumenta, quibus illam auxisti, ornasti; sed magnum cumulum prioribus tuis meritis adjeceris, si tam pium & eruditum Scriptorem ἐξ ὧν πολὺν χρόνον nobis dederis; quod quidem ut facias, non hortor te solum, sed etiam rogo atque obtestor, eò quidem vehementius, quòd pauciores hodie sunt, quorum palato dapes istæ sapiant. Sed malè sanorum hominum voces infanas, qui literas Græcas faciunt non nauci, pro tua prudentia facilè intelligis esse contemnendas; atque illud potius nobis, qui illarum præstantiam ac necessitatem intelligimus, esse enitendum, ut fugientibus manum injiciamus, & si possumus, suam æstimationem ac pretium illis apud τὰς εὐφρονας γὰρ τῶν νέων vindicemus. Quod autem edi cupis Lutetiæ opus tuum, (verè enim tuum dixerim) de ea re quid certi spondeam tibi, non habeo; nam lentè heic Græcorum editio procedit; etsi non deest quibusdam nostrorum Typographorum animus, & Isidorum, & reliquos Patres Græcos edendi. Itaque cum omnia à te fue-

rint parata, fac me ut sciam; & confide. 1604. de pari diligentia in eo negotio versaturum, ac si mea res ageretur. Vale. *Madriti ad Urbem, a. d. III. Nonas Septemb. CIO IO CIV.*

EPISTOLA CCCCX.

DAVIDI HOESCHELIO.

CUm superiore mercatu Francofur-1604. diensi Procopium manuscriptum tibi misissem, Hoescheli clarissime, quia post illa nihil à te literarum accepi, fui aliquandiu sollicitus, eo libro quid factum esset. Postea verò ex iis, quas ad πιν πένυ Bongarsium scripsisti, didici tuò illum ad te fuisse curatum; quod non mediocri me voluptate affecit: nam & exemplari, quod isthac miseram, metuebam; & ne ea retardaretur tuum inceptum, anxius eram. Nunc spero brevi nos beneficio tuo optimum Scriptorem typis illis vestris elegantissimis editum habituros. Fallor, aut de Republica literaria mereri non potes melius, quàm editione cum hujus, tum aliorum similis notæ Scriptorum. Quod autem novissimis tuis me rogabas, de versione Gregorii θαυματουργῆς, puto Jacobum Bongarsium quæ illi super eo dixi, tibi significasse; fuisse me, quod petebas, facturum, nisi vidissem in Indice superioris πανηγύριος Francofordiensis promissum à nescio quo vestræ gentis omnium eximii ejus Scriptoris operum versiones. Itaque actum agere non placuit; qui præsertim adeò essem occupatus, & variis distractus curis; de quibus apud te non semel queri memini. Omnino vivit nemo occupatior, quàm nos sumus. Ut taceam de charissimæ uxoris χρηνοπέτω morbo, qui etiam ab urbe me expulit, & in hanc regiam domum compulit sedere, ubi tertium jam mensem habeo. Atque ego initio mihi gratulabar, quòd relictà urbe liberatum me crederem importunis visitoribus, per quos nulla ferè mihi erant tempora succisiva; cum totos dies persæpe in nugis ἐκὼν ἀέκωντι θυμῷ cogerer infumere. Sed jam me experientia docet, longius nescio quò in solas terras fugiendum mihi esse, si vivere cum Musis tendam. Veruntamen quicquid nobis vacui temporis conceditur, id totum in ornanda Sparta, ἣν ἐλάχομεν, ponimus. Quod si per Typographos licuisset, Persianum Commentarium isthuc misissemus, & simul alteram Suetonii editionem, priore aliquantò fortasse meliorem. Sunt & aliæ curæ graviores, quæ nos exerceant; sed quarum publicatio non est ἔπαρον. Tu, Vir eruditissime, quid

1604. quid agas, quid jam edas, quid mox sis editurus, aveo scire. Nam qui à quinque, aut sex mensibus tuas non acceperim, quàm uberrimas cupio illas accipere, *ἐλπίοντες σὺ καὶ τὸ δάεινον καὶ τὸν τόκον ἅμα.* Vale. *Madridi*, quod regium est ad urbem Prætorium, a. d. III. Non. Sept. CIO IO CIV.

Amplissimo & nobilissimo viro, Marco Velsero, plurimam salutem verbis meis nunties velim. De Privilegio, quod à nobis petiisti, scito τὸν σφραγιδόφυλακα (hominem è senio propè jam obnoxium Græcorum proverbio, sed ἀπὸ τῆς διησιδαιμενίας meticulosum, adeò ut omnia, etiam tutissima, timeat,) rogatum ab amplissimo & sapientissimo Thuano, ut Privilegium ejus meaque curâ conscriptum Regis sigillo firmaret; quia ego veniebam in partes, statim cœpisse suspicari, tot librorum editione, de quibus cogitare te significaveramus, culmen Romanæ Arcis peti, & hæresim [sic enim Veritatem Dei vocant] stabiliri. Risimus ego & Thuanus, cum hæc nobis referrentur à Perrotto, Regis Secretario, nominis Germanici studiosissimo. Ivi igitur ipse ad τὸν σφραγιδόφυλακα, & quàm longè abessent tuæ curæ ab eo genere scriptorum, quæ orbem Christianum miserè lacerant, exposui. Adjeci, neque Thuanum, neque Velsrum, duos summos viros ejus professionis, fautores tuis cœptis, si eò spectarent. Quid multa? Pervici non tibi debere hoc negari. Promisit igitur, si per eundem Perrottum mitteretur, facturum, quod roga-remus. Ecce verò rem suavem; nam ubi venit Perrottus, responsum tulit ab optimo & alioquin venerando sene, permissurum se tibi, ut tua isthic ederes; at ut impediret, ne nostri possent edere cum vellent, nullis conditionibus adductum iri. Quo quid magis ἡρπικόν potest fingi? quid enim Privilegium est eâ parte demptâ? Sed alia causa est profectò, quæ illum terret. Ego certissimum habeo, simul ac Regi rem aperuero, jussurum, ut fiat. Sed vix in urbem ex eo tempore Rex venit, aut nos casu tum aberamus.

EPISTOLA CCCCXI.

JACOBO GILLOTTO.

1604. Amplissime Vir, non mediocriter gaudeo, quando studium & fidem cogito erga me ἡ μακαρίτης Turnebi. Omnino autem faciendum videtur, ut ejus honori quàm commodè fieri poterit, hujus libri editione consulatur. Ego & illius causâ, quem valde colo, &

tui, quem observo, unicè paratus sum ad omnia, quæ volueris, sit modo temporis plusculum, ne urgeamur nimis sed de his coram. Quod ut possimus, ultimâ hebdomadis die isthuc veniam, & te invisam. Tum quid opus factu sit, videbimus, & de communi sententia statuemus. Velim intereâ de Josepho Scaligero aliquid addiscas, valde enim longum viderur esse tempus, cum ab illo nihil literarum accepi. Opto servet Deus & te, & illum ἐν πάσῃ βίῃ ῥασώνῃ καὶ ἐνμυρίῃ. Vale, Vir amplissime, & me ama. *Madridi*, a. d. VII. Eid. Septemb. CIO IO CIV.

EPISTOLA CCCCXII.

FOPPIO AB AITSEMA.

HERI reverso mihi à Synaxi sacra red- dita est epistola tua, eruditissime Foppi. Gaudeo non mediocriter amore tuo in nos, qui etsi vehemens, non tamen sinemus nos hac parte abs te vinci, parati de omni alia laude tibi concedere. Hoc verè tibi affirmo, simul innotuit mihi tuus ille verecundiæ virginalis plenus vultus, sensu captum me amore tui, hoc est, tuæ & modestiæ, quam præ se ferebat & tacentis vultus. Postea verò quàm de pietate, de literis & virtute eos sermones habuimus, quorum ne te quidem video esse oblitum, tum vero auxit adeò meus in te affectus, ut jam nihil mihi posset gratius accidere, quàm abs te amari. Enimvero delectant alios alia: nos secundum πρὸς τὸν Θεὸν in prima parte felicitatis ponimus amorem bonorum. Quare duobus nominibus gratissima mihi fuit epistola tua; & quòd me tibi charum esse abundè testares; & quòd memoriam ἡ μακαρίτης Hadriani Guilielmi*, * *Εὐφρα* conjunctissimi, heu! nuper mihi & *γενεῖ* summè chari, eleganti carmine ornasti. Omnino dignus erat optimus ille juvenum, quem amarent vivum omnes, quibus sereniores Musæ sunt cordi, & quem nunc ἀδύρῳ fato defunctum lugeant omnes earundem Dearum γένεσις θεράπωνος καὶ μύσαι. Literæ Arabicæ quantum in illo capite jaçturam fecerint, nemo facile dixerit. Pietas verò probissimi adolescentis quanta? quàm singularis? ut sine lacrymis recordari tristis illius dici nequeam, qui tantum thesaurum nobis eripuit. Ἀλλὰ τί κεν ῥέξαιμι; οἷον ἐπλήτετο βελή. Verùm de his quando & quoties voles, plura coram. Unum te rogo, nobilissimum & generosissimum, & studiis melioribus accuratè excultum adolescentem, qui nuper ad me unâ tecum venit, meis verbis quàm officio-

1604. *issimè salutes. Valetè ambo, & me amate. Lutetia Parisiorum, a. d. v. Septemb. CIO IO CIV.*

EPISTOLA CCCCXIII.

JOSEPHO SCALIGERO.

1604. **I**llustrissime Vir, ex trinis literis, quas ad te scripsi novissimas, spero tibi notum esse nostrum secessum in regiam arcem, cui Madrito nomen. Tertium jam mensem ibi agimus, quo toto spatio temporis unicas à te accepimus: nos jam quater scripsimus, & quidem satis prolixas duas epistolas ad te misimus, quas an acceperis, velim, nisi grave est, ex tuis cognoscere. Priore illarum gratias agebam tibi de luculento munere, quo immortalitatem nomini meo tua illustris benignitas conciliavit. Erant in eodem fasciculo etiam ad clarissimos viros, Scriverium, Heinsium, & Joannem à Wouweren literæ, quæ si, ut vereor, interceptæ sunt, non possum effugere justam criminationem vestrum omnium. Altera epistola tristissimum argumentum habuit, nuntium de obitu Flessingensis adolescentis, de quo cum multa scriberem tibi, nullam tamen partem sum affecutus debitæ laudis ejus pietati, virtuti & summæ eruditioni. Ego, mi Scaliger, amisi socium ac ducem studiorum meorum in literis Arabicis. Quod eò mihi est molestius, quia præclarorum ejus inceptorum, de quibus ad te nuper scripsi, αἱ ἱερογρφίαι, quæ ob oculos meos quotidie versantur, vulnus pridem acceptum coire non patiuntur. Ille nobis Arabicam Grammaticam brevi daturus fuit, ex multis Magistris improbo labore collectam. Ille in Medicinæ studiis ea fuit præstiturus, quæ omnes mirarentur. Quid faceret vir, qui adolescens eò pervenerat? Modestia verò doctissimi juvenis & respectus omnium, qui de literis essent bene meriti, fidem omnem superat. Te certe ita suspiciebat, ut sine stupore de tua in literis præstantia nunquam loqueretur. Itaque cupidissimus scribendi ad te, nunquam est ausus, cum diceret, nondum eò eruditionis accessisse, ut deberet te interpellare. Inveni inter ejus chartas paucas omnino, quæ possint esse usui, quasdam tamen offendi γραμματικῆς τέχνης σημειώσεις verius quàm præcepta, excerptas ab eo, cum Arabum Grammaticorum libros legeret. Ego constitui, volente Deo Opt. Max. & faciente, primo vere te invisere, & tecum omnia communicare, quæ futura sint alicui usui. Illud scio, & Caphiam

& Giarrum jam potuisse ab illo edi, 1604. cum non poenitendis notis & versione Latina: nisi maluisset quicquid apud alios legerat, in unum corpus colligere, & digesta omnia simul edere. Sed studiorum ejus mira quædam fuit ratio, nam quæ inter legendum observabat, solitus in minutissimis schedis annotare, atque illa diu circumferre, deinde in cistam conjicere, atque inter sarcinas suas servare. Nos autem studio transmittendæ ejus memoriæ ad posteros, utilia ab inutilibus selegimus, & cum tui videndi desiderium ferre diutius non possimus, cum isthuc veniemus, consulemus oraculum tuum, num quæ possit iniri ratio, ut aliquod lucubrationum eruditissimi juvenis exret in publicum monumentum. Quare si nos servassit ὁ ἐμὸς πατήρ, & coeptis faverit, ἀπὸ τοῦ πατρὸς me exspecta. Quod si de profectioe amplissimi Legati Buzenvallii aliquid rescissem, fortasse, quod mente paro adhuc iter, jam esset confectum. Sed venisse illum Luretiæ non antè scivi, quàm reditum ad vos iniisset, quod eò molestius fuit, quia simul erepta mihi facultas, exemplaria Dionis isthuc mittendi. Est in urbe Bibliopola quidam Beis, cui dederam id negotium ante mensem, atque ille se curaturum receperat, ut brevi & tu, & Heinsius dicata vobis exemplaria reciperetis. Hæc quoque spes decollavit, nam Beis, quia Morellus lentior erat me absente in tradendis libris, re infectâ Francofurdum abiit. Id cum rescivissem, egi cum Drovardo, quando eodem se accingeret, ut vestrati Typographo vel duo, si posset, vel unum saltem traderet tibi reddendum. Exspecto quid factum sit, ut aliâ viâ prospiciam, si & ille, quod vix futurum puto, fidem fregerit. Velim clarissimus Heinsius hæc ex te cognoscat. Accepi ex iis, qui Buzenvallium convenerant, libellum esse à te editum contra Serrarium. Opto ita sit, & ut brevi cum illam lucubrationem tuam, rùm etiam Eusebium tuum videamus. Vale, illustrissime Scaliger, & ad nos scribe. Scripsi raptim, cum Luteriam casu venissem, a. d. III. Eid. Septemb. CIO IO CIV.

EPISTOLA CCCCXIV.

FOPPIO AB AITSEMA.

1604. **L**iteras tuas, eruditissime Foppi, futuræ per se gratas, reddidit mihi gratissimas adjectum carmen, quod in Hadriani Guilielmi, Flessingensis, juvenis multis nominibus, dum viveret, mihi

1604. mihi charissimi, obitum immaturum scripsisti. Nemo illum nôrat, quin iis laudibus fateatur dignissimum, quibus est à te ornatus. Ego, quem ille heic unicum, ac propè solum testem habuit pulcherrimorum inceptorum, ad quæ dies noctesque se strenuè comparabat, tristissimo hoc casu in tantum doleo, in quantum virtutem amo; & studia literarum, quibus nihil mihi charius, industriâ felicium ingeniorum cupio promoveri. Quæ Belgicæ vestræ propria quoddammodo videretur esse virtus, morum simplicitas, ea sic in Hadriano excelluit, ut verè possim affirmare, neminem eo probiorem, aut magis ἀπλασει καὶ ἀνυφιν mihi fuisse unquam notum. Eruditio vero supra annos planè stupenda. Omitto Græcæ Latinæque linguæ summam peritiā, & omnium honestarum artium, quæ liberaliter, & quidem Lugduni Batavorum educatum doceant. At in rerum naturæ universæ & τῆς ἱατρικῆς ὕλης cognitione quos & quantos, Deus bone! fecerat progressus? Hoc tantum dicam, Medicis excellentibus, qui præstantiam ipsius in hoc genere animadvertabant, fuisse miraculo. Nos verò nihil impensius in eo mirabamur, quam literarum Arabicarum notitiā. Paucis enim annis studio, labore ac diligentia eò jam pervenerat, quò vix tota Europa quemquam adhuc pervenisse, si unum aut alterum excipias, notum habemus. En, mi Foppi, qualem quantumque juvenem Respublica literarum amisit! Nam qui in ipso adolescentiæ flore adhuc erat, & omnia, quæ diximus, fuerat consecutus, quid censes facturum fuisse, si eum προσωρθὸν γένεσθαι non rapuisset? Lugenda sanè publica fors literarum, quæ in uno hoc capite tantam fecit jacturam. Ipse verò non lugendus, sed beatus potius prædicandus; qui onere ἑ χοῖνι θυλάκιω maturè liberatus, caducam & malis obnoxiam vitam meliore mutavit. Sed redeo ad carmen tuum, mi Foppi, tibi que etiam eo nomine gratias ago, quod exemplo tuo popularibus tuis, nobilissimi ingenii juvenibus, καὶ γονιμωτάτοις πηγαῖς, præivisti ad celebrandam posterisque tradendam Hadriani memoriam; quo nihil potest mihi gratius accidere. Vale, Vir doctissime, & quod supra omnia est, ἰουβί-σται. *Lutetia Parisiorum, a. d. v. Kalend. Octob. c. i. d. c. i. v.*

EPISTOLA CCCCXV.

DANIELI HEINSIO.

Non dubitarem mirari te, quòd pro- 1604.
missum pridem exemplar Dionis nondum acceperis, nili considerem, eas literas, quas super ea re scripsi ad illustrissimum Scaligerum, & acceptas ab illo, & tibi fuisse ostensas. Ex iis didicisti, nullā meā culpā accidisse, ut duæ occasionēs libros isthuc mittendi, quæ solæ hætenus post absolutam ejus Authoris editionem se obtulerunt, prætermitterentur. Una illarum fuit, cum ad vos rediret amplissimus Buzenval-
lius, de cujus adventu in urbem, aut abitu tunc demum factus sum certior, cum ille propior vobis quàm nobis erat. Altera fuit, cum Beis, Bibliopola Parisiensis, Φερτία βιβλίων quædam isthuc mitteret. Ego verò ne ea occasio mihi elaberetur, satis cavisse videbar; cum Morellum Δισσώδην jussissem duo exemplaria ipsi tradere; quæ se ab illo exacturum, ille ipse Beis sanctè promiserat. Uter eorum officio defuerit, nescio. Ego faciam, οὐν οὐκ ἀπᾶν, ubi primùm data erit facultas, memorem me facto, non verbis tibi probem. Sed oro te per omnes Musas, quid sibi vult hoc tam diuturnum silentium tuum & magni Herois nostri? Quinas minimùm ad te, septenas aut eo plures ad eum literas dedi, ad quas responsum tui nullum; & fuere bene longæ quædam illarum, quædam tristissimi argumenti, quibus significabam vobis Hadriani mei obitum; Hadriani, inquam, Flellingensis adolescentis, quo nullum alium meliorem, aut majoris spei sol videbar. Itaque ejus desiderium amore literarum ferre non possem; nisi illud cogitare, ἐπὶ οὐδὲ ἐπὶ πλείστον βεβλή· item illud, ἐν οὐδὲ φιλοῦ, δὲ πρὸς τὴν νέαν· hanc unam esse causam προσωρθὸν καὶ αὐρῶν illius abitus πληροφύρηται. Ille te inter præcipua hujus ætatis lumina suspiciebat; & tuo magisterio in literis Græcis gloriabatur. Tu illum ne pro populari quidem tuo videris agnoscere, qui ad frequentes adeò epistolas meas, luctus mei testes, ne verbum ἀντιπρίλιν tot mensium spatium sustinueris. An tu ad nos cogitas? & pro literis spectandum fruendum dare cogitas? Ita nuper Scel. * Phrysius, * Foppius eruditissimus adolescens, cum à te veniret, affirmabat. O illum diem suavem mihi ac jucundum, cum ego te amplectar, ac vel in medio foro suaviabor. Veni igitur, mi Heinsi, neque dubita, etiam in media hac barbaria reperturum te paucos quidem, sed ta-

1604. men reperturum, quibus tua commoda futura sint curæ; cui rei scito jam abunde esse à me prospectum. Quare aliud cura, neque de hoc sis sollicitus. Ego, si Deusnaverit cœptis, primo vere ad magnum Heroem sum excursurus. Persius seriò jam excuditur. Miraberis *λεγοδιάρροιαν* hominis fortasse *τὸ πρὶν ἢ μάλα ἀκριτομέθυσ*. Vale, & me ama. Vassanos fratres tibi cupio esse commendatos. Iterum vale, & aut rescribe, aut veni. *Lutetiae Parisiorum, Non. Octob. CIO IO CIV.*

EPISTOLA CCCCXVI.

JOSEPHO SCALIGERO.

1604. **A**udi rem novam, illustrissime Vir, & assẽm para. Qui hætenus propter constantiam in purioris Religionis professione *τοῖς ἐξ ἰσταντίας*, si quis alius, fui exosus, nunc Loyolitis ita charus sum, ut nihil supra. Sive nos urbs habeat, sive rus concedimus, non effugimus, quin sit nobis cum illis versandum, colloquendum. Nuper venit ad me Gonterius cum nescio quot Episcopis: postridie cùm in libris totus essem, ecce tibi Frontonem Ducæum. Deinde cùm ex negotio in urbem venissem, quin dies totos cum illis contererem, vitare non potui. Hæc quò spectent, non est quod exponam tibi pluribus. Fronto verò sanetè affirmabat post prima statim salutationis verba, se jussum à Rege id conari & urgere; hoc enim valde se cupere. Ego illis hoc unum respondi, *φιλαλήθειαν ἀσκήσαι ἡμᾶς* semper. Veris argumentis locum daturus lubentissimo animo: gratiã verò Principis, aut pollicitationibus nihil quicquam moveri: mirari tamen, cùm de animo nostro omnibus constet, quid esset cur toties sollicitatam constantiam nostram is veller, à quo mittebantur. Hæc res quem exitum sit habitura, nescio: suspicor tamen haud temerè illa tentari, videturque is futurus eventus, ut alius Mæcenas nobis brevi sit quærendus, quod quidem cœlesti Providentiæ *μέλοι τὴν ἐμὴν μέλῃσι*. A Frontone didici, Eusebium Burdigalensem ad finem esse perductum, & cis dies paucos in urbe futurum. Puto cum virum tibi vel de facie notum esse, vel è scriptis. Utinam hoc ingenio essent ejus Ordinis ceteri omnes! nam vir optimus præter editionem veterum Patrum Græcorum aliud nihil videtur curare. Utinam perficendi, quod cupio, det facultatem *ἐπὶ τοῖσι*. Videro te brevi, & præsentem fuero veneratus: tum de multis tecum

agam melius, quàm nunc possum per 1604. literas. Dionem *, quem Francofordo * *Chryse-* jussi ad te mitti *κατὰ δούπερον πλὴν*, quia *stomum.* hinc non potuerat, confido te accepisse. Ego tuarum desiderio *ἰλλοῦ γίνε-μαι*, dum semper aliquem exspecto, qui earum fasciculos diu detentos (sic enim mihi persuadeo) tandem reddat. Vale, illustrissime Vir. *Lutetiae Parisiorum, Non. Octob. CIO IO CIV.*

Literas, quas adjeci, commendo tibi. A. Bibran, Eques Silesius, isthuc aut venit, aut venturus est brevi: oro te, meas ad illum cures. Ego Deum venerabor, ut te servet.

EPISTOLA CCCCXVII.

JACOBO DAVY PERRONIO, CARDINALI.

Libros remitto tibi, illustrissime Cardinalis, quos nudius tertius commodasti; coque nomine gratias ago gratissimas. Optarem, eo cimelio diutius frui posse; neque dubitarem, *ἐν θεῷ ἁπάντων*, fore non inutilem Reipublicæ literariæ, quam ibi ponerem, operam. Nunc pauculis horis, idque raptim inter negotiorum strepitus, ex Arabica Epistolarum Divi Pauli interpretatione quædam descripsi: nonnulla item cum editis Romæ Arabicis Evangeliiis contuli. Ægyptiacæ verò linguæ miram observamus rationem: sic enim è Græca & vetere Ægyptiorum est conflata, ut puris putis vocabulis Græcis multa sint mixta, quæ neque *ἐκκλησιολογία* sapiunt, neque ullam omnino earum linguarum, quæ sunt ab Hebræa derivatæ. Omnes Græcorum characteres in ea deprehendimus, & alios insuper quàm plurimos; ut necesse sit, illius linguæ *τὰ συχῆα* esse oppidò multa. Equidem ædes Crassi, aut Licinii campos non meream, ut tantum thesaurum non tractarem, quamvis modico tempore. Sed tuum istud beneficium, illustrissime Cardinalis, prope nobis reddunt invisum rumusculi à tuis, ut audio, & aliis nonnullis dissipati. Viderint illi, qui tale nihil cogitantem, & studia longè diversissima omni contentione animi urgentem, *φιλίας πρόφασιν* interpellarunt, quàm sit professioni ipsorum ea jactatio & *κομπισμός* conveniens. Ego, qui vigilias omnes meas amoris veritatis in quocunque genere literarum semper impendi, non *λογισμαχίαις πρὸς ἐπίδειξιν* comparatis, re jam experior, quod apud gravissimum virum Gregorium Nazianzenum sæpe legeram; vix ac ne vix quidem hujusmodi *συζητήσεων* ullum unquam extitisse fructum. Mihi per-

1604. persuasissimum est, eam demum esse pietatem Christianam, quæ ἐντέλματ' ἀνθρώπων insuper habens, ἀμεταπίστεως doctrinæ adhæret Divinâ Scripturâ contentæ. *Hæc una est, quæ doctrinæ regulam figit*, ut alicubi ait Augustinus; & illa Ecclesia vera, quæ non est egressa de finibus suis, id est, de Scripturis Sanctis, ut ait disertè Hieronymus. Porro autem ὁ βεβαιῶν ἡμᾶς Spiritus Sancti efficacia, docente Paulo, Deus est ipse. Quæ enim adversus hanc ἐν Θεῷ πεποιθὴσιν disputari audiui, nuce cassâ viliora judico, quoties vel ad divina promissâ, vel ad fidem antiquam oculos mentis refero. Hanc nostram πληροφρίαν si quis est qui labefactare cupiat, age, quod sæpe nuper dixi, rationes suas scripto compiectatur: nos, freti virtute Dei, parati sumus ostendere, frustra antiquitatem ab illis jactari, qui Sacræ Scripturæ miris modis, ut quidem videtur nobis, detrahentes, vetustatis auctoritatem pro ratione obtinent. Nuper, non sponte quidem meâ, quod tute scis; neque enim eâ sine veneram, sed impulsu tuo quædam proposui διόκει γούματ' χάριν, quæ viderentur esse ἡ ποιητὴ κομμάτ'. Idem nunc quoque affirmo; & doctrinam de sacra Eucharistia vestram cum aurea Veterum simplicitate pugnare, non disputandi gratiâ, quod semper sum averfatus; sed quia sic credo, πάλιν αὖ καὶ πάλιν confirmo. B. Augustini, & Theodoretî loca, quæ mihi nuper in mentem fortè venerant, & de quibus singulari subtilitate multa sunt à te disputata, ut amplius de iis cogitandum pro meorum morum candore dicerem, non temerè, neque contra Auctorum mentem à nostris laudari, eorum rationibus æquâ lance expensis, patebit. Jam de Imaginibus, & hodierno earum cultu, quid in me nuper receperim, quantumvis obstrepentibus cunctis, scio, meministi; non recusare me, quin ex Historia Ecclesiæ luce meridianâ probarem clarius, prodigio videri posse simile, quod quidam patrocinio veterum Orthodoxorum illas tueri sustinent. Dei hominumque fidem! hocceine est veritatem propugnare, an quod Philosophi ajunt, δαλεῖν τῇ ὑποβίῳ: nam quæ in eam rem nuper asseriebantur, solerter esse excogitata non negamus; cum Dei verbo, & quod toties assertum est, cum antiquæ Ecclesiæ usu convenire, hoc vero præcisè negamus. Quod non eapropter dicimus, ut tuum à nobis animum alienemus; magni enim facimus, pro eo ac debemus, amorem tuum: sed ut verissimum esse cognoscas, quod sæpe διαμαρτυραίμην, unicam

esse flectendi nos, atque aliò traducendi rationem, si Ecclesiæ, cui sum innutritus, doctrina αὐτοπίστῳ Dei Verbo & primævæ Ecclesiæ consensui, ad capita fidei quod attinet, probetur esse contraria: de quo cum nullum unquam dubium animum mihi incesserit; cumque ad alia omnia præclusas aureis nos habere, cunctis, qui me non ignorant, confidam esse notissimum; quid est, quod in eam spem quenquam mortaliū adduxerit, quali abduci ab accepta fide possemus? Illud equidem assiduus à Deo Opt. Max. precibus postulo, flagitoque, ut mentis meæ tenebras velit non φευδοφασί luce illustrari, sed verâ; hoc est, illâ, quam in Verbo ipsius lucere, tota vetus Ecclesia unâ voce pronunciat. Eò si quis ducem mihi se profiteri gestiat, maximam, testor πῶν καρδιογνώσκω Deum, iniverit à me gratiam; præcat modò rectè, & itineri illi insistat, quod Sanctos Patres, quorum nomina vereor, esse ingressos, traversisque, certissimum apud me est. Cæterum, si quis me nonnullorum hominum similem arbitratur, ὃν νόθ' ἀνρόπλοθ' καὶ ἀδελφαιθ' κατέστηκε, neque ille me novit, & ego ejus amicitiam, liberè loquar, nihil moror. Quid multa? nemo, opinor, est, quin sciat quæ studia profiteamur, quarumve literarum notitiâ Regi Christianissimo innotuerimus. De his qui voluerit cumque mecum agere, gratissimus semper fuerit; nam neque ad discendum ullam ducimus ætatem seram, & ad docendum nulla potest cuiquam propensior esse voluntas, quàm mihi. Sed moror te. Unum illud adjiciam, teque per eam benevolentiam, quam ultrò (quæ est tua humanitas) & detulisti, & præstitisti mihi, obtestabor, ut scriptionem hanc æqui bonique consulas. Ego Dominum Jesum toto pectoris affectu veneror, ut quas in te collocavit ingenii dotes excellentissimas, eas ad conciliandam Ecclesiæ ipsius pacem constanter referas. Vale, illustrissime Cardinalis, & me, quod facis, ama. *Lutetiæ Parisiorum, a. d. 111. Id. Octob. c15 13 CIV.*

E P I S T O L A CCCCXVIII.

FOPPIO AB AITSEMA.

Ocupatissimus eram, cum tuas ac-1604- cepi; dictabam enim aliquid, quod jam ad Typographum erat deferendum. Sed nulla unquam fuerit occupatio tanta, quæ me à tuo colloquio avertat. Jucundissimæ igitur mihi fuerunt literæ tuæ. Atque utinam propius abessemus, effu-

1604. effudissem in sinum tuum dolorem meum propter scelerata mendacia profligati pudoris hominum, qui altu me adorti sunt, ut facilitate ac modestiâ meâ abuterentur in detrimentum veritatis. Ego stultissimus & inconsultissimus fui, qui aliquid candoris putavi in illorum animis posse reperiri. Obstupui cum mihi eorum sermones referrentur; neque filui: sed statim ad Cardinalem Perronium epistolam scripsi, cujus exemplum cupio dare, cum primùm te videbo. Spero non ingratum fore. Hoc tibi erit ἀντίδοτον pro tuis elegantissimis versibus, quos legi magna cum voluptate inter has molestias. Eorum, quæ mihi de consilio tuo dixisti, meminero. Et forrasse tibi mihiq; simul prospiciam. Sed quoniam ex aliorum deliberatione res pender, nihil addam de ea re amplius, nisi quod tibi persuasum velim, ardere me cupiditate eò veniendi & migrandi, ubi liberum erit putidissimis otiosorum hominum commentis respondere. De puero nihil adhuc constituimus; neque puto tuæ peregrinationis tempus adeò esse propinquum. Vale, & me ama. Madriti, pridie Eid. Octob. CIO IO CIV.

EPISTOLA CCCCXIX.

A MONSIEUR

✱ DU PLESSIS.

MONSIEUR,

1604. **P**Ar vos dernières, que je receus il y a quelques mois, vous me semondés à vous écrire, en quoy j'employe le loisir que la bonté de Dieu me donne pour estudier. A quoy n'ayant eu loisir de vous répondre jusques à présent, j'ay pris ceste occasion pour écrire cette-cy, & vous dire que je reputé à beaucoup d'honneur que desirés sçavoir, quelles sont mes occupations: mais je suis bien marri, que je ne vous puis par ma réponse donner le contentement, que peut-estre attendés. Car si je vous parle des Escrits que puis avoir faits des que je suis icy, ou imprimés, ou à imprimer, je ne répondray, comme je croy, à ce que desirés de moy. Aussi certes ne fais-je conte du temps, que je mets à tels sujets, sinon pour le regretter, estimant que je pourrois le mieux employer, pour le moins avec plus de contentement pour moy, qui plus je vais en aage, tant moins prens de plaisir à la curieuse recherche des choses, qui ne concernent le salut de mon ame. Et toutesfois telle est ma condition, qu'il me faut necessairement y mettre la pluspart de mes études, pour tesmoigner au Maître que je sers, que je

ne vis du tout inutile; & aussi pour satisfaire à la cupidité de ceux, qui m'importunent tous les jours de mettre quelque chose en lumiere. J'ay donc fait imprimer il y a quelque temps, tous les Auteurs qui suivent Suetone, avec assez amples Annotations; lesquels si n'avez encore veu, je vous enverray par la voye que m'adresserés. Morel aussi imprimant Dion Chrysostome, j'y ay adjousté Diatribam in Dionem, Ouvrage léger, & fait en moins de jours, qu'il ne contient de fueilles. Je fais maintenant imprimer un ample Commentaire sur Perse, qui sont des leçons qu'ay fait à Geneve, il y a passé dix ou douze ans. Et ainsi voyés, Monsieur, comme je reviens à ma jeunesse, lors que je suis avant en l'aage. Si tost qu'il sera fait, je le vous feray voir, si tant est que daignies le voir en passant, pour la nouveauté des interpretations de ce difficile Poëte. Je suis sur le point de faire un Polybe, Grec-Latin. Mais je ne puis gagner sur moy cela, que docere alios malim scribendo, quàm ipsum me erudire legendo. Et outre l'aage, les assauts que je soustiens en ce lieu tous les jours pour ma Religion, me font juger tout temps perdu que je n'employe à des meilleurs études. Joint que l'obstination de nos adversaires & ingenieuses inventions à soutenir leur fausse & abominable doctrine, doit inciter une ame Chrestienne à apporter à la defense de la verité autant de zele, que ces gens icy en apportent à deffendre leurs puans mensonges. Que pleust à Dieu que nos Eglises eussent ou la volonté, ou le moyen de dresser en quelque lieu une Academie consacrée à la gloire de Dieu, & y voulussent retirer ceux qui desireroient y servir. Certes si j'estois jugé capable de pouvoir apporter quelque pierre à ce bastiment, je me resoudrois de finir mes jours hors des tentes de Cedar. Mais si le Seigneur veut disposer de moy autrement, il est bien raisonnable de le laisser conduire, & vouloir tout ce qu'il luy plaira ordonner de nous. Je ne sçay si quelques faux bruits que nos adversaires ont feint de moy depuis peu, sont parvenus jusques à vous. C'est merveille de l'industrie de ces gens à procurer l'avancement de leur parti. Je ne veux vous amuser des merveillex artifices, qui ont esté pratiqués envers moy depuis que suis en ce pais; mais je puis dire en bonne conscience, & comme Dieu l'oyant, que j'ay tousjours fuy telles compagnies, non pour peur d'estre seduit par eux; mais pour crainte de scandale. Que si je me suis trouvé entr'eux, je leur ay tesmoigné avec toute franchise, que j'abominois leur doctrine, contraire à la Parole de Dieu. Et quant

aux

1604. aux grandes promesses qui n'ont jamais manqué, Dieu sçait que je n'ay permis entant que possible m'a esté, que mes oreilles en fussent pollüées. Et quand on s'est adressé à ma femme, ce qui a plusieurs fois esté fait, ses oreilles n'ont esté plus ouvertes, que les miennes: de quoy je louë le Seigneur, lequel je supplie vous combler de toute votre maison de ses saintes graces. Tenés moy, s'il vous plaist,

MONSIEUR,

Vostre très-humble &
affectionné Serviteur,

IS. CASAUBON.

A Paris, le 25. d'Octo-
bre 1604.

EPISTOLA CCCCXX.

N. N. *

1604. **N**uper cum ad te scripsi, etsi raptim atque inter colloquia variis amicis scribebam; tamen si tanti fecissem *ζητήσεως*, quas nosti, quanti æstimatas esse ab aliis cognovi; non commissem, ut ex aliorum sermonibus potius quam ex literis meis aut ore etiam, quæ gesta fuerant, intelligeres. Sed ridiculum mihi videbatur, sermones *Ἰπποκρίτους* inter res serias ponere; nam serio quidem nihil actum esse, vel tu mihi testis es, qui intimorum animi nostri recessuum conscius, satis exploratum habes, si quis mihi in fidei rebus esset obortus scrupulus, non ad eos magistros fuisse me aditurum, quorum fides optimo cuique suspecta, & *ἡ Ἰπποκρίτου* cupiditas notissima. Sed accidit nescio quo modo, ut ii, quos nosti, dum meum de suo, fortasse veteris mei amici, Legati Venetensis †, ingenio meriuntur, in animum inducerent, vanis rationum coloribus & magnis pollicitationibus dimoveri nos facile posse. Hinc illæ *φιλικὴ κλήσις*, & exquisitæ inventiunculae, ut penè quotidie unà essemus. Quod equidem initio benè interpretabar, & Frontonis maximè causâ non invitus *συμπεριφερόμενος*. Dissertationes de rebus ad Religionem spectantibus non aliter accipiebam, quàm ut è re natas, & nullo consilio certo institutas. Atqui falsum me fuisse, & ex compacto esse omnia illa gesta, atque, ut illi volunt videri, illius iussu *ἡ πρὸς κράτος ἐν μίγισον*, exitus palam fecit. Nam cum nuper à Cardinali Perronio ad prandium vocatus fuisset, & inter epulas de iis rebus velitatio esset instituta ab illo; [qui à quatuor aut quinque annis

* *En hujus & sequentium epistolarum non indigent lectione, conjicimus, N. N. esse Paulum Petavium, Senatore Parisien- sem. Perpendant sagaciores. Colomel.*

† *Philippi Canani à Fraximi.*

verbum nullum de Religione mihi fecerat, ut facile intelligerem, aliorum, qui aderant, impulsu rem agi, & meæ simplicitati structas esse insidias,] vehemens fuit inter nos contentio: eò mihi molestior, quòd coronam corrogatorum eò hominum ignaram occasionis, quæ me eò detulisset, suspicabar credituram me illorum esse similem, qui certi mutare fidem, prætextum ex hujusmodi disputationibus quærunt, atque hoc prætexunt nomine culpam. Non fui augur vanus; nam simul ac pedem inde extuli, didita per urbem fama est, quasi omnia essent profligata, omnia debellata, alius me victum affirmare, alii, dedisse manus asserere, & statim alium futurum. Cum hæc ad me referrentur, principio ridebam; nam profectò risu res erat digna: postea verò cum silentio meo existimationem meam prodi viderem, faciendum duxi, ut de ea re cum C. P. * exposularem. * *Cardinali Perronio. Colomel.* Scripsi igitur ad illum triduo post eas literas, quas tibi mitto. Cæterum oro te, amplissime Vir, de ea re nemini potius credas quàm mihi, qui proximâ congressione omnia verissimè tibi narrabo. Quod si vel ille, ad quem scripsi, vel quiquis alius scripto nos provocaverit, rebus relictis conabimur, atque adeò, favente Numine, efficiemus, ut quantum intersit inter veram antiquitatem, & adulterinam ac spuriam, non ignorare nos, æqui homines cognoscant. Vale, Vir amplissime. *Madriti, a. d. xiv. Kalend. Novemb. c. 15* 15 CIV.

EPISTOLA CCCCXXI.

DANIELI HEINSIO.

Quòd Dionis dudum promissum 1604. exemplar nondum acceperis, causam ex iis confido tibi esse notam, amicissime Heinsi, quas nuper ad te scripsi: binis enim literis, ex quo facultas mihi est adempta, cui fidebam, de ea re tecum egi. Nunc autem Beis, Bibliopola nostras, jubet me sperare, brevi operâ suâ me, quod cupio, consecuturum. Quartus hic mensis est, cum nullas ab illustrissimo Scaligero literas accipi; penè quintus, cum nullas à te. Ego interea non cesso meis vobis esse molestus. Sed movet me leviter hoc tam diuturnum silentium vestrum; cujus causam gestio ex tuis cognoscere: simul illud, an meæ vobis fuerint redditæ: li- quidò enim jurare possum, eo spatio temporis octies ad Scaligerum *πρὸς πέντε* scripsisse me, nec multò rarius ad te. De nostris rebus, quæ satis turbulentæ

F f

crant,

1604. crant, cū ista exarabam, si lubet, ex eo cognosces, qui tibi tradidit. Proximē cū ad vos scriberem, epistolam adjecti ad A. Bibranum, Equitem Silesium, quem sciebam isthuc iturum. Velim illi reddendas cures, quas jam mitto. Vale, & me ama. *Madriti, a. d. XIII. Kalend. Novemb.* CIO IO CIV.

EPISTOLA CCCCXXII.

JOSEPHO SCALIGERO.

1604. **I**lluſtrissime Vir, etsi pridem nihil à te literarum accepi, ipse autem scripsi ad te penè singulis septimanis; erat tamen etiam nunc, quod ad te scriberem, & quidem magna de re, si per inopinatum tabellarii discessum liceret. Tantū igitur te obsecrabo, significes mihi, measne acceperis, quas ad te scripti diversis de argumentis à quinque mensibus diversas, & frequentes admodum. Multum tibi debebo, si, quas mearum acceperis, per te cognovero. Vale, & me ama. *Madriti, a. d. XIII. Kalend. Novemb.* CIO IO CIV.

EPISTOLA CCCCXXIII.

JACOBO AUGUSTO THUANO.

1604. **A**mplissime Præses, mitto tibi Rittershusii librum, quem ab eo accepi, ut illum tibi *ἐκ χειρὸς εἰς χεῖρα* traderem; quod lubens fecissem, nisi longius abesses. Puto laudaturum te candorem hominis eruditi, qui cum universa gente sua virtutem doctrinamque tuam suspicit. Scio neque vino generoso opus esse hedera, neque viris gravibus *τῆς εἰκαίης καὶ χυδαίης ἐπαίνου* probari; sed condonandum aliquid moribus nationis illius; cujus vitia si cum nostris conferamus, vereor ne levia admodum videri queant. Quæ de nova Epistolarum Isidori Pelusiota editione idem ad me scripsit, cū unā erimus, ex me intelliges. Mihi tandem inventum hospitium; illud quidem angustum, & non nimis commodum; sed in quo tamen ego atque uxor, hoc præsertim rerum statu, acquiescimus. Dominus ædium est Senator Gallus, sive Coq, qui vastissimam domum sibi nuper ædificavit, & angulum quendam à reliquo corpore separavit, quod mercede locaret. Τὸ ἰστέριον est aureorum centum; non ulla contractui lex apposita, quam jure aliquis *καλὸς καὶ ἀκαθὺς* gravetur; sicut in illa fiebat, cujus causā tantum laboravit amicissimus noster Rigaltius.

Nunc illud superest, ut per eos, qui me nimium amant, liceat mihi orio illo heic frui, quod Dei benignitas & Regis liberalitas mihi hætenus concesserunt. Vale, Præses amplissime. *Luſetia Parisiorum, propriæ Kal. Nov.* CIO IO CIV.

EPISTOLA CCCCXXIV.

EIDEM.

Amplissime Domine, dolui nuper cū te non inveni domi tuæ. Cupiebam enim tibi narrare de munere quodam, & datum & acceptum esse. Ausus sum appellare nobilissimam Dominam *τὴν οὖν δέσποιναν*, ut Veteres dicebant, & illam orare, ut referret tibi quod fui dicturus. Adjeci consilium, si modò tenuitatis meæ est prudentiæ tuæ consilia suggerere. Proximē cū tuo conspectu fruar, referam tibi *διεξοδικῶς τὰ περὶ τῶν ἡμῶν ἀθλῶν*, quorum vereor ne is sit exitus, ut qui nunc mei sunt amantissimi, (volunt certè videri) mox animum mutant. Sed hæc melius coram. Nunc hæc ad te scribo, ut si quid potes optimi viri, à quo has accepisti, causam juvare, auctoritate tuā eum protegas. Omnino videtur rationi consentaneum, ut de ejus negotio non aliud quā de Bibliotheca statuatur. Verū metuo, ne hæc ad te, sit *γλαυκα εἰς Ἀθήνας*. Si auctor es eundi Fontainebleuam, possum nullo meo incommodo cum Mercerio nostro ire, & salve Regi dicere, quem ab octo mensibus non vidi. Vale, Vir amplissime, cum Domina *τῇ σῇ κυρίᾳ*, & amicissimo Rigaltio.

EPISTOLA CCCCXXV.

CLAUDIO SALMASIO.

Vim amoris erga nos tui, eruditissimi me Salmasi, abundē cū aliās declarasti mihi, tū vel maximē epistolā illā, quam ante paucos dies abs te accepi. Nam quas mihi laudes tribuis, nimis sim Suffenus ipse mihi ac *βάκχλος*, nisi quo ex fonte manent, agnoscam. Ego verò agnosco probè, & in te verum experior, quod dulcissimus Philosophorum dicebat, *τὸ φιλεῖν πρὸς τὸ φιλεῖσθαι* cæcutire. Opto tibi, non ut minus nos ames, *ὃ μὴ γένοιτο, εἰς ἑσά* sed ut brevi ad eruditionis id culmen pervenias, unde rudes conatus nostros liceat tibi rectè æstimare. Fallor, aut pretium illis non aliud pones, quā quod ipsi facimus, qui egregiæ voluntatis nobis conscii, illud tamen non ignorā-

1604. noramus, quantum inceptis nostris frigidus obstitit circum præcordia sanguis. Sed hæc mitto. Tria ex me quæris, de quibus quæ nostra sit sententia, accipe. Locus Sulpitiæ Poëtriæ obscurus est; ut ferè sunt omnia *μονόδικα* dicta, ad quorum illustrationem nihil possis ex aliis Scriptoribus mutuari. Omnino ejusmodi est hic versus de Imperatore Domitiano per contumeliam factus: (vers. 36.)

Non trabe, sed tergo prolapsus, & ingluvie albus.

Apparet *παραμυθεῖς* dictum; sed cui simile alibi nihil memini legere. De eo igitur sic videtur nobis: alludit ad Græcorum proverbium: *ὅτι δὲ δὲ καὶ ἔπαιον, ἀλλ' ὁ δὲ τὸ νῦν, vel ἀπ' οὗν*. nam utroque modo urbani homines efferebant. Vis tota adagionis est in verbo *πίπτεν*. quod cum propriè corpori conveniat, venustè ad animum transfertur, & de eo dicitur, quem rectà ratione excidisse volumus videri. Simile est apud nos, quod de malè sano dicimus, mentem illi everfam aut subverfam: ratio enim in summo capite, & cerebro collocatur: hac qui carent, jure dicitur istis excidisse ratio. Gregorius Nyssenus de vita Moysi: *ὡς δὲ ἀποστροφὴν τὸ σχῆμα, καὶ τὴν αὐτὴν γένεσιν καὶ τὴν ὡς καὶ τὴν πατέρων μίσητον λογισμὸν πᾶσι τὰ αὐτὰ πηγαῖαν τὴν ὁμοιωτικὴν π. καὶ θυμῷ ἀλλάξιν, τὸν ὁ ὁλοφύων εἰς τὴν ἐντὸς ἐξαρτῶνται.* Hanc parœmiam alludens Sulpitia venustate, ut mihi videtur, admirabili, dixit Domitianum *non quidem de trabe esse prolapsus, sed de tergo*; quod interpretor, pronum in os cecidisse, & quadrupedum ferarum esse factum similem, instar Nabuchodonosori illius, quem Literæ Sacræ narrant. Quoniam quæ cadunt alicunde; ea necessariò illud, unde ceciderunt, supra se relinquunt; non malè usà est poëtica licentia Sulpitia, cum *tergo prolabi* posuit, pro *πρηνῇ κατερχήναι, καὶ τοῖς τετραπόδι μοιωθῆναι*. nam brutis quadrupedibus proprium, ut suprema eorum pars sit dorsum, cum contra homini os sublimè Naturæ Parens dederit. Aliter exponere hunc versum nequeo; & de hac interpretatione quid tibi videatur, cupio scire; judicium enim tuum pluris æstimo quàm pro ætate, in qua nunc es. Sequitur Juvenalis locus è Satyra VII. (vers. 86.) *Sed cum fregit subsellia versu, &c.* ubi rectè judicas de interpretatione magni illius seimonis Josephi Scaligeri. Olim ad Domitianum Suetonii * cum ex mente nostra exposuimus, atque expositionem nostram paulò post ipse Scaliger in opere magno † confirmavit. Utrumque librum, si lu-

ber, consule; non enim reperemus quæ ibi scripsimus. Tertium *Ζητυσιδων* erat super altero ejusdem Juvenalis loco è Satyra VI. (vers. 377.) in quo pro *tundendum* alii libri habent *tondendum*. Sententia est spurcissima, & nefandæ obscenitatis plena, quam tamen in gratiam tuam, cujus causâ omnia cupio, etsi *ἐκ τῶν ἀνεκτῶν θυμῶν*, pluribus persequer; nisi animadvertissem, novissimum Interpretem ejus Poëtæ rectè illum versum esse interpretatum, certè quidem ex sententia mea. Ad illum igitur adeas, obsecro te. Vale, ac me ama. *Madrini, a. d. III. Non. Novemb. c. 13 13 CIV.*

EPISTOLA CCCCXXVI.

JOANNI MEURSIO.

A Ccepi nunc ipsum, quas xv. Ka. 1604. lend. Octobris scripsisti ad me, Vir eruditissime. Gaudeo valere te, & in literis *αὐτὴν ἀρκεύειν*, ac nos amare constanter. Oro Deum Opt. Max. det tibi cum ætate majorem in dies & voluntatem, & facultatem literas ornandi, & ipsi serviendi; quod quia video te quoque seriò cogitare, tuaque studia eo referre, amo te, mi Meursi, etiam eo nomine. *ἡμεῖς αὖτε ὅσον.* Equidem sic à puero sum persuasus, ut omnium laborum, quos studiis impendimus, nullum fructum alium optarem, quàm ut non planè inutilis promovendæ gloriæ Dei viverem. Sed nostra vota genus vitæ incertum, vagum & *ἀπρόαριτον*, quo hæctenus sumus usi, impedit. Quò igitur vivo ipse inutilior, eo vehementius delectari soleo, si quos videam felicioribus auspiciis eandem viam esse ingressos. Cæterum Meditationes † † *In Psalm. CXVI. & CXIX.* tuas, diligenter quæsitæ, nondum reperi. Videro, sicubi possint adhuc inveniri, sed necdum visus mihi, qui in eas incidisset. Et eum ingenii tui scetum, & quicquid aliud à te prodibit, expecto avidissimè. Nos nugas agimus; sic enim vocaverim jure Pertinacium Commentarium, olim à nobis scriptum, quem nunc edimus; quem, si invenero, cui tutò dem, tibi mittam. Doleo periisse, quas ante menses quatuor aut quinque ad te scripseram: sed illæ non perierunt solæ; nam ab illo tempore decem minimum fasciculos ad illustrissimum Scaligerum misi; qui obstinato silentio suo non mediocriter me angit: neque enim possum adduci, ut credam, è tot numero fasciculis non aliquos saltem fideles tabellarios esse nactos. Fuere in iisdem ad te, ad Scriverium, ad Heinsum, literæ: fue-

* Cap. 4.

† De Emendatione Trimmerii, lib. v. pag. 484. Colomel.

1604. re item ad alios: sæpe etiam libri fuere adjuncti, quos ab aliis acceperam ipsi mittendos. Unis mearum de obitu mihi tristissimo Hadriani Gulielmi, juvenis Flessingensis, certiorum illum feci: adjeci etiam ad te, ad Heinsum, epistolas, quibus petebam à vobis, ut adolescentem, omni majorem laude, naniis prosequeremini, *ἡ δέ τις ἡ δόξα*: deinde eadem de re sæpissimè per literas ad eosdem, Scaligerum atque Heinsum, egi, cum interea verbum illi nullum. Itaque crucior animi, nam multa erant, de quibus cupiebam ad divinum illum virum scribere: sed *ἔτι* & si ab illo nequeo, à te certè ut quàm primum literas accipiam, de ipsius valetudine ac statu, vehementissimè exopto, teque per amicitiam nostram oro, ut hac curâ me liberes. Vale. Scripsi raptim, statim à lectione tuarum. *Lutetia Parisiorum, a. d. 19. Novembris, C10 10 CIV.*

EPISTOLA CCCCXXVII.

PETRO BERTIO.

1604. **P**ER mihi gratæ fuerunt, eruditissime Berti, quas superioribus diebus à te accepi literas. Sed vellem tanti nos fecisset ille, cui eas tradideras, ut nos convenisset. Cognovissem ex ipso de tuis rebus plura fortasse, quàm ex epistola tua. Mihi autem nihil suavius solet accidere, quàm de iis, quos amo & colo, omnia cognoscere. Non enim dubito, quin hoc orio, quo frueris, utaris sic, ut eà pietate atque eruditione virum decet. Itaque cupiebam animo præcipere gaudium illud, quod tua nobis afferent, cum in publicum prodibunt. O fruire, mi Berti, hac felicitate tuâ, & ad gloriam Dei Opt. Max. aliquid pange *το ἰσομένεισι πνθίσθαι*. Nos iis in locis sumus, ubi bonis vivimus inutiles; &, quod me pessimè habet, per eos quiescere nobis non licet, qui omnem lapidem movent, quò abducant nos à recta fide. Longum faciam, si narrare tibi incipiam, quibus technis negotium nobis quotidie facefiatur. Et tamen ferrem omnia facile, nisi illud encicaret me, quod de futura apostasia nostra [*πρὶν μοι χάρις ἰνυρία χθόν*] novos subinde rumores alastores isti fingunt, tantà quidem confidentiâ, ut, qui me non norunt, rem factam putent. Hæc maxima ratio est inter alias nonnullas, quæ me hinc expellent, & aliquem inter *ὁμοδόξους* locum querere cogent. Verùm hæc *τῷ ἐπὶ πᾶσι μέλει*. Illum dies noctesque veneror, ut veritatis suæ facem

isthuc, & ubique gentium, velit magis 1604. magisque lucere. Vale, amicissime Vir. *Lutetia Parisiorum, a. d. XVII. Kalend. Decemb. C10 10 CIV.*

Peto à te significes mihi, quomodo valeant illustrissimus Scaliger & clarissimus Heinsius, quando à multis mensibus denis meis nihil literarum ab ipsis possumus exprimere.

EPISTOLA CCCCXXVIII.

JOSEPHO SCALIGERO.

ACCEPI nudius tertius, illustrissime 1604. Vir, quas ante mensem ad me dederas. Perculisti me nuntio molestissimo tot adverforum, quæ te brevi tempore oppresserunt: atque ego supplex Deum veneror, velit *ἐνδυναμῶν* σ, ut hæc omnia, & similia his inevitabilia *τῆς παιδείας* istius vitæ stipendia eo animo feras, ut qui cæteras virtutes tuas stupent, fortitudinem etiam & *ἐν δυνάμει* καρτερίας jure mirentur. Vellem, si per fatorum legem licuisset, quod evenit in fortissimo tuo cognato, ne evenisset; utque illè vivus valensque eà gloriâ frueretur, quam inusitata fortitudinis exemplis editis, & toto vitæ suæ curriculo jure optimo erat consecutus. Nunc cum aliter summo & clementissimo Parenti visum est, faciendum tibi cenfeo, ut Regem, Prophetam, Davidem illum *ὑπομιμνήσκων* imiteris; cum præsertim in ea tempora devenerimus, eaque jam parari videamus, ut fors illorum prædicanda videatur, qui maturè impendentibus malis eximuntur, de quibus ne cogitare quidem sine cruciatu animi possumus. De nobilissimo Doufa malè narras: ergone vir præstantissimus in vivis prius esse desit, quàm ego præsentem præsens potui venerari? Amisisti, scio, antiquæ fidei amicum; eoque etiam nomine gravior mihi hic nuntius accidit. Literas verò vix reparabilem in ejus obitu jacturam fecisse nemo dubitat; erat enim, ut accepi-mus, Academiæ vestræ fulcrum ac columnen eximium. Equidem eò gravius commotus sum isto casu, quod recens hæc plaga vixdum bene obductam cicatricem refreuit, luctumque renovavit tot maximæ spei filiorum, quos *ὁ μακαρίτης* Doufa paucis annis amisit. Nam Jani Doufæ filii ne nunc quidem *ἀδακρυτῶ* queo meminisse; tanta spes fuit, quam de divino ejus ingenio conceperam: nunc verò quid spei supersit de superstitionibus ejus fratribus, aveo ex te cognoscere. De meo isthuc itinere, quod das consilium accipio, eoque utar; si quidem dederit *ὁ ἐπὶ πάντων*, ut quod

1604. quod constanter cupio, ac spero, etiam possim exequi. De hospitio, quod tua mihi singularis humanitas offert, immortales ago tibi gratias: etsi autem consilium meum est, nemini, nedum tibi, esse oneri, vereor tamen, ne faciliorem me sis in hoc experturus, quàm ut laciniam mihi frangere opus habeas. Verùm de his viderimus, de modo Opt. Max. Deus, quod totà mente cupio, possim præstare. Ego si te semel amplexus fuero, Regem Regum me putabo. Habebam multa gravia, de quibus te consulere, sed malo in illud differre tempus, quando unà erimus. Interea scito, gravissimas esse obortas causas, cur suspecta mihi & molesta in hac urbe mansio sit facta: tandem enim illud *μυστήριον ἐφανερώθη*, non amore literarum nos huc esse accersitos; verùm ut de veritate Dei per nos triumpharetur: *ὃ μὴ γίνεται, ἂν ἔσται*. Interea Gosselini tristissimo obitu [relictus enim à famulo decrepitus senex ante focum, semiustulatus & vitæ expers postridie est inventus] redit ad nos cura Bibliothecæ. Heic verò fremere multi, *δεινὸν εἶναι, καὶ πάνυ δεινόν, ὅτι πρὸς τὴν παρρησίαν μὲν οὐκ ἐπὶ τῇ θρησκείᾳ πιστεύει*: nōsti cætera. Exspecto quid Rex iussurus sit; nam ut in aulam properet irem, aut omnino manum verterem, nunquam impetrare à me potuerunt amici. Sed moror te. Vale, illustrissime Vir, & Nestoreos annos felix imple. *Lutetiae Parisiorum, a. d. x. Kalend. Decemb. c15 15 CIV.*

Eusebius Burdigalensis in dies, in horas expectatur: acta transacta jam pridem omnia: quod serio tibi confirmo; etsi nullum, quod sciam, in urbem adhuc est allatum exemplar. Eusebium tuum, & quæ scripsisti * in Serarium Jesuitarum, expectant arrectis auribus omnes boni. Dionem †, credo, habes: Persium mox missurus sum, faciente Deo; opus tyronibus elaboratum, nec dignum oculis tuis, aut cogitatione.

* Eusebium Trithemium, edit. Franq. 1605. in 2.

† Chrysostomum.

tuam, librum, non epistolam fecero, 1604. & tamen ne sic quidem expressero, quanti te faciam, quantumque amore tuo gloriari soleam. Nam quod nugas nostras in cum Poëtam fecisti tanti, ut cum tuis & magni Scaligeri Notis censueris edendas; fungus sim & lapis, nisi vim amicitiae tuæ *ἡσυχασίας τῆς σῆς ἀγαπῆς ἐφ' ὧν ἀποδέχεται* agnoscerem. Equidem si mihi ipse Sufenus vixissem hætenus, tamen ex comparatione tuorum facile potui intelligere, quid distent æra lupinis. Dionem quod nondum acceperis, amabo, ignosce; & mihi accrede, non meà id factum culpā, sed illorum, de quibus antè scripsi. Spero Beis, nostratem Bibliopolam, probè isthuc notum, quod à me accepit, exemplar cum fide curaturum. Persius brevi sequetur; jam ex parte editus, & quidem ita prolixus, ut jure optimo vestros doctorum oculos videatur jam horrere: *ἀλλὰ τίς ἐστιν ἡμῶν ὃς οὐκ ἔρριπται ὁ κύβητος*. Tu quid jam pares, scire aveo: etiam illud, nisi grave est, an quas nuper ad clarissimos viros, Bertium & Meursium, scripsi, acceperint ipsi. Scripsi etiam ad Vassanos fratres, quorum miror silentium, etsi scripsisse audio, & Lipsii literas misisse, quas ego nullus vidi: solent enim eorum literæ quarto mense, postquam ab illorum amicis sunt acceptæ, nobis reddi. De epigrammate in Hadrianum olim meum multum te amo. Ego obitu tam chari capitis sic nunc quoque afficio, quasi fuisset hesterno tantum die elatus. Sed de ejus virtutibus multa brevi, ut spero, opto quidem certè, coram. Deus te servet, maxime Juvenis, & quicumque isthuc cum literis veram pietatem colunt. Hugoni Grotio, adolescenti tibi simillimo, plurimam salutem à me nunties velim. Vale. *Lutetiae Parisiorum, a. d. x. Kalend. Decemb. c15 15 CIV.*

EPISTOLA CCCCXXX.

NICOLAO VASSANO.

EPISTOLA CCCCXXIX.

DANIELI HEINSIO.

1604. DE Theocrito, quem accepi à te his diebus, agerem tibi, juvenum doctissime, gratias, si me verba non deficerent. Nunquam infantiae meæ sum mihi magis conscius, quàm cum ad gratias tibi agendas, quod sæpe mihi faciendum est propter crebra in me beneficia tua, accedo. Sanè si, prout sentio, me tibi obstrictum, & quas animo habeo, verbis agere gratias insti-

L iteræ, quas ante dies perpaucos à 1604. te accepi, & mihi & uxori meæ fuerunt permolestæ. Sic enim scribebas, quasi de matris tuæ, sceminæ lectissimæ, valetudine aut nullam, aut oppidò tenuem spem haberes. Illa verò, sive terras adhuc colit, sive cælo recepta est, beata potius prædicanda, quàm deslenda. Quid enim illi defuit eorum, propter quæ non *κολακικῶς*, sed verè *μακαρίζεται* aliquis potest? Sed alias dotes omitto; pietate verò, quæ virtus est omnium virtutum mater, &

1604. ut ille ait, *μητρόπολις*, sic excelluit, ut vel exemplo sufficeret. Quanta enim illius constantia, cum nullā re potuit adduci, ut charissimam alioquin patriam repeteret, quod auditione verbi Dei carere nollet? neque illam tot exempla etiam virorum, & quidem gravissimorum, qui præsentia bona futuris anteposuerunt, movere. Quid dicam de educatione tot liberorum, & studio optimæ foeminae in eam rem adhibito? Itaque, mi Vassane, habes cur potius tali parente natum te glorieris *ἐν τῷ κυρίῳ*, quā cur lacrymis & lamentis te maceres. Qui eo etiam nomine habes cur Deo gratias agas, quod te isthuc saluum atque incolumem pervenire eo maximè tempore voluerit, quo pietatis hoc officio posses defungi. Sed quia post tuas literas nihil de ea intellexi, nondum fortassè huiusmodi sermonum est tempus. Deum oro, universam domum vestram ab omni malo protegat, & vobis omnibus benedicat. Vale. Scripsi raptim. *Lutetiae Parisiorum*, a. d. x. Kalend. Jan. CIC ID CV.

EPISTOLA CCCCXXXI.

CONRADO RITTERS-
HUSIO.

1605. PRIMUM tibi, pro eo ac debeo, gratias agam, & meo, & magni Thuani nomine, de misso munere mercatu superiore; quæ duo maximi fiunt ab utroque nostrum. Pietas & eruditio, ea in tuo munere, clarissime Rittershusi, eximia sunt; nihil sanctius argumento: tuis verò carminibus ea *χάρης ὁποδεῖ*, is lepos, ut *μωμῶδες* sit facilius, quā *μιμῶσαι*. Utinam similibus curis industriam suam occuparent, qui suis de Religione scriptis id videntur agere, ne ulla brevi in animis hominum reliqua sint Religionis vestigia! Nam quò censeas tot *πλεμικά* & virulenta scripta spectare, nisi ut cælum terræ misceatur, & irritatis omnium animis ad cædes mutuas, si qua adhuc restant pietatis *ἐναύσματα*, ea penitus extinguantur? Equidem vates non sum, neque *μαυτοσύνην* me pater, vel mater *ἐδίδαξαν*. & tamen affirmare tibi omni asseveratione non dubitem, nisi imminentem *τριχυμίαν* Deus averterit, præsentem rerum statum non posse diuturnum esse. Hoc querunt, hoc pedibus manibusque agunt, qui hodie apud plerosque Principum possunt plurimum; tum autem nostræ *ἀτασθαλίαι* τὸν πανήλειον πατέρα *ἐκάνωσαν* παροξύνειν. Itaque laudo consilium tuum, qui piis meditationibus ac studiis plurimum tribuis. Deum oro, præ-

stet tibi otium *καὶ πᾶσαι ῥατάνη* ad id 1605. genus cogitationes: eidem egi, & nunc quoque ago gratissimas gratias, quod te nuper è tanto periculo eripuerit. Multum tibi debeo, quod casum tam insignem ex tuis voluisti me cognoscere potius quā ex aliorum sermonibus. Iterum, iterumque *Θεῷ δόξα καὶ χάρις*, qui te penè *ἐξ αὐτῆς παλινγενέει* in integrum restituit. Nos quoque in uxoris valetudine Numinis benignitatem *ἄφατον* sumus experti; quod futurum tibi jucundum *ἀκρόαμα* non dubito. Certè quicquid literæ nobis debent, aut debituræ sunt, illius virtuti, secundum Deum, jure potest adscribi. Vale, Vir clarissime. *Lutetiae Parisiorum*, a. d. IV. Non. Jan. CIC ID CV.

De Isidoro & locis à te propositis, nactus plusculum otii, scribam ad te, etsi quæ te lateant, si putas posse me non latere, ipse profectò neque te, neque me nōsti. Sed mos gerendus est voluntati tuæ; quod brevi, *συν τῷ Θεῷ*, sum facturus. Nunc absolvetur editio nostrorum in Persium Commentariorum, quos statim ad te mittam.

EPISTOLA CCCCXXXII.

JOANNI CASELIO.

1605. QUOD rariores abs te literas accipio, 1605. optime & clarissime Caseli, eò magis expectatæ veniunt & gratiores. Equidem cum mihi nuper epistola tua traderetur, manu statim agnitā, ingenti elatus sum lætitiā. Quid censes, quum illam legi tot refertam notis, non dicam benevolentia tuæ, sed amoris cuiusdam insanum magni? Aliter interpretari non possum, nisi sum ipse mihi Suffenus, quas liberali adeò manu tribuis mihi, laudes; quæ quum in nobis locum non inveniant, ad autorem suum meritissimò se convertent. Si quis unquam mortalium verè potuit de se, ego possum illud de me prædicare verissimè: Deum Opt. Max. *ἐπὶ μὲν δεδοκίμαι, ἐπὶ δ' ἀνανεύσαι*. ut literas amarem, & doctos viros ex animi interiore sensu colerem, hoc dedit; ut præstarem ipse aliquid dignum in arce poni, hoc verò nequaquam dedit. Itaque metimur nos nostro pede, nihil caventes diligentius, quā ne de nobis cuiquam plus quā *τῷ ἡμῶν συνιδέει* accedamus. *Τὸ γὰρ γνώθι σεαυτὸν*, ait ille, *ἀρχὴ καὶ τέλος πύξις σοφίας*. Atque utinam me probè nōrim; ardua enim res est, ut nōsti, sapientissime Caseli, & quæ ab omni ævo paucissimis contigit. Quæ scribis de summo viro, Josepho Scaligero, etsi gratissima sunt, (nullā enim re æquè glorior,

1605. glorior, atque illius amore hoc tam insigni) magis sollicitudinem mihi augent, ut benevolentia ipsius præstem me non indignum, quam spiritus attollit, quasi iudicium tanti Herois ullà re promerito. Nempe illi accidit, quod & tibi, ut caligantibus amore oculis libellos nostros lætitareris; ut non mirer, tanti fieri me à vobis non quanti ipse sum; sed quantus est, quo me amplectimini, amor. Ego verò, qui utrumque vestrum pari affectu veneror, atque ipse me à vobis amari sentio, qui satis possim vestra in Rempublicam literariam merita prædicare? Plura fortasse, quam tu, venerande Senex, scripsit Scaliger ὁ πένυ. sed tua non minor laus, qui tot annos tam feliciter id egisti, ut exstarent in Germania vestra, qui scripta ipsius & æstimarent, quanti par est, & ad illa capienda eruditione necessarià essent instructi. Ita mutuum facitis, ut equidem iudico, atque præclarum uterque præbetis exemplum publicæ utilitatis procurandæ. Quod ut quàm diutissime faciatis, meque constanter ametis vestri observantissimum, Deum venerari nunquam desinam. Vale, γράμ. ἀδισμῶτα. *Lutetiae Parisiorum, a. d. 111. Nonas Januar. anno Dionysiano δὲ τῆς ἑ Λόγῃ ἐνοικησῶντος, CIO IO CV.*

EPISTOLA CCCCXXXIII.

SCIPIONI GENTILI.

1605. **P**erjucundæ mihi fuerunt, quas à te proximo mercatu Francofordiensi accepi. Nam ex eorum numero, quorum amicitia gloriari soleo, es profectò tu, mi præstantissime Scipio, merito tuo inter primos. Equidem singularem eruditionem tuam, & in utroque genere scribendi facultatem admirabilem pridem nôram: sed me ista minus afficiebant, quàm illa, quæ postea summa in te esse deprehendi, cum de facie te novi, & ut sermones tecum sererem, mihi contigit: pietatem dico, & elatum longè animum supra ista caduca & inania, quæ hodie quis non miratur, quis non sectatur? δαίμων γὰρ τῆς μακρότητος ἔργος ἐπέθηκε πρὸς ἀπάντων ἐλπίς δὲ ψυχῆς: itaque περὶ τὸ ψεῦδος. Illa verò lux, quam Patres nostri videre immortalis Dei Opt. Max. beneficio excitatam è densissimis tenebris, ne ingratius auferatur, cautio est. Quò ardentius conspirare inter se oportet eos, quibus dedit τὸ πνεῦμα τῆς ἀληθείας ὥστε εἶναι τοῦ φωτός, ut mutuis allocutionibus se invicem solentur, & ad veram constantiam hortentur. Ad illorum nume-

rum cum & me & te pertinere confidam ἐν Κυρίῳ, clarissime Scipio, nihil potest mihi gratius contingere, quàm ut vel tuas legam, vel ipse ad te scribam. Atque utinam non essent ἅπαντα μετὰ τὸν non tenerem me, quin te aliquando inviserem, quò possemus unà de præsentis rerum statu quàm gemere, quàm lætari. Verùm id quia nobis ne sperare quidem licet, certè quod superest, ac licet, crebris literis συναγορεύω, quæso te, τὴν παρανοήσας. Ex tuis didici, esse isthic Judæum gente, professione Christianum *, qui edendis ^{* Julium Conradum Ottonem, primum vocatum R. Nephthali Margolish, hoc est, Margalitam, quod nomine plures fuerunt apud Judæos. R. David Ganz in Chronico. pag. 151. editionis Vossianæ. meminit Ijasi Margolish, Præpositus Synagoga R. Horii, anno 1530. & inter Epistolæ Rensblianæ una legitur Hebraicæ scripta Jacobi Margolish, Judæorum Ratisponensium Primatit. Hic addo Antonium Margaritham, qui ad Christianisatum conversus, Germanicè librum edidit de Fide, vita, & moribus Judæorum. Colomel.} Rabbiorum libris der operam. Beasti me, mi Gentilis, hoc nuntio. Nam ego, qui in elencho Francofordiensi libri ab eo promissi titulum legeram, cum neminem invenirem, qui aut librum illum vidisset, aut de eo quidquam haberet compertum, miris modis angebar. Est enim ejus generis liber ille, ut nihil mihi possit ejus lectione aut optatius, aut jucundius contingere. Quare te per omnes Musas oro, obsecro, horteri illum meis verbis, ut quicquid nactus fuerit Magistri illius, qui ipsi Rabbenu Hackados nominatur, publici juris quàm primum faciat. Sequantur velim R. Nechoniæ, filii Hakkana בנהך, & incomparabilis Rabbenu Moïsis, Maimonis filii מורי נבוכים. Habet divinus Scaliger hoc opus & Hebraicum & Arabicum, quomodo est ab Autore editum. Horum, & similium Autorum editione mirificè literarum meliorum studia iri adjutum, nos quidem iudicamus. Quòd me hortaris ad observationum sacrarum scriptiorem, agnosco & pietatem erga Deum tuam, & amorem erga me. Nam quod tibi persuades, posse me in eo genere aliquid, benevolentia est tuæ adversum me, non mei meriti. Etsi non iverim inficias, plusculas vigilias nostras ei curæ fuisse impensas, atque adeò hoc unicum esse jam pridem studium, quo capimur, quo pascimur: sed ubi locorum sim vides, mi Scipio: neque ignoras, quàm odiosa res sit veritas iis, quibus ultrò se fecere obnoxios, qui nos alunt. Sed de hoc genere toto proximis literis, Deo favente, plura. Habeo enim quæ tecum velim communicata. Vale, clarissime Scipio. *Lutetiae Parisiorum, a. d. 11. Non. Januar. CIO IO CV.*

EPISTOLA CCCCXXXIV.

FOPPIO AB AITSEMA.

Commodo cum has ad te cogitarem 1605. exarare, & jam calamo manum essem

1605. essem adnoturus, ecce tuas, ante diem 111. Non. Januar. datas. Quis domum illas attulerit, nescio; sed miratus sum, tuis fuisse adjunctam epistolam Heinssii, de qua nullam faceres mentionem. Acceperam hisce diebus literas à fratre tuo, quibus orabat, curarem tibi deferendam, quam in hoc fasciculo invenies, epistolam. Ex omnibus cognosco magnitudinem tuæ erga nos benevolentia. Nam quod mihi aliquid te debere existimas, gratis profectò hoc facis. Nam quā re ego te unquā juvi? quid unquam tibi amicitia mea profuit? Ego, mi Foppi, te amare cœpi, ubi primum te vidi, & de pietate ac literis loquentem audiavi. Hoc si interpretaris beneficium, concedam; sed eā lege, ut non minus ipse tibi debeam, qui non dicam ἀντιφίλης, sed verè λίαν ὑπερφίλης, οὕτως ὥστε ἐπισκοπεῖν τὸ πᾶν τῇ οὐκ ἔχοντι κρίσει. non enim aliter de tuis literis possum judicare. De * * quæso te, bona verba. Amor noster ἡ πᾶσις ἀλίσκεται. Quod ut seriò dictum velim accipias; simul ut tibi persuadeas, nullā re defuturum me tibi, quæ quidem in potestate fuerit. Vale, & me ex animo ama. *Lutetia Parisiorum, a. d. xix. Kalend. Februar. c10 10 cv. raptim.*

EPISTOLA CCCCXXXV.

JOSEPHO SCALIGERO.

1605. Quid factum sit Regiā Bibliothecā, nuper scripsi prolixè, & scire percipio, an illæ literæ tibi fuerint redditæ: totam enim historiam perscripsi tibi ab ovo: & profectò non invitus, qui tuus in me est amor, epistolam lecturus es; siquidem illa tibi est tradenda. Nunc reversus è Bibliotheca, cū incidissem casu in librum, multa ac diversa complectentem, Græca, Latina, veterum, recentiorum, hæc raptim exaravi, ut facerem te certior, invenisse me in ea farragine tractatum Græcum ἀντιγράφου & ἀκρόατον, De successibus Regum ferè omnium, qui initio tui Eusebii leguntur, Sicyoniorum, Atheniensium, Cretensium, Persarum, & cæterorum. Hoc amplius, est in eo libro brevis enumeratio Olympiadum, à prima ad σμζ, & tempus Antonini, filii Severi, ita enim ait. Statim cū librum aperirem, adnotavi hæc verba:

Ἐξήκοστος ἐστὶ ἰσχυρὸν ἡμερῶν ἐξέδιν.
Ἐξήκοστος ἡ φανὰς Περσηνὺς πρῶτον ἐ-
πρίσκειν, ἐξέδιν, διαυλον, ἔπλον.

Venit è vestigio in mentem loci Artemidori è libro primo, ubi ἔπλον ponit

inter ἀγωνισματὰ de quo nunquam dubitavi errare amicū nostrum, qui emendat ἀπλόν. Lectis igitur quæ adscripsi, calamum arripui, ut significarem tibi, si illud fragmentum non vidisti, & utile futurum putas, nec ferum jam est; omnem operam daturum me, ut omnia descripta manu meā tibi mittantur. Hoc tantū volebam; imò etiam illud, ut valeres, & meo nomine corculum meum Heinssium salvere juberet. De Mahomedis Albategnio nihil dum confeci, sed meminero. *Lutetia Parisiorum, Eid. Februar. c10 10 cv. raptim.*

In eo, quem dixi, libello paucissimorum foliorum nulli ἀρχοντι adnotati; sed solum οἱ ἱερωνίμα. Misi tibi ante sex dies Chronicum Eusebii, donatum tibi ab Episcopo Vasatensi, quem paulò post obisse supremum diem, heri intellexi. Eum fasciculum dedi cuidam Du Temi, qui negotia hic agit amplissimi Buzenvallii Legati; cui opto omnia fausta, & mihi amorem ipsius. Iterum vale.

Ad hanc
respondet
Scaliger.
Epist.
101. &
102.

EPISTOLA CCCCXXXVI.

E I D E M.

Vir inlustrissime, quæ scripsisti in 1605. scelestum hominem *, si homo est, accepi, & statim, quoad ejus fieri poterat, omnia percurri. Erat quidem liber parum aptus legi; utpote nondum compactus, & qualem acceperam; sed illectus paucorum lectione, in quæ fortè oculos conjeceram, imperare mihi non potui, ut semel in manus acceptum prius ponerem, quā totum cognovissem, saltem ὁλοσχερῶς. Equidem cupiditate ejus videndi à multis mensibus incredibiliter ardebam; neque dubitabam opus te dignum futurum, hoc est, eo, cujus inexhaustam doctrinam, & animi ac styli parem δεινότητῃ, nemo unquam satis poterit mirari. Præterea sciebam quid possis, quoties justa causa te commovit, quæ etiam infantes solet reddere disertos: neque ignorabam, quā benigna materia sit, in eos dicere, quos impudentia plus quā canina omnibus bonis reddit exosos. Itaque impatientissimè ferebam longam adeò tui hujus scripti expectationem. Sed enim, divine Scaliger, omne id, quod animo fingere potueram, longè superavit tuus hic ille admirabilis libellus. Quid prius mirer nescio, facundiamne an eruditionem? Liccat mihi, quæso, veram vocem apud te mittere, & quod sentio, πάντα πᾶσι σαφὲς πᾶσι φῶσιν ὑπεργίγναι, & illam heroicam

Nicol.
Serarium.
Vide Scaliger. Epist.
195. 196.

vic-

1605. virtutem redolent, quæ te vulgi mortalium numero exemit. Et ausi sunt isti *τρισκαίδεκα* te irritare? ausi sunt bilem tibi ciere? Sed fecerat longâ tua patientia, ut licere sibi putarent stercoreis suis scriptis ex illustribus tui nominis obrectatione gratiam apud fatuos aut improbos, quibus solis probantur, conciliare. Quid nunc dicturi sunt? quid molituri? quanquam stultus sim, si frontem superesse illis aliquam, aut ignominia sensum, putem. Memini cum ante annum ad Lipsium scriberem, graviter apud illum queri de injuria literis & virtuti facta ab impurissimo & deterrimo, atque imperitissimo mortalium, Del-Rio, cum illa de te, & de Thuano scriberet. Ac licet ad alienum arbitrium vir optimus & facta & dicta omnia sua [tanta est hominis infelicitas] componere necessum habeat, quin tamen literis suis significaret, vehementer id sibi displicere, teneri non potuit. Ego quoties inter ejus sodales sum versatus, & sermo de illo incidit, nunquam sine detestatione *πῆς μισοῦς κειμένου* ejus nomen usurpavi; neque honestius de illo sum locutus apud Gonterios, Frontones, & alios *διασώτας τῶν αὐτῶν ὁρίων*, quàm nunc ad te scribo. Ex eo conjicies, quanta cum animi lætitia illa legerim, quæ sunt abs te de monstro illo scripta. Sed quid ago? nam adest qui hæc poscit, & finem garrindi tecum facere jubet. Desino igitur, & Deum Opt. Max. supplex veneror, servet te literis, Reipublicæ & Ecclesiæ suæ. *Γένοιτο, γένοιτο.* De *ἐλμπιστικῶν* catalogo securus esto: mei nominis oblivio me potius capiet, quàm ullam prætermittam tibi inferendi, & mandata tua exequendi, occasionem. Quin id nunc ago, ut quæram sedulo, si quid lateat in nostris forulis, quod possit tibi esse usui. Vale, & me ama. Raptim, *Lutetia Parisiorum*, a. d. x. Kalend. Mart. CIO IO CV.

EPISTOLA CCCCXXXVII.

GEORGIO MICHAELI
LINGELSHEIMIO.

1605. **Q**uamtu sinceræ voluptatis tuæ illæ literæ, Vir præstantissime, mihi attulerint, quas ante menses aliquot accepi, puto non ignorare te. Nam qui sine gravi causa occupationes tuas vererer interpellare, & scirem *τὸν τὰ πάντα ἀρῶν* Bongarsium brevi ad te scripturum, cum eo egi pro mutua necessitudine nostra, ut meis verbis quàm officiosissimè te salutaret, & quantum

hoc tuo non vulgari amore gloriarer, 1605. tibi significaret. Ex tuis cognovi etiam isthuc famam pervenisse de temerario quorundam ausu, qui *τὴν ἡμετέραν ἐπιστολὴν πῶς οὐκ ἐκέρχον*, & nescio quibus parum validis machinis labefactare paulò antè fuerant conati. Equidem graviter accusarem ipse me, si ullius aut dicti, aut facti confcius mihi essem, quod facere posset ipsis animos, aut ipem ullam asserre, quasi arte aliqua *ἀδύσμων* essemus. Nunc cum testem Deum habeam *πῶς ἡμετέρας* meæ, quæ semper usis sum, cum apud Regem ipsum, quoties de eo negotio verba mihi ab illo facta; tum apud omnes alios, demirari satis nequeo eorum impudentiam, qui flecti possent nos, persuadere sibi audent. Sed nōlti, puto, os atque *ἐμπόνη* illius familiæ. Accedit veteris cujusdam amici * mei exemplum, qui non contentus ire se perditum, de me etiam eos sermones ubique jactavit, quos nōrat fore gratos illis, quibus suæ non si-
* Philippi Canani à Fraxinis. Vide supra. Epist. CCLIX. & CCLXII.
 etæ mutationis fidem facere cupiebat. Hic igitur non dubitavit & præsens, & postea literis constantiam nostram persæpe sollicitare, aliisque auctor esse, ut idem assidue facerent. Confido equidem in bonitate Domini Jesu Christi, non magis aut hunc, aut quemcunque alium profecturum in posterum, sive apud me, sive apud meos, quàm profecerunt hæcenus. Sed fero tamen animo iniquissimo licentiam mentiendi istorum hominum, qui putant sibi licere quicquid libitum fuerit fingere, ac pro vero apud veritatis ignaros, & qui me non habent notum, disseminare. De potestate mihi à te facta utendi adhuc Arabico libro, quem beneficio tuo primùm vidi, ago tibi gratias maximas. Omnino remissurus illum fui hoc mercatu, nisi prorogatum mihi tempus fuisset: cum usus fuero, statim remittam; aut si propter rei difficultatem & occupationes lentior fuero, admonitus à te, sine mora fidem præstabo pacto. Vale, nobilissime Vir. *Lutetia Parisiorum*, a. d. vi. Kalend. Mart. CIO IO CV.

Veteres meas in Persium recitationes, quas in auditorio Genevensi habui, nuper edidi; opus tyronibus elaboratum, non doctis, nedum tibi, qui doctissimus es, quia tum nihil aliud ad manum erat, quod tibi mitterem, & ita moris est; accipe, quæso, *ἀποφρασι θυμῶ*, quod mitto tibi exemplar, & æqui boni consule.

EPISTOLA CCCCXXXVIII.
JOSEPHO SCALIGERO.EPISTOLA CCCCXXXIX.
CAROLO LABBÆO,

1605. **V**ir illustrissime, cum ex inopinato hæc mihi oblata est facultas, id agebam, ut aliâ viâ literas ad te darem; quod & facturus sum, Deo propitio, post duos ad summum dies. Tradam illas Temporario, qui regiam pecuniam isthuc mittendam curat, & amplissimi Buzenvallii negotia heic procurat. Accipies per illum cis dies paucos, Eusebium & μακαρίτη Episcopi*, qui hoc munere te donavit. Accipies etiam Persium nostrum, ante aliquot dies ad umbilicum perductum; de quo aliis literis plura: est enim ejusmodi hoc munusculum, ut tuum conspectum valde reformideret. Misi isthuc aliquot exemplaria, quæ, spero, brevi in manus tuas esse perventura. At Dionem Chrysostomum post longam adeo expectationem an tandem acceperis, scire cupio. Et velim, nisi grave est, ejus me facias certiore. Scripsi nuper de libello, à me in Bibliotheca invento, qui continet ἡλεγχον ὁλυμπιονικῶν, & quædam πινυτότροπα: de quo voluntatem tuam expecto, & quid me jubeas facere. Ego his diebus cum longo admodum intervallo Arabicos libros revisissem, impetum cepi, exercendi mei causâ, transferendi in Latinum sermonem Geographum Arabem; & statim operi manum admovi. Itaque totum ferme primum clima absolvi; nisi quod vacua multis locis spatia sunt relicta, ignorantie meæ μνύματα: quam tu solus potes sanare, velis modò: quod si per te licet, de nonnullis tecum proximis literis agam; doceri enim cupio, & doceri à te. De Albategnio scito non cessasse me; sed extare nusquam apud Bibliopolas. Itaque cum hac viâ non succederet, aliam sum aggressus; egi enim cum insigni Mathematico, & viro pio, Abelmio†, ut sui codicis copiam tibi faceret; quod sine ulla tergiversatione promisit facturum. Vellemus autem, & seriò curabimus. Vale, illustrissime virorum. *Lutetie Parisiorum, a. d. 17. Non. Mart. 1605.*

† Lege.
Abalmio.
Colomel.

Ad amplissimum Legatum, & ἄν πένυ Heinsum literas cum libris sum hodie, vel cras daturus. Equidem si paterentur gravissimæ occupationes tuæ, frequentiores tuas optarem, ut hoc unum intelligerem, valere te: quod ut facias, assidue Deum Opt. Max. veneror.

1605. **P**riusquam me totum accingo scri-
ptioni illi, de qua heri locuti sumus, & quæ dies aliquot meas omnes horas occupabit, placuit, quod superest, de ratiuncula expungere, & fidem meam apud te liberare; memineram enim in tuo ære esse. Accipe igitur quod tibi debeo, aut ut melius dicam, quantum vires meæ ferunt, ut tibi nunc solvam; nam aliàs, ἔν τῷ αἵματι, meliora exhibebimus, & uberiora. Quæsisisti à me, quid sibi divinus vir velit, cum scribit, verba Apostoli Divi Pauli, & μέρε ιερῆς, sic esse accipienda, ut vox μέρε significet *tractatum*, quod Perek, aut Chelek, id est, μέρε Thalmudistis dicitur. Ego verò non miror, faceisse hæc verba negotium tibi, hoc est, ei, quem meliora studia tenent, quàm ut in nugis R R*. tempus perdas. E* *Rabbi.*
quorum putidissimis scriptis [paucos *novum.* Magistros excipio; & omnium maximum Mosem Rambam, quem ego cum paucis demiror sic, ut nihil supra:] si qua utilitas capi potest, (& potest sane:) ad professionis tamen tuæ homines nihil admodum genus hoc literarum pertinet. Atqui etiam illorum, qui Hebraicè docti sibi videntur, multos scio fore, qui illa non capiant. Hoc autem vult noster magnus Doctor: cum dicit Paulus †, μηδὲς κενέτω ὑμᾶς ἐν μέρε ιερῆς, idem esse ac si diceret: *Nemo de vestra pietate statuatur à tractatu Magistrorum super observatione festorum.* Hoc autem est dicere: Nemo exigit à vobis observationem eorum præceptorum, quæ libris doctorum continentur, capite de Festo die. Hic sensus, quem indicat Scaliger, & qui mihi quoque perplacet, ut omnia illius. Ergo μέρε, ut scribit, erit פרק, vel חלק; sed illud potius; nam minores & Thalmud partes vocantur à Magistris פרקים: vocantur & *Halekim*, quod idem est; sed idiv; & magis usitatè *Perakim*. Longum faciam, si incipiam dicere, quid sit in Thalmud פסכת, sive *deuteron*, unde *deuteron*, in vestris etiam libris: aut quid פסכת aut פסכת, quo nomine dictæ sunt sex partes, quæ totum illud corpus absolvunt: quid פסכת, in quas dividitur vario numero una quæque partium, quas diximus. At Massacoth secantur singulæ in sua capita, quæ ipsi, ut dixi, *Perakim* appellant. Quare Apostolus cum dicit, & μέρε ιερῆς & *symplicius*, alludit ad duo capita Rabbinez superstitionis, cujusmodi sunt hodieque

1605. dieque multa in septimam & octavam Massæthoth II. Seder relata; quarum alteri nomen est, מסכה יום טוב, *Tractatus de bono Die*, (ἡμέρα ita vocant;) altera inscribitur מסכה ראש השנה, *Tractatus de Capite Anni*. Harum duarum Massæthoth, & reliquarum ferè omnium II. Seder capita, sive Perakim singula ritus explicant, ut plurimum παρὰ τὸν ἑαυτοῦ, quas vetustissimi Judæi Legi Dei, ut pannum purpuræ assue- runt. Quare nihil verius quàm quod observat eo loci Scaliger, B. Paulum eo allusisse, cùm illa scriberet. Ab eadem voce Perek, quod penè oblitus eram, nomen invenerunt illi Ἀρχιπερικῖται, quorum meminit Justinianus in Novella de Ebræis c. xlv. i. * quo ex loco apparet, inter Doctores, sive Expositores Legis fuisse, qui vocarentur Ἀρχιπερικῖται, quali dicas μερικῖται, quòd particularim capita doctrinæ exponerent, aut coram populo legerent. Horum Decani vel Primicerii Justiniano dicuntur, Ἀρχιπερικῖται. Ipse explicat, πρὸς ὅπῃ τυχόν ἡ διδασκαλία. Pythagoræam legem, de qua alicubi mentionem fecimus, (nam & de hoc quærere te memini) in nostro de Critica tractatu fusè exponimus. Extrat apud Synesium in Dione, quod pulcherrimum est illius mellitissimi Scriptoris opusculum. De subscriptione illius Critici, qui Vegetium recensuit, multum te amo. Disseremus in eodem opere de toto illo genere multa, & quæ observavimus eodem spectantia, in medium afferemus: velit modò ὁ ὑπὲρ ἡµᾶς, ut instituto pridem operi colophonem aliquando imponamus. Habes, credo, ad omnia. Nunc illud accipe εἰς τὴν ἐξ Ἀπριλίου. Adeò verum est, quod scribit Scaliger, pag. 102. בראה vocem, quæ creaturas propriè significat, ex usu Hebræorum, homines lignare κατ' ἐξέχλω, ut manarit eadem phrasis & in alias Orientalium linguas. Nam in Geographia Arabica sexcentis locis frequentiam urbium ita designatam invenimus, ut dicat Auctor esse in eis multas בראה כתיב, creaturas, hoc est, homines. Hinc illud etiam illustrandum Marci xvi. 15. *Annuntiate Evangelium πάση κτίσει*. Atque hanc elegantiam vernacula nostra lingua, ut scis, retinuit. Poteram his alia adtexere, quæ strictim à maximo viro- rum indicata, non omnes, qui legent, intelligent. Sed de omnibus cùm volēs, ἑσθ' ἡμεῖς ἑσθ' ἡμεῖς. Vale, ὁ ἀντιδιδόν ἡµῶν χάρις. In Museo, a. d. v. Eid. Mart. c. 10 10 c. v.

EPISTOLA CCCCXL.

DANIELI HEINSIO.

Persium tandem mitto tibi, juvenum 1605. doctissime: Persium, dico, eà mole Commentarii à me oneratum, ut quod jam antè scribere memini, operis me seriò pudeat. Sed scito, ἀποδοῦναι eas esse, quas ante multos annos in Academia Genevensi habuimus, cùm præclarum illum Poëtam frequenti auditorio exponeremus. Putabam, cùm illa prælo subjeci, viginti plus minus foliorum opus futurum; qui numerus præter opinionem meam mirè auxit. Quare hoc primùm te oro, liceat mihi de te vetus illud Lucilii usurpare; Persium mea nolo legere. Hac exceptione vos doctos summoveri comiter volo, ne hæc putetis esse vobis scripta, quibuscum nihil heic mihi negotii est. Quod nuper scripsisti de epistola ad Perronium *, vehementer sum admiratus, pervenisse eam usque ad vos, quæ non alià sine scripta esset, quàm ut uni illi, ad quem fuit missa, innotesceret. Qui nesciunt quæ mihi occasio scribendi fuerit, quæ bonis viris typis edendi, & quodammodo publicandi privatam scriptionem, ii non possunt non mirari factum, & fatuissimæ vanitatis nos accusare. Quid enim in illa infelici charta publicâ luce dignum? Itaque postquam scivi, ad magnum Scaligerum eam fuisse missam, tibi & aliis isthuc lectam, erubui & vehementer dolui. Te igitur etiam atque etiam oro, suavissime amicorum, ut patrocinio tuo facta recta existimatio nostra isthuc maneat; persuadeasque tibi, atque omnibus confirmes, invitum me gravissimis de causis ex Pastorum hujus Ecclesiæ consilio compulsus esse, ut illa tum ad Perronium exararem; quo semel omnem & Regi, & omnibus, qui summâ contentione id agebant, spem in posterum præciderem traducendi me aliò: de quo cùm ne per somnium quidem unquam cogitaverim, nescio quâ tamen infelicitate meâ factum, ut multis, qui de suo animo meum metiebantur, perquam facilè hoc mihi posse persuaderi, sæpe sit visum. Itaque spei hujus pleni ἀδελφῶν certi homines negotium mihi exhibebant: quâ molestiâ ut me semel liberarem, commodiorem aliam rationem inire non potui. Pastores verò nostri, cùm ne sic quidem os obruratum esse intelligerent istis σπέρμα λόγους, qui de nobis miros toto hoc Regno rumores dissipabant, edendi eam epistolam consilium ceperunt. Volui

G g 2

hæc

1605. hæc nescius ne esses, ut te patrono, stultissimæ ambitionis isthuc absolverer. Vale, mi Heinfi, & me ama. *Lutetiae Parisiorum, a. d. v. Eid. Mart. c 10 10 cv.*

Quas ante mensem, & quod excurrit, ad te scripsi, an acceperis, scire cupio. Iis literis familiariter tecum agebam de Bibliotheca Regia nuper mihi demandata, nec non de illa conditione, cujus in prioribus meis feceram mentionem.

EPISTOLA CCCCXLI.

JANO GRUTERO.

1605. **P**ersium heic à me editum, & meos in eum Commentarios mitto tibi, clarissime Grutere. Non dubito miraturum esse te, quod tantulus Poëta tantam Commentarii libri molem pepererit: nos quoque, ne quid dissimulemus, sæpe nostram in hoc opere ἀπραντολογία risimus, posteaquam serio animadvertimus, plurimum longè chartarum opus futurum, quam initio cogitaveramus. Olim Genevæ cum essemus, pulcherrimum cum Poëtam frequenti auditorio accuratè exposuimus: hinc illa scriptio- nis hujus prolixitas, quæ te profectò offendere non debet, doctissime Vir; quia non tibi, neque tui similibus, πηλὸν καὶ οὐ δεῖ, ista scripsimus; sed tyro- nibus rudibus & indoctis: καὶ πάντε μὲν πύτνη. De Chalcondyla quod exspe- ctationem commoves, vide, quæso, ne nos ea spes destituat: est enim Scriptor dignus qui Græcè legatur. Etiam de Tacticis consilium laudo; teque hor- tor, ne in eo, quod præstare ipse po- tes, delegatione utaris: nam noster qui- dem Rigaltius in foro regnum obtinere præoptat, quam hederâ frontem præ- cingi: non quò literas non tanti faciat, quanti par est, est enim vir doctissimus, sed quia vulgò sic persuasum multis apud nos est, ταῖς ἀγγέλοις Μάταις nihil commune esse cum caussidicina. De co- dice Arabico beasti me. Διαλέξεις tuas politicas avidè exspecto, ut omnia tua. Quæ ad nobilissimum Bibranum scripsi, fidei tuæ commendo. Vale. *Lutetiae Parisiorum, a. d. v. Eid. Mart. c 10 10 cv.*

EPISTOLA CCCCXLII.

JOSEPHO SCALIGERO.

1605. **P**aucis diebus multas epistolas ad te dedi, Vir maxime. Soleo enim, ut quæque offert se vel scribendi occa- sio, vel literas isthuc mittendi facultas,

operæ non parcere. Dubis fasciculos de- di Arsenio, totidem Temporario, item alios aliis, unum ei, qui in ære tuo est, quem puto virum probum, sed in tenui re. Itaque flagitatore opus ne sit ve- reor. Ego tuas ita accipio, ut Dionem acceperis necne, adhuc ignorem: quod ideò solùm cupio scire, ut cum eo agam, cui est à me traditus, si fidem non servavit. Persium nunc mitto, non ut legas: & γὰρ πρὶν φέρεται ἔτι· sed ne officio meo defuisse possim videri. Olim cum Genevæ essem, non levi operâ eum Poëtam auditoribus meis exposui: inde illa tanta libri moles, quam no- lim te offendere: non enim profectò tibi, quid dico, tibi? non mediocriter doctis eam operam navavimus: quare bonum factum, ne illa tu attingas, quæ nihil ad te. De itinere meo isthuc pro- ximis literis plura, ζῶν τῷ Θεῷ, qui te servet, maxime virorum. Vale. *Lutetiae Parisiorum, a. d. v. Eid. Mart. c 10 10 cv.*

Peto à te, ut, quas Drusio scripsi, cures mittendascum adjecto libro. Om- nes heic tuam contra Serarium lucubra- tionem exspectamus. De Eusebio Pon- taci, qui nuper obiit, sæpe jam scripsi. Paraveram libellum hoc titulo, *De Sa- tyrica Græcorum Poësi, & Romanorum Satyra*; sed casu quodam dilata est ejus editio. Ex ipsa epigrapha satis intelli- gis, quantum ex tuis scriptis profece- rim: nam unica tua admonitio excitavit me, ut illum librum scriberem.

EPISTOLA CCCCXLIII.

CONRADO RITTERS-
HUSIO.

Puto accepisse te, Vir clarissime, 1605. quas ante mensem unum aut alte- rum ad te scripsi. Respondi tum & iis, quas Francofurti scriptas à te accepe- ram; & iis, quas post casum illum tuum memorabilem ad me dederas. Agebam, quod & nunc quoque facio, planè ex animo, Deo Opt. Max. gratias, quòd te ex tanto periculo servasset. Sed quo- niam nondum penitus confirmato cor- pore eras, cum illa mihi scriberes, cu- pio ex tuis cognoscere, quomodo pos- steà tecum sit actum. Non autem dubi- to, quin ea res inceptum tuum de eden- do Isidoro Pelusiora tardaverit. Itaque hoc quoque negotium, uti se habet, ex tuis opto cognoscere. Ego Persium hic edidi cum veteribus ἀρχαῖαις meis, quas Genevæ ante multos annos ha- bui, cum frequenti auditorio illum Poë- tam exponerem: quod ideò comme- moravi tibi, ut prolixitatem Comme-
tario-

1605. **t**ariorum ne mireris. Nōsti enim libertatem commentationum ejus generis, quæ non aliud spectant, quàm ut rudiorum studiis consulatur. Tale est nostrum hoc scriptum, quod ad vos doctos nihil pertinet. Quod igitur musteum librum ad te mitto, non ita infansio, ut velim illum à te legi; sed ut memorem me tui & amantissimum tibi probem. Missẽm & ad clarissimum virum Scipionem Gentilem exemplar, nisi intellexissem, factum id jam ab optimo & amicissimo Bongarsio. Velim, nisi grave est, illum verbis meis salutes; nunc enim scribere non poteram, facturus brevi, *ὅτι τῷ θεῷ*, qui vos servet Reipublicæ literariæ quàm diutissimè. Vale. *Lutetia Parisiorum, a. d. v. Eid. Mart. c. 10 10 cv.*

EPISTOLA CCCCXLIV.

DAVIDI HOESCHELIO.

1605. **E**tiam antequam tuas acciperem, Idibus Januarii datas, incogitantiam meam animadverteram; qui cum eā maximè occasione ad scribendum tibi appulissem animum, ut de recenti munere gratias agerem, propositi tamen essem nescio quomodo oblitus. Non dubito, quin hujusmodi *μνημονικά ἀμαρτυρήματα*: familiaria mihi sint, cum literas ad amicos exaro; cui negotio non aliud ferè tempus impendo, quàm quod curis aliis possim surripere. Itaque æquitate animi tuā heic mihi opus, ne in crimen culpa mihi vertat, quam imprudens commisi. Nam equidem tuas in Syrachum vigilias tanti facio, ut autor tibi sim, teque adeò orem, ut parem diligentiam ad reliquos ejusdem generis libros illustrandos adhibeas; quæ tibi sententia si sedet, offero tibi Regiæ Bibliothecæ opes, quarum esse promum condum Rex optimus nuper me jussit. Quod si hoc otio (si tamen otium dici potest vita adeò quotidie occupata) diutius frui, Dei Opt. Max. benignitas nos sinat, dabimus operam, ut quæ adhuc latent, multa præclara Vetustatis *καμύδια* in lucem proferantur. Procopium edi à te quàm primum opto. De Polybio scripsi nuper ad nobilissimum Velferum, ad quem literarum nihil nunc dare possum. Tu, nisi grave est, meis verbis illum salutabis. Persii nostri unum tibi, alterum ipsi mitto exemplar, quæ velim ita accipi à vobis, non tanquam lectione vestrà dignum existimem opus illud; sed ne officio meo hac parte vobis defuisse videar. Olim cum Genevæ essem, impensiore curâ cum Poëtam publicè exposui: hinc

illa Commentarii moles; quàm apud 1605. præstantissimum Velferum, si me amas, excusabis. Vale. *Lutetia Parisiorum, a. d. v. Eid. Mart. c. 10 10 cv.*

De Privilegio sic habe: Creatus est superioribus diebus à Rege non Cancellarius quidem, sed *σφραγισφόρος* tamen alius præter illum priorem, de quo antè ad te scripsi. Is est Silerius, apud quem videmur gratiā aliquid posse. Ille igitur, cum munere suo fungi incipiet, quod nondum facit, preces meas, scio, haud difficulter admittet.

EPISTOLA CCCCXLV.

DANIELI HEINSIO.

Præstantissime Heinsi, accepi jam 1605. nunc divinam tuam Orationem, quam misisti: quod si prius illam non legissem, quid de illa judicem, hoc est, admirationem meam de elaboratissima illa scriptione tua significare nunc non possem. Simul enim fasciculus ille est traditus, & hæc *ἡ ἐξ αὐτοῦ* scribendi isthuc occasio est oblata. Sed jam aliquot dies sunt, cum magnā diligentia frustra quaesitam, ope Labbæi nostri tandem inventam, cupidissimè legi. Quid quæris? *ἡμέτερον ἔχει εἰσπρόιοντα*; nihil enim heic ab alio occupatum; omnia tua; qui mirus es artifex dicere *κατὰ κανὼς*: nam *ὁ πρῶτος* quidem *λόγος* scripsere, & scribunt quotidie multi; sed ut tu scripsisti, hætenus profectò nemo. Sed de hoc scripto tuo & aliis brevi plura; nam nunc quidem iniquis excludimur temporis spatiis. Deus te servet, ô literarum spem alteram, & mihi amorem tuum. Vale. Raptim, urgente puero, qui literas flagitabat. *Lutetia Parisiorum, a. d. x. Kalend. Maj. c. 10 10 cv.*

EPISTOLA CCCCXLVI.

JOSEPHO SCALIGERO.

Illustrissime Scaliger, mitto tibi pro 1605. missum ante aliquot septimanas veteris Scriptoris *ὁ δὲ ἀλυμπικῶς* libellum. Optavi posse citius illud *ἔργον* tecum communicare; sed inciderunt causæ graves, quæ me *ἐπέδρασαν τῆς ὁρμῆς*. Spero non ingrati tibi, neque alienam ab incepto tuo fore eam scriptiōnem. Mihi quidem hoc gratius nihil possit contingere, quàm si ulla in re operam meam tibi esse utilem animadvertero. Velim certè persuasissimum habeas, non aliam fidem, imò pietatem in exequendis tuis jussis adhibiturum me semper, quoties aliquid imperaveris, quàm quæ eum deceat, qui te alterius parentis loco

1605. co pridem veneratur. Quare si quid est, quod curari heic velis, *ἡ αὐτὰ μὴ κινῆται*, mihi iussa capeßere fas est. Neque verò occupationum mearum rationem habueris; omnia enim lubentissimo animo *διύπνα τῆς αἰς κελύσεως ἡσῶ*, qui non sunt hoc modo adversum te affecti, eos ego nunquam dignos putavero, qui inter *γνησίας παιδείας ἐρασῶς* nomen profiteantur suum. Utinam majus aliquid tuā causā possem; scires quā sis mihi *ἀντίψυχος*. De libris Bibliothecæ nostræ sedulò operam dabimus, ne cupiditatis tuæ parum rationem habuisse possimus videri. Id verò tantò facilius mihi futurum, quia præstò est Labbæus noster, ad omnia paratissimus, quæ tibi fore grata cognoverit. Exquisitam illius eruditionem testantur chartæ, quas tibi mitto: sunt enim manu ipsius è malo libro quā fidelissimè descriptæ. Contulimus siquidem, & studiosè *ἀντιγράφοι* ipsius cum autographo contendimus; ut de fide lectionis dubitare non debeas. Quod si quædam occurrent mendosa, [occurent autem nonnulla] scito, non aliter in Regio codice esse scriptum. Stat verò sententia nobis; mihi, inquam, & optimo juvenum, & tui observantissimo Labbæo, communi operā *πάντα διφῶν καὶ πάντα διψῶν κινῶν*, quo aliquid inveniamus tuis inceptis accommodum. Hactenus quidem nihil ita exquisitum se obtulit, quod tua putem interesse, ut videres; nisi fortè quædam de ratione anni excipias, ejus generis multa offendimus. De tuo divino in Serrarium libello egi nuper * gratias, non pro sensu quidem animi mei, sed quantas potui tamen maximas. Bone Deus, quā sum ego captus lectione illius? & negabit aliquis, *φρενοβλαβῆς* istos fuisse, cū te provocarunt? negabunt *διέλατον τὰ πᾶσι* esse? Quæ de Pseudo-Gorionide disputasti, saltem ex parte mihi quoque dudum observata: nam Munsteri error, sanè pudendus. Etiam de voce *κείρα* nunquam aliter sensi; & apud Græcos Conciliorum Interpretes memini eam vocem reperire explicatam: cui nescio an sit affinis Latina *Cura*, apud Corippum, & fortasse alios; etsi diversā nonnihil notione. Sed Eusebium tuum quando videbimus? Nimum moror te. Vale, virorum illustrissime. Amplissimo Legato, & charissimo Heinio, nisi grave est, plurimam salutem. Vale iterum. *Lutetie Parisiorum, Kalend. Maj. c15 15 cv.*

* *Suprà*,
Epist.
ccccxxvi.

Proximè cū ad te literas dedi, scripsi & clarissimo Baudio: nunc velim scire ipsum, Boiosam & Pinæum in eo nunc esse, ut certum hominem isthuc

mittant. Ego verò id ago, ut idem il- 1605. le, qui mittendus est, liberet te ejus negotii curā, de quo ad Labbæum sæpius, ad me nunquam scripsisti: non enim mediocriter ea res me quoque pupigit.

EPISTOLA CCCCXLVII.

JOANNI MEURSIO.

ACcepi tandem, hoc est, ante paucos 1605. dies, quem misisti dono librum, & quam scripsisti epistolam. Videram pridem id syntagma tuum: neque enim potest me fugere quicquam tuorum, à quorum lectione nunquam recessi, nisi doctior. Itaque opto tibi omnia fausta ac læta, ut & quæ jam habes in manibus, detexas quā primū; & alia porrò suscipias perficiasque, cum publico bono literarum, & laude ingenii tui. Nos Persium nuper edidimus, ejus exemplar unum, tibi destinatum, nescio quo casu tam diu hæserit inter manus meas. Mitram verò cis paucos dies ad amplissimum Buzenvallium; quem confido curaturum, ut tibi tutò reddatur: etsi non tanti operam illam nos quidem facimus, ut legi nostra à te velimus; tyronibus enim illa scripsimus, non viris doctis; qui melius ista per se capient, neque operā nostrā habent opus. Cras Temporario, qui Domini Buzenvallii res heic procurat, cum librum, *ξὺν θειῶ*, sum traditurus. Tu ita accipe levidense munusculum, tamquam ab eo profectum, qui se à te amari maximi faciat. Vale. *Lutetie Parisiorum, a. d. viii. Eid. Maj. c15 15 cv.*

EPISTOLA CCCCXLVIII.

JOSEPHO SCALIGERO.

Ternas jam scripsi tibi, virorum in- 1605. lustrissime, posteaquam libellum tuum accepi; ejus lectione adeò expleri nequeo, ut ponere de manibus non possim: *ὦ ἔπλετα τῆς παιδείας! ὦ τῆς τῶν ἀπικυρμμάτων δυνάμει!* quā magis lego, tam magis stupore & admiratione rapior: cogito enim quo ex fonte rivus hic manavit; neque dubito Eusebium tuum omnium mortalium spes & cogitationes longè superaturum. Opto, atque adeò assiduis precibus Deum veneror, det tibi, ut illi operi colophonem quā primū imponas. Equidem diligenti tuorum lectione hoc videor assecutus, ut animi tui mentem melius quā vulgus hominum capiam. In hoc quidem certè libro tuo licet mihi *περιπνεύει*, & me venditare: ago enim

10
22
112

1 de
2 de
3 de
4 de
5 de

1605. enim apud amicos *προδιδάσκων* & Pro-
scholium, qui *πῆς ἀμύνης* Mystagogum
me præbeo *τῶν σὺν ποιούμενων ὁρίων*. En
erit ille dies, cum cupiditate operis,
quod premis tamdiu, nos levabis? Puto
accepisse te *πὲρ τοῦ τῶν ἐλυμπνοικῶν*. octa-
vus hic dies, cum Temporario fascicu-
lus est traditus. Ego tuas exspecto, bre-
vi plura scripturus, volente Numine.
Vale, *καὶ ὡς ἐπρωμένιστα* *Διοβιαίης τῶν*
ἀνδρῶν πρῶτα. Heinsum, virum cla-
rissimum, salvere jubeo. Scripsi raptim,
Lutetiae Parisiorum, a. d. viii. Eid.
Maj. cix ix cv.

EPISTOLA CCCCLXIX.

FOPPIO AB AITSEMA.

1605. SAlmurium te profectum esse intel-
lexeram ex tuorum popularium ser-
monibus, qui nuper cum inde reverte-
rentur, salutem mihi abs te nuntiarunt.
Deinde tuas accepi, quæ mihi, ut om-
nia semper, quæ à te veniunt, fuere
gratissimæ. Gaudeo, atque adeo tibi gratu-
lor, quod familiaritatem consecutus
sis nobilissimi illius, atque omni laude
dignissimi viri, de quo ad me scribis.
Nullus dubito, quin ex illius sermoni-
bus doctior semper sis rediturus & me-
lior. Itaque autor sum tibi, ut quan-
tum res tuæ ferent, eam potissimum
Galliæ partem probes, eam inhabites,
ubi nobilis ille, qui tuæ fidei creditus
est, pietatem simul cum lingua possit
addiscere; quod isthic commodissime
illum facturum esse, habeo persuasum.
Sed hæc tu melius statues, doctissime
Foppi, quem scio ego non minus à
prudencia instructum, quam pietate or-
natum & doctrinâ. Vale, & me ama.
Lutetiae Parisiorum, a. d. iv. Eid. Maj.
cix ix cv.

EPISTOLA CCCCL.

JOSEPHO SCALIGERO.

1605. Hæc tuas accepi, a. d. v. Kalend.
April. datas *. Jam ex aliis, quas
ante paucos dies accepi, cognoveram,
Persium, & quicquid est, quod tibi cu-
randum Temporario tradideram, pro-
bè fuisse curatum; quod gratissimum mi-
hi vel eo nomine fuit, quia Eusebium
Aquitanicum video tibi non displice-
re. Doleo vicem illius viri †, qui ma-
gnam dubio procul percepturus fuit;
si vixisset hætenus, ex æquitate judicii
tui voluptatem. Equidem existimo,
non infelicem ab eo positam in eo ope-
ram, ut Chronicum Eusebii legeretur,
quale ab Hieronymo est olim publica-

tum: sed quale ab ipso Eusebio debue-
rat concipi, hoc verò est, quod à te
uno exspectamus. Sed, bone Deus, quid
est, quod scribis? longè adhuc abesse te
ab operis fine? ut video, omnes omnium
Bibliothecarum opes in hunc thesaurum
paras conjicere. Quod etsi vehemen-
ter & probo, & laudo; exspectationem
tamen adeo longam esse, fero molestis-
simè; sed animum, si possumus, obfir-
mabimus. Quæ scripsisti de Persianis no-
stris nugis, moverent me, ut à te pro-
fecta, nisi ipse justum pretium ei scrip-
tioni multo antè statuissem apud me.
Neque unquam à sententia mea dimo-
veri me patiar. Veterum notarum, quas
adjeci, eclogarium te fuisse, non sci-
vi; non dissimulaturus alioquin, si rem
habuissem notam. De tuis Græcis ver-
sibus, quas agam tibi gratias nescio:
rem certè fecisti mihi longè longèque
gratissimam. Cupio iterari libri ejus
editionem *ἐμὲ ζῶντος* & *ἐπὶ χροὶ δευκαμέ-
νῳ*, ut sit locus meum de tuis versibus
judicium exponendi. De tuo in Sera-
rium libro scripsi nuper: sed quasi re-
cens allatum adhuc habeo in manibus.
Quàm magis lego, tam magis admiror.
Abraham ille Judæus, quem laudas, &
unde tam multa describit Drusius, ubi
sit editus, velim significes; nam ego
nescio, neque heic habeo, à quo dis-
cam. De Dione * tibi reddito cognovi * *Chry-
sost.*
jam ex ternis tuarum: vellem diligen-
tiam tuam imitatus fuisset Heinsum à *πε-
ριβόητος* *ναιάς*. Adhuc enim ignoro,
quid eo exemplari sit factum, quod
Beisio tradidi ipsi mittendum: ideo au-
tem rescire id cupio, quia non ita ante
multos dies narrabat mihi aliquis, hæ-
rere adhuc illum librum Rothomagi.
Veterem libellum *πρὸς ἐλυμπνοικῶν* scito
pridem esse traditum Temporario, &
puto jam tibi fuisse redditum. Descrip-
sit Labbæus noster, qui in cultu & re-
verentia tui mecum certat, ut *πρῶ-
τον* videatur velle *ἀμφισβῆναι*. Hæc una
est inter nos æmulatio. Si quid inve-
nero, quod tuis inceptis putem fore
conducibile, confide eo te non caritu-
rum. Clarissimi viri Vulcanii Cyrillum,
& Procopii *πρὸς κτισμάτων* quando habi-
turi simus, velim à te certior fieri. Va-
le. *Lutetiae Parisiorum, a. d. iv. Eid.*
Maj. cix ix cv.

De schedis Latinis Alcorani, indicio
tuo tandem majore ex parte inventis,
proximè tecum agam pluribus. Deus
te servet.

*Ad hanc
respondet
Scaliger
lib. II.
Epist.
cxviii.*

EPISTOLA CCCCLI.

A MONSIEUR
DU PLESSIS.

MONSIEUR,

1605. **P**AR vos dernières & par le rapport de mes amis, je sçay qu'avez pris quelque goust au livre que vous envoyay dernièrement. Ce que je n'attribue à autre chose qu'à la bonne affection qu'il vous plaist me porter, pour laquelle je vous remercie de tout mon cœur. Quant à ce que desireris que j'employasse le temps en autre chose, qui servist à l'avancement de la gloire de Dieu, je vous supplie croire que je n'ay plaisir icy, contentement aucun en nul autre estude qu'à celui-là, & particulièrement ay employé du temps à l'Histoire Ecclesiastique, pour l'illustration de laquelle peut-estre pourrois-je quelque chose plus qu'autre du commun, si le lieu, où je suis, le me permettoit; mais n'ayant entretinement d'ailleurs, que de là ou sçavés, je ne puis faire ce que desirerois. Cependant je ne cesse d'y penser, estimant que, si Dieu le veut, il me donnera un jour autre commodité. Pour le moins ay-je ce contentement de descouvrir mille & mille signalées impostures de ceux qui nous appellent Novatores, cum sint ipsi veteratores vaserrimi, comme les a nommés Mr. Scaliger, du quel je crois qu'aurés veu le livre très-admirable contre Serarius, Jésuite, qui l'a attaque sans propos, mais comme je crois, non sans la Providence de Dieu, afin que luy & ses semblables fussent décrits de leurs couleurs par cest excellent personnage. Pleust à Dieu que j'eusse pareille liberté qu'il a; car je porte impatiemment tant de puantes men-songes, que je trouve en ceux qui ont tant travaillé pour nous faire croire, que de tousjours l'estat de l'Eglise a esté tel qu'il est aujourd'huy entr'eux. Mais ne pouvant ouvrir la bouche, je verray volontiers qu'un autre le face mieux que je ne le pourrois. Or nul ne le peut mieux, ny si bien que vous, qui desjà avez avec tant d'heur si long temps travaillé pour la gloire de Dieu, lequel je supplie de tout mon cœur vous donner en santé & tout heur très-longue vie. Tenez moy, s'il vous plaist,

MONSIEUR,

Vostre très-humble &
affectionné Serviteur,
IS. CASAUBON.A Paris, le 12. May,
1605.

EPISTOLA CCCCLII.

JOSEPHO SCALIGERO.

DE altero libri tui exemplari, quod 1605. missu tuo accepi, proximis literis gratias tibi egi, & nunc quoque ago. Est sanè æquissimum, ut qui aliquid discam à te quotidie, quàm sapissimè fieri poterit gratum animum meum tibi tester. Scripsi & ad N. ut suum quoque librum à te sciret me accepisse. Miratus sum, adeò eruditum virum, & tibi familiarem, tanti Thevetum*, fungum * *De hoc Andr. Thvetis vide Thesaurum lib. xv. Hist. pag. 335.* illum, non hominem, fecisse, ut ejus potissimum autoritate Ægypti probaret appellationem; de qua erat pridem à te scriptum adeò accuratè. Ego memini sæpe legere in Arabe Geographo eam vocem, quæ nullum mihi negotium facessit unquam; prius enim didiceram illius interpretationem è libris tuis, quàm de lectione illius Geographi vel cogitarem. Scripsi ad te non semel, ausum esse me studio ejus scientiæ, & amore linguæ aliquot horas ponere in ejus libri interpretatione, jamque adeò pars magna peracta est: si quidem hoc est interpretari, ad singulas prope voces hæcere, & ibi fortasse, ubi plurimum sapere mihi videor, plurimum ineptire. Cum exaudiet vota mea Deus Opt. Max. & præstabit tui visendi facultatem, quæsitis meis ac dubitationibus non verebor tibi esse molestus. Interea oro te, nisi grave est, doce me, qui verti possit illa non infrequens in eo libro ὄρεως, & ὄρεως & ὄρεως. Exempla sunt frequentia extrema pag. 96. 97. & 101. 102. & alibi. Facile conjicio, ex ipsa sententia duplicem diversitatem denotari; alterius brevioris, alterius longioris. Neque me later, ὄρεως esse verticem montis, aut promontorium. Alteram vocem suspicor esse ὄρεως, quod ὄρεως, & ὄρεως, nisi fallor, significat. Sed neque rectam interpretationem utriusque vocis capio; neque rationem, quam analogiam vocant. Itaque iterum à te peto, ut hoc me velis docere. Beneficii præmium hoc feres, ut etiam de aliis non verear te consulere: quàm multa enim nescio, ac ne per somnium quidem capio in illo libro? Est ubi cum verba teneam, insolentia locutionis me cruciat: alibi hæreo in verbo, aut penitus ignoto, aut notione ignorat. ὄρεως scio esse montem Arabicus, & tamen quid faciam illà voce statim initio sectionis II. clim. III. nescio: nisi quod hoc scio, etiam alibi ita positam legi in eodem libro. Sexcenta sunt talia. Sed moror te. Vale, τῶν ἀρχῶν.

1605. ἀρχήμα. Deus tibi annos Nestoreos.
Lutetia Parisiorum, a. d. iv. Eid. Jun.
CIS IO CV.

Legebam superioribus diebus apud
Baronium, in anno Domini ccccxv. fa-
bellam oppidō lepidam, in qua plura
sunt vocabula Syriaca; quorum partem
facile assequor, partem non satis capio.
Utinam in Eusebianis tuis locus occur-
rat attingendæ illius παραόδου Historia:
sin est aliter, esto, διότι οὐκ ἔστιν ἀπαιτούμενον,
hoc argumentum unius epistolæ ad nos
tuæ. Viden' os æneum, frontem fer-
ream mihi esse? qui te tam multa non
dubitem rogare. Tu vicissim jube, &
si quid me vis tuâ causâ curare, impe-
dis. *Ad hanc
respondet
Scaliger,
lib. II. Ep. 12.
109.*

EPISTOLA CCCCLIII.

FRANCISCO VERTU-
NIANO.

MONSIEUR,

1605. **C**E mot est pour vous advertir, que
j'ay fait tenir à Monsieur Scaliger
celles, que m'avez envoyée. Je desire en
chose plus grande pouvoir estre employé
pour vostre service & le sien. J'ay esté
grandement aise de voir ce que m'escriviez
de luy, lors que m'envoyastes la vostre
autre, me la recommandant fort. J'es-
tois en peine, que ce pourroit estre, n'ap-
prehendant moins ses incommoditez, que
je fay les miennes & de ma famille; pour
le respect, que je porte à son Auguste, non
envers moy. Si j'eusse sceu le subject,
duquel luy escriviez, je luy eusse escrit
aussi de beaux contes sur ce propos. Car
la partie a esté dressée pour luy & pour
moy ensemble, & pour ce que j'estoy sur
les lieux, on m'a attaqué le premier,
comme pour sonder, quelle esperance il y
auroit. Un des Lojolites vint à moy, il
y a plus d'un an, me dit, Qu'il avoit
proposé à sa Majesté de r'appeller mon
dit Sieur; & qu'il estoit facile, pourveu
qu'il creut conseil, & conclust se faire
Chrestien. Hæc sunt & ὑπὸ τῶν φίλων ad
quæ oblitui, neque dissimulavi, quid
de tanta insolentia sentirem. Sed quæ
postea secuta sunt, magis eorum men-
tem mihi aperuerunt. Longum sit nar-
rare quid moliti sint homines confiden-
tissimi, ut mihi persuaderent, meridie
non lucere. Tandem sensere quàm fue-
runt impudentes, qui ausi essent ὁρῶν-
τες ἡμῶν τὸν μέγαν, iis nixam radicibus,
ut concuti nesciat, τῷ ἁπλοῦς & οὐκ. Quant
au témoignage que Monsieur Scaliger
rend en ses lettres de mon âge & de mes
estudes; pour l'un je l'avoue à demi;
car un homme de mon âge n'est pas éloi-
gné de la vieillesse, si il n'y est du tout

porté. Je nasquis l'an 1559. 8. Février, 1605.
dans Geneve, où mes bons pere & mere s'es-
toient retirez de Gascongne, ayant failli
d'estre bruslez à Bourdeaux. Mais quant
à l'autre point, c'est à mon grand regret,
que je ne puis advoquer vel millefimam
partem eorum, quæ divini illius viri
amor mihi tribuit. Mais il faut se con-
tenter de ce peu, qu'il a pleu à Dieu me
donner, & de dons naturels, & de com-
moditez pour estudier. Car ayant esté in-
struit par mon pere, homme très-capable,
mais très-occupé des affaires de l'Eglise,
à laquelle, par la grace du Seigneur, il a
servi heureusement en Dauphiné, &
quelquesfois esté absent de sa famille deux
ou trois ans, chassé, pillé presque toutes
les années; je puis dire avoir commencé
mes estudes, lors que âgé de vingt ans
je fus par luy renvoyé à Geneve. Ainsi
estant ὁπμαδὶς, & quasi ἀνοδιδαν, au
lieu de l'erudition que la bonté de Mon-
sieur de l'Escale m'attribue, j'ay cette
consolation, d'avoir perdu le meilleur de
mon âge par les persecutions pour la verité,
la memoire desquelles m'est plus douce,
que miel ny sucre. Ce m'est assez, d'a-
voir appris de mon pere, de ne juger mal
des lettres, & admirer ceux qui excel-
lent en icelles: supra omnes verò, at-
que adeo supra omnia omnium ætatum
ingenia, uno Aristotele, aut fortasse &
altero excepto, Scaligerum utrumque.
De quibus dum dies noctesque vigilans
& dormiens cogito, hoc saltem conse-
cutus sum, ut si quid scribimus, omni
contentione ingenii caveamus, ne falsa
pro veris scribamus; si modò possumus
ad verum pervenire, neque fucum le-
ctori facimus. Mais c'est trop vous te-
nir sur un si maigre subject. Je finiray
donc la presente, vous ayant recomman-
dé à la garde du Tout-puissant, & of-
fert mon humble service tant à vous,
qu'à Monsieur vostre beau-fils, & aussi à
Monsieur son frere, s'il est de par de là.
Tenez moy, s'il vous plaist,

MONSIEUR,

Vostre humble & très-
affectionné Serviteur,
CASAUBON.

A Paris, le 12.
Juin, 1605.

EPISTOLA CCCCLIV.

DANIELI HEINSIO.

ANte horam cum ad te scriberem, 1605.
coactus sum, adstantibus multis,
quasi aliud agens, eam epistolam exa-
rare. Unde evenit, ut de Maximo Ty-
rio,
H h

rio,

1605. **rio**, cuius gratiā scribere potissimum institueram, nihil adjicerem. Ut igitur admissum peccatum emendarem, κατὰ δούτιον πλὴν hæc prioribus adjeci. Est in Bibliotheca, Maximus Tyrius antiquæ manūs, & admodum bonæ in speciem notæ. Pauca adhuc contuli: non inveni multas varietates, quasdam tamen. Ordō sermonum est alius. Si de edendo cogitas, brevi mittam collationem πρὸς ἀλλοτρίους γραφάς. Fac me tantum ut sciam: de cætero vide. Sed ô quando illud erit, cum hac tantâ librorum copiâ mecum frueris? Opto quàm primum eum diem illucescere, qui te mihi suster præsentem. Cætera partim scripsi ante horam, ut dixi; partim brevi sum scripturus, ut spero. Ad magnum Heroem prolixè scripsi modò: si hæc epistola fasciculum priorem anteverterit, quàm officiosissimis illum verbis meis salutabis: itemque virum Poëtamque clarissimum Baudium, veterem amicum meum. Raptim, *Lutetie Parisiorum*, a. d. vi. Eid. Jul. c. 13 13 cv.

EPISTOLA CCCCLV.

E I D E M.

1605. **T**Andem accepisse te Dionem gaudes, sed intererat munusculi levidensis, (de meis loquor) ne longioris expectationis tædio gratia omnis consumeretur. Ego tuam *ερατηρικὴν* Orationem accepi, & simul legi. Non putabam, tibi tantum esse masculæ bilis, ut in hosticum venire auderes. Maeste hac virtute, & *γενναίῳ ἐνδοξίᾳ* πρὸς ψυχῆς. Censeo tamen, parcas tibi; quando in tuo capite propè unico omnes literarum Veneres periclitantur. Ego mittam tibi cis paucos dies, volente Numine, opellam librorum duorum, cuius titulum* ex Prolegomenis in Persium fortassè notum habes. Hui! dicces, tantum verborum de re tam levi? Sic est: posteaquam enim persuasisti mihi, eam, quâ apud Persium usus sum, *πυλὸς* tyronibus non fore inutilem, verbis non parere constitui, & horum in scribendo rationem habere semper. Ita factum, ut ex argumento Prolegomenon (sic enim initio constitueram) duo libelli nascerentur; quorum editio adeò elegans & venusta, ut lenocinio alio non sit opus. Amphitheatrum Honoris†, librum sacerrimum, non dubito vidisse te: de eo quæ sint isthuc hominum judicia, scire ex te cupio. Non dissimulabo apud te gaudium meum, cum in tuum nomen incidi. Spero enim fore te memorem: sed de his brevi fortassè plura. De mea

* Scriptum de Satyrica Gracorum Poesi. & Romana Satyra. Co.omef.

† Caroli Scribanii.

isthuc profectione scripsi nuper ad magnum Heroa, nempe sententiam mutare multis de causis sumus coacti, & iter differre, cui nos jamjam eramus accincturi. Aliquid Bibliotheca potuit, ne tam citò tam longè abirem: sed graviores aliæ causæ fuerunt, de quibus nunc scribere non vacat. Sperabam me in reditu ducem tibi futurum itineris in Gallias: nunc quid consilii tibi dem, non satis scio; cum præsertim raptim hæc scribam: illud spondeo, adventu tuo nihil mihi posse aut gratius contingere, aut exspectatius: sin isthuc adhuc moraris, filium ad te mittere constitui, cum bono Deo. Sed de his brevi proximis literis. Vale. *Lutetie Parisiorum*, a. d. v. Eid. Quint. c. 13 13 cv.

EPISTOLA CCCCLVI.

JOSEPHO SCALIGERO.

NUdus quintus accepi tuas: longè illas quidem, ut semper, gratissimas; sed in quibus tamen illud mihi molestum fuit, quòd te libellum *ἐκδοτικὸν* necdum accepisse significabas. Hoc me malè habet; quoniam cum temporis rationem in eo, metus causam invenio. Quare si, quod opro, evenit, & voti hujus factus es compos, velim me hac curâ liberares. In re quidem non magnum periculum, si moram excipias, cuius tu in hoc negotio non es impatientior, quàm ipse sum; *τὰ οὐ γὰρ πάντα ὡς ἐμὰ τίθηται*. Sin aliter acciderit, dabimus operam, ego & *Λαββαῖος* Labbæus, ut tuæ quàm primum satisfiat voluntati. In Bibliotheca nihil adhuc mihi inventum, cuius desiderio moveri te admodum putem debere, ad id præsertim opus, quod nunc paras. Mathematica nonnulla de anni ratione in aliquot libris offendi; & in his procul dubio quædam non pœnitenda: sed tamen ejusmodi, opinor, quæ magno tibi esse usui vix queant. Si jusseris, agam tecum de illis accuratius, proximè cum ad te scribam, *συνὴς τῷ Θεῷ*. Vidisse te non dubito Stygii cujusdam canis Amphitheatrum Honoris. Eo Sathanico libro nos quoque vocamus in partes: quanquam equidem, si maxime ambitionis fermento turgere, non alium gloriæ cumulum optaverim, quàm ut dignus possem meritò videri, qui tecum nominarer: quem honorem seculissimus ille Loyolita persæpe in ea scriptione mihi detulit: *τῷ καὶ κῆρι γαίαν αὐτῶν ἔδρανε τῶν ἀντύγων προσψάειν μοι δεῦρ'· πρὸς γὰρ ἀπμαδῶναι μετὰ σε, ὡς ἐμὰ κεφαλὴ; ὑπερόλι τὸ το γ' ἐστὶ πρὸς ἀκραί-φρεσῶν· πρὸς δὲ ἀξιοῦναι ἀπμάς τυχῶν ὑπὲρ τῶ*

1605. ὁ Χρῆς, ἡ μὴ θρίαμβον ὡς ἐνδοξοτάτην νημί-
ζω, πῶς τῶν φρενῶν ἐν ἔχῃ δόξαιμι. Miror
tamen quis sit hic furor, quæ rabies,
quietos homines atque εἰρηνικὰς sine
causâ invadere, atque ad certamen
provocare. Possem hæc faciliè contem-
nere, nisi securo somnum adimat illa
cogitatio: qui talia dicant scribantque,
hos quid censendum est moliri? aut
quis potest dubitare, homines Cerbe-
reos nihil nisi flammam & ferrum me-
ditari? Ego non dubito, omnia eorum
consilia eo referri; id agere, id studere
unum, id assiduè urgere, ut in bonos
impetum faciant, piorum sanguine,
quem pridem sitiunt, οἱ ἀλάστορες καὶ ἐνα-
χῆς proprias maculent manus; σκορδα-
δὲ denique illius dici, quæ sola iplis
placet, lanienam instaurent. Scio ta-
men ab hoc consilio quàm alienissimum
esse illum, cujus recenti beneficio ita
feroces sunt facti: sed profectò in ea
devenimus tempora, ut sit ἔδιν ἀπόμνη.
Itaque fatebor tibi, quod res est; quo-
tidie magis magisque commoveri me, ut
non tam mihi, quàm meis metuum, &
prospectum cupiam. Hoc cùm rescivi-
ssent Consules Nemaufenses, certum
hominem ad me miserunt cum manda-
tis literisque, scriptis quàm honestissi-
mè, ut me suum facerent, persuade-
rentque mihi, ut penates meos in suam
urbem vellem transferre. Offeruntur
mihi in stipendium annui sexcenti au-
rei, quæ summa, ut quidem ipsi per-
tendunt, pluris isthic æstimari debet,
quàm quicquid est, quod à Rege hic
præstatur. Addunt insuper de hospitio,
cujus gratiâ libras pendo annuatim in
hac urbe quingentas. Nunquam adeò
æstuisse me, recordor, atque in hac
deliberatione multos jam menses ἐνθὺν
κίονθιν ὑπὸ ἀμνηστίας διασπῆμαι. Quo-
ties studiorum meorum venit in men-
tem, hoc est, τῆς παρῆς βιβλίον δι-
πλάς, heic vivere, heic mori mihi suave
est, & profectò tam longè à te abesse,
mortis instar mihi futurum. Accedit
magni Mæcenatis mei reverentia; nam
ingratum mo illi non esse, unicâ re ex-
ceptâ, certò scio. Thuanus verò ὁ
ἐπιμετρεῖς quo animo abitionem meam
sit laturus, satis declaravit superioribus
diebus, quum pro nostra conjunctione
æstum meæ mentis cum illo communi-
cassẽ, & consilium ipsius expeririissem:
non enim dissimulavit, nullo modo sibi
videri ferendum, ut de ea re vel cogi-
tarem. Hæc ferè sunt ab hac parte:
quæ etsi pro eo ac debeo; duco esse
gravia; vereor tamen, ne si in alteram
lancem contrarias rationes contulero,
facilè sit præponderatura. Omitto ju-
stissimas metuendi causas, de quibus

antè dicebam: certè cùm liberos meos, 1605.
cùm uxorem respicio, quid est cur ἡμε-
φιλοχερεῖν ei loco debeam, ubi neque
vīvus consulere eorum possum commodis,
& moriens in summa solitudine at-
que amicorum inopia afflictissimam do-
mum sum relicturus? Magni enim illi
amici, quorum gratiâ pollemus, altio-
re loco sunt collocati, quàm ut ἡμεῖς οἰ-
χόμενα meis ipsos cōveniendi ulla sit
futura facultas; nedum ut in ipsis fore
ullum præsidium miseris paratum exi-
stimare debeam. Ego ipse duobus exce-
pris viris optimis maximis, cæterorum
συνίπλιν ὁππότεραν esse, non semel sum ex-
pertus: οἱ μὲν γὰρ πρὶν ἔδιν εἶσι, πῆς δ' ἔδιν
μίλῃ. Regis liberalitas etsi non con-
temnenda, propter loci tamen, ut scis,
damnosissimi conditionem hæredes non
multum est adjutura. Est mihi libero-
rum parvus quidam populus: filios heic
in Dei timore, & literis curare insti-
tuendos, sine maximis impensis non
possum; filias si sperem conditiones
heic reperturas pro honestate familiæ
nostræ, quod præfiscinè dictum sit,
pro cerrito sim circumferendus: nam
quæ alibi luculentæ censeantur dotes,
cerdonum Parisiensium, & tomaclaria-
rum filias vix deceant. Hæc me cogi-
tare, & non minoris momenti quàm
istæ sint alia, quæ, ne longior sim, mis-
sa facio, pietas jubet & ἡ φρονήσις σφραγῇ.
Te igitur convenio, sapientissime Scali-
ger, teque per hunc tantum, quo me
dignatus es, amorem oro obtestorque,
velis ad ἀναρῆς punctum temporis finge-
re te, quasi hic sis, & agitatâ apud te
deliberatione istâ, consilium mihi im-
pertiri tuum; non enim vereor, ne cu-
jus consilii te habuero auctorem, ejus
me jure unquam pœniteat. Deus te
servet, fortunetque etiam atque etiam,
venerande Senex. *Lutetia Parisiorum,*
a. d. v. Eid. Quint. CIO 15 CV.

Eduntur heic aureola Opuscula tua,
quæ Labbæis fratribus, quum à te di-
scederent, tradidisti: eduntur autem
studio, fide & diligentia Caroli Lab-
bæi & Puteanorum fratrum; qui me
quoque urgent, ut proverbiorum mihi
observatorum centuriam aliquam eodem
conjiciam: id enim vehementer cupere
Typographum, cujus operâ utuntur.
Ego vereor, ne arrogantia crimen in-
curram, si meas quisquillas tuis marga-
ritis adjungere non erubescam. Quia *Ad hanc*
tamen videtur mihi ratio habenda vo-
luntatis optimorum adolescentum, si *respondet*
per te licet, frontem perfricabo. *Scaliger,*
lib. 11. Ire-
Ep. 111.
rum vale. *112.*

EPISTOLA CCCCLVII.

DAVIDI HOESCHELIO.

1605. **D**E libello Græco, quem dono à te accepi superioribus nundinis, ago gratias. Quàm autem mihi sint omnia grata, quæ à te proficiuntur, non est, quod pluribus tibi narrem: nam amorem meum in literas, & te quanti faciam, confido esse tibi notum. Ego tibi mittam proximo mercatu libellos duos; *De Satyrica Græcorum Poesi*, & *Romana Satyra*, de quibus jam nunc tuum iudicium opto cognoscere. Equidem si Dei benignitas nos propius junxisset, tu *κόμης* esses τῶν ἐμῶν λόγων: nam & ingenio parum fidimus, & ita distracti sumus quotidianis impedimentis, ut sanctè jurare possim, quæ edimus, citius propè prælo subjici, quàm sint à nobis mente concepta. Rapimur enim cupiditate discendi ad legendum potius quàm ad scribendum. De Procopio, gratissimum est, quod nuncias. Deus tibi, optime virorum, annos Nestoreos duit. Franciscus Pithæus habet excerpta τῶν Προκοπίου ἀνecdωτων, quæ in potestate olim fuerunt magni Pinnelli. Utram quidem librum integrum posset tibi parare nobilissimus Velserus: sed si id non potest, & Pithæana excerpta placet adicere, promisit ipse missurum, quando velles. Inveni his diebus in Regia Bibliotheca alterum Procopii exemplar, nisi fallor, melius aliquantò illo, cujus exemplum misi. Bavaricum, puto, utrumque nostrum superabit. Quicquid erit, in quo opera mea tibi poterit esse usui, *εὐαὐδα, μὴ κούσε νόμῳ*: omnia postponam, ut tuæ voluntati morem geram. Perge modò, *ὡς ἔλαχες πάντα κοσμήων*, quod fecisti hæctenus. Vale, & me ama. *Lutetiae Parisiorum, a. d. xvi. Kalend. August.*
CIC ID CV.

EPISTOLA CCCCLVIII.

HEBELO BRVNERIO.

1605. **Q**uantæ voluptati mihi epistola tua fuerit, Vir doctissime, vel ex eo cognoscas, quod eidem lectæ statim responsum hoc exaravi, quamvis occupatissimus: sed facere non potui, quin grati animi hanc cuiusmodi significationem tibi darem. Ago igitur tibi gratias ex animo pro ista humanitate, quam mihi exhibes. Noli enim dubitare, fuisse mihi gratissimum, ea intelligere quæ scripsisti. Pervenerat jam ad manus meas inscriptio libelli adver-

sus me scripti, quæ simul Autoris * 1605. nomen, & insignem ejus rabiem præ se ferebat. Miratus sum primò, potuisse reperiri hominem, qui nullâ injuriâ, non dicto, non factò à me provocatus, animi causâ stilum in me stringeret; tam violenter præsertim, tam furiosè, & *Ἀγέδαικός*. Mox tamen collegi me, & semel apud animum meum constitui, omnium canum latratus contemnere. Itaque neque legi, neque legam unquam scelesti illius vesana scripta: quid enim mihi cum illo? Serio tibi confirmo, nunquam fore ut obliviscar, hominem me esse, illum canem; neque in certamen adeò turpe sum descensurus. Erunt alii, erunt scio, qui meam vicem & ipsum & eos, quorum ille est emissarius, suis coloribus depingant. Ego si ad pugnandum convertam animum, paratum jam habeo majoris dignationis † Antagonistam, quicum in rerum pulcherrimarum disquisitione me exerceam. Verùm hæc *οὐδ' ἐν γύμνασι καται*. De itinere, quod in Græciam & Asiam cogitas, gratum fuit ex te cognoscere: atque ego Deum veneror, ut te servet, & incolumem ad nos reducat. Non dubito; fore tibi aliquam vel Romæ, vel Constantinopoli occasionem proficiendi in Arabicis; si minus quantum cupis, certè quantum alibi non potuisses. Scis eo in genere nullam rem æquè desiderari ac Lexici alicujus auxilium: nullum enim adhuc est editum. Josephus Scaliger, vir divinus, & quem soli spernunt hostes literarum & veritatis, ingens opus confecit; sed de cujus editione quid sperare possimus, nescio: imò hoc potius metuo, nullam admodum tanti thesauri fruendi spem nobis superesse. Ego autem miratus sum persæpe, qui factum sit, ut viri magni, qui eam linguam illustrare isthic ceperant, ab incepto destiterint: quod sanè non oportuit factum: & oro te, si quid potes, accende viros doctissimos, quos tibi notos jam esse non dubito, cupiditate operis perficiendi. De Laurentio Archiatro, viro clarissimo, memor ero, ut si potest fieri, tuis commodis aliquo modo consulatur. Vale, & scribe, ut cœpisti. *Lutetiae Parisiorum, a. d. vii. Kalend. Sextil.*
CIC ID CV.

De Hortomanno quæ isthic jactantur, falsa esse scito. Ille in eadem mecum domo habitat, & mihi intus & in cute est notus.

EPISTOLA

EPISTOLA CCCCLIX.
CONRADO RITTERS-
HUSIO.

1605. **S**alvæ sunt, quas periisse putas, epi-
stolæ ad me tuæ, quarum novissi-
mis literis mentionem facis, omnes, ni
fallor. Serius quidem, sed tamen ac-
cepi tandem: pro quibus omnibus sa-
tisfaciam tibi, ubi primum orti aliquid
fuero nactus. Nunc enim raptim, &
sanè quàm occupatus *πλουτέπως* pauca
hæc ad te exarabam. Ago igitur tibi
magnas maximas gratias, pro jugi hac
nostri recordatione & frequenti scrip-
tione, quæ eò magis obnoxium tibi me
facit, quò minus per occupationes haf-
ce meas paria tecum in hoc officii ge-
nere possum facere. Mihi crede, si de
tuis commodis ageretur, omnia missa
facerem, ut animum meum tibi proba-
rem: nunc quo sum de tua erga me
benevolentia certior, eò minus laboro,
ut scriptione literarum fidem meam ti-
bi probem: quod semel dicendum mi-
hi fuit, quia sæpe accidit, ut neglecti
officii huius jure me possis reum face-
re: *καὶ πάντα μὲν ταῦτα*. Carmina tua
accepi, credo, omnia, legique magna
cum voluptate: etiam illud, quod non
ad me, sed ad communem amicum mi-
seras *εἰς τὴν θεοσυγχῆς λαϊκότητος*. Vidisti,
puto, Amphitheatrum, * quod aliquis
eorum composuit. Non quæro de eo
libro iudicium tuum: non ita malè te
novi, ut probari tibi posse putem ulla
ex parte nefarii hominis [scimus quis
ille sit] partum, blasphemis in Deum
& in constitutos à Deo Reges plenum,
in omnes bonos contumeliosissimum.
Hæ sunt artes Cerbereæ illius familiae,
quam non pudet *τρισάγων* illud nomen
usurpatione sua contaminare. Nam
quid homines *ἀλάστορας* movit, cur in
magnum Scaligerum tanta cum *ἀναι-
σχωτίας* *ὑπερβολῇ* invherentur? Me ve-
rò quòd nominatim traducere tanti pu-
tarunt, non pluris equidem facio, quàm
olim Socrates asinum *λαυτιζοντα*. Hoc
doleo, non eo loco esse me, ubi pos-
sim *μετὰ περρητίας* literarum causam ad-
versus hanc pestem defendere. Est mihi
cum Frontone Ducæo, ejus quidem
φρατρίας viro, at non eorum morum;
& præterea doctissimo, familiaritas ma-
gna. Is juxta mecum Auctorem libri,
vel potius Auctores & approbatores
abominatur execraturque. En, mi Rit-
tershusi, infelicium temporum diram
sortem! quando veritas non cuniculo,
sed palam oppugnatur; mendacium pu-
blicos professores habet; maledicere

* *Henrici
Caroli
Scribanii.*

Deo hominibusque, rixas ferere in bel-
la mox erupturas, pietas censetur; *καὶ
ὁ καὶρος εἶπαι*, *Ναὶ ἔρχεσθαι*, *Κύματα* hæc
enim sola bonis spes & consolatio re-
lictæ. Quam petis Thuanæ Historiæ
partem, habebis cum mantissâ: tota
enim priore illâ formâ hic cuditur in
folio, uti vocant. Totam mittemus
mandatu Thuanî, ubi fuerit editio ab-
soluta. Cum totam dico, omnia dico,
non quæ scripsit Thuanus, sed omnia
quæ sperare possumus, eo vivo editum
iri. Multorum enim annorum Histo-
riam prius editis nunc adjicit *ὁ θεομύ-
στος* *ἐπὶ τῷ ἔργῳ* annum tamen LXXII.
non transcendit, ne absolvit quidem.
Is te amicissimè salutat, & unâ tecum
clarissimum virum, Scipionem Genti-
lem, cui brevî & scribam, & opuscu-
lum mittam, in quo sum nunc totus,
*De Satyrica Græcorum Poësi, & Ro-
mana Satyra*. Exspecta etiam tu exem-
plar unum, & me *ἀγαπῶν φίλῳ*, *μάλ-
λον δὲ ἀντιφίλῳ*. Scripsi raptim, *Lute-
tiæ Parisiorum*, *proprid. Eid. Sextil.*
C10 10 CV.

EPISTOLA CCCCLX.
JOSEPHO SCALIGERO.

Quod rarò memini accidere, nunc 1605.
evenit, ut ternas à te literas ac-
ciperem, priusquam ad respondendum
me accingerem: causæ cessationis in-
solitæ, plures ac varîæ, quarum com-
memoratione supersedeo. Libellum *χρῆ-
νικόν* accepisse te cum aliqua voluptate,
incredibilem in modum gratum mihi
est. Scio, quantum tibi omnes boni,
quantum omnes literarum studiosi de-
beant; postremò quantum ipse, qui si
aratem tibi inserviam, omnia tua iussa
exequens, nullam tamen partem tuo-
rum in me meritorum fuero assecutus.
Denique quod pater filio, hoc tu mihi
es; quod devinctissimus cliens optimè
merito patrono, hoc ego tibi sum. Po-
test fieri, ut quod fui hætenus, inuti-
lis tibi sim etiam porrò: ingratus ut
sim, & parum intelligens officii mei,
hoc verò, dicam audacter, fieri non
potest:

*Non obtusa adeò gestamus pectora
Pæni.*

De quæstiunculis meis, quòd illas mihi
expedieris, immortales ago tibi gratias.
Provocat me tua benignitas, ut ne du-
bitem tibi interdum esse molestus. Sex-
centa sunt in Arabicis, in Annalibus
mythistoricis, imò ubique, quæ levi-
ter à te adjutus aut intelligere, aut
emendare possim, nisi fallor. Nunc
H h 3 quia

1605. quia capitale illud ingenium, quo excellis, nobiscum non habitat, cum turba jactamur incertis opinionibus: sæpe etiam, de quo non dubito, decipimur specie veri. Judicio tuo de Theveri laudatoribus subscribo lubens: & profecto aliter nunquam judicavi. Quam multa possem asserere argumenta? Neque de literis solum loquor; in quibus parum videre si crimen ducerem, miserimum mortalium me crederem. Sunt alia, quæ facio longè pluris. Noli putare, offendi nos convitiis Loiolitarum; ut ex iis, quas hodie accepi, videor colligere à te judicari. Ego verò quid dicant homines *θεστυγῆς*, susque deque habeo; abstineant modò manus humani sanguinis avidas: quod quidem

Deo Opt. Max. permittimus. De cognomine Burdenii, etsi legeram quæ scripta sunt in illa divina epistola de *αθανασιατάτῃ* parentis tui vita, lubentissimè tamen quæ à te sunt scripta, legi, & amicis ostendi legenda. Equidem vix putaram cadere in humanum ingenium tantum sceleris, & *κακοῦθειας* *ἀλαβόλη* posse: apparet enim studio plurimum inventum, & sparsum id mendacium; cuius architecti illi Itali, aut Italici *ἐκ ὀνμασσι* omnes omnium sæculorum sycophantas malignitate longè superasse mihi videntur. Exstat in Bibliotheca, Pseudo-Callisthenis Historia Rerum Alexandri. Observavi hoc *μύθημα* totidem ferè verbis in Ebræum sermonem versum à Pseudo-Gorionide, * & sanè cum voluptate quædam contuli, multaue in textu etiam Italico emendavi; præsertim virorum & locorum nomina. Admiror verò imposturam. Habeo librum, qui inscribitur, *דברי ספר* † quem à te non invenio laudatum: puto tamen tibi visum; est enim Basileæ editus. Uteris meo, cum voles: sed vercor ut sit tantis pleraque enim alibi legi. Eusebiana tua propè jam convitiis à me flagitantur: atque utinam brevi tanto fruamur thesauro. Vale, illustrissime Scaliger. *Lutetie Parisiorum, a. d. xviii. Kalend. Septemb. c15 15 cv.*

* Suprà,
Epist.
cccclvi.

† Liber
Piorum,
eius
author
R. Samuel.
Clarus
anno
Christi
1180.
Colomes.

Ad hanc
respondet
Scaliger,
lib. 11.
Epist.
102.

EPISTOLA CCCCLXI.

DANIELI HEINSIO.

1605. Ita planè est, suavissime Heinse, *ἡγάριον* tibi debeo propter nuntiatam mihi editionem Canterianæ *συλλογῆς*. Deus bone, quem tu nobis eruditionis thesaurum dabis? Athenarum penè totum id opus continebit; sic enim, velitis nolitis, instituti ratio postulat. Oro igitur te, obsecro, obtestor, nihil præ-

termittas, quo possit optimo Scriptori 1605. consuli. Tres isthic viri estis, qui pares futuri vel singuli oneri, quamvis magno; nunc operis junctis quid non præstabitis? te dico, nobilissimum Canterum, & *τὸν ὑπερμεγαν* Heroem nostrum *, qui etsi gravioribus curis honoras suas impendit; tamen vel succisivis temporibus ea inveniet, quæ omnes simus jure miraturi. Si quid igitur preces meæ apud te valent, editionem operis pulcherrimi urge, & omnibus modis adjuva. Postea idem à te contendemus de opere à magno Doufa instituto; cuius manibus hoc officium debes, ut sis ipse ejus editionis *ἐργαστήριον*. Dum in his occupaberis, & consuetudine illius semonis, quem ego & tu pari reverentiâ colimus, frui poteris, non video, ut ingenuè & amicè, quod sentio, tibi aperiā, quid sit cur alibi quàm isthic esse malis. Et profecto longè falleris, si putas heic te reperiturum aliquid, quod vel ad paucissimos dies levare tibi desiderium queat eorum, quæ domi reliqueris. Novit clarissimus Baudius, quàm hic literæ frigeant; quàm pauci rectè de illis judicent. Unica est Regia Bibliotheca tuis oculis dignissima; quæ si heic sis, æquè patebit tibi ac mihi. Sed quoties venit in mentem, quàm utilem istic Reipublicæ literariæ operam naves, quæ docendo, quæ scribendo; etsi cupiditate tui videndi incredibili sum incensus; quia tamen *ἰερὸν ἢ βουλὴ*, non possum tibi author esse, ut prius istinc pedem efferas, quàm illa perfeceris, quæ præ manibus nunc habes. Sin aliter animo sedet, hanc meo quodam jure legem impono tibi, ut nullum aliud, Lutetiam ubi veneris, prius ingrediaris hospitium, quàm meum. Notissima est Franciscanorum *λαύρα*, in qua regione habito propè ædem illorum. Maximum Tyrium, ubi est otium, confero; & proximis literis quæ inveni, haud sanè ita multa, mittam. Vale, nobilissime juvenum, & me constanter ama. *Lutetie Parisiorum, a. d. xvi. Kalend. Septemb. c15 15 cv.*

* Josephus
Scaliger
tam.

EPISTOLA CCCCLXII.

CLAUDIO SALMASIO.

PRIMÆ, quas post tuum à nobis discessum accepi, illæ fuerunt, quas ante paucos oppidò dies mihi tradidit Gilbertus noster. Utinam verò possim verbis exprimere, quàm gratæ illæ mihi fuerint, & quia valere te, ex illis cognovi, & quia profectum in literis tuum ex iisdem magis magisque perspexi. Hactenus

1605. Stenus enim quid in pangendis Græcis Latinisque versibus posses, præclare ostenderas; nunc verò ad solidiorem eruditionem accedere te, & jam aliquid meditari, quod posterì loquantur, incredibili cum voluptate ex tuarum lectione intellexi. Quæ de Callimachi editione scribis, nihil plebejùm sapiunt: at quæ in Athenæum sunt à te animadvertita, ita me Deus amet, ut mihi fuerit grata, & *δοκίμα* sunt visa. Quare te horror atque adeò obtestor, pergas in illa te exercere palæstra. Nec te moretur, quod aliquid ipsi occupavimus; plus enim veræ laudis ex spicilegio te manet, quam ipsi opere tam longo sumus adepti. Ego ingenuè tibi fateor, emendationes tuas primâ specie statim mihi se probasse; magis autem, cum ex intervallo illas relegi. At non est profectò cujuscvis, Græcos Auctores emendare; nec omnes *κατακριν* *βίβλα* habent; sed pauci, quos Jupiter æquus amavit. Miserunt ad me multi suas observationes in eundem Auctorem, post nostrorum editionem. Sed, Deus bone, quàm frigida aut absurda nonnulli? Iterum igitur te convenio, & ut pergas, quo cœpisti, pede, etiam atque etiam te vehementer oro. Deus te servet, charissime Adolescens. Clarissimum parentem * à me jubebis salvere, ni grave est. Vale. Lutetiae Parisiorum, pridie Kalend. Septemb. CIO IO CV.

* Benignum Salmasium, Scholasticum Diononensem, cujus extas Dionysii Periegesis, carmine Gallico accuratè expressa. Colonies.

EPISTOLA CCCCLXIII.
JOSEPHO SCALIGERO.

1605. ** JE ne sçay que diront les Doctes de par de là de mon livre: † mais pourveu que in tam jejuna & scholastica scriptione, vous y ayez trouvé quelque chose à vostre goust, ce m'est assez. Unus enim tu mihi *ἀντί μωρίων*. Si je jouissois de pleine liberté, vous sçavez, à quelles estudes je me plairois. Escrivant ce mot de preface qu'ay fait, je ne sçay comment ma plume s'est esgarée à dire un mot de ce Satanique livre ‡ que m'aviez donné, & qui est maintenant entre les mains de Monsieur de Rosny: d'autant que le Roy en ayant ouy parler, il avoit esté instruit par son Cotton, que tout ce qu'on en disoit, estoit faux, & l'a hardiment soutenu Jesuiticâ fronte à Monsieur Servin en presence de sa Majesté. Tellement, que si mon livre, qui des long temps croitait par la ville, ne se fust en fin trouvé, la verité estoit mesme en cela triomphée. Tant ces bons peres ont familier de combattre pour le faux; & qui pis est, vaincre en defendant le mensonge. Je n'ay voulu dire

‡ Amphitheatrum Horatii.

qu'un mot, & ce touchant les lettres, 1605. laissant pour le present ce qui est le plus abominable en cet escrit là, lequel je desire de sçavoir, si on a tellement supprimé, que les fautes de Erasme ne doivent rien grossir. Il importe, ce me semble, que ce monstre là soit veu de tous, pour faire cognoistre ces Peres. Je vous envoie une esprenue du Polybe, afin que sçachiez, que c'est à bon escient que m'y suis mis. Si Dieu me donne vie & santé, je ne cesseray, depuis qu'une fois il sera sur la presse, que n'aye achevé: ayant enfin resolu de devorer ceste fâcherie de faire une version, laquelle j'espere donner fidele, si elle n'est ornata aut calamistris inulta: ce qui pourra se faire à une autre edition, si Dieu le veut. Je me remets du tout à vous, pour faire ma condition la meilleure que pourrez, avec Monsieur de Marne: le travail est grand à la version, plus grand sans comparaison aux annotations; ausquelles quittant presque tout ce qui est de Grammaire, je suis resolu de monstrer l'usage scientia civilis en la lecture des Histoires. Brief, si je ne me trompe, ce sera un livre de ce temps. * De Paris, le xxxi. d'Aoust, CIO IO CV.

EPISTOLA CCCCLXIV.
EIDEM.

** N Ous n'avons veu icy entores au-1605. cun livre de ceste foire, si non la responce de Serarius, qu'avez envoyé à Monsieur de Bordes, qui a servy pour plusieurs communs amys. Je l'ay devorée soudain, non sans y apprendre des choses que je ne sçavois pas, desquelles la plus véritable & plus notable est, que Henricus Stephanus fuit gener Calauboni: adeò fibulatis patribus etiam, ubi nihil intererat verum dicere, mentiri solemne est. Ceux qui liront cela, me cuidoient plus quàm senem depontanum. Je croy que tous ceux qui verront ce magnifique livre là, s'ils ne sont diaboliquement enforcelez, come celui, duquel m'avez escrit, ils jugeront aisement, quid distent ara lupinis. J'y recognoy une grande finesse: car afin que les livres de Monsieur Scaliger & Drusus ne soient leus par les leurs, il infere dans le sien tout ce qu'il a jugé de plus beau & rare. C'est un *Λαϊοδύτικὸν ἑρμηνεύμα*, cæteris simile. Je prie Dieu que ces bonnes gens là me laissent en repos: ou s'ils ont à m'attaquer, qu'ils me donnent loisir d'achever le Polybe, qui à present me tient tout occupé à soy. Croyez Monsieur, l'assurez à tous, quibus hæc curæ, que je ne cesseray, si Dieu le veut, avant

1605. avant que j'aye mis fin à ce labeur, duquel je commence à veoir la grandeur & difficulté, que certes nul devant moy, n'a, que je sache, gueres amoindrie.
* Kalend. Octob. CIO IO CV.

EPISTOLA CCCCLXV.

GEORGIO MICHAELI
LINGELSHEIMIO.

1605. **E**ssem fortasse veritus, Vir sapientissime & nobilissime, eruditus oculis tuis librum *ἑνδαδὸν* objicere, quem hec recens edidi; nisi cum ex aliis tuis, tum maximè è novissimis, quas à te accepi, certò cognovissem, non improbari tibi genium scriptorum nostrorum. Nam qui Persianam lucubrationunculam facias tanti, ne hunc quidem, opinor, ingenioli nostri fœtum penitus aspernaberis. Eâ spe mitto tibi, quæ de *Satyræ Græcorum Poesi, & Satyræ Romanæ* nuper scripsi; tenue, ut vides, argumentum, & scholasticæ doctrinæ, in quo tamen tractando mihi ipse indultus, neque prolixitatis crimen reformidavi. Qui nomen oderunt nostrum, *ἀνδολογίαν* esse hanc interpretantur; amici fortasse, *ἀκρίβειαν*. Id enim egimus, ut quantum per angustias temporis, quod nobis ipsi præscripseramus, liceret, non multa missa faceremus, quæ ad propositi argumenti illustrationem spectarent. Multi anni sunt, cum multos Antiquitatis locos pari, aut majori etiam diligentia illustrare conati sumus: sed admonet nos hæc ætas, ingravescere jam incipiens, ut hoc genus amœnitates, quæ ne antea quidem nimis me capiebant, nunc etiam fastidiam. Quod si stili libertatem haberemus, testor Deum immortalem, Vir nobilissime, nullum fore genus studiorum, quod meas omnes curas sibi vindicaret, nisi illud, ad quod gravissimâ oratione nuper me hortabaris. Memini audire sæpe à parente meo, viro insignis pietatis, optare se, minimum quid in eo genere potius præstarem, quàm aliud quidvis in aliis literis, quantumvis *πλεον*, aut magnum. Hæc illius vox quotidie auribus meis insonat, gliscitque indies in animo meo ingens desiderium, symbolam aliquam eo conferendi, pudetque me, cum videam, quâ contentione mendacium multi cant defensum, non parem alacritatem & animi contentionem ad veritatis propugnationem pro mea virili à me asserri. Quod si aliis prodesse ea in parte non possumus, nobis certè ipsi non desumus, neque quicquam lubentius facimus, quàm ut in cognitione

τῆς ἐκκλησιαστικῆς ἀρχαιολογίας quotidie 1605. proficiamus. At vir divinus, Josephus Scaliger, quantus etiam in hoc eruditionis genere esset, edito nuper in *Serarium* libro luculentè probavit. Deum immortalem! quam multa tantulus liber rara, exquisita, ignota aliis continet? Quid igitur de Commentariis Eusebianis sumus dicturi? quo opere venerandus senex secum ipse certavit, & priores vigilias, si posset fieri, voluit superare. Et negabit quisquam mortalium *οἷον πίπνοσθαι, τὰς δὲ σκιάς ἀισθῆσθαι*? non tu certè negabis; cujus judicium de tanto Heroë lubens legi in postrema epistola tua. At isti Amphitheatrorum nuperi Scriptores, si veritatem non odissent, & *ἀσπενδὸν πλεον* illi non indixissent, Scaligerorum nomen venerarentur cum omnibus bonis. Deus & illum, & te Reipublicæ literariæ quàm diutissimè fervet incolumes. Vale. *Lutetiae Parisorum, Kalend. Septemb. CIO IO CV.*

De libro Arabico * illustrissimi Principis, cujus usuram mihi impetraſti, quod id effeceris, ut prorogaretur *ἡ Σατ. ΙΥ. vers. 21.* *προθεσμία*, & præfixum utendi tempus, immortales ago tibi gratias. Utar, & bonâ fide reddam.

EPISTOLA CCCCLXVI.

MARQUARDO FREHERO.

DE libro tuo eruditissimo super Re 1605. monetaria immortales tibi ago gratias. Sed Pomponium tuum scito nos exspectare quàm cupidissimè; atque adeò oramus te, ut cum primum nactus fueris otium, id opus cum studiosis nominis tui ac scriptorum communices. Nos superioribus diebus Commentarium scripsimus simul ac publicavimus, quo Satyræ & Satyræ rationem ac differentias uberius, ac nisi fallor, *ἀκρίβειαν*, quàm esset à quoquam adhuc factum, explicuimus. Eum librum tibi mittimus, petimusque à te, ut semoto affectu, tuum de ea scripture judicium nobis aperias. Habemus alios quàm plurimos Antiquitatis locos, pari, aut longè etiam majori diligentia tractatos, quos fortasse aliquando publicabimus, si tamen tanti facturi sumus, aut possumus à nobis impetrare, ut ad poliendas veteres illas curas meliora studia intermitteramus. In Polybio nunc sumus, ad quem illustrandum eo animo accedimus, ut civilis scientiæ usum simul doceamus; hoc enim à me exigunt, qui jubere possunt, vel potius, quibus non parere nefas. Amphitheatrum Lojoltarum vidisti. Ego ita sentio, interesse Reipu-

1605. Reipublicæ, ne eximatur hominum oculis tam insigne monumentum Jesuiticæ impudentiæ, *συκοφαντίας*, impietatis erga Deum, contumeliæ in Reges ac Principes; furiosi denique odii, quo literas & virtutem persequuntur *οἱ ἀλάστορες*. Non dubito tibi quoque idem videri. Heic certè optimus quisque etiam inter Catholicos, uti vocant, plurimum & librum, & libri patres abominatur. Itaque qui hic sunt ex illa familia, mentiri nescia, deos deasque dejerant, * non se, neque suos tam abominandi libri esse Autores; verum istos nequam Hæreticos, qui verecundæ familiæ atque probissimæ invidiam voluerunt conflare: & cum astu illorum omnes libri essent subducti, tum frontem perfricuerunt, & apud Regem fortiter negarunt, vel talem aliquem librum fuisse scriptum, vel in eo quicquam eorum legi, quæ vulgò jactarentur. Quid multa? *ψευματοποιοὶ* homines sunt: adeo facilè est ipsis efficere, ut ne sit factum, quod factum est. Hæc principia quò tendant, non te fugit: sed τὸ μέλλον Deo permittamus. Vale. *Lutetiae Parisiorum, Kalend. Septemb. 1610* 15 CV.

* Vide
suprà.
Epiθ.
ccccxiii.

EPISTOLA CCCCLXVII.

CONRADO RITTERSHUSIO.

1605. **N**on dubito accepisse te, quas ante mensẽ, & quod excurrit, ad te misi. Itaque de magni Thuani in te affectu, & desponso tibi exemplari ejus Historiæ, cum fuerit absoluta, quæ nunc cuditur editio priore duplo auctior, de his, inquam, & cæteris, quæ proximè scripsi, nihil jam dicam. Te potius orabo, ut munusculum non magnæ rei, quod tibi mitto, Syntagma quoddam nostrum de Satyrica & Satyra, *περί τῶν θυμῶν* accipias. Argumentum quàm sit jejunum vides; quod tamen prolixè & accuratè tractavimus. Non deerunt scio, quibus ἢ ἐν ταῖς ταῖς *ἀνεχβολογία* videatur esse supervacua: ego tuam & paucorum solidè eruditorum sententiam exspectabo, assensurus haud dubiè, quæcumque in partem pronuntiatum à vobis fuerit. Sexcenta talia argumenta, sive Antiquitatis communes locos habemus affectos; qui modico labore poliri, atque in publicum protrudi quirent, si tanti mea facerem, ut illa publicari, Reipublicæ literariæ magnopere putarem interesse. Sed enim, mi Rittershusi, vita, quam hic vivimus, propter frequentes occupationes, non multas horas ad studia succissivas nobis

reliquis facit. Nos autem ita natura sumus comparati, ut discere quàm docere, legere quàm scribere longè malimus. Verumtamen, quoniam per amicorum *καλέσματα* nobis non licet esse negligentibus, excitabimus ipsi nos, & juventuri studiosæ prodesse contendemus. Nunc, quod Deus fortunet inceptum, in Polybio sumus; brevi, ut speramus, prelo magnum illum Scriptorem subjecturi. Dabimus hoc publicæ utilitati, ut Auctorem hunc Latinum faciamus; magno sanè aliarum nostrarum curarum haut paullò graviorum damno: sed obdurandum est; aleam enim jecimus. Fidei, credo, in hoc negotio litabimus, securi de elegantia & calamitris, quos ii curent, qui otio abundant, si volent: ego ad alia propero *ἐπὶ ὁ βίβλ. βραχύς*. Notæ uberiores erunt, & si possumus, non inutiles iis, qui notitiā Antiquitatis oblectantur. Isidorum tuum strenuè edi, partim ex tuis cognovi, partim ex literis clarissimi viri, Georgii Remi. Is nuper scribebat, ita assiduum esse te in opere Musico, ut *ἑπικουφὸς τῆς βιβλίου νύκτας π καὶ ἡμέρας πάντα* laborandi finem nullum facias. Quid tibi vis, mi Rittershusi, cur te is perditum? cur non te respicias? Quin exemplo utere porius meo, qui postquam huc veni, & minus in studiis assiduus esse cœpi, factus sum *ἰρριμώτερος καὶ ὑγιέστερος* quàm essem prius. Tu quoque, ut quod agis, diutius agas, age remissius, & valetudinem tuam sedulo cura. Scripsi nuper, nullas tuarum videri periisse, quas à mensibus sex septem mihi scripisti: nam & illas accepi, quibus erant Oppiani flores adjecti, cum Latina interpretatione tua; qui liber tuus, si ullo modo heic edi poterit, non deero mihi, quando placuit tibi eam lucubrationem tuam pulcherrimam meo nomini inscribere. Sed ad talium editionem mirè hic frigent Typographi nostri, quæ gens τῶ καλῶ *περί τῶν ἀποταξάνων*, nisi lucrum præsens aliud nihil curat. Accepi verò à te multò antè literas, quibus de Isidori aliquot locis me consulebas: iis literis nunc, quia antè non licuit, paucis respondebimus. Rectè emendatum est à te frustum illud ex Epigrammate in Archidicen, quod in editione Parisiensi non semel corruptum legitur. Habetur integrum Epigramma apud Thucydidem, lib. vi. * Cap. 59. unde disci potest, quod de Archidica ista scire cupis. Fuit & Archidica nobile scortum, de qua Herodotus † & cap. 138. Athenæus ‡; sed quæ nihil ad hanc tuam. Illud autem Epigramma esse à Simonide compositum, didici ex Aristotele, §.

* Cap. 59. Archidica.

† Lib. 11.

‡ & cap. 138.

§ Lib.

xiii. cap.

7. pag.

596.

1605. *Stoicle, Rhetor. lib. I. cap. IX. Quem vocas Hymnum in Plurum, Hymnus non est, sed Scholium συμπεπνιν, alibi quoque mihi lectum; et si locus nunc non succurrit. Lex Solonis, quam quæris ad illustrandam Epistolam c c x v. lib. I I. à Plutarcho tangitur in ejus vita; nam planè eadem est sententia istorum: τὸ παιδὴναι ὡς τὸ βέλπεια εἶναι ἡγῆται & βλασθῆναι ἀλαφίαν.* hoc solum differunt, quòd minus dicit Plutarchus quàm tuus Scriptor. Quæ ad παιδείας Persarum spectant, non dubito defumta è libris Xenophontis: quibus similia etiam apud alios de disciplina Persica invenias. Regis apophthegma, qui utilitatem ἐπίσω χαρῶσαι sequebatur, legisse memini: ubi legerim, nunc non memini. Hæc ferè erant, quæ ad ζητησώδεια tua responderem. Vale, Vir eruditissime, & me constanter ama. *Lutetia Parisiorum, Kalend. Septemb. CIO IO CV.*

EPISTOLA CCCCLXVIII.

GEORGIO REMO.

1605. **T**hemistium esse tandem à te editum, Vir doctissime, majorem in modum gavissus sum, postquam ex tuis id cognovi. Amo illum Scriptorem propter eloquentiam, doctrinam & candorem erga Orthodoxos, quantumvis esset ipse à fide alienus. Utinam hunc animum afferrent ad controversias nostras, qui pietatis magni Magistri volunt haberi. Ego sic naturâ factus sum, ut cum in omnibus veritatem solam putem spectandam, quæ omnium animi perturbationum est inimica; tùm in rebus Religionis pati non possum eos, qui dum studio veri se duci volunt videri, adversus verum portentosa fingunt mendacia: quo in genere quantum Θεοσυχῆς illi excellent, quos extremâ epistolâ tuâ designabas, nemo potest ignorare. Eisdem auctores esse harum turbarum, quæ Germaniam vestram nunc maximè agitant, faciliè assermantibus viris probis accredo. Qui illos Deus Opt. Max. aut ad meliorem mentem revocet, aut κακὸς κακὸς perdat. In notis tuis, quas non dubito eruditionis μύστας fore, si quid fortè invenero, quod negotium facessat, de eo scribam ad te seriò ac sine mora: non quia putem me aliquid inventurum, quod te fugerit; sed ut voluntati tuæ hac parte morem gerens, ad simile officium mihi præstandum, te provocem; quo nihil mihi gratius unquam fuerit. Vale. *Lutetia Parisiorum, a. d. 11. Non. Septemb. CIO IO CV.*

EPISTOLA CCCCLXIX.

DANIELI HEINSIO.

Constitueram nihil ad te literarum 1605. prius dare, quàm possem τὰς ἀλαφίρας γραφὰς Maximi Tyrii mittere. Sed cum nuper Beisio, nostrati Bibliopolæ, exemplar unum tradidissem libelli recens à me editi, quo illud tibi perferendum curaret, facere non potui, quin de ea re te certiore facerem, ut si videbitur, à Raphelengio librum illum petas. Videbis, quod nuper scribere memini, nihil quicquam esse prætermisum à nobis, quod de proposito argumento notum haberemus. Et tamen sanctè jurare possum, nullam unquam scriptionem ita mihi inter manus crevisse, atque hanc: nam initio ἀδολεσχίας in Persium eam fore existimavi hypothesein: deinde cum sententiam mutassemus, unâ, & quidem mediocri, Diatribâ rem posse absolvi autumabamus: tandem quò processerit ἀδολεσχία nostra, vides. Utinam verè possem hoc abs te impetrare, ut tuum de ea lucubratiuncula iudicium, & magni Herois nostri proximis literis mihi significares. Habeo quàm plurimos Antiquitatis locos, accuratiore diligentia in meis adversariis expositos, de quorum editione nihil adhuc constitui. Sed à vobis admonitus, iudicium vestrum libenter sequar, siue authores fueritis, ut in hoc genere scribendi pergam, siue contrahenda nobis vela esse existimaveritis. Hoc igitur magni beneficii loco à te peto, ut eum me credas esse, qui non simulatè, verùm planè ex animo proficiendi causâ doctorem de nugis meis iudicia exquiram. Vale, & scito promissi memorem fore me, ubi primum otii aliquid fuero nactus: nunc quidem occupatissimus eram. *Raptim. Lutetia Parisiorum, Non. Septemb. CIO IO CV.*

Tradita sunt Beisio sex libelli nostri exemplaria, quæ velim à Raphelengio recipias, & illis tradas, aut perferenda cures, quibus sunt inscripta. Ad Meursium nostrum scribere nunc non licebat; neque ad Johannem Drusium: verumtamen quæ missa illis sunt exemplaria, nisi grave est, curabis; & me apud doctissimos viros excusabis. Scribam proximâ occasione, volente Deo. Iterum vale.

EPISTOLA

EPISTOLA CCCCLXX.

JOSEPHO SCALIGERO.

1605. **H**eri, cum esset apud me Labbæus noster, tuas accepimus cum versione Mimorum Publianorum. Doluimus ambo majorem in modum, non aliquantò prius cum fasciculum fuisse nobis redditum; nam voluntati tuæ gestus mos esset à Labbæo, qui amore tui flagrantissimus, jussa tua exequi, instar putat esse regni. Sed vetus illud non te fugit:

Μόνος δὲ τούτῃ καὶ Θεὸς στεῖλκεται,
 Ἀγνήτῃ μὲν ἔσσι' αὖτ' ἡ πηγαία.

Quare nolim te indignari, aut molestè ferre, in tuo negotio idem accidisse: nam aliquantò antè quàm de tua voluntate constaret, erat tuorum pulcherrimorum Poëmatiorum absoluta editio: neque hoc solùm, sed pars quoque Francosurdum missa; ut infecta fieri res non posset. Ego non video, cur de eo multùm debeas esse sollicitus, nam procul dubio brevi corrigeretur, quicquid heic peccatum fuerit; si tamen peccatum dici potest, quòd Pithœanam potius quàm Gruterianam secutus sis editionem. Æqui judices nunquam plus à te exigent, quàm ipse ultro offeras; & erit, si quid intelligo, in iis, quæ edita sunt, plus satis quod mirentur & stupeant harum rerum intelligentes. Equidem quæ heic cusa sunt, summâ attentione legi, ut typographica errata colligerem, in quo eâ fide sum usus, ut non putem apicem unum prætermisum, qui emendationis opus haberet. Sed vereor, ne diligentia mea Typographum offenderit; nondum enim potui impetrare, ut illa ederet, quæ adnotaveram. Heri ad ipsum adii, ut cum eo hanc injuriam expositularer; sed quid profecerim, nondum scio. Optarem placere tibi, ut omnium tuorum id genus Opusculorum accurata editio heic cuderetur: ego *ὑπεδιδύμετος* ero, & ut cum dignitate opus prodeat, sedulò efficiam. Si placeat consilium, leges præscribere, tuum erit, quas exactè servatum iri spondeo. Ingolstadiensem, quam narras, editionem nondum vidi; & miror, quâ fieri possit, ut nihil te in literis fugiat. Gestit animus, si per te licet, posteris testatum relinquere, quanti ipse faciam tua hæc *πίστερα*: nisi quod pudet me ingenii culpa tuas laudes iri detritum: itaque metui, ne *πείρηξις* meâ te offenderem. Sperabam ex prioribus tuis,

brevi Eusebiana tua esse proditura: 1605. nunc, quum scribas, multum superesse viæ ad metam, vehementer doleo, adeò longè abesse me, ut exoptatissimo illo thesauro fruar. Deum oro, te servet incolumem, & pares tantis laboribus vires largiatur. De Vettio, Valente, quem ais * descripsisse manu propriâ, velim, nisi grave est, plura ex te cognoscere: nam hoc uno excepto, quòd Astrologicum scripsisse invenio observatum, cætera de eo Scriptore planè mihi sunt ignota. In Bibliotheca nihil adhuc occurrit dignum, quod tibi mitterem: non enim puto desiderare te *ἡ νόμιμα* quædam de Ratione Anni, quæ nihil non plebejum continent. Eruditiora si quæ sint, quæram, & faciam te certiorum. Quæ scripsi de *Satyrica Græcorum, & Satyra Romanorum*, mitto tibi. Sex ejus libri exemplaria Beisio tradidi, qui confirmavit, paucis diebus te illa habiturum. Inscripti amicorum nomine, quibus velim cures perferenda. Scio non solere tibi accidere ingratas nostras nugas; sed oro te & obtestor, maxime virorum, si oculos in eum libellum conjeceris, censorem age, & me mone; adjeceris prioribus tuis in me meritis summis ingentem cumulum, fecerisque mihi rem longè gratissimam. Constitueram extremo libro *ἄντι ὀφθαλμοῦ* adjicere locum è tuis in Manilium Commentariis †, ubi de Satyra disputas, cujus suo loco facta est à nobis mentio: sed nescio quomodo id folium prius editum est, quàm ego animadverterem. Nunc ad Polybium animum seriò convertimus; si quidem ita Deo placuerit, ut ad operis illius absolutionem vita superet, & publica hæc tranquillitas maneat. Vale. illustrissime Vir. *Lutetiae Parisiorum, Non. Septemb. 1605.*

Oro te, judicium tuum mihi scribe de lacunis ab Ursino expletis in prima Polybii pagina. Optarem, si per gravissimas occupationes tuas liceret, versionem tuam Arabicorum Proverbiorum relegeres, & recensitam mecum communicares; nam posset hic, cum bona venia tua, non inelegans ejus libelli editio curari.

EPISTOLA CCCCLXXI.

CAROLO LABBÆO.

Dixine tibi, post nostrum discessum 1605. in solitudine me futurum? Ita planè evenit: non quia desunt, qui mea studia à mane ad vespèram interpellent, sed quia solus esse mihi videor, cum te non habeo, quicum de literis fabuler.

1605. Cætera, postquam à nobis discessisti, in continuis terroribus scito nos esse versatos; quin superiorem noctem perpetem insomnem traduximus ego & omnes mei; cum è variis locis accepissemus, eadem nostram parari, & veteris lanienæ instaurationem. Audisti puto de publico Programmate, & quidem typis edito & affixo V. D. P. L. P. quo studiosi convocabantur ad necem Hablone redeuntium, è quibus unus saltem, etsi ab aliis, est occisus. Quid multa? Boni nihil *πανικὰ* ista præfagiunt. Deus consilia improborum frangat. Hodie accepi literas à magno amico *, qui incredibiliter me exhilaravit literis suis; & quia valet, & quia affirmat, proximis vernalibus nundinis absolutam fore editionem operis †, quod loquentur posterii. Mitto tibi, quas simul accepi. Deum oro, venerandum Senem, parentem tuum, fortunet, & te cum tuo fratre serveret. Vale, & veni. *Lutetiae Parisiorum, a. d. x. Kalend. Octob. CIO IO CV.*

* *Josepho Scaligero.*

† *Eusebii.*

EPISTOLA CCCCLXXII.
JOSEPHO SCALIGERO.

1605. **B**inas paucis diebus à te accepi: quæ posterioribus illarum fuere adjunctæ, omnes curatæ sunt probè, aut curabuntur; nam propter vindemiales ferias plerique urbe aberant, ut Gillotus, Petavius, Labbæus. Puto accepisse te, quem misi nuper, *Φαῦλος* libellum de Saryrica, & Saryra; qui si in tuas manus pervenit, & oculos in eum conjeceris, censuram tuam ne mihi invidas, omni contentione à te peto. Pseudo-Callisthenes non est ille Scriptor, quem habes codici Monachi adnexum; sed alius haut paullò *κομψότερος*, & qui decenter *ἐπιεικής* mimum agit. Demiror impostores istos; nam ante multa secula prodidisse id figmentum, satis constat; etsi autem libro, quem habes, idem *μῦθος* continetur: Pseudo-Gorionidem tamen, qui non semel Callisthenem laudat, hunc potius, qui penes me est, transcripsisse *ἐκ μεταφράσεως*, non dubito; sive Græcè eum legerit, quod non puto; sive Latine, aut Gallicè. Priora secula, cum latè grassabatur ignorantia, incredibilem in modum fabulis hujuscemodi esse delectata, vel unica Regis Bibliotheca arguit, ejus farinae librorum plenissima. Atque utinam eà sine sterisset malum; neque pietas Christiana in fabulas plusquam aniles foret conversa. Sed quid hoc querimus? gravior & intolerabilior eorum amentia, qui veritatis doctrinam

palam ab illo petunt, qui *πατήρ* est 1605. *ψεύδης*. Accepisti, credo, indiculum *τῶν πρεσβυτέρων* *, *ὃν πάλαι τὸ ἀνάμνησιν* * *Legge* *Thuanum* *ad annum* *1604. &* *Gillotum* *in Epistolis* *Gallienis ad* *Scaligerum* *pag.* *422. &* *432.* *Colomel.* Historiam tibi nuper scripsit amicus noster Biturix; & simul quæstionum exemplum misit. Noli de re dubitare, ipse *αὐτίγραφος* vidi hsec oculis apud Gillotum; neque veritus est Autor, factum tueri apud Thuanum. Possem ea de re multa adjicere, quæ mirareris, atque adeò stuperes; nisi satius esset, tantum *μίσμα* *λὴθι* *ἐξελθόναι*; quemadmodum & de Panicis terroribus, qui nuper heic Orthodoxis oblati, nihil adjiciam, nisi hoc; per aliquot dies vulgatum fuisse rumorem, quasi instauranda esset per absentiam Regis laniena priorum. Programma etiam palam esse affixum, quo ad eadem redeuntium Hablone studiosi convocabantur: atque adeò die illà unum saltem è nostris fuisse occisum; cæteros (& me in his) aliquot noctes egisse insomnes, dum percussores expectantur. Autor Programmatæ fugā sibi consuluit; dimissi sunt circumeire *Φυλακῆραι*, qui inquirant, & in urbem reducant. Is si captus fuerit, spes est, usque inde à stirpe prima autorem horum motuum iri exquisitum: nam, quod omnes bonos solatur, habemus & Regem, & Senatum, & omnes Magistratus bonarum partium defensores acerrimos. Itaque *μετέωρον* exspectamus exitum rei in speciem quidem jocularis; sed quæ, nisi Deus omen avertat, impendentium malorum certum sit indicium. Vides igitur, virorum optime, sapientissime, quàm longè ab eo sim, ut nuperam deliberationem abjicere penitus debeam. Atqui animo ad editionem Polybii concinnandam serio converso, nihil jam tale cogitabam: ingens enim cupido animum mihi incesserat, benè merendi de magno illo Scriptore, quem aliquando non somnulosè tractavimus. Ac licet non mediocriter conturbatæ sint consiliorum nostrorum rationes, sæpeque veniat in mentem, ab omni scriptione abstinere hoc rerum statu, peto tamen à te nihilominus, quæ habes in nobilissimum Historicum observata, ea velis impertire, & viam indicare, quam debeam insistere. Tandem imposui mihi hanc legem, ut novam conficerem versionem; quæ si elegans futura non est, ut certè non erit, at fidelis fortassè erit, & Græcis *κατὰ πῶδας* adherens. Perrotus enim Latine quidem loquitur, sed longè ab Autore discedit: de Musculo nihil dico; in quo præter egregiam voluntatem nihil invenio, quod laudem. Habeo in manibus Pompilii Amasii versionem

1605. sionem eorum, quæ ex interpretatione Musculi vulgò leguntur. Vellem vidisses, ut consilium dares, acquiescendumne in ea sit, annon. Elegans profectò est & compta, sed vir probus hac cautione usus est, ut obscurissimas quasque *ἀσέβηταις* non attingeret; contentus Lectorem monere, peti posse eorum versionem à Musculo. Nobis verò non licet esse tam securis. Itaque *ἐν δὲ τῷ βιβλίῳ*; stat enim sententiā, alienum opus nolle nos interpolare. Dic igitur, magne Cato, quid censes opus factò? quatio, da consilium, quod sequemur religiosè. Utrique de Eusebio tuo quid jam sperandum sit, fac me ut sciam; nam spem ex prioribus literis conceptam propè ademit postrema tua Epistola; quod iniquissimo ferimus animo. Deus te servet. Scripsi raptim, oblata ex inopinato occasione. Vale, illustrissime Scaliger. *Lutetiae Parisiorum, a. d. v. Kalend. Octob. c. d. 15 cv.*

EPISTOLA CCCCLXXIII.

CAROLO LABBÆO.

1605. **N**ihil erat, quod ad te scriberem: nam quæ à discessu tuo acciderunt, sanè quidem nova & ἀπροσδεχτά, paucis diebus antè significavi, cum Epistolam magni Herois * nostri tibi mitterem. Ex eo tempore fasciculum alium accepi satis grandem, in quo erant, quas jam mitto. Vides meam fidem & diligentiam. Itaque vel tuas; vel, quod malim, te ipsum jam expecto; non deerit, quod unā garriamus, cum adveneris; atque utinam deteriora non contingant interea, quæ nobis conveniendi facultatem eripiant: *ὃ μὴ γένοιτο, εἰδὲ ἔσται.* In hoc omine desino, & Deum veneror, ut te cum clarissimo parente & fratre servet fortunetque. Vale. *Lutetiae Parisiorum, a. d. iv. Kalend. Octob. c. d. 15 cv.*

* Josephi Scaligeri.

EPISTOLA CCCCLXXIV.

JOSEPHO SCALIGERO.

1605. **M**Agis pro more & amore has nunc tibi exaravi inter plurimas occupationes, quam quod suppeditaret argumentum scribi dignum; præsertim ad te, illustrissime Scaliger. Sed quum domum è Bibliotheca reversò significatum esset, adfuisse paullo antè unum è Ministris Illustris Arausionensis Principis, qui moneret, esse aliquem in procinctu, ad vos tendentem; non potui non aliquid scribere. Simul faciendum esse duxi, ut te curâ & sollicitudine liberarem;

cum exploratissimum habeam, si postremæ mearum rectè fuerint curatæ, de me & rebus meis fore te sollicitum. Erat enim novissima Epistola mea *κατάγγιλλος*, & metus plena; utpote scripta eo tempore, cum mentes piorum nescio quis terror Panicus tenebat: non ille quidem sine aliqua causâ temerè conceptus; sed, quod omnino fatendum est, longius quam oportuit progressus. Audisti, credo, de Programmata variis locis publicè affixo: id scriptum improbum adeò nostros terruit, quod præsertim eodem die aliquis Hablone reversus esset trucidatus, ut non dubitarent plerique, dici Bartholomææ immanitatem per Regis absentiā repetitum iri. Fuit hætenus, & erit, spero, vanus hic timor noster: re enim ipsa apparuit, publicæ tranquillitatis studiosissimos esse non solum Principes, verum & Magistratus quoque cæteros. Si quid igitur priores meæ te, qui tuus est in me amor immensus, commovent, nolo diutius angi te hoc nomine; quum Dei beneficio non jam deteriore loco res nostræ esse videantur, quam prius fuere. Hoc volui nescius ne esset. Vale. Scripsi raptim. *Lutetiae Parisiorum, a. d. iii. Non. Octob. c. d. 15 cv.*

Fui hodie in Bibliotheca cum Frontone & Fabro, viris eruditissimis. Multus ibi sermo de te, & nuper heic editis Poëmatibus tuis. Visus mihi Frontoni *ἡμῶν πάλιν ἐν τῇ βιβλίῳ* tuas laudes fusè persequi; quum quidem mirari diceret se, quis furor sui Ordinis homines in hanc dementiam impulsisset, ut te irato, quam pacato uti mallent. Se contra acceptam ab suo parente * certam persuasionem de *Συναίνουσαν* præstantia ingenii tui ac divini parentis, *Βυρδига-λιν* servaturum ad finem usque, neque adeò *Colomel* insanum fuisse unquam, ut aliter sentientibus ulla ex parte accederet. Hæc ferè verba illius, quem dolco eundem in eo luto sic constanter hætere.

EPISTOLA CCCCLXXV.

ANDRÆ MELVINO. ✕

CUm percupidè tuas expectassem factis diù, doctissime Melvine, incredibili tandem affectus gaudio sum, quando illam Epistolam tuam accepi, quam adolescenti cuidam tuo populari tradideras. Gavissus sum valere te, & *ἡ δὲ δακτύλος* hanc felicissimè ornare, ac simul nos amare, quò nihil mihi gratius, aut optatius: pridem enim est, cum ad nos tuarum virtutum, atque imprimis tuæ singularis pietatis fama pervenit; quo efficacius nullum est amoris coagulum; inter bonos utique, & in

1605. eodem pietatis sensu conspirantes. Quod cum egregiè faciamus, Vir eximie, nihilque habeamus antiquius Dei gloriæ & veneratione eorum, quos hæc cura tangit; ne dicere quidem possum, quanto cum dolore ea de Ecclesiis vestris audiam, quæ vulgò heic jactat fama. Sed Deus meliora, quàm ut tantis ornatus virtutibus Princeps à se discedat, & temerarii erroris illos arguat, qui in prædicando ejus pietatem sinceram satisfacere sibi non poterant. Sanè amici viri graves, qui ex Anglia ad nos scribunt, pietatem ipsius & παντοῖαν ἀρετὴν tollunt in cælum laudibus: vetantes quicquam eorum credere, quæ fidei orthodoxæ hostes multis non solum suorum persuaserunt: ὁ μὴ γένοιτο, ἃ δ' ἔσται: quinimò speramus, fore omnino, ut generosus animus, ac Dei pius, irritatus his de se dissipatis de industria rumusculis αὐτὸς αὐτῶν κρείττω, & in odio falsi, amoreque veri confirmator in dies evadat; sui que hujus sensus ac studii ea monumenta ad posterorum memoriam transmittat; quæ ἡς πινούσιν εὐλῆς τρανὺ πρὸν ἢ γεγενῶσθαι invictum illius animi robur testentur. Hæc nos & optamus, & allidue à Deo Opt. Max. exposcimus: nec minus illud, ut Ecclesiam ipsè suam, tot hodie locis diffusam, in pace & concordia sibi grata, ab omni noxa, aut contagionis labe immunem servet, ac benigne protegat. Te quoque privatim valere, præstantissime Melvine, atque omni laude florere, ut meritum est tui, vota facio, quæ audiat ὁ ἐν πᾶσι. Vale, & nos ama. Scripsi raptim. *Lutetiae Parisiorum, a. d. III. Eid. Octob. CIO IO CV.*

Inscriptio.

Præstantissimo Viro,

ANDRÆ MELVINO,
Theologo, amico plurimum
observando,

IN SCOTIAM.

EPISTOLA CCCCLXXVI.

JOSEPHO SCALIGERO.

1605. Mitto tibi, quas accepi à Vertuniano & Labbæo, viris tui observantissimis, amantibus mei. Et si autem non diu est cum literas ad te dedi, quia tamen ab illo tuas accepi, non deerat quod ad te scriberem, neque quod ad amplissimum Buzenvallium aliosque amicos, nisi temporis premerer angustias. Brevi igitur & ad te, & ad illos plura, σύντα τῶ Θεῷ. Nondum erant alati, cum ista exararem, libri Francofor-

dienfes superiorum nundinarum; inter 1605. quos unum eximie notavi, cujus desiderium ægrè ad hanc diem sustinui, Geographiam Pauli Merulæ, viri clarissimi ac doctissimi, ad cujus libellos ornandos te symbolam contulisse, fama jactat, quæ tuorum nihil patitur esse obscurum. Unicum adhuc ex istis nundinis librum vidimus, Minerval tibi & Drusio appensum à Serario; qui ferè intra retia captae similis, scædum in modum jactat sese, nodum magis etiam alstringens. Deum immortalem! quantum ineptiarum, quantum λοῖσολιπῆς ἀνασχυντίας, πανουργίας, συκοφαντίας, ἢ οὐκ οὐδ' ὅ, π λέγω. Ut doctior, sic melior longè & ἐγνωμονέστερος Balforeus*, qui nuper Cleomedem illustravit. Amavi eum Scriptorem propter judicium de te, & tuo parente, Heroë, absque te foret, incomparabili; cujus Commentarios in Historias Animalium, quæso te, quando videbimus? Utinam quidem me adhuc vivo opus illud in lucem prodeat! & si quid aliud tanti Philosophi adhuc usquam latet. Sed quid ago? nam vix tria verba initio institueram. Vale, illustrissime Domine. Deus te servet quàm diutissimè. Nescio an sex, quæ isthuc mihi ad doctissimum Heinsium, exemplaria libelli nuper à nobis editi, adhuc ei fuerint reddita: in his unum fuit tibi inscriptum. Iterum vale. *Lutetiae Parisiorum, a. d. XIV. Kalend. Novemb. CIO IO CV.*

EPISTOLA CCCCLXXVII.

DANIELI HEINSIO.

Quæ isthuc mihi exemplaria libelli 1605. nuper à me editi, an reddita tibi fuerint, scire cupio, Vir amicissime. Ea inter alios libros mittebantur ad Raphaelengium ab Hadriano Beisio, Bibliopola probè isthic noto; ac puto equidem curata illa probè fuisse. Verumtamen propter incerta viarum, quas & hostis, & anni tempus reddunt infestas, aveo ex tuis cognoscere, acceperis illa necne. Omnia enim ad te direxi, ut tu amicis isthic nostris curares tradenda, quæ cuique erant inscripta. Etiam illud scire percipio, quid nunc pares, & quid proximè, quid mox sis editurus: tantum enim ingenium, bono literarum natum, quiescere nefas. Nos in Polybio sumus, quem ut vertamus, à nobis tandem impetravimus, postquam nemo est inventus, qui hoc molestissimo onere nos veller liberatos: dabimus, si modò possumus, loquentem Latine; nam ut eleganter loquatur & disertè, hoc non recipimus. Etiam in Notis nostris si pro-

1605. protracta omnia scripserimus, paratum habemus patrocinium N.N.* , qui hanc optimam esse viam interpretandi Auctores, acriter disputat, & quidem tot locis, ut *ἡ ἀρεσκία* nulla sit suspicio: de quo tamen expecto *τὴν ἀρεσκίαν* esse. Vale, & me ama. Scripsi raptim. *Lutetia Parisiorum, pridie Non. Novemb. c15 15 cv.*

* *Frontonis Ducis.*

Cum jam clausæ hæc literæ essent, accepi nuntium de morte magni viri, Theodori Bezae. Rogatus sum à clarissimis viris, qui Genevæ habitant, ut illustrem Heroem nostrum, & te, & Baudium, cæterosque Poëtas, qui Hollandiam vestram illustratis, ad scribenda carmina epicedia hortarer: quod ut facias ipse, utque aliis author sis faciendi, te oro quantâ maximâ contentione possum. Quæ scripseritis, si ad me mittatis, rem gratissimam feceritis.

EPISTOLA CCCCLXXVIII.

JOANNI VASSANIO.

1605. **B**inas literas eodem ferè argumento abs te accepi; quibus respondi sem prius, si per occupationes meas licuisset. Miratus sum, quod scribis, veteres illos amicos nostros, quorum imperium tam angustis finibus circumscriptum est, usque ad ultimum Rheni ostium cognitionis ac jurisdictionis suæ terminos ivisse extensum. Hem! mi Vassani, quid est *πολυπραγμονεῖν*, si hoc non est? Ego memini audire multos viros graves, qui ne tum quidem eos laudandos semper fuisse dicerent, cum autoritate subnixi virorum summorum, & Heroium omni veneratione dignissimorum, qui eum terrarum angulum quondam illustrarunt, aliena curarent, *οὐκ ἐπὶ τὴν ἐκκαταύγουσαν*. Sed omnino præteritorum temporum alia ratio est: nam qui memoria non faveat illorum, quos dixi, Heroium, *παρ' ἑμὴν κατὰ*, impius est, atque indignus cujus rationem boni habeant: nunc verò quo freti, quæ isthic agantur fatagant, & de clarissimis viris, qui isthic versantur, suas edant *ἀποφάσεις*, equidem non capio. Atque utinam, mi Vassani, ab hoc principio majus aliquod malum non erumpat: nam ex minima scintilla ingens incendium solere excitari, nemo ignorat. Deum oro, det Ecclesiæ suæ *Φιλακας ἀρεσκίας*, & publicæ concordie studiosos. Recreasti verò me posterioribus tuarum, quibus narras, virum illum doctissimum & excellentissimi ingenii, qui isthic docet, nullâ re à Collegis suis dissentire; optimamque pacem eos inter se colere. Mihi cum illo nul-

la intercedit notitia; sed postquam de 1605. summis animi dotibus, quibus ornatus à Deo est, ex fama publica & multorum sermonibus cognovi, nunquam destitit lata illi omnia ac faulta precari, quod nunc quoque facio planè ex animo; teque simul ut tervet, & tuis cæptis benedicat, Deum oro atque obsecro. Vale. Scripsi raptim. *Lutetia Parisiorum, pridie Non. Novemb. c15 15 cv.*

Virum clarissimum, Baudium, à me salvere jubeas velim. Scripsi nuper ad illum, neque nunc suppetebat aut res, aut otium.

EPISTOLA CCCCLXXIX.

JOSEPHO SCALIGERO.

LEgi his diebus, quæ à te accepta 1605. edidit nuper vir clarissimus, Carolus Clusius*: itaque non possum facere, quin gaudium meum tibi aperiam, quod eorum lectio attulit mihi vel maximum; multa enim didici, quæ antè nesciebam, quæ jam etiam, quæ diu me torserant, in iis exposita inveni. Contulimus enim aliquando Garcie ab Horto libellos cum editione Arabica Avisenæ; in quo non fuit difficile nobis animadvertere, quod antè ad Manilium tuum nos docueras†, virum illum Arabismi penitus imperitum fuisse. Jam verò in iis, quæ de Arabe Geographo vertisti, quàm multa didici? pleraque enim illorum iis continentur, quæ Latina facere sumus conati. Sed quod alias scripsi, nostra interpretatio notis compuncta est multis, testibus ignorantie meæ; quam nonnihil adjuvisti illis locis interpretandis: illud certè effecisti, ut infelicitatis meæ, quod *μαθητέαν* tibi non possum, acrior me sensus pungeret. Tuam verò inexhaustam rerum omnium scientiam, magne Heros, quis satis mirabitur? quis tua in Rempublicam literariam maxima merita satis dignè æstimated? & negabit aliquis, luce hac indignos esse, qui illustrissimo SCALIGERORUM nomini obtrectant? At tu istos terræ filios ita tuâ parum dignos aspernare, virorum maxime; & quod fecisti hætenus, arcana literarum tibi uni nota pande mortalibus. Deum Opt. oro, annos det tibi Nestoreos, & omnibus modis venerandam tuam senectutem fortunet. Vale. *Lutetia Parisiorum, pridie Non. Novemb. c15 15 cv.*

Cœpi his diebus, quod faultum sit, Polybium docere Latine loqui, ipse haud dubiè adhuc docendus. Sed verus nomen expungendum tandem est. Pe-

1605. to autem à te, si quid habes, quo auctior editio nostra prodire queat, id mihi benignus impertias. Typum Castrametationis, à te confectum, à multis accepi: quæso, communica, si est ad manum. Iterum vale. Penè eram oblitus, quod præcipuum fermè fuit, cum hæc ad te scribere institui. Heri enim venit ad me Fronto Ducæus, dixitque nactum se codicem Marcellini Comititis, notæ optimæ, & qui tibi, ejus editionem paranti, posset esse usui: eo consilio cœpisse conferre, ejusque operæ specimen velle tibi mittere, ut si è re putares, in cæteris pergeret. De moribus illius viri, planè alienis *πῆς ἡμετέρας κακων-ρηχίας* Patrum *ψευδονίμης* Societatis, nuper scripsi*; neque unquam cum illo fui, quin tuas laudes prædicantem audiverim.

* *Supra*,
Eph. 474.

Illustrissime Vir, clausæ erant literæ, quas tibi mitto, cum allatus est nuntius de obitu venerandi viri Theodori Bezæ, de quo certiorē volui te facere. Historiam obitus & mortis placidissimæ, quam longa dies attulit, naturâ repente deficiente, & quidem inter pios sermones, ab aliis accipies, aut ipse aliâ Epistolâ scribam. Rogatus autem sum publicè per literas Jacobi Leæti, ut scriberem ad te, & carmen epicedium te poscerem, per jura amicitiae illius, quæ tibi cum magno Sene intercessit. Ego testis sum *ἀξιότητος*, amississe te in illo ex iis unum, qui tuam præstantiam, quod paucis datum est, rectè æstimare nōrant. Rarò apud illum fuisse memini, quin de te multus nobis esset formo; & ut ingenuè fatear, non vidi in illo tractu quenquam, illo uno excepto, qui satis intelligeret tuorum in Rempublicam literariam meritum magnitudinem. Oro igitur te atque obsecro, ut testimonium hoc tuæ benevolentiae illi ne deneges, atque insignes Poëtas, Baudium, atque Heinsum, hortaris ad carmina epicedia scribenda, utque illa, nisi molestum est, mihi mittant.

EPISTOLA CCCCLXXX.

PETRO BERTIO.

1605. **G**Ratissimæ mihi tuæ literæ fuerunt, Vir clarissime, & quia amari me à te, tanti facio, quanti par est eum, qui tuas virtutes & egregias animi dotes inter seculi ornamenta ponat; & eo etiam nomine, quia dignus sum tibi visus, quem de præclaris inceptis tuis faceres certiorē. Cognoveram jam antè de iis, cum ex publica fama, tum ex literis eruditi, & mihi charissimi adolescē-

tis, Vassanii: sed longè fuit mihi gratissimum, eadem ex tuis uberius & melius nōsse. Laudo verò consilium tuum & propositum illustrandi omnes *ἀπὸ τῶν*, & ut fibras universas periculolissimi erroris, quo multorum, & veterum, & recentiorum, mentes implicatæ miserabilem exitum fecerunt. Equidem ita pridem apud me statui, ac curatam cognitionem omnium hæresium, quæ ad hanc diem emerferunt, suntque à piis hominibus damnatæ, ad veram pietatem fartam testam tuendam, mirum quantum profuturam. Sæpe enim & olim, & nostrâ quoque memoriâ observo evenisse, ut ignorance ejus partis Ecclesiasticæ Historiæ, homines minimè mali, in ejusmodi sententias, aut formulas loquendi incogitantes incidere, quas defendere sine erroris contagione non possent. Hec enim verè & propriè locum illud habet, *ἰσὺς δὲ κακὸν*, quum in talibus formulâ excidisse, persæpe idem sit, atque hæresin vel novam generasse, vel veterem revocasse. Sicuti autem dignissimi omnium odio sunt, qui scientes prudentesque falsum tuerentur; quod multi hodie faciunt animo scelestissimo, *καὶ τὴν ἐλπίδα τὴν ἀγαθήν ἀναδίδων*. sic profectò qui ignorance potius quàm voluntate offendunt, operâ atque industriâ bonorum, *τῶν πρὸς τὴν παιδείαν*, merentur adjuvari. Non enim est omnium, sed oppidò paucorum, alicujus perversæ ac reprobatæ opinionis cunctas intelligere *τὰς παραφράδας, καὶ ὡς εἰπὼν τὰς πλεονεχίδας ἀρετὰς*. Itaque perge, Vir doctissime, ut cœpisti, facem minus peritis accendere, quæ per brevitas & syrtes navigantibus tutam ostendat viam. Nemo erit de propria salute sollicitus, aut rerum veterum Ecclesiæ studiosus, quin magno se beneficio abs te fuisse affectum, sit agnitus. Quod petis à me de Bibliotheca, velim sic tibi persuasum, nunquam officio meo defuturum me, si quam occasionem nactus fuero, doctorum virorum conatus adjuvandi. Quamobrem si quid in tractandis ejus gazæ librariæ codicibus invenero, quod possit esse tibi usui, dabo operam, ut quantus sim & literarum admirator, & Literatorum cultor, tuamque adeò amicitiam quanti pro eo ac debeo faciam, reapse experiaris. Sed non memini, in iis, quæ adhuc legi, quicquam observasse, quod propriè ad susceptum à te argumentum. Meminero tamen, & te faciam de omnibus certiorē. Vale, & me ama. *Lutetiæ Parisiorum, pridie Non. Novemb. ὑπὸ τῆς ἐνσάρκως εἰκονομασίας* Δέγας, CIO IO CV.

EPISTOLA

EPISTOLA CCCCLXXXI.
GOTHOFREDO JUNGGER-
MANNO.

1605. **Q**UOD superiore mercatu Francofor-
diensi nihil ad te literarum dedi,
Vir eruditissime, non tam per occupa-
tiones meas factum est, etsi etiam per
illas; quàm quod ubi locorum esses,
ignorabam; nam Heidelbergæ amplius
non esse, intellexeram. Ex tuis de præ-
senti statu ac conditione tua cum gau-
dio cognovi: spero enim, & honesti otii
copiam tibi futuram, & occasiones non
defuturas benè illo utendi, & ex utili-
tate publicæ rei literariæ. Quod ut fa-
cias, & quidem αὐτὸν ἀριστῶν, pro meo
in te amore, Deum veneror πῶς ἐν πᾶσι.
De nostræ Bibliothecæ scriptis codici-
bus Eustathii nihil scripsi ad te; quia
recepit in se id oneris eruditissimus no-
ster Rigaltius. Vocem παραμβολίης non
dubitamus patriam designare Autoris.
Parembolæ, urbis in Ægypto nomen;
cujus, præter Itinerarii & Notitiæ Au-
ctores, meminit Beatus Athanasius
Apologiâ II. καὶ μακάριον περιεῖναι
τῆς Παραμβολίης. In multis libris veteri-
bus ita scriptum reperimus; in aliis,
Μακρομβολίης: quod si verum putarem,
similiter exponendum dicerem; nec
deessent rationes probabiles: nam ut à
castris Parembolæ est dicta, sic potuit
alia urbs inde nomen nancisci, quod
esset sita ad τὴν μακρὰν ἔκστασιν ἐκβολήν,
sive ἐκβολήν εἰς τὴν θάλασσαν. Sed malo
alterum, ac puto verum esse. Scito au-
tem, extrare Romæ ejus Auctoris codi-
cem, ubi non solum Μακρομβολίης pro
Παραμβολίης scriptum; sed etiam Εὐμα-
θίς pro Εὐσαθίς; quod olim iis impo-
suit, qui Conrado Gesnero, viro ma-
ximo, auctores fuerunt, ut Eustathium
& Eumathium duos diversos faceret
Auctores. Nolo credas hoc mihi; ac
crede oculis tuis, & principium accipe
Romani codicis feliciter descriptum.
Vale. *Lutetiae Parisiorum, Eid. No-*
vemb. CIO IO CV.

EPISTOLA CCCCLXXXII.
DAVIDI HÖESCHELIO.

1605. **D**E Origenis libro, quem recens mi-
sisti, magnas tibi & ago & habeo
gratias. Non putabam tanti te factu-
rum, quæ raptim scripseram in Thau-
maturgum, ut luce digna censeretur. Exi-
stimavi enim te ea demum, quæ judi-
cio tuo probarentur, Notis tuis inser-
turum. Nunc vereor, ne amore nostri

minus perspicax fias, quoties ἀποσχε- 1605.
μασμάτα nostra legis. Ego nullam aliam
ex illis laudem postulo, quàm ut omnes
sciant, quanti te faciam, & amari me
à te, quanti, pro eo ac debeo, æsti-
mem. Locum Syrachidæ, de quo ad
me scripsisti, diligenter intpexi: omni-
no placet versùs illius additio, quem
tua primùm editio probavit. Utinam
Hebræa extarent, unde ille liber est de-
sumptus! haud dubiè magna deprehen-
deremus exscriptorum flagitia. Sed tua
editio, omnium longè optima, longè
præstantissima, multa meliora fecit, &
in his hunc quoque locum. τὰ πέντε
ἰνερρήματα quid aliud sunt, nisi quinque
sensus? quæ ἡ Κυρία dicuntur, vel ut à
Deo accepta, vel quia etiam Deo ἀνθρω-
ποπαθῶς, ut quicquid σωματικόν, tribuun-
tur. Locus est illustris & philosophicus,
ut alii in eo libello nonnulli. Procopius
te, nos Polybius exerceat; in cujus edi-
tione dabimus operam, σὺν τῇ Θειᾷ, ut
isti Amphitheatrorum Scriptores θεοσυ-
χίς, si quid illis frontis superest, quod
vix puto, egregiam nostram volunta-
tem cogantur agnoscere. Hoc satis ma-
gnum nobis est, neque aliud profectò
unquam tot vigiliis quaerivimus, quàm
ut studiosis literarum opera nostra posset
esse utilis; quod si assecuti sumus; aut
porrò assequemur, quid jurati hostes
veræ eruditionis & omnis pudoris de
nobis sentiant, quid loquantur, quid
scribant, non curamus. Codicem Pro-
copii, qui in Bibliotheca, conferemus
cum tuis libris, si aliquot folia miseris.
Cupio scire quid factum sit Indice Kir-
cheri *, & quando simus illum habi-
turi: plura volui; hæc potui, & qui-
dem raptim. Vale. *Lutetiae Parisio-*
rum, a. d. XIV. Kalend. Decemb. CIO
IO CVI.

* Id est,
Conradi
Kircheri
Concor-
dantiis
Vr-
bis
mensi.

EPISTOLA CCCCLXXXIII.
JOSEPHO SCALIGERO.

VIR illustrissime, expectabam literas 1605.
tuas, quibus ad meas responderes,
quas superioribus diebus ad te dedi.
Scripsi verò tibi, à novissimis tuis, mini-
mum quater, jamque mihi longum esse
tempus incipit, cum de tuo statu ex
tuis cognoscam. Orarem te, ut fre-
quentius scriberes; nisi tuam etiam in
hoc genere diligentiam prope ἀμείνων
notam haberem. Tantum Deum sup-
plex veneror, ut te præstet valentem,
& quàm diutissimè servet incolumem.
Eusebium tuum foras jam spectare, pu-
to equidem, eoque nomine vehemen-
ter gaudeo. Quid dicturus est ille ve-
tus tuus amicus, opinor & meus, qui
K k nuper

1605. nuper ad * tantum verborum perdidit, ut probaret eos demum scriptorum Interpretes cor habere, qui nihil saperent. Nescio an legeris Epistolas, quæ ad ipsum, si superis placet, probandum, plures jam dudum ab eo sunt scriptæ editæque. Quid illum movit? quæ hæc judicii sinisteritas? Deus meliora, quàm ut in literis quicquam mihi eximium arrogem: puto tamen paucos esse veterum Auctorum, in quos repentinâ operâ tales Notas effundere non possim. Sed fruatur ille suo iudicio; quod tamen futurum multis pro lege, non est dubium. In Polybio jam esse me totum, non semel antè scripsi. Non fui profecto *ἰσχυρὸς τῶν Φρονῶν*, cum opus sum aggressus longum, molestum, & huic ætati jam ingravescenti parum aptum; erant enim alia studia, quæ me magis caperent. Sed si voluntatis habenda fuit ratio [ut sanè fuit] magni mei Mæcenatis, & *ἔνν σφραγιστοφύλακ**, nihil potui melius. Quod igitur faustum esse Deus Opt. Max. velit, novam versionem Kalendis hujus mensis institui scribere; ac licet pars maxima temporis aut aliud, aut nihil agentem perierit, primum tamen absolvi; perrecturus in cæteris ad finem usque, si per fata licuerit. Nihil adhuc memini invenire, quod negotium facesseret, hisce verbis exceptis: *καὶ μᾶλλον ἐπὶ τὴν τῆς ἀναβολῆς ἐτρέπτο καὶ χρόν* quorum mentem nullus video. Si isthic essem, sine dubio ex te discerem, quæ nescio: & audebone tantum tibi oneris imponere, ut locum illum velis inspicere? *Ἀπερβαν* esse *Adherbalem*, puto cum Perotto, viro non inerudito. Sed tu rationem nominis & hujus diversæ *ἐκφορᾶς* tenes. *Ἰππακρίτης*, Perotto, *Hipponis incolæ*. Sanè etiam Latini veteres in ea Historia, in vita Hamilcaris id confirmant. Sunt majora alia, de quibus cum vacare tibi sensero, ad te referam, qui mihi magnus es Apollo. Scripsi nuper de obitu optimi atque *ἰσοεπιστάτη* Bezæ; in quo parentem ego alterum, tu amicum certum, & magnum tui admiratorem amissimus. Ecclesia Domini quantam jacturam fecerit, nihil attinet dicere. Perii à te proximis literis, ut memoriam & *ὄντως μακαρίτης* paucis versibus prosequi dignareris, & omnes Academiae Poëtas ad simile officium excitares: idem nunc iterum peto, teque ut ita facias, vehementer oro. Scripsi eadem super re nuper ad clarissimos viros, Baudium & Heinsum; à quo nihil literarum per menses jam plurimos accepi: sed novi occupationes illius serias. Vale, Vir illustrissime, & nisi grave est, amplissimum Buzenvallium, Baudium, Hein-

sumque salvere à me jubebis. *Lutetiae 1605. Parisiorum, a. d. vi. Kalend. Decemb. CIO IO CV.*

EPISTOLA CCCCLXXXIV.

E I D E M.

MIsi nuper ad te notulas quasdam in 1605. Marcellinum Comitum, cā sine mihi à Frontone traditas, ut ad te mitterentur. Cupio scire, an is fasciculus mearum tibi fuerit redditus: & si putas tanti esse, ut cætera tibi describantur, certiores à te siamus oportet: nam Fronto, penes quem est ille codex, *ὡς αὖτε γράμμα μόνον* ad te misit. Nos jam non sine molestia tuas expectamus; postremæ enim, quas à te accepi, ante menses serè quatuor erant scriptæ. Quare diuturniore hoc tuo silentio valde commoverer, nisi cogitarem anni tempus & difficultatem navigandi. Ego sæpe ad te non ita multis diebus scripsi; neque ignoras, opinor, quibus in studiis nunc sim; & quā diligentia in adornanda Polybii editione meum istud occupem otium. Utinam conatui respondeat eventus! dabo certè operam, ne operæ pepercisse videri queam. Tandem imperavi ipse mihi, & versionem à me expressi; vel potius initium versionis. Kalendis enim Novembris prima ejus ducta est linea. Scis quàm non contemnendus Perottus sit, qui vir, si Græcarum literarum cognitionem habuisset, in eo genere scriptiois penè mihi regnare videretur. Sed rudum fuisse *ἔ Εὐαγγελισμῶ*, reapseprehendimus: sic tamen, ut *πὶν καλοκαρῶν* Musculum, qui fragmenta vertit, multis parasangis anteiret. Ego id præcipuè operam do, ut idem Latinus Polybius dicat cum Græco: proxima cura est, ut, si modò possum, Latinitati consulam. Jam notas ejusmodi paramus, ut studiosæ juventuti nonnihil profuturæ videantur. Sed moror te; hoc tantum addam, incredibili cupiditate me flagrare tui Eusebii videndi, qui ut claustra brevi perrumpat, opto: illud etiam magis, ut valeas, illustrissime Senex, & me ames. De negotio tuo cum perfido & scelerato adolescente*, qui tibi os sublevit, non dubito accuratè ad te perscribere Labbæum, cui ea res unicè curæ est. Sed nolim putes defuturum me officio meo, si ulla in re utilis tibi opera mea possit esse: dolet enim mihi, non posse me idem in tua causâ, quod ipse olim in mea, qui, nisi re confectâ, non conquiesci. Conveni jam aliquoties Illustrum Principem Arausionensem, quæ jubet bene spe-

* Perotus, Silerii: vide supra, Epist. CCCCLXIV.

Ad hanc respondet Scaliger, lib. II. Epist. 117.

* Scaliger. Epist. 334. Or. 1699.

1605. sperare: & profectò sententia mea semper fuit, ope Ducis Tremollia hoc negotium facile posse expediri, quòd nuper recepit, se tentaturam Princeps Arausionensis, ad quam si de ea re scripseris, non malè, opinor, tibi consuleris. Vale, illustrissime virorum, & me ama. *Lutetiae Parisiorum, Eid. Decemb. CIO IO CV.*

EPISTOLA CCCCLXXXV.

EIDEM.

1605. **I**llustrissime Domine, diu tuas exspectavi: deinde eas * accepi, quibus adjunxeras notas in Cycloperem. Quid dicam? nisi quod æternis beneficiis ita me devinxisti, ut quantum me tibi debere sentiam, verbis explicare non queam. Nam quàm grata illa opera tua mihi fuerit, sciunt amici, quibuscum Notas *περιχαρής* *ὡν* communicavi. Si dabit Deus, ut me vivo libellus ille sub incudem revocetur, scient posteri, quanto soleam triumphare gaudio, quoties me docere aliquid dignaris. Mirum verò, tantopere libellum nostrum tibi potuisse probari, qui profectò scriptus non erat, ut oculis tuis objiceretur. Sed novi infinitum illum amorem erga me tuum *ἡ πλάκῃς ἑμαυτὴν ἑμαυτὴν ἐλάσσει, ἐπὶ τῷ μόνῳ τῶν ἑμαυτὴν μέγα φρονῶν* aut, ut melius dicam, & verius, *τῷ Θεῷ ἐνχαριστῶν*. In Polybio scis me nunc esse, cujus versionem ne me pœniteat fuisse aggressum, Perotti Interpretis fatuitas facit; qui mille amplius locis omisso Polybio, Livium descripsit nobis: quare meritò Itali tui Latinitatem hominis sunt admirati. Sed de fide illius, quod prædicat Jovius, quis ferat æquo animo? Irascor, & vehementer quidem. Gavissus sum, quòd me hortatus sis ad hanc versionem suscipiendam; quæ utinam satis Latina sit! paucorum enim est, Latine scribere. Græco textui futuram *ὁμόφωνον*, penè affirmare ausim. Sed obtundo te, & otio tuo abutor, ipse nunc cùm maximè impeditus, & variè occupatus. Vale, illustrissime virorum. *Lutetiae Parisiorum, a. d. VIII. Kalend. Januar. CIO IO CVI.*

† Scibi Calvisii, cujus Chronicon impense laudat Scaliger, Prolegomenis in Canones Isagogicas Galibi, Epistol. 240. & 439. Colomel.

Eusebium tuum exspecto in dies prope jam; & quòd jam tibi operæ satisfaciant, incredibiliter lætor. Deus te servet, *δὲ γὰρ*. Quod scribis de Chronico hominis Germani †, mihi crede jurato, non majorem te ex ea re lætitiā cepisse, quàm ipse fecerim. Itaque crucior expectatione ejus libri, quem semel nactus totum devorabo. Næ patrem illius juxta doctum, & probum esse oportet. Sed profectò, *μεγάλη* *Θεός*

ἡ ἀλήθεια nōsti cætera. Loyolita quid 1605. dicturi sunt? *ἀλλ' ἀπὸ λειπῶ κακοὶ κακῶς*. Heic etsi plerique hostes tuæ doctrinæ, nemo tamen non abominatur Pædagogum Serarium. Bis scripsi de obitu magni Beza, & te & alios vestrates Poëtas, Baudium, Heinsium, alios epicedia poscens: si quid ejus factum, quæso, mitte.

EPISTOLA CCCCLXXXVI.

DAVIDI HOESCHELIO.

Gregorium Thaumaturgum nuper 1605. editum, & nos vidimus. Apparet, eruditum Interpretem codice usum longè meliore, quàm tuus esset: itaque multa emendatè ibi scribuntur, quæ corrupta in tuo. Sed fallor, aut Interpreter ille *τὸ ἐλληνικὸν παιδείας ἀπὸς* non est; multa enim cùm obiter percurreremus, signa animadvertebamur *τῆς ἐκ ἑμπερίας* quod non dubito, multò melius esse tibi animadversum. Mihi gratissimum feceris, si & notulas meas, & illius interpretationem serio castigaveris; quo labore lubens te levarem, si isthic essem, aut omninò per occupationes liceret. De Legationibus narro tibi, quod fortassè nescis. Est in urbe vir, dignitate & cognitione literarum conspicuus, Cantoclarus *, qui olim *Carolus Cantoclarus, Consiliarius Regis, & in Curia Libellorum supplicum Magister.* Juliani quædam vertit: is Auctores aliquot è Legationum libro jam vertit; atque adeo jam, nisi fallor, prælo subjecit. Ab eo optimo & venerando senesumus non semel consulti, etsi fortassè alienâ ope illi opus nihil erat. Originis codicem per multos menses Heraldus habet, vir doctissimus, & singulari amicitia mihi conjunctissimus. Ostendam illi, cùm ad me veniet, [quod sæpe facit] Epistolam tuam, & rogabo, si quid habet, commodus impertiatur. Græcas enim literas exquisitè doctus est, ut te quoque scire confido. Beasti me nuncio illo de Fastis Siculis, quos Raderus convertit. Olim in potestate nostra fuit is liber: postea, cùm *πὲρ χειρῶν* excerpissem, aliis libris illum mutavi cum beatæ memoriæ viro, Sylburgio. Laudo consilium, quod clarissimo viro Grutero suggeris: ego per literas cum ipso agam, ut tibi obtemperet. De Dione agam cum Morello: si nihil perficio, dabo operam, ut meâ curâ tuæ voluntati fiat satis. De Privilegio meministi, quæ nuper scripsi: sed jam alia rerum facies; nam *ὁ πρὶν σφραγισθὲν φέρεται*, vir integritate insignis, voluntate Regis, non dignitate, sed labore muneris sui alteri cessurus est eis dies paucos. Ille autem alter multum

1605. nos amat, & literas colit: ὁ δὲ πρὶν αὖ
καὶ πὶ μάλα, καὶ πρὶν ἡμᾶς, καὶ πρὶν τῆς Μά-
σας ἀπαράξον ἦν, ὅμως διὰ τὸ γῆρας δυσά-
γωγόπρος εἶναι, ἐπὶ ἐγένετο. Nam præclari
aliquid te præstiturum ope tuorum li-
brorum, faciliè conjicio ex iis, quæ ante
plusculos menses scripsisti, super ali-
quot locis è Carmine aureo & Phocylidi-
dis. Quare da hoc mihi, ut liceat ἀνέ-
δοντας καὶ αὐτὸν ἐτρεύειν. Vale, amicissime
Vir. Amplissimum Velferum meis verbis
salutes velim. Persium brevi ad utrum-
que vestrum, volente Deo, mittam, &
simul ad illum scribam. Iterum vale.
*Lutetie Parisiorum, ἀπὸ τῆς ἐνστάσεως οἰκο-
νομίας, CIO IO CV.*

EPISTOLA CCCCLXXXVII.

CLAUDIO SALMASIO.

1606. **B**inas post tuum discessum literas à te
accepi: prioribus statim respondi,
& meas Gilberto nostro dedi; poste-
rioribus ne responderem hætenus, per
illam spem tui adventus factum est,
quam ex tuis literis conceptam ἐνερ-
γάτο καὶ περιήσατο τῇ ἡμετέρᾳ ψυχῇ idem
ille utriusque nostrum amantissimus Gil-
bertus. Non igitur potes jure de silen-
tio meo queri: & profectò non is ego
sum, quem eo nomine amici soleant in-
cusare. Quod si quis est, quicum lite-
rarum commercium lubens exerceam,
tu, crede, cum primis numeraris. Gra-
ta nobis, vel potius, longè gratissima,
quæ de tuis studiis novissimā Epistolā
scribebas. Cum ad nos redieris, non
prius hortari atque urgere te desinam,
quàm à te impetravero, ut specimen
aliquod tuarum lucubrationum edas in
publicum. Callimachus, Petronius,
itemque alii veteres Scriptores tuam
operam deposcunt. Ego illorum vicem
ἐργασίας εἶμι; quia certus sum, ζῶντα
τῷ Θεῷ εἶπαι, quicquid institueris, pu-
blico bono & honori tuo cessurum. Sed
ante omnia illud à te exposcimus, & si
pateris, pro amicitia nostræ jure exigim-
us, ut cures valetudinem. Si te non
respicias, at canos respice venerandi tui
parentis, qui pro omnium suorum in
te meritum ἀνταμίσσει hoc te rogat, ti-
bi imperat, ut in studiis tuis memorem
te veteris dicti probes, μηδὲν ἄρᾳ. Sic
igitur animo indulge, ut corporis quo-
que rationem habeas. Hoc nihil gra-
tius facere mihi queas. Vale, & am-
plissimum parentem à me saluta. *Lu-
tetie Parisiorum, Kalend. Januar. CIO
IO CVI.*

EPISTOLA CCCCLXXXVIII.

DANIELI HEINSIO.

Accepi proximis diebus, quas scripsi- 1606.
sti ad me post acceptum libellum
de Satyrica, eruditissime juvenum. Etsi
autem nihil eorum agnosco, quæ tuus
amor αὐτῷ τῷ θυλάκῳ, φασί, mihi tri-
buit; eā tamen elegantia, eā arte scri-
pta Epistola tua mihi est visa, ut ve-
reri subiret, ne si iterum eam legerem,
plus tibi de me quàm mihi ipsi crede-
rem. Omitte igitur, quæso, illud ar-
gumentum, & permitte mihi, ut meo
me pede metiar. Sanè vel quod nunc
in manibus est, opus, tenuitatis meæ
fatis me admonet: Polybium enim dum
Latinè loqui docere cupio, quàm sim
docendus ipse, quotidie magis ac ma-
gis agnosco: mirum enim, quàm sæpe
levicula macula, aut ignota verbi pro-
prietas impetum meum currentis remo-
retur. Quanquam nihil sanè nos re-
moratur, quando semel constituimus
eā operā quàm primùm defungi. Ita-
que paucis diebus partem maximam ab-
solvimus. Sed de hoc aliàs. De Maxi-
mo Tyrio, per Deum immortalem te
oro, agnosce; non enim meā adeo cul-
pā factum, ut tamdiu in ære tuo essem,
atque eorum ignavia, quorum operā in
ea collatione utor. Vale, καὶ συγγνώμη.
*Lutetie Parisiorum, a. d. xvi. Kalend.
Februar. CIO IO CVI.*

Amicissimo & clarissimo Claudio sa-
lutem ex animo, & Vassiano nostro,
ad quem nuper scripsi, & nunc quoque
scriberem, si esset otium.

EPISTOLA CCCCLXXXIX.

JOSEPHO SCALIGERO.

Illustrissime Vir, accepi hodie literas 1606.
è Narbonensi Gallia, quas tibi mit-
to, ac si per occupationes tuas licet,
te oro, ut viro optimo *, tuique ob-
servantissimo, respondere ne graveris;
eò magis, quòd neque à Plancio, ne-
que ab aliis Belgis, ad quos literas de-
dit non semel, responsum ullum tulit.
Orat igitur te, atque obsecrat, ut sis
illi εἰς ἀντὶ πάντων. Nos heic in dies, ac
prope jam in horas tuum opus exspe-
ctamus: neque memini faciliè ullum un-
quam tempus tam mihi fuisse longum,
atque hoc erit, donec voti hujus fiam
compos. De illo scelerato, qui pecu-
niam tibi debet, nolim sis nimium sol-
licitus: nam etsi lentum nomen ille est,
imò verò nullius fidei homo; quia ta-
men illustris Heroïna Tremollia in ur-
bem

7
1606
fms
Cm
Bac
Bac
1606

1606
1606

* I. Nau-
tonius.
Colomel.
Scaliger.
Epist.
118.

1606. bem brevi est ventura, apud quam omnia potest *ὁ δὲ πᾶσι ἀγασθῆναι* Thuanus, non debes dubitare, quin brevi, *εὐθὺς εἰσέλθῃς*, ad tuum pervenias. Vale, illustrissime Vir. *Lutetia Parisiorum, a. d. XVI. Kalend. Februar. CIO IO CVI.*

EPISTOLA CCCCXC.

E I D E M.

1606. **Q**uas postremas à te accepi, ex data erant Kalendis ipsis Janua-

* Scaliger, rii *.
lib. 11.
Epist.
117.

Ex iis cognovi, plurimas mearum aut perisse perfidia eorum, quibus fuerant traditæ; aut negligenter certè curatas; nam à Kalendis Septembris anni prioris decies minimùm scripsisse me ad te, liquidò jurare possum. Egi etiam pro munere tuo Notarum in Cyclopem suavissimo mihi, non quas quantasve debui, sed certè quantas poteram maximas gratias. Tu verò non credideris posse mihi aliquid gratius accidere, quàm cùm me docere aliquid dignaris. Sanctè autem affirmo tibi, in plerisque scopulis hæsisse cymbam nostram, quos tu in illis tuis notis attigisti & explanasti. Itaque expeto cupidissimè occasionem illas publicandi, quod quidem brevi facturum me confido, *ὅτις δὲ δίδωται*. Balforius †, de quo nuper scripsi, Commentarium in Cleomedem edidit; nisi fallor, bonæ frugis plenum, & vel eo nomine dignum approbatione bonorum, quod tuam, & divini parentis tui præstantiam æquis ponderibus pensare videtur. Scio illis non moveri te; puto tamen vestra quoque Heroùm pectora gaudio aliquo tentari, quoties labores vestros paucis cognitos prodesse mortalibus, & omnem sequiorum ingeniorum invidiam superare intelligitis: propterea optavi de eo Scriptore iudicium tuum cognoscere. De N. N. ‡ *homine*, uti vocas, *abreptio*, nihil ante lectionem hujus tuæ Epistolæ didiceram. Auxit ea res cupiditatem, quâ totus pridem flagro videndi tui operis Eusebiani. Atque utinam superi faxint, ut brevi fiam voti hujus compos! utar verò, utar consilio tuo, quod super instituto à me opere dedisti; neque committam, si viam & vires *ὁ ἐπὶ πᾶσι* fuerit largitus, ut dignitatem literarum polluisse queam judicari. Quod quidem eò diligentius conandum mihi censeo, quia existimationis meæ vadem prædemque apud bonos te, virorum optime, illustrissime, habeo. Tu enim profectò es, qui amicis meis persuasisti nostras esse aliquid lucubratiunculas. Equidem in hac versione atque interpretatione magni

† Robertus Balforius, Gymnasiarcha Burdigalensis.

‡ Thomas Lydiat.

Scriptoris quotidie experior, (cur dissimulem?) quàm habeam adhuc magistro opus. Quod si isthuc essem, Deus bone, quid non possem? quid tam altum, quò tuis sublevatus alis non faciliè pertingerem? Tum verè liceret Polybium *μακροζών*, quòd in nostras manus incidisset. Sed non capit tantum bonum fortunæ nostræ tenuitas. Itaque quod unum restat, in fide & diligentia & subsidio literarum tuarum [quas eliciemus crebras, ubi te arduo labore defunctum senserimus,] spem omnem ponimus. Una res est nostris conatibus perincommoda; quòd gravissimas causas habemus, cur ad operis finem, cujus in primordio vix stamus, *πάση ἀσδίῃ καὶ μηχανῇ* contendamus: verum de his aliàs, Deo volente, plura, juvat enim, in sinum tuum meas querelas expectorare. Heri venit Lutetiam illustris fœmina, Domina De la Tremouille. Illa sola efficiet, ut ad tuum pervenias, aut . . . sed ominari secius quicquam nolo; cùm præsertim in potestate magni Thuani sit totum negotium: nam ejus consiliis plurimùm regitur nobilissima Heroïna; cujus auctoritate faciliè compelli poterunt tui Cercopes, ut tibi satis faciant. Non peccaveris, neque operam luseris, si ad Thuanum ea de re scripseris. Epistola tuam de Gallia vidimus, quæ si esset emendata, pluris à Thuano, aliisque sit, quàm ingentes aliorum molitiones. Vale, & me consuetâ benevolentia dignare. *Lutetia Parisiorum, a. d. XIV. Kalend. Februar. CIO IO CVI.*

Est in aula vir nobilitatis præcipuæ, M. De la Bourdaiziere, quicum mihi familiaritas & amicitia non vulgaris intercedit; est enim earum literarum amantissimus & intelligentissimus, quas pauci, non dicam è Proceribus ejus Amplitudinis, sed ex iis, qui literarum notitiâ sunt celebres, nōrunt, nedum tenent. Cum eo multus mihi de tua præstantia sermo: nuper vero, cùm mihi *καμήλια* sua *ἀξιάρατα* ostenderet, jaspidem unum inter ceteras antiqui operis gemmas spectandum exhibuit, itemque achatem unum, quorum lapillo- rum alterum ait tibi quondam fuisse visum, & prodiisse à te doctissimum scriptum ad illustrationem ejus gemmæ. *Falaiseau*, opinor, fuit Medicus Turonensis, cui illa scripseras. Is igitur vir nobilissimus te plurimâ salure impertit; oratque, ut si fortè in adversariis tuis vestigium aliquod superest ejus scriptionis, velis eam secum communicare, & hoc beneficio ipsum demereri. Idem nos quoque à te contendimus, quod tuo commodo fiat.

EPISTOLA CCCCXCI.

E I D E M.

1606. **D**Ederam viro nobili, qui isthuc iturus me convenit, quæ est ejus humanitas, fasciculum tibi perferendum, cum postea Scotus quidam, vir eruditissimus, ostendit mihi Epistolam, Arabicè scriptam ad Antonium, Lusitanæ quondam Regem. Hanc percurrenti mihi non omnia quidem negotium facessabant, sed certè plurima, adeo ut de sententia Epistolæ mihi non constaret; ac, nisi fallor, multa non vulgarem Arabismi dialectum præferunt, quæ longè discedunt ab Arabismo librorum editorum. Puto & multa scripta perperam, non in apographo tantum, quod videbis, sed in ipso autographo, cujus mihi facta est videndi potestas. Ejus Epistolæ exemplum ad te misi, ut si per negotia tua liceret, doceres me, quid sibi illud velit, nam ego ne manum quidem satis assequor. Vale, illustrissime Heros. *Lutetia Parisiorum, a. d. xiv. Kalend. Februar. c15 15 cvi.*

Ad hanc
respondet
Scaliger,
lib. 11.
Epist.
119.

Oro te, partem saltem aliquam digneris vertere; hæreo enim in plerisque, plurima penitus ignoro, & quis ille sit Abloala: non enim satis scio, an qui temporibus illis regnabat Miremunim Scariphius, ita vocaretur.

EPISTOLA CCCCXCII.

E I D E M.

1606. **Q**Uam crebas à me literas accipias, haud scio; puto tamen sæpe factum superioribus mensibus, ut oleum mihi & opera perierit. Multa enim de multis rebus scripsi; de quibus nihil possum cognoscere ex novissimis tuarum, ecquid reddita tibi illa fuerint, an non. In his fuit Diploma, sive Epistola quædam Arabica, à Rege Marroci, opinor, ad Antonium, Regem Lusitanæ scripta, de qua dubitationes meas tibi aperui. Fuere in his & Notæ è vetustissimo codice Marcellini Comitris, quas à Frontone acceperam tibi mittendas: misi præterea & Epistolas amicorum, ut Vertuniani, Nauronerii, & aliorum. Nunc libellum tibi mitto viri optimi, qui in chronologicis te magistro aliquid sibi videtur supra vulgus didicisse; quod cujusmodi sit, ipse judicabis. Eusebium tuum ex iis literis, quas ante mensem acceperam, certà spe jam penè devoraveram: nunc, quia in iis, quæ ante quatuor dies mi-

hi abs te fuerunt traditæ ab eruditissimo 1606. mo adolescente Forestio, nulla illius fuit mentio, quid sperem nescio, scio quid metuum. Valde enim ἀγωνίᾳ, ne spes nostræ in multos menses sint rejectæ. Quicquid hujus sit, Deum suppliciter oro, te servet, destinam & columnen literarum unicum. Vale. Scripsi raptim. *Lutetia Parisiorum, Non. Februar. c15 15 cvi.*

Clarissimo Heinsio amicissimam salutem mitto. Scripsi ad illum ante dies perpaucos.

EPISTOLA CCCCXCIII.

E I D E M.

Mitto tibi, quas accepi à Vertunia- 1606. no, tui, illustrissime Vir, studio- sissimo. Adjeci libellum hominis optimi & probissimi, quem spero tibi non ingratum futurum. Is unus est ex eorum numero, qui te γνησίως colunt. Ut res heic sunt, mirum est, posse quendam reperiri, qui super talibus liberam vocem mittere ausit. Ruimus enim, ruimus in servitium infame infamis illius Scotti, quod τὸ ἐπιπλοφον insidet; cujus monarchiam in temporalibus, ut loquuntur, novis subinde scriptis ex illa urbe, aut locis vicinis prodeuntibus, videmus confirmari: ut jam quid adjici possit, non intelligam. Eò spectant illi tot Annalium tomi; eò quicquid hodie ferè editur: denique hic est hodie ἡ ἐνδοχία. Sed hæc mitto ἀχρημ- νος πρ. Quanta cum fame tuum librum expectem, non dicam; & profectò, quicquid dixerò, cupiditate meâ inferius erit. De tuo negotio scripsi nuper. Res in periculo quidem versatur, sed spe tamen non caret. Si Tremolia vellet negotium suscipere, sola potest illud conficere; qua de re plura nuper scribere ad te memini, neque sententiam muto. Vale, illustrissime Heros, & nisi grave est, salutem clarissimo Heinsio. *Lutetia Parisiorum, a. d. 111. Eid. Mart. c15 15 cvi.*

Narro tibi, quotidie monstra in literis nascuntur, quorum nullum sæculum æquè ferax, ut hoc nostrum. His diebus liber Gallicus prodiit jocularis insaniæ, satis amplius. Conatur Autor omnes linguas revocare ad Hebraicam originem: ipse eam linguarum notitiam habet; quam potuit haurire è suis Lexicis, Calepinis, Dictionariis, quæ omnia ad unguem tenet. Mirum hominis inceptum, qui à γὰ deducat ovum, & cætera ad hunc modum. Ferrem ægrum animi, nisi viderem studium dissentienti à te, quanquam id quidem

1606. dem modestè. Porro hujus monstri pater, vir est probus, pius, ἐφθόδοξος. quò mihi res molestior est.

EPISTOLA CCCCXCIV.
SCIPIONI GENTILI.

1606. **E**T literæ tuæ gratissimæ mihi fuerunt, ut semper, clarissime Scipio; & illæ quoque jucundissimæ, quas à Conrado Ottone *, viro eruditissimo, mihi misisti. Spero fore utilem Ecclesiæ Dei & Reipublicæ literariæ hominis tam docti conversionem ad Christianismum. Atque utinam ita viveremus nos veteres Christiani, ut probitas nostra miseram gentem ad expetendam veritatis notitiam alliceret! Huic certè viro optimo [è scriptis videor cognoscere] opto læta omnia, ut quæ orlus est ad illustrationem earum literarum, ad umbilicum brevi possit perducere. Scripsi ad illum sanè quàm πολυμερές, non ostentandæ eruditioni, sed benevolentia declarandæ. Eas literas tibi mitto, teque oro, ut de meo erga ipsum animo prolixè omnia pollicearis, quæ ab homine tanto intervallo terrarum separato potest expectare. Amplissimus Thuanus te peramanter salutat. Is amari se & æstimari abs te, persuasissimum habet: quare illos sermones, de quibus ad me scripsisti, (scripserunt & alii) quæso, omittamus: satis enim compertum habemus, & illius, viri alioquin magni, genium atque ingenium quicum sunt habiti. Omnino veritati satis æquus esse non potest, qui istos illius hostes manifestos tanti faciunt. Ἀλλὰ πάλιν τῶν ἐν σομά μιν κείδω. Vale, Vir clarissime, & me ama. *Lutetiae Parisiorum, a. d. IV. Kalend. April. CIO IO CVI.*

EPISTOLA CCCCXCV.
GEORGIO MICHAELI
LINGELSHEIMIO.

1606. **P**Udebat me nuper, nobilissime Lingelsheimi, cum leviculum & penè nugatorium scriptum tibi mitterem. Cogitabam enim, qui & quā gravitate vir esses; neque putabam posse fieri, ut ad Satyrorum spectaculum sine aliqua indignatione descenderes. Magis puduit me, cum tuas legerem, quibus pro levidenſi munusculo non secus mihi gratias agis, quàm si palmarium aliquid præstitissem, & opus edidissem dignum in Minervæ arce poni. Obsecro te, Vir nobilissime; quæ hæc tua comitas est? Ego spem omnem meam in tua

ἀνεξιχνία ponebam, quæ faciliè veniam indulgeret temporis fortasse non optimè positi; tu nos iis laudibus ornas, quas nullā ingenii contentione sum unquam meriturus. Quid faceres, si ejusmodi esset argumentum, quod pro se placere tibi posset? Cujusmodi fortasse erit opus, quod præ manibus nunc habemus: Polybium dico; in cujus editione adornanda pridem sumus. Versio magna ex parte paucis mensibus jam profligata est. Cætera brevi expedientur, σύν τῷ Θεῷ. Superſunt notæ, ad quas dudum nos comparamus. Scriptorem enim magnum magno studio illustrare aggressi sumus; modò vitam & otium Dei benignitas sit concessura. Nam quæ nos pericula circumſtent, vides: & profectò, id agitur à nonnullis, ut clementissimi Regis beneficio uti diutius non possimus. Quod si aliquid ingruat, & pateat via, statui in Germaniam vestram me recipere; saltem ut Polybii editionem ibi curem, tantisper dum Deus Opt. Max. certam aliquam mihi, & meis sedem ostendit. Vale, amicissime Vir, & pusillum quendam libellum eis dies paucos à me expecta, quem vel propter genus argumenti non dubito fore tibi acceptum. *Lutetiae Parisiorum, a. d. III. Kalend. April. CIO IO CVI.*

EPISTOLA CCCCXCVI.
DAVIDI HOESCHELIO.

INfrequentiam mearum excusarem, 1606. nisi considerem notas esse tibi occupationes, inter quas vitam heic traho. Possum hoc tibi verè & sanctè jurare, pestem hanc esse meorum studiorum, quibus nescio profueritne plus ob copiam ἀφαιτον librorum, an nocuerit ob jacturam ἀφουκτον temporis, mea in hanc urbem migratio: nisi quod illud melius esse credimus, quod Deo τῷ τὸν ἡμίπρον βίον διακονοῦντι placuit. Scripsi antea de acceptis Procopii chartis usque ad paginam sexagesimam. Cæpi cum altero MS. eas conferre, nec planè operæ poenituit. Pergam igitur, σύν τῷ Θεῷ, & quæ invenero, ad te mittam. Tu velim significes, quo tempore absolutam eam editionem fore putes; ne seum sit meum auxilium. Nos in Polybio vertendo pergimus; quā molestiā pridem defuncti essemus, si Monspelii, aut Genevæ viveremus. Nunc vix dimidia pars operis confecta, & superſunt Notæ, labor ingens, si Deo placuerit otium præstare. Non enim auscultabimus viro docto, qui nuper in editione magni Scriptoris id egit, ut leviter

1606. *leviter & ἐπιπλάως tractandos esse magnos Auctores hominibus persuaderet. Damus hoc ejus ætati & meritis, ut hoc ipsi per nos liceat. At consilio illius in adornanda editione nostra non utemur. Quanquam, mi Hoescheli, nolim te fugiat, aliam esse poriore curam, quæ mihi cor urat, cum ea videantur imminere tempora, de quibus ne cogitare quidem sine horrore possumus. Verum hæc τῇ ἐπὶ πᾶσι μελήσει. quem oro, ut tuam senectutem omnibus rebus fortunet. Vale. Lutetia Parisiorum, a. d. III. Kalend. April. CIO IO CVI.*

Doctissimum virum, Eliam Putschium, cujus ingenium & eruditionem maximi, pro eo ac debeo, facio, velim salutes meis verbis quam amantissimè. Scripsissem ad illum, si mihi constitisset, ubi locorum nunc degat.

EPISTOLA CCCCXCVII.

CONRADO RITTERSHUSIO.

1606. **N**ON putabam fore mihi vel tantillum otii, ut te compellarem, Vir clarissime. Jamque egeram cum communi amico, doctissimo Gentili, ut patrociniū meum apud te susciperet. Sed ἐξενίκησε τὸ σφοδρὸν ἔρωσός μου, officitque ut quamvis occupatissimus, hæc pauca raptim ad te exararem, cum præsertim à superioribus nundinis, neque scripserim ad te, neque tuarum quicquam acceperim. Cupio ex te de tuis rebus & præclaris inceptis cognoscere; non enim dubito aliquid moliri te ad publicam literarum utilitatem adjuvandam; quod cum feceris hætenus magno cum fructu & publica utilitate, Deum oro, ut etiam porro εἰς πολλὰς πολλῶν ἰσθῶν ἀειδὲς facias idem; & magis magisque in dies de posteris merearis. Illud nemo adhuc in hac urbe vidit. Eum librum ego & Thuanus ὑπεύθυνος quanta cum cupiditate expectemus, ne ipse quidem nescis, nisi nos ignoras. Vale. Scripsi raptim. Lutetia Parisiorum, pridie Kalend. April. CIO IO CVI.

EPISTOLA CCCCXCVIII.

JOSEPHO SCALIGERO.

1606. **E**X iis, quas a. d. xv. Kalend. Mart. ad me dedisti, cognovi, redditas fuisse tandem tibi ἀδελφός multas Epistolas meas, quas pridem putaram periisse. Grata mihi fuere cum primis, quæ de

Arabico Diplomate scribis; nam & ipse 1606.

ὅτι ἔτι ἐκείνῳ ἐσχαζόμενῳ, non ex certa scientia, penè eadem responderam. Si quid postea aliud inveneris, & id significare fueris dignatus, futurum id quoque longè gratissimum: nam et si cura & sollicitudo πρὸς ἑ μέλλουσιν, ut studiorum oblivisceremur, prope jam effecit; cupiditatem discendi tamen non penitus in animo nostro extinxit. Quis jam sit heic rerum nostrarum status, neque tu nescis, & ego malo, ex aliorum te cognoscere, quam ex meis literis: in posterum verò, quæ bonos maneat, scit unus Deus, cui & nos curæ fore confidimus. Epigrammata, quæ misisti, dudum me accepisse, opinor, te non latet. Amicis illa ostendimus ταῖς ἑ χειρὸς γένεσι λαψάνοις. qui tanti illa fecerunt, quanti omnia tua. Sed dolemus omnes seculi infelicitatem, quo illud maximè placet multis, quod maximè falsum. Hinc illa profanæ gentis fiducia, fabulam de Burdonio iterum ventilandi: nam ea de re librum abominabilem edi in Germania †, & Bongarsius noster literis suis nuper querebatur. Te verò, διὰ γένος, si hæc moverent, equidem mirarer. Quid? potuisti in hoc fastigio virtutum & eruditionis constitutus, aliud tibi de sceleratissimis hominibus † polliceri; qui † bellum atrox cum Deo palam gerunt; qui Reges ἀνταγωνίζονται καὶ ἀντιδρῶντες in ordinem cogunt, & quoties lubet, occidunt; ii tibi parcent? Mihi crede, in eorum potestate si esses, dentes eorum σαρκωφάγους non effugeres. Nunc quia Dei benignitas in tuto te collocavit, omnia expectare ab illis debes, quæ ab hostibus veritatis crudelissimis possunt proficisci. Oro te, sapientissime Scaliger, moveri his contumeliis noli; non deerunt, qui tuâ & semonis illius tui parentis causâ in arenam cum id genus monstris velint descendere: tuæ heic nullæ sunt partes; nisi ut, quod fecisti hætenus, pergas constanter de hominum genere bene mereri; quod ut per diu facias, Deum Opt. Max. supplex veneror. Miratus sum, te in dubium vocare, quod legisti in literis hinc missis de colloquio Gossypieponymi cum τῇ δυνάμει †: credideram te pro veris habiturum, quæ ego tibi confirmassem esse certa. Scripsi autem dudum ad te, his oculis vidisse me hominis ἀντιγράφου, quo nihil verius, nihil certius. Habebam multa, de quibus te consulerem; sed pudor vetabat: cum non ignorem, quantam occupationum molem sustineas. Proximè, σὺν θεῷ, de nummis Arabicis, quos vidi cum variis figuris, tecum agam. Vale. Lutetia

† Authores
Sciopii.
Colomel.

† J. J.

† Patrii
Cottoni
cum Hadriano
Fraxinea.
Colomel.

* Responsoria ad
Scaligeri
Epistol.
118.

1606. *tia Parisiorum, Kalend. April. c13 10*
C VI.

Erāt animus ad doctissimum Hein-
sum literas dare; sed id nunc minimè
potui: peto à te, ut, nisi grave est,
hoc loco fas mihi sit, salutem ei adscri-
bere.

EPISTOLA CCCCXCIX.

CONRADO RITTERS-
HUSIO.

1606. **S**cripsi nuper ad te, Vir clarissime,
viā Francofordienti, priusquam tuas
acciperem, exeunte Februario datas;
quæ cum paullò post mihi fuerint red-
ditæ, lætatus sum occasionem tam bo-
nam mihi se obtulisse literas isthuc mit-
tendi; quas equidem uberiores darem,
multumque de communibus studiis te-
cum garrirem, nisi otium deesset: eram
enim, cum ista exarabam, occupatissi-
mus. Quare μάλα περ da mihi hanc
veniam, ut diem diffindere liceat. Scri-
bam enim brevi, θέλω δίδωται, & qui-
dem & αὐ τοῦ, ut puto. De Dioge-
nis Codice & opera tua, beasti me hoc
nuntio. Amabo, quæ inveneris, be-
nignus imperti; amo enim illum Scri-
ptorem, vel eo nomine, quia per eum
mihi aditus primus ad doctorum ami-
citiā fuit; sed multò magis, quod
meminisse illius non possum, quin pa-
rentis mei, viri, cui similem me libe-
rosque meos esse opto, [ca fuit illius
virtus, sapientia & eruditio,] junc-
tissima recordatio animum subeat.
Quod si otium aliquando Deus fuerit
largitus, possè videor editionem con-
cinnare non pœnitendam. Sed hæc
aliās. Nunc scito, quæsisse me dili-
genter de eo Germano, ad quem lite-
ras dederas, quem quia brevi isthuc
intellexi rediturum, mitto tibi, quas
scripseras, literas: sic enim iussisti, &
ita est æquum. Vale optimè, doctissi-
me Vir. Scripsi raptim. *Lutetia Pa-
risiorum, prid. Eid. April. c13 10 C VI.*

Expectamus ego & ὁ θαυμάσιος
Thuanus Epigrammata in scelestissi-
mum librum isthuc scripta, quorum in
tuis meministi. Qui librum non ode-
runt, Auctorem non habent pro sacro
& intestabili, bonorum odio dignos
puto. Paratur nunc, ut audimus, In-
goistadii liber in magnum Scaligerum,
quo nihil sol vidit scelestius, hoc est,
his hominibus dignus, quos νόξ ἐρεβενή
genuit, ἄδης produxit in lucem. En
magistros Romanæ pictatis! en Petri
successores! Thuani Historia adhuc sub
prelis est, quæ si fuerit absoluta, me-
morem agnosces, cum bono Deo. Cla-

rimos viros, Scipionem Gentilem, & 1606.
Georgium Remum, nisi grave, è ver-
bis meis salutabis; nec non doctissimum
virum, Conradum Ottonem, ad quem
nuper scripsi *. Iterum vale.

* Vide
supra,
Epist.
ccccxciv.

EPISTOLA D.

JOSEPHO SCALIGERO.

Sives, bene est; ego valeo Dei be- 1606.
neficio, quem assidue veneror, ut te
præstet valentem, & annos Nestoreos
tibi largiatur. Vidimus nuper carmen
eximium, & verè χρυσὸν ἐπῶν, quo me-
morix magni senis † parentasti. Non † Thoudeti
dicam tibi, quid mihi de illo videat-
tur; sed præstantissimus Thuanus, ὁ ξιό-
χρεως τῆς ποιητικῆς iudex, qui primus
tuum mihi carmen ostendit, vix apud
se erat, cum illud legeret, ac penè to-
tum memoriæ mandaret. Beatum te,
cujus remissiones animi καὶ ἡς τιποσὶν ἄν-
δης τῶν ἄλλων ὑπερέχουσιν. Vale, illustris-
sime Domine; plura enim nunc non
possum. Scripsi raptim. *Lutetia Pa-
risiorum, a. d. VIII. Kalend. Maj. c13*
10 C VI.

EPISTOLA DI.

DOMINICO BAUDIO.

Primū tibi de constantia, quam 1606.
præstas in amore mei, gratias, pro
eo ac debeo, gratissimas agam. Fateor
enim, me in ære tuo esse, neque sem-
per in scribendi officio paria tecum
posse facere. Ut alia tempora omit-
tam, nuper certè cum novissimas tua-
rum accepi, & quos adjunxeras libel-
los, debitor adhuc tuus eram, neque
iis dum responderam, quæ ante unum
alterumve mensem à te mihi fuerant
redditæ. Habes contentem reum, cui
te ignoscere candor postulat naturæ tuæ,
& τὸ ἐυγνωμονικὸν τῶν σὺν τρόπων. Accu-
ses, per me licet, cessationem meam,
& supinam, si lubet, appelles negli-
gentiam; feram æquo animo quidvis,
modò ne animum tuum ulla tangat sus-
picio amoris erga te mei imminuti: ὃ
μὴ γένοιτο, εἰδ' ἔσται. Accepi ab eruditif-
simo Rutgerio Orationem tuam, ad
Studioſos Leidenses habitam, cujus le-
ctio quantæ mihi fuerit voluptati, ver-
bis nequeo exprimere. Proprium hoc
est omnium tuorum scriptorum, ut in
animis legentium θαυμαστὸν πᾶν κίνητον ἐν-
καταλίπωσι, adeo tibi τῇ παιδείᾳ ὅσον fa-
miliare est καλλιερῶν. Sed me nescio
quomodo admiratione majore affecit,
carmen illud tuum purissimæ Latinita-
tis, quo τῷ μακαρίτῃ N. † parentasti. O † Thoudeti

L 1

Vene-
Bala.

1606. Veneres, mi Baudi, tuas! ô elegantiam pari gravitate conditam! Exspectabam carmen à Poëta, inveni severum iudicium de viro longè gravissimo. Revocavit mihi in mentem ejus carminis lectio, quæ nuper super eadem re ad me scribebas; in quo miratus sum, adeò immutatum tibi fuisse animum, ut quem tot literis mihi commendaras, nunc ultrò gravissimis verbis accusares. Equidem mutationis hujus causam è tuis literis parum capiebam, quam videor ex illo carmine luculento planè jam intelligere. Fraudi nimirum viro docto & pio (talem fuisse omnes narrant, neque tu negas,) fuit, scivisse aliquid, quod priores Magistros nostros fugerit. Jam enim, uti video, res eò rediit, ut in unius Doctoris verba omnibus sit jurandum, qui pii volent audire. Meum non est, de tantis rebus ferre sententiam: dissimulare tamen non possum, rem videri mihi admiratione omni dignissimam; neque ullo pacto mihi rationem illam satisfacere, quam ipse non semel commemoras, lapidem, vel malè positum, non esse commovendum. Agnosceis enim tua verba: *Toleranda sunt adulta vitia temporum.* Enimverò ista ratio, & axioma istud, quam vim habeat, & quid ex eo consequatur necessariò, acumen tuum fugere non potest. Verùm de istis rebus plura, *ὅν θεῶν*, aliàs: nam, quod nolo te nescire, accidit mihi, dum cogente necessitate in lectione Patrum eò animo versor, ut totis ingenii viribus nostra placita propugnem, ut de nonnullis capitibus universæ Ecclesiæ antiquæ admirabilis consensus in stuporem me daret, ac figere gradum cogeret. Atque hoc nunc me studium habet; quem ipse nōsti à Romana tyrannide sic aversum, ut nemo queat magis. Hæc raptim exaravi; plura, ut spero, brevi scripturus. Vale, pater Latini sermonis, & omnium elegantiarum. *Lutetiae Parisiorum, Kalend. Maj. c15 15 cvi.*

Suetonium nuper editum in hac urbe, sed nondum planè absolutum, (desunt enim Indices nostrarum Animadversionum) brevi à me expecta.

EPISTOLA DII.

JOSEPHO SCALIGERO.

1606. **T**Riduum vel quatrimum est, cum ad te literas dedi, Vir illustrissime: eò nunc ero brevior, quum præsertim vir nobilissimus, cui has trado, nihil certi habeat de sua isthuc profectio-
Is est Peirescius * Provincialis, tui ob-

* Nicolaus Glan-
dus Fabri-
cius de
Pauze.

servantissimus. Ostendit ille mihi tuo-
rum majorum, qui Veronæ imperita-
runt, monumenta, si quid judico, *ἀξιό-
γαστα*. Utinam possent illa isthic edi,
cum tuis Notis. Sperem & *Πονηρὸν ἔργο-
φίλας ἀσπράζοντάς τινος & φθόνου* digni
profecto homines, quibus rumpantur
ilia. Exspecto, quid novi proferent hæ
nundinæ. Sethum utique Calvisium ha-
bebimus, quem tibi adeò videmus pro-
bari. Sed illud potius opto, ut tuum
opus quàm primùm absolvatur, & ut
frui illo nobis liceat. *Γένοιο, γένοιο.*
Vale, illustrissime Vir. *Lutetiae Parisi-
siorum, a. d. vi. Non. Maj. c15 15 cvi.*

Senator
Aquifex-
tensis, cu-
jus Viro à
Petro Gas-
sando acen-
ratissime
scripta
ubique
prostat.
Colombei

EPISTOLA DIII.

EIDEM.

OMnibus tuis Epistolis respondi, 1606.
præter ultimam, quæ erat de Justi
Lipsii, viri clarissimi, obitu. Gaudeo,
te mihi semel aperuisse iudicium tuum
de illo viro; nam qui à multis annis sic
judicabam, nunc cum tibi quoque idem
videri intelligo, mirificè in sententia
mea confirmor. Omnino magnam li-
teræ jacturam in eo fecerunt: majorem
tamen facturæ, si quam verbis docuit
constantiam, vitâ exhibuisset. Ego non
dubito, verum esse, quod ais, pœni-
tuisset ipsum levitatis suæ, quod à Ba-
tavis, qui ceu numen aliquod *διεπύρε*
eum coluerant, unquam discessisset. Ha-
beo literas ipsius, & quidem *ιδιογράφως*,
quibus testatur, quàm alieno animo ef-
fret à Del-Riis, & id genus portentis &
certissimis veritatis hostibus. De Del-
Rio nominatim scribit, quum ad eum
scripsissem de furore illius canis in te
& magnum Thuanum; contemptu ulcif-
cendam esse imposturam hominis; ne-
que enim ad posteros tam scelestâ scri-
pta esse perventura: & quum de paga-
nico omnium Dæmonum Amphithea-
tro aliquid scripsissem, sic rescripsit,
ut satis palam faceret, detestari se id
genus *δοκίμην μὲν τὸν ἀνθρώπου*. Idem ta-
men cum ad alios scribebat, aut in fa-
miliaribus colloquiis cum amicis, longè
aliud animi sensum præ se ferebat; &
volitabat non ita pridem Epistola illius,
post visum Elenchum tuum scripta,
quam sine indignatione neque tu po-
tuisse legere, neque alii, qui te quâ par
est reverentiâ, colunt. Hæc pridem
adduxerant me, ut miseram servitutem
illum servire non dubitarem; quo quid
miserius? quid cordato homine indig-
nius? Illud verò gravius, quod dum
superstitiosum se simulabat, planè oc-
culto Dei iudicio videtur esse factus.
Vidisti

Respon-
soria ad
Scaliger.
Epist.
c. 17.

1606. Vidisti quæ scripta sunt de illius obitu?

* Miratus
in vita
Lipsii, pag.
60.

Equidem obstupui cum legerem, in ipso agone mortis vestem pelliceam B. Virgani dicasse, & statim iussisse afferri.

Deum immortalem, quæ hæc anilis superstitio! cum interea de Christo, qui solus & *μὲν πᾶσι* est *σωτὴρ*, ne γὰρ quidem. Fateor tibi, magne Scaliger, terrent me hæc exempla eorum, qui veritatem semel agnitam postea oppugnatum iverunt; quod partim ipse fecerat, partim facturus sine dubio erat. Equidem accepto de ejus morte nuntio, ubertim lacrymas fudi; nam & colui hominem, & ille me amavit. Amisi magnum testem mearum in Polybium vigiliarum, quas non dubitabam fore ipsi gratas: *ἀλλὰ τὰ μὲν προστύχθαι ἰσχυροὶ ἀγγέλουσι περ*. Vidi superioribus diebus recentem Scriptorem, cujus nomen ex tuis literis primum mihi innotuit, Sethum Calvisium. Miratus sum, & magis magisque miror indies, qui potuerit hæcenus tantum ingenium in tenebris delitere. Sed mihi videtur homo simplex, & *τὸ δεῦν ἀλλὰ τὸ εἶναι σοφὸς πεισάσας*, de nominis splendore parum cogitasse. Itaque totus semel in lucem prodiens, majore miraculo nos perculit. Sunt tamen nonnulla in ejus divino opere, de quo velim à te ipsum moneri: nam quid attinebat, Natalem à Comitibus, & reliquos id genus nuperos Scriptores, quorum pars etiamnum vivit, toties laudari? hoc nos iniquo animo ferebamus in tam erudito viro, & tam reconditæ doctrinæ; qui si nobis esset notus, per literas cum ipso ageremus, ut in proxima editione hoc *ἀδελφίμα* emendaret. Scioppii *τὸ ἀδελφίμα* in tuum illustre nomen ex catalogo cognovimus; neque adhuc editum putamus. Non committam, ut consilium tibi dem, quid sit opus facto: sed si *ἰχθυογραφίας* Veronensium Mausoleorum, quas ipse vidi, accepisti, eaque monumenta publicaveris; aut fallor, aut ad restim pessimum quemque istorum *ἀλιτρίων καὶ ἐναγῶν* compelles. Nos quoque primam faciem typis editam accepimus libri, quem idem ille *μιαρὸς* in nos evomuit; qui duram profectò suscepit provinciam, ut nos Thrasones prober atque Atheos. Enimverò si Athei essemus, Romæ essemus, quò magnis conditionibus ante hos septem annos *ἀπὸ τῶν κερσάντων* fuimus invitati. Demiror, quibus machinis sit probaturus, suspicionem *ἀθιόπτου* in me competere: mihi facillimum erit palam facere, ipsum & *πλούθειν*, & *ἀθῆν* esse. Itaque librum illum expecto incredibili quadam cum cupiditate; sed longè tamen majore tuum Eusebium, quem si prius,

quod opto, accepero, dubito an tanti 1606. prostituri pudoris nebulonem sim facturus, ut ejus causâ oculos à tuis divinis scriptis velim tollere. Quod superest, peto à te, ut hunc nobilem adolescentem, qui militiæ causâ isthuc proficiscitur, bonum bonis prognatum, benigno vultu digneris suscipere. Vale, illustrissime Heros, & coaxantes omnes ranas sperne, ut te dignum est. Deus Opt. Max. te servet. *Lutetiae Parisiorum, a. d. 111. Kalend. Jun. CIO IO CVI.*

EPISTOLA DIV.

DANIELI HEINSIO.

PRO munere recens accepto tuorum 1606.

pulcherrimorum Poëmatum ago tibi gratias; eò quidem impensius, quòd in tam venusto elegantiarum thesauro nomen meum & *ἀμύση* extare voluisti. Non possum paria tecum facere, quem mirari quæo magis quàm *μμήσασθαι*. animum tamen si spectaveris, facile impetrabo, ne parum gratus tibi videar. De Maximo Tyrio pridem esset transactum, si fides fuisset in certis hominibus, qui operam suam mihi occupatissimo in eam rem obtulerant: sed expertus sum verbis munificos, re fidei sublestæ. Oravi igitur *κατὰ δούπον πλῆν* Vasanum nostrum, ut tuâ meâque causâ negotium susciperet: is si petitioni meæ morem gesserit; sin minus, quæ habeo jam inchoata, proximo quoque tempore perficiam, & tibi mittam. Atque utinam esset ad manum tuta aliqua ratio, curandi isthuc exemplar ipsum! Sperarem enim, tibi rem fore non ingratham, optimæ notæ codicem tractare. Si viam aperuerit amplissimus Legatus †, idque consilium non divulgatum fuerit, mittam librum. Vale, & me ama. *Lutetiae Parisiorum, a. d. 111. Kalend. Jun. CIO IO CVI.*

EPISTOLA DV.

BONAVENTURÆ VULCANIO.

GRatissimæ mihi fuerunt, quas ante 1606. paucos dies à te accepi. Gaudeo amari me abs te, quantum epistola tua humanissimè scripta testatur. Cyrillum verò tuum partim jam esse editum, partim brevi editum iri, etiam atque etiam vehementer lætor. Utinam de tuis annis pars magna posset tibi adimi: vercor enim, ut tantis laboribus senectus tua possit sufficere. Sed aderit divinum auxilium: ille te *ικανώσει καὶ ἐδωκεν*

1606. *μὴν* ad tam egregium opus. Quæ nunc edidisti, apud magnum Thuanum vidi; & in ipso vestigio statim eruditissimas tuas Notas percurri. Quæ promittebas exemplaria, non accepi; neque tamen minus ex animo tibi gratias ago, & habeo. Erit, *ὅν τῷ Θεῷ*, cum par pari referam; nisi potius hoc erit *χαλκῆα χρυσέαν* sed quæ tua est *ἀντιπαλὴ καὶ χρηστός*, voluntatem potius spectabis quàm munusculum, quod brevi sum missurus. Vale, & me ama. *Lutetia Parisiorum, a. d. 111. Kalend. Jun. c13 13 CVI.*

EPISTOLA DVI.

JOSEPHO SCALIGERO.

1606. *S*pero tibi esse redditas, quas ante quinque, aut sex dies ad te scripsi; eas dico, quas accepit à me adolescens nobilis, qui militiæ causâ isthuc ibat. Heri venit ad me honestus juvenis, S. Theologiæ candidatus, qui multò antè isthinc dicebat se esse profectum. Is narrabat, dixisse te petenti, nunquid velles; triduo antè tabellarium esse profectum, per quem ad nos scripsisses. Si ita est, scito eas literas non esse nobis redditas, quod eò molestius, quia de absoluta editione tui divini operis nihil adhuc certi habemus. Illud verò quanta cum aviditate à nobis expectetur, ne tu quidem ignoras. Accendit cupiditatem meam tuus ille Sethus Calvisius, cujus ingenium quotidie magis me capit; in summa doctrina *ἀπλόωτον καὶ ἀπαυγρόωτον*. Ille quidem omnia tibi debet, quantus est; sed & tu, opinor, illi aliquid, quod ad tua *ἡνυμασίωτα* scripta rudioribus iter sternit. In Polybio, pag. 119. non nihil molesta mihi sunt illa verba, *ὁ δὲ χρόνος αὐτῷ τῆς ἀρχῆς μάλιστα τῶν πῶς διήρτη*. de Prætoræ Aetolorum est sermo; quem videtur dicere confecisse illo tempore semestri spatium annui muneris. Hoc quomodo sequentibus conveniat, non satis capio; teque oro, ut locum meâ causâ inspicias; & tuam sententiam perscribas: hoc ego te vehementer oro. Deus te servet. Vale, illustrissime Domine. *Lutetia Parisiorum, a. d. VI. Eid. Jun. c13 13 CVI.*

Scripsi per illum nobilem ad clarissimos viros, Vulcanium & Heinsum; quos unâ cum eximio Baudio salutare heic, ut mihi per te liceat, oro. Eo Polybii loco * *πλειάδων ὀπισθοῶ* interpretamur de fine veris & initio æstatis, ut scribit alicubi Galenus. Pro *αὐτῷ* si *αὐτῶν* scriberetur, longè diversa esset sententia.

* Lib. VII. mox in prima capite.

EPISTOLA DVII.

GEORGIO MICHAELI LINGELSHEIMIO.

*V*ir nobilissime, musteum libellum †, 1606. & vix dum prælo excusum, tibi † *Gregorii Nysseni Epistolam.* ausus sum mittere, amore tuo in me frerus; sed magis pietate, cui hanc qualemcunque opellam impendimus. Si alio loco essemus, & alia, & majora, *ὅν Θεῷ*, moliremur: nunc hoc saltem piæ oblectationis causâ tentavimus. Si conatus proberur tibi & piis, qui isthic sunt, non pœnitebit operæ. Sed teneo generosissimos Barones abiturientes. Vale igitur, & me ama. Scripsi raptim. *Lutetia Parisiorum, a. d. XIII. Kalend. Quint. c13 13 CVI.*

EPISTOLA DVIII.

JOSEPHO SCALIGERO.

*L*ibellum † tibi mitto, Vir maxime, 1606. per occasionem heic recens à me editum; qui si iudicio tuo bonorum lectione indignus non est, gratulabor ipse mihi. Utut sit, tamen tuam de eo sententiam aveo cognoscere. Constitueram ad clarissimos viros, Vulcanium, Heinsum, & alios amicos exemplaria mittere; sed obstitit voluntati meæ casus quidam, per quem factum, ut plura nunc quidem exemplaria nancisci non potuerim. Sed brevi, spero, & habebo, & mittam. Tui operis expectatione quantoperè ego, & Thuanus *ὁ κατὰ τὸν*, & optimi quique viri excrucientur, nihil attinet pluribus dicere. Equidem iter ad matrem cogito ab aliquot jam mensibus; & illa quæ imperare suo jure potest, rogat: sed mihi durum, imò *ἀδύνατον* videtur, ut prius hinc pedem moveam, quàm tuum opus videro ac devoravero. Sed moror te. Vale. Scripsi properanter. *Lutetia Parisiorum, a. d. XII. Kalend. Quint. c13 13 CVI.*

EPISTOLA DIX.

A MONSIEUR DU PLESSIS. ✕

MONSIEUR,

*L*es grandes visitations, qu'il a pleu 1606. à Dieu vous faire experimenter † *La mort de son fils unique & de la femme.* en peu de mois, ont esté autant de témoignages de vostre constance & vraye piété. Car vous les avez, selon qu'ay appris de plusieurs, & senties si tendrement,

1606. ment, & portées si genereusement, que vos amis & serviteurs, au nombre desquels je desire, s'il vous plaist, estre tenu de vous, ont eu plus d'occasion de louer Dieu, que de se mettre en peine pour vous consoler. Aussi nul d'eux n'eust peu éviter le proverbe des Grecs, γλαῦκα ὡς ἁδρίας. C'est pourquoy je n'ay osé prendre la hardiesse de ce faire, quoyque je desirasse vous faire connoistre combien j'estois deplaisant, & attristé de vos grandes pertes. Les vostres dernières m'ont tesmoigné, que ces grands accidens non excusserunt ex animo tuo memoriam mei, de quoy je vous remercie humblement. Par icelles, & les discours qu'ay eus avec Mr. Perillau, mon cher frere, & Mr. vostre Ministre, qui estoit avec lui, j'ay connu le desir pie & Chrestien, qu'aurez que je servisse à la gloire de Dieu, en faisant imprimer quelques Peres Grecs; & le Seigneur sçait quantā flagrem cupiditate id faciendi, atque adeo castigandæ eorum scelestæ pravitatis, qui impune jactitant, stare à suis partibus contra nos Vetustatem omnem, & Patres impotenter adeo jactant. Ego homuncio, & ut illi impuri occitant, Grammaticus Genevensis, possem sexcentas ipsorum fraudes, imposturas, portenta ignorantie in medium afferre. Sed vides tu, Vir nobilissime, ubi sim, & cur heic sim. Id enim actum est, ne mea opera nostris aliquo modo utilis esse possit, quamquam scimus, plerosque nostrorum aliter de nobis sentire, & studia hæc mirificè aspernari. Porro editionem Patrum heic curare non possum; quia non permittitur homini hæretico (sic asini nos vocant) id genus librorum attingere; multo minus quicquam adjicere mearum observationum. Ut extaret tamen egregiæ voluntatis meæ aliquod testimonium, feci non invitus superioribus septimanis, ut pusillum libellum ederem, quem tibi mitto. Is si tibi non displicuerit, gratulabor ipse mihi, & ad ejusmodi meditationes non mediocriter accendar: quæ si non aliis sunt profuturæ, mihi certè, ut spero, non erunt inutiles. Je vous supplie au reste, faire tenir à Mr. Perillau le livre que je luy envoie; & s'il vous plaist, m'excuser envers vostre Ministre *, qui a esté icy, auquel ayant promis un exemplaire, je ne puis à present le luy envoyer, ne l'ayant peu avoir de celui qui l'a imprimé; homme fantasque, & qui fait des livres pour les garder, & qui dem sub clave; mira enim hominis morositas. Ce que je vous supplie faire entendre au dit Sieur, auquel je connois, & la face, & l'érudition, sans sçavoir

* Mr.
Trocho-
reys.

le nom. A la premiere occasion, je tiendray ma promesse, Dieu aidant, au quel je fais vœus pour vostre prosperité, vous demeurant à jamais, &c. De Paris, du 20. Juin, 1606.

EPISTOLA DX.

JOSEPHO SCALIGERO.

Dlu est, cum tuas exspecto; nec tamē miror: scio enim quā sis impeditus; nunc utique, cum ultima manus operi magno à te imponitur: quanquam speramus acta transacta jam esse omnia. Itaque expectatione tam oprati, & tam diu expectati thesauri πύλαι μετωρυόμεναι, mirificè nunc animi cruciamur. Oro, adoroque Deum Opt. Max. ut qui dedit tibi tanti incepti finem videre, det porro alia feliciter ordiri, feliciter detexere. Nos in Polybio nostro strenuè pergitur per aliquot hosce dies; inter miseram enim nuper ἱκὼν ἀέκωντι θυμῷ. Dux Urbinas misit ad me scriptum manu codicem, notæ sanè optimæ; sed qui non Polybium, verum Epitomen Polybii continet. Nihil in eo, quod non sit editum: & quamvis magnam vetustatem liber præfere, non multa tamen invenio meliora quā in aliis. Exspecto nunc codicem Bavaricum, si tantum apud Marcum Velferum gratiā possum, ut ejus operā impetrare illum queam. Interim proceedit versio, & alia præsidia necessaria comparantur: cupio enim, si Deus annuerit, non perfundtoriè eā curā defungi. Cæterum mitto tibi Albategnium †, monitus ab Alealmo, te etiamnum cum librum desiderare. Annus est, & eo amplius, cum traditus fuerat, ut tibi perferretur, diligentissimèque commendatus: culpā eorum, qui acceperant, in urbe remansit: quum multo post in manus meas rediisset, putavi ἔμελλον futurum ἀπόπλεμα. Simul mitto tibi amplissimi Servini libellum, ab eo acceptum, ut illum tibi curarem perferendum. Mitto & Capelli, viri optimi, opus novum ‡; ‡ de quod & literas ejusdem habet adjunctionis. Puto accepisse te libellum Gregorii Nysseni, quem superioribus diebus misi. Vale, illustrissime Vir. Scripsi raptim. Lutetia Parisiorum, prid. Non. Quint. CIO IO CVI.

Clarissimos viros, Vulcanium, Baudium, Heinsium, nisi grave est, salute impertiri hic mihi licebit. Scripsi nuper ad amicissimum Heinsium, cogitare me, illi utendum dare codicem †, † Maximus de quo non semel ad me scripsit: quoniam τῶν ἀδελφῶν ἐν fuit hætenus mihi

† Est hic
Mahomet
Albateg-
nii, qui
scripsit de
Scientia
Stellarum.

Nummit.

† Maximus
Tyri.

1606. reperire, qui laborem conferendi suscipere veller. Erit occasio tutò curandi, cum novus Legatus profisciscetur; si modò serum non est futurum; de quo certior velim fieri: cupio certè illius causâ omnia.

At hanc
respondet
Scaliger,
Epist.
CXIII.

EPISTOLA DXI.

✠ JACOBO GUIJONIO.

1606. **S**alve à me, Vir doctissime; & si meam non aspernaris amicitiam, accipe me in eorum numerum, quos tibi singularis tua eruditio conciliavit. Hanc primum ex sermonibus juvenis supra annos docti, Salmalii, τὸ πρῶτον ἀγέ-
σε, cognovi; postea accesserunt alia, non σημεία, sed luculentissima argumen-
ta tuæ in literis Græcis & Latinis præstantiæ. Audio etiam, in Hebraicis, Syriacis, Arabicis, Æthiopicis te magnâ felicitate versatum; quæ cum intel-
ligerem, gaudium simul & dolor animum occuparunt; illud, quia literas amo, & omnes, qui earum notitiâ excellunt; hic, quia agrè mihi est, quòd hæcenus nullam tui notitiam habuerim. Non enim caruissem fructu amicitiae tuæ, quam mihi non merita mea spondent, quæ nulla sunt, sed tua eximia virtus, quæ πῦν ἐξ ἀγροῦ μυελὸς ψυχῆς σε φιλεῖ, non potest non ἀντιφίλειν. Quod si in eundem affectum te conspirare mecum intellexero, non verebor posthæc de studiis tecum agere. Cupio enim scire, quæ præsidia habueris ad literas Arabicas intelligendas. Nos enim aliquid in eo genere conati, summam rei difficultatem sumus experti; ac quum otio deficeremur, proficere adhuc potuimus non multum. Confecimus tamen nobis Lexicon, & non pauca lætitamus, & hoc saltem sumus assecuti, ut amore illius linguæ accenderemur; sed nos ἀλλὰ ἐξ ἀλλῶν semper remorantur, καὶ τὸ τῷ πικτῷ ἐπιδοῦσι κελεύει. Urgent enim, qui multum ad scribendum compellant, qui tacere mallet, & τῷ ἀγροῖαν θραπύειν. Sed mihi jam non licet esse tam beato; Mæcenatem enim habeo, cui reddenda otii mei ratio. Itaque Polybium nunc habeo in manibus, quem divinum Scriptorem, paucis adhuc notum, versum à me Latine, siquid Latine scio, & operosis vigiliis illustratum, brevi, οὐν τῷ ὑπερβαρύν-
τῳ οἷῳ, sum editurus, & Regi oblaturus, ut beneficiorum, quæ ab eo accipio, ratio illi constet. Sed non morabor te pluribus; tantum petam abs te, ut mutuum in amore facere mecum velis. Vale. *Lutetia Parisiorum, a. d. VIIII. Kalend. Sext. ἀπὸ τῆς ἐνταύτῃ ἐκτετακίας τῇ Δόγῃ, CIO IO CVI.*

EPISTOLA DXII.

JOSEPHO SCALIGERO.

Vir illustrissime, scio adversis ventis 1606. imputare me debere, quòd tot jam menses nihil literarum abs te habeo; nihilo tamen minus hoc incommodum, & grave damnum ferò iniquo animo: cupio enim de tua valetudine ex te cognoscere: neque possum vel mediocrem cessationem tuam, aut quamcunque tandem remoram sine magno cruciatu animi experiri: profecto enim in spiritu tuo spiritus meus vertitur. Itaque Deum assidue veneror precibus, ut te quàm diutissimè servet incolu-
mem. Narro tibi, quod miraberis: tuum illud malum, pessimum, nomen repente factum est optimum. Ecce habeo ipse in manibus, quod tibi debetur; quam summam quum hoc ipso penè momento temporis domum ipse attulerim, certum est, non prius conquiescere, quàm invenero cui tutò illam credam, & isthuc deferendam tradam. Si nullam aliam invenio expeditiorem viam, Temporario tradam, ut ab amplissimo Legato eandem recipias. Vale, & diutissimè vive lætus, per quem omnes bonarum artium amantes lætantur. Scripsi raptim. *Lutetia Parisiorum, a. d. III. Kalend. Sext. CIO IO CVI.*

Aliàs narrabo tibi, quì perveneris ad tuum; nam scelestus ille tuus debitor de malicia nihil remisit; sed ὁ ὑπέρμαχος Thuanus, ὁ καὶ χρηστὸς καὶ κτήσας σου, rem confecit. Viros clarissimos, Vulcanium, Heinsum, Baudium, nisi grave est, verbis meis salutes velim. Scripsi nuper ad Vulcanium, & Heinsum, nec semel: postea libellos Cyrilli, à Vulcanio missos, accepi; pro quibus gratias acturus sum, ubi primum erit facultas mittendi ἀντιδοῦναι, quod promisi. Dedi, quæ misit, exemplaria Thuano, Labæo, & aliis amicis.

EPISTOLA DXIII.

E I D E M.

Vir illustrissime, alteras jam ad te 1606. scripsi hodie; & harum & illarum idem argumentum: ut scias, pessimum illud nomen tuum derepentè optimum esse factum. Est in manibus meis, quod planè periisse videbatur, æs alienum tuum: perfecit enim negotium lentum magnus Thuanus; quanquam ille sileri apud te officium suum percipit; neque ego plura ad te super eo prius scribam, quam

1606. quàm pecuniam ipse acceperis. Deus te servet, virorum maxime. *Lutetie Parisiorum, a. d. III. Kalend. Sext. c. 13* 13 CVI. Raptim scripsi.

Oravi binis literis amplissimum Buzenvallium, ut eam pecuniam tibi numeraret.

EPISTOLA DXIV.

E I D E M.

1606. **N**on deerat, quod ad te scriberem, cum hæc pauca raptim exarabam; tempus & otium deerat. Accepi post diurnam expectationem, quas ante duos ipsos menses ad me scripseras. Ego ab eo tempore tot ad te dedi literas, ut me earum numerus fugiat; nihil enim adeò libenter facio, & ab humanitate tua veniam ἀκαρίας meæ mihi spondeo. De illo scelestissimo Apostatarum,

* *Scioppio* placet consilium tuum; eò quidem magis, quod libertas heic mihi non datur accipiendi hominis, prout furor hic tantus meretur. Quod ait provocatum injuriâ abs me, solens mentitur ὁ τρισκαπίεστ. fateor necessariò mentionem illius me in quadam Epistola fecisse; sed honestiorem quàm debuerim: hoc unum peccavi. Accepi Româ ab amico Medico, vix mihi de nomine satis noto †, literas superioribus diebus. Is faciebat me certiorum de amentia hominis, qui in urbe averſa ab omni bono & vero, sua in te, & me scripta jactat incredibili insolentiâ. Hic Medicus, cum de eo aliquid cognovisset, tanti odii causam propius cognoscere operæ pretium duxit. Hominem igitur adiit, & in eum sermonem induxit, quod fuit facillimum; te enim & me passim in ore habet. Vix aliqua nostri erat injecta mentio, cum homo impurissimæ linguæ invehi in *Grammaticos asinarios* eâ truculentiâ vultus cœpit, ut furere θελαβῆς videretur. Scribit Medicus ille, palam hanc causam prætexere τὴν ἀλιτήριον, quod iustus incumbere conversioni suorum Germanorum, animadverterit huic suo conatui multum obesse opinionem, quam multi habeant de tua divina in literis præstantia: & hætenus quidem puto verum dicere. Quod verò eidem albo nomen meum inscribit, σαφὲς hæc quidem μαρία est: quid enim nos sumus? Addit Medicus, postquam omnia esset scrutatus, hoc comperisse, gloriolam inanem captari à nebulone impudentissimo; de cujus furore ea narrat, quæ si in malam manum incidissent, Inquisitorum manus Autor Epistolæ nunquam evitasset; quamquam

audio, in comitatu Legati Gallici cum 1606. versari. Ipse cogitare se scribit in Græciam, & Asiam. Ego tacere constitui, aut si expugnatur patientia mea, (quod & Romam scripsi) alium deligam Antagonistam majoris dignationis †, qui cum me exerceam; & scis, opinor, quem intelligam; de quo olim Douza filius elegantissimè & verissimè, scribendis Historiis id videri egisse, *Populo ut placerent, quas faceret fabulas*. Hic baro ‡ si mihi stomachum moverit, ‡ *Baro* faxo ut intelligat, non profecisse multum se subornando in me hoc Apostata. Sed hæc pluribus brevi, si Deus volet. Vale, meum docus. *Lutetie Parisiorum, a. d. III. Non. Sext. c. 13* 13 CVI.

Heinsio non possum scribere, librum mitto, quem perit, neque de ejus fide dubitavi. Scribam & clarissimis Vulcanio, & Budio, cis dies paucos.

EPISTOLA DXV.

DAVIDI HOESCHELIO.

Vir clarissime, scripsi ad te ante aliquot menses, brevi missurum me Notas in Procopium περὶ κτισμάτων uberimas, è M. S. codice, & τῆς ἀρχαίας γραφῆς alterius regii codicis: ne promissis hætenus starem, varia impediverunt. Nam & Notæ illæ serò, nec multos ante dies, mihi sunt traditæ; & instituta collatio nondum est perfecta: Habeo enim neminem, qui in ea opera me adjuvet. Constitueram ad Bongarsium Notas illas εἰς τὴν περὶ κτισμάτων mittere, ut tutò ad te deferendas curaret; sed ille maturius opinione meâ è Germania vestra est reversus. Itaque cogor expectare solenne tempus nundinarum Francofordiensium. Si possum, adjiciam & alia; sed egregiæ voluntati meæ morbus reiunctatur: in tertianam enim nuper incidimus; quæ neque acerrima est, Dei beneficio, neque rursus ita lenis, ut statim remissura videatur: ὃ δὲ θεὸς ἐν γένεσι καίται. Libellum à me accipies proximis nundinis; quem non dubito, fore tibi acceptum. Utinam de Velfero idem mihi possem polliceri: sed nos Deo & conscientiæ nostræ gratificari studemus, & ἡμῶν ἀνθρώπων. Tu de illius judicio facias me certiorum velim; nam & illi unum exemplar sum missurus, ἔστω τῷ θεῷ, qui te servet. Vale, & me ama. *Lutetie Parisiorum, a. d. XIV. Kalend. Septemb. c. 13* 13 CVI.

EPISTOLA DXVI.

JOANNI CASELIO.

EPISTOLA DXVII.

JOSEPHO SCALIGERO.

1606.

* *Casellus*
bonus ad
Suetonium,
pag. 178.
hunc ado-
lescentem
vetas, Fri-
dericum
Oveni
Gunthe-
rum.
Colomes.

Quas ad me Nonis Maji dedisti, optime virorum, probè curatas scito; etsi paulò, quàm oportuit, serius: nam Fridericus Guntherus *, juvenis eruditissimus, uno aut altero die prius urbe erat profectus. Itaque mittendæ, quæ illi erant inscriptæ, Andes fuerunt; quod summo studio fecimus; partim, quia illum non mediocriter amamus; partim, quia nihil mihi gratius, quàm tibi gratificari, viro omnium bonorum & eruditorum non amore solum, sed & observantiâ digno. Atque utinam, mi Caseli, majus aliquid tuâ causâ possem, scires, quanti faciam amari me abs te, & studia mea probari. Itaque fremant, & ilia rumpantur *οι περμανόντες*, Thrasones & Athei, ut ille Dæmoniacus Scioppius me nominat stultè & falsò: nam si Thraso essem, aliter scripta mea loquerentur: si Atheus, planè Romæ essem, quò non semel invitatum me fuisse, amici narrant, & habeo testes Baronii Epistolas. Sed mihi à puero fuit persuasum, eam sedem esse *τῆς μυστικῆς τῆς ἀδικίας*. Itaque bonis, & suæ salutis amantibus nihil posse, aut debere esse commune cum illa *ἐπ' αὐτῇ λυκιδῶν* matre. Sed de homine *ἐναγῆ* nimium multa. Ego semel apud me constitui, convitiis ejus canis nihil moveri; neque illucescat illa dies, quæ me in arenam videat descendere cum tam infami gladiatore. Nos aliter educati sumus, Dei beneficio, in aliam spem literas docti ab optimo & sapientissimo parente. Quod si pergat homo amens in furore, & tandem mihi stomachum moveat; non ipsum quidem [*τῶν μὴ γίνετο,*] sed alium majoris dignationis ex eadem urbe deligam mihi Antagonistam †, quicum componar. Et jam profectò pruriunt manus; ea cupiditas animum infedit tot mendacia arguendi, quibus veritas in ea urbe obruitur: *ἀλλὰ πῶτα ἐν οὐκ ἔχοντι καίται*. Ad te redeo, optime, doctissime Caseli, qui ut rebus omnibus floreas, valeas, annosque impleas Nestoris, Deum supplex adoro. Vale, & pignus nostri amoris habe libellum ‡ nuper à nobis editum, in eo genere literarum, quæ nobis solæ sunt in deliciis. Leges, si vacat, & corrige, *δύναται γὰρ*, & ut facias, oro; mihi ut tuum judicium impertias. *πάλιν, αὐτὸ καὶ πάλιν, μάλλον δὲ μυρομυρίακις ἔρρητο.* *Lutetia Parisiorum, a. d. ix. Kalend. Septemb. c15 cvi.*

† *Baronius.*
nium.

‡ *Gregorii Nysseni Epistolam.*

Vir illustrissime, quartus mensis est, 1606. cum nullas prorsus à te literas accipio, unicâ epistolâ exceptâ, quam ante menses ferè tres scriptam, adolescenti cuidam, Juris studioso, traderas. Minus mirarer silentium tuum, gnarus tuarum occupationum, nisi eo spatio temporis binas à nobilissimo Buzenvallio accepissem. Optassem scire, an omnes meas acceperis; plurimas enim scripsi. Varios etiam libellos missi, ab amicis acceptos, ut eos ad te curarem. In his unus fuit meus, hortatu amicorum & scriptus, & editus, Epistola nempe Gregorii Nysseni, cum Notis nostris. Missi & Lescasserii nonnulla; itemque alia, quæ omnia an acceperis, verbo significari abs te velim, nisi grave tibi est. Cum nuper postrema Epistola tuæ responderem, oblitus sum de Jesuita illo *, cujus benevolentiam erga te prædicare aliquando memini. Hunc adversus te scribere, ajebas, Conjeci statim quid esset; nam quia breve Chronicon ab eo paretur, persuasum est nonnullis, adversum te eam machinam comparari. Et profectò cum familiæ illius ingenium cogito, vix aliter posse fieri existimo: nam ut plurimum hic te coleret, & ex animo veneraretur, liberum tamen ei non esset ex animi sententia, *τῇ κείνῃ ἐν φρεσὶν μυχῷ* publicare. De hoc igitur nihil habeo affirmare, nisi hoc unum, palam ipsum admiratorem tuorum scriptorum se profiteri; præterea de Chronico consilium mutasse, orii & librorum inopiâ: ita enim nuper mihi affirmabat; quæ an vera sint, tempus palam faciet. Cæterum moestissimus hæc tibi scribo, sub discessum in proximum pagum, Bretoneriam nomine; eò enim fugat nos ingravescens in dies pestilentia, quæ domum meam penè undique cingit. Molestum est, museum deserere, & simul susceptum opus intermittere; molestissimum, prius ex urbe proficisci, quàm de tuo statu ex tuis literis aliquid cognoverim, aut tuum Eusebium acceperim. Omitto alias doloris causas. Deum oro venerorque, ut te nosque servet. Vale, & me semper ama. Scripsi *Lutetia Parisiorum*; sub discessum meum, *a. d. vii. Kalend. Septemb. c15 cvi.*

Juvenem, qui mihi à te fuit commendatus, rus mecum abduco, ut in Mathematicis disciplinis filium meum instituat. Iterum te oro, scribas ad me de tuo statu, & quid jam moliaris. Sed tuas,

* *Frans.*
ne Ducat.

1606. tuas, quæso, te nemini credideris, nisi Buzenvallio: alioquin satius est, te non scribere; prius enim quàm istas accipias, quintus agetur mensis, ex quo unas duntaxat à te accepi. Vale.

EPISTOLA DXVIII.

CONRADO RITTERSHUSIO.

1606. <sup>* Pelu-
fores.</sup> **I**sidorus * tuus, de quo sapius scripse-
ras, Vir clarissime, naufragium in
terra fecit; ad nos certè non pervenit;
quod culpâ Bibliopolæ non putamus
accidisse, neque ego, neque *ὁ κράτης* &
καὶ μέγας Thuanus. Is tibi Historiæ
sux tomum utrumque mittit; ego, pu-
sillum libellum, quem hortatu amico-
rum ante aliquot menses & scripsimus,
& publicavimus. Spero, bonis non in-
gratam fore opellam: at *οἱ πεπρωμένοι*
quid de nostris in eo genere conatibus
sentiant, non interdum. Mihi propo-
situm est, *ἀλήθειαν ἀσκήν*, & pro ingenii
copia illustrare; illis, veritatem obfcur-
rare, & sexcentis figmentis, aut potius
μυθίοις ἐπὶ μυθίοις ex hominum memoria
delere. Sed est in cœlis Deus, qui mo-
litiones istorum baronum videt ridet-
que. Ille pro sua bonitate infinita vi-
ros excitare velit, scientiâ literarum, &
amore veritatis juxta insignes, qui ad-
versus furiosos istos *παραλόγους* stylum
acuunt. En erit unquam ille dies, cum
exorietur aliquis, qui patrociniū veræ
ἀρχαιολογίας ἐκκλησιαστικῆς fortiter susci-
piat? Me certè etiam vitæ piget tædet-
que, cum triumphare impunè adeo
conflatos ex mendaciis homines video.
Atque hæc cura tam me urit, quàm il-
lius Scioppii amentiam facilè contemno,
qui me Atheum & Thrasonem vocat.
Homo impurus, si maledicere volebat,
cur non aliquid fingeat, quod spe-
ciem verî haberet? Nunc ea mihi tri-
buit, quæ omnes sciunt esse à me alie-
nissima. Enimverò si Thraso essem †,
aliter mea scripta loquerentur; si Atheus,
Romæ essem, quò optimis conditioni-
bus fuisse me evocatum, multi nōrunt.
Sed esto ea per me sedes Scorpiorum
similium Apostatarum, mea certè nun-
quam erit, *οὐδὲ θέλONT*. Sed de his
plura aliàs. Vale. Scripsi raptim. *Bre-
toneria*, quò nos pestilentia secedere
coëgit, a. d. v. Kalend. Septemb. c10
10 CVI.

† Sic fu-
râ. Epist.
DXVI.

EPISTOLA DXIX.
CAROLO LABBÆO.

Amicissime, suavissime Vir, raptim 1606.
hæc scribo, ut diligentiae exemplo
tibi præeam: in solitudine ista, alio-
quin amœnissima, scito nihil mihi gra-
tius fore, quàm si crebris literis tuis de
tuo & amicorum bona valetudine factus
fuero certior. Omnino sum auctor ti-
bi, si latius malum grassetur, ne ani-
mum obdures, & pertinaciter in urbe
maneas: scis periti gubernatoris esse,
velificationem mutare pro flatu vento-
rum. Nos heic dabimus sedulo ope-
ram, Deo propitio, ut rusticationis hu-
jus opus exstet; & Polybii versionem
heic absolvemus, vel aliud quid molie-
mur, si minus illa opera potest proce-
dere librorum inopiâ. De magni ami-
ci, Scaligerum dico, literis & libro,
quàm sim sollicitus, noli quærere. Dum
Lutetiæ fueris, in te spes mihi sita. Va-
le, & me ama. Uxor te ex animo fa-
lurat. *Bretoneria*, a. d. v. Kalend. Sep-
temb. c10 10 CVI.

EPISTOLA DXX.

GEORGIO MICHAELI LIN-
GELSHEIMIO.

Vir nobilissime, nihil habebam, quod 1606.
ad te scriberem; nec potui tamen
solenne hoc scribendi tempus silentio
transmittere. Puto accepisse te pusil-
lum libellum, quem adhuc musteum ti-
bi omnium primo misi *. Dubitarem,
essetne is liber cum meis tibi redditus,
nisi affirmaret *ὁ κράτης* Bongarsius,
esse illum à te acceptum. Spero non
fuisse ingratum neque tibi, neque aliis
bonis hoc velut *δῶγμα* nostrarum in eo
genere lucubrationum. Equidem illud
certè sperarem me assecuturum, si quæ
meditati sumus, ederentur, ut qui me
Atheum vocat, Apostata ille *τρισκατάρω-
τος* Scorpūs †, Romanæ Meretricis
leno impudentissimus, alium esse me
cogeretur fateri. Enimverò si essem
Atheus, Romæ essem, quò fuisse me
optimis conditionibus invitatum, ne
ipse quidem ignorat. Sed perditū pu-
doris & oris impuri nebulonem missum
faciam. Polybius noster propter pesti-
lentiā, quæ in urbe grassatur, scripsit
prælo subjicietur: sed satis citò, modò
satis benè. Est enim profectò dura pro-
vincia; & labor, ut quidem hæc sunt vi-
res, planè magnus. Atque utinam det
Deus Optimus Maximus, ut hæc curâ
defuncti ex animi sententiā, melioribus
M m literis

* *Snjra*,
Epist.
DXVII.

† *Sciop*.

1606. literis & cogitationibus totos dedere nos queamus. Vale, Vir nobilissime, & me ama. *Bretonerie*, septimo ab urbe lapide, a. d. iv. Kalend. Septemb. c15 15 cvi.

EPISTOLA DXXI.

JANO GRUTERO.

1606. **L**ibellum tibi mitto, clarissime Grutere, oppidò brevem, sed quem tibi non ingratum fore confido. Non enim dubito, quin habeas in deliciis id genus Auctorum, Patres dico Græcos, inter quos splendet merito suo Gregorii Nysseni nomen. Ejus pulcherrimi Scriptoris libellum publicavimus, antea non editum. Quod utinam opera ejus omnia edere possemus, & toto nos dedere huic generi literarum! Admonet enim nos ætas ingravescens, ut de meliore vita seriò cogitemus. Itaque sola sunt hæc studia, quæ nos hodie capiunt, etsi ea fortunæ nostræ conditio est, ut quæ in eo genere studiorum meditati sumus multa & varia, promere in publicum non possimus. Sed non deerunt, spero, feliciores alii, qui perficiant, quæ ipsi cogitamus. Nos interim dolium versabimus nostrum, & Polybium, sinaverit Deus, brevi prælo subijciemus. Verti nuper, quæ vir clarissimus J. ***** fecit. Expertus sum, quod semper eram suspicatus, virum illum in Græcis planè puerum fuisse, qui si viveret, candorem meum in dissimulandis ejus peccatis amaret. Sed absit à moribus meis, ut propter ejusmodi observatiunculas viri benè de literis meriti manes lædam. Hoc ingenuè profitebor, & ut omnes intelligant, faciam, postrema illius scripta partim non magni æstimare me, partim etiam abominari. Interest enim Reipublicæ Christianæ, ut sciat juvenus, in * ‡ scriptis hoc discrimen esse necessarium. Exspecto, quid è penu tuo hæc nundinæ proferant novi. Vale, Vir clarissime. *Bretonerie*, quò pestilentia migrare nos coëgit, a. d. iv. Kalend. Septemb. c15 15 cvi.

† Jussu:
Lipsici.
Colomg.

‡ Lipsi.

EPISTOLA DXXII.

DAVIDI HOESCHELIO.

1606. **N**oras ad τὴν πρὸς ἀπομάτην mitto tibi: habes eas beneficio Caroli Labbæi, Jurisconsulti, viri eruditissimi, & nobis amicissimi. Eram adjecturus τὴν ἀποφύγε γραφὴν ex altero codice MS. Bibliothecæ Regiæ; sed perficiendi opus institutum facultas adhuc mihi defuit;

multum enim temporis, ut scis, hujusmodi librorum collatio postulat: accidit autem perincommode, ut eo tempore, quod ei operæ destinaveram, morbus me haberet. Ex quo ut sum recreatus, rus secedendum fuit ob pestilentiam, quæ multos jam è vicinis meis αὐτὴν προίασεν. Accedit, quod experientia didici, ut non inutilem futuram illam operam, ita fortasse parum necessariam. Video enim, te plerasque lectiones ejus codicis ex aliis adnotasse. Utiliter observari quædam posse, non negaverim; cuius rei δαίγμα tibi exhiberem, nisi casu relictus esset in urbe codex regius, cum acceptis à te chartis. *Bretonerie* enim ista, non Lutetia, scribimus. De versione quid constitueris, velim scire. Ego & maximus Thuanus eruditissimum Rigaltium penè compuleramus reluctantem, ut verendi onus in se susciperet. Sed consilia nostra publica hæc lues conturbavit, quæ nos huc illuc divisit. Itaque de hac re nihil habeo certi polliceri. Mitto tibi libellum, de quo nuper scripsi; qui si tibi, viro doctissimo, & πρὸς ἀνὴν φρονεῖν, non displicuerit, omnium τὴν κοίνα φρονήτων, & τῇ κτίσει δαλεούντων judicicia facile contemnam. Vale, & me ama, & pro incolumitate nostra vota Deo Opt. Max. facito, sicut nos facimus pro tua. *Bretonerie*, septimo ab urbe lapide, a. d. iv. Kalend. Septemb. c15 15 cvi.

EPISTOLA DXXIII.

CASPARO BARTHIO. ✕

1606. **T**uas accepi, Vir eruditissime, & si mul amorem erga me tuum ex iis cognovi, qui ut mihi gratissimus est, ita persuadeas tibi velim, paria me tecum facere, & semper facturum. Vivit enim nemo, qui amari se à bonis & doctis vehementius quàm ego cupiat. Soleo inter studiorum fructus hunc censere cum primis, neque ego aliam mercedem vigiliarum mearum mihi proposui, nisi hanc, ut Reipublicæ literariæ prodesse, & eruditorum hominum studia possem promereri. Et habeo sane, cur Deo Opt. Max. gratias agam, qui in hac ingenii tenuitate, scientia mediocri, amantibus literarum probare conatus meos ut possem, dedit: non hoc eruditio mea facit, sed candor, & ἀνεξικανία Lectorum. Nam quas mihi tribuis laudes, si agnoscam, infans sim. De locis Juvenalis gratum fuit, tuas conjecturas intelligere: cum Poëtam gravissimum, si superi annuerint, accuratè recensebimus. Vale. *Bretonerie*,

1606. *neriæ*, quò pestilentia per urbem grassans migrare me compulit, *a. d. iv. Kalend. Septemb. c15 15 cvi.*

EPISTOLA DXXIV.

✠ JOANNI KIRCHMANNO.

1606. **G**Ratum mihi fuit, Vir doctissime, post longi temporis silentium, tuas accipere, & de tuo statu cognoscere. Nam postquam ex Italia es reversus, de te nihil certò porueram intelligere; nisi quòd ex eruditissimi tui libri lectione, quàm esses in amore mei constans, luculentè didiceram: neque sanè ego tuas expectassem, si ubi locorum esses, aut quòd meas mitterem, exploratum habuissem. Nunc cum literis tuis amantissimè scriptis me lacestisti, dabo sedulo operam, ut tuæ diligentiae tibi fructus constet; neque ullam scribendi ad te occasionem prætermittam, quam quidem satis tutam fuero arbitratus. De Mortualibus tuis quid sentiam dicerem, nisi effecisses, ne liberum mihi esset de eo pronuntiare: non enim possum cum librum non ferre in cœlum laudibus, quo libro meæ laudes, & quidem immeritæ, tot locis attinguntur. Cum primis verò illud suave legenti erat, quòd me alicubi ad eas literas illustrandas hortaris, in quibus solis diu est, cum ex omnibus vitæ hujus ærumnis animus conquiescit meus. Quod nuper editione libelli cujusdam Gregorii Nysseni videor mihi abundè esse testatus; facturus id ipsum longè luculentius, nisi federet *ἐν τῷ βῆτι*; & præcisa mihi ista in loco ejusmodi scriptionis esset libertas. Sed de his aliàs fortasse plura: non enim facio quicquam libentius, quàm ut de studiis cum amicis fabuler. Eum porro, quem dixi, libellum à Drovardis, mercatoribus nostratibus, nisi longinquitas itineris impedierit, spero, te accepturum. De magni Thuani Historia, tecum planè sentio, & omnes simul boni: quis enim ejus laudes satis dignè exsequatur? Quis non admiretur sapientiam, constantiam, eruditionem? At non ita sentiunt *οἱ πάντες παπμανέντες*, quorum exarsit furor ad illius operis lectionem. Quid mirum? non enim aqua igni magis contraria, quàm horum palatum *ἀπαθεῖ τῷ ἀληθεί*, cujus ipsi sunt hostes infestissimi. Quæ te nunc studia habeant, quid pares, velim scire. Non in Polybio sumus, quem præstantissimum Scriptorem & vertimus Latinè totum, & exquisitè diligentia illustraturi sumus, si dabit Deus, ea posse in publicum edere, quæ quotidie meditamur: sed incredibile dictu est,

quàm multa se subinde nostris conatibus offerant impedimenta. Itaque *ἐν τῇ τῶν ἀναγινώσκοντων ἀνέξικα* spes nostras ponimus. Vale, Vir eruditissime, & me ama. *Bretoneriæ*, septimo ab urbe lapide: huc enim migrare nos coëgit grassans per urbem pestilentia, *a. d. iv. Kalend. Septemb. c15 15 cvi.*

EPISTOLA DXXV.

GEORGIO MICHAELI LINGELSHEIMIO.

SCripscam paucis antè diebus ad te, 1606. Vir nobilissime; sed discedentem à me amicum * hunc meum, ut studio-<sup>* Clau-
dium Sal-
matium,
Colomel.</sup> rum causa isthuc se conferret, non potui dimittere sine meis commendatitiis; est enim profectò dignissimus, quem omnes boni ament. Omitto incredibilem eruditionem pari modestià conditam; illud equidem pluris facio, quòd puriorem Religionem palam non dubitavit nuper profiteri, patris voluntate insuper habità, qui *ἀνθρώπων π παθὼν* optabat tacito sensu veram pietatem coli. Non miror frigus optimi viri, qui multos annos *βασίλειαν τὴν πρὸς τὸν Σωτῆρα*, tandem succubuit infami illo anno septuagesimo secundo. At zelum pietatemque filii miror, & fausta omnia illi precor à Deo Optimo Maximo. Is nunc, ægrè impetratà à patre venià adeundi Academiæ Germaniæ vestræ, & proprià quasi voluntate, sed & suasu etiam meo, ex omnibus vestram potissimum elegit, ad quam se conferret. Sponsor illi fui tuæ benevolentiae; neque dubito, fore ipsi ad tuam Amplitudinem, vel meā gratiā, aditum: ea est fiducia mea de tuo amore. Vale, Vir nobilissime: nisi grave est, an acceperis pusillum libellum, quem nuper misi, fac me ut sciam. *Bretoneriæ*, *a. d. iv. Non. Septemb. c15 15 cvi.*

EPISTOLA DXXVI.

DANIELI HEINSIO.

BRevitati mearum ignosceas oro; 1606. ptim enim ab urbe proficiscens, ista exaro. Profectionis causa pestis est, quæ eā potissimum regione urbis sævit, quam habeo. Non tamen eram discessurus, nisi amplissimæ familiæ ratio mihi fuisset habenda. Abduco mecum juvenem, qui *συστατικὰ* à magno Scaligero, te, & Baudio nostro attulit. Visus enim est *καλὸς καὶ χαρὸς νεανίας, καὶ μαθήματα σύν ἐν παρέργῳ ἀσκήσεις*. Huic igitur filium meum tradidi in Mathematibus erudicendum tantisper, dum hæc lues

1606. grassatur. Maximum Tyrium puto accepisse te, & velim literis tuis statim significes. Sed quoties ad me scribere volest, amplissimo Buzenvallio tuæ sunt tradendæ; quod quia factum non est ab illustrissimo Scaligero, evenit ut per menses amplius quatuor literas illius desiderem: solas enim accepi, quas ille juvenis attulit; quum tamen & a D. Buzenvallio sæpius intercæ literas acceperim, & ipse minimùm ter quater singulis mensibus scripserim. Vale, amicissime Vir. *Lutetie Parisiorum, a. d. VII. Eid. Septemb. CIO IO CVI.*

Gregorii Nysseni libellum, nuper à nobis editum, tibi mittendum dedi fratribus Drovardis, Francofurdum euntibus.

EPISTOLA DXXVII.

CAROLO LABBÆO.

1606. **V**icit augurium meum; confeci enim iter, ne unicâ quidem guttâ complutus. Etsi autem jucundissimum erat futurum, quod supererat diei, tecum & cum amicissimo Rigaltio, quem volebam invisere, literatis fabulis transigere; pudebat me tamen ἀδελφίας πείζομενον ὑπ' ἀνάγκης optimo viro esse oneri. Dolui, non fuisse occasionem compellendi Bellavenæi; ad quem scribo, ut vel prece, vel pretio libros recipiat. Sumptus, si qui erunt faciendi, eos meo nomine D. Magdalenus faciet; ipse omnia refundam. Orarem te, ut in eam curam incumberes, nisi certò scirem, ἀπεύδοντα ἢ αὐτὸν στρέφειν nihil esse opus. Si quid tamen meæ apud te possunt, rem suscipe unâ cum Bellavenæo. Faber ὁ πλουμαδέστατος, ἢ τὰ πάντα ἀριστος, affirmabat heri mihi, apud Beys pridem visum exemplar optatissimi ejus operis. Sic enim ad te scriptum esse à doctissimo viro, qui viderat, legerat. Miserum me! quòd hoc nesciam; Lutetiæ enim fui. Sed omnes spes meæ in tua diligentia mihi positæ; quum præsertim tua, non minus quàm mea res agatur. Uxor te ex animo salutabat. Vale. *Bretonerie, a. d. XII. Kalend. Octob. CIO IO CVI.*

Cura valetudinem, per Deum immortalem; hoc primùm, hoc postremùm à te contendo.

EPISTOLA DXXVIII.

DOMINICO BAUDIO.

1606. **E**tsi Lutetiâ nuper discedens propter grassantem ibi luem, dedi ad te literas, Vir clarissime, tamen quia scie-

bam, Everwinum nostrum, quem mihi 1606. commendasti, ad te scribere, lubens pauca hæc exaravi; ut scires, me, ubicumque locorum tandem sim, tui memoriam jugem servare, te amare, te mirari, & illud præstantissimum ingenium, quo excellis. Legi his diebus incredibili cum voluptate carmen aureum, quo virum divinum, & novum ejus opus Eusebianum laudasti. Nihil poterat neque elegantius, neque Latinius. Jam sententiarum gravitas cum perspicuitate ita certat, ut nesciam utrum potius mirer; τὴν οὐρίνηαν ἔλῳγῃ, quæ, meo judicio, præcipua virtus est; an τὴν ἔγκαν τ' ἀγαθίας καὶ τὸ μεγαλόφρων. Tacco pietatem ἐν ἀθέτῳ, quam totum carmen spirat. Itaque meritò me rapuisti in admirationem tui; etsi jampridem gnarum τῆς οἷς δεινότητος. Nos paramus Polybium, quem Authorem si dabit Deus edere, ut est animus, non erit, spero, cur operæ nos poeniteat. Sed magnum opus futurum est; mole quidem certè, utinam & re ac legitimâ æstimatione. Sed de his aliàs, volente Deo, qui te servet. Vale, & me ama. *Bretonerie, a. d. IV. Kalend. Octob. CIO IO CVI.*

Peto à te, ut clarissimum virum, Vulcanium, meis verbis salutes quàm officiosissimè. Scripsi nuper illi, & libellum misi, missurus etiam tibi, si fuisset ad manum exemplar; sed culpam emendabimus, σὺς θεῶ, brevi.

EPISTOLA DXXIX.

JOSEPHO SCALIGERO.

TAndem respexit nos melior Deus, 1606. & exoptatissimum illud opus ἡν-μαστότατον tuum tandem accepimus. Cruciverat nos longissima illius expectatio mirum quantum; planè ut animum desponderemus, & de fruitione tanti thesauri sæpe desperaremus. Sed erant ista majoris gaudii irritamenta, quo nunc fruimur tanto, tam cumulato, tam omnibus modis perfectò, ut vix capaces illius simus. Ergo habemus tandem Eusebium verum; imò Eusebios sexcentos pro uno: habemus verum παντοδαπῆς ἱστορίας thesaurum, verè thesaurum, & ἀμαλθείας κίρας. habemus divinum opus, Isagogicos Canones, clavem totius hujus doctrinæ pulcherri- mæ, præstantissimæ, utilissimæ: habemus filium Thesei, quod per rerum antiquarum Labyrinthos tutò nos ducat: faciem denique habemus & Pharum, cujus beneficio scopulos devitemus, ad quos omnium naves adhæserunt, qui ad hanc diem credere se illi ponto sunt ausi.

1606. aul. O beneficium in Rempubicam literariam à te collatum prorsus admirabile, prorsus stupendum! imò verò, ut melius dicam, penitus divinum, & à Deo profectum! Deus enim est, Deus profectò, qui igneum vigorem ingenii tui etiam in hac ætate mala, ab omnibus senectutis incommodis præstat tibi factum tectum. Ille est ἡ ἀέναος πῖσις σοφίας πηγὴ, μάλλον δὲ ἀντισοφία, qui tot abstrusæ sapientiæ fontes tibi uni aperuit; qui ad illa adyta tot mysteriorum epoptam te admisit. Maeste animo, magne Heros, habes ingens præmium ingentis tuæ virtutis, & vitæ sanctissimè, castissimè, ὡς ὑπερίστα actæ. Nam quod res tam arduas, tam nemini dum mortalium ne tenuissimā quidem suspicione notas, nōsti ipse, quodque illas tantā dexteritate, tantā felicitate, tantā elegantia ceteros doces; duplex miraculum est, & duplex superum erga te benignitas. Quis tuos annos cogitans, subtilitatem argumenti, & tot supputationum laborem improbum non stupeat? Quis memoriam tot rerum diversissimarum, tot Autorum, tot linguarum non excedere humani ingenii fines dicat? Quid dicam de elegantia descriptionis? αἶσας μὲν ἔχειν ἱστορῶντα, & ἀγρυπνῶντα τὸ σῆμα δίδεται μοι, ὡς ἔγωγε & θυμάμαι. nam Præfationem in Ilagógicos Canones tanta cum voluptate, tantaque cum admiratione legi relegique sapius, ut non meminerim, pariter affectum me ab ullius unquam scripti lectione discessisse. Næ multum tibi fungi illi debent N. & N. quorum nomina divinis tuis scriptis toties inseuisti; at nos ipsis longè plurimum, absque quibus foret, tam venustā scriptione, tam doctā, tam omni lepore conditā hodie careremus. Mihi verò non minori fuit voluptati, elogia illa videre, quibus Pyriphlegethontes, Animalium Conditores, & similia portenta ornas; quam tot luculentis testimoniis vehementiam tui erga me amoris agnoscere; qui illas tibi expressit tam immodicas laudes, tam immeritas, quibus me tot locis afficis. Nimum de tua existimatione securus fuisti, cum ea mihi tribueres, quæ scriptiunculæ nostræ frigida & jejuna refellunt nimis. Verumtamen quo ardore penitus cognoscendi doctrinam tuam fuerimus inflammari lectione tuorum χρυσῶν χρυσοπύργων κανόνων, reapse, σὺν τῷ Θεῷ, nos tibi probaturos esse confidimus. Quod superest, Deo Opt. Max. gratias immortales ago, quod molestiā editionis hujus sis liberatus. Res ipsa arguit, cum hominibus rem tibi fuisse indignis, quorum nomen in ulla tuo-

rum scriptorum parte extaret. Sed erit, 1606. spero, brevi altera editione opus, quæ si per Θεοφύλις γένεσθαι liceret, non alibi melius, quàm Lutetiæ curaretur. Iterum iterumque τὴν μέγαν & μινύταλον Σωτῆρα veneror, ut Nestoreos annos tibi largiatur, & hanc ad miraculum utque viridem senectam tuam in dies reddat valentior, teque omnibus bonis cumulet: πῶς μοι κρήνην ἱέλδωρ, ὃ μέγας ἐν ἑρανῷ Θεός. Idem mecum vovebat Josias Mercerus, hospes nunc meus, vir eruditionis & judicii præstantissimi; qui de tuo Eusebio ita sentit, ut nihil adhuc ei comparandum sibi visum, affirmare non vereatur. Iterum vale, & quid jam moliaris, nisi grave est, significativa. Bretonerie, quo propter pestilentiam secedere sumus coacti, a. d. iv. Kalend. Octob. c. 15 15 cvi.

EPISTOLA DXXX.

DANIELI HEINSIO.

EX iis, quas à magno Heroë accepi 1606. novissimas, intellexi, Maximum Tyrium tuum ad umbilicum esse perductum: itaque frustra tibi missus fuerit liber regius, quem scio Luteriæ unum alterumve hæsisse mensem, postquam Procuratori amplissimi Domini Legati *, Temporario, traditus à me fuerat. Dolet mihi, quod maturius voto tuo satisfieri non potuerit: sed illud me recreat, quod neque culpā id factum est meā, & tu eo ingenio es, ut defectum codicis αἰσθῆναι facile suppleveris. Si quid erit aliud, in quo opera mea utilis tibi queat esse, utere jure tuo, & παρρησίαν impera. Tandem sitim nostram explevimus lectione admirabilis πάντος λόγου πύραν operis Eusebiani. Deum immortalem, οἶον τὰ πρὸ πέφυκε πύρας! Non fuit, non erit par aliud ingenium; patrem unicum excipio, verè dignum tanto filio. Beatum te, qui tanti Herois consuetudine tot annos frueris; & longum utinam fruaris; ille te. Polybius lentè procedit; sed non stertit tamen. Longus illi περὶ κατὰ δέλιχθαι, priusquam perveniat ad metam: si modò dabit aliquando Deus, ut eò perveniat. Vale, & me ama. Bretonerie, a. d. 111. Kalend. Octob. c. 15 15 cvi.

* Buzin-
vallii.
Colomel.

EPISTOLA DXXXI.

CAROLO LABBÆO.

TAndem aliquando nactus sum, quem 1606. tamdiu exspectaveram, librum, vel potius παντοδαπῆς ἱστορίας uberrimum thesaurum. Non dicam, superatam esse

1606. exspectationem meam; nam omnia summa ab illo exspectabam, ex quo nihil nisi admirandum proficisci posse noram. Fatebor tamen, aliquid in illo opere invenire me, quod non putaram, illam dico scriptioris amœnitatem, π γλαφυρον, π ἡδύ, π ἐπίχαρι, π μεμεσμένον. Nam, per Deum immortalem! quis ætatis illius conscius, Præfationem illam stupendam in Canones Isagogicos ab eo vel exegisset, vel exspectasset? Quid illi lepori cum ætate mala commune? Parum abest, quin illos τὰς πελαγοῦρας fungos, Lydiaten *, & illum πν δὸν τῆς ἐπιτάφου prædicem beatos, quod tanti Æneæ dextrâ cadant: sed nos fortasse rustici homines soli ita iudicamus; vos urbani quid censeatis, scire ex te cupio; quid doctissimo Rigaltio videatur; quid illis, quos etiam sine nomine satis designare me intelligis. Sed Annalium Conditor †, cum parem honorem sibi, ac Volusio esse habitum, & quidem ἀφ' ὧν ὁρᾷ, intelliget, quid dicet? Credo equidem facturum, ut de eo dici possit, quod olim de Pericle: ἡσραπὶ, ἐβροντᾷ, συνέκυκα τὴν ἑλλάδα. Sic ille profecto totam Italiam clamoribus miscebit; fortasse etiam fulmina è Tarpeio saxo conciebit; nam daturum manus veritati, stultum sit putare; non ea est hodie ingeniorum indoles; non utique illorum, qui anilibus fabellis pasci, in deliciis habent. Sed hæc inter nos ππαίχθω. Vale, amicissime Vir. Bretonerie, a. d. 111. Kalend. Octob. C15 15 CVI.

* Thesaur. Vide Scaliger. Epist. 117. 133. 240. 241.

† Baro-nius.

Scribebas nuper te D. Fabro Epistolam mittere, quam nulli vidimus; vide, oro te, ne perierit. Ille te amanter salutatur. Quas ad magnum Heroem scribo, tuæ fidei sic commendo, ut omnem cautionem à te adhibitum iri sperem, ne mihi opera, cum illam scripsi, pereat; hoc ego à te vehementissimè contendo, eò magis, quia vereor ne D. Buzenvallius jam itineri se accinxerit.

EPISTOLA DXXXII.

✠ CAROLO LABBÆO.

1606. Iterum de te queror, qui fasciculum magni Herois ad me transmisisti, in quo tuæ erant inclusæ. Quid fuit cur non aperires? Velim agas aliter mecum, aut non manebo ἐν πύσῃ, qui te ἄλλον ἐμὲ duco. Ex ingenti numero Fasciculorum & Epistolarum, quas famulus attulit, solæ fuere Scaligeri sine argumento doloris; omnes aliæ tristes; quædam molestissimæ, plus etiam quàm exprimere verbis queam. Unis literis

certior fio, matrem piam & ter venerandam, quæ me tandiu vocavit ad se, in morbum gravissimum incidisse; quoniam nisi Deus Opt. Max. illam levaverit, & præstiterit mihi hoc beneficium, ut illa me, ego illam videre amplexarique possim, acerba mihi futura omnis vita. Sed Deus meliora. Aliis literis de rebus meis apud Geneveses fio certior. Omnia me cruciant, quæ prætermitto, ne commemoratione tot tristitum te quoque in mœrorem adducam. Unum est, quod te nolo ignorare, Paulum Stephanum, de quo scripsisti, abesse illum quidem Genève; sed non ob eam, quam existimas, causam; verum ideò, quia dum satagit innocentiam ejus propugnare, quem nesciat esse perfidissimum & sceleratissimum, in fraudem incidit. Parum abest, quin dicam δικαιοῦτατοι εἶναι τὸν μισθὸν τῆς πολυπραγμοσύνης καὶ πενουργίας. Sed tamen hoc casu quin gravissimè angamur, ego & uxor facere non possumus. Et profecto melior hæc illi soror fuit semper, quàm ille ipsi frater. Sed lætiora inde speramus; teque oramus, ne tam infauftum rumorem, præsertim falsissimum, dissipari, quod in te erit, sines. Uxor te ex animo salutat. Vale. Bretonerie, a. d. 111. Non. Octob. C15 15 CVI. Scripsi raptim.

EPISTOLA DXXXIII.

FRANCISCO VERTU-
NIANO.

MONSIEUR,

1606. Je vous écris la présente de la Bretonerie, huit lienes de Paris, étant icy retiré avec ma famille pour la contagion. J'ay eu cest heur de passer une partie du temps des que je suis avec Monsieur Scaliger; c'est-à-dire, avec son Eusebe, lequel après longues attentes j'ay receu, & n'ay cessé, que n'aye devoré uno velut spiritu. Ayant doncques joui d'un si grand bien, je vous ay voulu donner avis, qu'il y en a à Paris, si desirez en avoir, comme je m'assure que ne voulez vous priver de ce grand Thresor re & nomme; Thesaurum enim Temporum opus inscripsit. Quod si dicere incipiam, quantà admiratione sim affectus, dum opus muſteum lego, dies me prius deficiat, quàm millesimam partem cogitationum mearum καὶ ἡ θανμασμὸς tibi indicavero. Duo tamen prætermittere non possum: prius, quod tam abstruse eruditionis vir, tam alti ingenii, imperavit ipse sibi, ut Isagogicos Canones eà methodo scriberet, quæ vel à puero posset percipi,

1606. percipi, qui non sit penitus τῶν μαθημάτων ἀνέχομαι. posterius est πάντες θάυμαται πέρα, quod in tam grandi ætate non aliter scribit, quàm olim cum πάλαι ἤματι. non loquor de doctrina, quæ cum annis crescere solet; sed de descriptione ipsa & inenarrabili vigore animi, quem oratio διαπύξ senis præ se fert. Oro te, ubi primum fueris librum nactus, lege Prolegomena in Isagogicos Canones; certè mecum stupbis τὴν ἀνδρὸς δεινότητα, & illum ἰχθυόσµινεν λόγον, in quo solus, meo iudicio, regnat. Risi verò multum, cum Annales, quos hodie fatui mirantur, Volusianos vidi appellatos. De scelestis verò illis capitibus, Feu-ardentiis, Genebrardis, & similibus ea scribit, quæ maxima cum voluptate sint lecturi, quicunque ad gloriam Dei & veritatis propugnationem, aut notitiam sua studia soliti fuerint referre. Sed abstineo, & te hortor, ut quàm primum cures deferri tibi τὸν πρῶτον φερώνυµον ΘΗΣΑΥΡΟΝ. Utor adhuc (si tamen hoc potius abuti non est) tuo libro*; de quo nuper cum verba facerem magno Thuano, essemusque in ejus Bibliotheca, ille statim è forulis suæ illius opulentissimæ Bibliothecæ librum Capellani Archiatri promittit, & mihi ostendit. Inspeci obiter, & inveni multa, quæ in tuo legeram. Omnino comparandi sunt hi duo libri, & concinnanda editio, cujus neminem jure poeniteat. Verùm de his, in urbem reversi, σὺν τῷ Θεῷ, plura. *Je baise les mains à Monsieur vostre gendre, vous demeurant,*

* Cels.
Vide Epist.
Gallie. ad
Scaliger.
lib. III.
Epist.
98.

MONSIEUR,

Vostre très-humble
Serveur,

CASAUBON.

De la Bretonniere, le 15. Octobre,
1606.

EPISTOLA DXXXIV.

CAROLO LABBÆO.

1606. **V**Ir amicissime, nihil habebam, quod ad te scriberem, sed famulum isthuc iterum sine meis ad te dimittere non poteram. Jussi igitur, ut te inviseret, & salutaret, & de tua valetudine nuntium referret. Constitueram isthuc cum familia reverti; & jam pars maxima est in Urbe: sed terrent amici novis nuntiis. Quid tibi videtur? An satis justa causa est, cur diutius absim à musæo? cum præsertim & magnum opus maximi virorum †, & tua quo-

† Scaligeri
Eusebium.

que eruditissima opuscula pridem devorar m. Itaque percupio veterem Bibliothecam reperere. Sed de hoc brevi σμα πρὸς σμα, διδάτω γε ἔτι πᾶσι. Vale, & me ama. Bretonerie, a. d. IV. Kalend. Novemb. CIO IO CVI.

EPISTOLA DXXXV.

PAULO PETAVIO. ‡ ‡ Colomes.
Clav.
Epist.
Casanb.
Pag. 174.

NON teram frustra tempus afferendis excusationibus, cur tamdiu nullas ad te literas dederim; non quia desint, quæ verè causari possim, & quæ satisfacere tibi posse confidam; sed profecto silentii mei πρότερον καὶ ἀληθινὸν αἴτιον fuit, quod agebat Plato, cum dicebat, οὐδὲν ζῶον λυπρόμενον αἰεὶ. Nam quæ, & quàm gravis luctus causa mox à tuo discessu iis omnibus, qui bonarum in Republica sunt partium, præcipuè autem mihi, fuerit oblata, non clam te est. Refellit enim nos, ὃ μὴ ὠφέλεια, γένεσθαι, vana spes, quam ambo conceperamus de salute viri optimi, sapientissimi, probissimi, & jam τελοσκαρμωσάμεναι, D. Calignonis. Perculit me, fateor, hic casus ita, ut acerbiorum mihi nuntium ad aures accidisse à multis annis, non meminerim. Pars solatii fuisset, si ægrotanti adesse, & gravissimis δαιμονίαις ἐκείνης σοφοῦ sermonibus frui diutius per temporum conditionem licuisset: nunc verò hujus colloquii recordatione, quod mihi unicum & novissimum cum illo fuit, idque sub ipsam tuæ protectionis horam, magis magisque in dies excitator ad tanti viri desiderium, & increpationem mei ipsius, qui non omnia postposuerim, quo assiduus illi, dum licebat, adessem: quod sanè & factum esset, si impetrare ab uxore potuissem, ut rus proficiscens in urbe me relinqueret. Acepi ab iis, qui τὴν μακαρίτην ἐνοσίχλευσαν, nullum ipsi in mediis ardoribus morbi, secundum Dei nomen jucundius aut gratius fuisse ἀποτάμα, quàm si tui fieret mentio, ut facile omnes intelligerent, unum te fuisse, quem vir candidissimus plurimum & amaret, atque adeò in cujus salute non minimam publicæ salutis partem verti judicaret. Scio ego, vicissim, unum te esse, qui rectè æstimes jacturam à Republica factam in viri integerrimi amissione; quod & vidua, femina lectissima, non semel dixit mihi, cum ad illam visendam, & pro mea virili solandam statim accurrissem. Illa enixè contendit à me, ut & memoriam mariti, & se liberosque tuos tibi commendarem: voluit etiam ad te proficisci, ut de suis rebus tecum ageret, & pro

1606. pro tuis in suam domum officiis gratias ageret: petitionem postremò adiecit, ut quem vivum amore tuo tanto dignum judicasti, mortuum eo digneris honore, ut tumulo, quem *λίπν* defuncto curatura est, *Ἰππάρχῳ* scribas. Non dubito, benè interpretaturum te hanc *δέξιν*, & piæ feminae morem gesturum: spero etiam paratam mihi à te veniam, si vulnus hoc animi fortasse jam coire incipiens, renovare literis meis sum ausus. Hunc porrò tantum luctum Dei benignitas non levi gaudio mox mihi temperavit, cùm exoptatissimus & expectatissimus ille Eusebius tandem aliquando ad me pervenit, quem quidem, vel thesaurum potius, ut semel sum nactus, non prius posui de manibus, quàm totum percurri legendo. Nequeo verbis exprimere, quàm variè lectione illà sim affectus: nam ad stuporem atque admirationem, qui sunt affectus perpetui comites omnium, quæ ab illo Heroë profisciscuntur, accedebat etiam voluptas quædam *ἀφ' αὐτοῦ καὶ ἀνιόντῳ* ei, qui non sit expertus. Omnino Sirenium cantus inefficaces autumno ego illecebras fuisse, præut illa *ἡνριασσοτάτη* Præfatio est in Canones Isagogicos, planè divinum opus. Sensit magnus Senex, etiam præter solitum litasse se Gratiis, quando illa scriberet: non enim abstinuit, quin Lectoribus spem eximiae cujusdam voluptatis in ipso Præfationis illius titulo excitaret. Quid dicam de altera Epistola longè gravissima & doctissima, quæ in compellatione summi viri desinit? Nam opus ipsum laudare, virium mearum non est: singulæ notæ, totidem *ἡνριασσοτάτη*. Vidi qui ipsâ operis prolixitate senectutem Auctoris prodi distarent; ego longè aliter sentio; video enim, sermonem illum eâ ubertate esse ingenii, eâ eruditione redundare, ut exhaurire ipse se nequeat. Itaque postquam visus sibi est omnia expromississe, quæ ad aliquod argumentum pertinebant, si deinceps offerat se occasio eadem de re agendi, non minus instructus accedit quàm initio fuerat. Possum hujus rei dare exempla non pauca, quæ mihi quidem summæ fuerunt admirationi. At, bone Deus! *οὐδὲ τῆς ἐπιπλοφῆς* quid dicent, cùm illa legent, quæ adversus Clavios, Genebrardos, Feu-ardentios, & id genus Stygios Pyriphlegethontas variis locis scribit? Conditoremque Annalium, quâ modestiâ est, spero non iniquo animo laturum, quando obiter Volusianorum Annalium fieri mentionem videbit. Bellarminum quoque omne suum virus in Paulum Venetum, Heroëm magnani-

um, & verè *διόπετῳ*, prius effusurum 1606. non dubito, quàm ad nostrum amicum magnum * se convertat. Audisti, pu- * *Joseph. Scaligerum, Colomel.* to, quem in locum res nobilissimæ illius Reipublicæ pravis consiliis eorum, qui Ecclesiæ Dei volunt *τὴν ἀντιπῶν* imperare, sint perductæ: nisi enim præter omnium opinionem aliquis *ἀπὸ μὲν χαρῆς* affulserit, quin ad arma veniatur, fieri haud potest. Scribebat nuper ad me vir amplissimus, Legatus Venetensis †, hortans, ut quia lues † *Henricus Wotton, Britannia Regis apud Venetias Legatus.* publica esset mihi fugienda, Venetias excurrerem; reperturum ibi, quorum causâ laborem itineris non pigeret suscepisse. Cum primis verò, *magnum Paulum visurum me*, ipsa verba illius ponam, *quem Deus necessario tempore ad magnum opus fortissimum athletam excitasset*. Rectè sanè & verè ille; nam ut principia se dant, ingens aliquid molitur *ὁ ἐπὶ πᾶσι*, quod providere mens humana liquidè satis non potest. Si editam ab eo considerationem super excommunicatione Venetorum legisti, non ambigo, quin de magnitudine illius ingenii satis tibi constet. Apologiam verò Gersonis, ab eodem publicatam, adversus *συνοφωρίας* terribili Sophistarum, Bellarmini, tanti equidem facio, ut in eo genere nihil adhuc simile putem legisse. Possem & aliud quid adjicere, quod demirareris, nisi esset consultius *ἐντομα καὶ τὰτα*. Quare in adventum tuum, aut reditum potius meum ab eo itinere, quod seriò nunc cogito, illa ferventur. Ego interim, quod assidue facio, Deum orabo & obsecrabo, ut & te, Vir amplissime, & nobilissimam *δέσποιναν*, *δύο ἡνριασσοτάτη*, uxorem tuam, cum suavissimis pignoribus vestris, servet, fortunet, & omni genere benedictionum cumulet. Vale, & me ama. *Lutetiae Parisiorum, pridie Nonas Novemb. CIO IO CVI.*

EPISTOLA DXXXVI.

JOSEPHO SCALIGERO.

Accepisti, opinor, illustrissime Do- 1606. mine, quas ante mensem ad te dedi, paucis post acceptum Eusebium tuum diebus. Volui illis literis tibi significatum, quantâ sim admiratione tuæ eruditionis & præcellsi ingenii affectus, cùm tuum excellentissimum opus perlegi. Sed profectò si meum affectum ex verbis meis metieris, longè aberit, ut meos sensus intimos plenè perspectos habeas: millesimam enim partem ejus, quod *ἐν μυχῷ φρενῶν μὲν καὶ τῶν* non possum, quæ mea infantia est, tibi satis exprimere. Tamen sci-

1606. to, postquam librum tuum legi, gratias Deo Opt. Max. prorsus ex animo egisse me, quod & tibi res tam abstrusas docere, & mihi discere ipsius beneficio contigisset. Quot sunt notæ, tot *πνεύματα* mihi quidem videntur. Quis ante hunc diem de faciendis, quæ deerant illi Scriptori, cogitaverat? Cui de vera specie operis Eusebiani venerat in mentem? Omnia tua nova sunt etiam eruditissimis, nedum nobis, qui *ἐκτρώματα* quædam sumus in re literaria. Exspecto quid dicturi sint illi *ἡγεῖται*, quibus bis duo non sunt quatuor, sed tria duntaxat. Fallor, aut insigni aliquo facinore injurias suas persequentur: *πὸ γὰρ ἐξηγῆσθαι πᾶσα πρὸς τὴν τῆς ἀληθείας ἐπίγνωσιν*, suam injuriam *οἱ παμμίαιοι* interpretantur. Romæ scribitur ad me, furere Scioppium *ὁλοαῖς μαρίας*: qui quidem illustre tuum nomen in ore semper habeat, neque de me taceat. Non dubito, aut jam esse edita, aut brevi edenda, quæ diversis libris in utrumque nostrum effutivit canis im-mundus. Audio etiam, scelestum Amphitheatri Autorem * nova convitia in

* Caro-
lum Scri-
banium.

† Bellar-
minus.
Colomel.

‡ Pontifi-
cem.

‡ Sar-
pium;
scilicet,
Severissimæ
Venetorum
Reipublicæ
Theolo-
gum, cu-
jus vita à
P. Ful-
gentio,
Sarpis
discipulo,
Italicè
scripta est.
Colomel.

te & me evomuisse superioribus nundinis, quæ tamen ipse non vidi. Sum omnino anceps animi, quid consilii capiam adversus istos *ἀλάστορες*: vereor enim ne probi viri & pii ignaviæ mihi vertant, si taceam: quum præsertim non nostra heic causa agatur, sed Dei, cujus notitiam delere ex hominum mentibus videntur isti velle, & pro vero numine *τὸν τῆς ἐπιταλῆος τρέφον* substituere. Oro te, illustrissime Domine, vidisti, quæ abreptitius ille B. † nuper contra Venetos scripsit? Eam scriptionem ita concludit Sophista Satanicus, ut dicat, si quis putet P. ‡ esse Deum, nequaquam mirari quemquam debere. Tum *περὶ θείας* putidas subjicit, cur id nemini debeat mirum videri. Hunc censent aliud numen credere, aut colere, quàm illud suum idolum *ἑμψυχον*? Sed magna Deo gratia, quod mediis Venetiis virum magnanimum, magnum illum Paulum †, excitavit, qui terribili Sophistarum fraudes & paralogismos, quibus orbi Christiano illudit, palam faceret. Puto vidisse te opuscula hujus Pauli, meo judicio, præstantissima, & dignissima, quæ legantur à te. Lætaberis, scio, & magno Heroi votis favebis tuis. Quæ nuper scribebas de quodam, qui Romæ esset, non dubitavi ad Abbatem R. pertinere: & nisi vehementer ipse fallor, verissima & certissima est tua illa conjectura. Verùm his missis, ad studia nostra redeo; teque oro, ut significes mihi, verum sit necne, quod clarissimus

Bongarsius nuper mihi affirmabat, Ta- 1606. eticorum omnium Græcorum editionem esse à te susceptam; idque opus brevi à te iri publicatum. Exilui incredibili lætitiâ ad hunc nuntium; eò magis, quod in militiæ veteris studiis jam sum totus. Cupio enim non imparatus ad Polybii mei, si tamen mei, illustrationem accedere. Rideas suaviter, si scias, quantum operæ in ea parte *ἀρχαιολογίας* nuper posuerim. Quid facerem? non possum aliter susceptâ provinciâ rectè defungi: atque utinam vel sic aliquid præstem bonorum expectatione non indignum! Quod si non vanus hic rumor ad nostras accessit aures, putem haberi aliquid in nostra Bibliotheca, quod usui tibi sit futurum. Id igitur vide; & quicquid volueris, jube atque impera. Amavi in novissima Epistola tua * sollicitudinem illam * *Exstat n. 125.* tuam de mea valetudine, pro qua immortales tibi gratias ago. Nos verò diu est, cum in urbem rediimus, idque multis de causis necessariis, maximè autem, ut iter ad piam matrem institueremus, ad quod cis paucissimos dies nos accingere, Deo propitio, stat sententia. Aderit, spero, cœptis Dominus Jesus; qui te servet, illustrissime Domine. Vale. *Lutetiæ Parisiorum, a. d. VII. Eid. Novemb. CIO IO CVI.*

Clarissimis viris, Baudio, Heinsio, *Ad hanc & DXXIX.* & aliis amicis salutem ex animo. Scripsi ocreatus ad Regem proficiscens, ut *respondet Scaliger, Epist. 127.* veniam ad iter impetrarem.

EPISTOLA DXXXVII.

CAROLO LABBÆO.

Invitus feci, quod te infalutato, iti- 1606. neri me accinxi, sed adivi ipse ad te pridie quàm proficiscerer, nec domi offendi. Quod præsens non potui, per Epistolam facio, teque oro, ut ad illustrissimum Heroem scribas de profectio-
ne mea adeò subita, ut ne ad ipsum quidem literas dare potuerim, ut op-
bam. Scripsi verò nuper sub ipsam meam profectio-
nem in aulam, quod etiam ut ipsi significes velim. Peto etiam à te, ut cum vacabit, meam & meos *ὁδὴ πάρεχον* salutes, filiumque ad studia literarum tuis verbis accendas, quo mihi nihil optatius possit contingere. Ego dabo operam, ut quàm primum ad libros revertar, quibuscum ut in gratiam redeam, durum mihi certamen propositum video: *Μάχας γὰρ κίνδυνον ἐκβαρβαρήσειδάί με ἐν τῇ ὁδῷ, τοὺς κακὸν ὡρᾶ πολαύοντες τῆς καλῆς συνοδίας ταύτης. Ἡ γὰρ ἐξ ἀνδρῶν οὐγκεται ἐγκωμάτων τῆς ἀνιολιπικῆς φρατρίας τῆς ἐμῆς περὶ φιλεσ-*
N n *της,*

1606. *της, της ηπιωπίτης, της πάντα πὶ καλὰ σι-
ζομένης. En! quibus obiectamentis nunc
fruar. Sed Deus aderit, qui te ser-
vet. Vale, & me ama. Bretoneria,
a. d. XIII. Kalend. Decemb. CIO IO
CVI.*

EPISTOLA DXXXVIII.

JOANNI KIRCHMANNO.

1606. **Q**Uod serius Epistolæ tuæ, Vir cla-
rissime, respondeo, per valetu-
dinem factum, quæ multos jam dies
aut planè adversa, aut parum firma.
Accedit occupationum nostrarum mul-
titude; quæ ejusmodi est, tantaque, ut
nemo, qui eam nôrit, comperendina-
tionem nostram sit miraturus. Salvum
te isthuc venisse lætor, utque ea res tibi
vertat benè, cupio atque opto. Gra-
tum etiam, quod de tuis studiis me-
cum per literas agere instituisti. Hoc
malo, quàm vel inanes & sine argu-
mento literas mittas; vel inopiâ mate-
riæ fileas. Scribe igitur, & inceptum
opus tuum acriter urge. De numero
dierum, qui à morte *ἐκφρεῖν* intercede-
bant *, frustra laboras. Nam congeffi
à te loci ad diversorum populorum
mores spectant. Adde, quod plurim-
um interest, de legitimo funere lo-
quantur Autores, an de eo, quod ne-
gligenter, aut parum benevolè fuerit
curatum. In isto enim omnia raptim,
καὶ ὀπισθυμένως, & ut ajunt, dicis
causâ. Talia multa Suetonius, alique
commemorant. Præterea non clam te
est, in populo eodem, urbe eadem,
non eundem semper morem servatum.
Quod in hac etiam re usu venisse sci-
mus nos. Hæc si diligenter observa-
veris, multa in speciem pugnancia fa-
cile conciliaveris. De tibiis & flamine
Diali quod me rogas, habes super hoc
Scaligeri sententiam, si memini, ad
Festum; cui & nos accedimus. De lau-
datione muliebri proximis literis, *ὅν
τῶ Θεῷ*, plura; eram enim impeditissi-
mus. Vale igitur, amicissime Vir. *Lu-
tetie Parisiorum, Eid. Decemb. CIO
IO CVI.*

* Kirch-
man. de
Funeribus
Roman.
lib. II.
cap. 1.

EPISTOLA DXXXIX.

JOSEPHO SCALIGERO.

1607. **V**ir illustrissime, longiores literas te
ad cogitabam; recens enim rever-
sus ex nuper suscepto itinere †, argu-
mento non carebam. Sed repentinus
atque inopinatus tabellarii hujus di-
fcessus facultatem hujus rei omnem mi-
hi adimit. Hoc unum igitur tantisper

† Ad
Mast. m.

dum majus otium capto, scribam, re-1607.
cepisse me & literas, & libros, quos
amplissimo viro, Buzenvallio, commi-
seras. Ab optimo verò & doctissimo
Heinsio cum Maximi ‡ codicem rece-
perim, literarum tamen *ὅδε γὰρ* accepi;
quod quî factum sit, miror. Ex tuis
æstum cogitationum tuarum videor co-
gnovisse: verum aderit, confide, *ὁ μέ-
γας τῶν πάντων κυβερνήτης*. Ille & vestram
& nostram naves *ἤδη κυμαίνοντας ἐλίγνε
δαίν καὶ βαπτίζοντας* sustentabit, & ad
portum perducet. Inter te & nos hoc
interest, quod tu *ἐγγύς* fortasse τὸ κακὸν
ἐραῖς: nos *ἐν αὐτοῖς κακοῖς ὄντες*, neque
quid speremus, neque quid metuamus,
satis compertum habemus. Oninino
quidem illud non dubitamus, hanc *μα-
λακίαν* nostram diuturniorem per Loio-
litas τὸ *τρισεκαπύριον καὶ ἡσογυγὲς γένος*
esse non posse; nisi eorum conatibus *ὁ
ἐπὶ πᾶσι* se opposuerit. Vale, illustris-
sime Domine. Raptim. *Luætiæ Pari-
siorum, a. d. VI. Eid. Januar. CIO IO
CVII.*

Ad hanc
respondit
Scaliger.
Epist.
129.

EPISTOLA DXL.

CLAUDIO SALMASIO.

REverfus domum è longinquo itine-1607.
re, tuas accepi non unas, quibus
dum in dies responsum paro, ecce ter-
tiam tuam Epistolam, quâ *ἐναγγέλιον*
mihi narras de invento codice *ἔ κύκλω
ἔ ἔσ' Ἀ' χαθὶς ἐκδοθέντος*. Deum immor-
talem, quibus ego lætitiis incesse, cum
illa legerem! Sed ringebar simul, quod
amœnissimis deliciis tibi soli frui lice-
ret, non item mihi; qui si junior es-
sem, & tot adamantinis vinculis heic
non essem astrictus, isthuc advolarem,
& me quoque in partem tanti *ἐμαῖς*
admitti postularem. Id verò quia non
possum, neque nobis licet esse tam
beatis, ut opes illius *περίσσεια* Biblio-
thecæ propius aspiciamus, per ego te
Musas omnes, & quicquid tibi cha-
rum, oro atque obtestor, ut *μερίδας*
saltem aliquas & apophorera nobiscum
communices. Tunc solus cum Sappho-
ne, cum Callimacho, cum Anacreonte
colloqueris, & nobis ad illorum *ἐαρεσ-
μὲς* admitti non licebit? Me cum dico,
omnes intelligo, qui Græcarum Musarum
ταῖς ἐπαδαῖς καὶ γοηταῖς oblectamur.
Iterum iterumque à te peto, doctissi-
me, amicissime Salmasi, ut dum pu-
blico convivio omnes *τὰς φιλομαθεῖς* ad
has lautissimas epulas es invitaturus,
privatim mihi partem aliquam earum
velis impertiri. Si quis faciendus fue-
rit sumptus ad descriptionem, omnia
quæ impenderis, statim refundam: ne-
que

1607. que hoc meo unius nomine à te peto, sed & amplissimi καὶ πᾶν ἀξίον Augusti Thuani, quo nemo vivit omnis eruditionis amantior, ut nec Scaligero magno intelligentior. Accepi & à D. * Guijonio literas, omni lepore & suavitate conditas. O factum malè, quòd tantum ingenium ita in tenebris delitescit! Sed de eo plura aliàs. Tu velim isthic illustria illa nomina, D. Lingelsheimium, D. Gothofredum, & D. Gruterum à me salutes. Deus te ferveret. Vale, & festinationi ignosce; nam adest famulus clarissimi Bongarsii, qui urget. *Lutetiae Parisiorum, No- nis Februar. CIO IO CVII.*

* De fa-
cto Gui-
jonio vide
P. Colo-
nes Gall.
Oriens.
p. 268.

EPISTOLA DXLI.

JOSEPHO SCALIGERO.

1607. **H**eri accepi, quas ante paucos dies ad me scripseras. Ex tuis, & ex sermonibus illius, qui à te acceperat, de tua prospera valetudine cognovi; & maximas eo nomine gratias Deo Opt. Max. egi. Dolet mihi, tantum molestiarum tibi ab iis esse exhibitum, qui veteri hospitio excedere, & Lareis aliò transferre compulerunt. Expertus sum meo magno malo, & studiorum detrimento, quid in ea re sit incommodi, neque puto esse aliquem hodie, cujus Bibliotheca majores mutationes sit passa, quàm sit nostra, cuicunque tandem illa est: ne de magnis & frequentibus mutationibus illis dicam, cum ex alia in aliam provinciam sum translatus: heic certè spatio annorum vix septem, septies huc illuc libraria mea supellex est circumlata; ex quo factum, ut jam meos libros ἐπὶ συγχύσει τῶν ἐναπομαχθέντων τῇ μνήμῃ σημείων, sæpe non agnoscam. Tibi nihil simile posse evenire scio; cujus firmissimam memoriam scripta omnis generis arguunt. Tuus quidem Eusebius ita me statim visus cepit, ut mox à reditu è longinquo itinere lectionem illius reperierim, & totum devoraverim. Sed ad Canones Isagogicos, opus, meo judicio, si quid tamen in his videmus, absolutissimum, captandum nobis est otium luculentius, ut fructum ex doctrina tua referam, cujus sum cupidissimus. Nunc quæ moliaris, quæ sint à te speranda, aveo scire. Jambicorum tuorum editionem vidi apud alios; ad me enim non misisti: & profectò ἀδικεῖς, ὡς σε-βασμῶς τέ μοι ἄντων, ἰσομένων, πρὸς ἰόντων, si quenquam mortalium lectione tuorum omnium plus me delectari existimas. Sunt qui Veneres tuæ Latinitatis, aut ἑλληνισμῶς melius capiant; qui

tua omnia sive, ἀπὸ ἀλλοτρίου, sive παλαιοῦ scripta, aut sæpius, aut diligentius triverit, est, mihi crede, nemo: eò confidentius peto à te, ut cum libellum mihi ne invidas. Martialem tuum heic edi, jam ex aliis te puto intellexisse. At divinis illis tui Parentis in Historias Animalium lucubrationibus quid tandem fiet? Adeò infelicitè cum melioribus literis agi, ut nemo adhuc sit inventus, qui publicandi ejus thesauri provinciam ambiret? Oro te, obsecro atque obtestor, illustrissime Domine, allabora, enitere, ac demum perfice, ut tot adoreis incomparabilis Herois, absque te foret, hic titulus laudis accedat. De Reipublicæ vestræ statu, vel tuâ & literarum causâ vivere me sollicitum, ut si quem alium, credas velim. Cogito enim, quanta sit biennii spatio isthic facta fortunæ mutatio: οἷα γὰρ, πάντῃσι θεὸς, ἀνδ' ἑών! εἰ πρὸς μικρὴν πᾶσιν ἐπιφθονίαν, amicorum & inimicorum sermonibus nunc expositi, aliis commiserationi, aliis sunt contemptui: nôsti enim hominum judicia, aut levitatem potius, è præsentī semper fortuna pendentium. Quod si eorum aliquid eveniat, quæ videntur impendere, vereor ne tuorum studiorum tranquillitati is casus sit nociturus. Sed dabit meliora Deus; cui & publicum Reipublicæ vestræ statum, & tuum privatim curæ esse, superiora ostenderunt. Equidem gaudio triumpharem, si reditum te in patriam hac occasione considerem. Sed me quo minus id sperare ausim, multa impediunt: quod si meum me non fallit augurium, pari intervallo nostræ vestræque res à ruina absunt. Et ô beatum te, qui illa non vides, quæ ipse video! quos enim faciant quotidie progressus οἱ μισοί, οἱ θεοσυχῆς, οἱ δ' ψεύδους πολεμῆται, dictu mirabile est atque miserabile: qui si quæ moliuntur, facere permittantur, ilicet ἔρρει τὰ κακά. Verum tristitia mitto, & ad literas redeo. Accepi à Buzenvallio, edi isthic Paraphrasim quandam Nicomacheorum, quæ tibi mirificè placeat: si constat de Autore, ejusque nomen mihi indicare non fueris gravatus, videro an in Bibliotheca nostra, talium scriptorum non egena, aliud quid Scriptoris ejusdem possim invenire. Mirarer, nihil literarum à præstantissimo Heinsio me accepisse à septem proximis mensibus, nisi scirem, omnes ipsum horas & momenta sui temporis melius locare. Maximi Tyrii editionem profligatam esse non dubito. Ego scripturus ad ipsum fui, & ad clarissimum virum, Baudium, si per temporis angustias mihi

1607. licuisset. Opto te, Vir illustrissime, valere, & unâ tecum illos quoque. *Lutetiae Parisiorum, a. d. xv. Kalend. Mart. CIO IO CVII.*

Mihi nuper ad te Epistolam juvenis ejusdem Tolosatis, sanè quàm eruditi, qui te singulari reverentiâ colit. Ei nomen est Paulo du May. Pater illi Medicus est; sed juvenis hic in aula locum honestissimum obtinet. Velim scire, an illas acceperis. Est alius quidam juvenis Divionensis, Salmasius, ad miraculum doctus; qui Heidelbergæ in Bibliotheca Palatina cùm alios ingentes thesauros reperit, tùm quoque Agathianam *ἐκδοσὶν ἑ τῶν ὁπγράμμάτων κύλλει* ubi multæ latent Græcicæ Musæ delicatissimæ delicæ; sed & nequitie. Egi statim cum ipso, ut editionem procuraret *τὴν ἀνεκδοτῶν*.

EPISTOLA DXLII.

E I D E M.

1607. **V**ir illustrissime, accepi per hos dies, quas tibi mitto literas: ipse tuas diu est cùm expecto. Accepi ab amplissimo Buzenvallio, te valere, & adversus nescio quem sciolum aliquid edere. Opto tibi quàm firmissimam valetudinem; ut monstra ignorantie, quæ caput exerunt in dies magis magisque, pergas debellare. Omnino de melioribus literis videtur esse actum; ita adversus illas conspirant hodie omnia. Sed vidistine, obsecro, quæ Veneriis prodire scripta * à paucis mensibus? Si vidisti, præsertim autem magni illius Pauli Veneri, de iis quid judices, cupio ex te intelligere. Ego enim cùm illa lego, spe nescio quâ ducor, futurum fortasse illic aliquando & Literis Sacris, & meliori literaturæ locum. Mirum dictu, quàm multi quàm brevi tempore animum ad scribendum applicuerint: atqui nemo erat, qui existimaret, in ea urbe unum aut alterum posse reperiri earum rerum intelligentem, quæ à doctrina Lolitica abhorrent tantoperè. Exitum ejus controversiæ, cùm hæc scribebam, omnes *μίσους* in hac urbe expectabant. Deus ad gratum sibi finem omnia perducatur, qui te servet, illustrissime Vir. Vale, & me ama. Viris clarissimis, Budio & Heinsio, salutem amicissimam, nisi grave est, velim à me nunties. *Lutetiae Parisiorum, a. d. v. Eid. Mart. CIO IO CVII.*

* Scilicet, Fr. Pauli Serviti, Marfilii Neapolitani, Antonii Quirini, Patricii Veneri, &c. Scaliger. Epist. 131. Vide Jac. Aug. Thuan. Hist. lib. 137. 138.

EPISTOLA DXLIII.

CLAUDIO SALMASIO.

Tuas accepi, & quæ adjecisti, Epi- 1607. grammata antiqua, pro quibus quas tibi gratias agam? certè quantas habeam, potes conjicere è petitione mea prope impudenti. Quare suppudet me, quod tantum molestiarum tibi exhibuerim. Non intelligo, quæ sit tuorum studiorum ratio, & quæ contentio. Itaque, mihi crede, sum de te & valetudine tua sollicitus: duco enim te loco fratris. Ætate antecedo ego; tu, aliis dotibus, quæ mirificam tui expectationem mihi pridem commoverunt. Tantum moderare ingenio, habe curam valetudinis, frui bono ætatis; & serva te in hac juvenia, ut major annis ea præstare possis, quæ exigi, nisi à te, non possunt. Videor mihi videre te, in mediis aquis Tantalo similem; neque enim potes omnibus perfrui Palatinæ Bibliothecæ divitiis. Aviditatem tuam è literis cognosco; & alioquin scio, quo impetu feraris ad disciplinas. Hæc res facit, ut corpusculo tuo metuam. Cæterum de versibus, quos misisti, pluribus scribam aliàs; nunc sum occupatissimus. Si videris *τὸν παν-ἀρμετον* Bongarsium, ex eo intelliges, quæ nunc sint meæ curæ; Polybium enim seposuimus *τέως*. Vale, Vir amicissime. *Lutetiae Parisiorum, Eid. Mart. CIO IO CVII.*

EPISTOLA DXLIV.

FRIDERICO TAUBMANNO.

Qui factum sit, Vir clarissime, ut 1607. tot meæ Epistolæ, quas ad te scripsi, ad te non pervenerint, nescio: iis enim hominibus eas ipse tradidi Francofurtum deferendas, & ibi curandas, quorum in simili re fidem multis experimentis probatam habeo: qui si quid hac in parte peccarunt, non negligentia certè peccarunt, sed pravâ electione eorum, quibus meas commiserunt. Itaque peto à te ante omnia hanc exquisitam *δέξιν*, ne me tam barbarum, tantâ immanitate efferatum pectus habere, tibi persuadeas, ut adeò humanè à te provocatus, nihil responderem: *ἢ τί γένοιτο ἂν ἀπηνέσχεον; ἢ μαρῶπρον, ἀλλ' ἔχ' ἔγω ἡμεῖςγε τῶν ἀνδραπίων θεσμῶν τῶν ὡς κάλλιστα κεμένον ἢ ἀναιδὺς γινόμεθα ἢ ὁπλήσμονες; ἢ μὰ τὸν μέγα ἐν ἐργῶν θεῶν τῶν δὲ τῆς φιλίας δικαίων ὑβρίσας ἔγω πῶπρον γενοίης, εἰδὲ γραφὴν*

1607. γραφὴν πάλιν ταύτην παρ' ἑδνὸς ἀντα-
δίδωμι, iterum iterumque à te petimus,
Vir doctissime, ne alienæ culpæ à no-
bis poenas exigas. Rescripsimus certè
tibi: οὐδὲ δ' ἑπιμύρομαι ἔτι. & prius-
quam munus egregium tuum accipere-
mus, & postea etiam non semel, tibi-
que quantas poteramus maximas pro
tam propensa voluntate erga nos gra-
tias egimus. Nunc quoque idem faci-
mus; verbis id quidem, sed magna
cum voluntate, rebus ipsis & omni of-
ficiorum genere gratum animum no-
strum tibi declarandi. Quod si viam
certam indicaveris, efficiam profectò,
ne posthac meum in scribendis literis
officium possis desiderare. Vale, Vir
eruditissime; & me, ut cœpisti, amare
perge. Clarissimis viris, qui isthic
sunt, & nostrum nomen, ut scribis, non
ignorant, plurimam salutem, nisi grave
est, à me nunciabis. *Lutetiae Parisio-
rum, a. d. xv. Kalend. April. c15 15
CVII.*

Clarissimus Bongarsius, Regis magni
ad Germaniam Legatus, te plurimum
etiam salvere jubet.

EPISTOLA DXLV.

WOLFGANGO SEBERO.

1607. **G**Audeo susceptam à te Pollucis edi-
tionem, Vir doctissime. Neque
enim dubito fore utilem Reipublicæ li-
terariæ, quam in eo posuisti, operam.
Est sanè Pollux, si quid iudico, Scri-
ptor optimus, eruditissimus, utilissi-
mus; & eo sæculo, quod tot claros in
literis viros tulit, dignissimus. Olim
cùm in Athenæo essemus, multa ob-
servaveramus, quæ si tum edidissemus,
aliquam fortasse gratiam ab eruditis
hominibus iniissemus. Sed ab illo tem-
pore ita diversa nos habuerunt studia,
ut de eo cogitandi vix ocium aliquan-
do fuerit. Verùm non dubito, & plu-
ra, & meliora esse, quæ observasti,
qui ex professo eam provinciam susce-
pisti curandam. Itaque crucior exspe-
ctatione editionis tuæ, cùm præsertim
adsit tibi David Hæschelius, vir Græ-
carum literarum peritissimus, & judi-
cii recti. Symbolæ meæ, si quàm fortè
nactus otium, quo nunc careo, pos-
sim conferre, non debes ita rationem
habere, ut propterea studiosorum vota
putes tardanda, aut differenda. Vale.
*Lutetiae Parisiorum, a. d. xv. Kalend.
April. c15 15 CVII.*

EPISTOLA DXLVI.

DAVIDI HOESCHELIO.

Quas misisti, chartas Procopianas, 1607.
accepi, credo, omnes. Institu-
tam cum Græco codice Regiæ Biblio-
thecæ collationem nondum absolvi;
nam & afui magnam hyemis partem,
ad matrem profectus, & amanuentem
meum Lugduno Genevam misi nego-
tiorum meorum causâ; ubi nunc quo-
que hæret. Itaque ante ejus reditum
habeo hic neminem, cujus operâ uti
ad eam rem possim. Accedit, quod à
paucis mensibus negotio magni mo-
menti impediore dies noctesque; de
quo, priusquam erit confectum, σύν γε
τῷ θεῷ εἶπεν, plura ad te scribere non
possum. Quare obsecro te, ignosce
lentitudini meæ, & sortem meam po-
tius miserare, quàm mihi irascere: nam
& Polybius adhuc in tenebris versatur;
idque non unam ob causam. Si ab
imminentis, ut affirmant ἱατρὸν παίδες,
luis periculo urbem Deus liberaverit,
hæc æstas cum proxima hyeme Poly-
bianis curis me absolvet. Ita velit Opt.
Max. Deus, per τὸν μονογενῆ Filium suum
exoratus. Audio, virum amplissimum *, * M. Vol.
tibi optimè notum, in nupera Grego-
riana lucubratiuncula † multa impro-
basse. Ea si ad tuam pervenerunt no-
titiam, fac me, quaeso, ut sciam. Equi-
dem summum virum ex animo vene-
ror. Sed cur mea εἰρηνηστικὰ consilia
damner, certorum hominum σαφὴ μα-
νίας, καὶ τὸ τῆς χριστιανικῆς ἀρχῆς μίσος
ferat patienter, causam non video. *Lutetiae Parisio-
rum, a. d. xv. Kalend. April. c15 15
CVII.*

EPISTOLA DXLVII.

SCIPIONI GENTILI.

CUM hæc ad te exarabam, Vir præ-
stantissime, ita curis variis distrin-
gebar, ut nemo magis: sed hoc quasi
solenne tempus ad scribendum silentio
transmittere, religioni mihi fuit, cùm
præsertim faciam nihil libentius, quàm
ut tecum per literas confabuler. Quod
si non deficeret otio, amplum scriben-
di argumentum Italia vestra suggere-
bat. Nam, obsecro, vidistine, quæ
superioribus mensibus Venetiis prodie-
re scripta? Ego vidi, si non omnia,
certè maximam partem. O viros! δ

1607. exactam earum rerum cognitionem, quas in illis oris nemini putabant plerique esse noras! Multa legi, imò penè omnia, & laudavi. Sed inter omnes
 * *Serviti.* mirum dictu quantum iudicio Paulus * excellat, quem scimus virum esse doctissimum, vitæ innocentissimæ, iudicii tenacissimi. Hujus si scripta legisti, ecquid de vestra Italia sperare incipis? Videtur enim veri strictura aliqua illic affuisse, quæ, volente Deo, clarum lumen olim sit ibidem accensura. O si me vivo hæc fieri videam! *τί π μοι χάρις εὐψία χθον.* Sed obliviscor occupationum mearum; quare desinam, & ut silentium meum apud doctissimum Ottonem excuses, te orabo. Vale, Vir clarissime. *Lutetie Parisiorum, a. d. xv. Kalend. April. c15 15 cvii.*

† *Enit hic
 Juris
 Viri/quo
 Doffer.
 Et Biblio-
 theca Ca-
 sariana
 Præfatus.*

EPISTOLA DXLVIII.

SEBASTIANO TENGNA-
GELIO †.

1607. **U**Tinam, Vir præstantissime, quanta mihi inest cupiditas tecum per literas de communibus studiis confabulandi, tanta semper isthuc meas mittendi esset occasio. Non committerem, mihi crede, ut meam in hoc officii genere fidem, aut diligentiam posses unquam desiderare. Nam ut primùm tuas legi, tam exquisitæ eruditionis referas notis, tantæ adversum me benevolentia indices, incredibili statim sum cupiditate incensus; maximè quidem, si fieri posset, te videndi & amplectendi; aut certè, quia id fieri non potest, sermones tecum quàm sapientissimè ferendi. Quod si alia extra ordinem non se offerat ejus præstandi facultas; bis tamen in anno per comiteantes mercatores ad Francofortenses nundinas id facere posse tutò videmur. Equidem segnis aut lentus hac in parte non sum futurus; neque si velim, esse mihi liceat. Habeo enim hujus officii assiduam admonitorem & exactorem severum; amorem dico ingentem, sincerum, *ἐνδιάθετον*, quo te prosequor. Te oro, eodem sis in me affectu, quo ipse porro semper, dum spiritus hos reget artus, erga te fore, me sanctè tibi polliceor. De Proverbiis Arabicis sic habet: Descripti cum libellum mihi è codice, Româ in hanc urbem allato. Postea quàm significaverat tergeminus Scaliger, eum libellum se necdum vidisse, curavi è meo exemplari illius causâ describi, quo munusculo vir ingenuus non parum, scio, est delectatus. Nisi essem nunc impeditissimus, & sexcentis curis variè distractus, aut omnia, aut

eorum partem tibi describerem; sunt 1607. enim quædam in his oppidò venusta, quorum copiam tibi si fieri cupis, *ἐξ αὐτῶν μὴ κείθε νόη.* Ego ubi primùm aliquid otii fuero nactus, voluntati tuæ morem gerere conabor. Nos quidem ingenuè fatemur, ad hæc studia colenda non voluntatem nobis deesse, verum otium. Nam quum pars magna temporis in hac occupatissima otiosorum hominum matre, Lutetiam dico, ab amicis nobis quotidie cum lacrimis & gemitu nostro eripiat, succisiva omnia aliis studiis cogimur impendere. Cœpimus Lexicon nobis conficere. Ausi & eramus Geographiam Arabicam, Romæ editam, facere Latinam. Posuimus & in Avicenna aliquid temporis. Sed ubi socium laborum istorum amisimus, adolescentem Flellingensem, ad miraculum usque in his literis versatum, spes nostræ retrò cœperunt labi; neque adhuc opportunum tempus indipisci potuimus, sitis hujus nostræ explendæ. Utinam propius abessemus, haberes me discipulum, ut quondam *ὁ μακαρίτης* juvenis Flellingensis, cujus meminisse absque suspiriis non possum, neque unquam potero. Habeo sanè magnâ curâ comparata præsidia non inepta ad hoc inceptum, si ejus, quod puto, perficiendi unquam futura est facultas. *Ἀλλὰ τὴν μὲν θεὸς ἐν γένοισι κἀταί.* Tu, Vir præstantissime, si otio abundas, derelictam ab aliis provinciam honestissimam capeffe, & de literis ac literatis benè mereri aggredere. Quod me hortaris, ut quorundam improborum contumelias asperner, qui sine causâ nomen nostrum arroduct, ego verò & faciebam antè sponte meâ, & nunc tantò libentius & constantius faciam, quod ita placet tibi. Spero quidem ita me vixisse hætenus, (laus Deo sit Opt. Max.) ita stilum temperasse, ut si bonorum studia promereri non potuerim, odium certè cujusquam meritis non sim. Isti qui tam malevolè de nostris libellis sentiunt, & *imperitos Grammaticos* nos vocant, si, quibus in studiis vitæ multò maximam partem posuerimus, scirent, aliter fortasse pronuntient. Quanquam quid ego æqui mihi spondeam ab imprudentissimis illis nebulonibus, qui bonis omnibus obtrectare gloriosum ducunt? Sed canes mordaces mitto. Te iterum oro, Vir doctissime, ut quem semel tuâ benevolentia dignum iudicasti, posthac etiam amare redamantem, idque à te contententem velis. Deus te servet. Vale. *Lutetie Parisiorum, a. d. xv. Kalend. April. ππ πς ἐκείνης ἐκνομήας, c15 15 cvii.*

EPISTOLA DXLIX.

JOSEPHO SCALIGERO.

1607. **M**iratus sum nuper, cum tuas legem, unas tibi mearum esse reditas post reditum meum à matre. Ego verò non binas aut ternas, sed jam quaternas scripsi: quod non ignorat nobilissimus Buzenvallius, cui omnes, unis exceptis, isthuc cum suis curandas dedi. Quare si Epistolas ipsius accepisti, meis quid sit factum demiror. Quod scribis de facilitate mea in tuis literis ostendendis, velim mihi hoc sanctè affirmanti credas, plures annos esse, cum literas, quibus beare me soles, nemini mortalium soleo ostendere, magno Thuano excepto, & Labbæo. Sed ille paucas videt; hic suo quodam jure omnes exigit. Ille Apostata, qui tuas ad me prætexit, ut causam videatur habere, cur nos oderit, perfidus perfidè & scelestè hoc comminiscitur. Neque enim de Purpurato illo altero Apostata verbum tu ullum unquam ad me, neque si tu maximè fecisses, quicquam mortalium hoc me jactante rescisseret. Dicam verò tibi, quod res est: si quid ejusmodi unquam dixit novus Purpuratus*, non de te, sed de me solo questus est. Anni quatuor sunt, ex quo scripsi ad Sedanensem amicum† paullò liberius de ipso. Fortè accidit, ut Mazerius quidam meas ad Legatum Venerensem‡ mitteret, qui oblitus amicitiae, ad αὐτὸ τὸ θῆλον, & omnes amicos meos magnos exempla illarum literarum misit. Quid multa? exposulavit injuriam à me sibi factam ὁ δαίμων σοφιστής, effecitque ut displicere hoc sibi, Rex ipse mihi diceret; sed hoc tam comi, tam benignà oratione, ut luculentius bonitatis ejus argumentum nullum unquam sim expertus: nam actum de me esse, multis jam erat persuasum. Ego verò neque negavi factum, ut de eo scriberem; & nihil scripsisse, cujus poeniteret, constanter affirmavi. Habes veram historiam, quæ fabulæ illi Romanæ occasionem præbuit. Vale, illustrissime Domine; ac tibi persuade, omnes Bibliothecæ forulos tuā gratiā, σὺν τῷ Θεῷ, brevi me διψήσαν. *Lutetiae Parisorum, a. d. v. Kalend. April. c. 15 15 CVII.*

Everwinus noster Πάρις cum hæc scriberem, salutem tibi adscribi quàm devotissimo animo optavit: nihil eo adolescente probius.

EPISTOLA DL.

EIDEM.

Tuas accepi, a. d. ix. * Kalend. April. 1607. exaratas. Libellum adversus somnia† & χρονολόγη nullus vidi; exspecto eadem aviditate, quā cætera omnia tua. Martialis tuus lentum negotium est: nōsti enim, opinor, ingenium Typographi‡. Sed amabis diligentiam, fidem, eruditionem illius, qui sæpe ob leviculum accentum ad consilium adit ad me; estque opus jam prope absolutum. Utinam omnia tua pari fide & elegantia essent edita! Videris, si quid aliud erit, quod hic velis à nobis curari, qui regnare nobis videbimur, si tibi ulla in re possimus inservire. Scripsi hæc raptim, & rogatus ab hoc honestissimo juvene, qui meā commendatione tibi optavit innotescere. De Marcellini codice agam cum Frontone. Promisi nuper, excussurum me omnes angulos Bibliothecæ tuā gratiā, de modo otium & πασώντεν Deus. Nunc quid agam, quibus in studiis sim, scies cum opus aliquod videbis ἀνάνυρον‡; & quod nullorum preces importunæ mihi expresserunt. Feci lubens, ut parasiticos & λαπίνε flagitiorum suorum admodum. Deus opus auctori velit esse innoxium: quicquid erit, gloriosum est; Dei & Regum causam tueri contra istas pestes. Moderatione in scribendo eā usi sumus, ut quis sim τὸ δὲ θρησκευτικόν, non tam ex iis, quæ dicuntur, quàm ex iis, quæ non dicuntur, sint intellegenduri. Hoc arcanum diutius continere in sinu non potui, quin ejus te, quem patris loco habeo, facerem participem. Clarissimis Baudio, Heinsio amicissimam, nisi grave est, salutem velim meis verbis nunties. Vale. *Lutetiae Parisorum, a. d. vi. Eid. April. c. 15 15 CVII.*

Post scriptas hæc literas, accepimus, acta transacta omnia inter N. & τὸν τρίτον τῆς ἐπικρίσεως τῶν ἁπάντων*. Ita * Venetæ ac Pontificem. Colomel. precibus manu calamo admoventur; qui si, ut pro certo habeo, γνωσιμαχῶσι, capiam cum amicis consilium, quid opus factum. Baronii enim, & aliorum mendacia multa confutavimus; etsi non eā, quā par erat, acrimoniā & vehementiā: alienam enim personam sustinebamur.

EPISTOLA DLI.

DANIELI HEINSIO.

1607. **R**espondi nuper iis literis, quas cum Maximo tuo acceperam, Vir clarissime. Auctorem quidem ipsum nondum ita tractaveram, ut, quid illi esset à te collatum, plenè intelligerem: nunc feci, & magis magisque doctrinam illam tuam altam & reconditam sum admiratus. Tu profectò, mi Heinſi, unus hodie videris esse, qui nòris quomodo Authores veteres sint illustrandi: divinum senem semper excipio, à quo cum discessi, te solum habeo, quem in eo genere admirer. Hesiodus, Theocritus, & tot alia ingenii tui γνήματα, in magnam spem nos evexerant de tuis studiis: ἀλλὰ ταύτην τὴν ἐλπίδα αὐτὸς αὐτῷ ὁμηγερέων κρείττων γένόμενος, εἰς καθ' ἑκάστην γραφῆς νικᾷς πῃ καὶ ὑπερνικᾷ: quò impensius Deum oramus, ut te servet, tua studia regat, & tam nobile ingenium omni indulgentiâ foveat. De Maximi præstantia nunquam aliter judicavi, quàm ut ipse pronuntiasti; & sæpe dolueram, tam bonum Scriptorem tam malum Interpretem esse nactum, qui nunc tuâ liberalitate civitatis Romanæ jus consecutus, legetur, suspicietur, amabitur. Utinam Polybio meo parem felicitatem spondere possem: multa ventant, ne de aliis dicam, hoc verè affirmo tibi, in aliis studiis nos esse jampridem: coacti enim sumus à magnis viris ad tempus curare alia*: ea, quæ sint, postcà intelliges, σὺν τῷ Θεῷ. Vegetium Scriverii† heic vidimus: & pro navata hac opera Scriptori optimo multum illum amamus. Sed de Vegetio longè aliter sentimus nos, quàm olim ὁ πᾶν Lipsius, qui non semel mirum quantum illi detrahit. Nos causam illius agimus in Polybianis curis; sed eo candore ac modestiâ, ut manes viri magni nequaquam simus sollicitaturi, quod Loiolitæ faciunt. Velim meis verbis clarissimos viros, Grotium, & Scriverium, salutes, & me ames; utque meo nomine hunc charum meum tuâ benevolentiâ dignum putes. Vale. *Lutetie Parisiorum, a. d. xv. Kalend. Maj. c13 13 CVII.*

* Tacitè
indicat li-
brum de
Liberitate
Ecclesiæ.

† Ex Off.
cina Plan-
tiniana
Raphelen-
gii, 1607.
in 4.

EPISTOLA DLII.

JOSEPHO SCALIGERO.

1607. **V**ir illustrissime, quas petiisti, Notas in Marcellinum, ecce habes: mittit illas Fronto noster, vir profectò melior, quàm ut pro germano Loiolita

possit haberi. Is te singulari reverentiâ 1607. semper coluit, & præstantiam eruditionis tuæ cum omnibus bonis miratur, neque suorum sycophantias moratur; sed quo candore est, abominatur. Utinam hoc ingenio omnes familiæ illius sodales essent! firmiore heic pace uteremur; quam quoridie τὸ θεοῦ γένος concutit, & novis subinde arietibus labeſactat. Itaque noli dubitare, imminere aliquid novi; nisi conatus novatorum, qui solus potest, Deus immortalis fregerit. Redeo ad Frontonem, qui quum esset Agenni nuper, cum cura exploravit, pateretne tibi ad tuam tutus & honestus reditus. Egit igitur cum Episcopo & sodalibus, ut quid facturi essent intelligeret. Sanctè affirmat vir bonus, Episcopo, delendæ infamiæ, quam illi inuisti, cupido, nihil posse gratius accidere; nihil quod Loiolitarum Collegium, quod illic vivit, magis optet. Quid multa? ego delectus sum, qui te ipsorum nomine hortarer, ut nidum senectæ velles repetere. Accedit, quod Raimundi quidam illic gratiâ & autoritate pollent, qui affinitate tuâ gloriantur. Habes legationem meam; quam utinam præſens obiissem, & quid ipse sentiam, possem tibi coram exponere! Sed neque tu is es, qui alieno consilio opus habes; neque propositum ejus est difficultatis, ut de eo multum tibi videatur esse deliberandum. Plura additurus eram; sed aderat, qui has reddidit, longioris moræ impatiens. Vale, & me ama. *Lutetie Parisiorum, a. d. xv. Kalend. Maj. c13 13 CVII.*

EPISTOLA DLIII.

E I D E M.

MAne ad te scripsi; nunc scriptio- 1607. nem repeto. Ecquid tibi sum molestus? vercor sanè: cò brevior ero: tantum petam à te, ut hunc juvenem eximiè charum mihi, benevolentia tuâ indignum ne putes. Cur ab extremis finibus Galliæ isthuc iter instituerit, causa hæc fuit; quòd non parum se in literis profecturum credidit, si te posset videre, & loquentem audire. Idem quum in patria Eusebium tuum legisset, atque ex eo cognovisset de tuo erga me amore, faciendum omnino duxit, ut non alius quàm meâ commendatione ad notitiam perveniret tuam. Denique effecisti, ut ἀνευ τῶν παρ' ἐμὲ συσπεικῶν nemo jam adire ad te cogiter. Non morabor te nunc pluribus. De Bibliotheca securus esto: si nihil aliud possum; at libros certè mathematicos, in quibus est

1607. ἀπέναι non detestaretur. Qui te magis ex animo venerantur, in quibus ego principem locum mihi deberi contendō, πν ἐπὶ πᾶσι δυσωπᾷσι, ne te ista gravius, quàm par est, afficiant. Puto tamen, cùm bestiae indolem consideraveris, cùmque lustrum, ubi cubat, ad animum revocaveris, æquiorē te illi futurum; & faciliè permissurum, ut συνησινένω τῇ ἐαυτῇ φύσιν κακίαν expromat. Nam ut tibi benè mereri de humano genere, σύμφυτον est; ita illi Strygio cani, bonos allatrare. Demiror quid causæ sit, cur nomini meo parere velle simulet scelestus hypocrita; nam adhuc liber in me scriptus supprimitur, cujus primum folium, Moguntiae editum, vidi ante annum. Significaveram tibi nuper de scriptione *, quam à me certi homines exegerant; qui cùm in gratiam nunc redierint cum Romuli nepotibus, φρεῖδα γένεται πὲ μέχρι ἔδε ἐκδοθέντα. Sed si erit justa occasio, redibimus ad priores curas: non ut cum isto caligato & hordeario manus conferamus; sed ut arcem ipsam tyrannidis, τὴν ἀρχὴν ἐλπίδα προσκαλλόμενοι invadamus. Hoc statuimus, σὺν τῷ Θεῷ hoc prae nobis ferimus, & Cancellario, aliisque Magnatibus prædiximus. Pudet me, tamdiu vixisse Ecclesiae Dei inutilem; qui videor mihi posse fastum immanem τῇ ἀρεγγραφῇ illius baronis † certissimis rationibus retundere. Tu autem, Vir illustrissime, quid nunc pares, scire velim. Deus te servet, ac mihi amorem tuum. Notas Marcellini à Frontone missas, accepisse te, non ambigo. *Lutetiae Parisiorum, a. d. 111. Non. Maj. c15 15 CVII.*

* Intelligit librum de Libertate Ecclesiastica.

† Baronii.

‡ Japhetius Vigintius, Dominus du Montis, Ecclesiastica, qua colligitur in urbe D. Johannis Angeli Pafler, offi-generis major hoc anno 1666. Colomesci.

Est isthic juvenis quidam Aquitanus, Vigierius ‡, Theologiae studiosus, quem de meliore nota cupio tibi esse commendatum: idque à me petierant pater ipsius & frater, ambo singulari virtute præditi. Si potes de ætate libri, quem mitto, aliquid conjicere, velim significes, nisi grave est: habeo enim ejusdem characteris, & ut sic dicam, ἑ αὐτῷ κόμματι alios codices, de quorum vetustate ex illo potest fieri conjectura. Petunt à te viri boni & magni, ut cùm recudetur Eusebius tuus, verbis ornes Regiam Bibliothecam, quæ & τὰς πρὶν suggessit libros, & posthac suggeret, quos voles. Non sine causâ hoc à te peto, neque meo unius nomine, verum multorum Francici nominis studioforum.

EPISTOLA DLVI.

E I D E M.

Illustrissime Vir, diu est, ex quo ni- 1607.

hil à te literarum accepi. Opto, ut quàm optimè valeas, & valere confido, σὺν Θεῷ ἀπένω · cupio tamen ex tuis literis id intelligere. Vidisti quæ superioribus nundinis prodierunt adversus te: equidem digna non puto, quæ te vel levissimè commoveant; nam canes illi Antverpienses *, Moguntini, & Romanus Apostata †, quid aliud faciunt, quàm, quod unum possunt & nōrunt? latrant, canes sunt, & quidem Strygii: veritatem mendaciis obruere conantur? οἱ οὖν γὰρ εἰσι τῷ πατρὶος τῷ ψεύδεσσι nobilitatem tuam obscurare nituntur? non aliud exspectes à terræ filiis, quorum nomina nihil è tenebris vindicat, nisi virtutis, honestatis & omnis decoris Vatinianum odium. Me certè quod vituperent, qui te non amant, pluris ego facio, quàm ludis Olympicis coronatum fuisse contra quemvis τῶν ἀλήπτων ἀθλητῶν. Exspecto proximis nundinis proprium in me librum; qui si in meas manus inciderit, fortasse inspiciam in eo aliquid; non quæram certè; quia constat mihi, neque doctiorem, neque meliorem posse me ab ejus lectione discedere. Ne Italis quidem, scio, persuadebit, Atheum me esse, vel arrogantem. Accepi his diebus à Cardinali Borromeo ‡ literas, incredibili humanitate conditas; quem virum literarum amantissimum, & , ut audio, peritissimum τῆς ἀρχαιολογίας, scio ego, ψευδορῶμαίς illius, καὶ παρεγγράπτῃ δόξῃ scriptum, quod in te evomuit, ex animo detestari. Scripserunt & alii viri pereruditi τῶν ἀμφοῖν αὐτῶν, Latinè, Græcè, Ebraicè, solutâ & astrictâ metro oratione; ut satis mirari nequeam tantam hominis comitatem & honorem, quem non mihi, verum literis, quas putat in me esse, exhibet. Hoc volui nescius ne esses; quod minus dubitares, superesse adhuc etiam in illis oris λάψανα quædam τῆς προτίρας γενεᾶς, τῆς πρὸς τὴν τῆς ἀρετῆς, καὶ ἐρῆς παιδείας ἐπικρίσιν ἀδικίας. De inscriptione, quam tibi mitto, tuum judicium te posco. Mitto aliquot amicis exempla: ad nobilissimum Legatum, quem in dies exspectamus, non misi. Viris clarissimis, qui te colunt, me amant, amicissimam, nisi grave est, salutem: nominatim verò τῷ προσφιλίστῳ Heinio. *Lutetiae Parisiorum, prid. Kalend. Jun. c15 15 CVII.*

* Carolus Scriba-mus, Martinus Del-Rius, Hierib. Raf-widius. † Scipio.

‡ Ad bonum scripsit Lipsius, Epist. Missell. Cens. v. Epist. 88. & ad Italos Cens. Epist. 19. 73. 92.

Mar-

1607. *Martialis tuus propemodum est absolutus. Ego si per occupationes licuisset, hodie scripturus eram quædam* *περὶ λυμένων*, *utinam te digna; certè bonis, ut spero, futura non ingrata.*

sons, qui me necessitent du tout de ce faire. 1607. re. Derechef je vous en supplie, demeurant,

MONSEIGNEUR,

Vostre très-humble &
obcissant Serviteur,
CASAUBON.

EPISTOLA DLVII.



* * *

MONSEIGNEUR,

1607. **J**E viens tout presentement d'entendre que Sa Majesté avoit receu grandes plaintes de Rome contre moy, pour quelque livre qu'on feint que j'ay faict contre le Pape; & m'a-t-on adverti que Sa dite Majesté estoit grandement indignée contre moy. J'ay eu desir de porter mon excuse à ses pieds, & par mesme moyen faire cognoistre mon innocence, & la lascheté de ceux qui taschent à irriter Sa Majesté contre moy. Je vous eusse franchement dit, d'où peut estre procedé ce faux bruit: brief j'eusse faict voir clairement à Sa Majesté, & à vous, Monseigneur, que après le devoir envers Dieu, je n'ay aucune affection qu'à servir, obeir, & executer tous les commandements de Sa dite Majesté: & entant qu'en moi sera, me faire cognoistre autant desireux de paix & concorde, que certains boutefeux desirent noise, que depuis deux ou trois ans & notamment je suis descript le plus meschant, impie, Athée qui fût jamais; car quant à la prodigieuse ignorance qu'ils disent estre en moy, j'en laisse le jugement aux autres; ne recognoissant en moy que peu de fruit de mes longues veilles. Mais aussi certes ne m'attribuant rien du tout qu'un desir passionné & infini d'apprendre. Et si les mesdisans avoient le mesme desir, j'ose dire qu'il en seroit mieux à la Chrestienté. Le seul respect que je porte à Sa Majesté, m'a contenu jusques à present; m'estant au reste très-facile, Dieu merci, de faire cognoistre à toute l'Europe mon innocence & leur enragée imposture. Et d'autant, Monseigneur, que par le dernier livre composé à Rome, imprimé à Maience, ils disent faire un particulier escript contre moy, plain de toute villainie, comme j'ay veu par le premier feuillet que j'ay imprimé, je vous supplie faire envers Sa Majesté, que si la patience m'eschape, ne pouvant souffrir estre appellé Athée, & voir des lettres contrefaites sous mon nom pour avoir occasion de mesdire, que Sa Majesté ne s'offence contre moy, ou me permette me retirer ailleurs, si-tôt que mon grand ouvrage de Polybe, qui s'imprime, sera achevé. Aussi ay-je beaucoup d'autres rai-

A Paris, ce 8. Juin,
1607.

EPISTOLA DLVIII.

CHRISTOPHORO JUSTELLO.

Mirificè delectatus sum literis tuis, 1607. Vir cruditissime. Amavi ingenium & doctrinam exquisitam; amavi & manum admirabilem: nam quid pulchrius? quid aspectu suavius? Me certè ita cepit tuus character pari eruditione junctus, ut, quò plures à te literas accipiam, responsionem ad propositam quæstionem differre statuerim. Eris fortasse mei memoriam positurus. Inveni hoc *λόγος φάρμακον* non enim vereor, ne tibi excidam, quamdiu in are tuo ero. Sed missò joco, ad ea, de quibus quæstisti, pluribus parantem respondere otium defecit ac tempus. Ubi primum otii plusculum fuero nactus, dabo operam, ut cupiditatem saltem meam tibi satisfaciendi agnoscas. Sanè cum nuper ea de re ad me cruditissimus, atque amicissimus Labbæus retulisset, respondi eadem penè omnia, quæ sunt in tua Epistola. Sed jure quæris, quoniam sacer esset Persis, imò verò Deus magnus, *Ignis*; qui eo potuerunt uti ad supplicia? Ego memini, in Martyrologiis legere aliquot exempla, quæ probent *πῶς ἐν*, evincant, inquam, id solitum fieri, ut igne uterentur, tanquam *κολαστήριον ἐργάσιν* velut, quod dicebam Labbæo, de crematis super craticula in Perside: cujus supplicii etiam Beatus Chrysostomus meminit. Quare si constat *πῶς ἐν*, non multum *πῶς ἐν* & *διόν* debemus esse solliciti, utique in talibus, quæ, ut erant vanissimis rationibus introducta, ita facillimè potuerunt mutari. Sed *παύω*, & otium majus exspecto. Vale, Vir doctissime, & me ama. *Lutetiae Parisiorum, a. d. xiv. Kalend. Quint. c. 13.*

IO CVII.

EPISTOLA DLIX.

DANIELI HEINSIO.

1607. **I**Ratus sum paci vestræ, quæ facultatem mihi adimit sapius isthuc literas mittendi: nam equidem ex omnibus meis molestiis acquiesco in tuo, & illustrissimi Heroïs (si tamen placet Scioppio) colloquio; nihil certè majore cum voluptate facio, quàm cum vestras lego, aut ad vos scribo. Accepi superioribus diebus Panegyricum tuum *, & *Ἰουμασσοῦ πρὸς ἀνδρῶν*. Eram tum recens à lectione Latinorum, qui in eo scribendi genere se exercuerunt; ad quorum illustrationem cum multa alia posse afferri cogitabam, tum illud inprimis, ut de virtutibus, aut vitiis eorum Auctorum sententia feratur, & via muniatu juventuri ad rectè æstimandum totum illud scriptionis genus. Nam aut fallor vehementer, aut in plerisque *ἐπιδείξει* non pauciora sunt censurâ criticâ digna iis, quæ veram laudem merentur. Hæc meditati mihi allatus est liber tuus, in quo omnes, quæ capiebat argumentum & genus, *ἢ ἡ ἰδία ἔλεγχος*, virtutes videor mihi luculentè observasse. Sed eminet in primis *ἐπιτίμη* καὶ *μετρίαν τῶν τοιμάτων καὶ ὑπερβολῶν*. nam, Deus bone! quàm multa, quàm paucis! Quot verba, tot sententiæ: neque cæ affectæ; sed graves, ac prorsus *μεγαλοπρεπὲς καὶ δαναί*: ut mihi videaris *λίαν σφοδρὰ πρὸς τὴν ὑψηλὴν χαρακτῆρα ἐνφυῶς ἀνακρίμειν*, ἐν τῷδε τῷ λόγῳ αὐτὸς αὐτῷ κρείττον γενέσθαι. Itaque quomodo tui libri lectione sim affectus, noli quærere. Unica res fuit, quæ me vehementissimè offendeat, scripti brevitatis: quod tamen reperitâ lectione longius fecimus. Neque hoc meum iudicium est unius; sed Thuani & *κρίτικωτάτα* item magni Fabri, *καὶ ἐν ὀλίγῳ* omnium bonorum & eruditorum, qui legerunt. Beatum igitur prædicare omnes *πῶς ὑπερ- μέγαν* senem †, qui immotus & *κῦβεϊ* *ζαίων*, hostem suum scelestissimum *ἀκιδίοντα* confici videt. Te quoque beatum, mi Heinsi, qui capitale ingenium istud ad tam bonæ causæ defensionem tam alacriter confers. Expecto Menippeam tuam adversum *παλαμναίων ἐκείνον καὶ ἀλιτῆριν*. μάλλον δὲ τὸ ἐξωλέσθαι καὶ ἀγριώτατον θηρίον ‡. Sed bonâ fide, nūm invides mihi, quod nullo meo merito cum tanto viro ad vapulandum jungor? Isti si scirent, quantum ipse eo nomine gloriaretur, *καὶ μέγα φρονῶ*, numquam eò amentix venissent. Sed de his fortasse aliàs plura. Polybii folium

* *Dissum*
Josepho
Scaligero.
Exposit in
Oration.
Danielis
Heinsii.
n. 28. ed.
1627.

† *Jos. Scaligero.*
lignum.

‡ *Scioppio.*
Colomel.

quotidie scito edi. Erat fortasse con-1607.
sultius, non provocare latratus canum
hac novâ operâ: sed jacta alea est.
Baudii & Grotii, virorum clarissimo-
rum, carmina adversus Apostatam te-
rerrimum avidissimè heic omnes expe-
ctamus. Vale, & me ama. *Lutetia*
Paristorum, a. d. vi. Eid. Quint. c. 15
15 CVII.

EPISTOLA DLX.

JOSEPHO SCALIGERO.

EA est ingenii tui magnitudo, ea no-1607.
minis fama, summis in Rempubli-
cam literariam meritis quæsitâ, Vir il-
lustrissime, ut jam Scaligeri nomen sub-
limis cujusdam, & numeris omnibus
absolutæ eruditionis, non hominis ap-
pellatio esse, vulgò putetur; raròque
in eruditorum circulis, & fabulis lite-
ratis habeatur de studiis sermo, ut non
& tui statim occurrat mentio. Sic enim
jampridem omnibus bonis & verè do-
ctis est persuasum; salutem, dignita-
tem, decus, majestatem denique me-
liorum literarum, in tua propemodum
unius salute verti; in tua industria &
præsidio niti. Ac licet lucubrationum
tuarum is ferè sit genius, utique earum,
in quibus vela pandis, & toto ingenio
vehicis; ut imperitos ab se abalienent,
solos eruditos in familiaritatem admit-
tant: quorum ut quisque plurimarum
est literarum, ita plurimum illis dele-
ctatur, maximèque illa miratur: om-
nium tamen, indoctorum pariter &
doctorum, qui modò non planè depu-
duerint, constans & consentiens hæc
opinio est, unum te nostro seculo exti-
tisse, qui omnes literarum partes inge-
nii beatissimâ ubertate non solum sis
amplexus, verum etiam mirificè exco-
lueris; unum, cui tota Musarum sacris
operatorum cohors assurgat; cui prin-
cipes Musici cœtus fascies submittant;
quem propter inexhaustam, & tantum
non humanum captum superantem, re-
conditæ doctrinæ copiam orbis terra-
rum mirabundus suspiciat. Quippe
ignorat nemo, paullo saltem qui sit
humanior, quàm multa, quàm præcla-
ra ad utilitatem & gloriam rei literariæ
promovendam sint à te profecta; quæ
propterea à nemine alio sperari pote-
rant; quia nemini ante te de iis ulla
suspicio erat oborta; quum ea primus
præstiteris,

*Avia Pieridum peragrans loca, nul-
lius ante
Trita solo,*

quæ

1607. quæ præstari posse in literis, nemini hætenus in mentem venerat; & fortasse absque te foret, nemini mortali-um erat venturum. Ut mirum non sit, tuorum præstantissimorum scripto-
rum eâ cunctos bonarum artium ama-
tores admiratione teneri, eo desiderio
flagrare, ut neque legendo quæ sunt
edita, expleri mentem queant; neque
eorum, quæ affecta multa habes pe-
nes te, & publico debes, expectatio-
nem sine impatientia sufferre valeant.
Quemadmodum enim singuli solent,
quibus ad tuam amicitiam patet adi-
tus, quoties dubitatio molesta incidit,
vel dignus Heroë vindice nodus apud
Scriptorem aliquem Latinum, Græ-
cum, Hebræum, Syrum, Chaldæum,
Arabem, aut alius linguæ ex iis tam
multis, quarum notitiam, intelligen-
tiam, atque usum Dei Opt. Max. be-
nignitas tibi largita est, hæitationes
suas ad te referre, & τὸν ἀγχιέσσαν μάρ-
τυρον, Tripodem tuum consulere; sic quo-
ties inter studiosos & humanitate præ-
ditos de arduo aliquo in literis incepto
existere sermo cœpit, omnes tuam in-
dustriam respiciunt, tuam opem implo-
rant, & omnibus votis te certissimum
Μεγαρίτην, auxilium poscunt; neque
ulla tam perplexa, tam difficilis, aut
intractabilis provincia Reipublicæ lite-
rariæ, quam tibi, διὰ γέρον, ultrò com-
munis vox non decernat, & extra for-
tem despondeat. Nam ut propter æta-
tem, in qua nunc es, cessatio & quies
à prioribus laboribus tibi concedatur,
id verò ne te quidem postulare, per-
suasum cuncti habent; qui divinitus
contigisse tibi nōrunt senectutem pror-
sus τὸν περιβιωμένον εἶσαν, & ei tempe-
rantix congruentem, atque à volupra-
tibus etiam licitis rigidæ abstinentiæ,
quam tui æquales in te quondam ado-
lescente, mox viro, cum immortalī tua
laude, uno semper ore deprædicarunt.
Qua ex re illud consecutus es, ut nunc
senex, senectutis incommoda, vulgò aliis
Ætnā graviora, vix ac ne vix quidem
sentias. Equidem non sine stupore ma-
gno nuper narrantem audire memini
virum nobilissimum & amplissimum,
Paulum Choartum Buzenvallium, Re-
gis Christianissimi Legatum, quæ tua
esset hodieque in studiis contentio; quæ
diurni laboris & nocturnarum vigilia-
rum patientia; quas perferres ærumnas
tot codicibus Autorum nondum edito-
rum, Græcis, Hebraicis, Arabicis, ma-
ximè autem Syriacis describendis, qui-
bus tuam Bibliothecam, jam instructissi-
mam, facis in dies auctiorem: eandem
enim te, etiam in hac ætate mala, cor-
poris vires retinere, quibus in floren-

tissima pollebas. De acerrimi verò in-
genii vigore igneo, de subtilitate men-
tis, de memoria pariter nunc atque
olim fideli, & ad omnia respondente,
ne aliorum fide standum nobis esset,
abundè cavisti, edito nuper EUSEBIO
& EUSEBIANIS tuis, opere, Deum
immortalem! quàm vario, quantæ,
quàm profundæ, & uni tibi notæ eru-
ditionis pleno, atque ut paucis absol-
vam, quàm te digno! hoc est, eo vi-
ro, cui an ullum prius seculum parem
aliquando viderit, linguarum, Antiqui-
tatis & scientiarum notitiā, haut prom-
ptum dicere. Sed de Herculeo hoc la-
bore tuo ita Sapientes judicant; quum
sint omnia in eo admiratione dignissi-
ma; acumen inventionum, lectio infi-
nita, tot supputationum labor impro-
bus, stili splendor ac γλαφυρότης incre-
dibilis, & illa naturalis orationis tuæ
gravitas: nihil tamen magis esse stu-
pendum, quàm quòd senex illa scri-
pseris, in quibus præter iudicii matu-
ritatem, nullum prorsus ætatis senilis
vestigium queat deprehendi. Mirari
eram paullo antè, & meritissimè qui-
dem, viri præstantissimi, longèque do-
ctissimi, Arnaldi Pontaci, Episcopi
Vasatensis, fidem, industriam, & in
affecta pariter ætate diligentiam prope
sine exemplo, in tot conferendis anti-
quis membranarum, ex quibus pulcherri-
mam illam suam ejusdem Eusebii edi-
tionem concinnavit; quæ prius ab ipso
suscepta, quàm de tuo consilio quic-
quam rescisset, [ut sæpius ipsum mihi
literis significasse, teneo:] eodem ferè
tempore edi cœpta est, cum tua. Sed
Præfulis amplissimi immaturus obitus,
& tibi fructum vel jucundissimum ami-
citix, quæ eratis invicem juncti, & ipsi
gaudium ademit, quo nunc fungeretur
inæstimabili, cum videret opus à se fe-
liciter inchoatum, felicissimè à te esse
consummatum. Constat mihi, ipsum, si
jam viveret, quæ eruditione fuit, quo
erga te affectu, & candore in æstimandis
tuis virtutibus, non minus acrem ope-
ris tui adversus invidos & obrectatores
vindicem futurum, quàm assiduum tua-
rum laudum apud bonos præconem.
Nunc igitur, nobilissime Scaliger, post-
quam, Dei virtute, provinciā tam du-
rā & arduā es defunctus, quid jam pa-
res, quid moliaris, quæ te curæ exer-
ceant, non ego cupidius scire aveo,
quàm omnes faciunt viri graves & sa-
pientes, qui in hac civitate, bonarum
artium & disciplinarum matre, istius
vitæ amara studiis literarum solent κα-
ταμελεῖσθαι, & ut veteris Poëtæ vocem
usurpem, *edulcare*. Ac quoniam satis
ostendisti multis indiciis, quàm tibi

1607. acceptus charusque sit cognominis tibi Scriptor Josephus; ne dubitant quidem plerique jam, quin eximii Autoris, quem fœdissimis ante mille ducentos annos mendis esse deformatum, neque Rufino, veteri Interpreti, neque ulli recentiorum suboluit, tu sæpe demonstrasti, emendationem atque illustrationem & tu debeas suscipere, & nos exigere à te possimus. Sunt alii viri optimi, & cognoscendarum Antiquitatum Ecclesiæ veteris cupiditate accensi, qui ad Epiphanium te potius vocent; cujus maximi & doctissimi Patris scripta verissimo elogio à te ornata meminerunt; cum πάσης τῆς ἐκκλησιαστικῆς ἀρχαιολογίας παρῆν illa dixisti. Porro quam familiarem illum Patrem habeas, quam multa in eo desperantia ulcera sanaveris, quam modico labore nitore suo pristino eum queas restituere; etiam si aliundè nesciremus, neque à multis tuorum studiorum conscitis accepissemus, Elenchus & Eusebiana tua argumento esse poterant. Animadversiones tuas in Septuaginta Interpretes, quarum in Eusebianis facis mentionem, & alias librorum ἑρμηνεύσεων versiones, præsertim recentes, incredibilem in modum videre gestiunt, quicunque illud seriò imbibuerunt; cognitionem linguarum, & reliquas artes universas ac scientias illi Regina & Dominæ ancillari, quæ verè est apex & ἀκμή disciplinarum. Age igitur, Vir summe, capeffe hanc provinciam, verè tuam; cujus enim potius? quum certissimum sit, à magno Hieronymo, incomparabili, ut rectè tu quoque judicas, viro, neminem unum ad id negotium se accinxisse, iis præsidis, quibus ipse abundas, æquè instructum. Noli ergo, obsecro te, venerande Senex, ad eò bonam occasionem prætermittere, de studiosis literarum simul egregiè merendi, & æquissimis eorum postulatis satisfaciendi, qui inusitatam hanc eruditionem non alio fine ab ingeniorum Parente in te collatam esse contendunt, nisi ut tuæ industriæ fructus, velut προσφερόν καὶ θυσίαν εἰς ἰδομεύειν εὐαδίας Christo & Sanctæ ejus Ecclesiæ, pro ea, quæ in te est, pietate, animo devoto conferres. Arabicæ verò linguæ Thesaurum, cui solus dudum incubas, quamdiu studiosis Arabum invidēbis? Ecquid metuis, ne coitionem adversus te faciant ejus studii candidati, & in tuas fortunas aliquando irrumpant? Decem anni sunt, ex quo supra triginta millia dictionum Arabicarum ex Paraphrasibus variis Fœderis utriusque, Alcorano, Avisena, Geographo, aliis innumeris Philosophiæ,

Medicinæ, Mathematicum & Historia-
rum Scriptoribus, primus Christiano-
rum congestisti, digessisti, exposuisti:

Cur tua tam laxas arca flagellat opes?

Aut quò tuus hic labor ὡς οὐδὲν, si ejus fructum τοῖς φιλόδοξοις eras invisurus? Scio quid dicas, & quæ exceptione meas aliorumque preces soleas summovere, Expectandum nempe esse, donec illis locis, ubi cum æterna gloria maximorum Principum literæ Arabicæ excoli sunt cœptæ, aliquid prodeat, quo uberiora & unctiora fieri tua queant. Benè fanè, sperandum enim est, magnam ei studio lucem inde aliquando affulsuram: idque ut quàm primum eveniat, diu est cùm vehementissimè exopto. Sed ut ipse aliorum τριβλῶ ἐνδοξον magni facis, ita μεθοδικὸν ἐμπειρίαν tuam, quanti par est, æstimaunt, quicunque aliquam in ea lingua operam posuerunt, quo in albo principem apud nos locum obtinet Stephanus Hubertus *, Aurelianensis, Regis * vide Medicus, vir doctissimus, & qui tuas Colomesii hoc genus vigilias juxta mecum sitit: Galliam Orientalem, præsertim Syllogen quandam vocabulorum Arabicorum Latinè versorum, & quorundam libellorum interpretationem iisdem ex locis allatas eximius Mathematicus, & linguarum etiam exoticarum apprimè peritus, David Rivaltius † à Florentia, nobiscum communicaverit; quas experti sumus esse ejusmodi, ut si tua haberemus, facile illis carere possemus. Quod si de publicatione tui Thesauri stat sententia nolle flecti, dares hoc saltem petitionibus nostris, ut qui Caroli Clusii, Viri clarissimi, gratiā tam multa è Geographo Arabe Latina fecisti, nostrā quod reliquum est, absolveres, & in commune bonum edi patereris totum, qui partem es passus. At tui parentis Commentarios in libros Philosophi, *De Historia Animalium*, quando luce publicā donatos videbimus? aut quamdiu operis divini desiderio sapientiæ studiosis erit languendum? En unquam ille dies illucescet, qui nos voti hujus damnabit? ἔχει, ἔχει, & φίλ' ἔστι. Per ego te paterni nominis reverentiam convenio, atque obtestor, nobilissime Scaliger, per amorem tuum in literas, per quicquid denique tibi charum est, ut inæstimabilem thesaurum, non librum, Herois Θεοκλέους, primo quoque die in vulgus edas; & hoc munere optatissimo, quod jam manu Francisci Douzæ, nobilissimi adolescentis, descriptum, & editioni paratum, te habere scimus, τὰς ἀπανταχῇ τῆς γῆς πωδίας ἐργαῖς tibi devincias. Verum enim-
verò,

* vide
Colomesii
Galliam
Orientalem,
pag. 146.

† Colomesii
Gall.
Orient.
pag. 110.

1607. verò, quum ea hæcenus memoraverim, in quibus serias tuas horas occupari optant, qui de literis optimè judicant; accipe nunc, mi Scaliger, gravem eorundem querimoniam, ut equidem arbitror, justissimam. Quum enim animus inquires tuus etiam ubi videtur cessare, opere pascatur, & oblectamenta tua sint opera, quid causæ esse dices, cur *παρεργαίς* tuis, quæ plerumque *ἑρπυρίαις* sunt potiora, frui nobis per te non liceat? Scimus, Atticas Leges in unum corpus animi causâ jam olim esse à te digestas. *De Re nummaria Veterum* Diatribam accuratissimam in scriniis tuis exstare, à multis didicimus, qui viderant. Libellum tuum super Plinii loco, ubi de papyro tractat, pauci è curiosis hæc sunt, qui non legerint, aut non habeant. Dissertationem tuam *de Judæorum Decimis*, & tota illa antiquitate, ipsi dudum nacti sumus, & in cimeliis nostris, ut & alia non pauca, quæ rogatu amicorum scripsisti, servamus. *Proverbiorum Arabicorum libellum* elegantissimum postquam à me accepisses, versionis tuæ & Notarum *ἀντιδοχῆν* tertio vel quarto post die remisisti: quorum tamen publicandi potestatem ut mihi concederes, frustra adhuc te rogavi. Carmina verò, sive Græca, sive Latina, quis vel ex istis *μυσοπηγῶν*, hoc unum agentibus, plura te scripsit? aut quis, etiam Antiquorum, meliora te unquam fecit? Sed nullum tam bonum carmen Camenæ & Apollo semper tuus tibi dictarunt, quod non statim, ut natum erat, pater *ἀπεργῶ* καὶ *ἀπυκῶ* exponeres, pro derelicto habendum, & velut è censu rerum tuarum expungendum. Quantâ felicitate Græcorum Poëtarum monumenta in Latinum vertere soleas, si quando interjungere juvat; per Ajacem Loricatum tuam è Sophocle expressam, Lycophronæ Cassandra nunquam satis laudatam interpretationem, cujus editionem non tibi, sed Gulielmo Cantero, viro eruditissimo, debemus; ne osoribus quidem elegantiarum pariter & nominis tui, licet ignorare. Melius tamen hoc ipsum sciremus, & fructum è tuis uberius caperemus, si Æschyli Diras, Orphei Initia, & id genus alia in manus hominum dedisses; propter quæ jam olim Florens Christianus, vir Græcè & Latine sine controversia facundissimus, & rectissimi judicii, publicè profiteri non dubitavit, in hoc exercitationis genere ita feliciter te versari, ut tua legentibus illud esset usurpandum, *ὡς πένυται, τοὶ δὲ σκιάι ἀΐδουσι*. At Romana quàm benè Græcè exprimas,

vix sciremus, nisi Puteani fratres, Clau- 1607. dii τοῦ μακαρίτη filii, morale Poëma Dionysii Catonis, & Publii Syri aureas Sententias, dudum à te munere acceptas, anno superiore publicassent. Quâ editione, ut magna accessio gloriæ tuæ facta non sit, quæ graviorum lucubrationum vario & multiplici genere fulta, inde spernit crescere, unde plerique hodie castellanos nescio quos triumphos ducunt; ita profectò cumulus quidam prioribus tuis in Rempubli- cam literariam meritis est adjectus. Sic enim omnes harum rerum periti æstimatores sentiunt, duo ea opella simul te præstitisse, ad studiorum profectum longè utilissima. Nam & quàm arduum, paucorumque hominum esset, Græcè loqui castigatè, καὶ τὸ γνησίως ἐκ- λωίζεν, præclare omnes admonuisti, cum Planudem & Gazam, Græcos homines, neotericorum, de quo dubitat nemo, doctissimos, tam multa contra Hellenismi leges peccare ostendisti, & rectæ interpretationis absolutissimum exemplar dedisti, futurum posthæc omnibus cordatis, qui hoc pulcherrimo atque utilissimo exercitationis genere uti vellent, quod Polycleti Doryphorum sibi Lysippus ajebat fuisse. Nolo apud te dicere, quo favore, quibus *ἐν- φημαίς* tuus ille libellus hæc fuerit exceptus, ab iis maximè, qui in orchestra sedent. A cujus lectione ubi me primùm vidit Fronto Ducæus, Theologus, doctrinâ & candore morum vir insignis, non abstinuit, quin eleganter simul & verè exclamaret: οὐκ ἐστὶν ἡ ποιή- σαις Ἀ' γινώσκῃ, ἀλλ' ἀντίχρημα Ἀ'θλωαί. Fridericus verò Morellus, qui Græcarum literarum professione regiâ tot jam annos hanc Academiam ornat; aliique item multi, summâ & ipsi eruditione viri, Græca tua quantoperè admirentur, & verbis sæpè, & re etiam probarunt; cum Florilegium hoc tuum è Martiali, fortè apud me visum, ut eliminarem, quotidianis propè convitiis me perpulerunt. Quartus enim jam annus, ut scis, agitur, postquam munere hoc pulcherrimo, & quo ne Athenæ quidem ipsæ magis Atticæ, à te, Scaliger illustrissime, sum donatus; cujus publicandi provinciam nisi jam tum eruditissimus Sriverius suscepisset, non horam prius quiessem, quàm rem confectam dedissem. Neque verò ut id negotium curarem, aliorum hortatu mihi opus fuisset. Audiat namque invidia licet; dicam liberè, quod judico, imò quod judicare omnes bonos doctosque, compertum habeo. Ut gravioribus literis melius consuli non potest, quàm si earum studiosi omni- bus

1607. bus illis fruuntur, quæ vel tu, vel tuus parens in eo genere multifariam commentati estis; sic linguarum & politioris literaturæ studia nullum incrementum capere queant majus, quàm si illis deditos nihil eorum fugerit, quæ utrique vestrum, non feriis dierum partibus, sed inter remissiones exciderunt. Planè, quod de Catone olim dictum, Versatile ingenium sic illi pariter ad omnia fuisse, ut natum ad id unum diceret, quodcumque ageret; id verissimum in te reperiri, non seria magis tua, quàm lusus evincunt. Vel hic Martialis tuus, quam admirabilem ingenii tui felicitatem ostendit? Nam quum difficile semper sit, quæ in aliqua lingua venustè dicuntur, pari venustate in aliam vertere; tum in argutissimo hoc Poëta longè difficillimum; tu tamen lectissimis verbis, & dictione purissimâ, absque ullo penitus sententia damno id assecutus es, ut ipsum, quem sequeris, Autorem eruditâ quâdam elegantia antecedere videaris. Nihil in tua versione coacti; nihil quod ex alio versum putes; nihil in quo vernaculus ille sapor Græcæ Poëseos non statim peritis deprehendatur: adeo emicat ubique incorrupta quædam Græci sermonis integritas. Quid dicam de perspicuitate orationis? quæ quidem tanta est, ut multis in locis, de quibus inter se Critici digladiantur, pro commentario tua versio & mediocriter eruditus sit futura. Hujusmodi sunt tui lusus, præstantissime Scaliger; quos postquam aliud agens effudisti, ut pro tuis agnoscas, aut velis ipse publicare, nullis amicorum precibus adduci potes. Sed nihil agis. Ut vinum generosum, etiam nullâ appensâ hederâ, faciliè emptorem invenit; & bona forma neque commendatitiis, neque conciliatore opus habet: ita, quicquid erit ab ingenio tuo profectum, licet à te exponatur, inveniet tamen, à quo tollatur. Equidem quoties ferè ad Danielem Heinsium, admirandæ doctrinæ, & ingenii maximi virum, scribo, monere, orareque non prætermitto, ut pro summa illa gratia, quâ apud te valet, omnibus *παιδῶν* artibus te aggrediatur; duritiem tuam in proprios foetus molliat; efficiat demum, *ἡ δολα*, *ἡ βίη*, quo descripta ex autographis tuis hoc genus opuscula, vel ut ipse mavis, ludicra tua, foras emittantur. Etsi enim non metuo, ut tuis desit vindex, qui liberali causâ ea asserat; non tamen deest, quod illis & ab amicis, & ab inimicis tuis metuum; illis, ne, sicut toties jam accidit, parum emendatè ipsa edant; his, ne si quid tuorum

ἀνέκδοτων nacti fuerint, vel alienas culpas crimina tua faciant; vel turpi plagio pro suis tua ostendent. Viden' quàm multi quotidie illiberalis ingenii homines subtilissima tua inventa certatim sibi vindicant; & iis, quæ non capiunt, tanquam domi natis, utuntur pro suis, etiam cum aduersus te scribunt? Scias eandem manere fortunam etiam illa scripta, quæ ipse pro nihilo ducis. Illi ipsi Aristarchi, qui nuper, ut audio, sedere iudices de tua Latinitate sunt ausi, & tanquam emota mente Critici, ut quidque exierat exquisitius, *ἀελλίζεν* si vel Epistolam aliquam è tuis, vel elegiam, vel aliud carmen sublegere potuerint, quod pro suo venditent, quàm superbè, quàm impotenter, ut est miserorum ambitio, se jactabant? Nam quod tibi obtrebant, tibi inclementer dicunt, tibi probra ingerunt, quibus sunt ipsi dignissimi, non est is contemptus, à quo insignis virtus semper est tuta; sed livor, & alienorum processuum averfatio, ex suorum desperatione nata. Ut sol vi eadem alia indurat, alia liquefacit; & unde salutem boni petunt, mali perniciem sibi accersunt; sic præstans virtus, velut ex alto inter mortales refulgens, in aliorum animis admirationem & amorem incredibilem, ut agebat Plato, solet excitare; alios odio honesti inflammatos, in furorem agit, & quum oculos deflectere à laudatissimis quibusque viris non queant; miseri pœnæ incubant suæ, dum tædet sui pigetque. Verissimè enim Satyricus Philosophus * dicebat, nullum esse di-
 rius tormentum, quàm si qui

* Persius
Satyr. 111.
vers. 38.

Virtutem videant, intabescantque relictâ.

Vis scire, quàm te non contemnant, qui maximè videri volunt facere? Postquam infra Vatinium te dejecerunt, è vestigio id à te exigunt, quod unius Dei est præstare, ut nihil pecces: & quum maximi quique tuarum lucubrationum admiratores nihil amplius tibi tribuant, quàm quod ingeniosissimo quidem, sed tamen homini, conveniat; isti adeo magnificè de te sentiunt, ut sicut Alexander Severus, optimus Imperator, gloriabatur, Imperium suum fuisse *ἀναμνησκον* ita ingenium tuum postulent esse *ἀναμνησκον* tanta illius admiratio eos incelsit. Est superis gratia, quod non id tibi ingenium dederunt, ut Plinii Secundi † vox de quodam suo amico in te locum habeat: *ed* ^{Enig.} ^{26.} *peccare ipsum, quia nihil peccaret.* Communis & penè plebejæ indolis est *ἡ ἀλγίστωνται* quod de Apollonio Rhodio

† Lib. 1 X.
Enig.
26.

1607. Rhodio Critici pronuntiarunt, quum denotare vellent, plus studii & curæ in eo fuisse, quàm ingenii. Igitur, magis vitiis carere, quàm ut aliquam magnam laudem esset adeptus. Tenue sanè præmium assiduarum vigiliarum; sed quod, si assequantur modici ingenii homines, benè secum actum putent. Mentis altæ, & naturæ inusitatæ, cuiusmodi nascuntur paucissimæ, alia ratio est. Sublimia quippe ingenia, dum priorum inventis multa superstruunt, multa subinde nova, prius inaudita, eaque longè præstantissima in medium proferunt, humanitùs interdum & falluntur. Quid mirum? aut quis ita vācors, ut ignoret, Dei unius esse in nullo errare? *μόνῳ γάρ, κατὰ Σιμωνίδην, τὴν γὰρ ὁ ΘΕΟΣ ἔχει τὸ γίγναι, τὸ τῆς ἀναμάρτησίας.* Quis facundior unquam fuit illo viro divino, cui aureum eloquentiæ flumen nomen dedit? Quis eo vehementior, aut sublimior, & magnificentior fuit Orator? Et tamen fuere tam fatui, quibus Chrysostomus, propter nescio quæ levia, parum dicendi peritus videretur: & *τὸ δωδεκάκρυον ἰκάνει σῆμα, τὸ ἐδίπτε κατὰ σπράγγα ρεύσαν*, homiliâ integrâ reprehensoribus respondere fuit coactum. Nesciebant enim obtrectatores tanti viri, naturæ legem esse, ut maxima quæque ingenia veniâ interdum opus habeant, propter illa, quæ dubitant sapientissimi Criticorum, utrum *ἀμαρτίματι ἰκούσα* appellent, an *παρεχέματι δι' ἀμυλίαν*, *ἐκλήπη καὶ ὡς ἔτυχεν ὑπὸ μεγαλοφύας ἀντιστάτης παρεννευγμένα.* Quid? quod etiam in me stomachum erumpunt, qui tibi sunt irati? Nempe inde est, quod non temerè ex istorum officina liber ullus ab aliquot jam annis prodire solet, ubi postquam adversus genus & nomen illustre Scaligerorum caninâ eloquentiâ declamatum est, totum quod superest virus, in me postremò non effundatur. Quæreret ab iis, Quid Casaubonus commeruit, cur eum ne mediocritas quidem ingenii sui ab invidia præstare queat immunem? Non aliud responderent, si modò semel in vita verum dicere vellent, præter hoc unum: Scaligeros colo; eorum stupendam doctrinam suspicio; vestigia, longo quidem intervallo & repræbundus, sed tamen sequor. Ita quum sit crimen tuum, ac tui parentis, virtutis possessio, & literarum scientia; meum erit, virtutis veneratio, & literarum amor. Adeò verum est, quod nobilissimus Annalium Conditor, Polybius, præclare disputat: Ita naturâ comparatum esse, ut non solum corpora hominum aliquando efferentur, & omnem humanæ spe-

ciei similitudinem amittant; sed multo magis hoc ipsum animis interdum usuveniat: *ταῖς γὰρ ψυχαῖς*, inquit, *ταῖς πολλὰς ἐπιφύονται μελανίαι καὶ σπηδόνες*, ὥστε μηδὲν ἀσπίστον ἀνθρώπου, μηδὲν ὁμότροπον ἀποπλάσθαι τῶν ζώων. Ommino *θηρωδίας* hujus & efferati animi certissimum argumentum præbent, qui nullâ re unquam laceßiti, propter animi dotes, quas tu obtines, ego in te veneror, adversus utrumque nostrum in modum arenariorum ferarum ad ultimam rabiem sæviunt; qui literas, fundamenta virtutum omnium, modestiæ, mansuetudinis & comitatis magistras, inauditi furoris instrumenta faciunt; qui denique scelestissimæ immanitati causam Religionem prætexunt; & libidinem maledicendi, omnia vesanæ exempla supergressam, zelum Christianæ pietatis, prohi scelus! nominare sustinent. Ego verò persuasissimum habeo, istos, si mentis essent suæ, & nisi poenas Deo immortalī, quæ sunt gravissimæ, furore atque amentia penderent, nunquam profectò talia ausuros. At nos, mi Scaliger, horum ægrorum rabiem humaniter feramus, & phreneticorum insaniam, quia videntur nescire quid faciant, veratro curandam, non responso ullo irritandam statuamus. Ego certè majorem bonorum, & totius posteritatis reverentiam habere me ostendam, quàm ut infami id genus scriptione nomen meum apud præsens, aut futurum sæculum velim traducere. Et quum indubitata res sit, publicorum malorum causas in privatorum delictis esse inclusas; non committam, ut perditorum colluviem imitando, morbum hunc ingeniorum alere exemplo meo videar maluisse, quàm verè piorum & *ἐὶς λυσιπυρίαν* acquiescere judiciis, quos talia monstra cum suis latratibus scimus abominari. *πρὸς ταῦτα καὶ παλαμάδων, καὶ πεταυνίδων πᾶν ὄπον* isti Cleones, alieni nominis obtrectatores, sui decoctores. Mentiantur quæ volent; fingant Epistolas, quas pro meis publicent; evomant in me, quicquid alicui pannuciæ Baucidi, aut rixanti meretriculæ ira, vel capturæ cupiditas potest suggerere; ego animo tranquillissimo istos floccifaciam, & à nebulonum oris impuri contumeliis, non aliter quàm generoso contemptu, atque eâ, quam Christus Dominus à suis exigit, animi magnitudine me vindicabo. Denique, non si omnia fecerint, assequantur tamen, ut scelestissima sua scripta, lectione, nedum responsione digner. Hoc pietas jubet; hoc ego semel *κέκρυχα* idque jam nunc apud te, Scaliger illustrissime, sub signo, ut

1607. si me aliquando parum mihi constare contigerit, in jus ad hanc Epistolam voces, & quiescere jubeas. Vale. *Lutetiae Parisiorum, a. d. viii. Kalend. Sextilis, c10 10 cvii.*

EPISTOLA DLXI.

EIDEM.

1607. **C**onstitueram nihil ad te literarum prius dare, quam possem libellum tuum *, qui hic est editus, mittere. Sed tam bonam occasionem prætermittere nolui, quin hoc saltem significarem, valere me, & tuas, ut semper, vehementer expetere. Habeo, quas petis, Frontonis Notas. Habeo item alia, quæ in unum fasciculum conjiciam, & mittam ad te, ubi primum nactus fuero, cui tuto dem. Videbis Præfationem benè longam, quæ istos latratores tui illustrissimi nominis malè uret: non quia te digna est; *πῶθεν γὰρ* sed quia ex ea cognoscent, quā veneratione omnes boni tuum heic nomen colant. Pannegyricum *ἡ Γενναίας* Heinli † aliquot ex istis sceleratis ad rectum esse redacturum spero; & jam miseret me illorum. Eram apud Legatum Anglicum, quando oblata mihi est hæc scribendi facultas. Ille oravit me, ut tibi significarem, petere hoc à te cruditos & bonos viros ex ea gente, ne de se judicium faceres ex capto *τῷ πλανητάτῃ* N. cujus temeritatem omnes abominantur cordati Angli. Postremò petit vir amplissimus, & sapientiā, & eruditione, atque pietate præstantissimus, ut se in tuorum numerum referas. Gratum mihi erit, si hoc tibi officium virtuti tuæ debitum non accidisse injucundum, ex tuis intellexero. Scripsi hæc raptim, & plura cis dies paucos, *σὺν ὁπῶ*, scripturus. Deus te servet, Vir illustrissime, & clarissimus, Baudium, atque Heinlium. Vale. *Lutetiae Parisiorum, a. d. 111. Non. August. c10 10 cvii.*

* Martialis
lib. Græc.
cum.

† Vide
suprà,
Epist.
DLIX.

EPISTOLA DLXII.

GEORGIO MICHAELI LINGELSHEIMIO.

1607. **N**on dubito, nobilissime Lingelsheimi, quin Dionysius Gothofredus, vir optimus, & omni laude dignissimus, postquam isthuc à nobis est reversus, eos sermones tibi ex parte retulerit, quos de te & multos, & crebros, dum heic versatus est, habuimus. Nam & ille libentissimè faciebat, ut tuas laudes, & amorem in me comme-

moraret; & ego non minus libenter, 1607. quā te observantiā colerem, quoties erat occasio, significabam. Ex eodem etiam, opinor, didicisti, hæc præfens *νημέα*, quā aliquot jam annos, Dei beneficio, heic fruimur, quā sit *ὑπελθῶ*, & omnibus suspecta, qui *ἐκ τῶν γενόμενων* *πικραιρόμενοι* *πὲρ μίλλοντα* sciunt *ἀμα σέσωκα καὶ ὁπίσω ὄραν*. Nuper adeo cum titubasset optimi Principis valetudo, in magno metu boni omnes fuerunt. Ego vero *γὰρ πρὸς γῆς* cogitare jam incipiebam; sed affuit mox Deus, & salutem illi attulit, in cujus unius salute nostra omnium vertitur. Spero equidem adeo funestum Galliae diem nunquam me visurum; veruntamen, si (*ὃ μὲ γέναιτο εὖ ἴσται*) secus evenerit, jam penè constitutum habeo ad vos, si modò possum, confugere, & meo ac meorum periculo prævertere. Sed *ἀπὸνκτὲ* mitto. Accipe vero, præstantissime Lingelsheimi, pusillum oppidò libellum, sed elegantiarum ingens *περίον*. Polybium non tam citò missurus sum, quā vellem, & tu fortassè non nolles; non cessant tamen operæ: ego verò etiam sudo, qui describo ipse omnia propriā manu, & omnia, quæ eduntur, folia corrigo. Quid prodest? postquam liber fuerit editus, reperientur harpyæ genus Stygium, qui peccata mea annotent, & nihil vidisse contendant. Utinam paucis cruditis candorem meum & *φιλομαθῆναι* probem: hoc si assequor, satis est. Te certè cum paucis aliis, nobilissime Lingelsheimi, mea & *σφάλματα*, & *καταρθεύματα* benignè esse interpretaturum, non dubito. Deus Opt. Max. det illum diem videre, cum tu pro consummata editione totius operis mihi gratulaberis; idemque te servet, & omni bonorum genere cumulet. Vale. *Lutetiae Parisiorum, a. d. x. Kalend. Septemb. c10 10 cvii.*

EPISTOLA DLXIII.

JOSEPHO SCALIGERO.

TAndem, illustrissime Scaliger, mitto tibi exemplum unum libri tui, hic apud nos editi; in quo si quid erit, quod non displiceat, gratias agam superis: nihil enim potest mihi accidere gratius, quā si ulla in re voluntati tuæ morem geram. Usus sum libertate, quā mihi dedisti, ut tuam purpuram meo panno prætexerem. Initio fuerat consilium, de recta interpretatione disserere, & causas exponere, cur tua tantoperè mirer. Sed ubi calamo admovi manum, Libellus pro Epistola est natus; qui in Prolegomenis Polybianis melius,

1607. melius, nisi fallor, locum habebit: ibi tum denuò orsus novum argumentum, ea scripsi, quæ videbantur loco & tempori convenire. Poteram de tuis laudibus uberius dicere: sed causas habui graves, cur intra modum orationem cohiberem. Erit, spero, alius locus & occasio alia idem argumentum *μεγαλοφρονέρον* tractandi: etsi post Hein-
 * *El. 98.*
Heinssii
Panegyri-
cum.
 sium tuum * quid possumus nos? Ignosce igitur, si majora viribus ausi sumus tentare; ac tibi persuade, multa nos, vel potius plurima prætermisisse, non quia illa nos fugerent, sed propter alias causas, quibus commemorandis impræsentiarum superfedebam. Vale, *ἡ γὰρ*. Mittam primâ occasione plura exemplaria, Deo volente, qui te servet. Iterum vale. *Lutetie Parisiorum, prid. Kalend. Septemb. CIO IO CVII.* raptim inter negotia *ψαμμοκοισιάρχου*, & Polybianas curas.

EPISTOLA DLXIV.

CLAUDIO SALMASIO.

1607. EX iis, quas ad me isthinc dedit clarissimus Gothofredus, de tua prospera valetudine cognovi. Opto fruaris illâ perfectè bonâ, ut ea, quæ moliris in literis, possis perficere. Stephano tuo quid factum sit, discupio scire; nam is liber nobis nunc cum maximè esset usui: multa enim, ut scis, Polybiana ille Auctor attingit, in quibus si quid à te fuerimus adjuti, antiquâ fide profitebimur, per quem profecerimus. Est sanè is liber admodum depravatus, ut non mediocris laus cum videatur secutura, qui meliorem saltem publicaverit, quàm priores *δοξασται* fecerunt. Hoc ego à te spero, & certò scio, *ὅτι θεῶν ἐπαίν*, ita fore. Sed amabò, si quid *μυγραφικόν*, aut affinis argumenti inveneris nondum publicatum, id omne studiosis communica. Non semper Heidelbergæ futurus es, neque semper integrum tibi erit, hæc studia tractare. Fac exstet luculentum aliquod tuæ adolescentiæ monumentum. Quod tamen non eò dico, ut tuam in studiis diligentiam intendam; monco potius, & oro, atque obsecro, ut corpusculum hoc respicias, & ejus præcipuam semper rationem habeas. Tantum illud opto, ut & quàm primùm editionem matures, & ut nihil eorum omittas, quæ videntur nostris studiis posse conducere. Polybius neque dormit, neque currit, sed *βαδὺν* procedit. Mitto tibi librum elegantissimum, & te dignum, qui nuper heic editus. Accipies eum à Dro-

vardo, cui tuas dabis, si quid ad me 1607. ex ipsis nundinis es scripturus. Vale, charissime Vir, & me ama. *Lutetie Parisiorum, Kalend. Septemb. CIO IO CVII.*

EPISTOLA DLXV.

CONRADO RITTERSHUSIO.

NON distulissem ad hanc diem tuis 1607. respondere, clarissime Rittershusi, si esset hic inventus, qui eruditissimos tuos libellos veller edere, de quibus nuper scripsisti. Equidem simul tuorum capitum indicem à te missum legi, cupiditate exarsî operis ipsius videnti. Sed nostrates Typographos id ferè unum ab illius editione suscipienda avertit, quod vel maximè, si saperent, debuit allicere: *Sacras* enim tuas *Lectiones* nuncupas; qui titulus in homine tui meique simili statim suspectus. Quid faceres? Iis moribus hic vivimus, & hæc fatua sententia multorum animos insidet, de rebus sacris nemini hiscere licere, nisi *πῆς παππομανῶν*, aut etiam *πῆς δὸς τῆς Λωιδά*. Nam hic est *ἀκράβειαν* hodie *πῆς ἐρδοδξίας κατὸν*. Quod si eadem scribens, titulo illo formidoloso abstinuisses, fortasse nihil fuisset, quod editioni impedimentum afferret. Hoc igitur videbis. Ego certè quibus potero cumque rebus, enitar ea præstare, quæ tibi fore grata cognovero. Mitto tibi libellum, hic editum †, à magno Scaligero scriptum; † *Martian-*
lem Gra-
cum Scal-
igeri.
Colomel.
 eò magis confido fore illum tibi gratum. Quia autem ejus muneris editores nos eramus, placuit eâ occasione uti, ut semel de sceleratis calumniatoribus nostris aliquid dicerem. Polybius strenuè hic editur, Dei beneficio, qui si dederit, instituti operis finem videre, spero fore, ut & bestarius Scribanius, & Apostata Scioppius non minorem ex ea editione molestiam capiant, quàm boni lætabuntur, nobilissimum Scriptorem velut ex orco *παλινέρπον* aliquâ saltem sui parte vitæ esse restitutum. Sed hoc *θεῶν ἐν γένεσι καίται* est enim opus magnum. Vale, Vir clarissime. *Lutetie Parisiorum, Kalend. Septemb. CIO IO CVII.*

EPISTOLA DLXVI.

JOSEPHO SCALIGERO.

ILLustrissime Vir, tertium † hoc habeo 1607. bes libri tui heic nuper editi exemplar: quia enim non est ad manum, † *Vide*
Scaligeri
 qui plura simul deferat, cogimur ca-
 Epist.
 134.
 ptare
 P p 2

1607. **P**etere occasiones singula mittendi. Urinam alia, quæ heic ederentur, velles mittere. Darcimus operam, ut postiora cum prioribus elegantia certarent. Si possem à te librum *de Re nummaria* extorquere, equidem rex mihi viderer. Sed de hoc plura brevi, *ὅν θες*. Amicissimo Heinsio ex animo salutem. Deus te & illum servet. Scripsi raptim, oblata præter spem occasione. *Lutetia Parisiorum, a. d. iv. Non. Septemb. c15 15 CVII.*

Missem ad amplissimum Buzenvallium & literas, & librum tuum, nisi intellexissem, ipsum in itinere esse, & cis dies paucos hic futurum: sic enim ex ejus literis amici affirmant. Francosurdo ut plura ad te exemplaria currentur, efficiam. Iterum vale, meum decus.

EPISTOLA DLXVII.

DAVIDI HOESCHELIO.

1607. **M**itto tibi, Vir optime & doctissime, me, libellum heic nuper editum, cujus parens quidem *ὁ μέγας* Scaliger; editor verò & *ὁ ἀνὴρ μακάριος*, ego. Poteram ante multos annos idem facere, sed dum aliqua fuit spes, hoc officio alium esse functurum, abstinui. Nunc, cum alii cessant, & isti canes ob Scaligeri amorem in me furore perciti, allatrare meum nomen non desinunt; id libenter egi, ut & ipsi, & omnes scirent, quanta mea esset summi illius viri veneratio. Cupio scire, an Græcam Inscriptionem, heic editam nuper, acceperis, & de illa quid tibi videatur. Ego didici, te quoque in eadem palæstra sudasse, & interpretationem scripsisse; quam, si me amas, fac videam. Polybius noster strenuè procedit, ut raro dies prætereat, quin folium integrum absolvatur. Ego, qui omnia manu meâ describo, omnia folia corrigo, quàm sim occupatus, facilè intelligis. Sed bene mecum agitur, cum horas matutinas habeo liberas ad illud pensum: nam reliquus dies variè mihi ferè inter amicos perit. Opus futurum est foliorum amplius trecentorum & quinquaginta. Adde huc ferias & legitimas, & quas sibi largiuntur istæ operæ. Ex his colligere potes, quàm procul à fine absum; quem Deus det videre. Idem te servet, optime, amicissime, doctissime Hoescheli. Vale. *Lutetia Parisiorum, a. d. iv. Nonas Septemb. c15 15 CVII.*

Gaudeo operam à te positam, ut liber Epithetorum correctior & melior prodiret. Pergè porro de literis Græ-

cis, quæ tantum jam tibi debent, 1607. mereri. Quid porro pares, scire cupio.

EPISTOLA DLXVIII.

CAROLO LABBÆO.

Tandem ab amico magno nostro * 1607. literæ advenerunt. En quas tibi scripsit. Epistola, quæ me beavit di-^{7. Epist.} ^{Scaliger.} vinus senex, eò gratior mihi fuit, quò longior. Apparet, gravissimum concepissem mororem ex obitu *Ἰ. μακαρίου* Buzenvallii †. Næ funellus hic annus est clade summorum virorum! Nam de Abbate Vulcopio, & D. Mos-^{† De ejus} ^{inopina &} ^{subitanea} ^{moris vide} ^{7. Epist.} ^{355.} sæo non ignoras. Obiit & Merula apud Batavos, vir & doctus & probus. Urinam tantis viris suppres sint, qui in vacuas illorum sedes succedent. Polybius noster nec dormit, neque currit. Opus erit longum, ut jam me hujus molestiæ capiat tædium. Cui enim laboramus, aut quoruscumque quisque è Lectoribus, qui conatus meos æqui boni interpretetur? Olim dixit Cicero ‡: *‡ Ad* *stultorum plena sunt omnia*: hodie ego non minus verè: *κακίας, κακοδαιίας, κακογρησίας, κακογνωσίας, κακοπονήσιος, κακογυμνίας* ^{Famil.} ^{12. Epist.} ^{22.} paucos excipio, verè eruditos & viros bonos, hoc est, tui & amplissimi tui parentis similes. Deum veneror, vos servet, & optimum fratrem vobiscum. Vale, & redi. *Lutetia Parisiorum, a. d. vii. Kalend. Octob. c15 15 CVII.*

EPISTOLA DLXIX.

VIRO CLARISSIMO,
ISAACO CASAUBONO,
LUDOVICUS TRIBALDUS. ✕

Qui causam bonam quærit, Casau- 1606. bone doctissime, ut virum omnibus in literis numeris absolutum, sibi vel ignotum oculis ferendum existimet, is eam in te uno, vel nusquam alibi, inveniatur, necesse est. Adeo enim doctrinæ præstantiâ, eruditissimorum scriptorum varietate magni & excelsi ingenii splendore jam pridem effulges, ut non solam Galliam universam (quæ tuis natalibus felicissima est) illustraveris; sed Angliam, Belgium, Germaniam, Italiam, ac denique Hispaniam nostram tui nominis gloriâ compleveris, atque omnem eruditorum Senatam, cujus tu Præses nostris temporibus es, in tui amorem rapueris. Non possum igitur, qui mirificè humanioribus hisce disciplinis ab ineunte ferè ætate delecter, occasionem se ultro offerentem non avidè arri-

1606. arripere, & tantam virtutem, quantovis locorum intervallo à te disjunctus, non vehementer amare, editis præsertim à te monumentis jam diu summa cum voluptate deditus, ac veluti mancipatus, eorum autem, quæ propediem expectantur, desiderio penè confectus. Ad-didit præterea spontè ad cursum incitato calcaria Roberti Schilderi, Juvenis Belgarum eruditissimi, & optimarum artium cognitione præclari, mihi-que amicissimi, cui tu inprimis charissimus es, crebra tui, eaque valdè honorifica commemoratio, quo hortatore hujus ad te scribendi audaciæ poenas dare non abnuam. Libenter enim de præstanti tua Philologia, & exacta rerum omnium peritia multos cotidie ultrò citròque sermones habemus, candorem planè & constantiam admirati, quòd ne læsus quidem verbis de vindicta unquam cogitaris, sed imprudentum convicia ingenti animo despexeris, tum prudentiam, quòd nil hætenus scriptis tuis asperseris, quod pietati apud quosdam præcipuè nostrates offendiculo esse possit: id quod plerique vel magni nominis viri cum magno existimationis dispendio, & aperto abolendorum, quæ in vulgus edidere, operum discrimine facere solent. At tu perge iter inceptum, & non bonam tantum, sed optimam semper causam aliis dabis, quâ meritò quovis tempore te summis in cœlum laudibus evehant. Neque verò velim putes me hoc auribus tuis dare, cum, etsi quos amore prosequar, unicè colam, plus tamen assidue veritati tribuendum censeam. Sed me ratio ipsa, verumque judicium in hanc mentem impulit. Atque utinam eâ pollerem eruditione, ut possem aliquid tuarum laudum pro dignitate attingere, quamvis id (eâ es modestiâ) minimè postules. Nunc autem satis mihi est, si tuam humanitatem exorari, ut me in eorum numero habendum curet, qui te tuaque omnia religiosissimè colunt, suspiciunt, admirantur: deprecorque ut in hac Regia Hispaniæ Curia versanti, & ad nutum paratissimo, fidenter & pro tuo jure utaris: nihil enim, quantumvis labore & curis anxium, tuo nomine subire recusabo. Vale. *Matriti*, ex ædibus Joannis Tassii, publici Cursus Præfecti, & Comitum Villamedianæ, ubi jam diu diversamur, a. d. VII. Id. Novemb. CIO IO CVI.

EPISTOLA DLXX.

LUDOVICO TRIBALDO.

EGO verò, doctissime Tribalde, quas 1607. tibi grates agam, nescio, adeò mihi impar videor judicio de me tuo. Sed quicquid tu de me sentis, id ego totum humanitati & benignitati tuæ acceptum ferri debere scio, non meritis ullis meis, quæ nulla ex parte encomio respondent, quo me liberali adeò manu ornasti. Unica planè res ex omnibus, quas solent amici *καὶ τῆς ἀρετῆς φιλίας* nobis tribuere, quam jure agnoscam, & salvo pudore; incredibile quoddam & discendi, & bene de literis merendi studium. Cui cupiditati si pares Deus Opt. Max. vires ingenii dedisset, tum ego fortasse non essem ab iis laudibus alienus, quibus tua Epistola, præstantissime Tribalde, me onerabat. Nunc tenuitatis meæ probè conficius, quæ scribis, ita interpretor, ut magnitudinem tui erga me amoris illa esse mihi persuadeam. Itaque pro hoc affectu tanto ago tibi quantas possum maximas gratias; teque oro, ut quem ultrò amandum tibi judicasti, eundem rogatus pari semper benevolentia tenore prosequaris. Ego, quod in me erit, dabo operam sedulo, ne hujus tui judicii poenitere unquam possit. Quod si fuit aliquid in nostris scriptis, quæ adhuc vidisti, tuâ approbatione utcunque dignum, spero facile me, *οὐδὲ εἰς ἀπᾶν*, obtenturum, ut quæ jam edidimus, aut deinceps, propitio Numine, sumus edituri, studii & diligentia non minus præ se ferant, judicii verò etiam fortasse aliquid amplius. Polybium nunc in manibus habemus, ejusque editionem quantâ maximâ fide, curâ & industria curamus. Ac, ne quid prætermitteremus, quod ad nobilissimi Scriptoris illustrationem posset à nobis desiderari, ad Commentarios sanè uberes versionem adjecimus, si quid Græcè & Latinè scimus, fidelem & Romanam. Nam priorum Interpretum flagitia tibi quoque, viro doctissimo, esse non dubito comperta. Rem militarem nostris observationibus, nisi fallor, multifariam illustravimus. Opus erit mole magnum, & cujus editio ante quatuor menses inchoata, vix ante menses quindecim, aut octodecim ad metam perducetur. Vale, præstantissime Tribalde, & me, ut coepisti, ama. *Lutetia Parisiorum*, Kalend. Octob. CIO IO CVII.

EPISTOLA DLXXI.

✱ DOMINICO BAUDIO.

1607. **A**Ccepi, quæ misisti, tuorum pulcherrimorum carminum exemplaria; in quibus quum unum mihi inscriptum invenerim, quas tibi pro tanto munere grates agam, non invenio. Quid enim ego sum de te unquam meritus, ut tam exquisito munere, tam omni ex parte polito, me beares? Nec te paupertas mei censûs movit, unde nihil possum promere, quo paria tecum faciam. Scis enim, præstantissime Baudi, quàm parum amicæ nobis illæ Deæ sint, quas à pueritia tua ipse semper in potestate habuisti. Nos tantum profecimus, ut capi tuis deliciis, si quis mortalium, possimus; felicitatem ingenii tui admirari, & illam incredibilem in summa facundia facilitatem dicendi, quicquid lubet. Itaque semel acceptum librum vix de manibus ponere prius quivimus, quàm totum devorassemus. Quid dicam nunc, quàm multa invenerim, quæ saepe legendo penè memoriæ mandavi? Vel illa, quæ ad defensionem magni Scaligeri scripsisti, quanta cum voluptate me legisse putas? Quid illa, quæ de magno Beza, aut similibus aliis pietate & probitate viris insignibus? Memini, Franciscum Pithœum dicere solitum, *Musas esse hereticas*, quum significare vellet, maxima quæque ingenia ineptias τῶν ἐπιδόξων non pluris facere, quàm par sit. Hujus mihi sæpissimè venit in mentem, tua legenti; maximè cum illam suavissimam ad magnum Heroëm, & rei literariæ Atlantem, legerem Præfationem; cujus gratiâ si statuam deauratam in Capitolio positam iri tibi putas, næ tu multum falleris. Nam quid de Romanis exspectes, cum multos gentis nostræ tua divina παρρησία offenderit. Hoc ego statim prævidi, cum tua exemplaria iis reddebam, quibus erant inscripta. Accidit autem, nisi fallor, peropportune, ut liber Cancellario inscriptus, pluviam corruptus esset; nam ille vir, alioquin maximus, haud scio quomodo libertatem tuam dicendi esset interpretaturus, si ea legeret. Omnia igitur scito reddita præter illud unicum. Miratus sum nulum fuisse, quod magno Thuano daretur: sed aliâ fortasse viâ misisti. Non injucunda fuit mihi illa narratio de itinere tuo in Angliam. Diu tecum multis rationibus adducor, ut non aliter de illis sentiam, quos describis, quàm ut te nunc video sentire. Sed de hoc pluribus aliàs; nam hæc scripsi sub ipsum

discessum viri nobilis, cui eas tradebam; qui paucis ante profectionem horis me invisit, & statim se profecturum significavit. Vale, Vir præstantissime, & me ama. *Lutetiae Parisiorum, Kalend. Octob. CIO IO CVII.*

EPISTOLA DLXXII.

JOHANNI VASSANIO.

SI prius datum esset aliquid otii, responsum ad tuas non tamdiu distullem. Sed me curæ assiduæ ita conficiunt, ut nullum superfit vacuum tempus, quod amicis impendam, nisi illud ἐγκυκλίοις occupationibus surripiam. Ad proposita à te ζητούμενα, accipe quæ veniebant in mentem tuas legenti. Λευκές χερσες, quid sit, accuratè disputamus in Monobiblo de Coloribus. Auri bonitas tum aliis notis declaratur, tum vel maximè coloris genere: nam ἀμφύρον & obryzum colorem præ se fert πυροῦδι vel χλωρῶν. Hieronymus alicubi dixit, *virorem auri*, quum intelligeret χλωρότητα. sed pace tanti viri dictum sit, aliâ ratione atque notione χλωρότης herbæ tribuitur, aliâ auro. Ceterum notæ secundæ aurum dilutioris est coloris, quod videtur *albumaurum* appellasse Herodotus, ex idiotismo vulgi: neque enim ea est vera λευκότης. In libris Græcis Chymicorum, quales multos legimus è nostra Bibliotheca, λευκὴ χερσὶς fit mentio, de quo plura dicendi nunc non est otium. Tibiarum apud Veteres ut plurimus usus, ita differentiarum multiplices. Potes eas legere apud Scaligerum Patrem in aureis libris de Poëtica*. Inter alias differentias erant, * Lib. I. cap. 20. quas vel ætates, vel sexus faciebant. Inde igitur γυναικίαι καὶ ἀνδρείαι αὐλαί, de quibus quæris: viriles fortius inflabantur, & sonum masculinum edebant; foemineæ, contrà. Potuerunt & aliæ esse differentiarum vel à longitudine, vel à numero foraminum, vel à materia. Et sane videntur foeminarum tibiarum comptiores aliquantò fuisse virilibus. Sed hæc magis conjecturâ possumus assequi, quàm testimonio Auctorum firmare, quæ nulla sunt. Noster Athenæus de tibiis affatim. Περὶ θηλείας νόσῳ τὴν δὲ καὶ λεγόν. is est morbus, quem Philoctetæ tribuit Martialis, versu primo Epigrammatis LXXXIII. Lib. II. Vide, si lubet: nam quod ea sit θήλεια νόσος, non alia, audi ἀξιοχρεὼν testem, Scholiastem Thucydidis, ad Lib. I. cap. I. φιλικτήτης ὁ δὲ τὸν & Πάριον θήλεια νόσον νοσῶντες, καὶ μὴ Θέρων τελευτῶσάνην, ἀπὸ τοῦ ὅτι τῆς πατρὸς ἐκ ποσὶ πόλιν, ἐν ᾧ τὸ πᾶθος μάλα χύμα ἐκάλεσα. Apud Ctesiam † corrupta

1607. rupta vox est κριστηράνους. si legas κριστηράνους, vocem habebis Græcam, sed de qua adhuc dubitem; ita enim appellatur pars superior columnæ, non columna integra: atqui de totis columnis videtur loqui Ctesias, cujus mentem illustrabunt tibi, quæ fusè disputat Cujacius in Observationibus * de eo, qui dicitur in jure latere post columnam. De supplicio τὸν εἰς σπῆδον ἐμβαλλομένων poteram multa commemorare, quibus nunc supersedeo: tantum moneo, ut compares diligenter inter se, quæ de ea res scripserunt Autor Maccabaïci lib. 11. cap. XIII. & Valerius Maximus, lib. 1X. cap. 11. Vale, eruditissime Vassiani, & festinationi meæ ignosce. *Lutetiae Parisiorum, a. d. 111. Non. Octob. CIO IO CVII.*

EPISTOLA DLXXIII.

DANIELI HEINSIO.

1607. **V**ir clarissime, quum esset mihi hodie renuntiatum, allatum esse in urbem Interpretem Nicomacheorum †, à te editum; non prius conquievi, quàm librum vidi, & quædam in eo aspexi. Etsi autem de præstantia illius è tumultuaria paucarum paginarum lectione pronuntiare liquido non possum; tamen vel ex paucis illis, quæ adhuc legi, facilè adducor, ut magni Scaligeri testimonio, & Heinssii operâ dignum illum putem. Itaque, præstantissime Vir, de ejus publicatione multum te amo. Multum tibi graviores illæ literæ hoc nomine debebunt. Nam Eustratius, meo judicio, persæpe friget. Latinarum Interpretum duplex est secta; Scholastici, quos vocant, rem aperuisse contenti, de verbis Authoris parum sunt solliciti; recentiores contrariam planè viam, nisi fallor, instituerunt. Nam quasi philosophari nihil esset aliud, nisi ἀκρολογεῖν, aut γραμματικὸς νοεῖν, in verbis plerumque hærent, res parcius attingunt. Perge verò, mi Heinssi, de Philosophia benè mereri. Campus quidem, ut tute melius intelligis, patet amplissimus: in eo te exerce, ea esto tua palæstra. Vindica è tenebris Theophrastum. Platonis latifundia excole. Aristotelis mysteria divina profanis pande. Profanos appello omnes, qui sine ea cognitione literarum, quæ in te est, pulcherrima Philosophi illius scripta tractant. Si quid erit in nostra Bibliotheca tuis inceptis accommodum, ἐξάβδα, μὴ κεύθε νόη, ἵνα εἶδωμεν ἄμφω. Vale, charissimum mihi caput. *Lutetiae Parisiorum, a. d. XIV. Kalend. Novemb. CIO IO CVII.*

† Anironium Rhodium, vel potius Olympiodorum; talem enim appellationem tu posteriori editione ab Heinssio habuit. Colomel.

Scripsi nuper ad clarissimum Bau- 1607. dium, cui salutem ut meis verbis nunties velim.

EPISTOLA DLXXIV.

JOSEPHO SCALIGERO.

Illustrissime Vir: venerat in hanc urbem 1607. adolescens Aquitanus, Sacræ Theologiæ studiosus, qui isthuc cogitans, cum domo proficisceretur, literas à tuis acceperat, tibi reddendas, quas istis adjeci. Nam quia sinistri admodum rumores passim dissipati sunt de vestratibus Theologis, nupera Synodus Rupellensis, quod hunc juvenem fugerat, expressè cavet, ne quis studiorum causâ Theologiæ candidatus isthuc proficisci vellet. Hoc nempe supererat, ut hæc novâ σχίσθ Ecclēsia Dei scinderetur. Quis piorum ἀδάκρυτον hæc audiet? Sed accipe rem mihi privatim funestam & exitiosam, publicè primùm lætam. Ego nunc in eo sum dies noctesque occupatus, ut apud Regem, & τῆς ἀμφ' αὐτῶν de injuriis Genevensium, quas mihi fecerunt, conquerar. Barbari homines, scelerati prædones, postquam ego ab iis discessi, nullum temerè diem prætermiserunt, quo non mihi, aut meis aliquà nocerent. Sororem meam, mediocribus facultatibus præditam, longæ litis sustamine, annorum spatio duodecim, aliisque nefandis iniquitatibus, ita attriverunt, ut hodie misellane unum quidem obolum in bonis habeat. Idem nuper me, reliquias hæreditatis Stephanicæ colligentem, inaudito scelere, magnâ pecuniæ summâ defraudarunt, ita ut fraude nequissimorum Phariseorum omnia mihi perierint, quæ post naufragium clarissimæ domus, magnis impensis meis servaveram. Color fraudi quæstus è Testamento Roberti Stephani; quod non magis ad rem pertinuit, quàm folia Sibyllæ. Sed erat aliquid prætexendum. Amisi aureos mille trecentos; quorum pars in commodum anteriorum creditorum cessit, pars maxima Diaconorum usuris est exhausta. Quod supererat, sententiâ perditissimorum Judicum, quâ Diaconis iisdem, quâ Scholæ est adjudicatum. Hæc pietas Genevensis: imò hæc impietas, hic Pharisaïsmus: quem ego retegam, & scelestissimos homines suis coloribus depingam. Nunc id ago, ut Regi causam meam probem; quem spero patrociniū meum, & sororis, quam cum liberis suis ego alo, suscipiat. Quid profecerim, scribam alias ad te, illustrissime Vir. Vale, & me

1607. me ama. *Lutetiae Parisiorum, a. d. xiv.*
Kalend. Novemb. c13 13 cvii.

Clarissimis viris, Baudio & Heinsio,
 plurimam, nisi grave est, salutem.

EPISTOLA DLXXV.

PETRO SCRIVERIO.

1607. **M**Ultum tibi debeo, doctissime Scri-
 veri, propter illud munus exi-
 mium, quò sum nuper à te donatus;
 * Scilicet *Στρατηγικὰς* tuos * dico Auctores, quos
Vegetium, ante mensem unum aut alterum acce-
Gre. edit.
anno 1607. pi, tuo nomine à clarissimo Baudio
 mihi missos. Parum me tibi videlicet
 obstrictum putasti eà obligatione, quæ
 mihi cum omnibus bonarum literarum
 studiosis est communis; nisi ad id vin-
 culum aliud insuper adjiceret, quo me
 tibi privatim redderes obnoxium. Benè
 de me, benè de publico meritis es.
 Qui plus in literis intelligunt, quàm
 ipse faciam, ii melius æstimare pote-
 runt tui excellentissimi muneris præstan-
 tiam. Ego, qui neque omnia in editis
 à te Scriptoribus capio, (& capio ta-
 men, nisi fallor, aliquid in ejus argu-
 menti libris plus quàm vulgus,) ita sta-
 tuo, id beneficium collatum esse à te in
 Rempublicam literariam, ut vix gra-
 tia par referri queat. Dedisti enim no-
 bis ea Vetustatis monumenta, quibus
 nullum aurum, nullæ gemmæ possint
 comparari. Nihil dicam de Scriptore
 Coloniarum, à multis jam pridem
 expetito; sed ille de Castrametatione
 Tractatus, quàm insignis, quàm di-
 gnus lectione omnium eorum, qui re-
 rum antiquarum cognitione delectan-
 tur? Sunt quidem in eo multa ob-
 scura, multa deplorata & conclamata;
 nos tamen assiduè illius tractatione tan-
 tum profecisse videmur, ut operæ in eo
 positæ minimè nos pœniteat. Itaque
 iterum ac tertio, vel potius *μυριάς* gra-
 ties gratissimas tibi agimus. Quod si per
 te liceat, constituimus in Appendice
 Polybiana locum illi dare; & quædam
 in tam raro Vetustatis monumento ex-
 planare. Quod tamen ita facturi su-
 mus, si veniam abs te prius impetra-
 verimus. Veremur enim, ne *περιγίαν*
 nostram sis improbaturus, qui in alie-
 nam messem falcem non vereamur im-
 mittere. Movet tamen nos similitudo
 argumenti, quum Græca quædam non-
 dum edita de re eadem simus edituri.
 Pero igitur à te, doctissime Scriveri,
 ut bonâ tuâ gratiâ id mihi in re tua
 usurpare juris liceat. Me certè juvabit
 publicè profiteri, quid quantumque ti-
 bi ego, & omnes studiosi debeamus.
 Polybii nostri pars major jam est edita,

Dei Opt. Max. beneficio; qui si finem 1607.
 operis suscepti dederit videre, non du-
 bito, quin candidi Lectores *φιλομαθίαν*
 nostram sint amaturi. Maximum enim
 Scriptorem non vulgari diligentia co-
 nati sumus seriò illustrare. Sed exspe-
 ctabo judicium tuum, Vir eruditissime.
 Vale. *Lutetiae Parisiorum, a. d. xiv.*
Kalend. Novemb. c13 13 cvii.

EPISTOLA DLXXVI.

PAULO DU MAJO.

MAgnam iniit à me gratiam adole- 1607.
 scens ille, qui me hodie tuo no-
 mine appellavit, & si quid vellem li-
 terarum ad te dare, tutò se curaturum
 promisit. Id vero longè mihi fuit gra-
 tissimum, & quia in ære tuo eram, Vir
 doctissime, provocatus à te humanissi-
 mè scriptâ Epistolâ, quam ante unum,
 aut alterum mensem accepi; & quia ha-
 bebam à magno Scaligero literas ad te,
 quas fore tibi confido gratissimas. Scio
 enim, quâ veneratione Heroëm illum,
 Heroë natum prosequaris; de cujus
 studiis Epistolam nuper edidimus *, * *Intelli.*
 quam nescio an videris. Magnitudinem *Sci Epist.*
DLX.
que est
Πραξις,
Μαριάλι
Græco Sea.
ligeri præ-
missa. divini ingenii conati sumus *ειονεὶ τὴν πρῶ-*
συναγραφήν nam suis coloribus depin-
 gere Scaligerum, solus mortalium Sca-
 liger potest. Nos, qui minores tibias
 inflammas, virium nostrarum modum non
 ignoramus. Sed redeo ad te, cujus re-
 ditum jam exspecto. Videbis Poly-
 bium nostrum magna ex parte jam ty-
 pis expressum; quanquam neque textus
 Auctoris adhuc est absolutus; & Com-
 mentarii nostri intacti supersunt, opus
 longum, & sanè quàm molestum. Li-
 brum, quem mihi dedisti dono, legi,
 & cum alio contendi, quem in Biblio-
 theca Regia inveni. Delectatus sum
 amœnitate ingenii Auctoris illius; qui
 si politiore sæculo vixisset, inter erudi-
 tos tueri suum locum videtur potuisse.
 Unum aut alterum inveni locum, qui
 futuri sint usui. Utar lubens eà occa-
 sione, ut amicitie nostræ memoriam ad
 posteros, [si qua tamen erit posteris
 nostri cura,] transmittam. Vale, &
 me ama. *Lutetiae Parisiorum, proprie*
die Kalend. Novemb. c13 13 cvii.

EPISTOLA DLXXVII.

GEORGIO MICHAELI
 LINGELSHEIMIO.

NEquè mihi otium superest ad lon- 1607.
 gorem scriptionem, neque pro-
 fectò opus est, ut pluribus te nunc mo-
 rer; habes enim virum clarissimum at-
 que

1607. que optimum, Bongarsium, à quo omnia de nobis poteris intelligere, si quid nostra ad curam tuam pertinent. Probari tibi *ἡ τρισημίς* Scaligeri nuperum opus, non sanè miratus sum: videor enim tui palati aliquam habere notitiam. Exspecto cupidè, quid parient novi vestrates nundinæ adversus magnum Heroëm: nam cessare *τὸς ἡ ψύδης ὑποφύτας ἢ ὑπερασπίτας ἢ ἡμῖς*. Diu est, cum persuasi mihi, nullum ad hanc diem fuisse seculum, quo æquè illustratæ essent omnes artes ac disciplinæ; neque rursus, quo ita apertè veritas oppugnaretur. Priorum seculorum miseranda erat barbaries & imperitia; nostra hæc ætas, ut scientiâ, ita malitiâ abundat: ignorantia enim peccare Belarminos, Baronios, Serrarios, nunquam adducar, ut credam. Illud potius existimem, cæcitatem hodie plerorumque *ἡ ἡλᾶτον* esse *πᾶσι*, & malæ mentis justissimam *ἀνημοθίαν*. Sed moror te, Vir amplissime. Vale, & me ama. *Lutetie Parisiorum, a. d. xv. Kalend. Decemb. c. d. d. cvii.*

EPISTOLA DLXXVIII.

DANIELI HEINSIO.

1607. **T**U quidem rarò ad nos scribis, optime ac præstantissime Heinsi; sed raritatem tuarum ingens aliquis semper *πᾶσι* *Πυθαγόρας* compensat. Mirabar, tot jam mentes filere; accepi tandem & literas tuas, & usuræ nomine, Maximum Tyrium, à te editum, versum, emendatum. Perge sanè, *ἡ γυμνασία* juvenum, omnium studia, qui literis delectantur melioribus, hac instantiâ & *φιλοπονία* indefessè tibi demereri. Hesiodum excepit Theocritus; hunc, Maximus. Quis scit, an de Platonis, aut Aristotelis editione posthàc sis cogitaturus? Hoc unum scimus, quo te cunque impetus tulerit, excellenti ingenio tuo omnia fore facilia & expedita. De versione pulcherrimi Scriptoris, multum te amo; neque enim cum iis sentio, qui perire omnem operam arbitrantur, quæ in Græcis vertendis ponitur: atque audi lepidum acroama, quando ejus mihi nunc in mentem venit. Accepi nuper ex Italia literas viri cujusdam, ingenii præstantiâ & calamitate insignis; qui ante viginti annos usum manuum ac pedum amisit, ante decem, oculorum: est tamen adeò eruditus, adeò eleganter Latinè loquitur, ut inter eruditissimos, si quid judico, censeferi mereatur. Is mihi Scaligerum *πῶς* sic laudat, ut de meliore luto fictum ipsi cor esse, non dubitem. Scri-

bit autem doctissimus ille vir, contentionem sibi fuisse super meis scriptis (vide otium Italo, Vaticanæ à paucis mensibus Præfecto; arque hanc disputationem ait, se scriptis mandasse, ejusque diatribæ copiam brevi se mihi facturum. Monet interim, unum è capitibus reprehensionis meæ esse, quod Græca Latinis immiscens, illa non veritam; hoc sibi, hoc universis Italis mirum quantum improbari. Quid quæris? penè victus sum; jamque apud me constitui, Italo & Hispanorum aliquam posthàc rationem esse habendam: Exspectabo tamen judicium tuum; nam illustrissimo Scaligero persuadere velle, ut vulgi hominibus stylum sublimem accommodare velit, ineptum sit postulare. Ego non dubito, quin vir ille eruditus, qui ad me scripsit, judicium suum & suorum popularium brevi sit aliquo scripto publicaturus. Nosti ejus gentis *φιλαυτίαν*: quæ alienorum spernax, sua tantum miratur. Sed viderimus. Vale, clarissime juvenum; & apud clarissimum virum, Vulcanium, silentium meum excusa; eram enim, cum ista exarabam, occupatissimus. Gregorianam Epistolam * vobis non esse redditam, demiror; Drovardo enim tradideram, cujus in multis fidem sum expertus. Videbimus, & medebimur. *Lutetie Parisiorum, c. d. d. cvii.*

EPISTOLA DLXXIX.

E I D E M.

DE Maximo Tyrio; qui vitam à te 1607. accepit, Vir clarissime, egi nuper tibi, quas poteram, maximas gratias. Accepi postea Lipsii Epicedia; parvum opus, sed planè Autoribus suis dignum: ne quid dicam de carminibus vestris *πλείων ποιῶν* ipsum *περὶ σωπῶν* non solum *πᾶσι*, ἀλλὰ ἡ *πᾶσαν* *πᾶσι* *πᾶσι*. Utinam incessat te libido excipiendi istos Anubinos latratores, prout merentur! Sed fallor, & revoco; neque enim profectò digni sunt, quibus defricandis horas tuas impenidas. Nos ad Polybium longo quidem intervallo, sed seriò redimus; & eo quidem animo, ut ante absolutam editionem, brevi, *σὺν* *Θεῷ*, inchoandam, ab eo non abscedamus. Fateor tibi, quàm magis eum Authorem lego, tam magis eo me capi, ut jam non poeniteat eorum voluntati morem gessisse, quibus suasoribus opus istud suscepi. Habeo multos *πικρὸν καὶ τρατηγικὸν* Scriptores, qui non parvo fuerunt mihi usui. Quod si res tulerint, cogitamus partem illorum publicare.

1607. blicare. Sunt enim, nonnulli præsertim, lectione τῶν φιλομαθῶν dignissimi. Utinam ea mens tibi esset, ut venire in societatem hujus laboris unā tecum velles! Equidem te Magistro, nedum socio gloriarer; neque dubitarem, oneri pares humeros tuos fore, quod mei posse ferre negant. Mitto ad magnum Scaligerum exemplum Indicis, qui libros nostræ Bibliothecæ continet. Si quid erit, quod te alliciat, ut fieri ejus tibi copiam optes, ἐξαύδα, μὴ καὶ οὐ νοῦν, experieris studium meum tibi gratificandi. Vale, Vir doctissime; & clarissimos viros, Vulcanium, Merulam, Baudium ac Grotium, meis verbis, nili grave est, quàm officiosissimè saluta. *Lutetie Parisiorum*, CIO IO CVII.

EPISTOLA DLXXX.

PETRO JUNIO.

1607. **R**esponsum, quod ais misisse ad veterem Epistolam meam, Juni clarissime, nullus accepi; cō gratiores accidere, quas mihi abs te filius tuus, Johannes, adolescens doctissimus, superioribus diebus reddidit. Lætor plurimum hac tuā erga me benevolentia, quam & ipse humanissimā scriptione declarasti, & tuus gnatus verbis prolixè mihi exposuit. Pro notis in Strabonem τῆ μακαρίτη, longèque præstantissimi Scrimgeri, ago tibi & habeo grates gratissimas; teque adeo velut ex syngrapha convenio, id summo perè contendens, ut fidem quàm primū, nisi grave est, liberes. Olim adolescentes nescio quid in Scriptorem nobilissimum sumus conati; sed neque ætas sinebat, neque molestissimæ curæ, quibus tum obruebar, ut dignum aliquid eruditorum oculis præstarem; & ita parum instructus necessariis præfidiis ad inceptum me accinxeram, ut non semel postea facti poenituerit. Est animus, si dederit Deus, finem videre Polybianæ editionis, revocare sub incudem priores notas, & tentare, si quid fortè hac diuturnā lectione studia nostra in eo genere literarum promoverimus. Quantum ad eam rem adjuvare nos tuæ illæ notæ Scrimgerianæ queant, ne dici quidem potest. Nobis res futura est jucundissima, per eum virum proficere, cujus memoriam magnā veneratione colimus; neque tu, opinor, nescis, Henrico Stephano, patri uxoris meæ, aliquid intercessisse affinitatis cum illo tuo avunculo. Filio tuo omnia officia nostra detulimus; qui, si ad Plessæum sese contulerit, dabimus operam, ut quanti te, atque ipsum adolescentem fa-

ciamus, ex nostris literis Plessæus intel- 1607. ligat. Vale, & nos ama. *Lutetie Parisiorum*, a. d. xviii. Kalend. Januar. CIO IO CVIII.

Vidimus hic nuper librum, à Tor- to * quodam scriptum, adversus libellum gravissimum, & summæ pietatis, *Triplici nodo* †, &c. Nunc omnes boni responsum ex eadem officina expectant. Nemo certò est literis illis melioribus exultus, qui tali Rege in exemplum genito, ceu sydere quodam novo illustrari seculum nostrum, non agnoscat, non gaudeat.

EPISTOLA DLXXXI.

DANIELI HEINSIO.

Si meas literas accepisti, quas à tribus 1607. mensibus plures scripsi, quæ me sollicitudo habeat, quæ anxietas animum premat meum, non ignoras, præstantissime Heinse. Postea enim quàm de morbo, periculo divini senis ‡ ad nos ‡ Jof. est allatum, ita sum, pro eo ac debui, perturbatus, eo mœrore affectus, ut ex illo vix mihi mens constet. Quod unum possum, Deum Opt. Max. assiduis sollicito precibus, orans, obsecrans, servet orbi terrarum, et si parum grato, φασφάρον hunc ἀστέρα, qui si semel occubuerit, ilicet, de literis & omni meliore eruditione est actum. Equidem silentium istud tuum quī interpreter, non scio; illud non dubito, si meæ fuerint tibi redditæ, aut illis esse à te responsum, aut magnum aliquid accidisse, quod ejus rei facultatem tibi adimeret. Sed oro te, Vir præstantissime, da hoc amicitiae nostræ, ut ex tuis literis cognoscam, quis jam sit status illius δὲ τῆ γέροντος, cujus de valetudine adversa sine lacrymis cogitare non possum. Postremæ, quas ad te, & ad ipsum venerandum senem scripsi, Johanni Wouwerio, Antwerpensi, sunt à me traditæ, qui sanctè promisit, se viâ tutissimā curaturum: alias aliā viâ direxi. Non scribo nunc ad ipsum; sed quas accepi, tibi mitto, ut cū erit opportunum, ei tradas. Simul confirmes, non posse fieri, ut ullus mihi prius illucescat dies jucundus, quàm de recuperata ab ipso priore valetudine optatissimum nuntium accepero. O det mihi Dominus Jesus illum videre diem, qui hoc εὐαγγέλιόν me beabit! Γένεστο, γένεστο. Interea in luctu & squallore scito me semper futurum. Vale, & nisi me odisti, tandem rescribe. *Lutetia Parisiorum*, a. d. x. Kalend. Januar. CIO IO CVIII.

EPISTOLA

* Bellarmino sub Toris nomine.

† Hujus operis Auctor est: scilicet, Jacobus, Magna Britannia Rex. Colomes. Vide Jof. Deckerum de scriptis adelpotis, scilicet, xv. pag. 93. ed. 1626.

‡ Jof. Scaligeri.

EPISTOLA DLXXXII.

✠ JOSEPHO SCALIGERO.

1608. **R**espondi omnibus tuis, illustrissime Vir, quas quidem hætenus accepi: nam illis, quibus de causâ præstantissimi Theologi agebas, statim eâ Epistolâ respondi, quam illi ipsi tradidi, à quo tuam acceperam. Conjeceram in eundem fasciculum & Molinei nostri literas, eadem, opinor, de re scriptas. Satisfeci & de exemplaribus tui Martialis; quæ non fuisse isthuc perlata, ut jufferam, magno meo cum dolore intellexi. Id quomodo acciderit, ex illis literis intellexisti; si modò illæ sunt ad te perlatae: quod ut ita sit, plurimum sanè interest mea. Eram nunc missurus responsum Huberti, & aliquam ex Alcorano schidam: sed neque ille rem confecerat; & ego aliam expectare malui occasionem, quàm hunc adolescentem onerare. Habebam enim in manibus Cleomedem, à Belforeo Scoto editum, & ad me missum, ut illum tibi curarem. Illustrissimam Principem audiebamus brevi profecturam; & alter jam erat mensis, ex quo fasciculum, in quo aliquot Catonis exemplaria continentur, nobili virgini Bricomotæ tradidimus. Per illam pluribus ad te, *ὡς ἐγὼ*, scribemus, & de omnibus rebus certiorum te faciemus. Ego tuas illas cupidissimè exspecto, quas Buzenvallida abs te habet, cum indice & libro. Quicquid jusseris, statim curabitur, propitio Numine. Deus te servet, illustrissime virorum. Vale. Raptim, inter multas curas & vehementissima frigora. *Lutetiae Parisiorum, a. d. vi. Eid. Januariar. CIO IO CVIII.*

EPISTOLA DLXXXIII.

EIDEM.

1608. **I**llustrissime Vir, postquam de tua valetudine anxius perdiu, & supra modum sollicitus fuisssem, quàm nihil certi de ea haberem compertum; sed incertis rumoribus, qui de gravi tuo morbo erant sparsi, aures meæ quotidie personarent; accepi tandem Heinssii nostri literas, quæ majorene dolore me perculerint, an virtutis tuæ admiratione affecerint, nondum equidem constitui. Illam sanè partem, quæ de languore tuo erat, nobilissime virorum, siccis oculis, & sine ingenti animi cruciatu non legi. Neque verò meo privatim periculo magis moveor, quàm universæ Reipublicæ literariæ, quam

tu, magne Senex, solus propè mortaliū, tot jam annos dignitate ornas, & divini ingenii tui luce illustras. Cogito dies noctesque, quantum in uno capite literæ omnes meliores periculi adeant. Sed Deus meliora: neque verò ad ultimum adhuc periculi esse ventum, Heinssii Epistola narrabat. Oro, venerorque supplex Dominum Jesum, ut Reipublicæ literariæ miseretur, tuique usuram diuturniorem bonis, & veræ doctrinæ studiosis velit concedere. Nemo hic est, qui literas amet, quin pro tua salute superiores mecum fatiget. Omnes interim tuum illud animi robur, & piam in morbo constantiam, quam ex literis Heinssianis cognovimus, miramur, eoque nomine Deo Opt. Max. gratias agimus, & tibi gratulamur. Hoc est, verè pium esse, id velle, quod magnus Imperator jusserit; non trahi, sed duci; & quod pauci facimus, hominem se natum, tempore necessario meminisse: nimirum hoc est *ἀξίως τὸν προβλεπόμενον τὸν πείρασιν φέρειν*. Enimverò non poterat Scaliger, Scaliger non esse. Quàm semper hætenus supremo Numini fueris charus, quum sciant omnes mortales, ipse non potes ignorare. Confide, Senex venerande, proprium & perpetuum hunc superum erga te favorem futurum; *ἀμέλιτα γὰρ ἔθελος χαρίσματος* bonum certamen certasti; fidem servasti; restat nunc illa *ἀμείνων* corona, in cujus spem tulisti tam multa. Iterum iterumque *τὴν Σοφίαν ἔχουσιν* obtestor, ut tibi adsit; dolores tuos suavissimā crucis suæ recordatione leniat; pristinam tibi valetudinem restituat; te faciat ex animo velle, quod ipse voluerit. Parce affectui meo, & *ἔρρωσο*, sapientissime Scaliger. *Lutetiae Parisiorum, a. d. xv. Kalend. Februar. CIO IO CVIII.*

EPISTOLA DLXXXIV.

CLAUDIO SALMASIO.

Accepi nudius quartus, quas anni novi Kalendis ad me dederas. Accidit mihi eas legenti, quod nunquam non, quoties aliquid à te accipio literarum, ut à tuarum lectione doctior semper discedam. Nam de Periplotis Mæotidis, quàm mihi gratum illud acroama fuisse censes? quum præsertim Auctoris nomen simile quid pollicetur iis Periplotis, qui jam sunt editi. Itaque te hortor, atque adeò obtestor, ut opus integrum tibi describas, & tantum thesaurum tibi perire ne sinas. Ubi ad nos redieris, speramus ejus inspicendi

1608. ciendi libri fore aliquando nobis copiam. Neque enim te fugit, eo genere argumenti semper nos esse delectatos. Poteras cum Stephano tuo cum simul edere, nisi te graviora, ut video, tenerent occupatum. De Epigrammatis mira sunt, quæ narras: etsi equidem non dubito ira esse, uti scribis. Opto tibi sic læta omnia, ut brevi omnia, quæ meditaris, perficere ex animi sententia queas. Ego certorum hominum ἀβελτηρία, multis repente calamitatibus obrutus, animum penè despondi πῆς καλαῖς μύσαις ἀπαρξάμενος. Deus, spero, mihi meisque aderit, quos multiplex fraus & iniquitas nonnullorum proximè ad inopiam redegit. Vale, optime & eruditissime Salmassi. *Lutetiae Parisiorum, a. d. 1 v. Eid. Februar. c10 10 CVIII.*

EPISTOLA DLXXXV.

JOSEPHO SCALIGERO.

1608. **I**llustrissime Vir, quum spes nostras
diu frustrata esset toties dilata pro-
fectio Illustrissimæ Principis, erat jam
mihi aliisque persuasum, non ante Pa-
scha ipsam hinc discessuram. Ecce verò,
nihil tale cogitanti significatur, in pro-
cinctu esse, & currum jam conscen-
disse. Raptim igitur hæc exaravi, ut
simul Huberti * literas mitterem. Vo-
lui & interpretationem ꝑ Zohar †,
quam petis, mittere: sed quia incer-
tus sum, an fieri id nunc queat, aliud
nihil possum in presentia, nisi quòd
me eum librum polliceor missurum pri-
mà quâque occasione. Tandem enim
libros, quos remisisti, & adjunctas li-
teras tuas accepi. Dabo operam, quod
in me fuerit, ut tuæ voluntati morem
geram. Te scio effecturum, ὅτι τῷ
θεῷ, ne quid detrimenti B. R. capiat
eorum negligentia, quibus ea commit-
tes, quæ à nobis acceperis. Accepi &
munus Heinſianum, pro quo ne gra-
tias quidem illi agere nunc possum: fa-
ciam, ubi primùm potero. Doleo etiam,
non potuisse me exemplaria tui Mar-
tialis adjicere, quæ perfidia D. mer-
catorum non accepisti Francosurdo.
Quæso, ignosce, sarcietur, si quid est
peccatum. Deus te servet. Vale, &
me ama. *Lutetiae Parisiorum, a. d. xlv.*
Kalend. Mart. cjd id cviii.

* *Stephani*
Huberti,
Aurelia-
nensis.

† Super
111. libras
Mofis.
Sealiger.
Epist.
122.

ro literarum accepiſſem, præſtantiffime 1608. Hœſcheli, accepit poſteâ veſtras ambo-
rum literas, longè mihi illas quidem,
ut ſemper, gratiſſimas. Itaque eſſi eram
quotidianis curis non mediocriter di-
ſtrictus, conſtitueram tamen, ubi pri-
mùm occaſionem eſſem naçtus, reſpon-
dere utrique veſtrùm. Sed me primò
inuſitati frigoris vehementia τὰς χιῶρας
ἐν τῷ κόλπῳ continere, vel ad ignes
porrigere, per diu compulſit; deinde ut
hoc εὐλόγησε κακόν, ecce κύνπρον ἄλλο,
quod me dolore vehementiſſimo per-
culit. Miſi enim, mi Hœſcheli, vel
præmiſi potius εἰς τὸν τῶν εὐσεβῶν χρόνον,
(ita conſido in Dei clementia, & me-
rito paſſionis Domini Jeſu,) filiam,
quam habui ex omnibus liberis meis
natu maximam †, cujus deliderium † Philip-
propter amabilem ipſius idolem, & τὴν πατρ., πα-
ταμ. ἀποστ.
τῆς ἐρθεδοξίας ζῆλον vix ferimus nos pa-
rentes; ferimus tamen, Dei virtute, qui
pro ſua illa ἀφάτῳ benignitate dabit
mihi & meis omnibus, id ſerio vellè,
& gaudere etiam, quod ipſe nobis
oſtenderit, ſe velle. O beatos, qui
hoc re poſſunt præſtare! ἡμῖς δὲ ἀκμῶ
ἵσμεν ἄνθρωποι, καὶ τῆς φύτικῆς φορηῆς ἤ-
της. Polybium adeò propterea non in-
termiſimus, ut multò quàm antè acrius
opus inſtitutum urgere voluerimus, ut
à trifti cogitatione animum abducere-
mus. Sed nobis res cum miri ingenii
operis, quibus dies totius anni ſunt
alternatim feſti, aut profeſti. Itaque
Callipidæ ſimiles ſumus. Accedit ope-
ris longitudo; haud paullo majoris,
quàm multi putent. Tu quid agas,
ſcire cupio. Notas in Procopium non
ſum oblitus; ſed otium haçtenus ad
cam opellam mihi defuit. Mihi crede,
non ſunt tanti mea, ut veſtras operas
morentur. Et ſemper erit opportunum,
mea attexere iis, quæ fuerint à vobis
edita. Deus te ſervet, Vir doctiſſime.
Vale. *Lutetiæ Pariſiorum, a. d. v 11.*
Eid. Mart. c10 10 cviii.

EPISTOLA DLXXXVII.

GEORGIO MICHAELI LIN-
GELSHEIMIO.

Amplissime Domine, ex sermonibus 1608.
optimi & clarissimi Bongarsii non
semel didici, quæ tua esset in suscepto
semel mei amore constantia: nam &
mentionem benevolentiae plenam no-
stri facis, quoties ad illum scribis; &
quantæ tibi sint curæ meæ fortunæ,
clarissimè demonstras. Ago tibi, Vir
nobilissime, quantas possum maximas
gratias pro tuo hoc in me animo; quem
ego nullâ re esse unquam promeritum,
nisi

EPISTOLA DLXXXVI.

DAVIDI HOESCHELIO.

1608. **Q**uum superioribus nundinis nihil à te, neque ab amplissimo Velfe-

1608. nisi agnoscam & ingenuè profitear, planè ingratus sim. Sed non sum, mihi crede, ingratus; scio enim, quòd me honore hoc tanto digneris, tuæ hoc totum esse *χρηστότης*, non meriti mei: scio quàm sit mihi suppellex curta, quàm denique alius sim, atque tu me putas esse. Deum oro, obsecro, ut hanc naturæ tuæ bonitatem perpetuo suo favore prosequatur; teque inter tuos omni bonorum genere cumulatum quàm diutissimè præstet incolumem. Nos in suscepto opere, quo possumus modo, pergimus: etsi ab aliquot mensibus alacritatem illam prorsus amisimus, quæ studia nostra plurimum sublevabat. Habuimus partem magnam fortunarum nostrarum Genevæ collocatam, quòd etiam post obitum *ἡ μακαρίτης* mei parentis, sororem adduxeram, & dotem illi quingentorum aureorum dederam. Sperabam enim non posse melius illi esse prospectum, quàm si in ea urbe ipsam collocarem, quæ mihi videbatur pietatis & charitatis esse domicilium. Dico invitus, sed verè, expertus sum, non potuisse me deterius consilium inire. Nam & fortunas omnes meas amisi, & illa, reli-

† *Johanne Rigorio. Vide supra, Epist. cxxxii. pag. 71. & Epist. cxlviii. pag. 79.*

cta vidua ab optimo marito †, & de civitate Genevensi, patria sua, benè merito, iniquissimis litibus per annos duodecim exagitata, tandem rebus omnibus suis nudata, & ad mendicitatem, quod ad * attinet, redacta, cum filia ad me perfugit. Homines *ἀσέβητοι* & feri, postquam omnia misellæ bona absumserunt, me quoque vanâ spe lactarunt; qui, dum exitum infaustrarum litium soror exspectat, aureos ferè trecentos illi suggessi. Non potuit inhumanus, crudelius, iniquius cum illa agi. Jam mihi privatim factas injurias si aggrediar narrare, longum faciam; & animus meminisse horret. Sed hæc profectò non accidit *ἀθελόν*. quod eventus me docuit. Nam quum eâ tantâ jacturâ rei familiaris gravius commoveremur ego atque uxor, non adeò propter pecuniam amissam, ut propter filiam, quam habebamus supra modum nobis charam, cujus ætas nos admonebat, ut dotem illi seriò pararemus; hæc, inquam, cura post tantam cladem fortunarum nostrarum, quum nos ureret, eâ nos Deus liberavit, creptâ nobis filiâ natu maximâ, quam propter singularem pietatem & eximiam indolem (ignosce affectui paterno) parens uterque vehementissimè adamabamus. Deo filiam nostram fuisse curæ, ex eo colligimus, quòd maturè ex hac fæce vitiorum illam ad se recepit: *ὡ γὰρ ὁ Θεὸς φιλεῖ, ἐπὶ δὲ ἀποθνήσκει νέος*, ait ve-

tus verbum, quod nos in ea verum ex-1608. titisse, confidimus in Dei clementia infinita, & merito passionis Domini Jesu. Sed moror te, amplissime Domine. Vale, & me ama. *Lutetiæ Parisiorum, a. d. vii. Eid. Mart. cix cxcviii.*

EPISTOLA DLXXXVIII.

JOHANNI DRUSIO. ✱

Ternas omnino literas à te accepi, 1608. eruditissime Drusi. Primis respondi statim, easque literas ad clarissimum parentem tuum misi. Alteris quòd minus responderim, fecit dubitatio mea de loco, ubi esses; quum præsertim dictum mihi esset à nonnullis, qui erant te familiariter usi, cogitare te in Galliam. Quod si à te fieret, non dubitabam, rectâ in hanc urbem esse te venturum; & nos statim invisurum. Haberes hic profecto neminem, cui gravior esset tuus conspectus, nec qui advenientem *ὡνοικωτέρα δεξέσθαι* te exciperet, atque amplecteretur. Debeo hoc eximiè de literis melioribus illis merito, patri tuo, viro præstantissimo: debeo & tibi, mi Drusi, cujus eruditionem si non amarem, non magni facerem; literas ipsas, mihi crede, non amarem. Ex novissimis tuis didici, reversum te ex Anglia, & apud patrem jam esse. An igitur de invisenda Gallia sententiam mutasti? Sed non dubito, de parentis voluntate tua omnia, ut par est, consilia pendere. Non is ego sum, qui sententiæ meæ in hac deliberatione ullam à vobis habendam rationem putem. Existimo tamen, cupientibus Gallias videre opportunissimum esse hoc tempus; propter eam, quæ jam toto Regno obtinet, publicam tranquillitatem; *ἐπὶ ἐλαχίστη κατὰ ῥῆσιν πάντα συγχέειν τὰ εἰν κατὰ φύσιν δύναται*. Si veneris, omnia mea officia tibi fore parata, confidas velim. Opto tibi, charissime Adolescens, læta omnia & fausta. Vale. *Lutetiæ Parisiorum, pridie Eid. Mart. cix cxcviii.*

EPISTOLA DLXXXIX.

JANO DRUSIO. ✱

Accepi, clarissime Vir, quem dono 1608. misisti, Commentarium in Sulpitium. Bene locasti operam; nec est, quod te pœniteat. Doctissimi viri, qui hæcenus cùm librum suâ diligentia juvant expolitum, plus egregiæ voluntatis, quàm peritiæ illarum literarum ad susceptam provinciam ornandam attulerant.

1608. lerant. Tibi neque illa defunt præstidia, quibus ipsi præstabant; & ea, quæ ipsis deërat parte, quæque omnium erat maximè necessaria, ita es instructus, ut ne Serarius quidem fuerit negaturus, eam tibi propriè convenire Spartam. Multum tibi omnes debent, qui non ἀποδιδύσκεις, sed accuratè in Historia Sacra volunt versari. Ego privatim me præclara tuis observationibus didicisse profiteor. Itaque & publico, & privato nomine ago tibi, quantas possum, maximas gratias. Relaturum me dicerem, si esset aliquid ad manum, quod tibi mitterem τὴν σὴν ἀντιέξιν· sed nos in Polybio occupati, aliud nihil prius edemus, quàm ad umbilicum fuerit suscepta magni ejus Scriptoris editio. Deum veneror, præstantissime Drusi, ut te servet, & quicquid tibi charum. Vale. *Lutetiae Parisiorum, pridie Eid. Mart. CIO IO CVIII.*

EPISTOLA DXC.

CLAUDIO SALMASIO.

1608. **R**espondi nuper iis literis, quas à te mihi paucis antè diebus reddiderat Gilbertus noster. Eò nunc breviores istæ erunt; quum præsertim à nonnullis acceperim, te Heidelbergæ amplius non esse. Pars repetiisse patriam affirmabat; quidam, ad virum clarissimum, & amplissimum Præsidentem, Janninum, in Hollandiam esse profectum; hoc mihi nuper quidam affirmabat è tui parentis familiaribus. Ego cupidissimè tuum Florum exspecto, quem prelis dicebas jam subjectum. Atque utinam, mi Salmasi, priusquam isthinc pedem moveres, præclaras tuas vigilas nobis, & omnibus harum literarum amantibus communicasses! Meum semper fuit consilium, huic tuæ ætati hoc studiorum genus optimè convenire. Vercor enim, ne ubi ἀνδρουθεῖς aliò animum converteris, nobis juveniles tuas curas invidias. Ne feceris, per Deum immortalem te oro; quem supplex veneror, ut te servet ἐκπὸς πημάτων ἔχοντα πόδα. Nos gravis casus nuper afflixit, obitus filiae natu maximæ, utrique parentum suo merito & singularem ob pietatem charissimæ. Οὐκ ἔστιν ἡπλῆστον βελτί· cui sit honos & gloria αἰς τὰς αἰῶνας τῶν αἰῶνων. Vale, charissime mihi Adolescens, καὶ θανμασιώματα. *Lutetiae Parisiorum, Eid. Mart. CIO IO CVIII.*

EPISTOLA DXCI.

JOSEPHO SCALIGERO.

Illustrissime Vir, multi præterierunt 1608. menses, ex quo nihil à te literarum accepi; quum tamen scripserim ipse persæpe. Nec verò scripsi tantum; sed etiam multos fasciculos misi, quos an acceperis, scire vehementer laboro; & ut sciam, interest mea. Tres vel quatuor librorum fasciculos Illustrissimæ Principi, isthuc eunti, ipse tradidi. In his erat unus, qui Zoharis versionem, quam petieras, continebat. Hæc igitur omnia an probè fuerint curata, ut me certiore facias oro; magis tamen, ut de tuo statu & valetudine aliquid scribas. Neque enim ea cura mediocriter sollicitum me habet; qui alioquin tot adversis obruor, ut ægrè spiritum traham. Ne alia commemorem, & recentem matris venerandæ obitum, ac fortunas meas funditus everfas scelere N. taceam; amissa superioribus diebus filia natu maxima, eo me luctu affecit, ut nunc demum, quàm parum insit mihi roboris adversus id genus casus, agnoscam. Sed ignoscent parentum lacrymis, qui probitatem, generosam indolem, & firmam in pietate vera constantiam τὴν μακαρίην habuerunt notam. Mihi certè secundum ejus matrem nihil fuit, nec potuit esse charius: qui tamen facilè consolor ipse me, quoties privatum, aut publicum omnium bonorum in hoc Regno statum intueor. Sed mitto tristitia: ἄλλως γὰρ ἐγὼ δυσυχῶν· neque æquum est, ut te à gravibus tuis curis mea adversa vel tantillum avocent. Te quæ studia occupatum habeant; quæ virum clarissimum, Danielem Heinsium, aveo scire. Peto à te, ut meum apud ipsum silentium excuses: non enim possum nunc ad illum scribere. Vale, illustrissime Vir. *Lutetiae Parisiorum, prid. Kalend. April. CIO IO CVIII.*

Fasciculus, in quo erant novem aut decem Martialis exemplaria ante multos menses Drovardo commissus, tandem Beisio traditus est, quum dixisset, præsentem sibi esse occasionem ad manum ejus curandi. An acceperis, quæso te, fac ut sciam; item illos alios multos fasciculos, de quibus jam dixi. Iterum vale. Deus te servet.

EPISTOLA DXCII.

DANIELI HEINSIO.

1608. **P**UDeret me diuturnioris silentii, nisi haberem, quas afferrem, causas illius & gravissimas, & justissimas: nam ab aliquot mensibus in luctu & mœrore continuo ita vixi, ut mirari nemo debeat, scribendi officium minus diligenter fuisse à me cultum. Ne alia commemorem, obitus filix nati maximæ eo me angore nuper affecit, ut nunc primum expertus mihi videar, ἡ φυσικὴ σοργὴ quàm violenta res sit. Ea certè fuit charissimæ filix meæ indoles, ut non solum uterque parens, sed & quicumque mores & pietatem singularem ipsius nōrant, fato fundam nobiscum luxerint. Ego illam Deo non dubito fuisse charam, qui maturè ad se recepit, & peccandi necessitate absolvit; nec te fugit verus dictum, ὃν ὁ Θεὸς φιλεῖ, ἀποθνήσκει νέος. Accepi tandem Paraphrasten tuum, de quo iudicium meum antea ad te scripsi: legeram enim multò antè, quàm tuum munus ad manus meas perveniret. Agerem tibi pro eo gratias, nisi deficerent me verba tuis meritis ἰσοῦσθαι. Satyræ tuam * quâ cupiditate expectem, vel sciam potius, exprimere verbis non possum. Polybius noster, quod ad Authoris textum attinet, jam penè ad umbilicum est perductus: sed longè adhuc à meta absumus. Quod superest, peto à te, ut præstantissimum virum, & omni laude majorem, qui has tibi reddidit, eâ comitate excipias, quam excellens ejus virtus meretur. Vale, & nisi grave est, D. Baudium à me saluta. *Lutetia Parisiorum, Eid. April. CIO IO CVIII.*

* Memip-
peam.
Vide suprâ
Epist.
DLIX.

EPISTOLA DXCIII.

JOSEPHO SCALIGERO.

1608. **P**OST gravissimum casum, qui me nuper afflixit, & de quo ante aliquot dies scripsi plura ad te, literis primum tuis nonnihil sum recreatus. Nam ad cæteras meas ærumnas gravis cura accedebat de tua valetudine & statu; quod nihil à te literarum ab aliquot retrò mensibus acceperam; & inaudita frigoris asperitas non mediocri de te metu me afficiebat. Heic certè plures levitiâ hyemis sunt absumpti, quàm pestilentia illâ, quæ ante biennium urbe nos expulerat. Neque sanè dubito, quin ea ex causa morbus ille fuerit ortus, qui me filiâ natâ maximâ, utrique

Hæc est
responsoria
ad Scaligeri
Epist.
135.

parenti longè charissimâ, longè dignissimâ amore nostro, orbavit. Ago Deo Opt. Max. grates gratissimas, quod meus de te metus fuit inanis; oroque illum, ut te, *dis γίγναι*, ultra Nestoris annos servet ἀπὸ μαιῶν. Zohar te accepisse gaudeo. Confidas velim nihil futurum in potestate mea, quod non tecum, si voles, communicem. Quæsi, & quæram adhuc diligentius, si quid eorum invenire potero, quæ indicasti; ^{† Epist. 132. scilicet Alcoranum in Latinum translatum cum Arabico textu; Vocabularium Arabicum.} si quid erit, statim ad te; sit modò, cui tuto dem. Miratus sum quæ scribis de amicis Heidelbergensibus. Inaudiveram equidem aliquid; sed serid id agi, neque putabam, neque adhuc puto. Quid enim sumus? aut quid ibi acturi? Itaque non rarò cum imminentem procellam cogitamus, *ἐκπληγῆς τῷ θεῷ* superficieremus, nili repente oculos cœlum versus attolleremus. Ea nostra patria est, quam nullus *Λοιοῖτα* nobis eripiet. Libellus de *Libertate Ecclesiæ* neque absolutus est, neque heic potest absolvi: disertè enim rogatu *ἡ τελευτῆς* vetuit is *ἡ κεφαλὴ* ἐπὶ μέγιστον. Accedit, quod tempus præterit: & Autor ita festinatò partum illum, vel potius *ἐκτρομα* effuderat, ut vehementer ipse gaudeat, ejus deformitatem perpetuis tenebris esse damnatam: qui si alibi esset, atque id serid ageret, in eo argumento nonnihil posset. Porro has traditurus eram viro summo, qui tui maximè videndi desiderio iter instituit. Is est, qui omnium optimum Eusebii codicem tibi commodaverat. Quo loco hic sint boni, ex eo potes colligere, quod tantus vir, tam benè de Republica meritis, omni jam publicâ curâ est liberatus. Vale, Vir illustrissime, & me semper ama. *Lutetia Parisiorum, Eid. April. CIO IO CVIII.*

Fasciculum, in quo novem, aut decem Martiales incrant, an acceperis, cupio scire. Traditus est Bibliopola Parisiensi, qui librorum fascem isthuc mittebat, cui nomen Beisio. Novissimum fasciculum meum an acceperis, in quo erant literæ & chartæ quædam ex Aquitania ad te missæ, scire cupio. Tradidi cum Johanni Meursio.

EPISTOLA DXCIV.

DANIELI HEINSIO.

SOMNIUM tuum, clarissime Heinsi, 1608. vidi, legi, relegi. Sciebam quantus esses in serio tractandis literis; quantus in omni genere seriæ scriptiōis: tantum inesse tibi leporis, tantum amœnitatis ac venustissimæ venustatis, neque

1608. que ego sciebam, neque fortasse quisquam alius eorum, qui è tuis scriptis te norunt. Deum immortalem! quam ingeniosa ἡ ἔμψυχα ἀσκήσις, καὶ ἀξίωσις! quam non è trivio, sed nescio unde ex abdito petiti joci! quam docti & falsi sales! quam alta denique, & profunda, atque effluens eruditio tua in singulis propè verbis apparet! Itaque et si ἐν δεινῇ ὥν καὶ γλυκυθυμία πάση δόξῃ, abstinere tamen non potui, quin lepidissimum scriptum saepe legendo producerem. Placuit etiam, filium meum natu maximum * ad epularum tuarum delicias admittere; ac propterea Satyram tuam cum eo relegi, ut quæ minus assequeretur, ea ipse interpretarer. Sed accidit perincommodè, ut præter illa quatuor exemplaria, quæ à venerando & illustri Scaligero sunt missa, nullum aliud in urbe reperitur; eò namque factum, ut illo libro, quem acceperam, frui diu mihi non licuerit. Intellico etiam non deesse, qui curandam hic ejus libelli editionem suscipiant. Potes inde conjicere, quos plausus heic tulerit Somnium istud tuum. Omnium communis vox est, somniando te vel eruditissimorum virorum vigilias, & ad Cleanthis lucernam elaboratas lucubrationes superasse. Maeste, Vir doctissime, hac pietate, hac generositate mentis, hac denique capitalis atque ignei ingenii beatissimâ copiâ. Equidem in eorum numerum adscribi postulo, qui propter hanc μεσοκρίτην scriptionem multum se tibi debere, ingenuè profitentur. Deum veneror, mi Heinss, ut tuum hoc pietatis officium benè tibi velit evenire. Vale. *Lutetia Parisiorum, a. d. vi. Kalend. Maj. CIO IO CVIII.* Scripsi raptim per occasionem.

EPISTOLA DXCV.

JOSEPHO SCALIGERO.

1608. Illustrissime Vir, qui frustra hætenus conatus sum, virtutes tuas imitari; nactus tandem sum, quod imitari possem. Accepi enim abs te paucis diebus tria ἐπιστολιάρια, quorum brevitatem ad exemplum mihi proponere constitui. Libellus Heinssi me καὶ ἐν κακίῃ ὡς supra modum exhilaravit. Moriar, si legere quicquam simile in eo genere memini. Euphormionem geminum οἱ χυδαῖοι mirantur: habeo, quod illis opponam. Si quid judico, neque lepidius, neque doctius scriptum ullum à multis annis prodiit. At ὁ τρισκατάρατος † Ratisbonæ triumphum agit de veritate Dei ‡, & virtute tua ac paren-

† Scip-
pius.
Colomel.

‡ Vide
Scaliger.
Epist.
135.

tis tui triumphata. Non puto eum esse, 1608. qui *Tres capellas* edidit, scriptum (Deus bone!) inficetum, impium, diabolicum. Symmachum ejus vidisti, & quomodo Lectum, & Juretum, virum de literis optimè meritum, excipiat. Habes, quod gaudeas: nemo inimicum se tuum proficitur, qui omnibus bonis & doctis bellum non indixerit: καὶ πῦρ μιν πῦρ. Polybii editio, ad textum quod attinet, prope jam ad metam est perducta. Superest Commentarius noster, ad quem priusquam me accingo, lectionem Diatribæ tuæ de *Re nummaria* vellem redemisse parte dimidia omnium bonorum, quæ mihi τῶν N. N. ἡ πῶρομία reliqua fecit. Plura ne addam, pudor vetat. An literas meas acceperis, quas Bongarsio dedi, cupio scire. De fasciculo Martialis exemplarium, Beisio traditorum, pudet toties scribere: sed quiescere non possum, priusquam intelligam, rectè illum esse curatum. Epistolam ἡ χρονολογία N. † ἔγνων, ἀνέγνων, κατέγνων. Vale, † David. Porci. Scaliger. Epist. 131. Illustrissime Vir. *Lutetia Parisiorum, a. d. vi. Eid. Maj. CIO IO CVIII.* Ad clarissimum Heinssium, quia otium non dabatur, non jam scribo; neque ad præstantissimum Grotium, cuius auream tragediam accepi. Scribam ad utrumque intra biduum, σὺν θεῷ εἰ πῶν. Utrumque, nisi grave est, & τὸν πῶν Baudium, salvere à nobis jubebis.

Ad hanc
Epistolam
respondet
Scaliger.
Epist.
139.

EPISTOLA DXCVI.

PETRO FABRO. ✕

Vellem sanè, præstantissime Faber, 1608. ita tulissent fata, ut quemadmodum ais optasse, suavissimâ consuetudine tuâ in gravissimo casu meo frui potuissem. Ea res ad leniendum dolorem meum quantum fuisset valitura, facile vel ex eo intelligo, quod unius Epistolæ tuæ lectione non mediocriter sensi, me isto Aetnâ graviore onere levatum. Quæ duo plurimum possunt ad minuendum dolorem, τὸ ἀληθινὸς συμπάσκειν, καὶ τὸ ὡς ἡπια φάρμακα πάσχειν, ambo eximiè abs te sunt præstita. Igitur quod te quoque non perfunctoriè mea mala tangunt, agnosco pietatem, probitatem & amorem in me tuum. Ago tibi, venerande Senex, pro hoc affectu, proque officio, quod necessario meo tempore mihi exhibuisti, grates gratissimas. Omnino si unquam mihi fuit optandum, tui & similium tui virorum alloquiis posse frui, tum certè fuit, cum recenti matris obitu, & aliis malis gravissimis, quorum commemorationem supersedeo, propè confectus, alio insuper relo, ceu ful-

1608. fulmine quodam cœlesti sum repente obtritus; amissâ filiâ natu maximâ, cuius ne nunc quidem sine lacrymis parentes meminisse possumus. Nam ut taceam τῆς φυσικῆς τραγῆς vim illam ἀφ' αὐτῶν, ea fuit filiæ nostræ τῆς μακαρί-
πιδος (sic spero in Domino, & propter meritum Domini Jesu) indoles, ea constantia in puriore Religione, is zelus, ut amore utriusque parentis esset dignissima. Accedit quod morbi insidiosus ac fallacis violentia eam nobis penè inopinantibus rapuit. Fateor tibi ingenuè, venerande Senex, dolorem huic similem nunquam doluisse me; nunquam ita expertum, quàm parum firmus adversus hujus generis πα-
ρασμὸς essem. Ignoscat mihi Deus Opt. Max. scio nihil gravius esse ferendum, quod ipse nobis immittit; scio esse partem impietatis, non ita affectibus moderari nostris, ut appareat ex animo quotidie nos dicere, μηδέτω τὸ θείλημα σὺ. Sed enim, mi Faber, homo sum, εἰς ὃ τυχὼν τῶν ἀπιδανῶν μερίπων, imò lutum, non homo, qui tam parum ad hanc diem profecerim in Ecclesia Dei: piger enim puderque me infirmitatis meæ. Faxit Deus pro sua ineffabili clementia, ut ego & omnes mei melius posthac proficiamus, neque aliud quid unquam velimus, nisi quod ipsum velle cognoverimus. In hoc voto desino, eundem supplex venerans, ut te servet quàm diutissimè, & senectutem tuam magis magisque fortunet. Scripsi raptim. *Lutetiae Parisiorum, a. d. v. Eid. Maj. c10 10 CVIII.*

E P I S T O L A D X C V I I.

✱ HUGONI GRO TIO.

1608. Puto jam accepisse te, præstantissime Groti, quas ante dies paucos ad te dedi. Eas literas isthac curavit clarissimus Meursius: qui quum repentino consilio mox protectionem ad vos institueret, sine meis ad te, hominem utriusque nostrum amantissimum dimittere non potui. Ago igitur tibi πάλιν αὖ γὰρ πάλιν pro recenti tuo munere gratias gratissimas; Tragœdiam dico tuam, verè tuam, & eo viro dignissimam, cujus olim pueri, & adhuc πρηνέζονται rudimenta doctos omnes stupore perculerunt, ut magnum videri non debeat, si quæ hac ætate adultiore scribis, nemo sanus & intelligens sine admiratione tui possit legere. Poë-
matis vero hujusce tui peculiaris causa est, in quo tu Lectoribus, ut incertum esset, effecisti, pietatemne tuam prius, an δύναμιν ποιητικὴν admi-

rentur: utraq̃ue enim istâ dote Aucto-
rem suum *Christus patiens* tuus commendat. Opto tibi, clarissime Hugo, omnia læta & fausta, ut & operâ tuâ forensi quàm diutissimè patria utatur, à quo recens novo hoc honore es auctus; & nos, qui literis delectamur, scriptis tuis subinde beemus. Vale, & me amare perge. *Lutetiae Parisiorum, Eid. Maj. c10 10 CVIII.*

E P I S T O L A D X C V I I I.

D A N I E L I H E I N S I O.

D E Satyra tua Menippea egi nuper 1608. tibi gratias, doctissime Heinssi, & quàm grata ejus lectio mihi fuerit, significavi *. Omnino, si quid mei judicii est, omnes à tergo reliquisti, qui nostrâ, aut patrum memoriâ simile quid sunt aggressi. Ne hostes quidem literarum, & Scaligerici nominis, sine admiratione summa altæ hujus doctrinæ tuæ illa legent. Me verò quod inferueris tam ingenioso scripto, quas ego possum condignas tibi grates agere? Sed diu est, cum in ære sum tuo, sine ulla spe paria unquam tecum faciendi; quanquam animo certè faciam, etsi re non possum: καὶ πῶτε μὲν πύτη· ἔτι γὰρ δὴ ἰδὼς νῦν ἀκμή· urgent enim Polybianæ operæ, & aliæ curæ μελέαι ὄσαι. Sed quum ad vos rediret clarissimus Meursius, facere non potui, quin hæc pauca exararem. Vale, præstantissime Heinssi, & me ama. *Lutetiae Parisiorum, Eid. Maj. c10 10 CVIII.*

Virum clarissimum, Dominicum Baudium, meis verbis, nisi grave est, salvere jube; non enim vacat nunc mihi ad eum scribere; neque ita diu est, cum scripsi.

E P I S T O L A D X C I X.

J O S E P H O S C A L I G E R O.

D Ederam paulò antè eruditissimo 1608. Meursio literarum fasciculum, quem ad te curaret; mox venit ipse ad me, suum isthuc reditum nuntians, & numquid vellem rogans. Etsi nihil erat novi, quod scriberem, facere tamen non potui, ut sine meis eum ad te redire paterer. Ille tibi nuntiabit, quo loco sint nunc res meæ. Nam in illo gravissimo casu, qui ante menses ferè tres me perculit, assiduè mihi vir hic doctissimus adfuit, neque ab eo quicquam prætermisum, quo summum & propè ἀλγυνόν dolorem meum mihi redderet levio-
rem; quo nomine quantum ipsi me debere sentiam, verbis expri-
mere

1608. mere non possum. Per eam occasionem quàm unà multum essemus, multum etiam de te, & tuis in Rempublicam literariam ingentibus meritis loquebamur. Erat mihi suave, etiam in recentissimo luctu, de te & tuis studiis atque institutis novi subinde aliquid addiscere, quod mirarer. De Satyra Heiniana nuper gratias egi, & quanta cum voluptate ac stupore lepidissimum libellum legerim, ostendi*. Martiales tuos an acceperis, nondum scio; eaque re animi crucior: recens editos commiseram fidei Drovardi. Monitus à te officio illum suo defuisse, quum quærerem, quâ tutissimâ viâ fasciculum à Drovario receptum ad te curarem, obtulit se Beisius, Bibliopola isthic probè notus; qui sanctè confirmavit, intra dies quindecim te, si operâ ipsius uti vellem, eos libros accepturum. Quid ex eo tempore illis sit factum, nescio. Ita rem esse gestam, mihi accredas velim. Si perit etiam ille fasciculus, mittam confestim alios. Polybii contextus cum Legationibus jam ad umbilicum vergit. Superest Commentarius, qui in lucem prodiret confidentior, si quam abs te impetrare plummam possët, quâ se ornaret; atque utinam tantum tibi abs re tua esset otii! Deum oro, ut te servet, illustrissime viro- rum, & mihi amorem tuum. *Lutetie Parisiorum, Eid. Maj. CIO IO CVIII.*

* Suprà,
Epist.
DCCIV.

EPISTOLA DC.

✠ JOANNI DEODATO.

1608. **N**uper cum tuis literis, amantissimè scriptis, respondi, præstantissime Deodate, munus verè divinum, quo me beasti, nondum acceperam. Itaque pro illo sic tibi gratias egi, ut qui illud necdum vidissem, neque meam illius fruendi sitim lectione diligenti, quod postea facere conatus sum, expleissem. Etsi autem ne nunc quidem tantum temporis in eo posui, quantum ponere constitui, qui non prius destinam, *ὅν θεὸς φέροι*, quàm totum opus *ἰς πῶς ἐν κεφαλῇ* diligenter legero; non potui tamen debere tibi diutius hoc grati animi qualecunque testimonium. Ego enim, Vir doctissime, ubi primum in Versionem tuam & Notas, haudquaquam sanè translatitias, oculos conjeci, ita captus sum, ut è vestigio constituerim totum opus perspicere, quantâ maximâ fieri poterit diligentia. Quod si per susceptam maximi Historicorum editionem licuisset, poteram diebus oppidò paucis, quæ erat alacritas mea ad id studium, negotium

hoc profligare. Nunc quia curis aliis, 1608. iisque diversis, *ἐλὺς δὲν*, obruimus, lentius quidem, sed & attentius, in suscepta lectione pergemus. Atque id eò constantius sumus facturi, quia sapius jam sumus experti, quo & quanto cum fructu sive in Versione, sive in Notis simus versaturi. Quin etiam si quid erit, de quo dubitemus, de eo per literas tecum agemus. Solet enim mihi interdum accidere, ut dum plures Versiones, Veterum præsertim, inter se contendo, æquæ potissimum sententia sit amplectenda, subdubitem. Equidem operæ illius, quam in discendis linguis hætenus posui, hunc, sine controversia, maximum fructum duco, diversarum linguarum interpretationes posse invicem comparare. Atqui utinam omnes hodie extarent Versiones, aut Paraphrasas, quas eruditi homines, vel Græci, vel Latini, vel Syri, vel Arabes, diversis temporibus & occasionibus procuderent. Nam licet persuasissimum habeam, nullam omnium earum posse reperiri, quæ cum nostra Gallica, aut tua Italica fide, *ἡ τῶ γρηγόριος ἐγγυμνάσις* mercatur comparari; puta tamen, nullam adeò negligenter aut infelicitè fuisse curatam, quæ non alicubi esset adjutura. Scimus superiore anno institutam Romæ editionem Librorum Sacrorum, quæ Origenis Hexapla longo intervallo sit superatura. Omnes enim nobiliorum linguarum Paraphrasas, aut Versiones *ταυτηνὰν* digestas exhibebit. Est præterea unicuique è linguarum exoticarum Versionibus sua interpretatio Latina appositâ. Dignum planè opus immortalî laude, si cum fide & diligentia curaretur; nunc enim, ut de utroque addubitem, causas habeo gravissimas. Josephus Scaliger, cujus scripta quanti facias, ex Notis tuis eruditissimis cognoscent omnes, libri gemmei Psalmorum pentaplami editionem erat pollicitus; qui utinam vel nunc posset impelli, ut priora sua in Rempublicam literariam merita hac ingenti accessione cumularet. Saltem daret nobis vir summus tres illas inter se diversas Paraphrasas Arabicas, quas in scriniis cimeliorum suorum multos jam servat annos. Inciderunt in manus nostras viginti admodum Geneseos capita, Arabicæ cujusdam interpretationis; quæ ita se mihi probarunt, ut plura in eo genere legendi magnâ me cupiditate inflammarent. Nam Psalterium Nebientis *ἡ παλαιὰ* esse, nullus dubito; est enim expressum non è fonte, verum è Latina interpretatione, quam hodie Romanenses in Hebraicæ veritatis locum imperitis obtrudunt, quum

sic

1608. sit depravatissima, & sæpe absurdissima. Sed quò abeo? neque enim id à principio institueram, qui hoc duntaxat proposito ad hoc familiare tecum per Epistolam colloquium accessi, ut scires, non pessimè locatum esse beneficium abs te, cum excellentissimo me donasti munere. Audebo dicere, ex omnibus, qui per te sunt profecturi, neminem unum futurum, qui aut ferventiore animo ad discendum se componat, aut candidiore mente tuas laudes, quantum mea tenuitas capere illas poterit, apud omnes bonos sit prædicaturus. De meis rebus quæ scripsisti ad ornatissimum virum, cognatum tuum, vidi, pro quibus si pares meritis tuis grates tibi institutam agere, frustra sim; nullam enim unquam partem tuorum meritorum possim assequi. Sed me tot mala circumstant conferta invicem, & inter se concatenata, ut queri possim, & id quidem iustissimè; aliud verò nihil impræsentiarum possim, quum præsertim ita me occupatum studia teneant, ut seriò adhuc cogitare de meorum malorum remediis per illa non sim quitus. Sive domum Stephanicam respicio, omnia sunt conclamata; sive negotia sororis, omnia acta transacta. Erat quidem facillima via & expeditissima funestæ contentionis semel sopiendæ, si certis hominibus posset probari, fore olim vindicem Deum injuriarum, quas viduæ & pupilli acceperint. Sed hæc jam vetus cantilena est, & quæ videtur pro anili fabula à multis hodie haberi. Scito autem, præstantissime Deodate, verè illud queri me, *Θεὸς δ' ἰμμάριος ἔστω*, quæ isthic perperam, & contra jus, adversus me, aut sororem miserimam meam, non semel decreta sunt, ea gravius damnum fortunis meis intulisse, quàm isthic vulgò putetur. Quod quia paucis exsequi non possum, missum in præsentia facio: querelarum enim *ἀλλυς*, inutilium præsertim. Scripsi quædam ea de re ad D. Gasparem Laurentium, Rectorem vestrum, quæ esse verissima, amici hic mei sciunt. Qui isthic blaterant de re nihili, aut sine causa, tantum à me fundi querelarum non debere; ii, si meo loco sint, cælum profectò miscerent terræ. Et oratos velim *ἀειγυς* homines, ne adigant me ad necessitatem cum auctoribus tot injuriarum scripto expostulandi. Uno verbo, reculæ uxoris, eversione domus Stephanicæ, & multò magis detentione characterum, quando potui mihi consulere, sunt funditùs everse. Ego si quid habui, ejus magna pars ab iis absumpta, qui sororem per annos duodecim licibus continuis exagitarunt: nam ad au-

reos serè quadringentos accedit summa, 1608. quam interea temporis, dum aliquem litium infaustrarum spero in diem exitum, subministravi. Sed abrupto ingratos tibi mihiq; sermones. Deus te servet, charissime Vir, & quicquid tibi curæ. Vale, & me ama. *Lutetia Parisiorum, a. d. 111. Eidus Junias, δὲ τῆς τῆς θεῆς ἀγίας ἡμερομηνίας, c15 13 CVIII.*

De libello Alberii promisso gratias magnas tibi illustrissimus Præses, & ego cum illo. Sed non is est, quem ipse optat; diu nimirum est, cum illum haber. Is, quem petit, est à D. Faio editus Gallicè.

Inscriptio.

A Monsieur,

Monsieur Diodati; Professeur en la S. Theologie, & és Lettres Hebraïques,

A GENEVE.

EPISTOLA DCI.

DANIELI HEINSIO.

A Ccepi nunc ipsas, quas decimâ hujus mensis die ad me dedisti, optime & suavissime amicorum. Miratus sum, de meo silentio te queri, quum paucis diebus ternas aut quaternas ad te dederim. Unas Bongarsio τῷ πάλῳ tradidi, binas Meursio; quem ego virum non magis literarum scientiâ præstare scio, quàm fide, probitate, pietate, καὶ παντοίας ἀρεταῖς. Huic ego paulò antè quàm à nobis discederet, fasciculum dedi isthuc curandum, in quos tres erant Epistolæ, una ad reverendum senem, altera ad te, tertia ad Grotium: deinde certior ab eodem factus de subita professione sua, alterum fasciculum totidem Epistolarum ipsi commendavi. Amissas incuriâ, aut aliquo casu meas putarem; nisi ex tuis discerem, clarissimum Grotium accepisse, quas ipsi scriperam. Oro te, dulcissime amicorum, inquiras ab Meursio, quid illis sit factum fasciculis: quos non esse amissos, mea plurimum interest. Ante omnia illud tibi persuade, ne fieri quidem possè, ut tam crassâ, tam supina, & planè ἀποφάντης negligentia in eum hominem cadat, qui te & illustrissimum Heroem dies noctesque cogitat, & in recordatione vestri ex gravissimis ærumnis solet acquiescere. Noli igitur, per Deum immortalem, gravissimis doloribus & curis meis, quibus assiduè conficior, hunc cumulum adjicere, ut propter diuturnius meum silentium, quod nullâ meâ culpâ intervenit, tuum erga me animum esse immutatum experiar.

R r 2

T t n

1608. Τίπ μοι χάρις ὑπὲρ χάριν. Deus te servet. Vale. *Lutetia Parisiorum*, statim post tuas acceptas, die Junii XVI, CIO IO CVIII.

* Suprà.
Epiß.
DCCIV. &
DCCVIII.

Pro tuo divino libello binis * illis literis egi tibi gratias, non quantas debebam, scio; sed quantas poteram maximas. Aperueram tibi non iudicium, sed stuporem meum ad tantæ doctrinæ tantulum scriptum. Quæso te, repere meas à Meursio, & illi, nisi grave est, salutem meis verbis nuntia; nec non viris clarissimis, Baudio & Scriverio.

EPISTOLA DCII.

✠ SAMUELI NÆRANO.

1608. **V**ellem tantum mihi esset aut facultatis aut otii, quantum est animi & voluntatis tuo desiderio, Vir eruditissime, satisfaciendi; non dubitarem, quin si minus re, certè benevolentia significatione, essem tibi vel cumulatè satisfactorius. Nunc adeò curis variis, & diverso studiorum genere sum impeditus, ut diem diffindere ἰσὺν αἰώνη θυμῷ, cogar. Quanquam, mi Nærane, si non penitus fallor, rem supervacuam à me petis. Quid enim tibi, hac doctrinā viro, monitore opus? Qui tantum profecisti in itinere suscepto, potes mihi persuadere, viam rectam te ignorare? Ego non puto, & non dubito, si ut cœpisti pergas, eò quò tendis, esse te perventurum. Longum sanè iter ad doctas Athenas es ingressus, sed amœnum, Deus bone! & oppidò fructuosum. Nam qui sine literis Græcis aliquid se putant in literis posse præstare dignum in Minervæ arce poni, eorum fatuitatis, stuporis & κακίανυσίνης me sanè pudet. Sed de hisce pluribus aliàs, σὺν Θεῷ φάναί. Gaudeo tibi esse commissam Sedanensis Scholæ curam; idque munus bene tibi Reipublicæ literariæ evenire opto. Constitui-
mus, si dabit Deus ὁ ἐπὶ πάντων, unum è meis filiis isthuc mittere; ubi confido amicos me habere; quorum numerum per te factum esse auctiorem, non parum lætor. Ea est futura occasio mutuaë scriptio-
nis inter nos sæpe repetendæ. Ita velit, qui solus, quicquid vult, potest. *Lutetia Parisiorum*, a. d. XIII. Kalend. Jul. CIO IO CVIII.

EPISTOLA DCIII.

✠ JACOBO CAPELLO.

1608. **R**esponsum ad binas tuarum tibi debeo, optime Vir & doctissime. Puderet me diuturnioris cessationis,

nisi cum benigno creditore mihi res esset. 1608. fet, qui animum, uti spero, non ignorat meum. Quòd meis adversis tangi te ostendis, & pervenit etiam ad te dolor aliquis ex obitu τῆς προσφιλεστάτης, & ἀγαπητέτης, & νῦν μακαρίτης. mearum Philipparum; agnosco probitatem, pietatem, & benevolentiam erga me tuam. Est hoc quidem naturale omnibus parentibus, ut liberos ament suos: sed illius φυσικῆς φιλίας, quæ τὴν μακαρίτην utrique parenti quàm arctissimè alligabat πρὸν ὑπέρμεια, non est adeò res communis. Nulla vixit unquam parentibus obsequentior filia, aut quæ unicè dilecta, & liberaliter habita, majore metu offendendi patris aut matris teneretur. Omitto ingenium ad omnia Minervæ opera εὐ πρὸς. pietatem certè omittere non possum: quando ea vel præcipua fuit causa, cur ipsam præcipuā charitate complecteremur. Si scires, Vir præstantissime, quàm ἐνδεδέχεν odium mendacii, & τῆς κακὴς ἡθικῆς ejus animo fuit innatum, nostris fortasse lacrymis non invitus ignosceres. Memini, cùm soliti ventilare ad me οἱ Λωιδιῶται πρὸς τὴν σκηνὴν τὴν ἡμέτεραν πίνιν, quos sermones ab ea audiverim: nam neque ipsa, neque mater manserunt ἀπείραστοι. Deum immortalem! quā pietate, quo zelo, & illo tempore, & sæpe aliàs ἡ μακαρίτης animos mihi addidit, & generositate suā, penè dixerim, mihi prævit ad fortem mundi contemptum. Jam ex quo Genevenses inaudita ὀδυνομένη & me, & sororem nostris fortunis nos spoliarunt, quoties illa me, ipsius potissimum causā mœrentem, est solata? quum negaret, de se sollicitum esse me debere; sibi omnes spes suas non in paternis bonis esse repositas, non in sua industria; verum in unius Dei Opt. Max. benignitate, clementia, & providentia: illum aviculis necessaria omnia suppeditare; sibi quoque eundem, quæ forent ex usu, suppeditaturum. Quid multa? & nos eo ingenio filiam educasse lærabamur; & amici, qui pietatem & dexteritatem, καὶ τὸν φιλόκαλον αἶνα χαυνότητι nōrant, τὰς φιλίας ἐμακάριζον. Ejus verò amissæ (præmissam volui dicere) luctus eò gravior nobis accidit, quòd penè citius nobis est crepta, quàm periculose ipsam ægrotare suspicabamur. Hoc nos malè habuit, hoc nos propemodum ἐξέσπισ τῶν φρενῶν. Sed feramus, quòd Deo placitum, neque enim dubitamus, τὸν Σωτῆρα τῆ κίσκες, Dominum Jesum, suo sanguine ipsam abluisse, & nostris suisque peccatis mundatum ἕως τὸν ἐνσῶν χρόνιον transtulisse. Tu verò ignosce, Vir optime, atque humanissime, quòd querelis meis diu-

1608. diutius te moror. Equidem de industria diu me continui, & respondere ad tuas distuli, si fortè longa dies aliquam rerum præteritarum oblivionem induceret. Sed quotidie videtur dolor crescere: nunc utique absente uxore, in qua una ex humanis rebus, curarum mearum est solatium ac levamen. Illa, necessitate rerum nostrarum coacta, longum iter in Delphinatum, & quidem ἐν χειρὶ ἔχουσα, instituit, quæ res adeò sollicitum me habet, ut nunquam æquè fuerim. Unica res est, quæ εὐθυμίαν mihi affert; certa spes & fiducia καὶ πεποίθησις ἐπὶ τῷ Κυρίῳ, qui te, eruditissime atque amicissime Capelle, servet. Vale. *Lutetiae Parisiorum, a. d. XIII. Kalend. Jul. CIO IO CVIII.*

EPISTOLA DCIV.

JOSEPHO SCALIGERO.

1608. **I**lustrissime Vir, ex iis literis eruditissimi Heinsii, quas modò accepi, cognovi, non esse tibi traditas Epistolas duas, quas ad te paucis diebus scripseram, & Joanni Meursio, patriam repetenti, dederam. Demiror, quid sit hoc factum, neque possum aliud nisi infelicitatem meam agnoscere; cui ab aliquot mensibus nisi ingratum, & contra animi sententiam, nihil fermè evenit. Egi per literas cum nostro Heinsio, ut eas Epistolas duobus fasciculis inclusas à Meursio repeteret. Puto etiam, accepturum te brevi, aut jam potius accepisse, quas clarissimi Bongarsii, isthuc cogitantis, fidei commisi. Ego à multis mensibus tuas vidi nullas, præter Laconicas, opinor, ternas, paucissimorum verborum. Optarem uberiores, sed & sic scriptæ, gratissimæ semper erunt, modò valere te intelligam, & me amare. Deum veneror, magne Heros, ut te servet. Vale. *Lutetiae Parisiorum, a. d. x. Kalend. Jul. CIO IO CVIII.*

Pudet scribere toties rem eandem; sed tamen cupio scire, an illum fasciculum acceperis, quo Martialis exemplaria continebantur. Meursius unum habuit à Stephano * in cœrulea charta tibi missum. Optabam aliquid à te mihi suggeri, quod Polybianis meis infererem: inveni tandem, opinor, ejusmodi aliquid: nactus enim sum Polybii codicem Ἰ. μακαρίτης Buzenvallii, ubi criticas aliquot notulas offendi, quas non dubito esse à te profectas. Quicquid erat exquisitius, id sub nomine tuo apparebit; ut omnes intelligant, prius vitam me positurum, quàm discendi te magistro cupiditatem.

* Roberto Stephano, R. F. R. N.

Ad hanc respondet Scaliger, Epist. 141.

EPISTOLA DCV.

JACOBO LECTIO. ✕

Sic est profectò, Lecti clarissime, ho- 1608. mini nato nihil est ἀεὶ πτόν, nihil ἀπείροτον. Quis olim mihi persuasisset, posse fieri, ut literis ad te, τῆς ἐμῆς ψυχῆς τὸ ἥμισυ, scribendis invitatus accingerer? Ita accidisse tamen, & diuturnum meum silentium arguit, & hujus quoque ad novissimas tuarum responsionis τὸ ἐπιμήκερον. Ratio autem est, quia scribere ad te non possum, ut non refricetur mihi memoria ante malorum, quæ isthuc passus sum indignissimè: horret animus ærumnæ illius meminisse, cujus memoriam esse mihi creptam, magni æstimarem. Et si videri me scio isthic hominem ἀπίδαλον, non is sum tamen, qui non assidue gemam, atque adeò acerbam mihi vitam putem, ob toties offensum à me magnum Numen ex iræ vehementia; quoties subit animum, ab iis tot factas esse mihi meisque injurias, pro quibus mortem oppetere, suave mihi atque εὐκαταίον fuisse; ab iis, quorum urbem veræ pietatis ἐστίν; justitiæ, & omnis æquitatis sedem esse, & credideram semper, & prædicaveram: ab iis, quos si nihil aliud, certè τὸ ἐμὸς δόξην ἐν ταῖς ἀπὲι θρησκείαις, καὶ τὸ ἐν συνέχειι πηρασμῶς αἰνέδοτον, (Deo uni sit laus & gloria) conciliare mihi debuerat. Saltem illud cogitarent auctores injuriæ; si mihi meisque omnia adimerent, quæ poterant isthic adimi; at vocem tamen superfuturam & gemitus ad gravissimè conquerendum de gravissima injuria; cogitarent pertinere ad Dei gloriam, ne tanti ἀδικήματός, quò mihi bona mea nefariè eripiebantur, fama ad τὰς ἐξουαντίας perveniret. Memini, Scholarcham vestrum bis ad me de eo, quod moliebatur, literas prius dedisse, quàm illud iniquissimum decretum ederetur, quod quia hodièque suos isthic patronos invenit, τῶτο με τῶν φρενῶν ἐξίησι. Nondum equidem satis capiebam, quid ageretur: illud jam videbam, homines, quos minimè oportebat, oculos cupiditatis rei prorsus alienæ adjecisse: at eò ventum iri, ut in fraudem uxoris meæ, & quò ne illi pars saltem aliqua dotis suæ salva restaret, & de eo, quod scis, cimelio lis mihi moveretur; idque tam absurdo, tam iniquo prætextu; hoc verò fieri posse, animum ipse inducere non poteram: ἀφρότης ἀθέμιτος ἀνέστη ille mihi æternum erit, qui hoc primus consilium scelestè, nefariè, impiè excogitavit. Postquam igitur Scholarchæ literas accepissem, per ipsa Domini Je-
su

1608. *ἢ πὶ σπλάγχνα* sum illum obrestatus, ne me tantā, tam manifestā injuriā ultrō iret laceffitum; mihi nihil posse acerbius contingere, quā si ea ex re discordiæ principium inter nos oriretur. Serio etiam monebam, si pergeret in fortunas meas invadere, tacitum me tantam injuriam non fore laturum. Cogitaret etiam & etiam, quid aggrediretur: non enim prudentis esse, aliquid committere, cujus postea causā illud sit usurpandum, *Non putabam*. Testor Deum immortalem, jam tum animo cohorrui me, cū aliquid eorum conjecturā olfacerem, quæ deinde magno cum piorum scandalo acciderunt, quæque possunt accidere. Eō impensius Dei hominumque fidem apud Laurentij literis illis meis sum testatus. Quid profeci? ille nihilo secius rem iniquam à Senatu vestro postulavit; postulatam abstulit; & quidem *μέτρον καὶ λόγον*, ne quid ad summam deesset injuriam. Neque est repertus in urbe vestra, qui dolore & jacturā meā, tantā præsertim, non gauderet; paucos, hoc est, unum aut alterum excipio, qui præter dolere nihil poterant. Laurentius verò ille meus quondam conjunctissimus sodalis, quasi victo insultaret, (nam quomodo interpreter, si hoc non est?) de exitu judicii literis suis *ἐπιχαρτικῶς* me primus fecit certiorum. Scit Montignius, Pastor hujus Ecclesiæ venerandus, quā die nuntius ille mihi est allatus, in ipsius sinum effudisse me dolorem omnem meum. Qui eā sine illum conveneram, ut si serio injuriam meam vobiscum suo & *συλλήλατον* nomine vellet expostulare, paratum me ostenderem eo stare, quod jus & æquum esse, ipse pronunciasset; idque facturum me, sanctè recepi. Quid postea acciderit, neque tu nescis, & ego si commemorare voluero, longum fecero. Hoc tantūm dicam, quia juris speciem inusitati iniquitati videbam obtendi, rem detulisse me ad viros prudentissimos, probatissimos, & professione religionis nostræ nobilissimos, Josiam Mercerum, Desiderium Heraldum, Diodatum, civem Genevensem illum quidem, sed probitate virum insignem, alios caussarum in hac Curia patronos eximios; qui lecto & diligenter expenso testamento τῷ μακαρίτῃ Roberti Stephani, sine ullo dissensu judicaverunt, facinus esse indignum, & exquisitæ *ἀδυναμίας* exemplum, quod isthic erat factum. Daniel quoque Chamerius disquisitioni illi interfuit; neque aliter judicavit. Et obsecro te, Lecti, putasne tu, adeo impium fuisse Robertum Stephanum, ut cæteros, & nescio quos

Laico-Ecclesiasticos sanguini suo anteponeret? Putas tantum virum ignorasse, deteriore infideli illum dici D. Paulo, qui suorum curam negligit? Putas ignorasse, abominandum esse Pharisæismum, pietatis obtentu suos spoliare? Quis vestrum hoc in se velit admissum? Quis tam barbarus, qui velit in suos admittere? Egone Legatorum, quæ pia vocantur, usuram tocullionibus ad stivam natis pendam, (scis ita esse factum) & uxoris dorem scelere eorundem amittam? Ubi pietas istorum Laico-Ecclesiasticorum? ubi iudicium? Et tamen vulgo isthic laudatum esse inceptum, & nunc quoque laudari, non nescimus. Quin etiam ubi isthic renuntiatum est, liberam adversus auctores atrocis injuriæ vocem hic mittere me, priori immanitati hic additus est cumulus, ut, quo uno modo poterat in absentem sæviri, sæviretur: publice enim sunt immissi homines armati in ædes sororis, ut chartæ meæ explorarentur. Sciant qui tam iniquè de me censuerant, non apud me, sed apud ipsos quæri debere furtiva scripta, quæ publicam lucem metuant. Nostræ chartæ ferunt, & ferent, *ὅν θεῶν*, Judicium æquiorum publicam *βάρυνον*. nihil in illis clandestinæ molitionis; nihil cur quisquam doleat. Sciant etiam, beneficio Dei Opt. Max. eo loco esse me, ejus Mæcenatis benignitate foveri, ut à vi injusta nihil meruam. Sed video quid sit: quod semel isthic factum est, eo ipso, quod isthic factum est, justum, æquum, *ὅσον* denique ab omnibus existimari debet. Istā persuasione isthic vivi, & fortasse vixisse me aliquando, non negaverim. Sed magnæ superis gratiæ, quod tandem *ἀνέβλεψα*, & res, non personas didici æstimare. Næcatus erat, qui dixit, *παθὼν ὃ π νίπῳ ἔγωγ*. At, inquis, si quam hoc loco fecisti jacturam, non nos, sed affinis tuus culpari debet. Imò enimverò, & de vobis, & de affine cur querar habeo. Ille fatali circa rem familiarem negligentia, & aliquid necessariò esset mihi perdendum, effecit: vos, ne quid servarem, certo proposito, & animi destinatione effecistis. Quoties ego vobis significavi, aureos quingentos, ex Anglia missos, per annum integrum apud illustrem Legatum hæsisse, pro illo, quod scis, cimelio mihi numerandos? Hanc summam isti mihi de manibus extorserunt, & meos liberos hoc gravi damno pro sua pietate effecerunt. Adde aliam querelam: nam si illi cimelio boni viri inhiabant, quid malum oportuit meā pecuniā illud redimi? Agerent, ferrent omnia, & maturè procuratorem meum facef-

1608. facessere juberent. Nunc expectatum ab illis est, donec ad pignoris liberationem aurei ducenti Clerico essent numerati: par summa alia cogeretur eadem præstanda, nisi à sorore mea (postquam simili æquitate viduæ misellæ omnia isthæc fuerant adempta) me infcio esset interversa. Quis vestrum hæc ita esse gesta ignorat? Quis malis meis ingemuit? Quis meam *παρρησίαν* severus patruus, non accusavit? Nec defuere, qui joculari officio erga me fungerentur, & longè adeò per literas monebant, parcerem verbis, ne fortè acerbiora dicta mea ad aures eorum pervenirent, qui rerum isthæc potiuntur. Adeòne infelicem esse me, ut post tantam injuriam acceptam, etiam in media Lutetia, potentiâ Judicum Genevensium terreri debeam, quò minus liberè conquerar? Hæc quidem vis est, mi Lecti: atqui ne illi quidem ipsi monitores mei nesciunt, amplissimi Senatûs vestri dignitatem ante hoc tempus, vitâ meâ fuisse mihi chariorem. Nunc quoque pro salute vestra mortem pacisci non dubitem. Neque Deus sinit, illum diem videam, quo inimicis vestris aliquid in vos sit juris; quod totâ mente abominor. Cæterum si in privata mea causâ auctores injuriæ pro hostibus, aut potius inimicis meis habui, rem, credo, novam feci. Quod ais remississe tandem jus suum Scholarcham, & Diaconos, idque magno tuo factum esse studio & labore: et si nihil, jam amissâ occasione, ea res mihi prodest, habeo tamen gratiam, & id officium aliis adnumero, quæ sunt abs te in nos, dum isthæc essemus, collata. Sed fidem tuam, amicissime Vir, convenio, & quid jus appelles, scire cupio; ego hoc scio, hoc semper prædicabo, nullum illis exteris in rem meam jus potuisse competere. Illa vestra carmina, auctoritatem rerum judicatarum, fata causarum, & similia his alia, equidem nihil moror. Nam si hæc idonea tibi videntur, propter quæ jura naturæ convellantur; at mihi idonea non videntur, cur de tam manifesta injuria, uxori, liberis facta, tanquam *ἀποθνήσκεις* Stoicus, aut *ἀσέβης* atque inhumanus parens, & maritus sileam. Nolo detrudere quicquam officiis erga me tuis: sed hac in re operam, si quam insumpsisti, petitoribus iniquis illam te imputare, non mihi, verum est: ego ex ea re nihil prorsus capio commodi: illorum intererat, ne quod perperam orsi erant negotium, ad exitum perducerent. Quod scribis, viros graves, ad quos querulæ meæ voces deferuntur, libertate nimî dictorum offendi meo-

rum; nimirum id tacitè significas, debuisti me aliquo scripto jura hujus causæ illos docere. Quod sanè pridem esset factum, nisi illud ipsum, quod initio dicebam, impediisset, & sæpe gestientem id facere inhibuisset. Fateor, quoties sermo incidebat, aut aliqua necessitas cogebat, liberè me, sive in colloquiis, sive per literas, apud amicos dolorem meum expromissem: ut verò criminationibus inimicorum refellendis, quas ex urbe vestra passim disseminari audiebam, aliquid ex professò scriberem, hæctenus imperrare ipse à me non potui. Videro in posterum, quid sim facturus. Nam quid ego commerui, cur isti post everfas fortunas meas, etiam existimationi meæ maculam velint injustam? Ego verò opum jacturam possum pati; nomini meo inuri notam apud bonos, pati non possum. Nemo quæ isthæc acta sunt, defendet, qui me summæ iniquitatis non accuset; hoc ego non feram, neque bonam causam silentio meo prodam. Hoc ut bona cum tua gratia mihi liceat, amicissime Lecti, per ego te veterem amicitiam nostram, tot publicis monumentis testatam, oro, obsecro, obtestor. Noli, per immortalem Deum, amicum tuum, quo pluris nemo te facit, in eas angustias cogere, ut vel amore tuo ei sit carendum, quod mortis instar fuerit; vel boni viri existimatio decoquenda, quod & morte ipsâ tristius sit futurum. Ego Deum precibus meis *δουλοῦμαι* non cessabo, quo te, charissimum mihi caput, servet incolumem, & omni bonorum genere magis magisque indies cumulet. Sic te Dominus adjuvet, & hac liberet molestiâ, ut hoc tibi ex animo opto. Vale. *Lutetie Parisiorum, a. d. 111. Non. Jul. c15 15 CVIII.*

EPISTOLA DXCVI.

JOSEPHO SCALIGERO.

1608. Illustrissime Vir, occupatissimo mihi oblata est occasio ad te scribendi: itaque habebis longè breviorē Epistolam hanc, quàm fuisses habiturus, si otium scribendi suppeditasset. Ex iis, quas à te novissimas accepi, quantam ceperim voluptatem, dici non potest. Ostendebas enim luculentissimis indiciis atque argumentis, & quantum me amares, quæ summa est gloriationis meæ, *τῆς γὰρ καὶ ἀνθρώπων*, & quàm acriter mea adversa te pupugissent. Anno exeunte, qui proximè est elapsus, quum de sceleribus in me & meos à paralimnitis quibusdam tyrannis admisis, questus essem apud te, sensi ingemuisse

1608. muisse te malis meis, neque certorum hominum fuisse similem, qui impudentissime, inhumanissime, falsissime disputare audent, ut probent, illos ἀδελφός nullam mihi fecisse injuriam: quos ego possum probare multis ipsorum literis, culpam hodie deprecari, & ἀνομιὰς suas agnoscere; verum eo animo, ut raptō nihilō secius gaudeant. Initio hujus anni quum repentino quasi fulmine crepta mihi esset filia charissima, & utrique parentum non vulgare in modum dilecta; quantum ex ea re dolorem ipse ceperis, testes habeo literas hasce tuas, quibus luctum meum consolando monendoque ivisti levatum *. Non malè operam posuisti, *dis γέρον*† lectione enim gravissimæ Epistolæ tuæ sensi me non mediocriter levatum. Itaque pro hoc pietatis & sinceræ amicitiae officio quas tibi gratias agam, non invenio. Accipe nunc aliam non fabulam, sed rem gestam, & recentis casus historiam, qui minimo minus curis & angoribus omnibus me ἀφρόνως liberavit. Scito igitur accidisse τῇ κυριακῇ proximè elaptā, (is erat dies hujus mensis vigesimus,) dum ad sacram συνάξιν adverso flumine deferimur, ego, uxor, duo natu maximi filii, & soror cum parte familiæ, ut scaphā fluviatili, quā vehebamur, ictu repentino & inopinato magnæ navis percussā, & statim aquā oppletā, ὑποβρύχιοι penè diem ultimum vitæ clauderemus. Longum faciam, si κατὰ λεπτόν quomodo res acciderit, exponere aggrediar: maximum certè periculum omneis adiimus; sed uxor longè præsentissimum, ego illi proximum. Nam cū majoris navigii marginem jamprehendissem, viso ejus periculo, mei immemor, dum illam jacentem supinam attollo, & porrigentibus brachia admoveo, cum sidente scapha penè eò sum delapsus, unde vix potuissem servari. Omnino quod servati sumus, ego præsertim atque uxor, singularis benignitatis Dei Opt. Max. erga nos & nostros est argumentum. Atque hoc te non nescire volui: neque enim dubito, & te, & præstantissimum Heinsum. Auctori salutis nostræ gratias nobiscum esse acturos. Scriptum, quo fabula Burdoniana refutatur, cupidissime exspecto. N. † rediisse ad se, & insanam Epistolam damnassee, gaudeo illius causā magis quā tuā. Polybii textus, beneficio Dei, superioribus diebus est absolutus. Restant nostræ observationes, quæ me diu multumque & tenebunt & exercebunt. Vale, illustrissime Scaliger, & me ama. *Lutetiae Parisiorum, a. d. ix. Kalend. August.* CIO IO CVIII. Ignosce festinationi.

* Vide
Scaliger.
Epist.
139.

† David.
Parum,
nisi patet
ex Epist.
DCCV.
Scaliger.
Epist.
139.

Qui tibi has reddidit, tui nominis, si 1608. quis alius, cultor est insignis & devotus.

Ad hanc
respondet
Scalig.
Epist.
142.

EPISTOLA DCVII.

DAVIDI HOESCHELIO.

Quas ad me Idibus Quintilis dedi- 1608. sti, eas ego ante dies, opinor, quinque accepi: quæ si maturius mihi fuissent redditæ, potuissem certius & exploratius de Arriani codicibus tibi respondere. Nunc enim brevitate temporis exclusus, aliud nihil quco præter hoc unum, quod ἀσφαλῶς καὶ βεβαίως, ξὺν θεῷ δ' εἰρήσεται, tibi recipio, omnia me eis dies paucissimos in Bibliotheca excussurum, πάσας πῆς γωνίας διψήσαν, ut voti tui compotem te faciam. Scio esse ibi nonnulla ejus argumenti, sed quæ nunquam hæctenus cum editis contulerim. Habes hic virum optimum, tui amantissimum, Frontonem Ducæum, cujus operam hac in parte confido mihi non defuturam. Fuit olim in potestate mea Simplicius, à Nicolao Fabro, viro clarissimo, cum scriptis collatus: sed is liber Monspelii turpi furto mihi est ereptus. Sed de Bibliotheca iterum confirmo tibi, nihil tibi defuturum eorum, quæ in ea fuerint reperta. Inscriptionem veterem isthic esse recusam, lætor. Ego, quæ mihi iterum atque iterum illam percurrenti in mentem venerant, raptim exaravi, lubentissimo animo gratias iis acturus, qui me certiora & meliora docuerint. Tu fecisti ex parte; cujus judicio mea omnia semper, pro eo ac debui, permisi. Quod si meā operā unquam ea opella heic recudatur, videbis, quā non gravatè errores meos corrigam. Polybii textus, Dei beneficio, est absolutus. Superest Commentarius, longus, ὁ Μυῆα! labor, & à cujus meta procul adhuc absum. Nam quod sæpe queri apud te memini, in ea urbe sum, ubi non malè mecum agitur, si paucas horas diurni temporis studiis possim impendere: sæpe enim ne id quidem licet. Spero tamen eis dies paucos principium me edendi nostræ Polybiana esse facturum. Nam absoluto contextu paucos dies interjunximus. Vale optimè, doctissime Hoescheli. *Lutetiae Parisiorum, a. d. iv. Kalend. Septemb.* CIO IO CVIII.

EPISTOLA DCVIII.

GEORGIO MICHAELI LINGELSHEIMIO.

1608. **P**AUCIS diebus priusquam tuas acciperem, præstantissime Lingelsheimi, fuit mihi super eo, quod tute scis, negotio * cum insigni viro, Buwinckhausio †, serium colloquium. Didici ex eo, ad aureis usque Serenissimi Electoris & aliorum Principum summorum rem pervenisse, neque ab eo consilio ipsos abhorreere: sic enim ille mecum eo de negotio est locutus, tanquam de re minimè dubia ac planè certa, & jam decreta. Respondi viro nobilissimo pro eo ac debui, non adeò Suffenum memet esse mihi, ut honore hoc tanto quàm parum essem dignus, non probè intelligerem. Satis mihi exilis atque angusti ingenii mei modum esse norum. Scire probè, opinioni huic de meis studiis concipiendæ quinam Illustrissimis Principibus auctores extitissent. Vereri me etiam atque etiam, ubi ad rem fuerit ventum, ne prædicationi virorum mihi amicissimorum opera nostra parum omnino respondeat. Optare igitur, atque adeò orare me viros illos præstantissimos, videant diligenter, quid agant, quòve, aut quorsum me vocent, neque committant, ut sui postea consilii ipsos pœniteat. Mihi quidem certè neque optatius, neque utilius temerè quicquam posse contingere: unum namque illud esse studiorum genus, in quo solo jamdudum animus acquiescit meus; etsi perincommodè illud acciderit, ut otium & occasio dedendi me totum iis literis, hætenus mihi defuerit. Fide, diligentia & ingenii contentione daturum sedulò operam, ut piorum & bonorum omnium judiciis, quantum Deus dederit, satisfaciam. Rerum porro nostrarum cum statum heic esse, ut honestam conditionem inter ἐμδοξας oblatam nullo modo repudiare debeam. Deo igitur Opt. Max. & eorum prudentiæ, qui rem inchoassent, totum hoc negotium me permittere. Hæc summa est colloquii cum viro nobilissimo tunc habitæ, à quo ita tum discessi, tanquam post paucos dies iterum de re eadem collocuturus: ita enim ille tunc temporis existimabat, ex eo itinere, ad quod postridie se accincturus erat, post dies sex septem sese rediturum: quod longè aliter accidit; nam hic jam alter mensis est inchoatus, ex quo sumus unà confabulati. Volui autem hæc te scire unum ferè mortaliū, ut quid

* Scilicet ut Casan-
bonum vo-
carent Hei-
delber-
gam. Vide
Scaliger.
Epist.
135.
Huic au-
tem Ben-
jamins à
Buwinck-
hausio
inscriptis
Gregorii
Nysseni
Epistolam,
edit. 1606.

† Quare
hic in Gal-
liam fuit
missus,
vide Lin-
gelsheimii
Epistol. ad
J. Bon-
gartium
92.

actum esset mecum, & quo loco res 1608. essent, quidve à te, Vir excellentissime, & cæteris ejus consilii auctoribus & suavoribus expetam, non nescires. Nam equidem non sustineo conscius mihi esse dissimulanti studiorum meorum, in eo præsertim genere literarum, infelicitatem, qui nescio quo fato semper hætenus, ne melioribus & nobilioribus curis ἐλθὼ καὶ πᾶς, ut optabam, incumberem, fui impeditus. Videre igitur, ac seriò cum omnibus vestris expendite, hujus incepti quis sit futurus fructus. Cæterum de conditionibus, quæ visa fuerint, post alterum meum cum viro nobilissimo congressum, faciam te ut scias. Familiam mihi peramplam esse, ne te quidem, opinor, fugit: sunt mihi, & sint, precor, tot liberi, quot Thebarum portæ. Accedit nuperum onus sororis, & filix ex ea natæ, quando ita placuit perfidis * † immanibus ἀδελφικαῖς bonis omnibus suis spoliata, planèque nudam ad me remittere: ut taceam mihi atque uxori meæ factas ab iisdem illis injurias; quarum utinam ponere memoriam aliquando possimus. Vale, nobilissime atque amplissime Lingelsheimi, & me, quod facis, ama. *Lutetia Parisiorum, Kalend. Septemb. c15 15 CVIII.*

* † Gen-
uensis.
Vide suprà,
Epist.
DLXXXVII.

Polybii nostri contextus Græcus pariter ac Latinus, ante mensem, Dei beneficio, est absolutus: nunc supersunt observationes nostræ, quarum editio multos menses nos exercebit; multum enim sudavimus, ut duas nobilissimas disciplinas, τὴν πολιτικὴν, καὶ στρατηγικὴν, novā diligentia illustraremus; de modo ὃ ἐπὶ πᾶσι, de absoluto opere gratias illi posse agere.

EPISTOLA DCIX.

MARCO VELSERO.

AMplissime Vir, non dubito, quin 1608. Epistolam acceperis, quam ad te novissimam dedi. Erant illi adjuncta duo exemplaria editæ heic nuper Inscriptionis, de qua tuum judicium discupio scire. Audio, clarissimum Hoeschelium isthuc eandem Πνευματικὴν, si-ve potius καθ' ἑαυτοῦς σοφίαν, fuisse interpretatum, qui si lucubratiunculam suam mihi invidèrit, aut tu ejus vicem non suppleveris, parum me ab utroque vestrum amari putabo. Accipe nunc libellum, recens hic publicatum, quem ut à magno Scaligero profectum, scio fore tibi gratum: ego eà occasione usus sum, ut meis canibus semel responderem; si respondere est, profiteri me nunquam responsurum. Equidem ne-
S f que

1608. que ita otio abundo, neque ita prosti-
tuti sum pudoris, ut descendere in are-
nam cum feris istis sustineam. Sunt
alia, quæ potius curem. Polybii edi-
tio omittenda foret, si pessima capita,
& ex Orco emissa, accipere vellem uti
merentur. Ego verò ne meminisse qui-
dem illarum pestium posthac volo. Erit
Deus vindex meæ innocentiae adversus
istos calumniatores. Illi spei incum-
bens, latratus istorum ne pili quidem
unius faciam. Inchoata editio strenuè
urgetur superum beneficio. Sed multi
menses labentur, priusquam pervenia-
mus ad metam; quam det videre *ὁ ἐπὶ
πάντων*, qui te servet, Vir amplissime.
Vale. *Lutetiae Parisiorum, Kalend. Sep-
temb. CIO IO CVIII.*

Quum hæc scriberem, venit ad me
Theologus Nuntii Romani Pontificis,
illustrissimi Cardinalis, qui monuit me
ejus nomine, in nupera Inscriptione
versum deesse in nostra editione, qui
reperiatur amplius in exemplo ad se
Romam misso: cupio scire an in tuis
idem reperiatur. Literas, & librum,
quem tibi mitto, fidei tuæ commendo.
Fato quodam accidit, ut audio, ut om-
nes, credo, meæ perierint, quas ad vi-
rum clarissimum, Taubmannum, scripsi
fanè multas. Literis, quæ Vratislaviam
diriguntur, respondeo homini, cujus
neque manum possum assequi, neque
nomen unquam audivi. Itaque conje-
ctans scripsi nomen, quod vides.

EPISTOLA DCX.

✱ GUILIELMO CAMBDENO.

1608. **A**Ccepi, præstantissime Vir, & Epi-
stolam tuam, & quod illi fuit ad-
iunctum, munus à te longè pretiosissi-
mum. Eram tibi dudum illà communi
obligatione obstrictus, quā omnes li-
terarum amantes & veteris Historiæ cu-
pidos (in quibus ego quoque nomen
profiteor meum) immortalī cum tua
laude tibi devinxisti: sed tu præter
hanc obligationem, quæ mihi cum cæ-
teris erat communis, novo hoc insu-
per captum vinculo me tibi privatim
asseruisti. Ego verò, mi Cambdene,
in ære tuo esse non recuso, etsi ex-
pungendi huius nominis apud te con-
tracti non magnam, ne quid dissimu-
lem, spem habeo. Quid enim mea
tenuitas munificæ liberalitati tuæ ἀντά-
ξιον potest rependere? Istud ego non
magis sperare debeo, quàm præstare
aliquid in literis valeo, cum absolutis-
simo, & numeris omnibus perfectō ope-
re tuo dignum componi. Sed bene est,
quod cum eo mihi creditore est, cui

gratā voluntate magis, quàm lance & 1608.
librā possum satisfacere. Hac fidu-
ciā Polybium meum post aliquot men-
ses, si Deus dabit, tibi mittere non
verebor. Si rem spectes, χρυσίαν χαλ-
κίαν, ad laborem quidem meum quod
attinet, sin vires meas, quod poteram,
maximum munus, ut ab ingrati animi
vitio me vindicem. Est jam, Dei be-
neficio, ad umbilicum perducta con-
textus Polybiani, cum nostra versione,
editio; sed restat adhuc longè difficil-
lima pars operis, nostras dico in illum
incomparabilem *ἡ Πολιτικῆς καὶ Στρατηγι-
κῆς* Doctorem observationes, quibus
utramque illarum disciplinarum sumus
conati illustrare. Itaque procul adhuc
à meta absumus, quam det consequi
ὁ ἐπὶ πάντων, qui te, Vir clarissime, ser-
vet, atque omni bonorum genere cu-
mulet. Vale. *Lutetiae Parisiorum, pri-
die Non. Septemb. CIO IO CVIII.*

EPISTOLA DCXI.

CONRADO RITTERS-
HUSIO.

DOlui dolore tuo, quem novissimis 1608.
literis mihi significabas, Vir præ-
stantissime. Neque enim dubitabam, ti-
bi acerbissimum cum calum fuisse, viro
præsertim humanissimo & optimo: quo
ingenio qui sunt, eos suorum obitus
graviore solent dolore afficere. Morum
verò tuorum candorem, καὶ τὸ ἄγαν φιλέ-
σθαι, vel ex scriptis tuis videor mihi
fatis certis signis collegisse. Tuli igitur
permolestè, tanti & tam iusti mœ-
roris causam tibi esse oblatam. Quin
tamen necessario tuo tempore virum te
& verè Christianum præberes, dubitavi
equidem nunquam. Nōram, mi Rit-
tershusi, tuæ virtutis aut pietatis non
esse, ut ad instar *χρυσαῖα πνὸς ἀνθρώπων*
remedium à longa die potius quàm re-
cta ratione exspectares: eruditionis
quoque tuæ non esse, ut qui præclarè
alios solari posses, tibi ipsi deesses. Cui
enim bono literæ, quæ hanc nominis
celebritatem tibi pepererunt, si aliis,
non autem tibi, quæ didicisti, prodes-
sent? Didici postea ex amicorum lite-
ris, ita planè accidisse, ut ipse mihi
persuaseram, teque in adversis non
minus fortem atque constantem esse vi-
sum, quàm rebus lætis moderatus ac
compositus semper fuisses. Nos quo-
que nuper, quæ esset literarum utilitas
ἐν ταῖς περιστάσεσιν, ostendere exemplo
nostro sumus conati, cum fallaci gene-
re morbi nobis esset erepta filia natu
maxima, cum aliis nominibus multis,
parentibus charissima, tum maximè
propter

1608. propter singularem pietatem, & adversus illecebras *ἡ τὴν αἰσιν* firmam constantiam. Sed me in eo agone vehementiæ doloris interdum succubuisse, non possum negare: nunquam enim magis sum expertus, quàm essem *τῆς φυσικῆς σοφῆς ἡτλῶν*. Gratia Deo Opt. Max. qui nunquam ita me dereliquit, ut non statim me colligerem, & in ejus voluntate acquiescerem. Juvit me non mediocriter, quòd per inchoatam dudum Polybii editionem cessare mihi non licebat: est enim, ut tute scis, melius *φάρμακον ἄλγος* præsentissimum, aliò curas & cogitationes suas transferre. Pergimus igitur in suscepto opere, nihil prætermisuri, si vitam & otium Deus dederit ad ea perficienda, quæ instituimus. Jam totus ferè Polybii textus, cum nostra versione, est editus: sed longè adhuc absumus à meta, quam det videre *ὁ ἐπὶ πᾶσι*, qui te servet, Vir amicissime. Vale. *Lutetiae Parisiorum, a. d. vii. Eid. Septemb. c. 13* 13 CVIII.

EPISTOLA DCXII.

DANIELI HEINSIO.

1608. **M**Ultum debeo vestrati Typographo, Paetio, qui simul ac in urbem venit, memor acceptorum à te mandatorum, & tuo nomine me invisit, & simul libri, istic editi, aliquot exemplaria mihi dedit. Nihil poterat neque opportunius, neque gratius, aut optatius mihi contingere; nam novissimis *ἡ σιθασμωπέτα* senis*, editum istic esse eum librum cognoveram. Expectabam igitur in dies, in horas, qui munus *τριπύθητον* afferret. Sed Paetius tuus spem meam antevertit, qui sæpe expertus sum, quanta cum difficultate aut nostra ad vos, aut vestra ad nos transferantur. Quantis incessem lætitiis, cum illa legerem, quæ adversus nefarium sycophantam † Heros noster ‡ scribit, malo te conjecturà tuā assequi, quàm verbis intelligere. Planè, si quid intelligo, ita oportuit cum illo monstro agi. Non deerant, qui absurdum figmentum silentio *ἡ συκοφαντηδόν* affirmari putarent: hoc amici dolebant; inimici lætabantur. Vidistin' facerrimum scriptum *De Tribus Capellis*? Rursus ferebant animo iniquo viri præstantes sapientiā, tantum honoris tributum iri vespillonis filio, ut existimare quisquam posset, summum Heroem aliquam ipsius habuisse rationem. Nunc ratio inita est, quā & huic incommodo obviam itur, & ille alastor condignè pro com-

* Scaligeri.

† Scipionum.

‡ Scaligeri.

merita noxa castigatur. Omnino tantum id *τέρας* erat, ut ad illud faciendum † clavā Herculis esset opus: nam sceleratissimos fabulæ Burdoniæ authores, quis præter eum, cujus res agebatur, potuit confutare? Etiam illi, qui toties tam enixis precibus cum ipso egerunt, ne responsum ullum ederet, hoc genere scripti ita afficiuntur, ut ejus suscipiendi fuisse authores & suafores velint videri. Sed & Somnii tui additamenta, quæ novæ editioni accesserunt, ut quæ venustate cum prioribus certent, nobis sunt gratissima. Scribebat nuper ad me illustrissimus Scaliger, urbe te abesse, & ad celebrandas clarissimi Grotii nuptias nescio quò esse profectum, unde non esses rediturus, nisi gratā vindictæ compe-
de. Id si ita evenit, gratulor scilicet tibi, & *εὐφημία*, quod factum est, prosequor: sin aliter accidit, opto tibi virtuti tuæ parem conditionem. Atque in hoc omine desinam, teque orabo, ut clarissimos viros, Dominicum Baudium, & Grotium, meis verbis salutes. Vale. *Lutetiae Parisiorum, Eid. Septemb. c. 13* 13 CVIII.

Clarissimum quoque Meursium, si isthic est, à me, nisi grave est, salvere jubebis.

EPISTOLA DCXIII.

SCIPIONI GENTILI.

1608. **M**hi quoque, præstantissime Gentilis, luctus tuus super obitu fratris, viri clarissimi, moerorem affert: *καὶ γὰρ τὴν τῶν φίλων*. Puto accepisse te, quæ nuper ea de re scripseram. Est adhuc in urbe vidua fratris, foemina lectissima, cui nuper alius dolor est obiectus, cum in æquissima petitione sua apud tribunal *τῶν παππομαγνέτων* caussa cecidit. Omnes fatebantur judices, causam esse justissimam: sed addebant iidem, publicæ rei interesse, ne jus illi redderetur. Ego, quæ mea tarditas est, istud non capio tam subtile. Simul ac tuas accepi, sine mora lectissimæ foeminae de tuo adventu, quod scribebas, significavi. Ac quoniam vix puto futurum, ut Altorphii hæ literæ te offendant, plura nunc non addam. Veni igitur, & de illo, qui martyrii coronam affectat, para te, ut suaviter rideamus. Est enim res urbanitate ingenii tui dignissima. Vale. Clarissimo atque optimo viro, Rittershusio, plurimam, nisi grave est, salutem. *Lutetiae Parisiorum, a. d. xv. Kalend. Novemb. c. 13* 13 CVIII.

EPISTOLA DCXIV.

✠ SAMUELI NÆRANO.

1608. **Q**Uod dudum optabam, effeci tandem, ut filium meum studiorum causâ isthuc mitterem. Si mihi satis compertus fuisset tuus status, rectâ ab urbis porta illum ad te proficisci iussissem. Nunc quia neque de voluntate, neque de facultate tua satis liquet, egi cum amicis, ut tibi quid animi esset viderent. Spero si tuæ res ferunt, non deteriore loco illum apud te futurum, quàm ceteros, si quos fortè habes. Tradita est vectori pecunia ad menses aliquot; neque est quod verearis, ullam, Deo bene juvante, moram in eo futuram. Non delicatè illum haberi volumus ego & mater, sed commodè & mundè. Sed multò magis de studiis ejus sumus solliciti. Itaque, si ita evenit, ut tecum habitet, peculiari curâ ut ejus studiis invigiles, obnixè à te contendimus. Pietatem imprimis doceri illum optamus, & cum pietate bonos mores. Est nobis alius minor ætate filius, quem vere incunte, si Deus dederit, & hujus educationi benedixerit, eodem mittere cogitamus. Ita velit, ita faxit ὁ ἐνὶ πᾶσι. Vale, Vir eruditissime; & si me amas, novum discipulum habe commendatum. *Lutetiae Parisiorum, a. d. xv. Kalend. Novemb. CIO IO CVIII.*

EPISTOLA DCXV.

✠ JOANNI STANISLAO SAPIEHÆ.

1608. **I**llustrissime, amplissime Domine, cum mihi literæ illæ redditæ sunt, quas pro insignita humanitate tua dare ad me es dignatus, & vidi nomen illustre Amplitudinis tuæ, ut erubui. Pudebat me, & merito quidem, quod commisisset, ut scripture literarum prius à te provocarer, quàm officio meo essem ipse functus; quem antevertisse, & mea dudum obsequia tibi detulisse, verum erat. Non enim possum negare, ejus præstandi datam mihi tum fuisse occasionem, quando generosus Dominus, filius tuus, certum isthuc hominem misit. Sed me nimirum ingenua verecundia, & pudor quidam subrusticus. Nōram fortunæ tuæ celsitudinem; nōram meam tenuitatem. Cur igitur seria tua meis frivolis interpellarem, & in publica commoda peccarem? Hæc cogitatio, Vir illustrissime, cupientem literis te affari, hætenus inhibuit. Nam alioquin optasse

me persæpe, ex quo filii tui familiaritate sum usus, dari mihi aliquam ad tuam præstantiam aditum, scit ille, quem ne intimæ quidem mortalium curæ fallunt. Postquam enim gnatus tuus, juvenis ad exemplum probitatis, modestiæ, atque omnis virtutis naturâ comparatus, studiorum suorum rationem nobiscum cœpit communicare; quum ejus indole mirandum in modum caperer, volui persæpe fortunatū tuam tibi gratulari, qui tantæ spei adolescentem, haud dubiè spem alteram patriæ, genuisses. Nihil dabo auribus tuis; sed planè ex animi sententia, quod videor mihi certis indicis cognovisse, dicem. Nam aut me omnia fallunt, aut eo ingenio, iis moribus, eâ virtute filium habes, ut gaudendi ipse luculentam in eo materiam habeas; amici; gratulandi. Equidem illum diem albo notavi lapillo, qui cum mihi conciliavit. Itaque ejus causâ, & alterius nobilissimi, præstantissimique adolescentis Poloni, studia mea, vitâ ipsâ mihi chariora, lubens intermisi; & ad civilis doctrinæ notitiam comparandam, ipsorum conatus honestissimos pro mea virili sublevavi. Ejus operæ nostræ si quis ad filium tuum, ut spero & opto, fructus rediit, feci quod volui. Tibi certè, amplissime Domine, atque illi, quæ vestra est benignitas, potius satisfacero, quàm ipse mihi. Quod superest, Deum Opt. Max. veneror, ut & tibi filium, & illi parentem suum incolumes quàm diutissimè servet, vestrisque cœptis propitius semper, & favoris sui auram aspiat. Vale, illustrissime Domine, & felix vive. *Lutetiae Parisiorum, a. d. xv. Kalend. Novemb. CIO IO CVIII.*

EPISTOLA DCXVI.

DAVIDI HOESCHÉLIO.

CLarissime Vir, aderam uxori gravi-
ter laboranti, cum allatæ mihi tuæ literæ sunt, a. d. xiiii. Kalend. Novembris datæ, quibus erat adjectum *περίγραμμα* hominis ἀμύσῃ, τῶν πολιτικῶν ἀμῶν, ἢ τῶν στρατηγικῶν ἀπείρῃ, τ' ἄλλα δὲ παντόμῃ. Non continui me, quin è vestigio ad amplissimum virum literas exararem, testes judicii mei de illo scripto & Scriptore Thraſonico. Quod rogas de Arriani codicibus, scito esse quidem unum aut alterum ejus libri exemplar in Regia Bibliotheca; sed ejus notæ, ut nullum sit futurum operæ pretium contulisse: itaque frustra in eo operam non perdam. Si tanti facerem illa exemplaria, & aliter desiderio tuo satisfacere non possem, mitterem illa ipsa

1608. ipsa ad te, & tuæ fidei dudum mihi perspectæ ea committerem. Faciam idem in aliis Scriptoribus, quos præ manibus te scivero habere. Nisi me curæ sexcentæ impeditum & variè districtum tenerent, aut absoluta esset nostra hæc Polybii editio, aut à meta certè optatissima propius abesset. Sed nostri Commentarii crescit difficultas in dies: arque utinam det Deus incepti operis finem videre! Jam certè *οὐ καλὰ* quædam sunt descripta, ex quibus, etiamsi cætera non sequerentur, de nostro conatu poterit constare. Verùm hæc, *οὐκ οἶδ'*, pluribus cis dies paucos. Audiui ab optimo Frontone, periisse meas, quas isthuc miseram, & ante nundinas Francofurdienfes, & ipso nundinarum tempore per nostros Bibliopolas. Nollem factum; sed mutare non possum. Te oro, de mea in te voluntate securus semper vivas, neque de animo meo ex frequentia literarum aut raritate statuas. Juvenis Augustanus, quem *αἰς καρῆναι*, & ignorari, ubi lateat, mihi quoque est ignotus. Vale. *Luætiæ Parisiorum, pridie Kalend. Decemb. CIO IO CVIII.*

verbulo quidem uno nos lis dignatus? 1608. Scripsi ante menses ferè tres, postquam editionem alteram tuæ Satyræ accepissem, & magna cum admiratione legissem. Scripsi item postea, & meas literas Illustrissimorum Ordinum Legato, Arsenio, tradidi. Quid commerui, cur tu silentio hoc tam obstinato me crucies? Audivimus dudum, quàm periculoso implicitus morbo fuerit magnus Heros, quem ego & tu pari veneratione colimus. Postea meliusculè eum habere rumor fuit; sed parum constans. Nunc planè quis sit illius status, quæ valetudo, nescimus; coque nomine acerba mihi vita est, ac propè jam non vitalis. Te oro, Vir præstantissime, libera me hac curâ, & quid agat sermo noster, literis tuis mihi significes. Nisi me totum ignoras, non potes nescire, quæ mea nunc sit anxietas mentis, quis animi cruciatus. Deus Opt. Max. tantum scientiæ & virtutis thesaurum mundo, etsi ingrato atque immerenti, conservet. Vale, Vir præstantissime, & si me amas, citò rescribe. *Luætiæ Parisiorum, a. d. VII. Eid. Decemb. CIO IO CVIII.*

EPISTOLA DCXVII.

JOSEPHO SCALIGERO.

1608. Illustrissime Vir, si vales, bene est, & Deo Opt. Max. gratias ago. Me certè sollicitudo ingens de tua valetudine mirificè dies noctesque cruciat: postquam enim perlatus est ad nos de tua infirmitate rumor, non hora, non momentum ullum temporis præterit sine suspiriis, aut lacrymis meis; neque enim aliter eo nuntio sum affectus, quàm si parentis mei salus ageretur. Spero non cecidisse irritas tot bonorum & piorum virorum preces, qui vota assiduè faciunt pro tua, illustrissime Scaliger, sanatione. Supplex Deum veneror, audiat nostras preces, efficiatque pro sua infinita bonitate, ut ex hoc morbo brevi convalescas, & pristinis viribus receptis, ut quàm diutissimè, quàm felicissimè, ad promovendam ejus gloriam, & labentem Rempublicam literariam fulciendam, inter mortales agas. *Γένοιτο, γένοιτο. Vale. Luætiæ Parisiorum, a. d. VIII. Eid. Decemb. CIO IO CVIII.*

EPISTOLA DCXVIII.

DANIELI HEINSIO.

1608. **M**I Heinsi, tene adeò mei esse oblitum, ut tot mensium spatio ne

EPISTOLA DCXIX.

CLAUDIO SALMASIO.

EXanimarunt me literæ, quas à clarissimo viro, Bongario, nudiusquintus accepi: cognovi enim ex illis, nutare valetudinem tuam, parumque firmam esse. Equidem meliora spero, neque, ut tua est ætas, illud ultimum tibi metuo: sed dolet mihi, tam infirmo te esse corpore, ut ingenio indulgere sine detrimento valetudinis non queas. Quoniam tamen ita placuit *τῷ ἀριστοτέρῳ θεῷ*, ut minus commodè habitet divinus animus tuus, ferendum æquo animo & hoc incommodum, & quæcumque alia idem summus Imperator ferre nos voluerit. Scit ille, quid nobis expediat; nos magis quàm pueri bimuli nescimus: illi igitur nos, nostraque omnia permittamus. Plura in eam sententiam adjicerem, nisi te quoque idem sentire, persuasum haberem. Opto tibi, præstantissime Salmasi, læta faustaque omnia, quæ ut tibi à Deo Opt. Max. contingant, supplex ejus numen veneror. Mihi certè longum erit tempus, donec intellexero, te *παύσαι* & ad pristinam sanitatem rediisse. Auget sollicitudinem de te, quia magnum Scaligerum morbo difficillimo esse implicitum intelleximus; qua ex re quantum doloris percipiam, omnes sciunt, qui me nōrunt. De libellis, quos

1609. nuper à te editos misisti, gratias agam pluribus, ubi te rediisse in gratiam cum bona valetudine cognovero. Unum scito, ita mihi placuisse hoc *μῦθος* tuarum lucubrationum, ut neminem totâ Europâ tuorum æqualium putem tibi comparandum. Parum dixi, sed nolo in os. Iterum Numen convenio, & pro tua sanatione vota facio. Vale, mi Salmasi, & mei memor vive. Scripsi per occasionem. *Lutetiae Parisiorum, pridie Non. Januar. CIO IO CIX.*

EPISTOLA DCXX.

DANIELI HEINSIO.

1609. Tandem tuas accepi, amicissime virorum: ita dico, tandem; hoc est, tertio ferè mense postquam ipse scripseras. Accepi autem binas simul, quarum posteriores, a. d. ix. Kalend. Novemb. fuerant datæ. Mirabar equidem, & si fas dicere, indignabar tacitus apud me de re tanta nihil me à te cognoscere: nam rumor de morbo magni senis multos ante menses ad nos pervenerat. Atque ego quum ex eo nuntio dolorem tantum caperem, quantum ipse per te facilè æstimas; quia tamen nullum à te verbum veniebat, inani scilicet spe memet lætabam, & famam ex vano multum hausisse, mihi persuadebam. Tux literæ, mi Heinssi, me primùm exanimarunt, & νεκρὸς ἐκείριθμον propè reddiderunt. O tristem mihi nuntium! ô casum bonis, qui ubique sunt, luctuosum! ô fatum literarum! Erat certè dudum tantâ luce indignus mundus, qui falsi amore tantum *πρὸς φήμην ἀληθείας* ferre non poterat. Deum immortalem! quæ nos nunc, amicissime Heinssi, vita manet? Quis nostrum, (meum certè mihi) languorem excutiet? Quis errantes reducet in viam? Me fateri non pudebit, si quid paullo accuratius unquam est à me scriptum, magno Scaligero id totum deberi, de quo nunquam cogitabam, ubi in manus calamus sumpseram, quin totus quasi contremiscerem; ea reverentia hominis animum mihi infederat. Et ô beatum te, qui cygneas & σοφῶς voces audis, diesque totos illi ades, & de loquentis ore pendes! Oro Deum immortalem, ut quantum vulnus animo meo tuæ novissimæ imposuerunt, tantum gaudii illæ mihi afferant, quas proximè à te me accepturum spero. Ita velit, ita faxit Dominus Jesus, qui te quoque servet. *Lutetiae Parisiorum, a. d. xv. Kalend. Februar. CIO IO CIX.*

An meas acceperis, quas scripsi ad te persæpe superioribus mensibus, ve-

lim scire. Quæso te, de statu reverendi senis facito me certiores. Hoc & Thuanus te rogat.

EPISTOLA DCXXI.

EIDEM.

Clarissime Heinssi, quid ego comme-
rui, cur tamdiu expectatione tuarum me torqueas? Binas, easque junctas à te accepi, ex quo coepit ægrota-
re ὁ ὡν μακαρίτης, hei mihi! noster Heros; qui plures menses quum ægrota-
verit, non defui mihi, quin & scriberem sæpe ad illum, & sæpius ad te, orans, obtestansque, ut de eo morbo sigillatim omnia perscriberes. Nescio an meas acceperis: ego certè nihil à te literarum habui post illas primas. Didici verò tandem ex literis Raphelengiorum, frustra me Deum orare assidue pro salute ejus, qui jam deliisset in visis. O tristem mihi nuntium! ô incomparabilem Reipublicæ literariæ jacturam! Præ magnitudine doloris vix sum apud me. Secundum parentes, & quam nuper amisi primogenitam filiam, nemo obiit unquam meorum, qui me similiter afficeret. Cogito literarum damnum inæstimabile, irreparabile: cogito meam calamitatem, qui alterum parentem amisi. O dulce mihi nomen! O gaudia mea nunc *ἔξιπχα καὶ φρεῖδα!* Tu restas, mi Heinssi, qui non merito meo, sed ex illius Herois commendatione coepisti me amare. Perge, obsecro te, etiam post illius fata, qui nos conjunxit. Quod si quid apud te possum, de morbo & sine illius fac me *καὶ λεπτόν* certiores. Scripsi raptim, quum ad Legatum Ordinum per occasionem venissem. Vale, & me ama. *Lutetiae Parisiorum, a. d. vii. Kalend. Mart. CIO IO CIX.*

EPISTOLA DCXXII.

PAULO DU MAJO.

Postquam à nobis discessisti, plures à
te literas accepi, partim è Burgundia, partim ab urbe, quasdam superioribus diebus Tolosæ datas. Quod non omnibus responsum à me sit, non occupationes duntaxat meæ fecerunt, quamquam etiam illæ; sed etiam ignorantia loci, quò meas mitterem, & tabellariorum inopia. Accedit, quòd ex Italia ad nos rectâ venturum te, persuasum prius habebam, quàm intelligerem ad penates tuos esse te reversum. Primùm igitur tibi, pro eo ac debeo, felicem reditum gratulor, Deo Opt. Max.

1609. Max. qui te servavit ἐξ ὅλης τῆς καρδίας
 εὐχαριστῶν. Deinde quod & longè adeò
 positus, memoriam tamen mei, hoc est,
 unius τῶν ὑποδανῶν μερόπων, qui tuum hoc
 tantum studium nullà unquam re pro-
 meruit, servasti. Eo nomine πάλιν αὖ
 καὶ πάλιν πλείους ὅπως ὁμολογῶ σοι χάριτας,
 petoque à te, ut sic de me statuas, tibi-
 que semel persuadeas, officiis quidem,
 ἀπὸ πλείους ὥς ἐφ' ἡμῖν, vinci posse me,
 sinceritate verò affectus & candore ne-
 mini concessurum. Non clam te est,
 opinor, magni Scaligeri obitus, quo
 equidem nuntio sic sum afflictus, ut vix
 tristiore, aut molestiore accipere
 potuissè videar. Colebam illum pro
 summis ipsius in Rempubicam litera-
 riam meritis, & insigni erga me bene-
 volentià, pari pietate, ac si meus pa-
 rens fuisset. Ille me, quæ fuit ipsius
 ἀφ' αὐτοῦ humanitas, semel complexus,
 constanter porro semper non dilexit,
 sed amavit. Ille mihi dies noctesque
 ante oculos abversatur. Quòd meas nu-
 gas timidè ac propè invitus in publi-
 cum proferrem, reverentia illius fuit,
 cujus eruditos oculos mirum in modum
 reformidabam. At rursus ille erat, qui
 languentem excitabat, qui cessantem
 increpabat, qui pro suo jure quidquid
 vellet, humeris meis imponebat. Nunc
 ἄχεται φρεσὶς τὰ πρὶν χάριματα. Nam quo
 gaudio solitum me affici putas, cum tan-
 tus vir quisquiliis meas boni consulebat,
 & ad majora animos faciebat? Sciebam,
 multum dare ipsum amoris mei, sed hoc
 quoque sciebam, genus studiorum no-
 strorum etiam seposito affectu illi non
 improbari. O illum propè mihi fune-
 stum diem, qui tantum amicum mihi
 eripuit! Sed feramus, mi Paule, quod
 mutare non possumus, & Herois incom-
 parabilis memoriam sanctè colamus.
 Vale, & me ama. *Lutetia Parisiorum,*
raptim, a. d. xvi. Kalend. April. cix
io cix.

EPISTOLA DCXXIII.

GEORGIO MICHAELI
LINGELSHEIMIO.

1609. **R**Edeunte ad vos Serenissimi Princi-
 pis Legato *, viro præstantissimo,
 etsi otio non abundabam, quin tamen
 te compellarem, clarissime Lingelshei-
 mi, facere non potui. Nam etsi diu
 admodum est, ex quo nihil à te litera-
 rum accepi, non tamen de tua in amo-
 re mei constantia propterea dubito. Si-
 lentii verò tui quæ sit causa, ex illa Epi-
 stola tua intellexi, quam nuper ad eun-
 dem virum eximium scripsisti. Et di-
 diceram jam paucis antè diebus ex ser-

monibus excellentis viri, D. à Buwink- 1609.
 hausen, quo loco esset negotium ante
 annum ferè institutum *. Nec me sanè
 fugit, quàm difficile sit eò rem perdu-
 cere, quò spes erat posse perducì. Vi-
 deo enim, quæ id inceptum circumstent
 impedimenta. Itaque Deo Opt. Max.
 rem permitto. De meo Polybio piget
 verba facere; sed operarum lentitudinem
 acculent oportet, qui procrastinatio-
 ne meà offendentur. Spero tamen, cum
 bono Deo, non multò post Paschalem
 πανήγυριν priorem Tomum in manibus
 hominum fore versaturum. Quod si ob-
 tulerit sese occasio, non expectato al-
 tero mercatu, ut inter primos novum
 opus videas, pro viribus enitar. Uri-
 nam modo tuis oculis eruditus dignus
 labor noster videatur; nam si cum
 me respicio, si cum ærurnarum ve-
 nit in mentem, quas interea loci per-
 tuli, dum hoc inceptum urgeo, subit
 vereri, ne infelicitatis meæ in meis scri-
 ptis nimis multa vestigia altè impressa
 appareant. Quicquid hujus sit, ani-
 mus certè bonus fuit, & cupiditas in-
 gens benè de literis merendi. Inter ad-
 versa mea pono cum primis nuncium
 prope mihi funestum de obitu & τρισυ-
 γίης Scaligeri. O tristem & luctuosam
 mihi mortem! Amisi amicum, aut pa-
 rentem potius alterum, mei amantissi-
 mum: amisi & præsidium & dulce de-
 cus meum. Vix sum apud me præ do-
 loris magnitudine. Itaque non is sum
 profectò, qui prius eram; neque cā
 alacritate, quā prius solebam, literas
 nunc colo, aut curo. Accedunt aliæ
 item curæ & sollicitudines longè gravis-
 simæ, quas te sermonibus D. Legati,
 quàm verbis meis malo cognoscere.
 Unum hoc addam, reque orabo, ut
 ira de me tibi persuadeas, nihil un-
 quam, faciente Domino Jesu, commis-
 surum me, quo meam conscientiam
 putavero esse me offensurum. Sed mo-
 ror te. Vale. *Lutetia Parisiorum, a. d.*
xiv. Kalend. April. cix io cix.

EPISTOLA DCXXIV.

A MONSIEUR
DU PLESSIS. ✕

MONSIEUR,

LE present porteur est fils d'un très- 1609.
 docte personnage, qui a grand cre-
 dit envers le Roy d'Angleterre, quo
 utroque nomine confido ipsum tibi fore
 acceptum & gratum. Que si outre ce il
 est besoin d'aucune recommandation, je
 vous puis attester, que le fils suit de pres
 les traces de son pere. Et pour cest es-
 fet s'en va il par de là, afin de s'em-
 ployer



1609. ployer aux études à bon escient. Par vos dernières me demandés des nouvelles de Mr. Scaliger, lequel aujourd'hui je croy que n'ignorés avoir esté retiré de Dieu, pour se reposer de ses grands travaux. Cette perte des lettres m'a causé un incroyable regret, ayant en particulier perdu un autre pere. J'avois l'honneur d'estre aimé de luy, & le venerois selon son mérite. Ces chiens *, qui ont tant abbayé depuis quelque temps après luy, jetteront maintenant leur rage, & feront leurs efforts pour deschirer sa mémoire. Mais il ne manquera de deffenseurs, dum quidem literis melioribus suus honos stabit. J'ay perdu par sa mort tout le courage de rien faire; aussi ne puisse rien, ou comme rien. Depuis ma dernière, j'ay veu par occasion, & à cause de la Bibliothèque, Mr. le Cardinal de Perron, qui dit avoir répondu à vostre livre de la Sainte Eucharistie fort amplement. Et comme j'estois chés luy ces jours passés pour mesme occasion, (iceluy estant premier Chef de la Bibliothèque,) je le trouvoy dessus, & me monstra sommairement quelques passages, comme deux jours après je racontay à Mr. Martault, le rencontrant chez Mr. l'Ambassadeur du Prince Palatin. Je sçay que luy & d'autres ont mal pris mes propos, qui en simplicité ay dit ce que le dit personnage disoit. Je vous prie estre assuré, que nul de vos serviteurs ne vous honore plus que je fais. Et pour le reste, ma vie passée par la grace de Dieu, doit assurer un chacun que moyennant la mesme assistance de Dieu, je ne feray jamais rien contre ma conscience. Sed de his nimium multa. Je vous demeure toujours, Monsieur,

Vostre très-humble &
obeissant Serviteur,
CASAUBON.

A Paris, le 20.
Mars 1609.

EPISTOLA DCXXV.

GEORGIO MICHAELI
LINGELSHEIMIO.

1609. **D**u est, cum nihil de te, Vir amplissime, intellexi: ego quoque ne ad te scriberem, per varias occupationes meas factum. Nam si nescis, hiems mihi per summos cruciatus transacta, non corporis quidem, sed animi: adeo gravia mihi certamina pro ea re, quam omnium habeo charissimam, fuere subeunda. Planè singulare fatum meum est. Altà pace fruuntur omnes ad unum, credo, Galli: ego unus diem nullum

quietum ago. Urgeor enim dies non-
desque ab iis, qui me propter nescio
quid literarum amant, & qui opera meà
in hac Academia uti avidissimè cupiunt.
Quid ego commemorem, quibus machinis maximi viri negotium sint aggressi? Nec defunt ipsis post argumentationes alias etiam rationes *ὁρθολογίας*, quas ipsis suggerunt *ἐκλογαί* illi, qui meas fortunas diverso injuriarum genere attriverunt. Vident ærumnas, quas ea res mihi quotidie recentes parit: vident & probè cognoscunt meas difficultates omnes, & quàm sim ab omni spe auxilii nudatus: hoc illos in spem erigit; cum præsertim certò sciant, in suo favore omnes, secundum Deum, spes mihi esse sitas. Adfuit hætenus pugnanti Deus, &, spero, aderit: quem equidem *ἀνταγωνιστὴς* oro, ut priusquam adversus conscientiam aliquid audeam, (*ἢ μὴ γένοιτο, ὃδ' ἔστι*) ex hac mihi ærumnosissima miseriarum valle me auferat, & in libertatem asserat. Oro eundem, Vir præstantissime, ut te servet, & annos tibi largiatur Nestoreos. Vale. *Lutetiae Parisiorum, a. d. x. Kalend. April. CIO IO CIX.*

EPISTOLA DCXXVI.

CLAUDIO SALMASIO.

Literæ tuæ, quas ante menses ferè 1609. duos accepi, etsi non *ἀνταφύς* gaudium mihi attulerunt; magno tamen solatio mihi fuerunt *πικρὸς σθένει* propter nuntium de tua afflictissima valetudine, paullo antè allatum. Meministi, doctissime Salmasi, quoties tecum per literas egi, ut te respiceres, & corpusculi tui valetudini consuleres. Nōram animi tui impetum, quem sciebam corpori plura imperare, quàm vires ejus ferrent. Itaque quoties tui recordatio animum subibat, (subibat autem sæpissimè) metuens valetudini tuæ, tibi tacitus apud me irascebar. Nam qui nihil mediocre de tuo excellenti ingenio sperarem, iniquo animo ferebam non id agere te, ut Respublica literaria quàm diutissimè industriâ & laboribus tuis fruatur. Utinam fidelissimis meis consiliis esset à te obtemperatum! caruisses, opinor, illis cruciatibus, quos hic tibi morbus attulit. *Ἀλλὰ τὸ μὲν σθένος, ἰσχυροὶ ἀχρὺμένοι πικρ.* Ego spero *ἐν τῷ Κυρίῳ*, defunctum jam te omni periculo; nihil enim *νοσηρὸν* Epistola nupera tua præ se ferebat. Opto certè ita esse; & ut voti hujus damner, *ἵνα μὴ ἔθῃς καὶ ἐυχόμενός τις ἐκπνέσῃ.* Censeo tibi faciendum, ut quàm primum, quod valetudinis tuæ commodo fiat, aërem

1609. aërem repetas & cœlum, cui es innutritus. Si hoc feceris, spero te Lute-
tiam brevi esse venturum, quo nihil
mihi futurum sit jucundius. Non ne-
scis, magnum Scaligerum mortalitatem
exuisse. Scito, tam gravem ac mole-
stum accidisse mihi hunc nuntium, ut
nihil supra. Magnitudinem jacturæ,
quam in illo uno capite Respublica li-
teraria fecit, nemo melius intelligit,
quàm ipse facis. Ego privatim amisi
non amicum, sed parentem alterum.
Itaque luctu & dolore conficior. Leva-
bor non mediocri parte hujus ærumnæ,
si te valentem de reditu cogitare intel-
lexero. Omnia igitur deponere corpori
servi. Quantam diligentiam in valetu-
dinem tuam contuleris, tanti me fieri
à te putabo. Vale. *Lutetiae Parisio-
rum, a. d. viii. Kalend. April. cix*

EPISTOLA DCXXVII.

DAVIDI HOESCHELIO.

1609. **Q**Uum ante aliquot menses περὶ γραμ-
ματι nescio quæ hominis Itali
missu tuo accepissem, respondi statim,
& Epistolâ, si bene memini, satis lon-
gâ, quid de illo judicio judicarem,
significavi. Eam Epistolam Lugdunum
misi, ut inde per amicos isthuc curaretur.
Sed neque literarum quicquam
postea accepi abs te; & amplissimus
Vellerus novissimâ Epistolâ, quæ mihi
ab eo reddita heri fuit, an illum fasci-
culum accepisset, non docebat me.
Fuerat animus, in Præfatione, quam
scripti de Historia & de Polybio, tam
absurdæ sententiæ auctorem traducere.
Sed mutavi, & tenebris oblivionis di-
gnam opinionem εἰς φῶς ἀγειν ἔχ' ὅσον
ἠθοῦμαι. Velim tamen scire, docti
Itali quid super eo problemate sentiant.
Johannes Nauberger, de quo ad me
scripsisti, mihi prorsus est incognitus;
qui si ἱμοναχίδης nomen, ut scis, mu-
taverit, nec libenter prioris recordetur.
Quod scire potuerim, Lutetiae is non
est: an sit ad urbem, adhuc perve-
stigare non potui. Sunt sanè Cœnobia
hic nonnulla, in quibus amicos aliquot
habeo: cum Augustinianis verò sodali-
bus nulla unquam mihi notitia interces-
sit. Polybium, si Deus vitam produxe-
rit, ad paucos menses videbis publici
juris factum: de priore Tomo loquor;
nam alterum figuræ & alia quædam
morantur. Ad πανήγυριν Argentoraten-
sem, cum propitio Numine, munus id
à me expecta. In magni Scaligeri mor-
te quid Respublica literaria damni fe-
cerit, quid ego privatim, sine lacrymis

non quæo meminisse. Amisi parentem 1609.
alterum, qui me unice amabat; quem
ego, pro eo ac debui, semper unice
sum veneratus. *Θεὸς δ' ἐπλήετο βελή· &*
erat profecto ὁ κοσμὸς illâ luce indignus.
Vale. *Lutetiae Parisiorum, a. d. viii.*
Kalend. April. cix

EPISTOLA DCXXVIII.

JOANNI KIRCHMANNO. ✠

Literas tuas, & quam adjecisti Ora- 1609.
tionem, accepi. Nōram ex scriptis
& communi fama πὶν μακαρίτην Meru-
lam: nunc ex laudatione, quâ illi pa-
rentasti, merita hominis novi, & me-
lius æstimo. Magnum in ejus morte
res literaria damnum fecit: Academia
verò Batava maximam. Nuper verò
eadem πὶν ἐν Βρυσηῖον ἀρίστην, μάλλον
δ' ἀσίστα φαεινότερον, magnum Scaligerum
amisit. Quis satis jacturam illam de-
flere valeat? Quæ lacrymæ huic luctui
sufficiant? Nam illi viro parem nulla
prior ætas unquam vidit, nulla fortasse
ἐπιγεννημένη videbit. Quò majorem usum
in literis quisque habet, eo melius &
magnificentius de illo Heroë incompa-
rabili, & de ejus scriptis necesse est
sentiat. Ego verò pietatem Scaligeri,
probitatem & παντοῖον ἀρετὴν non mi-
nus, quam πὶ τῆς παιδείας βάθος soli-
rus sum demirari. Sed hæc omnia con-
fido fuisse tibi notissima, qui, nisi fal-
lor, etiam de facie ipsum nōras, quo
ego bono carui; nec tamen eò secius
amissum desidero, defleo, lugeo: co-
lebam enim illum eadem pietate, quâ
olim meum parentem: ipse me non
multò secus, quàm si filius fuisset,
amabat. Καὶ ταῦτα μὴ ταῦτη. Tuum
de Annulis Commentarium, ut omnia
tua, perexspecto cupidè. Perge igitur
ἀγαθὴ τύχη, & rem auge literariam;
δύνασαι γὰρ, ut si quis alius. Polybium,
à nobis Latinè versum & recensitum,
videbis, σὺν Θεῷ, post mensem unum
aut alterum, vel ad summum, tertium.
Sequitur, favcant modò superi, Com-
mentarius in gratiam τῶν πὶ πολιτικὰ καὶ
πολεμικὰ ἀσκήτων scriptus, opus labo-
riosum & longum. Adjectæ sunt fi-
guræ, quibus prælia καὶ τῆς γησιῶς κερ-
πκοῖς opus probetur; operæ certè se-
dulò impensæ conscii nobis sumus.
Vale, Vir doctissime, & me ama, qui
te ex animo. *Lutetiae Parisiorum, a. d.*
viii. Kalend. April. cix

EPISTOLA DCXXIX.

FRIDERICO TAUBMANNO.

1609. **C**onstantiam tuam in semel suscepto amore mei literarum omnes tuarum, Vir doctissime, palam faciunt. Quò magis verendum mihi est, ne quantum eo nomine tibi debeam, parum videar intelligere. Mihi verò longè suavissimum est, iis in locis amicum, & quidem talem amicum habere, quo vel nomen nostrum potuisse penetrare, jure magnificiam. Tua hæc insignis humanitas est, clarissime Taubmanne, & mirifica *χρηστότης* qui præ insita bonitate ultrò amare nos cūm cōpisses, *καὶ τὸ πρῶτον δεκάθεις* muscam elephantem esse, (ô vim amoris!) & persuasisti ipse tibi, & aliis quoque idem credendi autor fuisti. Primus Josephus Scaliger, ille mortalium illustrissimus, de nostris studiis eam spem olim concepit, cui respondere mearum non erat virium: sed nescio quomodo ille quoque *δαίμωνιος ἀνὴρ*, amore nostri occæcatus, omnia in majus solitus interpretari. Itaque si quid famæ per Europam sumus consecuti, secundum Deum, id totum Scaligero ferimus acceptum. Ille me paternâ charitate complectebatur; ego ipsum pietate, quâ deceret, colebam & venerabar, qui nunc eo mortuo vitam acerbam duco, & propè non vitalem. O irreparabilem Reipublicæ literariæ jaçturam! Quò plus proficio, si quid tamen adhuc profeci, cò magis ingenii illius stupendam magnitudinem admirror. Non fuit prioribus seculis, nec fortasse unquam erit, in quo ingenium, judicium, industria & *φιλοπονία*, dotes, ut scis, multum diversæ, & rarò in unum convenientes, sic *ἀθρόως* & ex æquo excellent; tum autem pietate & *παντοίῃ ἀρετῇ* nemini mortalium fuit secundus. O virum in exemplum natum. Sed desino lacrymarum. Deum oro, Vir clarissime, ut te servet, & magis magisque tuis cœptis indies pergat benedicere. Vale, & me ama. *Lutetiae Parisiorum*, a. d. vi. Kalend. April. c10 10 cix.

Gregorii Nysseni Epistolas & Florilegium Epigrammatum Martialis meo & Scaligeri nomine mitto.

EPISTOLA DCXXX.

SCIPIONI GENTILI.

1609. **P**auci dies sunt, ex quo literas tuas accepi, quas anni novi initio ad me dederas. Dolui tibi redditas non fuif-

se, quas super obitu *Ἰ. μακαρίτη* fratris 1609. tui ad te scripseram *. Hæc scilicet * *Εξίας* fides est persæpe etiam illorum, qui of- *supra, Epist.* ficia sua prolixè nobis deferunt. Nam *DCXIII.* memini in fasciculo illo curando hominis operâ usum me, qui omnia se meâ causâ cupere, sanctè jurabat. Et tu miraris, viduam fratris tui jus suum consequi hic non potuisse, qui videas etiam in literis, re sacra, fraudes quotidie nullo more committi. Vellem ita res tuarum tulissent, ut optimæ lectissimæque scemina, tempore ipsius necessario, cūm ejus res agebatur, assuisses, aut gratiâ, aut consilio aliqua juvisses. Ipsam quoque hoc idem oprasse, sed petere à te non ausam, certo scio. Quæ quidem tua commoda & valetudinem pluris quàm Crassi opes æstimat. Ego magnam spem tui adventus conceperam, quam nunc è literis tuis & sermonibus illius penè totam amisi. O illum diem videam, cūm de publicis privatisque rebus unâ tecum garrire licebit, & omnes meas curas & cogitationes in sinum tuum effundere! Cognosces, quàm vanus sit rumor, quem accepisti de N. N. ***** Nugæ, nugæ; *καὶ λέει μὲν γὰρ, ὃ μέντοι βασιλικὸς*, ac propè aliter quàm isthuc nuntiatur. De Germaniæ vestræ nonnullis Principibus possum ferè idem dicere: *ἀλλὰ βῆς ἐν γλώσσῃ*. Fateamur libere, nostris Magnatibus non inest is *ζήλος*, quo flagrant *οἱ τῶν ἐξ ἐνασπίας*. Itaque velimus nolumus, *ἐμφιλοχωρεῖν ἡμῖς δὲ*, qui fortasse alibi poteramus, certè optabamus *ἐπιθυμία τῇ μεγίστῃ*, Ecclesiæ Dei prodesse. Sed mihi omnem alacritatem nuper ademit tristissimus de illustrissimi viri, Josephi Scaligeri, obitu nuntius, quem bonis doctisque omnibus luctuosum accidisse, non dubito. Verùm ipse præter communes omnibus probis alias privatas causas habeo, cur *νύκτις πρὸς ἡμᾶς πάντα* tantum virum, parentem alterum meum, desileam & lamente. Ad graves alias curas molestiasque meas hæc accessit ærumna omninò gravissima, quæ me *ὀλίγη δαὶν* enecat. Ferendum *τὸ κατὰ θεὸν κρατῆν*, & in illius voluntate acquiescendum; quum præsertim noster ille Heros, neque moriens, neque vivens lacrymis suorum ullam occasionem justam dederit. Vale, Vir clarissime, & si me amas, veni. *Lutetiae Parisiorum*, Kalend. April. c10 10 cix.

EPISTOLA

EPISTOLA DCXXXI.

DANIELI HEINSIO.

1609. **N**on possum in animum inducere, præstantissime Heinsi, ut credam nihil te literarum ad me dedisse, ex quo divinus vir, ὁ μακαρίτης Scaliger πρὸς τοὺς ἑταίρους reliquit. Affirmo tamen tibi, super re tanta nihil me ex te didicisse, quum ex illo tempore ne minimum quidem epistolum à te acceperim. Itaque de obitu tam chari viri tantum scio, quantum fama ἀδίστατος & incerta nuntiavit. Scripsere quidem Raphelengii fratres super ea re nonnihil, verum id eâ brevitate, ut cupiditati meæ ipsorum literæ non satisfacerent. Te, mi Heinsi, tacuisse si possem credere, possem illud quoque credere, ὅ μὴ γένοιτο, ἡδ' ἔσται, planè ex animo & memoria tua meum nomen excidisse. Hoc quum nihil jam tristius evenire mihi queat, ut liberem tuam fidem, alienam accuso. Persuadeo enim mihi literas perriisse, quas super tanto casu ad me scripseras. Ac fortasse meæ quoque parum benè curatæ, quas & ante obitum, & post obitum divini Herois ad te exaravi. Peto igitur à te, suavissime amicorum, & quantâ maximâ contentione possum, te oro obsecroque, historiam illam totam brevi compendio mihi narres; neque patiaris, me, qui tanti amicitiam tuam æstimo, sic neglectum à te videri posse, ut ne rogatus quidem desiderio huic meo satisfacere volueris. Qui has tibi tradet, vir nobilissimus est, & dignissimus tuo amore: potes per illum me beare uberiore scriptione. Scio curaturum probè, quicquid ei tradideris. Ego multa poteram de meo statu narrare; sed eo sermone superfedo, donec tuas acceperim. Vale, mi Heinsi, & me saltem propter magnum amicum nostrum, τὸν τὸν μακαρίτην, amare perge. *Lutetiae Parisiorum, a. d. xlii. Kalend. Maj. cix*

EPISTOLA DCXXXII.

E I D E M.

1609. **V**ir clarissime, post longam & molestissimam tuarum expectationem, tandem χερσὶ ἀνταξίαν Epistolam accepi, quæ super obitu ἡ μακαρίτης ἡρώου ad nos scripta est. O quas ego tibi gratias referam pro tali officio! Quid rependam tibi ἀντάξιον unius illius Epistolæ? Quicquid à me fuerit profectum, minus erit tuo munere. Gra-

tias igitur agam tibi quantas possum 1609. maximas: illum verò divinum parentem nostrum μακαρίζω τῆς πλεονῆς in qua veræ pietatis & constantiæ tot edidit testimonia. Plura tecum de rebus meis cupissem; sed narrabit tibi vir honestissimus, quanta cum celeritate ipso prætolante hæc mihi exaranda fuerint. Plura igitur aliàs, σὺν Θεῷ, qui te, & omnes amicos servet, imprimis Dominicum Baudium, cujus Epistola de rebus Theologicis isthic turbatis magno mihi dolori fuit. Deus omnia componat, & vos servet. Vale, & me ama. Raptim. *Lutetiae Parisiorum, a. d. vi. Eid. Maj. cix*

EPISTOLA DCXXXIII.

E I D E M.

Vir clarissime, qui tibi has reddidit, 1609. amicus meus est; adolescens pietatis & literarum amans. Is studiorum causâ isthuc proficiscens, commendatione meâ optavit tibi innotescere. Mihi magnæ voluptati est, ita persuasum esse omnibus, qui utrumque nostrum norunt, gratiosum apud te nostrum nomen esse. Fit enim Φυσικὴ πνὶ ὀρεῖ, ut ab iis, quos plurimum admiramur, amari nos plurimum optemus; & si ita contingat, plurimum lætemur, quod ego in te, mi Heinsi, mirificè experior; qui etsi ἡ ἀντιφιλίαν ἡμῶς parem causam in nobis non habes, non eò tamen minus, spero, nos amabis; qui memineras, summum virorum, τὸν μακαρίτην ἡρώου, paria facere nobiscum, non fuisse dedignatum. Puto accepisse te eam Epistolam, quâ egi tibi gratias pro uberioribus illis literis, quibus obitum illustrissimi Herois exposuisti. Non possum verbis exprimere, quantum gaudii, ut in re tam tristi, eruditissima & pulcherrima illa Epistola tua mihi attulerit. Exspecto Epicedia tua, & quicquid aliud vestra Academia protulerit ad memoriam ἡ μακαρίτης ornandam. Ego præter lachrymas, quarum brevi meus Polybius testis erit, conferre nihil possum. Ex tuis didici, esse penes te Polybium, ejus manu adnotatum, & librum ἡ δέσνα * de Militia Romana, * *Justi Lipsii Colomes.* pariter ab eo plectum, & Notis inustum. Puto me non pauca similiter, ac fortasse eadem notasse: sed Scaligerum ignorarem, neque me nossem, nisi persuaderem mihi, multa in utroque libro eum vidisse, quæ nos fugerint. Itaque postquam editionem meam videris, petam à te, ut hac in parte me adjuves, δύνανται γὰρ. Videbis autem, σὺν Θεῷ, proximis nundinis, aut etiam si possum, citius:

1609. citius: dum Commentarii parantur, & figuræ sculpuntur, textum publicari patiemur, quia sic volunt illi, quorum sumptibus liber editur. Adjecimus vetustissimum Scriptorem *, cujus publicatione vel solius non dubito, quin apud candidos Lectores gratiam sum initurus aliquam. Sed ipse melius statues, qui primus ante omnes, (modò possum ullâ ratione id consequi) nostrorum conatuum censor eris. Quare velim mihi significes, si quam nosti expeditam viam ejus libri ad te mittendi. Quæ de pili Romani figura à Scaligero accepisti, ea ut proximis literis mecum velis communicare, vehementer etiam atque etiam te oro. Cupio etiam ex te scire, in quorum manus devenerint Strabo, Athenæus animadversionis nostræ, & similes libri, quos à nobis acceptos ὁ μακαρίτης suis obelis compunxerat, aut Notis illustrarat. Ubi didicerimus, penes quos illi hodie sint, nihil intentatum relinquemus, quò impetremus, ut ea nobis communicentur, per quæ possumus proficere. Si quid igitur nos amas, effice, quod in te erit, ut voti hujus damnemur. Ego, sive libri redimendi fuerint, sive describendæ illæ Notæ, nulli pecuniæ parcam. Vale, optime amicorum. *Lutetiae Parisiorum, Kalend. Jun. CIO IC CIX.*

Viro clarissimo, Dominico Budio, ad quem nuper scripsi, plurimam à me salutem nunties velim. Quas ad Raphelengios scripsi, tibi commendo; qui si potes in eo negotio me adjuvare, rem feceris gratissimam: cupio enim illud *πλυτέλατον κειμήλιον* propter memoriam & δωρηστέον ad me perferri.

EPISTOLA DCXXXIV.

E I D E M.

1609. **J**Am te non ignorare puto, Vir clarissime, cam Epistolam fuisse mihi redditam, quæ de obitu maximi viro- rum abs te mihi scripta est. Ego iis literis de ea re feci te certiores, quas uxori Arsenii, Legati Illustrissimorum Ordinum, isthuc proficiscenti, dedi: simul gratias tibi pro eo officio egi gratissimas. Postcà alias brevissimas accepi, quibus τὸν μακαρίτην tueris à calumniis τῶν βλασφημησάντων ὡς ὁ βεβαίως ἡμινηκότα τῇ πίστι. Ea quoque Epistola longè mihi fuit gratissima; qui sensus intimos nosse illius viri divini περὶ τῶν ἀμφισβητημένων, magni æstimarem. Vidi enim qui negarent, de omnibus cum vulgo nostrorum illi convenisse; sed pro sua pietate & prudentia abstinuisse

ab earum rerum tractatione; quod cum 1609. jussimodi sit, si fas esset, scire vellem; eò magis, quòd virum summum isthuc esse audimus, qui de nonnullis ἀλλοφρονῶν quem mirificè cùm alii, tum ipse Scaliger, nobis commendarunt. Si viveret magnus Heros, meum illud decus, omnino absoluto Polybio, te atque illum vidissem; sexcenta enim erant, de quibus sententiam illius præsens cognoscere avebam: video enim *ἐπιφωμένῳ ἀρχὴν μεγάλων κακῶν· ἀλλὰ περὶ τῶν εὐσεβῶν καὶ ἀθῶν*. Mihi gratissimum fuit, constantiam ἐν ταῖς τῆς ἐρηδοξίας illius sermonis cognoscere; de quo tamen nunquam dubitaveram. Nuper de scriptis illius quædam tecum egi: rogavi etiam te, ut mihi significares, quid libellis illis esset factum, quos à nobis acceperat: neque enim dubitamus, multa eum peccata nostra correxisse, quæ scire nostra intersit. Quæso te, adjuva me in hac parte. Equidem sive illi libri redimi potuerint, sive aliquid fuerit describendum, nulli pretio parcam. Iterum te obtestor, faveas mihi in hoc proposito. De silentio meo desine queri; omnibus enim respondi fide bonâ. Quod autem scribis, dubitare te, an ideo literarum nihil à me accipias, quia contemnaris: ὁ μὲν Ἡεῖνσι, πῶς οἱ ἐπὶ τοῦ φύγῃ ἐκ τῶν ἰδόντων. Ego te contemnam, qui te unum hodie admior; qui tuam eruditionem pluris facio quàm opes Cræsi, aut omnium Liciniorum? Malè mecum agitur, si nondum illud sum assecutus, ut de me aliter sentias. Vide num æquius sit, metuere nos, ne ingravescens ætas nostra à te cùm maximè florente contemptui habeatur. Sed bona verba: aliter enim sum de tuis moribus persuasus; tu de meis esse debuisti. Accepi Orationes tuas, & Virgulam Divinam. Si expectas, ut pro dignitate munerum tuorum gratias tibi agam, longè falleris. Æstimare fortasse, possem illa melius, quàm ὁ χυδαῖος ἔχλῳ· laudare pro merito non queo. Legeram illa omnia dudum, & apud amicos admirationem meam effuderam. Pindarica illa interpretatio sponder opus integrum, neque aliter accipio. De libro περὶ κόσμου planè tecum sentio: sed accurata illa argumentorum explicatio doctrinam tuam arguit, me judice, insignem. Quid dicam de illa divina Apotheosi? Perge, magne Athleta, & bonas partes semper propugna. Cæterùm adversus canes & Cerberos animum maturè obfirma: citius enim sol luce suâ carebit, quàm hæc inusitata virtus obtrectatoribus. Deum oro, vires tibi largiatur ad literarios labores, quos video tibi fore subeundos. maximos

1609. *mos. τίτλαθι δὲ φίλε πίκνον* maxima gloria è maximis provenit laboribus. Vale, & me ama. *Lutetiae Parisiorum, Non. Quint. CIO IO CIX.*

Dominico Baudio, viro clarissimo, velim significes, me literas ipsius gravissimas de negotio Hermodori accepisse. Optarem scire, quid id rei sit; quis futurus sit finis. Non possum nunc rescribere, vergente ad finem opere instituto, quod isthic brevi, *σὺν Θεῷ*, expectate, & me ambo amate.

EPISTOLA DCXXXV.

PETRO JUNIO.

1609. **Q**uas ego tibi gratias, Vir doctissime, pro misso nuper munere agam? Legeram equidem jam antè librum * nunquam satis laudatum serenissimi sapientissimique Regis vestri, sed legeram cursim & beneficio alieno; nunc beneficio tuo, & lego ipse, ac relego divinum opus, quoties lubet: lubet autem quotidie, & legerunt porro alii plures, primores dignitate viri, beneficio meo. Nam cum fama ejus scriptionis ad omnes jam pervenerit, ipse verò liber ad manus adhuc paucorum, & Princeps Senatùs, Harlaeus, & alii præcipuè nobilitatis viri, quem à te accepi, codicem legere. Utinam quem sperat fructum operæ suæ Rex potentissimus, cum percipiat; percipiet autem, *σὺν Θεῷ*, si potest ab iis obtineri, quibus præcipuè scribitur, ut sincerum judicium ad illius operis auri lectionem adferre malint, quàm notiones anticipatas & *πρὸ ἡμῶν ἐφ' ἑαυτὰς*. Mira planè res, Reges & Principes non posse adduci, ut pià libertate frui, quàm turpiter servire, satius & honestius esse ducant. Quem tantæ rei miraculum non advertat? Quis neget, aut dubitet, *ἡλίαν* esse *πάθον*? Beatum ter amplius Regem vestrum, qui hoc à Deo Opt. Max. beneficium accepit, ut in fatali aliorum cæcitate oculis ipse uteretur. Sunt qui dicant, Reges & Principes ad lectionem libri sibi inscripti potuisse facilius pellici, si Rex magnus jura Principum asserere contentus, *πὲρ θεολογικῶν* alibi quàm in Epistola illa tractasset. Hæc audio quosdam dicere: sed Deus meliora, quàm ut meas hîc judicandi partes ullas esse credam. Mihi quæ istis delicatis non sapiunt, perplacent; neque mediocriter illius disputationis subtilitatem sum miratus. Redeo illuc, unde sum orsus, & pro tanto munere, quia rependere aliquid *ἀπὸ τῆς*, tenuitatis nostræ non est, quas solum possum, gratias

* Vide
suprà.
Epist.
DLXXX.

ago immortales. Vale, & me amare 1609. perge. *Lutetiae Parisiorum, a. d. v. Id. Jul. CIO IO CIX.*

EPISTOLA DCXXXVI.

SCIPIONI GENTILI.

Vir clarissime, inter summas occupationes & molestissimas hæc raptim exaravi, magis instituti tenendi causâ, quàm quod opus esset; nam de nobis omnia narrabit, qui has reddidit. Nos Polybium ad nundinas properantem paulatim dimittimus; sed tantis cum molestiis, ut nos respicere non possimus. Non dubitas, credo, habiturum te, cum primis, tibi destinatum pridem exemplar, *σὺν Θεῷ*. Potes idem confirmare doctissimo & clarissimo Rittershusio. Valere ambo, & me amare, qui vos æternum. *Lutetiae Parisiorum, Non. August. CIO IO CIX.*

EPISTOLA DCXXXVII.

DANIELI HEINSIO.

Vir clarissime, trës postremæ tuarum 1609. de meo silentio querebantur. Planè, ut video, mutuum facimus: nam paullo ante de tuo ipse vehementer eram questus. Satisfecisti tu illâ longâ Epistolâ, cujus argumentum abominor, elegantiam admiror. Satisfacerem ipse quoque non minus prolixa scriptione, si esset otii copia. Multa enim habeo de studiis, que tecum velim communicata: sed ignosce occupationibus meis, quarum multitudinem ex eo conjicere potes, quod tempus instabat, quo nostri mercatores Polybium ad nundinas erant delaturi. Nos tamen *πὲρ πελοποννησιακῶν* nondum absolveramus, pridem inchoata, sed postea casu quodam omissa. Accedunt aliæ curæ gravissimæ. Iterum igitur oro te, brevitati ignoscas, & ad cognoscendum atque ignoscendum te pares. Quod superest, quantum me amas, tantum ames cupio doctissimum adolescentem, qui tibi has tradidit. Plura addere de summa illius eruditione, hoc verò esset operam perdere: nōsti enim tu melius. Addo etiam illud, ut de observationibus *τῶν μακαρίων ἡρώων* in nostras nugas voto meo, si potes, facias satis. Ego nulli pecuniæ parcam; ut jam non semel scripsi. Quæ isthic pronuntiata & scripta sunt in obitum maximi viro- rum, necdum videre nobis contigit. Tui amoris erit, cogitare atque adeo efficere, ne illa diutius nobis sint expectanda. Ad Polybium tuum curan- dum

1609. dum utemur viâ Francofordiensi, quam & tutissimam, & omnium expeditissimam sumus non semel experti. Vale. Clarissimum virum, Baudium, à nobis, nisi grave est, salvere jube. *Lutetiae Parisiorum, a. d. 1v. Eid. August. c10*
10 CIX.

EPISTOLA DCXXXVIII.

✱ JOANNI RUTGERSIO.

1609. **E**T si nunc primùm literas à te accepi, eruditissime Adolefcens, non tamen nunc primùm tuum mihi nomen innotuit: nam quum in titulo Confutationis literas illas vidissem, J. R. ac scire vellem, quid illæ significarent, adfuit quidam vestras, qui te mihi, & singularem tuam doctrinam indicavit. Itaque tuum statim nomen ad oram libri mei adscripsi, semperque ex illo omnia de te inquisivi, & Deum Opt. Max. oravi persæpe, ut spei tuæ benediceret, & omni bonorum genere te cumularet. Quæ quum ita accidissent, quàm gratæ mihi literæ tuæ acciderint, dubitare jam non potes. Næ benè dictum est, bonos, etiam si sese invicem ignorent, esse tamen sibi invicem conciliatos: nam ut ex tuis didici humanissimè scriptis literis, dudum est, cum etiam taciti in mutuo amore consentimus. Primùm coagulum, ut sic dicam, hujus inter nos amicitia fuit *ὁ ἐν ἀνδρῶν Διὸς ἀνὴρ*, Scaliger, *ὁ πρὸς μακαρίτης μακάριος* τῶν nam & mihi ut de te sollicitè inquirerem, liber ab eo missus occasionem dedit; & tibi ut ad me scriberes, causa oblata est, ut quædam illius mitteres. Non poterat meliore omine, aut melioribus auspiciis, adire noster hic amor; quem spondeo mihi ab hoc principio fore in dies valentiorē, & firmiorem. Salve igitur, Vir eruditissime, amice *προσφιλέστατε*, & me, quod facis ama, de meo affectu pari securus. Possum vinci à te officiis, benevolentia non possum, neque voluntate tibi gratificandi. Quoniam autem visum tibi, semel insigni officio me tibi demereri, te oro, ut nisi re confecta non quiescas. Scis quanti divinum illum virum fecerim. Nulla unquam illi excidit litera, quam non magnificiam me legisse. Non dubito autem, multa illum in libellis nostris & reprehendisse, & correxisse, quæ omnia si operâ tuâ fuero consecutus, sublimi seriam sidera vertice. Interea pro illis, quas misisti Notis, quantas possum maximas ago gratias. Non potui nunc illis uti, quia omnia erant confecta prius quàm illas acciperem. Video multa mihi simili-

ter esse observata, ac penè omnia: sed 1609. ne sic quidem operæ tuæ fructus tibi perit; nam & nonnulla sunt, de quibus in mentem nobis non venit; & suspensiones meas judicio Scaligeri confirmari, id verò longè mihi est gratissimum; quod ut omnes intelligant, & simul sciant quantum ego tibi eo nomine debeam, sedulo operam dabimus. Non debes autem vereri, ne beneficio tuo abutar, & summi virorum *σχεδίασμα* impiâ manu contrectem. Non adeò rerum imperitus sum, ut quid & quantum repentinis id genus scriptionibus tribui debeat, ignorem: neque verò ita Scioppius sum, ut lædere existimationem velim ejus viri, cujus manes penè dixerim religiosè colo. Cùm Historiam Augustam edebam, misit ad me Petrus Faber, Curia Tolosana Princeps, librum observationum suarum, quem mihi elegante epistolâ inscribebat, & cum meis Notis edi volebat. Non erat accessurum nomini meo parvum decus ex illa dedicatione viri tam illustis dignitatis, & quidem Pontificii: sed quia erant illæ Notæ indignæ, meo judicio, tanti viri famâ, editione libelli illius abstinui, & pauca selegi, ut haberem occasionem faciendi mentionem Fabri honestissimam. Hoc volui commemorare, ut omni dubitatione & te liberarem, & clarissimum Heinsum, qui etiam ea super re nonnihil ad me scripsit. Perge igitur beare me, & fore me accepti beneficii memorem, certò tibi persuade. Vale. *Lutetiae Parisiorum, a. d. 1v. Kalend. Septemb. c10*
10 CIX.

Viro clarissimo, Petro Bertio, nisi grave est, amicissimam meis verbis salutem nunciabis.

Inscriptio.

Eruditissimo Viro,
JOANNI RUTGERSIO,
amico singulari,
LUGD. BATAV.

EPISTOLA DCXXXIX.

JANO GRUTERO.

TAndem, mi Grutere, tandem ali- 1609. quando ad finem perducta est inchoata dudum Polybii editio: quoniam quas agam Deo Opt. Max. gratias, illi soli norunt, qui sciunt, quantum ærumnarum passi sumus, dum in opere illo versamur. Confido, aliquam earum partem tibi esse notam; quo confidentius te orabo, ut exemplar *ἡμεῶν* accipias, quod tibi mitto; neque illo tetrico vultu, qui summam doctrinam

1609. Strinam qualis in te est, solet comitari. Si voluntari par facultas responderet, veniâ doctorum opus non haberem, nunc quoties venit in mentem incommodorum, quæ mea studia quotidie experiuntur, adeo longè absûm *καὶ τῆς εἰρήνης*, ut penè pigeat aliquid scripsisse. Tua, mi Grutere, æquitas apud iniquiores iudices mihi patrocinabitur. Accipe igitur, quod iussu tibi dari, exemplar, & conatibus meis fave. Ita vivas lætus, *καὶ ἐν πᾶσιν ἡμετέροις* multa annorum lustra. Vale. *Lutetiae Parisiorum, prid. Kalend. Septemb. CIO IO CIX.*

EPISTOLA DCXL.

GEORGIO MICHAELI
LINGELSHEIMIO.

1609. Polybium & Æneam, meâ operâ hîc editos, tibi mitto, Vir præstantissime. Spero fore munus non ingratum; nisi tamen *ἀδελφοί* quidam rumusculi, isthuc, ut audio, delati, tantum apud te valuerunt, ut tuum à me animum abalienarent. Dolebo, si ita est, & jure optimo sortis meæ infelicitatem prædicabo; qui fortunas meas scelere quorundam è nostris amiserim; amicos autem astu, aut vanitate *τῶν ἐν προδοξήτων*. Quis me vivit infelicior? ***
† & Romanenses variis artibus ex æquo me infestant; sed isti digniores veniâ, quos in me nihil irritat præter causam religionis. Non puto ita leviter in animo tuo fundatum amorem mei, ut fuitiles rumores de me sparsi potuerint eum labefactare. Moveor tamen silentii tui diuturnitate, quod vereor ne aliam præter occupationes tuas causam habeat. Ego, Vir clarissime, à puero sic vitam institui, ut bonis probatum esse me cuperem, malis ne notum quidem. Ad hoc propositum cùm omnia semper mea dicta factaque retulerim, si effugere tamen calumnias non possum, solabitur me conscientia mea, & multorum probitate excellentium viro-
rum exempla, qui malevolorum virulentas linguas vitare non sunt quiti. Sed redeo ad Polybium, quem velim sic à te legi, ut ab eo profectum, cui dolor ex variis causis ortus, *ἡμῖν τῆς ἀρετῆς ἀφείλετο*. Si vitam, si otium & præsidia necessaria fuerit deinceps largitus *ὁ ἱππεύων πατήρ*, meliora & emendatiora non veremur polliceri. Illa erunt, ut potuerimus, hæc sunt, ut potuimus. Me jactura rei familiaris ** accepta ita affecit propter *φυσικὴν στεγνὴν* in meos, ut etiam studia literarum aliquando averfer, & odio habeam; quæ

me sibi mancipatum penitus dum te-
nent, injuriis hominum *πλεονεκτηῶν* faciunt opportunum. Vale, Vir nobilissime. *Lutetiae Parisiorum, Non. Septemb. CIO IO CIX.*

EPISTOLA DCXLI.

GUILIELMO CAMBDENO. ✕

EN tibi, Vir præstantissime, promissum ante aliquot menses Polybium, qui simul ac fuit absolutus, habui nihil antiquius, quàm ut tibi memorem me probarem. Nolo in solutum munusculum hoc accipias, quod non esse idoneum agnosco, ut cum tuo munere comparetur. De iis loquor, quæ sunt à me profecta: nam ipsum quidem Polybium non dubito magni à te fieri. Adjecimus Polybio comitem Æneam, Scriptorem, ut nostra opinio est, vetustissimum. Qui si alicubi in Britannia vestrae Bibliothecis posset reperiri, rogarem te, ut vestrum exemplar cum mea editione curares conferendum: multa enim pessimè affecta erant in co libro, quo sumus usi; uti mirari nemo debeat, non omnia esse nos affectos. Restat operis, à nobis suscepti, pars altera, Commentarii in Polybium; quos sperabamus unà cum ipso Auctore nos duros: sed ea interven-
erunt, quæ studia nostra non mediocriter inturbaverunt. Verùm hæc *ἐν γένει χαῖρα*. Te oro, me constanter ames, qui te nunquam non colam, dum ero. Vale. *Lutetiae Parisiorum, Nonis Septemb. CIO IO CIX, raptim.*

EPISTOLA DCXLII.

DAVIDI HOESCHELIO.

EN tibi tandem, Vir optime & doctissime, Polybium nostrum, & cum eo Æneam. Quis iste? inquires. Si lubet scire, potes Notas consulere; & postquam cognoveris, quæ fuerunt mihi de pulcherrimo Auctore comperta, tui erit amoris, si quid amplius ipse nōris, id me facere ne sim nescius. Ego causas habere me credidi idoneas, cur vetustissimum eum Auctorem esse crederem. Tibi si aliter videbitur, vehementer mirabor, & id quoque scire docerique abs te expectam. De Commentariis, quorum titulus libri spem facit, noli aurem mihi vellere; memorem enim monueris, sed me plenius velis currentem *ἡμεῖς ἀνέμω* defecit: adhæsit igitur ad scopulos nostra navicula. Deus, spero, aderit, & me gravissimâ liberabit molestiâ. De Apollinari,

† Prostantes.
Colomes.

1609. nari, quod me sententiam meam rogas, (etsi nihil erat necesse; nam quis ista melius διευκρινέσαι, quàm tu?) non verebor tamen iudicium meum breviter ostendere. Judico autem de ejus Psalterio non aliter, quàm ut tibi quoque placere video. Opus esse planè haud indignum, quod juventuti φιλέλῃ proponatur: nam & Græca est oratio, & satis poetica; imò interdum ποιητικὴ. Illud credo, non negabis, cum veritate Hebraica sæpe illi parum convenire, sæpe etiam Græcæ poëseos genium in eo desiderari. Neque enim nescis, aliud esse, versus facere; aliud, Poëtam agere. Quod quum in vertendo sit perdifficile; non desunt tamen è recentioribus, quos anteponam Apollinari; quo in numero sunt Florens Christianus, Zanotius, & qui omnia omnium seculorum ingenia obscuravit, Josephus Scaliger, ὁ νῦν μακάριος μακαρίτης. Sed hæc, ut dicebam, tute melius. Vale, & me ama. Scripsi raptim. *Lutetiae Parisiorum, Non. Septemb. CIO IO CIX.*

EPISTOLA DCXLIII.

CONRADO RITTERSHUSIO.

1609. **N**uperas nuptias, de quibus cognovi ex literis clarissimi Gentilis, benè tibi cedere, ex animo cupio, præstantissime Rittershusi. Dolueram tædio χαρίας esse interturbata studia tua, quæ nunc spero in pristinum statum esse restituta. Quamobrem quid jam pares, & tuis illis observationum libris quid sis facturus, scire cupio. Epicedia in Lipsium memini te aliquando ad me misisse. In Scaligerum nihil vestram Academiam scripsisse, poterone credere? Ego solus hic sum, qui publicâ voce ausus sim τὸν μακαρίτην desistere: nam ὁ μέγας Thuanus justissimam silentii causam habet; qui tamen unus omnium maximè & amavit virum, admiratusque est, & nunc quoque fato functi memoriam religiose colit. Cæteri Loïolitis hunc respectum habuere, ut ipsorum in gratiam cum ne laudarent, quem ipsi quoque laude omni majorem fatentur. Nos volumus, scirent omnes mortales, virtutis admiratione nihil nobis esse antiquius. Itaque etiam in libro, quem Regi Christianissimo dicabamus, iudicium nostrum de Scaligero extare volumus. Reperies, si facis tanti, in Notis ad Æneam; quem vetustissimum Scriptorem, à me recens editum, accipe unâ cum Polybio, mi Rittershusi, & si me

amas, quasunque hallucinationes meas 1609. deprehendes, & stili festinantis παραρρήματα mecum πρόσθεν θυμῷ communica. Vale, Vir clarissime, & me ama. *Lutetiae Parisiorum, Non. Septemb. CIO IO CIX.*

EPISTOLA DCXLIV.

SCIPIONI GENTILI.

Nuper cum isthuc proficisceretur fratris tui ἑ μακαρίτης filius, dedi ad te epistolum, raptim exaratum. Accipe nunc istud non multò majus: nam ne nunc quidem major otii copia suppetit. Instar longioris Epistolæ erit Polybius meus, quem tibi mitto μνημόσυνον φίλιας. Non commendabo munus, nisi ab affectu mittentis; quem si spectas, nã verendum mihi non erit, ne parvum tibi videatur, quod à voluntate maxima proficiscitur. Gratum tibi accidisse hoc, quicquid est, muneris, tunc ferriò cognoscam, cum meorum me errorum admonueris. Per ego te Deum immortalem oro, ut si tanti facis nostra, ut lectione tuâ illa digneris, diligenter omnia observes, quæ meliora posse fieri judicabis, & mecum, nisi grave est, tuas deinde notulas minutulas communices. Sciunt amici & familiares mei, quàm vera sit illa excusatio, quâ sum usus in finè illius Diatribæ, quæ est de Interpretibus Polybii. Si dabit Dominus Jesus, alteram editionem curare saltem Latinam, fidem meam omnes agnoscent. Prolegomenon prolixitatem noli accusare: nôram Mæcenatis mei benignitatem, & erga me facilitatem ac benevolentiam; cujus grande monumentum esse consecutus, oblato hoc munere, si per religionem non stetisset: nam si pati potes semel apud amicum καυχώμενον ἐμὲ, Proceribus nostris ea pars, quâ Regem laudavimus, ita probata est, ut ad suscipiendum ejusdem argumenti Panegyricum, & Cancellarius noster, vir illustrissimus, & omnes certatim me hortentur; qui debuerant potius Regi auctores esse, ut jacturam rei familiaris, quam * † accepimus, † Foris. iret fartum. Sed obstat id, quod dixi. ^{Genevæ.} Itaque illo nos solabimur, virtutem ^{Vide supra.} amplam sibi ipsam esse mercedem. ^{Epist.} ^{VI-DLXXXVII.} Vides quàm familiariter tecum agam: fretus enim amore tuo, sic cum absente loquor, ut si præsens esses. Vale. *Lutetiae Parisiorum, Non. Septemb. CIO IO CIX.*

EPISTOLA DCXLV.

FRIDERICO LINDEN-
BROGIO.

1609. **P**ostquam Lutetiā discessisti, neque quō esses profectus, neque ubi locorum ageres, scivi; neque quicquam omnino literarum à te accepi: ante paucos menses enim ex sunt mihi redditæ, quas superiore Aprili ad me dederas. Ut valde mihi illius tuæ Epistolæ principium mirum sit visum. Sic enim scribis, quasi defatigatus tot literis ad me exarandis, quarum nullum responsum tuleris. Ego iterum tibi sanctè & liquidò juro, ut semel hinc abiisti, neque Epistolam tuam mihi esse ullam allatam, ac ne salutem quidem unquam abs te nuntiatam. Denique planè ignorasse me, quæ te haberent terræ, quidve consilii cepisses. Meministi enim, accidisse casu nescio quo, ut ne de profectioe quidem tua prius quidquam cognoscerem, quàm urbe excessisses: quod ego sic sum interpretatus, ut vel mea negotia, vel tua accusarem, per quæ factum esset, ut vale mihi dicere non posses. De animo quidem tuo in me nunquam dubitavi: qui conscius mihi sim, sedulò cavisse me semper, ne de meo posses dubitare. Itaque gratæ mihi supra modum tuæ literæ fuerunt, quas longo intervallo tandem accepi. Scito, mi Friderice, semper in amore mutuo paria me tecum facturum. Pars probitatis est, me iudice, in suscepto semel amore præbere se constantem, quod ego faciam, *ὅν οἱ εἶπ' ἄν*, dum terras colam. Ad *ῥησιδίῃ* tua, quia jam serum est, & tuæ Notæ jam, ut opinor, prodiérunt, nihil respondebo. Fecissem autem, si vel tantillum vacui temporis habuissem. Polybius, quem videbis, de meis occupationibus tibi testimonium dicet, etsi quota pars mei temporis est, quam studia sibi vindicant? Sed in hac urbe, ut scis, non aliter vivitur. Calignonii fratres te salutant; quum paucos menses apud me fuissent rogatu meo, hodie ex ædibus nostris discedebant, & in Delphinatum se conferebant. De viro clarissimo, N. N. nihil te scripsisse, miratus sum. Ille per aliquot annos silet. Tu de eo ne sile, & meis verbis ipsum saluta. Vale, eruditissime Vir. *Lutetiæ Parisiorum, a. d. vi. Eid. Septemb. cix.*

EPISTOLA DCXLVI.

PATRICIO JUNIO.

Quas ad me Kalend. Augusti dedi- 1609. sti, superioribus diebus accepi, eruditissime Juni, libros etiam accepi, quibus Epistolam tuam adjunxeras. Ago tibi & pro literis humanissimè scriptis, & pro missis libris grates gratissimas. Dicerem, relaturum me, si putarem posse aliquid à me proficisci, quod cum tam excellentibus scriptis ulla ex parte posset comparari. Accedit difficultas vecturæ, quæ me absterret, ne mearum lucubrationicularum aliquod *ἄνδρ' ἄνδρ' ἄνδρ'* ad te mittam: vereor enim, ne eveniat in meo fasciculo, quod evenit in tuo, cujus vecturam æstimavit quatuor libris, qui tradidit: quum minore pretio & Româ, & Constantinopoli onera majora quotidie Luteriam advēhantur. Virum clarissimum, parentem tuum, in Scotiam esse profectum, ex tuis didici. Deum oro, ut & reducem illum ad vos sistat *χαίροντα πρὸς χαίροντες*, & ut universæ domui vestræ magis magisque indies benedicat. De Strabone gratissimum est, quod polliceris. Adhuc me alia studia habent; spero tamen brevi veteres curas in illum Scriptorem me sub incudem revocaturum, sic auctas, ut novum opus possit videri. Sed hoc prius fieri non potest, quàm dederit Deus Opt. Max. negotia quædam perficere, quæ me occupatum nunc habent. Tum ero tuæ promissionis memor, & te appellabo; qui etiam sedulò cavebo, ne collati beneficii te possit unquam pœnitere. Vale. *Lutetiæ Parisiorum, a. d. vi. Eid. Septemb. cix.*

EPISTOLA DCXLVII.

GOTHOFREDO JUNGER-
MANNO.

JAm exaraveram literas ad amicos per Germaniam mittendas, cum tuæ mihi sunt redditæ, optime & eruditissime Jungermanne. Quia nihil responsi acceperam ad postremas mearum, incredibilem in modum eram de te sollicitus. Ago Deo gratias immortales, quod melius tecum agitur, quàm suspicabar. Eundem supplex oro, ut quod incepit in te, perficiat, & priores vires tibi reddat *ὁλοκλήρως*. Mihi ægrè erit, donec te planè convaluissè intellexero: neque enim mediocris est meus in te amor; quanquam etiam si id non esset, non poteram tamen literas amare, ut

1609. te non vehementer amarem, bono illarum natum. O illum diem videam, cum tu me beabis illo *ἰαγγελίῳ* de recuperatis pristinis viribus *ἐξ ὁλοκλήρου*! Interim bono animo te esse jubeo: afflictorum non minus quam *καλῶς ἔχόντων* pater est, qui nutu cælum & terras temperat. Ejus arcanâ providentiâ omnia accidunt, quæ accidunt; & quod caput est, ita nobis expedire statuere debemus, quoties aliquid etiam *τῶν ἀπικτόν* nobis evenit. Quod si verè Christiani sumus, ea demum vera sapientia est, velle quicquid Deus vult. Sed spero de te omnia læta. In Harpocrate te versari, gaudeo, & te hortor, ut & illum brevi edas. De locis propositis scribam alio tempore; nunc enim raptim ista exarabam, postquam omnes meas tradidissem, incertus cui traderem. Notas Lololite * in Epistolam Nysseni, à nobis editam, vidi, & ingemui, non eo loco esse me, ubi respondere possem liberè: nam tacere malo, quam non vela pandere orationi. Evincerem istos nebulones, quicquid prætexant, *λατρεύειν τῇ κτίσει* *ὡς ἂν τὴν κτίσιν* evincerem illum asinum calumniari scire, idque insulsè; aliud nihil: pudorem denique illi aliquem expressissem, nisi planè depuduit. Sed hæc aliis pluribus. Vale, corculum meum. *Lutetiae Parisiorum, a. d. v. Eid. Septemb. CIO IO CIX.*

* Jacobi
Greiseri.

EPISTOLA DCXLVIII.

✱ A MERIC CASAUBON.

1609. **M**Eric, Je suis bien aise que tu m'escries assés diligemment, & je serai encores plus, quand tu le feras plus souvent. Pourveu que toujours par tes dernieres je puisse cognoistre, que tu ayes profite quelque chose despuis les precedentes. Video te jam incipere themata Latina componere; sed non sine gravibus erroribus. Fac quotidie aliquid addifcas. Exerce memoriam assiduè. Si isthic docetur Terentius, volo ut eum librum à principio ad finem mandes memorix. Nemo Latine loquetur bene, qui Terentium non contriverit. *Escris moi si par de là on lit Terence, & qu'est ce que on te lit. Surtout sois sage; crains Dieu: prie le pour tes pere & mere, & freres & sœurs. Honore tes precepteurs, & leur sois obeissant. Garde toi de perdre le temps. Si ita feceris, Deus tuis studiis benedicet. Scripsi ad tuum Præceptorem atque hospitem, ne quid tibi deesset. Mater te salvere jubet, & vous commende de baiser les mains à*

Mademoiselle Capel en son nom: comme 1609. je fais aussi. A Paris, ce 18. Septemb. CIO IO CIX.

Ton Pere,

IS. CASAUBON.

Saluta meis verbis Hottomannos, fratres.

EPISTOLA DCXLIX.

THEODORO CANTERO. ✱

Vereor ne literis, quas à te novissi- 1609. mē accepi, doctissime Cantere, serum jam sit respondere. Oblatam tamen *ἐν τῇ ἀστυχίᾳ* occasionem prætermittere non potui. Scito illam Epistolam tuam incidisse in ipsam *ἀκμὴν* negotiorum, quæ Polybiana editio mihi exhibuit. Itaque quum respondere non vacaret, aliud tempus expectare sum coactus. Post absolutam editionem, aliud genus curarum nos excepit, ut etiam abesse ab urbe plures septimanas nobis contigerit. Ne nunc quidem valde otio abundabam, quo tamen si vel maximè abundarem, vereor ut quæstionibus tuis possim unquam satisfacere. Scis multa esse in illis Scriptoribus, ad quorum illustrationem, aut emendationem expectandus est, quod Hebræi dicere amant, *Helie adventus*. Quid verò mirum, multa nos in libris Veterum ignorare, qui tam multa scripta Veterum amiserimus? Nos quando dico, me & mei similes intelligo *ἀνθρώπους ἐψήμαθας καὶ ἐλιζόμεθας*. Planè *μερὴν προμυῖδι* quid sit, nescio; & pag. 267. apud Theophilum non probo, ut pro *Σίμυλ* scribatur *Εὐθελ*. nam *Σίμυλ* sine dubio legendum. Id nomen est veteris Comici, ex quo verus elegantissimos describit Stobæus, *λόγῳ vii*. Sed locus hic allatus à Theophilo, valde est corruptus. Melius ita concipietur: *Καθὼς καὶ ὁ Σίμυλ ἐφη*:

*Καινὲς πιηταῖς ἐστὶν ἔθῳ καλ.
καὶ τὰς περιττὰς τῇ φύσει καὶ τὰς καλῆς.
Εὐδὲ κρίνειν καθαπτερὶ ἐξ ἧ πνι.*

Postrema ita possunt emendari, ut sit aliquis sensus, & stet metrum, *καθαπτερίν ἐξ ἧ πνι*. In lacuna deest vox aliqua, fortè *οὐδὲς* aut *καλῆς*, cujus vocis variam acceptionem Poëta notabat. Habes repentinam conjecturam meam: tibi si aliud videtur, πῶς ἐνικάτω. Vale, & me ama. Filios tuos, hospites quondam meos, salvere à me jubeo. *Lutetiae Parisiorum, a. d. vii. Kalend. Decemb. CIO IO CIX.*

EPISTOLA

EPISTOLA DCL.

ANDREÆ SCHOTTO.

1609. **Q**ui per se futurus erat gratissimus, *ὁ πολυμαθέστατος* Miræus, eò tamen gratior advenit, quia literas à te, præstantissime Schotte, mihi attulit. Egi Deo gratias, quòd te præster valentem, & quidem *αὐτὸν ἀριστέοντα*. Nam quod scribis, in eo te esse, ut Ciceronem juventuti commendes, & vel averfanti cum obrudas, moriar, nisi is mihi longè fuit jucundissimus nuntius: amo enim illum Scriptorem *ἐκπαθῆς*, & stultitiam eorum demirari satis nequeo, qui Latinam linguam & facundiam ab alio potius sibi putant esse quærendam. Inter morbos *ἰπποκράτους* nostri sæculi hunc recenseamus licet. Quis igitur propositum tuum satis laudaverit? Quis tam Marrucinus, qui *παντὶ φιλοσοφίας εἶδει* esse te dignissimum, non pronuntiaverit? Ego si quid in literis videor mihi posse affirmare, vix potuisse à te, hac autoritate viro, aliquid institui Reipublicæ literariæ magis utile, imò magis necessarium. Perge igitur, mi Schotte, & pænè jam exulantem è scholis Marcum Tullium in pristinum siste locum. Civicam omnes tibi debere se faterentur, qui veræ eruditionis sunt studiosi. Themistii Orationes, quas doctissimus Miræus attulit, vidi, & summa cum voluptate legi. Bene meretur de Republica literaria, qui earum editionem parat*: sunt enim pulcherri-
mæ, elegantissimæ, lectu dignissimæ, *ἡ ἐνὶ λόγῳ* Themistio dignissimæ. Sed parum accuratius illas esse descriptas optarem, priusquam Typographo tradantur: sunt quippe in iis mendæ non paucæ, quæ eruditissimum Interpretem non fugerunt. Videbis quæ in illas adnotavimus *ὁδὸς παράγωγον*, inter legendum: loca enim aliquot sanavimus, in quibus aut ipse fallor, quod potest fieri; aut ille doctissimus, & ut audio, reverendissimus tuus amicus, est deceptus. Sed vos judicabitis: mihi satis est, si animum meum vobis deditissimum fuero testatus. Vale, & me ama. *Lutetia Parisiorum, a. d. vii. Kalend. Decemb. cix*.

* Petrus
Pantius,
pene quem
existisse
varias
Themistii
Orationes
avertentes,
scribit
Andreas
Schottus
ad Photium
Cod. 74.
Colomel.

EPISTOLA DCLI.

THOMÆ ERPENIO.

1609. **V**ides, charissime Erpeni, quàm sim datæ fidei memor, qui prius te lacessam, quàm de tuo isthuc adventu fuerim factus certior: sed volui scires,

non mediocriter esse me sollicitum de 1609.
tua valetudine & rebus tuis. Simul significari volui tibi, me fasciculum ex Hollandia accepisse, in quo literæ erant, quas tibi mitto. Inerat & liber, de quo non dubito quin ad te scribatur. Scito igitur, non esse aulum me istum codicem prius ad te mittere, quàm de tuis rebus omnia haberem comperta. Est enim liber ejusmodi, quem periculo exponere temerè equidem nolim. Servavi illum igitur, donec didicissem à te, quid esset opus factum. Simul ac voluntatem indicaveris, fiet uti voles. In eo libro manum Scaligeri *ἡ μακαριότης μακαρίτης* statim agnovi & amavi. Mea studia Arabica post tuum discessum frigent: jam enim in Bellarmini seria lectione occupamur, & aliis curis. Scis quod genus hominum me cogat dare operam studiis Theologicis: illi nempe, de quibus sæpe me conquerentem audisti. Sed narro tibi: benè meriti sunt illi homines de me, atque adeo optime. Exegerunt ut Bellarminum suum legerem; invitum compulerunt: vix adhuc attrigi, & tot monstra horrendorum inveni mendaciorum, ut operæ non pigeat. Sed hæc aliàs. Expecto literas tuas. Vale, optime amicorum. *Lutetia Parisiorum, a. d. iiii. Kalend. Decemb. cix*. Statim post acceptas literas, quas mitto.

Nobilissimum Dominum de Plessi, & Dominum Trochoregium meis verbis salutes velim.

EPISTOLA DCLII.

RICHARDO THOMSONI.

Gavisus sum, non displicuisse tibi Po- 1609.
lybium nostrum, quamquam scio; quid intersit amorem inter & judicium. Ubi seriò legeris, quæ sunt à nobis profecta; invenies, scio, quæ reprehendas multa & gravia. Sed memineris, in ea urbe illa me scripsisse, ubi alia omnia mihi curanda potius sunt quàm studia. Scit hoc Tomkys noster, qui aliquot jam menses apud nos agit: ille in patriam reversus tibi narrabit, quibus machinis, quàm assiduâ operâ, quàm variis artibus mecum ab iis agatur, qui traducere me ad alia castra conantur. Feci, & facio quotidie omnia, ut me semel liberem; scit hoc quoque ille idem amicus noster: sed frustra. Itaque velim nolim Theologiæ studiis cogor *ἐν ἀναγκῇ*: quid proficiam, scirent *οἱ ἐξ ἐναντίας*, si liberum mihi esset, scripto persequi cogitationes meas. Nunc, quod unum superest, id facio

1609. facio assidue, ut quantum τὰ τῶν ἀβρο-
πων ἐπιλήματα, μᾶλλον δὲ τῶν τῆς ἀπω-
λείας averfer atque abominer, palàm &
altà voce quotidie in os declarem. Quid
mihi ex ea re sit metuendum, satis in-
telligo; & fungus sim, si non videam.
Sed nos dudum & nos, & nostra omnia
Deo Opt. Max. permisimus. Ille, spe-
ro, ἐν πῶσι τοῖς πειρασμοῖς aderit, & ad-
versus πάντα τὰ δεινὰ nos firmabit. De
Polybii Commentario si quæris, ille
verò jacet, & æternum jacebit, dum
mihi cum Purpurato, viro maximo*,
assidue de Religione contentiones
erunt. Is est, qui omnibus in hoc Re-
gno Literatis, ac nominatim τοῖς ἀμφι-
τῶν βιβλιοθήκῃ & βασιλῆος præest. Non
puto, majus extare hodie ingenium.
Cum hoc viro assidue versans propter
munus meum, assidue dimico: ἀλλ' ἰδοὺ
γίνεσθαι ταῦτα οὐκ ἂν κελεύσεις & Ἀχαμέ-
νιον†. Quare post absolutam versio-
nem Polybii, illa studia ne salutavi
quidem πύργον, & omnino pessimo lo-
co res studiorum nostrorum sunt posi-
tæ. Deus nos respiciat; συνεχόμενῃ
καὶ καὶ σφῶρα λίαν. Vale. *Lutetiae Pa-
risiorum, a. d. v. Kalend. Januar.* quas
Kalendas opto tibi felicissimas. CIO
IO CX.

* Cardi-
nali Perro-
nio. Vide
Merici
Casauboni
pietatem,
p. 56.

† Regis.

EPISTOLA DCLIII.

DANIELI HEINSIO.

1610. **A**Ngit me tuum hoc silentium, Vir
amicissime, & ut aliquando tan-
dem id rumpas, te oro. Sextus propè
est mensis, ex quo nihil à te literarum
accepi: novissimæ enim tuæ fuere, quas
libro adjeceras de vita & obitu magni
Herois nostri‡: illas dico eximias Ora-
tiones, quæ sunt à te publicatæ. Ex
eo tempore & scripsi ad te non semel,
& Polybii exemplar ad te misi; quod
probè curatum fuisse, è literis cognovi,
quas doctissimus Rutgerius ad me mi-
sit. Quod non è tuis id potius didice-
rim, ea res facit, ut de tua valetudine
non mediocriter sim sollicitus, qui præ-
sertim sciam, iter abs te fuisse susce-
ptum, & eo confecto in patriam istam
alteram tuam esse reversum. Omnino
malè me habet tuum silentium hoc tam
diuturnum, cujus causam priusquam
cognovero, non constitui longioribus
Epistolis πράγματα σοὶ παρέχων. Scripsi
nonnulla ad τὸν πλυμαγίστατον Rutger-
sium, quæ ipsum tibi fore communica-
turum confido. Vale, & me constan-
ter ama. *Lutetiae Parisiorum, a. d. III.*
Non. Januar. CIO IO CX.

‡ Scali-
geri.

EPISTOLA DCLIV.

JOANNI RUTGERSIO. ✕

BInas tuarum simul ante paucos dies 1610.
accepi. Unis earum erant adjectæ
Notæ τῶ μακαρίῃ Herois, ex illius
codicibus operà tuà descriptæ. Ne-
queo verbis tibi significare, quantum
eo officii genere me tibi in ævum de-
vinxeris. Gaudeo sanè, hâc occasione
amicitiâ nostram coaluisse. Mæx jam
sunt partes, postquam à te sum pro-
vocatus tanto beneficio, cavere, ne
in dolium pertusum id videri queas ef-
fudisse. Spero non defuturam occasio-
nem testandæ rebus ipsis benevolentia
& grati animi: nam equidem ingrati
animi vitium φύσει ἢ πάνυ μισῶν ἔχει. Il-
lud certè, σὺν θεῷ παλάμα faciam, ut
per quem profecerim, sciant posterii.
Neque enim ignoras, quanti ipse vel
levissima magni Herois χειρίσματος sem-
per fecerim, qui quidem etiam in iis,
in quibus aliter sentio, magni æstitem
scire, quid ille existimaverit, & caus-
sas ejus sententiæ expendere. Nos jam
à Polybio planè discessimus, cum aliis
gravissimis curis mirificè occupati, tum
etiam recensione Animadversionum in
Suetonium, & Commentarii in Theo-
phraستي Characteres. Utramque hanc
operam penè convitiis extorserunt à me
Typographi, prorsus alieno meo tempo-
re, qui longè diversis studiis meas ho-
ras, quas habere hîc possum, succissi-
vas, addixeram. Suetonium Parisien-
ses edunt, aut potius inchoatam dudum
editionem Genævæ perficiunt. Chara-
cteres Lugduni Seytesianorum brevi, ut
spero, edentur, non negligenter reco-
gniti: nam Forllanus, homo Græcus,
atque is doctissimus, qui in eandem
arenam post nos descendit, stomachum
mihi movit: qui mihi fermè persuasit,
etiam Græcos homines in sua lingua
posse aliquid à nobis discere: φθονο-
δ' ἀπίσω τῶ λόγῳ καὶ κέμισις. Sed ejus
Versionem & Notas si vidisti & expen-
disti aliquando, non aliud, nisi fallor,
senties. Ex tuis didici, Polybium, quem
ad clarissimum Heinsium misi ante sex
menses, probè fuisse curatum. Ipsum
ex illo tempore nihil ad me scripsisse,
demiror; itaque de ejus valetudine in-
credibilem in modum sum sollicitus.
Beaveris me, si hanc mihi curam exe-
meris. Sunt hîc Puteani fratres memo-
riæ τῶ μακαρίῃ cultores magni. Unus
illorum variis Scaligeri scriptis colle-
ctis, dare illa in lucem constituit, jam-
que adeò editio est inchoata. Non est,
quod verearis proditurum aliquid, quod
tanti

1610. tanti viri famam aut existimationem lædat. Nihil enim publicabitur *ἐπεὶ ἄρρητον ἄμεινον*: nihil non ex ipsius autographo descriptum; nihil denique ipso indignum. Adde, quod præfatione muniatur ea editio contra Theoninos dentes τῶν ἀλαστορῶν. Scio esse isthic multa, quæ nos desideramus: ut de Nummis doctam Diatribam; Leges Atticas; alia. Cur illa vos non editis? Cur nobis eorum lectionem invidetis? Obsecro te, hanc partem Epistolæ ostendito amicissimo Heinsio, & quid illius sit iudicii, fac me quàm primùm ut sciam. Quæ ad Erpenium nostrum misisti, ea scito ritè curata. Vale, & rescribe. *Lutetia Parisiorum, a. d. 111. Non. Januar. c15 15 cx.*

Inscriptio.

Eruditissimo & ornatissimo Viro,
JOANNI RUTGERSIO,
Jurisprudentiæ Candidato,
amico intimo.

LUGD. BATAV.

EPISTOLA DCLV.

✠

EIDEM.

1610. **R**espondi nuper duabus Epistolis tuis, quas simul acceperam. Ex literæ an fuerint tibi redditæ, scire cupio. Scripsi enim de variis rebus, super quibus responderi à te mihi, vehementer opto. Monebam te, edi hic à Puteanis fratribus posthuma quædam magni Scaligeri scripta, ex ipsius autographis desumpta. Orabam, si quid esset isthic, quod deberet edi, ut vel ipsi ederetis, vel nobiscum communicaretis, ut editioni Parisiensi, quam spondeo fore non inelegantem, adjiciatur. Querebar etiam de silentio clarissimi Heinsii, & meam de ejus valetudine sollicitudinem ostendebam; atque ut me eâ curâ liberares, obnixè rogabam. Nunc quoque idem à te peto, & prioribus tuis beneficiis hic accedat cumulus, etiam atque etiam à te peto & contendo. Vale. Scripsi raptim. *Lutetia Parisiorum, Nonis Januar. c15 15 cx.*

Inscriptio.

Viro ornatissimo & doctissimo,
JOANNI RUTGERSIO,
amico honorando.

LUGD. BATAV.

EPISTOLA DCLVI.

DANIELI HEINSIO.

Charissime virorum, Tu quidem im- 1610.
perare tibi potes, ut me silentio crucies tuo; ego verò non possum. Nam qui paucos ante dies literas ad te dedi; qui binis ad Rutgersium scriptis de tuo silentio sum questus frustra, non possum tamen nobilissimum D. Legatum ad vos dimittere, quin hæc verba inter summas occupationes meas exarem. Si quid igitur me amas, fac de valetudine tua aliquid intelligam; nam sextus, opinor, hic mensis agitur, ex quo nihil à te literarum accepi. Ego cum alias Epistolas ex illo tempore scripsi; tùm unam, quâ significabam, edi hic à Puteanis varia Opuscula & *μακάρων* Herois nostri. Quæ potuere inveniri manu ejus scripta, placuit edere, ne vel perirent, vel malè publicarentur. Scimus isthic vos habere multa lectu dignissima; quæ vel ipsi edite, vel nobiscum communicate. Hoc Præses Thuanus te mecum rogat: at scin' quomodo? ut nihil magis obnixè queamus. Plura de nostro incepto, cum plus erit otii. Vale, & meis verbis, nisi grave est, saluta clarissimum Baudium, & doctissimum Rutgersium. *Lutetia Parisiorum, prid. Eid. Januar. c15 15 cx.*

Polybium te accepisse existimo: cupio tamen ex literis tuis hoc cognoscere.

EPISTOLA DCLVII.

THOMÆ ERPENIO.

Utinam, Vir doctissime, possem ver- 1610.
bis declarare tibi, quàm gratum mihi acciderit munus illud *χρυσὴ χρυσόπρον*, quo me donasti. Sed quia defuncta verba affectui meo paria, satius fuerit, ut tu ex animo meo, quem puto tibi non esse ignotum, facias conjecturam. Scis certè, amore ejus linguæ, in qua magis magisque in dies admirabilem te præbes, non mediocriter me jam olim fuisse inflammatum; qui inceptum studium deferere ducis inopiâ cum fuerim coactus, in tantis præsertim meis occupationibus. Quod nunc tam benevolè operam tuam mihi commendas, & tuâ singulari industriâ meum laborem sublevas; hoc ego quanti æstimare debeo? Essem profectò bipedum ingratus, nisi te, meum *ἡγεγέρτω*, omni laude prosequer, & memoriâ tanti beneficii accensus, desiderio referendæ gratiæ flagrarem. Ego verò, doctissime

1610. Etissime Erpeni, non prius benè agi mecum putabo, quàm data mihi fuerit occasio significandæ erga te voluntatis meæ. Equidem qui heri tantum chartas tuas acceperim, pauca adhuc in illis legi, ex quibus tamen præstantiam scriptiōis tuæ non difficulter cognovi. Deum oro, det tibi otium ad studia illa, in quibus tantum potes, seriò ac feliciter urgenda. Dabo operam, quantum ejus fieri poterit, ut utar beneficio tuo: utar autem solus, neque committam, ut te hujus facti queat pœnitere. Nemo, crede mihi, id munus à me extorquebit; nemo leget, nisi tu jussëris. Faccrem tibi injuriam, si aliter facerem. Puto non nescire te, D. Vander Mylium Venetiis redeuntem, hæc transisse. Fuimus unà sæpius. De Heinſio à sex mensibus nihil intellexi; nisi quod scripsit Rutgerius, Polybium, quem Heinſio miseram, probè esse curatum, eoque se usum. Heinſii silentium demiror. Vale, Vir eruditissime, & nisi grave est, nobilissimum Dominum de Plessi meis verbis saluta; nec non Trochoregium, & Græcum Professorem, * Benedicere. *Lutetia Parisiorum, Eid. Februar. CIO IO CX.*

* Jean-
nin.

EPISTOLA DCLVIII.

✠ SCIPIONI GENTILI.

1610. NEque erat, quod ad te scriberem, neque otio sanè abundabam: non tamen potui, præstantissime Gentilis, pauca hæc ad te non exarare. Scito memorem amicitia nostræ vivere me, & semper victurum, dum spiritus hos reget artus. Nostra studia, superiore hyeme penè intermissa, aut instaurabimus hoc vere, Deo propitio, aut amplius differemus, si iter susceperimus, de quo pridem cogitamus: id quale sit, scies, si futurum est aliquid. Recensuimus tamen etiam inter curas maximas, Suetonianas Animadversiones, ac multa adjecimus: perducta est ad umbilicum ferè editio; quia tamen & Indices, & alia quædam deerant, non curavi ad te mittere, neque ad clarissimum virum, Rittershusium nostrum, quem ut meo nomine salvere jubeas, te vehementer etiam atque etiam rogo. Vale. *Lutetia Parisiorum, a. d. x. Kalend. April. CIO IO CX.*

Inscriptio.

Viro clarissimo,
SCIPIONI GENTILI,
Jurisconsulto celeberrimi nominis,
& amico plurimum colendo.

ALTORPHIUM.

EPISTOLA DCLIX.

GOTHOFRÉDO JUNGERMANNO.

ET si de studiis tuis omnia libenter de 1610. te cognosco; quid agas, quid pares; me tamen cura de tua valetudine multò magis afficit, atque adeo sollicitum habet. Video enim morbi magnitudinem ex iis, quæ scribis: cæli omnia jam melius habere spero. Opto quidem certè, ut ita sit; Deumque oro supplex, ut pristinam *ἐνέργειαν* omnium corporis partium tibi per meritum Domini Jesu & *μεριτάτην Σωτηρίαν* restituat: magnà me curâ liberarit, qui hunc mihi nuncium attulerit. Tu interim, charissime Jungermanne, animum obdura; & æterni Patris voluntati hic acquiesce, ut confidas non posse tibi melius consuli, quàm ab ipso aut jam consultum est, aut consuletur. Plura adderem in eam sententiam, nisi scirem, veris consolationibus abundè tibi pectus esse instructum. De Harpocracione gratissimum fuit, quod narrabas. Opto quidem, ut emendatior aliqua editio aliundè prodeat; quæ non potest gratior mihi aliundè accidere, quàm à te profecta: sed malo valetudinem tuam nunc cures quàm literas. Erit, spero, tempus, cum corporis viribus recuperatis, & Harpocracionem, & alia plura nobis dabis. Jam Deus Opt. Max. velit, ut te nobis servet, ad nominis sui gloriam & literarum utilitatem promovendam. *Γένητο, γένητο.* Vale, *Lutetia Parisiorum, a. d. x. Kalend. April. CIO IO CX.*

EPISTOLA DCLX.

ANDRÆ SCHOTTO.

ACceperam librum tuum in Marcum 1610. Tullium, & jam percurreram; cum postea literæ mihi tuæ sunt redditæ. Utrumque mihi fuit gratissimum, & epistola & liber. Illa testis tuæ erga me benevolentia; hic tui in literis recti judicii, & immensæ cupiditatis bene merendi de literarum studiis & studiosa juventute. Mañte hoc animo, mi Schotte; Dominus tibi det Nestoreos annos, ut & operâ & exemplo Reipublicæ literariæ possis quàm diutissimè prodesse. Sed noli existimare, te nostris desideriis satisfacturum, nisi tuis in Cicero-nem vigiliis seriam cohortationem adjeceris, quâ probos adolescentes ad bonam mentem revoces. Vides enim, quàm frigeat hodie, & quàm parum vulgi

1610. vulgi palato sapiat ille admirandus Scrip-
tor. Te oro, incumbere in causam :
gloriosum erit tibi, aliis cessantibus oc-
cupasse hanc palmam. Omnes, qui-
bus de meliore luto Titan præcordia
finxit, laudibus te in cœlum ferent. Ego
eruditorum postremus, amore erga te
inter primos, tuum triumphantis cur-
rum sequar, *πάσαις ἐνφημαῖς σε ἐυλόγησαν*.
Nos per aliquot menses Suetonius ha-
buit, quem inter gravissimas curas re-
censuimus, uti poteramus. Adjecimus
in Grammaticos, &c. Notas. Mittam
exemplar, si erit, cui tradere queam.
Vale, mi Schotte. *Lutetiae Parisio-
rum, a. d. vi. Kalend. April. c15 15*
c x.

EPISTOLA DCLXI.

✱ GEORGIO UWENO.

1610. QUàm gratæ mihi literæ tuæ acci-
derint, doctissime Uvene, vel
illud declaraverit, quod simul ac illas
accepi, statim ad respondendum me
atque *ἀμειλλήτι* comparavi. Gaudeo, te
honore auctum; quem opto benè ac
feliciter tibi evenire; atque ut ita sit,
Deum Opt. Max. non alio precor af-
fectu atque obsecro, quàm si res mea
ageretur. Et vero igitur nisi per ludi-
brium illud veteris Sapientis quotidie
usurpamus, *καὶ τὰ πρὸς φίλων*. Nunquam
equidem dubitavi; quin vel ad præci-
puas dignitates pronus & facilis tibi
aditus tempore suo esset futurus. Ita
natus es, ut vel mediocris virtus te
potuerit promovere: ita moratus es at-
que eruditus, ut vel sine meritis præ-
stantissimi parentis, Senatoris integer-
rimi, etiam in hac juvenia omnia ma-
gna *κατὰ τὰς πατρὺς νόμους* sperare de-
bueris. Equidem utri gratuler nondum
constitui; tibine, qui in adolescentia
locum adedò honestum in tam illustri
civitate sis adeptus; an patriæ, quæ
tanto iudicio te elegit inter æquales
tuos, futurum haud dubiè (ita voveo,
ita spero) magnum sibi ornamentum.
O beatam civium virtute Antwerpiam!
O cives, prudentiâ eorum, qui civita-
tem regunt, beatos! Det vobis Domi-
nus, ut longum fruamini, patria te, tu
patriâ. Vale. *Lutetiae Parisiorum, a. d.*
vi. Kalend. April. c15 15 c x.

EPISTOLA DCLXII.

✱ THOMAS ERPENIUS
ISAACO CASAUBONO.

1610. L Iteras tuas, Vir clarissime, a. d. vii.
Idus Februar. datas, post integras

tres septimanas quàm scriptæ essent, ac-
cepi, tabellarii, ut credo, negligentia,
qui post adventum suum non rarò in-
tegram adhuc septimanam, & amplius,
ea, quæ transferenda acceperat, sibi ser-
vat: quod & postremis meis cum ta-
bulis istis accidisse video, quippe quæ
cum circa Idus Januar. datæ fuerint,
circa Nonas Februar. primum sunt tra-
ditæ. Quod autem meum illud munus-
culum gratum tibi acciderit, mirum in
modum gaudeo: utinam tanta solùm
sit ejus efficacia, ut tibi persuadeat, au-
ctorem suum tuam erga se humanita-
tem & beneficia in memoria habere, &
nihil magis in votis quàm gratitudinem
suam possè declarare. Valeant verba
tua, quibus id gratiam vis mereri. Stu-
dia mea quod attingit, varia tracto;
potissimum tamen literas Arabicas, in
quibus, divinâ gratiâ, solito versior suc-
cessu. In grammaticis autem istis nu-
gis seriò laboro, quod videam, soli-
dam earum cognitionem ad hujus lin-
guæ intelligentiam magis quàm ad ul-
lius aliæ esse necessariam; ita quidem,
ut absque ea nemo faciliè hic quic-
quam fideliter intelligere, aut in aliam
linguam transferre possit: ejus rei
abundè fidem faciat vel solius Avicen-
næ Latina translatio, in qua post tot
tantorumque virorum recognitiones
tam enormia passim adhuc occurrunt
errata, causata non tam ex ignorantia
significationum, quàm flexionum &
constructionum vocum, quæ profectò
in hac lingua sunt admirabiles; certæ
tamen & determinatæ, adeoque ad re-
gulas reducibiles, etsi non sine labore
& attenta speculatione. Ego ex assi-
dua Alcorani, Avicennæ, Geographi,
& quatuor Evangeliorum lectione præ-
stabo, quantum potero, adjutis Ara-
bicis istis Grammaticis, quibus bene-
ficio tuo utor. Spero autem, à do-
ctissimo Bedwello me & alias quasdam
accepturum; siquidem jam diu est,
quod mihi significavit, se tres aut qua-
tuor habere, inter quas non dubito
quin saltem quædam sint aliæ ab iis,
quas habeo: nondum tamen eas ab ipso
petii; nam post Arabicas meas, jam an-
te sex menses datas, nihil ad ipsum li-
terarum misi, quod hætenus singulis
septimanis avidè responsum ipsius ex-
spectaverim; at frustra, ob adversam
ipsius, quantum ex aliis intelligo, va-
letudinem. Alcorani seriam lectionem
nondum sum aggressus, (etsi eum ali-
quoties regularum indagandarum gra-
tiâ percurrerim) quod antè mihi sit
describendus, quò omnia in eo ob-
servanda commodè in Dictionarium
meum referre possim, citatis paginis

1610. & lineis; nam azoararum citatio non potest mihi sufficere, cum quædam nimis proluxæ sint, & versuum, (quos *آيات*, id est, *signa*, vocant,) ratio ita incerta & varia, ut de ea ipsi *مسطبين* nihil possint certi statuere, licet singulis azoaris eorum numerus superscribatur. Itaque necesse est, ut proprium aliquem habeam, & quam primum fieri potest, eum describam; etsi vix tantum otii sim nactus. Etenim mox post caniculares Gallia mihi relinquenda est. Quocirca eis quatuor menses isthic cogor adesse, siquidem ante discessum meum septimanas adhuc aliquot tecum cupio esse, & pro viribus meis, ut Græci tui dicunt, *ἀντιπαράγων*. Quod si tibi tunc otium fuerit & animus ad Arabicandum, minimè mihi dubium est, quin exiguo tempore plerasque ejus linguæ difficultates etiam sine tædio sis superaturus; hac tamen conditione, ut ante adventum meum, quas misi tabulas conjugationum, probe calleas; nam istæ ita subito benè edisci, & memoriæ imprimi non possunt: sunt tamen ad linguæ cognitionem imprimis necessariæ, & basis, cui tota reliqua Grammatica superstruitur; unde mirum non est, quod plusculum difficultatis & tædii habeant; quod rogo, ut ante adventum meum devores. Reliqua nullo tædio, nullo labore, vel ex ore meo facile discas. Nec hæ etiam conjugationes usque adeò tibi laboriosæ & tædiotæ futuræ sunt, si consilium meum nuperum sequaris, id est, paulatim in iis progrediaris, & posteriora ne legas quidem, antequam priora bene memoriæ mandaveris. Sicubi vel minimam invenis difficultatem aut obscuritatem, mihi id indica; quam primum tibi succurram. Ubi eas noveris, aut etiam dum eas discis, autor tibi sim, ut facilè aliquod caput Alcorani in manus sumas, & sola verba ad tabulas istas revores, reliquis omnibus neglectis. Si Alcoranus displiceat, sume Evangelia, aut caput aliquod ex Geographo nostro. Conjugationum cognitio facilè tibi puncta suppeditabit. Mihi crede, tantum videbis te proficere paucis septimanis, quantum etiam multis mensibus fortassis putas impossibile, & solidam tibi comparabis linguæ istius intelligentiam; nam his incognitis in Arabicis sudare, laterem lavare est. Mirum fortassis tibi videri potest, verissimum tamen est, solas istas chartas, quas habes, utut sunt imperfectæ, ex doctissimi Bedwelli Dictionario millia aliquot erratorum delere posse. Quocirca, mi Casaubone, per ipsas Musas Arabicas te oro, ut otii tibi aliquid sumas

ad eas legendas, ut possis eas novisse 1610. ante adventum meum, qui futurus est, ut jam dixi, ad initium dierum canicularum, quibus elapsis Genevam sum discessurus; inde post paucarum septimanarum moram, Venetias; unde Deo volente, Constantinopolim; ubi octo aut decem septimanas solùm sum commoraturus. Adhucne, inquires, iter istud in animo habes? Ecce, mi Casaubone, hæc mea insania est, huc me literæ Arabicæ adigunt: solùm nimirum librorum Arabicorum comparandorum gratiâ, & dubiorum aliquot in hac lingua ex doctis inquirendorum, molestiam istam suscipiam, nisi fortassis animum adhuc mutem, & studiis Arabicis, quamvis non usque adeo infelicitè ceptis, valedicam; quod parum abfuit, quin nuper fecerim; certè fecissem, nisi id mihi hic omnes amici mei dissuasissent. Etenim cum video, studia ista vix mihi permittere, ut seriæ alicui scientiæ, quæ me meosque cum necesse erit, alere possit, incumbam, incipiunt mihi displicere; quippe quæ non ob alium finem suscepta sunt, quam ut utilioribus & magis necessariis servire possint: unde illis tantum inhærere velle, ut ad hæc persequenda tempus vix sit superfuturum, insania esse videtur; quocirca ad me redire, & ardorem hunc meum literarum, quo ab utilioribus studiis detineor, si non penitus extinguere, saltem temperare cupio. Hanc itaque ætatem seriò literarum Orientalium studio adhuc destino, & coronidis insuper loco iter istud in Orientem: quo peracto amplius in eo laborare non est mihi animus: laborare dico, id est, seriò studere: omnino nimirum ab eo abstinere non est consultum, ne quæ tanti mihi constat scientia, negligentia meâ detrimentum capiat; sed potius subcissivarum horarum studio interdum aliquantulum adhuc augmenti. Theologiam, & quæ ei plurimum inserviunt, totis viribus urgere statui, quo Reipublicæ Christianæ fructum aliquem afferre, mihi autem viaticum in hoc itinere terrestri comparare possim. Etsi nimirum bonus Deus tantum parentibus meis benedixerit, ut etiam absque munere aliquo & stipendio satis magnificè vivere possum, ipsique id ultrò mihi permittant; rerum tamen humanarum vicissitudo, & varii casus, qui rebus mortalibus incidunt, ulterius me faciunt prospicere: quam nimirum facilè & multis modis bona ista caduca amittuntur? Huc accedit, quòd Christianum non sit, sibi soli vivere, & cum servo isto inutuli argentum acceptum sepelire. At, inquires,

1610. inquires, & literarum studia tibi & publico prodesse poterunt. Certè, mi Casaubone, maximi facio literas, ac naturali quâdam inclinatione mihi videor ad illas ferri. Sed quid est literator, nisi excellat? Quàm paucis autem id datum est! Quàm rari sunt Scalligeri & Casauboni! De me autem nihil magni sperare possum; quippe qui sciam, vel mediocritatem supra vires meas esse, nec omni conatu vel hoc me consequi posse, لاكون نذبا ذلك السيد.

Sed & quid si id possem, imò verò & excellere, quàm adhuc mihi incerta foret etiam post multorum annorum diligens studium, honesta aliqua conditio! Profectò si ejus vel exigua quâdam spes affulgeret, totum me ad annos adhuc multos literis darem, non Orientalibus modò, sed & Græcæ & Latinæ: (in quibus, proh dolor! parum præstiti, imò verò prorsus nihil sum conatus, ex quo scholam trivialem reliqui; adeò ut etiam literarum mearum ad te non parum me pudeat) at nunc, cum nullam videam, aliter studia mea instituere videtur consultum. Sed ut ad iter meum Constantinopolitanum redeam (quod velim nemini indices, ne fortè divulgetur, & consilium meum irritum fiat) id mihi non dissuadet, imò verò assuadet nobilissimus Plessæus, qui & literas mihi ultrò offert, plurimum mihi in eo profuturas. Ejus itaque consilium sequens, Venetiis Ragisium navigabo; inde terrestri itinere cum mercatoribus Constantinopolin perrecturus. At quando id sit futurum, incertus adhuc sum, quia ignoro quando mercatores soleant ire: velim occasionem sese offerre mox post adventum meum Venetias, id est, mense Novembri; siquidem cogor, reducem me sistere ad parentes meos ante Julium anni sequentis: unde, si multos menses mihi Venetiis sit expectandum, metuo, ut de isto itinere aliquid fiat. Quocirca plurimum te rogatum volo, mi Casaubone, ut, nisi grave sit, cum literas ad familiarem aliquem tuum Venetias mittis, paucis simul ab ipso petas, ut te velit certiore facere, quando iter istud futurum sit commodissimum, & quando mercatores id potissimum soleant facere, adeoque ego me Venetiis debeam sistere. Optarim quoque scire, quanto tempore id soleat confici, & quibus sumptibus, & an post octo aut decem septimanas, quàm Constantinopoli commoratus fuero, satis commodam Venetias revertendi occasionem sim nactus. Hæc nimirum omnia mihi cognoscenda sunt,

antequam Venetias concedam. Quo- 1610. circa, mi Casaubone, iterum te etiam atque etiam rogo, ut si me, si literas Orientales, quarum amore hæc suscipio, amas, in hoc mihi velis gratificari; & quàm primum aliquid intellexeris, id me certiore facere. Vale, Vir clarissime, & me tui amantissimum, ut cœpisti, perge amare. Salutant te plurimum, quibus tuo nomine salutem dixi, nobilissimus Plessæus, D. Trochoregius, & D. Benedictus. *Submarii, Kalend. April. c15 15 cx.*

Sed heus, mi Casaubone, oblitus sum monere, *آ* istud, quod in Alcorani initio & passim alibi occurrit, & in quo doctissimum Adrianum perpetuò hæsisse mihi narrasti, absque dubio esse jurandi seu asseverandi particulam, & significare, *certè, profectò*, quod tum ipse contextus passim clamat, tum Hebraicum *על* sufficienter comprobatur: quomodo ab Interprete Latino Alcorani sit redditum, nescio; cum eum non habeam; memini tamen me ex te audire, quodam loco id ab ipso explicari. Quotidie mihi apparet major Arabismi cum Hebraismo affinitas, ac tanta quidem, ut arbitrer totum penè Hebraicum sermonem secundum quasdam leges in Arabicum transformari posse, etiam ubi nulla interdum videtur esse convenientia. Credatne articulum *آ* ex Hebræorum *א* emphatico desumptum esse? Certè est; & quidem perexiguâ mutatione, eaque ipsa gravibus de causis institutâ. At nunc id longum foret declarare: eoram, Deo volente, id cum aliis multis fiet commodius. Opusculum aliquod de Linguarum Hebrææ, Aramææ, & Arabicæ affinitate meditor, in quo multa in singulis observari dignissima notabuntur, & plurima Veteris Testamenti loca dubia determinabuntur, & obscura explicabuntur. Dabo operam, ut antequam hinc discedam, totius Grammaticæ Arabicæ compendiosum aliquod *σύγγραμμα*, præcepta maximè necessaria breviter & methodicè comprehendens, conficiam; quod si luce judicaveris dignum, dabimus id Lebæo, qui id à me petiit imprimendum, unâ cum libro Proverbiorum & Scholiis grammaticis in eundem, ut habeant studiosi ejus linguæ, quos multos ubique esse comperio, omnes de defectu Grammaticorum conquerentes, quò se promoveant, donec à me, aut aliis me peritioribus absolutius aliquid accipiant. Non nimirum est mihi animus, in illud compendium omnia præcepta grammatica, ne ea quidem, quæ

1610. nunc in promptu habeo, referre, sed generalissima solum, & maximè necessaria; reliqua omnia ipsi operi grammatico, in quo universalis & particularia quæque diligenter sum expensurus, reservans. Nunc nimirum ea omnia ob temporis angustiam expedire vix queam: nec etiam consultum videtur, principio tam multa discentibus proponere, ne absterreantur: præstat, generalia & magis necessaria primo proponi, quibus bene cognitis, postea specialia & subtiliora subjungantur, ut prudentiores in Hebraica & Græca facere solent. Velim autem, cum Lebræum videris, nisi molestum est, ex eo quærare, quando putet se impressionem posse inchoare. Optarem ego id fieri posse mox post adventum meum, id est, ad initium Augusti: citius nolim, quod ad orthographiam absolvendam libri quidam isthic mihi adhuc consulendi sint. Nescio autem, an typos notarum arithmeticarum habeat, quæ quidem non videntur negligendæ; quod cum mone, si placet. Tabulas istas conjugationum, si avet videre, potes ei ostendere: nolim tamen, ut ille, aut quisquam alius eas describat; quia imperfectæ adhuc sunt & recognoscendæ, & ne fraus mihi aliqua fiat. Iterum vale.

EPISTOLA DCLXIII.

THOMÆ ERPENIO.

1610. **M**irabar nihil me literarum à te accipere, & verebar ne meæ perisissent, quibus de misso munere gratias egeram. Itaque scripturus iterum eram, cum mihi tua Epistola redditur, eò gratior mihi, quò prolixior, hoc est, amoris prolixioris testimonium. Rem mihi gratissimam facis, charissime Erpeni, cum de tuis rebus & studiis eà familiaritate mecum agis. Omnium amicitia fructuum, qui multi sunt & luculenti, hic mihi videtur esse vel suavissimus, habere quicum consilia tua communices. Mihi verò longè fuit, & semper erit jucundissimum, quia in te tuum occupes ingenium, ex literis tuis cognoscere. Video autem te consilium, quod multò antè suscepisti, fortiter urgere, neque propositum mutare. Laudo constantiam, & quantum possum, te hortor, ut maneat in sententia, neque ab illa te avelli ullà ratione sinas. Debes certò statuere, & ἀποφασίζω factum, ut ad hoc genus literarum appelleres animum: facit fidem operis successus, & illa ipsa, quam ex his literis capis, voluptas. Nemo dubitat sanus, rem esse omnium φιλομαθῶν votis expetendam,

ut ad linguæ Arabicæ illustrationem 1610. aliquis se accingat, cujus opera τὰς φιλάρετων, possit esse usui & emolumento. Conjice oculos in quamcunque volueris orbis Christiani partem, neminem invenies, qui in iis literis eam viam sit ingressus, quæ sola ad finem propositum perducere est idonea: de Christianis hominibus loquor, quorum nomina & conatus nobis innotuerunt. οἱ τριμύνη Scaliger nos simul & spem nostram destituit. Bedwellus, vir doctissimus, ita lentè procedit, & cursum studiorum cum tenuit, ut quid de eo sperare queamus, nesciam. Ille Germanus, qui tanto cum strepitu se commoveret, συνίκη est Παναγία, quod tu omnium optimè nosti. Itali postquam in spem magnam nos erexissent, repentè nos deseruerunt. Tu unus es omnium, qui futuri, volente Deo, ædificii fundamenta jecisti firma & solida. Noli spem nostram fallere, neque dubita, vel alibi terrarum oblatum iri aliquam occasionem cum publica utilitate & tua, hæc nobilissima studia excolendi. Denique Spartam ἐλαχισ, πάντα κόσμος, aderit Deus inceptis. Quod spem celeris reditûs facis, beas me, arque utinam Dominus daret, non paucos menses, ut ais, sed plures annos unà vitam posse degere. Spero, te, cum venies, intellecturum, quanti tuum nuperum munus fecerim. Etsi ita occupati vivimus, adeò vexati, καὶ ὑπὸ ὁμόδοξων, καὶ ὑπὸ ἐπιδόξων, ut amici & familiares affirmant, in dies me canescere. Omnino propter multas causas acerba mihi vita est. Si unà effemus, effunderem in sinum tuum, quæ me angunt. Unicâ spe sustentamur, quam in Dei Opt. Max. bonitate, benignitate, & clementia semper posui, & nunc cum maximè pono. Quæ scripsisti de voce Alcorani **هنا**, lubens legi; neque adducor difficile, ut tibi assentiar: neque longè abest **هنا** ab **هنا**. In Latino Alcorano quadam de ea voce notata sunt, quæ puto **هنا** potius quàm certa. Si quid isthic scripseris, quod editum velis, spero Lebræum votis nostris satisfacturum. Sed valde cuperem, de Proverbiis Arabicis te cogitare; nam in editione variorum Scaligeri libellorum, qui hic cuduntur, constitui fidem tuam pariter & meam obstringere. Tuæ partes erunt, videre ne homo falsus jure dici queam. Opto scribas ad me, quàm sæpissimè facere poteris. Sunt in hac urbe, qui de instauratione literarum seriò cogitent: poteram in eo negotio magnum locum obtinere, nisi ea causa obstitaret, quam nosti. Sed poterit fortasse fieri, ut tuis literis

1610. literis honestus sit in hac Academia locus. Verum hæc nondum parata sunt. Vale, amicissime Erpeni, & bene rem gere. *Lutetiae Parisiorum, a. d. VI. Eid. April. CIO IO CX.*

Agam cum Lebæo de iis, quæ desideras.

EPISTOLA DCLXIV.

✠ JACOB O,
MAGNÆ BRITANNIÆ,
SCOTIÆ, &c. REGI.

Rex Maxime,

1610. ET ex sermonibus multorum, & nonnullorum etiam literis cognovi, Majestatem Tuam adeo mei memoriam in sublimi fastigio suo, & diuturno meo silentio non posuisse, ut nonnullam etiam aliquando significationem dederit, si me casus aliquis isthuc deferret, non ingratis sibi eam rem futuram. Agnosco etiam hic, Rex maxime, divinam illam Majestatis Tux benignitatem, & omnibus numeris absolutam virtutem, quæ etiam apud exterarum gentes immortale gloriæ decus nomini tuo pepererunt. Tantum enim Principem, tam admirabili doctrinâ instructum, tantâ doctissimorum virorum copiâ circumfusus, etiam mei, propter nescio quid literularum, dignari meminisse, & rationem aliquam habere, *χαρισμένη* cujusdam propè inauditæ mihi quidem specimen videtur. Utinam superi faxint, contingat aliquando mihi facultas, luculento aliquo testimonio declarandi, quâ devotione animi, quâ admiratione Tuam ipsæ Majestatem venerer, & tacitus apud me, apud omnes prædicatione assiduâ multos jam annos colam! Si nihil possum aliud, illud unum constanter usurpabo, ut Deum Opt. Max. obsecrare pergam, quò magis magisque imperium tuum in dies firmet; ac laboribus, quos pro ipsius Ecclesiæ generosissimâ mente sustines, propitius benedicat. Macste animi, Rex sapientissime & *φιλότιμος* ingens & arduum tu quidem certamen certare instituisti, sed majus te operæ tuæ & omnium ærumnarum manet præmium. Habes brabeutam Deum ipsum, habes spectatores omnes Europæ viros bonos, quorum alii palam, alii in sinu faustis omnibus tua incepta prosequuntur; cuncti, ut Ecclesiæ causam semel susceptam ne deferas, omnibus votis optant. Quo super negotio quia diu multumque propter præsentem conditionem meam fuit mihi cogitandum, & cum multis utriusque hominibus gravissimis agendum, optavi persæpe, Majestatis Tux sensus

omnes propius cognoscere, & quæ mihi in mentem veniebant, posse eidem communicare. Feceratque adeo ista cupiditas, ut excurrendi isthuc consilium ante aliquot menses inirem. Quod in præsentiarum exequi quum non possem, exspectabo occasionem aliquam, si quam fortè Dominus mihi fuerit daturus. Atque interim pro ea benevolentia, quam erga me non semel, ut audio, declarasti, gratias Majestati Tux, si minus, quas debeo, (neque enim possum) certè quantas possum maximas & habeo, agoque, & dum ero, habebō, atque agam indefinenter. *Lutetiae Parisiorum, a. d. XII. Kalend. Maj. CIO IO CX.*

EPISTOLA DCLXV.

DANIELI HEINSIO.

POSTquam Polybium ad te misissem, 1610. præstantissime Heinsi, quinque ipsi menses sunt elapsi, priusquam aliquid literarum à te acceperim. Non nego, mirum mihi esse visum istud longum adeo silentium. Erras enim profecto, si putas, literis tuis posse aliquid mihi accidere jucundius. Amote, & semper amavi medullitè, ex quo tuorum scriptorum gustum primum cepi: tum autem candor ingenii tui ita me delectat, ut soleam ex recordatione mutui nostri amoris incredibilem quandam percipere voluptatem; quum præsertim Heinsii mei in mentem venire nequeat, ut non simul augusta magni Scaligeri species mentis meæ oculis sese offerat. Juvat meminisse, quod ne te quidem oblitum puto, tanti Herois auspiciis nostram amicitiam & primum coaluisse, & incrementa etiam postea accepisse. Quare vel hoc solo nomine certum apud me est, in conjunctissimi fratris loco te mihi semper esse habendum; neque aliter de tuis studiis mihi fas esse judicare, quàm ut ille vir divinus prævit. Hæc, mi dulcissime Heinsi, ratio est, cur soleat mihi exspectatio tuarum longior molestiam afferre & *τὴν τύχην*. Ipse, si isthic essem, dies totos tecum ponerem: nunc à te disjunctus, si occasiones suppeterent, quotidie ad te scriberem: tu enim mihi jam Scaliger & Heinsius es: *καὶ μῦτα μὲν ταῦτα*. Polybium tibi non planè displicuisse, miror; qui sciam, quantis conflictatus doloribus & *ἀμυχάναις* fuerim, dum id opus habui præ manibus. Equidem ad Commentariorum novum genus, audebo dicere, me comparaveram, & de eo incepto spem non mediocrem concepe-

1610. cepcram; nisi vis major ab iis studiis me planè depulisset, & in diversissimo genere literarum omnem me operam meam, omnem industriam & omne tempus meum collocare compulisset. Itaque jacent Polybianæ μελέται. de quibus post ejus Auëtoris editionem an semel, aut iterum cogitaverim, non satis scio. Nuper etiam à Typographo coactus Suetonianas Animadversiones recensere, vix paucas nancisci horas potui, quas illi curæ impenderem. Nondum ea editio est absoluta; quæ si ad umbilicam fuerit perducta, mittam ad te unum exemplar, magis adeo instituti tenendi causâ, quàm quòd tuis oculis dignum opus censeam: et si non pauca sanè à nobis sunt adjecta. Ego verò quas tibi pro tuis muneribus gratias agam? Horatium simul acceptum statim devoravi. Non possum verbis exprimere, quantæ voluptati mihi fuerit illa eruditissima dissertatio, quâ περ ἀρχαῖα tuo Poëtæ ivisti assertum. Per me quidem, τὸ εὖ καὶ τὸ ἀληθὲς νικάτω. neque ego is sum, qui meas sententias κυρίας δεχας putem: quin potius scito, ac tibi persuade, ὅτι ἐμὲ εἰς ἰωνίους ἀρχαῖας ἀμύνεω, καὶ ἀληθείας. Hanc ipse neque in magna re, neque in parva sciens prodam unquam. Quæ de transpositionibus apud summos Scriptores commissis primus observasti, Lectoribus tuis conjiciendum relinquent, quàm multa à te, nemini dum mortaliū observata, possint sperare. Det tibi, Vir eximie, Dominus Jesus & vitam longam, & omnia vitæ ac studiorum necessaria subsidia ad illam ornandam Spartam, ἢν λελογχέναι σὲ θεοῦ. certa res fidem facit. Accepi & tua Poëmata, δῶρον παραφέεσται, pro quo ingentes ago tibi gratias. Legi etiam, quæ in Nonnum scripsisti; legi, & judicium probavi: ut de eruditione taceam, quæ in omnibus tuis scriptis admirabilem se prodat. Vale, suavissime amicorum, & me ama. *Lutetie Parisiorum, Kalend. Maj. c15 15 cx.*

Doluit nobis, quod ad editionem libellorum & epistolarum Josephi Scaligeri nihil conferre volueris. Ipse scripsit olim ad me, sibi consilium esse, edere aliquando disputationem *de Re nummaria*. Aut mitte, aut ede. Hoc ego per omnia amicitiae jura à te peto. Poëmata si miseris cum tua Præfatione, curabuntur: sed habenda fuerit loci ratio.

EPISTOLA DCLXVI.

JOANNI RUTGERSIO. ✱

PRIoribus tuis in me beneficiis magnū addidisti cumulum, Vir eruditissime, missis muneri imaginibus elegantissimis Julii Cæsaris Scaligeri, & filii Josephi; quos ego viros quantā veneratione colam, quum non ignores, simul illud per te intelligis, eo munere nullum potuisse mihi accidere gratius, aut παραφέεσται. Ago tibi, & pro hisce imaginibus, & pro facundissimi Baudii pulcherrima Oratione, grates gratissimas: dicerem me relaturum, si possem ex meis copiis paria tecum facere. Sed novi ego memet, neque eorum pretium ignoro, quæ ab ingenio meo profisciscuntur. Quanquam ne planè ingratus audiam, mitto tibi, aut mittam certè cis dies paucos, Animadversiones in Suetonium meas, nuper hic editas, & quantum per gravissimas curas licebat, non parum auctas. Liber dudum est absolutus; sed Indices restant edendi. Ipse Auëtoris contextus ante multos annos Genevæ fuerat impressus; sed à Parisiensi mercatore emptus, ut possent hic meæ Animadversiones edi. Spero me aliquot exemplaria Suetonii venerando Pastori, qui illustrissimos Legatos vestros comitatur, esse traditurum: neque dubito, ipsum illa cum fide esse curaturum. Characteres Theophrasteos curatè recensere institueram; sed me ab eo incepto & ab uno isto genere literarum cura gravior revocavit, per quam neque Polybium attingere mihi licuit multos jam menses, neque ad amœniores Musas vel saltem obiter oculos deflectere. Omnino vis major fuit, quæ me consuetum studiorum cursum mutare ἐξ ἀνάγκης compulit; qua de re scribam ad te, uti spero, plura aliàs. Beasti me nuntio de opere à te instituto, quo vitam & obitum τῷ μακαρίῳ Scaligeri explicandam. Non potuisti argumentum eligere, hoc elegantissimo tuo ingenio magis dignum. O perge, amabo, & quod instituisti, perfice. Sed me illud malè habet, quod neminem video, qui in hoc proposito possit te adjuvare. Nam quum partem vitæ majorem ὁ μακαρίτης in Gallia egerit, optarem tibi penitus esse nota atque perspecta, quæcumque eò pertinent; sed cujus operâ id consequi possis, equidem non video. Thuanus ὁ μέγιστος multa poterit, opinor, suggerere; quæ, si vis, exquiram diligenter, & tecum statim communicabo. Egi etiam cum Putea-

1610. Puteanis fratribus, ut de ea re seriò cogitarent, & quæ nota habent, in chartam conjicerent: eo quidem magis, quia pater eorum cum Scaligero ita familiariter vixit, ut nemo magis: quin etiam habent illi ingentem Epistolarum numerum, quas ad ipsorum parentem ipse scripsit, ex quibus videretur nonnulla ἀξιωμακόνευστα posse cognosci. Ea ne te fugiant, per me sedulo curabitur: neque sanè quisquam est ex omnibus mortalibus, qui memoria τῶν Σκαλαγιδῶν plus faveat, quàm Puteani omnes fratres, doctrinæ & probitatis eximie viri, faciunt. De loco Horatii quòd monuisti, gratum est; & in meo codice adnotabo, quæ scripsisti. Nos scito nihil mediocre à te expectare; eò impensius Deum oramus, ut te literis & Reipublicæ servet. Vale. *Lutetiae Parisiorum, Kalend. Maj. c10 10 cx.*

Nisi grave est, peto à te, ut D. Petro Scriverio, viro doctissimo, meis verbis salutem nunties.

Inscriptio.

Ornatissimo, & longè
eruditissimo Viro,

JOANNI RUTGERSIO,
amico honorando.

LUTET. PARIS.

EPISTOLA DCLXVII.

JOANNI MEURSIO.

1610. **B**onorum amicitias debere esse æternas, scitum est τῶν πάλαι σοφῶν. Mihi tecum, Vir doctissime, à multis annis amicitia est instituta, quam cupio perennem manere; & te idem quoque non nolle, singularis tua mihi spondet virtus. Eò magis sum equidem admiratus, te, postquam isthuc rediisti, nihil quicquam literarum ad nos misisse; certè nullas ipsi accepimus: quod non excusandi mei causa dico, qui in eadem culpa versor; sed quia reverà ita est. Ego sedulo omnia de te percontari non desino; qui etiam Deum oro obsecroque, ut te servet incolumem, & omni bonorum genere cumulet. Quod si aliquam mei rationem tibi esse habendam putes, opto de tuis rebus & studiis ex literis tuis cognoscere; quid edideris, postquam domum es reversus; quid mox, quid postea sis editurus. Equidem Glossarium μὲν ὁ βάρβαρον tuum quàm primùm à te publicari, vehementissimè cupio: deinde quæcunque habes, quæ ad Tacticos Scriptores pertinent. Sed non est mei pu-

doris, leges tuis studiis ponere. Vale, 1610. & me ama. *Lutetiae Parisiorum, Kalend. Maj. c10 10 cx.*

EPISTOLA DCLXVIII.

PETRO CUNÆO.

Diu est, Vir eruditissime, ex quo 1610. tuum mihi nomen innotuit, & singularis doctrina & τῆς ἑλληνικῆς παιδείας ἀκρίβης ἑμπειρία. Nam quum aliquot Græca tua epigrammata in oculos meos incurrissent, advertit me singularis elegantia & puritas dictionis, ut non antè quiescerem, quàm de te & tuis studiis eos, qui isthinc veniebant, sedulo essem percontatus. Omnes ea narrabant, quæ me facilè tibi conciliarent: neque enim dubitabam, ut sermones eorum erant, præclarum aliquid in literis esse ab hac indole tua sperandum. Itaque ut primùm in manus meas liber tuus * pervenit, quem mu-
neri ipse misisti, dici nequit, quantà cupiditate ejus lectionem inchoaverim; cupiebam enim mirificè cognoscere, ecquid falsus judicii fuissem, an conjecturam animi mei exitus comprobaret. Non diu anceps fui. Ipse titulus operis tui ad majora etiam speranda me statim erexit. Nam versus facere, libros Veterum interpretari, aut simile quid præstare, (quæ hodie juventutis studiosæ solent esse specimina,) longè minus est, quàm de magni nominis Vate sedere judicem, & quæ alii in eo miracula, culpas meras esse, rationibus evincere. Planè rem magnam ausus es, mi Cunæe; qui si efficere, quod institueras, non potuisses, vel egregiæ tamen voluntatis causâ & exempli, omni laude dignus eras futurus. Nunc, re adeò feliciter gestâ, quæ mereris encomia? quas ἐὺφρομίας eorum, qui tam eruditum scriptum cum fructu suo legent? In his ego nomen profiteor meum, qui ingenuè profiteor, à tuorum lectione & meliorem me discessisse & doctiorem. Perge, quo cœpisti, pede; & magnum Scaligerum pro tua virili redivivum nobis præsta: nam illius te secutum esse judicium & exemplum, non ambigo. Vale. *Lutetiae Parisiorum, Kalend. Maj. c10 10 cx.*

* Petri
Cunæi
Animad-
versiones
ad Nonni
Dionysia-
stica.
Colomel.

EPISTOLA DCLXIX.

JOANNI MEURSIO.

CUm ante dies ferè tredecim literas 1610. ad meos isthic amicos darem, à quibus acceperam, etsi nullæ mihi fuerant

1610. rant à te redditæ, non abstinui tamen, quin aliquid ad te exararem, saltem ut constaret tibi de mea in amore tui constantia. Iisdem literis te hortabar, ut Glossarium *μὲν ἑξ ἑσπερίων*, quod sciebam à te parari, ederes in vulgus, & nos tanto munere beares. Accidit post tertium quartumve diem, ut è nundinis Francofurdienfibus qui revertebantur, non spem tui libri, sed rem in hanc urbem afferrent. Quod ubi rescivi, nihil habui antiquius, quàm ut unum mihi exemplar compararem; atque illud statim etiam inter gravissimas, & toto genere diversas curas devorarem. Vix me voti mei compotem feceram, cum illustis Legatus, Dominus Mylius, jam propè ad reditum accinctus, misit ad me tuum luculentissimum, clarissime Meursi, munus; pro quo gratias & habeo, & ago tibi immortales. Satis erat, quòd me, ut *τῶν πολλῶν ἕνα*, cum cæteris omnibus literarum studiosis, æterno devinxeras beneficio, editione tam præclari operis. Sed hoc parum tibi visum, nisi publicæ obligationi adjiceret & privatam. Dabo operam, *οὐκ οὐκ*, ne ingratus moriar; & jam expecta novam Suetonii editionem cum Animadversionibus nostris. Volui tradere aliquot exemplaria venerando Uttenbogardo: sed nondum extrema manus erat libro imposita, licet Francofurtum fuerit delatus. Habebis, spero, brevi. Scito autem, incredibili voluptate me esse affectum, quando vidi, voces Ecclesiasticas à te esse & collectas & expositas. Utinam de hujusmodi rebus tecum possem colloqui! Sed de his aliàs. Deus te servet. Vale. *Lutetia Parisiorum, Eid. Maj. c15 15 cx.*

EPISTOLA DCLXX.

✠ JOANNI UTENBOGARDO.

1610. CUM à nobis discessisti, erat mihi constitutum, Vir venerande, quia nullum mihi in urbe datur vacuum tempus, rus secedere, & sacra studia seriò aliquantisper meditari. Scis enim quæ me cura exerceat, & somnos mihi eripiat. Vix cœperam otio jucundissimo frui, cum perculit me horribilis nuntius de parricidio, quo Rex maximus, Mæcenæ meus optimus, benignissimus & clementissimus, terris est ereptus. Incredibile dictu est, quantum ille teterimus casus doloris, mœroris & luctûs mihi attulerit. Si non tangeret me, quæ maximè tangit, publica hæc calamitas, propria certè, quam ipse feci jactura, tanta est, ut videar posse dicere, omnes mihi candidos occidisse soles; amisi

enim, quod nunquam *ἂν ἐν ἐνέριμ* sum 1610. recuperaturus; herum, dico, bonitate, comitate, humanitate inter omnes Principes insignem & admirabilem. Ille me multos jam annos ita indulgenter habuit, ut prædicare ipsius merita erga me satis nequeam. Quod si per Religionis causam non stetisset, magnis opibus ab ipso fuisset donatus. Has ego quum forti animo, (Deo sit laus,) semper repudiarem, non propterea destitit benignissimus Princeps, & amare me, quod sæpe verbis est professus, & concessa semel liberalitate me fovere. Sed hæc prius fuerunt: nunc quis me status sit excepturus, *οὐκ ἐν γένει καὶ ταῖς*. Ego certè quid facturum sim, nondum constitui: illud unum certum est, Deum sequi præeuntem; neque ab ejus voluntate, quæ quum cognita mihi fuerit, unquam recedere. Scito autem, in eo studio me nunc esse, de quo tecum egi; sed quæ promiseram me missurum, non possum adhuc mittere. Faciam brevi, Deo propitio; quem toto affectu veneror, ut mala Ecclesiæ suæ, qui potest solus, velit sanare. Me, ne quid dissimulem, hæc tanta diversitas à fide veteris Ecclesiæ non parum turbat. Ne de aliis dicam in re Sacramentorum à majoribus discessit Lutherus; à Luthero, Zwinglius; ab utroque, Calvinus à Calvinio, qui postea scripserunt. Nam constat mihi & certissimum est, doctrinam Calvinii de Sacra Eucharistia longè aliam esse ab ea, quæ in libro viri observandi Molinei nostri continetur, & quæ vulgò in Ecclesiis nostris auditur. Itaque Molineum qui oppugnant, Calvinum illi non minus objiciunt, quàm aliquem è veteribus Ecclesiæ Doctorebus. Si sic pergimus, quis tandem erit exitus? Jam quòd idem Molineus, omnes Veterum libros suæ doctrinæ contrarios respuit, ut *ὑποβολιμαίως*, cui mediocriter docto fidem faciet? Falsus illi Cyrillus, Hierosolymorum Episcopus; falsus Gregorius Nyssenus, falsus Ambrosius, falsi omnes: mihi liquet, falli ipsum, & illa scripta esse verissima, quæ ipse pronuntiat *ψευδὲς πῖγραφα*. Sed hæc pluribus aliàs; raprim enim ista exarabam, datâ repente occasione. Vale, præstantissime Vir, & contractæ nuper inter nos amicitiae memorem te præsta. Amplissimum virum, Dominum Mylium, & amicos, quibus literas à me attulisti, verbis meis, nisi grave est, saluta. Scito me tuas expectare, & quidem uberrimas literas. Iterum vale, & festinationi meæ ignosce. *Ad urbem, a. d. vii. Kalend. Jun. c15 15 cx.*

EPISTOLA DCLXXI.

CORNELIO VANDER
MYLE.

MONSIEUR,

1610. **C**elui qui vous rendra la presente, est un mien amy*, homme docte, fils d'un Conseiller de Toulouse, grand personnage: icelui allant voir vostre pais, a desiré avoir accès aux gens d'honneur par ma recommandation. C'est pourquoi je lui ay donné ce mot de lettre, pour vous prier que vel meo nomine amicitia tua dignum ipsum judices. Spondeo, fore nunquam, ut te humanitatis tuæ pœniteat. Is tibi narrabit & publicum rerum hîc statum, & meum etiam privatim, si facis tanti, ut scire velis. Ego post obitum optimi Principum, Mæcenatis mei indulgentissimi, mœrendi & lugendi finem nullum facio. Deum immortalē, in quæ tempora incidimus! Princeps mortalium clementissimus, optimus, tanto scelere potuit perimi? Vix præ dolore sum apud me. Oro venerorque Deum Opt. Max. ut auctores immanitatis hujus malos malè perire velit faxitque. Je le supplie aussi qu'il veuille garder les gens de bien, & vous, Monsieur, particulièrement, à qui je suis, & serai toute ma vie,

MONSIEUR,

Vostre humble & affectionné
Serviteur,
IS. CASAUBON.

A Grigni, près Paris, ce 27.
May, CIO IO CX.

Avec vostre permission, je salueray icy Monsieur Utenbogard, auquel j'escri-
vis il y a cinq jours, & bailly les lettres à Monsieur Aarsen.

EPISTOLA DCLXXII.

DANIELI HEINSIO.

1610. **Q**ui hæc tibi reddidit, præstantissi-
me Heinſi, amicus meus † quum sit, venire isthuc sine meis ad te noluit. Existimat enim, posse me illi ad tuam amicitiam fores aperire; atque adeo me, ut id facerem, opere magno oravit. Non utar longis ambagibus, illud serio tibi confirmabo, dignum esse tuâ & omnium eruditorum amicitia, qui amplissimo patre prognatus, eruditionem tanti facit, tantum amat, ut notitiâ virorum doctorum nihil habeat vel optatius, vel charius. Is te propter merita in Rempublicam literariam tua ita

† Philip-
pus Man-
facius.
Colomel.

colit, ut nihil supra. Quare non dubi-
tabis, si quid mihi tribuis, tuâ dignum
esse amicitia. Ex eo intelliges, quàm
nunc afflictus sit meus status; qui Mæ-
cenatem amisi, cui parem nullum un-
quam sum habiturus. Itaque, mi Hein-
ſi, occiderunt omnes mihi candidi so-
les; neque aliud mihi restat, nisi ut
squalidus & caræ amicitiarum mei opti-
mi, clementissimi & indulgentissimi
Mæcenatis mortem lugeam. Lugebo
certè & mœrebo tanti Principis calum,
dum terras colam. Omnino par scelus
nunquam est editum. Caterum arcana
Dei scrutari desino. Vale, & me ama;
& brevi expecta editionem libellorum
& maxime sermonis *. Grynici, a. d. * Scaligeri.
vi. Kalend. Jun. CIO IO CX.

Clarissimos viros, D. Baudium, Ber-
tium, Scrivarium, Rurgerſium, &
Cunæum meis verbis salutes velim. Mit-
tam brevi ad omnes exemplaria libri
Scaligeri. Opto etiam scire, uti valeat,
& quid agat clarissimus & longè doctis-
simus D. Vulcanius; cui salutem meis
verbis nunties velim. In hoc secessu
scito comitem te adesse mihi; attuli
enim inter paucos libros Horatium
tuum; quem, id est, quæ in eum scri-
psisti, ego & Josias Mercerus, Joan-
nis filius, vir maximus, magna cum
admiratione doctrinæ tuæ legimus, re-
legimus.

EPISTOLA DCLXXIII.

ISAACO CHABANÆO.

Non malè nuper, cum ad te scripsi, 1610.
operam posui: videor commovisse
te, & diligentiam tuam excitasse.
Hoc mihi testata est tua Epistola, &
Latinè scripta, & non invenustè. Gau-
deo, tibi grata esse mea officia. Qui
te complectar charitate patris, video
lubens te mihi præstare officium filii.
Scit ὁ καρδιογνώστης Θεὸς ὅσα ἐμὴ χάρις ἀ-
ποδοῖς γίνεται ἢ σὶ περικλή. Ὅτι μὴ γὰρ
ἐπιθυμία μόνον ἔχει, ἀλλὰ καὶ τὸν ἐμὸν ἰσχυρῶς,
τῇ πρὸς τὸν Θεὸν εὐσεβείᾳ; καὶ παντοδύναμει
δύναμις ἐν τοῖς ἐμὲ λόγοις ἀπερρίπτει. ἢ γὰρ ἐν
τοῖς ἀνθρώποις θεοσεβείας σθεασμὸς πρὸς τὴν
σοφίαν καὶ πολυμαθείας πεδυνόπρην. ἔχ
ὅρας ὅπως αὐτὸς ἐπὶ τρέπων ἀγνεία, φέβῃ κυ-
ρίᾳ; καὶ τῶν μαθημάτων γνώσει ἐπίσημῳ αἰγί-
ῳ, καὶ οἱ λαοὶ δακτυλοδεικτεῖσι, καὶ ἐρχόμενοι
ἀνὰ ἄστυ Θεὸν ὡς εἰσρόωσι. τὸ δὲ μέγιστον,
μυθὸς βίβας ἐν ἑρανοῖς ἀπὸ κειται τοῖς ἐν
καλῶς βιωμένοις. Sed hæc obiter.
Unum est, quod te volo, mi Isaace.
Non clam me est, multos isthuc multa
de me garrire, & amicos & inimicos.
Scis quid intelligam. Volo tibi sit per-
suasum, cum esse me; qui sermonibus im-

1610. imperitorum non movear: constat mihi facti mei ratio. Testor Deum immortalem, nullā me levitate ad has cogitationes impelli. Una est, sola est, *μὴ ὑπόψιν*, inquam, est veritas, cuius studio ducor: hoc exitus, volente & faciente Deo, certò probabit: res ipsa pudorem incutiet temerè garrientibus, hominibus imperitissimis earum rerum, de quibus loquuntur. Hoc unum peto à te, ut cū erit occasio, affirmes, tibi satis exploratum esse, *τὴ χεῖρά καὶ κατὰ* nihil apud me valere; valere veritatem, cui det Dominus Jesus litare. Vale. *Grynici, a. d. vi. Kalend. Jun. c10 10 cx.*

Vide, ut libri, quos peto, & inveniantur in museo, & contra pluviam muniantur. Epistolas sepositas obsignabis, & reddes illi, qui veniet quæsitum. Ex sunt sex.

EPISTOLA DCLXXIV.

CLAUDIO SALMASIO.

1610. **T**arditatem responsi hujus, doctissime Salmasi, excusabunt apud te partim occupationes meæ, partim, si quando vocabam, tabellarii inopia. Nam Gilbertus noster, ut scis, longè cubat; neque occurrebat temerè alius, qui id oneris in se reciperet. Ita evenit, ut qui tunc siluerim, cū minus tristis eram, nunc cogar inter gravissimos animi cruciatus te compellare. Causa infandi doloris mei est parricidium nuper admissum in sacro capite *. O scelus! ô technas diaboli! ô maculam nomini Gallico inultam! Adeone *ἔρρετ πὶ καλὰ*, ut reperiri potuerit tantæ immanitatis homo, aut monstrum potius hominis, qui tanti parricidii crimine sese impiaret? En, mi Salmasi, in quæ tempora devenerimus! maximus Principum, qui terras colunt, à vilissimo & nequissimo bipedum est terris ereptus. Patria infelix quantam accepit plagam, omnes intelligunt, moerent omnes boni: ego hoc amplius, Mæcenatem amisi, herum amisi, cuius benignitatem, indulgentiam & comitatem adversum me satis prædicare, ne si maximè quidem velim, queam. Itaque angor, mi Salmasi, atque animi vehementer crucior. Te quoque non dissimili dolore affici, nullus dubito. Gemunt in urbe omnes ordines, omnis ætas, omnis domus: nemo tam rudis est rerum, quin acceptæ calamitatis magnitudinem sentiat. Aderit tamen, spero, Dominus, & labantem patriam præsidio suo fulciet: magnum benignitatis divinæ pignus habemus, cū om-

* *Rege
Henrico
IV.*

nes Principes & Procures ad salutem 1610. Regni procurandam videmus consentire. Omnino *ὡς δὲ ἡ Κυρία ἐγίνετο αὐτῇ* respondeant modo posteriora primis, quod & futurum confidimus, Deo propitio. De erudita Epistola, quam à te accepi, noli expectare, ut gratias tibi agam: publicè id libentius faciam; si tamen dabit Deus, aliquid amplius edere: nam status meus nunc quidem incertissimus; sed Deo me totum permitto, qui te servet, doctissime & amicissime Salmasi. Patri tuo multam à me salutem. *Lutetie Parisiorum, Kalend. Jun. c10 10 cx.*

EPISTOLA DCLXXV.

DANIELI HEINSIO.

ITa vivam, suavissime amicorum, ut be- 1610. nignitatem naturæ tuæ sum admiratus, quando literas legerem, quas ad me scripsisti post funestum de morte magni Regis nuntium acceptum. Ita enim in illis tui erga me amoris vehementia, tua de me & meis sollicitudo sese probebat, ut etiam inter dolores meos gaudium ex ea non mediocriter viderer mihi capere; cepisse enim non audeo dicere, qui post illud teterrimum parricidium dolendi, gemendi, flendi nullum finem facio. Nam quis luctui mederetur, amisso Mæcenate; sed privatam causam omitto, Rege amisso, cui nescio an ulla ætas ventura similem unquam sit visura? Non si omnia maxima ingenia concurrerent, & vires suas experirentur in laudando eo Principe, ad veram tamen & debitam laudationem exprimendam non suffecerint. Fateantur hoc omnes, qui viderunt, necesse est; nos utique, qui tot annos illo Mæcenate usi sumus, aliter neque sentire, neque loqui possumus. Et est tamen inventus parricida tantæ immanitatis, qui Patrem Patriæ perimere sustineret? O tempora! ô mores! Quod maximè dolco, illud est, tanti Regis mortem non vindicari, ut par erat. Scitur, quorum doctrina fatalis illi fuerit: scitur, quorum consiliis Reges & Principes occidi soleant: scitur, quid in posterum ab eodem genere hominum sit expectandum: & stertimus tamen, neque, ut par erat, excitamur. Angor animi, & plus quàm exprimere verbis queam, mens mihi cruciatur. Neque verò putes meæ salutis & fortunarum mearum respectum me habere: non illud est, quod me sollicitat, & noctes insomnes cogit agere: sed publicâ moveor calamitate, & metu ac sollicitudine pro domo regia, quæ si cui vi-

1610. tā suā charior non est, illum ego bonum civem nunquam habebo. Scito autem, afuisse me urbe, quando horrendus ille casus accidit; qui ubi primum rem cognovi, (cognovi autem post paucas horas) non adeo de uxoris charissimæ & liberorum salute fui sollicitus, ut non mens tota in cogitatione de Rege occuparetur. Veni mox in urbem, ut quicquid bonis futurum esset, fors illorum mihi cum ipsis esset communis. Inveni sic pacata & tranquilla omnia, ut nulla videretur accidisse mutatio. Miratus sum rerum faciem, quæ ex eo tempore semper duravit eadem. Credo, æternum Numen, peccatis nostris offensum, quod unicum habebamus præsidium, & Reipublicæ fundamentum, auferre nobis voluisse, ut eā spe destituti de emendatione vitæ serio cogitemus, sine qua illius auxilium frustra speravimus. Cæterum an mansura sint hæc alcyonia, scit unus Deus, qui solus præstare potest: ἐπὶ τῷ ἐσθόμυχῳ ἰὼν σκοποῦμεν, ἐπὶ τῷ πύρῳ, ἔρριπὲν τὴν καλὰν οὐρανὸν. ὁ μὲν γὰρ ἐρρίκει τὴν ἀπίστωσαν. Verum ista omittamus, & ἀχνύμενοι κῆρ· certè enim fata viam invenient. Suetonius ægrè tandem est absolutus; qui prostare nudius tertius hic tantum cœpit. Absoluta est Opusculorum Scaligeri & μακαρίτης editio. Restat sola Præfatio, quam nos ante biduum aut triduum orsi, abripiente animi dolore θρήνον ἐκτεταγμένα, non ad amicam Præfationem. Videbis, & fortasse dolebis, non fuisse mihi plenam libertatem invehendi in sicarios, zelotas, parricidas, aut parricidarum magistros. Ego possum, Dei gratiā, omnia pericula contemnere pro veritate & salute publica: sed amicis parendum, qui libertatem meam subinde castigant. Eā Præfatione editā, habebis simul, volente Deo, & Suetonium, & τὴν & μακαρίτην, cum exemplaribus, quæ amicis isthic promisimus. Tu, qui omnes nosti, atque inprimis clarissimum virum, Grotium, meis verbis salutabis, nisi grave est, & meum illis dolorem ἀφ᾽ αὐτῶν, καὶ ἀπαρηγόρητον significabis. Habetis & vos, quod doleatis, amico tanto, tam fideli, tam potente amisso. Vale, τὸ μὲν μέλημα. *Lutetiae Parisiorum, a. d. vii. Kalend. Jul. c. 15 15 cx.*

Amicis promissa exemplaria mittam, cum tua tibi: hoc volo illis meo nomine significes.

EPISTOLA DCLXXVI.
CLAUDIO SALMASIO.

EX iis literis, quas nuper accepi, non 1610. cognovi, an postremæ mearum tibi fuissent redditæ. Interest tamen mea scire, an constet mihi apud te officii ratio. Tu verò ita statuere debes, neminem hodie vivere, quicum per literas, quia nequeo aliter, libentius quàm tecum sim semper de communibus studiis collocuturus: atque utinam det Deus, ut omnis ejus rei facultas nobis non eripiat; quod me plures causæ cogunt malè metuere. Nam quod sine lacrymis dicere non possum, amisimus, mi Salmasi, auctorem pacis, patrem concordiae, monstrorum domitorem, quæ jam caput attollere incipiunt, & bonos terrent, & cogunt ἀμνηχανεῖν. Ego igitur tam sum incertus, quid me futurum sit, quàm qui maximè. Det mihi, det tibi, & omnibus & ἀγαθῇ κόμῳ consilium, qui solus potest, Deus Opt. Max. καὶ πάντα μὲν ταῦτα. Suetonium, hic nuper editum, tibi mitto, missurus brevi, σὺν θῆσιν, Opuscula Scaligeri, in quibus & tuum nomen legitur. Ego de eodem oleo Regum maximo parentavi, & maximo doctorum postremum officium præstiti. Videbis & judicabis. Expecto musas tuas lugubres in tam lugubri argumento. Cave autem, alii cuiquam prius illas mittas, quàm mihi: nemo tua leget sinceriore affectu. Vale. Scripsi raptim. *Lutetiae Parisiorum, Nonis Jul. c. 15 15 cx.*

Parentem tuum, Senatorem clarissimum, salvere à me jubeas velim.

EPISTOLA DCLXXVII.
SAMUELI NÆRANO. ✕

VELlem, doctissime Nærane, & valde 1610. vellem, ita res meæ ferrent, ut isthuc Lares meos transferre quàm primum possem, & dulci otio frui, quo tu & alii amici mei isthic fruimini: esset id mihi perquam gratum ἱγγῆραμα, cujus desiderio à multis annis teneor. Sed nimirum fata nos, mi Nærane, trahunt sæpius quò nolebamus, quàm ducunt quò optabamus. Fata appello Dei Opt. Max. providentiam, in cujus decretis acquiescere nos, verum est. Quid igitur de nobis ὁ ἐπὶ πάνσι decreverit, nondum planè scimus. Illud videmur intelligere, placere illi, ut Lutetiā relictā, aliò cogitemus. Sed quò nobis sit tendendum, adhuc exploratum non habemus.

1610. mus. Anglia, opinor, exilii nostri sedes erit, nisi vehementer animi fallor. Nam & Regem maximum, & illustrissimum Archiepiscopum Cantuariensem id optare, certo scimus. Adhuc tamen id negotium, propter certas causas, manet suspensum & ἀπλήρη. Det Dominus consilio huic lætum exitum: erit autem mihi lætissimus, si facultas obtrigerit inserviendi gloriæ ipsius, & literulas nostras colendi. Nobis longè gratissimum est futurum, quod inter homines videmur victuri, qui aliquam & olim fuisse Ecclesiam Dei, non planè vituperabilem, persuasum habent. Quod cur dicam, exponerem pluribus, si præsens tecum loquerer. Arminium & μακαρίτω, cuius ipse facis mentionem, virum magnum fuisse, non dubito: etsi nostrorum Pastorum nullum adhuc inveni, qui pro infami Hæretico illum non haberet, ut quibus & καὶ ὁ ἀληθὴς sit sententia Calvinii, quem ego virum vehementer suspiciens, eos tamen ferre non possum, qui omnes ab eo dissentientes malè oderant; neque item illos, qui, ut probent, veteres pios idem nobis credidisse, scripta ipsorum miserabilem in modum torquent, magno cum intelligentium & serio eruditorum scandalo. Sed hæc mitto, & Deo Ecclesiam suam curæ esse opto. Tu me ama, & vale. *Lutetiae Parisiorum, a. d. v. Kalend. Aug. c. 15 15 cx.*

De Epigrammatis tuis noli exspectare, ut tibi gratias agam. Sunt illa quàm elegantissima; sed quæ salvo pudore de me esse scripta, existimare non possum.

EPISTOLA DCLXXVIII.

ANDRÆ SCHOTTO.

1610. **E**Xpectabam ad novissimas literas meas tuum, doctissime Vir, responsum; cum ex inopinato affertur mihi liber tuus*, recens Antwerpiae editus, te autore ad me missus. Gavissus sum, desiderii nostri habitam esse abs te rationem, & munus pulcherrimum maluisse te representare, quàm diutius differre. Benè meritis es de sæculo tuo, benè de juventute, benè de Latinis literis; quæ omne suum decus, & veram gloriam videbantur brevi amissuræ, nisi extitisset aliquis exquisitæ eruditionis vir, qui bonos juvenes, inopiâ iudicii, & culpâ doctorum suorum errantes, in viam rectam reduceret, & in studio eloquentiæ ἐπιστολὰν doceret. Id tu cum hac operâ abundè præstiteris, quo honore esse dignus debes censeris? Redibit igitur, redibit in pristinum locum

* Intelligitur Schotti Antwerpiae editus, qui in Bibliotheca Casauboniæ est. Idem in Bibliotheca Casauboniæ est.

Marcus Tullius autore te; & illorum 1610. sententia veris rationibus victa exploretur, qui Patrem Romanæ facundiæ parum idoneum Latinitatis autorem existimabant. Viderint alii, quantum tibi se eo nomine putent debere; ego agendis tibi, aut habendis gratiis satisfacere mihi non queo: nam qui à primis annis divinum Marci Tullii ingenium semper suspexerim & amaverim, nunc senex, aut senectuti proximus ita ejus scripta admiror, ita eorum lectione delector, ut nemini hac in parte eorum, qui Ciceronianos sese dici volunt, sim concessurus. Et olim quidem facundiam atque doctrinam in illo sum miratus; nunc etiam probitatem, prudentiam, & alias magno Politico proprias virtutes. Sed moror te. Vale, Vir venerande. *Lutetiae Parisiorum, a. d. v. Eid. Sext. c. 15 15 cx.*

EPISTOLA DCLXXIX.

JOANNI BRANTIO.

Beasti me, Vir eximie, eo munere, 1610. quod autore venerando Patre, Andrea Schotto, ad me misisti. Id verò eò mihi gratius accidit, quod in illius expectatione eram dudum. Sciebam enim, doctissimum illum amicum nostrum in eo argumento esse versatum, avebamque mirum in modum, quæ essent in eo genere ab ipso scripta, legere: nam & illum plurimi facere me, ne tu quidem, ut video, ignoras; & Cicero-nem semper mihi fuisse in deliciis, ingenuè profiteor. Itaque subiit sæpe mirari stultitiam nostrorum hominum, qui unicum germanæ Latinitatis auctorem scholis propè jam expulerunt. Quin eo infantiæ multos venisse videmus, ut ille censeatur disertissimus, qui ab illo dicendi Magistro absolutissimo abierit quàm longissimè. Omnino inter sæculi nostri morbos hic, meo iudicio, ponendus est non postremo loco. Deus benefaciat Schotto nostro, qui sui iudicii auctoritatem publico errori ivit oppositum. Vix poterat homo eruditissimus de juventute & re literaria melius mereri. Spero fore, ut candidati eloquentiæ Latinæ ad bonam mentem redeant, & quem stultè spreverunt Magistrum, moniti à tanto viro requirant, & cum eo in gratiam redeant. Ego hortari familiares meos non desinam, ut novum opus sibi parent, & viri optimi atque doctissimi consilio utantur. Tibi verò, eruditissime Joannes, pro munere egregio, & ea benevolentia, quam humanissimè scriptis literis abundè mihi declarasti, magnas, maxi-

1610. mas gratias & habeo, & ago. Vale.
Lutetia Parisiorum, a. d. v. Eid. Sext.
 CIO IO CX.

EPISTOLA DCLXXX.

✠ THOMAS ERPENIUS.
 ISAACO CASAUBONO.

1610. **N**ON dubito, clarissime Domine, quin literæ meæ postremæ, jam ante duos menses per studiosum quendam missæ, bene tibi sint traditæ: ex eo tempore nihil à te literarum accipi, quod solis curis tuis & assiduo studio ascribo. Me quod attinet, studia Arabica hætenus adhuc urgeo; at propediem ea intermissurus, quia tempus aliò me vocat: gratias interim agens Deo Opt. Max. quòd labori meo tantum benedixerit, ut videri possim exiguo isto tempore, quod sum in Gallia, pleraque difficilis istius linguæ difficultates superasse. Bonam Alcorani Arabici partem jam attentè legi, & diligenter examinavi, nullius omnino puncti consideratione neglectâ; quod agendo multum didici, ac eò usque rem deduxi, ut vix putem in integro Alcorano punctum aliquod occurrere, cujus exactam & dilucidam rationem reddere non queam. Grammaticam integram jam composui; nondum tamen exactè disposui & polivi, quod exiguo tempore fieri poterit. De Proverbiis Arabicis nuper seriò cœpi cogitare, quò ea, quàm fieri poterit, explicatissima & politissima propediem tibi queam offerre, ut facias iis *אשר נאמר בפיך*. Multa omnino occurrunt in iis muranda & corrigenda, tum in textu Arabico, tum in translatione Latina & notis Domini Scaligeri. Nam textus Arabicus pessimè est punctatus, ac ita quidem, ut in compluribus proverbiiis tot errata sint, quot syllabæ. Rationem ejus esse puto, quòd is, qui puncta apposuit, literalem Arabicam non novit, sed vulgarem tantum, secundum quam ea punctavit; etsi subinde paulò ulterius progredi voluerit, & doctorum punctationem adhibere, quam tamen infeliciter, aut non, didicerat. Itaque omnino statui etiam exactè secundum Grammaticam, & rationem Alcorani punctare (ita tamen, ut ea puncta, quibus mutatis sensus aliquomodo mutari queat, intacta relinquam) quò libellus iste commodus queat esse prælectioni; nihil enim tale hætenus impressum est: scelestissimus autem Alcoranus id non meretur, nec ejus etiam exemplar quilibet habere potest. Translationem Domini Scaligeri quod attinet, vix alteram partem

benè videtur vertisse: interdum ab unius & alterius verbi; interdum à totius proverbii sensu aberravit; & certè quædam sunt, quorum ne unum quidem verbum benè transtulit; cujus causa est proculdubio, quòd pessimè scriptum exemplar habuerit, & festinando & aliud agendo ea verterit. Ista itaque omnia, ut honori ipsius consulatur, corrigi necesse est. Ego id eâ ratione statui facere, ut ubi manifestè erravit in voce una aut compluribus; ita tamen, ut sensus proverbii salvus & integer maneat, simpliciter ea corrigam, nec dicam ea à me correctæ esse. Ubi verò toto cœlo erravit; & à sensu proverbii aberravit, quod non rarò contigit, aliam quoque versionem & explicationem ejus loco substituam, quæ notâ aliquâ cognoscatur non esse illius: cujus ratio dicetur esse in Præfatione, quòd non omnia proverbialia ei missa sunt, & quædam ex missis ita malè descripta fuerunt, ut ex illis sensum nullum convenientem elicere potuerit. Reliqua, quæ notâ istâ non insignientur, dicentur esse illius, & à me intacta mansisse; quippe qui manum in alienam messem mittere noluerò; qui dolus, ut non percipiatur, interdum, ubi scilicet sensus à Domino Scaligero expressus aliquâ ratione tolerari poterit, nec ita graviter ab eo peccatum erit, quæ posuit, integra relinquam, additâ tamen aliâ explicatione, quam dicam, meo judicio, sanioem & convenientiorem esse. Obscuriora quoque quædam proverbialia, quæ quidem satis benè transtulit, sed notis nullis illustravit, quòd fortè eorum usum non intellexerit, ego paucis explicabo, usu eorum, quem sæpè satis feliciter conjecturâ aliquâ mihi videor assequi, indicato. Cæterum noli putare, me temerè aliquid immutaturum, divinam divini tui judicii normam ubique adhibebo; qua de causâ jam cœpi proverbialia ista ordinatè in librum aliquem digerere, sed jam dicto modo emendata, addens è regione cujusque proverbii quid emendaverim, & qua de causâ, quidque Interpreti ansam errandi dederit, examinans simul alteram istam interpretationem Latinam, (quæ quidem non ita Latina, sed plerumque multò felicior est quàm ea, quæ Domini Scaligeri,) ut rationes meas legens & examinans, videas & judices, num sufficientes eæ sint necne. Absit nimirum à me, ut in correctione opusculi tanti viri solo meo judicio immaturo & rudi nitar. Impressionem eorum quod attinet, necesse est, ut videas, utrum futurum sit commodius, separatimne imprimantur,

1610. tur, an cum Grammatica mea Arabica. Si posterius, oportebit me in ea, aut saltem bonam eorum partem, analysi grammaticam scribere: sed tum fortassis libellus iste non ita conveniens est futuris prælectioni, quippe satis explicatus. Quocirca fortassis præstabit prius, & ut Grammaticæ subjungatur analysis Historiæ alicujus egregiæ, ex Geographo nostro exactè punctatæ. Quæso, mi Casaubone, delibera de hac re, & confer cum Lebæo, ut & ipse dicat, quid malit: nam si proverbialia jungantur Grammaticæ, opus futurum est magnum ob magnitudinem characterum Lebæanorum: sola Grammatica futura est ad minimum viginti & quatuor, aut viginti & quinque chartarum. Deinde si separatim imprimenda sint, velim scire, utrum sit prætermittendum, quò res meas melius queam componere. Scripsi ad Lebæum de Grammaticæ impressione: latius rogo te, ut consilia cum illo velis communicare, & me quàm primùm de judicio vestro certior facere. Sed heus, mi Casaubone, aliud adhuc te rogo. Si fortassis Alcoranus aliquis Arabicus vernalis in manus tuas incidat, velis eum pro me emere; modò tersus sit, & utunque bene scriptus: de pretio nihil possum determinare, melius id me nôsti. Valde optarem quàm primùm unum habere, antequam scedulas meas in Dictionarium reponendas dissecem, quo cuique voci paginam & lineam Alcorani mei possum assignare. Hactenus nimirum non nisi azoaras notavi, quia proprium Alcoranum non habui. Cœperam eum describere; sed labor & amissio temporis ab incepto me revocavit. Si auderem, rogarem te, ut illud exemplar, quod hic à te habeo, mihi venderis; si quidem alia exemplaria habeas, ita ut hoc sine incommodo magno carere queas; aliàs nollem. Loquor de nudo exemplari Arabico; nam quod ad annotationes Domini Adriani attinet, eas tibi esse relicturus, & quò eis commodius uti possis, ad paginas alterius cujusdam tui Alcorani convenientissimè notis arithmeticis & lineis applicaturus. Quod si mihi hac in re gratificari velis, aliud adhuc agam. Ea, quæ Adrianus explicatione suâ non illustravit, quæ ferè quartam Alcorani partem constituunt, ego conformiter reliquis illustrabo; quin & Adriani Notas, ubi id requiretur, augebo, corrigam, illustrabo; & sicubi hæsit & dubitavit, modò possim, explicabo & determinabo, ita ut Alcoranum egregiè illustratum sis habiturus, quod valde necessarium illi est, qui in ea lingua

studet proficere. Nec tamen facile puto futurum, ut aliquis Christianorum Latinum Alcoranum emendatum & illustratum evulget. Quod si conditionem hanc accipias, fac id me quàm primùm certior; nam tempus meum in Gallia breve est, & multa mihi adhuc sunt agenda; plura, quàm nôsti, ut coram ex me intelliges. Pro Alcorano tuo ego aut argentum tibi restituam, aut librum aliquem, quem voles, emam; si, inquam, illo carere potes, & jam propositam conditionem accipias. Neutiquam autem volo, ut si ea res incommoda ullo modo tibi futura esset, eâ mihi gratificeris. Mitto tibi quatuor aut quinque proverbialia, ut specimen aliquod meæ emendationis videas, sed valde negligenter & festinanter ea recensui & scripsi: longè exactiora & solidiora videbis, cum totum opus tibi obtulero. Miror à Bedwello me nullas accipere literas: nescio an ad te scripserit: puto eum adhuc febricitari. Vidi nuper initium secundi libri Avicennæ, cum versione Latina & notis Kirstenii. Quàm iste homo est nugator! quàm parum peritus Arabismi, & cœptis suis impar! Finem tandem facio, Deum Opt. Maximum orans, ut te, mi Casaubone, diu servet incolumem, concedatque tibi requiem ad studia tua requisitam; fortem & robustum animum ad resistendum instrumentis istis Diaboli, quæ fidem tuam labefactare, & conscientiæ tuæ quietem turbare student. Vale. *Postridie Kalend. Julii, 1610 ex Salmurii.*

Cupio quoque scire, an interdum in Arabicis aliquid agas, nec ne. Valdè certò id cuperem: tu nimirum unus hinc studio aliquantulum incumbens, plus in eo illustrando præstare queas, quàm reliqui omnes Christiani ei operam dantes. Quæso, mi Casaubone, da ei interdum horulam. Ubi isthuc venero, quoties tibi placuerit, unâ conferemus. Iterum vale, & parce, quæso, maculis meis; carius nimirum mihi est tempus, quàm ut descriptioni Epistolarum id dare possim.

Inscriptio.

A MONSIEUR,
Monsieur DE CASAUBON,
Conseiller du Roi, & Superintendant
de sa Bibliothèque.

A PARIS.

EPISTOLA

EPISTOLA DCLXXXI.

THOMÆ ERPENIO.

1610. **A**Mice suavissime, accepi tuas longè mihi gratissimas literas, quibus ne pluribus respondeam, causæ faciunt diversæ. Tantum monebo te, de profectio in Angliam cerram stare mihi sententiam, si Dominus Jesus, pro tua inexhausta misericordia, cœpta secundare fuerit dignatus. Verum est, quod dicis, scripsisse ad me super ea re Archiepiscopum Cantuariensem, Præsullem illustrissimum, & omni laude majorem. Ego verò quā flagrem cupiditate eò veniendi, ubi libertate plenā possim frui, ne dicere quidem possum. Scit *ὁ ἐν πᾶσι, θεὸς καρδιογνώστης*, nihil aliud me spectare, nisi ut quod reliquum vitæ superest, gloriæ ipsius consecrare possim, & impendere: quod *ὁ* utinam mihi, iterumque utinam contingat. Sed non facili credas, quæ & quantæ difficultates huic consilio meo sese opponant. Ne te multis morer, charissime Erpeni, res eò denuum devenit, ut obtinendæ veniæ à Regina spes tandem aliqua mihi sit ostensa; & quidem, ut spero, non una. Proximā, si Deus volet, hebdomade, quid me futurum sit, sciam. Tum si, ut spero, quod peto fuero consecutus, non multò post itineri cogito me, cum bono Deo, accingere; eā tamen lege, ut ad dictam diem sim huc reversurus, pro eo tempore, quod mihi fuerit definitum. Convenit autem inter me & amicos Anglos, ut regionem illam prius viserem, & præsens cum præsentibus agerem. Itaque paucorum dierum mora in Anglia suffecerit. Oro Deum, cœptis benedicat. Vides, si huc ante meam profectioem pervenire cupias, *ἀντὶ τῶν ἰδίων ἀκμῶν* sed velis remisque huc esse contendendum. Mihi nulla res gratior possit accidere, quā si priusquam pedem hinc commoveam, te videro, & vel in medio foro fuero suaviatus: sed de eo quid sperare auisim, non satis scio. De toto negotio melius, si superi faverint, *τίμα πρὸς τίμα*. Vale, & me ama; qui ista raptim & semisomnis exarabam, fretus benevolentia tua. *Lutetia Parisiorum, a. d. iv. Kalend. Septemb. c. d. cx.*

EPISTOLA DCLXXXII.

JOANNI VASSANIO.

FRatrem tuum nuper heic vidimus, 1610. eruditissime Vassani, multumque ejus adventu gavisi sumus. Nam quantum in studiis profecisset isthic *, primo statim congressu satis ostendit, cum cœpissimus de literis colloqui. Itaque magnam voluptatem capio, cum venit in mentem, autorem me lectissimæ fœminæ, matri vestræ *τῇ ἑσπερίᾳ* fuisse, ut vos isthuc mitteret; ejus consilii fore nunquam, ut vel vos poeniteat, & prævidi antè, & nunc certum atque exploratum habeo. Multum vero te amo, quod de clarissimi viri, Merulæ Geographico Opere illa ad me scripseris, quæ pridem scire cupiebam. Opto illi & vitam longam, & valetudinem firmam, atque omnia læta & fausta, ut institutum opus perficere, & alia porro moliri queat. De Bertio grata sunt, quæ scribis. Confirma illi meis verbis, si quid unquam ejus causā potuero, nulla in re meum officium fore ipsum desideraturum. Quod igitur scribis de Pelagii dogmate, si quid invenero, quod putem illi fore utile, dabo operam, ne eo careat. Vale. *Lutetia Parisiorum, Nonis Sept. c. d. cx. raptim.*

EPISTOLA DCLXXXIII.

DANIELI HEINSIO.

SCito, post adventum amplissimi Mylli, qui nuper Legatus ad nos venit, nihil me literarum à te accepisse. Ego ad te, cum idem ille isthuc rediret, abundè scripsi de meis rebus, quæ te optare scire non dubitabam. Post illa filii, non solum quia *λίγος ἀγίων* nihil erat, quod scriberem; verum etiam, quia de lustranda Anglia dies noctesque cogitans, ex itinere commodius me isthuc literas daturum credidi. Quoniam tamen id iter diutius aliquantò differtur quā putabam, amico adolescenti, ad vos se conferenti, hæc pauca dedi, ut quo loco res meæ sint, nescius ne esses. Nam si faverit cœptis *ὁ ἐν πᾶσι*, hujus autumnii bonam partem in Anglia sum acturus. Quæ me rationes impulerint, ut hoc consilii susceperem, malo ex Anglia tibi significare, quā ex isto loco. Et quis scit, an in reditu per Hollandiam iter sim instituturus? Certè viveret *ὁ τρισυμμάχων* Heros noster †, in itu, non in reditu tui videnti cupiditatem meam explestem. *† Josephus Scaliger.*

Y y 3

Quic-

1610. Quicquid constituerò, faciam te statim, ut scias: nam tibi quoque volenti id eventurum faciliè mihi persuadeo. Cætera ad iter dudum parata: sola superest discedendi venia, quam adhuc impetrare non potui: sed impetrabo, *σὺν εἰς ἡμῶν*. Vale, *τὸν μὲν μέλημα*. *Lutetiae Parisiorum, a. d. viii. Eid. Septemb. c10 10 cx.*

EPISTOLA DCLXXXIV.

E I D E M.

1610. **B**inas de eodem oleo ad te scripsi: duo enim erant amici, qui sine meis isthuc proficisci volebant. Scripsi igitur per utrumque: priores cuidam Genevensi dedi; has nobili Germano, tui videndi cupido. Habet ille comitem, sive Præceptorem, hominem eruditum, ut ex sermonibus cognosces. Per eos intelliges de rebus nostris *πῶς αὖτε ἀληθῆς*. Verbo tibi dicam, in eum locum esse res redactas, ut videantur brevi omnes Galli fore mancipia Loio-litarum. Scio equidem, eo ingenio esse meos Francos, ut *ἀνὸς σφάδαμῶς* jugum non sint laturi; quin tamen admisiuri sint, non dubito; urget enim vis major. Itaque malo loco res nostræ sunt. Dominus Jesus hoc Regnum respiciat, & vos quoque. Vale, & meas, si Deus volet, ex Anglia exspecta. *Lutetiae Parisiorum, a. d. viii. Eid. Septemb. c10 10 cx.*

Viros clarissimos, amicos meos, salvere jube meis verbis, quæso te.

EPISTOLA DCLXXXV.

JOANNI CASELIO.

1610. **S**i vales, præstantissime Caseli, bene est; ego uti valeam, dicere non possum. Corpus sic satis, Dei gratiâ, valet; animus curis & ægritudine fessus jacet. Nam post illud horrendum parricidium, quo Rex maximus, Mæcenæ meus indulgentissimus, est è vivis sublatus, nulla dies, nulla hora, nullum momentum abit, quo non defixus in ejus recordatione animus meus stupcat. O diem, Senex venerande, *ὡς ἀληθῶς ἀπεφράδα*, quæ Heroëm tantum terris eripuit! Solet fama Principibus, alioquin magnis, multum addere; & sæpe factum, ut Reges ac Dynastæ venerationi longinquis populis essent, quos qui nôrant propius, non tanti faciebant; major enim plerumque ex longinquo majestas: de Henrico IV. nostro nuper Rege, cave tale quid arbitreris, cujus interiorem noticiam nemo

unquam habuit, qui majorem famâ suâ ipsum non judicavit: iis namque virtutibus, quas regias *κυρίως* vocant, sic excelluit *ὁ δαιμόνιος ἀνὴρ ἐκείνῳ*, ut paucos ex omni memoria Principes sit reperire dignos, qui cum ipso contendantur. Ego verò in illius obitu quantum vulnus acceperim, illi soli possunt intelligere, qui sciunt, tanti Principis benevolentia quanti sit æstimanda. *Ἀλλὰ πῶς μὲν περὶ τυχθαὶ εἴσομεν ἀχνύμενοί περ*. Te, mi Caseli, opto valere, & omnibus numeris absolutâ frui felicitate. Scripsi raptim, non satis securus, an hæc ad te essent perventura. *Lutetiae Parisiorum, a. d. viii. Eid. Septemb. c10 10 cx.*

EPISTOLA DCLXXXVI.

CLAUDIO DAUSQUEIO. ✕

Quam variè sim affectus lætione litterarum tuarum, Claudii doctissime, non faciliè verbis tibi significavero. Gavissus sum accessione nominis tui, viri in Græcis Latinisque literis, & vario genere doctrinarum excellenter versati, amicorum meorum, (hæ meæ sunt opes) album fieri auctius. At dolui & vehementissimè quidem, Epistolam, quam à te accipiebam primam, æquissimæ, vel iudice me, querelæ plenam esse. Non enim ibo inficias, *ἃ δ' ἐξαρῶ* γνήσιον, causam habere te, cur, si moribus alienis potius quàm tuis uteris, aliter longè mecum ageres. Ego verò, quod accidit, factum nollem; neque effectum sanè esset, si tuæ singularis virtutis, *ἡ ἐυγνωμοσύνης* vel tenuissima notitia ad me pervenisset. Enimverò, qui mores mihi tuos narraret, nemo tum adfuit; qui me adversus te stimularet, non defuit; aut ut verius dicam, non defuere viri, magnâ familiaritate mihi juncti. Horum causâ commotus fuisse me, ne tu quidem ignoras, qui profectò *ὃ πότ' ἐμῶς βῆς ἤλασας*, *ἃ δὲ μὲν ἵππας*. Ita non meo nomine simul concitatus, verùm humanâ quâdam *συμπυθία* erga amicum, qui se injuriam à te gravissimam accepisse dictitabat. Itaque oro te, mi Claudio, sicut memorabili exemplo fecisti hæcenus, etiam porro, *δάμασον θυμὸν μέγαν*. *ἃ δὲ π σὲ καὶ Νηλεὺς ἦτορ ἔχεν*. *εὐρεπλος ᾧ π καὶ θεὸς αὐτὸς*. Certè si tum mihi tua singularis virtus, pari eruditione juncta innotuisset, *ἃ δ' αὖ σὲ π ἐγένετο* commissem, ut vel levissimam tibi de me querendi occasionem præberem. *Ἀλλὰ πῶς μὲν περὶ τυχθαὶ εἴσομεν, ἀχνύμενοί καὶ*. quum præsertim ita de me jam meritis sis, ut celebrandi humanitatem tuam nul.

1610. nullum finem, dum spiritus hos regit artus, sim facturus. Neque hoc dico, ut censoriam notam lucrifaciam, aut tuum retardem impetum publicandi, quæ adversus notulas meas in Spartianum, & ejus socios, sunt à te animadversa. Tu verò ede quàm primùm illam opellam tuam, (sive id magnum opus est) & quæ peccavi, corrige. Spondeo affectu sincero nihil eo mihi optatius posse contingere; multa enim, quæ nescio, è scriptione me docebis. Quid autem viro cordato accidat gratius, quàm αὐτὸν γράσκων πολλὰ διδασκόμεναι. Ego à puero ad hanc diem sic vitam institui, ut cupiditate cognoscendi, quæ ignorabam, nihil secundum pietatem haberem antiquius; sed illa mea aviditas, quàm multis, quàm gravibus, & assiduus impedimentis fuerit retardata, scit Deus, cujus nutu & προνοήσαντα providentiâ maxima peræquè administrantur. Nolo historiam vitæ meæ hoc loco memorare, & tua morari tempora. Breviter dicam, quod scio te miraturum. Anno ætatis nono, quam emendatè scriberem, curâ optimi parentis educatus, undecimo vix literas nôram; afuerat enim domo parens meus, propter conditionem temporum, & infelicia illa bella, quæ per annos ferè quadraginta continuos Regni hujus incolas miris modis & afflixerunt, & efferarunt; per quæ etiam factum est, ut doceri literas iterum ceptus ab eodem illo æternùm mihi venerando patre, per varios casus, varia & discrimina rerum jactatus, ad annum vigesimum prius pervenirem, quàm vel nomina veterum Scriptorum nota haberem. Omitto cætera meorum studiorum impedimenta tibi commemorare, quæ me ingenti quâdam alacritate ad cognitionem honestarum artium contendentem ἐπιδήσαν κελεύθῳ. Hujus igitur tantæ in studiis literarum infelicitatis meæ quum sim ipse mihi probè conscius, si tu, Vir doctissime, aut quisvis alius ἀλλοτρίως πεπαιδευμένον in scriptis quædam carpatis, vel etiam universa parum vobis placere ostendatis, ad eò non indignabor, ut miror magis, si quid meorum vobis placuerit. Fruor interim, & semper fruar illo solatio, quod nullus Alastor, ne Scribanus quidem, Alastorum infandissimus, conscientiæ meæ unquam eripiet; voluisse me de studiosis literarum mereri; fecisse non quod volebam, sed quod poteram. Quamobrem si in meorum scriptorum suscepta censura fuerit animus tibi pergere, scito καὶ πληροφορηθῆναι non solum bona cum mea gratia, &

salvâ amicitia nostrâ, id facere te posse, 1610. verùm etiam ingentes ex animo gratias me & acturum tibi fore, & habiturum. Ego in una tua Epistola tantum candoris videor mihi deprehendisse, ut reprehendi à te, quàm laudari à multis malim. Risi verò suaviter, cùm illa legerem, quæ de scelestissimo Amphitheatri Scriptore narrabas. Ille impurus si parem tibi eruditionem esset nactus, & mihi, & omnibus bonis molestus esse non desineret; qui nunc aliud nihil potest, nisi furorem suum & animi virus palam facere. O te, Vir candidissime, beatum! qui ejus portentosi locietatem ejurasti. Verùm de tota illa re aliàs pluribus tecum agam. Quod nunc superest, Deum Opt. Max. oro venerorque supplex, ut te prioribus malis defunctum servet, porro incolumem, & honestissimis tuis studiis benedicat. Vale, & me semper ama, qui te vel invitum nunquam non amabo & colam. Scripsi raptim. *Lutetia Parisiorum, propriæ Eid. Septemb. CIO IO CX.*

EPISTOLA DCLXXXVII.

JOANNI LYDIO.

PER mihi gratæ fuerunt literæ, quas 1610. à te nuper accepi. Neque enim ignotum tuum nomen mihi erat; quò gratius accidit, cùm te mei adeò studiosum esse cognovi: hoc enim Epistola illa tua amantissimè scripta abundè significavit. Atque utinam, Vir venerande, mei vicissim affectus tibi testandi detur aliqua occasio, experieris non indignum amicitia tuâ, quam ultrò, quæ tua est humanitas, prolixè mihi obrulisti. Age, fac periculum; & si quid tuâ causâ possum, ἐξαύδα, μὴ κενὸν νόον, ἵνα εὐδοχῇ ἀμφοῖν. Quod ad juvenem illum attinet, de quo scripsisti, dixi patri, quo essent apud nos loco studia philosophica: quanquam ego res Academiæ hujus non magis attingo, quàm vel tu, vel quicumque alius hinc abest, ὡς πρόαίττω. Accedit huc, quòd quamdiu in hac urbe sim futurus, non scio; postquam enim immani parricidio Rex gloriosissimus, Princeps clementissimus, meus Mæcenas indulgentissimus, fuit extinctus; ita mihi Lutetia, imò patria universa mea facta est invisâ, ut ex illo tempore nihil aliud nisi πῶς πῶς γῆς cogitarim; ubi Pelopidarum facta non audiam. Sed me impræsentiarum tenet hic uxoris morbus, qui me habet mirum in modum sollicitum. Spero tamen meliora

1610. *ἐν τῇ ὑπεγράδῃ Κυρίῳ*, qui te, Vir doctissime, seruet. Vale. *Lutetiae Parisiorum, a. d. xii. Kalend. Octob. c. 15 id. cx.*

EPISTOLA DCLXXXVIII.

JOANNI A' WITTEN.

1610. **U**T qui peregrinatione longâ & molestâ defuncti domum ad suos redeunt, incredibili quodam gaudio perfundi solent; ita planè mihi evenit, longo adeò intervallo literas à te accipienti, Vir præstantissime atque amicissime. Nam qui te ab illo tempore constanter amaverim, & tacitus coluerim, quo primùm tua mihi virtus innotuit, cum post tot annorum silentium amicissimè scriptâ Epistolâ sum abs te provocatus, & de rerum tuarum florente statu factus certior, mirificam ex ea re percepi voluptatem. Ago igitur Deo Opt. Max. gratias, qui te servavit hætenus, & dignitate eâ te ornavit, quam tua singularis virtus merebatur: didici enim, cum ex literis tuis, tum ex aliorum sermonibus, quem gratiæ locum apud Principem omni laude majorem, Serenissimum Ducem Megapolitanum, obtineas. Utri prius gratuler, nescio; Principi, an tibi: nam & tu illâ statione es dignissimus, & Mæcenas tuus, ut fama est hominum, iis præstat dotibus, quas jure omnes boni, etiam longè positi, omni veneratione debeant prosequi. Quare ex animo tibi gratulor, qui Principi inservias, quem sine adulatione etiam admirari cogaris. Nos simili felicitate nuper excedimus, amisso Mæcenate nostro, Henrico IV. magno, Deus bone! Principe & incomparabili, de cujus admirabili præstantia quicquid dixerò, minus erit. Itaque meminisse jam illius, immani nuper parricidio interempti, neque debeo, neque possum sine lacrymis. Illa verè atra dies res meas ita afflixit & perculit, ut jam omnia consilia mihi sint incerta, ipsa quin etiam vita exosa: nam quid bonis in eo Regno sperare jam licet, ubi optimi duo Reges religionis obtentu parricidarum licis sunt confossi? Quem Gallia Regem, quâ piùm est, animi devotione colet, quæ suum σωτήρα & σωτήριον, autorem suæ salutis & omnium bonorum largitorem, ingrata, scelere nefario, vitâ privavit. Quanquam non universa Gallia in hoc parricidium consensit, verum oppidò pauci superstitione depravati, & omnis legitimæ potestatis oscores acerrimi. Qui utinam mali malè

pereant, & qui fuerunt parricidii illius conficii, & quicunque illi sint, quorum doctrina instar equi Trojani est, unde tot jam Tartarei parricidæ manarunt. Quod me hortaris, ut in eruenda è libris Ciceronis doctrina politica operam velim ponere, etsi morem gerere voluntati tuæ hoc mearum rerum statu, non queo; laudo tamen iudicium tuum, & consilium remitto, si otium ad id genus curas Dominus Jesus aliquando dederit. Nunc enim in incerto fortunæ meæ nutant, prius stabilendæ, quàm aliquid operis serii aggrediar. Accedit, quod in Commentariis Polybianis concinnandis proximum, quod Deus dederit, otium necessariò mihi est ponendum. Polybium quidem ante annum edidimus, & simul interpretationem nostram Latinam; sed is labor nihil est præ opere, quod molimur, in quo doctrinam politicam & militarem ita illustravimus, ut earum disciplinarum studiosos meam operam probaturos esse confidam. Imprimis illud operam dedimus, ut viam indicarem, & rationem legendi cum fructu Historicos omnis generis. Sed otio nobis est opus ad perficiendum, quod dudum inchoavimus. Nunc autem quis me status sit excepturus, quantum otii denique sim habiturus nescio; multas enim habeo causas, cur hoc in loco mihi metuam. Unicum est, quo fruor, solatium, spes in Domino Jesu, qui suâ inexhaustâ benignitate inopem consilii me non deseret: hæc mea spes summa est, hæc certa anchora. Uxor, cum hæc scribebam, ægra decumbebat in lecto, quæ te ex animo salutat, & optat bene rem gerere & valere, quod & meum est vovum, & quod à Deo Opt. Max. peto, & contendo. Vale. Scripsi raptim. *Lutetiae Parisiorum, . . . Kalend. Octob. c. 15 id. cx.*

EPISTOLA DCLXXXIX.

DAVIDI HOESCHELIO.

ITane est, ut scribis? *ὁ καλὸς καὶ ἀγαθὸς* 1610. Fronto tibi significavit, habuisse me Alexiadem Annæ Comnenæ? Miror planè, nam ego illum librum in mea potestate habui nunquam. Vis certum ejus rei argumentum? Legi nunquam: lecturus profectò, qui meus est amor in literas, si ulla unquam data esset facultas. Videor quidem apud virum amplissimum, Memmium, cum in ejus Bibliotheca essem, illam Historiam inter alios libros MSS. vidisse, sed ut illam in mea ipse potestate habuerim, hoc

1610. hoc verò accidit nunquam. Itaque ἀλλ' οὐδὲν βαλάντιον· nam à me auxilium nullum potes sperare. At tu perge nos beare hujus libri editione; cujus jam ab illo tempore magnā expectatione teneor, quando operam dans Juri civili Romanorum, in scriptis magni Cujacii fragmenta quædam illius adnotavi. Nostra studia quo loco sint, piget dicere. Illud scito, post Magni Henrici, Mæcenatis mei, cædem, nullum temerè diem sine gemitu egisse me; qui tam immanis parricidii recordari sine lacrymis ne nunc quidem possum. Multa hîc possem commemorare, quæ me angunt; sed partem eorum conjecturâ assequi, non erit tibi difficile. Ego in Angliam excurrere, cum bono Deo, constitutum habeo; jamque adeò itineri me accinxissem, nisi ὁρμῶντι morbus uxoris detinuisset. Spero melius ipsam valituram; itaque eo impedimento sublato, nihil me morabitur. Cæterum πᾶ μᾶλλον Deus unus scit, cujus providentiæ nos & nostra permittimus. Epitomen Athenæi redditurus fui, & reddam, quando jussaris; nisi eodem tempore rogatus essem à Typographo, Curas Athenæicas sub incudem revocare; quod si futurum est, tuo adhuc libro uti, si licet, lubet. Vale. *Lutetiæ Parisiorum, pridie Kalend. Octob. c15 15 cx.*

E P I S T O L A DCXC.

JOANNI CASAUBONO,
F I L I O.

1610. QUàm grave mihi fuerit, te isthîc remansisse, me proficiscente, non facilè dixerim; & persuadeo ipse mihi, σοφῆς illius φυσικῆς vim, quam in me experior cottidie vehementissimam, non esse tibi incognitam. Nam ut ego subinde ad animum revoco, patrem esse me, ita tu filium te esse meum, nunquam non meminisse debes. Sed nōsti quid nos diviserit. Etenim quoties subit animum meum recordatio eorum, quæ gesta sunt, toties precibus enixè à Deo contendo, ut suæ voluntatis notitiam salutarem tibi inspi-ret, & tua consilia atque studia velit fortunare. Faciet verò dubio procul, si in voluntate ipsius inquirenda diligenter operam posueris, & spretis humanis rebus, de spe futuræ vitæ seriò cogitandum tibi esse, in animum induxeris. Dominus Jesus tibi adsit, & te sinceræ veritatis amore inflammet. Matris obsequium nolo tibi commendare, ne videar de tua erga ipsam pietate dubitasse; scis quàm ea res sit

mihi cordi. Exspecto tuas literas de 1610. omnibus, quæ purabis mea interesse ut sciam. Salutabis amicos meos omnis generis, quorum nomina recensere parcam, cum sint illi tibi notissimi. Vale. *Samarobrigæ * Ambianorum, a. d. v1. * Hodie Eid. Octob. proximâ à discessu meo Amiens. die Κυριακῇ, c15 15 cx.*

E P I S T O L A DCXCI.

E I D E M, E T
ISAACO CHABANEΟ†. † *I Jacobi Casauboni fororis filio.*

QUum in hanc urbem heri appulissem, maximis defunctus periculis, nihil habui antiquius, quàm ut partem malorum, quæ passi sumus, uxori per literas exponerem, ut illa Deo Opt. Max. gratias ageret, & vos omnes hortaretur, idem ut faceretis. Quò me aliquis vehementius amabit, eò impensius illi gratiæ agendæ sunt Domino Jesu, qui me servavit, non solum à præsentissimo periculo mortis, quam per multas horas exspectavi animo constante; sed etiam à plerisque malis, quæ navigantes pati solent. Denique scitote, integrum νυχθημερον nos fuisse jactatos; cujus spatii primæ quatuor aut quinque horæ fuerunt mihi permolestæ propter nauseam, & stomachi dolorem. Reliquum tempus sollicitudinem habuit de vita; sed doloris nullum ferè sensum; quo nomine & me, & vos gratias agere Numini gratissimas oportet: nam cæteri omnes, paucis exceptis, magnis interim doloribus cruciabantur; mihi verò οἱ φθάρτες magnas molestias præbuerunt, dum jaceo ἐν ταῖς ναυτῶν χαμευνίαις. Et Dominus *, qui socius meus [famulum enim non habeo; sed ἐπαῖρον] de vino Hispanico, & id genus aliis sibi prospexerat & mihi, sumptu meo: sed mihi illis uti non fuit necesse. Ille usus est, qui toto itinere non minore sumptu sibi consuluit quàm mihi; nam manum operi admove-re, si quid fortè curandum sit vel minimum, hoc non est ejus, qui, ut nuper scripsi, ἀκραΐφνης sit Theologus, & qui tantum sapiat: est alioqui de me non parum sollicitus. Sed de eo plura, σὺν Θεῷ, aliàs. Peto à vobis iterum atque iterum, ut pro hoc tanto beneficio gratias τῷ ἐπὶ πάντων & habeatis, & supplice animo reddatis. Nam etsi planè naufragium non fecimus, navis tamen nostra fracta est, & nautæ nostri, quod in extremis periculis faciunt, fecerunt, ut sibi diffidentes vocem in cælum tollerent, & magno clamore auxilium à Domino peterent. Cæterum & hanc, & alias iti-

1610. neris totius molestias facillè absterfit mihi comitas, benignitas, & amor erga me, tam illustrissimi Legati *, quàm uxoris illius, Heroïnæ omni laude dignissimæ. Nunc Cantuariam cogitamus, *σὺν τῇ παναγίῳ Θεῷ* ibi dies paucos subsistemus, ut puto; deinde Londinum proficiscemur; quo in loco si uxoris & vestras literas invenirem, beatum me prædicarem: sum enim de ejus valetudine supra modum sollicitus. Vos, si me amatis, & mea præcepta tanti facitis, date operam, ut certior de ea re & aliis omnibus quàm primum fiam. Libros meos & chartas omnes vobis esse curæ maximæ, & spero & cupio; & ut ita sit, mando vobis atque præcipio. Si Dominum Thuanum videritis, narrate illi de libro non tradito, quam scitis, historiam: illum verò librum ne quis me absente attingat, nisi ipse jusserit, videte. Bibliothecam tibi, Isaace, curæ esse volo, & vide ne te nimis facilem præbeas in deducendis cō hominibus, præsertim pluribus simul, quod omnino fieri non debet. Scribite etiam ad me, quomodo uxor absentiam meam ferat. Dicite illi, me pecuniam Anglicanam, quam factâ permutatione dederat Domina Gentilis, quamque me reliquissè in museo nuper scripseram, invenisse in parte arculæ, ubi eam ipse reposueram. Amicos meos, qui vobis noti sunt, salutate; cum primis Medicos, Dominum Guerinum, & Dominum Arbaldum, quibus valetudinem *τῆς φιλαίας* curæ esse percipio. Ego non prius animo quieto ero, quàm significatum mihi fuerit, febris ista recens quem exitum habuerit: memini enim, tertianæ aliquot *ἡμέρας* illam esse expertam prius quàm proficiscerer, quod me malè habet. Scribite etiam ad me, quàm benè suo officio defungantur Gentilis, Joanna, & Anna: nam Paulum jam evaluisse doctum, ex quo discessi, ferè mihi persuasi. Scribite & de Maria, quam ipse discedens non sum amplexatus, ut ceteros liberos; & de tota domo D. des Bordes †; nec non, an rus uxor iverit, de villico quid fecerit, cujus ego improbitatem odi. Postremo sive publicè, sive privatim acciderit aliquid meâ cognitione dignum, facite me ut sciam. Orate pro salute, consiliis & reditu meo, ut facio ipse pro vobis omnibus. Valete. Scripsi in celeberrimo Anglorum portu *Doveres*, quem *Doroverniam* quidam dicunt, postridie adventum meum in hanc beatam Insulam, qui est dies xix. *Octob.* c15 15 cx.

* *Wotton, Legatus extra ordinem, qui Casaubonum in suum comitatum recepit.*

† *Josias Mercerus, Joannis filius. Colomes.*

Scripsssem ad Dominum Heraldum,

virum clarissimum, & negotium Lotheringicum nostrum ipsi commendasssem. Salutate ipsum & uxorem amantissimè verbis meis. Ego priusquam Regem convenero, ad amicos non scribam. Iterum valete.

EPISTOLA DCXCII.

JACOBO AUGUSTO
THUANO.

Felicitatem itineris mei terrestris, & 1610. periculum in mari ex uxoris meæ sermonibus puto te cognovissè, Præses illustrissime: fuit sanè & illa magna, & hoc maximum. Per horas quatuor & viginti inter Caletum & Doveram, sive ea Dovoernia est, sumus jactati; & quamvis naufragium planè non fecimus, (Deus enim adfuit, qui nos servavit) navem tamen ad extremum ex parte saltem fregimus. Equidem licet domi sedens universâ hac molestiâ poteram carere, quia tamen Regis tanti conspectu, tam diu mihi optato, aliter frui non poteram, haut muto factum; neque me consilii pœniter. Vidi enim tandem & præsens veneratus sum Serenissimum *καὶ σαλυνότατον ἑνὸς* Regem illum, cujus de laudibus quicquid dixerò, minus erit. Est ita comparatum naturâ, ut de magnis Principibus multa fingat fama, & si quæ illis insunt bona, veris falsa affingens in majus extollat: ego verò Magnæ Britanniae Regem ut veni, ut vidi, & de rebus diversis differentem audiui, majorem famâ suâ inveni, & quotidie magis magisque invenio. Crede mihi, amplissime Thuanè, nihil hodie sol videt hoc Principe humanius, nihil benignius, nihil literarum & omnis virtutis amantius. Adde eruditionem, quæ vel in privato homine ad veræ laudis adeptionem poterat sufficere; in Rege autem tanto, hisce præsertim temporibus, magni, si quid judico, instar miraculi queat censerì. Quid nunc commemorem ingens illud studium veri in omni re, & amorem omnium, qui eodem studio ducuntur? Quæ quidem res ita tibi, Præses illustrissime, Principem *φιλαθηβίστατον* conciliavit, ut nulla de re mecum sit frequentius adhuc locutus quàm de te & tuis Historiis, de quibus si pari candore Romanenses judicarent, nihil opus fuisset aureo illo carmine ad castigandam malorum Aristarchorum censuram. At Rex te amat, te unum in eo genere scriptionis probat, & solum regnare cum paucis Veterum affirmat. Quid multa? audiui non semel dicentem, multis se Thuanum anteponeere Tacitis: nam quod

1610. quod scire te volo, de Tacito non aliter sentit Rex prudentissimus, quàm ut anno pronuntiavimus in Præfatione Polybiana. Itaque triumpho gaudio, & mihi jam aliquid in literis videre videor, qui in judiciosissimi Regis sententiam mihi ignotam casu inciderim. Omitto de ingenio, memoria, & singulari facundia, etiam in sermone Gallico, plura commemorare. At pietatem & incredibilem quandam propensionem ad consilia pacis & concordia, nequeo prætermittere. Sanctè affirmo tibi, cætera ferè omnia, quæ agit, ut aut loquitur, instar *παριέγων* illi esse, quum hoc unum *ἔργον* assiduè animo volvat, ut, si quâ ratione potest, dissidia pro sua virili minuat, & publicæ tranquillitati consulat. Non is est Rex serenissimus, qui nihil nisi quod inter suos sit receptum usu, rectum putet. Scit ille, & sapissimè proficitur, unicam ad conciliationem patere viam, si positis affectionibus, fides asseratur antiqua, & in hoc omnes seriò consentiant; id esse verissimum, quod certò constiterit esse antiquissimum, & fuisse à principio. Quod autem aliquis existimet, Regem acerbitate aut furore potius eorum, qui adversus ipsum scripserunt irritatum, à concordia consiliis factum esse alieniorem, id verò longè secus est: quippe animi Princeps maximi, malevolorum convitia, quum ad se nihil pertinere existimet, ne attendit quidem, qui si existimaret, furiosorum hominum habendam sibi esse rationem, facile obtineret, ut malo suo tandem docti, scirent longas Regum esse manus; nimirum eos esse vāsanos, qui convitiis Principem appetunt, tot legionibus, tot classibus instructum. Enimverò Cardinalis Bellarminus, & quicumque illud argumentum pari protervitate urgent tractantque, quid aliud agunt, nisi ut Princeps benignissimus patientiam tandem rumpat, & suæ Majestatis atque adeò omnium Regum ac Principum juratissimos hostes, quique cum ipsis sentiunt, flammâ ac ferro persequatur. Afferuntur mihi quotidie in hoc loco nova scripta, Romæ, ut plurimum, edita, quibus Majestas Regum infandum in modum pedibus calcatur. In his nuper fuit liber Cardinalis Bellarmini adversus Barclaium; quem toto animo boni in his regionibus viri sunt abominati. Ego nondum legi; sed non dubito, quin sit planè *ἡ πατρίς πᾶσι παιδίον*. Verum de his aliàs. Quod superest, Deum veneror, ut te, Præses illustrissime, & nobilissimam conjugem, cum liberis vestris servet, magisque ac magis in dies bect. Vale,

& me ama, ac plura de me proximis 1610. literis exspecta. *Londini, a. d. xv. Kalend. Decemb. c13 13 cx.*

Scripseram has literas, cùm Legatus Christianissimi Regis ad me venit, & dixit, Serenissimum Regem sibi mandasse, atque adeò se orasse, ut apud Augustissimam Reginam veniam mihi impetraret manendi in Anglia saltem ad tempus. Scito, illustrissime Præses, nullâ meâ *τίσιν* hoc esse factum, nullâ arte: nam equidem mecum de ea re agentibus respondi, me in potestate Regina & esse, & semper futurum: itaque illa statuet, illa jubebit, ego parebo. Puto equidem si ad Dominum Sully res referatur, actum transactum esse negotium. Expectabo, quid divina providentia de me statuerit; cui me totum permitto. Hodie Rex optimus me jussit suam benevolentiam tibi testari, & se missurum ad te rerum ad se pertinentium *ἑσπερήματα*. Deus te servet. Vale.

EPISTOLA DCXCIII.

JOANNI CASAUBONO,
F I L I O.

1610. Fili, vestras post meum discessum literas à te accepi: ex quum per mihi placuissent, sperabam officio scribendi te diligenter functurum; sed falsus sum, & vehementer quidem. Quæso te, quid accidit, cur officio deesses tuo? nam ipse quanto literarum desiderio tenear, non nescis, quum præsertim matrem tuam reliquerim agrotantem. Scito igitur, mirè hinc anxium me vivere, vestrà culpâ: nam Dominus Gentilis quotidie huc ad forem dat literas: itaque crucior animi; & quid dicam, nescio. Ego apud Regem sum, qui me, si fas dicere, in deliciis habet; qui omnia prolixè pollicetur; qui primum advenienti duplum stipendium obtulit ejus, quod habeo Lutetiæ; cum certa spe fore, ut liberalitatem ejus sæpe experiar: non enim leviter illi cordi sumus; utut homines amici traducere me apud ejus Majestatem sint conati longâ historiâ, neque nunc narrandâ. Spero *ἐν Κυρίῳ* fore, ut omnes calumnias vincat integritas mea: sed tu occasionem illis maxime dedisti. Scit Rex, quod est à te factum*; sciebat *ὁ μακαρίτης* Archiepiscopus†, in cujus obitu parentem alterum amisi: de his, ut spero, aliàs. Volo legas Epistolam ad matrem à me scriptam, ut scias, quo loco res sint meæ: interest enim mea, ut rei veritatem omnes intelligant, ut de mea

* Scilicet quod ad Pontificiam Religionem transiit.
† Canonicus qui diem obitū suum, Eid. Novemb. 1610.

1610. fide erga regiam Majestatem constet; nam scito, meis studiis longè alia parva hic esse præmia quàm hæcenus sim nactus. Adi Dominum Cardinalem Peronium, ad quem scripsi; &, quæ legeris in Epistola ad matrem, * illi. Ego hoc unum laboro, ut simplicitas animi mei non sit obscura: nam pertinet hoc ad existimationem fidemque meam, & prætereà mihi ac liberis meis volo esse consultum. Adi etiam ad clarissimum virum, Dominum † Fabrum, & officiosissimè illum verbis meis saluta. Fac pendeant tibi studia ex ejus consiliis. Frontoni Ducæo significabis, nondum me Savilium vidisse; sed chartam ipsius pridem ad illum esse missam. Pietatem erga Deum, studium virtutis & literarum, fili, tibi commendo. Fratres Puteanos, Magnum, & alios mihi notos saluta. Vale. *Londini, a. d. xv. Kalend. Decemb. c15 15 cx.*

* Foris
desi
dic, vel
nuncia,
aut simile
verbum.

† Nic-
laum.

EPISTOLA DCXCIV.

PETRO JUNIO.

1610. QUando in Angliam veni, nobilissime Juni, habui nihil antiquius secundum officium erga Regem serenissimum, quàm ut te inviterem è vestigio, & meum erga te amorem summum atque reverentiam coram probarem. Vivit enim in animo meo atque uxoris, suavissima recordatio nominis Scrimgeri, avunculi tui, & ejus affinitatis, quæ viros præstantissimos τὸ πάλαι μακαρίας, Scrimgerum & Stephanum, olim inter se conjunxit. Itaque per mihi molestum accidit, quod in ea potissimum tempora incidit meus in hoc Regnum adventus, quibus tu, Vir clarissime, hinc aberas. Mollicrunt tamen meum istud tui desiderium filii quatuor, quos hic habes, qui me omnes salutarunt, & pro sua humanitate officia sua mihi non solum obtulerunt, verùm etiam detulerunt. Ab illis accepi, non ante primum ver te huc fore rediturum; quo tempore an hic sim futurus quum ignorem, faciendum duxi, ut cupiditatem tui videndi, quâ dudum sum incensus, literis saltem meis tibi significarem, oraremque te etiam & etiam, ut me, in tuorum numerum multò antè (spero) receptum, amare porro pergas, tuique vivere studiosissimum, ac læta omnia tibi à Deo optare ac tuis, constanter credas. Ego, ubi sim futurus, te amare, & summâ observantiâ colere nunquam desinam. Vale. *Londini, a. d. vi. Kalend. Decemb. c15 15 cx.*

EPISTOLA DCXCV.

JACOB O, ✱
MAGNÆ BRITANNIÆ,
SCOTIÆ, &c. REGI.

Serenissime, potentissime REX,

ACEPI hodie literas è Gallia, jussu 1610. Reginæ ad me scriptas, planè quales optabam. Fit enim mihi potestas Tuo in Regno manendi, & serenissimæ Majestati Tuæ inserviendi; quin hoc Regina prudentissima voluit additum, eò me sibi fore in posterum acceptiorem, quò diligentius id operam dedero, ut meum humile servitium charo suo fratri, (sic enim est scriptum) gratum accidat. O salve igitur, mi Rex, mi Mæcenas, mi Here! Patietur enim, spero, immensa illa clementia, bonitasque Tua, ut ego jam Majestatem Tuam non ut advena & peregrinus salutem; sed verò, ut ἀποχθὺν subditus, & servus domesticus. Et fui certè jam à multis annis totâ voluntate servus tuus, Tuæ Majestati devotissimus. Enimverò, Domine, quas ego Deo Opt. Max. gratias agam, nescio; qui meum inenarrabilem luctum ob eadem nefandam prioris Mæcenatis mei, gloriosissimæ memoriæ Principis, sic dignatus est solari, ut spe, atque adeò votis meis major felicitas mihi jam obrigerit. Mæx nunc sunt partes, in eam curam dies noctesque incumbere, ut ejus otii, quod beneficio Majestatis Tuæ me spero consecuturum, eidem possim rationem reddere; quod præstare, ac ne conari quidem potero, quandiu meâ carebo Bibliothecâ; oro supplex Majestatem Tuam, ut de futuro meo statu semel velit statuere. Gestit enim mihi dudum animus, effectum jampridem opus, & longis vigiliis elaboratum, primo quidem die publicare; futurum, propitio Numine, Tuæ singularis erga me benignitatis & liberalitatis apud omnes Europæ Nationes, absit verbo invidia, vocalem præconem. Promisit mihi amplissimæ dignitatis vir, Thomas Laec, tempora se Majestatis Tuæ captaturum, ut cum fuerit opportunum, memoriam mei illi refricet; qua etiam de re cum reverendissimo Episcopo Bathoniensi † † Men- lahis. per literas egi. Utinam hoc iribuat mihi clementia Tua, Domine, ut postquam fuero in Musæum meum abditus, per alterum horum mea desideria Tuæ Majestati exponere mihi liceat! non enim convenit humilitati mæx, ad tantum Regem aliter quàm per interpretem, accedere. De aureolo opere præstantissimi viri, Episcopi Eliensis, quid mei

1610. mei sit iudicii, jam antè significavi. Nunc in iis versamur, quæ à serenissima Tua Majestate sunt profecta; laudatione, & approbatione omnium, non cuiusquam censurâ, dignissima. Una est generalis quædam observatio, non magis mea, quàm doctissimi viri, Decani Paulini, de quâ melius coram, aut si iussus fuero, aliâ Epistolâ. Veneror supplice voto Deum immortalem, ut spiritu suo verè *ἐννοήσῃ* Tuæ Majestatis consilia semper dirigat, omni suarum maximarum benedictionum genere magis magisque indies beet, mihiq; benevolentiam servet, det mereri. *ῥέω*, *ῥέω*. Londini, pridie Kalend. Decemb. c15 15 cx.

*Tuæ serenissimæ Majestatis humillimus
Servus, devotissimus Cultor,*
IS. CASAUBONUS.

Inscriptio.

Serenissimo, potentissimo REGI,
JACOBO,
Magnæ Britannix, Franciæ, & Irlandiæ
Monarchæ, &c.

EPISTOLA DCXCVI.
✱ JACOBO MONTACUTO.

Reverendissime Domine,

1610. Tandem advenerunt è Gallia literæ, & quidem planè ex animi mei sententia. Nam sine metu offensæ, imò cum spe gratiæ apud Reginam sit mihi potestas, Regi serenissimo serviendi. Quare inter fidelissimos Regiæ Majestatis subditos & servos me quoque jam licet numeres. Det mihi Dominus Jesus, ut quantum ex ea re gaudii jam ipse capio, tantum adsit virium, ut sincerum studium meum Regi primò, deinde omnibus bonis possim probare. Est certè animus non cessare, neque labori parcere, ut officio meo ne possim videri defuisse. Vide verò, reverendissime Domine, quantum mihi sit fiduciæ in tua benevolentia: ausus enim sum rogare serenissimum Regem, ut vel te, vel Domino Laec interprete mihi uti liceret apud ipsius Majestatem, si quid mihi eâ conventâ fuerit opus. Nam ubi semel in Musæum me abdidero, in Aulam nisi iussus non veniam; neque enim temerè tanti Principis curas ausim interpellare. Nunc te oro, ut de meo futuro statu, quæ intellexeris ex ore serenissimi Regis, mihi significes. Cupio enim familiam quàm primùm accersere, aut saltem Bibliothecam, quâ vix possum diutius carere. An mentio de viatico apud aures Regiæ Majestatis sit fa-

cienda, tui iudicii facio; nolo enim 1610. ullâ re esse molestus. Vale, & festinationem meam boni consule. Londini, pridie Kalend. Decemb. c15 15 cx. raptim.

*Tuæ Dignitatis & Reverentiæ Cultor
sincerus, & ἰσχυρὸς,*

IS. CASAUBONUS.

Inscriptio.

Reverendissimo Viro, Domino,
JACOBO MONTACUTO,
Episcopo Bathoniensi & Wellensi.
IN AULAM.

EPISTOLA DCXCVII.
JACOBO AUGUSTO
THUANO.

ET si magnitudo mihi nota est tuarum 1610. occupationum, Præses illustrissime, non possum tamen abstinere, quin vel uno verbo (quod ajunt) te compellem. De meo huc adventu scripsi pluribus nuper, & de summo Principis maximi amore erga te. Me verò Rex, literarum amantissimus, eâ benevolentia est complexus, ut suos mihi portus ad reditum neget patere. Ego sanctè affirmo tibi, Præses amplissime, quoties mentio mihi facta est de mansionem in his locis, non aliud respondisse me, nisi hoc unum, in potestate Reginæ esse me; facturum quicquid illa jusserit. Scriptum igitur ad Reginam super eo negotio; & ita scriptum, sicut audio, facilè ut appareat, Regem hoc valde cupere. Exspecto responsum illud, ex quo mearum fortunarum pendet ratio. Deo interim me & omnia mea permitto. Postquam erit certum, quid me sit futurum, spero isthuc me mox rediturum: tum colloquio tuo fruar, Præses illustrissime, à tua consuetudine nunquam sine gemitu divellendus. Oro interim Deum Opt. Max. ut te, cum nobilissima conjugē, & luminibus vestris, omni bonorum genere cumulet. *ῥέω*, *ῥέω*. Vale. Londini, Kalend. Decemb. c15 15 cx.

Dabis mihi, si placet, hanc veniam, ut virum clarissimum, Nicolaum Fabrum, Puteanos fratres, & Rigaltium tuos hic salvere jubere mihi liceat.

EPISTOLA DCXCVIII.
RICHARDO MONTACUTO. ✱

Cum mihi est nuntiatum, serenissi- 1610.
mi Regis Majestatem Urbe esse profectam, neque ante Natalem Domini

1610 ni redituram, dolui non fuisse me prius facultatem nactum ipsius conveniendæ. Jussus enim fueram legere, quæ à viro præstantissimo, D. Eliensi, adversus Bellarminum sunt scripta, ut quid mihi de ea scriptione videretur, serenissimæ Majestati exponerem. Ego verò & adfui D. Eliensi, sua legenti D. Decano, hospiti meo doctissimo, mihique; & postea domum allatas easdem chartas legi ipse, & quantâ maximâ poteram attentione singula expendi. Ac licet non ita insaniam, ut de tanti viri scriptis judicare me posse existimem; quia tamen jussus eram, optavi sententiam meam apud sapientissimi & ἐνοβριστε Regis Majestatem exponere. Cujus voti quoniam facultas non contigit, ad te, Vir reverendissime; ut per te, nisi grave est, Rex cognoscat, me, quod fueram jussus, incredibili quadam cum voluptate animi partim esse executum, partim quotidie exequi. Legi enim, & lego quotidie opus, in quo pietas sincera cum eruditione varia, & suavissima quadam elegantia sic certant, ut quid prius laudes, aut mireris, non facile scias. Miserum verò Cardinalem, qui in hac ætate Antagonistam sortitus sit, ingenii copiâ, doctrinâ exquisitâ, & dicendi facultate cum maximè florentem, & omnibus planè rebus ad hujusmodi certamen necessariis longè superiorem. Quod si quid pudoris in fronte Cardinalis salvi superest, non puto ipsum cum hoc adversario in arenam unquam descensurum; certè enim impar congressus Achilli. Sciat verò per te, obsecro, Regia Majestas, ita me in hoc negotio esse versatum, ut hominem φιλαλήθη & candidum decebat, nam qui omnia tribuam D. Eliensi, atque ipsum admirer summoperè, sic ejus legi scripta, atque omnia expendi, quasi Auctori nihil tribuerem. Quare etiam dubitationes meas, si quid fortè incidebat, de quo dubitarem, chartæ illevi, & ad ipsum retuli. Sed nihil fuit ejusmodi, in quo non inter nos conveniret; neque hoc, quia auctoritati viri tanti modestè cederem; sed quia ex animo penitus cum illo sentio: nam & ipse cum antiquis Patribus consentit; quorum doctrinam, ubi consentire ipsos inter se video, probare & Religione quâdam me colere, adeò me non diffiteor, ut præ me feram. Utinam, reverendissime Domine, iterum utinam, qui in nostra Gallia Theologica tractant, D. Eliensem vellent imitari! Ausim affirmare, uberrimos fructus suæ moderationis eos fore percepturos: nunc utique cum bonorum omnium animi à manifesta tyrannide Romani

Pontificis abalienati, defensores illius 1610. cane & angue pejus oderunt, & perditos cupiunt. O illum diem det nobis videre Dominus Jesus! Ego literas è Gallia de meo negotio cupidissimè expecto; miro flagrans desiderio serenissimæ Majestati inserviendi, si ita Deo & ipsi fuerit visum: nam post Christianissimi Regis, mei quondam Mæcenatis indulgentissimi eadem, sordet mihi patria, & ingratus est mihi ejus conspectus. Cæterum divinæ providentiæ me & mea permitto. Vale, & me ama, qui te animo colo. *Londini, Kalend. Decemb. stylo Gregoriano, 1610 CX.*

Tuæ Dignitatis observans,

IS. CASAUBONUS.

Qui tibi has reddidit, negotium isthic aliquod cupit perficere. Scio ego serenissimam maximi Regis Majestatem cupere nomini Juniano, & privatim illius πικράδα arboris ramo huic. Sed tu quoque, reverendissime Domine, multum hic quum possis, pro ea, quâ polles apud Regem, gratiâ, si quid hunc juveris, beneficium in me collatum putabo, & cæteris tuis meritis apponam.

EPISTOLA DCXCIX.

JOANNI RUTGERSIO. ✱

HERI tuas accepi, Dordrechtii 14. 1610. Novemb. scriptas. Etsi eram admodum occupatus, omnia tamen posthabui, ut pauca hæc ad te exararem. Scribis multas te ad me literas dedisse, quarum nullum tuleris responsum: at scito, idem me quoque ex parte posse dicere; nam etsi pluries non scripsi, semel tamen scripsi, neque aliquid à te postea accepi. Misi & exemplar unum τῶν τῶν μακαρίων, quod an acceperis, ne nunc quidem scire possum, Nam ὁ πᾶν Heinsius delitias facit, & longâ expectatione suas Epistolas mihi reddit gratiores. Quanquam nescio, an post meum ex urbe Lutetia discessum aliquæ à vobis literæ ad meos sint perlatae. Jam hic tertius incipit mensis, ex quo ab uxore, ab liberis discessi, ut Regnum hoc, imò Regem hunc inviserem. Habui ejus consilii causas gravissimas, quibus explicandis nunc superfedeo. Erat animus, mox in patriam reverti, qui aliter à Regina veniam impetrare non potueram, quàm de reditu fidem meam adstringendo. Sed me Rex serenissimus, sapientissimus, & quod super omnia est, ἐνοβριστε

βίον.

1610. *Βίαιος*, cā benevolentia, statim ut vidit, est complexus, ut repente negaret, suos mihi portus patere. Optare se, ut hic manerem, beneficiis ipsius non vulgaribus fruiturus. Quid multa? Ita permovit me tanti Principis tanta benignitas, ut sine cunctatione me totum illi dederim, cum hoc tamen, si bonā gratiā Reginæ meæ fieri id possit, id ipse curaret, de meo animo securus. Dictum, factum. Per duos Legatos, suum & Regis Francici, id suscepit Rex serenissimus se confecturum. Ego me divinæ providentiæ totum permitto; facturus, quod honestas & fides postula-verint. Nam ut Christianissimi Regis & augustissimæ Reginæ offensionem suscipiam, neque consultum est, neque vel Attalicis conditionibus adducerer, ut facerem. Sin autem bonā eorum gratiā libertatem possum consequi de meis rebus statuendi, ilicet, mi Rutgeri, Anglus sum, vicinus tuus sum: nam patria, etsi multis nominibus charissima, post maximi Regis, Mæcenatis mei indulgentissimi, cædem, ingrata atque invisa mihi est reddita. Non enim possum pati conspectum eorum, quorum doctrina Principem admirabilem terris eripuit. Oro obtestorque Dominum Jesum, ut auctores parricidii pessimos pessimè perdat, & nomen eorum velit delere atque *ἀναιρεῖν*. *Γένοιο, γένοιο*. Habes de præsentē meo statu, quem amicis, quos isthic habere me scis, velim significes: nam mihi jam occupatissimo scribere non vacat; scripturus, *ὅταν θῇ*, ubi erit aliquid certi. Redeo ad tuas literas. *Εὐφύμερον βεντοσκοπίαν*, quam nactus es, an ipse legerim, non scio: legi certè ejus argumenti non pauca. Variarum Lectionum librum esse à te editum, & me nondum illum perlegisse, hoc verò non sine indignatione ferre possum: nam aviditate discendi, & cupiditate omnium, quæ à te proficiuntur, nemini mortalium facile concessero. Si est liber ille in hac urbe, dies non præteribit, quin situm meam expleam. De mendis posthumi operis noli mihi esse, obsecro te, molestus. Scio quid sit, & doleo; sed aliud nihil potui. Vos docti, agite; & quod peccatum est, corrigite. Quicquid in me erit, symbolam paratus sum conferre. Nunc longè à Bibliotheca mea positus, longè ab amicis Parisiensibus, nihil possum. Videro quid me * Deus Opt. Max. fieri volet. Jam enim miserè animi pendeo, non mediocriter de futuro meo statu sollicitus. Sed hæc proximis spero literis *ἀλλὰ πληρώων*. Scripsi raptim. *Londini, a. d. v. Eidus Decemb. stylo Juliano, c10 10 cx.*

* An
mihi.

Filius meus, cujus mentionem facis, 1610. non hic est, neque meorum quisquam. Cupio illum recipi à te in tuorum numerum, & quis scit, an simul patrem & filium visurus sis, ex Anglia ad vos animi causā profectos. Det modò *ὁ πᾶσι πᾶσι* vitam & otium, ac mare pacatum, quod me inter Calerum & Du-brim penè submersit. Horas viginti & quatuor sumus jactati; navem ex parte fregimus; sed adfuit Christus.

Inscriptio.

Doctissimo ornatissimoque Viro,
JOANNI RUTGERSIO, J. D.
Amico optimo, & plurimum
colendo.

DORDRECHTUM.

EPISTOLA DCC.

JACOBO AUGUSTO
THUANO.

ILLUSTRIS Domine, quid responsum 1610. sit à Regina ad petitionem Regis Magnæ Britanniae, non te, credo, later*. ** Respon- sum Regis, na accepit Casanbo- nus. a. d. 14. Kalend. Decemb.* Manebo hic, volente ejus Majestate, quamdiu eadem ipsi manebit sententia. Nam si exoriatur occasio, cur mea opera isthic desideretur, simulac augustissimæ Reginæ jussu id mihi fuerit significatum, fidem, quam discedens dedi, *ὅτι δίδωμι*, præstabo, & me subditum fidelem, veracemque, & patriæ amantem civem probabo. Utinam verò ea deinceps tempora existant, ut de promovendis literarum studiis tibi, Præses amplissime, & illustrissimo Cardinali Perronio liceat cogitare! Quod si futurum est, vestris ego votis pro mea virili conabor respondere. Interim quo loco meæ isthic fortunæ sint futuræ, in tua & ejusdem Præfulis præstantissimi manu est. Audio Reginam jussisse, ut regiā liberalitate etiam absens fruar. De Bibliotheca quid sit tantisper faciendum, vos statuere. Ego illam hæctenus fide integerrimā curavi, neque quum huc veni, vel literulam inde abstuli. Certus sum, Isaacum Chabanæum, meum *ἀδελφιδὴν*, postquam ego sum profectus, pari fide esse usum. At in restituendis tibi libris, quos è Bibliotheca tua habui, memoriā me lapsū scio, & quosdam reliquisse inter meos, quos jussi inquiri, & tibi reddi. Amo equidem libros, ut si quis alius; sed magis fidei & integritatis opinionem. Deum veneror, Præses amplissime, ut te servet. Vale. *Londini, a. d. v. Kalend. Januar. c10 10 cx1.*

Scripti

1610. Scripsi nuper, quo in te esset affectu Rex hic optimus, & bonorum amantissimus.

EPISTOLA DCCI.

E I D E M.

1610. ** Bandetian.* Illustrissime Vir, rediens ex Aula dici à D. * Legato discedere certum hominem, qui meas ad te esset tutò laturus: scripsi igitur raptim hæc pauca, ut scires, paucis diebus ternas me ad te dedisse. Animi mei τὸ ἀμήχανον ex iis intellexisti. Neque facile dicere possum, quæ suspiria quotidie edam, dum cogito perire mihi omne tempus, quod scis esse πολυπλέτεον ἀνάλωμα, & cujus unius est honesta avaritia. Ego verò annum integrum libris careo, & aulam sequor, hoc est, nugas ago. Misit quidem uxor chartas meas; sed plerasque adhuc desidero; & si omnes haberem, quid illæ mihi sine libris meis prodescent? Omnino aut revocate me seriò, aut permittite libros afferri, ne malè tempus omne perdens malè peream. Uxorem in itinere esse, conjecturà quādam adducor ut credam. Utinam ita sit! utinam Dominus Jesus fortunas meas ex hoc salo recipiat tandem in aliquem tranquillitatis portum! alioquin φρεῖδα sunt mea omnia incepta. Rex spem facit mittendi, quæ exspectas brevi. Oro supremum Numen, ut te servet, Vir amplissime. Vale. In ipso discessu tabellarii, qui literas Domini Legati tibi reddidit. *Londini... Januar.* CIO IO CXI.

EPISTOLA DCCII.

E I D E M.

1610. Illustrissime Domine, novissimæ tuarum necessitatem mihi imponunt meis de rebus agendi tecum pluribus verbis. Jubes enim, ut semel tibi significem, de reditu in patriam quid constitutum habeam. Utinam, Præses amplissime, ea esset temporum conditio, ut à voluntate mea deliberatio illa penderet! Non hærerem animi dubius εἰς ἀκαρῆ πνα χρόνον, qui nunc in quo acquiescam, vix certi aliquid invenio, ne tūm quidem, cūm diu multūmque apud me ea de re cogitavi. Hoc primum scire te, & firmiter credere cupio, τὴν Φυσικὴν τεργυλὸν τῆς πατρίδος ἐν τῇ ἐμῇ ψυχῇ ἐκείνην ὡς σφιδράττω. Nam quod dici solet, Sapienti omnem terram esse patriam, id nihil utique ad me pertinet, qui à sapientia absūm quā longissimè; neque tanto animi robore sum prædi-

tus, ut exilii, quamvis κακός, mala sine aliquo doloris sensu possim perferre. Fateor, Serenissimi Regis singularem benignitatem, quam hætenus mihi constanter præstitit, patriæ desiderium non parum mihi lenire. Verūm ego non adeò mei in hac deliberatione rationem habendam puto, ac conjugis, liberorum, studiorum denique meorum. Uxori aër inclementior, linguæ impetritia, & non parum diversa ratio administrandæ familiæ, stimulorum instar sunt, qui oblivisci patriæ ei non permittunt. Filii ætate maximi respectus parentem utrumque impellit peritæpe, ut isthuc malleus esse, quò illum consiliis rectis in hoc flexu ætatis juvaremus. Duo alii, qui hic sunt, institui in literis, σὺν θεῷ, facilè hic possunt; sed cui bono? Medicina hic non sanè viget: Jurisprudentia illa vetus & vera planè jacet, vix de nomine paucis nota: denique literis hic solis Theologicis præmia sunt posita; ad quæ peregrini, & ii quidem Galli, vix possunt aspirare, ac ne vix quidem. De studiis verò meis quid opus est verba faciam? neque enim ipse ignoras, id omne, quod hætenus elaboratum nobis fuit ad publicam utilitatem studiosorum, ἀπεξαιπλῶς periisse: de iis loquor vigiliis nostris, quæ ad literas illas pertinent, in quibus aliquid nos posse multi existimant, tuque in his, amplissime & doctissime Præses. Hic omnis mea industria, omnes vigilæ in eo solo occupantur, ut Regis voluntati satis faciamus. Quum igitur maximi hujus Regis mens tota in hodiernis de Religione controversiis occupetur, nos quoque τὰς ἀμφοῖν αὐτῶν in iisdem studiis esse oportet, easdem curas suscipere. Quod etsi eò libentius facio, quia ingravescentes hæc ætas & parum firma valetudo dies noctesque me admonent, ut de vera pietate ac futura vita seriò cogitem; non possum tamen sine cruciatu animi tot inchoatos labores sinere ἡμιπλήρεις nunquam perficiendos. Accedit illud, quod tibi uni dictum cupio; τοῖς ἄλλοις ἀπασιν εὐφημα κείτω; in tanta animorum distractione, & opinionum super Religionis rebus varietate tam multiplici, ægrè facere me, ut me istis controversiis immisceam; idque multis de causis minimè nunc commemorandis. Habes, Vir illustrissime, rationes breviter expositas, quæ mihi reditum in patriam præcipuè suadent: sed me ab hac voluntate longè aliquando rationes aliæ revocant, quas ut nunc enumerare longum esset, σὺν θεῷ, pluribus tecum acturo. Ut paucis absolvam, summa consiliorum meorum est, quietem & necess-

1610. necessaria ad vitam præsidia optare me, ut quod supererit vitæ, studiis possim impendere, & de eorum studiosis pro virili benè mereri. Hoc posse me isthic melius, rebus pacatis & tranquillis, certum est: καὶ ταῦτα μὲν ταῦτη. Quod superest, te, Præses amplissime, consilium peto atque opem; quid mihi studiisque meis sit optabilius, non erit tibi difficile statuere hoc usu rerum viro, & πρὸς καὶ ἐπίσω ἱστῶν. Da igitur hoc mihi, veteri tuo clienti, ut expendere rationes dubitandi meas digneris, & ad extremum pronuntiare τὴν ἀρίστησαν. Mihi id videbitur optimum & tutissimum, quod tibi fuerit probatum. Quare in hoc negotio à tuo iudicio posthac pendebo. Epistolam ad τὸν πᾶν Cardinalem nuper iussu Regis misi ipsi: illud unum exemplar adhuc è manibus meis exiit, nisi quod Rex alterum describi curavit, & ad Legatum suum mitti. Optavi unum ad te; sed non ausus sum, ne animum & πᾶν καρδ. offenderem, qui fortasse copiam sui tibi faciet, si putas esse tanti. Mihi ejus scripti causâ sexies minimum fuit petenda Aula, unde nuper sum reversus & καλῶς ἔχον. Primo simplicior erat manus; sed postea multa sunt adjecta. Utinam non planè sit inutilis Ecclesiæ Dei hic serenissimi Regis labor! Plura de id genus rebus olim, si Deus voluerit, coram. Duo tantum breviter dicam; si quis putat, Magnæ Britanniae Regem in ejus generis scriptis alienâ industriâ opus habere, fallitur: ipse harum controversiarum peritissimus est, & in Sacris Literis versatissimus. Etiam illi falluntur, qui scissuræ hujus causas aliundè repetunt, quàm ex horribili depravatione omnium ferè rerum ante Reformationem institutam. Quæ si non probatur, age, melior instituat. De opinionibus recentiorum οἱ ἐργονικοὶ non contentent. Concedatur modò, Reformatione esse opus, atque illa præstetur. Qui hac viâ omisâ eò vires ingenii conferunt, ut quicquid sit hodie, defendant, & cavillis tanquam præstigiis oculorum usum hominibus eripiant, ii frustra laborant, & tandem experientur, quod Polybius ait, μεγίστην θῆν εἶναι τὴν ἀλγίστην. Equidem dum attentius lego id genus scripta, hoc assessor, non ut doctior ab eorum lectione discedam, sed ut peritior fraudum stupendarum, quibus illi utuntur, ut simplicium animos à veritatis notitia quàm longissimè arceant. Vale, Vir illustrissime, & me ama. *Londini, pridie Kalend. Januar.* c10 10 CXI.

EPISTOLA DCCIII.

DANIELI HEINSIO.

Sextus, opinor, mensis est, ex quo 1611. nihil à te literarum accepi, Vir clarissime atque amicissime. Ego verò & priusquam Lutetiâ proficiscerer, semel atque iterum ad te scripsi, & nuper cum Rutgersio nostro rescriberem, ut meum apud te silentium excusaret, rogavi. Misi etiam ad te exemplaria aliquot τῶν & μακαρίτη*, quæ Parisiis sunt * Josephi Scaligeri. edita. Et hæc & Epistolas meas an acceperis, nescio; equidem nihil prorsus literarum à te accepi ab illo tempore, quo amplissimus vir, Mylius, Legatus in Galliam venit. Te oro, nolis veteres amicos despiciere; eos præferim, quos negligere non potes, ut manes magni Scaligeri non lædas. De meo in hanc μακάριον νῆσον adventu ex aliorum sermonibus, puto, audivisti. Veneram cupidus Regis videndi, quem dudum admirabar. Ille pro sua incredibili humanitate, ut me semel est natus, dimittere noluit. Quum dicerem, in potestate Reginæ me esse, statim apud illam egit Rex maximus, ut per Heram meam liceret mihi hic manere, quamdiu ipsi libitum fuerit. Ex eo in Anglia sum, ubi fruor duplici solatio: nam & conspectu scelestissimorum ἀλαστῶν & parricidarum non crucior, & cum Regis benignitatem, tum doctissimorum virorum eam experior humanitatem, ut videar etiam patriæ posse aliquando oblivisci, licet Thuani magni, & quorundam aliorum desiderium vix feram. Etiam illud solatio mihi est, quod in hoc Regno speciem agnosco veteris Ecclesiæ, quam ex Patrum scriptis didici. Adde, quod Episcopis ὁσμήραι συνδιᾶγω, doctissimis, sapientissimis, εὐσεβεστάταις, & quod mihi novum est, priscae Ecclesiæ amantissimis. Satis vel in hac una re fuerit momenti ad dolorem exilii spontanei leniendum, mihi quidem; nam eorum judicia, quibus in Religione nihil sapit nisi novum, nihil moror. Verum hæc ὁδὸν πείρεσθαι. Vale, amicissime Heinse, & τὸν σὺν ἑταῖρον ἰλέαται, qui quartum agit mensem procul à Bibliotheca. *Londini, a. d. vi. Eid. Januar. stylo Liliiano,* c10 10 CXI.

EPISTOLA DCCIV.

JANO RUTGERSIO. ✱

Cum tuas accepi, die xxvi. Decem. 1611. bris scriptas, Vir eximie, quò minus
A a 2 nus

1611. nus statim responderem, justam habui causam; quod ex mihi sunt redditæ proficiscenti ad serenissimum Regem, procul Londino tunc agentem. Erat verò animus mihi, simul ac ex illo itinere essem reversus, suavissimam Epistolam tuam statim in manus sumere, & sine mora responsum exarare. Sed non te latet, quàm sit ἀπερίτεια vita aulica, & susceptis consiliis sæpe contraria. Mihi profectò contigit, ex quo in hanc nobilem Insulam veni, ut vix ullum temerè diem otiosus duxerim. Ignosce igitur, quòd serius expectatione fortasse tuâ respondeam; & certus esto, Epistolâ illâ tuâ nihil potuisse mihi gratius, nihil suavius contingere; eò quidem magis, quia videbantur omnes mei isthic amici omnem mei posuisse memoriam: mirum enim omnium silentium à mensibus quàm plurimis. Postea à Dominico Budio, viro clarissimo, Epistolam accepi; sed à præstantissimo Heinsio nihil ne nunc quidem; quum tamen etiam post meum huc adventum ipse ad eum literas dederim, quas confido probè fuisse curatas. Tu verò perge, optime & doctissime Ruggeri, literis me beare tuis: ego sedulo operam dabo, ne officium in ea parte meum possis desiderare. Quod scribis, opinari te, Reginam sapientissimam Regi serenissimo hanc χάριον non denegaturam, ut hic mihi cum bona ipsius gratia manere liceat, nã tu ἔτυχες ἐκ ἡμετέρας, & μάντιν ἀρίστον te probasti. Ego vix putabam futurum, memor eorum sermonum, quos Regina augustissima mecum discedente habuit. Sed quum urgeretur quâ literis Legati sui, quem hic habet; quâ verbis Legati Angli, qui agit Lutetiæ, noluit conjunctissimo & potentissimo Principi aliquid videri denegasse, quod in sua positum esset potestate. Sed scito, neque Regni Cancellarium, neque Præsidem Thuanum, neque alios ejus Aulæ illustrissimos Proceres in consilium fuisse adhibitos; qui mox re cognitâ, indignissimè tulerunt, quod factum erat, & ad tempus mihi datam esse veniam significarunt. Atque hic jam est meus status, quem velle cognoscere te ais. Ego neque prædicandi benignitatem & alias excellentes virtutes hujus summi Principis finem unquam sum facturus, neque porro oblivisci patriæ suavissimæ & mei amantissimæ facilè possum, qui præsertim negotia habeam gravia illic curanda. Accedit linguæ difficultas, quam etsi minimo labore videor posse discere, ut libros Anglicè scriptos intelligam; loquentes tamen posse me intelligere, nisi longo usu, vix spero. At

facultatem τῆς ἀγγλικῆς λαλεῖν adepturum 1611. me unquam despero; nam neque nôram ei rei operam dare, & tam grandem natu id curarum vereor ne putidum sit, & risu dignum. Turpis enim profectò res est, senex elementarius; nos autem, qui annum jam vitæ quinquagesimum transcendimus, (Dei sit gratia) alia æquum est curare. Possum hoc negligere incommodum; sed an uxor hanc molestiam æquo animo sit latura, id ego nescio. Est verò æquissimum, ut potissimum illius rationem habeam. Exspecto illam brevi, σὺν θεῷ εἶπαι· cui assiduè vota facio, ut faciliorem maris transitum velit eam experiri, quàm mihi contigit. Cras, spero, me illi Doveram usque obviam processurum, ut è navi exeuntem excipiam; quod det mihi atque illi Deus Opt. Max. Habes de meis rebus uberius etiam quàm petebas. Sed fallor, aut ingratum tibi non erit, mea omnia cognoscere: ego vicissim τὴν περὶ σὲ κατὰ λεπτὴν doceri aveo. Varias tuas scito expectari à me incredibili cum aviditate; quæ si unquam in manus meas venerint, sitim meam cupidissimè explebo. Opto tibi ex animi sententia omnia contingere, ut quæ moliris in literis præclara, ad exitum perducas, & nos doctrinæ tuæ cupidos quàm primum scriptorum tuorum editione bees. βραυτεροκόπων Nigidii collatione multorum similis argumenti librorum possem illustrare, si in veteri meo Regno (Bibliothecam dico Regis Christianissimi) versarer; aut si meos libros hic haberem. Nam & inter regiones plures non dissimilis argumenti; & inter meos unus extat, quem si esset ad manum, tibi mitterem. Certum est, id genus libellos etiam Christianis hominibus ante multa secula cœpisse esse in usu. Matthæi Parisiensis verba sunt in anno Domini c13 cc l11. de Constantia puella, filia Archiepiscopi Atheniensis. Hæc puella pestilentias, tonitrua, eclipsin, & quod mirabilius fuit, terræ motum prædicens, omnes suos auditores infallibiliter præmunivit. Plura adderem, nisi omni librorum præsidio meorum deficerer. Quare etiam de Commentariis Polybianis noli meminisse; quando rationes priorum meorum studiorum hoc iter mirificè conturbavit, ut vix sine suspirio ejus incepti possim meminisse, quod tot vigiliis mihi constitit. Sed neque adest mea Bibliotheca, neque ea studia multum sunt ad gustum illius, cujus solius, quamdiu hic sum futurus, habenda mihi ratio: equidem perficiendi operis incredibili cupiditate sum incensus; id tamen quando futurum sit, θεὸς ἐν γέ-
ραν

1611. *νασι καὶται* qui me o utinam damnet hujus voti! idemque te servet *ἀνοσον καὶ ἀπῆμαντον* eis *πολλὰς κυλινομένων ἐνιαντῶν περιόδους*. Vale, & me ama. *Londini, a. d. 111. Kalend. Februar. c10 10 cxi. stylo in Gallias recepto.*

Viro doctissimo atque ornatissimo,
D. JANO RUTGERSIO, J. C.
amico plurimum colendo.

DORDRECHTUM.

EPISTOLA DCCV.

GEORGIO MICHAELI
LINGELSHEMIO.

1611. **D**lu est, cum cessat inter nos mutua scriptio, præstantissime Lingelsheimi; atque ego fateor, à me principium cessationis extitisse; qui acceptis à te literis de gravissimo argumento, dum occasionem capio serio respondendi, ecce de repente nefario parricidio tollitur magnus Henricus. Me vero is casus ita perculit, ut in ejus recordatione & doloris sensu per diu animi mentem totam habuerim occupatam. Secuta est mea in hanc nobilem Insulam profectio; cui cum paucos menses destinasssem, evenit longè aliter. Quid multa? permissu Christianissimi Regis & Reginae matris vel penitus, vel certè ad tempus non exiguum factus sum Anglus. Credo equidem, *Θεὸς ἐπιείκετο βασιλῇ* non enim sine Numine profectò Rex serenissimus, sapientissimus, doctissimus, &, quod supra omnia est, *ἐυσχέτισται* suà me benevolentia est complexus *. Scio, & fateor ingenuè, in me nihil esse hac illius dignum gratia, his beneficiis; quò magis Deo Opt. Max. omnia fero accepta, cui honos sit & gloria *εἰς τὴν αἰῶνα τῶν αἰώνων*. Ille est, qui me Regi, qui omnibus doctis & piis gratum reddidit. Faxit idem, ut me in his terris moræ exstet olim monumentum ipsi gratum, bonis omnibus acceptum. Cæterum in rebus alioquin lætissimis (*φθὺν δ' ἀπίσω καὶ νέμισις*) illud me enecat, quòd à libris meis tamdiu absum; & spero quidem, illos huc allatum iri; sed multis de causis spissum hoc negotium est. Jacent igitur curæ Polybianæ, & fortasse æternum jacebunt. Neque enim hic satis commodus ad illa studia est locus: itaque tot vigiliis exantlatum opus in magno jam periculo versatur, ne perpetuis damnetur tenebris. Hoc me angit supra modum. Fiat tamen etiam in hac re Dei voluntas. Interim ne planè sterterem, per Jesuitas

* Vide
Georg.
Michaelis
Lingels-
hemii
Epistolam
ad Golda-
stnum, n.
389. 392.
& 397.

est factum, qui occasionem mihi præbuerunt publicè illos brevi scripto *††* *Vide Georg. Michaelis Lingels- hemii Epistol. ad Goldast.* compellendi: id scriptum scito brevi proditum in lucem, *Θεὸς διδόντω*, atque idem statim ad te, si ullà ratione possum. Vale. *Londini, a. d. vii. Kalend. Mart. stylo Liliano, c10 10 cxi.*

EPISTOLA DCCVI.

CAROLO LABBÆO.

Nequè optatius mihi tuis, quarum *1611.* spem facis, poterit quicquam contingere, Vir eruditissime; neque ego, qui te prior laceßivi, officio meo hac in parte unquam, *οὐδ' οὐδέποτε*, decero. Erit suave mihi, dum procul absum à suavissima patria, missas è patria amicorum literas quàm creberrimas accipere, & hoc *κατὰ δεύτερον πλὴν* solatio frui. Mihi cum omnia in hac florentissima regione ex animi sententia, benignitate Numinis, fluant; hæret tamen animo & patriæ & amicorum, quos in patria reliqui, *γλυκύπερε* quædam recordatio; non enim ferreus sum, quem hæc *φυσικὴ τρυφή* non tangat. Unica est, in qua toto pectore acquiescam, divina Providentia, quæ Regis maximi animum & omnium bonorum in me inclinavit. Itaque in *φίλῃ πατρίδι* qui eramus *τὸ μὲν*, hic locum honestissimum obtinemus: *φθὺν δ' ἀπίσω καὶ νέμισις*. Rectè mones me de fraude mihi facta in libro contra Anti-Cottonem. Atqui impunè non ferent, me vide. Exspecta à me breve scriptum, quo *τὴν δάνα* compellabo; placebit, spero, palato & tuo, & bonorum omnium, quod sum responsurus, ubi primùm ex curis nonnullis respiravero. Si me amas, integritatem meam protege. Scripseram Frontoni Ducæo sic: *Tu non dixisti; socius tuus dixit.* Priorem partem publicarunt; posteriorem dissimularunt. Hæc est fides. Sed plura brevi. Vale, & me ama, vel propter communem amicum, quem ex æquo sumus venerati. Narro tibi: Præfatio in Opuscula *ἡ μακαρίτης* ita placuit Pragæ Legato Regis Hispaniarum, ut non abstineret statim, quin per virum eruditissimum animi sui sensum literis humanissimè scriptis declararet. Hoc præmium meæ in Scaligeri manes pietatis. Iterum vale. *Londini, a. d. vi. Kalend. Mart. c10 10 cxi.*

EPISTOLA DCCVII.

✱ JACOBO AUGUSTO
THUANO.

1611. **Q**uas ad me nuper scripsisti, Præses amplissime, eas ego serenissimo potentissimoque Regi ostendi, & Majestati ipsius legendas exhibui. Cupiebam jamdudum mirificè, ex ipsis literis tuis posse Majestatem ipsius cognoscere, quo tu animo erga ipsum esses; quâ observantiâ, quâ veneratione excellentissimas ejus virtutes & literarum doctrinarumque omnium notitiam prosequeris ac coleres. Atque hoc ego, quia compertissimum exploratissimumque habebam, non dubitavi, postquam veni in hanc Aulam, quoties tui acciderat mentio, clementissimo Regi omni asseveratione confirmare, neminem hodie mortalium vivere, qui aut sentiat de ipsius Majestate magnificentius, aut ejus laudes libentius usurpet, quàm solitus sis ipse facere. Itaque tua illa Epistola, quâ hoc ipsum constantissimè asserebas, & tuis verbis serenissimæ Regis Majestati confirmari petebas, nihil ipso tempore opportunius, aut mihi gratius poterat contingere. Placuit Regi, veritatis amantissimo, tuus ille, quem iis literis abundè testaris, ejusdem veritatis amor. Placuit candor, quem profiteris, cum scribis, te si quid malè doctus narraſti fecius, ubi melius doctus fueris, mutare & corrigere paratum esse. Facis, Præses amplissime, quod te dignum est, hoc est, eo viro, qui professionem veri, cum in cætera vita, tum in Historia scribenda vel maximè, rebus omnibus semper duxit antiquiorem. Enimverò cum ita sis ipse animatus, iniquissimo fert animo Rex, alioquin acerrimus, te in opere contexendo à certis hominibus deceptum, & extra veri regionem longè abductum, de gloriosissimi nominis Regina, semper veneranda sibi parente, ea perpèpe in literas retulisse, & quidem accuratâ diligentia κατὰ λεπτόν commemorasse, quæ scit ejus Majestas, & scit certissimè, falsa esse, atque ab illis excogitata, quos universa novit Scotia perduelli animo erga τὴν μακαρίην fuisse, illi dum vixit, quibus poterant cumque modis & rationibus incommodasse, ac tandem consilia omnia sua, studia, industriam, operam ad miserandæ bonis Reginae perniciem retulisse. Postea enim quàm semel in factiones Scotia fuit divisa, dictu incredibile est, & memoratu horribile, quo furore pars serene-

nissimæ Reginae contraria in ipsam & 1611. eos, qui illi adhærebant, sit grassata: ὁ γὰρ μικροῖς ἀνδράσιν, ἀλλ' ὀλοαῖς μάταις ἐστ' insanitum. Quid verbis opus? reperi sunt in illa διχασμία, qui regii nominis Majestatem in ordinem cogere, qui dictis, scriptis, factis Reginae serenissimæ, meliori certè fortunâ dignissimæ, res, famam, nomen, postremo vitam appetere, lædere, opprimere, pietatis officium esse ducerent. Solet serenissimus Rex, cui cognomen ΟΡΤΙΜΙ sui mores jure vindicant, de immanitate temporum & rerum omnium confusione multa narrare & mira. Nos plura & magis mira ab integerrimis viris sæpe audivimus, qui reformationem tum in Scotia institutam cæterâ probantes, factiosorum ἀγὼ sine horrore commemorare non queant. Georgium Buchananum, virum insignem literarum laude, sed meliorem profectò Poëtam quàm subditum, factiosis consensisse, & de Regina benignissima, Hera sua, atque ipso regio nomine pessimè fuisse meritum, nemo potest ignorare, qui scripta hominis non ignoret. Unicus de Regno Scotiæ liber habitum animi illius palam facit. Quis civis bonus, quis subditus fidelis, quis regii nominis amans sine odio & execratione dissertationem illam legit? Contendunt hodie boni omnes, & verè piæque contendunt, tot in varios Principes nostrâ memoriâ admissorum paricidiorum auctores censerî debere, non magis illos, qui manum nefariam scelerî nefario admovent, quàm illos, qui praviæ doctrinæ traditione animos facinerosos addunt, & specie quâdam ψευδοῦς justitiæ mentes eorum confirmant. Quid igitur de Buchanano & Scotis aliquot aliis dicemus, qui disertè verbisque expressis, (horresco referens!) legitimos Reges, quos ipsi Tyrannos appellant, vel publico supplicio afficiendos pronuntiant, vel privati cujuscvis manu esse occidendos? Porro huncce animi habitum ad scriptionem Historiæ suæ Buchananum attulisse, & quaeritur Rex, & ipsa res arguit. Ut morari non debeas, Majestatem ejus ferre non posse, quod in Reginae matris rebus exponendis Buchananum tanto studio sis securus, & malevoli hominis maledicta calamo digna censueris. Neque verò est, quod existimes, Præses amplissime, id poscere à te Regem, ut in suam gratiam, vel transversum, quod ajunt, digitum à vero discedas: hoc poscit, & suo jure exigit ab omnibus rerum Scriptoribus, ne falsæ narrationes, à perfidis subditis immani ausu concinnatæ, pro veris criminibus

1611. nibus posteritati obtrudantur. Jam si quid paulo liberius, aut etiam licentius à Principibus fuerit admissum, quod scire posteros nihil eorum intersit, proferri id in publicum, & ad memoriam posterorum transmitti, nulla, opinor, Historiæ lex jubet. Non hæc φιλαλήθεια profecto est, sed hominum odio flagrantium mera & certa κακοίθια. Cujus vitii si quis nobile quærat exemplum, legat, quæ vel Buchananus, vel alii quidam malè feriat Scriptores de eadem nobilissima Regina scelestè literis mandarunt: quantò prudentius tu, Præses amplissime, & humanius, qui in componendo Æmari Ranco-neri elogio, quàm esses alienus τὸ τῆς αὐτῆς τῆς κακοίθιας clarissimè demonstrasti, per te enim ignorabit ventura ætas ἀτυχέματα, καὶ ἐλαττώματα viri sine controversia maximi, cujus divinum ingenium & stupendam doctrinam nemo satis unquam poterit mirari. Hac igitur plenà prudentiæ & humanitatis reticentiâ, & honori memoriæ viri doctissimi consulisti, & operâ eadem omnes tibi devinxisti, qui literas, & literarum peritiâ excellentes venerantur. Cur verò & in summorum Principum rebus explicandis huic moderationi non sit locus? Humanum est, ajunt, peccare: atqui Reges & Principes non solum homines sunt, sed etiam homines in terris ἀνθρωπίσματα, cum irritamentis peccandi luctantes assidue, quo in certamine si aut propriæ naturæ infirmitate, aut suorum familiarium culpâ sæpius vincantur, miserari vicem eorum fideles subditos, non autem cupidè calumniari, æquum, nisi fallor, est justumque. Non enim de illis Principum peccatis loquor, quæ publicari gloriæ Dei intersit, aut conscientiæ scribentis. At non ea mens factiosis Scotis fuit, qui nihil cum prætermittant eorum, quæ ad gloriam Domini suæ obnubilandam putant pertinere; quæcunque laude digna ab ea Principe sunt gesta, improbo silentio oblivioni tradunt. Nam quis istorum felicem aliquot annorum Regni administrationem, postquam Regina è Gallia redierat, commemorat? quis eo nomine ipsam laudat? Ut igitur tot calumniis semel respondeatur, aut potius quò memoria earum ex animis hominum deleatur, visum est Regi piissimo faciendum, ut accuratam, certam, & verissimam Historiam rerum illarum curaret componendam, & ad te mittendam. Sperat enim Majestas illius, non invitum facturum te, ut vera falsis secernas, certa incertis, mendaciis ἀπὸ τῆς ἀλήθειας. Sperat hoc, inquam,

de te Rex serenissimus, atque adeò ut 1611. id facias, à te contendit. Est in hac urbe nobilis Eques, homo pereruditus rerum verustarum, & omnis Historiæ, sive priscae, sive recentis, studiosissimus, qui ex ipsis monumentis publicis & Epistolis duarum Reginarum Angliæ & Scotiæ veram eorum, quæ gesta sunt, Historiam didicit, & jam Regis jussu eandem componit, digeritque in ordinem. Rex ipse, quo nemo est hodie callentior istarum rerum, singula recenset, atque ad exactissimam veritatis trutinam exigit, missurus statim ad te, ut veram narrationem tuæ Historiæ inferas, falsam & calumniarum plenam rejicias. Neque aurem verendum tibi est, ne propterea levitatis ullam apud bonos suspensionem incurras. Laudabunt quinimò æqui & docti judices omnes, quòd ubi veritas primum affulsit, καὶ τὰ ἴδια ἀναγνῶν, quod Philosophus ait, non sis cunctatus. Exultat Rex serenissimus, è re futurum, si cum novam narrationem publicabis, Lectorem feceris certiorum, quos olim, quos nunc fueris secutus Auctores. Non erit longa promissorum ἐπαγγελμάτων expectatio, neque differeris ultra paucos à Paschali solemnitate dies; serio enim & sedulo Rex eam curat curam. Vale, Præses illustrissime, Historiæ recentis Pater unice. Londini, a. d. v. Kalend. Mart. CIO IO CXI.

EPISTOLA DCCVIII.

JACOB O, ✠
MAGNÆ BRITANNIÆ,
SCOTIÆ, &c. REGI.

Serenissime, potentissime REX,

UT auderem jam Majestatem Tuam 1611. interpellare, fecit reverendus vir, Dominus Episcopus Bathoniensis. Accepi enim hoc ipso momento Epistolam illius benevolentiae, quâ me Tua Majestas dignatur prosequi, testem luculentam. Narrat incidisse Majestatem Tuam in Poithuma Josephi Scaligeri, & quæ ibi sumus præfati, atque adeò legisse illa, neque improbasse. Equidem, Domine, ut quæ scriberem, bonis ne displicerent, optasse me semper, idque operam dedisse, conscientia mea testimonium mihi dicit: sed posse aliquid à me proficisci dignum oculis Regis, & quidem Regis tam impentè docti, tanti in literis judicii, hoc verò vel optare, nedum sperare, memor summarum difficultatum, quas in studiis meis sum à puero semper ex-

pertus,

1611. pertus, & tenuitatis ingenii mei, sum ausus nunquam. Quo impensius gavisus sum (cur enim dissimulem?) & superis gratias egi, cum illa legerem, quæ scribebat Dominus Bathoniensis. Utinam & quæ nunc paro, & quæ deinceps, οὐδ' οὐδ', sum elucubraturus, limatissimo Tuæ Majestatis judicio possim probare! Sed mihi nunc spissum & difficile in manibus negotium est. Neque enim cum hominibus certamen instituisse mihi videor; verum cum aliquo Geryone tricorpore, aut tricipiti hydra. Nullus viperearum distinctionum finis; nullus exitus è labyrinthi illius gyris & Mæandris, quò se isti recipiunt. Omnia, cum lubet, negant, omnia, cum lubet, affirmant. Denique Sisyphis istis & Autolycis mentiri est verum dicere; tremendum Dei Opt. Max. Numen ludibrio habere, supremus est, prohi scelus! apex pietatis. Artes porro ad fallendum planè admirabiles ac stupendæ. Observo aliter Italos loqui sub umbra urbis ἱερῶς delicias, & cogitata animi liberè proferentes; aliter Gallos, quos aliquis adhuc à Senatu metus comprimit. Quid multa? putet aliquis scripta illorum contendens, Italos à Gallis corrigi, neque satis inter ipsos convenire. At non ita est. Planè enim in istis Sophistis verum est vetus proverbium: *Sardi venales, alius alio nequior*. Semper ad manum est aliqua distinctio, quæ bellum inter ipsos dirimat. Quæras ab iis, An Rex, qui fuerit excommunicatus, Rex est? negant præcisè, qui mysteria sectæ Satanicæ non verentur enunciare. At meus Cotton disertis verbis contrarium affirmat: Non, inquit, definit Rex esse; & qui occiderit, Regem occiderit. Quis neget esse vocem viri boni? Quis non credat hunc à suis dissentire? At esse in cauda scorpionis venenum: Rex, ait, est; sed caret jurisdictione. Hoc nempe vult, quod alii; sed hoc amplius, simplices vult decipere. Sexcenta sunt hujusmodi. Mihi, Domine, propositum est, scripto modestiæ pleno, sed acriter tamen, Frontoni Ducæ hæc ob oculos fraudes ponere; & causas illi exponere, cur nemo civis bonus, nemo subditus fidelis, nemo humanæ societatis studiosus, postremo Dei timens nemo scelestus id genus scripta non potest non execrari. Et quoniam in omnibus illorum libris nihil occurrit magis abominandum, quàm Garnetus Martyr; fert animus, volente Deo, facienteque, quantum hoc sit istorum scelus, quàm pestilens dogma, cum cura aperire. Itaque velim, si possum

à Majestate Tuâ impetrare, etiam il. 1611. las Garneti Epistolas, manu ipsius scriptas videre, quarum Dominus Eliensis in *Tortura Torti* meminit. Spero autem, daturum Te mihi veniam, Domine, si adversus personas non fuero invehens, neque fecero, quod Auctor Anti-Cottonis fecit; qui omnes rumusculos etiam ἀδικοῦτας collegit, & pro certis criminibus ei Societati objecit. Ego non amo scribere, quæ facilè sit refellere; aut quæ viri boni inter Pontificios sine stomacho non sint lecturi. Monitorem quippe agere benevolum satius duco, ut nunc res sunt in Gallia, quàm malevolum accusatorem. Morem tamen geram, cum in hac re, tum in omnia alia semper Majestati Tuæ, quam ut novâ semper laude florentem, & rebus omnibus felicem servet Dominus Jesus, oro ipsum assidue, & supplex veneror. *Londini, prid. Kalend. Mart. c1510 cxi.*

*Tuæ Majestatis humillimus Subditus,
& æternum devotissimus Servus,
IS. CASAUBONUS.*

Inscriptio.

Serenissimo potentissimoque Regi,
J A C O B O I.
Magnæ Britanniæ Regi, item Franciæ
& Hiberniæ optimo & clementissimo
Principi.

EPISTOLA DCCIX.

RICHARDO MONTACUTO. ✠

NE dici quidem potest, quanta cum 1611. animi lætitia è literis tuis cognoverim, serenissimum Regem, tuum meumque Dominum, illam, de qua loqueris, Præfationem non improbasse. Jam calamo manum admovebam, cum immani parricidio ὁ μακάριος Rex noster est occisus: abjeci ad infelicem nuncium calamos, & post unius mensis languorem, ægrè urgentibus amicis, sum ad institutum revocatus. In ἀκμῇ recentis doloris effudi illa, potius quàm scripsi. Non ausim dicere, accidisse mihi, quod vetus verbum ait, *Dolor facit disertum*: certè non sine lachrymis illa mihi scripta. Placuit, credo, Deo Opt. Max. affectus meus. Nam ut de aliis taceam, possum ostendere Epistolam, Pragâ ad me missam à viro nobili, quem Legatus Regis Hispaniarum jussit mihi suo nomine significare, gratissimam sibi eam Epistolam fuisse. Tu verò literis tuis planè me beasti; non quia mihi propterea aliquid tribuam; sed quia nihil magis in votis

1611 votis habeo, quàm ut serenissimo & sapientissimo Regi me & mea omnia probem. Dabit, spero, Deus, cujus unius bonitati confido, ut Majestati ipsius fidem meam sinceram, humile obsequium, & ardens inserviendi desiderium, non uno genere meorum scriptorum palam possim facere. Certè eò jam vota omnia mea tendunt: cæterum eventus, ut Poëta ait, *Θεὸς ἢ γένηται καὶ τὰς*. Vide verò, Præsul præstantissime, quantum fiducia Epistola illa tua mihi attulerit: ausus enim sum repente serenissimam Regis Majestatem compellare, & meum illi gaudium narrare. Meministi illud,

Principibus placuisse viris, non ultima laus est.

Quid, tanto Regi? tam pio, tam literato? Narro autem tibi, me hic variis modis exerceri. Corpus tussis queruera dies noctesque vexat; animum, morbus uxoris; quo illa multos jam dies laborat. Sed hæc, utut molesta sunt, non adeò me vexant, ut illi *καταργῶντες*, quorum in scriptis jam versor. Semper detestatus sum prava illorum ingenia, dolis amica & fraudibus: sed me quotidiana lectio sic afficit, ut nunc primum videar mihi eos odisse. Nihil tamen impatientius fero, quàm novum Martyrem, qui proditione in Regem suum cælos meruit. Puto enitendum mihi esse, ut quanto cum scelere hæc fiant ab illis, omnes boni intelligant. Scio præstitisse hoc abundè D. Eliensem; sed quando istos necdum pudet, omnia constitui tentare, ut rei veritas magis magisque illustretur. An non enim portento simile est, ausum esse unum ex illa Societate me rogare, ut Regi maximo æquitatem causæ suæ ex illo libro, qui adversus Anti-Cottonem scriptus est, commendem? Sed & vidi literas Cottonis ad D. de la Bauderie, quibus hoc ipsum ab illo petebat, & librum egregiè compactum, Regi, credo, offerendum mittebat. Ille verò negare, & dicere, non esse se tam stultum, qui Regi librum commendaret, erga ipsius Majestatem adeò iniquum. Est verò animus mihi, in hac scriptione ita stylum temperare, ut personas non offendam, rem seriò & acriter urgeam; facilièque in spem adducor, serenissimum Regem, qui moderationis laude omnes mortales superavit, hoc meum consilium non improbatum. Verùm de hac re tota plura coram. Te rogo etiam atque etiam, meas ad Regem, non aliter Majestati ipsius tradas, quàm si judicaveris, nullum esse periculum offensio-

nis. Vale, Præsul reverendissime, & 1611. mihi æternum colende. *Londini, pridie Kalend. Mart. c15 15 cxi.*

Tuæ Reverentiæ observantissimus Cultor,

IS. CASAUBONUS.

Inscriptio.

Reverendissimo in Christo Patri,
Domino MONTACUTO,
Episcopo Bathonensi & Wellensi.

IN AULAM.

EPISTOLA DCCX.

PATRICIO JUNIO. ✠

Hæc accepi literas à reverendissimo 1611. Episcopo, Domino Bathoniensi. Eæ literæ occasionem mihi præbuerunt scribendi non solum ad Dominum Episcopum, verum etiam ad serenissimum Regem. Quoniam autem accidit mihi, ut quas ad eundem Episcopum scripseram, ipse non acciperet, nisi post aliquot hebdomadas; peto à te pro nostra amicitia, ut fasciculum, quem mitto, cures in Aulam tuto deferendum, & vel Domino Bathoniensi tradendum, vel etiam Regi, si ille absit Aulâ. Hoc mihi nihil gratius possit accidere. Jam pridem neque te, neque fratres tuos vidi. Si propius abessemus, inviserem vos sæpe. Saluta ipsos meo nomine, ac vale. Uxor tibi fratribusque tuis salutem adscribi optavit. *In Museo, Kalend. Mart. c15 15 cxi.*

EPISTOLA DCCXI.

THOMÆ ERPENIO.

Vir amicissime, tuas modò mihi tuas 1611. affinis attulit. Ac quoniam rescripturum se ad te adfirmavit, ipse quoque raptim hæc exaravi. Alcoranum meum tibi dono *αἰσχροῦ θυμῶ*, & ut amicitiae nostræ hoc *μνημόσυλον* serves, rogo. O *μακαρίτης**, à quo habui, popularis erat tuus: æquum est, ut illi quoque gratiam aliquam habeas, & memoriam ejus ad posteros transmittas. Quæ meâ causâ descripsisse ais, gratissima sunt mihi futura. Utinam tuis observationibus possem frui! Dolet mihi ex animo, non posse te isthic, quæ habes parata, edere. Dixeram tibi, non placere mihi illius fatui ingenium, quem ais nos censere Hereticos: *μὴν ὅπως ἀδὲς ἑλὰ*. Valeat, & res suas sibi habeat, mihi posthæc cum

* *Procul dubio Hadrianus Fl. Jingen-*

1611. cum homine tam infrunito nihil unquam rei erit. Quæ habes à me, præsertim si quid ad Bibliothecam spectat, ea, spero, te sororis meæ filio Chabaneo esse traditurum. In meis tamen plenâ libertate volo utaris. Tu nostrâ omnium causâ laboras; omnes tuis commodis tenemur inservire. Bedwellus Lexicon urget suum. O virum bonum, doctum & simplicem! De Grammatica Romana si quid didiceris, fac me ut sciam. Iter tuum ut feliciter suscipias, feliciter conficias, & perficias, supplex Deum Opt. Max. veneror. Vale, doctissime Erpeni. *Londini, a. d. 1v. Non. Mart. c15 15 cxi.*

EPISTOLA DCCXII.

✠ RICHARDO MONTACUTO.

1611. **A**ccepi à Domino Eliensi, & quas scripsisti ad me literas, & chartas simul nonnullas ad meum propositum spectantes. Ex quum sint scriptæ Anglicæ, danda mihi opera est, ut alienâ operâ adjutus, ipsas perlegam & intelligam. Non est futurum in eo parum ponderis, quod liquidò & sanctè poterò affirmare, ipsas me Garneti literas legisse. Video conspirationem Jesuitarum stupendam, ut totius illius historiæ veritatem scelestè pervertant. Quò magis laborandum bonis est, ut furori huic Satânico sese opponant, & fraudes impudentissimorum nebulonum aperiant, qui novam in cœlos viam reppererunt per Principum parricidia. Accepi etiam superioribus diebus, missu Senatoris cujusdam Veneti, viri præstantis, & bonarum partium, Capelli cujusdam librum adversus serenissimum Regem, & Dominum Eliensem. Credo Majestatem ipsius scriptum illud jam vidisse, &, de quo non dubito, contempsisse. Quid enim misellus novi affert? Hic est ille Capellus, qui ante paucos annos causam Venetorum contra Reverendos Patres non ignavè tutatus est. Narrat verò mihi Epistolâ suâ Senator ille, duos fuisse omninò, qui à Republica sua ad τὴν οὖν τῆς ἀπουλείας transitum facerent; Fulgentium, qui laqueo & igne vitam finivit; Capellum istum, quem fame, inquit, perdere vult Papa: deseruit enim omni spe atque præsidio nudatum. Itaque ut vitam infelicem sustentet, malæ causæ patrociniū cogitur suscipere.

ὡς ἀπόλοιτο καὶ ἄλλος, ὃς περὶ ταυτάρη
ρίξει.

Audio serenissimum Regem brevi ad nos rediturum; qui mihi nuncius cō-

gratior est, quòd non dubitem, Majestatem ipsius, pro sua sapientia, harum rerum notitia, & acri judicio, monita quædam utilia mihi suggesturum. Vale, reverendissime Domine, & me constanter ama, qui te colam sincerè semper. *Londini, a. d. viii. Eid. Mart. c15 15 cxi. κατὰ Διόνυσον τὸν Μικρὸν.*

Inscriptio.

Reverendissimo in Christo Patri,
Domino MONTACUTO,
Episcopo Bathoniensi & Wellensi,
summâ reverentiâ colendo.

IN AULAM.

EPISTOLA DCCXIII.

JANO RUTGERSIO. ✠

1611. **B**inas, postquam in hanc Insulam veni, literas à te accepi, Vir doctissime, quibus ipse binis meis respondi. Posteriores an acceperis, nescio; nam menses jam aliquot præterierunt à mearum missione. Equidem graviores tuas curas insiticio hoc labore scribendi ad me, interpellari nolim. Si tamen habes vacuas aliquot horas, aperio tibi ἀφιλά νόον desiderium meum subinde intelligendi, uti valeas, & quid in literis moliaris. Jam illa, quæ parata scio te habere, an lucem viderint, amo scire, si quis alius mortalium. Mox etiam illa prolixè cupio, quæ ad memoriam ornandam maximi virorum, τῶ μακαρίτη Scaligeri, scio te cogitasse. Nos hic pingui otio fruimur, Dei Opt. Max. beneficio, & maximi Regis liberalitate singulari. Sed libris adhuc caremus nostris, quæ maxima est studiorum nostrarum pestis. Causas exequi nunc non possum, qui per occasionem hæc raptim scribo. Vale, Vir doctissime, & me ama. *Londini, a. d. xiii. Kalend. April. c15 15 cxi.*

Inscriptio.

Ornatissimo Viro, longèque
cruditissimo,

JANO RUTGERSIO, J. C.
amico observando.

DORDRECHTUM.

EPISTOLA DCCXIV.

RICHARDO MONTACUTO. ✠

1611. **S**pero te pro tua erga me benevolentia memorem fuisse ejus, quod à te discedente petii; ut apud serenissimum Regem me excusares, quòd rariùs ejus Majestati

1611. Majestati adfuissem. Nunc mitto ad Reverentiam tuam, quæ scripsi ad Frontonem. Ac dolet quidem mihi, quod melius literas pingere nesciam: sed non aderat mihi ad manum, cujus operi uterer. Utæris judicio arbitrioque tuo, & Regiæ Majestati, si videbitur, ostendes, aut non ostendes. Frontonem, quem scio virum bonum, honorificè compello: de re verò quid sentiam, satis videor ostendisse. Odi certè, cum alios Pontificiorum errores, tum istud dogma de tyrannide Pontificis vel maximè: ea enim scaturigo est, unde omnia in Ecclesiam manant mala. Si placuerit Domino Regi, paucas horas illis chartis impendere, da, quæso, hoc mihi, reverendissime Domine, ut quid Majestas illius mutandum, detrahendum, aut addendum judicet, per te cognoscam. Ego animo alacri semper jussa capebam, & meum obsequium humile Hero & benignissimo Mæcenati meo probabo; conabor certè probare. Cupio verò hæc opellâ defunctus, serium aliquid aggredi, in quo industria nostra (si qua est in nobis) defudet. Itaque licet reclamantibus amicis Gallis, qui hætenus voluntati meæ se opposuerunt, statui tamen totam Bibliothecam curare afferendam, & reliquam partem familiæ meæ accersere. Sed quoniam negotia varia præsentiam uxoris aut meam desiderant, cogor illam ad mensem unum aut alterum dimittere, ut rebus compositis Larem heic figamus. Non dubito, Jesuitarum vipeream sobolem illi omnibus rebus pro virili incommodaturos, ubi præsertim hanc opellam meam viderint. Multum me & meos serenissimus Rex adjuvaret, si Legato suo mandare dignaretur ejus Majestas, ut meos Lutetiæ protegat, quod à Rege per literas petiissem, si ausus essem. Ego cras, Deo dante, ad Savi-
lium sum excursum, ac die altero, aut tertio, ut spero, rediturus. Chartas istas ut tua Reverentia statim remittat oro; nullum enim habeo exemplum aliud. Vale, reverendissime Domine.
Londini, Kalend. April. c15 15 cxi.

Tuæ Reverentiæ humilis Cultor,
IS. CASAUBONUS.

Inscriptio.

Reverendissimo & summâ observantiâ
colendo in Christo Patri,
Domino MONTACUTO,
Episcopo Bathoniensi & Wellensi.

IN AULAM.

EPISTOLA DCCXV.

DANIELI HEINSIO.

Vide quid possit occasio: nam cum 1611.
paucis ante diebus ad te scrip-
sissem, & pro recenti munere gratias
egissem, nactus occasionem iterum scri-
bendi per veterem amicum, Syndicum
Middelburgensem, non potui manum à
calamo abstinere, licet essem occupa-
tissimus. Neque vero quid scribam,
suppetit; nam præsentem meum statum
hic vir optimus narrabit. Ego si quid
vacui temporis habeo, totum pono in
libris tuis legendis, quos etsi habeo
domi tuo beneficio, heic tamen mihi
comparavi, dum Bibliothecam exspe-
cto. Relegi igitur his diebus Notas in
Horatium, & novâ admiratione sum
affectus. Deus tibi det, mi Heinsi,
ætatem longissimam, felicitatem quan-
ta maxima potest *ἀσθενέστατον* contin-
gere. Vale, & me ama: & si amas,
ignosce festinationi. *Londini, Kalend.*
April. c15 15 cxi.

EPISTOLA DCCXVI.

JACOB O,

MAGNÆ BRITANNIÆ, ✠
SCOTIÆ, &c. REGI.

ET si magnitudinem non ignoro ne- 1611.
gotiorum, quibus Tua nunc Maje-
stas occupatur; differre tamen non
possum, quin significem, literas à Præ-
sede Thuano me accepisse; quibus suam
magis magisque cupiditatem declarat,
Tuæ Majestati, quam sincero animo
singulari cum admiratione veneratur,
obsequendi. Itaque nuncium de char-
tis, quarum spem illi jussu Tuo, Do-
mine, feci, exultabundus accepit; pa-
ratus, hoc illustri exemplo candorem
suum in errore agnoscendo, palam fa-
cere: longè utique illis tenebrarum fi-
liis dissimilis, qui veritatem in menda-
cium convertere, gratum esse Deo opus,
docent. Ipsas Thuani literas è pluri-
bus, quas ad me scripsit, hisce adjeci,
si fortè Majestati Tuæ legere vacaret.
Opto perducì quàm primùm ad finem
Opus à Domino Cottone susceptum; ut
desiderio Thuani satisfiat, qui Lolli-
tarum factione pulsus, privatam in suis
jam prædiis vitam degit, ut ex ipsius
didici literis. Acepi & aliam Episto-
lam ab homine Pontificio, sed viro
bono & erudito, qui librum Majesta-
tis Tuæ dono nuper à me acceptum,
ita laudat scribens ad me, ut satisfacere
B b b ipse

1611. ipse sibi non queat. Ille genus dicendi, & sententiarum gravitatem tanto Rege dignam, sic admiratur, ut pietatem tamen supra omnia suspiciat. O utinam ejusdem animi essent plures in nostra Gallia! & verò sunt quàm plurimi erga Majestatem Tuam non aliter animati, sed prodere animi sensum, metu malorum, non audent. Crescit enim indies, quod gemens dico, Loiolitica factio in patria; sed & bonorum crescit indignatio: bonos appello, subditos fideles suorum Principum. Quæ scripsi ad Frontonem, non displicuisse Tuæ Majestati, magno cum gaudio intellexi: dabo operam, faciente Deo, ut quæ sum additurus, ne displiceant. Tuum erit, Domine, statuere, putescne eam Epistolam publicâ luce dignam, & editione. Ego cum in hoc genere literarum, tum in aliis majora habeo, quæ receptâ Bibliothecâ meâ, brevi cupiam publicare. Dominus Jesus Majestatem Tuam, Rex serenissime, protegat, & omnibus semper rebus præstet florentem. Scripsi *Londini, a. d. 1v. Eid. April. c13 13 cxi.*

*Tuæ Majestatis humillimus Subditus,
& Servus sincerissimi affectus,*

IS. CASAUBONUS.

Inscriptio.

Serenissimo potentissimoque Principi,

J A C O B O,

Magnæ Britanniae, Franciæ &
Hiberniæ Regi, Fidei
Defensori, &c.

EPISTOLA DCCXVII.

✠ RICHARDO MONTACUTO.

Reverendissime Domine,

1611. **P**ergemus igitur alacres in proposito, quando non displicent Regi maximo, quæ scripta sunt. Dabit, spero, Deus Opt. Max. ad cujus gloriam meos omnes conatus semper reruli, ut non videar lusisse operam: utut alii sentient, mihi Dominus Rex satis amplum futurus est theatrum; cujus unius Majestati ut me probem, unica hodiè cura mihi est; atque ea ita magna, ut in parte pietatis ponam, jussâ Regis adeo pû esse exsecutum. Præcepta, quæ das mihi, observabo. Sed noli existimare, admonendum me fuisse ejus, cujus potissimum gratiâ hanc scriptionem institui. In cæteris causam Principum agam; in narratione colloquii mei cum Jesuitis, causam meam. Id præcipue

spéctavi cum ad hanc Epistolam scribendam animum primò appuli; & ut novo cœliti Garneto gratularer. Meminero igitur. Quanquam puto faciendum esse omnino, ut libro Eudæmono-Joannis, contra Acta publica scripto, serio respondeatur & accuratè. Inter est salutis Principum omnium, ne tam perditæ audaciæ liber careat responso; & ut nemo ignoret, quàm acres, quàm effrontes omnis veritatis hostes sint Romani. Librum Anglicum non habeo, quem jubeor consulere. Opto habere, ut lectione ejus proficiam. Unus est, qui habeat, serenissimus Rex; alius prætereà, quod sciam, nemo. Dignari Regem maximum aliquâ suarum curarum parte fortunas meas & meorum, grande mihi argumentum est bonitatis, ejus Majestati ingenuitæ, cujus tot jam extant erga me luculentissima testimonia. Veneror Deum immortalem, & supplex oro, ut tam inexhaustæ benignitatis Regem, omni maximarum benedictionum suarum genere semper prosequatur. Ego non dubito, si hic libellus fuerit tanti, ut edatur, Jesuitas omnem lapidem esse moturos, ut mihi noceant: me verò ope Dei fretum, & benignitate clementissimi Heri mei, nihil quicquam ea res moveret. Accepi hodiè, nondum metu ab hoste liberatos esse Genevenses; quos ego scio serenissimum Regem, si majus malum ingruat, non esse pro sua pietate derelicturum. Quod si acciderit, spero commendatione ipsius consequi me posse, ut ærumnâ liberer, quæ plures jam annos miserè me cruciat. Sed de his coram, si per tuam Reverentiam mihi licuerit. Vale. *Londini, a. d. 1v. Eid. April. c13 13 cxi.*

*Tuæ dignitatis humilis Cultor, multis
nominibus tibi obstrictus,*

IS. CASAUBONUS.

Inscriptio.

Reverendissimo in Christo Patri,
Domino M O N T A C U T O,
Episcopo Bathoniensi & Wellensi,
Patrono summiâ observantiâ
colendo.

IN AULAM.

EPISTOLA

EPISTOLA DCCXVIII.

CORNELIO VANDER
MYLE.

MONSIEUR,

1611. **J**E veux vous tenir la promesse que je vous fis à Paris il y a quelque tems, de vous escrire, & vous tenir averti de mes nouvelles; lesquelles j'espere vous estre agreables, pour l'affection qu'il vous plaist me porter. Peu après vostre despart de Paris, j'en partis aussi pour venir voir cest heureux pais, & ce grand Roi; lequel tout aussi que j'eusse eu l'honneur de luy faire la reverence, me tesmoigna tant d'affection, que je ne scaurois le vous dire; & au lieu de me congédier, comme je pensois, pour le moins pour aller querir ma famille, il moyenna avec la Roynne que j'eusse congé de demeurer pres de Sa Majesté. Ce que la Roynne luy a accordé pour le tems qu'il luy plaira, pensant que ce feut pour quelques mois; mais le Roy ne l'entend pas ainsi: il en fera ce que Dieu voudra, cujus inexhaustæ bonitati acceptum fero, quod neque bonis in Gallia sim ingratus, & heic tum Regi, tum omnibus Ecclesiæ Præsulibus & omnibus doctis charissimus. Illi sit honos & gloria. Uxor quinto ferè mense, postquam ego Lutetiâ discesseram, ad me venit; sed mox reditura, ut de communi sententia res nostras in Gallia componat, & statim cum tota familia & Bibliotheca huc revertatur; quod det illi Deus posse feliciter præstare. Hic est jam rerum mearum status, quem volui te non ignorare. Quod si meas tibi gratas futuras intellexero, scribam sæpius, ut hac saltem ratione meum animum tibi significem, & quantoperè te colam. *Tenez moi donc, si il vous plaist,*

MONSIEUR,

Vostre très-humble
Serviteur,

CASAUBON.

A Londres, ce 11. Avril,
CIS IO CXI.

J'eusse escrit à Monsieur Grotius, & Monsieur Meursius, si j'eusse eu loisir. Je vous supplie, Monsieur, qu'ils lisent ici mes humbles recommandations à leurs bonnes graces.

EPISTOLA DCCXIX.

THOMÆ ERPENIO.

Scripsi nuper ad te statim postquam tuas accepissem. Nunc quia suspiror, te abitum ex urbe Lutetia parare, has raptim exaravi, ut te rogarem, ne peregrinationi diutius indulgeres, quàm par esset. Scis pericula viatorum: scis quantum temporis in lustrandis regionibus amittatur: neque nescis, quæ hæcenus didicisti in linguis exoticis, ea te in museo tuo abditum didicisse, & quidem brevissimo tempore. Ecqua peregrinatio tantum docere te potuisset? Non tamen penitus damno consilium tuum; modò tempori parcas, ἀναλώματι πληπλεῖται, & te brevi nobis reddas. Cupio enim mirificè te videre, & feliciter confecto itinere reducem amplecti saluum atque incolumem. Det tibi mihiq; Deus immortalis, illum diem videre, albo lapillo mihi profectò notandum. Exspecto Epistolam à te sub discessum tuum de tuis consiliis. Vale, charissime Erpeni. *Londini Angl. a. d. viii. Eid. April. CIS IO CXI. stylo novo.*

Peto à te, significes Chabanzo, meo ἀδελφίδῳ, valere nos, Dei beneficio; mirari quòd neget, se ulla literas accepisse à Bauderiano, cui ego duos satis grandes fasciculos tradidi. Etiam amplissimum Thuanum salutes à me velim, & petas, an binas Epistolas acceperit, quas ego per eundem Bauderianum illi scripsi. Iterum vale. Arabs tuus Magister olim est in Anglia, nec malo est loco.

EPISTOLA DCCXX.

JACOBO AUGUSTO
THUANO.

Miratus sum, quòd nuper ad me scripsit sororis meæ filius, neque te, Vir amplissime, neque se quicquam literarum mearum à Domino Bauderiano, Legato hic nuper Regis Christianissimi, accepisse. Atqui binas illi dedi ad te; unas, quas jussu Regis scripseram, & Regi ostenderam; alteræ familiari παράστα erant exaratæ. Exspecto ad illas responsum; neque possum adhuc in animum inducere, periisse eas Epistolas. Rei veritatem è proximis meorum literis spero me intellecturum. Interim quia se offerebat occasio, pauca hæc scripsi; ut scires, non cessasse me, neque officio meo defuisse; utut literæ fortasse perierint. Ego verò mul-

B b b 2

tò

1611. tō antē scripturus fui, nisi perdiu abitu-
tum Domini Bauderiani essem prae-
stolarus. Novissimis literis * spem tibi
feci Commentariorum, quos Rex ad te
mittere cogitat, rerum ad matrem per-
tinentium. Non faller Rex tuam ex-
spectationem. Vidi partem Operis,
quod ita contextum est, ut ad legiti-
mam Historiam rerum Elizabethæ quid
in eo desiderari possit, vix intelligam.
Per annos narratio est distincta à prin-
cipio regni Elizabethæ. Vidi adhuc
paucos annos, sed ex quibus de Operis
pretio feci conjecturam. De meis re-
bus multa haberem, quæ ad te scribe-
rem; sed expectabo reditum ad vos
uxoris, quæ brevi isthuc reditura, ut
nostras reculas componat, οὐκ ἔστιν ἔτι.
Vale, Vir amplissime, & me ama, qui
te æternū colam. *Londini, a. d. v.
Eid. April. c10 10 cxi.*

EPISTOLA DCCXXI.

DANIELI HEINSIO.

1611. **V**enit ad me nunc ipsum nobilis hic
† *Joannes*
Boissius,
Ecclesiæ
Canonia-
rius Pra-
bendarius,
vir Græcæ
doliſſimus,
cujus super
alia scri-
pta, ex-
tant Note
in quatuor
Euangelia,
non multis
ab hinc
annis Lon-
dini excu-
ſa. In his
Pontificio-
rum Hæle-
na paſſim
deſendiunt.
Quod ante
Boiſium
ſere præ-
ſtiterat Al-
bericus
Genilis in
libro de
Latinitate
evangelii
verſionis
male ac-
cuſata.
Colomeſ.
Verus libri
titulus eſt:
Veteris
Interpre-
tis cum
Beza aliſſ.
que recen-
ſionibus
Collatio
in IV.
Euangelis
& Apoſto-
lorum
Actis, &c.
Londini
1655. in 8.
Anglus †, vetus amicus meus, Vir
clarissime, nuntians cogitare se ad vos,
& nunquid vellem rogans. Eſſi & ego
eram occupatus, & ille jam itineri ac-
cinctus, non potui tamen hæc pauca
ad te non exarare. Quid autem putas
me ad te scripturum? quod unum pos-
sum, querimoniam de tuo silentio acer-
rimam. Cum Lutetiā sum profectus,
jam plures menses tuas ἀποκρίσεις expe-
ctaveram frustra. Jam hic ferè sextus
est mensis, ex quo me Anglia habet,
neque tu id ignoras: nam & monui
ipse te per literas paullò post meum
adventum; & clarissimus Baudius, à
quo semel saltem literas accepi, id te
non fuerit paſſus ignorare. Obsecro
igitur te, amicissime Heinsi, cur an-
num ferè integrum apud me ſiles? an
te inimici mei potuerunt à me abalie-
nare? Sed novi simplicitatem genero-
ſæ mentis tuæ; neque antè perſuadebo
mihi, te erga me eſſe immutatum,
quàm ipse literis tuis hoc mihi signifi-
caveris. De meo in hac *μὰνδρῶν νῆμα*
ſtatu ne plura narrem, multa impe-
diunt, ipſa imprimis amici hujus mei
feſtinatione. Ille tibi de me, ſi curas ſci-
re, omnia narrabit. Tu, ſi me amas,
literis tuis me beabis, & curas literarias
tuas mihi indicabis: hoc nihil mihi gra-
tius queat contingere. Vale, & ignosce
feſtinationi. *Londini, a. d. xiiii. April.*
ſtylo Liliانو, c10 10 cxi.
Viros clarissimos, D. Baudium, &
D. Bertium meis verbis ſalutes velim.

EPISTOLA DCCXXII.

EIDEM.

Tandem tuas accepi, hoc eſt, poſt 1611.
menses amplius octo, ex quo nihil
quicquam à te literarum acceperam.
Mirabar ſilentium tuum, & querebar:
atqui tu quoque ſilentium meum mira-
ris & queres. Sed camus ad calculos,
& rationes ineamus. Ego ſcripſi ad te
Lutetiā ſub abitu meum *, & profe-
ctionem in hæc loca, & ſimul Scalige-
riana miſi; deque meo conſilio, cur
hoc iter ſuſciperem, te monui. Poſtea
verò quàm huc veni, provocatus à cla-
riſſimo Baudio, de eodem oleo & illi
reſcripſi, & ad te ſcripſi. Is ſaſciculus
Thorio †, Medico, viro optimo, eſt à † *Id eſt*
me datus, qui ſe curaturum ſpondit. *Raphaël*
Deinde cum nobilis Anglus, D. Bois, *Thomius,*
ad vos cogitaret, dedi illi ad te literas, *Anglia*
& ad noſtrum Rutgerſium, à quo ter- *Poſtarum,*
nas jam in Anglia literas accepi. Ex- *Jacobi*
poſui cauſſam meam ſincerè & verè; *Regis ju-*
nunc ſuat tibi ἡ κλειψύδρα. Ego, ſi per *dicis, an-*
te licet, hujus litis κατὰ δίκην τὴν πόλιν *teſtificant;*
Baudium. Omiſſo joco, gaudeo quòd *de quo ad*
meas Epistoſas deſideras. Moriar, ſi *Vulcanium*
vix quicquam gratius facio, quàm ut *ad Ariſto-*
ad te ſcribam: recreor enim tantisper *telis, vel*
ſuaviſſimā recordatione non tui ſolūm, *Throſophi*
qui mihi chariſſimus, verū etiam & *libellum*
μακαρίτης Scaligeri, quem non neſcis *de Mundo,*
quantā reverentiā coluerim. Itaque noli *pag. 159.*
putare, ſi officio ipſe fungaris, fore me *Colomel.*
lentum aut remiſſum. Ego verò non
ibo, ſed curram. Una in re ſemper
me vincas oportet, quòd video te vix
ullas ad me literas dare, quibus non ſit
adjunctum inſigne aliquod tuæ libera-
litis monumentum, & exquisitæ do-
ctrinæ μέγα πικρῆριον. Ego, amicissime
Vir, cæterà beatus Dei immortalī be-
neſicio, hac re miſer ſum, quòd à li-
bris meis tor jam menses abſum; neque
adhuc poſſum illos recipere: nam ne-
que me in totum dimittere vult augu-
ſtiſſima Regina, neque de reditu meo
magnam ſpem habet, ſi ſemel Biblio-
thecam omnem meam hic habuero.
Uxor, quæ ſuo adventu me beaverit, ca-
dem nunc reditu in Galliam me magnā
ſollicitudine afficit. Deus immortalis,
qui venienti primūm per obſcœniſſi-
mam tempeſtatem mediā hyeme † ad † *Id eſt*
fuit, aderit, ſpero, etiam redeunti. *Januarii*
Dum meis libris & chartis omnibus pla-
nè careo, datā occasione ſcripſi hic
Epistoſam ad Frontonem Jeſuitam,
quam Rex maximus vult edi. Argu-
mentum ſine dubio probabis: mittam
igitur exemplar unum ſtatim, & alia
ad

1611. ad amicos isthuc meos; quo in numero sunt clarissimi viri, Vulcanius, Baudius, Bertius, Scriverius, & Cunæus: nam Meursium Hagæ puto habitare. Omnes si meis verbis fueris dignatus salutare, maximè autem omnium πῦν πᾶν Grotium, feceris mihi rem gratissimam. De tribus libris, quos misisti ad me, immortales tibi ago gratias. Duos minores non antè videram. Senecam videram, & tuas Notas diligenter legeram; doctam, ita me Deus, opellam, & cujus doctrinam non omnes capient. Tu verò quam artem apud Aristotelem didicisti, eandem usurpas in sententia ferenda de aliis. O vive diu, mi Heinſi; & quia omnes æquales tuos jampridem superasti, quod solum restat, te ipsum indies supera. Ita faxint Superi! Vale. *Londini, pridie πῖ ἱερπῖσιμον Πάσχα, CIO IO CXI. raptim.*

EPISTOLA DCCXXIII.

✠ JANO RUTGERSIO.

1611. **P**RO literis illis prolixis, quas te à me exspectare dicis, accipe pauca verba, raptim exarata. Ac scito, meam Bibliothecam nondum esse in Angliā, idque ob causas, quas nunc omitto. Uxor quidem mei desiderium longius non ferens, per obsecrissimam tempestatem, infirma licet ac parum valens, ad me venit; sed libros & liberorum maximam partem domi reliquit. Causa enim veniendi præter illam, quam dixi, fuit, ut de nostris negotiis unā conferremus, & in posterum de communi sententia statueremus. Nunc igitur eadem reditum parat, ut quæ placuere nobis, efficiantur. Exspecto celerem reditum, faciente & adjuvante Deo Opt. Max. qui in priore itinere sic illam benignè habuit, ut gratiis ejus bonitati, clementiæ, & majestati habendis nunquam pares simus futuri. Tunc videbo optatissimam Bibliothecam meam, σὺν θεῷ ac statim βιβλιοθήκην ad te mittam, & si quid aliud habuero, quod tibi putem fore gratum. Interim de hospitio, quod offers, quas tibi agam gratias? Tunc Crassus es, qui venientem ad te exercitum velis excipere, & πῖς χρεῖας præbere? Ego, mi charissime Rutgerſi, si isthuc irem cum liberis & tota familia, te terrerem: nec eò tamen minus, si detur aliqua occasio, cum uno aut altero filiorum terras vestras invisam, dum superant adhuc vires ad labores itineris aut navigationis. Interim tibi & parentibus tuis, & habeo, & ago gratias gratissimas. Vale. *Lon-*

dini, pridie resurrectionem Christi, Do-1611. mini nostri, τῇ Σωτηρίᾳ τῷ κόσμῳ, CIO IO CXI.

Exspecta brevi à me, σὺν θεῷ, libellum, quem hic scripsimus, sive prolixam Epistolam ad Frontonem Jesuitam.

Inscriptio.

Ornatissimo Viro, & longè doctissimo,
JANO RUTGERSIO, J. C.
amico plurimùm colendo.

DORDRECHTUM.

EPISTOLA DCCXXIV.

JACOBO AUGUSTO
THUANO.

AMplissime Præses, etsi magno re-1611.
pentè affectus sum dolore, qui meus in te amor est & observantia, cum intellexi, non eam esse habitam tuæ dignitatis rationem, quam tua in Republicam summa merita postulabant haberi, & boni omnes cupiebant ac sperabant, mox tamen, ubi ex illa indignatione colligere me cœpi, & præsentem rerum in patria statum apud me reputare institui; rationibus, ut mihi quidem videbantur, non levibus sum adductus, ut tecum actum non malè putarem, & dictum verus usurparem: ταυτέματι ἡμῶν πλάκῃς κάλλιον βελούται. Fateor durum esse, cā spe excidere, quæ non ex inani arrogantia, sed ex merito concepta primùm fuerit, deinde ab iis toties firmata, quorum in potestate erat efficere, ne verba viro gravi videri possent dedisse. At non clam te est, Vir sapientissime, rerum humanarum eam esse conditionem, ut ea sæpius eveniant, quæ nemo futura, aut fieri debere putaverat, quàm quæ ἰσχυρὸς λῆγῃ suadebat eventura. Hoc cum in aliis vitæ partibus potest observari, tum in honorum vel maximè tributione, qui ad Aulicorum sæpius voluntatem, quàm Principum, qui ferè in suorum potestate sunt, certo judicio deferuntur. Ut igitur nemo prudens mirabitur, hisce præsertim moribus, caculam aliquem militarem, cocum, aut leonem, vel etiam archilenonem ad amplissimam fortunam & Provinciarum etiam Præfecturas potuisse pervenire; ita pròfectò mirari nemo debet, bonis, integris, doctis, aut quâvis aliâ virtute excellentibus ad summas dignitates aditum non patere, & debita ipsis præmia terræ filiis deferri. Quid querimus, aut miramur? ἐν τῇ τοῖς, hac, inquam, lege & conditione nati sumus, neque huic

1611. malo remedium, dum stabunt res humanæ, unquam afferetur. Feramus, Vir amplissime, & feramus æquo animo, quod per rerum humanarum naturam emendari non potest. Simul Providentiam divinam ἡ θεία ἐκ contempleremur & admiremur. Nam quum suffraganeæ ferri omnia forte fortunâ videantur, Deo tamen Optimo Maximo singulorum, quæ fiunt, ratio constat, neque aliquid sit, quod non ei sit multo antè prævisum, & ἀνεξίτηλον πνὶ σοφία decretum, ut fieret. Sic igitur κακὸν κακὰς βλάδας oderimus, ut in sapientia impervestigabili ἡ ἀρετὴ ἐκ αὐτῆς acquiescamus. Tu verò, illustrissime Vir, tot veris bonis, quæ nulla vis auferre nunquam tibi poterit, à superis ornatus, si te ipsum potius quàm patriam; si tuos; si studia, quibus delectaris; si denique rem familiarem tuam respicis, cur magnoperè gaudeas, justissimam, nisi fallor, causam habes. Quid? putasne te eo loco positum, vel unum diem quietum fuisse habiturum, quum ad te vexandum omnes certatim operam studiumque suum conferrent, qui te propter pietatem, φιλαλληλεων & cæteram virtutem tuam cane & angue pejus oderunt? illine permitterent, ut moribus tuis Rempublicam regeres, quibus est propositum, quocumque tandem pacto eos de medio tollere, qui nefariis ipsorum consiliis sese opposuerint? Quod equidem eò confidentius dico, quòd recens sum à lectione multorum librorum, ab illis pestibus professorum, hac Satanicâ doctrinâ plenorum. Horret animus meminisse eorum, quæ legi, quæque pro fidei articulis docentur. Et crescit tamen furor quotidie, crescit audacia, quam alit successus. Ea doctrina Regem maximum nuper nobis eripuit; eadem tamen doctrina & ejus defensores in illa ipsa urbe, ubi tantus Rex ὁ τοῦ καὶ περὶ αὐτοῦ est occisus, propugnatores est nacta, qui libris editis, vobis omnibus conniventibus, qui ad clavum Reipublicæ sedetis, Marianam quidem verbo tenus damnant; at reliquos omnes perfidiæ, rebellionis & patricidii magistros palam laudant, ne dicam, excusant. O tempora! ô mores! Et erit aliquis vir cordatus, qui pro magno ducat, principem locum inter eos obtinere, quibus hæc sunt ferenda, & suo silentio comprobanda! Platonem ferunt dicere solitum, cum apud bonos excusaret, quòd Rempublicam non attigisset, certo consilio se à publicis curis abstinuisse, ubi animadvertisset, iis legibus & institutis patriam regi, quibus mores sui congruere non possent. Enimverò contra torrentem

jugiter niti, quis sine certa perniciē 1611. diutius potest? Hæc, & similia his alia, sive exempla, sive documenta, ut revocares ad animum, te rogarem, Vir amplissime, si quod sæpe multis viris bonis accidit, ab omni cura Reipublicæ esses summotus. Nunc quid opus? Nam si vera sunt, quæ mihi narrantur, κατὰ τὰς ἀνέκδοτους, & meliore loco res tuæ jam sunt, quàm essent futuræ, si aliter contigisset. Opto ita esse, & Deum veneror, ita velit esse faxitque. Binas tuarum nudiusquartus accepi; alteras earum ad Regem misi, & de tua integritate prolixè ad ipsum scripsi. Cottonus, nobilis Anglus *, in Historia pergit ad te mittenda. De meis rebus nihil jam scribam; omnia enim narrabit uxor, quam, propitio Numine, brevi isthuc videbis. Vale. Londini, a. d. xi. Kalend. Majas, c1610 cxi.

Puteanos fratres, & Rigaltium, viros optimos & eruditissimos, hic ut salvere mihi fas sit, te oro.

EPISTOLA DCCXXV. FRONTONI DUCÆO.

Binas à accepi, postquam huc veni, 1611. clarissime Fronto: priores attulit uxor †, alteras Savilius misit. Respondisse jam dudum ad priores, nisi gravis causâ moram attulisset. Eam causam exponam tibi simplici animo & ἀπλοῶς, sicut meus est mos. Tu, quæso, bonam in partem accipe quæ sum dicturus; tibi que persuade, non alium mihi heic animum esse, quàm fuit in Gallia. Amo Antiquitatem, colo veritatem: quicquid aut huic repugnat, aut ab illa damnatum est, detestor & abominor. Quare aut silentium mihi est, aut danda mihi hæc venia est, ut quæ neque vera esse credidero, neque Antiquitati σύμφωνά, de iis liberè, quid mihi videatur, dicam. Scis te discedenti mihi Parisiis per Epistolam & verbis etiam significasse, rem me tibi & omnibus tuis esse facturum gratam, si Regi Magnæ Britanniae auctor essem, ut crederet, neminem vestrum erga ejus Majestatem malè esse affectum; optare quinimo læta ei omnia, atque illud imprimis, ut facilem se præberet in hac Ecclesiæ Dei scissura tollenda. Quò etiam Epistola illa spectabat, quam mihi à te mei attulerunt; quâ agis mecum, ut de vestræ Societatis integritate verba Regi faciam: quando omnibus, quæ nonnullis vestrorum scriptorum obijci solent, plenè per eum esset responsum, qui famosum libellum Anti-Cottonem novâ apologiâ refutavit. Hæc cum

* Episcopus Robertus Cottonus, Eques Augustinus, & Baronatus, cujus vitam accuratè descripsit cum Catalogo Bibliothecæ Cottonianæ edidit Thomas Smithus, vir clarissimus, Anglicana Ecclesiæ Presbyter, anno 1696.

† E Gallia rediit mense Februario. 1611.

cum

1611. cum ita sint, postquam ego tua mandata serenissimo Regi exposuisssem, evenit non ita multo post, ut Rex Apologeticum vestrum nactus, me statim vocaret, & coram multis Episcopis ac Proceribus diceret: *En tibi, Casaubone, librum cum Patris Frontonis professione bellè congruentem: invenies in eo defensionem Auctorum, qui istam Principibus perniciosam doctrinam docent: invenies nuperum Bellarmini scriptum Satanicum non obscure defensum: invenies auctorum proditionis pulveraria, quàm tetrius quicquam fingere ne Diabolus quidem potest, acriter defensam innocentiam, & ipsos glorioso Martyrum choro adscriptos: invenies denique, ait Rex, omnia contraria verbis Frontonis.* Quin etiam iussit me ejus Majestas librum auferre domum, & rationes expendere, quæ ad defensionem novæ doctrinæ afferebantur. Præcipuè verò iussus sum iis attendere, quæ de rebus Anglicis Apologista ille narrat. Quod ubi fecissem, & sincerè Regi exposuisssem quid mihi placuisset, quid displicuisset; placuit illi, ut hæc omnia tibi significarem, quò semel efficerem, ut intelligeres, à quo sermonum genere esset iis abstinendum, qui benignè excipi à Majestate ipsius postularent. Sed quidem huic Ecclesiæ scissuræ ingemiscere; sed omnia tamen potius esse facturum, quàm ut iis aures præberet, qui novam hanc doctrinam de regno temporali Papæ, de cædibus Regum excommunicatorum, de martyrio proditorum, &c. aut palam defenderent, ut multi Alastores; aut per circuitus, ut Bellarminus, & Apologista hic, & sexcenti alii. Quod jusserrat Rex, feci, & Epistolam ejus argumenti ad te scripsi, quam dudum misissem, nisi quædam adhuc deessent, ex Epistolis Garneti manu scriptis adjicienda. Brevi, ut spero, eam Epistolam ad te mittam, teque rogabo, ut jam nunc rogo, afferas æquum animum ad cognitionem ejus causæ; nam ego te ubique judicem fero. Neque verò timeas aliquid ibi contineri contra τὴν τῆς πάλαι ἐκκλησίας δόξαν, aut omninò contra τὴν πρὸ ὑμῶν νομιζομένην. Nihil reperies ejusmodi; quod seriò tibi confirmo. Permite verò mihi, doctissime & amicissime Fronte, ut candidè apud te agam, & quod sentio, aperiam. Existimo enim, nihil posse hoc rerum statu perniciosius fieri, quàm sit ab iis, qui eam doctrinam nunc ἀνὰ κατὰ θρησκείαν, qui fictitium illud & ridiculum Romani Pontificis regnum temporale dum tanto conatueunt stabilitum; universo mundo declarant, Ecclesiam Dei viventis nihil so-

curare; neque recusare se, quin simplices Catholici malè pereant, dum modò ipsi regnent. Cogita, quot mala & jam olim à Gregorii VII. temporibus ab hac doctrina in Ecclesiam exundarint, & quot jam sint metuenda propter eandem causam. Cogita proditiones horrendas, cædes & parricidia; non quidem eorum manibus, qui hanc doctrinam scriptis tuentur, patrata; sed eorum certè manibus, qui Reges pro Regibus non habent, ubi parum sese Papæ morigeros præbuerint. Cogita, & certo tibi persuade, aut nullum unquam verbum apud prudentes Principes de concordia Ecclesiæ esse faciendum; aut huic monarchiæ & omnipotentiae temporali bonâ fide esse renuntiandum. Quod si aliquam vel levissimam eorum curam habetis, qui in hoc Regno vobiscum sentiunt, & sub imperio clementissimi, benignissimi, & optimi Regis hujus vivunt, liberate eorum stultam simplicitatem ab iis opinionibus, quas ex istiusmodi libris hauscerunt; alioquin sanguis eorum super capitibus auctorum pestilentis adeò doctrinæ. Sed hæc ex ipsa Epistola melius cognosces. Quod superest, Savilium vidi Etonæ; ubi sumptibus ingentibus & regiâ magnificentia & μακαριστοῦ πατρὸς editio curatur ab homine privato. Habere multa tibi dicere, quæ malo in familiare colloquium servare, ubi dederit Deus, ut te isthic videam. De meis rebus omnia mei narabunt, si laboras scire. Scito, in Regiæ potestate me esse ac semper futurum, dum spiritus hos reget artus. Patribus Sirmondo & Cottoni plurimam, nisi grave est, à me salutem. Vale, & me ama. *Londini, propriè die Kalend. Maj. CIO IO CXI.*

E P I S T O L A DCCXXVI.

J A C O B O A U G U S T O
T H U A N O.

1611. Illustrissime Vir, quæ nuper ad te scripsi, cum tuis respondi, puto esse tibi reddita. Ex iis dolorem meum cognovisti, quia dignitatis tuæ ratio non est habita; quod tamen & ἄρτι factum putamus, & magno tuo bono. Nam si tu illo dignus eras loco, & eras profectò dignissimus; haut tamen scio, an ferreum hoc seculum satis esset dignum, quòd te videret ad clavum illum Republicæ sedentem. Omnes hic boni, qui tuam excellentem virtutem nòrunt, tibi gratulantur, & cum bonarum partium hominibus, quibus eum casum fecimus accidisse molestissimum, gemunt.

Ac

1611. Ac Deus quidem benè vertat! multi tamen putant, majorum malorum hæc esse præludia. Rex serenissimus literis meis factus certior de tuo consilio, privatam in prædiis tuis vitam degendi, Deum statim oravit, ut aliam tibi mentem daret; meque jussit te hortari, ne Rempublicam, ne patriam desereres, in hac præsertim tanta virorum insignium penuria. Cogita, non esse te natum tibi solum, sed patriæ; quam difficili tempore derelinquere, prodere est. Cogita, omnium bonorum oculos in te esse coniectos, quibus ad desperandum de salute patriæ noli, per Deum immortalem! exemplo tuo præire. Spero equidem, nondum omnes patriæ nostræ occubuisse candidos soles. Si tamen peccatis nostris exigentibus, aliter superi statuerint; at magnos viros, ut de Imperatoribus olim dictum, stantes mori oportet. Tu verò mihi ignosce, qui tam liberè de his apud te. Meas fortunas tibi esse curæ, & meis studiis bene te velle, & scio ipse optimè, & nemo nescit. Quò confidentius te rogo atque obtestor, ut uxori meæ consilii tui copiam facias. Illa narrabit tibi præsentem rerum mearum statum, quem ubi cognoveris, quid in posterum sit opus factò; pro tua prudentia statues ipse, & nisi grave est, uxori significabis. Mihi non abs re futurum videbatur, si mora mea in hac Insula adhuc produceretur; quod vehementer optat Rex serenissimus, neque augustissima Regina, opinor, non vult. Nam si ea tempora futura sunt, quæ optamus, erunt fortasse isthic, qui de meo reditu *Φίλην εἰς πατρίδα γαίαν* sint cogitaturi; *fin πὲ χειρόνα νικᾷ*, quod omen abominor, videor posse hic *ἐγγήραμα* & tutum & honestum habere. Utrovis modo eveniat, libris meis carere diutius non possum; & carui profectò nimis diu: *ὁ μὲν βίης βραχύς, ἡ δὲ πύχνη μακρά*. Ne dici quidem potest, quàm me hæc res angat. Itaque nisi aliter tibi videatur, jussi sororis filium curare, ut hac me liberet sollicitudine. Scito verò, Præses amplissime, mihi scriptum esse libellum, sive Epistolam ad Frontonem, in qua fraudes multæ aperiuntur eorum, qui isthic doctrinam Hildebrandicam tuentur; & item illorum, qui proditores patriæ novos cœlites indignant. Ego Acta publica inspexi, literas manu Garneti scriptas in Museo habeo; quæ mendacium horribile refelunt. De his breviter quædam scripsi, brevi isthuc missurus. Iterum sanctè polliceor, nihil esse, quod ad *τὸ δέγμα* pertineat: neque in hanc veni Insulam, ut novorum hominum novas sen-

tentias defenderem. Regi scriptio hæc 1611. perplacet; Proceres verò nostri si Gallis imponunt hanc necessitatem, ut adversus sceleratam doctrinam non sit mutiendum, malè Regibus nostris, malè exultationi suæ consulunt. Postquam omnia descripsero, mittam ad te exemplar unum. Vale, Vir amplissime, & diu felix vive cum tuis omnibus. *Londini, propriè Kalend. Maj. CIO IO CXI.*

EPISTOLA DCCXXVII.

E I D E M.

Vir illustrissime, heri tuas accepi, & 1611. quas ad me scripseras, & quas ad amplissimum Legatum*, nec non ad ^{* Demi.} Emanuelem Demetrium. Illas statim ^{καὶ Demetrianum.} reddidi; has ante diem crastinum non queo: tu tamen factum puta. Video te in prædiis tuis adhuc hære; de quo tuo consilio quid videatur Domino Legato, ex ejus literis intelliges; nam ego *πρὸ τῶν τίστων συμβουλευτὴν ἔχ' ἱκανὸς εἰμι*: qui ausus tamen sum binis literis de eo negotio tecum agere. Serenissimus Rex è venationibus reversus, ut me primùm vidit, de tuis rebus sollicitè interrogavit; nec obscuram significationem dedit suæ erga te benevolentiae. Historiam, cujus spes est facta†, scito quotidie conscribi. Sed† ^{Supra:} quum instituisset Auctor brevem in tuam ^{Epist.} gratiam *ὑπομνηματισμὸν*, exiit Opus ^{DCCXII.} grande, & ferè iusta Historia rerum Elizabethæ: nihil ibi studio partium datum. Urget Rex propositum; sed tempore est opus. De meis rebus omnia, ut spero, jam narravit uxor, cui dedi in mandatis, ut tuo consilio se regeret, si modò tu, amplissime Præses, ejus copiam illi facere fueris dignatus. Postquam ab illa literas accepero, pluribus ad te de meis consiliis scribam. Deum veneror te servet, Vir illustrissime, & unà tecum nobilissimam conjugem cum pignoribus vestris. Scripsi raptim. *Londini, a. d. IV. Non. Maj. CIO IO CXI.*

EPISTOLA DCCXXVIII.

E I D E M.

Vir illustrissime, qui has tibi tradi- 1611. dit, vir bonus est, professione Theologus & Sacerdos. Is in patriam cogitans, quò posset tibi innotescere, exegit à me pro ea, quæ intercedit inter nos, notitia, ut hæc ad te scriberem. Puto accepisse te, quas ante discessum uxoris, quas eà discedente, quas

1611. quas post discessum ad te scripsi. Ego ex literis meorum cognovi, te ad Fontem Eblaudi esse profectum. Utinam illud iter felix & faustum fuerit! Hoc velim tibi persuadeas, meam fortunam ex tua pendere; tuis enim consiliis regi *αὐτῷ μὲν* cupio, qua de re plura uxorem tibi puto dixisse. Promissum à Rege Commentarium noli adhuc expectare: magnum enim id futurum est Opus, ut Rex mihi non semel significavit, & ipse judico ex iis, quæ vidi. Vale, amplissime Præses, & quam diutissimè vive felix cum nobilissima uxore & liberis. *Londini, Eidibus Maj. c15 15 CXI.*

EPISTOLA DCCXXIX.

E I D E M.

1611. Illustrissime Præses, quia non constat mihi, an meas omnes acceperis, idè crebras ad te mittere non vereor, ut scias respondisse me ad omnes tuas; nam post uxoris discessum ad te jam ternas dedi. Tux ad Demetrium probè sunt curatæ, & ipsi in manus traditæ. Filium meum ut auctoritate tuâ in officio retineas, & lascivientem in studiis & vita, neque certum ullum sibi scopum proponentem, jubeas meminisse fortis suæ & voluntatis meæ, supplex te oro. Vale, Vir amplissime, & me ama, qui dies noctesque tibi, & universæ domui tuæ lata omnia opto, & à Deo Opt. Max. peto. *Londini, a. d. xvii. Kalend. Junias, c15 15 CXI.*

EPISTOLA DCCXXX.

FRONTONI DUCÆO.

1611. Legi superioribus diebus, Fronto Ducæ, Vir eruditissime, librum Apologeticum, nuper isthic ab uno * Patrum Societatis vestræ scriptum, & de communi omnium sententia publicatum. Legi autem eò diligentius & accuratius, (præter morem sanè meum, qui nullius cuiusquam mortalium famam solitus appetere, in polemicis hoc genus scriptis operam non amo abuti meam,) non solum, quia in magna expectatione eam Apologiam, priusquam prodiret in lucem, fuisse intellexeram; verum etiam, & multò quidem magis, quia Epistolam non ita pridem à te acceperam, quæ Responsionis ejus legendæ cupiditate non mediocri me accenderat; quippe quâ ita agebas esse confutatas famosi cuiusdam libelli calumnias, ut jam multorum animi à Societate vestra prius admodum alieni, ejus lectio-

ne pacati, & vobis penitus sint conciliati. Quin etiam literis iisdem, si meministi, me pro ea consuetudine, quæ plures annos Lutetiæ Parisiorum inter nos intercessit, rogabas, ut serenissimo potentissimoque MAGNÆ BRITANNIÆ REGI, omni maximarum exquisitissimarumque laudum genere Principi dignissimo, hoc ipsum significare vellem; & postquam per novam hanc Apologiam causæ vestræ aequitatem cognovisset, id agerem apud MAJESTATEM ipsius, quò Religionis vestræ hominum persecutioni, (sic enim dicebas, & ita multis credere lubet,) finis tandem aliquis imponeretur. Atque hæc eadem alium etiam Societatis vestræ non obscuri nominis Patrem à spectatissimæ virtutis & integerrimo viro, Domino Fabricio Bauderiano, Christianissimi Regis Legato, qui munere suo felicissimè hic perfunctus, in Galliam ante paucos dies est reversus, per literas enixè petiisse, (& erat literis adjectum Apologetici exemplar,) non clam me erat. Itaque nihil mediocri jam de eo libro mihi spondebam, cujus freti genio & tu, doctissime Fronto, & illic alter tuus *ὁ πρῶτος συγγραφεύς* Regi maximo, literatissimo, judicii acerrimi, cujus offensum erga Societatem vestram animum reformidare poteratis, probari ipsum tamen posse, nihilò secius consideretis. Mirificè verò gestiebat animus mihi ex ejus lectione cognoscere, quid Auctor ad illa responderet, quæ à gravissimis viris atque inculpata vitæ, eandem vobiscum Religionis formam profrentibus, multis ex Ordine vestro solent passim objici; quasi erga Reges & Principes præpostero quodam Religionis zelo parum æqui essetis, & jura ipsorum ac dominationem alienæ potentie amplificandæ studio, multimodis, quoties se daret occasio, scriptis, factis, iretis imminutum. Equidem persuasissimum habebam, fieri vix aut ne vix quidem posse, ut quæ tibi scriptio tantoperè probaretur, [vide quanti te faciam,] cujus effectus adeò insignes prædicares, de qua tantam spem concepisses, quicquam eorum affine contineret, propter quæ non Magnæ tantum Britannie optimi clementissimique Regis offensionem incurristis, sed & multis aliis illustrissimis Principibus, multis Rebuspublicis prudentissimis, universo etiam Ordini amplissimo Senatûs Parisientis, & [de quo vos video non dubitare, ac multum queri,] omnibus Politicis Societas vestra dudum gravis evasit & suspecta, ne dicam, ingrata & invisa. Quò magis sum demiratus, & stupore

C c c

quo-

* Bellarmino, uti constat ex Titani Continuat. Histor. Lib. II. pag. 51. c. 51.

1611. quodam inter legendum defixus, cum expectationi meæ adeo pleraque animadvertenter non respondere, ut causam dicere aut comminisci nullam possem, cur tibi, viro intelligenti & perspicaci; cur cuiquam alii, non planè Mamacutho & communis etiam sensus experti, eos facere animos scriptum ejusmodi potuerit; quod rectè æstimationibus non causæ vestræ justa proferre in lucem queat videri; sed illam potius opinionem de vobis, quæ plurimorum mentes occupavit, (scitis ipsi, & in HENRICI MAGNI morte experti estis) voluisse confirmare, & magis magisque in legentium animos defigere. Atque ego jam hic profiteor, de iis duntaxat loqui me, quæ ad Principum jura, dignationem, securitatem, salutem denique & vitam pertinent. Nam si quæ alia vestris hominibus à quoquam objecta, eadem Responsione diluuntur, ea nihil ad hanc causam, neque ego jam illa quicquam moror. Opto magis, eam ut vestri Ordinis Theologis mentem Deus immortalis inspiret, ita det se gerere, ita faxit ipsos ἀγάπῃ, ἥπερ ἐστὶ συνέσιμπος τῷ πληρώσει, ἐν δούλῳ αὐτοῦ * nihil ut posthac inimici vestri præter calumnias & ficta crimina habeant, quod vobis objiciant.

* Coloss.
111: 14.

καίτοι τὸ βελοῦμαι, καίτοι πολὺ κέρδιον αἶν.

Scio quem hodie in multis orbis Christiani regionibus locum Societas vestra obtineat; quid quantumque valeat: quæ si à defensione doctrinæ Hildebrandicæ & Bonifacianæ, animique rigore illo præfracto, quem in plerisque vestrum homines εἰρηναῖοι observant, ad æquitatem, lenitatem, & illam, quam pii Patres Græci appellant συγκατάθεσιν, Latini *condescensionem*, animitus traduceretur; magnum haud dubiè ad communem Christianorum concordiam & re & exemplo momentum afferretis. Me ut hæc ad te simplici animo scriberem, Vir amicissime, non odium aliquod impulit, aut obtrectandi cuiquam prurigo; à quo pestilente morbo, nimis hodiè late grassante, mores meos abhorrere, τὰ πρὸς ἐμὲ μὲν, nisi fallor, vel tacente me, fidem fecerint; sed illa ipsa, quam dixi, Epistola petitioque tua, ab optima quidem, credo, voluntate profecta; verum quæ malè posito profusque ruinoso nitens fundamento, planè mihi visa est parum æqua & ἀπεσοδιόνυσθαι, ac proinde supervacua & ἀδύνατον. Magno enim in errore versati estis, & tu, optime Ducæ, & tuus ille συμμύσης, cum putassis, ejusmodi Apologiam, eo filo contextam, eo scopo scriptam, & Principibus ita aper-

tè inimicam, non dico Magnæ Britan. 1611. niæ sapientissimo Regi, aut ulli alii Principi, cui salus sua non fuerit vilis, placere posse; sed cuiquam omnino, qui Principi suo, & dignitati securitatisque ipsius optet esse consultum. Equidem sic à libri illius lectione discessi, ut pro satis comperto haberem, te, cum illa ad me scriberes, aut ipsum non legisse, aut non tam judicium fuisse tuum securum, quàm alienæ voluntati obsecutum. Novi enim te, & quàm miti ingenio sis; neque memoriâ mihi crebri illi in mutuis colloquiis nostris sermones tui exciderunt, omni moderatione & mansuetudine conditi, in quibus te semper publicæ tranquillitatis studiosum, subditum φιλοβασιλεία, & in natis ante pauca secula controversiis, nostro hoc acerrimè agitis, quæ ad jura Principum pertinent, plerisque aliis animadverti multò æquiores; deque auctoribus & defensoribus doctrinæ adeo exitiabilis sanè, pièque & liberè non semel audiavi judicantem. Quò diligentius faciendum duxi, ut non magis meum, quàm Regis ipsius & aliorum virtute præstantium virorum, qui ἡμῶν τῇ περὶ τὴν ὁρίαν, de illa Apologia judicium & judicii potissimas causas indicarem; si fortè multarum rerum, præsertim Anglicarum, quæ ibi ceu verissimæ produntur, & tanquam indubitata fidei affirmantur, horribili falsitate cognitâ, impetrare, quâ auctoritate es, à Sociis tuis posses, ut posthac falsas narratiunculas spernerent; veris, certis atque adeo publicis Actis fidem ne abrogarent, & ad necessarium, nedum justum sui odium Regem φιλαληθῆσαι, ac simul omnes veri amantes provocare desinerent. Quod si fecerint, honori suo, mihi crede, & totius Societatis vestræ melius in posterum consuluerint. Enimverò quàm parum candidè parumque aptè ad conciliandam vobis Principum benevolentiam Apologeticon illud sit scriptum, non est difficilis demonstratio. Nempe hoc agitur magnâ totius libri parte, ut dicta quædam & sententiæ defendantur nonnullorum è vestris, eruditorum quidem hominum, fateor; sed quorum opiniones non paucas Principibus & Rebus publicis esse perniciosas, magno consensu prudentes contendunt, & tristissima confirmat experientia. Et appello conscientiam tuam, mi Fronto, num judicio tuo omnia probentur, quæ in tuorum libris de hoc argumento legisti? An paratus sis, omnes illorum sententias, ceu κυρίας διζας defendere? Quod tamen sine ulla exceptione Auctor Apologiæ facit. Omnia defendit, omnes tuetur, omnes laudat, uno Mariana

1611. nā ægrè excepto. Equidem is non sum, qui, si quid fortè incautius aut inconsultius viro docto in scribendo exciderit, protinus in deteriore partem id velim interpretari, & in malæ mentis argumentum rapere. Bonum virum hæc κακότης & malignitas non decet, Christianam vero charitatem multò minus. At quoties salus Principum agitur, quoties publica res, cujus incolumitas in Principis incolumitate vertitur, sive apertâ molitione, sive per cuniculos in discrimen adducitur; tum enimverò longè alia res est, alia ratio; neque jam ulli ἀνέγκαια aut molliori interpretationi quærendæ locus; quin immò haud secus ac si esset Pyrrhus aut Hannibal ad portas, commoveri tum bonos cives, contremiscere totis artibus; dirissima quæque exempla ob oculos sibi ponere, & præ anxia sollicitudine omnia etiam tuta timere; non dico, fas, sed omnino necesse est. Omnis hic honestus pavor, omnis trepidatio, fortis & laudabilis; omne durius dictum factumve justæ suspitioni movendæ idoneum est judicandum; in patria præsertim nostra, mi Ducæ, & hoc maximè tempore. Quid enim? Vidit Gallia non ita multos ante annos, quia jura principalia violabantur, divina humanaque jura fœdum in modum subverti, omnia fusque deque misceri, homines hominibus, cives civibus lupos fieri. Vidit Gallia, postquam Majestas Unctorum Domini in animis civium malorum, & pravâ doctrinâ corruptorum eviluit, duos optimos & fortissimos Reges suos teterrimo parricidio (& quidem eodem ferè pacto utrumque) sibi esse ereptos; vidit & luxit, ac nunc etiam luget. Et erit aliquis tamen in Gallia, qui cæde tam recente Henrici Magni, Regis heu nuper nostri, bonis omnibus acerbè gementibus, patrocinium eorum Scriptorum securus suscipiat, quos novit Orbis terrarum Principibus omnibus esse infestos, eorum coronas imperio Jovis Capitolini * totis viribus ire subjectum, Majestatem modis indignis minuere; & clarâ jam atque altâ voce, *Cornua quæ vincatque tubas*, contendere, unicum esse mundi universi Dominum; unicum, ut ipsi appellant, Vice-Deum; unum Imperatorem, unum Regem, unum verè Principem, Pontificem nempe Maximum; cujus imperio si quis Regum aut Principum parum se præbeat morigerum, sive in spiritualibus, ut multi sæpe; sive in temporalibus, ut superiore seculo Joannes, Rex Navarræ, hunc illâ etiam falsâ imagine Principatûs, quam doctrina ista Regibus concedit,

* Id est.
Pontificis
Romani.

ipso jure, etiam ante prolatam à Pontifice 1611. sententiam, ut multis placet, vel certè statim à prolata sententia, excidere; ejus subditos omni vinculo naturalis subjectionis esse solutos; ipsum vel subjectorum populorum viribus, vel aliorum Principum folio detrahendum, & tanquam piacularem victimam finibus ditionis, aut etiam è numero viventium, si opus sit, esse exterminandum. Non ignota loquor, neque tibi incomperta. Teruntur omnium manibus Doctores Martæ Neapolitani libri, quibus hæc omnia totidem ferè literis, & quidem potissima horum in Epistola ad ipsum Pontificem, Paulum V. cui Opus nuncupatur, & cujus privilegio est editum, continentur. Neque vero infrunitus hic Martæ quicquam dicit, quod alii multi & ante ipsum, & post ipsum, ore pleno non dixerint, & voce scriptisque docuerint. Nisi tu fortè ignoras, quæ super hac quæstione nostris temporibus (ne vetustiora attingam) ab Alano, Sanderò, Andrea Philopatro †, Treshamo, Carerio, Boziis fratribus, Mosconio, Mancino, Pesantio, Constantino Veruna, Simancha, & innumeris aliis, quâ Juris Canonici Interpretibus, quâ Theologis, sunt scripta. Omnium instar esse queant duo illustrissimi Cardinales, Baronius & Bellarminus; quorum ille, cum Ecclesiasticos Annales, ingens opus & laboriosum, susceperet contexendos, id unum emunctæ naris hominibus videtur negotii sibi dari credidisse, ut hanc de infinita Summi Pontificis potentia mirificam doctrinam, per totam seriem temporum *ἐνκαίρως, ἀναίρως* confirmaret: qui etiam Paulo V. Pontificatum incuntem, Gregorium VII. ceu perfectam aliquam ideam legitimæ administrationis cum proposuit, hoc videlicet non obscurè significavit, eum demum se judicare laude dignum Pontificem, qui dominationis suæ causâ cælum terræ miscere, & universam Europam cædibus & parricidiis implere non dubitaret. Cardinalis verò Bellarminus quantum in simili proposito urgendo sudavit, quantâ contentione & studio negotium gesserit, tot editæ ab ipso lucubrationes, tot libri nuper in causâ Veneta contra Patrem Paulum, excellentis doctrinæ virum, & alios scripti abundè testantur; omnium verò maximè qui postremus eo super argumento ab illo est paullò antè publicatus, liber adversus virum doctissimum, Gulielmum Barclaium, Jurisconsultum, de qua scriptione quod debeat eorum esse judicium, qui publicas res suas cupiunt esse salvas, ne vel ego aut tu, vel quicumquam alius posset ignorare, Senatus primum

1611. mùm Venetus [nam ad hos liber prius pervenit] deinde Parisiensis Curia Patres, quibus salus nostrorum Regum propria salute charior, satis caverunt. Sed quid verbis opus? Idem ille Cardinalis Bellarminus in illo suo infausti nominis *Torto* *, & aliis adversus serenissimum Magnae Britanniae Regem scriptis hoc unum habet, cur Jusjurandum Fidelitatis nolit à Regis subditis Regi praestari, quia id illi videatur aliquo pacto (oblique sanè & indirectè, quanquam ne sic quidem; & sunt vel rei ignari, vel meri sycophantæ, qui hoc dicunt) Summi Pontificis omnipotentiae repugnare; in quo peccasse, ut quidem illi placet, fidem Catholicam sit abnegasse, & appellatione Christiani sese indignum reddidisse. Hinc videlicet illæ lacrymæ, & labor ille vestrorum praesertim hominum; qui ita persuasi, nunc cum maximè, quia vident ferrum suum in igne esse, ut aliis quoque idem persuadeant,

Pro se quisque viri summâ nituntur opum vi.

Atqui doctrina hæc quàm sit Principibus metuenda, evidentissimè docent tot intra paucos annos aut patrata Principum maximorum cædes, aut tentata; tot proditioes novæ, inaudita, quibus nihil simile priora ulla secula viderunt. Quem verò esse existimas *γυῖον* Gallum, cujus intimis præcordiis non hæreat infixæ, & æternum sit hæsuræ parricidæ, qui τὸ μακαρίτη Regi nuper vitam eripuit, vox observatione & acri Politicorum omnium meditatione dignissima? Qui à supremæ auctoritatis Judicibus de causâ suscepti parricidii interrogatus, quum more patrio in reorum sellula sederet, non per ambages aut enigmata, sed liquido & disertè respondit, Ideò se, quod fecisset, fecisse, quia Rex Protestantibus Germaniæ Principibus opem ferre parans in causâ Cliviensi, Pontifici Maximo rem faceret ingratham; ac proinde dignus esset, qui periret: Deum enim se in terris Romanum Pontificem agnoscere, cujus voluntati, qui sese quovis pacto opponeret, eum se habere *αὐτοκρατορεῖτον*, & exitio devotum. Ipsissima feralis illius prodigii verba sunt: *Papa est Deus, & Deus est Papa*. Tantos iste parricida in hac nova doctrina, quæ Papam facit in terris Deum, fecerat progressus. Quæ quum ita sint, nemo, opinor, sanus cerebri dicat, parricidarum sicas magis Principibus metuendas, quàm venenata Alastorum scripta, quæ doctrinâ Satanicâ infectas mentes ad parricidia ducunt.

Non enim tunc incipit aliquis esse parricida, cum ad scelus patrandum manum expedit. Tunc, tunc scelus contrahitur, quando incipit mens doctrinâ Marianæ, aut similitum illis corrumpi; & parricidii horror ac detestatio, omnium hominum mentibus à Deo indita, minuitur paulatim & labefactatur; quando, mutatis rerum appellationibus, quod prius existimabatur, ut est reverà, ἀγ. inexpressibile, jam facinus laudabile, aut etiam meritorium (dictu horribile, sed multos ita hodie sentire infanda scripta faciunt fidem) incipit videri. Scias hunc certum esse parricidam, cujus animus doctrinam, parricidiorum magistram, semel imbibit. Præclarè, ut semper, B. Ambrosius Sermone primo in Psalmum CXVIII. libidinolum compellans, *An putas, inquit, tunc primum te intrare meritorium, cum fornicem meretricis ingrederis? Intraisti jam, quando cogitationes tuas meretrix intravit. Intraisti jam, quando ad potiendam prostibuli cupiditatem gressu mentis intraisti. Pulsasti lupanaris fores, quando ad mulieris concupiscendæ decorem oculos mentis aperuisti*. Nihil hoc verius, nihil certius. Sed & Stoici rectè docent, probatque multis sapiens Epictetus; facta mortaliū, quæ mirari vulgò solemus, ex alta firmaque persuasione mentis [αἰσ- ληψιν ipsi appellant] proficisci; neque aliquid posse fingi tam arduum, tam durum aut dirum, quod non alacriter fuscipiat; &, quod in se fuerit, intrepidè ac constanter det effectum, sive vir, sive etiam puer, cui fuerit mens firmiter persuasâ, sic esse opus factò. Igitur omnem laborem & difficultatem esse in persuasionem illa informanda & παύτως constabilienda; quo semel factò, nihil jam mirum videri debere, si Calanus aliquis Indus, si multæ Græcorum civitates, si plurimæ hodieque mortuis maritis mulieres barbaræ, incendio voluntario vitam finiant: si Mutius † aliquis, aut Theodotus, sui periculi oblitus, per medios hostiles exercitus perrumpat; & per tela, per hostes haud dubiam in mortem vadat, quo Duci inimico jugulum petat, & morti illius ipse quoque immoriatur: si Herostratus ‡ aliquis cupiditate famæ, quàm levis, Deus bone! rei & frivola, ædem sacram nobilissimam, futuri securus, incendat: si aliqua Arria † viro suo ad mortem sibi consciscendam præeat exemplo, & simul dicat, *Pete, non dolet*: si alia foemina, quò sibi gravem vitam adimat, aut caput in parietes impingat, quia alia ad letum nulla patet via, aut prunam candentem

* Id est, libro, quem edidit sub nomine Matthæi Torti. Vide Eman. van Meeren, Nederl. Geschied. xxxi. Bock. Thuan. Contin. Hystor. Lib. II. pag. 51. 52.

† Flor. lib. II. pag. 100.

‡ Strabo lib. XII. pag. 640.

† Martialis. lib. I. Epigr. XIV.

in

1611. in os immittat: si Castellus aliquis (ut de hodiernis exemplis unum ponam) ætate penè puer, malitiâ senex recoctus, in Regem suum, Regem gloriosissimum & optimum, nullâque re quàm clementiæ laude magis admirabilem, audeat conspirare, audeat exitium illi machinari, audeat sacram ejus Majestatem pro nihilo ducere, audeat denique securi & Procerum suorum coronâ cincti, os augustum cultro temerare. O vim admirabilem persuasivonis! Mihi hæc scribenti, & magnitudinem sceleris animo reputanti, totum horrore corpus perfunditur; vix manus officium facit; vix oculi lacrymas tenent: illi ephebo, rerum imperito, nullo usu docto, aut firmato, ad patrandum, quod destinarat, scelus prodigiosum mens constitit; vultus non concidit, neque refugit manus, quod mens conscelerata jubebat exequi. Omnino res admiranda: sed memores tamen ejus, quod modò dicebamus, admirari desinamus. Nam ubi semel honestatis, nedum pietatis veræ an falsæ, specie mens est occupata, illicet; periculorum respectus omnis cessat mortis, & cruciatuum, quamvis quæsitissimorum, metus. Quid autem non potest, qui perfectam mortis ἀφροδίαν inducere in animum potest? Dominus est alienæ vitæ, quisquis prodigus suæ. Nosti verbum:

Τίς ἐστὶ δὲ ἡ ἁγνὴ ἀφροδίτη αὐτῆς.

Quamobrem malè rationem subducunt, si qui existimant, securitati Principum suorum fore abundè consultum, ubi in parricidas novis & inauditis suppliciorum generibus fuerit animadversum. Atqui parum est, jam consummatum scelus ulcisci & punire, nisi αἰνῶν τιμὴν πρὸς τὴν διορίσιν, ut Græcorum habet proverbium; & ad fontem ipsum, unde scaturiit malum, ascendimus; nisi omnes aditus, omnes viæ, omnes semitæ, quæ sive recto, sive obliquo tramite eò ducunt, sollerter investigatæ, & maturè fuerint obstruæ. Quis porrò sanus cerebri ambigit, novam hanc doctrinam & libros ei asserendæ conscriptos, quibus hodie nihil frequentius, ad Principum contemptum viam munire? Ex contemptu autem facile homines impelli ad prava quævis consilia, rebelliones, conspirationes, cædes denique & parricidia, omnes intelligunt. At quorsum hæc? inquires; nemo enim eorum, qui in Apologia hac defenduntur, Principum occidendorum auctor unquam fuit. Viderimus postea, num alicujus Galli innocentia hic defendatur; num aliquis An-

glus dilaudetur, & coelis inferatur, qui ejusmodi criminis fuerint affines. Interim hoc dico, & eò confidentius dico, quia apud te, quem videor nōsse: etsi nemo eorum, quibus Apologia ista patrocinatur, ad Principum mactationem disertè Lectorem instigat; multa illos tamen docere, ac velut è sacro tripode pronuntiare; quæ parricidium meditantibus animos facere, & in nefando incepto confirmare sint idonea. Itaque talia scripta, & quidem ea ipsa illorum loca tam accuratè defendere, an in eo sit ferendum, qui se bonum civem, subditum fidelem, & Domini Jesu discipulum ac sectatorem haberi postulet; te, mi Fronto, judicem fero. Simul velim illud cogites, quàm sit periculosum, docuisse aliquid virum insignem, puta aliquem è vestra Schola Theologum, quod per μαρτυριῶν & consecutionum mysteria, consilia dira animo volventibus videatur favere. Sæpe enim, quod dicitur, exiguum est; quod è dicto sequitur, magnum. Hoc quam vim habeat, & habet, meo judicio, maximam, peto à te etiam atque etiam, ut mecum heic æquo placidoque animo velis expendere. Nam & operâ eadem cognoscemus, quo candore Apologiæ Auctor in hac defensione sit usus; Principibus æquum, an iniquum se præbuerit; spes denique illa vestra an ex merito venerit. Primus, de quo agitur, est Petrus Ribadeneira, Scriptor de nomine satis mihi notus; de scriptis non adèò. Nam præter libellum, *De tribulationibus hujus seculi*, sanè pulcherrimum, pauca illius adhuc vidi; & ille ipse liber, unde sunt desumpta verba, quæ in controversiam veniunt, ad manum mihi non est. Sequar igitur Apologistæ fidem, & concedam illi non invitus, venisse nunquam in mentem Petri Ribadeneiræ facinoris tam execrandi, ut parricidia Principum suaderet, aut etiam laudaret, per se quidem & ἀπλῶς; quia tamen non obscuram significationem dedit, Henrici III. dirissimam eadem se probasse; quia etiam parricidæ tartarei sic meminit, ut propius multò absit à laudante, quàm à deestante, quod in Sectatore Jesu non immeritò aliquis demiretur, negari non potest, datam esse occasionem suspicioni haut injustæ, quasi eorum saltem Principum eadem non improbareret, qui gratiâ Pontificis Maximi quoquo modo exciderint; quum præsertim pessimo exemplo Principi, quem perditissimus Monachus, proprius subditus, per immane scelus occiderat, ipse professione Theologus, maledicat; Principi,

1611. pi, inquam, mortuo, quod vix ab immanitate barbara queat excusari; & quidem ejusmodi Regi, qui vel fatente Apologifta, utut illi cum Papa tunc non conveniret, semper tamen, dum vixit, & re & nomine fuit Christianissimus. Sed excusat Ribadeneiram Auctor, & furore illorum temporum ait abreptum. Quasi nihil peccaret, qui furorem aliorum sequitur: præcipuè is, qui Theologus audiat; non unus è multis, sed primarius, & quidem è Societate Jesu: immò verò in peccato eodem non par culpa eorum, qui ducere docereque debent, & eorum, qui duci & doceri. Nam *ἐάν τι* * *Διατ. v. ὅλας μηχανῶν, ἐν πνὶ ἀλιθίηται **. Lau-
13. do interim Apologiftam, & quod dat, accipio. Nam is ingenuè hic confitetur, rebellionem adversus Henricum III. furorem merum fuisse temporum; quam verissimam sententiam suam nescio an Cardinali Bellarmino sit probaturus, qui Lutetia egit per illos annos publici furoris, totius conjurationis (Ligam vocant,) approbator, fautor & fax præcipua. Nam de Papis duobus, à quibus profectæ excommunicationes funestissimum illud patriæ furentis [ut hic fatetur] incendium conflagrant, nihil dico. Ribadeneira igitur, expressis ille quidem verbis parricidia Principum non laudat; quem tamen probavimus, videri posse non absurdâ consequentiâ quasdam Regum cædes non improbasse. Hoc verò quid aliud est, nisi animos potius addere parricidia meditantibus, quàm à scelestâ cogitatione scelestos avertere? Istud autem peccatum Apologiftæ videatur an bonum factum, equidem nescio; verum scit Deus *ὁ καρδιογνώστης*. Omnes certè Principes, omnes Politici; omnes non ficti, neque artibus corrupti exoticis subditi, Regum præsertim Christianissimorum, gravissimè Ribadeneiram peccasse contendunt. Atque hoc si candidè, ut bonos decet, Apologifta esset confessus, ingenuo candori debitam laudem merito suo tulisset. Sequitur Auctor † Amphitheatri Hor-
† *Carolus Scribanus.* roris, Honoris volui dicere; quem librum Apologifta cùm laudat, tanquam exquisitæ eruditionis plenum, suo ipsiusmet indicio forex se prodit. Nam totius literaturæ melioris rudem esse oportet, ac planè quid sit Latine loqui, aut saltem, ut verus Poëta ait, *ἀθετυπνὶς λαλῶν*, ignorare, cui navesus ille liber & *κρίθωνας ἔχημένον*, atque, ut cum Petro Apostolo dicam ‡, *ὑπερβολὰ ματαιότητος φεγγόμενον*, potest placere. Næ illis, qui amphitheatralem illam & histrionicam verborum ampullatorum

congeriem ex Apuleji Asino, & aliis 1611. præcipuè Africanis Scriptoribus nullo judicio collectam admirantur, oleum miserè periit & opera, si quam in libris veræ Latinitatis evolvendis aliquando posuerunt: nam *παιδείας* quidem *ἐλλωικῶς* & omnis solidioris eruditionis ipsos esse *πλεῶς ἀμύητους*, & mediocriter docti possunt animadvertere. Sed hujus litis ipsum te, Fronto eruditissime, *καθιζῶ δικαστῶ*, & unà tecum, si lubet, Andreæ Schottum, virum in his literis insignem, & Tullianæ eloquentiæ strenuum vindicem. Verum hoc fortasse leve: illud ego non concoquo, & hominè candido indignum judico; quod dissimulat Apologifta scire se, *Clarum Bonarscium* per anagrammatissimum esse ipsissimum *Carolus Scribanium*. At quid illi sciunt, qui hoc nesciunt? an verò est aliquis vestrorum in Republica literaria adeo hospes & peregrinus, ut hoc ignoret? Statim ut in lucem *τίρας* illud prodit, jactatus est Lutetia Parisiorum liber musteus non una ex causâ: docti prodigiosum dicendi genus mirari; magni viri, qui ad clavum sedent Reipublicæ, doctrinam Principibus perniciosam detestari; omnes Auctorem velle cognoscere & quærere. Quæsitus est, & nullo negotio statim inventus; neque dubitavit postmodum quisquam, scriptum esse librum *πράσιον* à Carolo Scribanio, Collegii Jesuitici in inelyta Antwerpia Rectore; de quo homine quum amicos Flandros, viros ob doctrinam & simplicitatem morum mihi charissimos, interrogarem, nemo unus est inventus, qui vel speciem saltem tenus negarent, ipsum esse Scribanium, qui se Bonarscium dici maluisset; virum cæterà non inhumanum, [sic enim ajebant] & lectionis multæ; virum, qui ubi de hodiernis in negotio Religionis controversiis ageretur, aut de Romani Pontificis potentia, soleat *δαίμονιος ἐνθευσιᾶν καὶ κορυβαντιᾶν*,

Quælibet in quemvis convitia figere sævus.

Quod & verissimum est, & cuius compertissimum, qui vel semel & in transcursu ejus Amphitheatri infames Ludos spectaverit. Neque hoc nescit Auctor Apologiæ; verum dissimulat & tergiversatur. Parum ingenuè hoc quidem: nam si librum probabat, cur tam seriò negat esse *ἡ πατρὶς παιδίον*? Si non probabat, cur Operis *ἀδοκίμη*, cui ne ipse quidem ejus pater præfigere nomen suum apertè est ausus, defensionem suscipit? Audiamus verò præclaram defensionem. Negat, Carolus Scribanium libri primi

‡ 2 Pet. 2: 18.

1611. mi capite XII. quicquam dixisse, quo Regum Christianissimorum Majestas sacrosancta, & jura antiqua minuantur. Deum immortalem! adeone frontem periisse de rebus, ut hoc dicere, hoc publicare in Urbe regia, vix dum peracto Henrici Magni funere, certè & πένθος ἐν ἀμφότρῳ, nec dum positis lugubribus, aliquis sit ausus? Scilicet injuriam Regibus nostris nullam facit, qui non obscurè Romanis Pontificibus ita eos subjicit in temporalibus, [nam de his est quæstio] ut si eorum administratio fuerit culpabilis, in potestate sit Papæ, non dico, spiritali gladio, paterno affectu in viam rectam revocare; sed temporalis gladio, tanquam esset Papa Rex Regum in terris, Dominus dominantium, in ipsos sævire, eos deponere & solio deturbare. At quid est Majestatem gloriosissimorum Regum lædere, & nova jura in eos statuere, si hoc non est? Non sunt igitur, uti video, Reges Francorum sui juris; neque ab unius Dei, sicut hætenus est certò creditum, pendent nutu; sed precario regnant, & vicariam, nescio quam, potestatem habent, à Romano Pontifice, vero Gallorum Rege, ut Canonici sentire nos volunt, sibi demandatam. O Gallia, ô patria mea, quàm tu alia longè nunc es, atque olim fuisti! Sed ignoscamus Apologistæ: credamus, eum non perfidiâ in Reges suos, verùm ignorantia peccare; nescit enim, credo, Regum Christianissimorum jura, quæ nemo tamen germanus civis & cordatus Gallus aut potest, aut debet ignorare. Nescit, quid Papæ Bonifacio VIII. Rex Philippus, Philippi Audacis filius, Pulcher, rescripserit. Nescit, quid ejusdem Regis magnanimi auspiciis Sarra Columna, & Nogaretus Narbonensis fecerint. Adiret igitur Sorbonam, & celeberrimæ illius Scholæ Doctores consuleret. Doceret eum Sorbona, quàm fuerit hætenus in Galliis periculosum, hoc nescire. Narraret, quoties ipsa Ordini amplissimo assensum præbuerit, feverè in eos animadvertenti, qui mitiora quàm Scribanus dixissent. Commemoraret eorum exempla, qui vel prioribus seculis, vel hoc nostro, ut Joannes Tanquarellus, Florentinus Jacobus, & Thomas Blanzius*, quòd de temporali potestate Papæ ausi essent mutire, pœnas meritissimas lucunt. Omitto recens exemplum in thesibus de Jure Canonico editum, à viro docto, & aliàs optimo, utriusque nostrum notissimo, bonarum literarum Professore Regio publicatis. Sed nihil agimus: negat enim Apologista, de Gal-

lorum Regibus loqui pseudonymum 1611. Bonarscium, verùm de immanibus Tyrannis, quales olim fuisse accepimus Dionysios Syraculis, & alibi alios. Negat? hoc vero mirum & portentosi simile mihi videtur; virum gravem, genere vitæ Theologum, adeò sine ullo pudore esse, ut, quæ verissima sciat esse, & omnium legentium oculis exposita, negare sustineat; quæ nòrit esse falsissima, ea affirmare non vereatur. At quid igitur sibi vult, ô te appello, quisquis es, Apologiæ hujus Auctor; te appello, & conscientiam tuam convenio, quid (inquam) sibi vult lemma hoc capiti illi ab Auctore præfixum? *Societas, inquit Calvinista, evertit Galliarum Regnum, cum docet, Pontificiam excommunicationem in Galliarum Reges esse validam.* Hæc est thesis, adversus quam totius illius capitis disputatio est instituta. En Galliarum Regnum; en Galliarum Reges. Quorsum autem, si de Galliarum Regibus non agitur? Ubi Apologiæ candor? ubi sinceritas? ubi conscientia? Res ita habet. Scopus Bonarscii eo capite est, disertissimum virum, Arnaldum, Advocatum Parisiensem, refellere, & plures alios, qui scripserunt, Jesuitas contraria dogmata legibus Regni Gallici tueri, cum docerent, illam Paparum excommunicationem Regum nostrorum debere esse validam; quæ non sacris arcere, verùm Regno; non emendare vitam Regum, sed tollere, nisi cedant imperio, propositum habet. Adversus hæc majorum nostrorum indubitata axiomata pertendit Bonarscius, Romanum Pontificem habere potestatem, si quis legitimus, verus, certus Rex Galliarum, jure suo abutatur, subditos vexet, denique Regni formam in tyrannidis speciem mutare videatur; hunc ut possit, non dico, Ecclesiæ communione privare, quod olim fecit Ambrosius in Theodosio; nam de eo genere excommunicationis litem Arnaldus nullam moverat; sed deponere, dejicere, & in illius locum Regem alium instituire. Inde ista verba in ejus capitis contextu: *Nihil tamen Pontifex in Galliarum Regem? Audin? Regem.* Et paulò post: *Vestigia P. Tarquinii in Collatini lecto sat justam causam dederunt: nulla justa est Gallum abrogandi?* Deinde: *Dices neminem retrò Gallorum Regem anathemate percussam.* Quid apertius? quid clarius? Ecquid Apologiæ pudet? opto magis quàm spero. Nam qui æquivocationis emplastro fraudes, mendacia, perjuria tegere nòrunt, his frontem æream licet habere, cor involutum & multiplex. Notum verò

* De his vide sùp. J. A. Thuanum Histor. lib. CXIV. mox in initio.

1611. verò jam omnibus, quàm lubrica vox sit apud doctrinæ istius auctores, TYRANNUS; neque jam hoc verbo aliud aptius ad *κακοφύγη* distinctionum & æquivocationum præstigias. Apologista igitur, cum dicit, Bonarscium non de Regibus Gallorum, sed de Tyrannis loqui; etsi manifestissimè, ut probavimus, falsò loquitur; non tamen mentiri, sed æquivocationis beneficio uti dicendus. Tyrannus enim publicà notatione in Schola Sorbonæ & aliis antiquæ simplicitatis legitimo Principi opponitur, & eum significat, qui imperium non suum per vim aut malas artes invasit. In doctrina verò Hildebrandica Tyrannus audit, quamvis legitimus Rex, qui à Pontifice fuerit excommunicatus. In hac ambiguitate ludere Apologistam, & ferè omnes hujus doctrinæ auctores, cæci sunt, qui non vident, Principum suorum hostes sunt professi, qui vident, & negare tamen sustinent. Par omninò & similis Apologistæ ingenuitas, cum aliquantò post negare non reformidat, eundem Bonarscium octavo capite libri primi Guignardum designasse, cum totis ingenii viribus quendam Ordinis Jesuitici deprædicat, & in cælum refert numerum, qui propter scripta seditiosa, (furore illorum temporum hic quoque abreptus, cujus equidem doleo vicem; sincerè loquor, καὶ ἐκ ἐνεδίῳ τὸ χεῖρον) & contra Regum nostrorum jura, supplicio fuit Lutetiæ affectus. Minus miror, Apologistam ingenio heic uti suo. Nam Scribanus, cum illa scribebat, Ordinem amplissimum, cujus decreto supplicium illud fuerat exactum, reveritus, nomen ejus, quem cælo donabat, non est ausus enuntiare. Voluisse illum, sed magno aliquo metu fuisse impeditum, declarant hæc ex illius capitis indigitationis verba *: *Tenebris ego te nunc condam, amica lux: patere; fors dabo te aliquando, clarissimum sidus, liberiore campo. Iterum: Recludam te, illustri urna, clarissimi sideris fida custodia.* Apparet voluisse, & vehementissimè quidem voluisse nominare, nec ausum tamen; alio tempore constituisse nomen sideris novi effari, & quidem, sicut olim Pindarus fecit, οὐδὲν τόσσον τὸ χεῖρον κατὰ θεὸν, præfens silentium scœnore luculento velle pensare. Metus autem causam fuisse hanc, nemo ambigit; ne fortè ea res Societati vestræ, ante paucos tum menses Lutetiam admissæ, fraudi esset; & hoc Bonarscium ipsum significare voluisse, non ausim quidem pro certo affirmare, qui oraculorum interpretem non profiteor; suspicor ta-

* Pag. 70.
ed. 1606.

men ex istis verbis: *Tegat illa membrana dignitatis.* Et statim: *Satis magnam carnificinam tenue velamentum tegit.* Quicquid hujus sit, Guignardum certè sequens disputatio de causâ supplicii, ita perspicuè demonstrat, ut ne sol quidem meridie claro sit clarior. Nam suaviludius est Apologista, cum argumentatur, non sentire Auctorem illo capite de Guignardo, quia illum, de quo sentiebat, appelleret *ultimum nihil amplius dolituræ domus innocuum piamentum.* Non enim posse nominari *ultimum*, qui solus ex illo Ordine pœnas in Gallia luerit. O argutias! Jam primum istud falsum est; nam & alii sententiam passi, ut Alexander Hagus †, qui perpetui exilii damnatus. † J. A. Ténaxus, Historiar. lib. CXII. anno Christi 1595. Deinde quàm nugatorium est, exactam verborum proprietatem ab eo Scriptore exigere, cui nihil placet nisi novum & insolens? Sed injuriam facit Bonarscio Apologista, ignorans cum Jurisconsultis ipsum esse sic locutum, qui ultimum posse dici non abnuunt eum, quem sequitur nemo, etiamsi præcedat nemo. Si per graviora tua studia licet tibi, inspice, Iodes, duo illa Amphitheatralia capita; non dubitabis, hoc sentire Auctorem, hoc docere: nostros Reges, Francorum, inquam, Christianissimos Reges, non minoris duntaxat excommunicationis telo peti posse à Papa; verum etiam majoris illius fulmine afflari; quæ Principes aut mente, aut viribus destitutos, (nam his solis metuitur id fulmen) Regnis verè suis exuit, & subditos impiâ audaciâ armat in Christos Domini, Dominos suos: quod si propter doctrinæ hujus assertionem, legibus antiquis & piissimis pœnæ à quoquam fuerint exactæ, hunc in beatorum Christi Martyrum, [ô novam & doctrinæ Christi contrariam doctrinam!] numerum esse referendum, pro Martyre colendum. Hæc ubi cognoveris, non peto à te, ut facias, quod ante paucos annos Joannes de Roa fecit in Hispania, qui Jesuita quum esset, professionem mutavit, & factus Augustinianus, librum scripsit, *De Juribus principalibus defendendis & moderandis justè*: quem librum ait Baronius Annalium Tomo sexto, Romæ se expectare incredibili cupiditate, ut statim publicè cremandum curet. Hoc ego à te non peto; illud te vehementer rogo, ut de Apologistæ fide & sinceritate erga Reges Christianissimos, quid sentire nos oporteat, ipsè statuas. Nam equidem inter pestilentis alicujus doctrinæ auctorem, & ejusdem defforem, quid admodum intersit, non video. Sed omittamus Amphitheatra-

lem

1611 Iam istum Scriptorem, melioris omnis doctrinæ pus atque venenum. Tertius ordine Cardinalis Bellarminus sequitur; in cujus crebrò repetita defensione vellem Apologistam, quàm acrem se suorum Symmystarum, & nominatim hujus propugnatorem ostendit; quod in causâ iusta iustè in eo reprehendere nemo posset; tam civem bonum & dignitatis securitatisque Regum nostrorum, ac Principum etiam aliorum à Deo institutorum studiosum, probasset; quod pietas, quod fides subditi, quod imitatio Jesu, quod recens Regis nostri cædes, exigebant ab illo, ut seriò faceret. Nunc quis Principum suorum amans, & de salute eorum sollicitus, patienter ferat, cum sine exceptione Auctorem defendi & laudari, idque Parisiis, cujus doctrinæ, ceu Principibus inimicæ, exitiabilis & funestæ, Ordinis amplissimi Patres nigrum theta nuper adeò præfixerunt? Quid? An illi Senatus Parisiensis inane nomen sine re videtur? & nihilne sibi metuit, qui tam manifestò Patrum amplissimorum auctoritatem aspernatur? At vir magnus est Cardinalis Bellarminus, & de Romana Ecclesia benè meritus. Non jam disputo, benè an secus de Ecclesia Romana esse meritus dici queat is, cujus scripta tantum iustissimæ invidiæ Sedi illi & Pontifici, nihil tam insolens sibi fortasse vindicanti, conflarunt: poterat certè Bellarminus & de Romana Ecclesia, & de universo nomine Christiano mereri haut paullò melius, si ingenium, quo excellit, & doctrinam, pio charitatis fervore succensus, ad tollendam potius quàm augendam Ecclesiæ scissuram contulisset; si quanto studio & diligentia non jam τὸν κοινὴν ἐξουσίαν, quem Patres Ephesini Concilii olim fugiendum in Ecclesia monebant, ut & Patres Carthagenenses, typhum seculi; sed Principibus terribilem Papæ omnipotentiam, & spiritum superbiæ, Ecclesiæ exitiabilem, tot lucubrationibus suis acerrimè propugnasset; tantum studii & diligentia impendisset, ut malis Ecclesiæ, per aliquot jam secula assidue gementis, & ad pristinam disciplinam revocari gestientis, aliquod pro sua virili remedium procurasset. Tunc verè magnus Bellarminus ab universi Orbis Christianis audiret; tunc unanimi concentu, Principes pariter & Principum subditi, laudes ejus nomenque celebrarent. Nunc quo pacto sine perfidiæ nota fideles Principum subditi laudabunt, quæ contra Regum jura, & in Principum certam perniciem Cardinalis Bellarminus scripsit tam multa?

quæ tibi quum sint non incognita, eorum commemoratione hoc loco supersedebo. Quare desinat, moneo, Apologista, piis & prudentibus hominibus, quos salus & securitas Regis Christianissimi & Θεοφιλες Ludovici XIII. & augustissimæ Principis, Reginae matris, habet sollicitos; quorum oculis mentis observantur quotidie, tot horrenda bella, jam inde à temporibus Hildebrandi ex hac causâ in Europa exorta & crudelissimè gesta; tot rebelliones, proditones, cædes & parricidia, nostro seculo ab hoc fonte profecta; qui denique Gallici Imperii Majestatem illibatam & fartam rectam conservari, & ad posteros transmitti cupiunt: desinat, inquam, nominis Bellarminiani μερολήκεον & inane terculamentum objicere. Ad populum phaleras, ad pueros hanc μερμή. Viri graves sunt, qui se huic doctrinæ opponunt, pietate erga Deum, fide erga suos Principes, constantia in dictis factisque, admirabiles. Hi doctrinam Gregorii VII. & Bonifacii VIII. gravissimis Edictis sæpe olim, & nuper admodum à se damnatam, semper execrantur, semper execrabuntur. Neque verò indignari debet Cardinalis Bellarminus, hanc in Gallia prodigiosam doctrinam improbari, rejici, explodi; quam constat neque fuisse hactenus unquam in Regno Francorum probatam, neque antiquis Ecclesiæ Patribus, per longam plurium seculorum seriem, fuisse cognitam; & cum disciplina atque exemplo Domini Jesu è diametro manifestissimè pugnare. At per Deum immortalem! quid illis venerat in mentem, qui sibi tibi, mi Ducæ, persuaferant, Apologiam istam, quæ tot locis Bellarmini scripta adversus serenissimum Magnæ Britannia Regem tuetur, & quæ Garnettum Martyrem toties dilaudat, eidem Regi prudentissimo ratione ullâ posse probari? Existimarunt illi videlicet, Regem Jacobum, multorum aliorum Principum similem, susque deque illa habere, neque ad ipsius cognitionem libros ejus argumenti pervenire. Itaque facilè esse, Majestati illius persuadere quicquid luberet. Qui si Regem nôssent, tantæ temeritatis nunquam sese obligassent. Nihil enim illum fugit eorum, quæ à vestris hominibus, aut quibusvis aliis de hac Pontificis temporali potestate scriptantur; adeoque Majestatem ejus nihil istorum latere patiuntur sui ministri, quos habet ubique fidissimos; ut hanc ipsam Apologiam ante plures menses, vix dum absolutâ ejus in Gallicis editione, & nactus sit, & percur-

1611. rerit, si quam fortè ingenuæ mentis & sinceræ notam observaret; ac mox cognito, cum hoc elogio rejecerit: *Qui hostes meos defendunt*, inquit, *hostes mei sunt. Qui proditoris manifestæ compertos, ac voluntate saltem parricidas laudant, & Martyres faciunt, pro communibus omnium Principum proditoribus & parricidis haberi digni sunt.* Rectè sanè hoc & prudenter, ut omnia, Rex maximus: nam quid aliud de eo libro Majestatem ipsius par erat judicare, cujus pars magna Bellarminum hostem ipsius manifestum, & novos cœlites, Garnettum atque Oldcornum, tueretur, & beatos prædicat? Ac de Bellarmino quidem plura nunc non addemus; qui suum illum librum contra Barclajum, à Barclaji filio, memoriæ & doctrinæ patris strenuo vindice, & à pluribus aliis, videbit brevi foricinâ naniâ confosliorem redditum. Porro pergamus. Cardinalem Cardinalis excipit, Bellarminum Franciscus Toletus; Societatis quidem ejusdem; at mentis, ut verè affirmare posse videor, non ejusdem: multa enim Toletus scripta edidit; multos in Sacras Literas eximios Commentarios conscripsit, in quibus nullum, quod sciam, doctrinæ Hildebrandicæ vestigium, nisi fortè leviter impressum, apparet. Memini, cum ante annos viginti, & quod excurrit, Toleti in Evangeliorum Joannis Commentarii ad Theodori Bezae manus primùm pervenissent; qui tum fortè eundem divinum Evangelistam in publicis Læctionibus exponerebat; virum illum, ut erat doctissimus pariter, & doctorum candidissimus æstimator, impensè Toleti illud Opus mihi in privato colloquio laudasse: & meritò. Nam in ejus scriptis, quæ legi, cum eccellente rerum Philosophicarum & Theologicarum notitia par certat modestia; quæ, judicio meo, tum in alio quovis Scriptore, tum in Theologo potissimum, laus est vel præcipua. Ac licet non negaverim, Toletum in ornando Romano Pontifice admodum liberaliter aliquando agere; nova tamen portenta sententiarum, qualia Bellarminus è fecundo suo pectore multa promissit, apud illum non invenies. Nihil dicam de libro contra Barclajum, qui quantus quantus est, totus est, non negans, verùm τίς & portentum novi generis: sed vel unicus Recognitionum pusillus libellus, in quo Bellarminus ἀπειρὸν αὐτὸς αὐτὸς scilicet πῶς αὐτὸς, scripta sua recensuit, quàm factus est novarum & mirabilium sententiarum? Unam aut alteram, exempli gratiâ, afferam. *Pasce oves meas*, hoc est, ait Bellarminus, *Regio more impera.* Et hæc sunt Cardinalis

illustrissimi δευτέρου Φερδινάνδου, quibus nihil melius ab eo possumus expectare. Tale & illud: *Paulus de jure Cæsari subiectus non fuit; nec ad eum appellavit, tanquam ad Superiorem suum.* Item illud ex eodem libro: *Pontifex olim de jure Imperatori subiectus non fuit:* & id genus alia multa, ad Romani Pontificis, in terris degentis, ἀντιθέσει novo audaciæ exemplo excogitata: quæ aliquis fortasse credat Judæus Apella; ac nemo credet gnarus veteris fidei, veteris disciplinæ & Historiæ. Dolcebunt potius veri Christiani omnium novitatum aspernatores, per istiusmodi novas inventiunculas ad priscam fidem abolendam (Deus omen averrat!) viam muniri. Enimverò Cardinalis Toletus, etsi eruditissimus, & Bellarmino, ut dicebamus, longè moderatior, homo tamen erat, & falsas opiniones cum suscipere ipse, tum aliis tradere poterat; quum præsertim in ea civitate & inter eos versaretur, qui dissentientes à se, in iis maximè capitibus, quæ ad potentiam Pontificis amplificandam faciunt, haut facilè, sicut accepi, essent laturi. Quæ igitur ex illo afferri solent, de vi majoris excommunicationis in tollenda Principibus jurisdictionis exercendæ facultate; quæ item de usu æquivocationis & retentione mentali, ea quocunque tandem auctore prodantur, explodenda, & cum detestatione Christianis omnibus censco despuenda; & eò quidem vehementius, quò majore probitatis opinione fuerit, qui illa docet. Quare Toletum nos quidem hic non defendimus; quod solito candore facere Apologista conatur: miramur magis, virum, aliàs probum, adeò abominandis dogmatis & nomen suum, & scripta maculasse. Nam & Jesuitas nominare possum, quibus illa perfidiæ magistra æquivocatio, humanæ societati perdendæ inventa, non probatur, ut quidem in ea disputatione Toleti explicatur. Sed non sine causâ dubitare hic animadverti viros graves; fueritne illa verè Toleti sententia, quæ hodie in illius instructione, sive Summa Casuum, legitur. Liber enim ille post mortem demum Auctoris, nisi fallor, est editus; & quidem sine ulla Præfatione, quæ fidem faceret, omnia esse Toleti genuina. Tum autem editiones illius circumferuntur ita variæ, & invicem discrepantes, ut suspicio sit, multa γυρίσις adjecta esse, quæ Auctor fortasse, si viveret, obelo transfoderet: atque inter illa hæc duo forsitan loca fuerunt, de quo tamen nihil affirmamus. Sanè etiam in Maldonati Jesuitæ scriptis, quæ postquam ipse diem clausit

1611. clausit supremum, sunt edita, nonnulla auctoritate quâdam censoriâ fuisse mutata, & temporis præsentis opinionibus accommodata, audiui qui affirmarent, viros fide dignos. Transiit deinde ad Marianam Apologista; cujus Institutionem Principum occidendorum [sic jure appello eam Marianæ disputationem] cum damnat, facit, quod virum probum decet. Sed an seriò damnat *ἐκ ἀπὸρ μὲλος ψυχῆς*, ut ait Euripides, an extremis labiis, & cum aliqua subtilitate, non abs re dubito. Video enim, non esse vestræ Societatis hunc morem, ut quod alii laudant, alii vituperent. Marianam autem partim apertè laudant, partim hanc ipsam illius disputationem defendunt P. Ribadeneira, Scribanus, qui se mentitur Bonarscium, Grefserus, Martinus Becanus, & plures fortasse alii, quos non vidi. Cur hoc vehementer magis magisque indies suspicer, accipe. Allatus est non ita pridem ad serenissimum Regem liber Anglicus, hic deprehensus, nescio unde è regionibus transmarinis in hanc Insulam ad eos missus, qui Romano Pontifici adherent. Suspiciari licet ex Epistola Auctoris, scriptum esse librum in Italia; quem etiam ibidem fuisse editum, nonnulla suadent; non minimè autem illa verba, PERMISSU SUPERIORUM, quæ imâ paginâ primâ habentur. Ejus libelli duæ partes sunt: prior Epistolam continet P. Cottoni declaratoriam ad Reginam, in sermonem Anglicum versam; posterior, Dissertationem adversus eos, qui post Henrici Magni cædem accusare doctrinam vestram sunt aggressi. In hac parte, ubi primò doctrinam de occidendis Principibus Ordini vestro non probari testatus est; ubi etiam multa narravit (sed ficta omnia & falsa) de præmiis, à Ludovico XIII. Rege Christianissimo, & augustissima Regina in vos collatis, pendendæ injuriæ, quam ab osoribus vestris accepistis: mox ad Marianæ seriam defensionem anonymus ille Scriptor se accingit; præfatus, propterea id à se fieri, quia P. Cotton in Epistola sua, sive modestiæ, sive brevitatis causâ, vel potius temporari serviens, Marianam reliquerit indefensam; velle itaque se, quod Epistolæ illi deest, supplere; & operâ eadem cum Jesuitas, tum Ecclesiam Catholicam à suspitione praviæ doctrinæ liberare. Affirmat igitur, Marianam totâ illâ disputatione non de Regibus loqui, sed de Tyrannis. Quod diabolicum esse mendacium, affirmamus nos; nam de Henrico III. Rege legitimo, non de aliquo invasore Mariana loquitur.

Tum addit, tractari eo loci quæstionem 1611. à plurimis agitatam; quos omnes quum moderatione superaverit Mariana, non ausus liquidò affirmare, quod alii certò definiunt; satis ex eo posse intelligi, illos, qui Marianæ librum ejusmodi doctrinæ obtentu Lutetiæ condemnarunt, non Marianam, sed Jesuitas; immò non Jesuitas, sed ipsum Jesu Christi sanctissimum nomen, (ô blasphemum os!) odisse. Ipsa Auctoris verba hic subjiciam, ut per eos, qui isthæc Anglicè nōrunt, intelligas, nihil me comminisci: *They are enemies of that holy name of JESUS, that condemned Mariana for any such doctrine.* Hoc est, ad verbum: *Illi sunt inimici sancti nominis JESU, qui condemnarunt Marianam propter talem doctrinam.* En tibi, mi Fronto, unius Jesuitæ; aut è magnis Jesuitarum patronis unius, sed non solius, judicium de prudentissimis Senatûs Parisiensis Patribus, qui illam Institutionem Marianæ ultatricibus flammis meritissimè addixerunt. Quod si huic Scriptori fidem habemus, ne P. quidem Cotton aliter sentiebat, quando Epistolam illam ad Reginam matrem scribebat, sed animum dissimulans, Phocylidæ præceptum usurpabat, *καὶ τὸ λατρεύειν, μὴ δ' ἀντιπνέειν ἀνέμοισι.* Ego malo credere, magnam istum terræ filium P. Cottoni injuriam facere: vides tamen, mi Fronto, quàm longè absint ab eo multi hodie, ut Marianæ illam dirissimam Diatribam detestentur. Et quare, obsecro, parricidarum magistrum execrarentur, quibus parricidia placent, parricidæ laudantur, & beatitudine Martyrum digni censentur. Planè ejusdem hominis est, Marianæ probare judicium, & proditores ac parricidas consecratione dignos judicare. Nam Sixti V. Orationem, ut puto, non ignoras circumferri, verè an falsò, in Consistorio Romano post Henrici III. cædem habitam. Neque fugit Romanorum Censorum judicium, qui alia quædam Marianæ scripta nuper notarunt, istud non notarunt, in quam partem à rerum peritis sit acceptum. Nam in hac re, si unquam in alia, jure licet de illis Aristarchis regulam Juris civilis usurpare: *Qui tacet, consentire videtur.* Excusat tamen illos Apologista alicubi, & nihil pronuntiatum Romæ adversus parricidalem Marianæ Instructionem ait, propterea quòd nemo fuerit, qui eo nomine Auctorem deferret & accusaret. Mirum verò, quum de Marianæ libris instituta semel esset cognitio, nemini Censorum illorum venisse in mentem hujus disputationis, illâ,

1611. illā, quam notabant; millies, imo μυ-
 ελάκις millies perniciosioris. At latebat
 eos liber ille Marianæ. Hoc verò quis
 credat? Quis non videat, dictū esse ri-
 diculum? Nisi quod aliis utuntur ocu-
 lis, cum res Papæ agitur; aliis, cum res
 Principum: in illis Argo oculatiores
 sunt; in his talpā cæciores. Marianæ
 igitur disputationem, quæ Lectores ad
 Principum suorum parricidia institue-
 bat, non viderunt: sanctissimum Sena-
 tus Parisiensis Decretum contra parrici-
 dam Castellum, quia in eo pauca
 verba erant Papæ ingrata, viderunt, &
 æternū detestando exemplo, Censuræ
 suæ illud subijcere non dubitarunt: ὁδη-
 γοὶ τυφλοὶ, καὶ διλιζέτες τὸν κέντρα, τὸν
 δὲ κάμηλον καταπίνοντες *. Sed neglectis
 * Matth.
 xxiii:
 24.
 rationibus omnibus, quæ suadere con-
 trarium valerent, agamus cum Apolo-
 gista benignè, & credamus ipsum verè
 ἀπὸ εὐλακείας, sine fuco & faliaciis,
 simplicitate Gallicā, non levem ali-
 quem hiantis & malè parati calami er-
 rorem in Mariana damnare; sed totam
 illam ejus Dissertationem detestari, si-
 cut locis aliquot profiteretur: adhuc ta-
 men hæret in luto; nec qui se expediat,
 honestam satis rationem video. Nam
 quare aliorum causam tuetur, qui ad-
 versus Protestantes Germanos Maria-
 nam magno studio defenderunt? Ego
 non capio, quomodo possit Apologistæ
 constare facti ratio; cum defendi aliis
 probat cum Scriptorem, quem ipse non
 semel gravissimis verbis detestari se
 ostendit. Jam quod in illo sermone
 pronuntiat, libros alios reperiri, de
 quibus omnes sileant, millies Marianā
 periculosiores; quos libros intelligat,
 aut quorum accuset silentium, multi,
 opinor, juxta mecum ignorabunt. Qui-
 bus autem periculosiores? Non sanè
 Principibus, quorum Majestas minui-
 tur, dominatio destruitur, vita petitur
 per Marianæ doctrinam. De animarum
 fortasse periculo dicet se locutum &
 hæresi; sed de eo nunc quæstio non
 est: neque vero si id ageretur, difficile
 esset, quā rationibus, quā Patrum te-
 stimoniis probare, pestilentissimam hæ-
 resin esse doctrinam Hildebrandicam.
 Fallor verò, aut non defuturi sunt, qui
 ex illis Apologistæ verbis conjecturam
 faciant, necdum satis intelligere eum
 magnitudinem criminis à Mariana ad-
 missi, quando parricidam Henrici III.
 Regis Christianissimi, non secus ac δι-
 ζοντῶν aliquem Heroem, laudibus in cœ-
 lum tulit, & alios ut similia susceperent
 parricidia, diligenter instituit. Vide
 verò ingenium hominis & candorem!
 Wecheli hæredes gravissimè accusat,
 quorum sumptibus posteriorem Maria-

næ editionem curatam dicit; eos non 1611.
 accusat Jesuitas, qui Wecheli hæredi-
 bus ejus consilii fuerunt auctores, qui
 Moguntia Typographo, Balthazari Lip-
 pio, potestatem imprimendi fecerunt;
 qui singula folia cum ederentur, videre
 potuerunt, & silentio saltem suo fa-
 ctum probarunt. At quæ hæc est ini-
 quitas? quæ προσωποφάνεια? aut quid est
 nocentem absolvere, innocentem pre-
 mēre, si hoc non est? Wecheli hære-
 des mercatores sunt, neque literarum
 ullam peritiam profitentur, & Franco-
 furti ad Mœnum degunt. Significatum
 est illis à Jesuita non vulgaris existima-
 tionis, allatum esse ex Hispania Maria-
 næ librum; semel jam Toleti editum
 cum approbatione Superiorum Societa-
 tis Jesuiticæ, & Regis Catholici privi-
 legio; eum, novā limā perpolitum,
 bono publico in Germania editum iri.
 Ab illis nihil amplius petitum, nisi ut
 sumptus facerent; de cætero ne solli-
 citi essent; Moguntia enim curā Pa-
 trum Societatis Jesu librum iri editum.
 Ita dictum, ita factum est: αὐτὸ ἐργον.
 Wecheliani pecunias, ut qui-
 dem iste ait, dederunt; cætera omnia
 Jesuitæ administrarunt, idque Mogun-
 tia; ubi Wecheli hæredes, aut quos-
 vis alios Protestantium gratiā multum
 pollere, audiui hætenus nunquam. Ac
 Jesuitæ quid ibi possint, & Patres Ar-
 chiepiscopalis Collegii, Christianus or-
 bis jam novit. Et non pudebit Apo-
 logistam, ejus editionis culpam omnem
 in Wecheli hæredes transferre? Non
 pudebit, palam, ut Poëta ait, ἀνείπων
 αἰνάσασθαι? Parricidam Henrici IV. †
 † Fran-
 ciscum
 Ravallia.
 rum. J. A.
 Thuan.
 Histor.
 Contin.
 lib. III.
 lectione Marianæ ad scelus concipien-
 dum fuisse stimulum, alios affirmare
 scio, alios negare. Literarum nullam
 eum habuisse cognitionem, à pluribus
 accepi; quare concedamus Apologistæ,
 quod scribit, nihil parricidæ illi cum
 Mariana fuisse commercii. Sed quod
 addit idem Auctor Apologiæ, non so-
 lum falsum fuisse eum rumorem; verum
 etiam quodammodo esse optandum, ut
 ille Alastor Marianam legisset; nos ejus
 voti gratiam illi facimus, & mecum,
 scio, omnes subditi fideles. Est enim
 falsissimum, eos, qui cædes Principum
 suorum cogitant, lectione Marianæ ullo
 pacto ad mutandum propositum posse
 adduci. Nam quid invenient, quod eò
 ducat? Videbunt Theologum è Socie-
 tate Jesu certo consilio hanc quæstio-
 nem tractare, *An liceat Regem legiti-
 mum, puta Henricum III. Regem Gal-
 liarum Christianissimum, postquam à pau-
 cis seditiosis, sed doctis* (nam his arbi-
 trium permittit Mariana, ut de capite
 Principis sui statuunt) *cæperit Tyrannus*
 appel-

1611. *appellari, occidere?* Videbunt concludi ad extremum, licere; videbunt infandam Satanæ progeniem, fraterculum Jacobum Clementem*, ob patratum parricidium magnificis verbis in cœlum tolli. Hæc scilicet prodigium hominis, Ravalliacum dico, adduxissent, ut scelus detestaretur. Velim igitur doceat me Apologista, quibus verbis Marianæ utendum fuerit, quibus argumentis, ut scopum assequeretur suum; & subditis persuaderet, pium esse facinus, Regem suum, cum opus foret, occidere. Admirantur Græcorum Critici maximum Poëtarum, qui Agamemnonem inducit, suis reditum in patriam suadentem, oratione quâdam miro artificio figuratâ, & verbis, si accipias simpliciter, planè contrarium suadentibus. An existimat Apologista, Marianam eodem artificio in illa disputatione usum? Hæc quidem mira Philosophia est, paucis nota; cujus si Ordinis amplissimi Patribus venisset in mentem, in Marianæ sacerrimum librum nunquam, credo, adeò severè animadvertissent. At ne sirit Deus immortalis, Deus, per quem regnant Reges, ne sirit, ut qui malo erga Principes suos animo sunt, [ecquis autem Principum tam felix, adversus quem nemo subditorum malè sit animatus?] in Marianæ librum incidant, & cum similemve alium Scriptorem in consilium adhibeant. Emanuëlem Sa defendit post hæc Apologista; in quo miseret me hominis frustra laborantis, ut qui ὁδὸν παράσης ἀτραπὸν ζητᾷ. Vera defensio erat unica & sola hæc; ut fateretur Auctor, multa Emanuëlem, si minus animo malo, certè per imprudentiam scripissè, & suis illis Aphorismis inseruisse, Principibus nimis periculosa, & proinde bonis omnibus detestanda; verùm ista in postremis editionibus Lutetiæ fuissè sublata. Hujusmodi oratio & speciem aliquam ingenui candoris præ se ferret, & spem nonnullam Lectoribus relinqueret, posse olim fortasse, etiam aliorum è vestra disciplina hominum similes sententias emendari à vobis, aut tolli. Nunc fateretur quidem Apologista, esse nonnulla sublata ex illis Aphorismis, sed errasse tamen Auctorem, cum illa scriberet, hoc verò negat & pernegat. Quidni autem? aquam è pumice citius expresseris, & Herculi clavam prius extorseris, quàm ex ore Apologistæ erroris alicujus confessionem elicias, quoties de Jesuitarum aliquo agitur. Nam in fide quidem Jesuitam errare non posse, atque adeò esse hoc unicum τὸν ἀδυνάτων, cæteris, quæ solent à Poëtis plurima commemorari, posthàc adnume-

randum, si nescis, mi Fronto, & puto 1611. nescire, docebo te, ab Apologista doctus, hoc ipsum disertis verbis affirmante. Sic ille capite tertio, ejus exemplaris, quod ad serenissimum Regem fuit missum, paginâ cxix. *Jungantur in unum, ait, dies cum nocte, tenebræ cum luce, calidum cum frigido, sanitas cum morbo, vita cum morte; & erit tum spes aliqua, posse in caput Jesuitæ hæresin cadere.* Magnum hoc, Deus bone! & singulare Societatis vestræ privilegium. Loiola nimirum, Auctor vester, suis omnibus, ut jam disce, præstat beneficium, quod Jesus Christus ὁ Θεὸς ἀνθρώπων, & ipsa bonitas, singulis Christianis absolute nunquam promissit. Enimverò Apologistæ parum est visum, si tantum Societati vestræ tribueret, quantum Patribus in Concilio congregatis, & ut Scholastici loquuntur, repræsentativæ Christi Ecclesiæ tribui vulgò solet, nisi etiam singulis Jesuitis ἀναμαρτυσίαν καὶ πίστιν largiretur, quod peculiare Papæ, & quidem in Petri sella sedentis, (nam aliòquin & Papas errare in fide, docuerunt satis Marcellinus, Liberius, Felix, Honorius Primus, Joannes duo, XXII. XXIII. atque alii) privilegium esse, hactenus audiebamus. In quo an summum Pontificem Paulum σύμφηρον & consentientem sit habiturus, non est meum quærere; ipse viderit. Gratulor interim Apologistæ, quod tam inusitata insolentia dictum ei non exciderit, sedente Romæ aliquo Sixto V. qui si jam viveret, doceret illum (nisi falsa sunt, quæ de ejus animo erga Ordinis vestri Patres narrantur) Petri successor, Petri Apostoli verbis, τὸ πνεῦμα καὶ ἡ ἐκκλησία σου ἡ ἀποστολή, ὅτι ὁ Θεὸς ὑμῶν ἀντιπρόσκειται, ταπεινὸς δὲ διδάσκει χάριν*. doceret ipsum, † ἐν φόβῳ καὶ ἐν τρεμῶσι. *μὴ* assidue cogitare, *Evenire cuique possesse, quod cuiquam potest.*

Τοῦτο γὰρ ἀνθρώποισι θυμὸς γλαυκὴ λεπτὴν παῖ,
Θνητοῖς ἐπαύειν Θεὸς ἐφ' ἡμέρῳ ἀγῶ.

Sed nihil humilis, nihil mediocris spirat hic Scriptor; qui etiam alio Apologia istius loco, vocem docti viri & magni Poëtæ laudat hujusmodi: *Imperium literarum est penes Jesuitas.* Scire, credo, voluit Apologista, celeberrimæ Academiæ Parisiensis eruditissimos Professores, & inclytam Sorbonam, omnesque adeò, qui literas ubique colunt, quâ jam conditione viverent, sub quorum imperio militarent, & quos Imperatores colere ipsi manipulares aut gregales deberent. Nimis hoc quidem profectò candidè; at quàm pru-

* Hic Dominica-
nus occidit
Henricum
III.
Thuan.
Histor.

† 1. Cor.
13. 3.

1611. prudenter, hoc rerum statu, idque Lutetiae, haut scio; illud scio, in ipsa Lutetia, ne alia loca commemorem, viros extare doctrinâ & dignitatibus præstantes, qui hanc adeo ambitiosam jactationem, & ridiculum non minus quàm superbum, *Φύαγμα μεγαλαυχίας*, sibi sint excepturi; quique imperare se Jesuitis, non Jesuitas sibi, æquum esse sint dicturi. Verùm è diverticulo in viam. Quæro ex te, eruditissime Fronto, nihilne Sa peccaverit, cum hæc scriberet, hæc Confessarios doceret? *Clerici rebellio in Regem non est crimen læsæ Majestatis, quia non est Principi subditus*. Nihilne etiam, cum ista? *Tyrannice gubernans juste acquisitum dominium, non potest spoliari sine publico judicio: latâ verò sententiâ, potest quisque fieri executor. Potest autem à populo, etiam qui juravit ei obedientiam, si monitus non vult corrigi*. Nimis scire velim tuum super his iudicium. Nam equidem cum è nuperis Parisiensium Typographorum editionibus ista animadverterem esse sublata, putabam inter vos constare, nequiter ea ac perniciosè dici scribique. Sed errasse me, ex Apologia hac didici; cujus Auctor in Aphorismis Sa nullum observat vitium, nisi quod homines quidam infirmi, ait, malè ejus verba interpretabantur. Quinam autem, obsecro, illi sunt infirmi & *ὀλιγόπτεροι*? Ii nimirum, qui in doctrina Hildebrandica nondum satis magnos progressus fecerunt; qui tenerioris adhuc frontis sunt, quàm ut palàm profiteri audeant, Regem suum alii, nescio cui, Regi subditum esse, in temporalibus pariter ac spiritualibus, jus in illum habenti vitæ & necis: qui inducere in animum nondum possunt, rebellionem in legitimum Principem à Clerico profectam, læsæ Majestatis crimen dici non debere. Isti procul dubio sunt, quorum imbecillitati & tenellæ adhuc conscientiæ à correctoribus Parisiensibus est consultum; sceleratis quibusdam Aphorismis è conspectu eorum ad tempus sublati, qui propter infirmitatem scientiæ & conscientiæ suæ, sine gravi scandalo legere eos non poterant. Planè ut in Eleusiniis olim sacris & opertaneis non statim ad arcanorum omnium notitiam tyrones admittebantur; sed per gradus & longa temporum intervalla, epoptæ ad percipienda *τὰ ἀρχαία σύμμοια*, & sanctiora sacrorum accedebant. Ita doctrina Hildebrandica temporibus est divisa, neque *ἀθρόως* & semel tota solet tradi; tempore siquidem opus est, ut ingenitam omnium etiam Paganorum animis opinionem de reverentia & fide

Principibus debita, etiam dyscolis, 1611. etiam persecutoribus, homines Christiani paullatim deponant; ut Regnum Christi non esse hujus mundi Regnum, (quod Christus ipse dixit) dediscant: & contrà, Regnum Vicarii Christi Regnum esse hujus mundi, atque adeo mundum universum complecti, (quod Papæ multi dixerunt, & hodie plurimi acerrimè defendunt) discant sibi que persuadeant; ut *Pasce oves meas*, doceantur esse, *Regio more impera*; ut Clericos omni Principum jurisdictione, in quorum terris nati sunt & degunt, esse penitus exemptos credant; atque hanc esse veram Libertatem Ecclesiasticam, ut omnes, sive privati, sive Principes, soli Papæ & ejus ministris humilem servitutem serviant. Hæc theoremata, & similia his, quæ tantâ contentione Romæ à Bellarmino, & passim ubique locorum à Bellarmini consecrationis, Hildebrandici dogmatis asserioribus, pro fidei Catholica articulis, pro dolor! obtruduntur; sunt illa *μικρὰ μυστήρια*, quibus longo tempore initiari eum oportet, qui sit futurus *εὐκαὶ ἀκροατής* capiendo magno arcano de Romani Pontificis omnipotentia in Regibus deponendis, & Regnis auferendis, atque ad alios ex utilitate Ecclesiæ, hoc est, Papæ voluntate, transferendis. Apologista verò cum Sa excusat, & ait, eum, quando negat, Clericos rebellionem crimen læsæ Majestatis incurrere, non id agere, ut Clericorum crimen hoc pacto minuat; sed contrà potius, ut multò id reddat atrocius; sermone loquitur, an ludit? Ludit certè, & simplicitati Lectorum illudit. At tu mone illum, sodes, quærat Marrucinos, fatuos, stultos, & *ᾤοντες ἑαυτοὺς συνεπιποταμένους*, quibus tam lepidum commentum narret. Serenissimus Rex hujus sermonis fraudulentam vanitatem & intelligit, & ejus auctorem detestatur. Ecquis verò puer fraudem non deprehendat, qui modò non ignoraverit, quid in vestrorum Scriptorum libris hodie Libertas Ecclesiastica nuncupetur, & quam vim habere illam Hildebrandicæ disciplinæ Doctores contendunt? Sciat Apologista, non ignorare sapientissimum Regem, quid de exemptionibus Clericorum Cardinalis Bellarminus, quid de vi mirifica Libertatis Ecclesiasticæ, cum aliàs sæpe, tum nuper in controversia serenissimæ Reipublicæ Venetæ cum Pontifice maximo, Joannes Antonius Boyius, Carmelita*, & plurimi alii Romæ, in oculis ipsius Papæ, scripserint & docuerint. Sciat, non latere Regem, ausum esse Marianam in illius ipsius Operis, de quo antè

* *Θεαν. Hyst. lib. 137.*

1611. tē diximus, lib. I. cap. x. hoc præceptum Regi Catholico dare: *Neminem*, inquit, *ex sacro Ordine supplicio*, QUAMVIS MERITO, *subjicito*. Est & illud frivolum ac ludicrum, quod pro magno tamen ab Apologista jactatur; verba, quæ suprâ retulimus, ex Aphorismis Sa fuisse detracta. Nam hoc simpliciter ita dictum, nego esse verum, immo falsissimum esse pertendo: extant enim hodieque illa omnia in editionibus, Antwerpæ & Coloniae curatis. Quod autem in iis, quæ Lutetiæ à paucis annis prodierunt, non compareant, quis fraudem non suspēdet? aut quis tam *εὐθύς* & fungus intelligat causam, cur illa Parisiis omitterentur, quum alibi retinerentur, fuisse aliam nullam, nisi hanc, quod Henrico Magno Regni habenas tractante, exitialis hæc Principibus doctrina non tam liberè ab ejus assertoribus Lutetiæ docebatur, atque sit alibi? Sunt, qui dicant, etiam Româ prodisse eorundem Aphorismorum quandam editionem, locis aliquot emendatam. Verum id quoque jure merito cordatis sit suspēctum. Nam quare Romani in Aphorismis Emanuëlis quicquam mutarent ejusmodi, qui dies noctesque id agunt, ut ea dogmata probent esse Catholicæ fidei vel præcipuum caput? Cerrè tanti momenti articulum, ut qui aliter sentiat, Christianus esse nequeat. Proferatur vel Papæ, vel Aristarchorum sententia, adversus hanc illorum Aphorismorum doctrinam, palam, & quantâ par est, severitate pronuntiata. Tunc credere incipiemus, bonâ fide, non ad fucum faciendum, fuisse illa sublata. Tunc viri pii, qui pro Ecclesiæ pace & concordia Deo Optimo Maximo preces cum gemitu & suspiriis assidue fundunt, mutare sententiam incipient, & credere desinent, quod ferè jam ipsis est persuasum; frustra aliquid moderationis ab illa civitate expectari, in qua illustrissimus Cardinalis Bellarminus, & tot alii minorum gentium Scriptores, jussu Pontificis, ut multi existimant, aut permissu saltem, quod negari non potest, jura Principum & Regum Majestatem *συμῇ κεφαλῇ*, quod ajunt, novis quotidie paradoxis, ceu machinis quibusdam & tormentis bellicis oppugnant & funditus nituntur evertere. Venimus ad Andream Eudæmono-Joannem Cydonium è Creta, simul ad res Anglicas, in quarum mentione fidem illius Apologista sequitur, devenimus. Ergo de rebus Magnæ Britanniae, quarum præcipuè gratiâ, occasione è literis tuis natâ, ut initio dixi, hæc mihi scriptio est instituta, si lubet, mi Ducæ, paucis

agamus. Quanquam quid opus jam de 1611. istis? aut quid de illis dici potest, quod non dictum sit prius, & sæpe repetitum? Cui autem bono toties eadem? Video enim, certum hoc esse fixumque, non dicam huic Apologista, aut Germano Cretensi Andreæ, sed omnibus omnino partium vestrarum Scriptoribus, ut rerum, quæ hic contigerunt, veritatem ægrè admittere ad aures velint; cognitam verò ut palam agnoscant & fateantur, nullo pacto posse adigi. Placet, veras narrationes animis obfirmatis repudiare; placet, falsas fictasque consecrari; mentiri denique sine ullo exultationis saltem suæ respectu, aut mentientibus assentiri, placet ac lubet. Deum immortalem! quis vestros homines *ἐπέλασε τῇ ἀληθείᾳ μὴ πείθειν*? aut quis illos fascinavit, ut prudentes scientes veritati, vinci ad extremum nesciæ, filia Solis, Naturæ sorori, ut est apud Tertullianum, tantâ pertinaciâ cornua obvertant? Est pretium operæ, hominum ejusmodi spectare iniquitatem & amentiam. Nam cùm de rebus Moschorum, Moschis non inviti omnes credamus, Turcis de rebus Turcorum, Japonibus de rebus Japonum; neque ulla tam barbara gens est aut fera, cui propriam suarum rerum Historiam narranti, non plus fidei sumus habituri, quàm cuivis extero & alienigenæ; de rebus tamen Anglorum isti veris Anglis fidem omnem abrogant; aliis credunt, nescio quibus, longè remotis, odio & malevolentia corruptis, postremò Græcis, & quidem Cretensibus. Jam cùm sit scriptum, *in ore duorum aut trium stabit omne verbum**, istis nulla ^{* Matth. 16.} copia testium, nulla dignitas personarum, non privata scripta, non publica Acta; ac ne ipsa quidem Regis optimi, quo veritatem nemo pluris æstimat, quo nemo illi magis devotus; tamen ne hic quidem efficere potuit, ut redire ad sese, pudori suo consulere, & desinere falsa comminisci aut probare propterea velint. Quid agas? stat sententia adamante fixa: in eos, qui de Religione non eadem per omnia sentiunt, convitia & maledicta oportet congerere. Hoc pietatis officium; hæc laude digna & officiosa sunt mendacia; si tamen dicenda mendacia. Pontifex, qui, docente Bellarmino, potest efficere, ne peccatum sit peccatum, ne Cæsar sit Cæsar; cur non id quoque efficiat, ne mendacium sit mendacium? Et hoc scilicet est Dominum Jesum, qui audit ipsa Veritas, cui nihil falsum potest placere, imitari; & quidem non cæterorum hominum Christianorum more, sed peculiari instituto, & religione sanctiore: id

1611. id agere, id totis ingenii viribus contendere, ut veritas, veritas, inquam, certa, explorata, omnibus nota; de qua vel dubitare, infania sit; cui se opponere, furor est, artificio narrandi, constantiâ in mentiendo, & consensu mentientium obscuretur, ac de memoria hominum, si pote, tandem funditus deleatur. Nam quid aliud illi volunt, qui Elizabetham, gloriosissimæ memoriæ Principem, & dum vixit, Deo charissimam, Reginam prætentam, [barbarorum enim hominum hæ sunt elegantia] crudelem, immitem, cruoris avidam, Christiani nominis hostem acerrimam & persecutricem; Lupam denique Anglicanam, passim hodie appellant, & ut talis fuisse ab omnibus credatur, quantum ingenii viribus valent, annuntiantur? Texuntur multis paginis, sed magna ex parte vacuis, eorum catalogi, qui toto regni ejus tempore, quod longissimum fuit, vel ob prodicionem, vel ob nefas aliud Regni veritum, supplicio sunt affecti. Deinde istud esse Anglicanum Martyrologium, miseris populis, & rei veritatem ignorantibus persuadetur. Quin etiam ad conflandam Elizabethæ majorem invidiam, simplici narrationi pictura est adjecta; hoc est, mendacia mendaciis sunt cumulata, scelera sceleribus, portenta portentis. Videre est in eorum libris de persecutione Anglicana, Catholicorum alios ferarum pellibus insutos à rabidis canibus dilaniari; alios ad equorum præsepia alligatos, fœno ibi pascendos. Cernas alibi glires pelvibus inclutos Catholicorum viscera exedentes. Omitto alias suppliciorum diras & horribiles species, in cerebris fingentium pingentiumque impiè & scelestè natas, neque in hoc Regno visas unquam, aut videndas. Dicas, cum scripta istorum legas, quamdiu η μακαρίτης Elizabetha regnavit, vicos urbium Anglicarum sanguine Catholicorum inter dira tormenta effuso semper maduisse. Adco, ne ad tentandam quidem inter membra Ecclesiæ Dei concordiam, locum relinqui ullum voluerunt, neque spem ullam bonis superesse. Enimvero non semel, aut iterum; sed sæpissimè, idque à viris optimis responsum est; mitissimæ Reginæ & omnibus piis voluptatem nullam; verum contrà, dolorem longè gravissimum mortes Catholicorum Pontificiorum solitas afferre: cæterum omnia ista supplicia, de quibus tantæ tragœdiæ excitantur, partim falsissima esse; partim, si quæ vera sunt, (& sunt nonnulla; pauciora tamen per totum spatium Regni Elizabethæ, quod fuit annorum quinque supra quadraginta,

quàm per quatuor annos Reginæ Mariae) ea horribili carmine Bullæ Pii V. duobus annis minimum esse posteriora: illum esse fontem prodicionum penè quotidianarum, quæ in caput maximæ Reginæ ope Diaboli sunt contextæ, ope Dei immortalis sunt detectæ. Porro ex prodicionibus leges natas esse, multò quàm prius severiores. Harum legum pœnas, qui postea subierunt, de fulmine Pontificis & dura necessitate, quæ ab invita Regina & prudentissimis ipsius Consiliariis eas leges expressit, cur jure merito quererentur, habuerunt: de ipsa autem Regina, aut illis, qui fuere tum illi à Consiliis, cur quererentur? Licuit Romano Pontifici Pio V. Reginam diris devovere; omnes sibi morigeros Reges, Principes, populos, in ipsius perniciem & ruinam universi Regni excitare, in eamque rem omnem lapidem movere? Reginæ & Proceribus ipsius, quod pestem impendentem averterent, leges ferre, quæ sunt latæ, non licuit? Quondam Romanus Senatus, postquam patresfamilias aliquot servorum suorum conspiratione periissent, Senatusconsulto, quod Silianum esse dictum, servos omnes sub testè heri occisi repertos, nullo fontis aut infonsis discrimine, capitis damnavit. Non defuerunt in Ordine amplissimo, quibus ea lex durior videretur. Sed erat tanti salus & securitas civium Romanorum; cui ut consularetur, ne illa quidem ratio est repudiata, quæ aliquid ex iniquo trahebat; quod existimarent magni illi prudentiæ civilis Antistites, paucorum privatorum injuriam publicâ utilitate abundè compensari. Legerunt dubio procul in antiquis Historiis & legitimæ severitatis exemplum, & plura alia non minus memorabilia inimici hujus Regni: legerunt, inquam; & si quid in illis est æquitatis aut disciplinæ politicæ, probarunt. Quare igitur latas pro securitate Elizabethæ leges damnant? Cur tantoperè quirantur? Si fateri verum licet, tot clamorum hæc vera causa est. Ut sicariis Cornelia lex non placet, neque Remmia quadruplatoribus: ira illis, qui Principum alicujus vitam habent invisam, quive aliquid de Marianæ doctrina degustarunt, leges illæ supra modum displicent, quæ ipsam præstant innoxium & securum. Jam, quod dicitur, Religionis suæ causâ Catholicos morte affici solitos, regnante Elizabethâ; gravissimum id quidem esse crimen, si verè objiceretur; libenter fatemur: sed qui sciamus falso objici, meram esse calumniam, meram sycophantiam affirmamus. In hoc Regno, mi Ducæ, legi-

1611. legibus vivitur, legibus in fontem animadvertitur. Quomodo igitur Religionis causâ morte affici Catholici in Anglia potuerunt, quum nulla unquam in hoc Regno lex fuerit rogata, quæ Religionis Catholico-Romanæ modestam sine factione, aut res novandi cupiditate, professionem morte afficeret? Quin ea fuit Regina Elisabethæ clementia, ut multos sæpe legibus Regni damnatos, ipsa absolutos dimitteret; si modo agnoscere ejus legitimum imperium, & Hildebrandicæ doctrinæ magis perniciosæ capitibus vellent renuntiare. Hac moderationis prudentiâ, non autem Religionis mutatione, Joannes Hartus, Jesuita, post longam cum Joanne Rainaldo, viro eruditissimo, disputationem, & vitæ suæ consuluit, & libertatem sibi peperit; magnâ vel eo nomine dignus laude, quod damnatâ Edmundi Campiani obstinatione in asserenda Pontificis Romani potestate temporali, sive potius omnipotentia, aliis bene sentiendi exemplum, quod sequerentur, præbuit. Et verò securi sunt, cum Jesuitæ nonnulli, ut Bosgravius; tum alii plures, ut Risthonus & Hortonus; omnes eo nomine vitam & libertatem naâti. Qui si adhuc vitali aurâ apud vos fruuntur, & liberè loqui audent, verbis sine dubio; sin autem, silentes, præsentia suâ mendacii omnes arguunt, qui Catholicos vestros solius Religionis causâ solitos in Anglia tradi carnifici, impudentissimè dictitant. At enim nemo ignorat rerum hujus Insulæ peritus, non in odium Religionis Catholicæ, quæ in Ecclesia Anglicana paucis emendatis, & ad pristinam simplicitatem revocatis, quoad ejus fieri poterat, cum maximè viget, leges latas fuisse, quæ ab aliquot annis obtinent; sed temporum necessitatibus eas fuisse expressas adversus Romanos Pontifices, potestate suâ licenter nimis abutentes; & tunc quando illæ ferebantur, Regina Elisabethæ, fulmine à se asslatæ, vitam eripere cupientes, atque omnia in ejus Regno sursum deorsum permiscere fatagentes. Si Pii V. Bullam infaustam, quæ ἀρχαίων νόμος jure dici queat, legisti; & quæ deinceps ad sententiam atrocem executioni mandandam cogitavit, paravit, quantumque in ipso erat, effecit apud Gabutium & Catenam, Scriptoresque alios Italos, & ipsius Pii encomiastas, aliquando observasti; non potes dubitare verissimum esse, quod jam dixi. Ut interim nihil hoc loco referam, quod facillimum esset, de antiquis Romanæ Curia in Reges Angliæ, Ordinem Ecclesiasticum, & cum Proceres, tum populum injuriis, vexationi-

bus & angariis, alibi locorum nunquam 1611. auditis, & modum fidemque superantibus rapinis; quorum malorum tot hodieque exstant testes locupletissimi, quot rerum Anglicarum ab annis sexcentis supersunt Scriptores; tot testimonia ineluctabilia, quot ferè paginis constant Matthæi Paris Historiæ, viri omnium ætatis ætatis Historicorum Anglorum (nisi cui placeat Willicium Malmesburientem excipere) eruditissimi, & Romanæ alioquin Sedis acerrimi defensoris. Equidem postquam hoc genus Auctorum diligentius versavi, satis intellexi, Angliam, quando rerum portiente Henrico VIII. Pontifici Romano nuntium remisit, grande illud, & æternum memorabile facinus ad extremum peperisse, quod dudum malis victa, per aliquot secula maximis cum ærumnis suis parturiebat. Possem hoc tibi sexcentis argumentis demonstrare, si id nunc agerem. Adferam huc tantum prophetiam cum primis memorabilem viri pietate & doctrinâ maximi, Roberti, Lincolnensis Episcopi, qui sub Pontificibus Gregorio IX. Cœlestino IV. Innocentio IV. vixit, ac demum sub Alexandro item IV. moriens, ante annos cccclviii. posteaquam illâ ipsâ, quâ obiit, nocte & præcedente, longam querimoniam apud circumstantes Presbyteros ac Monachos de infelicissimo Ecclesiæ statu effudisset; Papam omnium malorum causam esse confirmans, eumque propterea Hæreticum, & eatenus Antichristum appellans, tandem in his verbis beatam animam Deo reddidit: *Non liberabitur [inquiens] Ecclesia ab Ægyptiaca servitute, nisi in ore gladii cruentandi.* Nôrat videlicet sanctissimus Præful, & verè Dei plenus, non solere eos, qui sive jura, sive injurias Pontificum defendunt, quicquam remittere, aut querimoniis cujusquam, licet æquissimis, vel tantillum moveri. Itaque multò antè futurum in Anglia divinavit, quod tandem aliquando factum videmus; ut Reges Angliæ cum universo Clero, & cunctis Laicis, è dura ac longa captivitate, atque ut ipse loquebatur, *è servitute Ægyptiaca*, vi & armis sese in libertatem assererent. Non ignoro, varias esse hominum sententias de occasione, quam arripuit Henricus VIII. magni incepti perficiendi; sed mihi gravissimè errare videntur, qui in Henrici facto hærent, neque ad priora tempora animum revocant. Quemadmodum enim mortis causam nemo sapiens ultimæ, quæ hominem rapit, horæ tribuit; sed prioribus vitæ temporibus, per quæ moriendi causæ paulatim sunt contractæ: sic, repudiata, & tanto

1611. cum omnium Ordinum applausu rejectæ auctoritatis Pontificiæ, alius repeti causæ debent, in antiquis Anglorum Historiis inveniendæ. Quare, etiam si Henricus VIII. non fuisset, viam tamen fata invenissent, & quod factum est, futurum fuit; quodque in Anglia videmus accidisse, etiam in aliis Regnis, ne dubita, eveniet, cum erit mensura plena, & Deus volet. Nam *circa hæc* mutationem hanc Anglicanam esse factam, longa pax infecura, quies publica, inaudita felicitas primò Elizabethæ, deinde serenissimi Regis Jacobi, videntur probare. Atque has Anglorum veteres Historias si isti adeo animosi Curia Romanæ Patroni, quantâ par erat diligentiam, evolverent; si candidè res memoriâ patrum, & hæc & Romanæ gestas, a quibus ponderibus examinerent, atque iidem Summo Pontifici eorum, quæ legissent, veritatem simpliciter exponerent; nã illi rem facerent cum Ecclesiæ universæ utilem, tum ipsi Pontifici Maximo apprimè honestam. Sperarem facillè eo pacto futurum, ut causas rerum in Anglia novatarum melius & *ei de re autè* caperent; prorsusque fore confiderem, ut de Elizabetha Anglorum honestius sentirent, & rationes ad defensionem illius à fidelibus ejus subditis sapientissimè allatas, quas modò breviter attigimus, non adeo superciliosè & malignè rejicerent. Verùm age, Elizabetham mittamus, Principem, vel fatente invidia, illustrissimam, & cuius priorum Regum, vel nominatissimorum, comparandam. Quid? an cum serenissimo Rege JACOBO, nunc, Dei gratiâ, felicissimè regnante, [qui utinam regnet quàm diutissimè, bono suorum subditorum natus, Regi Christianissimo conjunctissimus] multò aliter hodie agitur? An illi sua virtus admirabilis, & illa divina in negotio de Religione moderatio, quicquam apud vestros profuit? An causæ Pontificiæ patroni, inter lenitatem æquitatemque tanti, tam eruditi Principis, tam paci studentis, & præfracta atque *ἀνάγκη* quorundam *δυσχερῶν* ingenia discrimen ullum statuerunt? Nihil minus; totum enim, quod postulant, aut nihil auferant oportet isti homines, si volumus Catholici aut Christiani dici; minoris non impetraveris ab illis earum appellationum usuram. Omnia sine exceptione probanda sunt, etiam quæ priora secula ignorarunt. Alioquin statim audies: *Qui peccat in uno, reus est omnium.* Nec refert, si illud unum neque Sacris Literis fuerit contentum, neque priorum seculorum Conciliis cautum; cujusmodi illud est,

famosum & funestum Ecclesiæ (sic mens 1611. ominatur, neque aliter judicant prudentes *πρὸς τὴν ἐπίστω ἐρωγίαν*) dogma de temporali Pontificis potestate, & jure deponendi Reges, ac Regna dandi. Serenissimus itaque Rex Jacobus, qui hanc doctrinam, ut præfæ Ecclesiæ inauditam, respuit; ut perniciosam suo aliisque aliorum Principum Imperiis, Ecclesiæ vero exitiabilem, detestatur, execratur; Cardinali Bellarmino Catholicus non est, ne Christianus quidem. Quid igitur est? Juliano similem appellat Cardinalis, cum suo diri omnis Torto; ipse torquendis Scripturis, quo ambitioni ferviat, tam Juliano apud B. Cyrillum similis, quam Rex Jacobus est dissimilis. At enim verò testis est universa hæc Major Britannia, & hoc norunt etiam in cætera Europa quam plurimi, serenissimum Regem, quando voluntate Dei & legibus Regni ad hanc, virtuti ipsius non minus quàm generi & sanguini debitam, Coronam ejus Majestas est accita; inter reliquas animi doctes verè regias, infinitum etiam quoddam desiderium secum attulisse, (non temerè profecto in illo horridiore axe conceptum; sed coëlitus à Deo infusum) concordia in Ecclesia Dei omnî ratione honestâ procurandæ. Et quum Majestati ipsius persuasissimum esset, nullam se Deo immortalis victimam gratiorem, nullum *ἐλοκαύτωμα* acceptius posse offerre, quàm si subditos suos à varietate opinionum ad mentium unionem, à dissensionibus ad consensum in verè antiqua fide primæ Ecclesiæ traduceret; ut hujus, alteri Josiæ convenientissimi, voti compos fieri posset, quid ille statim initio Regni sui non fecit? Quid comitatis, humanitatis & benignitatis desiderari potuit, quod non abundè ejus Majestas illi parti subditorum suorum obtulerit, præstiterit? Non ad aulica ministeria, amicitiam & familiaritatem cum ipsius Majestate, non ad honores aditus, nullum denique beneficentiæ genus est illis denegatum. Videres brevi spatio temporis multos ex Romana formula Catholicos, ad Dignitatem Equestrem per Regis munificentiam conscendere. Videres de repente, nescio unde ex ignotis locis, agmina Catholicorum vestrorum prodire, versari in luce, in ipsa interioris admissionis cubicula Palatii sine difficultate ventitare atque admitti. Et quum multos quotidie Rex pietate admirabilis, de controversiis hujus temporis cum illis sermones haberet; erant, qui ultrò manus darent; erant, qui à proposito non dimoverentur; omnes sub libertate utentes, omnes religiosum animum

1611. mum Principis sui, & in tam alta fortuna adeo exquisitam omnium hodiernarum controversiarum peritiam & facundiam attoniti stupentes. Restabat una nota, quæ Catholicos Pontificios, & Catholicos Protestantos (ò quando hæc distinctio cessabit, & fiet unus grex, unum ovile!) invicem separaret; multa quædam florenaria, per superiorum temporum turbas vestris imposita. Hanc differentiam ò *ἡμεῖς* Rex Jacobus non patiens, statim sustulit; multam vetuit exigi; exactam iussit restitui. At scin' quomodo? non obiter, aut dicis causâ, more Principum, quos non voluntas facit liberales, sed frontis infirmitas, chrestologos; verum planè seriò; ita ut magna pecuniæ vis, (duo & quinquaginta millia florenorum semel sunt relata,) ex ea causâ collecta, eo rediret, unde fuerat ablata. Quid multa? Sola ferè jam erat virtutis aut vitii nota, quâ cives à civibus, qui non parum diversâ conditione prius vivebant, distinguerentur; cætera pari conditione inter se agitant. O verè tum beatos partium vestrarum Catholicos, sua si bona nòssent, & suo se pede metiri didicissent. Nam præter publicam professionem & *παρρησίαν τῆς ἰδίας θρησκείας*, quam sperare in hoc Regno eo tempore, magna fuisset stulticia; quid restabat, quod possent viri prudentes jure desiderare? At dices, scio, mi Ducæ, non fuisse diuturnum hunc vestrorum in istis regionibus statum. Et verè dices. Neque enim clementissimo Regi suâ clementiâ, quamdiu optabat, uti licuit. Optabat autem semper uti; fecissetque adeo, nisi per illos ipsos stetisset, ad quos hic tantæ bonitatis fructus perveniebat. Fictæ & simulatæ virtutes stabiles non sunt, & temporibus metuunt mutari. Serenissimi Majoris Britanniae Regis excellentissimæ virtutes, atque illa cum primis bonitas, *χρηστότης* & benignitas, quas in ejus Majestatem vel ipsi hostes prædicare coguntur, naturæ ipsius, non minus quàm spirandi & respirandi facultas, sunt coalitæ, nunquam nutaturæ, cum bono Deo, nunquam mutandæ. Non igitur Rex animum priorem erga subditorum suorum illam partem mutavit; sed illi subditi erga suum Regem, suum *ὑπερτίον*, fidem perfidiâ mutantes (de parte loquor, non de omnibus Catholicis vestris; ne hoc sirit Deus!) vim indoli naturæque ipsius attulerunt, & ad repudiata prius consilia invitum traxerunt; neque prius à furore destiterunt, quàm indulgentissimi Domini sui Majestatem coegerunt, si se, si suos, si pu-

blicum statum vellet salvos, legibus, 1611. quarum vim hætenus inhibuerat, vim suam permetteret. Cum quidem & Rex, & omnes patriæ suæ amantes, sunt coacti summæ prudentiæ testimonium Reginæ Elisabethæ Consiliariis reddere; qui solam hanc impediendi vestros, ne renovarent, & Rempublicam à fundamentis verterent, rationem expeditam & efficacem, nec minus necessariam esse judicarunt, si aliquantò durius haberentur. Nam quis jam consilium hoc damnare audeat, aut mitius aliquid Regi prudentissimo suggerere? postquam vestrorum adeo multi, simulac mollius à benignissimo Principe sunt habiti; *καταπίπτον μίαν ἰδέαν*, & *equa commodâ mente pati*, vitio humani ingenii non valentes, melioris se fortunæ capaces non esse, rebus ipsis comprobant. Regi enim, à quo beneficia, ne spe quidem unquam antea sibi concepta, acceperant, eam gratiam retulerunt, ut ad delendam è memoria hominum ipsius Majestatem, unâ cum affectibus ejusdem omnibus, Regina conjuge, Principe Henrico, & cætera sobole tota, nec non Proceribus Regni universis, ingenii vires omnes conferrent. Equidem invitum facio, quòd maiorum præteritorum memoriam hoc loco renovem; qui potius optarem, aut nunquam vestros ea hic tentasse, quæ sceleratissime tentarunt; aut, quia facta infecta fieri nequeunt, posterioribus saltem consiliis & fidelitatis argumentis à se editis, contractam ignominiam penitus deléssè. Verum cogit me instituti ratio, pauca hoc loco de rebus, à vestris Catholicis hic gestis, disserere. Novi enim & te, & multos alios viros probos certorum hominum veteratoriâ malitiâ deceptos, de rebus, quæ sunt hic gestæ, & quæ geruntur quotidie, falsa credere, falsa opinari; & quum mentiendi animum non habeatis, sæpe tamen in earum rerum mentione falsa dicere. Video Apologistam, quum plus fidei tribueret mendacissimo nebuloni, portentosissimo falsarum rerum hamaxario, certo & germano Cretensi Andream Eudæmonio-Joanni, *ὃ τὸ σίμα ἀπὸς καὶ παλαιὰς γάμων* *, quàm publicis Actis, quàm Regis veracissimi affirmationi constanti, *Rem. 111: 14* quàm testimoniis sexcentorum fide dignissimorum virorum, de præsentis Catholico-Romanorum in Anglia statu, deque persecutione Religionis causâ hic eum maximè vigente, multa pro veris narrare, quæ ficta sunt & falsa; Pulverariæ Conjunctionis, cui par immanitas ne inter paganas quidem & feras gentes prioribus sæculis unquam fuit audita, manifestissimè convictos, eo-

1611 que nomine διακονήσαντες, pro infantibus habere & veris Christi Martyribus; multas item alias ineptas & cassas veritate nugas libro suo inferere. Video denique plerosque omnes vestros Scriptores, quoties Anglicana attingunt, ita palam ὁμῶς χαρῆν τῇ ἀληθείᾳ, ut spem omnem rei bene gerendæ in strenuè mentiendo videantur locare. Ridiculè istud quidem & stultè,

Οὐ γὰρ ἐπὶ ψεύδεσι πατὴρ Θεὸς ἵστατ' ἄρω-
γες *.

* Homeri.
Γλ. Δ.
v. 235.

Propterea rem me tibi non ingratam existimavi facturum, Fronto eruditissime, si veram causam hoc loco tibi exponerem, cur vestri durior aliquantò conditione in isto Regno sint hodie, quàm essent primis Jacobi Regis temporibus. Nihil autem tibi ex me dicam, qui sum in Anglia, ut scis, ἔτι καὶ περιπετιόμενος; sed ea dicam, quæ ex ore serenissimi æquissimiue Regis persæpe accepi; quæ Procæres illustrissimi, & omni reverentiâ dignissimi Præfules, alique ex omnibus Ordinibus viri graves & moderati, non semel mihi dixerunt. Postremò ea dicam tibi, quæ Anglos multos partim hîc, partim in Gallia mihi notos viros, cæteroquin vestrorum omnium dogmatum tenacissimos, animadverti sentire. Et sunt horum nonnulli, quod fortasse miraberis, qui Romam eo proposito profecti, ut rei veritate expositâ, præcipitia & παρακεκινδυνευμένα certorum hominum consilia, patriæ exitiabilia, & Religioni Romano-Catholicæ ἐπινείδισσι megistani- bus ibi probarent, & omnes violentas rationes deprecarentur: deinde cognito, plus Romæ antagonistas suos quàm rectè monentes valere, reversi in patriam mœsti & gementes; acquiescere præsentī statui ac conditioni, satius duxerunt, & Christianæ professioni convenientius, quàm turbulentis Tribunis, aut perditissimis Catilinis potius, socios sese adjungere. Quid quod ausus est non nemo Anglus Romæ P. Pearsonio, Jesuitæ, quem superiorum omnium ab annis fermè triginta susceptarum prodictionum & conscium & architectum fuisse credebatur, diem dicere, & in jus ad Patrum, Inquisitioni præfectorum, confessum vocare, rationem ibi rerum à se, aut consiliis suis gestarum, redditurum? Hoc, inquam, Anglus est ausus, vir bonus & cùm Sacris, tùm aliis omne genus Literis apprime eruditus: sed generosæ mentis incepto defuit successus; sicut ipse mihi sæpe narravit. Igitur mutationis paulò antè memoratæ, quæ altero demum anno Regni Jacobi contigit, causam esse comperior,

non mutatum Regis animum, in clementia & benignitate constantissimi, (appello testes omnes, qui norunt) sed præposterum nonnullorum è Romano-Catholicis zelum & immoderatam cupiditatem, Romanam fidei formulam, sive bonis, sive malis artibus; patere, quæso te, dicere me, quod res est; promovendi, & liberam ejus professionem passim toto hoc Regno instaurandi: quod zelotæ isti, quum sibi persuaderent, aliâ fieri ratione nullâ posse, nisi eversa funditus Republicâ; quò destinata perficerent, omnia sibi fas esse tentare, & nullum non scelus experiri, pium opus, & Deo gratum fore, in animum induxerunt. Hic nimirum est ille malè sanarum mentium dirus morbus, quem jam olim nonnullos è Christianis legimus invaluisse, & ad rixas in Ecclesia Dei ciendas transversos egisse. Gregorius Nazianzenus, quod te non latet, quodam loco pronunciat, fœdam illam Ecclesiarum lacerationem, de qua toties & ipse, & magnus Basilus conqueruntur, ab hoc potissimum fonte manare. Multos enim pietatis zelum obtendentes, pietatis arcem, metropolin omnium virtutum Christianarum, charitatem perdidisse; & in studia varia, partes & factiones Ecclesiæ membra distraxisse,

- - - Ζηλῶ δὲ Θεῷ, inquit, λύσει
δεσμὸν ἀγέσματος
Ἀρμονίῃ τ' Ἀγάπῃς, ἥς τὸ σῶμα μένον
ἐλείφθη.

Hæc Theologus de suis hominibus; qui si ad novissima hæc tempora pervenisset, quas, Deus bone! querelas institueret; cernens hodie multos, præposterò isto zelo percitos, Religionis & pietatis obtentu, impiè & irreligiosissimè, non, ut olim, verbis tenuis lites ferere, & umbratilibus velitationibus invicem decertare; sed rebelliones, prodiciones, cædes & lanienas innocentium populorum crudelissimas, legitimorum Dominatum eversionses, ac Principum suorum teterrima parricidia ausos esse suscipere. Paulus quidem Apostolus, quem zelo sanctissimo pariter & ferventissimo flagrasse, ac fide in Filium Dei, Dominum nostrum Jesum Christum, omnes, qui nunc vivunt, mortales longè superasse, nemo gravatè, opinor, concedet; monitus, esse qui jactarent, probari ipsi verus dictum, *Faciamus mala, ut bona eveniant*; clamat blasphemiam istos loqui; esseque eorum τὸ κρίμα ἐνδίκην *; quasi anathema maranatha adversus profanos homines pronuntians. At zelotæ hodierni, licet eandem cum Paulo Christi

* Rom.
11: 8.

sti

1611. Illi doctrinam profiteantur prædicare; quoties tamen ejus aliquò inferendæ voluntas eos cepit, Deum immortalē! quàm B. Paulo sunt contrarii? & severissimè ab illo damnatam sententiam ut probant? ut libenter usurpant? Quid in aliis Europæ partibus nostrâ & patrum memoriâ ab ejusmodi zelotis in eum finem sit factum, non est instituti mei commemorare. In hoc verò Regno quæ facinora designarint, quibusve sceleribus suos huc ritus introducere sint conati, quoniam ad rem facit, & tua id scire te interest, paucis indicabo. Ut igitur omnes illas tam frequentes, adeoque execrabiles proditioes missas faciam, quibus Reginæ Elizabethæ charum superis caput est appetitum; adversus hunc optimum & verè *χαλινότητος* Regum Jacobum, ut Regno ipsum aut initio excluderent, aut admissum deturbarent, homines τὸ πνεῦμα ζήλοντες *, sed non secundum Pauli doctrinam, quas fraudes non excogitarunt? quas nocendi artes siverunt intactas? Id egisse omnibus viribus zelotas Anglos, ut Regem à debita sibi jure majorum & Regni legibus successione, multò ante legitimum tempus excluderent, passionēs clarissimè arguunt, cum Hesperix Rege ab illis factæ, & potentissimi illius Principis universo mundo notissimus conatus, Reginam Elizabetham armis expellendi, & Regni hujus occupandi. Postea verò quam periculum illud ingens Dei Opt. Max. virtute, & gloriosissimæ Reginæ felicitate admirandâ, erat depulsum & profligatum; Cleones iidem in scelere semel suscepto obstinati, Brevia duo à Clemente VIII. impetrarunt, quibus jubebantur omnes Romano-Catholici operam dare, quantum in ipsis esset, ut post Elizabethæ obitum, *Rex eligeretur, omni sanguinis propinquitate spretâ, ad Religionem Catholicam bene affectus*. Henricus Garnettus, Jesuita, in Anglia Provincialis, de quo plura nobis paullo post erunt dicenda, duo in eandem sententiam Brevia sub extrema tempora vitæ Elizabethæ, ut postea ex ipsiusmet confessione voluntaria liquidò constitit, Româ accepit; quorum alterum Archipresbytero, & reliquo Clero Anglicano erat inscriptum; alterum, Principibus & Nobilibus Angliæ Catholicis; ut communi omnium Ordinum operâ negotium procuraretur, si quâ fortè perducere ad exitum posset. En ergo tibi novam, & Apostolis atque omnibus priscæ Ecclesiæ Patribus inauditam Religioni consulendi rationem. Qui sedentem in solio avito Reginam dejicere frustra toties

tentaverant, ne idem solum tempore 1611. suo hæres legitimus occupet, jubentur cavere; & privatis hominibus, ut Regnum, cujus nascuntur Reges, non sunt, suamet ipsorum auctoritate & electione propriâ, cui velint, deferant, modò sit Pontificius, sit potestas. Vestrorum nempe Catholicorum istud hodie est privilegium admirandum, ut, non dicam, graves cives & Senatores illustres in unum congregati, (quamquam ne hoc quidem licitum) sed retributa hominum, sine ullo publico consilio, Regna auferendi, & ad quos voluerint cunque transferendi; leges denique omnes & jura specie pietatis abolendi, potestatem sibi vindicent: quod nulla, opinor, Religio, quamvis profana atque impia, præter vestram, (vestram dico, quam multi è vestris sibi fingunt) aut jam concedit, aut prioribus seculis unquam legitur concessisse. Neque mirum. Nulla enim est, nulla unquam fuit Religio, quæ Pontificem, unde hæc omnis potestas *πρωτόδης* derivatur, ceu *διοπτις* Numen coleret, mundi totius Dominum, solum Imperatorem & Regem verum Orbis terrarum; cui fas sit, cæterorum omnium Regum ac Principum capitibus ludere; deque eorum Imperiis, & vita pro libidine sua statuere, *sive directe, sive indirectè, in ordine ad spiritualia*. Agnosceis novam atque barbaram locutionem, novæ prorsusque barbaræ disciplinæ. Sunt tamen, qui negent, Brevia illa eo consilio fuisse impetrata, ut Regi Jacobo præjudicium ullum fieret. Verùm hæc major profectò amentia est; ne dicam, impudentia, quàm ut ita scribentium ratio ulla haberi debeat. Nam cujus igitur latus mucro ille petebat? Puerile, insipidum & ridiculum mendacium. Porro hæc lutea Brevia, magnas ad excludendum Jacobum turbas excitatura, si petitiones *ἐκπνεύς* Zelotarum Anglorum per Christophorum Wrightum ipsi delatas, (quum statim à Reginæ morte eo fine in Hispaniam fuisset missus) non esset piè & sapienter Rex Hispaniarum aspernatus; mox ad suadendam ejusdem serenissimi Regis dejectionem, quam vim habuerint, paullo post videbimus. Risit enimverò Deus immortalis ex alto impias impiorum molitiones; & pro sua providentia atque justitia ita res disposuit, ut simul ac Regina Elizabetha fatis concessit, Rex legitimus legitimè à prudentissimis Regni Proceribus accitus, imperii hujus hereditatem cerneret, populi totius votis expetitus, incredibilique omnium alacritate exceptus. Ostendimus

* Rom.
XII.
c. 11.

1611. verò jam antè, auspiciis Regni Jacobi qualia fuerint, & quantam Romani Catholici occasionem tum habuerint, Regis optimi clementiam incomparabilem prædicandi; & ἐκ τῶν πικρῶν παραίρηται πρὸς μέλλοντα, meliora indies sperandi. Verùm quid profuit? Docuit enim paullo post experientia, humanitatis officiis velle certare cum hominibus zelotis; hoc verò nihil esse aliud, nisi operam ludere, & litus infelix arare. Nam quum beneficiorum hæc natura sit; præsertim autem eorum, quæ inopinata aut expectatione majora obveniunt, ut dantem accipienti concilient; & vel infensissimorum hostium odia atque inimicitias minuant; (sic leones tigresque, & qualvis alias feras animantes, escâ porrectâ, mansuetudinem aliquam videmus induere, & positi feritate, ita cicurari, ut societatis speciem quandam cum hominibus colant) vestrorum tamen Catholicorum, vel, ut melius dicam, Zelotarum Anglorum animos insperata Regis indulgentia, antè nobis expostita, adeò non mitigavit, ut non secus ac si beneficiis irritarentur; quæ, auctore Polybio, immanitatis ultima linea est: eo ipso tempore, quo melius cum ipsis agi incipiebat, de auctore felicitatis suæ perdendo; (ô feras indomitas atque intractabiles!) cœperint cogitare. Nisi tamen verior est eorum sententia, qui feralia consilia non tunc primum, sed multò antè fuisse suscepta existimant; idque animis ita obstinatis, ut ne inopinata quidem Regis benignitas revocare ipsos à diro proposito potuerit. Quicquid hujus sit, Watsonus & Clericus, duo Sacerdotes, uti vocant, seculares, Regem vix in Angliam ingressum, nondum certè coronatum, anno 1610 1611. machinatione clandestinâ tollere de vivis sunt aggressi. Prima hæc conspiratio in Regis perniciem, postquam in Angliam appulit, in apertum & hominum cognitionem venit; sed alias quoque tempore eodem fuisse texti cœptas, & monuerunt iidem Watsonus Clericusque, & quæ deinceps sunt secuta, comprobarunt. Dixerunt illi, sæpeque ac constanter affirmarunt, se quum sua consilia Jesuitis in Angliam degentibus communicassent, petiissentque ab iis, ut tam præclari scilicet incepti participes esse vellent; responsum tulisse, non posse Jesuitas illis sese adjungere; ut qui suam ipsi quoque parilem telam orli, memorabilem in ævum technam pararent, tempore opportuno exitum habituram. Et omnino ita erat. Nam etli anni decimum 1610 1611. mense Novembri

patefacta est sequens Conjuratio, quam 1611. è re, Pulverariam vocant; prima tamen ejus initia anno primo regni Jacobi, & secundi principio jacta esse, ex illorum Presbyterorum testimonio constat liquidò; tum multò magis ex iis, quæ infandæ proditiōis hujus Rei apud Judices, rebus perditis, sunt confessi. Planè ex indubitata fidei Aëtis, quæ de hac tota Conjuratōe publicè sunt edita, potest intelligi, Catisbejum, hujus dramatis primum actorem, statim ut de Rege armis pellendo, & auxiliis Hispanicis spes est amissa, [altero autem tertiove mense à Regis adventu ea spes decollavit] ipsum nullâ interjectâ morâ, à vi aperta ad dolos & Sinonias artes sese contulisse. Neque multò post, cum machinationem per pulverem tormentarium, ipso haut dubiè Satanâ, qui à principio homicida est, suggerente, idem excogitasset; aliis deinde, ut sese dabant opportunitates, horribile secretum indicasse, & incepti socios sibi accivisse. Scitum est, rerum magnarum tardas esse molitiones; ut mirandum non sit, Proditionem Pulverariam, quâ majus ausum haut temerè sit invenire, anno 1610 1611. delineatam; sequenti, rebus necessariis adornatam, usque ad anni 1610 1611. mensem Novembrem fuisse tractam. Quin illud potius omni admiratione dignissimum, inter homines natos esse aliquem repertum, qui scelus ita inhumanum, ita impium, excogitaret; semel excogitatum, probaret; adeoque ad facinus patrandum animo obstinato pergeret, ut ne tam longi quidem temporis intervallo, morsus conscientie ullus, aut pœnitentia aliqua mentem subiret. Quid loquor de pœnitentia? Certum est, plerosque complicum ad suscipiendum scelus persuasione meriti esse impulsos; quum nihil dubitarent, rem se aggredi, non dicam, levis apud Deum offensæ; sed contrâ, meriti ingentis. Itaque Joannes Grant, perduellium unus, quo die supplicium de ipso ad portam occidentalem Ecclesiæ Cathedralis Sancti Pauli erat Londini sumendum, monitus à Sacerdote, viro pio & erudito, rediret nunc saltem ad se, & magnitudinem sceleris reputans, veniam delicti à Deo, seriò pœnitens peteret; alacris & fiduciæ plenus respondit, satis se acceptum habere, in suscepto negotio adeò nihil fuisse delicti; ut è contrario consideret, generosi incepti id esse meritum, quod pro satisfactione omnium suorum in cætera vita peccatorum abundè sufficeret. En Religionis præposterus zelus quid possit! En Zelotæ homines Principibus & Rebus-

1611. bus publicis quàm sint metuendi! Nam quid satis turum ab iis esse potest, qui cædes infandas & detestanda parricidia dissidentium à se in Religionis causa, viam esse in cælos & sedes beatorum compendiarum autumant? Ut propter hujusmodi exempla, adeo præsertim crebra hodie, rerum imperiti, & sanctissimæ atque innocentissimæ Religionis Christianæ imperiti, non immerito sint illud usurpaturi,

Tantum religio potuit suadere malorum *

* Lucr.
lib. 1. vers.
102.

Nam obsecro te, Fronto humanissime, ecquod post homines natos Conjuratone Pulverariâ majus aut horribilius scelus fuit unquam susceptum? Ecquod ferinæ crudelitatis tetrius exemplum legisti unquam editum? Ut populus Romanus unam cervicem haberet, Caligulæ, Principis furiosi, & humani sanguinis avidissimi, narrant Historiæ votum fuisse; sed votum duntaxat, prætereaque nihil: Zelotæ Angli, non voverunt illi quidem fortasse, ut universa Major Britannia cervicem unam haberet, uno ictu præcidendam; sed quod longè majus est, subtilissimam rationem novi Sisyphi vel Autolyçi excogitarunt, quâ id ipsum ferè in Anglia effectum darent, quod Romæ Caligula voluit, nec potuit. Regem enim, Reginam, Principem Henricum, cum fratre, Eboracensi Duce; item cunctos Regni Proceres, cunctos Episcopos; cum ipso flore cæteri Ordinis Ecclesiastici; Magistratus prætereâ majores omnes, minores plerosque omnes, nec non aliam populi multitudinem infinitam, uno imperu diffusse, & in aërem impulsos, (ô crudelitatem inauditam!) membratim ac frustillatim discerpisse; quid futurum erat aliud, nisi Magnæ Britanniae Caput unâ, veluti cervice nixum, amputasse, & reliqui corporis trunco vitam eripuisse? Et Caligulæ quidem votum, ut erat temeritate lubitanæ conceptum; ita fortasse, si ejus exsequendi potestas ex inopinato esset ipsi facta, poenitentia fuisset emendatum: Zelotæ Angli, non repente neque temerè, sed destinato consilio parricidium, omnia prioris ævi exempla supergressum, susceperunt; semel susceptum jugi meditatione concoxerunt, & ad consummationem illius cupiditate summâ anhelantes, integrum fermè triennium in tanta immanitate obfirmati, duraverunt. Tum autem quæ comparatio Imperatoris Pagani, & mente capti, cum optimi Regis subditis, cum hominibus, qui se Christianos dici haberique vellent, denique cum saluta-

ris Christi doctrinæ præconibus, & iis 1612. quidem Jesuitis; Nam quod negat Apologista, teterrimæ huic proditioni fuisse quenquam immixtum è Societatis vestræ Patribus; vellem ita esset. Non enim tam multi hodie dira illa consilia amplecterentur, si vestra Societas *ἡνς τὸν, ἀπὸ ἀκρίβειας ἀπὸ τοῦ Θεοῦ ἀπολαύει*, illa se ex animo detestari serio ostendisset. Sed longè aliter vestros esse animatos, facta, ut de scriptis taceam, evincunt. Quare si prudens, si imprudens, errat turpiter Apologista, & quicumque idem cum illo sentiunt. Enimvero Conjuratone Pulverariæ negotio Jesuitas minimum quatuor intervenisse, certo certius est. ^{† vide} Quatuor illorum nomina fuerunt hæc: ^{Torinus} Henricus Garnettus in hoc Regno ab ^{Torti} annis novemdecim Provincialis; ^{pag. 280.} Hal- ^{o. 111.} lus, qui & Oldcornus; Oswaldus Telfmondus, siue Grenwellius; & Joannes Gerardus. Ac cæteri quidem, pro sua quisque virili, singula quæ res aut tempus postulare viderentur, exsequentes, negotium per partes curarunt: Henricus vero Garnettus, ut qui dignitate supra alios emineret, magnæque auctoritatis homo esset, propter longum rerum tractandarum ulum, prudentiæ & solertiæ laude inter Anglos Pontificios longè clarissimus, de universo negotio cum unico ferè duntaxat Catisbejo solitus fuit communicare, cæterorum omnium conscientiam refugiens, quod non semel in Epistolis ipsius, propriâ manu scriptis, legere memini. Rationem hujus consilii infra exponemus. Ad hunc in rebus dubiis, ceu ad oraculum, Catisbejus, doli totius architectus, ventitans, aut Grenwellium suam vicem militans, oracula petebat. Et erat is Garnettus, in quo, si Hildebrandicæ disciplinæ amorem excipias, neque rectum judicium, neque doctrinam, *πρακτικὴ* præsertim, desiderares. In Actis condemnationis ipsius lego hoc illi tributum elogium, *Quod à Deo & meliore naturâ dotibus fuerit ornatus multis; quod fuerit arte eruditus, linguarum usu peritus.* Postremò, *præstantes ejus dotes, si à proditionis scelere separatæ seorsim expendere, misericordiam posse commovere.* Mereatur hic candor illustrissimorum Heroum & æquissimorum Judicum, qui de Garnetti causa cognoverunt, ut etiam in cæteris, quæ de eodem pronunciarunt, & mox scriptis prodiderunt, fides eis ab omnibus habeatur. Nam insulsus planè est Andreas Eudæmono-Joannes *ὁ κρείς*, qui prolatis superioribus elogiis, probare nititur, Garnettum nullius sceleris convictum, odio duntaxat Reli-

4611. Religionis, aut Jesuitici nominis, fuisse damnatum. Ea hominis sinisteritas est, ea vecordia & malitiæ furor. Sed de isto Cretensi, patre mendaciorum pariter ac patrono, paullo post. Interim ad sermonem institutum revertamur; si prius tamen testificati hoc loco fuerimus, testem Deum ipsum appellantes, nihil quicquam nos studio calumnian- di de hoc viro dicturos esse, aut quod non liquidò nobis constet esse verissi- mum. Nam præter Acta publica, in- concussæ fidei monumentum, quicquid mendax Cretensis allatret, illas quoque Garnetti Epistolas diligenter legimus, quas de se & rebus suis in Arce Lon- dinensi scripsit plurimas. Poteramus quidem hoc labore supersedere, quum ex iis literis in *καταστάσει* dudum de- scripserit & publicaverit integerrimus reverendissimusque vir, Dominus Epis- copus Eliensis *, Auctor Torturæ Torti; de cujus alta doctrina in omni genere disciplinarum, quicquid dixerò, minus erit: sed ut scires, non alienis testimoniis, verum propriis oculis cre- didisse me, feci non invitus, ut dictas Epistolas inspicerem, & quæ in illis scribebantur, diligenter observarem. Ap- pareret verò ex universa narratione, quæ Actis publicis continetur, & ex illis ipsis Epistolis, Henricum Garnettum, zeli præposteri fervore sideratum, & cæco studio Romanæ Religionis pro- movendæ accensum, ea gessisse, aut geri permisisse, quæ nemo verè Chris- tianus & pius ab honesto viro, ne- dum primæ notæ Theologo, expecta- verit; sed ab homine potius omni pla- nè probitatis, humanitatis & sinceræ pietatis sensu destituto. Pulverariæ Con- jurationis fuisse ipsum conscium, ne illi quidem negant, qui pro Martyre haberi volunt. Nos autem certò sci- mus, & sine ulla hæsitacione affirmare audemus, P. Garnettum sceleris illius non tantum fuisse conscium; verum etiam approbatorem, & genere quo- dam auctorem. Nam etli principem illum proditorem Catisbejum, doli to- tius primarium architectum, initio ma- chinationis ipsum consuluisse, non sa- tis constat; non tamen rationes desunt evidentissimæ, quæ id ipsum penè evin- cant. Illud certè liquet, mox cum fa- cinoris socios idem quæreret, eas dif- ficultates incidisse, quarum gratiâ ad- ire ad Garnetti oraculum oportuerit, ut rem esse licitam cunctis persuaderetur. Ipse quidem Catisbejus, pro ea con- suetudine & familiaritate, quæ illi cum Garnetto intercedebat, non ignorans ad excludendum Regem Jacobum Bre- via duo ipsum Romæ accepisse; nihil

* Lante-
lottus
Andrew.

hæsitans in hac ratiocinatione acquie- 1611.
scebat: *Quem voluit Papa aditu prohi-
beri, eum sine dubio vult admissum de-
turbari.* Sed quum non jam dubitaret
Catisbejus, ad Regem dejiendum
omnes sibi licitas esse fraudes, *κατα-
στάσει* ac dolos; quia tamen placitæ
machinationis ea ratio erat, ut Rex
cum Protestantibus tolli aliter non pos-
set, nisi ut multi Pontificii eodem *κα-
ταστάσει* involuti simul perirent; su-
per hoc dubio Catisbejus, ut & se, &
alios scrupulo molesto liberaret, non
multò post anni 1610 1611 initium,
ut Acta insinuant, Garnettum consu-
luit. Non dico, quid Theologus Jesuita
responderit; nam id jam non ago: sed
hoc volo, tam ex hoc colloquio & plu-
ribus aliis Catisbeji cum ipso, quàm
ex Grenwellii sæpe repetitis sermoni-
bus; de quibus & Acta, & plurimas
Garnetti Epistolas testes habemus; luce
clarius probari, Patrem hunc Jesuitam
Conjuracionis nefariæ non minus con-
scium fuisse, quàm alium quemvis com-
plicum. Neque verò solùm arcani con-
scius Garnettus; sed plerisque conjura-
torum, ut Wintero, Rookwodo, & ipsi
Fauxio incendiario, quâ fuit auctori-
tate, audendi auctor exstitit, cunctan-
tibus & horrescentibus, priusquam pro-
bari rem tanto viro, ex verbis Catisbeji
cognõssent; sicut fusè narratur. Actione
in proditores priore. Iccirò ubi tem-
pus advenit, dolum, quem diu Zelotæ
isti foverant, excludendi; quum inter
conjuratos convenisset, Coughtonam
omnes convenirent, de rebus necessa-
riis in commune consultaturi. Inter cæ-
teros adfuit Garnettus, omniaque ibi
egit, quæ à Conjuracionis conscio, sua-
fore & cupidissimò incentore agi par
erat. Omitto alia ejus rei indicia, in
Actis diligenter exposita; postea verò
ab Episcopo Eliensi ita perspicuis argu-
mentis demonstrata, ut ne ipsi quidem
hostes professi veritatis possint jam de
eo dubitare. Tantum asseram huic, quò
res sit testatior, apertissimam ipsius
Garnetti Confessionem, ex literis pro-
pria manu scriptis Dominicâ in Ramis
Palmarum; quarum est inscriptio, *Ad
dilectissimos Patres & Fratres.* His
graviter ipsi succensentibus, quòd pro-
ditionem sibi innotuisse confessus esset,
ita respondet: *Nam quid facerem? Pri-
mò accusabant me reliqui omnes conju-
rati. Secundo, Catisbejus usus semper
apud eos fuerat auctoritate meâ, quâ
adduxit benè omnes, ut benè sentirent
de negotio; quo factum, ut ad unum
omnes me haberent pro reo. Tertiò, duo
quidam Corycæi inaudierant me cum
Oldcorno colloquentem, atque tota de re
apud*

1611. apud eum differentem, quid ad objecta singula responsurus essem? Quarto, litteræ etiam à me aurantiarum succo scriptæ ad D. Annam, nescio quomodo in illorum manus pervenerant; quibus sententiam meam non obscure confectus sum. Plura, si lubet, ex eadem Epistola descripta, quibus idem confirmatur, legere potes in Tortura Torti. Prætermitto similes confessiones, partim pro tribunali, partim aliâ occasione factas, ut legere est in Actis, & in eadem, quam modo nominavi, Tortura Torti, exactissimæ fidei & diligentis scripto. Quamobrem hoc primum esto crimen Garnetto objectum, quod Pauli Apostoli doctrinam aut oblitus, aut insuper habens, ut bonum, quod existimabat, eveniret, malo consenserit, atque adeo totis viribus malum procurarit, quo majus aliud non temerè à conditu mundi Sol adhuc vidit. Non utique hoc facturum, si Jesu Christi, à quo appellationem sibi acciverat, verum esse imitatore voluisset præstare. Nam ubi benignissimus Dominus noster Garnetto stragem horrendam molienti, vel exemplo prævit, vel præcepto? Aut quis putet, Filio Dei, Agno illi ἀκούει, qui pro sua inexhausta misericordia, tollit peccata mundi, diras ejusmodi cædes & parricidia, è præpostero zelo ortum habentia, placere posse? Qui meminerit, Jacobum & Joannem Apostolos, propter similes nonnihil zeli votum, ut Samaritas, Regem Messiam non recipientes, ignis de cælo cadens consumeret; graviter à Christo fuisse reprehensos, zelum legitimum ab illegitimo verbis illis, si attendimus, distinguente: καὶ ἰδοὺ εἰς πνεύματος ἐστὶν ὑμεῖς*: quo spiritu, inquit, ducamini, nescitis. Bono zelo agi vos creditis, cum Samaritas dedi exitio optatis: ego verò zelum illum crudelem, sanguinarium & destruentem à meis non exigo; charitatem exigo, patientem, peccata regentem, ædificantem: hanc probō, hanc præstari ab iis volo, quibus pacem meam sum relicturus, τὸ γὰρ ἀγαπᾶν τὸν πλησίον ὡς ἑαυτὸν πλείον ἐστὶ πάντων τῶν ἐλοκαυτωμάτων ἢ τῶν θυσιῶν †. Non, inquam, facturus, quod fecit, Garnettus fuit, si satis meminisset gravissimæ sententiæ, quâ Dominus Principem Apostolorum Petrum severè castigavit, postquam zelo percitus, æquissimo illo quidem, sed non secundum scientiam, Malchi auriculam præcidisset; πάντες, ait Servator mundi, οἱ λαβόντες μάχαιραν ὡς μάχαιρα ἀποθανόντες ‡, peribunt quicunque pietatis obrentu aut zelo præfervido impulsī, perdere alios aggredientur. Garnettum igitur & cæteram

conjuratorum manum, qui præpostero istiusmodi corrupti zelo, cædes, tam atroces præsertim, parabant, quis dubitat justissimas poenas Deo & hominibus pependisse? De supplicio corporis loquor; nam verè poenitentibus, sicut ad extremum visus est poenituisse Garnettus, Dei misericordiam speramus non fuisse præclusam. Hoc verò Garnetti crimen quàm grave assertoribus doctrinæ Hildebrandicæ videatur; non scio: omnibus pietate non fucatâ piis & bonis civibus, ac Principum subditis fidelibus, inexpiabile scimus videri; planèque ejusmodi, cui neque nomen satis aptum, neque par supplicium ullum queat inveniri. Accipe nunc, Fronto eruditissime, Garnetti ejusdem crimen aliud, aut crimina potius varia; ei, de quo diximus, connexa. Non enim virtutes solum confertæ sunt invicem, mutuòque sese consequuntur; sed & vitia quoque nexu adeo arcto inter se colligantur, ut non facile cuiquam ad insignitum aliquod scelus, nisi per plura alia scelera, pateat via. Scias, in Garnetto hoc apparuisse verissimum; qui illud unum scelus quum intenderet, ut Rege & Regiâ Domo extinctâ (quod Deus omen avertat!) sublatisque omnibus, qui credebantur ipsius conatibus posse obstare, res in Anglia novaret, quò sui hujus voti posset compos fieri, quot quantisque sceleribus aliis se obstrinxit? Nihil hic fingimus, nihil hic studio partium damus; multò minus mortuo, & sententiam passò insultamus. Apage hanc plus quàm barbaram inhumanitatem; licet multis hodie falsò creditis Christianis nimis usitatam. Quin potius, sicut affectu sincero sortem hominis miseramur; ita & vicem nostram dolemus, qui ut veritati adversus prodigia hominum patrocinemur, inquirere accuratius in defuncti facta; & peccata illius (quæ melius premerentur silentio, si per hostes veritatis liceret) proferre in lucem vel inviti cogimur. Ita verò mihi sit Deus propitius in die illa, ut hoc non odio cujusquam, sed solo amore veri impulsus facio! Quare de hoc viro non omnia, quæ sunt mihi comperta, commemorabo; sed ea solum, quæ ad causam prodicionis faciunt. Quod dixi, Garnettum unius sceleris patrandi studio multis sese contaminasse, tam facile probatu id mihi jam est, quàm fuit ipsi difficile & ἀδύνατον illam abyssum evitare, ubi semel zelus Religionis præposterus à recta consiliorum via abduxit. Quid faceret? Posteaquam enim ἀναγκαιὸν ἑαυτῷ, ut contra Julianum ait Gre-

* Luc.
12: 55.

† Marc.
13: 33.

‡ Matth.
23: 32.

1611. gorius Nazianzenus, τὴν ἀπόνειαν ἐκ τῶν
ἤδη πεπληρωμένων ἢ δι' ἀπαισιμίας, exeden-
dum illi erat, quod ipse sibi intriverat.
Serò enim, ubi jam longè à portu pro-
fecti sumus in altum, ea consilia respi-
cimus, quibus erat in terra locus. Non
solent verò Zelotæ à scopo, quem sibi
semel propoluerunt, ullo, sive divini,
sive humani juris respectu revocari, fa-
cilèque omnes, si opus est, ad finem
optatum per pietatis & humanitatis le-
ges calcatas pergunt, quod utinam pa-
tria nostra superiore civili bello minus
esset experta! Quid magis inhumanum
aut belluinum, quàm præ studio vin-
dictæ in amicos & inimicos pariter sæ-
vire? omnes nullo discrimine velle per-
dere? Atqui Garnettus vester à Catis-
bejo consultus, essetne licitum, fontes
insontesque perdere, si alteri sine alte-
ris extingui non possent, semel ita re-
spondit in privatis suis adibus: *Licere,*
si tantum ex ea re boni proventurum es-
set, quantum aliquot insontium necem
compensare potest. Iterum in Campis
suburbanis, quibus à Palude nomen,
in hanc sententiam: *Et posse & licere,*
cum fontibus insontes exsufflari; magni-
que aded meriti rem fore, si id magno
alicui bono Catholicis cederet. Constat
de veritate hujus responsionis primùm
ex Actione in Proditores posteriore, &
brevis oratione illustrissimi viri, Domini
Comitis Northamptoniæ; qui inter
Primores Regni sedens, & Garnettum
ipsum compeliens, historiam omnem
hanc fusè narravit; quæ si parum certa
esset, aut aliquid dubii contineret, cur
tacuit Garnettus? cur silentio suo rem
approbavit & assensus est? Sed & ratio-
ne alià clarè ejusdem rei veritas est
comprobata. Servantur enim duæ *ιδιό-*
χειρι ipsius Epistolæ, quibus res omnis
ingenuè exponitur. Scripta est earum
Epistolarum altera pridie Nonas Apri-
lis, altera 111. Eidus mensis ejusdem.
Potestne verò aliquis me docere, quā-
nam è Schola Theologus hic istam do-
ctrinam hauserit? Certè quidem, si ali-
qua est, quæ ita doceat, & ad hanc
rabiem homines incitet, Christiana illa
non est; Antichristiana est; Satanica
est. Homicidia namque Saran & nunc,
& à principio, verus certusque Abad-
don & Apollyon *. At Domini nostri
Jesu Christi doctrina, toto genere ab
hac diversa, apertè cum ea pugnat.
Scilicet tam diris cruciatibus deartuari
disceperique innoxios cum noxiis vellet
Filius Dei, Deus ipse æternus, qui
olim impiorum Sodomitæ integræ
urbi veniam se indulturum promisit, si
vel decem in universo populo probi &
Dei timentes potuissent reperiri; qui

in Evangelio suo zizaniis jubet parci, 1611.
ne cum mala semente aliquid fortasse
bonæ simul evellatur; qui in eodem illo
Salutari Nuncio, vindictæ cupiditatem
severissimè suis interdicens, exemplum
mansuetudinis per totam vitam præ-
buit: *λατρεῖν δεῖ καὶ ἐκ ἀντιλείδειν, πεί-
χων ἐκ πείρας, παραίδου δὲ τῶ κελύφῃ δι-*
καίως †. neque aliud remedium adver-
sus omnes injurias suos docet, nisi fu-
gam, patientiam & preces, ut spe gau-
dentes, quod ait Apostolus, in tribu-
latione patientiam præstantes, assidue-
que orantes, victoriam de inimicis suis
reportent. His solis armis Apostoli sunt
usi, cum prædicationis Evangelii pri-
ma per Orbem terrarum fundamenta
jocerunt. Hæc sola nōrant veteris Ec-
clesiæ Patres, cum opus, ab Apostolis
inchoatum, felicissimè urgentes, *ulius*
se miscere morti [nōsti verba Gregorii
Magni] ne tum quidem fas duxerunt,
quando ad Christianos summa jam re-
rum pervenerat. Nemo illorum Reli-
gionem Christi aliquo inferre cupiens,
armis rem gessit temporalibus, aut pul-
verem tormentarium sibi paravit; nemo
bellum cum ullo Principe suscepit; ne-
mo dixit, Ut hoc Regnum ad rectam
fidem convertam, Regem & universum
nomen Regium inaudito prodicionis
exemplo occidam; tum autem quicquid
in eo Regno eminet *αὐτῷ ἀντιτάξω*, ac si
ita res poposcerit, in amicos pariter sæ-
viam, id namque Deo gratum est futu-
rum, & facientibus meritorium. Hæc
non Christi, aut priscæ Ecclesiæ placita
sunt, sed hujus seculi aut proximorum
exitabilia inventa. Hi fructus Hilde-
brandicæ doctrinæ; quæ Imperatorum,
Regum ac Principum petens capita,
multis persæpe Europæ Provinciis ferro
flammæque sæviens, quod ex Historiis
scimus, horrendam vastitatem intulit.
Quòd autem Catisbejus rem primò sic
proposuit *ἡπικώς*, ut ad hypothesein non
descenderet, esset hoc alicujus fortasse
momenti ad minuendum Garnetti cri-
men; nisi & voce in judicio apud Do-
minos Delegatos, & scripto in Episto-
lis, quæ exstant illius, sapissimè falsus
esset, Catisbeji hæc verba statim per-
cussisse animum sibi, ut repentè conji-
ceret, magnum aliquid, hoc est, nefari-
am aliquam prodicionem ipsum co-
gitare. Deinde jam probavimus, totius
fraudis consciūm fuisse Garnettum, non
minus quàm complicum quemlibet.
Quum igitur in sententia semper ipse
manserit, neque responsum unquam
revocaverit; sed contrà, consummatio-
nem incepti omnibus semper viribus
procuraverit; nullum est dubium, quan-
do ita primùm respondit, rei ipsū
fuisse

* Apoca-
lyps. 18:
11.

† 1 Pet.
11: 13.

1611 fuisse intelligentem, neque ullo errore lapsum. Mimis autem ille quod pertinerit, inferius ostendemus. Et de crudelitate quidem immani Garnetti, postquam Zelora est factus, hæc dicta sunt. De Æquivocatione verò, hoc est, mentiendi & pejerandi arte, quæ eidem tantoperè est probata, quid dicemus? aut quid pro rei magnitudine dici potest? Æquivocandi scientia, ætate nostrâ inventa, (quæ & maledicendi artem, huic affinem & geminam, prima protulit) quos auctores habuerit, non facile dixerim. Constat, multos vestri Ordinis Theologos, fortasse & alios; verum illos ego non vidi, eam artem magnâ curâ & explicuisse, & asseruisse. Sed qui præcipuè Æquivocationem excoluerunt, eos video fuisse Anglos. Exstant Jesuitæ Pearsonii, Angli, qui Romæ diu vixit, & mortuus est, Disputationes ejus argumenti acres & prolixæ, à doctissimis hujus Regni Theologis, præsertim à Thoma Morton, Decano Wintoniensi, moderatissimi ingenii viro, confutatae & jugulatae. Exstat etiam libellus, ab eruditissimis Pontificiis in hoc ipso Regno scriptus, & hoc titulo publicatus, ac typis expressus: *Æquivocationis Tractatus*; Blackwelli, Archipresbyteri, & Henrici Garnetti suffragiis, ut valde doctus, (verba sunt Archipresbyteri) & verè pius & Catholicus comprobatus. Nam Apologista, qui negat in secunda Apologia, ullum unquam ejusmodi tractatum in rerum natura fuisse; & qui ejus meminerunt, vocat impostores; quantus & quàm insignis ipse est impostor? Si sexcentorum Anglorum testimoniis credere non vult, qui partim viderunt legeruntque eum librum; partim hodieque servant; si Actis publicis, ubi res fusè exponitur, fidem vult abrogare; at suo saltem consecraneo, Andreae Ludamono-Joanni, scio, credet. Cujus Apologiam si inspexerit capite secundo, levitatem & imprudentiam suam, ne quid gravius dicam, velit nolit, cogetur agnoscere. Quod autem Apologista idem, *Solos esse dicit homines Dei amantes, quibus Æquivocatio placeat*: & aliquantò prius, excitationem eorum Catholicorum & vestris lamentabiliter deflet, (putes cum legas, de primario aliquo fidei nostræ articulo agi) qui persuaderi sibi non patiuntur, boni viri esse, nedum Christiani, æquivocare; videndum est, quo jure hæc dicantur. Nam si appellatione Æquivocationis simplicem quandam & modestam reticentiam significet, aut dissimulationem consiliorum, in hac misera vita sæpe necessariam,

planè cum ipso sentio; qui multa alibi de ista simulatione aut dissimulatione, quam magnus Auctor *ἡλικὸς συνυπέκλειπεν* nominat, disputo, ejusque fines & legitimum usum ostendo. Verum hæc *ὑπεκλή* prudentia nihil quicquam prorsus commune habet cum nuper nata mentiendi arte, quam Æquivocationis auctores docent, & mordicus tuentur. Naturam hujus Æquivocationis paucis hoc loco juvat explicare, idque non è tractatu solum, de quo diximus, aut Pearsonii scriptis, sed ipsius Garnetti verbis, quæ fideliter ex illius autographo descripta sunt, & in Latinum sermonem versa. Is enim vir, quamdiu in Arce Londinensi mansit captivus, hac consuetudine est usus, ut si Rex juberet, sive Domini Delegati exigenter, aut etiam occasio alia existeret, sine ulla difficultate sententiam suam scripto consignaret, unde illa copia chartarum manavit, manus ipsius exaratarum ac subscriptarum, quæ in Archivis hujus Regni diligenter servantur. Garnettus igitur de toto hoc argumento quid sentiret, explicare jussus, die Martii vicesimo anni 1515 cvi. hoc responsum dedit: *De Æquivocatione ita censeo. In rebus moralibus & communi usu vitæ, quando veritas inter amicos requiritur, uti Æquivocatione haut licet; id enim societati hominum magno malo cederet: quare huic remedio in istis nullus locus. Quoties verò de necessaria defensione agitur, deque injuria aliqua evitanda, aut damno, aut de consequendo aliquo non parvi momenti bono, sine ullo ejusquam periculo, tum licita est Æquivocatio. Attende mirabilem distinctionem. Inter privatos non licet æquivocare, hoc est, mentiri & pejerare; apud Magistratum licet, modò id sit utile. Deum immortalem! quæ hæc nova Theologia est? Nam illa, sine ullo ejusquam periculo, videbimus deinceps, quàm vim habeant in hac arte: reverà enim non nisi ad speciem adjiciuntur. Subjicit deinde Garnettus Æquivocationis exemplum Coventrienſe, sermonibus multorum in Anglia jactatum, ex illo Æquivocationis Tractatu, ubi sic narratur, & defenditur: *Grassante per Angliam pestilentia, quidam Londino ubi vis maxima erat mali, Coventriam venit. Ad portam urbis occurrit Magistratus, qui delato jurejurando ipsum interrogat, veniat necne Londino? Ille negat strenuè, & dictis jurejurando fidem facit. An peccavit? Negant Magistri in illo Tractatu. Causam afferunt hanc: Principali enim, ajunt, & finali proposito questionis scopo, scilicet, an sic venit, ut**

1611. civitati pestem afferret; responsum dedit, licet immediatus questionis sensus fuit, scire, utrum Londino sit profectus necne. De hoc bonâ conscientia jurare ut posset, persuasio præstabit, aut scientia certa, quam jurans habuit, vel pestem non jam esse Londini, vel aërem non esse ibi infectum, neque prætereuntes insicere; vel se equo vehementer citato cursu absque noxa transisse. Hæc est decisio illorum Magistrorum; qui ut illustrent novam doctrinam, admirabilem proferunt theoriam, non planetarum quidem, sed nescio cujus abstrusioris doctrinæ, de differentiationis *propositionis verbalis*, & *reservationis*, sive *retentionis mentalis*; item de *propositione scripta vel mixta*. Nam hæc sunt artis mirificæ vocabula ἑπικύρια, nondum apud veteres Philosophos, aut beatos Patres, quod meminerim, mihi inventa. Appellatur autem in hac arte, ut hoc quoque addam, *Propositio mixta*, quæ partim vocis prolatione, partim silentio constat; quando animi sensum partim verbis exprimimus, partim silentio premimus, & in mente reservamus. Ridere licet Veteres, qui crediderunt boni viri & amantis veritatis orationem cum mente debere consentire, & simplicem esse: quoniam Ἀπλὴς ὁ μὴ ἐν τῇ ἀληθείᾳ ἔστω. Homerus etiam, quem omnium ætatum Sapientes sunt demirati, pueriliter cum vulgo erravit, cum sub Achillis persona gravissimè hominem detestatur, qui aliud in mente celat, aliud lingua loquitur:

Ἐχθρὸς γὰρ μοι κεῖνός ἐμῆς αἰδᾶς πύλησιν,
ὅς κ' ἔπρον μὲν κούρει ἐνὶ φρεσίν, ἄλλο δὲ βάζει.

Sed & Regius Vates, cum inter notas perditissimorum hominum hanc etiam ponebat, quod unusquisque ad proximum suum corde & corde loquantur *, parum attendebat. Ignorabant videlicet Antiqui hanc de propositione mixta & reservatione mentali doctrinam, apud Magistratum præcipuè usurpandam, de qua Philosophum in περὶ ἐγκυκλίας nihil scripsisse, (is erat locus proprius, ubi natura propositionum omnium explicatur) non est mirandum. Adhuc enim tantum arcanum homines latebat, de cujus revelatione est, quod seculo nostro gratulemur. Redeamus nunc ad Garnettum; qui in illo, de quo diximus, scripto, post allatum hoc exemplum, cum superioribus Magistris consentiens, rationem decisionis ita explicat: *Possum eo casu, inquit, jurare. Pono enim, rem mihi fore commodissimam, ut in urbem admittar, ex eaque*

re nullum damnum aut noxam posse ad 1611. Coventrienses pervenire. Nam civitas quidem Coventria aliud nihil spectat, quam ut à morbo sit immunis; quæ si exploratum haberet me valere, & à pestilentia esse liberum, sine mora me admitteret. Hæc P. Garnettus: ubi vides cautionem superiorem non esse neglectam, ne cum alieno periculo fiat Æquivocatio. Sed quid, si fallatur æquivocans, & inscius pestem secum gesserit? Nam hoc sæpe evenire, ne pueri quidem ignorant. Quare res nugatoria est ista cautio. Nam exempli gratiâ: Fur quidam in jus vocatus est, & an sit fur interrogatus, negat se esse furem. Quidni enim? faciet namque periculi vitandi causâ. Quare ex superiore doctrina dicet, *Non sum fur*: cum hac tamen, aut simili reservatione mentali: *ut in hac urbe furtum faciam*: simul enim apud se statuer, urbe illâ excedere, ut sine alieno periculo possit beneficio Æquivocationis frui. Sed hac cautione quàm benè cavetur urbi? Nam fieri potest, ut simul ac dimissus à Magistratu fuerit, oblatâ occasione ad ingenium redeat: αὐτὸς γὰρ ἐφέλκεται αὐτῶν αἰδῶν †, & ipsâ olera ollâ legit, quod † Hom. O. 2. p. vers. 294. ajunt. Iterum dico, futilis, fallax & nugatoria est illa cautio. Proferamus aliud exemplum ex eodem Tractatû. Quidam post contracta sponsalia per verba de *præsenti*; mox ad alias nuptias convolans, fidem suam alteri sponsæ similiter per verba de *præsenti* obligat. Vocatur in jus ad Episcopi Consistorium, & præstito jurejurando verum dicere jubetur; deinde interrogatus, an non priori sponsæ per verba de tempore præsentis sese obstrinxerit, negat ille; & pernegat. Quærent Magistri, an hoc sit peccatum, & respondent sic: *Judicis questio eò tendebat, ut justum necne esset prius matrimonium, cognosceret. Quum igitur reus id matrimonium pro irrito & illegitimo haberet, nullo conscientie periculo, jurare potest, non fecisse, quod fecerat; cum hac utique retentione mentali, eo animo, ut id esset legitimum matrimonium.* Quis negabit mihi, quantivis pretii esse hanc Æquivocationis doctrinam? quæ ut his quidem subtilissimis Doctoribus placeret, tam faciliè omnia secus admissa aut scelera potest excusare. Sed illud quoque fateantur omnes oportet, per hanc novam disciplinam ad omnia quamvis execranda μίσματα larum patefieri non fenestram, sed januam; ut merito futuri sint homines facinorosi, & ad omnem impietatem projecti, si assertores Æquivocationis pro benè meritis patronis habuerint, & omni observantiâ colue-

* Psalm. xii. 2.

1611. coluerint. Hoc melius sequentia demonstrabunt. Est & scitum ejusdem disciplinæ, ab Auctore libelli defensum, & à Garnetto ipso cum verbis, tum scriptis, quæ ipsi vidimus: Licere criminis alicujus reo pejerare, & omnimodis factum negare, si ab eo interrogetur, qui auctoritatem legitimam non habet: etiam apud legitimum Judicem licere, non tamen ἀδοξως, sed cum hac exceptione, *tantisper dum probationes deficiunt*. Atque illud axioma egregiè in rem suam vertit P. Garnettus toto judicii sui tempore. Nam ex ejus ore nulla unquam fuit prius expressa veritas, quàm teneri se ἀπόκρυφον indubitatæ fidei testibus, aut testimoniis cognosceret. Quoniam autem Rex clementissimus quæstionem de eo per tormenta haberi vetuerat; ut aliquid fieret, nec semper lateret veritas, excogitatum est à viris prudentibus, ut Garnetto & Oldcorno, Jesuitis, qui in eadem Arcis parte vicinis cubiculis servabantur, sermones unà ferendi potestas fieret, quos exciperent viri honesti ad id ministerium electi, in proximo latentes. Post hæc jussus Garnettus pro tribunali sese sistere, & an ullum sibi cum Hallo sive Oldcorno fuisset colloquium interrogatus, petitione etiam adjectâ, ut sine Æquivocatione verum diceret; *pertinacissimè per animi sui salutem jurans, negavit, idque toties cum tantis tamque horrendis execrationibus repetiit, ut audientium animis grave vulnus infligeret*. Non mea sunt hæc verba; sed viri illustrissimi Domini, Comitis Salisburiensis, ipsum Garnettum compellantis, cum inter quinque illustrissimæ dignitatis Comites unà cum aliis primariis totius Regni viris Judex in ea causâ sederet. Mox ut Halli confessione, & testimoniis eorum, qui sermones exceperant, irritum undique se teneri Garnettus animadvertit; pudore suffusus, miser senex, veniam delicti sic petiit, ut beneficio Æquivocationis id sibi licere contenderet. Nam dixit: *Cum aliquis de crimine à Magistratu interrogatur, is Magistratui respondere, antequam testes fuerint producti, non tenetur; quia nemo tenetur prodere seipsum*. Atque hæc constans fuit illius sententia, in qua semper mansit, omnia pernegans, & facti rationem hanc postea afferens. Quâdam etiam die Magistratum ultrò accusare ausus est, quod legitimis probationibus instructus, non esset veritus ipsum interrogare. Rem exponam pluribus ex scriniis publicis. Die vicesimo septimo Aprilis interrogatus per Presbyteratum suum, rectè fecisset,

quando coram Magistratu negavit, manibus etiam appositis (nempe sacro Evangelii codici) se neque nuncium misisse, neque scripsisse ad Telfmundum, sive Greenwellum, Jesuitam, ex quo unà fuerant Coughtonæ; quum sciret id esse falsum? Respondit, *Nihil se fecisse non legitimum, sed Magistratus rem illegitimam fecisse & malam; qui de ejusmodi rebus se interrogavit per Presbyteratum suum, quando ipsi literas à se scriptas haberent*. Neque enim fuisse animum sibi, eas denegare; siquidem scripsisset, eas in potestatem Magistratus devenisse. Nunc quia crederet, illas literas non esse interceptas, rem negasse; idque fieri à se legitime potuisse. Ecce rem novam, nova jura. Reus Majestatis Magistratibus præscribit, quo pacto de sceleribus suis debeat interrogari: & si non pareatur à Magistratu, gravissimè cum eo expostulat. Satis istud quidem pro imperio, nisi quòd per hanc præstigiæ plenam doctrinam *novus scelerum nascitur ordo*, ac propterea *ἐννοεῖται ὁ νόμος*. Legi etiam scriptum aliud Garnetti, responsiones quasdam continens ad varias ipsi propositas quæstiones die decimâ Aprilis, ubi leguntur hæc ipsius verba: *Si quis susceperit, aut suscepturus est consilium Regis occidentis, is non tenetur verum fateri, licet adducatur ad legitimum Magistratum, donec probationes exstiterint ad convincendum ipsum idoneæ*. Credo, te, mi Fronto, pro tua humanitate inhorruisse; doctrinâ enim istâ ne excogitari quidem alia efficacior videtur posse ad tollendos Principes, & universæ hominum societatis jura conturbanda. Existimo etiam, satis te jam ex iis, quæ diximus, cognoscere, quale genus monstri sit illa Æquivocatio, quam Theologi Pontificii, ac præsertim Jesuitæ in hoc Regno tam acriter defenderunt. Unum tamen adhuc cum primis memorabile exemplum afferam; ut eò melius intelligas, defensores & approbatores æquivocantis doctrinæ quale sit hominum genus, quàm veritatis & fidei inimicum, & Dei, qui est ipsa veritas, in ipso etiam mortis articulo contemnens. Accipe igitur veram historiam, & ex uno discè omnes. Franciscus quidam Treshamus fuit, inter proditores non obscurus, qui post Conjuratorem Catisbejanam captus, & à Magistratu jussus dicere, si quid de conjurationibus adversus Regnum sciret, respondit, Sibi hoc compertum esse, conspirationis sub mortem Elizabethæ initæ, quâ Regis Hispaniarum copiæ advocabantur contra serenissi-

1611. mum Regem Jacobum, Garnettum fuisse cum primis auctorem. Neque hoc Magistratus nesciebat; nam Garnettus ipse, diplomate fretus, quo priorum delictorum omnium veniam mense Januario anni 1610. 15. CIV. à Regia Majestate impetraverat, non gravatè & Dominis Delegatis, & aliis etiam id ipsum erat confessus non semel. Sed id Treshamus ignorabat; qui paullo post naturali morte publicum supplicium lucrificiens, tribus duntaxat antequam ageret animam, horis, suafu, ut creditur, uxoris, famulo scriptum dictavit, atque ipse manu moribundâ subscripsit, quo priorem Confessionem verissimam, & ex certa scientia profectam, antiquabat, perque salutem animæ suæ jurans confirmabat, se Garnettum ipsis sexdecim minimùm annis proximis non vidisse. Mandavit etiam, ut hæc charta se mortuo ad Dominum Comitem Salisburiensem deferretur. Uti jusserat, factum est, & delata, eaque per eundem illusterrimumque Comitem Garnetto pro tribunali ostensa, qui sapius jam, ut modo dicebamus, coram illo maximorum virorum confessu falsus, negotii illius Hispaniensis participem se fuisse, novo casu deprehensus hæsit, judicium suum silentio tegens. Sed non est passus solertissimæ industriæ Comes, ipsum tacendo Dominis Delegatis illudere. Itaque Garnettum interrogavit, de Treshami facto quid judicaret? qui respondens, *Verisimile est*, ait, *Equivocationis beneficio ipsum uti voluisse*. Et hæc quidem de ista re in Actis. Sed nolo prætermittere uberiorem ejusdem super hoc Treshami facto responsionem, quam inter chartas, quæ mihi, jubente Rege, sunt communicatæ, inveni. Ait ibi, Videri quidem sibi exemplum Treshami non temerè esse imitandum; putare se tamen ignorantiam hominis excusare ipsum posse. Nihil enim fecisse, nisi quod ritè se facere posse existimaret. Non probare se, quod nullâ necessitate exigente, ultro ad Equivocationem tam abruptam prosiluerit; quum præsertim de proditione, re gravissima, ageretur: *Verum si quis quærat*, inquit, *an liceat in ipso mortis articulo Treshami equivocantis exemplum imitari, urgente aliquâ necessitate, ut periculo amici; sane licet: idque probare possumus argumento à Confessionibus ducto*. Nam Theologi consentiunt, posse quædam in Confessione omitti, quoties notabile aliquod periculum imminet, si confitens omnia sigillatim exposuerit, quorum est sibi conscius, atque hoc jus, ait, quum durante vitâ unicuique fas sit usurpare, cur non etiam à moriente

usurpetur? Vides quàm non ægrè poruerit hic Pater adduci, ut in ipso momento, quo ad judicium Dei se sisteret, Equivocatione homines falleret, atque ut ego interpretor, veritati simul, & Præsidii veritatis, Deo, renunciaret. Nam quia commune nihil habent veritas & mendacium, qui ludicris fretus argutiis ad ejus castra palàm transit, de quo scriptum est, *Ψεύδης ἐστὶ καὶ κατὰ τὴν ἀλήθειαν**, an non manifestè à Domino nostro Jesu Christo desceiscit, qui est *ἀντίπαρος*†, & qui ut suos amoris veri affuelleret, præceptum dedit: *Sit vester sermo, Est, est; Non, non*†. Porro equivocandi disciplina non hoc solum permittit hominibus, ut simplicii affirmatione mentiantur; sed etiam ut fidei faciendæ gratiâ nihil eorum prætermittant, quæ inter mortales eo valere censentur. Jurabunt igitur, Sacra Evangelia tangent, & quidvis aliud facient, atque adeò si opus sit, sumptione corporis Christi (horresco referens!) mendacium firmabunt. Quo auctore hoc probabis? inquires. Illo ipso, de quo nobis sermo; vestro, inquam, Garnetto; qui die quadam convictus, multa apud cognitores suæ causæ esse mentitus, reductus in Arcem, & postea ibidem interrogatus, ecquid poeniteret artis infamis, & an id seriò licitum crederet? An pro tempore, necessitate premente, illa diceret? ipse manu suâ responsi loco in charta quadam hæc scripsit, ut erat illi mos, & interrogantibus tradidit: *This I acknowledge to be according to mine opinion and the opinion of all the Schoolemen; and our reason is, for that in cases of lawfull Equivocation, the speech by Equivocation being saved from a lie, the same speech may be without perjury confirmed by oath, or by any other way, though it were by receiving the Sacrament, if just necessity so require*. HENRY GARNET. Hæc sunt ipsissima Garnetti verba, quæ ex autographo ipsius descripti, & fidei meæ causâ hic apposui. Sonant autem hæc, si Latine reddantur, sic: *Hoc ego agnosco esse consentiens opinioni meæ & omnium Scholasticorum*: [vidi aliud autographon Garnetti in eandem sententiam, ubi erat, *of all Divines of our side, Omnium Theologorum partium nostrarum*, quod nomen multo est augustius, quàm *Scholasticorum*.] Et ratio eorum est, quòd ubi de legitima equivocatione agitur, sermo, qui per Equivocationem liberatur à mendacio, idem etiam per jusjurandum sine perjurio potest confirmari, & per quemvis alium in eam rem usitatum modum; quamvis id fuerit per sumptionem Sacramenti, si justa ne-

cessi-

1611. *cessitas ita requirat.* HENRICUS GARNETTUS. Habes quam Æquivocationem Garnettus defenderit, & quam præfractè illam defenderit. Apologista verò, & mendax Cretensis, qui Æquivocationem prolixè defendunt, & ejus exempla etiam in Sacris Literis conantur invenire & in Patribus, si de ea, quam hæcenus exposuimus, mentiendi apud Magistratum & pejerandi nova arte intelligunt; eos ego non dubiro, nisi maturè poeniteant, impietatis suæ & manifestæ blasphemix poenas Deo Opt. Maximo, & veritatis acerrimo vindici esse olim duros. Optarem posse hinc desinere, & ingrato mihi sermoni finem imponere. Sed non possum. Restat enim crimen aliud Garnetti omnium longè gravissimum. Nisi quis fortasse pro levi ducendum putet, rerum sacrarum profanationem adeò horrendam, ut Sacramenta, quæ divinitus ad salutem hominum sunt instituta, ut essent gratiæ instrumenta, canales & σφραγίδες, ad scelus inexpiabile confirmandum, & Regni hujus eversionem faciendam adhiberentur. Quid sanctius Religio Christiana habet sacrosanctâ Eucharistiâ? de qua pii Patres Ecclesiæ veteris pariter & Latini, ne mentionem quidem facere paullò apertius unquam sunt ausi; nisi omnes prius exclusissent profanos homines, aut non Christianos, vel etiam Semi-Christianos, id est, Catechumenos. Hæc tamen res tam sancta, & mysterium ἁγίου Φαικίν, ἁγίου ἀρχαίου, ad Conjuracionem Pulverariam promovendam, & fidem complicum adstringendam, passim à Jesuitis, totius negotii administris, est adhibiturum. Certissimum est, & principio statim, ut quisque ad Societatem infandi criminis est admissus, eum sumptâ Eucharistiâ ad servandum silentium fidem suam obstrinxisse, & postea non semel in eundem finem hoc Sacramentum esse repetitum. Extant probationes in Actis, quas prætermitto. Garnettum autem hoc non ignorasse, sed potius, ut rem piam imperasse; vel proxima verba, quæ ex illius manu descripsimus, clarissimè evincunt. Nam qui ad mendacia & perjuria apud Judicem stabilienda corpus Christi sine periculo sumi posse δόγματικῶς definit; cur ad silentii fidem faciendam idem nolit fieri, ratio nulla dici potest. Hæc verò plusquam barbara immanitas quàm è diametro pugnet cum doctrina Evangelica, quid attinet dicere? Dominus quidem noster Jesus Christus, ut extaret in Ecclesia sua semper recens & viva eorum memoria, quæ pro sua inenarrabili bonitate in gratiam humani gene-

ris passus est εἰς ἀθανάτων ἀμαρτιῶν, quando 1611. peccata nostra sustulit in crucem, & τὸ κατ' ἡμῶν χειρόγραφον ἐξέλειπεν αὐτοῖς δόγμασι *. reatum, inquam, nostrum * Coloss. 11: 14 unâ cum Legis sanctionibus, quæ nos peragebant reos, peremit; sacramentum hoc augustum & ζωοποιον instituit: isti vero Zelotæ, quasi esset Cœna Domini symbolum furoris & sceleris, & incentivum ad cædes & parricidia; à participatione divini mysterii diabolicam Conjuracionem sunt auspicati; atque ut Regem, Regiam Domum, & non pauca millia hominum innocentissimorum; in commune congregatorum, animosius delerent, ad altare conveniunt, sacra peregerunt, Communionem sumpserunt. Jam quum tantâ curâ doceat nos Apostolus †, ut severo † 1. Cor. 11: 27. peccatorum nostrorum examine, & non fictâ poenitentia præparati, ad Sacram Mensam accedamus, nisi velimus pro Pane benedictionis pignus æternæ damnationis nostræ comedere; Zelotæ isti, quasi vellent Dominum nostrum in partem sceleris vocare, (absit verò blasphemia,) per ipsum mystici hujus Panis interventum novæ & inauditæ feritatis novo reatu sese obligarunt. Hoc videlicet est, quod Paulus præcipiebat, συνέχεσθαι εἰς τὸ κρείττον, non autem εἰς τὸ ἥττον ‡. Tu, Fronto eruditissime, ‡ 1. Cor. 11: 17. qui Theologus es, & in Patrum, præsertim Græcorum, lectione versatissimus, impietatis hujus magnitudinem, quam nulla vis humani ingenii, nulla verborum facundia satis expresserit, optimè omnium intelligis. Quod si posset aliquid ex universâ Historia Ecclesiastica aut Patrum monumentis proferri ad nefariæ hujus profanationis defensionem; tu profectò, si quis alius, posses Zelotarum causam hac in parte adjuvare. Sed non vereor, ne id vel tu sis factururus, vel quisquam mortalium. Novum hoc quoque inventum est: Hildebrandicæ doctrinæ hic quoque est surculus. Quid nunc commemorem preces & supplicia, Catholicis à Garnetto sub tempore perficiendæ prodicionis indicta, ut magnum inceptum, promovendæ Religioni Catholicæ susceptum, ad felicem exitum produceretur? Scilicet verè Catholica Religio; hoc est, vera, scelere tanto ut promoveatur, opus habet. Pudeat Christianos impietatis tam manifestæ, tam projectæ. Turcas, non Catholicos, decet hæc sententia. Sanè ipse Garnettus, cum postea à Magistratu interrogaretur, quâ fronte ausus esset ad precationem adeò detestandam ovis sui gregis præire? facti pudendi infamiam se amoliri quoquo modo est conatus: Dixit enim, se orationes il-

1611. las fieri iussisse, non eo animo, ut ex sententia proditorum; sed potius, ut contra proditorum mentem res eveniret, utque eo pacto saluti Regis ac Regni confunderetur. Puerile illud quidem commentum fuit; sed quo tunc maluit tamen uti, quam fateri, usque adeo abominandæ rei auctorem se fuisse. Apologista verò, qui factum negat, solennia delirat, & de re sibi incomperta temerè affirmans, ridiculè sibi credi postulat. Legat Torturam Torti, à viro maximo * conscriptum Opus, & sibi responsum putet. Venio nunc ad genus aliud profanationis rei sanctæ, certè ad finem sanctum ab Antistitibus Religionis Catholicæ ante plura secula institutæ: Confessionem dico, cujus rigidam necessitatem, quæ apud vos obtinet, Ecclesia Anglicana molliendam sibi certo consilio putavit; rem quidem ipsam neque sustulit ullâ unquam lege, neque damnavit. At vos, qui Sacramenti loco eam habetis, non minùs quàm Baptismum, aut Eucharistiam, magnâ omnino reverentiâ eam tractare, & finis semper meminisse oportuit, cujus gratiâ fuit inventa; neque quicquam committere, cur homines sibi persuadeant, alio sine eam hodie à vobis exerceri, quàm fuerit olim instituta. Nam si hodierna Confessio modo & sine diversa est ab antiqua, qui potest, salvo pudore, ut antiqua defendi? Hac tamen in parte quàm graviter, quam odiosè peccari hodie à vestris soleat, nemo jam ignorat; quippe eò dudum est ventum, ut Confessio multis telum sit ad mala peragenda efficacissimum. Quamobrem hocce animarum pharmaco malè utendo (bonos & pios semper excipio) id assecuti estis, ut non dicam, *αυβάδεις* quidam & *δύσκολοι*, quibus vinum vetus præ novo haut sapit: sed præcipui admiratores antiquorum institutorum dubitant, si ne Ecclesiæ conducibilis futurum necne, Confessionem illam arcanam penitus esse sublatam, quàm ita exerceri, ut à non paucis sit hodie factiosis & malè curiosis. Causas hujus dubitationis gravissimas possem commemorare hoc loco, & illustribus exemplis confirmare, si à proposito vellem digredi. Nunc, aliis omisis, ea duntaxat commemorabo, quæ ad institutum sermonem faciunt. Spero autem, si me non fallit iudicium de tuo candore meum, non magis tibi, quàm serenissimo Regi probatum iri, quod ex simplici & vera narratione mea hic gestum esse intelliges. Apologista etiam, scio, & alios tenebriones damnabis, quos non pudet scribere, Gar-

* *Suprà,*
pag. 408.

netum non aliam ob causam supplicio 1611. fuisse affectum, nisi quia sigillum Confessionis violare noluerit. Nam ille quidem, nullâ vi corpori ejus adhibita, violavit; si violare sigillum est, rem, quam in Confessione te dicas accepisse, efferre, quod fecisse ipsum sæpius, atque omnia esse confessum, antea probavimus. Sed non in hoc peccatum illius consistit: peccavit enim Garnettus etiam circa Confessionem, primo profanatione nominis, quod in magna veneratione, utpote Sacramenti [sic enim docetis] esse debuerat; deinde falsæ doctrinæ & periculosissimæ assertionem. De utroque paucis dicam. Quemadmodum igitur si quis communes epulas, aut convivium à facinorosis hominibus ad statuum de patrando scelere conditum, Eucharistiam appellet, ac *κυριακὸν δεῖπνον*, causa dici non possit, quin profanatione nominis sacrosancti reatum magni criminis & ingentis impietatis sit contracturus: ita Garnettum, qui sermones inter se & Greenwellum de conjuratione habitos, & consuetudines crebras Confessionis nomine valebat, nemo pius profanationis crimine abolverit. Nam quid Confessioni commune cum deliberatione plures dies continuata, & sæpius repetita, super modo & rationibus Pulverariæ Conjuratæ ad finem optatum perducendæ? Confessio, quod equidem sciam, enumeratione seriâ constat præteritarum offensarum, & Confitentis penitentia non ficta, nec non consolatione & absolutione Confessarii. Horum ubi nihil interveniat, quis eam dicere ausit esse Confessionem? Quam vocabat illo nomine Garnettus, eam consultationem potius fuisse, de patrando scelere, quàm religiosam Confessionem noxæ præteritæ, ordo gestorum luculentissimè ostendit, ut aliâ probatione nihil sit opus. Is à Dominis Delegatis interrogatus, unde, & quo pacto modum Pulverariæ Conjuratæ, & *τὴ κατ' ἐκαστὴν* de illa cognosset? respondit primò, à Greenwello se illa in Confessione accepisse: deinde verò, seu quòd puderet ipsum mendacii; seu potius, quòd convinci metueret, sæpius super eadem re interrogatus, ita variè, ita perplexè, ita trepidè semper respondit, ut nemo audientium dubitaret, quòd initio responsum fuerat, fuisse falsissimum. Exstat autographum illius, mensis Martii die ultimo scriptum, cujus initium est: *Rogatus veritatem exponere & dicere, utrum Dominus Greenwellus proditorem mihi in Confessione declaraverit, an extra Confessionem? respondeo: Nos tum obambulasse; verum esse consuetum,* si

1611. si longam deliberationem negotium aliquod desiaeret, vel si libris inspectis sit opus, ut vel ambulando, vel sedendo Confessio peragatur. Quod autem queritur, Eset necne Greenwellus pœnitens? Respondeo; Illum non quasi culpam suam hoc mihi dixisse, verum ut rem sibi probe cognitam, atque hoc per viam consultationis. Exstat aliud quarto Aprilis die scriptum autographum, cujus initium est: Interrogatus per fidem meam erga Regiam Majestatem, an quod à Greenwello de Pulveraria Proditione primum cognovi, in Confessione dictum mihi fuerit, an extra Confessionem? Respondeo: Inambulasse nos, & Greenwellum enuntiasse mihi rem totam sub Sigillo maximo; quod ego de Sigillo Confessionis accepi; quamquam ille fortasse de minore aliquo intelligebat. Præter ista habeo in potestate adhuc mea schedam aliam, sexto die Aprilis manu propria Garnetti exaratam, quæ ita incipit: *Ut satisfaciam Regiæ Majestati quantum per memoriam meam licebit, declaro hic.* Et post pauca: *Quod ad colloqui illius modum attinet, quo Pulverariam Conjuratorem Greenwellus mihi aperuit; equidem pro certo affirmare non possum, animum illi fuisse ea narrandi tanquam sub Confessione. Ipse tamen credidi, debere me sic illa accipere. Nam Greenwellus offerebat se ad Confessionem; sed ego nihil opus esse dixi; me enim sic accepturum, tanquam si confitens rem indicasset.* Dicere etiam solebat, *Non Confessionem quidem eam fuisse, verum habuisse relationem ad Confessionem postea futuram.* Quid? quod habentur aliæ ejusdem literæ ad D. Annam tertio die Aprilis scriptæ, in quibus Confessionem quidem eam fuisse narrat, sed quam non aliâ lege à Greenwello acceperit, nisi ut integrum esset eam revelare, si quæstio unquam de eo haberetur. En latebras, en hæsitationem & in defendendo mendacio miseram fluctuationem! En novam doctrinam! Ubi enim aut in Sacris Literis, aut in scriptis Patrum, ubi denique in ullo Doctorum, qui ante hoc seculum vixerunt, mysterium illud invenias? *Non est Confessio, sed habet relationem ad Confessionem.* Item istud: *Non ut culpam suam dixit mihi, sed per viam consultationis inter ambulandum; & tamen est Confessio.* Quàm verò absurdum, ridiculum, & ejus auctoritatis viro indignum, sermonem inter duos habitum, unâ modo ambulantes, modo sedentes, sæpeque repetitum, uni collocutorum Confessionem esse, qui tamen exploratum non habeat, alterum congerronem de Confessione cogitasse? Dicerem ridendam hanc amentiam, nisi

tremendum potius ducerem, de rebus Religionis ita ludere. Adde quod magnitudini rei, qua de agebatur, lacrymæ potius conveniunt & justa indignatio, quàm risus. Agebatur Regis & Reginæ mors crudelis, totius Regiæ Domus miserranda perniciēs, Procerum, Præfulum, Equitum & floris omnium Ordinum internecio, & universi Regni eversio, cum interim Garnettus & Greenwellus Conjuratorem probè cognitâ, ut hominibus persuadeant Religionem se impedire, quò minus viri boni, & cives probi sint, puerilia sophismata nectunt, & ut leonem excipiant, subulâ se instruunt. Hoc placet? Hoc Religio vestra hodie suadet? At quis adeò ab omni humanitatis sensu est alienus, qui vel solâ recordatione harum rerum non afficiatur? Impius verò sit oportet, cui non doleat pietatem Christianam, & Domini nostri Jesu Christi præcepta fuisse illis ludibrio, qui de nomine ejus adorando propriam sibi appellationem vindicabant. Nec multò minus nova aut minus detestanda doctrina est, de Confessione non detegenda, ne in causâ quidem Majestatis, & præsentis Regis ac Regni periculo, quam Garnettus idem animosissimè defendebat: immò verò cujus gratiâ fabula illa ficta est de Greenwelli Confessione. Nam cò totus hic minus spectabat, ut colorem saltem dicere aliquem Garnettus posset, si quando esset ab ipso quæsitum, cur in tanto Regis & patriæ periculo siluisset. Quia enim nōrat Garnettus, simplices Catholicos, & minimè factiosos consilium proditionis non probaturos; non dubitabat futurum, ut multis daretur occasio secius de Religione Catholica vestra existimandi, & Societatem cum primis Jesuiticam detestandi; si esset evulgatum, ipsum scelere consensisse, & participem omnium fuisse: cum liber erat, summâ semper diligentiam cavit, (sicut ipse in multis suarum scriptionum locis narrat) ne quisquam è populo resciret, suis consiliis proditores uti. Ideò Catisbejus coram aliis rem in abstracto (ut loquuntur) proponit: ideò etiam simulatur Confessio, multaque alia per simulationem geruntur. Postea verò quàm doli omnes patuerunt, observatum est, Garnettum non adeò de vita servanda fuisse sollicitum; ac de damno, quod vestram & Religionem & Societatem non dubitabat accepturas, si semel quæ ipse in hoc negotio & alii Jesuitæ gesserant, palàm essent facta. Ut igitur aliquid haberet, quod apud simplices prætexeret, tuebatur totis ingenii viribus, Sigillum Confessionis ne in tam enormi

1611. enormi quidem prodicione esse violandum; neque ullam posse existere satis justam causam, cur accepta in Confessione ullo pacto indicarentur. Acta narrant, illustrissimum Comitem Nottinghamiæ die quodam Garnettum pro tribunali ita interrogasse: *Si quis mane apud ipsum confiteretur, se die sequenti Regem pugione transfixurum, an putaret rem sibi occulendam?* Garnettum affirmasse, neque aliud quicquam addidisse. Sed in scriptis schedis invenio eundem super hoc ipso interrogatum, plenius responsum dedisse, hoc pacto: *Quod queritur, si in Confessione proditio fuerit detecta, cum presenti periculo Regis & Regni conjuncta, nisi confestim provideatur, quia confitens neque penitentia ullâ tangitur, neque propositum velit mutare, an possit Presbyter eam revelare?* Respondeo: *Non poterit quidem absolvi, qui confitetur; verum sic clavis Ecclesiæ idem se subiciat, tunc obligat Sigillum Confessionis. Tenetur tamen Presbyter omnes rationes mali impediendi tentare.* Quid hic appellat *Clavis Ecclesiæ se subicere?* quum ponatur, confitentem non poenitere, & omnino velle scelus perficere. Nam si Ecclesiæ obsequi paratum se ostendat, poenitebit utique, & ab incepto desisteret. Neque enim cædem, opinor, Ecclesia suadebit; tunc autem nullum periculum. Quare aut ego non capio hoc tam subtile, aut hic Doctor respondere ad propositam questionem astu declinavit. Et esset quidem aliquid, quod hic dicitur de cura diligentissime adhibenda à Presbytero, quo ne malum eveniat: [neque enim confitentem indicari *περὶ γυμνίας*, & simpliciter petimus; sed ut destinato sceleri obviam eatur] nisi constaret certâ experientiâ, Zelotas hodiernos non solum confitentem non indicare, sed etiam scelus ipsum adjuvare potius quàm impedire. Appello testem Garnettum ipsum. Nam hic non è plebe homo; sed Theologus, & Pater Jesuita, quid fecit, quid vel solum tentavit, quò minus execrabilis Conjuratio exitum haberet? Enimverò hoc quoque paradoxum, de Confessionis sigillo, ne in causa quidem Majestatis, & presentissimo periculo Regis & Republicæ non resignando, novum est, & Hildebrandicæ doctrinæ appendix non poenitenda. Dogma esse novum, liquet ex eo, quòd neque in scriptis Prophetarum aut Apostolorum, neque in Patribus antiquis aut præcæ Conciliis, ullum ejus vel tenuissimum vestigium reperitur. Posterius autem esse doctrinâ Hildebrandicâ, claret, quando ejus assertores nullum possunt

laudare auctorem suæ sententiæ, Gregorio VII. non posteriorem. Sanè vetus Ecclesia, quæ summorum Pontificum Manliana in Principes imperia penitus ignorabat, dogmate isto opus non habebat. Hodierna vestra, quæ Imperatores, Reges & Principes cogit in ordinem, & excommunicatos à Papa vult occidi, aut dominationibus suis spoliari, hoc quoque adminiculo per sæpe opus habet. Fateamur alioquin, icitum esse Ecclesiæ vetustum, pietatis & prudentiæ plenum; ne auditam Confessionem liceret Confessariis enunciare. Sed nemo piorum illorum Patrum hoc Ecclesiasticæ disciplinæ præceptum tantâ necessitate sancivit, ut ejus gratiâ *τὴν ἐντολὴν τῆς οἰκίας ἀκούσῃ**, & Legem Dei viventis æternam vellet negari, ridiculis sophismatis vistorum hominum illudi, denique violari. Sciebant, quoties aliquis evenit casus, ut locus sit contentioni officiorum; hinc lege Ecclesiasticâ silentium suadente, inde lege divinâ rumpi exigente; Deo potius parendum esse, quàm hominibus. Sciebant, Davidem laudatum esse à Filio Dei †, ejus est, Legem interpretari, quod tempore necessitatis Panes Propositionis comederit, [quos non erat illi fas comedere, ait Christus,] potius quàm inediâ sese enecaret. Sciebant, Dominum nostrum in Evangelio hypocritarum Phariseorum damnare, cum mandata hominum Legi antepponentes, & miserum populum specie pietatis decipientes, sinebant esse impium, atque ut Christus ait †, labiis Deum honorare; nihil interim curantes, quod cor haberent ab ipso remotissimum. Nunquam igitur pii Patres occidi Reges & Reginas, exsufflari Regiam progeniem, Regnum integrum everti, satius esse pronunciasse, quàm aliquid detegi in Confessione auditum. Nunquam dixissent pii Patres, quod mihi Lutetiæ dixit Binetus, Ordinis vestri Theologus, in Bibliotheca Regis Christianissimi, altero tertiove mense post Henrici Magni cædem, cum de Garnetti supplicio (ipse martyrium vocabat) loqueremur: *Præstaret Reges omnes perire, quàm si vel semel Confessionis Sigillum violaretur.* Et causam simul addens: *Regum enim, ait, imperium, juris humani est; Confessio, juris divini.* Obstupui, fateor, ad hanc vocem,

- - - steteruntque comæ, vox faucibus hæsit.

Qui postquam vestrorum hominum doctrinam lectione accuratâ librorum ab ipsis editorum didici, desii admirationis, & meam imperitiam damnavi. Nil

* Matth. 23: 6.

† Marc. 11: 25.

† Matth. 23: 8.

1611. hil enim mihi ille dixit, quod non alii multi, etsi verbis fortasse non iisdem, docuerint, & quotidie voce scriptisque doceant. Et erat tum Binerus, ut mihi quidem videbatur, recens à lectione Apologiae pro Garnetto; cuius Auctor, Andreas Eudæmono - Joannes, capite XIII. disertè pronunciat: *Nullum tantum posse esse malum, cuius vitandi causa Confessionem prodere liceat.* Et assertit ibi Andreas Auctorem recentiorum tantam catervam, ut nudis eorum nominibus & librorum ab ipsis editorum paginas impleat: *Si prorsus nullum malum potest esse tantum, ut ait Andreas; ergo ne omnium quidem Regum interitus erit tanti, quæ est affirmatio Bineri.* Regum verò imperium esse juris humani, at Confessionem, divini, plerorumque è vestra Schola, & aliorum etiam opinionem esse hodie, quis ignorat aut ambigit? Docet hoc Sanderus, docet Bellarminus, docent alii plurimi. Quare sine causa miratur, & non credere se fingit Apologista, Binerum illa mihi dixisse. Cur miratur dixisse illum, quod ipse dubio procul credit, & tot novi Doctores credi ab omnibus volunt? Dixit vero, dixit illa mihi Binerus, quæ modò retuli, totidem verbis Latine versa. Tettem advoco Deum immortalem, nihil fingere me. Et aderas tu quidem, mi Fronto; sed alià parte Bibliothecæ, in libris Græcorum Patrum evolvendis occupator & remotior, quam ut nostros sermones audire posses; nedum ut ipse mihi ea verba diceret, quod temerè quidam*, nescio unde acceptum, affirmarunt. Si Epistolam super ea re meam ad te, aut alteram ejusdem argumenti ad P. Cottonem, quibus vestris respondebam, totam descripsisset Apologista, nec partem alteram, quæ erat de Bineto, reticuisset, candorem illius laudarem, qui nunc fidem cogor desiderare. Sed ut scias, quam sint hoc tempore multi Scriptores Regibus iniqui, audi novam Theologiam, & seculi perverſi infelicitatem mecum agnosce. Nam ubi semel inter disputantes de Summorum Pontificum potestate super Reges amplificanda, æmulatio est accensa; quo furoris nonnulli in contumeliam Regum sint progressi, dictu mirabile est. Exemplo sit M. Antonius Capellus, Franciscanus conventualis, qui nuper admodum in Italia adversus serenissimum Regem, & reverendissimum Episcopum Eliensem scribens, capite sexto probat, indignos esse Reges, qui Ecclesiis suarum ditionum ullo modo præſint; quos Deus, inquit, in Moise sibi displicere, aperte commanstravit. Et statim: *Ecclesia,*

cum edificatur, de Regibus & Principibus seculi nulla ratio habetur. Huic enim Franciscano, neque Magi Reges fuerunt, neque Abgarus Edessenus; ut de Candace Regina nihil dicam. Tanti facit iste *πατερὰ δαδότης* traditiones. Bene speremus;

Lux fulsit mundo, concedit Roma Gebennæ.

Jocari enim tecum, mi Fronto, lubet, *καὶ παίζω εἰς τὸ εὖ εἰ παίκτης*, quod tuus ille Pater aureus* dicere solet. Postea* *Jean. Chrysostomus, quem edidit Fronto Ducant.* subjicit idem: *Et hi, qui negliguntur, qui respuuntur, erunt Ecclesie Principes?* Vide mihi acumen hominis. Quia Christus, pro sua ἀνέγκειναι prudentia, ad primam Evangelii prædicationem & potentiam Verbi divini rebus ipsis demonstrandam infirma mundi elegit, non autem Romanum Imperatorem, aut nescio quem alium Regem; ergo contemnuntur, negliguntur, respuuntur à Deo Reges. O Logicum eximium! ô disputatorem subtilem! Nam pari ratione aliquis dicat: Dominus noster Jesus Christus in stabilienda initio doctrina Salutaris Nuncii nullo Pontifice Maximo usus est, nullo Episcopo Romano, qui temporali potestate præditum se diceret, sive directè, sive indirectè; qui Reges infra pedes suos poneret; qui Imperatoribus coronas suas pedibus imponeret, pedibus decuteret, ut in Henrico VI. Papam Cælestinum fecisset, probatissimi Auctores scribunt; qui solus Imperator, solus Princeps à suis dici se compellantibus pateretur, quod supra dicebamus, non ita pridem esset factum: ergo Jesus Christus contemnit, negligit, respuit Pontifices, terrenum imperium sibi vindicantes: fallor, aut hæc consequentia illà priore Franciscani nihilo deterior est. Quid? putatne hic Magister, Deum, quando inter alias fastas Abrahamo promissiones hanc ponebat, *fore ut ex semine ejus multi Reges orirentur*, maledictionis loco hoc ei esse pollicitum? qui si Pontifices ibi Regum loco nominasset, gloriam Pontificum procul dubio videretur ivisse auctum. Certè non contempsit Deus Opt. Max. Regem Jacobum, servum suum, quando nefariæ Conjuratæ obscuræ suspitione injecta, nemine tam arcanum mysterium conjecturâ assequi valente; solus ipse extitit, qui rem totam planissimè divinaret. Quod sine Numine factum non esse, & credit Rex serenissimus, quæ est ejus pietas; & omnes, qui viderunt, persuasissimum habent; illi præcipuè, qui futuri alioquin ejusdem exitii (Deus meliora!) cum Majestate ipsius participes, Regi soli secundum Deum salutem

* Notat Anti-Cottonis Auctorem, qui Bineti dictum Frontoni Ducano asseruerat. Colouicf.

2611. tem suam ferunt acceptam. Porro quod diximus de Sigillo Confessionis, ubi Regum aut Regni agitur salus, resignando, non Protestantium duntaxat eam esse sententiam; sed multorum etiam est vestris, aut Juris Canonici Interpretum, aut aliorum, atque imprimis inclytæ Sorbonæ, aut etiam nunc esse, aut olim certè fuisse; quia multi graves Theologi probarunt, & in his nuper D. Episcopus Eliensis * in Tortura Torti ubertim hoc demonstravit, verbum de eo non addam hic amplius.

* Suprà,
pag. 408.

Habes, Fronto eruditissime, de rebus Anglicis, & nominatim de Henrico Garnetto, quæ tua & tuorum interesse ne nesciretis judicavi. Atque ea verissima, & hic omnibus compertissima quum sint; tuum erit jam, pro tua prudentia, æquitate & φιλαληθείᾳ statuere, utrum malis veræ narrationi, quàm ex ore ipsius Regis, Procerum, qui iudicii Garnettiani pars magna fuerunt, Actis Publicis, & Garnetti denique ipsius scriptis autographis hausi, & fideliter exposui, fidem habere: an illi anonymo scripto Apologiæ vestræ, cujus Auctorem, quicquid ferè de iisdem rebus scripsit, vel ex fictis rumoribus, vel ex fallacibus Scriptoribus, aut proditorum, qui evaserunt, sermonibus accepisse, sacramento, si opus sit, non dubitaverim contendere. Nam Garnettum Religionis, non autem immanis Conspirationis causâ poenas dedisse, Zelotæ primùm Angli rumoribus incertis distulerunt; deinde eos rumusculos alii præ magnitudine zeli inconsulti ita ἀσυνείδως & cupidè amplexi sunt & propalarunt; ut quod initio, fatuis duntaxat aut osoribus Regni & Religionis Anglicanæ vix ac ne vix quidem persuaderi poterat, jam ubi fama vires acquisivit cundo, etiam libris ex professo ea super re editis verissimum esse, impudentissimè quidem & facerrimè, sed tamen disputeretur: & Garnettus è manipulo proditorum per hos expunctus, in Martyrum Christi numerum sit transcriptus. Prima, quâ usi sunt Zelotæ isti techna, ut veritatem mendacio obruerent, & de Garnetti supplicio, quæ volebant, hominibus persuaderent, stramentitium nescio quod fuit spicæ miraculum, quod ab impostoribus lepidè excogitatum, etsi parùm venustè à malo pictore concinnatum, mox cum testimonio Joannis cujusdam Wilkinsoni, Angli juvenis, rerum imperiti, superstitiosi, fanatici & deliri publicatum, fidem nihilo secius apud non paucos invenit. Adeò absurda, ridicula, fallax pariter & falli facilis, atque ut uno verbo omnia complectar, veritati

inimica res est zelus iste præposterus. 1611. Propter hanc maximè spicam miraculosam, puto, factum, ut Garnettum recens extinctum plurimi Scriptores, quæ Ordinis vestri, quæ alii, certatim dilaudarent, & martyrium illius obiter in suis libellis celebrarent. Itaque Martinum Del-Rio vestrum, scis qualem virum, non piguit Dionysium Areopagitam, coelestis Hierarchiæ mirificum ἐκκαάστρα, & Henricum Garnettum, ceu par nobile virorum maximorum & invicem ἀντιζών, inter se comparare. Sed neque rumoribus incertis, neque spicæ miraculo, neque etiam scribentium laudationibus, (nam isti quidem tanquam cæci de coloribus, de re sibi penitus ignota, pronunciabant) satis erat factum eorum desideriis, quibus omninò placebat novo Martyre numerum augere Cœlitum. Neque enim ipsos latebat, esse hic Acta, publicâ auctoritate edita, ex quibus liquidò & sine ullo dubio constaret, Garnettum, non ut scelesti quidam deploratæ causæ patroni dixerunt, proditoris aliquo rumore fuisse asperlum; sicut verè atque eleganter adversus Tortum à viro summo scribitur, veritatis voce & vi tabularum, testium, probationum luce, soliditate, pondere convictum, ore proprio, manu propriâ fuisse confessum. Unica igitur restabat consecrandi Garnettum spes & ratio; si Acta illa, per quæ stare consecratio non poterat, infamarentur, & fides eorum convelleretur. Erat hoc quidem ridiculum, & desperatæ vecordiæ inceptum, quod hominem desideraret non usitato more veritati inimicum, naturâ & arte factum ad mentiendum. Sed nihil volentibus difficile. Ne te longis ambagibus morer, post diuturnam inquisitionem ægrè tandem repertus est Andreas nescio quis Eudæmono-Joannes, Jesuita, qui veritatem oppugnare, mendacium stabilire, & veteri Sophistarum instituto, τὴν ἡττοῦ λόγον κρείττω ποιῆν, palam atque alacris susceperet. Benè habet; invenit tandem patella operculum *, ὡς αἰεὶ τὴν ὁμοίαν ἀγχι θύει, ὡς πύ * Ol. B. ἱερὴν. Pseudo-Martyri destinatur patronus, homo Græcus origine, domo Cretensis, professione Rhetorculus. Græcis Veteres multa vitia, (ignoscat mihi natio, aliàs, ut scis, amica; sed nulla suis peculiaribus vitis gens caret) dixerunt esse propria; ingenium leve, vafrum & versipelle, fidem etiam in testimoniis fluxam, aut potius nullam; Cretensibus mendacitatis palmam tribuerunt. Sed mendacitati addit feritatem & malitiam vetus versus, etiam apud Paulum Apostolum: κρητις ἀνὴρ ψεύδεται, κακὰ

* Ol. B.
m. 7.
v. 218.

1611. *κατὰ ἑρπῆα* *. Ille verò Andreas & Græcus & Cretensis est; & hoc amplius, Sophista, sive disertulus Orator. Quid spectarint, qui hūc potissimū dōribus instructum, inter aliquot millia præstantiorum ingeniorum elegerunt, cui hanc provinciam mandarent, neque debet ambigi, neque potest. Rectè enim judicarunt homines solertes & similium negotiorum *τρίγωνος*, ad labefatendam fidem verissimorum Actorum, & Garnetti, rei proditiōis peracti, martyrium asserendum, quas diximus dotes esse aptissimas, atque ad eò omninò necessarias. Græcorum quidem vitia à natura sibi inolita tantò facilius Andreas iste retinuit, quia doctrinam Græcorum, peculiarem olim nobilissimæ illius gentis laudem, parum ut videtur, curavit. Nulla certè in scriptis solidior eruditio apparet; nulla veterum Auctorum, nisi M. Tullii lectio accuratior, ne Historiæ quidem Ecclesiasticæ, aut Patrum, vel institutorum decretorumve priscæ Ecclesiæ, ullam deprehendas saltem tolerabilem in eo viro cognitionem. Græcæ quin etiam linguæ ipsum esse imperitissimum, quæ legi illius, mihi dudum persuaserunt. Neque aliter te quoque judicare confido; si tamen fecisti illa tanti, ut vel obiter aliquando inspiceres. Cretensium verò mentiendi artem quàm probè calleat, quantus sit in illa artifex, & ceteri quidem libri ipsius de rebus Anglicis non obscurè declarant; sed omnium maximè & insignissimè, quæ est ab illo scripta, atque inscripta, *Apologia pro Garnetto*. Hic mendacitatis & impudentiæ vela panduntur; hic obtestationi, maledicentiæ, virulentæ, & harum virtutum matri, calumniæ egregiè litatur. Volo ejus libri gustum aliquem tibi exhibere; sed paucis, ne tua morer tempora. Capite primo negat, mirari quenquam debere, quòd de rebus Anglicis scribere non vereatur; multa enim etiam arcana Regni hujus longo usu didicisse ab Anglis, quibus cum vixit: qui autem fuerint illi Angli, ne verbo quidem significat. Sed dubium non est, Societatis vestræ aut aliarum Sodales fuisse, vel Monachos, qui Romæ, aut alibi in Italia sunt non pauci; nec non perduelles, qui res hic frustra novare conati, ne pœnas proditiōum suarum luerent, Romam ad asyllum commune, [sic multi existimant] confugerunt; ut Tesmundus fecit, sive Greenwellus, & Gerardus; quos nonnulli è Cardinalibus, sicut audivimus, parum amico vultu initia exceperunt. Quis verò non videt, Andreæ nostrum de proposito ipsi ad

scribendum argumento ab illis quidem 1611. prioribus, Scholasticis hominibus, & qui ferè multò antè solum verterant, nihil admodum potuisse discere; à posterioribus verò nihil nisi falsi? Quare siquid illi restat ingenui pudoris, fateatur liberè, quod res ipsa arguit; de Conjuratiōe Pulveraria & Garnetti causâ pleraque ipsum necessariò ignorasse; plura, quæ falsa erant, pro veris credidisse. Capite secundo, ut novam de Æquivocatione doctrinam defendat, quantum illi temporis in captiosa disputatione perit? Nam qui tam multa dicit, quod ad rem faciat, nihil quicquam dicit. Ut præstigiatores, quos psephopæctas olim vocabant, acetabulorum & calculorum subtili transpositione spectantium oculis illudunt; ita ingeniosus hic Cretensis, dum Æquivocationem tuetur, vocis ambiguitate fucum facere Lectoribus conatur. Profert loca nonnulla Scripturæ cum interpretationibus Patrum; quæ ubi legeris, intelliges nihil ex iis posse evinci, nisi hoc duntaxat; non omnia Sacræ Paginæ verba simpliciter accipi debere, ut sonant. Quis nescit? aut quis ignorat, multa occurrere in utroque Fœdere & dicta figurata, & facta *ὑποφωτισμένα*, mysteriorum plena, quæ non sint secundum literam pingui Minervâ accipienda? Scimus etiam multa, sæpe de toto Christo dici, in quo est *ἀπορχύτως ἄλλο καὶ ἄλλο*, ut in sacrosancta Trinitate, *ἀλλο, ἄλλο, ἄλλο*; quæ alteri tantum naturæ propriè convenient, propter illam, quam appellant Theologi, *ἰδιωματῶν κοινωνίαν*. Sed illas sententiarum Theologicas figuras & obscuriores enunciationes, quis veterum Patrum dixit esse Æquivocationes? Quis in illorum locorum explicatione hoc corollarium inde elicit, ut per illa artem mentiendi pejerandique apud Magistratum, qualem antè descripsimus, diceret stabiliri? Perperam igitur putat Andreas, esse hæc Æquivocationis in Verbo Dei exempla. Apologista verò multò magis ridiculè, Christum ipsum quinquies Æquivocatione usum: (si Personium diligenter legisset, poterat numerum ponere multis partibus majorem, hoc est, impietatem suam augere) & adfert hujusmodi exempla; ut cùm Lucæ capite altero, Doctoribus quæstiones proponit solvendas, quasi ignorans; & cùm alio loco velut nescius ficum explorat, an ficus habeat. Non exagitabimus hanc insaniam, quæ summa cum impietate est conjuncta; rogabimus tantum, ut nos doceant, quid loca hæc similia habeant commune cum ea, quam descripsimus, Æquivocatione? Hoc doceat

1611. ceat nos Apologista; & per nos Rex esto. Etiam illud fraudem habet apertam; quod & Andreas iste & ferè omnes, qui de Æquivocatione hac scribunt, multa prius de Romano-Catholica Ecclesia præfatur; quæ, ut ait Eudæmonio-Joannes, *mendacium omne, quamvis leve, quamvis jocosum, quamvis officii humanitatique plenum, abominatur*. Aurea hæc quidem verba sunt, nec minus Ecclesiæ verè Catholicæ, quæ audit columna veritatis, convenientia, quàm praxi quotidianæ multorum Catholicorum è vestris manifestò contraria. Quare aut Garnettianam Æquivocationem isti pro mendacio non habent; quam probavimus, exquisitissimam & *idoneum* esse mentiendi rationem, aut apertissimè, cum ista dicunt, mentiuntur; nisi præstò sit illis, quo suam nuditatem tegant, beneficium Æquivocationis, verè *οὐκ ἔστιν ὀφειλόμενον*. Eodem capite narratam superius de Treshamo historiam non veretur in dubium vocare. Sed quem jam reperiet, qui fatuas ipsius conjecturas non irrideat, postquam illa, quæ antè scripsimus, legerit? Capitis tertii disputatio ita palam falsa est, & toties à magnis viris confutata, ut ipsum Andream sine risu illa non arbitrer scripsisse. Itane vero de Papæ in Principes omnipotentia nihil docent Jesuitæ, quod non pariter defendant omnes Catholici? Diceret, aliquos Catholicos vestros, & verum diceret. Nunc falsum est, Catholicos omnes, sive antiquæ, sive præsentis Ecclesiæ in illo dogmate consentire; falsum est, omnes vestros. Si nescit Andreas, legat Torturam Torti, nec pudeat à tam exquisitæ doctrinæ viro discere, quæ ignorat. Ibi etiam inveniet solidè confutatum, quod eodem capite malis avibus conatur demonstrare: Nihil esse in Religione Catholica, cur metuere Principes debeant. Hoc de hodierna vestra tam falsum est, quàm de antiqua fuit verissimum. Fraudem & illud continet, in excommunicato Rege expressam sententiam necessariam esse, ut nocere illi quisquam jure queat. Nempe hoc eo pertinet, ut horribilis doctrinæ invidiam minuat; & serenissimi Regis fidos Consiliarios reddat omissores. Sed operam miser abutitur suam. Nörunt enim, Zelotas hodiernos sine ullo dubitatione Thomæ assentiri, qui disertè pronunciat, *ipso facto excommunicati subditos esse absolutos à dominio ejus & Juramento Fidelitatis*: quod & alii multi sentiunt. Nörunt, cujusmodi doctrina eo libro doceatur, cui titulus est, *Directorium Inquisitionis*; & quid juris

in Reges, qui vobis sunt Hæretici, 1611. Inquisitores Romani sibi vindicent. Nörunt praxin Zelotarum Ecclesiæ vestræ; & hæret memorix vox Catisbeji: *Quem Papa voluit excludi, eum procul dubio admissum vult detrudi*. Sic etiam de expressa excommunicatione, an sit necessaria, varias esse vestrorum sententias, non ignoramus: sed quid Zelotæ probent, doceant, sequantur, ne id quidem ignoramus. Prophetarum imperium in Reges Judæorum, & jus eos deponendi, de quo capite eodem, profanorum hominum stultum & ridiculum est commentum. Deinde ut ita esset, quid hoc ad Pontificem? Nam Prophetæ quicquid gerebant, expressa Dei jussione gerebant, tanquam illius Ministri extraordinarii. Utinam placeret Papis Prophetarum exemplum; & quoties fulmine suo temporali sævire in aliquem Principem cogitant, vocem Dei, & jussione expressam sibi ducerent expectandam! Piger pergere ulterius; nam ad hoc instar totus liber est compolitus; & vel novæ doctrinæ immanitas cautè dissimulatur, vel Confessiones Garnetri & cæterorum proditorum impudentissimè negantur. Invehitur etiam singulis ferè paginis in virum Regni hujus primum, D. Edoardum Coquum, nunc supremum communium Placitorum Judicem; tempore verò judicii de Conjuratis celebrati, Generalem Fisci Regii Advocatum. Quumque ipse sit mortalium mendacissimus, audet tamen viro in maximis Reipublicæ negotiis spectatissimo, qui in illo judicio nihil propriâ auctoritate gessit; nihil, quod non ab ipso ratio officii exigeret; qui nihil dixit, nihil fecit, quod non quivis alius ex illo virorum illustrissimorum & amplissimorum Confessu fuit dicturus, si partes Regii Advocati sustinuisset; audet, inquam, Cretensis fraterculus, quantus quantus est, totus ex mendaciis constatus, viro tanto mendacium objicere; idque tantâ protervitate & inverecundiâ, ut videatur existimasse, cum aliquo Cretensi sui simili rem sibi esse. Sic lupæ castissimas matronas vocitare lupas amant; merobibæ & multibibæ abstincentissimas quasque, ebrias & remulentas. Sic etiam Procures Regni hujus & Ecclesiæ Anglicanæ moderatissimos Præsules non dubitat idem hic Andreas, ejus libri capite secundo, appellare *homines Catholici sanguinis avidissimos*; sæpeque alibi crudelitatem eis exprobrat, ipse eo elogio dignissimus, ipse crudelissimus, ipse cædium & parricidiorum defensor & auctor teterimus. Nam qui

lanienam

1611. lanienam dilaudat, in plerisque omnibus Galliarum urbibus anno CIO IO LXXII. furore inaudito patratam; hunc quis ambigat cædibus delectari, cædes ispirare, cædes optare, & sanguinem Christianum sitire? Laudat autem Cretensis noster Bartholomæjanum facinus in *Anti-Cotonis Confutatione* capite tertio. Nec enim puduit Theologum, & quidem Jesu imitatore peculiarem, tantæ immanitatis facinus commendare. Non puduit animum suum patefacere, cruoris Christiani avidissimum. Ipsi, qui exoticis consiliis corrupti lanienam illam probarunt, qui imperarunt, mox à patrato facinore, atrocitatem illius & sceleris magnitudinem tum demum intelligentes, ejus consilii auctores sunt detestati, ac poenitentiae suæ certis testimoniis editis, à cædibus perpetuo deinceps abhorrentes, Christianorum sanguini parcere studuerunt. Huic Theologo, huic Jesuitæ semel facta laniena non est satis. Idem in alio libro, quem *Parallelum* * appellavit, filium Henrici IV. Imperatoris laudans, quod in patris mortui cadaver sæviverit; annon clarissimè docet, dirissimum quodque scelus se facile probaturum & laudaturum, quod specie pietatis fuerit admissum? Apage Theologum sanguinarium, & cruoris humani avidum. Non hoc Domini Jesu doctrina suadet; non doctrina Pauli, vetantis malum fieri, ut bonum eveniat; non exempla piorum Patrum. Romæ quid hodie suadeatur, nescimus; ad nuncium infamis lanienæ quid factum sit, quid dictum, scimus; & illorum furorum memoriam ut longa dies aboleat, optamus. Et miraris, mi Fronto, vestram Societatem Regi serenissimo & omnibus prudentibus Politicis esse exosam cane & angue pejus, quæ talia monstra pariat? Avertat verò Deus Opt. Max. talem pestem terris; neque permittat ejus bonitas, ut Principibus Europæ adsint Consilarii huic homini similes; vel potius feræ belluæ, & ut agnoscas germanum Cretensem ex superiore versiculo, κακὸν ὄνελον. Hæc si doctrina est vestra hodie Ecclesiæ Catholicæ, protinus

Exeat illa,

Qui volet esse pius.

Sin pauci mali totum corpus infamant, & scimus ita esse, cur feruntur, cur laudantur isti Alastores, hostes humani generis? Redeo ad Andreæ, cujus ut hoc etiam addam, totus ille liber *Parallelus*, quid aliud est, nisi foetidissima convitiæ & impudentissimorum mendaciorum cloaca? Nam qui ratio-

nibus viri sine controversia maximi, integerrimi, & undequaque doctissimi, respondere non magis posset, quam Pygmæus aliquis aut Thiodamas Lydius Herculi clavam extorquere; ne ad libri conspectum factus esse repente inutus suis *εργεδύκταις* videretur; rationibus calumnias opposuit, argumentis convitia, doctrinæ stupendæ detestandam maledicentiam. Accusat gravissimum Præfulem, quod Terentium & Plautum legerit juvenis in Academiis; nam ex eo tempore, hoc est, ab annis triginta, Plautum vix in manus aliquando meminit sumisse; Terentium ne semel quidem attigit. Si qua igitur veteris lectionis vestigia in scriptis senis venerandi apparent, accuset felicem illius memoriam, & cum Deo, ejus beneficii auctore, expostulet. Sed quid sibi novi Critici volunt, & Andreas iste & Capellus Franciscanus †, qui sty-^{† vii} lum Plautinum vel Terentianum aucto-^{supra. pag. 419.} ri illi objiciunt? Nos, qui Plautum

* non semel legimus; qui Terentium plurimum amare profiteamur, nihil ejusmodi animadvertimus. Nimirum ita est: Capellus, ut fateatur ipse, literarum imperitus, ad sententiam de stylo ferendam planè albâ lineâ est. Andreas verò, in colligendis è Cicerone flosculis hætenus occupatus, quicquid in Tullio non observavit, putat Plautinum esse vel Terentianum. Accusat Præfulem, quod non alienus sit à doctrina Catholice Ecclesiæ in non paucis; & homo amens persuasurum se Regi serenissimo putat, melius se, qui Romæ est, quàm Majestatem ipsius Episcopum nosse, cujus intimi sensus ex quotidiano usu Regi omnes patent. Nos verò hoc scimus & affirmamus; si cetera Ecclesiæ vestræ omnia illi probarentur (quid autem probet, quid improbet, scripta faciunt fidem) vel unicum tamen de Papæ omnipotentia & tyrannide in Reges dogma ita ipsum abominari, ut Ecclesiam, in qua ea doctrina vigeat, pro vera & incorrupta nunquam sit habiturus. Desinat verò Andreas Regi sapientissimo palpum obtrudere, quamdiu Episcopo obtrektabit, cujus innocentiam, integritatem & *παντοῦ ἀπερὸν*, nemo novit melius, nemo prædicat libentius, quàm serenissimus Rex Jacobus, qui judicii maximi Princeps quum sit, quò hæc Cretica techna spectaret, statim animadvertit, & ejus auctorem multis aditantibus, & me quoque præsentem atque audientem, piâ oratione est detestatus. Quare si sapit, ἀλλὰ δὲν βαλάντιον. Rex Jacobus *ὀψιπτεῖς* & sublime volans Aquila est, cui non benè hæc retia tenduntur.

1611. duntur. Si pateretur instituti mei ratio, disertuli hujus vanitatem & mendacia impudentissima spectanda tibi, & quasi manibus palpanda exhiberem. Sed neque mihi id propositum est; & hoc melius præstabant Angli, viri doctissimi, quos scimus in eo suam nunc occupare industriam, ut & Apologiam pro Garnetto, & *Parallelum* veris argumentis confutent; & vestram Societatem doceant, quàm sæpe Cretensis Andreas causam Ecclesiæ vestræ malè agendo prodat, & vobis omnibus odium bonorum conciliet. Mihi fatis erit, indicasse tibi paucis, qualem Garnettus martyrii sui assertorem sit nactus; & quàm erret Apologista, cum *Kepti kepti* fidei habet, cum laudat, & sequitur. Nos in causâ Garnetti, & quæstione hac decidenda, Sitne ipse Martyr, annon censendus; magnum & omni exceptione majorem habemus arbitrum, quem omnibus Cretensibus, omnibus Apologistis, omnibus Zelotis fortiter opponamus; quo nemo liti huic terminandæ magis idoneus inveniri possit, ac ne cogitari quidem. Nam quis de Garnetto melius judicet, quàm ipse Garnettus? Audiamus igitur hominis, mortem meditantis, veram vocem, & de ipso secundum ipsum pronunciemus. Paucis diebus priusquam ultima lux Garnetto illucesceret, venire in Arcem & cubiculum ipsius, ut omnia humanitatis officia ei præstarent, aliquot è præcipuis Regni totius Theologis, unâ cum viro nobili, Arci Præfecto; quos inter hi quoque erant. Doctor Jacobus Montacutus, Decanus Regii Sacelli, nunc Episcopus Bathoniensis & Wellensis; Doctor Neilus, Sacellanus Regius, Regique Oratorii Clericus & Westmonasteriensis Decanus, nunc Episcopus Lichfeldensis, & Doctor Joannes Overalus, Decanus Aedis Paulinæ Londini; doctrinâ, humanitate & pietate viri omnes præstantissimi. Hi unâ cum Garnetto multa quum essent locuti, fortè evenit, ut unus ipsorum quæstionem hanc illi proponeret: Si post supplicium Ecclesia Romana Martyrem ipsum declararet, ecquid factum laudaret, & verum Martyrem futurum se crederet? Tum ille ex alto suspirium trahens, humerosque adducens: *Martyrem me!* inquit; *o qualem Martyrem! Sed neque Ecclesia hoc faciet, & ego Deum oro, ne hujus unquam illi in mentem veniat. Equidem si pro Religione Catholica mortem obirem, neque aliud infelix servissem præter illa, quæ per viam Confessionis scrivi; poteram fortassis honore martyrii non indignus vi-*

deri, & judicium Ecclesiæ promereri. 1611. Nunc ego peccatum agnosco meum, & sententiam, quæ adversus me est pronuntiata, fateor esse justissimam. Deinde iterum atque iterum suspiria ingemigans, & poenitentiae non simulatae signa exhibens: *Utinam*, inquit, *quæ facta sunt, possem infecta reddere! Utinam* quivis alius mihi potius accidisset casus, quàm ut nomen meum proditiōnis infamiâ desurparetur; quod tamen peccatum, etsi gravissimum, per veram poenitentiam spero delendum, & Christum mei miserturum! Ego certè si vel universum Orbem terrarum in potestate mea haberem, universum lubens darem, ut à proditiōnis crimine, quod conscientiae meae impressum est, quodque in elogio meae condemnationis extabit, purus mori possem. Hanc ego historiam, scitu dignissimam, quum à Decano Paulino, antiquæ pietatis viro, Angliæ suæ singulari ornamento, in familiari colloquio didicissem; eademque mihi postea ambo reverendissimi Episcopi, quos interfuisse colloquio ostendimus, narrassent; putavi faciendum, ut illam tecum communicarem. Utinam verò & Andreas Eudæmono-Joannes, & Apologista, & quicumque alii è vestris de rebus Anglicis hæcenus scripserunt, Garnetti exemplo admoniti, errorem suum agnoscere, veritati manus dare, & candidè posthæc velint agere! Utinam seriò tandem aliquando vellent cogitare, quàm fœdam Ecclesiæ Catholicæ notam inurant, qui viam in cœlos per proditiōnes, nefaria facinora, cædes & parricidia docent patere. Egerat Garnettum præcipitem zelus præposterus, ut hanc etiam ipse insaniam insaniret: poenituit, mutavit factum, damnavit, & seriò est detestatus. Laudent vestri poenitentem, & sequantur potius, quàm ut insanientem cum proditoribus per mendacia defendant, & supplicium ex ea causâ passo martyrii coronam induant. Martyrem non poena facit, sed causâ: quum igitur meritas dare se poenas toties ille sit confessus; quæ insania, immò quæ impietas est, pronuciari à vobis eum Martyrem, qui justissimâ se damnatum sententiâ agnovit? Et de his quidem hæcenus. Superest, ut de persecutione vestrorum in hoc Regno, cujus in Epistola tua facis mentionem, pauca responsdeam. Est verò facilis responsio, & ea quidem vera & certa: Nullam fuisse unquam in Anglia, nedum nunc esse, sub Principe tam miti & benigno, vestrorum Catholicorum ex causâ Religionis persecutionem. Nam quum, ut suprà verè dicebamus, nulla hic unquam

1611. quam lex lata fuerit, quæ poenam capitalem vestris ob id solum irrogaret, quod ex formula Romana Catholici essent, qui potuit adversus illos persecutio institui? Quo jure actor nitetur? Quâ Judex lege in eos animadverti juberet? Nulla igitur est, nulla prius fuit Catholicorum Pontificiorum, *persecutio*, persecutio in his regionibus. Quare ego, qui tot jam menses in Anglia hæreo, quum sedulo inquirerem, nunquam vidi, nunquam audiui, quoniam eo nomine fuisse in jus vocatum, nedum capitis periculum subisse, quod de Religione idem vobiscum palam sentiret. Amplius dicam, & verè dicam; *eadem d. Augustinus* noti mihi sunt in urbe Londino nonnulli, quos nemo ignorat è vestris esse, neque ipsi dissimulant, neque propterea minus aut conspiciuntur in publico, aut ad domos aliorum civium liberè minus ventitant. Quænam igitur hæc, rogo te, persecutio est? aut cui dicemus similem ex illis decem, quas B. Augustinus & Orosius observant accidisse, post Christi mortem ad tempora Constantini? Hæc ita esse quum ne ipsi quidem ignorare possitis, restat, ut persecutionem appelletis minus liberam vestrorum rituum celebrationem, & necessitatem præstandi Jusjurandum Fidelitatis. De libertate hoc tantum dicam. Nōrunt omnes Angli, quibus hodie legibus in Anglia vivatur, quas si parum probant, liberum illis sibi consulere & suas fortunas, si ita malint, aliò transferre. Utantur libertate hac suâ, & sibi consulant; at de libertate Religionis ne querantur moneo: periculum enim est, ne querimoniis suis leges excitent, quas Regis clementissimi bonitas penè jam dormire sinit. Metuant igitur, ne irritata patientia in severitatem mutetur, & voluntatem imitandi exempla, quæ in Italia, Hispania atque alibi inter vos quotidie eduntur. De Fidelitatis Juramento, cui occasionem præbuit Pulveraria Conjunctio, & quod ne cui sit fraudi, in potestate est Summi Pontificis, miror, cur querantur Angli Pontificii. Quererentur potius de Cardinale Bellarmino, & nonnullis aliis, qui Paulum V. initio reuwentem (non temerè dico; sed quia magnos auctores habeo) obdurare animum coegerunt; ut quantum hic est vestrorum, perire potius sineret, quàm ut rem æquissimam & justissimam illis permitteret. Quid justius, quàm ut Regi suo subditi fideles se futuros polliceantur? post Conjunctionem præsertim adeò barbaram, adeò immani crudelitate insignem. Oro, quæ-

soque te, mi Fronto, positis affectibus, rem velis paulò accuratius expendere. Respublica, ut scis, domus magna est: Rex in Republica, quod paterfamilias in domo privata. Putasne igitur fore consultum patrifamilias alicui, si in familia sua famulos habeat, de quorum fide erga se non ipsi constet? immò quorum fidem meritò suspèctet? Nemo, opinor, non insanus hoc dixerit; nedum tu, hac probitate vir & doctrinâ. Quamobrem aut Regi Jacobo in Regno suo non licet, quod privato cuivis in sua domo, aut hæc de Juramento Fidelitatis subditorum ipsius querelæ inanes sunt & injustæ. Equidem multos, partim in Gallia, partim in Anglia, Pontificios conveni, multorum scripta legi; qui hoc Jusjurandum non solum æquissimum, verum etiam sanctissimum esse judicant. Quare etiam multi è vestris Catholici, quidam etiam Presbyteri, ipseque adeò Archipresbyter Blackwellus, sine ullo conscientie scrupulo præstiterunt jam illud non inviti, & aliis ut simile facerent, auctores fuerunt. Sunt tamen nonnulli, apud quos plus Bullæ Pontificis & Bellarmini Epistolæ valent, quàm Lex Dei, jus nature & omnium gentium, aut etiam exempla sapientiorum. In hos si lex vim suam exerat, quis locus est querelæ? Et vos, qui persecutionem Catholicorum hoc vocatis, quo jure, quo Verustatis exemplo hoc faciatis, ne ipsi quidem dicere possitis. Nunquam enim factum, nunquam auditum, ut populus aliquis Christianus persecutionem pati se diceret, si legitimo Principi suo Fidelitatis Jusjurandum præstare juberetur. At contra legimus, in Conciliis Anathema pronunciari in eos, qui Sacramentum fidei suæ temerassent, quod pro patriæ statu, vel conservatione Regiæ salutis essent polliciti; eosque ab Ecclesia Catholica effici extraneos declarat Concilium, ut scis, Tolerantum quartum. Adde, quod legis hujus executio ita lentè à Regiis Ministris exercetur, ita molliter & per intervalla, ut vel illud ipsum fidem facere vobis debuerit, invito Rege optimo, dolente ac gemente, fundi sanguinem, si quis fortè aliquando ex ea causâ fundatur. Quàm multis in recusando Juramento obstinatis semel, iterum, sæpius pro graviore poena indictum exilium? Testis sit ille Presbyter Robertius, qui sæpius vitam cum accepisset, donante Rege, & quidem semel perente nomine Regis Christianissimi, Henrici IV. ipsius Legato, viro præstantissimo, D. Fabricio Boderiano; accepisset autem eâ lege atque omine, ut vel in Angliam

1611. gliam rediret nunquam; aut si reverteretur, sciret sine ulla spe veniæ legis poenam sibi fore subeundam, mox contra fidem datam utriusque Regis ministris, viris amplissimis, reversus, & in pervicacia sua etiam confirmator repertus, tandem cum altero ejusdem sententiæ & meriti Presbytero, legi, quam toties violaverat, satisfecit. Hic est ille Robertius, qui nuper à Dominicano quodam isthuc, ut audio, sine suffragiis consecratus, & edito libello verus ac sanctus Martyr est declaratus. Equidem non crederem, hominibus è superstitione insanientibus tantum isthuc licere, ut ejusmodi figmenta impune publicarent; nisi ipse mihi Rex serenissimus eum libellum se vidisse ac legisse confirmasset. Quid? an id ergo agitis, ut omnes, qui ubique gentium sunt, intelligant, viam vos novam in cælum & *χρόν μακάρον* aperuisse per rebellionem erga Principes, perfidiam, cædes, parricidia? At quantò major laus vos maneret, si id potius ageritis, ne illis perire esset necesse, quos ubi perierunt, magni honoris specie, magna cum omnium indignatione, afficitis. Hoc potius curaretis; & infelicitum Anglorum conscientias liberaretis adstrictas vinculis *ἀρχαῖοις*, quæ ipsis Cardinalis Bellarminus magis quàm Pontifex Maximus, nexuit. Agite, probate hoc argumento, non esse vobis Christianorum, fratrum saltem vestrorum, sanguinem vilem. Probate, pertinere ad vos alienas misérias. Probate, veram charitatem & *σπλάγχνα οἰκτιρῆναι* vobis non deesse. Postremo, nolite pati, ut Rex serenissimus, quem ipsi Hæreticum dicitis, & Juliano comparatis, frustra vobis ad humanitatem viam prævisse queat videri; cùm in Monitoria dudum sua non alienum se ab eo fuisse ostendit, ut quo salutis suorum paterno affectu consuleret, quæ in Juramenti formula duriusculè sonare viderentur, ea aut deleret planè, aut benignà interpretatione molliora redderet. O bonitatis admirandæ Principem! cujus sinceram charitatem & *συγκατάθεσιν* si vos quoque imitarentini, fructum vestræ pietatis longè maximum sine controversia Ecclesia Dei ferret. En erit unquam ille dies, cùm vestrorum Præsidium coryphæos, penes quos est summa rerum, hæc pia cogitatio occupabit? Enimverò satis, ah! plus satis studio partium utrinque hætenus est datum. Satis turbatum in Europa excitatum. Non hoc nobis Dominus noster cælum repetiturus dedit mandatum. Pacem ille nobis reliquit, pacem suam. Cur rejicimus? cur jurgia è jur-

giis serimus, & de concordia Ecclesiæ 1611. ne cogitari quidem patimur? Quin potius ad Filium Dei, omnis boni auctorem, totis animi viribus seriò conversi, supplices illum veneremur, ut quam nobis peccata nostra ademerunt Ecclesiæ pacem, ipsius ineffabilis misericordia nobis restituat, restitutam servet, atque in æternum firmam præstet. *τίμιτο, γένετο.* Vale, Fronto Ducæ, Vir eruditissime; & meum hoc de Apologia vestra judicium, ut à sincero affectu est profectum, æquo animo accipe, & in bonam partem interpretare. Tum autem responsi hujus tarditatem occupationibus, valetudini & cupiditati meæ fer acceptam, omnia, quæ hic scripsi, accuratè cognoscendi. *πάλιν αὖ καὶ πάλιν ἱρῶσο.* Data ad Londinum, metropolin Anglorum, a. d. VII. Non. Julii, CIO IO CXI.

EPISTOLA DCCXXXI.

JACOBO AUGUSTO
THUANO.

OMnes, quas ab uxore accipio, li. 1611. teræ, de tua humanitate, quam ipsi præstas, & assiduis officiis certior me faciant. Quod etsi mihi ita gratum accidit, ut gratius nihil queat, percipio tamen in summo gaudio hunc dolorem, quod eo ipso admoneor, à quo & quanto amico sum divulsus. Nam etsi laudare comitatem illorum, inter quos hodie versor, jure possum & debeo, non tamen ita sum amens aut *εὐχθής*, ut Thuanum aliquem me hic fore reperturum autumem. Itaque tui desiderium vix jam ferrem, nisi putarem, *ἐκ ἀγνείας* contigisse quicquid contigit. Illi ego me totum permitto, & divinæ ejus Providentiæ, quæ non dicam, *πλάκεις*, ut est in proverbio de casu; sed semper *καλῶν ἡμῖν βεβλήσται.* Non potest malè nobiscum agi, si ut speramus, Deum consilii hujus auctorem habemus. Cæterum *περὶ τῶ μέλλοντος* scito planè certi constitutum nihil nobis esse, ut qui secundum Deum Opt. Max. à tuis fidelissimis consiliis pendeamus. Quò vehementius peto à te, Vir amplissime, ut nos in clientelam tuam dudum receptos, tuâ curâ digneris, & quæ futura sint ex usu, monere ne graveris. Spero, uxorem cùm adveniet, multa mihi monita atque præcepta esse allaturam. Nos enim, qui patriâ procul absumus, veritatem de plerisque rebus patriæ ignoramus, ac proinde quid porro sit aut sperandum aut metuendum, nescimus. Scito autem, librum *περὶ τὸν φρόντινα* simul ac conva-

lui,

1611. lui, esse absolutum. Habet illum Rex, à quo postquam recepero, videro quid sim acturus, & cum Domino Legato consilium capiam. Serenissimus Rex, audito accepisse te Historiam à se missam, lætus eo nuncio, jussit serio tibi confirmare, omnia esse vera, quæ decem illis libris continentur. Cætera brevi promittit se missurum. Deus te servet, Vir illustrissime, & quicquid tibi charum. *Londini, a. d. v. Eid. Jul. stylo Galliarum, c10 10 cxi.*

EPISTOLA DCCXXXII.

✠ DOMINICO BAUDIO.

1611. **Q**Uando mihi novissimæ tuarum sunt allatæ, præstantissime Baudi, æger eram, & Thorii nostri imperiis obtemperare, non autem literas curare cogebam. Diu enim me tertiana habuit, sanè quàm molesta; in hæc præsertim solitudine, uxore absente & omnibus meis. Venerat quidem uxor mediâ hyeme superiore, ut me inviseret, sed quæ res domi incompuestas reliquisset, Lutetiam ad negotia perficienda reverti est compulsa. Reversam penè detinuit Regina; vetuit certè, redire in Angliam. Sed mox consilium de me revocando aut omissum est, aut intermissum. Hoc potius. Nam etsi serenissimus Rex per Legatos serio de me egit cum Regina; aliud tamen non impetravit, nisi ut rediret uxor, & ego hic aliquamdiu manerem; atque interim maneret mea Bibliotheca Lutetiæ, quod mihi longè acerbissimum est; qui ab optimo Rege nunquam, nisi gemens, sum discessurus; nunquam, nisi vis major compulerit. Clarissimum Heinsum ita credo in literis esse occupatum, ut nostris respondere ei non vacet. Opto & illi, & tibi omnia læta & fausta. Vale. Scripsi raptim. *Londini, a. d. v. Eid. Jul. c10 10 cxi.*

Joannem Meursium, Virum clarissimum, salvere meis verbis ut jubeas, rogo te quæsoque.

EPISTOLA DCCXXXIII.

✠ JANO RUTGERSIO.

1611. **L**iteris, quas à te accepi heri, scriptas ultimâ die mensis prioris, quereris de me, & meum silentium graviter accusas, & *περοφιλῆστέη κεφαλή*. Vellem, si ita Deus voluisset, occasionem non esse mihi datam silendi, vel potius causam justam de tua querimonia querendi. Nam tu ita mecum agis, cha-

rissime Ruggerfi, quasi semper valuerim; qui toto illo ferè tempore & corpore & animo æger fui. Corpus tertiana & *κεφαλαλγία* acriter vexarunt diu: animum cruciavit, & nunc cum maximè cruciat desiderium meorum, & in tam frequente urbe, ubi tam multos amicos habeo, tristis solitudo. Solus enim mihi videor esse, cum ab uxore absum, à liberis & Bibliotheca. Scripsi nuper tibi, conjugem, quia res domi reliquerat incompuestas, coactam fuisse à me discedere, ut negotia nostra Lutetiæ conficeret; ac mox, cum bono Deo, ad me rediret cum liberis & libris. Hæc nostra erant consilia: sed scis, verè scriptum esse: *Homo proponit, Deus disponit*. Illa igitur, ut Lutetiam venit, longè aliam rerum faciem invenit, atque ipsi opinabamur. Quam ubi Regina primum vidit: Opportunè, ait, rediisti; nam ego marito tuo scripsi, ut statim rediret; neque volo, ut ipsa in Angliam revertaris. Hæc & uxori, & mihi valde nova acciderant: sed causam puto me antè tibi significasse. Nam animadverti, à principio versari errorem in meo negotio inter Reginam Galliæ & Regem Magnæ Britanniæ. Hic putat me sibi *ἀπλῶς* concessum: illa ait, ad tempus. De hoc scito, necdum inter eorum Majestates convenire. Itaque urgente serenissimo Rege, mihi quidem facta est facultas manendi hic diutius, & uxori redeundi; sed librorum afferendorum negata illi est potestas. Causa redditur in scriptis ad me literis: Ne semel nactus meam Bibliothecam, patriæ obliviscar. Vide mei statûs incertitudinem; qui nunquam, nisi gemens, ab optimo Regum sum discessurus. Jam detinet uxorem Lutetiæ morbus filiolæ, utrique parentum charissimæ. Nunc judica, habuerim necne, justam silentii causam. Mea isthæc prosectio, ut omnia mea consilia adhuc incerta. Turbas novas esse exortas Lugduni Batavorum, doleo. Ego libellum *κατὰ τὸν Λαϊκόν* absolvi dudum; & Rex habet, qui valde probat. De editione, dum mei erunt Lutetiæ, hæremus. Vale, & festinationi ignosce. *Londini, a. d. v. Eid. Jul. c10 10 cxi.*

Inscriptio.

Ornatissimo doctissimoque Viro,
D. JANO RUTGERSIO, J.C.
amico conjunctissimo,
DORDRECHTUM.

EPISTOLA DCCXXXIV.

DAVIDI HOESCHELIO.

1611. **Q**ui tibi has reddidit, cum de suo discessu ex his locis me certiores fecit, & nunquid vellem rogavit, simul adjecit, se per Belgium iter habiturum, & aliquam in illis locis moram facturum. Itaque veritus, ne gradu plus quam restudineo meæ ad te deferrentur, aliud nihil jam scribere constitui, nisi valere me, Dei Opt. Max. gratiâ; cujus ope nuper è morbo convalui, illo quidem non admodum gravi, [tertiaria quippe erat] sed quem reddebat gravissimum hæc solitudo, quæ me ene- cat. Nam postquam Lutetiâ discessi, à meis absûm; nisi quod uxor mediâ hyeme nuper me invisit, sed mox, quia res domi reliquerat incompolitas, repetere Galliam coacta, ne nunc quidem rediit. Et sunt multe graves causæ, quæ illam detinent. Interim Bibliotheca mihi carendum, & omnibus chartis meis: nihil enim præter Hebræicum Psalterium, & duos aut tres alios libros huc veniens mecum attuli. Itaque conficior macerore, & Chrysostomi lectione assiduâ animum recreo. Sed scribam ad te, & ad nobilissimum Velferum plura eis dies paucos per mercatores, qui Francofurdum sunt ituri. Saluta, nisi grave est, magnum illum virum meis verbis. Vale. Scripsi raptim. *Londini, a. d. xv. Kalend. August.*
CIC ID CXL

De Vita Antonii, quam nuper accepi à te missam, gratias ago, quantas possum, maximas. Perge, Vir clarissime, de literis benè mereri. Ego Deum oro, ut tuis omnibus inceptis benedicat.

EPISTOLA DCCXXXV.

✠ THOMÆ MORTONO.

1611. **E**T si gratissimæ mihi literæ tuæ fuerunt, Vir præstantissime, mallet tamen, si ita rerum tuarum rationes ferrent, te & consuetudine tuâ longè mihi gratissimâ frui, quàm tuarum lectione oblectari. Sed quando tu, uti video *κίχρηας*, & te mihi necessariò carendum; superest, ut *κατὰ δεύτερον πλὴν* tui desiderium frequentia literarum levemus. Ego, qui jam bis à te sum provocatus, mearum partium esse intelligo non cessare, ne tuâ tantâ illâ humanitate possim videri indignus, quam mihi ipsi præsens, absens luculenter præstisti. Unica res est, quæ

me possit, quandiu quidem valebo, red- 1611.
dere omniorum, inopiâ tabellariarum, quibus dem meas. Nam mihi peregrino homini non sunt notæ opportunitates literarum isthuc mittendarum. Dabo tamen operam, ne propter illam causam diligentiae meæ fructus mihi pereat: cupio enim hoc saltem genere officii, quia aliter non possim, testatum tibi facere, suavissime amicorum, quantum me tibi debere sentiam. Utinam tibi intimum pectus meum pateret, scires quanti te facerem, & quàm me tibi gratum probare cupiam. *καὶ ταῦτα μὲν ταῦτα*. Libellum, quem nōsti, paucis diebus absolvi post tuum à nobis discessum. Scis, *τὸ ἄξιμα τὸ λόγῳ ἐστὶν ἑπιστολῆς* sed bene grandis profecto ea Epistola est. Reverendus vir, Dominus Episcopus Eliensis, operâ sui amanuensis uti me voluit, ut quæ properans chartis illeveram, describerentur *eis τὸ κάλλος*, ut Veteres dicebant. Ita liber est descriptus, & serenissimo Regi statim traditus, qui nondum reddidit. Ac licet amici dissuadeant editionem, quia adhuc Lutetiæ sunt uxor, liberi, libri, hoc est, omnes opes meæ, parebo tamen prudentissimi Regis voluntati, & si jusserit, Typographo dudum petenti sine mora tradam. Cur enim metuam, qui Deum à partibus meis habeam? Ego verò conscientia meâ fretus, nihil quicquam timeo, ut qui omnes spes meas habeam in Dei providentia & inenarrabili misericordia collocatas. Neque tamen diffiteor propter illam, quam dixi, causam, eo temperamento esse me usum, ut præter homines *θεοσυγῆς*, adversus quos scribo, jure possit nemo queri. Optarem, ut libellum ipse vidisses, idque magno redimerem; nam, quæ tua est humanitas & doctrina, aut re, aut consilio me juvisses. Si differatur ejus editio, quod volunt reverendissimus Eliensis, & præstantissimus Decanus, hospes meus, conabor efficere, ut aliud exemplar describatur, quod possim ad te mittere. Sin autem accelerabitur editio, non solum mittam ad te unum exemplar, sed etiam per te, ad reverentia omni atque observantia mihi colendum virum, Dominum Episcopum Wintoniensem, quem ex tuis primum & aliorum sermonibus cœpissim venerari, postea è scriptis & familiari colloquio Domini Eliensis sic sum admiratus, ut priusquam *σθεασμώτατον* senem viderim, eximium Angliæ decus me non vidisse sim semper existimaturus. Oro, venerorque *τὸν μονότατον Σωτήρα*, ut & illum, & te, Vir doctissime, Ecclesiæ suæ quàm diutissime servet incolumes. Vale, & me ama.

1611. ama. *Londini, a. d. xv. Kalend. August.*
C15 15 CXI.

Uxor te ex animo salutat per suas ad me literas. Detinuit eam aliquandiu Luteriæ voluntas Reginæ, quæ mei revocandi imperum ceperat; sed hanc mentem Deus & Rex serenissimus fecerunt, ut mutaret: deinde filiarum una nostrarum in morbum incidit gravem & longum. Ea nunc causa est, cur non veniat uxor: at veniet, spero, brevi, cum bono Deo. Non esse te otiosum in illo tuo otio honesto, certò scio. Quid igitur moliaris, scire avco. Iterum vale.

EPISTOLA DCCXXXVI.

JACOBO AUGUSTO
THUANO.

1611. **I**llustrissime Vir, scripsi nuper ad te, renuntiassè me Regi serenissimo, quæ ex tuis didiceram de accepto libro, quem miserat ipsius Majestas. Spero, te post menses oppidò paucos Tomum alterum, qui pertingit usque ad eandem Mariæ, esse habiturum. Nam & Rex id me iussit ad te scribere; & Auëtor ejus Historiæ, vir nobilis Cotton, confirmavit, penè jam ad umbilicum eam partem esse adductam. Tuæ postea partes erunt, postquam omnia consecutus fueris, quæ hinc sperare potes, ita rem temperare, ut neque veritatem prodas, & ostendas tamen habuisse te magni hujus Regis rationem. Is mihi non semel sanctè affirmavit, non permissurum se, ut aliquid hinc ad te mittatur, de quo non constet sibi liquidò, id esse verissimum. Memini tamen eorum, quæ nuper in quadam familiari Epistola scribebas; neque dubito, plus satis fore tibi negotii, ut *εργὴν φρονεῖν* *ὡς* fiat satis. Sed faciliè invenies, quā prudentiā es, *ὅτι τὰν ἀπὸ τῶν πρὸς*. Ego in ea *ἀπορία* incidi, unde nullum video exitum; neque putes, hoc me dicere præ animi mollitiæ, quod meis tam diu caream, quorum desiderium, modò intelligam valere omnes patientissimè, ut si quis alius, fero, & semper feram. At libris meis carere me tam diu, hoc ego nullā ratione pati possum. Itaque dies noctesque angor, dum cogito, quantum mihi temporis pereat, quod melius potuit collocari in perpeliendis tot inceptis, quæ alioquin futura sunt me mortuo *ἡ φάσις βραδὴ*. Utinam potuissèm *ἐργὰν περὶ σου καὶ πρὸς σου*! Non hoc dico, quia de Principe omnium optimo possim ullo pacto conqueri; sed amor literarum & cupiditas perficiendi quæ institueram, miserè me excruciant. Nam dum libris careo, nihil possum. Ita-

que verè *ἀδύνατον ἐστὶν ἐβίβω*. Oro 1611. Deum immortalem, liberet me ab hac anxietate & inopia consilii: non enim statuere possum, quid agere debeam, incertus quàm diu hic sim futurus. Sed de meis rebus brevi plura. Quod superest, te rogo, Præles amplissime, cures hunc fasciculum uxori per aliquem tuorum famulorum reddendum. Ego, sit ipsa in urbe, necne, ignoro. Filium in Navarreno Collegio habitare, didici ab aliis: curarum mearum pars non minima is filius est, qui nisi tuis salutaribus consiliis morigerum se præbuerit, nulla de eo spes mihi reliqua: *ὅ μὴ γένηται*. Veneror Filium Dei, *τὸν Θεὸν Δεσπότην*, Dominum nostrum, ut tibi. Vir illustrissime, omnia læta largiarur. *Londini, a. d. vii. Kalend. August. stylo Liliano, C15 15 CXI.*

EPISTOLA DCCXXXVII.

GEORGIO MICHAELI
LINGELSHEMIO.

Quod tuis serius respondeo, præstantissime Lingelshemi, partim inopiā tabellarii factum, partim occupationibus & morbo, qui me aliquandiu vexavit. Augebat vim morbi agritudo animi propter diurnam solitudinem meam. Solus enim meorum cum parvo filio, qui literis dat operam in Gymnasio Etonensi, in Anglia adhuc sum. Uxorem, postquam omnia ad iter præparasset; morbus filix * longus & * *Anna.* difficilis detinet. Accedit alia calamitas, quod Bibliothecam meam huc transferri, nisi ex parte, Regina Galliarum non patitur; quæ sic me concessisse ait serenissimo Regi, tanquam aliquando repetitura. Ita mihi & libris & chartis carendum meis; quod mortis instar mihi est. Nam quid Commentariis Polybianis fiet, quid aliis tot vigiliarum lucubrationibus? Omnino res meæ ita impeditæ sunt, ut solus Deus illas sit expediturus. Detinent me hic causæ gravissimæ. Rex sapientissimus, cruditissimus, qui suā benevolentiam non vulgari modo nos est amplexus: amicitia & consuetudo cum maximis Theologis, quos hic inveni mei amantissimos: metus, ne artibus Loiolitarum res turbentur in patria. Omitto alias causas istis non leviores. Sed rursus amor inceptorum operum, quæ nulla spes est posse hic perfici, angit me dies noctesque, nisi quod *ἐν ταύτῃ ἀπορίᾳ ἀμνηστῶν* cogitationes meas in Deum rejicio, & illius divinæ Providentiæ me totum permitto. Est hic votum & spes bonorum, posse fieri, ut brevi,

1611. occasione quādam insigni multi huc veniant ex illustri Senatu nostro *, & serenissimi Principis Palatini Consilio. Ego huic publico bonorum voto privatum hoc meum adjicio, ut inter mittendos tu quoque censearis. Qui si huc veneris, & ego tuo colloquio frui potuero, cœlum mihi adeptus videbor. Scripsi nuper de libello à me componendo †; eum seito pridem fuisse Regi maximo traditum; qui nunc quoque in venationibus suis comitem ipsum habere voluit: spero te, cum leges, non improbatum. Vale, nobilissime Vir, & longè præstantissime. Scripsimus raptim, ad Eliam, in suburbano Episcopi Eliensis, qui Torturam Torti ‡ scripsit, & alia; cui viro utinam Ecclesia Dei plures similes haberet Præsules! Iterum vale, & me ama. *Kalend. August. c15 15 CXI.*

† Vide
supra,
Epist.
DCCV.
Intelligit
Epistolam
ad Frontonem
Dumetium.

‡ Vide
supra,
pag. 408.
C. 416.

EPISTOLA DCCXXXVIII.
DAVIDI HOESCHELIO.

1611. Ante mensem unum aut alterum, cum essem in Aula, accepi literas à te exaratas ante annum ferè tertium: nam is, cui tu eas tradideras, per Hispanias, Italiam, & Galliam eas circumtulit; deinde quum in Aula fortè nomen meum audivisset, illas mihi reddidit. Idem cum ad vos redire se diceret, meas tibi, Vir clarissime, adferre voluit; quas spero probè curaturum. Ego postquam huc veni, sæpius ad te scripsi, & de meis rebus certiorum te feci. Ad magnum Vellærum non scripsi, quia de iisdem rebus ubertim scripseram Luteriā discedens; neque ex eo tempore quicquam ab ipso literarum accepi. Quod si meas ipse accepisti, seis in omnibus fecisse me ipsius mentionem pro nostra veteri amicitia. Hoc ideo tibi narro, quia idem vir amplissimus ad Savilium in Angliam scribens, gravissimè de me est conquestus, quasi ex arrogantia & contemptu (ὁ μὴ γέννητο, ὅδ' ἔσται) hoc officium neglexissem. Miratus sum illarum literarum vehementiam, & nonnihil etiam dolui. Spero si dignatus fuerit legere, quæ scripsi, fore, ut aliter de me sentiat. Ego, mi Hoescheli, postquam huc veni, diem nullum à gravi sollicitudine aut curâ liberum habui. Nam quod à meis absim tam diu, quodque libris meis caream, instar mortis hoc mihi est. Uxorem in Gallia morbus filix detinet. Libros nisi ex parte, & quidem ægrè finit Regina augustissima deferri. Planè enim me dimittere sine spe recipiendi non vult. Ita omnia mihi sunt

incerta. Interim perit mihi tempus 1611. omne, & facultas mihi eripitur publicandi meas vigilias, quæ fortasse Reipublicæ literariæ non erant futuræ inutiles. Sed hæc οὐδ' ἐν γένει καίτοι. Tu, doctissime Hoescheli, orna Spartam, quam nactus es, sicut fecisti hætenus felicissimè. Vidi nuper, quæ sunt à te missa, Vitam Antonii, Græcè & Latinè, cum tuis Notis. Vellem omnium veterum Patrum scripta simili diligentia curarentur: sed meliorum illarum literarum mirum quoddam est fatum; nam eorum, ad quos propriè illa cura pertinebat, alii oderunt omnem Antiquitatem, alii sic illam amant, ut de ipsius seria illustratione parum sint solliciti. Hic Chrysostomus à Savilio editur, privatâ impensâ, animo regio. Ejus ferè lectione ærumnas meas levare solco. Utinam isthic existant, qui in simili opere velint tuam industriam occupare. Vale, Vir optime & doctissime. *Londini, in prætorio Episcopi Eliensis, admirandæ doctrinæ & pietatis viri, & mei amantissimi, Kalend. August. c15 15 CXI.*

EPISTOLA DCCXXXIX.
DOMINO OVERALDO, S.Th.D. ✠
DECANO PAULINO.

Vide rerum mearum τὸ ἀδελφαίνον & ἀσπείρον, 1611. *Συμπν*, Vir præstantissime. Nam cum sic à te discesserim, tanquam mox Londinum rediturus, vigesimum jam diem hic hæreo, neque tamen de reditu certi aliquid adhuc habeo constitutum. Putabam omnino, quando huic itineri memet accinxi, fore ut altero tertiove die post meus ἀδελφίδης me sequeretur, ut Academias vestras unâ lustraremus. Itaque discedens mandata reliqueram, quibus ipsum jubebam, simul ac Londinum venisset, ad me velis remis contenderet. Sed me hætenus spem aliquam foventem expectatio illa ad extremum destituit. Nunc postquam ejus spes decollavit, video quid sim facturus. Etsi enim reverendissimus Dominus Episcopus suâ ingenti humanitate me quasi vinculis quibusdam astrictum hic detinet, cogito tamen Londinum proximâ hebdomade, aut ad summum, alterâ, ὅδ' οὐδ' ἔστιν, redire; ut omnia experiar, quo de uxore & meis aliquid resciscam. Accedit & causa alia; quod hic in summa ferculorum & omnium ἐπιτηδεύων copia, librorum subsidio planè destituor: quippe celerem reditum cogitans, vix unum aut alterum mecum attuli. Quod si Dominus Richardsonus & Thomsonus noster suâ copiâ

1611. copiâ meam non sublevassent inopiam, literas, credo, jam πάλως dedidicissem. Multus mihi cum utroque illorum de te sermo, & cum eramus Cantabrigiæ, & postea, cum illi huc ad Dominum Episcopum venissent. Te non esse Londini, ex binis famuli mei literis cognovi, quod tamen secesseris, neque ille significat, neque ego aliundè didici. Opto, Vir præstantissime, ut omnia tibi, lectissimæque fœminæ, Dominae uxori tuæ, lata contingant, & ex animi sententia. Ego quantum tuæ benignitati τῆς σῆς ἐκδοτικαίνης debeam, cogitandi finem nulum facio; neque adeo disputet, quod grati animi nullum adhuc testimonium vobis exhibuerim. Verùm de his, cum bono Deo, alias. Vale, optime viro- rum, & amantissimam salutem Dominae conjugii meis verbis, nisi grave est, nuntia. *Dunaniæ, Non. Augusti, ἡμέρας τῆς ἐνοήτου ἐκκενέας*, CIO IO CXI.

EPISTOLA DCCXL.

JACOBO AUGUSTO
THUANO.

1611. Illustrissime Vir, etsi vereor, ne mearum ἀμέσων literarum frequentia, siquidem illæ isthuc omnes perferuntur, tibi jam incipiat esse molesta; dabit tamen, spero, mihi humanitas singularis tua hanc veniam, ut vel solatii mei causâ liceat te affari in hac mea solitudine, & à meis separatione: quæ res quantum mihi dolorem afferat, nihil necesse est pluribus hoc loco exponere. Ego ut valeat uxor, ut liberi, à duobus ferè mensibus ignoro: à libris autem meis abesse me tam diu, vix sine lacrymis recordari possum. Uxor se partem aliquam librorum missuram, spem fecerat; cujus promissi expectatione quum recreassem me aliquamdiu, nunc eâ spe missâ, nec quid dicam scio, nec quid metuum aut sperem. Certè mea studia non jacent; sed extincta sunt. Quid facerem? γένουτο τὸ ἥλλημα & οὐδὲν. Me in tanto dolore hoc unum aliquo modo solatur, quod sciam, εἰδὲν εἰκὴ εἰδὲν ἀπὸ τῆς ἀνθρώπων φύσεως miseris mortalibus evenire. Quæro avocamenta à sensu doloris, quæ nisi in meditatione de voluntate divina & precibus ad τὴν ἐνὶ πλάτῃ, nulla invenio. Est in hoc Regno admirandæ vir pietatis & doctrinæ. Episcopus Eliensis, & magnus Regis Eleemosynarius. Hic Præsul optimus, & mei amantissimus in hæc loca sui Episcopatus me adduxit, ubi sermonibus cum ipso, & librorum, quos hic nancisci possum, lectione me sustentat. Heri perlegi vitam Melanchthonis, à Camerario scriptam;

eò quidem libentius, quia subinde tui 1611. memoriam ea lectio in animum mihi revocabat. Quæris quomodo? non fanè quòd illarum rerum, quas ipse describit περιγεμίας, aliquid ferè in tuis Historiis legissem; sed quia solet Camerarius in contexenda illa vita omnium doctorum meminisse, qui iisdem florere temporibus; quod etiam à te factum, lætantur boni, improbi dolent. Quas his adjeci, velim, nisi grave est, illustrissime Præses, ad uxorem cures deferendas. Ego pro hac benignitate tua & tot beneficiis, quibus me tibi æternum tenes, obstrictum, debitorem tibi Deum Opt. Max. delego, qui te servet cum illustri fœmina, Domina uxore tua, & quicquid vobis charam. Vale. *Ad Eliam, in ædibus Domini Episcopi, qui te summoperè veneratur, a. d. VI. Eid. Aug. CIO IO CXI.*

EPISTOLA DCCXLI.

EIDEM.

Illustrissime Vir, heri Londinum re-1611. dii ab Elia & Episcopi Eliensi, qui ipsos dies quadraginta & octo me tenuit, & vix tandem discedendi à se potestatem fecit. Est omnino vir ille ejusmodi, quem si notum haberes, vehementer adamares. Dies totos cum illo de Literis, præsertim Sacris, sæpè disferui; neque possum verbis exprimere, quantum probitatis & veræ pietatis in eo Præsule observaverim. Utinam & vestri, & Protestantes ejus ingenii & doctrinæ plures haberent Episcopos! Sperarem ad concordiam fore viam planam & facilem, quæ nunc culpâ hominum non dicam difficilis, sed planè jam patet nulla. τὸ κατ' ἀνθρώπου λόγῳ θεῷ γὰρ πᾶν ἀπὸ τῆς φύσεως. Dum eram Eliæ, ne sederem semper otiosus, regionem lustravi, multaque observavi, quæ cogito, si Deus animum aliquando dederit ad studia tranquillum, integrâ Epistolâ tibi exponere. Ibi etiam alia quædam sum meditatus, quæ ubi prodierint, [si tamen hoc Deus dabit,] spero tibi non ingrata, neque viro optimo & doctissimo, Domino Fabro. Quod miraris, nec dum misisse me isthuc τὴν πρὸς τὸν φρόντινα ἐπιστολήν, scito, Præses amplissime, nullâ id accidisse culpâ meâ; qui ubi primùm tertiana me reliquit, paucissimis diebus ei libello finem imposui, eamque σ. γγραφῇ accuratè descriptam manu Sacellani Domini Episcopi Eliensis, serenissimo Regi tradidi; qui altero ferè mense post Salisberiâ per certum hominem Eliam usque mihi remisit, jubens id agere, ut liber sibi,

1611. sibi, ut quidem scribatur ad me, mirificè probatus, quàm primùm ederetur. Erat animus, & nunc quoque est, tibi & aliis è Procerum Ordine copiam ejus scriptionis facere, ut si quid minus commodè dictum esset, judicio vestro emendaretur: neque enim improbabit, credò, quisquam, me in causâ regiâ liberius aliquanto veritatum, & *φενέων* paritricidiorum auctoribus detraxisse. Hoc si mihi conceditur, nihil erit, spero, quo offendantur *αὐτὸς τῆς ὑμετέρας ἀνδρῶν* sin aliter ipsis placet, ego tamen honesti facti conscientia solabor. Volui, inquam, hoc facere, & cupio etiam nunc, sed me describendi labor terret, qui postquam aliquâ defunctus sum curâ, ægerrimè ad illam redco. Sperabam, Chabanæum venturum, & opus ejus me usurum. Sed vides, Vir maxime, calamitatem meam, qui totum jam annum libris careo, & familiâ meâ; neque tamen certi aliquid habeo, quod de uxoris adventu & librorum mihi spondeam. Itaque angor animi, ac dies noctesque crucior, ut olim Bellerophon *ἐμὸν θυμὸν κατέδωκεν*, & ut Turnus apud Poëtam, amissâ pugnandi facultate, imam sibi optat tellurem dehiscere. Sic ego, quoties subit animum cogitatio meis prioribus inceptis & studiis, vitæ hujus lucem propè jam habeo exosam, vivere enim, cordatis hominibus agere est: ego autem nihil ago, & viro tamen. Quid uxorem jam isthic detineat, non scio, & moram illius incipio mirari, etsi scio, culpam illius nullam esse; mitteret saltem libros, quibus carere diutius, instar mortis mihi est. Finem faciam, si hoc unum addidero, post longam expectationem allatam mihi esse à Domino Cardinali Perronio Epistolam multarum chartarum, & doctè & eleganter scriptam. Eam ubi Regi ostendero, si ejus Majestas jussit, respondendum * mihi fore video: quod si acciderit, enitar ea scribere, quæ bonis partis utriusque sint futura grata, ac ne ipsi quidem *τῷ πόλῳ* Cardinali ingrata: admiror enim virum illum, & colo summoperè. Deus te servet, Præses amplissime, cum universa domo. *Londini, Kalend. Septemb. c15 15 XI.*

* Respon-
det ad eam
v. l. 11.
Novemb.
1612.
Vide infra.

EPISTOLA DCCXLII.

JOANNI LYDIO.

1611. **R**espondebo paucis Epistolæ tuæ, Vir doctissime. Gaudeo, edi à te Opera Clemangis. Benè operam locabis, benè de Ecclesia Dei mereberis. Si ejusmodi scripta pudorem non exprimunt *τοῖς πατριάρχαις*, nā frons illis ærea.

Perge igitur in proposito, & citò nos 1611, bea ejus libri editione. Jure quereris de licentia nostri seculi in proferendis novis subinde dogmatis. Nova & impia sunt, quæ nuper apud vos quidam * de natura Dei ausus est proferre in lucem. Ego librum non legi; sed Rex, qui legit † diligenter, mira mihi narravit & detestanda. Audio tamen, plerisque isthic eum librum probari: credo, quia nova sunt, quæ dicuntur: *φιλόκατοι* enim plerique sunt è nostris; καὶ ἰοφύνας amant. Pelagianismum quòd detestaris, laudo, & ego tecum sentio; sed videndum nobis etiam atque etiam, ne dum hæresim illam vitamus, in Machæismum incidamus, & fatum nescio quod stabiliamus. Denique sic existimo, veterem Ecclesiam, quæ utramque hæresin piè damnavit, non temerè esse pedibus calcandam, quod multi hodie faciunt. Errores Papisticos detestor, si quis alius; sed dum tendimus in contrarium, excedi modum nolim. Miratus sum, displicuisse tibi, viro optimo, mentionem concordiæ in Præfatione Polybiana obiter factam. Quid? ergone optare quidem licebit finem discordiæ? Sed fortasse aliâ mente illa sunt à te scripta. Mihi animus fuit, Regem maximum laudare, quòd conciliatâ civili pace inter cives, visus esset viam patefecisse aliquam ad consensum in negotio Religionis; & ita est omnino. Illud non dixi, probaturum me, si contra doctrinam Sacris Literis comprehensam fieret aliquid. Malo ego dissentire membra Ecclesiæ, quàm in malo consentire. Sed de his, cum voles, plura. Vale; & ad illa, quæ nunc paras, scito nihil tibi sperandum à me auxilii; facturus alioquin, ubi fuerit facultas, tuâ causâ omnia. Scribam Oxonium, ut voto satisciat tuo, & bene sperare te jubeo. Vale iterum, Vir eximie atque optime. *Londini, propriæ die Kalend. Octob. c15 15 CXI.*

EPISTOLA DCCXLIII.

PETRO BERTIO.

Vide quàm benè conjeceris, cum 1611, rem gratam te mihi facturum credidisti, si librum tuum ad me mitteres: nam ego frustra conatus cum reperire Londini, in eo eram, ut precibus eum à te extorquerem. Nonus jam mensis agitur, cum in rustica domo Magnatis cujusdem Diatribam illam tuam ostendit mihi Richardus Thomson, vir doctissimus, & mihi amicissimus; ac licet animi causâ festo die eò diverteram, percurri tamen Dissertationem tuam *in idas*

1611. *ἡδὲ καὶ κεφαλὴς*. Si quæras, quid sentiam, respondebo tibi, Theologum me non esse, & nōsse *ἡμὰ τὰ μύσθη*. Pronuncient igitur, quorum est ea cognitio. Non negabo tamen, ut *τὸ πρῶτον* veteris fidei penitus cognoscam. Capior lectione Patrum; admiror pietatem; novitates non sapiunt palato meo. Tua quæstio pendet ab alia, vel aliis, de quibus video nostros contraria docere antiquis Patribus. Ridiculè faciunt, qui hoc negant. Multa in eam rem haberem, de quibus tecum agerem, si unā essemus, quæ scribere non est è re. Pelagianismum sunt qui fugiunt, quum non animadvertant, se transire in partes Manichæorum palam & manifestò. Fugiamus illa abrupta. Non solum moralis virtus; sed etiam vera pietas posita in medio. Qui deferunt, incidunt in Scyllam, cupientes vitare Charybdim. Ego ita comparatus sum, ut consensus primæ Ecclesiæ magni faciam; illis longè dissimilis, qui sceleratè Cyprianum Anabaptistam vocant; & dum petunt hodiernos Pontificios, veterem Ecclesiam feriunt. Inde igitur novæ quotidie sententiæ; donec eò tandem ventum est, ut Deus negaretur esse infinitus, æternus, omnipotens, futuri gnarus*. Quid miremur? Postquam reverentia sublata est, quæ debetur primis Ecclesiæ Doctoribus, non potest evitari, quin novæ subinde pullulent opiniones *πρωτόδικαι*. Non enim hodie creditur Petro, qui negat *τὴν γραφὴν* esse *ἰδίαν ἑκαστοῦ*. Quoties audiui concionatores, qui dicerent: *Omnia pervia esse; omnia cuiusvis aperta; omnibus potentibus aspirare Spiritum Sanctum?* Audivi Parisiensem Ministrum† centies defendentem hanc thesin: Sacram Scripturam nullā cuiusquam interpretatione opus habere; quod etiam obiter significat in libro *de Eucharistia*. Quum obijcerem periculum ei insanæ sententiæ conjunctum, nihil egi. At quæ hæresis non admittitur, si hæc doctrina admittitur? Talia multa istorum placita sunt, à quibus animus abhorret meus. Liber Richardi Thomsonis ejusdem argumenti cum tuo mihi lectus est. Eum puto jam editum in Germania, & tibi visum. Si meo consilio usus esses, tuum librum ad Præfulem illum non misisses. Is vir summus est, & *ἰσοβίατος* sed, ut multi credunt, alterius sententiæ. De me volo tibi notum esse & persuasum, licet Sacra Paginæ lectioni, quā possum diligentia, incumbam; non tamen id mihi tribuere, ut putem, in summa fidei aliquid vel minimum ingenio meo esse mihi indulgendum. Sed

* *Tacitè caput Contr. Vossianum, cuius defensionem lege Epist. 175. Epist. Eccles. & Theolog. ed. 1684.*

† *Petrus Molinæus.*

de his, cum voles, plura: sit modo certa ratio literas mittendi. De munere tuo gratias ago tibi gratissimas. Vale. *Londini, propriæ Kalend. Octob. 1611.*

EPISTOLA DCCXLIV.
DANIEL HEINSIO.

Utinam, clarissime Vir, possem ex-primere tibi, quantæ voluptati fuerint mihi tuæ literæ, a. d. 111. Jul. scriptæ, quas nudius tertius accepi! Mirabar silentium tuum, & ad cæteras ærumnas meas, quas fero gravissimas, dolebam hunc accessisse cumulum longè molestissimum. Accepi à multis, nihil esse facilius, quàm Londino Lugdunum literas mittere, vel contrā; singulis enim hebdomadibus naves ultrò citròque commeare, eamque esse viam tutissimam. Si ita est, cur silemus? Cur, dum studiosis nostras committimus, alter alterius spem frustramur? Ego feci in istis periculum; quæ, si rectè fuerint curatæ, assidue in scribendo sum futurus, *ἵνα γὰρ ὑπερβῶ ὅ ἐν παντί*. Risi, cum legerem in tuis, me in partes Lolitarum transiisse. Expecta paululum, & videbis, quàm benè mihi cum illis pestibus conveniat. Epistola ad Frontonem mea, iudicio Regis, & Archiepiscopi Cantuariensis, & plurium doctissimorum virorum mirificè probata, docebit meos sycophantas, aliud esse, pietatem veteris Ecclesiæ admirari, abhorre à novitatibus, & optare concordiam in Ecclesia Christi, aliud; perditissimæ factioni sese adungere. Ea Epistola dudum scripta, penè jam edita est. Itaque mittam ad te ejus libri exemplar eis dies paucos, ut spero *ἐν τῇ Κυρίῃ*. Sed, mi Heinsi, quas ego tibi gratias referam, quòd meam exultationem tantà diligentia isthic defendis? At scito, eos mihi maledicere, qui Patres priscæ Ecclesiæ ludibrio habent, imò oderunt cane & angue pejus. Est enim genus hominum, qui se putant solos sapere, solos intelligere S. Scripturam, solos esse Ecclesiam Dei, & illum *ἀδελφόν λαόν*. Isti unius viri, maximi illius quidem; sed errori tamen obnoxii, auctoritate freti, ne pati quidem possunt illorum sanctissimorum Patrum nomina, quorum operâ Deus immortalis olim usus est felicissimâ. Istorum unus est Molinæus, Minister Parisiensis, quem non puduit in quodam scripto suo Beatum Cyprianum appellare Anabaptistam; ut recentis hæreseos infamiâ Martyris Christi memoriam macularet. Quid commemorem aulæ aliorum, similis re-

1611. meritatis plena? Volunt enim isti, Patres fuisse Semi-Paganos, imperitos Scripturarum, fatuos, stultos, bardos, impios. Hinc est, quod errores Papiſticos ita oppugnant, ut ſepiliſſimè per illorum latera jugulum priſcæ Eccleſiæ petant. Mihi hæc laſcivia, aut potius deteſtanda impietas non placet: video enim, illos, dum ſuperſtitionem oppugnant, latam profanationi rerum ſacrarum, & totius Religionis Chriſtianæ fenestram aperire. Clamant igitur, Pontificium eſſe me, qui errores Pontificiorum acrius quàm ipſi faciant, paratus ſim confutare. Eſt verò hæc mea ſententia: quum una ſit futura, atque eſſe poſſit vera Eccleſia, non temerè recedendum eſſe ab iis dogmatis fidei, quæ conſenſu omnium vetus Catholica Eccleſia probat, & quum baſin veræ Religionis præter S. Scripturam τὴν θεόπνευστον nullam agnoſcam, opto cum Melanchthone & Eccleſia Anglicana, per canalem Antiquitatis deduci ad nos dogmata fidei, è fonte Sacræ Scripturæ derivata. Alioquin quis futurus eſt novandi finis? aut φιλοκαίνεῖς ingeniis quod frenum poterit imponi? Poteram & cupiebam multa in hanc ſententiam diſſerere; ſed melius hoc fecero, ſi de certa ratione literas iſthuc mittendi conſtiterit. Equidem magno redimerem, te, ſuaviſſimum mihi caput, videre poſſe, & in tanta varietate opinionum de iſtis rebus ubertim tecum communicare. De me velim credas, etſi omnis mea voluptas eſt & ſola, verſari in lectione Sacræ Scripturæ; nullam tamen inde me hauſiſſe propriam ſententiam, nullam habere, neque unquam, οὐν θεῷ ἰπᾶν, eſſe habiturum. Magni Calvini hæc olim fuit mens, cū ſcriberet Præſationem ſuam in Commentar. Epistolæ ad Romanos: Non debere nos ἐν τοῖς κυριότητις à conſenſu Eccleſiæ recedere. Sequor hunc Ducem; & iſtos novos Doctores, qui negant, Deum eſſe infinitum, æternum, omnipotentem, deteſtor, abominor. καὶ πάντα μὲν ταύτην. Tuam ad Baudium noſtrum lubricationem cupio videre. Si prodiit, beaveris me, ſi eam miſeris, aut de illa accuratius ſcripſeris. Si unà eſſemus, ſymbolam fortasſe ad illud ſcriptum conferrem; niſi tu me dedignaveris συμφράδμονα. Theologi ſunt in Anglia, viri quidam admirandæ & pietatis; ut Episcopus Elienſis, Episcopus Vintonienſis, Decanus Paulinus*, alii. Horum ut quiſque eſt ἰνὸς βίβρατ* καὶ μάλιστα αὐτοὶ πεπαιδευμένοι τὴν γρηγοῖαν παιδείαν, cum ſcito φιλαρχαῖον maximum. Velleſ illos roſſes. Age, veni ad nos; paratum tibi erit cubiculum apud me. Spero enim

* Ἰστὺν
ταὶ Ἰωαν-
νῆς Οὐντα-
λιν, Lich-
feldenſis
preſbiter
Episcopus.
Coliquen

fore, ut interim Dei benignitas uxorem 1611. & liberos mihi reducat; quorum & librorum deliderio τήκομαι πάλας, & lamentabiliter crucior animi. Planè non vivo; ſed ægrè vitam traho; quantumvis maximi Regis & omnium bonorum gratià floream. Sit Deo τῷ πολυελέῳ laus & gloria, qui te ſervet, Vir clariffime. Londini, Non. Octob. ſtyl. Jul. c10 10 cxi.

Theophrastum à te edi audio; ſi optaſſes, communicasſem ſubſidia è MS. nonnulla. Si me amas, & levare cupis dolores meos, reſcribe quàm primùm.

EPISTOLA DCCXLV.

E I D E M.

Scipſi nuper ubertim de rebus meis 1611. Paullò poſt venit uxor cum parte librorum. Ita mea fortunæ diviſæ dividunt animum mihi. Sed de ea re aliàs. Nunc mitto tibi librum, à me ſcriptum adverſus Jeſuitas. Utinam arrideat tibi illa ſcriptio! Utinam exiſtaret iſthic, qui vellet illam edere! Cupio enim hoc exiſtare teſtimonium iudicii mei de illa Societate; quæ ſi mihi fuerit moleſta, adfuturum ſpero, Deum conatibus meis, & vires daturum, ut fortiter veritatem pro virili tuear. Tuum de hoc ſcripto iudicium κατὰ λεπτὸν exſpectabo quàm primùm. Miſiſſem plura exempla D. Baudio, D. Bertio, & aliis, niſi parcere eorum pecuniæ voluiſſem, propter vecturæ caritatem. Tibi non peperci, quia videbaris impenſe eum librum deſiderare. Vale, præſtantiffime Heinſi. Londini, raptim, a.d. xv. Kalend. Novemb. c10 10 cxi.

EPISTOLA DCCXLVI.

FRONTONI DUCÆO.

Quam promiſeram Epistolam, mitto 1611. to ecce tibi, Vir clariffime. Mitto autem editam; non, ut conſtitueram, manu meâ deſcriptam. Hoc non voluntate meâ, ſed jufſu ſereniſſimi Regis, in cujus poteſtate ſum, eſſe factum, ſi mihi ſeriò affirmanti credere non vis, candorem meum utique non nõſti. At ſcit Deus ὁ καρδιογνώστης, hanc fuiſſe & initio, & ſemper mentem mihi. Neque verò te fugit, eos, qui apud Reges vivunt, non ex ſuo pendere arbitrio; ſed alieno. καὶ γὰρ ἐλευθέρῳ μολῶσα, ut ait vetus Poëta, δέλει γίνεσθαι. Quum igitur ea ſcriptio mihi eſſet abſoluta, & Regiæ Majeltati oſtenſa, ſtatim jufſus ſum id agere, ut quàm primùm typis vulgaretur. Deinde, ubi ceſſare

1611. cessare sum visus, iterum atque iterum repetita jussio est, datumque negotium illustrissimo Præsuli, Domino Archiepiscopo Cantuariensi, ut perficeret, quod Rex cupiebat. Ita liber est editus, in quo nihil te reperturum confido, quod queri possis cum aliqua tua injuria esse conjunctum. De re acrius fortasse dictum videbitur; sed cogita rei atrocitatem, & quid sibi velint exitiabilis doctrinæ auctores. Mihi illa scribenti ob oculos semper est versatus Henricus Magnus, cujus carnes est fructus ejus disciplinæ. Apologetici vestri Auctorem prorsus ignoro. Quisquis sit, sibi impuret, si quid inclementius putabit dictum. Nam quare defendit tam perniciosum dogma? Nulla mihi cum vestra Societate privata similtas intercedit. Colo doctos in illa viros: Bonarscios non amo, neque ab illis amari laboro. Si nemo præter te mihi responsurus est, extabit exemplum controversiæ inter amicos modestè agitatæ. Si fuerit Bonarscius, qui tantâ petulantia in me est invecus tot locis, paratum est telum; quod magnâ vi retorqueam. Sed meliora Deus immortalis! Tuam amicitiam cupio mihi manere sartam rectam: manebit autem, si scriptum meum comparaveris cum † * * * & id genus aliis hominum, qui, ut olim Augustinus dicebat, *destruunt aliena melius, quam propria tueantur*. Vale. *Londini, a. d. viii. Kalend. Novemb.* CIO IO CXI.

† Anti-
Catonibus
Theatri
Antichri-
sti, Myse-
rius Inqui-
siti.

EPISTOLA DCCXLVII.

JACOBO AUGUSTO
THUANO.

1611. Illustrissime Vir, librum tibi mitto, sive Epistolam, de qua antea scripsi. Utinam qui rerum isthic porciuntur, ex rei veritate judicent, non ex anticipatis opinionibus! Sed ut nunc vivitur, vercor ne malè omnia interpretentur. Ita mihi dulcissimâ patriâ fuerit cendum. Omen avertat Deus Opt. Max. Si tamen id acciderit, dabo operam, ut exilii mei causam omnes intelligant. Pacis amantissimus, ut spero te nosse, semper fui: si ad defensionem tam justæ causæ arma mihi expedienda, *πίψα-
αις* profectò non ero, neque veritati per meam ignaviam deerit patronus. Utinam tuo, Vir maxime, & præstantissimi Fabri judicio libellus hic approbetur. Vos duo mihi eritis *ἀντὶ μου*. Misisset ad illum exemplar, nisi defuisset cui darem. Plura brevi scribam; nunc occupatissimus sum. Vale, & me ama. *Londini, a. d. viii. Kalend. Novemb.* CIO IO CXI.

EPISTOLA DCCXLVIII.

JOANNI MEURSION.

DAmno utriusque nostrum silentium: 1611. non stabit per me, quin posthac frequentia literarum sarciamus præteriti temporis jacturam. Tua studia magnæ mihi curæ sunt: multa enim à te expecto, quæ ut quàm primum edantur, cupio; teque, ut ita facias, oro quæsoque: Leonem inprimis, quem hic non habeo. Itaque mea in eo genere studia *εἰχέλας*. Tu præstabis, quod nos optavimus. Ego nunc quid agam, docebit te hic libellus, quem ad te mitto, & legi à te cupio. Iterum peto à te, ut mutuam porro exerceamus scriptionem. Vale, doctissime Vir, & mihi *προσφιλέ-
ται*. *Londini, a. d. vi. Kalend. Novemb.* CIO IO CXI.

EPISTOLA DCCXLIX.

DOMINICO BAUDIO. ✕

VIr clarissime, ut scias, quibus in stu- 1611. diis nunc sim, mitto ad te libellum, à me hic scriptum. Argumentum scripti, & *πὶ σκοπῇ*, scio, probabis; *πὴν ἰδίαν τῷ λόγῳ* an sis probaturus, nescio. Ego relictis omnibus meis libris in Gallia, dum subinde Londino in Aulam excurro, hoc assecutus sum, ut videar mihi jam *ἐκτελεσθαι*. Et est quidem pars librorum allata, sed non multum eâ re studia mea sunt sublevata. Omnino rerum mearum rationes mirificè sunt perturbatæ: nondum enim à Regina plenam missionem impetravi. Atque ut ingenuè tibi dicam, etsi supra modum capior humanitate tanti Regis, tamque insignium Præsulum; multa sunt tamen, quæ desiderium patriæ in animo meo excitant: sed nihil magis, quàm amor pristinorum studiorum, quæ hic persequi nullo modo possum. Sed de his aliàs. Te valere, & bene rem gerere, ex animo opto. Vale. *Londini, a. d. vi. Kalend. Novemb.* CIO IO CXI.

EPISTOLA DCCL.

JACOBO AUGUSTO
THUANO.

Illustrissime Præses, beasti me tuis 1611. Epistolis, quibus tamen adhuc respondere non parabam, tertianâ impeditus, quæ magnum mihi affert languorem. Sed venit nunc à serenissimo Rege, qui librum promissæ Historiæ, vel
1112 ejus

1611. ejus partem deferret, ut illum ad te curarem. Simul jussit, ut te verbis suis monerem, atque adeo rogarem etiam atque etiam, huic Historiæ fidem tribueres. Non potes ullâ ratione tuum erga Regem optimum, atque tui amantissimum probare animum, quàm si ejus Majestati in hac re morem gesseris. Exspectabo literas à te de eo argumento, quas ipsi sim indicaturus. Pervenit rumor ad Regis aures, velle Reginam *dominus* me revocare; quod ille statim in contumeliam suam fieri dedit. Suspiciatus est tamen postea, malevolos meos id consilium Reginæ suggestisse, de me, opinor, ne cogitanti quidem. Multa haberem, quæ tibi scriberem, si nunc haberem tempus. Ego sanctè juro, me in potestate Reginæ semper futurum: oraturum tamen, ne velit esse *novis div-*
visioni xpoa. Nam ut illi doctrinæ consentiam, aut desinam detestari, nulla vis me adegerit. Verùm de his aliàs. Quod superest, commendo tibi, Vir illustrissime, non aliquem amicorum meorum, quod sæpe feci; sed uxorem, omnium mearum ærumnarum fidelissimam consortem. Non deerunt illi, scio, doloris causæ, dum isthic erit. Tu, quæso te, faminam, rerum aulicarum rudem, subleva, quod in te erit. Ita Filius Dei viventis tibi benedicat. Vale.
Londini, pridie Kalend. Novemb. c15 15 CXI.

EPISTOLA DCCLI.

✠ THOMÆ MORTONO.

1611. **N**uper cùm in Aulam jussu serenissimi Regis properarem, egi cum Bilio, ut meas ad te curaret, quas ipsi tradebam. Literis duo exemplaria jussi adjungi libri, nuper à me hic editi, quorum alterum servares tibi pignus qualecunque meæ in te observantiæ, alterum reverendissimo Domino Episcopo Wintoniensi meo nomine, nisi tibi aliter videretur, offerres. Itaque miratus sum, cùm tuas ante triduas acciperem, tam negligenter illud negotium à Bilio fuisse curatum. Nunc ut existimo, & ille affirmat, fasciculum illum accepisti. Itaque judicium tuum de illa scriptione expecto, idque ut mihi *me-*
φεν δόμω impertiaris, te rogo. Erunt, qui lenitatem meam accusent, aut nescio quid aliud: ego doctorum & piorum judiciis cognitis, quanti illi faciam, jam re ipsâ ostendam. Quum autem nuper orium suppetiisset scribendi ad reverendissimum Præsulem vestrum, atque uti ingenuè tibi fatear, appellare tantæ dignitatis virum non essem ausus,

nunc postquam ex tuis didici, benevolentiam illius tuâ operâ mihi esse conciliatam, deesse officio meo nolui, & literis meis ipsum affari non dubitavi, sed quod mentionem injicis nescio cuius muneris, rogo te & obtestor, ne oneres verecundiam meam, neve mihi necessitatem imponas subeundi criminis ingrati animi. Nam quid ego de tanto viro aut meritis sum, aut mereri possum? Satis bene actum putabo mecum, si notitiâ & benevolentia suâ indignum me reverendissimus Antistes non judicaverit. Hoc quoque tibi debebo, non meritis meis. Vale, amicorum suavissime atque integerrime. Uxor, tuæ singularis humanitatis memor, te ex animo salutatur, & unâ mecum lara omnia tibi precatur. Vale. *Londini, pridie Kalend. Novemb. c15 15 CXI.*

EPISTOLA DCCLII.

JACOBO AUGUSTO
THUANO.

Illustrissime Vir, accepisti jam, opi-
nor, meam ad *την φερτανα* Epistolam. Ego certè simulac liber fuit editus, quatuor exemplaria in unum fasciculum conjeci, & Præfecto Equorum dispositorum statim tradidi. Audivi, non confestim fuisse eum fasciculum missum, esse tamen missum, seriò affirmat, qui accepit à me, Præfectus. Tuo exemplari tria erant adjecta, duo ad illustrissimæ dignitatis viros, Dominum Cancellarium & Dominum de Villeroy, & tertium ad ipsum Frontonem. Jam igitur ego pendens animi magnâ aviditate exspecto, quis futurus sit ejus scriptæ eventus. Non defunt, qui dicant, omnia isthic *τῆς* Loiolitas posse, quibus facillè sit futurum, & Augustissimam Reginam, & multò magis Regem Christianissimum in me irritare. Omnino igitur futurum, ut gratiâ Majestatis utriusque excidam, & spe omni beneficiorum ab illo fonte manantium. Ego nondum in animum induxi hoc credere, qui tamen velut *ex αἰσίου* paro me ad durissimum quemque nuntium; non minus propterea futurus & Regis, & Reginæ, quos Dei benignitas fervet, humilis & totâ voluntate addictissimus subditus servusque. Hanc mihi mentem, imò hanc pietatem, nemo eripere mihi potest. Fremant, & proscindant conviciis nomen meum, qui volent cunque, nunquam efficient, ut pro salute patriæ suavissimæ, & servitio Regis ac Reginæ vitam ponere non sim paratissimus. Opto petoque à superioris, ut de mei animi integritate constet

1611. Majestatibus ipsorum. Sin aliter even-
rit, (ut sunt res humanæ, præsertim
verò aulicæ) ipsa mihi pro solatio erit
mea conscientia. Putant etiam non-
nulli, atque ego ita credo, existurum
aliquem ex ea Societate Bonarsium,
aut Græculum *p/tege*, qui plaustra con-
victorum in me evomat, & ut Gram-
maticum infelicem exagitet. Id si eve-
nerit, dabimus operam, Deo propi-
tio, ut rebus & veris argumentis ma-
ledicta refellamus. Quicquid futurum
sit, te, magne Thuane, spero ani-
mum erga me non mutaturum, & quo
loco meas isthic res posthæc futuras
prospicias, sine furo & fallaciis expo-
siturum. Omnino, ut verè nuper scri-
bebas, fortunarum mearum hæc erit
quædam *regis*, cujus eventum cò pa-
tientius expectabo, quia spes omnes
meas in Dei immortalis providentia &
bonitate habeo sitas. De responsione
ad illustrissimum Cardinalem ne sis sol-
licitus. Erit, spero, eà modestiâ tem-
perata, ut ipsum illum virum maxi-
mum nihilò propterea minus fore mihi
confidam amicum. Filium meum ut ad
virtutis amorem tuis exhortationibus
accendas, supplex à te contendo. Deus
studiis illius benedicat. Qui te, Vir
amplissime, servet, & omni gerere sua-
rum benedictionum cumulet. Tuas ex-
specto. Vale. *Londini, a. d. vi. Eid. Novemb.* CIO IO CXI.

EPISTOLA DCCLIII.

CAROLO LABBÆO.

1611. Quid silentium excusas, Vir ami-
cissime, est id mihi gratissimum,
atque ego non invitus excusationem
tuam accipio. Scribo tamen, ita esse
planè, uti scripsi, nullas tuarum, quas
ais scripsisse, ad me pervenisse. Nam
ad hanc diem binas, postquam huc ve-
ni, à te accepi. Si lubet tibi, posthæc
erimus officii observantiores. Mihi ni-
hil jucundius accidere potest, quàm ut
veteres amicitias colam, & sanctè, quod
in me erit, foveam. Laudo consilium
à te susceptum, de Historia Regum
nostrorum illustranda. Vellem aliquid
possem conferre. Sed in hoc Regno
nihil adhuc inveni ejus generis: uni-
cam excipio Bibliothecam Nobilis An-
gli, Roberti Cottoni *, ejus notæ li-
bris instructissimam. Invisam illum, est
enim amicus mihi; & sciscitabor, an
possit laudabile propositum tuum adju-
vare? Ego quid hic agam, si cupis
scire, hoc unum respondebo, omnia
priora studia mea funditus interiisse.
Nam maximus Rex & literatissimus

* vide
suprà,
pag. 382.

unico genere literarum sic capitur, ut 1611.
suum & suorum ingenia in illo deti-
neant. Non temerè dies præterit, quo
ad Majestatem illius non adferatur no-
vus aliquis liber, ab aliquo, ut pluri-
mum, Jesuita conscriptus, de marty-
rio Garnetti, aut de suppliciis Catho-
licorum in Anglia, & id genus argu-
mentis. Ejusmodi libri nobis legendi
sunt, & nostrum judicium illi expo-
nendum. Utinam optimum & poten-
tissimum Principem linerent quiescere
diabolicæ doctrinæ propugnatores! Nu-
per jussu Regis quædam in eo genere
scripsi †, quæ ejus Majestati sic sunt † *Epistolam*
probata, ut statim juberet edi. Si sit *ad Erenio-*
cui tradam, mittam ad te unum exem- *um Dm*
plar, ut & tuum & aliorum de ea scri- *caum.*
ptione judicia intelligam. Si aliquis ex-
titerit Amphitheatralis Scriptor, qui
solito furore in me insurgat, expecta
neque furiosum, & acre tamen respon-
sum. Vides, quæ jam me habeant cu-
ræ: *perdidi te & dila- & eis* qui te
servet, doctissime Vir. Vale, & me
ama. *Londini, a. d. vi. Eid. Novemb.*
CIO IO CXI.

EPISTOLA DCCLIV.

DANIELI HEINSIO.

Clarissime Vir, etsi negotiis obruor, 1611.
& nunc valetudo, non possum ta-
men diutius differre, quin tuis proxi-
mis respondeam. Illas dico tuas, XXI. I.
Octob. datas, quæ ante dies ferè quin-
decim mihi sunt redditæ. Casu acci-
derat, ut illa ipsa die juberet me Rex
se Londino proficiscentem sequi. Eò
factum, ut respondere tuæ illi Epistolæ
non statim potuerim; facturus utique,
si causa fontica non intervenisset. Dolui
equidem, auferri mihi facultatem per
litteras tecum colloquendi, saltem ut ex
me scires quàm ingenti lætitiâ sim affe-
ctus tuis legendis: nam de libro à te
misso, cavi satis, ne imperatum iter
ejus lectionem impediret. Abstuli enim
mecum, & quicquid datum est vacui
temporis, in ea lectione & admiratio-
ne tuæ doctrinæ consumpsi. Cæterum
in hoc commodo illud sum consecutus,
quod longè fuit gratissimum, ut abun-
dè suppeteret facultas mentionem de † *Huus*
te faciendi apud Regem sapientissi- *librum*
mum. Aderant tum Episcopi cum alii, *contra*
tùm etiam Eliensis, Auctor Torturæ *Bellarmini*
Torti ‡; vir, mihi crede, pietate, *nam scri-*
probitate & doctrinâ maximus. Et Rex, *psit Lan-*
& hic Episcopus, atque alii, quum *celostus*
partim à me audissent, quæ sine cri- *Andreas*
mine tacere non poteram; partim etiam *Eliensis*
litteras tuas legissent, non solum *primus*
I i i 3 *dein Win-*
toniensis
Episcopus
psit Co. omel.
Quis

1611. *Φωνή* laudarunt te omnes, ut virum doctissimum; sed etiam adamarunt propter singularem, etiam *ἐν τοῖς θεολογούμενοις*, prudentiam & sinceritatem. Bis, ter illa pars Epistolæ tuæ lecta est, quæ *ὑπερφρονῶντα τὴν αὐτὴν ἰσότητά* nuper exortam describebat. Erat omnibus gratissimum, tibi illuxisse *τὴν πρὸς τοὺς ἀλλόθους*. Ne te diutius morer, potes confidere, te & Regi maximo de meliore nota esse commendatum, & à multis antiquæ fidei & pietatis viris hic non mediocriter amari. Ipse D. Archiepiscopus, qui tuas legit, magnam ex illis voluptatem accepit. Eliensis verò Episcopus *, ut te verbis suis salutarem, obnixè rogavit; & quum multi te hic optent videre, maturè stipulatus est à me D. Eliensis, suo te hospitio esse usurum; eà tamen lege & conditione, si tu meas ades fastidieris. Mihi cum illo Præsule quotidiana consuetudo intercedit; atque ille vir mihi in hoc loco magni Thuani desiderium cum oppido paucis aliis lenit: nam & profundà hominis doctrinā capior, & comitas incredibilis in summa dignitate mirificè illum mihi commendavit. Venio ad tuarum principium. Ago tibi gratias, clarissime Heinssi, & longè mihi charissime, quod adversus meos calumniatores firmus semper steteris. Sed, amabò, sine illos latrare quantum volent. Quicquid hostes professi antiquæ Ecclesiæ dicant, *ὁ φῶς & κύριον τῇ ἐμῇ καρδίᾳ ἐκλάνα*, quod Deo propitio dicere liceat impunè. Planè scire te volo, & quòd Jesuitæ me oderint, & quòd isti *καυόδοξοι* ab eodem fonte utrorumque odium proficisci, amore nempe veritatis, quem & hi & illi in me deprehendunt. Non dico, me aliquid sapere eximium *ἐν τοῖς τοῖς τοῖς* illud gratiā Dei verè possum dicere, quum nullam habeam mihi propriam opinionem, id agere me quotidie, ut in S. Scripturæ lectione, & monumentis primæ Ecclesiæ magis magisque proficiam: *οὐδὲ ταῦτα παλαμάσαν* & fremant, quicumque me oderunt; certum mihi, à cursu instituto nunquam revocare gradum, *οὐδὲ τῷ πλουτέω* *Θεῷ*. At reditum in patriam cogito; sic enim ais istos garrere. Magnum verò crimen, si patriam civis amat. Tamen quod isti ajunt de reditu, vellem scire, à quo mea consilia acceperint. Quis hoc illis arcanum indicavit? de quo ne mihi quidem, aut uxori meæ aliquid hactenus inauditum. Ego, mi Heinssi, à teneris annis ita me divinæ Providentiæ regendum permisi, ut totus ab illa pendeam. Deus est, qui me huc adduxit; qui si

* *Lancelotus Andrews.*

planè solutus essem à vinculis, quæ 1611. me Regina Galliarum tenent adstrictum, non dubitarem affirmare, ossa mea in Anglia post obitum meum quiescunt, Deo cœptis meis aspirante. Cæterum super ea re plura scribam, cum ipse plura scivero. Pro libris, à te missis, quas ego tibi gratias agam? quas referam? Sed hujus quidem facultas neque mihi nunc adest, neque fortasse unquam est adfutura. Animum igitur vide, plenum *ὑπερμαρτίας*, plenum admirationis doctrinæ tuæ. Valeant jam tot Interpretes aureoli libelli Aristotelis †: tu solus mentem es affecutus, † *De solus exposuisti.* Legi illam tuam Diatribam diligenter & attentè, non solum quia omnia tua mihi sunt gratissima, sed etiam quia sentiebam eà lectione multum me proficere. Aristarchum verò tuum quando videbimus? Age, libera fidem tuam, & nos bea. Benè verò sit amplissimo viro, D. Honerdo ‡, qui te ad illa scribenda impulit. Miratus sum elegantiam ejus Tragediæ, quam ipse edidit, tu ad me misisti. Quæso, pone me in gratiam apud tantum virum; ut hoc saltem sciat, me præstantem ipsius virtutem & doctrinam atque pietatem summo perè venerari. Epistolam nostram ad Frontonem acceperis necne, scire velim. Nuper Regis jussu aliam Epistolam † scripsimus, quam ut ipse videas, mea non parum interest: occasionem ex ipsa cognosces; argumentum scio piis fore gratissimum. Non potest edi illa Epistola; sed dabo operam, ut descriptam tibi mittam. Notas in Theophrastum meas possem mittere non paucas, si esset ad manum meus codex; qui adhuc Lutetiæ hæret, cum duabus partibus meæ Bibliothecæ. Interim mitto Notas è libris MS. excerptas, & ad exemplar, opinor, Aldinum adnotatas. Utinam meum ipse librum haberem! Memini, magnum Scaligerum patrem in prima periodo *ἀντίων* hallucinatum esse, nisi me fallit mea memoria. Characteres Theophrasti an es additurus? Puto te non prætermisurum. Itaque volo mittere ad te unius, aut alterius loci correctionem elegantem, quæ me fugerunt, cum Notas scribebam. Habeo paratum exemplar, ubi multa adjeci. Multa feci meliora: sed ubi editurus sim, nescio; nam hic frigent meliores literæ. Tuis erant adjunctæ literæ à clarissimo viro, Bertio, & illius Epistolæ inclusa erat alia Dom. Vorstii *. Quæso te, significa illis, non vacasse mihi ipsis respondere. Rex, qui Dom. Vorstii Epistolam vidit, paullo accuratius 1684. jussit

Poetica.

† *Huius Rocho Honerdi, in Suprema Hollandia Cutia Senatori, librum de Constitutione Tragedia dedit, cuius Damiel Heinssi.*

‡ *Ad Cardinalem Porrenium, Colomel.*

* *Tertio illa, quæ exstat n. 175. inter Epistolæ clausas.*

1684.

1611. iussit me respondere. Quod, volente Deo, facturus sum, ubi primum & otium, & meliorem valetudinem fuero nactus. Scripsi enim ista non ἀνύπτως sed ut tecum loquar, etiam morbi possum oblivisci. Deus maximus te servet, & tuis conatibus benedicat. Vale, Vir clarissime, & festinanti calamo & manui infirmæ ignosce. *Londini, die xxvi. Novembris*, ut hic numerantur tempora, CIO IO CXI.

Libellum Notarum, postquam eo fueris usus, velim cures referendum.

EPISTOLA DCCLV.

THEODORO CANTERO.

1611. **E**T voluptatem magnam ex primo aspectu tuarum, venerande Cantere, accepi; & mox ex earundem lectione dolorem longè maximum. Sciveram, aliquid molestiarum tibi esse obortum, nescio ex qua causa: de carcere, exilio, jactura bonorum, nihil adhuc audiveram. Iraque perculit me is nuncius. Atque utinam, Vir optime & amicissime, quantà afficior tuæ calamitatis συμπτῶσις, tantum in me esset virium afflictis rebus tuis opem ferendi; experireris animum meum in amore constantem, & à charitate, quæ verum Christianum χαρακτηρίζει, Dei gratiâ non alienum. Quod me rogas, ut serenissimum Regem appellem, petamque ab ejus Majestate, ut gratiâ suâ apud Ordines te sublevet; id verò ego, rei gestæ penitus ignarus, qui satis commodè possim, non video. Accedit illud incommodum, quod frigusculum quoddam intercedit inter ipsum Regem & Ordines. Videbo tamen, si quid tuâ causâ potero, & ad omnes occasiones ero intentus, ut quibuscunque modis, si non possim commodis tuis consulere, existimationem tamen, quod in me crit, tuear sartam rectam. Non committam modò, ut longiori oratione te consolet; nam & raptim has scribo, statim post tuas letas. Et eâ doctrinâ te scio esse instructum, ut domi tibi nascantur, quæcunque solent aut possunt in eam rem afferri. Instar omnium consolationum esse debet Dei Opt. Max. voluntas; qui suos durius aliquando exercet, quàm ipsi vellent. Omnia tamen piis cedere in bonum, Sacra Pagina docet. Neque possumus dubitare, Deum, qui Pater est, non solum Creator noster, filiis suis optima quæque largiri, et si non suavissima. Oro illum & supplex veneror, te servet, soletur, & in pri-

stinum locum restituat. Vale, Vir clarissime. *Londini, a. d. xv. Kalend. Decemb. CIO IO CXI.*

EPISTOLA DCCLVI.

GEORGIO MICHAELI LINGELSHEMIO.

QUUM mihi significasset Dom. Le 1611. Sieur *, scripturum se isthac, & meas simul curaturum; nolui committere, quin ad te pauca, Vir amplissime, exararem. Scito igitur, tuas, *Kalendis Octobris* datas, nudius quintus mihi esse redditas; easque me summa cum voluptate legisse, & quia læta de te narrabant, & quia tuæ constantiæ in suscepto dudum amore mei testes lulentæ erant. Oro Deum immortalem, ut te quàm diutissimè servet incolumem, tuumque hunc erga me animum velit esse perpetuum. Mihi bonorum, doctorum, & quod supra omnia est, verè piorum amicitia nil quicquam potest accidere jucundius. Te verò, præstantissime Lingelshemi, quanti ipse faciam, & mutuus noster amor quantam mihi jucunditatem afferat, omnes mei familiares nōrunt. Utinam existat occasio, quæ tibi huc veniendi necessitatem imponat †. Scis quid intelligam. Ego multos hic singularis pietatis viros novi, qui id vehementer cupiunt. Verum id *οὐκ ἐστὶν* *μήποτε*. Ex tuis cognovi, de meis studiis sollicitum te esse; quo etiam nomine ago tibi gratias immortalis. Omnino postquam huc veni, priora mea studia jacuerunt. Annum amplius integrum familiam & libros expectavi. Tandem venit uxor, cum liberis, & librorum tertia ferè parte. Totam Bibliothecam meam auferri non permisit Regina: ita partem aliquam habeo; plures desidero, & ferè magis necessarios. Accedit, quod vita, quam nunc vivo, aliis me curis occupatum tenet: plerumque enim Regem sequi cogor, & alia meditari. Editâ nuper est Epistola nostra ad Frontonem, quam dudum misissem, si fuisset, cui darem. Nunc aliud scriptum ‡ absolvi, quod si tuas in manus veniat, gratum erit sine dubio: sed ea scriptio, jussu Regis suscepta, vix edetur. Occasionem & argumentum aliàs tibi exponam. Vale, Vir præstantissime, & me ama, qui te ex animo veneror. *Londini, a. d. v. Kalend. Decemb. CIO IO CXI.*

Leſterius vocatur à G. M. Lingelshemio in Epist. ad Bon. Garſ. n. 127. 132.

† Vide supra. Epist. CCCXXXVIII.

‡ Epist. iam ad Cardinal. Petrum.

EPISTOLA DCCLVII.

JOANNI CASAUBONO,
FILIO.

1611. **F**illi, heri reverso mihi ab Aula mater tui amantissima literas à te reddidit, quas illa quidem pro suo jure aperuerat, sed quia Latine erant scriptæ, parum intellexerat. Dum has illi *καλὴν περὶ τοῦ ποδὸς* è morbo pedis, assidens lego, & de te sermones cum ea habeo, & communibus votis Deum pro tua felicitate, hoc est, pietate & virtute oramus, ecce à cursoribus affertur fasciculus, quem ipsis tradideras mihi asserendum. Etsi immani pretio redimendus fuit mihi ille fasciculus, lætatur sum tamen diligentia tua, cujus adhuc nullum par exemplum edideras: binas enim tuarum, satis copiose scriptas, eodem die me accepisse, gaudeo equidem, teque oro non jam, ut alios; sed ut te ipsum imiteris, & hac in parte sis semper diligentissimus. Me ut vincas diligentia, tibi contendendum erit strenue: nam ego me vinci in eo genere, ne à filio quidem patiar. Faxit *ὁ Θεὸς ἰσχυρὸς* Christus, ut semper occasionem habeas lætam scribendi ad lætos parentes. Quod quereris, non eum honorem esse tibi à me habitum, ut Epistolæ nuper editæ exemplar ad te mitterem, laudo cupiditatem, probò querimoniam: nolo enim aliquid committere, cur possit quisquam existimare, quicquam in rebus humanis secundum matrem tuam mihi esse te carius. Sed debes, fili, hanc opinionem de me sic fovere, ut quicquid eveniat, benignè interpreteris, & semper in partem meliorem. Noli credere, officio meo unquam me, *ὁν ὁ Θεός*, defuturum: tu vide, ne desis tuo. Scripsi verò ad te jam antè, propterea me ad nullum amicorum meorum isthuc exemplaria misisse, ne pro vectura cursores duplum aut triplum exigerent ejus quanti liber potest æstimari. Semel tibi exponam quid gestum sit. Tu, ut me apud amicos tuearis, vide. Quà ferè die ad serenissimum Regem librum misi post absolutam editionem, eadem quatuor exemplaria cursoribus regiis tradidi, inscripta D. D. D. D. Cancellario, Thuano, Villaregio, & Frontoni. Putavi officii mei esse, ut & Magnatibus illis facti rationem redderem; & Frontoni hunc honorem haberem, ut primo illi è privatis omnibus amicis meis mitterem. Postridie quum esset data occasio duorum cursorum, misi unum exemplar ad illustrissimum D. Cardina-

lem Perronium, alterum ad Legatum 1611. serenissimi Regis Magnæ Britannia. Postremo, quia Drovardus significaverat, velle se ejus libri exemplum habere, quod amicis ostenderet, unum illi misi per alium cursorem, parum sollicitus quantum esset pro vectura exacturus. Habes, fili, historiam omnium librorum, quos ad hanc diem in Galliam misi. Volui ad te & amicos mittere; sed puravi expectandam facultatem mittendi sine ulla cujusquam graviore impensa. Hinc excusationem volo te probare, & aliis, quæ dixi, narrare. Venio ad colloquium illud, cui te ais interfuisse. Narras, clarissimum Frontonem & Peleterium cum nobili Anglo, te presente, de illo scripto sententiam tulisse; & quidem Peleterium plenis velis in me esse investum; *Grammaticum* vocasse, stylum damnasse, *virum nullius judicii* appellasse. Primum tibi de Frontone respondebo: si ita ille animatus est, ut doctrinam parricidalem aut palam aut clam probare queat, non mirari debere me, si ei parum probatur ea scriptio, quæ tota adversus Saranicam & novam doctrinam est suscepta. Ego adhuc de illo senti melius. Si non responderet, & veritati assentitur, faciet quod verum Theologum decet. Si taceret ipse, & alios submittit, è re nata consilium sumemus; neque causam Dei aut Principum unquam prodemus. Scribant quicquid voluerint Bonarscii, Gretzeri, Andreæ Græculi, & quicquid est turbonum; non magis movebor, quàm si musca in me involeret. Deus Opt. Max. à me stat; veritas à me stat. Causa Regum agitur, & quidem contra parricidas inauditos; & ego timebo? aut decrit mihi animus? Deus meliora! Peleterii verò judicium non magis reformido quàm par est. Illene me Grammaticum vocat? Ille meum stylum damnat? Asinus, stultus, imperitus, nebulo, vappa; de eo viro sine honoris præfatione loqui non debet, quem scit orbis terrarum (absit verbo invidia) non sine aliqua utilitate publica literas Græcas & Latinas excoluisse. Abeat Peleterius ad lustra & popinas; ibi judicet de forma scortorum, & vini saporibus; de literis abtineat judicare *ὁ Θεὸς ἰσχυρὸς λέγειν*. Taceo quam tota Luteria novit in rebus Religionis indifferentiam, quæ ab Atheismo quot gradibus differat, ipse viderit. Et his notis insignis nebulo de me graves sententias dicet? Ego verò Deo gratias ago, quòd ea scripserim, quæ illi displiceant: bonis sine dubio placebunt, quæ pessimo viro non placent. De stylo

1611. stylo quidem judicare meo adeo non potest, ut priusquam intelligat mea scripta, multi illi anni in Scholis sint ponendi. Si ausus sit in me aliquid, erit unus è meis famulis, qui illum excipiat; ut meretur ipsius detestanda malignitas. A me responsum ne expectet, tuus fortasse cognatus*, aut certe unus famulorum meorum illum depingeret suis coloribus. Tu verò, fili, maledictis impurissimi nebulonis ne movearis. Ut nulla sine crista nascitur galerita, sic nemo aliquam ex his studus gloriam consecutus, quem non comitetur invidia. Scis, fili, meam *μεμνησθῆναι*, qui si quid scio, & non multa sanè scio; sed tamen si quid scio, Deo Opt. Max. id totum fero acceptum. Illi honos, illi laus, illi gloria *eis τοὺς ἀνδράς τῶν αἰώνων. Ἀμήν.* Monco te, fili, abstinere à societate id genus hominum. Novi illum, de quo loquor, intus & in cute: acta, verba ingenium produnt in causa Religionis profanum; neque hoc te potest fugere. O fuge tales, abhorre, odi, ac detestare: sæpe hoc te præsens monui; nunc absens monco, quia est data occasio. Oro Deum immortalem, & quotidie orat pia mater tua, ut tibi adsit, te servet, tibi benedicat. Vale. *Londini, a. d. 17. Kalend. Decemb. C15 15 CXI.*

* Fortè,
Ipsius
Cognatus
Filius.

EPISTOLA DCCLVIII.

HUGONI GROTIUS.

1611. Vir magne, ex quo me Dei voluntas & admiranda providentia in hoc Regnum traduxit, volui sæpe commercium literarum tecum instaurare: nam & amo te dudum sincero affectu, & tuam virtutem pari pietate junctam summopere, pro eo ac debeo, veneror. Sed me hætenus vel otium defecit, vel te dignum argumentum. Quod quidem etiam nunc cum maximè mihi deest: ne tamen perpetuò silerem, usus sum occasione oblata. Nam quum libellum hic ediderim Regis sapientissimi jussu, cujus argumentum scio tibi non improbatum iri, placuit eum ad te mittere, si nihil aliud, saltem ut scires vivere me tui memorem & planè amantem. Rogarem te, ut mutuum facias, nisi certo considerem, fore te in suscepto semel amore mei firmum ac constantem. Deus immortalis te servet. Vale, Vir præstantissime. *Londini, Kalend. Decemb. C15 15 CXI.*

EPISTOLA DCCLIX.

DANIELI HEINSIO.

Vir clarissime, heri prolixas ad te litteras dedi: simul Notas in Theophrastum è MSS. adjeci. Cupio scire an acceperis. Miseram ante aliquot septimanas & tibi, & paucis aliis amicis exemplaria libelli cujusdam, nuper hic à me jussu Regis editi. Etiam ille fasciculus an tibi fuerit redditus, scire aveo. Plura scribendi nunc otium non habeo. Exspecto tuas, valdeque opto, ut sæpe ad me scribas: ut sis diligentissimus, non tamen diligentia me vinces, cum bono Deo; qui te servet, & tuis studiis magis magisque in dies benedicat. Vale. *Londini, a. d. v. Eid. Decemb. C15 15 CXI.*

EPISTOLA DCCLX.

JACOBO AUGUSTO THUANO.

Illustrissime Vir, tuas hodie accepi, 1611. sub finem superioris mensis datas. Beasti me, quod varia hominum judicia de nupero libello significasti. Vir amplissimus, Villaregius, super eo argumento literas scripsit ad me, politice prudentiæ & integritatis plenissimas, prorsusque tanto viro dignissimas. Non malè operam posui: hoc affecutus sum, ut boni intelligerent, adversus impiæ doctrinæ auctores scriptum esse, quicquid ibi est scriptum. Sed me tua Epistola, Vir amplissime, in suspicionem adducit, voluntatem mei revocandi mutatum iri in nonnullorum animis propter illius libelli editionem. Ego verò constitui, cum bono Deo, semel huic hæitationi, quæ pestis est studiorum meorum, finem imponere. Constitui igitur prolixè de ea re tecum proximam Epistolam, *ὅτι τῇ παρασκευῇ ἐστὶν, ἀγερὲ μὲν πρὸς τὰς.* Non possum diutius carere libris, quos isthic habeo: planèque aut mihi ad Bibliothecam meam accedendum; aut, si aliter ferant fata, curandum, quò ne diutius illis caream. Hæc deliberatio difficillima est, & fortasse in mea non est potestate; quasi esset tamen, aperiam tibi meas in utramque partem rationes, & pro tua erga me benevolentia consilium à te petam. Deus Opt. Max. te servet, Vir maxime, cum tuis. Vale. *Londini, a. d. v. Eid. Decemb. quæ nobis hic sunt Kalendæ, C15 15 CXI.*

Epistolam & chartas Rigaltii accepit.
K k k p:

1611. pi: respondebo post alterum tertiumve diem, ut spero. Mensis jam ferè alter est, cum scripta est Epistola ad *πρ* *μύαι* *καρδ.* * sed Rex illam secundò apud se habet, qui longè hinc abest. Epistola de peregrinatione Eliensi † otium expectat, quo hæctenus carui. Nunc iussus sum Vorstio, *καυνοφύνη* Theologo Leidenfi, qui ad me scripsit, respondere. Horret animus ad has *καυνοδοσκαλίας*. Deus nos respiciat.

* Perro-
nim.
† Vide
supra.
Epist.
DCCXLI.

EPISTOLA DCCCLXI.

JOANNI CASAUBONO,
FILIO.

1611. **H**eri accepi à Rege Epistolam ad illustrissimum D. Cardinalem, cum expressâ jussione, ut statim mitterem. Missuro, ut Regis voluntati etiam æger satisfacerem, in ipso articulo asseruntur tuæ literæ longè mihi gratissimæ: quanquam ex iis, quas ad piam matrem scripsisti, didici te parum valere. Doleo, fili, & Deum supplex veneror, ut tibi adsit, te servet, & *ψυχὴν καὶ σῶμα* præstet valentem. Volo cures valetudinem: nolo ulli pecuniæ parcas, quoties postulabit ratio valetudinis. Imprimis Deo Opt. Max. te supplex quotidie commenda, neque obliviscaris disciplinæ domus, in qua es educatus. Per mihi fuit molestum, quod scribis de editione Epistolæ nuperæ isthic curata. O tetrum genus hominum, unius sui lucri studiosum! Quid faciam? Ita vita est hominum; multa ferenda sunt dura & molesta. Sed, obsecro, nōstin? D. Blackvodium, Advocatum, Medici filium? Alter jam ferè mensis est, ex quo ille à nobis discedens, crassum fasciculum à me accepit, cui multæ inerant literæ ad te, & amicos alios. Inerant & piæ matris Epistolæ ad te: inerant & novem aut decem exemplaria ejus Epistolæ. Illa omnia te non accepisse demiror, & stupeo. Quæso te, scribe quid sit factum; nam ego summo perè confido benevolentia Blackvodi. Scribis, Dominum Cancellarium velle me revocare; & hortaris, ut mihi constem, sique in potestate Regis & Reginae. Agnosco, fili, tuam *σεργίαν* *φυσικὴν*: sed vide ne reversum pœniteat. Scis irritatos adversus me omnes Jesuitas, & eorum fautores, ut multi judicent, ab illis mihi esse metuendum. Scis honesto loco me hic esse. Luteriæ quo loco sim futurus, nescis. Tum autem stipendia hic honestissima, ne dicam amplissima, possum consequi. Luteriæ quis status rerum me maneat, quæ fortuna, neque ullâ possum con-

jecturâ assequi. Hæc tibi familiariter 1611. scribo, fili, ut prudenter apud eos te geras, penes quos est mei revocandi potestas. Equidem in potestate Regis & Reginae sum futurus, si ea fuerit Majestatis ipsorum voluntas. Sed cogita tot filias, tot naufragia rei familiaris, & senectutem meam. Ante omnia Deum ora, ut præsit huic negotio. Inquire, quæ sit Procerum voluntas, & statim significa. Narro tibi, mihi tandem ad illustrissimum virum, Dominum Cardinalem Perronium, respon- sionem Regis ad ipsius Epistolam. Ego Regiæ Majestati fui Secretarius. Observa, quæso te, an scriptiōnis modus summi illius Præfulis animum à me alienarit. Certè id cavi, ne ipsum offenderem, & Rex ipse cum ipsius honore totum hoc negotium curavit transigi. Ego nullum in Gallias, aut usquam terrarum mihi exemplar, nisi ad ipsum Dominum Cardinalem: sed Rex sua interesse putavit, ut unum ad suum Legatum mitteret. Aliud nullum est in Gallia, neque futurum est, nisi Rex jussit. Si essem ausus, tibi unum exemplar misissem, & alterum viro illustrissimo, Domino Thuano. Nuper scripsi ad te iratus contra Peleterium, vappam hominem, qui si mihi bilem moverit, saxo pœniteat impudentiæ suæ. Illæ sunt litteræ, quas Blackvodo dedi. Fac quàm primum sciam, quid illis literis & libris sit factum. Scripsi hæc languente manu è morbo: sed cum ad te scribo, finem facere non possum. Scribo autem meam & matris tuæ vicem, quæ sine lacrymis de te nec loqui potest, nec cogitare. Tanta est vis *φυσικῆς σεργίας*. Illa scribet otium nacta, *ἐν ᾧ* qui te, fili, servet, ac spiritu suo regat, & dirigat in viam operum tibi gratorum. Vale. Raptim, die xxviii. Decemb. stylo Gall. 1611. 10 CXL.

EPISTOLA DCCCLXII.

JOANNI LYDIO.

1611. **H**eri tuas accepi, Vir doctissime. Gaudeo, meas priores tibi fuisse redditas; tum autem eas tibi accidisse non ingratas, id quoque gaudeo. Veneror studia Literarum, præsertim Sacrarum, ut si quis alius: quare præstantes earum cognitione viros non ignotos mihi reverenter colere soleo. Scires seriò me hæc dicere, si ulla existeret occasio, per quam animum meum possem tibi probare. Sed quod scribis de serenissimo Rege Magnæ Britannia, non ita se res habet, ut putas: *καὶ*

1611. *ἡ καὶ δὲ.* Neque enim hic admittuntur ad Ecclesiasticas dignitates alii, nisi Angli *αὐτοχθόνες* & est in Anglia Theologorum ingens copia; eo enim fere omnes sua studia referunt. Belgica autem Ecclesia, quæ Londini est, non magis ad curam Regis pertinet, quàm Lugdunensis in Batavia, aut Hagensis. Si in hoc Regnum aliquando veneris, quod equidem vehementer opto, scies quantum inter peregrinas Ecclesias Gallicam & Belgicam intersit & Anglicanam. Hanc, ut suam, Rex *ὑπερέχει* agnoscit, & curat, si opus est: illas ad te pertinere non putat, nisi ut Majestatis suæ præsidio illas protegat. Quare non est, quod putes, Regem ea in parte posse aliquid adjuvare. Videris an aliud sit, in quo operâ meâ uti velis: ego ad omnia sum paratissimus, quæ jussis, si *δυναμίσι* ἢ καὶ πτωχότητι *ἴσθι*. Vale, Vir doctissime. *Londini, a d. v. Eid. Decemb. c. 15 15 cxi.*

EPISTOLA DCCLXIII.

✠ SAMUELI COLLINO.

1611. **I**nspexi, ut petisti, Vir eruditissime, loca à te indicata in Paralello Andree Eudæmono-Joannis, quæ ad nostram Galliam pertinent. Quæris, quid invenerim? Planè *τὸ κατὰ λόγον* imò, quod erat necesse, hominem, videlicet peregrinum in regione ignota errantem, *τὴν ὁδὸν τὴν παρὰ πᾶν ἀμαρτάνοντα* ferri per avia. Neque verò mirum foret aut *ἐπιπίπτειν*, Galliæ res à Græco ignorari; nisi pessimo exemplo & audaciâ intolerabili de iis scribere esset aggressus, quæ penitus erant incognita, pro veris multa ausus tradere, quæ omnes in Gallia pueri sciunt esse falsissima; multa rursus rejicere, ut falsa, quorum veritas sole meridiano fulget clarius. Diceret, opinor, Andreas, non defuisse duces sibi Gallos, quos sit secutus. Credo faciliè duces ipsum habuisse, & quidem Gallos; sed quod res arguit, cæcos, id est, odio partium excecatos. Ut mirari non debeat, evenisse sibi, quod Christus ait in Evangelio, *Cæcus si cæco ducatum præbeat, ambo in foveam cadent.* Hoc paucis demonstramus; nam singula persequi nunc non vacat. Tanquarellum palinodiam cecinisse, quod reverendissimus Episcopus Eliensis scripserat, negat Andreas. Nos contrà affirmamus, qui hoc negare sustineat, vel rerum Galliæ esse imperitissimum, vel impudentissimum. Est enim hoc in Gallia notissimum, publicis monumentis consignatum, & à Scriptoribus fide dignissi-

mis memoriæ proditum. Lege, sodes, 1611. magni Thuani Historiam, quæ mihi jam non est ad manum. Thuanum nomen, quia instar omnium hic unus esse queat. Fuit ejus judicii Auctor præcipuus Christophorus Thuanus, Jacobi Augusti pater, tum Curia Parisiensis Præses; vir summus atque integerrimus; qui licet à Protestantibus semper vixerit alienissimus; doctrinam tamen de temporali Romani Pontificis in omnes potestate, quæ tantoperè hodie urgetur, vehementissimè, quamdiu vixit, est detestatus; & constantissimè eandem, quoties oblata est occasio, oppugnavit. Igitur inter præclara hujus patriæ suæ amantissimi Catonis *πλινύματα*, hoc etiam fuit, quod ipso Præside, Ordo amplissimus Tanquarellum ad palinodiam adegit. Jussit quippe cum Senatus damnare voce suâ, quæ paulò antè in Theſibus scripserat, & contrarium ejus, quod posuerat, verum esse, coram Delegatis à se, multisque aliis audientibus profiteri. Hoc si palinodiam canere non est, velim doceat me Andreas, quid sui Græci *παλινῶδον* appellent. Crimini Tanquarello verum est, quòd contra Libertates Ecclesiæ Gallicanæ, jura Regum Christianissimorum, & *πατριστατικόν* Sorbonæ doctrinam potestatem Romani Pontificis tribuisset. *Principes præceptis suis non obtemperantes, Regno & dignitatibus privandi.* Mirum hoc, credo, videtur Andree, omnipotentis Pontificis vindici acerrimo. Disceat igitur, si nescit, Curia Parisiensis amplissimos Patres à Romanæ Inquisitionis Patribus, in hac gravissima quæstione dissentire, & sententiam planè contrariam tueri. Quis mediocriter rerum peritus ita Historiæ Gallicæ veteris & recentis est rudis, ut illud ignoret? Non commemorabo hoc loco innumera Curia illius gravissima decreta, ex quibus de Senatus sententia potest constare. Unicum atteram exemplum, idque recentissimum, ex quo intelliges, Patres illos sui semper similes, quod adversus Tanquarellum decreverunt, æternam esse legem in simili causa, *ἀπαλλάττω* usurpandam. Obiit non ita pridem Lutetiæ vir quidam admodum eruditus, inter Regios Professores non postremi nominis; qui ante annos quatuor Juris Canonici Doctoratum ambiens, Theſes quædam in ea disciplina scripsit, & pro recepto in Scholis more, typis exprimendas curavit, atque amicis dividendas dedit; inter alios & mihi. Eas Theſes quum Doctores nonnulli è Schola Sorbonæ legissent, & perniciosæ doctrinæ de temporali Pa-

1611. pæ potestate aliquid in eis deprehendissent, Senatum ejus rei certiores fecerunt. Erat ille vir bonis omnibus charus propter eruditionem, & eum, quem in Parisiensi Academia obtinebat, locum, nihilò tamen minus dies illi dicta, & decreto Ordinis amplissimi, Theses, quas paraverat, ut suæ in ea disciplina peritiæ specimen publicè daret, damnatæ sunt atque abolitæ. Neque profuit illi quicquam, quod illustrissimo cuidam Cardinali tyrocinium illud suum inscripserat, & accuratè scriptâ Epistolâ nuncupaverat. Enimvero si quis scire aveat, quid Senatus Parisiensis, quid Theologi alique viri moderati Lutetiæ super doctrina illa sentiant, legat Orationes paucos ante menses in Curia habitas, cum à Rectore magnifico Academiæ, Petro Hardivillierio; tum ab ejusdem Academiæ in causâ adversus Jesuitas patrono Martilierio, viro eruditissimo & facundissimo. Exitus celeberrimi illius judicii, & controversiæ inter Academiam & Patres Societatis Jesu fuit hic. Cautum est Senatusconsulto, ne fas esset Jesuitis, aut privatim, aut publicè, prius docere, quàm præcipuis doctrinæ illius exhibitis capitibus quatuor renunciassent. Paulo post, quum Richerius, Doctor & Syndicus Sorbonæ, de Ecclesiastica & Politica Potestate librum, à se scriptum, publicasset, quo videbatur Romanus Pontifex in ordinem cogi; effecit quidam Nuntius Papæ precibus suis & instantiæ vehementiâ, ut Censuræ liber editus subjiceretur: sed ut privilegiis Ecclesiæ Gallicanæ, quorum vel nomen ipsum Romanis bilem ciert, ulla in re derogaretur, id verò efficere Nuntius non potuit. Exstat Censura illa, à Cardinali Perronio & paucis Episcopis edita; ubi hanc clausulam reperies: *Sic libellum illum à se damnari, ut tamen velint Regum Christianissimorum jura & Ecclesiæ Gallicanæ manere intacta.* Quà paucorum verborum exceptione omnium illud de temporali Pontificis in omnes potestate respuitur penitus, arque exploditur. Eat igitur Andreas, & imperitis rerum Gallicæ persuadeat, vel Sorbonam, vel Curiam Parisiensem de quæstione illa idem cum Romani Pontificis adulatoribus, Principum suorum perduellibus, sentire. Porro qui sensus est & judicium Parisiensis Senatûs, idem est omnium Senatorum, qui in cæteris Regni Curii (*Parlamenta* dicimus) sedent ad clavum. Falsum verò est, quod scribit Andreas, Senatum Parisiensem ex hominibus esse compositum, Civilis quidem Juris peritis, sed Canonici ne-

scientibus. Ignorat videlicet hic Cre-
1611. tensis, è duobus generibus Senatorum constare amplissimum Ordinem; alteri sunt & dicuntur Consiliarii Laici; alteri audiunt Consiliarii Clerici; è quorum numero sunt quidam Abbates, alii Decani, plurimi Canonici, aut aliis dignitatibus Ecclesiasticis ornati. Quin ex ordine Episcoporum non pauci, jus veniendi in Curiam, & inter Senatores primarios sedendi, Regni legibus habent. Non minus ridiculum est, quod de Jacobo Florentino & Thoma Blancio subjicit Andreas; qui vir bonus omnia Papæ tributa quum cupiat, Regibus & Principibus omnia adempta, *παραστρέφει* Episcopum ferre non potest, verè & ex fide ea describentem, quæ docti piique Galli ex Actis publicis verè item & ex fide transcripta in libros suos retulerunt. Id genus Historiæ, quia Andream & Andreæ consecratos urunt, falsæ omnes sunt Zelandis quidem. Hildebrandicæ enim doctrinæ assertoribus unica veri & falsi, justi atque injusti norma est, unicus lapis Lydius, Papas extollere, Principes deprimere. Ex isto genere hominum est Richeomus, (quem hic laudat Andreas) professione Jesuita, zeli fervore etiam præ ferventissimis Sociis insignis, quod & alia quidem ejus scripta ostendunt; sed eximiè quæ adversus Arnaldum effutit, celeberrimi nominis Advocatum, cognitione rerum forensium præstantissimum. Ejus farina homines sunt, qui in rebus Gallicis Cretenfi tuo bucatum præxuerunt; non propter naturæ vitium, sed propter *επίπασσιν τυφλότητα* ex φιλαυδίας *εδηγὰ τυφλοὶ τυφλῶ.* Sed processit oratio longius quàm putabam. Finem igitur Epistolæ huic imponam. Respondebo ad cætera tua *ἕτερά* alio tempore, *ὅτε τῇ ἐπὶ πᾶσι,* qui te servet, Vir eruditissime. Vale.
Londini, a. d. xvii. Kalend. Jan. c. 15
15 cxii.

EPISTOLA DCCLXIV.

DANIELI HEINSIO.

A Micus hic meus, hi hæc tibi red-
1611. didit, ad vos profecturus rogavit, nunquid vellem. Ego vero garrire tecum per literas nunc quoque, ut semper, cupiebam; sed enecant me occupatissimum negotia à serenissimo Rege imperata. Accidit verò percommode, ut manum calamo admoturus, quò hæc tibi scriberem, tuas acciperem, tradente mercatore Belgâ, viro honestissimo, qui suam operam in literis mittendis prolixè obtulit. Erat cum ipso Minister

1611. *ster Ecclesiæ Belgicæ, hic coactæ, vir mihi amicissimus. Hæc propterea dico, ut eam viam porro insistas, quam nuper es ingressus, tuas ad me mittendi. Ego ante dies quindecim tradidi eidem Ministro fasciculum tibi inscriptum, ubi erant literæ raptim exaratae, & libellus Notarum in Aristotelem & Theophrastum è libris MSS. Cupio ex te scire, an illa acceperis. Ac nunc quidem plura non possum: mox nactus plusculum otii, literas ad te exarabo, quæ utramque manum impleant. Amicum hunc meum, virum probum & eruditum, tibi & cæteris, qui me isthic amant, cupio esse commendatum. Deus immortalis te servet. Clarissimum virum, Dominum Baudium, & cæteros amicos saluta. Vale. Londini, a. d. xiv. Kalend. Januar. c13 13 cx11.*

EPISTOLA DCCLXV.
JACOBO GILLOTTO.

1611. *Æ* Ger crām & κληίρη, cum tuas accepi, Vir præstantissime: sed cum eas legissem, statim exilui ἐκ τῶν σφραγιδῶν, ut hæc ad te exararem. Pupugit enim me acerrimè, quod scribis de Epistola, privatim ad Frontonem scripta*; quam ipse in aliam partem rapit, quàm fuit à me scripta. Eam Epistolam ad te mitto. Videbis, propositum mihi fuisse, lenire ejus indignationem propter editionem: ille interpretatur, me invitum ad ea scribenda esse compulsus, & de tyrannide optimi Principum queri: ὁ γέννηματα τῶν ἐχθρῶν! ὁ gentem viperinam! Eo tempore fuit uxor mea cum liberis & libris Lutetiae. Constitueram igitur, ne pelles illas irritarem, scriptam Epistolam meâ manu ad Frontonem mittere. Maximo Regi aliter visum est. Jussit edi. Parui jubenti, & de editione me excusavi. Nam ego aliquoties scripseram ad Frontonem, me Epistolam illam misurum manu meâ descriptam. Quid peccavi, nisi hoc unum, quod fidem habui ei viro, quem putavi non malum, & mihi amicum? Hoc peccatum meum est, & quidem, ut video, gravissimum. Benè est, quod ab hoc errore sum liberatus. At ille tantum scelus non feret impunè; & quoniam clamat locum è veteri Poëta obiter usurparum, revocabo illi in memoriam, quæ in illis tribus abominandis Orationibus tribuuntur Lololæ per summam impietatem & inauditam impudentiam. Spero, me faciliè apud bonos assecuturum, ut mihi potius credant de animo meo, quàm sycophantis improbissimis. Ego

* *Ex est, que exstas supra, n. DCCLXVI.*

statim post tuas acceptas exemplum illius Epistolæ privatæ ad Frontonem misi†, & rem illi exposui, neque veror, ejus Majestatem magis magisque detestaturam fraudem illam hominum. Scivi, cum illas scripsi, non quieturos Jesuitas: sed molitionibus ipsorum oppono bonæ conscientiae clypeum, & paratum animum respondendi ad omnia, quæ digna responsione aut Rex serenissimus, aut alii amici graves judicaverint. Quare de Epistola illa ad Frontonem expecta brevi plura, σὺν τῷ Θεῷ πολυελπίς. Vale, Vir amplissime, & me ama, meamque innocentiam adversus calumniatores importunos protege. Londini, a. d. viii. Kalend. Januar. c13 13 cx11. raptim.

Peto à te, ut hanc Epistolam communices cum illustrissimo Præside Thuanò, ad quem longas literas scripturus sum, σὺν Θεῷ, de rebus meis, ubi melius habuero.

EPISTOLA DCCLXVI.
CONRADO RITTERSHUSIO.

*E*Xspectabam sanè cupidè literas à te, 1611. Vir præstantissime, cum allata est tandem Epistola tua, &, quem dono misisti, Salvianus, verè jam tuus. Utinam, mi Rittershusi, interiora animi mei nôsses! scires quàm soleat mihi esse gratum quicquid à te fuerit profectum. Salvianum verò qui pluris faciat quàm ipse facio, non faciliè invenias. Itaque pro ea opera, quæ illi optimo Scriptori à te est impensa, ago tibi pro mea virili grates gratissimas. Benè de literis meritis es, benè de studiis pietatis, benè de nomine Gallico. Deus Opt. Max. cujus gloriam tibi curæ esse, omnia tua scripta ostendunt, magis magisque indies tibi benedicat. Ego quod referam nihil habeo; nisi lubeat illa cognoscere, quæ proximâ æstate scripsi adversus Jesuitas. Epistola est ad Frontonem satis prolixa, cujus argumentum & occasionem ejus scriptionis malo te ex illius lectione cognoscere. Misissem jam eum ad te libellum, nisi defuisset cui darem. Si ulla se offerat occasio, eam non prætermittam. Videbis quod me nunc literarum genus habeat. Fateor equidem, naturam meam quàm longissimè ab omni contentione abhorrere; sed quia semel stadium sum ingressus ὁ γυνεὺς, ἐν εἰδῶς ἐπὶ τῷ ἐν καλῶν, καὶ ἐν σέβει μετ' ἑμῶν. Nam quò progrediatur certorum hominum furor, non nescis. Parum est, quod aniles superstitiones &

1611. meras fabulas totis animorum viribus propugnant, nisi etiam Reges & Principes Romani Pontificis pedibus turpiter subicerent calcandos, soliis deturbandos, mactandos. O tempora, o mores! Hæc scelestæ doctrina Henricum Magnum, Regem *ἡνωσάμενον*, & Mæcenatem meum indulgentissimum, sustulit è vivis. Quare ignoscendum mihi est, si peculiari quodam odio & doctrinam diabolicam, & ejus assertores odi. Omnes boni, quos vulpinæ artes non infatuarunt, mecum sentiunt. Scis quid nuper de secta Jesuitica amplissimus Ordo Lutetæ pronuntiavit. Mihi crede, *ὡς ἡ Κυρία ἰζήσεν αὐτή*. Laus sit Deo Opt. Max. suæ veritatis vindicæ acerrimæ. Scio quos crabrones adversus me excitavi. Sed conscius infirmitatis meæ, in Deo fiduciam certam pono. *καὶ ταῦτα μὲν ταύτῃ*. Venio ad tuas *ζητήσεις*. Ac primò de privilegio ad editionem Novellarum, securo esse te animo jubeo. Nam Typographi Angli ejusmodi libros non curant. Sola est, quæ hic floreat, S. Theologia, soli ferè libri Theologici, & ferè Anglorum, qui hic eduntur. Quum enim magni constet editio, carius hic edita vaneunt quàm alibi. Quare igitur alibi vulgata sub incudem revocarent? Adde, quòd Jus civile vestrum, hoc est, Romanorum, quod docetur in Scholis, planè hic, si paucos excipias, ignoratur. Si nihilò secius privilegium desideraveris, spero non fore difficile tibi id impetrare. Ego à te monitus eam curam curabo. *τὰ περὶ προσφωτίσας ἕως ἔχῃ ὁ τριμήνης ἢ ὑποβέβηται βασιλεὺς τὰ θεολογικά ἀκρὺς πεπαιδευμένῳ, ὃ δ' ἡγεῖσθ' ἐν παιδείᾳ ἐστὶν ἀμείνων, ὃ δ' ἀμείνων τὸ μὲν τοι εἶδεναι σὺ χρὴ, ἐπὶ εἰς ταυτοὺς σεφὲς τὰ μὴ πρὸς τὴν θεολογίαν σωτήντα παρ' ἡδὲν τίθενται*. Sumes inde consilium tibi. Interim hoc tibi candidè & sincerè affirmo, non posse te aliquem ex omnibus mortalibus digniorem tuâ prædicatione, quàm sit Magnæ Britannix Rex, quærere: ut omittam cæteras laudes, pietate, doctrinâ, candore & liberalitate parem huic Principi alium vix hodie invenias. Vale, Vir præstantissime, & me ama. *Londini, pridie Kalend. Januar. c15 15 CXII.*

EPISTOLA DCCLXVII.

✠ REVERENDISSIMO PATRI,
EPISCOPO ELIENSI.

Reverendissime Præsul,

1611. **N**on displicuisse Regiæ Majestati appendiculam ad Epistolam Cardi-

nalis, vehementer gaudeo. Oro Deum 1611. immortalem, ut velit faxitque ejus opellæ, quæ mea non est, sed Regis *ἡνωσάμενος*, aliquem fructum exittere. Sed de illius editione in hac urbe differenda, cur priorem sententiam Dominus Rex mutaverit, causam non video. Ego postquam editionem vidi, quam per te Regia Majestas ad me misit, modis omnibus accelerandam hic editionem judicavi. Quod quidem proximâ hebdomade fiet, nisi Rex impedierit. Non debent, quæ alibi parantur, editiones hanc impedire: quæ sine dubio futura est omnium optima. Tum erit locus inferendi, quæ placet Domino Regi adjici. Siantè non constiterit mihi de voluntate serenissimi Regis, die certè Dominico id me precibus ab ejusdem Majestate impetraturum spero. Quod si Hockinsonii tui operâ nobis fuerit opus, confido id quoque à tua Reverentia nos fore impetraturos. *Ἐπίστευ' ὑπομνήσας Ἀγαθὸν, ὃ σὺ σπασίᾳ ἰμοὶ κεράλῃ*. *Londini*, statim post tuas acceptas, ... C15 15 CXI.

Inscriptio.

Reverendissimo in Christo Patri,
DOMINO ELIENSI,
Serenissimo Regi ab Eleemosynis, Domino & amico plurimum mihi observando.

EPISTOLA DCCLXVIII.
JACOBO AUGUSTO
THUANO.

Illustrissime Vir, vir nobilis, qui has 1612. tibi reddet, ante plures dies monuerat me, ut ad te scriberem; quod & aliquantò prius Rex jusserat. Scripsi igitur ad te statim, atque eadem viâ benè longam Epistolam aliam exaravi, *σύνειψεν περὶ ἡ μέλλεντες με βίβ' πείσσειν*. His binis literis adjeci Epistolam ad eruditissimum Rigaltium, cui etiam suas omnes chartas remisi. Eum fasciculum, quia cessabat hic nobilis, tradidi ante dies ipsos decem D. Legato, quem confido aut jam misisse, aut brevi missurum. Quare omnino illam difficillimam *ἐκείνην* nunc non attingam; te duntaxat orabo per Deum immortalem & quicquid tibi charum, scribas clarè & liquido *τὴν ἀρίστην*, postquam omnia expenderis, quæ in eam deliberationem cadunt. Ego magnâ aviditate tuas expecto *ὡς ἐκείνη τὴν ἑρμηνείαν*. Deus adsit consiliis! Quod superest, habes alterum Tomum Historiæ Cottonianæ. Sperat serenissimus Rex, multa hic te inven-

1612. inventurum, quæ ad magnum Opus tuum faciant. Jussit ergo me verbis suis rogare, ut huic scriptioni fidem habere ne verearis; omnia sibi lecta, expensa & dijudicata esse. Dabis igitur hoc æquissimæ Regis petitioni, ut ex hoc Commentario ea seligas, per quæ tuæ Historiæ meliores possunt fieri & auctiores. Hoc quia scio te sponte tuâ facturum, faciam verborum compendium. Deum supplex veneror, ut te, illustrissime Thuane, servet sospitetque. Scripsi raptim. *Londini, ipsis Kalendis novi anni Anglicani, CIO IO CXII.*

EPISTOLA DCCLXIX.

HUGONI GROTIO.

1612. **V**ir amplissime, beasti me literis iis, quas superioribus diebus à te accipi. Nam quod pacis & concordie studia tibi esse curæ ostendis, ne dici quidem potest, quantam ea res mihi voluptatem asserat. Vides in patria tua, quàm facile sit hodie, rixas concitare inter fratres; quàm sit difficile, excitationes sedare. Puta ubique Bataviam esse; tanta omnibus in locis φιλερίδων copia, qui pacem in Ecclesia fovere inter ἀδελφοὺς habent, aut ne id quidem. Parum est, quod amor concordie illorum animis ἐκείνοις novi multos, quibus nullum hominum genus ita suspectum & exosum est, ut τὸ τῶν ἐρηνοποιῶν. Quò magis demiratus sum Regis Jacobi pietatem, qui veritatis studium ita amplectitur, ut à studio non recedat unitatis. Poteram multa de hoc argumento scribere; sed quia cogito ad tuam Epistolam χρεῖα χρυσόπραν seriò respondere, ubi primò iis de rebus cum serenissimi Regis Majestate egero, scribendi finem nunc faciam; Deum supplex orans, ut tibi hunc servet animum, & omni benedictionum genere te cumulet. Vale, Vir magne, & me ama, ac meas expecta, σέβω τῇ Θεῷ, brevi. *Londini, a. d. xv. Kalend. Februar. CIO IO CXII.*

Amplissimum Dominum Vander Mylium (nisi grave est) à me salutes velim. Si τὸν πᾶν Heinsum videris, quæso, meis verbis illum amantissimè saluta. Misi nuper ad illum Notas quasdam è manuscriptis in Theophrastum, quas an acceperit nescio. Non vacavit nunc ad illum literas dare.

EPISTOLA DCCLXX.

✠ CONRADO VORSTIO.

1612. **U**tramque Epistolam accepi, Vir doctissime, quam ad me scripsisti.

Quòd autem priori nondum responde- 1612. rim, per occupationes primò factum est meas; deinde alia causa accessit, quam animo candido paucis tibi jam exponam. Quum enim jussus fuisset à serenissimo Rege, literis illis tuis sic respondere, ut ad pacem Ecclesiæ fovendam, & κακοφωνίας omnes, quæque ex illis nascuntur, contentiones vitandas seriò te hortarer; postquam ultima Apologia tua prodiit, in qua priores tuas sententias constanter tueris, & Rex serenissimus animum mutavit, & ego propositum scribendi. Vidi enim manere te ἐν πίστι, quæque de natura Dei prius docuisti, velle ad extremum defendere. Id verò quamdiu facies, neque sapientissimo Magnæ Britannicæ Regi, neque Ecclesiæ Anglicanæ acceptus erit, quicumque tecum communicaverit. Equidem, mi Vorsti, qui studia Theologiæ non profitear, sumere hoc mihi non debeo, ut de opinionibus tuis, tanquam Censor aliquis, & novus Aristarchus, quid rectum sit, quid non rectum, pronuntiem. Sed neque peregrinus adeò sum in illis Literis, ut verear affirmare, deprehendisse me in illis tuis Dissertationibus non pauca nova, ἀλλοιότα, & cum fide veteris Ecclesiæ palam pugnantia. Quare erat omnino optandum, sicut mihi quidem videtur, non prius ut illa à te publicarentur, quàm fratres consulisses tuos, & judicia ipsorum explorasses. Liberasses operâ eadem te magnis molestiis, Ecclesiam Dei magno scandalo. Jam illa, quam passim celebras, prophetandi libertas, bonis & piis hujus Ecclesiæ viris mirum in modum suspecta res est & odiosa. Nemo enim dubitat, de pietate Christiana actum esse inter vos, si quod videris agere, Illustrissimis Ordinibus fuerit semel persuasum, ut liberum unicuique esse velint, viâ regiâ relicta semitam ex animi libidine sibi aliisque aperire. Atqui veritas, ut scis, in omnibus rebus, scientiis & disciplinis, unica est; & τὸ φανεῖν ταῦτο, inter Ecclesiæ veræ notas, fateantur omnes, est non postrema. Ut nullum esse dubium possit, quin tot πλυχιδῆς semitæ, totidem sint errorum diverticula. Quod olim de politicis rebus prudentissimi Philosophorum dixerunt, id mihi videtur multò etiam magis in Ecclesiasticis locum habere, τὴν ἀγὰν ἐλευθερίαν εἰς ἀγλαίαν ἐξ ἀνάγκης πλευνῶν, & πάσαν τυραννίδα ἀνάγκης esse κρείττην atque oprabiliorem. Cogita, obsecro te, & diligenter expende, qualis intra paucos annos hac licentiâ admittà Ecclesiarum vestrarum futura sit facies; quot sectæ, quot hæreses ex illo fonte sint exortu-
ræ.

1612. **ra.** Hujus libertatis studio si Romani Pontificis tyrannidem bonis detestandam illusterrimi Ordines excusserunt, vereor valde, ne posterior error sit priore deterior, & veræ Religioni multo perniciosior. Tanti mali contagio ne ad ditiones suas vestris vicinas, ut sit, paulatim serpat, modis omnibus cavere serenissimus Rex animo fixum habet. Utinam, Vir eruditissime, eadem tibi quoque mens esset! Utinam serio ad animum revocare velles, omnibus Ecclesiis Reformatis quantum sit nociturum hoc scandalum! quantum ex ea causa detrimenti Batavicae vestrae sint accepturae! Ego, qui inter Pontificios diu sum in patria mea versatus, hoc tibi possum affirmare, nullâ re magis stabiliri *την τορηνίδα τῆ χῆς*, quàm dissentionibus nostris & dissidiis. Deum veneror supplex toto pectoris affectu, ut malis Ecclesiae suae mederi velit, & te consiliaque tua omnia ad gloriam suam & Ecclesiae utilitatem, ut semper, dirigat. Vale. *Londini, a. d. viii. Kalend. Februar. Δοτ τῆς ἑκατοστής τῆς λογῆς, c13 13 XII.*

EPISTOLA DCCLXXI.

DANIELI HEINSIO.

1612. **V**ir clarissime, alter præterit jam mensis, ex quo misi ad te Notas è MSS. in Aristotelis nonnulla, & Theophrasti pleraque omnia. Has an acceperis, scire percipio. Nam ut est hodie fides hominum, suspicione res non caret, quando à tempore tam longo nihil ad me scripsisti. Si Theophrastus meus, quem aliquando legi diligentissimè, esset ad manum, poteram notas aliquot tecum communicare, fortasse non poenitendas. Hæret is liber cum maxima parte meæ Bibliothecæ Parisiis. Tu quid agas, maximèque uti valeas, cupio scire. Deus Opt. Max. nostris precibus exoratus, te literis fervet, & studiis tuis benedicat. Vale. *Londini, a. d. vi. Kalend. Februar. c13 13 CXII.*

EPISTOLA DCCLXXII.

HUGONI GROTIO.

1612. **L**iteris tuis suavissimis sine mora respondissem, si fuisset Rex serenissimus in urbe. Nam qui scirem, ejus Majestatem non sine voluptate Epistolam tuam fore lectionem, priusquam tibi respondeo, volui tuas ipsi ostendere: neque verò spe meâ falsus sum. Sapientissimus enim Rex, & pacis atque

concordiæ studiosissimus, sic quæ scri- 1612. pseras, legit, ut tuam pietatem pari prudentiâ junctam fatis laudare non possit. Optaret ejus Majestas, eodem essent tecum animo omnes, qui hodie in Regnis aut Rebuspublicis Christianis ad gubernacula sedent; neque dubitat, magno Ecclesiae Dei bono id futurum. Probat etiam mirum in modum, quod suggeris, consilium de procuranda omnibus modis inter nostros saltem concordia. Quod si ratione aliquâ, Deo propitio, posset effici, pro certo Rex habet, multos viros bonos, qui hodie *ἀμνηστῆς*, quò se vertant in tantis nostrorum discordiis, Romani Pontificis tyrannidem gementes ferunt, libertati conscientiarum suarum fore consulturos. Equidem de aliarum regionum Pontificiis nihil volo pronuntiare: de meis Gallis hoc videor posse affirmare, optimum quemque inter illos diem Domini expectare, & cum anilium superstitionum, cum Romanæ tyrannidis defensores ex animo detestari. Amplius dico, nec dico temerè: si in nostra Gallia ea reformatio esset instituta, quæ formam veteris Ecclesiae non adeò immutasset, multa hominum millia nostris partibus fuisset accessura, quæ nunc à doctrina Ecclesiarum nostrarum sunt alienissima. Hoc ego quum nostris ministris in Gallia sæpe dicerem, paucos inveni, qui *δοτομίας* suam æquis ac moderatis consiliis non anteferrent. Hic longè aliter animati sunt & Rex, & è Clero Anglicano doctissimus quisque. Inveni in hoc Regno plures Episcopos, doctrinâ & pietate eximios, qui easdem tecum dies noctesque animovolvunt cogitationes. Neque verò dubium mihi est, si ullum existeret principium, aut occasio ulla emergeret efficiendi id ipsum, de quo prudentissimè est à te scriptum, & serenissimum Regem, & totam Ecclesiam Anglicanam, atque in primis reverendissimos Episcopos omnia experturos, quò pium adeò negotium promoveretur. Voluit Regis Majestas, iussitque me hoc tibi significare. De Concilio tamen cogendo, diutius esse deliberandum existimat; petitque à te, ut serves hanc mentem, & tua consilia nobiscum velis communicare; ut ego ipsius Majestati referam, si quid erit, quod scire ipsam cupias. Vale, Vir magne. *Londini, a. d. vi. Kalend. Februar. c13 13 CXII.*

EPISTOLA DCCLXXIII.
JACOBO AUGUSTO
THUANO.

1612. **I**llustrissime Vir, accepi nudius quartus, quas ante mensē & dies aliquam multos ad me scripseras. Tantæ moræ quæ fuerit causa nescio, hoc scio, nullum mihi tempus unquam visum esse longius, quam fuit nuper cū grassante per hoc Regnum fama de tumultu ingente Lutheræ excitato, ὃ μὴ γένοιτο ἂν ἴσαι, multi ad me ventitabant, quod certi aliquid scirent. Ego verò, qui per plures hebdomadas nihil isthuc acceperam, quum nihil haberem, quod responderem, spem rerum lætarum vultu præ me ferens, intus animi cruciabar expectatione literarum, quæ rei veritatem me docerent. Ago Deo immortalis gratias toto pectore, quod falsa tandem esse cognovimus, quæ ἀρεμολογεῖ quidam pro veris affirmabant. Nam ne augustissimæ quidem Regina parcebant linguæ viperinæ: fugisse illam orto tumultu ex Arce Lupara, & in Bastiliam se cum paucis recepisse; Regem illi esse ademptum; D. Cancellario mortis periculum imminere; omnia denique facta esse ἀνω κατω. Deus omen in capita fingentium vertat, & Regem, Reginam atque universum Regnum ab omni malo & periculo protegat! Ego fidem infandis rumoribus habui nunquam; quia tamen ne Dominus quidem Legatus ullas literas toro ferè mense accepit, ne quid dissimulem, animi angebar mirum in modum. Nondum scio, an longam Epistolam acceperis, quam super deliberatione gravissima ad te exaravi, consilium te poscens. Illi Epistolæ erant adjunctæ chartæ Rigaltii nostri cum meis ad ipsum. De privata ad Frontonem Epistola * accipio admonitionem tuam, ut ab amico & alta prudentia profectam, & grates ago quantas possum maximas. Agnosco ingenuè stultitiam meam, qui aliorum animos ex meo metiens, candidè & simpliciter scribo πὲ φρενῶν σκέπτε ἐν μυχῶ. Posthæc admonitione tuâ factus prudentior, cavebo. Sed de illa Epistola libero te metu. Ego ipsam edi adeo non metuo, ut vehementissimè cupiam. Chabanæus † meus casu exemplum servavit. Utinam ita insaniant, ut ad invidiam mihi conflandam eam publicent! Evincam rebus ipsis, eos esse imperitos & malignos. Ego serenissimo Regi Epistolam illam tradidi, & mox munere non poenitendo sum ab illo affectus. Utinam nascatur occasio

* *Exstat
suprà,
Epist.
DCCXXX.*

† *Isaacus
Chabanæus
natus erat
fororis
Isacii Cæ-
sarensi
filius.*

aliquid ea super re scribendi! Audio, 1612. fuisse isthuc illam Epistolam editam. Per ego te, Vir illustrissime, Deum immortalem oro, obtestor, digneris unum exemplar inquirere, & ad me mittere. Parata est responsio, quam non invitus, scio, leges. De Epistola rerum Eliensium, quæso, da adhuc veniam. Nul- lum enim vacuum tempus sum nactus illi opellæ impendendum. Meminero tamen, & quidem, uti spero, brevi. De Pelleterio assentior tibi, & utar consilio tuo, sed quoniam ille scribit, me nescio quæ monstra fingere de Loiolitis, quæ ipsis nunquam in mentem venerunt, neque ulli alii Catholico, multò autem minus Papæ; scito brevi editurum me aliquid ex meis in Cardinalem Baronium Animadversionibus, quod planè contrarium evincat. Non discedam ab ingenio meo, & summa cum modestia gravem cum Baronio disputationem instituam. Adsit Christus cœptis. Spero ea me scripturum, quæ boni omnes vehementer probabunt. Plura de eo libro, in quo nunc sum, proximis literis, σὺν Θεῷ. Ego quæ responsurus es, & ad propositam συψιν de rebus meis, totâ aviditate expecto. Deus Opt. Max. te servet, Vir illustrissime. *Londini, Kalend. Februar. MDLXXII.*

EPISTOLA DCCLXXIV.
DANIELI HEINSIO.

Vir clarissime, plura haberem, quæ 1612. scriberem, nisi tempore deficeret. Amicus hic meus per literas significavit, quàm benignè ante annum esset à te exceptus, cū meas ad te attulisset. Gaudeo, atque adeo gloriator, non esse obscuram tuam erga me benevolentiam. Crede mihi, ex unius tui recordatione plus voluptatis capere me, quàm sim capturus molestiæ è plaustris conviti- orum, quæ è Germania expecto ad re- ditum mercatorum, qui ad nundinas sunt profecti. Scioppius dicitur adver- sus me virus omne evomuisse; item alii, ut accepi, plures. Me facti præclari solatur conscientia: qui, si respondeo, docebo canes impuros, scelestos, apo- statas, quantum sit discrimen inter eum, qui solum Deum adorat, καὶ τῇ παραγία Τριάδι λατρεύει, & homines πα- πμανεῖσας, παπολάτρας, & multis mo- dis idololatrias. Mihi cum istis certamen erit etiam jucundum. Illorum morsus ægrè fero, qui odium veteris Ecclesiæ nomine pietatis velant, & so- los sapere se putant. Sed de his plura aliàs. Tandem accepi utramque Epi- stolam tuam, etsi ordine præpostero; L l l bre-

1612. breviorē prius multo, quæ postērius fuerat scripta; alteram ante paucos dies: Utrique respondebo, *οὐκ δίδοντας*, breviter. Nunc ad gravissimas occupationes accedebat molestia *ἀπρῶτα*. Vale. *Londini, sub Februar. finem, stylo veteri, c15 15 cxii.* Quæio, ignosce festinationi.

EPISTOLA DCCLXXV.

HUGONI GROTIIO.

1612. **L**iteris tuis, quas paulò antè acceperam, respondi affatim, præstantissime Groti, ante dies paucos*. Significavi tibi, quanta cum animi voluptate serenissimus Rex tuam illam prudentissimè *ἡ ὑπερβόλαι* scriptam Epistolam legerit. Sciebam, non aliud Regis futurum de iis, quæ scribebas, iudicium. Itaque ad ejus Majestatem tuas statim misi: quas, si meas accepisti, fuisse ipsi gratissimas non ignoras. Non repeto nunc cætera, quæ nuper scripsi: tantum te rogabo, ut quas istis adjeci, cures deferendas. Scripsi jam semel ad Bertium†, & etiam Vorstium, quæ jussus fueram scribere. Faxit Deus, ut pio fine tota illa controversia terminetur. Ad clarissimum Heinsium nunc non potui, & debet ille quaternis meorum responsionem. Miror unde hoc illius silentium: *πῶς σὺ μὲν οὐκ ἐλάμψῃς*. Utinam ipse valeat! Deus te servet, Vir magne. Amabò te, *πὺς πῶς πῦν Ἀύδιον* ‡ curato. Vale. *Londini, a. d. xiv. Kal. Mart. stylo Anglico, c15 15 cxii.*

* *Vide
supra.
Epist.
DCCLXII.*

† *Supra.
Epist.
DCCLXIII.*

‡ *Ad
Joannem
Lydiū.
Colomel.*

EPISTOLA DCCLXXVI.

JOANNI LYDIO.

1612. **T**arditatem hujus responsionis noli mirari, Vir doctissime. Nam & tuæ literæ gradu planè testudineo iter sunt ementæ: & ego, qui ante mentem illas accepi, ex eo tempore fui semper occupatissimus. Gaudeo, priores meas tibi accidisse gratas. Velim persuasissimum habeas, mihi pietatis studiis nihil esse antiquius. Ita factus sum, ita educatus ab optimo parente meo & doctissimo, ut nihil ardentius à Deo quotidianis precibus contendam, quàm ut vincat Veritas, & veniat Christi Regnum. Quod scripsi de vitando Manichæismo, dum fugitur Pelagianismus, propterea scripsi, quia videor mihi observare, quosdam studio evitandi Charvbdin, in Scyllam incidere. Humano ingenio hoc est *ἐμψυτον*, ut quam in partem cœpit inclinare, eò totum propendeat, imò ruat, quod scimus olim

accidisse viris magnis, qui aut divinam 1612. aut humanam *ἡ κυρία ἡμῶν* naturam pio animo & sancto proposito defendebant. Quis nescit, quid ea super re observent Athanasius & Augustinus de Dionysio, Alexandria Episcopo, viro sanctissimo. Et Dionysius quidem sine errore erravit, si quid minus commodè est ab illo dictum: *ἡ γλῶσσα ἡμαρτιν, ἡ φρενὶ ἀναμάχεται*. Alii fuerunt multi, qui delapsi in barathrum semel hæserunt in luto. Multi, quod non ignoras, dum Nestorium persequuntur, Nestorio evaserunt nihilò meliores. Si quæ hodie est controversia Religionis, in qua cauto & suspensio pede sit ambulandum, ea, meo iudicio, est, in qua de Prædeltinatione agitur. Atque hoc simplici animo à me dici velim credas. Nam qui Theologus non sim, sequi vos Theologos & debeo, & cupio. Si quis mortalium privatas opiniones horret, is ego sum, Dei beneficio. Quæ gesta sunt à serenissimo Rege in causa Vorstiana, clam te non est. Ego testis sum zeli incomparabilis, quo fervent *ἀλλοτρίως* hujus sapientissimi Principis præcordia. Faxit Deus immortalis, ut totum illud negotium fine terminetur sibi grato! Arminium & Bertium sunt qui involvant in eandem criminationem: de quo vestrum est pronuntiare, non nostrum, qui à vobis longè absumus. Scripsi ad utrumque, Vorstium, inquam, & Bertium, post acceptas ab illis literas non unas; & jussu Regis, ac meapte etiam sponte ad concordiam eos sum hortatus, *καὶ πῶς τὸ μὴ φρονεῖν ὑπὲρ τὸ δὲ φρονεῖν*. Inprimis displicet mihi illa, quam tuentur, libertas prophetandi, certissima perniciēs Religionis, nisi certis finibus acriter coercetur. De libris Clemangii nihil dum accepi; sive ea est negligentia eorum, quibuscum ea de re egi, sive alia causa intervenit fontica. Vellem significasses mihi, quos ejus Autoris libros habeas. Ego brevi, *σὺν θεῷ*, Oxonium cogito, atque ipse tuum negotium geram, *ἢ δυναμίμ, καὶ ἢ πιλεσμένον ἐστὶ*. Deus immortalis te servet per Jesum Christum, *τὴν μονόπαιτον Σωτῆρα ἡ κόσμου*. *Londini, a. d. xiv. Kalend. Mart. stylo Anglico, c15 15 cxii.*

EPISTOLA DCCLXXVII.

ANDREÆ SCHOTTO.

Præstantissime Vir, accepi nunc pri- 1612. mum literas tuas, quibus liber erat adjunctus Caroli Scribanii, viri clarissimi, ac licet multis gravibus negotiis eram occupatus, nolui tamen differre respon-

1612. responſionem, ἡδονορῶν τὴν χεῖρα.
Gaudeo, te valere; neque dubito, bonam tuam valetudinem cum publica utilitate eſſe conjunctam. Quò impenſius Deum veneror, ut quàm diutiſſimè ἀνταρῶν te ſeruet, tuaque præclara incepta ut fortunet. Video incidiſſe in manus tuas Epistolam ad Frontonem, & genus hoc totum ſcriptionis tibi diſplicere: nec miror; nam & ipſe ἐκείνῃ ἀκοντίζα θυμῷ ad tractationem ejuſmodi argumenti animum appuli. Quis coëgit? inquires. Dicam tibi, mi Schotte, quod res eſt. Illa atra & neſaſta dies, quæ Henricum Magnum terris eripuit, eadem totam meorum ſtudiorum rationem conturbavit. Tantus enim me ſceleris immanis horror invaſit, tantum vitæ huiuſce tædium, ut ex illo tempore, prioribus curis relictis, id ferè unicum agam, ut vel cædi factæ illachrymem, vel faciendæ cauſam inquiram. Nemo autem dubitat peritus rerum, parricidium illud ejus doctrinæ fructum eſſe, quæ ſtatuit, Reges ac Principes, ſi Romano Pontifici cæperint diſplicere, deponi, tolli, occidi poſſe impunè. Scio abhorrere tuam pietatem ab illa immanitate. Sed illud non poteſ nescire, multos hodie libros conſcribi aſſerendæ illi impiæ doctrinæ. Ne alios commemorem, meministi, opinor, eorum, quæ ſcribit Thomas Bozius, lib. xvii. in ſigno LXXVI. ubi cauſas colligit, propter quas jus eſſe contendit Romano Pontifici, Imperatores, Reges & Principes, ſoliis avitis deturbandi, & Regna transferendi. Quæ doctrina quamdiu docebitur, & ut Papæ grata defendetur, certum eſt, nunquam defuturos, qui parricidia aggrediantur. Ego igitur, quum ex quo in Angliam veni, plurimos ejus argumenti libros legerim, & magnâ attentione conſiderarim, ita cœpi horrere & doctrinam Strygiam, & ejus aſſertores, ut perſidæ ignaviæ reum me futurum crederem, niſi glifcenti malo pro mea virili me opponerem. Adde, quòd ejus Epistolæ ſcribendæ occaſio nota eſt, quam ipſe nec quæſivi, nec oblatam potui declinare. Cupio ſine offenſione bonorum è veſtris poſſe me ὁμοῖοι χωρὶν τοῖς μαρτυράτης διδακτὸς διδασκαλῆς. Mihi cum veſtra Societate nulla intercedit ſimultas privata. Colo doctos è veſtro Ordine, & me illis probatum cupio. Sed parricidialis doctrinæ aſſertores zelotas nihil moror. Sperò etiam illud me, εὖ οἶα, effecturum, ut quam ſit natura mea à contendendi ſtudio aliena, illa etiam ſcripta declarant, quæ adverſus ejuſmodi Zelotas, ſi fuerit opus, publicabo. Prædicta, cum Epistola ad Frontonem eſt edita, non

defuturos à veſtro Ordine, qui totis 1612. viribus me invaderent; quod tu quoque futurum denuntias, & ut arma expediam, me admones. Accidet id quidem mihi τὴν ἀντιθετὴν βῆβαιον. Sanè æquiores futuri ſunt erga me veſtri, ſi cogitaverint, Lutetie viros graviffimos, & de Religione per omnia vobiſcum ſentientes, odiſſe eam doctrinam, non minus quàm ipſe faciam. Nobis Gallis, qui duos Reges optimos amiliſimus à Zelotis per ſummum ſcelus extinctos, faſ eſt, imò neceſſe nobis eſt, tam horribilem doctrinam deſtari atque execrari, etiam gravius quàm ab aliis fiat, qui ſimilia in ſuis Principibus parricidia non ſunt experti. Sed mitto hunc ſermonem: in libro, quem miſiſti, invenio hæc verba, *dono Auctoris*, cum mei nominis perhonorifica mentione. Miratus ſum, quum illa legerem, novam humanitatis exemplum; ſi quidem ab ipſo Bonarſcio illa verba ſunt profecta & munus. Itaque vix temperavi mihi, quin ad eum ſcriberem, & gratias agerem: in certamine enim humanitatis nolim poſteriores ferre. Quæſo te, ſignifica mihi utrius miſſu, tuone an ipſius, munus illud ad me ſit allatum: tum illud etiam, niſi grave eſt, adde, ſitne meas in bonam partem interpreta-turus. Quod ſi per illum licet, exponam animo candido, ſi quid in novo libro minus probaverò. Non hodie aut heri de ſalute mea cœpi eſſe ſolicitus, & fidem Eccleſiæ primitivæ ſi quis admiratur, is ego ſum. Aſſumenta poſteriorum ſæculorum tantâ contentione hodie defendi, neque aliquid publicæ concordie dari; id verò ego demiror, & vehementiſſimè doleo. Legam accuratè eruditiffimi Bonarſcii librum, cauſas, cur aſſentiri illi in omnibus nequeam, paratus exponere, ſi auctor faciendi fueris. Quod ſcribis invitum te in meis legiſſe, velle me hic hæere, fallor, aut illud nunquam ſcripſi: nam ego totus ab auguſtiſſimæ Regiæ voluntate pendeo, quicquid ipta jufferit, facturus. Cæterum divinæ providentiæ me totum permitto. Priora certè ſtudia mea Galliam deſiderant Vale. *Londini, a. d. x. Kalend. Mart. c15 15 cxii. raptim. Ignosce feſtinationi.*

Tuus ex animo

IS. CASAUBONUS.

EPISTOLA DCCLXXVIII.

THEODORO CANTERO.

PER mihi moleſtum eſt, venerande 1612. Cantere, quod ex tuis modò acce-

LIJ

ptis

1612. præs didici, necdum iis ærumnis esse te liberatum, quibus voluit *ὁ ἰσχυρὸς πνεύματος* pietatem tuam exercere, & patientiam in affecta jam ætate probare. Nondum videlicet præfixus à Dēo terminus liberationi tuæ advenit, quem tamen confido, mox esse venturum, & lucem tuis rebus *ἐπαύριον* affuturam. Utinam ita sit! atque adeo ut ita sit, veneror supplex *πρὸς τὸν ἰσχυρὸν πνεύματι*. Tu interim, venerande Senex, *θυμὸν ἔχει ἀγαθόν*. neque te mœrori dede, *ἐπαυδάτω κακῶς*. Est quidem, fateor, *δυσέδωκός τις φερτίων*, quod magnus ille rerum omnium Arbiter humeris tuis imposuit: sed novit tuas vires, qui periculum tui facit. Quod superest, Legatos, de quibus ad me scribis, ego non novi. Anglicum, qui est apud Batavos, vidi olim Lutetia, neque ex eo tempore ullum mihi cum illo intercessit literarum commercium. Vestratem, qui Londini habitat, nunquam vidi. Conabor tamen vel per me, vel per amicos tuam causam utriusque commendare. Utinam aliquid te possem adjuvare sive re, sive consilio! experieris tui amantem, & cupidum tuis commodis inservienti. Vale. Scripsi raptim, statim post tuas acceptas. Londini, a. d. x. Kalend. Mart. c15 15 cx11.

EPISTOLA DCCLXXIX.
HUGONI GROTIO.

1612. Vlt amplissime, quod rariores ad te do literas, causam scito esse meas occupationes, quæ vix aliquas mihi succellivas relinquent horas. Opetis, quod sum aggressus, magnitudinem & difficultatem nunc demum intelligo, quando *γνωμαζῶν* fac non est. Neque verò in confutandis hæntis Baronianis magnus mihi est labor: pueriles sæpe sunt; ipse indoctus, *ἀνοήτος*, *ἀβέλγητος*. sed labor est in ea parte, quam ipse mihi *ἐξ ἑμῆς* imposuit. Nam quia id egessat Baronius, ut suæ Historiæ primus hic Tomus probationes contineret omnium eorum, quæ hodie in controversiam vocantur; hos contra, evertere ejus disputationes non contenti; id agimus, ut fidem Veterum in singulis capitibus proponamus. Videbis, *ὅτι ἐν αἰσῶνι*, disputationem de Cœna Domini, accuratâ diligentia elaboratam, de qua tuum, Vir magne, judicium gestit jam animus cognoscere. Hoc interim pro certo habe, nullam me novam hæresin allaturum; veterem doctrinam *πύσθη* *ἀποστόλων* & *μεγαλῶν* illustraturum; quæ hodie ab aliis ignoratur & odio habetur, ab aliis Ecclesiæ jactatur & ab eisdem ever-

titur. Post duos, opinor, menses 1612. Pars prima prælis subjicietur, si voluerit *ὁ ἰσχυρὸς πνεύματος* urgeor enim à maximo Rege. Vale, Vir amplissime, & me ama. Londini, a. d. 1x. Kalend. Mart. c15 15 cx11.

Quas hic adjeci, velim cures reddendas, quò nihil mihi gratius feceris.

EPISTOLA DCCLXXX.

EIDEM.

Nuper postquam tuas accepi, acci- 1612. dit commodum, ut evocarer à serenissimo Rege in Aulam. Usus sum ea occasione, ut Majestati ipsius Epistolam tuam pietatis & prudentiæ plenam ostenderem, deque proposito negotio pluribus cum ipso agerem. Non morabor te longâ oratione; sum enim occupatissimus, & tabellarius urget. Id solum dicam, & omni asseveratione tibi confirmabo, ita animatum Regem esse, ut nulla in re sit defuturus votis bonorum, si nullam ipsi Deus Opt. Max. occasionem obtulerit promovendæ ipsius gloriæ, & de Ecclesia Christi bene merendi. Hanc de sua pietate persuasionem Rex sapientissimus altè infixam tuo & bonorum omnium animis esse cupit. Quod igitur scribis, non tibi soli, verum etiam aliis & prudentibus videri, incumbendum esse in eam curam, ut Ecclesiarum Reformatarum Synodus cogatur; respondet Rex, sibi quoniam à multis annis idem esse votum, idque sapientissimè se precibus suis à Deo petisse. Verum hac de re cogitanti tot difficultates animo subisse, ut velle hoc tentare, id verò sibi videretur *ἀδύνατον* *ἐπιχειρεῖν*. Nam quomodo conveniet Synodus, nisi indicta fuerit? aut quis hoc rerum statu jus sibi arrogabit, Concilium indicendi? Sibi quidem nolle se hoc vindicare, qui meminerit universæ Ecclesiæ se membrum esse, non caput: nolle autem committere, ut rerum imperitis aut malevolis *ὡς φιλαρχίας* aliena curare possit videri. Quod si Illustrissimi Ordines consilium tentandi omnia in eum finem probarint, & suum hunc animum sibi aperuerint, pollicetur serenissimus Rex, fore id sibi longè gratissimum, & tam sanctum propositum omni operâ atque studio esse se adjuturum. Quamobrem tuæ jam partes sunt, Vir præstantissime; ut Illustrissimorum Ordinum animos explores, & de serenissimo Magnæ Britanniæ Rege omnia ipsis prolixè pollicearis, quæ à tanto Principe, verò fidei verè Catholicæ defensore, possunt sperari. Probabit Rex dictis factisque suis, sem-

1612. *semper puritate Religionis & concordia inter Ecclesiæ Dei membra nihil sibi esse antiquius. Veneror supplex Deum immortalem, ut & Regi, & omnibus, qui paci Ecclesiæ cupiunt esse consultum, recta consilia suggerat. Omnino arduum hoc & insperatum opus est, sed* *Θεὸς διὰ τὴν ἀγάπην πᾶσι πρέμει.* Illi honos, laus & gloria *eis τὰς αἰώνας τῶν αἰώνων.* idemque te, optime Groti, seruet, & tuis inceptis benedicat. Vale. *Londini, a. d. 1x. Kalend. Mart. c15 15 cx11.*

EPISTOLA DCCLXXXI.

JACOBO AUGUSTO
THUANO.

1612. **D**E meis rebus quas tibi, Præses amplissime, gratias agam, nescio; ago certè quantas possum & animo concipere, & verbis exprimere maximas. Quanquam equidem sic sum à multis annis persuasus, nihil esse tantum, quod meâ causâ non faciliè præstares. Quod igitur in reculas isthic nostras & Reginæ beneficia nondum sit involatum, tibi uni & illustrissimo Cardinali Perroni fero acceptum. Testis mihi conscientia mea apud Deum, eo animo me isthic profectum, ut qui intra mensem alterum essem rediturus. Avebam enim mirificè Ecclesiæ hujus formam cognoscere *ἐξ ἀνθρώπων*, & cum doctissimis viris, qui sacra hic administrant, conferre. Me vero nunquam poenitebit hujus consilii. Inveni viros maximos doctrinâ, pietate & amore concordie: cum his plurimum vivo, & piis cogitationibus animum multis nominibus languentem reficio. Hic mihi licet, studium pricæ veritatis profiteri: hic mihi licet, eorum amentiam detestari, qui in causâ Religionis id solum probant, quod à SS. Patrum institutis abhorreat: hic mihi licet, eorum furorē impium abominari, qui tyrannidem in Ecclesia Dei exercent dirissimam. Isti sunt, qui me nuper scriptis suis inseruerunt, & subtili vafamento *ψευδ μαρτυρίας* maculam nomini meo inusserunt; quam ego brevi, Deo volente, sic delebo, ut non verear tibi & bonis omnibus probatum iri libellum, quem eâ occasione sum editurus. Confido nihil in ea scriptione dicturum esse me, quod Reginæ animum possit à me abalienare. Egi cum viro prudentissimo & longè optimo, Domino de la Bauderie, ut omnibus isthic confirmaret, esse me, & semper futurum in Regis & Reginæ potestate. Atque hoc tibi quoque, Præ-

ses amplissime, cupio esse quàm persuasissimum. Quando tamen ita placeat Reginæ, ut unum hic alterumve annum maneam, vehementer optarem libros hic habere meos, quò ne tempus mihi periret, quod, dum libris & adversariis meis careo, prorsus pereat est necesse. Jussi Chabanæum meum super hac deliberatione tuum exquirere consilium, atque eo uti. Erit fortasse consultius, uxoris reditum isthic expectare, quæ nostra isthic negotia de sententia amicorum, maximè autem tua, Præses illustrissime, semel gestie componere. Deus Opt. Max. te servet. Vale. *Londini, a. d. vi. Kalend. Mart. c15 15 cx11.*

Puteanos fratres, Fabrum, virum clarissimum, & doctissimum Rigaltium tuum, ut in hac parte salutare mihi liceat, te vehementer oro.

EPISTOLA DCCLXXXII.

GEORGIO MICHAELI
LINGELSHEMIO.

ACcepi literas tuas nudius quintus, 1612. Vir amplissime. Dolui, morbo te podagrico fuisse implicitum; ac statim Deum oravi, ut hoc te incommodo liberaret, aut cruciatus saltem levaret. Cætera in Epistola tua voluptatem mihi non mediocrem attulerunt. Gaudeo enim, tibi, viro tanto, probatam esse Epistolam ad Frontonem. Non omnes probant, scio, meam in scribendo moderationem. Sunt enim homines, qui præclare de Ecclesia Dei meritos se putant, si ea scripserint, quæ nemo *τῶν ἐκ ἐκείνης* sit lecturus. Nam cum sint multi inter Pontificios viri optimi & φιλαλήγεσται, vix tamen aliquem reperias tam patientem, qui maledica aut sarcasmi & convitiis plena scripta legere amet. Memini, divinum virum Thuanum, quum illi sepe quorundam è nostris scripta commendarem, solitum respondere, *non posse ferre se illos, qui genere scribendi plus destruerent, quàm doctrinâ edificarent.* Quod si Deus immortalis, cujus gloria scopus est mearum lucubrationum, cœpto operi faverit, videbis brevi Animadversiones meas in Baronii Annales, quibus ad illa omnia responderetur, quæ finxit ille vir Romanæ potentie amplificandæ studio. Putavi optimum factu, ut ad certa capita referrentur, quæ in Tomis Annalium merentur reprehensionem. Suscepi jam, *ὅν θεός*, illud caput, quod est de Papæ in spiritualibus & temporalibus potestate. Duodecim Tomis totidem libros oppono, neque

1612. neque intactum quicquam relinquo. Pu-
det dicere, quas fraudes viri gravis
deprehendam, & quàm frequentes. Sed
mihi propositum est, ita stylum tempe-
rare, ut modestiam meam omnes sint
laudaturi. Nihil ego fingam in odium
Pontificis, quod sit à multis quotidie,
nihil detrahā judicio veteris Eccle-
siæ, quam toto affectu veneror. Ne-
que tamen omitram aliquid, quod ju-
re poterit culpari. Gregorium verò
VII. ut Stygium *negs* suis coloribus
describam; prorsusque, Deo propitio,
testatum faciam, veritate nil mihi esse
antiquius: adsit modo conatibus meis
propitius *ὁ ἐνὶ πλάτῃ*. Acepi à veteri
amico Gueretino, qui Lutetiæ est, re-
peti librum Arabicum, quo sum usus
beneficio tuo. Scis, partem maximam
librorum meorum Lutetiæ adhuc hære-
re, in dolia conjectam. Ego, cū
ab urbe discessi, prorsus habebam per-
suasum, intra paucos dies fore me re-
diturum, sive in Angliam redeundum
foret, sive non. Ex eo factum, ut alie-
nos libros à meis non sejungerem. Bre-
vi, ut spero, certum erit, quid me sit
futurum; ac statim librum illum Gue-
retino tradam; aut, si res trahatur ad-
huc, jubebo meos, qui Lutetiæ sunt,
solvere dolia, & petitioni vestræ satis-
facere: neque enim is ego sum, qui
velim, bis à me, quod alienum est, peti.
Obsecro te, Vir nobilissime, brevis tem-
poris usuram mihi concede. Non fal-
lam fidem *περὶ τοῦ χάριτος ἐν πλάτῃ*. Va-
le, & me ama. *Londini, propriè Kalend. Mart. c15 15 cx11.*

Excidit mihi ad ea respondere, quæ
scribis de nupero scripto quodam meo,
nondum publicato. Ita est, ut conji-
cis: respondi illi Epistolæ Cardinalis,
qui nunc parat rescriptum in secessu
ad urbem: itaque nostra nondum edun-
tur, quando Cardinalis factam se in-
vito Epistolæ suæ editionem Vulcano
tradidit. Si res differtur, curabo exem-
plum ad te mitti, quo uteris ex animi
tui sententia. Mitto tibi exemplar
Epistolæ ad Frontonem missæ: prius,
si nactus fuisset, qui deferret. Gau-
deo, isthuc esse editam, sine Epistola,
quam ego pro mea non agnosco. Scri-
psi quædam in eam sententiam; sed
non eo fine, ut ederentur: nihil tamen
scripsi, quod Rex non viderit. Au-
dio, esse Lutetiæ editam aliam Episto-
lam meam ad Frontonem, quæ editio-
nem excusabam. Ille, ut accepi, hoc
alioſum trahit, & mira fingit. Uti-
nam prodeat illa Epistola! parata est
responsio, quam lubentissimè sis lectu-
rus. Scioppium adversus me scribere,
ut illam Epistolam ad Frontonem con-

faret, significatum est. Si adversus il-
lum Alastorem calamus erit fumendus,
vereor, ne omnis moderationis statim
obliviscar: odi enim hominem *Σαύστη*.

EPISTOLA DCCLXXXIII.
CONRADO RITTERS-
HUSIO.

NOvissimis literis, quas à te accepi, 1612.
 respondi non ita dudum, neque
dubito meas rectè fuisse curatas. Nunc
occurrit nihil scripture dignum, in
hac præsertim *μακάριον νόμον*, ubi alta
pax & rerum facies semper eadem. Quæ
insignita felicitas utinam sit illis per-
petua! Planè experitur hodie Britan-
nia, quantum sit bonum, Regem ha-
bere Philotophum: appello Philoso-
phum, studii sapientiæ imbutum, &
imprimis veræ pietatis. At vos jam
morte Imperatoris Rudolphi in ipsam
videmini *ἀκμὴν* negotiorum incidisse.
Oro Deum immortalem, ea Principi-
bus Electoribus suggerat consilia, quæ
cum sui nominis gloria, & Germaniæ
vestræ salute sint conjuncta. Quod su-
perest, mitto tibi libellum hic à me
editam, de quo jam fortasse inaudisti.
Ego citius fui missurus, si fuisset, cui
darem. Audio, Scioppium confura-
tionem ejus libelli suscepisse. Næ ille
duram provinciam suscepit: *τὸ γὰρ εὖ
μετ' ἑμὲ*, veritas, inquam, vinci ne-
scia. Ejus defensionem nos aliquantò
alacriores, nisi infanimus, aggredie-
mur, quàm mendacii & impietatis ho-
mines perdit: tum autem Scioppium
ego jam pro debellato habeo, insana-
bilibus confossum plagis è certamine
cum divino Scaligero. Vides, optime
virorum, quæ me nunc studia habeant.
Cogitamus tamen ad priores curas
postliminio redire, postquam operi hic
inchoato finem imposuerimus; de quo
aliàs, *σὺν ὁμοῖς*, plura ad te scribam.
Vale, & me ama. *Londini, pridie
Kalend. Mart. veteri stylo, c15 15
cx11.*

De Michaële Piccarto *, viro do-
ctissimo, diu est cū nihil intellexi.
Cupio scire, ubi sit, & in quibus stu-
diis. Justum quoque Zinzerlingum vi-
deo è scriptis probè tibi esse notum.
Etiam ille quid agat, quo genere vitæ
utatur, quidve de ejus studiis sperare
debeamus, cupio cognoscere: faveo
enim, ut si quis alius, proferentibus se
ingenius.

EPISTOLA DCCLXXXIV.
DANIELI HEINSIO.

1612. **U**Beriores illas literas, quas ais scripsisse, mihi scito non fuisse reditas. Doleo periisse tibi tuæ diligentiae fructum, mihi illam ἀφαιεσθαι voluptatem, quam soleo è tuis percipere. Mirum est, ei te Epistolam tuam credidisse, cujus fidem planè perspectam non habebas. Credo illius lectione cogniturum fuisse, de quo etiam nunc dubito, Notas ad Theophrastum acceperis necne. De editione Characterum immortales tuæ humanitati gratias ago. Eram in eo, cùm Lutetiā discessi, ut editionem novam adornarem. Adjeci igitur nonnulla; correxi quædam. Restabat Præfatio, sive Diatriba, judicium continens de Noris Furlani Græci, qui in Opuscula aliquot Theophrasti scripsit prolixè, & non indoctè. Is nostra in libellum χαρρακτῆρων ἡθικῶν non vidit, & nisi fallor, homo Græcus hominem Gallum non superavit. Volui igitur quædam illius candido animo expendere: sed priusquam illa scripsissem, liber meus Lugdunum missus est, unde folia aliquot superioribus diebus accepi, specimen editionis, quæ ibi paratur. Viderimus quomodo id negotium fuerit ibi curatum; reque de omnibus faciemus certiore. Cæterum, si potes, videris ne illa mihi uberior Epistola tua pereat. De editione τῶν ἑ φιλοσόφῃ aliàs. Vale, τῶν μὲν μέλημα. Deus te servet. *Londini, Kalend. Mart.*
CIC ID CXII.

EPISTOLA DCCLXXXV.
JACOBO AUGUSTO
THUANO.

1612. **E**Go, Vir illustrissime, cùm apud me reputo, quod sæpe facio, quantum tibi propter vetera officia debeam, quantum propter recentia, & ea, quæ mihi quotidie præstas, infantiam meam statim sentio, qui nullam inire possum rationem declarandi tibi, sicuti optarem, quantis me tibi agnoscam esse devinctum beneficiis. Nam à quo primum nomen meum tibi innotuit, nullus, credo, dies abiit, qui me tibi aliquo pacto non devinceret. Genevæ eram obscurus in obscuro loco, certè ad nominis commendationem mei parum idoneo. Primo tibi, credo, venit in mentem, traducendum me esse in Galliam, ut existimatio nostra vix dum radices agere incipiens, μεταφ-

νησιῶσα & solum nacta felicius & cælum 1612. clementius humo se attollere, & paulatim ἀναδραμεῖν posset. Hoc tuum consilium τῇ μακαρίτῃ, optimèque de me merito viro, Philippo Canajo, quum aperuisses, effecit ille, quâ erat industriâ, ut pedem in Gallia primum αἰνεσθαι Musæ nostræ ponerent. Et ego quidem agi mecum optimè credebam, quòd in patriæ parte aliqua, & ea quidem non pessima, fortunas meas haberem collocatas. Tibi verò, amplissime Vir, hoc parum est visum, nisi me è luce sublustri protraheres εἰς αὐτὰ τῶν ἀκμῶν ἃ φησὶ καὶ τὸν Πιττακίδατον τῆς Κελπικῆς μοναρχίας, πολλοὺς δὲ ὅλης τῆς οἰκουμένης, τοπον. Quid multa? non prius cessasti, quàm ope magni viri, Domini de Vic, Monspelio eductum Lutetiam traduxisti, & quod ne dormiens quidem unquam cogitaveram, effecisti, ut maximus Rex suo favore me non judicaret indignum. Veni igitur Lutetiam Regis auspiciens, meque ac meos in tuam clientelam dedi: ex illo non area tua mihi defuit, non opera, non patrocinium. Magnum hoc est moribus istis; sed istud majus, quod videris absentem majori etiam charitate esse profecutus quàm præsentem. Omitto alia merita ingentia, quæ post discessum meum in me & meos diebus penè singulis contulisti. At quæ nuper meâ gratiâ fecisti, ut illustrissimo viro, Domino Cancellario, mei refricares memoriam, & meis utilitatibus consuleres, qui possum absque rubore commemorare? Tene, virum hac dignitate & amplitudine, tanto studio mea negotia gerere, & ut mihi benè sit, tantum operæ sumere? Mearum erat partium, ad Dominum Cancellarium scribere, & summissis precibus, ut mei haberetur ratio, eum orare. Neutrum est à me factum, quæ mea est insignita rusticitas, ac ne cogitavi quidem. Tu mihi, tu, Vir præstantissime, vicariam operam præbuiisti: tu effecisti in mea causâ, quod vix facturus eras in tua, ut de pensione annua alteri supplicares. Fruemur igitur, Præses amplissime, etiam hoc anno regiâ liberalitate, & ruinas everse domus nostræ aliqua salutem ex parte sarciebus. Quin hoc quoque agi video, te urique auctore & impulsore, ut me το ἐνόςσον ἀχθῶ ἀρῶνς Regina cupiat domum revocari, non sine spe honesti otii. Pro tantis beneficiis quas ego tibi, ὃ σπεύδουσιν ἐμὸν κάρη, gratias agam? qui ne habendis quidem, prout tua meretur præcellens humanitas, par esse posse mihi videor. Quoniam verò spem facis uberiorum super ea re literarum tuarum, illas expectabo,

1612. spectabo, neque jam te pluribus morabor. Quantis enim in negotiis soleas esse occupatus, probè mihi est compertum. Accedit, quod hæc traditurus eram Chabanæo meo, professionem ad vos instituenti; qui de meis rebus, si quid est, quod scire cupias, verbis suis omnia exponet. Quod superest, Filium Dei supplex veneror, ut consueto favore te semper prosequatur, & cum tibi, tum tuis omnibus magis magisque in dies pergat benedicere. Vale, Præses illusterrime, & me ama. *Londini, Kalend. Martii, stylo vestro, c15 15 CXII.*

Quibus nunc in studiis verſer, oblitus sum ſignificare. Exigebatur à me quotidie, ut cum terræ filiis in arenam deſcenderem. Ut ab hac me neceſſitate redimerem, opus inſtitui ſatis grande, Animadverſiones in illa omnia, quæ ſcripſit Baronius in XII. Tomis Annalium ſuorum ὑπὲρ τῆς 3 πύπης ἀρχῆς. Singulis Tomis libros ſingulos oppono. Scio non eſſe id argumentum in Gallia admodum plauſus & κροτὰ ἰγέρπικτος. ſed neque deſuturi erant, qui idem aggredierentur; neque fortalſe alius facilè reprehenſiones neceſſarias cāquitatē ac moderatione temperaret, atque nos facimus. Rem à capite arceſſimus. Papæ tantum tribuimus, quantum priora ſæcula ferè ad Gregorium VII. ei tribuerunt; nihil malignè interpretamur; Antichriſtos non pingimus. Hoc volui neſcius ne eſſes: cætera aliàs pluribus, ἐν τῷ περὶ τῆς Θείας. Iterum vale, & feſtinationi ignoſce.

EPISTOLA DCCLXXXVI.

JACOBO BONGARSIO.

1612. **S**cripſi tibi ſuperiore hebdomade & amiciffimo Grutero, cujus munus paucis antè diebus acceperam. Eum ſaſciculum fidei commiſi Florentini διακόνος, cujus tu quoque eras uſus. Nunc ab eodem monitus ſcribere, ſi quid vellem, hoc ſolùm indicabo, valere me, gratiā Dei, & penſum urgere ſanè, ut vires ferunt, non negligenter. Utinam det mihi Deus exitum illius incepti videre, & ſimul fluctuationi huic meæ finem imponere! Certè abſque inſtituto opere eſſet, nihil eſt, cur ego ſuaviſſimæ patriæ ullam terrarum omnium anteponam. Sed quando jacta alea eſt, Domino Jeſu exitum viarum noſtrarum permittamus. Ille, illic (non, ut ſtulti Græci dixerunt, ταυτίματιν,) κάλλιον ἡμῶν βουλευόμεται. Si quid eſſet, quod mihi ſcrupulum moveret, illa duntaxat natio Θεοφυγῆς id poſſet eſſi-

cere, quæ per ſuos emiſſarios κακὸν 1612. κοράκιον ὡς κακὰ, undique in me inſurgit. Subit enim interdum vereri, ne ſi in poteſtatem meorum iniuricorum ſemel venero, durum ſux ἀλαστορίας exemplum aliquod in me ſtatuant. Non enim furorem illorum ſanabunt Exerciitationes noſtræ Baronianæ, in quibus videbunt fabulas infinitas ſolidè conſutatas, ἀδελφίας illius viri, ineptias, fatuitates, ἀτοπήματα aliquando non ſine ſalibus ἐξελεχθῆναι. Nam quis tam fuerit craſſus, qui ſine riſu legat, imagines eſſe adorandas, quia umbra Petri ſanabat infirmos; aut Papam eſſe Deum in terris, quia Syneſius Andronicum inter Pœnitentes ſedentem eſt miſeratus? nam literarum Hebraicarum imperitiā & Græcarum etiam pueri poſſunt deprehendere. Ingenuè fatebor tibi, dum abſtinere à riſu nequeo, ſic creſcit opus, ut alacritatem ſcribentis vel ejus magnitudo ſit declaratura. Ac quoniam vir eruditiffimus, Erycius Puteanus, parat mihi Epitaphium tanquam Muſis mortuo, faxo volentibus ſuperis, ut vivere adhuc me, & non deliciari omnes cogantur fateri. Sed pecco in publica commoda. Vale, Vir amiciffime, & me amare perge. *Londini, a. d. IV. Non. April. c15 15 CXII.*

EPISTOLA DCCLXXXVII.

THOMÆ MORTONO. ✕

Vir clariffime, etſi occupatiſſimus 1612. ſum, abrumpo tamen ſilentium, ut te rogam, accipias περὶ Φρεν. θυμῶ libellum, quem mitto. Non enim patiar, ut meorum quicquam ignores: eam habeo fiduciam de tua erga me benevolentia, quam tot argumentis declarāſti. Puto te non ſine riſu poſtremas paginas Præfationis lecturum. Ego, ut puto te nōſſe, ſi quis alius, modèſtiam amo; ſed eſt genus hominum perditorum, quos vehementer animus meus execratur. Ex iſto genere eſt meus Pello, bipedum nequiſſimus, de quo, ſi dignus fuiſſet, longam Iliadem potuī contexere. Ille infelix aſellus cū adverſus Dominum Pleſſæum ſcriberet, me aggreſſus eſt. Volui reſpondere; ſed vetuerunt viri graves, amici mei Pariſienſes, indignum enim eſſe, de quo vel cogitarem. Parui. Accedit verò nuper, ut ſereniſſimus Rex alium Libellum ejus peſtis mihi oſtenderet, ubi iterum in me inſurgit. Putavi ſemel deſungendum illā moleſtiā, cū prætertim maximo Principi id placeret. De Epitōla ad Cardinalem Perronium exſpectabo

1612. spectabo judicium. Missem ad reverendissimum Dominum Wintoniensem exemplum, nisi certo affirmatum esset, ipsum brevi hic affuturum. Vale, Vir doctissime & amicissime. Uxor te ex animo salutat. *Londini, a. d. VII. Id. April. CIO IO CXII.*

E P I S T O L A DCCLXXXVIII.

D. THOMÆ EDMUNDO.

1612. **V**icit tandem propositum nostrum, Vir amplissime, importuna hominum curiositas; per quam neque illi Epistola, quæ illi scribendi occasionem præbuit, neque item huic, in Auditorum suorum scriniis licuit delitescere. Nos quidem à consilio edendi quàm fuerimus initio & semper deinceps alieni, tute scis optimè, & alii viri graves possint testari; qui id me quum exigent, frustra fuerunt. Postea verò quam vir tantus alienæ cedere voluntati est coactus, nos quoque fecisse idem, nemo mirabitur. Et si autem non eo fine scripta hæc Responsio est, ut in vulgus ederetur; si tamen ii, quorum in manus est ventura, æquum placidumque animum, & ab affectibus liberum attulerint; speramus causam nullam fore, cur aut nos publicationis, aut ipsos lectionis debeat pœnitere. Cognoscent boni, & publicæ inter populos Christianos concordie cupidi; quales ferè in utrisque partibus esse animadvertimus optimum quemque virum, & rerum divinarum intelligentissimum; habere se sanctissimi sui voti socium, & eum quidem cupidissimum, MAGNÆ BRITANNIÆ serenissimum ac potentissimum Regem JACOBUM; qui licet jure confidat, dictis, scriptis, factis denique hoc se dudum assequutum, ut universo orbi Christiano de sua eximia voluntate possit constare; tamen ne hanc quidem animi sui declarandi occasionem fortè oblatam sibi putavit esse contemnendam. Quis erit ab omni pietatis sensu tam aversus, qui hunc affectum in tanto Principe non exoculetur, non admiretur? Quis tam effratè barbarus, qui secus interprete- tur? aut quis dubitet, hanc regiam Responsionem ex vehementi concordie cupiditate esse profectam? Cognoscent hoc amplius pii & cordati viri, ecquod genus pacis ac concordie piissimus Rex Ecclesiæ Dei optet; quibus legibus & conditionibus parata sit ejus Majestas facere conventionem. Eà namque moderatione temperata est hæc Responsio, ut cum studio defendendæ verita-

tis, par certet studium faciendæ omni honestâ ratione unitatis. Et est omnino hæc Regis mens, hæc firma sententia; frustra de Ecclesiæ pace cogitare, aut mentionem facere illos, qui hanc cœlestem bigam & solvi metuentem, solvere atque invicem sejungere non verentur. Frustra igitur veritatem dogmatis illos ostentare, qui aliena omnia malignè interpretando, consequentias absurdas ex animi libidine deducendo, & id genus *κακουργίας* pravis exemplis, charitate, matre unitatis, destitutos se esse probaverint. Frustra & illos charitatis unitatisque aurea nomina usurpare, qui sinceræ pietatis basim veritatem nolint admittere. Præclare olim B. Hilarius: *Speciosum quidem, ait, nomen est pacis, & pulchra est opinio unitatis; sed quis ambigat, eam solam Ecclesiæ unicam pacem esse, quæ Christi est? Pax Christi, quam solam beatissimus hic Pater docet Ecclesiæ probandam, ea utique est, per quam doctrina Christi, quam ipse Apostoli primitivam Ecclesiam docuerunt, sarta tecta manet atque inconcussa. Offerant serenissimo Regi pacem ejusmodi, quorum interest id facere, quique in Ecclesia Christiana principes locos occupare sese postulant; & finira discordia est. Separent ingenuè & candidè à divinis humana, à piis supersticiosa, à verè antiquis post nata ac recentia, à necessariis non necessaria, aut minus necessaria. Iterum dico, & quanto possum clamore contendens dico, ut omnes exaudiant; per serenissimum Regem & Ecclesiam Anglicanam finita discordia est. Porro perveniendi ad tantum bonum regia patet via unica, majoribus à principio Ecclesiæ semper trita, universalis Concilii, atque ejus liberi, celebratio; in quo populorum omnium querelæ audiri, controversiæ disceptari, & pax in posterum, Deo propitio, queat sanciri. Hanc solam rationem pravas opiniones ex animis hominum evellendi, & disjunctos populorum animos ad concordiam adducendi omnium seculorum Ecclesia novit, solam usurpavit, non vim, non arma. Sed quoniam propter nostra omnium peccata Synodi universalis spes nulla ostenditur, illud interim mali levamen aliquod foret, si libertas hæc tanta, aut potius effrænis licentia de rebus Theologicis scribendi quotidie & libros publicandi, severis legibus utrinque coerceretur. Nunc enim quæ potest bona spes superesse, quum totâ passim Europâ novi Scriptores subinde prodeant, oleum camino*

M m m

infun-

1612. infundere idonei potius, quàm incendium aqua infusa restinguere? Non ferebat in suis hominibus ille admirandus Theologus Gregorius Nazianzenus curiositatem de rebus divinis disputandi; & causam propè unicam eorum malorum nostris hodie similium, quæ illa ætas est experta, hanc esse, non uno loco suorum scriptorum asserit, quòd de rebus spiritus, sive spiritu, vulgò homines promiscuè disputarent, & sacrosanctam Theologiam in technologiam verterent: *πυρελογῶσι λαπὼν ἐν ἀνθρώποις*, inquit, & *θιολογῶσιν*. hominibus Theologia facta est materia disserendi & sermonum, instar cæterarum artium ex ratione humana. Ex hac licentia, quam passim ferè videmus hodie obtinere, nascuntur tot *καυφωνίαι* & formularum ac sententiarum diversitates, quæ Ecclesiam Dei magis magisque indies dividunt. Apage igitur illam prophetandi libertatem, quæ tantoperè nonnullis hodie placet; si eo nomine licentia intelligitur, nova commenta proferendi, & à doctrina primis Ecclesiæ seculis omnium consensu recepta aberrandi. Quid nunc commemorem insulos, indoctos, vix primorum Religionis Christianæ elementorum callentes Scriptores, ex illis potissimum locis quotidie prodeuntes, ubi nullo morum bonorum an malorum discrimine, nullo scientiæ aut inscitiæ, præmia iis malo publico sunt proposita, qui libellum aliquem, quamvis inanem omnis doctrinæ, quamvis plenum furoris, in diversarum partium homines fronte semel perfrictâ emisierint? At quid boni ab iis speres, quibus divina scientia non est aliud, nisi ars vitæ, subsidium & *κερμάτων περισμοί*? Quibus scribendi causa est non gloria Dei, non amor veritatis, non Ecclesiæ ædificatio, multo minus pietas & sanctæ concordie cupiditas; sed merces duntaxat & auctoramentum *ἀδελφικόν*, aut inanis gloriæ titillatio? Juvat hoc loco unius è multis ejus farinae Scriptorculis audaciam *σηλατῶν*, de quo scire te volo serenissimi Regis judicium. Is, quem dico, quemque nominare mihi religio *, tanta vilitas novi Doctoris; de trivio & compitis circumforaneus Pellio quidam est; homo idiota, nullarum literarum, non Græcè, non Latine doctus, sine scientia, sine conscientia, bonis obstrepere, & fruges natus consumere, aliud nihil. Hic, quòd inter mulierculas sciolus, & in vernaculo sermone disertulus habetur; in omnes diversarum partium Scriptores censoriam nuper accepit virgulam; eò quidem libentius, qui ante

biennium ære alieno oppressus, septin-1612. gentorum aureorum mercedem pactus, ad expungenda vetera nomina, & stipendium annuum (narro quæ vera sunt, quæque ipse mihi dixit) mutatis partibus transfugium fecit; quique inter eos, quos deseruit, à suspitione Atheismi infamis, & bonis omnibus, qui propius norant, exosus vixerit, novæ zeli fervorem iis, ad quos transiit, hoc est, quos decepit, necesse nunc habet approbare. Igitur Doctor à se creatus Pellio, novos cottidie libellos scribit, vel potius vomit. Primum novæ professionis tyrocinium posuit ante biennium, cum adversus Monitoriam serenissimi Regis, Principis longè doctissimi, ipse vitiligatorum postremus, *συγγραφεὺς ἀγροματός*, inscitiæ retrimentum, librum emisit, in quo si paucula excipias, nihil non protritum, nihil non millies dictum, non hautum è fæce: paucula verò illa, cui suppilaverit, neque ignorat quisquam eruditorum Lutetiæ, & nobis compertissimum est. Non enim nescimus, sub cujus mensa colligere micæ sit solitus, ex quibus sua fercula instruit. Idem Pellio, quum ante paucos menses virum nobilissimum, & celeberrimæ famæ esset aggressus, eum & nobis honorem habuit, ut suâ censurâ, novus Aristarchus, columen sapientiæ, dignos judicaret; sed obiter & velut in transcurso. Credo ne si aliter fecisset, dignitate tanti antagonistæ nomini nostro aliquid splendoris accederet. Edideramus paullò antè Epistolam ad Frontonem Ducem, Societatis Jesu Theologum: in qua res in hoc Regno à nonnullis ejusdem Societatis gestas, fide historicâ ipsi exposuimus. Hanc Epistolam Pellio in fine ejus, quem dixi, libri, non refutat ille quidem; [neque enim poterat,] sed uno vehemente confodit obelo: deinde ad maximum Regem sermone converso, multis ab eo petit, ne quicquam eorum credat esse verum; quæ universum hoc Regnum vidit, quæ in Acta publica sunt relata; quæ Orbis jam terrarum scit esse verissima. Hæc omnia falsa, & adulandi studio ficta audet dicere, & quidem Regi dicere meus Pellio; quasi is esset mitissimus hic & innocentissimus Princeps, cujus aures in perniciem fontium patere soleant. Quis laqueus, quæ crux tantum scelus expiabit? Vidi ego serenissimum Regem, quum illa legeret, & mihi ostenderet, qui prius non videram, inauditam Pellionis audaciam atque impudentiam severè desistantem. Me quoque adulandi artificem quòd vult videri,

* *est* in N. Peletrius, Gal. lus Jesuita, qui plenis voluminibus in Is. Casaubonum suis innotuit. Vide supra, Epist. CCCLVII.

1612. deri, sapientissimo Principi insignitam
facit injuriam, potius quam mihi.

Πρόβα γὰρ πάντων
ἡς ὁσὶν ἄνθρωποι, γὰρ τ' ἀνίστα' εἰς μὴδία,
Περὶν ἐξ ἡμῶν πῶς θάπ' ἀπαντῆσαι λόγον.

Ait verò Pellio, me cum illam Epistolam scriberem, spiritu vertiginis esse actum. Mirabar, quid appellaret spiritum vertiginis: nam cum, qui res gestas ex fide narret, aut potius è publicis monumentis describat, quis, nisi quem possidet πνεῦμα πλάνης, spiritu vertiginis dicat agitari? Ecce verò ante triduum incidit in manus meas alius liber ejusdem Pellionis adversus virum eruditissimum scriptus; in cujus item fine ego repeto, & spiritu reformationis agi dicor. Huic nempe Alastori spiritus reformationis & spiritus vertiginis idem sunt. Omnes igitur vertiginosi, qui à seculis jam multis reformari Ecclesiam Dei omnibus votis optaverunt, & testes desiderii sui, libros multos nobis reliquerunt. Quid? an & Patres Concilii Tridentini vertigine agebantur, cum tot locis reformationis mentionem fecerunt? In eodem libro monet me Pellio, caveam aliquid scribere, quod sibi displiceat: alioquin daturum poenas propriis ipsis telis conficiendum. O Zelatorem domus Dei eximium! qui zelum suum etiam ad illa transmittit, quæ non sunt in rerum natura. Beatum vero, si possum Æneæ magni dextrâ cadere! Unus tamen restat scrupulus, qui me sollicitum habet, nam quomodo mea scripta confutabit, qui illa ne intelligere quidem potest? non enim mulierculis Galliæ scribimus. Ego verò Pellioni dabo consilium, quod hunc mihi pariter & illi scrupulum eximet. Meminerit veteris præcepti: *Quam quisque nòrit artem, in ea se exerceat.* Quod igitur solum didicit, solum rectè potest, curet cuticulam; agones literarios doctis relinquat. Utrique tantam ne sumat superbiam, ut me existimet aliam sui rationem unquam habiturum, quàm canis latrantis, aut asini calcitrantis. Ego bonas horas non soleo ita prodigere, ut sperare debeat, me styli mucronem in se fore aliquando conversurum. Vides, Vir amplissime, quale sit hoc nuper exortum Theologorum genus, qui fungis similes unâ nocte crescunt, quos propterea Græcorum Theologus *ωαγ-τάς θινὸς ἔγγυς* eleganter appellat, & meritisimè à sacrorum arcet tractatione. Sed redeo ad hanc Responsionem, quam nactus parum emendatè in regionibus transmarinis editam, relegi & correxi. Nam ad te mitto, mutui no-

stri amoris, & meæ erga te observantiæ 1612.
monumentum, tibi, scio, futurum non ingratum. Vale. Londini, a. d. 14. Eid.
April. CIO IO CXII.

EPISTOLA DCCLXXXIX.
CORNELIO VANDER
MYLE.

MONSIEUR,

IL y a quelques mois que receus celles 1612.
qui il vous pleust m'escire, auxquelles desirant faire réponse, j'ay tardé plus que je ne pensois, ni devois. Vous excuserez, si il vous plaît, mes continuelles occupations, & me tiendrez tousjours constant à vous honorer & desirer servir. Je vous envoie un petit Ouvrage, qui n'avoit esté fait pour imprimer: mais j'y ay esté forcé, apres que l'Epistre, à laquelle je respons, a esté quatre fois imprimée. Plusieurs ne trouvent pas bonne la façon respectueuse, de laquelle j'ay usé en ceste réponse. C'est mon naturel, qui ne se changera jamais, envers les gens de qualite. Je suis marri que vos troules ne fussent point. Je pensois du commencement, que ce fut pour apporter quelque moderation envers ceux, qui desient un nouveau Docteur, penè in singula verba illius jurantes: quod minimè omnium ferret ille ipse vir maximus, si viveret. Mais je vois avec regret qu'on va à travers champs à des estranges nouveautez. Liberè dico, odi profanam novitatem in rebus sacris; & tyrannidem Pontificiam laudaverim potius, quàm licentiam adeò temerè nova dogmata publicandi: unde horrenda confusio sequatur necesse est. Sed Deus medebitur & Illustrissimorum Ordinum alta prudentia. Je prie Dieu qu'il vous garde, demeurant à jamais,

MONSIEUR,

Vostre très-humble Serviteur,
IS. CASAUBON.

A Londres, ce 13. April,
CIO IO CXII.

EPISTOLA DCCXC.
DANIELI HEINSIO.

Vir clarissime, respondi ad omnes 1612.
tuas, & jam incipit mihi tempus videri longum, ex quo nihil à te literarum accepi; quas vel eo nomine mittere debes frequentiores, quia me amas, & rem facere mihi gratam cupis:

M m m 2

1612. **P**is: nihil autem facere potes gratius, quam si tuis Epistolis me subinde invi-
sas, & mecum sermones, *ἡ δὲ πρὸς ἐμὴν ἀπορίαν*, miscas. Atque utinam ego il-
lum diem videam, quo te queam am-
plexi atque suaviari. Cerneris oculis,
quàm altè descenderit in cor meum tui
amor. Interim accipe à me munuscu-
lum, ex quo intelliges, quibus in stu-
diis jam sim. Quanquam ego me, quan-
tum possum, revoco ad priores curas,
hoc est, *τὴν ἱστορίαν* nam *τὴν δόγματι*,
ut hodie tractantur, meo ingenio pa-
rum conveniunt. Paucis enim proba-
vero, quam tantoperè admiror Anti-
quitatem. Cupio de hac responsione
tuum cognoscere iudicium. Quod si
Dominus Jesus, *ὁ μυστήριον Σωτῆρος*, me
servaverit, & cœptis faverit, videbis
brevis particulam inchoatâ adversus Ba-
ronium disputationis. Tu quid nunc
agas, & tuus Theophrastus quo loco
sit, cupio scire. Vale, oprime amico-
rum, & me ama. Scripsi raptim, oblata
occasione. *Londini, Eid. April. c15*
15 CXII.

EPISTOLA DCCXCI.

JOANNI LYDIO.

1612. **S**i esset mihi otium, longas literas ad
te darem: nihil enim facio luben-
tius, quam ut tecum per literas loquar.
Itaque & tuas accepi nuper magna cum
voluptate, & has scripsi prius, si
licuisset. Nunc quum esset repentina
ocasio oblata, prætermittere nolui,
quin libellum ad te mitterem, cujus
editio heri solum absoluta. Erunt illæ
paucæ chartæ mei in te amoris quale-
cunque testimonium. Cupio autem scri-
bas ad me liberè, de hoc libello quid
tibi fuerit visum. Scito autem opus
magnum parare me, si Deus immorta-
lis faverit cœptis, ut fraudes Baronii
deregamus; cujus laboris fortassè pri-
mam partem brevi sumus edituri. Spe-
ramus hoc nos affecuturos, favente Do-
mino Jesu, ut boni intelligant, gloriâ
Dei & amore veri nihil nobis esse anti-
quius. De tuo Clemengis te rogo &
obtestor, ut pergas, & quantum po-
test, matures editionem. Dabo ope-
ram, ut cum proximis literis meis ha-
beas, quæ Oxonio potes sperare. Scri-
bam etiam ad amicos Luteriam de tuo
incepto. Vale, & festinationi ignosce.
Deum veneror, ut te servet, Ecclesiis-
que vestris ut pacem restituat. Postre-
mus liber Vorstii & serenissimo Regi
vehementer displicuit, & mihi magnum
dolorem attulit. Iterum vale. *Londini,*
Eid. April. c15 15 CXII.

EPISTOLA DCCXCII.

JOANNI MEURSIO.

Verè scripsisti nuper ad me, Vir cla-
1612.
rissime, eam me telam esse orsum
editione Epistolæ ad Frontonem, quam
non tam facilè detexerem. Ita prorsus
est; videoque paulatim, me delabi in
illa studia, quæ semper sum veneratus,
& quibus in privatum usum meum à
multis annis meliores horas meas im-
pendi. Videbis ex eo libello, quem
tibi mitto, provocatum me fuisse ab
illustri viro, Cardinali Perronio; sed
amicè, & modestè; itemque ab alio
barbaro & agresti nebulone *, qui nu-
per, pretio accepto, conscientiam pro-
didit. Huic vappæ & atheo quum non
putarem esse respondendum, placuit
Regi, ut obiter illum perstringerem.
Audio has nundinas non carituras li-
bris adversus Epistolam ad Frontonem
scriptis; quos equidem, nisi aliquid
asserant, quod ad rem faciat, asperna-
bor, & hostes veritatis sinam latrare.
Nunc mihi in manibus est disputatio
adversus Baronium; cujus fraudes in-
fandas est animus palàm facere, ad
gloriam Dei, & publicum bonum; fa-
veat modò cœptis *ὁ ἱπὶ πᾶσι*. Vale.
Londini, Eid. April. c15 15 CXII.
Quid nunc agas, scire cupio.

EPISTOLA DCCXCIII.

HUGONI GROTIO. ✕

Vir magne, novissimis tuarum exi-
1612.
miar pietatis & prudentiæ plenis
quum hætenus respondere non potue-
rim, ne nunc quidem id possum. Quan-
do enim serenissimus Rex est in urbe,
non multum habeo tempus vacuum,
quod literis scribendis impendam. Aliàs
igitur, *ὅτι οὐκ*, de illis rebus agemus
tecum uberius. Interim mitto tibi libel-
lum, hic recens editum; quem ubi le-
geris, si tuam mihi de eo sententiam
candidè aperueris, rem gratissimam fe-
ceris. Placuit Regi, ut in Præfatione
nebulonem quendam Parisiensem per-
stringerem, qui postquam pretio con-
scientiam vendidit, sine causa me est
aggressus, ipse vix satis scribere Gallicè
doctus. Peleterium vulgò vocant, si
fortè de illa peste aliquid inaudisti.
Odi malè illa portentosa, & me hostem
illorum ultrò profiteor. Responsionem,
ut parum virulentam, scimus esse im-
probatam iis, qui inter nos Jesuitas
agunt. Fruantur suâ infantiâ, mihi alia
mens; quam Deo me probaturum spero,
&

* Pele-
terius. Vide
Epist.
757. &
788.

1612. & bonis. Nunc magnum opus sum ag-
gressus, de quo brevi plura scribam. Si
adfuertit auxilium boni Jesu, spero τῆς
Φιλαληθείας fore scriptiōnem gratissimam.
Vale. Te oro, ut tuo exemplari ad-
jectos libros cures, & me ames. Deus
te seruet. *Londini, Eid. April. c12*
15 CXII.

Tui amantissimus,
IS. CASAUBONUS.

EPISTOLA DCCXCIV.

JACOBO AUGUSTO
THUANO.

1612. **I**llustrissime Vir, binas tuarum simul
accepi, nec sine magna voluptate
legi. Gaudeo, conjecturam meam de
injuria tibi facta reperiri verissimam.
Est omnino id genus hominum quale
describis, quale in suis literis ὁ μακαρί-
* Scaliger. τῆς S. * depingebat. Quotidie mihi res
Colomel. est cum viro quodam nobilissimo † &
† Savilio. doctissimo illo quidem; sed ita iniquo
Colomel. in manes viri divini, ut non veritus sit,
me audiente, aliquoties pronuntiare,
fuisse τὴν ἀξιομασίαν αὐτὸν ἀνδρα
præcipitem Grammaticum, imperitum
Philosophum, furiosum Mathematicum.
Respondi ego, & steti pro veritate
quantam debui παρηγορεῖσθαι. scripsique adeo
ad illum eo de argumento aliquot lite-
ras. Sed illi solemne est, omnes mor-
tales, qui pro cruditis sunt habiti, pe-
dibus calcare, & pro bipedibus asellis
habere. Non ita judicat Rex serenissi-
mus, & quod verè possum dicere, sa-
pientissimus, non etiam præstantissimus
Elicensis, neque item alii pauci longè do-
ctissimi viri, quos ego quoque solos meis
studiis æquos experior. Sed redeo ad
tuas, quarum alteras à me acceptas Rex
legit, & jussit reddi. Fui ex eo tempo-
re persæpe cum ejus Majestate, & pro-
lixos sermones cum illa habui, sed opti-
mus Princeps ita erat commotus lectio-
ne novorum librorum à Vorstio edito-
rum, ut in eo argumento totus semper
fuerit. Pergit enim ille Doctor suum
virus effundere ac palàm tueri, idque
tantâ libertate, ut non sit dubium, ple-
rosque ex Ordinibus eo veneno esse in-
fectos: quod piissimum Regem habet,
nec immeritò, pessimè; qui etiam nu-
per indignissimè tulit, τὴν πένυ Cardina-
lem Perronium sese viro docto op-
posuisse in doctrinæ veræ defensione.
Putat Rex doctiorem illum esse, neque
ita ignorare antiquam veritatem, ut
potuerit ex animi sententia illa gerere.
Sed hæc quærela non est hujus loci.
Scito autem, Vir illustrissime, placuif-

se Regi, ut Epistola ad Cardinalem 1612.
Perronium hic ederetur, postquam ille
suam edere fuit coactus. Et quoniam
libellus infamis Peleterii eo tempore in
Regis manus incidit, jussus sum vap-
pam illum & nebulonem perstringere.
Scripsi igitur Præfationem in eam Epi-
stolam. Deus Opt. Max. te seruet, am-
plissime Vir, & quicquid tibi charum.
Londini, a. d. XIII. Kalend. Maj. ut
vos tempora numeratis, c12 15 CXII.

EPISTOLA DCCXCV.

GEORGIO MICHAELI
LINGELSHEMIO.

Amplissime Vir, binas à te paucis die- 1612.
bus accepi. Prioribus erat adjun-
ctus liber aureus adversus Bellarmini
scelestissimam pro Romani Papæ impe-
rio disputationem; posterioribus car-
men adjunxeras, quod ego nondum le-
gi: scribere enim hæc parabam, cum
ille fasciculus mihi est allatus. Ago ti-
bi, Vir præstantissime, quantas possum
maximas gratias, majores acturus,
cum Auctorem masculi illius scripti in-
dicaveris. Non sum curiosus alieni ar-
cani, sed me ita cepit ejus libelli lectio,
ut statim cogitare cœperim, quis illius
Auctor. Fit enim nescio quomodo, ut
quorum gloria favemus, eos propius
nōsse cupiamus. Apparet, hominis Gal-
li esse eam opellam: quod si quædam
non obstarent, auderem pronunciare,
ἐπὶ πένυ Bongarsii ingenium & genium
me agnoscere: sed, ut dixi, propter
nonnulla hæreo, & ἰνίχω. Quisquis
sit, opto illi omnia læta, ut similibus
scriptis sæpe Rempublicam Christia-
nam juvet. Mitto tibi Epistolam ad
Cardinalem Perronium hic editam, &
aliquantò meliorem Parisiensi. Adjeci
Præfationem, ut nebulonem quendam,
* Parisiis libros vomentem quotidie, * Pelu-
admonerem sui loci. Ridebis, credo, rindo.
cum leges. Scioppii librum avidè ex-
pecto; quanquam cupidius multò ex-
pectarem, si possem ab illa peste ali-
quid sperare boni: scitum enim est,
etiam ab hoste capiendam esse utilita-
tem. Sed perditissimus Apostata quid
potest boni me docere? Itaque, si mei
arbitrii res est, responsum non feret.
Possum meas horas in penso Baroniano
melius collocare. Et profectò indignus
est Scioppius, cujus gratiâ opus institu-
tum, vel ad diem unum intermittam;
quod quidem video prolixius futurum,
quàm putaram. Nam etli merè Theo-
logica in hac scriptiōne parçè attingo,
tanta est tamen ineptiarum seges, ut
multa cogar dissimulare. Videbis ali-
quid,
M m m 3

1612. quid, spero, quod te delectet, atque omnes bonos & veritatis amantes, malos & mendaciorum patronos non parum urat. Efficiam, cum bono Deo, cujus unius gloriam ob oculos propositam habeo, admiratores illorum Annalium suae pudeat vanitatis, fatuitatis & stultitiae. Verum hoc οὐκ μὲν αὐτὸς ἐν γὰρ νοσὶ καίτοι. Nos certe id strenuè agimus, quantum per corporis infirmitatem licet. Vidi hic Legatos serenissimi Principis vestri, fuitque mihi longè gratissimum cum nobilissimo Plessenio non unum colloquium. Ex illo & literis tuis prioribus cognovi de obitu &

* Nomen μαχαίρης Domini Hippolyti *, in cujus morte Respublica literaria non medio-cre damnum fecit. Non morabor te pluribus; tantum peram à te, apud virum clarissimum Freherum meum silentium ut excuses. Accepi autem ante perpaucos dies, quas ipse ferè ante menses ipsos tres ad me dederat. Ego existimo fuisse ipsi redditas, quas mercatoribus Francofurtum petentibus dederam, quibus illum faciebam certiorum de oblato per me libro, quem serenissimo Regi ante biennium ferè nuncupavit. Vale, & festinationi ignosce. Londini, a. d. v. Kalend. Maj. 1612. CXII.

Liberasti me sollicitudine magnà de Codice Arabico, qui apud Thuanum cum parte majore meorum asservatur: sed brevi, Deo dante, consilium capiam, quid sit opus facto. Carere enim libris meis diutius non possum.

EPISTOLA DCCXCVI.

✠ PETRUS BERTIUS
ISAACO CASAUBONO.

Clarissime Vir, Domine honorande,

1612. **J**Am in eo eram, ut prioribus illis tuis responderem, quum ad me per Dominum Grotium mittuntur aliae, quibus me μάλα ἐννίκως ad pacis studium iterum hortaris. Ego verò uti grato animo utramque admonitionem tuam, pro eo ac deo, admitto, in eaque candorem tuum exoscutor, & singularem in me benevolentiam; ita non possum non dolere, quòd me illic differri intelligam tanquam Ecclesiae turbatorem; maxime quum videam, serenissimi quoque Regis animum in idem quoque judicium inclinare, de quo tamen non possum non quàm optimè sentire; ut qui facile intelligam, quantum & Majestati potentissimi Regis, & pie sanctaeque ipsius pro Christi Ecclesia, proque socia Republica sollicitudini tribuendum sit. Ceterum ut apud te, mi Casaubone,

cujus judicium facio maximi, dolores meos deponam, non sum ego, aut fui unquam, aut ero, per Christi gratiam, pacis publicae perturbator. Ea, quae hic * ge-^{Al. ge-} runtur, diu gesta sunt à viris maximis sine me; imò multò antequam ego provinciam istam capefferem. Potuisti etiam ex Epistola & Praefatione, quam Hymenaeo praefixi, facile intelligere, invitum me abiisse in partes. Lacesitus sum importunis quorundam questionibus, qui quum sperarent, sua me dogmata probaturum, ubi se frustratos senserunt, amorem protinus in odium verterunt. Scripsi igitur tunc illa, quae vidisti; sed scripsi primum mihi. Et tunc postea, suadentibus amicis, sed ut virorum eruditorum judicia sciscitarem. Itaque paucula admodum exemplaria hactenus distributa sunt, nec nisi inter doctos & notos; cetera adhuc servantur apud me. Tria habet universa Britannia, eaque tuto deposita; Germania, Dania, Suecia, Polonia, in quibus tamen pleraque Ecclesiae & Scholae à me stant, nullum habent, quod sciam; uti nec Gallia. Interea tolero dissidentes, & ad tolerantiam, quos quoque, verbis atque exemplo invito. Non auditur vox mea ad populum. Scholae spatii & umbræ ista contentus vivo. Fero factiosorum hominum & βλασην fastidia, seditiosas & plane tribunitias conciones, minas etiam & ludibria; atque ista omnia concoquo, non Catonis stomacho, sed eo, quem Christus praecepit suis. Et post haec omnia adhuc audiam Ecclesiae Christi perturbator? Certè non ita de me judicant Domini mei, non melior Respublica nostrae pars. τίς δὲ ἐστὶ ὁ κριτὴρ ἀποδοῦναι κρίτην. De D. Vorstio judicare publicè non est meum. Unum hoc scio, me, quae in ipso à vobis damnantur, non amplecti. Novitas mihi omnis & altercandi studium non minus displicere quàm optimo cuique. Non sum ego ex eorum numero, quos Apostolus dicit πάντες μακάρεσιν καὶ μηδὲν αἰς ἐπίγνωσιν ἀληθείας δύνασθαι ἐλθόν. Si negat D. Vorstius τὴν ἀρίαν Τριάδα, si τὴν τῆς λέξης ἐκπύκνωσιν, si τὸν δύο φύσεων ἐν τῇ μίᾳ συνῆτον ὑπόστασιν (ἣσαν ἐν τῷ ἐν Χριστῷ) ἑνὸν ἀδιαίρετον ἢ ἀσύγχυτον, si τὸ μόνον ἡμῶν λόγον πάντοτε ἀδελφ. si Deum loco deficiat, nec fatetur infinitum, ἀπείρητον, æternum, incorporeum, omnipotentem; futuri gnarum; χαρίτω, res suas sibi habeat. Quid autem ista ad me, qui contraria omnia & credo, & doceo? Ego alienam culpam praestare non possum; nec puto in rerum natura esse, hoc à me jure exigat. Detestor τὴν βαρὴν τῶν Σατανᾶ, & de Deo religiosius puto quaedam ignorare, quàm multa curiosè scrutari, & temerè eloqui. Neque verò fieri

1612. fieri posse puto, ut qui Scripturis ac venerandæ illi & canæ Antiquitati tantum deferri, quantum ego, unquam tam insanum dementem, ut ista, quæ in D. Vorstio culpamus, referat. Atque hæc ad caput illud, quod erat de causæ meæ cum Vorstiana conjunctione; in qua parte puto & serenissimum Regem, & Proceres Regni, & quotquot illic sunt vel veri amantes, vel mei, tunc posse iocundari. De Divina verò Prædestinatione, fateor ac præ me fero, aliter me sentire ac docere, quam docuit vir longè maximus, D. Beza, & quam nunc apud nos sentiunt illius Sæctatores, ἡ δὲ καὶ ἡμεῖς. Sed cur mihi non liceat publico bono frui, & ab eo modeste secedere, qui ἐν τῇ τοῦ ἱεροῦ γραμματικῇ ἰσχυρῶς non est veritus palam recedere ab antiquis Patribus, imò & à B. Paulo, & totius Scripturæ genio, idque ita aperte, ut nihil videatur cum istis omniū commune habere voluisse? Profectò, quam scalam illam & Synopsin ipsius de gradibus salutis intuear, videtur mihi Adones spectare Valemini, vel potius, ut scite dixit Tertullianus, * Lamæ turres, & pectines solis. Cedo enim aliquem ex orthodoxa Antiquitate, qui id, quod ille docet, docuerit. Pelagii errorem vitare voluit, & incidit in παρρησιας Manicheorum.

Nihilominus tamen, ex quo ultimas tuas legi, revocavi gradum, & à calce redi ad carceres. Imperavi mihi ignorantiam vel potius ἰσοχὴν, factusque ἀβελή, contuli me iterum ad examen eorum, quæ didiceram. Expendi ea, quæ in hoc negotio B. Paulus scripsit; quæ Græci illius Interpretes, Chrysostomus, Theophylactus, Occumenius; & inter Latinos, Ambrosius, Hieronymus, alii. Consului etiam, quos ante sepe legeram, Ignatium, Justinum, Clementem, Theodoretum. Deprehendi, in Ecclesia Græca magnam de hoc capite, quæque illi annexa sunt, semper fuisse, & adhuc esse opinandi libertatem: ex quo verò ista in Ecclesia Occidentali ceperunt definiri, maximas in Ecclesia tempestates ortas, multa audita anathematismorum tonitrua. Et tamen observanti utrosque, Græcos pariter & Latinos, atque adeò quotquot amplissimo Christianorum aut Catholicorum nomine censentur, ἐκπαίδειν omnia de Divina Prædestinatione & Perseverantia Sanctorum docuisse D. Beza sententiæ adversa. Decrevi igitur ab illis stare, donec aliter edoctus fuero; ut autem intelligas, ἰσοχὴν quandam in me esse παρατηρήσας, paratus sum quidvis pro ista sententiâ experiri. Fiat ergo de me quicquid magno illi & clementi Deo visum fuerit, non

desinam modeste, quantum quidem sciam 1612. poteroque, illud sequi, quod ego ex animi sententia verius æquius esse deprehendi. Non desinam, inquam, partes Antiquitatis adversus novatores & profani (ita adhuc censeo) dogmatis architectos tueri; neque dubito, quin Deum mihi sim in hac causa habiturus propitium, ipsumque adeò, quum rem omnem plenius intellexerit, serenissimum REGEM. Mathematicus aliquis nullo pretio aut minis adduci potest, ut neget, lineam rectam æqualiter sitam esse inter suas curvas, & ego in hominum gratiam, Patrum mentem & veritatem contestatissimam abnegabo? * Enimverò si ego illos recte novi, qui nobis hic in Batavia omnia conturbant, erit mihi abjurata veritate redeundum in gratiam cum illis, qui quæ dicunt, ipsi non intelligunt; quorum oratio ἀσπαστή, mens intricata, principia pugnantia; qui Antiquitatem omnem usque adeò despiciunt, ut eam ex sua vel D. Beza, non altius, ætate æstiment, quasi ante istos natos nec tempus ullum fuerit, nec veritas, & quasi ob hæc capita à Pontificiis secessio facta † est; † Al. si quibus nihil pensi est, sanctissimum Verbum Dei contorquere ad sensus suos, priscorum judicia eludere, denique homines rapere ad admirationem sui, & contemptum Patrum. Nam, ut ne sis nescius, sunt apud nos, qui palam ac παρρησιαστικῶς ista tueri audent:

I. Nullas exigi conditiones in Evangelio ab iis, qui salvandi sint.

II. Hypotheticas formulas, Si credideris, salvaberis, & si quæ sunt istius generis, resolvendas esse hoc modo;

‡ Amen juxta decretum electionis †. saltem volo, ei infundatur fides.

III. Quum Apostolus dicit, πᾶς ἡμῶν ἐκφραζόμενος πλὴκαῖς ἀμύληταις συνήταις, & μὴ ἐκπαίδουσαν τὴν Χριστὸν, ista aliaque esse intelligenda, ut eximendus sit comminationibus istis & exhortationibus Apostolus, per figuram quandam, quam D. Beza, omnium quod sciam hominum primus, sine ratione & exemplo vocavit à ἀκωνίτι.

IV. Quum fides dicitur reputari à Deo credentibus in justitiam, tunc τὸ πᾶν significare Christum ipsum & justitiam Christi per μεταφοράν.

V. Deum per vim inevitabilem infundere quibusdam respicientiam, fidem, * humilitatem; cum reliquis verò sic agere, ut solent agricolæ, qui † pometum confuturi, arbores plantant plerasque, † Al. quibus succum & medullam primum subducunt.

VI. Justum pro Hypocrita sumi, quum dicitur, Si iustus deseruerit iustitiam suam, Mundum pro solis Electis, quum dicitur,

* Advers.
Valenti-
niani.
cap. 3.

* Al. ad-
dunt: Ad
quos an-
tem me
conferam.
istos, quos
dixi, du-
ci desin-
tam.

† Al. si.

‡ Al.
quem ego.

† Al. am-
plius vari-
infundam
istam.

* Al. sa-
tiam.

† Al. po-
metum.

1612. dicitur, Ecce Agnus Dei, qui tollit peccata Mundi; Peccatorem similiter pro Electo; verbi gratia, Nolo mortem Peccatoris.

VII. Pœnitentiâ ante fidem opus non esse, sed prius hominem credere quàm agat pœnitentiam; prius justificari quàm resipiscat; justificari enim dum adhuc peccator est, & mortuus in peccatis. Itaque verba B. Petri, Pœnitentiam agite, & convertimini, ut deleantur peccata vestra, sic esse resolvenda, ut intelligatur, Deus condonare scelerato peccata sua in illum finem, ut postea pœnitentiam agat, & convertatur.

VIII. Esse quosdam, qui nullis peccatis suis possint iustitiam semel collatam amittere, aut salute suâ excidere; scilicet quia scriptum est, Num infidelitas mea fidem Dei inanem reddet? Et, εἰ ἀπιστεύω, ἵκανόντες μένει, ἀνομιώσαι ἐαυτοὺς ἢ δύνανται.

IX. Maximam mundi partem in id conditam, ut salvari non possit: sed quum citra antecedentem actualis peccati conditionem exitio destinata sit, decreto impediri, ne ad Dei misericordiam, aut gratiam Christi confugiat.

Sexcenta sunt alia τὰ αὐτὰ κέρματα, quæ tam à quibusdam confidenter & importunè affirmantur, quàm à me aliisque modestè negantur. Neque finis adhuc est cudendorum istiusmodi placitorum, quum decem erroribus opus sit ad unum errorem fulciendum; & scis quàm sit per se fecundus error.

Εἰδὼν μὲν γὰρ ἀπλῶς πανταπῶς οὐ κακόν.

Prudentem virum describens Grotius noster, inter cætera hæc posuit:

Damnatus aliis, ipse neminem damnat,

Modestæque limites premens, donat

Nunc verba vero, nunc silentium

* Al. pari.

* paci.

Tentavi reipsâ hæc præstare; ratus, tantam fore silentii mercedem. Nunc protractus in publicum, insuperque accusatus horrendi criminis, patiarne cum fama & persona mea ipsam quoque veritatem periclitari? Quumque videam postea Religionis non tam malitiosè quàm imprudenter (ita interpretor) revelli, & nervos incidi tum Christianitatis, tum omnis omnino virtutis, insuperque à me adsumsum, imò & operam, hoc est, consilium auxiliumque exigi; egone is sim, qui vel silentio veritatem prodam, vel contra conscientiam loquar, vel ὁμολογῶν faciam falsa docentibus? Ne sinat hoc

† Al. se. Deus! Quæ quum ita sint, non † ferat

ibi quispiam molestè, si, quæ nobis Illustrissimorum DD. Oratorum clementia concessit, in quotidiana Scripturarum explicatione, quoties mihi de veritate pronunciandum est, modestè ea dicam, & sine cujusquam insectatione, quæ Sanctæ Dei naturæ, bonis moribus & Sacrarum Literarum vocibus congrua esse scio. Ἀπὸ γὰρ Σπυρίδωνος ἀρεσκόμενον ἵσα μὴ ποιεῖν, ἵσα δὲ καὶ λέγειν.

Utri ergo videntur, fidem tuam testor, involare in Dei arcana; ego qui consilium Dei vocatione ipsius definitio & hominis officio, an D. Beza, qui aliud decretum supra verbum statuit, verbo ipsi adversum, quique eo ipso Deum necessario facit partim ἀρεσματοποιόν, partim ἱεροποιόν. Fateor quidem, ἀρχὴν καὶ τὴν συμπνοίαν esse τῶν ἐκκατασκευάσεων τῶν μεγίστων: sed velim idem illi cogitent, qui me ita indignè apud sanctissimum Regem traduxerunt. Ego non didici veritatem cauponari, certus ἵσχυρίζεσθαι ἐν εἰδικονείᾳ καὶ ἀληθείᾳ, non ἐν τῇ κοβείᾳ τῶν ἀνθρώπων καὶ πανουργίᾳ πρὸς τὴν μηδείαν τῆς πλάτης. Malo imò cum aliquo fortunarum & famæ dispendio οὐκ ἐπιδοῦναι, quàm novitiorum quorundam premendo vestigia, veritate, Deo, & salute eternâ excidere.

Quocircâ iis, qui me ita amanter invitant, ut sententiæ vulgatæ cedam, quod quidem per conscientiam facere non possum, quantisper aliter edoctus non sum, respondebo hoc tempore id, quod Socrates amicis rogantibus, ut Senatui Atheniensi cederet, evaderetque supplicium, respondisse fertur: Ἐγὼ ὑμᾶς ἀνδρες ἀσπάζομαι μὲν καὶ φιλῶ, πείσομαι δὲ οὐκ ἔχω μᾶλλον ἢ ὑμῶν: præsertim quum dictum hominis Gentilis Beatus Petrus suo & suffragio, & vitæ exemplo comprobavit.

Doleo, Illustrissimo Præsuli non placuisse, ut literæ meæ serenissimo Regi offerrentur: nam si quid ego in humili loco positus de excelsa illa Majestate possum divinare, nihil in iis erat, quod posset offendere serenissimum Regem. Christum, æternum Dei Filium, τὸν ἀρχηγὸν τῶν μαρτύρων ἀγαθῶν, supplex rogo venerorque, ut nos in vias suas deducat. Vale. Dat. Lugduni Batavorum, Non. April. anno CIO IO CXII.

Tuus merito suo,

P. BERTIUS.

Mitto ad te Dissertatiunculam, de qua, si molestum non est, velim sententiam tuam intelligere. Rhetoricus est λακωνισμὸς, sed non exigui in Theologia momenti.

EPISTOLA

EPISTOLA DCCXCVII.

PETRO BERTIO.

1612. **V**ir clarissime, accepi nudius quintus fasciculum à te missum. Didici ex tuis, non sine voluptate mea, Vorstio non adhærere te in illa, quam tue-
tur, nova doctrina de natura Dei. Do-
leo ex animo, non posse illum virum ad
rectam mentem *ἐπὶ τὴν ὑγιαίνουσαν διδασκα-*
λίαν revocari; neque verò possum ratio-
nem excogitare, cur ille sua adeò perti-
naciter, cum tanto bonorum atque eru-
ditorum scandalo, tueatur. Planè ve-
reor, ne Deum vindicem experiatur,
qui solum se putat sapere. An ille ni-
hil facit, quòd hostes Reformationis
propter novas subinde discordias, lu-
dibrio nos habent? Ago Deo Opt. Max.
gratias, quòd in ejusmodi quæstionibus
sejunctum ab illa peste te prosteris.
Quod ego serenissimo Regi quum sta-
tim renuntiassẽm, non mediocrem ex
eo nuncio voluptatem cepit. Utinam
verò in titulo libri, à te nuper editi,
alia verba usurpassẽs! haberes & Regem
æquiores, & multos alios viros opti-
mos, quos ipsa novitas tituli offendit.
Quod si ipse non fallor, poterat mi-
nore invidiâ ea doctrina proponi. Cal-
vinum & Bezam etsi omnes magni fa-
ciunt veritatis amantes, nemo tamen
est paulò judex æquior, qui jurari in
verba illorum postulet. Disputationem
tuam, quam misisti, legam ipse, &
magnis Theologis, amicis meis osten-
dam, quos novi in veteris Ecclesiæ do-
ctrina acquiescere. Illorum præstantis-
simorum virorum de tuo scripto judi-
cium non te celabo: qui utinam tibi
intervire aliquâ ratione possem! expe-
rireris quanti te faciam. Vale, & me
ama. *Londini, Kalend. Maj. c15 15*
CXII.

EPISTOLA DCCXCVIII.

HUGONI GROTIO.

1612. **S**ignificavi nuper, cum novi nescio
quid libelli tibi mitterem, Episto-
lam tuam illam me accepisse, quâ tuum
consilium de publicandis Ecclesiarum
Reformatarum Confessionibus aperie-
bas. Postea etiam altera tua mihi est
reddita Epistola, quâ rationem expo-
nis promovendi generosissimi incepti,
cujus tibi dudum venit in mentem. Non
est, quod longis ambagibus tua morer
tempora: breviter sic habe; quæcun-
que hætenus super eo maximi momenti
negotio sunt à te scripta, ea videri sa-

pientissimo Regi ab optima mente & 1612.

singulari prudentia esse profecta. Ita-
que solet *ἐνστέλλεται* Princeps tuas Epi-
stolas non sine voluptate legere, &
plures ejusmodi *συμφερόμενας*, qualis

ipse es, tuæ Reipublicæ optare, imò
Reipublicæ Christianæ. Quæ si hodie
similibus consiliis regeretur, à spe con-
cordiæ non esset adeò aliena. Quo-
niam autem serenissimus Rex jam in
aliis negotiis * totus est, non potest * *ἰστέ-*
ejus Majestas nunc huic curæ sic vaca-
re, ut optaret. Tu interim, præstan-
tissime Vir, age quod agis, & tuam
solertiam in tam pio proposito exerce. *gendi li-*
bris Vor-
stii. Vide
Epist.
DCCXCIV.

Ego maximum Regem non desinam
σπεύδοντα καὶ αὐτὸν ἐπὶ τὴν, ut se dabunt
occasionem, & ferent ipsius negotia.
Quæ scribebas de Confessionibus no-
strarum Ecclesiarum, isthic, nisi fal-
lor, possent commodius perfici; ubi
neque eruditorum Theologorum copia
deest, & libros edendi ratio est quàm
hic aliquantò expeditior. Mihi quidem
illi curæ vacare non licet, qui totus
jam sum in disputationibus adversus
Cardinalem Baronium susceptis. Nam
quia eò rem videmus rediisse, ut ad-
vertariis nostris Canon Antiquitatis Ec-
clesiasticæ sint Baroniani Annales, fa-
ciendum duxi, ut illos commonerem,
quàm sit *ἐκ ἀσφαλῆς ὁ κανὼν*. Spero sa-
nè, sinaverit operi *ὁ ἐπεράνι* πατὴρ,
effecturum me, ut admiratores illorum
Annalium suæ pudeat infcitæ & fatui-
tatis, quæ summa est. Servabo tamen
institutum, ut debitam laudem Auctori
non eam ademptum; neque malitiosè
carpam, quæ possint excusari; quod
hodie solenne est nostrorum hominum
peccatum. Sed ex ipso opere melius
meam mentem capies; idque brevi, si
Jesus Christus *ὁ Θεὸς ἡμεῶν* vires fuerit
largitus. Vale, Vir magne, & me ama.
Londini, Kalend. Maj. stylo veteri, c15
15 CXII.

EPISTOLA DCCXCIX.

JACOBO AUGUSTO
THUANO.

Vir illustrissime, scripsi nuper ad te, 1612.
& libellum misi, qui hic editus
paucis antè diebus fuerat. Fasciculum
diutius servavit D. Legatus, quò tu-
tius tibi deferretur: tandem puto dela-
tum, ac nisi animi fallor, jam perla-
tum. Iis literis narrabam tibi, serenis-
simum Regem post tuas lectas, quibus
satisfacere ipsi optaveras, adeò occu-
patam animi mentem habuisse in recen-
te quodam libro Vorstii, ut nuper plu-
res dies alia de re ferè nulla mecum
N n n age.

1612. ageret. Postea accepi ab ejus Majestate mandatum, ut tibi significarem, tuis illis literis nihil ipsi potuisse gratius accidere; abundè enim re votis suis satisfecisse. Dolet Regi, materiam sibi esse suggestam fecius suspicandi de tua summa integritate & erga se benevolentia. Jam intelligere se ait Anglum, qui ejusmodi suspicionibus occasionem præbuit, tua loquentis verba audisse fortasse, at certè non intellexisse. Petit serenissimus Rex, ut in eadem mente & voluntate pergas. Petit autem, non quia existimet, id opus esse; verùm ut scias, & tibi persuadeas, Majestati suæ hoc tuo erga ipsam animo nihil gratius posse contingere. Nam ut altas virtutes tuas nemo è libris tuis melius ipso Rege intelligit, sic profectò nemo est, qui pluris te faciat, quàm ipse facit. Possem in hanc sententiam plura addere; sed novi mores tuos. Mea studia quo loco sint, scire si cupis, cogita hominem magni aliquid molientem, & necessariis instrumentis carentem. Significavi tibi, rem mihi jam esse cum Cardinale Baronio: sic est, atque gliscit opus; sed me librorum meorum enecat desiderium. Multos hic non invenio: illis ipsis, quos invenio, non sic possum uti ut meis, quos longo usu propè contrivi. Itaque eo nomine miserimus sum, eò magis quòd mederi huic malo non possum, neque invenio quid consilii capiam. Hoc ni esset, auderem polliceri, opus non contemnendum fore, quod jam paro; faveat modò cæptis Dominus Jesus. Quicquid sit, spero, si inceptis superi faverint, id me affecuturum, ut eorum Annalium admiratores suæ pudeat stultitiæ. Verùm hæc tibi uni dicta sunt. Quod superest, veneror Deum immortalem, ut te omni suarum magnarum benedictionum genere cumulet. Vale, Vir illustrissime. Clarissimum virum Fabrum, & doctissimum Rigaltium, nisi grave est, salvere à me jubebis. *Londini, a. d. v. Non. Maj. stylo Gallico, c13 13 CXII.*

EPISTOLA DCCC.

DANIELI HEINSIO.

1612. **B**inis tuarum debeo responsionem: quum prioribus omnibus satisfecerim, illis nondum respondi, quas ante paucos dies *ύστερον πρῶτον* accepi, cum adjunctis muneribus tuis. Horatius prior ad me pervenit; Socrates, posterior. Utrumque librum statim devoravi, qui meus est mos. In Socrate delectavit me propositum tuum hor-

tantis adolescentes ad eam Philosophiæ 1612. partem, quæ, ut scis, Stoicis *κορυφαία* Philosophia dicebatur, & pars omnium utilissima censebatur: neque abs re; nam quid utilius, quidve majus à literis sperari potest, quam ut artem vitæ discamus? Quod igitur studiosos ad illud genus studiorum excolendum vocas, facis quod virum bonum decet: quòd autem Socratem illis in exemplum proponis, id ego in eam partem interpretor, ut existimem ad Academiam & Lyceum tuos te vocare, hoc est, ad Platonem & Aristotelem, duos sine controversia principes Philosophiæ viros, planèque admirandos. Hanc viam studiorum animadverti dudum te esse ingressum; neque dubito effecturum te, *σὺν οἱς*, ut literarum calumniatores intelligant, quid inter veram Philosophiam & *τὴν σοφιστικὴν* intersit. Maeste, mi Heinssi, hoc proposito. Oro Deum, ut te quàm diutissimè præstet valentem, *καὶ πᾶσιν ἀγαθῶν ἰδίᾳ ἀνδρῶν*. Det tibi *ἐπὶ πᾶσι*, Platonem illustrare, & Principem Philosophorum serio recensere. Diu est, cùm id fieri optant harum literarum intelligentes. Olim Auberius Trioncurianus, Lausanensis Professor, id negotium susceperat; quem scimus magnum usum illius Philosophiæ habuisse: cæterum, an tanto ponderi pares humeros haberet, id vero nescimus. Scribebas nuper venisse tibi in mentem de paranda hic Operum Aristotelis editione, subsidio *ἔ τῶν νῦν ἀπανταχὺ γῆς κρατόντων ἐπιφανέστερα*. Sed ut aliàs scribere memini, si hic esses, de eo ne cogitasses quidem unquam: *ὁ γὰρ ἰσοβιβάτης βασιλεὺς ἔτω τῆς πολεμικῆς, καὶ τῶν πρὸς πύσιν ξυμπιπόντων γίνεται ὁλῶ καὶ πᾶς, ὥς πὶ μηδεμίαν χρόνιν ἀγὴν πρὸς τὴ φιλοσοφίᾳ ἢ φιλολογίᾳ ἐνδιατρίβειν*. Quin si notum haberes, quæ sit toto hoc Regno studiorum ratio, scires T. C. * præmia amplissima esse proposita; cæterarum disciplinarum amatoribus penè dixerim nulla, certè *ἰδὼντες λόγῳ ἀξία*. Venio ad Horatium, quem accepi à te *δύορον ὄντως πρᾶλφίστατον*. Excitaveras magnam expectationem tuarum observationum ante biennium, brevibus Notis editis, quas ego non semel legi. Hanc tu spem non destituiisti, sed *πολλῶ τῷ μέτρῳ ὑπερκεκόντισαι*. Itaque gratulor tibi, non poenitendam famæ prioris accessionem; gratulor Poëtæ excellentissimo, atque, ut tibi placet, longè doctissimo, qui idoneum suæ præstantiæ præconem te tandem est nactus: *δινόν πάντας ἐν ἀγῶνι πρὸς πῖν ἔ σοφῶ θωμμάσμων*. Ego meum nomen inter illos profiteor, qui te docente multa cœperim admirari, quæ solitus eram prius præterire. Tuam ve-

* *Τέλει-
για culti-
bus.
Colonel.*

1612. rō de Satyris & Satyrica Poësi eruditissimam Diatribam majore fructu, an voluptate legerim, nondum constitui. Nos, mi Heinſi, ii sumus, qui nostra refelli à doctis & modestis viris æquissimo animo feramus. Unum nobis est propositum, ut veritas investigetur. Hanc si invenimus, sin minus, πῶς ἐν νικαῖα, καὶ τὸ ἀληθές. Sed meum de tua illa Diatriba judicium exspecta à me, ubi primum aliquid nactus fuero otii. Volo enim te non nescire, quā diligentia etiam inter assiduas curas tua legere soleam: quippe πεποιδώς ab eorum lectione nunquam me nisi doctiorem discessurum. Utinam ejus candoris, quem in te admiror, & doctrinæ, quam agnoscunt in te & prædicant omnes eruditi, micam saltem aliquam haberent illi boni viri, quos adversus me concitavi duobus illis *, quos hic scripsi, libellis! Sed hoc sperare insanire esset, & mores illorum ignorare, qui causam illam defendendam susceperunt. In his est ὁ κακοδαίμων Scioppius; quem accepi ab eccellente viro, Domino Lingelshemio, furiosè in me debacchari, pedibus manibusque nitentem demonstrare, me Latine loqui nescire, neque in istis literis quicquam intelligere. Ego nullam Latini sermonis facultatem unquam ostentavi; hoc unum scio, verba mihi non defutura, si probare instituerō, Vespillonis filium Deo & bonis omnibus esse meritissimè exosum. Sed non faciam tanti canem impurum, qui, si quid faperet, tuis telis & μακαρίτης ἔσται † confossus, chirurgus operam daret, & vulnera sua sanaret. Sed moror te. Vale, optime virorum, & mihi longè charissime. *Londini, a. d. v. Eid. Maj. stylo Gall. c. 10 10 cxii.*

* Id est, duobus Epistolis; altera ad Frontonem Ducem; altera ad Cardinalem Perizoniam.

† Scilicet sciri.

An fasciculum acceperis, quem nuper misi, in quo erant aliquot novi libelli exemplaria, scire cupio, & Theophrastus tuus quo sit loco,

EPISTOLA DCCCL.

JACOBO AUGUSTO
THUANO.

1612. Illustrissime Vir, heri accepi, quas exeunte Martio scripseras, & Chabano meo tradideras. Puto jam tibi esse redditas, quas jussu Regis ad te dedi ante hos quindecim dies. Eas ego Domino Legato tradidi, qui affirmat jam misisse. Quod si eas accepisti, eā curā penitus es levatus, quam aliæ meæ jussu item Regis scriptæ tibi attulerant. Omnino Regi optimo ita satisfacisti iis literis, quas ad me scripsisti illi ostendendas, ut nihil magis ex animi ejus,

sententia fingi potuerit. Hoc ego & 1612. scripsi ad te nuper pluribus, & nunc peto à te, ut tibi sic planè persuadeas. Nihil æquius, nihil mitius hoc Principe, qui te propter literas & virtutem suspicit, & à te amari cupit. Illa eadem Epistola tua monebat me, sermones quosdam de me tecum habuisse illustrissimum Dominum Cancellarium, quem mei adhuc meminisse gaudeo, etsi non puto multum illum de me revocando esse sollicitum. Quod si eā lege sum revocandus, ut non liceat mihi modestâ scriptione errores Cardinalis Baronii detegere, etiam atque etiam deliberandum est, quid sit opus factō. Amo patriam meam, & ut in illa mihi liceat diem ultimum claudere, peto à Deo quotidie. An tamen ea sit justa satis causa, cur susceptum bonæ causæ patrocinium debeam deferere, adhuc dubito, & non liquere pronuntio. Mihi in opere, quod molior, propositum est τὴν φιλοφρόνησιν non attingere, aut parcē; τὰ ἱστορικά peccata accuratissimè persequi, & oculis spectanda exhibere. Si hoc scelus est, cavendum mihi. Sed hoc aliàs pluribus. Agam ea de re cum illustrissimo Duce Bullioneo, quem nuper aureo carmine Spartes tuæ etiam illustriorem reddidisti. Scripsi hæc raptim. Vale, & vive felix. *Londini, Eid. Maj. c. 10 10 cxii.*

EPISTOLA DCCCII.

THOMÆ MORTONO. ✕

L Egi tuas magna cum voluptate. Gaudeo, non improbari tibi nostros conatus in hoc genere literarum. Si dabit ὁ ἐν πᾶσι, majora moliemur, atque adeò jam molimur. Nam quantum per occupationes nostras licet, toti sumus in certamine cum Baronio suscepto, de quo aliàs ad te scribam plura. Locus ex Epistola Gregorii Thaumaturgi, Archiepiscopi Neocæsariensis, corruptus est. Græci passim constituunt quatuor gradus poenitentiae, πρὸς κλαυσιν, ἀκρόασιν, ὑπὸ πλυσιν, συστάσιν. Balsamus, Interpres Juris Canonici doctissimus, ad Canonem IX. scribens Epistolæ illius Canonice, cujus est à te facta mentio, ait, ex quorundam sententia addi μέγιστον. Verba illius sunt: Διὸ καὶ λέγουσι πῶς συνέπιδε τῇ μετὰ τῶν πτωχῶν συστάσει καὶ τῇ τῶν ἀγασμάτων μέγιστον σιωπῇ. Habes quod petebas: si esset otium, possem multa in eam rem adnotare; sed obrutus curis finem facio, Deum orans ut te servet. Vale, & me ama. *Londini, statim tuis acceptis, Eid. Maj. c. 10 10 cxii.*

EPISTOLA DCCCIII.

✱ PATRICIO JUNIO.

1612. **V**enit ad me Adamus Scotus, tibi notus, petens, ut sibi testimonium exhiberem probitatis suæ mihi perspectæ. Nescio in quem finem id ille à me jam petat. Quia tamen velle se id ad te deferre dixit, pauca hæc è vestigio exaravi, ut revocarem tibi in memoriam, quæ memini aliquando dixisse, me videlicet in Gallia usum ejus ministerio, & postea hic semper expertum esse pium, probum, & fidelem. Aliud, quod scribam, non habeo. Vale. *Londini, Id. Maj. c13 13 cx11.*

EPISTOLA DCCCIV.

JACOBO AUGUSTO
THUANO.

1612. **I**llustrissime Vir, plures paucis diebus dedi ad tuam Dignitatem Epistolas; quod ut sperem fore tibi non ingratum, facit tua singularis erga me benevolentia, toties tot certissimis argumentis mihi comperta. Nunc sanè quod scriberem, nihil admodum erat; quum ante paucos dies de meis rebus prolixas ad te literas dederim: sed quia Dominus Scæva de sua ad vos protectione me fecerat certiore, hæc raptim exaravi, ut cognosceres, nullum me tempus jucundius ponere, quàm quod literis ad te scribendis impendo. Utinam colloqui esset facultas, quæ olim fuit! regeres me in eo, quod jam habeo præ manibus, opere: in quo si quid exciderit, quod verè piis & bonis sit minus gratum, planè invito exciderit & βελομένη. Consilium enim mihi est, ita stylum temperare, ut unius veritatis studiosum esse me omnes facillè intelligant. Paucis, scio, placebo; plures offendam, qui veritatem volunt esse quicquid amor partium suadet. Cæterum in hoc nobili incepto quantà quotidie crucier librorum inopiâ, piget commemorare. Itaque didici παραρίξαι τὰς ἐς Ἀσπυρίαν ὑπάραι. Verum de hac mea miseria pluribus aliàs. Constitui, si bonitas Dei permiserit, opere confecto aut affecto, vel ad paucos menses vester fieri, ut sitim meam, si possum, expleam. Interim veneror Deum immortalem, ut te, Francorum decus, servet, & quicquid tibi charum. *Londini, a. d. x. Kalend. Jun. c13 13 cx11.*

EPISTOLA DCCCIV.

HUGONI GROTIIO.

Vir amplissime, lætatus sum non dissimulasse tibi, quem nuper misi, libellum. At quàm multi erunt è nostris, qui damnabunt? Jam è Gallia plures literæ huc venerunt querelarum plenæ, imò gravissimarum accusationum. Nam plerique meorum Gallorum norma veri est, ab antiqua fide abire quàm longissimè. Ego nihil scripsi, de quo non sæpissimè cum magno Rege & doctissimis Episcopis deliberaverim. Itaque clamoribus ἀμείων & ὑπερβοίων non magis moveor, quàm Scioppii perditissimi nebulonis ineptiis. Si dabit Deus immortalis perficere quod nunc habeo præ manibus opus, intelligent æqui Lectores, quâ diligentia hoc genus Scriptores πειρηκότες εἴμεν, & multò magis quantà flagremus cupiditate promovendæ gloriæ Domini Jesu. Quod superest, peto à te majorem in modum, ut quem mitto fasciculum, cures ad Lydum: quædam ibi sunt chartæ Clemengii, quibus est illi opus. Deus te servet, Vir magne. Vale. *Londini, pridie Kalend. Jun. c13 13 cx11.*

EPISTOLA DCCCVI.

JOANNI LYDIO.

Scripsi nuper ad te, Vir eruditissime, 1612. & simul nescio quid novi libelli misi. Nunc ista raptim exaro, ut scias fuisse memorem promissionis & datæ fidei. Volui citius morem tibi gerere; sed non potui. Ubi primùm data est occasio, eam avidè arripui. Ludovicus Capellus, Sedanensis, (cujus frater tibi fortasse è scriptis, quæ edidit, innotuit,) Oxonium petens, rogatus est à me, ut de libris Clemengii serio inquireret. Is mihi paulo post chartam misit & literas, quas unâ jam ad te mitto. Si aliud tuâ causâ possum, utere operâ meâ. Oro Deum immortalem, ut tibi cœptisque tuis benedicat. Vale. Scripsi inter gravissimas curas. *Londini, pridie Kalend. Jun. c13 13 cx11.*

EPISTOLA DCCCVII.

DANIELI HEINSIO.

Vir clarissime, accepi quas Bibliothecæ vestrati dedisti: alteras apud præstantissimum Grotium depositas nondum vidi; & vereri subit, ne perierint: quam jacturam scito me gravissimè lætaturum;

1612. latūrum; nam qui tuis omnibus mirifice delecter, illas peculiari quodam affectu exspecto, quas ais scripsisse de Epistola ad Cardinalem Peronium. Cupio scire, de illa scriptione quid tui sit iudicii. Multos scio esse ē nostris, qui clamitent; sed hostes veteris Ecclesiæ & hujus Anglicanæ. Nihil enim scripsi, cui Rex maximus & doctissimi Episcopi non sint assensu. De Scioppio libero te curā: neque enim exultare debes, me illius petitis ullam rationem unquam habiturum. Profert ad invidiam meam literas, quas scripsi ad divinum Scaligerum post disputationem inter Pl. & Episc. Ebr. * habitam. Ego verò non recuso, quin de meis moribus & sensu pietatis ex illa Epistola iudicium fiat: sunt enim verissima, quæ scripsi, omnia; & si potes ἀνέχεσθαι καυχώμενα, pia prudentiæ plena. Nam certo crede, mi Heinſi, τὸν πᾶν Πλ. in eo quidem incepto nihil se dignum fecisse, negotium temerè susceptum, temerè administratum, pudendo sine conclusum. Utinam aliter accidisset! Cæterum fingere τὸ μὴ ὄντα καὶ τῇ ἀληθείᾳ ὁμοίαν χυρῆν, meum non est. Videbunt posterī, quæ solito candore scripsit ea de re præstantissimus Thuanus †, cui soli fides habenda. Nemo rei veritatem melius novit quàm nos. Sed cupientem plura cogunt negotia finem scribendi facere. Audio editos esse Lugduni in Gallia, (prostabant Francofurti superioribus nundinis,) Characteres nostros. Sunt in ea editione quædam à nobis adjecta non vulgata, cum ad caput, οὐδὲ ἀναστροφῆς, tum alibi. Tuus Theophrastus quid agat, scire cupio. Vale, & festinationi ignosce. *Londini, pridie Non. Jun. CIO IO CXII.*

EPISTOLA DCCCVIII.

JACOBO AUGUSTO
THUANO.

1612. **V**ir illustrissime, ex iis literis, quas Justello & Capello dedi, præsentem rerum mearum statum confido tibi esse notum. Ego animi suspensus hæreo, exspectans quid D. Cancellarius super rebus meis Dignitati tuæ responsi dederit. Si sedet animis τὴν παρ' ὧν κρατύνται me revocare, & id seriò agitur, non, ut suspicor, ἀφοσίωσιν χάριν. Interim opus susceptum, de quo nuper scripsi, ut possum, urgeo: infeliciter sanè & durā prorsus lege; carco enim libris meis, quæ est insignita meorum studiorum calamitas. Hic enim neque

omnes possum nancisci, quos isthic hæreo; beo; neque alienis perinde uti queo ut meis, quos longo usu contrivi. Et est tamen inceptum nostrum ejusmodi, quod librorum subsidium requirat vel maximum. Amplissimum namque est argumentum, & genus omne literarum attingit. Videbis πανόρατον ἐγγράφων loca plurima seriò tractata; rursus Ecclesiæ multos illustratos; signamenta stultissima ἐξ ἀπαιρίας, vel φρεσολαβείας profecta, modeste quidem, sed solide tamen confutata. Hoc vero opus esse me aggressum necessarius subsidii destitutum, ita mihi aliquando videtur absurdum, ut cerebri satis sanus fuisse mihi sæpe jam ipse non videar. Igitur si, ut puto, veniam Rex Christianissimus est mihi concessurus manendi in hoc Regno ad ver proximum, jussu Chabanæum meum paucos libros seligere ē meis, quos ad me curaret. Qua tamen in re præcepi illi, ut consilio tuo pareret, idque fore mihi gratum crederet, quod placuisse tuæ illustri Dignitati intelligerem. Potest id negotium ἀποφῆναι & paucis consensu transigi. Velim verò persuasum esse omnibus, si de me revocando isthic seriò fuerit cogitatum, tam facile id futurum, etiam si libros omnes meos hic haberem, quàm futurum esset facile, si nullum haberem. Omnino autem serenissimo Regi rem feceritis longè gratissimam, si ad pertexendum opus inchoatum, quod superest hujus anni, & paucos menses mihi concesseritis. De moderatione, quam toto opere servabo, nihil addam ad ea, quæ nuper scribere memini. Quod si quos isthic veri amor tangit, res ipsa, opinor, facile ab iis confessionem expresserit, postquam nostra legerint, non fuisse quæ observavimus, tenebris damnanda. Te quidem, φιλαληθείᾳ Thuane, non sine aliqua voluptate nostram hanc lucubrationem confido esse lecturum. Age igitur, per Deum immortalem, veterem tuum clientem, quod dudum facis, perge amare, & tuis prudentissimis consiliis regere dignare. Sic te Dominus Jesus ὁ ὁ ἀνθρώπων Ⓢ adjuvet, servet, fortunet. Vale, Præses illustrissime. *Londini, Non. Jun. CIO IO CXII.*

Vellem abesse propius à præstantissimo viro, Domino Fabro, cujus iudicio observationes meæ aut starent, aut caderent. Sanctè affirmo tibi, plus solidæ eruditionis in unica illius Epistola, quam recitat primo Annali Cardinalis Baronius, invenire me, quàm in quovis XII. illorum crassissimorum Tomorum. Deus servet venerandum Senem, & faxit, ut de istis literis cum ipso

1612 tate certus, illustrissimo Domino Cancellario sine dubitatione spondeas, verè & ex animo scribere me, quod jam scribo, & sæpius memini scripsisse: non pendere nimirum à voluntate mea redditum meum, sed à jussione Regis Christianissimi & augustissimæ Reginæ. Duo tamen petere me quantà maximā humilitate & submissione animi possum, ut & serenissimi Regis habeatur ratio, & familiæ meæ, quæ maxima est. Ego quantum debeam optimo huic Principi, ne vos quidem puro ignorare. Opto igitur, & supplex à Majestatibus Regis & Reginæ contendendo, ut mihi liceat bona cum ipsorum gratia, priusquam ex Anglia pedem efferro, librum perficere, quem Regi serenissimo est animus nuncupare. Id opus cujusmodi sit, non semel indicavi tibi proximis literis meis. Nam ut immunitatem aliarum angariarum mihi pararem, & maximo tamen Regi satisfacerem, disputationem suscepi adversus illustrissimum Cardinalem Baronium, quam fore illis non ingratam spero, qui jura Regum & Principum adversus Romanum Pontificem sine ulla ipsius Pontificis injuria defendi non nolunt. Neque enim potest jure Summus Pontifex queri, fieri sibi injuriam, si tantum illi tribuitur, quantum vetus Ecclesia & Concilia Oecumenica tribuerunt: etsi fatemur, adulatoribus Papæ parum hoc videri. Scis edi libros quotidie, & Romæ, & alibi, quibus Monarchia verè *δυναστεία* in Imperatores ac Reges & Principes Papæ attribuitur, cum plenissima potestate capitibus eorum ludendi ex animi libidine. Nisi ipse libros legerem assidue, Romæ & aliis in locis scriptos, quique scribuntur quotidie, calumniari crederem, si quis hoc diceret, quod ego jam dico. Quum igitur observaverim, illustrissimum Card. Baronium totos XII. suos Tomos eo præcipuè sine scripsisse, ut hanc perniciosissimam doctrinam in animis legentium ingeneraret; disputationem adversus ipsum institui, non de aliquo Religionis Christianæ capite, sed de ista Romani Pontificis infinita potestate, sive potius, ut ejus parafiti loquuntur, omnipotentia. Quæ ad dogmata Religionis Christianæ hodie controversa pertinent in Annalibus, ea certo consilio ne attigi quidem. Universam scriptiōem eā moderatione temperavi, ut æquis Lectoribus satisfactorum me sperem. Hoc unum opere toto egi, ut erranti viro docto comiter monstrarem viam. Utinam viveret illustrissimus ille Cardinalis! si minus rem, at modestiam certè meam

ipsi probarem: multa enim illi exciderunt, ne mediocriter quidem docto viro digna. Spero ad finem anni hujus, aut non multo post editurum me, quæ in primo Annali observavi. Hunc librum si Magnæ Britannię Regi dedicavero, quod vehementer cupio, nihil est, quod me in hoc Regno vel horam unam teneat. Si igitur tantum me Superi amant, & Regem Christianissimum aliqua tangat mei cura, qui postremus sum subditorum ejus Majestatis, & planè τὸ μᾶλλον, puto equidem, ubi semel hoc quasi æs alienum expunxero, facillè hoc à Rege iri impetratum, ut patriam repetere mihi liceat. Tum verè illud solùm supererit, ut illustrissimi Domini Cancellarii & tuā commendatione impulsus Rex Christianissimus aliquam mei rationem habeat, & honesti otii spem mihi faciat. O utinam illum ego diem videam, & det mihi clementia divina, ea perficere incepta, quæ honori Regis mei in animo meo dudum destinavi! nam hic quidem vel cogitare de prioribus studiis non possum. Itaque *pendent opera interrupta minæque Murorum*: quod sequitur verbum, de meis lucubratiunculis non ausim usurpare. Deum immortalem supplex veneror, servet Regem, Reginam matrem, regiamque Domum totam; servet etiam fideles ejus Majestatis ministros, cum primis illustrissimum virum, & singulari observantiā mihi colendum, Dominum Cancellarium, & te, Præses amplissime, ac quicquid tibi charum. Vale. Londini, a. d. vll. Kalend. Jul. ut tempora isthic numerantur, CIO IO CXII.

EPISTOLA DCCCXI.

FRATER PAULUS VENETUS ✕
ISAACO CASAUBONO.

1612. *S*anè magno gaudio affectus sum, cum jam annum te in Angliam transmississe audivi. Timebam tibi, si Italum aërem inspirasses, ut constitueras. Sæpe in animum induxi meum, ut studia tua aliquibus literis inturbarem; unde semper distuli, majorem opportunitatem expectaturus. Nunc id facere cogor, ut pro tuis literis, pridie Kalendas Majas datis, gratias agam. Et ne putes, nos incuriosos esse eorum, quæ isthic scribuntur, Epistolas tuas ad FRONTONEM & ad PERRONIUM, legi, & apud me habeo. Hujus postremæ exemplar à te missum mihi carius erit, ut à te profectum, & manu tuā subscriptum. Profuert libellus ille multis bonis viris, qui inviti errant; nam vir, ad quem scripsisti,

1612. *psisti, licet multis nominibus notus, nulum ex eo fructum percipiet, cum voluntas suaderi non possit.*

Quod in Baronium scribere parās, gaudeo, & pergere hortor, licet illum Antagonistam dignum te non putem. Sape ipse mecum animo volutari, quid causae esset, cur in magna existimatione apud plerosque sit, absque ullo suo merito, ne dicam, absque ulla culpa; cum, quid in tam magno opere laudandum foret, videre nequirem. Nulla pars est, quae confutari non possit, solo adminiculo eorum, quae ab eodem proferuntur. Nullus est magni vel parvi nominis Historicus, quem non saepe commendet, & saepius confutet. Mitto adulterina & detorta testimonia, prolixitatem maxime fastidiosam, & judicia perversa ac insulsa, quae nemo in Historia ferre potest. Pädagogiam in Lectores petulanter exercet, quos singulis passibus intempestive sistere jubet. Divinae providentiae consilia in bonis distribuendis & malis infligendis ad solius Papatus rationes adstringit. Reliquum, video fortunam bonam illi favorem conciliasse, quae adhuc illum sequitur, cum in illius scripta oppugnare *

* Al. impugnare.

† Al. cedat.

instituis; nam magui Aeneae dextrâ cadet. Cedet tamen in publicam utilitatem opus tuum procul dubio; verum quod illum fraudis & doli mali convincere parās, vereor, an probaturus sis iis, qui morum hominis gnari fuerint †. Vellem potius levitatis & temeritatis accusares. Ego illum Romae novi, antequam honoribus manum daret, & prurigine scribendi tentaretur, cum solius animi tranquillitati & puritati conscientiae daret operam. Nunquam hominem vidi simpliciores, quem unico † verbo tibi exprimam. Nullas habebat * opiniones proprias; sed eas è conversantibus sine delectu sumebat; quas tamen quasi proprias & bene perfectas †, pertinaciter defendebat, donec alias jussus potius fuisset, quam edoctus. Si multi prudentes & cordati, fatali poculo ebibito, spiritu vertiginis circumacti sunt, minime mirum, si miser unicus purpureis laqueis commune malum effugere non potuit. A dolo malo abfuisse crediderim, à levitate & temeritate † minime. Haec, ut ad amicum, liberius, & ultra epistolii modum scripsi. Tu veniam dabis.

† Al. se commisit.

Quod sapientissimi REGIS benevolentia fruaris, tibi gratulor ex animo. In eo (rarum) cumulatae sunt virtutes Principis & Viri. Regum idea est, ad quam sorte anteaecis seculis nemo formatus fuit. Si ego ejus protectione dignus essem, nihil mihi deesse putarem ad mortalis vitae felicitatem. Tu, Vir praestantissime, nihil te dignius efficere po-

tes, quam tanto Principi mea † studia commendare. Deum veneror, ut illi & soboli vitam incolumem & diuturnam donet, & tibi favores illius adaugeat. Vale, & me, tuum cultorem, eadem benevolentia prosequere. Venetiis, VIII. Jun. CIO IO CXII.

EPISTOLA DCCCXII.

VIRO VENERANDO,
P. PAULO VENETO. ✕

Quo rariores tuas accipio, PAULE 1612. praestantissime, eo gratiores illas experior, quanquam, vel si quotidie ad me scriberes, rem mihi faceres semper gratissimam. Optavi aliquando Italiam vestram, Venetias eumprimis, illum Italiae ocellum, invisere; sed non tenuit me unquam tanta cupiditas illorum locorum videndorum, quantum fuit in me desiderium tui videndi, & sermones tecum de rebus gravissimis ferendi. Ex quo primum scripta tua legi, sum captus admiratione tuae singularis doctrinae & judicii excellentissimi, quo excellis; cum tempore crevit illa admiratio, non parum iis literis confirmata, quas variis temporibus à te accepi. Postrema verò Epistola tua paucos ante dies mihi reddita, ut te dignissima, ita mihi accidit longè gratissima.

Non poteras Baronium magis graphicè depingere, quam fecisti paucissimis verbis. At vulgus imperitum, ut scis, in admiratione illorum ANNALIUM stupet; vulgus cum dico, etiam multos intelligo, qui se plurimum sapere in literis videri volunt. Nam quotus quisque est hodie τὸν παρομαρτυρον, qui de illo Scriptore Annalium non dicet, quod olim de Pythagora: αὐτοῦ ἱθα. Vidisti novissimam Conciliorum editionem, & flagitia in illa admissa, propter unius Baronii auctoritatem. Sed dudum observavi, omnes illos, quibus summæ pietatis est, adorare τὸν τῆς ἱπταλοφῆς κέραι; id totis viribus agere, ut omnia Historiae Ecclesiasticae antiqua monumenta, prae uno Baronio nihili esse facienda, cunctis mortalibus persuadeant. Et meritò illi quidem; nam causae Pontificiae nullus ne cogitari quidem potest animosior illo Scriptore defensor: omnia confert *, imò * Al. trahit; omnia audet, imò † fingit, in illum unicum finem: ut valde mirari † Al. soleam, pati Reges & Regum Confiliarios tantum pestilentissimae doctrinae Magistrum tanto ubique esse in pretio; omnino οὐδέναι ei hoc πᾶσι. Fit enim ex hoc iustissimo Dei judicio, ut qui

1612. qui mendaciis & fabulis anilibus in negotio Religionis delectentur, iidem hæc quoque pernitiola venena omnipotentis Pontificis à suis subditis hauriri atque imbibere patiantur.

Equidem de illis Annalibus sic semper judicavi, ut in eo Auctore, quid præter diligentiam probarem, nihil omnino invenirem. Apparet, ei propositum fuisse, omnia colligere, bona, mala, vera, falsa, nullo discrimine recti. Veri iudicii quantà laboraret inopiā, in apparatu ipso statim ostendit. Vix attingit, quod erat necesse, gravissimas quæstiones, & multum perdit verborum, ut, quæ erant per se clara, aut certe non adeo obscura, tenebris involvat, & congerie mendaciorum verum abscondat. Josephum, Scriptorem gravissimum, quod ejus simplex & vera narratio, vanissimis, quos instituit, epilogismis non congruat, Præsides Syriæ cum Judææ Procuratoribus puerili errore confundens, Josepho inclementer dicit, & mendacii reum illum agere conatur, qui suas ineptias atque fatuitatem accusaret melius. Atque ut uno verbo dicam, *πελοαγισίαν* suam ita ubique ostentat, ut simul linguarum & meliorum disciplinarum & artium imperitissimum se fuisse probet. Et hic tamen est Baronius, è cujus rhapsodiis volunt hodie nos pendere, quibus omnipotentis Pontificis commentum placet. Nos igitur amore veri flagrant, id nunc agimus, ut scopum illorum Annalium aperiāmus, &, quanti parens illorum fieri debeat, doceamus. Quo in proposito eam moderationem tenemus, ut præter Dei gloriam nihil quælivisse nos, facile omnes sint intellecturi, si ad breve tempus *ἡ δεινότης*; Jesus Christus vitæ usuram concesserit. Videbis quæ in primum Tomum scripsimus. Id caput est totius operis: quod si probaverimus vix aliquid sani habere, de cætero corpore quid sit iudicandum, non erit adeo difficilis conjectura.

Arduum est opus, quod incepti, vel propter congestarum in id volumen rerum copiam. Sed mihi bonitas causæ animos facit, & cum primis serenissimi sapientissimique REGIS Majestas, quem & auctorem habeo nobilis incepti, & assiduum *ἐργασίαν*. Scit Princeps, pietate & doctrinā excellentissimus, quanti Christianæ Reipublicæ intersit, Baronio detrahi personam, ut talis omnibus appareat, qualis est reverà, non qualem ipsum stulta hominum persuasio fingit. Hoc igitur MAJESTAS ipsius mihi muneris mandavit, ut meam in eo negotio occuparem industriam.

Exultat enim REX, non alibi melius 1612. quàm in illo & argumento omne id, & quantulumcunque est literarum; quod Dei beneficio sum consecutus, posse occupari. Spero Deum immortalem conatibus assuturum meis; ego certè cupiditate ardeo incredibili, efficiendi; ne ejus benignitatis, quam mihi quotidie exhibet, REGEM prudentissimum possit aliquando poenitere.

Gratissimum verò mihi fuit, ex literis tuis cognoscere, de tanto PRINCIPLE non aliter te ex ejus scriptis & hominum sermonibus judicare, quàm hic optimus quisque facit eorum, quibus assiduo usu pietas, virtus ipsius & doctrina sunt notæ. Planè ita est, ut scribis. Quod querit Philosophus, an cadat in Principem laus viri boni, eam controversiam REGIS hujus exemplum prope unicum decidit; quippe nulla est aut viri boni laus, aut boni Principis, quā non sit REX JACOBUS dignissimus. Cui ego tuum de ipsius Majestate iudicium, cum significassem, magnam optimum Principem ex verbis meis animadverti capere voluptatem. Magni enim te, PAULE venerande, Rex sapientissimus idemque doctissimus facit, ut nemo mirari debeat, gratum ipsi esse à tam laudato viro laudari. Cum autem verba hæc in extrema Epistola tua ipsi ostendissem: Si ego ejus protectione dignus essem, nihil mihi deesse putarem ad mortalis vitæ felicitatem; statim jussit me REX de sua erga te benevolentia omnia tibi prolixè polliceri. Optare quidem se, ut popularibus tuis face virtutum tuarum præluceas; quod fecisti hætenus; si tamen aliter eveniat, scire vult te serenissimus REX, paratum tibi esse in ipsius magnificentissima liberalitate solatium; & scito scripsisse ejus Majestatem ad suum, quem isthic habet, Oratorem, ut nulla in re tibi desit. Experire, si necesse sit, senties REGI JACOBO ad bene merendum de bonis longas esse manus. Oro supplex Deum Optimum Maximum, ut Principem; natum in exemplum maximarum virtutum, terris quàm diutissimè concedat; idemque te serve, Vir venerande. Vale. Londini, Kalend. Jul. CIO IO CXII.

EPISTOLA DCCCXIII.

CORNELIO VANDER
MYLE.

MONSIEUR;

J'Ay receu celle qu'il vous a plu m'ef- 1612.
crire touchant l'Epistre au Cardinal
O o o du

1612. du Perron; laquelle quand j'ay escrite, je n'ay pas doubté que ceux, qui mesprisent l'Antiquité, la condamneroient: mais j'oppose à ces Messieurs-là l'autorité du Roy de la Grana' Bretagne, & de tous les sages Evêques de ceste Eglise: outre la certaine science, assurance, & ferme creance que j'ay, que je n'ay escrit un seul jota en ceste Epistre, qui repugne à la Sainte Parole de Dieu, ni à la joy de l'Eglise ancienne. Quant à feu Monsieur de Serres, ce que vous dites, est

* Il faut expliquer cela du dessein qu'a-voit en Mr. de Serres, d'accorder les Religions: ce qu'il se moignoit de faire par le Livre intitulé, Apparatus de fide Catholica. Colomes.

très-vray *. J'estois en Languedoc, quand il mourut. Ce n'est à moy de juger de son intention, ni de ceux qui l'ont si estrangement condamné. Seulement diray-je, que si le dit Sieur n'a eu autre desir, que de servir à la paix en l'Eglise de Dieu, salvâ veritate; il est plus louable pour ce dessein que ne sont ceux qui par leurs nouveautez troublent l'Eglise. Est genus hominum, qui putant ante hos centum ferè annos cœpisse mundo apparere veram Ecclesiam, quæ nullo priore seculo fuerat vîta. Horum amen- tiam ego ex animo detestor; atque ita judico, non magis nocere Ecclesiæ Dei Pontificios, dum suos errores Verutatis obtentu hodie tuentur, quàm homines novitatum amantes, qui Sacram Scripturam ex libidine sua interpretantur, & quicquid suis interpreta- tionibus non convenit, falsum & im- pium putant. Je ne veux m'estendre sur ce propos, craignant vous ennuyer. Faisant donc fin, je vous prie me tenir tousjours,

MONSIEUR,

Vostre très-humble
Serviteur,
CASAUBON.

A Londres, ce 14. Juillet,
C10 10 CXII.

EPISTOLA DCCCXIV.

JACOBO AUGUSTO
THUANO.

1612. Illustrissime Vir, post reditum ad vos Ducis Bullionii unas tuarum accepi, idque hesternâ die, quum ante viginti dies essent scriptæ. Scripseram binas ad te discedente Bullionio Duce; unas Capello Theologo tradideram; alteras Justello, qui Duci à secretis. Harum Epistolarum alteram periisse; ex tuis didici. Doleo non una ex causa. Scripseram multis de rebus familiariter; neque consultum est, ejusmodi literas in manus alienas incidere. Erant in eodem fasciculo plures aliæ de re familia-

ri nostra scriptæ. Perit mihi opera, 1611. perit tempus, cujus unius rei inopiâ laboro, ut qui maximè. Venio ad tuas. Quod scribis de illustrissimo Cancellario, gratum est. Exposui tibi causas non semel, cur opus adversus Baronium sim aggressus; & puto consilii illius habuisse me iustas rationes. Metui tamen, ne Dominum Cancellarium offenderem, quò nihil molestius poterat mihi contingere. Liberali me sollicitudine, cum verbis illius nuntiasti, non propterea fore me illustri ipsius Dignitati minus gratum. Ego dabo operam, quantum fieri poterit, ut neminem bonorum offendam. Optassem potuisse sine meo nomine librum edi: sed hoc qui fieri potuerit, non video. Eam provinciam mihi esse demandatam, omnes hic sciunt ut libros mihi pararem, qui meis careo infelix, omnes Londinenses Bibliothecas excutere opus habui. Ego vix sum apud Regem unquam, quin pensi rationem exigat; idemque ut me juvaret, magnam sibi parare Bibliothecam instituit, quæ tota in ædes meas infertur. Hæc quomodo poterant dissimulari? Adde, quòd à Principe optimo vix putem impetrari posse, ut meum nomen taceretur. Scriptio denique ipsa, nisi fallor, & meidieg rôn mætiæ statim arguisset. Multa Scalligeri mentio, multa è Græcis Aucto-ribus deprompta, & id genus alia Scriptorem certo designassent. Richerius † nomine abstinerat. Quid profuit? In Libro de Ecclesiastica & politica Potestate. cujus cum- fura legi- tur Tom. II. Mar- curii Gal- licæ, pag. 307. & 309. Colomes.

Quid igitur superest, Deo exitum per- mittamus. Ego mihi conscius sum, ni- hil querere me præter gloriam Dei, de- fensionem veritatis, causæ regię patro- cinium. Propter ista si me calamitas manet, dolebo; Stoicus enim non sum: in mediis tamen suspiriis vocem illam usurpabo, Ποσειδον, ὁρῶν τὰν γαῖαν. Fiat igitur Dei Opt. Max. voluntas. Me cum vitæ hujus tædet, diu est. Scriptis ali- quoties ad te, Cottonium ab urbe abes- se, in contexenda Historia occupatum. Nuper quum mihi serenissimus Rex in- dicasset, ipsum esse in urbe, memor tuorum mandatorum, statim adii. Re- spondit, se totum in eo esse, ut cœp- tam Historiam absolvat, quam ipse An- glico sermone componit, Camdenus Latinam facit. Schedium à te missum ei tradideram, ut de re illa cogitaret. Post paucos dein dies respondit, sibi compertum esse, Marechallum de Retz semel post lanienam Parisiensem in An- gliam venisse; se enim, ut certò rem exploraret, omnia scrinia & tabularia sedulo inspexisse. Addidit tum, si quid aliud occurreret, in quo posset ejus opera tibi esse utilis, & dignareris ad

se

1612. se scribere; daturum operam, ut tibi satisfaciatur. Oro Deum immortalem, ut te, Vir illustrissime, servet, ac magis magisque in dies fortunet. *Londini, Kalend. Jul. CIO IO CXII.*

Permittat mihi, obsecro, tua benignitas, ut Dominum Fabrum, quem ex animo colo & observo, hic salutem, & Dominum Rigaltium, ac Puteanos fratres, merito suo mihi charissimos.

EPISTOLA DCCCXV.

DANIELI HEINSIO.

1612. **V**ir præstantissime, tandem accepi, quas diu expectavi, literas tuas, post lectam Epistolam ad Cardinalem Perronium scriptas. Nihil memini legisse majori cum voluptate. Cæterorum meorum scriptorum laudatio *φερνική* semper mihi visa: hunc libellum à te commendari, vehementissimè sum lætatus; non enim propria mihi illa laus est, sed ad sapientissimum Regem pertinet, gravissimosque hujus Regni Episcopos; quorum ex mente libellus ille est scriptus. Ego si privato nomine ejusmodi scriptum edidissem, à Zelotis nostris in plura frustra discerptus essem, quàm olim vel Actæon, vel Pentheus à suis canibus & thiasotis. Ne nunc quidem post illa tanta nomina satis securus lateo: non enim desunt, qui hæreses meas adnotent, & gravissimè de me pronuntient. E Gallia ad Episcopum Bathonicensem * plures Epistolæ venerunt, quibus ego gravissimè accussor, ut Papismi patronus. Ex Hollandia vestra vir doctus & bonus ad me scripsit, damnare se non pauca in eo libello; *quædam etiam toto animo execrari*: sic enim loquitur. Quid facerent hi censores, si aliqua Regis tanti reverentia & Ecclesiæ Anglicanæ eos non teneret? Te & divini ingenii virum, Grotium nostrum, aliter sentire, non mihi est magis jucundum, quàm serenissimo Regi reverendisque Episcopis, qui omnem *φιλοκαλίαν* ex animo oderunt. Ego conscientix meæ integritate fretus & judiciis vestris, quid de meis scriptis judicent, aut judicaturi sint Theologiæ omnibus seculis inauditæ patroni, pili non facio unius. Pergo igitur alacris in opere adversus Baronium suscepto; totis ingenii viribus id contendens, ut veræ pietatis amantibus & solam Dei gloriam quærentibus meos conatus approbem. Dura omnino provincia est, quam suscepi; sed spes mea omnis non in propriis viribus, quæ nullæ sunt, verùm *ἐν τῷ ἐνδυναμῶντί με Χριστῷ Ἰησῷ*. Qui putant nos in literis

* Jaco-
bū Mon-
tanium.

humanioribus consensuisse, opus haut dubiè mirabuntur, suâ expectatione longè majus. Theophrastus tuus quando prodibit? Jussi meum codicem Luteriā afferri, qui si fuerit allatus, nonnulla tecum statim communicabo, aliqujus fortasse momenti: quanquam scio nihil tam parvum, nihil tam magnum esse, quod tuam diligentiam possit efugere. Deus immortalis te servet Reipublicæ literariæ. Vale, charissimum mihi caput. *Londini, a. d. IV. Nov. Jul. CIO IO CXII.*

D. Eliensis te amanter salutat.

EPISTOLA DCCCXVI.

HUGONI GROTIO.

Vir præstantissime, si quantum volu-
ptatis è tuis capio, tantum & otii suppeteret ad confabulandum per literas tecum, haberes me importunum congerronem. Sed mihi omnem ejus rei facultatem curæ, negotia, studia denique eripiunt. Nam & occupatissimus ferè sum; præsertim cum Rex optimus est in urbe, aut ad urbem; tum autem operis suscepti magnitudo ea est, ut agrè à proposito divellar. Videbis, si Deus immortalisnaverit inceptis, novi generis scriptionem; rerum nempe veteris Ecclesiæ nudam & simplicem explicationem, sine affectu partium. Nihil malignè fingimus, nihil veri dissimulamus, omnia ad gloriam Dei referimus, non ad partium victoriam. Baronii verò imperitiam, fatuitatem, stuporem sine dubio miraberis. Nam qui summam Religionis faciunt, Pontificem Romanum adorare, illis Baronius quanto in pretio sit, non te fugit. Quid ergo dicturi sunt, quando videbunt certis argumentis demonstrari, illum melioris totius literaturæ fuisse imperitissimum? Et nos quidem summâ moderatione semper utemur; sed non propterea odium *τῶν παρμαναύτων* vitabimus. Ne illis quidem, satis scio, gratum erit opus nostrum, qui omnes opiniones *χθές καὶ πρότερον* natas, volunt semper obtinuisse in Ecclesia Dei, & infano errore quicquid non probant, putant esse recens & ab Antichristo excogitatum. Isti sunt, qui in Epistola ad Cardinalem Perronium fœdas hæresesprehendunt, & gravissimè de me pronuntiant. Est quidam in regione vestra Theologus, vir bonus, & mei amans, qui nuper liberè scripsit suum de illa Epistola judicium. Damnat non pauca, ut parum Theologicè scripta, *quædam execrari se ait toto animo*: sic enim loquitur, & addit, velle se accuratè meos

1612. meos errores mihi demonstrare: qui si quantum est novorum librorum, evolvar, nihil asferre poterit, cur aut Rex sapientissimus, aut eruditissimi Episcopi hujus Regni, aut ipse literulam unam in ea Responione velimus mutaram. Te aliter judicare de illo libello lætatur serenissimus Rex; lætantur & Episcopi gravissimi, quibus tua pietas & singularis doctrina non sunt incognitæ. Deus hanc tibi mentem servet, eandemque aliis suggerat; ut tandem aliqua pateat illius negotii promovendi ratio, de quo non unis jam literis inter nos egimus. Scribam ea super re ad te brevi plura, volente Deo. Vale, Vir magnæ. *Londini, a. d. 1 v. Non. Jul. c15 15 cx11.*

Peto à te, ut quas tuis adjeci, cures perferendas. Invitus hoc tibi oneris impono; sed cogit necessitas.

EPISTOLA DCCCXVII.

✱ JOANNI DRUSIO.

1612. **Q**Uòd postquam in hoc Regnum veni, nullas ad te literas adhuc dedderim, Vir præstantissime; id ut meis occupationibus adscribas cum primis gravibus & continuis, etiam arque etiam vehementer à te peto. Constitueram certè, simul atque in Angliam appuli, dolorem meum tibi significare; quem ex obitu filii tui, juvenis supra annos docti, & mihi longè charissimi, cepi maximum. Sed me alia ex aliis negotia sic tenuerunt hætenus occupatum, ut culpam deserti officii vitare non potuerim. Iterum iterumque te rogo, ne de meo affectu in te è literarum mearum raritate velis judicare. Si id ageretur, ut ego tuis commodis ulla in re possèm inservire, tum ego omnia postponerem, ut fidelem tibi operam præstarem. Tam triste argumentum cunctatus sum attingere, postquam videbatur cicatrix obducta. Nolebam *δαρπεν ἡ δὲν ἰσχύει*. sed abrupto tamen silentium, & pauca hæc ad te exaro, ut meam in amore tui & observantia constantiam tibi approbem. Si nulla esset alia causa, cur te literarum studiosi, quos inter nomen ego profiteor meum, colerent; vel solâ editione tuarum in Novum Testamentum Observationum, quæ nuper prodiit, omnes *τὸς φιλομαθὲς* æterno beneficio tibi devinxisti. Equidem libri illius lectione ita sum delectatus, ut nihil superâ. Accurata enim illa comparatio doctrinæ & *φράσεις* Evangelicæ, cum scriptis veterum Magistrorum incredibilem in modum mihi arrisit. Opto tibi,

Senex venerande, senectutem aquilæ, 1612. & *μὴν σπουδῶν*, ut publicatione tuarum lucubrationum bene de literis pergas mereri. Video latere in tuis adhuc scriptis multa, publicâ luce dignissima. Deus faxit, ut omnia edendi sit tibi facultas. Ex tuo libro didici, Buxtorfium vixisse, quod si satis certum, quantum in eo viro literæ vestræ jacturam fecerint, ne dici quidem potest. Nos hic refutationi Baronii orium nostrum impendimus: quæ scriptio à Literis Sacris non est planè aliena. Miraberis hominis adeo celebris imperitiam & *γνώσας πειθέας*. Taceo alia & flagitia, quæ ad gloriam Dei palam faciemus. Vale, Vir venerande. *Londini, a. d. 1 v. Non. Jul. c15 15 cx11.*

EPISTOLA DCCCXVIII.

JACOBO AUGUSTO THUANO.

VIr illustrissime, heri scripsi ad tuam 1612.

Dignitatem, neque erat quod vellem additum; sed amico huic petenti *συστήνα* ad te non potui denegare: quum præsertim ex uno aut altero colloquio compererim, virum esse doctum, & judicii in literis non vulgaris. Ille enixè petiit à me, ut fores aperirem sibi amicitiae tuæ: quâ si illum ex commendatione mea fueris dignatus; mox, nisi fallor, dignum pronuntiabis, quem referas in eorum numerum, à quibus velis coli. Hoc volui; neque nunc plura licet. Vale, Vir illustrissime, decus tui seculi propè jam unicum. *Londini, a. d. v 111. Eid. Jul. c15 15 cx11.*

EPISTOLA DCCCXIX.

E I D E M.

VIr illustrissime, accepi responsum ad 1612.

illas tuarum, quas mihi D. Scæva reddidit. Putabam Epistolam meam periisse, quam Justello tradideram. Hæc tua Epistola illam potius periisse me docuit, quam Capellus acceperat tibi deferendam. Si benè memini, illius argumentum erat de meo ad vos redditu. Hujus varium & multiplex: quantum tamen animo repetere possum, cum meam memoriam interrogo, pars maxima ejus scriptionis erat de opere instituto; cujus scopum cupio esse tibi perspectum. Doleo, intercuisse illam Epistolam; non quia solum chartæ raptim exaratum tanti faciam; sed quia familiarem scriptionem in alienas manus devenire, periculotæ aliquando plena

1612. plena res est alex. Ego fretus humanitate tuâ, & erga me benevolentia, sic soleo tecum per literas garrere, ut solitum facere memoria teneo, cum isthic essem. Quæ refers mihi illustrissimi viri, Domini Cancellarii verba, incredibili me lætitiâ affecerunt. Nunc videor mihi cognoscere, seriò de me revocando esse isthic aliquando actum; nam hætenus quidem mentio aliqua ejus consilii fuerat facta: sed hoc ita frigide, ut sæpe dubitarim, quo fine illa dicerentur. Postrema hæc illustrissimi Cancellarii responsio persuadet mihi, illustrem ejus Dignitatem de eo negotio seriò aliquando cogitasse; non enim putem è re nata dixisse illum, quæ adjicis de duplici incremento commodorum meorum, si Deus dederit isthuc redire. Siquidem igitur illa vera sunt & satis certa, accipio lubens conditionem, & benè mecum agi tum credam, si dederit aliquando *ἐν τῇ πατρί* illâ Christianissimi Regis liberalitate posse uti frui. Sed quia id, quicquid est, incrementi petendum videtur ex illa pecunia, quæ in usum Scholæ est assignata, causam suspicor esse justam, cur ego metuam, ne exitu res careat: neque fortasse æquum fuerit, ut ipse ex alieno incommodo capiam commodum. Nam ut ipse doceam, vix credam posse fieri, ut tempora sunt & hominum ingenia. Quare peto à te, Vir amplissime, ut quantum sit in istis firmitudinis, diligenter explores, & nisi grave est, mihi significes. Non sum ausus Domino Cancellario obstrepere, cui tamen gratias agere optavi; imò ut puto, debui. Omnino persuasum ipsi esse cupio, si illa sunt rata & certa, quæ scripsisti, & tempus mihi conceditur perficiendi opus, quod serenissimo Regi nuncupare est animus, nullam postea fore in me moram. Ardeo enim cupiditate incredibili colophonis imponendi operibus variis, quæ isthic incepta, aut perficiuntur isthic, cum bono Deo; aut . . . sed nolo malè ominari studiis meis. Nonnihil tamen movent me inimici, quos videor apud vos habere plures quàm putabam. Sed de his alias pluribus. Interim oro Deum immortalem, ut te servet, Vir amplissime, & quicquid tibi charum. *Londini, a. d. ix. Kalend. August. cix cxii. vestro more numerandi.*

Scribebam hæc in tantis caloribus, ut dubitem an in Gallia Narbonensi majores sim unquam expertus: sed scito, postridie quàm hæc scripseram, aluisse me vehementer.

EPISTOLA DCCCXX.

THOMÆ ERPENIO.

SI vel decem mihi linguæ essent, non 1612. possem tibi exprimere, charissime Erpeni, quantum sinceræ voluptatis nuntius ille mihi attulerit, quo te in patriam ad parentes rediisse cognovi. Sustuli in cœlum manus, & Deo immortalis gratias egi, quòd mihi tantum amicum; Reipublicæ literariæ tantum vindicem servasset. Oro illum toto pectore, ut pergat tibi & conatibus tuis benedicere. Quod & facturum spero, imò ausim dicere, confido; teque hortor, ut de tuis studiis omnia tibi læta promittas. Non solet Deus Opt. Max. honesta proposita destituere ope suâ. Quare licet non statim, quid te futurum sit cognoscas, bono tamen esse te animo par est, & paululum expectare. Quid? putasne difficile, illum *ἀγῶνιστον* loco deturbare, qui nunc Lugduni Batavorum alienam sedem vult ire occupatum? Ego, qui procul à vobis absim, mihi videor posse tibi recipere, non debere te ea de re dubitare. Nolo ut tu illi negotio te immisceas. Habeo amicos, ad quos seriò scripturus sum; quos scio meâ causâ aliquid facturos; Grotium cum primis, & Heinsium, duo Hollandiæ clarissima lumina. Tu si putas aliquid me posse, fac me certiore; ego nihil intactum relinquam, quo meam fidem tibi probem, & summam benevolentiam, quâ te prosequor. Neque enim vereri debes, ne temporis longinquitas, aut locorum intervallum animum immutarit. Quin potius crede certò, me de te absente dies noctesque cogitasse, & multa etiam apud doctos in Anglia viros esse locutum. Atque utinam te videre hic possem, & de variis rebus sermones tecum ferere! Spero sanè te, postquam tui conspectu optimos parentes satiaveris, huc excurrere non gravaturum, & nos tuo adventu beaturum. Invenies Arabica studia nostra planè jacere; cupiditatem tamen discendi in animo hæere nobis, quanta olim fuit. Sed nostros in eo genere conatus, postquam huc venimus, multa retardarunt. Nam & libri nostri ferè omnes Luteriæ adhuc hærent, & nos alia studia mirè occupatos habent. Habemus in manibus, mi Erpeni, opus arduum, cujus finem si dederit Deus videre, fructum, ut spero, non mediocrem è vigiliis nostris Ecclesia Dei percipiet. Animadversiones enim scribimus in Annales Baronii, & fraudes illius atque imperitiam stupendam orbi pate-

1612. patefacimus. Non tamen à studiis linguarum Orientalium ita sumus alieni, ut non aliquando de illis quoque cogitemus. In Rabbinis præsertim succisiva temporum nostrorum, quoties licet, collocamus. Sed de his rebus brevi, ut spero, unà agemus. De מאקאריט quæ scripti, & nova mihi fuerunt, & longè gratissima. Non habeo hic Alcoranum Latinum; in quo memini aliquid legere; sed non dubito tua esse veriora, imò verissima. Scito, optimum virum Bedwellum iter isthuc cogitare, ut Lexicon ἡ μακαριτῆς Scaligeri inspiciat, si potest, & aliquam sui Lexici edendirationem inear. Ille te admiratione singulari prosequitur, ex illis Notis, quas ad ipsum misisti in Observationes suas ad Alcoranum. Magno illum afficiam gaudio, cum te rediisse ei nuntiabo. Scripsi, ex quo huc veni, duos libellos; quorum alterum non habeo jam ad manum; alterum tibi mitto, ut scias, quo in genere literarum nunc sim totus. Vale, amicissime Erpenii, & me ama. Parentes tuos ut meis verbis salutes velim. Scripsi statim post tuas acceptas, gaudio ebrius, propter acceptum de tuo reditu nuntium. $\Delta\omicron\chi\alpha\ \kappa\alpha\ \chi\acute{\alpha}\rho\iota\varsigma\ \tau\omicron\ \kappa\upsilon\rho\iota\omicron\varsigma$. Uxor te ex animo salutat. *Londini, a. d. VII. Eid. Jul. Angl. CIO IO CXII.*

EPISTOLA DCCCXXI.

DANIELI HEINSIO.

1612. **V**ir clarissime, qui tibi has reddidit, * Wilhel-
helmus
Bedwellus,
de quo nos
alibi.
Colomel. amicus meus * est; amicus de meliore nota, vir doctissimus, & D. Episcopi Eliensis à multis annis $\text{ὁμοῖοι πλάτ-
της}$. Is quum multos annos in illustranda lingua Arabica consumpsisset, optavit priusquam sua ederet, posse inspicere τὴ τῆ μακαριτῆς Herois. Ea sola illi fuit causa suscipiendi hujus itineris, hortatu ἡ πένυ Eliensis, qui nullis parcere cupit sumptibus, ut studiis literarum consulatur. Ille vir magnus, à quo scis te amari & æstimari κατὰ τὴν ἀξίαν , petit à me, ut huic communi amico aditum patefacerem per literas ad tuam amicitiam. Speramus per te posse ipsi fieri copiam inspiciendi, quem servas, thesaurum. Quia vir simplex est, probus & pius; putamus non eum indignum tuā benevolentia & gratiā. Neque dubitare debes, si quid illi hoc iter ad voti summam profuerit, fore memorem & τὸς ἐντολάταις prædicaturum ingenuè & candidè. Nolo mihi fidem habere; ipse experieris hominem non minus ἀκακὸν καὶ ἀφελῆ , quàm seriò doctum in illis literis, quas præcipuè colit. Habebis isthic Erpenium, cui meus

Bedwellus, (sic enim vocatur is, de 1612. quo ad te scribo) probè est notus. Tibi verò, clarissime Heinſi, notum esse Erpenium existimo. Ille vir videtur mihi divinitus nactus esse spartam ornandi linguas exoticas, præsertim Arabicam, cujus eam cognitionem labore improbo & magnis impensis est consecutus, ut ipsis Arabibus fuerit miraculo jam ante unum aut alterum annum. Ego certè stupore defigor, quoties de illo portentoso ingenio cogito. Audio Illustrissimos Ordines alere Professore Arabicum. Oro igitur te, maxime Heinſi, ut efficias, quò illa provincia huic tradatur, ne desit illi occasio occupandi ingenii. Versatur ille quidem, vel potius ejus pater, in re lauta; sed occupari oportet ipsum in aliquo vitæ genere honesto. Scio, ipsum non esse à voluntate docendi alienum. Magnum decus adjeceris Academiae vestrae, cui vel solus tu satis magnum es ornamentum, si effeceris, ut in ea professione Illustrissimi Ordines Erpenii operà utantur. Me, ut hæc ad te scriberem, impulit insanus amor literarum, & cupiditas conatus doctorum promovendi. Tu, quæso, & Bedwellum, & Erpenium tuā benevolentia complectere, & quibus poteris cunque rebus adjuva. Ego opus urgeo; sed negotium lentum est, & vix dum satis inchoatum. Videbis defensionem Scaligeri adversus Serarium super Herode alienigena accuratam & gravem. Amisimus nuper, vel præmissimus potius Bongarsium, virum omni laudatione majorem. Beatum illum, qui non vidit mala patriæ, quæ parant duo genera hominum, Jesuitæ ἡ εὐχὴν ἡμῶν , & $\text{οἱ ἐκ τῶν ἡμετέρων ἰησοῦσιζοντες}$ habemus enim & nos Jesuitas. Deus misereatur Ecclesiæ suæ: qui te servet, & $\text{ἀντιδελφὸν ἔμει καρά}$. Vale. *Londini, Kalend. August. CIO IO CXII.*

EPISTOLA DCCCXXII.

HUGONI GROTIIO.

Vir magne, proficiscenti huic meo 1612. amico * ad vos non potui non da- * Wilhel-
Bedwellus. re aliquid literarum, ut notitiam illi tuam conciliarem. Vir est pietate & doctrinā excellens, & simplicitate morum inter suos conspicuus. Scripsit opus ingens ad literas Arabicas illustrandas. Sed priusquam sua ederet, certò scire voluit, quid restaret spei de editione Thesauri ἡ μακαριτῆς ἔργα † † Jhesu-
Scaligeri. Scripsi ad clarissimum Heinſium, ut benignè hunc excipiat, quod non dubito facturum: $\text{καὶ πῶτε μὲν ταύτη}$. Nos hic in expectatione sumus adventus
Electo-

1612. Electoris Palatini *, ut perficiatur,

* *Vide supra. Epist. τὴν 77. †. Si quem offendero in ejus comitatu aptum ei negotio promovendo,*

de quo sæpe egimus, imminebo occa-

sioni, & lapidem omnem movebo, si-

quidem spes aliqua fructus fuerit osten-

sa. Scribunt amici, quos isthic ha-

beo, graves de me querelas passim apud

vos jactari, de hæresibus, quæ in Epi-

stola ad Cardinalem Perronium conti-

nentur. Non miror, neque indignor,

neque *ἐπιζῶμαι* prævidi namque hoc

futurum. Habeo *βιβλαριώνας* omnium, quæ

scripsi satis, credo, idoneos. Vale, Vir

præstantissime, & me ama. *Londini,*

Kalend. August. c12 13 CXII.

Rogavi clarissimum Heinsum, ut si

posset fieri, in professione literarum

Arabicarum isthic occuparetur industria

viri admirandi in eo genere *παιδείας*,

Thomæ Erpenii, quem credo ipse nō-

sti, vestras enim est, educatus in Aca-

demia Lugduno-Batava. Benè mere-

bitur, qui otium illi viro procuraverit,

in quo te & posse multum scimus, &

velle etiam nostrā causā aliquid confi-

dimus.

EPISTOLA DCCCXXIII.

THOMÆ ERPENIO.

1612. **V**ir amicissime, habes Bedwellum no-
strum; cujus utinam potuissem esse
comes in itinere! Vidissem te & ami-
cos, quos habeo isthic, arctā benevo-
lentiā mihi junctos. Te imprimis, quo
nemo mihi amicior; nemo, quem ipse
plus diligam. Bedwellus noster narra-
bit tibi præsentem nostrum statum.
Dies noctesque ponimus in suscepta
scriptione adversus Baronium; in quo
incepto, si Deus nobis benedixerit,
multa legentur non passim omnibus no-
ta. Quod si studiorum socium habe-
rem, non leviter me in libros Rabbi-
norum immergerem, quos aliquando
cœperam diligenter evolvere. Sed me
aliæ curæ inde revocarunt. Utinam
ita feliciter Dei clementia mecum age-
ret, ut possem te videre hic in aliquo
honesto loco ex animi tui sententia col-
locatum! Sed quia nihil spei inde ad-
huc allucet, scripsi ad virum clarissi-
mum, Heinsum, & ad amplissimum
Grotium, ut omni ope atque operâ ef-
ficerent; ut tu in Academia Lugdu-
nensi constitueris Arabicarum litera-
rum Professor. Videbimus quid sint
acturi. Ego tuas avidissimè exspecto,
qui nuper scripsi ad te *ἀπὸ πλείονος*. Va-
le, & me ama. *Londini, Kalend. Au-*
gust. c12 13 CXII.

EPISTOLA DCCCXXIV.

JACOBO AUGUSTO
THUANO.

Illustrissime Vir, respondi nuper ad 1612.
oblatam conditionem per illustrissi-
mum Dominum Cancellarium: qui si re-
præstare potest, quod verbis spondet,
& pax mansura est in nostra Gallia, nã
ego stultus sim, si exilium hoc chari-
tati *φίλης πατρίδος* prætulerò. Sed plu-
ra scripsi nuper ea de re. Audiveram de
obitu viri clarissimi, & *μακαρίτης* Bon-
garlii, prius quàm tuas acciperem.
Quàm tristis autem ille nuntius mihi
fuerit, ne tu quidem, Vir amplissime,
ignoras. Anni sunt ferè viginti, ex
quo primùm in Germania amicitiam
contraxeramus, à quo tempore vir opti-
mus, & verè publico bono natus, nul-
lum finem fecerat benè de me & stu-
diis meis merendi. Nam qui esset longè
doctissimus, quibus ipse subsidis opus
haberem ad ea, quæ parabam in lite-
ris, optimè nōrat, & qui me vehemen-
ter amaret, ea mihi sponte suā sæpe
providebat, non expectatis precibus
meis. Sed me non tam privata jactura
angit, quàm damnum ingens, quod
universum nomen Gallicum in obitu
illius fecit. Hæc verò jactura quanta
sit, ipse omnium optimè intelligis, qui
& præstantiam illius ingenii nōras, &
more tuo *κατὰ τὴν ἀξίαν*, non ex Auli-
corum sermonibus, æstimabas. Habuit
Bibliothecam instructissimam; sed va-
riis locis dissipatam. Eam colligi cu-
pio à Domino Petavio, ne is thesaurus
Galliæ nostræ pereat. Parabat alteram
partem operis à te suscepti, cujus prior
ante annum prodit. Memini, cū is
liber mihi esset allatus, incredibilem
quandam voluptatem cepisse me è le-
ctione Præfationis, summæ pietatis,
probitatis, charitatis, & exquisitæ eru-
ditionis notis refertæ. Quo magis do-
lui, non esse plura à tanto viro edita:
qui si in Germania diem ultimum
obuisset, habuissent docti viri rationem
funeris ejus, & ornandæ illius memo-
riæ pro meritis ingentibus & *μακαρίτης*.
Sed vivet Bongarlii memoria in animis
bonorum & eruditorum,

*Ἐς τὸν ὅδε π ρέει καὶ δένδρεα μακρὰ πρὸ
Σήλη.*

Ego incipio observationes meas descri-
bere, & habeo jam quædam descripta,
quæ utinam possem ad te mittere! Sed
nemo est ad manum, qui manum com-
modet. Quæram tamen, & omnino,
ἐν ᾧ εἶπεν, aliquid mittam. Initio
occur-

1612. occurrit disputatio de prophetia illa Jacobi: *Nou auferetur sceptrum de Juda*, &c. Nam Cardinalis Baronius cum vulgo Patrum & multis hodieque putat, in Herode alienigena adimpletum esse oraculum. Quod figmentum est verustissimum; sed eorum, qui neque Sacram Historiam, neque Judaicam posteriorem norant. Tractavimus accuratissimè illum locum, brevius tamen, nisi fallor, quàm Pererius in *Genesis*. Ibi etiam causâ Scaligeri magni agenda fuit contra Serarium. Nam cum scripisset Scaliger, Herodem alienigenam falsò fuisse creditum à Veteribus; Serarius Scaligerum non multò aliter excepit, quàm si alter Judas Dominum nostrum prodidisset. Ego Serarium non parvi facio; doctus vir fuit, multarum literarum, multæ industriæ; in hoc tamen libello contra Scaligerum virum profecto bonum non egit; falsa tuctur; fallis argumentis, & sine causâ verissimam viri incomparabilis observationem *ὁπὸ ἐμφύτης κακότητος* sinistrè interpretatur, quasi nefas esset hac in parte à sententia Veterum discedere. Et tamen ante alterum tertiumve annum Torniellus Italus in media Italia in eadem re longius multò à Patribus discessit quàm Scaliger: & tamen nullus est inventus Serarius, qui illas tragedias excitaret & clamaret: *Porro Quirites*; *ἀπὸν, ἀπὸν*. Utinam propius à te abessem & clarissimo viro, D. Fabro. Vos effectis mearum observatiuncularum *ὁ κατὰ*. Occurrunt quaestiones gravissimæ in ipsis principiis, ubi nihil temerè pronuntiamus, difficultates nostras proponimus, & lapidem omnem movemus, quo bonorum expectationi opus nostrum, Deo propitio, respondeat. Factiosorum certè palatis parum sapiet, scio; & jam adversus illorum judicia animum obduro. Sed desino *ἀδολαχέιν*, Deum immortalem venerans, quantà maximà possum pietate, ut te, Vir amplissime, servet, & magis magisque in dies fortunet. *ῥέγντο, γένοιτο*. Vale, meum decus. *Londini, a. d. xiii. Non. Aug. c. d. d. cxii.*

EPISTOLA DCCCXXV.

GEORGIO MICHAELI
LINGELSHEMIO.

1612. **V**ir nobilissime, cum hinc discessit amplissimus Plessenius, ita occupatus fui, ut scribere ad te non vacaret. Et verò scripseram ante paucos dies, & libellum miseram non magis meum, quàm serenissimi Magnæ Britanniae Regis. Qui si vestris Theologis parum

placuit, scito ne literam quidem ibi 1612. esse mihi propriam. De singulis enim Rex deliberavit cum suis Episcopis, viris pietate & doctrinâ præstantissimis. Scimus, & scriptum ad nos è variis locis, multis multa displicuisse, & graves de ea descriptione sententias dictas esse: sed nos parum ista movent, qui ad omnium defensionem, si id ageretur, parati essemus. Etsi nunc quidem occupatissimi profecto vivimus, dies nostrosque disputationibus Baronianis impendentes: non enim eâ curâ leviter defungimur. Det modò Deus immortalis & vitam & vires tanto oneri pares. Sed me nuper currentem inhibuit tristissimus nuncius de obitu viri pietate & doctrinâ maximâ, Bongarsii, *ἡ φύς μακαρίτης*. O jacturam gravem! Amisit patria mea magnum lumen; amisit Respublica literarum insigne præsidium. Nihil *ἐνὸς ἑστέπην*, neque probius illo viro, qui in omni genere *παιδείας* quantus esset, & tu scis optimè, præstantissime Lingelshemi, & nemo eruditorum potest ignorare. Ego amico sum orbatus, cujus fidem, sinceram mentem & solidum judicium nunquam satis prædicaverim. Scripserat ad me, se properare in Germaniam, & Francofurti futurum proximis nundinis. Vix illas literas acceperam, cum de ipsius obitu per literas amicorum factus sum certior. Ita sæpe consilia nostra aliter longè eveniunt quàm proposueramus. Optassem, si ita Deo esset visum, in Germania potius ipsum obiisse diem suum: Germania ejus memoriæ honorem aliquem habuisset; quod per Reformationem Gallicam non licet; quæ ad versum Poëtæ facta est: *ἐν δ' ἵ τῇ μὲν* nostri cetera. Ego virum optimum beatum prædico, qui sit iis malis ereptus, quæ Ecclesiæ Dei videntur impendere. Vale, Vir amplissime, & me ama. *Londini, Non. Aug. inter fervores Sirii* prorsus hic insuetos, *c. d. d. cxii.*

Vir amplissime, jam claudebam hanc Epistolam, cum literæ mihi allatæ sunt à Davide Hoeschelio; ex quibus didici, tribui mihi etiam ab amicis fœdas mendas, quibus verba mea furia illa, Scioppium dico, depravavit. Statim igitur alteram ad te Epistolam exaravi, si tibi proberetur consilium, illam isthic cures edendam. Ideo exemplar aliena manu descriptum mitto; quod operis poterit exhiberi. Ego tibi rem totam permitto: nam vix potui relegere, tanta celeritate usus sum.

EPISTOLA

EPISTOLA DCCCXXVI.
CONRADO RITTERS-
HUSIO.

1612. **D**u est, ex quo nihil à te literarum accepi, Vir clarissime. Quod eò impensius miror, quia tuam in scribendo diligentiam habeo notissimam. Opto omnia tibi ex animi sententia succedere. Opto etiam scire, quid agas, & quid jam præ manibus habeas. Nos pensum nuper susceptum urgemus, & cum Baronio dies noctesque disputamus. Opus est futurum, Deo bene juvante, magnum, & in quo fidem ac diligentiam nostram boni, ut spero, non desiderabunt. Puto vidisse te libellum à me scriptum adversus Cardinalem Perronium, jussi enim mitti unum ad te exemplar. Scito, quicquid eo libello continetur, non magis tribui mihi posse quàm universo Cicero Anglicano. Hoc propterea dico, quia multos esse audio è nostris, qui quædam improbent. Clarissimum Bongarsium diem suum obiisse Lutetiæ, superioribus diebus cognovimus, & imensum quantum ex eo nuntio dolorem percepimus. Amisit patria nostra magnum lumen, literæ magnum præsidium. Sed quoniam Deo ita placuit, feramus καὶ ἀχρὺν ἡμεῖς κτλ. Vale, Vir clarissime. *Londini, a. d. vi. Eid. Aug.*
CIC 13 CXII.

EPISTOLA DCCCXXVII.
DAVIDI HOESCHELIO.

1612. **H**odie tuas accepi, quas nobili Anglo dederas ex Italia redeunti. Nihil potuit opportunius; nam ego jam ad Lingelshemium scripseram: sed accepta Epistola tuâ, quia video mihi adscribi scdam depravationem loci Homerici à scelerato Scioppio factam, aliam Epistolam raptim exaravi ad eundem Lingelshemium, quâ culpam rejicio in scelestum illud caput. Est quidem illa Epistola tantâ festinatione scripta, ut vix relegere potuerim. Existimo tamen interesse mea, ut ea publicetur. Misi ad Lingelshemium, virum optimum, qui judicio suo utetur. Cupio sanè, illam ut videas. Intelliges, quàm parum movear perditorum clamoribus: τὸ γὰρ εἶ μετ' ἐμῶν. Deus, inquam, immortalis, ad cujus gloriam mea semper studia retuli: non ad ἀπιστίαν Romani Episcopi, quæ hodie est Theologia multorum, sed eorum, qui totam Antiquitatem ignorant, &

Historias non legerunt rerum gestarum 1612. à sceleratissimo Hildebrando, & aliis deinceps. Reddatur antiqua disciplina, & tot mendacis opus non erit, quibus hodie defenditur tyrannis τυραννικῆς. Ego cæde magni Mæcenatis mei ita sum irritatus in illud μυστήριον ἀδικίας, ut partem maximam pietatis putem, veritatem in hoc articulo profiteri. Si vis scire causam cædis Regiæ, lege *Directorium Inquisitionis*, quâ parte agitur de supplicis Regum. Ab illo fonte ea cædes, certè scio. Quid simile in Turcarum Historiis legimus? ὁ λοιπὸν πανικὴ, quicunque ejus consilii auctor. Scito parare me responsum ad primum Baronii Tomum, moderatam quidem, & plenam reverentiæ erga illum; sed tamen seriam, accuratam, & in qua pulcherrimas quæstiones videbis novo more explicatas, non ex lacunis recentium, sed ex ipsis Patrum fontibus. Opus jam describi inceptum. Sed vix dum satis inchoatum. Superest, ut Deum mihi propitium precentur, qui me amant. Ego Dei gloriam & Ecclesiæ concordiam in omnibus meis inceptis semper spectabo. Epistolam tuam πρὸς ἐυχαιρίαν accepi. Non possum nunc respondere. Videbis ea de re, quæ observamus in hoc opere, si volet Deus. Peto à te, ut amplissimum virum Velsorum meis verbis quàm officiosissimè salutes. Scripsi nuper; neque scio, an offenderim. Vale. *Londini, a. d. vi. Eid. Aug.*
CIC 13 CXII.

Obitum Bongarsii credo ab aliis te accepisse. Is casus me gravissimè perculit.

EPISTOLA DCCCXXVIII.
GEORGIO MICHAELI
LINGELSHEMIO.

Vidi tandem * infames strenas nebulonis infamis, de quibus ad me paulò antè scripseras, præstantissime Lingelshemi. Vidi, & paucas paginas delibavi, avidius cognoscendi quid sibi pestis illa jam veller; ecquem post illustriissimum Heroëm, Josephum Scalligerum, cœlis dudum receptum, rabiosis suis latratibus, canis impurus sibi delegisset invadendum. Pergit nimirum Alastor in suscepto semel scelere, mutavit adversarium, non mutavit ingenium: eadem væcordia, idem furor. Qui doctrinæ, virtuti, pietati in Scalligero bellum indixit, oppugnare eandem ne nunc quidem cessat, neque porro cessabit; me vide: στείλατον est hoc πᾶσι. Deum deserere tum cœ-
P p p

Tota hac Epistola in Scioppium scripta est. Colomeli.

pir,

1612. pit., cum veritati ἐμὸς χροῖον crepit. Nōsti vocem terribilem: ἡ εἰδικὴ, ἀδίκη-
αὐτῶ ἐπὶ ὁ ῥυπῶν, ῥυπαρότα ἐπ. Quod
quidem miser iste vespillonis filius stre-
nuē nunc facit: contra scientiam enim
suam, contra conscientiam, (si tamen
restat illi jam aliquid veræ conscien-
tiæ) veritatem conatur opprimere, &
aliā quidem fortasse impulsus mercede;
sed nullus dubito, præcipuam illi mer-
cedem esse sceleris, scelus ipsum. So-
let læta veritas ab osoribus suis has pri-
mum pœnas expetere; ut qui semel ad
se oppugnandam certo consilio ani-
mum appulit; postea, ne si velit qui-
dem, redire cum ipsa in gratiam queat.
Paucissimis, quos Deus æquus amavit,
ex illo barathro datur emergere. Nam
ubi semel ἀγῶν est contractum, gliscit
malum in dies, neque prius desinit,
quàm ad ultimam impudentiæ atque
δανείας lineam sit perventum. Furere
tum miseri, & diro agitati cæstro ad
exscindendum ipsum veritatis nomen,
si possent, totis viribus, cæco impetu
ferri. Vidit nostra hæc ætas ejus va-
cordiæ exempla aliquot illustria: sed
ex omnibus nullum illustrius, quàm
quod in vespillonis filio videmus jam
edi. Ut canis rabiosus vagans huc il-
luc obvios mordet, ac veneno suo in-
ficit; sic iste furore quodam Cerbereo
εἰσρηλατῆρῳ bonos quærit, in quos
virus evomat suum: non adeo homi-
num ductus odio, à quibus nullā un-
quam injuriā, ne minimā quidem, fuit
laceffit; sed virtutis ipsius, atque ve-
ritatis, quas extinctas quum cupiat,
bellumque illis ἀσπράσσειν indixerit, ea-
rundem cultores pro inimicis habet.
Primus illius impetus fuit ante aliquot
annos adversus Josephum Scaligerum,
vitæ innocentissimæ virum, & de Re-
publica literaria sic excellenter meri-
tum, tanto patre progenitum, tam il-
lustribus majoribus, ut etiam privatas
simultates, si quæ intercessissent, tan-
tis in literas & universum genus huma-
num meritis fuerint condonandæ. De-
dit quidem, dedit nebulo pœnas ju-
stissimas suæ illius immanitatis; notis
infamiæ propterea inustus, quas nulla
unquam delebit ætas. Sed sunt inge-
nia quædam adeo sinistra, ut sua ipsos
oblectet infamia. Igitur Scaligero suc-
cedit nobilissimus Pleſſæus; quicum sic
agit filius iste Belial, ut miserationem
illius potius quàm iram videatur exci-
taturus: nam quis homini εἰσροπλῶρι,
non suæ spontis; sed certissimè insa-
nienti irascatur? Ager animi est, ocu-
lis mentis non utitur, rationis usum
morbi vis cripsit. Quis non miscrea-
tur? Serenissimus certè Magnæ Britan-

niæ Rex, cognito suum quoque nō-
men à vespillonis filio esse usurpatum,
& chartis suis insertum, belluæ illius
væsaniam demiratus, & sæculi licen-
tiam detestatus, quā abutens hic sce-
lestus, genimen viperarum, fœtor or-
bis, spuretia sæculi, tantum audet;
ubi paucis obiter inspectis pagellis ge-
nium Scriptoris & scriptiois genus co-
gnovit: *Omittamus, inquit, palam fu-
rentem: neque enim meretur, qui talia
scribit, ut ulla vel minima ipsius habeatur
ratio. Medicinā miser opus habet,
sed violentā.*

- - - ἡ γὰρ κρίσις

ὁρῶν ἐπὶ τὰς αἰῶνας τομῶν πῆμα π.

Simul infames libellos abjiciens, con-
spectu suo posthac se quicquam un-
quam fore dignaturum negavit, quod
ab illa Strige & mendaciorum cloaca
esset profectum. Enimverò etsi veri-
tati magnisque virtutibus plerique ho-
minum parum sunt æqui; non tamen
ita malè cum humano genere agitur,
ut memere tantus Rex debeat, ne ali-
quid gloriæ Majestatis suæ vilis adeo
homuncio, bipedum postremissimus,
perditorum perditissimus, detrahat.
Scribat filius vespillonis, dicat; agat
quicquid furor & insita animo θρησκεία
suaserit; Regis maximi & sapientissi-
mi, addam etiam doctissimi, fama in-
tuto est; nullis canum latratibus, nul-
lis viperarum morſibus obnoxia. Subli-
me tanti Principis fastigium, & vespil-
lonis filii, tot præsertim criminibus in-
famati, projectissima vilitas majore dis-
junguntur intervallo, quàm ut jacta
ab illo tela ad Regis Majestatem pos-
sint pertingere. Erat facile Regi è co-
rona doctissimorum hominum, quā so-
let Majestas ejus cingi, aliquem deli-
gere, cui respondendi munus deman-
daret: verum hoc ille adeo non fecit,
ut affirmare aulim, nunquam Rege au-
ctore simile quid quenquam fore ag-
gressurum. Mendacia mera sunt, me-
ræ sycophantiæ, aut nugæ certè meræ,
quicquid scribit ὁ κροχουτροειδής, ὁ
κροχὸς πῆμα ὅς. Quid igitur responsione
ullā opus? Ne nos quidem, nobilissi-
me Lingelshemi, maledicentissimi ho-
minis convitiis movemur, quæ plenā
manu in nos effudit. Redeat in caput
auctoris maledictum necesse est, quod
generoso animo fuerit spretum. Sit
Deo gratia, non veremur nos, ne quis
aut generis sordes, aut juventutem per
flagitia transactam verè possit nobis
objicere. Parentibus nati sumus, quo-
rum excellentissimam pietatem, probi-
tatem, & prudentiam, ne quidem fa-
tis possumus admirari. Inter bellorum
civi-

1612. civilium furores nati, studio optimi parentis (qui juvenis Burdigalæ Præceptoribus erat usus Gelidâ, Goveano, Mureto, summis eorum temporum viris) in literis instituti, quum ille viveret semper in negotiis publicis occupatissimus, maximamque temporis partem domo abesse cogeretur; profecimus scilicet non quantum aut pius parens optabat, aut ego vellem; sed quantum per temporum iniquitatem fieri poterat. Longum facerem, Vir amplissime, si totam studiorum meorum rationem, & impedimenta, quæ meum juvenis cursum remorata sunt, instituerem tibi hoc loco narrare; etsi verè possum *ἐκ κούρης* gloriari, mereri patris mei absolutam virtutem & exquisitam eruditionem, ut cognoscatur ejus vita; quod quidem si ambitiosus essem, jam pridem per me oportuit esse præstitum. Quum igitur Therstæ istius maledicentiam, Dei virtute, possumus jure contemnere; insignitam injuriam, quam fecit nobis, tacere non possumus, nec debemus. Nactus enim Epistolam *, quam ad magnum Scalligerum pro mutua conjunctione nostra aliquando scripsimus, prostituti pudoris nebulo nobis inconsultis partem illius edidit. Non cogitavit Alastor, Epistolam alienam proferre se non posse, quin furti manifesti, & quidem turpissimi, reum sese ipse perageret. Nam unde habet? quis illi dedit? aut quid furtum est aliud, nisi alienæ rei invito domino tractatio? Didiceram ex gravissimorum scriptis, selem hanc librariam viri clarissimi, Oberti Gifanii, scrinia olim in juventute sua nefariè compilasse. Nunc prodit se indicio suo forex. Fur igitur est iste furcifer, & quidem in maximè infami furti genere *ἐκ αὐτοφώρου* deprehensus. Literæ ad familiares scriptæ, juris publici non sunt; privati juris, privatæ possessionis sunt. Itaque olim quum inter Paganos Græcos & Romanos virtus vigeret, quam in falsis Christianis cogimur hodie desiderare, magni duces captas suorum hostium literas inspicere noluerunt. Rectè: nam qui jus literarum violat, jus gentium violat, humanæ totius societatis jura conturbat. Sceleratus igitur est, *ἐκράτης* & piacularis,

Ἀφρήταρ, ἀθέμιτος, ἀνέσιός ἐστιν ἰκὺ-
νός.

Ad tantum scelus accedit bellæ istius incredibilis ignorantia. Et audet homo væcors agere mentis meæ interpretem? qui priusquam mea verba interpretetur, hoc est, suis spurcitiis contaminet, turpi flagitio illa corrumpit;

sive ea simplex ignorantia est, Græca-
rum præsertim literarum, sive malitia plus quàm diabolica. Scripseram sic: *Nunc ea acciderunt, quæ verissimè dictum arguant à divino Vate*: τῶν εἶναι τὸν ἀνθρώπου, εἶναι ἐπ' ἡμᾶς ἀγαθὸς θεός. Iste alinus ita postrema verba descripsit: εἶναι ἰφ' ἡμᾶς ἀγαθὸς θεός. Vertit autem, *qualem Deus nobis immittit*. En qualem nactus sum interpreter! & audebit de meis scriptis, tanquam novus Aristarchus, pronuntiare, qui nullius ope Lexici, [nam inde sapit miser, & totus pender] versum Homericum in subitanea scriptione mihi usurpatum, potuit intelligere? Si quam habet tagacem dexteram in sublegendis rebus alienis, tam haberet exercitatum in Græcis Scriptoribus pervolutandis, non ignorasset respexisse me, cum Epistolam illam more meo subito effunderem, ad divinos Poætæ versus: οἶδ' οὐκ. σ. v. 135.

Τοῦτο γὰρ νόμος ἐστὶν ἐπιχθονίων ἀνθρώπων,
οἷον ἐπ' ἡμᾶς ἀγῆσι πατὴρ ἀνδρῶντι θεῶντι.

Scivisset tanti Veteres fecisse hunc locum, ut Archilochus, cujus alias quoque ex Homero *κλοπᾶς* notat Clemens in sexto Miscellaneorum suorum, pulcherrimè sit illum sic imitatus:

Τοῦτο γὰρ ἀνθρώποισι θυμὸς, Γλαῦκε Λεπιδέφ παῖ,
θηταῖς, ὅποιόν Ζεὺς ἰφ' ἡμέρῳ ἀγῆν.

Denique si melioris literaturæ gustum aliquem haberet, præcipua totius sententiæ verba *ἡμᾶς* & *ἀγῆ* non adeò fœdè corrumpens à Poætæ mente & mea sententia aberrasset. Verè quidem dictum Apostolo, dona Dei esse ἀμεταμέλητα, neque Deum unquam poenitere suæ erga mortales liberalitatis, sed hoc in benè utentibus præcipuè verum apparet. Docet namque usus, eum qui hodie fortissimè se gesserit, die crastino fieri posse ignavum, & idem est in cæteris Dei *χαρίσμασιν*. Homerus igitur naturalis lucis ductum secutus, divinitus monet, non debere aliquem propter quascunque ingenii, corporis vel fortunæ dotes superbire; hominem enim tantum posse, quantum illi Deus in dies singulos bonæ mentis & auxilii sui suggerat. Divina prorsus sententia, & non minus digna quam posterit imitarentur, & memoriæ mandarent, quàm indigna quæ ab imperito nebulone corrumperetur. Vertit eam olim Tullius in Latinum sermonem; sed ita, ut genuina mens Poætæ ex ejus versione non satis appareat. Beatus Augustinus de Civitate Dei, lib. v. cap. viii. *Illi quo-*

* Vide
supra.
Epist.
ccccvii.

1612. quoque versus Homericæ huic sententiæ de fato suffragantur, quos Cicero in Latinum vertit:

*Tales sunt hominum mentes, qualis pater ipse
Juppiter auctiferus lustravit lumine terras.*

Minus miror istorum in extrema Epistola verborum: οἱ μὲν γὰρ τὰ γράμματα δὲ μαρτυροῦσιν, οἱ δ' ἐπ' ἀριστὰ μαρτυροῦσιν: aut non vidisse istum mentem, qui est illius stupor; aut exprimere noluisse, quā maliciā est. Apage ergo illas glórias impuras, quibus mea verba inquinat magister artis calumniatricis: apage item illas fatuas consequentias, quas malus Logicus ex iisdem elicit. Ego talem conjectorem nihil moror. Est mihi frons aperta, pectus niveum & candidum. Abeat Morboniam cum suo maledicendi morbo. Non potest apud eos, qui me nōrunt, factum alienum vel tenuissimam existimationi meæ labeculam aspergere. Hoc volui nescius ne esses: nam ut ad putidissimas sycophantæ calumnias respondeam, neque mihi integrum jam est per eam legem, quam ipse in Epistola ad Scaligerum ante annos quinque edita mihi dixi, neque si vel maximè vellem, possem tamen auctoritatem consilii tui contemnere, cujus est apud me pondus gravissimum. Meministi autem, quā seriō mecum egeris novissimis tuis literis, ut & latratorem hunc, & similes ei omnes alios contemnerem; semelque apud animum meum constituerem, facinus fore indignum, si propter hujusmodi hominum levissimas & putidissimas nēnias à magno incepto, quod præ manibus jam habeo, sinerem me advocari. Parebo, Vir maxime, consilio tuo; &, quod in me erit, ab omni tali scriptio- ne posthac constanter abstinebo. Vale; & viris amplissimis, Plessenio & Frehero, plurimam, nisi grave est, à me salutem. *Londini, 1x. August. c15 15 CXII.*

EPISTOLA DCCCXXIX.

DANIELI HEINSIO.

1612. **V**ir clarissime, scripsi ad te paucos ante dies per Bedwellum Anglum, Verbi Dei Ministrum, quem non dubito, οὐδ' οὐδ' ἀπ' αὐτῶν, meas tibi reddidisse. Nunc aliud nihil habeo, quod tibi scribam, nisi hoc unum, ut pro tuo in me amore cures illi reddendas, quas ad te mitto. Literæ sunt uxoris ipsius, valde mihi commendatæ: καὶ πάντα μὲν ταῦτα. Accepi ante quatuor, puto, dies

clarissimi Baudii Epistolam, ad quam 1612. respondere nunc quum non possim, peto à te, ut verbis meis ipsum salutes, & ei confirmes, me κατὰ λήπην fide sincerā accuratè responsum, ubi primum omnia exploravero. Valde enim fallitur ὁ τρις φίλος. Baudius, cum putat, deesse me hac in parte amici officio, qui ut fieret, quod ipse cupit, magnā parte fortunarum mearum redimerem. Sed de his brevi, & ad ipsum, & ad te etiam. Vale, meus amor. *Londini, die XII. August. c15 15 CXII.*

EPISTOLA DCCCXXX.

JACOBO AUGUSTO
THUANO.

Illustrissime Vir, etsi jure possum ve- 1612. reri, ne frequentia mearum tibi sit tædio, non potui tamen Cambdeni Epistolam ad te mittere, quin te paucis affarer. Puto autem, significasse me tibi de Epistola ad D. Careri tua, quam ipse detuli, qui etiam animadverti tuas esse ipsi longè gratissimas. Ipse quid agam, noli quærere: qui nōris susceptum opus, nōsti omnino, qua in re totum tempus colloceam. Equidem nullum tempus intermitto; etsi quantum promovam me sanè pœniteret, nisi ea esset dignitas materiæ, quæ moræ longioris excusationem facile mereatur. Sudavi plus satis per hos intensissimos calores; nec dum tamen pars aliqua λόγῳ ἀξία operis totius est confecta. Utinam quæ scripta sunt, videres! Delectaret te Josephi Scaligeri adversus hostes veritatis defensio. Nam in illis Antiquitatibus primis, de quibus in Apparatu suo Baronius incredibile dictū est quantum ille θεῶν ἀνὴρ viderit, quantum alii excutiant. Ego nullam ex professo suscepi Apologiam pro Scaligero, cujus ipse aliquot hallucinationes insignes sæpe observo, quas Serarii & Delrii non viderunt; sed quia veritas mihi proposita est, quam in plerisque divinus Scaliger vidit, non possum, nisi sim ingratus, præterire ejus mentionem. Sanè unicus libellus contra Serarium tantā doctrinæ reconditæ copiā est refertus, ut omnes inimici Scaligeri, si in unum conveniant & capita conferant, parem librum nunquam sint daturi. O si isthic essem, quanta cum voluptate de his rebus tecum, & cum præstantissimo Fabro agerem! Obtunderem vos meā loquacitate; sed amorem operis incepti dissimulare non possum. Vale, amplissime Vir, & si tibi molesta est ἡ ἐμὴ ἀδολοχία, ulciscere, & dic cum Platone: ἢ φασὶν ἀνέμῳ ἄδῃ, ἢ γὰρ οὐδ' ἂν σιωπᾷ. Iterum

1612. Iterum vale. *Londini, die XII. Augusti. CIO IO CXII.*

EPISTOLA DCCCXXXI.

✱ STEPHANO HUBERTO.

MONSIEUR,

1612. *ET vos Lettres, & celles, que m'avez envoyé, m'ont esté très-agreables. J'aime ce bon personnage, en qui je n'ai jamais reconnu que toute probité. Je vous prie lui faire tenir les miennes. Je vous conjure per omnia sacra Musarum, ut in incepto pergas, neque prius desinas, quam aliquid effeceris, quod studia illa promoveat. Hic sunt nonnulli, qui non negligunt. Sed unus est mihi notus Bedwellus in iis literis longè *ὑπερὸν ἄλλων*. Quo nomine cum sit mihi charissimus, tamen propter mores longè est mihi charior. Est infinitum huic nationi, ut sua amet, aliena ne admittat quidem ad aliquam comparisonem. Florentissima enim & ditissima sua Collegia ipsis animos faciunt, ut omnes non vereantur præ se contemnere. Hoc vitio qui non laborant, inter Anglos sunt viri admirandi, ut noster Bedwellus, homo simplicissimus omnium, quos memini vidisse; alienus ab invidia, ab opinione sui, & à studio obrectandi, quod hodie est *ἰσχυρὸν* morbi genus. Vidi ejus Thesaurum Arabicum, sic namque jure appellavero: est enim magna libri moles. Is nunc Lugduni Batavorum alterum mensem agit, eò profectus auspiciis & sumptu viri maximi, Domini Episcopi Eliensis. Hic dignissimus Præsul non solum est doctissimus, sed etiam egregiè favet literis; itaque Bedwello pecuniam pollicitus est necessariam ad Thesauri Arabici editionem, & faciet; nam & potentissimus est, & ut dixi, litterarum amantissimus. Ille unicus est Angliæ Phoenix, in omni re moderatissimus, cujus vora, cogitationes & sermones ad Literas Sacras & studium concordia semper referuntur. Quemadmodum Gallia alterum Cardinalem Perronium non habet, ita hæc Insula unico superbit Eliensi: non quòd desint hic viri magni; sed aliis rebus sunt magni. Ille si præstiterit, ut Thesauro Bedwelli aliquando fruamur, incredibile dictu est, quantum illi simus omnes debitori. Sed vereor, ne Erpenius, qui jam est cum Bedwello, illius conatus retardet; non quòd Erpenius id habet propositum; est enim vir optimus; sed si Bedwellus, qui illum valde admiratur, intellexerit Erpenium seriò cogitare aliquid simile, statim lan-*

guescet ejus impetus. Ego possem multum proficere, nisi in aliis studiis jam essem, quæ ita me occupatum habent, ut nihil suprâ. Jam opus magnum inchoavimus; jam crescit, in quo apparebit inimicis meis, quàm parum illi me noverint. Sed de sceleratis terræ filiis, qui me undique invadunt, aliàs plura. Opere meo peracto, in quo dies noctesque sudo, aut ad vos redibo, si mei adhuc aliqua restat memoria, aut de perpetuo exilio mihi erit cogitandum: sed hoc divinæ providentiæ permittamus, & nos finamus ab illa regi. Miror queri te de inopia characterum Arabicorum; nam Lebbæus, obsecro, in quem usum suos paravit? An ille non cogitat, *τὴν βίαν εἶναι βραχὺν, τὴν τέχνην μακράν*? Quando igitur fruetur gloriâ, quam meretur ob nobile inceptum? Sin velit vendere, Episcopus Eliensis lubens emet in gratiam Bedwelli. Sed maneat in Gallia decus illud. Optarem existere vobis aliquem Mæcenatem, qui pensum à vobis exigeret, ut & tu, & Lebbæus cogere mini opes vestras in publicum conferre. Sed aureis catenis trahi vos ad hanc necessitatem vellem. Ego si isthuc unquam rediero, & quies studiis meis aliqua concedetur, dies noctesque vobis imminebo, donec aliquid à vobis expressero. Kirstenius propriis impensis aliquid potuit; vos nihil poteritis, idque Lutetiæ, id est, in ea Musarum sede, cui parem Orbis terrarum non habet? Sed alacritatem animi tui satis novi: itaque verbum non addam amplius: *Je prie Dieu qu'il vous donne & santé, & longue vie, & ensemble à Monsieur votre frere, auquel vous prie presenter mes très-humbles recommandations. Ma femme vous baise les mains, étant sur le point d'accoucher avec l'aide du bon Dieu. Tenez me, s'il vous plaît,*

MONSIEUR,

Vôtre très-humble Serviteur,

IS. CASAUBON.

Londres, ce 22. Sept.

1612.

Inscriptio.

A Monsieur,

Monfr. ETIENNE HUBERT,
Medecin du Roi, & son Professeur és
Langues Arabiques.

A PARIS.

EPISTOLA DCCCXXXII.

✱ JOANNI DRUSIO.

Q Um ante aliquot menses Notas in 1612.
Novum Testamentum tuas legissem,
Ppp 3

1612. sem, Vir præstantissime, ita me sensu
adjutum *ἡς περὶ καὶ* eâ lectione, ut in-
gratus viderer futurus, nisi eo ipso no-
mine gratias tibi agerem. Scripsi igitur
ad te illâ occasione, & quantum me ti-
bi debere agnoscerem, pro eo ac de-
bui, sum professus. Literas illas misi
ad *τὸν πρῶτον* Grotium, virum optimum,
& merito suo clarissimum; neque dubi-
to siquidem illi fasciculus meus fuit red-
ditus, quin meas ad te curavit. Quare
vehementer sum admiratus, cum tuas
nunc ipsum accepi, videri te Epistolam
meam non accepisse. Id si ita est, do-
leo periisse mihi fructum officii mei;
magni enim æstimabam scire te, quàm
acerbus mihi luctus *ἐπὶ τῷ μακαρίτῃ* vi-
accidisse. Tu illum luxisti, ut filium;
ego ut amicum bono Reipublicæ litera-
rum natum, & incredibili eum ejusdem
detrimento denatum; *ἀλλὰ γὰρ δέλω τὸ
δακρὺν εὐδὸν εἰσέρπειν*. Alterum erat, quod
volui te ex meis cognoscere; dum ego
vivam nunquam defuturum, qui tuas
laudes sincero animo prædicet, quique
se tibi debere plurimum profiteatur.
Atque utinam tibi possem *μαθητὺν*,
haberes discipulum discendi cupidissi-
mum. Fit enim nescio quomodo, ut
crescente ætate, & jam ad senium ver-
gente crescat in animo nostro *ἡ φιλομα-
θεία*. Literas autem illas, in quibus
tu regnas, semper equidem sum vene-
ratus. Accepi nunc ipsum & literas
tuas, & quod erat literis adjunctum mu-
nus *χρυσῶν ἀνταχθῆν* pro quo immorta-
les tibi gratias ago. Non parum opor-
tunè illud venit. Nam quidquid su-
perest vacui temporis, ejus magnam
partem impendo à paucis diebus lectio-
ni Commentarii Hebraici in Pirke Avor.
Nactus nuper eum Codicem diu mihi
desideratum. Continet autem liber, quo
utor, Commentar. R. Samuel, & Rasi,
editus Venetiis. E Notis tuis in No-
vum Testamentum didici, te alios me-
liores esse adeptum. Capió ex hoc ge-
nere studii voluptatem incredibilem;
etsi aliis curis occupatus vix possum ad
has literas oculos aliquando referre.
Vidi jam pridem tuam editionem, quæ
mihi sæpe usui fuit; ut omnia tua scri-
pta, quæ domi habeo, hoc est, Lute-
tiæ, ubi pars multò maxima Bibliothecæ
meæ adhuc hæret. Quod mea scri-
pta desideras, non faceres, si habuis-
sem, per quem illa ad te transmitterem.
Tu enim, Drusi clarissime, unus inter
paucos es, quibus meas lucubrationes
cupio esse probatas. Scito autem ma-
gnum opus jam moliri me, *Animadver-
siones adversus Annales Baronii*. Con-
stitui, *ὅτι ἐπὶ αὐτῷ*, primum illius To-
mum funditus evertere. Illa dico, quæ

propria Baronii sunt, errores nempe & 1612.
mendacia numero prope infinita. Mi-
rabuntur qui nostra legent, tantum in
literis nomen esse consecutum, qui ne-
que Græcè, neque Hebraicè, ac ne
Latinè quidem doctus esset; qui Histo-
rias ignoraret; qui omnia misère con-
funderet. Jam, Dei beneficio, inchoa-
tum opus, & pars illius non pœnitē-
da est confecta. Si vires dabit *ἡ ἐπὶ πρῶ-
τον*, exspecta adversus primum Tomum
non minorem ipso librum. Ibi legent
æqui Lectores de plerisque hodiernis
controversiis, non quid ego aut Clu-
vicius sentiamus; sed quid pia Anti-
quitas crediderit. Scio Romæ flammis
addictum iri opus meum, quando illis
summa pietatis est, *τὴν τῷ ἐπὶ ἀλε-τὸν*
Deum fovere: neque mihi proderit mo-
deratio, quâ utar, in puerilibus Baro-
nii erroribus confutandis. Sed hos ego
Censores nihil moror. Illi me sollici-
tum habent, quos video inter nos nihil
amare, nisi novum & contrarium veteri
Ecclesiæ. Vellem hic morbus non re-
gnaret inter nostros; sed res manifesta
est, & ut me tibi aperiā, detestanda.
Leguntur Patres, ut repræhendantur;
tum ut trahantur ad hodiernas novita-
tes, quot machinæ sunt illis adhibendæ!
& quod valde mirari soleo, in tanta li-
centia novandi nihil minus in nostra
Gallia licet & multis aliis in locis quàm
veteris Ecclesiæ fidem & instituta sacra-
tissima in lucem proferre. Nuper quum
esset edita Epistola ad Cardinalem Per-
ronium, non defuerunt, qui me hære-
scen multarum reum deferrent. Saluti
fuit, quod maximi Regis nomen ea
scriptio præferebat. In meo opere ea-
dem doctrina continebitur; neque au-
thoritate ullius Regis defendam, sed
veris, solidis & certis rationibus; de-
modo Dominus Jesus perficere quod
incepti. Vale, Vir clarissime, & me ama.
Dabo operam, ut quæram occasionem,
per quam utrumque libellum hic editum
ad te mittam. *Londini, a. d. xv. Ka-
lend. Oct. cio 15 cxii.*

Virum amplissimum, Dominum Sæck-
mam, veteri amicitia mihi junctum,
meis verbis, nisi grave est, quàm offi-
ciosissimè salutabis.

EPISTOLA DCCCXXXIII.

THOMÆ ERPENIO.

Vir amicissime, tuas accepi, & quas 1612.
tuis adjunxeras. Respondebo aliàs
pluribus, & tecum *ἀδελφίστῳ* ubertim.
Multa enim habeo, de quibus tecum
garrire cupiam. Doleo, non esse tibi
aditum ad illam professionem, cui su-
stinē-

1612. *stinendæ solus par es τῶν νῦν ὄντων.* Noli animum despondere. Scit Deus immortalis, quid tibi conducatur; in illum rejice omnes curas tuas. Interim conare, si potes, de literis bene mereri. Video characterum inopiam conatibus tuis ob stare. Noster Bedwellus quid isthic effecturus sit nescio. Si ille posset nancisci, quod petit; auctor essem tibi, ut venires ad nos. Expectemus; multa nos dies docebit, quæ ignoramus. Ego in opere magno pergo, & pergam, dante vires Deo, donec perfectero quod cupio. Optamus ego & uxor læta omnia tibi & parentibus tuis. Vale. *Londini, a. d. viii. Kalend. Octob. cix cxii.*

Tuas chartas Grammaticas accepi, & non unis literis tibi gratias egi. Utinam plura acciperem! Utinam tua possent edi!

EPISTOLA DCCCXXXIV.
DANIELI HEINSIO.

1612. *V*ir clarissime, quas ultimo Augusti ad me dedisti, accepi nudiusquintus. Habent hoc omnes Epistolæ tuæ, ut incredibilem mihi semper voluptatem afferant. Videor videre oculis mentis σύμπεριαν πᾶσι θεῖαν ἐν πῆσι καιριότητος inter nos. Quod si parum me credis oblectare, erras. Quod pluris te facio, eò vehementius gaudeo eandem utrique nostrum mentem esse, eundem sensum. Multum ea consideratio alacritatis mihi affert, ut pergam ἢ ἔλαχον πᾶσαν κερμαίν. Spartam meam voco, quando me divina providentia ad hæc studia traduxit, ut simplicem veritatem tuear, & piis Lectoribus spectandam exhibeam. Scio parum hodie gratum id institutum esse τοῖς δοκῶσι θεολόγοις. Spero tamen ἐν τῷ Κυρίῳ, ita me stylo moderaturum, ut facilius sit futurum τοῖς φιλοκαίνεῖς nostra μεμῆσθαι, quàm confutare. At οἱ ἐξ ἐναντίας mirabuntur diligentiam nostram in detegendis erroribus, hallucinationibus, mendaciis & ἰνὴ συγγραφέως. det modò χρηστὸς Χριστὸς perficere, quod dedit inchoare. De filio

* *Joanne Casaubono, qui ad Pontificem etiam transiit Religionem.*

* *ὃς δάκρυον ἰδὼν ἐγείρει·* non possum infelicis juvenis sine fletu & suspiriis meminisse. Non illi deerat ingenium; indoles quoque non pessima. Sed dum ego illum urgeo, eat per mea vestigia, & superet; quod fuit illi facile, si fata sivistent. Reperti sunt viri graves, qui illum à me abducerent, & à professione purioris Religionis. Ita ille πάλιν αὖ τοῖς ταλαιπώροις γενέσθαι πόνηκε. Longa historia est, longæ ambages; sed ego immorari huic sermoni præ luctu

nequeo. Nunc quid ille agat, juxta 1612. scio cum ignarissimo. Deus οὐ πάλιν αὖ in viam rectam illum sistat. Hoc verè possum affirmare, avertendo illi cum primis occasionem præbuisse diversitatem inter nostras hodie opiniones, & Ecclesiæ veteris: quàm differentiam certi homines magni cum illi summo studio ostendissent, me inscio est effectum, quod fieri posse non putabam. De Bedwello ago tibi magnas gratias. Non est in urbe Dominus Eliensis; qui ubi redierit, ex me tua in se merita cognoscat, & erit fortasse tempus, cum tu non adeò ἐμφιλοχρησίης, ut huc excurrere dedigneris. Urgerem te magis, nisi scirem averti te à tuis studiis sine damno Reipublicæ literarum non posse. Quas ad te mitto, velim, si me amas, [quis autem me amat, si tu me non amas?] diligenter cures. Scripsi aliquoties ad virum clarissimum, Drusum, nec meas accepit. Tu facito, quæso, ut accipiat. Poëmata Græca tua non dubito fore similia cæteris ingenii tui monumentis. Ego nihil possum ad te mittere ante absolutum magnum istud opus, quod me assidue exercet. Itaque *Exercitationes* illi, opinor, nomen faciam. Utinam perficendi det bonus Jesus facultatem! Vidisti P. librum * adversus me, quem ante aliquot dies Rex ad me misit. Legi avidè, & ne dissimulem, capiebat me descriptionis elegantia. Sed dolet mihi, virum eruditum tam fatuè, tam insulse, tam perditè patronum agere doctrinæ parricidialis. Minatur in extremo libro fulmina, tonitrua, & nescio quas δεισσημίας. Sanctè juro tibi, non aliter affici me talium scriptorum lectione, quàm si nihil ad me pertinerent. Id doceo unicuique, Satanicæ causæ tot existere patronos. Constitui silere, donec opus perfectero: tum si Deus volet, unicâ Præfatione omnes istos canes intrepidus aggrediar, & veritatis gladio accinctus facile ἀνδρῶν ἀνίσταμαι. Fruantur interim insaniæ suæ, dum ego strenuè cum magno Athleta me exerceo. Deus Pater Jesu Christi Ecclesiæ suæ misereatur, idemque te fervet, amicissime amicorum. *Londini, a. d. vii. Kalend. Octob. cix cxii. stylo Galliarum.*

* *Erycii Puterani Sordidus, Lovanii excusus anno 1611. Colomel.*

Virum clarissimum, Dominum Grotium si videris, meis verbis, ni grave est, officiosè salutabis.

EPISTOLA DCCCXXXV.
PETRO BERTIO.

Rariores à me accipis, quia occupatissimus sum. Suscepi scrium certamen

1612. tamen cum Baronio. Crescit animus indies cum voluntate benè de Ecclesia Dei merendi. Det modo Dominus Jesus perficere aliquid sibi gratum, & Ecclesiae ipsius non inutile. Mirabuntur hostes veritatis, qui admiratione illorum Annalium stupent. defixi, tantam errorum & mendaciorum copiam potuisse à me deprehendi. Magnis vigiliis hoc opus mihi constat. Sed dabit, si placet, vires, qui dedit cupiditatem gloriae ipsius inserviendi τὸ γὰρ καὶ δύνανται. Video quasdam mearum periisse. Noli putare, me, utut occupatum, officio deesse meo in respondendo amicis. Tu in his, Vir doctissime, quod experieris, si quid unquam tuam causam poterò. Jam multi menses sunt, cum ab urbe absunt Rex, Episcopi, & ferè doctissimi quique. Communicavi tuam Disputationem alteram cum paucis. Qui viderunt, etsi diversam sententiam probabant, in tuo tamen scripto quid reprehenderent, nihil inveniebant. Ego vitae meae iacturam vellem redemptum, ut tollerentur omnia scandala, quo junctis viribus omnes Ecclesiae hosti communi resisterent. Sed sunt inter nos, qui nimis fortasse Vetustati tribuant, plures, qui nihil illi deferant, & qui ante Lutherum & Calvinum, viros summos & incomparabiles, nullam veram credant fuisse Ecclesiam. Τὴν δὲ γὰρ ἐκπλάζει γὰρ ἐν τῇ Φίλα πατρίδι, ubi multi Ministri politica tractant, & adversus Jesuitas artes Jesuiticas adhibent. Gemes mecum, si scires, quid ibi jam agatur. Prodeunt oratores novi, rerum imperiti, ad seditiones excitandas contra Regem suum apti, praeterea nihil. Sed melioribus aderit, spero, Deus. Ubi nostra Aula redierit, dabo amicis tuam Diatribam legendam, & de eorum judicio te certiore faciam. Vale. Londini, a. d. VII. Kalend. Octob. CIO IO CXII.

EPISTOLA DCCCXXXVI.

JACOBO AUGUSTO
THUANO.

1612. Illustrissime Praeses, binas tuarum simul accepi. Ago tibi gratias gratissimas pro tanto hoc tuo studio respondendi ad omnes meas. Curabo mandata tua, quae debeo fide & diligentia. Spero & Cambdenum & Cottonum desiderio tuo facturos satis. Rex gaudio triumphat, tantam suam diligentiam tibi fuisse utilem. Simpliciter tibi dico & ἀφελῶς καὶ ἀληθῶς, haec literarum negotia non levi esse ipsi cura. Oblitus sum jam aliquoties cum tibi scriberem,

petere à te, quod nunc etiam atque 1612. etiam peto, ut cures pro tua auctoritate conferendum in Regia Bibliotheca locum Josephi infra scriptum cum MSS. Codd. Magni momenti est ille locus ad investigationem annorum & Σωτηρ. Mihi certò constat, malè scribi, i. pro x i. idque certissimè demonstravimus. Sed sunt quidam cervicosi καὶ ἀφελῶς καὶ τυκοί, quibus placet βαλαμφαγίαν inventis frugibus. Vidistine Bavari illius *, * Joan- qui ante sex menses prodit in lucem, nis Gier- novam Chronologiam? Montes auri giu Her- pollicetur, & postquam expectatione poe dei magna nos implevit, quisquilias plani plura in Germania Anniani imputat nobis in solum. Is Orientali Scaligerum, cui matulam porrigere dignus non fuit, à quo habet, si quid habet boni, nunquam nominat, nisi ubi est, quod reprehendat. Baronius verò Deus illi quidam est terrenus. Quem quidem stultissimum, fatuissimum & πλῆθος asininum errorem nos multis, συνθεῖς, adimemus, etiam ipsi rationis modò sint capaces. Et hic Bavarus, & alii χρονολογολογῶντες errorem librorum Josephi pro certo fundamento ponunt suarum nugarum. Etsi autem de veritate mihi liquet lectionis, in qua magni viri consentiunt, Scaliger, Calvinus, Kepplerus, Torniiellus, Liveleus Anglus; beaveris me tamen, si ope tuam possum discere, quae sit regionum MSS. lectio. Ego & Labbæus pauca contulimus, & habeo cur gemam, tam bonis libris necessario meo tempore esse me privatum. Sed moror te. Deus immortalis te servet, Vir amplissime, cum omnibus tuis. Londini, pridie Kalend. Nov. stylo vestro, CIO IO CXII. Josephi libro XIV. cap. XVII. pag. 430. i. i. γὰρ αὐτῶν ἱερζένοι μόνον ἐστίν. Nos contendimus & clarissimè demonstramus, scribendum esse x i. nec movemur librorum consensu, aut Photii assensu.

EPISTOLA DCCCXXXVII.

CLAUDIO SALMASIO.

Sive mea culpa est, sive tua, sive 1612. utriusque, largiter certè peccatum est, cum literarum commercium hactenus intermisimus. Ego non teram tempus occupationibus meis commemorandis; malo enim emendare errorem, quam excusare. Gaudeo te benè valere. Eram dies noctesque de te sollicitus, non solum quia te vehementer amo, sed etiam quia literas amo, & illis cupio, quae à te quid possint sperare, non ignoro. Utinam te servet & χρηστὸς Χεῖρας! Utinam det vires pares nobilibus tuis inceptis. Sed miror, nihil

1612. hil te scripsisse de tuis studiis. An tu me putas *ἡμεῖς ἐν βασιλείᾳ ἐκείνῃ*? Sed falleris, si ita putas: hæc enim gens nihil minus est quam barbara; amat & colit Literas, præferim autem Sacras. Quod si me conjectura non fallit, totius Reformationis pars integerrima est in Anglia. Ubi cum studio veritatis viget studium Antiquitatis; quam certi homines dum spernunt, in laqueos se induunt, unde nisi mendacio postea exuere se nequeunt. Ita hostibus veritatis non solum risus præbetur; sed etiam partes illorum mirificè confirmantur. Nemo serio versatus in Antiquitate hoc verum esse negaverit: sed multos amor partium cogit mentiri. Nos in opere jam versamur, quod fama hominum, scio, jactabitur, si dederit Deus immortalis finem ejus videre: Baronium enim, nomine Antiquitatis miserè abutentem, examinamus, & Historiam ac res Ecclesiasticas pro nostra tenuitate illustramus. Jam pars operis est confecta, *τῇ χάριτι τῇ ἐνδοξαμένῃ* *Θεῷ*; sed procul absumus à meta; nam adversus I. Tomum responsionem paramus ipso primo Tomo vix minorem. Magnis sudoribus constat nobis hæc scriptio. Sed vires hætenus suggestit Deus, qui & suggeret, spero, dum expediet gloriæ ipsius; cui promovendæ si quid meæ vigilæ possunt inservire, beatus sum. Miraberis utilitatem nostrarum literarum in tam gravi scriptione. Nunc totus in luctu sum, non privato; sed publico: ereptus est enim vi morbi spes altera hujus Regni, Regis maximi spei filius*, Princeps admirandus. Lugent boni, luget pietas, luget virtus. Sed *ἐν τῷ τοῦ ἰσχυροῦ* nōsti cætera. Vale, & me ama. *Londini*, raptim, a. d. v. i. Eid. Nov. c15 15 cxii.

* Henri-
cus, Wal-
lia Prin-
ceps.

Colomel.
Qui cum
equo agi-
tato inca-
luisse, &

sibi ardenti
paulo avi-
dus bibis-
set, morbo

inopinato
corruptus.
viii. Eid.

Novemb.
viam
cum morte
commuta-

vit. J. A.
Thuanii
Histor.
Contin.

lib. v.

† De hac

Epistola

vide P. Ca-

limesis Bi-

bliothèque

Choise,

pag. 126.

1612.

I

llu-

stris-

sime &

reverendis-

sime Domi-

ne, videor mihi usu rerum atque ex-

perientia magistra didicisse, nullum es-

se tantum malum, ex quo, aut cujus

saltem occasione, bonum aliquod nasci

non possit; atque, ut dici solet, mel ge-

nerare fel; sic non absurdè aliquis dicat,

è felle mero merum mel interdum

existere. Ne aliunde argumenta petam;

fel purum putum erat, idque virulen-

tissimum, perditissimi nebulonis scele-

stissimus liber, qui primum materiam

mihi præbuit ad illustrem tuam Digni-

tatem serenissimi Regis jussu scriben-

di*. Tuæ verò binæ literæ, quas ad

me postea ex occasione illa dedisti, sin-

gulari comitate, humanitate, atque

prudentiā conditæ, niveum candorem

Auctoris præ se ferentes, quovis melle

dulciores mihi fuerunt. Quare neque

ego Regi optimo & sapientissimo tuas

ostendere, ac legendas exhibere sum

veritus; & Majestas ipsius, quum non

omnia in illis, [neque enim fieri aliter

poterat] probaret; utramque tamen

Epistolam tuam non gravatè, neque il-

lubenter legit. Gratum ipsi vehemen-

ter fuit, unum saltem aliquem vestra-

rum partium Theologum sibi innotuif-

se, virum primarium, summæ digna-

tionis, summæ eruditionis, qui ad ho-

diernarum controversiarum tractatio-

nem placidum & mansuetum ingenium

posset adferre. Nam quo spiritu ple-

rique hodie agantur, qui ejus argumenti

libros edunt, vel illi tot numero Scri-

ptores abundè probarunt, qui Apolo-

giam serenissimi Regis hætenus oppu-

gnarunt. Omnes enim, si unum aut

alterum excipias, mendaciis, maledi-

ctis & convitiis miseras chartas imple-

runt. Præcipuè verò illa verba poste-

rioris tuarum Regem, sincero pietatis

zelo flagrantem, delectarunt; quibus

spem facere videbaris, amicam hanc de

rebus ad Religionem spectantibus com-

municationem fructu non carituram.

Quod ut mirandum in modum Regi

placitum est, quemvis laborem hac mer-

cede parato subire, quamlibet ærum-

nam perpeti, ita deficiente hac spe, cur

aut ejus Majestas, aut tua Dignitas sibi

negotium facebant, justa causâ nulla

fuerit. Spero equidem, si in hanc cu-

ram serio tua præstantia incubuerit, ef-

fecturum te, cum auxilio Dei Opt. Max.

quâ auctoritate es inter tuos, & ingenii

atque doctrinæ famâ apud omnes, ut

non poenitenda aliqua utilitas ad Eccle-

siam Jesu Christi ex hac mutua scriptio-

ne perveniat. De serenissimo verò Ma-

goris Britanniarum Rege, in cujus Aula

annum jam integrum, & cō amplius

egi, ausim tibi spondere, & omni asse-

veratione confirmare, ita animatum il-

lum esse, ita rationes totius vitæ esse

illi comparatas, ut studio pietatis nihil

ipsi esse antiquius, facile omnes intelli-

gant. Non privata negotia, non pu-

blicæ Regni curæ ita solent Majestatem

ipsius afficere, ut immensum quoddam

desiderium res Religionis omni ope at-

que operâ promovendi, & quæ maxi-

mè cogitatio Regem tantum decet, in-

gens cupiditas concordie inter dissiden-

tia Ecclesiæ membra, omni rectâ atque

honestâ ratione procurandæ. Atque

hanc

1612. hanc Christiano Principi convenientissimam sollicitudinem Rex piissimus non finibus imperii sui, quamvis amplissimi, circumferibit, sed memor Defensorem Fidei audire se, etiam ultra orbis sui limites, non animi curiositate, verum zeli vehementiâ, putat sibi hactenus esse extendendam, ut & regionum aliarum Ecclesiis suâ prudentiâ & Majestatis auctoritate, si occasio detur, commodet; sibi que Religionis Christianæ conservationem præcipue esse curâ, Deo & hominibus in dies reddat testatius. Nuper adeo, & illo ipso tempore, quo tuæ literæ posteriores sunt ipsi à me ostense, hujusce animi *Philosophiæ* grande documentum Majestas ipsius dedit; quod bonis piisque hinc omnibus meritissimè & probatum & laudatum, ne tibi quidem, illustrissime Cardinalis, cognitu futurum est, uti spero, injucundum. Nam quum certiore per literas Regem fecisset illustrissimus reverendissimusque Præsul, Dominus Archiepiscopus Cantuariensis, pervenisse ad manus suas, allatum nescio unde è Germania, aut Belgio librum *, quo doctrina contineretur *de natura Dei*, nova, perversa, & cum antiqua fide Ecclesiæ Catholicæ in nonnullis pugnans; rogassetque ejus Majestatem, ut ad reprimendum malum recens exortum, veri Defensoris Fidei zelum exrens, apud Magistratus ditionis illius, ubi Auctor libri degebat, intercederet; peteretque ab illis, ne doctrinam adeo *ἀλλότριον* in Ecclesias, & Scholas suas paterentur introduci, neve hæc profana novitas ejus inventori maneret impunita: Rex literas illas, descendentibus sibi è rheda post longam venationem redditas, & librum simul notis obelisque vigilantissimi Antistitis confossum, ut semel accepit, negotium sine mora sibi cognoscendum duxit. Ac licet corpus ipsi è labore & inedia langueret; quod coeperat tamen agere, uno tenore & calore perfecit: neque ab adstantibus Proceribus exorari potuit, ut rationem sui ullam prius haberet, quàm re totâ diu multumque consideratâ cum reverendissimo Episcopo Lichtfeldensi † aliisque è Clero, & penitus perspectâ, quod suarum erat partium, & pietas jubebat, accuratè præstitisset. Liber ‡ damnatus est, exemplaria jussu comburi, cum in urbe metropoli, tum in utraque Academia, (quod & postea factum) literæ gravissimæ ipso Rege distante, ad regium Legatum eo loci commorantem scriptæ, ac statim missæ, judicii, quod de nova doctrina Rex & Ecclesia Anglicana fecissent, testes: simul addita mandata de appel-

* *Conradi*
Verstus
Tracta-
tum, de
Deo.

† *Johanne*
Overalla.

‡ *Scilicet*
Conradi
Verstus,
de Deo.

landis ea super re Magistratibus. Vi. 1612. derint illi, ad quos ejus mali tollendi cura propriè pertinet, quam Deo immortalis rationem suæ cessationis sint reddituri; si, quod fieri posse non existimamus, neque sponte suâ, neque post exemplum tam insigne, veritatis patrociniū, quanto par est studio & ardore, susceperint. Rex Jacobus ad primum rei nuntium sic est commotus, ut nefas ingens se admissurum crederet, si necessitati corporis aliquid prius indulgeret, quàm pietatis hoc officio planè esset perfunctus. Non dubito, illustrissime Cardinalis, quin factum istud sis ipse probaturus impensè & prædicaturus. Ego non ut Regem apud te nunc laudarem, quod erat gestum, narravi; verum ut scires, quàm sit prisce fidei tenax, & dogmatum veræ Catholicæ acris atque animosus Defensor is, quem vestrorum Catholicorum plerique censerent aut dici Catholicum non ferunt, multi ne Christianum quidem. Regi primo visa inutilis de appellationibus contentio, dummodò rem teneas. Quod facere se, & optat Majestas ipsius, & in Dei misericordia planè confidit, quoniam tamen vulgò homines privationem ejusmodi appellationum, rei ipsius privationem esse & carentiam interpretantur; non solet Rex, neque consultum putat, injuriam dissimulare. De appellatione Christiani nulla ei tecum lis, nulla controversia; neutra enim Epistola tua hunc ei titulum negavit competere. De Catholici titulo quæstio jam est. Priore enim tuarum postquam eâ, quâ excellis, dicendi facultate significasses, in Magnæ Britannię Rege maximi te Principis ideam agnoscere numeris omnibus absolutam, ad extremum illam exceptionem adjecisti, si ad cæteras animi dores, Catholici nominis gloria accederet. Et quum Regis jussu esset responsum, non posse ei titulum illum denegari, qui tria Ecclesiæ Catholicæ Symbola, Concilia quatuor Oecumenica prima agnosceret; quique omnia crederet, per quatuor primorum seculorum seriem credita, tanquam ad salutem necessaria; parum tibi hac responsione satisfactum esse, posterioribus tuis accuratè & subtiliter scriptis ostendisti. Hæc literas à serenissimo Rege rapta, aut velut in transcurso lectas fuisse, nolim existimes; nam & totas legit, & momenta rationum mirâ animi æquitate & placiditate expendit. Quod autem ne post lectam quidem responsionem tuam, à priore sententia discedit, neque propterea minus Catholicum se esse, gratiâ Dei fretus, confidit; voluit ejus Majestas, ita statuen-

1612. di, quas rationes habebat, tibi non esse incognitum. Accipe igitur, Cardinalis illustrissime, ad posteriorem Epistolam tuam breve Responsum; quod ex ore ipso serenissimi Regis exceptum, scripto complecti, & ad te mittere sum jussus. Non petam nunc à te, ut ad hæc legenda eam adhibeas æquitatem, quam Rex ad tua cognoscenda; mihi enim satis nota est tua eximia prudentia, & omni laude dignissima moderatio.

Universa posterioris Epistolæ disputatio duabus constat partibus. Priore quinque observationes in medium afferuntur, quæ thesin istam; *Catholici appellatio nemini denegari potest, qui tria Symbola admittat, Apostolorum, Nicænum, Athanasianum; qui item quatuor Oecumenica Concilia prima, Nicænum, Constantinopolitanum, Ephesinum & Chalcedonense; postremo, qui omnia credat, primis quatuor seculis existimata ad salutem creditu necessaria; illustrant, & quomodo accipi debeat, ostendunt. Hæc thesis in Responsione Regia locum propositionis majoris obtinebat. Altera pars adversus hypothesein sive assumptionem, quatuor affert *causas*.*

I. OBSERVATIO.

Nomen Catholici non simpliciter fidem denotat, sed etiam communionem cum Ecclesia Catholica. Idcirco veteres noluerunt Catholicos appellari eos, qui à communionem Ecclesiæ recessissent, licet fidem retinerent. Unam enim esse Ecclesiam Catholicam, extra quam fidem & sacramenta habere aliquis potest, salutem non potest. In eam sententiam afferuntur multa à B. Augustino.

RESPONSIO REGIS.

Credere Ecclesiam Catholicam, & credere Communionem Sanctorum, ut res diversæ in Symbolo Apostolorum distinctè ponuntur. Ac videtur prius illud eo potissimum sine inferum, ut discrimen statueretur inter Judaicam Synagogam, & Christianam Ecclesiam; quæ non ut illa, populi unius finibus erat circumscribenda; sed longè latèque per omnes mundi regiones spargenda. Quare satis manifesta ratio non est, cur hujus observationis initio dicatur Catholicis appellatio Communionem denotare. Sunt quidem duo ista conjunctissima; diversa tamen, sicut ostendimus. Credit verò Rex simpliciter, sine fuco & fallaciis, unicam esse Ecclesiam Dei, & re & nomine Catholicam, sive universalem, toto diffusam mundo; extra quam ipse quoque nullam salutem debere sperari affirmat.

Damnat & detestatur eos, qui vel jam olim, vel postea, aut à fide recesserunt Ecclesiæ Catholice, & facti sunt Hæretici, ut Manichæi, aut à Communionem, & facti sunt Schismatici, ut Donatistæ: adversus quæ duo præcipue hominum genera, omnia illa sunt à S. Augustino scripta, quæ in hac observationem afferuntur. Laudat etiam Rex piorum Episcoporum prudentiam, qui in IV. Concilio Carthaginensi, ut hic verè observatur, formulæ examinis Episcoporum interrogationem super hac re adjecerunt. Neque ignorat Rex, multa sæpe veteris Ecclesiæ Patres *συγκατα-
νωσ* fecisse, pro bono pacis, ut loquebantur, id est, studio conservandæ unitatis, ac mutæ Communionis abrumpendæ metu. Quorum exemplum se quoque paratum esse profiteretur æmulari, & sectantium pacem vestigia persequi ad aras usque, hoc est, quantum in hodierno statu Ecclesiæ per conscientie integritatem licet. Nemini enim se mortalium cedere, aut in dolore, quem capit gravissimum è membrorum Ecclesiæ distractione, quam pii Patres tantoperè sunt abominati; aut in cupiditate, quâ tenetur, Communicationem habendi cum omnibus, si posset fieri, qui membra sunt mystici corporis Domini nostri Jesu Christi. Hæc quum ita sint, existimat nihilò tamen secius Rex, justissimam habere se causam, cur ab iis dissentiat, qui simpliciter sine ulla penitus distinctione, aut exceptione, hanc Communionem sine fine urgent. Inter proprias Ecclesiæ notas hanc fateretur esse cum primis necessariam; non esse tamen autumat veram ipsam Ecclesiæ formam, & quod Philosophus appellat, *τὸ τί τί ἐστιν*. Didicit Rex è lectione Sacræ Scripturæ, (neque aliter Patres olim sentiebant ad unum omnes) veram & *ἐκκλησίαν* Ecclesiæ formam esse, ut audiant oves Christi vocem sui Pastoris, & ut Sacramenta administrentur ritè & legitime, quomodo videlicet Apostoli præceperunt, & qui illos proximè sunt secuti. Quæ hac ratione sunt institutæ Ecclesiæ, necesse est ipsas multiplici Communionem inter se esse devinctas. Uniuntur in capite suo Christo, qui est fons vitæ, in quo vivunt omnes, quos Pater elegit pretioso sanguine ipsius redimendos, & vitæ æternæ gratis donandos. Uniuntur unitate fidei & doctrinæ, in iis utique capitibus, quæ sunt ad salutem necessaria; unica enim salutaris doctrina, unica in cælos via. Uniuntur conjunctione animorum & verâ charitate, charitatisque officiis; maxime autem precum mutuarum. Uniu-

1612. tur denique spei ejusdem communione, & promissæ hæreditatis expectatione: gnari se ante jacta mundi fundamenta prædestinatos esse, (de electis loquor) ut sint συγκληρονόμοι, & σύσσωμοι, & συμμετοχοὶ τῆς ἐπαγγελίας ἧς Θεὸς ἐν τῷ Χριστῷ, διὰ τῆς ἐπαγγελίας, quod divinus ait Apostolus *. Sed addit Rex, eandem tamen Ecclesiam, si aliquod ejus membrum discedat à regula fidei, pluris facturam amorem veritatis, quàm amorem unitatis. Scit supremam legem esse in domo Dei, doctrinæ cœlestis sinceritatem, quam si quis relinquat, Christum relinquit, qui est αὐτοαλήθεια. Ecclesiam relinquit, ἐν ᾧ καὶ ἰσχυρίσθη τῆς ἀληθείας †. atque eo ipso ad corpus Christi definit pertinere. Cum hujusmodi defectoribus nec vult, nec potest verè Catholicus communicare. Τίς γὰρ συμφώνησις Χριστῷ πρὸς βελίαν ‡? Fugiet igitur horum Communionem Ecclesia, & dicet cum Gregorio Nazianzeno, κρείσσων ἱμπαύδης ὁμοθυμίας ἢ ὑπὲρ ἑσθίας ἀρέσσεως. Nec dubitabit cum eodem Beato Patre, si opus fuerit, pronunciare, esse quendam ἱερὸν πόλεμον. Quod autem in Ecclesia futura esset aliquando necessaria hujusmodi separatio, cùm aliis Sacræ Paginæ locis clarè docemur, tùm illa apertè declarat Spiritus Sancti admonitio, non temerè profectò Ecclesiæ facta: ἐξέλθῃ, inquietis, ἐκ βαβυλῶν §, ὁ λαός μου, ἵνα μὴ συγκοινωνήσῃ πρὸς ἀμαρτίας αὐτῆς ¶. Quænam sit illa Babylon, unde exire populus Dei jubetur, non quærit hoc loco Rex, neque super eo quicquam pronunciat. Hoc quidem res ipsa manifestissimè ostendit; sive privata quædam Ecclesia eo loco intelligitur appellatione Babylonis; sive universæ pars major; eam prius fuisse legitimam Ecclesiam, cum qua pii piè communicarent: postea verò quàm longius processit ejus depravatio, jubentur pii exire, & communionem abrumpere: ut faciliè sit ex his intelligere, non omnem communionem cum iis, qui de nomine Christi appellantur, Fidelibus esse expetendam; sed illam demum, quæ sit salvæ doctrinæ cœlitus revelatæ integritate. Jam ut ad propositum accedatur propius, negat Rex accuratam illam locorum Beati Augustini collectionem ad se quicquam pertinere. Omnia enim illa testimonia hoc solum evincere: nullam spem salutis superesse iis, qui à fide Ecclesiæ Catholicæ, aut ab ejusdem Communione discesserint: quod quidem & Rex, ut antè diximus, ultrò concedit. Hic verò Majestas ipsius petit à te, illustrissime Cardinalis, ut revocare in mentem velis, atque apud te pendere, quantum sit discrimen inter

Beati Augustini tempora & hæc nostrā; 1612. quàm diverso sensu Ecclesia Catholica hodie nominetur, atque illis temporibus: quàm sit mutata Ecclesiæ facies & tota exterior forma, ut de interiore jam nihil dicamus. Nam olim quidem Ecclesia Catholica, civitati similis supra montem constituta; quæ, ut ait Christus, non potest abscondi, nullo pacto dubia erat; sed nota omnibus, perspicua, certa, ut de ea ambigere nemo sanæ mentis posset. Erat enim, non ut stulti Donatistæ dictitabant, nescio ubi in Meridie cubans, coacta in aliquem mundi angulum; sed longè latèque per Orbem terrarum diffusa, sub Imperatoribus florens, quorum dominatio ab Ortū ad Occasum, à Septentrione ad Meridiem porrigebatur. Erat videre Episcopos Orientis & Occidentis quotidie per Epistolas & proprios nuntios communicantes, & cùm res postulabat, sibi invicem suppetias ferentes. Quod enim scribitur in Constitutionibus Clementis, omnes Episcopos τὴν καθολικὴν ἐπισκοπὴν πεποιῶσθαι, atque ita esse quodammodo Oecumenicos; nunc attoniti legimus, nec credimus: tum autem quotidiana praxis esse verissimum ostendebat; potestque hoc exemplis ex Historia sexcentis faciliè demonstrari. Erant tum etiam in frequenti usu literæ formatæ, quarum commercio & confederatione mirificè inter omnia Ecclesiæ membra, quantumvis spatio locorum remota, Communio exercebatur. Accedebant, quoties erat opus, Concilia verè Oecumenica, non ut postea factum aliquando videmus, nomine Oecumenica, reverà ex aliquot Europæ Provinciis coacta. Et erat hoc temporibus priscis vinculum firmissimum, quo Ecclesiæ Catholicæ membra omnia in unius corporis compagem devinciebantur. Quod quidem corpus admodum propterea eminebat, in conspectu & certa notitia omnium sic positum, ut ignorari ne à volentibus quidem posset: una fides, una πολιία, unum Catholicæ corpus; partium frequens inter se visitatio, mirus omnium membrorum consensus, mira συμπόθια. Exciderat aliquis aut propter hæresin, aut propter schisma à Communione Ecclesiæ unius; non dico unius è primariis, quæ sedes erant quatuor Patriarcharum; sed cujusvis è longè minoribus? is, statim ut hoc innotuerat, à Communione totius Ecclesiæ Catholicæ censebatur exclusus. Nam quod exempla contrariæ observationis occurrunt nonnulla, id verò jus commune non erat; sed usurpatio. Ausus erat aliquis, fidem toto Orbe appro-

* 2 Cor. 13: 6.

† 1 Tim. 3: 15.

‡ 2 Cor. 13: 15.

§ Apoc. 18: 4.

¶ 2 Tim. 2: 19.

1612. probatam quamvis leviter incrustare? facile erat vel puero *ἡν ἱεροδοξῶντα* in sua novitate deprehendere. Fure autem veritatis deprehenso, omnes Pastores totius Orbis, si erat opus, commovebantur; nec semel commoti prius quiescebant, quam de medio malum sustulissent, & securitati ovium Christi consulissent. Hæc erat quondam Ecclesiæ Catholicæ designatio & felicitas, sed quæ multa secula non duravit. Postea enim Imperio everso, mutatæque Reipublicæ formâ, novæ dominationes sunt exortæ, multæ, variæ, moribus, linguis, legibus atque institutis invicem distinctæ. Distractionem Imperii distractio Ecclesiæ Catholicæ est secuta; & illa omnia paullatim cessarunt, quæ modò dicebamus conservandæ unioni, & Communioni exteriori corporis Catholici apprimè serviisse. Ex illo tempore Ecclesia Catholica, non desit illa quidem esse, erit enim semper; neque portæ inferorum prævalituræ unquam sunt adversus ipsam, in Christo vera petra, & fide Petri cætorumque Apostolorum fundatam: sed minus illustris esse cœpit; utpote in plures divisa, inter se, quod ad Communionem externam attinet, penitus separatas. Tum autem, quod præcipuè dolendum, hac dissipatione effectum, ut partibus minus esset virium, quàm fuerat toti corpori compacto ad resistendum inimico hominis, quem Christus docet, ad omnes occasiones esse intentum, ut bonam sementem lolio & zizaniis conspergat. Atque hoc evenisse quum hodie videamus oculis nostris, atque manibus ipsis palpando deprehendamus; ridiculum & longè absurdissimum, disputare an fieri olim potuerit, aut jam possit. Romana igitur Ecclesia, Græca, Antiochena, Ægyptia, Abyssina, Moschovitica, & plures aliæ, membra sunt, doctrinâ quidem & fidei sinceritate multum præstantia alia aliis; sed tamen membra Ecclesiæ Catholicæ; cujus compages, quod ad formam exteriorem, dudum est soluta. Quamobrem demiratur serenissimus Rex etiam atque etiam vehementer, cum videt, Ecclesias, quæ fuerunt quondam integri corporis membra, jus omne universitatis ad se jam trahere; appellationem Catholicæ sibi propriam facere, & reliquas omnes, quæ in ulla re à se dissentiant, aut jugum servitutis detrectent, excludere Communione suâ; ac statim illas ad Catholicam nihil pertinere, audacter pronuntiare. Neque verò soli vos estis, qui hoc jus vobis vindicatis; faciunt hoc ipsum & alii. Nam quod gemens

Rex dicit, multæ hodie privatæ Ecclesiæ sunt, quæ solas se credant esse illum populum *ἐκλεκτόν*, quem appellant, Ecclesiam. Dares his vires quantas Romana habet; facerent quod illa jam facit; nec de cæteris clementius pronuntiarent. Quid quod multæ hodie celebrantur sectæ, quarum sectatoribus persuasissimum est, solos se aliquid in Literis Sacris videre, atque ut Poëta ait,

Ὅ τις πᾶνδαι, τὰς δὲ σκιάς αἰσθάν.

Verum quidem est, nullo unquam seculo defuisse Conventicula Sectariorum & *ἑτεροδόξων*, quæ de nomine Ecclesiæ Catholicæ se jactarent, & imperitos hoc illicio ad se attraherent, sed postremorum, ad quæ pervenimus, temporum, peculiaris hæc est calamitas insignita, quod Catholica Ecclesia, cui necessario, vel reipsa & actu, vel voluntate saltem & voto est adhaerendum, minus est hodie, quàm erat olim, illustris, minus exposita oculis hominum, magisque *ἀμφισβήτησιμος*. Quò studiosius faciendum sibi serenissimus Rex putat, ut in tanto variarum opinionum diluvio ad montes Sacrae Scripturæ se recipiat, & quod olim Beatus Augustinus Donatistis consilium dabat, in verbis Christi Ecclesiam Christi quærat. Sic & Beatus Chrysostomus, cum alibi, tum ex professo in Homilia in Acta xxxiii. tractans illam quæstionem: *Quo pacto vera Ecclesia inter plures societates, quæ hoc sibi nomen vindicant, possit discerni?* duo docet esse instrumenta judicandi, & quæstionis hujus decidendæ: primò quidem Verbum Dei, tum autem antiquitatem doctrinæ, non ab aliquo recentiore excogitatæ; sed ab ipso Ecclesiæ nascentis principio semper cognitæ. Hæc duo *κατὰ τὴν* Rex cum Ecclesia Anglicana, totâ voluntate amplectens, pronuntiat; eam demum se doctrinam pro vera simul & necessaria ad salutem agnoscere, quæ è fonte Scripturæ Sacrae manans, per consensum Ecclesiæ veteris, seu per canalem ad hæc tempora fuerit derivata. Ut igitur huic sermoni finis imponatur, ad primam observationem responderet Rex: non posse eam sine vitio multiplici ad propositam hypothesin aptari. Ecclesiam enim Anglicanam adeò non deservisse à fide veteris Ecclesiæ Catholicæ, quam veneratur & suspicit, ut ne à fide quidem Romanæ Ecclesiæ desciverit, quatenus illa cum vetere Catholica consentit. Si quæritur successio personarum, in promptu sunt nomina Episcoporum & series à primo nusquam interrupta. Si successio doctrinæ: agite, periculum

1612. facite: Concilium liberum date, quodque ab unius voluntate non pendeat. Parata est Ecclesia Anglicana fidei suæ reddere rationem, & rebus ipsis evincere, auctoribus Reformationis hinc institutæ non fuisse propositum, novam aliquam Ecclesiam condere, ut impetiti & malevoli calumniantur; sed quæ erant collapsa, ad formam revocare quam fieri posset optimam; optimam autem judicarunt, nascenti Ecclesiæ ab Apostolis traditam, & proximis seculis usurpata. Faterur Rex, Ecclesiam suam à capitibus non paucis ejus fidei & disciplinæ, quam hodie Romanus Pontifex probat, & omnibus tuetur viribus, discessionem fecisse; verum eam Rex & Ecclesia Anglicana non defectionem à fide veteris Catholicæ interpretantur; sed potius ad fidem Catholicam pristinam, quæ in Romana novis inventis fuerat multipliciter mirè deformata, reversionem, & ad Christum, unicam Ecclesiæ suæ magistrum, conversionem. Quare, si quis doctrinam hujus observationis fretus, inferre ex illa velit, Anglicanam Ecclesiam, quia Romanæ placita nonnulla rejicit, à veteri Catholica discessisse, non hoc illi prius Rex largietur, quam solidis rationibus probaverit, omnia, quæ à Romanis docentur, (illa præcipue, quæ volunt ipsi ut necessaria ad salutem credi ab omnibus) antiquæ Catholicæ à principio probata fuisse & sancita. Hoc verò neminem posse facere, aut unquam facturum, neminem certè hæcenus fecisse, tam liquidò Regi constat & Ecclesiæ Anglicanæ Antistitibus, quam solem meridie lucere. Postremò addit Rex, magnum se quidem crimen judicare, defectionem ab Ecclesia; sed huic crimini affinem se esse, aut Ecclesiam suam, penitus pernegat: *Non enim fugimus*, ajebat ejus Majestas; *sed fugamur*. Scit vero tua illustris Dignitas, ut qui optimè, quam multi, quam præstantes pietate & doctrinâ viri, ab annis minimum quingentis, Reformationem Ecclesiæ in capite & membris optarint; quam graves bonorum Regum ac Principum querelæ sint sæpe auditæ, statum Ecclesiæ suis temporibus lamentantium. Quid profuit? nihil enim quicquam eorum ad hanc diem videmus esse emendatum, quæ correctionis egere cum primis censebantur. Quare non veretur Ecclesia Anglicana, ne candidis æstimatoribus, in hac separatione, Donatistis simile quid fecisse videatur. Illi gratis & sine ulla causâ Ecclesiam Catholicam, gentium cunctarum assensu comprobata, cujus neque disciplinam culpâre pote-

rant, deseruerunt: Angli ab ea Eccle-1612. sia, necessitate dirâ cogente, secessionem fecerunt, quam innumeri populi Christiani, veram Catholicam & universalem esse non concedunt, ut modestissimè dicam, quamque in dogmatis fidei, & disciplinæ forma multum variasse ab antiqua, multa assuisse nova vetustis, mala bonis, etiam è vestris Scriptores quàm plurimi ingenuè dudum sunt confessi: & verò notius jam est universo mundo, quàm ut possit quisquam vel negare, vel etiam ignorare. Adde quod jugum Romanæ servitutis ita durum per aliquot retrò secula erat experta Ecclesia Anglicana, novis subinde vexationibus, & inauditis angariis atque exactionibus supra hominum fidem cruciata; ut vel illa sola causâ apud judices non iniquos à schismatis suspicione, & ut loquitur Augustinus de Donatistis, *inique discessionis*, posse videatur ipsam liberare. Non enim profectò Angli à charitate fraterna animi causâ dissiluerunt, ut Donatistæ; neque ut decem tribus populi Judaici, metu impendentis mali, quod nondum premebat, sed post plurimum seculorum patientiam, post exaltatas inenarrabiles ærumnas; onus intolerabile, cui ferendo pares amplius non erant, neque permittebat conscientia, subductis cervicibus tandem excusserunt. Et vetus quidem Ecclesia, ut refractarios Donatistas ad suam Communionem revocaret, etiam commodis temporalibus Episcoporum resipiscendum, & aliorum quoque, admirabili charitate prospicere solita. Romana verò Ecclesia, ut gratiam cum Anglicana redintegraret, fulmina primò Bullarum, deinde vim, modò apertam, modò occultam adhibuit; proditores nefarios suscepti hic parricidii manifestos, gremio suo excepit, & nunc cum maximè fovet; sententiam ex eadem causâ passos Martyribus adscribit, & eorum innocentiam contra divina omnia humanaque jura quotidie propugnat. Ipse Cardinalis Bellarminus, (dico *in dictione* *Supra* sed dico, quod res est) inter parricidarum patronos princeps familiam ducit; qui etiam nuper, ut Regem serenissimum alliceret, istud miræ efficacis ad persuadendum argumentum adhibuit: Angliæ Regnum ad Papam pertinere; & Regem Angliæ Romani Pontificis etiam in temporalibus esse subditum, atque feudatarium. Omitto alias & Regis & Ecclesiæ Anglicanæ, quæ veteres, quæ novas querelas, minimè hoc loco commemorandas.

II. OBSERVATIO.

1612. **P**Ræter absolutè necessaria ad salutem, duo sunt genera rerum, quas vetus Ecclesia credidit: harum alteræ utiles ad salutem; alteræ licitæ, & non repugantes salutem. Si quis igitur fidem Antiquorum velit amplecti, etiam istas res ipsum oportet amplecti, & eo loco habere, quo habuit vetus Ecclesia.

RESPONSIO REGIS.

QUæ non sunt existimata à piis Patribus absolutè ad salutem necessaria; sed tantum utilia aut licita, parum abest, quin censerent inter ἀνάγκη debeat: erat enim initio libera eorum usurpatio, utpote non simpliciter necessariorum. In ejusmodi rebus necessitatem aliquam hodie comminisci aliquantò durius videtur. Statim enim sequetur necessitas usurpandi, sicut videmus usuvenisse in Ecclesia Romana; quæ multa hodie observat ceu ἀνάγκη ad fidei integritatem necessaria; quæ vetus Ecclesia vix nōrat, certè non ita usurpabat, tanquam planè essent necessaria. Pauca è multis exempla afferemus. Constat in primitiva Ecclesia usurpatam fuisse peccatorum Confessionem; sed longè aliter quàm sit hodie: nam Auricularem Confessionem, uti apud vos exercetur, primis seculis fuisse in usu, nemo, opinor, dixerit. Fatur Rex, primos è Patribus, qui illam instituerunt, suas habuisse rationes, cur existimarent, Confessionem illiusmodi ad salutem facilius invenendam fore non inutilem; rem quidem absolutè necessariam non crediderunt; multò minus sacramentum; aut non omnes certè: nam de B. Chrysostomo satis liquet, Auricularem Confessionem ipsum à suis non exegisse. Nunc ventum eò videmus, ut vix aliquid minus huic Confessioni tribuatur, quàm precioso Christi sanguini, quo sumus redempti: adeò præcisè ejus absoluta quædam necessitas urgetur. Unde paulatim nata illa doctrina in Ecclesia Romana, de arcano Confessionis nullam omnino ob causam evulgando. Quia enim credebant, ad salutis portum sine hac Confessione perveniri non posse, omnia ejus impedimenta putarunt tollenda esse necessariò. Tandem igitur eò processit hæc doctrina, ut jam Reges occidere, aut sinere occidi, ne peccatum quidem esse videatur, præut si quis Confessionis sigillum rumperet: quod multi vestrorum Theologorum, imprimis autem Interpretes Juris Canonici libris editis docuerunt. Quin etiam hoc ipsum mihi totidem verbis

Luteriæ affirmavit Bineus Jesuita *, 1612. sicut mox dixisse tibi memini. Scimus * *Supra*, etiam, neque fortasse tua illustris Dignitas illud ignorat, esse alium in Galliis Jesuitam, qui nuper ausus dicere: Si Dominus noster Jesus Christus in terris versaretur morti obnoxius, & aliquis sibi in Confessione dixisset, velle illum occidere; prius quam Confessionem revelaret, passurum se, (horresco referens!) ut Christus occideretur. Quæ horrenda blasphemia à quo principio sit orta, vides. Sic abstinentioniam à vino delicatioribusque cibis, & stata jejunia, atque xerophagias, inter res utiles ad salutem facilius consequendam vetus Ecclesia posuit; neque Rex negat, si comoda adjiciatur interpretatio, ex mente ipsius primitivæ Ecclesiæ. Sed harum observationem severius jam exigi Rex non probat, quàm eorum, quæ disertè Literis Sacris continentur. Sic cælibatus Ministrorum Ecclesiæ olim laudabatur, nunc imperatur, & ceu res penitus necessaria exigitur, de quo mox plura. Sic quum dicat Paulus †, se corpus suum *παρὰ τὸν καὶ ὁ δὲ λαγὺν γένει*, eos qui divini Apostoli exemplum imitantur, laudat Rex, & beatos pronuntiat; illos vero detestatur, qui ciliicia, Laconicas *ἀσκητικὰς*, & id genus corporis vexationes, vel ut ipsi appellant, satisfactiones, aut inter causas ponunt salutis, aut tanti certè faciunt, ut illuviem, pædorem, scabiem, & agmen pediculorum ex ea causa ortum, intar perfectæ sanctimonix habeant. Sed ex omnibus istiusmodi eos potissimum Rex detestatur, qui more Sacerdotum Baal corpus sibi verberibus lacerantes, Deum nobis fingunt humani sanguinis avidè sitientem, qualem Pagani suam Bellonam crediderunt. Illos verò laudat Rex, qui flagellandos suam vicem pretio conducunt; ut meritum poenarum, quas alii luerunt, sibi applicetur: ita fit ut quicquid delirent divites, plectantur pauperes; nec sequitur nocentem poena, sed miserum & egenum. Rex igitur ut non invitus dabit, nemini hodie fas esse damnare ea, quæ constiterit primorum seculorum Patres unanimi consensu probasse, tanquam utilia aut licita; sic adstringi se ullâ necessitate absolutâ eadem usurpandi non patitur. Existimat enim, res esse naturâ suâ contrarias, τὸ ἀναγκαῖον καὶ τὸ ἀνάγκη. Sed de his uberius in sequenti observatione.

III. OBSERVATIO.

QUum in Religionis negotium non una species necessitatis cadat, videntur est, ne vocis ambiguitate fallamur, quo-

1612. quoties de rebus loquimur ad salutem necessariis. Esse enim necessitatem quandam absolutam, quandam sub conditione, aliam medii, aliam præcepti. Esse etiam necessitatem credendi, quæ omnes sine exceptione Christianos adstringat, & quæ non omnes generatim. Postremò esse necessitatem aliam actionis, aliam approbationis.

RESPONSIO REGIS.

Observationis hujus doctrinam, quæ varias necessitatis species doctè, accuratè, subtiliter & admodum copiosè explicat, adeò non improbat serenissimus Rex, ut contrà existimet, his distinctionibus sublatis multiplicem confusionem in rebus Religionis exorturam. Nam quid periculosius fingi potest, quàm si aut absolutè necessaria credantur, necessaria sub conditione, aut contrà? Nec minus utilis, ut in domo Dei omnia rectè atque ordine gerantur, distinctio est, inter alias necessitatis species, quæ hic explicatur. Ne in exemplis quidem appositis, quicquam Regi observatum, quod admodum improbat. Verissimè autem scriptum esse in explicatione τῶν ἀπλῶς ἀναγκαίων Rex arbitratur, rerum absolutè necessariarum ad salutem, non magnum esse numerum. Quare existimat ejus Majestas, nullam ad ineundam concordiam breviorẽ viam fore, quàm si diligenter separentur necessaria à non necessariis: & ut de necessariis conveniat, omnis opera infumatur; in non necessariis, libertati Christianæ locus detur. Simpliciter necessaria Rex appellat, quæ vel expressè Verbum Dei præcipit credenda faciendave, vel ex Verbo Dei necessarià consequentià vetus Ecclesia elicit. At quæ ex institutione hominum præter Verbum Dei, quamvis piè & prudenter, pro tempore in usum Ecclesiæ sunt recepta, mutari, moliri, antiquari posse existimat; & quod Pius II. de cælibatu Clericorum dicebat, *Bono olim jure sancitum, meliore nunc iri antiquatum*, id in genere de plerisque observationibus Ecclesiasticis, extra Verbum Dei introductis, posse usurpari Rex credit. Si ad decidendas hodiernas controversias hæc distinctio adhiberetur, & jus divinum à positivo candidè separaretur, non videretur de iis, quæ sunt absolutè necessaria, inter pios & moderatos viros longa aut acris contentio futura; nam & pauca illa sunt, ut modò dicebamus; & ferè ex æquo omnibus probantur, qui se Christianos dici postulant. Atque istam distinctionem serenissimus Rex tanti putat esse momenti

ad minuendas controversias, quæ hodie Ecclesiam Dei tantoperè exercent, ut omnium pacis studiosorum judicet officium esse, diligentissimè hanc explicare, docere, urgere. Nunc de exemplis nonnullis, quæ in hac observatione proponuntur, quædam dicemus. Inter absolutè necessaria, non quidem simpliciter, verum ex institutione divina, ponitur baptismus infantum, quem nos, inquis, ad hanc speciem necessitatis referimus. Deinde subjicitur locus B. Augustini, quo negatur præcisè, posse infantes non baptizatos servari. Hic primùm Rex profitetur, necessitatem baptismi ex institutione divina non minus aut sibi, aut Ecclesiæ Anglicanæ probari, quàm vobis. Non astringit quidem Ecclesia Anglicana gratiam Dei mediis, quod ne per doctrinam quidem Scholasticorum aliquot è melioribus licet; quia tamen hanc Deus rationem ordinariam ad peccatorum remissionem impetrandam in Ecclesia sua instituit, & eos, qui renati non fuerint ex aqua & spiritu, intrare posse regnum cælorum Christus ipse negat; sedulò hic provisum est legibus Ecclesiasticis, ut quovis tempore & loco baptizandi infantes suos parentibus esset facultas. Quod igitur de nascente olim Ecclesia dixit Tertullianus *, baptizare Episcopum, Presbyterum, Diaconum; postremò etiam Laicis jus esse, in extremæ videlicet necessitatis casu; hoc ipsum in Ecclesia Anglicana, quod ad Episcopos, Presbyteros & Diaconos, hodieque servatur, sine ulla vel loci vel temporis rigida & penitus inviolabili observatione: Laicorum verò baptismum, aut sceminarum, ut fieri legibus suis vetat; sic factum ex legitima formula quodammodo non improbat, baptismum esse pronuntians, etsi non legitimè administratum. Serenissimus verò Rex tanti hoc Sacramentum facit, ut quosdam in Scotia Ministros, quum nescio quas novæ disciplinæ ordinationes prætexerent, quò minus moribundos infantes rogati à parentibus baptizarent, metu supplicii injecto ad officium compulerit, minatus extrema, nisi parerent. Itaque verba Augustini, quæ non baptizatos vitæ æternæ privant præcisè, si de via ordinaria intelligantur, quam solam Christus nos docuit; nihil Rex habet, quod illi sententiæ opponat: sin autem negatur simpliciter, posse Deum Opt. Max. τὰς ἀφαιρέσεις servare; diritatem hujus sententiæ & Rex, & Ecclesia Anglicana abominantes, Augustinum durum & ἀσέβην infantum patrem fuisse pronuntiant. Omnino utrumque extre-

* De Baptismo, cap. xvii.

mum

1612. mum pari diligentia Rex fugiendum autumat, ne aut Dei manum abbreviemus, & infinitæ bonitati ipsius injuriam faciamus, si rigidam hanc sententiam amplectamur; aut Baptismum ponentes, cum nonnullis, inter ea, quæ adsint, vel absint, non multum interest, Sacramentum à Deo institutum pro re levi ducere videamur. Magnus sanè vir fuit Augustinus, pietate & doctrinâ admirabilis; cujus tamen proprias opiniones neque Rex pro dogmatis fidei admittit, neque vos admittitis. Nam verbi gratiâ, S. Eucharistiam infantibus ad salutem esse necessariam, non minus quàm Baptismum, credidit post Innocentium Primum Augustinus, & multis suorum scriptorum locis pronuntiavit: vos non creditis, neque acceptam à vobis doctrinam Ecclesia Anglicana mutavit. Inter illa, quæ necessitatem actionis certis personis imponunt, conjugium numeratur: *Si quis sobolem tollere voluerit*, inquis. Rursus autem paullo post, ubi exponitur necessitas approbationis, recensetur electio vitæ in virginitate aut cælibatu degendæ. Quæ Rex quum legeret, non reprehendit ille quidem; sed potuisse tamen aliquid ad utrumque exemplum commodè adjici, judicavit. Nam è priore exemplo videtur sequi, nullam esse aliam matrimonii causam necessariam, præter spem sobolis: atqui expressis verbis docemur à Paulo Apostolo *, etiam illos teneri nuptias cogitare, quibus non contigerit continentie donum: *οὐκ ἐν ἡλικίᾳ ὄντας*, ait, *καὶ ἀκατάσκευα*. Non est exigui momenti hæc adjectio. Remedii enim necessari & regulæ Apostolicæ contemptus, quibus quantisque flagitiis quotidie in Ecclesia Romana occasionem præbeat, ignorat nemo. Studium igitur vivendi in virginitate aut cælibatu, in continentibus mirum in modum sibi probari Rex proficetur: & quum singulari Dei beneficio, Sacræ Literæ familiariter sint ejus Majestati notæ, quàm vulgò soleant esse Principibus; non fugit ipsum, quid Paulus de re tota pronuntiet, quæ ejusmodi vitæ in utroque Fœdere legantur exempla, quæ præmia τοῖς ὑποταγομένοις sint proposita. Sed quod Theologi apud vos passim docent, præsertim autem Juris Canonici Doctores, concubinatum, scortationem, & fœda alia, ἀπὸ ἀρχαῖα ἀμείνω, tolerabiliora esse in Ministris Ecclesiæ, quàm legitimas nuptias, & τὴν ἐν πάσῃ ἀμείνω καί τω· id verò Rex facinus esse judicat planè detestabile, Dei atque hominum odio dignissimum. Opponit Rex omnibus omnium Sophistarum cavillis, at-

* 1 Cor.
viii. 9.

que ad eò omni humanæ auctoritati, 1612. Spiritus Sancti oraculum, per Apostoli os pronuntiatum, καὶ οὕτως γὰρ λέγει ὁ ἁγίος πνεῦμα. Quemadmodum autem magno belli Duci antiquior cura esset debet, ne damnum aut cladem ipse accipiat, quàm ut hosti inferat; sic in electione vitæ aut conjugatæ, aut cælibis, piis hominibus ante omnia cavendum esse Rex affirmat, ne jus divinum migrent: tum autem, si cui est facultas, utatur sanè bono naturæ. Scimus usu tritam esse calumniam, non esse Ecclesiam Anglicanam legitimam Ecclesiam, quia ejusmodi votorum usus hic nullus. Quid tum verò, si non fiat votum, quum res ipsa non ignoretur? Sunt enim multi inter Episcopos, & alios Ecclesiæ Pastores, qui sine ostentatione voti nuptiis abstineant, & sine ulla fabula, sine ullo sinistro rumore, castè sanctèque vitam exigant. Ipsa quoque Monachorum Cœnobia Rex optimus & pietatis studiosissimus soluturus omnino non fuit, [certè non omnia] ut sæpe affirmantem audivi, si invenisset integra, & primæ institutionis legem servantia. Optaret verò serenissimus Rex etiam atque etiam, ut Patribus Tridentinis, qui ne precibus quidem summorum Regum & Principum adduci potuerunt, quo publicæ honestati hac in parte consulerent, venisset in mentem, à quo principio hodierna doctrina sit profecta. Nam quum initio cælibatus inter utilia instituta poneretur & consilia, postea sunt adjecta vota; postremo ad hanc absolutam necessitatem est perventum, quæ hodie apud vos obtinet, lege Dei valere jussu, & pedibus mortalium indignissimè conculcata. Quod in fine observationis hujus additur, malè illos affirmare, fidem se & disciplinam eandem cum veteri Catholica retinere, qui alia eorum probent, alia improbent, quæ prisca Ecclesia ad salutem credidit necessaria, etsi sub diversa specie necessitatis, id quò spectet, satis Rex intelligit. Respondet igitur: nolle se quidem Ecclesiam suam, ut speculum sine macula, & quasi perfectè pulchram sine ruga, sine nævo prædicare; hunc enim Pharisæismum se suosque aliis lubenter relinquare: illud tamen certò, clarè & liquidò sibi constare, si notæ ἀσάδης quærantur, & verè necessaria ad salutem spectentur, aut etiam ad decorem Ecclesiæ, nullam in Orbe terrarum, [Deo uni sit laus & gloria] inventum iri, quæ propius ad fidem, aut speciem antiquæ Catholicæ accedat. Nullam excipere se, ne Romanam quidem, quæ novis inventis, cùm ad augendam

superstitionem, tùm ad stabiliendam dominationem suam, & imperium in Reges & Principes, & populos terræ universos excogitatis, fidem & disciplinam veteris Catholicæ, variè interpolavit, variè mutavit, & à primitivæ Ecclesiæ puritate atque simplicitate in multis quàm longissimè recessit.

IV. OBSERVATIO.

Quando queritur de fide antiquæ Ecclesiæ, sunt qui uno aut altero seculo, post jacta Ecclesiæ fundamenta, Antiquitatem circumscribant; æquum verò esse, ut ad disceptandas hodiernas controversias id potissimum tempus sumatur, de quo inter contententes constabit, non solum veram fuisse Ecclesiam temporis illius Ecclesiam; sed etiam tunc maximè floruisse, & splendorem illum obtinuisse, quem ipsi tot Prophetarum oracula erant pollicita. Id autem esse tempus, quo prima quatuor Concilia Oecumenica includuntur, à Constantino Imperatore ad Marcianum. Atque hoc vel propterea æquissimum esse, quia primorum seculorum paucissima extant monumenta; illius verò temporis, quo præcipuè Ecclesia florebat, longe plurima; ut facile ex ejus ætatis Patribus & eorum scriptis, fides ac disciplina veteris Catholicæ possit agnosci.

RESPONSIO REGIS.

Hoc postulatum parum illis æquum videbitur, qui in universam Ecclesiæ primitivæ Historiam, Actuum Apostolicorum, divino illo quidem; sed tamen unico libello, volunt contineri. Ab horum sententia longè abest æquissimus prudentissimusque Rex, qui in Epistola Monitoria sua, quanti faceret Patres, etiam quarti aut quinti seculi, ingenuè declaravit. Nec dubitat Rex cum Augustino pronuntiare; quod probatum fuerit, Ecclesiam à prima sua origine, ad illa usque tempora servasse, id tanquam impium velle rejicere, insolentissimæ esse infantiæ. Tres enim recti notas Vincentii Lirinensis, à principio, ubique & semper, dudum amplecti se, verè, nec simulatè ejus Majestas est professæ. Rex igitur & Ecclesia Anglicana, quatuor prima Concilia Oecumenica quum admittant, eo ipso satis declarant, veræ ac legitimæ Ecclesiæ tempus non includere se uno aut altero demum seculo; verum multò longius producere, & Marciani Imperatoris, sub quo Chalcedonense Concilium est celebratum, tempus completi. Sed quod in hac observatione pluris videntur æstimari tempora post Con-

stantinum, quàm anteriora; id verò 1612. serenissimus Rex valde miratur, & omnino haut probat. Fatetur Rex, quarti seculi Ecclesiam gloriâ, splendore, opibus ac doctorum virorum copiâ, magis quàm priora floruisse; at rectitudine fidei, quam *orthodoxias* dicunt, & incorruptæ disciplinæ sinceritate, aut pacem, aut etiam superiorem priorum seculorum Ecclesiam fuisse, dubitare posse putat Rex mortalium neminem. Leguntur passim apud pios Patres quarti seculi, Basilium, Nazianzenum, Hieronymum, Chrysostomum, Augustinum, alios, gravissimæ querelæ de vitiis Ecclesiarum suarum, & variis depravationibus; neque potest ambigi, quò longius ab origine prima recedebatur, eo etiam longius à primæva puritate & simplicitate esse recessum. Quare si de verrenda & mundanda domo Dei seriò cogitatur, cur ad Apostolica tempora, aut Apostolicis proxima non potissimum respiciatur? Verum quidem est, partem multò maximam illius temporis in tenebris, situ & squallore, propter continuas persecutiones, piis esse tractatam; sed videamus etiam atque etiam, ne in hac quoque re, melius sit ire ad domum luctus, quàm ad domum convivii. Paupertas & Calamitas bonæ mentis sorores audiunt; divitiæ & gloria non eandem famam obtinent. Quod si non adeò multi eorum temporum Scriptores ad nostram ætatem pervenerunt, at pervenerunt tamen nonnulli, quorum ratio habeatur dignissimi. Vel unicus certè Christi Martyr sanctissimus Cyprianus, primitivæ Ecclesiæ *potestas* & disciplinam totam melius nos docuerit, quàm multi alii, qui in quarto seculo vixerunt. Summa igitur Regiæ Responsionis ad hanc observationem est, facillè passuram ipsius Majestatem, ut è Patrum scriptis quarti seculi argumenta afferantur; eâ tamen lege atque conditione, ut pro verè antiquis, & ad salutem necessariis illa sint admittenda, quæ non nunc primum fuerint nata; sed quæ ab origine prima nascentis Ecclesiæ observatione continuâ ad illos pervenisse constiterit.

V. OBSERVATIO.

Cum unanimis Patrum consensus queritur, sunt qui tunc de eo satis liquere contendunt, quando res eadem totidem verbis apud omnes Patres reperitur: quorum sententia, quum sit palam iniqua, æquius fuerit ad consensum Patrum cognoscendum, duas hæc regulas adhiberi. Prior est, ut tunc existimetur satis probatus esse consensus Patrum, quando eminentissimi quique singularum
natio-

1612. nationum, in rei alicujus affirmatione consenserint, neque illis sese quisquam opposuerit, qui quidem orthodoxus censeretur. Sic B. Augustinus contra Donatistas, postquam e prioribus Scriptoribus insigniores undecim laudasset; Patres Concilii Ephesini, postquam contra Nestorium decem protulissent, de unanimi consensu Ecclesiæ prioris fidem se abunde fecisse crediderunt. Posterior regula hæc est: Quando Patres non ut Doctores loquuntur, neque dicunt hoc aut illud sic esse credendum, aut sic faciendum; sed tanquam testes eorum, quæ suis temporibus Ecclesiæ universalis credebatur, aut faciebatur, dicunt hanc esse fidem aut praxin Ecclesiæ Catholicæ per totum orbem terrarum; tunc eum honorem illis habendum esse, ut ad unanimem consensum Ecclesiæ, ejusmodi affirmatio satis credatur valere.

RESPONSIO REGIS.

EST quidem æquissima postulatio, ut de communi consensu partium hodie contententium, ratio incatur utiliter utendi veterum Patrum auctoritate. Nam primitivæ Ecclesiæ testimonio & pondere sublato, controversias hodiernas finem nunquam, τὸ κατ' ἀνθρώπους accepturas, neque ullâ disputatione fore terminandas, ultro serenissimus Rex agnoscit. Ut igitur conveniat inter utrosque, quid & quantum Patribus sit tribuendum, & quatenus eorum auctoritati sit deferendum, non fuerit inutile certas regulas de mutuo partium consensu componi, quæ modum rei præscribant. Inter alios plures ei proposito utiles ac necessarios Canones, etiam duobus hæc locum posse concedi, Rex autumat. Sed quoniam hodie non de Ceremoniis controvertitur, aut aliis mediocris momenti rebus; verum de fidei articulis aliquot, & de dogmatibus ad salutem pertinentibus, multo sollicitius dandam esse operam Rex judicat, ut ante omnia de hac regula inter omnes conveniat: Dogmata fidei, & quicquid ad salutem necessarium meretur credi, è sola Scriptura Sacra peti debere; neque à quorumvis mortalium auctoritate pendere; sed è Verbo Dei duntaxat, quo suam ipse nobis voluntatem per Spiritum Sanctum declaravit. Patribus enim & Ecclesiæ veteri, fidei articulos eliciendi è Sacra Scriptura, & explicandi jus fuisse; novos articulos comminiscendi nullum jus fuisse. Isto posito fundamento, & τῇ θεοπνευστῇ Παгинᾷ sua majestas manebit farta, tecta; & piis Patribus quæ debetur reverentia præstabitur. Hoc voluisse omnes veteris Ecclesiæ Doctores, facillè potest ex

eorum scriptis demonstrari. Nam quid 1612. in eorum libris occurrit frequentius, quàm hæc verba? ἐν δὲ διδάσκων ἐν τῷ λόγῳ: quæ docentur in Ecclesiā Dei, è Verbo Dei peti debent: aut hæc? ἡ θεοπνευστὴ ἡμῶν ἀποστολὴ λόγος, judicium de controversiis in causa Religionis penes Scripturam esto. Aut cui jam nota non sunt verba aurea Basilii Magni, in libello de Fide? πάντες ἐκ πίστεως πίστεως, & ἀποφασίαν κατηγορεῖται, ἡ ἀπὸ τῶν πρὸς γεγραμμένων, ἡ ἐπιστολῶν τῶν μὴ γεγραμμένων. & κυρία ἡμῶν ἰσοῦ χριστοῦ ἀπὸ τῶν, τὰ ἡμᾶς πείθεται τῆς ἡμῶν φωνῆς ἀκούει. Et ad propositas quidem observationes hæc dicta sunt.

Sequuntur jam quatuor ἐπεὶ. Accedens enim tua illustris Dignitas ad hypothesein, ut evincat, non credere serenissimum Regem, quæ olim Catholica Ecclesiā credidit, quatuor id argumentis instituit demonstrare, ex iis rebus petitis, quæ ad exteriorem Dei cultum pertinent, sive liturgiam, & praxin quotidianam. Cur autem has potissimum ἐπεὶ afferat, hanc rationem postea reddit; quia si de his esset conventum, de cæteris futura sit facilis conventio. Optaret equidem Regia Majestas, illustrissime Cardinalis, posset hoc sperari: sed recordanti ipsi & animo reputanti, quid illud sit, quod à vestris Scriptoribus præcipuâ curâ & acriore contentione urgeatur, non magna illi concordia spes apparet, ne tum quidem, si de istis quatuor capitibus à te propositis fuerit conventum. Non enim jam de istis, aut omnino de ullo Religionis Christianæ capite, acrius disputatur, quàm de Romani Pontificis imperio. Is unus est hodie fidei articulus, à quo cæteri omnes pendent. Quid igitur bonæ spei restat, nisi in illius bonitate & misericordia, cujus unius est, malis Ecclesiæ medicinam facere? In illo speremus, etiam contra spem. ἁπλῶς πιστοῖ. Ut redeamus in lineam, quatuor ἐπεὶ contra Liturgiam Ecclesiæ Anglicanæ allatæ sunt istæ:

1. In sacrosancta Eucharistia realem Christi præsentiam non credit.
2. Doctrinam de sacrificio Ecclesiæ Christianæ respuit.
3. Non precatur pro mortuis.
4. Invocationem Sanctorum, qui in cælis sunt, damnat.

Ad hæc quatuor paucis respondet Rex.

Ad primam ἐπεὶ de præsentia reali.

SI in sacrosanctis Religionis Christianæ mysteriis nihil credere Fideles existimandi sunt, nisi cujus rationes

1612. omnes habent perspectas, & modum tenent; nã multa Christiani reperientur non credere, quã ipsi tamen firmissimã se fide credere non dubitant, Christum Dominum nostrum Dei Patris Filium esse, ante omnia secula à Patre generatum; eundem quum sit verus Deus, carnem humanam assumpsisse in utero B. Virginis; ex illa natum esse, virginitate matris illæsã, divinam naturam humanã in eandem hypostasim unisse: hæc, inquam, & similia his plura, credere se omnes profitentur Christiani, à quibus tamen si modum quæras, quo ista sunt facta, aliud fidem esse Theologicam dicent, aliud humanam scientiam; piẽque usurpabunt Galeni, parum alioquin idonei pietatis magistri, verba eximia è libro xv. de usu partium: τὸ ΟΠΩΣ ἐγένετο τῆτο, ἐὰν ὁ Παιχρήσις ζητῇ, ἀναίδητος· Φωραγήση, καὶ τῆς σῆς ἀδινίας, καὶ τῆς ὁ δυνάμεις. Patres verò quoties nos dehortentur à quæstione ἡ τῶπε & curiositate modi explicandi in divinis mysteriis, si aggreddiar hic adnotare, longum fecero. Gregorii Nazianzeni verba sunt tibi nota in Oratione priore, *De Theologia*: Ἀχέως γίνονται τὸ ΟΠΩΣ μὴ ἀδινίας· ἀχέως τὸ πνεῦμα τὸ ὁσίου ἐκ ὁ Πατρός· τὸ ΟΠΩΣ μὴ πολυπραγμονεῖν. Et alio loco idem: Θεὸς γίνῃσις σιωπῇ πῶμα· μὴ σοι τὸ μαθεῖν, ἐπὶ γέννηται· τὸ δὲ ΠΩΣ, ὅδε Ἀγγέλοις ἐνοεῖν, μὴ ἐπὶ γέ σοι, συγχωρήσωμεν. Erat Gregorio res cum Arrianis, perversissimis Hæreticis; quorum impiæ curiositati, non subtilitate disputandi conatur satisfacere; sed tanti arcani modum & rationem quæri vetans, silentium illis indicit. Hac piã moderatione si Rex & Ecclesia Anglicana in sacrosancto Eucharistiæ mysterio utuntur, quã, obsecro, invidia est? Legimus in Evangeliiis, Dominum nostrum, cùm hoc Sacramentum instituebat, panem sumpsisse, & dixisse, *Hoc est corpus meum*: quomodo panis corpus suum esset, ne verbulo quidem uno explicuisse Christum legimus. Quod legit Ecclesia Anglicana, hoc piẽ credit; quod non legit, pari pietate non inquirat. Mysterium istud magnum esse, humano ingenio incomprehensibile, ac multò magis inenarrabile, fatetur & docet: de efficacia illius sentit quàm augustissimè: ad Sacram Mensam accessuros conscientie omnes scrutari recessus, & peccata confiteri, utique apud Deum; sed &, si opus fuerit, apud Presbyterum, jubet; accedentes, ut ad omnem humilitatem & devotionem se componant, sedulo monet; genibus flexis Communionem corporis Christi accipit; nec

solum in communi Conventu panem mysticum Fidelibus dividit; sed etiam morientibus hoc viaticum, ut appellant Patres Concilii Nicæni, & tota Antiquitas, administrat. Postremò, quum ab omni curiositate velit Rex suorum ingenia abstinere; quæcunque tamen pii Patres primorum seculorum, ad commendationem ineffabilis mysterii dixerunt, ea ipse admittit: Patrum etiam verba, μεταλλῶ, μεταποιήσιν, μετασχεῖν, & similia, ex mente ipsorum si accipiantur & exponantur, non rejicit. Hæc Regis & Ecclesiæ Anglicanæ doctrina, si vobis non satisfacit, nempe illud restat, ut Transsubstantiationis dogma, quo vobis placatis possit uri, approbet. Istud verò non est rei veritatem piẽ credere; sed importunã curiositate modum decernere; quod Rex cum Ecclesia sua nunquam est facturus, nunquam probaturus. Miratur verò serenissimus Rex, quum fateatur tua illustis Dignitas, non περιγνέως quærere vos, ut credatur Transsubstantiatio, sed ut de præsentie veritate ne dubitetur, Ecclesiam Anglicanam, quæ toties id se credere publicis scriptis est testata, necdum vobis fecisse satis. Ut igitur certò cognoscas, quid in hac Ecclesia super illa recedatur, quid doceatur, describam hic reverendissimi viri, Domini Episcopi Eliensis *, locum integrum, è libro, quem paucos ante menses adversus Cardinalem Bellarminum edidit. Sic ille capite primo: *Quod Cardinalem non latet, nisi volentem & ultrò, dixit Christus: Hoc est corpus meum; non, Hoc modo est corpus meum. Nobis autem vobiscum de objecto convenit, de modo lis omnis est. De Hoc est, fide firmã tenemus, quod sit; de Hoc modo est, (nempe transsubstantiato in corpus pane) de modo quo fiat, ut sit Per sive In, sive Cum, sive Sub, sive Trans, nullum inibi verbum est. Et quia verbum nullum, meritò à fide ablegamus procul; inter scita Scholæ fortasse, inter fidei articulos non ponimus. Quod dixisse olim fertur Durandus, nequaquam nobis displicet; verbum audimus, motum sentimus, modum nescimus, præsentiam credimus; præsentiam, inquam, credimus, nec minus quàm vos veram. De modo præsentie nihil temerè definimus; addo, nec anxie inquirimus, non magis quàm in Baptismo nostro, quomodo abluat nos sanguis Christi; non magis quàm in Christi Incarnatione, quomodo naturã divinã humanã in eandem hypostasim uniat. Inter mysteria ducimus (& quidem mysterium est Eucharistia ipsa,) cujus quod reliquum est, debet igne absumi, id est,*

* *Lat. celesti Antistiti*

ut

1612. *ut eleganter in primis Patres, fide adorari, non ratione discuti.* Hæc fides Regis, hæc fides Ecclesiæ Anglicanæ. Quæ ut brevi compendio rem omnem complectar, in Cœna Domini realiter participem se fieri credit corporis & sanguinis Christi, ut Patres Græci dicunt, & quod Bellarminus ipse fatetur, spiritualiter. Per fidem enim Christum apprehendunt & manducant; creduntque nullum aliud manducationis genus ad salutem utile esse posse. Quod & omnes vestri semper fassii sunt.

Ad II. ἐπεὶ τὸν de sacrificio in Ecclesia Christiana.

Veteris Ecclesiæ Patres sacrificium in Religione Christiana unum agnovisse, quod in locum successisset omnium Legis Mosaicæ sacrificiorum, neque ignorat Rex, neque negat. Sed hoc sacrificium nihil esse aliud contendit, nisi commemorationem ejus, quod semel in cruce Christus Patri suo obtulit. Quare Beatus Chrysostomus, quod frequentius nemo hujus sacrificii meminit, in nonum caput Epistolæ, postquam *ἱερίαν* nominasset, continuò subjungit, sive explicationis, sive etiam correctionis loco, *μᾶλλον δὲ ἀνάμνησιν ἱερίας*. Illa locutio *μᾶλλον δὲ*, quam vim habeat, scis ipse omnium optimè. Sæpe autem Ecclesiæ Anglicana professæ est, de verbo nullam se litem moturam, si modò impetrari à vobis posset, ut pristina fide in integrum restituta, quæ contra usum veteris Ecclesiæ à vobis usurpantur, tollerentur. Nam Eucharistiæ celebrationem sine communicantibus, & universam illam privatarum Missarum nundinationem, multis etiam vestrorum Theologis damnatam, certum est à perversa doctrina de hoc sacrificio originem habuisse. Quod autem ad extrahendas defunctorum animas è flammis Purgatorii sacrificia Missarum exiguntur, & quidem sæpe repetita; otiosorum hominum & simplicitate populorum ad quæstum suum impiè abutentium, delirium esse, Rex non dubitat. Tollantur hi & similes his alii crassi scdique abusus, qui apud vos obtinent; ab Ecclesiâ Anglicana, quæ in sua Liturgia expressam sacrificii mentionem habet, faciliè impetraveris, ut in veteris Ecclesiæ usu acquiescat. Quamobrem serenissimus Rex quum nuper ei essent narrata, quæ paullò antè in celeberrimo Conventu Dominicanorum doctè fuerant à te disputata, de duplici sacrificio, expiationis nempe, & commemorationis, sive religionis; sibi quoque idem probari, multis audientibus pronuntiavit; & nunc etiam

ut hoc ipsum tibi confirmarem, ejus 1612. Majestas me jussit.

Ad III. ἐπεὶ τὸν de precibus pro mortuis.

Consuetudinem esse vetustissimam, ut in publicis Ecclesiæ precibus commemoratio fiat defunctorum, & quies illis petatur à Deo, qui in pace Ecclesiæ sunt mortui; pauci hodie ignorant, nedum serenissimum Regem hoc fugiat. Eum morem à charitatis vehementia esse profectum, non videtur ambigendum. Sed & fidem suam de futura resurrectione, vetus Ecclesiæ eo pacto approbavit. Hunc ritum Ecclesiæ Anglicana etsi non damnat in primis seculis, hodie tamen sibi non putat retinendum, idque propter causas & plurimas, & gravissimas. Nonnullas de multis hic attingemus. Prima omnium est, quia sine ullo præcepto supremi in Ecclesiâ sua Legislatoris Christi primò fuisse eum morem introductum, habet persuasissimum; neque hætenus contrarium hujus à vestris Doctoribus potuit demonstrari. Quare etsi non tantum sibi sumit Rex, sicut in Monitoria sua dudum est protestatus, ut veteris Ecclesiæ usu probatum institutum ausit condemnare; nihil tamen dubitat ejus Majestas, Ecclesiâ suam nullâ ejus necessitate hodie teneri. Nam quicquid est, quod hac in parte veteres Fideles fecerunt; id omne Rex ad illud caput utilium vel licitorum refert, de quo in secunda observatione est dictum; ad ea certè, quæ absolutè necessaria sunt, nullâ ratione persuadebitur, hunc ritum pertinere. Unde enim illa necessitas? Non ex Lege Dei, qui hoc nunquam imperavit. Si ab eo fonte non est, nulla profectò est. Posuimus enim sola ad salutem necessaria existimari debere, quæ aut expressè continentur in Verbo divino, aut necessariâ consecutione inde fuerint deducta: quorum neutrum hic locum habet. Ea verò, quæ vetus Ecclesiæ sine ulla necessitate aut credidit aut fecit, libera hodièque nobis esse debere, antè dictum est. Secunda ratio est, quod licet fateatur Rex, hanc consuetudinem antiquissimos Auctores habuisse; à principio tamen & temporibus Apostolicis, unde omnis Ecclesiæ antiquitas repeti debet, sic factum esse, nemo ad hanc diem potuit probare. Accedit, quod preces, quæ olim fiebant, & modo & sine multum ab iis differebant, quæ sunt hodie & docentur. Tertiam rationem adjicit Rex, quod ubi semel preces pro defunctis admittæ fuerunt in Ecclesiæ ritus, mox pudendorum errorum & plus quàm aniliū superstitionum

1612. num caterva ingens agmine facto in Ecclesiam irrupit. Judicent vero aestimatores æqui, utris potius Catholicorum appellatio sit deneganda; Regine & subditis ipsius, qui rem nullâ necessitate introductam, propter insecutos errores desinunt usurpare, aut jam sibi licitam putare, an vestris hominibus, qui omnes superiorum seculorum, quamvis fœdos & perniciosos errores, sophisticis cavillis mirâ pertinaciâ defendere malunt, quàm corrigere.

*Ad IV. ὡς ἐστὶν de invocatione
Sanctorum.*

DE Sanctorum invocatione serenissimus Rex dicit idem, quod de precibus pro defunctis. A tenui principio, quod nemo jam nescit, res postea magnum incrementum cepit; donec tandem eò ventum, ut superioribus seculis (atque utinam nunc quoque multis in locis non idem fieret) populus Christianus plus fiduciæ & præsentis auxilii spem certiorē poneret in Sanctis, quàm in ipso [nefas dictu] Salvatore; qui ἐν μερῶν θεῶν ὑπάρχον, ut salutem hominibus, hostibus suis pararet, ἐαυτὸν ἐκείνῳ μερῶν δέλε λαδόν, καὶ ὑπεπάνωθεν ἐαυτὸν γινόμενος ὑπὲρ πάντας, πάντας δὲ σπουδῶν*. Et quum Dominus ipse, quæ est illius omnem superans admirationem bonitas & clementia, in Evangelio, suavissimæ dulcedinis verbis ad se miseros peccatores vocet, *Venite ad me*, inquit, *omnes, qui laboratis*; & ego *reficiam vos*; extirpere tamen perverse ingeniosi Doctores, qui invitationem adeò blandam inutilem conarentur reddere; & unicum apud Deum Patrem humani generis Advocatum, terribilem & semper imitem depingentes, miseris hominibus persuaderent, nullum ad Christum sine intercessione plurium Advocatorum aditum patere. Fuerunt etiam, qui palam docerent, iustitiæ severitatem Christum sibi reservasse; gratiam & misericordiam Beatissimæ Virgini reliquisse. Tum autem officia inter Sanctos & curationes solertiâ admirabili, ne dicam superstitione detestabili, sunt distributæ. Et olim quidem suffragia illorum duntaxat expetebantur, ut suâ gratiâ apud Deum intercederent; postea verò etiam libris repletus est mundus, qui propriè pertinerent ad hujus illiusve Sancti cultum, & formulas docerent petendi ab eo necessaria. Igitur in locum Psalmorum, quem Libellum divinum omnes olim Christiani, viri, fœminæ, senes, juvenes, divites, pauperes, docti, indocti, perpetuò in ore & manibus habebant, successerunt Horæ Beatissimæ Virginis, & Legen-

dar, sive potius fabulæ, ut plurimum, 1612. impix ac deliræ, (de veris Martyrum Historiis non loquor) & similes quicquid. Parum est, quod excussus est de manibus Fidelium tam divinus, tam necessarius Libellus; nisi esset repertus, qui ad honorem Beatissimæ Virginis Psalmos omnes transferret, omnia illi tribuens, quasi inter Deum & hominem κτίστω & κτίσιν nihil interesset, quæ spiritu prophetico de unico Filio Dei fuerant prædicta. Serenissimus Rex gloriosissimam Virginem Matrem Dei, prædicat beatissimam; neque dubitat, in supremum honoris gradum esse evectam, qui humanæ creaturæ à Deo creatore potuit tribui. Perplacet etiam illi, quòd Ecclesia Anglicana memoriam Beatissimæ Virginis certis anni diebus concelebrat. Sed nullis technis ab ejus Majestate hodierni Sophistæ expresse- rint, ut quod diximus, Beatissimæ Virginis Psalterium approbet, aut omnino ferat. Nam Cardinalem Bellarminum, qui nuper defendit, ne vestris quidem hominibus, qui sensum pietatis non planè exuerint, probari, serenissimus Rex autumat. Hisce morbis intercutibus quum lethaliter propè jam Ecclesia Romana laboret, demiratus est Rex, quod in tua, illustrissime Cardinalis, Epistola legit, invocationem Sanctorum, quæ hodie à vestris usurpatur, primitivæ Ecclesiæ temporibus fuisse in usu. Breviter igitur respondet, primis nascentis Ecclesiæ temporibus, alium præter unum Deum Opt. Max. fuisse orari solitum, demonstrari omnino haut posse. Nullum ejus rei præceptum extare in Verbo Dei; nullum penitus exempli alicujus vestigium. Solus Deus adorabatur, solus orabatur per Filium suum unigenitum, Mediatorem inter Deum atque homines unicum, solum, μὴ ὁπατον. Postea morem esse introductum, orandi ad memorias Martyrum; ac paulatim cœpisse apostrophas fieri ad Sanctos, extra Deicultum; optari etiam & vota fieri, non ad illos quidem primò, sed ut illi Deum orarent. Quod si hac sine exempla nova steterent, ne Rex quidem illorum temporum consuetudinem vehementer reprehenderet; certè non ita damneret, ut quod postea receptum est moribus: Beatos enim Martyres & alios Sanctos, cum Christo, capite utriusque Ecclesiæ, triumphantis & militantis, nunc regnantes, veneratur ipsius Majestas, eosque pro necessitatibus Ecclesiæ assidue orare non dubitat; precesque ipsorum non esse inutiles, firmiter credit. At quo auctore & quasi sponsore credatur, orantium preces ab ipsis audiri, ac

* Philip.
II: 6, 7.

1612. ac propterea pro Diis penetibus & tularibus eos esse habendos, id verò nescire se ingenuè fatetur. Quamobrem quæ deinceps post prima secula sunt secuta, mirificè Rex improbat. Per gradus enim ad ea perventum est, quæ modò dicebamus, & quæ Ecclesia Anglicana cum summa impietate esse conjuncta, non veretur affirmare. Quod si in Patribus quarti seculi exempla reperiuntur alicujus invocationis, [& quidem reperiuntur, neque hoc Rex nescit] fuit hoc nempe deficientis antiquæ simplicitatis & mali jam gliscentis indicium; ejusmodi tamen mali, quòd nullo pacto cum iis sit conferendum, quæ hodie in Ecclesia Romana, & ferri, & doceri, atque defendi cernuntur. Postremo seculi illius morem inter utilia aut licita si admiserunt pii Patres; at inter absolutè necessaria ad salutem nunquam profectò posuerunt. Atqui de his, non de illis, propriè sermo fuerat institutus. Et de quatuor quidem objectionibus adversus Liturgiam Anglicanam propositis hætenus.

Putat verò Rex, consulto factum esse à te, ut ex omnibus, quæ in ipsius Religione minus probabas, ea potissimum sèligeres, quæ ad Synaxes pertinent. Nam Communio inter Fideles, in publicis maximè pietatis exercitiis est posita; atque hoc est optatæ bonis unionis vel præcipuum coagulum. Quare si de hac saltem re inter Christianos hodie conveniret, nihil vetaret, quo minus invicem populi Europæ communicarent: factà interim Doctõribus S. Theologiæ facultate, ut dogmatum aliorum veritatem in Scholis placidè inquirerent. Quod quidem valde esset optandum; & hoc semel posito fundamento, benè de cætero, cum auxilio Dei, videri posset sperandum. Propterea serenissimus Rex, tuum hac in parte judicium apprimè laudans, faciendum putavit, ut ipse etiam ex iis, quæ in Liturgia vestra reprehendit, quædam hic adnotaret. Quod si propter illa quatuor, quæ ipse in Liturgia Anglicana desiderasti, iusta satis causa est, ut tibi quidem videbatur, cur qui illà utuntur, nec credantur nec dicantur Catholici; viderit tua illustis Dignitas, quid de Romana Ecclesia Regem pronuntiare oporteat; in cujus Liturgia (nam alias partes Religionis vestra Rex nunc omittit) tam multa pii viri dudum observarunt, Verbo Dei & veteri fidei Catholicæ palam repugnantia; quæ tamen defendere hodie, in hac luce veritatis, Romanus Pontifex mavult, quàm emendare. Et poterat quidem Rex nullo negotio, plurimos hic commemorare Liturgiæ Ro-

manæ gravissimos errores; sed placuit 1612. ipsius Majestati, quatuor duntaxat afferre, quæ tuis illis quatuor, de quibus diximus, opponit. Primum esto, Linguae ignotæ usus, contra Pauli admonitionem & primitivæ Ecclesiæ praxin, quæ nihil habuit antiquius in suis Synaxibus publicâ utilitate, & audientium ædificatione. Itaque verti Sacram Scripturam in omnes linguas Patres curarunt, & ut notat Epiphanius, *ἑρμηνεύματα* habuerunt, qui si opus esset, linguam in linguam verterent *ἐκ τῆς ἀρχαίας*, inquit ille; hoc est, cum Scripturæ populo legebantur. Sanè vulgò fuisse intellecta, quæ recitabantur, vel illud unicum evicerit, quod in singulis ferè Patrum Græcorum & Romanorum homiliis occurrit, *ut audistis legi*; vel, *ut hodie lectum est*: quod hodie si vestri concionatores dicerent, ridiculè facerent. Nam si quæ leguntur è Libris Divinis, nihil eorum miser populus intelligit; qui tamen multò magis hodie, quàm olim opus haberet, saltem in Ecclesia Verbum Dei, cum recitatur, intelligere. Veteres enim cogebant unumquemque, ut Libros Sacros domi assiduè legeret; qui nunc sub anathematis pœna vetantur attingi sine venia, adeò ut inter libros prohibitos primum locum Libri Sacri, & à Deo profecti, horrendum dictu! teneant. Non ignorat Rex, etiam inter vos reperiri Bibliorum Versionem in linguas vulgares: sed docuerunt ejus Majestatem Sacerdotes Angli, qui Duaci Sacram Paginam in sermonem Anglicum verterunt, ab invitis vobis esse expressas illas Versiones, *importunitate Hæreticorum*, ut loquuntur Duacenses. Nam illis velle Dei Verbum sobriè & reverenter legere, hæresis est. Neque ignorat Rex, quum in Gallicum idioma Renatus Benedictus Presbyter Biblia vertisset, quantum illi molestiarum eam ob causam Romani Pontifices exhibuerint; qui etiam semel, literis ad Episcopum Parisiensem datis, id agere cum jusserunt, ut omnes Gallicæ Librorum Sacrorum Versiones de manibus populi tollerentur: quod & factum procul dubio fuisset, si nulli in Galliis Protestantes extitissent. Nuper etiam legebat serenissimus Rex in libro Angli cujusdam, Presbyteri Pontificii, preces incognitâ linguâ conceptas, nescio quid majoris efficaciarum habere, quàm si intelligerentur. Quod insulissimum delirium ab Ethnicis primò excogitatum, hodie non est illius Presbyteri proprium. Sic olim Valentiniani Hæretici Hebraicis verbis, vulgo ignotis, in suis mystagogiis utebantur, ut plebi imperitæ

1612. ritæ admirationem & stuporem excitarent, atque, ut ait Eusebius in quarta Historia, *πρὸς τὸ μάλλον καταπλήξασθαι τὰς ψυχὰς*. Secundus error esto, Sacrae Eucharistiae mutilatio contra institutionem Christi, exemplum Pauli, & praxin continuam Ecclesiae in publica Synaxi, per annos minimùm mille, fatente etiam Cassandro, viro eruditissimo. Tertio loco sunt Missae sine Communionibus, item privatae atque angulares. Jam antè dictum, originem hæc habuisse è perversa doctrina de sacrificio in Ecclesia Christiana. Restituantur vetus fides, vetus praxis. Quarto loco profert Rex imaginum hodiernum usum, cultum atque adorationem. Fatentur abusum etiam Patres Tridentini, & Catechismus Romanus quædam utiliter monet. Quid refert? manet error, probatur, defenditur, & gliscit in dies. Omittit Rex adorationem Sanctorum atque invocationem. Ut fit hodie, excusari res non potest, non debet. Corrigantur, non autem excusentur, quæ palàm cum Lege Dei & usu primitivæ Ecclesiae pugnant. Omittit reliquiarum adorationem religiosam, quæ & docetur hodie & exhibetur, ut res necessaria, aut plurimùm certè ad salutem conducens. Accedit rei absurditas intolerabilis; ut cum falsæ reliquiae pro veris obtruduntur, aut palàm ridiculae: ut cum Lacrymae Christi ostenduntur, aut Lac Beatissimæ Virginis, & id genus alia. Omittit licentiam concionantium, extra Dei Verbum aberrantium, quibus lex poni debuerat, ne ullam populo doctrinam proponerent, velut ad salutem necessariam, quæ ex Oraculis Divinis non sit hausta, & primævæ Antiquitatis fidei consentiens. Ea namque est illa *ὁρμαινέουσα διδασκαλία*, quam tot locis Apostolus commendat. Hac lege semel sancitâ, ruent sponte sua, quæ hodie in Ecclesia Romana sunt permulta; ruet doctrina de indulgentiis, ruet putidum illud commentum de pœna intensiva in Purgatorio; ubi multa annorum millia in una minuta comprehendere docentur, vi pœnæ istius in precibus ad Deum inanes battologiæ, quæ sibi non placere, Christus ipse nos docet; neque amplius credetur magnum esse meritum, si quis Rosarium suum, aut alias preces, vel Psalmos, ignotâ sibi linguâ decies, vices, quinquagies, centies repetat. Istis incommodis, & similibus aliis si esset à vobis prospectum, cur ab Ecclesiae vestrae Synaxibus Dei timentes viri putarent sibi abstinentium, nulla fortasse amplius satis iusta causa restaret. Ne illud quidem

prætermittendum sibi Rex putavit; 1612. quod sub finem tuæ Epistolæ habetur. Scribis enim, de Romano Pontifice nolle te verba facere; quum vel mediocriter in Historia Ecclesiastica versatis compertum sit, primorum seculorum Patres, Concilia & Imperatores Christianos, primas illi semper detulisse, & præcellentis dignitatis prærogativam, in omnibus negotiis, ad Religionem aut Ecclesiam spectantibus: atque hoc solum exigere Ecclesiam vestram pro articulo fidei credendum ab iis, qui Communioni suæ se adjungunt. Ad hæc respondens Rex, fidem tuam appellat, illustrissime Cardinalis, petitque à te, ut animo reputes facta Romanorum Pontificum ab annis ferè septingentis. Non vult ejus Majestas Camarinam illam nunc movere; scire tamen te cupit, planè sibi fide certâ notum atque exploratum esse, hodiernos Pontifices ejus Sedis usque ad eò primorum Paparum esse dissimiles, fidei integritate, proposito vitæ, & totius administrationis formâ ac scopo; ut longè iniquissimum putet, rebus sic stantibus à prioribus seculis ad præsens tempus trahere argumenta. Reddatur Ecclesiae sua pristina forma, & tot nova jura olim inaudita penitus tollantur. Denique rebus ipsis probet Romanus Pontifex, non suam se, verùm Dei immortalis gloriam quærere, & populorum pacem, concordiam ac salutem sibi esse curæ; tum serenissimus Rex, quod in Monitoria sua dudum est protestatus, sine cunctatione primas illi deferret, ipsumque *πῶς τῆς ἐκκλησίας πρὸς τὸν*, cum Gregorio Nazianzeno, diceret non invitus. Nunc de illa Sede quid Ecclesia Dei statuere debeat, imprimis autem Reges ac Principes, vel te ipsum serenissimus Rex fert judicem. Non enim ignoras, quàm multi quotidie & Roma, & ex omnibus jam Europæ angulis subinde libri prodeant, ad temporalem Papæ potestatem, sive potius omnipotentiam, & in Reges, Principes, ac populos Orbis terrarum universos *διαποικίλῃ μοναρχίᾳ* stabiliendam. Non ignoras, Cardinalem Bellarminum super illo argumento ea nuper scribere, & statim à morte Henrici Magni publicare esse ausum, quæ omnes boni etiam è vestris sunt deestati. Boni, inquam, & pii sunt ubique locorum deestati; at complices ejusdem conspiracy, ceu profectum oraculum ex ore Pontificis, qui errare non potest, totâ voluntate suscipiunt, & pro virili sua multi defendere conantur. Itaque Jesuitæ Ingolstadtenses, in recente libro, quem adversus Joannem Gordonium,

1612. Decanum Salisburiensem, virum nobilissimum & doctissimum, ediderunt, ex illo Bellarmini scripto non secus argumenta ducunt, quàm si ea esset omnium Catholicorum constans & consentiens opinio. At cogiter, quæso, tua illustris Dignitas, quid simile primæ Ecclesia viderit; quò tendat hic vefanus furor; diligenterque apud se expendat, in quantum ruinæ ultimæ periculum Ecclesiam Christi conijciant quicunque ea, quæ hodie fieri docerique videmus, probant aut ferunt. Nam ut hoc solum dicam, de reconciliatione dissidentium Ecclesiæ membrorum, quamdiu apud vestros ea manebit rerum facies, & factæ divisioni esse præbita occasio negabitur, vel cogitare merus fuerit stupor, mera stultitia. Ultimatum illud erat in tuis, paratum esse te, perspicuè demonstrare, quàm benè in articulis hodie controversis, Sedibus Patriarchalibus, quæ adhuc supersunt, cum Romana Ecclesia conveniat. Verum eo labore posse te superfedere serenissimus Rex autumat. Scit Rex, sciunt alii omnes, harum rerum paullo saltem curiosiores, non solius Occidentis, sed etiam Orientis, Septentrionis ac Meridiei Ecclesias, ab aurea simplicitate primorum seculorum longè discessisse, ac longius etiam fortasse multò quàm par erat, nisi quod prædictam in divinis oraculis defectionem à priore fide, evenire fuit omnino necesse. Scit etiam, apud illos populos, ritibus ritus subinde esse accumulatos, & hominibus superstitiosis nimium ubique ab annis mille & amplius licuisse. At enim cum de reformanda Ecclesia Dei agitur, non hoc, opinor, quæritur, quid hodie Orientalis Ecclesia, aut Moschovitica, vel aliæ credant faciantve: sed id potius quæritur, quid ab initio docuerint Apostoli, quid eorum temporibus, & proximè secutis Ecclesia universalis usurparit. Illud est illud exemplar, quod omni amoris exceptione, sequi velle se Rex ingenuè atque ex animo profiteatur. Quanquam ne istud quidem rerum Ecclesiasticarum periti cuiquam concesserint, doctrinam Ecclesiæ Romanæ per omnia hodie congruere cum doctrina, quæ in Ecclesiis aliorum Patriarcharum jam obtinet. Ne de cultu statuarum hodierno, igne purgatorio vestro, præcisâ celibatûs observatione, aut Romani Pontificis infinita potestate, etiam supra Concilia, similibusve aliis articulis quicquam hîc dicam, certum est, in ipsa S. Eucharistiæ mystagogia multum diversos esse Græcos à vobis Romanis: adeò ut non dubitarit Marcus, Ephesi Archiepiscopus, de

Missâ Romana loquens, affirmare, ipsam in maximi momenti rebus, cum Verbo Dei, & antiquis Liturgiis pugnare: Προδίδεν (ait) φέρει τὴν ἐναντίον καὶ πρὸς τὰς ἐκκλησιαστικὰς ἐκδηλώσεις, καὶ ἐκδηλώσεις, καὶ πρὸς τὰς διανοητικὰς ῥήματα, καὶ πρὸς αὐτὰς τὰς ἐκείνων φωνάς. Eos autem, qui ritus Romanos hac in parte defendunt, idem Marcus pronunciat ἰληθῶσαι δικαίως τῆς διπλῆς ἀγνοίας, καὶ τῆς ἰσχυρῆς πωροσύνης. Sed hæc impræsentiarum satis. Habes, illustrissime Cardinalis, expositas causas, cur serenissimus Magnæ Britanniae Rex etiam post Epistolam tuam lectam, Catholicum se esse, & Ecclesiam suam Catholicam, misericordiâ Dei fretus, credere, & certò affirmare non vercat. Qui si infinito quoquam desiderio adjuvandæ publicæ concordiae non flagraret, aut te esse alienum ab eo proposito judicaret, hujus Responstionis labore profectò supersedisset; quum præsertim ejus Majestas quotidiana vestrorum hominum facta scriptaque ad animum revocans, prope jam habeat ratum & fixum, sicut antè dicebamus, nullam per illos jam superesse amplius ineundæ concordiae neque spem, neque rationem. Tueri namque omnia est illis propositum, non proficere in melius, & seriâ rerum depravatum emendatione piorum animos sibi conciliare. Quo in proposito quandiu vestri pergent, neque ullum Antiquitati aut veritati locum dabunt, semel profitetur serenissimus Rex, nihil se illos morari, neque ullam sibi communionem cum Ecclesia Romana unquam futuram. Quod superest, Dominum Jesum veneratur ipsius Majestas, ut quas in te largiter contulit animi dotes excellentes, ad sui nominis gloriam, & utilitatem Ecclesiæ velit semper dirigere. Vale, illustrissime Domine. Londini, a. d. v. Eid. Novemb. c. d. id. cxlii.

E P I S T O L A DCCCXXXIX.

E I D E M.



MONSEIGNEUR,

ENfin je vous envoie la Reponse qu'il 1612.
a plu au Roy de la Grand Bretagne de faire à votre Epître. Le Roy s'est servy de moy pour Secrétaire, mais la piece est de Sa Majesté. Et ceux qui pensent qu'il emprunte l'industrie d'autrui pour traiter les choses de Theologie, ne connoissent pas combien Sa Majesté est versée es écrits des Theologiens. En quoy je puis dire sans flatterie que ce Roy est admirable. Il a exactement medité cette sienne Reponse; & j'ay fait maints voyages en Cour pour cette cause,
S f f
ayant

1612. *avant en cet honneur d'y aller toujours en la compagnie de Mr. l'Evêque d'Ely, (Lancelot Andrews) personnage tres-docte, très-moderé, & d'une singulière humanité. Je pense qu'en écrivant Sa Majesté a gardé toute douceur, au moins s'a été son desir. Je prie Dieu, MONSIEUR, qu'il vous conserve longuement.*

Votre très-humble & obeissant Serviteur,

CASAUBON.

EPISTOLA DCCCXL.

✱ JANO RUTGERSIO.

1612. **T**uas ante dies aliquot accepi: quod non statim responderim, feres acceptum occupationibus meis, nunc quoque animo ad scribendum vacuo non sum, quem totum occupat dolor θαυμαστός ἐστὶν ἐκ τῆς mortis illustrissimi Principis Walliæ, quem mors inopinata nobis ante diem tertium ademit. Desiderabunt amissum Principem omnes, qui virtutes illius & pietatem admirandam norant. Amisit enim Anglia Principem, de cujus præstantia quicquid dixero, minus erit. Certabant in eo corporis & animi dotes. Nemo illum vidit prudens, quin imperio natam indolem sit admiratus. In juvenili ætate nihil cernens juvenile; pietas singularis; amor & reverentia erga Patrem non affectata; cæterarum maximarum virtutum concursus etiam hostis amorem poterant elicere. Nunc tantus Princeps vi morbi confectus jacet! φράδαί αἱ τῶν γονεὶν ἐλπίδες, φράδα ἡ μεγάλη τῶν λαῶν προσδοκία. Τίς ἀσπανά τῶν μύσαισι· ὅπως σκιάς ἵναρ ἀσπανά, μάλλον ἢ σκιάς ἡδύλον. At non perit optimo Principi suæ pietatis fructus; quem solum miseri mortales si speraremus & spectaremus, cum humanis rebus melius ageretur. Rediisse te Lutetiam, gaudeo. Fateor, miratus sum silentium tuum; amo enim te, & amari à te cupio. In Seneca & Censorino nihil possum te adjuvare. Proficiam lectione tuorum ὥς εἰς τῶν πολλῶν. Mei illi libri, cum aliis ferè omnibus adhuc Lutetiæ hærent. Ego opus magnum urgeo, quod æternam bonorum benevolentiam (πίστις ἐν Κυρίῳ) mihi conciliabit. In eo totus sum. De Variis & Negidio sefellisti expectationem nostram; distulisti enim gaudia nostra ulterius quàm putabamus. Libellum Græcum, nugarum plenum, de quo aliquando scripsi, mittam, si voles. Vale, & me ama. *Londini, die 1x. Novemb. c12 13 cx14.*

D. Morellium, veterem amicum & 1612. affinem meum, saluta, nisi grave, ex animo.

Inscriptio.

A MONSIEUR,
Monsieur RUTGERSIUS,
Gentilhomme Hollandois, à l'Hôtel de Venise au Fauxbourg St. Germain,
ou chez Monsieur Morel,
Professeur.

A PARIS.

EPISTOLA DCCCXLI.

JACOBO AUGUSTO THUANO.

1612. **I**llustrissime Vir, quod non temerè alias mihi evenit, ternis tuarum responsum debeo. Binas simul accepi; tertias nobilis à Duce Bullioneo missus paulò post reddidit. Satisfaciam omnibus paucis verbis: ἃ γὰρ ἔδρας ἀμὴν τὸ νῦν εἶναι. Egi de tuo proposito cum D. Cottonio. Ivi etiam ad Cambdenum, qui longè hinc summotus ad tertium milliæ habitat, sed cum domi non inveni. Non dubito, Cottonium, qui tuas legit, cum illo de omnibus egisse. Ille mihi sæpius dixit, atque hoc jam aliquoties scribere ad te memini, si tu dignareris ad se scribere, & mentem tuam sibi aperire, daturum se operam ut rebus ipsis, quanti te faciat, probaret. Quare auctor sum tibi, ut illi scribas: vir optimus est, candidissimus & verè nobilissimus. Cambdenus dubio procul, quod in se erit, omnia præstabit; est enim tui magnus admirator: ἃ πῶτα μὲν ταῦτα. Quas misisti ut traderem † * * *, ipse attuli, non multò propius habitanti quàm facit Cambdenus. Frustra fui; domi non est inventus semel atque iterum. Scripsi igitur illi, & rogavi, ut horam mihi concederet; me velle ipsum convenire. Dies jam multos frustra exspecto: ne quid dissimulem, nihil inde exspecto. Ego mores Anglorum non capio. Quoscunque ipse habui notos priusquam huc venirem, jam ego illis sum ignotus, verè peregrinus, barbarus: nemo illorum me vel verbulo appellat; appellatus silet. Hoc quid rei sit, non scio. Hic † * * * vir doctissimus, ante annos vi- † Henricus 1612. qui fuit Angliæ Legatus apud Venet. 1612. Vide Epist. ad G. Cambdenum, n. 99.

Domino

1612. Domino Cancellario, per mihi grata sunt. Quod ille cupit, ego discupio; sed adhuc tenet me propositum ipsi non ignotum. Itaque peto veniam, ut differre adhuc liceat. Tu per Deum immortalem, serva mihi illius voluntatem integram. Plura de ea re brevi, *οὐκ ὀκνῶ*. Opus meum ad tempus interruptum est; memor enim mortalitatis, ne periret quicquid jam scripseram, repentino consilio cursum abrui, & ad describenda illa me contuli, quæ jam composueram. In eo nunc sum, & futurus sum totum Novembrem; ad cuius finem, si dederit Deus mihi pervenire, extra periculum erunt illa saltem, quæ jam sunt composita: atque ea, Dei beneficio, operis magni pars est non poenitenda: sed longè absum à meta; crescit enim opus, & parata ad scribendum materia non videtur decrescere. Diligentiam nostram, æquitatem & studium benè merendi de Ecclesia, nisi fallor, probabis; fortasse etiam φιλοπονίας admiraberis. Det modò ὁ χρηστός Χρῆστος perficere, quod inceptum est. Sed heus tu, vidistine Alastoris Scioppii Ecclesiasticum? Ibi illa infernalis Furia plenis velis in te invehitur. Quod si iniquo animo fers, indignus es illo honore, quo te Deus immortalis afficit, quando ἀγῖοι καὶ ἀπμασθῶναι ab illis, quos scis esse Diaboli instrumenta, certissimosque Dei hostes. Parricidæ in hoc libro defenduntur, cœlis inferuntur. Alibi τὸ μακαρίτω Herum nostrum, Henricum Magnum, *certâ manu Francisci Ravaiilaci occisum* esse scribit, & factum non obscure laudat. Deum immortalem! in quæ tempora reservati sumus? Qui hæc tuentur, illi mihi Paganis & Mahumedanis longè pejores. Eant, valeant, pereant. In ejusmodi libro tuum nomen cum ignominia legi non minor tibi gloria est, quàm laudari à bonis. Sed moror te. Ego autem hac descriptione dolorem meum solor, quem bonis omnibus attulit nobis inopinata mors Principis Walliæ*, quæ nullis lacrymis satis desleri queat. Amisit Anglia Principem multis nominibus admirandum. Dotes & corporis & animi in eo excelebant: animus ingens; pietas supra annos. Ad perficiendam magni Principis ideam nihil temerè desiderares, cum illum cerneres. En homunciones quid sumus? σκιάς ὄντα ἀνθρώπων, μάλλον δὲ σκιάς ἄνδρων. Deus, Pater Jesu Christi, te servet Reipublicæ. Vale, & me ama. *Londini, 1. x. die nostri Novemb. c12 15 cxii.*

* Vide
suprà,
Epist. 837.

Clausam hanc Epistolam recludi oportuit, ut hæc adjicerem. Scripsit tandem ad me D. Wotton, in cuius

Epistola hæc verba habentur: *Legi quæ ad me scripserat ornatissimus Præses, cujus voluntati ne obtemperem, hoc unum obstat, quod ipsi idem meditamur.* Conveniam illum, & videbo si est *ὀγκύς*, & plura scribam. Iterum vale.

EPISTOLA DCCCXLII.
GEORGIO MICHAELI
LINGELSHEMIO.

Fasciculum tuum modò accepi. Læ. 1612. tor non displicuisse tibi repentinam scriptiunculam adversus τὸ ἀλιτήριον †. † *Cassianus Scioppius*. Laudo consilium tuorum amicorum, qui nolebant te cum illa teterrima bellua collidi; sed magis laudo pietatem tuam, qui hac prudentiâ usus non es. Quid? poenitebit te, illi Satanæ bellum indixisse, qui omnibus suis scriptis certissimè Dei hostem te prodit? Qui in Ecclesiastico suo Verbum Dei viventis ira contumeliosè tractat? Qui Papam facit Deum in terris? Qui dicit, pietatem Christianam tollere omnes Reges? Qui Ravaiilacum [o superi!] laudat; Henricum Magnum vituperat? Omitto alia. Rectè igitur & piè, Vir maxime, qui id genus pestibus displicere laudi te ducere scribis. Ego etiam glorior, obui ab illis pestibus contumeliis. Hærent enim animo meo altè impressa verba Lucæ, † χαίροντες ὅτι τὰς ἐν ἐνέματι αὐτῶν κατηρώμεται ἀπμασθῶναι. O me beatum, si etiam ipsam vitam pro gloria Dei Creatoris mei & Redemptoris possum ponere! Sed quia hoc non possumus, quod possumus, id assidue curamus, ut ingenioli vires ad veritatis defensionem referamus. Vidit optimus & doctissimus Scultetus partem operis inchoati. Et est Deo gratia, quod aliqua saltem pars descripta est, & in tuto posita. Ego enim repurans humanos casus, descripsi, quam composueram, ut Archiepiscopi, viri maximi, & aliorum Episcoporum censuræ illa subiceretur. Sed de his aliàs plura, *ὡς τῷ Θεῷ*. Vale, optime & præstantissime Vir, ac me ama. *Londini, die xxvi. Novemb. c12 15 cxii. raptim.*

EPISTOLA DCCCXLIII.
HUGONI GROTIO.

Si plus otii suppeteret aut temporis, 1612. Responderem accuratè novissimæ Epistolæ tuæ, quam mihi Bedwellus noster attulit. Legi in illa incredibili cum voluptate mea tuum iudicium de nonnullis controversiis, quæ isthic agitantur. Atqui non omnes ita judicant, & sunt

1612. sunt viri pietate & probitate insignes, qui omnes non solum improbant, verum etiam oderunt, quibus non placent extrema. Hæc magna calamitas est; sed cui medicinam facere solus Deus potest. Ego beatum me prædico, quod in toto primo Tomo Baronii, quem serio jam confuto, de illis scholasticis questionibus verbum occurrit nullum. Nam quid facerem; extrema defenderem? Ego vero non possum à consensu prisca Ecclesiæ discedere. Tacerem? hoc esset Papistam se prodere. Sunt enim multi hodie, qui pro hostibus omnes habeant, qui in arduis questionibus non per omnia ipsis assentiantur. Ago quotidie gratias Deo meo, qui in illis locis me collocavit, ubi & sapientissimus Rex, & ὁ ἀριστὸς τῶν κληρῶν aliter sunt animati. Verum hæc mitto. Opus meum crescit quotidie, beneficio Dei: nisi quod memor humanorum casuum, Novembrem totum impendi descriptioni eorum, quæ jam erant composita, ut illa saltem in tuto essent. Nuper editus est in Gallia meus Commentarius in Characteres Theophrasti, à me recognitus: mitto tibi unum exemplar. Missem etiam Epistolæ, quam adversus Scioppium scripsi, exemplar*, si plura habuissim: sed illa edita est Lutetiæ & Heidelbergæ, unde vix tria aut quatuor exempla sunt allata. Vale, Vir magne, & me ama. Londini, die xxvi. Novemb. cio id cxii.

* Exstat
suprà, n.
818.

EPISTOLA DCCCXLIV.

JACOBO CAPELLO.

1612. Vide, πρῶτον Capelle, rerum humanarum το ἀδελφόν. Dies sunt, opinor viginti, cum in ipso Regis cubiculo occurrit mihi ille Nobilis, qui tuas attulerat. Erat tunc & Regis & omnium bonorum, non solum in aula, sed etiam urbe tota gaudium incredibile propter expectationem nuptiarum †, quas sperant pii bono Ecclesiæ Dei cessuras. At cum post dies paucissimos in aulam rediissem, inveni omnia in contrarium versa: gaudio ingenti successerat luctus inestimabilis, exultationi planctus, lamenta, lacrymæ. Et merito quidem, ereptus enim erat morte inopinata (nam morbus contemnebatur) Princeps illustrissimus ‡, bonis piisque omnibus charissimus, Regni hujus spes longè maxima. Puto te, cum hic eras, vultum illius contemplatum esse, ut recordari etiamnum queas: non potes igitur ignorare, quæ esset de illo Principe expectatio omnium qui viderant. Studia & mores cum vultu con-

† Frederic.
Elector.
Palatini,
cum filia
unica
Regis Ma-
gna Bri-
tanniæ.

‡ Hen-
ricus,
Wallia
Princeps.
Vide suprà,
Epist. 837.

sentiabant: præcipue autem τὰς ἡμετέρας 1612. in spem erigebat magnam pietas singularis, quæ in illo eminebat. Audivi pro concione affirmantem Ministrum ante annum, Institutionem Calvinī tantā diligentia fuisse ipsi lectam, ut penè totam memoriā teneret: quod eò erat notabilius, quia Pallade relicta Martem assidue colebat. Quare ne dubitandum quidem est, Deum nostris peccatis iratum, tam præclaræ indolis Principem nobis eripuisse. Sed video quid sit: non est Deo gratum, Ecclesiam suam humanis præliis παραπαύειν. in illo igitur solo spes omnes nostras collocemus. Quod equidem pro mea virili magis magisque in dies facio, & meos horror, ut spretis rebus caducis, ἡ νῦν αἰὼν, τῇ μοιότητι ζωῆς, & κόσμῳ πτωχότης, ab illo toti pendeant. Quod utinam det nobis Deus rebus ipsis præstare. Principis obitum secuta sunt statim amicissimorum mihi virorum & præstantissimorum mortes; in Gallia Nicolai Fabri, in Anglia D. Karrew, quem vidisti in Gallia Legatum ante paucos annos; neque ita diu est, cum amisimus maximum virum Bongarsium. Hæc tot funera admonent me, ut de meo cogitem: itaque opus institutum nuper repente abrui, ut priusquam ulterius pergerem, quæ jam erant composita, describerem, & illam saltem partem in tuto collocarem, si quid mihi humanitus contingeret. Heri descriptionem illam absolvi, rediturus, si Deus voler, die crastinā ad opus intermissum. Quæ sunt descripta, paginas hujus chartæ occupant 324. atqui ad annum Christi pervenimus tantum xxxiiii. Sed miraberis fortasse diligentiam nostram: omnia enim excutimus, & nihil prætermittimus, quod justam reprehensionem mereatur. Occurrunt multa philologica: non sine voluptate mea sit, quod præterita studia tam gravi instituto ancillentur. Prolegomena diu nos habuerunt; nam quot ineptiæ fuerunt refutandæ? Quam stultè de Josepho Baronius judicat? Quam multa alia peccat imperitiā bonarum literarum? Non dissimulabo tibi, magnam ex hoc genere studiorum capere me voluptatem: lubentissime enim facio, ut meditationi rerum sacrarum ἐγγράσκω, atque etiam immoriar. Spero Deum immortalem cœptis benedicturum, καὶ ἐπὶ ἐλπίσιν εἶναι τὸν πτωχόν σου & ὅλην αὐτὴν γένεσιν, γένεσιν. Sed de meis conatibus nimium multa. Tu vero, præstantissime Capelle, beasti me nuntio lætissimo de editione tuarum lucubrationum Chronologicarum †, quibus utinam frui brevi possimus. Ego

† id est,
Historiam
Sacram
& Ex-
tremam ab
Adamo
usque ad
Augusti-
num.

parce

1612. parcè illa attingo, attingo tamen; & vanitatem Baronianarum opinionum solidè confuto. Obsecro te, fac me ut sciam, quomodo procedat operis tui editio; & quod sit tuum institutum; fortasse enim incidemus in propositum idem aut simile. Nam si annorum post Christum seriem pertexis, non dubito, quin eadem operâ Baronium sis confutaturus. Opus, quod jam præ manibus habeo, primi duntaxat Tomi refutationem continebit; sed ita accuratam, ut par mole futurum sit ipsi Tomo, adversus quem est comparatum. Lætabor, si tu quoque in eodem verferis argumento; neque dubito, quia veritas una est, multa nos eadem dicturos; sed non eodem fortasse modo: tu nempe, cujus hæc propria palæstra est, doctè omnia; ego, ut potero. Cedam non invitus; qui aliud nihil quæro his tantis vigiliis, nisi ut vincat. VERITAS, & ut gloria Dei promoveatur; tum autem à tam charo capite superari in eodem stadio currente, etiam voluptati erit. Perge igitur, cum bono Deo, καὶ αὐτὸς αὐτῶ γίνῃ κρείττων. Interim cura valetudinem, & me ama, καὶ τὸ ἐμὸν, καὶ τὰς ἐμὰς. Vale, & festinanti calamo ignosce; obruor enim curis & negotiis. Londini, die xxv. Novembris nostri, c15 15 cxii.

EPISTOLA DCCCXLV.

THOMÆ ERPENIO.

1612. Incredibili nuper dolore me affecerant literæ clarissimi Heinsii, tristitia nuntiantes de tua valetudine, optime & doctissime Erpeni: sed recrearunt me postea sermones Bedwelli nostri, lætiora narrantis. Tandem omni curâ liberatus sum, brevi Epistolâ à te acceptâ, quæ fidem fecit tuæ ὑγίης recuperatæ. Ago Deo immortalis gratias, oroque illum supplex, ut te servet quàm diutissimè, & facultatem tibi det benè de studiis literarum merendi, quando dedit καὶ τὸ θάλλον, καὶ τὸ δύνανται. Ego, mi Erpeni, etsi totus esse in studiis Arabicis non possum, aliquando tamen illis me oblecto. Quod si penes te sunt Evangelia Arabica diversa ab editis, habeo quædam, de quibus te cupiam consulere: nam etiam proposito meo intervniunt aliquando illæ literæ; ut videbis, si dederit Deus immortalis absolvere, quæ scribo jam contra primum Baronii Tomum. Hoc igitur, quæso te, fac ut sciam. Plura volui adjicere; sed urgebar curis & negotiis. Expectabo tuas literas, quæ mihi solent esse gratissimæ. Vale, charissimum mihi

caput. Saluta parentem tuum meis ver. 1612. bis. Uxor tibi ex animo salutem dicit. Vale iterum. Londini, a. d. x. Kalend. Decemb. ut hic numeramus, c15 15 cxii.

EPISTOLA DCCCXLVI.

DANIELI HEINSIO. ✕

Accepi plures tuarum μεμψιμοιρίων. 1612. queris enim de silentio meo. Ego non nego, causam habere te justam mei accusandi; nam diligentia scribendi nunc quidem certè vicisti tu. Sed audi, non solus ἄρῃς est ἀλλὰ πῶς ἀλλῶ. etiam hæc palma vices suas habet: nunc penes te est; non sic & olim erit: quanquam quid ego olim dico? quem tot repentini casus, tot mortes Principum, notorum & amicorum admonent, ut de meliore vita dies cogitem ac noctes. Audivisti obiisse in Galliis Principem Regii Sanguinis, Comitem Suefionensem, pacis & publicæ tranquillitatis studiosissimum, & à factione Hispanica alienissimum. Quo tempore allatus est in hanc Aulam ille nuntius, incipiebat ægrotare Princeps Wallensis, Regis filius, quem etiam mors immatura & verè acerba omnibus bonis abripuit. Non potest verbis dici, quantam in illo uno capite universa Dei Ecclesia jacturam fecerit; quantam hoc Regnum. Amisimus enim Principem, in quo jure dubitares, animine an corporis dotes præstarent. Scires natum ad magna, cum vultum intuereris, & illud verè ἀξίον ἰδῆναι. Corpus ita firmum, ut longævitate merito illi sponderes. Pieras erga Deum notissima; σεργὴ erga parentes & inaffectedata reverentia planè insignis. Prudentia in prima adolescentia senilis. Quid alias virtutes commemorem? Hic tantus Princeps paucorum dierum morbo terris creptus est. Secuta est statim mors penè repentina nobilis Senatoris Angli, Domini Karrew, qui ante paucos annos Legatum Regis egerat in Gallia. Dum hic moritur, afferuntur illi literæ * à maximo * viro, Domino Thuano; quibus erat ad-^{Erp.} juncta Epistola ad me, quæ certior me facit de obitu Nicolai Fabri, viri, mi Heinsi, doctrinæ magnæ; sed probitatis & pietatis longè maximæ. Amabat ille me, ego ipsum venerabar, verè ut λυψαντὶ τὰ χρεῖσθ γένετ. Omitto obscuriores amicos: nam etiam hæc scribenti nuntiatur, diem obiisse Northonus, Bibliopola Londinensium, ordinis sui hominum longè ditissimus, & bonarum partium homo. Tot funera

1612. me admonent, ut de meo ipse cogitem; quod & facio assidue ἐκ ἀπαθείας μὲν Δὲ τῆς Φυσικῆς εὐεργείας erga meos affectus. Uxorem merito suo longè mihi charissimam, & tot liberos, quibus præter memoriam nominis, non magnam hereditatem sum relicturus. Nam post ruinam Fortunarum mearum, quæ Genævæ erant, securæ sunt aliæ & multæ & graves. Cæterum scito, quodocunque illa facilis hora adveniet, lætūm me terras relicturum, in quibus ita palam & impune grassatur iniquitas & impietas; ubi non ἀκμάζει! Conjice oculos in quamcunque volueris, Europæ partem, si te zelus gloriæ Dei habet (quod ego certò scio ita esse) multa intueberis, quæ te angant necesse est. Quod longè miserrimum est, spes meliorum nulla: omnia enim in deterius vergunt. Τὸ καὶ ἄνθρωπον λίγω de me ipse conjecturam facio, qui à virtute & singulari pietate patris mei, viri sanctissimi, sentio me longè abesse, & ne mei longius etiam abeant, metuo. Quod ne eveniat, ego & uxor dies nocteque operam damus, & assiduis precibus à Deo contendimus, per meritum τῆς μεγαλειότητος οὐκ, τῆς Σωτηρίας τῆς κοίτης. Hæc cogitatio impulit me nuper, ut cursum abrupterem institutæ descriptionis adversus Baronium. Venit enim mihi in mentem, quia properanter scripta erant, quæ jam composueram, peritura illa, si quid mihi humanitè eveniret. Ita mens jam ferè integrum descriptioni illorum vaco, ut illa saltem ne pereant. Ubi omnia fuerint descripta, redibo ad pensum, σὺν τῷ Θεῷ, & pergā quamdiu providentia divina permiserit. Unis literis tuis significas, portentum illud Scioppium iterum manibus magni Scaligeri insultrasse. Ego illud scriptum non vidi: alia vidi plena horribilis impietatis & sexcentarum blasphemiarum. O patientiam Dei! Ecclesiasticus belluæ illius certissimum est testimonium, quā veri Papistæ hodie contemnant VERBUM DEI viventis; quā nihil aliud cogitent præter Monarchiam sui ἀπεικαστάς Ἀντιχρίστου: quā parati sint ad cædes omnium Regum, qui magnam Meretricem non adoraverint. Quis verè pius sine lacrymis potest illa legere? illa dico maximè, quæ ad contemptum Divinorum Oraculorum spectant. Nam Reges sibi impudent, quos certò mihi constat, vino magnæ Meretricis inebriatos, in suam certam perniciem conjurasse. Præter gemitus & lacrymas apud Deum, quid hic privati homines possint, non equidem satis video. Quoniam tamen θεοφύειν, ut confidimus, σπάρξαι ἐλάχομεν confutandi nugatorem

lepidum, dum supererit vita, σπάρξαι 1612. κομήσωμεν, σὺν τῷ Θεῷ. Scripseram ante paucos menses Epistolam ad Georgium Michaëliem Lingelsheimium, virum maximum, contra furorem Scioppii; brevem, sed satis acrem. Sed casu nescio quo factum, ut illa Epistola illi non deferretur; neque proximo mercatu, ut optabam, ederetur. Lutetiæ nuper edita est, & ego unicum exemplum habeo, quod mittere ad te non possum: nemo enim adhuc in Anglia vidit. Curabo ut videas, si possum. Sed tu, præstantissime Heinli, cur cessas? cur susceptam causam, & divinitus defensam deferis? O ne feceris: istæ sunt literæ, quæ divinum favorem tibi conciliabunt; quæ nomen tuum venerabile apud bonos reddent. Age, para te ad certamen: non potes neque obscurus vivere propter singularem doctrinam tuam, neque à contentionibus hodiernis abstinere; nisi tuo silentio bonam causam velis perdere. Me, ut delicias priorum studiorum linquerem, non spes alicujus commodi, sed sola pietas, sed zelus Dei, sed desiderium vitæ æternæ cogit. Utinam dederit bonus Jesus absolvere, quæ inchoavi in primum Baronii Tomum! Verè hæc à me dici, omnes intelligent. Oro Deum immortalem, ut te servet, Vir clarissime, & dotes ingenii, quibus excellis, det referre semper ad gloriam suam promovendam. Vale, & amicos ἀσπάζου, imprimis τὸν πᾶν Grotium, cujus pietatem satis nequeo in ejus Epistolis admirari. Iterum vale. Londini, Kalend. Decemb. stylo Gallico, c15 15 CXII.

Quæto, bea me tuis literis, quas incredibili cum voluptate soleo legere. De Bedweilo ago tibi gratias: ille nobis narravit tuam humanitatem.

Tui amantissimus toto pectore,

IS. CASAUBONUS.

EPISTOLA DCCCXLVII.

JACOBO AUGUSTO
THUANO.

Illustrissime Præses, proximæ literæ, 1612.

Quas ad te mihi, de obitu maximi Principis, Regis Magnæ Britanniæ filii, te certiores faciebant. Quo die illas dedi, obiit vir primarius in hoc Regno, bonis omnibus charus, D. Karrew *, quem isthic Legatum vidisti, & qui te summâ veneratione prosequabatur. Eodem die, cum maximè ἐγὼν μακάριότης animam Deo redderet, allatus est in ejus domum tuus fasciculus, cui inerant etiam ad me literæ ipsæ quoque fung-

* Dr. George Karrew, vide J. A. Thuan. Epistol. ad G. Thuanum, s. 99.

1612. bres, nam ex iis cognovi de Nicolai Fabri, viri clarissimi, transitu ad meliorem vitam. Etli autem is fuit, atque ita vixit incomparabilis ille vir, ut ipsum lugere *μακρόν τε ἐν τῇ νύκτι*, nihil aliud sit nisi suam ipsi felicitatem invidere; paucos tamen arbitror futuros probos & pios, quibus sine gemitu & suspiriis mors ipsius audita. Malè enim cum rebus humanis agitur, cum id genus exempla singularis virtutis & *ἀρετῆς* pietatis è conspectu nostro subducuntur. Ego sine lacrimis recordari non possum, quo amico sim orbatus; cujus solâ recordatione contineri in officio potui, ne ab illis sinerem me abripi; qui hodie in Ecclesia Dei viventis, dum extrema sectantur, & Ecclesiam & veritatem cœlestem, quæ ejus anima est, scelestè eunt extinctum. Ab horum furore quàm fuerit alienus *ὁ μακαρίτης* Faber, nemo scit melius quàm tu, illustrissime Thuane; qui ejusdem ipse quoque sententiæ quum sis, meritò & amasti illum semper plurimum, & exquisitissimam doctrinam pari pietate junctam jure optimo suspexisti. Quantam in eo viro jacturam fecerit, hoc præsertim tempore cum in dies crescit impietas, patria nostra, quis exprimere verbis queat? vereorque ne multa sint lapsura sæcula, priusquam talis prodeat Theologus *τῷ μακαρίτῃ* comparandus. Soleo cum incredibili voluptate sermonum recordari, quos ex illius ore in communi colloquio aliquando excepi: sed dolet mihi, prius creptum esse terris tantum virum, quàm potuerim cum ipso de opere, quod jam paro, seriò communicare. Hoc ego quantâ aviditate expetiverim, scit Deus immortalis, & puto me non unis literis desiderium illud meum tibi significasse. Nunc igitur ejus rei facilitatem mihi esse ereptam vehementissimè doleo, & quanto præsidio sim destitutus, *ἐκ ἀνακτι* dies noctesque cogito. Consilium mihi est, si Deus operis finem dederit videre, cum viris probis, eruditis & piis scriptiorem communicare; & priusquam mea edantur, in eum præcipuè finem isthuc, *εἰν θεῷ παναγίῳ*, iter suscipere. Sed quem inveniam *ἀρχαιολογίας* *οικλησιαστικῆς* peritiâ Fabio parem! quem inveniam æquum judicem uni addictum veritati? Itaque animum propè jam despondeo, & ad pertexenda, quæ restant, defecit me prior alacritas, quæ omnes labores reddebat mihi leves: sed obfirmabo tamen animum, si potero; & quamdiu spiritus hos reget artus, *ἢν ἔλαχον ἀσάρετον κόσμῳ* conabor. Deus immortalis cœptis benedicat! quem veneror supplex, Vir illustrissime, ut

te servet *ἀσθεν & ἀπικύαντον*, & quicquid tibi charum. Vale, & me ama. Londini, Non. Decemb. ut isthic tempora numerantur, C13 13 CXII.

EPISTOLA DCCCXLVIII.

N. N *.

ETli vereor, ne sæpius etiam quàm 1612. par sit, gravissimas tuas occupatio-
 nes interpellem, agrè tamen contineo me, quin pœnè quotidiana per literas colloquia tecum habeam. Occurrunt enim multa *ἐπιμέραι*, quæ scriptionis occasionem præbere sint idonea. Non loquor de publico statu, qui Dei gratiâ & singulari virtute serenissimi Regis eandem tranquillitatem obtinet quam prius. Non ignoro, esse multos, qui loquantur multa, & nescio quæ *πανικὰ* sibi fingant. Sed me illæ prudentum suspiciones proptereâ minus movent, quia constat mihi, optimum hunc Regem, pacis & omnis æquitatis pariter amantem, Deo curæ esse. Ille, ut confidimus, prava pravorum consilia dissipabit. Omissis igitur publicis rebus, de meis tecum agam familiariter. Ego, amplissime Vir, toties à te monitus, ut semel statuam de futuro meo statu, eas difficultates in ea deliberatione experior, ut *τὴν ἐμὴν ἀμνηστίας* exprimere verbis nequeam. Animus quidem certè is est, quem literis non unis Amplitudini tuæ exposui. Hoc ego cupio esse tibi quàm persuasissimum: *ὃ γὰρ ἐμὸν ποταλίον γέγονεν ἐδ' ἀπαπλὴν τὸ πρὶν ἔπος ἢ πρὸς γένεσιν, ἢ τ' ἔστι.* Sed *ἀμνηστίας* *τῆς ἐμῆς* causæ extra me ferè sunt. Postquam enim providentia divina, sic enim mihi blandior, onus scriptionis hujus mihi imposuit, neque inchoatum opus sustineo relinquere, neque possum confidere eo edito fore omnia mihi integrâ, quæ videntur adhuc esse. Quid igitur faciam? *πῶ τράπημαι.* Dicam quid consilii inierim. Cogitaveram Responsonem accuratissimam adversus primum Baronii Tomum. Ac possum sine vanitate confirmare, diu esse, cum ad opus illud *μακρίως* perficiendum necessariis præsidiiis videor mihi instructus. Verum quia evitate non possum, quin magnum id opus sit futurum, ne maneant res meæ tamdiu *μακρόν*, cepit me imperus dividendi Responsonem meam in partes duas, & priorem, quam habeo fermè jam ad *ἐκδοσιν* paratam, statim publicare. Illud fuerit rerum mearum certum *κρίτηρον*. Nam si isthic locus est antiquæ veritati, *καλῶς ἔχῃ τὸ ἡμέτερον*. Sin autem *ἔρριπὲ καλὰ, πῶθινα ἔμην*. Dedi operam ne aut discederem

1612. à veteris Ecclesiæ doctrina, aut asperitate bonos offenderem: sed incidi in tantas absurditates, ἀλογίας, ἀλογισίας, fatuitates, insulitates, καὶ ἐν λόγῳ, in tantas tamque impias novitates, ut stylum cohibere semper non potuerim. Hoc si exilio dignum est crimen, longum vale, Φιλίππη πατρίς. Sin est aliquis isthic respectus veritatis & melioris eruditionis, non despero fore mihi isthic locum etiam post mearum observationum editionem; quæ philologicæ magna ex parte quum sint, τοῖς φιλομαθεῖσι τῶν ἀνδρῶν cur sint displicituræ causam video. Hæc mihi causâ una maturandi & suscipiendi novi consilii. Accipe nunc aliam, quam, nisi fallor, miraberis. Anglus quidam, homo doctus & acris ingenii, * Montacutus, qui nuper Gregorii Nazianzeni quædam edidit, postquam animadvertit in magna expectatione esse hic opus meum, ut mearum scriptiuncularum suis popularibus desiderium leniret, ad propositum idem se accinxit, & confectam Responsum ad Prolegomena statim Etonâ, ubi est apud Savilium, Londinum edendam misit. Etsi autem serio mandatum erat, ut clam negotium haberetur, ne isti peregrini ex Anglorum scriptis proficiant, [hæc enim fuere verba magni cujusdam viri] tota res tamen mihi patuit, & traditus est Index Capitum libro Montacuti tractatorum. Cum primum cœpi eam chartam legere, paratus fui jurare, illum Indicem confectum fuisse in capita operis mei. Idem ordo, eadem series, eadem reprehensa, iidem Auctores allati; ut postquam rei veritatem novi, vel fraudem vel συγγραμμάτων satis mirari nequirem. Quamquam nolim existimes in ista tractatione eandem congruentiam esse repertam, ut dixerunt qui viderunt. Est ille quidem vir doctus, sed nos annis graves fortius pedem figimus. Itaque in summa propositi similitudine scopus tamen & ipsa tractatio plurimum differunt. Atque ego meæ existimationis interesse puto, ut alienum opus edatur. Illud me malè habet, non esse habitam ab homine juvene (certè inferioris mihi ætatis) tot vigiliarum mearum rationem; non D. Archiepiscopi, qui partem maximam operis mei legit, & quanti faceret, sæpe ostendit; non Regis ipsius, Principis optimi, & maximo in his rebus iudicio præditi. Quod si in Gallia degenti mihi hæc injuria esset facta, non ferret impunè: detestor enim hanc ἐκ ἀγαθῶν εἶναι, & illustrissimus Archiepiscopus, cui liber erat dicatus, consilium detestatus est, & vetuit edi. Erat præfixa Epistola furoris plena in Morellium

* Richar-
dus.

nostrum. Opinio multorum est, alie- 1612.
no instinctu Auctorem id egisse; nempe ejus, qui tertio quoque verbo jactare soleat: *S * præcepta Grammaticus, * scilicet stultus Philosophus, furiosus Mathematicus, præterea nihil.* En ingenium, en probitatem, en pietatem. Cum ejusmodi hominibus vel sermonem lerere ἐκ ἀκινδυνον. Sed moror te, Vir amplissime. Ego autem quoties te alloquor, verborum finem nullum invenio. Quod superest, peto ab humanitate illa tua toties mihi perspecta, ut, quod fecisti hæctenus, me amare pergas, & meas fortunas in tuo præsidio magna ex parte positas tuâ curâ ne putes indignas. Deum veneror, ut te servet αἰῶσιν καὶ ἀπώμαντον, & quicquid tibi charum. Hoc cò impensius à Deo Opt. Max. peto, quia hic erat novi anni primus dies, quo bene precari amicis solemus. Vale, Vir amplissime. Londini, Kalend. Januar. CIO IO CXIII.

Admonitio tua de vitandis Chronologicis disputationibus per mihi placet. Ego illum scopulum vitavi, nisi quod immanes errores Baronii planissime refutavi. De loco Josephi† mecum com-† de illo, municato habeo maximas gratias. Nullus in Josepho locus majoris momenti. Ego si junior essem, & alibi viverem, auderem promittere non poenitentiam editionem illius maximi Scriptoris. Videbis in hoc opere multa loca emendata.

EPISTOLA DCCCXLIX.

DANIELI HEINSIO.

PLures à te brevi tempore literas ac- 1613.

cepi, Heinsi præstantissime, omnes μεμψιμοίρας & querelarum plenas. Fateor aliquando plusculas fortasse præterisse hebdomadas dum sileo; sed non sum mihi conscius omisissæ penitus responsionis ad ullam è tuis. Ego eadem semper utor viâ; quæ an sit tuta & commoda, nescio. Amicus est quidam meus, vir probus & τίμιος, qui operam suam non semel ultrò obtulit. Quare semel apud animum tuum, si me amas, constitue, non solere me in scribendo ad te indiligentem esse aut lentum; nihil enim facio libentius, nihil majore cum voluptate quàm aut lego tuas, aut scribo ad te. Et hoc & illud συγγραφεὶς ἐμὸν τὴν σὴν τριτόνηται παρησία. Nuper clarissimus Theologus Scultetus dicebat, se petiisse à te, an velles venire: sed tua nobilia incepta ejus boni fruitionem nobis invidisse. Utinam aliter aliquando eveniat! excipieris à Domino† Lento, Eliensi † sanè quàm amicissimè. Nu-† de quo supra, Epist. DCCCXXXI.
per

1613. per eram apud illum, quando amicus tuus & ipsi & mihi tuas reddidit. Excepit prolixâ humanitate tuum amicum, quem neque ipse, neque ego posset vidimus. Dixit etiam mihi Dominus Episcopus, se tibi statim responsum. Utinam omnes docti viri, quos habet hoc Regnum non paucos, (etsi pares Eliensi oppido paucos) pari candore cum ipso essent præditi! Sed quàm longè aliter se res habeat, paucis cognosce. Non te fugit, opus moliri me, quo Baronii Annales confutem: id ego opus & voluntate meâ suscepi, & jussu maximi Regis. Quum apud eruditos magna esset expectatio nostrarum in illo genere vigiliarum, repertus est Etinæ, qui * occupare hanc laudem conaretur, & ut scirent omnes, nihil ad eam opus esse Anglis homine peregrino, magno studio Prolegomena Baronii confutare aggressus, vix absolutam opellam curavit edendam. Hoc etsi magno silentio actum, innotuit tamen, & mihi allatus est Index capitum eo libro tractatorum, quem ego statim inspiciens, firmè credidi in meas vigilias esse factum. Idem ordo, eadem ratio scriptionis, eadem testimonia allata, digressiones quædam simillimæ, at tractatio longè diversa, quod didici ex iis, qui legunt: & omnino etsi vir ille doctus est & acris ingenii, nihil tamen, ut certò scio, ad nostram diligentiam. Ei viro nomen est Montacuto. Is est, qui quædam Nazianzeni ante biennium edidit. Acciderat, ut operis nostri partem maximam illustrissimus Archiepiscopus paulò antè legisset: itaque æmuli libellum, etsi nuncupatum sibi, edi vetuit, & factum detestatus est: ἰδοὺ δὲ, ὅτι ἐκ τῆς ἰδίας ὀπινίας τὸ τοιοῦτον τὸ ἔργον, ἀλλ' ἐξ ὑποθέσεως ἄλλης ὅς αὐτὸν προεβιάζει, τῇ αὐτῇ Διακονίᾳ χρησάμενος ἐν τῇ ἐκδόσει τῆς χρηστογράφου. ἐκείνου. † ἐστίν, ὃν πρὸ πολλῶν ἐταυτῶν ὁ μακαρίτης Σκαλανός ἱμῶν. Διὰ πολλῶν ὀπινῶν ἡν χαρακτηρίσας, ὑποπείρας ἐλίγχειται εἰς αὐτὸν τὴν ἀλήθειαν τὴν κάλαμον βάψας. Ille est, qui ad omnem de viro divino mentionem hoc oraculum in ore semper habet; Sc. † fuit præceps Grammaticus, stultus Philosophus, furiosus Mathematicus. Hanc historiolum volui te non nescire, ὃ ἀντιπρόθεον ἔμοι κάρα. Hoc postremum adjiciam: plures tuarum non esse mihi redditas, ex eo conjicio, quòd misisse ais libellos quosdam, qui mihi non sunt redditi. Ego quum diligenter quærem, tui nihil inveni apud nostros Bibliopolas noviter à te editum præter Orationes tuas, quas statim comparavi, statim & legi: nec sine admiratione ingenii tui, nec sine risu propter ὠδύ-

* Richer-
dus Mon-
tacutus.
Colomel.

† Monta-
cutum
Græc sic
dictum.
Colomel.

‡ Henricus
Savilius,
vir ex
Christo.
mi editione
notissimus
Colomel.

§ Scaliger.
Colomel.
De quo
etiam su-
pra. Etsi.
DCCCLVIII.

δοξον argumentum & ἀδοξον, quod inge- 1613.
niose tractatur oratione integrâ. Deus
immortalis te servet, & cœptis tuis ma-
gis magisque in dies benedicat. Vale.
Londini, a. d. iv. Non. Januar. styl.
Lib. CIO IO CXIII.

Hanc historiam nosi communicare
nisi cum amicissimis: ὃ γὰρ ἀκρίβειαν τῆς
πράγης.

EPISTOLA DCCCL.

DOMINICO BAUDIO.

D Ebeo responsum ad binas tuarum: 1613.
prioribus significabas, non esse tibi
redditas meas postremas, posterioribus
illas ais accepisse. Gaudeo non dubi-
tare te de fide mea, & summo amore
erga te: sed quod ais, gratiâ me non
uti, quâ valeo apud Regem longè
optimum & longè sapientissimum;
tu, si hic sis, aliter sentias. Verum
quidem, non obscura Regem dedisse,
& quotidie in sermonibus suis dare te-
stimonia suæ erga me benevolentia, sed
non ignoras, aulica negotia non ab
unius voluntate pendere. Ne plura di-
cere cogar, scito me peregrinum esse
in Angliâ, ubi peregrinis non aliter be-
nè est, quamdiu ἰδεῖσθαι magis possunt
quàm φρονεῖσθαι. vel unica historiola,
quam ad τὸ πᾶν Heinsum, fidem dictis
meis abundè fecerit. Sed hæc inter nos.
Quod scribis, uxorem tibi contigisse ex
animi sententia, gaudeo, & tibi toto
pectoris affectu gratulor. Spero ma-
gnum tuis studiis accessisse πλεονέκτημα
illâ ratione, & ut ita sit, oro, obsecro
Dominum Jesum τὸ μενέτω ἐν ἰδῶν Σοφίᾳ.
Ego Dei singulari beneficio expertus
scio, quantum in eo sit positum felici-
tatis. Itaque si quis mortalium, facio
lubentissimè, ut consentientis matrimo-
nii pii & honesti laudes prædicem. Sed
hæc tua Sparta erit, qui mihi visus es
in tua elegantissima & mellitissima Epi-
stola ad id argumentum μετὰ φρονεῖσθαι
tractandum esse aptissimus. Sed fortasse
occupabit te bono publico suscepta Hi-
storia patriæ. Accepi à nonnullis, jam
aliquod te singularis industriæ tuæ ὄνομα
γῆμα Illustrissimis Ordinibus exhibuisse,
& plausum tulisse. Quare eo etiam
nomine iterum iterumque tibi gratulor.
Quem mihi nuper commendasti adoles-
centem, vidi tantum semel. Is si ope-
râ meâ opus habuerit, dabo operam,
ut intelligat quanti ego te faciam. Va-
le, Vir clarissime, & summo opere mihi
colende. Londini, a. d. iv. Non. Ja-
nuar. CIO IO CXIII. styl. Gregoriano.

EPISTOLA DCCCLI.

✱ HADRIANO SARAVIÆ. DANIELI HEINSIO.

Venerande Pater,

1613. **C**Ognoveram de tuo morbo etiam prius quam tuæ literæ mihi redderentur. Eramus igitur ego & uxor de tua valetudine admodum solliciti; & cum aliud nihil possemus, supplicibus precibus à Deo Opt. Max. subinde petebamus, ut te sublevaret, & priori iuvetia, si ita esset ipsi gratum, brevi restitueret. Sed didici à tuis, quas modò accepi, nondum remisisse dolores illos acerrimos, quibus exerceri patientiam tuam magno illi rerum omnium Arbitro placet. Non hortabor te, Pater venerande, ut non solum æquo, sed etiam forti & generoso animo hoc, quicquid est, cruciatuum feras; scio eā pietate ac virtute esse te instructum, ut monitore opus non habeas. Nemo te melius novit, levia esse quæcunque huic misero corpori adversa possunt contingere, præ illis, quæ vicem nostram passus est Servator Mundi, Dominus noster, ὁ Θεὸς υἱὸς τοῦ Θεοῦ, Jesus Christus: levia etiam esse præ illis bonis, quæ pios manent. Hæc & similia his pauci Christiani ignorant; sed harum rerum notitiā sese consolari, proprium est illorum, quorum nomina in Libro Vitæ sunt inscripta. Te eorum ex numero esse, observande Pater, & vita tua omnis fecit fidem hætenus, & scripta etiam tua luculenta demonstrant, cum cætera, tum etiam illa, quæ nunc tibi remitto. Legi illa pari cum fructu & voluptate. Longam Epistolam super ea re ad te scripseram; quæ errore nescio quo non Cantuariam, sed Cantabrigiam delata est ad Dominum Duportum. Ne te morer diutius, ego atque uxor Deum supplices veneramur per Filium ipsius, Jesum Christum, ut te doloribus hisce liberatum præstet valentem, & Ecclesiæ suæ, lectissimæque foeminæ uxori tuæ, ac nobis amicis tuis te adhuc conservet. Nos siquid suā causā vel Dominæ conjugis tuæ possemus, scito & confide, ad omnia obsequia esse paratos. *Londini, die Januar. 13. c15 15* CXIII.

Tui observantissimus,

IS. CASAUBONUS.

Inscriptio.

HADRIANO SARAVIÆ,
Sacre Theologiæ Doctori, & Ministro
Verbi divini, amico observando.

CANTUARIAM.

EPISTOLA DCCCLII.

Vir magne, feresne me ita ex abru- 1613.
pto tribus verbis tecum agentem? Feres, opinor, quia amas, & scis vehementer à me amari. Mihi quidem argumentum non deest, de quo scribam; sed deest otium, deest tempus πῶς νῦν ὕμῃ· igitur de aliis aliàs. Nunc scire ex te cupio, verane fama sit, quam accepi, de proditura brevi editione omnium scriptorum ἡ μακαρίτης Scaligeri. Audio curari illam nunc Genevæ. Quod si magnā curā à te non est actum, ut fides adhiberetur, exspecto monstra, non librum. Vidisti Josephum, illic editum, priores ante annos? In nupera editione Commentariorum in Suetonium annotatiunculam scelestè truncaverant, ut sumptui parcerent aurei unius aut alterius ad sculpendum Galbæ veterem nummum. Scripsi ea de re ad venerandum virum, Dominum Faium, qui abundè satisfecit, & reficienda illa folia curavit. Utinam seriò per literas cum illo egisses! Quicquid sit, aveo scire quid in eo negotio sit à te factum. Nos, gratiā Dei, ἐν πολλαῖς & σύμῃσι ἀδυνασίαις, pergitur tamen πόλεμον πολέμῳ ζῆν σὺν ἀποσπέν μᾶλλον δὲ εἰρηνοποιεῖν. Vale, amicorum suavissime, καὶ οἱ ἀληθῶς προσκίναται. Deus te servet. *Londini, pridie Non Februar. stil. Gall. c15 15* CXIII.

EPISTOLA DCCCLIII.

DOMINICO BAUDIO.

Nactum esse te uxorem ex animi sententia, proximæ tuæ me docuerunt. Gratulor tibi, Vir clarissime, & ex animo gratulor; eò quidem impensius, quò mihi notius est, τῇ χάριτι & οὐ, quantum sit studiorum adjumentum, grata & θυμὸς uxor. Erexit me is nuntius in magnam spem de tuis præclaris inceptis. Deus immortalis, verus ille ζῆλος & conjugii autor & præses, effundat in te & uxorem tuam genus omne suarum benedictionum. Quod ais optare te, ut de te cum ipso Rege potius quam cum aliis egissem, falleris; nam & cum ipso Rege egi, & cum viris magnis τοῖς ἀμφοῖν αὐτῶν. Multi sapientissimum Regem & eruditissimum plenis velis φηρόμενοι in tuas laudes non semel audiverunt. Sed non est mos Anglorum, ut viros eruditione claros aliundè accersant. Dictum sapienti sat est. Si quid me volueris curare, quod erit

1613. erit tibi in iudicio, utere operâ meâ, neque falleris expectationis. Vale. *Londini, pridie Non. Febr. stylo Gallic. CIO IO CXIII.*

EPISTOLA DCCCLIV.

JOANNI A' WITTEN.

1613. **E**Ram occupatissimus, cum amicus hic tuus monuit me, ut ad te scriberem, se enim mox discessurum: nolui tamen occasionem dimittere tam bonam mei erga te animi declarandi: vivimus enim ego & uxor tui memores, atque omnia tibi lata ex animo precamur. Doluit nobis, cum intelleximus, Joannem à Wouweren, cum veterem sodalem, fato functum esse. Literæ in eo viro non mediocrem jacturam fecerunt. Audieram, illum occupari in editione paranda Ciceronis operum ex emendatione Jani Guilhelmii, qui ante multos annos Avarici Biturigum in Gallia obiit. Hæc quoque erit magna Reipublicæ literariæ jactura, si propter obitum Domini à Wouweren intermitatur suscepta editio, nam ego accepi, Guilhelmium præclara quædam habuisse in Ciceronem; & fuisse illum excellentis ingenii virum, omnes sciunt. Si quid de ea re cognovisti, erit mihi gratum ex tuis id intelligere. Ego nunc dies noctesque occupor, quantum ferunt tenues corporis vires, in respondendo Annalibus Baronii. Primum illius Tomum seriò sum aggressus; id enim operis totius argumentum. Ostendam, volente Deo, quàm iniquè faciant, qui ad tuendos hodiernos errores tuentur se obtentu Vetustatis. Sed erit hæc tota scriptio modesta, ut Christianum virum decet. Ideoque non mediocrem fructum sperant viri summi, qui legerunt quæ jam sunt à nobis scripta. Quæ scribimus adversus Tomum primum, satis sunt proluxa; nam everrenda sunt seriò illa fundamenta totius molis: cæteris, si Deus dederit vitam, breviores futuri sumus. Spero ad proximas nundinas Francofurtenses vernalet operis mei partem publici juris futuram. Exegit hanc operam à me Rex serenissimus, idemque pietate, probitate & doctrinâ omnium Principum longè præstantissimus. Decessi gemens à Polybiano Commentario, quem tot laboribus concinnaveram: sed Regi optimo parendum erat, & fortasse bonis, qui isthic sunt, opus nostrum non displicebit: scopum enim habemus, non lacerare Ecclesiam Dei, sed omnibus potius prodesse pro nostra quidem virili, & quantum Deus immortalis vi-

rium suggererit. Absoluto primo Tomo, quod opus adhuc unum annum minimum me occupabit, spero, opto quidem, lentè excurrere ad Commentarium Polybianum; & si aliter non possum, per partes illum edere, volente & favente Deo Opt. Max. qui te servet, Vir nobilissime atque amicissime, & tuis inceptis benedicat. Vale, & festinationi meæ ignosce. Uxor officiosè te salutat. *Londini, Non. Februar. CIO IO CXIII.*

EPISTOLA DCCCLV.

JANO DRUSIO. ✠

Præstantissime Vir,

Quæsi diu occasionem mittendi tibi 1613. quosdam libellos nostros; sed hæcenus invenire nullam potui. Neque enim magnum intercedit nobis cum illis commercium, qui talia curant. Ex inopinato obtulit operam suam honestissimus adolescens, cui has dedi, & simul Epistolam ad PERRONIUM, cum postrema editione Characterum Theophrasti, quem libellum spero fore tibi non ingratum. Habet hæc editio nonnulla fortasse non pœnitenda, quæ nuper adjecimus. Aliud quod mitterem, in præsentia nihil habui. Tu, Vir summe, quid agas, scire ex te cupio. Opto ut bene mereri de Republica literaria & Ecclesia Dei nunquam cesses. Ego quotidie cum Baronio manus confero. Si dabit Dominus Jesus exitum videre, spero opus nos edituros non minus gratum bonis, quàm ingratum nō iſtâ iſtâ. Deus te servet. Vale, & me ama. Scripsi raptim. *Londini, Non. Februar. CIO IO CXIII. stylo Gallico.*

EPISTOLA DCCCLVI.

FRIDERICO TAUBMANNO.

MUnus à te missum accepi, Vir clarissime, pro quo ingentes tibi & habeo & ago gratias. Facis rectè, quod possessionem ejus laudis retines, quam dudum tibi peperisti. Optimus Poëta & Latinæ linguæ parens multum jam antè tibi debuit: nunc tu cumulum addidisti. Perge verò de bonis literis benè mereri: non est alia ad nominis æternitatem munitior via, hoc tempore præsertim, extincto propè jam semine ἡμετέρας γένεας illorum, inquam, hominum, qui patrum memoriâ literas æterna cum sua laude divinitus illustrant. Melanchthones, Camerarios, Xylandros, Wolfios, & alios plures in vestra

1613. vestra Germania miratus est orbis terrarum: nunc tuis & paucorum aliorum humeris provincia illa incumbit. Oro vñerorque Deum immortalem, ut & tuis, Vir doctissime, & tui similium laboribus propitius sit. Mihi satis acceptum est graviores illas literas, quæ vitam magno Luthero debent, sine harum mitiorum adminiculo florere diu non posse. Omnino veritati inimica est ἡ τῶν γραμμάτων καὶ τῆς φιλολογίας ἀπειρία: quod superiorum seculorum experientia satis superque est probatum. Nos in suscepto cum Baronio certamine nunc exercemur; nulla alia mercede impulsus, nisi studio cognoscendæ & defendendæ veritatis, quam ille pater Annalium miris artibus ivit oppugnatum. Speramus fore, ὅτι οὐκ ἐπιπῶν, ut οἱ φιλολόγοι τῷ ἀδελφῷ candorem nostrum probent. Verum hoc οὐκ ἐπὶ μάλιστα. Vale, Vir clarissime, & me, quod facis, ama. Londini, a. d. vii. Eid. Februar. c13 10 cxiii.

EPISTOLA DCCCLVII.

GEORGIO MICHAELI LINGELSHEMIO.

1613. Vir nobilissime, debeo responsum ad ternas tuarum; puderetque adeo me tantæ ὑπερημερίας, nisi tua diligentia exquisita effecisset, ut ego negligens videri queam; paucis enim diebus omnes illas tres Epistolas accepi: itaque oppressisti me. Sed quas ego tibi grates agam, præstantissime Lingelsheimi, pro navata opera in conquiendis & mittendis Græculi Antagonistæ* foliis? Omnino non solum de me bene meritus es, verum etiam de ipso Rege, cuius hoc officium accidit longè gratissimum; nam etsi alia habet majora, quæ curet ipsius Majestas, tamen ne sic quidem literas omittit. Itaque folia à te missa statim legit; & suum mihi de ea scriptione iudicium significavit. Non vult autem serenissimus Rex, ut ego vel horulam unam ponam in naniis illis confutandis. Jubet securum esse, & opus institutum urgere. Quod & facio eâ contentione, ut sperem, si Dominus Jesus ceptis benedixerit, brevi partem non poenitendam Typographo me fore traditurum. Ardeo cupiditate cognoscendi iudicia bonorum, cum de rebus, quas tracto, tum de ratione scribendi, quam sequor. Ego Deum ὑπερπλεξ veneror, ut det scribere sibi grata, & Ecclesiæ ipsius non inutilia. Serenissimi Electoris reditum vos isthuc vehementer optare, tuæ omnes significant; & videtur omnino æquum ac ju-

stum esse vestrum desiderium: sed quod 1613.

Rex optimus consuetà magnificentia nuptias * vult curari, mirari aut ægrè ^{Vide p. 374. Epist. DCCCXIII.} ferre non debetis. Ut regiam taceam Dignitatem, meretur singularis virtus illustrissimæ Principis, Dominae Elizabethæ, ut nuptiis suis hic honos habeatur. Sed benè sperate; jam enim ad ipsam ἀκμὴν τῶν πραγμάτων est ventum. Scribebam enim hæc eo die, quo solennitas nuptiarum erat inchoanda. Verum ista omnia è vestrorum literis vobis sunt nota. Quod superest, Deum supplex veneror, ut te servet αἰετὸν καὶ ἀπώραν. Vale. Londini, a. d. vii. Eid. Februar. c13 10 cxiii.

EPISTOLA DCCCLVIII.

JACOBO AUGUSTO THUANO.

Illustrissime Vir,

Binas tuarum simul accepi, quibus 1613. respondere hætenus quum non potuerim, ne nunc quidem id possum; obruor enim curis, per quas spiritum ducere vix mihi licet. Serenissimus idemque optimus Rex eâ flagrat cupiditate videndi edita, quæ jam scripsi, ut urgendi finem nullum faciat. Ego quum vehementer ejus voluntati morem gerere cupiam, rerum tamen difficultate impediatur, ne tantoperè festinem. Interim omnia temporis momenta rectè occupare conor: & est gratia Deo, quod partem aliquam in tuto jam collocavimus. Utinam exitum videre hujus curæ liceat! Sanè aut animi fallor, aut partem aliquam publico dare possumus circa illud tempus, quo editurum accepimus Dominum Cardinalem Perronium, quæ adversus Epistolam nostram scripsit. Magnâ teneor cupiditate id opus videndi; in quo si propositum habuit Auctor veritatem antiquam sistere redvivam, facile illi nobiscum erit certamen: id enim solum querimus, id totâ mente optamus, eò diurnas nocturnasque omnes nostras cogitationes referimus. Sin aliam ἐπελθεὶς Νεφ. ingressus est viam, non est quod laboris sui magnum fructum speret. Sed de his aliàs. Quæ scripsisti mihi, Vir amplissime, quæ item ad Dominum Legatum † de me, adducunt me in spem, † Buzotium. non pessimo loco meas isthuc res esse. Et quidem si pacis & concordie certa spes est, (ita multi jam existimant) abesse à patria sine crimine vix mihi videor posse. Semper dixi, postquam hoc quasi æs alienum expunxero, ut Regi mei amanti gratias egerim; de cætero nulla in me mora. Quod si Epistola

* Joannis Eu-
dæmonii.

† Buzotium.

1613. Stola ad τὸν Cardinalē reditū mihi spem non ademit, non puto causam esse cur ea, quæ jam scribo, suspicer eandem spem fore ademtura. Hoc igitur viderimus, & quidem, uti spero, brevi. Vale, Vir amplissime, & curam tui clientuli ne depone. Ego & uxor assiduis precibus τὸν μέγαν Θεὸν δυνάμεν, ut te, & primariam scēminam, Dominam uxorem tuam, cum pignoribus vestris, omne genus bonis cumulet, & seruet ἀνέσας καὶ ἀπημάντας. *Londini, a. d. vii. Eid. Febr. c. d. cxiii.*

EPISTOLA DCCCLIX.

JANO GRUTERO.

1613. Scripsi nuper ad te, Vir clarissime; nec jam quod scribam, habeo: nam quæ publicè hic geruntur, ea scio te ex aliis cognoscere. Exspecto cupidè tuas, ut quid spei sit reliquum de editione tuarum Inscriptionum, ex iis intelligam. Si quis est, qui acri desiderio stimuletur ut illam editionem videat, is ego profectò sum. Cùm intellexerò, seriò nos de editione cogitare, mittam aliquot Hebraicas Inscriptiones, quas habeo, fortassè non pœnitendas. Ego in suscepto opere torus sum: quod si vivam, & vires Deus immortalis fuerit largitus, spero me partem aliquam prelis subjecturum eis breve admodum tempus; moram enim editionis Rex optimus idemque doctissimus non fert: itaque morem gerere ipsius voluntati constitui, οὐδὲ Θεὸς ἀγία. Vale, Vir clarissime, & me ama, qui te ex animo colo. *Londini, a. d. vii. Eid. Februar. c. d. cxiii.*

EPISTOLA DCCCLX.

CONRADO RITTERSHUSIO.

1613. EX iis literis, quas ad me nuper dedit vir clarissimus, Georgius Remus, cognovi, incidisse te, Vir præstantissime, in gravem morbum; sed ex quo pœnè jam convalesces, cùm ipse ad me scribebat. Egi Deo immortalis gratias, petique ab ejus bonitate, quod & nunc peto toto affectu, ut te seruet valentem καὶ ἐπιστάμενον. Habemus hîc ab aliquot jam mensibus virum clarissimum & optimum Scultetum, qui de tua singulari pierate multa mihi non semel narravit. Avidè igitur nuntium exspecto de tua convalescentia, & in priorem statum restitutione. Omnes, qui literas amant, idem mecum

optant. Ego, Dei beneficio, medio-1613. critèr valeo, & in opere suscepto, quantum ferunt vires corporis, assidue pergo. Brevi, οὐδὲ Θεὸς ἀγία, pars operis Typographo tradetur. Vale, Vir clarissime, & valetudinem cura. *Londini, a. d. vii. Eid. Februar. c. d. cxiii.*

EPISTOLA DCCCLXI.

DAVIDI HOESCHELIO.

INFrequentiam mearum desine mirari, 1613. Vir optime & clarissime. Occupatissimus enim sum, ut si unquam fui. Scripsi tamen nuper, cùm literas dedi ad virum magnificum Velsrum. Ex literæ an fuerint ipsi redditæ, nescio; nihil enim postea ab illo accepi. Et sunt, qui dicant, ipsum nonnihil à me esse abalienatum propter Epistolam ad Frontonem. Vir summus duram mihi legem imponit, si ut illius gratiam teneam, queri de parricidio Regis mei non possum. Ego sceleris admissi auctores nunquam dixi esse illos, quos ipse tantum amat. Hoc dixi, & semper dicam: Doctrinam, quam Jesuitæ tuentur, esse causam illius parricidii. Sed hæc querela non est hujus loci. Scito, me in opere suscepto, Dei beneficio, strenuè pergere. Pars jam non pœnitenda editioni parata est. Ibi videbis τὸ πᾶν τῆς μετασχευώσεως δόγμα ἀνεκδοτῶν. Nos quidem non rixamur; sed doctrinam veteris Ecclesiæ cum cura proferimus in lucem. Spero, te illam disputationem non improbaturum. Auxilia librorum MSS. noli à me sperare. Hic Londini vix ulla est Bibliotheca, in qua extet aliquid manu exaratum Græcè. Oxonii esse quædam intellexi: fortassè etiam Cantabrigiæ. Sed quid illis in locis habeatur, nescio. Oro Deum immortalem, ut tuis cœptis benedicat. Vale. *Londini, a. d. vii. Eid. Februar. c. d. cxiii.*

Jam erant clausæ ferè hæ literæ, cùm accepi Epistolam Velsri, cui rescripti statim.

EPISTOLA DCCCLXII.

MICHAELI PICCARTO.

NUdius tertius tuas accepi. Gratissimum mihi fuit de tua bona valetudine & studiis ex te cognoscere. Amo enim te, & quia de tuis conatibus spem magnam concepi, opto, atque adeò precor tibi à Deo Opt. Max. fausta omnia. Orationem tuam cum animi voluptate legi, versus vix sine lacrimis; certè non sine suspiriis.

1613. Revocarunt enim mihi in memoriam
 * Henrico Princeps Walae. *Henrico Princeps Walae.* damnum, quod nuper fecimus, amissio
 Principe *, de cuius laudibus quicquid
 dixero, minus erit. Scito, mi Piccarte,
 iis virtutibus τὸν μακαρίτην fuisse prædi-
 tum, ut satis æstimari iactura non pos-
 sit, quam Respublica Christiana (non
 enim dicam, hoc Regnum) in ejus
 morte fecit. Nemo illum serio con-
 templatus est, qui spem ingentem de
 eo non conceperit. Ad res gerendas fa-
 ctus à natura videbatur, & in morte
 apparuit consilia illum voluisse omnino
 annis majora. Pietas & reverentia, &
 ἐν ἀλλήτοις ἐργῇ εὐσεβὴς erga optimum
 parentem, in factis dictisque omnibus
 eminebant. Quæ paucissimorum Prin-
 cipum laus est, ut serui sint & rerum
 curæ attendant, illi erat ἑμφύτοιον ut si
 cui unquam fuit. Denique videbam
 mihi in ejus indole characterem Hen-
 ricæ IV. agnoscere, qui Rex gloria re-
 rum gestarum, & arte imperandi fuit
 θαυμαστότατος, ἀλλὰ πὲρ μὴ πιστοῦται
 ἑαυτοῦ ἀξιόμας εἶπεν: quoniam quidem,
 ut canit idem Vates, εἰς πρῶτον κρυβεῖται
 γένος. Quod me hortaris ad Commen-
 tarii Polybiani editionem, vellem ita
 res meæ ferrent, ut morem tibi possem
 gerere. Multum enim in illo opere lu-
 davimus, multas noctes infomnes egi-
 mus. Sed hoc Lutetiæ dum fui. Post-
 quam huc veni, mutata est ratio stu-
 diorum meorum, quæ à voluntate Re-
 gis nunc pendent, cujus omnia studia
 circa pietatem occupantur. Ille cum
 intellexisset, meditatum esse me adver-
 sus Annales Cardinalis Baronii, voluit
 ut illa proferrem in lucem, & id argu-
 mentum omni alii anteponerem. Ita-
 que in eo toti nunc sumus. Primum
 Tomum serio examinamus, errores
 propè innumeros ἐλέγχωμεν. Sed mo-
 dè, ut Christianum decet: res vete-
 ris Ecclesiæ magnâ curâ illustramus, id-
 que sedulo agimus, ut qui partium stu-
 dio corrupti non sunt, candorem no-
 strum possint agnoscere. Partem ope-
 ris, si Deus voler, videbis brevi. Inter-
 rim vale, & me ama. *Londini, a. d.*
vii. Eid. Februar. c13 13 cxiii.

EPISTOLA DCCCLXIII.

GEORGIO REMO.

1613. Ante paucos dies tuas accepi. Gau-
 deo valere te, & mei memoriam
 † *Scripsi ad Frobenium.* servare. Opto tibi πάντα εὐμενέως ἰδέσθαι.
 Miratus sum quod scripsisti, esse edi-
 tos in Germaniæ diversis locis libel-
 los †, quos hic scripsi. Neque enim
 tanti mea facio, ut digna putem quæ
 studiosius requirantur. Utraque scri-

ptio ex occasione est nata. Sic autem 1613.
 est, ut tu dicis, Vir ὑπερίστατος; certa-
 men ingressus sum, quod video mihi
 deinceps esse certandum. Sed bono
 animo sum: τὸ γὰρ εὖ μετ' ἑμὲ veritas,
 inquam, & Deus veritatis pater. Quid
 igitur metuum? Metuerem, & meritò
 metuerem, si vel ingentioli mei, vel
 corpuleuli vires spectarem. Sed mihi
 spes omnes in unius Dei immortalis bo-
 nitate sunt repositæ. Itaque plenus fidu-
 ciâ sum, & meam φιλαλήθειαν bonis me
 probaturum spero. Est jam in mani-
 bus ingens opus, quod meas adversus
 Baronium disputationes continet. Re-
 spondeo ad primum Tomum κατὰ λιπ-
 τὸν & accuratissimè. Si faverit Deus
 Opt. Max. brevi partem operis vide-
 bis, & judicium feres. Summi viri,
 qui hic degunt, benè sperare me ju-
 bent. Mea autem spes ἐλπίς καὶ πάντα εἰσὶν
 ἐν τῷ Κυρίῳ. Virum clarissimum Came-
 rarium, τὸν ἔργον πάλιν filium, meis verbis
 velim salutes. Ego ἀδελφίπαιτρος oro
 Deum, ut exciter Camerarios in vltra
 Germania, in nostra Gallia Scaligeros.
 Vale, Vir amplissime. *Londini, a. d.*
vii. Id. Februar. c13 13 cxiii.

EPISTOLA DCCCLXIV.

PHIL. JAC. MAUSSACO.

G Audeo rediisse te in patriam, eru-
 ditissime Maussace; gaudeo, & ti-
 bi ex animo gratulor. Pero etiam à Deo
 Opt. Max. ut quietus jam in patria fru-
 ctum percipias tuorum laborum. Quod
 miraris, nec dum reversum esse me
 φίλῳ ἐς πατρίδα γαῖαν, qui paucas heb-
 domadas me hæurum in Britannia spo-
 ponderam, deline mirari, & illud co-
 gita, quam rarò in hac vita eveniat,
 ut consilia nostra habeant exitum, qua-
 lem ipsi animo conceperamus. Est pro-
 fectò Deus, qui nos & nostra omnia
 pro sua voluntate εὐκονομεῖ. Fatum vo-
 lentem ducit, nolentem trahit. Sanctè
 juro tibi, ex animi mei sententia locu-
 tum esse me, cum celerem reditum
 spondebam; quod aliter acciderit, ne-
 que consilio neque voluntate factum.
 Rex enim, ut primum in sua me po-
 testate habuit, petiit ab augustissima Re-
 gina, ut me retinere sibi liceret. Illa
 annuit: ego mansi, propè dixerim,
 ἐκὼν ἀέκωντι θυμῷ. Cum repetar, & se-
 riò repetar, ostendam non esse me de-
 generem civem, qui τὴν φουσιώδη πρὸς
 πατρίδα ἐργῶν posuerim, ὃ μὴ γίνετο εἰ-
 ἴται. Gallus enim sum, & intimis fi-
 bris cordis mei reverentia Liliorum altè
 est impressa. Interim verò, dum per-
 mittit Regina, fruor amore hujus Re-
 gis

1613. *gis sanè optimi, & multò doctioris, quàm plerique existiment. Scito hoc magno Rege nihil ne fingi quidem posse probius aut humanius. Literas supra fidem hominum amat: judicat de scriptis & veterum & recentiorum, ut vir doctissimus, non ut Rex maximus. Et si occupatissimus est, & nullam partem officii sui prætermittit; libris tamen carere non potest. Ad mensam illius videas semper Episcopos insigni doctrinâ viros, qui de literis disserant, aut Regem audiant disserentem. Hoc multis videtur novum spectaculum. Jam illius erga me benevolentia obscura non est. Sed, ut dixi, mea consilia omnia pendent à nutu augustissimæ Reginæ. καὶ ταῦτα μὲν ταύτῃ. Tuæ ad D. Heinsium an perierint nescio. Hoc scio, tot naufragia à mense Septemb. facta esse, quot ab annis fortasse viginti non erant audita. Tu quid jam rerum agas, scire ex te cupio. Peto etiam à te, ut amplissimum virum, parentem tuum, meis verbis salutes. Londini, a. d. vii. Eid. Februar. c13 13 CXIII.*

EPISTOLA DCCCLXV.

✠ JANO RUTGERSIO.

1613. *S*ic est ut scribis, Vir eruditissime: in obitu divini Principis non sola Anglia ingens detrimentum fecit; sed omnes vicinæ terræ, & remotiores etiam. Ut rationes politicas sileam, amissum est, certè ex oculis ereptum, rarum pulcherrimarum virtutum exemplum. Ἀλλὰ τὰ μὲν περὶ τὴν ἐπὶ τὸν ἀρχὴν πρῶτον. Nunc rerum facies mutata est; omnia enim gaudio & lætitiâ perstreperunt propter nuptias illustrissimæ Principis, Domine Elisabethæ; de cujus excellentissima indole & summâ pietate quicquid dixerò, minus erit. Deus immortalis illi benedicat. Quod consilium petis, an Duci Eboracensi tuum Senecam dicare debeas; ego non is sum, qui velim tibi auctor esse, ut aliquid meo impulsu facias, quod ἐξ ἰδίας γνώμης facturum non fueras. Quare consilium tu quidem à me nullum accipies; at testimonium accipias necesse est, quod debetur excellentissimæ ejus Principis indoli; nihil probius, nihil amabilius: denique τῷ μακαρίτῃ fratri viribus corporis quum cedat, quod ad cætera attinet, palmam cum eo ἀμφιέσσει habet. De meo isthuc reditu certi nihil possum scribere: pendet ea res, secundum Deum, à voluntate augustissimæ Reginæ, cujus permissu me Rex optimus in sua potestate habet. Cum

erit editum opus, quod jam cogito 1613. prælis subicere, οὐδὲ δίδωμι, semel statutam. Parabam plura; sed jam non licet. Vale, Vir doctissime, & me ama. Londini, a. d. vii. Eid. Februar. c13 13 CXIII.

Inscriptio.

A MONSIEUR,

Monsieur RUTGERSIUS,

chez Monsieur Morel,

A PARIS.

EPISTOLA DCCCLXVI.

GEORGIO MICHAELI LINGELSHEMIO.

*V*ir amplissime, omnes tuas accepi, 1613. & quas misisti chartas; quæ etsi malæ sunt, à bono tamen affectu tuo proficiscitur, quod tanto studio illas ad me mittas. Non possum exprimere, quantum eo nomine me tibi censeam obnoxium. Rex ipse non parum tibi debet; nam ejus Majestati gratum est videre, quid diabolus per suos molitur, & quantum possit. Isti boni viri, si possent me parricidii reum facere, beatos se putarent. Gratia Deo immortalis, quod nihil habent, quod obijciant; peccata enim mea regit Dei bonitas: illi autem Satanicum virus produnt, & libidinem calumniandi, etiam cum deest argumentum. Quid facerent, si ego aut alii ejusdem professionis artem doceremus mentiendi, pejerandi, Reges occidendi? Sed quis ille est, cujus Præfationem misisti? Risi cum illas ineptias legi, & statim Regi ostendi, qui astatim risit. Iterum ago tibi gratias quantas possum maximas. Liber Ledresserio * inscriptus, ab amico meo est compositus, viro pietate & doctrinâ insigni, cujus verum nomen sine dubio audisti. Is est Desiderius Heraldus, qui Arnobium olim, nuper Tertulliani Apologeticon edidit. Plura ab eo ingenio, volente Deo, sperari possunt. Nos dolium urgemus nostrum, & ea paramus, quæ scelestis hominibus cordolium sunt allatura: benedicat modò inceptis Deus Opt. Max. cujus honori labores nostros consecramus. Plura cupiebam; sed jam otii copia non est. Vale, Vir maxime, & vive felix quàm diutissimè. Londini, die xix. Februar. c13 13 CXIII.

* *Differ-
entia Poli-
tica super
controver-
siis inter
Acade-
miam Pa-
risiensem
& Jesui-
tas, L. 1.
1612, La-
tis excusa,
anno 1612,
Colomel.*

EPISTOLA DCCCLXVII.

DANIELI HEINSIO.

1613. **P**ost novissimas, quas ad te scripsi, præstantissime Heinsi, binas tuarum accepi, non sanè à cursoribus allatas; nam priores ante annos duos erant scriptæ; alteræ ante menses, opinor, tres. Vides fidem & diligentiam eorum, quibus tuas committis. Potui minore spatio ex ultima India literas accipere. Posterioribus adjunctum erat munus tuum, quod me beasti, Peplus & Orationes tuæ. Orationes ante aliquot menses mihi paraveram *, & ab earum lectione recens quædam ad te scripsêram. Peplum non antè videram; quod avidius acceptum *πρότερον*. Verè opus tuum; id est, eo viro dignissimum, qui in cognitione *τῆς ἑλληνικῆς παιδείας* paucos habet pares, scribendi usu omnes longè superat. *Ὅταν ἀνδρῶν πθεινότερα τῆς ἀγῶν ἰσχυρίας καὶ παιδείας*. Sed Theophrasto tuo quid fiet? tum autem de editione Aristotelis si cogitas, facis id quod te decet; quis enim præter te par tanto incepto? Ego pensum urgeo. Ac quoniam quæ jam scripta sunt, mediocri volumine possunt conficere, placet sapientissimo Regi editionem non differri. Quod si Deo Opt. Max. visum fuerit, ad nundinas Francofurdenses partem aliquam edendam existimo. Quod utinam cum aliqua Ecclesiæ Dei utilitate sit! Oro illum & supplex veneror, ut te servet. Vale, Vir præstantissime. *Londini, a. d. 1x. Kalend. Mart. c13 13* CXIII.

* Vide supra. Epist. DCCCLXII.

Clarissimum virum Baudium, & amicissimum Erpenium meis verbis ut salutes, te rogo. Scripsi non ita pridem ad utrumque, & Domino Baudio nuptias sum gratulatus.

EPISTOLA DCCCLXVIII.

✠ JOANNI SÆCKMA.

Vir amplissime.

1613. **E**Go verò tui memoriam & jucundissimam pristinæ nostræ consuetudinis & servo & servabo *ἔφα ζῶον μνήω*. Quod rarius scribo, partim argumenti fit inopiâ; partim, & multo quidem magis otii penuriâ: vivo enim, ut si quis mortalium, occupatus: curis sæpe obruor, studia porro ita me totum sibi vindicant, ut totum periisse tempus existimem, quod illis non fuerit impensum. Latatus sum tamen veterum excussisse te mihi eâ Epistolâ, quam ante biduum accepi. Suave mihi cum

primis fuit, de rebus tuis latis ex lite-1613-
ris tuis cognoscere. *Καὶ γὰρ φάνηται τῶν φίλων*. Atque ego Deum oro, ut pergat porro tibi inceptisque tuis benedicere. Ego, quod video jam tibi innotuisse, in confutandis naniis Cæsaris Baronii operam pono. Multa illi viro Ecclesiæ Dei debet, propter inexhaustam diligentiam, quæ est usus in Historia illa componenda. Sed hanc laudem corrumpit ille ingentibus vitiis, quæ non intelligunt, neque volunt intelligi, qui solum in Historia Ecclesiastica regnare hodie Baronium volunt. Scis olim magno viro in Epistola quadam quid exciderit Justo Lipsio. Nos contra censemus, Annales istos, si diligentiam excipias, nullâ admodum aliâ laude posse censerî. Sed causas mei hujusce judicii melius alibi exposuero. Opto ut Ecclesiæ Dei aliquam utilitatem mei labores afferant: quod tamen in tali rerum statu an sperare debeam nescio. Verùm hoc *ἔστω ἐκ γούνασι κῆρυαι*. Illud certè confido, bonis me meum candorem & veri amorem fore probaturum. Vale, Vir amplissime, & me, quod facis, ama. *Londini, a. d. 1x. Kalend. Mart. c13 13* CXIII.

Tui observans,

IS. CASAUBONUS.

Virum clarissimum, Sibrandum Lubertum, nisi grave est, meis verbis salutes velim.

Inscriptio.

Viro amplissimo,

D. JOANNI SÆCKMA,
Jurisconsulto, & in suprema Frisiæ
Curia Senatori, amico observando.

FRANEKERAM.

EPISTOLA DCCCLXIX.

JANO DRUSIO. ✠

GAudeo tandem fuisse tibi redditas 1613-
duas Epistolas, quas superiore æstate ad te scripsi, Vir præstantissime. Nuper etiam studioso cuidam ad vos proficienti libellos quosdam tibi deferendos tradidi; quos etsi non magni ipse faciam, nollem tamen esse amissos; cupio enim extare illos apud te mei amoris & observantiæ erga te testes. Scriptorum tuorum editionem difficulter illhic te posse curare, vehementer doleo: vercor enim ne ea res studiis nostris sit fraudi, qui nunquam sine fructu in tuas eruditas observationes oculos soleam conjicere. Ego pergo in susce-
pto

1613. pto opere; & pergam, *ὅν θεῶν ὑπὸν*, donec absolvero Responſionem accuratam ad primum ſaltem Tomum. Id caput eſt operis totius, ubi jaciuntur fundamenta omnium: itaque ſerio à nobis oppugnantur. Quid præſtiterimus, Eccleſia Dei judicabit, & viri eruditi pariter ac docti; tu cum primis, Vir doctiſſime; nam & occurrunt non pauca, de quibus tuum eſt proprium judicium. Deus immortalis te ſerver. Vale. *Londini, a. d. ix. Kalendar. Mart. cix. id. cxiii.*

EPISTOLA DCCCLXX.

✠ JOANNI PRIDEAUX.

1613. **S**ignificavit mihi Præſul illuſtriſſimus, Dominus Archiepiſcopus, ſe tecum egiſſe, Vir doctiſſime, ut Reſponſionem ſuſciperes ad librum Cretenſis fratreculi, quem nuper in me evomuit. Non dubito, virum prudentiſſimum te potiſſimum delegiſſe, cui id oneris imponeret; quia noſſet omnia præſidia tibi abundè eſſe comparata, illam provinciam ſubituro neceſſaria. Et ipſe mihi dixit, quam de tuis ſtudiis opinionem haberet. Sed quia mihi nondum ſatis compertum eſt, quid ipſe ſuper eo ſtatuereſ, naſtus occaſionem hæc pauca ad te exaravi, ut tuas exprimerem. Scio rem te ſereniſſimo & *εὐσεβέστε* Regi longè gratiſſimam facturum: nam de Domino Archiepiſcopo dubitare non potes. Imò verò audeo dicere, opus Deo gratum fore, ut tot mendacia aperiantur & ſolidè confutentur. Me ejusmodi ſcripta non aliter commovent, niſi propter communem veritatis celeſtis cauſam, quam *κακὸς κακὸς* ire exſtinctum ægrè mihi eſt. Si oneri ſubitus es, utriuſque noſtrum intereſſe puto, ut ſemel conveniamus. Poſtea ego te rebus omnibus ad refellenda diabolica mendacia neceſſariis, abundè, *σὺν θεῶν ὑπὸν*, inſtruam. Age igitur, & pro deſenſione veritatis *ὡς ἐλπίς ὦν* arma indue. Ego interim alium *πολεμὸν πλεμίσω*, qui valdè veritatis hoſtes uret, propitio Deo; qui te ſerver. Vale, & me ama. Clariſſimum virum, Dominum Doctorem Abbotum, meis verbis ut officiòſè ſalutes velim. *Londini, a. d. iiii. Non. Mart. cix. id. cxiii.*

EPISTOLA DCCCLXXI.

✠ EIDEM.

1613. **N**unc ipſum tuas accepi, Vir amiſſiſſime. Gaudeo eſſe tibi cum

animum, quem luculentè oſtendit Epistola tua. Non dubito, eam quæ tibi eſt impoſita, provinciam ſic fore te adminiſtraturum, ut & ſereniſſimo Regi, cui hæc quoque cura eſt curæ, & illuſtriſſimo *καὶ τῷ παντὶ ἀρίστῳ* Domino Archiepiſcopo ſis abundè ſatiſfacturus. Bene habet: *εἶρην ἢ λοιπὸν τὸ πῦρ*. Sentiet Græculus Parricidarum deſenſor, non minus amari in Anglia veritatem, quàm Romæ mendacium & amatur & propugnatur. Miſeret verò me infelicis Græculi, quem tu, ſcio, pro commerita noxia dignè tractabis. Macte, Vir erudiſſime, hac animi generoſitate. Sed dolet mihi, non tibi eſſe redditum librum integrum, quem ego ante dies admodum multos tradidi illuſtriſſimo Archiepiſcopo tibi mittendum. Spero tamen fore brevi, ut illum nanciſcaris. Quod ſuper eſt, unà convenire nos oportet, ut per oſtum ex me intelligas plurima ei propoſito neceſſaria. Parricida Alaoſtor ita in me invehitur, quali jurejurando ſe obſtrinxiffet, ne veri aliquid dicere fas ſibi eſſet. Quia mei criminatio conjuncta eſt cum aliquo dedecore Regis maximi & partium noſtrarum, opto confutari illa ſerio, ut omnes intelligant, parricidas niſi per diabolica mendacia ſuam cauſam tueri non poſſe. Nihil dicturus tibi ſum, quod magnis teſtibus probare non poſſim: neque dubito, miraturum te quæ ex me es auditurus, *σὺν τῷ παναρίστῳ καὶ πολυτέλει* θεῶ. Scito igitur, conſtituiſſe me intra paucos dies ſitum explere meam & cupiditatem ingentem Academiam Oxoniensem videndi. Non poſſum diem adhuc certò deſinire: ſed ne dubita brevi, *σὺν θεῶν ὑπὸν*, iſthuc me venturum, & tuo colloquio fruiturum & aliorum virorum doctiſſimorum, quos iſthic ſcio eſſe, & tacitus dudum obſervo: in his eſt cum primis, vir venerandus, D. Abbotus, quem ut meis verbis ſalutes velim. Scripſi raptim poſt tuas acceptas. Vale. *Londini, a. d. v. Eid. Mart. cix. id. cxiii.*

EPISTOLA DCCCLXXII.

HECTORI BOURICIO.

PAuci dies ſunt, cùm tuas accepi, 1613. Vir doctiſſime. Quàm grata autem mihi tua illa Epistola fuerit elegantiffimè & humaniſſimè ſcripta, noli quærere. Habent hoc literarum ſtudia, ut omnes eorundem ſacrorum participes ſibi invicem concilient. Quemadmodum igitur opinio alicujus eruditionis me ut amares effecit; ſic eadem cauſa

V v v

ſic

1613. sic te mihi carum reddidit, ut posthac te inter primos meorum amicorum sim numeraturus. Atque ego de nuper inter nos contracta amicitia cō melius spero, quia intervenit illi quasi proxeneta vir amplissimus & integerrimus, Joannes Saecckma, quicum vetus necessitudo mihi intercedit. Ego non ita pridem literas ad ipsum dedi, quæ an fuerint ipsi redditæ, nondum scio: scripsissem & nunc, nisi otium defuisset, sum enim dies noctesque occupatus in opere conscribendo, quo errores Cæsaris Baronii, conditoris Annalium Ecclesiasticorum, palam facio; sunt autem plurimi, & crassissimi interdum. Atqui hodie qui jurarunt in verba Pontificis Romani, unum nobis obtrudunt Baronium, quasi is esset solus omni exceptione major Historiæ Ecclesiasticæ vindex. Nos illi suam gloriam non invidemus, sed ut auctoritate illius Purgurati antiqua veritas opprimatur, id verò ferre æquo animo non possumus. Irritabo, scio, crabrones, qui agmine facto in me irruent, sed me istud non movet: τὸ γὰρ εἶ μετ' ἐμῶν. veritas, inquam, cui uni litare ad Dei immortalis gloriam optamus. Ea cura excussit mihi de manibus longarum vigiliarum opus, Commentarios in Polybium. Sed quamdiu in Anglia futurum sum, video statuendum mihi esse, ut ab earum literarum seria meditatione semper abstineam: nam Rex optimus atque ἰσοστάτης rebus theologicis ita delectatur, ut aliis curis literariis non multum operæ impendat. Ego autem quæ nunc scribo, ante multos annos fui scripturus, si id mihi Lutetiæ fuisset permisum. Brevi, sicut spero, pars aliqua operis mei edetur: quod viris antiquæ pietatis peritis si placuerit, magnas Deo immortalis gratias sum acturus. Hostes aut contemptores veteris Ecclesiæ quid sint judicaturi, ἢ φροντὶς ἱπποκλείδης. Sed moror te. Vale, Vir doctissime, & quod facis, me ama. Londini, a. d. v. Eid. Mart. c10 10 cxiii.

EPISTOLA DCCCLXXIII.

N. N.

1613. Si quoties cepit me impetus garriendi tecum per literas, toties calamo manum admovebam, nã facerem ut otio me abuti tuo meritissimè pronuntiarem, multa enim fermè quotidie occurrunt, quæ posse in sinum tuum effundere, in magnæ cujusdam felicitatis parte ponere. Fraterculi Cretensis * librum, quem nuper in me evomuit, scio te videre adhuc non potuisse. Ego non po-

* Joannis
Endamoni.

tui non videre, qui habui in Germania 1613. ita mei studiosos amicos †, ut singula folia, prout illa edebantur, ad me mitterent. Non fui requisiturus, nisi ultro in meas manus venisset. Ego jamdudum constitui, (& faciam, cum propitio Deo, semel in Præfatione operis, quod jam paro) omnes inimicos meos unâ exceptione procul à me submovere. Clamant illi, *imperitissimum esse me Grammaticum, omnium artium & disciplinarum rudem*. Esto: sed mirum est, unicam Epistolam ‡ hominis adeo indocti insulsique Scriptoris, tantopere illam Satanicam Societatem commovisse. Quid facerent, si aliquis eruditus eorum scelera persequi esset aggressus? Clamant, *perditissimis moribus esse me; pecuniæ ἐχέλις τοῦ mancipium; neque vident, si vanalem conscientiam habuissem, & Lutetiæ & Romæ emptorem potuisse me reperire*. Scit hoc reverendissimus Episcopus Parisiensis; scit illustrissimus Cardinalis Perronius; scivit omnium maximè Henricus Magnus, cujus testimonio ne possem meam integritatem defendere, provisum est à paricidis, qui per suum emissarium ipsum extinxerunt. Hoc majus crimen est, opinor, quàm in Grammaticis ætatem trivisse. Quid dicet Stygium illud genus, quando videbit hominem adeo nihili tot foedos, stultos, asininos in Baronio errores annotasse! Et tamen Baronius Bellarmino melior, homine ad strophas, sophismata, mendacia apto, nulli alii rei idoneo. Norma illi veri est non Sacra Scriptura; sed libido Papæ, quem ut Deum in terris constituat, quàm scelestè, quàm sæpe mentitur? Quædam obiter attingi, quia dissimulare non poteram: potui plurima notare, quæ prætermisi. Equidem cum doctrinæ parricidialis assertoribus amicitiam nullam mihi opto: odi illos, & semper odero. Sed polemicis scriptis cum illis rixari propositum mihi non est. Itaque ne illi quidem Græculo Alastori § sum responsurus: faciet hoc alius meam vicem, idque jussu Regis & D. Archiepiscopi, quibus mea integritas est perspecta. Quoniam igitur per alios me oppugnare conatur ὁ καλὸς Fronto, par illi referetur αἰὲν ὀπίσθε. Responsionem illustrissimi Cardinalis * cupidè exspecto, quæ utinam votis & desideriis eorum respondeat, qui veritatem antiquam amant, & adversus nova inventa eam cupiunt defensam. Scis quanti faciam illud ingenium: sed vereor ne βῆς ἐπὶ γλῶττι. placere enim Romæ non potest, qui aperte non indixerit veritati bellum ἀσπονδον. verè an falsò, hoc metuam, αὐτὸς δειχῆν.

† Jo. pri.
m. G. M.
Lutetie.
m. m.
Vide supra.
Epist.
DCCCLVII.

‡ Intelligit Epistolam suam ad Frontonem Dilectum.

§ Joanni
Endamoni.

* Perroni.

1613. διζῆα, quod ajunt. Quod superest, veneror Deum immortalem, ut te, Vir clarissime, servet. Vale. *Londini, a. d. v. Eid. Mart. CIO IO CXIII.*

EPISTOLA DCCCLXXIV.

✠ JACOBO AUGUSTO
THUANO.

Vir amplissime,

1613. Significavit mihi Chabanæus meus, optare te, ut de loco Polybii, ubi pilum Romanum describitur, meam sententiam tibi exponerem. Est sanè ille locus admodum ancipitis sententiæ: nam si verbis scriptæ lectionis, quæ consentit cum edita, adhæremus, videtur describi pilum Romanum ejus magnitudinis, ut emitti in hostem vix potuerit. Movit ea res Justum Lipsium, ut quod dicitur Polybio, quadrata pila habere latus palmare, interpretaretur de tota quatuor laterum magnitudine & crassitie, non de singulorum mensura. Ita fit pilum quadratum valde exile & tenue. Sed cum testentur omnes Historici, hoc telum fuisse maxime terribile, cujus tota vis esset in ipso pondere, non possum probare illam interpretationem. Ego autem non intelligo, quid in eo sit absurditatis, si dicantur pila rotunda habuisse dimentientem palmarem, & quadrata singula latera itidem palmaria. Plutarchus Græcè pilum dicere solet ὑπερον, quæ est propria Latinæ vocis significatio. Pila autem, quibus in mortariis res atteruntur, & conteruntur, pondus habere solent non modicum; levia enim in eum usum sunt inepta. Hodie ferreis, ut plurimum, pilis utimur. Sed illa, quæ huic telo nomen dederunt, lignea videntur fuisse, brevia satis, sed grandia τὸν ὄγκον, & crassa. Dionysius Halicarnassæus τὰς ὑσῆς appellat βελὴ χειροπληγῆς, ut & Lipsius observat. Si interpretationem Lipsii admittimus, multum aberit, quin manum hominis staturæ legitimæ impleant. Fateor non posse ejus crassitie pilum procul in hostem mitti. Sed quis hoc pilo Romano tribuit? Non Dionysius, qui contrà potius scribit, ἡ συνήθεια ἐς χεῖρας ἐξακοντιάζουσαι. Si pila tantum jaculabantur in hostem, quando cominus res agebatur, quid opus est ἀλλοκότης interpretationes comminisci? Multa in Commentariis nostris de eo telo differuntur, quæ jam huc attexere non vacat, & ut puto, necesse non est. Neque enim satis exposuit mihi Chabanæus mentem, quid potissimum te offenderet in descriptione Polybiana. Id ipse mihi si indica-

veris, conabor tibi satisfacere si possum, aut certè ductu tuo aliquid melius addiscere. Nunc alia me habent studia, quorum scopus unicus est gloria Dei, & defensio Antiquitatis veræ contra imposturas Baronianas. Res Ecclesiæ Dei cò hodie redierunt, ut doctrinam & πολιτίαν primæ Ecclesiæ alii falso & scelestè sibi vindicant, alii ne minimum quidem curent. Inde tot mala; nam Verbo Dei, quæ unica est regula fidei, ad libidinem suam quis hodie non abutitur? Sed hæc querela hujus loci non est. Vale, Vir amplissime, & me ama. *Londini, a. d. v. Eid. Mart. CIO IO CXIII.*

EPISTOLA DCCCLXXV.

*** S W E R T I O, ✠
ANTWERPIENSI.

Vir doctissime,

DE misso libro gratias ago magnas. 1613. Agnosco tuam benevolentiam, & affectum exosculor. Ego ope amicorum singula ferè folia, prout edebantur, vidi, & ante aliquot dies librum integrum vir magnus mihi dedit. Tuum exemplar opportunè advenit, ut traderetur viro dicto, qui jussu Regis & illustrissimi Archiepiscopi respondendi provinciam suscepit. Ego nunquam Græculum nebulonem eo honore dignabor, ut respondeam. Et quia per alios mecum pugnat Fronto, docebimus, cum bono Deo, non minoris fieri in Anglia veritatem, quam mendacia æstimentur Romæ; ubi est officina mendaciorum, scelerum, parricidiorum in Reges. Hoc certò mihi constat, & nemo oculis utitur, qui non agnoscat. Miratus sum, virum optimum, cujus schedam misisti, sic mecum agere, quasi me lucri cupido hic teneret. Hoc ille didicit à mendace Andrea. Me, Vir doctissime, si comoda spectarem, unam horam in Anglia non futurum sanctè juro tibi. Contempsi opes semper, itaque nullas habeo: dives liberorum sum; alix divitiæ nullæ mihi sunt. Cùm Lutetiæ fui, Fortunam auream per vim irrumpere in domum meam sæpe cupientem, fortiter semper repuli. Scivit hoc Rex à parricidis Jesuitis occisus. Alii manum commodarunt; illi doctrinam parricidiale stabiliverunt, & quotidie stabiliunt. Mira possum de illis proferre, non omnibus nota. Scivit hoc, inquam, Rex maximus; & nunc sciunt illustria illa nomina, Cancellarius Gallicæ, Cardinalis Perronius, Episcopus Parisiensis. Istitis testibus innocentiam meam

1613. meam adversus defensores parricidalis doctrinae possum tueri, & faciam cum erit opportunum. Interim scito, me opus parare, quod bonorum omnium benevolentiam, ut spero, mihi conciliabit; malorum odia exacuet. Brevi, Deo volente, partem videbis editam. Multos annos optavi facultatem, meas in eo genere ingentes vigilas publicandi. Sentient parricidalis doctrinae Magistri, hostes mei, quibus in studiis magnam partem meae aetatis contriverim. Magnum opus est, quod incepi; cui dum incumbo dies noctesque, honores omnes aspernor, opes rideo; res humanas insuper habeo, & totum me compono ad reddendam Deo meo rationem orti, quod in re tenuissima, aut potius nulla, ejus bonitas mihi praestat. Si Jesuitae, qui in Polonia, Germania, Gallia & alibi locorum sunt, non pluri pecuniam facerent quam ipse ad hanc diem feci, non essent tot stupendae opes ab iis congestae, tot villae, tot oppida non essent acquisita, praesertim in Polonia. Novi illorum scelera, descripta mihi κατὰ λέπτον à nobilibus Pontificiis, magnae pietatis & probitatis viris. Vale, Vir amicissime. Clarissimum Mirum meis verbis, nisi grave est, salutabis, & me amabis. Londini, a. d. 14. Eid. Mart. 1613 CXIII.

EPISTOLA DCCCLXXVI.

✠ ANDREAE SCHOTTO.

1613. Sunt aliquot menses, cum donum à te accepi, mihi gratissimum, Nodos tuos, Vir doctissime. Volui gratias agere pro eo ac debui; sed veritus sum, ne mea scriptio, ut sunt tempora, tibi fraudi esset; nam ne tu quidem dare aliquid literarum ausus fueras. Laudo propositum tuum, Romanam eloquentiam πρὸς σπουδὴν καὶ μηχανὴν illustrandi. Literae meliores tibi debent, quantum adhuc Societatis vestrae nemini. Quod me revocas à contentione in negotio Religionis, facis quod virum probum decet. Atque ego ad hanc diem vitae meae rationes sic institui, ut pie vivere, quam de pietate disputare, satius ducerem. Sed me nescio quod fatum (Dei voluntatem melius dixero) nonnullis ex Ordine vestro ἐνείκε μάλιστα. Necessitas primò me compulit, ut calamus arriperem: provocatus enim sum variis modis; neque tum mihi fuit animus, alios laedere nisi parricidalis doctrinae Magistros: qualis est iste Græculus, qui parricidarum, in Anglia iusto supplicio punitorum, pa-

trocinium scelestè scelestus suscepit. 1613. Cum ita animatis nullam amicitiam volo: odi illos; otero semper. Vidi duos meos Reges scelere parricidarum extinctos: alii manum commodarunt; sed origo sceleris penes auctores & defensores doctrinae parricidalis hæret. Nam quod Puteanus vester me accusat, quod tragoedias excitem propter duos Reges nostrae memoriae occisos; quum nulla ætas pauciorum Principum cædes, quam hæc nostra viderit; id verò & falsum est, & absurdum: nam & plures pari scelere sunt occisi; & plurimi appetiti, quos Deus servavit; parricidae, quod in ipsis fuit, occiderunt. Deinde non videt Puteanus discrimen inter cædes antiquas & hodiernas. Illae privatis consiliis edebantur; editae omnibus erant detestationi: nunc parricidia docentur, imperantur, defenduntur. A quibus? hoc ne tu quidem potes ignorare, qui nostri sæculi historiam non nescis; qui *Directorium Inquisitionis* legisti, opinor, aliquando; qui tot libros in defensionem parricidarum Anglorum scis esse editos; qui tot decretis amplissimorum Patrum Senatûs Parisiensis coercitos esse auctores doctrinae parricidalis, probè meministi. In eorum albo nomen suum pridem professus quum sit Alastor Græculus, qui nuper adversus me plaustra mendaciorum evomuit; dolui, Praefectum Societatis vestrae causam fuisse omnium communem, quæ pertinuit ad paucos. Sed ut video, id agunt vestri, ut de communi omnium sententia, facta esse omnes intelligant, quæ à nonnullis constat esse patrata nefariè. Id quando illis placet, mutandus, ut video, nobis stylus erit: non enim veritatem prodemus; & multa quæ habemus comperta, proferemus, quæ silere fuit animus. Tum autem innocentiam nostram ita, volente Deo, defendemus, ut tu quoque mutaturus sis sententiam; qui persuasus à Græculo Cretensi, scripsisti nuper in scheda, quam vidi; *Auri sacra fames non tantum quantum conscientia valeat*. Agnosceis tua verba:

Ἄττα γέρον, πείν σὲ ἐπὶ φῶγιν ἐκ
ἐόντων.

Ego ut aliquid contra conscientiam? ego ut pietati aurum anteponam? aut omnino ut aurum sitiam? Non ita est; non ita est: & hoc qui mihi objicit, parricidarum defensor plus quam Creticè mentitur, & de suis moribus meos sceleratus existimat. Ego si aurum pluri quam pietatem fecissem, in Anglia hodie non essem. Scit hoc magnus Galliarum Cancellarius, scit illustrissimus Cardinalis Per-

1613. Perronius; scit reverendissimus Episcopus Parisiensis, sciunt Lutetiæ quicunque me nōrunt, & quibuscum familiariter sum versatus, vestræ professionis viri amplissimi, & omni majores exceptione. Possem ei Magnum Henricum meæ integritatis, quam ipse notam & certissimis argumentis compertam habuit, testem excitare; nisi illum dirus Alastor doctrinā parricidiali imbutus terris eripuisset. Itaque, Vir clarissime, si qua veritatis tibi est cura, si qua innocentiae, recanta opprobrium, & homini Græculo Cretensi, parricidarum defensori, posthac cave ne fidem habeas. Ego, volente Deo, cum erit opportunum, faxo ut mendacia perditissimi nebulonis, & omnium, qui cum illo faciunt, in claram lucem proferantur. Interim opus magnum, quod præ manibus habemus, tantò alacrius & animosius urgebimus, qui sciamus eo edito futurum, ut nostrarum longarum & assiduarum à multis annis vigiliarum in eo genere literarum, quas retrimentum illud inscitiae, Græculus Andreas, mihi putat esse ignotas, tot testes habeamus, quot sunt totā Europā ἡ καλλιμασιῆς ἱστορίας homines paulo cupidiores. Sic juvat inimicorum meorum sycophantias diluere. Vale, Vir doctissime. *Londini, a. d. 1111. Eid. Mart. c10 10 CXIII.*

EPISTOLA DCCCLXXVII.

✱ JOANNI PRIDEAUX.

Vir doctissime,

1613. **F**acio invitus, quod meum isthuc iter differo. Ardeo enim cupiditate videndi Academiam vestram & viros doctos, qui eam illustrent; sed me ἰσχύμεν πρὸς ἄλλους quædam adhuc morantur. Confide tamen, ubi primum quædam erunt expedita, quibus nunc impediō, statim me isthuc, σὺν θεῷ εἰπὼν, advolaturum. Non potui ante hunc diem meum hoc consilium serenissimo Regi aperire. Hodie multa cum ejus Majestate de meo itinere, de te, de ea, quam pararas, Responsione sum locutus. Jussit me Rex tibi significare, optare se, ut ad omnia illa accuratè respondeas, quæ ad jura Regum quoquo modo pertinent. Dixit mihi ejus Majestas, se in iis foliis, quæ legit, observasse longam disputationem quandam ex Aristotele, eò spectantem, uti probet ὁ θεοφυλάκης Cretensis, non posse magna ingenia imperium Regis alicujus pati. Dirum venenum Lectori simplici propinari eā parte serenissimus Rex ait; & ut tuā industriā fraus Satanæ detegatur, cupit.

Quicquid igitur aut ad jura Regum, 1613. aut ad optimum Regem nostrum spectabit, id seriò tractandum, & probandum portenta ista Loiolitica capitales esse omnium Regum hostes, parricidialis doctrinæ defensores, meros parricidas. Jam quæ ad me pertinent, aut ad pietatem referri possunt, aut ad doctrinas, aut ad mores. Quæ ad pietatem, ea mihi tecum & cum omnibus bonis communia. Meum votum est, ut causā Dei acriter defendatur. Hæreticum me appellat dirus ille Alastor; ego illum cupio Hæreticum, aut Parricidam semper nominari: est enim profectò utrumque; alterum re, alterum voluntate saltem. Quæ ad doctrinam spectant, non movent me. Scio quàm exiguum illud sit, quod hætenus didici, itaque nihil mihi tribuo, nihil unquam tribui, præter infinitam discendi cupiditatem. Possum & illud verè dicere, quantum per civilia bella licuit, & alias occupationes, nullum me diem otiosum egisse. In literis humanioribus ornandis multa sum molitus. Pars adhuc parva exiit eorum, quæ meditati sumus. Characteres Theophrasti cum Latinè vertissemus, & Libro Commentario illustrassemus, paulò post Furlanus, Græcorum doctissimus, idem tentavit. Utri plus debeat Theophrastus, propter operam illi pulcherrimo libro impensam, tui facio judicii, Vir doctissime. Ego videor posse verè dicere, ipsos Græcos in notitia Ἑλληνικῆς παιδείας ab Europæis longè esse superatos. Ego Præceptore usus sum Genevæ viro maximo, & quidem Cretensi, sed φιλαλήτῃ, & verè pio, Francisco Porto; cui in ea professione successi, natus annos viginti & tres. Qui putant me in solis Poëtis aut Historiis ætatem trivisse, mirabuntur cum legent, quæ scripsimus adversus Baronium. Cogentur enim fateri, longis & assiduis vigiliis confectum esse id opus, siquidem dabit Deus Opt. Max. quod cupio perficere. Spero sanè post mensem alterum, Deo propitio, me partem alteram Typographo traditurum. Sed de eruditione statuatur quisque ut voluerit: nam qui abjectissimè de studiis nostris sentiunt, mecum sentiunt. Οἶδα γὰρ ἐμὰ πᾶν μέτρα, & præter amorem ἀφαιρῶν literarum, nihil quicquam mihi arrego. Restabat tertium caput criminationis, de moribus. Atque in eo spero me faciliè consecuturum, ut ne tenuissima quidem suspicio eorum vitiorum in me residat, quæ mihi ὁ κριτής attribuit. Sed hoc erit vel proximæ Epistolæ, vel sermonum nostrorum argumentum, & quidem, ut spero, brevi. Hoc interim scito, si φιλαργυρίας in meis moribus mica hæret,

1613. ret, potuisse me fortunas meas in Gallia constituere, & opes congerere, quas non temerè aliquis meæ conditionis antea congestit. Regi maximo vixi charissimus. Ille stimulatus à Papæ mancipiis, nihil reliquit intactum, quò me ad se traheret. Stupebis ad ea, quæ in eo genere tibi sum narraturus, cum bono Deo. Quot dies fui Lutetiæ, tot ferò pugna mihi fuerunt pugnandæ adversus fortunam auream, irrumpere in meas ædes conantem. Maximi in Gallia Proceres sciunt, à Clemente VIII. vocatum me esse Romam, proposito aureorum 150000 stipendio, ita ut nihilominus fruerer Regis mei liberalitate & stipendio. Habeo aliquot Baronii Epistolas, incredibilis humanitatis plenas; habeo Cardinalium & aliorum Principum, etiam Italorum. Si vanalem conscientiam habuissem, emptores dudum multi fuerunt parati. Laus Deo & gratia magna, quod *τὴ χάρις* ego & uxor fortiter ad hunc diem contempsimus, *ἐπεὶ οὐ βέβηκαμεν τὸν ἔρῳον*. Postquam huc veni, quomodo vixerim, ex aliis malo te discere, quàm ex sermonibus meis. Me *παραβέβηκα* puderet, nisi amor veritatis me cogeret: *ἡ ταῦτα μὲν ταῦτα*. Vale, Vir doctissime, & me ama. Virum venerandum, Dominum Abbotum, meis verbis salutes velim. Scripsi raptim. *Londini, Mart. XXI. 11. 1613*

Tuus ex animo,

IS. CASAUBONUS.

Viri graves scribunt ad me Antwerpiā, Sanctos Patres famam spargere, me postquam vidi scriptum *τὴ κρηδὴς*, ex desperatione vitæ renunciare, & studia abjecisse. Non credit hoc uxor mea, quæ alacriorem me nunquam vidit, quàm fui semper, gratiā Dei, post lectum illum librum. An autem desierim artem, brevi, volente Deo, cognoscent canes illi impuri, fax Hæreticorum & parricidarum. Spero etiam te non permissurum, ut ex desperatione responsionis malè mihi consulam. Quid censes de Sanctis Patribus?

EPISTOLA DCCCLXXVIII.

✠ ALEXANDRO HUMIO.

1613. **N**ON morabor te longis sermonibus, Vir eruditissime. Neque enim tibi quod agas, puto, deest; & ego gravissimis curis sic distineor, ut vacui temporis non multum habeam. Quod existimas serenissimum Regem de tua Grammatica mecum egisse; non frustra es: egit enim; neque hoc solum, sed etiam

librum ipsum postea misit, iussitque percurrere, ut deco quid mihi videretur, sibi exponerem. Legi igitur librum tuum, aut, ut melius dicam, partem ejus aliquam inspexi. Neque tamen propterea quòd fueram iussus, præstiti. Solet Rex quoties vult aliquid à me curari, rationem negotii gesti exigere. Putavi facturum idem in tuo libro: sed evenit aliter; nam post missum codicem verbum nullum unquam super ea re mihi postea fecit. Silui igitur etiam ipse. Ego, mi Humi, iis moribus sum: laudare alienam industriam soleo quàm libentissimè: ubi minus aliquid probo, ægrè atque invitus facio, ut deco loquar, utique apud Regiam Majestatem. Quare si quid ex illo tempore aut dixit aut decrevit Rex contra animi tui sententiam, noli existimare auctore me aut suafore id esse factum. Erudicionem maximi Regis tu quoque, opinor, notam habes; & monitoribus ipsum in talibus non indigere, non ignoras. Cogitare etiam debes, alios præter me viros literatos in Aula Principis literatissimi quotidie versari; & quidem nonnullos eorum, viros longè doctissimos, quibus novitas in scientiis & disciplinis non placet. Ego sanctè confirmo, semel duntaxat Regiam Majestatem de te & libro tuo mecum verba fecisse; idque priusquam ego de tuis inceptis vel ex fama agnovissem. Quoniam autem meum quoque de tuo instituto iudicium videris velle cognoscere; faciam quod virum bonum decet: mentem meam non dissimulabo; sed candidè exponam tibi *τὴ φρονὴν κἀπὶ ἐν μυχῇ*. Video multum operæ in eo te posuisse, ut docendi artem Grammaticam invenires commodam aliquam rationem. Non dubito, quin bono animo in eam curam incubueris. Laudo igitur cupiditatem tuam & propositum: sed doleo, te eam iniisse rationem bene de juventute merendi, quam iniisti. Nam Rami inventa, quæ tantopere ipse probas, & quibus hodie multi *συνένοται* mihi non placere præ me semper tuli. Ut, nihil de cæteris ejus scriptis dicam; lucubrationes illius Grammaticæ cur æstimari ab eruditis mercantur, equidem causam invenio nullam. Nova apud Ramum, & eos qui sectam illam sequuntur, rerum facies; nova artis vocabula; nova Præceptorum dispositio. Mihi tamen illorum libellos aliquando versanti, ne una quidem occurrit nova observatio, quæ rem Latinam faceret auctiorem. Quorsum igitur illa novitas tanta? Vir incomparabilis, Josephus Scaliger, solitus dicere, multos hodie de methodo linguas docendi disputando, impediri

1613. diri eo ipso, quo minus linguas discant. Quod quidem verissimum est; nam qui in ea arte rotundis mutant quadrata, multos hodie invenias; solidè eruditos, & linguarum callentes oppidò paucos. Rami verò tam insignis fuit amentia, ut etiam linguæ Græcæ, quam penitus ignorabat, præcepta dare auderet. Ego ingenuè fateor, rem absurdam mihi semper esse visam, per definitiones & διχολογίας artem aliquam pueros velle docere. Illa ætas definitiones non capit. Et est omnino definitio scientiarum tradendarum nobilior instrumentum, quàm ut apud pueros illo sit utendum. Tum autem illa ars exquisita mera mihi videtur esse confusio: ut cum Prosodia inter prima præcepta traditur; & cum alia multa incipientibus proponuntur, quæ jam provectis melius tradantur. Audio sanè periculum te artis tuæ per aliquot annos in juventute fecisse, neque operam luisse: gaudeo ita esse; verùm hoc ego dexteritati ingenii tui, industriæ & φιλοπονία tribuo, non præstantiæ artis. Habes iudicium meum; quod ne in deteriore partem accipias, per ego te Deum immortalem etiam atque etiam rogo. Vale, Vir eruditissime. *Londini, propriæ die Kalend. April. C17 13 CXIII.*

EPISTOLA DCCCLXXIX.

✱ JOANNI PRIDEAUX.

1613. **N**on facilè verbis expressero, quàm gratæ mihi tuæ literæ fuerint, Vir doctissime. Priores in magnam me spem adduxerant de tuis inceptis; istæ posteriores me prorsus bearunt. Animadverto enim omnia in te reperiri abundè ad id quod paras necessaria; doctrinam, iudicium rectum, probitatem, & supra omnia pietatem insignem pari zelo junctam. Certè non potest dignè versari in eo negotio, quod tuis jam humeris incumbit, quem non commoverit vehementius extraordinarium furoris exemplum. Te non solum damnare factum Græculi, sed etiam indignari, atque adeò irasci nebuloni, ex tuis facilè intelligo. Itaque nullus dubito, te ἢ ἔλαχες ἀνάσσειν κοσμήσειν. Mihi in hoc negotio nihil molestius est quàm quòd cogor περιαιτελοῦν, à quo vitio natura mea abhorret. Scripsi non pauca: nullum puto extare in meis libellis vestigium vani τῶς. Sed me σπερὰ ἀνάγκης cogit de meis studiis quædam hic exponere, ut veritas defendi per te queat. Quæris quos libros hætenus ediderim. Quæsiwerunt hoc à me amici multi, quorum nemini, uno duntaxat excepto,

morem gessi; non enim tanti mea facio. Tibi morem geram, si fortè hoc ad rem faciat, de quo tuæ prudentiæ iudicium permitto. Subjeci igitur Indicem librorum, quos hætenus edidi. Verè enim affirmare possum, multesimam eam esse partem mearum ingentium vigiliarum; quum tamen totum ferè pueritiæ tempus amiserim, & magnam adolescentiæ partem. Anno ætatis nono poteram Latinè loqui, à patre optimo & doctissimo institutus. Anno duodecimo ætatis ne declinare quidem nomen meum poteram. Causa tantæ mutationis fuit, quòd parens piæ memoriæ, Verbi divini Minister, domo abfuit integrum ferè triennium, coactus castra sequi; quoniam non sola Ecclesia, cuius ipse Pastor erat, sed omnes universæ Galliæ πανουδὲ in corpus unum convenerant. Integrum ferè triennium illa expeditio patrem tenuit; quum interim mater, & nos liberi, latitarem, inter summa pericula versantes. Ubi rediit pater, novus illi labor fuit suscipiendus, non peræquè, ut antè, gratus: accedebat enim morbus ferè continuus, & occupationes plurimæ gravissimæ. Nam, quod verè affirmare possum, totius Provinciæ negotia Ecclesiastica ille maximè sustinebat; vir pietatis admirandæ, & profundæ prudentiæ. Perduxerat me labor patris ad elementa linguæ Græcæ, cum ecce infamem illam lanienam Parisiensem, quæ æternam nostræ Galliæ ignominiam inussit. Hic ego possem de beneficiis Dei erga meos parentes, de admiranda patris mei constantia in rebus trepidis, multa narrare; sed illa melius coram, σὺν Θεῷ, brevi. Unam in Isocratis Parrhesi ad Demonium lectionem me pater docuerat, cum fugiendum fuit. Latitarunt aliquandiu pii in ea Provincia, in quam pater se receperat: sed mox rediit virtus in præcordia, & veritatis defensio armis tentata est, Deo sic propitio, ut paucis diebus Ecclesiæ multæ resurgerent, quæ videbantur tanto casu æternum extinctæ. Factum hoc quarto mense post lanienam in ea parte Galliæ Narbonensis, quæ Vivaretum hodie vocatur, ab urbe Episcopali Viviers, olim civitas Albensium. Tum verò ita publicis negotiis pater est occupatus, ut studia filii cogeretur omittere. Ea fuit altera magna clades meorum studiorum. Anno ætatis decimo nono Genevam sum missus studiorum causâ. Eram ibi natus, quum pater & mater ex Aquitania eò confugissent, metu vicomburii propter Religionem; sed inde bimulus puer fuero in Galliam relatus. Hic ego quantum poteram, dies noctes-

1613. noctesque vires contendens, sitim meam conatus sum explere. Itaque Dei bonitas vigiliis nostris benedixit, ut anno ætatis vigesimo quarto Francisco Porto Cretensi, Græcorum omnium nostri sæculi longè doctissimo, viro admirandæ probitatis, & pietatis singularis, in professione literarum Græcarum successerim. Vixi annos quatuordecim Genevæ Professor, primò Græcarum literarum, deinde etiam Latinarum, aliquando etiam Hebraicarum; magno Bezæ longè charissimus: quum ego illum observarem ut parentem; ille me amplecteretur ut filium. Itaque si vellem gloriari, gloriarer, tot annos fuisse me tam admirandi viri Collegam, à quo didici ταπεινὰ φρονεῖν καὶ τὸ πᾶν τῷ Θεῷ ἀναπνεύσαι, si quid est quod præstitimus in literis. Cæterus universus Pastorum & Professorum Genevensium me semper, Deo sit laus, habuit charissimum, & nunc etiam habet. Ego interim Juri civili & Philosophiæ operam dabam, cupidus redeundi in Galliam. Tres annos impendi iis studiis, publicè & privatim usus Doctore Pacio; cujus Organon, & alia scripta philosophica, opinor, vidisti. Scito illum ingentem Commentarium in Organon mihi privatim & duobus amicis scriptum esse, cum ille nos domi suæ doceret mercede ingenti: sed parens meus nulli pecuniæ parcebat, ut meis studiis consuleretur. Sub illa tempora ortum est bellum Ligæ, uti vocant. Ego parente orbatus, dejectus spe redeundi in Galliam, in languorem incidi, quo ut me liberarem, Juris studia penitus reliqui, & repentino quodam imperu omnes libros barbarorum Jurisconsultorum, quibus multum insudaveram, mutavi libris Theologicis. Factum hoc ante annos viginti & octo; quo ex tempore nulla mihi sincera voluptas, nisi in lectione Scripturarum aut piorum Patrum, quos venerari didici usu ipso & assiduâ tractatione, quantum quidem alia studia mihi permittebant. Ita factum, ut ad certamen cum Baronio, novus ut putant Græculus Θεσσαλονικῆς Puteanus, ὁ τῶν θείων γραμμάτων πλεὴς ἀμύνη, & ceteri inimici mei, imparatus non accedebam. Sunt anni decem, cum ego veniam petii ab Henrico Magno, meo indulgentissimo Mecenate, ut liceret mihi modestè Baronii mendacia refellere. Responsum tuli ab ore sacro illo, nondum tempus advenisse. O utinam Princeps admirabilis aliam consiliorum viam iniisset! Viveret hodie terror ille Hispanici nominis, & ipsius τῆς τρικαρῶν. Advenit certè tempus, cum ego umbrâ tectus maximi, sapientissimi, καὶ εὐσεβεστάτη nostri

Regis, meas cogitationes possum in publicum promere; & pro mea virili Gigantem illum debellare. Jam paginas habeo conscriptas amplius quingentas. Et Rex moræ impatiens longioris, vult illa edi. Quod eò libentius facturus sum, quia illustrissimus vir, Dominus Archiepiscopus, magnam partem legit, & Ecclesiæ Dei opus fore non inutile, mihi affirmavit. Mirabuntur qui Baronium penè pro Deo colunt, tantum fœdissimorum errorum in ejus scriptis potuisse deprehendi. Quotquot sunt inter Pontificios boni, (sunt autem in nostra Gallia plurimi) ii mei operis editionem impatientissimè expectant. Sed de nobis nimium multa. Mitto etiam tibi librum quem petis, & alium pusillum, de quo multa garrir ὁ κακοδαίμων. Cum huc veni, rogatus sum à Frontone benigna verba Regi serenissimo nuntiare à Societate diabolica. Noli putare tam fatuum fuisse me, ut obirem illam legationem. Nōram ἐλαττεῖ πάντα, καὶ εἶναι ὑγιές. Et absit à me tantus furor, ut de ea Societate aliquid mihi aut aliis boni promittam. Hoc solum feci, ut Magno Regi per occasionem exponerem quid mihi dixisset Fronto; quid ego de illo judicarem, quid de aliis. Mox asseritur in Angliam impudentissima hæc Apologia; & illa acciderunt, quæ initio meæ Epistolæ narrantur. Judica nunc, Vir doctissime, an de me queri Jesuitæ possint; quibus ego discedens Lutetiâ, restatus sum, me ipsorum artes & doctrinam ex animo horrere & abominari. Ego verò lectâ illâ Apologâ, ita sum commotus, ut vix apud me essem, quum reputarem impudentiæ hujus magnitudinem. Sed ait Græculus, me Jesuitis multum debere. Ego ut Jesuitis aliquid debeam? quos Lutetiæ semper expertus sum hostes infensissimos? qui nullum non moverunt lapidem, ut ego gratiâ Henrici Magni exciderem, qui me sæpe apud illum sunt calumniati. Sed modus esto huic Epistolæ. Tu, Vir eruditissime, calamo festinanti ignosce. Vale, & me ama. Londini, die septimo April. CIO IO CXIII.

Oblitus sum tibi significare, Regem mihi sæpe de tuo incepto verba fecisse, qui etiam cupit, ut unâ colloquamur: sed ejus Majestati dictum est, isthic grassari morbum ἐμδύμιον, de quo Rex quærebat ex me si quid intellexissem. Cupio igitur mihi significes, quid ejus sit. Ego tuam Epistolam, quam heri accepi, ipsius Majestati ostendam, qui sciam fore illi gratam. Domino Abboto, Doctori clarissimo, meis verbis, nisi grave est, salutem nuntiabis. Græ-

cus

1613. *cus ille, qui post me vertit Characteres, non est Fontanus, ut videor scripsisse in proximis literis, sed Furlanus.*

EPISTOLA DCCCLXXX.

GEORGIO MICHAELI LINGELSHEMIO.

1613. **N**obilissime Vir, significavi jam tibi literis non unis, omnes tuas fuisse probè curatas. Gratias etiam egi tibi, quantas poteram maximas, hoc est, quantas debeo, pro navata opera in mittendis foliis Græculi nebulonis. Noli putare, aliquid molestiæ ex illo fatuo libro me cepisse. Ego, Dei gratiâ, non ita vixi, ut bonorum offensionem metuere debeam. Illum particidarum defensoreni odi, & certo consilio depinxi suis coloribus. Non muto factum, nec erit ulla unquam dies, quo me poeniteat parricidialis doctrinæ assertorem lacerasse. Visus mihi sum levare non nihil dolorem, quem immanis cædes mei magni Mæcenatis mihi imposuerat. Nihil dixi de Græculo, quod verissimum non sit. Faciat idem in me, & gratias habebō. Illa maledicta, quibus appetor, arrogantia, perfidia, avaritia, in me non cadunt. Si avarus fuisset, potui Luteriæ ingenti mercede conscientiam addicere, quod ut facerem, quid relictum est intactum? Mirareris, Vir præstantissime, si omnia scires κατὰ λήπην. Sed me, Dei gratiâ, nihil rei humanæ moverit, dum adspiro ad cœlestia. Quid me, dico? uxor mea omnes omnium conatus fortiter contempsit semper, & ex animo est detestata. Quod me imperitum clamitat, esto: at tantò turpius erit, ab hoc imperito tot tamque asininos Baronii errores esse confutatos. Videbis brevi, Deo dante, & fortasse miraberis stuporem hominis; neque illius solum, sed & Bellarmini. Verùm de his aliàs, Deo volente, qui te servet, & mihi amorem tuum. Non potui ad Dominum Freherum scribere, quum vehementer optarem: & illi, & τῷ πάλῳ Plessenio, & clarissimo Sculteto, si isthic sunt, meis verbis, nisi grave, amicissimam salutem. Vale. *Londini, a. d. 14. Eid. April. c13 13 cxiii.*

Quæ tibi has reddet, veteri amicitia mihi & uxori conjuncta est; petoque à te, ut illam tuâ benevolentia digneris.

EPISTOLA DCCCLXXXI.
DANIELI HEINSIO.

Vir præstantissime,

Raptim hæc ad te scribo, ex inopi- 1613.
nato hanc occasionem nactus. Scito igitur me valere, & eò quòd consuetudine maximi viri, Hugonis Grotii, interdum fruar, felicitatem meam satis prædicare non posse. O virum admirabilem! equidem scivi hoc etiam antè, sed præstantiam divini illius ingenii nemo satis capiet, nisi qui vultum præsentis viderit, & sermones loquentis audierit. In vultu probitas habitat, sermones doctrinæ exquisitissimæ, & pietatis sincerissimæ sunt indices. Nec putes solum me illius viri admiratione caprum esse; omnes docti & pii, quibus ille innotuit, similiter sunt affecti. Rex ipse cum primis, & D. Eliensis *, de quorum judiciis plura, si jam vacaret, possem tibi narrare. Quàm sæpe autem in nostris colloquiis tui fiat mentio, ex ipso melius intelliges, quando ad vos redierit. Ille tibi significabit, quo tui videndi desiderio ipse flagrem. D. quoque Eliensis te posse aliquando in ædibus suis complecti vehementer cupit. Quod si hujus Insulæ invensæ cupiditas te unquam invadat, debes illos menses omnino evitare, quibus urbe abest ὁ πάλῳ Eliensis: sunt autem ferè hi, Julius, Augustus, September: solet ille per hoc trimestre spatium in Episcopatu suo manere; digna sanè regione, quam semel videas: ille autem dignissimus, quem docti invitant, ubicunque tandem locorum fuerit. Sed ego ægrè passurus fuero, in Angliâ te esse, nec mecum tamen esse. Volui te hoc monitum, qui spem tui adventus non semel fecisti. Vale, Vir clarissime, & me ama. *Londini, pridie Eid. April. c13 13 cxiii.*

EPISTOLA DCCCLXXXII.

JOANNI PRIDEAUX. ✠

Vir eruditissime,

Post scriptas superiores literas Re- 1613.
gem adii, qui ut primùm me vidit, *Quid, inquit, de itinere tuo Oxonium statuisti? videris enim rem non multum curare.* Respondi Majestati illius, me etsi differrem iter certis de causis, non tamen negligere institutum negotium: postea indicavi, quæ à te acceperam, quid de te sperarem: quæ lubentissimè ille cognovit. Incidi postea in librum Græculi, & pauca in eo delibavi, non
X x x enim

1613. enim vacabat multa percurrere. Video in principio & in fine avaritiam meam verbis extolli. Certè stultitiam hominis Rex nuper eo nomine detestabatur. Tu, aiebat ille, *neque in Gallia cum eras, neque postquam venisti, à me nummum ullum unquam petisti: qui si petisses, ablaturus fuisti.* Sic autem habet. Avita bona vexationes propter Religionem partim patri ademerunt, partim matri piæ, quæ patri multos annos superstes fuit. Siquid è tot cladibus rei familiaris fuit reliqui, ad sublevandam meorum egestatem, quos iniquissimæ lites attriverant, concordî animo ego & uxor erogavimus. Itaque liberorum & nòminum divites sumus, alias opes non habemus. Accidit enim, ita Deo permittente, ut & soror, quam unicam habeo, Genevæ * omnibus suis fortunis privaretur, & uxoris meæ frater in similem calamitatem incideret. Omitto alia conjunctarum personarum ἀνυχίματα: quibus omnibus dum cupimus prodesse ego & uxor, penè liberorum nostrorum sumus obliti. Hæc mea avaritia est. Ante annos minimum duodecim serenissimus & ἰουστινιανός Rex è Scoria humanissimas ad me dedit literas, & postea literis non unis suam benevolentiam significavit. Non sum abusus benignitate maximi Regis, neque vel nummum unum ad hanc diem ab eâ petii. Ultrò dedit mihi ejus Majestas stipendium, quod in patria habui, ubi sunt omnia duplo ἰσοῦστέρα. Sic egi & cum Rege Galliarum, à quo sciebam me amari. Sed abhorret natura mea à sordido verbo *Peto*. Stygii Jesuitæ, si iis moribus essent, non tam invidiosas gazas congestissent in omnibus Europæ angulis. Paucis annis in una Polonia quatuor millia vicorum aut pagorum obtentu pietatis sibi quæsiiverunt, & mira sunt, quæ de illis possunt narrari. Perfidiam mihi objicit Alastor. Quæ perfidia? Illi me, quod in ipsis fuit, ieverunt sæpe perditum, & cum Rex suæ Bibliothecæ curam mihi demandasset, nullum lapidem non movit Satanae cohors, ut Princeps optimus sententiam mutaret. Ego ridendo eorum conatus, & spes omnes meas semper in unius Dei præsidio ponendo, de eorum sceleribus triumphavi. Possum de molitionibus eorum clandestinis in meam perniciem μακράν ἱλιάδα texere. Est quidam Belga †, vir eruditissimus, qui diu inter Jesuitas vixit, non obscurus. Is est, qui Basilium Seleucensem Latinum fecit. Hic vir, ubi notas habuit artes diabolicas Jesuitarum, à Trimalchione Romano agrè tandem obtinuit, ut Societatem malignantium desereret. Volo

te non ignorare, quæ ille ad me scripsit. Ecce igitur Epistolam illius; sed quâ nolim te uti in boni viri perniciem. Non igitur nomine suo indicandus erit, ac ne ejusmodi quidem paraphrasi, quæ illi possit esse fraudi. Objicit mihi Alastor vitium sœdum adulationis. Fateor, laudasse me Regem; sed judicio & affectu sincero. Sic mei Deus misereatur. Scelerati homines, si unum è suis, non dicam Regibus, non dicam Principibus, aut etiam Nobilibus haberent, in quo sic pietas emineret cum doctrinâ conjuncta, ut eminet in maximo hoc Rege, quomodo illum in maximo adulari, vitium Parasitorum Papalium, qui illi persuadent, nec Deum ipsum esse, nec hominem; sed Vice-Deum, Omnipotentia Pontificia vindicem; & ejusmodi multa, non simpliciter κολακικά; sed detestandæ blasphemiae plena. Et quid aliud sunt aut Baronii Annales, aut farrago Bellarminiana, nisi perpetua mendacia ad extollendum τὴν ἑὴν ἀπώλειαν ὑπὲρ πάντων ὄντων? Objicit Epigrammata Græca in Castellum: nec miror, parricidarum Patronum verticulos in parricidam scriptos invitum legere. Ego Bezâ authore scripsi: Beza probavit: ego illius judicium insuper habere non potui. Quanquam, ubi ego mea jactavi? Ait, me peccare in metro. Asinus, nescit quid dicat. Scripsi multos versus Græcos rogatu amicorum; nego in centum meis versibus tantum usurpatum esse licentia, quantum usurpavit Gregorius Nazianzenus (ar qui vir!) in minimo Epigrammatum, quæ leguntur inter illius opera poetica. Negat, me aliquid Græcè scire. Fortasse non multum scio: scio tamen, nullum hoc sæculo Græcum extitisse, cui literæ Græcæ plus debeant quàm mihi. Sed ille asinus nihil unquam meorum vidit præter Suetonium, & pauca alia. Scio etiam, me in Baronio & Bellarmino infinitos errores asininos deprehendisse, & Græcæ linguæ pudenda ignorantia ortos. Nam Hebraicam, aut alias Orientales Baronius ne attigit quidem: alter vix levissimè attigit; idque non ut fieret doctior; sed ut cum ratione insaniret; præsertim in illo putido Commentario in ψάλλους. Scito me ante annos decem in Notis ad Spartianum & alios Auctores Historiæ Augustæ; multas ineptias Baronii in Annalibus modestè reprehendisse. Quod ille adeo non neglexit, ut statim Notas extra ordinem ediderit, quibus erant insertæ emendationes omnium ferme errorum, quos notaveram. Cùm agitabatur Causa Veneta, rogatu ejus Reipublicæ orsus sum scribere *De Libertate Ecclesiastica*,

* vide supra. Epist. DXXXVII. φ. α. γ.

† Claudius Danf. quini.

1613. *Itica* ; cujus libri edita sunt folia quindecim , atque horum nonnulla quum essent Romam allata , Papa per Legatum Regis Franciæ cum ipso egit , ut ego ab incepto desisterem . Ita coactus sum opus institutum relinquere ἀπέλις . Scribebatur enim tantâ festinatione , ut statim ederetur , ut quidque erat compositum . Græculus hoc , opinor , non ignorat . Nuncius Papæ , qui tum Lutetiæ fuit , vir eruditus & verè nobilis , legit , & modestiam meam laudavit . Deinde liber ἀπέλις in Germania est editus iterum . Mirum verò audere Societatem execrandam vel mutire in causa , quæ ad Reges pertinet , quum tot jam decreta Ordo amplissimus Parisiensis promulgarit , & quotidie , ubi est occasio , promulget . Atque illi non sunt Protestantes . Quid Sorbona ? an hæc hærescos est suspecta ? Hanc tamen derestari illam doctrinam certum est . Puto faciendum tibi , ut hanc ἀναισχυρία Cerbeream acriter perimas . Poteram plura adjicere , sed vereor ne tibi prolixitas mearum sit tadio . Te rogo , si quid erit , in quo dubitabis , aut si quo libro opus habeas , qui in potestate mea sit , id ut significes , atque ego vel mittam , vel afferam , σὺν ὅτῳ ἀπαιτῶ . Scito me inibi esse , ut finem imponerem parti jamjam edendæ operis mei , si Deus faverit . Uxor autem mea necessariis de causis professionem in Galliam parat , cui ego ad iter se accingenti non possum non adesse . Hæc ubi erunt expedita , & me & opus meum isthic habebis . Ita quidem constitutum mihi est : cæterum πῶς μέλλει θεὸς ἐν γένεσι καίτοι qui te servet , Vir doctissime . Virum clarissimum , Dominum Abbotum , meis verbis , nisi grave est , salutes velim . *Londini, Eid. April. CIO IO CXIII.*

Tui nominis studiosissimus,

IS. CASAUBONUS.

Characteres Theophrasti nuper in Gallia sunt editi , & Notæ meæ auctæ . Mitto unum exemplar .

EPISTOLA DCCCLXXXIII.

JACOBO AUGUSTO
THUANO.

Illustrissime Vir,

1613. *S*oleo gratias agere Deo immortalī , quod me in hac ærumnosa vita contra animi sententiam multa vellet experiri . Disco enim quotidie , quod nemo unquam satis didicit , μὴ ἐμφολεχθῆν τῷ νῦν εἶναι , & veram patriam sedulo meditari . Hunc ego maximum , imo ferè solum fructum percipio diuturnioris hu-

jus in ἀλλοδαπῇ moræ meæ . Ubi ad cæ- 1613. teras molestias illa etiam accedit , quod toties cogor πῶς ἐμὲν ἡμῖν τε , ut est apud Platonem , à me separare . Sed ferendum est æquo animo , quod mutari non potest . Nam cum me auctore hoc iter uxor susceperet , graves causæ fuerunt . Nunc igitur peto à te , Vir amplissime , ut cūpienti illi de nostris reculis tecum communicare , aliquid tui temporis concedas , & prudentissimi tui consilii copiam facere digneris . Mandavi illi discedenti , ut ex tuis unius sermonibus penderet , & in posterum quid sit opus facto , ex uno te disceret . Sperabam futurum , ut illa tibi aliquot folia deferret operis nostri ; sed id propter causas nonnullas prælis adhuc subjici non potuit . Perveni tamen , Dei beneficio , ad ipsum ferè jam finem ejus partis , quam nunc sum editurus ; quæ etsi satis erit magna , ultra vitam Domini tamen non pertinet . Visa mihi illa epocha commodissima dividendo operi , quod adversus primum Tomum paro . Inter causas dilatae editionis fuit absentia Bilii , quem audio jam rediisse . Itaque sinaverit cæptis Deus , scito non ita multò post inchoandam operis nostri editionem . Editâ autem hac parte , quid me futurum sit , quæve studiorum meorum futura sit ratio , ἐπεὶ εἶδεν , ego juxta scio cum ignarissimo . Nam aut illo tempore ad vos rediturus sum , aut , ὅ μὴ γένοιτο , ἔδ' ἔσται . Me in hac deliberatione unica ferè impedit cogitatio , quod inter malevolos vix vitalis vita videatur futura . Vides quo furore illi in me insurgant . Ego tacere possum , si tu mihi silentii auctor fueris ; sed non deerunt , scio , qui meam innocentiam tueantur . A viris bonis , qui primævæ Antiquitati deferunt plus quàm novitatibus inscūtis , equidem nihil mihi metuo . Hæc velim à te expendi , & quid videatur , uxori indicari ; nam editio ubi fuerit inchoata , brevi , ut spero , consummabitur . Nolo nescias , vidisse me hîc Hugonem Grotium , virum probitatis & doctrinæ admirandæ . Multus mihi cum eo fuit , & quotidie est sermo de tua Dignitate , teque ille , uti par est , & amat & suspicit . Scripsit Historiarum libros XXI. de Rebus gestis in patria ab annis circiter L. Pauca adhuc legi , sed quæ valde mihi sunt probata . Sunt aliæ virtutes illius , propter quas pluris etiam illum facio : nam de hodiernis contentionibus in negotio Religionis & doctè & piè judicat , & in veneratione Antiquitatis cum iis sentit , qui optimè sentiunt . Dominus Jesus hunc animum det istis φιλοκαίτοις , qui per vias diversas eodem

X x x 2

tena

1613. tendunt, hoc est, ad novam doctrinam itabiliendam. Idem te quoque servet, Vir illustrissime, & unâ tecum foeminam primariam, Dominam uxorem tuam, & quicquid vobis charum. Vale. *Londini, a. d. xii. Kalend. Maj.* CIO IO CXIII.

EPISTOLA DCCCLXXXIV.

P E T R O P I T H O E O,

1613. **F**acis quod te decet, Petre Pithœe, Adolefcens eruditissime, cum illorum expetis amicitiam, quos scis vel à doctrina, vel à moribus patris tuis viris omni laudatione majoribus fuisse probatos. Ostendis hoc ipso luculenter, quanto desiderio flagres eundi per illorum vestigia. Maeste hoc animo, Pithœe, & quam videris ingressus viam constanter insille. Spera & confide, adfuturum tuis inceptis Deum immortalem, si, quod tui patris semper fecerunt, de genere humano, præsertim verò de literaria Republica omni studio atque operâ benè mereri contendis. Verum quidem est, in difficilia tempora adolescentiam tuam incidisse, quando neque literis, neque virtuti sua semper sunt præmia parata: sed tu illud potius cogita, virtutem & doctrinam à generosis hominibus propter spem præmii non solere expeti; verum propter ipsas, quia sint τὰ ἐν ἀνθρώποις πρὸς καλῶς τὸ δὲ καλὸν αὐτὸ καὶ αὐτὸ καλῶν, quod tu non nescis. Ecquod verò tam beatum unquam sæculum fuit, quo defuerit bonis quod dolerent, & in quo facerent suæ constantiæ periculum? Nunquam ita benè cum humano genere est actum, ut instituta, quæ vulgus hominum probaret, Sapientibus probarentur. Hoc neque legimus in ulla Republica aliquando factum, neque sperare debemus aliquando futurum. Hodie vero in hoc mundi senio ire pessum omnia, mirari admodum non debemus; sed quantum in nobis est, publicam salutem & benè sentiendo & vivendo benè ire adjutum debemus. Atque hæc ego non ideo ad te scribo, quod de tua constantia in premendis patruorum tuorum vestigiis addubitem; sed quia prævideo non defuturos, qui te aliò trahere volent, non potui non hortari atque adeò rogare, ut quorum gloriam participas propter nominis & sanguinis communionem, eorum facta & egregia κατὰ κράτος constante animo æmuleris. τὸ μακάριον * Fabri transitum ad meliora nuper veris lacrimis flevis; nunc etiam vicem tuam doleo, ejus immaturo obitu altero parente te

* Nic.
lin.

esse orbatum, qui adolescentiam tuam 1613. præceptis saluberrimis fuit instructurus. Verum si patruos tuos assidue tibi, uti par est, ob oculos posueris; neque monitore, neque hortatore alio opus tibi fuerit. Oro venerorque Deum immortalem, ut te servet, te regat, & tuis studiis atque inceptis benedicat. Vale. *Londini, a. d. x. Kalend. Majas,* CIO IO CXIII.

† For.
J. A.
Thuan.
Colum.
Petr.
Paul.
Petavio,
Seo.
Paris.
Paris.

EPISTOLA DCCCLXXXV.

N. N. †.

Puto accepisse te, quas nuper discendi uxori tradidi: etsi nondum constat mihi, quid sit ipsa factum, postquam à me discessit. Ego sine imposito illi parti magni operis, quam sum jam, σὺν θεῷ ἀγὼν, publicaturus, Oxonium, dum abest uxor, cogito, mansurus ibi, volente Deo, plusculos dies. Scio cogitare illos titulis magnificis me ornare; sed mihi dum vivam, nullus unquam præter proprium nomen titulus erit. Jam olim κέρμα. Hoc iter editionem cogit me differre. Verum erit aliquod moræ pretium, spero; mira enim prædicantur de Bibliotheca Oxoniensi, quam homo privatus † ex-† Thomas
Bodiani,
ob eundem
illam Bi-
bliothecam
Pisidæ
Oxonien-
nomen
ajunt,
Colomel.

truxit, qui in ipsum ædificium, aut libros, vel alia Academiæ ornamenta impendit vivus centum millia librarum Gallicarum; nuper autem rebus humanis renuntians, legavit Academiæ septuaginta millia librarum. Hujuscemodi μεγαλοπρεπείας καὶ μεγαλοψυχίας exempla non pauca eduntur in hoc Regno. Vale. *Londini, pridie Non. Maj.* CIO IO CXIII.

Nolo te nescire, plures me jam literas accepisse è Flandria, ubi τὸ ἐξωλέ-
σταιν γένος κατεκρυβέναι τὸν λαόν, quibus rogor, ut pergam similia edere Epistolæ ad Frontonem. Hæc scripseram, cum tuas accepi novissimas. Græculi scriptum mihi fuisse molestum, noli putare. Me illa non tangunt. Unicâ Præfatione † omnibus satisfaciam σὺν † Præfati-
ὁ ἐστίν. Iterum vale. † Exposita-
tionibus
Bar-
niani.
Vide supra
Epist.

EPISTOLA DCCCLXXXVI.

HUGONI GROTIO. 873.

Vir maxime,

Reverfus domum inveni famulum D. 1613. Decani Paulini *, qui me heri sui * γαστρί-
verbis rogavit, ut te cras manè ad Ovestal.
prandium ducerem ad se. Quam re-
spondissem, non posse id à me fieri,
quia die crastinâ Rex esset adeundus;
de proximo die voluit idem à me im-
petra-

1613. petrare. Negavi eandem ob causam. Ille non quievit, donec de quarta feria (diem Mercurii vocant) & tuam & meam fidem obligassent. Sumsi hoc mihi jure nostræ amicitiae, ut etiam pro te sponderem. Spero, te quod actum est, ratum habiturum. Sin aliter videatur, fac me ut sciam. Vale, Vir amicissime.

EPISTOLA DCCCLXXXVII.

E I D E M.

Vir amplissime,

1613. **Q**UOD oblitus sum tibi dicere, cum apud te fui, brevi hoc pittacio tibi significabo. *ἐπὶ πάντι* Eliensis * heri quæsit a me, quando te esset visurus. Dixi, te vel Mercurii, vel Jovis die ad illum cogitare. Petiit ille tum a me, ubi tu hospitium haberes. Cum in eo essem, ut tuum ipsi diversorium indicarem, & de die certi aliquid constituerem, ecce Regem, qui suo interventu colloquium nostrum abrupit. Quare nihil certi constitutum. Sed fieri potest, ut D. Episcopus ad te mittat. Volui igitur nescius ne esses quid egissemus. Tu conditæ dici apud D. Decanum memineris. Vale, *καὶ εὐχαριστῶ* *Δεσπότη.* Dominus Jesus annos tuos multiplicet. De carmine iterum te appello; semel enim frontem perfricui; sed eâ lege, ut meas lucubratiunculas prius inspicias diligentius, quàm scriptiioni te accingas. Atque utinam maximi Heinsii Græcos versus mihi exprimere queas! Tu igitur operi meo apud illum præbere testimonium debebis, domum reversus. Vestris duorum testimoniis nullum aliud adjicietur.

EPISTOLA DCCCLXXXVIII.

E I D E M.

Vir amplissime,

1613. **C**UM heri in te incidi, veniebam ab Aula; ubi Regem conveneram; sed occupationem, & qui serio quodam sermone me detinuit, quamdiu cum ipsius Majestate fui. Ita factum ut non potuerim, quod maximè optabam, tui mentionem facere. Sed egi apud D. Episcopum Bathoniensem †, qui a Regis latere non discedit, ut Regi significaret, quod ipse volui illi indicare. Hodie redeundi in Aulam vix erit mihi facultas. Cras, Deo dante, iturus sum, nisi intellexero D. Bathoniensem præstitisse, quod recepit facturum. Vale, Vir amplissime. Cum eris expeditus ab aliis curis, nihil mihi gratius tuo

colloquio; atque ego ad te non raro 1613. itabo *σὺν τῷ Θεῷ*. qui te servet. *πάλιν αὐτὸ καὶ πάλιν ἔρρωσθ.* D. Eliensis ægrotabat heri, nec fuit in Aula.

EPISTOLA DCCCLXXXIX.

E I D E M.

Vir præstantissime,

QUOD non possum coram & *σώμα* 1613. *πρὸς σώμα*, id facio absens per literas, ut tecum sermones seram. Valde autem dolemus & nobilissimus Savilius & ego, non licuisse tibi per tua negotia hoc iter unâ nobiscum conficere. Equidem si potuissem illud differre, non caretum nunc facultate confabulandi tecum; quo nihil mihi jucundius in vita memini contigisse. Sed ea est conditio *τῶν ἀνθρώπων ὁδῶν*, ut semper aliquid aloës habeant admixtum; neque sint *πλείως γλυκεία*, sed *ὅπως γλυκύπερα*. Sæpissimè hoc sum antea expertus; sed nunquam illustrius quàm hoc tempore. Nam quum justas lætitiæ causas habeam, quod nobilissimâ fruor Bibliothecâ; quod tamen eam ob causam te mihi carendum est & suavissimâ tuâ consuetudine, vix mihi jam grata sunt, quæ, absque eo fuisset, gratissima erant futura. Dabo operam, *σὺν τῷ ἀγίῳ Θεῷ*, ut accelerem reditum tuâ unius gratiâ. Verùm de meis rebus certiora narrabo proximis literis, volente facienteque Deo; qui te servet, Vir maxime, & tuos omnes Collegas, nominatim Dominum cognatum, vel affinem tuum. Vale. *Oxonii, a. d. vii. Eid. Maj. c15 15 cxiii.*

Dominus Savilius te amantissimè salutat; valde irascens tuis negotiis, quæ te isthâc detinuerunt.

EPISTOLA DCCCXC.

E I D E M.

NON possum verbis exprimere, quàm 1613. variè sim affectus lectione tuarum literarum, quas accepi binas eodem tempore. Priores dolorem mihi *μανικὸν ὄν* attulerunt, quod de viro summo, quem scis a me summopere coli, omnia *δυσχερῆ καὶ ἀπότομα* narrarent. Is vir *ἄλλα* admirandus quantum possit *πρὸς τὸν Θεόν*, ne tu quidem nescis. Itaque metui statim, ne moderatissimum consilium, quod non ita pridem vobis datum fuerat, non *πρωτίστως, ἀλλὰ τεταχυτίστως* *διυτίστως φρονέσι* corrumperetur. Ego autem ingenia turbonum, quibus cum res vobis est, nōsse mihi videor, neque dubito, si tanto præsidio sufful-

1613. erantur, nihil remissuros quo minus ist-
hic omnia perturbent ac fusdeque mi-
sceant. Hæc cogitanti mihi & serio in-
gemiscenti Ecclesiæ malis, allata est tua
posterior, ne ipia quidem satis læta:
(nam spes mihi adnuitur eâ Epistolâ
tui inveniendi Londini, cum illuc re-
diero) eo tamen gratior, quia spem
aliquam saltem superesse nuntiabas.
Utinam ita sit, & benedicat bonus Je-
sus eorum laboribus, qui paci Ecclesia-
rum cupiunt ire consultum. Tu, Vir
maxime, in promovendo illo negotio
multum potes: noli animum desponde-
re, quæcunque tandem sese offerant
difficultates. Parum est quod aperti
Dei hostes, ministri Antichristi, pio
proposito sese opponunt, <sup>πάση σαδὴ
ἐμοσι χυρδὴς τῆ ἀληθείας</sup> Illud genus
adversariorum molestius est, quod do-
mi nascitur, & ipsa penetralia Refor-
matarum Ecclesiarum invadit. Sed
etiam adversus hunc ^{παρασύν} confir-
matus esse oportet eos, qui malis Ec-
clesiæ pro sua virili cupiunt medicinam
facere. Ego reditum cogito Londinum,
ubi tuas expectabo, si fortè illæ datu-
ræ mihi sunt aliquam occasionem pu-
blicæ utilitati inserviendi. Deum sup-
plex veneror, ut te servet, Vir maxi-
me, quem ego, dum vivam, summâ
observantiâ semper sum culturus: ita
me ceperunt pietas, probitas, & ad-
miranda tua doctrina. *Oxonie, a. d.*
xvii. Kalend. Jun. c13 13 cxiii.

EPISTOLA DCCCXCI.

DANIELI HEINSIO.

1613. PRæter expectationem meam accidit,
ut ^{ὁ χυρδὴς} Grotius sine meis ad
vos rediret. Sperabam me hoc itinere
Oxonum instituto prius Londinum re-
veriturum, quam ille negotia publica,
quorum causa ad serenissimum Regem
missus fuerat, ad exitum perduceret.
Miratus itaque sum, cum literas illius
acciperem, paucis post meum ab urbe
discessum diebus scriptas, quibus in
procinctu se esse significabat, biduo
post discessurum. Ita factum, ut sine
meis ille ad vos rediret. Puto autem
te accepisse, quas scripsi ad te non ita
multis diebus antè quam Londino dis-
cederem. Acepi postea duas tuas Ora-
tiones sacras *; quas statim cum legis-
sem, cupidus tamen easdem sæpius le-
gendi, in hoc itinere solas illas cum
Pepto † tuo, & uno aut altero libro
mecum attuli. Utinam plura scribas
in eo genere! Quod hodie pauci fa-
ciunt, ad veram pietatem, & eam, quæ
devotio dicitur, omnia tu piè & pru-

* In Na-
talem, &
Passionem
Domini.
† Græ-
cum Epi-
gramma-
tum.

denter refers. At nostrorum ^{αφ' ὧν} quo-1613.
tus quisque hodie de his seriò cogitat,
ut melior evadat? Omnes disputando,
pauci benè vivendo, vincere adver-
sarios studemus. *** De Pepto verò
tuo quid dicam? Admiror ^{τὸ γράσιν} &
^{ἐλπίσιν} quem hodie in paucis observo.
Tibi vero lingua Græca magis quàm
Belgica viderur esse vernacula. Tuum
igitur est de nostris scriptis pronuntiare,
non illius ^{ἀληθῆς} Græculi Cretensis †, † *Andria*
qui negat *me vel prima elementa doctum*. *Eudamio-
Joanni.*
Opus quod, volente Deo, jamjam sum
editurus, inimicos meos adiger ad la-
queum. Certè hoc spero me assecutu-
rum, ut ipsi, si quid est in eis candori-
s, laqueis dignissimos se esse pronun-
tiant. Impii homines, quos non pu-
det, cum adversus me scribunt, suspi-
cionem injicere, quasi parens meus su-
spendio vitam finierit. Equidem ne-
sciebam quò spectaret in illorum scri-
ptis illa crebra laquei aut relictis mentio;
sed docuit me Swertius*, vir optimus, * *vide*
† *θεοσυνή* Bonarfeium hanc fabulam ex-
cogitasse, & sic multis persuadere. *supra.*
Deum immortalem! quæ est hæc plus
quàm diabolica rabies! Parens meus † † *Arnal.*
Dix Vocontiorum fato functus est. Ka-
lendis Januariis ante annos viginti &
septem in morbum incidit. Kalendis
Februariis beatam animam Deo reddi-
dit. Elatus est humeris honestissimo-
rum ejus urbis civium. Deduxerunt
funus omnes ferè Nobiles Religionis
nostræ, qui tunc ad comitia in eam ur-
bem convenerant. Decem millia homi-
num ^{ἀξιπίστου} in testimonium possum
advocare. Quis igitur inauditam isto-
rum canum Cerbereorum rabiem non
miretur? In Præfatione operis mei †, † *Adversus*
si volet ^{ὁ μέγας θεός}, respondebo istis
parricidis, sed paucis; non enim irâ
meâ digni sunt. Sed moror te. Vale,
Vir præstantissime, ^{καὶ ἐννοεῖν θέτιλιν}.
Oxonie, a. d. xvi. Kalend. Jun. c13
13 cxiii.

EPISTOLA DCCCXCII.

JOANNI MEURSIO.

UNus jam aut etiam alter mensis 1613.
præterit, Meursi doctissime, cum
reddita mihi sunt tuæ unâ cum Hesy-
chio illustri, & eruditissimis tuis Notis.
Dolco, nihil jam habere me, quo mis-
so paria tecum facere queam. Sed me
ita occupat susceptum opus adversus
Baronium, ut aliud nihil jam cogitem.
Interim gratias ago tibi quantas possum
maximas. Video, te in Historia, &
omnis generis monumentis posterioris
Græciæ mirum in modum esse versa-
tum;

1613. tum; quæ pars eruditionis cum à paucis adhuc sit culta; benè procul dubio de literis mereris, quando ea proferis in lucem, quæ etiam doctissimi viri prius ignorabant. Exspecto tuas in Curopalaram Observationes, quarum aliquando spem fecisti. Faxit Deus immortalis, ut quæ hætenus premis, omnia publicandi facultas tibi contingat. Eadem operâ & Rempublicam literariam, & gloriam tuam auxeris. *Γέννη, γέννη. Scripsi raptim. Oxonia, a. d. xvi. Kalend. Jun. c13 13 cxiii.*

EPISTOLA DCCCXCIII.

GEORGIO MICHAELI
LINGELSHEMIO.

Nobilissime vir,

1613. **P**AUCIS diebus priusquam Londino proficiscerer, tuas accepi, & quicquid supererat de libro Græculi, qui sceleratus etsi *μαίνεται κόρη δεικνός*, parum tamen me movet, animadverti enim è paucis paginis, quas inspexi, *ἡτοιμασέν* Cretensem nihil pensi habere, quid dicat, imò quid comminiscatur, modò aliquid Satanæ instinctu comminiscatur. Itaque simul librum abjeci, & curam omnem respondendi. Opus enim dies noctesque urgeo, quod, favente Deo immortalis, instar apologiæ adversus omnes omnium canum latratu est futurum. Eâ potissimum sine Oxonium veni, ut in hac instructissima Bibliotheca libros quosdam percurrerem, qui Londini mihi non sunt inventi. Hic inter alios pietate doctrinæque insignes viros amicū reperi * antè mihi ignotum, qui magnâ alacritate respondere τῷ *καταρόντι* Græculo instituit. Ille me admonuit, ter in illo brevi libello objici mihi patris mei suspendium. Obstupui ad hanc inauditam malignitatem. Nam vel ex hoc uno certò mihi constar, Diabolum esse τὸν *ποτέρα & ψεύδης*, qui eas nænias Græculo dictitavit. Pater meus ante annos viginti & septem, & quod excurrit, Diæ Vocontiorum in Delphinatu ipsis Kalendis Januariis in morbum incidit. Habuerat eâ die concionem ad Nobilitatem in ea urbe comitia agentem, in qua vir pius & sanctus, *αὐτὸς αὐτῷ χρίστων χυνομένη*, zeli incomparabilis specimen ediderat. Itaque torus sudore madens è suggestu descendit: mox illum febris occupat, quæ lenta erat, nec vehementis, sed continua. Mensē integrum ægrotavit. Kalendis Februariis animam Deo Creatori placidè reddidit. Elatus est humeris honestissimorum civium. Deduxerunt funus cives omnes,

* *Joannem Pri-
dum,
Sacra-
Sanctæ
Theologiæ
Doctorem,
& Collegii
Exoniensis
Rectorem.*

& Gallicæ Nobilitatis ejus Provinciæ 1613. pars maxima. Ingemuit morti illius tota Provincia; neque hoc nesciunt Jesuitæ, qui Turnoni habitant, aut in aliis vicinis oppidis. Quis igitur negabit, Jesuitam impurum †, qui id <sup>† *Carolus Scriba-
nium. Vide Epist.
Epi.*</sup> mendacium excogitavit, omnes impudentiæ lineas esse supergressum? Sed facit, quod Jesuitam decet, quod paricidalis doctrinæ defensorem, quod Hæreticum perditissimum. Ego, dum vivam, dabo operam, ut omnes inimici Dei, id est, omnes Jesuitæ me odio habeant. Non enim melius probavero me piis & bonis omnibus, quàm si illa Satanæ progenies me oderit quàm vehementissimè. Equidem in hac illustrissima Academia tantam omnium doctorum benevolentiam sum expertus, tantaque illorum fuit contentio, quomē cunctis honoribus ab Academia deferri solitis honestarent, nunquam ut par sim futuris meritis eorum erga me celebrandis. Titulos tamen omnes respui ‡, benevolentia tantorum virorum <sup>‡ *Vide
supra.
Epi. 689.*</sup> contentus; neque dicere ætatem meam ratus, ut cupiditati ipsorum morem gererem. Sed moror te. Vale, Vir præstantissime, & me semper ama. *Oxonii, a. d. x. Kalend. Jun. c13 13 cxiii.*

Peto à te, ut verbis meis amplissimos viros, Plessenium & Freherum, ne graveris salutare.

EPISTOLA DCCCXCIV.

GEVERHARTO ELMEN-
HORSTIO.

GRATUM mihi fuit, quod longo adeò 1613. intervallo reduisti ad inchoatam olim mutuarum literarum scriptionem. Ego etsi occupatissimus vivo, non patiar tamen, *Θεὸς δίδωι*, ut meum in hac parte officium possis desiderare. Accepi etiam quos misisti libros, pro quibus ago tibi gratias maximas. Tradidi affini tuo, qui tuas mihi reddidit, *ἀντίδωκεν* levidense, Epistolas duas †, <sup>† *Aliter
ad Fronto-
nem Du-
canum, ab-
istam ad
Cardina-
lem Peru-
vinum.*</sup> quas hic & scripsi & publicavi. Nunc scito in examinandis Baronii Annalibus totum esse me. Nam Romanenses id agunt, ut pro omnibus Ecclesiasticarum rerum Scriptoribus unum imperitis obtrudant Baronium; cui ego etsi suam laudem non cupio ire ademptum, verè tamen affirmare posse videor, in tanta mole scriptionis non pauciora esse *λυσσὲ* quàm *ἰδλὰ*. Atqui illa hodie jubentur credi. Nos igitur fraudem hanc seriò castigare instituimus, cum bono Deo. Jam operis pars est absoluta, & prælo subjecta. Postquam illa edi-

1613. editio fuerit ad umbilicum perducta, sustinebo paullisper, & judicia hominum præstolabor. Interim non desinit Satan per suos ministros, maximè autem per Jesuitas, me lacerare, & plaustra convitiarum in me congerere. Omnium verò hostium meorum truculentissimus & furiosissimus est Andreas Eudæmon, Græculus, Cretensis, Jesuita. Huic quia fingere ausus, parentem meum τὸν μακαρίτην laqueo vitam finisse, paucis paginis respondi. Si absoluta fuisset illius libelli editio, misissem ad te. Cupio enim omnes bonos querelæ meæ notitiam habere. Brevi mittam, spero, tabellarii opportunitatem nactus. Vale, & me ama. *Londini, pridie Kalend. Jun. c. d. ix. cxiii.*

De Scioppio bene moneas. Scito opera illius nonnulla non solum hic jussu sapientissimi Regis, sed etiam Lutetiæ eodem annitente publicè cremata esse manu carnificis. Ego adversus illam belluam scripsi Epistolam, quam mittam, si potero.

EPISTOLA DCCCXCV.

JOANNI MEURSI O.

1613. **A**ttulit mihi Bedwellus noster, Vir clarissime, literas tuas, quæ non mediocri voluptate me affecerunt. Video enim te constanter id agere, ut de Republica literaria quotidie benè merearis. Maeste hoc proposito! Etiam si minus posses, tamen hæc voluntas tua summopere mihi videretur prædicanda: sed tu, doctissime Meursi, & facultatem habes, non solam voluntatem. Quantum tibi debeant studiosi literarum propter Scriptores Græcos, à te jam publicatos, non omnes fortasse intelligunt. Nos, qui intelligimus, profitemur multum studia nostra tibi debere, & tuas laudes apud omnes libentissimè prædicamus. Scripta tua, quorum spem facis, eò avidius expecto, quia de præstantissimo Francisco Junio planè idem tecum sentio. Ignoscamus verò τῷ μακαρίτῃ, qui facile ἀλλοις ἐν ἰσθμοῖς τὸν δὲ ἀποστήται ψόρον. Quotidie addisco, hominem esse τὸ μὲν & quotidie ad veram πνευματοποιίαν me componere laboro. Opus, quod jam præ manibus habeo, fallor, aut bonis & verè piis erit longè gratissimum. Plura de eo scriberem, si vacaret. Nunc raptim hæc exaravi, & in summa festinatione. Deus Opt. Max. te servet. Vale. *Londini, a. d. iv. Non. Jun. c. d. ix. cxiii.*

* Notatur hic à Casaubono Francisci Juni Cætopalæsti, sub nomine Hebraei Nodabii Argemii in lucem emissus. Colomel.

EPISTOLA DCCCXCVI.

JOANNI PRIDEAUX. ✱

Vir doctissime,

Quia nondum mihi constat an ad 1613. pensum redieris ex itinere suscepto cum isthic eram; propterea nihil ad te dare literarum constitueram. Scribam verò, εὖ σε εἶπαι, ubi otium fuero nactus, literas uberiores. Faxo ut intelligas quanta sit Cretensis Hæretici immanitas, cum illa de parente meo sceleratè fingit, quæ ipse mihi indicasti. Nam antequam te convenirem, nihil ejus scivi. Peterem à te, ut in proposito pergeres, nisi scirem non esse opus ἀνύδοντα & αὐτὸν ἐργάζεσθαι. Quæsit à me serenissimus Rex, simul ac me vidit, quando opus proditurum esset. Respondi partem illius me vidisse, quod non dubitarem Majestati ejus fore gratum. Interim narravi ipsi itemque Domino Archiepiscopo, quàm comiter & tu, & Dominus frater tuus me exceperitis. Mallem verò existere aliquam occasionem rebus ipsis comprobandi quantum me utrique vestrum debere sentiam. Sed de his aliàs. Vale, Vir eruditissime & amicissime. *Londini, a. d. iv. Non. Jun. c. d. ix. cxiii.*

Tuus ex animo,

IS. CASAUBONUS.

EPISTOLA DCCCXCVII.

HUGONI GROTIO.

Vir maxime,

Hæcine data fides? Menssem jam 1613. habes; & nihil à te accipio. Me cum dico, intelligo non simplicem amicum tuum, sed Ministrum serenissimi Regis; cui promisisti te literas ad me daturum. Scito optimum Regem, tui promissi memorem, subinde me appellare. Serio dico, tuum officium jam Rex desiderat, & an exciderit tibi data fides, addubitat. Tertius dies est, cum colloquium vestrum mihi ejus Majestas exposuit. Animadverti mirè eum tuis sermonibus delectatum. Habeo ἡγεῖα mandata, quæ tibi non prius exponam, quàm tu mihi indicaveris, cui me velis meas dare. Oxonio postremas acceptas scripsi ad te, & fasciculum misi, in quo erant literæ ad τὸν πᾶν Heinsum, & Baudium, & Meursium. Tradendum curavi fasciculum Legato illustrissimorum Ordinum. An acceperis, scire cupio. Narro tibi: Oxonii didici, quod prius ignoravi; patrem meum laqueo

1613. laqueo periisse. Vix urbem eram ingressus, cum ille vir doctus*, cui mandata sunt partes respondendi scelesto Græculo, me adiit, petiitque quid ad hanc objectionem responderet. Ter hoc affirmare Græculum Cretensem.

* Jean-
nes Pri-
deaux.

*Obstupui, steteruntque comæ, vox
faucibus hæsit.*

Statim domum reversus dum ad editionem operis principium paro, nactus occasionem commodæ digressionis, respondi illi Satanæ. Mitto ad te illam partem, ut, si placet, cum amicis illam communices. Impius enim sum, si parenti factam injuriam dissimularem. Ego verò ut furori inimicorum meorum obviam eam, constitui, *ὡς οὐκ*, de patris mei vita & obitu brevem narrationem edere, quam spero fore bonis gratam: magna enim exstiterunt Dei immortalis in illum beneficia. Sed de his aliàs. Tuas exspecto, imò, ut jam dixi, Rex exspectat cupidissimè. Vale, & me ama. *Londini, Eidib. Jun. c15 15 CXIII.*

Viros clarissimos & amicos, ad quos nuper scripsi, nisi grave est, meis verbis salutes velim.

EPISTOLA DCCCXCVIII.

THOMÆ ERPENIO.

Vir doctissime,

1613. **S**unt jam aliquot menses, ex quo parens tuus, vir honoratissimus, mihi tuas reddidit; quibus prius respondi-
sem, nisi tua illa Epistola me suspensum habuisset propter expectationem aliarum literarum, quas te brevi missurum significabas. Exspectavi igitur illas, ut de eadem, quod ajunt, fidelia duos parietes dealbarem. Vidi hic Lexicon Raphelengii, cum tuis Notis. Benè operam posuisti, & quid in eo genere eruditionis posses, luculentè ostendisti: sed Grammaticam & Proverbia quando audiemus edita? Ego nullum adhuc exemplar illius Lexici potui hic nancisci. Duo tantum hætenus vidi exemplaria, unum in manibus Eliensis, alterum Oxonii apud Professorem Hebræum. Cupio illa studia ex intervallo revisere, & quidem seriò, volente Deo. Quò impensius à te peto, ut in illustranda ea lingua animosè pergas, & mecum tuas lucubrationes communices. Vale. Scripsi raptim. *Londini, Eid. Jun. c15 15 CXIII.*

EPISTOLA DCCCXCIX.

N N.

Scripsi ante mensem ad te, Oxonium 1613. proficiscens, ut nobilem illam Academiam inviserem, & Bibliothecam, de qua multa audiveram. Inveni omnia expectatione meâ majora. Collegia & plurima, & pleraque eorum longè ditissima. Studiosorum, qui publico sumptu aluntur, hoc est, è redditibus ipsorum Collegiorum, magnam copiam; nam superant duo millia, plerique omnes honesto loco nati, quidam è Nobilitate etiam primaria; abest enim è Collegiis Anglorum illa, quam vocant nostri pædagogicam vitæ rationem. Hic literæ coluntur nobiliter; capita Collegiorum instar nobilium virorum splendide vivunt, imò magnificè. Sunt inter illos, qui decem millia librarum Gallicarum in annum expendant. Res studiosorum & rationes separatae sunt; quod valde probavi. Reperiuntur quotidie, qui priorum magnificentiam imitentur. Itaque nova opera quotidie surgunt: quædam Collegia à fundamentis nova exstruuntur; quædam augentur novis ædificiis; ut Mertonense, cui præest Savilius, & alia plura. Unum ibi est à Cardinale Volsæo institutum, quod si ad finem perductum esset, prorsus erat futurum admiratione summâ dignum. Sed ille vir morte suâ multa à se inchoata ædificia destituit imperfecta, nunquam, ut omnes putant, perficienda. Sed me non adeo Collegia capiebant, ut Bodlæana Bibliotheca; opus vel Rege dignum, nedum privato. Constat Bodlæum ducenta millia librarum Gallicarum aut vivum, aut morientem contulisse ad ornatum illius Bibliothecæ. Locus est elegantissimus, quod figuram literæ T exprimit. Partem, quæ stipitem erectum exprimit, olim Princeps aliquis è saxo ædificaverat, opere satis magnifico; alteram partem Bodlæus adjecit magnificentia parem priori. Inferior pars auditorium est Theologicum, cui haud scio an sit aliquod comparandum in Europa. Opus est fornicatum; sed singulari artificio confectum. Superior pars est ipsa Bibliotheca valde affabrè facta, & ingenti librorum copia referta. Noli cogitare similem hic reperiri librorum MSS. copiam, atque est in Regia: sunt sanè & in Anglia MSS. non pauci, sed nihil ad Regias opes. At librorum editorum admirandus est numerus, & qui incrementum quotannis est accepturus: reliquit enim Bodlæus annuos reditus

Y y y

sanè

1613 fanè luculentos in eam rem. Quamdiu Oxonii fui, totos dies in Bibliotheca posui; nam libri efferrī non possunt; patet verò Bibliotheca omnibus studiosis per horas septem aut octo quotidie. Videres igitur multos semper studiosos paratis illis dapibus cupidè fruētes; quod me non parum delectabat. Expertus sum doctorum omnium summum erga me studium. Omnes *μισθωτάται* sunt ab iis adhibitæ, ut me summis honoribus insignirent. Ego constanter titulos omnes repudiavi. Est Oxonii quidam vir eruditissimus*, qui iussu Regis & D. Archiepiscopi parat Responsum ad librum Græculi Cretensis adversus me. Ille me statim adiit, ut sciret ex me, an pater meus fuerit suspensus; hoc enim Jesuitam impudentissimum ter affirmare. Obstupui ad novitatem hujus calumniæ; nam quæ hæc est plus quàm Turcica rabies, viri probi manes sollicitare annis ipsis viginti & octo post ipsius obitum? Cogito hanc calumniam brevissimo scripto refutare, in quo si justæ iræ habenas laxavero, spero omnes bonos veniam mihi duros. Mihi pater tot exquisitæ virtutis exempla reliquit, ut tantam scelestissimorum hominum audaciam coercere omnino debeam. Heri ostendit mihi Rex Indicem Expurgatorium Hispaniæ ipsi missum, in quo furorem suum impudenter exercuerunt Patres in Scaligeri scripta & mea. Jam intelligo meram esse insaniam sperare, posse aliquid profici moderatione. Hæc gens impia bellum *ἀπαρνδον* juravit adversus veritatem. Itaque jam me ferè poenitet, quod Baronium clementius tractaverim: *ἔλαβον τὸν πατέρα μου, καὶ τὸν πάτερ μου*. Sed de his alias, Deo volente; quem supplex veneror, ut te servet incolumem. Vale, Vir amplissimè. *Londini, a. d. xvi. Kalend. Jul. c13 13 cxiii.*

EPISTOLA DCCCC.

✠ JOANNI PRIDEAUX.

Vir doctissime,

1613. **R**espondissem ad tuas citius, nisi consulto consilio distulissem, ut eadem operâ Jacobum nostrum tibi commendarem. Quanquam non nescio, vix illi commendatione meâ esse opus apud te, cujus propensum erga se animum rebus ipsis toties est expertus. Peto nihilominus tamen à tua humanitate, ut vel meo nomine priori benevolentiae aliquem adjicias cumulum. Jam tum, quando primum apud te mihi contigit ipsum alloqui, ex paucis verbis cognovi, quantum ipse usum in

illa Thalmudica doctrina haberet. Sed 1613. multò magis id sum expertus, quoties mihi per gravissimas occupationes meas licuit cum ipso de illa studiorum meorum parte conferre. Atque utinam ejus operâ diutius uti potuissem! Sed me nunc editio mei operis totum occupat. Itaque libellum institutum de venerandi Parentis mei vita & obitu in aliud tempus rejeci; contentus uberiore digressionē, cujus opportuna mihi dabatur occasio, Satanicum mendacium refutasse. Ea digressio in operis mei pagina opinor 35. locum habebit; estque plurium paginarum. Ederetur & seorsim, ut tibi possit communicari, & ad nundinas mitti. Noli dubitare, totum illud agmen Satanæ hac scriptione aculeatâ irritatum, in me involaturum. Sed stat à me Deus. Quid igitur metuum? qui præsertim sciam, quâ ipse alacritate ad veritatis defensionem te accinxeris. Redeo ad nostrum Rabbinum, quem seriò fieri Christianum, serenissimus Rex & illustrissimus Archiepiscopus vehementer optant. Ego illi auctor fui, ut curaret se in negotio Religionis ante baptismum diligenter instituendum. Præstat paulò serius, modò firmiss. Video ipsum in Thalmudica doctrina mirè versatum, multis tentari dubitationibus; quas evelli ex ipsius animo pretium fuerit operæ. Accedit quòd memoria parentum, quos habet sui amantissimos, & divites, reflectere oculos ipsum aliquando cogat. Hoc ego non semel animadverti, qui tamen videor posse affirmare, ipsum voluntate jam Christianum esse. Opto ipsum Oxonii manere; persuasus posse olim ejus operam illustrissimæ Academiæ vestræ decus aliquod asferre. Iterum igitur atque iterum te oro, ut pro tua pietate negotium hoc tuâ curâ indignum ne existimes. Ego interim Deum orabo, ut te servet, & unâ tecum Dominum Prais, virum eruditissimum, & nobis amicissimum. *Londini, a. d. ix. Kalend. Jul. c13 13 cxiii.*

Tuus ex animo,

IS. CASAUBONUS.

EPISTOLA DCCCCI.

E I D E M.

✠

Vir doctissime,

1613. **N**uper ad te scripsi per nostrum Judæum; nunc ad vos amico huic meo & *συμπαρα* petenti, pauca hæc raptem exarata dedi, ut me scires tui semper memorem. Opto omnia tibi læta & *πάντα παρῶν*, ut opus institutum perficias.

1613. ficias. Nos pergitur in editione operis nostri. Digressio contra Græculum pridem est edita: sed brevi separatim edetur in parva forma, & statim tibi mittetur. Vale, Vir charissime, & communes amicos meo nomine saluta; nominatim Dominum Doctorem Abbotum, cujus literas ante triduum accepi. Saluta & Dominum Prais, tuum contubernalem, nobis amicissimum. Binas à nostro Jacobo accepi, quibus non possum respondere; mox facturus, favente Deo; qui te servet, Vir doctissime. *Londini, a. d. III. Non. Jul. CIO IO CXIII.*

EPISTOLA DCCCCII.

DANIELI HEINSIO.

Vir clarissime,

1613. **N**on patitur rerum mearum status, ut multis te morer; nam & curis molestissimis & negotiis diversissimi generis obruebar, cum hæc ad te exarabam. Sed veterem amicum, virum probum, doctum, & apud Rupellenses Græcarum literarum Professore, sine meis ad te venire nolui. Ille tibi de nostro statu plura narrabit; si tu, uti spero, ad tuam amicitiam aditum ipsi patefeceris. Puto esse isthic Isaacum Chabanæum, sororis meæ filium, juvenem propter singularem suam pietatem & probitatem mihi charissimum. Scripsi illi, ut te inviseret, quem velim ut alterum me amplectaris. Ille de meis rebus omnia tibi exponet; quas quidem ipse melius quam ego notas habet. Vale, Vir clarissime, & me ama. Si ad τὸ πάλιν Grotium scripseris, rogo te significes ipsi, me Regis nomine ad ipsum scripseris; sed literas post unum alterumve diem Legato Illustrissimorum Ordinum sum daturus, οὗ οὐδὲν qui te servet. *Londini, a. d. IV. Eid. Jul. CIO IO CXIII.*

EPISTOLA DCCCCIII.

✱ JOANNI PRIDEAUX.

Vir doctissime,

1613. **N**ihil erat, quod ad te scriberem: sed quum literas isthuc exararem ad clarissimum virum, Dominum Abbotum, non potui facere, quin de eodem oleo paucis te compellarem. Utinam propius abessem! non literis tecum agerem, sed assiduus congerro tuus essem. Ita me nuper cepisti, cum isthic te primum vidi; multò magis, quum te loquentem audivi. Erant enim omnes tui sermones doctrinæ & humanitatis notis, tanquam sesamo & papavere conspersi.

Quod scripsi nuper, digressunculam meam mox ad te me missurum; fortasse tarditatem meam accusabis; aut memoriam culpabis. Noli facere, & scito me propter diuturniorem uxoris meæ moram in Galliis, necdum ausum esse oculis hominum exponere aculeatam illam scriptunculam; quæ tamen in ipso opere dudum est edita. Veritus enim sum, ne irritati crabrones molestiam aliquam ipsi exhiberent. Interim quotidie promovetur operis editio, & Dei gratiâ jam pars non pœnitenda est edita. Vale, Vir doctissime, & me semper ama. *Londini, a. d. XIV. Kalend. August. CIO IO CXIII.*

Tuus ex animo,

IS. CASAUBONUS.

Viros clarissimos, quos scis me isthic amare, nisi grave est, meis verbis salutabis; nominatim Dominum Decanum, & lectissimam ipsius uxorem; necnon Dominum Prais, cui ob novi honoris accessionem ex animo gratulor. Judæum tibi commendo.

EPISTOLA DCCCCIV.

LAURENTIO BOCHELLO.

Miraris credo, Vir doctissime, quod responsum ad literas tuas differo tamdiu; fortasse etiam, ut sit, silentium meum in deteriore partem interpretaris. Noli, obsecro, & veram cessationis meæ causam accipe. Statim ut tuas legi, constitui faciendum, ut priusquam tibi respondeam, tuum consilium serenissimo Regi significem, non enim posse me certi aliquid de re tanta tibi scribere, priusquam illud oraculum consuluerim, facili vel silente me ipse intelligis. Sperabam Regem, è cujus Aula pridem tantum eram reverfus, vel in urbem brevi rediturum, vel in unum aliquod ex illis prætoris suis, quæ habet ad urbem plura. Erat igitur mihi animus, ob id ipsum ejus Majestatem convenire, & tuam illi mentem rationesque consilii tui indicare. Sed spe meâ falsus sum, & Rex illa ipsa ex arce, in qua tum fuit, cum ego illum conveni, ad illud iter se accinxit, quod vulgò vocant Progressum Regis. Est vetus institutum hujus Regni, ut quotannis Rex æstate exeunte aliquam partem è remotioribus Regni sui locis inviset; qui mos religiosissimè ab hoc Principe servatur. Hæc causa est, cur ego neque Regiam Majestatem convenirem, neque tuis respondere hætenus potuerim. Magna verò sum percussus admiratione, cum tuas legerem. Nam

1613. video tibi, Vir optime & doctissime, ea contigisse, quæ satis arguant, quantas in patria nostra vires jam habeant *ei θεοφυῆς πατραῖαν*. O tempora! ô mores! Quod autem vir amplissimus, & omni laude dignissimus, Ludovicus Servinus, non potest ab injuria te factum testum præstare, tam novum id mihi accidit, ut nihil posset magis. Nam quæ bonis spes restat, si vir eâ dignitate, iis in Rempublicam meritis, id non potest? Uti video, malo sunt loco patriæ nostræ res & fortunæ. Hic Dei gratiâ non tantum illæ pestes possunt, ut nobis sit ab illis meruendum. Quanquam scito, ne hoc quidem Regnum ab illis Harpyis esse immune. Mira sunt, quæ de illis quotidie narrantur; & de progressu, quem singulis diebus faciunt. Sciunt quantâ sit bonitate Rex serenissimus, iccirco crescunt illis animi, & nova in dies audent. Frangat Deus immortalis scelerata illorum consilia. Cæterum si quid optares à Rege, apertius esset mihi à te significatum; exponerem tibi fide sincerâ, quid mihi de tuis postulatis videretur, & ipse quid posses sperare: nunc hoc solum tibi affirmabo, sapientissimum Regem ejusmodi Principem esse, qui bonis omnibus faveat, præcipue autem iis, quos eruditio commendat. Tuum autem propositum, de quo scripsisti, fore ipsi gratissimum, persuasum habeo. De me sic velim tibi persuadeas, ut causa tui adventus *eis ἀλλοδαπῶ* nihil potest mihi accidere molestius, ita adventu tuo nihil gratius. Si quid est quod possum, (possum autem non multum) confidas velim, nullâ re me tibi defuturum. Ipsa propositi mei cum tuo similitudo me tibi magis magisque adjunget. Quantum enim mea studia consuetudine tuâ possint adjuvari, probè intelligo. Unum non debeo prætermittere; si mores gentis, & quomodo hic vivatur, uberius scire cupias, esse isthic uxorem meam, quam potes consulere. Vale, Vir eximie, & magnum Servinum à me salvere jube. Vale iterum. *Londini, a. d. vi. Eid. August. c13 13 cxiii.*

EPISTOLA DCCCCV.

GEORGIO MICHAELI LINGELSHEMIO.

Vir nobilissime,

1613. Nihil habeo, quod ad te scribam; scribo tamen instituti tenendi causa, & ut scias nihil esse mihi jucundius, quàm per literas tecum loqui, quando præsens non possum. Scito

operis mei + partem jam tertiam esse 1613. editam, *τῇ τῷ πανελὲς θεῶς χάριτι*. Inscrui digressionem aduersus *τὸν ἀλιτῆρα* lat. in Græculum acrem, & ipso dignam. Erat animus separatim illam edere, & isthuc mittere ad has nundinas: sed quia uxor hæret adhuc in Galliis, non sum ausus irritare illos *θεοφυῆς* crabrones. Mandavi uxori iter instituenti, ut diligenter curaret quærendum inter meos libros illum Arabicum, qui ad Bibliothecam vestram pertinet: spero ipsam mandati memorem futuram. Quod si vel ea tamen de causa in Gallias mihi esset eundum, faxo, *ἐὼν τῷ θεῷ ἁπλῶς*, ut fide nihil mihi esse antiquius intelligas. Verum, ut dixi, spero uxorem id negotium curaturam; scio enim esse illi cordi, quicquid scit mihi esse. Operis editi exemplum tibi statim sum misurus, Deo volente & faciente, qui te seruet, Vir amplissime, & tuis inceptis omnibus benedicat. Vale. *Londini, a. d. v. Eid. Aug. c13 13 cxiii.*

Viris amplissimis, Plessenio & Frche-ro, officiosissimam salutem meis verbis nuncios velim.

EPISTOLA DCCCCVI.

JACOBO AUGUSTO THUANO.

Illustrissime Vir,

NOvi quod ad te scribam nihil habeo; scribo tamen, ut scias me in summis curis & occupationibus tui semper vivere memorem. Operis nostri editio Dei gratiâ postquam est inchoata, nullum diem est intermissa. Quotidie folium unum editur: ita duratura est hæc editio dies *εκατόμυς* centum & quinquaginta, plus minus. Tertia pars jam profligata est. Mirabuntur multi prolixitatem scriptionis nostræ; sed fortasse si lectione suâ, quæ scripsimus, dignati fuerint, invenient nonnulla, de quibus antè ne cogitaverant quidem. Certavimus diligentia cum homine diligentissimo. Judicio & eruditione uter superior fuerit, vos docti judicabitis. Unum spero me assecuturum, ut modestia desiderari in me non possit. Errores sic castigavimus, ut nihil esset mollius. Tunc demum pio zelo abripi nos passi sumus, cum aliquid occurrebat, quod Scripturarum majestatem labefactaret, aut gloriam Dei palam imminueret. Titulum operis Billius noster tibi, spero, ostendet. Ignosce mihi, Vir amplissime, quod tuam Dignitatem sermonibus hujusmodi detineam; nullum enim aliud jam scribendi argumentum suppetebat. Vale. Deus im-

mor-

1613. mortalis te servet *ἀποὶν καὶ ἀπήμαντον.*
Londini, a. d. v. Eid. Aug. c13 13
 CXIII.

EPISTOLA DCCCCVII.
 DAVIDI HOESCHELIO.

Vir clarissime,

1613. **S**perabam me tibi missurum brevem
 Responzionem ad calumnias *ἡ ἐξελ-
 γέντα συκοφανία & κρητός.* Diu est, cum ea
 opellâ paucarum horarum sum defun-
 ctus. Sed me tamen graves causæ * re-
 tinent, quò minus eam Responzionem
 nunc publicem: *ἡ γὰρ φιλαία σύζυγος*
 in Galliis nunc est; ut non sit consul-
 tum pestes illas irritare. Quin etiam ut
 apud te hoc arcanum habeas, te vehe-
 menter rogo. Scito autem operis su-
 cepti partem aliquam prelis jam esse
 expositam. Qui putant, me hic artem
 desuisse, & voluptatibus me dedisse, in-
 telligent, quantum eos sua opinio fe-
 fellerit: nec minus illi, qui existimant,
 totam ætatem in Grammaticis egisse
 me. Anni sunt decem, cum ego ve-
 niam petii ab Henrico Magno tale quid
 publicandi. Sed non putabat summus
 Princeps rebus suis tum id expedire.
 Utinam alia potius occasio, quàm cæ-
 des tanti Principis, libertatem mihi at-
 tulisset meas in hoc genere meditatio-
 nes publicandi! Tu, Vir doctissime,
 quid agas scire cupio. Deus immorta-
 lis te servet, ac cœptis tuis benedicat.
 Vale. *Londini, a. d. v. Eid. Aug. c13*
13 CXIII.

EPISTOLA DCCCCVIII.
 DIONYSIO GUERINO.

1613. **L**iteræ tuæ, Vir eximie, quas ante
 mensem ferè integrum accepi, ju-
 cundissimæ, ut semper, mihi acciderunt.
 Gavissus sum valere te, tuam & tuos;
 eoque nomine gratias egi Deo immor-
 tali; quem supplex veneror, ut te ser-
 vet *ἀποὶν καὶ ἀπήμαντον.* Videor mihi Lu-
 tetiæ esse, cum tuas & aliorum amico-
 rum literas lego isthinc missas. Non
 potes autem dubitare, si meos nōsti
 mores, desiderium patriæ & tot amico-
 rum, quos in patria reliqui, subinde ad
 occasiones recrudescente, & animo meo
χαλεπὰ ἄλλα infligere. *Ἀφ' ὧν, ἀξί-
 μιστος, ἀνέπιδος ἐστὶν ἐκείνῳ,* qui patriam
 non amat, aut fidelium amicorum de-
 siderio non tangitur. Mihi quidem cor-
 nea fibra non est, neque *χαλκίον ἦτορ,*
 ut Stoicorum *ἀπάθειαν* possim probare.
 Quamquam ea quotidie mihi narrantur
 de rebus patriæ, quæ meum illius deside-

rium magis ac magis in dies levent. Ne 1613.
 alia commemorem, doctrinæ parricidia-
 lis assertores, genus hominum *θεοσυφί-
 ες* plurimum isthic posse, & potentiam il-
 lorum quotidie crescere, è multorum
 sermonibus & literis nonnullorum intel-
 ligo. Gratulor igitur ipse mihi, quòd
 illa saltem non video, quæ sine dolore
 ingenti audire non possum. Constat
 mihi, pestes illas quiescere non posse.
 Habent propositum sibi scopum, cujus
 ut fiant compotes, nihil relicturi sunt
 intactum. Facile est *ἐκ χειρὸς καὶ πο-
 τῆς καὶ μέλλουσα.* Quoties venit in
 mentem concionum Gonterianarum,
 quas per illam Quadragesimam habuit
 quæ Henrici Magni cædem præcessit,
 toties contremiscunt mihi artus metu fu-
 turi. Avertat hanc pestem Deus immor-
 talis! Ex istorum grege est impudens
 ille Græculus, qui nuper librum adver-
 sus me edens, hoc inter cætera nefaria
 excogitavit, quod mihi convicii loco
 objiceret, patrem meum sententiâ ju-
 dices laqueo vitam finivisse. Refutavi
 hanc calumniam brevi scripto ante duos
 menses edito; sed quod majori infer-
 tum operi † lucem adhuc videre non †
 potest. Habent qui me amant, cur mi-
 hi gratulentur; non potuisse perditissi-
 mum nebulonem invenire, quod mihi
 exprobraret, præter convivium ita fal-
 sum, ut ne Diabolus quidem illius pa-
 ter falsius aliquid posset excogitare. In-
 gratus sim erga Deum, nisi illi gratias
 agam, eo patre esse me natum, cujus
 vita speculum est probitatis & omnium
 virtutum. Illi ego debeo quicquid in
 literis didici; sed tu, Vir optime &
 doctissime, si parentis mei vita tibi ef-
 fet nota, negares profectò dignum me,
 qui tantæ prudentiæ & sapientiæ viri-
 filius audiam. Inchoavi librum de ejus
 Vita & morte, quem si Deus dabit ab-
 solvere, facile mihi, scio, ignoscas, si
 de patris laudibus tacere non possum.
 Calumnias infandi Græculi scito à me
 sic esse confutatas, ut vereri non de-
 beam, ne post sanatum ulcus cicatrix
 maneat: verum, ut dixi, nondum ea
 scriptio lucem potest videre. Esse qui
 molestiam aliquam tibi exhibeant, non
 sine dolore è tuis didici. Sed esto bo-
 no animo, Vir optime & doctissime;
 conciliant hos tibi inimicos tua virtus,
 & quæ in te est eruditio. Oro Deum
 immortalem, ut in omnibus tuis ince-
 ptis tibi adsit, & modis omnibus te
 fortunet. Vale. *Londini, a. d. iv. Eid.*
August. c13 13 CXIII.

† Ad An-
 nales Ba-
 ronii, Exer-
 citationis
 prima se-
 ction. iv.
 pag. 37.
 & 38.

EPISTOLA DCCCCIX.

✱ JOANNI SPOTISVODO,
ARCHIEPISCOPO GLASCOENSI.*Reverendissime Domine,*

1613. **E**tsi nihil erat quod scribere te dignum, nactus tamen occasionem tam bonam, facere non potui, quin pauca hæc ad te exararem. Cupio enim Reverentiæ tuæ persuasum esse, vivere me semper tui memorem, semper cupidum inserviendi tibi, si qua in re idoneus sum qui tibi inserviam. Juvat meminisse quantum tibi debeam, qui primus aditum mihi patefecisti ad serenissimi Regis benevolentiam: numquam enim scribere ad ipsius Majestatem fuisset ausus, nisi tu me compulisses. Itaque quantum tibi debeam, ne dicere quidem possim. Faxit Deus immortalis, ut læteretur aliquando Rex optimus & sapientissimus, quod me co sit honore dignatus, ut in servorum suorum numerum me reciperet. Ego certè id ago dies noctesque, ut otii, quo nunc fruor, Dei benignitate rationem ejus Majestati possim reddere. Quàm diligenter curetur operis mei editio, narrabit amicus hic meus, qui partem illius vidit. Sed procul tamen adhuc absom à meta; quam det mihi Deus contingere. Idem te servet, reverendissime Domine, & tuis laboribus benedicat. Vale. *Londini, a. d. xvi. Kalend. Septemb. c13 13 CXIII.*

Est domi meæ juvenis Scotus magnæ spei, Jacobus Olderburnus, qui tuam Reverentiam quàm officiosissimè salutat.

EPISTOLA DCCCCX.

P E T R O J U N I O.

1613. **A**micus hic meus patriam repetens, interrogavit me, nunquid vellem? Rogavi illum, ut meis verbis plurimam tibi salutem nunciaret, tibi que ut significaret, vivere me tui memorem, petereque à Deo immortali assiduis precibus, ut te servet, tibi que ac tuis benedicat. Cujus mandati ne memoria illi excideret, pauca hæc raptim exaravi, & otio & argumento carens ad longiorem Epistolam scribendam. Quæsi sæpe à filio tuo Patricio, optimo & doctissimo juvene, quid didicisset de tuo itinere. Is mihi paucis diebus antequam iret Oxonium, confirmavit, & te & uxorem tuam *aviosus rgi ampuar-tes* in patriam rediisse. Quo nomine Deo gratias egi, & nunc ago ex ani-

mo. Ego adhuc uxorem exspecto, quæ 1613. hac longiore suâ morâ non cruciat me; sed enecat. Culpâ tamen ipsa vacat, quam non voluntas in Gallis detinet, sed negotia & minus firma valetudo. Servet illam mihi Dominus Jesus, quem supplex veneror, ut omni benedictionum genere & te, & uxorem tuam atque liberos omnes prosequatur. Vale, & festinanti calamo ignosce. *Londini, a. d. xv. Kalend. Septemb. c13 13 CXIII.*

EPISTOLA DCCCCXI.

J A C O B O A U G U S T O
T H U A N O.*Illustrissime Vir,*

Scribit ad me uxor, nullam esse aliam 1613. suæ isthic diuturnioris moræ causam, nisi quod dudum exacti semestris stipendium recipere nequeat. Quantum ejus absentia meis studiis afferat detrimentum, vel propter curam rei familiaris, vel propter tristissimam solitudinem, in qua hic versor, Rege absente & paucis illis viris doctis, quibuscum aliqua mihi intercedit consuetudo, faciliè ipse intelliges; qui non ignoras, contentionem in studiis omni prorsus amœnitate destitutam, & corporis & ingenii vires atterere, ac penitus conficere. Quò impensius à te peto, Vir amplissime, ut velis illi in tua auctoritate aliquod esse præsidium. Adjeceris prioribus tuis in me meritis cumulum longè maximum. Qui tibi has reddidit, Scotus est, adolescens cruditissimus & probissimus. Is tibi narrabit quam acerbam vitam hic agam, quod suavissimo tuæ consuetudinis fructu tamdiu mihi sit carendum. Sed Deo gratia, quod urgetur strenuè in dies editio libri, qui ancipiti huic meo statui finem, *ovv 0e3*, est impositurus. Oro Deum immortalem, Vir illustrissime, ut te servet cum scæmina primaria, Domina uxore tua, & liberis vestris. *Londini, a. d. x. Kalend. Septemb. c13 13 CXIII.*

EPISTOLA DCCCCXII.

B E N J A M I N O C A R R I E R O.

Magno cum gaudio tuas accepi, 1613. quæ mihi fuerunt heri redditæ. Quæsi veram sæpè de te, & communes amicos interrogaveram; sed certi nihil ad hanc diem discere poteram: tantum narraverat mihi reverendissimus Eliensis, ad Aquas Spadanas te esse profectum, & ibi aut in itinere morbo cor-

1613. correptum hæsisse. Ago gratias Deo immortali, quod de te ex tuis non solum certiora, sed etiam meliora cognovi. Opto celerem tibi reditum, & faustum. Legi accuratè scriptum, quod misisti, quodque ut Regi ostendam à me petis. Ego verò, Vir doctissime, voluntati tuæ hac in parte morem non geram: constat enim mihi liquidò & certò, eam scriptionem magno tuo damno cessuram, si in Regis manus illa perveniret. Optat quidem Rex serenissimus pacem Ecclesiæ, & concordiam inter dissidentes partes magno redimeret: sed nullis unquam conditionibus ejus Majestas adducetur, ut societatem cum ea Ecclesia ineat, quæ tot horrendis depravationibus deformata sibi plaudat, & dicit, *Formosa sum, neque est in me ruga*. Cogita verò, Vir præstantissime, quid hodie Romæ agatur, nisi ut per omne fraudum, scelerum, parricidiorumque genus, illa infanda Omnipotentia Papalis astruatur. Quò spectant libri ad defensionem Garneti Romæ scripti & editi? quò illi, quos Parisiensis Senatus cremavit manu carnificis? Quot impietates scelestus ille Bellarminus defendit contra Regem, & in suis aliis scriptis omnibus! Hæc tibi nota sint necesse est. Gravissimè tu quidem disputas de erroribus eorum, quos Puritanos vocant. Sed non videtur ea esse ratio adducendi Papam ad æquas conditiones, cum nostra crudelissimo tyranno mala aperimus. Ridet Phalaris; ridet, & omnia nostra brevi ruitura sibi pollicetur. Ego ex iis, quæ legi in illorum scriptis, quæ animadverti in eorum factis, persuasissimum habeo, toto cælo aberrare eos, qui aliud à Papis expectant, quam superstitionem, perfidiam, cædes, & rapinas. Moneo autem te, pro mea in te fide atque observantia, ut diligentissimè etiam atque etiam caveas, ne tuum illud scriptum in manus veniat τῶν ἀγροτέρων. Nam quia videris id moliri, ut Papæ autoritas in hoc Regno restitua-
tur, sine dubio in magnum fortunæ tuæ periculum adducerentur. Atque, ut ingenuè tibi animi mei sensum exponam, incundæ concordiæ via alia incunda est, si Deo & hominibus operam nostram probare volumus. Quis nescit sanctissimam Paparum auctoritatem dudum versam esse in horribilem tyrannidem? Jam elapsa sunt multa sæcula, cum omnes boni hoc vident, & gemunt. Unus Matthæus Paris probationi ejus rei satis superque fuerit. Nunquam ullus tyrannus crudelius sævit in viscera subditorum, ac sævitum est in

1613. miseros Anglos, quam diu illos Papæ in sua potestate habuerunt. Denique Regnum istud Papæ est, & illud Papis vindicant Bellarminus & id genus detestanda Paparum mancipia. Sed de Regno parum est, præ veritate Religionis; quam hodie retineri à Papistis dici non potest.

Ut illud autem intelligas causam habere me justam, cur tuum scriptum Regi non offeram, narrabo tibi recentem historiam, quæ ad rem cum primis facit. Pauca elapsæ sunt hebdomades, cum venit in Aulam hanc Nemauso (quæ magni nominis est urbs in Gallia Narbonensi) juvenis quidam à patre ob hoc missus, ut Regi Parænsin ad pacem in causâ Religionis ostenderet, cui erat præfixa Epistola ad ipsum Regem sanè elegans & concinna. Auctori ejus libri nomen est Cornelio: & fuit hic quondam Minister, deinde stationem deseruit, aut eâ dejectus est. Quum esset * is liber Regi traditus, ^{Alii. erat.} jussus sum illum legere, & cum primum in Aulam redirem, scopum scriptionis ejus Majestati indicare. Legi, & quod eram jussus, feci. Serenissimus verò Rex ubi cognovit per cuniculos Papæ potestatem revocari, neque reformationem necessariam institui, gravissimè indignatus, parum absuit quin miserum filium noxam patris luere juberet. Illustrissimus autem Archiepiscopus Vulcano tradendum id scriptum pronuntiavit. Et erat profectò dignissimum, in cujus † Auctorem animadverteretur; qui non potuit ignorare, quis sit Regis animus, & in negotio Religionis quid prober, quid improbet. Si tua hæc scriptio, quæ Papæ tyrannidem videtur in hoc Regnum revocare, in manus aut Regis, aut Domini Archiepiscopi veniret, suspicor illos non minus iri commotum. Habes, Vir clarissime, causam consilii mei, & cur ego morem tibi non sim gesturus. Si tamen aliter tibi visum fuerit, & hoc à me iterum petieris, obsequar voluntati tuæ potius, quam judicio meo. Deus Opt. Max. te servet. ^{† Vir doctus, qui similis argumenti Epistolam edidit in sua ad Car. Præfatione pro auctorem legit latere, & ridiculè pervertit. Vide Epist. Ded. ad Exercit. pag. 19.}
Londini, a. d. x. Kalend. Septemb. c 15
15 CXIII.

EPISTOLA DCCCCXIII.

DANIELI HEINSIO.

Vir clarissime,

Quod rarius ad te scribo, scito duabus de causis id fieri. Prior quia editione novi operis occupatus, curis obrutus & molestiis penè absorptus, vix jam sum par oneri, quum præsertim ad cætera

1613. cætera *καλῶς* accedat diuturna uxoris
abſentia, quæ in Gallus quintum jam
menſem agit. Altera ratio eſt, quia ne
tu quidem ſcribis. Nam quod valde mi-
ror, poſt reditum iſthuc & *πάλιν* Grotii
unas à te accepi literas; ego ternas ad
te miſi. Quid ſit cur frequentiores tuas
mihi invidas, divinare non poſſum,
niſi quod totum te in ſtudiis eſſe nullus
dubito. Benedicat Deus immortalis tuis
conatibus & inceptis omnibus. Sed
noli, amabò, propter nimiam in ſtu-
diis contentionem veteris amici obli-
ſci. Theophrastum tuum percurreram
his diebus, & tuas Notas avidiſſimè de-
ſiderabam. Eſi me ſtudia habent di-
verſiſſima, refero tamen oculos interdum
ad priores delicias. Quanquam ſcito,
ab annis quàm plurimis ita me
alias literas tractaſſe, ut ſemper tamen
ſacræ, & quæ ad ſacras pertinebant,
me ſibi vindicarent. Quid profecerim,
Eccleſia Dei brevi, ut ſpero, judica-
bit. Operis, quod jam ſum editurus,
pars ſerè dimidia eſt proſtigata: pro-
cul tamen adhuc abſum à meta; quam
det contingere *ὁ ἐπὶ πάντων*. qui te, Vir
clariſſime & amiciſſime, ſervet. Vale.
Londini, a. d. viii. Kalend. Septemb.
CIC IC CXIII.

Qui tibi has literas reddidit, adole-
ſcens eſt probus, amici mei cujuſdam
filius, quem tuâ amicitia velim digne-
ris. De magno Grotio diu eſt, cùm
nihil intellexi. Scripſi nuper juffu Re-
gis. Illi & Domino Baudio, niſi gra-
ve eſt, ſalutem à me nuntiabis.

EPISTOLA DCCCCXIV.

HECTORI BOURICIO.

1613. **I**Nter curas plurimas hæc ad te ſcri-
bo, Vir doctiſſime: quò minus bre-
vitatem mearum debes mirari. Cùm
plus otii naſtus fuero, ſcribam ad te
uberius, *ὅν τις ἔτι ἔτι*. Scito occupa-
tum me eſſe in operis editione, de quo
nuper ſcripſi. Jam ſerè centum folia
ſunt edita; nondum tamen ad metam
perveniri hujus primæ partis, quæ nunc
editur. Magnâ diligentia uſi ſumus,
ut iſtos, qui ſe *ἀναμαρτήτους* videri po-
ſtulant, ſuæ inſirmitatis admoneremus.
Utinam & noſtri omnes conſentirent
in deſenſione veræ doctri-næ! Quod
patres noſtri, viri maximi, ex ſumma
pietate ædificaverant, nos levitate no-
ſtrâ deſtruimus. Sed miſſum facio hunc
ſermonem, Deum venerans, ut Eccle-
ſiæ ſuæ miſereatur. Idemque te, Vir
doctiſſime, ſervet, inceptiſque tuis be-
nedicat. Vale. *Londini, a. d. iv. Non.*
Septemb. CIC IC CXIII.

EPISTOLA DCCCCXV.

JOANNI PRIDEAUX. ✕

Vir doctiſſime,

TUas accepi, te quoque meas exi- 1613.
ſtimo. Die Dominicâ Regem con-
veni, & de te ſum collocutus; qui
mihi viſus erga te benevolus. Petiit à
me, quando librum tuum eſſet viſurus.
Non dubito, quin ea res optimi & *κατα-
στάς* Regis animum tibi ſit concilia-
tura. Opto igitur prodeat quamprimum.
Mitto tibi, quæ Oxonio rever-
ſus effudi raptim in progreſſu operis
mei. Cupio tuis adjici. Atque utinam
tua poſſent hîc edi! Ego eſſem ſedulus
inſpector. Hoc dico, quia vereor, ne
Typographus, qui meum opus edit,
offendatur, ſi aliqua pars operis à ſe
editi proſtet operâ alienâ. Facio hoc
tui juris. Vale, Vir præſtantiſſime.
Londini, propriæ Kalend. Octob. CIC
IC CXIII.

De Puteano ipſe ſtatues. Omnia ejus
ſic levia ſunt, ut exſufflanda tantum
ſint. Non prætermittes, de quo mihi
conſtat, dolio vini Hiſpanici impulſum
miſellum Scriptorem, ut adverſus me
ſcriberet. Hoc facetum eſt. Scito opus
meum jam perveniſſe ad pag. ccc. ſed
procul adhuc abſum à fine. Placebit
tibi ſcio mea diligentia. Veritatem no-
ſtræ Religionis ſexcentis novis argu-
mentis confirmo, ex interioribus literis
magna ex parte petitis. Faxit Deus, ut
operis finem videam; qui te ſervet, Vir
amiciſſime.

EPISTOLA DCCCCXVI.

DANIELI HEINSIO.

Vir clariffime,

QUID acciderit, cur tam raras aut 1613.
potius nullas à te literas acci-
piam, neſcio. Ego tamen, quoties
poſſum, ſcribo; & porro ſcribam, niſi
tu non vis. Adeò *ἐπιζυμῶν* eſt meus
in te amor, ut ne ſi velim quidem, poſ-
ſim abſtinere, quin de te cogitem &
tuas deſiderem. Cupio ſcire ut valeas,
& quid jam pares. Me Exercitationes
meæ ad Cardinalis Baronii Annales
mirum in modum habent exercitum.
Jam Dei beneficio ad paginam eſt per-
ventum cccv. & procul tamen abſum
ab optata meta: ſeram te judicem, ſi-
mul ac liber erit editus. Atque utinam
prius tecum de multis *συζητῶν* licuiſſet!
Utinam viveret *ὁ μέγας τῶν παιδευμένων*
κορυφαῖος *! exigere ab eo ceras mi-
niatulas. Commovi totum agmen Loio-
lita-

* *Το-
πῆς Σα-
λζερ.*

1613. *litarum. Afinitatem τὴν παρ' αὐτοῖς δοκούντων multis locis patefecit. Noli putare me ab illis mihi metuere: πίπαθα, πίπαθα, ἐπὶ τῷ κυρίῳ qui te servet, Vir clarissime. Vale. Londini, pridie Kalend. Octob. c15 15 cxiii.*

Mortem ἔπειτα Baudii iniquissimo animo tuli. Magnam vestra Academia fecit iacturam. Legi ejus Inducias, & eo magis dolui. Si postumus illi nascitur, omnem movebo lapidem, ut illi aliquid boni procurem. Jam conveni quosdam Proceres, ut nobilissimum Sidneum, qui operam suam promissit.

EPISTOLA DCCCCXVII.

✠ HUGONI GROTIO.

Vir amplissime,

1613. **P**ostquam à nobis discessisti, unas tuarum accepi; ego ternas ad te dedi. Unæ mearum erant, quibus ad tuas respondebam conscio & jubente Rege. Quod ex illo tempore silueris, miratur Rex optimus, & sæpe ex me causam requirit. Mihi ἀγρυζία τὸ σῶμα δέδωκε, qui de tuo statu nihil intelligam. Peto à te, ut datam in discessu fidem serves. Multa haberem, quæ tecum communicarem, si vacaret. Vidi-mus librum Sibrandi * contra Vorstium, quem catenus valde probavi-mus. Allatus est ad Regem liber MS. ἀνεπίγραφος, quem Rex non dubitat à te profectum, cujus paucas paginas legi, & agnovi facile ἐκ τῶν ὀνόματι πιν λέοντος. Πάλιν αὖ καὶ πάλιν miratur Rex tua te consilia ita clam habere. Ego in operis mei editione sum dies noctes-que. Jam ad paginam perventum est cccv. & procul tamen adhuc absum à fine. Quod superest, qui hæc tibi reddidit, adolescens est eruditus, & tuarum virtutum intelligens; qui si ope-rà tuà uti voluerit, rogo te, ut ipsi ad te pateat aditus. Vale. Scripsi raptim. Londini, pridie Kalend. Octob. c15 15 cxiii.

Tui observantissimus,

IS. CASAUBONUS.

EPISTOLA DCCCCXVIII.

THOMÆ ERPENIO.

Vir doctissime,

1613. **N**isi de tua constantia in mei amore mihi constaret, suspicarer excidisse nomen meum memoriā tuā, & do-lerem. Post parentis tui adventum in hæc loca nihil à te accepi literarum, neque omnino de te quicquam intel-

lexi. Scripsi tamen aliquoties ex eo 1613. tempore. Nunc peto à te, ut mihi significes, quomodo in tuis Paraphra-sibus Arabicis aut ἑμακαρίτῃ Scaligeri sint versa hæc verba Matth. xv 1. 18. σὺ εἶ μέγας. Gravissima causa est, cur hoc à te petam. Observo Paraphrasin Romæ editam aliquando λαμπρίζαν, ut in illis verbis. Hoc me doce, quæso te, & me beaveris. Plura vellem, sed non vacat. Vale, & me ama. Lon-dini, pridie Kalend. Octob. c15 15 cxiii.

EPISTOLA DCCCCXIX.

JOANNI PRIDEAUX. ✠

Eximie Vir,

ANte paucos dies scripsi ad te, & 1613. editam in opere meo digressionem adversus Græculum nebulonem ad te misi. Spero te significaturum an illum fasciculum acceperis. Nunc longè alia mihi causa est, hæc ad te scribendi. Audio miserum Judæum ivisse se perditum, stultitiā suā nescio dicam an per-fidiā. De re nihil possum dicere, quæ mihi est ignota. Perfricabo tantum frontem, & pro meo erga literas amo-re, te rogabo ut ruentem ne impellas; neve sententiæ adversus illum asperio-ris auctor esse velis. Agnoscat Judæus obstinatus Christi mansuetudinem ex illorum clementia, qui nomen Christi profitentur. Miraberis fortasse auda-ciam meam; sed liceat mihi, Vir ἐνσέβειαν, pro eo viro pudorem apud te po-nere, quo uti mihi contigit Præcepto-re. Misceatur illius Dominus Jesus, ὁ μόνωτατος τῷ κόσμῳ Σωτήρ. Vale, & me ama. Londini, a. d. iv. Non. Octob. c15 15 cxiii.

Tui observans,

IS. CASAUBONUS.

EPISTOLA DCCCCXX.

JACOBO AUGUSTO THUANO.

Illustrissime Domine,

Non quia oblitus sim tuorum man- 1613. datorum, quæ edita sunt de meo opere, ad te non mitto; sed quia ac-cipere illa à Typographis adhuc non potui. Bilius enim quum hinc disce-deret, adeo severe denunciavit suis, ne folium ullum domo sinerent efferri, ut eo absente efficere quod petisti, quum maximè cuperem, non potuerim. Vi-debo postquam redierit, quid sim ab illo impetraturus. At tu, Vir amplis-sime,

Z z z

sime,

* Lubber-tii. Vide Grotii Epist. 19.

1613. *sime, ἀδυναμία* meam in deteriorem partem noli interpretari. Nam si rem adeo pusillam tibi denegatam à me existimaveris, non potes quin tuâ benevolentia indignum me operâ eâdem judices. Avertat à me Deus hoc infortunium, quo vix aliud majus mihi queat contingere. Narro autem tibi, vergere jam opus ad finem: ultra dimidium certe, τῆς χάρωντος ἡμέρας, est perductum. Hæc editio deliberatione difficili me liberabit, quæ animum meum tot jam annos tenet suspensum, & miris modis exercet ac cruciat. Oro Deum immortalem, ut te servet incolumem tuis atque universæ Reipublicæ. Vale, Vir illustrissime. *Londini, Eid. Octob. c. 15*
15 CXIII.

EPISTOLA DCCCCXXI.

E I D E M.

Illustrissime Domine,

1613. **Q**UOD voluntati tuæ morem non gesserim de mittendis foliis, causam reddidi nuper, & ostendi non esse id τῆς ἐπιτομῆς. Sanctè juro egisse me ea de re cum Bilio, simulac fuit à Germania reversus, studiosissimè; sed non fuit mihi exorabilis. Quin se daturum operam confirmavit, ut quamprimum opus editum in manibus omnium versaretur. Ego in eam curam dies noctesque incumbo, cupidus cognoscendi eventum, quem Deus dabit. Multa mihi in mentem veniunt, quæ me terrent, quoties cogito, in quæ tempora vivi pervenerimus. Sed me solatur conscientia mea, quum non aliquam novam doctrinam meis vigiliis iverim stabilitum aut defensum; sed cum sanctis Patribus semper sim locutus. A quibus si deflectere aliquando mihi contigit, veniâ dignus sum; imprudens enim peccavi, non certo consilio. Patres cum dico, consensum intelligo primitivæ Ecclesiæ. Non existimabo periiisse mihi fructum tot laborum, si bonorum judicia fuero promeritus. Hoc à Deo exspecto, non à viribus meis, qui sum τὸ μικρόν, & si quid est isto vilius. Tu, Vir præstantissime, brevi, αὐτῇ ἡμέρᾳ, judicabis. Interim esto mihi, obsecro te quæsoque, quod fuisti hætenus, benignus patronus; & apud Proceres, quos scis mihi nocere posse, causam meam agere perge. Bono animo esto, brevi liberabo te, volente Deo, istâ curâ; editione enim hujus operis lis illa terminabitur. Ego præter labores in studiis, molestiis conficior diversis. Uxor vix redierat, cum languere cœpit, deinde gravius agro-

tare. Accessit nuper immigratio in novas ædes, quæ studiorum meorum cursum non mediocriter retardavit. Deditamen operam ne cessarent ex ea causa operæ. De tomo Historiæ tuæ, quem nuper misisti, oblitus sum nescio quomodo gratias tibi agere. Factum verò est partim per occupationes meas, partim lentitudine compactoris, ut minus adhuc operæ in lectione posuerim: sed habeo tempus constitutum, quod illi curæ impendam. Invisit me ante paucos dies Tobias Scultetus, Silesius, qui de rebus Ungaricis & Transsylvanicis ἀπερμήματα certæ fidei se ad te missurum dicebat. Quod superest, Deum veneror, ut te servet, & omni bonorum genere cumulet. Vale, Vir amplissime, & me ama. *Londini, a. d. v. Kalend. Novemb. c. 15*
15 CXIII.

EPISTOLA DCCCCXXII.

JOANNI PRIDEAUX. ✕

Vir doctissime,

JAM receperam me ad nocturnam lucubrationem, cum tuas accepi. Non potui igitur illustrissimum Dominum Archiepiscopum adire, ut voluntatem ipsius cognoscerem super consilio tuo edendi isthuc tua. Sed non videtur dubitandum probaturam ipsius Reverentiam, quicquid Dominus Doctor ipsius frater probaverit. Quare in eo nihil puto esse moræ, quò minus voluntati huic tuæ morem geras. Gratum erit si folia miseris serenissimo Domino Regi communicanda. De Treshamio priusquam τὸ πάλιν Dominum Eliensem convenero, nihil habeo quod respondeam. Hoc scio, nihil temerè me scripisse. Sed non videtur res esse magni momenti. Versibus ab altero Græculo scriptis adversus me commodissimè opponentur versus à viro summo, Græco & Cretensi facti, Francisco Porto, quibus luculentè ostendit, quid ante annos triginta & tres de meis studiis ominaretur. Sed de his plura, volente Deo, proximâ Epistolâ; nunc enim occupatissimus sum; & nisi fallor, illi versus in fine libri tui sunt collocandi. Erit igitur otium de eâ re cogitandi. Vale, optime virorum, & me ama, atque à me saluta Dominum Doctorem Abbatem, & Dominum Decanum, cum Domino Price, viro mihi amicissimo. Judæum humanitati tuæ cum gemitu commendo. Iterum vale. *Londini, a. d. v. Kalend. Novemb. c. 15*
15 CXIII.

EPISTOLA

EPISTOLA DCCCCXXIII.

✠ H A D R I A N O * * *

*Vir clarissime,*1613. **D**Ebeo responsum ad binas tuarum.

Causa *περιμελείας* est, moles negotiorum, cui jam vix sum par. Opus meum fervet, *τῇ τῷ οὐκ χάρις*. Ipse manu meâ omnia describo, & describendo conor facere meliora. Qui *παντ* * me *τροφῶς* in hac Aula & literis *ἀπαιτῶς*, ut scribit Puteanus, parum *υἱοῦν* † ærumnas laboriosissimæ vitæ meæ. Quod si Deus immortalis huic corpusculo vires non sufficeret, diu est cum essem confectus. Prævideo quos Lectores sim habiturus; quàm paratos ad maledicendum & omnia reprehendenda, etiam ubi nihil fuerit justæ reprehensioni obnoxium. Quò diligentius caveo mihi, ne quid excidat *ἀμαρτυρίαν*. Totum opus, uti spero *ἐν τῇ Κυρίῳ*, fidem Auctoris & diligentiam præ se feret. Cæterum an aliquid præstiterim, æquorum, piorum, & eruditorum *εἶσο* ‡ judicium. Tu unus es inter primos, quem ego *καθίσω δικαστήν*. Det modo Deus finem videre. Jam paginæ ferè 500. sunt editæ; sed longè tamen adhuc absum à fine. Sed dic mihi, Grotio *τῷ πάντι* quid ego feci, cur ille post reditum suum ad vos, scribere ad me desierit. Unas ab eo ex illo tempore accepi, ego scripsi sæpius. Tu significasti nuper edi isthic libellum quemdam ipsius; quem amici dicunt huc allatum esse. Ego nescio quid sit, & mirari satis non possum. Mensis est unus aut alter, cum Rex librum MS. mihi ostendit, qui dicebatur esse ab eo scriptus. Legi parvas paginas, vel potius Regem audiui legentem. An ille sit liber, qui isthic est editus, nescio; at scire cupio. Peto à te, ut meis verbis ipsum salutes, & de ipsius silentio non magis meo quàm Regis nomine expostules. Vale, clarissime Vir, & verè *ἀντιδίδωμι ἑμὲν χάριν*. Londini, a. d. VII. Eid. Novemb. CIO IO CXIII.

Tuus toto affectu,

IS. CASAUBONUS.

EPISTOLA DCCCCXXIV.

✠ BENJAMINO CARRIERO.

Reverendissime Domine,

1613. **A**ccidit mihi ante aliquot menses, cum essem Oxonii, ut Judæum quendam ibi offenderem, adolescentem in literis Judaicis & Thalmudicis

supra fidem doctum. Vastam enim il-1613. lam molem totius doctrinæ Thalmudicæ ita habet in numerato, ut longo intervallo superet omnes quos unquam vidi Judæos. Accedit cognitio plurimarum linguarum, & in his Latinæ; quod in Judæo rarum est. Hic cum velle se fieri Christianum diceret, de sententiis virorum clarissimorum, qui illustrem illam Academiam regunt, venit Londinum unâ mecum, & apud me mensē & amplius mansit. Cum videretur seriò velle nomen Christo dare, ausus sum de illo sermonem habere apud serenissimi Regis Majestatem: commendavi etiam illum illustrissimo Præsuli, Domino Archiepiscopo, & reverendissimo Domino Eliensi; quorum uterque liberaliter admodum cum Judæo egit: atque ille sic postea discessit à me, Oxonium repetens, ut magno Baptismi desiderio videretur affici. Quod cum ego mirificè optarem, veneri tamen subit non semel, ne infelici Judæo sua doctrina cederet in perniciem: nutritus enim iis scriptis, quæ blasphemias contra Salvatorem horrendas continent, ita animi mentem dissimulare non poterat, ut non aliquam interdum metuendi occasionem mihi præberet. Ne multis Reverentiam tuam morer, eventus docuit non fuisse metum meum inanem. Oxonium reversus, & longâ simulatione usus, ubi ad rem ventum est, & dies instabat, quo erat baptizandus, repente Judæus urbe aufugit, & itineri se accinxit, ut huc veniret. Retractus à fuga, rejectus est in carcerem, ubi etiam nunc hæret, justas suæ perfidiæ pœnas pendens. Nam quòd nolit fieri Christianus, crimen legibus puniendum, opinor, hoc non est, sed tantum, quòd simulaverit. Audio tamen esse quosdam, qui justò odio accensi, dirum aliquod in miserum hominem supplicium cupiunt statui. Hæc causa est, cur alterum jam mensē in carcere hæreat sine spe dimissionis. Egi de illo cum illustrissimo & reverendissimo Archiepiscopo, qui confirmavit mihi, se daturum operam, ut ei negotio finis semel imponeretur. Sed audio esse aliquem, qui impediatur quòd minus hoc fiat. Et scribitur ad me Oxonio, periculum esse ne homo infelix fame & pœdore pereat in illo duro carcere. Ego, etsi detestor ex animo illius perfidiam, non possum tamen non aliquâ ejus tangi commiseratione, propter excellentem ipsius doctrinam; quam & Dominus Kilbuis, Regius Professor Linguae Sanctæ Oxonii, vir præstantissimus, non minus admiratur quàm ipse faciam. Habes, reverendissime

Z z z z

Do-

1613. Domine, causam hujus meæ scriptio-
nis; nam quia nulla spes meliorum af-
fulget, nisi à clementia optimi Regis,
peto à te obnixè, ut meo nomine, si
placet, ipsius Majestatem convenias, &
significes hoc unum cupere me ab illo
impetrare, ut semel tandem statuatur de
captive, & quoquomodo finis impo-
natur ejus duræ sanè captivitati. Oro,
obsecro, obtestor tuam Reverentiam,
Præful *εὐσεβέτην*, ut tuo patrocínio mi-
serum ne judices indignum. Spero il-
lam immensam Domini Regis bonita-
tem, quam in ejus Majestate etiam hos-
tes admirantur, mihi veniam daturam
hujus audaciæ, & humillimas preces
meas non aspernaturam. Ego Deum
immortalem per Jesum Christum toto
affectu veneror, ut & Regem opti-
mum, & Regiam Domum fervet incol-
lumes, ac modis omnibus bect. Vale,
& felix vive, revorendissime Domine.
Londini, a. d. 111. Eid. Novemb. c15
15 CXIII.

EPISTOLA DCCCCXXV.

DANIELI HEINSIO.

Vir clarissime,

1613. **N**Ovi probè & memini in ære tuo
esse me. Nam iis literis, quas à
te mihi reddidit doctissimus Erpenius,
respondere ad hanc diem non potui:
ita me curæ & occupationes obruunt,
quibus par non essem, nisi vires huic
corpufculo *ἀνθρώπων* sufficerentur. Opus
meum gratiâ Dei quotidie procedit: sed
multa restant tamen ad finem. Nunc
versamur in arduo argumento de Pa-
schate veteri & novo. Damus operam
assiduè, ne quid excidat nobis, quod
verè piis jure possit displicere. Osen-
demus, *ὅτι τῷ Κυρίῳ*, sententiam de
præsentia Christi in Sacramento, quam
isthic adeò quidam sunt detestati, esse
Calvini, maximi Theologorum, & om-
nium qui totam veterem Ecclesiam non
putant fuisse Antichristianam. Errores
Pontificiorum, si quis alius, ego ex
animo detestor: sed dum Charybdin
fugimus, in Scyllam incidere non de-
bemus; quod vereor ne hodie multi
faciant, quos totam Vetustatem facere
non nauci, mihi compertissimum est.
Spero, edito opere hoc, in bonorum,
doctorum & verè piorum æquitate fo-
re mihi paratum præsidium adversus
eos, qui nomen meum sine causa al-
laurant. Scio satis nullum opus jam
pridem exiisse, quod Romanensibus
fuerit magis exosum: idem tamen an
multis nostrorum futurum sit acceptum,
hoc verò ego nescio. Quicquid erit,

solabitur me conscientia mea; qui in 1613.
negotio Religionis privatam opinio-
nem foveo nullam, quod multi hodie
faciunt. Librum magni Grotii vidi, &
cum incredibili voluptate legi. Doleo
esse illi datam occasionem scribendi ad-
versus hominem in nostris partibus non
parvi nominis *. Ea res scandalo erit
multis; qui non satis attendent, quam
personam Author gerat. Scripsi ad il-
lum jussu Regis. Qui fortasse operis
hujus labore defunctus, & te, charissi-
mum mihi caput, & illum propius vi-
debo: manet enim in animo meo altè
impressa cupiditas visendi vestras regio-
nes, quæ famâ & gloriâ rerum gesta-
rum nobilissimas gentes obscurant.
Amicissimo & doctissimo Erpenio offi-
ciosam salutem meis verbis, nisi grave
est, nuntiabis. Vale, & me ama. *Lon-
dini, propriæ Eid. Novemb. c15 15*
CXIII.

EPISTOLA DCCCCXXVI.

JACOBO AUGUSTO
THUANO.*Illustrissime Vir,*

ACcepi à Meursio, quas ad te mitto. 1613.
Existimavi enim fore tibi non in-
gratam, neque fortasse inutilem ejus
Epistolæ lectionem. Ego in proposi-
to dies noctesque pergo: perventum
enim jam est ad difficillimam operis to-
tius partem, quæ est de Sacrosancta
Eucharistia. Nam de ea re agendi oc-
casionem mihi præbet is, cujus sequor
vestigia. Utinam liber illustrissimi Car-
dinalis Perronii esset editus! ingens ali-
quid de eo mihi spondeo, nisi quod
vereri subit, ne vir excellens *ὡς δὲ ἀνέστη*
Ἰησοῦς omnia defendere cogatur pari con-
tentione, ut Romæ sit acceptus. Hanc
viam qui insistent, neque doctis, ne-
que verè piis unquam satisficient. Sed
hæc aliàs, *ὅτι οὐκ*. Vale, Vir amplis-
sime, & me ama. Spero in fine hujus
anni patrocinium tuum mihi non defu-
turum, si eo fuerit mihi opus. Jam
tempus instat cum ego finem imponam
huic molestissimæ deliberationi, ubi de
opere meo judicia vestrorum Procerum
cognovero. Vale iterum, & felix vive
cum tuis quàm diutissimè. Scripsi ra-
ptim. *Londini, propriæ Eid. Novemb.*
c15 15 CXIII.

EPISTOLA DCCCCXXVII.

JOANNI MEURIO.

TUam de amplissimo Thuano Epi- 1613.
istolam, Vir clarissime, rectè ac-
cepi.

1613. cepi. Fecisti rem & utilem ipsi, & sine dubio gratam. Sæpe ille mihi narravit, quantis sibi laboribus constarent ea, quæ scripsit; neque tamen dubitare se, quin res peregrinas exponens sæpe offenderet. Ac sum ipse conscius animi candidi, quo semper excepti sunt ab illo, qui certiora ipsum vellent docere. Itaque nullus dubito, tuas ejusmodi animadversiones fore ipsi longè gratissimas. Sed Historiam tuam quando videbimus? Ego ingenti flagro cupiditate ea legendi, quæ ais scripsisse de Albano Duce. Utinam quos non puduit tam tetra & horrenda scelera admittere, pudeat saltem in tuis scriptis recognoscere! Possemus in posterum meliora de illis sperare, si semel eò Romanenses possent adduci, ut suæ immanitatis illos serio pueret & pœniteret. Sed non ita Romæ vivitur, ut sperare hoc liceat. Nos in opere suscepto pergimus; & primæ partis editionem dies ac noctes urgemus. Quid præstiterimus, verè doctorem & verè piorum erit judicium. Sed de his aliàs. Vale, Vir doctissime; & me, quod facis, ama. *Londini, pridie Eid. Novemb. c15 15 CXIII.*

EPISTOLA DCCCCXXVIII.

DANIELI HEINSIO.

Amicissime virorum,

1613. **T**Uas hodie accepi; illas dico, quibus erat adjectum Epigramma elegantissimum*. Auctorem illius quod dissimulare voluisti, frustra fuisti. Novi ego *ἡ παρὰ τὴν παρὰ* novi autem ex duplici signo, amoris erga me, & doctrinæ. Utrumque signum in te unum competit insigniter. Itaque tibi ago immortales gratias. Fatebor ingenuè ambitionem meam; nam cum Responsum Oxonii ad Cretensis librum paretur, ego tam metui ab aliorum versibus, quàm optavi tuos tacito voto. Dabo operam, ut non uno loco edantur; & quidem, ut spero, à filio secundo natum† Latine versu. Utinam possem illum tibi in disciplinam tradere! non est aspernandæ indolis. Ego autem ne corrumpatur, illum à latere meo ægrè patior discedere. Plura de eo aliàs, *οὐκ ὀκνῶ*. Meum opus crescit, ut scripsi tibi ante quinque dies. In molestissima parte jam verfor. Sed Deus aderit sæpe invocatus. An aliquid Græcè didicerim, hoc quoque opus testabitur. Quod si tu vidisses, peterem à te carmen Græcum, quod meos inimicos ad restim posset adigere. Sed nolo aliquid te laudare, quod prius non legeris. Secun-

da editio, *οὐκ ὀκνῶ*, hac accessione superbiat. Peto à te, ut Domino Erpenio, mihi charissimo viro, aurem velas de loco Matthæi, super quo ipsum consului: *Tu es Petrus, & super hanc petram* &c. Vale, clarissime Vir, & mihi dilectissime. *Londini, a. d. xiv. Kalend. Decemb. c15 15 CXIII.*

Scripsi ad Dominum Grotium ante dies quinque.

EPISTOLA DCCCCXXIX.

JOANNI PRIDEAUX. ✕

Vir amicissime,

LEgi tria jam opusculi tui folia, & le-1613. gi cum maxima voluptate. Non dubito quin totum opus sit futurum ad hoc exemplum. Volui primum folium mittere ad serenissimum Regem; sed jam hæreo num sit futurum satius, ut totum librum simul ejus Majestati offeramus: quum præsertim intra paucas hebdomadas videatur hæc editio absolvenda. Ego faciam, quod volueris. Scio gratum Regi fore nuntium, cum intelligit librum jam prælis esse subjectum; quod brevi futurum, nuper cum hic esset ejus Majestas, ipsi significavi. De Epigrammatis libero te curâ. Mittam post sex septem dies, quæ non improbabis. Habeo Francisci Porti Cretensis Epigramma, ante annos triginta & tres scriptum, quo ille jam tum judicium suum de meis studiis, longè diversum à judicio istius nebulonis, patefecit. Heri etiam accepi Heinssii acutum & elegans Epigramma in istum Cretensem. Filius etiam rude Epigramma scripsit Latine. Hæc omnia descripta accuratè tibi propediem mittentur; tuo limatissimo judicio omnia subiciantur. Vale. *In Musæo, die xviii. Novemb. c15 15 CXIII.*

Tibi obnoxius,

IS. CASAUBONUS.

Videris dicere me vertisse Strabonem; quem ego juvenis illustravi Animadversionibus: sed versio erat Xylandri, ut titulus proficitur. Polybium totum Latinum feci; ut multi etiam Pontificiis putarunt, neque infelicitè, neque inveniunt.

EPISTOLA DCCCCXXX.

E I D E M. ✕

Vir doctissime,

TRIA folia libri tui vidi: plura spero 1613. & opto jam esse edita. Rex post dies quindecim dicitur venturus; uti-

Z z z 3

nam

* Exstat
p. 75. Pœ-
mat. Da-
m. Hein-
ssii, edit.
1640.

† Merito
Casaubon-
no: vide
Joannis
Prideaux
Calligat.
pro Isauco
Casaubono,
pag. 241.

1613. nam paulò pòst te hic videamus cum libro! Eris gratus & Majestati τῆ εὐσεβεστάτης βασιλείας, & illustrissimo Domino Archiepiscopo. Versus tibi mitto; quos si editione putabis dignos, curabis, si placet, operi tuo inferendos. Epigramma τῆ μακαρίτης Porti non dubito tibi probatum iri; est enim elegans. Filius scripserat Epigramma ad αὐτὸ τὸ ἡρίον. Deinde mihi allati sunt versus doctissimi Heinssii, quos etiam non ineptâ imitatione videtur expressisse. Tu judicabis. Cùm eos legi, unum & alterum locum emendavi. Ego quicquid ipse statueris, probabo. *Londini, pridie Kalend. Decemb. c13 13 cxiii.*

EPISTOLA DCCCCXXXI.

JACOBO AUGUSTO
THUANO.*Illustrissime Vir,*

1613. **N**OVISSIMÈ cùm ad te literas dedi, adjunxi meis Epistolam quandam Meursii, scriptam quidem ad me; sed quæ tota erat de tua Historia. An meas illas acceperis, & binas priores, nescio. Nunc pauca hæc ad te exaravi, ut significarem Amplitudini tuæ, editionem operis mei aliquantò tardius quàm putabam absolutum iri. Nam & jam scriptis nonnulla quotidie inter describendum addimus, & operæ, etsi illæ quidem non cessant, segnius tamen pergunt quàm ut incitata cupiditati meæ faciant satis. Circa novi anni Kalendas purabam me hac curâ liberandum. Vereor ne trahatur editio ad natalem meum, qui est xv 111. dies Februarii in anno Gregoriano. Hoc autem propterea ad te scribo, Vir amplissime, ut tu re cognitâ apud illustrissimum Dominum Cancellarium me, nisi grave est, excuses. Nam ego ante duos menses quando ad illum scripsi, spem feci absolvendæ hujus editionis ante præsentis anni exitum. Sic tum optabam & sperabam; nunc opto quidem, sed non spero: nolim autem tam illustris dignitatis virum vanitatis me arcessere, quasi dictis meis fides parum constaret. Sed non te fugit, quid sit, libros edere. Ego autem, quod præfiscinè dictum sit, adeò paratus ad hujus argumenti tractationem accessi, ut exhaurire adversaria mea si volucro, ante annos aliquot non possim manum de tabula. Sed benè est; quæstiones ferè omnes maxime arduas jam τῇ χάριτι & οἱ expedivimus; quæ restant adeò multa non sunt prætermittenda. Spero autem, illustrissime Vir, faciliè te, quâ auctoritate es, à Domino Cancellario & cæteris Proce-

ribus Regii Consilii impetraturum, ne 1613. prius quàm hoc opus isthic visum illis fuerit, secius aliquid de meo negotio velint decernere. Mihi secundum τὴν ὑπὲρ ἡµῶν spes omnes in tua benevolentia & benignitate sunt repositæ. Oro veneratorque Deum immortalem, ut quàm diutissimè te servet ἀνίστανται καὶ ἀνέμωσαν. Vale, Vir maxime, seculi decus. *Londini, Non. Decemb. c13 13 cxiii.*

Hæc scripseram, & penè jam Domino Legato tradideram, cùm adfertur Epistola tua sub finem Novembris scripta. Videtur una tantum Epistola mea tibi fuisse reddita ab uxoris reditu: ego dedi plus quàm quatuor. Ut breviter tuis respondeam, de B. affecit me tua sollicitudo pia, atque ego ex animo mea vota tuis adjungo. Accepi à quodam ex ejus domesticis, etiam tum quando rationis usum videbatur amississe, quædam esse ab eo edita pietatis signa, ac tandem à Domino Jesu ventam delictorum petiisse; quod magna cum voluptate mea audiui. Video te magnâ cupiditate teneri opus meum vendendi. Utinam de singulis tecum possem communicare! Sed hæc inania jam vota sunt. Egi cum Bilio, ut liceret partem ad te mittere, quod impetrare ab eo non potui. Quod poteram unum μετὰ δεύτερον πλὴν, schedas quasdam ad te mitto manu alienâ scriptas, in quibus videbis primam ἱστογραφίαν primorum capitum: sed memineris multa esse facta meliora, cùm describerem omnia manu meâ. Ego tantâ diligentia usum sum, ut totum opus bis aut ter descripserim ἰδίᾳ χειρὶ: quædam etiam quater. Sequor καὶ πῶς Baronium: nihil prætermitto, quod videatur reprehensione justâ dignum: quædam illius confirmo; plura reprehendo; & eâ occasione infinitas observationes nostras τῆς ἀρχαιολογίας ἐκκλησιαστικῆς proferimus in lucem. Postquam ventum ad annum Baronio xxx 1 v. & Cœnam Ultimam τῆς κυρίας ἐκ ἀνθρώπων πολιτευμένης, data est occasio doctrinæ veteris Ecclesiasticæ super S. Eucharistia pluribus explicandi. Si à veteris Ecclesiæ sententia abiero, ignoscat mihi bonus Jesus ὁ σωτὴρ. Sed verè dicere possum, ingentes labores sustinuisse me, & summâ usum diligentia à multis annis, ut quid crediderit Ecclesia vetus, cognoscerem. Baronius disputationem illam orditur ab explicatione nominum ejus divini Sacramenti. Hic mihi faciliè fuit rebus ipsis probare διπλὴν ὅτι τὰς μαθόντας γεύμασται. Itaque omnia S. Eucharistiæ nomina, quæ legeram in S. Patrum scriptis, dum recensceo, penè justum libellum confeci. Mirabuntur multi nostram diligentiam: sed

1613. sed Deo sit laus, quòd memoriam meam accusare nondum possum. Veniunt in memoriam quotidie quæ legi ante decem, viginti, aut etiam triginta annos. Inde illa ingens *ὄλγ* in hoc argumento. Sed dolet mihi, quòd multa legerem in vestra Bibliotheca, quæ imprudens in adversaria mea non retuli: itaque illorum desideriis mirificè crucior. In ea disputatione de nominibus Eucharistiæ unum est caput de nomine *Mysterium*. Observavi singularem Patrum prudentiam, qui Paganorum multa instituta ad pios usus retulerunt. Ego non nego, posteriorum culpâ multa mala inde provenisse; sed piorum illorum veterum factum mordicè defendo exemplo Pauli. Ea comparatio continet comparisonem rituum paganorum in suis mysteriis, & rituum Christianorum in sacramentis. Videbis miram similitudinem. Utinam partem saltem illam possem ad te mittere! Sed omnia expertus, frustra fui. Casu hæserunt in manibus meis duo folia ad caput illud pertinentia, quæ tibi mitto. Oro te atque obsecro & obtestor, ut præter te nemo illa videat, qui non sit tibi notissimus. Bellarminus in istis chartis reprehenditur; quod puto licere, modò fiat modestè. Dico tibi, Vir illustrissime, in aurem, ut nemo audiat: longo usu didici, istos disputatores hodiernos in veræ Antiquitatis notitia pueros esse; in Græcis Patribus *ὡς πρὸς λόγαν* in sola defensione anticipatarum sententiarum verè esse quinquæquestiones *ἀμφιδέξις*. Sed hæc aliàs, & utinam *τοῦτα πρὸς τόμα* brevi! Faxit *ὁ ἐκράνιστος* πᾶσι. Deus immortalis te & tuos servet, & præstet *τὴν ἀληθινὴν ἐντυχίαν ἐντυχῆναι*. Vale, Vir illustrissime.

EPISTOLA DCCCCXXXII.

E I D E M.

Illustrissime Vir,

1613. **M**ensis jam, opinor, exactus est, ex quo tradidi Domino d'Armet, qui Dominum Legatum cognatione contingit, & apud illum habitat, fasciculum satis grandem tibi mittendum; quem acceperis nec ne, mea plurimum interest scire. Inerant folia quædam operis nostri, & ejus principium manu exaratum, quatenus edita folia nullâ arte potui nancisci. Inerant etiam literæ ad unum è tuis, quem rogabam, ut meo nomine vellet recipere semestrc stipendium meum jam exactum. Eâ fine adjeceram duas membranas, ambas manu meâ subscriptas, ab illo implendas (erant enim vacuæ, solum nomen meum

in imo continentes) & pro apochis tradendas. Oblitus sum à tergo scribere, ut moris esse audio, in quem finem illis membranæ nomen apposuissem meum. Itaque si, ut sæpe fit, in alienas manus devenerit ille fasciculus, in quanto periculo fortunæ meæ versentur vides. Peto igitur à te, Vir amplissime, ut quamprimum, nisi grave est, mihi significes, fuerintne eæ literæ meæ probè curatæ, annon. Si, ut spero & opto, in tuas manus fasciculus pervenerit, salva res est, & ego feliciorem me quàm prudentiorem jure prædicavero: sed non indigni sunt viri studiis dediti, (ego autem literas à juventute semper amavi unicè) qui ejusmodi culpas condonentur. Auget sollicitudinem meam, quòd Dominus d'Armet, cùm illi meas traderem, indicavit cursorem, cui illas esset traditurus, partem duntaxat itineris fore confecturum; deinde alii nescio cui omnia, quæ acceperat traditurum, & hunc item alii. Cogito igitur fieri facile posse, ut meus fasciculus aliquo casu interveniente ad te non perveniat: *ὁ μὴ γίνετο ἂν ἔσται οὕτως διδόναι*. Narro tibi, opus meum brevi isthic futurum, propitio Numine. Baronius in digressione de S. Eucharistia tractat tria capita. Varia nomina ejus divini Sacramenti, doctrinam de Transsubstantiatione, & de sacrificio. Responderam accuratissimè ad hæc tria capita. Sed ubi edita fuit responsio ad primum caput, Billius animadvertens, si reliqua ejus argumenti ederentur, librum ad nundinas proximas non deferendum, egit mecum, ut quæ restabant ejus disputationis impræsentiarum omitterem, separatim mox editurus. Ego etsi ægrè sum adductus ut morem illi gererem, cupiditate tamen flagrans brevi cognoscendi quid me sit futurum, manus dedi. Nunc igitur in cæteris pergimus, & nisi Natalicia festa, quæ diebus plurimis hic agitantur, impedimento fuerint, ante finem Januarii totum opus fore editum speramus. Restabunt Præfatio & Indices; sed ea mora, ut spero, non est futura longa. Hoc volui nescius ne esses. Vale, Vir amplissime. *Londini, a. d. vi. Kalend. Januar. c13 13 cxiv.*

EPISTOLA DCCCCXXXIII.

HUGONI GROTIIO.

Vir maxime,

1614. **S**cripseram hodie ad te, & judicium de illustrissimorum Ordinum Edicto, quâ Regis, quâ Domini Archiepiscopi aliorumque Præsulorum tibi significaveram,

1614. ram; cum post confectum & traditum fasciculum tuas accepi, x i i i. huius mensis datas. Respondebo ad eam Epistolam accuratius post dies paucos, οὐδὲν οὐδ' αὐτῶν. Quanquam fortasse ubi priores meas legeris, aliam responsionem non moraberis. Mirè enim illius Majestati placuit illustrissimorum Ordinum consilium; ipsa quoque formula omnibus hinc probata, præter admodum pauca, de quibus eà libertate ad te scripsi, quam postulabat fides mea. Tuum erit omnia benignè interpretari, & operam dare, ut ne alii quidem mea aliter accipiant. Quod me hortaris ut isthuc veniam, vellem id fieri posset. Et quidem multa sunt, quæ me hortantur, ut recreandi animi causâ profectioem aliquò suscipiam. Accidit enim mihi post absolutum opus nuper editum, ut Ilias quædam diverforum morborum in meum corpusculum faceret impetum. Atque ego non decumbo quidem jam, τῇ δὲ παναρίστῃ οὐδ' χάριν· sed liberatus tamen non sum. Majernius noster, ὁ πάνυ ἰατρὸς, aquas Spadanas mihi fore iudicat utilissimas. Sed mihi nullâ ratione unquam persuadebitur, ut ad illas thermas velim proficisci; terret enim me gens illa Ἰουδαίῃς, quam nôsti esse mihi valde amicam. Peto igitur à te, ut mihi significes, sitne urbs in ditione illustrissimorum Ordinum non adeò remota à tractu Leodicensi, ubi possim aquis uti, eò allatis. Id si posse fieri intellexero, scito me nullâ interpositâ morâ, εἰ τῷ οὐδ' εἴ βέλονται καὶ τῷ βασιλεῖ, isthuc statim cursum directurum. Cupio rescribas mihi, quamprimum fieri poterit: illud magis, ut me ames, & ut valeas, καὶ ὑγιαίνῃς ἀσπλῆς. Londini, die xx. Januar. ex veteri Kalendario, ἀπὸ τῆς ἐνσάρκας Θεοφανείας τῆς μενεαίνουσας Σατῆρος, c i o i o c x i v. Ignosces, spero, festinationi meæ.

EPISTOLA DCCCCXXXIV.

JACOBO AUGUSTO
THUANO.

Amplissime Vir,

1614. A ccepi nudius quintus, quas ad me dedisti novissimas. Fuerat mihi plures ob causas earum expectatio aliquantò longior; eò majore lætitiâ incessimus ego atque uxor, postquam illæ sunt mihi redditæ. Video nondum excidisse ex animo illustrissimi Domini Cancellarii nominis mei memoriam. Quod si tibi uni secundum τὴν μέγαν Θεὸν acceptum non ferrem, ingratus essem bipedum. At non adeò malè agitur nobiscum, ut si facultate destituimur, (& planè de-

stituimur,) tot ingentia beneficia referendi, quibus me tibi æternum tenes obstrictum, voluntate saltem atque adeò cupiditate deficiamus ingenuè apud omnes profitendi, tua in me esse merita majora, quàm ut sperare debeam, alieno hoc ære fore me unquam liberandum. Hoc ego ut agnosco sincerè ἐξ ἀκέρῃ μνηστῆρος ψυχῆς, ita libenter, pro eo ac debeo, & ingenuè apud omnes profiteor. Et si autem major tibi suppetit facultas præclarè merendi de me ac meis, quàm sit mihi verborum copia ad gratias tibi agendum; spero tamen amplissimam Dignitatem tuam mihi condonaturam, quòd rudi scriptione hac necessario officio apud te defungar. Deus immortalis, qui charitatem veram à verè suis ἐν τοῖς αὐτῷ λόγοις exigit, rependat tibi, ὁ δὲ πρᾶσιν δὲ dulce decus meum, καὶ ἐν τῇ παρόντι αἰνῶνι καὶ ἐν τῇ μέλλουσῃ pro tot & tantis, quæ in me ac meos contulisti beneficiis, bonorum suorum ac benedictionum omne genus. Postquam tuas legi, quibus spem facis continuandæ in hunc annum pensionis, dubitavi an scriberem ad illustrissimum virum, Dominum Cancellarium, cujus unius ope atque auctoritate reculas meas isthic stare nullus dubito. Sed tanti Proceris occupationes reveritus, differendum ad illud tempus duxi, quo exemplum operis mei ad ipsius Amplitudinem sum misurus. Non falli te à me vanis dictis, cum id brevi futurum polliceor, fidem faciet folium, quod mitto. Miratus sum præscribere te mihi tempus isthuc veniendi ante Pascha. Mihi consilium erat, postquam exemplaria isthuc misissem, paululum expectare ut judicia hominum per te, nisi grave est, cognoscerem. De hoc igitur velim cogites; fortasse opere inspecto intelliges, non absurdum σέμμεν proponere me tibi. Ipse igitur statues, & me amabis. Jesus Christus tibi & domui tuæ pergat benedicere. Londini, a. d. vi. Kalend. Februar. c i o i o c x i v.

Virum nobilem, Dominum Cottonum vidi, qui te ex animo salutat. Ostendit mihi quæ scripserat; sed addidit, serenissimum Regem me velle alloqui, & jubere ut nescio quid tibi significem. Utinam de his & aliis rebus brevi possimus τόμα πρὸς τόμα, non per literas interpretes. Det mihi Deus illum diem videre!

EPISTOLA

EPISTOLÆ.

EPISTOLA DCCCCXXXV.
GEORGIO MICHAELI
LINGELSHEMIO.

Vir nobilissime,

1614. **I**psa mearum ad te raritas potest tibi indicio esse, non cessare me, & opus institutum seriò urgere. Sed narro tibi, editionem primæ partis meæ Responsionis esse jam penitus absolutam, si excipias Indices & Præfationes, quæ futuræ sunt uberiores, &, ut spero, bonis & piis lectu non injucundæ. Vides quantoperè superbiant ei ex præfationibus de istis Annalibus, & de eorum Authore. Puta te visurum, Deo propitio, anathomem hominis, in qua & virtutes & vitia ob oculos præponentur. Pudebit fortasse istos, qui pro sano tantopere sunt admirati corpus tot tantisque ἰλαστικόν βρῦον. Sed tuum esto judicium, Vir doctissime καὶ ἰουσιώτατι. Vale, & me ama. Viris amplissimis, Plessenio & Frehero, nisi grave est, multam à me salutem. *Londini, a. d. iv. Kalend. Februar. c15 15 CXIV.*

Audebone, Vir amplissime, te orare, ut, quas mitto, Turlacum cures perferendas? Audebo, & spero te facturum.

EPISTOLA DCCCCXXXVI.
DANIELI HEINSIO.

Vir clarissime,

1614. **C**onfido accepisse te eam Epistolam *, quæ egisse tibi gratias memini de Epigrammate venustissimo, quod misisti. Scito id statim esse editum in fine libri, quem Doctor Prideaux scripsit contra Cretensem nebulonem. Adjecta est versio, sive potius imitatio filii mei Merici, qui jam pridem gestit sese in disciplinam tibi tradere. Me, ne illum à me dimittam, triste fratris exemplum † deterret. Eum librum unà cum opere meo brevi, διδοῖν & Θεῶ, ad te misurus sum. Restant duntaxat Indices & Præfationes; quæ futuræ sunt aliquantò uberiores, &, ut spero, piis hominibus gratæ. Expectabo judicium tuum, & aliorum qui isthuc sunt & ἀγαθὰ καὶ κάμματα. Tu verò, Musarum decus unicum, ecquid jam agis? Nos senescimus, & ingenium ἔτι ἀκμαζόν, Dei beneficio, corpus habet admodum caducum, cui multa mala Medici denuntiant. γενήθη δὲ τὸ γένημα & Θεῶ, & πάλαι. Sed de his brevi plura, uti spero. Vale, & me ama, qui te fra-

* Vide supra, n. 918.
† Joan-
nes enim
Cassan-
dri, Merici
frater, ab-
iuravit in
Gallia re-
formationem
Religio-
nem, &
ad Romam
eiam trans-
iit.

tris & præceptoris loco habeo. *Lon- 1614.
dini, propriæ Kalend. Februar. c15
15 CXIV.*

EPISTOLA DCCCCXXXVII.
JOANNI MEURSIO.

Quas misisti ad me Notas in Histo- 1614.
riam τῶ πάλυ Thuani, Vir clarissi-
me, cum ipso statim communicavi, te,
uti spero, non nolente. Respondit vir
optimus & amplissimus, magnas se tibi
habere & agere gratias, petereque à te,
ut quod inceperas, perficeres, nisi gra-
ve esset: quod ego etiam summis præ-
cibus à te contendo. Opus, quod sub
prelo habui, jam Dei gratiā ad umbili-
cum est perductum. Utinam bonorum
expectationi is liber satisfaciat! Dedi
certè operam, ut cupiditatem meam
adjuvandæ Ecclesiæ Dei pro mea virili
declararem. Tu, Vir doctissime, quid
agis? non quiescere enim te, illud scio:
Oro Deum immortalem, ut studiis tuis
& conatibus magis magisque in dies be-
nedicat. Vale, & me ama. Scripsi ra-
ptim. *Londini, propriæ Kalend. Fe-
bruar. c15 15 CXIV.*

EPISTOLA DCCCCXXXVIII.
THOMÆ ERPENIO.

Mirabar, ut rectè conjicis, tuum si- 1614.
lentium; gravemque ea super re
querelam instituissem adversus te, nisi
occupationes meæ ejus rei facultatem
mihi eripuissent. Nunc ipsum tuas ac-
cepi, quibus sine ulla vel levissima mo-
ra hoc responsum dedi. Ago tibi gra-
tias immortales, quod meæ petitionis
rationem habuisti. Utinam prius reseis-
sem de tua versione! nam paullo aliter
locutus essem de Romana editione,
quæ mihi visa ῥωμαϊζεν illo loco. De
Historia Arabica Patriarchæ Alexan-
driæ, te obsecro, obtestor, & adjuro,
ut vel ipsam, vel ejus specimen des pu-
blico. Non dubito fore opus Ecclesiæ
Dei utile, & bonis gratum. Scito opus
meum esse absolutum, καὶ χάριτι & Θεῶ.
Restant Præfationes paullo uberiores,
quas spero piis fore non ingratas. Des-
tinatum est tibi unum exemplar, sed
nondum opus prostackit. Proverbiorum
editionem à te esse curatam lætor. Oro
Deum immortalem, ut te servet quàm
diutissimè, & tuis inceptis benedicat.
Vale. Uxor te ex animo salutatur. *Lon-
dini, propriæ Kalend. Februar. c15
15 CXIV.*

Quas hisce adjunxi, velim diligenter
cures, nisi grave est.

A a a a

EPISTOLÆ.

EPISTOLA DCCCCXXXIX.

HUGONI GROTIO.

1614. **B**inis tuis, quas simul accepi, aliàs plusculum nactus otii pluribus respondebo. Nunc duo tantum volo significare. Munus Savilianum probè curatum est: atque ego illi ipsi in manus proprias tradidi. Hoc spero te ex ipsius literis cogniturum. Operis mei pars prima jam edita est; solique supersunt Indices cum Præfationibus, qui impediant, quò minus exemplar unum ad te mittam. Brevi, *ὅν θες ἡπῶν*, scito id futurum. Si quæras quæ me post absolutam illam editionem curæ sint habituræ? respondeo, ne mihi id quidem notum esse; adeò me curæ diversæ agitant. Sed de his aliàs plura, uti spero. Interim vale, & me ama. *Londini, pridie Kalend. Februar. c15 15 cxiv.*

Regi nunc rusticanti tuas non ostendi: videbo quid sit opus factò.

EPISTOLA DCCCCXL.

N. N.

1614. **A**ccepi ante paucos dies, quas ad me dederas pro pridie Kalend. Februar. Ego pridie fasciculum literarum ad te mittendum Domino Legato dederam. Ac quoniam fuisse illum tibi redditum confido, non tenebo te pluribus. Absolutum esse opus meum nuper significavi; sed propter varias curas ad scribenda Prolegomena animum applicare nondum potui. Editum opus statim ad te mittam, ut per te, nisi grave est, sciam quid mihi sit opus factò. Vidi his diebus Coiferelli vastum opus. Laudo diligentiam; fidem desidero. Eò videlicet totum opus spectat, ut jugum Romani Pontificis imponatur Regibus. Tuetur facta Paparum tam mala quàm bona; rapinas illorum, quæ omnem fidem, omnia exempla superant, aut dissimulat, aut excusat. In uno Gregorio IX. quàm multa pervertit! Matthæum Parisiensem accusat. Esto: sed quòd ait corruptum ab Hæreticis, qui ediderunt; mihi constat ipsum, & ante ipsum, Baronium & Bellarminum impudentissimè mentitos esse. Habeo nunc in Musæo meo ipsum exemplar, quod ille Monachus suæ Abbatix dederat, quodque nunc servatur in Regis Bibliotheca. Legi etiam in Bibliotheca Cottoniana ejusdem libros de Vita Abbatum S. Albani. Ibi quoque eadem querelæ de fraudibus, sceleribus & rapinis inexplicabilibus Paparum. Idem Cottonus habet brevem

Historiam ejusdem Matthæi, ubi acrius 1614. invehitur in Romanam tyrannidem quàm in editis. Atque hæc omnia in membranis scripta ejus ætatis, quâ ipse vixit, aut circiter. Quæ igitur impudentia est, aut flagitia Paparum excusare, aut Protestantes falsi accusare! Hæc non tacebuntur in Prolegomenis. Si veritas odium paritura est, agnosco factum illius. Sed moror te. Vale, Vir clarissime, & vive felix. Jam mihi animus totus est in Galliis, propter conceptam spem de profectioe ad vos, *ὅν θες*, brevi instituenda. Ita velim, ita faxint superi. Vale iterum. *Londini, xvii. Februar. c15 15 cxiv.*

EPISTOLA DCCCCXLI.

N. N.

IT ad vos Bilius, ille ipse Typogra- 1614. phus, qui librum meum curavit edendum; neque tamen ullum ejus exemplar ad vos defert. Causa est, quia etsi liber ipse est absolutus, Prolegomena tamen casu quodam mensum ipsum tardata, nondum planè ad finem sunt perducta: de editione loquor; nam in me, gratiâ Dei viventis, nulla fuit mora. Unum adhuc restat folium edendum; nihil amplius. Ea res faciet, ut ea exemplaria, quæ Francofurtum sunt missa, sine Prolegomenis vaneant. Scripsi Epistolam ad Regem, sermonibus quibusdam ejus Majestatis invitatus, in qua tracto illam quæstionem; *An fuerit opus reformatione.* Ego fuisse opus contendo; & quia illam non præstabat, qui ait se habere plenitudinem potestatis, pertendo factum esse divinitus, ut quidam existerent, qui illam inchoarent. Non laudo præcisè hanc aut illam reformationem; illos graviter accuso, qui negant ullâ opus esse, quique in Antiquitate modica acquiescentes, veram omnibus machinis eunt extinctum. Ea Epistola quia crassis characteribus est edita, excrevit in magnum numerum paginarum; quam tamen illustrissimus Archiepiscopus quum legisset, breviorē dixit sibi videri quàm optasset. Baronium & in hac, & in Prolegomenis ad Lectorem ita descripsi, ut neque falsas ei laudes tribuerem, neque veris detraherem. Simul ac Rex librum suum acceperit, omnia tentabo, ut unum Domino Cancellario, unum Domino Cardinali Perronio, & si possum, tertium Vicquio mittam. Postquam tuum judicium cognovero, dabo operam, ut si ita tibi videtur, me itineri accingam. In Epistola ad Regem habetur historia mei in Angliam ad-

1614. adventus & moræ ad tempus concessæ verè exposita. Deus immortalis te servet. *Londini, a. d. 111. Non. Mart. c13 13 CXIV.*

EPISTOLA DCCCCXLII.
GEORGIO MICHAELI
LINGELSHEMIO.

Vir nobilissime,

1614. **T**Andem gratiâ Dei perducta est ad umbilicum pars prima operis magni mei. Habes duo exemplaria, quæ jussi tradi vel clarissimo Grutero, vel alicui mercatori Heidelbergensi, ut unum tibi servares, pignus observantiæ meæ erga te, alterum, si placer, mitteres ad Dominum Buwinckhausen, tibi scio probè notum. Non potui ad illum nunc scribere, neque ad ullum ferè alium amicorum meorum. Et vides quâ festinatione hæc parem. Spero opus non fore bonis ingratum. Scito deesse Prolegomena ad Lectorem, in quibus *γραφικότητα* describitur Baronijs. Illa quoque scio te libenter lecturum. Sunt autem etiam illa edita uno aut altero folio excepto. Sed moror te. Vale, & me ama. *Londini, Non. Mart. c13 13 CXIV.*

EPISTOLA DCCCCXLIII.
DAVIDI HOESCHELIO.

1614. **S**alve, charissime Hoescheli. Mirari sæpe subiit, quod nihil à te literarum tot mensibus accepi: ne proximis quidem nundinis Francofurdienſibus quicquam literarum à te mihi est allatum. Cogitanti igitur mihi humanos casus, sæpe venit in mentem metuere, ne gravis aliquis te morbus occupasset, *ὃ μὴ γίνετο, μὴ δ' ἔστι.* Accipe operis mei partem, quæ est edita. Prolegomena tantum desunt, quæ nondum planè erant edita. Lege, judica, me ama, mone & doce. *Londini, Non. Mart. c13 13 CXIV.*

EPISTOLA DCCCCXLIV.
DANIELI HEINSIO.

Vir clarissime,

1614. **N**uper scripsi, opus meum esse Dei gratiâ ad umbilicum perductum. Sola tum erant Prolegomena, quæ publicationem illius impediabant. Ea verò tandem scito esse absoluta, meque post diem tertium mercatori isthuc noto, Domino Bursamach, tria exemplaria traditurum isthuc curanda; unum tibi, alterum Grotio, tertium Erpenio. Non

potui citius hoc præstare; vix enim dies 1614. sunt elapsi quatuor aut quinque, ex quo ultimum folium est impressum. Itaque ne *ὁ πᾶν* quidem Eliensis habet à me exemplar. Scito esse allatum ad Regem serenissimum scriptum Scioppii adversus ejus Majestatem & adversus me, planè furiosum. Mihi objicit lenocinium, stuprum, adulterium, furtum; uxori longè castissimæ adulterium; patri optimo, similia scelera. Fingit quæ nunquam sunt facta: adjicit personarum & locorum circumstantias, ne quid desit ad probabilitatem. Ego, volente Deo, simul ac liber erit Francofurto allatus, respondebo seriò & accuratè. Hoc volui nescius ne esses. Vale, & si me amas, *μένειν ἀπὸ τῆς κατὰ τὸ ἀλάτῃ.* Scripsi raptim. *Londini, Eid. Mart. c13 13 CXIV.*

EPISTOLA DCCCCXLV.
JOANNI PRIDEAUX. ✕

Non morabor te pluribus: tantum 1614. dicam absolutam esse per hos dies editionem libri mei; cujus mitto ad te unum exemplar, & amoris *ἐν ἀγάπῃ* pignus, & ut tuo monitu proficiam, siquid observaveris, quod egeat correctionis. Sincerè hoc dico; nihil gratius facere amici mihi possunt, quàm si in mea scripta severam exerçant censuram. A te autem eò impensius hoc officium exigo, quia notum habeo quid valeas ipse præstare. Adde quòd estimatio tua ita est cum mea conjuncta, ut videatur unà periclitura; postquam meum patrociniū adeò animosè suscepisti, ut vix ipse queam causam animosius agere. Utinam rebus ipsis testatum facere queam hoc genere officii quantopere me tibi devinxis! Sed scito, surgere jam mihi majus opus. Nam pater meus, qui dicebatur laqueo vitam finiisse, nunc Scioppio dicitur non periisse quidem *δι' ἀγχόνος*, sed in adulterio deprehensum Lausanæ (quò pater nunquam pedem intulit) pecuniâ supplicium redemisse. Ego, uxor, & omnes mei postulamus lenocinii, furri, adulterii, & cujus non criminis? Quin adduntur nomina locorum, & personarum, ne quid ad probabilitatem desit. Miraris hoc? imò illud potius mirare, quòd cum Rege serenissimo non multò melius agitur. Liber manu exaratus ad Regem est missus. Ubi prodierit, videbis accuratissimam Responsionem, *ὅτι δίδωρ* qui te servet. Vale. *Londini, a. d. xv. Kalend. April. c13 13 CXIV.*

Tui observans,

IS. CASAUBONUS.

A a a a 2

EPISTOLA

EPISTOLA DCCCCXLVI.

✱ ISAACO CASAUBONO
THOMAS ERPENIUS.

1614. **E**Cce tandem, Vir clarissime, typis Raphelengianis, non Lebeanis, ut futurum putabas, excusum libellum nostrum Proverbiorum; quem ut hilari excipias vultu, non necesse habeo multis te orare: scio enim, quanto jam diu ejus tangaris desiderio, & quam crebrò ad editionem ejus, ut quid in eo præstiterim intellexisti, imò vidisti, tum coram, tum per literas me sis hortatus. Tuum nunc erit adversus invidos & libellum & me defendere; tuà enim ille solius auctoritate in lucem prodit; tuo solius hortatu atque suasu ego rudis adhuc pictor Veneri ab Apelle inchoata manum admove-re sum ausus. Petieram à te non ita pridem per literas, ut primo quoque tempore certio-rem me faceres, an per te mihi liceret quasdam tuas in tria quatuorve Proverbia annotationes, quas in exemplari tuo inveneram, iisdem adjicere: verum cum nihil responderes, (nec certè poteras, periisse enim in via literas meas, postea intellexi) præsumque me urgeret, absque venia tua, eas suis locis, commo-
modo publico motus, inserui, quod ut ne egre feras, per Musas Orientales nostramque amicitiam te oro & obtestor. Statueram huic libello Proverbia aliquot alia multò elegantissima, è variis Arabum scriptis à me collecta, adjicere; verum cum quantitatem eorum tantam esse nunc animadvertam, ut magnum per se volumen constituent, neque otii mihi satis ad ea adornanda suppetat, malo in tempus aliud editionem eorum differre; visurus inserim, an conatus nostri (quod equidem sperare vix audeo) aliis eque atque tibi grati sint futuri. Vale, Vir clarissime, & ERPENIUM tuum amare perge. Lugduni Batavorum, Kalend. Mart. anni à nato Messia, CIO IO CXIV.

EPISTOLA DCCCCXLVII.

✱ THOMÆ ERPENIO.

1614. **D**Ecumbebam in lectulo jam per aliquot dies κλινίης è morbo, cum munus tuum aureum mihi est allatum. Gavissus sum esse à te perfectum adeò feliciter, quod ante aliquot annos quum scrip-
sissetem te effecturum, multi non crediderunt posse à te præstari. Liberasti eadem operà fidem meam, & decus tibi apud verè eruditos immortale peperisti. Mihi in primis illud placuit

(percurri enim statim, licet πύρρην) 1614. quod magnum Scaligerum sæpè errantem sic revocasti in viam, ut nihil propterea ejus existimationi sit decessurum. Fecisti quod virum bonum decebat, & doctum. Perge, eruditissime Erpeni, Spartam, quam ἡδίστη nactus es, ornare; neque dubita adfuturum tuis conatibus Deum immortalem, & tuis ingentibus laboribus præmia ἀμείβειν, quæ fortasse ab hominibus sperare non potes οἷον τὸν βροτῶν διο, olim cumulatè esse repensurum. Quod voluisti opus elegantissimum in publicum prodire meo nomini inscriptum, ago tibi eo nomine & habeo grates gratissimas, quantas possum, maximas: sed quomodo ego me erga te præbebo non ingratum? hoc mihi postea seriò cogitandum erit. Interim tibi mitto pignus sinceri & magni amoris, operis nuper à me editi exemplar. Videbis non defuisse nobis animum defendendæ veræ pietatis. An aliquid præstiterimus operæ pretium, ipse æstimabis, Vir doctissime, & nos amabis. Vale, & sic hæc lege, ut in lecto scripta à febricitante. Itaque clarissimis viris, Grotio & Heinsio, scribere non potui. Tu me excusabis, & exemplaria illis curabis. Meus ἀδελφὸς Chabanæus tibi notus, est nunc isthic; quem scis mihi esse charissimum, planè ut filium, propter pietatem, & multiplicem virtutem. Cupio illum à te amari. Vale iterum. Londini, a. d. VII. Kalend. April. CIO IO CXIV.

EPISTOLA DCCCCXLVIII.

N. N.

NEscio an sim tandem adeptus, quam 1614. frustra optavi tamdiu, occasionem mittendi ad amplissimum Thuanum unum exemplar operis mei, & alterum illustrissimo Domino Cancellario. Quàm non segnis fuerim, ut possem hoc præstare, scit amplissimus Legatus Gallicus. Tandem oblata est opportunitas, de qua nihil cogitabamus. Nam uxor Gordonii isthuc proficiscens obtulit Legato, deinde meæ uxori operam suam in deferendis illis duobus exemplaribus. Adjeceram alia duo offerenda Cardinali Perronio, & Vicquio, sed fasciculus evasit major quàm ut posset nunc curari. Spero Biliū brevi Lutetiam exemplaria missurum, quibus aliquot adjiciam, οὐδὲν οἷον, isthic dividenda amicis. Ubi opus meum acceperis, spero fore te promissi memorem & liberè expositurum, quæ futura isthic judices de eo & ejus auctore judicet. Quanquam mihi quidem videtur non dubitandum, quin

1614. quin hostes Dei & Regum sibi semper similes sint futuri. Impium & abominandum esse clamitabunt quicquid cum Satânica ipsorum doctrina non congruit. Hi si, ut fama est, Regem & Reginam habent in potestate, certus sum ipsorum bonâ gratiâ locum me obtinere nullum posse: *id.* Non hoc miraturus sum tanquam rem novam; omnium sæculorum experientia verbum vetus confirmavit: *Veritas odium parit.* Improbitas autem istorum *ἡγετυγῶν* quò sit provecta, omnes vident. Exspectabo tamen tuas. Vale, & me ama. *Londini, a. d. v. Kalend. April. c15 15 CXIV.*

EPISTOLA DCCCCXLIX.

✠ Ἰ Σ Α Α Κ Ο Κ Α Σ Α Τ Β Ο Ν Ι Ο Σ
Α Ν Δ Ρ Ε Α Δ Ο Υ Ν Α Ι Γ Ω,
ἀνδρὶ σοφωτάτῳ χαίρειν ἐν Κυρίῳ.

1614. Πολλὰ ἔχον σοὶ γράφειν, ὃ προσφιλίστην Δυναί, πρὸς τὰ Πλατωνικὰ ῥήματα, τὰ ὑπὲρ σε περὶ ληξάντη, καὶ πρὸς Διόφωρον σημασιῶν ἀντί, ἐμοὶ εἶμαι δὲ καὶ σοὶ πτηνῶν. Τούτῳ τὸν ἔργον, ἐπὶ τῷ σῶματι, ἐμοὶ κακῶς ἔχοντι, ἅδε πρὸς τὴν ψυχῇ, μάλιστα δὲ τὴν Διόφωρον, καλῶς ἔχον. Συνέβη γάρ ἐμοι, πληρωθέντι τῷ κατὰ Βαρωνίαν συγγράμματι, πύραν λαβεῖν πολλῶν ἀδυνάτων, αἱ ἀδύνατοι ἐσκήψασαι, καὶ μόνον ἐμὲ ἀλλὰ καὶ τὰς ἐμὰς ἰατρὰς, ἐμοὶ φίλοις ἐν ταῖς μάλισσιν, καὶ τὴν ἀντὶν τέχνην εἰς ἄκρον ἰληλακότας, πρὸς τοὺς περὶ μετὰ τοὺς ἰατροὺς εἰς τὴν πλεονήθειαν. Καὶ ἐν αὐτῶν λιθίαν ὑπονοῶσιν ἐν δὲ καὶ διαβήτην ἀπειλῶσιν, σπανίαν μὲν νόσον, ἀλλ' ἐπικρατοῦ, καὶ ἐκείνου. Πρὸς δὲ ταῖς καὶ βηχὶ συνεχῆ, καὶ ἡδὴ πολυχρονία παλαιώσῃ, πρὸς τὴν θύρακα καὶ πνεύμονα κακῶς διατηρήσῃ. Ταῦτα ἡμεῖς, πρῶτα Δυναί, ἀπελαύομεν, ἐν τῇ πρὸς ὁ τῶν ἰατρῶν λόγῳ σφίδρα τούτο διαχυρίζομεν, τὸ ἄντι τὴν παιδείαν ἀσκήσῃ. Ἐγὼ δὲ πολλὰς ἀν' ἡμέρας ἀντὶ τῆς ἀντιμιᾶς βίᾳ ἄσμεν, εὐλόγη. Χωρὶς γὰρ φιλοσοφίας ἀργῶντι πρὸς ὁ βίᾳ ἀδύνατον ἡμεῖς τῷ, καὶ τῷ, καὶ πᾶσι, τὸ τῷ ἐπεράνῃ Πατρὶς ἡμεῖς. Ἰδοὶ δὲ ἀρίστων ἐμοὶ ἐχέτω τὴν σὴν πρὸς Πλάτωνα διεθυσιν. καὶ μοι γὰρ τὸ ἀντιμικτὸν μέριον ἐκ τῆς τῷ σοφῷ ῥήματων ἐκπληκτικῆς. ἐτυχεν ἂν παρ' ἐμοὶ καὶ ἡ καὶ ἡμεῖς ἐν τῇ μαθητικῇ. καλῶς δὲ καὶ τῷ φιλοσόφῳ ἐνδεῖαν ἀντὶ τῆς ὁπίσθεν. ἐν καὶ ἅδε τούτο πᾶν ὡς ἀποδοκιμάζον χρεὼν. Ἀλλὰ πρὸς τῶν ῥαίσας ἐν τῷ μνηστικῷ Σωτῆρι ἡμεῖς Χριστῷ εἰς βελομένην, ἀλλὰ πλεονῶν πρὸς τὴν σὴν ἀντιμικτῆρα μέλλω γράφειν. Ἐγὼ σοὶ φίλῃ Δυναί, καὶ ἐν ἡμεῖς ἐμὰς πρὸς φίλων διατίθει. Ἐν Λονδίῳ, μεσσηντὶ Ἀπριλίῳ τῇ πεντήκῃ, ὅτι τὸ ἐκασκώσας τῷ Θεανδρῶν, καὶ ἡ δ.

EPISTOLA DCCCCCL.

GEORGIO MICHAELI LINGELSHEMIO.

Vir nobilissime,

NOvissimas tuas, quibus erant ad-1614. junctæ veteris amici mei Samuelis Bernardi literæ, nuper accepi. Petieram ab ipso consilium, deberemne Principi, cui inservit, operis mei exemplar unum mittere. Non ita pridem ipse ab eo acceperam Colloquii Gonterriani * narrationem, jussu Principis, * Scilicet, ut agebat, ad me missam. Volui igitur quasi vices rependere: sed jam deest mihi facultas librum in eam rem paratum isthuc mittendi. Puto pervenisse ad manus tuas destinatum tibi exemplar. Itaque judicium tuum expecto, judicium dico, & acrem, si me amas, & mea dignaris tuâ lectione, censuram. Scio quàm sit facile in tam gravi argumento errare & labi. Ego autem, cisi delectatus semper sum illis literis, ad scribendum tamen de eo argumento nunc primum accedo. Summa voti mei in suscipienda ea scriptione fuit, ut quasi decimam studiorum meorum Deo immortalis persolverem. Olim venerandus parens meus, cum ego illi Notas in Diogenem offerrem, & de meis inceptis ad rem literariam promovendam multa juvenili more narrarem; respondit mihi, laudare se quidem propositum meum, καὶ τὸν πρὸς τὴν μαθητικὴν ὁρμὴν. cæterum pluris se vel unicam observationem facturum ad Libros Sacros pertinentem, quàm illa omnia, quorum spem illi feceram. Hæsit animo meo penitus infixa viri optimi vox illa; semperque ex illo tempore θύα μελιτῶν sum conatus. Quod si editione hujus operis piorum judicia sum promeritus, magnas Deo immortalis gratias sum acturus, & horam fatalem animo æquissimo sum expectaturus. Deinceps verò, quæ me studia sint habitura, incertum habeo. Patria me repetit, nisi brevi rediero, graves inimicitias mihi denuncians. Ego liberis meis hic prospicere, commodis privatus, quæ hætenus è Gallia percepi, non possum. Jubet quidem me Rex serenissimus & ἐνισχύειτῳ bono esse animo; sed meministi Homerici Oraculi:

Αἰδῶς σὲν ἀγαθὴν κεχρημένον ἀνδρὶ παρῖναι.

Ego autem, si quis mortalium, frontem infirmam habeo; quo ingenio qui sunt, & in Aulis versantur, næ illi hæredes non multum juvant. In patriam

A a a a 3

fi

1614. si rediero, Polybianum scilicet Commentarium adornabo, *Οὐδὲ δὲ λανθάνω* sin me providentia divina hic detinebit, & faverit coeptis *ὁ Σωτὴρ*, in examinandis Annalibus Baronianis me exercebo. Est animus formam veteris Ecclesiæ, quā internam, quā externam, positis affectibus, quod pauci fecerunt, accuratissimè explicare. Vides animi mei æstum, & consiliorum τὸ ἀπρόν. Sed expediet me, spero, ex his difficultatibus *ὁ μέγας ἐν ἡμεῖς θεός*, cuius unius est *ἐν τῶν ἀπέρην πόρην ὑπερβαίνειν*. Eum veneror ut te servet, Vir amicissime. Viris amplissimis, Plessenio & Frehero, officiosissimam salutem velim à me nuncies. Vale. *Londini, a. d. 111. Eid. April. CIO IO CXIV.*

Cum voles ad me literas mittere, pecto à te, ut ad virum illum honestum eas dirigas, qui negotia serenissimi Electoris * in hac Aula gerit: nam ad quem tuas bis misisti, hominum operatur, qui grandem pecuniam pro singulis exemplis à me exigunt. De effigie optimi virorum Bongarsii habeo magnas gratias. Nescio quam bene habeat inscriptio Epistolæ, quam scribo ad Dominum Marchionem Badensem. Te rogo, ut videas, an nil sit reprehensione dignum, potiusque ut Epistolam remittas, quàm deferendam cures, si quid in ea parte sit peccatum; de quo moneri à te cupio. Iterum vale.

EPISTOLA DCCCCLI.

JACOBO AUGUSTO THUANO.

1614. Ante hebdomadas quatuor liber meus tandem prodiit, cuius exemplar unum Domino Legato quum offerrem, obnixè cum rogavi, ut aliquam mihi rationem indicaret mittendi isthuc aliquot exemplaria. Sed accidit paulò post, ut amicus quidam meus significaret mihi, navim quandam Rothomagensis in portu esse, quæ post unum aut alterum diem oram esset solutura. Dedi igitur huic fasciculum satis grandem, ubi plura erant exemplaria, Rothomago isthuc curanda, & tibi tradenda. Interim Dominus Legatus memor petitionis meæ, cognito uxorem Domini Gordonii Lutetiam iter instituere, egit cum ipsa, ut duo saltem exemplaria vellet deferre. Quod non gravatè illa se præstituram quum recepisset, meque ejus rei certiore fecisset, jussi statim duos libros ad eam deferri, obnixèque eam rogavi, ut eam me curâ liberaret. Decimus quintus

hic jam agitur dies, ex quo ipsa Londino est profecta. Itaque licet ventus adversus per dies multos flavit, quia tamen medii quidam intervenerunt, quibus institui navigatio isthuc non incommodè poterat, confidebam voti hujus me factum esse jam compotem. Accepi tamen hodie, Dominam Gordoniam hæere adhuc in portu, non quia trajicere non possit in Galliam; sed quia Diepam, quò appellere omnino constituit, per ventos, qui jamdudum obtrinent, petere non potest. Habes, Vir amplissime, causam longioris istius moræ. Mea quidem culpa hic nulla est, nulla cessatio; qui defunctus molestissimo labore, magno emissem quàm primùm posse cognoscere, quo loco posthac res meæ isthic sint futuræ. Spero ubi illa duo exemplaria acceperis, quorum alterum cupio tradi Domino Cancellario, tuum judicium fore te mihi significaturum. Ego interim quantum per valetudinem licet, Animadversiones meas in Athenarum recensco, & de bonis literis pro mea virili mereri benè conor. Vale, Vir amplissime, & nisi grave est, scribe. *Londini, a. d. 111. Eid. April. CIO IO CXIV.*

EPISTOLA DCCCCLII.

* * * * *

† Forte, illustrissimus Princeps, Marchioni Badenensi: de quo supra. Epist. DCCCCI.

✕

Serenissime Princeps,

Multum doleo illustrissimæ Celsitudini tuæ, quæ veram historiarum isthic gestarum ab audacissimo Sophistarum, mihi dignata est communicare. Accepi enim ante menses aliquot brevem narrationem de instituto in Aula tua Colloquio † à Samuele Bernardo, vetere amico meo; jussu tuo, ut ajebat, ad me missam. Narraverat etiam mihi prius Rex Magnæ Britanniae Jesuiticum illum furorem Sedano suæ Majestati nuntiatum; sed initium rei, progressum & finem, id scriptum primò nos docuit, quo à Celsitudine tua fuit missum. Nuper verò eruditissimi Wegelini ‡ librum, quo Gonterianæ fraudes accuratè exponuntur, idem Bernardus ad me misit, & ab illustrissima Celsitudine tua salutem mihi dixit. Optarem equidem, magne Princeps, dari mihi aliquam occasiōnem testificandi quantum me tibi eo nomine debere agnoscam; darem operam pro meo virili, ut humile obsequium meum tibi probarem. Meretur singularis illa pietas pari prudentiâ juncta, quarum specimen insigne in eo negotio nuper dedisti, ut omnes Deum timentes & purioris Religionis aman-

† Vide supra. Epist. DCCCCI.

‡ Hic Thomas Wegelinus fuit Argen- tinae Professor Theolog. Meruit a. 1619. V. Pauli Freberi Theat. Viror. eruditiss.

1614. amantes omni cultu & observantiâ tuam Celsitudinem submissio animo prosequantur. Ego verò præ cæteris habeo quod gaudeam, Thraſonem illum, quem sine ulla causa multi hodie faciunt tanti, eo vecordiæ devenisse, ut suæ amentix tam insigne ederet documentum. Hic enim est ille novus Goliath, * qui ante annos hinc decem Henrico Magno, Mæcenati meo, ausus est polliceri, triduo se effecturum, ut ego fierem Christianus. Sic enim locutus est ille bambalio, quasi Christianus non esset quicumque Romanum Pontificem pro Deo terreno reformidat habere. Rideret affatim, & simul indignaretur serio tua illustris Celsitudo, si narrare illi aggredider, quibus artibus, quove genere argumentorum & iste, & alii ex eadem schola mecum egerint, ut me scilicet in Ecclesiam introducerent. Ego verò non parum debere me & illi pyrgopolinici, & similibus sophistis, agnosco non invitus. Quando verè affirmare possum, nunquam me ab eorum colloquio, aut lectione librorum ab istis scriptorum recessisse non confirmationem. Horret animus eorum meminisse, quæ vel ex ore ipsorum audiui, vel in scriptis legi. Quoniam autem nihil impotentius jactant hodie veritatis hostes quàm doctrinæ suæ antiquitatem & consensum cum primæ Ecclesiæ Doctores, ausus sum nuper veræ Antiquitatis patrocinium suscipere adversus novitatem, quæ falsò iis dicitur Antiquitas. Scit tua Celsitudo, quantum operæ positum sit à Cardinale Baronio, ut probaret omnia Ecclesiæ Romanæ instituta, quæ vocantur in dubium, esse antiquissima. Huic respondere, & Annales illius examinare aggressi sumus, Rege maximo inceptum nostrum comprobante, atque adeò stimulos addente. Jam Dei beneficio pars prima operis nostri edita est, cuius exemplar unum illustrissimæ Celsitudini tuæ destinavi, atque adeò paratum habeo isthuc mittendum, ubi primum dabit se opportunitas. Missum esset cum iis libris, qui Francofurtum sunt delati, si fuisset tum opus absolutum. Sed omnia illius missa exemplaria parte non poenitendâ deficiuntur. Causa, quam defendo, est causa communis omnium Protestantium. Itaque sperare ausus sum, rem me facturum tuæ Celsitudini non ingratam, Princeps serenissime, si exemplum unum ipsi mitterem. Cupio id accipi ceu pignus certum submissæ observantiæ meæ. Ego interim Deum immortalem precibus venerabor, ut illustrissimam Celsitudinem tuam, & quicquid illi charum;

* Fortè,
Perronius
Cardina-
lis, de quo
vide Epist.
Gallic. ad
Scaliger.
pag. 352.
419.

præsertim Dominum juniorem Principem, filium ipsius (non sine admiratione virtutum, quibus excellit, hic aliquando mihi visum) protegat, servet, ac magis magisque in dies bonorum omnium genere cumulet. *Londini, pridie Eid. April. CIO IO CXIV.*

*Illustrissimæ Celsitudinis vestre
sincerus & humilis cultor,
IS. CASAUBONUS.*

EPISTOLA DCCCCLIII.
HUGONI GROTIIO.

Vir præstantissime,

Soleo mirari silentium nostrum, cuius culpam tunc sustineas an ego, nondum constitui. Memini anno, cum tu hic eras, quàm longè aliter futurum uterque nostrum speraverit, atque alter alteri simus polliciti. Ego non sum mihi conscius neglecti hæc in parte officii, ita ut omnibus tuis non responderim. Respondi enim profectò omnibus, & quidem tuis novissimis non semel. Tu an meas semper acceperis nescio, & cupio scire te significante. Nuper verò, simul ac opus nostrum publicam lucem vidit, unum ad te misi exemplar, memor & officii & datæ fidei. Eram tunc temporis æger & κλινῆς ex quo factum, ut neque ad te, neque ad τὸ πένυ Heinſium scribere potuerim. Confido eruditissimum Erpenium, cui misi aliquot exemplaria, & scripsi etiam in lecto, unum eorum tibi, uti rogaveram, deferendum curasse. Nunc scilicet expeto, quid tu, quid vestri Theologi sis judicaturi. Omnibus placere me non posse, satis novi: si bonis placuero, hoc est, orthodoxæ & piæ Antiquitatis amantibus, non luisse me operam putabo: τὰ το μὲν εἰς θεὸν ἐν γένεσι κῆται καὶ κείδον. Vale, Vir ἐν θυμῷ περὶ φιλοῦσαι. Habeo nonnulla, de quibus tecum libenter garrirem; sed jam tempus non est. Iterum vale, & me ama. *Londini, a. d. 1x. Kalend. Maj. CIO IO CXIV.*

EPISTOLA DCCCCLIV.
JOANNI MEURSIO.

Responsum ad novissimas tuarum, 1614.
Vir clarissime, citius accepisses, si per valetudinem meam licuisset mihi literis scribendis dare operam. Miror queri te, quòd nullas ab amplissimo Thuano acceperis, videris enim existimare, te, quando tuas eruditissimas Notas misisti, aliquam ad Thuanum Epi-

1614. Epistolam adjecisse, cui ipse non responderit. Tu verò, Vir eximie, si ita persuades tibi, in errore versaris. Nam ego tunc temporis unas duntaxat literas accepi; illas nimirum ipsas, quæ tuas observationes continebant, quæque ego ad Thuanum misi. Si alias ipse scripseras, scito eas mihi non fuisse redditas; ac propterea Thuano de illis nihil unquam fuisse compertum. An postulara illa tua, quorum in postrema Epistola meministi, continerentur ea, quam ad Thuanum ipse misi, pro certo non possum affirmare: puto tamen, nihil eorum in illis literis tuis me legisse. Egit verò mecum ipse magno studio, ut tibi gratias agerem; & quàm gratum hoc tuum inligne officium sibi fuerit, prolixè exponerem. Certus sum, te nihil ab ipso petiturum, quod non statim sis impetraturus,

Εἰ δυνατόν, καὶ εἰ περισσύνει.

Vale, Vir clarissime, καὶ ὑγιαίνει. *Londini, a. d. 1x. Kalend. Maj. CIO IO CXIV.*

EPISTOLA DCCCCLV.

JOANNI POLYANDRO.

1614. **D**u est, Vir clarissime, cùm ad te scribere gestiebat animus: nam qui sæpe multos multa præclara de tua singulari pietate, pari eruditione juncta, audissem prædicare, optabam non eà duntaxat conjunctione animorum, quæ pios omnes ubivis locorum positos invicem conciliet; sed illà etiam arctiore amicitia, quæ literarum commercio fovetur, tibi conjungi. Accedebat alia etiam causa: cogitans enim unum è filiis meis studiorum causâ isthuc mittere, precibus multis volui à te contendere, ut si fieri posset, in tuam domum illum admitteres; ut in ea velut in asylo quodam tutus esset à fanaticis opinionibus, quas audio isthuc impune grassari. Hæc cogitanti mihi allata est tua Epistola, quæ per hanc urbem diu jactata, ecce tandem pervenit quò mittebatur. Gaudeo, Vir doctissime, esse tibi datam occasionem antevertendi cunstationem meam. Posthæc si ita tibi videbitur, mutuâ scriptione hoc officium diligenter colemus. Ego, si per curas quibus obrui, & morbum gravissimum licuisset, post tuas accepras horam unam responsionem non distulisssem. Scripsi nuper decumbens è morbo ad singularem amicum meum Thomam Erpenium, ut meum silentium apud te excusaret. Si

vitam Deus Opt. Max. concesserit, da-
bo deinceps operam ut intelligas, eas
amicitias facere me plurimi, quas olim
Genevæ cum piis viris contraxi. De
posthuma filiola τῆ μακαρίτη Baudii
tantum scio, quantum ipse mihi indi-
casti: nam à clarissimo Heinsio à mul-
tis mensibus literarum nihil accepi. Ve-
lim credas, & matri infantis meis ver-
bis seriò confirmes, si qua detur occa-
sio commodis inserviendi vel matris,
vel filia, paratum illi fore studium, of-
ficium, operam & laborem meum. Vi-
deat qua in re possim illi esse utilis, &
quod facere me volet, factum putet,
εἰ δυνατόν, καὶ εἰ περισσύνει. Filii
mei * missionem ad vos Regis serenissi-
mi voluntas retardavit; cui placuit, ut
in Academia Oxoniensi aliquamdiu
maneret, priusquam transmarinas Aca-
demias adiret. Nihil dum tamen certò
constitutum est. Vale, Vir clarissime,
& me ama. *Londini, a. d. 1x. Kalend.
Maj. CIO IO CXIV.*

EPISTOLA DCCCCLVI.

SIBRANDO LUBBERTO. ✕

NOn dubito mirari te, Vir clarissi-
me, cessationem meam; qui no-
vissimis tuarum nullum adhuc respon-
sum dederim. Quod ut parum comi-
ter factum videri possit, ne ipse qui-
dem abnuam; ita nullà culpā meā eve-
nisse, verè possu affirmare. Initio
cùm tuas accepi, statim respondere
constitueram; sed tantà variarum cura-
rum mole obrui mihi tum contigit, ut
præstare, quod optabam, non potue-
rim. Occupationes illas gravissimus
morbus excepit, qui me lecto affixum
aliquandiu tenuit. Et si autem ne nunc
quidem difficili hoc morbo sum libera-
tus, differre tamen diutius nolui, quin
tibi significarem, quanto cum animi
dolore tuam postremam Epistolam le-
gerem. Video crescere in Ecclesiis ve-
stris jurgia, & contentiones. Video
ipsum Magistratum venire in partes.
Vereor igitur, ne ea res majoribus mo-
tibus occasionem præbeat, nisi ὁ μέγας
ἐν ἡρανὸς Θεὸς, καὶ ὁ Σωτὴρ ἡμῶν ἐκ τῶν
ἀπὸρων πόρον invenerit. Tibi privatim
quasi necessitatem esse impositam scri-
bendæ Apologiæ, ex animo doleo.
Spero tamen eam te, pro tua pietate
& prudentia, æquitatem esse adhibitu-
rum; eaque in scribendo moderatione
esse usurum, ut aliis sis futurus exem-
plo. Feceris quod te dignum est, hoc
est, eo viro, quem propter rerum di-
vinarum peritiam, & tot exantlatos ad
veritatis cœlestis defensionem labores,
omnes

1614. omnes boni pique viri dudum unice colunt & observant. Ego in his, Vir *ὑποτάκτοι*, qui Deum supplex veneror, te servet omniaque tua consilia ad nominis sui gloriam & Ecclesiæ ædificationem ut dirigat. Vale, & me ama. *Londini, a. d. ix. Kalend. Maj. c15 15 CXIV.*

EPISTOLA DCCCCLVII.

✠ THOMÆ ERPENIO.

1614. **M**ensis jam ferè præterit, ex quo agrotanti mihi & *κλινῆρι* tuum excellens munus est ab affine tuo allatum. Rogavi statim illum, ut quatuor exemplaria operis mei Baroniani curaret ad te deferenda. Conatus etiam sum pauca tibi scribere, & pro immortalis beneficio, quo me affecisti, gratias tibi agere. Sed noli, amabo, gratum animum meum æstimare ex iis, quæ *πρότερον*, & lecto afflictus tum scripsi. Ego verò tantum me tibi eo nomine debere sentio, quantum ne nunc quidem verbis possum exprimere. Toto morbi mei tempore fuit mihi in manibus dies noctesque tuus liber. Quantum autem putas tu me gaudere, quod fidem meam liberaveris, idque tam insigniter! Non te fugit, esse quosdam Luteriæ sciolos, qui exorienti gloriæ tuæ *τῶν κακοηθείας ἐμφύτων* invidentes, me vanitatis & *φλυαρίας* accusabant, quasi ea scripsissem, quæ vires tuas superarent, quæque nunquam essent futura. Istis hominibus tua editio erit *ἀλγυδὸν ὀφθαλμῶν*, & quod ipsi non possunt præstare, id ab alio præstari, & quidem adeo feliciter & doctè, iniquissimo ferent animo. Tu verò, amicissime Erpeni, lætare iis bonis, quibus te Deus immortalis manu adeo liberali ornavit. Oro illum supplex, ut longam tibi largiatur vitam, & tuis studiis magis magisque in dies benedicat. Vale, & si quid tuâ causâ possim, impera. Uxor ex animo te salutat. Ipse parenti tuo venerando, quem hic vidi, salutem à me, si placet, nunciabis. *Londini, a. d. ix. Kalend. Maj. c15 15 CXIX.*

EPISTOLA DCCCCLVIII.

HUGONI GROTIO.

Vir amplissime,

1614. **A**ccepi hoc ipso ferè momento, quas die vigesimo hujus mensis ad me dederas. Respondebo accuratè & *λεπτόν, οὐν θεῶν*, ad omnia, de quibus scripsisti, ubi prius missam à te char-

tam cum Rege serenissimo & nonnullis ex ordine Episcoporum communicavero. Tuas ad Dominum Overalum ipse illi deferam hodie, & de vestro negotio consilium ipsius exquiram. Scito autem ipsum non esse jam Decanum Paulinum, sed Episcopum Lichfeldensem, quâ dignitate ante mentem ab optimo Rege est ornatus. Sed, ut sunt res humanæ, hanc accessionem honoris parum ipsi lætam reddidit sive *λαβίας*, sive alius non dissimilis generis morbus, quo eo ipse ferè die est correptus, quo dignitatem est adeptus. Efficiam si potero, ut ipse ad te scribat, aut si id minus possum, sententiam ipsius planissimè tibi exponam. Ego statim fasciculo tuo aperto Edictum Illustrissimorum Ordinum legi, & in eo unum aut alterum locum notavi, quos optassem paullo aliter esse conceptos. Sed expectabo sententiam aliorum; deinde omnia, quæ vel ipse observavero, vel ab aliis intellexero, diligenter tibi perscribam. Interim propositum Illustrissimorum Ordinum satis laudare non possum, qui curiosis ingeniis hoc Edicto sibilam eunt impositum. Benedicat Jesus Christus ipsorum inceptis omnibus! Mihi quidem dudum persuasissimum est, inter gravissima sæculi nostri mala esse, immoderatam hominum cupiditatem penetrandi in arcana Dei consilia, etiam ultra ea, quæ æterna Sapientia nobis revelavit in Scripturis. Vetus Ecclesia firmiter credidit, multa esse in Religione Christiana *μυστήρια*, de quibus silere satius esset, præsertim apud plebem, quàm subtiliter disputare. Scripsi multa nuper de illa Veterum opinione, cum exponerem, cur Sacramenta dicantur mysteria; quod argumentum quum tractarem, & simul veniret in mentem hodiernarum controversiarum, non abstinui quin aliquid ea de re dicerem. Vide, si liber, paginæ 564. initium: puto enim tandem accepisse te exemplar tibi destinatum, quod ante mentem ad D. Erpenium misi. Atque ego cum tuas legerem, miratus sum, cum librum nondum tibi fuisse redditum; nam mensis præterit, ex quo affini D. Erpenii fasciculus ille est traditus. Volui Illustrissimis Ordinibus unum exemplar mittere, pignus humilis observantiæ; sed prius te consulto opus esse judicavi. Præfatio continet defensionem Reformationis; argumentum omnibus Protestantibus commune: pergam in proposito, si autor mihi fueris, non aliter. Illud verò etiam impensius à te peto, ut quid Theologi vestri de meo illo opere judicent, facias

1614. **C**ias me certiozem. Equidem doceri cupio meliora, si quis isthic est, qui velit me docere; eâ tamen lege, ut contraria fidei Ecclesiæ primitivæ credere non compellar. Confido ejusdem mecum esse te sententiæ: quò magis te oro obsecroque, ut tuas miniatulas ceras mihi ne inideas. Vale, Vir clarissime & amicissime. *Londini, a. d. vi. Kalend. Maj. c15 15 cxiv.*

Uxor ex animo te salutat. Expectabo responsum tuum ad has literas.

Tui observantissimus,

IS. CASAUBONUS.

Inscriptio.

Amplissimo, clarissimoque Viro,
D. HUGONI GROTIUS, JC.
& Civitatis Roterodamensis Syndico,
amico observando.

ROTTERDAMUM.

EPISTOLA DCCCCLIX.

JACOBO AUGUSTO
THUANO.

1614. **E**A quotidie de rebus Gallicis nobis nuntiantur, quæ magnâ bonos omnes sollicitudine afficiant, me verò consiliorum meorum rationem mutare cogant. Constitueram edito meo libro patriam invisere, & è re nata cum amicis *πρὸς τὸ μέγα* consilium capere. Nunc si vera sunt, quæ vulgò jaçantur, non cundi in Gallias; sed fugiendi è Galliis quàm longissimè videtur esse tempus. Expecto tamen literas tuas, ex quibus nunc cum maximè consiliorum omnium meorum summa pendet. An isthuc Domini Gordonii uxor pervenerit nescio, ac vehementer doleo, meliorem hactenus defuisse mihi occasionem librum meum tibi mittendi. Dedi illi unum exemplar tibi tradendum, quod an acceperis, cupio ex tuis cognoscere. Quæro quotidie rationem aliquam plura exemplaria amicis isthuc mittendi; nam Bilius nescio quibus rationibus ductus, nullum videtur exemplar in Galliam missurus. Vale, Vir amplissime, & *ἐννοεῖται ὅτι τῇ πρὸς τὸ μέγα καὶ τέκνους.* *Londini, a. d. ii. Kalend. Maj. c15 15 cxiv.*

EPISTOLA DCCCCLX.

DANIELI HEINSIO.

Vir clarissime,

Quoties venit in mentem quàm *ra-* 1614.
ras à te literas accipiam, silentii tui causam soleo requirere, nec possum invenire. Quid enim tuus Casaubonus commovit, cur has tu ab illo poenas exigas? Verè dico, genus id quoddam tormenti est mihi, quoties tuas diutius cogor expectare. Si te non amarem *μανικὸν ὄντα*, quietiore animo tuis præstolarer. Accedit quod nunquam aliquid à te literarum accipio, quin redeant in memoriam illa tempora, cum nullam à te solebam Epistolam accipere solam; sed semper binas simul, quarum erat una tua, altera magni illius amici, & *νῦν μακαρίτης* Josephi Scaligeri, cujus viri incomparabilis memoria vigere in animo restatur opus in Baronium, quod in tuas jam manus pervenisse nullus dubito. Misi ante mensem doctissimo Erpenio aliquot exemplaria, rogavi ut eorum unum tibi redderet. Quod nihil ad te literarum tunc dedi, morbus impedit, à quo ne nunc quidem sum liberatus, etsi jam Dei gratiâ *κλινίης* non sum. Verùm scito, amicissime Heinsi, corpore nos esse admodum affecto, & gravissima à Medicis morborum genera nobis denuntiari, non tanquam imminetia; sed ut jam contracta, & quæ diutius latere non queant. Jam sunt aliquot menses, cum urinæ effundendæ magnas difficultates experimur. An ea sit vera *λίσιας*, inter Medicos nondum convenit. Accedunt alia incommoda valetudinis, multò etiam fortasse magis metuenda: *γενήτω δὲ τὸ ἔκπερσιν Πάτρὸς θέλημα.* Mitto tibi librum Doctoris Pricdeaux, ubi est tuum elegantissimum Epigramma. Nunc postquam opus meum vidisti, si tuâ commendatione illud judicaveris non indignum, audebo Musas tuas appellare. Carmini *τὸ πᾶν* Grotii adjectum est Epigramma *, quod ne ipse quidem *Davidi* intelligo; sed non potui non adicere. *Barlaam.* Vale, Vir clarissime. *Londini, Kalend. Maj. c15 15 cxiv.*

Fiducia, quam habeo de tua amicitia, facit me audacem, ut non verear grave onus tibi imponere, tot literas curandi, quas mitto. Hoc à te obnixè peto. Tuum de meo opere judicium & amicas *ἐπιστημῶν* expecto.

EPISTO-

EPISTOLA DCCCCLXI.

JACOBO AUGUSTO
THUANO.*Illustrissime Vir,*

1614. **C**onfido rediisse tandem te domum post negotium feliciter transactum, cujus gratiâ Sueffionem fueras profectus. Atque ego Deo immortalis gratias ago immortales, quod illi, quibuscum tibi res erat, publicam tranquillitatem consiliis turbulentis anteposuerunt. Nunc igitur spes est posse me ex tuis literis cognoscere, quæ sint isthic de meo opere hominum judicia. Equidem non dubito plurimis τῶν ἐν τῇ πόλει fore multa ingrata, quæ scripsi; sed an propterea patriâ meâ æternum sit mihi carendum, id verò ego nescio, & ut quàm primùm scire queam vehementer cupio. Audio esse multos, quos Præfatio ad Regem offendat; qui essent fortasse mihi æquiores, si considerarent, scopum ejus scripti esse docere, fuisse opus reformatione; quæ dum negabitur ab iis, qui omnia juxta Ecclesiæ ad se trahunt, mirari nemo debet, privatim sibi consuluisset populos Christianos variarum nationum. Denique si contra fidem antiquæ Ecclesiæ aliquid dixi, id per me indictum esto. Sed aliam hodie obtinere doctrinam non nescio. Itaque Deo me totum permitto. Iterum tamen te obnixè rogo atque obtestor, ut tui consilii copiam mihi facias. Audio filium * iter huc cogitare, qui utinam tuis mandatis instructus veniat! Habeo parata exemplaria, quæ isthuc mittam; sed hætenus nulla est oblata occasio ἢ ἡ τοῦτο. Vale, Vir illustrissime. Deus te servet ἀποπνέων καὶ ἀπέρχων. *Londini, pridie Eid. Maj. c15 15 CXIV.*

* Jean-
nem Ca-
saubonum.

EPISTOLA DCCCCLXII.

DANIELI HEINSIO.

Vir clarissime,

1614. **G**ratulor tibi novam professionem, quâ te nuper fuisse ornatum; ex tuis literis & disertissimis Orationibus, quas misisti, intellexi. Ego quid tibi rependam, nihil jam habeo. Nam post editionem operis mei, (quod statim ad te missum an acceperis, nondum scio) curando corpori operam dare sum coactus. Itaque à scriptione nunc cessamus; non prius redituri ad pensum sive Baronianum, sive Polybianum, quàm de futuro meo statu erit aliquid certi constitutum. Optarem omnia tua ope-

ra, & poetica πὲ κατὰ λόγον γυμνασίου. 1614.
va, in unum Tomum esse conjecta. Mihi & jampridem est in animo, filium meum Mericum in disciplinam tibi tradere, si Deus immortalis vota mea exaudiat, neque tu nolis. Cupio in Græcis, Latinis & Hebraicis literis ipsum seriò exerceri. Hoc in Anglia posse fieri sperare non possum; nam hic locupletissima sunt Collegia; sed quorum ratio toto genere diversa est ab institutis omnium aliorum Collegiorum. Quo sumtu filium possim isthic alere honestè, scire velim. Quod si res meæ ferunt, ut par sim futurus illi impensæ, expecta me isthic non multò post tuas acceptas. Si consilium probas, cogitabam apud Dominum Polyandrum hospitium illi procurare, fieri modò queat, te enim solum vivere, neque aliud nisi tua studia curare audio. Spero tamen hoc saltem impetraturum me ab humanitate tua, ut filio meo velis esse, quod fuit ὁ μέγας Scalliger tibi, ἐργασίας nempè & assiduus hortator. Vale, Vir clarissime & amicissime. *Londini, a. d. x111. Kalend. Jun. c15 15 CXIV.*

Misi nuper ad te grandem fasciculum, quem an acceperis, velim significes: erant in eo multæ Epistolæ, quas spero esse à te curatas. Opus Baronianum ad optimum & clarissimum Erpenium fuit missum.

EPISTOLA DCCCCLXIII.

HUGONI GROTIIO.

DE Edicto † Illustrissimorum Ordinum, quod nuper misisti, egi accuratè cum Rege serenissimo, cum Domino Archiepiscopo, cum aliis præstantis doctrinæ Præsulibus. Et Rex, & omnes qui legerunt, consilium vehementer & probarunt & laudarunt. Interest enim Religionis Christianæ, & ad Protestantium exultationem vel maxime pertinet curiosis hominibus fibulam imponi, ut desinant tandem inter Epistol. Roman. n. CCXXIV. pag. 379. infamiam ἀτάξιας † & νεοπροσπίτας ed. in fol. apud veritatis hostes Reformationem † Epist. Eccles. & Theolog. n. CCXXIV. publicatione & curiosas hominum mentes, Deo cœptis favente, in officio continebit, & sui imperii Ecclesiis publicam reddet tranquillitatem. Faxit Dominus Jesus, ille unicus Ecclesiæ auctor ac conservator, ut, quem boni sperant, fructum ex hoc saluberrimo

B b b b 2

con-

1614. leo ademptam esse spem viris bonis & doctis, qui isthic sunt, opus meum inspiciendi. Istos ego arbitros & censores fero meorum scriptorum; non illos, qui sub obtentu Antiquitatis omnia nova defendunt, & odio plusquam Vatiniano veram Antiquitatem prosequuntur. Nos contra in illa eruenda in lucem omni studio atque diligentia laboramus, & dum erimus, laborabimus: certi ejus operæ mercedem in coelis fore nobis repositam, qui illam in terris non quaerimus. Vale, Vir humanissime, & me ama. *Londini, a. d. xii. Kalend. Jun. c15 15 cxiv.*

EPISTOLA DCCCCLXV.

N. N.

1614. **Q**uartus prope jam mensis agitur, ex quo nihil à te literarum ad me pervenit. Mirarer, nisi compertum haberem, quæ negotia te ex illo occupatum habuerint. Nunc postquam rebus confectis domum es reversus, tuo alloquio brevi me beandum confido. Vidimus hic librum adversus amplissimum Thuanum, à Gretsero Jesuita nuper editum. Ibi observabat Rex optimus, & non minus Christianus, quam illa familia est Satânica, probro illi verti, quod infamem lanienam anni LXXI non laudaret. O virum beatum hoc crimine! sed quo spiritu ducatur *ὁ τρικάρης*, & illius mancipia vides. Ego exspecto ex ea Cerberæa familia, qui conatu ingenti adversus me insurgant, & nullum non criminis genus in me conjiciant. Esto: prædixit olim Spiritus Sanctus, per malam æquè ac per bonam famam perveniri in coelum. Mihi cum triplici morbo scito nunc rem esse. Vetus est *ἀρρώστια τὴν νοσῶν τὴν πρὸς τὸν Θεόν*, sed quæ nunc solito urget me gravius. At tumor ventris recens malum est, cui nondum Medici remedium potuerunt invenire. Tertium est *δυσχρῖα*, cujus causam variè exponunt Medici, & adhuc sub judice lis est. In hoc statu literas tuas exspecto, Deum assidue venerans, ut te servet *ἀντιστῇ καὶ ἀντιμάνηται*, & quicquid nobis charum. *Londini, a. d. viii. Eid. Jun. c15 15 cxiv.*

EPISTOLA DCCCCLXVI.

DANIELI HEINSIO.

Vir clarissime,

1614. **T**ertius jam exactus est mensis, cum librum meum adhuc musteum tibi misi. Quia autem eo tempore jacens in lecto ex adversa valetudine dare ad

te literas non potui, ubi primum meliusculè habere coepi, grandem fasciculum exaravi & ad te misi, in quo literæ continebantur ad plurimos amicorum meorum, qui isthinc ad me scripserant. Multum mea interest scire, an fuerit ritè curatus ille fasciculus; quod ut mihi significares, magnoperè te rogaveram. Scripsi postea etiam alias literas, misique ad Dominum Grotium, itemque alios, & de missis libellis tuis grates egi gratissimas. An tot meæ Epistolæ perierint, velim mihi quamprimum significes; nam Exercitationes meas tibi fuisse redditas, ex literis optimi Erpenii cognovi. Cum tibi vacabit, cognoscam, spero, è tuis. Vale, & me ama. *Londini, Eid. Jun. c15 15 cxiv.*

Si librum meum vel obiter inspexisti, vidisti mendas scædissimas passim toti operi inspersas: vidisti & mea *σφάλματα ἐξ ἀπειρίας*, quæ manum secundam desiderant.

EPISTOLA DCCCCLXVII.

JOANNI POLYANDRO.

Quum ante quartum jam mensem 1614. tuas accepissem, Vir venerande, quo minus illis statim responderem, morbo sum impeditus, qui me aliquamdiu affixum lecto tenuit; sicut scribere memini ad virum longè eruditissimum atque amicissimum, Erpenium. Sed non multi præterierunt dies postquam ad illum literas dederam, cum multas Epistolas de eodem, quod ajunt, oleo paravi, & fasciculum satis grandem ad clarissimum Heinsium misi. Inter alias fuit una ad te, Vir præstantissime, quæ agebam tibi gratias, quod me scribendo provocasses, cupidum sanè jampridem te compellendi; sed nescio quomodo hætenus cunctatum. Respondi etiam de posthuma *τὴν μακαρίτην* Baudii †, candidoque animo tibi significavi, non debere ipsius matrem hoc utique tempore ullum à ***** subsidium expectare. Conatus sum jam ante plures menses vadum tentare, & quid inde esset sperandum explorare. Volui etiam operâ & gratiâ viri magni D. N. quem vocant Comitem de N. in eam rem uti; nôram enim, quo ille animo erga patrem fuisset. Verùm neque illi visum est oportunum, id nunc aggredi negotium; & ego re cum aliis *τῶν δοκούντων* communicatâ, alienissima esse hæc tempora ab omni ejusmodi petitione, sum expertus. *** Omitto alia plurima, quæ si literis committenda censerem, facile intelligeres, non esse nunc tem-

† Filio.
Vide supra.
Epist.
DCCCCLV.

B b b 3

pus

1614. pus petitionis illius instituendæ; in qua poterat studium meum & opera aliquid fortasse prodesse: nam equidem si ratio temporum ullo pacto pateretur, nullum officium fuissẽ prætermisurus, quod à viro bono, & Christiano, atque eo amico, potuit sperari. Eâ sublatâ spe, quæ nunc profectò nulla est, possitne opera mea vel matri, vel filiolæ ulla in re esse utilis, vos statueritis. Ego si possẽm, hoc est, si non obstaret *φιλαρσα χήρισα*, quæ nos dividit, facerem lubens, ut quantum sim patrem admiratus, assiduis erga filiam officiis probarem. Nunc ejus rei arbitrium permitto tibi, & clarissimo Heinſio, ut id consilium matri suggeratis, quod è re infantis maximè futurum judicaveritis. Mirari nunc unum satis ipse nequeo, eo quem dixi fasciculo quid sit factum; amico enim exploratæ fidei eum tradidi, & qui meas ferè omnes in Hollandiam solitus curare. Sed accipiet tandem aliquando fasciculum illum amicif-

simus Heinſius, qui suarum securitati 1614. melius prospicere non solet. Nam quum ante menses ferè quatuor exemplar ad eum miserim libri à me nuper editi, necdum tamen an librum ipse acceperit, ex ejus literis potui cognoscere. Eum librum piis hominibus isthuc non improbari, ex Epistola tua posteriore didici, eoque nomine Deo immortalis gratias egi. Si dabit *ὁ χεῖρὸς Χεῖρὸς* vitam, & conatibus meis benedicet, majora moliemur in proxima parte, & veram Antiquitatem summâ fide & diligentia asseremus. *Londini, Eid. Jun. c10 10 CXIV.*

Peto à te, ut viros clarissimos, Meursium & Erpenium, ad quos scribere nunc non potui, meis verbis salutes quàm officiosissimè. Versatus jam isthuc Isaacus Chabanæus, sororis meæ filius, juvenis singulari pietate præditus, cui si patefeceris aditum ad amicitiam, rem feceris gratissimam. Amo ipsum non aliter ac filium.

SUBSEQUUNTUR

ALIQUOT

EPISTOLÆ,

quæ temporis non fuerunt in promptu.

EPISTOLA DCCCCLXVIII.
FRANCISCO JUNIO.

1591. **C**Um ex rumore quodam, qui de de tua valitudine ad nostras aures acciderat, Vir clarissime, dolorem summum cepissemus; lætati sumus vehementer ante aliquot menses, cum ex nostris mercatoribus, qui Francofurto redibant, intelligeremus te Dei Opt. Max. beneficio ex eo morbo convalescere, & pristinam sanitatem recuperasse; quo nomine & Deo grates agimus immortales, & tibi ex animo gratulamur, nec tibi tantum, sed toti ad eam Reipublicæ, quæ si quid te factum fuisset, plagam planè *ἀνέκεστον* hoc tempore accepisset. Sed factum bene, quod aliter magno illi rerum omnium Arbitro visum est. Id primum, ut dixi, mercatores nostri isthinc revertentes, nobis significarunt; postea autem suis literis idem mihi indicavit vir clarissimus, Dominus Fraxineus, qui te sibi visum Francofurti scripsit. Commelinus

verò tuus, imò noster, etiam rediisse 1591. te cum Musis in gratiam affirmavit, non illis solum severioribus, sine quibus *βίον ἀβίωτον* esse tibi persuasum habeo; sed etiam cum amœnioribus istis, ad quas oblectamenti causâ divertere soles: quo nuncio cumulus, mihi crede, priori illi meo gaudio accessit. Spero enim (& ita sperare idem Commelinus jubebat) futurum, ut cum alia ingenii tui monumenta brevi lucem videant, tum illarum imprimis exoptatarum multis Annotationes in Epistolas ad Atticum, quarum expectationem etiam Lipsius doctis nuper commovit. Quare obsecro te per omnes Musas, noli diutius id opus, quod pridem non affectum tantum, sed planè perfectum esse ambio, premere, & nobis invidere. Equidem cum alias avidissimè tale scriptum eram à te expectaturus; tum eò etiam magis ejus expectatione nunc, penè dix-

1591. dixerim, crucior, quòd nuper auctore magno Bezà & reliquis collegis, institui illas Epistolas in Schola nostra interpretari. Sperabam enim diligentia & labore meo posse tanto oneri par esse: nunc video totum esse aliud; præsertim cum quotidie animadvertam, in doctissimos viros, qui eas sunt interpretati, & quorum præsidio benefultum fore me putabam, convenire multis locis vetus dictum, posse *ἐπείσθην ἢ κλίμαξ τὴν ἀμπλον*. nisi caveam ipse mihi, & domo præsidium quæram. In primis autem cruciant me loci Græci, qui quasi ex compacto omnes penè videntur corrupti. At noster Lemovix, ille sanè doctissimus, nusquam minus Bosius est, meo quidem iudicio, quàm ubi verba Græca corrigere conatur; & tamen præter illum habemus neminem, quod sciam, qui vel mediocri Græcarum literarum cognitione instructus ad Epistolas illas interpretandas accesserit. Quare in te uno spes est; quem non dubito præstiturum aliquid tuis cæteris scriptis simile, hoc est, dignum quod in arce Minervæ ponatur. Tantum ne nos diutius expectatione hujus boni torqueas. Vale, Vir maxime. Datum *Genevæ, a. d. 111. Non. Januar. c15 15 xci.*

EPISTOLA DCCCCLXIX.

✱ GULIELMO STUCKIO.

1591. **V**idistine unquam triconem aliquem & lentum nomen, qui, dum diem ex die duceret, nec creditori suo satisfaceret, repertus sit tandem, prioris summæ duplum debere, æquatis fortè usuris? En ego is sum, Stucki venerande: is, inquam, ego sum; qui dum differo prioribus tuis respondere, repente alterâ Epistolâ tuâ oppressus sum; quæ quidem simul ac in manus meas venit, pupugit me, & statim de negligentia mea in scribendo visa est mecum expostulare. Et profectò jam me ipse non accusabam tantum; sed graviter etiam objurgabam, atque adeo vehementer incipiebam *δυσωπῶν*, & prope modum meimet me pudebat. Enimverò suavissima illa Epistola tua instar Achillis hastæ mihi fuit, eadem enim, quæ vulnus fecerat, ipsa sanavit. Nam ubi illam aperui, video te, quæ est singularis humanitas tua, non tam accusare quàm excusare silentium meum; & varias ejus causas comminisci, quibus adduci te scribis, ut sine culpa mea videatur id accidisse. Agnosco igitur, Stucki charissime, hoc peccatum meum; non enim penitus me excusaverim; il-

linc verò æquitatem tuam & constantiam in suscepta amicitia colendo fovendoque, cui ut deinceps par sim, dabitur à me sedulò opera: neque committam iterum, ut me de missione literarum possis accusare. *καὶ πάντα μὲν ταύτη.* Res nostræ quo loco sint, ipse probè nōsti; in primis quæ sit & quantæ ærarii inopia; quàm exhausti nostri omnes cives; quàm ingens pauperum & mendicorum turba. Verè dico tibi: plerique nostrum ægrè se & suos defendunt ab illo *λιμῷ δι' οὐκ ἔσπον θανέειν ἢ πτόμεν ἐποπῶν.* Una est, quæ nos sustinet in his tantis difficultatibus, spes.

- - - Μόνη δὲ ἀντίδι

Ἐλπίς ἐν ἀνέκτιστοι δόμοισι

Ἐνδὸν ἔμμενε, πῶς ὑπὸ χεῖλεσιν ὕδα

θύραξ

ἔξέπλη.

Verè enim nunc illud Hesiodæum possumus usurpare; eò quidem magis, quòd spes hæc nostra non est spectrum aliquod inane, quod metuere possit aliquis, ne nos deludet. Speramus enim in Domino uno, cui uni nos nostraque, omnemque adeò totius Ecclesiæ causam commendamus. In hoc igitur ex omnis nostris ærumnis conquiescimus. *Ὅσα μὲν χάρις ὃ πιστεύομεν.* In humanis quidem rebus quantum esset præsidii, sæpe jam, ut nōsti, sumus experti; & tamen, ut nunc sunt res, ne illud quidem nobis defore videtur. Non enim te fugit quanta belli moles hic paretur, cui cæpto si Deus ille Sabaoth benedixerit, nā scelus illud hominis habebit, quod agat, & ubi nervos intendat suos. Quod si verum est, multum illum profecisse qui benè cœperit, constat profectò nobis cur & lætemur, & de cætero bene speremus. Nam cum exiisset ex urbe quantum erat quod tum habebamus copiarum, pridie Kalendas Januarias accidit Dei virtute, ut ipsis Kalendis hujus anni plagam hostis acciperet, haud sanè mediocrem. Erant nostri in obsidione occupati castris cujusdam munitissimi, Buringam vocant; quod amici illi nostri anno priore tantis viribus cum essent oppugnare aggressi, expugnare scilicet non potuerunt. Interea ecce tibi turmæ aliquot equitum, quæ nostros palantes, ut sit, nec opinantes, penè opprimunt, prius quàm de eorum adventu vel tenuissima esset suspicio. Res erat in magnum adducta discrimen; sed affuit *Θεὸς δὲ μηχανῆς*, qui, ut sit in tragædiis, rem in contrarium vertit ac videbatur casura. Quid multa? casus est fugatusque hostis impius; è cujus tur-

mis

1591. mis quinquaginta plus minus fuisse desideratos, pro comperto habetur. Sed quod eos maximè urit, inter occisos fuit Hispanus quidam magni nominis; quem sui vehementer, ut audio, lugent. Agnovit igitur hostis, ut superiore anno, sic hoc quoque Kalendarum diem sibi esse ominosum. Deus Opt. Max. faxit, ut quo pede coepit, eodem eat pergatque ad finem usque, non hic tantum annus, sed alii quoque omnes qui nos manent, & vos. Vale, virorum optime. Datum *Genevæ*, a. d. VII. Id. *Januar.* CIO IO XCI.

EPISTOLA DCCCCCLXX.

✠ ΠΕΤΡΩ ΝΕΒΕΛΕΤΩ ΔΟΣΧΙΩ
ΙΣΛΑΚΟΣ ΚΑΣΑΒΩΝ
πράττειν.

1591. **E**ἴς, δύο, τρεῖς, δὲ καὶ πέντε εἰσι μῆνες, ὃ ἱρασμώταπ τῶν ἐμῶν φίλων, ἐξ, ὃ ἐκομισάμην ὡρᾶ τῇ σῆς φιλότιμῳ πιμψῶσαν ἐμοὶ ἐπιστολὴν· ἐπιστολὴν τ' ἀλλὰ μὲν ἠδίστην καὶ γλυκυτάτην, τῇ βραχυτάτῃ ἢ τῇ αὐτῇ, ὃ βραχυτί (εἰρήσῃ γὰρ τ' ἀληθῆς) ἀλλὰ πλείστον ἐσεν ἐμὲ λυπήσασαν. Πῶς γὰρ ἐκ; ἐγὼ γὰρ μακροτάτην πιμψῶς μακροτάτην ὡρᾶ σὲ προσδοκῶν ἐμὲ λυπῶν. Ἐγένετο γὰρ ἐμοὶ τὸτο ἀνίαρον καὶ λύπης αἰτίον· τὴν γὰρ αἰτίαν τῇ σῆς βραχυλογίας πῶς μὲν ἠγνόον, πλὴν δὲ ἐνόησα, καὶ νοήσας τ' ἐργῆς ἐλώφισα, μᾶλλον δὲ τ' αἰτίας ἐκκρίσθην· σὺ γὰρ δηλονότι τὰ τῶν Λακωνίων φρονῶς, καὶ τὴν παρ' αὐτοῖς νομιζομένην ἐλαφρότητα ἐπιτιθεύεις· ἐγὼ δὲ μέχρι τῶδε πρὸ τῶν Ἀθηναίων ἐφρονῶν, καὶ ἐν ταῖς Ἀθήναις πολιτογραφῶν ὡς πλείστα νήπιος ἐγὼ, ἐπιβίμην· ἡμεῖς δὲ ὃ φίλῳ· ὃ ἦλθ' οὐ λακωνίζον· ἐχέμεν γίνεσθαι αὐτομολίσου δὲ τὴν σὴν χάριν, ὡς Λακιδαιμονίης, καὶ τὰ τ' Σπάρτης μετὰ ταῦτα αἰρήσεσθαι, καὶ ἰδὲ σπαρτιάτης ἔδη γίνεσθαι, καὶ τ' ὡς βραχυλογίας ἐρος μ' εἰσέρχεται. Ἐρρῶσο τεῖνον, ὃ πάντων φίλῳ μὲν ἐπέρων· ἐχέμεν ὁπιστολὴν ὡς μὲν παρ' Ἀθηναίῃς βραχυλόγον, ὡς δὲ ὡρᾶ Λακιδαιμονίης μακρολόγον· πάλιν ἔρρῶσο, καὶ ἡμᾶς φίλῳ ἀπαλεί. Ἐν Τενδῇ, Ἀύγουστου μηνὸς φθινόπωτον ἐγδοῇ, ἐπὶ δὸτὸ τ' ἐνσταρκίως ἐννεήκοσθ' πρῶτον ὑπὲρ χίλια καὶ πεντακίσια.

EPISTOLA DCCCCCLXXI.

✠ THOMÆ SAVILIO,
ANGLO.

1591. **A**ccepi literas tuas, doctissime Savili, & cum literis ea, quæ sunt pererudirè notata, quæ in nos, quæ in Strabonem nostrum. Pro qua humanitate tua (sic enim accipio) ingratus sim, ni tibi grates gratissimas agam. Id quod iterum nunc ecce facio, scriptis jam binis literis animo meo erga te gratissimo testando.

Nam si nescis, alteram proximo mense 1591. catu Epistolam ad te scripseram, sed quia suspiciò est fecisse illam naufragium, & quidem in terra, atque adeò in ipsa, ut puto, urbe Francofurdo, (nam id mihi Sylburgius meus significavit) placuit κατὰ δεύτερον πλῆν, quod ajunt, hæc ad te exarare; partim, uti dixi, gratias agendi causâ; partim etiam, ut te rogarem, significares mihi, ni grave est, ubi gentium degas, & quò deinceps meas literas mittere debeam, ut tutò ad te perferantur. Mihi enim in animo est, sæpius per literas tecum agere, tecum loqui, tecum de illis ipsis disputare, ad quæ tu me scripto illo tuo provocasti. Tu vide, ut mutuum facias. Me quidem cum semper reperies, qui & refellere sine pertinacia, & refelli sine iracundia paratus sim. Vale, doctissime, idemque charissime Savili. Datum *Genevæ*, a. d. VIII. Kalend. *Septemb.* CIO IO XCI.

EPISTOLA DCCCCCLXXII.

VIRO MAXIMO,
PHILIPPO CANAIO A' ✠
FRAXINIS.

MOrem ecce gero tibi, Vir ἀρίστη 1591. ἀρίστη· ero enim bene & graviter impudens, quando & coepi semel, & tu ita vis. Quam igitur offers mihi tam prolixè, tam amicè opem ad promovenda mea studia, admitto libens, & ambabus, quod ajunt, accipio. Dicere gratias me tibi pro ista tua tanta liberalitate agere, nisi ea esset tuorum in me beneficiorum magnitudo, ut hoc translaticium τῇ εὐχαριστίῃ genus in exemplo tam raro usurpare esset pudor. Enimverò cum verè sanctèque affirmare possim, nullius rei humanæ cupiditate duci me, nisi τῇ εὐδαιμονίᾳ (quæ quidem unica cura dies noctesque cor meum sollicitat) quantum, obsecro, debeam tibi necesse est, cujus ope maximè illa subsidia me confido habiturum, absque quibus vanus atque irritus omnis meus sit futurus labor? Ego siquidem, Vir maxime, qui reculas penè omnes meas in aliis omne genus libris absumsi, nunc cum ad istas linguas præstantissimas animum seriò appuli, quò me verterem non habebam. Ἀ'δ γὰρ ἀμφὶ καλῆς ἐργῆς, ait Pindarus, δαπάνη πένθ' ἐμάρνανται. Tandem sic apud me constitui, vel unus ille hac te ærumnâ liberabit, qui solus tibi hæcenus variis procellis jactato portus fuit; vel hæc planè studia deferenda. Dubitavi diu diuque, fateor; atque adeò quòd dubitaverim, culpam deprecor. Sic enim

1592. enim te judicare video. Ignosce igitur, & hoc habe à me novum gratiarum agendarum genus. Cæterum quando tibi placet, ut ego tuâ liberalitate audenter utar, peto à te, ut loco eorum librorum, quorum Indicem nuper misi, Venetica Biblia Hebræa, cum Rabbiorum Commentariis, si fortè tolerabili pretio reperiantur, mihi pares. Magnum, scio, onus hisce temporibus impono tibi, & tuâ liberalitate non utor, sed abutor. Ego verò accipi petitionem meam à te volo, quod sine magno tuo fiat incommodo. Mihi quidem illo libro carere durum est, qui præsertim non mediocres paucis in Chaldaica & Rabbinica lingua progressus fecerim, ulterius longè, si Deus coeptis annuat, perrecturus. Extat autem triplex illorum Bibliorum editio: ego illam optaverim, quæ Aben Ezræ & Kimki Commentaria habet, nam quantum judico, ex omnibus Hebræorum Doctoribus isti δύο αἱ πῆνυται, τὸ δὲ σκιά διόσσει. Huic libro scilicet addideris comitem D. Kimki Michlel, & librum Schorasim, sive Radicum. Atque hæc nunc satis: deinceps si quando Deus te tuis opibus pristinis iterum donaverit, audebo iterum fores tuas pulsare, & alio te ferire munere. Nunc de instituto hoc meo sic paucis accipe. Noli enim putare ita me in his studiis nunc versari, ut propterea de prioribus aliquid remiserim, cum & docendi munere laboriosissimo fungar assidue, & aliquid quotidie parem in eo genere literarum, in quo non sine laude visus sum tibi, Vir amicissime, operam posuisse. Quò ergo, inquires, novus iste labor? Ego verò quid moliar, quò spectem, vix audeo dicere. Primum, quia vitæ summa brevis spes vetat inchoare longas, deinde quia prudentis hominis non est, eam de se spem velle excitare, quam postea sit destitutus. Veruntamen, quod uni tibi dictum sit, fatebor, quod res est, non eo animo tantum studii ponerem in linguis his, ut Hebræos Rabbinos intelligam, non est, inquam, id ἀρχιπικτονικὸν meum πλῆθος, sed ut harum ope Arabicam intelligere queam, quæ usi sunt plerique summi Philosophi, quorum scripta in omni sapientiæ parte præstantissima, linguæ illius imperitiâ hodiè vel ignorantur, vel nulla, certè parva cum utilitate leguntur. Igitur, quod Deus Opt. Max. bene vertat, constitui tantisper in Rabbinicis scriptis me exercere, donec facultas detur isthuc eundi. Isthuc enim ire mihi necesse est, si studium meum Arabicæ linguæ seriò applicare velim. Multa enim in istis locis scio reperiri, quo-

rum hic ὅδ' ἐν ἐνείποις nomina sunt audita. Præterea certum est omnino in tuos amplexus, Vir amantiissime, venire priusquam tu exlegatus fias, aut hoc onere libereris, quod te in Germania tot jam annos tenet. Est & tertia ratio, quæ me, ut isthuc cogitem, ἐνδελχῶς stimulat. Annus siquidem ille, ut vides, est elapsus, quem me hic moraturum nostris Senatoribus receperam. Quare nunc tandem de meis tecum deliberem statuamque, planè, nisi desipio ego, necesse est. Et faciam, crede affirmanti, serò quidem, sed seriò. Veniam, inquam, isthuc ad te, & oculorum meorum desiderium vel proximis nundinis, vel iis, quæ proximas sequentur, explebo. Tantum ut te tuosque, & nos omnes servet Deus immortalis incolumes. Vale, Vir summe, & studiorum meorum Mecænas uni-ce. *Genevæ, a. d. vi. Kalend. Septemb.*
C I O I O X C I I.

E P I S T O L A D C C C C L X X I I I.

FRANCISCO JUNIO. ✱

SCripfi nuper ad te, Vir maxime; ex 1593. literæ utrum reddita tibi fuerint, an naufragium prius fecerint, nescio: certè siluisti tu post illa, quem equidem hac parte nolui imitari. Cum enim tam opportunam facultatem essem nactus, non potui non hæc pauca ad te exarare, quibus & constantiam in amore atque observantia tui mea testatam tibi facerem; & insuper rogarem te obnixissimè, fidem tuam tandem de illis ad Atticum Epistolis liberares. Nam quousque nos expectatione tanti muneris vexabis, cruciabis? Unus, alter, tertius, quartus jam agitur annus, cum te memini spem mihi ejus operis facere. Quid, quæso, de te sumus commeriti, ut spem, quam excitaras, postea defereres? Est sanè mora lenocinium magnum: verum ego omnes artes mangonizandarum mercium procul à tuis moribus, à simplicitate & integritate vitæ tuæ ὡς πρῶτον scio abesse. Veruntamen quid sit, quod ἀνάγκη debeamus, si hoc non sit, nescio. Etsi suspicor culpam Typographi hic esse nonnullam. Sed profectò ille, etsi lentus est & cunctator, tamen si tu urgeres, non ita flagitiosus esset, ut hanc invidiam sibi vellet conflare. Quare obsecro te, Vir doctissime, da nobis omnibus, qui harum literarum, qui tui nominis studiosi sumus, ut quàm primùm ille tuus foetus tollatur, & libero aëre fruatur, qui tam diu tam iniquè in scriniis tuis & pluteis latuit. Est & aliud, quod te rogem,

C c c c

1593. gem, Juni, virorum optime: rumor enim hic increbuit brevi isthuc venturum Josephum Scaligerum, gemmam illam literarum, mundi ocellum; apud quem plurimum te jure merito valiturum nullus dubito. Constitui igitur, si grave non est, te uti parario & interprete; mittamque ad te literas, si venisse illum intellexero; quas tu ornes verbis tuis velim. Interea verbis meis, si isthic sit, plurimam illi salutem nuncios rogo. Peterem etiam à te, ut juvenem hunc, qui istas tibi tradit, haberes commendatum, & amicitia tuâ digneris: sed qui sciam te audito patris ejus nomino, pro tua humanitate illum esse non dilecturum tantum, sed etiam ut unum è tuis curaturum, verborum faciam compendium. Superest Deum supplex venerer, ut te nobis suæque universæ Ecclesiæ saluum servet & incolumem *αἰσῶν αἰσῶν*. Vale. *Genevæ, a. d. vi. Kalend. Septemb. c15 15 XCIII.*

EPISTOLA DCCCCLXXIV.

✠ CHRISTOPHORO COLERO.

1593. **L**iteras tuas accepi, quâ amoris, quâ eruditionis notis refertissimas. Amo igitur te plurimum, laudo immensum, qui in amore mei sis ita constans, in cultu Monetæ filiarum ita felix. Perge quo cœpisti pede. Spondeo *ἐν φιλομαθείᾳ ὄντι* affuturam *πλουσίαν*. Sponsam pluribus expetitam procis quàm olim Penelopen aut Helenen; & tamen dici nequit, quàm pauci procandi rectam viam nōrint. Alii aliquantulum provecti laborum pertæsi & impatientes *παισιπυρίας* desistunt ab incepto; alii *ἀφ' ἑστίας* & in ipso limine peccant, nec rectam ineunt viam, quibuscum eò agetur deterius, quò pergunt ulterius. Pauci, quos Jupiter æquus amavit, & initio rectum iter tenuerunt, & in eodem constanter hæserunt. Hos manet laus æterna. Istorum vestigia insequere, mi Colere, neque te deterreat ab honestissimo proposito aut vulgi judicium, quod has artes negligit; aut eorum etiam, qui malunt videri docti quàm esse. Istos dico, qui majores illas scientias tractant sine præsidio harum artium; quos tam faciliè nobis est cum ratione contemnere, quàm ipsi nos sine ratione negligunt. Sed quid ego? Non enim institui *παρανομιὰν* ad te, verum amoris meo tribues, qui pro te est sollicitus. Magnam enim de tuis studiis opinionem concitasti. Eam ne prodas vide. Sed certum est potius eam te superaturum; in quo omine desino. Vale, mi Colere, &

me ama. *Genevæ, a. d. v. Kalend. 1593. Septemb. c15 15 XCIII.*

EPISTOLA DCCCCLXXV.

JOANNI SERRANO. ✠

EGo verò, Serrane præstantissime, nec 1594. tui oblitus sum; & me tibi non penitus animo excidisse, ex tuis literis libens lubensque cognovi. Ut secus putarem, & de constantia in amore mei tua dubitarem, fecerat vetus illud *Ἀμυκλαίων* silentium tuum. Cum enim ego te & præsentem coluerim semper ut alterum, quod ipse ajebas, parentem, & absentem amare atque observare nunquam desissem; factum tamen nescio quomodo, ut ipse hætenus in tuenda nostri memoria non respondere videreris. Nam qui non unis neque binis, sed plurimis literis te laceissem, elicere tamen à tot annis vel brevissimam à te schedulam non potui. Quid quod ne salutatus quidem tuis verbis tam longo tempore à quoquam fui? Et tamen sæpe factum scio, ut tu interea huc literas dares. Hoc quomodo acciderit, nec scio, nec scire jam laboro. Habeo enim tandem literas à te, tui in me amoris obsides, & quasi pignora; quas velim persuasum habere mihi fuisse multis nominibus jucundissimas & gratissimas. Quare si ita videtur, redeamus tandem, mi Serrane, in viam; & institutam pridem amicitiam, sed casu nescio quo, quacunque causa intermissam (non enim dicam interruptam) fideliter revocemus. Imitemur, quæso te, amantes, quorum *αἱ ἀποσιπυρίαι* & friguscula vertuntur in amoris irritamenta, & sunt *οἰοντὶ τῇ πύθι* *ἐκκαύματα*. De me hoc tibi polliceor, si modò gratam tibi amicitiam & observantiam meam intellexero, nunquam futurum, ut firmitatem animi & constantiam in me desideres. Tu vicissim, ut me ames, si à te non postulavero, sed flagitavero; meo jure, vel te judice, fecero. Quem enim puerum amicitia tuâ dignatus es, cum cur aut contempnas virum, aut non digneris *φιλεῖν ἀντιφίλῳ*, ratio non est. Accedit huc & studiorum communio; nam etsi ingenii & *ἀρχιτεχνίας* parum nobis tribuimus, tamen qui in studiis assiduus & de literis pro virili bene mereri cogitet, is mihi, cuius egregiæ voluntati docti faveant, non indignus videtur. Amemus ergo inter nos, mi, Serrane; & usuram superioris temporis invicem exigamus. Platonem tuum esse à te recensitum & perpolitum, & publico & tuo nomine immensum gaudeo; teque hortor etiam atque

1594. atque etiam, ut quàm primùm editionem ejus matures, feceris rem omnibus & Platonis & tui nominis studiosis (in quæis ego nomen profiteor meum) perquàm gratam. Scimus nos tuum illud excellens ingenium ita tum fuisse distractum, quando in eo opere versabar, ut magis miremur ea à te potuisse præstari, quàm indignemur, si cubi fortè in tanto præsertim opere lege humanæ naturæ cespitare contigerit. Quòd igitur quasi sub incude tuum opus revocasti, & novam editionem in tantis illis procellis parasti, laudo vehementer; teque iterum rogo, ut non nisi re confectâ quiescas. Quòd autem me ad societatem aliquam honestissimi laboris vocas, & jubes symbolam conferre, *καὶ εὐδόμε* tu quidem concitas; sed quid & quantum sperare à me debeas, ipse videris. Equidem si placet tibi quæ inter legendum, ut sit quandoque, observavi, ea ut tecum communicem, in me nulla mora est. Quòd scribis, audisse te, me Psalmos *ὁμιλοῦνται*, sic enim loqueris; falsus es: nec scio unde ille vanus rumor. Memini adolescens ingenii exercendi causâ in eam palæstram aliquoties descendisse. Sed mihi non ea frontis durities, ut post Serranum, Jamotium, & Florentem Christianum, in eo genere aleam tentare velim. Fecit hoc, si nescis, Portus Junior, & inde fortasse fabulæ occasio nata. Verùm ille fruatur sanè suâ laude, quam nullus ei invideo. Et nōsti, credo, hominis vilitatem, ne quid asperius dicam. Nos in studiis, quibus adhuc vacavimus, sumus etiamnum *ἐλαί & πάντες*, quantum quidem per hæc calamitosa tempora fieri potest. Habemus enim in manibus Suetonium, Polybium & Athenæum; quos Auctores præstantissimos novâ luce illustrare conati sumus. Eos ordine, ut spero, brevi edemus; & statim unum tibi cujusque exemplar mittemus. Strabonem, credo, nostrum vidisti. Edidimus & alia nonnulla, quæ etsi rudia sunt, & vix bene inchoata, magnam tamen apud omnes variarum nationum doctos gratiam mihi pepererunt. Stephanum non vivere, etsi est in vita, omnibus bonis, mihi verò ante alios per est molestum. Nemo magis ab omni ævo *ἐπιστάτω* vetus dictum, *δὲ παιδὲς οἱ γέροντες*, atque utinam puer tantum peccaret! levius & patientius ferremus. Nunc ... sed de eo homine nolo plura; quem ego nec amare satis, nec odisse possum. Paulus Stephanus, affinis meus, juvenis, ni pater impediret, magnæ spei, amantissimè & officiosissimè *ἀντιπροσπορεύει*. Typographiam isthâc te velle instituere

lætor. Tantum moneo videas, quid 1594. agas, & cui tua committas. Epicharmus olim, *νῆφε καὶ μέμνασθ' ἀπιστῶν ἀσθρα ταῦτα τῶν φρενῶν* id tibi dictum puta. Vale, Vir clarissime, & me ama. Geneva, a. d. 17. Kalend. Jun. 1594. XCIV.

EPISTOLA DCCCCCLXXVI.

EIDEM.



IN summis meis occupationibus, clarissime idemque charissime Serrane, non potui non hæc ad te exarare, cum de oblata facultate essem ab amico quodam factus certior. Scripsissem antè, & tuæ mellitissimæ Epistolæ statim respondissem, si saltem triduo postquam rediit, eam mihi impurus ille, qui te voluit decipere, reddidisset. Sum sanè in hoc genere admodum *ἐξυπνισθῶ*, & qui moram ægrè feram, tamen longius nihil mihi unquam fuit, quàm ut tuas reciperem. Tantæ mihi voluptati est, instaurata hæc inter nos, & quasi denuò sancita amicitia. Igitur, ut *ὡς οἶόν τι διὰ βραχυτάτων* tuis respondeam, iterum affirmo tibi, mi Serrane, factum sæpius ut literas ad te darem, semel etiam, credo, per P. Waltonum tuum, imò nostrum. Hoc propterea nunc quoque repero, ne tu me putes tam inhumanum fuisse, ut meo officio antè semper quàm sim à te lacesitus, defuerim. *Οὐχ ἔγω πύφωμαι τ' ὅθεν τὸν φίλον*. Ego me semper cum esse studui, qui ingenii, eruditionis, industriæ laudibus facile cuivis cederem; constantiâ officii & *τῇ καθήκει* curâ nemini concederem. De Platone, quando ita vis, age, mos geretur tibi; sic tamen, ut de tempore affirmare habeam nihil. Cupio enim non leviter defungi hoc amicitie munere. Eam ad rem, quod tu non nescis, plusculum otii opus est; mihi præsertim, homini ferè semper occupato. Non enim te fugit quàm iniquè agatur cum iis, qui in Academia ista docent; quos equidem mulos Marianos, non Professores soleo nuncupare. Accedunt & aliæ occupationes, quæ me, nescio quo modo, *ἄλλαι ἐξ ὧν* sibi vendicant; quæ etsi literariæ sunt, tamen id tempus hætenus mihi eripuerunt, quod huic negotio Platonico destinaram. Tu quoque, opinor, editionem tui operis non habes paratam; quod si existimarem, omnia postponerem, quò tuæ voluntati satisfacerem. Habeo, ut memini nuper ad te scribere, in manibus quædam, ea si semel extruero, tuus ero *ἐλαί καὶ πῦρ*. Illorum editioni injecta est his C c c c 2 diebus

1594. diebus mora brevis, dum Apologiam Apuleji magni illius Platonici, victus amicorum precibus recenseo, simul & publico. Liber ille quâ elegantia sit scriptus, nôsti, omnium ἐχ' ἡμῶν tu pater elegantiarum. Quàm corruptè & vitiolose in eo pleraque scriberentur, abundè, spero, arguent Notæ, quas paucis horis diebus hisce canicularibus exaravi. Liber edetur aut hac aut proximâ hebdomade; ejusque statim, si occasio ulla se offerat, exemplar ad te unum, alterum ad charissimum hospitem olim meum Julianum, mittam; non quòd illa putem admodum oculis vestris digna, sed, ut ille olim dixit, οἷα ἔχω, τῶν διδῶν meliora, σὺν τῷ Θεῷ, & graviora polliceri ausim; multa certè in multiplici genere literarum, meditamur & paramus, quæ an aliquando lucem sint visura, Θεὸς ἐν γένει κῆρυξ. Sed de me nimis multa. Redeo ad te, Vir præstantissime; quem ego, ἐπὶ νῦν καὶ μάλλιν βελτίῃς ἰσχυρίσας, hortari non dubitabo, ut quæ in hoc otio negotioso scripsisti, ea cum studiosis bonarum artium & scientiarum communicare velis. Nam illi Commentarii de collatione Platonice & Aristotelice doctrinæ, quos seorsim editurus eras, quando prodibunt? Quid Psalmorum feliciter inchoatum opus? Quid alia multa, quæ parata te habere fama est, & fama, ut puto, vera? Vide igitur, ut expectatione diutius homines φιλεμαθείς non torqueas. Vale, Vir amicissime, & me ama. *Genevæ, a. d. x. Kalend. Aug. c15 15 XCIV.* raptim, quod velim boni consulas.

EPISTOLA DCCCCLXXVII.

✠ MELCHIORI JUNIO,
ACADEMIÆ ARGENTINENSIS
RECTORI MAGNIFICO.

1594. ET literæ tuæ, quas mihi honestissimus filius tuus reddidit, fuerunt pergratæ, Vir clarissime, & ejus adventus ad nos longè gratissimus. Spero enim fore eam rem cum illi utilem, tum tibi in posterum non poenitendam. Mihi certè jucundissimum est, quod aliqua testandi in te amoris mei occasio se offerat. Cupio enim, ita me Deus amet, gratum in te meum animum aliquâ re tibi testatum facere. Itaque sic velim statuas, tibi que persuadeas, quicquid filii tui causâ potero, sive in studiorum ratione, sive ulla alia in re, & me & omnia fore illi semper parata. Dixi equidem hoc illi non semel, & voluntatem erga ipsum propensam declaravi; sed velim tu quo-

que illi ita præcipias, ut si ullâ re opus 1594. habeat, me meisque utatur. Egi & cum Lectio nostro, ut quia illum fore ejus auditorem putavi, patere suam ipsi domum vellet, & amore suo completi; qui mihi pro sua humanitate & merito tuo, omnia prolixè est pollicitus. Itaque non dubito, si modò ipse sibi non desit, quin futura ipsi sit promovendorum isto loco eorum studiorum, quæ tuâ voluntate, tuo felicissimo ductu ingressus est, non mediocris facultas. Habitat is nunc apud amicum & vicinum meum, virum pium, modestum, & doctum. De itinere Gallico tecum sentio; nullo enim modo permittendum, ut tanto periculo se committat. Quia tamen rumor est, Regem Galliarum Lugdunum brevi venturum, & multos è nostris de profectioe ad eam urbem cogitare video, auctor tibi sum, seriò vetes ne quid tale in animum inducat. Hoc monco, quia narrabat mihi nuper Lectius, se ex ejus sermonibus nescio quid tale consilii olfecisse. Sed non dubito filium tuum sapientium & amicorum virorum consiliis potius obtemperaturum. Nihil tamen, ut puto, peccaveris, si tuam quoque auctoritatem amicorum fidelibus monitis adjunxeris. Adolescens ille nostras, de quo nuper scripseram, Heidelbergæ adhuc est; & quantum video, futurus est mensis aliquot. Itaque in eo parum aut nihil spei est relictum. Si quid aliud se offerat, quod putem convenire, faciam te statim certiozem. Vale, & me ama. *Genevæ, pridie Non. August. c15 15 XCIV.*

EPISTOLA DCCCCLXXVIII.

CHRISTOPHORO COLERO. ✠

MAGNAM mihi sollicitudinem, mi 1594. Colere, nuperæ literæ tuæ attulerant, quâ parte clarissimum Gothofredum, virum mihi longè gratissimum, tantum temporis domo abesse αἰσιν ἀπύσιν ajebant. Verùm omni mox metu liberatus sum, postquam intellexi saluum eum & incolumem Lutetiam pervenisse. Id autem didici ex literis Durantii, ipsius affinis, ad matrem suam, quæ hic habitat. Is ad eam scribens, de optimo illo amico nostro mentionem fecit, & Parisiis ipsum esse nuntiavit. Quod ego nunc tibi scribo, ut si adhuc ejus uxor, matrona lectissima, & tali conjugè dignissima, de eo incerta sit, eam meis verbis jubeas esse securam: simul illi salutem à me & uxore nunciabis officiosissimam. Venio nunc
ad

1594. ad te, quem ego vehementer gaudeo in studiis nostris totum esse. Declarant instituta à te opera, de quibus partim ex tuis literis rescivi, partim ex proximis Catalogis Nundinarum Francofurtiensium. A te de Sidonio, quem recensere paras, factus sum certior: ex illis Indicibus cognovi de Terentio à te vel edito, vel brevi edendo. Mirum verò cur tu me id celaveris. De Sidonio, probo etiam atque etiam. Sed si meo uteris consilio, vide ne leviter eà curâ defungaris. Nolim enim te caduca & parum firma tuæ existimationis ponere fundamenta. Non autem nescis, multum in eo positum, ut primus ad famam aditus doctis gratus sit & probatus. Erit autem, si istorum *κερτικῶν* temeritatem non imiteris, qui quicquid in buccam venit, quod ajunt, id temerè effutunt. Apage istos homines in perniciem potius quàm in salutem literarum natos. Ego Colerum meum ad majora natum scio; nisi ipse tibi defueris, & tuum tibi ingenium discinxeris. Feres verò me, opinor, ita tecum loquentem amicè & *παρρησίᾳ*. si nihil de tuis studiis deque tuo ingenio supra vulgus expectarem, quid ageres susque deque haberem. De locis Sidonii, quibus de me consulis, sententiam meam, cum plus otii erit, ad te perscribam. Nunc in editione Apologiæ Apuleji, quam hisce diebus ex occasione recensui, sum occupatissimus. Pauca horas, mi Colere, ei negotio impendi, sed, ut spero, quas non malè posui, verè enim nova erit, quam dabo, editionem. Mittam ad te unum exemplar, si fieri poterit. Tu intereà vale, & me ama. *Genevæ, pridie Non. August. c. 1594.*

EPISTOLA DCCCCLXXIX.

✱ JANO GRUTERO.

1594. **S**Era gratulatio, inquit ille, reprehendi non solet. Tu ne seram meam gratiarum actionem malè interpreteris, pro nostra sancta amicitia peto etiam atque etiam. Misisti nuper ad me Animadversiones tuas in Senecam, quo munere nihil mihi jucundius, nihil optatius potuit evenire. Amo enim illum Scriptorem mirum in modum: amo te mirum quantum: illi esse tuâ operâ consultum & benefactum gaudeo plurimum: te adorem ex hac dura mehercule provincia reportasse, duplici nomine lætor. Nam & factus ita sum, ut etiam ignotorum gloriæ, qui de literis merentur benè, faveam semper ex animo. Et tu is es, mi Grutere,

quem ego honore auctum quàm maxime cupio. Accedat nunc & ambituunculæ nonnullæ confessio; non enim negaverim tam honestam & amicam nostri nominis mentionem per mihi fuisse gratam. Unum defuit ad summam voluptatem in lectione tui libri, quod cuiusmodi, vel tacentibus nobis, facillè intelliges. Non enim te fugit quàm arctâ necessitudine sit mihi is junctus, quem toties à te perstrictum, non possum non dolere. Mi Grutere, crede homini non fallaci, si hominem nōsses & illius mores, ne nunc quidem non posses non amare:

Ἀλλὰ τὸ μὴ πεπτόχθαι ἐκ σοῦ ἀχύν-
μιναι περ.

In Suetonii editione lentum me esse dicces, opinor; sed qui nuper admodum Codices Manuscriptos nactus sim, & alterius spem conceperim, quem nondum habere potui, non ero unquam tam temerarius, ut illa præsidia negligam. Intereà peto à te, siquid habes quo meam editionem juvari posse censeas, id mittas: senties gratum *ναὶ μὰ τὴν Δία τὸ φίλιον*. Mitto ad te scetum planè *ὑπνέμιον*, quem Canteri fratres & aliquot alii amici à me his diebus extorserunt; Apologiam Apuleji, brevi tempore, sed herclè cum cura recognitum, & planè, quid dissimulem apud te, novam. Tu nosce simul, & ignoresce, & super omnia me ama, qui te *ὑπερφιλῶ*. *Genevæ, a. d. xiv. Kalend. Septemb. c. 1594.*

EPISTOLA DCCCCLXXX.

DAVIDI HOESCHELIO. ✱

Magnâ me voluptate literæ tuæ affecerunt, Hoescheli eruditissime; qui enim ita hætenus in literis sim versatus ut verè doctis, verè eruditis me & mea probare unicum votum haberem; quoties testimoniis eorum ornari me video, qui tales reverà sunt, non possum non plurimum gaudere. In his te esse, nōrunt & prædicant omnes, qui nostra studia amant aut nōrunt. Et verò quæ à te profecta sunt, satis certum ac magnum eruditionis tuæ testimonium præbent. Eorum quædam vidimus nos quoque, etsi in eo terrarum angulo positi, ubi scripta ejus generis non facillè reperiuntur: quædam nullâ diligentia consequi adhuc possumus; quò gravior mihi fuit liber à te muneris missus, *δῶρον ὅπως ἐμοὶ πολλὸν ἀντάξιον ἄλλων*. Perge verò, mi Hoescheli, hac tuâ industriâ, sagacitate, & diligentiâ

1594+ gentiâ benè de literis mereri. Mittimus ad te ἀντίδορον, lucubratiunculam quandam nostram, quam hisce diebus, ἐπὶ τοῦτο σέθεν ἔχον, confecimus. Vale, Vir amicissime, & nos ama. Geneva, a. d. XIII. Kalend. Septemb. CIO IO XCIV.

EPISTOLA DCCCCLXXXI.

✱ LAMBERTO CANTERO,
THEODORI FILIO.

1594. STo ecce promissis, Cantere charissime; tu ut stes tuis, vide. Nam quod Basileâ non scripseris, facilè excuso. Satis fuit, quod nostrati negotium dedisti, significaret nobis de vestro felice adventu in eam urbem; quod & factum est ab eo fideliter, nosque tali nuntio beavit. Nihil enim mihi aut uxori meæ queat accidere jucundius, quàm si de felici statu vestro sæpe certiores fiamus: ita nos cepit virtus tua & fratris tui. Deus Opt. Max. vos in patriam salvos sistat & incolumes. Ecquid autem te oblectavit illa ad Meretrices optimi Principis oratio? Hoc malim quàm ut ipsæ. Obsecro, si copia, fac nos quoque tanti boni participes. Apulejum tardè absolvimus, hoc est, octo post discessum tuum diebus. Exemplar unum à Commelino accipies tibi, fratri alterum, tertium patri; quem meo nomine amatissimè & officiosissimè salutes velim. Memineris, quæso te, mi Cantere, quâ occasione suscepta est hæc à me opella, & patrociniū tuum mihi para apud parentem, Scaligerum, & omnes doctos. Hoc gratus nihil mihi facere potes. Dominus Wotton promissit mihi, se exemplar Scaligero curaturum, ut compingatur commodè. Commelinus solvet quantum oportebit. Si ille fuerit, quod vereor, impeditus, tuam fidem appello; sed iisdem legibus. Nam sive in hoc negotio, sive in emendis mihi libris quicquam fuerit impendendum, meâ id pecuniâ fieri volo; alioqui testor nostram amicitiam ingratum fore quicquid feceritis. Vale, Cantere charissime. Geneva, a. d. XIII. Kalend. Septemb. CIO IO XCIV.

EPISTOLA DCCCCLXXXII.

✱ CLAUDIO PUTEANO.

1594. EGit mecum per literas, Vir præstantissime, Jacobus Bongarsius, ut Plinii aliorumque Panegyricos libros à secunda editione Viennensi studiose

collatos, mihiq; olim traditos, tibi 1594. mitterem; habere enim te paratam eorum librorum editionem, esseque inibi, ut eas quàm primùm publicares. Lætatus sum vehementer datam mihi hac occasione facultatem te appellandi salutandique; quod cū avidissimè pridem optarem, tamen, quæ mea est δυσωπία & subrusticus pudor, distuli hætenus. Verebar enim ne parum prudenter fecisse viderer, si homo incognitus absque gravi aliqua causâ ad te accessissem. Nunc quia opportunitas se tam bona obtulit, veterem amicum meum Bullionem oravi, ut cum eo libro, quem petis, has à me tibi perferret; quas velim ita accipias, ut mei in te animi summæque observantiæ quasi obsidem illas esse & pignus, tibi persuadeas. Ut enim ignis semper ille quidem splendet, & reddit, sicut Poëta ait, γιγαῖον ἔκον ἰδὲ, sed noctu rāmen fulget lucidissimè; ita singularis tua virtus atque eruditio, non poterant illæ quidem, vel si felicissima illa ingenia vigerent, quibus paulò antè omnes gentes Gallia nostra provocabar, latere; eximiè tamen nunc cū Musas & genus omne honestarum artium nox atra premit, πρὸς ἀπὸ λαμπρότατον φῶγγος, teque reddunt conspicuum. Jam cōres rediit, ut quò minus Gallia nostra ἐκβεβαρῶν dici queat, stet per paucissimos, in quæis tu, Puteane præstantissime, omnium consensu, qui te propius nōrunt, cum quovis certare de primo loco potes. Quamōbrem etsi nihil esset aliud, quod tibi me adjungeret, tamen propter tuum summum in literas amorem, excellentemque optimarum artium cognitionem, non poteram te non venerari plurimū & amare. Nunc ad hanc quasi publicam causam accessit privata quoque alia, quam plurimū apud me valuisse dissimulare nequeo. Intellexi enim cū ex sermonibus nonnullorum, tūm ex quorundam literis, te de nostris studiis perquām honestè opinari, & ut ille ait, nostras esse aliquid putare nugas: quod tuum iudicium etsi scio ab humanitate potius tua quàm merito meo proficisci, me tamen non mediocriter oblectat. Non enim parum me profecisse puto, quod mihi tanti viri vel censurā probari, vel amicitia decorari contingat. Utrumque ego à te, Vir clarissime, obnixè peto; nam & proficere te doctore, si tibi tandem abs re tua fuerit otii, ut nostras affanias aliquando in manus sumas, vehementer opto; & amari à te sic cupio, ut si tu in album tuorum me reciperes, immortalī beneficio à te me fuisse affectum sim putaturus. Vale,

1594. Vale, Vir præstantissime. *Genevæ*,
a. d. xiiii. Kalend. Septemb. c13 13
xciv.

EPISTOLA DCCCCLXXXIII.

THEODORO CANTERO.

1594. **D**Uodecimus hic dies est, Cantere præstantissime, cum à nobis discessere optimi eruditissimique adolescentes, filii tui, quorum adventum, etsi scio fore tibi jucundissimum, penè tamen dixerim, non majore gaudio eos te recepturum, quam fuit nobis molestus istorum à nobis discessus: ita nos cepit mitissima & probissima indoles, quæ in utroque eorum expressa patet. Venerant illi quidem vel ob privatam amicitiam, quæ inter nos est, vel ob merita parentis & patrui in Rempublicam literariam gratissimi. Sed ira à nobis discesserunt, ut etiam propter ipsos totum genus plurimum essem amaturus, si nullæ inter nos causæ intercederent. Deus faxit, mi Cantere, ut illi te, & tu illis diu multumque fruamini. Accipies autem ab iis Apuleji Apologiam, nuper à me recensitam & simul editam, in quo sive aliquid præstitum est à nobis, sive accidit secus, non alium apud te neque laudatorem, neque detractatorem allegabo quam Lambertum tuum; qui unus maximè nobis auctor fuit & impulsor hujus audaciæ. Novit ille optimè, quam nihil antè cogitarem, quam sum ejus hortatu compulsus ad hanc editionem ex tempore moliendam. Jure igitur à te peto, ut cuicunque sit hoc munus, editori illius faveas; sic tamen, ut tuum mihi amicè judicium impertias. Nam in literis Latinis, ut scis, hic noster quasi rudimentum est, cum hætenus non nisi in Græcis quicquam ausi simus. Si me amas, tuam mihi sententiam eā παρέχου, quam pro nostra amicitia à te exigo, proximè scribes. De reliquis, quæ brevi, ut spero, sumus edituri, quia omnia filiis tuis nota sunt, nihil dicam. Vale, Vir amicissime, & me ama, qui te περιλάω. *Genevæ*, a. d. x. Kalend. Septemb. c13 13 xciv.

EPISTOLA DCCCCLXXXIV.

✠ MELCHIORI JUNIO.

1594. **Q**ui tibi has literas reddit, Vir clarissime, nobilis Anglus est, juvenis omnibus virtutibus ornatissimus. Is multos jam annos peregrè versatur, ut tandem domum revertens verè possit

elogium Ulyssis referre, πολλὴν ἀνδρῶν παν ἰδεῖν ἄντα, καὶ τὸν γέναι. Quæcunque igitur venit, prima illi semper cura conveniendi viros, à quorum συνουσία & melior & doctior possit discedere. Eum esse te, qui in talium virorum albo inter primos censere, mi Juni, & scit ipse, & nemo non novit: ut mirum non sit, optare illum tuum colloquium, atque adeò amicitiam tuam: αὐτὸ γὰρ τὸ καλὸν, scis ipse, ἵψ' αὐτὸ καλῶν. Si igitur ipsum voti compotem feceris, & eā humanitate exceperis, quam in te omnes dilaudant, & me & ipsum magno tibi beneficio obstrinxeris. Vale. *Genevæ*, a. d. x. Kalend. Septemb. c13 13 xciv.

De filio tuo mihi percharo nihil scribo, quia ante pauculos dies tuis fuscè respondi, & de eo, quæ videbantur, pluribus scripsi. Iterum vale, & me ama.

EPISTOLA DCCCCLXXXV.

* * * * WERKHOVIO. ✠

SALVE à me, Werkhovi dulcissime, 1594. salve ab uxore mea, imò & à liberis nostris, iterum atque iterum, vel millesimum potius salve. Magna nos hisce diebus lætitiā affecit nostras ille, qui redux, de vestro omnium Basileam adventu certiores nos fecit. Deum veneror, sit tibi tuisque amicissimis sodalibus totum, quod reliquum est iter, tam lætum & faustum quam principia fuere. Nos Dei gratiā valemus hic omnes, & tui memoriam suavissimam servamus, servabimus:

Εἰς τὸν ὕμνον πρὸς καὶ δεινὰ μακρὰ π-
θίλη.

Certè quidem, mi Werkhovi, dum spiritus hos reget artus, vigeat apud me uxoremque meam amor tui, & recens semper tuarum virtutum, vestrarumque omnium lenitatis, mansuetudinis, & probitatis recordatio. Tu ut nos amare pergas, pluribus non petam à te, persuasum enim habeo altius radices egisse semel susceptum nostri amorem, quam ut ullā vel temporum vel locorum intercapedine possit labefactari. Cum igitur hoc à te pluribus non petam, tum quid aliud ad te scribam non habeo; cætera enim ex Canteri literis intelligis. Vale, charissime Werkhovi. Raptim. *Genevæ*, a. d. x. Kalend. Septemb. c13 13 xciv.

EPISTOLA DCCCCLXXXVI.

✱ HIERONYMO COMMELINO.

1594. **E**Cquid fidem meam culpabis, an laudabis, Vir amicissime? Nam utriusque facultatem & occasionem satis idoneam à me tibi præbitam existimo. Non præstiti, quæ eram pollicitus; præstiti, quæ non eram. Tu illud excuses, hoc factum probes velim. In Epistolas ad Atticum ne quid adhuc ederem, hæc causa fuit, quam tibi sæpe afferre memini, quoties de ea re sermo inter nos esset, non enim poteram mea parare ullo modo, quin prius tæ clarissimi Junii vidissem. Hoc apud me semper fixum fuit. Nunc postquam vidi, jubeo te esse, siquid nostra curas, securum, & brevi tempore, quæ habeo, expectare. Non sanè nulla eruditissimus ille vir spicilegia mihi reliquit. Sed de nostris aliàs. Ubi autem, inquires, Notæ in Declamationes? Mi Commeline, obsecro te, sit tibi persuasum, nihil factum propius quàm ut illæ ederentur, sed dum cupio non solas eas prodire, nec solæ nec comitatae prodierunt. Volui Dionysii Halicarnassei quædam ejusdem argumenti à me primùm versâ adjicere; item Græcas aliquot Declamationes prorsus similis argumenti. Hæc dum paro, dum molior, victus amicorum precibus omnem ingenii aciem aliò transferre cogor. Impulsus enim sum, ut Apologiam Apuleji librum disertissimum, & pessimè ante nos à sciolis acceptum, recenscerem simul & publicarem. Eum librum tibi tuisque impensis edi volui; in quo siquid peccavi, tuque factum improbes, spero Stoerum, cujus fideli operâ usus sum, in suas rationes faciliè hunc librum translaturum; qui me rogavit non semel, ut qui de tua voluntate certior non essem, paterer suo nomine illud ederet: respondi, te nisi muraveris sententiam, quidquid essem editurus, faciliè pro tuo esse agniturum. Nunc tuum est cum Stoero rem pro utilitate tua transigere; & simul quid deinceps à me fieri velis tali casu significes. Ego tuum nomen, ut gratiosum apud omnes nostrarum literarum amantes cuivis alii prætulero. Idque ego quanti faciam, brevi (crede affirmanti) testatum apud omnes faciam. καὶ ταῦτα μὲν ταῦτη. De Athenæo scripsi nuper ad te non unis, sed pluribus literis, quas puto omnes te accepisse; cupio quidem certè, cò nunc brevior ero. Tantùm dicam, nisi operâ Pauli Stephani hac in re utaris, fore ejus perdis-

cilem editionem; apud nos enim, qui 1594. corrigendo juvare queat, hodie, quod sciam, nemo præter illum est. Tremuleus, quicum locutus eras, Laufannam abiit. Gualterus, qui solus supererat, pistrino addictus primam Gymnasii nostri classem regit. Alium præterea neminem novi, cujus eruditionem tanti æstimem. Superest igitur, siquid facturi hic sumus, Pauli Stephani operâ utamur. Ejus industriam & eruditionem spondeo posse satisfacere hac in re nobis. Heliodorum habes paratum; quin tu illum nobis mittis, ut tandem fidem tuam liberes? Hoc mihi gratius facere nihil potes. Habes & alia quædam, quæ, nisi fallor, haud incommodè hic possunt edi. Ego operam meam tibi offero, & amicitie nostræ debitum, & publicæ literarum utilitati. Poteris, si videtur tibi, Stoero aut alii cujuscunque amico tuo negotium dare, ut cum eodem Stoero agat. Ave, Vir amicissime, & vale. *Genevæ, a. d. ix. Kalend. Septemb. c15 15 xciv.*

Uxor te plurimum salvere jubet. Ego & illa fratrem tuum longâ salute imper-

EPISTOLA DCCCCLXXXVII.

MARQUARDO FREHERO. ✱

Hodie iter instituit ad vos Anglus 1594. quidam nobilis, cui literas ad te dedi, Frehere amicissime. Vix ille domo exierat, cum venit ad me amicus quidam meus, vir honestus & probus, cui negotium est cum nobili quodam vestrate: rogat, si quid isthic gratiâ possim, se velim ire adjutum. Ita mihi data est tui iterum compellandi occasio; quippe unus tu in istis locis es, qui meâ causâ plurimùm potes, cum plurimùm velis. Quamobrem rogo te etiam atque etiam, Vir amicissime, siquid velis, vel consilio juvare cum potes, qui has literas tibi reddet, tuum illi amorem in me testatum facias. Res, quæ de agitur, hæc est: Nobilis quidam adolescens vestras, cum apud nos esset, pecuniam sæpius ab illo mercatore, cujus hic est institor, accepit; quidquid datum fuerat, bonâ fide semper isthic persolutum est, exceptâ summâ, quæ postremò illi tradita: centum aureorum illa fuit; quos nobilis ille juvenis sanctè juravit discedens, se simul ad patrem redisset, curaturum, ut refunderentur. Mercator & πῆς γενομένης πικαρίστου πὲ μὲλλοντα, & ipsius adolescentis, nobilis præsertim, fidem secutus, non gravatè abundi facultatem concessit, cum impediendi abitus leges ei facultatem

rem

1594. tem darent. Post illa nihil quicquam trimestri de eo nomine auditum est. Coëgit hæc illius mora nostratem mercatorem suum hunc institorem isthuc mittere, cui si tu consilii, quo abundas, copiam feceris, & rationem aliquam indicaveris, quâ possit ejus herus ad suum pervenire, immortalis beneficio me tibi devinxis. Vale. *Geneve, a. d. ix. Kalend. Septemb. c. d. xciv.*

EPISTOLA DCCCCLXXXVIII.

✠ FRANCISCO NANSIO.

1594. **P**lanè enim ingratus sim, Vir doctissime, si te ne non plurimum amem, qui tot elogiis nuper me publicè ornasti. Ego verò te, mi Nansi, amo vel deamo potius, & quòd me amore tuo complectaris, tanti æstimo, ut recordatione tui in me animi lætari plurimum atque adeò triumphare soleam. Cur enim ego dissimulem, quantopere afficior tuo & tui similitum virorum testimonio? Laudari, ait ille, à laudato viro, *ὁκνήν* mihi certè; neque illorum *χαυνότης* probatur, qui ut esse aliquid videantur, & famæ & inanis cujusdam gloriolæ in literis operam ponunt, illorum item, qui ut fungi aut lapides *ἀναισθητῆρες* nullâ bonorum & clarorum virorum commendatione moventur, securi quid reliqui mortales de se judicent. Quod si qui hodie sunt alicujus nominis viri, quibus me & mea probari laborem, nedum optem, tu profectò, Vir præstantissime, inter primos es; cujus admirandam in iis literis diligentiam & peritiam, in quibus nos quoque aliquid posse videmur, testantur cum alia, tum Narnus tuus. Eum Poëtam nos tanti semper fecimus, ut nihil admodum illi præter *γενεῖν νεότη-
ται* deesse crederemus, quò minus vel ipsum principem & fontem ingeniorum posset provocare. Magno igitur nos affecisti beneficio, cum in tanto Poëta illustrando operam posuisti. Perge, obsecro te, Vir magne, de literis, & nobis, earum cultoribus, ita mereri. Nos quoque molimur in eo genere aliquid: sed omnibus ferè præstidiis præter ingenioli vires destituti, non scriptos manu libros, non editos sæpe, quibus opus sit, ad manum habemus. Quid ergo mirum, si nihil tale à nobis exeat, qualia vos isthuc deliciæ Musarum, multa quotidie editis? Adde quòd otio adeò non abundamus, ut prope modum quid otium sit nescimus. Sed de nobis nimis multa. Hoc tamen te scire volui, ut *ἐν τέρμα* illud, quod ad

te mitto, æquo adversum nos animo 1594. legas, & culpas nostras amicè excuses. Vale. *Geneve, a. d. v. Kalend. Septemb. c. d. xciv.*

EPISTOLA DCCCCLXXXIX.

VIRO MAXIMO,
PHILIPPO CANAIO ✠
FRAXINIS.

Postquam eas literas à te accepi, quas 1594. mihi à te Quercetanus reddidit, in magna semper expectatione fui tui Lugdunum adventus. Ita enim scribebas, te post mensem & dies aliquot illac transiturum, ut in Occitaniam venires, Regis mandatu Præsidis munia functurus. Quod etsi mihi aliisque mirum videbatur, te tam procul à laribus tuis, post tam longam *ἀποδημίαν*, quasi per speciem à nobis relegari, tamen quia tibi, otii amantissimo & honoribus maximis perfuncto, id non videbatur esse *ὄν ὅμιλ*, gaudebam, lætusque eum diem expectabam, quo tu illuc advenires. Sperabam enim, si fieri ullâ ratione posset, hac occasione me usurum, ut te viderem, & unâ tecum Valentiam usque pergerem. Pridem enim mihi visendæ matris necessitas incumbit, neque aliud ferè est, quod me impederit per hosce proximè elapsos menses quàm tui expectatio; cupio enim, Vir amicissime, cupio cupidissimè, si tu in illa venturus es; eodem itinere te invisere, & quod ajunt, de una fidelia duos parietes dealbare. Habes causam mei tam diuturni silentii, nam post Quercetani reditum nihil literarum ad te dedi, cum interea tamen dies noctesque de te cogitandi, tuaque in me merita prædicandi finem modumve nullum faciam. Sim enim bipedum ingratisissimus, si ulla dies ullumve locorum intervallum illorum memoriam apud me imminuerit. Viget verò vigeatque æternum (certè quidem *ὄψα ζώειν μετέω*) suavissima, semperque recens amicitie tuæ & maximorum fructuum, quos inde percepi, recordatio. Quò magis ardeo videndi tui cupiditate. Quis enim scit an non ea mox tempora sint consecutura, ut ejus rei facultas nulla unquam posthac sit nobis futura? Certè quidem, ut res sunt, quid metuamus in promptu est: quid speremus, vident fortasse alii, ego nihil video. Sed Deus Opt. Max. *ἀφαι-
ται*, cui curæ *πὲ ὀνὴ ἡμᾶς πὲ ὀνὴ ἡμῶν*. Studia nostra hic non frigent, docemus ut prius, legimus, scribimus novi semper aliquid. Superioribus mensibus per occasionem libellum emisimus, cujus exemplum à me tibi offeret cum

D d d d

literis,

1594. literis, amantissimus mihi vir & eruditissimus Dominus de Bullion. In Suetonio hæremus adhuc. Sperabam brevibus Notis posse cum confici, ecce jam surgit magna Commentarii moles; nec dum finis tamen. Actum nos egisse, nemo erit tam invidus aut improbus calumniator, qui dictitare ausit; eò sanè diligentiores fuimus: quia & merebatur Auctoris præstantia, & cum tuo nomini id operis consecrare destinaremus, cavendum etiam atque etiam fuit, ne in eo contexendo omisiores fuisset videremur, quam tu olim in benè merendo de nobis. Gratum id tibi fore animi mei planè tibi devoti testimonium, in spe magna sum. Alia quæ molimur, multa sunt: sed, quod te non fugit, tempore ad ea promovenda, quæ rudius scripsimus, opus est, id siquidem Deus Opt. Max. dederit: sin minus, erit alius, vel alii potius feliciori sidere nati, qui ea perficiant, quæ nos volebamus. Uxor Dei beneficio valet, valent liberi, quorum jam numerus nobis grandis est, in primis *φιδυππίδιον* tua, quæ suis leporibus plerasque mihi curas detergere nunc solet; magno postmodum sollicitudinum onere nos pressura. Sed aderit, spero, *ὁ πανάγαθος Θεός* quem veneramur supplices ego uxorque, ut te cum nobilissima conjuge & *ὁ φεικτικός* liberis custodire salvos velit atque incolumes. Vale. *Genevæ, a. d. vi. Kalend. Octob. c. d. d. xciv.*

EPISTOLA DCCCCXC.

✠ RICHARDO THOMSONI.

1594. SI quid unquam mihi ex animi sententia evenisse memini, charissime Thomson, ille certè felix mihi dies illuxit, quo amicitiaæ fœdus tecum pepigi. Ita mihi in dies crescit amor tui & desiderium. Illos autem non possum faustos appellare dies, quibus te interprete amicitia mihi contracta cum Polono illo infelicissimo mortalium; &, quod invitatus dico, cum Anglo illo, quem tu in meas ædes introduxisti. Magno enim nunc mihi amicitia illius constat. Ne te moror pluribus, discessurus ex his locis vir optimus & eruditissimus, quia pecuniam diu frustra expectaverat, egit mecum ut pro se fidejuberem: feci libens: quæris pro qua summa? Ad ducentos triginta aureos & amplius; cum præter hæc debeat ille mihi aureos tres & triginta. Sic inter nos convenerat, ut ille Francofurti solveret, & quod mihi, & quod alii debebatur. Nihil eorum factum est. Nunc illud scilicet superest, ut posteaquam sponendi stul-

tè, poenas stultitiæ luam, & pro amico 1594. tantam summam solvam. Scis tu, mi Thomson, quo loco sint res nostræ; quàm difficile sit, vel potius mihi *ἀδύνατον* talem summam præstare. At amicos habes, inquires. Sanè habeo; sed qui possit juvare me hac in re, ne unum quidem habeo. In uno Wottone spes est omnis; is sit mihi Telephus oportet: vulnus fecit, vulnus factum sanet necesse est. Eà sine ad ipsum scripsi literas, quas his adjunxi. Te oro, ô animæ dimidium meæ, te obtestor per nostram amicitiam, cures literas deferendas, hominem inquires, inventum horteris ad officium: denique non prius quàm re confectâ conquiescas. Mi Thomson, agitur existimatio mea, agitur de studiis, quæ mihi vita ipsa sunt chariora. Et tu aliam occasionem expectabis navandæ mihi operæ, quam amicitiaæ jure debes? Non facies, novi fidem, novi pietatem tuam. Fac ergo opus appareat, & quàm primùm scribe ad me quid egeris, quid speres, quid Wotto agar. Ego illum non accuso, tamen per illum in ærumnarum pelagus incidi, nisi sedulò omnia egerit, ut me his malis eripiat, *ἀπορίτης, ἀβύσσου, ἀνίστατο ἰσακύανου*. Sed faciet, spero, quod virum bonum decet. Iterum atque iterum me & mea tibi commendo. Uxor liberique mei suavissimam tui memoriam servant, idem facit & soror alique amici. Vale, corculum meum. *Genevæ, raptim in summis sollicitudinibus, a. d. v. Id. Octob. c. d. d. xciv.* Deus te servet, mi Thomson.

EPISTOLA DCCCCXCI.

HENRICO WOTTONIO. ✠

1594. **Æ**Rumnarum pelagus nuperæ Francofurdienses nundinæ mihi tibi-que, sed magis mihi pepererunt, charissime Wotto. Fidem tuam non accuso; nec dubito implese te partes boni viri & amici: tamen quod res est dico, nisi *Θεός δὸν μηχανῆς* adsit, amicum tuum funditus evertisti. Et res, inquam, meæ, & studia in acie novaculæ nunc stant. Omnino ita est, nunquam scivi quid esset versari in periculo existimationis, ad hunc usque diem; nunc didici. O durum rudimentum! Res isto loco sunt. Posteaquam renunciatum est Francofurti nihil esse solum, fremere hic omnes, & me appellare. Apud Philibertum Imbert facilè rem composui; quia major ducentis Germanis florenis summa mihi debebatur, quæ casu in ejus manibus erat. Sed scit Dominus Deus, scis & tu quàm non sit mihi facul-

1594. facultas pro alio solvendi summam, præfertim adeo grandem. Ita cum illo actum. Superfuit aurei illi sex supra centum, pro quibus spondit vir nobilis à Burgo. Is erat discessurus post quadriduum, & ante illud tempus eam summam à me sibi numerari postulabat. Nunc cum maximè in agone versamur, exigi quidem à me nihil potest: neque enim ita res meæ ferunt. A Michaële verò minus quàm nihil. Ita superbum, αὐθάκαςιν, φιλάργυρον, ὅπως est id genus hominum. Cum cœpi de hac re illum appellare, penè convitio sum exceptus. Et sanè illa tua promissio nihil nos juvat. Mihi crede, vix sum apud me præ magnitudine mœroris, curarum, & sollicitudinis, & nihil tamen perficio. Nec tandem quis futurus eventus scio. Superest is, à quo equum emisti, is nondum me appellavit: sed habeo pro certo, illum paucis diebus quoque plurimum mihi negotii exhibiturum. Vides, charissime Wotto, quem in locum sim conjectus: iterum dico, nunc incipio discere quid sit dolore premi. Tuæ nunc, tuæ sunt partes, per ego te nostram amicitiam, per tuam fidem, per ipsum Dei nomen oro, obsecro, obtestor, libera me ex his angustis: fac appareat quanti tuam existimationem facias, quanti nostrum nomen, quanti nostra studia, quæ miserè jacent, & jacebunt, dum ego in hoc luto hærebo. Velim etiam tibi veniat in mentem sermonum, quos unà habuimus, cum hic esses. Nihil me ad hanc fideiussionem impulit præter tui amorem, & existimationem de tuis virtutibus. Hactenus quod accidit, vis id major fecit, tua culpa nulla est: deinceps nisi tu te virum præstes, vide obsecro, vide, mi Wotto, quomodo mecum agetur, & quomodo famæ tuæ confules. Non ego talem fructum nostræ amicitiae speravi, & spero meliora; sed nunc quo loco sint res meæ non scio, neque quid aut faciam aut dicam. Mihi enim res hic in molestissimis & omni humanitatis sensu spoliatis hominibus, creditoribus tuis. Quare fac, oro te etiam atque etiam, ut nomen hoc quàm primùm expungas. Ego non desinam literis, nunciis, tabellariis & omnibus modis te urgere, donec res fuerit perfecta. Vale, charissime mi Wotto. Geneva, a. d. v. Id. Octob. c15 15 XCIV.

EPISTOLA DCCCCXCII.

PHILIPPO CANAIO A. ✱
FRAXINIS.

Ela, dic, sodes, nunc esse me tui obli- 1595.
tum aut in scribendo negligentem. Ecce tertiam hanc Epistolam impingo tibi illius Epistolæ loco, quo me nuper cruciasti simul & beasti. Vix rotident sunt dies cum tuas accepi; quid facturum deinceps putas, si aliæ item sese offerant mittendarum literarum facultates? Nam certum est quia de silentio meo conquereris, assiduitate mearum omnem expostulandi ansam tibi in posterum præcidere. Serò sapis, inquires, nam præteriti temporis negligentiam nulla post diligentia diluet. Ego verò scripsi ad te, virorum optime, & meæ diligentiae testes habeo quàm plurimos. Tuas quoque illas multas, quas ais, accepi nullas: ita, inquam, est. Postquam rediit ex Aula Violetanus noster à te nihil quicquam unquam recepi; imò ne rescivi quidem de te quicquam certi. Quid igitur me accusas? Cui si ego dicam, dixero apud Jovem φίλον, metuenda sit magis κατὰ διάν, quàm speranda victoria: nam quod rarius scripsi, in causâ tute es, qui modò Lutetiae esse, modò in Lugdunensi itinere, modò nescio quò avolasse nuntiaberis. Quid igitur facerem? Ἄμμες γὰρ βραδύηροι τὰ πείσματα συλλαβάν. Illud scilicet metuentum tibi fuit, ne tui tuus Casaubonus oblivisceretur. Εὐφίμει ὅτιν· & ista verborum monstra piaculari aliquo sacro facito procures. Τὸ γὰρ ἡμῖν πὺς ζωίας ἔχω. Ζῆ πὺν πᾶν ἰδεῖν τὸ δὲ λοιπὸν ἀπαλεῖν. Quamobrem oro & obtestor te, si quid adhuc viger in te veteris amoris in nos, recinas Sapphicum illud tuum quàm primùm, ἡράμαν μὲν ἐγὼ σέθεν πάλαι πῖκα. Tunc me amasti olim? Desisti nempe, & animum mutasti perfidus. Εἰ γὰρ γὰρ τὰ φρενῶν ἐρίω κέει· ἐν μυχῇ. Liber quiritare, pro Deum atque hominum fidem! ubi integritas, ubi vetus amor, ubi constantia, si tentari hac cogitatione magnus animus tuus potuit? Non tu mihi antè talis cognitus. Ἀλλ' ἐκ τῆς ἀρετῆς ἐν ἀνθρώποις βίβαιον εἶν. Sed, amabò, redeamus in gratiam, & vetus illud comprobemus exemplo nostro: *Amanitium iræ amoris redintegratio est.* Nisi tu me vis, quod adhuc superest spiritus vitalis, ἀδρός efflare. Egregiam verò laudem & spolia ampla referes, si amiculum tuum perdidideris. Stat enim tumulo nostro inscribere:

Τῆτον ἔπος ἔκπινεν ὀδαιπὸς μὴ παροδεύσης·

Ἀλλὰ εἰς τὸδε λήξεν, ἀπηνία ἔχεν ἐπιπρον.

D d d d 2

Jam

1595. Jam quid acturus sis vide. Sed satis joculari sumus. Cum illa de conditione Mompeliensi legerem, quæ amantissimè scripta à te sunt, arrexì aures illico. Ita statim mecum: En erit unquam ille dies, ille dies exoptatissimus, qui me tibi, te mihi, reddet? O si me Deus Opt. Max. tanti voti olim damnaverit, quæ gaudia? quæ lachrymæ per genas amborum manabunt? Sed, obsecro, serione loqueris, an ego somnio aut tu? Nihil enim magis præter spem, nihil minus conveniens tuis postremis narrare poteras. Age verò, quæso te, itera dum eadem ista mihi: rem enim tam grandem, tantique momenti, non sic stringi verius quàm explicari, & premi potius quàm exprimi oportuit. Mihi scopus is est, & votorum consiliorumque summa eadem est, quæ semper fuit, semper erit; ut *ἀσάρετον ἢν θεόθεν ἔλαχον κισμῶν*, vitam cum aliqua *ῥασαύῃ* degere queam. Hic propter summam omnium rerum egestatem, non solum paupertatem, non posse me compotem voti fieri, fatis notum tibi. Si igitur, Deo auspice, languentia studia juvare potes, si rem labantem aut lapsam potius restituere, improbus sim, si te non sequar. Sed quò me voces, & quorsum vide. Quis enim sibi persuadeat esse isthic aliquem in publico nostris literis locum? Deinde illa, quæ memoras stipendia, an satis certa? An etiam aliqua diuturnioris concordie & pacis spes? Hæc aliaque id genus si mihi pluribus paulò exposueris, Amice magne, de cætero facio tibi statuendi de me potestatem; tuus enim sum *ἐλθὼν καὶ παῖς*. Neque ego aliud quid sapius aut libentius prædico quàm unum adhuc extitisse te, qui sæpe opibus tuis opem tuleris languentibus Musis nostris. Atque hujus animi illustre testimonium, si Deus dabit, brevi erupturum publicè spondeo; cum oppidò laboriosum opus, nostrorum in Suetonium Commentariorum tibi *προσφωνήσωμεν*. Magnà enim alacritate studia nostra quotidie, Dei beneficio, persequimur. Nuper adeò libellum * edidimus, & Scaligero nuncupavimus, non sine applausu etiam eorum, qui in orchestra sedent & ad podium. Eum statim misi ad te: qui si tibi redditus non est, habeo quod querar de amicissimo Bullionio, cui illum tradidi. Scito autem constitutum mihi, Deo bene juvante, sub exitum ætatis matrem visere in Delphinatum, ad teque excurrere, nisi tu non vis, aut abes nimis longè. Interea Deum Opt. Max. *ἀδιαλείπτως* oramus ego & conjux, ut te cum nobilissima uxore & suavissimis liberis servet sospitetque. Vale, & χα-

* Apuleji
Apologia.

ρίτων ἱερὸν φῦλον. *Genevæ, a. d. vii. Ka. 1595.*
lend. April. c15 15 xcv.

EPISTOLA DCCCCXCIV.

MARQUARDO FREHERO. ✕

Suetonium, opus adhuc musteum, 1595.
Mitto tibi, clarissime Frehere, non sine jucundissima mentione nominis tui, cui nostra studia non parum se debere profitentur. Volui extaret hujus nostri amoris testimonium etiam in eo opere: nam alius locus erit, Deo dante, prædicandi tui beneficii, quo me adjunxisti mirè tibi, cum illa fragmenta Theophrastea misisti ad me. Si alià ratione possim gratum animum testari meum, facerem libentissimè. Mihi admodum præter literas & studia mea, *τῶν ἀνθρωπίνων* nihil curæ. Qui hac parte me adjuvant, iis ego me plurimùm debere sentio. Tu in his, amicissime Frehere, quem scio nostras esse aliquid putare nugas. Vellem quidem non fallereris, sed tamen quicquid est quod possumus, bono animo, fide magnà ad colendum literarum arvom conferimus. Aëquis iudicibus semper probatam iri voluntatem nostram confidimus: cæteri quid pronuncient de nostris scriptis, & *φροντίς ἱπποκλειδῆς*. Finem facturus eram, sed subit animum, esse quod tecum prius agam; memini enim novissimis tuis mirificam te mihi voluptatem attulisse, quòd spem faceres *Νεμικῷ* Græci, quod doctissimus Leunclavius congessit. Itane verò, exibat in lucem ille Thesaurus? Obsecro te, mi Frehere, quia semel cœpisti, bea nos munere, & de literaria Republica etiam sic bene mereri perge. Ego, siquis alius, gloriæ *μακαρίτης* illius faveo, favebo: quod propterea testari apud te volui, ne te fortasse moveret, quòd toties in Animadversionibus ad Suetonium, Dionem illius carpo. Feci id eà libertate, quam puto omnibus deberi, qui has literas tractant: cupioque idem fieri in me, sed eodem animo. Enimverò non queo dissimulare, virum eruditissimum sic versatum esse in eo Auctore, ut Leunclavium equidem non agnoscam; ita multa crassa, fœda, ingentia hominis peccata: jures, si illum aliundè non nòris, neque linguæ Græcæ, neque Latinæ, neque Historiæ Romanæ, neque Juris ullam *λόγος ἀξίας* habuisse eum cognitionem. Mihi verò cum illo nulla notitia intercessit, ut privata amicitiæ rationem habere debuerim. Quin memini scripsisse me ad illum literas aliquando non minus honorificas, quàm si ad principem aliquem nostrarum artium,

1595. tium, imò omnis eruditionis scriberem: eas fuissè illi redditas, & quidem, si memini, ope tuâ, habeo pro comperto. Ipse tamen respondere laceffit: insuper habuit: deinde quæ in Stephanum, (commiseratione potius quàm illâ irâ dignum) toties, tot locis congestit, omnibus notum. Hæc siquid paullo asperius in ejus scripta dicere me coëgissent, fortasse causam, te judice, obrinerem: nunc, quod sciam, nihil tale factum: tantùm libertate meâ usus sum. Quod si tibi, charissime Frehere, improbatur, quæso, ignosce, & agnosce ingenium meum; qui ita sum factus, ut imperitiam alicujus terræ filii facilis feram, quàm docti adeò viri tam supinam negligentiam. Vale. *Genevæ, a. d. iv. Kalend. Septemb. c15 15 xcv.*

λόγῳ ἄξιον ἀπολαύσεις · ὡς ἐν ἐ τῶν ἱσῶν 1595.
 πυξόμῳ, ἅτω διανέμει καὶ μὴ πῦνι ὅμως
 τῶν σὺν ἀγαθῶν μετὰδίδως ἡμῖν, πῶς πὶ κα-
 λὰ μιμνήσκῃ μὴ ἔπω, θαυμάζων δὲ γε, ἃ
 ἐξ ἀφελείας καρδίας ἐπαυῖν ὀπισθεμύμει.
 καὶ πῦτα μὴ ταύτη · πλείους δὲ σὺ, ὦ
 θαυμάσιε, ἴδα ἃ ὁμολογῶ χάριτας, αὐτὸ ὦν
 ἔγραψας περὶ τῷ Οὐσιωτικῷ πρᾶγμα, τῷ
 ἰμοὶ πῆ ἀπαρτίετα · ἐπιθὴ δὲ ὁ καλὸς Οὐσι-
 τῶν, ὅψι μὴ, ἀλλ' ὅμως, πραγμάτων ἡμᾶς,
 εὐ πῶν, ἀπῆλλαξε περὶ τῶν περὶζυγῶν
 λυπηρῶν εὐσεμὰ μοι κῆδον καθ' ἡρόδοτον.
 φιλῶ γὰρ ὁ ἀπὲρ, καὶ γίγνεται, καὶ ἐστὶν, ἀλ-
 λά καὶ ἐστὶν ὅφρα ζῶσι μετῴν · ἐκ ἐστὶ γὰρ
 ὅπως ἀνδρὰ ἐγγυῆ, καὶ εἰς ἀκρὸν παιδείας
 ἐληλακόσα, ἐκ ἀγαπήσων · μάλιστα μὴ ἐκοίτα,
 καὶ ἐν πείσει, φασὶ, μινύτα, εἰ δὲ μὴ κἄν
 ἀκούσῃ ἐγὼ, καὶ μετὰπρημένον. Ἰερὸν πᾶρ
 ἰμοὶ κρήνῃ ἡ Φιλία · ἥς πὶ σιντὰ ἔργα διαφυ-
 λάττειν χρωὶν ἀφθαεῖα πὶ ἃ ἀχραία. Ἰόδι
 δὲ διασημῶν ἡμᾶς εὐεργιστῶν, εὐεργεσίας
 μεγάλης χάριν, διενὶ παρακαταθῆκῃ, ἐν
 τῇ κρείττερά ψυχῇ ταμιευσάμεν, ἐξοῖ ἀπαι-
 τῶν αὐτῇ ἡμᾶς ὅππῃ ἐν καὶ ὅπως βελεμῶν
 σοὶ ἐστὶ · πὶ αὐτῇ καὶ περὶ τῷ εὐγενεστάτῃ, καὶ ἐπὶ
 παιδείᾳ πολυειδῇ περὶ τοῦ Σακελίου καὶ τοῦ καὶ
 λέγω · τῷ δὲ καὶ δι' ὀπισθελῆς ἐκείνου εὐχαρε-
 σίσω · ἀρετὴ δὲ, ὦ ἀλγεῖ, διάπειραν ἰμὲ
 λαμβάνειν · ὃ γὰρ μῆππὶ φανερῇ εἰς πύθον
 πτρημμένοι ἦν τληκοντῆς · ὃ μὰ τὸ ἐν ἔρανῳ
 μέγαν Θεόν. Ἀγαμαι δὲ σὺ καὶ τὴν παρρησίας,
 αὐτὸ ὦν ἐνυϊκῶς ἐπιτήμητας ἰμοὶ ἐκ εἰδ' ἔπος
 γράφασθαι σοὶ ὅπῃ ἡ ἐγγυῆ αὐτῇ τῶν καλῶν καὶ
 γυναικῶν διασημάτων ἡμᾶς ἀπίσπευδε, καὶ
 ὡσανὶ τρέχειας τῷ δρόμῳ ἐνίχετο. φῆς γὰρ
 ἐ σφῶ πῶς ἀνδρὲς εἶναι τὴν γνώμην πάντην ·
 ἰππὶ, ἐδε καὶ λόγον εἶναι, δι' ἡπνῶν χρημα-
 τικῶν ζημίᾳ τῇ τὴ σφίος ἐπαγγελία ἀπο-
 τάττεισθαι. καὶ σύμφηφ' ἐγὼ γε τις σὺς γί-
 νομαι λόγους · ἀλλ' ὃ πῶμα σφός τις εἶναι
 ἐγὼ · εἰ καὶ σφίος ἐραστῆς, καὶ ἐξ ὀνύχων, τὴ
 λεγόμεν, ἐκείνης θαυμαστῆς γιγνόμεναι, ἐκ
 αὐτῶν ἔξαρτ' γιγνόμεν. καὶ τοὶ ὃ οὐνοῖα ἐμαν-
 τῷ τὴν περιπέτειαν ταύτην ἀχρημόνως ἐνεγκὼν ·
 ἀπαξ πὶ χρεῖα ὦν τὴν ἐγγυῆν, ὃ μῆππὶ ὤφι-
 λον, ὑπέστην, ἀλαύστες, μακρὰν χαίρουν τῷ
 λοιπῷ ταῖς χρηματικαῖς μερίμναις, ἔλεξα,
 ἀλαβέσα ὀπιακῶς γέν, ἵνα μὴ φοβερικὸν ἔπω,
 ἱρρῶμῃ. ἐκ ἄλλως τὴν ζημίαν πάντην εἰς
 νῦν καὶ μῆμν λαμβάνων, ἡ ὁπότε περὶ τῷ
 ἔαθ' πὶ κακοῖς, ἴδα πῶς τὸ καὶ τὸ γράφειν ·
 τὸ ὃ πρᾶγμα ἐλον διπρέφας τῷ θεῷ καὶ τοῖς
 φίλοις, ἱλαρὰ ἐδεν ἥτιον καρδία καὶ περσώ-
 πῳ τὸ πλ' ἐμένα · εἰ τί πῶτε τῶν δεδαπο-
 νημῶν οἷ πὶ εἶν ἀπέναν, ἐν κέρδεος μέρει,
 ἔπε ἡρησόμεν · χάρις δὲ τῷ παναρίστῳ
 θεῷ, ὃ ἀλακυβερνῶν πρέστη ἡ ἐμὴ ἀδελφία
 αὐτοῦ μεγάλης βλάβης εἰς ἀφελείαν τὴν μεγί-
 στην · ἀπέλαβον γὰρ πὶ δοθέντα χρήματα καὶ
 ἀφελήμυντάτην ἐδιδάχαδ' αὐτῷ διδασκαλίαν ἡ
 σφός εἶναι εἰς τὸ ἔπιτε χροῖον, ἡ τῷ σφῶ
 πύθεισθαι τῷ φήσαντι, παγκάλως καὶ ἀτρε-
 κῶς, ὃ σὺ καὶ θεοῖ, ἐγγύα, πῶς δ' ἂν πῇ.
 Ἀλλὰ πὶ μὴ περὶ τυχεῖα ἐάσωμεν ἀχύνεσθαι

D d d d 3

π ε ρ.

EPISTOLA DCCCCXCV.

✠ Δ' Ν Δ Ρ Ε' Α Δ Ο Τ Ν Α Ι' Ω
τῷ πᾶντι
Ι Σ Α Α' Κ Κ Α Σ Α Τ' Β Ο Ν Ο Σ
Ὁ πρῶτος.

1595. **Ε**μαίε μὲν καὶ ἄλλως ἢ παρὰ σὺ Ὀπισσολὴν
ἤδησεν π καὶ ὅπ μάστιγι κεχαρμενὴν
ἴσαθ μοι, Δανάει περσφιλέσται· ἔ μὲν ἀλλ'
ὅτι Ἑλληνιστὶ γράφειν ἰδοὺ σοι, πλὴν ἐμοὶ
παρὰ τὸτο χαρμίστρα αὐτὴ γέννηται· αὐτὸ
γὰρ τὸ ξένον, καὶ ἀγθες τὸ πρᾶγμα· χα-
ρην ἔ τὴν τυχεύσας ἱεροξέιναι· μέγιστον δὲ
περὶς τὸτο ἢ σὴ Ὀγλυτρία καὶ Δειπία συνει-
λαι· ὅπως γὰρ ὦ φιλότιμος, Ἑλλαδικὴν Φωνὴν ἰένπ
σοὶ μέλι· γλυκίαν ρέα αὐτὴ! μέλι δὲ
φῆμι, ἔ μόνον τὰ ὑπὸ τῶν ἑξῶν μελισσῶν
πονηθέν· ἀλλὰ καὶ τὰ ἐκ γῆς (fortasse
γενεμένον vel πιφωκότεν) τὸ δὴ οὐκχαρον ταῖς
νευτέραις, μέλι δὲ καλάμων ταῖς ἀρχαιτέραις
ἐνομαζέιν φίλον· ἐπαίνω σε τὴ γυναικας περσι-
ρίστας· μακαρίζω δὲ τὴ εὐτυχίας· λέγω δὲ τὴν
ἔξιν, ἣν ἐκπέσω ἐν ταῖς τοιούτοις διουσιπιδόν, ὡς
ἐκπῆν καὶ μετὰλλῃ ἔτω σφόδρα ὥστε μοι παρί-
σταθ Ὀπισσολὴν ἀναγινώσκοντι τὴν σὴν ἐκ
ἀπὸ Καυθαδεργίας, ἀλλ' αὐτῶν ὅσοι τῶν
Ἀθηνῶν ἦκει ἐμοὶ ἔστιν· ἐν ἄξιον τετὶ τὸ δῶ-
ρον· ἔτως ἀτίκχερὲς ἐφάτη μοὶ τὸ χεῖμα·
πάλιν ἐν καὶ πάλιν μακαρίζω σέ, ὦ φιλότιμη
κεφαλῇ, τὴ ευφραδίας. Ἀνθισολὴ δὲ σε καὶ
παρακαλῶ μὴ φθονεῖν ἡμῖν τὸ ἐπιπνεῖν τὴ
σὴς ὤμωστας· ἀλλὰ καὶ πολλὰς καὶ εἴχων
παμπλείσων πέμπειν ἡμῖν Ἑλληνιστὶ φθγγο-
μῶνας ἑπτοσολας. Ναὶ περὶ σε τὴ φιλίας Διὸς
καὶ τῶν μνημοσύνης θυρατέρων διομαι, ὦ πῶν
ἑστία ἡμᾶς τῶν σῶν γλυκυτάτων· περὶ λέγω δὲ
σε, μὴ περσδοκᾶν περὶ ἡμῶν ἀντάξιον τῶν
σῶν χαρίτων ἀμοιβὴν· ἐπὶ ἐχ οἷς π ἡμεῖς
Δανάω τῷ ἀτίκκαπτῷ παραδόλλεσθ· πόθεν
γὰρ ἄρα ὀψιμαθεῖς καὶ ὀλίγην δῖω ἐκπῆν ἀντι-
δοσάλλει· καὶ τὸ κεφάλαιον, ἔστι τὴν διὰ-
λεκτην πύτην, ἔπ εἶματι ἔπ μέλαρι ἔπ χ

1595. περ. Τὸν δὲ Σχετόνιον τ' ἔναγκ' ὕφ' ἡμῶν
διερθεῖν καὶ ἐκδιδόναι ἴσως ἰσχυράς· βελού-
μιν δ' αἱ τῶν παραλειμμένων ἢ ἐκ ὁρῶς
εἰρηρῶν συγγνώμην ἄμα καὶ ἱκανόρῳσιν
πρὸς τῶν φίλων εὐρεῖν ἢ ἔπαιον τῶν καλῶς
ὑπὲρ αὐτῶν ποιητῶν ἐνυθέσαν. Πέμπω δὲ σοι
τὰ νῦν ὑπὸ πῶς π. βιβλιαρίδιον, πάλαι μὲν
νῦν ἡμῖν ἐχέμεν, ἀρπ. δὲ ἐκ δι-
τῆς ἀμωστῆρος, οἷα καὶ παλαιὰ ἀνα-
σκειυαδῶν. Ἐφεικὲν γὰρ οὐκ ὀλίγον οὐδ' ὅτι
Θεῶν ὁ καλὸς Ἀθήναι. Ἐφρίθη γὰρ ὁ κύ-
βητος ἐπὶ ἔχ' ἀπαξ ἀλλὰ πολλάκις ἐκδύσκειν
περὶ μὲν μᾶλλον ἢ φρονίμως ὑποθέσκειν·
πάλαι δὲ πάλαι καὶ ἀσφάτως σφαλισμάτων
τὰ ἐκείνη βιβλία οἷα τὰ ῥάστα ἐκκαθάρας,
πρὸς ἑκάστην νῆπ' ἰγὺ, ἰγχεῖν τῷ ἰγῶν,
καὶ ἐκδύσκειν αὐτὰ καὶ τὴν τοῖς φιλοκάλοις τῶν
ἀνδρῶν ἐπαγγέλλομαι· ἑλπίς γὰρ ἔστι τῇ ἡμε-
τέρῳ κριτικῇ καὶ τοῖς λοιποῖς ἀπασιν ὅτι
καταρθεύσκειν, ὥστε ἐν οἷς ἡδὴ ὁδὸν πέρρουν
εἶναι καὶ εἶναι διερωτῶντες ἡμῶν· τὸ δ' ἔχ' ὡς
ἔχει· καὶ πάλιν εἰδὼ τῶν πραγμάτων πόρ-
ρῳθεν ἵκων ἐγγύθεν δ' ὁρῶμεν· ὥστε οὐ μὲν
οἶμαι ἡμῖν πάντως τὸ τῆς λογῆς, ἀρπ. μὲν ἐγεί-
σας πῆλιν· ἀναλύει γὰρ καὶ ἀνακαλῶν τὴν
ὑπόθεσιν ἐκείνην· τὸ δ' ἐγκληθέν καὶ οἷον ἐρο-
λασθῆναι ἐπὶ πᾶσι ἀρῶν οἷον π. οὐκ ἴσμεν·
ἔω ἀρὰ ἢ ἀβελία καὶ τὸ μὴ γινώσκον στυλῶν
τῶν κακῶν τὸ μέγιστον καὶ δεινότερον. Ἀλλ' ὡς
τῶν σιωπῶν καὶ ἡμῶν ὑπὲρ ἡμῶν καὶ καὶ νικη-
τηρῶν εὖχεσθαι, ἵνα μὴ ἐκκατέρωθεν, ἀλλὰ τὸ
περὶ αὐτῶν ἐκπλέρωται, ἐν τῇ παρῶντος
ἀγωνίᾳ ἐκ ἀσθενείας τῶν περὶ ἐκείνην
ἀπαλλάττομεν· ἐπεὶ ἔχ' ἑδρας καὶ μελλήσας
ἀεὶ καὶ χρεῖν γὰρ ἡδὴ ἰσχυρὰ καὶ ἐμὸς
χωρεῖν τοῖς δεινοῖς· πάλαι καὶ γὰρ δεῖν σοι ὁ
ἰσὺς δωτὴρ Θεός, Δεῖναι περὶ φιλίας. Ἐρ-
ρίπω· ἐν Γενεύῃ, ἀπὸ Θεοφάνους· μετὰ τὴν πύμ-
νην ἐπὶ δικάδι, α, φ, θ, ι.

EPISTOLA DCCCCXCVI.

✱ JOACHIMO CAMERARIO,
JOACHIMI FILIO.

1595. **L**iteras tuas, & quas misisti in Athe-
naeum Notas, Vir clarissime, accepi.
Ago tibi pro ista tua tam proluxa
humanitate grates gratissimas. Refe-
ram autem lubens meritò, si, quod
opto vehementer, facultas aliqua se
mihi obtulerit testandi animi in te mei.
Sanè haud in pertusum dolium contu-
listi hoc beneficium, & quanquam om-
nia illa, quæ misisti, antè habebam, ta-
men exstabit memoria meriti, quo &
me, & per me Rempublicam litera-
riam iuisti adjutum. Sed vetus est hæc
Camerariæ gentis gloria, ut & litera-
rum in omni genere cognitione excel-
latis, & utilitatibus studiosorum omni-
bus modis inserviat. Viderint alii
quantum se putent maximo viro, pa-
renti tuo, debere; ego illum tanti à

puero feci facioque, ut æternum ve-
1595. stri nominis non amator solum, sed
cultor etiam sim faturus. Equidem
sic sentio, sic judico, aquilam fuisse in
Germania sua patrem tuum, cui par
neque antè extiterat, neque postea ex-
stitit in eadem, quàm longa lataque est
Germania. Dicerem aliquid amplius,
nisi vereretur ne tu me auribus tuis istud
dare existimes. Sed memoriam & de-
siderium tanti viri refecit lectio Ad-
versariorum Turnebi, à qua recens
eram, cùm hæc scriberem. Is enim,
vir & ipse maximus, Joachimo Came-
rario tantum ubique tribuit, quantum
alii nemini. Deus faciat extant in po-
sterum tales paresque tibicines fulcien-
dæ Reipublicæ literariæ, quæ ruere &
quasi ad iteritum vergere videtur. De
Athenæo sic est ut ab eruditissimo &
amicissimo Hæschelio intellexisti, sum
enim in eo, ut doctissimum illum Scri-
ptorem edam: & erit, spero, non inu-
tilis opera, quam in illa editione pa-
randa posuimus. Sed me currentem
multa læpè interpellant, quæ alacritate
meam haud parùm imminuunt.
Nam quò sint redacta hodie Græcarum
literarum studia, vides; quàm nul-
lus propè sit illis locus, quàm ab omni-
bus ceteris deinde contemnantur. Jam si
futura secula cogitemus, quid est quod
excitare diligentiam nostram possit?
Imminet enim, nisi vanum nostrum au-
gurium est, ingens toti Europæ vasti-
tas, & arcana quædam lege fatorum,
quæ in rebus humanis nihil mōmē esse
sinunt, jamjam videtur barbaries illa
reditura, atque omnia occupatura,
quam olim gentes barbaræ, & ab om-
ni cultu literarum alienæ invexerant.
Sed Deus meliora! Ut sit, quantum
in nobis erit, (quod scimus quàm sit
exiguum) pergemus de studiosis bona-
rum artium benè mereri, & ἡν θεὸς
ἐλάχομεν πάντα κοσμήσμεν. Non malè
operam posuerimus, si nihil aliud, ju-
dicio certè & amore tuo cuique simi-
lium fruemur, coque nos oblectabi-
mus. Clarissimi viri fratris tui (quem
meis verbis salutes velim) filium, spe-
ro à majorum suorum virtute non de-
generaturum. Spondet hoc vel ille vul-
tus liberalis, quem præ se fert; sed
multò magis studium, quod literis im-
pendit, ejus rei testis mihi clarissimus
ejus hospes Lectius. Neque ego desti-
ti, quoties occasio fuit, hortari, mo-
nere, rogare meminerit nominis sui,
&, spero, faciet. Vale, Vir eruditis-
sime, & me ama. Geneva, a. d. xiii.
Kalend. Januar. c. d. d. xci. quem
diem faustum & felicem velit Deus ti-
bi tuisque illucere. Iterum vale.

EPISTO-

EPISTOLA DCCCCXCVII.

✠ DIONYSIO GOTHOFREDO.

1595. **S**cripsi nuper ad te, Vir clarissime, cum inibi essem, ut in Delphinatum piam matrem visurus proficiscerer. Ivi, veni, reveni, non sine singulari Dei Opt. Max. auxilio, qui ex infinitis periculis, quæ me undique, præsertim in Sabaudia (quæ hodie latronum terra est) circumstabant, liberavit, & saluum incolumemque ad meos salvos incolumesque perduxit. Nunc scis, quid sit *ἰδοὺ σὺ θύγατερ μνηστὴρ πόνου*. Crede mihi, ex Orco reducem me vides: ita sunt omnes viæ (utique tunc maximè) infestæ & hominibus sceleratis refertæ, qui spe prædæ nemini parcant. Sperabam me inventurum in manibus uxoris literas tuas, quibus novissimis meis responderes: sed fortasse quod diutius afuturum me putares, ideò in scribendo omissior fuisti. Ego verò redii, & tuam voluntatem super instituto negotio intelligere cupio. Quare te oro, ut resemel constitutâ facias me quàm primum certiozem. Cur publicis hisce ædibus egredi cupiam, causas habeo nec paucas, nec vanas: locus est vastus potius quàm amplus, per hyemem tam molestus & incommodus quàm æstate jucundus, Musæum meum ludentium in subdiali puerorum clamoribus obnoxium: mitto cætera oppidò quàm multa. Migrare igitur, Deo bene juvante, statuimus ego & uxor consentientibus sententiis. Tuam domum ut præferam aliis, de quibus habitus mihi sermo, situs maximè facit & vicinia: tantum de precio ut conveniamus videndum. Scripsi nuper quid mihi super hoc videatur, quantumque velim dare: amplius non possum, ne obolum quidem. Non ex sunt meæ nunc facultates, ut si velim possim, nec ea tempora, ut si possim velim. Non is status ædium tuarum, ut carius vãnire debeant. Scito enim (quanquam tibi non puto rem esse incognitam) nisi brevi illæ reficiantur, fore ut magnam jacturam absque dubio facias. Si de pretio inter nos conveniat, spero partem, & fortasse maximam, certè partem me repræsentaturum. Tuæ securitati ut omni ratione consulatur, non impedio. Unum à te petam, ut de pecunia, quæ restabit, agas mecum benignè. Scio exigui bessem usuram, aut ea fortasse majorem: semisses tu, opinor, probabis, & aliquam rationem habebis nostræ amicitiae. Responsum à te cupidè

expectabo. Lecti luctum puto te non 1595. nescire: reverà malè actum cum illo viro, utrique nostrum amicissimo, est: penè dixerim, non potuisse pejus, nisi quod acquiescendum est magni Dei justissimæ voluntati: sed sanè casus ille tristissimus fuit, jactura autem prope incredibilis: ex erant verè nobiles illius matronæ dotes. Deus illi mœrorem hunc leniat minuatque, idemque te & uxorem tuam cum pignoribus & luminibus vestris servet *ὡς πολλὰς ἱέραις δικάδας*. Vale, & rescribe quantocius. *Genevæ, a. d. XIII. Kalend. Januar.*
CIC ID XCVI.

EPISTOLA DCCCCXCVIII.

CHRISTOPHORO FIRXIO. ✠

ECquid silentium miraris meum? Ec- 1595. quid me tacitus apud te appellas, & scœdistragum vocas? puro equidem, Firxi nobilissime, atque adeò spero & confido. Malo enim nostrum hic istud à me desideres officium, meque arcessas ignaviæ, scœcordiæ; adde etiam, si ita vis, perfidiæ, quàm si meum silentium susque deque haberes: illud amoris fuerit indicium, hoc oblivionis & ἀφιδίας. Ergo, inquires, ignavus, scœcor, & perfidus audire non probri loco ducis? Ego verò maximi, neque Deus sinit adeò perfictæ sim frontis, ut hanc notam inuri nomini meo sinam. Scito igitur, Firxi amicissime, quod tamdiu siluerim, nullâ id meâ culpâ esse factum: qui de te & statu tuo semper, posteaquam à nobis discessisti, pro eo ac debui, fui sollicitus. Testes sunt amici communes multi, quibus, si opus sit, testimonium possim denunciare. Diceret generosissimus Comes Hannoniensis, nunquam me ab illo tempore secum verba fecisse, quin de te sedulò quærerem siquid intellexisset. Dicerent iidem viri ornatissimi, Præfetti alter morum, alter studiorum ejusdem illustris Comitû. Prodiret etiam Altorfio doctissimus noster Rittershusius, qui non unis literis rogatus à me est, siquid de te audisset, faceret me id scirem. Possẽm alios producere meos in amore tui constantiæ testes. Sed cur non scribebas ipse? inquires. Atqui literas quò mitterem ignorabam, & per quos. Nunc scio, postquàm ex tuis literis de tuo statu factus sum certior: quibus antè respondiẽsem, nisi mox illis acceptis iter in Gallias ad visendam optimam matrem instituissem. Inde reversus habui nihil antiquius, quàm ut defungerer officio hoc, & vetus illud nomen expungerem. Habes causas

1595. causas silentii mei tam diuturni. Quod superest, gratulor tibi, & quidem ex animo, quod in Aulam Principis illustissimi, Ducis Wirtembergici, sis receptus. Næ tu felix es, qui tam facile, tam citò, quod optabas, sis consequutus. Nihil hic tamen præter spem aut opinionem meam accidit, qui de virtute atque eruditione, quibus nobilitatem tuam ornasti, nihilò deteriora tibi (si meministi) ominari eram solitus; nec omina tantum fuere, sed & vota; quorum damnatum esse me, gaudeo immensum. Nostræ hic res eo loco sunt, quo eas reliquisti. Suetonius tandem editus à nobis est; ejusque exemplar unum tibi servamus, donec mittendi facultas offeretur. Si quam habes certam, significa. Uxor liberique, Dei beneficio, valent, teque officiosissimè salutant. Læcius noster non multos ante dies magno casu prope afflictus est, amissâ uxore, matronâ nobilissimâ & lectissimâ. Res nostra publica, si ærarii inopiam excipias, quæ in dies crescit, nihil mutavit post discessum tuum: inopia verò tanta est, ut eam solam ob causam munitionem ad Albam fluvium cogantur demoliri, non sine magno hostium gaudio, utinam sine nostro damno! Sed Deus providebit. Ex Galliis, unde nuper sum reversus, novi nihil attuli, nisi quod bellum in Provincia acriter gerebatur contra Ducem Pernonium. Præfecit Rex ei Provinciæ & bello Ducem Guisium, adjecto Legato (Rex Tutorem vocabat) Edigerio, cujus fama nomenque super æthera nota. Is primo impetu suis unius copiis urbem munitissimam in aditu Provinciæ obsessam dies octo cepit. Ei oppido nomen hodie Cisteroni: olim, ut videtur, Segesterorum fuit civitas. Quid postea sit factum, nescio. Vale, amicissime & nobilissime Firxi. *Genevæ, a. d. xlii. Kalend. Januar. cld id xcvi.*

EPISTOLA DCCCCXCIX.

✠ GULIELMO RANCHINO, J.C.
ET INCLYTÆ MONTISPESSULI
προθυμότηρ PRUDENTISSIMO.

1596. **M**agno me sibi, Ranchine clarissime, beneficio devinxit Præses amplissimus Philippus Canajus à Fraxinis, per quem & publicè civitati vestræ innorui, & privatim amicitia tua, quâ nihil mihi nec gratius nec optatius esse queat, conciliata est. Salve igitur, Vir doctissime, Amice charissime, & quem ultrò binis literis eruditè juxta atque amanter scriptis, prolixè testatus es af-

fectum, cum petenti mihi tribue, con-1596. serva, auge. Ita erit, spero, nec metuet unquam solvi (ne minui quidem) noster hic nuper susceptus amor. Ut fundata bene altèque ædificia ferunt ætatem, tuta suapte vi adversus casuum & tempestatum quarumcunque violentiam; sic amicitia, quam inter nos instituimus, æternum duratura mansuraque est. Non nos casus, non aliqua aut *χρεία*, aut fortunæ *συζυγία* conjunxit, sed te quidem, ut me amore tuo dignum putares, opinio impulit, (utinam non vana!) quam de nostris studiis concepisti: me ut tacitus te colerem & tuam expeterem notitiam, nedum amicitiam, summa tua virtus non minore eruditione juncta, pridem hortabatur. Non enim hodie aut heri cognitum mihi præclarum, Ranchine doctissime, nomen tuum. Ut ceteros mittam, quos memini sæpius quum de tuis laudibus multa magnaue memorarent, audisse, non unis suis literis in amorem me tui rapuit Præses amplissimus, quem modò nominavimus. Ea propter volui sæpe ex illo literas tibi testes benevolentiae meæ adversum te mittere. Quod cunctationem meam anteverteris, meque adeò jam binis literis lacefferis, haut mei id meriti, sed bonitatis tuæ est. Eidem acceptum fero, quod tanto me opere ac studio isthuc vocas. Vellem Deus fecisset, essent isthic (quorum nimis ubique rara annona est) tui similes multi. Tum ego, mihi crede, vinculis nullis teneri possem, quin ad vos confestim advolarem. Nunc tenent me atque adeò terrent nonnulla, de quibus & scripsi antea non semel, cum ad clarissimos Consules civitatis vestræ, tum ad Præsidem amicum illum magnum meum, & scribam ad te quoque aliàs fortasse pluribus, si feret occasio. Breviter sic accipe, sic de nobis statue: esse me, qui honestum otium & animi tranquillitatem ad persequenda nostra hæc studia optem, quæram, & ita dicam, sitiam. Hæc ut summatim dicam, votorum nostrorum summa est. Verùm ista melius, ut dixi, aliàs. Nunc scribendi finem faciam, si te oravero, ut Suetonium, quem tibi mitto, accipias, & fidum esse tibi persuadeas summi amoris in te mei pignus atque testimonium. Vale. *Genevæ, Kalendis ipsis anni novi, cld id xcvi.*

EPISTOLA M.

EIDEM.

✱ 1596. **L**iteris iis, quas ad me tabellarius vester attulit, Ranchine clarissime, publicè scriptis respondi publicè. Sed quia scirem te prope unicum, certè præcipuum totius negotii hujus auctorem tuis fuisse, promotorem, & ἐπιστάτην, placuit privatim has ad te exarare, testes futuras ἀφελῆς καὶ ἀδελφῆς grati in te animi mei. Sic enim mecum ipse statuo, quum insigni honore celeberrima vestra civitas me affecerit, tanto studio, tantâ contentione ad se accersens, primam tamen hujus beneficii gratiam deberi à me tibi, Vir præstantissime, & illi alteri amico magno meo, qui desiderium nostri primus isthuc excitavit. Indignus sim vestrâ, tantorum virorum amicitia, si quantum eo nomine vobis debeam, vel non intelligam, vel intelligens assiduâ commemoratione & prædicatione non præ me feram. Ego verò faciam; nec committam, ut vestri hujus judicii poenitere unquam vos possit. Sic igitur tibi persuade, hæsuram semper animo meo hujus tantæ benevolentia tuæ jucundissimam memoriam. Noli etiam dubitare invigilaturum me, & ad omnes occasiones fore intentum, quò possim grati animi aliquid tibi testimonium reapse exhibere. Ita me Sophia amet, quam dies noctesque colo, ut ille mihi jucundus illucescat dies, quo sese offeret facultas cum publicè civitati vestræ, tum privatim tibi commodandi, gratificandi, inserviendi. Si nihil aliud potero, Musæ certè nostræ suam mihi opem & operam non denegabunt. Ab illis facillè impetravero, ut meum erga vos studium vobis aliisque testatum faciant: sed hæc aliàs: nunc paucis accipe, quo loco res sint meæ. Posteaquam vir gravis & amicus, Gigordius noster, ad vos re infectâ rediisset, & ipse à matre domum ad libros sum reversus, quum totum hoc negotium à vobis non intermissum, sed planè omissum existimarem; cæpi de conditione Athenæi pridem à nobis promissâ, & quam quotidianis prope convitiis doctissimi viri per literas efflagitant, cogitare. Ac cum variis de causis incommodæ meis studiis illæ ædes essent, in quæ annos aliquot habui, pervenissetque ad Senatûs nostri aures querela super ea re nostra, ecce tibi præter meam spem decernitur ab Ordine amplissimo omnibus modis satis mihi fiat, & de alia domo quan-

toeunque sumptu prospiciatur, dum 1596. modo in aliquod tempus fidem adhuc meam obstringere, & Scholam hanc juvare non nolim. Sic factum triduo aut quatrinduo ante tabellarii vestri adventum, ut hac quasi pactione novâ nostris obligatus, libertatem amiserim ad tempus, quam antè habui. Dolet sanè mihi, quod jam secundum vestrâ expectatione frustreremini. Me tamen illud solatur, quod culpâ nullâ meâ id acciderit, qui profectò vester esse & cupii vehementissimè, & cupio nunc quoque, modò honestè, & nullo existimationis meæ periculo fieri id possit. Nunc quidem datam fidem necesse servem; idque mihi tempus ad editionem Athenæi totum erit necessarium. Quid interea sit eventurum, quid postea, οὐδ' ἐς γένεσιν κίται. Equidem hoc vobis polliceor, si libero mihi certa isthuc spes otii ostendatur, si ad degendam honestè & commodè vitam prælidia offerantur; si, quod maximi facio, vestra omnium benevolentia mihi continetur, vestrum fore me animo & corpore: sin minus, animo certè, ut sum, ita semper ero: eximiè autem & nunc & olim tuus, Ranchine præstantissime, sum croque. Vale, & me ama. *Genevæ, a. d. 14. Kalend. Februar. CIO IO XCVI.*

EPISTOLA MI.

CHRISTOPHORO FIRXIO. ✱

Nihil habebam, Firxi nobilissime, 1596. quod ad te scriberem; quin ipse potius literas à te expectabam, earum vicem, quas Bongarsius, vir clarissimus, tibi nuper à me reddidit. Verum tamen quia confido meas tibi gratas fore, libuit hoc veluti legitimo scribendarum literarum tempore proficiscentibus nostratibus mercatoribus ad mercatum Francofordiensem paucula hæc ad te exarare. Scito igitur, Vir amicissime, vigere in meo uxorisque animo suavem semper semperque recentem tui memoriam. Ita merita multiplex virtus, quæ nobilitatem tuam variè ornat. Utinam possemus aliquam rationem inire declarandæ nostræ adversum te εὐνοικῆς καὶ φιλικῆς διαθήκης! Hoc quia nondum contigit, quod superest & unum possumus, Deum Opt. Max. supplices veneramur, ut te servet, tua consilia regat, in omnibus te formet. Nos hic, Dei beneficio, valemus, etsi uxor ante quinque dies abortu factò filiam peperit, quæ post horas pauculas, tincta prius aquâ mysticâ, diem suum obiit. Lætiùs amissâ uxore,

E c c e

1596. uxore, bona uxoria visurus, profectus est in Gallias. Senex noster magnus valet, ac de te nuper apud me honoratissimam mentionem fecit. Res nostra publica languet, nec certas inducias, nec pacem, nec bellum habens: expectandus aliquis dies criticus, in quo plus erit ad publicam salutem hujus status momenti, quam in omnibus omnium Criticorum noctibus & vigiliis. Vale, & me ama. *Genevæ, Id. Mart. CIO IO XCVI.*

EPISTOLA MII.

✱ JACOBOMEDOUSIO.

1596. **S**Uavissima recordatio tui, Medousi doctissime, expressit à me has ad te literas: nam postquam à nobis discessisti, nullus abiit dies, quo non oculis obversareris meis sapientius. Hærent etiam auribus *ἑταυλοι* adhuc sermones jucundissimi, quos unà habuimus. Tu ut nostri memoriam conserves, non peto: persuasus enim sum paria te mecum facere & facturum porro: vigeat ergo floreatque etiam ultra cineres mutuus inter nos amor. Hoc mihi gratius esse nihil possit. Ad nobilissimum Henricum Wottonem literarum aliquid dare non est visum. Nam si, quod videtur, ejus immutatus erga nos animus, tu melius coram eum nobis conciliabis. Equidem conscius mihi non sum facti ullius, neque dicti, quod arctissimum illud amicitiae nostrae vinculum laxare potuerit, nedum solvere; multò minus frangere *ἀπολύμω*. Ne vivam, mi Medousi, si in ullis ad quenquam literis aliter de eo sum locutus, ac de eo, quem & amarem & colerem unicè. Pelagus quidem molestiarum me esse emensum fateor ejus causâ; at non ejus culpâ tamen. Sic mihi semper ipse persuasi; sic à Thomæ nostro semper sum persuasus, qui de eo negotio nullas unquam literas dedit, quibus fidem ejus & amorem erga me non prædicaret. Quid igitur illum immutavit? Peto verò à te, Medousi amicissime, efficias per te intelligat, quis meus sit erga ipsum animus. Ego illum dum vivam, amabo, maximè quidem volentem & *ἀντιφιλέοντα* sin, quod *μη γένοιτο*, vel invitum & à me alienum. Vale. *Genevæ, Id. Mart. CIO IO XCVI.*

EPISTOLA MIII.

✱ JANOGRUTERO.

1596. **P**LAurum tuum, Grutere charissime, sic avidè expecto, ut cætera om-

nia, quorum expectationem nobis commovisti. Nam illos viginti & novem observationum libros, pridem promissos, quando videbimus? Vide ne post longas moras patientiam rumpant *ἡ φιλομαθής*, & pipulo te ac convitiis flagitent, quibus equidem ducem me & signiferum libens præbebo, nisi tu quam primùm desideriis nostris satisfeceris. Nostra studia neque frigent, neque calent. Nuper è Galliis reversi vetus tyrocinium nostrorum studiorum in Theocritum relegimus, & sub incudem revocavimus. Ejus libelli exemplar unum à Commelino nostro accipies. In Athenæo nunc sumus, & convivium doctis harum literarum amantibus apparamus, haut scio quanti pretii, aut cujus saporis, immensi certè laboris, si modò vires Deus suggerat, ut quæ destinamus, possumus perficere. Nos quidem interdum terrent tristissima funera Danæi, Witticceri, Sylburgii nostri, Pithopæi; ut leniter obductam cicatricem ne refrigem, & taceam de amicissimi Chevalerii obitu. Verùm hæc illi curæ, cui omnes nostras curas parvas magnas *ἀντιθέμεθα*. Te ut Deus servet, & quam diutissimè vigere florereque velit, vota facimus *ἐκ παντός*. Vale, Vir amicissime. *Genevæ, Id. Mart. CIO IO XCVI.*

Paulo Melisso, viro clarissimo, plurimam à me salutem.

EPISTOLA MIV.

HIERONYMO COMMELINO. ✱

O Factum malè, quod Sylburgius 1596. noster abierit ad plures! O gravem Reipublicæ literariæ jacturam! Sed & tu, Vir amicissime, amicum & *συνεργόν* amisisti optimum. Ille quidem beatus jam, & *μακαριστός* non lugendus; at nos cur illud desideremus, causas magnas habemus. Quam vereor ne hic casus honestissima incepta tua retardet, quædam etiam penitus impediat. Utinam propius abessemus invicem! Quantum ab occupationibus meis, quas nōsti, vaco, tuus essem *ἄνθρωπος*. Hic itaque meâ operâ utaris velim quacunque in re visum fuerit. Mitto tibi libellum, quem ternis literis petisti. Si quid in ejus editione propter tuam benevolentiam factum, est id unum ex incommodis, quæ locorum distantia nobis affert. De Athenæo scripsi jam sapientius: in me mora nulla est, qui ei curæ totum me dabo atque addicam, donec res ad umbilicum pervenerit. Impetum meum ne ulla res impediat, quaeso, diligenter vide. Quod tam

1596. tam properè ex Gallia sim reverfus, Athenæus maximè fuit cauffa: eo edito redeundum erit eodem, & σὺν Θεῷ perficiendum, quod nunc vix inchoavi. Vellem de charta pridem effet profpectum; etfi Paulus Stephanus jubet me esse fecurum. Cætera, quæ ad id opus desiderantur, nôsti ipse quàm ego melius: quare in tua diligentia omnis mihi spes. Cum maximè hæc scriberem, literas tuas accepi. Intellexi ex iis de obitu unius è filiabus tuis, & alterius morbo. Deus velit servatam illam, quæ adhuc fervari potest: nam altera, Vir amicissime, non luctu aut lachrymis, sed μακαρισμῷ par est prosequi. Atque hoc is dicit, qui recens est à luctu duarum filiolarum suavissimarum: altera paullò post discessum tuum obiit; altera ante dies quinque, eodem quo erat nata die, verè ἐπ' αὐτῇ βροτὸς, κατὰ Πίνδαρον. Uxor, quæ immaturo partui abortum fecerat, valde periclitata est. Hoc illud est nempe τὸ τῆς ἑρῆς γλυκύπικρον. ferè enim, ut sunt res mortaliū, ἐν πᾶσι ἐσλὸν πῆμα τὸ σὺν δύο. Nôsti cætera. Sed nos beati, qui Auctorem horum omnium Patrem nostrum agnoscimus, & in ejus voluntate acquiescimus. Literas meas in Belgium & in Angliam commendo tibi sic, ut nihil magis. Miror neque à Scaligero, neque à Thomsono quicquam me literarum tamdiu accepisse. Tu ut ad nos, quàm sæpissimè te oro. Si distrahat Sylburgii supellex, & sit aliquid rari, id, quæso, vel tibi vel mihi compara, nec sis venire in manus hominum, qui vel uti nesciant, vel qui soli velint uti. Scylacis Caryaudensis fragmenta quædam habuit, quæ vir optimus ostendere nobis olim, cupientibus cum maximè, insuper habuit. Fac, quæso te, in lucem prodeant. En operam meam tibi offero. Libris quibusdam infrà scriptis opus mihi ad nostrum Athenæum; *** obsecro & mitte. Jam illud non expectas, ut omnium librorum, qui à te in quacunque terrarum ora eduntur, unum exemplar mittas? Nihil enim à te editur non ad gustum nostrum. Balduinum in Optatum non amittes? Sunt quædam eruditè ab eo observata; sed partium studium rapuit eum ad declamationes ineptas. Vale, Vir amicissime. *Genevæ, a. d. xiii. Kalend. April. c15 15 xcvi.*

EPISTOLA MV.

PHILIPPO CANAIO A' ✕
FRAXINIS.

S'Emper quidem, Præses amplissime, 1596. suaves & melle dulciores mihi Epistolæ tuæ, eximiâ tamen jucunditate & voluptate nuperæ tuæ me affecerant, ex quibus intellexi, frustra me fuisse, cum suspicatus sum animum in me tuum ob negotium Monspelienfe nonnihil esse immutatum. Incesserat mentem animi is metus ex iis, quæ λακωνικῶς μάλα in schedula quadam scripseras; quæ mihi visa esse ἡ δὸς Σκυθῶν ῥήσις. Parabam igitur longam apud te facti mei defensionem, ut si quâ ratione possem, omnibus ingenii nervis contentis persuaderem tibi, quod necdum voti nostri ambo facti compotes simus, nullâ meâ id evenisse culpâ, sed quâdam factorum meorum ἱκονομία, quorum invidiam sustinere verum non est. Gratias verò tibi maximas, ὃ ἀνδρῶν ἀριστὶ καὶ κράτιστι, quòd hac curâ me liberaveris. Cruciaverat me prius illud pittacium, recreavit, exhilaravit, beavit novissima Epistola, tantò melior, quantò longior. Illa mihi tuæ in amore mei constantiæ testis lœcuples; illa sollicitudinis, quam de me studiisque meis suscipere dignaris, index certissimus; illa tui animi fuit mihi imago, pignus, & obses. Gaude igitur gaudio meo, qui dolore doliturus eras, si eum habuisses notum. Equidem tuarum lectione χάριμα ἰχάρην πάντων χαρμάτων ἐπάξιον. Erat tanti dolere nonnihil, ut sic postea gauderem. Jam non accuso tuam illam λακωνικὴν σκυτέλην. Uti, qui ictum meditantur, manum reducunt, quò acrius feriant & gravius; simillimè in hac re factum. Valeant igitur illæ, quarum spem feceram, prælongæ δὲ πολυλογητικαὶ literæ. Mihi in candore nivei pectoris tui parata & scripta defensio; ea me hæcenus adversus omnes tristes suspiciones tuita est; eadem porro tuebitur etiam silentem. Malo sanè, & est certè æquius, rebus quàm verbis meam tibi causam probare. Quod si quid adhuc in nobis superesse putas fidei & φιλαληθείας, persuade tibi venturum me isthuc, ut de tota hac re atque aliis multis unâ colloquamur. Adsit modò ceptis Deus. Cæterum quia amplissimus Præses Thuanus, alique amici per literas egerunt mecum, ut bimestrem peregrinationem ad Parisios susciperem; fore enim id è re studiorum meorum sic, ut nihil possit magis. Placuit deliberationem hanc ἀνακοινῆσαι σοι, ut hic quoque tuo iudicio ute-

1596. rer ac consilio. Obsecro igitur, quid censes? de tempore dico & ratione itineris; nam quin aliquando ea profectio instituenda mihi sit ipse, opinor, non ambigis. Verè enim Thuanus scribebat, posse me bimestri hac peregrinatione ea assequi, quæ vix ac ne vix quidem anno integro in Musco. Optarem quidem, si quando Deus me urbem volet visere, id eo tempore fieri, quo vel ibi te reperire, vel eò comitari possem: verum si nimis improbum & invidiosum id votum nostrum est, videndum ne penitus mihi tantæ *αποσπῆς* occasio pereat. Vale, Vir amplissime, & me ama, qui cum uxore & liberis meis assidua pro felicitate tua conjugisque nobilissimæ & suavissimorum luminum vestrorum facimus vota. Raptim, meo more. *Genevæ, pridie Non. April. c13 15 xcvl.*

EPISTOLA MVI.

✠ JACOBO LECTIO.

1596. **O** Suavem & hilarem nuntium de peractis tuis isthic negotiis! qui rediturum te ad nos brevi etiam, te tacente, spondet nobis. Quid enim est, quod te diutius isthic detineat? Redibis igitur, amicorum dulcissime & intime; nosque languentes admodum certè *ἐχόντες ἕχ' ὡς ἀριστερὰ* exoptatissimo conspectu tuo recreabis. Mihi per aliquot jam hebdomadas cum optima rerum humanarum, Hygiæ, non convenit; & nescio quid sinistri minatur defluxio in pulmones, quæ si Dei benignitate & industriâ Medicorum defendi non queat, modicum adhuc tempus, & fidissimus tuorum tibi perierit, ac suis, non sibi tamen; mihi enim *τὸ ἐκ ἀπώλειν, καὶ τὸ παρὲν κέρδιον*. Nisi quod dum meam & meos intueor, *ἀνθρώπων τι πύχυν*. Sed hæc illi curæ, qui ima, summa, minima, maxima curat. Nobis quidem ipsi non deerimus; qui jam bis purgati paucis diebus, quo momento tuas has literas accepi, eodem tertium *φάρμακον* hauseram, verè plus aloës, ut ille ait, quàm mellis habens. Miseram hominum conditionem! quæ per tot amara illud unum creditum amarum fugere cogitur. Alberius, si nescis, Divione nuper diem suum obiit; alter (sic omnes credunt, verè an falsò) Morlanus. Certè erga morientem & mortuum servata ex ordine *ἴσα ἐν ἐποιῶν τὴν καθολικοπέτην*. nec deerat suspicio, si convaluisset, facturum brevi, ne quisquam de ipsius religione posset dubitare. Hæc illa est *ἀνθρώπων σοφία ἢ αἰὲν παρατηρούμενη ἐν τοῖς διαλογμοῖς αὐτῆς*. Plura parabam; sed urget

pharmacum, ante tres horas sumptum. 1596. Vale igitur, doctissime & integerrime *τῷ μοι φίλων*. Deus te nobis brevi, & nos tibi restituat salvos & incolumes. Uxor plurimam tibi salutem. *Genevæ, die dominicâ April. xviii. c13 15 xcvl.* raptim.

Si diutius hic subsistis, quæso, bea me tuis literis.

EPISTOLA MVII.

DIONYSIO GOTHOFREDO. ✠

Ternas proximis nundinis accepi à 1596. te, Vir clarissime & charissime. Laudo exemplum; imitabor etiam, si erit occasio; petoque à te, ut ne remittas deinceps scribendi consuetudinem. Crede mihi, Vir amicissime, quando fati mei ea inclementia est, ut fructu tuæ consuetudinis mihi sit carendum, quod superest, lectione tuarum sic capior, ut nullâ re magis. Cæterum quos voluisti mihi esse commendatos, spero reapse cognituros, quantum tuæ apud me literæ ponderis habeant. Junius, Vir clarissimus, Fr. apud nos est; adolescens honestissimus, & verè *τῷ πατρὶ τὸ παιδίον*. De domo tua simul aliquid constituerò, faciam te ut scias. Adhuc res est in integro propter morbum Francisci le Preux, qui tamen, opinor, jam convaluit. Pacius in urbe est, & vivimus unâ *τῷ δεῖν*, amicè & conjunctè; ego enim primâ congressione in Petri omnia expectoravi, quæ olim ab illo me abalienarant. Juvit quòd se tibi sanctissimam vovisse amicitiam diceret. De eo nihil dum à Senatu decretum. Vale, & prolixiores à me expecta cis dies paucos. Uxor te & lectissimam tuam plurimum valere jubet. Iterum vale. *Genevæ, a. d. iiii. Non. Maj. c13 15 xcvl.*

EPISTOLA MVIII.

JACOBO BONGARSIO. ✠

Ternas à te accepi literas Francofur- 1596. to datas, & simul cum iis varia munera, quibus me beasti. Quid prius mirer nescio; munificentiamne tuam, an diligentiam. Sed utriusque fons est amor summus adversum me tuus. Quare et si facio egregiè paria tecum, iniquiore tamen hætenus fato usus sum, quando nulla dum oblata mihi est grati animi testandi occasio. At tu eam mihi aperi. Fac, inquam, periculum. Sola igitur mihi supersunt verba, quibus me à turpis criminis suspicione vindicem. Noli itaque mirari, si quoties oblata est,

1596. est, aut porro offeretur scribendi ad te facultas, malim rerum causas quam nullas literas dare. Ternas equidem Francofurtum ad te nuper dederam: sed vereor ne prima & longissima (cui erat adjectum nescio quid nostrarum nugarum in Theocritum) mihi perierit Epistola, & cum ea simul, quam Rittershusio inscripseram, adjecto similiter libello. Mihi tuarum, opinor, periit nulla. Nuper acceperam Nicephorum; postea accepi Tertullianum de Pallio; mox rerum bonarum *μεγαλίας*. Illum dico fasciculum, quem nostrati tabellario commiseras. Atque horum nomine gratias tibi egi statim, literis iis, quas ad D. Sabaterium Lutetiam misi, ut in manum traderet; adhuc enim ignorabam mutasse te sententiam de itinere Gallico. Paulus Stephanus meus nondum redierat, cum hæc scribebam: puto illum mihi literas à te uberiores allaturum, quarum spem non unis priorum tuarum fecisti. De Bibliis Græcis editionis Romanæ quid dicam? Illa quidem quovis pretio mihi comparari nostris hominibus mandaram pridem. Verum hætenus nihil aliud sum consecutus, quam ut per eosdem intelligerem, nusquam ea Francofordi esse visa. Idem responsum tulit & Beza *ὁ πένυ*: quare omnem jam & spem potiundi illis & curam inquirendi de pectore ejeceram; ut valde sim miratus quod scribis. Dabo ergo operam iterum, ut proximo mercatu, si fieri potest, ea mihi à nostris emantur. Magnas interea tibi vel pro indicio gratias habeo. Is liber olim ad ea, quæ paro, futurus mihi utilissimus. Utinam possem tibi in aurem, vel certè *σώμα πρὸς σώμα*, quæ meæ in posterum cogitationes sint, indicare! Sed Athenæus omnia antevertet; diutius enim contineri non potest. Excit igitur *ἀναθὴ τύχη* quam primum. Polybium, spero, brevi secuturum, *ὅν τῷ Θεῷ*. Tum, si vivemus, & Deus aderit, majus opus movebimus; & nostro exemplo præbimus hominibus partium nostrarum, ut mutata studiorum suorum ratione, ad res veteris Ecclesiæ & sanctissimos Patres illustrandos navam operam conferre malint, quam ad andabaticas istas pugnas, toti orbi Christiano tam perniciosas. Id tota mente cupio, expeto, voveo. Jactaque sunt mihi, ut spero, non levia ejus incepti fundamenta. Sed terret me tamen nonnunquam rei magnitudo & librorum ad eam rem necessariorum penuria. Institueram diebus hisce librum unum Observationum nostrarum in Sacros & Ecclesiasticos, ac Patres edere: postea continui me; &, opinor, sat citò, si sat

benè. Sed mihi bilem moverat tuus ille, aut noster potius N. * in *De Palatio*. Quam multa enim malè capit? *Francif. cui Junius. Vide Epist. 21. & 32.* Quam multa præterit? Memini Epistolâ quâdam scribere ad te pridem, virum illum opus inchoatum optimè confecturum, si modò ingenio, quo valet plurimum, uti non *ἀβασανίστως* quam abuti mallet. Non fui vanus augurii; planè enim ita accidit. Verum ista pluribus aliàs. En tibi gratias à D. Fraxineo accepi. Vale, amicissimum caput. *Genevæ, a. d. 111. Non. Maj. CIO IO XCVI.*

EPISTOLA MIX.

PHILIPPO CANAIO A' ✕
FRAXINIS.

Quas ad me dederas ante diem 1596. x. Kalendas Junias, accepi nudiùs quintus, Præses amplissime. Eæ quàm grata mihi acciderint, puto non expectare te, ut verbis exprimam. *οἰδα ἡ αὐτὴς, ὅ τῶν ἐμῶν φίλων ἄνθρωποι.* Suave in primis fuit, quod narrabas *ὅτι τὸ παραβρισθείας*: quam fraudem nunc demum detectam scribis. Mihi pridem omnia erant nota, omnia perspecta, omnia penitus cognita. Sed pietatis meæ non erat *παρρησία* *ἐν πῆσι πῆταις*. Deus Opt. Max. & illi & mihi bonam mentem. At dolet mihi, & quidem seriò, qui in Ecclesia Regis Messia primas tenere se putant, de iis, quæ ad illius gloriam pertinent, tam esse, ne gravius aliquid dicam, securos. Næ isti faciunt bene, quod veteris Ecclesiæ omnes Patres in ordinem cogunt, & pro Patribus non agnoscunt. Nam profectò, ne illi quidem si reviviscant, plebsque eorum pro filiis agnoscerent. En quò devenimus: *ἀλλὰ γλῶττα πῆ περὶ.* Desine igitur querelarum, & iterum Deum Patrem per Jesum filium suum supplex veneror, regat nos, tegat mea, regat illorum peccata. *Γένοιτο, γένοιτο.* Vale, amicissime & æternum mihi observande Præses. Ego & uxor pro incolumitate tua *καὶ τὸ τροπικὸν σου ἀλόχῃ*, & charissimorum liberorum Deum fatigare precibus non cessamus. Iterum vale. *Genevæ, a. d. vi. Kalend. Jul. CIO IO XCVI.*

EPISTOLA MX.

DIONYSIO GOTHOFREDO. ✕

EX iis, quas nuper à te accepi, Vir 1596. clarissime, cepi dolorem non mediocrem, quod factum casu nescio quo intelligam, ut meæ aliquot ad te literæ
E e e e 3 pe-

1596. perierint. Deus illis, quorum fraude id accidit, meliorem mentem; sic enim malo dicere, quam ea ipsis precari, quibus sunt dignissimi: mihi hic fides illius, (J. dico) quem literis tuis commendaras, est suspecta. Sed desinamus querelarum. Bene enim habet, quod sive reddantur tibi meæ literæ, sive non, de mea erga te integritate & in amore cultuque tui constantia dubitaturum te non metuo; facio namque de tuo animo ex meo conjecturam, simul qui sis tu, qualis olim erga me non semel, imò qualis semper, & memini, & porro semper meminisse juvabit. Fr. Probus nondum rediit: ita de tuis ædibus res hæret in luto. Næ ille vir ἀτῆ litavit; ita quicquid instituit, parum feliciter succedit. Nam & in hoc quoque itinere nescio quid adversi ei contigisse videor audiisse. Sed & aliis de caulis difficilis ista mihi est deliberatio. Summa autem mearum dubitationum est hæc, sitne futurum è re mea & meorum hic perpetuò hære, ubi afflictus Reipublicæ status, quam spem meliorem nobis relinquit, ipse vides. Deinde si ita melius, & de parandis ædibus cogitem, (quod planè est necessarium) in expedienda pecunia non parum difficultatis. Quæ sunt à patre relicta, ea propter publicam ἀρχηματία nunc repetere difficile. Dotem uxoris à Stephano recipere velle, id verò est aquam ex pumice. Sperabam ante annum posse me libros, & eadem alicui mercatori tradere; sed hætenus profeci nihil; non enim reperi, qui vellet talem summam (sunt 1500. libræ) vel nunc solvere, vel in annum solvendam suscipere. Itaque malui nihil movere quam frustrà aliquid tentare. Supererat via expeditissima ex editione optimorum Auctorum, si aut Stephano socero mens esset non lava, aut hic esset alius, quicum possem incepta perficere. Unus tu, mi Gothofrede, si hic ageres, omnes æstus meos explicares. Neque ego molestius ferre quicquam unquam memini, quam fero quotidie absentiam tuam. Sed desino tibi esse molestus; plura scribam, ut spero, propediem. Vale. Uxor te lectissimamque foeminam uxorem tuam ex animo salutat. *Genevæ, Kalend. Augst. c15 15* xcvi.

EPISTOLA MXI.

✠ PHILIPPO PARÆO,
DAVIDIS FILIO.

1596. **G**Ratæ mihi multis de causis, mi Paræe, literæ tuæ. Primum quia ex

iis intellexi, esse cur parenti tuo, viro 1596. optimo & doctissimo, amici gratulentur, qui te tali spe juvenem & genuerit & eduxerit. Delectat deinde me spes illa, quam commoves juven-dæ aliquando augendæque tuæ operæ & industriæ publicæ rei literariæ. Spondet hoc mihi & ratio illa studiorum, quam patre duce atque auspice & instituisse & institisti, hætenus sanè quàm feliciter. Tantum ut coepisti, ita pergas vide, nec te siris ab his studiis, quæ ad veram laudem proximam viam muniunt, ullâ ratione averti. Laboriosa, fateor, & difficilis via, quam premere coepisti: sed magna & suavia sunt, quæ te manent præmia. Non illud dico, ut dulcedine Musarum amoeniorum captus, sic semper illis adhæreas, ut tanquam ad Sirenum scopulos elisa & impacta navis: hoc volo, hoc à te peto, ut gravioribus disciplinis non antè ἄλλο καὶ πῶς incumbas, quàm isto literarum genere probè tuum excolueris ac subegeris ingenium. Id si feceris, & coeptis Deus, quod non dubito, adfuerit, audebo ὁρακλῶμενός σοι εἶπαι, βαλλ' ἔτος ἢ κινῇ π φάσθαι μέσαισι γένειο. Sic ominor, sic voveo. Quod nostris scriptis adeò delectari te scribis, idque parentis tui monitu, habeo etiam in eo, quod privatim gaudcam. Non enim aliâ sine scribimus, si quando manum calamo admovemus, quàm ut tua & tui similium adolescentum honestissima studia juvemus. Sed nos profectò infinita & ἀκρατα quædam aliquid semper in dies addiscendi libido facit in scribendo sæpe omissiores. Ægrè enim impetramus à nobis ipsis, ut scribendis iis, quæ semel observavimus, operam & tempus impendamus. Sic multa adhuc in liturariis nostris jacent, quæ non sine bono aliquo publico pridem poterant exire. Quin si quid publicamus, ut nuper Suetonium, quàm brevissimo tempore scribendi labore defungimur. De Tiberii Dracone quòd me mones, facis & amici & probi viri officium. At de serpente monili quæ attexuisti, quorsum spectarent, divinare non potui. Nobis eadem omnia pridem, & iis plura ac certiora observata. Parantus enim *de Re vestiariâ* opus sanè luculentum: verum id nostro more, hoc est, βολύς ἡδὲ. Suggestio locorum Symmachi super mentionem Africanarum, etsi per fuit nobis grata, poteramus tamen hujus indicii gratiam tibi facere: nam qui de Venatione Commentarium affectum profligatum habeamus, nullum neque apud Symmachum, neque apud alios plurimos Scriptores, vel minimum apicem

1596. eò spectantem sinimus ἀδελφῶν. Eum librum propediem eramus edituri, nisi alia studia, dum Athenæi editionem paramus, occupatos nos habuissent. Sedet tamen, ubi colophonem ei operi, σὺν τῷ Θεῷ, imposuero, Commentarium illum & insimul alium de Circensibus à blattis & tinceis statim vindicare. Vale.
Genevæ, CIO IO XCVI.

EPISTOLA MXII.

✠ THEODORO BEZÆ.

1597. **Q**Uas Nemausensi tabellario dedisti ad me literas, accepi tandem, Beza βασιμύταν, ex iis de tua valitudine, ut fert ætas, sic satis prospera, magno cum gaudio intellexi. Faxit Pater misericordiarum per Jesum Christum Filium suum, ut simili aut meliore de te nuntio beari quàm sapissimè & quàm diutissimè possim. Mihi quidem uxorque meæ lætius aut gratius hac re contingere nihil possit. Didici ex iisdem, esse te in eo semper, ut veteres curas in Novum Fœdus tuas polias & augeas. Veneror omnipotentem Deum supplici prece, ut vires perfiniendis iis, quæ Θεοὶ σῆσι μενεῖας largiatur. De loco Matthæi dies, obsecro, diffusus est. Scripsi enim hæc tumultuariè statim post tuas acceptas. Videbo igitur, & quoniam ita vis, sententiam meam brevi scribam. Simul alia addam, quæ per hosce dies tua legenti venere mihi in mentem. Vale, Senex reverende, & me amare perge. Uxor & te & conjugem tuam salutat ἐξ ἀκρῆς μυελὲ ψυχῆς. Scripsi raptim. Mompelii, a. d. xiv. Kalend. April. CIO IO XCVII.

EPISTOLA MXIII.

✠ PHILIPPO CANAIO AFRAXINIS.

1597. * **C**essavi in officio scribendi, fateor, nimis diu. Est igitur, quod de me queraris, Præses amplissime, & me indiligentiæ accuses; imò non est, habes enim confitentem reum; ἡ δὲ ἐξομολόγησις, uti nos docent οἱ ἱεροὶ λόγοι, πᾶσαν ἀμαρτίαν καὶ ἡντιαν λύει. Mihi sanè si quæras vocis iustitium per hosce dies, non tam occupationes meæ, semper enim tibi vaco, quàm ἀθυρία quædam & summa de nostra Gallia desperatio. Nam si post trimestre Concilium omnium Galliæ Procerum, novi nihil præter luctuosam & desendam Ambianorum jacturam, obsecro te, quid bonæ spei est super? Nisi fortasse hoc quoque consilio sit, ut occupatâ demum ma-

gnâ hujus Regni parte, redeamus 1597. tandem ad nos, & νῆθειν ἐν κρασί-λῃς incipiamus. Quin agnoscamus potius fata patriæ & nostra. Num aut animi fallor, aut retrò res nostræ naturæ lege ferri cœptæ, non antè desinent quàm esse desinent. Fuit cùm floruimus, & latè imperitavimus: erit brevi (ita ominor, utinam non verè, & sim ἀλλοῦ μάρτυς!) cùm aut non erimus, aut Francorum certè imperium non erit. Cur ita sentiam, habeo graves causas, aut habere mihi videor; sed quas nunc commemorare nihil attinet. Scripsi &c. * Mompelii, a. d. v. Id. April. CIO IO XCVII.

EPISTOLA MXIV.

OLEAGARO BEREALDO. ✠

NON agam summo jure tecum, Be- 1597. realde eruditissime; malo culpam deprecari, quàm ferram reciprocare, & fundum contentionis ducere. Esto igitur, quamvis magnum peccatum hoc meum, quòd tandem tacuerim: agnosco, fateor; dum tamen & tu eidem culpæ affinem te confiteare; cùm præsertim in hoc literario otio tuo facillimè fuerit tibi literis scribendis vacare quàm nobis. Ambo igitur, ὅς ἐστι λόγος ἀπὸ ἀπῆ, peccavimus. Emendemus ambo, & in posterum commercium literarium diligentius exerceamus. De tuo negotio per sum miratus sic scribere te ad me, quasi nullum à me responsum tulisses adhuc. Quid igitur factum illis meis literis; quas ad Dominum Duces super ea re bene longas ante multos menses dedi? Is mecum de silentio expostulaverat, & suo & tuo nomine. Respondi, quod res erat; idè siluisse me, quia Dominum Gorgordium putabam ipsi omnia significasse. Nam priusquàm huc advenirem, Pastores hujus urbis ad Bercherium, Scholæ Gedanensis Gymnasiarcham, literas dederant; ut jam in integro res non esset. Ac licet, ut videtur, spes illa decollavit, (nam Bercherius non amplius sui juris est) quid tamen pollicear tibi de hac Schola nescio. Nam ad curam nostram nihil omnino ea res pertinet. Nobis vita in libris nostris. In iis sumus toti. Summa muneris nostri est, quater in hebdomade suggestum conscendere. Id quoque agrè facimus, licet addat in dies animos doctorum omnium amor nostri & nostrarum literarum. Si quid fuerit, in quo opera mea utilis tibi esse possit, confide, eam te nunquam jure desideraturum. Vale, Vir ex animo dilecte ac

* Subsequens
verba
Epistola
vide supra,
cod.
num.
CXXXII.

* In titulum
huius
Epistola
habetur
supra, n.
CXXXII.

1597. ac porro semper diligende. Uxor te etiam & etiam salutat, & felicia omnia precatur. Scripsi raptim, in Volcis Arecomicis, *Mompelii, prid. Id. Jul.* CIO IO XCVII.

EPISTOLA MXV.

✠ GUILIELMO RANCHINO.

1597. **N**onus hic dies est, Vir præstantissime & amicissime, cum Nemauso literas ad te dedi. Fortè enim prandenti mihi apud Dominum Falgnerole, oblata repentè est isthuc scribendi occasio; quam avidus arripui, & tria saltem verba exaravi, tantum ut scires valere nos, sed tui desiderio penè jam enectos. Quare si quid te nostra tangunt, ritè confectis negotiis omnibus, quorum causâ isthic tandiu moraris, statim ad nos adnota. Uxor tuæ languorem ex absentia charissimi sibi capitis, ex aliorum literis puto te habere cognitum. Pro elegantissimo munere, quo me affecisti, gratias ago tibi quantas possum maximas. Mirari subit ingenium, qui inter gravissima negotia vaces his studiis, & iis scribendis sufficias. Quæ si nos terræ filii aggredieremur, otium & secessum quæreremus. Maçte esto, Vir doctissime, & perge sis de literis bene mereri. Scripsit nuper ad me Tolosâ Petrus Faber, vir clarissimus, humanissimas literas, in quibus & tui quàm honestissimè factam mentionem videbis cum redieris. Viros magnos, quibus nostrum nomen isthic non esse incognitum scis, à me salutes quàm officiosissimè velim. Scribam ad illos primâ occasione. Sed nunc Athenæus ita me tantum sibi vindicat, ut vix liceat respirare. Quare hoc, si grave non est, Domino Thuano, Præsidi amplissimo, Domino item Gillotto, & si qui alii nostra nōrant, significabis brevi de Athenæo me vetus hoc nomen expunctorum, *ὄντι τῷ Θεῷ* cui ut magis in dies tu tuaque sint curæ, oro ipse quoque. Vale, Vir magne, & me ama. *Mompelii, raptim, a. d. 111. Id. August.* CIO IO XCVII.

EPISTOLA MXVI.

JOANNI SARRACENO.

1597. **L**audo tuam diligentiam, Vir amicissime; ternas enim à te paucis diebus accepi. Sed oro te per Musas, parem diligentiam noli à me exigere. Si stricto jure mecum agere paras, aut offensam tuam, aut novem Sororum odium mihi subeundum. Deus melio-

ra. Quos mihi misisti amicissimorum 1597. virorum fasciculos, vel ipse feram Genavam, vel Choветus, qui hic nunc est. Ego in horas à Rege literas expecto. Nam pecunia ad iter constituta, pridem tradita est Vicquio. Sed mirè habent me sollicitum obscenæ istæ tempestates. Jam enim multos dies est, cum ἀδελφίπτος pluit. Ain' tu autem? famulus meus diligentiam suâ negligentiam tuam correxit. De illis viginti assibus loquor, quos paratus sum tibi, aut cuicunque tuorum reddere, nisi ille nebulo farciat damnum. Agam cum illo quàm primùm potero. At τὴν πῖπιν χρυσίους scis me statim fratri tuo dedisse. Atque eorum nomine tibi iterum & optimo charissimoque Jugeo gratias ago. Vale, Vir amicissime, & me porro semper ama, semper tuum *ἔξ ἀπὸς μὲν δὲ θυχῆς. Mompelii, a. d. xvi. Kalend. Januar. CIO IO XCVIII.*

Deus Opt. Max. te servet, & omni εὐεργεσιῶν gratiā cumulet. Didici à Choветo, filium Domini de Chalonges, qui illi unus è multis erat superstes, ante dies paucissimos εἰκρίπτα submersum esse ad Genavam, cum paucis antè diebus desponsa ei fuisset soror Domini de Coracant. Scis ira mortuam ejus sororem, etsi diverso modo. Mira casuum συγχυρῆα advertit animum. Sed τῶνδε πῶς μοι εὐσεμὰ κίσθω.

EPISTOLA MXVII.

JACOBO AUGUSTO ✠ THUANO.

Adventum meum in hanc urbem, 1598. Præses amplissime, superioribus literis tibi significavi. Erat animus, si in hac urbe nostræ lucubrationes minus commodè propter Græci characteris inopiam possent edi, hanc velut ansam isthuc veniendi accipere, & hujus mei voti facere me compotem. Lutetiam enim vestram, & illa sæculi nostri lumina, quæ ibi fulgent, semel invisere, sic pridem cupio, nihil ut vehementius queam. Sed me postquam huc veni, itineris longitudo, & quæ non ignoras, longioris peregrinationis incommoda terruerunt, ac mutare sententiam vel invitum coëgerunt. Integrum tamen hunc mentem, & quod excurret, puto me hic acturum. Nam etsi Animadversiones in Athenæum posse nunc edi spes non est propter varias causas, quas exponere nunc longum sit, nihilominus Characterum * * * Throna editio ante paucos dies instituta, *propterea* totum id, quod dixi, tempus nos hic occu-

1598. occupatos habebit. Deest enim Typographo τὸν τυπικόν ἱκανοφωτῆς, cujus sit spectata in hoc genere literarum peritia & industria. Habebam & alia, quæ vellemus in lucem edere; sed periculum Typographi in eo potissimum libello facere visum. Cætera ubi & quando simus edituri, μὲν ὁ θεὸς αἶδεν· ego enim juxta scio cum ignarissimo. Sed non abutar diutius, Præses amplissime, tuo otio. Deus Opt. Max. salvum te & incolumem, καὶ ἐν παντὶ εὐμερῆτα seruet ætatem. Vale. *Lugduni Convenarum, Kalend. August. c10 10 xcviil.*

EPISTOLA MXVIII.



E I D E M,

Διαπλεῖν εὐμερῆτα αἰεὶ καὶ ἐν παντί.

1598. **N**Umquid aliud grati animi testimonium tot acceptis à te beneficiis tibi dem, nisi ut Deum Opt. Max. assiduis precibus sollicitem, largiatur tibi & nobilissimæ tuæ conjugī αὐτῇ φρεσὶν ὑμετέρῃς ἡμετέραν? Impar, scio, gratiæ redhostimentum est, αἰεὶ πλείων ἔσων ἐνεργημάτων verba præstare. Tu verò, amplissime Thuane, animum potius specta penitus tibi devotum. Hujus recessus intimi si oculis paterent, minus laborandum mihi esset, ut tuorum beneficiorum ὥσταν ἐν φρεσὶν δέλοις memoriam tibi ostenderem: sed bene est, nōsti enim me, opinor, & mores meos. Nunc illud te scire volo, Lugdunum pervenisse me, Dei beneficio, nono die post discessum ab urbe. Diem unum hic vel invitus subsistere coactus sum: suadebat valetudo parum firma, amici orabant ὁππῶς· equi ex itinere defessi haberi aliquam sui rationem postulabant. Ita frænum injectum est cupiditati meæ domum redeundi μανικὸν ὅσον μὲν ἄλλῃ· sed redierimus sat citò, modò omnes meos valentes offendam. De instituto negotio quid actum sit post abitum meum, spero me brevi ex tuis literis intellecturum, & maximi viri, Domini Calignonis. Cogitabam & ad illum literas dare, & ad Senatorem gravissimum, Dominum Gillottum; necnon ad charissimum affinem, Robertum Stephanum, Jurisconsultum, ut scis, diligentissimum. Sed cum mihi graves multæque causæ omnis ejus generis facultatem τὸ νῦν εἶναι adimant, dabunt illi, spero, veniam nobis, & paucorum dierum moram ferent animo non iniquo. Vale, Vir integerrime & doctissime: Deus solus ille εἰδὼν δυνάτω & tibi, & plurimum mihi colendæ uxori tuæ ἀγαθὴν ἀγαθίδας cum longissima vita duit.

Γένεσι, γένεσι. Iterum vale, & me ama. 1598. Scripsi ἐν παρόδῳ. *Lugduni*, navem conscensurus, a. d. xi. Kalend. Novemb. c10 10 xcviil.

EPISTOLA MXIX.

PETRO CHABANÆO. ✠

TUas tandem accepi, futuras longè 1599. gratiores, si non fuissent mihi diutius quàm par erat expectandæ. Cave posthac ullam scribendi occasionem prætermittas. Totum te esse in libris audio libenter, & Deum oro, ut ita sit. Grammaticam Græcam vel mittam tibi proximâ hebdomade, vel apud Dominum Hærsium ipse emes. Notaveram in Epistola tua nonnulla, quorum te volui monitum; sed illam nunc reperire potis non fui. Scribe igitur ad me quàm diligentissimè & quàm sæpissimè. Voluptas ad me, fructus ad te pertinebit. Feceris etiam rem gratam, si ad fratrem Stephanum Latinè scripseris officii tui & studii testes literas. Exercueris stylum non inutiliter. Hac unicâ viâ eruditio tandem parabilis, σύν γε τῷ θεῷ, quem oro, ut tibi semper adsit. Vale, & stude, sicque Latinis oblectare, ut Græca ne contempnas. Expecto tuarum Quæstionum volumen. Iterum vale, & nostra atque imprimis meos libros diligenter custodi. *Geneve, a. d. vii. Eid. April. c10 10 xcix.*

EPISTOLA MXX.

JACOBO AUGUSTO ✠
THUANO.

NEque ego tuas dum accepi, Vir 1599. præstantissime, quas ad Dominum Vicquium ante paucos dies misisti; neque tu, opinor, novissimas meas. Sed de tuis accipiendis spes nondum decollavit; Monspelium enim missæ fuerunt sub tempus meæ in hanc urbem profectionis. Meas periisse non dubito, quas ego ante aliquot menses Joanni Serrano tradideram, iter isthuc cogitanti: ille verò, quod tu non nescis, μακαρίτης postmodum factus, cælo terras commutavit. Qui tuus est in literas amor, doluisti haud dubiè obitum hujus viri, & quam in eo fecit Respublica literaria jacturam. Mihi quoties venit illius in mentem, subit animum statim illa cogitatio, Hem homunculi quid sumus, cum recogito! Quàm multa enim hominis incepta ἀπὸ hic γένεσι! abruptis? Memini narrare illum mihi in Musæo meo paucis
F f f f ante-

1599. antequam decumberet diebus, quæ & quàm multa in literarum vario genere moliretur. Memini etiam auctorem illi tum fuisse, ut ne tam multa simul aggrederetur; sed unum aliquod potius ex omnibus eligeret argumentum, in quo vires nervolque ingenii contenderet. Vitæ enim, ajebam, summa brevis spes vetat inchoare longas. Quasi omen verba mea habuissent, quod metuebam, paullo mox evenit. Equidem semper scivi genitum me mortalem, qui veram Philosophiam à puero judicaverim *ὁσημέρῃ ἀσκήν τὴν τῆ θανάτου μελέτην*. perculit me tamen, fateor, hic casus, & acre quoddam desiderium in me excitavit, publicandi ante horam fatalem & decretoriam, quicquid in manibus habemus, quod edi melius sit, quàm perpetuis tenebris damnari. Igitur cùm nulla Monspelii, neque in præsens Typographi copia esset, neque spes in posterum; matre, uxore, liberis, librisque relictis huc venire sum coactus, quò possim ea saltem curare edenda, quæ mecum attuli. In his est Animadversionum in Athenarum opus, opus longum, bone Deus, & laboriosum; sed iis fortassè non parum profuturum, qui Græcis literis non *ἑπικολῆς*, verùm *ἐν βιάθῃ καὶ δυνάμει* colore tingi optant: non enim leniter eà curà, qui hodie hominum mos est, defunctus sum; sed quantà maximà fide, diligentia, & industrià fieri potuit. Cæterum possitne hic aliquid edi nostrum, an non, adhuc dubito: parum enim Græcis edendis assuetæ sunt operæ Lugdunenses. Hoc quidem nimis certum, mora plurium mensium fore mihi opus, si Animadversiones meas ad umbilicum velim, me præsentem, quod planè est necesse, perducere. Sed mihi prope religio est benignitate τῆ κακότητος, καὶ τῆ πύλης ἀρίστης, cujus hospitio nunc utor, & cujus extant quotidie eximix erga nos benevolentix testimonia, abuti tam diu. Næ ego tibi, Præses amplissime, plurimum debeo, qui tanti viri amicitiam mihi conciliasti. Faxit ὁ ὑπερέρρητος Deus, quantum utrique vestrum me debere sentiam, possim brevi profiteri. Eundem oro supplex, longam & omni bonorum genere cumulatam vitam tibi ducit. *Γένεσθ, γένεσθ*. Vale, Vir maxime, & me ama, qui te æternum colam & observabo. *Lugduni*, in ædibus Vicquianis, a. d. vi. Eid. Jul. c15 15 xcix.

EPISTOLA MXXI.

HENRICO WOTTONIO. ✱

Sic omnino est, ut scribis, nobilissi- 1600.
me Wottoni, cùm nos nostraque respicimus, non possumus non sapientissimum illum pronunciare, qui dixit hominem esse *ἀκατασκευάσιος εὐκλῆς, τέχνης παίγνιον*. Nam quotusquisque nostrum est, qui quod modò fuit, id nunc sit? aut qui ex animi sui sententia vitam disponat suam? Est profectò arcana quædam τῆ ὑπερῆρης Θεοῦ πείνη, quæ nos sapius trahit nolentes, quàm ducit volentes. Itaque τὸ μέλλον πάντων ἀνθρώπων φῶς ἀόρατον, neque quicquam mortalibus est ἀπώροτον. Meministi illorum temporum, cùm ante annos sex septem tranquillissimè & conjunctissimè soles unà condebamus? Censen' si quis tum nobis ea fando prædixisset, quæ postea vidimus, & nunc cùm maximè videmus, fidem fuisse inventurum? Deus bone, quæ σκηνῆς περιεστροφῇ ab eo tempore facta est? quàm immutata facies omnis rerum? At enimverò inter tot tantasque mutationes, animum meum erga te non esse immutatum, sed sibi semper constantem, semper constitutum, velim tibi persuadeas. Si quid aliud, hoc unicè studiosis sapientiæ, in quæ nomen ego meum profiteor, convenit, ut initam semel amicitiam cum suæ sectæ hominibus æternum servant. Te mihi tua virtus excellens pari eruditione juncta dudum conciliavit; deinde accessit usus vitæ quotidianæ; cujus suavissima recordatio tamdiu in animo nostro vigeat, quamdiu futuri ipsi sumus. Parem constantiam amoris tui mihi spondeo. Quod si, ut scribis, diligentiam nostram scriptione literarum provocare perrexeris, experieris me haut segnem adversarium, & qui superari à te in hoc officii genere nequaquam sit passurus. Sororis φιλότητος literas tuis junctas accepi, & gratias habeo. Chartas, quas à me petit, dudum remisi. Uxor te plurimum salvere jubet. Vale, amicissime Wottoni, & nos ἀδιαλείπτως ama. *Lutetie Parisiorum*, a. d. vi. Eid. Decemb. c15 15 c.

EPISTOLA MXXII.

DESIDERIO HERALDO. ✱

BReves, sed magni & sinceri affectus 1600.
testes literas ad te nunc mittam. Eram enim, cùm ista exarabam, & *ἔχον ἐκ ὕψους*, & admodum occupatus.
Igitur

1600. Igitur duo hæc τὸ νῦν εἶναι à nobis habe. Martialem tuum accepi, legi. Ago tibi & publico, & meo etiam nomine gratias. Posuisti operam non malè; multumque optimus Scriptor tibi debet. Sed de tuis lucubrationibus quid sentiam, Vir eruditissime, malo apud alios, quàm apud te. Neque enim soleo in os quenquam. καὶ πάντα μὲν ταύτη. Alterum est, quod te volo: ut ab editione alterius scripti tui Gallici abstineas. Equidem non sine voluptate id percurri. Ac memini sæpius cam quæstionem agitatam Genevæ, cùm inter publicos Professores ibi locum non postremum obtineremus. Non enim deerant viri pietate & eruditione insignes, quibus idem videbatur ac tibi; sed in totum eam disputationem censeo tibi esse missam faciendam. Cupio enim studiis tuis & tranquillitati esse consultum. Atqui scito, & tibi persuade, Εἶναι καὶ ἄπην sorores esse germanas, quæ sibi invicem ἀχρῆστους cohæreant. Illam fuge, ne in hanc incidas. Vale, & me ama. Amplissimo Præsidi plurimam à me salutem. *Lutetiae Parisiorum, Eid. Decemb. c15 15 c.*

E P I S T O L A MXXIII.



E I D E M.

1601. Quid isthuc me votis omnium expeti dicis, Vir amicissime, et si gratum est propter benevolentiae significationem; esset tamen longè gratius, si ejusmodi rem judicarem, quæ vestro meoque bono possit perfici. Nunc mihi ἐν δόλῳ δύνει ob multas graves causas. Omnino otia quærimus, si ita modò visum fuerit Opt. Max. Deo. Ea enim molimur in literis, quæ animi tranquillitatem desiderant. Voti hujus an apud vos fieri compos queam, nescio. Terrent me vicini urbi nostræ ἐνθεν καὶθεν hostes infestissimi, iidemque potentissimi. Venit in mentem Pacii exemplum, qui post modici temporis moram nos deserere, & nescio quo per mille discrimina se recipere fuit coactus. Omitto pericula alia, quæ conditionem hanc videntur comitari. λίγος δὲ τὸ πέρα πρὸ χρημάτων· οἷοτα ἐπὶ βάλουμαι· ἀχρῆστην γὰρ ἐστὶ ἀδύνατον παρ' ἑμὲ μῆναι. Equidem illustrissimo Principi plurimùm me debere profiteor; qui binis literis, singularis benevolentiae plenis, hac de re mecum egit. Nolo autem te nescire, si absit horum, quæ dixi, incommodorum metus, libentissimo animo isthuc me migraturum. Tædet enim me jam, tædet uxorem penuriae Verbi divini, quam hic experi-

mur. Est Deo gratia, quòd aliter ha- 1601. tenus ego atque illa viximus. Itaque perquam iniquo ferimus animo, quod tam rarò, tantis cum difficultatibus Hablonem ibamus. Hoc uno excepto, cur me præsentis statûs pœniteat, causa non est. Vides animi mei æstum; quem explicabit is, cui uni & soli πᾶν ἀπορὸν πρίμην. Interea persuade tibi, amicitiam tuam instar ἐξυπᾶτης κέντρης mihi esse, quod me isthuc cogitare stimulet. Vale, amicissime Heraldæ, & amplissimum Præsidem meis verbis quàm officiosissimè saluta. Scripsi raprim. *Lutetiae Parisiorum, a. d. 111. Non. Januar. anni novi, (fortè c15 15 c1.)* quem tibi illique bonis avibus cupio esse inchoatum.

E P I S T O L A MXXIV.

RICHARDO THOMSONI. ✕

Silentium istud tuum, amicorum dul- 1601. cissime, qui interpreter, anceps animi hæreo. Quid enim accidit, cur tu post reditum meum in hanc urbem, nullas ad me dederis? Atqui & literas nostras & munusculum etiam quod misi, ad te pervenisse, penè pro certo habeo; colligo enim ex literis amplissimi viri, qui Legati munus isthuc fungitur. Scribe igitur, sodes, mi oculissime; & magnâ sollicitudine me liberaveris. Simul illud obnixè te oro, atque obsecro, ut Notas in Spartianum & comites ejus Historicos, quarum non unis literis spem fecisti, quàm primùm mittas. Nam cùm ante aliquot dies in Regia Bibliotheca exemplar unum MS. eorum Scriptorum nactus essem, cepi illicò illos recensendi atque edendi imperum: resque eò jam adducta, ut præla nostra nihil nisi tui beneficii expectatio remoretur. Quare iterum te, mi Thomson, oro, adjuves hac parte studia nostra. Plura non addam, neque enim vacat nunc, & si bene tuus mihi notus animus, ambitiosis apud te precibus non est opus. Vale, & plurimum salve à me, ab uxore, à liberis; qui omnes tui videndi desiderio mirum in modum flagramus. Σοὶ δὲ Θεὸς πάντα δόλῳ ἵσα φρεσὶ σῇσι μενοειῆς. *Lutetiae Parisiorum, a. d. xv. Kalend. Februar. c15 15 c1.*

E P I S T O L A MXXV.

SIMONI SIMONIDI, ✕
P O L O N O.

TU quidem, Vir clarissime, manu 1601. sanè quàm benignâ laudes in nos conjicis, quas aut amor adversum me
Ffff 2 tuus

1601. tuus, aut singularis quædam ἔμφησις tibi χρηστότης suggerebat. Sed ut sagitta cum solido offendit, ἐξ ἀντιτυπίας πάλιν πλαζμένη, in mittentem redit; sic laudationes, quas conscientia nostra tenuitas vetat agnoscere, ad auctorem suum relata, meritissimè in te hærebunt. Nobis abundè satis est, si nostram bene de literarum studiis merendi, & Reipublicæ literariæ promovendæ cupiditatem, quâ mirè semper flagravimus, tibi, eruditissime Simonides, & similibus tui, τοῖς ἀπαντέχεθαι γῆς φιλοσοφῆσι, probaverimus. Hunc certè animum olim nobis summus ille omnium rerum Arbiter indidit, qui si parem desiderijs nostris & facultatem adjecisset, aut hisce incommodis nos exemisset, quæ per tot annos mihi cum omnibus bonis Regni hujus fuerunt communia, tum nos haud paullo fortasse felicius, ἢν ἐλάχομεν Σπάρταν ornassemus, & diligentia nostræ atque industriæ, si qua tamen illa est in nobis, luculentiora testimonia ad posteritatem transmisissimus. Ἀλλὰ πῶς μὲν περὶ τούτων εἰσόμενοι ἀνθρώποι περὶ: cum præsertim in beneficio immortalis supremi Numinis meliora non speremus; sed experiamur. Quamobrem id totâ mente nunc agimus, ut otii hujus, quod magni Regis nostri benignitas fecit, & mihi & iis omnibus, qui scriptis nostris delectantur, ratio constet. Verùm de nobis nimis multa. Redeo ad te, doctissime Simonides, teque etiam atque etiam oro, ut quem adfectum ultrò mihi exhibuisti, eundem cupienti, teque id poscenti constanter serves. Nos, qui virtutem atque eruditionem tuam pridem habebamus cognitam, simul literas tuas accepimus eruditas juxta atque amanter scriptas, amore tui sic capti sumus, ut eorum omnium, qui te propius sibi notum plurimum amant coluntque, nemini videamur concessuri. Nobilis adolescens, quem mihi commendas, & suo merito, sed magis tuo nomine, ad omnia officia nos semper experietur paratissimos. Vale, Vir doctissime. *Lutetiae Parisiorum, a. d. v. l. Eid. Decemb. c. i. d. c. i.*

EPISTOLA MXXVI.

✠ JACOBO BONGARSIO.

1602. **D**E Broughtono judicium nostrum, quia ita vis, paucis habe. Interpretatio illius τῆς εἰς ἄδην καταβάσεως absque ullo dubio recta est. Nunquam aliter pronunciabant Græcè docti, cujus linguæ magnæ usum video illum habere. Quæ de cruciatibus interpretatus est magnus Calvinus, si reviviscat, sen-

tentiam mutaret. Omnino ejus interpretatio verbis Græcis accommodari non potest; ut persæpe mirari subierit, Theodorum Beza, virum hac eruditione & judicii tam limati, rectam viam interpretandi eorum verborum non esse ingressum. Atqui καταβαίνειν εἰς ἄδην aliud Græcis non sonat, quàm de hac vita migrare ad mortuos, nullo discrimine loci, sive aliquis transferendus sit in numerum beatorum, sive ad æternas pœnas reservandus. Præter illa, quæ in hanc sententiam à Broughtono sunt accuratissimè disputata, possem multa afferre, quibus os obtureretur contrarium sententibus, sed asseram unius Hippocratis verba; ex quibus clarè liquet, quid sit ἄδης Græcis. Is in libro περὶ ἀφαιρέσεως, postquam disputavit συνέσταναι τὴν ζωὴν ἐκ θυῆν, τὴν πυρὸς καὶ τὴν ἑδάδου, addit: δὴ ποῦ δὲν ἀπὸ τῆς γῆς ἀφαιρέται, εἰς τὴν γῆν, ὅ, τι μὴ καὶ περὶ τῆς γῆς. Συμμισηρόμενα δὲ καὶ διακρινόμενα ἀλλοιοῦνται νομίζονται δὲ πᾶσι τῶν αἰώνων τὸ μὲν εἰς ἄδην, εἰς φῶς ἀνέλασθαι, γαίαν δὲ τὸ δὲ ἐκ φάει εἰς ἄδην μεταστῆναι. Opponit ut contraria, φῶς δὲ ἄδην, quorum illud existentiam rerum, quæ & sunt, & sub sensum nostrum cadunt, significat; ἄδην verò privationem ejus existentia designat. Porro quàm variæ fuerant de statu mortuorum sententiæ Veterum, tam variè exponi potest τὸ καταβαίνειν εἰς ἄδην. Nam exempli gratiâ, Hippocrati, & omnibus τοῖς νομίζουσιν τὸ περὶ τῆς ἀλλοιώσεως δόγμα, nihil aliud εἰς ἄδην καταβαίνειν, quàm desinere esse, quod prius fuerat, & in principia sua solvi. Græci Philosophi ἀταρχειν εἶναι hoc vocant. Seneca, *resolvi sæpe; aliquando, ab oculis abire*, ut Epistolâ xxxvi. *Cogita nihil eorum, quæ ab oculis abeunt, & in rerum naturam, ex qua prodierunt, ac mox processura sunt, reconduntur, consumi.* Quod pulcherrimè cum superioribus Hippocratis verbis convenit. Platoni verò & Poëtis, quibus certum, ἐξ ἱστορίας quandam futuri judicii fuisse notitiam, καταβαίνειν εἰς ἄδην est, felicibus aut infelicibus post mortem adjungi. Non multò aliter & Literæ Sacræ loquuntur: nam quod de lingua Hebraica nonnulli asserunt, vanum est. Hoc igitur rectè Broughtonius tuus; illud judicio meo non rectè, quòd de summis viris tam levi de causâ tam impotenter triumphat. Ingenuè fateor tibi, ægrè impetrasse te à nobis, ut libellum, alioquin eruditè & eleganter scriptum, tui gratiâ pellegerem. Etsi enim multa & nos in tantis viris desideramus; quia tamen persuasi sumus divinitus eos fuisse excitatos juvandæ Ecclesiæ Dei, quicunque eorum

1602. eorum nomen & memoriam non venerantur, illos ego, ne quid apud te dissimulem, omnium bonorum odio censco dignissimos. Multum autem in tantulo scripto non solum acerbè, verum etiam petulanter καὶ λίαν νειανικῶς, scripta iudicamus. Locos indicarem, nisi & lectum tibi eum Commentariolum confiderem, & te non aliud quàm nos iudicare persuasum haberem. Atque hæc ego liberius apud te, quia literis non unis id egisti à me. Penè exciderat de Geographo Arabe: nam valde miror quæ scribis; nos enim illud non ἴναρ ἱμαντισμένην, sed ὅπως manibus hisce tractavimus, & oculis hisce non pauca in eo legimus, plus operæ in eo studio posituri, si proprium exemplar habuissemus. Possum uti Thuanco; possum illo, quod Bellovacensis Episcopus licitatione mihi abstulit: sed malo expectare. Proximis nundinis curabo, si fieri potest, afferendum mihi. Liber est elegantissimus, & ille ipse, ex quo multa Scaliger in divino opere de Emdendatione Temporum. Vale, Vir præstantissime, & me, quod facis, ama, qui sum futurus, ὅφρ' αὖ ζωῶσι μετ' αὖ. *Lucretia Parisiorum, Eid. Februar. 1602.*

Tuarum virtutum observantissimus,

IS. CASAUBONUS.

ΕΠΙΣΤΟΛΑ ΜΧΧVII.

✠ ἸΣΑΑΚΟΣ ΚΑΣΑΥΒΟΝΙΟΣ
ΑΝΔΡΕΑ ΔΟΥΝΑΙΩ,
ἐπὶ παιδείᾳ πεδωκῶ καὶ πολυμαθὲς αὐτῶ,
χαίρειν τε καὶ εὖ πράττειν.

1602. Ἐἴσι καὶ Φιλίας δίκαια αἴτια· εἴσι καὶ νόμιμ' αἴτια. Οἱ μὲν ἴσως καὶ γεγραμμένοι σφῶν ἀρχαίων ἐν πολυμήτοις δέλτοις· εἰ πολλοὶ δ' αὖτ' ἀγνοοῦν, ὁμιλοῦνται δὲ ἐκ τῶν παρ' ἀπασί τοις ἀνθρώποις. Τῶν δὲ τῶν νομῶν εἰς τὴν ἐξέτασιν, ὁ κελύμενος προσφωτισμένην ὑπὸ Φίλιας, ἢ καὶ πιν*, ὅφρ' ὑπὸ τῶν, ἢ ζωῶσι Φωνῇ, ἢ δι' ἐπιστολῶν, προσφωτισμένην αὐτὴν μάλα ἀντιστοιχεῖν. Τὸν γὰρ μὴ τὸ πινῶν, ἀλλὰ τὸν δόξαται ὁ νομῶν ἀμαθῆ, σκαῖον καὶ ἀνυπόστατον. ἢ δὲ ἀνυπόστατον παρ' ἐμοὶ κριτῇ, πᾶσι ὀλίγα δὲν εἰπῶν, κακίας ἰδίαν ἐν αὐτῇ συμπεριλαβεῖν ἔχει. Θαυμάζεις δ' οἷδ' ὅτι, κράτιστε Δυναῖε, αὐτὸν προσφωτισμένην ἡμῶν· καὶ τί ἄρα ὁ λόγος; ἔτι μαντεύεται, τίς ὁ σκοπὸς αὐτοῦ, σὺ γὰρ ἐπὶ ταῦτα μετὰ ἀναγνώσκων ἀμφισβητῆς. Ἀλλ', ὅχι χαλεπὸν μετὰ καὶ προσφωτισμένην Ἀνδρέα, λῆγε τὴν γράμματα. Οὐ γὰρ μετὰ τὸν γὰρ σὺ ἀποσπορῶν πῶς προσφωτισμένην γράφειν· πᾶν δὲ τὸν ἀντιπρὸς ἐκείνου ὡφελὲς αὐτῶν πᾶσι δίκην ξυνοδοῦς ἡμῶν, προσφωτισμένην ἐπιστολὴς τῆς δε, καὶ οἷον ἵε-

* Foris.
μὴ τὸν
δὲν φιλίας.

μῆλιν τὴν ἐξῆς λόγῳ τῷ τοιῷ μετὰ. ὡς 1602.
ἡμῶν μὲν ἔχει, ὑπὲρ δὲ τὴν ἡμετέραν ἡδὴ καὶ μάλα σφῶν ἀμωμόμενοι. Εἰ γὰρ καὶ ἡμετέραν καμῖν τι εἰς σὺ, τὸς τὸν ἡδὴ χροῖον τὸ φιλοσοφῶν ἀμωμόν γεγενῆσιν ὑπὲρ ἡμῶν; ἀλλ' ἴσως γὰρ καὶ ἀντιπροφωτισμένη, σὺν ἐξ ἀντιπροφωτισμένης, ὅταν, ἀλλ' ἐξ ἀτυχίας τοιαύτη ἡμῶν πηλομετὰ τῶν. Μυρία δ' ἔχοντες αἰτιάσθαι, αὐτὴν ἡμετέραν μέχρι τῶν ὁρίων, ἀντιπροφωτισμένην σὺν ἀντιπροφωτισμένην, ἰπτάσθαι, τὸς τὸν μόνον ἔρω, ἔλεος τὸ πᾶσι σὺ μᾶλλον ἢ ἀνακατήσας ἀξία πηλοφωτισμένη ἡμῶν, ἐξ ὧν ἐκείνη σὺ τὴν γλαφυροτάτην, καὶ χαλεπῶν χαλῶν γήμωσαν ἐπιστολὴν ἔσμεν εἰληφότες. Νόσος συγγενὴς ἡμῶν ἡδὴ, ὀλίγα γὰρ ἀναλύσασα, φρενὸς βαρύνεται, ἐπὶ ἀλλοίῳ πᾶσι ἀντιπροφωτισμένην, καὶ τὸ πᾶν ἀντιπροφωτισμένην, ἀχολία συνεχῆς. Ταῦτα ἐπὶ ταῦτ' ἀντιπροφωτισμένην μετὰ τῶν, ἡδὴ δὲ καὶ τὴν χάριν ἐστὶν ἐπὶ εἰς χεῖρας λαβόντα, ἔως ὅτε ἐκείνη σὺ τὴν ἐργῶν. Τοιαύτης ὁ σὺς ὡς τῶν, Κασαύβον· τὸ εἰρήσας δόξαται τὸ ἐν τῇ βασιλικῇ τῶν πᾶν ἀντιπροφωτισμένην· καὶ μὴ πᾶσι τὴν ἐφ' ἑαυτῶν τῶν τὸ Φιλίας δίκαιον, δόξαται σὺ καὶ ἀντιπροφωτισμένην, ὡς πᾶσι τῶν ἐμῶν ταῦτα, ἢ πᾶσι τὸν ὑπὲρ τῶν, ἔτω πᾶσι ἡμῶν ἀντιπροφωτισμένην καὶ τὸ βαρύνον, καὶ κενὸν πᾶσι κέρδιον εἴη, τριπλοῦν Δυναῖε, μὴ σὺν χάριτι αὐτῶν τὴν προσφωτισμένην ἡμῶν τὴν εἰς τὴν καλὴν τῶν μαθημάτων ἐνοχλημένην ἐγκρίσας. Ἀλλ' ἐπὶ ἐκείνῃ πηλοφωτισμένην τῶν, ἐργῶν δὲ ὅπως σὺ, καὶ μὴ λόγων πλάσμασι δόξαται δόξαται, ξύνειδεν ἡμῶν ὁ μακρὸς ἐν ἑαυτῶν καὶ ἀντιπροφωτισμένην Θεός. Ταῦτα μὲν ἐν ὑπὲρ τὴν χροῖον ἡμῶν ἀναδοχῆς δόξαται δόξαται. ἴσως δὲ, πολυμαθὲς αὐτῶν Δυναῖε, πᾶσι λόγῳ πᾶσι καλεσμένην ἡμῶν ἐπιστολὴν τὴν σὺν γενομένην· εἰ καὶ τὸ κατ' ὅρας αὐτῆς ὁ μετὰ ἡμῶν ἐλύπησε· πᾶσι γὰρ σὺ ἐμῶν ἀντιπροφωτισμένην ἐπὶ τῇ τῇ πᾶσι μακρῶν ἐκείνων πᾶσι τριπλοῦν ἐπιστολῶν πᾶσι σὺ γράμματα ἀπώλεια; καὶ τὸ μικρότατον μὲν ἐν πᾶσι τὸ σὺς λογιστῆς πᾶσι, λυπὴν ἐπὶ τὴν τυχῶν παρῶν ἐν ἡμῶν δόξαται! τὸ δὲ ζήμιον ἡμῶν ζήμιον τῶν πᾶσι πᾶσι δόξαται; πικρὸς τὸ φρενὸν καλῶν. ἔδεν μῆτοι πᾶσι τῶν τῶν γράμματα πᾶσι τῶν πᾶσι, τῶν τῶν εἶναι μῆτοι, ἔδεν μῆτοι δὲν σῶν αὐτῶν ἐν αὐτῶν οἷον ἐξ ἀντιπροφωτισμένην πᾶσι εἶναι· εἰ μὴ δόξαται, ὁ γράφας οὐ τὴν πᾶσι, καὶ μετὰ τῶν τὸ δόξαται, ἐπὶ ἡμῶν φρενὸν, πᾶσι τῶν· ὁ γὰρ αὐτῶν ἐν ἡμῶν ἔδεν, ἔδεν πᾶσι τῶν· δόξαται γὰρ μοι πᾶσι πᾶσι πᾶσι φιλοφωτισμένην συγγενῶν ἐν ἐκείνῃ τῇ ἐπιστολῇ διαλέχθαι· διὸ καὶ πᾶσι πᾶσι τῶν αὐτῶν σὺ τὴν χάριν. Μὴ γὰρ γίνοιτο ἀγνοεῖν ἡμῶν εἰς αὐτῶν ὅτι ἐμῶν ἀντιπροφωτισμένην τῶν γράμματα πᾶσι σὺ δόξαται. Περὶ δὲ τὸ εἰς Ἀθήνας πᾶσι καλὸν ἀντιπροφωτισμένην, τὸ μὲν σὺν τῶν σὺ ἡμῶν ὡς χαλεπῶν πᾶσι ὅδεν ἀντιπροφωτισμένην, καὶ τὴν πᾶσι ἡμῶν δόξαται ἀντιπροφωτισμένην, καὶ πᾶσι ἀντιπροφωτισμένην πᾶσι γὰρ μετὰ ἐπὶ τὸ δόξαται ὅδεν ἡμῶν, σὺν ἀντιπροφωτισμένην γήμωσιν μὴ ἐκείνῃ πᾶσι, πᾶσι τῶν ἐργῶν, ὅπως πᾶσι ἐπὶ, τὸν κολοφῶνα ἐπὶ τῶν. Τὴν μὲν ἐν τῇ ἐπὶ

F f f f 3

χαλῶν

1602. **Χερήματα** ὁ δυσχέρημα, πάλιν δὴ μάστις σὺν ἀγνοίᾳ, σὺ δ' ἄνερ σεφώτατος. Τὸ δ' ἀδυνάτεια, ἢ ἀγχινοσία, ἢ π. παιδείας τὸ ἐλλειπίς ἢ ἐν ἡμῖν, ὅσοι τ' πείρας τῆσδε ἐγνωμένων, ἡμῖς ὡς ἀκριβέσταται. Τὰ καὶ πλείους σιωπῇ ἡμῖν τὴν χαλεπότητα ἀγνοῖα τὸτ' ἀγνωσταμένοις, εἴνα μὴ ἴσως καθύπερθε, πᾶ πολλὰ δὲ οἶμαι, πῶσιν, τὴν μερίσιν καθαρῶς γινώσκων ἡμῶν ἀδελφίαν, φρεσὶν ἀραμῶν ἔως ἀνέκτως σὺν δαγκαλόν, μὰ πῆς δίστας, καὶ τῶ δ' ἀνδρὶ παιπλῶς ἀδύνατον. Τὰ δ' ὅτι τὸ τῆς πῶς ἐν τοσούτῳ ἐ συνελάμβανεν ἡμῖν, καὶ πᾶς πυκνὰς ἀποδοχίας π. καὶ μετὰστέσις, τί χρὴ λέγειν; ἔτ' ἡμῖν γὰρ ἀπαγγέλλειν ὅλην Διὸς πλειόνων· καὶ ἅμα τὸ πλέον ἔδεν· πῶς δὲ καὶ ἐξ, ἀλλήλων πῶν ἰδίας σὲ καρπῶν λύπας, καθ' ἵπποκράτην ἀδικόν π. καὶ σὺν ἡμῖν βαλμῶν. Σὺ δὲ μὴ δοκεῖς δαψίλει ἔσω φυλλοβόλῃ πῶν ἡμᾶς, σὺν ἀδικίᾳ λογιζομένη, ἀλλ' ὁπισκλίνοντ' τῇ θανάτῳ σε φιλικῶς πάθος τὴν δὲ δικάσαι τὴν δικήν. Ἡ μῖς τῶν π. ἐρρωμένων τ' σὲ πῶς ἡμᾶς Φιλίας ἐντυθεν πικραινομένοι, ἵαλλα ὑπεραράμμοι σὲ τ' κριτικῆς δυνάμεις, πῶς τὴν μόνην τὴν πορρὰ σὺ δόξασιν σὺν ἀπεδεχόμεθα, ἔδεν ἐνπνεύματι σοι· εἰ δὲ καὶ παρρησία ἡμῖς αἰπὴν τὸ φρεσὶν κίεται ἐν μυχῶ, συμπεννὴν π. ἡμῖν, ὡς λῶς, καὶ πᾶ ἡμέτερα διερωτώμεθα μάλλον· ἢ ὑπερπανέσαι δικαιοῦ ἡδῶτα. Ἀγε δὴ αἴτι, παρεμνησμένοι π. ὕφ' ἡμῶν ἐφωρῶν σοι, ἢ σὺν ὁσέως εἰκασμένοι ἐξηλέγχῃ (ἐστὶ δ' οἶμαι πολλὰ πιαυῶ) ἔργον δείξον, ὡς φιλότις, ἀντικῶς τῶ ὅντι πῶς ἡμᾶς ἀνακρίμωτος, πῶσιν ἐλεῖσας τ' πλάτης, ἔσιν ἡπάσσω τ' σπεθυμίας. Ἐρρωτο, ὡς ἄνερ σεφώτατος· καὶ ὁ ἐπερρωτοῦ πάλιν δαίη ἐν παντίων ἀγαθῶν ἀφρονία, κρῶν ὕμῃς, εἰς βαθυτάτην ἀδικίαν γῆρας. Ἐν Παρίσιον τῇ πόλει, Μαρτίῳ μηνί, τῇ ἐξοδῇ ἐπὶ εἰκάδι, α' χ' β' τε Σωτήρ.

EPISTOLA MXXVIII.

✠ ἸΣΑΑΚΟΣ ΚΑΣΑΥΒΟΝΙΟΣ
ΔΙΟΝΤΣΙΩ ΠΑΙΤΩ

τῇ προσφιλεστάτῃ χαίρειν π. καὶ ὡς πράττειν.

1602. **—** Λυμάσας πλάτης τί πῶς εἴη ἐπ' αὐτὸν πολυμαχίαν νεανία, σὺν ἐφίπας πῶς ἡμᾶς, εἰσὶν τὸ πρὶν σπανία· καὶ μὴ, ἀλλ' ἔμως εἰσὶν γέν ἡμᾶς ὁπισκλίνοντ', πῶς μὴ ἡγαλλόν· τὸ γὰρ αἰπὸν σὺν ἔδεν· ἐπειτα δ' ὡς τῶ τ' φίλων μαδῶν, ὅτι εἰς τὰ ἰδία, Λαπκία τῇ καλῇ πολλὰ χαίρειν φράσας ἐπανελήλυτας, τῶ θωμάτῳ μὴ ἐλῆξα· μεμφοῦ δὲ σοι ἐπὶ τῇ μοι ὡς τῶν ἔως ἀπερρωτῶν ἀποφαιτήσαντ'· ἀπ' ὧς ἐξ ἀτρεκῶς νεὸς φίλῶν σὲ, καὶ πᾶς σε δειλόντ' ἴσως ὡς γῶν ἐξ ἐν φιλεῖται. Εἰ μὴ ἐν ἐν δικῇ ἢ πῶς δικῇ πῶς τὴν μεμφοῦν ἐμεμψάμεθα σὲ, Παιπ πῶς φιλέται, σὺν ἄλλων ἢ αὐτῶν σὲ καθίζωμεν δικαστῇ· ἐπεξερχοῦ μὴ τοι τὴν δικήν ἐ βαλομένην νῦν ἐστὶ μοι· ἐφῆμην ὁφισκαίνειν ἐγνωσέπ μαλλον ἢ τὸ τ' ἀποφάσας ἀδελφὸν ἀειμένον

Κριτισμῶν γὰρ μοι τὴν πῶς σε ὁπισκλίνοντ', καὶ 1602. τὸ ἐρρωμένων καὶ ἐκπνῆς τ' σὲ πῶς ἡμᾶς Φιλίας μετὰ τὴν ἀναγινώσκοντι ἀκριβῶς καθαρῶς πῶς πῶς εἰσὶν εἰς πῶς ἐφωρῶν μίγα καὶ σὲ δικαίως συνίδη, καὶ Διὸς τῶ γινώσκειν π. καὶ φρεσὶν ἐδοξεν εἶνα ἀλῆτα. Ἀλλὰ πᾶ μὴ πῶς πῶς πῶς ἐδοξεν, ὡς τὸ καλὸν πῶς πῶς ἡμῖν Παιπ. Ἡ δὲ Ἀττικῶς τῇ σε ὁπισκλίνοντ', καὶ πῶς πῶς χαρίτων γίμωσιν τῇ ἡμέτῳ ψυχῇ ἐρωτῇ σε ἐναπύθω θωμάσων ἐσιν μέγαν. Τῆς γὰρ Ἑλληνικῆς παιδείας εἰ καὶ πῶς ἀλλῶ, σὺν νῦν βροτοὶ εἰσι, θωμάς ὡς ἐραστῆς, ἀγῶνις σὲ τῆς ἀγῶν πῶς πῶς, καὶ Φιλῶ μόνον, ἀλλὰ καὶ λῆσιν δι' αὐτὸ τῶ σὲ ὑπερφιλῶ. Οὐαίο φίλτατέ μοι Παιπ, τ' ἀετίας· οὐαίο τ' γνησίας παιδείας. Ἐυχομαι δὲ τὴν μετὰ ταῦτα σπῶν σὲ αὐτὴ καὶ μάλλον ἀυξομένην, εἰς τοσούτῳ σοφίας προχρῆν ἐσιν ἀγῶνι φῶν ἐσιν ἐφίπας. Ἐρρωτο· Ἐν Παρίσιον Λαπκία, Ἀπριλλίῳ ἡμερῇ τῇ πῶς πῶς, ὅσοι τῆς ἐνοχῶς οἰκονομίας τῶ θείῳ λόγῳ ἐπὶ α' χ' β'.

EPISTOLA MXXIX.

IUSTO LIPSIO. ✠

Vir illustrissime,

ECquid futura mihi apud te liberioris 1602. dicti parata venia? Spero equidem; novi enim & ἡμῶν tibi bonitatem, & vehementiam tui erga nos amoris. Hac fiducia dico tibi ἀφῶνδην nullis ambagibus, videri mihi te à moribus tuis discessisse, & σὺν οἷδ' ἔπος ἀλλῶ γινώσκειν ἐξ ἄλλας. Annon ita est? Planè ita, ἀφῶν, inquam, ἐξ ἐφῶν factus es. Videris ipse, quæ te mala Circe mutarit. Ego rem factam queror καὶ μάλα ἀχνύμεν. Crucior enim animi tam longâ, tam insolitâ literarum tuarum expectatione: atqui solitus eras hoc quoque officii genere diligentiam nostram longè superare. Quid igitur accidit, cur ad daras sub hujus anni principium literas à nobis necdum sit responsum? Sed perierunt illæ fortasse. Illas certè accepisti, quas amplissimo Domino Bufenvallio discedenti in manus tradidi. Quod tamen scire adhuc per te non potui. Binas omnino à quatuor jam mensibus accepi. Alteras attulit Belga φιλάραψ· alteras Taldixus nolter. Et hæ & illæ paucissimorum verborum fuerunt; neque erat in illis quicquam, ex quo meas tibi fuisse red-ditas possem cognoscere. Quod si nobilissimi Bufenvallii non esset fides nota, mirè solliciti essemus ego & amplissimus Thuanus libro regio quid esset factum: nunc non scimus; sed de tua solum valetudine, quam præstet tibi firmam & bonam, teque nobis & literis ἐς βαθυτάτην γῆρας Deus immortalis ser-

1602. fervet; qui & te & tua studia sibi curæ esse tot argumentis approbavit. Vale, illustrissime virorum. *Lutetia Parisiorum, a. d. VI. Eid. Jul. CIO IO CII.*

EPISTOLA MXXXI.

HENRICO SAVILIO. ✠

EPISTOLA MXXX.

✠ HUGONI GROTIO.

1602. TU verò falleris, clarissime juvenum, qui eruditissima tua scripta putas mihi invisa.

* Vrg.
En. lib. I.
vers. 571.

* *Non obtusa adeò gestamus pectora Pæni.*

Ut novus aliquis cometes exoriens omnes τὰς πρὸς τὴν μετέροια advertit, & in sui contemplationem rapit; sic lucen-
tissima ingenii tui fax simulac ἀνέπλη-
νὴν ἀκατάνοιο πόδων evecti sunt è vestigio
animi πάντων τῶν πρὸς τὰς λόγους, in quibus
& nos sumus. Mirari omnes & stupere
ad hoc novum ingenii tui portentum.
Primus quod sciam, ad famam tibi
aditum patefecit Martianus tuus. Is
Scriptor mappam misit, & ad tua cur-
ricula attendere nos fecit. Secuta sunt
postea alia, atque alia spectavimus, ju-
dicavimus. Quid verbis opus? Visus
es quam excitaveras initio expectatio-
nem, toties superasse quoties prodiisti.
βάλλ' ἔως, magne Juvenis; & quia
æquales tuos pridem superasti, age,
tecum ipse certa, & γενὴ αὐτὸς αὐτῶν
κρίσει. Ita me facilis Deus immorta-
lis respiciat, ut totâ animi mento hoc
voveo, hoc illum oro. Etiam ante-
quam constaret mihi, an vel de nomi-
ne tibi innotuissim, publico literarum
respectu te amavi, omniaque tibi
fausta optavi: quid censes nunc post
acceptam Epistolam tuam? Ex illa co-
gnovi, te quoque nugis nostris pretium
aliquod ponere. Scio quid te potissi-
mum moveat, neque ita desipio aut
πρόφωμαι, ut quantum magno Scalige-
ro etiam isto nomine debeam, non in-
telligam. At tu me ama, mi Groti,
vel potius φιλεῖντα ἀνιφίλει, & per
otium literas mitte. Vale. *Lutetia
Parisiorum, a. d. VI. Eid. Jul. CIO
IO CII.*

Inscriptio.

Juveni clarissimo,

HUGONI GROTIO.

LUGD. BATAV.

ACEPI nunc ipsum, præstantissime Savili, quas Nonis Junii ad me de-
deras. Hoc volui ab initio statim προ-
μαρτυρῶ · ut scires diuturnioris silentii
nullam penes me esse culpam. Sum
quidem, ut ais, occupatissimus; ne-
que omnibus vaco; tibi vero nunquam
non. Quid enim potius faciam, quam
ut sermones cum eo cædam, quem pro-
pter summam eruditionem & παιδείαν
ἀρίστην tot annos colui tacitus? Sed &
tuas ipse occupationes novi gravissi-
mas; neque putavi faciendum, ut ina-
nes tibi literas mitterem. Nam de tuo
incepto, post nuperam Epistolam meam,
habui nihil quod ad te scriberem, nisi
hoc unum, cuius tu nunc me admo-
nuisti, alterum illum tomum Chryso-
stomi in Psalms Medicæ Bibliothecæ,
quem antè non videram, postea
visum nobis & tractatum. In eo conti-
nentur, ni fallor, Psalmi plerique om-
nes à XLIII. unde incipit volumen il-
lud. De Codice λεγὸς διέφθοροι, &c. me-
minero quando primum in Bibliothecā
ibo, quod ante sex septem dies
non possum. Nudius enim tertius signi-
ficavit mihi morosus senex, qui illi in-
cubatur, per aliquot dies se abfuturum:
ne ad se venirem frustra, dixeram antè
illi cum eò venissemus tuâ gratiâ ego,
nobilissimus Vinnodus, & clarissimus
Pithæus, me postridie rediturum, ut
homilias à te descriptas, & amplissi-
mo Thumerio de Boissie traditas, cum
Medicæ Codice conferrem; Psalmum
dico ῥ, quem scimus in nostris libris
extare. Nam illam alteram τίς τὸ ἀσάπ τῷ
κυρίῳ ᾄσμα καινόν, homiliam in iisdem li-
bris non invenimus. Longè enim alia
est ἐρμηνεία ejus Psalmi in volumine,
quo continentur ejus Patris interpreta-
tiones in eum librum. Et omnino vi-
detur separata lucubratio à continuo
opere in Psalms. Eam sive in veteri
Regia, sive in Medicæ inventam cum
tuo exemplari conferemus, & prope-
diem tuas chartas tibi remitemus.
Etromos, quod monstri genus sit in Ca-
talogo nuper ad te misso, ne ipse qui-
dem scio; at scito brevi, σύν τῷ Θεῷ,
& te quoque ut sis sciens faxo. καὶ ταῦ-
τα μὲν ταῦτα. Dic verò mihi sodes, Vir
præstantissime, quid tibi de illo viro
docto videatur, qui in Epistolis suis,
quas superioribus nundinis edidit, Græ-
cas literas decoras, at non necessarias
pronuntiavit? Qui ab uno Baronio, spre-
tis antiquis, jubet nos Historiam Eccle-
siasti-

1603. τῶν γὰρ μένηται τῇ ἐπὶ τῶν λόγων προσημύων
ἔστι. Οἱ μὲν ὑπεροὶ τῷ ἐπὶ τῶν λόγων ἐπὶ ἐμ-
πιλησμένους λάβωσι τὰς δαιτυμνίας δύναμις.
ἂν τῇ πολυπλοκίᾳ τῶν ὑπεροχῶν ἀδύνατον δι-
γίῃαι τὴν ὑπεροχὴν αὐτοῖς. τὴν δὲ τῶν πη-
τῶν τρέψω ἀδύνατον πῶς φαίνεται λαμ-
πρῶν, ὥς τὸ πινυῖν ἀπαιτῆσαι τὰς μέ-
λονται μέλονται αὐτοῖς. ὁ μὲν ἂν δαιμόνιος ἀνὴρ
ἔτῃ Αἰακίᾳ πῶς τῇ λευκῇ δυνάμει
πῶς τῇ ὑπεροχῇ πῶς πῶς, τῇ γενεῇ
αὐτοῖς ὑπεροχῇ πῶς τῇ δυνάμει εἰ-
νυῖν δύναιτο ἐπὶ τῇ πῶς. ἡμῖς δὲ τῇ
αὐτῇ πῶς τῇ νῦν λέγειν ὑπεροχῇ (ὕπερ-
μεγας γὰρ ἔστι καὶ αὐτοῖς ἐμολογῶμαι εἶναι)
ἐκ εἰρωνυμίας μὴ πῶς μέγας, ἀλλὰ καὶ πῶς
σφοδρῶς εἶναι ἐκείνους δόξαι μὴ πῶς. πῶς γὰρ ἔ-
στι πῶς αἰδοῦμαι τῇ ἡμετέρας, σφοδρῶς
γὰρ πῶς τῇ λιτῇ ὑπεροχῇ γὰρ τρέψω χά-
ριν ὅπως δύναιτο μηχανώμεθα πῶς. Ἀλλὰ
γὰρ ἔδ' ἄρα σφοδρῶς ἐπὶ εἰρωνυμίας ἡμῖν, ἔδ' ἔ-
πῶς πῶς λέγειν δύναιτο, τῇ καὶ τῇ τῶν ῥητέ-
ρων κομψύμεθα πῶς αὐτοῖς τῇ ἀλή-
θειᾳ ἐπὶ. ἔδ' ἔπῶς, ὡς φίλτατοι Διόνυσιοι,
ἐπὶ νόσοι ποικίλαι, ἀχολίᾳ πῶς συνεχῶς μέχοι
τῇδε ἡμῶς τῇ πῶς σὺ ἐκώλυσε γραφῆς. ἡ
μὲν ἂν νόσος θεῶν βοηθῇ ἡδὲ ἐκώλυσε.
αὐτοῖς ἀχολίᾳ αὐτοῖς καὶ μᾶλλον ὑπεροχῇ,
αὐτοῖς μοι, ἔλγω δύναιτο ὑπεροχῇ, τῇ βίῳ αὐτοῖς
δοσπλάσι. Σὺ γὰρ δὲ, ὡς σφοδρῶς Παι-
π, καὶ πῶς ἡμῖν ἔπῶς Διόνυσιοι, ὥς τῇ πῶς σὺ
συμβαίνει αὐτοῖς ἔπῶς μᾶλλον αὐτοῖς ὡς πῶς
μὲν, ἡ μὲν πῶς ὥς εἰ καὶ τῇ μᾶλλον τῇ κα-
τῇ καὶ ὡς ὡς ὡς γὰρ γὰρ γὰρ σὺ αὐτοῖς
γράφοντες. πῶς μὲν ἂν τῇ αὐτοῖς. ἔπῶς καὶ
ἡμῶς φίλων Διόνυσιοι. ἔπῶς Παρίσιον Διόνυσιοι,
Μαρίσι μὲν τῇ τῇ ἐπὶ, α κα γ.

EPISTOLA MXXXV.

✠ JACOB O I.
MAGNÆ BRITANNIÆ,
SCOTIÆ, &c. REGI.

1603. *Serenissime, potentissime Rex,*
NON irreverentia audaculum me fa-
cit, ut obltrepere Majestati tuæ
parum verear; sed cum de tua pietate,
& adversum afflictos pro Christi nomi-
ne propensâ voluntate certa confiden-
tia; tum erga civitatem calamitosissi-
mam, patriam alteram meam, Gene-
vam, studium pium, & de ejus salute
ingens sollicitudo. Hæc urbs quo nunc
in statu sit, quantis difficultatibus pu-
blicè privatimque laboretur, abundè
Majestati tuæ narrabit singularis fidei
& integritatis Senator, Julius Anio-
rianus, cui has tradidi. Verùm oro
benignitatem tuam obtestorque, Rex
σφοδρῶς, liceat mihi pro Genevensi
Academia, cujus olim pars aliqua fui-
mus, humiles juxta & pias apud te
preces fundere, eò quidem impensius,
quòd cum ante paucos dies privati ne-

gotii causâ illuc venissem, jacentem il-
lam Scholam propter temporum ini-
quitate, at nondum tamen desertam,
neque frequentia studioforum omnino
desertam, graviter sumus miserati. In
eum siquidem locum rei illius publicæ
fortuna redacta est, ut nisi adfuerit ve-
rus ille non τὸ μὴ καὶ, sed τὸ τῶν
ἐργῶν θεῶν, de illius pietatis & religio-
nis seminario penitus actum esse videat-
ur. Etsi enim Senatus pro sua pru-
dentia tanti boni possessionem retine-
re omnibus modis etiam supra vires
connititur; in tantis tamen anxietati-
bus vix est, ut diutius viri pietate &
doctrinâ excellentes, quorum ibi non
mediocris adhuc copia, aliis foverique
possint. Potuerunt, si zelo promoven-
dæ gloriæ Dei inflammati Principes la-
bentem Rempublicam liberalitate ali-
quâ sustentarint, & præsens quasi exi-
tium defenderint. Quam ad rem cum
sit omnibus notum quid quantumque
Majestas tua valeat, prope & illud ex
æquo bonis persuasum est, futuram
deinceps & Ecclesiam & Scholam Ge-
nevensem non mediocri tibi curæ. Sunt
nimis inultia, quæ toties jam exhi-
buisti flagrantissimi erga Deum & ve-
ram Religionem amoris publica testi-
monia. O servet hunc animum Maje-
stati tuæ Princeps ille Principum, cu-
jus in manu vestra sunt Regum corda.
Ille te, Rex serenissime, fulgentissi-
mum in Europa fidus, quàm diutissime
florentem, & Principibus aliis ad ve-
ram laudem prælucentem, sicuti facit,
atque exemplo præeuntem, & præsen-
tis & futuræ vitæ bonis omnifariam ve-
lit cumulare. *Lutetia Parisiorum, a. d.*
VI. Kalend. August. salutis reparatæ,
CIO IO CIII.

*Tuæ Majestatis quàm humillimus,
quàm devotissimus Cultor &
Servus,*

IS. CASAUBONUS.

EPISTOLA MXXXVI.

PHILIPPO CANAIO A' ✠
FRAXINIS.

PAX, Vir summe! ego ut tuam ami-
citiam spreverim! Ut eam immani
scelere violarem! Deus ὁ τῆς ἀληθείας φι-
λίας προστάτης ne sirit, ut levam adeò
mentem unquam induamus. Hunc ego
possum ἀσφαλισμένον, nunquam esse fa-
ctum, ut tuorum in nos maximorum
meritorum oblivio obreperet animo
meo. At dixi, scripsi etiam fortasse,
quæ parùm tibi grata. Quàm vellem
pari fide tibi relata essent, quæ toties
cum

G g g

cum

1603. cum summa laude tua, etiam tum *ἀνὰ κατὰ* & passim dixi, cum illa gererentur, quæ leniter animos nostros separabant. Omitto dicere necessitatem mihi ab ipsa conscientia mea fuisse impositam, ut exemplo, quod magnum & illustre nomen tuum trahebat, pro virili mea obviam irem. Nam ut ad extrema consilia, quæ probata tibi, facerem gradum, Deus hominesque sciunt nunquam me ne cogitasse quidem. Epistolam illam infelicem, & prope fatalem mihi, si impelli ad immanitatem optimus noster Trajanus potuisset, non excuso; nam omnino quid in illa sit scriptum, imò an scripserim, juxta scio cum ignarissimo. Deus illis bonis viris bonam mentem, qui ea ad te missa id videntur egisse, ut tu me pusillum homuncionem pondere tuo, quod facile erat, elideres. Si libeat, liceat hic mihi quirere: proh Dei hominumque fidem! adeon' invenustos esse quosdam, ut quasi per ludum & jocum naturæ gentium, in perniciem innoxiorum, jura migrent? Non ita tu quondam, magne Alexander, neque tu, Juli Cæsar, qui repertas in hostium castris literas de rebus, quæ ad salutem vestram spectabant, inspicere non sustinuitis. Sed rerum præteritarum memoriam pluribus nolo reficere. Quin te potius oro, Vir maxime, si qua adhuc superest ingentis illius amoris scintilla, quo nos per annos multos beasti, eam ne penitus sinas extinguere. Ego & propter suavissimam priorum temporum recordationem, & nonnihil etiam periculo recenti admonitus, sedulo cavebo, ne inobservantiâ tui ac cultu fidem meam aut constantiam jure possis unquam desiderare. Vale, *καὶ ἐν πάλιν ἀποκριθὲν Διονυσίου. Lutetiae Parisiorum, a. d. vi. Eid. Novemb. anno τῷ 2679 καὶ 58 Dionysiano, CIO IO CIII.*

EPISTOLA MXXXVII.

✠ MARCO VELSERO.

1603. SI mihi ea mens esset, Vir maxime, ut de iis, quæ ad Religionis negotium spectant, funem contentione tecum ducere, aut omnino cum quoquam vellem, facile impetraturum me sperarem, ut de ea quæstione, quam pluribus attigisti in nuperis tuis literis, non aliud sentire viderer, quàm quod in prima Ecclesia omnes ad unum pii & verè orthodoxi. Tertulliani, Prudentii & Paulini loci, quos objicis, nihil minus continent, quàm quod hodie, imò à multis seculis in quæstione positum est. Quàm enim diversæ res

sunt, habere & colere, eo præsertim 1603. modo, qui passim hodie obrinet? Equidem ingenuè fateor, cum hac de re etiam atque etiam diligenter sæpissimè cogitaverim, magis indices mirari me, qui fieri possit, ut de re adeo clara, certa, & indubitatis Patrum testimoniis comprobata, (Verbum enim Dei taceo) per tot sæcula tam funestæ contentiones sint excitatæ. Beati Augustini locum ut laudarem, utque Auctoris mei verba pluribus explicarem, fecerunt ineptissimæ certorum hominum interpretationes, qui *δελύοντες τὴν ἐκκλησίαν*, alius aliò ea trahebant. Poteram de mente Beatissimi illius Patris plura adjicere, & consecutionem ejus verborum *παντός μάλ' ὀν* necessariam uberius explicare: sed non libenter facio, ut iis me immisceam, quæ ultra crepidam sunt. Denique si quis est mortaliū, qui scindi orbem Christianum disputationibus hujusmodi ex intimi pectoris affectu doleat, quique extincto discordiarum nomine, pacem Ecclesiæ Dei optet restitutam videre, cum nos, Vir magne, sequimur, & nostra cum illius votis jungimus, quæ audiant utinam aliquando propitiū superi! Idem te quoque servent, & mihi amorem tuum & bonorum omnium. De Privilegio agimus gratias maximas. Sed dolet mihi, quòd meâ causâ tantum laboris frustra sumptis. Egi & magno Wacero gratias. Vale. *Lutetiae Parisiorum, pridie Kalend. . . . * CIO* * *Encl. Decemb.*

Tibi addictissimus,

IS. CASAUBONUS.

EPISTOLA MXXXVIII.

ἸΣΑΪΑΚΙΟΣ ὁ ΚΑΣΑΥΒΟΝΙΟΣ ✠
ΔΙΟΝΥΣΙῶΝ ΠΑΪΤΩ
εὖ πράϊεν χαίρειν.

Πᾶτον μὲν δέμαί σε μέν δέσιν, 1605.
ἀποσφιλέτω Πάτη, ἵνα τὸ ὑπὲρ μὲν
τὸ παρ' ἐμὲ ἀμειβάσαις γραφὴς μὴ νυμίζης
ἀξιοπρεπὲς εἶναι περὶ τὴν τῆς Φιλίας ἡμῶν, ἣ
τῆς καθήκοντος ὀλιγοψύχας· πρὶν γὰρ, εὖ ἴσθι
ὅτι χαλίσσαι ἡμῶν εὐρία χθὼν, ἣ τὸ πεινέσθαι
τὸν σε ὄνομα ἐξ ἡμετέρας μνήμης ἢ καρδίας
χρὲν· ὅδεῖς ἐξελείψαι. Καὶ τὰ π εἰ μὴ
πιστεύεις ἐμοί, καὶ μὴ πύσης πληροφορίας εἶναι
τὸν εἰ πύσης ὡς πάντις ἐς τὴν βλάβην τὴν ἡμῶν
ψυχῆς ἐξέστηκεν ὁ σε ἔργος τὴν μεγίστην ἀδικίαν
ἡμῶν, ὅτι τὴν ἀδικίαν· πᾶν τὸ ἡμῶν κατὰ γὰρ
γνώσκον ἀδικίαν, καὶ ὅτι ἐπὶ εἶναι τὴν καλὴν
καρδίαν ἀνδρῶν ἐπὶ πρὸς τὴν ἴσως πυχάντις
δυνατὴν· πόθεν, τὸν γὰρ λεγομένων ἀσυνέτων
πάντως ἐν καὶ τὰ π γίνονται, τὸ αὐτὸ καὶ ἀρε-
τῆς ἀντίχρως καὶ πᾶ τὴν Φιλίας δίκαια παρ'
ἡμῶν

mum cognovi, extemplo persuasi mihi 1608.
 hi, *ἐκ αὐτοῦ* istud consilium esse abs te sus-
 ceptum: quin potius Deum Opt. Max.
ἀναμφισπότητως hanc tibi mentem de-
 didisse. Hanc divinationem meam rei-
 pisa nunc comprobari, cum ex Episto-
 la tua longè mihi gratissima, tum ex
 multorum gravissimorum hominum ser-
 monibus incredibili cum gaudio didi-
 ci, & quotidie disco. Macte, Vir do-
 ctissime, *ὃς ὡς ἀληθῆς καὶ φερνέμεως θεός*
δεσπ. Opus exegisti Deo immortalis haut
 dubiè gratissimum. Obstrinxisti tibi unâ
 operâ quantum ubique est-virorum pio-
 rum, quibus gloria τῆ ἐπαρρηχίας παύσας,
 & salus proximi cordi est ac curæ. Itali
 tui quantum eo nomine tibi debeant,
 ne dici quidem potest; eo namque mu-
 nere illos donasti, quo nullum ne co-
 gitari quidem majus queat. Quis verò
 non admiretur in illa potissimum tem-
 pora tuam editionem incidisse, quan-
 do gens nobilissima, sed diro servitutis
πνευματικῆς jugo miserandum pariter &
 stupendum in modum oppressa, inibi
 videtur esse, ut ad aliquem saltem mali
 sui sensum possit perducì? Mira sanè
ἐυγνώριστις, & quæ *δοτὲ πνευμάτων* non
 contigit. Quod utinam, iterumque uti-
 nam optatissimus ille illucescat dies,
 cum densa illa & atra caligo discuti
 incipiet, quæ nobilissimæ sine contro-
 versia parti orbis terrarum est offusa.
 Planè Christiani appellatione est indi-
 gnus, qui toto affectu hoc non cupit,
 non optat, non dies noctesque à Do-
 mino Jesu precibus suis contendit. Qua
 in parte nostro nos officio non omni-
 no hætenus defuisse, verè possumus
 affirmare. Sed nos quidem vota dun-
 taxat, prætereaque nihil ad tantum
 opus conferre possumus. Tu, Vir præ-
 stantissime, nisi animi fallor, potes
 unus plurimum. Aude modò, & quo
 cœpisti pede, oculis irretortis perge.
 Cogita sis, cujus res agatur, sub cu-
 jus Imperatoris vexillis milites; quæ
 maneant eos præmia, qui propugnan-
 dæ Evangelicæ doctrinæ sese devove-
 runt. Sciebam amplissimum Wottonem
 de rebus magnis tecum per literas so-
 litum agere; quod tua quoque Episto-
 la non obscure significavit. Veneror
 supplex *πῇ παναγίᾳ ἐν μονάδι Τετάρτῃ*,
 ut cœptis vestris porro & semper be-
 nedicat. Magnum Scaligerum doctri-
 nam tuam pari pietate junctam, magni,
 pro eo ac debet, facere, compertum
 habeo. Scio quod sit illius de tua ver-
 sione iudicium. Crede mihi, tanto illo
 viro nihil probius, nihil candidius.
 Quod me hortaris, ut omnia oblivif-
 car, quæ adversus me isthuc sunt facta,
 agnosco probitatem, & pietatem tuam.

✠ JOANNI DEODATO.

1608. **L**iteras tuas accepi, Vir præstantissi-
me. Librum, quem ais misisse
nondum vidi; sum tamen in spe brevi
illum me, operâ tui cognati, viri opti-
mi & integerrimi, accepturum. Ago
interim tibi ex animo, si minus quas
debeo, certè quas quantasque possum
maximas gratias. Equidem postquam
de tuo hoc nobilissimo incepto pri-

G g g g :

Atque

1608. Atque ego jam gaudeo te isthic esse repertum, quem mala mea non perfuntoriè tangerent. Nam hætenus nemo, quod sciam, est inventus in ea urbe, pro qua mortem oppetere suave mihi fuisset, qui adversis meis ullo modo tangeretur. Everfa est domus Stephanica; uxoris dos tota periit; soror mea cum sua filia certorum hominum immanitate, feritate, diritate ad mendicitatem est redacta. Actum est mecum veluti cum proditore & sicario, & ad rapiendas chartas meas, & sororis, publicè satellites sunt missi in ædes sororis. Petenti sorori per libellum supplicem, ut quoniam & dos illi sua, & quicquid maritus reliquerat, bonorum sententia Judicum esset ademptum, ut perditorum hominum Bigotiorum profunda avaritia expleretur: miseretur sui Senatus, & aut solveret illi partem aliquam debiti marito ipsius stipendii, aut se adjuvaret saltem, ut operâ meâ à Rege Christianissimo id ipsa reciperet. Erat æquissima postulatio, & cui satisfieri poterat ab amplissimo Ordine absque ulla vel unius oboli impensa. Tulit tamen misella repulsam, & à Senatore Sullio horribile carmen illi pronuntiatum est: Nos Principes urbis, & civitatis non tenemur rationem habere nostrorum subditorum. Scit Senator eximius Saracenus, quid soror postulaverit, quàm æqua, & ipsi necessaria fuit ejus petitio. Quid multa? neque Ordo Senatorum, neque Pastorum & Professorum Collegium, cui ego stultus me putavi esse charissimum, quicquam prætermisit, quo mihi noceretur. Bis ad me super matricibus Græci characteris scripsit Laurentius, Rector Scholæ vestræ. Ostendi illi summæ iniquitatis facinus ipsum aggredi, & quidem tum putabam, imprudentem. Oravi, etiam obsecravi, atque obtestatus sum, ne rem nefariam aggredieretur. Adeo nulla mei ratio est habita, ut eo urgente factum sit decretum, quo nullam potuisse fieri iniquius, omnes hic consentiunt Jurisconsulti. Fateor ingenuè, præstantissime Deodate, his tot indignitatibus gravius esse commotum me quàm par erat, & ignoscat mihi Domini Jesu misericordia, quam dies noctesque imploro. Possem magni Auctoris patrocinio me defendere, & illud divini Philosophi asserere: καλὸς τὸ ἐκ θυμῷ ἐκ ἐκ παροϊαί κρινέται ὃ γὰρ ἀρχαὶ ὁ θυμὸς ποιεῖν, ἀλλ' ὁ λογισμὸς. Sed valeant artes: ego non excusari humanitatis, sed mundari cælitus mea ἰλασµατι cupio. Miror tamen, atque adeo demiror, neminem isthic esse inventum, quem tot facta injusta vel tantil-

lum moverent. Deum immortalem! quis hic est stupor? Per annos duodecim exagitata est soror ab improbißimis, quod omnes scitis, hominibus. Debut hoc ferri? Itane Deus voluit viduas, & orphanos tractari? Nihil sorori profuerunt sua jura justissima, luce meridianâ clariora; nihil memoria mariti, civis quondam Genevensis, de patria sua quàm optimè meriti; nihil antea vita, quam piè, castè, & modestè semper instituit, ut eam decebat, quæ à sapientissimo patre, & lectissima matre fuit educata. Meum verò nomen adeo misellæ nihil profuit, ut hæc videatur illi fuisse causa omnium malorum, quòd soror esset mea. Itaque crucior animi, cùm cogito stultitiam meam, qui ante annos unum & viginti post optimi patris obitum, in eam Gallicæ partem me contuli, ubi pater moriens suos reliquerat, quò matrem, & sororem hanc meam in tuto scilicet portu collocarem. Bene sanè, quòd mater paullo post, unde erat profecta, rediit; quæ si remansisset, actum erat de reculis nostris omnibus. Soror, quæ remansit Genevæ, malo suo meoque facto, & dotem honestam, & mediocres mariti opes amisit funditus, & quicquid ego ab aliquot annis in sumptus infaustrarum litium exhibui. Hæc hodie pene unica est, quæ me angit, & macerat cura: non enim teneo lacrymas, quoties venit in mentem quis futurus sit illius status, si Dei benignitas ipsam non respexerit. Equidem et si in tenui re, deero tamen illi nunquam. Sed numerum liberorum meorum vides, & quantam isthic jacturam fecerim. Ut taceam incommoda ejus loci, qui me nunc habet. Quod si per sororem liceret, constitueram omnium injuriarum, quas accepi, nunquam meminisse. Neque enim pecuniam gemui amissam, cujus si studiosus essem, expeditas ejus parandæ vias potui invenire: sed filiam habui natu maximam mihi, & matri suæ supra modum charam, idque merito suo: erat enim parentibus obsequentißima, indole optima, pietatis orthodoxæ tenacissima. Hæc quum per ætatem nubilis jam esset, ut gravius ferrem jacturam isthic factam fortunarum mearum, & sororis, (nam hoc quoque damnum in me recidit, nisi αὐτορροῦ & impius esse velim) erat in causa, quanquam dolorem meum solita fuit optima filia (ignosce paterno affectui) sermonibus supra annos gravibus levare, & lenire. Nunc vero postquam (filia dilectissima mihi adempta) ingentem solitudinem meam ingenti dolore mutare Deo Opt. Max. vilum,

con-

1608. constitueram, ut modò dicebam, omnium injuriarum, quas isthic ipse accepi, semel memoriam ponere; & faciam, spero, ad me quidem quod attinet atque uxorem. Sorori verò misellæ, & filix ejus qui prospiciam, necessariò mihi est videndum. Illi quoniam nulla isthic spes ostenditur, & nos omnia alia deficiunt præsidia, si ad Christianissimum Regem confugerò, & causam sororis illi exposuero, nemo mirari debet tandem facere me, quod nisi facerem, impius & ἄνοσος ἀπὸ τοῦ χριστοῦ, teste Beato Paulo, futurus essem. Scit Deus immortalis propter ea, quæ acciderunt, non minus invivum facere me, quoties de iis querela mihi est instituenda, quos omni amore, cultu, & reverentiâ hætenus sum persequutus; qui etsi nocere amplius mihi ne si velint, quidem possunt; nihil enim isthic mihi reliqui factum est; invitus tamen faciam, (testor τὸν καὶ διογνώσκειν θεόν) si apud diversæ præsertim religionis homines ulcera mea cogar retere. Amplissimus vir, Præses Thuanus, te salutat. Est olim isthic editus à Domino Fajo libellus de terræ motu, qui Hybornam pagum Bernatium absorpsit, vel obruit potius. Eum libellum si ad præstantissimum Præsidem miseris, rem illi mihi gratissimam feceris. Oblitus quod scire te volo. Venit ad me ante biduum homo mihi incognitus, quem statim ex sermonibus agnovi: is est, qui ministerio Verbi divini isthic functus, ac post à Senatu honorificè dimissus, ad Metenses est profectus. Video parare illum editionem libri Apologetici. Hortatus sum & obtestatus ne faceret; sed laterem lavi; stat enim sententia. Quæso te, si potes, certè quantum potes, medere scandalo futuro haut dubiè maximo. Agam de ea re & cum nostris Pastoribus. Vale, Vir clarissime, & me ama. *Lutetia Parisiorum, Kalend. Maj. c10 10 CVIII.*

EPISTOLA MXL.

CLAUDIO SALMASIO.

1608. **N**on quia deest argumentum aut voluntas plura scribendi, pauca nunc ad te exaravi; sed quia constanter affirmatum mihi erat à tuis, Palatinatu jam te excessisse; & brevi in hac urbe futurum. Utinam illum diem videam, qui te nobis reducem sistet! Venies non inanis, scio; sed Musarum divitiis instructissimus. Itaque incredibile dictu est, quàm incipiat mihi tui reditus expectatio esse longa. Spero

Florum * esse jam editum; quoniam 1608. de Stephano sententiam te mutasse video. Audio te auctoritate impulsam ^{Vide Epist. D.C.} Scaligeri & πένυ, vertendi ejus Auctoris consilium mutasse. Omnino si res spectetur ipsa, neque habeatur ratio voluntatis Typographorum, supervacuum ille labor. Sed in ea tempora vivi devenimus, ut qui Græcos libros edunt, planè sui juris non sint. Equidem quòd eà consilii mutatione spei nostræ de tua editione Stephani † mora sit ^{† vide Epist. DLXIV.} injecta, iniquo animo fero. Sed veni modò; non deerit ne hic quidem, qui tua libenter publicet. Veni igitur, καὶ ἔρρωτο, ὃ φιλεῖται κεφαλῇ. *Lutetia Parisiorum, a. d. v. 1. Kalend. Septemb. c10 10 CVIII.*

EPISTOLA MXLI.

JOANNI STANISLAO *
SAPIEHÆ,
JUVENI NOBILISSIMO.

Et si gratissima mihi est tuæ adversum 1608. me benevolentix significatio, cujus tot simul tam luculenta dedisti testimonia, in summa tamen, quam ea mihi res affert voluptate, hunc ego dolorem neutiquam sanè levem capio, quòd tua, generose Domine, repentina in patriam reversio omnem mihi in præsens, an & in posterum, facultatem eripit grati animi testandi. Jam primum, quòd mei serves memoriam, & humanissimè scriptis tuis me lacestas; nisi eo ipso nomine multum me tibi debere sentiam, planè eo sum honore indignus. Tu verò munus insuper addidisti, idque excellens. Supra omnia est illustrissimi Domini parentis tui Epistola, auro contrà non chara, in qua tuam pariter atque illius humanitatem animadverti. Nam quòd vir tantus nos scriptione provocare sustinuerit, comitati & cæteræ illius virtuti hoc acceptum fero. Sed quòd nostra in te merita vir illustrissimus literis suis deprædicat, totum id, generose Domine, muneris est tui. Quid enim ipse ad parentem scripseris, Epistola parentis arguit. Quò igitur me vertam, aut quam rationem inibo consilii, ut aliquid faciam quo gratum animum meum tibi probem? Nempe hoc unum superest, ut qui nihil aliud possim, gratà saltem prædicatione & constanti memoriâ tui & tuorum meritorum, officio meo satisfaciam. Hic ego mihi non deero; facilèque, uti spero, perficiam, ut te ejus judicii, quòd de me fecisti dudum, nunquam poeniteat. Ago verò tibi, nobilissime Domine, pro tuo munere

1608. nere grates gratissimas. Erit hoc mihi posthac gratissimum cimelium, ut tui erga me animi pignus certissimum; quod non prius quiescere me patietur, quam ipse vicissim aliquod *avile- per* misero. Sed hoc inter tuum & meum intererit munus, quod pro auro & gemmis, quibus ipse abundas, verba rependemus; quorum aliquam nobis esse copiam, ipse quoque videris existimasse. Quicquid hujus erit, minus tamen erit eo affectu & cultu, quem tibi mente & voluntate prolixâ exhibeo, quum aliter nequeam. Velim hoc tibi de me certò persuadeas, & literis tuis aliquando nos bees. Ego si semel nactus fuero viam certam literas in Poloniam curandi, ne inter publicas curas oblivio nostri nominis tuo obrepat fortè animo, sedulò cavebo. Hortarer te, nobilissime Adolefcens, ut in studiis, quæ feliciter incepisti, diligenter pergeres, nisi certò scirem fræno potius egerere te quàm calcaribus. Id quoniam mihi est satis superque compertum, non committam ut diffidere virtuti tuæ ac constantiæ possim videri. Opto tibi omnia læta ac fausta. Vale, & me ama. *Lutetiæ Parisiorum, a. d. xv. Kalend. Novemb. 610 10 CVIII.*

EPISTOLA MXLII.

✠ JOANNI BUXTORFIO.

1610. QUum ante annos aliquot casu in meas manus tuorum aliquid scriptorum, Vir doctissime, incidisset, ita mihi eorum lectione contigit aslici, ut semper ex illo tempore & te, & tuas vigilias apud omnes prædicaverim. Nam quoties huc illuc oculos per Europam circumfero, paucos omnino video, qui pari tecum laude in eo genere literarum hodie versentur. Omitto peritiam rituum Hebraicorum & hodiernæ Synagogæ, quarum rerum notitiâ videris omnes antecellere, qui inter Christianos de eo argumento libros hætenus ediderunt. Tuus insuper insignis candor, & in summa eruditione par modestia, & quod faciliè scripta arguunt, probitas eximia, legentem me tua scripta eximiè ceperunt. Amabam igitur te, Vir præstantissime, & nomen tuum colebam, quando literas accepi, quas ad me scripsisti. Gavissus sum etiam atque etiam, tibi quoque venisse in mentem, ut amicitiam mecum velles inire, quam quidem diu multumque expertam, nunc autem à te oblatam tanto cum gaudio accipio, tanta cum hilaritate amplector, ut post tuas mihi redditas, longissima mihi fuerit

illius temporis expectatio, quo mutui 1610. amoris significationem possem tibi dare, & hoc sanctum fœdus tecum pangere. Amemus igitur invicem, mi Buxtorfi; & assiduâ scriptione inchoatam bonis avibus amicitiam magis magisque indies firmemus. Ego tibi hoc sanctè polliceor, mea officia nulla unquam in re, quæ in potestate mea fuerit, tibi defutura. Pro misso munere immortales & habeo tibi gratias & ago: sed erras, si putas non antè vidisse me tuum illum accuratissimum librum. Ego unâ & illum, & quæcunque alia abs te scivi edita, non solum in forulos meæ Bibliothecæ habeo reconditos; sed etiam diligenter legi. Nam etsi quantum in vestris literis profecerim, me sanè pœnitet, amavi tamen semper Linguam Sanctam. Cæterum de illo ipso incepto, quod præ manibus te nunc habere scribis, olim non semel cogitavi, quando plus otii fuit, quod id genus studiis impenderem. Videbam Munsterum vix satis ejus ædificii jecisse fundamenta; Fabricium addidisse illum quidem multa; sed spicilegium tamen ipsa melle uberius aliis reliquisse. Sciebam magnum Mercerum institutum à se opus ad exitum non perduxisse. Quare ut de tuo cognovi incepto, exilii equidem gaudio, qui meus est in literas amor, & manus in cœlum tollens, Deum veneratus sum, ut omnia tibi abundè largiretur tam utili proposito perficiendo utilia & necessaria. Quod scribis, ut operâ . . . aliquos libros tibi curem investigandos, longè erras, mi Buxtorfi, neque hominis ingenium nōstī. Nam mihi cum illo propter diversitatem *vis Septuagintæ* & morosam superstitionem nihil quicquam intercedit commercii, quamquam optavi equidem amicitiam cum illo jungere, & de Hebraicis literis cum ipso interdum agere; sed ingenium hominis expertus me ipse quidem invitatus abstinui. Nihil igitur ab ejusmodi homine speres, aut non certè operâ meâ. A me verò omnia te sperare jubeo, quæ præstare vel per me ipse potero, vel per alios mihi amicissimos viros, qui literarum omne genus vehementer amant, ac libenter promovent. Itaque de libris, quos petis, videro quid fieri queat, & te faciam certiorem. Scito autem nactum me esse Munsteri Lexicon Chaldaicum, illud ipsum, quo olim usus è *πατριάρχης* Mercerus, & post ipsum Cevallerius Genevensis, vir mihi, dum vixit, amicissimus. Sunt in ora ejus Codicis, utriusque illorum notæ multæ, & vocabulorum non paucorum, quæ Munsterus prætermiserat, explicationes. Hunc librum

1610. *btum* si fore tibi *usui* existimas, etsi
agere possum illo carere, carebo tamen
tua gratia, & illum ad te mittam. Sed
id ut quam tutissimā viā fieri possit, tibi
mihique erit prospiciendum; nam ego
jacturam ejus libri facere, damni in-
gentis loco ducerem. Te quoque idem,
spero, judicaturum. Vidi *ē* scriptis tuis,
quanti magnum Scaligerum faceres.
Quare eo quoque nomine scito amari
te à me, qui illum virum unus omnium
maximè suspexi vivum, & nunc fato
functum non sine lachrymis desidero.
Clarissimos & venerandos viros, D. D.
Grynæum & Polanum à me salutes ve-
lim. Vale. Scripsi inter curas & ne-
gotia. *Lutetiae Parisiorum*, XII. Fe-
bruar. ann. CIO IO CX.

EPISTOLA MXLIII.

DANIELI TILENO.

1610. **E**PISTOLÆ tuæ plurium paginarum, quæ
tua est facundia ac *δυσωτης*, præstan-
tissime Tilene, paucis verbis responde-
bo. Scito igitur, eos, qui tibi narra-
runt me vel metu famis, sic enim ais,
vel ex indignatione adversus N. N. ani-
mum in causa Religionis mutasse, rem
falsissimam, & à moribus meis alienis-
simam tibi retulisse. Verum quidem
est, id sedulo egisse N. N. ut ego &
omnes mei quantum in ipsis foret, om-
nibus nostris fortunis everfi *διὰ τὴν πῆραν*
διωκῶν experiremur; nihil enim boni illi
viri fecerunt reliqui, quo mihi meisque
modis omnibus nocerent; mihi, qui
ὡς ἐκαισθητὸς τῶν φρονῶν parentis loco
semper illos colueram. Sed propterea
cepisse me de religione, quam N. N.
profitentur, deterius sentire, aut loqui,
hoc verò falsum est, commentitium est,
diabolicum est. Quod si libertatem di-
cti pateris, te miror, clarissime Tilene,
potuisse adduci, ut ejusmodi aliquid
sineres tibi persuaderi; non enim vi-
deo, quò illa pertineant, quæ in eam
rem scripsisti mihi, nisi ut nutantem ex
illa causa confirmares. Laudo, quòd
rumusculos illos non planè contempse-
ris; & quòd amici officio sis functus,
habeo & ago gratiam. Sed potuitne
fieri ut ipse crederes, id genus argu-
menta vel tantillum apud me habere
ponderis? Egone alicujus inopix metu
commovear, qui didici à pucro τῇ οὐδὲ
μεγίστῃ ἐμπνευσμένῃ? qui opes, honores,
& quicquid vulgus miratur, tanti nun-
quam feci, ut eorum causā vel manum
vertere dignarer? qui fortunam auream
toties in meos lares irrumpere conan-
tem, & tantum non fores effringentem,
fortiter & irretortis oculis [uni Deo sit

laus & gloria] semper expulerim? Sciunt
hoc amici mei omnes omnes, quibus
utor familiarius, scit in primis *ὁ καρδίας*
γνώστης Deus.

Dices, unde igitur ille de te rumor est
ortus, & ex qua causa? Equidem quod
res est, narrabo ingenuè tibi, Vir præ-
stantissime, neque ullā dissimulatione
utar. Ego postquam à Deo Opt. Max. in
hac statione, mihi persæpe gravi & mo-
lesta sum collocatus, vix diem liberum
habui, & à certaminibus cum diversa
de religione sentientibus immunem: quo
in agone, quā libertate sim semper
usus, quo zelo; scit ille, quem nihil
latet. Atque ego illum ipsum testem
possum laudare, nullā meā levitate fa-
ctum, quòd in hanc arenam sæpe de-
scenderim: invitus enim semper, & ne-
cessitate quādam coactus, eo sum com-
pulsus. Memineram Theologiam me
non profiteri, & tenuitatem ingenii at-
que eruditionis meæ probè nōram. Sed
nihil agebam, semper enim aliqua nasce-
batur occasio, quæ me cum præstantissi-
mis viris τῶν ἐξ ἀναντίας committeret. Por-
ro hujusmodi occasiones ut ipse vita-
rem, hanc rationem constanter tenui, ut
nihil ab ejusmodi hominibus nunquam
sperarem, nihil optarem, in quo mihi
opera eorum esset necessario utendum.
Quid multa? hoc genus congressus ego
ut fugerem, illi ut excitarent, pari stu-
dio multos annos contendimus. Quum
igitur cernerem impositam mihi esse
necessitatem reddendi rationem fidei
meæ, omnino duxi faciendum, ut cu-
ris aliis omisiss huic me studio totum
darem, & cum Dei Verbo ac veteris Ec-
clesiæ doctrina, & nostrorum & adver-
sarium scripta contenderem. Ista fuit
causa, cur inter ceteros Bellarminum
ante menses aliquot sumerem legen-
dum. Versabar in prima ejus parte,
cū nuper ad te scripsi. Cū quidem
meum omne studium erat, ut quæ pri-
mo illo Tomo de Libris Canonicis dis-
seruntur de auctoritate Veterum Inter-
pretum, de humanis Traditionibus, &
similibus capitibus, falsa esse rationi-
bus certis demonstrarem: quod quum
viri magni ante nos facere instituerint,
non fuit mihi difficile certissimas eorum
rationes novis persæpe argumentis con-
firmare. Parem facilitatem videor mihi
esse expertus in doctrina de Romani
Pontificis Omnipotentia, de Imaginum
Cultu, de Indulgentiis, & id genus
aliis. Ubi verò ad ea ventum est, quæ
de Sacramentis hodie disputantur, etsi
multa occurrebant non minus *ἀεὶ*
ἀγνῶτα, quædam tamen sunt reperta ca-
pita, in quibus stare ab adversariis uni-
versam Antiquitatem, & quidem mirè con-

1610. consentientem, videor invenisse, nam illos è nostris, qui demonstrare aggressi sunt, eadem Patres nobiscum sensisse, egregie operam lusisse, & in clara luce cœcutisse, ni fallor, possum certissimè probare. Atque ego demirarer tot viros præstantes, & in scriptis Patrum egregiè versatos nihil simile observasse; nisi viderem eò res Ecclesiarum nostrarum hodie rediisse, ut paucorum placita pro lege rata & inviolabili habeamus. Itaque non jam liberum est nobis, quid vetus Ecclesia crediderit inquirere, sed id potius agendum, ut scripta Patrum vel obtorto collo ad sententiam illorum paucorum trahamus. Ego, mi Tilene, Lutherum & Calvinum summos & admirabiles viros fuisse censeo; ἀναμαρτήτως tamen cur fuisse credam, causam non video. Sed ab eo longius, qui tecum agere institueram. Ut igitur verbo expediam; scito ex accurata veterum lectione nonnullos animo meo obortos esse scrupulos, de quibus tecum posse agere, instar putarem regni; doceri enim cupio. Nam moveri me consensu totius antiquæ & orthodoxæ Ecclesiæ non possum dissimulare. Si non possum optatissimo tuo congressu frui; quod restat experiar, ut rationes, quibus moveor, scripto comprehendam, & tibi transmittam. Hoc ego jam venerando Molinæo recepi me facturum, & cum ipso communicaturum animo candidissimo & veritatis studiosissimo. Hoc velim tibi de me esse persuasissimum. Vale, & me ama. *Lutetie Parisiorum, a. d. vi. Non. Maj. cio 15 cx.*

EPISTOLA MXLIV.

✠ ἸΣΑΑΚΟΣ ὁ ΚΑΣΑΥΒΟΝΟΣ
ΔΙΟΝΥΣΙΩ Τῷ ΠΕΤΑΤΙΩ
χαίρειν ἐν Κυρίῳ.

1610. **Τ**ὸ ὑπερμέρον τ' ἡμῆς γραφῆς θωμάζεν σε, ὡ πάλαι μοι τὸ καλὸν πεφιλημένε Πετᾶνι, σὺν ἀμφισβητῶ. Ἰσως δὲ τὰ θωμάματα λίξης, πὲρ τῇ ἐπιστολῇ συμβεβηκίς πυθόμην. ἥς ἐμοὶ κομωδίσως μετ' ἄλλων γραμμάτων, ἐξιστῇ τ' ὅπως, καὶ εἰς ἐπαυλιν περιεργάμην, ἢν παρ' ὀλίγων ἰσὼν ἔ μάλα τὰ ἀπὸ ἐγγύς ἐκτεσάμην· συνέβη καὶ τὴν σφῆρα σὺ καὶ πᾶς παρ' ἄλλων φίλων ἐπιστολὰς δόξαλλοι, καὶ διὰ πολλῶν μηνῶν ἔχ' ὡς πείναι ὀρεθῆναι. Τὰ γὰρ σκόδη πάντα διψῶν, καὶ πᾶσαι κίβωποι ἱερῶν, μάτην κόπος ἠναγκάσθη. Ἀντιπείλῃ δὲ σοι, πὲρ σὺ γράμματι ἐν τῇ ὁδῷ καὶ μετὰ τὸν ἀναλόμενον πῆς συμπερυμένους, ἀναργῆς, πῶς ἰδυνάμην; Ἐν τοιαύτῃ δ' ὁπορία κατεστῶτ' ἡμῶν, καὶ μέλλοι' ἐπ' ὁδοῦ δησιῶν γράφειν, ἄλλο τι συνέβη, ὅ μὴ ποτ' ὠφείλε, λίαν σφόδρα καὶ λόγῳ παντὸς ἐμοὶ

ἀναρῶν· ἀληθέστερον δὲ εἰπῶν, τοῦτον ἔχ' ἡμῶν 1610.
ρὶν καὶ παρευθὺς ἐγένετό μοι ὁ βίβ' ἀβιάζ', καὶ νῦν ἐπ' ἐστὶ, καὶ αἱ δοκῶ μοι εἶναι· τὸν φόνον λέγει τὸ Χριστιανωτάτη βασιλεὺς, Ἐρρίκῳ τῷ τρισμυρίστῳ· ὅς ὑπὸ μισανωτάτη πνὺς ἀλάστορ' ἐκκρόταλα, ἐμοὶ, ἐμοὶ, κατὰ τῆς, εἰς θρησκείαν ἡμῶν ἤρακα δάκρυα· πῶς ἑαυτῷ ἀπὸ καὶ ἡμῶν, καὶ ἐπ' ἡμέτερον ἀκαμάζοις ἐν τῇ ἡμετέρᾳ ψυχῇ ἐγκαταλίπον. Ὡς τ' ὁποθεῶς ἐκείνης ἡμέρας· ὡς τ' οὐκ ἔστι καὶ τὰ σκότος ὁ τῶν ἡμετέρων πραγμάτων αὐτῇ ἡ ἐναγῆς ἡμέρα καποτεδασιν· αὐτῇ καὶ λήθην ἐπέπεσεν ἐμοὶ καὶ μεσῶν καὶ λόγων καὶ φίλων καὶ πάντων ἀπαξασπλῆς τῶν πρὶν καπεθυμίαν ἔγω τ' ἀνίας ἐγινόμην ἔλ', καὶ νῦν ἐπ' ἰγνόμεναι· καὶ κακῶς δόξα λοντο, εἰ τ' σαβανικὸς βαλὴς μεσῶν, εἰς πῆς μετὰ· γένετο δὲ μέρο' αὐτῶν μετὰ τῇ ἀκαμάζῃ καὶ τ' ἀγγέλων αὐτῶν· ἢν ἐυχὴν καί σε, φίλτατε Πετᾶνι, ἐμοὶς ἐμοὶ σφῆρα, πὲρ ὅπως τὰ σὺ θωμά, ἀρετῶν τ' τρόπων καλῶς γινώσκων, ἀνευ διπλοῦς διὰ χυρὶς ἐμῇ ἀν· πολλὴ δὲ ἡ χάρις τῶν εἰς ἀκρον πεποδωμένων φρόντων, ὅς ἡμῶν ἐκ τῶν πρὶν καπέμην, ὡς εἰπῶν, βαρυτάτη ἐξεγέρσας, εἰς τὴν τὰ κατ' ἡμῶν ἐννοίαν ἀνήγαγε· συχνὰ γὰρ εἰσὶ ὑπονήσας, καὶ τὰ πρὸς τὴν σὺν λογιστῇ ἀμύβαια γράμματι πλειστάκις ἀπειρήσας, πῶς ἐξιστῇ, ὡς τὸν ὅκιο δόξα ἡμῶν, καὶ τῇ σφῆρα σε γραφῇ ὁποθεῶν. Συνελάβετο δὲ πὲρ καὶ ταυτέμην· ὁποθεῶς σὺν εἰδ' ἔπος ἐξ ἀποδοκῆς τ' ὅς ὁποθεῶν· ἢ πολλὰς ἔδη μῖνας ἐγινόμην ἀνδρείοι· καὶ πᾶσι μὲν τ' ἡμετέρας ὑπερμερίας τεσάυτα ἀπολογίζω. Ἰδοὺ δὲ, ὅ φίλτατε, πλείονα ἡμῶν χαρὶναι πὲρ καὶ τῷ Θεῷ χάριτας ἀνατίμψαι, γινώσκας ἐκ τῶν σὺν, ἐπ' καὶ τ' ὑμῶν ὁποθεῶν ἀπλῶς ἔχων, καὶ τ' γινώσκας παιδείας σφοδρὸς ἐραστὴς ὡς πᾶρ τὸν τυγχάνεις ὢν. Δίη σοὶ ὁ ὁποθεῶν Πατὴρ, καὶ ἐρίωσθ' αὐτῷ τὰ καλῶν, καὶ τῶν ἐπιζομένων ἐφικνέσθ', εἰς τὴν αὐτῇ δόξαν καὶ τὴν σφῆρα ὁφείλεις. Περὶ δὲ ὢν γράφεις σὺν ποιημάτων, ὡς εἰς ἡμῶν πῶσαν σοὶ ὑπερμερίαν ὑπερμερίσας εἰς δυνατὴν, καὶ ἀποδοκῆς τῷ ὁποθεῶν καὶ πλεονεκτήσῃ. Τὸν γὰρ ὁποθεῶν Συνέσιον, καὶ πὲρ ὁποθεῶν ἐμῶν, ὑπὸ τῆς σφῆρας ἀγῶν παιδείας, καὶ ἐπανεβῆναι; καὶ εἰς τὴν ὁποθεῶν ἀνδρείον μεταστραφῆναι, ποιησαίμην ὢν πᾶσι πλείονα. Ἐρρίκῳ, ὡς τὰν, καὶ ἡμῶν ἀντιφίλων διατέλει. Ἐν τῇ τῶν Παρισίων Λατικία, Σεπτεμβρίῳ τῇ ἐγδοῇ φθίνοντος, δόξα τ' τὸ λόγῳ ἐισαρκώσεως ἐ. κ. α. χ. ι.

EPISTOLA MXLV.

N. N.

✠

Illustrissime & reverendissime Domine,
Quum post longam expectationem 1610.
venisset tandem Lutetiam, vir nobilissimus & generosissimus, D. Wotton, Legatus ad Regem Christianissimum extra ordinem memor promissionis, quā fidem meam apud tuam Dignitatem obstrinxeram, id statim egi,
ut

1610. ut in comitatum ipsius recipi, & hac occasione uti possem, ad nobilissimum hoc Regnum, quod per diu optabam; lustrandum. Neque verò difficile mihi fuit à Domino Legato, quod cupiebam, impetrare, plus enim multò quàm petebam, ab ejus humanitate ultrò mihi est concessum; adeò quidem ut prædicandis tanti viri meritis erga me nunquam ipse mihi videat posse satisfacere. Erat in ejus comitatu Dominus Doctor Chazier, cujus etiam toto itinere plurima in me extiterunt officia. Is postquam est ventum Cantuariam, Domino Legato iter Londinum abrupte in suam me domum deduxit, & veluti injectâ manu apud se manere tantisper compulit, dum ipse iter isthuc institueret. Equidem cum hospitis hujusce mei, tum aliorum præstantissimorum virorum, quos hic offendi, eximiâ humanitate ita sum captus, & loci ipsius elegantia atque amœnitate sic quotidie oblector, ut facile & patriæ & meorum etiam affectuum desiderium feram. Quoniam tamen à libris abesse meis diutius, sine gravi studiorum jactura, nequeo; est animus, Deo Opt. Max. propitio, quod superest hujus itineris quàm primum conficere. Quum præsertim propositi mei sit summa, serenissimum sapientissimumque Regem, quem tot jam annos apud me & miror & revercor, salutare, meumque humile obsequium ipsius Majestati offerre; proximum votum meum est tuam Reverentiam & sublimem Dignitatem, illustrissime Domine, videre posse, & præsens venerari. Quod dabit, spero, mihi Dominus Jesus cis dies paucos. Illum toto affectu cordis oro, ut te Ecclesiæ suæ ἀποστολὴ καὶ ἀκήμαντον quàm diutissimè servet, & mihi tuam benevolentiam. Vale, Præsul reverendissime. *Cantuarie, a. d. vi. Kalend. Novemb. stylo veteri,* CIO IO CX.

*Tuæ illustrissimæ Dignitatis sincerus
Cultor ad omne obsequium paratus,*

IS. CASAUBONUS.

EPISTOLA MXLVI.

✠ JACOBO LECTIO.

1611. **I**Nter molestissimas ἀταξίας, quibus assidue conflictamur, quæ vita est τῶν ταλαιπώρων βροτῶν, nullum acutiorem experior dolorem illo, quem tui, ὡς φιλεφιλτάτῃ κεφαλῇ, desiderium mihi affert. Nam quoties venit in mentem prioris temporis, cum jucundissimâ tui consuetudine fruerer, toties videor mihi ad illa Platonica ἡμίτομα redactus,

alteram mei partem impatientissimè desiderare. Atque hic animi cruciatus mei eo sit indies major, quò magis nostri isthuc reditus spes decollat quotidie. Viderint qui huic incepto, mi Lecti, tuo & paucorum aliorum tantopere, sic enim audio, isthic reluctati sunt, quo animo id fecerint; ego profiteor, cum te excepi, & item alios, tres, opinor, aut quatuor, quos certus sum esse mihi amicos certos, χάριν ἡμᾶς αὐτοῖς ἐφελισκάναν μίσθον, ἀνδ' ὅν, εἰ καὶ τ' ἀναντία ἴσως ἀγαυοῦμενοι, ἡμᾶς ὑπεργειτῆκος εἰσὶ. Sed me dies noctesque tui amor pari junctum desiderio angit cruciatus. Feramus tamen, clarissime Lecti, quod mutari per nos haud potest: velimus enim nolimus, fata nos εἰς τὸ πτωμένον, aut ducent, aut trahent. At memoriam mutui amoris religiosissimè uterque servemus, eoque nos oblectemus. Quod equidem & promitto mihi de tua benevolentia, & gravi constantia; & spondeo invicem tibi, ὡς ἀνικωτότητι, καὶ ὡς Πατέρα τῆ καρδιογνώστῃ καὶ ὄντως φίλῃ Θεῷ. Illum oramus supplices ego uxorque, ut & te, & lectissimam conjugem tuam, & quicquid tibi charum, protegat, servet, fortunet. Vale, oculissime Lecti, & me constanter ama. *Londini, pridie Kalend. Mart.* CIO IO CXI.

EPISTOLA MXLVII.

REVERENDISSIMO IN
CHRISTO PATRI,
D. JOANNI SPOTISWODO, ✠
ARCHIEPISCOPO GLAS-
COENSI, &c.

Reverendissime Præsul,

Dluturnum silentium meum noli mirare, nam aut defuit, cui meas darem, aut morbus me impedit. Neque enim multò post tuum ex his locis discessum accidit, ut me tertiana invaderet sic satis pertinax, & quæ languorem mihi diuturnum reliquit. Ad vim morbi accedebat recordatio solitudinis meæ, qui tot jam menses procul ab uxore sum, procul à liberis; & quibus nunc maxime opus habeo, libris meis. Si vitium hoc naturæ est amare suos vehementer, præsertim autem conjugem, fateor hoc mihi inesse vitium. Annos enim jam viginti & quatuor sublevatus ab omni rerum domesticarum cura per eam, quæ mihi data est ad vita consortium, non sine gravi dolore nunc ab illa tam diu divellor. Sed hoc incommodum futurum erat levius, nisi & mihi agrotare contigisset, & quibusdam è liberis meis, qui Lutetiæ sunt. Laus Deo
H h h h Opt.

1611. Opt. Max. sit, qui mihi priorem valetudinem restituit, quam etiam spero meis adfuturam, pro sua inexhausta erga me benignitate. Simulac surgere è lecto incepti, finem imposui libello*, quem dudum institueram. Spero bonis fore ejus lectionem non ingratam. Mihi fortasse ejus editio magna conciliabit mala, si quid possunt illi Θεστυς, adversus quos scripsi. Esto quicquid Filius Dei voluerit. Ego eam moderationem tenui, ut quum viperis illis non parcerem, Christianæ tamen charitatis non obliviscerer. Liber est in manibus serenissimi Regis, qui ea valde probat, quæ legit hæctenus. Statuet ejus Majestas, quid opus erit factum. Vale, Præful illustrissime. Scripsi raptim. *Londini, a. d. III. Kalend. Jul. CIO IO CXI.*

* Epistola
ad Frontonem
non du-
citur.

Tuæ Reverentia humilis Cultor,

IS. CASAUBONUS.

EPISTOLA MXLVIII.

✠ THOMÆ MORTONO,
DECANO WINTONIENSI.

1611. TU quidem, Vir doctissime, silentium obstinatus colis. Nam ex quo à nobis discessisti, unicas tantum à te accepi. Ego verò soporem tibi excussissem frequenti scriptione, nisi aut urbe abfuissem, aut quum eram in urbe, defuisset cui meas darem. Apud reverendissimum Dominum Episcopum Eliensem menses fui penè duos; inde reversus expectatione longâ meæ & meorum quâ liberorum, quâ librorum propemodum sum enectus. Tandem me respexit Dei Opt. Max. benignitas. Venit igitur uxor, venerunt liberi, venit & Bibliothecæ pars non pœnitenda. Credo non expectare te, ut dicam magnam ex eorum adventu me voluptatem cepisse: nôsti enim me, & in affectus meos animum meum. Sed hoc gaudium temperavit Deus aliquâ molestiâ. Nam uxor diu jactata morbum aut morbi causam secum attulit; itaque plures dies ægrotavit; ac ne nunc quidem satis commodè habet. Spero meliora, & τῷ ἐνὶ πᾶσι gratias ago. Illa salutat te quàm officiosissimè, tuæ singularis humanitatis memor. Quod superest, mitto tibi Epistolam ad Frontonem; atque ut scias non esse tibi liberum eam scriptionem improbare, Rex vehementissimè probavit: sed nescio an vos Theologi idem sitis existimaturi. Ego paratus sum censuræ vestræ sine exceptione subscribere. Illustrissimus Præful, Dominus Archiepiscopus, libri edendi præcipuus auctor fuit. Tu pro tuo in me

amore, amico vultu hoc tenuissimum 1611. munusculum accipies, & de mea in te observantia & jugi beneficiorum, quæ à te accepi, memoria non dubitabis. Ausus sum exemplar alterum tibi mittere, meo nomine, si placet, reverendissimo Præfuli, Domino Episcopo Wintoniensi offerendum. Volui Epistolam adjicere; sed abreptus sum ad Aulam repentè accitus. Patere ut tibi has partes relinquam, & te rogem ut gratiam viri, quem admiror ex fama & scriptis, mihi concilies. Reversus ex Aula, ubi tuas accepero, non deero officio meo. Vale, Vir doctissime, & mihi medullitùs dilecte. *Londini, a. d. XVII. Kalend. Novemb. CIO IO CXI.*

EPISTOLA MXLIX.

HENRICO SAVILIO. ✠

Vir nobilissime,

DE Bibliis, quoniam ita vis, agimus 1611. tibi pater & filius magnas gratias; non enim ausus sum remittere & ἀποστειλῶν τὸ δῶρον. Eliæ memor ero, cum semel statuam de libris. Oro Deum Opt. Max. ut aquilæ senectutem tibi largiatur, quò possis præclara tua incepta ad finem perducere. Succedat Gregorius Theologus Chrysostomo, Gregorio, alii ἐξ ἑς τῶν πέντε ἀφελίμων. Scaligerum τὴν μακαρίτην fuisse in Mathematicis ὡς πρὸς λόγους, non omnes existimant, qui in illis libris excellunt. Clavius hostis illius aliter de ipso loquitur. Mihi quid magnus Vieta dixerit scio ipse. Erravit Scaliger, & fortasse consultius fecisset, si abstinuisset. Solebat Vieta dicere, non esse cujusvis errare cum Scaligero; cujus ipse divinum ingenium in aliis demirabatur. Omnino ea præstitit in literis Scaliger, quæ nemo ante illum, nemo fortasse post illum. Qui si aliquando vel gravissimè peccavit, ἀλλοις ἐν ἐσθλῶν τὴν ἀποκρίσιν ψόρον. De characteribus Stephanicis longa historia, longæ ambages. Itaque melius ista coram. Studia mea priora funditus esse everfa, penitus video & dolco. Sed hæc οὐ μετῴσα. Vale, Vir doctissime, & me ama. *Londini, statim post tuas acceptas, a. d. v. Eid. Decemb. CIO IO CXI.*

EPISTOLA ML.

THOMÆ MORTONO. ✠

GAudeo non improbari exactissimo 1611. judicio tuo, Vir præstantissime, Epistolam ad Frontonem; de qua si tibi narravero, quæ scribuntur ad me

Lu-

1612. Lutetiâ, ridebis, spero, & lætaberis.

Nam simul ac ea Epistola fuit Parisios delata, boni inter Pontificios ita eam probarunt, ut statim vir amplissimus, Jacobus Gillottus, Senator inter primos, & Decanus cujusdam Ecclesiæ, eam curaret imprimendam. Ea editio statim defecit, & iterum liber prælis subjectus est, & Latinè & Gallicè. Ita spatio unius ferè mensis ter id scriptum Lutetiæ est editum. Scribit etiam Puteanus, vir eximius, multos è probis Pontificiis, lecto eo libello cœpisse detestari nomen Jesuiticum. Sed audi rem longè majorem. Extincto Henrico Magno Jesuitæ impetrarunt ab Augustissima Regina facultatem docendi publicè. Sed cum Schola Parisiensis se opposuisset, vocati in jus ad Curiam, tergiversati sunt, & amplissimi Ordinis potestatem eluserunt. Interim nullæ prætermittæ sunt artes conciliandi Judices Societati Jesuiticæ: Simul splendidissimum Collegium extructum est: quod ut factum, cepit Jesuitas desiderium docendi & tentandæ alex publici judicii. Contra omnium opinionem in illo Patrum amplissimorum Confessu actio instituitur. Dicere incipit Martillerius, amicus meus, vir doctissimus, Advocatus Scholæ Parisiensis, qui nactus causam magno ingenio, quod in ipso est, dignissimam, plenis velis in factionem Jesuiticam invehitur, scelera aperit, & quo illis noceat, nihil reliquit intactum. Per viginti dies acta causa à Martillerio tantâ facundiâ, ut omnibus esset admirationi. At Jesuitæ, homines acuti, jam tum qualis futurus esset exitus prospicientes, ad Dominum Cancellarium confugiunt, unde repulsi ad Reginam accedunt; quæ sapientiâ usa singulari, rem ad Senatum suum rejecit. Volebant autem Jesuitæ impetrare à Regina, ut absolutâ authoritate utens, quod per nostras leges licet, causam ad suum Consistorium revocaret, & Senatui adimeret. Quâ re frustra tentatâ, excepit tertio die Martillerium Rector Scholæ Parisiensis, qui eloquentissimè, & admodum confidenter in illas pestes peroravit. Secuta est oratio Advocati Jesuitarum, qui etsi doctissimus, pessimè tamen se gessit, neque aliud ex ea causâ tulit, nisi cachinnos. Quinto die Advocatus Regis, Servinus, dixit de Jesuitis quæcunque poterant à viro bono dici. Nihil potuit addi. Quum viderant qui aderant Jesuitæ, Fronto, Cotton, alii sex, malo res suas loco esse, voce lamentabili Patres appellarunt, seque paratos esse dixerunt jurare quicquid Sorbona præscriberet. Responsum est, non esse rem illis inte-

gram: quia per æquivocandi artem id adepti sunt, ne fides ipsis haberi posset. Multa omitto, ut veniam ad judicium, quod statim redditum est in hanc sententiam. Jussi sunt Jesuitæ asserre ad Senatum subscriptionem à Generali suo factam super his quatuor capitibus.

I. Concilium esse supra Papam.

II. Papam in temporalibus nullum jus habere in Reges, neque posse Regem Galliæ excommunicare.

III. Regem in suo Regno summum jus obtinere etiam in Ecclesiasticos.

IV. Confessionem in periculo publico, aut aliâs magno esse detegendam.

Interim donec decreto paruerint, ventantur docere, sive privatim, sive publicè. Hæc summa rei; sed, mi Mortone, crede mihi *ὅτι καὶ ἐν τῇ ἐκείνῃ ἀντιφάσει*. Nam tale quid fieri posse, ne illi quidem putabant, qui fecerunt. Interfuit judicio Princeps Condæus, duo Episcopi, & plures viri magni. Exeuntibus è Curia Senatoribus acclamatum est à populo, FACTUM BENE: sed non ibi sistendum esse, pestem illam è Gallia pellendam. Omen accipio, & ut ita sit, Deum oro. Audi & novum ab urbe Roma nuncium. Meminitin' ejus libelli, quem legebat Regis Majestas, cum vos me ad ipsum adduxistis? Liber erat furiosus furiosi hominis, (vel potius dæmonis) quo Genevæ sum familiariter usus. Ille Alastor se venturum in Angliam minabatur, populos in Regem concitaturum, ipsum serenissimum Regem (horresco referens!) suffocaturum. Credo metuere te ab isto novo Goliatho, & Pyrgopolynice. Desine timere. Suspensus est ante aliquot septimanas. Ubinam, inquires? Romæ. Cujus jussu, & qua de causa? Papæ jussu propter violatam Regum Majestatem. Neque potest dubitari appellatione Regum, intellectum esse Regem serenissimum Jacobum. Nam quem alium Regem læserat? Profectò nullum. Hoc quo animo fecerit Romanus Pontifex, non quæro; Dei Providentiam *νομιμασθεας* adoro. Romani verò ne propter hoc factum laudari possent, abundè caverunt, cum Abbatem du Bois, Gallum, Jesuitarum hostem, fraude acciverunt Lutetiæ Romam, & statim Inquisitioni tradiderunt. Miser per duos dies *μαρτυρῶν* tertio ante diluculum suspensus est. Venio *ὑπὲρ πλείονος* ad tua xenia; pro quibus cō impensius gratias tibi ago, quò minus suppetit nunc *ἀντίδοτον*, quod remittam. Quamquam si delectaris scriptiunculis nostris, brevi novum, *ἐν ὅλῳ*, librum videbis contra emissarios quosdam Jesuitas, qui Epistolam ad Frontonem indignis modis

1612. dis acceperunt. Est quidam Peleterius, homo imperitissimus, atheus, vappa, nebulo, qui aliquid publicavit. Rex ostendit mihi, & jussit respondere. Spero eam opellam tibi fore non ingraram. Id erit levidense *avndaper* pro tuis muneribus, pro quibus ut serio tibi gratias agam uxor rogavit. Illa si satis valuisset, Epistolæ tuæ respondisset pari fortasse dicendi copiâ. Habe, quæso, illam excusatam, & nos ama, qui te ex animo & amamus, & colimus. Vale. *Londini, altero die novi anni, CIO IO CXII.* quem ego atque uxor tibi optamus felicissimum, & post hunc multos alios.

Richardum Baddeleium tuum ut hic salutem & valere jubeam, permittes, credo, mihi. Iterum vale, Vir præstantissime. Festinationi, quæso te, ignosce.

EPISTOLA MLI.

✠ RICHARDO MONTACUTO,
EPISCOPO BATHONIENSI
ET WELLENSI.

Reverendissime Domine,

1612. Scripserunt ad me Parisienses amici, Jesuitas pusillum libellum adversus Epistolam ad Frontonem typis vulgasse; verum publicâ auctoritate statim damnatum, & repressum fuisse illorum conatum; adeo ut extinctus ille liber fuerit, antequam planè natus. Ego per amicos exemplar aliquod laboro consequi: ignarus enim quid illi blateraverint, quid ipse respondeam ignoro. Calumniâ è privata ad Frontonem Epistola, quâ editionem excusabam, ita putida est & absurda, ut optem id potissimum mihi obijci. Parata responsio est, quæ imperitiam, malignitatem, & scelestum animum auctorum luculentè demonstrat. Sed fortasse nihil ea de re liber Jesuitarum habet. Jam quod ad Atheum Peleterium attinet, qui falsa de Loiolitis dicit me scripsisse, oro Reverentiam tuam, ut significet serenissimo Regi, brevi me, favente Deo, Majestati ipsius scriptum aliquod esse ostenturum, quod spero ipsi fore non ingratum. Ego enim spreto illo nebulone, terræ filio, & Atheo, *selegi è meis adversus Cardinalem Baronium Animadversionibus, quæ faciunt ad propositam questionem de Papæ temporali potestate, & pestilentis doctrinæ immanitatem perspicue ostendi;* atque Hildebrandum perniciosi dogmatis auctorem primum novo penicillo & coloribus verè suis depinxi. Nam quia hunc nobis hodie Pontificem præcipue commendant paricidalis doctrinæ Magistri, volui ex-

cutere hominem, & sine verborum 1612. asperitate, ingenium Saranicum illius oculis Lectorum exhibere spectandum. Spero omnes Pontificios, qui factionis Jesuiticæ non fuerint, avidè cum librum lecturos. Accedet Præfatio ad serenissimum Regem, quâ felicitas Majestatis ipsius, & Ecclesiæ Anglicanæ fusè explicabitur. Ostendemus frustra libertates Ecclesiæ somniare, qui de veritate cœlestis doctrinæ nolunt cogitare. In his nunc sumus, & dies noctesque exercet nos hæc cura. Spero id fore *Specimen Animadversionum nostrarum* in Baronium, maximo Regi non ingratum; neque longo tempore opus est, ut aliquid descriptum Majestati ipsius mittatur. Interim quæ accepi nova de Sole, tibi mitto, ut si videbitur, Domino illa ostendas. Vides Astrologiæ fundamenta convelli, & ad novam doctrinam de corporibus cœlestibus novum iter muniri. Nescio etiam intellexerit necne ipsius Majestas metamorphosin nuper factam in Marta, Doctore Canonico. Hic enim parùm benignè acceptus à Papa, Romam reliquit, Patavium se contulit, & Juris Canonici professionem ibi suscepit; habens in animo recantare multa eorum, quæ Papomania illi expresserat. Scripsit hoc ad me Senator Venerus, qui etiam de suppliciis Rebulii apostatæ, & malè consulti Abbatis du Bois totam tragœdiam narrat; quam puto ipsius Majestati esse pridem compertam. Veneror supplex Deum immortalem, ut serenissimum Regem servet fortunæque, & quicquid ipsi charum. Vale, & vive felix, Præsul reverendissime, & me ama. *Londini, a. d. XII. Kalend. Februar. CIO IO CXII.*

EPISTOLA MLII.

PETRO BERTIO. ✠

1612. **B**onis tuarum, Vir eruditissime, responsum debeo. Priores ante menses, opinor, ipsos tres accepi. Posteriores ante dies duntaxat quatuor. Utrique Epistolæ tuæ fuerunt adjectæ etiam Doctoris Vorstii literæ. Non mirot mirari te, quod neque tuis, neque Vorstianis ullum adhuc responsum dederim. Paucis igitur silentii mei causam accipe. Jussus fueram à serenissimo sapientissimoque Magnæ Britanniae Rege, postquam illi priores Vorstii ostendissem, utrique vestrum respondere, & ad servandam in Ecclesia Dei concordiam, privatasque opiniones missas faciendas, serio vos hortari. Huic jussioni priusquam possem parere quotidia-

1612. dianis curis admodum occupatus, allata est ad regiam Majestatem Domini Vorstii novissima Apologia. Qua in descriptione quum nihil quicquam remittat Auctor, seque paratum ostendat omnia defendere, quæ serenissimus Rex cum Ecclesiâ Anglicana, in disputationibus ipsius supra natura Dei, ut nova καὶ ἄλλ' ὑπερβαίνοντα vehementissimè dudum damnavit, scribendi labore, nisi vellem ἀδυνατῶντες διαχειρῆσθαι, duxi superfedendum, & seriò cavendum ne istis contentionibus ullo pacto me immiscerem. Nunc verò à vobis iterum provocatus, continere me non potui, quin dolorem meum vobis aperirem longè maximum, quem res vestræ mihi asserunt. Atque utinam, eruditissime Vir, neque tu, neque Dominus Vorstius in eas angustias vos coniecissetis, in quibus vos nunc esse, Epistolæ vestræ queruntur. Sed quantum sit periculum novas opiniones in doctrina fidei comminisci, latere vos, eximie doctrinæ viros, non potest. Tum autem illa, quam uterque defenditis, libertas prophetandi, nisi certis finibus coërceatur, non libertas, piorum & prudentum judicio dicenda; sed dira licentia, & certissima Ecclesiæ Christi perniciēs. Solvendæ nimirum unitati illius & concordie ne cogitari quidem aptius aut efficacius quicquam posse vestrâ illâ libertate, omnes, credo, intelligunt. Jam quum spiritus Prophetarum Prophetis subicere se jubeantur, negant prudentes satis consulto à vobis factum, quod proprias opiniones vestras de rebus tantis publicaveritis, prius quàm Collegis vestris, Ecclesiarum Reformatarum Pastoribus, & Doctoribus sententias vestras approbassetis. Sciebat sanè Dominus Vorstius κακοφύνας magnæ auctorem se futurum, cum illa sua de natura Dei edebat in vulgus. Te quoque, Vir doctissime, ratio fugit, cum existimasti in ea, quam defendis, sententia Ecclesiam Anglicanam tecum facere. Expertus es quàm vehementer & serenissimus Rex librum à te editum improber, & illustrissimus quoque Præsul, Dominus Archiepiscopus Cantuariensis. Regem ego, postquam fuere mihi ultimæ tuæ redditæ, non vidi, ab urbe nunc absentem, nec mense hoc toto rediturum. Dominum Archiepiscopum tuâ gratiâ invisi, & quas ipsi scripseras, tradidi. Nolo falsâ spe te lætare, aut rei veritatem dissimulare. Tuli responsum à gravissimo quidem, sed & humanissimo Præsule, non quale ipse forsân sperabas. Literas enim se tuas parum morari dixit, quamdiu eam tuereris sententiam, quæ

à doctrina Reformatarum Ecclesiarum 1612. abhorrens, ἐπιδιδασκαλίας & privatarum opinionum studiosiorem esse te, quàm unitatis & concordie argueret. Ac tuas quidem ad se literas ejus Reverentia accepit & legit. Sed quas ad serenissimum Regem scripseras, non existimavit ejus Majestati esse mitterendas; sibi enim sensus intimos Regis esse notos, neque dubitare, quin à tuarum lectione ipsius Majestas etiam alienior à te & commotior esset discessurus. Recepi igitur, mi Berti, quam Regi miseras Epistolam, & de benevolentia Majestatis ipsius tibi concilianda si cogitas, aliam scito viam esse tibi ingrediendam, alia consilia suscipienda. Piissimo enim Regi, & vero Christianæ fidei Defensori stat sententia, omnibus se fortiter opponere, qui pacem Ecclesiæ turbare, & novis opinionibus magis magisque illam in dies scindere fuerint aggressi. Tu itaque, Vir eruditissime, si meo uti consilio velis, paci Ecclesiæ & quieti tuæ posthac consules, & de rebus tanti momenti nihil seorsim ab aliis senties, nihil certè docebis, unde scandalum Ecclesiæ, tibi periculum possit creari. Oro venerorque Deum immortalem, ut dissidentia Ecclesiæ membra perducere ad concordiam velit, mentemque tuam, studia & conatus omnes ad eundem scopum dirigere ut semper dignetur. Vale. Londini, a. d. v 1111. Kalend. Februar. C13 13 CXII.

E P I S T O L A M L I I I

E I D E M.



SCripfi nuper ad te, Vir eruditissime 1612. me, & tuis posterioribus simul ac prioribus respondi. Hortatus sum prudentiam tuam, ut tibi simul & quieti Ecclesiarum vestrarum consuleres. Ac quoniam ita visum erat Domino Archiepiscopo, Præsuli illustrissimo, tuam ad Regem serenissimum Epistolam tibi remisi. Postea oblata mihi est occasio apud Majestatem Regis de te agendi, & cum aliquot hujus Regni viris primariis, doctrinâ & pietate insignibus. Animadverto & sapientissimum Regem, & omnes, quos dixi, ita de te censere, ut doleant tuam causam à Vorstiana non esse sejunctam. Nam Dominum Vorstium de natura Dei ea scripsisse & tueri omnes autumant, quæ sine summa impietate defendi nequeant. Te idem sentire scripta non ostendunt tua, & Rex optimus atque omnes boni optant. Omnium igitur vox est, debere te à deplorata causa

H h h h 3

tuam

1612. καὶ εὐδαίμων Διεβίης, ἀδισμώπει Δυναίη.
 Ἐν Λονδίῳ, μὲν Μαρίῳ φθινόντῃ τῇ ἐβδό-
 μῃ, δὲ τῇ ἐσάρακῃ οἰκονομίας τῇ αἰδίῃ, καὶ
 πρὸ αἰώνων ΔΟΥΤΟΥ, α. χ. ι. β.

choati. Londini, a. d. v. Id. Jun. c. 1612.
 15 CXII.

Tue Reverentie observantissimus,
 IS. CASAUBONUS.

EPISTOLA MLV.



N. N.

Reverendissime Præsul,

1612. **C**ogit me institutum opus à moribus
 meis discedere, & hunc quasi sup-
 plicem libellum ad tuam Reverentiam
 mittere; ut serenissimi Regis Majestati
 me & Baronii nomine eum, si placet,
 offeras. Scis magnum inter nos esse
 certamen, cujus videre exitum, & ego
 discupio, & Baronii manes, opinor,
 non nolunt. Est verò hoc certamen
 iniquà prorsus conditione susceptum.
 Baronio enim olim in arenam descen-
 denti omnia abundè arma & subsidia
 suppetebant ei caussæ, quam suscipie-
 bat defendendam, propugnaturò ne-
 cessaria: ego penè nudus, præter vigi-
 lias præteritas meas, & animi alacrita-
 tem incredibilem ad prælium nihil af-
 fero. Itaque animum planè dudum de-
 spondissem, & demissis auriculis, ut
 iniquæ fortis afellus, dedissem me in
 pedes, nisi cogitarem, ejus Imperato-
 ris auspiciis certamen esse me aggressu-
 rum, qui & scit quibus ad hoc duel-
 lum armis opus habeam, quia Princeps
 est doctissimus; & ea arma potest mihi
 suppeditare facilè, quia est Rex maxi-
 mus & potentissimus. Non hic meum
 ullum privatum commodum agitur;
 causa Dei agitur, causa veritatis, quæ
 patronum & defensorem unicum nata
 serenissimum Regem, ut meos conatus
 in nobili incepto ejus Majestas digne-
 tur adjuvare, mecum ab illo petit. Tu
 quoque, reverendissime Præsul, caus-
 sam meam adjuva, & quod nuper in-
 choaveras negotium perface: mihi cer-
 tò constitutum est, cum bono Deo,
 aut maturè γνωσμάχῃν, aut rem strenuè
 conficere & prostatum adversarium, ac
 telis veritatis confossum, adigere ut
 herbam porrigat. Duo sunt in summa,
 quæ à Regis Majestate supplex humil-
 limè postulo; ut ad suam Bibliothecam
 per Patricium Junium mihi patere ve-
 lit aditum; & ut Bilium jubeat libros,
 quos petiero, subministrare. Deus im-
 mortalis serenissimum sapientissimum-
 que Regem, veræ fidei unicum Defen-
 sorem, regat protegatque, & quicquid
 illi charum; qui etiam te servet, reve-
 rendissime Domine. Vale, & meæ
 ignosce audaciæ è cupiditate profectæ,
 quæ totus ardeo perficiendi operis in-

EPISTOLA MLVI.

N. N.

*Illustrissime Domine.*

1612. **D**abit mihi, spero, hanc veniam
 tua Reverentia, ut in sinum tuum
 meam querelam effundere liceat. Ele-
 ganter olim Gregorius Nazianzenus
 dixit, φάρμακον ἀλγέων ἐστὶ καὶ ἡμεῖς μὴ
 δεῖν ἐπιπᾶν. Ego verò non aëri dolo-
 rem meum narrabo; sed ei viro, quem
 scio & re & consilio posse me adjuvare.
 Novit igitur tua illustris Dignitas, vexa-
 ri hic me à nonnullis, indignis modis.
 Non die, non nocte domi meæ tutus
 sum: lapidibus enim subinde fenestras
 impetuntur; & magno cum periculo
 meo & meorum vitra ferè quotidie
 franguntur. Nondum, beneficio Dei,
 vulnus ullum memorabile quisquam
 meorum accepit; sæpe tamen & uxor
 & liberi in periculo sunt versati. Heri
 adeò multa vitra sunt effracta, & dum
 cœnaretur, magni lapides in fenestras
 conjecti sunt. Equidem injuriæ aucto-
 res planè ignoro; odium tamen & ma-
 lum animum certorum hominum cùm
 in me, tùm in liberis meis non semel
 sum expertus. Miror sanè ea me pati
 inter ejusdem Religionis homines, quæ
 à Pontificiis nunquam sum passus. Vixi
 Lutetiæ annos duodecim, modò Fran-
 ciscanis vicinus, modò aliis infensissi-
 mis Reformationis hostibus, quum ego
 & mei quotidie conciones nostras adi-
 remus, domi altà voce Psalmos canta-
 remus, quædam etiam conciones pa-
 lam in mea domo sunt habitæ; quia
 tamen erat multis notum, Regem mihi
 favere, nemo unquam repertus est, qui
 vel verbo, vel factò, aut me, aut meo-
 rum quemquam læderet. Londini ego
 vulnus grave semel accepi, cùm in Au-
 lam irem; mei liberi sæpe pulsati, pro-
 bra sæpe in nos coniecta; postremò la-
 pidibus quotidie ferè incessimur. Quid
 hoc rei sit, nescio. Si meum nomen
 Anglis invisum est, securitati meæ &
 meorum ut consulam æquum fuerit.
 Nolui hanc meam querelam ad sere-
 nissimum Regem prius deferre, quàm
 illam tecum, illustrissime Domine, com-
 municassem. Siquid igitur remedii po-
 test afferri, peto obnixè ab illustri Re-
 verentia tua, ut aliqua mei ratio ha-
 beat. Non possum dissimulare, non-
 nihil

1612. nihil ista alacritatem illam imminuere, quam ad urgendum pensum & dies & noctes adhibeo. Deus Opt. Max. te servet, illustrissime Domine, & mihi amorem tuum. *Londini, a. d. XVIII. Kalend. Octob. CIO IO CXII.*

dies magis magisque. *Londini, die xv. 1612. Octob. CIO IO CXII.*

*Tue Majestatis humillimus Servus
& subditus totà voluntate,
IS. CASAUBONUS.*

EPISTOLA MLVII.

✠ JACOB O I.
MAGNÆ BRITANNIÆ,
SCOTIÆ, &c. REGI.

Serenissime, potentissime Rex,

1612. **C**ogitaveram preces humillimas tuæ Majestati offerre, petieramque ea super re consilium à Domino Bathoniensi, ut si ille mihi fundus & auctor esset, peterem supplex à Majestate tua, ut filiolum, quo nuper sum auctus, gloriosissimi sui nominis honore, pro sua inexhausta benignitate decorare dignaretur. Didici verò hodie ex Epistola reverendissimi Episcopi, tuam Majestatem ubi primum de meo consilio nimis fortasse temerario, ipsi fuit cognitum, non expectatâ petitione & precibus, ultrò statim vota mea anteverisse, & immensâ quâdam bonitate, quod petiturus fui, prius quàm peterem, mihi esse largitum. Mutasti igitur, clementissime Domine, Epistolæ hujus argumentum: preces cogitaveram, gratiarum actio est opus. Eram anxius, ne tuam Majestatem ausu non excusabili offenderem; nunc anxius sum, quia verba non reperio, quibus grates tibi, Rex Regum clementissime, agam quas debeo, & quantas debeo. Nunc sentio infantiam meam. Quas tamen possum, & quantas possum maximas, Domine, Majestati tuæ ago gratias; pedibusque tuis advolutus supplex veniam peto ausus temerarii. Erit apud nunc homines & post futuros gloriæ tuæ pars non poenitenda, quòd ne tenuissimis quidem tuorum subditorum indulgentia tua fuit præclusa. Sic Deus immortalis magnis & parvis sua beneficia communicat, & sui solis radiis pauperes divites pariter illustrat. Ego verò quòd indulgentius tua Majestas me habet, eò diligentius contendendum mihi esse intelligo, ut id strenuè agam, quòd jussus sum agere, ut meum humillimum obsequium & submississimam devotionem ac fidem sinceram Domino heroque meo approbem. Oro venerorque *τὴν μοναρχίᾳ τῇ Θεῷ ἵδον καὶ μέγαν Σωτῆρα ἸΗΣΟΥΝ*, ut Majestatem tuam, potentissime Rex, & quicquid ipsi charum servet, & omni genere suarum maximarum benedictionum cumulet in

EPISTOLA MLVIII.

DOMINICO MOLINO. ✠

Diu est, præstantissime Moline, cùm 1612. in ære tuo sum: debeo enim adhuc tibi responsum ad postremas, quas à te accepi, & gratiarum actionem pro adjuncto illis tuis literis libello de Epistolis Ecclesiasticis. Causa cessationis meæ principio fuit leviculus morbus, qui me paucos dies à studiis avocavit. Deinde secuta alia impedimenta, quorum longè maximum fuit mors maximi Principis, filii natu majoris serenissimi Regis. Is casus inopinatus quantum bonis omnibus mœoris attulerit, non est quod pluribus verbis aggrediar tibi exponere. Nam ne tu quidem, opinor, amplissime Moline, ejus Principis ad omnia magna nati, si ita Deo visum fuisset, admirandam indolem ignorabas. Certabant in illo corporis & animi dotes. Nemo illius vultum seriò contemplatus est, qui ingens aliquid sibi de eo non sponderet: studia omnia tanto Principe digna, supra annos compositi mores, & singularis erga Deum pietas. Itaque desiderium sui tantum reliquit, ut nihil suprâ. Ego post illum casum ægrè animum recepi. Ut ad munus tuum redeam, ago tibi eo nomine gratias immortales. Legi cum voluptate eum libellum, qui ante plures annos, cùm Gregorii Nysseni Epistolam Græcam à me versam notis illustrarem, videor ostendisse id argumentum etiam accuratius posse tractari. Ego multa expecto præclara ex illo Collegio Ambrosiano. Tantum doleo hodiernam doctrinam de Papæ Monarchia impedire viros doctos, quò minus sincerè Antiquitates Ecclesiasticas nobis proponant: quòd etiam Auctori ejus libelli accidit. Sed hæc tibi non sunt ignota. Opus nostrum, beneficio Dei, crescit quotidie: sed procul tamen absumus à meta. Vale, Vir amplissime, & vive felix quàm diutissimè. Venerando viro, Patri Paulo, nisi grave est, multam à me salutem. Scripsi ad illum statim post acceptas ejus novissimas. *Londini, exeunte Novembri, CIO IO CXII.*

EPISTOLA

EPISTOLA MLIX.

✱ RICHARDO MONTACUTO,
EPISCOPO BATHONIENSI
ET WELLENSE.

1612. **N**on patiar, ut querelam meam ex aliis potius quam ex me cognoscas. Bonorum virorum est, candidè inter se agere, maximè autem illorum, qui veritatis cœlestis patrocinium adversus seculi hujus imposturas susceperunt. Ego, Vir doctissime, cum relietà patriā, in qua regnat superstitio, huc veni, Commentarium Polybianum habui prae manibus, accuratissimā diligentia, & novo exemplo, (absit verbo invidia) à me congestum, sed nondum digestum. Speravi bene me de literis severioribus meritum editione Observationum mearum, quas indefesso studio confeceram. Sed quum animadvertissem ea studia minus hic florere, & cognovissem, serenissimum sapientissimumque Regem, Regum *ἰσχυροτάτων*, studiis illis totum se dedere, quæ ad pietatem conducunt, mutatā velificatione morem gerere Domini & heri mei voluntati decrevi. Placuit maximo Regi, ut ego in confutandis Baronii Annalibus operam ponerem, quam operam exegerunt à me jam à multis annis utriusque partis viri boni in patria. Quia sic placebat magno Mæcenati meo, ad opus me accinxi ante aliquot menses. Jam, beneficio Dei immortalis, pars Refutationis I. Tomi non penitenda est confecta & descripta. Jam pagina 390. sunt paratæ, quarum partem maximam illustrissimus Præsul, Dominus Cantuariensis, legit. Propositum meum est, quod nemo amicorum ignorat, primum Tomum ita accuratè refellere, ut ex ea descriptione possit conjectura fieri de cæteris. Nihil igitur prætermisum est à me, quod jure possit reprehendi, quantum quidem in hac tenuitate ingenii possum deprehendere. Multi jam sunt menses, ex quo absolvi in Prolegomena Baroniana, vanissimam operis totius partem, *ἑλεγχον* capitum xxxi. quæ, & plura multò, ut jam dixi, legit illustrissimus Dominus Archiepiscopus. Dum ego in eo sum, ut pergam in suscepto opere, ecce adfertur mihi Indiculus, capita continens libri à te huc missi, ut typis exprimatur. Eum Indicem dum legere incipio, venio in eam sententiam, ut existimem aliquem studiosum confecisse argumenta mearum disputationum: atque ita statim dixi illi, qui attulerat, seriò confirmans

eum esse Indicem capitum libro meo 1612. comprehensorum; donec ab eo admonitus, ut pergetem porro, vidi esse quidem idem argumentum, sed ab alio tractatum, qui antevertere editionem meam, & plagii notam mihi voluit inurere. Erat in ima cera nomen tuum appositum, quod ut legi, miratus sum potuisse tibi hujus consilii in mentem venire. Non enim ignotum est tibi, id me nunc magni Regis jussu agere. Cur igitur in alienam messim immittis falcem? An existimasti me illa non esse animadversurum? Si ita credidisti, frustra fuisti. Quantum ex Indiculus tuo potui cognoscere, nihil quicquam habes, quod me fugerit. Ego, nisi fallor, non pauca, quorum in tuo breviario nulla habetur mentio. Quod nolim in eam partem accipias, quasi ego plus mihi tribuam, quam tibi. Absit, *ἢ τὸ πρὸς φῶμα*. Sed nolo te fugiat, diu esse, cum hoc opus cœpi meditari. Itaque priora mea studia illi proposito mirificè nunc inserviunt. Scio quantā præstes eruditione, quo ingenii acumine excellas. Sed vix concedam tibi, plura tibi errata Baronii esse animadversa quam mihi. Stupenda autem hæc *συγγραμματα* meæ descriptionis & tuæ; nam argumenta à te conscripta, paucis immutatis meis disputationibus optimè conveniunt. Series capitum eadem ferè, loca Auctorum eadem; enumeratio Præsidum Syriæ an sit eadem, nescio; certè propositum est idem. Disputationes pro Josepho eadem. Quid plura commemorem? hoc fortasse intererit, quòd tractatio erit diversa, & nos alia non pauca inferimus. Hoc quo acciderit casu nescio. Nunc ipse judica, quantam ego de te querendi occasionem habeam, qui tanto studio videris id unum quæsisse, ut vel tua descripsisse judicer, vel actum agere. Certè imposuisti mihi necessitatem querendi de hac injuria, & apud Regem, & publicè, cum mea edentur, si illum diem videre Deus dederit. Pontificii verò quàm suaviter ridebunt, cum hanc *ἢ ἀναγνῶντες* inter nos animadvertent? Si quia peregrinus sum, propterea contemptu me habuisti, ac Regem cogitares, cujus expresso jussu hæc opera mihi suscepta. Ego, Dei gratiā, possum redire in patriam, & injuriam mihi factam seriò tecum exposulare publicis scriptis. Fecisti enim erga me, quod erga te facturus non fui, qui nunc etiam paratus sum, si ita Regi placuerit, impositā provinciā cedere, & aliud curare. Hoc volui nescius ne esses. Vale. *Londini, die xiv. Decemb.*
CIC 10 CXII.

ISAACI CASAUBONI

EPISTOLÆ

SINE DIE ET CONSULE.

EPISTOLA MLX.

JACOBO AUGUSTO THUANO.

Felicitatem itineris mei Lugdunum usque ex iis jam intellexisti, Præses amplissime, quas Lugduno discedens exaravi, ut ad te mitterentur. Pari felicitate & reliquum iter, virtute Dei Opt. Max. confectum, nisi quod viæ longitudo & propter spurcissimas tempestates difficultas equorum nostrorum vireis tandem exhaustit, & quamvis generosos propemodum ἀπαιτῶν ad Nemausum coëgit. Nam quæ mihi Lugduni ostensa fuerat navis spes, postmodum decollavit. Eò factum, ut paulo serius domum ad meos pervenirem: perveni tamen, εἰ δίδοντες, & salvos valentisque omnes offendi. Optabam ὡς οἶον π. μάλιστα cum libris in gratiam quam primùm redire; sed prius quam me illis totum dedo, Præsidem à Fraxinis invisere necesse habui. Dies minimum decem id officium studiis nostris eripiet. Post illa animus est in museum nos abdere, & tantam jacturam temporis, si potest, diligentia farcire. Litteras interea tuas, Vir doctissime, avidus exspecto, quæ me docebunt in posterum quid opus facto. Inveni totâ urbe sparfos rumores ante meum adventum de mea isthuc migratione. Igitur ut in quemque incidi, queri alius & mecum expostulare, quod se defere-rem; gratulari alius, quod eò tandem locorum venturus essem, ubi nostræ litteræ non ignorarentur. Ego si maturè illa fiant, quæ tute scis fieri debere priusquam hinc abeo, constitui sine ulla mora itineri me accingere cum uxore & grandioribus liberis, & necessaria librorum supellectile. Stimulat me dies noctesque desiderium ingens publicandi, quæ in Athenarum & alios Scriptores pridem scripsimus. Omnino inter istos probos quidem & mei amantes; sed prorsus, si paucos excipias, ἀμύσους diutius vivere instar mortis est. Sed hæc illius curæ lubens merito permitto, qui solus novit quid nobis sit ἰσχυρὸν, quid ἀπευκτὸν. Is te, Vir maxime, cum nobilissima conjuge,

& saluum incolumemque diu præstet, & omni bonorum genere magis magisque cumulet. Vale, & me constanter ama.

EPISTOLA MLXI.

JANO ANTONIO SARACENO.

Accipe à me & uxore mea, Vir clarissime, & amicorum optime, munus tenue, &, quod ajunt, levidense; sed quod volumus esse pignus aliquod animi grati adversum te, & acceptorum à te beneficiorum memoris: tibi enim, secundum Deum, mea, uxoris, & liberorum charissimorum salus à nobis accepta fertur. Sic igitur leviculum hoc δῶρον accipies, ut sis persuasus æternùm tibi omnes nos fore devinctos. Vellem minus negotii tibi nostra faceretur domus; sed ut me affectum video, brevi tuâ mihi ope opus erit: non ob præsentem, Dei beneficio, valetudinem; sed ob imminentis metum, cuius nomen dicere non audeo *. Malo * *scribit, autem τῇ περὶ φυλακτικῇ medicinῇ uti pestem.* quam τῇ θεραπευτικῇ. neque unquam parcam tuâ operâ uti. Ea enim amoris tui in me & meos fiducia. Vale, amicorum optime.

EPISTOLA MLXII.

JACOBO AUGUSTO THUANO.

Amplissime Præses, cogitavi hodie paullo attentius, ecquid reperiri aliquis posset Augustorum, cujus ortu gloriari patria nostra jure posset. De ea re hæc veniebant nobis in mentem. *Claudius* Imperator Lugduni natus; sed non tamen Gallus. *Pius* in Italia quidem natus, & ipse, & pater, & fortasse etiam avus. Nam disertè Victor: Vir veterrimæ familiæ à Lanuvino municipio. Fuisse tamen illi paternum genus

genus è Gallia Transalpina, Nemausense scilicet, affirmat seriò Capitolinus, ut jure possit hic dici oriundus è Gallia; etsi natus in Italia. Nam Hadrianus [quidam ajunt & Trajanum] Romæ natus est; quem tamen Hispani consentientibus omnibus Scriptoribus sibi vindicant. E. liberis Constantini Magni fuit unus patri ὁμόνυμος, quem nomen Cæsareum patre auctore saltem delibasse constat. Iste autem natus oppido Arelatensi, ait Victor. Carus Cæsarum nec postremus, nec pessimus: Narbone natum idem Aurelius scribit; etsi aliter Vopiscus. *Avitum* quoque, hominem Gallum, Sidonii Apollinaris *socerum*, in Imperatorem fuisse levatum, [ut fuit mos & locutio seculi,] notum est. Atque hic inter legitimos Imperatores Occidentis censetur ab omnibus; sed Romæ natum scribunt nonnulli. De Maximo, qui hunc præcessit, & Majoriano, qui successit, aliàs viderimus. Omitto tyrannos Gallos, qui fuere plures: καὶ ταῦτα μὴ ταῦτη. Ἐμμεσο, σιδασμιωτάτη κεφαλῇ.

EPISTOLA MLXIII.

JANO ANTONIO
SARACENO.

Serione dicebas modo, Vir doctissime, tibi probari, ut nugarum notarum, quas in multis multorum Auctorum locos sumus commentati, editionem quàm primùm publici juris faceremus? Equidem etsi meam non ignoro ἀδυναμίαν, tamen qui tuorum morum simplicitatem nōrim, ex animo loqui te mihi persuadeo. Ut igitur consilio tuo tutius uti possim, age, si non est molestum, hos mihi nunc Plauti, aliàs aliorum, si pateris Auctorum locos vide, & quid tui judicii sit super eorum emendationibus meis, fac me obsecro ut sciam. Primus erit ille, de quo verba tibi feci: *Rudente*, Sce-

* A8. v. nā *, *Nunquam ad.*

fr. 2. v. 39.

L. A. Dabo septingentos. G. A. Os calet tibi, nunc git frigidefactas?

Putabam esse proverbium, de eo qui inanem operam sumeret: *Os calet tibi, tu nunc git frigidefactas*. Itaque sublatā interrogationis notā, git Ablativi esse casus arbitrabar: nunc nihil pronuntio, & tuum judicium exspecto.

† A8. v. *Bacchidibus*, Scenā †, *Quis sonitu*: locus hic sic legitur:

B. A. *Vetule sunt, thymiane.*

Loquuntur ibi scorta duo de duobus senibus, qui ad ludum meretricium tum primùm accedebant. Eos vocarunt *oves*

paullo antè: nunc ait altera ex illis, pergens senes illudere, oves illas *vetulas* esse; & *thymianas*. Verùm hæc postrema vox, quælo te, πῶσα: ne tibi videtur esse, an θῦμα: mihi quidem monstram tantum, ut tota Africa nullum putem reperiri posse majus. Quid de eo censuerint tria illa lumina, Turnebus, Lambinus, Camerarius, si lubet scire, in Commentariis Lambini reperiēs. Ego locum ita censeo emendandum: *Vetule sunt & mine*. Vel potius: *Vetule sunt, luscæ, mine*. Eleganter enim Plautus, cum vellet senes vituperare, quos vocaverat oves, ita de illis loquitur tanquam de ovibus. Solebant autem Latini inter non sanas oves ponere, *luscas*, *surdas*, *minas*, hoc est, inquit Varro, de Re rustica, libro II. cap. II. *quæ ventre glabro essent*. Fecit igitur primùm ignoratio vocis *mine*, ut locus elegantissimus corrumperetur; postea auctum mendum; quod si nos sustulimus, factum benè. *Mercatore*, Scenā †, *Miserior*. † A8. IV. fr. 3. v. 20.

Quia illa mulier intus est. L. v. Videsne eam?

Tam certum mihi legendum esse: *Cuja illa mulier intus?* quàm mirum, tot doctissimos viros id nequissè videre. *Cuja*, vox antiqua. Plautus ipse clamat ita se scripsisse: sequenti enim versu ait.

L. v. *Cuja ea sit rogitas?*

nempe respiciens ad ea verba, quæ emendamus. Eadem fabulā, Scenā †, † A8. v. fr. 4. v. 14.

Idem ut tempus, anni, etatem aliam aliud factum convenit.

In puerili mendo erravit Lambinus, & cum eo alii. Legendum: *ut tempus anni, sine χρόνου μῆ*. Sensus est: Sicut aliud anni tempus, aliud factum decet; ita aliam ætatem: supple, aliud factum decet. *Tempus anni* Græcorum est, ὥρα ἔτος, apud Ciceronem, Varronem, Plinium. *Pseudolo*, Scenā *, * A8. I. fr. 5. v. 89.

Quid nunc ageris? nam hinc quidem à me non potest

Auferri argentum.

Laborat metri modulus: tollenda sanè glossa. Leg. *nam hinc quidem jam non potest*: Ad illud *hinc*, glossa ascripta fuerat *à me*; quæ tollatur necesse est, si metrum saluum volumus. *Mostellaria*, Scenā †, *Melius anno*. † A8. I. fr. 2. v. 1.

Melius anno hoc mihi non fuit domi, Nec quando esca una bene meruerit magis,

I i i i :

Nec

Nec metrum, nec sententia sana. Legō:
*Nec quando esca una bene me juverit
 magis. Juvare esca, dicitur Plauto,
 quæ grata est, & contrā, quæ ingrata,
 non juvare: ut Captivis, Neque un-
 quam quicquam me juvat, quod edo do-
 mi.* Hoc dixit Aristophanes, τὸς α-
 τῖος ἰδρύας χάρι οἷδ' ἰδύω. *Trinummo,*

* *AB. I.*
sc. 2. v. 32.

Scenā *, *Larem corona;* sic distinguen-
 dus versus in editis libris pessimè con-
 ceptus. *CA. Nemo est. ME. Quid igitur
 me rogitas, tene objurgitem?* Sic eā-
 dem fabulā graviter fallitur Lambinus,

† *AB. II.*
sc. 4.
v. 126.

Scenā †, *Minus quindecim.* Non ad-
 verterat hunc versum ita distinguen-
 dum esse: *LE. Consuadet homini, cre-
 do: etsi scelestus est, At mihi infidelis
 non est.* Loquitur dominus de suo ser-
 vo, quem ait scelestum quidem esse,
 sed sibi tamen esse fidelem. *Truculen-*

‡ *AB. IV.*
sc. 2. v. 57.

to, Scenā ‡, *Lepide efficiam;* ita le-
 guntur hi versus in omnibus editis:

*Sed quid hoc est? pro Di immortales!
 Calliclem video senem,
 Alteram constricticem hujus, alteram an-
 cillam suam, meus
 Qui affinis fuit, ancillas duas con-
 strictas ducere.*

Atque ita eos suo ordini esse restituen-
 dos, affirmare ausim:

*Sed quid hoc est? pro Di immortales:
 Calliclem video senem, meus
 Qui affinis fuit, ancillas duas constri-
 ctas ducere,
 Alteram constricticem, &c.*

† *ref. 51.* Ibidem paucis antè versibus † sic scri-
 ptum est:

*Nihili me! perdidit omne quod fuit:
 fio impudens;
 Nec mihi adest ad illum pensi jam
 quos capiam calceos.*

Locus sanè obscurus. Interpretes au-
 tem nihil planè non ἀποδοῦναι. Li-
 ceat mihi quoque aleam jacere. Lo-
 quitur adolescens, qui pauper factus,
 videt se ad pravas pauperum artes esse
 redactum. Ita enim ferè comparatum
 est, ut multos paupertas adigat ad im-
 proba facinora. Ideò ait, fieri se im-
 pudentem: tum subjicit: *Nec mihi ad.*
 Puto autem esse proverbium ex veteri
 more exponendum: tanta enim fuit
 Veteribus elegantiae cura, ut si quem
 viderent publicè ambulare, parum de-
 center vestitum, aut calceatum, eum
 pro infano aut stulto riderent. Et Theo-
 phrastus quodam loco testatur, summæ
 rusticitati habitum calceos, qui pedi
 non convenirent gestare: & Aristopha-
 nes idem testatur in *Equitibus*, item-

que Horatius. His positis lego ex ipsis
 editæ lectionis vestigiis:

*Nec mihi adest ad tantillum pensi jam
 quos capiam calceos.*

Quasi dicat, pudere amisi, & omne il-
 lud pristinum meum honestatis ac de-
 coris studium. Eādem fabulā, sequenti
 Scenā, sub finem *:

* *ref. 60.*

*DI. Scio equidem, quæ nolo: multa
 mihi audienda obnoxia.*

Lego:

*Scio equidem, quæ nolo multa audien-
 da ob noxiam.*

Noxia, est τὸ ἀνάγκη. Qui peccavit
 autem, multa illi necessario audienda,
 quæ noller. Scenā ultimā †.

† *ref. 10.*

*Puero opus est cibum, opus est matri
 autem, quæ puerum lavit.*

Levitor emendo: *P. opus est c. opus est
 matri: ei item, quæ p. l. Pueros recens
 natos lavabant: non poterat autem
 profecto mater recenti partu id præsta-
 re: quod & πασιδὴλον est, & confirmat
 idem in Amphitryone:*

*Postquam peperit pueros, lavare jus-
 sit nos.*

Sed tempus est, ut cum veteri Comico
 dicamus μή, & manum de tabula tan-
 dem tollamus. Ac vereor ne tibi ni-
 mium molesti simus: verum tute tibi
 imputa, qui semper visus es nugis no-
 stris delectari nonnihil. Simul illud co-
 gita, cum à te discessimus, neminem
 admodum nobis adesse, quem de his
 queamus consulere: magno sene excep-
 to, quicum libenter de his, quando
 illi otium est, solemus confabulari, ejus-
 que judicium exquirere: ut nunc tuum
 exquirimus, si tantum tibi aliquando
 ab re tua otii fuerit, ut ista perlegere
 velis. Vale. Raptim.

EPISTOLA MLXIV.

JOANNI VASSANIO,
 ET FRATRI EJUS.

NON me, sed vicem meam Isaacum
 Chabanæum, fratris meæ filium,
 adolescentem mihi charissimum habe-
 tis, ô fratrum par eruditissimorum.
 Quid causæ sit, cur isthuc non vene-
 rim, sicut initio decreveram, ex eo-
 dem quàm ex literis meis malo vos co-
 gnoscere: quin etiam de rebus meis ac
 studiis si quid averis scire, omnia signi-
 ficabit ubertim, qui has vobis reddet.
 Spero fore, ut vel meâ causâ ipsum di-
 ligatis, gnarum quanti vos faciam, &
 quantum vos ipse amem. An accepe-
 ritis

ritis quas Luteriâ ad vos dedi, nondum ex vestris cognovi. Illud cum voluptate non mediocri sensi, vigere in animis vestris nostri memoriam, quam servate, & de meo erga vos affectu securi omnia à me exigite officia, quibus præstandis parem me esse judicaveritis. Eusebium & τριμυρίων Scaligeri, credo, vidistis: ego pridem vidi, & ita sum admiratus, ut nihil simile putem me legisse. Deus Opt. Max. illum Heroëm quàm diutissimè nobis & Reipublicæ literarum præstet incolumem. Idem & vos servet, Viri amicissimi. Valete.

EPISTOLA MLXV.

JOANNI A' WITTEN.

*** *νυρσίαι* & *ἐκφυρσίαι* Græci vocant rationem significandi per facies è specula sublatis. Eâ usi sunt Veteres plurimùm, in bellis præsertim. Occasio enim cùm in omni vita plurimùm potest, tùm in bello maximè. Igitur ne perirent occasiones rei bene ge-

rendæ, *νυρσίαι* excogitarunt Antiqui, & speculas in altis quibusque montibus eo fine ædificarunt, quarum adhuc in montibus Helvetiis nonnullas licet observare. *νυρσίαι* antiquissima & simplicissima ratio fuit, ut sublatis facibus daretur ejus rei signum, de qua convenerat. Non enim aliud poterant initio significare, quàm id, de quo initio convenisset inter dantem signum & observantem. Postea excogitatæ sunt aliæ rationes solertiores atque adeò mirabiles. Nam quasi literas calamo scriberent, quidvis per facies significabant. Autores hujus inventi commemorat Polybius libro x. ubi etiam rationes eorum explicantur. Sed non probat Polybius omni ex parte, quod ante ipsius tempora aliis fuerat eo in genere inventum. Itaque vir ingeniosus hanc novam *νυρσίαι* rationem excogitavit. Qui facibus uti volent in speculis ad signum dandum cujuscunque rei, quam significari aliis erit necesse, habeto in suis speculis quisque literas descriptas in quinque tabellis hoc modo:

Lorica appensa tabellis.

a	f	l	q	x
b	g	m	r	y
c	h	n	s	z
d	i	o	t	
e	k	p	v	

Tabella hæc debet statui in speculæ lorica tam ejus, qui dat signum, quàm ejus, qui accepturus est: atque hoc imprimis videndum est, ut speculæ sibi ex adverbo quàm optimè respondeant. Præterea qui facies observat, jubetur à Polybio dioptram habere, id est, mathematici instrumenti genus, quo oculorum acies missa per canalem tutius dirigitur ad metam propositam. Hujus præcipuus usus est, ut qui observat signum, dignoscat probè, ab utro angulo, dextro an sinistro, lorice oppositæ literarum signum detur. Nunc explicemus modum. Fingamus in aliqua urbe proditos esse à præsidii sui parte. Id ut procul significant, ita faciendum. Scribendum igitur quàm brevissimè id fieri, quod velis, puta:

Centum milites defecerunt.

Vel,

Proditionem quidam moliantur.

Ante omnia, qui parat dare signum, cum qui accepturus est, attendere sibi

faciet, facibus toties sublatis, donec alter signum dederit suæ attentionis. Id signum est facium ex adverbo elatio. Postquam attendere cœpit, qui signum expectat, indicanda est illi tabula, in qua prima litera est ejus, quod indicaturus est, puta C, quod est in prima tabula; vel P, quod est in tabula tertia. Ergo accedes ad lorice angulum sinistram, & ut C designes, semel ab lorice læva parte facem tolles; ut P, ter facem movebis super lorice elatam. Sic de cæteris. Qui signum aucupatur, indicatam sibi tabellam adnotat, ut mox monstratam in ea literam quærat. Tertiò superest, ut litera quærenda in tabella significetur. Qui dat signum, venit ad lorice dextrum angulum, & quæta est litera indicanda in sua tabella, tot facit *νυρσίαι*, sive facis elevationes, puta ut C indicet tres, ut P quinque. Qui excipit signum datum, facilè intelligit, quæ litera sibi indicetur, eamque diligenter annotat, scri-

scribitque in tabula parata in eum usum. Atque simili modo itur ad omnes literas, donec omnibus indicatis reperitur scriptum in tabella excipientis id, quod ab initio erat propositum. Hæc Polybiana ratio est, melior sanè inventis aliorum, quæ tamen valde sunt elegantia. Ea ad Polybium nos ante multos annos exposuimus, & quæ ibi sunt mirè involuta & depravata, evolvimus. Si Deo Opt. Max. sic olim videbitur, ut eum eximium Scriptorem edamus, habebis à me, Vir nobilissime & amicissime, meæ in te fidei & amoris testimonium.

EPISTOLA MLXVI.

PHILIPPO CANAIO A
FRAXINIS.

* Videtur
referenda
ad an.
1597.
mens.
Mart. vel
April. Vide
Epist. 117.
118. b

Nimia * miseria est, Vir amplissime, pulchrum esse aut videri: (nam hominibus φιλικαίους est quando πὲρ μὴ καλὰ, καλὰ πείσανται.) Mihi adeo misero esse usu venit, non quòd sim, sed quòd multorum iudicio pulcher tibi videar. Equidem non ita sum aut vanus aut levis, aut utrumque, ut si quid Sabini de nobis somnient, id ὕπαρ existere putem, non ἐναρ. Itaque facile fuisset hominum fabulas contemnere & rumulculis vulgi hominum, qui me gratià pollere apud te θαυμάσιον ἔσεν iactitant, ἀντίθωρον πολεμίζον ἡδὲ μάχεσθαι, nisi jam aliquoties verum essem expertus Aseræi Senis oraculum, negantis Φόβου illam posse emori, quam πολλοὶ λαοὶ Φημίζουσι. Quorsum hæc? dices. Nempe ut à te impetrem, ne me impudentiæ arceffas, quod toties συγκαταίς meis te interpellem. Fateor abuti me patientià tuā & benignitate erga me. Sed per ego te Deum πῶς ἔντως φίλιον oro, obsecro, miserare sortem potius meam, quàm ut indigneris. Fit ad nos concursus ab omnibus propemodum, quibus isthic quid negotii est. Omnes συγκαταίς postulant vel flagitant potius, nemo illud adjicit: Si salvo pudore tuo licet; si hoc tibi grave non est futurum. Omnes τὸ δὲ ἀπὸ Σκυθῶν ῥῆσιν in ore aut pectore habent; aut fac, aut cur non velis facere, causam dic. Quid igitur hic faciam? Equidem quod unum possum, id faciam; scribam nempe: tu quod tuum erit, id facies, & insigni aliquā in nos contumeliā homines errore, me labore liberabis. Satis præfati sumus. Vir nobilis de la Valette commendatus mihi à Ranchino, cui quantum debeam, non nescis, tibi à me causam suam voluit commendari. Puto me jam exhaustissè, si quid gratiā

apud te aliquando valui prioribus ejusdem argumenti literis: si quid tamen superest, id omne velim ad hujus causam conferas. Vale, & diu cum nobilissima conjuge liberisque suavissimis vive quàm felicissimus. Scripsi raptim, eadem die & horā, quā illas, quæ D. de Fresac erant tradendæ.

EPISTOLA MLXVII.

PHINEES HOTSONI.

Vir ornatissime,

Magnum adjecisti cumulum prioribus tuis in me officiis, cum sine mora vices meas apud illustrissimum Comitem, D. Dumber obiisti. Verè affirmo tibi, non prius gratum penitus mihi cœpisse esse illius μαλφίκετον munus, quàm hoc necessario officio, operā tuā, sum defunctus. Nunc fruar tanti Herois liberalitate, professus animum verè ipsi devotum, verè gratum. Tibi verò, ornatissime Doctor, quas acturus sum gratias nescio; qui quidem omnium verè bonorum, quæ mihi Regia Majestas contulit, extitisti conciliator. Non possum homo peregrinus tibi ullā re esse utilis: dabo tamen operam, ut à suspicione animi ingrati me liberem, οὐδὲν δίδωμι, qui te servet, & nostros Λεγέταις. Vale. Londini.

EPISTOLA MLXVIII.

SUFFRIDO CALIGNONI.

Amplissime Vir,

Quam magis cogito, tam magis minor, quid hominum acutissimum impulerit, ut locum illum Nehemiæ adeo ἀδὲ καὶ τὸν tractandum susceperet. Artis, quam optimè caller, præceptum, opinor, est, quæ causæ noceant, cautè ea dissimulanda. Cur ille suis adversariis ultrò tela suggerit? Negamus enim nos ullum esse locum in universo Sacrorum Librorum corpore, quicum magis ἐν Ἀσμεύτῃ Romanæ Ecclesiæ instituta pugnent, quàm cum isto. Quippe totius illius versus hæc sententia est: summo studio id egisse sapientissimum Eldram, ut Dei populus in Dei Lege quàm diligentissimè institueretur; & ita dicam, nutriretur. *Instituti sunt*, inquit Nehemias, *qui assidue legerent in Lege Dei*, & quidem כפרס, hoc est, non ut sit hodie in Romana Ecclesia, peregrinā linguā, & populo incognitā, sed eo sermone, qui tum Judæis in usu. Gens illa redux è Captivitate, veteris sermonis Hebraici oblita, Chaldaicæ linguæ longo anno-

rum

rum septuaginta servitio assuevorat. Ideo ut verba Legis caperent, opus erat Interprete. Ergo adhibitus ab Esdra Interpres, qui recitata verba Hebraicè *עברית* verteret Chaldaicè. An & hoc nostrum esse interpretamentum dicet? At illi os Rabbinum omnes obstruent, qui vocem *מפרש* de Chaldaica interpretatione constanter accipiunt universi. Disertè Schelomoh Jarchi: *עדרו מהרמבם לעם דברי תורה*. Erant, inquit, qui populo, sive in gratiam populi verterent Chaldaicè (id enim est *חורם*) verba Legis. Hæc ille quidem ad superiorem versum notat. Sed ad vocem *מפרש* pertinere eam interpretationem, è Talmud certum & Rabbinis aliis. In tractatu Talmudico de Votis, sive *ברביה* cap. iv. ubi diligenter hic locus explicatur, scriptum sic: *חורם דה מפרש*. Voce Mephorasch intelligitur Targum, sive, ut jam dixi, versio Chaldaica. Eadem verba apud Eliam Levitam, & apud alios. Neque ullum potest dubium esse, quin hæc vera sit mens. Nam adhuc in Judæorum Synagogis manet mos ab Esdra institutus, ut ejusdem periochæ lectio fiat duplex: Hebraicè primum, deinde Chaldaicè, quod nos Francofurdi ante aliquot annos vidimus diligenter observatum. Atque hinc est, quod Dominus noster verba Davidis moriens non Hebraicè, sed Chaldaicè recitat. Censen, amplissime Vir, Esdræ hoc institutum seridè iis probari, qui pro liturgia peregrini idiomatis tantâ animorum obstinatione pugnant? Sed veniamus ad acutissimi Præfulis censuram. Clamat enim ille facinus indignum admisisse nostros, qui sequentia verba, *מפרש מפרש* verterint: & *exposuerunt per Scripturam*. Hanc illo interpretationem, ut novam, exagitat, & ut absurdam exhibet. Novam sanè esse fatemur & nos, qui scimus Hebræorum Magistros cum in Talmud, tum alibi aliter longè hæc verba accepisse. Absurdam tamen esse pernegamus. Cedo enim istam absurditatem! quæ si ulla est, aut in re erit, aut in verbo. In re nullam esse, vel Episcopi silentium arguat; non tacituri, si quid habuisset quod verissimæ huic sententiæ opponeret. Quoties clamant Græci Latinique Patres, optimam esse hanc interpretandæ Scripturæ viam? Omnis igitur nostrorum culpa in malè accepto verbo erit. Ergo etiam unum hoc illis objicitur, quod *מפרש* vocem perperam de Sacra Scriptura acceperint. Quid levius hac objectione? quid facilius ad refutandum? Nam si hoc satis est damnandæ nostrorum interpreta-

tioni, quid de ea sentiendum, quam affert? Proferat, si potest, vir argutus, alium locum, ubi *מפרש* significet *ἀνέγχεσθαι* nos afferemus, ubi Scripturam Sacram. Cum igitur nec hoc, neque illo sensu alibi usurpata in Biblico contextu dictio *מפרש* reperiatur, quæ invidia est, eam potissimum vocis hujus notionem huic loco aptasse, quæ in criticis Hebræorum libris ab Esdra primo auctore profectis, vulgatissima est? Quod autem adjicitur *Micra* appellatione non Pentateuchum, sed cæteros solum Bibliorum libros intelligi, scio ita Munsterum & vulgus etiam Rabbinorum docere. Cæterum ad manus sunt nobis doctorum è Rabbinis testimonia, ubi *מפרש* liquidò sit *מפרש תורה*, hoc est, *Liber Legis*. Sed nimium te diu teneo. Vale, Vir amplissime, & me constanter amatum tuum.

EPISTOLA MLXIX.

EIDEM.

Cum domum reversus Epistolam, de qua egisti mecum, quæsissem omni diligentia, nec reperissem; tamen placuit priorem saltem mittere, ut memorem agnosceres. Posteriore quid fecerim, nescio; nollem sanè periisse: est enim insignis, propter ingenuitatem: nam quo loco Sacras Literas habeat, clarè ostendit. Quæram amplius, & faxo videas. Vale, & me ama, qui sum futurus æternum tui observantissimus.

EPISTOLA MLXX.

GASPARI LAURENTIO.

Quantum mihi voluptatis tuæ literæ attulerunt, amicissime Laurenti, non aggrediar verbis tibi significare: neque enim si vel maximè vellem, possem tamen. Dicam verò, quod res est. Cum enim ærumnas prope intolerabiles veteris amici * *δοτοκουσία* tam insignis * *Philippi* nobis attulerit, par prope gaudium ex eo percepimus, quod data esset facultas declarandi animi mei, & constantiæ in purioris Religionis professione. Etenim cum tantopere viderem laborantes *τὰς ἐξ ἐναντίας*, ut falsos de nobis rumores totâ Europâ (vide hominum stultitiam, & vanitatem ride) disseminarent; non erat committendum, ut plus illis fuisset animi in tuitione falsarum opinionum, quàm nobis in confessione verissimæ veritatis posset cuiquam videri. Miram sanè hominum (si homines sunt

* *Philippi*
Causi à
Erazimis.
Colomel.

sunt appellandi monstra ex mendaciis conflata) impudentiam! Quid enim fuit, unde hoc sibi de nobis persuaderent? Proferant dictum aut factum meum; & culpæ illos absolvam. * *

EPISTOLA MLXXI.

JACOBO GILLOTTO.

Amplissime Vir,

Risi satis cum illam Disputationem legerem, quam hodie misisti, profectam ex eorum schola, qui multorum judicio hodie *ἡσι πίπνυνται, τοὶ δὲ σκιαὶ εἰσιν*. Quis tam *ἀγίλας*, quem non *πλατὺν γυλᾶν γύλω* cogat genus Auctorum, qui ad illustrationem rituum Hebraicorum laudantur? Cajetanus, Tostatus, Oleaster. Scilicet Judæorum Magistros ad discendas res Romanas adhibebimus, quando in eorum partes isti invaserunt. Non pudet istos in hac literarum luce superiorum seculorum tenebras probare & mordicis retinere. Quisquis ille fuit, qui id scriptum composuit, melioris eruditionis ne sensum quidem ullum habuit. Sed quis ille est, obsecro, qui Hebraica illa descripsit? Næ bonus vir ille in Scaligeri scriptis parum versatus fuit. Miratus sum hominem illum ausum esse sincerum vas in crustare, & alia pro aliis scribere, supplere quædam, de nonnullis suam sententiam proferre, cum interea Hebraicum vix *ἀκρις τοῖς χέλεσι* degustarit; quod palam facit mirabilis constantia in vitiosa scriptura. Sed nec Latina, unde ipse descripsisti, satis erant emendata. Itaque multum sudaveramus in corrigendis mendis, priusquam *ἀντίγραφον* viri ter maximi videremus. Beasti verò nos, cum id communicasti. Ago tibi eo nomine *πλείστες ἔσας*, atque adeo immortales gratias. Vale, & me ama, qui te æternum colam.

EPISTOLA MLXXII.

CAROLO LABBÆO.

Diu fileo, eruditissime Labbæ, & longum gratissimis Epistolis, quas à vobis accepi, responsum debeo. Nolite tamen, per *τὸν φίλον Θεόν* vos oro, in animum inducere, quasi parum gratæ vestræ literæ mihi accidant. Illæ verò & fuerunt hætenus, & porro semper erunt jucundissimæ; amo enim vos, ut ille ait, *ἐξ ἀτρικίᾳ νόν*, & amari vicissim à vobis, hac spe, hac eruditione, hac denique probitate juvenibus, magni facio: sed me tot quotidie molestissimæ curæ obruunt, ut velim nolim *ὑπερήμιος*

esse in respondendo cogar. Accedit valetudo pariter infirma & nutans; cujus utriusque incommodi testis mihi eruditissimus, & nostrum utriusque amantissimus Puteanus. Quamobrem longiore excusatione uti supersedebam. Nam quod novissimā Epistolā visus es tu, Carole *πεσφιλίστην*, quod prioribus tuis non respondissem, eo nomine mecum expostulare; nondum, credo, acceperas, quas ad te postremum scripsi; omnibus enim vestris respondi. Si quid tamen fuerit, quod velis à me scire, *ἔχοντα μὴ κῦβε νόν* dabo enim operam, ut petitioni tuæ fiat statim satis. Illud, credo, non expectatis, ut quicquid penes me fuerit studiis vestris conducibile, vobis offeram. Quod & feci antea sæpe, & nunc quoque *ἡμῶν πεσφιλίστην*. De Glossariis videte, ut fidem impleatis quàm primū. In Regis Bibliotheca inveni adhuc nihil huic incepto admodum conveniens: si quid posthac invenero, enitar ut vobis fiat ejus copia. Vale, charissime Labbæ, & amplissimo parenti multam à me salutem. *Lutetia Parisiorum.*

EPISTOLA MLXXIII.

E I D E M.

Serius opinione meā & voluntate ad respondendum literis tuis, eruditissime Labbæ, me accinxi: erat enim consilium non antè calamo manum admove, quàm essem otii plusculum nactus, ut ad omnia Epistolæ tuæ capita possem *κατὰ λεπτὴν* respondere, & videbar consecutus, quod volebam: sed me stylum in manus sumentem multæ & diversæ curæ interpellarunt, ut coactus sim etiam nunc comperendinatione uti, & diem diffindere. Habe interea schedium hoc *εἰς ἀρχαῖωνά τινά τῆς μελέτης ὁπισθεῖς*, quæ postulatis omnibus tuis accuratè satisfaciet. Mitto, quem petiisti, magni Thuani libellum, missurus & alia omnia, quæ petieras, sint modò in mea aut alicujus meorum potestate. Cum in omnibus vitæ partibus, tum in studiis locum habere debet vetus illud, *κινῶν πρὸς τῶν φίλων*. De tuo munere, quod ego quamvis magnum existimo, immortales gratias. Non poteras alio genere nos magis tibi devincire: diu enim est, cum eum librum avidissimè quærebam. *Πάλιν ἂν ἔπειν αὐτοκρίδω σοι χάρις*. Amplissimum parentem, & eruditissimum fratrem tuos Deus Opt. Max. unà tecum, charissime Labbæ, *εἰς πολλὰς πολλῶν ἐτίων κύκλῳ* servet. *Lutetia Parisiorum.*

EPISTOLA

EPISTOLA MLXXIV.

EIDEM.

Vir amicissime,

Vix est, ut ad magnum amicum pos-
sim hodie literas dare; sum enim
occupatissimus. Non videbor tacuisse,
si tu scribas. Quod ut facias oro, &
me ut excuses; qui procul dubio aut
hac ipsâ die sub vesperam aut crastinâ
officio defungar. Velim sic stylum tem-
peres, ut edendi pulcherrimi opusculi
neque spem affirmes nimis in præsens,
neque præcidas in posterum. Opto
enim rem prius sciat confectam, quàm
conficiendam. Nunc quæ sint tempora
vides; & quàm sit ἀδύνατον aliquid in
eo genere efficere; nam etiam tuum
illum Typographum suas operas dimi-
sisse, mihi confirmatum. Hodie à quo-
dam accepi admodum publicam lucem
ingravescere, de quo si quid certi ha-
bes, velim significes. Vale, & me ama.
Uxor te salutat.

*Tuus non dicis gratiâ, sed
medullitus,*

IS. CASAUBONUS.

EPISTOLA MLXXV.

EIDEM.

DE Heinssii funebri Oratione multum
te amo; nam & verbis tuis incen-
sus, & commendatione τῆς μνησίτης desi-
derium illius ferre non poteram. De eo
scripto plura proximè, cùm unâ crimus.
Hincmarum vidi, & statim in illum
locum, quem notaveras, oculos conji-
ci. Vix versum unum legeram, cùm
occurrit falsum ingens, quando ait:
*Osium Hispanum nomine Sylvestri, Pon-
tificis Romani, præfuisse Synodo magnæ
Nicenæ.* Scimus hoc quoque & alios
scripsisse, sed falsò, & planè ἀνιστορήτως.
Illud verò suave, ut rectè est à te ani-
madversum, quod potestati Romani
Pontificis firmandæ putat sufficere ipso-
rum Romanorum Pontificum Decreta.
O verè plumbeum pugionem! Et Ar-
senius & Temporarius operam suam pro-
lixè offerunt, si quid in Belgiis curare
velimus. Verùm de his τόμα πρὸς τόμα
melius. Percurram illum librum, &
tibi reddam. Ad illustrissimum Scali-
gerum nihil eorum, quæ describis, ve-
lim mitti prius, quàm unâ contuleri-
mus; teque, ne incio me, quicquam
mittas, oro. Vale, & me ama, qui te
ἐξ ἀρεσκείας νόω.

EPISTOLA MLXXVI.

EIDEM.

PER mihi gratum fuit, quòd viam
ostendisti ad Thomsonem literas
mittendi. Scripsi igitur, etsi raptim
& variè impeditus. De Lexico Pho-
tii non dubito ipsum excusationem
meam accepturum. Nam quia semel
is liber in manus meas venit, danda
opera est, ut aliquid inde addiscam.
Quod adhuc non feci, brevi faciam, σὺν
τῷ Θεῷ, & vel tibi tradam, vel rectà
ad illum mittam. Vale, Vir doctis-
sime.

EPISTOLA MLXXVII.

EIDEM.

DOmum reversus è librariorum offi-
cinis, tuas reperi, & in iis illud
Δαγγήλιον planè gratum, de confecto
libello, quem Scaligero Magno missuri
sumus. Beasti me illo nuntio. Quando
voles veni, & paratum me fore nullus
dubita. De illis ἐν μέρει τερτῆς quomodo
possim tibi satisfacere, qui librum ip-
sum non vidi, nisi furtim solutis foliis?
nam culpâ amicorum quorundam puto
illum mihi periisse. Sed hæc coram.
Noli dubitare fidem fervaturum, ubi
librum récepero. Vale, meus amor;
tuus κρηδὶ μάλλον.

EPISTOLA MLXXVIII.

EIDEM.

CUM puer tuus ad me venit, ple-
num erat meum Musæum præstan-
tissimis viris, inter quos fuit Præsidum
Principis frater, item Ferrerius, quem
apud me ante aliquot menses vidiſti.
Hoc propterea dico, ut excusatum me
habeas, quòd non extemplò tuis re-
sponderim. Nunc quoque hæc rumul-
tuariè scribo, priusquam consulere mi-
hi memoriam meam licuerit, quæ sibi
commissa non habet semper in numera-
to. De Encycliis non repetam, quæ
probè tibi nota scio. Formabantur ab
Epistolarum Magistris Epistolæ, qua-
rum multa exempla huc illuc pro rei na-
tura mittebantur: ea sunt, quæ ἴσα in
Actis Conciliorum vocantur, & sæpe
ἐν ταῖς πρακτικαῖς illa verba leges, à pari,
hoc est, ἰξ ἴσα, vel ἐκ τῆς ἴσας. & ita ca-
piendum in Epistolis Zosimi Papæ, at-
que aliorum. Porro cùm hæc formata
in Acta referebantur, vel in scrinia
Principis aut Episcopi, nullum nomen

K k k k

pone-

ponebatur cujusquam, ad quem Epistola dirigeretur; sed loco nominis illius scribebant Græci, τῷ δὲ ἢ τῷδε vel τῷ δέῳ. quemadmodum habeo in Encyclicia Gennadii; nam quin hoc voluerit Notarius, cujus manum expressisti, non dubito. Eadem verba etiam in aliis formulis nobis non semel observata. Sæpe tamen aliter videas in Actis, & apud Socratem atque alios, conceptos titulos Encycliciarum, appposito nomine hujus aut illius Episcopi; quod eo accidit, quia Scriptoribus illis ea primum exempla in manus venerant, quæ ad eos Episcopos fuerant missa. Sed hæc tu melius. Vale, & festinationi ignosce; sum enim occupatissimus. Si quid hoc tibi placet, velim utaris pro tuis; neque in re tam levi mei mentionem facias. Cum voles, de hoc toto genere plura ostendam tibi in meis Adversariis, quæ inspiciendi nunc mihi facultas non est.

EPISTOLA MLXXIX.

E I D E M.

ACcepi, quos misisti libros, schedas, quas petis, nullas invenio, & miror quid illis sit factum. Libri de Libertate Ecclesiastica non sunt collecti, sed per folia sparsi. Itaque significo illis nostris amicis, daturum me ubi primum fuerint in unum collecta folia. Si mihi fidem non habent, veniant ipsi & componant. Vale, amicissime Vir atque eruditissime. Ο' σὺς εὖς ἀν σὺς,

IS. CASAUBONUS.

EPISTOLA MLXXX.

E I D E M.

EGo verò dignissimam illam διαφοράν γραφὴν judico, quæ ad magnum Doctorem & dubiorum solutorem referatur. Est enim res admodum controversa, ubi prælium illud fuerit commissum. Zosimus ad Enesam, ni fallor, ait: NB. iste ἐν ἱμῶις K. x. Ego non ambigo eruturum aliquid Scaligerum, quod aut verum sit, aut vero proximum. Quare beabis illum hac admonitione. Scimus in Prolemæi Geographia non longè à Palmyra & Ina, & Imma legi; sed nisi fallor, neutrius loci situs huic historiæ fatis convenit. Sed hæc ille διαιτῶσι. Epistolas quatuor mitto; quas ubi descripseris, velim quàm primum remittas. Ad Bibliothecam si lubet à prandio ire, filius aut ἀδελφίδης meus te comitabuntur. Mihi hodie non licet, qui inter spinas molestissimas ver-

for, & eas difficultates, unde an valeam me extricare nondum scio, aut solvemus aut secabimus; nam dissimulare quidem inscitiam nostram nec solemus, nec possumus. Vale.

EPISTOLA MLXXXI.

E I D E M.

DE Notis Procopianis rectè confuisti: δὲ γὰρ τὰς καλὰς κἀγαθὰς ἀνδρας ὧς τις εἶναι ποτε τῶν μετέδωκεν τῶν τοιούτων. Ego fidem meam inconsulpius obstrinxeram, fretus amicitia tua, & eorum exemplis, qui mittendis ad me hujusmodi subsidis, petitionem meam anteverterunt, dabo operam, ne te poeniteat misisse. Locum Gregorii Nysseni quod differam mittere, mirari non debes; sum enim ab occupationibus perditissimus, ut sæpe vix unam atque alteram horam studiis attribuiam. Porro ejusmodi quæstio est, quæ otium & tempus desideret. Verba Authoris mitto, malè accepta in editione Latina; sed totus liber intelligendus, ad quæstionem illam capiendam. Scis nihil esse tam grave, quod tuâ causâ nolim suscipere. Verum in hac re nihil esse video, quod urgeat. Qui offenduntur vocis vidua usurpatione, delicatuli sunt, neque eorum habenda ratio. Sciant illi, & orbus & viduus cum duplici casu efferri à Latinis; secundo, inquam, & sexto præter analogiam, de qua non dubitabit Latinitatis peritus. Constanter memini legere apud secundæ notæ (de primis non ausim affirmare) Authores ejusmodi locutiones, & nisi fallor vehementer, in libris vestris illam ipsam. Notæ ad amicum missæ casu nuper in meas manus recidere velut postliminio. Inveni enim inter adversaria mea, & legi cum nec cogitarem quidem de illis quærendis. Nunc cum seriò tuâ causâ quæro, invenire non possum; jacent enim alicubi inter rejiculas chartas. Simul invenero, seponam. Vale, ἀποχαιδιάσι.

Gregorius Nyssenus in libello περὶ τῆς ἀναστασίας, &c. edit. Latin. pag. 719. Præterea in exactioribus &c. hic locus planè ridiculè acceptus; qui ita habet in Græcis: καὶ λίαν πρὶ τῆς μιᾶς σαββάτων ἔρχοντι ἐπὶ τὸ μνημεῖον ἐν ταῖς ἀκριβεστάταις τῶν σαββάτων. ἡμετέραν δὲ ἄν ὡς πρὸς ταῖς ἡδὴ γενημέναις καὶ αὐτῇ τῶν γυναικῶν ἢ ἐπὶ τὸ μνημεῖον ἀφίξις γίγνεται.

Confer & Latina, & videbis, quàm nihil intellexerit Interpres. Sed discipulæ huic quæstioni, quæ omnia vetusta & recentia ingenia exercita habuit, ὁλῶς δὲ καὶ χρεὶν.

EPISTOLA

EPISTOLA MLXXXII.

E I D E M.

Nequē te domi tuæ invenio, nequē tu ad me venis. Credo occupationum tuarum magnitudine fieri, ut fructu jucundissimo consuetudinis tuæ tot jam annos, dies volui dicere, careamus. Nos autem proficiscimur, & biduo abfuturi sumus à nostro Polybio, quem volui tibi commendare, si quid Morello nostro accideret, quod otium illi adimeret ad pauca folia emendanda. Laberii versus cum interpretatione Scaligeri edentur, nisi tu nolueris. Oro te des illos nostro Stephano*, quem moratur hoc unum. Vale, & me ama, qui te medullitus, à cœcis tuis à cœcis.

* Roberto
Stephano,
R. F. R. N.

EPISTOLA MLXXXIII.

E I D E M.

Verum esse puto, quod illustrissimus vir scribit: Episcopum Arelatensem Metropolitanum non fuisse à principio; nam constat in assignandis sedibus habitam fuisse rationem civilis administrationis, cujus rei sexcentæ sunt ad manum probationes. Cum igitur Viennæ dignitas quondam fuerit amplissima, eique Arelate fuerit subiectum, non dubito, quin etiam in rebus ecclesiasticis à principio Episcopus Arelatensis Viennensi Metropolitano pareret. Hoc confirmat etiam Decretum Concilii Taurinensis, Arcadii & Honorii temporibus factum, quæ exortā controversiā inter Viennensem & Arelatensem super Primatu, ita composita est, ut is foret primus, qui civitatem suam metropolim Provinciæ probasset. Veruntamen ex eo ipso, quod jam tum de Primatu duo illi Episcopi inter se certarent, apparet, quā vetus sit ambitio Arelatensium, qui Viennensibus parere recusarent, imò sedem suam sedi illorum aut parem dignitate, aut etiam superiorem esse contenderent. Quo freti hoc jus sibi arrogarent, non facile affirmatu. Mihi perplacet conjectura viri illustrissimi, qui ad Maximum Tyrannum causam hujus ambitionis refert, & opes atque dignitatem, quam circa illa tempora Arelatensis civitas obtinuit. Sed tum Episcopi Arelatenses, tum Papæ Romani, qui plurimum illis semper faverunt, aliam longè diversam causam afferebant, ad prærogativam illius sedis, non supra Viennensem duntaxat, sed supra om-

nes Galliæ Episcopos, demonstrandam. Trophimum quendam jactabant Petri Apostoli discipulum, qui ab eo missus Arelate, primus conditor sedis fuisset. Addebant ex eo semper obtinuisse, ut jam inde à principio Arelatensis Metropolitanus censeretur, & quasi dignitate inter omnes Gallos primus. Quam sive historiam, sive fabulam hodieque pro verissima habent Arelatenses. Illud constat, ante annos c. 150 c. c. fidem invenisse apud Romanos Pontifices hanc *Agdeum*, eoque nomine semper illos honori Arelatensis Episcopi fuisse plurimum. De multis, quæ suggerit Historia, pauca subjiciam. Inprimis notatu dignum, quod Decretum in Taurinenti Concilio factum, antiquatum est paucis post annis à Zosimo Papa, qui Honorii & Theodosii temporibus vixit. Hic Papa multis modis dignitatem suam asseruit Episcopis Arelatensibus, quos ipse Metropolitanos semper vocat. Primò jubet, ut formatæ inde petantur ab universis Gallis. Verba Zosimi ex Epistola scripta universis Episcopis per Gallias & septem Provincias constitutis: *Placuit Apostolicæ Sedi, ut si quis ex qualibet Galliarum parte, sub quolibet Ecclesiastico gradu, ad nos Romam venire contendit, vel alio terrarum ire disponit, non aliter proficiscatur, Metropolitanus Arelatensis Episcopi formatas acceperit.* Secundo dat illi potestatem constituendi Episcopos, etiam in aliis Galliæ partibus. Nominatim verò, in Viennensi, Narbonensi prima, Narbonensi secunda. Verba Zosimi ex eadem Epistola: *Jussimus præcipuam, sicuti semper habuit* (nota hæc verba) *Metropolitanus Episcopus Arelatensium civitatis in ordinandis Sacerdotibus teneat auctoritatem: Viennensem, Narbonensem primam, Narbonensem secundam ad Pontificium suum revocet.* Ait: *revocet*, quia in Taurinenti Concilio aliquot annis ante decretum aliter fuerat: quod factum esse contra priorum temporum observationem sæpe repetit Zosimus. In alia ejus Epistola, quæ antiquantur ejus Concilii Tridentini scita, sunt hæc Zosimi verba: *Sine auctoritate Metropolitanæ Episcopi Arelatensium, juxta majorum Canones, nulla penitus potuit ordinatio celebrari.* Alibi scribit idem, ne Romanam quidem sedem id jus Episcoporum Arelatensium posse imminuere. Hæc pauca è plurimis sufficient nunc quidem; impeditiissimi enim sumus: cum voles, multa similia his adjiciam, quæ pridem observata habeo in numerato. Quæ raptim scripsi, velim tantisper boni consulas, dum plus otii na-



ctus, accuratius rem explicabo. Puto tamen ex iis vel solis liquidò posse constare, quo jure dicatur Arelatensem sedem recentissimam esse Metropolim, quæ quasi prædicat, simul fidem Christianam & honorem sedis Metropolitanae se consecutam. Idque jam inde à temporibus Apostolicis. De his igitur aliàs plura. Celso, sive Origene in Celsum si non uteris, velim mittas. Vale, & me ama.

EPISTOLA MLXXXIV.

E I D E M.

NOn tenebo te longiore morâ suspensum: malo enim ἐκ τῆς ἀσχετηρίας, quicquid veniet in solum, huic chartæ illinere; quàm vel horulam unam responsum differre. Ἐμὲ ἀλλοῦ ἐστὶ τὸ σποδὸν apud Ctesiam est genus eorum suppliciorum, quæ per ignem exiguntur, & unicâ dictione *vivicomburium* à Tertulliano dicuntur. Erant autem varii modi hujus κλαστικής τῆς πάντων βαρυνάτης. Nam *tunica molesta* apud Juvenalem & Senecam re conveniebat cum isto, de quo loquimur supplicio; modo autem mirum quantum differebat. Ac de illo quidem multa nuper Josephus Scaliger ὁ πίνυ, more suo non protrita, non antè observata, in Animadversionibus ad Eusebii Chronicon, fol. 181. *Injicere* verò *in cinerem* periturum reum, proprium Persarum; quos fuisse hac in parte mirè ingeniosos, vel unica Artaxerxis Vita, Plutarcho descripta, abundè testatur. Ut taceam antiqua Martyrologia, & Theodoretum de Passionibus Græcis, libro x. ubi plurima. Originem & ideam cruciatus hujus describit Valerius Maximus lib. ix. cap. 11. de Ocho, qui postea Darius est dictus, verba faciens: *Septum, ait, altis parietibus locum cinere complevit, suppositoque tigno prominente, benigne cibo & potione exceptos in eo collocabat, è quo, somno sopiti, in illum insidiosam congeriem desidebant.* Quod ait de tigno supposito & prominente, non caret obscuritate; quam vellem explicassent tor ejus Scriptoris Interpretes. Accipe verò clarissimam mentis Valerii explicationem. Maccabæorum libro 11. cap. xiii. ita scriptum: *Λυσὶς ἀποδείξασθαι τὴν αἰτίαν τῆς κακίας εἶναι πάντων. προστάξεν ὡς ἐστὶν ἐστὶν ἐν τῷ τόπῳ προσσπαλίσαι ἀγρόντας εἰς βίβραν. Ἐστὶ δὲ ἐν τῷ τόπῳ πύργος πινθήκευα πύργων πλήρης σπιδῶν. ὅπως δὲ ὄργανον ἔχει ὡς φέρεται πάντοτε δόκον μιν εἰς τὸ σποδὸν. ἐν τῷ ὅτῳ τὸν ἱεροσολίας ἔνοχον ἀπαντες προσωθῶσιν εἰς ἐλάνθρον.* Est igitur tignum Valerio, quod ὄργανον huic Scriptori,

qui ejus usum multò clarius exponit, quàm Latinus Scriptor. His duobus generibus *vivicomburii* multa alia poterant atteri, quæ missa nunc facio. Hoc unum addam: apud eosdem Persas fuisse & aliam *vivicomburii* ideam, non planè à superiore alienam; cùm damnati capitis, craticulæ impositi, torrebantur; quod & B. Chrysostomus in 111. Caput Epistolæ ad Thessalonicenses vocat *πῆγμα ἐπὶ κρατίκλῃς*. Hujus craticulæ non infrequens mentio & in Actis illorum Sanctorum, qui per varios cruciatus beatam in cœlos animam transmiserunt. Vale, Vir doctissime, & me ama. Statim à discessu tuo.

EPISTOLA MLXXXV.

E I D E M.

Venit hodie ad me Ogliatus ὁ πίνυ, quem scias mihi fuisse gratissimum, quando & admisi cum matutino tempore; & aliquot horas lubentissimè cum ipso fui. Varios sermones miscuimus, varias fabulas habuimus; sed literatas, de quibus melius coram. Nunc hæc ad te scribo, ut per te magno Thuanò aurem vellam. Meministi enim, opinor, datæ fidei. Ogliatus certè meminit & orat stes promissis; idem ego quoque facio, qui, si duris compedibus vinctus non essem, haud paterer, ut alio, quàm me, proxeneta apud augustissimum Thuanum crudicissimus vir uteretur. Is mihi multas egit gratias, quòd tuam notitiam sibi conciliaissem. Itaque paria facimus, ego officio, tu virtute. Vale.

EPISTOLA MLXXXVI.

JACOBO BONGARSIO.

Dedisses me in stuporem, optime virorum, cum illis tuis *μισανθρωμίας* & insigni eorum duce, nisi ex literis Peroli, Pastoris Ecclesiæ Mompeliensis, res mihi dudum innotuisset. Vir ille pius & prudens, nuper ejus Societatis, quæ de nomine Jesu vocatur, nunc veritatis propugnator acerrimus, judicavit catè, quod in ea Provincia acciderat, priusquam ad aures meas ex fama publica deferretur, in majus sublatum iri; nam in talibus, si in ulla omnino re, fama acquirit eundo vires. Putavit igitur faciendum, ut bene longâ Epistolâ rem omnem mihi narraret. Summa autem est, ne te multis morer hujusmodi. Collocatus fuerat Minister quidam Bliterris (Biterras vocant alii, hodie *Besters*) Ministri cujusdam, viri probi,

probi, filius. Hic educatus à patre, Genavam postea missus, levam eruditionem magnâ junctam opinione sui, quæ pestis ingeniorum certissima, ad sanctissimum munus attulit. Erat ingenium illius suspectum Pastoribus Montpelienfibus, apud quos paucos menses vixit, ex Allobrogibus reversus, imperitia verò palam omnibus nota: nam omnes consentiebant præter prima Hebraicæ linguæ rudimenta, quibus ille mirificè superbiebat, non multum apud Allobrogas cum studia promovissè. Effecit tamen Pastoris memoria, & inopia τῶν τῆ λογικῆ κηρύκων, ut munus ipsi imponeretur. Est Blitterris Collegium Jesuitarum χθὲς καὶ πρῶτον institutum, ubi viri docti veterani suæ professionis juventutem instituunt. Hi juvenem adgressi, cœperunt continuis disputationibus ita vexare, ut superioribus diebus ultrò in eorum castra transitum fecerit, suis desertis. Re auditâ accurrunt vicini Pastores. Gigordus in his, vir eruditissimus. Nihil prætermissum est, quo posset ex eo causa sciri tam repentinae mutationis. Frustra fuerunt Ministri, nam ille in conspectum prodiit nunquam. Possem his addere alia, sed hæc rei summa. Deum oro det illi, det utrique parti ἡ ἀπλόγη καρδίας πρὸς ἐαυτὸν ὑπερφανή. Vale, optime amicorum.

EPISTOLA MLXXXVII.

E I D E M.

Præstantissime Vir,

SI spes fuisset tui reperiendi, venissem ipse, & præfens tecum injuriam exposulassem, quam amicitia nostræ fecisti, cum scriptam ad utrumque nostram Epistolam aperire non sultinuisti. Nam per Deum τὸν ἄριστον Φίλιον, quæ te religio incessit? Omitto dicere, quod notissimum est, me, qui omni dignitate caream, jure tibi amplissimo munere functo fasces submittere: sed ut hoc non esset, siccine inter nos oportuit? Ubi vetus dictum? *Amicitia aut invenit, aut facit pares.* Quod si eò non pervenit amor noster, quem ego παρεβόλω nullam posse accipere judico, ut ex æquo inter nos versemur; hoc exemplo possum videri admonitus, ut, quis tu sis, quis ego, diligentius posthac attendam, & impenfius te, quem animo veneror, deinceps colam. Sed de his coram. Illam Epistolam tibi remitto. Omnino enitendum nobis, ut possit Isidori Pelusiotæ editio hic confici. Quod si Morellus non suscipit, novi neminem, qui sit ei incepto

accommodus. Vale, amicorum optime atque intime.

EPISTOLA MLXXXVIII.

JACOBO GILLOTTO.

Amplissime Vir,

ACcepi librum, & quando ita vis, ἡ πῶς ἐκ κεφαλῆς percurram, quæ videbuntur ἑξ ἀδιερῶν βιβλίων, ea adnotabimus; si quæ etiam ignotis prætermissa inveniantur, illa describam, ut publicentur. Nam profecto unicam Turnebi notulam ego longè prætulim illis omnibus, quibus occupari margines hujus editionis. Non multa adhuc legi, sum enim occupatissimus; sed quædam occurrebant, quibus facillime poteramus carere. Ne longè abeam, quod pro argumento primæ Epistolæ appositum est, vel aliter accipiendum fuit, vel penitus tollendum. Turnebus, si reviviscat, clamet, nunquam ita se delirasse, ut illa somniaret. Quod superest, opto & tibi, & facundissimo tuo comiti ἐνδιδῶ, ut confecto ex animi sententia itinere brevi redeatis. Non vereor ne tibi longa ea via videatur, qui congerronem Rapinum sis habiturus, virum elegantissimi ingenii, & Mnemosynæ filiabus unice charum. Nos interea ignobile otium nostrum studiis largiemur, ut qui cæteris videmur inutilis, nobis saltem profimus, & ingenium aliis artibus excolamus, quàm quæ hodie vulgo placent. Sed moror te. Vale, aut potius valete ambo, viri clarissimi, & Rempublicam literariam pridem labantem auctoritate & exemplo vestro, quod dudum facitis, fulcite, & me amate, qui sum vestri observantissimus.

EPISTOLA MLXXXIX.

HUGONI GROTIO. ✱

BEasti me, præstantissime Groti, cum judicasti dignum, cui musteum adhuc carmen, à te super magni Bezae obitu scriptum, mitteres. Equidem omnia tua solitus sum, pro eo ac debeo, vehementer admirari; ut in quibus certent ἡ ἴσχυς αἱ τῆς ἀγενείας ἀρεταὶ ταῖς λεκτικαῖς. Sed ex hujus tamen carminis lectione præcipuâ quâdam voluptate sum affectus. Tantum enim virum à tanto Poëta defletum esse, incredibiliter lætabar. Tum autem ea tui poematis ratio est, ut quæ illo continentur, omnia esse verissima, neque ποικίλῃ ἀδύια ficta, nemo bonus sit negaturus; quò magis affici soleo, cum illa legem

K k k k 3

rem

rem necesse erat; ut vix lacrymis, mihi crede, abstinere, cum tuum carmen iterum atque iterum legenti acrior cogitatio animi mentem subiisset, quantam in uno capite Ecclesia Dei iacturam fecisset; quem tu locum mihi videris elegantissimè gravissimèque tractasse. Biennium est, & quod excurrit, ex quo Bezam Genevæ satis longo intervallo vidi, qui etiam erat senio confectus, non minori tamen admirationi mihi fuit, quàm fuerat olim, cum inenarrabili quâdam divitiis de rebus gravissimis differentem audirem. In iis, quæ liberali aded manu præter meritum meum mihi tribuis, vehementiam agnosco tui erga me amoris. Equidem ex quo primum παραδοξον illud ingenium mihi innotuit, quod in tuis scriptis omnes mirantur, nihil habui antiquius quàm ut mei in te affectus aliquam tibi significationem darem. Sed nescio quo modo factum, ut negligentior hæctenus in mittendis ad te literis fuerim. Nunc postquam sum abs te iterum provocatus, dabo operam sedulo, ne meum officium hac in parte possis desiderare. Vale.

EPISTOLA MXC.

✠ JACOBO DAVY PERRONIO,
CARDINALI.

MONSIEUR,

Estant arrivé en ceste ville, j'ay visité Monseigneur l'Ambassadeur, & lui ai présenté vos recommandations, desquelles il a esté fort aise, & s'enquerant soigneusement de vostre santé, m'a bien fait connoître combien il vous honoroit. Je le trouvai lors fort fâché pour un fait, où votre réputation estoit interessée. Car ayant esté envoyé au serenissime Roi de la Grand' Bretagne un livre fait contre Sa Majesté, plein d'atroces convices, & calomnies très-impudentes, ou pour mieux dire, d'une desespérée & diabolique rage; pour ce que Sa dite Majesté trouvoit dans ce libelle quelques particularitez qui sembloient ne pouvoir convenir à aucun autre qu'à vous, à cause de la journée de Fontainebleau; & que Monseigneur l'Ambassadeur ne pouvoit lui répondre sur cela; Sa Majesté, quoi que méprisant toutes telles injures, & n'en ayant autre ressentiment que pour en rire, & faire voir à tous l'impie fureur de ceux qui lui sont ennemis; toutefois ayant si grande occasion de penser qu'un tel escrit fût parti de vous, elle s'estoit résoluë d'en avoir sa raison par toutes voies convenables à un si grand, si puissant, & si magnanime Roi. Car vu

votre qualité auprès du Roi & de la Reine, il jugeoit non ab homine privato profectam injuriam, sed quasi publico nomine illatam; & s'estonnoit fort, qu'ayant toujours esté si estroitement conjoint avec nos Rois, & desirant l'estre à l'advenir plus que jamais, il se trouvat un homme en France qui l'irritât si outrageusement. Or combien que Sa Majesté n'eut jamais eu auparavant opinion que tels libelles pussent sortir de votre plume, toutefois si vous daigniez lire cet infame escrit, vous trouverez sur la fin du premier Traité, si je m'en souviens bien, un passage, qui pouvoit persuader que c'estes vous, qui parliez là. Dieu a voulu que je suis arrivé en ceste Cour, tout à point pour ôter à Sa Majesté tout tel soupçon: car ayant cognoissance de Reboul, qui est à Rome, & ayant vu lors que j'estois en Langue-doc, les escrits qu'il a fait contre les Ministres & Consistoire de Nismes, & autres diverses pieces de lui, contre le Sabmonée & semblables, j'ai assuré Sa Majesté, que l'Auteur de ce libelle estoit Reboul, comme aussi je l'avois ainsi appris étant à Paris. Et pour vous, je lui ai tesmoigné & confirmé que detesties de tout votre cœur telles fureurs; Que ayant toujours vécu auprès des Rois, vous saviez le respect que leur est deu, mesmes des plus grands. Je lui ai aussi fait voir, comme je vous avois oui, Monseigneur, plusieurs fois parler de Sa Majesté, non seulement en grand honneur, mais aussi avec démonstration de singulière affection envers icelle; Que je vous avois oui haut louer sa modestie en ses escrits, & souhaiter pareil temperament en ceux qui n'estant Rois, comme il est grand Roi; & n'ayant esté irrités, comme il a esté, ne se comportent en leurs escrits avec pareille moderation. Mais c'est chose digne d'admiration de voir lenitatem & benignitatem tanti Principis, pari animi magnitudine junctam; qui tot injuriis lacessitus ab hominibus publicæ pacis hostibus, nihil quicquam commoveretur, neque illas putat ad se pertinere. Studium autem verus suum, concordiam pro virili in Ecclesia procurandi, constantissimè servat: itaque nihil illi potuit gratius accidere, quàm quod à me audivit de tua simili in eandem rem propensione. Denique scito atque adeo παραπονεσθαι, Præful illustrissime, cum esse serenissimi & verè πολυπραγματοῦς Regis animum, ut omnia ab eo sint speranda pia & justa, quæ concordiam inter dissidentes de Religione poterunt adjuvare. Je vous ai voulu écrire ceci, Monseigneur, afin que si possible est, cela nous donnât oc-

casion

casion de penser serieusement au bien public. Je sçai bien que durant la vie du feu Roi le tems estoit plus propre à un tel dessein: mais qu'il plaise à Dieu ordonner de l'issue, ce sera toujours chose très-utile & louable de mettre tels propos en avant. Que si vous m'en escrives votre jugement, je le ferai entendre à Sa Majesté; attendant quoi, priant Dieu pour votre santé & prospérité, vous demeurerai à jamais,

MONSEIGNEUR,

Votre très-humble & obéissant Serviteur,

IS. CASAUBON.

EPISTOLA MXCI.

✠ A MONSEIGNEUR
LE CHANCELIER
DE FRANCE ET DE
NAVARRÉ.

MONSEIGNEUR,

AU retour de ma femme j'ai appris la continuation de votre affection envers moi; de quoi je vous remercie très-humblement, & vous supplie de croire, que nulle distance ni de tems, ni de lieux n'effacera jamais de mon cœur l'honneur & reverence humble que je vous dois. J'ai aussi entendu qu'on parle par delà de me rappeler; quæ quidem res in arbitrio Augustissimæ Reginæ tota est posita. Nam ego Majestati ipsius quæ debeo animi submissione parebo. Tantùm te orabo, illustrissime Domine, ne aut cum mala Regis Magnæ Britanniæ gratia revocer, aut cum damno meo. Mitto nunc ad tuam Dignitatem libellum à me scriptum jussu Regis, & jussu ejusdem editum. Mihi fuerat propositum Epistolam illam privatim ad clarissimum virum, Frontonem Ducæum, mittere; sed imperio Regis parendum fuit. Si per Regni negotia potest Amplitudo tua, illustrissime Domine, id scriptum perlegere, videbit non agi causam Religionis, sed nova portenta opinionum exagitari, per quæ Reges non sunt Reges, sed vilissima & cædi obnoxia mancipia: hoc novum & odiosum cui bono stomachum non faciat? J'avois resolu d'envoier cet escrit à Monseigneur de Villeroy, afin que devant qu'il fût vu, il passât par son jugement & le vôtre, MONSEIGNEUR; mais il m'a esté impossible depuis qu'une fois il a esté entre les mains du Roi, & de Monseigneur l'Archevesque de Cantorburi. Je suis assuré que certains personnages prendront ceste occasion au poil, pour me rendre odieux aux Majestez du Roi & de

la Reine. Si après avoir vu l'escrit, vous mes jugez digne de ce malheur, je porterai mon affliction patiemment. Si au contraire, vous reconnaissez ma devotion très-ardente au bien & humble service de ceux, ausquels je le dois; j'espère que mon innocence aura en vous, MONSEIGNEUR, un ferme appui, & moi je continuerai à prier Dieu pour votre entière felicité, demeurant à jamais,

MONSEIGNEUR,

Votre très-humble & obéissant Serviteur,

IS. CASAUBON.

EPISTOLA MXCII.

A MONSEIGNEUR
DE VILLEROI, ✠
CONSEILLER DE SA MAJESTÉ,
ET SECRETAIRE D'ESTAT.

MONSEIGNEUR,

JE vous envoie un petit livre imprimé, lequel j'avois desir vous faire voir escrit à la main, afin qu'il passât par votre jugement avant que d'estre veu: mais comme cet escrit a esté entrepris & composé par l'expres commandement du Roy de la Grande Bretagne, aussi a il esté imprimé par son expresse jussion, & ma volonté n'a eu plus de lieu depuis qu'une fois Sa Majesté l'a eu en main. Si il vous plaist, MONSEIGNEUR, employer quelque peu de tems à le courir, vous verrez que l'occasion est née d'une Apologie pour les Jesuites, imprimée par delà & envoyée au Roi pour la justification de leur cause; mais si mal à propos, que cela seul pouvoit irriter contre eux le Roi de la Grande Bretagne, quand bien il n'eût jamais eu aucune cause de se plaindre d'eux. L'Auteur de cette Apologie que je ne cognois aucunement, defend tout ce qui a esté escrit mal à propos contre les Rois, par quelques-unes de cet ordre. Il defend de tout son pouvoir le martyre de Garnet, & autres Chefs de trahisons & parricides. Il accuse le Roi d'ici, d'avoir des intelligences avec l'Auteur du Tocquesin; chose si esloignée de verité, que je puis vous assurer, que Sa Majesté aiant lu ce meschant livre, si tôt que j'en eue l'honneur de le voir, il me dit, qu'il en detestoit l'Auteur, & que seulement pour vous avoir nommé Monseigneur, & Monseigneur le Chancelier, il le jugeoit digne de mort: que c'estoit un très-pernicieux exemple de donner la liberté à des brouillons de parler à leur plaisir de ceux qui sont les colonnes de l'Estat. Ce sont les propres mots de Sa Majesté, & neantmoins

en cette Apologie il est qualifié comme s'entendant avec ceux, qui voudroient remuer en France. Cela & autres raisons l'ont poussé à me faire le commandement qu'ai reçu des lors, de remontrer au Pere Fronton le tort que ce livre & semblables faisoient à leur Société, & à toute la Religion Catholique. Je m'y suis mis long tems après le commandement reçu, & ai tâché de n'écrire rien, qui pût déplaire à ceux qui ne favorisent à cette nouvelle & pernicieuse doctrine de desposséder & tuer les Rois, qui ne sont agréables au Pape. Je m'assure, MONSIEUR, que ces opinions si extravagantes vous déplaisent autant qu'au Roi de la Grande Bretagne. C'est pourquoi, n'ayant eu en cet écrit autre but, que de monstrier l'énormité de cette doctrine, & des moïens desquels les auteurs se servent, j'espère que ne serez offensé en aucune sorte pour l'édition de ce livre, entrepris & fait, comme j'ai dit, par l'expres commandement du Roi, & ce lors qu'il a cru que la Reine m'avoit entièrement donné à luy. Je crains que quelques-uns ne veuillent se servir de cette occasion pour me faire decheoir de bonnes grâces du Roi & de la Reine. Ce que toutefois je ne puis croire, si leurs Majestez sont informées de mon but & dessein. Jusques à présent j'ai trouvé tout appui & support en vous, MONSIEUR, & m'aies obligé à vous infiniment : si il vous plaît me continuer vos faveurs, j'espère que ne vous en repentirez jamais, me trouvant toujours très-fidèle sujet du Roi & de la Reine, prest à mettre ma vie pour l'humble service de leurs Majestez ; comme aussi je suis, & serai tousjours,

MONSIEUR,

Votre très-humble & très-obligé
Serviteur,

IS. CASAUBON.

EPISTOLA MXCIII.

✠ THEODORO CANTERO.

* Forô,
1614.

Magnam * voluptatem è tuarum lectione percepi, optime & doctissime Cantere; majorem percepturus, si de rebus tuis ea nuntiassent, quæ optabam. Oro venerorque Deum immortalem, ut quod nondum est factum, id brevi intelligamus esse feliciter effectum. Ego de tuo negotio cum multis sum locutus, quos existimabam posse tibi vel operâ vel gratiâ suâ prodesse. Anno cum hic erat Hugo Grotius, obnixè ab eo petii non semel, ut causam tuam sublevaret. Laudo autem con-

stantiam tuam & semel obfirmatam mentem permittendi teque & tua divina Providentiæ. Exercet Deus suos, ac planè deserit nunquam. Quod me rogas de hodiernis controversiis vestrorum Theologorum quid sentiam, non is ego sum, qui de rebus tantis velim pronuntiare. Dolco tamen sublatam esse veterem Ecclesiæ disciplinam, quæ si inter illos vigeret, tot novis opinionibus, tot sectis non divideremini. Nunc videtur unusquisque tantum sibi velle licere, quantum viri summi Lutherus & Calvinus tempore necessario sibi vindicarent. Passim igitur novæ Scripturarum interpretationes proferuntur, novæ opiniones concipiuntur, & novorum Prophetarum plena sunt omnia. Doctoribus primitivæ Ecclesiæ parum aut nihil tribuitur; & multi Sacras Literas ita tractant, quasi novi aliquid excogitasse, esset Religionis Christianæ pomœria protulisse. Hæc mala quò tandem sunt eruptura nescio; illud non dubito, concordix spem nullam, καὶ ἀνθρωπινὸν λίκον, superesse, quamdiu nec Pontifices, nec Protestantes conspirabunt ad veram Antiquitatem instaurandam. . . . †

† Reliquæ
desiderantur.

EPISTOLA MXCIV.

HUGONI GROTIΟ. ✠

Accepi tuam illam Epistolam, cui erat adjunctus Lucanus à te recensitus, & dono mihi missus; item illam, quæ erat de opere meo. De munere eximio habeo agoque tibi grates gratissimas. Utinam per publica negotia tibi licuisset illustrationi optimi Poætæ plus temporis impendere! Quid potuerit expectari ab ingenio & doctrina tua, ex adjunctis notulis, facili periti æstimabunt planè, ut olim nescio quis, ex ungulis leonem. In tua de opere meo sententia, amoris tui erga me vehementiam agnosco; illud ἀκριβὲς iudicium, quo excellis, desidero. Illud magni æstimare scire, quid Theologi vestri de opere, & de Autore operis judicent. Meministi de Epistola ad Cardinalem Perronium, quam nōsti sententiam non nemo apud vos tulerit, qui ex illo tempore sic renunciavit amicitix meæ, quasi scelus admissem, propter quod mihi jam dici posset Maran Atha. Ego editioni hujus libri illud dumtaxat lucri sum consecutus, ut pensionem amitterem aureorum mille, quam hætenus ex Gallia perceperam, nisi Lutetiæ me statim contulero. Quod quia vix videtur fore tutum, nisi aliter res meæ hic fuerint constitutæ, in regione

gione tam damnosa hæere diutius non potero. Me in magno æstu cogitationum molestissimarum καὶ δωρόρων (nam quò me recipiam?) nihil æquè solatur ac divina vox Patris Abrahami, ὁ Θεὸς ἔψαται. Hæc sacra anchora est, ἡ ἀγκυρὰ, ἡ γὰρ ἡμετέρα. Quòd de profectioe ad nos aurem mihi vellis, tu quidem profectò καὶ αὐτὸν σπένδοντα ἐστίν. Sed neque valetudo hoc permisit hætenus, neque adhuc licet per curas quasdam: καὶ δὲ μέλλον Θεὸς ἐν γύνασι κῆρυξ. Vale, & tuis literis me bea, nisi ego tibi animo excidi: ὁ μὴ γίνωται ἔχ' ἔσται. Quæ hic scripsi, tibi uni cupio esse nota. *

* Fortè,
1614.

Tuus ex animo,

IS. CASAUBONUS.

EPISTOLA MXCV.

* STEPHANO HUBERTO.

Quòd videris animum despondere, amicissime Huberte, & meliori spei semel renunciassè, etsi non laudo, accusare tamen te μικροβουλίας non sustineo. Habeo enim notas omnes rationes tuorum consiliorum, neque me fugiunt gravissimæ illæ & plurimæ causæ, quæ te movent, ut aulicis pollicitationibus diffidas. Et est profectò facinus indignum, datam tibi esse hinc migrandi occasionem tam justam, & iis, qui sedent ad puppim tam probrosam. Memini cùm superioribus diebus ad Dominum Scaligerum literas darem, in quæis multa tui mentio, calamo temperare non potuisse, quin acriter in eos inveherer, quorum culpâ tu nunc abes, ὁ τῶν ἰμῶν φίλων παθόντα. Quàm vellem superesset istis pudoris aliquid & metus infamiæ. Puderet eos facti, & quem aspernati sunt præsentem, desiderarent absentem, Attalicis conditionibus quantocius revocarent. Sed enim querelarum tanquam ὁρμὴς αἷς. Nunc quid spei sit reliquum, & quo loco res sint tuæ, ex literis tuorum potero cognoscere. Equidem quod solum in hac re possum, id facio sedulò ac propè dixero, ἀδελφίτως, ut viros amplissimos, qui possunt hic aliquid, orem, obsecrem, tui, imò sui rationem habeant, faxintque operâ suâ, ne quid detrimenti hæc Schola ἐκ τῆς οἷς κακῆς capiat. Quantum hætenus profecerimus haud scio; nisi quòd nudius quartus affirmabat mihi clarissimus Præsul, quem nōsti, se omnino apud τὸν γαζοφύλακα tuum negotium esse confecturum: mallem quidem dicere se confecisse; verumtamen, quod

ex ipsius verbis facilè colligebam, res neque dubia est, neque adeo difficilis. Sed nōsti, Vir amicissime, quàm lentè isti Magnates moveantur, qui sæpe dum moliuntur, dum operi se accingunt, dum aves observant, ut rem auspiciato aggrediantur, annus est. Frustra hoc te monuero οὐδὰ γὰρ αὐτοῖς. Accedunt dicti Præsulis occupationes assiduas: nam etiam domi eum invenire difficile est. Scito post discessum tuum vix semel aut iterum, aut non multò sæpius potuisse illum domi suæ à nobis reperiri, cùm diebus prope singulis eò ventitarem, quâ mane, quâ vesperi. Multa ille de suo in te studio nobis non semel, & vicissim multa nos illi de tua erga ipsum fide & observantia. Quod si me non omnia fallunt, certa spes est, ut virum illum magnum non antè, quàm confecto negotio tuo esse quieturum: καὶ πῶτε μὲν ταύτη. De Episcopo Bellovacensi tantum habeo tibi dicere, virum optimum, & literarum amantissimum, tuam absentiam ferre animo non æquo. Cætera, de quibus inter nos actum meministi, transigi adhuc commodè non potuerunt. Proximis literis certiora & exploratio- ra expecta à nobis. Virum amplissimum Tiballorium meis verbis quàm officiosissimè salutes velim. Diu est cùm ego illius virtutem, eruditionem & comitatem re expertus veneror. Habeo Nonnium Poëtam ab eò mihi commodatum; quo usus dudum, si nactus fuero occasionem tutam, remittere est animus cum multa gratiarum actione. Vale, amicissime ac doctissime Huberte. De communibus studiis aliàs vel per Epistolam; vel, quod potius opto, coram. Scito in urbe esse penes amicum quendam meum, qui recens Româ rediit, Grammaticam Arabico-Latinam manuscriptam, & alia multa. Iterum vale, mea cura, meus amor.

De libris tuis, qui apud Drouardum nuper nescio quis mecum egit, respondi facturum me, quicquid esset opus factò. Sed Drouardum nullus adhuc vidi.

Inscriptio.

A Monsieur,

Monsieur, ETIENNE HUBERT,
Docteur en Medecine, & Professeur du
Roi es la Langue Arabe, estant à
present

A ORLEANS.

EPISTOLA MXCVI.

✠ PATRICIO JUNIO.

Vir amicissimo,

Respondeo literis, quas jussit ad me scribi Rex serenissimus: mitto igitur illi eadem operâ Epistolam Pauli Veneti. Curavi illam describendam, ut facilius legi possit à Rege, sed, nisi fallor, oportet etiam *ἡ ἀντίγραφον* mittere. Itaque, si placet, illud trades famulo meo, qui deferet cum Epistola mea ad Dominum Julium Cæsarem, quem confido probè curaturum. Mitto Epistolam de Scioppio, impetu effusam, ut scit noster Jacobus. Vale, & me ama. *Londini.*

Tuus ex animo,

IS. CASAUBONUS.

EPISTOLA MXCVII.

✠ EIDEM.

Vir amicissimo,

Legi lubens Epistolam ad Dominum Moravium scriptam. Qui illam scripsit, vir doctus est & pius, qui facile, ut spero, rationes meas admittet. De Bibliotheca mala narras. Mirum quis tantum potuerit, sed mihi similis ferè fortuna contigit in Galliis. Quanquam ferendum non est, Musas non haberi mollius in Regno tam docti, tam mitis & æqui Regis. Discam à te quid rei sit. Vocem *γῆν* ubi legeris, vellem indicasses, nam illæ Epistolæ Libanii & Basilii olim mihi cum cura lectæ, & quædam in illis observata. Illius vocis nunc non memini: *γῆν* quid appellant Græci, & *γυνή* quis sit, non te fugit. De his igitur coram. Vale, Vir eruditissime. *E Museo*, statim post tuas acceptas, *Londini.*

Tuus ex animo *ἐλθέτω καὶ πᾶς,*

IS. CASAUBONUS.

EPISTOLA MXCVIII.

A MONSIEUR

✠ D U R A N D.

MONSIEUR,

Si j'eusse pu marcher, j'eusse eu le bien de vous voir, & prier d'interceder envers Monfr. Sommier pour un jeune homme, lequel sans quasi aucune occasion il detient prisonnier. Je cognois le personnage, & sçai qu'il est tres-affectionné à la Religion, & voudrois lui

pouvoir servir. Son pere estoit l'un des piliers de l'Eglise de Crest en Dauphiné, où feu mon bon pere a servi au St. Ministère longues années. Cette consideration me fait vous supplier de vouloir vous employer pour sa delivrance. Vous m'obligerez, qui suis & serai toute ma vie,

MONSIEUR,

Vôtre très-humble serviteur,

IS. CASAUBON.

Inscriptio.

A Monsieur,

Monsieur D U R A N D,
fidele Pasteur de l'Eglise,

A PARIS.

EPISTOLA MXCIX.

PHILIPPO CANAIO A ✠
FRAXINIS.*Illustrissime Domine,*

Cum mihi Amplitudinis tuæ literæ sunt redditæ, ut vidi nomen illustre tuum, ut erubui! Pudebat me, & meritò quidem, quod commissem ut me scriptione literarum provocares, qui debueram antevertere, & mea dudum obsequia tibi detulisse: non enim possum negare, ejus præstandi datam mihi tum fuisse occasionem, quando generosus Dominus filius tuus certum hominem isthuc misit. Sed me rusticus nimirum pudor tenuit, & conantem literis affari Amplitudinem tuam inhibuit. Nôram celsitudinem fortunæ tuæ, nôram quot & quantis curis tua illustis Dignitas occuparetur dies noctesque. Veritus sum interpellare tuâ feriâ meis frivolis, qui præsertim jure metuerem, ne vitio verteretur mihi, si homo ignotus & privatae fortis appellare te auderem. Nam alioquin optasse me persæpe, ex quo filii tui familiaritate sum usus, dari mihi aliquem ad Præstantiam tuam aditum, scit ille, quem ne intimæ quidem mortalium cogitationes latent. Postquam enim gnatus tuus, juvenis ad exemplum probitatis, modestiæ atque omnis virtutis naturâ comparatus, studia sua nobiscum cepit communicare, quum ejus indole mirandum in modum caperet, volui persæpe fortunam tuam tibi gratulari, qui tantæ spei adolescentem bono publico genuisses. Nihil dabo auribus tuis, neque præter animi scientiam quicquam dicam, sed aut me omnia fallunt, aut eò ingenio iisque meritis

filius

filius est tuus, ut gaudendi ipse & superis gratias agendi luculentam in eo materiam habeas.

EPISTOLA MC.

✠ WENCESLAO A' ZASTRISEL.

ITa est, ut tu scribis, Vir nobilissime, nuper aliquid mihi Paludius tuus, imò noster, de laudatissimo consilio tuo aperuit, simul rogavit me aliquid mei adversum te animi testimonium adjicerem. Ego verò, qui tuâ causâ omnia cupiam, hoc tamen officii genere præclare functum me putabam, cum eidem me excusassem. Quid enim astruet strepere anserem inter olores? Nam equidem in Parnasso dormivi nunquam. Tu dormisti, imò sanè vigilasti, qui tam bonos, cum liber, versus fundas. Ut meritò Poëtarum summus, hospes nunc tuus, de tuis laudibus non siluerit. Habes, scio, & aliorum magnorum viro- rum elogia operis tui. Cur igitur securum me appellares, causa non erat, quoniam tamen ita voluisti, gessi ecce voluntati tuæ morem, & istos à prandio versiculos malè tornatos effudi. Vale.

EPISTOLA MCI.

✠ GUILIELMO CAMDENO.

Vir clarissime,

EGO verò tuas ex fide curabo, & magni Thuani causâ, & tuâ etiam. Atque utinam aliud tuâ gratiâ possẽm! Dolco vicem meam, qui Londini habitẽm, & te non videam. Sed hoc contingit ex eo, quia totius ferè urbis longitudine sumus invicem sejuncti. Ne cessẽmus tamen, obsecro, invicem amare. Ego te semper & amabo & colam. Vale, Vir optime. Statim post tuas acceptas.

Tuus ex animo,

IS. CASAUBONUS.

EPISTOLA MCII.

✠ HUGONI GROTIO.

Du tuas expectavi, tandem patientiam abrui, & literas querimoniarum plenas exaravi; quas dum obfigno, ecce Epistolam à te & tui nuperi libri quatuor exemplaria. Nam quintum Thorius acceperat. Legi tuas cupidè, cupidius ipsum librum, quo nihil elegantius, nihil ad hodierna tempora accommodatius, nihil, meo qui-

dem judicio, lectu dignius jampridem venit in lucem. Optarem ut multa ejusmodi scriberes, nisi illud optare esset *ἐπιβέλτερον*, ut desinant tandem inter nostros omnes occasiones stylum exercendi in *ἱεραικοῖς* libellis. Quomodo enim triumphaturos putas hostes veritatis (*τὰς παντοκρατορίας* dico) de hac exorta contentione inter te, ejus loci & præstantiæ virum, & Sibrandum, non obscuri nominis in nostris partibus Theologum? Ego, cum Sibrandi illam Præfationem legi, nihil aliud ex ea collegi, nisi virum pium, justo odio Socinianismi paulò vehementius commotum, Magistratus suos, in periculo Ecclesiæ remissius agentes, ad simile odium concipiendum voluisse stimulare. Hoc nomine gratias illi deberi nemo opinor ibit inficias, qui Vorstiana Paradoxa diligentius expendit. Cæterum, quàm vera sint, quæ in Epistola Sibrandi narrantur, & quàm justa sit illius querela de illustrissimis Ordinibus, soli nòrunt qui res vestras propius habeant notas. Ego nollem fore, ut tu in ea Epistola reperiās, quæ jure possis reprehendere. Semper enim mihi venit in mentem . . . *

* Cetera
desunt.

EPISTOLA MCIII.

JUSTO LIPSI O. ✠

CUM ex aliquot mensum peregrinatione domum essem reversus, accipi non multò post binas tuarum, Vir maxime, cum totidem nuperi tui libri exemplaribus. Quam ego *ἐνέγκειν* liberalitatem tuam in eam partem sum interpretatus, quasi mandares mihi, ut alterum amplissimo *καὶ τὸ πᾶν* *ἀξίως* Thuano traderem. Atque ita statim feci, ipseque tuis verbis salutavi. Quamobrem & meo, & istius nomine gratias tibi pro tam eximio munere ago; maturius acturum, nisi me ex illo valetudo & continuus quidem languor in hoc officii genere omissionem reddidissent. Quamquam & aliam afferre possum propiorem hujus cessationis causam. Expectavi enim hætenus, ut eruditissimus ille adolescens, qui tuas mihi attulerat, meas †

† Reliqua
desiderantur.

EPISTOLA MCIV.

N. N.

✠

MESSIEURS,

EN cette grande & presque insupportable fascherie, qui m'est provenue en votre ville depuis quelque temps, où j'ay vu ruiner tous les miens de fonds

L I I I 2

en

en comble, & moy en partie, rien ne m'a tant attristé, que de voir le plus grand mal qui nous a été fait, qui est touchant l'affaire des matrices Grecques Royales, estre procedé de vous & toute votre Compagnie, que j'ay toujours tant venerée, me glorifiant d'avoir eu, quoyque indigne, l'honneur d'y passer plusieurs années. C'est pourquoy je vous ay tenu mes parties bandées à la ruine totale de cette honorable famille des Estiennes, cujus tot exstant in Ecclesiam Dei, & Rempublicam literariam merita. Car n'ayant eu autre partie que Monsieur votre Recteur, & vos Diacres, qui ont commencé, poursuivi, parachevé la ruine totale de cette maison, luy ont coupé la racine, afin que elle jamais ne peut renaitre; ont plaide de leur bouche la cause devant les Seigneurs qui ont donné l'arrest, duquel sur toutes choses je me plains; ont allegué des raisons ferialles; se sont pris à moy particulièrement, & n'ont rien oublié pour extorquer de Messieurs la sentence qu'ils ont enfin eue. Ces choses, dis-je, ayant ainsi passé, sçachant que le Recteur ne fait rien que par le commandement de votre honorable Compagnie, je n'ay pu ni dû douter que c'estoit vous qui estiez mes parties, & pourtant je ne puis assez m'estonner que par celles qu'il vous a plu escrire à Monsieur de Montigni & à moy, donnez à cognoître que ne sçavez que c'est de cette affaire, & ne vous en estes point meslez. Ce seroit une grande faute à votre Recteur, si il avoit fait un si lasche acte de sa propre auctorité, contre la coustume que je sçay estre gardée en votre venerable Compagnie. Quoy qu'il en soit, j'ay eu & ay encore très-juste occasion de vous tenir pour mes parties, vu que c'est votre Recteur seul avec les Diacres, qui a poursuivi l'arrest, par lequel est porté, que ce tant precieux gage de la maison des Etiennes sera aliéné de notre maison, vendu avec caution de jamais ne le porter hors de votre ville, & l'argent donné aux pauvres, ou je ne sçay qui. On s'est servi du testament du feu Robert Estienne, & on l'a interpreté comme on a voulu, certes tout au contraire de la volonté du testateur: & faut estre aliéné de son sens pour defendre la sentence qui a esté faite par delà. Votre Recteur m'a escript que estant informé comme l'affaire a passé, & ayant leu le testament, je l'ay fait voir à gens très-sages & tres-experts en ces choses: mais tant s'en faut se trouve bon ce qui a esté fait, qu'au contraire ayant l'animosité qu'on a apporté à ruiner cette famille & moy avec elle, sans aucune cause, petite ni grande, les pro-

pos qui ont esté tenus par votre Recteur en plein Senat & ailleurs à notre desavantage, & enfin l'arrest donné notoirement, visiblement, palpablement contre tout droit, toute équité, toute justice. Je confesse, Messieurs, que ce que vous m'escrivez, est très-vray, c'est ce que je vous mescognois, & au lieu de tres-honorez Peres que je vous ay toujours tenu, je vous recognois mes parties, qui avez procuré la ruine totale de la famille des Etiennes, & de tous ceux qui leur attouchent. Certes si le bon Robert Estienne revivoit, & qu'il lût cette belle sentence, il ne faudroit douter qu'il ne s'escriât, ô tempora! ô mores! Et c'est grande merveille qui m'estonne extrêmement, que ayez tous consenti à mal interpreter ce testament: vu que tous ceux qui le voyent par deçà, gens craignans Dieu, sages & qui vous honorent, tous disent d'un commun accord que ἡ δὲ πόλις ἵς ἀνὸς ἡ Μινυλῆς. Mais bientôt, Dieu aidant, vous en verrez leurs jugemens. Car l'expres commandement de Dieu m'oblige de tenter tous moyens pour r'avoir ce precieux gage qui appartient à moy & aux miens. J'y employerai premierement les plus doux moyens que mes amis pourront excogiter: que si cela ne profite, je suis assuré que la faveur du Roy, à qui je sers, aura poids, & que le Conseil du Roy ne me refusera justice en une cause si claire, apparente, & favorable. Voilà, Messieurs, ce que ay à respondre sur votre lettre, vous remerciant au reste des saintes admonitions que vous me faites, lesquelles auront bien plus de poids, quand il vous aura plu employer votre autorité pour me faire obtenir raison, sans plus de bruit ni de scandale, qui ne peut estre que très-grand à mon grandissime regret. Et si il vous plait donner lieu à la très-juste priere je vous en fais, alors je vous recognoîtrai de tout mon cœur, tels que je vous ay toujours tenus, à sçavoir pour mes tres-honorez Peres, ausquels j'ay toujours esté, veux estre, & demeurer à jamais,

MESSIEURS,

Votre très-humble, & affectionné
Serviteur, pour vous obeir,

IS. CASAUBON.

EPISTO-

EPISTOLA MCV.

✠ ἸΣΑΑΚΟΣ ΚΑΣΑΥΒΟΝΟΣ
ΔΙΟΝΤΣΙΩ ΠΑΪΤΩ
ὁ πρῶτον.

ΠΟΛΛὰ σὺ γὰρ καλὰ γίνετο, φίλτατε Διονύσι, τῆς πρὸς ἡμᾶς Φιλίας τῷ μνήμην πείσπιδάσας ἔτω ἀναστρέφει· σημεῖον δὲ μοι, μάλλον δὲ ἀτρεκέως πενήμιον τῆς σῆς ὡς ἐμὲ Φιλίας ἀναστρέφεις παρέχει, καὶ τὰ γράμματα, ἃ ποῦ σὺ νυνὶ ἐκομισμένη· ἔχῃ καὶ δὲ καὶ ἐσὶ ὁ καλὸς καὶ καλὸς σὺ ἐπὶ τοῦ ἔργου ἡμῶν διέλκεται· ἔχω δὲ καὶ μάρτυρας ἔμμελα δὲ ἰδὼ ἐπὶ βαρυνήτης τῆς πρὸς σὺ ἐν ἀναστάσει δυνάμεις· ἀλλ' ἔνυν καὶ τῶν τοῖσιν λόγων· ἀκριβὲς γὰρ ἀναγνώσκει συγχάροντες ἐν τῇ. Σοὶ ὁ Ὀναῖο Φιλάνδρου τῆς σφοδρᾶς ἔτω καὶ ναυσικῆς πρὸς τὰ μνήματα ἑμῶν. Ἐρρωσ.

EPISTOLA MCVI.

✠ N. N.

Reverendissime Præsul,

Du est, ex quo animus meus intermetum & cupiditatem tui compellendi anceps fluctuat. Terret amplitudo fortunæ & illustris dignitatis tuæ: suadet, atque adeo cogit humanitas exquisita, quam mihi, homini ignoto, nullā re merito, exhibuisti. Didici enim ē literis non unis nobilissimi Equitis, D. Karrew, Franciæ Exlegato, itemque ex sermonibus generosissimi Baronis D. quis tuæ Amplitudinis sit erga me affectus, quæ voluntas erga mea studia, quā pronus animus ad bene de me, & meis merendum. Itaque licet sperem per eosdem, qui hæc mihi significarunt, gratias tibi esse actas meo nomine; ausus sum tamen pauca hæc ad te exarare, ut hoc quasi luculentiore testimonio constaret, quæ mea sit erga amplissimam tuam Dignitatem reverentia, quanta animi devotio, & cupiditas inserviendi, si modò existeret aliqua occasio testandi grati animi; quem spondeo nunquam fore immemorem tuorum in me meritorum. Vellem fecisset Deus immortalis tantum, ut profecissem in studio literarum, & honestissimarum disciplinarum, quantum nonnulli sibi persuadent, & fortasse etiam tibi, illustrissime Domine, est persuasum. Sed vetat propriæ tenuitatis conscientia magni aliquid de meis conatibus aut sperare, aut cuiquam polliceri. Veruntamen quicquid illud est, quod possum, id omne magnā alacritate impendetur, ut, si nihil aliud, at grati saltem animi pignus aliquod Amplitudini tuæ exhibeam. Quare illud unum

certò polliceri non verebor, si operā & benignitate tua orium meis studiis isthic fuero consecutus, conaturum me omnibus modis, ut fidem sinceram & humile obsequium Amplitudini tuæ approbem. Cætera, quæ ad id negotium pertinent, ē literis D. Baronis . . . spero te esse cogniturum. Vale, amplissime & reverendissime Domine.

EPISTOLA MCVII.

N. N.

✠

Illustrissime Domine,

Venit ad me nunc ipsum tuorum unus, cui mandatum à te fuerat, ut de Huotana domo quid esset actum, faceret te certior. Miratus sum studii istius tui adversum nos ἐκπνεῖαν. Tene, Vir maxime, inter tot gravissima negotia curæ habuisse hanc curam? Non fuit satis tibi, quod me measque res observantissimo tui Domino Despres de meliore nota, semel, iterum, sæpius, præsens, absens commendasti? Adhuc de nobis nostrisque commodis alta illa & παντὶ φρον sollicita est. Ago igitur tibi, præstantissime Domine, iterum iterumque, vel potius μυριάκις, quantas maximas possum gratias. Quod si supremi Numinis benignitas otia nobis fecerit, hic diuturniorem dabimus operam, ut grati animi nostri extet aliquod monumentum. De Huotanis ædibus ira res habet. Cū diu hoc negotium trahi viderem, coactus sum, qui haberem uxorem ἐπίπικα, & partui propinquam, alias ædes conducere, tantisper dum certi aliquid Huotus constituerit. Quod ille ait, τωσέματον ἡμῶν πολλὰκις καλλίον βαλῶνται, id fortasse in hac re sum expertus. Nullo enim labore domum consecutus sum, multò commodiorem illā, quæ tamdiu frustra nos exercuit. Accedit quod propius abs te, & ab amplissimo Præside Thuano absum. Ædium Dominus est frater Advocati illius, qui per me libellum suum ad te misit. Lesschaftier, opinor, illi nomen. Et si non ab illo ædes conduximus nos, verum ab alio, qui jam aliquot annos hospitium occupat; brevi discessurus, & nobis vacuum locum relicturus; si à benignitate tua impetramus, ut quantum pro altera domo Despres erat dependens, tantum pro ista solvatur, longè, ut dixi, commodiorem. Atque hæc quidem ita habent. Vale, amplissime Domine, & me ἀπὸ τῆς φιλίας, qui futurus sum æternum,

*Tuæ Dignitatis observantissimus
Cultor, & humillimus Servus,
IS. CASAUBONUS.*

LIII 3

EPISTOLA

ΕΠΙΣΤΟΛΑ MCVIII.
✠ HUGONI GROTIO.

ET literas & libellum cum iis ad me missum, accepi, præstantissime Groti. Quod valeres, quod me amares, simul didici, maximamque ex ea re voluptatem cepi. Nam etsi occasio necdum oblata est mihi testandi affectus erga te mei, ac iudicii, certò tamen esse tibi cupio persuasum, ex omnibus, qui vel isthic, vel apud nos, aut ubivis gentium, excellentissimum tuum ingenium mirantur, neminem prorsus esse, qui magis te ex animo colat, & omnia læta à superis tibi optet. Equidem sic existimo, vestra quidem Reipublicæ cum primis, sed & aliorum quoque populorum, virtutis amantium, & cultui Musarum politorum interesse, ut ipse . . . *

* Reliqua desunt.

ΕΠΙΣΤΟΛΑ MCIX.
✠ ἸΣΑΪΑΚΙΟΣ ὁ ΚΑΣΑΥΒΟΝΙΟΣ
Α'ΝΔΡΕ'Α ΔΟΥΝΑΪΩ,
αὐτοῖς τὴν παιδείαν ἀκρῶς, χαίρειν ἐν Κυρίῳ.

Περὶ τῆς περὶ σε ἐπιστολῆς, ὡς θαυμάσει, πάντε τῶν λοιπῶν ἀμφιβάλλων ὧν, πότερον ἀγαπήσῃ, ἢ διακομιδῇ. διακομιδῇ γὰρ, καὶ αὐτῇ ἐγὼ ἡδόμενος πάντῳ καὶ γρηθῶς ἐντυχόν. Τὸ γὰρ ὑψαίνοντά σε περὶ τῆς λόγου, πᾶσι οὐ παιδικὰ διακρίβειν, ἀλλὰ καὶ ἐμὲ συνεχῶς μεμνημένον, χάρις ἐμοὶ ἐν τῇ τύχῃ σου. Σὺ μὲν περὶ ἐξ ὑποστάσεως πᾶσι (ὡς ἡ δευτέρα σὲ ὑπερβολὴ ἐδήλωσε) ἐλαλέσαι περὶ τῆς γραμμῆς, ἐπὶ πάντας ὡς πᾶν ἡμέροισι, ἀλλὰ καὶ τὴν ἀληθείας ἐτυχῇ. Συνέβη γὰρ ἀριστῶς πρὸς τὴν τύχην, ἐμὲ τὴν περὶ σε χρυσόπρην χρυσῆ γραφὴν κομισαμένην, μετ' ὀλίγον αὐτὴν ἀφανὴ γενέσθαι, καὶ πλείους ἀπολλύσθαι. ὥστε ζητῶντά με πολλὰς ἡμέρας, καὶ πᾶσας τὰς Μουσικὰς, μάλλον δὲ ἐλπίς τῆς οἰκίας διφῶντα πρὸς γωνίας, καὶ πάντων τῶν ἐμῶν χαρῶν τὰς γρηθὰς ὡς ἀκριβεστάτα ἐρευνῶντα, μάτην μέχρι τῶδε ποιῆσαι, τὸ ἔγω φιλοτίμως ζητούμενον ἀρίσκειν μὴ δυνατόν. Ἔστιν ἄρα καὶ τὸ ἐν τῶν ἐμῶν κωλύσάντων ὥς τὸ σήμερον περὶπαρῆσαντά σε τὴν φιλικῆς ἀμείβεσθαι. ὅπως πᾶσι ἀναγνῶς διανοόμενος

ἢ τὰς πρὸς σε ποιῆσαι. Ἐἰ μὲν περὶ τῆς τοῦ μοῖου ἐπιποδισθῇ, καὶ ἂν συνέβη με ὑπερέμμερον καὶ ἐκπερὶσσομένον τῇ ἐφελίματι γινόμενον, περὶ τῆς σιμνοπρεπείας διὰ δευτέρας γραφῆς ἀμειβὴν ὑποπράττειν. Ἀλλ' ἴδωμι, περὶ φιλικῆς Δυναμῆς, ἐν τοσαύτῃ ἀρχολίᾳ τὴν ταλαίπωρον τῶτον διεξάγειν ἐμὲ βίον, ὥστε περὶ τῆς ἐν γνημόνως κρίναι, ἐλαττωθῇ δικαιοσύνη εἶναι, μᾶλλον ἢ κατηγερούσθαι . . .

ΕΠΙΣΤΟΛΑ MCX.
JACOB O I.
MAGNÆ BRITANNIÆ,
SCOTIÆ, &c. REGI.

Rex serenissime,

ERAM traditurus jamjam has literas, cùm accepi à viro magno & bonarum partium, libellum κατὰ τὸν Λωϊολιτῶν, τὸν Θεοφυλάκην, οἱ γνώμη τῇ δικαιοσύνῃ φυλακισθέντες, ἀκίνητον ὄντι ἀπολείπεσθαι ὥστε κατὰ τὴν τύχην. Cùm igitur superioribus mensibus eò res videretur adducta, ut præfens exitium patriæ nostræ immineret, vir ille, quem dixi, hunc librum scripsit τῷ δεσπότῃ offerendum, sed pio incepto fortuna intervenit: re enim evulgatâ ante absolutam editionem, tantum poterant fautores τῶν Λωϊολιτῶν, ut impediretur publicatio. Ego verò hoc exemplar nactus, ejusque lectione oblectatus, putavi rem me facturum Tuæ Majestati non ingratham, si id tibi mitterem. Sanè enim, Magne Rex, tua etiam & omnium Principum res hic agitur, cùm sit manifestissimum & exploratissimum vestra omnium fastigia deorsum ruitura, si huic hominum generi, ὃ μὴ γένοιτο εὐδὲ ἔσται, ex voto res succedant. Nos certè, si illi fuerint restituti, γῆν περὶ γῆς cogitamus. Verùm de his, si per Tuam Majestatem licet, alias pluribus.

Tuæ Majestatis

devotissimus Servus,

IS. CASAUBONUS.

E P I S T O L Æ

S E L E C T I O R E S ,

A D

ISAACUM CASAUBONUM

S C R I P T Æ.

EPISTOLA I.



CONRADUS RITTERSHUSIUS
ISAACO CASAUBONO.

1595.

*Hæc est re-
sponsum
ad Isaac.
Casauboni
Epist. I.*

Cum multos sæpè multa audivissem prædicare de tua singulari humanitate, quæ cum eccellente doctrina certaret, indeque audaciam sumplissem ad te scribendi, & nullis antegressis meritis meis; nullâ etiam intercedente notitiâ aliquid abs te petendi; omnem meam opinionem atque expectationem vicerunt literæ tuæ. Non solum enim quàm libenter in gratiam meam hoc effectum dederis, quod petebam; sed etiam quàm honorificè de me sentias, luculenter declararunt. Quamquam autem & res ipsa postulabat, & ego cupiebam maturare responsum, quo primum gratias tibi pro tanto beneficio, & tam honesto de meis studiis iudicio agerem; deinde rogarem te, ut quem semel inter amicos tuos recepisse videris, eundem inter eos aliquo numero velles retinere: tamen jam tertium mensem tacui, & ἀναλεπόντων te reliqui. In quo tam diuturno silentio meo nulla tamen culpa, aut accepti beneficii oblivio versatur; sed facilem mihi apud te excusationem fore confido, ubi intellexeris quibus studiis & occupationibus interea impeditus fuerim. Nam ut ordinarios & penè cotidianos docendi & disputandi in Jure civili labores taceam, qui mihi quâ publicè, quâ privatim incumbunt, meque satis exercitum habent; non debui deesse clarissimi viri, Domini Joachimi Camerarii, amici mei magni precibus, quæ apud me pro ipsius meritis præceptorum vim habent. Is enim me rogavit, ut in recensenda altera Emblematum centuria, quam ex Historia Animalium deprompsit, & editioni paratam habet, operam sibi navarem: deinde ut ex adversariis & schedis paternis colligerem atque in ordinem redigerem Problemata quædam, quæ prioribus jam editis decuriis Appendicis vicem adjungi pos-

sent. Accessit etiam (ne quid dissimulem) ὀφείλα quædam & ὑπομνήματα mea, dum non reperi quibus verbis tibi satis dignas gratias agerem. Quanto beneficio me affectum abs te esse putem, vel inde licet colligas, quod Oppianum meum tuâ singulari ope ac fide receptum primò manibus tenens, tenere me non potui, quin præ gaudio pronuntiarem versum Aristophanis:

Λ'ν τίπομαι,
ὡς ἴδομαι, ἢ χαίρομαι, καὶ βύλεται
χρεῖσται.

idque audientibus quibusdam nostræ Musæ adolescentibus, qui mihi tum fortè aderant, cum fasciculus à te redderetur. Etsi enim horum scholiorum juvenilium, si perpetuis tenebris damnata nunquam ad me redissent, facilis & ἀναλεπόντως erat futura iactura, tamen his recuperatis quàm mihi suavis sit recordatio studiorum adolescentiæ, non possum satis exprimere; ac tu de te ipso facilè æstimabis. Hoc autem quantumcunque est, tibi totum debetur. Tu illum (ut rectè scribis) expugnasti, & Helenam istam Menelao suo restituissti, absque quo esset, nunquam mea recuperassem. Atque hic illud mihi permolestum & incommodum accidit, quod cum adversus te cupiam esse gratissimus, & beneficium tuum publicè apud quàm plurimos prædicare, hoc ipsum facere mihi non licet. Quantum enim debitæ laudis tuæ fidei ac virtuti tribuero, tantum opprobrium in socerum tuum contulero; quandoquidem quàm honesta fuit tua redditio, tam iniqua fuit ipsius detentio. Nec tamen de ea me conqueri finit, vel mea de homine optimè de literis merito existimatio, vel metus, ne per me inter vos jurgia aliqua seminentur. Quid igitur faciam? Quid aliud? quàm ut tanto

1595. tanto magis amore & observantiâ tui inardescam, quanto minus mihi conceditur flammæ huic aliquem exitum dare. Ac nihil magis optem quàm dari mihi occasionem, quâ ostendam quantum vicissim tuâ causâ velim & possim. Diceres, pulchrè foeneratum tibi hoc officium, & secundum Plautum, Bonis ubi quid bene sit, gratiam eam gravidam esse bonis. Intercè autem dum res ipsa sequatur, confido de tua facilitate humanitateque, quòd qualicunque contestatione grati animi verbis factâ contentus sis futurus.

Porro quòd me ad editionem eorum, quæ tuo beneficio recepi, hortaris, quodque me hac ratione de studiosis benè mereri posse putas, facis benignè. Et sanè eam curam nondum planè deposui: quamvis hæc statio, in qua me summus Imperator collocavit, alia studia jam postulet, ac mallem multimodis suo tempore ista prodiisse, cum & pro honestis adolescentiæ rudimentis haberi, & veniam errorum facilius propter ætatem minorem, in qua essent scripta, impetrare potuissent: sed tamen quicquid sit, etiam nunc mihi curæ erit editio, quamvis in eam aliquid sumptuum de meo erogandum foret. Tu verò, clarissime & doctissime Casaubone, cui & majores ingenti vires, & meliores occasiones ad hæc præclarissima studia excolenda ornandaque suppetunt, perge tuarum observationum editione & publicam utilitatem, & tui nominis honestissimam famam augere. Nam post editum abs te Strabonem, Laërtium, Theocritum, Theophrasti Characteres, Annotationes ad Novum Testamentum, & Pindarum, Pliniique Epistolas, expectamus etiam alios & plures ingenii industriæque tuæ factus, maximeque Athenæum, & cætera, quæ in Apologia Apuleji promissisti. Eam ego cum semper plurimum adamarim, & aliquando in gratiam juventutis nostræ imprimendam dare cogitarim, nunc magis & amo posteaquam abs te ita emendata est atque illustrata, ut nihil à quoquam melius fieri potuisse videatur. Quo nomine & gratulor tibi, & boni publici causâ gratias ago. Vale. Deus te server florentem omnibus bonis, non solum in hunc annum ineuntem, (quem tibi omni bonâ felicitate cumulatum esse cupio) sed etiam in multos sequentes. Iterum vale. *Altorphii, Kalend. Januar. inchoantibus annum à nato Christo, c1515 xcv.*

Vix ausim à te novum beneficium petere, priusquam pro priore gratiam reculerò. Sed si tibi placuerit Oppia-

num meum Epigrammate aliquo (quod 1595. citra saggillationem & offensionem fieri tui fiat, ut fieri posse puto) exornare, hoc velim tibi persuadeas, nihil posse mihi à te gratius fieri. Si quid ad me rescribere volueris, id vel Noribergam ad D. Camerarium, vel Heidelbergam ad Commelinum aut D. Posthium missum rectè ad me perveniet. Velim etiam audaacter & tuo quodam jure mihi quidvis imperes, quod tuâ causâ efficiam: non patiar desiderari officium grati hominis.

Inscriptio.

Doctissimo & humanissimo Viro,
ISAACO CASAUBONO,
in celeberrima Schola Genevensi Historiarum & bonarum Literarum
Doctori, &c. Domino & amico
plurimum honorando.

EPISTOLA II.

JACOBUS GILLOTTUS
ISAACO CASAUBONO.

A Ccepi à Bullione nostro, Casaubo-1595.
ne doctissime, *ipondit dūper*, monumentum & pignus amoris, manu tuâ subscriptam, Apuleji Apologiam, immo tuam. Nam si cum ea conferatur, quæ huc usque nobis lecta, alia censeri potest. Summi beneficii loco munus illud habeo, fortassis indigno collatum, vel saltem immerenti. De reddendo, statim dum accepi, cogitandum mihi fuit, si gratus esse velim. Gratiâ referre qui numquam potero, ingratus tamen esse desinam, si producâ notitiam muneris tui, & ubique palam non in angulo & ad aurem confitebor me referre non posse. Ergo te laudibus & gratiis venerabor, qui me antequam noveris, diligere cœpisti *ad hoc respondet Casaub.* Ego verò non modò amare statim ac literati labores tui tibi aures hominum ac janua famæ patefecerunt, sed admirari. Memoria & desiderium tui me semper tenebit, in quo si diutius ero, tandem illius expectationem explebo, si Deus volet. Quàm vellem poltha-bitis omnibus de Religione dissidiis, repressisque tandem animorum impetibus, viris doctissimis, Scaligero scilicet & Casaubono, frui nobis hic liceret! His luminibus orbari Galliam non decet, à quibus omnis lux. Dum Suetonium, Athenæum & alios id genus Auctores à te recensitos, & ab infinitis salebris vindicatos expecto, gratias ago mirificas. Etsi amicitia tuâ dignum me judicabis, abs te vehementer etiam atque etiam peto, ut quam initio ostendi,

1595. disti, etiam ad exitum augeri & cumulari per te velis. Erit aliquando, ut si mea opera uti voles, benignè tibi & officiosè serviam. Literas ad te mihi dedit vir clarissimus, D. Thuanus Aymenius, quas Bullio noster perferendas recepit. Henricum Stephanum, quem nostri memorem esse cupio, salvere jubeo. Tu me dilige, & vale. Data *Lutetiae*, a. d. xvi. Kalend. April. c13 15 xcv.

EPISTOLA III.

✱ CONRADUS RITTERS-
HUSIUS
ISAACO CASAUBONO.

1595. **Q**Uæ ad tuas humanissimas literas, mense Junio ad me datas, statim rescripti, ea te à D. Philippi Camerarii filio, clarissimi viri Jacobi Lestii domesticò, accepisse confido. Nec jam ferè habebam, quod iis adderem, aut orium erat ad scribendum aliquid accuratius. Torus enim jam ab aliquot dierum hebdomadis fui in adornanda denuò Oppiani nostri editione, ad quam non contemnenda adjumenta nihil tale speranti attulerunt hac æstate amici mei magni, quos Heidelbergæ habeo. Tres namque Codices MSS. Halieuticò ad me miserunt, quorum duo ex publica Electoris Palatini Bibliotheca, tertius ex Friderici Sylburgii, amicissimi mei, deprompti erant. Ex his ergo non solum lectionum varietatem, sed & Scholia Græca excerpti, quæ ad hanc editionem accedent, ut suo tempore, *ἐν δὲ οὗτῳ*, videbis. Hoc ipsum igitur tibi nuntiare visum fuit, quando hoc tempore aliud scribendi argumentum non succurrebat. Addo & hoc, Typographum me nactum esse tandem hisce nostris lucubrationibus ex animi sententia, & quo meliorem optare non potui. Is est Franciscus Raphelengius; qui oblato sibi à me hoc Auctore meisque in eum Commentariis, rescripsit mihi humanissimas literas, quarum ad te exemplum his inclusum mitto. Eum nunc, cum tanta facta sit accessio, de qua nihil dum ipsi constat, promptiorem quoque & alacriorem fore confido. Mittam ante omnia, quæ ad hanc rem pertinent, Francofurtum ad ejus institorem. Faxit Deus, ut melior fortuna tandem respiciat optimum vatem, in quem quòd mea recuperavi, tibi uni id omne debetur ac debebitur semper. Utinam sit mihi facultas gratiæ tibi referendæ! Utinam & epigramma aliquod abs te habere possim, quo commendatior & ornatior meus hic labor in pu-

blicum & in manus hominum pro-1595. deat!

Dominus Firxius, quem in postremis tuis salutabas, hic non fuit. Audio eum bono loco esse in Aula Wirtembergica. Novi autem eum ante annos sex septem, cum unà operam daremus Hugoni Donello piæ memoriæ. Fuerunt nobiscum superiore mense tres elegantissimi adolescentes, qui mihi de te omnia bona prædixerunt, quosque ego libentissimè audirem. Itaque parùm abest, quin mihi reipsum coram stiterint. Vis nomina? Tobias Sculretus, & ejus nobilissimus discipulus, Sigismundus Burckfusus; & Christophorus Colerus. Toto pectore exulto, cum talia ingenia succrescere video, recta, proba, ad laudem in literis nostris consequendam erecta, nostrique amantia. Sed ohe, cur dixi exordiens, nihil me quod scriberem habere? qui paginam totam implevi. Nisi hoc ipsum fortasse nihil fuit. Tu tamen sic velim accipias, Vir humanissime & amicissime, quasi aliquid magnum fuerit, quia scilicet ab homine tui amante, tui observante profectum est. Vale. Sed ubi grandis illa, quam nuper minabaris, Epistola? Fac habeam, nisi me siti excruciaris vis; quam & mense ab hinc altero, cum dysenteria laborarem, satis molestam expertus sum: restitutus tamen Dei benignitate & ope, auxilio singularis amici mei, Domini Philippi Scherbii, cujus quædam ad te mitto. Meretur abs te redamari, qui te, tua omnia faciat plurimi. Iterum vale & salve à me, à collega & compatre meo conjunctissimo, Domino Scipione Gentili. a. d. v. Septemb. c13 15 xcv.

Inscriptio.

Clarissimo doctissimoque Viro,
D. ISAACO CASAUBONO,
Professori Genevensi, &c. amico
opratissimo, & plurimum
mihi colendo.

GENEVAM.

EPISTOLA IV.

FRIDERICUS LINDEN-✱
BRUCH
ISAACIO CASAUBONO.

PUtasne tu, Vir doctissime, dici pos-1595. se, quàm validè exultaverim, lectis tuis ad me humanissimis suavissimisque literis? Affirmo tibi, lætatiorem nunquam fuisse puto invento suo Osiride Isidem, quàm ego, cum me isthæc invenit felicitas; ut etiam meritissimè voce proclamarem, *Ὀρίχαμιν οὐρανίου*.
M m m m μν.

1595. ^{μν.} Licet autem quod nunquam habuimus, perdidisse nos dicere non possumus; ego tamen quod nunquam perdididi, repperi, hoc est, te in amore mecum conspirare perpexi. Et profecto assatim satis mihi factum fuisset, si tantummodo amari te permisisses; non contra esset amor mutuus inde mihi. Abeat nunc illa olim sententia, esse quiddam in studiis *ἀνομιαν*. Enim tu aliter probas, & studia esse, quæ etiam in diversissimis oris positos concilient, atque ad amandum provocent, ostendis. Tamen alterum illud nimis etiam quàm verum est, & sæpe exempla obviant. Illi viderint quàm sapienter faciant; nos, mi Isaac, firmiter amemus. Ego ita spondeo; in cuius rei monumentum non vena in pectore incisa & sanguine hausto, (qui Veterum quorundam mos fuit) sed animum hunc offerendo, ætatem me in fide permanfurum, nullamque causam admissurum, qui amicitia nostra violari possit, liquido sanctèque juro. Misi tibi ante menses aliquot Paulum Diaconum de Langobardis, & varias quasdam lectiones in Suetonium. Ego nunc paro, quod jam antè quoque perscripsi, Isidorum cum glossis ejus; & cum ille absolutus fuerit, apprehendam Jornandem, cum Isidori Historia de Wisigothis, Wandalis, &c. ut uno volumine edantur, Jornandes, Isidorus, & Paulus Diaconus de Langobardis. Tu me juvabis. Nescio etiam quid interdum in vitis Imperatorum moliar. Hercules, tuus iste labor esset. Et rectè tu quidem ageres, si quemadmodum nuper Suetonium exhibuisti, ita nunc quoque Spartianum, Capitolinum, & reliquos ejusdem notæ. Sed, mi Isaac, quare non edis Astrampsychem? O quàm bonum factum, si cum Artemidoro ederetur! Per genium tuum te quæso, id facias; rarissimus enim uterque liber est, nigroque similis cygno: mihi, ut verum fatear, cum legere vix contigit. Nunc quid de his locis sentias quæro. Terullianus de Pallio, lib. 2. Montium *scapulae* decurrendo, & fontium venæ ebullando, & fluminum viæ *obumbrando*. *κρ.* & sapientes vocas totum *quietis* magisterium. De Spectaculis, 17. Ipsæ illæ pudoris interemptrices de gestibus suis ad lucem & populum expavescentes, *semel anno erubescunt*. Quando hoc factum? In Spartiani Adrian. p. 29. Ald. edit. Catacriani libri. Hæc me doceas rogo. Vale, Vir præstantissime. *Lugduni Batavorum, a. d. xvi. Kalend. Decemb. c. d. d. xcv.*

• Literas tuas, quæso, Hamburgum mitte, ad Erpoldum Lindenbruch; is

citò & sedulo ad me perferendas cur 1595. rabit.

Inscriptio.

Eruditissimo amicissimoque Viro,
ISAACO CASAUBONO.
GENEVÆ.

EPISTOLA V.

HENRICUS WOTTONIUS ✕
ISAACO CASAUBONO.

INclusas ad te dederam ante tres men- 1596. ses; & iterum redierunt ad meas manus; metu longi itineris an negligentia mercatorum nescio. Aliquid audiui de tuo discessu Genævæ; sed adhuc, ut ille ait, sum similior ambigenti, & à te ipso expectabo veras rationes. Spero eundem Deum, qui nos disperfit, ita animos & vota nostra gubernaturum, ut iterum viventem valentemque videam Casaubonum meum. Hæc ad te curat deferri pro sua humanitate Domini Perotti adolescentior filius, quem nostratem feceramus, nisi hæreditas abripuisset. Maximum natu (quem intellico apud te esse) rogo à me salutes quàm poteris humanissimè. Vale, salve, & ex hac festinatione velim conjicias quàm non abundo otio. *Pridie Id. Mart. c. d. d. xcvi.*

Inscriptio.

Clarissimo Viro,
ISAACO CASAUBONO,
Amico antiquâ virtute & fide.

EPISTOLA VI.

JACOBUS LECTIUS ✕
ISAACO CASAUBONO.

PERculit validè animum meum quod 1596. nuntiasti discrimen Caiæ tuæ, imò tuum, imò & meum: sic enim, ut scis, prospera tua & adversa puto ad me omnia pertinere vel tuorum. Deo igitur laudes gratesque ago tecum; qui perire me voluit unum, non etiam te; ut ne etiam bis perirem. Differere de meis rebus, & prolixæ operæ, neque ocium sit. Tantum dico expedisse magnam partem, & vendidisse bona, quæ hic, viginti millibus librarum Gallicarum: nili quod agnatorum pupillæ meæ expecto consilium, ad quos scribo per hunc ipsum, qui & literarum, si quid dabis (id verò avidè oro) promptè referet. Tranquillitatis aliquid tandem huic Regno, incertum an mansuræ; & pro-

1596. propitia cuncta emergunt, si exceperis illa potissima, quæ ætæ ðeiv. Vale, Vir doctissime, & lectissimam tuam simul & communes amicos ex me saluta. Raptim. *Matisc. xxiii. April. stylo novo, c10 10 xcvi.*

Inscriptio.

A Monsieur,
Monsieur
ISAAC CASAUBON.

EPISTOLA VII.

✠ CHRISTOPHORUS
FIRXIUS
ISAACO CASAUBONO.

1596. **A**D tuas, mi Casaubone, hisce nundinis autumnalibus respondissem, nisi absentia mea fuisset in causa: mense enim Majo hinc denavigavi, & per Noribergam, Erfurdum, Brunsvigum, Lunenburgam, Lubecam & Rostochium, Germaniæ civitatum vertices, in Daniæ, ubi apud Regem negotia quædam cervici meæ imposita, feliciter, ut spero, deposui: illinc navem ascendi, & sex dierum spatio centum & octoginta millium iter tumido velo & secundo vento perfeci; inque Livoniam, patriam dulcissimam, appuli, quæ uti & parentes & cognati & amici humaniter & liberaliter me exceperunt, quibus denique omnibus salutatis rectâ per Borussia, Pomeraniam & agrum Megapolitanum Stucardiam petii, quod actum & peractum proximâ defluxâ septimanâ.

En habes rudi Mivervâ iter semestri delineatum, quod satis firmo corpore decurri & percurri, ô utinam tam felici eventu, qui adhuc in Dei manu est, cui omnia committenda. Raritatem literarum in te excusas in me, ore tamen modesto & perhumano accusas: sed heus, uterque culpâ caremus; hanc enim legem, quam superioribus meis proximis dedi, nemo nostrum violavit; scilicet ut omni tempore verno literulæ nostræ florescant, & autumnali fructus ferant; ita enim fiet, ut semper sint floridulæ & fructiferæ; nec interstitium illud rejiciendum, quod nobis primâ occasione arripiendum, meque jam id fecisse vides. Mæ, 11. Kalend. April. datæ, utrûm tibi redditæ fuerint, non satis ex tuis intelligo: indolerem, si in alienas manus incidissent; quod non spero. Plura non addo temporis brevitate exclusus: tu, amicorum optime, vale unâ cum tua suavissima uxore, cui meo nomine plurimum salutis, nec non D. D. Bezæ, Lectio, Pinaldo, Col-

ladono annuntiare velis. *Stucardiâ, 1596. die XIX. Novemb. c10 10 xcvi.*

Samuel Bernardus te ex intimo sinu cordis salutatur, & tibi omnia felicia exoptat.

Inscriptio.

Monsieur,
Monsieur
ISAAC CASAUBON,
Professeur en Humanité en l'Ecole de
Geneve.
A GENEVE.

EPISTOLA VIII.

STEPHANUS TREMULÆUS
ISAACO CASAUBONO.

HOc etiam non ita dudum inaudiveram, Vir clarissime, venisse Legatum Monspeliensium, qui te peteret & abduceret unâ cum tota familia: de eo me non amplius esse dubium sinunt tuæ literæ; & hoc me malè admodum habet: etsi enim ex tuis sermonibus, cum non ita pridem essem Genevæ, cognoveram tibi justas sanè ob causas propè certum & constitutum esse conditionem illam Monspeliensium accipere, sperabam tamen à Collegio Patrum & Professorum Genevensium, aut saltem Dominis, quos tui retinendi si honorem & decus suæ Scholæ amant, cupidissimos esse debere sciebam, rationem aliquam inventum iri, quæ te, cum tibi & familiæ tuæ abundè prospectum esset, ab isto discedendi consilio abduceret: sed quantum video nimis serò, aut non satis valida huic malo medicina parata & tentata est. Ergo Schola Genevensis suum decus & ornamentum amitteret? Ergo, amicorum dulcissime, longiore adhuc intervallo à nobis disjungeris? Etsi mihi grave admodum fuerat, quum huc quasi extrusus veni, à quotidiano tuo conspectu & præsentia divelli; tamen hoc incommodum utcumque levabam profectionibus meis Genevensibus; tunc enim te videre præsentem, & tuo alloquio frui dabatur. Atque ex eo tantam voluptatem capiebam, ut inde quasi revirescere & corroborari amicitiam nostram sentirem. Hoc commodo & solatio deinceps, ut video, cariturus, quodnam aliud remedium dolori meo sperem aut quæram, quàm ut à te literas aliquando, & quum commodum erit, expectem, quibus de tuarum rerum statu certior fiam. Non parum allevabitur dolor meus, quem ex remotiore tuâ absentia me captum præsentio, si tibi ad professionis & eruditio-

*Responsoria
ad Casaubon. c12.*

1596. ditionis tuæ dignitatem, & toti familiæ ad vitæ commoda, isthuc quò cogitas benè esse intellexero; quod futurum confido, & ut sit, Deum Opt. Max. precor, & precari non desinam. Meas ego tibi vicissim literas, quibus te de rebus meis certiore faciam, nisi ex ob styli infantiam & scabritiem, notam, & oculos tuos nimis pertimescerent, pollicerer: amicitia tamen tuâ fretus, si ad me scribere non gravaberis, rescribam. Sed *χάλικα ἀπὲν χρυσῶν*. Sanè nisi me familiæ in longinquas regiones transferendæ difficultas deteruisset, quum huc veni, ad ea loca, in quæ tu proficisceris, adjecissem oculos: quod si me occasio aliqua & necessitas major impulerit ad sedes mutandas (quod tamen remerè nolim facere) ea ipsa loca cogito, & illis Ecclesiis operam meam qualemcunque jampridem addixi. Cæterum benè facis, quòd adversus istorum hominum, de quibus scribis, sinistra de tuo instituto judicium & sermones bonæ conscientie testimonium, tanquam firmissimam machinam, opponis. Quid enim aliud facias? Nam istis, qui nihil probant, nisi quod lubet, aut ex eorum consilio & sententia suscipitur, qui denique dum ipsis benè est, incommodorum & difficultatum, quibus alii premuntur, iniqui sunt æstimatores, rationibus nunquam satisfacere possis. Quod rogas ut inquiram de libris Alberii, si alicundè potero resciscere, ubi delitescant; sanè quod impressorum Codicum & compæctorum habuit, (habuit autem perpauca, ut audio, & quidem eos vulgares) illud cum reliqua suppellectile post ejus mortem publicè divenditum est: scripta autem & adversaria, si quæ reliquit, nescio ubi lateant, nec unde possim rescire satis video: quos enim verisimile est non ignorare, sat scio, si ex illis quæram, non indicabunt, veriti ne ipse aut ultrò, aut ab aliis summissus scriptis illis procurem exitium. Ex vidua Domini Bovii, quæ isthuc est, vel apud Gradellam, vel cum Domina de Sansergues poteris vel per te ipsum, vel per alium intelligere ubi sint, & si comparandorum aliqua facultas est, neque enim eam id fugere puto. Non potui per tabellarium, qui tuas mihi reddidit, propter festinatum nimis ejus redditum, & occupationes muneris mei ad te rescribere, & aliam commoditatem expectare coactus fui. Vale, amicorum omnium meorum integerrime & princeps. Deus tibi iter istud, ad quod te accingis, & toti familiæ prosperum faxit. Collegæ mei tuis verbis à me salutati, tibi vicissim plurimam salutem

& prospera omnia à Deo precantur. 1596.
Lausannæ, a. d. x. Kalend. Decemb.
 C I O I O X C V I.

Tuus totus,

STEPH. TREMULÆUS.

Inscriptio.

A Monsieur,
 Monsieur C A S A U B O N.
 A G E N E V E.

E P I S T O L A I X.

HENRICUS WOTTONUS ✕
 ISAACO CASAUBONO.

Immutari meum erga te animum! amicitia nostræ vinculum frangi ita dæmônios! te amatum me vel invitum, & à te alienum!

Hæ voces, mi Casaubone, altius descendunt in me quàm putas, & Deum testor, qui *καρδιογνώστης & καρδιοπλάστης* est, amicitiam nostram adhuc vivere & valere; de qua decet me primò loqui.

Veni ex Italia Genevam; quò nihil vocare memini præter memoriam virtutis tuæ apud me in congressu nostro inter Heidelbergam & Francofurtum quadriennium antè depositam. Conditio mea, cum Genevam venire, non nimis læta recipiebat se in hospitium tuum; unde post quatuordecim menses redii per Helvetios & Rhenana loca in illam patriam, quæ jam me biennium habuit. Sic ab Italia relicta ad hunc usque diem (*qui Decembris xii. est*) non tantum præterit temporis; quantum ab illo primo congressu (quem cum lætitia repeto) ad renovatam Genevæ familiaritatem. Num igitur cum notitiam tui in transitu vel salutationem veriùs tantum non quadriennium deleverat, delebit minus ævi nostri spatium illas dulcissimas horas, illas hilaritates, illos amplexus & amores; postremò illa beneficia tua! Non est ita, mi clarissime Casaubone; urget me dies noctesque amoris tui conscientia, & sæpius ad te respirans à negotiis hos oculos flecto, tam tui oblivisci nescius, quàm nunquam te amasse. Igitur Epistola tua ad Medousium cujusdam sollicitudinis rea est contra sanctissimas amicitie nostræ leges. Sed quia & ego vereor accusationem silentii, imitemur semel corruptos Aulicos, qui (ut Jurisconsultorum voce utar) depaciscuntur invicem crimina, vel (quod magnus Thucydides (quem sine te neque amaveram, neque intellexeram) observat inter mores Græciæ, sed Græciæ

1596. ciæ depravatæ) imponamus peccatis nostris honestiora nomina. Silentium sit modesta taciturnitas, diffidentia tua, sollicitus amor, addam, & vehemens, nam diffidentiam magnam esse invehementi amore, me docuit Heliodorus tuus: *ἡπίσιος* (inquit) *κατήχουσα* nōsti locum. Hæc interficere me cogit præter expectatum supervenienti occasio, sic ut cætera in proximam septimanam premenda sint. Interim velim scias eundem tibi me esse, qui ut sim es meritis, eundem fore, quem esse velis, nec amicitia tuâ esse cariorem ipsum in patriam reditum, aut quicquid hic possidet vel sperat mediocritas nostra, quod videbis, nisi me vita deficiat. Salve, Amice, Hospes, Præceptor & Vir optime. *Ex Aula, die xii. Decemb. cix d̄ xcvi.*

Salutes, quæso, amicissimis verbis istos omnes bonos viros, & præ aliis magnum Christiani orbis lumen, Theodorum Bezzam.

Inscriptio.

Clarissimo Viro,
ISAACO CASAUBONO,
Amico antiquâ fide.

EPISTOLA X.

✱ CONRADUS RITTERSHUSIUS
ISAACO CASAUBONO.

1596. **S**i tibi, Vir clarissime & amicissime, omnes meæ, quas ad te superiore ætate misi, redditæ essent, non accusares, scio, meam in scribendo negligentiam aut raritatem. Quod dum in postremis tuis facis, facile inde colligo, non omnia, quæ ad te scripsi, pervenisse quo debebant. Ferendum scilicet hoc est nobis, quod alienâ culpâ factum est, quamquam ægrè fero quædam *φιλολογία*, quæ literis meis aspersa cupiebam tuo judicio approbari, tibi non esse visâ.

Quod autem putas ad eum me in Gunthero curiosum aut occupatum fuisse, ut ideo non scripserim, longè est, mihi Casaubone. Toto enim semestri non aspexi; ex quo tradidi cum Annotationibus meis relegendum nobilissimo & ingeniosissimo juveni, Christophoro Pflugio; cui etiam debet ille Scriptor, ingenii aut spiritus haud spernendus, imò etiam ut illo ævo mirandus, ut in Poliorceticis suis rectè nuper de eo pronuntiavit Lipsius. Nihil jam mihi aliud in eo restat, nisi ut confecto Indice & additis Præfationibus,

quæram Typographum & patronum. A 1596. te verò multo avidius expecto Athenæum; quo absoluto, quid verat quò minus ad Polybium accingaris? Eum te publicè jam interpretari libenter audivi superioribus diebus, de Zastrifelio & Joanne Paludio, qui à vobis reversi hac transferunt, ac jucundè nobiscum fuerunt, referentes ea, quæ mihi de te ac aliis isthic doctissimis viris gratissima auditu erant. Scripsit ad nos non ita pridem D. Franciscus Junius Lugduno Batavorum, se Tertullianum nobis è proximis nundinis editurum, anxie à se emendatum; cui aliquot libellorum variantes lectiones & emendationes è MSS. Codd. depromptas submittet Gaspar Scioppius, amicus & convictor meus. Hujus, credo, verisimilia jam pridem accepisti. Francofurto enim ad te misi mense Septembri. Quid videretur, quæso? Satin' tibi calidus hic novus Criticus? Ego si quid à docendi aliisque laboribus datur vacui temporis, libenter & crebrò consumo in Chrysostomi Commentariis, seu Homiliis in Epistolas Pauli legendis; nec pauca observo, quæ mihi aliquando usui erunt.

Vivit quoque mecum familiariter elegans & eruditus adolescens, Christophorus Colerus, Francus, quem tibi quoque audio non esse ignotum. Is nunc prelo adornat Parerga Juris, & Plautinas Quæstiones. Scipio Gentilis, clarissimus & conjunctissimus Collega meus, te amanter salutat. Vale & salve, clarissime & eruditissime Casaubone, & me amare perge. *Altorphii, xv. Decemb. cix d̄ xcvi.*

Tuus ex animo,

CONR. RITTERSHUSIUS.

Si possem ab elegantissima Musa tua aliquod meo Gunthero *Πνευματικόν* impetrare, nihil mihi gratius posset contingere.

Inscriptio.

Viro clarissimo,
D. ISAACO CASAUBONO,
Philologo præstantissimo, Professori apud Genevenses celeberrimo, Domino & amico plurimum colendo.

GENEVAM.

EPISTOLA XI.

✱ THEODORUS CANTERUS
ISAACO CASAUBONO.

1596. **A**ccepi, amicorum optime, superiori nundino literas tuas unâ cum Curis tuis secundis ad Suetonium. Multis quidem nominibus probatur mihi industria tua, quam in hoc Auctore enucleando posuisti. Gratum etiam fuit ex iis intelligere, te eandem operam positurum in Spartiano & cæteris. Si enim quis alius, tu inter primos es, qui aliquid pretii in iis præstare possis. Ego primâ occasione eos iterum evolvam, scriniaque & schedas excutiam, & si quid notatu dignum reperero, libens meritò tecum communicabo, & primâ occasione ad te transmittam. Si forsan vitam Lucani, à Suetonio, ut putatur, conscriptam non habeas (verùm te non habere, ex secunda editione vidcor olfecisse) eam his literis inferui.

M. Annæus Lucanus, Cordubensis, prima ingenii experimenta in Neronis laudibus dedit quinquennali certamine. Dein Civile Bellum, quod cum Pompejo & Cæsare gestum est, recitavit. Qui tantæ levitatis & immoderatæ linguæ fuit, ut in Præfatione quadam ætatem & initia sua cum Virgilio comparans, ausus sit dicere, *Et quantum mihi restat ad Culicem?* Hic in initio adolescentiæ, cum ob infellum matrimonium patrem suum ruri agere longè cognovisset, revocatus Athenis à Nerone, cohortique amicorum additus, atque etiam Quæsturâ honoratus, non tamen permansit in gratia. Siquidem agrè ferens recitante se, subito, ac nullâ nisi refrigerandi causâ, indicto Senatu, Neronem recessisse; neque verbis adversus Principem, neque factis extantibus post hæc temperavit. Aded ut quondam in latrinis publicis, clariore cum strepitu ventris emissio, hemistichium Neronis magnâ confessorum fugâ pronuntiavit:

Sub terris tonuisse putes.

Sed & famoso Carmine cum ipsum, tum potentillimos amicorum proscidit. Ad extremum penè signifer Pisonianæ Conjuratæ extitit, multus in gloria tyrannicidarum prædicanda, ac plenus minarum, usque eò intemperans, ut Cæsaris caput proximo cuique jactaret. Verùm detectâ Conjuratone nequaquam animi constantiam præstitit. Facile enim confessus, & ad humillimas devolutus preces, matrem quoque innoxiam inter socios nominavit; sperans impietatem sibi apud parricidam Prin-

cipem profuturam. Impetrat autem 1596. mortis libero arbitrio, codicillos ad patrem corrigendos quibusdam versibus suis exaravit; epulatusque largiter, * Brachia ad secandas venas præbuit * Hinc Medico. † *Poemata etiam ejus prælegi memini; confici verò ac vanaalia proponi, non tantum operose ac diligenter, sed ineptè quoque.*

Habeo & in schedis meis vitam juvenalis, ejusdem, ut credo, Auctoris: si voles, primâ occasione mittam. Velim certè me studia tua posse juvare; sed ingenii felicitate destituor. Si quid ad Apulejum habeas, velim communicare digneris. His vale, amicorum optime, & nos, quod facis, amare perge. Raptim. *Ultrajecti, c. 10* XCVI.

Saluta D. Lectium, & alios communes amicos. Resalutant te nostri.

EPISTOLA XII.

JACOBUS GILLOTTUS ✱
ISAACO CASAUBONO.

MONSIEUR,

J'ay reçu une belle & honnête lettre de 1597. vous, à laquelle je ne puis satisfaire de paroles, ni vous rendre grâces telles que je voudrois de l'honneur de votre amitié. Vous avez tant de mérites pour être estimé, aimé & admiré, que ceux qui ne le font point, se peuvent mettre hors du rang des hommes. Les témoignages en sont publics, & connus par conséquent à tout le monde. Nous attendons de vous tout le secours contre la Barbarie & l'Imposture. Nous aurons le Commentaire sur Athènes fort cher, comme tout ce qui viendra de vous. Si vous avez par delà la commodité de l'impression, ce sera un grand avantage que vous mêmes ayez l'œil sur ce qu'il vous plaira qui sorte en lumière. Je me suis offert de vous envoyer le privilège & tel que vous le pouvez désirer. Mais j'ay esté adverti qu'un de vos amis l'a obtenu, & le vous envoie. Que s'il faut envoyer ici imprimer, vous trouverez assez d'honnêtes hommes, qui prendront le soin de contenter votre désir; & bien que je sois des moins capables pour vous y servir, je serai toujours le plus affectionné & n'y épargnerai ni temps, ni autre chose nécessaire, tant pour vous témoigner mon affection que pour y pouvoir beaucoup profiter. J'ay vu par une lettre que vous écrivez à un de vos amis, que vous désirez une lettre de naturalité, ou une déclaration pour assurer l'état de votre famille, & éviter le soupçon d'aubaine que vous ne devez aucunement craindre.

Nous

1597. Nous avons jugé ici en nôtre Cour de Parlement pour enfans nez, où vous l'estes, desquels les peres & meres d'Orléans s'y estoient retirez, que l'on ne peut leur objicer la natiuité, & sont reve-nus en France partager les biens de leurs parents, comme nez en France; retirez seulement pour la rigueur des Edits. Ne craignez donc pas cela, & ne l'apprehendez pas seulement. Il y a trop de prejugez & de jugemens en pareilles cau-ses. Si toutes fois vous voulez conten-ter vôtre esprit, & vous preparer par une abondante cautele une sûreté ou se-curité plutôt, mandez le moy, je la vous ferai expedier, telle & si exacte que vous n'en ferez jamais ni en soin, ni en peine, m'envoyant seulement un petit me-moire, & me promets de vous donner contentement en cela comme en tout ce qui vous concernera. J'ay fait tenir vos lettres à Monsieur De la Scala: s'il m'en renvoye responce, vous l'aurez incontinenent par la voye de Lyon, où j'ai moyen de vous faire sçavoir de nos nouvelles. Nous vous desirons ici bien fort. Je vous supplie me conserver en vos bonnes graces, & vous servir de moy comme de celuy qui est & desire être toute sa vie,

MONSIEUR,

Votre humble & affectionné
Serviteur,

JAQ. GILLOT.

A Paris, le xxviii. Janvier,
CIC ID XCVII.

Inscriptio.

A Monsieur,

Monsieur CASAUBON,
A MONTPELLIER.

EPISTOLA XIII.

✠ JOANNES SÆKMA
ISAACO CASAUBONO.

Salve à me plurimum, Vir maxime.

1597. **L**iteras tuas multò suavissimas ac hu-manissimas nuper accepi; quæ, quòd restarentur te, Vir clarissime, pro-cul absentem me pari studio prosequi, quo præsentem complexus fuisti, sæ-pius lætæ relectæque fuere cùm à me ipso, tùm ab amicis; at nunquam sine nova voluptate. Pessimus sim, nisi tuam in me benevolentiam prædicem; ingratusque tibi (quamvis tute, Vir clarissime, hæc neget, aut quæ tua est modestia, saltem extenuet) obligatum esse agnoscam. Certè id maximum, atque adeò mihi palmarium puto, quòd

Hæc est
responsio
ad Casau-
boni Epist.
75.

à te, Vir præstantissime, dignus sim 1597.
habitus, qui in numerum tuorum ami-corum reciperetur; non quòd nesciam nihil in me fuisse, quod tuam amici-tiam mereretur; sed quòd mihi gratu-ler de singulari ac planè rara quadam tua humanitate. Dabo verò operam, ut (si quando facultas, aut occasio fuerit data) intelligas quantum ego me tibi hoc nomine debere existimem. Sed quid attinet multa verba pro rebus da-re? Ego hisce apud te non Epistolæ, sed chirographi vim habiturus literis re-cipio; me nullis officiis cuiquam tuo-rum clientum; seu, ut eos ipsè appel-las, amicorum cessurum. Suetonium tuum heic plausum tulisse mirum non est, cùm nostrates, (cappio doctos) quin & passim omnes φιλόλογον, omnia tua non minus polita quàm erudita esse judicent, adeoque cedro digna, ut est in proverbio. Ego verò quantum tuis scriptis, Vir præstantissime, (quamvis aliàs majora atque augustiora sint, quàm ut de iis judicium ferre possim aut debeam) quantum (inquam) iis tribuam, ipsius optimè nōsti. λέγω γὰρ σε ἐπαινεῖν ἐπαχθέσθην· ἐγὼ δὲ σφοδρὰ ἐπαινεσόμεθα· ἀσθένους γὰρ τοῖς λογισμοῖς ἐπακλυθῆσομεθα· nōsti cætera. Cùm er-go ita de te, Vir clarissime, existimem, & jure tuo, non erat quoque quod mi-rarere, Magnifico Domino Rectori, D. Drusio cæterisque Collegis venisse in mentem de te in Academiam nostram Franckeranam arcessendo. Egerunt ii seriò hoc ipsum superiore anno in Co-mitiis Ordinum, cùm quòd per te tan-quam solem aliquem (ut sic dixerim) aliorum φιλολόγων Scholam nostram in-primis quoque illustratum iri arbitra-rentur; tum quòd de tua pietate pari cum humanitate ac morum facilitate conjuncta, atque adeò in docendo dex-teritate abundè ipsis, & relatu eorum, qui te familiariter penitusque, Vir cla-rissime, nōrunt, cognitum exploratum-que esset. Auribus tuis, mi Casaubo-ne, aut amoris abundantia hoc ego & D. Drusius minimè dedimus; seriò id scripsimus, quia seriò id à D. D. Pro-fessoribus aliisque nonnullis tui studio-sissimis agebatur, quibus nihil fuisset antiquius atque optatius, quàm si te, Vir clarissime, publico Ordinum de-creto huc accersi vidissent. Sed etsi per consilia martialia, ac turbas non-nullas, quæ superiori anno Ordinum animos distringebant distrahebantque variè, minus ex voto successerit quod agebatur; nondum tamen spem om-nem abjecimus, si modò Deus Opt. Max. pergat nobis concedere haleyonia, ut plusculum otii Ordinibus sup-
petat

1597. perat ad res academicas constituendas exornandasque in melius. Certè nos nihil magis expeteremus, quàm si te in Collegium D. D. Professorum adscitum viderimus. Faxit verò Deus, ut voti compotes, sed cum summo tuo bono, reddamur aliquando. Postremò iis, quæ à me de legitima ætate Judicium disputata fuere, plus à te, Vir clarissime, (qui rursus est candor) tribui video, quàm mihi mereri videbantur. Dum hæc talia scribo, nihil aliud ago, quàm ut absens per te proficiam, cujus in docendo perspicuitatem ac dexteritatem præsens sæpe sum expertus ac miratus. Haberm jam, de quo tecum conferrem lubens; sed Epistola hæc non capit. Vereor quin etiam ne diutius te, Vir præstantissime, teneam cum detrimento Reipublicæ literariæ. Nova nulla scribo, quia dudum mihi compertum est, te minimè ἐὼχέσθαι καίνας λόγους, ut Theophrastus tuus loquitur. Si tamen de rebus Belgicis quid intelligere lubido fuerit, ex clarissimo viro, D. Lectio nostro scies, cui scripsi. Hic jam finio, cum voto pro salute tua. A D. Drusio jam literas quoque habebis, ut nuper audiui. Raptim. *Leoverdiæ*, xxv. Februar. c15 15 xcviij.

Tui studiosissimus,

• JOANNES SÆKMA.

Inscriptio.

Clarissimo Viro,

D. ISAACO CASAUBONO,
Historiarum Professore in illustri Schola
Genevensi longè celeberrimo, Do-
mino & amico suo observando.

GENEVAM.

EPISTOLA XIV.

✱ PHILIPPUS CANAIUS A
FRAXINIS
ISAACO CASAUBONO.

1597. **B**inas tuas *, a. d. vi. Kalend. Mart. dasas, accepi, Vir maxime. Quamvis te excusatione apud me uti, quem optimo jure tuum esse non ignoras, iniquius feram, quod nimis aulicæ cautiones illæ nescio quid diffidentia aut dubitationis de nostro in te affectu admistum habere videantur; ea tamen est genii & ingenii tui in me autoritas, ut & ingrata gratissima nullo negotio efficiat. Utere igitur imperio & prærogativâ tuâ, ut lubet; ego omni studio & officio enitar, ut intelligas meum velle à tuo nullum discedere. Res tuas isthic ἐὼχέσθαι nobis pariter gratulor, cum nostra nos tangant pariter. De

Zoilo verò quod indicas, non tantum 1597. non irascor, sed & lubentissimè audio. Ut enim diem tenebræ, corpus umbra; ita virtutem opposita commendat invidia, quæ alioquin hoc contrario destituta languere & minus agnosci videretur. Verum ut ἐναντιότης hæc luceat magis, & ad ἀμύσην ἀντίφασιν adducatur, equidem optarem, ut absoluto, quod tractas, argumento, apertè in Philosophiæ adyta irrumperes, & aurea illa Aristotelis de Moribus susciperes. Rem faceres te dignam, & ex qua quid distent χάρις καλκίων, omnes intelligerent. Scio enim istos δεισιπρόφους in ea præcipuè palæstra, quasi suo ludo aliquatenus adjuncta, suam industriam venditare. Sed tamen nihil præscribo; quin potius quod à principio fecisti, idem semper ut facias necessarium puto, nempe ut ex clarissimi Philippi Ranchini, & selectorum amicorum consilio navem tuam gubernes. Sic enim & occultas syrtis vitabis, & in portu à Divina quidem Providentia tibi monstrato, sed minus fortè adhuc cognito, tutissimam tibi stationem munies. Unum tamen monitum te velim, ne ad Grammaticorum subsellia deduci te unquam patiaris; sed vel Jurisprudentiæ, (quod nunc incredibili cum laude facis) vel Historiæ, vel Philosophiæ, vel etiam interdum Medicæ (in qua quid possis, & Athenæus & Theophrastus, cum voles, loquentur) auxilio dignitatem tuæ Philologiæ in novis hisce sedibus asseras, & amicorum clarissimorum studia in te foveas. Quidquid verò institues, dux adsit semper Deus rectorque, & omnes actiones prosperet; ut qui invidet, invideat magis, dentem fatigans dente ringatur, lue se maceret tabidâ, & ... Caterum discessum ad v. Kalend. April. aut circiter rejeci. Tuas igitur ad sermones illos Parisienses interea parabis, & meum hoc consilium apud te premes, donec literas ad Consules vestros mittam, ne si fortè inopinata quædam impedimenta superveniant, levitatis notam subeam. De schedis tuis excusationes nullas admitturum me iterum edico. Quid in Veterum scriptis valeas, satis notum. Orationem nobis debes suo Marte decurrentem. Dilationem justam non nego, dum te debere & brevi soluturum spondeas. Accursianum illud corpus planè nolo, nec cur Tornæsius non petitum miserit, capio. Cum illo igitur agas velim, simulque roges cur duos Vitruvios vendat, cum nullum alium quàm quem à te expecto, acciperim. Silentium nostrum apud clarissimum Lectium excuses oro. Sum sanè otio-

* Num.
117. 118.
pag. 64.

1597. otiosorum omnium occupatissimus, & publicæ hujus vitæ interruptiones graviores in dies sentio, etsi me quantum possum abscondam, & privatæ quietis retinendæ rationes omnes tum naturâ, tum arte persequar diligenter. Quas ad Bongarsium nuper misi, sedulo ut cures iterum rogo. Filiola nostra, natu minima, ex variolis ægrotat. Idem reliquis timeo: sed & tuæ vix eandem fortunam effugient. Rectè igitur feceris, si Medicorum aliquem, ut in Suetonio fecisti, in amicorum numerum admittas. Post magnum illum Harserum *, qui nunc apud nos est, D. Varenudalium plurimi facio. Illum si nostro nomine salutaveris, quidquid de illius eruditione & prudentia à nobis audiveris si referas, rem facies mihi gratissimam, & tibi, ut spero, tuisque non inutilem. Ineunte vere frequentes isthinc morbos & acutos grassari audio. Valetudinem igitur cura diligenter. Ego & uxor, Dei beneficio, valemus, tibi que ac tuæ bona omnia precamur à Domino. Iterum vale. Data Casserone, a. d. iv. Id. Mart. c15 15 xcvii.

* Al.
Harserum,
vel Har-
serum.

Si nimis molestum non est, velim optimum virum, mihi que amicissimum, vicinum tuum, D. De Farges, Rationum Magistrum, nostro nomine officiosè salutes, & indices brevi me ad eum scripturum. Tecum enim garriendi finem non invenio, & Verosantius moram negat longiorem.

Has cum clauderem, tuas a. d. pridie Non. datas, accepi cum libris, quos sanè omnes præ mellitissimo tuo melle parvi facio. Maeste igitur his officiis, etsi vis non quotidie, sed & singulis horis roga, intercede, commenda. O me felicem, si sæpius mihi sis molestus!

EPISTOLA XV.

✠ ELEAZAR PEREALDUS
ISAACO CASAUBONO.

Doctissime Casaubone,

1597. Non possum non mirari, quod ne verbulo quidem me dignatus es, ex quo Monspelium concessisti. Scriptæ sunt à te frequentes ad alios literæ: sed ego indignus sum judicatus, ad quem VALE & SALVE scriberes: scilicet hoc modo ulcisceris eum, qui & verbo & re studiosissimus est tuæ dignitatis, qui tibi tuisque omnia precatur prospera? Sed comprimam orationem, ne fortè sit iracundior. Expectavi multos jam menses amicas à te literas, quemadmodum cum hinc discederes pollicitus eras, ut consilium tuum

sequutus, beneficio tuo opellam meam 1597. vestræ Academiæ, si modò aliqua in parte utilis & grata esset, lubens præstarem: sin minus, cogitationes meas aliò transferrem. Nunc igitur abs te pæto, mi Casaubone, ut pro veteri nostra amicitia, primo quoque tempore admoneas quid mihi censeas faciendum. Diuturniorem moram res meæ non patiuntur. Vale, nostri memor; Deus te & lectissimam tuam uxorem, suavissimos etiam liberos tuos quàm diutissimè conservet incolumes, & universæ familiæ tuæ benedicat. Breviloquentem me facit tabellarii festinatio, & obsignandæ sunt literæ priusquàm de statu nostræ Scholæ quicquam à me scribi possit; sed, ut spero, ab aliis, quos hic habes numerosissimos, de his omnibus certior fies. xiv. Jun. c15 15 xcvii.

Tui amantissimus,
ELEAZ. PEREALDUS.

Inscriptio.

Doctissimo Domino,
D. ISAACO CASAUBONO,
Historiarum & Eloquentiæ Professori
celeberrimo.

MONSPELI.

EPISTOLA XVI.

PHILIPPUS CANAIUS ✠
FRAXINIS
ISAACO CASAUBONO

Cum de tuo silentio non mediocriter sollicitus essem, & valetudini tuæ imprimis metuerem, binas tuas †, † Num. a. d. iv. Eid. datas, accepi, quæ 132. 133. cum te animo magis quàm corpore ægrotare indicent, equidem quo te adjutem curamve levassim non video, cum ego contra medicinam à te expectarem. Etsi enim stamus omnes in eadem navi, scis tamen, mi Casaubone, nostrum parietem ardere, & in ἀπρόσδεκόν hoc incendio & rei meæ privatæ partem non exiguam, & sororis charissimæ & sanctissimæ fortunam omnes & consanguineorum ac affinium, populum non exiguum conflagrasse. Sed ne stomachum tuum jam per se nauseabundum tanti casus amaritudine perturbem magis quàm purgem, en proquerelis novum animi robur cœlitus nobis immisum ostento, & nobilissimæ illius Arriæ novissimum, Non dolet, candidè usurpo. Quid enim Regis Regni ve statum doleam per lascivias & jocos tam securè, tam libenter percuntis?

N n n n

Ego

1597. Ego scilicet homuncio Galliarum vicem desiccam, in qua Gallum nullum testiculum video? Ego ex Reipublicæ curatione ad inopiam redactus publicam calamitatem lugeam, cum Ætolos istos ætarii nostri Charybdes ἀχιλλεύων ἀντιπάρειν, & luxu ac deliciis plusquam regis fortunæ publicæ insultantes aspiciam: sed ne animum tam recenti & gravi vulnere perculsum mali ipsius narratione exasperem, his omissis ad mitiora & gratiora transeo. Illustris ille Faber ab aula reversus per literas de tuo in hanc Provinciam adventu mihi gratulatus est, ut ex ipsius verbis intelligas. Rectè igitur feceris, si ad illum scripseris, & officia illa, quibus bonorum omnium animos tibi concilias, obtuleris. Tuas verò ut tutò accipiat curabo diligenter. Discessum, ut conjeceras, distuli. De tuæ professionis codicillis à Rege obtinendis quid cum Ranchino egeris, ne me lateat velim. Si quid enim omissum est, nostra opera supplebit. Cæterum Prolegomena tua quamdiu debeas tandem cogita. Nulla enim dies te liberabit, nisi gravi cum fœnere præsentis pecunia de sorte satisfeceris. Adversus Philologiam quàm rigidus, quàm iniquus sit tuus Seneca, variis in locis meministi. Itaque non encomium dumtaxat, sed & apologiam para. Si typi vobis desint, ut splendidè in lucem exeat quidquid miseris, providebo. Plura addere cupienti interpellantium turba obstat. Vale, & me, ut facis, ama perpetuò, ô animæ meæ pars carissima, & tuam tuosque omnes meo meorumque verbis saluta peramanter. Vale. *Casserone, a. d. xiv. Kalend. Maj. c. d. d. xcvi.*

EPISTOLA XVII.



I D E M
ISAACO CASAUBONO.

1597. **M**iraris fortè, suavissime Casaubone, quòd ad binas tuas non respondeam. Ego contrà te nondum advolasse, aut longiores illas, quas promittis, saltem non præmisisse valde miror. Et dum valetudini tuæ metuo, & causas omnes animo complector, quæ tam jucundi adventus gaudium præcipere possunt aut differre, ita perturbor, ut nondum rediisse, sed adhuc longis terræque & maris spatiis à te abesse mihi videar. Hac verò molestiâ vel literulâ me liberabis. De me rebusque meis nihil interim scribo. Melius enim & tua & nostra coram inspicimus. Ego cum charissima conjuge & dulcissimis pignoribus valeo. Deum-

que Opt. Max. oro assiduè, ut te cum tua dilectissima tuisque omnibus tueatur incolumem. Bene vale, Vir maxime, & an superiores nostras receperis indica. *Data Casserone, a. d. v. Kalend. Jul. c. d. d. xcvi.*

EPISTOLA XVIII.

JACOBUS LECTIUS ✠
ISAACO CASAUBONO.

Faceret Deus, mi Casaubone, uti introspecti posset abs te potissima portio mei, qui non tantum ut ille ait:

Te veniente die, te decedente recorder;

sed & vitam sine te ago (testor sanctè) non vitalem. Cavetis ergo ne constantiam mei adfectus parum nôsse, aut literarii officii diligentiam in me desiderare, vel joco & simulatione videaris, quæ res in hac solitudine mea, ac publicis assiduisque molestiis angorem tenerrimi pectoris mei asperet nimis. Abit insuper mœrente me Pacius noster; abituriunt alii plures. Per hos dies libellum de Juris methodo edidit ille, mihi inscriptum amicitia nostræ firmandæ: de Reipublicâ istius statu, deque Scholæ, is ipse melius coram, quamque in melius neutra procedat. Cevalerii nostri obitus, pro dolor! mirum quantum utrique lugendus; addo Ecclesiæ, addo & mihi. Mea ad Marcrum edo ego, & ad Symmachum fortè item adjiciam mox. Jacobus Monavius, vir clarissimus, amicam tibi salutem per eas literas, quæ ab eo nuper ad me scriptæ. Mitto & quæ Sakma ipse noster ad te. Mens mihi fuit ad clarissimum Camium scribere per hos ipsos; sed video me aliò jam advocari. Quæso, tu cum à me officiocissimè saluta, seu per literas, sive coram. Sorori tuæ, lectissimæ fœminæ, affui heri, & ab ipsa de ipsa, puto, disces. Scribam ad te quàm sæpissimè, dum mihi occasiones innotescant, quod rogare soleo Paulum Stephanum, fratrem tuum. Conjugem tuam, clarissimam fœminam, ego & mea ex animo salutamus; ego autem te cumprimis, ô amande, colende nobis semper. *Data Genevæ, a. d. iv. Kalend. Jul. c. d. d. xcvi.*

EPISTOLA XIX.

✠ * * * SERRANUS
ISAACO CASAUBONO.

Clarissime Vir, mihi que optatissime,
 1597. **G**ratia, quas de equo agis, non sunt
 æquæ; quia de re minima sunt
 maximæ, & de equo injurio & malefi-
 co, cui ego infensior essem, si vobis
 malum hoc casu majus creatum fuisset.
 Ne igitur, amabò, hoc tibi sit δυσφω-
 ρον primo ad nos adventu, mihi que
 cumprimis ne fraudi, qui D. Juliano
 nostro quasi inviderem, nisi te ἐξέπι-
 δως aliquando viderem in hac nostra
 casula, licet carceris mei squalorem ad-
 huc ostentante: at quum ad nos vene-
 ris, accessu Musarum omnia colluce-
 bunt, quæ Parnasso attineri haudqua-
 quam poterunt, quum te suas delicias
 nobiscum sentient. Quid? hunc ego
 jam splendorem persentisco: καὶ δὴ πᾶ-
 ρα ἴδμεν καλῶ πρὸς τοῦτο ἀρόμεν· ἐχ-
 έρας. Equidem fateor, me tecum, non
 mecum planè ἐκθεσάμενον. Certè δ' ἐλ-
 λων ἐ παντὶ φαιέντας. Tu ad has oras,
 ut literarum sole ignorantia tenebras
 dispelleres: tu enim Oriens, ego Oc-
 cidens. At quantulus sum, hos canos
 eidem Ecclesiæ sacro, cui juventutis
 florem dedicavi, donavi. Verum cur
 tu à me Patriæ nostræ Antiquitatem
 exposcis, effæcto sene, saltem παραμύ-
 ζοντα βίην ingressò? Hæc tuis manibus
 debentur. Conferam tamen in eo ge-
 nere meam symbolam, & Circi nostri
 trophæique Mariani vestigia notabo,
 (tibi quidem hanc meam σκιαγραφίαν
 ἐκπελυπύσαντι) dummodò tu Platoni
 nostro novam meâ operâ παλιγγενεσίαν
 molienti obstericiam manum dederis.
 Verum de his, σὺν θεῷ, aliàs, id est,
 ubi primum areolam nostram expurga-
 verimus. Tu intercà, Musarum de-
 licia, & amicorum amicissime, VALE
 & SALVE, quantum quisipote pluri-
 mum, cum uxore tua, lectissima fœmi-
 na, quam uxor mea avet videre, κατέβη
 μάλλων ἐ Genevensis contubernii me-
 moria optatissimam. *E Serrano nostro,*
 11. August. CIO IO XCVII. Raptim,
 festinanter, ut palam est.

Tuus planè, si suus,
 SERRANUS.

Vigortio nostro plurimam, etiamsi
 ei quod non rescripserit, penè irascar:
 at coràm viderimus.

Inscriptio.

A Monsieur & très-honoré Frere,
 Monsieur De CASAUBON,
 A MONTPELLIER.

EPISTOLA XX.

DAVID HOESCHELIUS ✠
ISAACO CASAUBONO.

Lætari te mecum, Vir clarissime, si 1597.
 Auctorem audias Veterum aliquem
 impressum iri, sat scio quare te quo-
 que certiozem duxi faciendum esse,
 qui suo sumptu Bibliothecam Photii ex-
 cudendam hic sit curaturus. Quum
 verò vel in Athenæo, ne quos alios
 dicam, videris, quantum conferat,
 MSS. Codd. instructum esse; rogatum
 volui, si forsan tibi constet, ubi illius
 μυροβιβλῆς (sic enim idem liber inscri-
 bitur) exemplum habeatur; ejus mihi
 usum impetres. Quos partim Româ,
 partim è nostra Germania sume nactus
 geminos, illi ambo non usque corrupti
 & hiulci sunt. Lampriam nuper misi.
 Aliud quod addam est nihil, quàm no-
 strum Velsorum laboriosa Consulatus
 functione liberatum, Septemvirumque
 dignitate ornatum esse. Quo nomine
 ipsi gratulor, ut plus ocii ad lucubra-
 tiones concedatur. Hæc raptim. Bene
 vale. *Augustæ, a. d. v. Kalend. Septemb.*
 CIO IO XCVII.

Tui amantissimus,
 DAV. HOESCHELIUS.

Inscriptio.

Clarissimo & præstantissimo Viro,
 D. ISAACO CASAUBONO,
 Amico summè observando.

MONTISPELIE.

EPISTOLA XXI.

PHILIPPUS CANAIUS A ✠
FRAXINIS
ISAACO CASAUBONO.

Binas à te hoc proximo biduo literas 1597.
 accepi, a. d. ix. Kalend. Octob.
 & a. d. vi. Eid. Octob. datas, quæ mihi
 & gaudii & doloris causas non vulga-
 res afferunt. Nam quæ te valere &
 nostri memorem testantur, εὐαγγελία
 jucundissimi & acceptissimi virtute men-
 tem omni dulcitudine dudum vacuam,
 & variâ ægritudine confectam non me-
 diocriter exhilarant: quæ verò sæpissi-
 mè te scripsisse, idèoque breves esse in-
 dicant, quod ante dies non ita multos
 omnia scribendi argumenta exhausisses,
 meritò ex animo dolco. Ex quo enim
 ad matrem tuam abiisti, nihil ad me
 præter hæc duo Epistolia pervenit. Cæ-
 terum de tua in nos fide & amore quid
 sentiam, officiis meis, non verbis cre-
 das

N n n n z

1597. das velim. Et quamvis in hoc itinere literarum commercium omiserim, brevi tamen, Deo favente, cognosces te resque tuas mihi ita esse commendatas, ut pietati & studio in te nostro non immerito acquiescas. Ex Thuani, præstantissimi Præsidis, literis quid de te inter nos agitatum fuerit, Vir summe, jam scires, nisi amici cujusdam Lugdunum proficiscentis discessum expectaret. Is enim ut est acri ingenio, Epistolam sine re mittendam non esse censuit. Interim igitur dum nuntius ille advenit, consilii nostri summam accipe. Et Thuanus & Pithœus, & quotquot hic Musas colunt, & tuâ & publicâ causâ te huc advocandum esse statuerunt. Ego rebus omnibus expensis, & præsentis tui status non ignarus, hac lege te venturum sponendi, si honestè, si literis regiis ad te & ad Consules, si absque ullo tuo sumptu ita voceris, ut postquam veneris, virorum gravissimorum desideria expleveris, Lutetiani incolatus bona & mala exploraveris, liberum sit tibi aut redire, aut quæ proponuntur conditionibus uti. Tu igitur si me, si te amas, paulisper sustine & reditum nostrum expecta, quem *ὅν* circa Natalia mihi constituo. Tum vero de his & aliis omnibus coram deliberabimus; Monspelium enim rectâ cogito. Sed hæc nemini, si placet. A Ranchino nostro nihil recepi. Salvum illum ad vos revenisse, suâque præsentia aliorum negligentiam reparasse gaudeo. Sed quantum video,

Non omnis fert omnia tellus.

Musæ Lutetiam sedem sibi perpetuam elegerunt. Ambiani expugnatio Regno pacem, Regi autokratiam illibatam, literis otium pollicetur. Ignosce, amicorum maxime, homini occupatissimo, & publicis officiis privatisque tricis ita distracto, ut vix raptim has lineas absolvere liceat. Vale, ô animæ nostræ pars melior, & nos tuis precibus ac votis, ut facis, indefinenter adjuva. Data *Lutetiae, a. d. Non. Novemb. c. 15* 15 xcvii.

EPISTOLA XXII.

✱ FRIDERICUS LINDENBRUCHIUS
ISAACIO CASAUBONO.

1597. SI moribus utriusque nostrum convenire putarem, ut & tu nulla de causa amicitiae fidem semel inchoatam defereres, aut ego altum tuum silentium

non aliâ potius causâ, quàm mutati 1597. amoris ac benevolentiae imputarem, cogita in quas suspiciones incidere possem. Sed absit, absit illud, ut aliter erga me modò te animatum esse autumem, quàm olim fuisti, cum primum me literis tuis invisere solebas. Tamen Caesaris illud memineris velim, qui suos tam suspicione, quàm crimine judicabat carere oportere. Pluribus te quidem alloquerer; sed cum vererer, ne similem hæ fortunam paterentur ac priores, quas periisse miseras puto, hic subsistere malui; uberiores daturus, si ad has quàm citissimè rescripseris. Vale, Vir doctissime, amicissimeque. *Ex Holsatia, a. d. ix. Kalend. Decemb. c. 15* 15 xcvii.

Tu tamen literas tuas Hamburgum mitte, aut ad Josephum Scaligerum, ad quem circa Kalend. Mart. denuò iturus sum. Cogitaveram ad te; sed id consilium mutare coactus sum.

Inscriptio.

Viro doctissimo amicissimoque,
ISAACIO CASAUBONO,
GENEVRÆ.

EPISTOLA XXIII.

OSEAS ANDREAS ✱
ISAACO CASAUBONO.

AD quartum Nonas Decembris accē- 1597. pi, Vir plurimum observande, eas, quas à fratre charissimo, Domino Vileteo, ad me perferendas curasti. Non possum non maximas pro hoc tibi gratias agere. Locorum distantia animorum voluntatem separare non potuit. Dominus Pinaldus, vir tibi mihiq̃ amicissimus, tuas mihi legendas exhibuit: iis partim læta, partim tristia continebantur, obitum dulcissimæ Elizabethæ tuæ*, gravissimum tuum morbum* (ex quo tamen Dei beneficio convalui- sti) nobis indicarunt. Tu qui aliis lugentibus saluberrima consilia, eximias consolationes impertiri solitus es, tibi accipe. Solet Deus ab oculis nostris dilectissima nobis auferre, ut ab ejus Providentia toti pendere discamus. Quantum lætitiæ attulerit mihi præterea jucundissimus ille nuntius, fratrem meum tibi, viro eximio, & in doctrina & moribus probari, dicere non possum. His adde quòd tecum & charissima uxore totaque tua familia, amicitiae perpetuum foedus pepigerit. His adjunctas tutò perferendas cures, iterum atque iterum peto . . . † mihiq̃ gratissimum fore

* Nota
xii. April.
mortua
vi. Kalend.
Septemb.
1597.

† Deh
verum
chara de
semit.

1597. fore confido. Vale, cum tota tua familia. *Ex oppido nostro, a. d. 14. Non. Decemb. C1D 1D XCVII.*

Inscriptio.

Clarissimo doctissimoque Viro,
ISAACO CASAUBONO,
Regio Professori, & Consiliario in
Academia Monspeliensi.

EPISTOLA XXIV.

CONRADUS RITTERS-
HUSIUS
ISAACO CASAUBONO.

Quam libenter tecum, eruditissime & amicissime Vir, per literas colloquar, cum occasio est, vel hoc tibi argumento sit, quod binas intra paucos dies ad te scribo. Accedit & altera causa, quod vel istæ, vel priores meæ fieri possit ut ad te non perveniant; sicut & aliis cum meis, tum tuis alijs evenit. Duabus igitur ancoris tutius nitentur. Cumque hæc mihi significaretur mittendi occasio, libenter eam arripui. De libello Homérico, quem præ manibus habeam, cum datur ab aliis studiis respirandi facultas, nuper ad te retuli, quem utinam liceret, priusquam ederetur, tuæ censuræ subicere! Sed hæc tantum voti res est in tanta locorum intercapedine. Nunc addo de alio quodam opusculo, quod sit velut *παραφραση* quædam ad nostrum Oppianum; non enim meus ille magis est jam, qui edidi, quam tuus, qui unicuique ejus sospitator mihi illum recuperasti,

Isthinc unde negant redire quicquam.

Etsi enim non constitueram plus operæ illi Scriptori impendere, tamen nova auxilia ab Andrea Schotto mihi per Davidem Hoeschelium suppeditata, ad hanc velut palæstram iterandam me facile impulerunt. Codex est in Hispania Madriti recentiore manu Græci cujusdam descriptus, sumptibus ipsius Schotti. In eo cum alia insunt, tum (quod maximum ad rem pertinet) Scholia auctiora in libros Halieuticæ, & Paraphrasis Joannis Tzetzi in Cynegetica utraque descripsi: sed non utraque simul edere est animus. Scholia illa reservari poterunt ad alteram usque Oppiani nostri editionem, si fors fuit ut nobis viventibus exemplaria distraherentur, & renovandam editionem putet Typographus. Paraphrasin verò Græcam cogito seorsim edere, ut tamen cum Oppiano nostro, ab eo qui velit, conjungi possit. Sed quia nonnullis lo-

cis exemplar Hispanicum est mancum 1597. & lacunosum, circumspicio aliundè plenius quiddam, quod, nisi fallor, Bavarica Bibliotheca suppeditabit parario Marcq Velfero, viro in summa dignitate summæ & singularis humanitatis. Cavendum tamen mihi erit, ne actum agam: id quod fieret, si fortè illa Paraphrasis jam antè ab alio sit edita: de quo si quid tibi constet, quæso, commone. Aldus avus in Præfatione ad Pindarum promittit Scholia in Oppianum; sed nec mihi illa videre contigit, nec edita puto. Sed hæc hætenus. Scioppii *μὲν* tibi mittere visum est, quod boni consules. Ejus de Arte critica Commentarium, qui jam sub prelo, non improbabis, spero. Bene vale. *Mense Decemb. C1D 1D XCVII. ex Acad. Altorfina.*

Tui amantissimus,

CONR. RITTERSHUSIUS.

Inscriptio.

Clarissimo Viro,
ISAACO CASAUBONO,
Philologo præstantissimo, & bonarum
Literarum Doctore apud Montem
Pessulanum, &c. Domino
& amico plurimum
colendo.

EPISTOLA XXV.

JACOBUS LECTIUS ✠
ISAACO CASAUBONO.

Debeo ita, mi Casaubone, quoties 1598. scribendi facultas est, eam arripere. Tum voluptas, saltem hoc modo tecum esse, & solitudinem meam hac tui imagine consolari. Per mihi gratum, quod tuo in pectore memoria item constans mei, ut testantur literæ tuæ; quæ tamen ut nectaris istius sitio, nunquam mihi satis crebræ. Soceri tui dolco finem, & erit fortè quia obiit intestatus, ut præsentiam tuam res hereditariæ desiderant, de quibus ampliter ad te Paulus noster. Utinam verò quod mihi assidue votum in mente, hæc etiam maturet occasio. Quæ Wouweranus amicissimus idem & doctissimus sanctè promissit, exspecto pridem in dies. Et Symmachi editionem moratur una hæc causa, alioqui proditura his nundinis. Ei tu, quæso, à me salutem, & super beneficio isto preces. De statu rerum nostrarum iste melius, à quo istas accepisti. De tuis alii alia; sed ea demum credo, quæ tu ad me. Cogito propediem iterum ad te, per Belgam nobilem quandam iter isthuc præparan-

N n n 3

tem.

1598. rem. Interim vale cum tua, & Dominum Ranchinum officiosissimè à me salutata. a. d. vi. Kalend. Mart. c15 15 xcviii.

Quas hic adjunxi, quæso te, ad D. Pacium trans mitte.

Inscriptio.

A Monsieur,
Monsieur CASAUBON,
A MONTPELLIER.

EPISTOLA XXVI.

✠

IDEM
ISAACO CASAUBONO.

1598. ET adventum tuum præstolabar, mihi Casaubone, nec literarum bajulus extitit quisquam dudum. Quia tamen diu moraris, pauca isthæc scribere visum, & manu licet imbecillâ, quia jam me dies plusculos domi continet valetudo, cui tu facies omnium optimè medicinam. Postquam enim à me abes, & φίλε, (fortè unus excipendus alterve) ἰδέαις φίλος. Nam amicitia sanctum nomen non temerè tribuo istis, qui nec ipsam... Sed quid multa! Nostris hominibus tanto contemptui hanc scio ego ne an jus nostrum; reperere ut hic penè pigeat, nisi si patria sit. Addo, nisi te socium sperem & consortem vitæ meæ, quantumcumque coelestis destinat miseratio. Et spes meas is Senator, qui isthæc nuper fuit, mirificè confirmavit. De eo negotio ego & Beza sæpe unâ communicamus, & in eandem voluntatem ac tui amorem bellissimè conspiramus. Præsentia tua opus nobis, quam & scimus ad res tuas pro parte hereditarias componendas omnino desiderari. Confido denique æquiores fore istos adversum te, qui πικρὸν ἀνταγίζεις ἀλλὰ. Neque contentioni parcam ego, si erit opus: non causâ tuâ, aut tuorum; sed publicâ pariter nostrâ & meâ, qui votorum verticem attigisse me putabo, si reliquum vitæ iter dabitur cum amabilitate tua transigere.

Te spētem suprema mihi cūm venerit hora,

Et teneam moriens deficiente manu.

Tuam à me salutata, etiam Wouweranum amantissimum. Sum in Symmacho, & prælo tradere parat Candolanus. καίρις ἔσται. xi. Maj. c15 15 xcviii.

Dominum Ranchinum etiam officiosè saluto.

Inscriptio.

A Monsieur,
Monsieur CASAUBON,
Professeur
A MONTPELLIER.

EPISTOLA XXVII.

PHILIPPUS CANAIUS A ✠
FRAXINIS
ISAACO CASAUBONO.

L Ut etiam te excurrissè, & jam in Aula 1598. cum bonorum omnium gratulatione versari, etsi vehementer gaudeo, Vir maxime; vix tamen mihi tempero, quin de fati iniquitate graviter querar, quòd anno superiore illuc te non miscrit, & veluti datâ operâ te hinc prius abire noluerit quàm me ad portas esse intelligeres. Sed dum tibi ex animi sententia res cedant, quod mutari non potest, cò æquius feremus quòd præsentia tuæ fructum dilatum, non ablatum esse mihi persuadeam. Jam enim res Gallicas non ex aliorum narrationibus; sed ex rerum ipsarum usu & tractatione ita cognoscis, ut de Sabaudia aut de Germania repetenda cogitationem omnem dudum abjecissè te non dubitem. Quid enim terrarum orbis cum Lutetia una conferendum continet? Ubi, inquam, tantam humanitatem, ubi tanta literarum subsidia reperies? Cæterum postquam quod dudum optaveras, tibi contigit, jam maturè deliberandum est quid tibi statuendum censeas. Ac si quid nostris consiliis tribuis, te tuaque potissimum in hac deliberatione respicies. Satis hætenus aliis vixisti. Fac ut tibi quoque in vita bene sit, teque olim vixisse tui gaudeant. Sed cave verbis aut rebus incertis credas, ubi de re nummaria & perpetuo subsidio agitur. Si fortè stationem hanc retinendam putas, vide ne longiori absentia hominum nostrorum studia in te minuas, aut in hyemem redditum rejicias. De rebus nostris nihil equidem scribo; non enim vacat. Berticerius nos aliquantulum exercuit; jam enim quadragesimum hunc diem ipsius causâ ita perdidit, ut nullum vacui temporis momentum seponere licuerit; ac vix quidem his tubercinandis datur otium, magnâ Diocesium legatione à mane ad vesperam obturbante. Sed dum laboribus nostris publica tranquillitas firmatur, & leviter & libenter turbas nobis privatim dari ferimus, qui vitæ civilis incommodis dudum assuevimus, & Magistratum non sibi, sed Reipublicæ vivere non ignoramus. Familiam tuam valere, ex Dominæ tuæ literis intelliges. Casseronem cras, Deo dante, repetam, unde commodius & pluribus rescribam. Interim bene vale, ô anime mi carissime; & si feliciores amicos isthæc nactus es, nemini tamen tuum Canaium fide, amo-

re,

1598. re, studio in te concedere fac perpetuò memineris. Iterum bene ac feliciter vale. Data *Monspeli*, a. d. ix. Kalend. *Octob.* c10 10 xcviii.

EPISTOLA XXVIII.

I D E M

✠ ISAACO CASAUBONO.

1599. Q UOD ad amantissimas tuas a. d. vi. *Eid. Januar. & xvi. Kalend. Februar.* datas, & tardè, & breviter, & *ausus* planè respondeo, excusare apud te tum demum aggrediar, Vir maxime, cum Apollini & Musis mecum in gratiam redire visum fuerit. Equidem etsi in Palatio illis olim sedem & ædem datam acceperam; falsò tamen id jactari experientià magistrà affirmare non dubito; nullumque secretum & secessum amantibus, in hoc æstuario & sinu verè fanatico locum superesse, ubi non somnum, non cibum capere, nec togam ponere; non uxorem, non filiolum alloqui extra turbam & interpellationem unquam contigit: ubi

*Sive lux fundat radios micantes,
Sive nox fundat tenebras opacas,*

Aulà vacuà frui non licet. Jovem illum *Philus* testor, clarissime Casaubone, à Kalend. Januar. in Museo vestigium facere fas mihi non fuisse. Cæterum redeunte ad suos nòstro Sarraceno, quem tutò has tibi redditurum confido, consilium tuum de Lugdunensi itinere ac mora mihi magis magisque probari, dissimulare non possum; sub illa tamen clausula, ne reditùs spem præcidas, imò invitum te ac publico tantum bono, magnoque tuo incommodo evocari; sed cum primùm lucubrationes tuas diu nimis pressas & flagitatas extra mortalitatis aleam posueris, redeundi animum tibi non defuturum, bonis omnibus persuadeas. Nam si quid nostra isthuc tralatio ad hoc facit, rem tibi confectam intra paucos menses reddam, si Deus volet, & Rex, ut ajunt, nos inviset, quique hujus consilii se auctores profitentur, bonà fide id agunt. De illa acroasi physica quid judices dudum expecto, & si libro non uteris, ut tutò remittas obnixè rogo; nullum enim aliud *ἀντίγραφον* superest. Filiam primogenitam post longam & diligentem inquisitionem generoso juveni, Baroni De la Guepie, ex Provincia Cadurcensi, statim post Paschalia despondere, Deo favente, statuimus. Cætera Sarracenus narrabit, cujus luctus dolore nos peracerbo perfundit, tum ob amissi amici, viri optimi & doctissimi, recordatio-

nem; tum ob illam *ἄσπετος* ab 1599. ejusmodi casibus inseparabilem: dum mecum reputo, quid si de nobis idem statuatur summus ille Arbiter, & infectis meis rebus me meis subripiat?

At tu, ò nostræ gentis ab ultimo Protector ortu, ignosce, & vana ista terriculamenta prælidii tui fiducià procul abige. Bene ac feliciter vale, ò vitæ nostræ vita charissima, & nos tuis votis ac precibus juvare numquam desine. Iterum vale. Data *Casserone, pridie Kalend. Februar.* c10 10 xcix.

Quas ad D. Vicquium scribo, tuæ curæ, si molestum non est, commendo.

EPISTOLA XXIX.

LEO SCHELTONIUS ✠
ISAACO CASAUBONO.

S Cio, clarissime Vir, eas esse curas & 1599. occupationes tuas, ut nullis scriptionibus sis interpellandus. Coëgit me tamen ad has & tui & urbis desiderium, quibus jam id spontè defero, quod nuper rogatus recusabam. Non quòd hic spe meà deciderim, cavi quippe quamvis imprudens, ne fundamento inniterer parum firmo; sed quòd vix feram mutuas contentiones, quibus hæc urbs laborat: quæ quidem eo mihi sunt molestiores, quò homines ipsi agrestiores. Quocirca si quid mea opera vobis prodesse possit, eà utimini. Quod mihi per hominem eum, quem nuper commendavi, facilè Dominus significabit. Vale, clarissime Vir, & me tibi habe commendatum. Data *Clerimontie*, c10 10 xcix.

Tue Dignitatis studiosissimus,

LEO SCHELTONIUS.

Inscriptio.

Amplissimo, clarissimoque Viro,
ISAACO CASAUBONO,
Professori Regio,
MONTISPELII.

EPISTOLA XXX.

CHRISTOPHORUS PU- ✠
TEANUS
ISAACO CASAUBONO.

HÆc tibi scribo, Vir clarissime, post 1604. longam & periculosam valetudinem lecto affixus, nec omnino febre liberatus, ita ut vacillantes articuli vix literam pingere possint: tamen commoda occasio hujus hominis amici mei effecit, ut tibi hanc qualemcumque Epistolam, propensi in te animi mei testem,

1604. Item, scriberem, quâ te unicè rogo, ut candidè interpreteris, si nihil tibi literarum dederim, quod quidem malo animo non accidit, sed incuriâ & veterino quodam, quo eorum mentes occupari solent, qui per varias urbes vagantur: habent enim dilatationes suas, quas penè non sentientibus illis in longum attrahunt tempus. Velim autem tibi persuadeas, me, quamvis Romæ vivam, nihil quicquam tamen de simplicitate illa Gallica, quæ inter amicos requiritur, mutasse. Illud addam, quod te imprimis rogatum valde cupio, scilicet ut benigno illo vultu, quo olim me accipere solebas, eodem fratres excipere non dedigneris; quod quidem ut ad me ipsi scripserunt, pro singulari humanitate tua facis; quamobrem non possum referre tibi gratiam satis. Scribit ad me Parisiis frater meus, amplissimum Thuanum graviter in me infensum, quod tam diu officium scriptioris intermiserim. Diu cogitavi quibus rationibus & excusationibus hanc facilem viam amoliri possem: tandem mihi persuasi, non aliâ quàm tuâ advocatone egere. Scio enim te facilè apud æquissimum judicem causam consecuturum. Rogo ergo te per communia sacra Musarum, ne graveris hunc laborem pro me suscipere; magno me beneficio devincheris. Decrevi, cum primum animus à febre liber erit, ipse me quibus rationibus potero, excusare. Interim ignosces, si tibi hoc onus imponere audeo, quod meâ causâ libenter & æquo animo suscipias. Diu multumque dubitavi, an tibi communicarem consilium, quod ex eo tempore, quo à vobis profectus sum, mirum in modum torfit. Quia autem eo honore me semper affecisti, & ita me amasti, ut quicquid communicaverim, semper libenter responderis; aperiâ tibi, quid in animo habeam, quod primo aspectu mirum videbitur, ac quando conditionem meam perpexeris, spero non tibi ingratum fore. Ex eo tempore, quo Romam veni, nescio quis genius mihi suavit, ut has literas humaniores, quibus seriò incubui, prorsus abjicerem; quod primâ fronte, ut verum fatear, mihi durum visum fuit, cumque per aliquot dies non levi curâ agitatus, advenerunt literæ clarissimi atque humanissimi viri, Nicolai Fabri, quæ doctissimis & validissimis rationibus me ab istis studiis revocabant & ad meliorem scientiam, Historiam nempe Ecclesiasticam, sive Theologiam, invitabant. Institui ergo cum primùm pristinas vires reciperem, animum prorsus Historiæ tradere, ex qua potero sanctiori methodo hoc stu-

dium amplecti. Non desunt hic homines in his scientiis versatissimi, à quibus consilium expectari potest; sed tuum imprimis expecto, quod mihi est instar omnium, & semper erit. Relinquam autem hæc studia humaniora non prorsus, ut dixi; peccatum enim esse gravissimum, ut tam citò hæc studia, quæ tam ardentè amavi, quibus tam diligenter & cum tot vigiliis incubui prorsus, ut dixi, abjicerem. Nunquam profectò animum amittam doctos, inter quos primas tenes, amare, & quantum in me erit juvare, & undecunque poterò libros in illorum usum comparare. Hæc sunt, Vir doctissime, quæ te scire volui, & nobis quid sentias, quâ methodo, & quo libro inchoandum sit, si gratum mihi facere velis, scribes. Edentur in Vaticano Concilia Græca, quorum primum volumen impressum est, & Arabica quædam, & opus quoddam Studitæ. Nescio quo infortunio editio tam bonorum librorum intermissa est. Mirum quantum Librarii frigent in hac tam magna urbe: nam quamvis habeant libros satis communes, tamen nullum inveniunt emptorem. Vale, Vir doctissime, & me semper, ut facis, constanter ama. Iterum vale. *Roma, a. d. v i i i. Kalend. Januarii.* . . . *

Conjicio
C13 13 CIV.
ex Epist.
François à
Monsr. De
la Scala,
pag. 483.
& Casan.
domi Epist.
380.
qua ad
hanc est
responsoria.

EPISTOLA XXXI.

D U P L E S S I S ✕
à MONSIEUR
C A S A U B O N.

MONSIEUR,

1606. *M*Es afflictions ont esté telles, que vous pouvez penser. J'en digere l'amertume le mieux que je puis; & ne puis trouver où les adoucir qu'en Dieu, résolu aussi avec sa grace de lui donner le reste de mes jours, lesquels désormais ne peuvent estre que longs, pour courts qu'ils soyent. Je n'ay point vu Mr. Perillan depuis son retour. Il vous aura dit mon desir pour ce qui est de vous, qui m'est commun avec plusieurs gens de bien; & j'ay vu en ce que m'avez envoyé un eschantillon de ce que feriez, si vous estiez rendu à vous-mesme, digne de vous; c'est tout ce qui se peut dire; qui me fait vous remercier affectueusement, & vous importuner tant plus. Qui peut trouver estrange, que vous revoyez les Peres Grecs, pour nous donner en Grec ceux, que nous n'y avons point encor; nous rendre meilleurs ceux que nous avons? Ne sont-ce pas productions communes? Et pour les Notes, vous les pourrez réserver à imprimer à un autre temps.

Hic est
responsoria
ad Epist.
309.

1606. temps. Je feray tenir l'exemplaire mentionné en vostre lettre à Mr. Perillau. Quant à Mr. Trochorege, l'un de nos Pasteurs, je luy ay fait l'excuse, que m'escriviez sur la morosité de vostre homme, & il vous escriira au premier jour. C'est un personnage digne de vostre amitié & de tous les gens de bien. Continuez moy, Monsieur, la vostre, & faites estat de mon affection à vous honorer, & servir où j'en aurois le moyen.

De Saumur, le 6.
Juillet 1606.

EPISTOLA XXXII.

✱ JOANNES CASELIUS
ISAACO CASAUBONO.

1608. SUB Non. Majas tuæ mihi redditæ sunt. Votum tuum pro salute mea sic accipio, ut minus iniquo animo expectem, quæ universæ senectuti impendent. *τελευτάρι δὲ τῶν ἐν ἀνθρώποις θανάτων.* Interea nostræ juventuti auctor sum, ut tu quoque de me sentis, studii sapientiæ. Ita autem passim negligi & contaminari meliores literas doleo, ut quis alius; pauci admodum nobis auscultant: plerique ad ea contendunt, in quibus splendor est & utilitas. Quod etiam in luctu tuo me compellas, hoc me tibi cariorum intelligo, *συμπύχον* deploranti immaturam mortem carissimæ filiæ. Rectè te ipsum colligis, quod tuæ præstantiæ est, & omninò potes, instructus omnibus, quæ à quoquam ad consolandum depromi possunt. Mihi sæpe solatio fuit amici sermo lugenti obsecundans. Fuisse apud te Arnisæum ex aliis mihi audivisse videor. Fortè & Peparinus tibi adfuit. Minimè enim te prætereat, qui & secum ducit, quos intellexeris. Moncor, ut ad te mentionem faciam cujusdam mihi familiarum Livonis, pernobilis juvenis, Theodori Faresbachii, cujus patruus Georgius, cum quo etiam mihi notitia fuerat, fortitudine & usu rei militaris nomen & amplissimas dignitates sibi comparaverat, atque ille ipse est, qui has tibi reddidit. De Oveni filio quid factum sit miramur, & parentes ipsi finistrè suspicari incipiunt: modò vivat: comperiemus denique: etenim multos rogavi, ut inquirerent. Vale. *Helmst. ex Acad. Jul. Non. Januar.* CIO IO CVIII.

EPISTOLA XXXIII.

IDEM
ISAACO CASAUBONO.

✱ NON erat, cur ad te scriberem. Etc. 1608. nim non minus è communibus familiaribus, quàm ex literis meis pro certo habes, me tui æquè observantem, quàm tu mei amantissimus es. Hoc cum nullus ipse dubitem, de me tibi sic affirmo, ut vir bonus sum, & haberi desidero. Scribo eò potissimum, ut recognoscas, & plures & meliores esse, qui te sincerè omni observantiâ colant, quàm qui calumniantur. Hoc genus contemnere te certò scio, & me quoque oportet, etsi nullà me re vobiscum comparo. Uti hic habitent Musæ, acceperis ex Arnisæo; plura è Peparino: hic etiam fortè has tibi reddet. Optimè autem, patrono Henrico Julio, Principe sapientissimo, nisi tumultus è vicinia ipsius super hac re & aliis gravissimis cogitationes interpellent. Vale. *Helmst. ex Acad. Jul. a. d. iv. Kalend. April. CIO IO CVIII.*

EPISTOLA XXXIV.

✱ * * * PELAGRANGE ✱
A MONSIEUR
CASAUBON.

MONSIEUR,

INcontinant que j'eus le bonheur de 1608. prendre conge de vous, remercier vos courtoisies & honnestetez, & vous offrir mon très-affectionné service, m'en retournant la Grand' Semaine en ma maison, & lisant chose digne de ladite saison, qui est la Passion de Notre Seigneur, je me suis trouvé empesché sur un passage de St. Luc au chap. 23. v. 11. où il est dit: Supervenit Jesum Herodes cum exercitu suo, & illud indutum veste albâ; au Grec, *λαμπράν ἰσθητά*. Et Erasme, Beza, & Arias Montanus vertunt, veste coccineâ. Et de (Liva *) dit, quod (hic †) Lucas albam vestem dixit, juxta alios Evangelistas, purpureâ, vel coccineâ veste indutus illuditur. Sic versiones Hebraicæ & Syriacæ discent, veste coccineâ: & Mr. le President de Tolose, Faber Agonisticôn lib. 2. cap. 12. l'appelle vestem fulgidam, pellucidam, purpuream & rubram. Tellement que par l'autorité de tous les susdits ce passage de St. Luc semble se devoir entendre non d'une robe blanche, (comme les vieilles Versions Latines & Françoises le tournent) mais d'une robe d'escarlatte rouge.

O o o o

Aussi

1608. Aussi le mesme St. Luc aux Actes des Apôtres, chap. 1. v. 10. parlant de l'Ascension, il dit, dum ascenderet Jesus in cœlum, asciterunt duo viri in ἱσθητί λευκῇ comme aussi St. Matthieu, chap. 28. v. 3. ἡ τὸ ἵνδυμα αὐτῆς λευκὸν ὡς χιτῶν. Ils ne disent pas, ἐν ἱνδῇτι λαμπρῇ pour signifier le blanc. Ce que confirme Theocrite Idyll. 8. v. 65. où il dit, λαμπρὴν κύων, ubi Scholiastes ait, λαμπρὴν esse nomen canis, ὅτι τῇ λαμπρῇ ἔχεν τὴν ἑρᾶν, ἢ πυρρᾶν.

Mais je suis en grand doute de ce qui est dit au contraire par Lipsius, Eleæor. lib. 1. cap. 13. Candidatos, qui dignitatem prenabant, induere togam candidam, ut hac quasi notâ intelligi & excerni possent à reliqua plebe, & vulgi togas esse albi coloris, non candidi, albus enim color natus lanæ est, candidus verò propriè splendens ille, & qui est ab arte. Ideò Polybius inquit λαμπρᾶν. Splendentem dicere maluit petitorum togam, quàm λευκὴν, albam. Nam petitores non contenti insito lanæ colore, cretam addebant in vestem, ut candesceret, imò splenderet. Hac ergo notâ discreti à vulgo κατ' ἑξοχὴν dicti candidari, ut apud Isidorum, fit toga addito quodam cretæ genere candidior. Livius lib. iv. Placer, tollendæ ambitionis causâ, tribunos legem promulgare, ne cui album vestimentum addere petitionis causâ liceret; ubi Lipsius emendat, ne cui album in vestimentum addere petitionis causâ liceret; quoniam alba vestis non interdicta erat, sed additio albi in vestem. Et semblable interpretation est en Plutarque, lib. de Præceptis connubialibus: αἱ περὶ οὐκ ἐπέτρεπον ἰδίῃτα λαμπρᾶν ἢ λαυβάνισον, ἔδωκε Φωκιδᾶς οἱ παῖρσι, ut Xylander vertit: Qui ad Elephantas accedunt, splendido vestitu; qui ad tauros, puniceo non utuntur. Et Mr. Amiot traduit: Ceux qui gouvernent les elephans, ne vestent jamais des robes blanches. Et Mr. Louys d'Orleans au livre qu'il a fait des Ouvertures des Parlements, chap. 24. fol. 261. dit de Froissard: Si fut ce jour le Roy de Portugal vestu de blanche escarlatte, à une vermeille croix de St. George, car c'est la devise de sa Maison: & quand il parle des presents faits à Dumrat pour redimer le Comte de . . . il dit ainsy: Deux somniers chargez de fines toilles de Rheims, & les deux autres de fine escarlatte blanche & vermeille. Et Monstrelet au commencement du second livre des . . . chap. 1. dit: Le Roy Charles sixieme portant le deuil de son pere par l'Ordonnance de son Conseil, fut vestu de noir pour la premiere journee, & le

lendemain à la Messe fut vestu d'une robe de vermeil. Le même Monstrelet au commencement du Roy Louys XI. dit: Le service fait tout incontinent le Roy fut vestu de pourpre. Par tous lesquels passages de Froissard & de Monstrelet, le blanc, le vermeil & le pourpre, c'est tout un. Sur toutes lesquelles difficultez j'ay pris hardiesse, Monsieur, de vous escrire la presente, & vous prie très-humblement me donner avis & sçavoir de quelle couleur estoit ladite robe de Jesus-Christ; ou bien en faisant vos notes, si jà elles ne sont faites sur vostre Polybe, quand il traite λαμπρᾶν, petitorum togam, me remettre; vous priant encore très-affectueusement excuser ma . . . vous, & l'attribuer plustost à votre nonpareille & admirable vertu & érudition, & au desir que j'ay de vous demeurer à jamais,

Vostre très-humble & affectionné Serviteur,

PELAGRANGE.

A Dyon, Avril
1608.

Je vous prie presenter de ma part mes très-humbles recommandations à Mr. le Fevre, votre voisin, & la . . . ; que je suis son très-affectionné Serviteur.

Ledit Mr. d'Orleans au susdit lieu dit qu'anciennement il y avoit plusieurs sortes de Pourpre, & qu'on les avoit reduites à trois sortes, ἀλλεγειδα, πορφυριδα, Φωκιδᾶ. Qu'aujourd'huy on ne fait mention que de deux; de l'escarlatte rouge, & de la violette; & que Froissard appelle escarlatte violette, escarlatte blanche.

EPISTOLA XXXV.

D U P L E S S I S ✕

A MONSIEUR

C A S A U B O N.

MONSIEUR,

J'ay reçu les vôtres par l'adresse de Mr. 1609. André Rey. Et pour Mr. Erpenius, je l'ay reçu au mieux que j'ay peu, en égard & à votre recommandation & à son merite. Sur ce qu'il me discouroit des perplexitez & importunitéz, lesquelles il vous avoit laissées, je luy ay dit à la verité, qu'il est à desirer qu'une bonne fois vous couppiez broche à toutes ces tentatives; & que nous avions l'exemple de Nostre Seigneur là-dessus, qui ne respond à Satan & aux Pharisiens que par monosyllabes. Mesmes que ce long & frequent entretien ouvroit la bouche à ceux qui ne vous connoissent pas assez,

1609. sez, pour en parler moins à propos; auxquels j'aurois plusieurs fois respondu, & de bouche, & par escrit, que vous aviez trop de science, & de conscience, pour vous laisser emporter à ces artifices. Mais tout cela, comme luy-mesme vous témoignera, toujours persuadé de vostre constance, plaignant seulement que vous ne pensiez posséder vostre ame avec plus de patience, & jouir de vostre temps avec plus de fruit. Ce que souvent je vous ay oui regretter à vous-mesme. C'est ce que je vous repete encore par celle-cy, non pour vous abstenir de la hantise du monde, auquel vous estes obligé; car comme dit l'Apôtre, il nous faudroit sortir du monde; mais pour retrancher toute esperance, & vous tenir poür dit tout ce qu'ils vous scauroient dire; afin que cette hantise vous soit désormais, si non plus agreable, au moins, moins onereuse. Du fait de Geneve, je scay de long tems vostre plainte; mais je n'en scay pas la cause: & presupposé que c'est un procès, auquel vous estimez vous avoir esté fait, ou aux vostres, injustice, vous savez que tous procès, voire les plus clairs, sont problematiques. Mais je veux croire, que ce soit une manifeste injustice; que nous sert de nous en plaindre à ceux qui nous en peuvent faire raison, & cependant en abusent? S'il y reste donc encore quelque remede, je vous conseilerois de requerir Messieurs de Sully & de Lefdiguieres, & d'y employer leur autorité, qui tous deux vous veulent bien, & le peuvent. Et si vous avez opinion, que j'y puisse rien contribuer avec eux, je m'y offre de toute mon affection. Pour nos Eglises, qui ne vous témoignent pas ce qu'elles deussent, vous estes prudent pour considerer leur condition. Certes je scay qu'elles vous honorent & pesent l'utilité que vous leur pouvez apporter; mais vous savez bien, que Sa Majesté vous ayant retenu près d'elle, nul n'oseroit penser à vous appeller ailleurs. Et il vous peut souvenir, que sans cela j'eusse tenté tous moyens de vous attirer en cette ville; eusse-je deu me charger d'une bonne partie. Je vous prie donc, Monsieur, de vous consoler en Dieu, qui aura soin de vous & des vostres; & que la juste douleur ne vous emporte point à croire de vos amis, gens de bien, tant y a, & serviteurs de Dieu, qu'ils aient autre affection vers vous, que celle que vostre vertu merite, & qu'ils vous doivent. Pour moy en particulier, sous cette protestation, je vous offre tout le service, qui peut proceder de moy. Et sur ce salue humblement vos bonnes graces, priant Dieu, &c.

LET. de JANV. CIO IO CIX.

EPISTOLA XXXVI.

L E M E M E



à MONSIEUR

C A S A U B O N.

MONSIEUR,

JE reçus hier les vôtres par Mr. Jong, 1609. que je cheriray & pour vostre recommandation, & pour le merite de son pere, & son propre. Telles personnes ne peuvent m'approcher à meilleurs titres. Je plains la perte que nous avons faite de Mr. de l'Escale, lequel à la verité faisoit une des parties integrantes de la meilleure doctrine de ce siecle. Mais vous savez que le temps l'emportoit, & que vivre plus longuement eust esté se survivre. Ce que les grands hommes n'ont jamais desiré, ni leurs amis pour eux. Je ne doute pas que les Jesuites, comme vous dites, n'attaquent sa memoire; Leonis mortui vellicantes barbam. Mais ce n'est pas la moindre partie de son Epitaphe, d'avoir eu de telles gens pour adversaires, ut omnis boni olores, ita & omnibus bonis exosos. Et je m'assure que quand ils y attenteront, non impunement ferent, tant que Dieu vous réservera; qui devez de tant plus redoubler de courage, que la Chrestienté voudra retrouver en l'un ce qu'elle avoit es deux; comme les Medecins nous assurent de celui qui perd l'un de ses yeux. Pour ce que m'écrivez du Cardinal Du Perron, je luy dirois volontiers ce que Nostre Seigneur à celui que savez, Quod vis facere, fac citò, tandis que Dieu me continue la santé. Car je ne luy ferois gueres surattendre une bonne & forte replique. Mais pour ce qui est de vous, je tiens tant de vostre pieté, doctrine, vertu, que rien ne la peut ébranler, que tous les feux de ce monde-là ne vous peuvent endommager, quelque ardente qu'en soit la fournaise. Je croy aussi que vous me faites ce bien de m'aimer, comme aussi je vous honore & fay cas de vostre amitié selon vostre merite. Sur ce, Monsieur, &c.

Ce 2. d'Avril, CIO IO CIX.

EPISTOLA XXXVII.

JACOBUS LECTIUS ✠
ISAACO CASAUBONO.

REdditas volenti tibi literas meas, 1609. mi Casaubone præstantissime, nec vilescere amicitia nostræ sacrum apud te, pergratum fuit ex literis tuis intelligere. Et si autem in his ampliter reliquum

O o o o 2

*Hac est
responsoria
ad Casaubon.
n. 614.
Videatur
responsoria
ad Epist.
605.*

1609. quum etiam querelarum, tamen in finem amici liberius hæc effusa & fidenter interpretor, & curaturam sedulo virtutem ac pietatem tuam spero, ne quid aut divinis oculis minus dignum abs te unquam proficiscatur, aut mortalibus. Indue, inquam, oro te atque obtestor, placidissimum in nostrates omnes animum, ac summos alios quoque viros molestiis ærumnisque suis hautquaquam liberos esse statue; multa propriæ infelicitati, aut divinæ providentiæ, cujus consilia & vias ignoramus, indulgere. Vassonius noster & publica nostra differet, & privata mea suaque. Raptim hæc pauca libuit exarare, sed affectu sanè prolixo. Amplissimum D. Præsidem Thuanum, quæso, ex me reverenter saluta. Vale autem cum tuis omnibus, & me amare perge. Data *Genevæ Allobrogum*, xx. *August.* anno Domini c15 13 c1x.

EPISTOLA XXXVIII.

✱ THOMAS ERPENIUS
ISAACO CASAUBONO.

1611. JAm quinque ferè sunt menses, clarissime Domine, quod ad te non scripsi: cujus causam quæso ne suspiceris esse tui oblivionem: prius ego mei quàm tui obliviscar; tui, inquam, cujus erga me amor & beneficia æternam merentur & consequentur memoriam atque gratitudinem. Causa autem silentii mei varia est. Ac primò quidem quòd ipsis Nonis Maji prolixas admodum ad te dederim literas, quibus & postremis tuis abundè respondi, simulque de insigni isto munere, quo me ornasti, imò onerasti, de Alcorano loquor, gratias egi; & rerum mearum statum ac studiorum rationem prolixè exposui: ita ut singulare quid quod ad te scriberem, postea non habuerim. Secefferam autem tum temporis, fugiens strepitus hosce Parisienses, & crebras visitationes, studiorum gratià in pagum huic urbi vicinum Conflantium, ubi tanta cum voluptate & ardore studiis incubui, ut loco quatuor septimanarum, quas illic morari animus erat, quatuor integri menses, unius instar mihi visi, præterlapsi sint; quæ altera causa silentii mei fuit: videbar nimium mihi non ita pridem ad te scripsisse. Accedit quod cum indies abitum ex hoc Regno pararem, deque septimana in septimanam studiis novis perpetuò retentus, cum differrem, simul quoque cum eo scriptionem ad te, cui ipsum diem discessus mei destinaveram, distulerim. Nunc verò cum

præter omnem opinionem aliquandiu 1611. adhuc hic cogar subsistere, tempusque silentii mei nimium excrevit, & tua etiam charissima uxor omnesque domestici ad te abeunt, religio mihi foret diutius silere. Non dubito autem quin valde mireris, quod scribam aliquandiu adhuc hic mihi hærendum esse; itaque causam ejus habe. Jam tribus aut quatuor abhinc septimanis negotia mea omnia penè abolveram: solum restabat mihi nitidè describendum opusculum illud Proverbiorum Arabicorum, (quod antè mihi non licuerat, quia Manuscriptum Domini Florentii, quem sperabam scrupulos aliquot mihi exempturum, sicuti fecit, valde nuper primùm sum adeptus) ad quod cum me accingerem, ecce præter spem meam Conflantium venit mei invisendi gratià Mercator quidam Marocensis, *موركان* nomine, & religione *مسلم*, vir humanus & magni ingenii, quique juvenis literis quoque operam aliquam dederat, atque adeò Arabicam Latinam (sic vocant antiquam ob casum more Latino variationem) mediocriter loquebatur. Conventus noster utrique nostrum gaudium ingens attulit, illi quidem, quòd in hisce terris videret hominem Arabicæ linguæ tam studiosum; mihi verò, quòd Arabem, à quo sperabam me aliquid posse discere; quæ spes quoque me non fefellit. Totum itaque istum diem, (nam valde manè ad me venerat) unà fuimus, variis de rebus, præcipuè verò ad id studium pertinentibus sermonem miscentes Arabicum: nam quam ille præterea noverat linguam Hispanicam, ego nullatenus intelligebam. Cumque audivissem ei Lutetiæ ob negotia sua menses duos aut tres esse subsistendum, statui illicò in urbem reverti, quò commodius ejus consortio frui possem, & aliis rebus intermissis, iis solis incumbere, in quibus ab illo juvari posse me arbitrabar: id quod huc reversus nunc sedulo facio: conquirō enim undique vocabula, (nam in grammaticis nihil me juvare potest, & libenter me magistrum agnoscit & admiratur) quæ negotium mihi facessunt, & ea quotidie tum per colloquium, tum per Epistolas ei propono. Etsi autem majorem eorum partem non melius me intelligat; tamen in multis egregiè mihi est adjumento, ut aliquando *أن شاء الله* abundè cognosces. Initio difficultatem aliquam in pronuntiatione ejus assequenda experiebar, cui tamen mox assuevi, ita ut Latinè mihi nunc loqui videatur. Sermo autem ejus non admodum purus est, sæpe regulas gram-

maticas

1611. maticas (vel ipso fatente) non observat, & idioma vulgare cum antiquo miscet, non enim assuevit linguæ eruditorum. Crebra mihi sunt cum illo de religione certamina; sed, crede mihi, non sunt quidam eorum errores tam faciles confutati, ut multi sibi imaginantur. Divinitatem Christi imprimis abominantur; quod negotium quàm sit arduum, docuerunt olim satis Arrianorum certamina, quæ cum magno dolore intelligo hoc tempore in Belgio ab inferis revocari. De multis aliis rebus non ita stultè sentiunt, ut nostrorum quidam ex Alcorano conantur probare. Sed nihil est Alcoranus absque suo commentario, & libris سنة, qui continent acta, dicta & responsa Muhammedis. Nam quàm primùm ex Alcorano aliquid contra eos allegatur, illicò respondent: بل شرح القرآن علي هذا الموضع يقول. Item, بل كتب في كتب السنة ان, الذي اذا سئل عن هذا الحل اجاب كذا وكذا. Itaque qui cum fructu cum illo hominum genere disputare vult, necesse est ut libros illos legerit. السنة autem decuplo major est Alcorano, aut amplius, & paris cum illo auctoritatis. Ejus pars المدونة, quæ judicialia continet, extat hic in Coenobio quodam. Commentariorum autem in Alcoranum pars quædam etiam extat in Bibliotheca Sorbonica, ubi non singulæ solum sententia, sed & verba familiariter explicantur. Sed ad Achmedem meum revertamur: ejus in hac urbe mora & me manere facit; est enim hæc occasio meo judicio non negligenda, & cui similem non facile alibi adipiscar. Sed quod nonnihil malè me habet, hæreo hic inficiis parentibus meis, qui putant me jam aliquot menses Genævæ esse. Verùm ubi Turca hic discesserit, ad iter illicò me accingam, operam daturus ut quàm primùm fieri poterit eos videam: non nimirum credas quàm magno mei desiderio tangantur; unde iter meum in Italiam credo omittendum fore. Ibi tum per Genavam Basileam, ne iis dolus meus de supposititia hac Genævæ habitatione suboleat. Misi tibi cum postremis meis indicem rerum præcipuarum in Geographo Arabe; ubi non pauca obiter explicavi: item specimen divinationum mearum in Poenulum Plauti, simul te orans, ut si quæ tibi inter legendum occurrant voces Africanæ, præcipuè Ægypticæ, eas meâ causâ obiter velis annotare; poterint enim fortassis mihi in commentariis meis in linguam Hebræam & reliquas Orientales non parum prodesse. In He-

sychio, ut intelligo, non paucas sum in-1611. venturus; & similes Auctores alios, si qui sint, ex te, ut spero, cognoscam. Nunc tibi mitto libellum tuum Colloquiorum Arabicorum, innumeris mendis typographicis à me repurgatum. Ac prima quidem duo colloquia ad verbum sum interpretatus; in tertio ea solum explicui, quæ difficultatem aliquam habere videbantur. Libellus est non inelegans; sed dolendum est tam vitiosè excusum esse: quæ causa fuit quòd in multis locis diu hæserim, & etiamnum in quibusdam hæream. In stylo quoque ejus non pauca desidero, quæ nunc recensere nimis longum foret; occurrunt hic illic voces adhuc quædam, quarum significationem nondum licuit mihi assequi, quas doctissimus Bedwellus, qui pluris me lectionis est, facile tibi, ut spero, est suppeditaturus; alia quædam sunt, de quibus divino, an benè, necne, nemo melius te atque illo judicet. Mitto quoque Orthographiam Arabicam, eâ quâ potui brevitate & perspicuitate à me conscriptam, in quâ, præcipuè capite quinto & nono, non pauca invenies scitu dignissima & necessaria, à nemine hæctenus observata: caput verò decimum, quod non paucâ speculatione mihi constitit, aureum planè est & fundamentum totius Arabismi: ita quidem ut iis, quæ illic traduntur, ignoratis neminem solidam Arabicæ linguæ cognitionem adipisci posse audaçter prædicem; de quibus tamen Grammatici nostri vix ullam mentionem faciunt: quia, ut habet proverbium: انما ثم للعقل ثم للكلام.

Remitto etiam scedas doctissimi Bedwelli, quas olim ad me misit, cum meis in eas observationibus, quas spero ei non ingratis fore. Cognosces ex iis quàm periculosum sit absque Grammaticis cognitione in hac lingua quicquam aggredi: poteris eas cum ipsis schedis tibi servare, donec per otium eas legeris, & post ei tradere, nam quæ adest Epistola mea, diem adscriptum non habet. Quod si velis nescire eum illa à te lecta esse, chartæ involuta absque sigillo obferentur. Alcoranum Regium, quem utendum mihi dederas, ἀδελφίδῃ tuo Chabanæo restitui. Ex collatione autem ejus cum meo exemplari non parum didici. Quandoquidem autem tuus erga me affectus tantus est, ut in iis, quæ à te habeo, plenâ libertate me velis uti, libellos tuos grammaticos adhuc aliquandiu mihi servabo; quamdiu nimirum Grammatica mea plenè absoluta non est, subinde sunt mihi inspiciendi. Notas autem Domini Adriani in

1611. Alcoranum, quas separatim compingi curavi, nunc unâ mitterem, nisi quotidie multa ab hoc Turca discerem, quibus eæ augeri & corrigi non mediocriter possunt: nihil nimirum ferè continent aliud, ut nôsti, nisi dubia, & conjecturæ in difficiliora loca, appositâ, ut plurimum, versione Interpretis Latini: unde è re tuâ, & gratum tibi fore existimavi, si eas ut cœpi pergam illustrare, pleraque dubia solvendo, errata indicando, & eæ quæ defunt adjiciendo: quod quàm primùm plenè præstitero eas, ad te transmittam. Grammatica Romana non videtur amplius exspectanda: intelligo nimirum Baptistam Raimundum, qui edere eam cœperat, rixari cum Maronita quodam, qui eam in illius gratiam in Latinum transferebat: non nimirum futura fuisset nisi versio Latina Grammaticæ cujusdam Arabicæ, à Raimundo nonnihil polita, & Latinius loqui facta. Sed ob eorum discordiam opus non putatur absolvendum. Petrus autem Kirstenius nuper reliquos duos Grammaticæ suæ libros evulgavit; qui quales sint, vis uno verbo dicam? Non merentur legi. O inscitiam homines & & audaciam! ne *نص* quidem conjugare scit, nec Alcoranum unquam legit, (quod certò scio) & tamen Grammaticam Arabicam audet edere. Non dubito quin eam videris; unde ampliori ejus descriptione supersedeo. Mea autem præcepta quidem omnia inventa nunc sunt & illustrata; sed in variis adhuc schedis dispersa, nec in unum corpus redacta: cujus causa est, quod Typographus nullus me urserit, & hætenus in iis poliendum semper adhuc aliquid occurrerit: nec dubito quin si integrum adhuc decennium, eo quo hætenus feci modo, istis literis incumbere, perpetuò iste foetus mihi lambendus foret. Quater hac ætate Alcoranum perlegi, singula accuratissimè expendens; sed semper nova adhuc multa in Grammatica observatu digna occurrerunt: verùm nolo in infinitum tendere; quàmprimùm otium sufficiens nactus fuero, omnia in ordinem redigam, & nitidè describam; quò ad prælum parata sint, si fortassis occasio aliqua ea excudendi alicubi sese offerat. Sed ne fortassis interim ejus desiderium molestum tibi sit, mittam ad te intra paucos dies totius operis medullam, distinctis aphorismis compendii gratiâ comprehensam, & dilucidis exemplis illustratam: id nunc factum fuisset, nisi Jani Rutgersii (qui meis verbis plurimum te salutât) & aliorum quorundam amicorum nuperus ex Batavia adven-

tus hos tres dies penè integros à studiis me avulisset; qua de causa non ægrè, ut spero, feres hanc dilationem. Vale, charissime Casaubone; & tuum Erpenium ut cœpisti perge amare. *Lucretiæ, a. d. iv. Kalend. Octob. c. d. 13 cxi.*

Quæso ne affinis meus aut quisquam alius ex te resciscat, me Parisiis adhuc esse: si quærant an literas à me acceperis, significare quidem id potes, sed velim similes eas Genevæ scriptas esse, mense Augusto: quin D. Bedwello scripti me Genevæ esse, ne per eum secretum hoc reveletur. Iterum vale.

Inscriptio.

A Monsieur,

Monsieur C A S A U B O N ,
A L O N D R E S .

E P I S T O L A XXXIX.

I D E M
ISAACO CASAUBONO. ✠

ACcipe, clarissime Vir, quæ nuper 1611. promisi excerpta ex schedis meis Grammaticæ Arabicæ de nomine particulis & Syntaxi: nam in tractatu de Verbis, quem olim, & alio de Orthographia, quem non ita pridem ad te misi, non admodum multa corrigenda aut adjicienda hætenus occurrerant: adeò ut nunc totius Grammaticæ rude quoddam compendium generaliora quæque ejus præcepta & præ reliquis necessaria continens habeas. Nam perfectum systema accuratiorem methodum & longè plura præcepta requirit, in quo adornando totus forem, si spes aliqua id excudendi affulgeret. Paucissimis septimanis opus absolutum & methodicum queam edere: omnia enim præcepta nunc parata habeo; solum poliri, nonnihil exemplis illustrari, & in ordinem cogi exigunt. Sed ut quod res est fatear, mi Casaubone, incipiunt frigere Musæ meæ Arabicæ: quin non rarò me poenitet tantum me operæ & temporis impendisse iis literis, quibus non video quomodo aut mihi, aut aliis multum prodesse possim; quia eas nec publicè profiteri, nec scriptis illustrare datur. Verùm hoc unum non parum mihi solatii affert, quod sperem me iis tuum laborem aliquantulum sublevaturum. Satis mihi continuus hujus triennii labor emolumenti attulerit, si quo te juvem nonnihil, & meam tibi gratitudinem tester, subministret: grata itaque tibi sint, mi Casaubone, exigua hæc mea munuscula literaria, donec melio-

1611. meliora dem. Citius fortassis quàm arbitraris Angliam adibo, coram te pro viribus meis in istis literis iuvaturus. Raphelengius Leydæ patris sui Dictionarium Arabicum excudit: quod sic satis bonum & copiosum futurum est, sed parum elegantibus typis. Vidi folium ejus xviii. continens partem literæ ٥: si scivissem id eum in animo habuisse, potuisset longè copiosius & infinitè accuratius edi: si quidem alterius laborem cum patris sui conjungi passus esset. Fortassis absoluto Dictionario non invitè opusculum nostrum Proverbiorum, & Grammaticam meam Arabicam excudet. Nisi grave est, poteris id ei per amicos Leydenses significare: nam à me id non ita convenienter fiat. Erat non ita pridem Leydæ Judæus quidam Maurus, in Literis Hebraicis & Arabicis probè, ut audio, versatus: huic, ut ajunt, Arabicæ linguæ professionem injunxissent Curatores, si Latinam linguam calluisset; quod an credere debeam necne, incertum sum. Vidi nuperrimè catalogum librorum à D. Scaligero Bibliothecæ Leydensi legatorum, inter quos non pauca egregia volumina Arabica, quæ dolendum est, nemini prodesse: inter cætera divinum istud Maimonis opus *מורה נבוכים* ab ipso Auctore Arabicè conscriptum, & post à Judæis in Hebræum translatum, & inde malè & barbarè Latine expressum. Utinam mihi facultas concedatur id opus Arabicè & Hebraicè cum versione Latina & notis evulgandi: sed nec hoc, nec longè minora sperare audeo. Facile tamen videbo quid de me & studiis meis futurum sit, ubi in patriam reversus fuero. Interim vale, mi Casaubone, & me, ut soles, ama. Mitto nunc etiam tibi præter Præcepta ista grammatica Surata unam Arabicè cum versione mea Latina ad verbum, & brevibus in eam notis, quin & in nonnullas etiam voces considerationes grammaticas. Plura sic explicassem, ni superfluum id judicassem: nam præceptis grammaticis utcunque cognitis facilè quis omnia suo Marte eruit. Deinde nimis id prolixum est; & mavult praxis grammatica proprias meditationes, & vivam docentis vocem, quam brevi, si Deo placet, tibi suppeditabo: si quidem adhuc studiis illis delectaris. Adjunxi etiam supplementum egregium in aureum istud caput Orthographiæ de literis *اوى*, unde solida Arabismi cognitio penitus dependet. Quæ omnia si grata tibi esse intellexero, judicabo me non omnem operam in eo studio luisse, conaborque ut plura & meliora ad te

dem, quibus studia tua juvari queant. 1611.
Iterum vale. *Lutetiæ Parisiorum, a. d.*
x. Kalend. Novemb. c15 15 cxi.

Inscriptio.

A Monsieur,

Monseigneur C A S A U B O N.

A L O N D R E S.

EPISTOLA XL.

ANDREAS SCHOTTUS ✠
ISAACO CASAUBONO.

Tuas accepi, clarissime Casaubone, 1612.
& in Britannia hæere velle legi
invitus. Mallent docti omnes ac φι-
λέλληνες Polybium, illum Græcorum
Historicorum *κερυφαίον*, edolare, ut cœ-
peras, pergeres, & promissa pridem
χόλια dares; potes enim, ac debes:
potius quàm te in certamen non neces-
sarium demittas, extraque chorum sal-
tes sine fructu, imò damno tuorum
scriptorum. Scis quàm Josephi (Sca-
ligeri) fama deteria, dum senex tan-
git acerbius, à quibus ne verbo qui-
dem læsus esset, Socios nostros, viros
omni doctrinæ genere præstantes, To-
letos, Bellarminos, Possevinos, Pere-
rios, cæteros. Certè nollem in nuperis
tuis illud de Libro adjecisses ejus, cu-
jus me potestati semel commisi, dicto-
que audiens domi unà verfor. Qui
in Amphitheatro cavit studiosè, ne
Thuanum, Præsidentem amplissimum, te-
que, etsi nominaret, volens læderet.
Optaret potius in Ecclesia te Roma-
na, desertis illis Calvinii castris, com-
plecti in Domino. *Quid enim prodest*
homini, &c. & absque fide majorum
salus minimè speranda, ut extra Petri
Cymbam naufraganti. Sed hæc tu me-
lius. Quò illi, ut opto, æquiores te
præbeas, mittam ad te, si voles, tres
ejus Scribanii Controversiarum in Fide
Orthodoxa libros, typis Plantinianis
prope evulgatos: placebit *σημειώσις χά-
ρις* lectio: & stylus magis delectabit,
nisi judicans fallor; verba enim dare
nollem, quando Belgarum candorem
non ignoras. *Antverpiæ, Id. Januar.*
c15 15 cxii.

EPISTOLA XLI.

*** LESCHASTIER ✠

à MONSIEUR

C A S A U B O N.

MONSIEUR,

JE vous ay par ci-devant escrit trois 1612.
lettres en peu de temps, & une à
Mon-

1612. Monsieur l'Evesque d'Ely. Pour vous les envoyer, je les ay bailliées à Monsieur l'Ambassadeur du Roi de la Grand Bretagne près de nostre Roy, afin de les seurement envoyer. Je vous prie me mander, si vous les avez reçues; & si Monsieur l'Evesque d'Ely est au lieu, où vous estes; de me mander aussi s'il a reçu celle, que je luy ay escrit. J'ay eu vostre Epistre à Fronton, qui est tres-loyée & tres-sainte, & bien digne d'un bon Chrestien, comme vous estes. Les Jesuites ont eu ici forte guerre que nous dirons. On combat non les personnes, mais leur doctrine. Vous sçavez qu'ils avoient après la mort du Roy obtenu lettres pour lire en particulier en leur College. Comme de fait ils s'introduisent en la possession sans autorité de la Cour, ayant eu quatre classes d'enfants, l'opposition de l'Université a esté plaidee. Et de la part de l'Advocat de l'Université, & par Monsieur Servin à leur Doctrine, comme convaincus (ainsi parle-t-on) d'avoir tué le feu Roy. En grande Assemblée & grande foule & audience la cause a esté plaidee. Jamais homme ne fit mieux que Monsieur Servin, celebre meshuis au Louvre, semblable à un doge que les louanges offusquent, & au Parlement, & au Louvre. L'arrest est, que sur la proposition de l'Université aux lettres, les parties sont appointées au Conseil. Le Provincial avoit fait offre liberale de souscrire la doctrine que la Sorbonne souscrirait; artifice pour commettre la Sorbonne contre le Pape, & la faire censurer, excommunier, esorciller pour le moins. La Cour a ordonné, que le Provincial & ceux de sa Compagnie qui l'assistent à l'Audience, souscrirait la submission faite par luy de se conformer à la Doctrine de la Sorbonne même. Et pour ce qui concerne (ce sont les mots) la conservation de la Personne sacrée des Rois, manutention de l'autorité Royale, libertez de l'Eglise Gallicane, de tout temps & ancienneté gardées & observées en ce Royaume, pour le tout vu, communiqué au Procureur General du Roy, & joint à l'appointé au Conseil être fait droit aux parties ainsi que de raison. Cependant fait defences aux demandeurs d'enseigner la jeunesse à Paris par eux, ou personnes interposées, ni y faire exercice, ni fonction de scholarité, ni ainsi d'innover, faire ou entreprendre aucune chose au prejudice des lettres de leurtablissement & arrest de verification d'icelles; le tout à peine de decheoir du restablissement, qui leur a esté accordé. Voilà les mêmes paroles de l'arrest. Le

Directorium descouvert par moy, y fut 1612. amplement plaide par Monsieur Servin, & les Croisez manifestes & secrets, qui par le zele de la foy executent les ordonnances de l'Inquisition de Rome, sur la personne des Rois. Chacun en fut estonné & offense. Vous verrez les plaideyers qui s'imprimeront. Jamais les Jesuites ne furent à telles noces. L'Auditeur du Nonce bien que personne petulante, comme sont ordinairement telles gens, dit déjà qu'il n'est point Jesuite; mais que l'on n'avoit que faire de parler du Pape en cette playdoirie. Car la Doctrine des Jesuites combatue a esté la Toute-puissance du Pape; que le Clergé n'est point sujet aux Rois; que la puissance spirituelle s'estend au temporel & aux us & abus des Confessions. Voilà pour le Palais. Monsieur Justel est en cette ville, qui n'a rien encore commencé. Il vous recrit & vous rendra raison de son fait. Je vous ay assez importuné. Il reste que je vous baise, Monsieur, les mains, priant Dieu vous tenir toujours en sa garde, & tous les vôtres.

Votre très-humble Serviteur,
LESCHASTIER.

Lc xxvii. Janvier
CIS ID CXII.

Inscriptio.

A Monsieur,

Monsieur C A S A U B O N,
Bibliothecaire du Roi Très-Chrestien.

EPISTOLA XLII.

DAVID HOESCHELIUS ✠
ISAACO CASAUBONO.

AUDIO, Vir clarissime, Epistolam ad 1613. te Gallico idiomate, haud scio an à Cardinalitæ Dignitatis Domino, missam; quibus tecum τὰ τῶν Κρυπτῶν δειπνῶν potissimum agat. Quo de mysterio ut Veterum legi multa, ita apud neminem extare vel unicam homiliam, quâ dilucidius sententia cujusque exemplaretur, demiror. Quin è contrario, ubi expositionem uberiores desideres, abruptitur ferè oratio verbis illis tritis ἰδασιν οἱ μεμνημένοι. Ac reperio testimonia, quæ τῇ μετακρίσει videntur patrocinari, non apud recentiores solum, sed & veteres quosdam; ita enim accipiunt verba illa Joannis * Chrysostomi: † Σχῆμα πλεονῶν ἔσται (al. σῆμα) ὁ ἱερὺς, τὸ ῥήματα ὀφειλόμενον. ἢ ὁ δυνάμις καὶ ἡ χάρις τῶν Θεῶν ἐστὶν τὰ πρὸς μὲς ἢ τὸ σῶμα φρεσὶ τὰ πρὸς ῥήμα μεταρρυθμιζέμενα.

1612. μίξει τὸ πνεῦμα, καὶ (ut paulò post inquit) τὸν θυσίαν ἀπερησπάρην ἐγράψαται. Ildorus Pelusiota, lib. 1. Epist. 109. hanc virtutem Spiritui Sancto tribuit:

Τὸ πανάρισον πνεῦμα ἐπὶ τῆς τραπίδος τῆς μυστικῆς τῆς ἀρετῆς πὺν κινεῖν, σῶμα ἰδικὸν τῆς αὐτῆς σαρκώσεως δοσφαίνει. Et Epist. 113. Αἱμα Χρυσὸν τὸν τῆς [τῆς οὐκ] ἀπαρχῆς τῆς θεῖας ἐγράψαται πνεῦμα. Nota sunt & ver-

* Apolog. b1 Iustini Martyris *, τὴν δι' εὐχῆς λόγῳ τὰ παρ' αὐτῆς εὐχαρισθηθεῖσαι τροφὴν, ἐξ ἧς αἷμα καὶ σάρκα καὶ μετεβολὴν τρέφονται ἡμῶν, ἐκείνη τοῦ σαρκωποιηθέντος Ἰησοῦ καὶ σάρκα καὶ αἷμα ἐδιδάχθημεν εἶναι. Huc ar-

ceffunt verba Epiphani†, εὐχαρισήσας σῶμα εἶναι αὐτὸν ἀληθινόν, ὡς εἶπεν· ἐκπέ-

πτεῖ τῆς χάριτος καὶ τῆς σωτηρίας. Atqui alius videtur sensisse ‡ Basilii Magni, qui expressè scribit, πολλὰ καὶ π-

πρὸς τὸν ὅτι πῶς ἐξ οὐ μέλει οὐκ ἀνθρώπου αἱ τῆς ψυχῆς πνευματικαὶ δυνάμεις· ἐπεὶ ὁ ἀληθὺς ἐστὶν ἀληθινὸς ὁ Κύριος ἡμῶν, καὶ ἡ αἰὲς ἀληθὴς θρόνος· ἀνάγκη τὸν ἑαυτοῦ τῆς εὐφροσύνης τῆς αἰῆς διὰ γένεσιν ἡμῶν νεότης ἐγγίνεσθαι. Similis apud eundem locus homiliā in principium Paroemiarum, & lib. de Spiritu Sancto ad Amphilo-

chium, cap. 26 †: τὰ μὲν τοῦ σωματικῆς (inquit hoc loco) τῶν ὀνομάτων καὶ ἐπὶ

πῶς πνευματικῆς ἐνοίας * ἐναργείας εἶνα, πολλάκις ὁ λόγος μετακρίσει. Idem Epistolā ad Celsaricenses, pag. 359. Τρέφο-

μεν γὰρ αὐτοῦ τὸν σῶμα καὶ πνεῦμα αὐτοῦ τὸ αἷμα, κινεῖται γινώσκον διὰ τῆς ἐκαστοῦ πῆ-

στος, καὶ τῆς αἰσθητικῆς ζωῆς τῆς λόγου, καὶ τῆς σφίσεως· πῶς γὰρ καὶ αἷμα πᾶσαι αὐτῆς τὸν μυστικὸν ὁμιλῶνται ‡ ὀνόμασι, &c. Macarius, ho-

miliiā xxvii. ἐν τῇ ἐκκλησίᾳ προσφύεται ἀρετῇ καὶ οὐκ ἀντίτυπον τῆς σαρκὸς αὐτοῦ καὶ τῆς αἱματῆς. Theodoretus (dialogo qui Ἀντιπύρῳ inferibitur) ὁ δὲ γὰρ σοφὸς ὁ ἡμέτερος ἐπέλλαξε τὸ ὄνομα· καὶ τῷ μὲν σῶματι τὸ τοῦ συμβόλου τίθειεν ὄνομα· τῷ ὅ

συμβόλου τὸ τοῦ σώματος. Et post paulò, ὅτι τὸ πνεῦμα ὀνόματι τῆς τοῦ σώματος καὶ αἱματῆς προσήγορα πέμψεν, οὐ τὴν φύσιν μεταβάλλον, ἀλλὰ τὸν χάριν τῆς φύσεως πνευματικῆς. Diversum sentit Theophy-

lactus ‡, dum asserit, ἐπὶ ὁ ἀρετῆς, ὁ ἐν τοῖς μυστηρίοις ὅφ' ἡμῶν ἐδιδόμεν, καὶ ἀντί-

τυπὸν ἐστὶ τῆς τῆς Κυρίου σαρκὸς, ἀλλ' αὐτῇ ἡ τῆς Κυρίου σφίσεως· quum velit Chrysosto-

mus †, ταῦτα δὲν μυστικῶς νεῦν καὶ πνευματικῶς. Quæ pauca hic attingere volui, partim propter ipsam illam Epistolam, cujus initio feci mentionem; partim ex

tuis literis: quia mihi videor intellexisse, id genus laboris te habere præ manibus, quo veritatis antiquitatem confirmes; & rudioribus, quos ἀπλοῦς istæ plurimum turbant, scrupulos ejus-

modi eximas. Quo non minus, ne plus dicam, de Ecclesia præclare, quàm

ullis aliis doctissimis laboribus tuis mere-

beris. Legi etiam ἱστορικὴν πραγμασίαν περὶ τῶν ἀντιπύρων, tuumque modestiæ exemplum velim C. S. * & ejus fari-

næ alios sequi. Sed illius adversum Britannix Regem, item aliud contra Dionysium Longinum, quod edidit

scriptum, ostendit ingenium prorsus loquacem. De quo forsan ad te alii. Mihi ad te literas ante bimestre, quas non dubito quin acceperis, nisi & Domino

Savilio inscriptæ, quibus incluseram, interciderint vel interceptæ sint. Bene vale, remque literariam juvare perge.

Augustæ Vindelicorum, a. d. xli. Kalend. April. c10 10 cxii.

Tui studiosissimus,

DAVID HOESCHELIUS.

Si quid à gravioribus studiis tibi esset otii, velim tecum communices, si quæ in Arriano Epicteteo corrigenda observaris; nihil enim ad ipsum è MSS. Codicibus suppetiarum à quoquam fertur: sed in Simplicio à divertis diver-

sis accepit. Mitto ποτημάτων Philonianum, à D. Rittershusio cum meis editum Notis; in quo quicquid desideraveris, culpæ id non meæ, sed alienæ.

Mitto & perillustri Domino, Henrico Wottonio, exemplum opusculi Philoniani, cui quum proximè scripserim, earum literarum hypothecam non video cur repetam. Plurimam eidem à me salutem.

EPISTOLA XLIII.

THOMAS ERPENIUS ✕
ISAACO CASAUBONO.

Spero, clarissime Vir, te jam diu po-

streimas meas ex Gallia & Italia accepisse, illas quidem datas circa Kalend. Novemb. Parisiis, has verò circa Idus Maji Venetiis. Cum utrisque aliquid mearum lucubrationum miseram, quod spero non ingratum tibi fuisse; sed doleo me responsum non accepisse; cujus causa, ut opinor, fuit, quod ubi terrarum hæserim, ignoraveris: unde dubium mihi non est, quin propediem literarum aliquid à te sim accepturus. Per hæc enim intelliges, me tandem salvum & incolumem ad meos reversum esse, domique paternæ sedem figere, donec videam quid de rebus meis futurum sit; quod brevi contingeret, nisi rixæ hæc Ecclesiasticæ in his Provinciis obstarent: at nunc incerta sunt omnia; nam ut ad ministerium Ecclesiasticum inter has turbas me accingam, neutiquam permittunt parentes.

P p p p

Stu-

1612. *Studia autem mea Orientalia non videntur me facile promoturā. Nam ut extra patriam professionem aliquam suscipiam, iidem nolunt; à patria autem Academia tum turbæ, tum professiones jam occupatæ me arcant. Turbas nōsti. Hebraicam linguam jam diu profiteretur Dominus Coddeus. Arabicam profiteri nuper cœpit Joannes quidam Antonides, Anabaptista Hollandus, qui olim serviens Raphelengio, ab eo didicit literas Arabicas novisse; nuper verò cum Arabe quodam Amstelrodami agente per semestre integrum conversans, aliquid in ea lingua intelligere, valde, ut audio, adjutus Grammaticā quadam Arabicā Raphelengii. Quid possit, non queam dicere; non enim conveni hominem, nec facile conveniam, ne videar ejus luci velle tenebras offundere, eumque de loco suo deturbare, tamen in Professorum numerum nondum est adscitus: concessum enim ei solum est publicis prælectionibus per annum continuatis eruditionis suæ & capacitatis specimen aliquod edere: admittendus postea est aut remittendus, prout aptus aut ineptus ad eam professionem esse judicabitur. Legit autem in loco quodam extra Academiam, quia Latine loqui congruè nescit, & donec de professione sua certus sit, relinquit uxorem suam cum familia Amstelrodami, ubi vendit vinum adustum (*eau de vie*). Absque hoc homine res meæ bono satis faillent loco, & occasio mihi oblata studia mea Orientalia continuandi, quod nunc vix puto futurum: nam ut ego mendicem, eumque coner expellere, à me non impetro, etsi non dubito (liberè loquor) quin majori cum publici commodo & Academiæ gloria ipse ei muneri præesse possim. Mitterem nunc quæ in postremis meis promisi; sed libri mei & chartæ nondum in Belgium advecta sunt. Quàm primùm ea accepero, agnosces me promissorum meorum memorem esse. Valde cupio de valetudine tua, statu & studiis certior fieri, teque per tuum erga me amorem oro, ne nimio desiderio me permittas macescere. Raptim hæc exaro Midelburgi, quò parentum videndorum causā veni, quippe quos redux domi suæ in Hollandia non reperi. Domum reversus Musisque meis restitutus, rebusque compositis prolixior ero in scribendo; nunc finem facio. At ne ullam à me accipias Epistolam, in qua non tractem quid ad linguas Orientales pertinens, de prima Alcorani voce, *أنا* aliquid habe. Ea abbreviatura est:*

كلمة منقطعة ajunt Arabes, & quæ 1612. que ejus litera dictionem integram significat, ut *ראשי תיבות* Hebræorum, valetque prima litera, *אני*, ego; secunda, *אלה*, DEUS; tertia, *אעلم*, *sapientissimus*. Sumiturque primæ dictionis prima, mediæ media, ultimæ ultima litera, secus ac apud Hebræos, ubi perpetuò initialis. Sic *عليه السلام* valet *ע*, id est, *ל*, sumta primā litera primæ, ultimā ultimæ dictionis. Idem plerisque aliis Arabum abbreviaturis tum in Alcorano, tum alibi occurrentibus fit, de quibus aliàs. Sed miraris fortè me *الله* vertere *יהוה*, ac si nomen proprium esset & non appellativum. Respondeo sic me censere; nam ex appellativo *الله*, Deus, & articulo, formant *الله*, quo intelligunt verum Deum, Creatorem cœli & terræ. (*יהוה*) Et sic apud Hebræos ex nomine appellativo & *ה* *hædiah* non raro fabricantur propria. Hinc melius intelligitur symbolum istud Mohammedicum: *الله الله محمد رسول الله*: *Non est Deus nisi Muhammed autem est Apostolus יהוה*. Quod si velint appellativum *الله* cum articulo sic efferre, ut non evadat proprium, dicunt *الله*, *le Dieu*; non autem, *الله*. Sed revertamur ad *الله*. Verba ista, per quæ explicatur *الله* (nempe *الله اعلم*) verti quoque possent, *Ego sum יהוה sapientissimus*: ut solum EGO; subiectum sit reliqua prædicatum. Sed aliter Arabes, quod vel inde satis cognosces, quòd his verbis *الله اعلم*, quibus Alcoranus inchoatur, plerosque libros suos solent concludere * dicendo, *والله اعلم*, id est, *DEUS autem sapientissimus est*: ubi vides vocem *Deus* notare subiectum, & sensus iste certè longè est convenientior & efficacior. Sic & initium Decem Præceptorum apud nos *אני יהוה אלהיך*, quod vulgò vertunt: *Ego sum Do-*

* Formulâ istâ *والله اعلم* non solent Arabes plerosque libros suos concludere, quod pace tanti viri scripserim; sed ea formula est, quâ uti solent Arabes in re dubia & incerta, & significat, Deus autem id optimè novit. Ita quum Arabum Historici diversas Scriptorum narrationes de aliqua re censuerunt, è quibus ipsi veram eligere nequeunt, hac formulâ uti solent, *والله اعلم*, Deus id novit, ut ostendant se nihil certi ea de re posse definire. Caterum tota explicatio viri celeberrimi, quæ *الله* tangit, ingeniosa quidem; sed admodum incerta est.

1612. DOMINUS Deus tuus, longè elegantius & efficacius putarem verti posse, Ego DOMINUS (יהוה) sum Deus tuus, &c. Et in secundo Præcepto, ubi vertunt, Nam ego sum Dominus Deus vester fortis & zelotes, arbitraret verendum potius esse, Nam ego יהוה Deus vester fortis & zelotes sum. Sed hæc sufficiant de voce מ. Aliàs de reliquis Alcorani vocibus mysticis agemus, si hæc non ingrata tibi fuisse cognovero. Vale, Patrone observande, & Erpenium tuum, qui te æternum colet, perge amare, & literis tuis quàm primùm bea. Middelburgi, a. d. 111. Id. Jul. c15 15 cx11.

Non potui Venetiis adipisci libellum illum, in quo Arabica Provinciarum & Civitatum nomina explicantur. Quocirca te oro, ut apud quem excusus sit, quo anno & quo titulo, quàm primùm me velis certiorum facere. Iterum vale, & verbis meis, ni grave erit, uxorem tuam charissimam, & cognatum tuum Chabaneum, cum universa familia plurimùm saluta; nec non Bedwellum nostrum, quem quàm primùm literis compellabo.

Inscriptio.

A Monsieur,

Monsieur CASAUBON,
à present

A LONDRES.

EPISTOLA XLIV.

✱ J A Q U E S G I L L O T
à MONSIEUR
C A S A U B O N.

MONSIEUR,

1612. **I**l y a si long temps que je n'ay eu aucunes Lettres de vous, encores que je vous aye escript par deux fois depuis deux mois : que ce m'est une espece d'affliction, & de desplaisir ! Si j'auray à qui bailler seurement mes Lettres, je vous interromprois plus souvent vos meilleures occupations. Et si vous me vouliez donner une adresse sûre, vous verriez l'effet de mon desir plus souvent. Mais je crains & apprehende qu'elles ne tombent pas entre vos mains comme il faut. Et ce qui me le fait apprehender, est que je ne reçoie point de reponse des dernieres, par lesquelles je vous mandois beaucoup de nouvelles. Vous sçavez que l'on n'ose pas commettre, & hazarder les Lettres que l'on escript quelques fois en liberté à ses Amis. Je vous escry la

presente, fort affligé de la mort de Monsieur le Fevre, Precepteur du Roi, qui a fait une fin vraiment Chrétienne. Les Peres ne l'ont point visité, si non au commencement Sirmond y fut, qui ne lui parla que de livres. Depuis quil a publiquement dit que le contenu au livre de Richer estoit la vraye, la bonne, & l'ancienne doctrine, ils l'ont tenu suspect, & le Seigneur Chef de la Censure en a esté en grande colere contre lui. Mais il ne s'en est pas ému. Il a donné aux Heublants tous ses livres imprimez, à Monsieur de Thou tous les manuscrits, à Messieurs Du Puy ses Bibles, à Mr. Beteau son Baronius. Cette mort particuliere nous a tous affligez. Et pour le general celle de Mr. le Comte de Soissons, déplorable & regrettable au public. Nous craignons qu'elle a porté après soi quelque chose de sinistre. Je ne vous escry point de ce proces entrepris contre Moysse, jugé à la honte des calumnieurs, à son avantage. Vous aurez sçu quels remuemens se minutoient de trois grands Estats, & les vaines ambitions de quelques-uns qui se nourrissent en des fumées, qui ne les contentent que de vent. On en a fait de mauvais vers qui courent, qui pourront avoir passé la mer. Je desire fort sçavoir de vostre disposition, & en quel estat vous estes, & que vous faites. L'on dit, j'oi tantôt que vous retournez, tantôt que non, que vous estes sur un grand Ouvrage de Baronius, que vous desireriez d'achever avant ce retour. Si ce dernier est véritable, & que vous le trouviez bon, je manderay à Mr. Savaron, Lieutenant General en Auvergne, qu'il nous donnât tout ce qu'il a remarqué de fautes en l'Histoire, qui sont grandes, & en grand nombre, & dont il avoit fait un livre exprès qu'il vouloit faire imprimer, dont on l'a destourné. Je croi qu'il ne nous en refuseroit pas. Mr. Pithou me dit la dernière fois que je le vis, qu'il ne s'y estoit pas voulu amuser, parce qu'il y en avoit trop. Pour moy, je croy qu'il ne prendra la peine de les éplucher. Il auroit trop à faire, & perdrait bien du tems. Je ne sçay par quel esprit je n'ay jamais voulu acheter ce livre, ni y lire. Il m'avint une fois de tomber sur un passage du troisième Tome, ce me semble, où il parle de Præfecto Prætorio, qui vice sacrâ judicabat. Il dit, vicem sacram illam à summo Pontifice manasse, & ab illo jurisdictionem mandatam habuisse. Un enfant n'ignore point que du temps des Empereurs Jussiones Morum sacræ vocabantur; sacra Scrinia; sacras largitiones : & Præfectum Urbis sacrâ vice judicavisse legimus in L. 1.

P p p p 2

C.

1612. C. de off. Vicar. L. Proconf. de Appellat. au Code Theodosien. Quand je vis cette honteuse ou ignorance, ou malice, je rendis le Livre sans y vouloir plus rien voir. Mr. Savaron dans son Commentaire sur Sidonius y remarque beaucoup d'erreurs. Je croi que vous savez bien à present qui est Leidresleims: ce petit Traité-là a esté fort bien reçu. Nous avons fait reimprimer nos Libertez, & y avons ajoûté deux fort bons Traitez; l'un du Procureur General Brulart, grand oncle de Monsieur le Chancelier; l'autre d'un fort habile homme, nommé Coquille, & encores les Lettres concernans le Concile de Treute*, fort augmentées, & de Missives de Cardinaux, & de Memoires particuliers, dont le Nonce s'est déjà plaint. Mais il n'aura pas ce qu'il desire, comme j'espere. Je vous enverrai tout cela mêmes pour en presenter un au Roi de la Grande Bretagne, si vous trouviez bon, & me donniez sûrs moyens de les vous faire tenir ou par la voye des Libraires, ou autrement. Il s'est fait ici un escript en forme de Dialogue sur la Censure, en Latin de cuisine, qui contient & l'histoire de tout le fait au vrai, & qui accommode la Censure & les Censeurs estrangement. Mais on craint fort de le faire imprimer. Ici l'on desireroit qu'il fût parti des mains de celui qui a imprimé vos Lettres ou Epistres. Car pour le sujet de l'Histoire de ce fait, il merite de voir la lumiere. On a imprimé un Libelle defamatoire, intitulé, Notæ stigmaticæ ad Magistrum triginta paginarum, qui libello uno Ecclesiasticam & Politicam Potestatem complexus est, Jacobi-Cosmæ Fabritii, Francofurti; qui est le plus indigne escript que j'aye jamais lu. Et puis vous dire que ce n'est pas l'escript d'un Chretien, mais d'une bête feroce. L'on l'a attribué à un Jesuite, nommé Sirmond†, ou à un Avocat du Palais, nommé Gonthier, qui est aujourd'hui l'unique conseil des Jesuites, & qui a fait un Livre de Jure Pontificio, duquel tout le but est de comparer les Papes à ces Pontifes, & montrer qu'ils étoient par dessus tous, commandoient par tout, manioient les armées, &c. ce que lui-mêmes fort imprudemment tesmoigne sur la fin de son Livre, en se plaignant que l'on a dit cela sans toutes fois y respondre aucunement. Si vous n'avez point vu ce Livre-là, j'essayerai de vous en envoyer un, pour le courir & le censurer comme vous pourriez. Il n'y a rien qui vaille à cette foire hors un Epiphanius Grec de vitis Prophetarum; encores ne l'ont-ils pas apporté, & y a-t-on mis le Chrysostome

* Placcius
de Scripto-
ribus au-
nymis,
num.
2170.

† Placcius
de Scripto-
ribus
pseudony-
mis, num.
740.

Grec, qui s'imprime en Angleterre, qui 1612.
sera un grand œuvre, & je croi, bien
cher. Je ne vous detournerai pas d'a-
vantage, vous priant de me continuer
vos bonnes graces & amitié, laquelle je
sçai fort bien conserver & entretenir, &
vous assurer que de mon côté vous re-
cevrez tous bons effects & temoignages
certains d'entiere & vraye amitié. Je
prie Dieu, qu'il vous donne en parfaite
santé très-bonne & longue vie. De Pa-
ris, ce x. Novemb. CIO IO CXII.

MONSIEUR,

Votre obligé & affectionné
Ami pour vous servir,

JAQ. GILLOT.

Pardonnez moy, si je vous importune
de faire mes recommandations très-affec-
tionnées à Monsieur Barclay, & l'assu-
rez que son livre est lu de tous les hon-
nêtes gens & fort bien reçu & loué, &
qu'il y a de bons Catholiques qui croient
que si le Cardinal Bellarmin eût sçu que
desunt pere eût eu un tel fils, qu'il
n'eût jamais escript, & qu'il faut qu'il
meure de regret.

Inscriptio.

A Monsieur,

Monsieur C A S A U B O N.

E P I S T O L A XLV.

MARCUS VELSERUS ✕
ISAACO CASAUBONO.

Salve, Vir clarissime.

E Gone tibi commotior visus, quod 1613.
de Jesuitis mutire ausus sis? Testor
amicitiæ nostræ fidem, non fui, ne-
que sanè soleo, ingenio naturâ non ad-
modum irritabili; quod te homines no-
stri, si tanti putas inquirere, nisi me
omnia fallunt, & nisi mihi ipse nimis
blandior, docebunt. Fateor me in
causa Religionis, sive cùm ea rectâ
& aperto quodammodo Marte, sive
cùm per ambages & cuniculos petitur,
nihil dissimulatione velare consuêsse:
Quam enim partem in me haberet Deus
desuper? neque si faciam, tu me amo-
re tuo dignum habeas. Sed ne modestiæ
limites transgrediar, cautio est quod
& innato cuidam instinctui, & ratio-
ni, & patriæ legibus, & loco demum,
quo me cives mei esse voluerunt, de-
beo. Satis memini me scribere, Jesui-
tas à plerisque omni parricidii suspi-
cione liberari, quod eos Christianissi-
mi Regis, serenissimæ Reginæ matris
& illustrissimorum Principum Regii
San-

1613. Sanguinis gratiâ florere videant: sed id tranquillo & pacato, si quid unquam, animo sine cuiusquam injuria scripsi: nunc illo, vim argumenti à multis etiam, qui in causa Religionis adversâ planè fronte cum Jesuitis pugnant, æstimari; quòd se nihil contrâ excogitare posse dicant, nisi cum Regis, Reginae & Principum contumelia conjunctum. Sed quoniam capita funis contentionis utrinque remittenda censes, atque id ipsum mihi vehementer consultum videtur, verbum præterea nullum commutabo. Quod si prioribus meis literis asperius aliquod elapsum est, nollem factum, neque puto factum. Sed si tamen, arbitrio præstantissimi Savilii communis amici, satisfacere paratus sum. Joannes Georgius Herwartus, patriciâ hic Augustæ familiâ, matre Velsera natus est: quibus honorum gradibus interiorem admissionem Maximiliani Bojorum Ducis meruerit, titulus libri loquitur. Nam ipse liber, quo ingenio literas tractare soleat, abundè docet. Edidit præterea Thesaurum hieroglyphicum, hoc est, delineationes æri incisâs tabulæ Bembinæ, obeliscorum, statuarum, gemmarum, quæcunque Ægyptiacam antiquitatem olent. De Commentario cogitaturus, si per negotia liceret. Ingreditur autem viam interpretando longè diversam ab omnibus aliis, qui hoc argumentum unquam tractaverant, planissimè persuasus, omnia ad vetustissimas navigationes pertinere. Non facilè credas, quibus rationibus & quàm longè petitis testimoniis novitatem opinionis tueatur, neque mihi vacat perscribere: hoc tantum habeo, sed in aurem dictum, in quibus ille sibi maximè placet, in illis plerumque aliis solennia ineptiri videtur. Vale. *Augustæ Vindelicorum, xxx. die Januarii. anni cto 10 cxiii.* quem tibi felicissimum exopto, ut item nobilissimo Savilio.

Tui amantissimus,

MARCUS VELSERUS.

Obsignatâ Epistolâ literas ab Herwarto accipio. Monueram capita Chronologiæ nova à te visâ esse. Respondet se sibi magnoperè gratulari de Lectore Casaubono, quem magni faciat & semper magni fecerit. Nihil sibi gratius evenire posse, quàm si Casaubonus judicium suum de iis, quæ quod novata videantur, multam sermonibus materiam præbeant, interponat, aut certè dubitandi causas proponat; tum se, ne quid temerè in medium attulisse existimetur, dictorum rationes diligenter explicaturum.

EPISTOLA XLVI.

ROBERTUS VALESIUS ✠
ISAACO CASAUBONO.

Quod præter consuetudinem meam, 1613. doctissime Vir, te, ne de facie quidem notus, per Epistolam adire, & interpellare non dubitarim, benignè velim à te interpretari. Legebam proximis his diebus doctorum quorundam hominum Notas in Novum Testamentum; eas dum volvo, fortetortunâ incidi in tua spicilegia, quæ dum avidè & ἀμυσί, quod ajunt, perlego, animadverto te non ultra Apostolorum Acta progressum; quin in editione obsequutum te amicorum potius voluntati, quàm tuum sequutum judicium, quod ut omnes cognoscant facturum te, si Deus orium aliquando dederit. Quum clausulâ ulterius quid Ecclesiæ Dei promittere videbare, temperare mihi non potui, quin hoc quantulumcunque calcar à studio & amore in te meo, si quid id est, tibi adderem, quamvis satis per te, ut spero, currenti. Quantum enim non modò voluptatis, sed & fructûs ex lectione tuarum notarum ceperim, non dixerim facilè. Maeste verò, mi Casaubone! Et dubitabis adhuc pietatem extendere factis? Eslice, quælo, ut post raram; raram, inquam, in Galliis racemationem, Britannica ista plenis spumet vindemia labris. Scimus enim eas esse Sacras Literas, ut in iis non modò Agnus peditare, sed & Elephas natâre, addo, Aquila volitare possit. Quia verò, ut verè ait quidam, aliqua est ad veritatem via, invenisse, de quo dubites; nisi ad te paucula per Epistolam quæsitâ, ad quæ si respondere, quæ tua est eruditio & humanitas, non gravabere, magno me tibi beneficio devinxeris.

Quid si ἱερία, aut ἱεῖα * legendum? * Luca 2. Ea certè civitas in montanis Luca. *ἱε-^{v. 39.} in πῶδι* *hos. xv. 55.* etiam Sacerdotibus attributa; *ibidem* xxi. 16. tuaque circumstantia hic à Luca attingitur. Sed nulli, quod sciam, firmant hanc lectionem Libri.

Quid si in neutro genere legas ὁ κα-† *Thess. 11.* πῶν †, ita ut ὁ relativum ad *μυστήριον* referatur, quod poscere videretur tota contextûs *συνεπία*. Vers. 6. *καὶ νῦν τὸ κατέχον* *οἶδαπ' ἐν τῷ σκοταλυσθῆναι αὐτὴν*. Vers. 8. *καὶ τὸ πρὸς ἀποκαλύψασθαι ὁ ἀνθρώπος*, quam lectionem etiam Syriaca Paraphrasis Interprete Tremellio firmat. Augustinus de hoc loco ad Hesychium: quæ verba utinam non tantum modò ponere, sed & exponere dignareris.

P P P P 3

Re-

1613. Repetendum, ut videtur, *ὅτι κινῶν*: τὸ
 * 1 Tim. *ἐν τῇ πίστι* *. Strigelius annotatione in
 hunc locum: *βαθμὸν* spiritualium, in-
 quit, donorum: significare videtur
 Apostolus *τὴν τῶς πνεύματος αὐξήσιν*.

Interpretantur quidam *ἐν τῇ πνεύματος*
 † 1 Petr. v. *σκοπέω* †. Fallax, dixit quidam, Ety-
 mologia. Gaudius quidam distinguit inter
 † 1 Petr. v. 2. *σκοπία*, quod ad quosvis Presby-
 teros pertinere scribit; & *ἐπισκοπία*, quod
 † Ad Rom. 16. 17. ad solos Episcopos, propriè sic dictos.
 Sunt qui *ἐπισκοπία* nomen *ὅτι τῆς ἐθνικῆς*
συνήθειας à prisco Gentilium ritu tradu-
 ctum, & ad primos Presbyteros accom-
 modatum putant: non tamen memini
 me in Historia legisse, ullum eo tem-
 pore, quum primus Episcopus Alexan-
 driæ factus est, in Ægypto Magistrat-
 um hoc nomine insignitum. Quam-
 vis Melancthon Arrianum testem pro-
 ducat, Alexandri Magni tempore ta-
 les in Ægypto fuisse. Non Delio,
 sed Casaubono natatore opus, qui ex
 hoc fluctuante dubitationis salo exi-
 mar. Inaudiui aliquid de Josephi Sca-
 ligeri ad Novum Testamentum No-
 tis; excusat se tamen ille Epigramma-
 te ad Thuanum nuper evulgato. Cæ-
 terum quia Joannes Libingus, ut re-
 fert Oporinus Grubinius *τῶν Ἀμφωτί-
 δων* pag. 63. ait eas se in Gallia legis-
 se, peto à te de illis Notis certior fieri.
 Sed finis hic esto Epistolæ, non
 mei in te amoris, clarissime Casaubo-
 ne; ut neque tuæ propensæ voluntatis
 de Ecclesia & posteritate bene merendi.
 Vale iterum atque iterum. *Tran-
 senti*, quod Edinburgo abest septem
 millibus passuum, *Kalend. Mart. c 15*
15 CXIII.

Totus in Domino tuus,

ROBERT. VALESIUS.

AUCTUARIUM.

Qui isti *πλείους* †? Interpretes ple-
 † 11. Cor. 6. 11. v. 6. *ὑπὲρ τῶν*
πλείους, rique *plures* interpretantur. Augusti-
 nis *multos* vertit, contra Parmenia-
 num Epist. lib. 3. cap. 2. Mihi vide-
 tur designari τὸ *Πρεσβύτεριον*. Josephus
 lib. 1. de Hæssenis: *τοῖς δὲ Πρεσβυτέροις*
ὑποκοῦν καὶ τοῖς πλείοσιν ἐν καλῇ τεινῇαι.
 Horum videtur fieri mentio in Cano-
 nibus antiquis, qui vocantur Aposto-
 lorum, cap. 14. Inquirendum an iidem
 sint Actor. ultimo, vers. 27. Confir-
 mari hoc videtur ex versu 17. ejusdem
 Capituli.

* 1 Tim. *Elatius, inflatus* *, Arias Montanus
 111. v. 6. *τοφουδύς*, inaniter jactatus, melius meo judicio:
 videtur enim hic perpetua metaphora,
 ab arboribus recens plantatis, quæ pro-
 preterea vento maximo typhonico eradi-

cantur, & cadunt. Judas Apostolus 1613.
 vocat *δεδωξ ἐκρίθηναι* †.

Hinc illa opinio, quæ etiam in Hi-
 storias relata est de Paulo coram Nero-
 ne Apologiam faciente. Scholia Asten-
 siana, in *prima mea defensione* †, scilicet † 11. Tim.
 adversus Ærarium illum; de variis enim
 Pauli Apologiis clarum, Historia Acto-
 rum, & illud, *ex ore Leonis*, quo
 præcipuè fundamento nituntur Histo-
 rici. Videtur sermo *παρρησιώδης*, qualis
 in Psalmis sæpe occurrit. Periculum
 aliquod præfens instat, quale à quadra-
 ginta illis, Actor. 23. v. 2. 13. Ego, in-
 quam, credam hanc Pauli coram Ne-
 rone Apologiam, si qua fuisset, non à
 Luca præteritam. Certè hic Paulus
 Historiam versu 15. incœptam conti-
 nuare videtur.

Inscriptio.

Clarissimo, doctissimoque Viro,
 D. ISAACO CASAUBONO,
 LONDINUM.

EPISTOLA XLVII.

CHRISTOPHORUS ✕
 COLERUS
 ISAACO CASAUBONO.

Biennium ferè est elapsum, Vir cla-
 rissime, cum postremas illas tuas
 literas accepi. Itanè ex illarum le-
 ctione tantam me nauseam cepisse pu-
 tas, ut plures ejusmodi ad me non
 dandas esse censeret? Ah noli. Si de-
 cem linguas haberem, eloqui satis non
 quirem, quàm magnâ me semper ad-
 feceris & lætitiâ & voluptate, quoties
 aliquid tuarum ad me misisti. Vel illa
 postrema Epistola, quàm doctè me in-
 stituebat, quàm catè & sapienter mo-
 nebat! Quare obsecro te per Genium
 tuum, ne me amare desinas. Desines
 autem, opinor, si ad me scribere de-
 sines. Sed quid ego nugor? quasi nunc
 ego Argentinæ vel Basileæ, & tu Ge-
 nevæ simus? In Turingico saltu aut
 Noricis jugis hæctenus latitavi, & ad-
 hac larito: tu vel in Sabaudia, vel in
 media Gallia (ut rumigeruli aiunt) es
 collocatus. Tamen ego hæc ad te *ἀγα-
 θῇ τύχῃ* mitto. Sed sequentes hæc in
 Plautum notas, quando leges, an po-
 teris te tenere quin exclames cum Ari-
 stophanico: *ὦ θεῶν ἐργον, κάναστον καὶ*
παράνομον! Plautus Stichus †, Scenâ † 48. 1.
 CREDO EGO: *Scen. 2.*

Scio ego, atque in cogitando mærore
 augeor.

Illud incogitando *ἀδιαίρετον* esse volo. Et
 volo item illo versu in Triummo *:
Multas

AD ISAACUM

*Multas res simitu in meo corde verso ;
multum incogitando*

Dolorem indipiscor.

Volui item aliquando apud Terentium, ut nōsti, quōd eodem verbo usus esset Horatius quoque, maximus verborum Terentii auceps. Sed quando illud etiam, quod modō adscripsi:

Multum incogitando

Dolorem indipiscor ;

quando, inquam, hoc perpendo, non possum non suspicari de priori versu ex Sticho: itaque opinor, licet hāsītans, scribendum esse,

Scio ego atque incogitando mærore angeor.

*Angeor pro angor antiquè. Ita Terentius Heautontimorumenos **,

* *Ad. 11. Scen. 2.*

v. 39.

Concurrunt multæ opiniones, quæ mihi animum exangeant.

Sic enim Palmerium verè emendasse non dubito. In Trinummo † etiam, quia nunc ibi eramus, versus integer hodiè abest, Scenà, QUO ILLIC: is est alter horum, servatus beneficio manuscriptorum duorum Camerarii, quibus nunc feliciter utitur Gruterus noster.

† *Ad. 11. Scen. 2.*

v. 39.

Is probus est, quem non pœnitet quàm probus sit & frugi bonæ ;

Qui ipse sibi satis placet, nec probus est, nec frugi bonæ.

Non enim omittendum esse censebam.

† *Ad. 1. Scen. 2.*

v. 19.

Nunc ad Stichum † retrò, Scenà, QUI MANET:

Quasi nunquam quicquam in eas similem, quasi nihil inaudiverim:

Sic rectè Manuscripta duo: ut & Mostellaria ‡, Scenà, SCELESTIOREM:

‡ *Ad. 1. Scen. 11.*

v. 11.

Metuo ne de hac re quippiam hic inaudiverit.

† *Ad. 1. Scen. 3.*

v. 73.

Itaque sæpe alibi † in Plauto scribendum esse, scilicet, Scenà, FAMEM:

*Vel unctiões Græcas, sudatorias
Vel alias malis malacas crapularias.*

Quæ isthæc unctiões crapulariæ, per Musas? Sanè vulgata lectio, quæ & in veteri libro Sambuci est, non videtur debuisse sperni, ampullarias, ut simul allusum videatur ad suppellectilem parastiticam, quæ postea illo versu *:

Rubiginosam strigilem, ampullam rubidam.

CASAUBONUM. 671

Et apud Ciceronem, lib. 4. de Finibus: si ad illam vitam, quæ cum virtute degatur, ampulla aut strigilis accedat, sumpturum sapientem eam vitam potius, cui hæc adjecta. Plautus Persa †:

† *Ad. 1.*

Scen. 3.

v. 44.

Ampullam, strigilem, scaphium, soccos, pallium.

Strigili sanè ad defricandam cutem usos fuisse in balneis constat. Sic puto & ampullam adhibebant, ut vas olearium. Apulejus Florid. Hippias prædicavit ampullam quoque oleariam.

Glossæ Isidori: *Lecythus, ampulla olearia.* Scenà, LIBROS INSPEXI ‡:

‡ *Stich.*

Ad. 111.

Scen. 2.

v. 7.

Mustela murem mihi abstulit præter pedes,

Eum strenuè obsenavit.

Manuscripta duo Camerariana,

Eum strenua obseveravit:

quod quàm conveniat non perspicio. Tu optimè videbis, eruditissime Casaubone, qui propter illud acumen tuum occultissima quæque pervides. Huc autem pertinet versus † infra, Scenà, SALVETE.

† *Stich.*

Ad. V.

Scen. 2.

v. 24.

Bona scara, strenaque obviam accessit mihi.

Ubi ἐν παρῳδῳ emendo, obviam accessit mihi. Festus: occidamus Plautus ponit pro contrà cedamus. Scenà, AGITE *:

* *Stich.*

Ad. V.

Scen. 4.

v. 26.

Tibi propino decuma fonte; tibi tute inde, si sapis.

Manuscriptus unus, decumana fonte. Libet suspicari scriptum fuisse,

Tibi propino decumanum: fonde tibi inde, si sapis.

Fonde pro funde. Vale. Altdorfii Noricorum, Kalend. Decemb.

CHRIST. COLERUS.

Inscriptio.

Viro clarissimo,

ISAACO CASAUBONO,

Amico magno.

EPISTO-

EPISTOLA XLVIII.

✠ *** THOMSON
ISAACO CASAUBONO.

Post scriptas tuas, mi doctissime Casaubone, incidi in Mechanica Athenæ Ctesibii, nisi fallor, quæ ecce rectâ ad te mitto, ut videas me tui ubique & semper memorem. Fortè juvabit te in Polybii editione, quam obsecro te properari. Si quid præterea occurrerit, faxo ut habeas. Scaliger, ut olim tibi narravi, magno opere illas Athenæ scidas à me petiit, & parum abfuit, quin res meas mihi habere mandasset, quòd illas ex Anglia, ubi in Bibliotheca Oxoniensi extrabant, non misissem olim. Quare si me, si illum amas, curabis ad illum mittendas primâ occasione, & significabis me adtribuisti tibi illas eâ lege. Ipse ego idem scribam Scaligero primâ occasione. Nactus sum & alia quædam, verbi gratiâ, Procli Commentarium in Parmenidem; item Alcibiadem à Platone, quæ mittere non possum ob molem voluminis. Poteram alia MSS. Græca emisse quoque, verbi gratiâ, Basilii Commentarium in Esaiam; Cyrilli Thesaurum; Chrysostomi plurimas Orationes, Orbasium antiquissimum & planè fugientibus literis scriptum; sed abstinui me in aliud tempus. Tu fac sciam quid sentias. Siennæ subsistam; tu facillè potes, cùm voles, ad me scribere. *Venetiis.*

T. T. THOMSON.

EPISTOLA XLIX.

✠ JOANNES LUIDUS
ISAACO CASAUBONO.

Rogavit à me pro amicitia nostræ jure Henricus Wottonus, ut ad te scriberem; non quò aliqua accessio fieret ad rationem aut ipsius aut tuam; sed amicissimi hominis monitu ad virum doctrinâ ac virtute clarum ac præstantem, ut aliquam propensi animi significationem utcunque darem, quod initium faustum ac felix futuræ inter nos esset amicitia, ipso interprete: id quod facio ita libenter, ut aliàs nec fecisse libentius, nec facturus videar. Tu pro tuo candore hominem tui amicissimum amare incipe ac perge. Vale. *Londini, xviii. Novemb.*

EPISTOLA L.

JACQUES GILLOT ✠
A MONSIEUR
CASAUBON.

MONSIEUR,

NE pensez pas, s'il vous plaist, que j'aye peché ou par oubliance ou par ingratitude, d'avoir demeuré si long temps sans vous rendre graces de vos belles & bonnes Leçons Theocritiques. Deux causes en ont retardé non la volonté, mais l'effet. La première que j'estois absent, lorsque vous me fites cette faveur de m'escire & les m'envoyer; & vous dirai en passant que je n'en eue point votre lettre qui fut perdue chez Mr. Bullion, que j'ay estimé pour grande perte. L'autre que je voulois, si je pouvois, vous rendre graces par personne & gracieuse, & qui fût nostre amy. Ce que je me promettois faire par Mr. Bullion, qui me disoit tous les jours qu'il s'en iroit dans peu de temps: enfin il m'a ce matin adverty qu'il s'en alloit aujourd'huy mesmes. Je n'ay eu le loisir que de brouiller ce papier pour seulement couvrir le soupçon de negligence, ou oubliance que je pourrois avoir encouru, & par mesme moyen vous rendre autant de graces & telles non que le present merite; mais que je puis, & vous assurer combien je me sens obligé à vous pour le volontaire tesmoignage que vous m'avez rendu de votre amitié, que je tien fort chere, & desire que vous fassiez preuve de la mienne aussi librement, comme je sens la vous devoir. Ego te amare incepti antequam nòsem; pennatis pedibus te salutare & complecti cupio. Je puis dire de vous ce qu'un ancien Theologien disoit: Tui fama dispertitur, ita ut non tam laudandus sit ille, qui te amat; quàm seculus facere putetur, qui non amat. Je vous prie de me continuer vostre amitié honorable, & de croire que le plus grand desir que j'aye, est de vous embrasser & servir de quelque chose. Vous y avez obligé tout le monde, & moy en particulier. Je ferai que vous n'y aurez point de regret. Je vous baise humblement les mains, & suis,

MONSIEUR,

Votre humble & obligé
Serviteur & Amy,
JAQ. GILLOT.

MERICI

MERICI CASAUBONI,
ISAACI FILII,
AD
VIROS ERUDITOS
EPISTOLÆ
SELECTÆ.



100

THE UNIVERSITY OF CHICAGO

LIBRARY

1911

EXHIBIT 100

IN THE CITY OF CHICAGO

EXHIBIT 100

MERICI CASAUBONI

EPISTOLÆ

SELECTÆ.



EPISTOLA I.

✠ PATRICIO JUNIO.

1623.



Ccufabis fortasse negligentiam meam, Vir doctissime & humanissime, quod literas, quas jam ante discessum Londino scriptas oportuit, tam serò nunc post reditum ad Academiam meum tibi mittam. Verùm si cogites, quanto tempore opus fuerit, dum res meas post tam longam absentiam de integro constituo ac compono, dum quibuldam negotiis vaco, quæ me præsentem expectabant, non adeo miraberis officium hoc distulisse me; cum præsertim nihil esset, quod urgeret, modò mittendi occasio non perierit, quod non puto, & spero te pro tua humanitate eas diligenter curaturum. Ubi locorum nunc esset Dominus Decanus ignorabam; sed visum est ad eum scribere, ut rerum mearum statum, postquam illum vidi, per me intelligeret. Quod spero ei non fore ingratum; non quia meritis sum, ut de me sollicitus sit, sed quia humanitatis ac constantiæ ipsius est, quem semel in clientelam suam recepit, eum non deferere. Ego quantum jam illi debeam, non ignoro; at plus tamen me tibi debere fatear oportet; cui & fratris amorem acceptum fero, & propriam soli benevolentiam debeo. Quo nomine si tibi gratias nunc agere velim, vereor ne magis ridiculus quàm gratus esse tibi videar. Neque enim tanta res paucis verbis absolvi potest, sed spero te animum meum non ignorare. Interim si quid sit, quod dum hic ero, mandare mihi velis, fac me certiozem. D. Rouse ad te scripturus erat, cum illum tuo nomine salutarem. De Juliano memor ero; sed nondum licuit huic curæ vacare. Vale, Vir doctissime, & me, sicut amas, ama. Oxon. a. d. IV. Id. April. CIO IO CXXIII.

EPISTOLA II.

HUGONIGROTIO. ✠

JAm quartus hic aut quintus etiam 1623. fortasse mensis est, Vir amplissime, ex quo literas, quibus accepto à clarissimo Vossio Oprati exemplari compellare me dignatus es, accepi. *Post tantum intervallum consuetudo, aut ipsa potius ratio postulare videretur, ut ab excusatione silentii nunc demum responsurus inciperem. Quà tamen ipse mihi supersedere posse videor. Quod enim alius quispiam fortasse non immerito suspicaretur, negligentia factum meà, ut tam serò responderem, id ejusmodi est, ut tu de me suspicari minime possis. Cum enim tu is sis, qui es, quemque universa Europa agnoscit; & ego is sim, cui, etiam si primus id tibi præstitissem, in quo tu mihi prævisisti; fuerat tamen audacia deprecanda: non tam profecto negligentia, quàm stupor, & mera avaritia dicenda fuerit, si quid hic à me hac meà cessatione peccatum fuerit. Etsi igitur facile mihi persuadeo, quidvis potius te in animum tuum inducturum, quàm ut culpà meà, (tali ac tantà, si culpa) contigisse credas, quicquid hujus contigit; quò tamen plenius tibi satisfaciam, narrabo tibi quæ tantæ procrastinationis causa fuerit. Cum id mihi in tuis literis gratissimè accidisset, quòd perhonorificam illustrissimi Domini mei mentionem in eis fecisses; tibi quoque scilicet non ingratum fore putabam, si quid ille vicissim de te sentiret, recenti aliquo (non potest enim, ut hætenus ignotum tibi fuerit) testimonio non tam indicarem quàm confirmarem. Et de insigni quidem ejus erga te studio plura fortasse brevi scripturus sum: illud interim de judicio tibi confirmo, sic de te illustrissimum Præsulem pridem judicasse, & in ea opinione firmissimum perstare, neminem mortalium*

1632. *salium hodie vivere, in quo summam eruditionem cum rari prudentia conjunctum æquè admiratur.* Hujus ejus judicii hoc tibi nunc sit argumentum, quod cum vir maximus oblata occasione intellexisset literas à te accepisse me, in quibus & ipsius aliqua mentio esset; non solum arreptas libentissimè legerit, sed & lectas (vir alioquin non *axerodē* tantum, sed planè & raro exemplo circa aliena de se judicia incuriosus) libenter retinuerit. Alia nunc prætermitto, quibus in posterum magis opportunum fore tempus spero. *Hæc interim de causa dilatae scriptiois*, quæ tibi non ingrata fore credidi. De nova Optati editione quòd gratularis, & ad strenuam porro diligentiam acriter hortaris, in eo vim amoris tui à patre jam pridem denato in filium superstitem amantissimè derivati, agnosco gratus, & latissimus amplector. Ad studia autem mea quod attinet, etsi meliore jam parte vitæ inter morbos & alias curas exacti, & ne nunc quidem quo voto suppetente semper otio, serum sit aliquid magnum sperare aut aggredi; ut qualicumque tamen otii, quod *divina mihi benignitas suppetitabit*, quàm optimè mihi ratio constet, sedula à me dabitur opera. Hic meus est semperque fuit animus; ut *nōrunt omnes, quibus ego & vitæ meæ ratio sive præsens, sive pristina non ignota.* Vale, Vir summe, & amare perge, qui te nomenque tuum æternum colet,

MER. CASAUB. IS. FIL.

*Londini, a. d. IV. Kalend. Septemb.
stylo veteri, patris salutis anno
CICID, CXXXII.*

Inscriptio.

Nobilissimo Viro,
HUGONI GROTIO,
Viro incomparabili.

EPISTOLA III.

✠ GERARDO JOANNI
VOSSIO.

1634. **E**T si serius aliquantò rescribam, Vir clarissime, & à me non unà ratione excusari possit; (non ignoras, opinor, Capituli Generalis celebratione solemnem nobis per statuta nostra semper esse Junium; ut & Novembrem mensē, eaque negotiis Ecclesiæ nostræ cujuscunque generis expediendis destinata esse Capitula) eo tamen minus mihi de excusatione laborandum, quod etsi non verbis, re tamen ipsa literis tuis dudum jam à me satisfactum est. Simulac

enim tuas accepi Kalend. Maji datas, 1634. viginti quinque libras (quantum Londini tum calu versanti mihi in promptu erat) Peystero ipsi numeravi; cæteras autem viginti quinque paucos post dies, Beviro, Peystero Delegato, Cantuariam reversus. Sed ut signatius rem intelligas, scripta est apocha Peystero 23. Maji; Beviri autem, 5. Junii. Reliqui si quid hic tibi negotii, cum superioribus meis literis sit omnis ejus ratio tibi exposita, tu autem ejus mentionem in tuis omiseris, non est quod hoc tempore plura super eo addam. Illud tamen non te celabo, illustrissimum Dominum Archiepiscopum (cui per statuta nostra peculiaris Cantuariensis hujus Ecclesiæ cura commissa est, summaque hic post Regem autoritas) nuper Archiepiscopalem Visitationem per Delegatos instituisse, multaque tum ad universum hujus Ecclesiæ statum, tum ad singulorum Canonicorum jura pertinentia ad ipsum relata esse, & ab ejus cognitione jam pendere: quæ cum erunt judicata, si quid ad te pertinebit, per me resciturus es. Luctum tuum ob mortem charissimi tui Dionysii prolixè narrabant tuæ, quem etsi maximum fuisse, prout à te magno affectu parique facundia descriptus est, animo concipiebam cum legerim tuas, non tamen aut iniquus, aut expectatione meâ major mihi visus est. Si enim à me, si ab aliis hic plurimis, quibus aliquor duntaxat ingenii sui præludiis innotuerat, ita exceptus est tristissimus ille nuncius, ut multos à nobis gemitus exprimeret, diuturnoque doloris sensu afficeret; quantum tuum, patris indulgentissimi, doctissimi, simul & Præceptoris diligentissimi, dolorem fuisse amisso tali filio necesse fuerit, facile erat conjicere. Ego sanè ita affectus sum, ut nisi te hominem haud vulgari more ad pompam & fastum literatum, sed verè ac solidè sapientem cogitasset, oneri tam gravi ferendo parem fore planè desperasset. Sed noto plura de eo, ne vel testam demam, tuum dolorem renovem; vel te consolando nimium ipse mihi videar tribuere, quasi meliora possim ego suggerere, quàm quæ prompta tibi de tuo ac parata fuisset, quorumque utilitatem jam usu ipso perceperis, tuis ipse literis abundè testatus es. Reliquum igitur est, ut de Antonino tibi respondeam. Narras te bina ejus exemplaria accepisse; sed literarum, quæ cum exemplaribus ad te curanda Peystero tradita sunt, nullam facis mentionem, ut minimè dubium sit, eas periisse. Rogabam te per illas, (scripta autem sunt illa, si benè memini, cir-

1634. circa medium Januarium) ut binorum exemplarium alterum ad virum amplissimum & doctissimum, Dominum Boswellum, Regium isthic Oratorem, nisi aliter tibi ipsi videretur, sive tuo sive meo nomine curares. Is ad vos jam redierit necne, compertum non habeo: audio enim nuper eum hic fuisse; sed audio tantum; non enim haecenus accidit ut viderem. Jam sub prælo est, & brevi, ut audio, proditura secunda ejus libri editio; non me sanè procurante, (in aliis enim jampridem sum) sed Bibliopola, cujus impensis prima prodit, suis compendiis consulente. Valde enim, ut videtur, primam editionem quæstuosam expertus sit, cum intra paucos menses direpta sint omnia exemplaria. Quod de quibusdam locis sententiam tuam proponis, magnam in eo gratiam à me inivisti, qui magno redimerem familiarem tibi linguam Anglicam, ut plura loca comparare sine alterius ope potuisses. Lib. 1. ubi utraque Xyl. editio de Sexto, τὸ ἀθεώρητον τῶν αἰσθητῶν, tu conjicis, τὸ ἀθεώρητον τὸ ἀνομήτων, quasi Antoninus Sextum ab ingenua quadam simplicitate (si mentem tuam rectè capio) commendaret, quod amicorum peccata pari quadam cum vinolentis (qui minimè perspicaces hic esse solent) facilitate præteriret. Ego per τῶν αἰσθητῶν eos intelligebam, quibus εἰσὶς & εἴμα vulgò in Philosophorum libris tribuitur, τὴν ιδιότης nempe, & ἀπαίδευστος; atque inde commendari Sextum, quod talis ac tantus Philosophus ostendendæ sapientiæ occasiones pro cæterorum Sophistarum, τῶν ψευδοφιλοσόφων more, (illustre exemplum apud Aulum Gellium, lib. 1. cap. 2.) qui quocunque loco, quocunque tempore, Theoremata & Scita Stoica crepare solebant, minimè captaret ipse; sed cum inter homines idiotas & Philosophiæ rudes versaretur, ab intempestivis ejusmodi disputationibus cautè abstineret, ne se pariter & Philosophiam ipsorum odio & contemptui temerè exponeret. Quò & ista Epicteti pertinent, Wolf. edit. cap. 68. μὴ λαλῇ τὸ πολὺ ἐν ιδιότηαις περὶ τῶν θεωρημάτων, &c. quæ & proximo cap. repetuntur. Qualia & ex aliis plurimis multa adduci possint. Vocem autem ἀθεώρητον in hunc sensum ex Laërtio exponebam, ubi ex Stoicorum sententia virtutes alias esse θεωρηματικές, τὰς ἔχουσιν τὸ σύνεσθαι ἐν θεωρημάτων, asserit; alias autem ἀθεωρήτως ἔχουσιν, &c. Si cui magis arridebit, ut verba ista passivè accipiantur, & τὰ ἐνέμα sint dogmata ipsa & opiniones Philosophorum, non ego valde repugnarim; præcipuè si exemplo non careat: eadem autem tum

fuerit sententia. Hæc quoque super 1634. obscuro hoc loco, quæ etsi non tam satisfaciant ipsi mihi, ut pro veris & certis ausim obtrudere, haud minus tamen etiam nunc arrident, quàm quod tibi obiter hoc agenti venit in mentem. Si tamen re accuratius expensâ, (quod ut facere meâ causâ ne graveris, etiam te rogo) in priori sententia perstiteris, tanti facio tuum judicium, ut minimè dissensurus sim. Alia loca, ubi Xyl. editio pag. 155. Περιγετικόν, reponis τὸ περιγετικόν; ita omnino sensus postulat. Sed, quod tu non advertisti, jam in Notis Xylander ipse monuerat, & in versione expresserat, quod & à me factum est, pag. 158. Quod legitur, τὸ δὲ ἑ ἀδελφὸς με Σεύρος, τὸ φιλοκίον, &c. corrigendum fuisse τὸ οὐίον, videris innuere; nec tu solus ita censes. Ita enim (ut alios omitam) hunc locum edidit præstantissimus Salmasius, in Histor. August. pag. 77. Ego tamen adhuc ἐπίχα, cum utrumque tam *Veri* quàm *Severi* nomen ab Antonino nostro (quem Catilium Severum à materno proavo nominatum, testis Jul. Capitol.) ad hunc Lucium Commodum, jam imperii consortem, transire potuerit. Imò verò ita rem habere liquidò affirmare possumus, si Galeno fides, qui τὰς περὶ τὸ πρὸ γεώματας, exerte Antonin. Imperatorem, Severi nomen, quo prius appellabatur ipse, in Lucium transtulisse prodit. At Galeni codices depravatos hic censet Baron. Ann. Chr. 163. §. iv. & pro *Severo*, rescribit ipse *Verum*. Cui sanè sententiæ alter Galeni locus (à Baronio tamen hic præteritus) λόγῳ περὶ τῶν ἰδίων βιβλ. non parum favere videtur, ubi Galenus de mutatione nominis idem dicat: *Verum*, non *Severum* scriptum præferunt editi Codices. Sed quicquid hujus sit, cum non deesse viderem, quod objici possit, si quid in Antonino, non prius expensis utrinque rationibus, mutarem; expendendi autem locum fore tuum maximè opportunum, si quando Antoninus nostris Commentariis illustratus Græcè prodiret in lucem; idèò in hac editione consultò prætermittenda est omnis rei ejus mentio. Nam notulæ illæ, quæ nunc γεώματ & χάριν editæ sunt, vix centesima pars sunt eorum, quæ nobis in hunc divinum Scriptorem pridem jam notata sunt. Xylandrum Interpretem, virum doctissimum, optimè de literis meritum, agnosco libens. Eundem tamen in hujus scripti versione negligentissimè vel infelicitissimè versatum esse, negabit nemo, qui Græca accuratè expensurus est, & mihi est exploratissimum. Nobis tamen Antonin.

1634. legentibus, ipsum intelligere, non Interpretis errores fugillare, propositum fuit; etsi quæ inter legendum observata sunt, non ut aliis ea probarem; sed ut mihi ipsi satisfacerem, primò à me factum est. Quare etsi iidem, qui versionis Anglicanæ, animi oblectandi causâ à me susceptæ, publicandæ auctores fuerunt; iidem ut Græcam editionem adornem, valdè suadeant; ægrè tamen, quantum video, præstituri sumus. Sacra enim profitentes, alia scilicet nos hic occupatos habent; inter alia, concionandi grave onus: nec otii tam felices sumus, ut ad ista divertere utcumque gratissima & optatissima, sæpe vacet. Sed Epistolæ modum jam excessi. Vale, Vir præstantissime, & amare perge

Tuum, quantus quantus est,

MÉR. CASAUBON.

Cambridge, postidie Id. Jul.

CIO IO CXXXIV.

Mitte quæso, cum proximè scribes, ad Peysterum talem Apocham, qualem jam ferè biennium est, cum misisti, eâ nempe præscriptione, te ex Præbenda tua ab initio ad Octobris mensem 1634. quod tibi debebatur, rectè ac plenè accepisse. Sed mitte eâ conditione, ut non nisi exacto Septemb. eam mihi tradat, cum præter viginti quinque libras, quæ jam tibi paratæ sunt; alteras viginti quinque, quæ tum debebuntur, acceperit. Plurimam, quæso, tuæ tuique à me meaque & universo nostro Collegio dic salutem.

EPISTOLA IV.



EIDEM.

1635. **N**on erit, Vir clarissime, quod de excusanda literarum tuarum tarditate, (quod à te non semel factum est) deinceps labores, cum jam exemplo te meo tueri possis, qui literis, quas Octobri mense superioris anni reciperem, nunc demum respondeam. Non tamen hoc à me factum vel imitandi tui causâ, si quando res tuæ ita tulerunt, ut serius responderes vel ut exemplo meo fultus securius in posterum sileres. *ὅς ὁ φίλος τ' ἐμὲν π' ἐσόν* (ut olim Platoniarum elegantiarum simul & dogmatum decus illud ingens, Synesius loquebatur) *ὅς ἐγὼ* hoc in me facinus admiserim, qui non in postremo felicitatis meæ loco semper posui ponamque semper, hoc mihi tecum amicitiae, mutuarum literarum commercio firmitum excultumque, jus intercedere. Dicam igitur, quod res est, mi Vossi:

quantum video, in eo satis conspirant 1635. nostrum utriusque fatum, quod vitam vivere otiosam neutri datum est. At in eo discrimen ingens, quod tuæ omnes curæ, omnia negotia ad literas & Musas pertinent; quorum scilicet fructum percipiunt tum felicissimi Juvenes, qui te quotidie audiunt; tum qui tua laboriosissima scripta legunt per totum orbem literarium docti gravesque viri. Mea pleraque negotia quam diversi sint generis; vel inde potes colligere, quod totos haud rarò menses occupatissimè mihi transigere contingit, quibus tamen totis librum videre, aut certè studendi causâ, non contingit. Hoc quò minus mireris, scias velim (ut alia nunc taceam) qui Residentes (ut vocamus) sunt hujus Ecclesiæ Canonici, iis tum universis simul, tum singulis per vices agenda curandaque multa incumbere, quæ temporis haud minimam partem, quod unicuique suppetit, sibi vendicent. Superiori anno molestissimo Thesaurarii munere sum defunctus. Hoc anno sum Receptor Ecclesiæ, onere fateor, si genus ipsum laboris, & præcipuè si præmia utriusque spectentur, non adeò molesto aut gravi; à Musis tamen, & otio literario non minus alieno, quàm quod erat Thesaurarii. Quæ quidem de occupationibus meis eo fusius, non habitâ tuarum ratione, sunt à me nunc exposita, ut errorem, in quem te postremæ meæ induxerunt, tibi eriperem. Ita enim ex iis collegisse te apertè scribis, multò majora me sub manibus habere, quàm quæ hætenus (majoris ea certè mitto pro tuo erga me amore, quàm pro eorum merito ællimata) à me præstita sunt. Magnam sanè in eo, mi Vossi, amoris tui vim agnosco, tum quòd talem me tibi singis, à quo magna possint à te tuique similibus expectari; tum quòd, cum ita de me judicas, ne ipse mihi desim, cohortatione tuâ, quantum in te est, providere satagis. Plurimum igitur amoris me tuo debere profiteor libens. Cum tamen hominis sit, meo iudicio, vani stultique eam de se opinionem excitare, quam destitutum se certò sciat, etiam atque etiam te rogo, ut quam opinionem de me temerè concepisti, eam, me non spondente, imò alia omnia proficiente, & bonam copiam egerante, tibi quàm potest celerrimè avelli finas. Jam enim dudum est, cum de meis studiis, non meâ sanè, quod sciam, culpâ, sed satis ita volentibus, actum est; & ea nunc vita est, ut si hætenus omnia pro voto successissent, nunc tamen vel invito decoquendum, & arenâ, quod ajunt, cedendum essent. Neque

1635. que tamen spero ita vivemus unquam, ut *ἡρώδης ἀπὸ ἀπέρας*, & fruges duntaxat consumere natos, quisquam merito nobis exprobrare possit. Absit hoc à nobis, ut eò vecordix unquam deveniamus. Si ut profimus aliis, scriptis & lucubrationibus nostris non datur, at sunt alia, personæ quam gerimus, & professioni Sacerdotis non minus convenientia, in quibus non inutiliter ad Dei gloriam occupatum iri quicquid in nobis est industriæ, confidimus. Interim si contingat, ut aliquid interdum edamus in lucem, hoc scilicet succisivis horis nostris debebimus totum, magisque recreationis nostræ quàm laboris erit. Ad parentis autem *ἡ μακαρία τὰ ἀνέκδοτα* edenda quòd hortaris, res factu facilis esset, nec à me tam diu dilata, si ea essent ejusmodi, vel quæ perfecta æstimari mererentur, vel saltem ita effecta, ut sine Authoris injuria publicari possent. Horum cum neutrum sit, & eorum quæ præcipua sunt, non sine summo labore ad perfectionem aliquam perducì possint, & argumenti sint à meis studiis, id est sacris, alieni, (quales sunt operosissimæ in Polybium Animadversiones, amplissimi de Re Vestiarum Commentarii, &c.) quid aliud iis præstare possim, quàm ut dum vivam ipse, fideliter à me integra illibataque conserventur; & post obitum, sacræ publicæ alicujus Bibliothecæ custodiæ fideique committantur, non video. Cætera si quæ sunt, qui minore opere indigent, ut publico parentur, (ut sunt fortasse Notæ in Epistolas ad Atticum, & alia nonnulla id genus) aut quæcumque sunt argumenti Theologici seu Ecclesiastici, quæ ullà meâ quantacunque operâ sive perfici, sive quocunque modo ad publicam utilitatem disponi poterunt, in his operam nostram publico non defuturam, si Deus vitam nobis & otium, quæ sufficiant, audeo tibi promittere. Quamquam, ut verum fatear, nupera quædam calamitas studia mea vehementer afflixit, ex qua vereor ne longum sit, priusquam se integrè recolligant. Obiit enim ante mensem unum aut alterum omnium meorum amicorum, quibuscum familiaritas mihi & de literis frequens communicatio hic intercedebat, longè doctissimus Augustinus Lindsellius, postquam Herefordiensi Diocesi, cujus erat Episcopus, annum vix integrum, sanctitate & integritate vitæ Præsul, etiamsi olim vixisset, admirandus, præfuisse. Vix est, ut tantam eruditionem in tanta modestia, tantâ obscuritate (et si jampridem toto hoc Regno celeberrimæ famæ fuerit) latere potuisse quisquam credat,

hoc præsertim seculo, quo scribendi 1635. cacoëthes plerosque homines, qui aliquid sciant, tam impotenter transversos agit. Nullum genus est eruditionis, in quo non ita excelleret, ut totâ vitâ nihil aliud egisse videretur. Nullus liber antiquus aut recens, Latinus, Græcus aut Hebraicus, nullus ferè Gallicus, Italicus aut Hispanicus, qui quidem alicujus momenti fuerit, quem notum non haberet, totumque ita excussisset, ut pro re nata suam de eo sententiam apud amicos doctè pariter ac copiosè proferre non posset. Hic ante quatuordecim plus minus annos, cum libellum, quem contra patrii nominis infamatores edideram, legisset & probasset, antea sibi penitus ignotum ita complecti cœpit, ut deinceps non aliter de me sollicitus esset, quàm si propiori aliquo naturæ vinculo ipsi conjunctissimus fuisset. Nullum officii genus est, quo mihi commodare potuit, quod inexpertum reliquerit. Nam & studia mea quâ consulendo sæpissimè, quâ docendo non rarò adjuvavit; & fortunas meas aliquando tenues non ipse modò sponte suâ liberalitate sublevavit, sed & ab aliis ut sublevarentur, suâ apud magnos viros autoritate, nunquam à me ne minimo quidem verbo sollicitatus, effecit. Ille denique fuit, qui benignissimum Dominum ac Patronum, nuper Episcopum Londinensem, nunc Cantuariensem Archiepiscopum (in tanto dignitatis fastigio meritis quàm loco longè celsiorem) primus mihi conciliavit; ut omnia propè ipsi debeam, tanquam fortunæ meæ fabro & architecto præcipuo, quæcumque mihi felicia postea contigerunt. Sed ut ad studia redeam, assiduus hic mihi *ἐπιδιδόντων* erat, & temporis acti severus exactor, pensis etiam interdum impositis, quæ pro ratione sive virium mearum, sive otii & temporis, maximè congrua judicaret. Paucos ante mortem annos totus in eo fuerat, ut Græcorum veteris Ecclesiæ Scriptorum scripta quædam *ἀνέκδοτα*, magno ære non ita pridem è diversis Europæ Asiæque locis comparata & huc allata, quam emendatissima cum Latina interpretatione in lucem emitteret. Me quoque (magis id quidem amorì erga me suo indulgens, quàm humeris meis confusus) ad partem tam gloriosi propositi vocarat, mandatâ mihi veteris Græci Codicis, qui Commentationes in partem Psalmorum, Chrysostomo vulgò adscriptas continet, interpretatione. Quæ quidem eò facilius à me suscepta, quòd dies ad perficiendum data, nec aliâ conditione imposita quàm si per alias

1635. alias occasiones liceret. Alia quippe erant plura, seu majoris ea momenti, seu quod acceptiora futura essent, prælo designata, priusquam harum usus esset. Neque jam quicquam restabat, quàm ut Typographus primo quoque tempore ad opus accingeretur, cum supremum diem obiit Præful illustrissimus. Sed Deo laus, quod ille superstes, diuque sit superstes oro, quo vivente nunquam Patrono carituræ sunt in Anglia meliores literæ, cujus potissimum auspiciis, & prudentissimâ administratione, ut eò perductum negotium illud, quò perductum diximus, cum Præful illustrissimus obiit, omnes hic agnoscimus; ita & in cura providentiaque ejus, nulli non pari negotio omniumque hætenus difficultatum feliciter victrici, spes nobis non exigua, tot conatus & labores, ob intempestivam præcipui instrumenti jacturam, incassum non futuros. Sed vereor ne qui modò pertinax silentium excusandum habebam, idem nunc importunæ prolixitatis crimen incurrerim, adeò hoc quoque verum illud experior, quàm sit illud in omni re difficile, ut *ne quid nimis*. Ad literas igitur tuas redeo, etsi jam pertæsus prolixitatis, ne in tanta sermonis redundantia me tibi non respondisse queri possis. Grotium & Salmasium, incomparabiles Heroas, quod in tuis memoras, rem fecisse mihi gratissimam. Etsi enim vitæ eam rationem inire, ut inter eruditos nomen profiteri meum possim, non datum est; in eo tamen non leve solatium, quo suprà vulgus non parum assurgere mihi videor, quod viros verè doctos affectu (sed & judicio fortasse) non vulgari colo, eorumque incolumitatem in maxima parte felicitatis meæ pono. Sed ô seculi infamiam, summum illum virum, defultoriæ vitæ incommodis tam diu jactari, & incertis sedibus errare! Dignum certè virum, de cujus virtutis possessione omnes Europæ Reges & Regna, si saperent, haud paulò majori contentione inter se decertarent, quàm olim urbes illæ Græciæ de Homeri umbra. Sed nimirum tanti stant ei Libertas, & Veri amor, quæ non pauciores ubique ferè inimicos, quàm eruditio & divinum ingenium admiratores illi peperere. Sed quando, ut ait ille, nondum omnium dierum soles occidere, non est quod desperemus res ejus aliquando tranquilliore loco fore. Filium tuum Joannem reducem, ut & Opus Grammaticum, quod promittis, (illud corporis, istud ingenii tui foetum in utroque te complexurus) libens videbo, & avidus expecto.

De re tua pecuniaria, serum me tibi

scribere; scribam tamen: xxvi. nempe die mensis Octobris ultimo elapsi L. libras, quæ tibi debebantur, Peysteri Delegato Cantuariensi persolutas esse: alteras autem L. libras (quod jam magis tempestivum me tibi scribere) si interim te priores illas accepisse (quod semper observandum tibi est) vel verbo significaveris, intra paucas septimanas tibi paratas fore. Res tuæ reliquæ omnes, prout feret occasio, mihi semper erunt curæ. Sed hortense illud negotium tuum (quando & successoris tui res ad te pertinere rectè judicas) adhuc pender, & sub judice lis est. Quando erit aliquid constitutum, quod brevi speramus, omnia per me plenè resciturus es. Vale, Vir præstantissime, & amare perge

*Tui tuorumque omnium merito
tuo amantiſſimum,*

MER. CASAUB.

Cantuarie, a. d. viii. Kalend.

Mart. cix id cxxxv.

ſtylo vet.

EPISTOLA V.



E I D E M.

Quas à te postremas accepi, iv. Id. 1636. Octob. datas, redditæ sunt illæ mihi circa medium Novembris, nec multis interjectis diebus L. libras, quantum tibi ad id temporis debebatur, Peystero tuo ἀνέχων numeravi, & cum pecunia responsum ad tuas, ut memini, satis amplem dedi. Quare ut pristina non regeram, scito me haud multò post, communicatis ipsi quas in eum finem scripseras ad me literis, de horto controverso cum B. nostro egisse, idque quo candidius secum agi intelligeret, privatum primò; quod valde ipsi gratum fuit. Non enim quantum video, publicæ sive Collegii, sive quorumcunque cognitioni causam suam libenter commissurus est, unde & bonitati ejus quantum confidat, potes conjicere. Nisi fallor, unicum hoc illi refugium superest, ut literis suis ad te, sive querulis sive blandis, (τῶν γὰρ πρὸς πῶτα πικρῶτων, vel inter primos εὐχαταί εἶναι) aliquid à te eliciet, quod vel ad obtinendum consensum tuum, vel ad amoliendam ulteriorem rei disquisitionem faciat. Tui erit judicii quid responsurus sis. Sed cave ne quid ad te detrimenti rediturum inde putes, si in proposito persistiteris. Serio enim id à me cavebitur, & ut res nunc sunt, ne minima quidem metuendi causa. Nam ad Præbendarias tuas rationes quod attiner,

1636. tinet, cum binæ tibi conditiones initio propositæ fuerint, quarum alteram eâ conditione amplexus es, ut alterius, si quando ita malles, jus tibi servares integrum, si (quod ego suadere aliquando memini) optionis hujus pro re nata arbitrium, aliquâ voluntatis tuæ significatione per literas mihi promississes, valde fallor, aut & novæ conditionis non pœnitendos fructus hoc anno, me Thesaurario, percepisses, & ad primam redire (quandocunque velles) liberum tibi fuisset. Quod eò à me dicitur, non ut te consilii tui pœniteat, sed quò magis intelligas non admodum tibi cujusquam gratia opus esse, ut in his securus remanere possis, quas nunc obtines. Atque hæc quidem hætenus. Mitto ad te bina exemplaria, non ineleganter (ut sunt hic nostri Bibliopægæ plerique hujus artificii valde imperiti) compacta, libri hic nuper editi. Est autem Marci Aurelii Antonini, Romani illius Imperatoris nunquam satis laudati, *De Vita sua* (ut vulgò vocant) in linguam Anglicam versio. Dubito an liber sit tibi unquam visus: non enim, opinor, alioquin inter Historicos tuos Græcos penitus omisisses. Quanquam reverà inter illos, nisi per publicum errorem, nullus illi locus. Est enim liber non historicus, sed philosophicus purus putus, & planè divinus: neque de Vita sua verus illi titulus, sed *de divinis iactantibus*, quod longè aliud est, & ex intima Philosophia Platonica exponendum, ut paucis in Notis ad librum judicatum est. Misi bina exemplaria, ut si tibi videtur, alterum ad virum amplissimum & doctissimum, D. Boswellum, Regium apud vos Oratorem, sive tuo sive meo nomine curares. Sanè hic tanto studio excepta est hæc versio, ut quamvis adhuc musteus propè sit liber, & à prælo calens, jam tamen de secunda editione cogitare incipiant. Etsi tu Anglicam non intelligas, non dubitavi tamen aliquem tibi isthæc amicum vel Anglum, vel qui Anglicæ linguæ non sit imperitus, cui novus liber munus sit futurus non ingratum. Vale, & ocyus (ut hortense negotium à me expeditius curetur) rescribere meum esto. *Londini, a. d. v. Id. Januar. c1636. CXXXVI.*

Tuus,

MER. CASAUB.

EPISTOLA VI.

HUGONI GROTIO.

Vir amplissime,

Tuas, a. d. v. Kalend. August. da. 1636. tas, humanitate conditas singulari, verè tuas (in quo nihil non singulare & divinum) accepi, sed eodem & istas fato, quo superiores illas tuas, cujus infelicitatem narrabant tibi postremæ meæ. Stevardus ille tuus, quem mihi commendas, aut commendandum potius ut amico tradis, ubi gentium sit, ater an albus, nisi quantum è tuis colligere licuit, hætenus ignoro. Non id ego expectabam, Vir summe, (ne sine causa me queri putes) ut qui forsàn aliò festinabat cum primùm huc appulit, ad me Cantuariam de via sua declinaret, aut ut alio quocumque tempore mei videndi aut tradendarum tuarum causâ iter huc consultò susceperet, sed ut per quos tuas ad me curavit, per eisdem verbo uno aut altero tum præsentem tuum statum sedemque, tum quòd illud sit, (quando, ut scis, generales commendationes apud viros magnos & occupatos tanti non solent esse momenti) ad quod per reverendissimum Archiepiscopum benevolentiam adipirat, certò significaret, id expectasse me fateor, & nisi valde fallor, te quoque iudice, jure meritoque. Faciendum tamen putavi, ut cum primâ quaque occasione, saltem quantum per te mihi innotuerat, verbisque tuis illustrissimo Domino commendarem. Quare cum post aliquot septimanas gratiæ ejus, (ita hic loquimur) conveniendæ oblata esset occasio, statim ille quanti commendationem tuam faceret, verbis & vultu abundè demonstravit. Ceterùm cum quædam de commendato magis expressè quæreret, & ego meam ignorantiam, ut qui nihil de eo, nisi quod à te, excusassem; promissit ille tamen daturum se operam, quandocunque Stevardus se illi offerret, ut ne vel nomen ejus vel commendatio tua memoriâ sibi exciderent. Quod ut optimo animo ab ipso dictum esse, tam mihi certum quàm quod certissimum, ita pro voto successurum, præcipuè si diu sit priusquam Stevardus illum adeat, (ut fluxæ sunt plerumque tot & tam diversi generis obrutæ talium viro- rum memoriæ) præstare non ausim. Atque hæc de Stevardo hætenus. Sed bene factum, quòd tandem aliquando adventu conspectuque suo nos beavit optatissimus, tuoque jam olim, nunc & tuo nomine charissimus, Joannes

B

Rey-

1636. Reygersbergius. Atque utinam per ejus seu negotia, seu nimiam verecundiam non sterisset, quominus illo diutius frueremur! Crede mihi, Vir eximie, is est propinquus iste tuus, eâ modestiâ, prudentiâ, temperantiâ juvenis, (quantum ex pauculorum dierum convictu non incuriosis oculis observanti mihi conjicere licuit) ut ejus te nepotis poenitere minimè debeat. Plura de eo non addam; sed nec possum majora, si velim.

Ad res meas quod attinet, nimis tui majorumque tuarum occupationum oblivisceris, si quid ad curas tuas pertinet, quid agam, quidve in posterum, propitio Deo, moliar. Si tamen ita stat tibi sententia, & tam bene tecum agitur, ut aliquando tibi vacare contingat à magis seriis, præstò tibi est Joannes tuus, idemque jam, si hoc non nimium est, meus, qui tibi abundè satisfaciât. Vale, Vir illustrissime, & amare perge

Tibi devotissimum,

MER. CASAUB.

*Camabrigia, a. d. v. Kalend. Octob.
anni Juliani, CIO IO CXXXVI.*

Inscriptio.

Amplissimo Domino, Viro incomparabili,

HUGONI GROTIIO.

LUT. PARIS.

EPISTOLA VII.

✠ THOMÆ GATAKERO.

1653. **E**Xemplar Antonini τῶν ἐκ ἰαννῶν, cum tuis in illum Annotationibus à te missum, rectè accepi, Vir doctissime, & eo nomine gratias ago tibi, quantas ab eo par est, qui quicquid ad Antoninum faciat, quò divinum istud scriptum vel auctius, vel explicatius fiat, à quocunque profectum, maximi semper facturum sit. Quid nì verò faciam, qui tam utilem & fructuosam ejus lectionem pridem expertus sim, & quotidie experior; ut cum à sacris discessi, non alium temerè librum reperiam, in quo magis animus meus, sive in rebus lætis componendus, sive in tristibus erigendus, acquiescat? Quæ me præcipuè ratio, cum jam olim ante viginti plus minus annos ad meam notitiam primum pervenisset, impulit, ut linguâ statim vulgari redditum, aliis quàm plurimis legendum proponerem; quod alios quoque non paucos repertum iri sperarem, qui quod

ego judicabam, similiter & illi, factò 1653. periculo, judicarent. Nec sanè me fefellerit opinio; ut ex infinitorum propè, tum doctorum, tum indoctorum, sed præcipuè alioquin dignitatis, virorum (ut fœminas taceam, quod minimè expectabam) gratiis & testimoniis liquido statim constitit. Quæ causa fuit iteratæ & emendatioris, quæ post paucos à prima menses prodiit, editionis. De tuis autem, doctissime Gatakere, in Antoninum cœptis ingens dudum fama, cum longè latèque sparfa esset, ad me quoque per illa tempora pervenit; quam tamen ad me valdè pertinere, qui jam versione illâ defunctus eram, nec de alio, quod ad hoc scriptum pertineret, cogitarem, non putabam. Postea autem, multis annis elapsis, cum nihil amplius de tuo incepto audirem, & multi meam operam ad edendum Græcum assiduis convitiis flagitare, non cessarent; non tamen antè (quod & in Prolegomenis nostris publicè professi sumus) κερρίκαμεν, quàm te prius adito & volente. Hæc autem tibi cum ante alios sint notissima, quid à me hic commemorentur, postea dicetur. Tu interim, (ut ad exemplar à te missum redeam) quid præstiteris, postquam tandem aliquando tuæ in Antoninum (quadraginta annorum, ut ipse computas, fœtus) lucubrationes, meum fortasse judicium non expectas. Ego certè hoc nunc non ago: neque si vellem, tutum tamen putarem ex levi & desultoria pervolutione, de toto opere pronuntiare. Nam præterquam, quod dies non valdè multi adhuc præteriere, cum pervenit ad manus meas iste tuus fœtus, accidit etiam, ut cum diurno ac difficili morbo, cui dudum obnoxius esse cœpi, colluctantem deprehenderet; & in aliis etiam ad bonum publicum (ut quidem speramus) spectantibus, quantum per valetudinem licebat, occupatissimum. Ut igitur eò veniam, quod hic mihi proposui, quia insigni injuriâ affectum me censeo, priusquam querelam meam ad alios deferro, ipsum te autorem convenire satius credidi; qui vel faciendæ causas, aut si factum negas, certè facti tui qualiscunque, quo ego me læsum (rectè an secus) queror, rationes optimè notas habeas. Sed hoc primum mihi sumendum est, quod tu, opinor, non gravatim concedes, quodque ego jus esse publicum apud omnes omnium nationum ac temporum Scriptores comperi. Si quis scripti alicujus Author est, quo prodesse aliis studuerit, Scriptori in suum scriptum jus esse perpetuum, ut mutare, interpolare, augere, demere

1653. demere, retractare denique, prout ipsi visum fuerit, fas sit, dum vivit: atque adeo secundis editionibus, quæ recognitionem & emendationem præ se ferunt, priores abrogare. Non id jam tibi à me objicietur, (alius fortasse objiceret) quòd peccata quædam (tu mea per me vocato, si voles) primæ istius versionis & editionis Anglicanæ, prope jam viginti ab hinc annis, in secunda illa ejusdem versionis editione correctæ, tu in tuis Annotationibus à prælo adhuc calentibus, acrius exagitas. Talia sunt τὸ ἰσχυρὸν pro ἰσχυρῶν, & τὸ ἰσχυρῶν pro ἰσχυρῶν: quæ in secunda editione rectè scribuntur, ut tu scribi debuisse contendis, Annotationum tuarum pag. 6. Item, *Frontinus* pro *Fronto*, quod à nobis animadversum fuerat, & in secunda editione correctum, à te autem notatum, & pluribus etiam verbis, ut te otio abundare intelligeremus, confutatum, Annotationum pag. 19. Malo credere, ignoratam tibi fuisse secundam illam editionem; aut si non ignoram, correctiones tamen illas (neque titulus enim, ut in re tam pusilla, promittebat) animadversas tibi non fuisse. Ad alia, quæ majoris sunt momenti, propero. Tu Græcam nostram editionem cum Latina versione videras, Vir clarissime, cujus exemplar à me tibi missum fuerat; quam etiam laudatam in Prolegomenis tibi reperio. Ibi versio Xylandri à nobis, quod titulus libri proficitur, emendata & interpolata; quæ professioni & honori Xylandri consulimus, ne illum debitâ laude, ubi versio ejus recta, fraudaremus; & quod summum à nobis expectari poterat, ut talem versionem Antonini exhiberemus, quam præstare teneremus, & auderemus, & cujus defensio ad nos deinceps pertineret, id præstitimus. At tu præteritâ illâ Latinâ versione, quæ totis ferè decem annis post Anglicanam in lucem prodiiit, cum prioribus illis tantum, tum Xylandrina non correctæ & interpolata, & mea Anglicana congregeris: ex illis omnia tibi prompta, in quibus à me vel Xylandro dissentis, & quibus confutandis tantum operæ impendis; aut in quibus (quod sit interdum) assensum tuum profiteris.

Idem servas in Notis nostris (quod prodigio simile mihi videtur tam illiberale facinus, virum te tam gravem & grandem! me vivo, quid dicam?) ad editionem illam Græco-Latinam additis; de quibus ne quidem verbum, quod hætenus mihi occurrerit, in totis tuis Annotationibus. Præcipuè qui leviores illas, & tantò breviores, ad Angli-

canam editionem, tantâ plerumque diligentia prosequeris. Nempe verebaris, ne si illas in consilium adhibuisses, aut adhibuisse potius agnovisses, multorum verborum, multarum conjecturarum materia tibi periret: sed interea, quin famæ tuæ multò melius consuluis- ses, si aliter à te factum fuisset, minime dubito. Valdè enim tibi places, (ut vereor, ne amicis tuis nimis credulus aures præbueris) si speras tuas Annotationes, ut expectas diu, nostrarum adeo omnem memoriam obruturas, ut nemo hæc præter me animadversurus sit.

Ecce ipse statim initio, ubi de sensu verborum titularium, τῶν ἐς ἑαυτὴν quæris, post aliorum interpretationes, nostram quoque sententiam his verbis proponis: *Nec spernenda forsân Casauboni filii argutia, qui exponi postulat ex Apuleji dicto illo de Socratis Deo: invenies in rationibus multa profusa, & in semet nihil, in sui dico Daemonis cultum.* Deus bone! quæ hæc iniquitas est, & κακοῦθία? imò fraus & malitia? Da veniam, quæso, justæ indignationi, donec à te, quid appellem, doctus fuero. Ego ad Anglicanam versionem pauca pro instituti ratione de titulo monueram; & istum Apuleji locum, qui tum fortè scribenti se obrulerat, adduxeram. At in Notis ad Græcam editionem, ut quæ longè uberiores & accuratiores prioribus illis longâ disputatione, multis & solidis (absit invidia verbo) argumentis evici, versionem (quæ quidem plena sit & Græcæ inscriptioni ἀντίστοιχόν) esse: *de seipso ad seipsum*; præterito illo Apuleji loco, non alioquin intempestivo; sed quin tot alia suppetebant, in quibus plus esse momenti judicabam. Tu omnia illa, quæ διὰ τὰ φρονήσεις & tot annorum profectus mihi suggesserant, retices: istud unum à me tam spretum & prætermisum arripis; & sic laudas, ut eodem tempore condemnes & irrideas; dum *argutiam* (ita tu loqueris, ego vix Latinum puto) vocas. At obiter (ut tuam tibi argutiam reponam) moneo, miratum esse me in istis tuis, quæ de hac inscriptione differis, mirificam tuam περιεργίαν & λεπτολογίαν, cum testimonia ex Novo Testamento arcessis; sed & ex Latinæ Linguae usu, ut probes ἐς ἑαυτὴν, *de se* quoque verti posse. Magis erat ad rem, quando nodum in scirpo quærere erat tibi animus, ut inscriptiones & lemmata Græcorum Epigrammatum testes advocares; in quibus constanter τὸ ἐς, quod Latinè per *in* vel *de* vertas, (nisi ubi τὸ *in* pro κατὰ; ubi τὸ *de* non est locus)

1653. non magni refert: quomodo & apud Martialem multorum Epigrammatum lemmata per *in* vel *de* sæpe concipiuntur; quamquam lemmata ista ipsius esse Martialis non asseruerim, ac potius non esse credibile sit. Sed & Anacreontem, opinor, aliquando inipexisti; Scriptorem, fateor, non valde serium sobriumve; sed cui tamen piissimus & doctissimus alicubi Beza loci Evangelici sensum genuinum in sua hæsitacione potissimum fert acceptum. Quoties apud illum *ἡς ἰαυτῆς*, *de se*, ut & Interpretis ipsius Latini, si non semper, ac non uno (si bene memini) loco?

Annotationum tuarum pag. 123. in loco obscuro; *ἡς τὸ πᾶν αὐτὴν διακρίσει*, agnoscis difficultatem: versionis (Anglicanæ scil.) mentionem facis, nec eam tibi satisfacere profiteris. At quid de te Lector iudicabit, cum Notas nostras consulat, ubi (pag. 45.) rectam lectionem *πᾶν αὐτὴν διακρίσει* asserimus, quæ omnes scrupulos tibi mihi que super vulgata lectione memoratos planè tollit? Hæc à nobis tanto antè publicata, à multis lecta sine dubio, fortasse & probata, qui de Anglica versione (nisi quantum ex nostris Prolegomenis) nunquam audiverunt, à te hic reticeri; quæ verò damnati sunt à me, mihi tribui?

Quocunque oculos conjicio, talia se mihi offerunt; aut etiam, si potest, iniquiora. Annotationum tuarum pag. 147. *μήποτε ἀμεινον ἀναγκαῖα πρᾶξιν*: Xylander, inquis, *ista immutavit, & conjecturam suam in textum intulit*; quem & Casaubonus est secutus. Sanus eras, cum ista de me scribebas, qui Notarum mearum pag. 146. disertis verbis Xylandri confidentiam reprehendo; usum vocis istius *μήποτε*, cuius ignoracione multi in vertendis Græcis impeerunt, ex Aristotele doceo; Antonino verba sua restituo? planè eadem, quæ tu probas & asseris.

Pag. 351. *τῆς φιλικῆς καὶ εὐρητικῆς*: quomodo vocem *εὐρητικῆς* in versione Anglicana exposuerimus, commemoras: sed conjecturam nostram *εὐρητικῆς* pro *εὐρη*, quam in Notis nostris pag. 105. habemus, tibi vindicas, nullà nostri mentione.

Pag. 34. *καὶ πεισιδικὸν τῆς χρηστίας*: malim, inquis, &c. non probas versionem istorum verborum, quam nos in Notis nostris (pag. 20.) damnavimus, aliam affers, quam nos ibidem pluribus asseruimus; non nominas tamen: dic mihi, quid iniquum, si hoc non est?

Pag. 110. ad Antonini *τροπή*. Annotator Lugdunensis, inquis, *τροπή*: at-

que ita prorsus accepit Interpres uter- 1653. que, Xylandrum scilicet & me intelligis, utrique injurius. Nam Xylandri versio (quam etiam in Latina versione retinui) satis benè vim vocis istius *τροπή* (de quo mox plura) exprimit; pro qua *τὴ τροπή* substitui vix ferat Hellenismus. Quis enim *γίνεσθαι ἐν τῇ τροπῇ* de moribus unquam dixit? Ego sanè non memini, cum tamen alioquin *τὴ τροπή* de moribus usitatissimum esse, nemini ignotum esse queat: quæ autem mihi sit, injuriam quo nomine appellem, calumniam, sycophantiam, *παδισυγίαν*, nescio; qui in Prolegomenis, tibi lectis, à te laudatis in tuis, ut stuporem scioli istius Lugdunensis & in his literis cæcitatem arguerem, hoc ex duobus altero exemplo & testimonio usus sum, quòd *τροπή* vocem, in Philosophorum scriptis tuitissimam, notissimam, quia non intelligebat, in *τροπή* mutatam veller. Tu verò, (ut hoc obiter addatur) etsi *τὴ τροπή* retines, sensum tamen illum respuis & improbas, (& in eo fortasse ad Lugdunensem ariolum propius accedis) quem nos genuinum putamus: vis enim *τροπή* hîc *fugam* significare. At *τροπή* non, opinor, reperitur de fuga voluntaria, quali de loquitur hîc Antoninus. Sed est metaphora, inquis. Dabitur hoc tibi per me, si nihil est aliud gravius, quod objiciatur. Sed & hoc tibi cogitandum propono, an ut dicitur *ἀπλῶς*, *τροπὴ γίνεσθαι*, de tali fuga in genere, quæ in præliis contingit: ita & qui fugiunt *ἐν τῇ τροπῇ* (vel *ἐν τῇ τροπῇ* *ἵνα* rectè dicuntur) an etiam *τροπὴ τῶν οἰκίων* dici possit de fuga à sociis &c. cum *τροπὴ τῶν ἰππέων ὁρῶντες* (quæ verba in versione Latina sunt omissa) *τροπὴ πλεμνῶν* &c. quæ vulgaria sunt, planè contrà usurpentur pro fuga sociorum scilicet, non à sociis. Sed rem ipsam (quod præcipuum est) spectemus. Vocem *τροπή* sensu eo philosophico, quem nos volumus, sæpius usurpat Antoninus: quod nec tu negare potes, neque enim alium locis illis comminisci potuisti: sic lib. 7. §. nostræ editionis (tuæ verò 16.) 12. *τὸ ἡγεμονικὸν* &c. *ὃ τρεῖς εἰς πέντες τροπὰς*. Eodem lib. §. meæ editionis (tuæ verò 58.) 33. *ἐφ' ἑκάστῃ συμβάματι* &c. *οὐκ ἔστι πᾶς ἀλλοτρίας τροπὰς* &c. ex hoc loco non improbabili-ter conjiciat aliquis, priore isto, de quo nunc controvertimus, loco, *τῶν οἰκίων*, non *τῶν οἰκίων* scribendum esse; eodem quidem sensu, quoquomodo legas. Sed ut *οἰκίαι τροπὰς* opponantur iis, quæ hic *ἀλλοτρίαι*, non parum confirmat locus Platonis, de quo mox. Sed Antoninus iterum lib. x1. meæ editionis (tuæ 19.)

1653. §. 17. ποσάρας μάλιστα τροπῆς ὡς φυλακ-
νόν διηγεῖται &c. His omnibus locis vox
τροπῆ sensu, quem volumus, usurpata,
te minimè reclamante. Longum esset
aliorum Philosophorum testimonia col-
ligere: unico contentus ero Platone.
Is igitur extremo Timæo, ubi doctri-
nam istam de variis animi motibus ab
ultima origine præstantissimè prose-
quitur, inter alia habet & ista: Θρα-
πεία ἢ παλὴ πάλῃ (de quacunque re
hoc universim Plato, sed occasione ta-
men τῇ δαίμονι ξυνικῇ, ad quem pecu-
liariter hoc pertinet, ut ex superioribus
liquet) μία τις εἰκίας ἰκάσθαι τροφᾶς καὶ
κινήσεως ἀποδίδοναι. Ita excusum in om-
nibus, quas vidi hætenus, Platonis
editionibus, quod etiam ratione non
carere & defendi posse libenter agno-
scimus. Nam alibi quoque non τροφῇ
tantum, (in hac ipsa re) sed & τροφῆ-
μα verbum, non uno loco, ubi nullus
mutationi locus. Quia tamen verbum
κίνησις toties in hac disputatione usur-
parur, quod τῇ τροπῇ synonymum est,
at τῇ τροφῇ nullibi (in hoc toto sermo-
ne) nisi hoc loco: & proximam sen-
tentiam, sic orditur: τῷ δ' ἐν ὑμῖν θείῳ
συγγένει ὑπὲρ κινήσεως &c. quo uno κινή-
σεως verbo, quod prius duobus expres-
serat, voluisse illum comprehendere,
res ipsa suadet: valdè probabile est, si
non omnino necessarium, pro τροφῆς,
in præcedentibus verbis, τῇ τροπῇ ve-
rum & genuinum esse. Tanto magis
probabile est, si verba Platonis cum
verbis Antonini (qui Platonem, opi-
nor, in animo habebat) conferantur.
Sed quomodocunque leges, at εἰκίας,
at συγγένει κινήσεως hic habemus, quæ
Antonini verba sententiamque pulchrè
illustrant. At τὸ σύλλαβῆσθαι (dices for-
tasse) non *observare*, sed *cavere* vulgò
significat. At in tanta significationum
istarum affinitate, Xylandro, viro Græ-
cæ linguæ peritissimo, qui primus ita
vertit, non defuisse istius significatio-
nis exempla probabile est. Sed ut nul-
la proferri possint, (quamquam ne id
quidem multum est, cum passim talia
apud optimos quosque Scriptores, quæ
apud alios, qui nunc extant, frustra
requiras) alia tamen ratio satis expe-
dita veræ sententiæ consulendi, si nem-
pe inter τῇ τροπῇ & τὸ γινέσθαι negati-
vam μὴ interfieramus, τὸ τὴν ἀλάνειαν
τροπῇ μὴ γινέσθαι. Non puto igitur,
cordatis Lectoribus probaturum te
tuam interpretationem verbi τροπῇ hoc
loco: quæ tamen si tibi aliisque non
omninò spernenda videbitur, at certè
non erat, quod ridiculam sententiam
& ineptissimam hominis ineptissimi πα-
ραδιόφθυσιν nobis affingeres.

Quem verò lecturum putas, quæ vel 1653.
Annotationum tuarum pag. 174. de ver-
bo μυχᾶριον vel pag. 168. in ista, ἐπὶ
ἡ δὲ παῖδας πικρῶν &c. (ubi de summo
viro, meo quidem iudicio, non valdè
bene mereris, cuius sententiam super
istis verbis, quam ut tibi gratificaretur,
opinor, aliud agens & aliis occu-
patus, ad te miserat, non alio fine,
quamvis dissimules, proponis, quàm
ut tuam, si tua dicenda est, commen-
des) Sed quis illa dico, aut quæ pag.
225. de abstrusa & minus in vulgus no-
ta significatione verbi ἔξῃς, & alia pas-
sim similia, quis legat, inquam, &
cum iis, quæ nos in nostris vel Anglicis,
pag. 30. vel Latinis notis, pag. 56, 73.
&c. conferat, qui non te nobis multum
debere sine cunctatione asseveraturus
sit? Quod nos tamen ipsi asseveraturi
non eramus hoc modo, nisi tua olim
serinia compilasse apud aliquos rerum
ac temporum nostrorum minus gnaros
in suspicionem veniremus. Atque uti-
nam (ut & hoc obiter) pag. illà 225.
de verbo ἔξῃς à summo, cui te tam mul-
tum debere profiteris, viro (in quo
me tibi prævisse doleo) abstinuisses!
Ipse enim in iisdem notis, sed alio lo-
co (quod à me postea, sed serò, de-
prehensum est) errorem suum animad-
vertit, & corrigit, dum veram vocem
ἔξῃς asserit & exponit.

Hoc interim satis cautè provisum à
te animadverto, ut insigniores aliquot
notas, siue expositiones, siue conje-
cturas, omnino præterires, nempe ut
aliquis minus attentis & sagacibus su-
spicionis fundus hinc esset, te nostra
minimè legisse: non alioquin (vel in
Lectoris tui gratiam) prætermisurum
scil. qui præcipuè tot insulsis & impor-
tunis undecunque corrasis conjecturis
(inter quas & meis interdum locus)
tum margines tuos, tum Annotationes
farciveris.

Exemplo sit, extremo libro (tuæ edi-
tionis pag. 31.) τὴν ἀλάνειαν, τὴν διαγίνεσθαι,
τὴν λήγειν αὐθις. Quid, malum, τὴν
λήγειν αὐθις, eo præsertim sensu, quem
tu sequeris, denasci, inter munia vitæ?
nos in notis nostris, pag. 125. &c. cor-
ruptum locum suspicati sumus, & τὴν
λαχνηνέσθαι, non λήγειν αὐθις, genui-
num esse: non pœnitet me conjecturæ,
& addentur alia suo tempore, σὺν θεῷ,
quibus illa confirmetur. At tu interim
si non probabas, saltem docuisses nos,
quomodo istud λήγειν αὐθις hic locum
haberet: sed neque τὴν διαγίνεσθαι exi-
stere simpliciter, ut tu maluisti; sed
quod nos expressimus, *durare*, *diu vi-
vere* &c. Antoninus idem argumen-
tum persequitur alibi: ut lib. 6. (no-

1653. stræ editionis) §. 12. ex quibus collatis tantò magis intelligas, quàm aliena sit huic loco sententia, quam ex his verbis exprimis.

Ibid. proximo ab uno paragrapho: *πὸς ἰαυτὴν χρεῖται τὸ ἡγεμονικόν* &c. sententiâ id postulante conjiciebamus, *πὲρ δὲ λέγειν ἀποφαίνεται ἔστιν*. Tu quoque aliquid in verbis immutas; sed non ut sententiam adjuves, verùm ut Antoninum sibi contraria scribere, & quibus in Philosopho Stoico magis monstruosa cogitari queant, facias. Itane verò, ut Antoninus dicat, *πὲρ ἀρετῆς, quæ nostri sunt arbitrii*, nihil ad nos pertinere; *οὐκ ἔστι καὶ κακόν*? Videatur vel Epictetus primis capitibus; qui hoc universæ suæ Philosophiæ fundamentum præstruit, *πὲρ ἰφ' ἑμὶν*, id est, *quæ nostri sunt arbitrii*, (*πὲρ ἀρετῆς*) sola esse *ἰαυτῆς, ἀκόλουθα, ἀπαρµογία*. Cætera quævis (*ἀποφαίνεται*) *ἀσθενῆ, δῶλα, καλὸν, ἀλλότρεα*. Mirifica apud alios ejusdem sectæ occurrunt, dum hanc arbitrii libertatem deprædicant; quo potissimum nomine sapientem Jovem ipsum felicitate æquare pronunciant. Tu quoque locum proferre ex Stobæo ausus es, qui tuam versionem jugulat. Nec tamen diffiteor, ex altera lectione (quam & Xylander secutus est) sensum non planè absurdum, & eis, quæ uno aut altero scribit Antoninus loco, satis convenientem posse elici; ut quidem verti possunt ejus verba, non ut tu & Xylander vertistis. Hoc tantùm dico, qui minima interdum lectionum & versionum discrimina tam studiosè contestestis, non committendum tibi fuisse, ut in his & similibus aliis, quæ à nobis allata & objecta fuerant, tuæ potius ambitioni, quàm Lectoris tui commodo aut saltem curiositati consuleres.

Cæterùm cùm Notas nostras ad Græco-Latinam editionem adornaremus, non deerat ne tum quidem materia nobis ad justum Commentarium, sed deerat orium; qui præterea per nos alioquin ad longas id genus commentationes nunquam valde propensi fuimus; quas potius ad fovendam studiosorum Lectorum ignaviam (de talibus intelligo, in quibus, aliis jam sæpius observata, cum levi interpolatione, ut hodie sit à plerisque, respondentur & congeruntur) quàm promovenda studia pertinere judicabamus. Postea tamen & cùm veniret in mentem, ad usum vitæ referri debere omnia; expedire autem, ut qualescunque Lectores, quibuscunque fieret id irritamentis, ad libri tam *βιωφελὲς* lectionem invitarentur; mutata mihi sententia est, & ab eo tempore notata diligenter ad

oras nostras, quæ ad eam rem (si for-1653. tē vita & opportunitas aliquando suppeteret) facere videbantur. Nihil ferè jam superest, nisi ut exscribantur testimonia, quorum *σημειώσεις* & indicationes sunt ad oras illas nostras. Non dicam me confirmatum in eo consilio lectione tuorum; non deterritum audebo me dicere. Incurremus in eadem multa, fateor; at diversa tamen erunt plurima, quantum adhuc video. Et si ita contingat, ut iis utamur testimoniis, quæ tibi jam sunt occupata, non id fiet sine tui mentione; ut candorem meum agnoscas, quem tibi erga me defuisse queror. Habemus præterea Indicem Græcum verborum omnium (quo phrasæ etiam formulasque Philosophorum proprias comprehendimus) philosophicorum, quæ apud Antoninum reperiuntur: cum Latinis propriis ex Seneca, Cicerone, aliisque veteribus, quem harum literarum, sed Antonini præcipuè studiosis perutilem fore speramus. Hæc eo nunc à me narratur, ut si de consilio meo posthac ab aliis audiveris, ne id in sequiorem partem, quasi ex livore & amulatione susceptum, interpreteris. Est quidem jus vulgò receptissimum, fateor, parati referre, non tamen ego committam, ut plus apud me iusta quantavis indignatio potuerit, quàm propriæ rationis studiumque verecundiæ, & tales nos esse, quicumque Antoninum, ut ex illo proficeremus, legimus, rectum erat. Illum vide, tum alibi, tum lib. 7. editionis tuæ, §. 5. 6. 7. tu enim tres diversos ex eis paragraphos facis, quæ nos, quod ad eandem rem spectarent, tum in Anglica, tum Latina versione, in unum conclusimus. Nec adhuc mutatum factum, & miror aliud tibi placuisse: est enim continuus sermo, nisi ego valde fallor, & qui non sine detrimento sententiæ divelli potest. Nam quod interfert Antoninus de laudis contemptu, id optimâ & constanti ratione ab ipso factum esse, multis probare possem, si id nunc agerem.

Hoc igitur postremum esto me, si ratio aliqua facti tui, quod mihi tam mirum & iniquum videtur, tibi in promptu, responsionem tuam expectaturum; vel ex silentio, animi male sibi conscii conjecturam facturum. Vale. Dedi in pago; (qui non procul à Cicetria) *West-Ashling* vulgo nuncupato, *pridie Non. April. anno Domini, MDCLIII.*

Liceat hoc addere, priusquam te demitto; Vir clarissime: Titulus tuus promittit Antoninum locis haud paucis repurgatum, suppletum, restitutum.

Ego

1653. Ego nihil adhuc nisi conjecturas super verbis reperi: quæ sanè sunt valdè multæ; sed tales, ut plurimum, (si quid ego in his literis video) ut si pauciores, & Antonino & ejus Lectoribus melius à te consultum fuisset. At tu suppletum & restitutum jactas, quasi notabiles aliquas lacunas explevisset, & ulcera desperantia plura sanavisset. Utinam tuo indicio unum aut alterum talem locum in tua editione sic suppletum & restitutum cognoscere mihi liceret, rem mihi pergratam feceris. Sed hoc etiam orandus es, ut nostram quoque editionem inspicere ne graveris, & quæ jam tibi rectè (vel te judice) vel in textu, vel in notis additis restituta, ea in censum tuorum *καταβυμάτων* ne referas.

EPISTOLA VIII.

✠ JOANNI GEORGIO
GRÆVIO.

1656. PEramanter à te factum, & ad amicitiae nuper contractæ rationes consultissimè, Vir præstantissime, quod posthabitis quæ contrà suadebant omnibus, nihil antiquius tibi fuit, quàm ut primo quoque tempore responderes. Quò magis eo doleo, eventum diligentiae tuæ non usquequaque respondisse. Quas enim tu a. d. Kalend. Septemb. dederas, ego demum circa Novemb. tradente tum Bibliopola, qui Martinius vocatur, (cujus insigne Campana in Cœmiterio Paulino) accepi. At potui citius, fateor, si citius illum vidissem; aut ille me in urbe esse intellexisset. Sed ne sic quidem multum lucratus essem, cum dies admodum quindecim, non plures, præteriiisse, ex quo in potestate sua fuerant, affirmaret. Cæterum, quò tu minus doceas, aut indigneris, de postero melius sperare te jubeo: deinceps enim defultoria, sed & solitaria (post obitum charissimæ conjugis) vitæ pertæsus, Londini sedem figere constitui: ut cum semel de certa via inter nos convenerit, nullum ab absentia mea metuendum sit obstaculum. Exemplar novæ editionis Epistolarum τῆς πατρὸς parentis cum literis tuis accepi. Gratum munus non uno nomine; nisi quòd voluptatem, quam à te donatore capio, conscius pudor interturbat, cum cogito quàm parum meritis id à te fuerim hæcenus, quam tenuis spes in posterum dignè redhostiendi. Cum tamen omnes patris Epistolas recensere vacabit, quas habeo, fortasse reperientur aliquæ nondum tibi visæ, qua-

rum copiam tibi faciam; quod gratum tibi fore spero. Antoninum interim, & quando ita vis, *De Enthusiasmo* Diatribam, Anglicè scriptam à me accipe. De qua quidem Diatriba plura aliàs: nam ego quoque nunc festino, & quidem in procinctu itineris, ad prædiolum longè ab hac urbe semotum, ut res ibi componam, quò deinceps abesse & alibi degere sine damno liceat. Utut festinem tamen, & ad alia in tuis literis, in quibus omnia lætissima & gratissima, diem postulem; religio est, quæ de clarissimo & laudatissimo Reynesio impertis, immemorata præterire: nimis inficetus & importunus sim, si de viro tanto, supra aleam judiciorum dudum posito, quid ego sentiam, exponere tibi aggrediar. Quamquam enim à libris & literis dudum divortium quodam modo fecerim, non tamen eò usque infelix fui, ut adversariorum ipsius expers omnino fuerim: quod aliter testari possint Adversaria mea MSS. in quæ memini me non pauca lectione usurariâ ex illis recondere. At illa cætera, tibi nominata, *De Lingua Punica*, & *Deo Eudovellico*, hæcenus invisâ planè: quod eò gravius mihi, quia spem videndi quodammodo adimis: sperabo tamen, si Bibliothecas amicorum Londinensium vacabit aliquando perferutari. Pari studio & ardore quæ parat expectabimus. Inter illa, Notæ ad veteres Inscriptiones; quarum ideò memini, ut si fortè tua aliquatenus referret, me quoque aliquas in Gruterianam collectionem, sive editionem τῆς πατρὸς parentis habere cognosceres. Nolo ego expectationem tuam excitare, quasi rem magnam promitterem, aut offerrem tibi. Nam neque ego nuper legi, ut quid offeram ipse, certò sciam; & tales pleraque memini, quæ potius Excerpta quàm Notæ dicendæ sint. Si tamen ex illis qualibuscunque aliquid gratiæ partum tibi iri speras apud virum summum, de te adeò, ut prædicas ipse, benè meritum; faciam te eorum libentissimè compotem. Quod de domo tibi indicari postulas, ad quam quæ missurus es, certò perferantur, postea fortasse viderimus, cum huc ipsi sedem, quod nunc molimur, transtulerimus. Interim nulla certior via, quàm si ad aliquem Bibliopolarum, quibus cum Elsevirio commercia, mittantur; qui cum plures sint, nihil necesse est fortasse, ut ex pluribus uni alicui nos addicamus. Quatuor isti mihi notissimi: Martinius, (cum socio & particeps Ailstraio) Pullenius, Thomasonus & Tomsonus. Liberum sit Else-

1656. Elſevirio, pro re nata, horum quolibet uri. Ego nunc per Martinium, qui mihi tuas & librum, reſcribo, & *ἀντίδωρον* iſtud noſtrum mitto; quæ ſpero fideliter curatum iri. Hoc poſtremum feſtinanti, quod primum fortasſe cum cura ſcribenti debuit eſſe, ut novam profeſſionem & provinciam tibi gratularer, quod felix fauſtumque tibi eſſe ex animo opto voveoque. Vale, Vir eruditifſime, & nos amare perge. *Londini, a. d. xlv. Kalend. Decemb. c13 13 clvi.*

EPISTOLA IX.

✠ ANTONIO CLEMENTIO.

1657. **I**nſtitutum tuum vehementer laudo, Vir eruditifſime, qui feliciore genio natus, ad ſummam contendens ipſe claritatem, nihil ſummo tuo ſtudio inexpertum, vel inacceſſum viſ eſſe, & ſi quos ſua merita, vel ſecunda fama de meliore nota tibi commendavit, ad eorum amicitiam vel ultro (ſi res ita ferat) te applices. Mea tamen aliquanto diverſa ratio, qui cū in literarum amore ne tibi quidem (paternum enim hoc habeo) ceſſerim, ab honeſtiſſima tamen ambitione me non diverſa tantū vita & profeſſio, ſed & frigidus etiam circum præcordia ſanguis ſemper continuit. Nunc autem poſtquam fortunis omnibus exuti, ſi quid olim noſtra amicitia in non pœnitenda conditione vitæ cuiquam commendare poterat, eā copiam & facultate, cum cæteris omnibus ornamentis ſpoliati ſumus, ambiri à quoquam (nedum ab iis, qualem te judicamus) noſtram amicitiam, quantò per ſe honorificum, tantò nobis triſtius, tam gravia paſſis, tam (non animo quidem, qui nunquam erectior) fractis & abjectis accidit. Noli igitur excuſare, quaſi facinus audax & temerarium, quod imputare te mihi verius erat: ſiquidem me tuā amicitia dignum verè credidiſti: & non tibi verba data dices, & credulitati tuæ, poſtquam melius me noveris, irasceris. Ad rem quod attinet, quæ tibi ſcribendi cauſa fuit. De Plauto adornando cogitationes te ſuſcepiffe, libentiſſimè intelligo, & id tibi feliciter cedere valde cupio. Næ tu de optimo Scriptore, & omnibus puri & elegantis ſermonis amatoribus optimè meritus fueris. Ego certè ita ſentio de illo, ut ne Terentium quidem, quamvis in alio genere ſuperiorem, in elegantia certamine illi anteponam. Ut omittam reconditos interdum ſenſus & ſententias, ex altiore ſapientia de-

promptas, qualia in ipſo obſervare 1657. memini. Quò mihi gravius, nihil hætenus (dilatà etiam ex iſta cauſa ſtudioque ad aliquod tempus reſponſione) occurrere mihi, quo tua cœpta juvare, & ſymbolam conferre poſſim. Nihil planè, cū neque patris *τῶ μακάρη* ullum, in quo maxima ſeges, exemplar habeam. Sed ne mei quidem, (quod aliquid fortasſe, qui meus amor, ſuppeditare poterat) cum cura mihi lecti, compos ſum. Quærere tamen, prout ſe dabit occaſio, non deſinam, & ſi quid alicundè, quod in rem tuam eſſe poſſit, eruere poterò, ejus te quàm primum participem faciam. Vale, Vir præſtantifſime, & amare nos, quando ita ſponte tuā cœpiſti, perge. Dabam *Kalend. April. c13 13 clvii.*

EPISTOLA X.

JOANNI FRIDERICO ✠
GRONOVIO.

Convenit me nuper in cellula mea 1659. (ita enim nunc habitare nec me pudet his temporibus) Nicolaus Hoboken, D. Legato Belgico à ſecretis: inviſus ille quidem mihi & inauditus hætenus, ſed commemoratione Gronoviani nominis, quàm publicè celebris, tam mihi privatim chari, valde gratus & opportunus. Multa nos inter nos horæ unius ſpatio de non uno argumento. Sed tu tamen, Vir clarifſime, (& hoc, opinor, illi maxime propoſitum fuit) præcipuum: quid multa? priuſquàm digrederemur, eò ille rem perduxit, ut ego ſponderem illi brevi me ad te ſcripturum. Nec fanè multis illi opus fuit, ut mihi perſuaderet. Agnoſco enim alterum hunc, aut tertium etiam annum volvi, quòd literas à te, curante Grævio noſtro, accepi; & malis tuis, per vim & lites iniquas, quas narrabant illæ, ſeriò ingemui. Et quamvis reſponſionem paratam habuerim, miſſam tamen illam non affirmem: exſpectabam enim (ſi bene memini) à Grævio reſponſum ad ultimas meas, per eundem, qui tuas ad me curaverat, ad te reſcripturus. Miſeram autem ad Grævium non ſolum literas, ſed libros quoque, ut aliquod *ἀντίδωρον* à me haberet) quos ſibi gratos fore ipſe prius indicaverat. Traditi autem tum literæ, tum libri Bibliopolæ Londinenſi, qui ſe ad Hackium (an Elſevirium?) rectà miſiſſe ſæpius affirmavit. Quid illis factum ſit, neſcio: hoc certè ſcio, ab illo tempore (toto ferè triennio) nullas à Grævio literas veniſſe. Sed nec de illo, vive-

1659. viveret, an secus, à non uno sciscitatum rescire potuisse. Eò potius animus (ut est amor) inclinabat, ut eum mortuum crederem; donec Franciscus Junius, vetus amicus, ab aliquot mensibus hic agens, aliter me docuit, quod me non mediocri lætitiâ affecit. Quare, post tam longum temporis interval- lum de responsione ad ipsas quid cer- tum dicam, non habeo; & jam nimis utrumque serum est. Si, ut audio, Leydæ tibi fixa sedes est, ex animo ti- bi mihiq; gratulor, & in posterum utrique nostrum literarium hoc offi- cium melius cessurum spero. Cæterum quòd amicus tuus tuo nomine, quid nunc agerem, quibus in studiis esse- mus, inquirebat; quid aliud censes, amicissime Gronovi, aut certum cen- sere te æquum est, postquam de statio- ne dudum detrusum, libris, amicis, omnibus studiorum (ne dicam vitæ) præsi- diis amissis, audivisti, quàm pro virili curare valetudinem, & solatia tanto malo à jugi sedis ejus & loci me- ditatione quærere, qui ἄνθρωπος φι- νώσεται, ἔδωκεν ἡ ἐμὲ δύνειται. nōsti cæ- tera. Nec tamen nos ita otio tradidi- mus, ut non omnes occasiones arripiamus de publico, cujus nos hodieque pars aliqua sumus, bene merendi; quod testantur scripta linguâ vulgari edita, non unius generis; quæque non parum profuisse multis satis mihi constat. Vi- debis tamen, ut spero, propediem nos etiam ad vestra studia animum inter- dum referre; nec adhuc planè ab amœ- nioribus illis Musis alienum esse. Est enim hoc ipso tempore sub prælo Dia- tribula una aut altera nostra, quæ jam ante annum prodissent, nisi ego in ur- be rarò fuisset. Harum altera ad Epi- cætum, nobilem illum Stoicum; alte- ra, ad Homerum, Poëtarum princi- pem, pertinet. Sed ego interim dum istæ excuduntur, rus ire paro; ubi do- mum & partem aliquam librariæ su- pellectilis reliquam habeo. Typogra- phi in mea absentia quàm bene defun- cturi sunt, nescio: quales quales, à me, (in hac vita) aut ab illis (ut illis mos est) proditura sunt. Tibi inter primos exemplaria destinata sunt, & primâ quæ se offeret occasione transmitten- tur. Ea tibi, si non alio, vel ipso Au- thoris nomine non ingrata fore confido. Vale, Vir doctissime, & me, ut facis, amare perge. *Londini, postri- die Id. April. CIO IO CLIX.*

Inscriptio.

Clarissimo doctissimoque Viro,
Dom. JOANNI FRIDERICO
GRONOVIO.
LUGD. BATAVOR.

EPISTOLA XI.

E I D E M.



RUte post duorum mensium absen- 1659.
tiam reverso, traditæ mihi sunt tuæ literæ, Vir præstantissime, ut à te gratissimæ; sed argumento tristiores, quia omnia tibi pro voto ac merito tuo non succedere indices. Quamquam, ut amicè & familiariter, pro mutua no- stra consuetudine, tecum agam, ista mihi non satis perspecta; ubi dicis *te mutasse coloniam, non secutum notitiam loci melioris, sed indigentiam, qui mo- dō ad invidiam florens claritate & co- piâ elegantium hominum, si quos retine- bat sibi φιλόλογος, neminem publico & discipulis.* Et quia &c. Stuporem meum, an festinationem tuam (læpius enim relegi) damnem, nescio: noli tu mihi vitio vertere, si quicquam in literis tuis mihi perire (perit autem, quod non intelligo) ægrè fero. Cæ- tera planissima de Gravio, & que- rela tua de averfis à vera via ingeniis hodiernis. Quid si tu ibi viveres, ubi fanatici regnant, & quòtidie de reti- nendis, vel proscribendis humanioribus literis & disciplinis. De Academiis ut pietatem & Christianismum nihil ju- vantibus, aguntur comitia, & dubio eventu, libris etiam in utramque par- tem editis, certatur. Sed & in ipsis Academiis factiones, aliorum Carte- siana dogmata & consilia, aliorum Hobbiana, aliorum alia, si qua sunt istis monstrosiora, amplectentium & tuentium: pauci, qui verâ viâ insistant (qualem tu doces, optimus Magister, & exemplo tuo prævivisti) ad veram & solidam, Veterum lectione, virtutem & eruditionem. Cæterum, mi Gronovi, quid agemus, nisi quod tu agas, ut quantum in te, viriliter, contemptis fanaticorum judiciis & illecebris, obis- stas; cætera Deo & fato permittas? Omnium rerum humanarum, inter alias eruditionis & barbariei, certis tempo- ribus circuitus est & ἀνακύκλωσις: ita fert lex mundi; quam rectè intellige- re, & æquo pati animo, præcipua sa- pientia est. Dudum prædixerat Sapiens de Græcia: ἔγω γὰρ βάρβαρος ἢ ἑλλὰς ἐκ ἑστέων ἀνθρώπων γεννηθήναι μετέπειτα, ἀλλὰ καὶ ἑστέων τῆς φύσεως. Quid si nunc idem Europæ fatum incumbat, & aliò literæ meliores, & cum illis vera reli- gio migraturæ sunt? Deus omen aver- tat! sed huic sanè Regno, nisi θεὸς δώδῃ μηχανῆς & genuinus διακρίτης restituitur, nihil non horrendum in hoc genere portendunt τὰ φαινόμενα, non ex astris, (quæ

C

(quæ

1659. (quæ ego quidem parum moror) sed ex actis personisque publicis. Sed ista relinquamus. Utriusque opusculi, quorum ipam feceram in nuperis meis ad te, exemplaria bina ad te misi; (misi autem per vectorem amicum, clarissimum Junium, reditum in patriam adornantem, & jam in componendis sarcinis occupatum) altera tibi; altera Grævio nostro, si adhuc superat & vitali fruitur aurâ, mittenda. Diuturnum ipsius silentium mirari satis (si quidem vivit, quod innuere mihi videntur tuæ) non possum. Cum aliàs igitur expectationi meæ & sollicitudini satisfacere non possem, occasionem hanc arripui publicè ipsum compellendi. Cura tibi sit, mi Gronovi, ne sic quoque conatus hic meus frustra sit. Cæterum, Homeri, id est, Veterum eruditionis & sapientiæ studiosis, non ingratum fore laborem spero, quem in Homeri partem, quam mihi casus obtulit, sumsi, ab annis meis alieniorem fortasse, non à statu præsentis meo, publicoque. Si digna commendatione tuâ, vel testimonio, fac aliis innotescant ista per te, quo fructus ad plures redire possit, & me operæ meæ non poeniteat. Vale, Vir amicissime, & me, quod facis, ama. *Londini, a. d. 14. Kalend. August. c13 13 CLIX.*

Inscriptio.

Viro clarissimo,

JOANNI FRIDERICO
GRONOVIO,

Græcarum Literarum & Historiæ
Professori dignissimo,

LUGD BATAVOR.

EPISTOLA XII.



EIDEM.

1660. **L**iteris tuis, quæ postremæ venerunt ad me, Gronovi doctissime, per se gratis, cumulum gaudii addidere, quæ cum illis à Grævio nostro, post tam longam intermissionem & expectationem, quasi redivivo, eodem tempore venerunt. Tu quidem vivere illum dixeras in tuis, si bene memini: erant tamen hic, qui aliter narrarent, & est amor, ut nôlli, suspiciosus, & ad tristiora proclivior. Quia ille, quantus quantus, totus tuus est, credidi non ingratham tibi fore lectionem literarum, quas ad ipsum scripsi, & eo fine apertas ad te misi. Movit me alia quoque ratio, quam tu lectis literis intelliges. Tu ob-signatas ad illum mittes; qui tamen si rescierit, ut actum est, non, opinor,

pro vestra summa conjunctione, & 1660. quam tibi debet observantiâ, agrè laturus est. Cæterum poteram, quod ille, *unâ fideiâ duos parietes*: quando ita contigit, ut eodem tempore utrique nuptiæ gratulandæ sint. Sed non una ratio tamen nuptiarum, quantum ex tuis intelligo. Ille, opinor, adhuc juvenis, quæ juvenes in assensenda sibi consorte thori spectare solent, cogitabat scilicet. Illud autem non unum fortasse, sed unum tamen præcipuum, ut ego sentio, liberi & hæredes. *Δὲς π φύσει καὶ ἀνδρὶ· τίκα δ' ἔμπεδον, ὡς ἐλεχέμεν.* Tu quoque liberorum causâ, ut narras; at non procreandorum, sed educandorum: quæ sanè non minor cura, imò major, & veris parentibus tanto dignior incumbit, quanto vera vita in sola virtute, & cognitione Dei posita, vitæ in genere sumptæ, cujus etiam belluæ participes, & vilissima quæque animalia, præstat. Talem autem tibi matronam, te dignam, tibi contigisse, summopere lætor, & ex animo tibi gratulor. Hic locus me admonet infelicitatis meæ, quam tibi ignotam non esse, quando invitat occasio, lex amicitiae videtur requirere. Uxorem habui, mi Gronovi, mulierem lectissimam; cum qua per multos annos conjunctissimè vixi. Præter mores, qui soli tum spectati mihi, cum illam duxi; (nam de forma nihil dicam; nec jam in hac ætate meminisse juvat) postea insperata hæreditas obvenit non contemnenda. Ex illa diversos liberos suscepi, qui plerique valde infantes denati sunt. Ex omnibus duos tantum superstites reliquit, filium & filiam. Filia post mortem matris, honestissimæ conditionis consanguineis ipsis volentibus & cupientibus, meis sumptibus educanda, paulo post tradita est. Decimum illa nunc, aut undecim ætatis annum agit, ad summum. Nihil est, quod de illa querar; nec erit, spero, dum vivam. Filius autem cum mater obiit, ad quartum jam vel quintum supra decimum ætatis annum pervenerat. Prima pueritia bonæ spei plenissima fuit. Ego ipse educationis & docendi laborem, quia incidit in id tempus, cum sedibus pulsi, solita munia obire non liceret, in me suscepi; ex quo labore maximum percepi in maximis ærumnis levamentum; adeo placebant indoles, ingenium, mores, omnia. Jam non mediocrem progressum fecerat in literis, cum novennis esset. Terentium, Ovidium, Horatium jam legere & intelligere incipiebat. Expectas fortasse, ut eò veniam, ut cum immaturâ morte præreptum querar. *Do-*
luif-

1660. luisset certè si ita contigisset, & triste sui desiderium reliquisset ille. Sed ita est, ut ait Comicus in Re ludicra, si quis alius, sapientissimè: *Stulti haud scimus, quàm frustra simus, quom quod cupienter dari petimus nobis; quasi quid in rem sit, poscimus noscere.* Ut nunc res habet, & ipsi & mihi optabile, ut dudum vivere desisset. Primus insectæ calamitatis quasi insultus, morbus diuturnus, non sine periculo vitæ, & inde necessaria indulgentia. Mea post absentia, cum longo locorum intervallo diffiti (ita ferente meo statu) viveremus. Hinc primò neglecta studia, & durante debilitate, aucta indulgentia; liberior vita, promiscua consortia; (ita suadentibus amicis, qui maximè nobis velle videbantur) quæ tamen non periculosa videbantur. Serò deprehensum est, quantum ista nocuerint; & haud ita post, cepit morbus uxoris dilectissimæ, qui plures annos duravit, & me totum ferè sibi vindicavit. Quid multa? neque enim tibi hæc legere magis jucundum credo, quàm mihi scribere, si sigillatim res exponere aggrediar. Eò jam redacta res est, & ab aliquot annis fuit, ut ad extremam amentiam & *ἀπνοίαν* nihil relictum videri possit. Crede mihi, nihil desperatius; nisi quod certum mihi est, dum vita manet, in illo sperare semper, cui nihil impossibile. *Μεγα γὰρ πρὸς πῖνον ἐστὶ τὸ πνεύματι καὶ μὴ κατὰ τὴν οὐρανίαν δύναμιν.* ut sapiens Ethnicus, magis ut Christianus quàm Ethnicus. Tibi igitur iterum atque iterum gratulor, amice Gronovi, & te valde laudo, qui pii & providi parentis officio functus sis. Faxit Deus Opt. Max. ut fructum huius tuæ pietatis vivus valensque diu percipias: tu me, ut amas, ama. *Londini, a. d. xii. Kalend. Maj. c. 1660.*

De Anacreonte, quæso, memor sis, quando erit opportunum; nam Junius noster silet, & quid illo post abitum factum sit, adhuc nescimus.

Inscriptio.

Doctissimo celeberrimoque Viro,
Dom. JOANNI FRIDERICO
GRONOVIO,
Græcarum Literarum & Historiæ
Professori dignissimo,
LUGD. BATAVOR.

E P I S T O L A XIII.

JOANNI GEORGIO ✕
GRÆVIO.

Vivis igitur, mi Grævi; vivis, ac 1660. vales? quique tibi, ut mortuo, nãmiam parabamus, iidem nunc peractos feliciter gratulabimur? Hoc verò non tantum vivere est; sed ne mortalis unquam moriaris, affectare, ac quodammodo efficere. Ita enim non unus Antiquorum de legitimo matrimonio pronuntiavit; id unicum esse mortalitatis à natura nobis indultum remedium; & eam quandam esse *τῆς ἀθανάσιας ἐπίνοιαν*. Quò spectare videntur & illa τῆ *Σωτῆρος* verba: * *οἱ δὲ καλῶς ἔχοντες τὸ αἶμα ἐκείνην τυχόν, καὶ τῆς ἀθανάσιας τῶν νεκρῶν, οὗτοι χαμῶσιν, οὗτοι ἐκχαμίσκονται.* *Ὅστι γὰρ δοκῶσιν εἶναι δυνάμει.* *Lucæ xx. vers. 35, 36.* Hoc igitur superest, ut multos annos tibi tuæque, faustos ac felices utrique, & simul fructum illum conjugii vel præcipuum, communes liberos, qui parentes vultu & moribus referant, optemus & voveamus; nuncque adeò opto tibi voveoque. Sed ad vitam tuam redeo, de qua cum aliquot jam annos dubitasset, aliquando etiam desperasset; ita erant incerta omnia, quæ de te nuntiabantur; nec defuerunt etiam, qui, quod maximè metuebamus, affirmarent; aut auditum certè sibi dicerent: quanto putas affectum me gaudio, cum tuas literas vidi, legi, relegi? tanto certè, ut vix illas, ægrè tandem, & nisi coactus, post diuturnam usuram (ita placebant) è manibus deponerem, ab oculis removerem. Si quæris, quæ tanti gaudii causæ fuerint? non alias dixerim, nisi quòd à prima tuarum lectione, id est, cum primum mihi cognitus es, amare te cœpi, non mediocriter; primò, quòd me à te amari (quantum ignotus poteram) planè mihi persuaseras; sed multò magis, quòd bonæ mentis & ingenui animi; addam, & doctrinæ non vulgaris indicia certa in iis deprehendere visus sum. Gaudebam igitur, quem tamen, si me nôris, τῇ *πλεονεξίᾳ* semper vitasse, quàm affectasse dicas. Cæterum, etsi longitudo literarum tuarum mihi grata per se; præcipuè, post tam diuturnum silentium; mallem tamen aliud argumentum potius tibi delegisses, dignius istâ ubertate sermonis & diligentia. Gratum tibi fuisse publicæ compellationis officium istud, ut sperabam fore, gaudeo: at illud à te ita supra modum ornari & amplificari, quasi magnum

1660. quid præstitissemus, quod nullis gratiis, nullâ commemoratione æquari possit, non laudo, & auctori tuo, non merito meo tribuo. Ad me autem quod attinet ipsum, ut melius me nôris, non voluntatem sanè, sed ne ingenium fortasse defuisse, quò minus de literis melioribus bene mererer, non inficias iuerim. At otium semper, alia professis, etiam cum omnia pro voto fluere, defuit: ut quod aliis, ista profitentibus, ἔργον, nobis παράργον tantum fuerit; ut mirum nemini videri debeat, si non plura præstiterimus. Multa tamen agitas nos, & molitos esse, si cœptis nostris propitior aspirasset fortuna, non nego. Post hoc autem naufragium publicum privatumque, cum ab eo tempore nec certa sedes, nec copia librorum fuerit, nisi interdum ad breve duntaxat tempus: si quid aliquando præstitimus, quod luce omnino non indignum fuerit, profectò id nobis quasi divinâ virgulâ suppeditatum, credere par sit. Nuper adeò, cum in longinquum secessum invitantibus amicis nos recepissemus, & rogati essemus ab iis, qui novam Diogenis Laërtii editionem hic curabant; spero nos non inutilem operam, quamvis sine libris essemus, in illo recensendo potuisse. Multa certè priorum editionum & interpretum, tum Romani, tum aliorum peccata notamus; multas ex textu mendas sustulimus; multò plura præstituri, si librorum copia fuisset in illis locis; nec illi adeò festinassent, qui hoc à nobis exigebant. Ita enim constitutum illis erat, opus illud circa hoc tempus extrudere. Nunc Menagii Parisiensis cessationem causantur, cuius Notæ, seu Commentarii uberiores expectantur, parte dudum missâ. Sed quantum video, diu expectabunt, ita ille cunctatur, & importunis frustrationibus tempus extrahit. Prodibit tamen aliquando Diogenes iste, sine dubio, cum jam textus integer Romanæ editionis cum Aldebrandi versione excusus sit; sed & Notæ nonnullorum. Ego tibi exemplar, alterum Gronovio, statim curabo; si quidem ad id usque tempus vita suppetet. Sed ut ad literas tuas redeam; nimiam te tum amoris, tum gratitudinis exuperantiâ peccare dicebam; & te deinceps parciolem in isto genere opto; quod ut est indolis optimæ argumentum, ita invidiæ non unâ ratione obnoxium: sed illud præcipuè, quòd etiam titulos tribuis neque personæ, neque gradui convenientes. Supremus, quem nobis vindicare possumus honor, aut gradus, honorificus ille sanè, præcipuè si quis non

indignus gerat, *Doctus est Theologia*; 1660. fateor etiam in aliquo splendore fuisse, quamdiu Canonatu Cantuariensi frui licuit; (licuit autem dum Rex & Ecclesia steteret) non tamen ut illustres tunc audiremus, aut audire sustineremus; quòd propriè Magnatibus, aut insigniore aliquo Magistratu, seu legatione functis (ut nunc sunt mores; nam quid olim, non hic quaero) tribui solet: ut etiam Scaligeris, Principibus viris ortis, & incomparabili tum virtute, tum eruditione maximâ quæque meritis, in privata fortuna invidiosum fuerit. Mihi sanè ad gloriam satis est, & plusquam satis, tali patre natum esse; si tali tamen patre, quantum per iniquitatem temporum, & domesticas clades licuit, non indignus omnino censear. Hoc autem in eo præcipuè situm intelligo, ut pietatem illius, & in pristina fide constantiam æmuler ac præstem; quod hæcenus sanè (& hoc quidem tu verè de nobis in tuis literis) quamvis opimis conditionibus, ab illis qui rerum potiebantur, sollicitati, præstitimus, (Deo sit laus) & porro præstituros, eodem auxilio nixos, magna fiducia est. Vides, Vir amicissimè, quàm mihi chara amicitia tua, qui etiam illa, in quibus nimio amore peccas, præterire noluerim. Postremum hoc, quod votorum sanè non ultimum, ut amore me pergas, si te à me amari confidis. Vale.

Reinesii, viri præstantissimi, Varias Lectiones dudum (nisi nova exinde editio) hic vidi, & partem magna cum voluptate legi. Sed alia ejus Opera, aut opuscula, *De Lingua Punica*, &c. à te in superioribus literis memorata, nequè vidi adhuc, nequè hic parabilia intelligo. Illa igitur potius, amabò, si quid missurus es. De Philostrato, cum proximè ad te scribam, pluribus agam. Hoc tantum nunc, in Vita Apollonii (in cætera patris Adversaria aliquid fortasse suppeditabunt) præcipuè nos versatos esse, & in eo ferè uno tibi expectandam opem nostram. Homericae Dissertationis plura, quando voles, exemplaria mittam libentissimè. Iterum vale. *Londini, a. d. XII. Kalend. Maj. CIO IO CLX.*

EPISTOLA XIV.

TO MR. E V Y L I N. ✕

SIR,

Your second Letter, dated Jan. 28. 1664. came to me Feb. 3. and I make the more hast to answer it, because I know not whether it will be in my power afterwards

1664. *terwards, my disease every day getting ground, soe that it is a very hard taske for me to fix my thoughts upon any thing else. According to my promise in my former Letter haveing got some respite from great extremitie I make use of it to see what I could doe with these two pages of my Fathers Adversaria, and with much adoe I have gotten them written out, but soe, as I cannot warreant that these be noe mistakes. Could I have dwelt upon it, and sought bookes, I might have been more certain. You will accept of what is feasible, my condition being such as it is. Besides, I must desire you to looke upon these references as tumultuary congested by my Father without any method or long consideration as they did offer themselves. And I am confident, Sir, in case you make use of any of them, you will take care that neither my Father may suffer, nor I. But in case I should overcome this great fit, and God will yet prolong my life for some time, I will promise you to review what is here sent, at leisure, with some observations of mine own where there shall be need. The edition of Plutarch often referred unto, is that of Henr. Stephens in six Volumes, which I have, but not my Fathers, which I never saw. Sir, I thank you for the sight of the enclosed paper, where I find great variety of choice matter, and should willingly have imparted my thoughts of divers things had it been possible in the condition I am, which doth not afford me to be longer though I would, haveing had the publick prayers of the Church twice or thrice already since your first Letter. But whilst I live pray, Sir, think of me as*

Your very humble and much
obliged Servant,

MERIC CASAUBON.

Februar. 1664. from
CANTERBURY.

Inscriptio.

To Mr. E V Y L I N,
at D E P T F O R D.

EPISTOLA XV.

✠ JOANNI GEORGIO
GRÆVIO.

1666. **E**Go verò, Vir clarissime, (ut inde incipiam, ubi tu desinis) tuo, & omnium quantum est hominum, odio dignus essem, si tantâ humanitate à te provocatus; sed & tuâ curâ gratissimo

munere, ab amico claroque viro potitus; respondere, id est, gratias agere, & beneficium agnoscere graveret.

Non obtusa adeò gestamus pectora.

At hoc à moribus & animo utut absit longissimè; fateor tamen cum esse nunc nostrum statum, qui tali suspitioni (nisi qui nos nōrint) valde alioquin opportunus sit. Postquam enim hic versæ publicæ res, nos quoque tantæ ruinæ pars aliqua, rarò in hoc celebri totius Regni Theatro & Emporio conspiciuntur: non oculos aut auctoritatem cujusquam veriti; sed quia quod nos ibi detineat, nihil est; neque aliud jam ferè, quàm tranquillitati animi, & afflictæ dudum valetudinis consulimus. Cum autem ita res nostræ ferant, ut secessus noster sit ab urbe submotior, & rara cum Bibliopolis commercia; inde fit, ut & literæ, quæ illis commissæ, plures interdum menses in manibus eorum, absentibus & inscientibus nobis, hæreant. Quis autem casus tuas in via moratus sit, nescio: Bibliopola certè, cum ante aliquot dies eas mihi, ab itinere adhuc recenti, traderet; non ultra quindecim dies (quæ tamen, a. d. i. v. Kalend. April. datæ sunt) habuisse se affirmabat. Jam dico tibi seriò; neque dissimulare meum est, aut unquam fuit, quicquid à Gronovio venit, ut ab amico, de nomine nostro bene merito; & aliàs, doctrinæ minimè vulgaris viro, pergratum venit. Ita olim de illo sentio; acre judicium; accurata quicquid aggreditur, diligentia; iuxta plerumque in isto genere mirabilis; ut alia taceam. Incidi nuper in ipsius *Monobiblon*. Multa percurrens legi; omnia probavi; etiam quæ in nos ipsos, sine felle aut fastu, pro veritate, quam semper in omnibus scriptis, & in omni vita, ut vitæ decus unicum, & laborum omnium maximum præmium mihi proposui. Aliter tamen fortasse de illo nonnulli judicaverint, quibus hæc, quæ verbis impensior impenditur opera, fordere solet; qui non intelligunt, ex minimis interdum verbis quantæ res pendeant; & frustra legi gravissimos Auctores, nisi de vera lectione, sed & sensu verborum inter legentes conveniat. Sed non hujus ista loci librum de *Sestertio*, sive vetere pecunia, dono missum, nondum legi; neque de illo, nisi perlecto, pronunciare facilè. Digna certè materia tantâ sagacitate & industriâ, quantam in cæteris ejus scriptis observavi. Eò autem nunc differo ad ipsum scriptionem & gratias, quia

1666. tu expectatione literarum ipsius animum meum suspendisti. Sed ut exemplar novæ istius & auctioris Epistolarum beatæ memoriæ parentis editionis, quia tu jubes, non quia ego meritus sum, expectabo. Te verò in Philostrato adorando, Scriptore lectissimo, mihi dilectissimo, nunc occupari, libens intelligo. Nam & Philostrato, si cui alii Scriptori Ethnico, ob elegantiam scriptionis, & lectissimarum rerum varietatem benè cupio; & de te ipso, quamvis aliàs ignoto mihi, ex lectione tuarum literarum tantum mihi promitto, ut egregium Scriptorem, tuâ operâ longè cultiorem & commendatiorem fore omnibus, planè mihi persuadeam. Non ignoro fingendi licentiam, & impii propositi vanitatem doctorum quorundam; inter alios & Aldi, qui edidit, inclementiora judicia provocasse: mihi tamen sic semper visum est, paucos esse veteres Scriptores, qui majore cum delectatione, vel utilitate, modò qui subactò sit ingenio Lector, legi possint. Quòd magis doleo, nihil nunc offerre se mihi, quò tuos istos, quibus adeò favere me profiteor, conatus adjuvare possim. Nam patris τῆ μακαρίτη exemplar, in quo præcipua spes, nunquam vidi. Meum ipsius, (Parisiensem nimirum Græco-Latinam editionem) quo præcipuè usus sum, dudum est, quod cum maxima parte librariæ suppellectilis, (quando ita res ferebant meæ, & jam nullus in tali R. P. studiis nostris locus, aut præsidium salvâ fide & conscientiâ, quæ mihi vitâ potiora relictum) pejus fortasse, quod & parti jam contigerat, paulò post peritura, ipse vendidi. Solum nunc mihi superest Aldinæ editionis exemplar, quod quamvis multos hiatus, in Parisiensi suppletos, habeat, magni tamen (qui meus amor) à me penditur, & magna cum voluptate, si quando recreare animum libet, versatur. Videbo tamen, cum ad secessum & otium meum rediero, ecquid sit inter chartas patris, aut à me ipso alicubi notatum, quod in tuam rem esse possit. Superest mihi illa pars Epistolæ tuæ, in qua tum de nostris, si quid à nobis hætenus, quod ad noticiam tuam pervenerit, evulgatum, judicium profers; tum verò ad opem ferendam publicæ rei literarum, iniquo sæculo plus satis laboranti, sedulo cohortaris. Et ego quidem non istud adeò miror, qui tantam in Casaubonianum nomen benevolentiam prodideris, si longè supra meritum, ex animo quamvis, nostrâ extollas. Sed quod nos eos esse, qui nostris laboribus periclitantibus

nunc literis succurrere valeamus, cre- 1666. didisti; magnam tum publici hujus, tum privati nostri status ignorantiam prodis. Quid, quòd ne tum quidem, cum fixa sedes esset, & omnia pro voto fluerent, Theologica professi, & functionibus, quæ Clericorum propriæ sunt, immersi; humaniora illa studia, nisi ut divertentes, & amœniora pro tempore sectati, non ut hoc agentes, aggressi sumus unquam? Quod si etiam post has clades publicas privatasque, aliquid in isto genere, ab omnibus aliis præfidiis præterquam otio destituti, navavimus, hoc unum fuit scilicet, quod nos impelleret, ne nihil ageremus. Adde voluntatem benè de publico merendi, quæ summa semper in nobis fuit. Unde est, quod ante annum tractatum de *Enthusiasmo* vulgavimus. Qui quamvis vulgari, quò pluribus prodesset, linguâ conscriptus est, ausim tamen dicere, non & more planè vulgari scriptum esse; ut qui ex intima Philosophia pleraque repetat; multos antiquissimorum optimæ notæ Scriptorum locos tractet, exponat; interdum & corrigat; Interpretum miras in vertendis Græcis hallucinationes detegat: quemque adeò multis profuisse, ex bene multorum testimoniis elogiisque spero gaudeoque. Certè perpaucis mensibus omnia primæ editionis exemplaria distracta fuisse compertum habeo; quod eò magis mirum, quia si librum legeris, non ineptum fortasse credas ipse; sed publici saporis librum minimè dixeris. Atqui altero tantò major esse potuit, immò debuit, si præstò fuisset qui exscriberet; ad quod munus cum nunquam apri fuerimus, nunc certè multò minus ob ætatem & multa corporis vitia. En cui tu rem literariam commendaveris! Ego verò, Vir amantissime, si tanti tibi senis prope effecti, & omni fortunâ, & benè de te merendi potestate destituti, preces, te juvenem, inquam; (ita quidem spero) ego senex, & in florente (speramus & hoc vovemusque) florentem Republica; per omnes Musas, & quicquid tibi maximè sacrum, seriò convenio, & vehementer obtestor, ut huic oneri fortiter subeas; quamvis adversis temporibus, magno fretus animo tuearis; & quod à me requiris, ipse pro virili tua præstes, & aliis ad enitendum & præstandum, tuo exemplo præcas. Ad Polybium quod attinet, per me non stat quin procedat utilissimi Authoris, & Historicorum coryphei editio. Sed qui primus appellavit Hackius, (vir, ut audio, doctus & probus) verbis prom-

ptus,

1666. ptus rebus segnem, se in hoc negotio præbuit; neque aliud videtur agere, nisi ut postquam ego operâ, quam à me requirit, defunctus fuero, ipse postea de tempore aggrediendi operis, quod sibi maximè videbitur opportunum, pro arbitrio suo statuât. Neque ego, quæ mea voluntas & *προθυμία*, valde contenderem, si meus is esset status, ut possem sine majore incommodo, neglectis aliis, isti operi vacare, cujus exitum (ut hætenus processit) vix est ut me vivo mihi spondeam. Nuper adeò, cum brevem super Homérico loco ancipitis interpretationis Dissertationunculam ad illum, quia Homerum isthuc excudi intellexeram, eâ conditione misissem, ut si probaret, cum Homero ederet; sin minus, remitteret; neque edidit ille, (jam enim prostat hic Homerus iste, qui sub prælo tum fuerat) neque hætenus Dissertationem, anno missam, remisit. Quis mihi vitio vertat, si deinceps cautior futurus sum? De Antonino nostro nescio an fama aliqua ad te pervenerit hætenus: hic certe in tanta dudum celebritate est, ut nullum opus meum sit, cujus me minus poeniteat. Primo autem, plus viginti ab hinc annis Anglicè versus, cum aliquot Notis à nobis exhibitus est. Post decem plus minus annos, cum jam turbari hic cœptum esset, & nos minus occupati essemus, Græca editio cum Latina versione, magis accurata, & amplioribus Notis, successit. Non dicam quo plausu sit & illa editio excepta; quàm multorum ex non una regione gratulationibus. Eundem hunc Antoninum cum nova versione, & amplo Commentario, edidit ante aliquot annos Thomas Gathakerus, inter suos non obscuri vir nominis, idemque Theologus. De ejus opere judicare non est meum. Hoc scio, qui me ad suas partes nullis unquam machinis aut illecebris pertrahere potuerunt, multos fuisse, & adhuc esse, qui nomini meo & existimationi detrahare summo studio satagunt; quod me non movet, cui in libertate & constantia summa felicitas semper posita. Illud mirum, immò supra cujusquam fidem videri possit, virum doctum, qui editionem illam nostram Græco-Latinam (quod ipse mihi fassus est, neque sanè negare potuit, cum exemplar ipsi dedissemus) per decennium & ultra in Museo suo habuit; cum eundem Authorem ipse postea editurus esset, nunquam nostram, ut credere me vult, editionem consuluisse; & cum in Commentario sæpe suo mei mentionem faciat,

nunquam tamen aliam nisi priorem 1666. istam versionem Anglicanam; neque alias Notas, nisi quæ cum ista versione prodierunt, laudare, sive probet, sive reprehendat. Qua de re à me appellatus, quod non mihi tantum injuriam fecisse, sed & Lectoribus suis palam illulisse videretur; non aliter factum excusavit, quàm quod sibi non vacasset legere. Si opportunitas se obrulerit, ego publicè me aliquando vindicabo. Hoc interim tibi tam amico (ita enim mihi planè persuaserunt tuæ literæ) dictum, hac occasione dati, volui, exemplar etiam meæ istius Græco-Latinæ editionis, alterum tibi, alterum clarissimo Gronovio, si utrumque, vel alterutrum vestrum carere intellexero, (sed & certam aliquam mittendi rationem indicaveris) libenter missurus. Vale, charissime Grævi, & me ut amas, amare perge. *Londini, pridie Non. August. stylo vetere, partæ salutis ann. c16 10 CLXVI.*

EPISTOLA XVI.

EIDEM.



ADhuc vivere me, *ὅπως δὲ ὁρᾷς ἡλίοιο* sal- 1668.
tem cum hæc scriberem, facillè credes, mihi vel injurato, Vir amicissime; qui tamen si scias, ante sesquiannum quàm conclamatus fuerim per plures menses, ut agrè postea videntibus & audientibus me multis superesse, & vitales auras carpere, fidem facerem; fortasse sententiam mutaturus es, & poenino larvam & *φάντασμα* merum inter vivos versari crediturus es. Certè si Poëtæ credimus, *Non est vivere, sed valere vita*; nã, fuisse me rectè dixeris, cujus quod vitæ superest, inter morbos, naturâ diversos, sed in meam perniciem fœderatos, vel ut Medici loquuntur, *complicatos*, dividitur. Magnum tamen nobis solatium ex Literis Sacris, aliisque; ut ausim dicere in summa corporis debilitate, & *ἀδυναμία*, vix unquam animum alacriorem, & vegetiorem, quoties dolores remittunt & inducias dant, fuisse. Hoc tamen malè me habet, quod in hoc animi vigore, à viribus corporis destituti, nihil præstare possumus, quo meliores literas juvemus; quæ si unquam in summo nunc periculo, hoc quidem in Regno, versantur. Prima mali labes à Philosophia Cartesiana, quæ stultæ juventuti & novitatis avidæ, bonos libros excussit è manibus. Inde ad *Experimenta* ventum est; in quibus nunc omnis eruditio, omnis sapientia collocatur. *Reales*

1668. *les* se vocant, specioso nomine, homines astuti: cæteros, quorumque literarum genere celebres, *Verbales*, & *Notionales*, ad contemptum: & hæc sermō hic aguntur ab illis, dormientibus interim, & præsentibus bonis acquiescentibus, quorum maximè intererat, tanto malo, (si mens non læva) *πῶς ἐπιδοῦν καὶ μηχανῆν* occurrere. Nos interim cessantibus aliis, aliquid pro viribus conari sumus; sed Anglicè, ut ad plures fructus, si fortè, perveniat. An apud vos, apud quos hæc Philosophia in tanto honore, meliore loco res sint, aut diu futuræ sint, valde dubito. Non sanè, si plures apud vos Vossii, qui palam audcant ἀπεφθαρμένον & oppedere. Sed hæc Deo relinquemus. Quod memor mei vivas, agō tibi magnas gratias. De Hesiodo tuo nihil antè audiveram; nec mirum, postquam morbi curam inquirendi de novis libris, aut facultatem lustrandi Bibliopolia ademerunt. Doleo tamen jacturam exemplaris, quod ad me miseris, & fructu cum voluptate juncta lectionis, tamdiu caruisse me. Sed quid dicēs, quod Luciani Dialogum cum tuis Notis, ex quo mihi traditus est, post primam delibationem, ut aviditatem sustinerem, nondum abs re mea, id est, valetudine curanda, & curis aliis pro tempore ingruentibus, tantum otii fuit, ut cum cura relegerem? Magnam diligentiam, & quædam feliciter correctā observo; sed argumentum vereor ut sit hujus temporis, non hujus certè loci, ut ex jam dictis intelligis. Ad ea, quæ notas de verbo ἀνέδωκε, nescio an aliquid lucis attulerit locus Homericus perinsignis, de quo nos in priore Diatriba. τὸ συντάττειν autem, quasi Medicorum proprium verbum, videtur usurpare Antoninus noster lib. v. §. 6. Sed tu ista melius, si tanti. Integrum autem folium (quod Epistolam ad Lectorem continet scilicet) misso à te exemplari, dum complico, deesse statim observavi & dolui. De Homero quod spem facis, ita mihi succedant, quæ maximè opto, ut lætissimus legi: lætior tamen futurus, si potiundi quoque per vitam spes aliqua sustentaret. Non alibi certè industriam tuam, & ingenium, quæ magni facio, occupari malim: qui Poëtam illum tanti facio, ut illo stante, & auctoritatem suam, tot ætatum consensu firmatam, obrinente; de cæteris, quæcunque sunt, meliorum literarum præsidia & ornamenta, planè desperare non possim. Narro autem tibi, Homeri exemplar in minore forma, quod olim patris fuerat, quodque secum ge-

stare, magnum peregrinationis, & à 1668. cæteris libris absentiae solatium, solebat; ubi etiam quædam, pro orarum angustiis, notaverat; dudum me, ita enim promiseram, cum proximam quemque diem vitæ postremam fore, certò crederem, ad virum nobilem & eruditum, Joannem Cottonum, misisse. Videbo tamen, si tantum liberi temporis obrinere possum, si quid aliud in mea potestate sit, quod tibi commodari possit; aut quo saltem tester commodandi tibi voluntatem mihi non defuisse. Jam enim per aliquot septimanas, neque citò defungendi spes est, quod à cura necessaria valetudinis superfuit temporis, curæ collocandæ unicæ gnatæ, quæ non minor cura, datum est. Deus Opt. Max. felicem det exitum. Cæterum quod de Polybio narras, Bibliopolam Belgam editionem ejus parare, ego te certiore facio, Oxonienses id ipsum jamjam moliri, meque à nonnullis Academiæ istius principibus viris appellatum, ut si quid haberem, quo istud eorum consilium juvare possem, id eis ne inviderem. Quod sanè, ut qui de Hackio dudum desperaverim, in me non uno nomine libens recepi, & pro virili præstiturum non est quod dubites. Sed audio illos ex Bibliotheca quoque publica Oxoniensi, omni librorum genere, ut scis, instructissima, aliquid nactos esse, quo editio libri auctior & ornatior sit. Ammianum, quem memoras nuper editum, non vidi; sed bonos libros ubivis excudi, libenter audio. Reinesii quæ publicanda promittis, quamdiu vivo, avidissimè expectabo. Nil jam superest, quod tamen primum esse debuit, nisi ut de Rycquio tuo tibi gratias agam, qui commendatione tuâ mihi commendatissimus, paucorum dierum, quantum licuit, usurâ mihi cognitus, adeo se mihi probavit, ut discedens ingens sui desiderium relinqueret. Sed ego illum quotidie impatienter expecto, hæc in Galliam, post lustratas Academias, (quod felix illi faustumque sit) trajecturum. Literas interim ad te, quas transiturus paratas inveniret, quia is jam status est valetudinis, ut non sim omnium horarum, sed nec dierum homo, quod ille abiens requisivit, has expedivi. Si quid aliud est, quod te velim, quando ille venerit, addemus. Vale, Vir clarissime, & memoriam tui amantissimi, cum solâ memoriâ supererimus, quod tempus non procul abesse probabile est, charam habe. *Can- tabrigiæ, a. d. XII. Kalend. August.* CIO IO CLXVIII.

EPISTOLA

EPISTOLA XVII.

✠ TO JOHN EYVLIN.

SIR,

1669. **Y**OU might have had a more speedy answer to your kind Letter, but that soon after the receipt of it I fell into my ordinary distemper, which is the stone, but with more than ordinary extremitie which hath continued these three or foure days already, & what will be the end, God knows; to whom, for either life, or death, I heartily submit. Presently after the reading of yours I set my self to search my Fathers Adversaria & papers, and after a little search I found a proper head, or title de Baculis, as an addition to what he had written upon Theophrastus; and under that title, many particular references to all kind of ancient Authors: but soe confusedly, that I think noe man, but I, that had been used to his hand and way, can make any thing of it. There is two full sides in Quarto.

Sir, if God grant me life, or some respite from this present extremitie, it shall be one of the first things I shall doe, to send you what he hath written, copied out in the same order as I find it.

Whilst I was searching my Fathers papers, I lighted on a note concerning plants and trees, which I thought fit to impart unto you, because you tell me, you have written of trees; you have it here enclosed. Besides this I remember I have, but know not where to find it at this time, Wormii Literatura Danica, where, if I be not much mistaken, he hath somewhat de Baculis; there, or in some other treatise I am pretty confident.

Sir, I desire you to believe that I am very willing to serve any Gentleman of your quality in so reasonable a request. But if you be the Gentleman, as I suppose, who hath set out the first booke of Lucretius in English, I must needs confesse my self much indebted to you, though I never had the opportunitie to profess it, for that honourable mention, which you were pleased to make of me in your Preface. Whatsoever I should think of your Work, or Translation, yet civility would engage me to say soe much. But truly, Sir, if you will believe me, who, I think, was never accounted a flatterer by them, that have known me; my judgment is, that you have acquitted your self of that knotty busines much better than I thought could be done by any man:

though I think those excellent parts might deserve a more florid and proper subject: but I submit to your better judgment.

Sir, it hath been some task to me to find soe much free time to dictate soe much: if there be any thing impertinent, I desire, you will be pleased to consider my case. Soe I take my leave, and rest

Your very humble Servant,
MER. CASAUB.

Jan. 24. CIO IO CLXIX.

Inscriptio.

For Mr. JOHN EYVLIN,
Esquire, at Deptford near Greenwich.

EPISTOLA XVIII.

JOANNI FRIDERICO ✠
GRONOVIO.

EX quo postremum ad te scripsi, Vir clarissime, vitam egi valde desultoriam & vagam, ætati non adeò, nec voluntati, sed temporibus his nostris convenientem. Fui Londini aliquoties, ubi tuæ mihi traditæ; sed ad breve tempus, & semper in procinctu. Noli to mirari, hoc maxime tempore, cum publica sint in perpetuo salo, si vaga & incerta est privatorum hominum conditio. Hæc causa festinationis meæ, qui aliàs tempus optimè collocatum putarem, quod tibi cumque impenditur, nec aliud libentius agerem, quàm ut de communibus studiis (si tamen & nobis aliquis in istis locus adhuc relictus) prolixè tecum confabularer. Sed ista Deo relinquenda, quæ optare quàm sperare facilius. Ad tuas igitur ut veniam, de Grævio maximas ago gratias, quòd omnia tam accuratè me docuisti. Felix ille, cui tu talis Hierophantes & Mystagogus contigisti: & spero (si Deus illi vitam sufficiat) manere te curæ tuæ, & operæ præmia, quæ tu tibi proposuisti, amplissima. Præcipuè, si perpetuus *ἐπεδιδωκὴς* accedas, & terræ tam diligenter à te cultæ, pro tuo jure imperes. Cæterum, quantò mihi gratius, quòd illum vivere intelligo; tantò diuturnum adeò ipsius silentium molestum & mirum. Mihi sanè, quas ad me scripsit, ingenuæ indolis & bonæ mentis indicia & pignora satis certa visa, nec ab eo tempore de illo cogitare, & quodammodo sollicitus esse desii. Quod & publicè, quando aliter non succedebat, testatus sum. Hoc unum superest; ætas ejus adhuc mihi

D

ignora

ignota est, quam cum proximè scribes, indicari cupio. Sed ad cætera pergo. De Gruteri Criticis errorem vestrum jam ab aliis, opinor, intellexisti. Verum est, Criticos, seu Philologi potius dicendi, qui in Sacram Scripturam commentati sunt, haud vulgari diligentia conquisitos, multis Tomis magnis impensis excusos, brevi in lucem prodituros. Sed ad Gruteri Criticos nihil illi, quod sciam, de quibus altum hic silentium: nec adeò ista studia in honore ac pretio apud vulgus, qui Docti aut Doctores hic audiunt, ut cuiquam in mentem venire probabile sit. De Æschylo quoque aliud agamus licet, quando Junius vestras hinc abiens, ab illis rogatus, quorum intererat, partes illas in se suscepit, & credo jam illum perfunctum esse. Cæterum idem quoque vir doctus & amicus, viro nobili & amico meo summo, Domino Joanni Cottono, de Anacreonte, si quid illius hætenus ineditum in publicis aut privatis apud vos Bibliothecis

reconditum, se procuraturum, saltem indicaturum recepit. Si quid tua cura hic possit, vel ut ille memor sit, vel quod in te situm sit ipso, rem mihi feceris gratissimam. Salutem ab Heinsio, viro doctissimo, ad paternam famam feliciter adspirante, gratissimam habui. Ei omnia faulta & pacata precor, & si qui sunt alii apud vos, qui rem literariam ornant ac tuentur. Tibi inter primos, Vir eximie, quem vivere ac valere, meliorum literarum, & qui illis favent, maximè interest. Ego me à te amari valde lætor, & ut ita pergas oro, voveoque.

Inscriptio.

Eximie eruditionis Viro,

Dom. JOANNI FRIDERICO
GRONOVIO,

Græcarum Literarum & Historiæ
Professori celeberrimo.

LUGD. BATAVOR.

MERICI

MERICI CASAUBONI,
ISAACI FILII,
DEDICATIO
XII LIBRORUM
MARCI ANTONINI,
IMPER. ET PHILOS.
ET
PRÆFATIONES.

MERIT OF THE CASE

1874

DEED TO A. J. H.

1874

MAR 10 1874

1874

1874

1874

MERICI CASAUBONI DEDICATIO ET PRÆFATIONES.

JOANNI SELDENO,

Jurisconsulto, Philologo, Viro maximo,

MERICUS CASAUBONUS

S. D.

(*Præfixa Marci Antonini Imperatoris XII. Libris, Latine versis,
& Londini editis anno 1643.*)

Imperatoribus olim hodieque solenne, Vir insignissime, sine *δορυφόρῳ* 1643.
^{poss} hinc inde stipantibus, & aliquo de primariis Aulæ comitatu,
 in publicum non omnino aut raro prodire: quæ partim ad pom-
 pam, partim ad terrorem, partim verò ad tutelam corporis ab
 ipsis instituta sunt. M. ANTONINUS Imperator priora duo
 quanti vivus fecerit, & quo loco habuerit, si quis ipsi de se scribenti minùs
 credit, at veterum spero Scriptorum consentienti testimonio fidem non abro-
 gabit, qui talem eum describunt, qualem ab omni memoria omnibus om-
 nium gentium monumentis replicatis & excussis alium vix reperiamus; qui
 vel eorum, quæ splendidissima habentur inter homines, & quorum gratiâ cœ-
 lum terræ miscere non verentur, tantus & tam constans contemptor fuerit;
 vel qui bonitatem, clementiam, mansuetudinem, divinas virtutes, erga sub-
 jectos, simpliciore animo & flagrantiore studio exercuerit. Sed nec hastato-
 rum, qui latus cingerent & vitæ caverent, opus illi, cui cum tristissimis &
 afflictissimis temporibus orbis Romani, id est, universi ferè, tutela à Supre-
 mo Mundi Rectore commissâ esset, sic eam administravit, ut in ejus vita &
 incolumitate suas fortunas, suam salutem omnes, minimi maximi, verti cre-
 derent. Nos igitur, cum noster hic redivivus ANTONINUS in lucem pro-
 diturus esset, parum de tali comitatu, qualem diximus, illi comparando sol-
 liciti, de tali comite, seu amico (quo titulo insigniores quosdam temporum
 suorum Jurisconsultos maximos olim Imperatores dignatos esse non ignoras)
 asciscendo cogitavimus, qui tum imperitam multitudinem non vi aut impe-
 rio, sed solâ sui nominis autoritate submoveret; tum verò doctos undique
 viros & intimâ admissione dignos, ipse longè latèque celebris, alliceret. Quem
 verò potius quàm te, SELDENE præclarissime, qui præstantissimis ingenii
 tui monumentis patriam tuam magis ornaveris, an majus apud exteros decus
 tibi

1643. tibi privatim paraveris, haud facillè dixerim. Ea certè tum domi apud cives & populares tuos; tum foris apud exteros, ubicunque literis suis constat honos, nominis tui fama & celebritas, ut eruditum, quicquid illud sit, & laude dignum, quod SELDENI nomen præfixum habet, non docti tantum qui tua legunt & intelligunt, quod paucorum est; sed & de plebe literaria homines protinus affirmaturi sint. Hæc igitur tui nominis hîc inscribendi causa publica. Sed nec privata defuit, tua erga me jam olim perspecta mihi benevolentia, & de me studiisque meis benè merendi studium; quo nomine tantò me plus tibi debere judico, quantò pauciores in hoc Regno, qui hæc studia tractent, aut tractantes aliquo loco numerent. Vale, Vir præstantissime, & me amare, studiisque meis favere perge.

PROLEGOMENA

I N

MARCI ANTONINI

Τῶν αὐτῶν Libros XII. & hanc editionem.

1643. **Q**Uæ Marcus Antoninus, Imperii & rerum gestarum magnitudine gloriosissimis Imperatoribus annumerandus; vitæ verò sanctitate & solidâ eruditione veterum Philosophorum vel laudatissimorum nulli inferior, De seipso, sibi scripsit, ea postquam semel typis excusa prodierunt in lucem, dudum est cum certatim à doctissimis quibusque viris, qui Reipublica literaria promovenda suam navarunt operam, laudantur & meritissimis elogiis celebrantur: at qui scriptum ut excellentissimum, ita & obscurissimum, seu Notis, seu Animadversionibus, seu Commentariis uberioribus illustrandum susciperet, quò tam recondita sapientiæ ad plures utilitas perveniret, ex omni doctorum numero nemo unius hactenus, quod sciam, repertus est. Interim verò qui mortalibus imperitis & incautis falso Antonini nomine illuderet, & vilissimos in comparatione, fætidissimosque pannos pro pretiosissima purpura sacrilegâ fraude circumferret, pridem repertus est Antonius Guevara, Hispanus, homo non contemnendi prorsus ingenii, nisi alios ipse, tantæ imposturæ fiduciâ, adeò contempsisset; eruditionis autem, quæ Aulicum potius, quàm Episcopum; & circumforaneum aretalogum, quàm genuinum Philosophum deceret. Sed nec ego talem ab omnibus pridem doctis explosum contemptumque tanti facerem, ut hîc ejus meminisse dignarer, nisi tanti putarem, quàm sint homines, quæ stulta, ficta, falsa, putida, præ iis quæ solida sinceraque sunt, amplecti proniores, & quæ ~~κατασκευασμένα~~ iis quæ verè sunt aurea præponere, tam luculento & illustri exemplo demonstrare. Solis enim sacris Bibliis exceptis alium vix ullum librum extare puto, qui tot in linguas, Gallicam, Italicam, Anglicam, Germanicam, alias, opinor, omnes Europæ linguas semel iterumque translatus; qui repetitis editionibus toties excusus sit. Cum verò per multos annos intra vulgares has linguas tantæ se continuisset imposturæ fæditas, & jam quodammodo suppressa videretur; ecce tibi triginta plus minus ab hinc annis Joannes Wanckelius quidam nomine, natione Germanus, exortus est, qui magnum operæ pretium, à principibus etiam viris invitatus, facturum se credidit, si

egre-

egregium hoc Horologium (is enim libro titulus) Latine versum, & No- 1643.
tis adornatum, ab oblivione vindicaret. Hujus ego Latine versionis quar-
tam editionem in folio, ad paginas propè septingentas, præter longissimas
Præfationes plures, & copiosum Indicem, diffusam; sed & posteriorem
aliam in quarto ad rei monstrosæ (mibi certè) fidem servo. O iniquam
sortem mortalium! quid enim profectò fiet in profunda barbari, quale jam
non unum, sæculi caligine, melioribus literis proscriptis & extinctis omni-
bus; cum tam eruditâ ætate tam multi reperiantur, qui οὐκ ἔστιν ἀρετῆς μά-
λ' ἢ χεῖρον, & frugibus inventis glande vesci gratum habent? Et memini
cum ante quinquennium in prodigiosum quendam librum, in Angliam tum
primum advectum, Etruscarum Antiquitatum titulo, multisque æneis tabu-
lis spectabilem fortè incidissem, primo statim conspectu fraude deprehensâ,
ad quam deprehendendam nulla non pagina libri, ne dicam linea, sufficiat;
indignationem publicè testatum esse, & originem fraudis in quodam, qui
tum fortè sub prælo erat, de Uſu & consuetudine commentariolo detexisse.
Comperi tamen postea, fuisse qui longè aliter sentirent, & tam bellas & spe-
ciosas Antiquitates tam duriter acceptas dolerent: imò non defuisse, qui
contempto nostro aliorumque de illis verissimo judicio, ad loca ipsa fideli
tanti depositi custodiâ venerabilia, per mare, per terras magno studio, quò
res tam sacras oculis usurpasse suis, & manibus contigisse possent aliquando
gloriarì, contenderent. Sed ut ad Antoninum redeamus; annus à parto
Salutis Authore 1558. agebatur, cum primum Guilielmus Xylander, Augu-
stanus, divinum hunc Antonini fætum, à Conrado Gesnero ex Bibliothecæ
Palatinæ latebris erutum, protulit in lucem; & ut erat industrius, & in
vertendis Græcis assiduus, Latine vertit, brevibusque Notis illustravit. De
ejus versione plura mox dicemus: sed hoc in antecessum, ne viro docto pro
ingenti beneficio gratias indignas rependamus; parum candidè & ingenuè
facturum, qui post tot in hoc genere labores Xylandri, tot elucubratas ma-
jorum vigiliarum, & voluminosiorum scriptorum versiones, ex hac una
scripti tam pusilli, alias quidem fateor inæstimabilis, & non ex mole pen-
dendi, sed pusilli tamen unius versione de meritis ejus & eruditione pro-
nuntiare velit. Fateor illum in aliis quoque operibus non rarò impingere,
nec in exprimendis quos interpretandos suscepit, semper litare Mercurio:
sed id potius tamen viri laboriosissimi, & ad alia semper properantis festi-
nationi, quàm linguæ Græcæ, cujus ut & Latine fuit ille peritissimus,
ignorantiæ tribuendum censeo. In Antonino alia fortasse ratio; ad cujus
intelligentiam non tam Græcæ linguæ peritia, quàm veteris & imprimis
Platonice Philosophiæ cognitio necessaria. Certè quàm non feliciter optimo
viro versionis hujus susceptus ab eo labor aggredienti cesserit, ut non igno-
ravit ipse, ita nec dissimulavit, ut tum Præfationes ejus, (quæ prima
præcipuè) tum Notæ testes; in quorum altero sagacitatem ejus, (αὐτῶν δὲ
καλὰ, καὶ τὸ ἐν αὐτῇ ἰσχυρὴν εἶναι καὶ τὴν πρῶται ἂν αὐτῷ, dicebat olim Hierocles)
etiam ubi minus sagax; in altero ingenuitatem meritò laudemus. Sed quòd
in Græci sui codicis defectum culpam sæpè rejicit, id ut ipsum verè credi-
disse concedamus, ita credendi causas nullas idoneas habuisse certò persua-
sum habemus, & facile, spero, Lectori, cum de eo agemus, non moroso
persuadebimus. Ceterum cum princeps hæc editio, Latina præcipuè Xylan-
dri versio, Typographorum incuriâ tot scateret mendis, ut vel eo nomine
Xylandrum vehementer ejus pœniteret & puderet; secundâ meliori, novem
plus minus annis interjectis, prioris illius maculas & dedecus eluere conatus
est. Ea Basileæ anno Domini 1568. adornata est. Sed viro doctissimo &

1643. occupatissimo ne hic quidem pro voto aut industria merito respondit eventus. In versione siquidem mendas typographicas haud paucas sustulit: at quæ propria erant ipsius παραγραφαί, typographicis longè molestiora, pleraque reliquit. In Græco verò contextu, qui nullâ re magis quàm perturbatissimâ interpunctione laborabat, quo is melior esset, parum aut nihil præstitit. Multis post annis, anno quippe Domini 1626. Lugduni (Galliæ Celtica urbe) nova prodiit Antonini editio; commodâ sanè formâ, & typis non inelegantibus; cæterâ verò, Xylandrinâ utrâque longè depravator. Non enim ex secunda meliori (quam videntur ignorasse qui hanc procuravêre) Basiliensi, sed priore Tigurinâ expressa est: & cum pleraque menda typographica primæ ac præcipitata illius editionis (qualia, certum, pro cœtæ: neque, pro usque: subesse, pro substantiæ: somnus, pro sensus: fatum, pro factum: aut, pro autem: mon, pro modo; & id genus alia non pauca) retineat; propriis & ipsa cumulatâ est, in Græcis præcipuè, maculis; ut tota ἡλικία ἑρπύων meritò dici possit: ut omittam Notas additas; si Nota sunt dicendæ, hominis (ne quid dicam gravius) audacissimi (ut cum τὸ ἀρπύων λέγον, quasi inauditum & barbarum quid, emendari vult τὸ κρείττονα λόγον: cum pro τροπή, Platoni & Stoicis tam familiari verbo, τρέπε substituit, & ejusdem farinae alia) mera deliria. Iste sunt omnes, quæ quidem ad meam pervenêre notitiam, Antonini editiones. Quis verò in tanta virorum doctissimorum, quantam nostra hæc & superior ætas tulit, annona; tantâ Commentatorum, qui alii super alios veteres quosque Scriptores certatim arripuêre turbâ, unius ferè Antonini id peculiare fatum fuisse non miretur, ut incultus, impolitus, ἀνεξήγητος per tot ad hunc usque diem jaceret annos? Dicerem fortasse difficultatem operis, toties à Xylandro commemoratam, plerosque ab incepto deterruisse, nisi arroganter id à me dictum videri posset, quod à me susceptum sit, (nam præstitum non dicam) id ab aliis ne susciperetur, perficendi difficultatem potissimum obstitisse. Ego certè cum ante annos jam decem totos augusti hujus operis non antea mihi visi, sed expetiti dudum, compos essem factus, & in lectione progressus essem quantum ad gustum libri sufficeret; sic eorum quæ legeram & intelligebam admiratione, pari delectatione junctâ, protinus obstupui, ut nullum non laborem libenter suscepturus fuerim, nulli non oneri subiturus, quò ad cæterorum, ad quæ mentis acies nondum penetraverat, intelligentiam pervenirem. Magna tum memini spes animum pertentabat, si forè exemplar Antonini, quo beatæ memoriæ parens usus fuerat, adipiscerem, haud pauca in eo reperturum me ad oras (quæ in plerisque Veteribus legendis ejus sedulitas & diligentia) notata, quæ magno futura essent auxilio: sed eum cum humanissimi juxta ac eruditissimi viri, Patricii Junii, Bibliothecæ Regiæ Præfecti dignissimi, operâ consequutus essem, quàm spe meâ frustratus sim, ipsum illum testor, optimæ fidei, nec minoris in his judicii testem, omni exceptione majorem: loco enim emendationum aut conjecturarum, quas expeditabam plurimas, plurimi se singulis ferè paginis ἑσδαί ac χασμαί quibus quæ pro mutilis aut corruptis haberet, notare solebat, obtulerunt. Ait Aristoteles, & verè ait, ut mea fert sententia, (quod & hodierni Itali vulgari jactant proverbio) μάλλον ἵνασε κείνους, καὶ ἔχοντες αὐτοὺς, οἱ μὲν ἡδονὴς ἐπιθυνοῦσι: cum igitur lecto semel iterumque libro, novâ semper eum voluptate ad novam lectionem redirem, factum tandem est sæpè legendo, ut quæ prius ἀσπερ καὶ ἀνέφικτα tenebrisque plus quàm Cimmeriis obvoluta videbantur, ea pleraque paucissimis exceptis, adeò plana & expedita se præberent, vix alius ut sit ex veterum omnium librorum numero liber, quem mihi magis notum per-
spectum.

speculumque crederem. Qua ex re cum gaudium proprio meo studio desi- 1643.
derioque quantum par erat perciperem, re tamen ipsa, quod à viris sapien-
tibus observatum memini, tunc expertus sum, nullum tantum bonum esse,
cujus privata & solitaria possessio si non ingrata, certè pro rei merito ju-
cunda sit. Quare cum scilicet illum, stramineum, volgivagum Guevaræ
Marcum Aurelium etiam Anglicè versum esse comperissem; cum mihi pri-
vatim pro munere suscepto nihil deinceps ex usu magis quam linguæ Angli-
cæ promptus usus, cujus non inutiliter excolendæ hæc opportunitas sese offe-
rebat; cum denique Latinorum & Græcorum librorum editiones (præcipuè
qui Cantuariæ, à Typographis & Bibliopolis omnibus longè submotus, sedem
fixam haberem) non sine multa difficultate his in terris procurari viderem;
de vertendo in linguam Anglicam eximium hoc opus, magnâ spe conceptâ
fore ut multis prodesset, si sic verteretur ut à multis intelligi posset, paucos
post menses quam ipse videram & legeram, apud me constitui: nec antè
desisti, quam quod animo proposueram, Deo ceptis aspirante, consecissem.
De ista versione non aliud dicam, nisi viris in hoc Regno (quod non unus
coram testatus est) à dignitate, sed & ab eruditione summis haud paucis
rem fecisse me gratissimam. Cum autem non pauci versione delectati, de
Græcis edendis sæpius interpellarent, dudum profectò eorum voluntati mo-
rem gessissem, nisi quòd dum vacationis ab aliis negotiis & Londinensis ad
tempus commorationis opportunitatem expecto, interim non unius indicio ad
me pervenit, Thomam Gathakerum, virum eruditionis apud Anglos opi-
nione celebrem; Græcè, ut perhibebant ipsi, peritissimum, eam in se pro-
vinciam à longo jam tempore suscepisse, ac propè jam defunctum esse. Ego
cum quod amicis instantibus opponerem jam haberem, & otii quantum sa-
tis esset agrè mihi pollicerer, molestiæ autem plus satis in mundo præsentif-
cerem, facile in animum induxi ut ab incepto desisterem. Verum post plu-
rium annorum irritam expectationem cum jam dubitare, qui spem excita-
verant, animadverterem; cumque ea incidissent tempora Reipublicæ, ut
animum tum munire optimis præceptis, tum à tristissimis cogitationibus
avertere quacunque ratione laborarem, memer quanta cum animi volupta-
te in versione Anglicana versatus essem, ad Græco-Latinam Antonini editio-
nem cum Notis, quæ non multæ quidem, pro succisivi temporis ratione ef-
sent; sed quæ nihil tamen, dignus ubi vindice nodus, intactum relinque-
rent, mentem capere convertere. Sed priusquam manum operi admoveo,
virum illum doctissimum, de sola dum fama mihi notum, conveniendum
mihi credidi. Superioris anni Majus tum mensis agebatur. Quid multa?
post multos ultrò citròque de Antonino sermones, tandem ostendit mihi vir
humanissimus scriptos manu Tomos in quarto (ut loquimur vulgò) binos,
benè spissos, quorum alter ipsum Antonini contextum cum Latina versione
continebat; prolixos alter in Antoninum Commentarios; utroque eâ curâ
descripto, ut editioni paratos res ipsa loqueretur: paratos autem plures jam
annos ita fuisse, idem qui ostendit asseverabat; at quando prodituri essent
in lucem, cum quæ hætenus obstiterant, eadem nunc quoque essent impedi-
mento, nihil asseverare se, aut in se recipere posse profitebatur. Cum ego
vicissim consilium ei meum de Xylandri versione interpolanda, & brevibus
Notis addendis aperuissem, adeò non improbavit, ut laudaret etiam, &
ultrò cohortaretur. Ab eo tempore quicquid ab aliis studiis & negotiis li-
beri temporis obtigisset, id huic uni curæ curandæ, donec confecta res esset,
à me destinatum. Quid autem nobis hac editione proposuerimus, id de-
num superest ut paucis hic exponamus. Ab ipso, quod præcipuum est, An-

1643. *tonini contextu incipiemus; qui quidem, si Xylandro credimus, vix Antonini contextus dici mereatur. Est enim ubi non Antonini hoc ipsius opus, sed ^{ἡλικίας} duntaxat ex Antonino; ut in posterioris editionis Praefatione: est ubi mutilos miserèque decurtatos hos libros: ubi librum mutilum & plerisque locis interruptum interpolatumque, ut in prioris: ubi denique pleraque lacera, ut in Notis ^{δοκίμης} pronuntiat. Hujus autem assertionis & judicii si quis à Xylandro causam requirat, hæc nimirum est, sententiarum obscuritas & incoherentia. De posteriore ut primum dicam: eorum quæ ^{ἀπορίαις} à Veteribus per sectiones & capitula tradita sunt, eam esse rationem, ut sectiones, seu capitula, nullà, nisi casu, vel argumenti, vel orationis serie copulæque cohæreant inter se, quis ignorat? Eam autem ^{ἐκείνων μὲν} veteribus sapientiæ Magistris probatam & usurpatam maximè, ut ex Solomonis, Theognidis, Phocylidis aliorumque gnomologicis monumentis facile discimus; ita recentioris ævi viros acutissimos non defuisse video, qui ordini vel exactissimo certas ob causas (quas non est hic examinandi locus) anteponerent. Cum igitur tam certum sit quàm quod certissimum, hæc ^{ἀδρότης & ἀφροσύνη} (qualia & Epicteti quod vocatur Enchiridii pleraque, nisi si quis ingenii subtilitate fretus ^{ἀουγυλῶσα κλέειν} aggrediatur) ab Antonino congesta esse, nec aliam quærendam seu verborum, seu sensuum ^{ἀλλοτρίαν} quàm quæ in singulis sectionibus; magna pars obscuritatis sublata fuerit, si sectiones (quæ nostri laboris pars non minima) rectè secreveris, & diremeris. Sectionibus rectè ritèque discretis ac diremptis, si quæ alia superest obscuritas, inde potissimum est, quod Antoninus in Veterum lectione tritissimus, eorum verba suis crebrò, tacitis ipsis, sic intertextat; ad intertextata (aut quæ interdum in animo tantum habebat) suis sæpe verbis tacitè sic alludat & intendat, ut hæc animadvertere & dijudicare singula vix cujusquam fortasse sit etiam diligentissimi: qui verò in Veterum, Philosophorum præcipuè, lectione benè versatus non sit, eum nihil mirum si in tam crebro & ^{ἀρχαϊσμός} in sensibus & verbis ^{πῶς} crebrius offendat & hæreat. Præterea, quis ab eo, qui secum loquatur & sibi scribat uni, eam sermonis expectet perspicuitatem, quam ab eo, qui aliis, ut legatur, & profit, jure meritòque requiramus? Sed quicquid hujus sit, ne quis ultra sit huic exceptioni locus, asserere non verebimur, paucissima (quis autem liber antiquus tam planus & perspicuus, ut Oedipo aliquo nulli egeat? ut nodos etiam doctissimis inenodabiles nullos habeant) in his libris esse, quæ non integra modò, sed & ad explicandum facilia præstare non possimus. Refutatâ obscuritatis & ^{ἀνακρίδας} calumniâ, cur imperfecti sint hi libri, nullum, quod sciam, aliud argumentum: cur autem perfecti judicandi sint, & optimæ notæ codicem eum fuisse, quo Xylander usus est, & expressit typis, credibile sit, cum alia possunt asferri, tum illud imprimis, quod quæcunque extant apud Suidam (quæ mihi quidem hætenus reperia) Antonini Fragmenta, quæ paulò post inter Testimonia reperientur; quæcunque in Excerptis (de quibus in Notis, initio) nomen Epicteti præferentibus Hæschelianis, ea cum editione Xylandri, variantibus aliquot lectionibus exceptis, per omnia congruant. Qui igitur codici Xylandrino, ut optimæ notæ codici, multum deferremus, & Xylandrinam editionem ex illo (nisi quod ex Notis ejus quædam in textum, nescio an ipso auctore, temerè recepta) fideliter expressam esse, non levibus argumentis adducti judicavimus, & ipsam fideliter ut hîc, quoad ejus potuit, solis mendis typographicis & minutioribus exceptis, exhiberemus, præcipuè curavimus. Sed cum secundæ ac melioris Xylandrinae editionis nullum exemplar quod excu-*

dendum

dendum Typographo traderemus suppeteret, Lugdunensis editionis exemplar, 1643. quod suppetebat, prius tamen à me collatum, & ad meliorem illam editionem quam potui diligentissimè correctum, tradere coacti sumus. Non mirum tamen si quædam nostram, præcipuè cum mens toties aliis longè curis & sollicitudinibus interPELLARETUR, fugerunt diligentiam: quæ pleraque aut in Notis aut in Erratis indicata sunt. Depulsâ imperfectionis invidiâ, non abs re fortasse fuerit & illis hîc paucis occurrere, si qui futuri sunt, qui de redundantia questuri sunt. Negari certè non potest, eadem sæpius his libris (iisdem quidem planè verbis non multa, at non multum diversis haud pauca) ingeri & inculcari. Hoc igitur objecturis quod universè respondeamus, hoc præstò nobis est, Δις καὶ τρις πᾶ καλὰ. aut quod alicubi rectè Seneca, Nunquam nimis dicitur, quod nunquam satis dicitur. Sed Antoninum præterea & hoc peculiariter excusat, quòd, ut de obscuritate modò dicebamus, hoc quicquid est operis, non id aliis, ut in vulgus emanaret & publicè prodesset, adornavit; sed sibi privatim, (quanquam & aliis, dum sibi tanto Domino, & Exemplo) ut in virtute proficeret, commentatus est: ut hinc quidem quid ille sibi ipsi, conscientia suæ sedulus ac severus scrutator, apprimè utile ac necessarium judicaverit, addiscere possimus; iudicio ejus aut memoriæ irasci, quòd ab iisdem repetendis & inculcandis, quæ ad profectum virtutis prima & summa haberet & quotidie experiretur, haud abstinerit, sine summa iniquitate nequeamus. Ad versionem quod attinet, eum Xylandro libenter honorem habuimus, ut ejus versionem, nisi ubi res ipsa aliter postulabat, & sententiæ ipsius intererat, ubique retineremus. Ingenuè certè & candidè ab illo factum est, quòd in quibusdam (nec falsum dixisset) coactum se divinare, & audacter à Codice Græco discedere, agnoscit ipse: sed & in alia Præfatione, quam posteriori editioni primam præfixit, non minùs ingenuè & verè, quædam in Antonino esse, quæ prorsus non attingere præstitisset, quàm conjiciendo aliena pro Antoninianis fortassisingere. Hoc sanè verè dicere possumus, plurimas esse sectiones, nec illas è brevissimis, in quibus Antoniniana mentis & sententiæ in Xylandrina versione neque vola, neque vestigium: ut illas omittam, in quibus quod erat ita contrarium, ut nihil magis esse possit, expressit, aut potius, ut ipse in Notis alicubi loquitur, ariolatus est; quæ à nobis eò dicuntur, non ut viro docto *μανῶς* insultemus; cujus memoriæ, ut cætera ejus merita omittamus, vel hoc uno nomine quòd Antoninum illi debeamus, ita favemus, ut ejus par est memoriæ, qui maximo nos obstrinxerit beneficio; sed ut si qui nostri in hac interpolanda & recensenda versione laboris & instituti parum candidi futuri sunt interpretes, eis aliquid opponeremus. Mutatæ verò versionis, ubi dubitandi causa erat, in Notis rationem reddidimus: ubi non erat, ut labori parceremus putido, & ne obtrectandi materiam quæsiuisse videremur, libenter abstinuimus. Quod si non in promptu causa semper, quæ me movit, (etsi fieri potest ut in quibusdam me quoque ratio fugerit) ut mutarem, Lectorem minùs intelligentem oratum velim, ne quorum ipse rationem statim non assequitur, ea statim nullâ ratione niti pronuntiet, planè judicet. Sic exempli causa, ipso statim initio, quod Xylander verterat, Existimatione parentis mei, maluimus nos, Existimatione genitoris mei. Erunt fortasse qui ad τὸ γενήσαντι, quasi id melius genitor, quàm parens, aut elegantius, (quo quid puerilius?) verteretur, respexisse suspicabuntur. Ego verò τὸν γενήσαντα, parentem Latine vulgò optimè reddi non magis dubito, quàm τὸν γενέσασθαι & τὸν πατέρα idem vulgò sonare; sed ut hoc loco τὸν γενέσσαντα consultò dixit Antoninus, ut naturalem patrem, qui genuerat, ab eò, quem

1643. πατέρα cap. 13. Παρὰ τῷ πατρί, &c. nuncupat, qui scilicet adoptaverat, distingueret: ita, qui genuit, hic, vel genitorem, quam parentem, cum parentis latior interdum soleat esse (quo sensu Capitolinus in Vita Marci, Omnibus parentibus suis tantam reverentiam, &c. capiendus) significatio, ad Antonini mentem propius accedere credidi. De Sectionibus seu Capitulis jam diximus aliquid; sed est porro quod dicamus, quia in eorum divisione & partitione multum situm est. Nobis in hac, quam hic exhibemus, partitione non id propositum fuit, ut singulos καίνας, seu singula quæ vocat Antoninus κεφάλαια, & interdum ἐξήματα, seorsim repræsentaremus, sed ut ea (plura an pauciora essent) eisdem sectionibus includeremus, quæ conjuncta perspicuitatem, obscuritatem divulsa peperissent. In plurimis autem, ubi sententiæ nihil interest, sive conjuncta legantur, sive separata, arbitrio meo usus sum, nulli legem impositurus, quin aliter per me liceat ipsi disponere. Hoc tamen præmonitum velim Lectorem, temerè facturum qui non semel iterumque lecto toto libro, & attentè lecto, de novo cogitabit ordine: quid enim in singulis sectionibus, ubi aliqua difficultatis suspicio, spectaverimus, illi demum intelligent, qui frequenti lectione totum illum adeò sibi familiarem reddiderint, ut de singulis partibus ex toto, quod toti maxime conveniat, judicium facere possint. Exempli causâ, lib. 1v. cap. 16. ubi nos novæ sectionis initium facimus, ταῦτα ὡς ἓν τῶν ταύτων, &c. erunt fortasse qui connecti cum superioribus ista debuisse, nihil ultra providentes, sola quæ sunt ante oculos cogitantes, censebunt; qui eadem fortasse cum sequentibus istis, ἕλκεος δ' ὁλοῦτο μένος, &c. & ἄρην τὴν ὑπὸ λήπην, &c. conjuncta esse non minus improbabunt, quod ratio coherentiæ non appareat. At videm si cogitaverint Antonino solenne esse quoties ad alienam improbitatem patienter ferendam se hortatur, & necessariis præsidii (quod facit ille sapientissimè, neque aliud puto fuisse, quod magis ipsum exercuerit) antemunit, duplicem necessitatem ponere; aliam generalem, respectu mundi, cujus ordini maxime consentaneum esse, (ita quidem ille, nec ille solus, sed alii plures tum Philosophi, tum Theologi veteres Christiani pluribus adstruunt) ut improbi permittantur, asserit; aliam particularem, quod istis opinionibus positis, tales mores, tales actiones consequi (unde & illud sequitur, invitos quodammodo peccare, qui opinionibus abrepti peccant) necesse sit: ut autem necessitatem, ita & ævi brevitatem, ut præsentissimum ad compescendam iram remedium passim inculcare: eundem denique omnes irascendi causas ad falsas & imaginarias (quibus indulgere stultum sit, quasque admittere vel excludere nostri sit arbitrii) opiniones referre solere: qui hæc, inquam, cogitaverit, illa omnia, quæ sectionis istius ambitu comprehendimus, eodem pertinere, nec separari debuisse confessurus est. Quid nobis proposuerimus, & quibus adducti rationibus, hæcenus præfati sumus. Sed propositum tamen adhuc restat primum, καὶ τὸ ἀρχικευτικὸν πᾶσι inductum nobis, quod uno verbo expediam, prodesse, & iis potissimum gratificari, quibus virtus & vera pietas cordi est, & vitæ finis. Ego illum, quicumque tandem sit, optimè Antoninum intelligere existimabo, quisquis ita leget, ut per eum in vita proficiat. Hoc tibi, Lector, quisquis es, opto voveaque ex animo; si & tu mihi, non aliud à te meæ qualiscunque industriæ præmium postulo. Vale.

P R Æ F A T I O

præfixa NOTIS in

P E R S I U M,

editis anno 1647.

ISAACI CASAUBONI in Persium Libri Commentarii dudum est, (ami- 1647. ce Lector,) cum rara sunt in hoc Regno exemplaria, pertinax autem fama, & inde studia Lectorum nunquam flagrantiora. Quare ante aliquot menses ab homine Bibliopola, mihi noto, rogatus ecquid haberem quod ad novam, quam moliri se profitebatur editionem, conferrem; qui primæ editionis codicem manu beatæ memoriæ parentis multis in locis auctum, aliquando etiam emendatum haberem, de patre & communibus literis benè merendi occasionem libenter amplexus, statim & codicem & operam meam obtuli; & ut hominem tantò magis obstringerem, Græcorum quoque, ubi opus esset, interpretationem ultro promisi. Lætus ille, propositum urgere, & me subinde appellare; nihil in se moræ profiteri. Cum ad rem ventum est, quanquam eadem superaret ad præstandum alacritas, quæ fuerat ad promittendum; non tamen tam expeditum opus experienti fuit, quàm visum erat opinione præsumenti. Utcunque enim parens verba ipsa Authorum, quæ addita cupiebat in capacibus oris libri, interdum adiecisset; in plerisque tamen ad paginas tantum remittebat, non capitibus, non libris, ut plurimum, indicatis; ne parte quidem loci, quem volebat, (ut sæpe fit) appositâ. Quid igitur facerem, nisi ipsas, quibus usus erat, editiones librorum consulerem? Ita hærenti in vado peropportuna occurrit viri clarissimi & doctissimi, de literis & literatis omnibus multis nominibus meritissimi, Patricii Junii humanitas. Ejus ope & diligentia præcipui libri, quorum erat usus, ex Regia, cujus ille custos dignissimus, Bibliotheca præstò fuerunt: quibus inspectis nihil ultra laboris supererat, nisi ut verbis aliquot, iisque quàm potui paucissimis, quod ad orationis coherentiam deerat, supplerem. Erant præterea, fateor, interdum quædam, quæ legenti se offerrent, nec intempestiva alioquin, nec ingrata fortasse Lectori futura: sed religio fuit, quicquam Lectori obtrudere, quod non genuinum ejus esset, cujus nomen Commentarii præferebant.

Ad Græcorum versionem quod attinet, quàm id impensè multi desiderarent in scriptis & *manuscriptis*, non ignorabam: sed & ipsum ab eo consilio, multorum persuasionibus inductum, non aversum fuisse, testis ejus ad Lectorem Admonitio, quæ Exercitationibus in Baronium post Præfationis ultima præfixa est. At neque hoc cum aggrederer, inexpectatâ planè difficultate caruit. Aliter enim sæpe de locis Authorum statuas, si seorsim exponantur; aliter si apud Authores ipsos, antecedentium & sequentium ratione habitâ expendantur: Authores autem benè multi, nec omnes ad manum. Sed nec loci apud illos inventu faciles; nisi toties integer aliquis, Plutarchi puta vel Platonis liber, esset evolvendus: quod nec otii nostri erat, nec patientiæ. Quare si quando longius ab Authoris mente abire contigerit, candidi Lectoris erit, studio nostro aliis commodandi id condonare. Quod tamen ne sapius accideret, Authores ipsos quoties licuit, quantumque mediocri diligen-

1647. tiâ consequi potuimus, inspeximus; aliorum quoque versiones, (nisi si ab Authore longius ipsæ recedere visæ sunt) quas exhibebant libri, libere ac libenter adhibuimus. In locis aliquot hæsisse me, & adhuc hæere fateor; in quibus vel lectio, vel probata doctis interpretatio mihi suspecta est; de quibus quid ego sentiam, paulo post paucis indicabo. Cæterum meminere Lector, nos Græcorum, tantum ubi opus erat, versionem promississe. Magnam enim non parenti tantum, sed cordatiori cuivis Lectori injuriam fecissemus, si singulis Græcis totidem Latina, qui multorum mos est, subiecissemus, cum id solenne parenti in plerisque, quæ ab eo sunt edita, fuerit, ut sensum locorum liberiore quasi versione præmitteret; præsertim si vel prolixior, vel illustrior locus. Si quis igitur quid nobis propositum fuerit, curiosior intelligere satagat, adeat illam parentis, quam diximus, Admonitionem, suadeo; quæ nobis in hoc opere versantibus pro Cynosura fuit; ne quid, quoad ejus posset, non ex illius mente admitteretur: additam tamen loco uno aut altero, ubi non opus erat, interpretationem, serò animadvertimus: sed & omissam fortasse pluribus, ubi Lector non unus optasset.

Hactenus quæ Lectoris intererant ab ipso non ignorari: nec ultra teneremus, nisi aliquid de Authore addi importuna quorundam maledicentia cogeret. Si vel modestia quenquam, qui ad aliquam nominis celebritatem scribendo pervenerit, ab invidia; vel moderatio, qui causæ se religionis immiscuerit, ab odio liberare potuit; eum se in utroque præstitit Isaacus Casaubonus, ut neutrum vereri debuerit. Sed admodum & humanorum ingeniorum, & sæculi sui ignarus fuerit, qui tale quid vel sperare possit ipse, vel alii cuiquam promittere. Tum præcipue cum vivere desit, exorti plures, qui velut agmine facto in famam ipsius & nomen irruerent. Nos quoque tum quod dictabat officium pro ætate illis opposuimus. Ab eo tempore, quamquam non aded densi, non desuere tamen qui subinde genuinum insingerent; immò etiam qui amicos professi, fœdissimâ prevaricatione atrocissimè impeterent. Quid nos hoc toto tempore continuerit, aliàs fortasse dicemus: quanquam hoc interim bonâ fide profiteamur, pleraque quæ in hoc genere visæ nobis sunt, talia judicasse, ut sine ulla Patris injuria, silentibus nobis esse liceret: nec aliud magis optaremus, quàm ut Lector quæ ipsi obijciebantur, cum ipsius verbis & scriptis contenderet. Ex multis unum nunc nominabo, Leonem Allatium, qui in nupero scripto (nescio an & aliis) recens mihi visò tantâ petulantia pari iniquitate junctâ hoc agit, ut post furorem Scioppianum, & stuporem Lanselianum vix quicquam simile in eo genere viderim. Ex uno crimine de cæteris judicet Lector.

Griphi olim & ænigmata in quanta apud Sapientes æstimatione fuerint, tum alia multa fidem faciant; tum Clearnchi apud Athenæum verba. Ab ea solertia celebris olim Cleobulus Philosophus; cujus vitam scripsit Diogenes Laërtius; ubi & hunc ipsius de anno griphum memorat:

Εἰς ὁ πατήρ, παῖδες δὲ δώδεκα· τῶν δὲ ἑκάστη
 Παῖδες τελέοντα, δώδεκα ἄνδρες ἔχουσι·
 Αἱ μὲν λευκαὶ ἔσιν ἰδὲν· αἱ δὲ αὖτις μέλαιναί·
 Ἀθάνατοι δὲ πᾶσαι, ἀποθνήσκουσιν ἅπασαι.

Unus, inquit, pater; filii duodecim: eorum cuique triginta filii; quæ geminâ facie, (possis etiam vertere; quæ diversâ facie.) Hæ quidem aspectu sunt candido; illæ verò nigro. Et cum sint immortales omnes, omnes tamen moriuntur.

In his verbis, ipsa quidem verba si spectemus, dubium est, utrum id velit 1647. Cleobulus, filias has triginta gemino quasque vultu esse; quod π διάδοχα sua-
dere videtur; an id potius, triginta has unius patris filias, vultibus & for-
mis inter se fuisse diversis; * quarum pars (quindecim scilicet) alba; pars
(reliquæ quindecim) nigræ fuerint; quod articulus α i relativi vim hîc ha-
bens, postulare videtur. Durum enim & sine exemplo videtur, ut hæ, &
illæ, $\alpha\pi\alpha\delta\epsilon\varsigma$ & simpliciter (nam ad π $\alpha\delta\delta$ respici, diversum genus obstat) * Vulga-
tus Dio-
genis in-
terpres in
hanc sen-
tentiam
vertit. Hæ
novæ so-
læ, fuisse
sed vultu-
bus illæ.
posita, ad vultus tantum, non personas referantur. At rursus si senten-
tiam spectemus; quis unquam dixit, vel fando audivit mensẽ ullibi gen-
tium quindecim tantum constare diebus? Hîc Pater cùm aliam lectionem,
quæ omnem difficultatem tollebat, apud Stobæum, ex quo multa passim in
optimis Scriptoribus partim resitui, partim suppleri nemo nescit, invenisset,
eam ille lectionem præferendam credidit. Hæc sunt ejus verba in Notis ad
Diogenem Laërtium.

$\pi\alpha\delta\delta\epsilon\varsigma$ $\tau\epsilon\iota\kappa\epsilon\iota\tau\epsilon$.] Ergo menses illo ævo ex diebus constabant decem & quin-
que; tot enim efficiunt hæ triginta filiæ: (nempe si ita intelligas, ut quin-
decim nigræ noctibus; & quindecim albæ diebus, quos vocant, civilibus,
assignentur; quod verba suadere videntur) Logi: corruptus enim hic lo-
cus est, & legendum, $\kappa\epsilon\pi\alpha\iota$ $\epsilon\zeta\epsilon\kappa\alpha\iota\tau\epsilon$. itaque apud Stobæum legitur. At Suidas,
qui hunc Diogenis locum descripsit, habet ipse quoque $\tau\epsilon\iota\kappa\epsilon\iota\tau\epsilon$. quod etsi fer-
ri posse videtur, propter illa, $\delta\iota\alpha\delta\delta\iota\chi\alpha$ $\alpha\delta\delta$ $\epsilon\chi\chi\sigma\tau\alpha\iota$, tamen illam lectionem ma-
gis probo, immò solam probo.

Ego quidem, si quis me roget, neutram lectionem veram suspicabar; sed
scripsi Cleobulum non $\alpha\iota$, sed $\eta\varsigma$ (η $\mu\epsilon\nu$, ex una parte: η ζ , ex altera) quod er-
rore mutatum sit in $\alpha\iota$, & inde quod absurda vel sententia, vel oratio vide-
retur, substitutum ab aliis, $\kappa\epsilon\pi\alpha\iota$ $\epsilon\zeta\epsilon\kappa\alpha\iota\tau\epsilon$. sed ingeniosissima viri præstantissi-
mi, Joannis Seldeni, interpretatio adedò arridet, ut propè me conjecturæ pæ-
niteat. Putabat ille, π $\alpha\iota$ $\mu\epsilon\nu$, & $\alpha\iota$ ζ , ad easdem personas, partim albas,
partim nigras, posse referri: quasi diceret: Hæ autem albæ sunt, & eadem
rursus nigræ: ita π $\alpha\delta\delta$, magis emphaticum fuerit; & enigma ipsum, ma-
gis ænigmaticum: id est, longè acutius. Unus tamen erat scrupulus, quod
de usu tali particularum $\mu\epsilon\nu$, & ζ , ad easdem personas relatarum non
constabat: cogitet Lector. Sed quicquid hujus sit; quid, quæso, in verbis
Patris, quod vel iniquissimi & maledicentissimi carperent? † At, bone Deus!
quas hîc tragædias excitat Allatius? aut potius, quos ludos facit? Infeli-
cem aliquem de scena morionem vel pantomimum videre te putes, qui va-
riis motibus & gesticulationibus risum vel ab invitis extorquere contendat.
Et tamen ipse sibi plaudit infelix, & facetias suas Lectori ingerit & impu-
tat, & $\iota\omicron$ pæan! (vir gravis) ad fastidium usque accinit. Sed quis er-
ror tamen Casauboni? quis lapsus ille tantus, tanto hiatu personandus?
Nempe, ignoravit vocem Græcam $\pi\alpha\delta\delta\alpha$ non filios tantum, sed & filias signi-
ficare, & idedò lectionem Stobæanam prætulit. O frontem! Quis non pari-
ter dicat ignorasse eum $\tau\epsilon\iota\kappa\epsilon\iota\tau\epsilon$ significare triginta, & idedò de quindecim co-
gitasse? Postea verò nescio quid sibi fingit, quasi diem dici, qui spatium
viginti quatuor horarum complecteretur, nolisset, aut non intellexisset Ca-
saubonus. At roges, quibus ex verbis Casauboni id expiscatus vel subodo-
ratus sit; quid respondere possit, nisi non seridò hæc à se scripta, sed ut jo-
cularibus hisce, ut ipse loquitur, animum relaxaret, ego non video. Inge-
nuæ certè facti non valde liberalis confessio fuerit. At quanta hæc impor-
tunitas, tot ab annis defuncto, etiam staturam corporis, dum minutulum
vocat, exprobrare? Non legerat Allatius Historici gravissimi observationem,

† Leo Al-
latius De
Mens.
Temp.
cap. xv.
Pag. 193.
& 194.

1647. Ἡρακλῆς ψυχὴ ἐν λειψῇ σώματι. omitto cetera. Sed non metuebat potius illud Sa-
 * Birt. tyrici, * Græculus esuriens? Novi certè qui de Leone Allatio ita narrarent:
 Nihulius, pag. 30. hominem non adeò per se ferum esse; sed ibi vivere, ut aut gratis ipsi scri-
 Sed quis- bendum sit; aut aliquid audendum. Tum verò, Casaubonum nomen illic
 nam ergo isto Leo odiosum esse; purpuratis Patribus invisum. Quod si est, opto ipsi lautio-
 Pandam rem fortunam, & æquiorum interim animum. Sed & Apollonii (quæ † ali-
 breuius, cubi in his Commentariis exponuntur) verba commendo: τὰντα φασὶ, δὲν τὴν ἱμ-
 Est natio Græcus: πρὲν κἀλλον σείειν. ἱμοὶ δὲ εἴη τὴν ἄλλαν τρυπᾶν ἐν θίμῳ. οἶκα. Sed ad convitia Allatii
 Roma de- redeamus. Casaubonum ridens vocat novum ἰωσφῶν, vesperuginem, &c.
 geni à Tuam fidem, Leo Allati: Si tantam tibi tui fiduciam fecerunt vulgaria
 nulli an- illa elogia, quorum numerum officiosa amici tui diligentia collegit, ut tibi
 pag. 441. per ridiculum novus ἰωσφῶν & vesperugo diceretur, quem non unus Rex,
 plures Principes, Duces, Cardinales, & quantum in tota fere Europa do-
 ctorum hominum, non tralatitio nominis elogio, sed literis & testimoniis pro-
 laxis, accuratis, admirari se professi sunt; quid tibi tuique similibus de po-
 stervitate potes promittere? Sed an tu potius novus aliquis Pyrgopolinices &
 de Comædia Tbraso, qui integras legiones uno tuo spiritu diffiare te somnias?
 Interim cogita, quàm nos non ambitiosi, vel certè securi posteritatis bac-
 nus fuerimus, qui, cum tot magnificorum, præter edita & nota, elogio-
 rum copia sit, hætenus nos ab eorum editione continuerimus.

Quæ non eò dicuntur à nobis, quasi qui, quod ipse de se non semel pro-
 fessus est Pater, hominem eum fuisse ignoremus. In tam vario scribendi
 genere multiplex erroris ansa vel cautissimis. Aliud præterea accessit, so-
 lita illi festinatio, quæ multorum errorum mater esse solet. Acris vir inge-
 nii, & indefessæ industriæ, cum multa moliretur, quorum minima pars edi-
 ta est, quicquid haberet præ manibus, id ita curabat, ut ad alia semper
 properaret, & vota votis præverteret. Non immemor ille quidem veteris
 moniti, Vitæ summa brevis Spes vetat inchoare longas; sed ea erat studiorum
 ratio; ea, quod jam diximus, ingenii vis. Nescio quid alii sensuri sint;
 ego sanè profiteor, utcumque illum mihi fingam, qui nunquam quicquam
 perfecit aut ediderit; nunquam me ingentem illum rerum & materiarum
 apparatus; omnis ætatis & professionis; Græcis, Latinis & Hebraicis, im-
 mō & Arabicis ex Scriptoribus, tot Excerpta, tam accuratâ diligentia,
 tanto iudicio inspicere, quin ætatem ultra putem. Speramus nos aliquan-
 do daturus perfectum Catalogum eorum quæ promiserat; quorum omnium
 materiam cum paratam haberet in Adversariis, de forma inducenda (adeò
 hæc illi minima pars laboris) non autè plerumque cogitabat, quàm cum Ty-
 pographus inciperet. Hinc igitur verè pleraque illa παραράματα, quæ non unus
 in scriptis ejus observavit; quæ non alio pleraque loco habenda, quàm cum
 in Exercitationibus alicubi πῖν, vertit quatuor; & his ipsis Commentariis,
 (quod nos tanquam erratum Typographi emendavimus) δᾶλ. Stulti, pro servi.
 Qualia in Cicerone notare viri doctissimi; & in Aristotele tum alii, tum
 Parens ipse in Adversariis suis manu scriptis haud pauca: quæ cum legi-
 mus, alibi mentem habuisse cum ista scriberent, & nimiam festinationem
 fraudi ipsis fuisse, rectè dicimus; ex imperitia peccasse, qui tales ac tantos
 in aliis se præbuerint, nemo nisi qui planè depuduerit, inde concludat. Sed
 nos hæc alibi, si Deus dederit, fusius. Tu interim, Lector, vale, & hæc
 æqui bonique consule.

LOCI GRÆCORUM SCRIPTORUM,

1647.

in quibus hærere nos diximus, hi sunt.

In Æschyli loco, qui pag. 45. laudatur, — αἱ νηϊδὲς δύναι, &c, cum apud amicum copia facta esset Æschyli cum Latina interpretatione, libenter inspexi locum, & ibi reperiens, — hæ Nyctides ambæ Deæ docendo præstantissimæ, sensuum Medicæ; protinus ut portentum averfatus, quæsvi an alicubi extaret alia versio; sed hæcenus frustra. Dicam igitur quid mihi videatur: νήσις, νήσιος, adjectivum Æschylo familiare. Hac ipsâ Tragediâ, νήσις νήσιος, jejunos morbus; & νήσις πόντος, jejunos labor, in superioribus. Pari & hic, ni fallor, ratione, νήσις, νήσιδος. ut νηϊδὲς δύναι sunt jejuna, id est, dira infortunia. Sensus igitur verborum erit, & ad mentem Parentis appositus: Diræ calamitates, optimæ magistræ; animi medicæ.

In Dionis Chrysostomi loco, qui pag. 60. quaquam vulgatam versionem exhibuimus, emendandam tamen non illam tantum, sed & Dionis textum certò credimus. Quid enim sibi volunt illa, ἐλαΐσας ἢ φοβήσας? Qui superiora factorum Herculis exempla à Dione allata recensebit & expendet, animadvertet id Dioni propositum fuisse, ut singula facta Herculis ex acuta aliqua ratione ab ipso subtiliter excogitata commendaret. Ut exempli causâ cum de Busiride: τὸν δὲ Βάσιλιν ὄρων πᾶν ὀπιμῶς ἀθλῶντα, ἃ δὲ ἑλὴς ἡμέρας ἐοδίωντα, καὶ φρονέοντα μέγιστον ἐπὶ πάλη, διέτρεχεν ἐπὶ τῇ γλῶσσει κατεβαλὼν, ὥσπερ τὰς θυλάκας, τὰς σφοδρὰ γόμεντας. Busirim verò offendens valdè diligenter certaminibus studentem, perque totum diem edentem, valdeque sibi placentem ob luctandi artem, in terram dejectum dirupit, ut sacculi nimis pleni dirumpi solent *. Prometheus autem cum saxo alligatus vulgò fingeretur, ipse ut ambitiosum sophistam & applausu populari, non aliter ac vento, dissendi solitum, qui solo silentio curari posset, non saxo alligatum, sed φοβῶντ᾽α constricturn fingit; quo nihil venustius aut acutius dici potuit. Legemus igitur, non φοβήσας, sed φοβήσας. Notius fortasse τὴν φοβήσας, quàm φοβήσας. sed cum non ἱμπεφοβήσας tantum, sed & ἱμπεφοβήσας, (ut à doctis notatum) Autore Polluce, sit legitimum, & hoc ad vulgatam lectionem propius accedat, præferendum crediderim. Vertam igitur: miseratus hominem, cum tibiicinali ligulâ constrinxisset, liberavit à fastu. Alludit autem fortasse Dio ad Sophocleum illud, quo utitur & Cicero in secundo Epistolarum ad Atticum,

φυσὰ γὰρ ἔσμιχρόισιν ἀνλίσκοις ἐπὶ,
ἀλλ' ἀγέλαις φύσαισι, φοβῶντ᾽α ἄπερ.

Spirat enim (inflatur, propriè) non jam exilibus tibiolis, sed immanibus follibus, sine ligula.

In altero ejusdem Dionis loco, qui pag. 61. laudatur, οὐδὲς αἰρεῖ τῶν πολλῶν, &c. ita vulgò accipiunt, quasi τῶν πολλῶν ad τὴν αἰδὴν pertineret, & de insipientibus ac plebeis ingeniis hoc peculiariter assereret Dio; quod toti illi Dionis disputationi ex diametro contrarium est, qui id fusè disputat & contendit, neminem gratis & sine causa bonum esse & præclara facinora aggredi: de quo nos alibi fusè in opere, quod tum maximè, cum hæc excudebantur, urgebamus. Ita igitur distinxerim & verterim: οὐδὲς αἰρεῖται, τῶν πολλῶν ὅ, πᾶν αἰρεῖται, &c. Nemo homo est, quod ex multis pulchrum putat & honestum, qui id solum factum velit, non id etiam, ut & alii factum. sciant.

Pag. 159. laudatur ex Ptolemæi Tetrabiblo quarto locus, quem non opinor

1647. opinor alium, quàm qui cap. πὲρ φίλων καὶ ἐχθρῶν occurrit: Basl. ed. pag. 193. *extremâ, his verbis:* κρόν & μὲν ἔν καὶ ζῶς ἐπιλήθης πῆς ἀλλήλων πίπαις πῆς φιλίας ἀπὸ συστάσεως, ἢ γεωργίας, ἢ κληρονομίας. Quod doctissimus Melancthon ita translulit: Cùm igitur Saturnus & Jupiter ita congruunt, ut alter ad alterius loca ita perveniat, faciunt amicitias, aut civilis consilii societate, aut propter agriculturam, aut hæreditatem. Paraphrastes autem Proclus retinuit verba Ptolemæi; nisi quod ille ἀπὸ τινος συστάσεως, quod Ptolemæus, ἀπὸ συστάσεως, &c. Melancthonis interpretatio verbi συστάσεως non caret ratione. Hoc ipso libro, quod Ptolemæus alicubi, ἀδραὲς καθήκοντες, id est, modestos, civiles, compositos; Proclus interpretatus est, συνεκίς. Propius tamen attendenti, cùm συστάσεως & συνεκίς hoc ipso capite tum apud Ptolemæum, tum Proclum non semel occurrant, maximè genuina verbi συστάσεως hoc loco interpretatio videtur, societas, absolutè; ut id dicat Ptolemæus, faciunt amicitias ex aliqua societate vel agriculturæ, vel hæreditatis. Confirmat hanc interpretationem etiam Interpres Arabs, qui in hanc sententiam, ut ipse nobis à Latino Interprete exhibetur, vertit: Saturnus igitur & Jupiter cùm alter eorum ad alterius locum pervenerint, amicitiam inter eos ex agriculturis & hæreditatibus * judicabunt: quibus in verbis τὴν societatem, (ex agriculturarum & hæreditatum societatibus) subintelligendum videtur, quod ab eodem Interprete paulò post exprimitur, dum quod Ptolemæus, & ἢ καὶ ἐπὶ συμβιώσεως πᾶς διὰ τέχνων τινὰ, ἢ μὲν, ἢ οὐκ ἐστὶν διὰ γεωργίας ἢ κληρονομίας. ipse vertit, Venus autem & Mercurius in vitæ rebus, magisterii, vel Musicae, seu librorum, vel mulierum causa societatem inter ipsos adducunt. Hujus autem Interpretis & interpretationis indicium debeo ei, cui alia, in alio quoque genere, multa, perinsigni Seldeno. Sed si hic est locus, quem voluit Parens, unde ista varietas, ἢ καὶ pro ζῶς οὐκ ἐστὶν, pro οὐκ ἐστὶν? Certè si non alibi reperitur, (non enim nunc vacabat, ut librum illum, quamvis non magnum, hac occasione totum percurrerem) non dubitem dicere, ἢ καὶ pro ζῶς festinantis errore positum esse: & offerebat tum se fortasse cogitanti locus aliquis alius haud absimilis, ubi de Saturni & Jovis συζητήσεως, qualis, cujus modo memini, ex capite πὲρ συμμαχογῶν. De voce συνεκίς non idem dixerim, quam vel ita corrigendam credidisse, vel alibi reperisse, puto verisimile.

In Platonis loco, qui pag. 199. lineam unam aut alteram casu fugitivam, sine quibus neque sententia, neque syntaxis constat, (ne quis omittas studio putet, ut minus hic necessarias) in locum suum reduximus. Serrani versionem addidimus: dedissemus emendatiorem, si Platonis exemplar, quo Parens usus est, videre nobis hæcenus contigisset. Ibi enim expendisse se & explicasse notat in Adversariis suis.

In loco Simplicii, qui pag. 201. suspicor legendum, καὶ ἢ ἐπὶ ἐκβάρα φῆται &c. non φῆται: durius enim videtur, ut natura dicatur in ἀναγκῆς ἐκπίπτει. Sed locum nondum inveni in Simplicio, quanquam diligenter olim mihi lecto, ideòque ἐπίτρω. Inspiciantur loci Senecæ, qui pag. 201.

In loco Dionysii Longini, qui pag. 206. nihil mutavi: sed ut Græca respondeant Latinis, aut Latina Græcis potius, Lectorem moneo, legendum esse ἀναπνέον ὡς φασίν, non ἀναπνέον. eaque est lectio recentiorum Longini editionum; Crispinianæ certè, quæ prodiit anno Domini 1569. At in Basileensi anni 1554. (quæ prima, ni fallor; quæ etiam usum Parentem conjicio) planè ut hic, ἀναπνέον. Cur autem verius putem τὸ ἀναπνέον, quàm ἀναπνέον: ut scilicet de antro dicatur, quod extra spiret; non de fœmina Phæbade, (quod tamen in re ipsa parvum discrimen esse, cùm relata sint, agnoscimus) quæ inspiret,

* Ita
reperio in
diversis
editioni-
bus, non
indica-
bunt: quod
tamen
etiam hoc
ipso capite:
sed & τὸ
judica-
bunt ite-
ratur.

inspiret, aut hauriat; inde moveor, quia id magis convenit, tum Auctoris, 1647. qui De Mundo scripsit, elegantissimi descriptioni, qui ἀναπνεῶς & ἀναφυσίως ipsi terræ tribuit; tum etiam Jamblichi, qui πινόμενα λεπτὸν ἀναφέρει in accurata narratione posuit. Sed quid vetat ipsius verba, quæ nondum, quod sciam Græcè prodierunt, ex instructissima viri summi, Joannis Seldeni, Bibliotheca hîc exhibere? Gratum erit Lectori, puto, vel ob novitatem; sed non minus utile, si cum Longino contendet. Ita igitur Jamblichus manu scriptus, de Vate Pythia:

Ἡ δὲ ἐν Διελφῶς περὶ τῆς ἐπὶ τὸ πινόμενον λεπτῆς καὶ πυρρῆς ἀναφερόμενης πρὶν ὑπὸ τοῦ ἱεροῦ τοῖς ἀνθρώποις, ἐπὶ ἐν τῷ αὐτῷ καθήμενῃ ἐπὶ δίφῳ χαλκῷ τρεῖς πίδας ἔχουσας χρηματίζει, εἰς καὶ ἐπὶ τῇ περὶ τοῦ διφθῆρος ἐς ἑστὴν ἱερὸς & τοῦ παλαιῆς, ὅταν δίδωσιν ἑαυτὴν τῷ ἱερῷ πινόμενον, ὅτι τὸ τῷ ἱερῷ πρὸς ἀκτὴν καταναλάσσεται, καὶ ὅταν μὲν ἀθροῖν καὶ πλὴν τὸ ἀναφερόμενον ὑπὸ τοῦ ἱεροῦ πρὸς κύκλῳ παλαιῶν αὐτὴν περιέχῃ, πληρῆται ἀπ' αὐτῆς ἱερῆς αὐγῆς, ὅταν δὲ εἰς ἑδραν ἐνδρυθῇ & τοῦ, τῇ περὶ τοῦ μαθητικῆς δυνάμει συναρμολογῆται. ἐξ ἀμφοτέρων δὲ τῶν ταύτων ὡς σκῶν ὅλη γίνεται & τοῦ, καὶ τὸ πρὶν δὲ πᾶσι καὶ αὐτῇ χρηστὸς ὁ θεὸς ἐπιλάμπει, ἐπεὶ ἂν καὶ τὸ πρὸς καὶ τὸ πινόμενον καὶ τὸ ἰδίαν ἑδραν, καὶ πᾶσι τὸ πρὶν τὸ πᾶσι φυσικῆς καὶ ἱερῆς φαινομένης κατασκευῆς. Si quis hæc cum vulgata Latina versione comparare cupiat, reperiet ibi Tornasiane Lugdunensis editionis, anno Domini 1570. pag. 66. & 67. Postremum hoc de Longino: tres ejus extare versiones; unam Petri Pagani, Venetiis, anno Domini 1572. excusam; secundam, Dominici Pizimentii; tertiam denique, Gabrielis de Petra, recentiore & notiore; qui priorum versionem nunquam, opinor, viderat.

De uno aut altero Marci Antonini Imperatoris loco, qui aliter in his Commentariis vel scribuntur, vel exponuntur, quàm nobis probatur; alibi proprio loco egimus; quæ non putavimus hîc repetenda. Atque de his habemus.

P R Æ F A T I O

præfixa COMMENTATIONI

D E

QUATUOR LINGUIS,

editæ Londini, in 8. anno 1650.

CANDIDO LECTORI.

Quadræniū jam, aut eo amplius est, amice Lector, cū Londini in- 1650. ter libros agens, & privatas amicorum Bibliothecas, varia mecum, quod animum à præsentibus miseriis fortius avocarem, quasi in lucem postea producturus, agitabam. Inter ea erat de Ortu sermonis tractatus, satis accuratus; cui comitem de Verborum usu, ob argumenti affinitatem, Diatribam adjungere statueram. Jam eò rem perduxeram, ut utrique solâ transcriptione, ut Typographo traderentur, opus esset. Ita verò contigit, ut absolutâ Diatribæ (quæ minor longè) transcriptione, dum in prior illo tractatu occupatur amanuensis, uterque aliud agere, & quod in manibus erat, opus omittere coacti simus. Actum erat de utroque fortasse, (neque enim is ego sum, qui semel omīssa libenter in manus resumam) nisi

1650. Bibliopola, cui spes facta erat majoris operis & lucri, saltem quod erat transcriptum, nec ab altero sic pendebat, ut seorsim prodire non posset, ut id sibi traderetur institisset. Annuente me, prodiit in lucem De Verborum Utu Diatriba; in cujus primo aditu promissa de Quatuor Linguis, Hebraica, Græca, Latina, & Saxonica, cujus ~~ἡμετέριον~~ pridem animo conceperam, Commentatio. Τὴν καὶ ἡμετέριον testor, non aliter tum credidisse me, quin paucis, si semel aggrederer, septimanis expedire, totamque ultimâ manu impositâ publici juris facere facillè possem. Erat tum vita in publica rerum ἀναταραχία valde defultoria; ut non mirum sit, si animus quoque tale quid interdum passus est. Deerant tum libri, & chartæ deerant, quarum ad illud pensum pertexendum usus erat: ad aliud me contuli, ad quod & animus tum propensior, de Cultu Dei falso & vero. Jam priorem partem absolveram, quam etiam viri quidam ab eruditione summi hîc viderunt & legerunt; cum ecce novus terror, & omnia in Urbe tumultûs plena. Meæ tum res sic tulerunt, ut relicto quicquid erat librariæ supellectilis, cum familia rus ad quinquagesimum usque ab Urbe lapidem migrandum esset; atque ibi tandem in loco (mibi quidem) solo, & domo vacuâ sedes qualiscunque fixa est. Longè tum curæ Musicæ; & ita facile mibi persuadebam, quæ me in has latebras ΤΟΤΕ ἰνὶ ἡμῶν providentia detrussisset, eandem ab alio quovis munere & opere, præterquam curâ valetudinis & familiæ, vacationem, si non & plenam missionem, dedisse. Abiit sic annus unus & alter; ingenio, nescio quàm; corpori certè peropportuni, cum valetudini ante hunc secessum valde concussæ & afflictæ nunquam melius, quod gratus agnosco, fuerit. Accedit interim ut frequentes ad me perferrentur, notorum, non unius, sed & ignotorum quorundam flagitationes super promissa de Quatuor Linguis Commentatione. De lingua præsertim Saxonica quid illud esset, quod allaturus haberem, non unus, ut narrabant, mirari; causamque cum nobilioribus istis jungendi, sciscitari. Sed & longæ jam inertiae tedium invaserat; & jam libros aliquos, quod nunquam in isto loco fore speraveram, partemque chartularum nactus eram. Quia tamen obstinaveram, quod ultimum in manibus habueram, id primum resumere, & donec absolvissem, aliis omnibus antevertere; in eo animo morigeratus meo, & eâ curâ defunctus, ad promissam illam Commentationem me converti, ab Hebraica, ut par erat, exorsus lingua. In hoc dum versor, ab aliis curis, sed præcipuè charissimæ & conjunctissimæ capitis diuturnâ invaletudine & periculo sæpius interpellatus, nihil propius factum, quàm ut omnia ista procul à me ἀμαρτυρίαν faceessere juberem. Et fecissem, puto, nisi de Saxonica lingua res hæssisset animo, in eoque existimationis non parum interesse credidissem, ne verba Lectori dedissem, & futilibus eum (quod abominor) promissis, quibus nullus esset fundus, lactare voluisse videremur. Absolutâ igitur primâ quadripartiti pensæ parte, statim ad ultimam, linguam Saxoniam, quasi trajeci; magnâ deinceps constantiâ cum aliis molestissimis curis ac negotiis colluctatus, donec ad umbilicum perduxissem. Hæc igitur ratio ~~ἐκλογίας~~ istius, quam non ratio, sed casus obtulit. Quanquam si quod plerique docti volunt, ex Hebraica tota ferè vetus lingua Græca fluxit; ex Græca autem tota ferè, quod hîc docemus, Anglica vetus; non planè contra rationem fuerit hæc conjunctio. Et si quis id agat, haud pauca in Anglica lingua reperiet, quæ ab ipsis immediatè Hebræis, an Græcis accepta sint, dubium sit. Sed hæc utcunque dici possint, quia tamen non id à nobis hîc spectatum agnoscimus, non eò confugiemus. Fateor ad plures ex præteritis de lingua Græca & Latina partibus fructum redire potuisse, in quibus tum alia, tum jactatissima de novis methodis controversia tota pertractatur.

Sed

*Sed hoc ipsum cum plus sit, quam quisquam nunc à nobis, qui rerum sta-
tus jure potuerit sibi promittere; candidi Lectoris erit, si quam ex his
utilitatem percipiet, non quod maluisset, importunius exposcere, sed quod
nos potuimus & præstitimus, æqui bonique consulere. Vale.*

P R Æ F A T I O

præfixa NOTIS in

T E R E N T I I

PHORMIONEM ET HECYRAM,

editis anno 1651.

CANDIDO LECTORI.

QUOD maximi Quintilianus olim vir judicii, de Cicerone, Ille se profe-
cisse sciat, cui Cicero valde placebit; id tantò magis nos ad Teren-
tium transferamus, quantò tum ex ipsius testimonio Ciceronis, tum
verò magis ex ejus scriptis cuius constare queat, ex omni Scriptorum in
quocunque genere numero, quem magis diligeret, quàm fecit Terentium,
& ad imitandum sibi proponeret Cicero, nullum fuisse. Sed non hoc nobis
hic propositum est, ut Terentium laudemus. Huic autem tam classico, &
ut A. Gellii verbo utar, tam assiduo Scriptori, an hætenus adeò prospe-
ctum sit, ut quàm vulgò legitur ac teritur, tam bene intelligi possit, non
sine caussa dubitemus. De quo fortasse alias plura. Optimo certè, ut mihi
quidem videtur, consilio Thomas Farnabius, vir doctus, & in hac palæstra
diu cum laude versatus, perpetuis eum Scholiis illustrandum suscepit. At-
que in eo tum maxime versabatur, jamque ex sex Comædiis quatuor (ex-
ceptis duabus postremis Adelphorum scenis) absolverat, cum filum scriptio-
nis simul & vitæ suprema dies interrupit. Sollicitatus ego non semel à Bi-
bliopola, ad quem Farnabiani laboris fructus præcipue spectabat, ut reli-
qua pertexerem, quanquam primò in re tam parva alieno labori quasi suc-
centuriatum succedere vehementer animus refugeret; postea tamen identi-
dem mecum reputans, quando quâ viâ maxime vellem, non liceret, qua-
cunque potius, quàm nullâ, publico prodesse præstare; à me ipso tandem
impetravi, ut hoc illi non negarem. Farnabianis Notis ultimam manum
& limam accessisse, ut meum non est præstare, (neque enim fecerat ille me
consilii sui participem) ita ex ipso genere scripturæ cuius in promptu col-
ligere, non multum eum vel additurum, vel mutaturum fuisse; neque aliud
eum exemplar prælo destinasse, quàm hoc ipsum, quod reliquit. Si quod ta-
men ejusmodi in ejus Notis repèriatur, quod aliter melius, aut plenius esse
debuerit, meminerit Lector posthumum hoc opus esse, quod ab omni cen-
suræ severitate securum esse, lex humanitatis jubet. Ad me quod attinet,
qui meminissem iis potissimum banc operam navari, qui sine cortice natæ
necdum possunt, sedulo dedi operam, ut nihil, in quo vel minima obscurita-
tis esset suspicio, (qualia non pauca aliis intacta reperi) præmitterem.
Vetere Interprete Donato, vel alio, quicumque sit, qui cum Donato per-
mixtus est, quoties suppetebat & satisfaciebat, libenter usus sum: appo-
sito

1651. *sito etiam (quod in rem Lectoris futurum credidi) Donati ad singula loca nomine, vel certè nominis initialibus aliquot literis, ubicunque verba ipsius exhibentur. Caterum, casu factum est, ut numeri Notarum sive Scholiorum, quos solet Farnabius verbis in textu præponere, in nostris Notis postponerentur. Res ipsa per se non tanti, fateor, sive præponas, sive postponas; sed ideò tanti fuit monere, ne consulto consilio factum putares, quod casu contigit. Hæc erant, Lector, quæ te monendum credidi. Vale.*

P R Æ F A T I O

præfixa

H I E R O C L I,

DE PROVIDENTIA ET FATO,

edito Londini, in 8. anno 1655.

CANDIDO LECTORI.

1655. **H**ieroclis in Aurea, ut vulgò vocantur, Pythagoræ Carmina Commentationem nemo certius aut uberius laudaverit, quàm qui ad lectionem non integri modo operis; sed cujusvis ferè, quæ se primacunque temerè volventibus offeret, pagina lectionem provocet, adeò ubique, quæ ad veram vitam, id est, constantem & inoffensam animi tranquillitatem & ~~id est~~ eximie faciant, sese ingerunt; contingat modò Lector, cui sanioris vel mica judicii, cuique veteris illius ac melioris gustus aliquis Philosophia. Ut dogmata omittamus, quæ ad Christianæ doctrinæ puritatem & sanctitatem, quantum ab homine non Christiano sperare fas est, proxime accedunt. Vir sanè summus incomparabilis, Hugo Grotius, in quo raro exemplo cum judicio certabat ingenium, cum utroque, quæ naturæ bona, multo usu studioque parta insignis eruditio, adeò vir ille summus insigne hoc Hieroclis scriptum in succum sanguinemque jugi lectione totum converterat, ut crebrioribus ex nullo Autore testimoniis sua scripta, posteriora præcipuè, tamquam totidem pretiosi metalli crustis & emblematis distinxerit. Ego quoque, quum ante decennium jam olim magna cum voluptate lectum non minore fructu relegendum sumpsissem; dolebam Latinum Interpretem, qui Parisiensi editioni adnexus est, tam sæpè à mente Autoris & sensu verborum, quem repræsentant edita Græca, discedere; sed id magis, ipsum textum Græcum tot mendis scatere, ut ne illi quidem, qui Græca legerent, ad sensum Scriptoris per tot vitia scripturæ, nisi qui in istis exercitatissimi, pervenire posset. Hinc novæ editionis cupiditas inceserat. Sed postquam re cum Bibliopola communicatâ differri me viderem; & alia mox intervenirent, quæ otium & animum meum occuparent, nihil ultra quàm volui, & sic quoque, ut & in aliis plurimis, bonæ voluntatis conscientia satis bene defunctum me credidi. Nuperrimè cum Londini curandæ valetudinis causâ versarer, & ab amico, viro doctissimo, didicissem, Parisiensem istam editionem Londini recusam, jamjam foras extrudendam esse; dolui, nec minus illi, quorum intererat, me non antea rescivisse: ceterum

rūm

ῥὺν κατὰ δέπρην πλῆν, pæctis aliquot dierum, dum in Appendicibus occupan- 1655.
tur, & ego interim ad libros meos redeo, induciis; omiffa versione, de mul-
tis Græci contextûs, ut in tantis angustiiis, correctionibus, quæ majorum
verborum apparatus postulassent; paucas selegi, quæ non minus illæ qui-
dem necessariae, sed magis obviæ, & extra contradictionis aleam posita vi-
debantur. Hæc causa brevitatis & paucitatis Notarum, quam tibi notam
esse, candide Lector, è re mea & Hieroclis esse credidi. His igitur æquus
fruere, & vale.

P R Æ F A T I O

præfixa

PARAPHRASI ENCHIRIDII

E P I C T E T I.

editæ anno 1659.

CANDIDO LECTORI.

DE hac Enchiridii Paraphrasi, quæ dicamus hîc in genere, pauca super- 1659.
sunt, præter ea, quæ jam dicta sunt. Antiquam eam esse, & ævi
melioris, superioribus in Notis observata non pauca, quæ fidem faciant. Qui-
bus addas certas voces & loquendi genera, πολιτεία· ἐκδρῖτ· πολιτεία· ἀνακρίμα-
τα τῶ· Θιῶ, &c. proprio quodam Veterum usu, ad res Christianorum, Mona-
chorum præcipuè, traducta; ut non uni pridem observatum, & nulli in eo-
rum scriptis cum cura versato, non satis notum. Dictio ubique pro argu-
mento, simplex & pura; tali ævo conveniens. Verbum unum aut alterum
fortasse, quod sequioris, aut certè inclinantis ævi videri possit: ἱερουσαλὴμ, κινδὶς.
Sed quæ tamen Justiniani ævo, id est, ante mille annos, jam nota, & in
usu communi; fortasse etiam non uno ante illum sæculo. De utroque ali-
quid in accuratissimo doctissimus Meursius Glossario. Plura olim nobis
notata melioris ævi in hac Paraphrasi ex collatione cum aliis scriptis vestigia,
quæ jam (chartis amissis) non occurrunt. Diligens Lector, cui librorum
copia, & pro copia voluntas, hoc specimine incitatus, cetera facile supple-
bit. Ceterum, quod ad me primò missum est exemplar, ex Sionensis Col-
legii Londinensis, melioris notæ manuscripto libro, qui istius argumenti scri-
pta plurima continebat, transcriptum fuisse, literæ simul tum missæ perhi-
bebant. Istud apographum quàm emendatum fuerit, non possum nunc,
quia dudum mihi periit, dicere. Secundum hoc, quod exhibemus, multis
certè mendis scatebat; quas omnes, aut certè plurimas, ex accuratio-
re cum Manuscripto collatione tolli posse confidebam. Quam ad rem, cum
amicorum quorundam operâ, quia mihi minus erat commodum, usus essem;
illi post diuturnam explorationem Manuscriptum in isto Collegio nullum tale
jam reperiri renuntiant. Absit, ut omnino perierit. Insignis hæc certè
(si ita res haberet) custodum incuria, vel perfidia fuerit. Nobis tamen in-
terim hæc expectationis nostræ frustratio permolesta accidit. Hæc igitur spe
& ope destituti, correctis quæ satis obvia cuivis & manifesta; in ceteris,
correctiones nostras & conjecturas in oppositis oris apposuimus; & vix puto

1659. *locum ullum repertum iri, ex quo non feliciter, aut probabiliter nos expedire-
rimus. Sciat autem Lector, cum priora aliquot capita Paraphraseos pa-
rum aut nihil ab Enchiridio differant, ne, quod ajunt, in mustaceo laureo-
lam; libenter fecisse nos, ut Wolsii, viri doctissimi, & harum rerum intel-
ligentissimi, versionem retineremus. Ubi res aliter suavit, redditâ in ple-
risque facti ratione, aliter observasse.*

MERICI CASAUBONI N O T Æ

in hoc Distichon:

Δὲλ· Εὐπρίητ· γινώμω, καὶ σὺν ἀνάπτω,
καὶ πνίω ἱρ· καὶ φίλ· ἀθανάτω.

1659. **S**ive Epictetus (ut olim credidit Aulus Gellius) sive alius est Auctor, planè divina sententia est, quæ ex intima tum Veteris, tum Novi Testamenti Philosophia prompta videri possit; adeò certè supra vulgarem sensum & saporem, ut pauci sint Christiani, quorum fides ad istam sublimitatem pervenerit. Formula erat antiquis Ethnicis usitatissima, si quis fortunâ in tribuendis, quæ avidè inbiant homines, indulgentiore frueretur; sed præcipuè si cui in dubiæ aleæ conatibus & inceptis, sive per se laudabilibus, sive secus, res pro voto cederet; ut eum φίλος esse πῶς τοῖς, id est, Diis charum & dilectum prædicarent. Hoc tum ex aliis passim, tum ex Homero discamus eximie, cui tam solemne est ita loqui, ut ex ipso manasse videri possit. Hinc miratur extremâ Odysseâ Achilles, Agamemnonem Regem, quem οἱ φίλοι ἔμμεναι crediderant, (φάμεν apud Homerum elegantissimè) acerbâ & cruentâ morte periisse: & alibi Penelope maritum Ulyssem Deo exosum esse colligit, quia reditu in patriam longis erroribus prohiberetur. Ipse Ulysses, à subulco suo lautè acceptus, vicissim optat illi, ut οἱ φίλοι sit; bonorum scilicet, quæ vulgò nuncupantur, optat illi copiam; quod & ex Eumæi responsione satis liquet. Odys. ζ. Nausicaa, Regis Phæacum filia, mortales ullos adeò fortes aut feroces usquam reperiri negat, qui terram Phæacum bello laceffere audeant, μάλα γὰρ φίλοι ἀθανάτων. Hinc etiam illud Poëtæ Latini, de quodam in amore suo præter expectationem felici; Solus es, quem Dii diligunt. Sed insignia in hanc rem Ciceronis in Oratione pro L. Flaco, de Judæis verba: Quàm chara Diis immortalibus (inquit) gens esset, docuit quod est victa, quod elocata, quod serva. Planè ut hodierni demagogi, concionatores & politici, quorum pietas isto maximè (τὸ χρημῆς) tibicine nititur; per quos non stabit, opinor, quin ad Mahumedanos ocyus (quibus est commodum) transeant, qui longè plura & insigniora (ut jam non uni observatum) in hoc genere jactare possunt, quàm (si miraculosa Veteris Testamenti omittamus) quævis alia gens potest.

Huic igitur vesanæ hominum opinioni, quæ veræ pietati nihil perniciosius, ut contraheret Epictetus, & suo exemplo ad saniora de nobis ipsis alijsve judicia præiret; generosam hanc de sua fide professionem edidit: Servum se natum; (quæ vilissima in terris conditio) corpore quoque (cujus charitas omnibus maxima innata est) mutilatum fuisse; sed & egenum (ne quid mali deesset) ad mendicitatem usque: in hac tamen tam miserabili, tam vili

(f)

(*si hominum judicia spectentur*) conditione, tantum abesse ut à Diis negle- 1659.
ctum se crederet, aut de amore ipsorum & charitate non dubitaret. O vi-
rum! ò sententiam dignam quæ cordibus omnium, qui ad veram beatitu-
dinem & æternas sedes adspirant, inscribatur; & memoriæ præsens sem-
per obversetur. Jam dixi, sensum verborum ex intima Sacri Voluminis
Philosophia promptum videri posse. Sed & verba non uno loco non dissimi-
lia: qualia Davidis ista: ואני עני ואביו ארני יהוה Psalm. 40. vers. ult. quæ re-
centior Interpres haud male: Sum quidem pauper & egenus; sed Deus co-
gitat de me: quem recentior & accuratior Anglica versio secuta; But I am
poor and needy; yet the Lord thinketh upon me. Belg. Ik ben wel ellen-
dig ende nooddruftig; maar de Heere denkt aan my.

Observavi non paucos in Dultichi hujus scopo longius aberrare. Flor.
Christianus (vir aliàs in istis incomparabilis) non adeo feliciter hic:

Servus Epictetus, Diis charus, pauper ut Irus;
Quin & parte aliquâ corporis orbus eram.

Melius, sive is Politianus, sive alius, qui servato verborum ordine, qui
magnum hic habet momentum, vertit:

Servus Epictetus; mutilati corporis; Irus
Pauper: at hæc inter charus eram superis.

Longissimè illi à sensu abeunt, qui nescio quam jactationem in verbis
ariolantur, modestiæ Philosophi minus convenientem. Sed hæc hæc.

P R Æ F A T I O

IN NOTAS

DIOGENIS LAERTII,

editas anno 1664.

LECTORI SALUTEM.

Quæ tibi hic in Diogenem Laërtium à nobis offeruntur, amice Le- 1664.
Flor, tertius hic annus agitur, cum scripta & descripta pleraque
omnia, urgente tum Typographo, quasi mox extrudenda. Mutato
dein, ut res ipsa docuit, consilio; primò Aldobrandini, publicatæ dudum,
sed à multis, ob raritatem exemplariorum desideratæ, Annotationes; &
post illas, Menagii, viri clarissimi & doctissimi, prolixæ, & laboriosæ,
bone Deus! Observationes prælo subjectæ. Nova interim hic rerum facies;
& qui vi & armis de propriis sedibus exturbati, ad sua possliminiò, tanto
intervallo, redeuntibus undique, novæ curæ subiere. Mihi certè vix aliàs
longius ab his studiis dissidium; quæ tamen ipsa ætas & diuturna valetudo
propè jam excusserat. Sed ecce tibi, dum propriæ Spartæ ornandæ vires
ægrè sufficiunt, vellit aurem Typographus, aut Bibliopola potius, & opus ad
umbilicum tendere, semel iterumque monet; fidem meam testatur, ne
quid detrimenti meâ vel cunctatione, vel frustratione patiatur. Ego con-
trà; quæ meæ nunc partes essent, nisi visis prius doctissimi viri Observatio-
nibus,

1664. nibus, ignorare me, Lectoris interesse; sed & à me cautum semper quàm potui diligentissimè, ne actum agerem; præterea ad exislimationem meam pertinere, ne sublestæ fidei suspicionem (si cui mores nostri ignoti) subiremus, si quid in nostris deprehenderetur, quod alii, quos adhibuisse nos in consilium, quando hîc liber excudebatur, omnes credituri essent, occupassent. Facile homini intelligenti persuasi. Hoc igitur ingenuè profiteor, antè quàm tantò ante scripta recognoscere aggrederer, visas mihi doctissimi viri ad decimum usque librum, qui Epicuri vitam complectitur, (neque enim nos ultra pergimus) Observationes, visas illis, pauca quadam, quæ prius scripseramus, induxisse; sed multò plura (quæ tamen omnia mole paucula) addidisse, occasione sumptâ, vel ex silentio viri doctissimi ubi res ipsa aliter exigere, in tanta præcipue diligentia, videbatur: vel quia de quibusdam aliter ipse sentiebam, quàm vel ille, vel quos ille passim laudat & exhibet, viri doctissimi. Penitus insedit dudum animo meo illud Ciceronis: Quid enim laboro, nisi ut veritas in omni quæstione explicetur? Qui ita sunt affecti, non est quod metuamus, ne susceptæ pro veritate dissensiones, eâ lege, ut si fallimur ipsi, magnas gratias certiora docentibus habituri simus; illos, aut illorum quenquam sint offensuræ. Sed est præterea quod te volo, Lector. Quod beatæ memoriæ parens Isaacus Casaubonus in Epistola ad Lectorem Notarum suarum ad Diogenem, instituti & propè jam affecti Commentarii meminit, ut serîo ab illo tum dictum, nullus dubito: ita frustrâ fuerit qui inde concludat, aliquid ipsum scripto complexum esse, quod Commentarii speciem, vel specimen exhiberet. Ita enim illi solemne, ut quæ semel animo meditata, & quasi delineata habebat; quorum indicia, notulas sibi plerumque proprias, aut *σημειώσεις*, ad oras librorum apposuerat; quia minimo, si res ita ferret, negotio depromere & stylo contexere poterat; de iis, ut paratis & affectis, (verè ille & sincerè, multo usu confirmatus) loqueretur: Mihi certè nihil hujus generis unquam visum, præter ea, quæ Codici Editionis Stephaniæ cum cura legens, adscripserat: quæ pleraque postea in Notas, quæ sunt editæ, relata. Si quid in eo codice præterea nobis repertum, quod adverti mereretur, ejus Lectorem nostrum, Auctore nominato, participem fecimus. Ipsum certè Codicem non unus jam vir doctus in sua potestate habuit; sed unus præ ceteris nobis hîc nominandus, Joannes Pearsonus, magnifici illius Collegii Sanctæ Trinitatis Cantabrigiæ, præpositus dignissimus, nobis semper amicissimus. Vale.

DISSERTATIO PRÆLIMINARIS,

de Editione Romana & Versione Aldobrandiniana

DIOGENIS LAERTII.

1664. **D**iogenem Laërtium de Vitis, &c. & suo nomine (magis tamen ab argumento, quàm Scriptoris diligentia) & paternis in illum lucubrationibus nobis commendatissimum, juvenes olim satis accuratè legeramus, & inter legendum non pauca ad difficiliore aliquot locos, Interpreti non intellectos, pro more ad proprios usus notaveramus; aliis quoque, si quando ferret occasio (qui non ultimus studiorum nostrorum finis) impertienda. Eorum specimen nostræ in Antoninum De se ipso Notæ dudum exhibuerunt.

Romana

Romana editio, Thomâ Aldobrandino Interprete, ne fando quidem nobis 1664. tum audita. Multis post annis, cum res hîc jam versæ, & nos (dum pejus naufragium metuimus) ἀνέστη facti sumus; tum demum, dubito an in Anglia antè visam, in Bibliopoliis semel & iterum oculis usurpare contigit; qua tempore de propria & pristina supellectile libri si qui supererant, cum nullis esset nobis illorum usus; de novis comparandis non erat quod cogitaremus. Nuper adèd qui nostram quoque ad novam Diogenis Laërtii editionem Londini curatam, symbolam, opere jam, ut ipsi dicebant, affecto, rogabant, factum est illorum operâ, ut Romanam istam editionem adipisceremur; cum nisi illâ consultâ, quid nobis relictum esset, ne actum scilicet imprudentes ageremus, intelligere nequiremus. Paullò post, longinqui ab omnibus turbis & tumultu, in prædiis Cottonianis, secessûs opportunitate factâ; nihil prius habuimus, quam ut Diogenem Laërtium relegeremus; nostram editionem cum Romana contenderemus; & quod ex hac seu relectione, seu collatione ad publicos usus commodum se nobis offerebat, quantum aliorum librorum ad hoc opus idoneorum præsidio desitutis licebat, & præscripti temporis ratio permittebat, id sublegeremus, & (hinc ista) notaremus. Sed priusquam singulares locos, quos proponimus nobis, aggredimur, plurimum Lectoris interesse putamus, ut quid universim de Romana ista editione, & Aldobrandiniana versione nunc experti, judicandum habeamus, paucis indicemus. Res invidiosa, fateor, censura omnis est; & ad odium potius, quàm benevolentiam comparata; sed invidiam compensabit utilitas; & sic spero veritati litaturos nos, ut candorem nemo æquus desideraturus sit. Hoc igitur, quod ex ista nostra collatione didicimus, esto primum, Romanam editionem Græci textûs Laërtiani hujus operis, sed & ejusdem textûs versionem Aldobrandinianam, vulgato aliarum editionum textui, & aliorum, quæ circumferuntur, versionibus longè antistare, & optimo consilio, ad novæ hujus editionis apparatus, utrumque, tum textum Romanæ editionis, tum versionem, quæ illi juncta est, omnibus aliis prælatam. De textu, ex variarum lectionum collectione, cuius in his paullo versato satis liquebit. De Versione, ex collatione, si quis id agat vel perfunctoriè, adèd crebri sunt, & ubique ferè obvii loci, in quibus priores Interpretes impegerunt, qui hîc doctè & fideliter redditi sunt. Sed hoc fortassè judicio nostro, seu testimonio, quod ita plerisque jam persuasum sit, Lector minus indigebat. Quod igitur plerisque fortassè præter expectationem magis erit, & ut dicatur, magis idèd necessarium, hoc est; non textum tantum Romanæ editionis mutilum, aut mendosum interdum esse, ubi integrum exhibent vulgatiores editiones; sed & versionem tot locis, etiam ubi nulla dubitandi causa, vitiosam, puerilem, ridiculam: ut Aldobrandinum in Aldobrandino requiramus, & ægrè mihi persuadeam ab illo proficisci potuisse, qui præter multiplicem in his literis eruditionem, non vulgarem quoque sermonis Græci peritiâ locis difficillimis prodât ac præstet. Cum igitur Aldobrandinus diu antè, quàm hæc in lucem prodirent, vivere desisset, sed & opus imperfectum reliquisset, ex Annotationibus non perfectis appareat; quod aliquis inde colligat, excusari debere, si quid aliter quàm debuit, & res ipsa postulabat, in opere posthumo reperiat; & correcturum illum fuisse, si per mortem licuisset, nos hoc quidem libentissimè admittimus, & longè ab eo animo absumus, ut doctissimi viri meritis, versionis ipsius (si tamen ipsius) culpis observandis, quicquam detractum velimus. Non idèd tamen suspicioni nostræ loci minus relictum, fieri potuisse, ut in tot annorum spatio, illorum imperitiâ, quibus editio commissa, aliqua mutatio interveniret; aut etiam quasi emendatio, aut con-

1664. summatio: qui putarent scilicet, si quæ in Aldobrandini versione biare, aut aliquo vitio laborare visa sunt, ea se supplere, aut expolire: quæ verius depravabant. Cujus rei exemplum habemus, Ambrosianam, id est, veterem hujus libri versionem; quam dum corrigere se putant, & profitentur scioli, tot locis, ut à non uno verè observatum est, corruerunt. Sed & nuper notatus nobis nescio quis, hujus farinae ac confidentiæ magistellus Parisiensis, qui accuratiorem Enchiridii Epicteti versionem promittens, ubicunque Wolphium, virum doctissimum, non intelligebat, toties fœdissime depravavit. Sed quicquid hujus sit, seu passa est aliquid ab aliena manu hæc versio, sive secus; hoc modo constet, nihil ad Aldobrandini reprehensionem pertinere, quæ in posthuma ejus versionis editione, cui postrema manus ab Authore imposita non fuerat, peccata reperiuntur; at ad illos interim non parum pertinere, qui usuri sunt, ut illam talem, cui semper fidere, & in qua securi possint acquiescere, non esse, certò intelligant, non opinor sine causa credidimus. Sed & ad illorum quoque stultitiam arguendam eadem operâ proderit, qui neglecto linguarum studio, dum toti pendent à versionibus; (si accuratiores aliquot, unam aut alteram de multis excipias) non intelligunt se persapè operam ludere, ut qui nihil minùs quod se putant legere, & quod titulus præfert, legant. Quod ne gratis nobis credi posulemus, id nunc nobis incumbit scilicet, ut insignioribus aliquot de multis exemplis, ita rem habere ostendamus. Talia autem erunt omnia, quæ proferemus, ut nulla in iis aut Græci textûs (saltem qualem præferunt editi libri) depravatio; aut præcipua verborum Græcorum obscuritas obtendi possit. Quæcunque hujus generis observata nobis, Notis reservata sunt. Talia, inquam, quæ hic proferemus omnia, ut ne Ambrosius quidem, nisi in paucis, impeggerit.

Lib. I. Sect. 36. Thales consultus ab adultero, an in judicio crimen abjurare sibi liceret, ut penam perjurio evaderet; graviter & acutè simul respondit, ὅδ' ἥτοι μὲν ἄλλας ἐπεκρία: Non pejus esse perjurium adulterio: hominis malefani præposteram religionem sugillans, (ut sunt inter nos plurimi, sacrilegiis ac rapinis avidissime inbiantes, qui tamen in minoris momenti rebus rigidi videri volunt, & pietatis laudem affectant) qui cum adulterium sine scrupulo committeret, super perjurio tamen, quasi Deum timens, scrupulosus erat. Aldobrandini versio, mutatâ syntaxi verborum, & omni sententiæ acumine oblitterato: Non minùs peccare, qui pejeraret, quàm qui adulteraretur.

Lib. I. sect. 109. ait Laërtius de Epimenide: Ἡρὲς τὸ γένος ἀπὸ Κιόων, καὶ ἦτορ τῆς κοίτης τὸ εἶδος παραλλάσσων. Verba Græca clarissima, de longiore coma. Mirabar unde illud in Aldobrandini versione, habitatione vici; & in Ambrosio pariter, ex vici natura: sed ita doctis viris placere, reperi postea, Ambrosium (ut & Aldobrandinum, probabile est, utut Romana editio aliter exhibeat) in Codice suo reperisse: καὶ ἦτορ τῆς κοίτης: nisi tamen ita potius, qui veram lectionem non intelligerent, legendum ipsi credidere.

In Æschine (lib. II. sect. 62.) πάντα δὲ αὐτὰ λέγειν Σωκράτην, ἐπιδήμιον ἐπίζητον πένιαν, παρ' ἑαυτὸν δανείζεσθαι, τῶν στίων ὑφαίρωντα. Ita planè & Romana editio hæc representat: Sequitur autem, τὰς τὰς διαλέγας, &c. quæ sunt alterius periodi, & sententiæ. Ambrosius non male: Ajunt illi dixisse Socratem cum premeretur inopiâ, ut à seipso usuras exigeret, (solitos autem ad usuras confugere, qui paupertate premerentur, alibi quoque in his vitis docemur) sibi subducendo cibaria. Quò pertinet & vetus verbum: Parsimonia magnum vectigal. Aldobrandini versio mera portenta: Ferunt ei Socratem dixisse, quando-

quandoquidem valdè egeret, ut subductis suis dialogis, inde sibi cibaria mu- 1664.
tuareretur; quod Aristippus suspicatus est.

Lib. II. sect. 91. τὸν φίλον τῆς χρείας ἕνεκα · καὶ γὰρ μὴ σῶμα, μέχρις ἀν-
παρῆ, ἀσπείζονται. Amicum utilitatis causâ comparandum: *vel*, Omnem ami-
citiâ (quod multis refellunt Peripatetici, alique) ad utilitatem referen-
dam. Nam & membrum corporis, quamdiu totius corporis usibus aptum
est, charum esse: ubi cesset utilitas (puta, si fideratum, vel alio quo casu
emortuum) exscindi; aut sanè reliquo corpori grave esse. Aut si mavis,
semel amputatum, & jam inutile, abjici. Aristippi sententia, ut in ejus
Vita legimus. Posterius hoc membrum ex priore ita supplendum, nemo
non videt. Ambrosius hîc quoque non male: Amicum necessitatis causâ
amplectendum. Nam & corporis partes, quamdiu adsunt, adamari. Al-
dobrandinus autem: Amicum utilitatis causâ adjungi; nam & pars totum
corpus, quamdiu incolume fuerit, amplexatur.

Decantatissimum illud in Philosophorum scholis, sapientem neminem odif-
se: neminem enim alii inimicum, nisi qui errore mentis deceptus, ita sibi
credat expedire; vel qui aliquâ injuriâ se provocatum censeat. Officium
igitur boni viri esse, eum non odisse, qui invitatus erret: (errare enim &
decipi, nisi invitum neminem) sed meliora ipsum pro virili sua docere.
Antoninus Imperator, unus ante alios, & sæpius repetit, & pluribus exe-
quitur: doctissime ille certè, ut omnia, & sapientissime. Ita l. 9. inter
alia: Ὅλος δὲ ἔξιστί σοι μεταδιδάσκων τὸν πεπλανημένον. Πᾶς δὲ ὁ ἀμαρτάνων, &c. Ari-
stippus apud Diogenem paucis: τὸν σφὲν μὴ μισήσαν, μᾶλλον δὲ μεταδιδάξαν. Am-
brosius non male: Sapientem non odio quenquam habiturum, sed potius
eruditurum. Aldobrandinus autem: Neminem osurum esse sapientem, sed
potius vetera dediscere, novaque addiscere.

Plerique istorum temporum Philosophi (ut in Laërtio legimus) si, affe-
ctâ jam atate, diuturniore aliquo morbo premerentur, nè qui contemptum
mortis aliis commendaverant, ipsi vitam in tali vita nimis diligere vide-
rentur, mortem solebant occupare: si non ut mala lucri facerent; saltem
ut existimationi suæ consulerent: qui enim ita discedebant, vulgò fortes
habebantur. Sed Carneades, senio pariter & morbo diuturno confectus,
cùm tamen aversiore à morte esset animo, solebat hoc dicto se tutari:
Ἡ στήναι φύσις, καὶ διαλύσις: Quæ te coagmentavit natura, eadem dissolver.
Quod iisdem quidem verbis, sed aliâ mente (quamvis enim mortem, sive
voluntariam, sive aliam; naturæ opus & beneficium, autumabant illi)
Antoninus: Ἀποπέμπει σε ἡ ὑπαρχοῦσα φύσις — ὁ πρὸ τῆς συγκαίσεως· νῦν δὲ, τῆς
διαλύσεως αἴτιον. Idem tamen Carneades, cùm quodam tempore de genero-
sa, (ut tum credebant) id est, voluntaria (epoto veneno) Antipatri
morte ipsi relatum esset; ipse quoque hoc exemplo animatus, & subito quo-
dam quasi instinctu Numinis abreptus: Date & mihi, inquit ille; quasi
mox venenum hausturus. Dum cunctantur amici, & tandem rogant (in-
viti scilicet, & reluctantes) quid ille sibi dari postulet; Carneades, re-
mittente jam subitæ generositatis impetu, & ad ingenium rediens, εὐνίμω,
inquit; nullum scilicet, qui venenum debebat dicere: dicturus certè cre-
debatur. Quæ faceta narratio versibus non illepidis Laërtii nostri (lib.
IV. sect. 65. & 66.) materiem præbuit. Postrema autem ita habent:

καὶ ὁ μὲν οὐδὲν ἔλασσαν ἔειπεν κατὰ γῆς· ἐνὶν δὲ
τὰ πλεονεκτήματα κέρδιον ἔχοντα μολεῖν εἰς ἄστυ.

K

At

1664. At ille nihilominus sub terram abiit; qui poterat (si aliorum Philosophorum exemplo, generosa morte defunctus esset, scilicet: ita tum multi, sed repugnantibus tamen melioris notæ Philosophis non paucis) multa mala lucrificiens ad Orcum descendere. Sed & Ambrosius in hanc ferè sententiam. Aldobrandinus autem postrema ita reddit: Inerat autem plurima mala consilia habentem, proficisci ad Orcum.

Non vacat nec lubet omnia persequi, quæ sunt hujus generis. Si quis ita credat, potuisse ista, & similia ab Aldobrandino proficisci; per me credat licet. Quid tamen faciemus istis locis, ubi unius vocula ignorantio tantas sententiæ contrarietates & absurditates peperit, vix ut majores excogitari possint? De *κατὰ τὴν* veritatis, quod illud tandem sit, res una omnium scitu dignissima, & ad veram vitam maximè necessaria: de quo inter Philosophos magna opinionum varietas, & pro varietate opinionum gravissimæ contentiones. Epicurus (si tamen & illi inter veros Philosophos locus, de quo postea suo loco pluribus) *κατὰ τὴν* veritatis statuebat, *τὰς αἰσθήσεις, τὰς ἐπιθυμίας, καὶ τὴν πᾶν*. Τὰ πᾶν, in Philosophia Peripatetica, perturbationes animi (ut vertit Cicero; vel, ut interdum, perturbationes, simpliciter) plerumque significare, omnis omnino sit expers Philosophiæ oportet, qui ignorat. Inde Aristoteles alicubi verissime: *οἱ ἐν πᾶσι ὄντες, τὸ αἰσθῆναι οὐ κείνουσιν* qui perturbationibus agitantur, quod verum est in rebus videre non posse. Quis autem putaret id Epicuro, qui tantus *τῶν ἀρετῶν* laudator & assertor extitit, ut in ea potissimum suam vitam collocaret, ab Aldobrandino tribui potuisse, ut perturbationes (ita enim ibi vertit) regulam veritatis constitueret? Qui tamen quid per *τὴν πᾶν* intelligeret, tum alibi docet, tum in postrema Epistola, ubi de voluptate, inter alia, hæc habet: *καὶ ὅτι ταύτην καὶ ἀντιώμεθα, ὥς καὶ οἱ τῷ πᾶσι πάντες ἀγαθὸν κείνουσι*. ubi Aldobrandinus: Et ad hanc delabimur, omne bonum perturbatione, tanquam regulâ, judicantes. Quid audio? an quisquam tam patiens, ut ejus non refugiant aures, omne bonum in perturbatione consistere; vel perturbatione dijudicari? An. & Seneca (ut alios nunc omittam) falsus, cum dicit, Apud Epicurum duo bona sunt, ex quibus summum illud beatum componitur; ut corpus sine dolore sit; animus sine perturbatione? Est autem *τὸ πᾶν* (ut hoc obiter) in Epicuri Philosophia vox *πλῆρες*. Affectus interdum, ut Ambrosius haud male, impressio quævis in animo, ex re sensibili: interdum, quicquid accidit; eventus. Interdum etiam Epicuro *τὰ πᾶν*, passionibus corporis propriæ. Ita accipi debet, ubi ejus Placita breviter recensens Laërtius, ait eum inter alia ita sciscere: *τὸν σῶφιν μὲν πλάττειν ἰκόντα* (de istis verbis suo loco) *πᾶσι μᾶλλον συσχετίζεσθαι*. οὐκ ἂν ἱκανοὶ πρὸς τὴν φιλοσοφίαν. id est, Malis (seu passionibus corporis) tantò magis contineri, & in ordinem cogi; nec illa obstare sapientiæ. Quò pertinet quod paullo post, *καὶ στρεβλωθῇ δ' ὁ σῶφιν, ἅναι αὐτὴν εὐδαιμόνεια*. sapientem etiam si torqueatur, (vel in mediis tormentis) beatum tamen esse. Longè aliter de prioribus istis verbis viros doctissimos judicasse, non ignoramus; quorum rationes suo loco expenduntur. Sed Aldobrandinus infelicissime: Sapientem perturbationibus majoribus opprimi; id verò sapientiam minimè impedire posse. Profectò mirificis, præter alias, hæc Epicuri Vita scatet hallucinationibus, (ut suo loco dicturi sumus) etiam ubi Græca (quod in hac Vita rarum) labe carent. Unicum asseram locum, qui mihi erat ante oculos, cum hanc de verbo *πᾶν* observationem aggressus sum. Ibi enim præcedebant ista: *τὴν διαλεκτικὴν ὡς παρέλκουσιν ἀποδιδιμάζουσι*. ἀρκούν γὰρ πῶς
- Φουκίδης

Φωτισμός χωρεῖν κατὰ τοὺς τῶν πραγμάτων φθόγγους: Dialecticam (aut differendi potius artem; maximè generali, ut tum usurpabant, notione) mutilam esse: sufficere enim, ut naturales soni, pro rerum ipsarum, quæ se offerunt, natura procedant. Hæc Epicurus ipse in sequente Epistola latè prosequitur, ut nullum omnino dubitandi locum cuiquam relinquat, & præterea pertinent hæc ad nobilem illam de verborum origine, φύσις sint illa, ἀνθρώπων, (de qua Epicurus in Epistola) controversiam: de qua agens in Noctibus suis Aulus Gellius, hæc habet inter alia: Nam sicuti cùm adnuimus, aut abnuimus, motus ille quidam vel capitis, vel oculorum, à natura rei, quam significat, non abhorret: (χωρεῖν κατὰ τὰ πράγματα) ita in vocibus, quasi gestus quidam oris & spiritus naturalis est. Quid igitur sibi volebat Aldobrandinus, cùm ita vertebat? Dialecticam ut supervacaneam repudiant. Physicos enim vocibus uti, satis est. Saltem, si Physicis, pro Physicos, dixisset, aliquantò tolerabilius. Et potest, ut ille ita scripserit. Ita tamen & vetus ante illum Interpretes Ambrosius: (qui fortasse & illum in errorem induxit) Possent enim Physicos abundè simplicibus & propriis rerum vocabulis agere. Sed quid miramur istos? Gassendus etiam, tam studiosus sensuum Epicuri indagator, & interpretes; ad eundem lapidem, tum in versione Vitæ Epicuri (ab ipso, dicam; ita mirificè interpolata est, à Laërtio; sed quam Laërtius non agnosceret, conscriptæ?) tum etiam in Animadversionibus, impegit. Aded illi quidem memoriâ prorsus exciderant, tum quæ alibi super hoc argumento legerat; sed præcipuè apud Platonem, in accuratissimo περὶ ὀνομάτων ἐρμηνείας tractatu, seu Dialogo.

De versione hætenus. Romanæ editionis textus Græcus, ut plurimum melior, & minùs corruptus. Est tamen ubi vulgatarum editionum lectio, longè præferenda: est, ubi Romanus textus, vel deficiens, vel corruptus, Interpreti fraudi fuit; ubi ex vulgatis editionibus vel suppleri, vel corrigi debeat. Copiam exemplorum suppeditabunt variæ lectiones. Nos uno aut altero hic erimus contenti. In Epitaphio Pittaci longè abit à vulgatis Romana editio:

Οἱ κείνοι δακρύοις λιγαινόμεν, ἢ καταλαίει
 Ἐν γυναικὶ Πίττακος ἡδ' ἱερὰ Λέσῳ.

Sed haud dubium, quin quod exhibent priores editiones, (Stephan. anno Dom. 1570. Græco-Lat. anno Dom. 1616. quæ mea editio) Οἱ κείνοι δακρύοις ἀγυιαινόμεν (in Græco-Latina edit. errore typothetarum malè ista coaluerunt) καλαγάπῃ, &c. verum sit.

In secundo autem versu (ut hoc obiter dicam) quicquam mutare velle, vereor ne sit πρὸς ἀκρίβητα κινεῖν. Multa enim in veteribus Inscriptionibus, quæ idiotismum, & ignorantiam sapiunt; quales sæpe Auctores, homines idiotæ & illiterati. Talis illa Ardeatum apud Plinium Naturalis Historiæ lib. xxxv. cap. 10.

Dignis dicta loca picturis condecoravit:

Reginæ Junonis supremæ conjugis templum, &c.

Ubi tamen Boissardus in Inscriptionibus, Dignè doctiloqueis, pro, Dignis digna loca, exhibet: nec dubito quin ita repererit in vetere lapide; sed minoris tamen, quàm prima Inscripção, vetustatis. Ibi quoque alia ejusdem farinae & ævi: & memini judicium Arriani quodam loco, οὐκ ἄξιον μνήμης τὸ ἐπιγράμμα. quod de multis æquè verum; quæ sola antiquitas, magna intelli-

1664. gentibus illecebra, commendat. Fortasse vox αἰ, aut similis alia, (ὡς A. αἰ) deest, ad explendum versum.

In Menedemo, (lib. II. sect. 126.) λόγον ἀναστήσας, nullo sensu, & metro reclamante. Priores editiones rectissime: ἄλλον ἀίας. Eodem versu, Sambuci editio, ἰφευώμ. quod & versus requirit.

In Platone, (lib. III. sect. 14.) ὅς τις δίκαια (pro δὲ καὶ διῳισμῶ) εὐδὴ μαλὴν τῆς, ἀναδὲς ἢ δὴ γίνετ. in scriptura leve peccatum, nec dignum alioquin quod animadverteretur; sed ex levi scripturae vitio, maxima versionis hallucinatio: Quisquis decem sciverit, &c. Ambrosius in suis Codicibus quid repererit, (quamquam facilis ex omissione duntaxat intervalli, lapsus non intelligentibus librariis) ex versione liquet: Quisquis illud didicerit, &c.

In Zenone, (lib. VII. sect. 113.) de Amore: ἔτι γὰρ ἐπιβλή Φιλοποιίας: ita exhibet Romana editio, quod & Aldobrandinus in versione sequitur. Priores editiones, ἐπιβλή Φιλοποιίας: quod ratio suadet, & Ciceronis evincit interpretatio, quam profert in Notis ad alterum similem locum, Græco-Latinae editionis pag. 516. beatæ memoriæ parens. Hæc & id genus alia multa cum cogito, dubitare subiit, an priorum editionum vel versionum ulla Aldobrandino unquam visa. Stephanicam ille quidem, & quæ Stephanicæ posteriores, xxx. antè vitâ functus annis, videre non potuit. De prioribus autem, quod ego dicam, quia nullæ mihi visæ, non habeo. Quantum tamen ex doctorum virorum annotationibus colligere licet, non multum illæ à posterioribus diversæ. Sed en tibi, Lector, unum de multis diversæ lectionis illustre exemplum, ex quo vanam non esse nostram suspensionem, & ipse fortasse dices. De Deo, more suo Epicurus: (lib. X. sect. 77.) οὐ συμφωνοῦσι πραγμάτων καὶ φρονήσεις, καὶ ὄργαι, καὶ χάρις μακαριότητι, ἀλλ' ἀδυνία καὶ φόβος, καὶ προσδοίεσι τῶν πλεόντων πάντα γίνεται. Sequitur in vulgatis editionibus: μήν αὖ περ ἅμα ὄντα συνεστραμμένα, τὴν μακαριότητα κεκτημένα, καὶ βάλαν πᾶς κινήσεις πάντας λαμβάνει. Quis, quæso, cui de Divinitate Sphærarum (quam asserunt & doctorum Judæorum principes) & intelligentiis Aristotelicis quicquam unquam auditum; dubitet de veritate hujus lectionis? Nihil enim ad sententiam & coherentiam verborum aptius, ne cogitari quidem potuit: si tamen modica correctio (quam nos in Notis pluribus adstruimus) interveniat: ut pro πᾶς ἅμα, πᾶς ἅμα. & pro λαμβάνειν, λαμβάνει restituamus. Amplius dicam. Locum profert, sed & exagitat ex Aristotele Cicero, (aut verbis potius Ciceronis Vellejus Epicureus) qui magnam habet cum his verbis cognationem, ut eò respexisse Epicurum probabile sit, ut suo loco videbimus. Ambrosius Interpres ex depravata lectione sensum qualemcunque saltem, qui à vero non planè alienus esset, elicit. At Romana editio & versio: μήν αὖ λυπερὴ ἅμα ὄντα συνεστραμμένην τὴν μακαριότητα κεκτημένα, καὶ βάλ. πᾶς κιν. πάντας λαμβάνει. Neque rursus hæc molesta cum sint, perturbatam beatitudinem possidentia, hos ipsos motus voluntate suscipere. Utrumque quàm infelicitè? Sed hic quoque Gassendus, Vir clarissimus, (quod non obrectandi aut reprehendendi libidine à me dicitur: sed ut Lector veri studiosus monitus caveat) tum in Versione, tum in Animadversionibus, pessimè defunctus est.

Hæc de Romana editione, & Aldobrandiniana versione, quæ Lectorem non ignorare, non parum ipsius interesse credidi, præfati: ad Notas nunc progrediemur eâ ratione & consilio, ut nos brevitati studuisse, & delectum habuisse, Lector intelligens facile percepturus sit.

P R Æ F A T I O

IN NOTAS

P O L Y B I I,

editas anno 1670.

QUUM multa & varia sint illa, quæ beatæ memoriæ Pater, ISAAC-1670.
 CUS CASAUBONUS, à prima juventute, constanti porro labore,
 & vigente ingenio per multorum annorum, ad supremum usque vitæ
 diem, curriculum in literis humanioribus præstitit ac publica fecit; sed
 nec illa multò pauciora, si non & plura, quæ magno labore, ex omni
 scriptorum genere congesta in Adversariis suis, non magno labore (ut mos
 erat ipsius) contexere, & digerere, ut perfectæ exirent, potuit, si vitam
 otiumque i. m. & n. suffecisset: nihil tamen est in hoc politioris literaturæ
 genere, quod majore unquam molimine & quodpiam suscepit, quàm Poly-
 bii novâ post minus felices aliorum conatus versione promulgandus, &
 amplis illustrandus Commentariis: ut pleraque, quæ antea publicaverat &
 nomen illi non inglorium pepererant, præ isto, (perfecisset modo, quod in-
 stituerat & inchoaverat) opere, πύργῳ ipsius censeretur merito potuerint.
 Et de Versione quidem quia ea pridem publicata est, & multorum elogiis
 celebrata, non est quod multis hic agamus. Quò quis erit Græcæ linguae
 peritior; (quales superior ætas tulit non sanè multos, sed ista multò pau-
 ciores) & in obscurissimis istius linguae Scriptoribus, sive Poëtis, sive aliis,
 noctesque diesque laborando periculum suarum virium sæpius fecerit: qui
 longo usu & assiduâ lectione, quid in quoque rarum & reconditum; quid
 præter aliorum communemque adeò consuetudinem seu verbis singulis, seu
 compositione, cuique proprium & peculiare, (qualia in uno Polybio tam
 multa, quàm multa vix in pluribus, ne dicam omnibus aliis simul sum-
 ptis) statim ut ad aures accidit, non fallente judicio dijudicare potest: quò
 quis, inquam, magis talis est; tantò ille facilius de hac versione pro me-
 rito ipsius judicet. Qui non ad istum gradum eruditionis istius pervene-
 runt, eò tamen pervenerunt, ut sint istius linguae, à qua ferè pendet so-
 lidior omnis eruditio, in primis studiosi; illis ego dabo consilium, cujus
 ausim fructum ipsis non mediocrem, naviter expertis ac defunctis, polli-
 ceri. Græcum Polybii textum lecturi, adhibeant utramque & Parentis
 & Perotti versionem. Jam illud cùm certum sit, Perottum Latine linguae
 peritiâ, sed & elegantia & puritate sermonis inter paucos excelluisse, ut
 ejus versio non hujus ætatis fœtus, sed pristini temporis & Latinitatis opus
 ob excellentiam sermonis à multis judicata sit: hoc igitur, ut ab eo inci-
 piamus, quantæ, quæso, (cultioris sermonis planè non experti & incu-
 rioso) voluptatis, tam nobile par, tantis in isto genere dotibus præditos
 quasi commisisse, & agonothetæ munus sibi imponentem, per singulas ire
 periodos, & prout utervis mereri videbitur, huic interdum, interdum illi
 purissimi & elegantissimi sermonis palmam suo judicio tribuere? interdum
 verò, quod in arena contingebat interdum, (unde illud Poëta:

Cùm duo pugnarent, victor uterque fuit)

L

ancipiti

1670. ancipiti iudicii lance, palmam utrique decernere; aut de palma, prout ipse maluerit, quod & olim facilitatum, bieram facere: seu ut Polybius ipse loquitur, invicto utroque pugile, ἢ ἡνίκά τις ἐπείγει?

Sed hoc etsi non parvum, & quod ad profectum Latini sermonis momentum habere queat vel maximum, nihil tamen ad Græcam linguam, & Polybiam contextus obscuritates & salebras, de quibus nobis hic præcipue sermo. Ad illas autem deprehendendas (tyrones alloquimur) & intelligendas, nulla paratior & expeditior via, quam versionum priorum (sive Perottus fuerit, sive alius) cum versione & παραπλήσις diligens collatio. Ita enim plerumque usu veniet attentius ista contententi & comparanti, ut ubicunque major aliqua difficultas in verbis, & dignus vindice nodus, ibi mirum quantum versiones non in verbis tantum, sed in re & sententia discrepent; aut certe, (quod Perotto solemne est) deficient priores versiones, & mero silentio, quasi deserto vadimonio, defungantur. Mihi certe ita contigit (neque enim me paucis illis accenseri posulem, qui per se possunt ista dijudicare) ut quamvis de hac Parentis opera jam antè non unâ ratione adductus, sentirem magnificè; multò tamen admirarer magis, postquam ad aliorum quoque versiones exigere nescio quæ sive curiositas impulit, sive diligentia.

Sed jam ad Commentarios veniamus. Mirabitur fortasse Lector Polybii studiosus, & indignabitur: promam tamen ego libere recurrentis identidem animi mei cogitationes. Partim enim intuentem me non semel, sed & animo meo partim complectentem cum admiratione suscepti à Parente in Commentariis istis operis ἡμετέρας & παλαιάς, & infinitam illum undique congestorum, quam reliquit in Adversariis suis, apparatus molem; non semel optare contigit, ut versione contentus, nunquam illi commentandi Polybii venisset in mentem; non eâ saltem ratione commentandi, quam ipse sibi proposuerat. Nam si hoc solum spectasset ἡ παραπλήσις, ut quicquid apud Polybium vel in verbis, vel sententiis obscurius erat, (cujus generis satis ampla apud illum seges) id ita plenè in Commentariis suis explicaret, ut vel à tyronibus cum facilitate legi posset: si quicquid in militia vel Græca, vel Romana, (cui peculiarem librum dicavit Polybius) sive terrestri, sive navali, adhuc involutum, indictum, inexplicabile remanebat, id & verbis & figuris ob oculos ita poneret, ut omnia vel tardissimis & caligantibus essent planissima: si præliorum, quæ describit Polybius; omnium qui fuerunt, opinor, Historicorum in istis accuratissimi, ut qui non Scriptor tantum & Philosophus insignis; sed miles etiam ipse strenuus, & nobilissimorum, quos ætas illa, fortasse aut alia quævis vidit, Ducum & Imperatorum comes diu fuerit) si præliorum, inquam, Polybio narratorum & descriptorum perfectissimas ἐκτάξεις edidisse, & Lectores in rem præsentem, ut instructas acies, & pugnas, & fugas, & strages oculis etiam suis cernerent, deduxisse: si hoc denique, ut artem quasi quandam (ut ipse in Epistola Dedicatoria loquitur) rerum gerendarum studiosis, qui ad negotia sese parant, traderet; quò præcipue spectasse videntur ex præstantissimis Historiographis collectæ Observationes militares & politica, quas in Adversariis suis ad 500. jam & amplius capita perduxerat: si hoc, inquam, solum spectasset, & id sibi pensi datum credidisset ἡ παραπλήσις, dudum poterant isti Commentarii tam multorum votis expetiti, in lucem prodire, & Lectoris, opinor, καὶ τῶν ἄλλων καὶ τῶν ἐν τῇ πόλει καὶ ἐν τῇ οὐκ ἐν τῇ πόλει expectationi satisfacisse. Sed aliud erat, quod Pater animo suo agitabat & conceperat. Nam præter militiæ veteris Græcæ & Romanæ, sed & aliarum gentium expli-

cationem;

tationem; præsentis etiam cum vetere perfectissimam comparationem, & 1670.
 quæ utrobique comparata, quæ in ætate ostendere instituerat: nec contentus
 præliis à Polybio descriptis; nobiliores omnes ab omnibus (qui notæ saltem
 alicujus fuerint) ætatum ac nationum quarumcunque Historicis descriptas
 pugnas accuratè expendere: & quia id præcipuè in descriptionibus suis, imò
 in omni narratione Polybio propositum fuit, (ut nos in priore Præfatione plu-
 ribus ostendimus) nihil ut miraremur; sed causas eorum, quæ sive expectata,
 sive inexpectata, suis & anterioribus per aliquot sæcula temporibus contigerant,
 exponeret: Parens itidem, quæ variorum in omni vetere vel recentiore Histo-
 ria bellicorum eventuum causæ, propiores, aut remotiores, inquirere; omnia
 denique, quæ ubique ex causis occultioribus maximè mira viderentur, ad re-
 gulas & observationes Polybianas exigere; omnia stratagematum exempla,
 mysteria, arcana, cautiones; inventorum causas, & inveniendorum fon-
 tes, indagare, pandere: nihil denique in tota re militari tam arduum,
 tam occultum esse (quantum humanâ mente, & sagacitate provideri po-
 tuit) & reconditum, quod his ille Commentariis non executurus & exposi-
 turus esset. Hac igitur mente, cum nullam finem faceret tam veteres
 quàm novos qualescunque Scriptores Historicos perlegendi; cum libros omnes
 de re militari scriptos, aut ad rem militarem quoquo modo pertinentes,
 Gallicos, Italicos, Germanicos, Anglicos, aliosque undique conquireret; cum
 semper in hac acriter intento novum aliquid se offerret, quo suos Commen-
 tarios, suas Observationes, auctiores, & consummatiores faceret; quod nota-
 ret, quod exciperet, quod inquireret: ut mirum non est, si diu parturiendum
 fuerit, quod tantâ mole, tanto molimine susceptum fuerat; ita quis non
 doleat, istam tam miram & insolentem animi & propositi magnitudinem,
 quo minus illa perficerentur, & in lucem prodirent, quibus Lector etiam
 non vulgaris contentus esse poterat, in causa fuisse: quis non veterem il-
 lam veteris Oratoris & Philosophi querelam tollat: o fallacem hominum
 spem! fragilemque fortunam, & inanes nostras cogitationes! Cum præterea
 subit illa cogitatio, quantum terræ pelagique parari: quàm multa in aliis
 Scriptoribus & literis multo minore labore & spatio potuerint interim præ-
 stari; ex quibus ad publicam rem literariam non minus, si non & magis
 emolumentum redire potuit. Et fortasse miretur aliquis, talis incepti cuiquam
 in mentem venire potuisse, cui non contigerit (ut cum Poëta loquamur)
 ἐν νύκτι & ἐν ἡμέρᾳ πάλιν ἰδὼν ἄγχι πύλαις ἰδέσθαι. Sed quid ageret, qui sub ma-
 ximo Principe & indulgentissimo Mæcenate mereretur, qui ab infantia in-
 nutritus armis, per innumera prælia, & totidem fere victorias quot præ-
 lia, gloriosissimum nomen apud externos omnes consecutus, non alia quidem
 studia & μακροπύην (modo non sacra & Theologica, quibus illi ob certas causas
 ad tempus interdixerat) aspernabatur; sed ea tamen probare maximè se,
 in quibus incomparabiliter ipse excellebat, non obscure significaverat. Et
 divini vir ingenii (ὃν μακροπύην intelligimus) ita sibi pridem persuaserat,
 & animo penitus imbiberat, nihil in rebus humanis tam arduum & difficile
 esse, quod non improbus labor, & indefessa industria (quæ præcipua illi vi-
 tæ oblectamenta) superarent. Ceterum cum perpetuis illis suis laboribus ac
 vigiliis affecutus esset, ut nullum studiorum genus esset, in quo non ille ver-
 satissimus; sed qui præcipuè res Ecclesiasticas (quod nos alibi pluribus disse-
 rnimus) & antiquitates excoluisset; non prius Gloriosissimum illum suum &
 Victoriosissimum (sædō parricidio terris ereptum) Mæcenatem, Doctissimo,
 Pientissimo, & Sapientissimo mutavit, quàm tota ipsi ratio studiorum mu-
 tata est, & Polybianis curis & studiis, succedentibus aliis, longum vale di-
 ctum.

1670. *Hum.* Sed nec multi dein anni præteriere, cum fatalis & decretoria subiit bora, quæ curis omnibus humanis exemptum, ad pacatiores illas & beatiores sedes transfudit.

Tribus admodum aut quatuor ab obitu Parentis annis prodiit in lucem ad Polybii librum primum Isaaci Casauboni Commentarius: ita quidem titulus libri, ad librum primum; sed cum editionis istius pagina, quæ librum primum conficiunt, non pauciores sint novem supra 80. non ultra paginam vigesimam procedit iste Commentarius; in quo etiam non paucos hiatus observare legens memini. Sed & Præfationes & Prolegomena, (quæ an perfectæ & ad editionem descripta fuerint, non possum dicere, suspicor tamen ita fuisse) ad quæ remittit Lectorem suum non uno loco in isto quicquid est editi Commentarii Parens, quo casu aut consilio præterita fuerint, nescio; ibi certè desiderantur. Circa idem tempus, aut paullo post accidit, ut ego, qui vix dum pubertatis annos egressus, Oxonii agebam, iter in Galliam, invitante beatæ memoriæ Matre, susciperem. Ibi autem remanserat pars maxima paternæ Bibliothecæ, in custodia (dum viveret ipse) viri amplissimi, qui singulari semper amore studioque Patrem complexus fuerat, Jacobi Augusti Thuani, Historicorum nostri temporis facile Principis; sed quæ tamen, nescio quo casu ante meum adventum, tota ferè surrepta & direpta fuerat. Ibi & Adversariorum Patris, multis voluminibus constantium, pars etiam non penitenda; quæ ad me (quod in magna felicitatis parte semper pono) illibata pervenit. Inter illa autem, quæ ad susceptos illos, de quibus egimus, in Polybium Commentarios apparaverat, aut omnia, aut certè pleraque: quod & ego paucis post annis publicè agnovi; ut & alia quæcumque tum temporis, (nam longè major pars Adversariorum ejus in viri maximi & incomparabilis, de me & Parente meritissimi, Lancelotti Andrea, Wintoniensis Episcopi dignissimi, Bibliotheca ad ejus obitum delituit) pervenerant.

Præter alia, quæ ad Polybium pertinebant, quæ pleraque scripta manu & præcipue satis spisso quidem illo; sed uno tamen pleraque volumine continentur, reperta mihi tum Lutetiæ, Polybii exemplar, editionis cujus margines satis ample multiplicibus nec unius temporis (quod ex scriptura liquebat) notis & præcipue adedò refertæ erant, ut confusio notatorum; sed & antiquitas scripturæ, jam multo etiam usu non parum attritis marginibus, lectionem impeditissimam redderent. Sed erant præterea duo alia novæ illius, quæ versionem Patris habet, editionis exemplaria, quorum alterum eleganter compactum erat; sed & chartâ præstantiore, ut ipsâ specie externâ meam cupiditatem non parum accenderet: alterum autem non exteriore ullo tergo contextum, sed consutum tantum & conglutinatum, ut commode legi possit: cæterum multa habebat ad margines manu Parentis scripta, quæ ille dum novam illam editionem festinans percurreret, observaverat. Quia autem bina tam grandia libri ejusdem volumina Oxonium redituro nimis onerosa ad tam longam vecturam sarcina videbatur, & elegantiore illo volumine, præsertim quod Patris nomen præferret, multum caperer; id consilii captum est, ut quæ in vulgatiore exemplari scripta manu Patris erant, in alterum istud meâ manu transcriberem, atque ita in uno utrumque, saltem quod utrumque mihi commendabat, haberem: non optimo fortasse (ut postea judicavi) consilio; sed quod tunc, neque tunc omnia prævidere poteram, maximè se mihi probavit. Mirabitur fortasse Lector, quò spectet hæc tam longa de duobus istis exemplaribus narratio; sed mox intelliget, & in ea nostrum non improbabat, opinor, consilium. Eo enim nunc properamus, quod nobis

nobis in hoc alloquio præcipue propositum est, ut nostræ in nova hac Polybii 1670. editione operæ rationem Lectori reddamus: qui si fidem nostram & sedulitatem in hac obeunda provincia, quam non ambivimus, sed ab aliis quodammodo impositam non detrectandam censuimus, præsentibus & posteris Lectoribus approbaverimus, optime nobiscum actum credemus, de cæteris parum solliciti.

Cum omnibus inceptis paternis & naturali pro eo ac par est affectu, sed & genii quâdam propensitate semper ita faverimus, ut in magna parte felicitatis semper posaturi fuerimus, si studiorum & vitæ ratio ita tulisset, ut quicquam, quod ab illo inchoatum & susceptum erat, perficere nobis & in vulgus edere contigisset; nullum tamen est illius inceptum, quod à nostris studiis & consiliis omnibus alienius judicaverimus, quàm sunt quæ in Polybium susceperat. Ita enim judicabamus, qui ad opus illud cum iudicio aliquo & pudore accederet, Græcæ linguæ exquisitè peritum esse debere; militaris artis tum pristinae, tum præsentis omnis peritissimum; tum verò ab aliis multis præsidii instructum, quæ mihi deesse satis intelligebam. Sæpè optavi offerri mihi aliquem, qui Polybio dignus, & par, (aut proximo saltem par intervallo) tantis inceptis, istâ me suspitione liberaret, quasi ego cimeliis istis paternis libens incubarem solus, aut quicquam ipsius, quod publicè prodesse posset, (quo nihil à me dici possit alienius) aliis inviderem. Sed interim dum nemo se offert, quantâ fide, curâ, sollicitudine, his præcipue, quæ plures annos durarunt, turbulentissimis Reipublicæ temporibus, custodierim, ut integra illibataque tandem aliquando ad alios pervenirent, testis conscientia.

Ineunte (si bene memini) hoc anno 1651. cum per literas viri docti rescivissem, celebrem hujus temporis Typographum, novam Polybii editionem agitare; & iisdem literis, si quid haberem & παραίτη, quo auctior & ornatioꝝ illa fieret, ejus ut copiam illi facerem, vehementius urgerer; is autem tum status esset, ob afflictissimam charissimæ conjugis valetudinem, ut mei juris non essem; sed nec illæ mei tum juris, ob locorum intercapedinem, super quibus appellabar chartæ; id tamen à me, quod unum potui, tum præstitum sedulo, ut paratissimam meam voluntatem testarer. Quare ut primum ex gravissimo vulnere, quod paulò post ex obitu tam chari capituli accepi, aliquatenus recolligere datum est, statim ad curas Polybianas meas omnes cogitationes transtuli. Et primò quidem consulta Patris Adversaria Polybiana; in quibus post diligentem scrutationem cum nihil invenirem quod publicè, sine magna ipsius injuria, proponi possit; quod unum tum superesse visum est, de perficiendo Indice Græco, quem Pater inchoaverat, consilium cepi, qui omnia Polybii, seu verba, seu phrasas, in quibus aliquid novi, & obscuri, diligenter complecteretur; sed & eorundem partim ex versione, partim ex variis, quæ sparsæ per Adversaria notulis, accuratam explicationem: ubi autem præsidia ista deficerent, aut non usquequaque satisfacerent, aliunde pro virili suppleturus. Postea verò dum textum Polybii cum cura recenseo, ac pro re nata Codices illos Gallia mecum allatos, & quæ ibi notata consulo, præter expectationem deprehendi Latinam versionem & παραίτη à Græco Polybii textu, quem representat ista editio, non rarò dissidere: correctiones autem suas & conjecturas, ad quas illa concinnata, ad oras Basiliensis editionis & παραίτη apposuisse: alias etiam conjecturas & correctiones non paucas easdem oras; sed & oras novæ, seu Græco-Latinæ editionis aliquas suppeditare, quæ sint istâ versione recentiores, partim quæ textui Polybiano veram lectionem

1670. restituant, partim quæ versionem corrigant: quæ cum Lectorem Polybii non ignorare & ipsius pariter, & Parentis interesset, omni alii curæ cura ea prævertenda visa est, ut quicquid hujus generis alterutrum seu Basiliense vetus, seu Parisiense recentius exemplar suppeditaret, pari fide & diligentia collectum Lectoribus exhiberetur. In eo potissimum fides opus fuit, ne vel meas (ut nunc sunt mores) ulla conjecturas temerè Lectori pro paternis (ingenio fides) obtruderem; nec paternas, pejore flagitio, ne dicam sacrilegio, mihi (si quas meas interdum proponere libeat) vindicarem. In utroque optimâ fide versatos esse nos, etsi testis ampla, & quæ sola sufficere possit, conscientia; ne quis tamen in Lectore suspicioso scrupulus hæere possit, priusquam hæc ex manibus meis exirent, cum his meis Collectionibus Codices simul illos editos, & quicquid in Polybium (quod quidem penes me sit) Pater apparaverat, viris doctissimis (non uni) in manus tradidi, ut collatione factâ, & oculorum suorum judicio adhibito, veritati testimonium perhibere possent. Inter eos * * Sed & ipsos Codices mihi superfuturos spero, (à me quidem ut supersint, cura adhibebitur & cautio quanta maxima) qui bonæ meæ fidei in posterum locupletissima monumenta. Et de fide hætenus.

Diligentia in eo non mediocris adhibenda fuit, ne tantâ farragine notularum, quantam non rarò capaces oræ Basiliensis exemplaris capere poterant; notularum, inquam, quarum aliæ aliis superimpositæ, suppositæ, trajectæ: aliæ, scripturâ, vetustate & multo usu, jam fugiente: aliæ, recentiores quidem illæ, non unius tamen temporis omnes, aut scripturæ: aliæ ad res pertinent, & ipsam verborum sententiam; aliæ ad verba & phrasas; tum Criticæ; tum Grammaticæ: ne in hac, inquam, tanta notarum farragine & scripturæ caligine, aliquid meos vel quærentis, vel legentis oculos falleret. Sed jam meminerit Lector, quæ modò de duobus novæ editionis exemplaribus in Gallia repertis dicebamus. Nam quæ ex istius editionis oris adduximus, non ea jam (ut ea, quæ ex Basiliensibus oris) ex Patris autographo transcribimus, sed ut olim transcripta à nobis sunt, cum isthuc ætatis essemus: ut si quid omissum à nobis fuerit, dum fortè festinamus; aut aliter lectum, quàm Pater scripserat, ejus rei culpam nos nunc sustinere ne cogamur. Istud exemplar, quod scripturam Patris habet, quin Lutetiæ, si quis id agat, reperiri possit, vix dubito. Lector monitus, si se offerat occasio, eâ uti poterit; & sicubi nos errasse deprehenderit, id ex autographo corrigendo, de publico simul & de nobis bene mereri.

Sed hoc etsi monendum credidi, non tanti tamen est momenti, quanti istud est, quod dicturus sum. Editio Polybii Basiliensis, (quod nòrunt qui usi sunt) quinque priores libros, qui de x l. soli ad nos integri pervenerunt, & duodecim sequentium Eclogas complectens, prodiit anno partæ salutis 1549. non ut Ursinus, Vir doctissimus, festinatâ Opsopæi Epistola, quæ non ad hanc, sed priorem editionem pertinet, lectione deceptus, anno Domini 1529. Non plura tum Polybii, quæ publicè nota. Anno demum 1581. prodiit in lucem Excerptarum Legationum volumen Fulvio Ursino procurante, cum ejusdem Notis & Observationibus. Hæc igitur separatis voluminibus cum haberet ὁ μακρότερος, quæ nunc, unico volumine comprehensa, recentior ipsius editio exhibet; exemplar ejus, quod Excerpta Legationum continebat, neque ego unquam, quod sciam, oculis aspexi meis, neque ubi gentium sit possum dicere. Illud verò ubicunque sit, quin Notis τῶ μακρότερου pariter, ut erat editio Basiliensis, ad oras sit refertum, (& quis non liber antiquus

antiquus ferè, quem Parens paullo accuratius legerat!) minimè dubito. Et 1670. primo quidem spes me lactabat non improbabilis fore, ut ex Palatina Bibliotheca, in qua pars hodièque paternæ Bibliothecæ asservatur, ope amicorum nanciscerer. Ex ea certè Basiliensis editionis exemplar cum Manuscriptis Codicibus ad usum Patris diligentissimè collatum, & Epitomarum plura MSS. exemplaria, ad me missa sunt. Sed quod maximè cupiebam & laborabam, in eo frustra fui. An igitur & hoc Lutetiæ reperiendum? Sed viderint alii, quibus erit opportunum. Nobis certè hoc præsidio destitutis, si quid in his Excerptis, aut eorum versione suspectum esset, aut aliud, quod Lectores morari posset, id ut deprehenderemus & pro virili discutere-mus, tantò magis laborandum fuit. Id quidem certè bonâ fide profiteri possumus, nullas nos quas attentiore lectione deprehendere potuimus difficultates, dissimulasse. Atque inde quoque noster in Fragmentis Polybianis labor tantò major, quòd in illis, & exemplaribus omnibus, Suidæ, puta, aliisque à Parente lectis, & pro more notatis, & ipsius versione destitueremur.

Ceterum cum Græco tantum textu in his nostris Notis, & variantibus seu dissidentibus lectionibus res nobis est: nisi si quid inter legendum obiter observatum, in quo suspicamur τὴν μαχαρίτην festinationem suam, & frequentes interpellationes fraudi fuisse: in quo de paternis manibus simul, & de veritate (quâ nihil illi in tota vita charius) bene mereri studuimus. Verborum obscuriorum, & quæ Polybio propria, explicatio (ut jam antea dicebamus) ad Indicem Græcum rejecta, nisi fortè aliquid alicubi de verbis anticipandum fuit, ut vera & genuina lectio assereretur. Ejusmodi certè ab æquis & idoneis censoribus repertum iri has Notas, utcunque breves, speramus, ut eis carere Polybium minimè potuisse vel debuisse agniture sint. Erit æquitatis Lectorum, non omnia à nobis in his exigere, quæ à Parente si Commentarios ipse suos edidisset, expectassent: aut omnium rationes nimis severè requirere, quò modo non contra rationem facta esse palam comperientur. Illud certè, an ex certa ratione & consilio fuerit, quòd quibusdam locis correctiones sive ex libris manu scriptis, sive ex ingenio & μαχαρίτη sunt in textum receptæ, (ut toto ferè libro v. passim) quæ alibi, quamvis certissimæ, ad Notas & Commentarios reservatæ: quod interdum, ubi locus manifestè corruptus; vel ubi dissidet ab edita lectione versio, præpositus est asteriscus: interdum verò (& id sæpius) omissus, non possum dicere. Hæc certè talia esse, quæ Lectori vel intelligentissimo molestiam facessere erant idonea, nemo negaverit: quæ omnia, nisi quid imprudentes nos fefellit, hac nostrâ qualicunque operâ prævenire ac tollere cura nobis fuit.

De erratis prioris editionis, etsi prope putidum & sordidum, quò tamen nostram Lectori fidem & diligentiam per omnia, quo ad ejus potest, approbemus; sed & importunitati sciolorum in posterum eamus obviam; (quale quid in Perotti versione, ab importuno nescio quo correctore in quibusdam editionibus contaminatâ, contigisse accepimus) de illis igitur pauca quæ dicamus, antequam Lectorem dimittimus. Præter ea, quæ notata & collecta Parenti, tum in Græcis, tum Latinis, & post Præfationes exhibita, sed & alia ab eodem Patre meo postea deprehensa, & ad oras illas suæ editionis exemplaris propriâ manu notata: cum præter ista passim multa tum in Græcis, tum Latinis occurrerent, quæ ejusdem generis esse minimè dubitabam, de iis cur ultra deliberarem, quin deprehensa statim corrigerentur, causa, opinor, non erat. Quia tamen hoc dum ago primò, pro rei natura, negligentius; propius nihil factum, quàm ut in hunc Erratorum censum referrentur aliqua, quæ postea nihil minus quàm errata esse deprehendi. Ut

1670. meo exemplo caverent alii, ne dum corrigere se putant, corrumpant; aut certè vim faciant, & in alieno opere jus exerceant minimè legitimum; non panitebit unum aut alterum tale incogitantia, aut si quis ita malit, ignorantia exemplum hìc posuisse. Ita igitur exempli causà pag. 98. d. (137.) pro eo, quod in Græcis est *ὑπερίαντος*, cum Latina legerem, quum suus ventus vela impleret, & *ὑπὲρ ἀνέμου* Latine secundum ventum vulgò dici non dubitarem; compendiosam Patris scripturam non assequutos Typographos (qui etiam pag. 511. (711.) circumstiarum, pro circumstantiarum ediderant) ita finxisse rebar. Sed benè est quòd postea casu, dum aliud ago, in Senecæ locum incidi; Ignoranti quem portum petat, nullus suus ventus est: quo tam tempestivè præeunte, & alios ita vulgò locutos olim, cum purissimè loquerentur, comperi. Est tamen aliud in illa (ut obiter hoc moneam) sententia Polybiana, quod in Latina versione non reperio; & non aliud fortasse, quàm erratum typographicum meritò censeatur: nam ista, ἀσφαλὲς τὸ πᾶν ὅτι ἐκείναι ἐπιήσαντο, vertendum fuit, nisi fallor, patriam tutò, vel, tuti reputant: non, ut editum, patriam reperunt. At in his pag. 433. b. (604.) quia is Propratore tum ditioni præerat, immeritò τὸ Propratore suspectum initio habebam, quod vel Sanctus Augustinus in Grammatica sua ipso statim initio docere me potuit. Ita & in Fragmentis Polybii ex Orofio, pag. 1037. Postea Flaminius Proconsule Philippum R. &c. Pag. v. 821. d. (1142.) Ubi satis locutus esset Eumenes, templo exiit: quia in Græcis nulla templi mentio, (ἱκανὸς εἶπὼν ἀπὸ τοῦ ἁγίου) conjiciebam primò scripsisse τὸ μακαρίτης extemplo non, templo; sed amplius super eo cogitans, statim venit in mentem usitatam eam apud Latinos Scriptores formulam fuisse, cum quivis locus, ubi Senatus haberetur, templum vocaretur, ut apud A. Gellium (quem non incuriosè nos legisse, quæ ad illum observavimus fidem fortasse facient aliquando) pluribus à Varrone disputatum memini. Possem plura; sed ex his satis intelligat Lector, quantà religione qui aliena tractant opera se gerere debeant; talia præcipuè, quæ singulari arte elaborata, peritum requirunt judicem, nec ab aliis temerè contingantur, quin violentur, ac temerentur.

Hæc erant, Lector Polybii studiose, & famæ Casauboniana non inique, quæ præmoneri te non abs re tua credidi. Vale, & conatibus nostris, dum tibi quâcunque ratione prodesse volumus, candorem tuum impertire.

MERICI CASAUBONI,
ISAACI FILII,
PIETAS,
CONTRA MALEDICOS
PATRII NOMINIS,
ET
RELIGIONIS HOSTES.

S E R E N I S S I M O,

P O T E N T I S S I M O Q U E

P R I N C I P I,

J A C O B O I.

MAGNÆ BRITANNIÆ, &c. REGI.

Miratura non est Majestas Tua, Rex serenissime, hominem spectatæ tibi innocentiae defensione opus habuisse, quæ non ignorat quàm sit maledicentiæ his temporibus obnoxium; sectari bonas partes, & propugnare veritatem; immo verò proprio periculo didicit; cujus nec fortunæ sublimitas, quam omnes sani verentur, nec omnium virtutum concentus incomparabilis, quem agnoscunt simul & venerantur omnes boni, deterrere quosdam potuit à dirissima sacratissimi nominis insectatione. Incredibile id possit videri, nisi jam olim monuisset Scriptor sapientissimus de calumniatoribus loquens, *Nihil esse tam sacrum, quod sacrilegum non inveniat*; & eos esse constaret obrectatores tuos, qui cum fidei, virtuti, religioni jam palam renuntiarent, quot in Te convitiis inveci sunt, totidem parati sint Divinam Majestatem blasphemis insectari, si majoris inde lucri spes affulserit. Et tu quidem, Rex serenissime, hæc hominum propudia meritò contemnis; cujus in tam sublimi fastigio facta, dictaque omnia tot habent testes, ut metus non sit, ne quid fame tuæ calumnia, utut artificiosa, nocere possit. At privati hominis alia ratio; cujus quantò vita obscurior, & nota paucioribus, tantò magis injuriæ fabularum patet, magisque publicæ defensionis indiget. Quæ igitur Patrem, dum viveret, rationes impulerunt, ut malevolorum in se, & suum Patrem convitiis, quæ absque iis fuisset, tanti non erat facturus, respondendum sibi putaret, Pietas, studiumque Veritatis; easdem ipse suscipiendi hujus operis, & edendi Authores habeo. Quod ego causis non levibus adductus, Tuæ, Rex serenissime, Majestati meo Patriisque nomine dedico, confecroque. Ille sub tuis militans vexillis, tuis auspiciis pugnans hæc odia retulit, hanc hominum malevolentiam sibi conciliavit. Tu illum multò antè quàm vidisses, & maximis locorum intervallis separatum amasti jam tum, & habuisti in tuis, atque mutuarum literarum honore non es dedignatus. Tu illum præsentem omni favore, gratiâ, & charitate complexus es, summisque in æternum Regiæ liberalitatis exemplum cumulasti beneficiis; eodemque porro affectu, eâdem liberalitate ad mortem usque profecutus es. Summa erat hæc benignitas: minorem fecit Tua Majestas, quæ tantum postea illi addidit. Parum tibi fuit ista illi præstitisse dum viveret; superstitem esse voluisti defuncto tuam beneficentiam, & ad posteros tanquam jus hæreditarium transire. Oculis tuis morte subtractus est Casaubonus, non animo, non amor; cujus fructum eundem percipit defuncti familia, quem vivo exhibueras. Vel illud, quale est? quod adeuntem Te nuper ex occasione matremfamilias tantâ verborum & vultûs humanitate excepisti, ut ejus temporis faciem videre illa sibi videretur, quum Te primùm adstante marito salutavit. Voluisti scilicet omnes intelligerent, hominis tibi dilecti non minus apud Te posse memoriam, quàm potuit præsentia; nec minus

D E D I C A T I O.

immortalem esse tuam erga Casaubonum gratiam, quàm illa immortalia, quæ in Casaubono tibi placuerunt. Et erunt adhuc, qui integritatem ejus in dubium vocent? qui adulationem ipsi objiciant? Malorum certè, teste Plinio, infida est gratia, & amor obsequio & assentatione partus, nisi iisdem artibus foveatur, sensim evanescit. Gratia autem, quæ post obitum tam stabilis, & inconcussa maneat, optima fuisse, & laudanda fundamenta necesse est. Quæ cum ita se habeant, vereor ego, Rex serenissime, ne benignitati tuæ derogare meritò viderer, si ambitiosas preces adjicerem, quibus scriptum, quo Patris causa agitur, & existimatio defenditur, Tuæ Majestati commendarem. Non potest, quin curæ tibi sit ejus fama, cujus tam grata memoria; neque puto indignaturam Majestatem Tuam, si dicam, Patris defensionem ad Te quoque nonnihil pertinere. Indignum sanè esset admirabili prudentiâ, quam immensæ illi tuæ benignitati conjunxisti, tantum honoris illi à Tua Majestate habitum, quantum sciunt omnes, si is reverà fuisset, quem facit adversariorum maledicentia. Sed vereor ne morer tua tempora: liceat in pio voto desinere: oro obtestorque DEUM, ut quem benignitate, clementiâ, ~~καὶ τῇ κοινῇ τῶν ἐκκλησιῶν ἀγαπᾷ~~ unus præter cæteros maximè refers, is suam tibi, Rex serenissime, benignitatem, clementiam, & beneficentiam det uni præter cæteros in omnibus consiliis, inceptisque tuis experiri, Teque quàm diutissimè salvum populis tuis præstet, & incolumem.

Tuæ Majestatis

Cultor & Servus humillimus,

MERICUS CASAUBONUS, IS. F.

AMICO

AMICO LECTORI

SALUTEM.

NON, opinor; agere feres, amice Lector, si brevi te Praefatione mtor, ut ea scias, quae mea interest te non ignorare. Haud ita post venerandi Parentis obitum, ego annorum tunc quatuordecim, missus sum ad celeberrimam hanc Oxoniensem Academiam ad studia philosophica. Sciebam Patris *φιλανθρωπία*, & ejusdem defendendae studium multos ipsi malevolos, atque inimicos conciliasse, qui famam ejus varie traducere, atque obruere calumniis essent omni ratione conaturi. Sed ideo me minus haec cura angebat, aut ab aliis curis avocabat, quia id quoque noveram, Patrem abundasse amicis, viris optimis & doctissimis, quos putabam tam veritatis, quam ipsius causae patrocinium ejus contra inimicos suscepturos, atque omnem ab eo injuriam studiosè propulsaturos. Verum aliter accidit, utrum quia rari fuerunt omni tempore, qui defunctorum amicos agerent, an quia potius indignos putarunt adversarios, & eorum calumnias quibus omnino responderetur, mitto nunc querere. Insultat certè Heribertus Rosweyda in sua quadam Praefatione meo Patri, ut qui desertus & derelictus fuerit ab omnibus spatio integri quadriennii, post quod tempus prodiit vir clarissimus, Jacobus Capellus, Vindicias pro Casaubono postulans; sed qui, ut ipse profitetur, non tam personae, quam causae patrocinium suscepit. Vir enim doctissimus, & probissimus, cum nihil probe omittat, quod ad rem ipsam pertineat, convitia & calumnias adversariorum in Patrem aut prorsus transit, aut leviter, ac molli, quod ajunt, brachio repellit; in hac causa, si fas est dicere, nimis mitis & modestus. Ego interim indefensum, atque inultum jacere Patrem, pro eo ac debebam, ferebam graviter & acerbè; quia tamen statueram accurate aliquando vitae ipsius historiam scribere, putabam fore commodam tunc occasionem mihi illum vindicandi, atque eam expectare decreveram. Postea illa, probo dolor! acciderunt, quae me sententiam mutare coegerunt, ut crediderim mihi primo quoque tempore aliquid contra varias adversariorum calumnias pro Patre respondendum. Videbam etiam Capellum & Rosweydam de quibusdam etiamnum magnà contentione altercari, hunc studio calumniandi, illum veritatis, quorum ego videbar lites finire posse, paratus ab iis praesidiis ad causam necessariis, quibus Capellus carebat. Cum igitur majus illud opus de Vita Patris non possem nunc expedire, cui de multis querendum prius, & ab aliis inquirendum, quae adhuc ignoro; visum est haec pauca, omni morae longioris causâ procul habitâ, scribere. Optassem autem mihi ut contigisset uti doctorum virorum operâ, qui propter usum, & consuetudinem cum Patre diuturnam, aut aliunde quoque res ejus cognitâs habuerunt; sed ego ab illis procul hic *ἀπὸ τῶν ἀνδρῶν*, auxilio illorum nullo sum adjutus. Supplerunt tamen hunc defectum ipsius Epistolae, quas habebam, & multorum annorum Ephemeris, è quibus pleraque hausi, & didici, quae ad hoc opus erant mihi necessaria. Profiteor autem me hoc quicquid est operae ad refutanda tantum mendacia, & calumnias, hoc est, ad defensionem personae suscepisse. A re ipsa autem, & causa abstinui, cujus partes jam egisse Capellum diximus, ut rectè possint quae ille scripsit sufficere. Quaecunque tamen ille praeiit, aut negligentius est persecutus, ea volumus à nobis expectari, si Deus nostris studiis & conatibus adspirarit. Nunc, ne expectes, Lector, exquisitam aliquam audaciae deprecationem, quod ego ingenio mediocri, eruditione nullâ, ab omnibus denique iis imparatus, quae solent laudari, in publicum prodire audeam. Quorsum enim? Non hoc opus doctrinae, sed pietatis, non ad famam mihi parandam, sed paternam tuendam. Quid refert quomodo scripserim, quam eleganter, & ornatè; modo vera scripserim? Ferunt Cræst Regis filium, cum prius mutus, & elinguis fuisset, ad servandum Patrem magno nisu naturae vim fecisse, & abruptis linguae vinculis sermonem recepisse: ego, qui quoquomodo me possum exprimere, ubi fama, & existimatio mei Patris agitur, silerem? Apage verecundiam, quae piaculo propior. Haec te volui, Lector, nescius ne esses. Vale.

A P P R O B A T I O.

Quam debet, ipso jure pietatis, Patri,
Et, veritatis lege, tam probo Patri,
Et, literarum jure, tam docto Patri,
Defensionem candidam, solidam, integram
Hic exaravit filius CASAUBONO,
Ne quid tuendam desit ad causam bonam.
Laudo. Sepulto iusta genitori facit,
Et filialem lucis usuram refert,
Dum sic paterno nomini lucem admovet,
Calumniarum nube depulsa gravi.
Mendaciorum plaustra, rixarum strues,
Opprobriorum complicatas sarcinas
Dissuere, dissipare, pessum vertere
Sic valuit, & sic voluit. En talem sibi
Optaret ipse filium, qualem dedit;
Pugilemque talem postulent, aptum bonis,
Hosti timendum Veritas, Pietas, Fides.
Has advocatas adhibet, his ducibus pugil
Contra irruentes impudentes rabulas
Prodit, paternæ non modo innocentiae,
Sed gloriæ (quam nulla franget fabula)
Vindex, & hæres, & theatrum Filius.

Sic Librum hunc approbavit
THOMAS GOADUS,
S. Theologiæ Professor.

D E M E R I C I C A S A U B O N I P I E T A T E.

Qui lectos cineres acri sparsistis aceto,
Quàm melius vobis abstinuisset fuit!
Nam qui delituit vivaci Vermis in ovo,
Nunc tepido Phæbi lumine factus Olor,
Persida mordaces respergit in ora favillas,
Fædasque à sumulo Patris abegit Aves;
Pristinus ut redeat deterso candor Olori,
Detque piis pœnas Manibus atra Manus.

R. T.

MERICI

MERICI CASAUBONI P I E T A S

CONTRA

maledicos Patrii nominis & religionis hostes.

P A R S P R I M A.

Magna fuit, Lector, & optanda felicitas illorum temporum, quibus ea erat ingeniorum simplicitas, ut doctis inter se liceret salvâ concordia, sine felle atque acerbitate dissentire, ac Veritatem querere. Hodie nullum crimen est capitalius liberrate iudicii, nihil convitiis & calumniis opportunius, quàm contra aliorum opinionem, quid in quaque re sentias, exponere. Pauci admodum aliquid omnino scripserunt, qui pro seipsis postea scribere non sint coacti; adeo multi, aut Veritatem ipsam odio habent, aut sibi putant injuriam fieri, nisi in ipsorum verba iuraveris. Ex omni porro ambigua & controversa materia, nulla est quæ acrius & majori contentione soleat agitari, quàm quæ est de Fide ac Religione disputatio. Illa verò quantò sanctius argumentum, tantò magis animi eorum, qui propugnatores ejus audire cupiunt, ab omni mala malitia, & obtrestandi vitio puri deberent ac immunes esse. Rem tamen secus habere docet nos experientia: nam qui *pias fraudes* ad excitandum zelum, id est, figmenta & fabulas ineptissimas jam pridem laudarunt, hodieque iis utuntur, ut per omnia sibi constarent, pia quoque convitia, piasque calumnias excogitarunt, quibus adversarios oppugnant: quod quidem ita faciunt strenuè, ut in iis ponere videantur unicum causæ suæ præsidium. Sed miseram potius atque desperatam tali patrocinio! Quæ conscia est enim suæ sibi bonitatis, nunquam tam abjectæ spei esset, ut turpe adeo auxilium sustineret implorare. Nam quæ alioquin major infamia, quàm ut Veritatem tucaris, uti vanitate? Egregiè olim dicebat in re non dissimili Scriptor elegantissimus,

* Synes.
Epist. 5.

* Οὐκ ἐποίησεν ὁ Θεὸς ἀπλὴν τὴν ἀρετὴν, & δεῖται ποτηρίας συμμάχου. Prodeunt igitur se miseri veteratores, & quam causam

defendant, ratione ac modo defendendi palam faciunt. Ut mirum non sit, si ex ipsis illis partibus aliquando non boni tantum offendantur hac portentosa licentiâ propter rei foeditatem; sed alii quoque, non illi quidem fortè admodum boni, sed aliquantum prudentiores, qui probè intelligunt, non minus obesse causæ suæ hos *μυθοπλασταί*, & calumniarum artifices apud perspicaces & cordatos viros, quàm profunt apud quosdam simpliciores, cœcamque ignorantia plebeculam; præcipuè qui videant multos non parcè & callidè uti hac licentiâ, ut cum colore mentiantur, dicantque, etiamsi non vera, verorum tamen speciem habentia; (quod ipsis est concessum dubiis rebus) sed ita *φύρην καὶ ἀδρῶς*, ita sine arte ac iudicio, ut hient ac pateant fraudes cuivis, modò qui elephantis corio non sit tectus, fiantque quod ait alicubi Plautus, *Doli non doli*. Hoc adeo inde videtur esse, quod quidam sunt homines naturâ maligni, mendaces, *φιλικέρτοι*, qui nacti hoc pallium pietatis, & zeli insito vitio, securi scilicet, frænum laxant ingenio prurienti. Adde quod hoc prætextu multi privatum dolorem, aut suum aut alienum, pretio conducti ulciscuntur. Quare nihil tam ineptum, tam portentosum aut horribile, quod de magnis viris dictum, scriptumque non sit. Si nos hoc nunc ageremus, possemus facillimè, quæ diximus, exemplorum infinito numero confirmare: nunc non est id nobis propositum: sed neque puto quemquam esse tam malè versatum in hujus ætatis libris, qui in his mihi non sit, etiamsi longiori operâ superseadam, facillè accessurus. Hoc videor posse verè dicere, oppidò quàm paucos scripsisse de rebus hodie controversis, eâ modò efficaciâ, ut adversariis stomachum moverint, qui hæc experiendo non didicerint. Quibus autem, & cujus generis calumniis uti soleant, poterit Lector ex iis cognoscere, quæ

quæ deinceps sumus dicturi ad defensionem *Isaaci Casauboni*, venerandæ memoriæ Parentis, in quem sui artificii, malitiæ, & fraudis omne genus exemplum omnibus numeris absolutissimum plures ex illis ediderunt. Visum est autem pauca quædam de eo præmittere, qui erit totius orationis argumentum.

vide Epist.
453.

ISAACUS CASAUBONUS natus est Genevæ, (quo parentes metu vivicomburii propter Religionem concesserant) anno partæ Salutis CIO IO LIX. 12. Kalend. Mart. patre Arnaldo Casaubono, viro vitæ integerrimo, & doctissimo; matre Johannâ Rosseau, singularis exempli fœminâ. Statim ab ineunte ætate destinatus optimarum literarum studiis, ad patris curam & diligentiam magnam attulit ingenii docilitatem, animique alacritatem penè incredibilem. Ante annum ætatis novum emendatè Latinè scribebat, & expeditè loquebatur, magnâ patris & amicorum voluptate, qui indole pueri supra modum capiebantur. Jam magnam spem sui excitaverat, quum publicâ temporum calamitate funditus everfa sunt ipsius studia. Qui enim fuerat magno patris studio ac labore institutus, diuturnâ ejusdem absentia navantis operam Ecclesiæ necessariam tantum dedit, ut, quod ipse solebat dicere, duodecimum agens ætatis annum, vix nomen ipse suum declinare posset: quam tantam mutationem & ætas ipsa excusat, & multis de causis non est miranda. Nam præter quod eo tempore caruit omni ope, exemplo, & consilio; (quæ doctorum penuria erat in illis locis propter afflicta Reipublicæ tempora) variis casibus jactato, periculis indies exposito, deerat scilicet otium, & prior animi, vitæque tranquillitas. Reverso post triennium patre, studia denuò inchoavit ab ipsis fundamentis, sed tanto ac tam constanti impetu, ut fuerit sæpe imperio patris quasi sufflaminandus, magnum alioquin vitæ periculum, aut saltem sanitatis incururus. Habuit tamen & hoc tempus suas remoras, & impedimenta non pauca; maximè verò nefandæ illius, atque æternum execrandæ laniæ tempore, quæ incidit in annum ætatis ipsius quartum supra decimum. Tunc illum pater primum Græcis literis initiavit, cum sceleratas sicariorum manus fugientes, in sylvis & solis locis miseri, ingenti tamen animo, latitarent. Mox pater ita vacavit publicis negotiis, ut filii studia cogeretur omittere. Quis inde status studiorum ejus fuerit, quæ vitæ conditio, referam ipsius verbis è quadam Epistola*: Anno

ætatis decimo nono Genevæ sum missus studiorum causâ... Hic ego quantum poteram dies noctesque vires contendens, sitim meam conatus sum explere. Itaque Dei bonitas vigilis nostris ita benedixit, ut anno ætatis vigesimo quarto Francisco Porto Cretensi, Græcorum omnium nostri temporis longè doctissimo, viro admirandæ probitatis, & pietatis singularis, in professione literarum Græcarum successerim. Vixi annos quatuordecim Genevæ Professor, primò Græcarum literarum, deinde etiam Latinarum, aliquando etiam Hebraicarum. Hæc ille ad amicum. Adhuc adolescens editione Notarum in Diogenem Laërtium primis sui nominis auspiciis prælusit, & optimo parenti *Epistola* simul & Minerval aliquod persolvere conatus est; primum enim illum ingenii sui fœtum patri dedicavit, eidemque magnâ reverentiâ pari pietate junctâ detulit. Anno Domini CIO IO LXXXVI. Arnaldus Casaubonus fato concessit, anno climacterico ætatis suæ sexagesimo tertio. Pater, qui tunc aberat, dolorem suum ex eo nuntio testatus est in Commentariis ad Strabonem †, quos tum scribebat, his verbis: *Hoc tempore allatus mihi tristissimus de obitu, hei mihi! optimi optimæque de me meriti parentis mei nuntius ita me perculit, affectit, ut prorsus ab his mansuetioribus Musis abhorrens animus, alias literas requirat, in quibus acquiescat, ac tanti vulneris medicinam reperiatur, quæ profectò non aliæ sunt, quam eæ, in quibus annos ferme triginta idem ille uaxar^{ms} Pater meus se non sine fructu (Deo gloria sit & laus) exercuit; quasque voluit ille semper suis liberis versari ante oculos.* Annum ætatis agentem quasi vigesimum octavum gravis eum languor invasit, quo admonitus suæ mortalitatis, omnibus aliis studiis renuntiavit (totus autem fuerat jam aliquot annos in studiis philosophicis & Jurisprudentiæ) seque totum ad sacra contulit. Quæ etiam postquam ex tæbe illa convaluisset, & pristinam valetudinem recuperasset, nunquam penitus omisit, tantum semper temporis illis libentissimè tribuens, quantum poterat per alias occupationes pro instituta ratione vitæ necessarias. Sub idem tempus Henricus Stephanus, vir clarissimus & optimus, Florentiam Stephanam, egregiæ tum spei filiam, illi juveni despondit, ac mox collocavit. Anno Domini CIO IO XCVI. ætatis trigesimo octavo cum honestissimâ conditione à S. P. Q. Monspelienſi invitaretur humanissimè ad publicam humaniorum literarum professionem in ipso-

* Num.
879.
Joanni
Frideaux.

Lib. v.
pag. 211.
ed. Paris.

ipforum urbe, crebræque amicorum adhortationes accederent, tandem sub finem anni *ἔκταν ἀέκοντο θυμῷ* patriam reliquit, & Monspelium migravit: quò cum pervenit, incredibili amicorum gratulatione, & mirificâ publicæ lætitiæ significatione exceptus est, cum etiam ipsi Urbis Consules obviam illi processissent. Munere Professoris ibi functus est duos annos & aliquot menses. Jam sua illi fama magnos Lutetiæ amicos pepererat; plurimis quoque brevi profectioe, ex occasione ab eo prius illuc institutâ, familiariter innotuerat. Hi igitur omnes omnem movebant lapidem, ut eum Lutetiæ possent habere proprium, in eumque finem crebrò cum Henrico Magno, rerum tunc in Gallia potenti, commendabant. Tandem anno Domini *MD* *XC* literis Regiis accitus, Monspelio valedixit, & primùm Lugdunum Convenarum se contulit, ubi quandiu ferè fuit, usus est hospitio viri illustrissimi Merici de Vic, qui imprimis favebat ejus studiis, atque arcto eum amore complectebatur. Postea Lutetiam profectus est, sed ad breve tantùm tempus, Lugdunum mox reversus, ut editionem Athenæi absolveret, quam sub prælo reliquerat. Anno demum *MD* *XC* eò migravit cum familia, sedemque ibi firmam fixit. Urbe autem plenâ hominum diversa de Religione sentientium, qui præsertim ex illo numero plurimos amicos haberet, non poterat frequentes de Religione velitationes evitare: quod cum alias ob causas accidebat ipso invitissimo, tùm etiam ferebat ægerrimè, tantum sibi perire temporis à studiis, seque literis suis sedulò vacare non posse. Statuerat igitur *ἦν ποτὶ μέγας*, atque alibi quietiores Musas colere. Verùm quum missionem ipse, & per amicos iterum atque iterum à Rege petiisset, impetrare tamen non potuit. Multæ sanè sunt oblatae illi conditiones, Sedani à Duce Bullionio, Nemausi, & Heidelbergæ, alibi; omnes luculentæ & magnis illecebris. Sed postquam spes illa tranquillioris loci decollavit, nempe quod erat relictum, præsentibus se, ut potuit, accommodavit atque patienter acquievit. Anno Domini *MD* *XC* accidit id in Gallia, quod etiamsi nulla sit unquam dies, nulla vetustas obliteratura, nemo tamen potest, præcipuè qui sit *γνήσιος* Gallus, sine horrore meminisse. Post nefarium optimi Regis parricidium, tantam rerum publicarum *μεγαλειά*, secuta est necessariò immutatio quædam privatarum quoque fortunarum. Pater jampridem innotue-

rat serenissimo Magnæ Britanniae Regi, & non unas ab eo literas acceperat, quibus suam illi benevolentiam Princeps optimus benignissimè significabat. Avebat etiam mirum in modum ritus Ecclesiæ Anglicanæ, ac consuetudines cognoscere certius, atque adeò ipsis oculis explorare. Cum igitur diu quæsita occasio tandem se obtulisset occiso Rege Christianissimo, ultrò invitatus à Principe benignissimo, acceptis ab illustrissimo Archiepiscopo Cantuariensi literis humanissimis, suscepit iter in Angliam, missione prius à Regina per amicos impetratâ. Ibi expertus est summi Regis admirandam benignitatem, & aliorum quoque Procerum benevolentiam erga se incredibilem. Accidit paucis post adventum mensibus, ut Epistolam ex occasione scriberet ad Frontonem Ducem, Societatis Jesu Theologum; item aliam brevi intervallo ad illustrissimum Cardinalem Perro-nium: utraque est paulò post publici juris facta. Postea cum Rex serenissimus diutius eum sibi retineret, optati orii factus compos, ad majus opus se accinxit, & quod tot annos meditabatur, Annalium Cardinalis Baronii examinationem. Hoc illud est, hinc illæ lachrymæ; hinc, inquam, illæ iræ & odia; hinc falsæ absurdæque criminationes; hinc denique calumniæ diabolicæ. Dum adhuc sese intra limites profanæ literaturæ, *καὶ τὸ ἐξωτὸν παρδύνα* continuit, quod paucis datum, ipse facillè erat assequutus, ut laudem sine odio, sine invidia inveniret; aut saltem (quia id videretur *ἐν τῇ τῶν ἀδωάτων*) ut perpaucorum, atque adeò vnius tantum atque alterius livorem & malevolentiam, infinitorum studia compensarent. At ubi Theologica semel attigit, nulla æquitas, nulla moderatio, nulla modestia profuit, tanquam rem illicitam ac nefariam esset aggressus, ita animi multorum in ipsum sunt protinùs immutati. Sed bene est, quòd nihil inexpectatum, nihil non illi prævisum diu acciderit. Cum universim invidiosum est immiscere se alicui de Fide controversiæ, tùm maximè illa contentio odiis, convitiis, calumniis opportuna est, quæ est de Romani Pontificis Potestate temporali. Hæc est hodie (si verum volumus) apud multos summa Fidei; hæc cardo, in quo vertitur omnis adversariorum Theologia; qui illam oppugnat, is arcem illorum invadit; quam si semel amiserint, de cæteris non admodum, aut certè non ita acriter contendunt. Hanc igitur acerrimè, hanc animosissimè propugnant, & eos, qui contrà mu-

tire audent, habent loco hostium infensissimorum, illosque quibuscumque artibus, quavis ratione, *καὶ δόλῳ καὶ βίῃ* conantur opprimere. Hujus rei unicum nunc dicam argumentum, ex ea, quæ nuper prodit duorum Benedictinorum Patrum, Theologiæ Professorum, à Cardinalibus ad Pontificem maximum Appellatione. Hac Appellatione ostendunt Authores, *Cardinalem Bellarminum, tam extra omnis modestiæ & charitatis Christianæ limites tam horrenda crimina Widdringtono imposuisse, illumque tam inverecunde calumniatum esse, ut quantumvis Ecclesiæ Catholicæ Romanæ se filium esse profiteatur, ipso tamen (ut illi loquuntur) Lutherò, Calvino, aut alio quovis perditissimo; aut in reprobum sensum dato homuncione deteriorem faciat, idque ob has tantum causas, quod ille Widdrington Juramentum Fidelitatis ab Anglis licite suo Regi præstari posse affirmavit, & potestatem Papæ deponendi Reges, suis Dominis privandi, de Fide certa esse negaverit.* Quid igitur Patri meo sperandum fuit, qui huic doctrinæ in illis suis libris totis se viribus opposuit? Sed neque illud ignorabat, quantæ alex res esset, quantæ confidentiæ, Baronio, quem sui pro ἀντιπρόσωπον καὶ ἀντιπρόσωπον colebant, audere contradicere. Hæc, inquam, omnia ille non ignorabat. Neque defuere ex illis castis boni & amici viri, qui sedulo illum monerent, & ab inceptis deterre-re conarentur: Haberet aliquam rationem suæ famæ, quam certissimâ ratione hujus generis scriptis ibat imminutum, haberet & tot amicitiarum, quas erat (ô tempora) violaturus. Denique si quieti suæ, si otio, si tranquillitati consultum vellet, ab omni genere contentions in negotio Religionis abstineret. Hæc & similia illi proponebantur, sed qui jam omnia perceperat, & animo secum antè peregerat, ad hæc imperturbatus, interritus, multorum odia atque inimicitias suscipere, & vel luere pœnas, si ita casus ferret, non recusavit ob honestissimum factum, quo suam pietatem Deo & verè piis approbaturum se sciebat. Si essemus ex iis, qui quavis ratione *δολοῦσιν καὶ βίῃ*, æquâ an iniquâ, nihil pensi habent, possemus virorum magnorum Epistolas proferre, quæ apprimè ad rem facerent. Sed tanti mihi non constet veritas, ut propter ipsam humanæ societatis jura migrem, cum putem illas non posse, sine eorum periculo, qui scripserunt, evulgari.

Primum opus, quod edidit in Anglia, fuisse diximus Epistolam ad Fron-

tonem Ducem: agit illa præcipuè de Papæ Monarchia temporali, de Juribus Regum, & Juramento, quod vocant, Fidelitatis, aliisque id genus, de quibus notum est, eandem non esse omnium Pontificiorum sententiam: cætera pertinent ad fidem historicam, de horrenda illa Proditione Pulveraria, de auctoribus, non de causa ipsa, & rebus fidei controversis. Tamen quia, ut antè dicebamus, quæ minimè ad fidem pertinent, ea pro fundamentis Religionis plurimi nunc habent, magnam illi invidiam hæc Epistola peperit, multorum odia atque inimicitias conciliavit: unde statim contumeliosissimi in ipsum, & virulentissimi libri prodierunt. Epistolæ ad Cardinalem Perronium non tam Pater autor erat, quàm Rex ipse serenissimus: quare igitur in illum propter eam inveherentur, causa non erat: nec, quod ego quidem sciam, hæcenus factum. Exercitationes in Baronium non multò antè Authoris obitum sunt editæ. Quæ igitur postea in illum sunt scripta, jam rebus humanis exempto prodierunt omnia. Nos, quod ad illa atinet, quæ Patre adhuc superstite exierunt, sequemur ejus judicium, contenti partim ipsius responsionibus, partim silentio, & generoso contemptu. Iis respondere, quibus ipse fato occupatus non potuit, putamus esse pietatis nostræ; tum etiam, ne si sileamus, non tam putent advertarii indignas fuisse suas calumnias, quibus responderetur, quàm defuisse, qui vellet & posset illam subire provinciam. Primum videamus ipsos Authores qui sint, qui ab illo, quo dixi, tempore aliquid incum scripserunt, tam eorum, qui scripta simul & famam ejus, quàm qui hanc solam famolis libellis appetiverunt.

Princeps fuit in hoc agmine Heribertus Rosweyds, Jesuita, qui decerp-tis hinc & inde locis ex Patris Exercitationibus atque improbè vellicatis, capita XII. composuit, quæ hoc titulo publicavit anno MDCLXIV. *Lex Talionis duodecim Tabularum, &c.* Nihil ego de viri illius eruditione detractum velim, sed dicam quod res ipsa clamat, in illis quæ scripsit in Patrem, solidioris alicujus eruditionis rara vestigia, fellis autem & maledicentiæ insignes ubique notæ. Quum autem sit fabularum amantissimus, quod scripta ejus testantur, (videat qui ridere vollet illa de apibus & araneis, quæ sunt in Anti-Capello) minus mirum, eum ita studiose & accuratè collegisse plerosque sermones, atque rumusculos, qui

qui erant de Patre meo sparsi, atque ausum confidenter ipsi objicere. Jacobus Capellus, Vir clarissimus, quum libro, quo Vindicias pro Patre adversus præcipuos ipsius adversarios postulabat, has quoque tabulas, non adeo copiose quidem, sed prout illæ merebantur, refellisset, Heribertus statim stylum resumpsit, & officiosas has Capelli Vindicias *explodere* conatus est, edito libro anno CIO IO CXIX. quo etiam priores in Patrem calumnias reperit. Contra hunc librum eodem anno scripsit Capellus *Affertionem Bonæ Fidei*, usus priore suo instituto, ut præcipuis immoraretur, leviora præteriret. Sed Rosweyduus, ut est famæ suæ diligens, & alioquin non ignavus miles, alium rursus hoc ipso anno CIO IO CXXI. emisit librum bene magnum, quem nominat, *Syllabum malæ fidei Capellianæ*, quo vetera sua reponit, nova affert; sed pauca ad Patrem spectantia, cum jam hæc lis sit facta Capelli propria.

Andreas
Eudæmon.
Gaspar
Scioppius.

Heribertum secutus est Author Elixir Calvinistici, quisquis ille fuerit, ipse se appellat Andræam Scioppium. *Andræas* sanè & *Scioppius* nomina sunt illustria è familia calumniatorum; sed Andræas Scioppius monstrum est hætenus mihi incognitum & inauditum. Quum primùm igitur vidi illam Satyræ, desiderio hominis cognoscendi, quia se proficitur Gasparis fratrem, vitam Gasparis percurri; sed ibi quum de sorore sint non pauca, de fratre ne quid quidem reperire potui. Ut non immerito dubitem talisne quisquam sit homo natus, quem vult hic se credi, *Andræas Scioppius*: nisi fortè quia Gasparis *πρώτος μὴτρης*, uti ajunt, non cum uno viro rem habuit, jus maternum prætendens hic Andræas, gloriæ & honoris avidus, in illustrem familiam sese inferuerit. Nam vel illud, quantæ, quæso, ambitionis, quod in libelli vestibulo plena scriptura, *Andræas Scioppius, Gasparis frater*? Sed quicquid hujus sit, certum est tale illud esse scriptum, ut ipse Gaspar Scioppius illius Author esse potuerit; adeo mendaciis & calumniis refertum est, adeo plenum maledictis & conviciis, quorum *ἡ δὲ ἀντὶς τοῦ ἐκείνου ἀποδοῦναι*, adeo totum ineptum, insulsum & insipidum. Jocorum ac salium quàm putida ac puerilis affectatio? ἢ τὴν μὴ ἀλάστορα καὶ ἀνομοφύλακτον quàm inficeta & injucunda? Vix puto quenquam tam validi stomachi, qui possit, paucas licet paginas, sine nausea ac fastidio perlegere. Quæ autem sunt pag. 24. &c. ubi quasi deposita mimi personâ seria

videretur promittere, jubetque suos Lectores togam componere, quis non dicat Authorem ebrium aut insanum scripsisse, qui citatos ex Exercitationibus locos inspexerit? Percam nisi meruerit hic homo, quisquis sit, ut Gasparis Scioppii frater credatur esse.

Andrææ fratri (ita enim lubet credere) comes exiit anno CIO IO CXV. Gaspar Scioppius, quamvis personatus assumpto *Holofernis Krigsaderi*, vero, an ficto ad arbitrium, nomine *. De Authore etiam sine indice constare poterat: larvam tamen illi detraxit Eudæmon-Joannes, & suo nomine cognoscendum exhibet, *Castigationum* lib. 11. pag. 125. Jam diu est quum audiveram Scioppium tale quid esse meditatum; sed an liber etiam esset editus, compertum non habebam; fecit mihi illius copiam nuper vir singularis pietatis & doctrinæ, meorumque studiorum fautor optimus & humanissimus, Joannes Prideaux, Reginus in hac celeberrima Academia Theologiæ Professor, & Procancellarius amplissimus. Fortè illum domi suæ conveneram, atque inter alia de hoc Scioppii libello rogabam, an haberet: *Habeo verò*, inquit ille mihi, *sed miro adeptum casu. Inviseram illustrissimum Bathoniensem Episcopum, qui tunc illum librum habebat in manibus, jamque aliquot paginas delibaverat, quum longioris lectionis impatiens, infelicem librum in objectum focum projecit indignabundus. Tunc ego citissime arripiens, At ego, inquam, jam bene sum exercitatus in ejusmodi scriptis; lubenter in hoc experiar, quantum mea valeat patientia. Sic illum presenti periculo eripui, & adhuc habeo.* Hæc ille mihi. Nec erant sanè tam dignæ miseræ chartæ, quàm Author ipse dignus qui flammis ulticibus traderetur. Is est quidem Scioppius, à quo nihil non horrendum & execrabile debuit expectari: videtur tamen hoc in libro omnes ingenii nervos contendisse, quò fieret *ἀντὶς ἀντὶς χεῖρον*, quantumque alios omnes mortales jam pridem importunitate καὶ ὑπερωδία præteriverat, tantum ipse sese hoc novo scripto superaret. Ac ne cuiquam de sua *ἀδύνα* dubium relinquat, ipse se Arheum ipso statim initio tantum non fatetur, & jactat. Quid enim sibi vult Alastor, qui quum intenderet alios inaudito exemplo calumniari, & omni convitiolum genere prosequi, congerit præcipuos è Sacris Scripturis locos, quibus pag. 31. vetamur aliis ullam omnino contumeliam facere, aut convitium dicere? Nonne ut omnibus palam faciat, quo loco Dei mandata habeat homo perditus,

* Vide
Placcium
de Scrip-
tibus pseu-
donym.
pag. 408.
edit. 1708.

Comment.
in Priap.
p. 63.

ditus, atque Deo ipsi (horresco refe-
rens!) illudat? Monstrum in ultimas
terras deportandum! verum Satanæ
mancipium! Ecquis jam mirabitur ta-
lem hominem passerum conditionem
humanæ sorti prætulisse, quia eos esse
observavit, ut ait ipse, ad Veneris pa-
læstram fortiores & valentiores, quàm
sint homines? Verum ac genuinum Epi-
curi de grege porcum! Abominati sunt
veteres Ethnici *ὀψοφάγῳ* quendam, qui
gruis collum sibi optabat, ut volupta-
tem è cibo longius perciperet; quid
nos de hoc dicemus, professione sal-
tem & nomine, Christiano? Et hic
audet quenquam, vel improbissimum,
audet scelus, accusare, & tanquam
Censor aliquis, & morum magister
ignominiam notare? Ille meo Patri, quem
scit ipse spectatissimæ semper integritatis
fuisse, supra, furta, lenocinia,
adulteria, (hæc ipsa enim crimina illi
impingit, & alia quoque vel dictu foe-
da) audet objicere? Mirum mihi vide-
tur & incredibile, nisi quod Scioppium
cogito, qui, ut agebat de Menone Xe-
nophon*: *ὁ σπέρ τις ἀράδεται τῇ ἡσέ-
σει, καὶ ἀληθείᾳ, καὶ δικαιοσύνῃ, ἐτὼ καὶ
αὐτὸς ἀράδεται τῇ τῶ πλάπιδαι ψευδῇ,*
in impudentia, in bonorum obrecta-
tione, atque adeo in ipsius Virtutis in-
festatione. Quis igitur putet aliquam
eorum rationem habendam, quæ hic
talis objecerit, aut quis potius non
credat, probitatis atque integritatis ar-
gumentum ab illo accusari? Si verum
est, quod ait, opinor, alicubi Seneca,
Turpe esse laudari à turpibus, est pro-
fecto vituperari ab isto quàm laudari
multò magis optabile & expetendum.
Neque id verendum puto, ne fortè li-
ber ille veniat in alicujus manus, cui
ignorum Authoris nomen, & mores in-
cogniti, possint imponere: nam quis
ferè est eorum, qui in literis versantur,
cui notus & auditus non sit *Scioppius*?
Verba sunt Taciti † de Cajo Petro-
nio, *Utque alios industria, ita hunc
ignavia ad famam protulerat*: hic qui-
dem verè possit gloriari plus se suis vi-
tiis nominis ac famæ sibi peperisse,
quàm multi ab omni ævo excellenti at-
que heroicâ virtute viri. In circulis &
sermonibus, ubicunque est, ut alia ta-
ceam de impudentia, maledicentia,
atque audacia, mirum nisi Scioppii
quoque fiat mentio, nisi ille fabulæ
maxima pars. Non possum quin in-
signe ejus mendacium & fraudem dete-
gam, atque obiter convincam, non
quia privati alicujus fama læditur, sed
quia res publicè gesta debet ab impu-
dentissimis nebulonis mendaciis, ac sy-
cophantiis vindicari. Ante sex septem

annos acta est Cantabrigiæ Comœdia
coram Rege & quibusdam primariæ
Nobilitatis viris. Cùm esset pro re na-
ta introducendus notissimus aliquis &
decanatissimus nequam, isque pro loci
ratione, è turba sciolorum; quem,
quæso, præponerent clarissimo & cele-
berrimo Scioppio? Erat autem perso-
natus ille Scioppius reus sistendus, reus-
que peragendus. Scimus poeticam li-
centiam, quâ veris, cùm fert occasio,
licet addere, & res quovis modo ac-
commodare proposito, modò τὸ πρῶτον
observetur. Per hanc sanè legem po-
terat Scioppio dari famosissima quæ-
vis persona. Adeo tamen religiosi fue-
runt Authores Comœdiæ, ut in re lu-
dicra nollent ab historica veritate di-
scedere. Criminibus furti, maledicen-
tiæ, & *μισήτιας* postularus & convictus
est. Quid hic, quod pro vero tribu-
nali, & judicio agi non debuerit? Cùm
ventum est ad genus pœnæ, decretum
est, ut ore ejus rebus condignis ob-
turato, impurus homo impurissimam
animam per dignas eâ sedes, sive, ut
cum Plauto loquar, per inferiorem
gutturum exhalaret: atque hæc ita se
habuerunt. Jam qui volet aliquod spe-
cimen Scioppianæ fidei, legat ejus
Epistolam Dedicatoriam libri anno
1619. editi hoc titulo, *Gasparis Scioppii
Hæreticus Elenchomenos*, ubi etiam vi-
debit nihil huic excetræ sacrum, quæ
Unctum Dei veneno suo conatur as-
pergere. Jure miretur aliquis quid
adeo illum offenderit? An dolet vitia
sua & scelera audita in scena? Non
potest, nisi viri magni vani fuerunt,
qui scripserunt proprium esse τὴν δόνη-
νονδῆν, *perditi ac profligati hominis*,
*κακὸς ἀκρίβειν δύνασθαι, καὶ ἐκ ἄλλως ἀξίως
ἡρωϊδῶν τὴν δόνηναι αὐτῷ. ἢ ἔτι καὶ πατέ-
ρας.* Intelligis, ut puto, Lector,
quare dixerim non habendam ratio-
nem eorum, quæ Scioppius objecerit.
Jam dabo tibi, quod rideas; est sanè
jocularium. Scribit igitur hic nebulo,
Patrem meum, postquam legerat hunc
suum libellum, ex desperatione vitæ
renuntiasse, atque inde vivere desisse.
Eodem etiam libro scribit idem Jose-
pho Scaligero accidisse, lecto, quod
in eum scripserat, immani volumine.
Vide quanta res sit Scioppium iratum
habuisse. Cavebunt omnes, puto, in
posterum, ne tanti Alastoris offensio-
nem incurrant. Sed ut seriò loquar,
verum est, & Patrem legisse librum il-
lum, & paucos post menses factum esse
(ita opto & spero) melioris vitæ par-
ticipem: sed vix, puto, concessuros
Medicos illum ex animi ægitudine
obiisse; & miror hujus commentum non
venisse

vide M.
tam Gas-
paris Sciop-
pii, ab
ejus con-
tributis
scripsum,
et jam
scriptum
videtur.

* De Xe-
nophon. Cyri.
lib. II. in
fine, pag.
292. edit.
1615.

† Annal.
lib. XVI.
cap. 18.

venisse in mentem isti Gasparis fratri, qui toties repetit in sua Satyra eum ex calculo pernisse; nisi fortè calculus ex paucorum dierum dolore possit provenire. Cæterum si vis scire, Lector, ut Pater affectus fuit lecto illo Scioppii libro, en tibi locum ex ejus Ephemeridibus, qui tibi satisfaciât. a. d. viii. Id.

Apparet
Scioppium
quendam
que erant
in illo MS.
exemplari
postea in-
dixisse:
nam in
eduis de
Matre ver-
bam nolu-
lum.

Mart. Hodie Rex optimus mihi ostendit librum Scioppii, in quo & ipsius Majestatem & patrem meum, uxorem & me horrendis convitiis prosequitur. Miseram Religionem Romanam, quæ aliter nisi per diabolica mendacia defendi non potest! Tu scis, Jesu Christe, veritatem aut falsitatem illarum criminationum, tu judex esto: ego interim glorior, propter nomen tuum has me & meos pati contumelias; tibi honor & gloria. Amen.

Julius Cæsar Bulengerus scripsit suas Diatribas ad Exercitationes Patris, anno, ut videtur ex ejus Epistola, c15 15 cxv. quanquam Lugdunensis editio (nec scio an sit alia præter illam) anno tantum c15 15 cxvii. prodierit. Bulengerus, notum famâ & scriptis nomen, quibus de literis & literarum studiosis optimè meritis est. Liber eâ magnitudine, quæ magnam Authoris diligentiam, curam ac laborem promittit. Quid quantumque re ipsâ præstiterit, suum cuique esto judicium. Mihi quod de eo dicam, non gravatè accessurum puto, qui librum legerit. Nimium videtur laborasse, ne mole sui libri, Patris Exercitationes non æquaret. Nam, quæso, quorsum tam multa verbatim transcribit ex Exercitationibus, tam quæ non probat, quàm quæ non improbat & laudat, ut fatetur ipse sæpe? An quia putabat ea non posse tam commodè peti ex ipsis fontibus? aut quia de Lectoris diligentia diffidebat? Ut taceam crebras κατελογίας καὶ ταυτολογίας tanto viro indignas. Excursus autem illos crebros & longos si tollas, tum illa, quæ ad Casaubonum notat, non contra Casaubonum, (vocat ipse suas symbolas) videbis reliqua esse perquam pauca. Omnino consultius fecisset, si operam suam alibi ponere & aliud agere maluisset vir eruditissimus; erat enim à multis rebus necessariis ei, qui illam provinciam obire cum laude vellet, imparatus: ignarum autem linguæ Hebraicæ ad Rabbinnicas, ut vocant per contumeliam, Exercitationes accedere, ausum nimis temerarium. De animo Bulengeri candido an contrâ, ferre sententiam difficillimum est; tanta in ejus scriptis animi & ingenii varietas, aut potius levitas atque inconstantia. Quo-

ties Casaubonum agnoscit Eruditissimum, Doctissimum, πολυμαθέστατον, & aliis ornat invidendis laudibus? Qui legerit hæc, Doctissime, ut soles, scribis; Eruditè notas, ut soles: qui illa: Fecisti, ut eo dignum erat, in quo maximus animi candor, & plurima veterum Patrum lectio est; Non dubito te eâ esse modestiâ; * Non fuerat tui candoris;

* Non fuerat tui candoris; * Ratione tecum agam, quâ maxime inter paucos vales; † In tanta eruditione mens Patrum ignota tibi esse non potuit: hæc, inquam, & similia alia loca qui legerit, non desiderabit in Bulengero modestiam: atqui hæc comparata ad convicia & calumnias, quàm levia, bone Deus! quàm nulla apparebunt? Studium novitatis, mentis inconstantiam, oris virulentiam sapius objicit. Illa autem, † Te sine ullo pietatis sensu esse, & †

† Te sine ullo pietatis sensu esse, & † fidem tuam ad gratiam Regis Angliæ quolibet flectere, facile demonstrari potest. Et, † Si vera tantum putas, quæ vidisti, quæ ex Athenæo & Strabone didicisti. Et, Ezekielis de quatuor animalibus visionem non ad Evangelistas, sed ad Angelos refert, ne cum Beato Hieronymo, Gregorio Magno, aliisque priscis Ecclesiæ Doctores sentire videaris; † Consultò ab iis, quæ ad pietatem faciunt, alienum te profiteris; quam malitiam & malignitatem præferunt? Sed neque est æquior universis quàm uni fuit. Nemo est, inquit, apud transfugas, qui gustum vel tenuissimum veræ pietatis habuerit, qui aliquo devotionis sensu ductus sit. Item, Calvinistæ sunt Ebionæi & Carpocratiani, quibus improbatur virginitas, & continentia, &c. ne sim tædio. Ultimum tamen hoc addam exemplum, nolo dicere cujus virtutis. Pater hæc scripsit de Beata Virgine, in Exercitationibus: * Favemus

* Favemus nos quidem toto pectoris affectu gloriæ Virginitatis; sed fingi mendacia in eum finem, aut fictis habere fidem, hoc verò nos zelo veræ pietatis succens, ferre non possumus, & in ipsius Mariæ contumeliam cedere non dubitamus. Et in alio loco, † Ministerium illud omne superans admirationem, cui Deus æternus ab æterno ipsam destinavit, virtutem & sanctimoniam desiderabat, quæ omnem comparisonem longè superaret. Est ubi etiam, nisi me fallit memoria, ἐξ ἀντιθέσεως de illis queritur, qui calumniantur Protestantes, non plaris aut ne tanti quidem illam facere, quàm alias quasvis mulierculas. Bulengerus ad hæc; † Quòd parum honoris ac reverentiæ Beatæ Dei Parenti habere vis, id solens more tuo, ac reliquorum à Catholica fide perfugarum, qui uxores suas quàm Dei Matrem plaris esse volunt.

lunt. Id ante te Lutherus, id Calvinus & Beza clamitarunt, & cum Antidicomarianitis bellum inexplicabile sanctissimæ Virgini ex professo indixerunt, &c. Placuit hæc prolixius persequi, ut daremus aliquod specimen eorum, quæ initio dicebamus. Mirabilis sanè zelus, qui virum eâ rerum peritiâ, & moribus, uti fama est, non malis, ad hæc potuit adigere.

Hos secutus est Andræas Eudæmon-Joannes, nomine terrori, an risui, composito. Hoc Andræa nihil post homines natos ab omni visum pudore & modestia profligatus, plerique mihi concesserint; qui vitia, quæ habet à natura, vanitatem & maledicentiam, cum quodam artificio ingenii, & orationis gratia condire longo jam usu studioque sit peritus, (in quo ejus eruditio, quanta quanta est, tota consistit) bonos allatrando, eorumque famam novis quotidie scriptis appetendi, nullum sibi finem aut modum statuit. Ante annos octo evomuerat pus suum atque venenum in Epistolam Patris ad Frontonem Ducem. Pariter nunc excepit Exercitationes, libro quò majori, eò pleniori calumniarum. Ne tamen nihil tam magno libro dixisse videatur, carpit & vellicat aliquot loca, Patres frequentes advocat, affingit multa per fraudem, atque ut rem in pauca conferam, toto libro aut cavillatur, aut, pari utrumque vesaniâ, maledicit. Qui legerit unum ejus librum, omnes legerit. Omnia ejus similia, paria, gemina. Non quenquam sua dignitas aut eruditio, non probitas & innocentia tutantur ab hac Furia, aut mitiorem saltem ac mansuetiorem faciunt. Non abstinuit suum virus ab illustrissimo Archiepiscopo Spalatensi, neque aliter cum eo egit impudentiæ retrimentum, quàm cum aliquo sui simillimo, postremæ vilitatis homuncione. De libro loquor, aut libello potius, quem contra venerabilem illum virum titulo *Admonitionis*, &c. paucis his annis edidit. Non possum facere, quin ex illo locum proferam insignem præter cæteros, & Lectoris animadversione dignum; non quidem propter rei novitatem, quod ibi mentiatur; (solens enim suo more facit) sed quia è mendaciorum infinito numero dignum est hoc, cui primæ sine controversia deferantur. Sic igitur ille *Admonitionis* suæ Cap. xviii. pag. 129. *Certè cum in Adversariorum libris mendaciorum myriadas detexerimus, in nostris illi voluminibus hætenus mendacia deprehendere non potuerunt.* Si aliquem colorẽ quæreret aut latebram suis men-

daciis Eudæmon, quamvis illa sint ejusmodi, ut nullo excusari queant artificio, nullo fuco obscurari, fortasse tamen crederemus aliquid pudoris in eo reliqui, qui illa in claram lucem proferri noller, & occultare conaretur. Hæc autem simplex & plana negatio (cùm de contrario sciat omnibus constare) cumulus est audaciæ, vanitatis, impudentiæ. Ut alios omittam, * quatuor Angli, viri clarissimi, in deregendis atque refutandis ipsius mendaciis operam posuerunt. Omnes id felicissimè (neque erat admodum difficilè) præstiterunt, & scatere ejus libros mendaciis impudentissimis, luce meridiana clarius ostenderunt. Ut de aliis nihil dicam, unum hoc illius mendacium de morte Arnaldi Casauboni, memoriæ felicis avi mei, tribus in libris accuratissimè, fusissimè dilurum reperire est, atque jugulatum. Hanc ille tam accuratam responsionem quum postea non refellerit, (neque enim poterat) sed ne tentarit quidem, atque eâ defensione utatur ad objectum sibi calumniæ crimen amoliendum, quæ levissima sit, aut verius nulla; ausus est illam tamen hoc ultimo contra Patrem meum libro tanquam rem certam atque indubitam non uno loco repetere. En hominem, qui mentiri non solet! Expecto quàm mox dicat aliquis, bis duo non esse quatuor; meridie non lucere; Gasparem Scioppium esse virum probum:

Omnia jam fient, fieri quæ posse negantur;

Et nihil est, de quo non sit habenda fides.

Quod autem de defensione diximus, quâ utitur Eudæmon-Joannes, an jure dixerimus, tu, Lector, judica. Conatur ille calumniæ tam manifestæ invdiam ad alios transferre, seque illius Authorem negat; Clarum enim Bonarscium multò antè Parenti meo paternæ mortis infamiam objecisse in *Honoris Amphitheatro*; quod neque ipsum ignorasse, probare ex eo contendit, quòd sit aliquando questus Pater, *Clarum Bonarscium magnâ petulantia in se esse invehum.* His ego de verbis, eane Patris an non, & quâ sint occasione scripta, curiosius inquirendum mihi putarem, si quicquam ipsa ad rem facerent. Ego verò ultro concedo adversario, verisimile esse ea Patrem non latuisse, si quæ scripta ejus generis à Bonarscio in ipsum prius evicerit. Quod ego fidenter nego cum multis aliis, qui torum illud Amphitheatrum studiosè perlustrarunt, & tale nihil in eo depre-

*Abbas,
Pridaux,
Collonus;
Bartholæus.*

*R. Abbat
Amil.
J. Pri-
doux Ce-
les.
Jf. Casau-
boni Exor-
cizat.*

hendere potuerunt. Non debuerat sanè locum & verba omisisse, si quæ bonâ fide proferret, Eudæmon habuisset. Porro ut omnem scrupulum eximam curiosi Lectoris animo, qui librum Scribanii nunquam legerit, testem dabo veritati ἀξιωματικόν, Jesuitæ Jesuitam opponam; sed πολλὸν ἀντιθέξιν ἄλλων. Scias autem, Lector, me, si quid in humanitatis leges peccare tibi videar, quoddam boni viri Epistolam, & quem aliàs colere me profiteor, ipso inconsulto publicem, id facere ipsius exemplo, qui privatas Patris ad se, atrocissimo ejus hosti communicavit, quibus ille in defuncti contumeliam quâ posset uteretur.

• ANDREAS SCHOTTUS
ISAACO CASAUBONO

• ἐν πρῶτῳ.


Vide supra,
Epist. ad
Casaubon.
num. XL.

Tuas accepi, clarissime Casaubone, & in Britannia hæere velle legi invitus. Mallent docti omnes ac φιλέλληγες Polybium, illum Græcorum Historicorum κεκοιμῶν, edolare, ut cæperas, pergeres, & promissa pridem σελῖα dares; potes enim, ac debes, potius quàm te in certamen non necessarium demittas, extraque chorum saltes, sine fructu, immò damno tuorum scriptorum. Scis quàm Josephi fama detensa, dum senex tangit acerbius, à quibus ne verbo quidem læsus esset, Socios nostros, viros omni doctrinæ genere præstantes, Toleros, Bellarminos, Posservinos, Pererios, cæteros. Certe nollem in nuperis tuis illud de libro adjecisses ejus, cujus me potestati semel commisi, dictoque audiens, domi unâ versor. Qui in ἀντιθέξιν cavit studiose, ne Thuanum, Præsidentem amplissimum, teque etsi nominaret, volens lederet. Optaret potius in Ecclesia te Romana, desertis illis Calvinii castris complecti in Domino. Quid enim prodest homini, &c. Et absque fide Majorum salus minimè speranda, ut extra Petri Cymbam naufraganti. Sed hæc tu melius. Quò illi, ut opto, æquiores te præbeas, mittam ad te, si voles, tres ejus Scribanii Controversorum in Fide Orthodoxa libros, typis Plantinianis prope evulgatos; placebit ὁσπερὶ καὶ ἡ ἑστὶν & stylus magis delectabit, nisi judicans fallor: verba enim dare nollem, quando Belgarum candorem non ignoras. Antverpiæ, Id. Januat. CIO IO CXII.

Quod addit Andræas, eandem fabulam Galli cujusdam, itemque Scoti nescio cujus sermone, & nonnullorum literis fuisse sibi confirmatam, id cujusmodi sit, Lector, ut spero, satis intel-

ligit. Ea demum est tutissima mentendi ratio, quum metus non est, etiam si nemo tibi credat, ne falsi possis argui. At saltem nomina suis testibus alicundè quæsiuisset: quo notat Theophrastus uti τὰς λογιμὰς artificios, ut mendaciis suis fidem concilient; aut sanè, unico Gallo, Scotoque unico contentus esse non debuit, cum sat esset anonymorum testium, unde mendacium fieret multò liberalius; cujus profectò Cretensis parcus esse non amat. Sed hanc qualemque verecundiam immani compensat & supra quàm dici potest impudenti mendacio, dum ait, usque adeò puduisse Casaubonum ejus infortunii, ut in iis libris, quos recentè etiam facti memoriâ emisit, pro Casaubono se Horti-bonum appellaret. Nam sanè libri, quos Pater emisit post avi mortem, CASAUBONI nomen præscriptum omnes habent, quum illi, quos junior edidit, HORTI-BONI nomine sint inscripti; ut si quid erat ex hac re concludendum, aliud nihil effici poterit, quàm etiam crevisse illi desiderium post sui parentis obitum, ut omnes cum scirent ARNALDI CASAUBONI filium.

Non est consilium, Lector, omnia vanissimi nebulonis de Patre meo mendacia persequi, quum satis de ejus mendacitate jam constet: nolo meo otio tuâque simul abuti patientiâ; unum tamen ex tanta copia liceat addere, quod perditam ejus audaciam cum cæteris arguet, & velut ἐνδεικτικόν. Hæc ille scripsit de Patre Respons. ad cap. iv. prim. Exercitat. pag. 43. Henrico Magno superstite ejurandæ Calvinianæ hæresi diem dixerat: eo mortuo accitus in Angliam, è Genevensi Puritano Protestans Parliamentarius factus, sacerdotalem togam, quadratum pileum superpelliceum induit, visibile in terris Ecclesiæ caput in Jacobo Rege coluit, nihilominus culturus in femina, si ea cœmisset, &c. Deum immortalem! adeò' esse quenquam suæ famæ prodigum, adeò' ab omni, non modò pudore, sed simulatione pudoris relictum, ut contra innumeros testes, contra lucem omni luce clario-rem, animum queat ad mendacium obdurare? Ut frivola illa & inepta transeamus de visibili Ecclesiæ capite, & illa de die dicta ejurandæ hæresi suo loco reservemus, ubi accuratissimè refellemus, quis unquam vidit in Anglia Casaubonum sacerdotali togâ indutum, aut omnino quicquam, quod proprium Sacerdotis esset, usurpantem? De pileo quadrato, & superpelliceo, quamvis habeant hic illa Academici communia cum Clericis, est tamen æquè fal-



falsum; neque enim iis est usus unquam Pater. Quæ de testatissima veritate tam impudenter es mentita,

Quid non audebis, perfida lingua, loqui?

Hi sunt omnes, qui aliquid in Patrem post ipsius obitum scripserunt; hi, inquam, omnes, quos hæcenus videre mihi contigit. Multi sine dubio, qui obiter, & velut in transcurfu eum aggressi in suis libris, multis calumniis & convitiis incesserunt; è quibus nescio

quis tenebrius Sandæus, qui in libro *de Fide Remonstrant. Hollandorum* aliquot paginis in ipsum impotentissimè, & τὰς ἐξ ἀμάρτης debacchatur. Verùm nos illos omnes omitemus, & eorum maledicta petemus ex ipsis fontibus, è quibus illa tanquam rivuli profluxerunt, & fuscè, Deo propitio, confutabimus. Omnes autem illorum criminationes possunt ad hæc tria capita referri. 1. Fidem sive pietatem in Deum. 2. Mores. 3. Doctrinam. Agamus igitur ordine de his singulis, & quæ illi objiciant, audiamus.

MERICI CASAUBONI P I E T A S.

P A R S S E C U N D A.

D E F I D E E T R E L I G I O N E I S A A C I C A S A U B O N I.

Postquam semel sedet adversarius causam suam fraudibus & mendaciis, si res ita ferat, contra viros doctos tueri potius quam herbam, quod ajunt, porrigere, aut tacere; proximum est, ut quam cautissimè fieri possit, dolos suos struant ad rei successum. Nam, ut ait Lucianus, ἔμψυχοι μικρὸν ἔδει ἀπλῶς ἐπὶ τῷ το (τὸ Διόβαλλον) ὡς αὐτὸς ἐπαλάσει, ἀλλὰ πολλὰς μὲν πικρὰς καὶ ὀλίγας δὲ ἀγχινοίας, ἀκριβεῶς δὲ τὸ ἐπιμελεῖας δεόμενον. Neque enim de omnibus omnia æquè pulchrè finguntur, aut apud omnes fidem pariter invenirent. Quid autem calumniando proficiunt, εἰ μὴ Διόβαλλὸς πιθανὸν τινα τρόπον ἐχέμετο, ut idem ait, nisi ad præscriptum famæ & opinionis conflata sit, ut Apulejus loquitur? Noti solâ famâ viri vita potest traduci, & cujus in obscuro nomen, quantavis eruditio calumniis opportuna est. Alicujus innocentiam fabulis ac figmentis attentare apud eos, quorum versatur in oculis, aut de spectatissima eruditione velle rumoribus detrudere, eorum est, quorum pessimæ voluntati non par respondet artificium. Qui igitur verentur ne magnorum viro- rum autoritas, ac popularis existimatio vim ac pondus habeant apud multos ad persuadendum, & ad exemplum suum trahendum, callidè repperunt, qui eâ uti in contrarium, adversarios

scilicet suis ipsorum armis oppugnare, seque iis munire possent. Cum igitur uniuscujusque sensa, atque intimi animi recessus non vulgò pateant, sitque dissimulatio res hodie usitatissima, hinc illis visum est petere calumniarum suarum ac fabularum occasionem & materiam. Est igitur è nostris aliquis magni vir nominis, & cujus judicio multum plerique tributuri videantur. Hujus auctoritatem si nequeant elevare, id agunt, ut quicquid ille præ se tulerit, eum tamen secum sensissè vulgò persuadeant. Hinc tot commentitii ac fabulosi obitus, tot repentinæ mentionum atque opinionum mutationes confictæ, tot viri graves ac pii simulationis atque inconstantiae postulati. In re nota non teram tempus exemplorum copiâ; unicum adducam, quod loco tam opportuno non possum salvâ pietate præterire. Adolphus Meeterkerkus, vir nobilissimus & doctissimus, cum factis ita volentibus Belgium mutasset Angliâ, obiit Londini anno 1715 xci. constantissimâ Fidei antè agnitâ professione, & pietatis laudabili exemplo. Vir doctissimus, qui composuit *Elogia Belgica*, non veritus est scribere, *Eum morientem scriptis esse testatum, veram Religionem non esse extra Catholicam Ecclesiam Romanam*; quod amici, qui decumbenti frequentes adfuerunt, & ipse τὸ μακαρίτης filius Edwardus Meeterkerkus,

kerkus, Regius in hac Academia Professor linguæ Hebraicæ, (vir in summa doctrina modestiæ non minoris, & ejus disciplinæ alumnum me fuisse, valebit semper mihi ad integritatis testimonium apud eos, qui cum nôrunt) qui servat fideliter ultimam ipsius voluntatem, sciunt & testantur esse falsissimum. Simile est, quod mox addit, *filiam pestilentem insulam reliquisse*, quæ in eam nunquam pedem intulerit. Laudat quidem suum Autorem vir clarissimus; fortasse potuit & ille suum; originem tamen habuit fabula ab ea, quam dixi, causâ. Casaubonus igitur, qui magis erat notus in patria quàm ut famam ejus & existimationem lædere quisquam posset, aut imminuere; quod facilius esse judicabant, qui erat professione Ecclesiæ Reformatæ, factus est ab adversariis animo Pontificius. Mirabar, cum essem in Gallia abhinc triennium, creberrimos hominum sermones, Casaubonum fuisse Catholicum; Casaubonum Romanæ Ecclesiæ dogmata amplexantem diem suum obiisse; multos me sæpe hortari à Patris fide ne discederem. Monstro simile est, quod audiavi ipse à nonnullis, morte cum violentâ sublatum, ne posset suam fidem publicè hic in Anglia profiteri. Certè quendam his fabulis eo tempore ex ambone populum pavisse, ipsi mihi Pontificii, qui adfuerant, pro certo retulerunt. Immo verò ausus est nuper quidam Scriptor Historiæ sacrum pudorem vanissimo commento prostituere, cujus hæc sunt verba: *Il est très-assuré que Beze fit tout ce qu'il peut pour mourir Catholique. Il est très-assuré que Casaubon en Angleterre eut fait ce qu'il avoit promis cent & cent fois à ce grand Cardinal, si on l'eut laissé faire.* Id est: *Comportissimum est Bezam Genævæ omnem movisse lapidem, ut Catholicus posset mori. Comportissimum Casaubonum in Anglia facturum fuisse si licuisset, quod toties magno illi Cardinali receperat.* Fieri potest ut miraturi sint aliqui, tantum contra veritatem mendacia rumoresque valuisse; sed periti rerum, atque hodierni moris scientes non mirabuntur. Quid verò mirum potuisse rumores post ipsius obitum, quos ipse vivens verbis, scriptis, comprimere tot annorum spatio non potuit? Non enim primum post mortem ipsius, aut transitum in Angliam coeperunt illi spargi; tunc reverà coeperunt, cum inter tot diversarum partium homines versari, cum de Religione disputare cœpit cum amicis, ipsis cogentibus, illo frustra reluctante; hoc est, statim post adventum Lutetiam. Uti-

nam haberem omnes literas, quas toto tempore suæ commorationis in illa urbe dedit ad amicos! possem hoc per singulos annos probare, simul & causas cæteraque eò pertinentia Lectori ob oculos ponere. Sed ex illis, quas habeo, utcumque potero eruere veritatem. Anno Domini 1610 c. habitata est nobilis illa tum personarum claritate, tum causæ magnitudine Discretio inter Mornæum, Plessæi Dominum, & Episcopum Ebroidensem. Non multò post Canaius à Fraxinis, Vir quondam magnæ dignitatis & existimationis in Ecclesiâ Reformatâ Religionis in Gallia, quicum arctissima amicitie conjunctio Patri intercedebat, *ὡς τὴν πρὶν ἐναυαγήσας*. Tunc admodum dubii fuerunt de Patris animo ac sententia in causâ Religionis sermones; his studio falsa spargentibus, illis de aliorum ingenio ingenium ipsius spectantibus, quasi necesse esset Patrem sequi ejus exemplum hac in re, cui & intimâ familiaritate erat amicissimus, & magnis beneficiis obligatus. Cum sinistris his suspicionibus multi offenderentur, & cum primis Pater ipse, ut omnem in posterum illarum occasionem præcideret, animumque suum omnibus patefaceret, scripsit ea de re ad Synodum Gergeviæ per id temporis habitam. Doleo me non posse ipsarum literarum hic exemplum dare *, supplebit tamen hunc defectum locus à Petro Matthæo, præstantissimo hujus ætatis Historiographo: *On tenoit aussi que Casaubon, l'un des Commissaires, suivroit le même chemin comme on dit, que la Perche suit le Negroël. Il ne laissa pas long temps le monde en ceste opinion, ayant escrit au Synode des Ministres assemblez à Gergeau, qu'il n'estoit pas si malheureusement instruit en pieté, qu'à faulte de cognoistre la verité il se laissât emporter à chacun vent de doctrine. Comme le Synode s'esjouit de la constance de Casaubon, aussi il se mist en choler contre la metamorphose de Canaye, & respondit à la lettre du premier, &c.* Id est: *Credebatur etiam Casaubonis, qui erat ex Arbitris, exemplum Canaji secuturus, ut ἵπταται πλεον τὸ μέλας ὄψιν.* Hanc ille suspicionem animis hominum diu insidere non est passus, datis literis ad Synodum Ministrorum, tum temporis Gergeviæ congregatorum, quibus significabat se non tam miseros in pietate progressus fecisse, ut propter veri ignorantiam sineret se *περιφρονέσθαι πάντῃ ἐπιφ. 4. ἀνίπ. τῆς διδακταίας.* Synodus ut letata Casauboni constantiâ, ita indignata est ob Canaji metamorphosin, responditque illius Epistolæ, &c. Utrasque aut typis

* Exstat
Epistol.
num. 232.

Tom. 1.
lib. 3.
pag. 561.

Erat General des affaires de France; imprimé à Paris, l'an 1617. pag. 854.

mandatas idem Scriptor; sed Gallicè, ab imperito Interprete verfas. De hac Epistola loquitur Pater in literis ad Gasparem Laurentium, anni c15 15 c1.

ISAACUS CASAUBONUS
GASPARI LAURENTIO,
viro doctissimo.

Quam mihi voluptatis tuæ literæ attulerint, amicissime Laurenti, non aggrediar verbis tibi significare; neque enim si vel maximè vellem, possem tamen. Dicam verò, quod res est. Cum enim ærumnas propè intolerabiles veteris amici *ἡμετέρας* tam insignis nobis attulerit; par prope gaudium ex eo percepimus, quod data esset facultas declarandi animi mei, & constantiæ in purioris Religionis professione. Etenim cum tantopere viderem laborantes *τὸ ἐξ ὑμῶν*, ut falsos de nobis rumores totâ Europâ (vide hominum stultitiam, & vanitatem vide) disseminarent; non erat committendum, ut plus illis fuisse animi in tuitione falsarum opinionum, quàm nobis in confessione verissimæ Veritatis, posset cuiquam videri. Miram sanè hominum (si homines sunt appellandi monstra ex mendaciis conflata) impudentiam! Quid enim fuit, unde hoc sibi de nobis persuaderent? Proferant dictum, aut factum meum, & culpæ illos absolvam.

Canajus autem, postquam priorem ipse fidem abjuraverat, nihil intactum reliquit, quò intimum suum ad se traheret; & cum absens ea de re sæpe cum eo per literas ageret, cuidam ejus Epistolæ sic Pater respondit.

Accipe igitur, amplissime Domine, non responsionem ad illam tuam accuratissimè scriptam Epistolam; neque enim patitur *ἡ ἐπιστολή* sed fidum planèque certum observantiæ pignus ab eo profectum, qui cum in omni officii genere candorem, simplicitatemque suam ac constantiam tibi cupit esse probatam; tum in eo maximè negotio, quo de tantâ accuratatione à te nuper est actum. Noli verò, per immortalem Deum te obtestor, hanc moribus meis notam inurere, ut alterplicum hominum more aliud me corde sentire, aliud fronte promptum gerere existimes: non facio, non feci unquam, neque unquam sum facturum. Servet modo Deus Opt. Max. quam indidit nascentis animo *φιλαλήθειαν*. cuius ego vel præcipuum testem fueram te laudaturus, si fors tulisset, ut alieno testimonio *τὸ ἐπὶ τῆς ἡμετέρας γνώμης ἡ ἀπλοικὸν* haberem probandum. Putavi ego stultus, persuasissimum tibi esse ex veteris amicitiae, quâ me dignatus es, longo usu, tuum Casaubonum ceteras quidem laudes, quas fortasse quorundam comitas

illi adscribat, ut alienas aspernari, & facere non tanti: ceterum id unum summaperè semper contendisse, ut vivus, nec vivus, veteris Poëtæ dictum tolleretur: *πᾶν ἐν ἀληθείᾳ πηλασμένον ἐκ θεῶν ἐστίν*. At tu, magne Vir, *Ἀσπίδην* illis me adnumerat, quos Pater ingeniorum *ἰσως αἰδᾷ* πᾶσι bonis ait exosos. Scribis enim, satis te acceptum habere, nos in re omnium gravissima, *ἐν τῷ μὲν καὶ θανάτῳ ἰνὶ φρεσὶν ἄλλο ἢ βάζειν*. Mene? *Ἀσπιδότομα* πάλιν αὖθις τὴν καρδιανύσσειν θεῶν, non scire me unde ista tibi de nobis nata sit opinio. Convenio memoriam meam; ab illa omnes sermones exigo & garritus nostros; nihil invenio, nisi forte justissimas querelas in tuum sinum liberius olim effusas de certorum hominum sinistritate, & in bona causâ animo, ut videbatur, non bono. Si alia sit mens nobis, cur dissimulem? cum præsertim quod me hic teneat, nihil quicquam eorum inveniam, quæ in rebus expetendis solent spectari, præter causæ iustitiam. Quid? tu me adèò insanum judicas, ut contra mea commoda & meorum, qui vitâ meâ mihi chariores sunt, animum in dissimulatione obdurem? O me vacui capitis, & iudicii, si ita est, planè nullius! Sed & odio dignissimus sim tot Procerum & summorum virorum, qui pro sua in nos benevolentia & in literas amore tantopere tam sæpe idem, quod tu, à nobis exegerunt. Omitto illius divini capitis ** πειθανάγκας*, in cuius unius *ἐξουσία* secundum Deum potestate, ac nutu, omnes spes, opes, fortuna, vitâ ipsa nostra est posita. Huic ego tam benigno, tam clementi Hero meo, sine ulla exceptione morem posse gerere, ipsâ, mihi crede, vitâ meâ vellem redemptum. Sed scit ipse quid me impediât; & pro sua equitate facilis ignoscit. Tu quoque, amplissime Domine, idem facias velim; tibi que persuadeas, neque in hoc negotio, neque in tui cultu, & observantia, aliud unquam mihi linguam esse professuram, quàm quod *φρονῶν κίνηται ἐν μυχῷ*.

Quid aliud ageret, quam aliam viam iniret, qui has suspiciones ferret ægerimè? Sed ne sic quidem multum profecit: quod ipsum cum mirum in modum angeret, omni ratione mendacio obviam ire constanter perstitit. Hunc in finem varias ad amicos scripsit, & quibus una, quam fortè animo commotior scripserat, cum in manus Canaji pervenisset, multum ei molestiæ, aut etiam periculi creatura videbatur, absque Regis fuisset bonitate ac mansuetudine. Anno Domini c15 15 c1v. quum nescio quid colloqui, & disputationis illi fuisset ex occasione cum Cardinale Perronio, multò magis diffemi.

feminari ac dissipari coeperunt iidem rumores, quàm antea. Sed neque tunc sibi Pater, aut Veritati defuit, scriptâ hac ad Cardinalem Epistolâ, quæ per id tempus est non semel excusa.

ISAACUS CASAUBONUS
JACOBO DAVY PERRONIO,
CARDINALI.

Libros remitto tibi, illustrissime Cardinalis, quos nudiustertius commodaſti; eoque nomine gratias ago gratissimas. Optarem eo cimelio diutius frui posse; neque dubitarem, *ἔγω οὐκ ἀπαιρῶ*, fore non inutilem Reipublicæ literariæ, quam ibi ponerem, operam. Nunc pauculis horis, idque raptim inter negotiorum strepitum, ex Arabica Epistolarum D. Pauli interpretatione quædam descripsi; nonnulla item cum editis Romæ Arabicis Evangeliiis contuli. Aegyptiacæ verò linguae miram observamus rationem; sic enim è Græca & vetere Aegyptiorum est conflata, ut puris putis vocabulis Græcis multa sint mixta, quæ neque *ἰδιωτισμῶν* sapiunt, neque ullam omnino earum linguarum, quæ sunt ab Hebræa derivatæ. Omnes Græcorum characteres in ea deprehendimus, & alios insuper quàm plurimos: ut necesse sit illius linguae *τὸ πλεονέκτημα* esse oppido multa. Equidem ædes Crassi aut Licinii campos non meream, ut tantum Thesaurum non tractarem, quàmvis modico tempore. Sed tuum istud beneficium, illustrissime Cardinalis, prope nobis reddunt invisum rumusculi à tuis, ut audio, & aliis nonnullis dissipati. Viderint illi, qui tale nihil cogitantem, & studia longè diversissima omni contentione animi urgentem, *Φίλιππος καὶ Παύλος* interpellarunt, quàm sit professioni ipsorum ea jaçtatio, & *κομπασμὸς* conveniens. Ego, qui vigilas omnes meas amoris veritatis in quocunque genere literarum semper impendi, non *λεγομαχίας* πρὸς ἐπιδεικνύμεν comparatis, re jam experior, quod apud gravissimum virum, Gregorium Nazianzenum, sæpe legeram: vix ac ne vix quidem hujusmodi *συζητήσεων* ullum unquam extitisse fructum. Mibi persuasissimum est, eam demum esse pietatem Christianam, quæ *ἐκλαμπρά ἀνθρώπων* insuper habens, *ἀνταπαισίου* doctrinæ adheret Divinâ Scripturâ contentæ. Hac una est, quæ doctrinæ regulam figit, ut alicubi ait Augustinus; & illa Ecclesia vera, quæ non est egressa de finibus suis, id est, de Scripturis Sanctis, ut ait disertè Hieronymus. Porro autem *ὁ βιβλαῖον ἱπᾶς* Spiritus Sancti efficacia, docente Paulo, Deus est ipse. Quæ enim adversus hanc *ὁ οὐκ ἀποδοκίματον* disputari audiui, nuce

castâ viliora judico, quoties vel ad divinâ promissa, vel ad fidem antiquam oculos mentis refero. Hanc nostram *ἀποφασίαν* si quis est qui labefactare cupiat, age, quod sæpe nuper dixi, rationes suas scripto complectatur; nos, freti virtute Dei, parati sumus ostendere, frustra Antiquitatem ab illis jaçtari, qui Sacre Scripturæ miris modis, ut quidem videtur nobis, detrahentes, vetustatis auctoritatem pro ratione obtendunt. Nuper, non sponte quidem meâ, quod tute scis; neque enim eâ sine veneram, sed impulsu tuo quædam proposui *ὁμοῦ γυναικὶ καὶ ἄνδρι*, quæ viderentur esse *τὸ πρῶτον* *ἀποφασίαν*. Idem nunc quoque affirmo; & doctrinam de sacra Eucharistia vestram cum aurea Veterum simplicitate pugnare, non disputandi gratiâ, quod semper sum aversatus, sed quia sic credo, *πᾶν αὐτὸ καὶ πᾶν* confirmo. Beati Augustini, & Theodoretī loca, quæ mihi nuper in mentem fortè venerant, & de quibus singulari subtilitate multa sunt à te disputata, ut amplius de iis cogitandum pro meorum morum candore dicerem, non temerè, neque contra Auctorum mentem à nostris laudari, eorum rationibus æquâ lance expensis parebit. Jam de imaginibus, & hodierno earum cultu, quid in me nuper receperim, quantumvis obstrepentibus cunctis, scio, meministi: non recusare me, quin ex Historia Ecclesiæ luce meridianâ probarem clarius, prodigio videri posse simile, quod quidam patrocinio veterum Orthodoxorum illas tueri sustinent. Dei hominumque fidem! hocine est veritatem propugnare, an quod Philosophi ajunt, *διδάσκω τὴν ἀσέβειαν*: nam quæ in eam rem nuper afferbantur, solerter esse excogitata non negamus; cum Dei Verbo, & quod toties assertum est, cum antiquæ Ecclesiæ usu convenire, hoc verò præcise negamus: quod non eapropter dicimus, ut tuum à nobis animum alienemus; magni enim facimus, pro eo ac debemus, amorem tuum; sed ut verissimum esse cognoscas, quod sæpe *διμαρτυροῦμαι*, unicam esse flectendi nos atque alio traducendi rationem, si Ecclesiæ, cui sum innutritus, doctrina *ἀποφασίαν* Dei Verbo & primæ Ecclesiæ consensui, ad capita fidei quod attinet, probetur esse contraria. De quo cum nullum unquam dubium animum mihi incesse; cūque ad alia omnia præclusas aureis nos habere cunctis, qui me non ignorant, confidam esse notissimum; quid est, quod in eam spem quenquam mortaliū adduxerit, quasi abduci ab accepta fide possemus? Illud equidem assiduus à Deo Opt. Max. precibus postulo, flagitoque, ut mentis meæ tenebras velit non *ἡ ἀδελφότης* luce illustrari, sed verâ; hoc

est, illā, quam in Verbo ipsius lucere tota vetus Ecclesia una voce pronuntiat: et si quis ducem mihi se profiteri gestiat, maximam, testor τὸν ἀρχιερέων Deum, inierit à me gratiam, praeat modò rectè, & itineri illi insistat, quod sanctos Patres, quorum nomina vereor, esse ingressos, trivisseque certissimum apud me est. Ceterum, si quis me nonnullorum hominum similem arbitratur ὡς τοὺς ἀρχιερεῖς, & ἀββῆτας κατέχει, neque ille me novit, & ego ejus amicitiam, liberè loquar, nihil moror. Quid multa? nemo, opinor, est, quin sciat quæ studia profiteamur, quarumve literarum notitiā Regi Christianissimo innotuerimus. De his qui voluerit cumque mecum agere, gratissimus semper fuerit: nam neque ad discendum ullam ducimus etatem seram, & ad docendum nulla potest cuiquam propensior esse voluntas, quàm mihi. Sed moror te. Unum illud adjiciam, teque per eam benevolentiam, quam ultrò (quæ est tua humanitas) & detulisti & prestitisti mihi, obtestor, ut scripturam hanc aequi bonique consulas. Ego Dominum Jesum toto pectoris affectu veneror, ut quas in te collocavit ingenii doctes excellentissimas, eas ad conciliandam Ecclesiae ipsius pacem constanter referas. Vale, illustrissime Cardinalis, & me, quod facis, ama. Lutetiae Parisiorum, a. d. 111. Id. Octob. c15 15 CIV.

Plura possent hujus generis hic proferri, nisi multa adhuc mihi deessent, quæ ad gerendam hanc cum industriae laude, quam suscepi, provinciam, magno mihi essent usui, & adjumento. Potest tamen ex his, quæ adduximus, judicare Lector intelligens, quantæ sit prudentiæ, famæ ac rumoribus fidem statim non adhibere, sed assensum ad accuratum & fidele examen sustinere. Si enim is, qui nihil non molitus est, ut hos de se rumores, & sermones extingueret, extinguere tamen non potuit, quid fiet bonis quibusdam hominibus, qui freti suâ conscientia, quid populus dicat, parum, aut nihil omnino putant ad se pertinere? Si talia de vivis, & presentibus finguntur, quid, quæso, non audebunt de mortuis? Anno Domini c15 15 CVII. scripto libro * (de quo erit infra plura dicendi locus) contra Papam & ejus assecras, satis ostendit quanti faceret illorum gratiam, aut quàm adhuc se facilem illis, & flexibilem præbuisset, qui pietatem illius tot jam annos tam cupidè tentabant. Anno c15 15 CIX. renovata cum Cardinale Perronio certamina, quæ & aciora prioribus, & multò fuerunt diuturniora, antè enim non

cessarunt (nisi per intervalla quædam) quàm Galliam ipsam reliquit Pater, in Angliam proficiscens. Invitissimus sane, ut jam antè monuimus, accedebat ad istiusmodi contentiones, à quibus & voluntas & genius abhorrebant. Effugendi tamen nulla planè erat via, tunc maximè, quum ad aliorum importunitatem Regis accessit auctoritas, qui (ab aliis ipse stimulatus) Cardinali Perronio negotium dederat, ut cum ad sua castra traduceret. Quæ autem Cardinalis instantia, quæ Patris constantia fuerit eo tempore, patebit ex hac Epistola.

ISAACUS CASAUBONUS.
RICHARDO THOMSONI.

GAvissus sum non displicuisse tibi Polybium nostrum, quamquam scio quid intersit amorem inter, & judicium. Ubi seriò legeris quæ sunt à nobis profecta, invenies, scio, quæ reprehendas multa & gravia. Sed memineris in ea urbe illa me scripsisse, ubi alia omnia mihi curanda potius sunt quàm studia. Scit hoc Tomkys noster, qui aliquot jam menses apud nos agit: ille in patriam reversus tibi narrabit, quibus machinis, quàm assiduè operà, quàm variis artibus mecum ab iis agatur, qui traducere me ad alia castra conantur. Feci & facio quotidie omnia, ut me semel liberem: scit hoc quoque ille idem amicus noster, sed frustra. Itaque velim nolim Theologiae studiis cogor cedere. Quid proficiam, scirent si & caritas, si liberum mihi esset scripto persequi cogitationes meas. Nunc, quod unum superest, id facio assidue, ut quantum τὸ τῶν ἀνθρώπων ἐπιδημιᾶν, μᾶλλον δὲ τὰ ἡμετέρας ἀποδείας ἀνέφερον atque abominer, palam & altè voce quotidie in os declarem. Quid mihi ex ea re sit metuendum satis intelligo, & fungus sim, si non videam. Sed nos dudum & nos & nostra omnia Deo Opt. Max. permisimus. Ille, spera, & τὰς τῶν πατριῶν ἀδελφῶν ἀδελφῶν τῶν δεινῶν nos firmabit. De Polybii Commentario si quæris, ille verò jacet, & æternum jacebit, dum mihi cum purpurato viro maximo assidue de Religione contentiones erunt. Is est, qui omnibus in hoc Regna literatis, ac nominatim τῶν ἀπὸ τῶν βιβλίων τῶν βασιλέων præστ. Non puto majus extare hodie ingenium. Cum hoc viro assidue versans propter munus meum, assidue dimico: ἅντ' ἰδίαν ἵκεται πῶτα ἐν ἀνδ' καὶ δόξας τῶν ἀγαθῶν. Quare post absolutam versionem Polybii, illa studia ne salutavi quidem πρὸς τὸν, & omnino pessimo loco res studiorum nostrorum sunt posita. Deus nos respi-

* De Libertate Ecclesiastica.

respiciat: τοιοῦτον μὲν γὰρ καὶ ἡ φύσις αὐτῆς.
Vale. Lutetiae Parisiiorum, a. d. v. Kalend. Januar. quas Kalendas opto tibi felicissimas, CIO IO CX.

Verum tam crebra ac penè quotidiana de Religione colloquia, quos sermones peperint, quæ monstra fabularum, non difficilis est conjectura. Quin Pater tunc quoque se illis pro virili sua parte opposuerit, haud est dubitandum. Utinam tamen haberem illas, quas toto illo tempore scripsit Epistolas! Facile pateret meam hic à nonnullis reprehendi *παροχίας*, dummodò diligentiam nemo desideraret. Unam habeo, quam apponam, scriptam ad Virum clarissimum, Danielelem Tilenum: ejus hoc est exemplar.

ISAACUS CASAUBONUS
DANIELI TILENO.

Ep. 1043. **E**pistole tue plurimum paginarum, quæ tua est facundia ac devotio, præstantissime Tylene, paucis verbis respondebo. Scito igitur eos, qui tibi narrarunt me vel metu famis, sic enim ais, vel ex indignatione adversus N. N. * animum in causa Religionis mutasse, rem falsissimam & a moribus meis alienissimam, tibi retulisse. Verum quidem est, id sedulo egisse N. N. † ut ego & omnes mei quantum in ipsis foret, omnibus nostris fortunis eversi *δυνάμει καὶ πρὸς θεῶν experiremur*; nihil enim boni illi viri fecerunt reliqui, quo mihi meisque modis omnibus nocerent; mihi, qui *καὶ ἐκείνῳ καὶ τοῦ Θεοῦ* parentis loco semper illos colueram. Sed propterea cœpisse me de Religione, quam N. N. ‡ profitentur, deterius sentire, aut loqui, hoc verò falsum est, commentitium est, diabolicum est. Quod si libertatem dicti pateris, te miror, clarissime Tylene, potuisse adduci, ut ejusmodi aliquid sineres tibi persuaderi. Non enim video, quò illa pertineant, quæ in eam rem scripsisti mihi, nisi ut nutantem ex illa causa confirmares. Laudo quòd rumusculos illos non planè contempseris; & quòd amici officio sis functus, habeo & ago gratiam. sed potuitne fieri, ut ipse crederes id genus argumenta vel tantillum apud me habere ponderis? Egone alicujus inopiæ metu commovear, qui didici à puero *τῷ Θεῷ ἀποδοῦναι ἡμῶν*? qui opes, honores, & quicquid vulgus miratur, tanti nunquam feci, ut eorum causâ vel manum vertere dignarer? qui fortunam auream toties in meos lares irrumpere conantem, & tantum non fores effringentem, fortiter & irretortis oculis (uni Deo sit laus & gloria) semper expulerim? Sciunt hoc amici mei om-

nes, quibus utor familiarius; scit in primis & καὶ διοργανὸς Deus.

His ita declaratis, unde ortum habuerint qualescunque calumniæ de Patris fide, sive illæ priores ejus obitu, sive posteriores, cuiquam obscurum esse non potest; ut mirari jam, neque moveri illis nemo debeat. Unus omnium illas diligentissimè collegit Heribertus Rosweyodus, primusque pro veris certisque ausus est obtrudere: quapropter singula illius excutiemus. Rosweyodus: * *An excidit tibi, Casaubone, * præf. quam sæpe de fidei rebus controversis cum illustissimo Cardinale Perronio egeris, ut gravissimis ejus convictus disputationibus, fidem dederis fore, ut proximis feriis Pentecostes, anno M DC X. hæresim ejurares? Sed execrandum Regis Christianissimi parricidium consilia tua intervertit. Cum enim Calvinistæ sibi fingerent Bartholomæanas quotidie imminere Matutinas, & te ad Romanam fidem jam propensorem viderent, auctores fuere, ut invitantem te Angliæ Regem inviseres. Cui probas, Rosweyde? Quid est, quod minus verisimile proferre potuisti? Casaubonus, qui vivo Henrico IV. Rege optimo, quum libertate conscientiæ & professionis in causâ Religionis securè posset frui, ad Pontificios erat transiturus, idem post Regis obitum, cùm Calviniani extrema quæque metuerent, sententiam mutavit, & Calvinianus esse maluit. Nam quod addis de itinere Anglicano, ea de causâ aut iis authoribus susceptum esse, falsissimum est, & est quoque ridiculum: nam si Calvinianorum quos vocas, consiliis, quæ omnem tollebant ejurandæ fidei facultatem, tam facile obtemperavit, certè Calvinianorum, quod ais, fidem ejurare non decreverat. Pater autem jam menssem, & amplius ante Regis cædem professionem hanc habuerat in animo, sed metu illius offendendi, & ob alia quædam coactus fuerat à consilio desistere: postea de illa prius non cogitavit, quàm literas ab illustrissimo Archiepiscopo Cantuariensi accepisset, quæ de Regis serenissimi voluntate certiores faciebant. Accepit autem illas literas, a. d. xiii. Kalend. Augusti. Non potuit igitur suscepta professio consilium Apostoliæ intervertere, promissæ die Pentecostes, qui erat a. d. iiii. Kalend. Junii. Quod annectis: Et ut facilius à Regina Christianissima missionem impetrares, prætulisti authorem te Regi futurum, ut ad mitiora in Catholicos consilia, ad Religionem minus severam inclinaret; & illa, quæ sunt in Epistola ad Lectorem præfixa Replicationi Cardinalis Perro-*

nii, Casaubonum scilicet missionem impetrasse, quia præsens doctrinam Pontificiam serenissimi Regis animo insinuaturum se promittebat; hæc, inquam, sunt *κρίσιμα* & τὰ πονηρὰ κόμματα. Potuit quidem Pater amico Frontoni, & aliis rogantibus, ut de egregio suo in Regem animo per eum Majestas ipsius intelligeret, spondere munus Interpretis; potuit Cardinali Peronio omnem suam opem, atque industriam ad Pacis & Concordiæ rationes vel ultrò polliceri: aliquid ultra in se recepisse, aut eâ conditione missionem impetrasse commentitium est. Non hic illa repetam, quæ Pater ipse respondit iis, qui hoc eum nomine, dum adhuc in vivis esset, perfidiæ & *ἡγεμονίας* accusabant. Puduisset homines verecundos tantò antè, tam clarè confutata tantâ confidentiâ reponere. Scio tamen in Gallia ita jactari, & me sæpe audivisse, Patrem ad hoc unum venisse in Angliam, ut reconciliandæ Ecclesiæ Anglicanæ cum Romana incumbere, quod etiam quidam non obscuri nominis Apostata Anglus, in quadam ad ipsum Regem Epistola asseverabat. Quare ut quis in ea re fuerit Patris animus, quæ sententia, clariùs appareat, dabo illius Epistolam de hoc argumento ad Benjaminum Carrierum.

ISAACUS CASAUBONUS
BENJAMINO CARRIERO,
DOCTORI SACRÆ
THEOLOGIÆ.

Epist. 912.

Magno cum gaudio tuas accepi, quæ mihi fuerunt heri redditæ. Quæsi veram sæpe de te, & communes amicos interrogaveram; sed certi nihil ad hanc diem discere potueram: tantùm narraverat mihi reverendissimus Eliensis, ad Aquas Spadanas te esse profectum, & ibi, aut in itinere morbo correptum hæsisse. Ago gratias Deo immortalis, quòd de te ex tuis non solum certiora, sed etiam meliora cognovi. Opto celerem tibi reditum, & faustum. Legi accuratè scriptum, quòd misisti, quodque ut Regi ostendam à me petis. Ego verò, Vir doctissime, voluntati tuæ hac in parte morem non geram. Constat enim mihi liquido & certò, eam scriptionem magno tuo damno cessuram, si in Regis manus illa perveniret. Optat quidem Rex serenissimus pacem Ecclesiæ, & concordiam inter dissidentes partes magno redimeret: sed nullis unquam conditionibus ejus Majestas adducetur, ut societatem cum ea Ecclesiâ ineat, quæ tot horrendis depravationibus deformata sibi plaudat, & dicit, Formota sum, neque est in

me ruga. Cogita verò, Vir præstantissime, quid hodie Romæ agatur, nisi ut per omne fraudum, scelorum, parricidiorumque genus, illa infanda Omnipotentia Papalis astruatur. Quò spectant libri ad defensionem Garneti Romæ scripti, & editi? Quò illi, quos Parisiensis Senatus cremavit manu carnificis? Quot impietates scelestus ille Bellarminus defendit contra Regem, & in suis aliis scriptis omnibus? Hæc tibi nota sint necesse est. Gravissimè tu quidem disputas de erroribus eorum, quos Puritanos vocant: sed non videtur ea esse ratio adducendi Papam ad æquas condiciones, cum nostra crudelissimo Tyrannò mala aperimus. Ridet Phalaris, ridet, & omnia nostra brevi ruiturâ sibi pollicetur. Ego ex iis, quæ legi in illorum scriptis, quæ animadverti in eorum factis, persuasissimum habeo; toto cælo aberrare eos, qui aliud à Papis expectant, quàm superstitionem, perfidiam, cædes, & rapinas. Moneo autem te, pro mea in te fide, atque observantia, ut diligentissimè etiam atque etiam caveas, ne tuum illud scriptum in manus veniat τῶν ὑγιστῶν. Nam quia videris id moliri, ut Papæ autoritas in hoc Regno restituatur, sine dubio in magnum fortunæ tuæ periculum adducerentur. Atque, ut ingenuè tibi animi mei sensum exponam, ineunda concordia via alia ineunda est, si Deo, & hominibus operam nostram probare volumus. Quis nescit sanctissimam Paparum auctoritatem dudum versam esse in horribilem Tyrannidem? Jam elapsa sunt multa sæcula, cum omnes boni hoc vident, & gemunt. Unus Matthæus Paris probationi ejus rei satis superque fuerit. Nunquam ullus Tyrannus crudelius servit in viscera subditorum, ac servitum est in miseros Anglos, quam diu illos Papæ in sua potestate habuerunt. Denique Regnum istud Papæ est, & illud Papis vindicant Bellarminus, & id genus detestanda Paparum mancipia. Sed de Regno parum est, præ veritate Religionis; quam hodie retineri à Papistis, dici non potest. Londini, a. d. x. Kalend. Septemb. c15 15 CXIII.

Sequitur in Præfatione Rosweydi: Nonne antequam in Angliam discederes, negotium dederas Georgio Strachano, nobili Scoto, qui filium primogenitum, Joannem Casaubonum, mathematicis artibus instruebat, ut occasione arrepta in quotidianis lectionibus sensim ad Religionem Catholicam amplectendam illum incitaret. Quàm non sit iis facilè credendum, quæ de aliis referuntur, potui quidem aliundè discere, eximiè tamen ex hoc experimento. Cætera enim, quæ de

de Patre dicta sunt, sunt quidem non minus falsa; habent tamen plus difficultatis ad convincendum, & refellendum. Hæc res apertè falsa, & commentitia, quantà audaciâ, quantà confidentiâ affirmatur? Quo tempore Pater assiduus ferè certorum hominum tentationibus interpellabatur, ad suas cum partes traducendi incredibili cupiditate ferventium, Frater natu maximus, qui tunc annum agebat circiter decimum nonum, à quibusdam est pellectus, qui simul illi annuo ducentorum aureorum stipendio prospexerunt. Tam cautè, & callidè res agebatur, ut prius sit confecta, quam de ea quicquam ad Patris aures pervenerit, qui nihil tale suspicabatur, aut metuebat. Frater autem post defectionem suam, cum aliquamdiu domo abfuisset, veritus conspectum Patris, adduxit deprecatores, statimque advolutus ad genua, flens postulavit veniam à Patre, quod tantam rem esset ausus ipso inconsulto: se autem veritum esse, ne si re adhuc integrâ in consilium cum adhibuisset, voto suo fuisset obstiturus. Pater ad rem tam miram & improvisam stupore pariter & dolore percussus, benè longum tempus inter gemitus, & querelas egit cum uxore. Eo ipso die scripsit hæc in sua Ephemeride, a. d. xix. Kalend. Septemb. c15 15 cx. *O vitam ærumnosam! O Satanae insidias! Qui non potuerunt me impellere, ut imagines adorarem, ut doctrinam diabolorum amplecterer, ii filium natu maximum mihi corripuerunt, & corruerunt.* *Γεννηματα ἐξιδὼν, quid vos movit, ut hanc fraudem adversus me excogitaretis? Adolescentem imperitum rerum, imperitum disputationum Theologicarum in retia vestra compulistis, me inscio, me invito. Dominus Jesus illius misereatur, & mei per illam infinitam suam misericordiam: idem respiciat hanc domum; servet uxorem charissimam, & liberos in timore sui nominis confirmet. Amen.*

Postea cupidissimè conatus est seductum Pater ab errore revocare, eâ quidem ratione, quæ illi visâ est unica; verbis scilicet, & argumentis, non vi, aut imperio. Cum Frater esset in Anglia eo tempore, quo primùm Rosweydi Tabulæ prodierunt in lucem, Vir illustrissimus, Lancelotus Andræas, tunc Eliensis, nunc Wintoniensis Episcopus, diligenter eum super his rebus interrogavit, qui respondit in hæc verba: *Quod ad meum factum in negotio Religionis attinet, conscientia me mea cogit Patrem meum purgare coram Deo, atque hominibus, ut qui, quæ fecerim, meus ipse consiliis, inscio Patre fecerim.*

Hæc ipsa verba excepi paucos ante dies, quàm hæc scribebam, ex ore viri venerandi, cujus testatissima fides atque integritas apud æquos iudices facilè veritatem vindicabit à contrariis aliorum asseverationibus. Sed progrediamur. Rosweydu: *Ille igitur, cum appeteret Pentecostes festum, neque certi quicquam de te statueres, quod timeret, ne transmarinis artibus seduceretur, ante tuum è Gallia discessum publicè Catholicam fidem professus est.* Utrum Frater unà erat cum Patre iturus in Angliam, necne, compertum non habeo. Sed non video, quare tunc ituro obstitisset Religionis diversa professio, quæ postea non obstitit, quo minùs semel, iterumque veniret: Pater autem solus tunc abiit è familia *, in Comitatu illusterrimi Legati, Henrici Wottonii. Cum appeteret, inquis, *Pentecostes festum, neque certi quicquam de te statueres.* Atqui illud Festum celebratum est a. d. 111. Kalend. Jun. Frater autem mutatis partibus transfugium fecit circa xix. Kalend. Septemb. Viden', Rosweyde, in quos te laqueos indueris nimia temeritate, & calumniandi studio? ex quibus nullæ te strophæ, nulla poterit verborum subtilitas expedire. Pergis; *Nonne cum filii operâ uteretur in perquirendis locis Patrum, rectè à Bellarmino, perperam à Plessæo ea citata centies offendisti? Credat Judæus apella, non ego, non quisquam alius, qui doctus sit vero distinguere falsum.* De Bellarmino autem, ut quid Pater senserit eo ipso tempore, intelligas, locum proferam ex Ephemeride, a. d. vii. Kalend. Februar. (anno c15 15 cx.) *In nostris & adversariorum scriptis de Purgatorio hodie fui; & vesaniam, stuporem, vafritiem, & quid non in Bellarmino deprehendi. O Doctorem mendacii! Te oro, Domine Jesu, serva me ab illa mendaciorum doctrina purum & mundum: da te noscere, & in tua unius voluntate acquiescere. Amen.* Rosweydu: *Nonne Ministri Molinæi librum adversus Missam, adscriptis margini notis censoriis refertum calumniis & imposturis, damnasti? Solitum esse Patrem omnibus, quæ attentè legeret, censorias notas apponere; doctorum crimina, vel errores, quos deprehenderet, liberius incessere, (si tamen libertas est dicenda, quæ cogitaveris, ea soli tibi scribere) sciunt omnes, qui libros ab ipso lectos inspexerunt. Quod si quispiam bonam agendo causam nonnulla propriâ culpâ vitioque peccaverit, nihil est, opinor, quo minus ille possit sine causæ ipsius injuria, aut detrimento reprehendi. Sed damnatum ab eo Molinæi librum,*

ut

* Hoc passim ex Epistolâ 690. foliis 691.

ut calumniis & imposturis refectum, mera est sine dubio lycophantia. Rosweydu: *Meministi quoties tibi uxor objecerit nimis te tergiversari; se si posset tam perite libros doctorum legere, aut intelligere, nequaquam tamdiu deliberaturam*, &c. Sunt hæc & illa etiam, quæ sequuntur, ex eo genere, quæ quàm facilè dicuntur, tam negantur facilè. Quæcunque autem fuerit occasio hujus sermonis, authorem illam fuisse, aut impulsorem Patri, ut veram fidem defereret, audacissimum est & impudentissimum mendacium; in qua quàm firma semper fuerit & stabilis, satis arguit dolor ille ἀπαρῶ, & ἀτλητῶ absque Dei ope & misericordia fuisset, quem ex nupera suorum defectione omnes illam sciunt amici percepisse. Jam puto abundè explosa, & refutata esse, quæ sunt de Patre in illa Præfatione Rosweydi: quæ cum Capellus quoque in suis pro Patre Vindictis ut fabulosa rejecisset, Rosweydu in Anti-Capello * suo ita se defendit ex amici Literis: *Omnia, quæ in Præfatione Legis Talionis scripsisti, & ipsi Eliensi Episcopo testificatus est Joannes Casaubonus in Anglia, ea penitus ita evenisse, ut tibi narrata sunt. Porro, si opus est, idem scripto testabitur, etiam jurejurando interposito. Sed cum ne sic quidem posset adduci Capellus, ut illa falsi suspitione absolveret, Rosweydu in ultimo contra Capellum libro † testem suum quasi præsentem stitit, editâ quâdam Joannis, ut ait ille, Casauboni, fratris mei natu majoris Epistolâ, quâ pleraque eorum, non tamen omnia, quæ Rosweydu antea Præfatione in illa de Patre scripserat, repetuntur, & asseruntur. Ego lectâ illâ Epistolâ pro rei indignitate commotus animo, (quia videbatur frater eam scripsisse, ut infensissimo & virulentissimo sui Patris adversario patrocinaretur, & eum quantum in ipso erat, præstaret innocentem, atque etiam falsa asseruisse in ejusdem gratiam) quum primum pro fraterna necessitudine privatim apud eum questus essem per literas, postea quoque paternos ab eo Manes publicè, ut ego interpretabar, offensos publicâ expostulatione placaturus; nuper ab eo literas accepi, quibus præcisè negat tale quid unquam in animo sibi fuisse, quale quod objeceram, meque ut idem ipse mihi persuadeam, multa cum obtestatione rogat: de Rosweydo, Patris adversario, & ejus libris primum se ex meis didicisse; ut verò aliquid in ejus gratiam scripserit, aut contra Patrem, vehementer abominari: charam sibi ac venerandam*

Patris esse memoriam, ac semper fore, quam qui irent infamatum, eos se sacros & intestabiles habiturum: Epistola autem illa, de qua loquebar, quamam sit, aut unde, nescire se, nec super ea quicquam certi respondere posse, donec ipsam viderit. Maeste esto, Frater, hac pietate, cujus hæc tua professio, & accurata significatio (quanquam de ipsa dubitare non debuerim, qui te probè nōsem) extulit me singulari gaudio, tum quia rem ipsam admodum cupiebam, tum etiam quia simul adempta mihi est, necessariæ alioquin, occasio querimoniæ. Ne tamen, Frater, nimio quodam & inconsulto Patris, aut partium studio pecces, & patrii nominis obrectatores imprudens adjuves, etiam atque etiam cavendum tibi puto, adeoque ut caveas oro obtestorque. Tu scilicet in laudem Patris, & honorem putas cedere, si cum quàm proximè ab ea, quam putas, Orthodoxa Fide aberrasse, & maximè ad vestras partes propendisse persuadeas. At non vides Patris adversarios hoc tuo cujusmodicumque pietatis officio ufuros in ejus contumeliam, dum suas ex eo de dissimulatione ipsius, avaritia, & assentatione calumnias confirmare, & probare conabuntur. Certè si tua sint illa, quæ tibi Rosweydu ascribit (de quo tibi non liquere respondisti) non video quâ te possis idoneâ satis excusatione defendere. Nam vel illud primum de tua defectione, quæ Patri imputatur, qui potuit à te bonâ fide, & quod ita reverâ sentires, affirmari? Ego quidem facilè crediderim, Strachanum hoc astu usum, quò te potiretur, Patrem ipsi ejus consilii authorem fuisse; sed rei vanitatem mox expertus es, & postea ex Patris Ephemeridibus (quas video tibi adeò diligenter, & attentè lectas) certò scire potuisti, quæ hoc mendacium, ut alia quàm plurima de ipsius Fide, tam clarè & apertè convincunt. Sed nolo plura de illa Epistola, donec eam pro genuino foetu à te agnosci, liquidò mihi constiterit. Hactenus probavimus Patris in causâ Religionis firmitatem & constantiam; atque ea quæ contrâ asserbantur, fusè refutavimus. Ostendimus à longo jam tempore rumores, & sermones assiduos, & quàm illi vani essent & inanes, ostendimus. Quia autem, ut ait Philosophorum Princeps in Ethicis, quò fidem veritas facilius inveniat, & falsitas extrudatur, ἡ μόνος δὲ πολλῆς εἰπὴν, ἀλλὰ καὶ τὸ αἴτιον τῆ ψεύδους, videndum nobis est utrum possimus præter illas, quas jam indicavimus, propiores aliquas horum rumorum, qui adeò fuerunt constantes,

* Edit.
1619.

† Cui titulus est: Syllabus Malæ Fidei Capellianæ excerptus ex Jacobo Capelli mendaci Assertionone Bonæ Fidei. &c. edit. 1611.

stantes, & diurni, causas indagare. Primam licet ponamus, amorem atque admirationem veræ Antiquitatis, sive Primitivæ Ecclesiæ, non in iis tantum, quæ pertinent ad fidem atque doctrinam, quæ non erat cur desideraret inter eos, è quibus ipse erat, sed & ea, quæ ad ritus & disciplinam atque alia, quæ cum alioquin agnosceret ἀλγέφρα, tamen probabat ut antiqua, & nolisset ob leves causas abolita. Addamus huic cultum & venerationem erga Sanctos Patres, quæ tanta erat, ut multo plus illis deferret, quam multi cupiebant, & ipse contrà sperni illos à quoquam, & haberi contemptui, patienter ferre non posset. Præterea, cum si quisquam alius ex intimo cordis affectu factionibus & dissidiis Christianorum in causa Religionis ingemisceret, & acerbissimum ex ea re dolorem caperet, putaretque non ultimum aut minimum concordia impedimentum esse quorundam ex utrisque partibus hominum protervitate, & ἀνιδίαν, illamque, quam ex Basilio elegantissimè appellabat τῆς ἀνιδίαν ἀμετρίαν, ipse in disputationibus, quas cum τῶν ὑποδοχῶν αν ανesignanis quibusdam habuit frequentissimas, hanc tenuit rationem, ut moderationis ac modestiæ primam curam haberet; ut etiam multa aliquando ipsis concederet, quæ etsi missa fortasse meliora, tamen tanti non erant, ut capropter pax & concordia Ecclesiæ deberet impediri. Atque hæc erat illa Antiquorum συγκατάθεσις, quam & laudabat ipse toties, & aliis tam studiosè proponebat. Ipse autem erat frontis à natura tencerrimæ, qualis certè hujus generis certaminibus minimè apta erat, quæ plerumque ad ostentationem magnæ contentione solent obiri, & in quibus verecundia τῆς ἡττας, & turpis fugæ nomen non rarò habet. Postremo, cum haberet non paucos inter τὰς ἐξ ἐναντίας amicos arctissimā consuetudine sibi junctos, & à suis insignes injurias accepisset, de quibus audiebantur nonnunquam liberiores ejus querelæ, multis nata est hæc suspicio, quasi ad alias partes inclinaret. Hæc omnia qui bene expendet, is, opinor, causas illorum rumorum, de quibus diximus, non rogabit, nec aliter ferè (ut sunt nunc homines) accidere potuisse intelliget: quanquam semper summo studio caverit Pater, ne scandalis in Ecclesia, & offensionem occasionem præberet. Sed ut semel, & ingenuè, quod res est, fatear, negari non potest, aliquantum concussam ac labefactatam ultimo illo, ac tam diuturno cum Cardinali congressu ejus fidem de quibusdam doctri-

næ capitibus, ipsumque aliquandiu dubium quid in illis sequeretur fluctuasse, donec expetitur nactus orium, sedulâ Theologorum lectione scrupulos ex animo, quos facundi Cardinalis ἡ ἀφιστάμενος iniecerat, penitus eximeret. Ille autem hanc anxietatem non dissimulabat apud amicos, aut tacebat, ut vel ex hac ἀποκατα Lectii apparebit, quando illam, quam ipse scripserat, non habeo.

JACOBUS LECTIUS
ISAACO CASAUBONO,
Viro clarissimo.

Animum meum, Vir clarissime, non sine aliqua tristitiæ mixtura literæ tuæ delectarunt. Nam quemadmodum mendacem illam circa te famam, de qua scripseram, esse firmasti, & Pontificiorum pollicitationibus adversus pietatem tuam nihil licuisse, nihil in posterum licere posse testaris, ita scrupulos quosdam, & spinas ob Veterum nonnullorum scripta non diffiteris, quibus sanctissimum tuum pectus exerceri video mæstus, & dolens. Sed mihi crede, &c. Genevæ Allobrogum, xxii. Aug. cio 15 cx. Hos scrupulos qui vocaverit mentis inconstantiam, & instabilitatem, næ ego judicium illius nihil moror. Æquus judex perpendat quantæ constantiæ fuerit, tot annos durasse immotum & inconcussum contra assiduas tentationes, tam eorum qui præmiis & promissis ejus integritatem corrumpere, quam qui disputando & argumentis adducere eum, & expugnare conabantur. Cogitabit etiam cum quibus res illi fuerit, non cum quibusdam de trivio semi-doctis, & δουλοπλοῖς, sed cum iis, quibus ex illis partibus nulli doctrinā & ingenuo superiores erant, ne dicam, pares, qui subtilitate & artificio in hujus generis contentionibus totā Europā notissimi erant & celeberrimi. Ex omnibus autem fidei controversis capitibus maximè impeditus fuit eo, quod est de S. Eucharistia, nec antè conquievit, quàm collectis magno labore omnium Antiquorum sententiis de eo Sacramento, & accuratè expensis, tandem quid sibi esset super eo statuendum, certò intellexerit. Erat inserturus illum tractatum editis Exercitationibus ad Baronium; sed magnitudo illius, & festinatio Typographi in aliud eum tempus editionem differre coegerunt. Post ejus obitum quid de eo libro actum sit, aut à quo surreptum, nondum resciri potuit. Ad locum Barclaji quod attinet, ubi dicit, Casaubonum in Au-

la Regis serenissimi asseruisse, *Eucharistiam esse sacrificium propitiatorium, sacrificium ἱλαστικόν*, multa possunt responderi (ne de Barclaji fide dubitem) ex Patrum sententia, quæ non sunt hujus loci. Objiciunt adversarii, quod quicquid in Anglia scripserit, contra conscientiam scripserit. Quid igitur impulit? An lucri alicujus, & emolumenti ratio? De hoc mox videbimus, quum de Moribus agemus. At, inquiunt, illa sunt contraria fidei, quam in Gallia veram esse agnoverat. Telum hoc jam ex iis, quæ à nobis antè sunt allata, sufficienter retusum est: hoc unum addam; quum Pater primum venit in Angliam, fore illam propriam sibi sedem ne per somnium quidem cogitaverat. Hujus rei possunt esse testes amici quotquot præsens tum discessurus, aut postea ex Anglia per literas fecit sui consilii participes. Nec plures quàm quatuor menses ad hoc iter conficiendum à Regina impetraverat: ideo etiam solus venerat, relictis in Gallia uxore, & liberis omnibus. Epistola ad Frontonem* non ita diu postquam hic fuit, inchoata est; etsi propter varias causas tardius illam absolverit. Postea cum curante Rege serenissimo, facta illi venia est diutius hic manendi, non plenam missionem obtinuit, sed eum revocandi quando vellet integrum sibi Regina Christianissima reliquit. Cogitet jam Lector, utrum fuerit hominis, non dicam prudentis, cujus negant esse, Suavia quæ sunt, prima habere, & non consulere in longitudinem, sed omnino non insani, ea scribere brevis commodi gratiâ, quæ sciebat paulò post cessura sibi perpetuo damno? Certè si constituerat post reditum transire ad alia castra, nihil potuit à suis rationibus magis alienum facere, quàm erant illa, quæ scripserat in Anglia. Denique nimis mirum mihi videtur, illusterrimum Cardinalem†, qui ipsius animum optimè notum habebat, hoc illi crimen dissimulationis nunquam exprobrasse. Habeo ipsius literas, quas ad eum misit in Angliam: de Religione in illis multa, imò pleraque; illa de re ne verbum quidem. Sed iterum instant adversarii, & tela petunt è privatis ipsius Epistolis ad Virum clarissimum, Andream Schottum. Audiamus igitur quid illa probent: Jussus à serenissimo Rege libro Lutetiae edito à vestris Societatis hominibus, breviter respondere, paucas in eam rem chartas exaravi, &c. Quanquam ego sanctè juro, eo animo scripsisse me, ut manu meâ descriptam Epistolam mitterem‡. Aliter placitum serenissimo & optimo Principi, Magnæ

Britanniæ Regi, cujus voluntas mihi pro regula est, atque esse debet. O gravem plagam! An quia Regis jussu & scripta, & edita est illa Epistola, ideo non potuit Casaubonus ex sententia scripsisse? An potius illa opponitis, cujus voluntas mihi pro regula est atque esse debet? Sed quis tam iniquus, ut illa ad res fidei referenda dicat? Alioquin quis illa, quibus frequenter utimur, tibi devotissimus, tibi obsequentissimus, &c. neget impietatis plena? Videamus alia* ^{Epistol.} ^{777.} Video incidisse in manus tuas Epistolam ad Frontonem, & genus hoc totum scriptiōis tibi displicere: nec miror; nam & ipse ἰκὼν ἀίχων θυμῷ ad tractationem ejusmodi argumenti animum appuli. Vereor ne prævaricari quibusdam videaris, Rosweyde, & tuam causam prodere. Sunt hæc enim ita frivola & inepta, ut meritò quis judicet ab eo esse allata, qui velit credi adversario nihil veri, & solidi objici potuisse. Nos sanè didicimus à Philosophis, actiones quasdam esse mixtas, πράξεις μικτὰς, ut vocat Aristoteles, quæ etiam ἀπλῶς & καθ' αὐτὰς, aut propter aliquas circumstantias sint ἀκυσίαι, sine tamen, καὶ τῇ τὴν ἀρχὴν ὄναι ἐν τῷ πρώτῳ sunt ἰκυσίαι. Affectus τῶν παύσας πύχοντες vulgò jam solet exprimi eleganti Homeri hemistichio, ut fecisse aliquid dicatur ἰκὼν ἀίχων θυμῷ, quo meritò usus Pater, qui libens accessit ad tractationem illius argumenti propter veritatis defensionem, & invitus, quia ab ejus generis contentiosis scriptis animo abhorrebat, multorumque offensiones atque odia se eo scripto incursum prævidebat. Hæc scripseram, quum fortè incidi in illam ipsam Epistolam, è qua verba hæc desumpta sunt: quâ lectâ insignem statim fraudem ac malitiam Rosweydi deprehendi. Nam cum illa verba sola posita variam admittant conjecturam, ut vel ita ut diximus, vel etiam *invitus*, tanquam coactus ab alio scripsisse intelligatur, illa addita erant in Epistola, quæ nullum relinquebant dubitandi locum: quod ut appareat, plura ex illa Epistola † hinc describam.

† Hanc aliter etiam an Frontonem eadem nam. Video incidisse in manus tuas Epistolam ad Frontonem, & genus hoc totum scriptiōis tibi displicere: nec miror; ^{777.} nam & ipse ἰκὼν ἀίχων θυμῷ ad tractationem ejusmodi argumenti animum appuli. Quis coëgit? inquires. Dicam tibi, mi Schotte, quod res est. Illa atra & nefasta dies, quæ Henricum Magnum terris eripuit, eadem totam meorum studiorum rationem conturbavit. Tantus enim me sceleris immanis horror invasit, tantum vitæ hujusce tedium, ut ex illo tempore, prioribus curis relictis, id

* Num.
730.

† Perro-
nium.

‡ Vide
Epistolam
746.

id ferè unicum agam, ut vel cedi facta illachrymem, vel faciendæ causam inquiram. Nemo autem dubitat peritus rerum, parricidium illud ejus doctrinæ fructum esse, quæ statuit Reges ac Principes, si Romano Pontifici cæperint displicere, deponi, tolli, occidi posse impunè. Scio abhorrere tuam pietatem ab illa immanitate. Sed illud non potes nescire, multos hodie libros conscribi asserendæ illi impie doctrinæ. Ne alios commemorem, meministi, opinor, eorum, quæ scribit Thomas Bozius lib. xvii. in signo lxxvi. ubi causas colligit, propter quas jus esse contendit Romanis Pontificibus, Imperatores, Reges, & Principes, solis auitis deturbandi, & Regna transferendi. Quæ doctrina quàm diu docebitur, & ut Papæ grata defendetur, certum est nunquam defuturos, qui parricidia aggrediantur. Ego igitur, quum ex quo in Angliam veni, plurimos ejus argumenti libros legerim, & magnâ attentione considerarem, ita cæpi horrere & doctrinam Stygiam, & ejus assertores, ut perfide ignaviæ reum me futurum crederem, nisi gliscenti malo pro mea virili me opponerem. Adde quòd ejus Epistola scribendæ occasio nata est, quam ipse nec quæsiui, nec oblatam potui declinare, &c. Vale. Londini, a. d. x. Kalend. Mart. CIO IO CXII. Tuam fidem, Rosweyde, tuam fidem! Iterumque (ut tua tibi reponam) tuam fidem, Rosweyde, tuam fidem! Hoc etiam utuntur argumento iidem Patris adversarii, ut eum probent in Regis Angliæ gratiam scripsisse, quia animum ad id genus studii nunquam prius adjecerat, adeoque fuerit omnis Theologiæ expertus & ignarus. De hoc, cùm de studiis ejus & eruditione. Nunc quia multi dicunt vitam hominis esse quasi scænam, in qua homines non nisi personati spectantur, solam esse mortem, quæ veros nobis homines exhibeat, consideremus qualis ejus obitus fuerit,

quàm scriptis, & anteaactæ vitæ responderit. Non omnia fortè proferam, quæ poterant dici, hæc tamen qualiacunque veritati confirmandæ satis erunt. Toto fatalis morbi tempore, non alii ferè fuerunt ejus sermones cum liberis, quàm de pietate, quibus illos hortabatur ad constantem Dei timorem, & piæ Matris obsequium. Dolorem autem suum aliquoties testatus est, quòd confutationem Annalium Baronii, opus ad Dei gloriam, & veritatis defensionem susceptum, imperfectum relinqueret. Eo tempore quum venisset à Legato Regis Galliæ Vir quidem nobilis, qui illum, ut quam fidem & Ecclesiam probaret, palam declararet, & agnosceret hortaretur, Ergo (inquit Pater) putasti, Domine, me in re tanti momenti hætenus dissimulasse? Deinde rem ipsam vehementer detestatus, & abominatus est. Nocte, quæ ultima, aut penultima ipsius obitum præcessit, quum jam non procul abesse se à meta, ex morbi vehementia conjiceret, vocatis ad se liberis, præsentem uxorem, singulis ordine, invocato Dei nomine benedixit, atque inter alia sedulo eos ac sollicitè admonuit, caverent sibi à fratris natu maximi exemplo; sed in fide, quæ erant à Parentibus imbuti, firmè ac constanter perseverarent. Toto autem hujus novissimi morbi tempore, frequentes habuit Dei Ministros in Ecclesia Gallicana, quæ est Londini, spontè plerumque, & ex muneris ratione venientes, aliquando tamen, ut subitanæ tunc occasiones occurrebant, ipso volente ac jubente accitos. Dicat jam, qui volet, quid in his omnibus animum arguat Pontificium, aut à priore ipsius professione alienum? Valeant igitur, & explodantur vanissimi rumusculi, qui de morte ejus dissipati sunt, & eorum pudeat, tam qui temerè assenserunt, quàm qui authores ipsi fuerunt.

MERICI CASAUBONI P I E T A S.

P A R S T E R T I A.

D E V I T A E T M O R I B U S I S A A C I C A S A U B O N I.



Quamvis res sunt inter se diversissimæ, Fides & Mores; pravo tamen sæculi more factum est, ut nemini ferè sit de fide sua respondendum, cui non etiam sit necessaria pro vita ac moribus Apologia. Ita enim multi credunt, se maximè illam fidem, & religionem convincere, cum illorum vitam moreſque, qui illi adhærent, in vulgus infamarint, probris ac convitiis omne genus traduxerint. Res notior quam ut exemplis egeat. Nos quidem hanc partem responsionis rectè poteramus, ac sine fraude præterire, qui sciamus notioſiorem plerisque Isaacii Casauboni innocentiam, & integritatem vitæ, quàm ut possit per ullaſ ſycophantias, & calumnias in dubium vocari. Debet hoc illi patria, neque unquam negabit ut spero, debent omnes loci, in quibuscunque vixit, debent omnes homines, cum quibuscunque conversatus est, ut suo testimonio atque patrocinio ejus innocentiam contra falsa crimina tueantur. Et sanè vix puto quenquam in tota Gallia, modò qui sit ab affectibus liber, & privato odio non agatur, qui non illi boni & probi (de fide jam non quæro) laudem libenter tribuat. Ego quidem, qui multorum adversariorum de eo sermonibus etiam ignotus interfui, nunquam aliter de eo loquentes audii. Ubicunque fuit, optimi cujusque studium ac benevolentiam meruit, non eruditionis duntaxat, sed multò magis probitatis opinione, quo nomine Rex Galliarum eum se diligere, ipsi illi testatus est. Possem magni cujusdam viri, & omnibus Romanorum Pontificum placitis ultra commune Gallorum ingenium addictissimi, de eo verba proferre, quæ procul dubio multi mirarentur. Possem multorum literas in medium afferre, quæ vel solæ sufficerent ad os maledicis & malignis occludendum. Sed in re non necessaria

nolo Lectoris patientiâ abuti. Unus mihi erit instar omnium Vir illustrissimus, & propter summam eruditionem merito suo omnibus venerabilis, Marcus Velserus; tum quia nullam puto fieri illi injuriam, si quod ultro detulit vivo testimonium (ut testatur in literis) mortuo nunc meâ operâ dicat; tum etiam quia ipsum video tanti fieri ab adversariis maledicentissimis, Eudæmone & Scioppio, (quorum hujus Symmachus est illi nuncupatus, illius autem Thome Brightmanni Castigatio) ut ejus auctoritatem elevare, aut repudiare nullâ ratione queant. Is igitur hunc in modum ad Patrem scripsit.

Salve, Vir clarissime,

*Malè sit, sive tabellariorum tarditati, sive eorum qui literas per tabellarios curant negligentia, horum enim potius culpâ fieri suspicor, quod literis, quas tu Kalend. August. * in villa ad flumen Eliam dedisti, nunc demum respondendam, cum me tibi quamprimum quàm diligentissimè purgari permultum interesset, etsi hoc ne nunc quidem curis & occupationibus prorsus obrutus, ut vellem præstare possum. Egone ut quicquam ad Savilium scripserim, quo Casaubonus, qui quo loco apud me sit, non tam ego ipse mihi testis sum, quàm omnes præterea norunt, æqui iniqui; neque enim ad amicos tantum provocare libet, quod eorum suspectum plerunque testimonium meritò offendi debeat? Ego ut eum parum sinceris coloribus pinxerim? Ita me Deus bene amet, ut nullâ hujus criminis conscientia tangor, nec omnino in memoriam eorum, quæ scripsi, redire, nec etiam conjectando possum assequi. Nisi quid joco fortè, quod inter amicos tum solet, tum licet, liberius aspersi. Memini Senecam scribere, quosdam interpretando fieri injurias: quæso, literas in manus resume, & posito offensi animi præjudicio, vide an malè auspiciata illa verba, quæcunque sunt, lentorem interpreta-*

pretationem admittant; tum enim facile de equitate tua mihi polliceor te asperiorum, si maxime quoque locum invenire possit, non praelaturum. Sin. contra perseveres, quid ego possum? Arbitratu tuo iusjurandum dabo, indignum esse te injuriâ hac, me nolle dicta aut scripta, quæ scripsi. Scis, mi Casaubone, quod in te desiderem, unum esse, id neque dissimulavi unquam, neque dissimulaturus sum, neque nisi te tantoperè amarem, valde desiderarem. De eo autem cur ad Savilius scriberem, facile intelligis nihil fuisse; de cætero, observantiam, cultum, atque admirationem, quæ virtute & doctrinâ summis nostræ ætatis viris debetur, omnem tibi defero. Si fallo... Sed nolo plura; nam te quantumvis iratum, rectè de candore meo judicare arbitror. Erant præterea quæ adderem; sed nunc temporis angustius excludor: ut te placatum sciam, rescribe; literas Savilius facile curabit, aut tu ad quemcumque amicorum Antverpiam mitte. Vale. xxvi. die Octob. anni cix id cxi.

Tuus,

MARCUS VELSERUS.

Non potui testem, aut laudatorem locupletiore producere. Qui autem talis ipse fuerit, quam curam domus habuisse par sit, ut sibi non dedecori, sed quàm similis esset, potest suo Lector animo reputare. Hoc sanè præstitit, ut bonæ illam famæ, nec ullis fabulis obnoxia semper habuerit. Nulla, ut opinor, erit invidia, si illum, quem alicubi citat contra Casaubonum Rosweydu, eundem hic pro Patre antester. Cùm igitur hæc Pater scripsisset ad Joannem Wouwerium *, Quod superest, diuturni silentii mei causam sic accipe. Cùm in hanc urbem secundum veni ante annos quatuor, relatum mihi ab amicis familiaribus aliquando tuis, te quamdiu hic versatus es, solitum de me, de uxore, de liberis jocosos sermones cum nequissimo † bipedum, qui Sidonio tuo tantum debet, habere; non sum veritus virtute Dei, ne honestati domus meæ talibus sermonibus posset noceri. Ipse virtutis & literarum amorem professus semper, cur rideret, materiam, quod sciam, nemini mortalium dedi. Uxor pietate, probitate & aliis virtutibus muliebribus conspicua; pudicitia autem adeo insignis, ut ne fabulæ quidem occasio vel minima sit ab illa data. Liberos vel etas tum adhuc tenera ab eorum urbanis dictis, qui Patrem parum amabant; tutos præstare debuit. Atque hæc eò nunc tibi aperio, non quod

novum aut admodum mihi videatur dū extitisse, qui me rideret, aut mea; sed ut causam agnosceres, cur ad varias Epistolas tuas, quas ex Italia & Germania ad me misisti, respondere hætenus supersederim. Vale. Lutetia Parisiorum, a. d. ix. Kalend. Januar. cix id cxii. anno rē Romæ Dionysiano.

WOUWERIUS hunc in modum paulo post respondit:

Sed prævertere oportet ad horribile illud & ferale carmen, quo literas tuas claudis, tanquam si jocosos sermones de te domoque tua sparsissem. In quo duo mihi gravissima acciderunt; quod accusari me neglecti fœderis & humanitatis intelligam; tum quod te offensum videam. Quæ tristis & confusum ita exercuerunt, ut ab eo die nusquam me letum aspexerim. Jubeo te redire in præterita; complectere, quæso, imaginem rerum mearum, quamdiu domi tuæ vixi; revoca in memoriam adfectum, quo inflammatus insuperhabitis omnibus commodis ad te festinavi. Nec retinuerunt ampla itinerum spatia, nec locus ipse exceptus humaniori commercio, quod in peregrinatione inprimis à nobis spectari solet, impedit, quo minus utiles annos ignobili situ perdere sustinuerim. Haud dicere potes, percontando, & indagando doctrinæ omne genus te molestum sensit. Intento scilicet ad aliud vitæ genus, sufficere poterat aspectu tuo frui, & ætiori familiaritate consuescere, ut sedaretur adfectus, quem admiratio tuarum virtutum in me incenderat. Cujus nunc dignissimum hoc præmium fero, ut mihi irasci & fortasse amantissimum tui odisse potes. O fatum! nunquamne detumesceat implacabilis ista ira, cujus vires toties sentio? Jam enim in consuetudinem nobis vertit, ut ii, quos amicissimos expertus sum, subtractum ex oculis odisse incipiant, ita miseri calumniis opportuni sumus; quæ gravius nocere non poterant, quàm ut te à nobis alienum redderent. Et tamen non video cur ad eas credulas aures deflectere debueris: quin potius iis acquiescendum fuit, quæ coram vidisti & probasti. Quanquam non descendam tecum in hanc litem, quam si meam serio facerem, vel tuo ipsius iudicio absolverer. Ego verò de te contemptim loquerer, quem inter omnes mortales per admirabiles ingenii dotes solum suspiciendum elegi? Provoco ad publicum testimonium, quod cùm olim debebam, nunc opportune exhibui. Uxorem verò tuam ubique gentium verum pudicitie, & probitatis exemplar commendavi. De liberis sequiora proferre, par insania erit agere vel credere posse, quorum

* Epist.
314.

† Theodorus
Marcellus,
cui cum
Petri Col-
vii, tum
suas in
Sidonium
Apollina-
rem dedi-
cas No-
tas, anno
1598.

Polyma-
thia, pag.
103.

rum scilicet anni tam innocentes, ut nec beneficium, nec injuria in illos caderet. Quod satis erat ad detegenda illorum mendacia, qui mihi amorem tuum inviduerunt. Sed utinam authorem calumnie prodidisses, effecissem profectò intelligeret, me mendacia non minus redarguere quam ulcisci posse: & spero equidem me ad te aliquando rediturum; ita nunquam mihi bene sit, nisi hoc scelus sanguine mihi expiabit. Interim per omnia sacra, per jus hospitii, per genii tui facilitatem te rogo quæsoque, ne improbissimorum hominum calumniis aures præbeas; sed nôris me innocentissimum & tibi devotissimum ita iis expositum, ut penè cum ipsius lucis tædio mortem pro munere amplecti desiderem. Testor Deum & conscientiam meam, me nihil unquam male de te tuisque cogitasse, nedum dixisse apud eos, quos ipse meritis odi. Me verò beatum, immò Deum, si intellexero te animo tuo hoc vulnus sine cicatrice delevisse, quod te rogo & obsecro. Literas ad me tuas per Scaligerum rectè curabis. Inclusas hæc cum exemplari Panegyrici & Polymathie, Christophoro Puteano tradas velim. Vale, clarissime Domine, & me ama. Hamburg. XIV. Mart. CIO IO CIV.

His igitur fretus possem sine damno causæ hanc partem præterire, nec nostrâ refutatione digna putare, quæ vel redempta propudia, aut irati, seu zelotæ adversarii in ipsius mores ac vitam, pari vefaniâ & impudentiâ confixerunt. Solum nomen illius ac fama opposita, quantâvis nostrâ diligentia criminationes eorum melius refellent. Præterea, nolo occasionem dare sceleratis hominibus similis in posterum licentiæ, si putidissimorum suorum figmentorum aliquam à nobis haberi rationem videant. Nunquam enim desinent homines ad hoc unum facti, nova monstra fingere, dum putabunt esse, qui illa debellare, operæ pretium sint existimaturi. Quàm facilis res est, nefandis sceleribus optimi cujusque nomen inscribere, tam detestandi & execrandi sunt illi, qui adeò immanis se facinoris obligant. Quia tamen sunt quædam ex hoc genere, quæ conjuncta sunt cum priori illa calumnia de fide ejus, ne quid desit ad justam responsionem, non visum est illa præterire. Non erat verisimile, hominem bonum, qui veritatis cognitionem haberet, non modò non illi manus dare noluisse, sed ultrò etiam & gratis cornua obvertisse. Cudendus igitur fuit illis homo, in quem talis suspicio caderet, qui nempe ambitione malâ laboraret, qui opum cupiditate flagraret, qui ingenio vafer

& callidus esset: tales enim plerunque studio rerum mundi acti in transversum, & suis cupiditatibus occæcati, id sequi in Religione solent, quod putant ad suas rationes accommodatissimum. Hæc autem quàm verè possent de Patre affirmari, ut ipsi probare parum pensi habuerunt, ita nobis, ut illum istis criminibus purgemus, non erit multum laborandum. Si roges adversarios, unde sciant Casaubonum, qui veritatem Romanæ Religionis agnoverit, aliam rerum mundanarum amore & studio esse amplexum, nihil habent respondere, quàm quod fuerit ambitiosus, quod φιλόδοξος, quod simulare & dissimulare doctus. Rursus si quæras, quam causam habeant hæc illi impingendi, nullam aliam possunt asserre, quàm quia cum veritatem non ignoraverit, eam tamen dissimulaverit, & oppugnaverit. Sed quod hoc, per Aristotelem, disputandi & argumentandi genus? τὴν ἰξ ἀλλήλων καὶ κύκλῳ ἀποδείξουσιν ut ineptam rejiciunt οἱ λογικὸν πειθεῖς. Sed demus illis has ineptias, & rem ipsam videamus. Illene igitur ambitiosus, qui ne famam quidem, cui sæpe boni indulgent, teste Tacito *, ostentandâ virtute, aut per artem quæsit, procul semper ab æmulatione adversus Symmistas suos, procul à contentione adversus provocantes? Quàm verò ab eo vitio liber ille fuerit, tota vitæ ipsius ratio ac cursus clarissimè demonstrabit. Nunquam ille ad honores eos adspiravit, ad quos non pervenerit: eos plerunque consecutus est, ad quos non adspirarat. Genevæ quum plures annos fuisset tam exiguis stipendiis †, ut ad honestæ familiæ sumptus necessarios vix sufficerent, quàm agrè, quàm lentè potuit adduci, ut illam relinqueret, & Monspelienses omni studio vocantes ‡ ad lautiorē fortunam, sequeretur? Monspelio Lutetiam Regis ipsius literis accitus est. In Angliam venit †, ultrò invitante serenissimo ac benignissimo Rege. Cum autem summorum semper virorum studia ac voluntates habuerit, duobus maximis Regibus fuerit charissimus, neque ab his quicquam unquam petiit, neque illorum benevolentia usus est in suum quæstum: quantum plura semper & suâ expectatione majora ab his & illis acceperit. Sed vir pudens, & verecundus, si quisquam alius, semper abhorruit à sordido illo verbo (ut ipse loquebatur) *Peto*. Si animus ejus fuisset in auro & divitiis, toties oblati opibus, tot ingentibus promissis pieratē tam constanter non prætulisset. Bone Deus! quibus illum præmiis, quibus illecebris

attra-

attrahere conati non sunt adversarii? Non morabor hic Lectorem longis eorum narrationibus, quæ possent hic dici: sufficiat nunc locus ex quadam ipsius Epistola ad Andræam Schottum Jesuitam:

Epist. 876. *Mutandus, ut video, nobis stylus erit. Non enim veritatem prodemus, & multa, quæ habemus comperta, profereamus, quæ silere fuit animus. Tum autem innocentiam nostram ita, valente Deo, defendemus, ut tu quoque mutaturus sis sententiam; qui persuasus à Græculo Cretensi, scripsisti nuper in scheda, quam vidi, Auri sacra fames non tantum quantum conscientia valeat. Agnoscis tua verba: ἀτὰ γὰρ μὲν οὐκ ἐστὶν χρυσὸν οὐδὲν ὀδύνην; Ego ut aliquid contra conscientiam? ego ut pietati aurum anteponam? aut omnino ut aurum sitiam? Non ita est; non ita est: & hoc qui mihi objicit, parricidarum defensor plus quam Creticè mentitur, & de suis moribus meos sceleratus æstimat. Ego si aurum plurius quam pietatem fecissem, in Anglia hodie non essem. Scit hoc magnus Galliarum Cancellarius; scit illustrissimus Cardinalis Perronius; scit reverendissimus Episcopus Parisiensis; sciunt Lutetiæ quicumque me norunt, & quibuscum familiariter sum versatus, vestræ professionis viri amplissimi, & omni majores exceptione. Possem & Magnum Henricum meæ integritatis, quam ipse notam, & certissimis argumentis compertam habuit, testem excitare; nisi illum dirus Alastor doctrinâ parricidali imbutus terris eripuisset. Itaque, Vir clarissime, si quæ veritatis tibi est cura, si qua innocentie, recanta opprobrium, & homini Græculo, Cretensi, parricidarum defensori posthæc cave ne fidem habeas. Ego, valente Deo, cum erit opportunum, faxo ut mendacia perditissimi nebulonis, & omnium, qui cum illo faciunt, in claram lucem proferantur. Interim opus magnum, &c. Londini, a. d. III. Id. Mart. CIO IO CXIII.*

Hinc patet quàm impudens sit illorum calumnia, qui dicunt eum sui compendii causâ aliter in Anglia scripsisse quàm sentiret. Illa sanè ratio contra ejus constantiam si valuisset, nunquam ille venisset in Angliam. Quid enim sperare potuit aut oprare, quod ipsi in Gallia, si flexibilem se illis præbuisset, qui tantâ contentione atque instantiâ ad se trahere nitebantur, in mundo non erat? In Anglia, etiamsi admirabilis semper fuerit optimi Regis erga ipsum, & tanto Principe digna liberalitas, magis illa tamen apparuit post ejus obitum, quàm vivo ipso; ita, credo, providente Deo, ne ullus assen-

tationis suspicioni locus esset. Si enim opes eas reliquisset Pater, quas honesta & numerosa familia requirebat, nulum quidem fuisset crimen illum suis prospexisse; inde tamen magis probabiliter calumniandi materiam maligni potuissent arripere. Nunc, quum præterquam famâ & gloriâ sui nominis nullâ admodum hæreditate suos juverit, quis ferat importunos homines, avaritiam, lucri studium, & ejus generis alia toties illi exprobrare? Quodnam verò, per Deum immortalem, illud lucrum? ubinam illæ divitiæ? An quia ei fuit, unde honestè viveret? quasi fame fuisset periturus nisi avariciâ sibi consulisset. Pudet tædetque his ineptiis tamdiu inhærere: sed multò magis puderet eos, qui hanc calumniam tercio quoque verbo ingerunt, nisi illi jam planè depuduissent. At fuit assentator, inquiunt illi: verè fuit, si cum laudare, qui mereatur, id sit assentari. Sed respondeat Pater ipse, qui adhuc vivus insimulatus hujus criminis, hæc scripsit ad amicum: *Objicit mihi Alastor vitium fædum adulationis. Fateor laudasse me Regem; sed judicio & affectu sincero: sic mei Deus misereatur. Scelerati homines, si unum è suis, non dicam Regibus, non dicam Principibus, aut etiam Nobilibus, haberent, in quo sic pietas emineret cum doctrina conjuncta, ut eminet in maximo hoc Rege; quomodo illum jactarent? Adulari vitium est Parasitorum Papalium, qui illi persuadent, nec Deum ipsum nec hominem, sed Vice-deum, Omnipotentie Pontificie Vindicem, & ejusmodi multa, non simpliciter καλακικά, sed detestandæ blasphemie plena. Et quid aliud sunt Baronii Annales, aut sarrago Bellarminiana, nisi perpetua mendacia ad extollendum τὸν υἱὸν τῆς ἀπολείας ὑπὲρ πάντων οὐρανῶν? Sed quid non fingant de Patre, qui cum de Casaubono polypum, versutum quendam & versipellem hominem fecerunt? Meritò sanè illi putandi ex eorum numero, qui candida de nigris, & de candentibus atra sciunt facere. Non dubito quin boni, verique studiosi viri sint hoc illi crimen objectum partim cum risu, partim cum indignatione audituri. Liceat enim mihi de Patre meo dicere, quod olim vir sanctus Gregorius Nazianzenus dicebat de suo: Ὁ καλῶς τὸν ἑαυτοῦ καὶ ἰδιώτην, καὶ ὅδε πῶς πολλοὺς ἀγνοῶντων ἢ ἀπλοῶν καὶ τὸ τοῦ θεοῦ λαοῶν· liceat, inquam, mihi hoc de meo Patre, & licebit, scio, per eos, qui quantulâcunque cum ipso conversatione, & consuetudine, mores ejus planè non incognitos habuerunt. Clau-*

dam

dam hæc omnia verissimo ejus elogio, quod ex aliis laudibus, quas in ipsum benignâ & liberali manu confert vir clarissimus, Claudius Expillius, Consilii interioris Consiliarius, & Advocatus Regis Generalis in Senatu Gratianopolitano, ipsius, si revivisceret, vrecundia libenter admitteret.

*Ce courage éloigné de fraude & d'artifice,
Qui ne sentit jamais de l'infame avartice*

*Les assauts violens;
Franc de l'ambition, qui les plus
grands accable,
Despoit Nemesis, la Déesse implacable*

Aux hommes insolens.

Quæ vir doctus sic Latinè vertit & edidit:

*Cui versare dolos, nec mens accom-
moda fraudi
Ulla fuit, qui nullo avidus contabuit
auro;
Cuique nec ambita quæsti indagine fa-
ctus,
Immunes torfere animos ultrice fla-
gello,
Despuit infestas Nemesis virtutibus
iras,
Quæ face vesanos ulciscitur horrida
fontes.*

Eant jam quo digni sunt cum suis calumniis adversarii, & videant quam

famam, dum alienam tanto furore appetunt, ipsi meruerint. Sunt alia quædam crimina: quod mendax, quod calumniator, quod iracundus fuerit, quæ quatenus ex scriptis ipsis ejus ducta & prompta sunt, accuratius diluemus, cum loca ipsa examinabimus. Ad mendacium quod attinet, næ ille meruit in omni vita elogium illud Attici, *Mendacium nec dicere solitum, nec pati potuisse*. Calumniandi neque artem unquam didicerat, & ab animo atque voluntate semper abhorruit. Ab omni iræ affectu non fuisse eum immunem fatemur; sed ab illa fatemur, quam cadere in virum bonum prudentes consentiunt; quam Græci *ἔργον* vocant, & illa præditum *ἐργον*. Verum enim est illud Ciceronis, *Bonorum animi sunt irritabiles*. Asperiores autem in quosdam fecerunt, partim rei, de qua agebat indignitas, ut ubi disputat de *Papæ Omnipotentia, de licitis Regum parricidiis*, &c. partim ipsi, qui contumeliis audacissimis capitaliter ipsum primi laceggerunt. Notum est illud Publii, ut opinor:

Bonus animus læsus, gravius multò irascitur;

ejus præsertim, qui insuctus contumeliæ, insolens infamiæ, semperque in laude versatus sit. Mirissimo alioquin, & candidissimo fuisse ingenio, non vitæ modò, sed scripta quoque, quæ ejus extant omnia, manifestò fidem faciunt.

MERICI CASAUBONI P I E T A S. P A R S Q U A R T A.

DE STUDIIS ET ERUDITIONE ISAACI CASAUBONI.

BEne cessit sua quibusdam Ducibus & Imperatoribus calliditas, qui rem sibi cum scirent esse cum fortissimis hostibus, & futuris famâ suæ virtutis terrore, pro ignavis & imbellibus eos traduxerunt, quo suis animum adderent, & alacritatem. Habent & suum Rhetores & Sophistæ *ἔχθρην*, quo ad ductis in contemptum adversarii, sine

pulvere, sine sudore, solo vincunt aliorum præjudicio. Utrum id genus artes, & sophismata Christianos deceant in certamine de Religione, unicuique judicandum relinquo. Non eam quidem Catholicæ semper Ecclesiæ fuisse praxin, vel ex iis patet, quæ de præcipuis quibusdam Hæreticis, fidei inimicis, à nonnullis Antiquorum perhonorificè, & plurima cum meritorum in ipsis agnitione sunt scripta.

scripta. Eorum, qui hodie Catholicorum nomen solis sibi vindicant, quæ sit super ea re sententia, quæ consuetudo, nemo, qui vel leviter eorum scripta tractarit, potest ignorare. Quotus enim quisque est eorum, qui quoties meminit alicujus nostrorum Theologorum, aut qui Theologica scripserunt, aut quoquo modo veritatem contra Ecclesiæ Romanæ corruptelas, & errores suâ operâ defenderunt, de ejus laudibus meritisque pro virili non detrahat? Illi verò pauci, qui zelo adhuc illo præclaro non adeo fervent, suamque libertatem placendi studio non auctorarunt, quique propter insitam ingenuitatem, quos sciunt laude dignissimos, non possunt sine honorifica mentione, quoties occurrit occasio, præterire; illi, inquam, pauci id pretium suæ virtutis ferunt, ut in ipsorum libros animadvertatur, scripta ad aliorum arbitrium, & censuram exigantur, & quasi recudantur. Vide mihi, Lector, quisquis hæc ut nova miraris, & prius inaudita tibi, *Indices* illos, quos vocant, *Expurgatorios*, & luculentiora exempla non desiderabis. Invenies ibi nullam minimam maximam laudem tributam nostris, quæ ab his egregiis Censoribus non deleatur, & expungatur. Dixerat alicubi Thuanus, Lipsius, Wouwerius, alii, *Vir magnus, Josephus Scaliger; I. S. Vir illustrissimus; Henricus Stephanus, Vir eruditissimus, aut optimus; Franciscus Junius, Vir clarissimus, Vir doctissimus, &c.* Dele, inquit illi, *Vir magnus, Vir illustrissimus, Vir eruditissimus, optimus, clarissimus, doctissimus.* Hæc est perpetua, ac constans ratio erga omnes alios. Sed multo est intolerabilius, adeoque ultima ipsa zeli dicam, an malignitatis linea, quod non tantum homines ipsos ἀπλῶς, & absolute laudari prohibent, sed non ulla patiuntur ipsorum scripta commendari, ne in minimis quidem, & levissimis. Unde quoties occurrunt illa, *optimè notat ad hunc locum, benè interpretatur, accuratè &c.* hic nempe, vel ille è castris Protestantium, induci volunt illa verba, *optimè, benè, accuratè, &c.* adeo qualescunque nostræ laudes sunt illis ἀλγίδονες ὀφθαλμοῦν. Quid, quod non in scripta tantum animadvertatur, sed ipsi quoque aliquando homines poenas cogantur dare sui candoris? Queritur Vir illustrissimus, Jacobus Augustus Thuanus, tantâ se invidiâ flagrasse, quod Josephum Scaligerum, omni laude majorem virum, & laudare & amare ausus fuerit, ut eam ob rem præter calumnias & contumelias, mul-

ta quoque pericula adierit. Cujus rei causam hanc esse docet Vir ille gravissimus, *Quod Religio, quæ fide & certâ de bonitate Dei fiduciâ, necnon caritate olim nitebatur, & majora indies incrementa capiebat, hodie factione, & humane prudentiæ carnisque consiliis & coitionibus valere & sustentari credatur.* Quando igitur inter istos & pars pietatis habetur de adversariis detrahere, & facinus est expiandum merita ipsorum agnoscere, cur quisquam nostrum speret, aut optet propriam fortunam, aut communem dolenter ferat? Simul igitur cœpit Casaubonus in iis nomen profiteri suum, qui pro Veritate contra Pontificios pugnant, statim adversarii certatim de ipso detrahere; hic illum *repentinum Theologum* dicere; ille, *Philosophiæ rudem prorsus & ignarum*; alius humaniores ejus literas variè fugillare; alius aliud denique, quod eò tenderet, invenire. Horum omnium Eudæmon-Joannes, quantum ad malum exemplum proprii furoris, atque impudentiæ attulit, tantum reliquos in hoc pietatis (si superis placet) officio superavit. Hic admodum laborat, ut hominibus persuadeat, Casaubonum nullam Historiæ, & Antiquitatis laude dignam cognitionem habuisse, neque Græcè aut Latinè doctum fuisse vel mediocriter, (unde quoties Græci aliquid habet in suis scriptis Pater, Lexica illi exprobrat, quasi ex illis solis saperet) atque in summa, omnium literarum fuisse expertem. Quia tamen negare non potest, eum *docti & eruditi* famam nomenque antea semper habuisse, hunc nodum sic solvit, ut id dicat *hominum errore* contigisse: quo nomine de levitate judiciorum non uno loco vehementer conqueritur. Haud dubiè rabies quædam agebat hominem, cum hæc scriberet; qui præsertim se tunc graviter ægotasse fateatur: eorum autem aliquam habere rationem, quæ miser eo statu animi dixerit, id verò esset non homini, sed morbo irasci. Hunc igitur ægrum Medicis relinquamus, & quid dicant alii videamus. Communis omnium calumnia est, *Casaubonum studiis ætatem Philologicis, & Criticis impendisse; Theologiæ autem & Philosophiæ, hujus eum planè rudem fuisse; illius quicquid in eo fuerit, in Angliâ demum didicisse.* Cum Cicero post bella civilia, qui ad id temporis in foro tantum spectatus fuerat, philosophica multa brevi tempore scripsisset, multi mirabantur, unde hoc philo-
* Lib. 1. de Natura Deorum, cap. 3.
 sophandi studium subito illi extitisset. His respondet Cicero, ** Se non subito*

R

subitò

subitò cepisse philosophari, sed tum maximè philosophatum, cum minimè videbatur. Crediderim ego similiter non paucos, qui tot Patris opera philologica legerant, alia non minora ab ipso promissa expectabant, & antè credidisse huic uni studio eum vacasse, & postea miratos esse, unde id illi Sacrarum Literarum studium subitò extitisset, postquam se totum ad illas contulerat. His nos quoque possumus ita respondere, illum tunc maximè Philosophiæ, Sacrarumque Literarum studiis incubuisse, cum minimè putaretur. Equidem quamdiu intellexit Pater hanc à Deo datam sibi provinciam, ut excoleret, & pro virili promoveret humaniores literas, id unicè dedit operam, ut studium suum & industriam in ornanda sua Sparta bonis omnibus approbaret. Hæc illius cura fuit, hæc ambitio: gloriolam, plausumque popularem, quod multi faciunt, ostentatione varix doctrinæ non quæsit; neque ex illis unquam fuit, quibus scire suum nihil est, nisi hoc illos scire sciant alii. Non adeò tamen obscura fuere ejus studia, ut quibus in rebus operam posuisset, amici familiares ignorarent, aut ex iis percipi non potuerit, quæ variis temporibus ab eo sunt edita. Non puto faciendum ut hic omittam Gasparis Scioppii elogium de Patre; non quòd is unquam fuerit Scioppius, ut magni faciendum sit ipsius iudicium, sed quia non tam ejus quàm aliorum, famæque adeò ipsius testimonium continet, tum etiam ut appareat quâ conscientia jam alia omnia de eo loquantur adversarii: *Multi alii etsi nulli alii certæ professioni sese applicuissent, more tamen & modo apicularum nunc hinc, nunc illinc, quæ sibi & aliis plurimis usui esse possent deliberant; quorum nunc meritò primum laudem Isaacum Casaubonum, hominem Gallum, qui cum in Philosophicis & Theologicis ferè sine pari excellere à doctissimis existimetur, ipse interim quamvis modestissimus, re, & opere omnium qui vivunt gloriam obscuraturus, vel omninò extincturus videtur, &c.* Ecce quæ jam tum fuerint (editus est ille Scioppii liber anno Domini 1615 1616.) doctorum de Casaubono iudicia, eum ferè sine pari excelluisse in Philosophicis, & Theologicis. Nimium jam velim videre os illud impudens, quod pro excellenti Philosopho, & Theologo purum putum Grammaticum nobis substituit, & qui nihil ultra Diomedem & Priscianum sapiat. Sed operæ est hæc aliquantò persequi fufius & accuratius, utique de studiis in Theologia, quò

certius hanc quasi calumniarum segetem, aut communem locum malignis adversariis in posterum eripiamus. Si Theologia sit illa scientia nominanda, quæ Sacrorum Bibliorum assiduo usu, piorum & antiquorum Patrum diligentillectione & Historiæ Ecclesiasticæ studio solet acquiri, Patrem fuisse à primo ætatis tempore Theologiæ studiosissimum & deditissimum asseveranter affirmamus. Anno Domini 1615 1616 LXXXIII. ætatis vigesimo quarto cum Arnaldo Casaubono, Patri suo, Notas in Diogenem Laërtium offerret *, & * 244. de suis inceptis ad rem literariam promovendam multa juvenili more narraret, respondit ille, Laudare se quidem propositum ejus, καὶ τὸ πρὸς τὰ μαθηματα ἐργάζεσθαι. cæterum pluris se vel unicam observationem facturum ad Libros Sacros pertinentem, quàm illa omnia, quorum spem fecerat. Hæsit animo penitus infixi viri optimi vox illa, semperque ex illo tempore τὸ θεῖα μελετᾶν est conatus. Hæc ipsum narrantem sæpe audivi, & postea in literis ipsius ad amicos reperi. Paucis post annis incidit in languorem, de quo ipse sic scribit ad amicum:

Ego parente orbatus, dejectus spe redeundi in Galliam, in languorem incidi; quo ut me liberarem, Juris studia penitus reliqui, & repentino quodam impetu omnes libros Jurisconsultorum Barbarorum, quibus multum insudaveram, mutavi libris Theologicis. Factum hoc ante annos viginti & octo, quo ex tempore nulla mihi sincera voluptas, nisi in lectione Scripturarum, aut piorum Patrum, quos venerari didici usu ipso, & assiduâ tractatione, quantum quidem alia studia mihi permittebant. Edidit admodum juvenis Notas † in Novi Fœderis priorem partem, quæ etiamsi paucæ sint, probando tamen ejus studio in Theologicis abundè sufficiunt. Scribens ad Virum clarissimum, Jacobum Bongarsium, anno Domini 1615 1616 xcvi. post quædam de suis inceptis, hæc addidit: Institueram diebus hisce librum unum Observationum ‡ nostrarum in † 244. Sacros & Ecclesiasticos Scriptores ac † 104. & 118. Patres edere: postea continui me; & opinor, sat citò, si sat benè. Anno Domini 1615 1616 xcvi. ad Pastores Ecclesiarum Sal. congregatos hanc misit Epistolam.

* Sal-
venis,
Sanus in
Cervena-
sidus.

Fidelissimis, & summè observandis
PASTORIBUS SYNODI SAL...
ISAACUS CASAUBONUS
salutem à Deo precatur.

Epist. 136.

SI voluntati meae valetudo respondisset, Patres observandi, non mihi nunc literis vobiscum agendum foret. Constitueram enim venire isthuc, & vestrum Confessum praesens affari, ac salutare. Nam postea quam ita Deo Opt. Max. visum, ut Genevam, patriam dulcissimam, & Genevenses Pastores ac Professores, Collegas mei amantissimos, aeternum mihi colendos, relinquerem, & in hanc Provinciam venirem, in votis hoc mihi semper unice fuit, ut vestram omnium amicitiam omni ope & operâ mihi conciliarem. Videbar autem commodè id facturum, si hoc tempore isthuc me transferrem. Nunc igitur quando per valetudinem optati adeo voti compos fieri non possum; officii mei esse duxi, has ad vos scribere, meae adversus universum Ordinem vestrum, & privatim erga unumquemque summæ observantiae & benevolentiae testes. Cujus animi cum mihi conscius ipse sim, facile venio in eam spem, fore neminem e vobis, qui in suam amicitiam me non recipiat, aut parum illâ dignum judicet. Atque ut sciatis ex animo loqui me, neque ut ait Poëta, ἵνα ποτὶ καὶ δὴν ἐν ἐπιτίμῃ ἀλλὰ ὃ βέλτερον, en me totum in vestra potestate. Videte, quaeso, & vobiscum considerate, ecqua in re opera mea publicè Ecclesiae Dei, cujus administratio vobis commissa est, utilis esse poterit; ego me spondeo, sanctèque recipio vestris consiliis obtemperaturum, & pro virili effecturum, ut voluntati vestrae per me satisfiat. Equidem ita sum à natura comparatus, ita ab optimo Parente olim institutus, ut studiorum & vigiliarum mearum nullum unquam alium finem mihi proposuerim, nullam aliam mercedem aut speraverim aut optaverim, quam ut illarum fructus ad obsequium Matrem Ecclesiam rediret. Novit ὁ καὶ ἀποκρίνων Deus, hac re nihil mihi jucundius, nihil gratius, dum adhuc terras colam, posse contingere. Sed & D. Bernardinus, quicum mihi summa familiaritas intercedit, animum meum penitus notum perspectumque habet. Is, si opera est, plura de nobis & egregia nostra voluntate erga Sacrae Theologiae studiosos commemorabit. Verum de nobis nimium multa. Simul veneri subit, ne si longiore Epistolâ vos tenuero, in publica commoda peccare videri possim. Unicum est, quod si adjecero, finem faciam. Nam cum Genevâ nuper discederem, mandatum mihi est à

venerandis Pastoribus, & Professoribus, si qua se offerret occasio, vos omnes ipsorum verbis quàm officiosissime & amantissime salutare. Rogabant iidem obnixè, ut in assiduis vestris ad Dominum precibus, Genevensem Ecclesiam, omni nunc cum maxime ope humanâ nudatam, juvaretis. Accepi etiam postea non unas à magno & venerando Sene, Theodoro Beza literas, quibus omnibus hoc ipsum à cunctis vobis, & suo, & Ecclesiae nomine petit, & summo contendit opere. Valete, Viri plurimum colendi, & res Ecclesiae, οὐ τῷ Θεῷ, feliciter gerite. Scripsi Mompelii, languente manu, pridie Non. Maj. CIO IO XCVII.

Hoc tempore cum Mompelio crebro ad Bezam scriberet, qui Genevæ erat, non aliæ ferè erant literæ, quàm de Rebus Sacris & Theologicis. Nam aut Notas suas in aliquot Sacrae Scripturae locos illi communicabat, aut super aliis cum consulebat, aut denique ad quæsitâ Viri venerandi respondebat. Anno CIO IO C VII. hunc in modum scripsit † ad eum Synodus Nationalis Rupellæ coacta.

† Du style
& de la
main
d'André
Rivet.

MONSIEUR,

Nous sommes en un tems, auquel Satan fait ses efforts plus violens pour estancier son regne de tenebres, & use de ses plus subtils artifices pour empêcher le cours de la verité en toutes sortes. Autrefois il a eu beau jeu durant l'obscurité & ignorance des siècles precedens. A ceste heure qu'il voit une lumiere plus grande, il tasche de l'obscurcir par les fumées d'une prétendue science, laquelle se vendiquent plusieurs de ses suppôts sans aucune conscience, n'espargnans leurs labeurs & leurs peines pour brouiller, s'ils pouvoient, nôtre droit, & persuader au monde que nous sommes mal fondez pour le fait. Plusieurs doctes personnages se sont diligemment employez à convaincre nos contredisans en l'un & en l'autre point. Nous nous persuadons que Dieu vous ayant comblé de rares graces, lesquelles ont déjà paru par tout le monde es œuvres que vous avez publiées, vous n'aurez pas oublié d'employer ces grands dons plus particulièrement à la gloire de celui, duquel vous les avez reçues, & tenons pour certain, que vous ne pouvez avoir vu tant de faulsetez parsemées es Annales fabuleuses du Cardinal Baronius, sans avoir tracé bon nombre des moyens de faulx, pour secourir ceux qui n'ont le loisir, le moyen, ou la capacité de se desveloper d'un tel labyrinthe, & reprimer l'insolence & impudence de ceux,

ceux, qui ont loué leurs langues & leurs plumes, & se sont vendus pour faire ce qui est desplaisant à l'Eternel, & desfient les armées d'Israël avec une audace plus grande, que celle de Goliath. Or combien que nous nous persuadions fort de vostre zele, que nous attendions tout des promesses que vous fistes à une telle Assemblée que celle-ci au Synode de Gergeau, toutefois nous avons crû que vous prendrez plaisir d'estre aiguillonné à ce bon œuvre par cette Compagnie, & que le jugement qu'elle fait de vous à bon droit, vous accroîstra encore le courage & le vouloir, de produire en peu de temps ce qui est attendu de si long temps; ce que vous devez à Dieu qui vous a donné le pouvoir, ce que ne pouvez desnier à l'Eglise, en laquelle vous estes né, à laquelle vous estes consacré, & que tous les membres d'icelle desirent de vous, & que nous, qu'il a plu à Dieu appeler pour en estre conducteurs, en esperons. Prians l'Auteur de toute bonne donation, qu'il vous accroisse ses grâces pour cet effet, & vous doint de faire abondamment profiter à son honneur le talent qu'il vous a commis, pour luy en rendre bon compte au jour, auquel il en exigera l'usure. Nous ne doutons point, que desirant l'approbation de ce Maître sur toutes choses, vous ne soyes aussi esmeu par l'exhortation qui vous est faite par nous, & l'obligation que vous acquerrez sur toutes les Eglises, & nommement sur

„parte refutandis. Te verò, in quem
„Deus tot dotes universo orbi ex scri-
„ptis tuis cognitacumulaverit, earum
„omnium utum & fructum ad autho-
„rem præcipuè referre credimus; nec
„dubitamus quin legens tot sparsa in
„fabulosis illis Annalibus Cardinalis
„Baronii mendacia, magnam partem
„illa falsi conviceris, ad eorum opem
„& utilitatem, quibus per otium, do-
„ctrinam, aut ingenium ex illo laby-
„rintho non patet exitus, & ad repri-
„mendum illorum fastum pari impu-
„dentiâ junctum, qui linguam suam &
„stylum locarunt, seque adeo ipsos
„manciparunt ad id faciendum, quod
„malum esset in conspectu Domini, &
„jam copias Israël's majori quàm olim
„Goliath, audaciâ, ad certamen pro-
„vocant. Cæterum quamvis omnia
„nobis de tuo zelo promittamus, om-
„nia nobis de tuis promissis in tali
„Confessu apud Gergeaveses editis
„spondeamus, te tamen ad opus tam
„laudabile stimulari gratum tibi fore
„sumus arbitrati, judiciumque hujus
„de te Conventus meritis tuis debitum
„tibi animum alacritatemque additu-
„rum, ut id brevi præstes, quod jam
„pridem à te expectatur. Id Deo,
„qui tibi vires dedit, debes; neque
„Ecclesiæ, in qua natus, & cui conse-
„cratus, negare potes; quod experunt
„singula ejus membra, nosque inpri-
„mis, quibus à Deo commissa est il-
„lius administratio, speramus. Deum,
„omnis bonæ donationis authorem,
„comprecamur, ut ad hunc finem sua
„in te dona multiplicet, derque talen-
„tum, quod tibi commisit, ita mul-
„tiplicare, ut repetenti usuræ ratio-
„nem queas reddere. Non dubitamus
„quin tu ante omnia cupidus tali Do-
„mino approbari, magni quoque sis
„facturus nostrâ adhortatione te im-
„pelli, & omnes tibi Ecclesias tuo be-
„neficio demereri, nominatim verò

Du XII.
Avril,
1607.

Vos humbles & affectionnez Freres
à vous faire service, les Pasteurs,
& Anciens des Eglises Reformées
du Royaume de France, assem-
blez en Synode National à la
Rochelle.

ANDRÉ RIVET,
SECRETAIRE.

DOMINE CASAUBONE,

„ERumpunt in hæc nostra tempora
„maximi Satanæ conatus ad stabi-
„liendum regnum suum tenebrarum; &
„nunc cum maximè callidissimas suas
„artes adhibet ad vim veritatis inhi-
„bendam. Quondam perfacile id illi
„fuit propter temporum tenebras &
„ignorantiam. Nunc cum videat ma-
„jorem lucem, conatur illi tenebras
„pseudopropius obducere, quam
„venditant plerique ejus satellites, ho-
„mines sine conscientia, qui nulli la-
„bori parcunt aut operæ, quo omni-
„bus persuadeant nostram causam ne-
„que jure niti, nec exemplo. Jam
„multi viri docti sedulam navarunt
„operam in adversariis ab utraque

*Humillimos & tibi devotissimos
Fratres, Pastores, & Pres-
byteros Ecclesiarum Reforma-
tarum in Gallia, in Synodo
Nationali congregatos Rupellæ.*

Clarum est ex his literis, jam diu an-
tè quàm scriptæ sunt, receptam à Pa-
tre Annalium Cardinalis Baronii con-
futationem. Per eum autem non ste-
tit, quin fidem maturè liberaret. Sed
cum id ut sibi liceret, à Rege non pos-
set impetrare, coactus est à proposito
desistere. Hæc sunt ipsius verba ex
Epistola ad Virum clarissimum, Joan-
nem Pri deaux, data 1613. Sunt anni
decem

decem cum ego veniam petii ab Henrico Magno, meo indulgentissimo Mecenate, ut liceret mihi modeste Baronii mendacia refellere. Responsum tuli ab ore sacro illo, Nondum tempus advenisse. Anno 1606. (nisi sit illa prima editio, quæ prodiit Hanoviae 1607.) primus publicavit, & Latine vertit, notisque illustravit satis uberibus prolixam Gregorii Nysseni Epistolam ad Eustathiam, Ambrosiam & Basilissam. Hac opellâ sic defunctus est, nihil ut in illa queat desiderari, quod ab eo potuit, qui fuerit in Patribus & aliis Ecclesiasticis Scriptoribus versatissimus, expectari. Scripsit & Notas in Gregorii Thaumaturgi Orationem de Origine*, quas adhuc nancisci mihi non contigit. Eodem ferè tempore † scripsit librum singularem de Libertate Ecclesiastica ‡ contra usurpatam à Papa potestatem, atque Clericorum exemptiones & immunitates. Totus ille liber eam præfert Antiquitatis & Historiæ Ecclesiasticæ peritiam, quam malo ab aliis quàm à me prædicari. Hæc igitur de prima seu specie, seu parte Theologiæ. Quod attinet ad Polemicam Theologiam, eam, quæ de hodiernis modò controversiis agit, totaque Neotericorum scriptis continetur, fateor ejus illum adeò nunquam cupidum fuisse, ut putaret illi tempus, quod alia studia, quæ profitebatur, sibi vindicabant, impendendum. Quod illi tamen non parum temporis impenderit, necessitati quàm judicio magis imputandum. Qui enim Lutetiæ creberimos de Religione congressus ac conflictus fugere non poterat, coactus est iis sese armis instruere, quæ ad hanc pugnam pugnandam erant necessaria. Restat illa διαλεκτική, sive Scholastica, uti vocant, Theologia. Hæc verò qualiscunque sit, si neque Dei Verbo comprehenditur, & à Veteribus omnibus ignorata est, per me fuerit illius ignarus Pater, vosque semel viceritis Adversarii. Quod erat in Religione serium ac solidum, optimè scivit, unde sibi petendum esset: λεπτολογία, & κρυπτονίαις nimiam plerunque curiositate non minus prophanas impiasque, quàm putidas & ineptas, omnes denique λογομαχίας, quas otium peperit, & meliorum literarum penuria (quæ fuit illorum sæculorum miseria) non minori studio semper averfatus est, quàm alia utilia ac profutura consecutus. Neque tamen universam illam scientiam damnavit, aut rejiciendam putavit ut vanam prorsus, & inutilem, qui aliquot in eam præcipuos non spreverit, Thomam etiam illum Aquinatem in pretio

habuerit. Cogit me adversariorum malignitas, ut hæc omnia persequar, qui illi suam in his ignorantiam tam impotenter & insolenter exprobrant. Nam alioquin quod crimen, si unus homo non omnia sit assecutus? hoc est, humanam sortem prætergressus? Quid in aliis literis præstiterit Pater, docti omnes norunt & agnoscunt æquiores, Theologi verò nomen nunquam sibi arrogavit, Theologiam nullam attigit, (præterquam obiter aliquando) nisi quam ex lectione Patrum & aliorum antiquorum Scriptorum didicerat, quæ sola erat illi necessaria ad opus susceptum contra Baronium, quod, quàm non subito, aut temerario impetu suscepit, constans ac firmus per tot annos animus in illo proposito latis ostendit. Quando autem primum de illo cogitavit, declarant ea, quæ jam sunt à nobis allata, ex quibus etiam revincitur impudentissimum quorundam mendacium, qui fingunt eum ad Regis serenissimi gratiam scripsisse contra Baronium reluctantem conscientiam, aut etiam invitum ab eo coactum esse. Revincitur & illa calumnia, eum scripsisse mortuo Baronio, quia vivo illo nunquam erat ausus. Quod quidem est putidissimum, non enim privata lis erat, communem autem causam qui susceperent, haud unquam defuturos non ignorabat: nisi fortè solus Baronius fuerit, qui jure metuendus erat. Sed demus ipsis affabrè confictum mendacium, modò de mendacio constet. Immo verò non cupiit tantum Pater, & ut esset sibi liberum Regi Christianissimo supplicavit, sed reipsa scripsit contra Baronium vivo adhuc Baronio. Baronius obiit anno Domini 1607. eodem anno liber Patris edebatur de Libertate Ecclesiastica, quo unus omnium creberrimè reprehenditur Baronius, varii Annalium loci castigantur, fraudes deteguntur, atque adeò ex professo toto cap. x. cujus hæc est summa & argumentum, Cardinalem Baronium studio hujus Libertatis Ecclesiasticæ stabiliendæ multa scripsisse, quæ veritati sint contraria. Ejus Patanesis confutatur, Annales notantur. Quod autem liber Authorem suum non indicaverit, neque locum ubi sit excusus, non id fallendi desiderio ab eo factum est, sed quia editionis consilium id necessario postulabat: quæ tamen abrupta est, cum jam 264. paginæ editæ essent, è x. nondum i. r. capitibus absolutis. Urbe enim plenâ τῶν Πατριανόντων, tam secretò res agi non potuit, ut ad plurimorum conscientiam non emanaret, à quibus Papa moni-

* Anno
1604.
Epistol.
385. &
481.

† Scilicet
anno 1607.

‡ Epistol.
550. 555.
593.

monitus, cum Rege Galliarum per ipsius Legatum egit, ut libri illius editionem prohiberet. Quo jam jure adeo acerbè in Patrem inveharis, Heriberte Rosweyde, quod ejus in *Baronium Exercitationes* prodierint, quum ille non esset, & eo nomine quàm meritò cum Scorpio compares, fero vel te judicem, si judicis æqui personam possis ad aliquod tempus induere. Atque hæc sint dicta ad repeliendas illas adversariorum calumnias, *Casaubonum in Anglia primum Theologiam didicisse; Casaubonum repente Theologum prodidisse; Theologiam non nisi ex Suetonio, & Athenæo hausisse*, & alia id genus, in quibus ita sibi placuerunt, ut nullo non loco occurrant. Cætera quamvis sint minoris momenti, non tamen omnino contemnemus. Ajunt ipsum *Philosophiæ & Logicæ nunquam studuisse*, &, ut colorem aliquem dicant, torquent interdum aliquot loca ex ipsis ejus scriptis, & strenuè cavillantur. Non est hujus loci, ut in ipsorum locorum examinatione operam ponamus: alioquin nullo alio responso opus esset. Nunc in universum respondemus, germanæ, & incorruptæ Philosophiæ neminem eo fuisse amantiorem; paucos in ea plus olei consumplisse, qui illam ἀρχιπαιδικὸν suum τέλμα κατ' ἄριστον, non fecerint. Tres ipsos annos usus est Præceptore Pacio, Viro clarissimo, in Juris & Philosophiæ studiis, à quo etiam excepit ingentem in *Aristotelis Organon Commentarium*, qui postea est editus: eum adhuc fervo, in Gallia manu Patris scriptum. Postea versando omne genus antiquorum Philosophorum monumenta, inquirendo in difficultia, excerptendo insigniora, comparando & expendendo diversorum rationes ac sententias, haud paulò plus illis in vera sapientia profecit, qui ætatem impendunt Barbarorum nescio quorum Sophistarum lectioni, & rixis futilissimis, & inanissimis. Est sanè genus hominum, qui inventis frugibus, glandibus vesci malunt; qui in hac luce & felici παύσησιν literarum spinis & laqueis delectantur ineptissimarum argutiarum, quas tenebrarum & ignorantiae tempora pepererunt; qui si aliquot annorum studio & labore possint assequi, ut ἀρεστὸς πλεὶς μικρὸν ἐρᾶν, & subtilibus præstigiis candida de nigris καὶ ψεύδεα ἐτύμωσιν, ὅμματα valeant efficere, io præan clamant, quantumque fuit unquam, aut est sapientum extra suam sectam, magno fastu contemnunt. Solis cor datum, soli sapiunt, novi in terris Tiresiæ, qualem celebrat Homerus

inter mortuos unicum: τοὶ δ', οὐκ αἰσθάνονται. In literis humanioribus, nisi quantum ipsi intelligunt, irrident omnia tanquam vana & inania; & cum de omnibus universim linguis, & earum studiosis pessimè sentiant, Græcam immortali odio prosequuntur, adeo ut in illa scire aliquid præter cæteros sit ingens crimen, & ipsa quasi confessio stuporis & stultitiæ. At quæ tandem est illorum scientia? An in rerum causis indagandis, effectibus explicandis, in iis denique, quæ vel ad naturam, vel ad humanas actiones pertinent, occupatur? Minimè gentium. Ars eorum tota versatur in meris notionibus, figmentis, ac chimæris intellectus, in λόγον σκινδαλμῶς, & nescio quibus aliis, quorum omnium nullus est usus, nulla ad ullam vitam est utilitas, & quæ, ut Senecæ verbis utar, *nec ignorantia nocent, nec scientia juvant*. Per hos sanè non stabit, quin Barbaries, cui ipsi ortum debent, brevi postliminio redeat. Sapiunt herclè: qui soli tunc regnarent, ad clavum soli Reipublicæ literariæ federent, quo jure dejectos se vident, postquam malo fato novus literarum & eruditionis sol orbi affulsit. Horum ut sententiam non probavit Pater, ita nec exemplum est securus, deditque semper operam quantam maximam potuit, ut *verus & rebus, non artificii esset Philosophus*, qualem probat summus Philosophus Seneca. Quantum profecerit in hoc studio, ut ipse, quàm multi scirent, non laboravit; ita frustra sperabunt adversarii se posse evincere, illum non multum esse assecutum. Unicum adhuc superest non omitendum, de peritia ejus in lingua Hebraica, de qua sic Bulengerus: *Te verò docti ajunt Hebraica verba scriptis admiscere non debuisse, quorum te planè quotidie clamitant, ostenduntque Judæum illum tibi imposuisse, quem in Anglia Doctorem asserueras*. Laudo modestiam, Bulengere, quod cæcus nolis de coloribus judicare, exemplo infani illius Cretensis, qui Casaubonum Græcæ linguæ ignarum fuisse demonstraturum se spondet, quam juxta vir doctissimus intelligit cum Persica, aut Hebraica. Sed quinam, quæso, sunt illi docti, quos ais id ferre de Casaubono judicium? Profectò fuerunt illi, aut non idonei judices, aut zelo illo, qui vos omnes agitat, corrupti. Quid enim omnia, quæ edidit annos prius viginti, quàm illas Exercitationes scriberet, nonne palam reclamant? Quid in Hebraica literatura reconditum, quid in Rabbiniis additum, quod non ille in scriptis suis pro re nata promiserit, & feli-

felicissimè illustrare? Scito autem, Bulengere, illum maturè ad illas literas animum applicuisse, & adhuc juvenem Rabbiorum sacris initiatum à Petro Cevalerio: à quo tamen non tantum didicit, quantum optabat, propter viri illius optimi & doctissimi immaturam mortem. Non contentus autem Hebraicâ, & illius propinquieribus Dialectis Chaldaicâ, & Syriacâ, in Arabicâ etiam studio multum olei & operæ insumpsit. Ego ea servo laboris ejus indefessi, & incredibilis industriæ in harum linguarum studio monumenta, quæ puto neminem visurum sine quodam ex admiratione stupore, qui alias ejus occupationes noverit. Habeo quoque plures præstantissimorum ad ipsum virorum, & ipsius ad illos & alios Epistolas Hebraicas, quæ quantam ejus linguæ facultatem usumque habuerit, vel tolæ queant testari. Quæ addit autem Bulengerus de Judæo accito, sic habent. Octo ab hinc plus minus annis iter ad illustrem Academiam Oxoniensem habuit Pater: ibi reperiit quendam Judæum *, hominem in literis Judaicis, & Thalmudicis singulari doctrinâ præditum; aliarum etiam linguarum non ignarum. Amplexus raram hanc in illo eruditionem, & ipsi cupiens, Londinum rediens adduxit secum, & apud se domum mensam & amplius retinuit. Interim Pater eum per occasiones Proceribus quibusdam Ecclesiæ, ipsique adeo Regi serenissimo commendavit. Judæus expertus non infelicem, aut irritam professionem, Oxonium reversus est. Quamdiu unâ cum Patre fuit, possum ego testari rarissimè eos esse collocutos, nisi inter epulas, non quidem quod non multa Pater ab eo se doceri cuperet, sed quia aliis tum necessariis occupationibus distinebatur: suas autem Exercitationes antequam Oxonium iret, jam penè ad umbilicum perduxerat, & amicis nonnullis legendas dederat: statim autem à reditu Typographo eas tradidit. Hinc tamen illa fabula. Et memini sanè eo tempore Patrem Jacobo Wedderburno, viro probissimo & doctissimo, tunc Præceptor meo, nunc Andræapoli Sacræ Theologiæ Professore, dicere, Adversarios, si audirent se domi Judæum habere, illos ipsos rumores, quos Bulengerus affert, disseminaturos. Quàm fuerit verus vates, exitus nunc ostendit; sed commenti vanitas apparet. Hactenus pro Patris eruditione contra fabulas & calumnias, quibus de illa detrahebant Adversarii, nunc reliquum mihi puto, ut duobus cum purgem criminibus, quæ

* Nomin.
Jacobum.
Epist. 900.
919. 924.

ad infamandam ejus eruditionem falso illi impingit Heribertus Rosweyodus. Quoniam autem utriusque testimonium affert tantum pauca quædam exempla, sunt illa hic necessariò nobis expendenda. Primum crimen quod illi impingit, est Plagium: id autem ob hanc rationem. Pater hæc scripsit in Exercitationibus: *De Antigoni, Regis Judæorum, supplicio loquens Baronius, errorem errat multis etiam doctissimis viris communem. Putat esse dissensionem in illa narratione inter Josephum & Dionem; & durius supplicium esse, quod Dionem describitur; cui potius se assentiri Baronius ostendit. Sed falsa hæc sententia, nata ex unius voculæ αὐτῶν prava interpretatione: author est Josephus à Strabone, cujus locum affert, initio lib. XV. Antonium πικρίσαι Antigonum, Regem Judæorum, captivum; hoc est, securi percussisse. Dio, lib. XLIX. scenam ejus supplicii pluribus explicans: Ἀντίγονον, αὐτῶν, ἰμασίῳσι αὐτῶν προσδύσας, ὁ μὲν αὖτε βασιλεὺς τῶν τῶν Ῥωμαίων ἐπιπείθει, καὶ μετὰ τῶν καὶ ἀπίστωται. Magno errore Interpretes verterunt, cruci alligatum, quæ mala versio Baronio fuit fraudi. Vertendum erat, palo alligatum, vel, ad palum deligatum, ut sæpe Livius: nam αὐτῶν, ut toties observat Eustathius, est σχόλον, ὁ δὲ ξύλον, palus, lignum erectum, unde ἀπεσπάρει apud Historicos passim, palis cingere, vallos in circuitu figere, &c.*

Quid hic, quæso, (inquit Rosweyodus) observas, Casaubone, quod non antè Lipsius doctè & copiosè executus sit? Omitto de voce αὐτῶν, cujus usum varium apud Lipsium habes, ex Eustathio, & Hesychio deductum lib. I. de Cruce cap. IV. Tantum hic dabo Lipsii verba de supplicio Antigoni, ut non verbo tantum Plagii dicaris accusatus, sed re ipsâ Plagiarium te esse totus orbis agnoscat. Ita igitur Lipsius, &c. *An ergo huc referas Dionis illud lib. XLIX. de Antonii sævitia in Judæa Regem Antigonum? τὸν δὲ Ἀντίγονον, &c. Antigonum flagellavit, cruci sive furcæ alligans, &c. Verba ita præferre videntur: nec abhorreat ab Antonii impotentia, ut serviliter sæviret in Regem. Tamen verius puto, ut capias verasque (Palum) ut palo, inquam, alligatus fuerit solenni Romanis more, & tum securi percussus. Quod ipsum huic Antigono factum, etsi Dio non expressit, notavit Strabo citante Josepho (nam hodie non exstat) lib. XVI. Antiquitatum cap. I. Ἀντίγονον Ἀντ. &c. Idem Plutarchus in Antonio. Comparetur jam hæc Lipsiana notatio cum citata Casauboni*

sauboni Exercitatione, & statim apparebit ex cuius poculo biberit Casaubonus: si quis in eo candor, (quem tamen præ se ferre vult) si quæ gratitudo fuisset, meminisset hospitis sui, apud quem non tantum laurè fuerat epulatus, sed apophoreta quoque domum retulerat.

En Achilleum argumentum! Quia norat Casaubonus non laudato Lipsio vertendum Dionis *παυρὸν* Palum, non Crucem, quod olim Lipsius observarat, idem Casaubonus est Plagiarius! Sed per Deum immortalem, quis liber erit ab hoc crimine, si sic sufficiat accusasse? Sexcenta talia proferrem exempla, si auderem tantum mihi de Lectoris patientia promittere. Non verebor dicere, vix ullum mihi posse dari librum, cuius Authorem hac ratione non vincam plagii. Rem verò miram, & prodigiosam! si duo viri docti in eadem veritate casu aliquando consentiant. Annon meritis est Casaubonus, ut unam vocolam Græcam credatur poruisse sine ope alterius explicare? Sed jam ut te *totus orbis agnoscat*, Rosweyde, hominem ad quamvis calumniam impudentiâ projectissimâ, ascribam verba Petri Fabri, Viri clarissimi, ex *Semestrium lib. x. cap. 10.* quæ cum multis annis ante illa Lipsii scripserit eadem planè mente, & sententiâ; necesse est, aut tuum quoque Lipsium plagii postules, aut te sycphantam merum, & Legi Remniæ obnoxium fatearis. Hæc igitur Faber eo, quem dixi, loco, qui est editionis Lugdunensis anni *MDCCXII. pag. 107.*

„*Dio, lib. 48.* Antigonom, Judææ Regem, cui successor Herodes datus est, ab Antonio ita punitum refert, „*ut palo alligatus flagris caderetur, atque obtruncaretur:* τὸν δ' ἀντίγονον (ait) „*ἐμασίγησεν παυρὸν πασθόντως, &c.* ubi malo *παυρὸν*, palum, quàm (quod Interpretis facit) crucem exponere: ut ἀποσφάζειν, obtruncare potius quàm jugulare: quoniam Antigonom securi percussus fuisse, Plutarchus in Antigono tradit his verbis, quæ cum illis „omnino congruunt: πολλὰς δ' ἀφ' ἑρπετῶν βασιλίας· ὡς Ἀντίγονον τὸν Ἰουδαίων καὶ πασθόντως ἐπὶ λείκισιν, ἔθεντες πασθόντως ἐπὶ τῶν βασιλέων οὐκ ἐκ κολαδίνων. „

Comparetur jam hæc Fabri noratio cum Lipsiana, statimque apparebit in Patrem nihil ab adversario dictum, quod in Lipsium nequeat pari jure retorqueri. Quod autem dicis, Rosweyde, de Lipsiana querela, si tibi nolim credere, mihi, ut spero, vitio non vertetur, qui malam tuam fidem jam sæpe deprehenderim. Testes tuos præ-

ter unum nullos audio; ille, quem nominas, is est, opinor, cuius existat de Polymathia tractatio. Audi quid de ea dicat è vestris castris vir eruditissimus: *Opus esset peculiari tractatione, quam fortè cum diis faventibus volentibusque, si res nostræ nobis otium fecerint, & Deus vitam dederit, aliquando instituturi sumus, quando vir ille inter eruditos præcipuus, qui eam nobis pollicitus erat, morte præventus perficere non potuit. De Isaaco Casaubono loquor, in cuius messem falcem iniecit Joannes à Wouweren; vir certè ingenii non vulgaris, sed qui opus imperfectum reliquit, quamvis omne quod edidit, à Casaubono habuit, dum una agebat Monspelii.* Si legisses, Rosweyde, pulcherrimam Lipsii cum magno, & amico viro (sic ipse loquitur) velitationem, à quo fuerat hujus ipsius criminis infimulatus, abstinuisses, ni fallor, ab hac inepta & absurda calumnia. Omnino malè meritis es de tuo amico, & ipse sine dubio hanc tecum, si jam posset, injuriam expostularer, qui id illum velis admisisse, cuius alium reum adeo graviter increpavit. Vide, pruritus & libido calumniandi quid faciat! Pari ratione, qui præfatus est Cardinalis Perronii libro Gallico de *Eucharistia*, Patri exprobrat, multa illum, quæ à Cardinali primum didicerat, suis Exercitationibus inseruisse. Benè est, saltem quædam adversariorum confessione in illis Exercitationibus esse, Cardinali Perronio non indigna. Sed ad rem ipsam quod attinet, cui non statim paulò intelligentiori de vanitate, ac commento suboleat? quod si semper habenda fides accusatoribus, ipse Cardinalis Plagiarius fuerit, aut etiam nescio quid pejus. Quid enim sibi volunt illa Bulengeri Annalium, lib. x. pag. 326. *Aliero post anno in villa Fontis Bellai, mandato, ne falsa pro veris obtruderentur, celeberrimo doctorum hominum Conventu, lectissimis totius Gallie viris arbitris, inter Perronium, Episcopum Ebroicensensem, & Mornæum solemnus disputatio apud Regem instituta est, ubi verba Patrum, quæ edito libro superiori anno falsi notaveram, libris in conspectu positæ & diligenter expensis, falsi convicta sunt.* Mox, *Quæ victoria ut fidei Catholicæ in Gallia munimento fuit, ita Perronio tum Episcopo Romæ ad purpuram evaluit; mei, à quo ante alios corruptæ indicatæ erant, quia inter literas auditus latebam, nulla ratio habita est, quod lauream Authori debitam, alii, quibus major ambitus fuit, præripuissent. Oportuit me semel his Annalibus justum dolorem exonerasse, &c.*

Res esset certè iniquissima, si ab unius alicujus fide bonorum existimatio penderet. Sed non pender, (Deo laus & gratia) bonos & doctos sua fama, & alia scripta à tali suspitione tutantur. Alii autem vix possunt sua furta tam benè dissimulare, ut ipsi sese non prodant: aliter enim catuli longè olent, aliter fues.

Secundum crimen, seu vitium potius, quod Patri Rosweydu objicit, est inepta quædam ostentatio doctrinæ, quo qui est præditus, dum quærit omnes occasiones effundendi quicquid noverit, & vel oborto collo trahit ad propositum, in magnas scilicet nugas & ineptias solet delabi, & magis abuti suâ qualicunque eruditione, quàm fructus eâ dignos edere. Rosweydu igitur, ut Patris eruditionem quoquo modo traduceret, & vocaret in invidiam, hoc illum vitio laborasse criminatur, & affert exempla quædam, quæ nunc paucis examinabimus. Pontificii ad asserendam Papæ Monarchiam hoc potissimum utuntur Sacræ Scripturæ loco: *Tu es Petrus, & super hanc Petram ædificabo Ecclesiam meam*, uti ostenditur, Exercitationum cap. xv. Pater ad demonstrandum contrarium, hæc nempe verba, potentiam illam non statuere aut stabilire, duplicem init viam. Primum probat cap. xii. illa verba à veteribus Patribus variè accepta fuisse, neque ullam priscis temporibus extitisse necessitatem de Petro illa exponendi, potius quàm de Christo, aut de Confessione fidei, aut etiam de unoquoque fidelium. Secundò, etiamsi hæc verba de Petro accipiantur, tamen ad Pontificii hodiernam Monarchiam nihil facere: quod probat, primùm autoritate illorum Patrum, qui de Petro sunt interpretati cap. xiv. secundò, ex usu ipso, & perpetua acceptione ipsarum vocum, è quibus ille sensus, quem volunt, non potest elici, cap. xiii. Cum igitur constet verbum (*Petra*) esse hic metaphoricum, docturum se spondet initio capitis: *Quoties metaphoricè usurpatur vel in Scripturis, vel apud Patres, aut alios etiam Authores, referri semper ad aliquam Petræ inhaerentem proprietatem, nunquam autem dominationem, aut imperium denotare.* Quis hic non expectet ut omnes τῆς (*Petra*) Metaphoras, & proprias vocis illius notiones, è quibus illæ Metaphoræ sunt ductæ, accuratè persequatur? Ille igitur inter alia multa, docet ex Mose ben Maimon, Hebraicum נֶזֶר *Tzur* (quod sæpe redditur per vocem *Petra*) propriè signifi-

care *lapidicinam*, unde oriuntur *venæ lapidum*, Deum autem vocari נֶזֶר, quia ipse est principium & causa, per quem facta sunt omnia præter ipsum. Ex hac Metaphora infert, Petri Monarchiam non posse elici: *Nam etiamsi*, inquit Pater, *verum sit Deum rerum omnium creaturam Dominum esse, & absolutissimum Monarcham; hæc tamen Metaphora non adhibetur ad exprimendam dominationem, sed ad indicandam originem rerum, & causam existentie*, veluti sanè aliud est Deum dicere נֶזֶר, aliud נֶזֶר מִן הָאֲדָמָה, quamvis Deus, etiam quatenus est mundi Conditor, & Creator unicus, idem quoque sit ejus Dominus, & absolutissimus Monarcha. Docet item ex Eustathio, vocem πέτρα sæpe *antrum* in rupe excavatum significare, atque ex hac vocabuli notione notat ex Procopio, Christum esse dictum *Petram*, ad denotandum τὸν ἄντρον, firmitudinem Ecclesiæ in Christo, velut in antro, & cavata rupe latitantis. Pater igitur neque ex hac Metaphora quicquam posse trahi ad Petri Monarchiam.

Alio loco loquens de principatu Petri, ait posse colligi ex his Sacræ Scripturæ locis, *Et persecutus est eum Simon, & qui cum eo erant; Dixit Petrus, & qui cum illo erant; Ἐπεὶ οὖν τῶς ἰδὺκα, Dixerunt ad Petrum & ad reliquos Apostolos*, fuisse aliquam inter Apostolos honoris diversitatem, quia scilicet ille loquendi modus sit index alicujus ἱερχῆς, cujus exempla cum varia sint apud varios Scriptores, unum profert Pater ex Aristophane, ὁ Ζεὺς ἡ Θεία.

Jam quæso te, Lector, apud te cogitans exquire & dispice, quid in his à Patre sit peccatum. Si nihil invenis, audi Rosweydu.

Quid, quæso, Casaubono Hebraicæ linguæ cognitio ad illustrandis Sacras Literas, ad Historiam Evangelicam reformandam contulit? Nempe ut intelligeremus, cur Deus in Scripturis vocetur *Petra*. Ita enim ait: *Deus in Scripturis Tsur, hoc est, rupe, vel petra dicitur, authore Mose ben Maimon in More Nebukim, admirandæ doctrinæ scripto, quia ipse est principium & causa, per quam facta sunt omnia præter ipsum.* Infert Casaubonus: *Non igitur quia dominetur rebus omnibus creatis.* O insulsum hominem! qui ut Hebraicæ lectionis aliquam notitiam ostentaret, Judæorum quoque testimonio voluit Ecclesiam oppugnare, quod nihil est aliud quàm lupi suffragio, ut est in fabulis, agno vitam eripere, seque

que lautè ridendum propinare. Quasi verò non eo ipso, quo Deus rerum omnium causa & principium est, sit earundem rerum Dominus simul & Monarcha.

Non impari felicitate Græcas quoque literas ad Sacrarum Literarum explicationem adducit. Quis enim hæc loca intellexisset, Marci 1: 36. *Et persecutus est eum Simon, & qui cum eo erant*; Lucæ VIII. &c. nisi Casaubonus monuisset apud Aristophanem esse, ὃ τὸ καὶ οὐκ? Quare aliqua inter Apostolos honoris diversitas est, cum Petrus scorsim à reliquis nominatur, quia etiam apud Aristophanem Jupiter reliquis Diis non expressis elucet. Mirum profectò non veritum Casaubonum, ne Pontificii ex Aristophanico hoc exemplo Petro imperium arrogarent, cum Jovi in reliquos Deos potestas & dominatus Poëtis omnibus sit decantatus. Jam verò cui unquam in mentem venisset loci hujus sanè difficillimi, in quo omnes Patres se torquent, explicatio, Matth. 16. *Tu es Petrus, & super hanc Petram edificabo Ecclesiam meam*, nisi unus Eustathius, Homeri Scholiastes opem tulisset ex Iliados Δ, πέτρης ἑξ. &c. quo silvestris capra è petra prodians describitur; nisi Eustathius monuisset Petram sæpe Homero antrum in rupe excavatum significare? &c.

Possit hic à nobis de malignitate & iniquitate Rosweydi longa oratio institui singula hæc illius accuratè excutientibus. Sed & nos brevitati studemus, & est illa in his adeò conspicua, ut perspicaci Lectori sit hæc simplex recitatio futura loco refutationis amplissimæ. Quod æquè dici potest de omnibus ferè, quæ hic, & alii Patris adversarii, præcipuè Eudæmon, contra ejus scripta afferunt; quæ si attentius legeris & examinaris. contendendo ea cum ipsis verbis Patris, malignitatem, fraudem, & artificium quoddam omnia bona, recta malè narrando depravandi deprehendes, præterea plerunque nihil.

Unum adhuc superest exemplum petitum è libro Patris de Satyrica Poësi, cujus pag. 151. hæc scribit: *Nomen hoc καμῶ dubio procul cum nascente Græcia natum. Est enim purum putum Hebraicum; non, ut placet Grammaticis; Græcum primâ origine.* Καμῶ est surgere: inde καμῶ, ut à δὴ καμῶ. Et est καμῶ propriè ἀνάστασις καὶ δύνειν, eruptio à mensa in publicum. Tertullianus eleganter vertit, Eruptiones lasciviarum, *Adversus Gentes*:

Æquè oratio convivium dirimit: inde disceditur, non in catervas cætionum, neque in classes discursationum, neque in eruptiones lasciviarum.

Sic maluit, cum posset uno verbo, (neque comessatum) καὶ δὴ καμῶ.

Quos hic clamores tollit Roswey-
dus! quos strepitus excitat! Ubi in, Varro? ubi tu, Feste? ubi tu, Eustathii? Expectabam ut extremum illud adderet, *Viderent ne quid Respublica literaria detrimenti caperet.* Sed videamus an res hæc trepidatione fuerit, & his tantis digna clamoribus adversarii. Primum indignatur verbum, quod Græci quidam & Latini Grammatici aliundè ducunt, Patrem asserere primâ origine esse Hebraicum. Hic, Rosweyde, aut pudendam inscitiam, aut insignem malignitatem prodis. An verò nescis doctiores jam ferè consentire, pleraque antiquiora verba Græca & simplicia, primâ origine esse Hebraica? Nondumne vidisti tot præstantissimorum virorum egregios libros, quibus sexcentas & amplius Græcas & Latinas quoque voces ab Hebraica lingua deducunt, & tanquam matrici suæ reddunt? An eorum labores explodendos dices, & irridendos, quia Grammatici Græci & Latini earum vocum origines non petunt ab eadem lingua, cujus illi nullam unquam notitiam habuerunt? An etiam id dices, verbum hoc *Sabbatum* Græcum esse, non Hebraicum, quia id Plutarchus (at qui vir!) non uno loco affirmat, & deducit ἀπὸ τῆς σαβᾶν? Ut taceam similes alias non paucas puras puras Hebraicas voces, quas Veteres primum ἑβραϊστικῶς (ut loquitur Gregorius Nazianzenus de voce νάχα) pro genuinis Græcis habuerunt. Non meministi, ais, ineptius unquam etymon te legisse, quia nempe non tantum surgebant comessatores, sed iidem quoque veniebant. Ad hoc sanè exemplum si exigas omnes etymologias, væ tuo Varroni, væ tuo Festo, væ Eustathio, & uno verbo væ antiquis & recentioribus omnibus, qui hoc argumentum tractarunt. Quis Casaubonum docuit, inquis, καμῶ seu comessationem, propriè esse ἀνάστασις καὶ δύνειν, consurrectionem post cœnam? Imò Veteribus comessatio ipsum potius epulum, ipsa cœna lautissima, & petulantissima. Ut de Tertulliani loco nihil dicam, & alia, quæ ibi asserti Patet, omittam; si verum est, justam, & propriè sic dictam *comessationem*, & post cœnam & ἀνάστασις fuisse, quid tibi mirum videtur, si ipsa *comessatio* dica-

dicatur propriè ἀνάγκη δὲ τοῦ δεῖναι ? Quid autem propriè fuerit *comessatio* ut scias, unus, puto, tibi testis erit instar omnium, Andreas Baccius, qui cùm civis Romanus, & Pontificis Medicus familiaris fuerit, putabis scilicet, pro tua pietate, nefas, de ejus ἀναγκη dubitare. Sic igitur ille, libro de *Vinis & Conviviis Antiquorum*, pag. 131. Sicut *jentaculum ante prandium, & merenda ante cœnam, sic nocturna erat post cœnam comessatio*. *Comessatio per simplicem consonantem scribitur, quod post cœnam, & intempestâ nocte vagantes, vel etiam stantes, nequaquam accumbentes comessarentur*. Tu autem quâ fronte dicas *comessationem ipsam cœnam fuisse contra tot viros doctos, ipse vide*. Illorum sanè si scrinia compilare vellem, esset abunde quod tibi responderem; sed ipse te postmodum proprio gladio jugulas.

Hæc tria admodum exempla in magno editorum à Patre librorum numero curiosa Rosweydi malignitas invenit, quæ traducendæ Patris eruditioni sugillaret: sed quibus, aut ego vehementer fallor, præ nimio carpendi studio se probavit ineptissimum.

Jam sigillatim respondimus ad omnia, ut opinor, quæ quoquo modo contra Patris doctrinam adversarii afferebant. Nunc, quia eos video tanto conatu id agere, ut viri eruditi nomen illi demant, ego vicissim aliqua ipsis opponam, quibus efficiam, ut illos insani consilii poeniteat, aut si pergunt insanire, & plura hujus generis afferre, mihi respondendi illis nulla in posterum sit futura necessitas. Primum igitur quæro de vobis, Adversarii, quid de eo judicandum putetis, quem Rex Christianissimus ad ornandam toto orbe celeberrimam suam Academiam literis honorificentissimis dignatus sit evocare? quem tanto bonorum doctorumque gaudio & gratulatione evocavit, ut hoc inter alias ejus laudes non omittendum putarit Vir illustrissimus & immortalis laude dignissimus, Jacobus Augustus Thuanus, cujus hæc verba ex Præfatione ipsius ad Regem: *Sed est quod ante omnia tibi gratulemur ob Musas sedibus suis, unde Martis rabies eas pepulerat, restitutas, & instauratam tuis auspiciis Parisiensem Academiam, cui & insigne ornamentum addidisti, evocato Isaaco Casaubono, altero hujus sæculi lumine, eique commissâ Bibliothecâ verè regie custodiâ*. Apponam ipsarum literarum, quas ad Patrem Rex scripsit, exemplum.

MONSIEUR DE CASAUBON,

Atant deliberé de remestre sus l'Université de Paris, & d'y attirer pour cest effet le plus de scavans personnages qu'il me sera possible. Scachant le bruit que vous avez d'estre aujourd'huy des premiers de ce nombre. Je me suis resolu de me servir de vous pour la profession des Bonnes Lettres en laditte Université, & vous ay à ceste fin ordonné tel appointment, que je m'assure que vous vous en contenteriez. Partant vous ne faudrez incontinent la presente receuë, de vous preparer à vous acheminer par deçà, pour vous y rendre le plustost que le pourrez commodement faire. Et afin que l'obligation que vous avez d'enseigner en ma ville de Montpelier, ne vous puisse retenir ou retarder, j'escriis presentement aux Consuls d'icelle, qu'ils ayent à vous en tenir quitte & deschargé, & à vous assister de ce qu'ils pourront en vostre voyage, pour les fraix duquel j'ay donné l'ordre que vous entendrez par les Lettres du Sr. de Calignon, Conseiller en mon Conseil d'Estat; sur lequel me remettant, je ne vous en diray icy d'avantage. Sur ce, je prie Dieu, Monsr. de Casaubon, qu'il vous ait en sa sainte garde. Eserit à Paris, ce 111. jour de Janvier, 1599.

HENRY.

FORGET.

DOMINE CASAUBONE,

CUm Parisiensem Academiam instaurare institui, & in eam finem doctissimos quosque, quantum in me erit, evocare, quia tu inter primos ex illo numero putaris esse, uti tuâ operâ ad professionem meliorum literarum in illa Academia constitui, eâ quidem conditione, quam faciliè mihi persuadeo tibi non displicituram. Vide igitur, ut statim atque has acceperis, ad iter te accingas, ut quamprimum poteris, te hic sistas. Ne autem officii illius ratio, quâ teneris docere in urbe mea Montspeliensi, consilio huic obsteret, aut tibi moras afferat, scripsi ad Consules illius urbis, ut tibi ejus gratiam faciant, teque rebus, quibuscumque poterunt, juvent ad hoc iter. De viatico qui tibi prospexerim, docebunt te literæ Domini Calignonis, in sacro meo Consistorio Consilarii; ad quas etiam te re-

„jicio, ut de reliquis intelligas. Vale.
 „Datæ Lutetiæ Parisiorum, a. d. 111.
 „Non. Januar. CIO IO IC.

HENRICUS.

FORGET.

Illene Grammaticus, ut in contemptum vocatis, & sciolus, aut etiam ut quibusdam placet, nullarum literarum homo, qui in celeberrimo illo & nobilissimo maximorum totius Galliarum ingeniorum congressu, cum quinque aliis sedit Arbiter? de quibus omnibus testatur eos fuisse Bulengerus, *lectissimos totius Galliarum viros*. Ipse Cardinalis Peronius in Actis ejus Colloquii ab ipso editis, & postea à Jacobo Couthono in linguam Latinam conversis, *doctrinâ singulari & inculpata vitæ integritate præstantissimos*: & speciatim Boterejus* de iis tribus, qui delecti fuerant è Protestantium partibus, dicit eos fuisse insigniter & ad nostri sæculi miraculum eruditos. Dicite porrò quæ causâ fuerit, cur illum plures Principes & Respublicæ habere sibi cupiverint, & propositis honestissimis conditionibus invitaverint? Cur ipse Pontifex Maximus tanti fecerit, ut eum Romæ sibi expeteret? Narrabat hoc Pater ipse ex occasione amico per literas, his verbis: *Maximi in Gallia Proceres sciunt, à Clemente VIII. vocatum me esse Romam, propeito aureorum octingentorum stipendio, ita ut nihilominus fruerer Regis mei liberalitate & stipendio*. Servo omnis conditionis hominum ad ipsum literas, Regum, Ducum, Cardinalium, Archiepiscoporum, Episcoporum, & aliorum in illustri fastigio virorum, tum doctissimorum quorumque ex Italia, Hispania, Polonia, Ungaria, Moschovia, &c. Ex his omnibus selectas aliquot centurias possem edere, si Patris existimationem periclitari putarem, quæ essent integritatis ejus & eruditionis luculentissima testimonia; & fortasse aliquibus illarum, merito suo luce dignissimis, aliquando, Deo favente, publicam lucem non invidemus. Nunc quia de ejus eruditione agimus, non possum facere, quin addam partem Epistolæ Viri amplissimi, Jacobi Augusti Thuani, quæ nuper publici juris est facta. Ille igitur post multas Petri Pirhæi laudes, magnoque affectu tristissimè deploratam ejus mortem, hæc addit: *Te verò, Casaubone, Vir doctissime, ille summopere inter omnes semper delexit, & unum sæculo hoc esse dicebat, qui literarum per bella civilia exulantium*

* Com-
mentarior.
lib. 7.

accisam spem excitaret, neque nos de iis plane desperare sineret; ac memini sanè, cum de literis inter nos sermo esset, & ostenderem ei Scaligeri nostri literas, quibus te hodie principem inter literatos locum, vel fatente invidia, obtinere scribebat, tanti viri de te præconio illum magnopere gaudere solitum, ac letari, quòd te Deus adversus imminentem Barbariem, sic enim loquebatur, opposuisset. Itaque mihi author fuerat, ut te ad perfectionem ad nos adornandam invitarem, quod & ipse crebris ad te datis literis, ut puto, fecit, &c. Anno Salutis CIO IO XCVI.

Quia autem voluit, aut non noluit saltem Andreas Schottus privatas Patris ad se literas, quibus cum laudabat, ab Heriberto Rosweydo publicari, nos etiam quasdam Schotti literas ad Patrem proferemus, ex quibus quid de eo senserit apparebit, rogato prius ipso Schotto, si fortè noller editas, Pythagoræ legis ut meminisse velit, *Εἰς μέγιστον ἐπὶ τῇ δόξῃ ἰσθὲν γινώσκω*.

ANDRÆAS SCHOTTUS
 ISAACO CASAUBONO

Ἐ Δύγην.

Quam mihi gratae tuæ sint, dici vix potest, Vir magne, unum vereor, ne fallat nimius erga me amor, qui cæcos reddit, quod ea mihi ad Ciceronem illustrandum adhortans tribuas, quæ in me agnoscere nisi fidamur sim, nec possum, nec debeo. *Quæstiones Tullianæ, &c. Mox: Lektionen verò Tullianas, quæ pars altera erit, per Miræum nostrum ad te allegare placuit, ut precibus nobis impetret, ne grave sit recensere paucarum horarum jacturâ, si jactura ea est appellanda cum amico efflagitanti officium præstes: quando meas esse aliquid putare soles nugas. Quamobrem quò plura, mi Casaubone, obelo fodies, damna bisque re adhuc integrâ, tantò me tibi cariorem, ex animi sententia loquor, existimabo, &c. Tornaci Nerviorum, Id. Januar. anni incuntis CIO IO CX.*

IDEM

E I D E M

Viro clarissimo, χαίρειν.

Tuæ me literæ, doctissime Casaubone, mirificè recreant, animumque addunt, ut quàm possim plura coner. Tullianas Quæstiones ad te mitti Antverpiâ curaram. Utinam nugas illas, quas tu esse aliquid putas, legas, ut nos doceas

ceas de erratis ! Præter enim bene merendi, rectæque suadendi in honesta causa, nihil fortasse admodum adferimus. Laudabitur conatus, quo aliis lampada tradere videbor iis, qui ea volent calamistris inurere, ac Tullium exultantem revocare. Certè in Tullianis lectionibus nostris quàm vellem notasses, in quibus dissentires re adhuc integrâ: eo enim consilio miseram potissimum, ut quod vel ignotis præstas amicè officium, Schotto tuo non negares. Si ibi non vacabis, præsta in Quæstionibus, ut non displicuisse omnia, quia quædam notaris, existimem. Sic bene tibi, bene mihi, &c. Tornaci, Eid. Sextil. c15 15 cx.

I D E M

E I D E M

Viro clarissimo, χαίρειν.

Vir clarissime,

Tuas libenter accipio, doctissime Casaubone, non tam quòd conatus probes meos, in hac ingenii tenuitate, quàm quòd candorem patefaciant, amoreque erga me tuum propè singularem. Certè si quis mortalium te tuæque observat, unum me quoque esse velim existimes. Romanè dico ac verè. Per ego te hanc dexteram rogo quæsoque, ut cum Bibliothecâ careas tuâ, & quidem, ut scribis, invitus, nec juvare, nec augere Spartam hanc nostram, ut maximè velles, nunc queas; recensere saltem hæc folia ne graveris horis subcisivis, quæ Savilio nostro, Viro clarissimo, usui utriusque misi, dum opere ad exitum adducto integrum cuique submittam. Notes adhæc, doceasque cum σφάλατα ἀνθρῶπων & τὰ ἀνὴρ. tum si quæ addi jubeas è tua excellenti memoria & doctrina, quæ inter omiſsa cum amica prædicatione referam. Conati sumus, fatebor, tenues grandia; sed viam utcumque munire, doctoresque excitare placuit. Tu, tu unus hanc ornabis Spartam, si videbitur; potes enim; nos, ut ille de Tiresia ait, velut umbræ per inane volitamus. Certè φιλόδοξος fuisse in tanta doctorem raritate videbimur; lampada melioribus tradam, ut in sacris legendis Proverbiis ex uberrimo illo aurei oris campo, qui nunc in Britannia quoque aperitur. Te id meditari, nuper admodum Petrus Plantinus noster ad me perscripsit. Quod si ita est, sustinebo equidem me in remigio; teque iterum precor, obtestorque ut in his editis docere nos amicè ne detrectes, aut tergiverferis diutius. Ut enim nec è dementium es numero, ita nec ma-

ledicendi vitium probas; qua in re libenter nomen adscribo meum. Si quid vicissim à me officium vel tenue à tenui postulabis, faxo ne apud immemorem positum ipse aliquando sentias. Vale, Vir magne, nosque cum Savilio re consilioque in Græcis utcumque ornandis juva. Antverpiæ, Id. Septemb. c15 15 cx1.

Possent plures ejusdem dare; sed hæc sufficiunt, quibus spero me Rosweydo gratiam non malè retulisse. Quid nunc respondebitis, obrectatores adversarii, primariò Jesuitæ? quid aliis, de quibus jam diximus, omnibus? An errorem hominum cum Cretensi causabimini, & tot principes viros, quantumque fere eruditorum fuit hoc sæculo, temeritatis & ἀρσίας accusabitis potius quàm ut hominis, qui vobis in causâ Religionis adversus fuit, merita velitis agnoscere? Videnturne hæc vobis Patris eruditionem satis testari? Nihil nunc dicam (quod ramen erat hac in re primum) de Regum sapientissimi, & doctissimi judicio de illo, quamve illi charus fuerit, plerisque satis notum, & ipsis in primis adversariis. Jam verò de scriptis ejus quid dicam, & libris editis? Dicam, non quòd meus pudor vellet, sed quòd istorum extorquet malignitas. Convenite omnes Zelotæ, invidi, maligni, malevoli; omnis conveniat calumniatorum, & obrectatorum cohors; conferte omnia vestra mendacia, convitia, calumnias, atque omnia artificia conferte: vos & vestra dies abolebit, Patris opera cum ipsis literis vigeant, & erunt in pretio. Neque tamen negaverim ipsum aliquando errasse, aut in quibusdam jure posse meritoque reprehendi: scio illum hominem fuisse; scio præterea multa illum inter varias curas, atque molestias scripsisse, multa quoque festinanter. Si quis velit in eo operam ponere, ut ejus errata corrigat, promitto ipsi ac spondeo rem eum facturum, non modò hæc scribenti filio (quæ nostra φιλαδέλφεια est) acceptam, sed & pientissimis τῶ μακαρίῳ Manibus (ὡς αὐδῶν, ut ait Gregorius Nazianzenus) longè gratissimam: modò ut illum veritatem quæſivisse, non odio aut partibus inservisse pareat.

Philippus Jacobus Mauffacus, ingenio vir & doctrinâ inter paucos admirandus, multa se legisse monet alicubi in Patris Exercitationibus, quæ miram properantiam arguant: ibidem emendat aliquot ejus, ut ipse appellat, παραρτήματα. Quis non laudet? nempe studio

dio veritatis adductum, non odii actum
stimulis, aut malevolentia. Sed adscri-
bim hic ejus verba, ut Marrucinis ægre
sit: *Velim autem scias, Lector benevo-
le, me nullo vanæ laudis aures mortu-
lium titillantis desiderio hæc in magnum
illum virum pro Cardinali Baronio &
Lipso observasse, sed amore veritatis,
&c.* Mox: *Ingenium, mores, & doc-
trinam illius viri semper magni feci; re-
ligionem nunquam gustavi; absit in ejus
charissimos manes insultandi mihi fuerit
animus; quinimò ut eum vivum tan-
quam διδάσκαλον colui, ita μακαρίτω
amare pergo.*

Non alienum à loco aut proposito,
si antequam huic opellæ finem impo-
namus, & Indicem demus librorum,
quos edidit, & de iis, quæ reliquit
ἀείδοντα καὶ ἀπλῆ, paucis agamus.

Lucubrationes ab
ISAACO CASAUBONO
publicatæ.

I. *Notæ in Diogenem Laërtium.* Hæ
sapius recusæ sunt multò au-
ctiores & emendatiores.

II. *Theocritica Lektionen.* Has etiam
secundæ editione multò fecit uberiores,
1596.

III. *Notæ in Evangelia & Acta.*

IV. *Strabo emendatus è MSS. cum
Commentariis, 1587. & 1620.*

V. *Animadversiones in Dionysium
Halicarnassæum, 1587.*

VI. *Polyænus, Græcè editus cum No-
tis, 1588.*

VII. *Theophrasti Characteres cum
Commentariis, 1592.* Quibus secundæ
& tertiæ curæ accesserunt.

VIII. *Apologia Apuleji cum Notis,
1594.*

IX. *Suetonii editio cum Animadver-
sionibus, 1595.* Has secundæ & tertiæ
editione admodum auxit.

X. *Notæ in Plinii Epistolas.*

XI. *Athenæus Græcè editus, emen-
datus è MSS. & sexcentis locis supple-
tus, 1600.*

XII. *Animadversionum in Athe-
næum, lib. xv. 1600.*

XIII. *Historiæ Augustæ Scriptores:
Spartianus, &c. cum Animadversioni-
bus, 1603.*

XIV. *In Dionem Chrysostomum No-
tæ, 1604.*

XV. *Gregorii Nysseni Epistola cum
Versione & Notis, 1606.*

XVI. *Persius cum Commentariis,
1608.*

XVII. *De Satyrica Græcorum Poë-*

*si, & Romanorum Satyra, libri duo,
1605.*

XVIII. *In Gregorii Thaumaturgi
Orationem de Origine Notæ.*

XIX. *De Libertate Ecclesiastica,
liber singularis, 1607.* Hujus pars tan-
tùm edita est, ob causas antè memora-
tas, pag. 101. & 102.

XX. *Polybius, cum nova Versione
editus, 1609.*

XXI. *Æneas, vetus Scriptor, edi-
tus & versus cum Notis.*

XXII. *Epistola ad Frontonem Du-
cæum, 1611.*

XXIII. *Epistola ad Cardinalem Per-
ronium.*

XXIV. *Exercitationes xvi. ad pri-
mam partem Annalium Baronii, 1614.*

XXV. *Præfationem in Martialem
Scaligeri: item aliam in Scaligeri Post-
humæ, Notas in veterem Inscriptionem,
& si quæ alia minuta, non referimus
in hunc censum.*

Solebat Pater dicere, hæc à se edita
non esse multèstimam partem ingentium
suarum vigiliarum. Merito certè, tam
multa, tam varia erant; quæ medita-
tus erat, & brevi tempore potuisset ab-
solvere. Nullum ferè librum legebat,
saltem accuratius, in quem multa non
notaret; Veteres autem plerosque per-
petuis Notis illustravit. *Adversario-
rum* plures confecerat Tomos, è qui-
bus *Miscellaneorum, Variorum, & si-
milis* argumenti libros nullo negotio
depromere poterat, si fuisset animus.
Nunc certa quædam nominabimus,
quæ promiserat, & si Deus vitam suffe-
cisset, erat editurus: non omnia autem
nunc nobis occurrunt.

*De Venatione Amphitheatrali & Lu-
dis Circensibus amplii Commentarii.*

Liber de Magistratibus Romanis. Hu-
jus quantum perfecerat, penes me est.

*Commentarii in Ciceronis Epistolas ad
Atticum.* Hos didici ab aliis eum ad
prælum paratos habuisse: ego aliquam
partem habeo. *Epistol. 237.*

Liber accuratissimus de Critica: in
quo etiam Hebræorum Criticam fusè
explicabat.

*Ingens Commentarius de Re Vestia-
ria, cujus pars erat Liber de Coloribus.*
Item alius de *Lectis & Veste stragula.*
Utriusque rudem indigestamque mo-
lem habeo.

*Commentariorum, sive, Observatio-
num ad Polybium lib. xvi. item Notæ
ad Legationum Excerpta, & Disserta-
tiones Polybianæ, quibus scientiæ mili-
tariis usus explicatur.* De his sic ipse in
Præfatione ad Regem: *Præterea cum*
in

in ejus libris, Polybii, & multæ & magnæ difficultates reperirentur, quæ Lectorem in Græcis literis, rebusque antiquis, præsertim bellicis, minus exercitarum remorari, & lectionis fructum omnem poterant impedire, nos studio & diligentia contentione effecimus, (efficere certe conati sumus) ut omnes siue rerum, siue & verborum obscuritates tollerentur, omnes remora amoverentur, omnia denique plana & facilia redderentur. Hoc præstabant Commentarii & Notæ: Quin etiam memores cum Authorem interpretari nos, qui tot locis profitetur, sicut ostendimus, id agere, ut in Historia scribenda artem quasi quandam rerum gerendarum studiosis traderet; ipsi quoque ad istud incipitum hoc proposito atque hoc animo nos accinximus, ut eorum potissimum adolescentium studiis inserviremus, qui ad negotia sese parant. Itaque in horum spem gratiæ parum adhuc usitatum istiusmodi Scriptoribus explicationis genus (absit verbo invidia) aggressi, rationem iis indicavimus, ac veluti præire viam studuimus, quam si ingredi voluerint, certe ex historicis monumentis fructum, & ad rationes vitæ nequaquam pœnitendas utilitates poterunt referre. Hæ erant Dissertationes. Erat hoc sine dubio omnium, quæ unquam suscepit, si fortè illud excipias, cui immortalis est, opus multò maximum & laboriosissimum. Omne genus militiæ recentioris & antiquæ, Græcæ, Romanæ, aut aliis gentibus usitatæ, ex Hebraicis, Græcis, Latinis, Gallis, Italicis Scriptoribus ad illustrationem v. libri diligenter erat explicaturus. In Dissertationibus autem, præcepta & observationes militares ex optimis omnium temporum Scriptoribus erat traditurus, tum nobilissima quæque bella ac prælia expensurus, cum rationibus & causis variorum & improvisorum eventuum, nihil denique toto illo opere omisurus, quod ad usum aut scientiam rei militaris ullo modo pertineret. Additurus erat, atque unà editurus, librum singularem de Vita Polybii, & Diatribam de optimo genere interpretandi ex una in alteram linguam, quâ præterea de omnibus Antiquorum ac præcipuis Neotericorum versionibus agebat accuratè, & judicium suum exponebat. Horum omnium nihil reliquit: nihil ego quidem habeo, præter indigestarum Notarum, & Excerptorum ad id propositum ex omni ferè librorum genere immensam sylvam; ex qua tamen parem cum fuisse tantis incæptis facilè, nec sine admiratione cognoscas. Pauca quædam sunt nuper edita è primo Com-

mentariorum libro; quibus tamen nondum ultimam manum imposuerat. Nonnulla etiam sunt hic & illic omissa, ut reperi diligenter illa conferendo cum autographo.

Tractatus de Doctrina Hildebrandina.

Confessio Fidei, ex Chrysostomo collecta.

Disputationes duæ: prima de Transubstantiatione; secunda, de Sacrificio Christianæ Ecclesiæ.

De Vita & Obitu Arnaldi Casauboni brevis narratio, opposita mendaciis nebulonis Jesuitæ, Andree Eudæmon-Joannis, Græculi Cretenfis, Parricidarum patroni.

Vestigia linguae Hebraicæ in Græca, siue accuratissimam Græcarum vocum ab Hebraica lingua derivatarum collectionem & examinationem, an aliquando promiserit, incertum mihi: fuisse tamen editurus ex eo videtur, quod reliquit ejus operis.

Hæc omnia & alia quoque, mors ejus immatura, & acerba utcumque in ætate provecta nobis invidit. Utinam saltem eorum, quæ reliquit, pars magna non omnino perierit, & in illorum manus venerit, qui aut prement malignè, aut in proprios usus abutentur, atque depravabunt. Ego omnia quæ habeo, curæ diligentiaque optimæ & venerandæ Matris accepta fero, quæ semper cavit sedulò, ne de iis parum sollicita videretur, quæ ad mariti memoriam famamque pertinerent. Mariti, cum quo concordia, mutuaque charitatis raro exemplo tamdiu vixit, quem mortuum nondum pia uxor eluxit, & quantum Christiana pietas patitur, nunquam desiderare desinet. Habeo quoque, ne quid omittam, multas Patris Epistolas, inter illas Græcas quasdam & Hebraicas; quas omnes ut ille non scripsit edendi animo, ita nulla me religio prohibet eas edere, quotiescunque res rulerit, aut occasio aliqua postulaverit. De *Ephemeridibus* etiam, quia earum non semel antè mentionem fecimus, sunt pauca dicenda. Quod illæ genus scripti, nomen ipsum indicio est. Quod egerat, quod legerat toto die, paucis verbis in illas plerunque referebat, & acti temporis rationem à seipso exigebat: quædam quoque proluxiora ex variis occasionibus, quæ meminisse juvaret, inferebat. Ego nihil ex iis protuli, quæ non cuivis sim paratus ostendere, ut alia quoque multa ad illud propositum facientia, quæ studio brevitas omisi. Cœpit eas scribere anno ætatis trigésimo nono. Cæterum ea in illis pietas, is veri zeli fervor elucet, quem ego non puto

puto posse pro merito prædicari, cui etiam vitam ipsius & facta concinuisse notum est omnibus, qui ipsum non ignorarunt. Hac enim ille in primis virtute se censebat voluit, reliqua non tanti faciens, eamque adeo suis liberis, dum vixit, & verbis & exemplo suo commendavit, ut nullâ re magis à Patre degeneres se probaturi sint, quàm si languere in ipsis studia pietatis, & zelum veræ religionis arguantur.

Jamque habes, amice Lector, quibus ego parentare memoriæ *μνηρίῳ* Patris mei sum coactus: coactus, inquam, nisi pii filii existimationem decoquere vellem. Quo tamen in negotio moderationem & modestiam adhibui quantam maximam sine causæ detrimento potui. Quod ipsum melius

fortasse scient adversarii, si pertinaci malignitate provocare, neque ipsi, quàm fuere hætenus, modestiores evadant. Habeo enim alia multa, quæ nunc condonabuntur, quæ proferentur post, si pergant lædere. Quare eos ego, ut verbis Comici * loqui pergam,

* Terent.
in Prælog.
Andria.

Dehinc ut quiescant porro, morbo, & desinant

Maledicere:

aut si maledicta continere nequeant, saltem ut iis vivos & responsuros petant, cum larvis luctari desinant, suam defunctis pacem, requiemque, divinis & humanis omnibus legibus sancitam, non invident.



MERICI CASAUBONI,
ISAACI FILII,
VINDICATIO
PATRIS,
ADVERSUS
IMPOSTORES,
QUI LIBRUM INEPTUM ET IMPIUM,
DE ORIGINE IDOLOLATRIÆ, &c.

nuper sub ISAACI CASAUBONI nomine publicarunt.

S E R E N I S S I M O,
 P O T E N T I S S I M O Q U E
 M O N A R C H Æ,
 J A C O B O,
 DEI GRATIA, MAGNÆ BRITANNIÆ,
 FRANCIÆ, ET HIBERNIÆ REGI.



Acceptum fero Majestati Tuae, Rex serenissime, hoc, quicquid est, quod in defensionem Patris paucis diebus expediui. Nam postquam Majestatem Tuam Calauboni injuriâ graviter commotam, & in Impositores auctoritate Tuâ animadversum esse intellexi, puduit me filium ad Vindictam Patris nihil conferre, & officio tam pio, quantum in me facultatis erat, non impendere. Sed non tam hominis, quàm Veritatis ipsius hic res agitur; quam ab inconsiderati zeli Scriptore, quamvis in bona caussa, pessimè acceptam valde indignatus es. Æquiores erunt Tibi posthâc Adversarii, si eorum mendacia detesteris, quibus ad partes suas tuendas uti solent, quum mendaciis ipsos oppugnari nolueris ab iis, qui bonarum partium defensionem suscepisse videbantur. Fruantur illi suo sensu, quibus omnia placent, quæ patrociniū promittunt ejus Religionis, quam ipsi profitentur: at dignum erat eo Principe, in quo cum purioris Religionis zelo summa certat eruditio, specioso titulo testas falsitates deprehendere, & deprehensas abominari. Felicem causam nostram, Te Vindice! Quis enim dubitet, eam esse veram doctrinam, pro qua pugnare non licet, nisi Veritatis armis? Offero igitur Tibi, Rex serenissime, hæc à me scripta pro Veritate, non idèò tantum, quia jam Tua fuerunt, priusquam publici juris essent facta; sed idèò potissimum, ut auctoritatem tum acerrimi judicii Tui, tum supremæ potestatis Impositoribus opponam, qui ausi sunt librum pseudepigraphum illustrissimi, & pientissimi Principis patrociniū commendare. Deus Te, Rex maxime, Regnis hisce Tuis, & Ecclesiæ suæ, omni felicitatis genere florentem longum servet incolumem.

Serenissimæ Tux Majestatis

Servus, & Subditus humillimus

MERICUS CASAUBONUS.

MERICI CASAUBONI VINDICATIO PATRIS,

ADVERSUS

IMPOSTORES,

QUI LIBRUM INEPTUM ET IMPIUM,

DE ORIGINE IDOLOLATRIÆ, &c.

nuper sub ISAACI CASAUBONI nomine publicarunt.



Quantis, & quàm variis injuriis sint obnoxia defunctorum non obscura nomina, utinam aliundè potius discere me contigisset, quàm ex exemplo domestico! Probè mihi videbar officio defunctus, qui variis eorum calumniis responderam, qui, militantes sub adversis vexillis, famam Patris hostiliter appetiverant. Sed hi, quia inimicos professi, quia in causa ipsa palam contrarii, minus periculosi, minusque timendi videbantur. Nunc mihi cum iis hominibus res est, qui nihil minus quàm malevolentiam præferentes, aut odium, ad contumeliam Patris, ipso Patris nomine sunt abusi. Verùm, quò minor est injuriæ suspicio, tantò gravior injuria, (si sit aliqua) tantoque capitalior existimanda est.

Editus est liber paucis abhinc septimanis sub *Isaaci Casauboni* nomine. Argumentum si spectes, non alienum dicas à cæteris ejus tum scriptis editis, tum susceptis operibus, ut postea videbimus. Si locum, quis exspectet, ut *Londino* quicquam prodeat in opprobrium *Casauboni*, ubi quamdiu fuit, Regi maximo, & præcipuis Regni vixit charus, & jam defuncti memoria (liceat mihi dicere) apud bonos omnes pretiosa est? Qui vero libri editionem procuravit, sic in laudes *Casauboni* totus effunditur, ut non parum ad ejus gloriam suo præconio conferre voluisse videri possit. Verùm, si librum legas, ejusmodi facile deprehendas esse, qui sine summa ejus infamia, atque dedecore, *Casauboni* credi non possit; ut qui crassissimæ ignorantia, malignitatis, & info-

lentissimæ in Religionis negotio ^{* Quid. Cap. xavias} notis sit refertus. Schismatici ^{cap. xavias} certè nomine, (ne quid dicam gravius) pœnâque dignissimus Author iste, quicumque fuerit; Ecclesiæ *Anglicanæ* non minus infensus, quàm nomini Patris injurius.

Sed quò minus mireris, Lector, non nova res est, non sanæ doctrinæ libros ab errore liberis, & rectè sentientibus adscribi. Jampridem usus est hac altutia de colluvie Hæreticorum pessimus quisque, ad insinuanda rudiorum animis pernitiōsa dogmata, & simpliciores à recta via, magni nominis auctoritate, seducendos. Inde est, quòd tot libri pestiferam doctrinam complectentes, sanctis & orthodoxis Patribus jam olim attributi, hodieque sub eorum nomine non pauci circumferantur; multi, genuini illi quidem, primam si spectes originem; verùm ita postea corrupti, & ab adulteris manibus inquinati, ut ipsis parentibus inficiandi sint merito. Cujus rei fidem fecerit vel unus *Origenes*, qui cùm maximis Hæresiar-chis jampridem accensus sit, à non paucis tamen, recentioribus pariter & antiquis, pro orthodoxo acriter est defens; multa, confirmantibus illis, ab Hæreticis ipsi falso esse adscripta, librosque ejus, sinceros alioquin, & ab hæresi puros, passim in crustatos esse; ut de veteribus ejus Apologistis, *Hieronymus*, *Vincentius Lirinensis*, & alii memoriæ prodiderunt.

Sed ne longum faciam, sive è prioribus sæculis, sive è præsentī tempore petantur hujus generis imposturæ exempla, ausim dicere, nunquam majori fraude, vel insigniori audaciâ esse suppositum

mirum. Qui sic autem medius est, etsi opinionibus distet fortasse ab utraque crepidine, vinculo tamen charitatis cum extremis utrinque conjungitur. Neque aliam ob causam magis invisus est turbulentis ab utraque parte, quàm quòd inter dissidentes pacem ac concordiam procurare, ingentis scissuræ partes adducere, iterumque in unum corpus compingere totis viribus adnata-
 tur. Quam jam olim sæculi sui miseriam verus Pater deplorabat his verbis, quæ mirè temporibus hisce nostris conveniant: * οὐ σὺ δὲ (inquit ille, postquam de partium studiis egisset) ἐρηναίῳ καὶ μίσην, καὶ ἀμφοτέρων πῶλον κακῶς, ἢ καὶ προσέμνητον, ἢ καὶ πολέμειον· ἐν καὶ ἡμῶς ὄντες σήμερον, &c. *Quicunque, medii inter extrema, pacem sectantur, utrinque incommodantur, dum vel habentur contemptui, vel oppugnantur. E quorum numero cum nos simus, &c.*

* Naxim.
 ZIRUS,
 1497. 7.

De Pontificiis jam non est dicendi locus. Cum eo hominum genere mihi res est, qui cum hoc unum studeant, ab adversariis quàm longissimè recedere, veri quoque limites imprudenti fugâ prætergressi sunt. Hi sunt, qui fastu atque arrogantia incredibili omnem Antiquitatem contemnunt; qui veteres sanctosque Patres grandi supercilio despiciunt; omnia veteris Ecclesiæ instituta abrogare, atque antiquare, diligenti operâ studioque satagunt. Ipsi novas leges condendi, ritus prioribus sæculis inauditos instituendi, atque invetendi pro libitu, quasi Reipublicæ Christianæ constituendæ perperui Dictatores essent creati, jus sibi vindicant. Cumque nihil omnino velint Ecclesiæ paci atque concordie concedere, nullam publicæ tranquillitatis habeant rationem, zelum tamen jactantes, & suæ libidini prætexentes, æstimationi suæ consulere conantur. Ex hoc numero illum fuisse, quisquis est Author hujus libri, quem *Isaaco Casaubono* Impostores adscripserunt, cumque non è gregariis infimum militem, sed primi ordinis antesignanum, nemo, puto, dubitaverit, qui librum percurrerit, atque ex infinitis locis rei fidem manifestam facientibus, ad nonnullos aliquantò sagaciùs adverterit. Adeò vix aliud hujus generis existare scriptum putem, quod Authoris sui insolentiam, proterviam, pari temeritate junctam, clariùs & evidentiùs arguat. Dicis cum toti Antiquitati bellum indicere, atque immani furore novitatis actum, omnia majorum instituta, priscaque consuetudines abolere voluisse. Et est quidem contra Pontificios liber inscriptus, sed rebus ipsis Ecclesiæ Primitivæ non

minùs adversus, & infensus, quàm Pontificiæ. Cumque Ecclesia Anglicana, rescissis iis, quæ malo exemplo sequioribus sæculis irrepsierant, ritus multos veteris Ecclesiæ, & instituta sanctissima retinuerit, hic illa quoque scilicet per Pontificiorum latus, tanquam per cuniculos, invaditur; tantò periculosius, quantò dolosius & occultius. Sit igitur hoc primum, quodque familiam ducat, argumentum, ad ostendendum *Casaubonum* libri istius Authorem non esse, nec esse potuisse. Quis enim unquam majori reverentiâ canos Antiquitatis prosecutus est? Quis antiquos Patres, sine divini & æterni Verbi injuria, majoris fecit? Nam de Ecclesia Anglicana quid arctinet dicere, cujus ille doctrinam, cujus disciplinam, ritus ac mores sic probavit, & amplexus est, ut in ea laudanda, ac variè deprædicanda nunquam sibi satisfaceret?

Si nulla superessent ejus monumenta, è quibus hic ejus animus colligi, atque demonstrari certò posset; at supersunt viri graves, & pii quàm plurimi, quorum fidem testarer, quoties illum in hanc mentem atque sententiam loquentem, fusèque differentem audiverint. Sed non opus est cò confugere, cum libri sint in promptu, qui confirmandæ veritati sufficiant. Quamvis enim nulla illi obtigerit occasio, cur hoc argumentum *συναγμένως*, & ex professo tractaret; cum tamen libri ejus ad Res Sacras, & Ecclesiasticas pertinentes, non modo nihil contineant alienum ab usu & consuetudine hujus Ecclesiæ, sed cum ejus Decretis, & Constitutionibus ubique congruant, easque pro re nata subinde propugnent; facile percipiet Lector intelligens, quàm ille in hac Ecclesiæ forma libenter acquieverit. Neque desunt hujus rei certa quoque testimonia, opportunis locis in scriptis ejus occurrentia, os obturare vel impudentissimis idonea; ut cum Regem serenissimum in Præfatione ad Exercitationes sic alloquitur: *Qui Ecclesiam habeas in tuis Regnis partim jam olim ita institutam, partim magnis tuis laboribus ita instauratam, ut ad florentis quondam Ecclesiæ formam nulla hodie propius accedat, quàm tua, inter vel excessu, vel defectu peccantes mediam viam secuta. Quà moderatione hoc primum affecta est Ecclesia Anglicana, ut illi ipsi, qui suam ei felicitatem invident, sæpe tamen ex aliarum comparatione illam cogantur laudare: deinde, &c.* Quibus & illa concinunt, quæ scripsit ad Cardinalem *Perronium*, Regis quidem serenissimi nomine, ut cætera illius Episto-

Epistolæ, sed ex animi quoque sui sensu, arque sententia, certò, clarè ac liquido sibi constare, si notæ iudeus querantur, & verè necessaria ad salutem spectentur, aut etiam ad decorum Ecclesiæ, nullam in orbe terrarum (Deo uni sit laus, & gloria) inventum iri, quæ propius ad fidem, aut speciem antiquæ Catholicæ accedat, &c. Non pigebit hîc iudicium ejus de quibaldam ritibus apponere, quod, prout res tulit, inseruit *Ephemeridi* suæ, unde quid de cæteris senserit ejusdem generis, facili coniectura.

Annus
1610.

Pridie Kalend. Novemb. *Diem sacrum non male posui, Dei beneficio. Sum enim invitatus hodie, ut interesset sacris, quæ facta sunt ad consecrandos Episcopos duos Scotos, & Archiepiscopum Scotiæ. Vidi illos ritus, & impositionem manuum, & preces in eam rem. O Deus, quanta fuit mea voluptas! Tu, Domine Jesu, serva hanc Ecclesiam, & Catharis, qui ista rident, da bonam mentem.*

Pridie Non. Januar. (anno c15 10 cxi.) *Gratias tibi, Domine, quòd hodie ad Sacram Mensam sum admissus, & corporis Christi, sanguinisque factus sum particeps in Ecclesia Anglicana, cujus formulam heri diligenter meditatus admodum probavi, & ordinem agendi mirè laudavi præcepta apud alios consuetudine.*

Sed non ex illis tantum, quæ sunt Ecclesiæ Anglicanæ contraria, ad tuendum *Casaubonum* argumentum sumi potest, verum ex iis quoque, quæ solos tangunt adversarios, & totius scriptio- nis genio, imposturam poterit quivis facili negotio deprehendere. Cui enim ignota est *Casauboni* inter agendum de rebus in Religione controversis summa moderatio, & æquanimitas? ut hanc illi quidam, quos præposterius zeli * *ἡμεῖς ἀπαίδευτοί* transversos agebat, etiam vitio verterent, & iniquæ suspicionis hinc ansam, aliter quam par erat, arriperent. Verum Patris hæc erat ratio, sicque in animum suum induxerat, & ad veritatem inveniendam, & revocandos, qui versantur adhuc in errore, viam certiore, aut tutiore esse nullam, quam quæ duce, aut comite saltem moderatione & *Παύλει*, positis affectibus, iniretur: cum contrà putaret eos, quos diversæ rationes agebant, periculosa viam insistere, & dissentientes in errore magis magisque confirmare. Quod si quis in omnem recentiorum Scriptorum turbam sedulus inquirat, & eorum libros diligenter excutiat, non unum aliquem reperiri posse puto, qui sit effrato in

* Feror
experti de-
strina.

adversarios odio, malignitate, & acerbitate cum hoc *Pseudo-Casaubono* comparandus, qui studio partium, & amoris suæ causæ licentiùs, aut pueriliùs indulserit. Nam quod, quæ verè reprehendenda erant, ea verbis acerbis & maledicentiùs exagitet, quàm decebat hominem moderatum, parum est, & condonari potest. At quod adversarios fideis quoque criminibus, calumniis & mendaciis infinitis obruere conatus est, planè ferendum non est, & indignum Christianæ veritatis assertore. Qui modus agendi cum adversariis, etsi fortasse * *ἀγέτης* quibusdam zelotis, * *ἡμεῖς ἀγέτης* non displiceat, prudentioribus tamen non potest non vehementer improbari, ut qui bonam causam perdere magis, quàm juvare vel tueri sit idoneus. Nam si in Prævaricatores severà lege cautum est, qui litis susceptæ præcipua justa reticentes, falsas tantum criminationes, aut defensiones adferunt, quid de iis statuendum est, qui rei in Religione controversæ suscepto patrocinio, quæ maximè solida sunt, & præcipui momenti, aut spontè, aut per imperitiam omittunt; illis autem utuntur argumentis, quæ sunt † *ὁ ἐξ ἐλπίου* & † *ὁ ἀνὰ τρεπλῆ*? Non-† *Refu-* ne in hos quoque, tanquam bonæ causæ proditores, animadvertendi jus est. idem, par causa? Quid fingi possit aptius ad eorum animos alienandos, qui adhuc in diversis castris versantes, vi veritatis victi ad nostras partes jam propensiores inclinabant? *Cassii Fabricii* virtutem Scriptores antiqui posteritati commendarunt, qui in ancipiti bello victoriam, quam ipsi proditoris unius perfidia offerebat, magno animo recusaverit. Non pudeat hodie Christianos cum Christianis de vera fide contententes pejori fide agere, quàm soliti sint olim Pagani, proprium duntaxat honorem respicientes, & gloriam?

Ecquis erit igitur *Casaubono* tam iniquus, aut ab omni iudicio tam derelictus, ut ab eo profecta putet, quæ furiosi Sycophantæ & impudentissimi calumniatoris ingenium sapiant? *Casaubono*, cujus æquitatem in Religionis negotio & † *συγκατάθεσιν* operose velle † *Conde-* probare, quam singula ejus scripta singularè fuisse prædicant, otio suo nimis aburentis esset, lucemque Soli fœnerare cupientis.

Etsi verecundiæ meæ non sit de Patris eruditione contendere, licebit tamen, opinor, salvo pudore dicere, eum non planè stipitem fuisse, & omnis literaturæ melioris expertem. Quod si mihi concedatur, non est quod verear, ne causam meam difficulter obtineam,

neam, Patrisque nomen & famam è mangonum fraudibus asseram, qui hunc librum sub ejus nomine publicaverunt, ubi stupor & ignorantia ita præter omnem modum superant, ut cum omnia indoctissimum Scriptorem arguant, (si quædam excipias aliundè corrasa) multa sint, quæ miror à sanæ mentis homine proficisci omnino potuisse. Si sanæ mentis est dicendus, cujus mentem infani hujus zeli pestilentia semel afflavit.

Sed puto jam Lectorem expectare, ut earum rerum, quas Authori hujus libri hætenus objecimus, exempla aliquot ex ipso libro ad majorem fidem proferamus. Superest igitur, ut librum breviter percurramus, & loca, non refutandi animo, sed indicandi causâ proponamus.

* Pag. 2. 3.
 6. 8. 9.
 21.
 Primâ libri parte *, quæcunque sub *Veteri Testamento* vel contigerunt, vel instituta sunt à Deo, mysticam aliquam, typicamve significationem habentia, ea pleraque recenset omnia, & enumerat, ut arbores vitæ, & mortis, scientiæ boni & mali; arcum in nubibus; panes azymos; nubem, quæ Israëlitis luce præibat; flammam, quæ nocte; Maris Rubri divisionem; coelestem Mannam; aquam ex rupe; Oblationum diversa genera; Templum Hierosolymitanum; Sacerdotum vestes; aquam lustralem, &c. atque hæc omnia, vera & propria *Veteris Testamenti* Sacramenta fuisse, non minus atque Circumcisionem, & Pascha, non uno loco docet: quorum ad instar sint instituta duo illa *Novi Testamenti* Sacramenta, Baptismus, & Eucharistia. Quàm lata sit Sacramenti acceptio, non ignoro. Sed neque hæc omnia promiscuè sunt à Veteribus unquam (quod sciam) in Sacramentorum numerum relata: & dum hujus Authoris verba & orationem diligentius expendo, hunc illius scopum fuisse certissimâ illatione deprehendo, ut dum quævis *signa sacra*, vera fuisse Sacramenta differit, vera *Novi Testamenti* Sacramenta, mera tantum esse signa persuadeat. Neque sanè aliud colligas ex iis, quæ passim de sancto Eucharistiæ Sacramento dicit.

Quamvis enim nonnunquam longè aliter sentire videatur, verbis his utens, *verè ac realiter*, non tamen aliter ea tribuit Eucharistiæ Symbolis, quàm omnibus illis *Veteris Testamenti* sacris signis sive Sacramentis, neque realiter exhibendi, sed significandi tantum, ut pag. 36. vel realiter significandi, ut pag. 81. vim in illis agnoscit. Quâ nitens ratione, scilicet nihil amplius esse in Eucharistia, quàm fuerit in illis signis,

Transubstantiationis commentum, stolidissimum alioquin & insulissimum, nervosè putat se refellere, quia nullam fuisse probat * in arbore scientiæ bo-
 ni, & mali; nullam in Manna, vel ru-
 pe salientis aquæ, vel æneo Serpente, &c. transubstantiationem. Quasi facile non esset adversariis *Augustini* verbis, & verè respondere: † *Prima Sa-
 cramenta cum suo adventu Christus im-
 plevisset, ablata sunt, & alia sunt in-
 stituta; virtute majora, utilitate melio-
 ra, actu faciliora, numero pauciora.* Ut igitur paucis absolvam: Hæc ejus doctrinæ summa videtur esse, Realiter nos, credendo, Corporis & Sanguinis Christi fieri participes, atque cum ipso conjungi: hujus autem nostræ cum Christo conjunctionis, & Communionis signa seu Symbola esse in Eucharistia; quæ nos non tantum signa, sed instrumenta ipsa, mediaque, per quæ Christo jungimur, esse credimus. Hæc doctrina veteris Ecclesiæ; hæc Ecclesiæ Anglicanæ doctrina; hæc *Casauboni* denique fides fuit: quem vide in *Exercitationibus* †, & in *Epistola ad Cardinalem* †
 Perronium. Porro qui sic abjectè de
 hoc Sacramento sentiant, eos non mirum nihil in eo reperire, quod mirentur, ut hic Scriptor alicubi innuit, nonnulli autem multò audacius affirmarunt. At pii Patres † hoc *μυστήριον* appellare consuevi, nunquam sine sacro
 horrore de re tanta cogitari voluerunt.

Capite tertio *, ostensurus quàm
 fuerint omni tempore sacra signa & sa-
 crificia variis corruptionibus, & depravationibus obnoxia, nullo judicio cumulat diversissimi generis peccata, quæ tamen omnia vult ad Sacramenta propriè pertinere: ut fastidium Mannæ, atque inde secuta populi murmura; *Hæcanis* peccatum; filiorum *Elie* impietatem; *Uzzæ* temeritatem, & alia id genus, quibus & *Jephthæ* votum, & *Gideonis* amiculum pro Sacramentorum corruptelis annumerantur. Huc etiam refertur ab eo †, quod dicitur 2. Reg. †
 17: 17. Israëlitas filios & filias per ignem transmisisse, quem hic noster, purgatorium ignem vocat, atque hinc hodiernam Alcoranistarum, & Mahomedanorum de Purgatorio opinionem derivatam esse pronunciat. Per Alcoranistas autem, Pontificios intelligit. Nam sic eos alibi † vocat, & Pontificiorum libros rituales, ut *Durandi*, *Tilmanni*, &c. Alcoranos appellare solent. Capite septimo †, citat Author
 Commentarios suos Ecclesiasticos, ad quos Lectores ablegat, quorum iterum mentio fit pag. 50. Benè est, undique nobis argumenta suppetere, unde Im-

postorum fraudes detegamus. Nam cu-
juscunque tandem sint illi, *Casauboni*
certè nulli extant, nulli unquam exti-
terunt Ecclesiastici Commentarii. Sed
valde vereor ne gemini sint isti Com-
mentarii alteris illis *Elasopolitani* Com-
mentariis, unde proficitur Author hu-
jus libri in Præfatione ad Lectorem,
omnia se habuisse, è quibus hoc quic-
quid est operis concinnavit nobis, &
adornavit; quos, puto, nemo un-
quam vidit, aut visurus est. Ita saltem
ignoti, atque inauditi sunt, ut *Ela-*
sopolitani nomen omnium doctorum au-
ribus, quos percunctari mihi licuit,
peregrinum ac planè monstruosum acci-
derit.

Eodem capite inter supersticiosos
* *Fig. 27.* Baptismi ritus jam olim admissos, * In-
* *Fig. 28.* unctionem, Exsufflationem, & Exorcis-
mos enumerat; qui etiam si, cum tan-
dem in superstitionem ridiculam dege-
nerassent, ab Ecclesia Anglicana meri-
tò sint abrogati, quia tamen eos con-
stat antiquissimos, non erat hominis
modesti tanquam *abominabiles*, ut erant
in usu Primitivæ Ecclesiæ tempore, in-
sectari. Nunquam sanè sancti Patres,
Cyrillus, *Basilus*, *Ambrosius*, *Augu-*
stinus, & alii, non paullò meliores, ni
fallor, pietatis magistri, quàm nuperi
zelotæ, eos admississent, aut jam rece-
ptos approbassent, si ad adulterandum
verum Baptismi usum, primamque ig-
stitutionem, quod hic Author asserit,
primùm fuissent excogitati. *Casaubo-*
nus autem nunquam sic de ritibus hisce
pronuntiasset contra Veterum consue-
tudinem, qui quantum Patribus defer-
ret, majoris in momenti rebus osten-
dit. Sed hic prætereundum non est stu-
poris hujus malè feriat Scriptoris, si-
mul & malignitatis exemplum cum pri-
* *Fig. 28.* mis insigne: † *Quare*, (inquit) *ô Mis-*
salista, *olea vestra in sacrum Baptismi*
Sacramentum intrusistis, *Marci & Mar-*
cosii heresin imitati, *qui baptizandos*
prius ungi præceperunt: in margine nos
adire jubet ad *Epiphanium*. *μάρις & ὁ*
ἰσ, ἀφ' ὧν μαρκίσι καλέμιναι, ait *Epi-*
phanius. *Marcus quidam*, à quo *Mar-*
cosii dicti sunt. Jam quis prodigiosam
hanc hominis hallucinationem non ad-
miretur, qui ex denominativo pro-
prium nomen fecit, haud secus, ac si
quis diceret, *Arrium & Arrianum* fuis-
se infames Hæreticos. Quid autem
Marcosiorum deliria ad Orthodoxorum
Veterum consuetudinem? cum *Marco-*
si oleum, non ut indifferentem Baptis-
mi cæremoniam adhiberent; sed ita in
ipsa unctione Sacramenti vim pone-
rent, ut essent ex iis, qui sacris suis

initiandos, oleo more suo delibutos,
non omnino baptizarent. *Τὸ γὰρ ἄγνῳ*
ἢ τὸ ὕδωρ ἐνὶ αὐτῶν πίπτοντι ἔχει φάσμα-
τι, ut ibidem testatur *Epiphanius*: *Ad*
aquam ducere quidam eorum dicunt esse
supervacaneum. Paucis interjectis, pe-
tulanter invehitur * in Antiquos, quasi * *Fig. 29.*
mulieribus baptizare permisissent: quod
est falsum. *Tertullianus* de Veland.
Virgin. *Non permittitur mulieri in Ec-*
clesia loqui; sed nec docere, nec tingere,
&c. In extremæ necessitatis casu Lai-
cis id licuisse, idem *Tertullianus* author
est. Unde Ecclesia Anglicana, Laico-
rum & mulierum Baptismum, etsi non
probat, irritum tamen esse, & nullo
loco habendum, cum urget necessitas,
non credit. Impius autem & scelestus
est hic *Pseudo-Casaubonus*, qui aude
objectâ societate ac imitatione Monta-
nistarum, Marcionistarum, Cataphry-
gianorum, & similis variæ Hæreti-
corum, qui mulierculis, iisque scortis
suis omnia licere voluerunt, integritatem
veteris Ecclesiæ Catholicæ macu-
lare.

Octavo demum capite, quasi pertax-
sus nimix verecundiæ, *γυμνῇ*, quod
ajunt, *καθαλῇ*, & projecto pudore in
venerandam Antiquitatem incipit ir-
ruere, atque egregiâ primùm ratione
viam sibi munit ad impudentiam: *Nam*
quum, inquit, *jam Apostolorum tempo-*
ribus errores invaluerint, *nemo deinceps*
miretur Apostolorum successores usum ri-
tusque Sacramentorum corrupisse. Quasi
eadem res esset † *συγχρόνως* Apostolis † *Contem-*
Hæreticos aliquos extitisse, & ipsos
Apostolorum successores Hæreticos fuis-
se. Hæresis enim jam ab initio, aut
non multò post cœpisse, nemo nega-
verit. At si illi, qui immediate post
Apostolos Ecclesiæ præfuerunt, immu-
nes ab hac labe non fuerunt, quid de
cætero corpore, & posterioribus sæcu-
lis est sperandum? Quare, quod iterum
post pauca repetit †, varias, vel *infini-* † *Fig. 32.*
tas etiam corruptiones ab ipsis Eccle-
siæ primordiis irrepsisse, non gravatè
concedimus: at non illæ sunt (quod
ipse vult) ab Ecclesia Catholica rece-
ptæ, non à sanis ejus membris, sanctis-
que Præsulibus approbatæ. Proficitur
Ecclesia Anglicana, se primorum qua-
tuor sæculorum doctrinæ assentiri, ac
firmiter adhærere: quod Patres illorum
temporum de communi consensu tradi-
derunt, & docuerunt, probat atque
amplectitur: quod illi non docuerunt,
populo proponi vetat, ut credi neces-
sarium: quod patet ex aureo illo Ca-
none (ut *Casaubonus* appellare solitus)
anni 1571. cui omnes Regni Episcopi
in

in legitima Synodo congregati subscripserunt, quo tenentur Concionatores, *Nihil unquam docere pro concione, quod à populo religiose teneri & credi velint, nisi quod consentaneum sit doctrinae Veteris & Novi Testamenti; quodque ex illa ipsa doctrina Catholici Patres, & veteres Episcopi collegerint.*

Verum, quælo, quæ sunt hæ tantæ veteris Ecclesiæ corruptelæ, propter quas hoc Antiquitatis flagellum tantos tumultus excitavit? *Statim, inquit, post Apostolorum tempora, de certo tempore, quo celebrandum esset Eucharistiæ Sacramentum, ceperunt inter se contendere: tunc festos dies instituere, & solemnia jejunia indicare.* Constituta celebrandæ Eucharistiæ tempora à Primitiva Ecclesia, aut ex ea re contentiones inter Episcopos exortas esse, nullo idoneo teste probari posse, sed vani hominis esse commentum reor. Nam in tanta primæ illius ætatis innocentia non modò quemvis diem, sed omnem quodque diem sacræ huic functioni fuisse proprium, & quotidianam, ut plurimum, fuisse Eucharistiæ perceptionem, testes sunt antiqui Patres, & alii Scriptores. Longo post tempore, defervescente pietate, contemptui tantæ gratiæ legibus occurrere necessarium fuit. Tunc designata tempora, quæ vel maximè aversos obligarent. Sed hic asinus, inter eos agens fortasse, quibus semel in anno communicasse satis est, quod de Paschali solennitate legerat, de cujus tempore diu variatum est, quasi proprius ille, & unicus Eucharistiæ celebrandæ dies fuisset, ad Sacramenti percipiendi tempus ineptissimè transiit. *Atqui (pergit ille) de statis jejuniis, aut diebus festis nihil nobis Apostoli scripto reliquerunt.* At non ita Casaubonus in re, quæ de fide non esset, argumentaturus erat; qui S. Augustini regulam sæpè laudavit: * *Quod universa tenet Ecclesia, nec Conciliis institutum, sed semper retentum est, non nisi Apostolicâ autoritate traditum rectissime creditur.* Et de magnæ Hebdomadis ante Pascha observatione non veritus est scribere in Exercitationibus †: *Ego sanctissimam illam consuetudinem jam inde ab Apostolorum temporibus initia habuisse, aut non multò post, facile crediderim.*

* Augu-
stin. de
Doctr. con-
tra Donat.
lib. 4.
cap. 24.

† Exercit.
pag. 671.

‡ Pag. 33.

Eodem capite ‡ dicit Alexandrum, primum ejus nominis Papam, à Petro quintum (ut testatur Eusebius Historiæ Ecclesiasticæ lib. 4. cap. 1.) & martyrio coronatum, ut alii scribunt; eum, inquam, Alexandrum dicit, ut Christi leges refugeret, primum in Eucharistia vinum aquâ miscuisse. Ad hanc con-

suetudinem quod attinet, quæ praxis veteris Ecclesiæ fuerit, quid ea de re Cyprianus & Augustinus dicant, gnaris Antiquitatis ignotum non est. Porro autem scribit ex hac consuetudine abusum etiam (sic enim vocat) illorum manasse, qui imbutum in tenerorum infantium sanguine panem comedentes, Eucharistiæ sacra peragebant. O detestandam hominis impietatem, qui universæ tunc Ecclesiæ consuetudini nefariorum hominum, nomine quidem apud imperitum vulgus, sed re ipsâ nihil minus quam Christianorum, horrendum scelus adjungat, & sceleris causam innoxiiis adscribat! Sic olim Gentiles, quicquid flagitii pessimi mortalium, sed vulgò Christiani crediti admittebant, veris Christianis imputabant; ut toties questi sunt avi illius Scriptores. Adcò autem verum est, hoc impiorum hominum infanticidium ab ista Ecclesiæ consuetudine fluxisse, ut ejus originem à Simone Mago non pauci repetant, qui Alexandro, quem primum aquam vino addidisse Scriptor hic memorat, toto sæculo prior fuit. Ejusdem quoque Alexandri, Judaicas caeremonias in Ecclesiam quasi postliminiò revocantis, inventum esse asserit, usum panis azymi in Eucharistia: ut mirum sit, hominem Genevense tribunal non reformidasse, apud quos obtinet adhuc vetus illa consuetudo.

Capite nono, ut aditum sibi ad sequentia faciat †, *resumptis* loco de veterum Romanorum religione & caeremoniis agit. Quod argumentum ita tractat, ut cum decuit, qui quantum habet in Antiquitate notitiæ, totum è recentioribus aliquot Scriptoribus, Blondo, Alexandro, & similibus haurit; quos ille Authores de rebus antiquis, tanquam testes omni exceptione majores passim citat, in hoc uno laudandus, quod per quos profecerit, ingenuè profiteretur. At Casaubone hæc agendi ratio quàm bene conveniat, à nuperis, inquam, Scriptoribus totum pendere, neglecta meliorum lectione, dicant harum rerum judices idonei.

Omninò autem requirebat ipsius institutum, ut Romanorum ritus sacros, & caeremonias exponeret, è quibus quæcunque sunt in Missa, deducere, atque Paganismi convincere sulcipit. Quod propositum quàm sit laudandum, viros probos, ac moderatos fero judices. Nam alioquin hunc non primum, aut saltem non unicum hoc attemptasse, non me lætet, qui sciam re-
pertos

† Presu-
mptis
confer-
turi.

pertos esse, qui omnem Pontificiorum religionem in fide & cæremoniis ad Turcas aut Paganos referrent. *Casau- bonum* verò ab hoc animo vehementer abhorruisse mihi constat, qui nec tam fuit ineptus, ut hoc ipse crederet; nec tam malignus, ut credi vellet ab aliis. Quæ non eò dicuntur à me, quasi multas ac detestandas Papismi superstitiones excusare vellem; minimè verò. Sed aliud est, errores & corrup- telas ad suam originem bonâ fide re- vocare, quod multi præstantissimi viri feliciter aggressi sunt; aliud ad in- vidiam constandam omnia putidissimè detorquere, & amarulenter exaggerare; quod omnium, qui in hoc opere defudarunt, Scriptor hujus libri facit impudentissimè. Cum autem non pau- ca Ecclesia Anglicana in suâ Liturgia ex Missa retinuerit, non potest illa to- ta Paganismi insimulari, sine summa hujus Ecclesiæ injuria. Sed in pluri- mis hoc scriptum Ecclesiæ Anglicanæ adversari jam monuimus, & res ipsa clamat. Quædam breviter indicabi- mus.

- Capite octavo, Observatio Quadra- gesimæ inter instituta Christi præcepto contraria numeratur. * *Pag. 41.* Templâ, San- ctorum nomina præferentia, tanquam ad hominum cultum, non divini Nu- minis honorem erecta, sugillantur.
- † *Pag. 61.* † Preces & templorum situs ad Orien- tem, tanquam supersticiosè ab Hæreti- cis instituta condemnantur. ‡ *Pag. 51.* Compellationes illæ personis Ecclesiasticis tribui solitæ, *Pater, Reverende Pater,* &c. ut è Gentilium consuetudine deri- vatæ traducuntur. † *Pag. 41.* Confirmatio par- vulorum, ut otiosorum hominum com- mentum inane, exploditur. * *Pag. 46.* Per la- tus Pontificis Romani omnis ordinum distinctio, & iſta Ecclesiastica con- vellitur, æqualitas & iconſuetudo miniſtro- rum Evangelii, tanquam divini juris adstruitur, & asseritur. † *Pag. 59.* Ulum ve- stis candidæ (quam *superpelliceum* vo- cant) in obeundis sacris, derivat ab
- ‡ *Pag. 73.* Idololâtris Egyptiis; & ‡ alibi, con- ſuetudinis hujus auctores spiritu *Numæ Pompilii* (quem magnum solet ap- pellare) agitados fuisse pronunciat.
- † *Pag. 40.* † Omnis Templorum supellex, & or- namenta varia, ut argentea vasa, ſtra- gulæ vestes, & rapetes, damnantur, & irritantur. * *Pag. 64.* Usus tam pneumaticæ, quàm vocalis Musicæ in sacris probro- ſe vellicat, neque à Romanis Pontifi- cibus, sed *Numæ* Mago primùm af- firmat introductum. † *Pag. 68.* Jus dispensan- di pro pluribus beneficiis Ecclesiasticis non Christianorum inventum esse scri-

bit, sed à Romanis Idololâtris repeti- tam consuetudinem.

Has & ejusmodi alias portentosas falsitates audet non tantum affirmare, sed dum rationibus quoque confirmare studet, tantam prodit ignorantiam, ut quid in eo primum mireris, audaciam, an ignorantiam, incertus hæreas. Ut exempli causâ, illud ultimum de dis- pensationibus † primum afferens, & † *Pag. 67.* à Romanis promanasse contendens: *In hæc, inquit, beneficia jus sibi Ponti- fex Maximus arrogaverat dispensandi quibus vellet de pluribus simul obtinen- dis; sicut à Livio narratur de Fabio Maximo, qui per dispensationem duo beneficia retinendi jus adeptus est, cum Pontifex Maximus est creatus; ducentis amplius annis ante natum Christum.* Hæc more sæculi nostri ab homine pa- gano dicta quis non miretur? At in *Li- vio* nihil horum est. Nam de dispen- satione ne verbum quidem. *Fabius* ille *Maximus*, de quo *Livius* hoc in loco, Pontifex nunquam fuit, sed ju- venis obiit. Duo sacerdotia toto ge- nere discrepantia *Fabius Maximus* Pa- ter dicitur habuisse; non ejusdem sa- cerdotii duas Provincias, sive Præfe- cturas. Augur idem fuit, scilicet, & Pontifex. Ut omittam quod *Plutar- chus* scribit, Auguris titulum non Magistratus, vel dignitatis; sed artis & scientiæ appellationem fuisse. Verba *Livii* sunt: *Eodem anno Quin. Fabius moritur, &c. Augur in ejus locum inau- guratus est Quin. Fabius Max. filius; in ejusdem locum Pontifex (nam duo sacerdotia habuit) Sergius Sulpitius Galbâ.* Sed hoc leve est præ iis, quæ peccat in cæteris, quorum ut gustum aliquem demus, quomodo *Missam* à *Numa Pompilio* deriver, audiamus.

Ad ipsum *Missæ* nomen quod atti- net, non probat † eos qui deducunt, ex *Danielis* מִסָּחַם *maozim*. Multo 49. 6. probabilius derivari posse putat ex He- bræo *Messa*; quæ vox reperitur, in- quit, 4. *Regum*, cap. 11. & *conculca- tionem* significat. Reperitur sanè xi. cap. vers. 6. vox מַסַּח *massah*, quam LXXII. Interpretes pro proprio no- mine acceperunt, & interpretati sunt *μωσαϊ*, quos secuta Gallica versio, re- tinuit in ipso contextu *Mese*, notatâ tamen in margine diversâ *vastationis* vel *irruptionis* interpretatione; unde hic asinus desumfit. At si in *irruptio- nis* significatione, vel *conculcationis*, ut ille loquitur, vox est accipienda, radix erit non מַסַּח *masah*, sed מַסָּה *nasah*, neque *irruptionem*, sed ab *ir- ruptione*, præpositione, Hebræorum

more, cum nomine coalescente, τὸ *Massah* significabit. Pari infantiā *Mis-*
fel a מִסְפֵּל *Misfel* derivat, quod non
infernum, sed *ex inferno* significat. Has
autem *Missæ* etymologias, probandas
alioquin, non admittendas tamen ideo
dicit, quia *Numa Pompilius* author
Missæ, lingæ Hebraicæ imperitus fue-
rit: Latinum igitur esse vocabulum, &
à *Numa* confictum, qui nimirum pri-
mus instituit, ut post peracta sacra po-
pulo clamaretur *: *Ite, Missa est.* Non
putas, Lector, frontem homini, immò
conscientiam periisse, qui talia scribere
sustinuerit? Saltem unum aliquem
Scriptorem è veteribus Paganis pro-
duxisset, qui *Missæ* vocabulum pro
substantivo nomine, & in sacris usitato
usurpasset. Non minus eum depuduisse
dicas, dum, ut Turcas *Missam* magnæ
venerationi habere prober, voces Ara-
bicas, *Mecca*, nomen oppidi; *Mesul-*
manos, id est, *pacifcos*, vel *fideles* &
orthodoxos; *Mesgid*, quasi dicas, *ado-*
rationis locum, id est, templum; cor-
ruptas in *Messa*, *Messelman*, *Messites*,
omnes à *Missæ* vocabulo deductas esse
tradit. Ejusdem notæ est, quod ap-
pellationem *Papæ* dicunt Veteres ab Ido-
lolatris esse mutatos, qui *Jovem Pa-*
pam nuncupare consueverant. Mirum
nisi & Sanctos, *Cyprianum* & *Augusti-*
num, pro idolis habuerit; quos, hunc
ab *Hieronymo*, illum à Clero Romano
Papæ esse nuncupatos reperimus. Se-
quenti paginâ *Curiones* ἀπὸ τῆς κόρυς, à
tonsura, appellatos esse nos docet,
quos hætenus à *Curiis*, quæ singulæ
singulos *Curiones* habebant, dictos es-
se sumus arbitrati. Ibidem quoque Sa-
cerdotibus ἀφανερόφους à circulari ton-
sura nomen inditum esse, harricatur,
quos tamen *Dionysius Halicarnassæus*,
flamines interpretatur, & à pilcorum
forma, vel coronis ipsis, quas gesta-
bant, ita vocatos esse testatur. Vestem
candidam, quâ Romani in sacris ute-
bantur, *Albam* † ab iis esse vocatam,
pari mentiendi libertate asseverat, &
putidissimi commenti absurditatem vi-
ro erudito, *Alexandro ab Alexandro*
nihil extat. De eadem quoque *Alba* ‡
Pontificia loquentem nobis inter Ri-
tuales inducit *Philonem* Judæum. Nam
post productas *Titelmanni*, & *Gabrielis*
Biel de *Alba* mysticas interpretatio-
nes, ait, *Philonem in libro de Somniis*
subtiliter comminisci, Albam significare
firmitatem splendidissimi Numinis, quod
vocat Ens. Philo super illa verba,
Gen. 31: 12. Ἀνάβλεψον τοὺς ὀφθαλμοὺς σου,
καὶ ἴδὲ τὰς τεύχεα, καὶ τὰς κλέας ἀναβάν-

νῆας Ἰπὶ τὰ πρόβατα καὶ τὰς αἰγὰς διαλεύ-
κους, καὶ πικίλους καὶ ποσειδίους πάντας :
Leva oculos, & vide hircos, arietesque
salientes super oves & capras, albos,
varios, interspersos cinericii coloris ma-
culis, (quemadmodum verterunt LXXII.
Seniores) more suo ἀληγορίαν, postquam
de duabus prioribus speciebus πικίλων,
& ποσειδῶν ποσειδῶν, *vario, & cinericii co-*
loris, jam egit, πὺν τρίτον καὶ πλεονάζον,
ὅς ἐστιν ἀνάβλεψον διαλευκόν, ὡπὶ καὶ σημαίνον,
id est, secundum Interpretem,
Jam tertiam perfectissimamque, quæ
Alba nominatur, explanabimus. Quam
de veste lineæ, è bysso purissima con-
fecta, à summo Sacerdote indui soli-
ta, allegoricè interpretatur.

Hæc quoniam *Alba* Pontificiæ non
malè convenire videbantur, priora illa
verba Interpretis, quæ *Alba* nomina-
tur, tanquam de veste dicta à *Philone*,
homo vœcors accepit. Sed ne mire-
ris *Philonem* de veste Pontificia locu-
tum esse, eidem *Missalistas* quoque
notos fuisse mox audies. Postquam †
enim plerasque vestes in sacris apud
Pontificios solemnes recensuisset: *His,*
inquit, *addit Philo Judæus Mytram ad*
indicandum Missalistarum regium diade-
ma. In loco citato *Philo* agit de *My-*
tra summi Sacerdotis apud *Judeos*.
Huic igitur homini, Sacerdotes *Ju-*
dæorum, & *Missalists*, iidem sunt; at
alibi semper cùm *Missalistas* cum *Pa-*
ganorum Sacerdotibus confundat, &
utroque ab eadem deducat origine,
sequetur necessariò ex ejus sententia,
inter *Paganorum* & *Judæorum* Sacer-
dotes à Deo institutos nullum fuisse
discrimen.

Labarum *, vexilli nomen ante
Christi tempora, (quod quidem scire
possimus è libris Veterum, qui nunc
extant) prorsus inauditum, à *Con-*
stantino maximè nobilitatum, priscis
Romanis eo notum nomine fuisse au-
thor est; immò tanquam Romæ nata-
libus antiquius, ab *Autenore Trojano*
reperit.

Pudet me ineptiarum, quarum ipsum
Authorem non puduit; qui etsi fuerit
indoctissimus, quod Sole meridiano
clarius est, nunquam tamen eò inso-
lentissimæ infantiæ devenisset, nisi ita
animatus ad scribendum accessisset, ut
veritatem non sibi querendam puta-
ret; sed adversarios undique, veris an
falsis criminationibus, opprimendos.
Nam cujus unquam venisset in mentem
dicere, *Missam* esse à *Numa Pompilio*
septingentos annos ante Christum na-
tum celebratam? quod hic Author sin-
gulis ferè paginis ingerit. Unde ubi
de

* Pag. 49.
† 72.

† Ibid.

‡ Pag. 52.

† Pag. 56.

* Pag. 17.

de Sacerdotibus à Numa constitutis loquitur, vocat eos *Presbyteros Missæ*, & capite decimotertio *, locum *Blondi* de ritu Paganorum in sacris proferens, quod *Blondus* de Gentilibus dicit, *Diis Superis sacra facturi*; hic vertit, qui *Missam erant celebraturi*. Capite xv. † ait Sacerdotes à Numa Pompilio didicisse peccata sua ante *Missæ* solemnia confiteri: nam & idololatri in more positum fuisse, ut rem divinam facturi, se reos inprimis agnoscerent, vultumque submitterent. In hac consuetudine, quam alioquin nemo sanus improbaverit, si quid admittatur à Pontificiis reprehensione dignum, non is ego, qui excusare velim. Sed si id solum crimen est, quod Ethnicis non dissimile quid usurpant, quid erit vel in purissima & incorruptissima religione tutum à reprehensione? Nam præterea, solitos quoque Sacerdotes sub veteri Legge, primas pro suis peccatis victimas offerre, non ignoramus: quod puto nemo dicturus est, ab idololatri Israëlitas accepisse. Quod si huic Authori negaveris, esse continuo rejicienda, quæcunque nobis sunt cum Gentibus in religione communia, corrumpit illico tota moles hujus libri, & in terram præceptum datur. Hoc enim est unicum fundamentum, quo tot insulsæ disputationes, tot ineptæ, & iniquæ criminationes innituntur. Patrum super hac re quæ fuerit sententia, multis eorum testimoniis ostendi posset: Quoniam idola colebamus, nunc Deum colere non debemus, ne simili cum videamur cum Idolis honore venerari, exclamat Hieronymus contra Vigilantium. Augustinus etiam contra Faustum Man. Sicut, inquit, non ideo contemnenda vel detestanda virginitas Sanctimonialium, quia & Vestales Virgines fuerunt, &c. In eandem sententiam Tertullianus de Præscriptionibus adversus Hæreticos prolixè demonstrat, Gentiles habuisse quædam ritibus nostris in præcipuis Religionis nostræ mysteriis affinia. Tantum vero abest, ut omnia Paganorum instituta veteres Christiani repudiaverint, ut etiam sese ad illorum consuetudines, quantum per pietatem licebat, prudenti *συγκατάθεσι* accommodaverint; ut eos scilicet majoris in momenti rebus facilius allicerent: sicut jam à doctis viris observatum est, & pluribus exemplis confirmari posset. Sed ad hunc Authorem refellendum, immò & manifestæ impietatis convincendum, sufficient ipsius verba.

Nam qui aliàs semper tanta cum acerbitate condemnat quæcunque apud

Pontificios cum Paganorum ritibus ullo modo convenire videntur, non aliam ob causam, nisi quod cum illis conveniant; scribit tamen ‡ non semel, ‡ Pag. 27. Christum ad instituenda *Novi Testam. & 16.* menti Sacramenta, Symbola delegisse, quæ tam Judæis, quàm Gentibus in sacris erant usitata, ut eò facilius ritus jam propè sibi familiares nationes omnes admitterent. De Gentibus, an ad eorum cæremonias Christus respexerit, non temerè pronuntiaverim. Eum certè ad Judæos ita sese accommodasse, ut nihil, non jam vulgare apud ipsos, & usitatum, quantum ad ritus ipsos attinet, institueret, viri docti certissimis è Thalmude testimoniis, & aliis Hebræorum scriptis adstruxerunt. An igitur qui Christi exemplum in rebus adiaphoris, & illæsi pietate secuti sunt, impii, prophani judicandi sunt? annon illi potius impii, prophanique, qui ut adversarios liberiùs irrideant, sacro Dei Verbo non parcunt, ab horrendis blasphemis non abstinere? Quod quàm egregiè fecerit hic *Alastor*, unico exemplo indicasse sufficit.

David his verbis exultat, *אֲבֹנָה אֱלֹהִים אֵל שֹׁכֵן הַשָּׁמַיִם* Psal. 43: *אֵל שֹׁכֵן הַשָּׁמַיִם אֵל שֹׁכֵן הַשָּׁמַיִם*: quæ LXXII. Interpretes sic transtulerunt: *Εἰσαύξασμαι πρὸς τὸ θυσιαστήριον τῆς Θεᾶς, πρὸς τὴν Θεόν, τὴν ἐν ὕψιστοις τὴν ἐκείνην με:* quod secutus Latinus Interpres vertit: *Introibo ad altare Dei, ad Deum, qui lætificat juventutem meam.* De his verbis sic ludit ‡ impius morio: Numa ‡ Pag. 63. *Magus* in ejusmodi agitationibus, conversationibus, & inclinationibus sacrificuli multum sanctitatis inesse credidit: unde factum videtur, ut hæc faceta cantiuncula in Introductione *Missæ* poneretur: *Introibo* (inquit ille) *ad altare Domini, qui lætificat juventutem meam.* Non meritò lætetur, cum positam mensam videt, & stratam; cum paratas epulas, Organorum & aliorum musicorum Instrumentorum concentum, suffitus, & odores, calicem vino plenum, collectam paratam, & pecuniarias oblationes jamjam crumenam ipsius impleturas? Nonne hæc omnia Sacerdotis exhalare juventutem sunt idonea, cum scandit altare ad saltandum & convertendum se secundum præscriptam à Numa Mago formulam? De quadam urbe queribundus olim dicebat pius Pater*: * Greg. Naz. Or. III. de Pace. *Ἡ σπαράζει τὸ τὰ θεῖα παίζει ὥστε πῖπρον, καὶ θύειν αὐτὴ τῶν ἱερουργῶν γελᾶσαι, ἢ παίζει πῖπρον γελᾶσαι ἀγέλας:* Quæ studet in divinis rebus ludere, ut in qualibet alia re; citiusque aliquid honestum irideat, quàm quod ridiculum sine risu prætereat. Hoc est hodie mul-

torum crimen, qui in sacris jocos captant, & in rebus seriis facietorum nomen affectant.

Hic eram desiturus, nisi religio esset injuriam atrocissimam sacris Imperatoribus, & antiquis Episcopis Romanis factam, silentio præterire. Ait enim
 * Pag. 40. furiosus ille *, Romanos Episcopos, & 41.
 qui se dici Christianos, & haberi volebant, per annos à nato Christo trecentos aut quadringentos aliud nihil egisse, aut laborasse, quàm ut usum Sacramentorum depravarent; Judæorum caeremonias, & infandas Paganorum Idololatrias revocarent. Et de Gregorio nominatim scribit †, eum Magiæ Pythagoricæ callentissimum, & in Numæ successoris, Hostilii legibus versatissimum, novis & magicis additamentis Missam locupletasse.

† Si quis sensus illi.

Quo vultu credibile est, quibus oculis beatas animas, † αἱ εἰς αἰῶνος, vilissimum tenebrionem de cælo respicere, fidei, quam plerique iptorum suo sanguine, gloriosi Martyres, obliuiscuntur, sibi controversiam moventem; & ejusdem cum iis ipsis, quos crudelissimos persecutores habuerunt, impietatis accusantem? Casaubono verò quanta fiat injuria, cui hominis fanatici detestanda deliria tribuantur, etsi paucos ignorare sperem, tamen abs re non erit, in imperitorum gratiam, ipsius verbis exponere. Sic igitur ille in Exercitationibus: † Nemo peritus rerum Ecclesiæ ignorat operâ Romanorum Pontificum per multa sæcula Deum esse usum in conservanda sarta tecta rectæ fidei doctrina, &c. Ibidem, Ventum est ad Leonem Magnum, de quo Pontifice quàm honorifice sentiamus, ipsi jam ostendimus. Non enim ignoramus, quæ hinc fuerit sincera fidei defensor, & pro recta fide quantos labores sustinuerit, quàm Ecclesiæ Dei utiles, &c. Et in alio loco * de Gregorio: Fuit Gregorius non solum cognomine, sed rebus ipsis Magnus & Sanctus, ac verè sui sæculi, propè jam ferrei, Phoenix. Nos quidem ita censemus, & cur ita censeamus, causas parati sumus reddere, &c. Multò plura, sine dubio, possent afferri in eandem sententiam, si quis libros ejus diligenter evolveret. Sed hæc, quæ nunc occurrebant, Lectori satisfactura non dubito.

* Pag. 748.

Jam de Romanis Imperatoribus superest ut agamus, quos omnes Christianæ Religionis semper infestissimos, & avitæ superstitionis tenacissimos fuisse confidenter asserit. Nam † cap. 10. disertè, ac totidem verbis affirmat, per spatium quadringentorum annorum Romanos Imperatores, & Senatores Legi

Christi semper adversos & inimicos fuisse. Paginâ verò sequenti, Spatio septingentorum, aut circiter annorum post Incarnationem Domini, nullum Romæ fuisse Imperatorem, Regem vel Principem, qui Legem Christi vellet amplecti. Erunt (inquit †) fortasse, qui Philip- † Pag. 41.
 pum quendam nobis objicient, quem jactant nonnulli ad fidem Baptismi conversum fuisse, cujus adeò flagitiosa fuit vita, ut illum præcipue auctoritatis Historici, Christiani nomine indignum judicaverint. Addunt & Constantinum Magnum, qui Nicænam Synodum convocavit: sed ejus sedes in Græcia fuit, ubi Orientis Imperium; neque is ad Baptismum unquam potuit adduci, ut Christi sanguine regeneraretur, priusquam annum vitæ quintum & septuagesimum, jam morti proximus, ageret; quo tempore ab Eusebio, Arriano Episcopo Nicomediæ, baptizatus est. Quare non est, quòd Sylvestre Episcopus de conversione hujus Imperatoris ad fidem gloriatur.

Deus bone! quænam hæc est mentendi prodigiosa licentia! qui fontes, quæ maria dirissimum hoc impurissimi Calumniatoris virus eluant? Non ergo Constantinus, non Jovinianus, non Valentinianus, Gratianus, non ille tot rebus gestis, tot Christianorum præconiis Magnus Theodosius, non ille Christianus? Nam quòd Constantinum Christianum fuisse negat, quia Baptismum distulerit, satis constat id pientissimum Imperatorem fecisse more tum recepto. Plures enim illius ævi, qui Christo bonâ fide nomen dederant, Baptismi tempus diu protraxisse reperimus. Cum enim omnes prioris vitæ maculas sacro hoc Lavacro expiari crederent, tunc maximè opportunum ejus tempus censebant, (ut Eusebius author est de Vita Constantini, lib. 4. cap. 61.) cum vita ad extremum vergeret, ut hoc pacto quàm purgatissima conscientia vicinæ morti traderetur. Cui tamen consuetudini, ut periculosi nimis eventus & alex, Græci & Latini Patres, qui per ea tempora floruerunt, strenuè sese opposuerunt. Sed Constantino peculiaris quoque ratio fuit; quòd in Jordane (sicut ipse apud Eusebium proficitur) si Deus vitam illi prorogasset, baptizari decrevisset.

Quod si ideò à Christiana fide abhorruisse credendus est, quia serò baptizatus; quid de Valentiniano dicemus, quem longiùs Baptismum differentem improvisa mors occupavit? Quem tamen Beatus Ambrosius post mortem cælo receptum indubitanter credidit, ne dum

† Pag. 43. se confidenter asserit. Nam † cap. 10. disertè, ac totidem verbis affirmat, per spatium quadringentorum annorum Romanos Imperatores, & Senatores Legi

dum ut Christianum vixisse & obisse ambigeret. Sed ipsum juvat audire defuncti sorores consolantem. *Ambrosius de Obitu Valentiniani: Sed audio vos dolere, quod non acceperit Sacramentum Baptismatis. Dicite mihi, quid aliud in nobis est, nisi voluntas? nisi petitio? Atqui etiam dudum hoc voti habuit, ut cum in Italiam venisset, initiaretur, & proximè baptizari se à me velle significavit; & idèd præ cæteris causis me accersendum putavit. Non habet ergo gratiam, quam desideravit? Non habet, quam poposcit? Certè quia poposcit, accepit. Et mox: Qui habuit spiritum tuum, quomodo non accepit gratiam tuam? Aut si quia solemniter non sunt celebrata mysteria, hoc movet; ergo neque Martyres, si Catechumeni fuerint, coronentur. Non enim coronatur, si non initiat. Quod si sua abluntur sanguine, & hunc sua pietas abluat & voluntas.*

Constantinum autem ab Arriano Episcopo baptizatum, quamvis habeat hæc sententia Hieronymum suffragantem, habet tamen & contraria suos assertores. Theodosii Magni tempora, qui proximè secuti sunt Imperatores, sive Romani, sive Barbari, etsi plerique Arrianâ hæresi fuerunt infecti, Christiani tamen fuerunt illi; & quod huc maximè facit, à Paganismi suspicionem procul omnes abfuerunt.

Ad Symmachi Relationem quod attinet (quam infrunitus hic zelota Responsionem falsò vocat, ne supplicasse pro sua religione fateatur, quos auctoritate & numero primas habuisse contendit) diligentius animadvertenda res est, cum in ea causæ suæ præsidium ponat, ut evincat Romanum Senatum, & Senatores, sic enim loquitur, ad fidem Christianam nullos unquam adduci potuisse. Sic autem se res habet. Symmachum legarunt Ethnici ad Valentinianum pro ara Victoriæ restituenda, &c. nec impetrarunt. Ergo saltem Imperator Christianus. Sed qui hoc petierunt? Absit, inquit Ambrosius in libello primo contra Symmachi Relationem, ut hoc Senatus petiisse dicatur: pauci Gentiles communi utuntur nomine. Nam & ante biennium fermè, cum hoc petere tentarent, misit ad me S. Damasus, Romanæ Ecclesiæ Sacerdos, iudicio Dei electus, libellum; quem Christiani Senatores dederunt, & quidem innumeri, expostulantes nihil se tale mandasse, non congruere Gentilium huiusmodi petitionibus vos præbere consensum. Questi etiam publice, privatimque se non conventu-

ros ad Curiam, si tale aliquid decerneretur. Dignum est temporibus vestris, hac est, Christianis temporibus, ut dignitas Christianis Senatoribus abrogetur, quæ Gentilibus Senatoribus prophana deferatur voluntatis effectus? Hunc libellum ego fratri Clementiæ vestræ direxi. Unde constituit, non Senatum aliquid de superstitionis impensis mandasse Legatis, &c. Videat jam Lector cui potius fides habenda sit, sanctissimo Præsuli, rerum sui temporis oculato testis, an perfrictæ frontis nebuloni, omnis Ecclesiasticæ Antiquitatis imperitissimo.

Supremum nunc hoc restat, ut, quod initio promissimus, de suscepto à Patre similis argumenti libro paucis agamus: quod verbis ipsius expediemus. Casaubonus ad Lectorem in Exercitation. ad Baronium: *Quedam breviter attingi, quedam paullo uberius tractavi, ut doctrinam de sacrosancta Eucharistia, de qua, dum vestigia Baronii premo, tres scripsi disputationes: unam de variis huius Sacramenti apud veteres appellationibus; alteram de Transubstantiatione; tertiam de genere sacrificii Christianorum: conatus primorum seculorum doctrinam, non minus candidè & æquè, quam accuratè exponere. Primam disputationem habes in Exercitationibus editis. De reliquis sic ipse in iisdem Exercitationibus *.* Atque hæc de Appellationibus huius divini Sacramenti ^{pag. 197.} impresentiarum satis. Restabat ut ad secundam partem Baronianæ digressionis de Eucharistia, quæ est de Transubstantiatione, accederemus; & quæ fuit veteris Ecclesiæ fides super eo articulo, accuratè expenderemus. Sed cum nostra ad eam partem responsio, itemque ad tertiam de sacrificio Christianæ Ecclesiæ in molem multò maiorem quam initio putaremus, excreverit; satis fore visum est, ut illæ disputationes separatim ederentur, neque huius operis editionem morarentur. Has verò, cum Patrem mors immatura prævenisset, nunquam edidit. Affectas autem tantum, an perfectas, & ad prælium paratas reliquerit, compertum non habeo; cum nihil ex eis ad manus meas unquam pervenerit. Earum certè in hoc libro præter ipsum Casauboni nomen, omnino nihil est. Non hic candorem, non simplicitatem, non accuratam diligentiam invenias. Instituta à Casaubono methodi nulla hic vestigia. Quod Pater promiserat, ex Patribus, & aliis Scriptoribus antiquis, totum concinnaverat. Nulla hic Patrum mentio, nulla ex ipsis testimonia,

nia, præter tria, aut quatuor, ad summum, sub libri finem obiter allata. Quæ ex ejus Exercitationibus protulimus, scribebat ille anno Domini 1610 1614. Gallica hujus libri editio, ex qua translata, & recusa est hæc Anglicæ, anno 1610 1617. (si benè meminimus: semel enim tantum inspicere mihi licuit) prodiisse fingitur, quo tempore *Casaubonus* ab *Henrico* 1^o Gallicarum Rege Christianissimo, ad literarum humaniorum professionem evocatus, Parisiis agebat. Qui tum à Rege Christianissimo cùm petisset, ut liceret sibi *Baronii* Annales modestè refutare, repulsam tulit. Eodem quoque tempore, anno scilicet 1610 1617. *Isaaci Casauboni De Libertate Ecclesiastica* liber edebatur, sed suppresso Authoris nomine. Quod tamen nihil profuit. Adhuc enim libri pars exigua typis erat expressa, cùm vetita est autoritate Regis editio, & *Casaubonus* institutæ scriptionis filum coactus est abrumpere. An igitur tunc ausus esset ille, librum adeò virulentum,

qualis est hic liber, adeò iniquum contra Pontificios edere? an, si ausus, impunè tulisset? Ubi tunc Adversarii, qui se illi, postquam primùm in Angliæ de rebus ad Religionem pertinentibus aggressus est scribere, tot & tanta cum acerbitate opposuerunt? Habeo catalogum librorum omnium, quos Pater edidit, manu ipsius scriptum, qui à me in alio opere editus est. Cur hunc omisit? Sed quid opus est in his diutius immorari, cùm Impostorum fraus omnis jam detecta sit? qui libro Gallico sine nomine (quales eduntur in Gallia multi, præsertim Theologici) *Isaaci Casauboni* nomen, calliditate typographicâ, præfixerunt: anno so & propè jam exoleto libro, novam juventutis faciem, artificiosè immutatis notis arithmeticis, induxerunt; tutos se fore rati, si suæ imposturæ crimen ad alios transferrent. Posteritatis intererat, nullo tempore defuisse, qui perditorum hominum imposturas & deprehendere possent, & ulcisci.



MERICI CASAUBONI,
ISAACI FILII,
DE
VERBORUM USU,
ET
ACCURATÆ EORUM
COGNITIONIS UTILITATE,
DIATRIBA.

MERICUS CASAUBONUS

J O A N N I F I L I O,

S. P.



Uanquam nolim ego te, mi Joannes, cum ævi & judicii maturior eris, libros ullos vel ex mole, (quæ multorum fatuitas est) vel ex modulo æstimare; fateor tamen ex hoc libelli hujus modulo, in quem Typographi pro suo arbitrio illum concinnarunt, in eam primum cogitationem venisse me, ut tuum nomen hic inscriberem. *Parvum parva decent*, ait alicubi tuus Horatius. Tibi autem parva adhuc ætas; ut qui vix dum primam annorum ætatis decadem egressus sis; & pro ætate corpus non magnum. Ac memini valde adhuc infantem te nullis adeò muneribus oblectari solitum, quàm vel libris, aut quæ librorum speciem præferrent: quod parentibus tuis jam tum futuræ tuæ indolis lætum fuit augurium. Hactenus certè, quanquam crebra valetudinis infirmitas alacritati tuæ, ac bonitati ingenii non parum obstiterit; de te tamen ipso queri non possumus. Cæterum, quemadmodum Amilcar olim, pater Annibalis, Annibalem filium, (illustria in Historia Romana nomina) adhuc impuberem, per altarium religionem & solemnia sacra ad odium populi Romani quasi ad paternas artes obstrinxit; ita mihi visum publicâ hac & solemnî compellatione ad bonarum artium ac literarum amorem porro te obtestari. Et hoc quidem tibi opto maximè ob ipsas literas, quæ præmium veris & genuinis cultoribus amplissimum. Tibi tamen peculiarια quædam incitamenta & vincula: non Avi tantum tui memoria, & exemplum, quod plurimum apud te valere debet; sed etiam quæ suis propria reliquit industriæ suæ, singularis & indefessæ, monumenta; *Adversariorum*, ut vulgò vocant, multiplex supellex: quam certè, cum judicium & eruditio tibi suppetent, ut suo pretio æstimare valeas, omni aliâ hæreditate (qualem ex me sperare non magnam potes) longè tibi potiore visum iri non dubito. Ad eruditionem verò non nisi per linguas aditus tibi patebit. Quatuor autem linguarum studium præcipue tibi commendo: Hebraicæ, Græcæ, Latinæ, & Saxonicæ; quarum singularum usum & dignitatem quò melius intelligeres, tractatum tibi *de Quatuor istis Linguis* adornavi; quem, quia aliis quoque utilis esse potest, publicum propediem, Deo volente, faciam. Interim, si ad avitas laudes, imò si ad veram felicitatem aspiras, fac ut in pueritia tua Creatoris tui sis memor, & à primis, quod ajunt, unguiculis his cogitationibus assuescas, vanum & ineptum esse omnem laborem conatumque, qui non ad Dei Opt. Max. gloriam, & melioris vitæ consequendæ spem refertur. Vale.

S U M M A R I U M

ac series eorum, quæ hîc continentur.

- R**erum cura, & cura verborum, à multis commissa & opposita; quàm rectè. Pag. 133
Senecæ, Gellii, Galeni, contra verborum curam sententia & auctoritas, quæ, & quanti facienda. 134
Item Platonis. ibid.
S. Augustini De Magistro liber, quo argumento, & quem in finem ab illo scriptus. ibid. & 135
Nostri de verborum cura scientiaque sententia. 135
Cujus ratio primò generalis, à libris subdititiis, corruptis, & interpolatis, & eorum certissimâ dignoscendi ratione proponitur. ibid. & 136
Verborum usus in particularibus scientiis. 136 & 137
- In THEOLOGIA.** 137
Ἀπαγωγή ἐκ ἡγήσεως, rapinam non arbitratus est, in S. Pauli verbis ad Philipp. cap. 11. vers. 6. quid significet. ibid. &c.
Hugonis Grotii Annotationum in Novum Testamentum, Tomus secundus. 141
Ejus, verborum S. Pauli, ὅς ἐστι μοῖρα θεῶν ὑπάρχον, &c. ad Philipp. cap. 11. vers. 6. 7. 8. expositio expenditur. ibid. &c.
- Ejusdem pia mors.* 145 & 146
Verba Christi, Matth. XII. v. 26. λέγω ὑμῖν ἐν τῷ παρὶν ῥῆμα ἀγγέλον, &c. Dico vobis quod omne verbum otiosum, &c. non ut vulgò, exponuntur. 146
Nicephori Gregoræ, de Sacre Scripture verbis & stylo, locus insignis. 148
- In JURISPRUDENTIA.** ibid. & 149
Formularum, Ex jure manu confectum vocare: In rem præsentem venire, &c. ex Isaaci Casauboni Adversariis MSS. interpretatio. 149
- In MEDICINA.** ibid.
- In PHILOSOPHIA,**
Dialectica. 150 & 151
Morali. 151
Naturali. ibid.
De verbis Aristotelicis, τὸ τί ἦν αὖν, & ἐπὶ λέχεια: ex Isaaci Casauboni Adversariis MSS. ibid. & 152
- In POLITICIS.** 154
Joannis Croii, Observationum Pars Prior, & nostrum de illis judicium. ibid. &c.

MERICI CASAUBONI DE VERBORUM USU,

& accuratæ eorum cognitionis utilitate,

D I A T R I B A.



Aud paucos reperire est, qui cum de Vocibus & Verbis incidit quæstio, eò statim, tanquam ad Prætoris interdictum aut legitimam obnunciationem confugiant, ut non verba se, sed res curare, ac de illis modò sollicitos esse contendunt. Nec is τῶν πολλῶν tantum sermo est, sed interdum & illorum, qui ab eruditione & humanitate, (quales Seneca, Aulus Gellius, & Medicorum post Hippocratem facillè princeps Galenus, alique) celebres olim fuere.

Honestæ sanè (si commoda adhibeatur interpretatio) oratio, & ingeniis digna liberalibus. Sancto enim, si quis alius, Augustino libenter assentior, *Bonorum ingeniorum insignem esse indolem, in verbis verum* (res ipsas utique) *amare, non verba*. Nec minùs arrident veteris cujusdam apud Aulum Gellium Grammatici verba: *Nulla prorsus bonæ salutis spes reliqua est, cum vos, Philosophorum illustrissimi, nihil jam aliud quam verba autoritatesque verborum cordi habeatis*. Quamquam autem alicubi Cicero quenquam literis mandare cogitationes suas, qui eas nec disponere, nec illustrare verbis possit, hominis intemperanter abutentis otio & literis esse pronuntiet; & alibi, qui quemadmodum dicant ipsi non laborant, cur legendi sint nisi ipsi inter se, qui idem sentiunt, causam non videre proficetur: quæ videtur & Dionysii Halicarnassæi mens fuisse, ubi οὐδὲν οφελὺς διανοίας ἵναί χρηστῆς, ἢ μὴ τις αὐτῇ κόσμον ὑποδάσκει καλῆς ἐνομασίας, asferit; non ego tamen unquam tam delicati & fastidiosi stomachi, ut Scriptores quoscunque vel impolitissimos, & barbarissimos (si qui tales) scatentes non æquo animo legerem, si quod ad rerum cognitionem faciat, non ubivis obvium, ex isto verborum sterquilinio colligere daretur. Sed quoniam plerique, qui de verbis ita vulgò loquuntur, non tam quod rerum studio præter alios addicti verè sint, ita loquuntur, quàm ut suam tegant ἀμυσία &

ignorantiam, ne dicam (quod de nimium multis verè dici potest) ignaviam; ne juvenes incauti, ex quorum industria ad rem publicam fructus uberes aliquando redire possunt, speciosis his vocibus abrepti decipiantur; operam me navaturum nec inutilem per se, nec his temporibus intempestivam duxi, si quid eis opponi posset, post alios quidem, fateor, multos, sed auspiciis tamen nostris, & propriâ industriâ freti, peculiari hac Diatribâ complecterer.

Atque hoc primùm de illis, qui res, quasi toti in illarum contemplatione defixi, semper habent in ore, libenter requirerem, ecquid unquam in mentem suspicio illa inciderit, ne fortè quod Ixioni, ut nubem pro Junone imprudens amplecteretur, idem & illis accadat? Nos enim sanè Philosophos & ingenio & autoritate præcipuos ita sancire comperimus. Quæ se cunque oculis nostris objiciunt, ea nos, res utique ipsas, cernere vulgò dicimus & credimus, cum tamen haud ipsas res, sed externas tantum species (ὁδοὶ Græci vocant) & spectra cernamus; aut spectrorum potius colores; immò nec colores, veros & sinceros. τῶν χρωμάτων ἑδὲν ὁρῶμεν ἐκλεπνύντες εἶναι εἶναι, ἀλλὰ πᾶσι κακράμενα εἶναι: *Nullum colorem purum spectamus, qualis planè est; sed omnes permixtos, atque aliis confusos*. Ita Philosophus in lectissimo *De Coloribus* libello; & rationem suæ sententiæ pluribus ibi prosequitur. Omnem porro cognitionem mentis à corporis sensibus oriri, (quæ Philosophorum non ignobilium sententia fuit) si non universim verum, in plerisque tamen locum habere, & ea certissima esse κρᾶσις, in confesso apud omnes est, qui non sensibus ipsi suis renunciaverint. Verba autem, quæ Aristoteli *symbols rerum*; aliis, *imagines & simulachra*; τύποι καὶ μιμήματα illis utique, qui verba non ex instituto, (de quibus alibi fusè videbimus) sed ab ipsa natura rebus indita docent. Hæc nos in antecessu potius ut ἀκριβοῦς & justo

Vide Scallig. Exercit. de Subtilitate
alibi, tum
Exercit.
307. 21.
ubi inter
alia, sicut
vultus
eius à
ciconia
lambimus
vitreum
vas; pul-
tem haud
attingi-
mus.

certamini proludentes, quàm quod firmum in iis causæ nostræ prælidium ponamus.

Cæterum (ut inde initium faciamus) Senecæ, Gellio, Galeno, & si qui sunt alii, qui de verbis idem, quod illi sensisse videantur, promptum esset Platonis, Aristotelis, aliorumque tum ætate, tum autoritate longè istos antecedentium iudicia, qui de verborum necessaria ad rerum cognitionem intelligentia plenâ tulere suffragia, illis opponere. Sed illa quia vulgò nota, ut quæ ab omnibus, qui de verbis aliquid, laudari solita, non gravatè prætermittimus. Hoc potius observabimus nos, hos ipsos, qui de verborum cura quasi probrosè videntur interdum loqui, verborum curiosissimos interpretes & rimatores extitisse. Certè si quis ex Aulo Gellio, quæ de verbis in illo sunt, eximat, pauca admodum illi relinquat. Sed & in Galeno quàm multa passim de verborum ortu, usu, abusu, proprietate, genere, & id genus aliis? Ut Glossaria ejus omittam, & Hippocraticarum dictionum, quæ supersunt adhuc, interpretationes; quæque solis nunc superant nominibus & titulis; *De Verbis Atticis*; *De Verbis Eupolidis*; *De Verbis Aristophanis*; *De Verbis Cratini*; *De Comicorum Propriis*; ingentia volumina. In Seneca quoque non pauca super verbis. In uno *De Beneficiis* opere, ad verba verborumque distinctiones confugere non semel cogitur. Sed & ipsa, quam proficitur, Philosophia Stoica, in iis maximè, quibus illi *σημανέσθαι* soliti, quàm sæpe non tam in rebus, quàm verbis fundata? qualia ista apud Senecam: *Sapiens non miseretur, quia est sine miseria*. Et eodem libro, *Parcit sapiens, consulit, & corrigit*. Optimè! Quid porro? *At idem non ignoscit*. Idem tamen facit, ac si ignosceret: quoniam qui ignoscit, fatetur aliquid se quod fieri debuit, omisisse. Quid hoc, quæso, nisi verba? Non ignoravit hoc Seneca; & verè alicubi ipse sibi objicit: *Hæc sunt, quæ auctoritatem præceptis vestris detrahunt: Magna promittitis, &c. Ita sublato altè supercilio, in eadem, quæ cæteri descenditis, mutatis rerum nominibus*. Objecta conatur diluere; sed qui accuratius expenderit, eum conari tantum (in multis saltem) intelliget. Sed verior illa responsio, quæ Seneca de verbis objicit, ea pleraque non ad hanc, de qua quærimus hic, verborum curam pertinere; sed ad Dialecticorum *νεβρίαις* & argutias; ut cum legenti statim apparebit.

Clementem Alexandrinum fortasse,

aut Platonem potius apud Clementem, *Strom.* lib. 1. objiciat aliquis. Ibi enim ex non uno Platonis Dialogo gravissima hæc de verborum cura dicta monitaque: *καὶ φυλάξῃς (Φησὶν ὁ Πυθαγόρας) τὴν τῶν Πλάτωνος Πολιτικῶν πρὸς τὸν δάξαν μὴ ἐπὶ τοῖς ὀνόμασι, πλεονάζοντα εἰς γῆρας ἀναφαστήσῃ φρονήσας. Καὶ ἔνθα τῷ Θεαίτητῳ εἴπεις αὖ πάλιν, τὸ δὲ εὐχρίτες τῶν ὀνομάτων πρὸς καὶ ῥημάτων; καὶ μὴ δι' ἀκρίβειας ἐξεταζόμενον, τὰ ῥῆμα πολλά καὶ ἀγνοεῖς, ἀλλὰ μᾶλλον τὸ τὰς ἰδίων, ἀπὸ λυψέρον· ἔστιν δ' ὅτι ἀναγκάσιον*. Et si caveris, (inquit Pythagoreus in Platonis Politico) ne sis de nominibus nimium sollicitus, prudentiâ locupletior apparebis in senectute. Et rursus invenies in Theæteto: *Nominum autem & verborum facilitas, & non nimis accurata examinatio, ut plurimum non est sordida & illiberalis, sed ejus potius contrarium; est autem nonnunquam etiam necessaria*.

Hæc igitur Platonis siquis hic objecerit, frustra fuerit: non enim ad hanc, (ne hæc quidem) de qua nos agimus hic, verborum accuratam cognitionem, quæ ad rerum cognitionem ducit, ista pertinent; sed ad eloquentis & elegantis orationis, quam *εὐχρησίας* Clemens ibi indigitat, studium; ut ex ipsius Clementis lectione cuius liquere possit: de quo quidem studio multa in utramque partem dici possunt, quibus aliàs fortasse suus erit locus proprius; nunc verò prætermittuntur.

Platonis autem famigeratissimum illum *Cratylum*, de quo mirum quàm sibi placeant & plaudant quicumque ferè verborum patrociniū suscepunt, nos hic consulto consilio præterimus; consilii nostri rationem loco magis opportuno aliàs reddituri.

Sancti Augustini de verbis integer extat, qui *De Magistro* liber inscribitur; sed totus de natura sermonis & verborum usu & abusu constat. Quo verò sanctus ille vir consilio id opus aggressus sit, non erit abs re quærere; vel eo certè nomine, quòd in toto Augustino vix aliud extare putem, cujus tanta sit obscuritas & occulta propositi ratio. Ipse quidem in *Retractionibus* Augustinus cum sibi fuisse scriptoris istius scopum proficitur, (ut & extremo libro colligit) ut doceat, *Magistrum non esse, qui docet hominem scientiam, nisi Deum*. Sed neque hoc ipsum quò tendat, quod palam proficitur, satis manifestum; & per quas verborum subtilissimarumque quæstionum ambages & labyrinthos eo perveniat, legentibus apparebit. Immo verò perplexæ & involutæ descriptionis con-

* Cap. 8. conscientiam parens ipse non uno *
*Sed quomodo tam-
 bi ambu-
 gibus te-
 cum per-
 venire me-
 liar. &c.*
 Cap. 10.
*Quanto
 tamen cir-
 cuitu. &c.*

loco prodit. Cæterum quisquis ani-
 mum in rem intendet ipsam, id Augu-
 stino propositum fuisse, facile perti-
 ciet, ut quæ de sermonis & orationis
 inter homines usu (qualia in Antiquo-
 rum scriptis haud pauca hodieque re-
 perire est) magnificè vulgò jaçtaban-
 tur, ea convelleret & elevaret omnia.

Hoc ipse clarè satis agnoscit tum Ca-
 pite XIII. ubi post iniquiora quædam
 contra verba, non ex ipsorum natura
 aut culpa verborum, sed audientium
 vitio, allegata; ipse se reprimit his
 verbis: *Sed hæc omittamus, ne calum-
 niam verbis de audiendi negligentia, vel
 etiam de surditate hominum videamur
 commovere;* tum verò Cap. XIV. aper-
 tius; ubi suscepti operis invidiam de-
 precatum his verbis: *Sed de tota utili-
 tate verborum, quæ si benè consideratur,
 non parva est, alias, si Deus siverit,
 requiremus. Nunc autem ne plus eis
 quàm oportet tribueremus, &c.* quæ
 quorsum, quæso, nisi contra verba
 hoc quicquid operis ab illo susceptum
 esset? Cùm autem inter præcipua, qui-
 bus hominem benignus Conditor orna-
 vit & instruxit, non postremum lo-
 cum (ut & Ethnici plures agnove-
 runt) sibi sermo vindicet; nihil mi-
 nus Augustinum, virum sanctum &
 pium, quàm obrectare Dei dona vo-
 luisse, certissimum est, sed an tam cau-
 to consilio, quàm pio animo sit ea
 scriptio instituta, non æquè facilè dixe-
 rim. Certè, eo maximè tempore, ut
 & superioribus aliquot sæculis, homi-
 num genus latè per orbem pervasisse,
 qui inani verborum scientiâ tumentes,
 alios quoscunque despicerent, & nudæ
 veritatis simplicitati proterviùs illude-
 rent; ex multis, qui per ea tempora
 scripsere, licet colligere: de quibus
 Aulum Gellium, Latinum; & Sextum
 Empiricum, Græcum Scriptorem, no-
 minasse sufficiat. Et apud illum qui-
 dem, crebræ ac festivæ de Grammati-
 cis narrationes, ut in nullo argumento
 festivior aut acrior Gellius: ex quo
 præterea & illud discamus, familiarem
Magistri compellationem, aut in fa-
 miliari potius compellatione solennem
Magistri titulum, si non Grammaticis
 unis proprium, iisdem tamen præci-
 puâ quâdam ratione comperiisse, & ab
 iis admissum libentissimè. Sexti autem
 Empirici verba, quia non adeò notus
 Auctor, (quanquam dignus qui no-
 cturnâ diurnæque manu ab antiquæ li-
 teraturæ studiosis versetur) & ad rem,
 quam volumus, appositissima, hic ap-
 ponemus. Ait igitur ille: *Διὰ πολλὰ
 μὲν καὶ ἀλλὰ δικάσιον ἐστὶ μὲν πικρὸς ἔχον*

*ζῶν τὴν γραμματικὴν τεχνολογίαν· μάλιστα
 δὲ ἀπάντων διὰ τὸ ἐπ' αὐτῇ κομᾶν καὶ μέγα
 φρονεῖν τὰς γραμματικὰς· αἱ δὲ τῶν καὶ τὰ
 λοιπὰ κοσμεύον μαθήματα κατέχευον,*
 &c. Propter multa quidem alia est di-
 ligenter examinandum Grammaticæ ar-
 tificium; maxime autem, quod de eo
 sibi placeant & se magnificè jaçtent
 Grammatici; eos autem semper insectan-
 tur, qui sunt aliis ornati disciplinis,
 &c. Quod igitur antea Platoni in
 Cratylo (de quo Dialogo quàm longè
 alia censeamus, quàm vulgò solent ple-
 rique, alibi dicturi sumus) proposi-
 tum, id & Augustino, ni fallor, hic,
 ut illi hominum generi occurreret, &
 insultandi gloriandique materiam de-
 traheret.

Hunc Augustini librum lecturo mul-
 tum proderit Epilogum sive ἀνακεφα-
 λαῖον antedictorum, quæ in Caput
 septimum ab ipso congesta est, diligen-
 ter expendere: quæ tamen & ipsa, quia
 paulo confusior & obscurior est, præ-
 stiterit fortasse ab istis, quæ Cap. 10.
 occurrunt: *Quanto tandem circuitu res
 tantilla peracta sit,* &c. ubi paucis ver-
 bis summam scopumque libri comple-
 ctitur, incipere. Nobis sufficiat tan-
 tum hic de eo dixisse. Si quid enim
 minùs cautum, aut censoriâ virgulâ
 dignum, id tanti viri sanctitati pioque
 proposito condonari æquum est. Erit
 etiam in altera, *De Ortu & natura
 Sermonis*, Diatriba, huic argumento,
 qui tractatur illic ab Augustino, locus
 opportunior.

His quæ nobis ob stare præcipuè, aut
 ab aliis objici posse videbantur, ita de-
 libatis ac depulsis; nostra de verbis
 hæc est sententia: Accuratam verbo-
 rum cognitionem non Philologis solum
 & humaniores literas professis esse ne-
 cessariam; sed in omnibus & singulis
 scientiis artibusque percipiendis adeò
 locum habere, ut in singulis ex illorum
 ignorantia gravissimi interdum & per-
 niciosissimi oriantur errores: in vita
 verò (quod præcipuum) communi re-
 busque civilibus & politicis tanti esse
 momenti, ut maximarum in utram-
 que partem momenta rerum ex illorum
 pravo rectove pendeant usu & intel-
 lectu.

Priusquam autem ad particulares
 scientias accedimus, aliquid prius,
 quod ad omnes æquè scientias perti-
 neat, præmittemus.

Quis ex omnibus ubivis gentium Eth-
 nicis proprii fœtus ingenii, qui alteri
 sæculo prodescent, chartæ, quasi ter-
 ræ, *Διὰ καλὰς, ἐν ὕδατι μέλαν* (ut ali-
 cubi Plato loquitur) primus mandave-
 rit, sive ille Anaxagoras, sive Phere-
 cydes,

cydes, (nam de Pisistrato qui affirmant ex Aulo Gellio, malè mentem illius ceperunt) sive quis alius, non est huius loci querere. Ubi primùm cœpit literarum usus, ibi libros (libros, inquam, *συγγράμματα*, solutâ scilicet oratione scripta; nam poëmatum alia ratio) scribi cœpisse, rationi maximè consentaneum videtur ut credamus. Literas autem quis Græcos primus docuerit, apud omnes in confesso est. At *litteras Assyrias semper fuisse*, non vanis adductus conjecturis etiam Plinius in *Naturali sua Historia* auctor est; quod Iosephus in libris contra *Appionem* pluribus adstruit & prosequitur. Sed quicumque primus (non enim id nunc agimus) statuatur; quod ab antiquis non Philosophis tantum, sed & Historicis aliisque passim inculcatur, *ἅτις ἀνθρωπίνων ἀρχὴν ἐκάστω ἀπάτη καὶ φανατισμὸς ὡς ἀπέπηγα*, unicuique humanorum bonorum fraudem ac fallaciam in propinquo esse positam; adeo universim verum, ut hic quoque locum habuerit. Non enim prius existeret, qui de posteris benè mereri scribendo conati sunt, quàm statim exorti sunt, tum qui ab aliis scripta incrustare & pro suo arbitrio interpolare auderent; tum verò qui à se conficta, captatâ vel Antiquitatis, vel magni alicujus nominis autoritate, aliis inscriberent: quâ fingendi & refingendi licentiâ quantum labis in humanum genus redundarit, vix quicquam cogitando, nisi qui sit in hoc eruditionis genere benè versatus, assequatur. Queritur vir gravissimus, idemque Philosophus inter paucos sapientissimus, in sua *Republica* Plato, fuisse suo tempore genus hominum, (Agyrtas, infami nullo non sæculo nomine, vocat ipse) qui non privatas opulentorum domos tantum, sed & urbes, hominum frequentia celebres, errando obirent, librorum *ὀμαδὸν* (*fascies* alicubi Gellius interpretatur) circumferentes, qui celeberrima Musæi & Orphei (*Σελήνης καὶ Μουσῶν ἐκρήνων*) nomina præferebant. Ingens ad legendum illecebra, tam splendida nomina: sed plerisque (*τῇ γὰρ κατὰ μετρεῖσι καὶ τοῖς αἰσχίσις τὴν ἰουδαιμονίαν*) longè major, librorum argumentum. Eò enim spectabant illi libri, ut si quis propudiosæ vitæ sibi conscius, aut aliquo alio qualicunque scelere se impiasset, ultoresque Deos vel vivens, vel certè post mortem perhorresceret, certarum (& quidem, si fides impostoribus, certissimarum) expiationum formulas docerent, quibus offensa Numina placarentur. Artem scilicet (quâ nulla hominum vulgo ars acceptior) impunè pec-

candi tradebant. Nè longum faciam; ut nulla tempora supposititiorum id genus scriptorum feraciora fuisse, quàm quæ ortum Evangelii proximè consecuta sunt, vel celebris illa Gelasii Papæ proscriptio (si fas ita loqui) fidem faciat; ita nulla unquam tempora meliùs doceant quàm perniciofa sit ista licentia, si quis hæreses haud paucas indenatas, offensiones infidelium, dissidia, contentiones, superstitiones, & cætera mala cogitet, quæ ab hoc (non uno quidem, fateor; sed & hoc, inter alios, haud obscuro) fonte promanasse certum est. Hæc autem quorsum? Adulterinos & supposititios utique dignoscendi libros ratio non una: sed istâ (modò qui verè doctus & pari iudicio præditus rem aggrediatur) nulla certior, cùm non stylus in genere tantum, sed verba & voces expenduntur singulæ, quàm tali Scriptori, (si alia ejus opera non suspecta extent) quàm sæculo & loco, quæ titulus profitetur, conveniant. Sunt enim non hominum tantum, sed temporum locorumque certi quidam idiotismi; sunt verba propria; quæ, qui in legendis Veteribus diligenter observavit, non facili sibi imponi patietur: ut exempli causâ verbum *ens*, *essentia*, *reatus*, *munerarius*, & id genus haud pauca, qui primi usurparint, notatum Quintiliano aliisque. Multâ quidem cautione contra impostorum in imitando solertiam, multâ circumspectione opus esse non diffiteor; nec facili illis Veteribus assentior, qui ex uno aliquo (ut olim nescio quis apud Aulum Gellium de Plautinis fabulis; & Galenus alicubi de libro Hippocrati adscripto) verbo, de integro libro pronuntiarî certò posse censent. Non eruditione tantum, quòd modò dicebamus; sed & iudicio planè singulari opus est. His instructus qui ad iudicandum accesserit, vix dici potest quantum in verbis ad verum tuendum præsidii inventurus sit. Hac præcipuâ ratione, & his potissimum præsidiiis instructus beatæ memoriæ Parens, Isaacus Casaubonus, spurium illum *Mercurium Trismegistum*, qui per tot sæcula orbi illudit, & multorum ingenia futilissimis speculationibus occupavit, nonnullorum etiam depravit; larvam detraxit, & impostorem certissimis indiciis deprehensum, omnibus, quibus ad claram lucem oculos claudere fixum non est, videndum exposuit.

Hæc de verbis in genere. Ad præcipuas, aut quarum saltem præcipuus nunc est usus, scientias accedamus; summa rerum, quæ nostrâ cum primis animad-

animadversione dignæ mihi visæ sunt, capita delibaturi: plenior earum tractatio iusto, si fortè, operi reservabitur; aut aliis certè, ab otio & ingenio paratioribus relinquetur.

* Galenus
De Usu
Part. lib.
ult.
† Arist. De
Partib.
Animal.
lib. 1.
cap. 5.

A THEOLOGIA (quam Galenus*, Aristotelem † secutus, πολύ μᾶλλον ἢ πρῶτον πρᾶγμα, omni humanâ re aut scientiâ, dignitate & sublimitate longè potior, meritò seiscit) feliciter auspicabimur. Theologiam autem cùm dicimus, veram intelligimus & solidam, id est, Christianam. Ethnicam enim quod attinet ad Theologiam, sive Mythologiam potius, (quæ tamen eruditionis philologicæ pars jucundissima, sed & utilissima) si id nunc ageremus, nihil factu facilius, quàm totam illam, aut certè maximam illius partem, ex verbis aut non intellectis, aut callidè obtrusis repetere. Observatum non uni, sed uni præ cæteris undiquaque doctissimo & in hoc argumento accuratissimo, D. Seldeno, in laudatissimo *De Diis Syris* Opere; vetera pleraque Gentilium Numina (quorum tamen in cultu, bone Deus! quàm seria, quàm fervida generis humani pars multò maxima!) mera fuisse nomina; ex nominibus, inquam, & verbis, errore aut superstitione colentium, facta Numina. Quod etiam pertinet, quod Dio Chrysostomus, aut apud eum Diogenes, de Dæmonibus & Geniis per rhetoricam συμμαποιῶν effectis, postea pro veris Numinibus cultis & adoratis. Par & Stoicorum, & ex simili origine stupor, qui virtutes animalia credidere. Nec excusandus, vir alioquin sapientissimus, celeberrimus ille Maimonides, qui in *Doctore perplexorum*, ex illis verbis Davidis, *Cæli enarrant gloriam Dei*, &c. *Non est sermo, neque verba ipsis*, &c. Aristotelis de cælis animatis opinionem confirmare nititur.

‡ Aretius
Felinus,
alias, Mar-
tinus Bu-
cerus, Vir
doctissi-
mus, in
Psalm. 1.
vers. 6.
Sui simile
verum est
à quocun-
que dica-
tur; &
laetè sape
sententia
eandem sub
verbis in
speciem di-
versis. Usu
comptum
habeo præ-
cipuas tam
apud pris-
cos, quàm
recentes
diffusiones
tantum in
verbis, non
in re sitas;
quibus ta-
men in-
rim cælium
terra, &
terra cælo
miseretur.
Edit. Ar-
gentor.
anno Do-
mini
1532.

Sed his omisiss, nostræ Theologiæ pars jam olim hodieque non pœnitenda, (non minima, volui dicere) rixæ & contentiones. Harum autem, si quis positis affectibus res ipsas attentè consideret, pars haud exigua quid aliud quàm λογαρχία? Sentit idem Aristoteles, quod Xenocrates, quod Aristoteles; loquitur alio modo. Ex hac autem non rerum, sed verborum discordia controversia nata est ‡, &c. Ita olim Cicero de quibusdam sui temporis controversiis, quæ magnâ contententium utrinque animositate agitabantur. Nec multò aliter Seneca: *Primum depositâ contentione, depositoque odio, quod implacabile diversa sequentibus indiximus, videamus an hæc omnia ad idem sub alio titulo perveniant. Quod igitur olim Plato: Verba, res se-*

vis, sed ex levi initio non leves inimicitiae; (πρῶτον μὲν ἐκ λεγόντων, καὶ οὐκ ἐκ πράματων, ἔργων καὶ μίσητι καὶ ἐχθρᾷ βαρύνονται) quis non hic agnoscit usu venisse?

Scholastica quæ vocatur Theologia, Grammaticis, ut in verbis occupatis plerumque infestissima, si quis eam propius inspiciat, quàm tota sæpe sit in verbis, nisi qui longâ consuetudine penitus occalluit, agnoscat. Extant in eam rem non nostrorum tantum, sed & illorum, qui in causa Religionis alia sentiunt, querelæ satis libere, & notæ, ut verbo rem retigisse sufficiat.

Ad ipsos sinceræ omnis Theologiæ fontes nunc veniamus, πρὸς θεογονίας γραφάς. Quot verba, ajunt, tot mysteria. Ita passim Veteres: inter alios eleganter Chrysostomus: Καθ' ἑπὶ τῆ διδασκαλίας ἡμετέρας ἐάν μικρόν τι ψῆμα λαβῶν τις διηκείη, πολὺν ἑαυτῷ τὸ πλεον ἐργασίαν ἔσται καὶ ἐπὶ τῆς θείας γραφῆς καὶ ἐν βραχείᾳ λίξη πολλὴν ἐστὶν ὄρεσιν τῶν νοημάτων τὴν δύναμιν καὶ ἀφ᾽ ἑαυτῶν τὸ πλεον. Hoc quidem verissimum agnoscimus nos, & ultrâ addimus, utcumque in eruendis his mysteriorum thesauris, tot hominum, imò tot ætatum defudaverit industria; infinita tamen adhuc superesse, quæ doctissimorum exerceant ingenia, & vel avidissimæ vetera fastidientium cupiditati possint abundè satisfacere. Sed, pro dolor! dum verborum ignari, aut certè incuriosi, ostentando ingenio, aut proposito suo inservientes, in singulis Sacræ Scripturæ verbis quærunt mysteria; quàm sæpe accidit, ut doctrina cœlestis in metam vertatur μεταβολήν & λεπτολογίαν; & res sacræ, tractantium imperitiâ, peritiorum (nī pietas contineat) ludibrio exponantur; aut ipsi certè vel modetissimis, sive lectoribus, sive auditoribus, ludibrium debeant? Non novum hoc, fateor, malum; sed nunc tamen eò magis pudendum, quò nobis ad verborum cognitionem longè majora in mundo præsidia, quàm Veteribus. Sed vereor ne hic quoque in loco minus jucundo verfer.

Jam si quis Hæreticis contrâ ire voluerit, quàm necessaria sit accurata verborum cognitio, vel unus Socinus exemplo sit; adeò subtilis verborum rimator, ut frustra sit futurus quisquis ex ejus laqueis expedire se, aut alios irritos liberare voluerit, nisi pari subtilitate instructus in arenam descenderit. Agnoscent hoc qui scripta ab illo vel per transennam inspexerunt. De verbis ὁμιᾶσι, ὁμιᾶσι; de natura, substantia, subsistentia, & similibus, quàm turbatum olim in Ecclesia, quantoque populorum metu, (gravissima quidem in re,

re, sed interdum tamen non adeò gravi de causâ, cùm neque qui eadem sentirent, eadem semper loquerentur; neque qui in verbis conveniebant, in re semper consentirent) testes illorum temporum Scriptores, & ex illis recentiores, qui Res tractarunt Ecclesiasticas.

Sed præstiterit fortasse uno aliquo de multis insigniori exemplo, quàm necessaria sit accurata verborum cognitio ad Sacræ Scripturæ explicationem, confirmare.

Ad Phil.
cap. 11.
vers. 6, 7.
etc.

Sancti Pauli, ad Philippenfes scribentis hæc de salutis authore Christo, verba sunt: Τὸτο γὰρ φρονέω ἐν ὑμῖν ὃ καὶ ἐν Χριστῷ Ἰησοῦ. Ὁς ἐν μορφῇ Θεοῦ ὑπάρχων, ἔχ' ἀρπαγμὸν ἡγήσατο τὸ ἓναί ἴσα Θεῷ. Ἀλλ' ἐαυτὸν ἐκένωσεν, μορφὴν δούλου λαβὼν ἐν ὁμοίματι ἀνθρώπων γενόμενος. Vulgatus Interpres ita vertit: *Hoc enim sentite in vobis, quod & in Christo Jesu, qui cum in forma Dei esset, non rapinam arbitratus est, esse se æqualem Deo; sed semetipsum exinanivit, formam servi accipiens, in similitudinem hominum factus.* Recentiores autem aliquantò clarius, sed in eandem sententiam: *Itaque is sit affectus in vobis, qui fuit in Christo Jesu: Qui cum esset in forma Dei, non duxit rapinam parem esse cum Deo: Sed ipse se exinanivit, formam servi assumptam, similis hominibus factus.*

Ex obscurissimis Sacræ Scripturæ locis hic meritò locus censeatur; quod qui ex ipso verborum contextu (linguæ fortasse Græcæ ignari) minus, certè ex diversis Interpretum commentationibus facilè intelligant. Vix alius in disceptationibus cum Photinianis, imò & Lutheranis, nobilior, aut magis decantatus locus. Longum esset omnia colligere; & cuius in promptu libri. Becmannus nuper, vir doctus, in Theologicis Exercitationibus haud pauca congeffit. Receptissima vulgo est illorum sententia, qui verba ista, in quibus maxima difficultas, ἀρπαγμὸν ἔχ' ἡγήσατο, in hunc exponunt sensum: *Christus, cum esset in æterna illa (Bezæ sunt verba) Deitatis gloria constitutus, non ignoravit se in ea re (id est, quòd Deo Patri coequalis esset) nullam injuriam cuiquam facere; sed suo jure uti: nihilo minus tamen quasi suo jure cessit, cùm ipse se velut in nihilum redigeret, formam servi acceptam, &c.* Optima certè, si per se spectetur, sententia, & veritati tam consona, quàm quæ maximè: sed quæ syntaxi verborum parum congruat, ne dicam, planè repugnet; ut alia omitram contra hanc interpretationem, quæ apud Erasmus, magni judicii virum, legant, quibus animus & otium. Nec sanè Ve-

teres, Græci præcipuè, eò redacti fuissent, ut tam mira comminiscerentur in hunc locum, si verba ipsa, verborumque contextus hanc interpretationem ferrent. Qualis hæc Chrysostomi interpretatio: * τί ἦν, οὐχ ἀρπαγμὸν ἡγήσατο, &c. ὁ ἀρπάσας πρὸς μὴ προσεκκινῶν, κατὰ τὸ διηγεῖσθαι, καὶ δοθέντος αὐτῷ ἐλοῖο, δίδου καὶ, καὶ παρὲν αὐτῷ ἔχων. Ἐπεὶ τῆς κτήσεως. ὁ δὲ ἀναφαίρετος ἔχων ἀγαθόν, καὶ ἀποκρύπτει τὸτο, καὶ δίδου. Omitto cætera, quæ ab illo tum hic, tum Commentariis in Epistolas benè multa afferuntur, quibus hanc confirmet expositionem.

Alii igitur ut contextui melius confulerent, hanc interpretationem commenti sunt: *Non rapuit equalitatem Dei, id est, non est usus suâ potentia contra vocationem; non exercuit suas vires; sed semet ipsum humiliavit, & exinanivit, formam servi accipiens, &c.* Ut τὸ ἀρπαγμὸν ἔχ' ἡγήσατο perinde sit ac si dixisset Apostolus, ἔχ' ἡπάσατο ut in Epistola ad Hebræos, καὶ τὸν ἡγούμενον, pro κοινώσας, vel κοινωσάμενον. Et hanc quidem interpretationem verbis ipsis, si cohærentia cum sequentibus spectetur, aptiorem, quàm priorem, nemo linguæ Græcæ peritus inficias iuerit. Sed interim quo dici possit exemplo *rapere*, qui quod suum est sibi sumit, in dubium si quis revocet, quid responderi possit, ego non video. Non nova est hæc interpretatio, jam olim notata à Chrysostomo, & ab ipso explosa. Dices de Christo, ut Deo, non ista voluisse Paulum. Hoc equidem velint Arriani, & magno mercentur quicunque ab illis, ut sibi concederetur. Agnoscit Erasmus his verbis Apostoli, ut præcipuam quidam clavā, Veteres contra Arrianos pugnasse. Quam tamen ipse repudiat, ne vim Sacræ Scripturæ, quanquam in bona causâ, inferre cogatur.

Quid igitur nos? Hoc utique: duarum istarum vocularum ἀρπαγμὸς & ἡγίασθαι non satis animadversam vim, tantas huic loco tenebras offudisse. Ἀρπαγμὸς vel ἀρπαγή (nam eadem esse nemo dubitat) haud rarò Græcis pro *præda* aut *spoliis*, quæ partā victoriā aut expugnatā urbe victoribus cedunt. Vel unicus Polybii locus id abundè doceat. Polybius igitur Historiæ suæ libro x. ubi de direpta Carthagine, & eā occasione de more tractat (in quo exponendo multus est) in dividendis spoliis à Romanis observari solito, tribus diversis ad unam eandemque rem, prædam scilicet, exprimendam verbis utitur. Verba illa, ωφέλεια, ἀρπαγή, λάφυρον. Exempli causâ, cùm paulò antè dixisset, μηδὲ πρὸς

τῆς ὀφελείας ὄρμαιν, &c. paucis post lineis idem extulit, ὄρμαιναι δὲ πρὸς τῆς ἀρπαγῆς, &c. Spoliorum autem vel prædæ commemoratione insolitam quamvis exultationem παροιμιαικῶς ab Hebræis exprimi solitam, non pauca Veteris Testamenti loca, quæ dubitanti fidem faciant.

Isaïæ cap. Ix. vers. 3. *Letabuntur coram te, sicut qui letantur in messe; sicut exultant (victores scilicet) quando dividunt spolia.*

Ejusdem, cap. LIII. vers. 12. *Idcirco partem dabo ei pro multis, (vel ut alii melius, dabo ei partem eximiam) ut cum robustis partiatur prædam, (quod alii, ubi inter præliatores spolia dividuntur) pro eo quod profundit in mortem seipsum, &c.*

Psalmo cxi. vers. 162. *Letabor ego super eloquia tua, sicut qui invenit spolia multa.* Prov. cap. xvi. vers. 19. *Melius est humiliari cum mitibus, quam dividere spolia cum superbis.*

Huc etiam faciunt haud dubiè & ista, etsi longè aliter à multis exposita, Psalm. 76. vers. 4. נָאוֹר אֹהֶל אֲדִיר כְּהָרִי הָרָר. *Illustris tu, magnificus, præ montibus prædæ.* Quod optimè Vulgara nostra Anglicana: *Thou art more glorious and excellent than the mountains of prey.*

Eodem quoque Jerem. cap. xlv. vers. 5. & multis aliis locis לָשֶׁל נָפֶשׁ pertinere quis dubitet? Ait ibi Prophetæ, aut per Prophetam Deus potius, וְנָתַתִּי לְךָ אֶת נַפְשְׁךָ לָשֶׁל: *Dabo tibi animam tuam pro spolio in omnibus locis, quò abiturus es.* Quorum verborum summa est elegantia, & emphasis mira. Intercedente enim apud Deum pro Barachia suo Prophetâ Jeremiâ, (quid autem sibi de tam gratioso apud omnipotentem Dominum paratio non promitteret ille?) respondet Deus, quanquam temporis universum (ex irrevocabili jam sententia) tristissimi ratio non ferat, ut alia Barachia concedat; se tamen vitam illi propriam largiturum, quæ in tantis periculis, in tanta perditionum ac pereuntium undique multitudine, in non minorem cessura sit ipsi lætitiâ & exultationem, quàm si de victis hostibus spolia ampla reportasset. Græci Interpretes elegantissimè, ἡς ὄρμαιν. Ita enim non Xenophon tantum, sed Thucydides & alii nonnulli τὸ ὄρμαιναι usurpant, pro eo quod magis vulgare, τὸ ἐρμαίνειν, aliis.

Ad vocem autem ἡγούμεναι quod attinet; ut Apostolus hic, τὸ ἀπαγαγεῖν ἡγούμεναι, planè similiter & Cicero suum illud, ostentationem putare; ut cum dicit: ** Quotus enim quisque Philosophorum invenitur, qui sit ita moratus, ita animo ac*

vita constitutus, ut ratio postulat; qui disciplinam suam non ostentationem scientiæ, sed legem vitæ putet; qui obtemperet ipse sibi, & decretis suis pareat? Verbi autem ἡγούμεναι cum diversis aliis substantivis eâ notione conjuncti, varia passim apud varios exempla. Dionysius Halicarnasseus, Antiquitatum Romanarum libro III. ubi de Romuli morte disserit, variisque pro cujusque affectu super ea opinionibus: οἱ δὲ χρηματισμένῳ (inquit) ἡγούμεναι τὸ πάλαιον, καὶ μεγάλων δόσεων νομιζόντες ὀφελῆσαι, εἰς ἐπιβολὴν καὶ φθόρον ἀνθρώπων τὸ ἔργον μετέφερον, &c. Vertit Interpres: *Alii, qui quæstus gratiâ geri bella judicabant, seque magnis privari commodis existimabant, humanis dolis & invidiæ imputabant totum negotium, &c.* Simplicius erat cum Cicerone dicere: *Qui verò bellum quæstum putabant, & se magnis commodis (ὀφελειῶν, ex prædatione scilicet & spoliis, ut modò in Polybii loco vidimus) privari reputabant.*

Idem schema loquendi, quamvis non idem verbum, I. Tim. cap. I. vers. 6. Παραδιδόναι διδασκαλίων ἀνθρώπων νομιζόντων πορισμένῳ εἶναι τὴν δόξαν. ubi contra proprietatem Græci sermonis ita vertunt quidam, ut τὴν δόξαν, quod subjectum est, (ut cum Dialecticis loquamur) ipsi prædicatum faciant. Non ovum ovo similis, quàm est ista phrasis Paulina Dionysianæ phrasi, articuli in utroque idem situs, eadem vis. Sunt autem, qui τὸ ποιῆσαι, pro ἡγούμεναι eodem sensu usurpent. Ita Gregorius Nyssenus contra Eunomium libro primo: οἱ τὸ πρὸς δὲν ἀφαιρῶν τὴν τῶ δόγματι πρὸς αἰσῶν ποιησάντων. Vertit Gretserus: *Qui doctrinæ suæ professionem pro quæstu habuit.*

Porro quod Cicero, ut modò videbamus, enunciavit, *qui disciplinam suam non ostentationem scientiæ, sed legem vitæ putet, &c.* id Cornelius Nepos in Vita Attici sic expressit: *Nam & principum Philosophorum ita percepta habuerat præcepta, ut his ad vitam agendam, non ad ostentationem uteretur.*

Hoc igitur dicit Apostolus: Christum hominem verum, cum verus esset idem Deus, non eum tamen affectibus humanis indulsisse, ut Divinitatem, vel Deitatem suam spoliū, (id est, ostentationis & exultationis materiam) putaret; vel, ut cum Cornelio Nepote loquamur; Christum hominem, cum in terris ageret, non duxisse sibi faciendum, ut Numine suo ad ostentationem uteretur; sed contrâ, exinanitionis statum prætulisse, &c. Maluit autem fortasse Apostolus τὸ εἶναι ἰσά θεῷ, quàm τὸ οἷς εἶναι dicere, quia in illis verbis ma-

* Cicero lib. II. Tuscul. haud procul ab initio.

ior quædam videtur ostentationis esse significatio.

Non puto cuiquam scrupulum jam superesse ullum de vero & germano sensu horum verborum; cum præterea liceat observare, ipsum verborum contextum & tenorem tantum per se potuisse, ut hanc interpretationem quibusdam vel invitis, ut ita dicam; nullis alioqui certè, quibus eam tuerentur aut Lectori probarent argumentis suffultis, extorqueret. Cornelius à Lapide, Vir doctissimus & diligentissimus, post commemoratas priores interpretationes, quas tres ille (ego duas tantum, quæ aliquid differunt, animadverto) numero constituit; hæc addit:

„Nota. Rapina hæc, est arrogantia, vel arrogantia effectus. Rapere enim, alterius gloriam, est eam sibi arrogare. Ita Augustinus ubi supra. Secundo, ut Chrysostomus & Vatablus, per metalepsin rapere significat rem aliquam perinde ac si rapta esset, studiòse & contentiosè retinere: quasi diceret, Christus non rapuit, non ambivit, ut Lucifer, Isaia cap. xiv. vers. 13. æqualitatem Dei; nec ut raptores solent, raptum (dum malè sibi consciî metuunt ne illud amittant) studiosè servavit, & ambitiosè defendit, sed potius spontè, quasi legitimus dominus deposuit, id est, celavit, seque exinanivit, &c. Hoc enim exigit particula adversativa, *sed*, quæ sequitur cum ait, *sed semetipsum exinanivit*. Alioquin non tam adversativa erit, quàm explicativa, capieturque improprie, *sed*, pro, *verumtamen*. Hactenus ille.

Joannes Camero ὁ μακαρίτης, Vir eruditissimus, & in solvendis πῶς ἀπίποις Sacra Scripturæ, & obscuris elucidandis plerunque solertissimus & acutissimus, hoc ipsum quod nos hic, dudum vidit, & clarissimè expressit, his verbis:

„Vers. 6. οὐχ' ἀρπαγὴν ἤρσατο, &c. Phrasis est sumpta ab eo, quod tum fieri solebat: Victores nempe hostium spolia detracta atque crepta in trophæum erigebant. Itaque optimè ista sic Gallicè vertas: *Il ne fit point de triumphe (ou, trophée) de ce qu'il étoit égal à Dieu*; hoc est, non jactavit, non visus est gloriari & inolescere. Hortatur nempe fideles Apostolus ad humilitatem, argumento ab exemplo Christi ducto, qui cum Deus esset, non ut Deum sese gessit, non id palam patefecit, ab ostentatione & gloria alienus; sed servi formam assumpsit.

Non igitur nova est hæc interpretatio, nec eam mihi vindico; quanquam

qui idoneis aut ullis omnino argumentis eam fulciret & adstrueret, hactenus, quod sciam, nemo fuerit.

Ad Syriacam horum verborum versionem quod attinet, ut planè non auisim præstare verba Apostoli, ut à nobis exposita sunt, ab illo Interprete accepta esse; ita nihil video, cur ita rem habere verisimile non sit. Verba enim ἤρσατο & ἤρσατο, quibus ille utitur, in hanc sententiam non incommoda; quorum, posterioris præcipuè, in Sacra Scriptura exempla quærentibus erunt obvia. Cæterum Syriaca hæc, quæ vertens Tremellius, Vir alioqui doctissimus, ad receptam, (more nimis recepto) vulgo sententiam detorserat; Junius in Notis verius & simplicius expressit: *Non fuit rapinam æstimans illud, quòd esset æqualis Deo; sed animam suam exinanivit, &c.*

DUDUM est, cum hæc scripta, & Typographo tradita. Interim dum ego domo absum, & ille reditum meum, quò emendatiora prodirent, quæ tradita fuerunt, expectat; quod alicubi Poëta,

Differ; habent parvæ commoda magna moræ;

id hic usu mihi (Lectori quoque non incommodè fortasse) venisse spero. Ita enim certè contigit, ut interim Viri summi, Hugonis Grotii, *Annotatum in Novum Testamentum Tomus II.* insperatò se mihi conspiciendum potiendumque præberet. Quanquam erant alia passim, ut in Opere tam eximio, quæ oculos meos volventis allicerent, ad hunc tamen Apostoli ad *Philippenses* locum, qui, ut insignis præter alios & maximi momenti locus, menti meæ præcipuè tum obversabatur, quàm potui, properavi. Quod ipso vivente præ me tuli semper, id jam de vita functo profiteri palam non pigebit, eum esse me, qui scripta Grotii peculiari quædam, ob admirationem judicii & ingenii, (quæ summa in illo, si quid ego judico; præter inassectatam purissimi styli simplicitatem, fuerunt) veneratione prosecutus sum. Nutationes ejus & fluctuationes in Religionis negotio non excuso: quanquam illum alioquin de re & Veritate Christiana adeò benè meritum censeam, ut si quid illi secus acciderit aut exciderit, id commodà potius, quoad ejus fieri possit, interpretatione leniri debeat ab iis, quibus pietas cordi est, quàm summi rigore juris exaggerari. Cæterum, nullius unquam (qui non afflatus coelitus) mortalis hominis authoritas apud me tanti; nullius admiratio tantum potuit, ut ab illo dis-

sen-

sentire, si probabilis ratio suaderet, religioni esset. Lectis igitur, quæ Vir summus & incomparabilis in hunc locum scripsit, cum graves in re gravissima dissentendi causas habere me persuasum haberem, eas hic pro debito promovendæ tuendæque Veritatis studio, exponere, & æquo Lectori perpendendas proponere visum est.

Non jam de sensu verborum illorum, ἀπαγγεῖν ἡγήσασθαι, (de quibus hætenus) agemus tantum, quæ non multò aliter, (quanquam aliis innixus fundamentis) interpretatur & ipse Grotius, quàm ut nos debuissè contendimus, sed de scopo totaque integræ illius pericopæ sententia, quâ de Christi ex alto fastigio ad postremam ferè humilitatem *Exinanitione* tractat Apostolus.

Primò igitur, quò Lectori sit facilius judicium, sed eo præcipuè, ne fortè aliquam summo Viro in sententia ejus exponenda vel imprudentes injuriam faciamus, integra ipsius verba hic apponemus, postea verò, quæ nos illis opponenda judicavimus.

Hugo Grotius Annotat. in Novum Testamentum, Tom. II. pag. 606. &c.

Philipp. 11.
vers. 6.
&c.

Ὁς ἐν μορφῇ Θεοῦ ὑπάρχων.] *Μορφῇ* in nostris libris non significat internum & occultum aliquid; sed id quod in oculos incurrit, qualis erat eximia in Christo potestas sanandi morbos omnes, ejiciendi dæmonas, excitandi mortuos, mutandi rerum naturas: quæ verè divina sunt, ita ut Moses, qui tam magna non fecit, dictus ob id fuerit Deus Pharaonis. Vocem *μορφῆς*, quo dixi sensu habes Marci xvi. vers. 12. Esaiæ xlii. vers. 13. ubi in Hebræo מִצְבֹּר, Dan. iv. vers. 33. cap. v. vers. 6. 10. vi. vers. 28. ubi in Chaldæo ܡܝܢ. Job. iv. vers. 16. ubi in Hebræo תְּכֵינָה.

Ὁὐχ ἀπαγγεῖν ἡγήσατο πῶς εἶναι ἴσα Θεῷ.]

Ἀπαγγεῖν ἡγήσασθαι, est locutio Syriaca.

In Liturgia Syriaca Joannes Baptista Christo baptismum ab ipso expetenti dicit, לֹא אֶלְכָּךְ נִלְחָא, *non assumam rapinam*. Solent qui aliquid virtute bellica peperere, id omnibus ostentare, ut Romani in triumpho facere solebant. Non multò aliter Plutarchus in Timoleonte, οὐχ ἀπαγγεῖν ἡγήσατο. Sensus est: non venditavit Christus, non jactavit istam potestatem: quin sæpe etiam imperavit, ne quod fecerat, vulgaretur. *ἴσα* hic est adverbium. Sic Odyss. ο, τὸν νῦν ἴσα Θεῷ ἰθακήστου ἀπαίρω. ἴσῃς φησὶν dixit Scriptor lib. 11. Maccab.

ix. vers. 12. εἶναι ἴσα Θεῷ est spectari tanquam Deum. Vide hujus loci usum egregium Eusebii v. vers. 2.

Ἀλλὰ ἑαυτὸν ἐκένωσε.] קָרַךְ. Planè idem sensus, qui 2. Cor. vii. vers. 9. ὅτι δι' ἡμᾶς ἐπέχθης πλείστον ὦν. *Nam inopes dicuntur κενοί*, Gen. xxxi. vers. 42. Luc. i. vers. 53. Jud. xi. vers. 3 ubi in Hebræo est, קָרַךְ אֲנָשִׁים: Græco, ἀνδρες κενοί: Latinus vertit, *viri inopes*. Itaque ἑαυτὸν ἐκένωσε est, *libenter auxit vitam inopem*: Matth. vii. vers. 20.

μορφὴν δόξης λαβὼν.] Similis factus est servus, qui nihil proprium possident. Hic ponenda διαστολή. Incepit enim jam ἀντίθετον aliud.

ἐν ὁμοιότητι ἀνθρώπων γινόμενος.] Cum similis esset hominibus, illis nempe primis, id est, peccati expers, 2. Cor. v. vers. 21.

καὶ ὁμοιότητι ἀνθρώπων ὡς ἀνθρώπου.] Σχῆμα hic est ἀξίωμα, dignitas conspicua, ut apud Græcos sæpe, quam vocem hic servavit Syrus, & ἀνθρώπος est נִצָּן *conspectus est*, ὡς ἀνθρώπου, אָדָם tanquam Adam, qui ὁ πρῶτος ἀνθρώπος. Dignitate talis apparuit qualis Adam, id est, dominio in omnes creaturas, in mare, ventos, panes, aquam: ob quam causam id, quod de Adamo dictum fuerat in Psalmo vii. Christo μυστικῶς applicatur.

ἐταπείνωσεν ἑαυτὸν.] Non pro ea dignitate se gessit, sed humiliter admodum, ita ut & pedes discipulis lavaret, Joh. xiii. vers. 12. 13. Sicut ἐκένωσε, ita ἐταπείνωσεν, formæ sunt Hiphil, sed significant, talem se exhibere, aut ostendere. Sic & Latini dicunt, *comem se facere*.

Γινόμενος ὑπόκομος μέχρι θανάτου.] Factus est obediens, nempe hominibus, tam Judæis, quàm Romanis. Non opposuit vim illam divinam capientibus se, damnantibus, interficientibus. Tantas injurias libenter pertulit bono humani generis.

Θανάτου δὲ στυγερῆς.] Quod supplicium & summè atrox (nam & inde cruciari, & cruciatus) & maximè despectum. Appianus Civilium 11. ἐκρυσάθησαν ὅσοι θανάτου ἦσαν. Servus apud Plautum: *Scio ego crucem fore mihi sepulchrum*.

Hætenus ille. Priusquam ad singulas voces accedimus, hoc in genere de illo, qui maximè controversatur verborum sensu præfari libet, & autoritate Veterum, quorum notatus aliis hac in re consensus, (ut recentiores omittam) & ex ipso verborum tenore persuasissimum nobis esse, tam divinam quàm humanam Christi naturam his verbis ab Apostolo adstrui: divinam quidem illis, ὅς ἐστι μορφῇ Θεοῦ ὑπάρχων οὐχ ἀπ.

ἡγησ. τὸ ἕνα ἴσα θεῶ. Humanam autem, aliis quæ sequuntur haud unis; de quo vix quisquam dubitat; sed quibus tamen potissimum, cum alii μορφὴν δέλα; alii autem, ἐν ὁμοιότητι τῷ ἀνθρώπῳ, &c, σχήματι ὁμοιωθεὶς ὡς ἀνθρώπῳ, in eam rem præcipuè laudent & urgeant, nec in eò primæ novæ Protestantibus inter se planè conveniat, quæ præcipuè sententiæ minimè incommodatura est, utemur scilicet. Ita igitur sentimus; Apostolum stupendam illam Christi Dei κένωσιν à duobus præcipuè capitibus commendare: primò quidem, quòd homo factus sit, vel humanam potiùs naturam Deus assumpserit; secundò autem, quòd homine assumpto, abjectissimam conditionem, servilem scilicet elegerit. Hæc duo, opportunâ, in re tanta & tam incredibili, Πρωτῶ, continuis duobus versiculis repetit. In priore versiculo, μορφὴν δέλα λαβὼν, ἐν ὁμοιότητι ἀνθρ. γενόμενος, (nisi ita veritas, formâ servi acceptâ, cum similis hominibus factus esset) videtur esse quoddam ὑπερῶς πρῶτον, cuius generis plura observarunt in his Libris cruditi. Hæc ordinis causâ quamvis ita statuamus, non tamen humanam naturam à μορφῇ δέλα excludimus: imò si sola hæc essent, non alia verba requireremus, quibus illam assereremus. Non enim potest (præcipuè cum unum idemque μορφῇ verbum utrumque significet) à conditione servili, humana; ut nec à majestate Dei (ut hic rectè non unus disputat) divina natura separari. Nunc singula expendamus.

ὅς ἐν μορφῇ θεῶ ὑπάρχων.] Μορφῇ, ait Vir maximus, in nostris libris, non significat internum & occultum aliquid, &c. Rectè, modò nihil obstat, quò minùs usitata verbi significatio retineatur. Tum enim certè usitatam significationem minùs usitatæ præferre rectum est. Nam alioquin nullum non scriptorum genus earum vocum exempla suppeditat, quæ vel rarò, vel fortassè apud eundem Scriptorem non omninò nisi semel tali notione, quam contextus ibi ratio manifestò requirit, occurrant. Imò non pauca, quæ longè diverso, vel etiam contrario sensu unâ eademque paginâ, ne dicam, sententiâ: quale quod apud Thucydidem, ἡδαι τὴν ἑπλάν, pro arma sumere, & deponere, intra unius ambitum sententiæ, à doctis notatum. Ita fert communis loquentium usus. Ecce, ne longè abeamus, in his Apostoli verbis ista duo, σχῆμα, & ἀνθρώπῳ, novo planè sensu, cuius in Sacris Libris nulla alibi sunt exempla, accipit Vir magnus, ut postea videbimus; hoc

autem quàm verè, nihil attinet hic dicere. Certè Joh. xvii. vers. 17. & 19. in Christi prece, τὸ ἀγιάζειν, aliter cum de Christo dicitur, aliter cum de discipulis, non Grotius tantum; sed quantum est, opinor, Interpretum, exponunt. Talia non pauca aliis animadversa, quæ non hic congeram. Hic autem cur μορφῇ non de exteriori tantum specie sumendum sit, vox ὑπάρχων, (si propiùs vis illius, non tamen obvia valde, fateor, attendatur) non leve argumentum. Quanquam si per μορφῇ, divinæ quidam splendor Majestatis extra sese quoquo modo manifestans, & creaturis quibuscunque visendus intelligatur, nihil ultra postulamus. Sed in eo præcipuè causâ vertitur, utrum hæc Apostolus de Christo Jesu ante, vel post Incarnationem; seu assumptam naturam humanam. Si enim de Christo nondum nato vel incarnato hæc dici concedantur, μορφῇ θεῶ ipsam Dei εἰσὶν si non exprimi, certè innui & includi nemo dubitaverit. Sed hoc non concedunt qui in hac causâ nobis adversi sunt, non μορφῇ δέλα tantum, sed & quæ sequuntur, ἐν ὁμοιότητι τῷ ἀνθρώπῳ, &c. ad conditionem servilem restringentes. At Vir magnus illorum exceptiones, in quibus, ut videtur, satis sibi fore præsidii desperabat, nihil moratus, novam, proprio sisus ingenio, rem conficiendi rationem excogitavit; nullo Authore veteri, nullâ, quod sciam, vel vetere, vel nova Versione suffragante. Sed de eo postea suo loco. Quod autem per μορφῇ θεῶ Christi miracula innui censer, non primus hoc ille censuit, & miror in re tantâ tam facili sibi persuaderi sivilisse. Ego libenter de vetere aliquo Scriptore locum proferri mihi velim, ubi potestas eximia talis qualis hic describitur, μορφῇ θεῶ nuncupetur. Notissimâ siquidem & vulgatissimâ (quod valde solent urgere, qui nobis hunc locum conantur eripere) significatione; μορφῇ est exterior forma, speciefve, quæ ex vultu, gestu, cultuve in oculos incurrit; non quæ ex factis. Imò, μορφῇ, propriè talis forma, quæ gestis admirandis & eximie potestati non rarò apud probatissimos Scriptores opponitur. Miranda erant, si non miracula, Alexandri Magni gesta, quæ qui videbant, audiebantve, tanquam Numen aliquod suspiciebant. An igitur quisquam ita locutus, ut hæc Alexandri gesta, hanc virtutem & fortunam, θείαν μορφῇ, aut θεῶ μορφῇ in Alexandro dicturus fuerit? Certè Alexandri ipsius μορφῇ simpliciter longè alia res: de qua ita Quintus Curtius: *Interrito vultu Regem*

Gem Thalesis intuebatur, habitum ejus haudquaquam rerum fame parem oculis perlustrans. Quippe hominibus Barbaris in corporum majestate veneratio est, magnorumque operum non alios capaces putant, quam quos eximia specie donare natura dignata est. En, ut eximia species, (Θεῖαν vel Θεοπρεπὴ μορφήν, id est, υπερφύην non malè vertas) eximiae potestati opponatur. Atque ita in omnibus illis locis, quos indicavit Vir magnus, μορφή de forma corporis externa propriè, non de eximia aliqua potestate accipitur. Nec igitur in Christo μορφή Θεῖ, non vulgari saltem notatione, de miraculis ejus & eximia potestate exponi debuit, aut eo nomine altera illa μορφή, de forma essentiali, significatio quod minus esset vulgaris & ulitata, repudiari. Quod autem præterea Vir magnus de Mose, *Deus Pharaonis* dicto, adfert, quanquam non defunt viri doctissimi, qui aliam nuncupationis ejus rationem reddant, non tamen juvat ipsius causam, quod sciam, si concedatur illi, qui divina operentur, *Deos* olim apud multos esse nuncupatos, aut habitos; cum non de voce *Dei*, sed de voce μορφή sit omnis controversia. Ecce, Act. xiv. Paulus & Barnabas divina inter Lycaonas operati, *Dii* nuncupari ab attonito vulgo meruere, qui tamen vulgus non μορφήν Θεῶν idè iis tribuit, sed exercè ὁμοῖωμα (quod tantundem ac si μορφήν dixisset) τῶν ἀνθρώπων. Sed pergamus.

Ὁυχ ἀρπαγμὸν ἡγήσατο.] In uno illo, quod ex Liturgia Syriaca, à Fabr. Boderiano edita, profert Vir magnus exemplo, nihil admodum video, cur ἀρπαγμὸν ἡγήσατο, sensu Apostoli, phrasid dicatur Syriaca: ne id quidem, cur rapinam assumere, vel, per rapinam sumere, pro, alienum jus, vel contra jus aliquid usurpare, sit Syrorum proprium. Verborum Apostoli longè alia ratio. Ex iis, quæ in priore disputatione attulimus, liquere possit, φράσιν illam partim esse Hebraicam, partim verò Græcam, imò & Latinam. Ad sensum verborum quod attinet, quem probat Vir magnus, Cameronem, de quo nos antè, videretur expressisse, & de hoc ipsius consensu, quo nostra sententia confirmetur, admodum lætamur. Quanquam jam olim & Theodoretus ita interpretatus, qui π ἀρπαγμὸν ἐχ ἡγήσατο, per, ἡ μίχα τῆς ἐπιπλαβῆ, exponit. Non multò aliter, ait Vir magnus, *Plutarchus in Timoleonte*, ἐχ ἀρπαγμὸν ἡγήσατο. Ego ista verba in Plutarchi Timoleonte quæsi, nec inveni hætenus. Quæ proximè ad hæc accederent, ista se mihi obtrudere: Ὁυχ ἡρπασαν εἰς Κορίνθους τὴν πλο-

υζίαν. Favent hæc verba illorum interpretationi, qui ἐχ ἀρπ. ἡγίσ. idem esse volunt ac si dixisset Apostolus, ἐχ ἡρπασιν, aut ἡρπασαν. ad hanc, quam tuctur Vir magnus, quomodo pertineant, non satis assequor. Sed potest fieri ut alibi in Plutarcho occurrant, quæ in Timoleonte non invenio. Sin aliter res habet, suspicor Virum magnum ita potius scripsisse, *Non multò aliter Plutarchus in Timoleonte*. Ἀρπαγ. ἐχ ἡγήσατο, sensus est, &c. & loco alieno vel ab Exscriptore, vel à Typotheta distinctiones esse positas. Aliud huic planè geminum παρόρμα paulò post notamus.

Ἀλλ' αὐτὸν ἐκένωσι.] Cur π κενόν ad paupertatem, quanquam interdum ita usurpatum inveniatur, hic restringatur, nulla causa est. Laxior illa vocis inanitionis in genere significatio, ad vilitatem & ὑδένειαν humanæ conditionis, si cum divina comparetur, exprimentam ut est magis appolita, ita & Apostoli proposito magis accommoda. Apostolo propositum, incredibilem Christi παπίνωσιν ob oculos ponere, qui ex μορφή Θεῖ, ad μορφήν δέλω, suscepto homine, descenderit. Deo, qui τὸ πᾶν ἐν πᾶσι, propriè competit omne πλήρωμα. Homine autem nato quid levius, aut κενώτην? Quod graphicè admodum divinus Psalter ita expressit: * *Tantummodo vanitas sunt* (utor versione Junii) *nati plebeio homine; mendacium sunt nati præstante viro; lancibus illi simul impositi, ascensuri essent supra vanitatem.* Quod autem notat Vir magnus, eundem esse verborum istorum sensum, qui & illorum 2. Cor. vii. vers. 9. ἐπὶ δὲ ἡμῶς ἐπιώχλει πλάσιον ὦν, eandem sanè argumenti vim esse, à Christi exemplo sumptam, libenter illi concedam; non & eundem planè utrobique scopum. Hic enim propositum Pauli, ad humilitatem, illic, ad beneficentiam cohortari. Ibi igitur Christum proponit πλάσιον, id est, in exuberantissimæ felicitatis possessione, ut Deum, constitutum, paupertatem, ut nos ditaret, non detrectantem: hic autem eundem in æternæ fastigio Majestatis, ad humanæ naturæ conditionem, sortemque ex humanis abjectissimam sese demittentem. At ibi quoque Vir magnus vocem πλάσιον alio trahit, quasi miraculorum potestas, & divitiæ essent naturæ affinia. At longè aliter exempla in Sacra Scriptura proposita. Quid Eliæ potestate magnificentius? Ejus autem vita quantum à postrema paupertate plerunque aberat? Annon & alii pariter non pauci, qui cum Petro dicere potuerunt: Ἀγήμεν ἐν χειρὶ ἐχ ὑπάρχῃ ἡμῖν, ὃ ἡχο-

• adn.
viii.

μεν, τὸ το διδομεν, &c. Act. i. i. vers. 6. Inde est, quod famosus ille in Historia Sacra & Ecclesiastica Simon, diræ exerationis carmen audire meruit, quod donum Spiritus Sancti, quo miracula (ut ex versu 13. * colligere est) patrentur, pecuniaria æstimatione sibi comparare voluerit. Christus autem quatenus Deus, optimè παῖδες indigetur, ut qui fons omnis boni unicus, verus δοτὴρ ἰσχύος, seculares aliis divitias dispense, 1. Chron. xxi. vers. 12. cuius, terra & plenitudo ejus: Psalm. xxi. vers. 1. alibique.

μερῶν δὲ λαβὴν.] Per μερῶν δ. conditionem hominis abjectissimam & infimam, quæ supremæ, Deitatis, opponatur, multo probabilius hic indicari, quàm eò propriè respici, quod servi nihil proprium possideant, ut censet Vir magnus. Huc pertinent verba Cicero- nis: *Meminerimus autem & adversus infimos justitiam esse servandam. Est autem infima conditio & fortuna servo- rum.* Pergit Vir magnus: *Hic ponenda,* ait, ἀσσελῆ. incipit enim jam ἀντί- θεν aliud. Imò, hic incipit novum commentum, cuius alium quemvis potiùs authorem (si tamen ille author) fuisse optarem, quàm tanti ingenii virum.

Εν ἐμοίματι ἀνθρ. γινώμ.] Notum est, & à viris doctis fuscè probatum, has voces, ἐς, ἐμοίμα, & alias similes, apud Hebræos rem ipsam passim denotare. Ita interdum & vox effigies apud Lati- nos, ut & imago, rem ipsam signifi- cant. Quanquam non displicet, quod ex Græcis Scholiis à nonnullis hic af- fertur: διὰ τὸ ὅτι ἐπὶ, ἐμοίμα ἀνθρώπων; ἐπὶ εἶχε τὰ ὑπὲρ ἀνθρώπων· τὸ εἶναι καὶ θεὸν· τὸ ἀνθρ. συνίστασθαι πηχθῆναι. Eò igitur spè- ctant istæ exceptiones, ut Christum, qui exteriori specie non alius quàm pu- rus putus homo apparebat, non ψιλὸν ἀνθρ. fuisse innuant, nec aliorum ho- minum lege natum. Huc etiam facit, quod Scriptor Epistolæ ad Hebræos carnem Christi, *Divinitati ipsius op- pansam*, ut Grotii ipsius verbis utar, καταπέτασμα, & Græci Patres περικάλυμ- μα nuncupant. Quanquam enim utra- quæ in Christo natura pari veritate, ratio tamen & usus loquendi postu- lat, ut à nobiliore & potiore potissi- mum censeatur & denominetur. Quod autem Vir magnus per ἀνθρώπους, *primos homines*; & per ἀνθρώπον, *Adamum*, à Paulo innui sciscit, id, ut liberè di- cam quod sentio, sive rem spectes, sive verba, nullà mihi veri similitudine niri videtur. Nam nullibi, quod sciam, de primis illis hominibus, aut Adamo separatim tam divina & magnifica præ-

dicantur, ut Christus, cui modò μερῶν οὐκ peculiari quadam ratione tribue- batur, idem nunc Adamo & primis ho- minibus compareretur. Quæ Psalm. viii. gloriosè de homine canuntur, multo plures sunt, qui de toto genere, quàm qui de Adamo uno exponunt. Adā- mus ad illam dignitatem, si innocens perstitisset, in Adamo autem universum genus humanum creatum. Si jus itaque spectemus primigenium, eadem om- nium hominum ratio est. Si possessionem, ne Adam quidem tam diu fuit in posses- sione, ut ei jure quisquam privatim gra- tulari debuerit. Quanquam ne nunc quidem adeò penitus exciderunt eā di- gnitate homines, ut non illa tam ma- gnifica hominibus universim modoquo- dam comperant. Hinc est quod & apud Ethnicos haud minùs magnifica de ho- minis dignitate & absoluto quodam in cætera quævis animalia imperio repe- riri est. Legantur, quæ Plutarchus hac de re in tractatu περὶ νήχης, & Plinius *Natural. Histor.* lib. vi. cap. 4. ut alios omittam. Adami inter præcos He- roas, quorum laudes prosequitur, non meminit Author *Ecclesiastici*. Aliquid Author *Sapientie*, sed parcè. Noster autem Apostolus 1. Cor. xv. Christum cum Adamo ita contendit, ut discrimen inter illos immane quantum sta- tuat. Quis verò credat, si de Adamo aut primis adeò parentibus cogitasset hic Apostolus, eum, ἀνθρώπον aut ἀνθρώ- πους nudè ac simpliciter dicturum fuis- se, cum illo, quem diximus, loco de Adamo acturus, non contentus dixis- se, πρῶτος ἀνθρώπων, quod sufficere poterat; proprium etiam nomen *Adam* addiderit? Tuam fidem libenter, si li- ceret, Vir magne, convenirem, serio- ne in animum tuum inducere porueris ita intellecta à primis illis, ad quos scribebat, Christianis Apostoli verba, vel Apostolum in re tanta ita consulto consilio locutum, ut à nemine intelli- geretur? Certè si uspiam in Novo Te- stamento isti τὸ ἀνθρώπων acceptioni lo- cus, ibi maxime, vel Matth. viii. vers. 20. Αἱ ἀλώπικες φῶλες ἔχουσιν, &c. ἐδὲ ὁ υἱὸς τοῦ ἀνθρώπου οὐκ ἔχει τὴν κεφαλὴν κλίην· vel certè, Joh. v. vers. 27. καὶ ἐξουσίαν ἐδοκεν αὐτῷ καὶ κρίσιν πικρὴν, ἐπὶ υἱὸς ἀνθρώπου ἐστίν. At utrobique per vocem ἀνθρώπων abjectæ sortis hominem Vir magnus in- telligit, & exponit. Imò verò, quod meritò mireris, istorum, quos indica- vimus, locorum posteriore, hæc ipsa, de quibus agimus nunc, Apostoli ver- ba profert Vir magnus, & ut nos ex- ponimus hic, exponit & ille planè, ut à posterioribus, quæ non semper sa- pientiores, ejus cogitationibus, ad prio- res

res provocare nobis liceat libeatque. Cæterum, quod in Plutarcho laudato modò suspicabamur, illic in Daniele*, aut Græcis potius Interpretibus palam admissum, quibus ista Pauli, *σχήματα* *ὡς ἀνθρώπων*, perperam à Viro magno tribuuntur.

καὶ σχήματα ὡς ἀνθρώπων.] *Σχῆμα* simpliciter pro *ἄξιωμα*, non ignota, fateor, Græcis locutio, observata doctis; inter alios, si benè memini, & beatæ memoriæ Parenti non uno loco: nec ea tamen adeò frequens, ut usurparet hic Apostolus eā notione, si quidem se volebat (quod, opinor, volebat) intelligi, cū usitata & magis obvia significatio filo orationis & sententiæ tam benè congrueret. *Σχῆμα* apud Græcos Interpretes, qui LXX. vulgò dicuntur, semel tantum, (si fides *Concordantiis* illis, quarum fide passim nituntur & eruditissimi) occurrit, & rem scèdam designat, cujus in publico conspectus & expositio, abjectissimæ in Sacris Libris & deploratissimæ conditionis indicium esse solet. Nempe, quod *Esaia* cap. 111. vers. 17. in Hebræo, *וְאֵת פְּהִינָהּ וְאֵת כִּרְיָהּ*, vertunt illi, *καὶ κύριον ἀνακαλύψῃ τὸ σχῆμα αὐτῶν*. In Novo quoque Testamento semel occurrit, (1. Cor. vii. vers. 31. *ὁ δὲ κόσμος ὡς τὰ σχῆματα τῆς σαρκὸς*) in Pauli nostri verbis: quo ille verbo rerum mundanarum τὸ κενόν & inane, (ut Græci Patres observant) egregiè perstrinxit. Cū voce *παρρησίαν*, & *παρρησίαν* vox *σχῆμα* conjuncta sæpe apud Græcos Scriptores reperitur: ut apud Plutarchum, *σχῆμα ἐκταπεινώσεως* *ἐαυτῶν*, & *σχῆματι ἀταπεινώσεως*, in Vita Coriolani.

Θαύματα ὅτι συνέβη.] Sunt qui contendunt (ut hoc *ἐκ τῆς αἰτίας* addam) crucem, servile supplicium non rectè dici, cū neque omnes servi, & qui non servi haud pauci eo supplicio affecti sint; sed argumento, si quid ego judico, levissimo, cū ita ferat omnium linguarum consuetudo, ut ab eis, quæ *ὡς ἐπὶ τὸ πλὸν*, non quæ semper ac necessario nomina rebus indantur, & loquendi modi fluant. Nam crux alioquin non propriè supplicium servorum quatenus servi, sed quatenus *λῃστοί* & *κακῆργοί*, sive facinorosi. Propriè igitur locutus est Plutarchus, cū de tyranno quodam cruci affixo, aut eo certè supplicii genere, quod apud Græcos Romanæ crucis rationem habebat, affecto, *εἰς τὸν ἀπαχθείς ἵππερ οἱ λῃσταὶ δίκην ἔδωκεν* non οἱ δῆλοι dixit.

Hæc erant, quæ Viri magni commutationi, solo veritatis studio, opponenda credidimus. Quoniam autem memoriam ejus bonis omnibus & doctis

pro maximis ejus in Rempublicam literariam meritis optamus esse charam, quæ de tanti viri *πῆς ἰσχάτης*, & vitæ catastrophe amicorum quorundam ope & beneficio ad nos pervenerunt, eorum Lectori candido & ingenuo, prout *Amstelodami* sunt edita, copiam ut facerem, & hic insererem, facilè à me impetravi.

Hugonis Grotii, piæ memoriæ, ultima; quibus Joanni Quistorpio, S. S. Theologiæ D. Professori, Facultatis ejusdem Seniori, & Primarii Templi Rostochiensium Pastori, suum ob peccata dolorem, & spem salutis confessus est.

Contendis à me, N. N. ut perscribam, quem, mundo huic valedicturus, *Literatorum Phœnix* Hugo Grotius se gesserit. En, paucis id habet. Conscenderat ille *Stockholmiae* navim, quā *Lubecam* ferretur, vehementibus per triduum in mari jactatus procellis, naufragium patitur, & ager ad *Cassubiae* litora appellit. Inde perquam incommodo curru, pluviam tempestate, per sexaginta & plura millia, tandem *Rostochium* nostrum devehitur. Divertit ad *Balemanniam*. D. *Stocmannum* Medicum advocari curat, qui ætate, naufragio, incommodis itineris fractas vires advertens, vitæ terminum imminere præfazit. Secundo ab ingressu in hanc urbem die (qui *Styl. Veter.* erat *xviii. Augusti*) me horā nonā vespertinā ad se vocat. Accessi; propemodum in agone Virum constitutum offendi: compellavi, & me nihil maluisse affirmavi, quā ut mihi cum ipso incolumi sermones sociare licuisset. Regerit ille: Ita Deo visum fuit. Pergo: ut ad beatam emigrationem se componat, peccatorem agnoscat, super commissa doleat, moneo; quumque inter loquendum Publicani peccatorem se fatentis, & ut Deus sui miseretur precantis, meminisset, respondet: Ego ille sum Publicanus. Progredior, ad Christum, extra quem nulla est salus, ipsum remitto. Subjicit ille: In solo Christo omnis spes mea est reposita. Ego clarā voce precationem illam Germanicam Germanicè recitabam: Herr Jesu, wahrer Mensch und Gott, &c. Ille complicatis manibus, submissā voce me insequabatur. Quum finivissem, quasi an me intellexisset? Respondit: Probè intellexi. Pergo illa recitare ex Verbo Dei, quæ jamjam moriturus in memoriam revocari solent. Quæro, an me intelligat? respon-

spondet: Vocem tuam audio, sed quæ singula dicas, difficulter intelligo. Quum hæc dixisset, planè conticuit, & brevi post, spiritum exhalavit, in puncto duodecimæ nocturnæ. Habes Catastrophæ vitæ, ab Grotio, summo Viro, actæ. Cadaver Medicis post commissum est. Intestina lebeti abeneo imposita, ut in Templi apud nos primarii, Mariæ Virgini sacri, locum honoratissimum reponerentur, à Templi Præfectis facillè impetravi. Moliter cineres cubent. Vale. Dabam Rostochii, propriè Michaëlis, anno c 15 15 CXLV.

Tuus,

J. QUISTORPIUS.

Amsterdami, anno
C 15 15 CXLV.

Longior fui in his Apostoli verbis quæ explicandis, quæ vindicandis, quàm fore me initio credideram, aut certè prævidere poteram. Sed cum quanti res momenti agatur cogito, & quali quantoque cum viro res mihi fuerit, impensæ operæ minimè poenitet.

Poterat hoc exemplum sufficere. Sed quia de Verbis hæc opella nobis suscepta est, locum de verbis in Evangelio, non satis, ut nos quidem putamus, hæctenus explicatum, & super eo loco sententiam nostram superpondii quasi loco adjicere visum est.

Domini nostri, τὸ λόγος illius æterni & ἀσώδης de verbis in communi vita prolatis, hæc est sententia * :

* Matth.
xii. vers.
36.

Λέγω ὑμῖν, ὅτι πᾶν ῥῆμα ἀργὸν ὃ ἐὰν λαλήσωσιν οἱ ἄνθρωποι, δοσodάσῃ περὶ αὐτοῦ λόγον ἐν ἡμέραι κρίσεως.

Λεγὸν ῥῆμα de otiosis verbis, quatenus seriis opponuntur, accipiunt uno consensu Interpretes. Sunt, qui ad falsos sermones extendunt, sed extendunt tantum. Eò enim & ipsi relabuntur, ut de minimis per aggravationem peccatis ad maxima, Christi procedat argumentum. Aggravationis autem in his verbis statuendæ hæc illis causa, ut sit aliqua cum præcedentibus verbis cohærentia. Quæ tamen per hanc interpretationem cum præcedentibus, meo iudicio, obscura; cum sequentibus vero, si quis animum diligenter advertat, omnino nulla. Nisi quis id Christum præcisè voluisse, (quod alibi non semel ab ipso negatur) crediderit, non tam ex factis unumquemque, quàm ex sermone suo serio vel otioso à Deo iudicandum. Doctissimus Chemnitius ad hunc locum: Videtur enim longa illa oratio Christi perturbata esse, in qua ar-

gumenta non satis cohæreant; sed planissima erit, si observetur eam referri ad singulorum iudicia, &c. Haud absimilia & alii nonnulli Interpretes: quæ quidem connectendi ratione vel Sibyllæ folia cohæreere possint. Adde quòd ἀργὸν ῥῆμα vel ἀργὸς λόγος de otioso, ut vulgò capimus, sermone apud veteres Scriptores Græcos, non adeò vulgare. Λεγὸς autem ille λόγος, Veterum scriptis & disputationibus in causa de arbitrii libertate celeberrimus, alia longè res est.

Quid igitur, inquis, ἀργὸς hic? Quod ipsa vis verbi suadet, & etymologia, sermo re cassus, ἀργός, sine opere: non ex intimis animi sensibus promptus, sed in ore natus; fictus & simulatus: vel, ut vulgò loquuntur, hypocriticus. Ita enim vulgò contingit, ut veros sermones ex corde promptos opera sequantur illis consona; & inde ἀργός, pro ficto quoque & simulato sermone sumi possit. Solere autem ἀργίαν opponi τῇ ἐνέργειᾳ, vel ex uno discamus Hierocle. Verba ipsius, quia sunt eximia, & eò quidem libentius, ut de præstantissimo opere benè mereamur, adscribere non pigebit.

Hierocles igitur in Carmina, quæ vulgò perhibentur, Aurea Pythagoræ, quodam loco ita commentatur: ὅτι γὰρ μόνον ποσειδωνίδος δει τὰ καλὰ, ὅς ἐφ' ἑαυτοῦ ὄντα καταρθῶσι καὶ χωρὶς τῆς θεῆς συνεργίας. ἐπὶ ψυχῆς τῆς εὐχῆς τοῖς λογισμαῖς ἀρκείσθαι, μηδὲν πρὸς τὴν κτῆσιν τῇ αἰτηθέντων προσφέροντας. ἔτι γὰρ ἡ ἀρετὴ ἀρετῶν, ἢ οἷον τὰ τοῦ ἐν πνεύματι, ἐπὶ τῇ δόξῃ. ἡ ἀνέρεση τὸν εὐχὴν. ὅν τὸ μὲν ἀρετὴν ὄν, ἀναισθητὴ ἀρετῆς τὴν δόξαν. τίς ἡ ἀρετὴ, ἐκλύσθαι τὸ εὐχῆς τὸ δραστήριον. Verit ibi Interpres: Neque enim, quæ honesta sunt ita solum debemus suscipere, tanquam ea ipsi per nos nullâ Dei ope possimus gerere: neque rursum ita undâ Precum ratione contenti esse, ut nihil ad ea paranda, quæ petantur, adjiciamus. Ita enim aut virtutem, quæ Dei sit expers, (si fas id dicere) amplectemur; aut preces inefficaces, quorum quidem alterum eo ipso, quod Deo careat, virtutis naturam præfocat: alterum autem, quia iners, precum resolvit efficaciam. Decepit Interpretem falsa lectio. Legendum enim, non τὸ εὐχῆς, sed τὸ ψυχῆς τὸ δραστήριον, & vertendum, Alterum autem, animæ resolvit vigorem, vel si mavis, efficaciam. Sed & illud ἀνέρεσην εὐχὴν, preces inefficaces, ambiguum est & obscurum. Verte potius, preces ignavas & inertes; ut πλοβούρκιον illum ἀργὸν λόγον, de quo suprâ, interpretatur Cicero ignavam & inertem rationem.

Idem ibidem alio loco: Διχῶς γὰρ ἀμαρ-

ἀμαρτανόειν· ἢ τὸ μὴ δεῖν πιήσαντες, ὃ ἀφ' τῆ παρ' ἑστέον δηλῶται· ἢ τὸ δεῖν μὴ πιήσαντες, ὡς ἐπ' αὐτῆς καὶ λέξις, ἄλλο γὰρ ἀργία τῆ καλῆ, καὶ ἄλλο εἰργασία τῆ αἰσχρῆ: Pec-
camus enim duplici ratione: vel cum fa-
cimus, quod non decet; quod transgres-
sionis verbo significatur: vel cum non fa-
cimus, quod decet; sicuti verbis expri-
mitur. Aliud enim est, ab eo cessare
quod honestum est; & aliud, id facere
quod turpe.

In his τῶν ἀργίας opponi palam τῇ εἰργασίᾳ, vel τῇ πράξει nemo non videt. Sed & in Novo Testamento tam in Christi verbis, πῶς οὐδεὶς ἐσθίει ἔσθην τῶν ἡμέ-
ραν ἀργεῖ, Matth. 20. vers. 6. quàm Pe-
tri verbis, ταῦτα γὰρ ὑμῖν ὑπὸ ἀρχόντε καὶ
πλεονάζοντα, οὐκ ἀργεὶς ἐστὶ ἀκαρπεία καθι-
εσθῆναι εἰς τὸν, &c. 2. Petri 1. vers. 8. vox
ἀργεῖ codem planè sensu occurrit.

Quid multa? Quod Demostheni μά-
ταιος λόγος, id Christo, nisi valde fal-
lor, ἀργεῖν hic ῥῆμα. Demosthenes in
Olynthiaca secunda: ἅπας μὲν λόγος,
ὃν ἀπὸ τῆ πράξεως, μάταιον τὸ φαίνεται καὶ
κένον. Id est: Omnis sermo, quem res
ipsa non consequuntur, vanum quid &
inane deprehenditur. Idem in oratione
ad Philippi Epistolam, μάταιος ἅπας
ἐστὶ λόγος, πρᾶξις αὐτῶν γινόμενος. Id
est: Omnis sermo, factorum expertus, va-
nus & inanis est. Quæ Demosthenis
elegans Scriptor Philo Judæus in Vita
Mosis lib. 111. ita pluribus expressit:
λέγει δὲ ἄρα ἐδὲν ἔφειλε τῇ τῶ καλῇ καὶ
σπουδαίᾳ σμυνηρεσίᾳ, ὃ μὴ περὶ σέπιν οἰκίῳν
ἀκολούθῃα πράττειν.

Hæc expositione, verborum cohæ-
rentiæ quàm bene consulatur videamus.
Christus igitur postquam quàm grave
sit contra conscientiam in rebus maxi-
mis, id est, in rebus fidei, quæ ad
Deum proximè referuntur, aliquid aut
agere aut loqui, docuit, eandem por-
rò materiam de cordis & oris in vita
communi dissidio latius prosequitur.

Progenies, inquit ille, viperarum, quo-
modo potestis (id est, sustinetis, in-
signes illos hypocritas fuisse satis no-
tum est) bene loqui, cum vestra vos
opera & vita malos esse convincant?
* Cur naturæ ordinem pervertitis, cum
ita naturâ comparatum sit, & ideo sit
institutus sermo, ut verba cogitationum
cordis essent symbola, & quasi vehicu-
la. Ita solent homines vulgò ex penu
suò qualicunque non alia depromere,
quàm qualia condidere: boni, bona;
mali, mala. Vos aliter, quibus alia lo-
qui, alia sentire nulla religio est. Ego
verò dico vobis, omnis omnino verbi,
quod contra animi vestri sententiam
temerè & vafre profertur à nobis, red-
dendam vobis olim coram tremendo

Dei tribunali rationem. Et hæc ipsa ve-
stra speciosa oratio in certissimam vo-
bis cessura est perniciem. Inde enim
palam convincemini, non vos, quod
rectum esset, (unde enim alioquin spe-
ciosa illa oratio?) ignorasse, sed quod
faciendum esset, rebus ipsis & opere
præstare noluisse.

Confertantur hæc Christi cum iis, quæ
S. Jacobus cap. 111. à vers. 7. ad 14. Non
parum lucis inde fœnerari licet, si quis
singula accuratè componat. Non igitur
de minimis, & ut Tertullianus alicubi,
quotidianæ incursionis peccatis lo-
quitur Christus; sed, ut ego sentio,
de gravissimo eodemque communissi-
mo; hypocrisis nimirum, fucataque ad
decipiendum oratione.

Porro id genus homines apud omnes
cordatos & probos quàm malè semper
audierint, liqueat vel ex celebratissimo
illo Poëtarum principis disticho:

Ἐχθρὸς γὰρ μοι κενὸς ἐμὸς αἰδῶς πνί-
λῃσι,
Ὅς γ' ἔπρεν μὲν κῶθη ἐν φρεσίν, ἄλλο δὲ
εἶπη.

Homerum imitatus est, qui vulgò Pho-
cylides:

Γλώσση γὰρ ἔχει μὲν, κρύπτον λόγον ἐν φρε-
σὶν ἴχθυι.

Lingua mentem proferto; occultum au-
tem in animo sermonem vitato. Verbi
ἴχθυον ambigua significatio decepit Inter-
pretes Phocylidis, ut in contrariam
planè sententiam verterent. Idem pau-
lò post:

Μὴδ' ἔπρεν κῶθη καρδίῃ νόον, ἀλλ' ἀγ-
ρόων.

Μὴδ' ὡς πιτροφύης πλῆπυς κατὰ χυρῶν
ἀμύει.

Mirificè huc facit veteris Poëtæ Pacu-
vii gnome, quam Macedo Philoso-
phus, vir bonus, (ut de eo testatur
Aulus Gellius) scribi debere censebat
pro foribus omnium templorum: Ego
odi homines ignavà operà, & philoso-
phicà sententià. Nihil enim fieri posse
indignius, (ut ibidem Gellius) neque
intolerantius dicebat, quàm quòd ho-
mines ignavi ac desides, operi barbà &
pallio, mores ac emolumenta Philosophiæ
in linguæ verborumque artes converte-
rent, & vitia facundissime accusarent,
intercutibus ipsi vitiis madentes. His
verbis, pulcherrimè & uberrimè vis vo-
cis æγες explicatur. Hi sunt, quos Epi-
ctetus, vitâ laudatissimus ipse Philoso-
phus, Philosophos ἀνδ' τῆ πράττειν μέχρη
τῆ λέγειν, factis procul, verbis tenuis,
solebat appellare, ut pluribus docet
idem Gellius, lib. xvii. cap. 19.

Hæc nostra super hoc loco sententia, quam quidem non eo animo proponimus, ut pro ratis & fixis habeat quicquam, quæ nobis verisimilia videntur; sed ut accuratius expendendi & amplius de iis cogitandi materia aliis suggeratur; & *refellere* (quod ait ille) *sine pertinacia*, & *refelli sine iracundia* semper parati.

Claudam hoc de Sacra Scriptura & Theologia caput, Nicephori Gregoræ de Sacra Scriptura stylo verbis, & observatione ab hoc loco non aliena, qui Nicephorus in aliorum librorum penuria hæc ipsa scribenti fortè erat ad manum. Ita igitur ille.

Εὐερίσμοι πολλὰ καὶ τῆς θείας γραφῆς ἐπικρυφίν πνα τοῖς ἐνέμασι παρκαθημένης ὡς τοῖς οὐκ ὡς τῶν βασιλέων θάλαμοι καὶ ὅπου ἀνθρώποις ἱερὰ καὶ τιμὰ ὑπὸ ὀρθοπνεύματι ἀλλὰ ἀλλοις καλύπτεται, ἵνα μὴ τῶν ἀνοσιῶν περικυβερταὶ κωδικοποιήσιν, μὴ περικυβερταὶ διὰ τὸ καὶ ἀλλήλους περικυβερτῶν καὶ ἄλλων. εὖ καὶ καὶ πλείους τῆς θείας γραφῆς καὶ μάστιγι οἷς μυρταὶ πτες ὑπεδρεῦσαι λόγοι, κατὰ τὴν ὑπὸ ὀρθοπνεύματι καλύπτεται τῆς πνεύματος ὁδομασί, ὅσα πάλιν τὸ γνῶναι ὀρθοῦνται, καὶ σκότος περικυβερτῶν ἐαυτῶν πῆνται, καὶ κύκλω αὐτῶν τὸ σκῆν αὐτῶν.

Alludit ad
Psalm. xvi.
v. 12. sc.
cundum
versionem
Græco-
rum; quod
non ad-
vertisse
videtur
Interpres
Nicepho-
ri.

Quæ ibidem Latine ita redduntur: *Sæpe in Sacra Scriptura verbis nonnulla involvuntur, uti consentaneum est. Ut enim Regum thalami, aliaque, quæ sancta & magno in pretio habentur, aliis atque aliis velis occultantur, ne à rudi vulgo profanentur, aut quia omnibus absque labore pateant, contemnuntur; sic etiam plurimi Sacra Scriptura loci, ii præsertim, in quibus arcana quæpiam doctrina continetur, tanquam velis quibusdam, ita verbis talibus absconduntur, quæ multam caliginem secum trahunt, & tenebras Lectorum oculis offundunt.*

A THEOLOGIA ad JURISPRUDENTIAM transeamus: quam, si quis in ejus qualis ubique ferè obtinet usum inquirat, fontesque adeò ipsos penitus introspeciat, in verbis eam plerunque vel ambiguis distinguendis, vel obscuris elucidandis versari intelliget. Ipsas quidem leges, quæ veræ tales, id est, rationi consentaneæ sunt, ab alio longè fonte, naturali æternoque, reperendas, divinis illis suis Cicero, quos *De Legibus* post Platonem conscripsit, libris accuratè probavit. Nos verò cùm Jurisprudentiam dicimus, eam intelligimus artem sive peritiam, quæ legum non conditrix, sed interpret est. Cùm verò in tanta verborum paucitate, rerum (ut non unus

queritur Aristoteles) infinitati minimè respondentium, muratis præsertim moribus, facile subrepat ambiguitas; atque ipsa vetustate tanquam sipario quodam veterum legum sermo obductus à paucis intelligatur, latus hinc consultorum Juris industria pateat campus necesse est.

In pactis etiam, foederibusque, quorum vel privatis inter se, vel integris populis & regnis ad tuenda commercia quotidianus usus est, concipiendis & interpretandis, magnæ interdum oriuntur super verbis controversiæ, in quibus ad Jurisconsultos recurrendum est. Quale quod alicubi notatum Ciceroni de vera verbi *comiter* significatione, quod in foedere quodam Romanorum pro *communiter* esse positum nescio quis, in causa ipsi adversus, contendeat. Nuperque adeò de verbi *Conventus* usu vero legitimoque diu multumque in Synodo Tridentina, pendebat interim maximi momenti rebus suspensisque ob hanc unam voculam potentissimorum Principum literis & negotiationibus, litigatum est.

Sunt præterea à Jurisconsultis excoGITATA partim ad pompam, partim ad quæstum formulae, in quibus non tam rem ipsam, quam solennia verba spectari, ut à quibus vel in minimo apice discedere sit nefas, res ipsa loquitur. Non immeritò igitur Labeo Antistes, Jurisconsultus antiquus celeberrimus, ab hac verborum peritia ab Aulo Gellio præcipue celebratur: *In Grammaticam, inquit, sese atque Dialecticam literasque antiquiores altioresque penetraverat, Latinarumque vocum originēs rationesque percalluerat, eaque præcipue scientiā ad enodandos plerosque Juris laqueos utebatur.*

Hinc etiam quod non modò *De Verborum significatione* peculiaris extat & accuratus in *Pandectis* tractatus; sed in reliquis etiam Juris istius libris, ut & Principum *Constitutionibus* de verbis tam multa passim reperiuntur. In Justiniani certè, ut alia omittam, *Novellis* †, καὶ ὁρθότητι ὀνομάτων, item καὶ τῶν προλαλῶν ὀνομάτων σμνότητι, insignes aliquot loci: adeò non contemnenda aut otiosa res est, verborum cura; quam ad suam curam pertinere magni Imperatores sibi laudi duxerunt, & adeò publici interesse crediderunt, ut quibus legibus publicæ salutis & securitati providebant, iisdem & verborum proprietati, non minori prope sollicitudine, caverent.

Cæterum locus hic *De Verborum* minutiis & apicibus ad Juris controversias decidendas, quia à Cicerone in

Ora-

Oratione pro Cæcina in utramque partem accuratissimè pertractatus est; ista autem *Oratio* quia ob verborum quorundam rituumque veterum ignorantiam multà caligine obsepta est, nec adhuc à quoquam, quod sciam, satis illustrata, nonnulla, quæ ad ejus intelligentiam beatæ memoriæ Parens sibi commentatus in *Adversaria* sua retulit, hic in usum Lectoris depromere non pigebit.

Ex jure manu confertum vocare.

In rem præsentem venire.

Interdictum, Unde vi.

Moribus de fundo deduci.

Veteris Juris Romani cùm alia sunt, quæ per fictionem quandam gerebantur; tum inprimis quæ ad bonorum possessionis controversias pertinent. Moris enim fuit quoties de agro quopiam instituebatur controversia, ut litigatores de amicorum sententia diem inter se fumerent, quâ die *in rem præsentem*, hoc est, in agrum illum unâ venirent, & in eo agro vim alter alteri faceret, & *de fundo deduceret*: sic enim ait Cicero 2. 228. de Cæcina, cum voluisse, *De fundo moribus deduci vel detrudi*, quod fuit olim verbum legitimum. 2. p. 233. Atque hoc vocabant, *Ex jure manu confertum vocare*: vide Gellium lib. 20. cap. 10. qui vim hanc non veram & solidam, sed fictam & simulatam, *vim civilem & festucariam* vocat. Notandum verò, quod ille ait, olim Prætorem cum reis in rem præsentem venire solitos; postea institutum, ut vis festucaria sine eo fieret, & ut inde aliquid, puta glebam, in urbem ad Prætorem deferrent, & in ea gleba tanquam in toto agro vindicarent. Deinde qui detrusus erat à Prætore, ex *edicto* ipsius postulabat, ut *unde vi* dejectus esset, cùm possideret, eo restitueretur. Prætor decernebat, ut in causa Cæcinæ factum: Cæcina verò, qui jussus erat restitui, cùm ab Æbutio peteret, ut se restitueret, respondebat adversarius, se restituisse: Cæcina verò se restitutum negante, sponsio facta est de more. Porro mens Æbutii se restituisse dicentis fuit, se *edicto* Prætoris paruisse, qui non aliter scilicet restitui juberet, nisi fuisset ejectus: atque ejectum fuisse, aut omnino potuisse ejici ex eo fundo Cæcinam, negabat Æbutius: cùm quidem, inquebat, fundum illum Cæcina nunquam possederit. Post sponsonem factam Recuperatores sumebantur, apud quos quærebatur restitutusne esset annon, qui fuerat jussus restitui. Hoc autem judicio ita adumbrato reverà nihil aliud quærebatur, quàm uter possi-

deret. Nam si dejector adversarium dejectum non possedisse probare poterat, vincebat, & *edicto* Prætoris paruisse judicabatur: quippe qui non aliter restituere jussisset, nisi possessor verus fuisset dejectus. Obsecro verò, quantæ hic ambages & circumductiones, ut tandem ad suum jus posset quis pervenire.

Sæpe autem factum, ut pro fista vi vera fieret, & adhiberentur armati, quod ab Æbutio fuit factum: tum erat locus Prætoris interdicto, *DE VI HOMINIBUS armatis*. Ciceron. 2. 229. At ex ejus pag. 232. apparet solitum fieri cùm ad vim faciendam moribus veniretur, si quos armatos quamvis procul conspexissent, ut statim testificati discederent, optimeque sponsonem facere possent *NI ADVERSUS Prætoris edictum vis facta esset*. Multa ad hanc rem videbis Ciceron. 2. pag. 341. Ubi sanè verissimè mihi videtur Cicero istiusmodi Juris figmenta, &c. Hæc ille.

A JURISPRUDENTIA ad MEDICINAM transitum faciemus, illustri elogio in Jure Romano nobilitatam, Hieronymo, severo alioquin censori, *scientiam mortalibus vel utilissimam*. Ut autem nulla omnino est scientia, nulla ars, sive liberalis* sive sellularia, quæ non habeat sua *ἐννοια* vocabula, quorum cognitio ad artis perceptionem planè necessaria; ita nulla, quæ tot ejusmodi verbis & nomenclaturis abundet, quot Ars Medica. Vel sola morborum nomina, quanta turba, quàm densum agmen, cùm unius aliqujus particulæ ultra centum vel biscentum varia *ῥήματα* proclive sit enumerare. Jam herbæ, jam pharmaca simplicia & composita, jam rei anatomice propria, qualis & quantus apparatus, quàm infinita supellex, si quis omnia diligenter percenscat? Horum omnium proprietates & differentias accuratè pernoscere operosum magis sit, an docto Medico necessarium, non facile dixerim. Quod vulgò perhibetur ad rerum cognitionem verba conducere, de Medicorum verbis id tantò magis dixerim, quòd pleraque cùm Græcæ sint originis, quæ in componendis verbis supra omnes alias linguas audax & felix est, naturam aut proprietatem aliquam rei, cui sunt imposita, magnam partem satis feliciter indicant & exhibent.

Sed difficultatem non parum auget, quòd verba antiqua cùm remaneant, usus tamen in multis immutatus est, ut idem verbum, (herbæ puta, aut radicis alicujus, vel etiam morbi fortasse)

* Cic. 111.
De finib.
Ut omni-
tam has
artes elo-
quentia &
ingenium,
ne opifices
quidem
turri sua
artificia
possent,
nisi voca-
bulis mo-
rentur no-
bis inco-
gnitis, ut
tanti fidi.

& rectis, habent fundamentum: ut si quis pravâ illâ verborum, Iliados initio, ἀσκήτιον ἐρίσαντις, lectione de *Steta* muliere, si Diis placet, Homerica, quæ genus, unde loco, & id genus alia prolixè quæreret & commentaretur; cum nec ulla talis mulier, sed nec ullum tale nomen vel commune, vel proprium, Poëtæ, quod quidem sciamus, vel per somnium in mentem venerit. *Nominalium* præterea nota secta est, quibus, quæ pro rebus alii seriis & gravibus sectantur & amplectuntur, voces & verba mera sunt. Sed hæc ab aliis observata.

Quid quod in hoc ipso *Dialecticæ*, sive ἀσκληπικῆς vocabulo ob ambiguitatem verbi non pauci impingunt? Non enim eo nomine ars illa tantum, quæ alio nomine vulgò *Logica* nuncupatur, insignita est; sed ipsa scientiarum scientia Metaphysica, aut si quid supra Metaphysicam, quod scientem ac prudentem Universi, quàm latè patet, (τὸ πᾶν ὄντων καὶ τῶν πραγμάτων) ex rationis præscripto, ad usum vitæ, contemplationem complectitur: quo sensu etiam verbum ἀσκληπικῆς apud veteres Philosophos non rarò occurrit: ut mirum non sit, si maxima quæque huic arti (ita enim vocant) à Veteribus tribuuntur, quæ ad vulgarem Dialecticam ab imperitis, aut minùs attentis quibusdam traducta sunt.

De morali Stoicorum Philosophia, quæ olim florentibus ingeniis & studiis maximarum dissensionum & contentio-num materia fuit, jam aliquid antea, cum de Seneca loqueremur, attigimus. Sed liber Ciceronis, qui *De Finibus* inscribitur quartus, totus ejus argumenti est, ut probet Stoicos solâ verborum pompâ & subtilitate, non rebus ipsis, à reliquis Philosophis dissentisse. Nempe quod alii bona, illi producta, vel præposita, quæ mala, illi rejectanea malebant appellare: quæ expetere se fatebantur alii, ipsi, non rebus, sed verbis indicto odio, legere se profitebantur: quod aliis erat optare, ipsis sumere; quod fugere, illis secernere. Hæc quidem argutiæ, quis neget? & præstigiæ verborum. Sint fanè: sed ex his verborum præstigiis & regna nata sunt vobis, & imperia, & divitiæ, dicebat ille olim; & dicebat ille quidem, ad decantatissima illa disciplinæ istius paradoxa, sive mirabilia, præcipuè respiciens. Sed seriò & extra jocum ita sæpe contigisse, ut per has aut similes verborum præstigias ad magnas opes & imperia sive dignitates via pateret, testes illorum temporum Historiæ.

In naturali Philosophia quàm multa peccata sint; quàm multa tradita à Veteribus; à posteris autem ex imperitiis verborum non intellecta, contra naturæ leges in censum naturæ vulgò recepta sint, qui de rebus naturæ cum judicio & diligentia scripsere, passim observant. Unum nominare sufficiat nunquam satis laudatum, Julium Scalligerum, qui eo nomine verborum incuriosis non uno loco graviter succenset. Sed quid multa? Quàm rerum maximè sublimium & reconditarum studium à verborum cura separari non possit, haud aliundè melius discamus quàm ex incomparabili naturæ Mysta, Aristotele, qui in divino *Metaphysicorum* opere integrum librum terminorum explicationi dicavit.

Cæterum quia ex omnibus Physicorum sive Metaphysicorum terminis obscuris nulli sunt, in quibus explicandis vel doctissimis aqua magis hæreat, nulli verò, si res ipsa spectetur, explicatu digniores, quàm sunt isti duo, τὸ τί ἦν εἶναι, & ἐνπλέχεια. quæ beatæ memoriæ Parentis, Isaaci Casauboni, super iis sententia fuerit; aut saltem, quod ad illorum explicationem pertineat, ex locupletissimis ejus *Adversariis* in candidi Lectoris, antiquæ Philosophiæ & Aristotelis amantis, gratiam non pigebit hic adscribere: sed hac tamen (ut & alia, si quæ postea ex illis pariter publicabimus) conditione, ut si quid vel in verbis, vel in rebus ipsis, ipso & cæteris ejus scriptis minùs dignum occurrat, ad me culpa pertineat, qui inconsulto aliis gratificandi studio publicaverim; non ad illum, qui non eo animo, nec eâ vel rerum, vel verborum meditatione scripsit, ut publicarentur.

τὸ τί ἦν εἶναι.

Sic solet Philosophus appellare τὸ τί ἦν εἶναι, ut fusè in Metaphysicis explicatur. Sic autem σύνθεσις hæc locutio est accipienda. Aristoteli κύκλος εἶναι & κύκλῳ εἶναι idem significat, ut notat ipse Metaphys. lib. 7. cap. 10. τὸ γὰρ κύκλος εἶναι, inquit, καὶ κύκλῳ, καὶ ψυχῇ εἶναι καὶ ψυχῇ, τὸ αὐτό. Hoc Latini dicere solent, *Esse circuli, & esse hominis*. Ergo τὸ τί ἦν εἶναι, est, id, quod alicui inest, & facit ut sit aliquid; nempe forma, quæ inest materiæ: εἶναι, hoc est, ut sit aliquid, puta, homo. Nam forma facit ut res sit quod est. Veruntamen si propiùs attendas, non est idem ψυχῇ εἶναι & ψυχῇ. nam illud formam significat, hoc τὸ σύνθετον. Itaque Themistius in lib. 3. *De Anima* verè: ἄλλο μὲν ἐστὶ ὕδωρ, ἄλλο δὲ ὕδατι εἶναι. ὕδωρ μὲν

μὴ γὰρ τὸ εἶναι ὕλην καὶ εἶδος· πρὶν δὲ ὕλην εἶναι, τὸ εἶδος ἐστὶ τῆς ὕλης, καὶ καθ' ὅ ἐστιν ὕλη. Idem tamen paulò post exceptionem adjicit, docens in his, quæ materiâ penitus carent, idem esse εἶναι πρὶν & π. Sic ille: Ἀλλ' ἐκ τῶν πρῶτων ἐμοίως· ὅππ' αἰὶν δὲ τὰ ὅλην ἐστὶν, εἴτε σιγμῇ καὶ σιγμῇ εἶναι, ἢ εἴτε ἀπὸ πρῶτων καὶ ἀπὸ πρῶτων, εἴτε ἂν ὁ λόγος τῆς τῆς εἶναι, καὶ τὸ εἶναι καθ' ὅ ἐστι, πρῶτον ἐστὶν ἐλθὲν τῆς φύσεως τῆς πράγματος. Porro Aristoteles veluti explens hanc phrasin, interdum Dativum, interdum Accusativum adjicit; ut in *Metaphys.* lib. 5. τὸ δὲ καθ' αὐτὸ εἶναι μὴ τρεπὸν, πρὶν τῆς εἶναι ἐκείνου, εἴτε ὁ καλλίας, καὶ πρὶν τῆς εἶναι καλλίας· & iterum Aristoteles alibi.

τὸ τί ἂν εἶναι.] Quærent quid hic significet τὸ ἦν. Respondeo, ita loqui passim Aristotelem. *De Partib.* lib. 1. c. 1. ἐπεὶ δὲ τὰς πρὶν τὸ ἀνθρώπου εἶναι, διὰ τὸ τοῦ πρῶτου ἔχει. *De Partib.* lib. 2. c. 3. φανερὸν ἐπὶ τὸ αἶμα, ὅτι μὴ ἐστὶ θερμὸν, εἴεν τι ἦν αὐτῷ τὸ αἶμα εἶναι. Ubi notabis distingui τὸ ὑποκείμενον· sequitur enim τὸ δὲ ὑποκείμενον καὶ ἐπὶ τὸν αἶμα ἐστὶ.

Amicus noster Peroldus exponebat servatâ propriâ significatione τῆς ἦν, erat; & rei formam ita appellari dicebat; quia potentia per formam educitur in actum.

τὸ τί ἦν εἶναι.] Frustra satagunt docti, ut comminiscantur acutam aliquam interpretationem hujus phraseos, qualem probare mihi aliquando volebant magnus B: nam aliud nihil significat nisi, quid sit esse alicui rei; id est, quid illud sit, quod ejus ὑπόστασιν constituat, aut potius οὐσίαν. Vide locum Galeni, *Tom.* 3. pag. 42. v. 45. ubi pro τῆς εἶναι, τὴν εἶναι nullo discrimine usurpat.

Ἐν πλέγμα.] *Aub. somnium.*

Legebam Præfationem viri magni, Philippi Canaji à Fraxinis, in libros *De Anima*, à se versos Gallicè: ibi inveni hanc observationem: Aristotelem & Doctrinam de anima, & vocem ἐν πλέγμα ab Hebræis accepisse; sed dissimulandæ origini τ pro δ posuisse; cujus rei probatio assertur è Luciano in *Judicio Vocalium*. Hæc ille. Obstupui cum illa legerem; neque enim putabam fieri posse, ut tam elegantis ingenii vir tantas nugas vel audire veller. Est verò A, quem ipse unicum unicè miratus est, vanissimum, putidissimum, flustissimum somnium. Nam falsissimum est, Aristotelem vel rem, vel vocem ab Hebræis sumpsisse: neque hoc potest excogitari aliquid magis ridiculum. Planè id perinde est, ut si quis cum pulcherrimam arborem cerneret fructibus onustam & gravem, vellet tamen negare in ea arbore fructus illos esse natos. Idem enim est de scriptis Philosophi.

Cæterum non explicat Canajus, neque unde derivaret aretalogus ille hanc vocem, neque quam significationem illi daret; sed non dubito, quia per d voluit scribi, derivasse à πρὶν *accendit*. τὸ ἦν erit formæ niphali: τὸ ἦν fortasse adscribebatur emphasi τῆς ἦν Hebræorum. Moriar si quid possit fingi alienius à vero. Ita ille.

H A C T E N U S de præcipuis scientiis aliquid; quæ quidem quia præceptis scriptisque doctorum tam priscorum quam recentiorum, ut plurimum, continentur, minùs mirum fortasse videri cuipiam possit, si verborum cognitionem non perfundentioriam requirunt. Superest igitur, ut ad ea nos convertamus, in quibus sive gerendis, sive percipiendis naturalis quædam ingenii solertia, & experientia, rerum magistra, sola regnare creduntur: à verbis autem, utpote quæ umbram & otium potius quam aliquem vitæ negotiosæ usum redoleant, remotissima vulgò perhibentur. Nos contrà sentimus, verborum rectè ritèque perceptorum utilitatem ad omnes scientias & artes longè latèque pertinere: in politicis autem & vita communi plurimum illa posse; ut si alicubi præcipuè statueretur quoddam quasi regnum verborum, non alibi collocandum censeam. Huic rei argumenta quæ mihi sint, paucis ostendam.

Hominem à brutis animantibus rationis usu præcipuè differre, nemo rationis ipse compos, dubitaverit. Cæterum qualis & quanta sit humani intellectus depravatio, aut id undè contigerit, non est hujus loci quærere: obvia sunt Philosophorum super eo tum querelæ graves, tum peracutæ commentationes. Neque hîc de prudentioribus & sagacioribus agimus, quos vel acrius ingenium, aut multo labore comparata doctrina supra sortem τῶν πολλῶν evexit. His omissis, cæteram turbam si spectemus, quotusquisque, qui per ἀχλὺν illam Homericam, intus turbantem; per tam varios extra colores, oculis illudentes; per tot imagines oppositas, luminibus obstruentes; ad ipsam rerum veritatem penetrare possit? Nihil autem porro quod humanæ rationi frequentius aut perniciosius imponat, quàm verborum fucus & pretextus.

Nec fortasse mysterio vacat, quod in omnibus ferè linguis, in præcipuis certè, moris hujus inter homines receptissimi certa quædam quasi vestigia, sive indicia sunt impressa. Unde enim factum dicemus, quod in principe

cipe lingua uno eodemque verbo tum res, tum verba significantur? Quod in eâ, quæ tum dignitate, tum antiquitate illi proxima, ratio oratioque uno eodemque τὸ λεγόν sunt insignita vocabulo? Quod in Latina denique, non tantum ratio & oratio adeo sint & literis & pronuntiatione affinia, sed ipsum res (ut doctis notatum) à verbo Græco, quod verbum, vel dictionem significat, oriundum sit?

Hoc igitur Viri politici, quibus cum populo res, cum pro sua prudentia ritè observassent, quàm id suis rebus peritè accommodaverint, omnium populorum & ætatum testatur experientia. Quod alicubi Plato de Musica, leges musicas mutari sine mutatione legum publicarum non posse pronunciat; nos contra de verbis, magnas in Rebuspublicis commutationes fieri sine verborum mutatione non posse, potiori fortasse jure contendamus. Neque id omiserunt Historici quicunque de meliori nota.

Thucydides, gravissimus ille & sapientissimus Historicorum, lib. 3. de Corcyreorum seditione loquens: καὶ τὴν ἐνθυμίαν ἀξίωσιν τῶν ὀνομάτων ἐς τὴν ἐργασίαν ἀντὶλαβὰς τῇ δικαιοσύνῃ· τόλμα μὲν γὰρ ἀλόγιστον, ἀνδρεία φιλέταιρ' ἐνομιόθη, &c. Idem lib. 11. de Pericle: Ἐγίγνωτο τῷ λόγῳ μὲν δημοκρατία· ἐργῶ δ', ὑπὸ τῷ πρώτῳ ἀνδρὶ ἀρχή.

Salustius De Bello Catilinæ, in Catonis Oratione: Hic mihi quisquam mansuetudinem & misericordiam nominat? Jam pridem equidem nos vera rerum vocabula amisimus: quia bona aliena largiri, liberalitas; malarum rerum audacia, fortitudo vocatur; eò Respublica in extremo sita est. Idem alibi: Namque uti paucis verum absolvam, per illa tempora quicunque Rempublicam agitare, honestis nominibus, alii, sicuti jura populi defenderent; pars, quò Senatus autoritas maxima foret, bonum publicum similes, pro sua quisque potentia certabant.

Cornelius Tacitus in Cerealis Oratione: Sed quia apud vos verba plurimum valent, bonaque ac mala non suâ naturâ, sed vocibus seditiosorum æstimantur, &c. Et ibidem paulò post: Ceterum libertas & speciosa nomina prætexuntur, nec quisquam alienum servitium & dominationem sibi concupivit, ut non eadem ista vocabula usurparet. Idem alibi lib. 1. Quæ usquam provincia, quæ castra sunt nisi cruenta & maculata? aut ut ipse prædicat, emendata & correctâ? Nam quæ alii scelera, hic remedia vocat; dum falsis nominibus severitatem pro sævitia, parsimoniam pro avaritia, supplicia & contumelias ve-

stras; disciplinam appellat. Idem de Tiberio, callidissimo Principe: Proprium id Tiberio fuit, scelera nuper reperta priscis verbis obtegere.

In eandem sententiam plura apud illum prudentissimum Historicum; nec illum tantum, quæ nos hic omittimus.

Consona sunt his, quæ passim veteres Patres, alique de ortu hæreseum ex verborum immutatione, (τὴν ἀπὸ ὀνομάτων πανουργίαν solent illi nuncupare) aut in aliam significationem detortione passim observant. Qualia sunt ista Gregorii Nysseni contra Eunomium: καθάπερ οἱ ἡρεσώντες λέγοντες βέβαιον πῶς ὑπολαμβάνουσιν τὸν ἡμεῶν τὴν πάρεσθαι, κρύπτειν δ' τὴν ἀπὸ θεοῦ ἀπὸ σαθρῶν τινῶν ἢ ἀνυποστάτων τῶν σώματι τὸ βέβαιον ἡμετέραν ἡμεῶν ὡς ἀν' ὑποπόδιον φαίνεται τῷ ἡμεῶν. ὡς ἀπὸ τοῦ πλάτους πλάτος π' μηχανάται καὶ τὸν ἀνθρώπου ἢ αἰσίου, τὸν βοθρὸν τῆς ἀσθενείας διὰ τὸ ἐνφύμιον τῶν καὶ ἐνδοῦν ὀνομάτων ἐπὶ διὰ τὴν ἀπὸ θεοῦ στήν ἐπικαλυπτικήν, ὥστε τὰς ἀλογιστέρας πῶς εἶναι τῇ ἀληθείᾳ πιστὴν τὸ τῶν κύρυμα διὰ τὸ τῶν ῥημάτων ὁμιλογίας νομιζόμεναι, πῶς ἡλὸν τὸ ἔνμα, &c. Quemadmodum venatores præripere foveis quibusdam ferarum accessum [potius, Quemadmodum venatores foveis quibusdam prætereuntes feras excipere, vel, intercipere] dicuntur, insidias autem putridis quibusdam operculis & soliditatem non habentibus orificia fovearum cooperientes occultare, ut planum adjacenti profundum videatur; [potius, ut quod profundum est, eò quod adjicitur, vel opponitur, planum videatur] tale quiddam adversus homines hæresis machinatur, foveam impietatis per hæc falsa & pia nomina veluti quodam superficiario tecto contegens: ita ut qui minus rationis judicio valent, idem cum vera fide horum præconium per verborum confessionem existiment; ad exile nomen, &c.

Ibidem: Ἐως γὰρ ἂν ἡ σωήτης κρατὴ σημασία τῶν λέξεων καὶ μηδὲς ἐνρίσκειται λόγῳ· ὁ μετασκευάζων εἰς τὸ ἐναίσιον τὰς τῶν ῥημάτων ἐμφάσεις, οὐκ ἐκδίδεται, &c. Donec enim dictionum familiaris significancia prævaluerit, & nulla inveniatur ratio, quæ verborum in contrarium transmutet notas significationes, non fieri potest, &c.

Ibidem: καὶ διὰ πάντως εἶγε μὴ μέλλοιμεν εὐχυσθὶν τινα τῶν πραγμάτων ἀπὸ τῶν ὀνομάτων ὑπαλλαγῆς ἐμπροσθί, σῶζιν ἑκάστῳ τῷ πρὸς τὴν λεγομένην τὴν οἰκίαν νοσημαίνοντων. Φανερόν ἐν δόξῃ τῶν λέξεων τῶν ἐννοίας, &c. Et nisi rerum confusio- nem quandam per nominum immutationem inducere velimus, omnino oportet cuique relatorum suam & propriam servare significationem. Cum sit itaque harum dictionum notitia manifesta, &c.

A a

Idem

Idem lib. xii. οἱ δὲ τὴν φύσιν τῶν ῥημάτων ἐμφανέως πρὸς τὸν αὐτὸν ὡς ἀκίνησαντες, ἀλλὰ αὐτοῖς ἐφαρμόζουσιν ἀξίον ἐπὶ καθήκοντι τὸ εὐσεβείας φιλοεικῆσιν· ἰσχυρὰ μὲν γὰρ &c. *Hi verò istas voces ab ea, quæ est secundum naturam, genuinâ significatione dimoventes sive detorquentes, aliam ipsis accommodare intelligentiam ad pietatis eversionem perversè contendunt. Cum enim, &c.*

Nec aliter in privata consuetudine misceri & inverti vocabula, arque ex ista verborum inversione criminosos haud rarò atrolli, immerentes infamari, officia perverti, jura confundi, vitia denique virtutum, virtutes vitiorum elogiis inscribi, proscribi, vulgò videre est. Notatum id multis. Apud Suidam nescio quis in Ἐγκρατ. καὶ ἡ σωφροσύνη δὲ πλήρης τῆς ταπεινότητος χρηστεως· μεταλαμβάνοντες αὖτε τὰ ὀνόματα πρὸς τὰ ἐμφαντικὰ· τὸ μετὰ τὴν εἰς τὸ μέλαν μεταλαμβάνοντες δὲ τὸ πανουργον εἰς τὸ φρονιμον· τὸ τολμηρον, εἰς τὸ ἀνδρειον· τὸ πραον, εἰς τὸ ἀγρον ἢ ἀκινητον· τὸ ἐλευθερον, εἰς τὸ ἀσπον· τὸ οικονομικον, εἰς τὸν ἀνελυθερον· &c. Quintilianus lib. xi. Verborum etiam moderatione detrahi solet, si qua est rei invidia, si asperum dicas, nimium severum; injustum, persuasione labi; pertinacem, ultra modum tenacem esse propositi, &c.

Planè quod in figuris quibusdam poëticis usu venisse notat idem Quintilianus, quibus, quia plerunque servare metro Poëtæ coguntur, adeò ignoscitur, ut vitia ipsa aliis in carmine appellationibus nominentur, (metaplasmos enim & schematismos & schemata vocamus, & laudem virtutis, ait ille, necessitati damus) id ad mores & vitam quotidianam, sed tantò pejore exemplo, quantò minus hic necessitati locus, traductum est. Vitia virtutesque prout studia & partes abripiunt, vario verborum colore depingimus: aliis atque aliis nominibus eadem pro variis affectibus aut temporibus appellamus. Ut non immeritò vitæ olim futuræ melioris & beatioris hoc inter alia indicio & caractere usus sit Propheta *: *Neque flagitioso amplius indetur nomen ingenui, & tenax non dicetur liberalis.*

Non igitur audiendus, hic quidem certè, Gregorius Nyssenus, qui μόνον τῶν ἐκ μέγης ἢ φρενιδῶς ὡς ἀπαρῶν τὸ ἀγαπᾶν αὐτὸ πρὸς τὰ ὀνόματα καὶ μὴ τὴν σημαίνοντων τὴν ὅτι τὰ πράγματα κερήδω φωνῶν esse pronunciat. Sanè qui canem pro homine, vel hominem pro cane palam substituatur, quibus ibi Nyssenus exemplis utitur, vix effugiat, quin pro cerrito & circumferendo vulgi sermone differatur: qui verò de sobriis intemperantes, aut intemperantibus sobrios,

(quæ itidem exempla ab illo adhibentur) faciant, aut certè facere possunt, tantum abest ut pro insanis vulgò habeantur, ut nullis prudentiæ ac sapientiæ palmam vulgus hominum libentius deferat.

Ad POLITICA (nisi quis malit ad Jurisprudentiam, de qua prius egimus) referri potest, quod interdum ex unius ambiguae aut obscurioris voculæ varia interpretatione multorum hominum millium salus pendeat. Cujus rei cum non pauca, si quis oraculorum ancipitia responsa, veteresque diligenter explicet memorias, exempla suppetant; nullum tamen insignius, quàm quod ex lib. i. Samuelis, cap. viii. vers. 9. & ii. peti potest. Ibi in re tanta, quanta maxima potest in vita communi cogitari, & cujus variis temporibus in diversis locis agitatio strages magnas populorum edidit, verbi unius ὁρθῶν vera significatio, ex qua tota sententia pendet, post hominum doctissimorum ex omni ferè natione commentationes, nondum extra omnem planè controversiam. Eadem etiam in Homero, ubi de Regibus & ipse loquitur, verbi Græci ambiguitas. Ait ille de Ulyssè:

Οὐκ ἔστιν ἄλλος ἐξ αἰσίων, ἢ πῶς
Εἴ δ' ἔστιν, ἢ τ' ἐστὶ Διὶς θείας βασιλῆος.

Quibus in verbis illud διὸν tam à Scholiaste vetere, quàm Eustachio, νόμος ἢ τρέως, exponitur. Cicero quoque consuetudinem regiam in eadem re dixit: in Oratione pro Rabirio Posthumo: *Nemo nostrum ignorat, etiam si experti non sumus, consuetudinem regiam. Regum autem sunt hæc imperia; Animadvertite, & dicto pare, &c.* Sed non id nunc agimus, ut quæ in utramque partem à diversis afferuntur, aut afferri certè possunt, excutiamus.

Ut autem ambigua verbi Græci νόμος significatio, de qua multo plura erunt nobis alibi dicenda: ita & Latini apud Ecclesiasticos Scriptores Lex miras peperit doctorum quorundam hallucinationes, de quibus nos aliquid jam olim in Notis ad Optatum Milevitanum; nec ea nunc repetemus.

ATQUE hæc hæctenus, quæ de verborum cura & accuratæ eorum cognitionis usu multiplici, pro hac otii nostri ratione, præsentique conditione non intempestiva visa sunt. Viros præstantissimos, qui in hoc erudito se pulvere cum Reipublicæ literariæ fructu post renatas literas exercuerunt, nihil attinet hic nominare, cum & multi sint, & satis noti. Quia tamen ita res tulit, ut cum in his essem, Joannis Croii, Sacrarum Observationum Pars prior ad manus

Cicero:

Nam & prudentiam malitia; & temperantiam immanitas in voluptatibus aspernandis; & magnitudinem animi superbia in animis extollendis; & despicientia in contemnendis honoribus; & liberalitatem effusio; & fortitudinem audacia imitatur; & patientiam duritia immanis; & justitiam ambitus; & religionem superstitio; & lenitatem molitia animi; & virtutem diuturnam timidas; & illam disputandi prudentiam concitatio capiti quoque verborum; & hanc oratoriam vim, inanis quædam profuerit loquendi.

* Es. cap. xxxii. vers. 5.

manus meas perveniret, quarum jam antea non parva erat apud multos expectatio; non inutilem prorsus aut ingratam Lectori me sumpturum operam credidi, si aliquam temporis, quod in earum lectione insumpsi, rationem hic redderem. Egregiam certe illius operam paremque in pluribus verbis explicandis industriam, eandemque operam & industriam in veterum Scriptorum locis non paucis à pravis aliorum interpretationibus vindicandis, sed & emendandis *ὑποχρῶμαι*, non possum non agnoscere. Quod si qui sint, qui hæc levia putent, iidem optimos quosque Scriptores tam sacros & Ecclesiasticos, quam prophanos omnino non legendos, aut etiam abolendos arbitrentur. Nam legendos quidem, sed de sensu aut genuinâ lectione non esse laborandum, tam ab omni ratione alienum est, ut vix esse putem quemquam, mentis compotem, qui vel ita palam dicere, vel clam secum statueret sustineat.

Verum enimverò quàm difficile sit hoc studium, vel inde liqueat, quod in tanta diligentia non tamen scopum semper assequitur vir doctissimus. Ut exempli causa, cum non procul ab initio, *θεωρήματα* apud Gregorium Nyssenum in istis, quæ profert ex illo verbis: *τάτοις δὲ περὶ ἡμῶν ἐπιδορυμῇ ρηθῆναι, ὁ φιλόσοφος ἀναγνῶνς τὴν ἡμῶν γραφὴν τὰ ἰδιόφυτα περὶ τοῦ αὐτοῦ τοῖς θεωρήμασι τὰ ἀνύμματα: Mysticeam & spirituales significationem; vel potius ea, quæ probanda & demonstranda sunt, interpretatur. Cicero, inquit, *θεωρήματα* vertit *præcepta*; *præcepta* appello, quæ dicuntur Græcè *θεωρήματα*. Hoc sanè jejunum nimis, nè dicam temerarium. Ait ibi Cicero: *Etenim si est divinatio, quibusnam à præceptis artis proficiscitur? præcepta appello, quæ dicuntur Græcè θεωρήματα*. Non igitur *præcepta*, simpliciter, τὰ *θεωρήματα* vertit Cicero; sed *præcepta artis*; nec id leve discrimen est. Præterea, *præcepta*, an *percepta* sit ibi vera lectio, dubitant docti. Doctissimus Turnebus ex veterum Codicum fide, sed & verbi ipsius proprietate adductus, hoc posterius magis probat. Immo *percepta*, longè probabiliorem esse lectionem auctissimus ipsi præstare. *θεωρήματα* siquidem, & κατελήφης artium magistris eadem. Hoc tum ex aliis discimus, tum ex Sexto Empirico, *Pyrrhonicarum Quaestionum* lib. 111. cap. 29. cuius lemma est, *Εἰ ἐστὶν ὁ διδάσκων καὶ ὁ μαθητὴς*. Uno illo capite, in *θεωρήματα* & μίαν κατελήφην promiscuè sæpius usurpat. Ut cum dicit, *Ἡτοι γὰρ ἐν θεωρήματι καὶ μίᾳ κατελήφει δύναται πῶς τὸν ἀπὸ τοῦ πηχύτου, ὁ ἑαυτοῦ. Ἄλλ' ἐν μὲν κατελήφει μίᾳ τὸν ἀπὸ τοῦ πηχύτου ἀπεργάζεσθαι, πρῶτον μὲν ἔσται λέγειν ἐπὶ ἐκ ἐστὶ σύστημα ἐν κατελήφει ἢ τέχνη. Ὁ γὰρ**

μηδὲν ἑλὼς εἶδως, εἰ ἐν θεωρήματι διδάσκειν τέχνης, πηχύτης αὐτὸν ἔστιν ἀπορροῖον εἶναι. & quæ sequuntur ibi in eandem sententiam. κατελήφην autem, *perceptionem* Cicero differtis verbis non uno loco reddit; & quæ Sexto Empirico aliisque passim, *θεωρήματα τέχνης*: Ciceroni, *percepta artis*. Hinc, *catholica θεωρήματα*, in Epistolis ad Atticum, quibusdam, *regulae generales*; Simeoni autem Bosio, viro doctissimo, *perceptum artis, quod in omnes conveniat*; vel, *regula generalis*. Galenus in ὁρίσιν: *θεωρήματα ἐπὶ πρῶτον καθολικόν, ἀκολούθως πρὸς τὸν τὸ ἰατρικὸν τέλῃ, ἢ ἀξίωμα καθολικὸν συμπληρωτικὸν τὸ ἰατρικόν. ἢ, θεωρήματα ἐστὶν ὅτι τὰ ἐναντίον σπανίως ἐκβατόν*. Sanctus Augustinus in *Soliloquiis*; (illa intelligimus, quæ verè sunt Augustini) τὰ *θεωρήματα*, alludens ad verbi originem, vertit, *spectamina*; *spectamina disciplinarum*, id est, τὰ *θεωρήματα* τὰ *μαθημάτων*· cuius generis, in exemplum eorum, quæ adeo certa & manifesta sunt, ut de iis nemo sanus dubitare possit, adducit hæc: *Lineam in duas lineas per longum scindi non posse; at transversim infinitè secari posse: sphaeram pares circulos habere non posse, &c.* Stoicorum decantatissima *θεωρήματα*, de quibus aliquid nos alibi, prætereo. Fulior τὸν *θεωρημάτων*, aut vocis potius *θεωρημάτων* explicatio ex Mathematicorum scriptis & Græcis Aristotelis Interpretibus, qui in posteriora ejus Analytica commentati sunt, peti potest. Ad hæc igitur *θεωρήματα* exigenda docet Nyssenus, quæcunque obscuriora sunt in Sacra Scriptura, quæ *enigmata* solet, ut & alii passim Patres, appellare. Multa certè in hanc ille, (de obscurioribus per clariora scilicet explicandis) sententiam passim. Ecce statim initio libri secundi: *τὴν ἐκ τῶ ἀρχαιότερος γραφῆς, ἐκ τόμου π καὶ περὶ φημῶν καὶ τῶ περιμετρώδους διδασκαλίας γνωρίζον περὶ τῶ ἀπερχομένου φύσεως διδασκαλίας δι' ἐπὶ τὴν πῶς καὶ ἀνύμματος ὡς μαθητὴν τῶ δόξαν καὶ φημῶν ἡμῶν ἀληθείας δεχόμεθα ὑποσέως τὴν ἀλήθειαν τὸν ῥῆτον ἐκλαμβάνοντες ὡς συμφωνοῦν τῇ ὡς τὰ διόπτου τὸν ὅλον ἐκπεύτῃ πῶς. Posteriora verba sic vertenda: *Ut cum fidei, quæ ab universi Domino tradita est formula, rectè congruant*: non ut Interpres ibi Latinus, qui τὸ συμφωνοῦν, quasi de personis, non de rebus dictum esset, accipit. Hoc igitur qui faciunt, id est, obscurius indicata per notiora exponunt, eos τὸ λόγον ὅτι τὴν ἀναντιρρήτως βάσειν ἵσταται· qui verò non faciunt, ψιλῶς καὶ ἀνεξηγητῶς vel ἀνεξήγητος καὶ ἀθεωρητῶς ὡς ἀδύνατον τὸ λόγον, solet interdum dicere. Erit igitur & in istis, de quibus quærimus hic, Nysseni verbis, *περὶ θεωρημάτων* τὰ ἀνύμματα, *theorematibus* vel *regulis generalibus* (id est, fundamentalibus articulis fidei) *alia, quæ mi-**

nus perspicua sunt, aptare, ut nulla sit dissonantia. Hæc mihi veniebant in mentem ex ipsorum, prout illa profert ex Nysseno vir doctissimus, verborum lectione: non enim, fateor, inventa mihi cum in his essem, in ipso Nysseno verba illa, quæ profert. Et crediderim primam, non tertiam Orationem illum voluisse, nisi in Græseri nomine deceptus est. Non enim, nisi fallor, alias ex XII. illis contra Eunomium Orationibus Latinas fecit Græserus, præter primam.

Sed hoc leve est. Illud aliquantò majoris est momenti, quòd nimio carpendi & contradicendi studio vir doctissimus extra veri limites non rarò abripitur. Quale illud est, quòd Ciceroni *κατασκευάζει* insultat, quòd addendo deducendoque, quæ reliqui summa cognosci dixerit. Non video, inquit, quomodo aliqua reliqui summa addendo fieri possit. Deducendo quidem, &c. Et hinc concludit, Ciceronem non solum bonum non fuisse ratiocinatorem, sed & *σολοικισμὸν* in verbis, (ex Aristotelis definitione) commisisse. Ridebunt, puto, qui putandis rationibus assueverunt. An igitur potest, ut acceptorum & expensorum quisquam rationem secum ineat, aut alteri reddat, ut non in computando addat deducatque? Aut quæ ex additis deductisque summa conficitur, aliud quàm reliquum (de quo, ut & reliquari verbo multa Jurisconsulti) dici debeat? Quod si aliqua in verbis præcisè sumptis *ἀκυρολογία* aut repugnantia, non alia certè, quàm quæ per figuras haud infrequentes & vulgarem loquendi usum possit excusari. Quàm multa in quotidiana sermonis consuetudine planè usitata & legitima, quæ si quis morosior & rigidior ad leges vel Grammaticas, vel Dialecticas exigat, obnoxia reprehensioni sint? Ecce, *puteum fodere, chlamydem texere, domum ædificare*; quid in ore omnium frequentius? Quid tamen de his loquendi generibus acutiores Philosophi, non ignotum est. Quid quòd Gregorius Nyssenus integro *περὶ κοινῶν ἐνοχίων* libello, *Petrum, Paulum & Barnabam*, quatenus homines sunt, non plures esse, sed unicum *κυρίως ἓξ* & *ἑπταμερικὸν λόγον*, quamquam *κατασκευαστικῶς καὶ διὰ συνήθειαν* (ut ipse loquitur) tres vulgò reputentur, asserat & pluribus adstruat? Quid autem, si in verbis Ciceronis addendi deducendique verba ad solos calculos (quorum jam olim in putandis rationibus usum fuisse qui nunc obtinet vulgò, certum est; & illustris in eam rem Polybii locus) pertineant? Sed non opus est, ut eò confugiamus. Sunt enim addere & deducere hic quasi *παικτικὰ* vocabula, quæ etsi per se contraria, unam tamen eandemque rem significant; *computare sci-*

licet. Geminà planè phrasi dixit Apostolus (non dicam quod *κακοηθέστερος* aliquis fortasse diceret, per Ciceronis latus, Apostolum ferire illum voluisse) in Epistola ad Philippenses: *οἱ ἰδοὺ ἡμεῖς, φιλιππησίαι, ἐτι — ἀδελφία μοι ἐκκλησία ἐκκοινοῦντες εἰς λόγον δόσεως καὶ λήψεως, ἡ μὴ ὑμῶν μόνων*: Nullam mihi Ecclesiam communicasse in ratione dati & accepti (ut tum veteres, tum recentiores vertunt Interpretes) nisi vos solos. Ubi rectè doctissimus Camerarius: *περίφρασις ἐστὶν sumptus, qui in tabulas referri solet. Tabule autem sunt expensi & accepti. Ut hoc dicat, solos Philippenses tum sibi aliquid contulisse. Quod ipsi nimirum expensum tulerunt Apostolo, Paulus eis retulit acceptum*. Tremellius autem in Notis ad Syriacam versionem: [*Id est, in rebus pecuniariis, in quibus habetur dati & accepti ratio. Quæ phrasis etiam apud Rabbinos est frequens, exprimiturque vocibus דָּן וְקָבַץ, quæ significant acceptionem & expositionem, sive exhibitionem.*]

Sunt etiam non pauca, quæ notat ut nova Vir doctus, & hæcenus observata nemini; quæ tamen alibi reperire est. Ut quæ de verborum transire, & *διεγχεῖν* non vulgari usu Lectores suos jubet observare, quæ nos pridem ex cruditorum virorum in Suetonium Commentariis didiceramus; ut ea præteream, quæ de versibus, & quæ de charta; quæ totidem ferè verbis partim ex Lipsio, partim ex summi viri in Solinum *Prolegomenis* transcripta videri possint. Quæ non eò dicuntur à me, ut candori ejus aliqua labes (facile enim potest contingere, ut viri docti in eadem interdum imprudentes incurrant) aspergatur; sed ut ipse aliis mitiorem se præbeat. Miratus sum aliquamdiu quâ tandem ratione factum sit, ut *Observationes* suas *Sacras & Historicas*, potius quàm Grammaticas, aut certè Criticas, in quibus de verbis tam multa passim; quæ verò ad Historiam pertinent, nulla, quod sciam, inscriberet; sed desii mirari cum quodam loco Grammatici & Critici titulum viris de literis melioribus optimè meritis, * magni probri loco, & quidem im-

peritissimè & iniquissimè, objici ab ipso comperi.

Hæc de viro docto pro meo erga illa studia amore, paulò liberius; quæ quidem studia, ut per se sunt ingenua & liberalia, ita si ab eorum Mystis & Professoribus tractarentur, nã haud paulò melius & ipsorum studiorum honori, & tractantium existimationi consuleretur.

De lingua verò *Hellenistica*, de qua multa Crojus in his *Observationibus*; aliquid & nos, Deo juvante, in Diatriba *De Quatuor Linguis*, Hebræa, Græca, Latina, & Saxonica.

D E N U P E R A
H O M E R I

E D I T I O N E

LUGDUNO-BATAVICA HACKIANA,

cum Latina Versione, & DIDYMI Scholiis; sed & EUSTATHIO,
& locis aliquot insignioribus ad *Odyssæam* pertinentibus;

I T E M,

S U P E R L O C O
H O M E R I C O

*dubiæ apud Antiquos interpretationis, quo DEI in hominum
tam mentes, quàm fortunas Imperium asseritur,*

BINÆ DISSERTATIONES.

A U C T O R E

M E R I C O C A S A U B O N O,

I S A A C I F I L I O.

JOANNI GEORGIO GRÆVIO,

Viro doctissimo & humanissimo,

MERICUS CASAUBONUS

S. P.

 Uanquam hæc inter nos, (ut Comici verbis utar) nupera admodum notitia est, Vir clarissime, & te publicam hanc meam compellationem miraturum non ab simile veri sit; me tamen non una causa impulit, ut ita facerem. Nam primò, Diatribam illam, de duabus alteram, quæ hîc publici sunt juris; tu, cum periisse eam putabam, restituendam mihi curasti: quæ si digna fuit, quæ non periret; tu dignus, cui vitam & incolumitatem suam acceptam, salvâ illâ publicè profiteretur; & qui jam prodenntis in vulgus patrocinium susciperes. Sed & altera quoque causa accessit. Anni puto, plus minus duo, cum tuis primùm humanissimè provocatus, cæpit hoc inter nos mutuarum literarum commercium: quod per aliquot menses utrinque ita excultum est, ut nihil minus quàm quod accidit, verendum videretur. Accidit autem, ut cum tu libros aliquos, qui gratissimi mihi fuerunt, muneri misisses; & ego vicissim aliquos, quos tibi non ingratos futuros sperabam; ^{his autem} mittendos crederem; (quos etiam literæ comitatæ sunt; quibus & alteras, aliâ viâ missas, ne tibi cunctatio mea, siquid prioribus meis accideret, suspecta esset, paulo post addidi) accidit, inquam, (quod miratus sæpe sum, nec adhuc cum venit in mentem, mirari desino) ut ab illo tempore, cum jam plus anno præterierit; quid libris aut literis factum sit, rescire nullus potuerim. Cum igitur aliæ viæ non succederent, hac occasione usus sum, ut si adhuc (quod opto & spero) vivis, & vales; & meam fortasse cessationem non minus miraris, aut etiam indignaris; hac publicâ meâ compellatione, in nulla culpa esse me intelligeres. Plura libenter scriberem, de Philostrato præcipue; ad cujus editionem, si in proposito pergis, & vita suppetit, aliquid fortasse conferemus, quod tibi usui esse dicas. Sed hæc aliàs pluribus, cum de præsentis tuo statu certior ero. Vale, Vir doctissime, & hoc quaecunque est, æqui bonique consule. Londini, in ædibus Cottonianis, postridie Non. April. partæ Salutis anno CIO ID CLVIII.

Domino Gronovio, raræ, his præsertim temporibus, eruditionis & diligentiae viro, plurimam à me, quæso, ut amicissimo, cum videbis, aut scribes, salutem.

DE NUPER A HOMERI

Editione Lugduno-Batavica Hackiana,

DISSERTATIO.



Triennium, & eo amplius est, cum Homericæ, quæ tum Lugduni Batavorum, cum Græco Scholiaste, accurabatur, editionis specimen, à *Francisco Hackio*, multorum librorum editione nobili Typographo, dum de nova *Polybii* editione inter nos agimus, ad me missum est; in quo cum spectabilis esset elegantia characterum, & alia superarent, quæ ad exteriorem librorum commendationem pertinent ornamenta; factum est, ut non parvam ex eo voluptatem caperem. Nam is ego sum, qui *Homero* tantum tribuo, quantum hominem verecundum, & literarum amantem, ei qui tot ætatum præscriptione princeps ingeniorum; bonarum omnium artium & doctrinarum seminarium; humanæ denique sapientiæ apex audiat, tribuere fas est: & ea videbam tempora, quibus nulla bonis ingeniis & literis infestiora, ullam vidisse ætatem, pridem est cum sentio doleoque. Quid enim mollius dicam, aut censeam, cum hinc fanaticorum, qui *ῥεῖον*, quod ajunt, *ἡ παλὴν* quicquid humanæ eruditionis est, à sua, magno clamore, proseribunt Republica; non numerum tantum, sed & auctoritatem per bella civilia paucis annis adeo crevisse videam, ut sint ex eo numero non pauci, qui ***** illinc tam multos esse, qui quamvis verbis, ut suis inventis gratiam & auctoritatem concilient, æquiora præ se ferant; nominibus illi tamen, & scriptis Antiquorum, quibus hætenus res stetit omnis literaria, petulanter obtrectare gloriosum sibi ducunt, eaque ex manibus studiosæ juventutis excutere, quantum in ipsis est, scriptis & factis, omni ope & operâ contendunt? Ut eos omit- tam, qui dum *methodos*, & compendia nescio quæ sua nobis venditant, & breviorẽ (si Diis placet) ad eruditionem viam promittunt, tanto à vera eruditione, quos suis jactationibus irrecierunt, abducunt; quantus qui in

ipsorum nugis & ineptiis percipiendis impenditur labor. Hæc cum certa sint, & omnibus publicè, nisi iis, qui vol- givagâ hac dementia correpti sunt, nota; in aliquo pretio bonos adhuc libros esse; adhuc superesse, qui veteres probatos Scriptores tanti faciant, or- nent, & ornatos gaudeant; sed inprimis, suum adhuc *Homero* (qui vel unus quandiu legetur, amabitur, publicis expetetur votis, non metus est, ne meliores penitus exulent expirentve literæ) constare honorem, & dignita- tem; quis literarum amans non impen- se gaudeat?

Delectatus igitur hoc specimine, dum animo meo tantisper hac occasio- ne obversatur *Homerus*, venit interim in mentem locus Homericus, de quo, quia præter alios insignis semper visus est, aliquid olim commentatus eram. Hanc igitur commentationem meam cum ad *Hackium* eâ lege transmississem, ut si ad ea, quæ parabat in *Homerum*, opportunam judicaret, ureret- tur; sin minus, remitteret: quid ille judicaverit, nescio; nisi quod id cer- tum, Bibliopolam Londinensem, cu- jus operâ uterque usi eramus in mit- tendis literis, tanquam sibi (neque de fide ejus dubitandi causa erat) ab ipso responsum renuntiasse, libenter illum, quæ missa erant, accepisse; & quando per me liberum esset, id maluisse, ut edenda retineret, quàm remitteret. Post bene longum tempus, cum nova illa *Homeri* editio prodisset in lucem sine ulla Dissertationis istius mentione; sed nec ad nos ne tunc quidem, post- quam *Homerus* ille aliquot jam menses vœnalis prostituerat, vel ipsa remissa es- set, vel verbo saltem, quo mutati con- filii ratio nobis aliqua constaret, fa- ctum satis esset; apud amicum isthic tunc agentem, pro re nata, mutuoque literarum officio, recens inito, que- stus hanc injuriam; aut si hoc in re tam parva nimis est, negligentiam; quod ex pacto diu antè fieri debuerat, tan- dem ipsius operâ præstitum est, ut ad

qualis fuerat missa, integra & illibata rediret. Abdideram in scrinia, ubi latere cum non paucis id genus aliis (quod & fortasse praestitisset) tuta diu poterat, nisi inexpectata occasio rediisset in memoriam, eademque tandem extrudendae ei foras fuisset; quae nunc occasio (si Lectore, ut speramus, non nolente fiet) à me proferetur: & hujus etiam, quae nunc comes illi prodit, ratio reddetur.

Cum post obitum charissimae conjugis, sex admodum annis inde jam lapsis, quod id-unicum ferè vitae solatium relictum erat, diuturno ejus desiderio in languorem, postea & morbum incidissem; qui annum unum & alterum ut de vita saepe desperarem, gravissimè me exercuit; tandem, ita volente Deo, hætenus eluctatus sum, ut si porro valere vellem, labori & gravioribus studiis renuntiandum, & illud præcipuè curandum esset. Eò redactus igitur, ut & vita laboriosa, sed & domestica solitudo pari studio vitanda essent; amicorum indicio & procuratore, à viro nobilissimo, & ingenii dotibus, multiplici doctrinà exultis, ornatissimo, *Joanne Cottono*, *Thomae filio*, *Roberti* (celeberrimae illius, quae *Cottoniana* vulgò audit, Bibliothecae fundatore) nepote, invitatus sum, ut in studiis ipsi philologicis comes essem, & adjutor. Accepta libenter, quantum valetudo pateretur, conditione, quâ nulla temerè potuit alia optabilior aut opportunior contingere, cum alia erant, à quibus auspiciari visum, tum inter alia occurrebat *Homerus*, cui acri vir ingenio, tantum suâ sponte deserebat, ut unicum illum columnen eruditionis saepe me non dissentiente, prædicaret. Cæterum, quia *Iliadem* diligenti lectione triverat, ut bona pars memoriae hæreret, *Odyssæa* delecta est, quam junctis operis legeremus. Ego *Homeri* textum, cum *Eustathii* Commentariis; ille nuperam illam Græco-Latinam editionem Lugdunensem cum *Didymi* Scholiis, ante oculos habebat. Præstò erant & aliæ *Homeri* editiones, ut *Giphania* utraque; *Amstelodamensis*, anni partæ Salutis 1650. aliæ, quæ *Homerum* purum putum, sine versione scilicet aut Noris ullis, exhiberent. Cum autem oculos interdum, ut sit, in adversam versionem Latinam, quam Lugdunensis ista editio *Hackiana* exhibet, conjiceremus; quanquam talis illa plerumque reperta, quâ carere sine damno possemus potius quàm quæ laudari mereretur; primò tamen, non adeò mirari, aut indignari, ut qui dudum experti essemus, quantum vulgatis istis versio-

nibus tribuendum sit. Postea tamen cum in non pauca tam portentosa incidissemus, ut exemplo res carere (si fortè librum unum, aut alterum excipias) videretur; & vix oculi, præcipuè qui cæterum editionis istius apparatus cogitarem, fidem facerent; seria res animadversione digna tandem visa est. Cum enim aliorum in quocunque genere Scriptorum Græcorum versiones extent haud paucae, quas merito laudamus; etiam illorum, in quibus labor longè major, & difficultas ingenia non vulgaria detertere poterat; quis non miretur fati *Homerici* iniquitatem, cui cum palmam dent omnes ingenii, & in omni laude, longissimo intervallo præcellentem agnoscant; nondum tamen repertum esse, qui tot insulsißimi Interpretis hallucinationibus & barbarismis horrentem & squalidum, & quidvis potius appellandum quàm *Homerum*; meliore cultu ornatum & politum, Latinis auribus proponeret? Nec adeò tamen *Homeri* ipsius injuriâ commovebar, quem nemo, qui sapit, ex versionibus vel accuratissimis, nedum vulgaribus, æstimabit; sed tyronum præcipuè intuitu, quorum teneros animos, cum amore & admiratione Poëtæ incomparabilis imbui, Reipublicæ literariæ & posteritatis adeò intersit; mirum ni tot impactæ cruces, & tenebræ offusæ, ubi Græca plerunque liquidissima sunt & elegantissima; vel de proprio cogant ingenio desperare, vel alieno (*Homerum* intelligimus) immeritò obtrectare. Cum igitur hanc meam indignationem apud multos, ut ferebat occasio, liberius expromissem, ut aliquem, si posset, qui tanto malo mederetur, excitarem; rem tandem longè aliter habere quàm putabam intellexi. Aliquot enim post mentibus cum virum nobilem, quò mihi jam notiozem, eò magis amabilem & charum, ad paterna prædia non uno loco sita, pro re nata, & anni tempore se conferentem, comitatus essem; opima illa quidem, & iis rebus, quæ ad splendorem faciunt, abundè instructa; sed eò tamen mihi gratiora & jucundiora, quòd ubique libris referta, (ut Romanas Antiquitates, quæ ad rem Britannicam faciunt, undique conquistas & huc translatas taceam) reperirem; inopino mihi incidit in manus versio *Homerica*, quæ cum sine dubio vulgarissima sit, & omnibus (sed & mihi olim fortasse) satis nota; tum certè mira, & penè incredibile accidit. Portenta enim illa (ad 600. ausim dicere; nec pauciora, quamvis properantes, observasse crediderim) verborum, aut omnia, aut pleraque

sublata, non infelicitè, unius hominis aut duorum ad summum, industriâ *Francisci* scilicet, & *Emilii Porti*, Cretensium, reperi. Sed & *Sebastiani Castalionis* editio postea oblata est, quæ si non tam pura & defæcata est, quàm *Emiliana*; at longè tamen purior & defæcatior illa jam tum, anno Domini scilicet 1567. quàm sunt istæ posteriores, quarum antea meminimus, & quorum copiam nobis fuisse, *Odyssæam* aggre-
dientibus, diximus. Giphaniarum, omnium quas hætenus vidimus, impurissimarum. *Amstelodamensis* autem, quamvis multa correctæ exhibeat, quæ peccat enormiter *Hæckiana*; at illa vicissim plura, aut certè non pauciora admittit, quæ piationis non minus egeant, quæ in *Hæckiana* rectè habent: ut de duabus, cum neutra tolerabilis sit, cum utraque tanto tempore posteriores sint istis melioribus, quam tamen pejorem statuas, hæreas. Unde autem factum, quòd hæc Lugdunensis editio, quæ tantam præ se fert elegantiam, tot versionis ulceribus, fœda & deformis in lucem exiret, meum non est conjicere, nisi dicemus, illis fortasse commissum negotium, qui cum harum literarum adeò rudes & ἀνύητοι essent, ut de tot mendis nulla vel minima suspicio ipsis oborta esset; de iis, aut propriâ, aut alienâ operâ tollendis (quod tamen, in plerisque, vel mediocriter docti facillè poterant) curam suscipere, aut solliciti esse non poterant utique. Quidvis certè potius crediderim, quàm illos, quorum præcipuè intererat, tam illiberalis facinoris, & παρὰ γνώμης conscios fuisse.

His ita indicatis, quæ non taceri publicæ utilitatis intererat; ad alia libenter pergeremus. Sed ne quis tamen nos (ut sunt ingenia) præter verum & rei meritum ἀφ' αἰτίας suspicetur, aut prudens etiam calumniatur; quanquam putidius, & aliàs injucundum, in his tam minutis, & quæ ad aliorum reprehensionem pertinent, immorari; proferemus tamen aliqua, quæ ad innocentiam nostram tuendam sufficiant. Ac primò, integros aliquot versus, hinc inde, ut se nobis offerunt, adducemus, ex quibus discrimen versionum quivis intelligere possit.

Odyss. d. edit. Lugdun. pag. 68. in verbis Menelai, labores Ulyssis in obsidione Trojæ narrantis & exaggerantis: Et hæc, inquit, αὐτὸν (ipsum, id est, in propria persona) [semel] pati, lex fati fuit: mihi verò ex recordatione ipsius, & eorum, quæ pro nobis passus est, dolor, qui quotidie recurrit, & quem nulla dies (ea enim vis

hoc loco istorum verborum, αὐτὸν ἀλαστον & est elegans in verbis antithesis) minuet:

τῷ δὲ ἀπ' ἑμῶν
Ἀὐτὸς κ' ἔσται, ἑμὸς δὲ ἄλλ' αὐτὸν
ἀλαστον
καίνομ.

Portus optimè, verbum verbo reddens:

*Huic enim futurum erat
Ipsi, dolores ut essent; mihi verò mæ-
ror semper gravissimus, quem nulla
oblivio deleteret,
Illius causâ.*

Versio verò Lugdunensis (si versio dicenda est) pag. 68.

*Huic futuri sunt
Ipsi dolores fieri; mihi verò tristitia
semper incessabilis,
Ob illum.*

In verbis, primò, quis unquam tam barbarus ita locutus est, aut quis ita loquentem tantus Oedipus ut intelligat, *futuri sunt fieri*? Sed in re tamen majus peccatum, cum quæ præterita narrat Poëta, (quod & res exigit ipsa, & ratio τῆς ἀνιστησέως in verbis) tanquam futura (labores Ulyssis scilicet) hic proponuntur. Hoc saltem Castalio dudum emendaverat, dum vertit, *futuri erant*; non, *sunt*: nam cætera, nihilo melius. Sed ista deinceps omitemus, & Lectori relinquemus, versiones ipsas proposuisse contenti.

Eodem libro, Lugdun. edit. pag. 91. Ulyssis, Regis Ithacæ, innocentia, si-
ve clemens gubernatio his verbis à Poëta proponitur:

καὶν δὲ ὅτε πῦρ πύρριον ἀπὸ δαλας ἄ-
δρα ἔωγεν.

Castalio:

*Ille verò nunquam prorsus improbè cui-
quam fecit.*

Portus, ut vim verborum Græcorum plenius exprimeret, aliquantò laciniosius:

*Ille verò nunquam prorsus [ullum fa-
cinus] impium in quemquam vi-
rum fecit.*

Lugdun. edit. pag. 91.

*Ille verò nunquam prorsus improbum
virum egit.*

Homer. lib. 4 de Phæacum navibus:

ἔδ' ἐπὶ πρὶ σφιν
οὐκ ἐπὶ πημασθῆναι ἐπὶ δὲ, ἔδ' ἔπ' ἑ-
λίσσεται.

Vertit Portus:

*Neque unquam ipsis
Aut damni quid patienas subest peri-
culum, aut pereundi.*

Castalio:

Castalio:

*Neque enim ipsis
Neque detrimentum patiendi est me-
tus, neque pereundi.*

Lugdun. autem:

*Neque unquam ipsis
Neque aliquâ parte offendere accidit
timore, vel perire.*

Lib. x. Lugdun. pag. 236.

ἢ χρυσὸν φίλῃ ἀνδρὲς ἰδέεσθαι πρὸς τὴν.

Poterat aliquis hæcere fortasse, nisi Scholiastes Græcus (ut Eustathium omit-
tamus) τὴν ἐν τῇ ἀποστολῇ ἐκτίθηται
sed nec ipsa res aliam expositionem
patitur. Bene igitur Portus:

*Quæ aurum dilecto viro habuit cha-
rius.*

Hunc sensum & Euripidis in Medea
verba confirmant:

Εἴπερ γὰρ ἡμεῖς ἀξίῃ λόγῳ πρὸς
Γιῶν, ἀποδείξαι χρυσάτων αὐτῷ εἶδ' ἔτι.

Lugdun. autem:

*Quæ aurum dilecti viri accepit pre-
tiosum.*

Eodem libro, Lugdun. edit. pag. 248.
verba Poëtæ elegantissima, in com-
mendatione operis exquisitæ & inimi-
tabilis artis:

Μὴ πηχέμεν μὴδ' ἄλλο τι πηχέσαιο,
ὅς κενον τελαμῶνα ἐν ἑκατέρῳ πηχῇ.

Portus:

*Nec tale antè fecerat, nec aliud face-
re posset,
Qui illud lorum suâ aptaverat arte.*

Castalio:

*Nec aliud fabricatus est, nec aliud
fabricabitur,
Qui illud lorum suâ elaboravit arte.*

Lugdun. autem:

*Ut qui illud efficit, aliud quidem effi-
ciat,
Qui illud lorum opposuerit arte.*

Lib. x. Lugdun. edit. 203.

ὦ φίλοι, εἰ γὰρ πῶς καταδυσέμεθ' ἀχνύ-
μοι περ,
Εἰς αἶδας δομας, πρὶν μέρσιμεν ἡμᾶς
ἐκίλθῃ.

Portus:

*O amici, nequaquam porro descende-
mus, quamvis tristes simus,
In Plutonis ædes, antequam fatalis
dies adveniret.*

Ita & Castalio, iisdem ferè verbis.
Quantum autem in his verbis momenti
sit ad compescendum immoderatum
luctum, & erigendos vel afflictissimos;

quantum venustatis etiam, si cum de-
bita emphasi & energia pronuntientur,
Lectori judicandum relinquo.

Lugdun. edit.

*O amici, nondum enim descendimus,
tametsi tristes,
In Plutonis ædes, antequam fatalis
dies adveniret.*

Haud adeò magnum discrimen in ver-
bis apparet; sed magnum tamen est sen-
tentia, mutatis verborum temporibus.

Lib. x. Lugdun. edit. pag. 307. bo-
ni famuli character proponitur, absen-
te Domino bona Domini sui non minus
curare, & in obeundo munere non mi-
nus strenuè se gerere, quàm præsentem:

καίρε δ' ὁ δύστροπος,
ὅτι γὰρ αἱ βίαι ἀεικέλεις νόστον ἐνέει.

Portus:

*Lætabatur autem Ulysses,
Quod opum suarum curam gereret, li-
cet longe abesset.*

Castalio in eandem sententiam:

Quod ei facultates curabat absentis.

Lugdun. autem:

Quod suæ vitæ curam gereret:

ex quo potius colligamus, cum genio
suo indulgisse absente Domino (qualis,
in Evangelio, servus malus alicubi pro-
ponitur) quàm quod dicit Poëta. Et
quamvis βίῃ utrumque pro re nata
complectatur; aliud tamen βίῃ, aliud
βίῃ.

Eodem libro, Lugdun. edit. pag. 289.
tria scita prudentissima sapientissimus
Poëta complectitur: Frustra esse homi-
num labores, nisi Deus adsit & adspi-
ret: Non alios, aut illos potissimum
Deum juvare, qui quod in ipsis est, se-
dulò præstant: Quibus Deus faveat, &
eorum opera prosperet; eosdem & ho-
minibus gratiosos evadere, & ab illis
æstimari. Quæ singula per se eximia,
longè tamen insigniora merito censean-
tur, si cum Sacra Scripturæ locis, qui-
bus id quoque notari dignum, San-
ctum Paulum eodem quoque verbo,
quo hic Homerus, usum esse, ὁ θεὸς
κρίνει. &c, ὁ ἀνέστην θεός, 1. Cor. III.
vers. 6, 7.

ὅς κεν ἐμὲ ἐιδυκίως ἐφίλει, καὶ κτῆσιν
ὅπως, ὁ δὲ πᾶσι αἰκτῶ ἀναξ' εὐθυμῶ ἔδωκεν,
ὁ δὲ πᾶσι, κληρόν πᾶσι, πολυμήτην τε γυ-
ναῖκα,
ὅς αἱ πολλὰ κάμησι, θεὸς δ' ἐπὶ ἔργον
αἰετῶν.
ὅς καὶ ἐμοὶ πῶς ἔργον αἰετῶν ἔπει μίμνω.

B b 2

Portus,

Portus, ut in re tam gravi debuit, plenissimè & expressissimè, ut vel incautus Lector adverteretur:

Qui me valde diligebat, & possessionem dedisset,

Quantam suo familiari Rex benignus dederit,

Domumque, bonaque, optatissimamque uxorem;

[*Ei, inquam, servo*] *qui operam suam Domino diligenter navaverit, cuiusque labori Deus dederit incrementum:*

Ut & mihi hoc negotium augetur, in quo occupor.

Lugdunenses autem:

Qui me accuratè diligebat, & possessionem præbuit,

Tanquamque suo familiari Rex benignus dedit,

Domumque, portionemque, optatissimamque uxorem;

Qui sibi multa laboraverit, Deus autem negotium auxerit:

Sic & mihi hoc negotium augetur, quo detineor.

Quis tam felicitis ingenii, ut ex his se expediat, & sensum aliquem commodum, nisi Græca consulantur, eruat?

Non tantum sententiæ damnum, fautor; sed major in verbis singularibus hallucinatio in loco huic propinquo, ubi procorum iniquitatem Eumæus subulcus exaggerans, ait eos esse peiores piratis hostibus, qui factâ in terram aliquam impressione, contenti naves suas spoliis implevisse, quasi divinam ultionem aliquatenus reveriti, aliò se conferunt, nec terris, quas semel spoliaverunt, incubant, & incumbunt: quod contrâ fiebat à procis, quotidianis hostibus & spoliatoribus domûs Ulyssis:

καὶ μὲν δυσμένειες καὶ ἀνέστες, οἳ ἐν γαίῃ
Ἀλκυονίδος βῶσιν, καὶ σφιν Ζεὺς ληΐδα
δῶκεν,
Πλησόμενοι δὲ τὴν νῆα ἔβαν οἰκόνδε ἑκάστος.
καὶ μὲν τις ὀπίθῃ κρατερὸν δέῃ ἐν φρεσὶ
πιπείλῃ.

Portus:

Et quidem hostes & iniqui, qui terram

Alienam invaserint, & quibus Jupiter prædam dederit;

Impletis verò navibus redierunt domum quisque:

Verùm his ultionis divinæ timor in animos cadit.

Lugdunenses autem:

Et quidem hostes & iniqui, qui in terra

Aliena vescantur, & ipsis Jupiter prædam dederit;

Impletis verò navibus redierunt domum quisque:

Et quidem his curæ potens timor in animos cadit.

Quàm fœda & ridicula in duobus illis prægnantissimis (hic quidem certè) verbis (βῶσιν & ἐπι) hallucinatio?

Lib. φ'. Lugdun. edit. pag. 440.

ὅσαυτον νεὸς ἀμφιλόστρε
βύβλινον, ἃ ῥ' ἐπιδέσσει νῆας.

Portus:

Instrumentum navis hinc inde remis impulse

Byblinum, [id est, funis nauticus] quo ligavit fores.

Optimè & ex byblo Ægyptia confecta fuisse χωνία, five funes nauticos; sed & vela, docet Theophrastus *De Histor. Plantarum*, lib. 4. Aldin. edit. pag. 54.

Lugdunensis autem editio:

Lignum navis circumagitabilis Byblinum, quo ligavit januas.

Scirpea vincula, aut viminea, aut ex teneris arborum ramis, lignea fortasse dici possint; sed ex ligno navis facta vincula, quis patienter audiat?

Libro λ'. Lugdun. edit. pag. 225. in nobili illo de futuro Ulyssis statu, tum de morte ipsius & mortis ratione vaticinio, quod & libro penultimo repetitur, tam multa peccata sunt utroque loco, ut non tam Interpretes egisse videantur, quàm homines, qui bonam mentem & sensum communem abjurerint. Quia prolixior est locus, insigniora quædam indicasse sufficiet. Ait Homerus, aut ipse potius Ulysses narrat Homeri verbis, monitum se oraculo, ut post procorum cædem, sublato in humeros remo, susceptâ peregrè profectio, non antè gradiendi finem faceret, quàm ad homines perveniret, qui cibum sine sale comederent, & rerum maris adeò ignari & expertes essent, ut cùm remum illum, quem humeris gestare iussus erat Ulysses, aspicerent; qui remum scilicet nunquam vidissent, aut fortasse vel fando audivissent; mirarentur, & ventilabri id genus esse crederent, & eo nomine nuncuparent. Tum verò quibusdam, quæ præcipiuntur, ibi ritè peractis, domum, reducem longâ pace & tranquillitate, ad seram usque mortem fructurum. Ecce ipso statim initio, λαβὼν ὤμους ἱπέρην, acceptâ fabrefactâ nave: an non consulto consilio factum quis meritò suspicetur, ut Lectoribus illuderent? Quis enim aliquin ἱπέρην, & quidem humeris gestandum

dum, *navem* (ut *ἡνέρις*, & *ἀνέρις* vel *ἀνέρις* imperitissime confusa omittam) reddidisset? Sed in istis, *ἢν ἀνέρις* *ἔχον*, &c. *Dixerit se ventilab. hab.* &c. non minus graviter peccatum, cum totius vaticinii sententia inde præcipue pendeat. Ita enim non Ulysses, sed viator, gestans humeris, quod *ventilabrum* hic appellatur, inducitur. Fateor quidem etiam in Porti editione, quam habeo, ita reperiri: *se*; non, *te*; quod sensus requirit. Sed cum reliqua non hic tantum, sed, ut plurimum, correctissima sint; probabile est, & æquitatis ratio postulat, ut ita judicemus, *te*, illum; non *se* voluisse, & quod aliter exhibent libri, id vitio Typographi contigisse. Nisi fortasse idem etiam lib. *ψ*. repetitus error incogitantiam scribentis potius arguat. Quod ego tamen, cum tanti momenti sit hæc hoc loco vocula, vix crediderim: ac illud potius, sed Lector, ut volet. Nos ad Lugdunensem redeamus. Dicer aliquis fortasse, quædam à nobis hic reprehensa, lib. *ψ*. correctæ reperiri. Rectè: sed idem addat, ibi etiam præter illa, quæ hic commissa sunt, quædam non minora deprehendi: ut cum *ἢν*, quod hic non male, *dixerit*; ibi putidissime, *apparuerit*, redditur. Et quis egregios illos Correctores, quibus harum rerum cura commissa est, non bene provinciâ suâ functos dicat, qui hæc tam contraria, tam stulta (saltem si Latina intellexissent) non adverterunt? aut, qui fuit eorum stupor, advertere non potuerunt? Cæterum non Lugdunensibus tantum, sed aliis quoque meritò condonemus, si in prædicenda ratione mortis Ulyssis, *ἔ* *ἀλός* illud, in quo ambiguitatem sensus, prout unâ voce, vel divisim duabus scriberetur, aut enuntiaretur, captavit ingeniosissimus Poëta; verbum Latinum, quod illi responderet, & eidem ambiguitati obnoxium esset, non invenerunt. Poterat tamen aliquis fortasse tentasse, ut non omnino conatu suo excideret. Certè apud Persium, *maris expers*, (ut notant doctissimi viri) ambiguum est, & contrarias significationes admittit: quod hic etiam non malè, si quis id agat, accommodari possit; sed & aliud fortasse reperiri, quod magis etiam conveniat. Nos enim hoc obiter tantum, ut scribenti se, non quaesitum, obtulit. De eventu autem huius partis vaticinii, siue ratione mortis Ulyssis, & quam verè non *in mari*, (siue, naviganti) id est, *ἔ* *ἀλός* sed *ex mari* tamen, id est, *ἔ* *ἀλός* præter ea, quæ asserunt Eustathius, alique, consulendus etiam (si Lector est tam curiosus) Philostratus in *Vita Apollonii*.

Sed iterum in viam: quanquam putidi laboris nimium quantum jam tædet; ut discant tamen harum rerum minus intelligentes, aliquid in libris præter chartam, & typos æstimare, pergamus. Consultò illa omittimus, in quibus aliqua difficultatis species, aut verò dubitandi causa. Sola notamus pauca de multis, quæ à pueris & tyronibus, his operatis, animadverti, & corrigi poterant. Qualia pag. 69. & 88. *καὶ ὁ δὲ*, *immixta erant*: pro, *perfecta erant*. Pag. 77. *καὶ ὁ δὲ* *ἔχον* *ἔχοντες*, *immensam injuriam habentes*: pro, *insolentissimi*, vel *insistat à insolentia prædicti*. Pag. 104. *ἐπὶ δὲ* *ἐπὶ* *ἔχον* *ἔχοντες*, *quoniam adhuc placuerat nymphæ*: pro, *quoniam nondum placuerat nymphæ*; [cum admittere scilicet] vel si *ἔχον* in Nominativo, quod etiam probat Didymus, scribamus: *quoniam non amplius delectabatur nymphæ*. Si quis hoc ad errata typographica malit referre, de quibus infra dicturi sumus, per me licet. Sed hoc causam Lugdunensis editionis nihil juvat, ut mox apparebit. Pag. 219. *Ἀνέριον κατέδρασε* *ἔν* *ἡλιώπῃ* *μέλ*. *Masculum alligavit arietem* (an sunt & arietes fœminæ in Belgio? sed tum quoque non *ἀνέριον*, sed *ἀνέριον* esse debuit) *fœmellamque n.* pro, *Arietem alligavit, ovemque fœmellam n.* Pag. 173. *ἀνέριον*, *justissime*: (quasi à *δία*) pro, *inclute*, vel *illustrissime*. Pag. 294. *ἔ* *ἀλός* *ἔ* *ἀλός*, *ut à generatione pereat*: pro, *ut genus pereat*. Pag. 316. *ἔ* *ἀλός* *ἔ* *ἀλός*, *& persolvit opus indecorum*: pro, *& ultus est facinus indignum*. Pag. 446. *ἔ* *ἀλός* *ἔ* *ἀλός*, *Projecta autem mensa, Decidit torquens se*: pro *asperfus autem* [sanguine scilicet; sed & alias interpretationes habet Didymus verbi *ἔ* *ἀλός*: sed nullam, quæ ad mensam referat, quod insanum] *circa mensam Decidit circumactus*. Et mox, *ἔ* *ἀλός*, *aquas*: pro, *fercula, cibos*. Paulò post, *ἔ* *ἀλός* *ἔ* *ἀλός*, *obscuriora videri possint ad interpretandum; nec expectandum ab ista tot monstrorum fœcta versione*. Portus tamen non malè, Eustathium secutus. Pag. 454. *ἔ* *ἀλός* *ἔ* *ἀλός*, *varius impetus*: pro, *exagitator æstrus*, vel *asilus*. Pag. 340. *ἔ* *ἀλός*, *reclititudinem*: pro, *consilium, mentem*: *ἔ* *ἀλός* *ἔ* *ἀλός*, ut ibi Scholiastes. Et ibidem mox, *ἔ* *ἀλός*, *seve*: pro, *innocentes*. Et eodem libro, pag. 345. *ἔ* *ἀλός*, (ita enim ibi excusum: neque alia lectio in *ἔ* *ἀλός*, quæ versionem ibi posiram peperit, ullibi posita) *in stabulo*. Planè ut pag. 182. cum duplex lectio in Codicibus Homeri reperitur, *ἔ* *ἀλός*, & *ἔ* *ἀλός*. Lugdunenses priorem repræsentant (*ἔ* *ἀλός*)

μιν) & vertunt, *mansimus*; cum tamen illam alteram lectionem nullibi exhibeant. Possemus id genus alia plurima (ut pag. 418. ἰδιον, *proprie*: pro, *suavi*. Pag. 429. ἐχράστε, *utimini*: pro, *infesti ingruitis*, &c.) cumulare; sed quis finis? præcipue, qui actum jam quodammodo agamus: quod à nobis semper quantà maximà curà potuit, vitatum. Sed quid ab illis speremus, aut quid in illis mirum, & portentosum videatur, qui ne errores quidem typographicos priorum editionum, qui suà monstrositate satis se prodebant, si quis oculis usus esset; & quivis, qui Græca vel à limine delibasset, statim deprehendere, parique facilitate corrigere poterat; in hæc tam pulchra editione, tanquam tot ignorantia suæ, & asininæ confidentiæ monumenta, reliquerunt? Talia, *veteranus*, pro *veterator*: pag. 105. *Dispicio*, pro *despicio*: pag. 157. *Capros*, pro *captos*: pag. 290. *ferebat*, pro *serebat*: pag. 291. *Ovibus*, pro *bovibus*: pag. 199. *Annuat*, pro *abnuat*: pag. 431. alibique. *Abstulisti*, pro *abstulit*: pag. 401. & id genus alia. Porro, Correctoribus id Lugdunensibus debeamus; an ab aliis admissum, & pro bona merce receptum, nobis obtruserint nescio: dignum sanè istis hominibus, in quibus ignorantia, an audacia magis superet, incertum est. Nam lib. 4. pag. 136. καὶ τείχεα μακρὰ, ἡ ψηλά, σχολώπεσσιν ἀρπύγαι· cum primò versa essent (ut & Castalionis editio, toto ferè seculo Lugdunensi prior, exhibet) & *muros longos sublimes, vallis munitos*: quod, nescio quo casu, in posterioribus aliquot editionibus factum; *murum longum, sublimes valles munitas*: (quod in Giphaniæ utraque) homines acuti, qui non satis concoquerent illud, *sublimes valles*; Græca autem quid ferrent, non magis ad se pertinere scirent, quàm colorum iudicium ad cæcos; dignum se facinus ausi, quod proximum erat, *menia longa, sublimia, vallibus munita*, arripuerunt; & Homeri Lectoribus exhibuerunt. Ita *valli*, murorum munimenta, in *valles* mutati sunt. Eiusdem planè acuminis, & iudicii, quod libro 5. extremo, ubi Græca: (quæ sanè sunt pulcherrima) ὅς δ' ὅτε τις δαλὸν σποδὴν ἐπέκρουσε μελαίνην, &c. quæ (ut in Castalionis editione) ita versa, *Ut cum quispiam torrem cinere abscondit nigro*: postea, (incuriâ Typographorum) ἢ *cinere excidisset*, & excusum esset, (ut in Giphaniæ) *cum quispiam torrem abscondit nigro*: posteriores Correctores, Lugdunenses, an alii, hætenus eruditi, ut τῷ *nigro* deesse substantivum intelligerent, nec

aliud commodius occurreret; *nigro* in *nigrum* mutato, *torrem* illi substituerunt. Ita planè persuasum habebant, non facillè repertum iri se doctiores, qui Græca consulturi, aut omnino lecturi essent. Sed iidem tamen, quasi totum suum acumen in egregia illa emendatione consumpsissent, & jam re tam bene gestâ securi esse possent; cum *incedit*, (immani Typographorum priorum oscitantia) pro *incendit*, in proximis versibus reperissent; quod repereunt, retinuerunt; & eo quoque nos contentos fore speraverunt. Quod autem (ut hoc obiter moncam) Ἀγρὴ ἐν ἰσχατίῃ· etiam docti vertunt ibi, *Agro in extremo*: fortasse præstaret, *In domo, in agro extremo, sive longo remoto sita*. Assentientur fortasse, qui quæ docti viri (quibus omnia nos secundum Deum debemus) in *Lectionibus Theocriticis*, de voce ἰσχατὶὰ notaverunt, perspecta habent.

Hætenus de Lugdunensi illa editio-
ne, quæ speramus *Hackium*, si verè studia literarum libris edendis promovere satagit, æqui bonique consulturum, & in deligendis *Correctoribus* seu *Curatoribus* (ut de quibusdam Latinis ab illo editis nunc taceam) posthac cautionem futurum. Obijciat aliquis fortasse, hæc qualiacunque, etiam in *Henrici Stephani* editione reperiri; quod illi melius dixerint, quibus illa visa. Sed utcunque res habeat, cum tanta *Stephanus* præstiterit in his literis, quantum ab uno aliquo, qui non divini planè ingenii, & plusquam Herculeæ industriæ fuerit, expectare dementia sit; quis, tam iniquus, hoc ab illo exegerit, ut omnes, quas typis suis excudit, cum meliores non suppeterent, versiones præstaret? Ignorantia autem linguæ Græcæ, talia à Stephano præterita esse, ejus sit dicere, qui athletam leonum & pantherarum victorem, à mure aliquo, seu passerulo, ex virium imbecillitate, prostratum fuisse, credere possit. At virum maximum, cum ad alia properaret, multa correxisse, in quæ fortæfortunâ oculos coniecerat, non parva gratia. *Æmilii Porti*, quam laudamus, editionem non potuit ille vidisse, qui jam anno Domini 1598. fato concesserat.

Cæterum, cum ista *Æmilii Porti, Francisci filii*, versionem, in qua paternos Commentarios accuratè se sequi profitetur, laudamus; ut reverà laudem non parvam meretur: ne tamen eam tanquam consummatissimam à nobis proponi tyrones (quos hic potissimum juvare nobis propositum est) sibi persuadeant, eò nunc nos convertemus,

mus, ut exemplis aliquot insignioribus, aliorum, quibus ista cordi studia, excitemus; ac Homerus tandem, quoad ejus fieri potest, perfectè intelligatur. Hoc autem primùm monebo Lectorem, qui versione illà usus est, sicubi hærere eum, aut dubitare contingat, debere illum Græca scholia, aut Eustathii Commentarios antè consulere, quàm pronuntiet. Multorum enim ratio inde petenda est. Cæterum lib. 2. ἀπὸ πλείονος ἱμῶν. cur maluerit, *quæ facturi erant*; quàm, ut in aliis editionibus, *quæ perfici debebant*, vel in Castalio editione, *quæ perficienda erant*, assequi non possum. Videtur enim hoc sensus requirere. Lib. 3. ἐπαρξάμενοι δὲ ποτίσιν. dubito an satis rectè, *rem demum à poculis aggressi*: quod alii, *initium sumentes à poculis*. Sed & in Martini Crusii, viri Græcè doctissimi, editione Iliad. α. reperio, *à poculis iterum exorssi*. Cum tamen Hesych. ἐπαρξάμενοι exponat σπείσαντες. & Didym. ibid. ἐπαρξάμενοι, τὰ πίνειν ἀρχὴν ποίεσαι, καὶ ἀπαρξάμενοι καὶ σπείσαντες. Sed & Virgilius in eadem re, *Laticum libavit honorem: maluisse libantes poculis*, saltem *aspiciat à poculis*. Paulo post: καθαρήμιον· ἐπίπτοι, *inceffens verbis*. Sed cur non potius Eustathium sequamur, & Scholiasten, qui φιλοφρονέμενον (quod *demulcens* potius dicendum erat) exponunt? Eodem libro, ἀλοχὸν δισπωνα, *uxor hera*, reddi debuit, an potius, *uxor domina*; vel, *uxor regina*, ut lib. 4. extremo? Lib. 4. φῶκαι νίπδεις, *phocæ natantes pedibus*; vel, ut alii, *carentes pedibus*, quamvis ista autoritate Veterum niti quoque non negemus; cum tamen agnoscat in vitulis marinis pedes (ut mirer eo nomine ab antiquis Grammaticis, Hesychio & Suida, quasi negasset, eum reprehensum, asseri à Brodæo) Aristoteles non uno loco; & ista alia interpretatio verbi, νίπδεις, id est, *νηξίπδεις*, exemplo, quod sciam, certo careat; ego prætulerim, ut νίπδεις, hoc loco Homericò, *σπύζονες*, sive *progenies*, exponatur: & ideò fortasse, quanquam de piscibus in genere verum est, speciatim tamen *phocæ* seu *vituli marini* tantò magis *progenies maris* nuncupentur, ad discrimen terrenorum animalium, sive vitulorum, quorum magna cum marinis est similitudo. De hoc autem vocis νίπδεις usu certissimo, & satis communi, (contrà quàm viris optimè de his literis meritis visum est) apud Theocritum, aliosque, dudum viri docti monuere.

Lib. 1. pag. 253. καὶ γὰρ κεν ἀσκήθης ἰκέμεν: *Et illæsus pervenissem*: deest vox *fortassis*, quæ in Lugdun. edit. Ty-

pographis aliud agentibus (quid quod & integri versus alicubi transpositi?) propriâ sede deturbata, alienum locum in proximo versu malè occupat.

Lib. δ'. pag. 117. καὶ μὲν ἀάδην· malè *grave facinus patrasset*; pro, *valde læsus est*; ut paulò post ibi rectè red- dicitur. Non tamen ignoro ita aliquando contingere, ut eadem verba in viciniis locis dissimiliter accipienda sint; ut eodem libro vox λίκν· sed hic alia ratio: & Scholiastes ἰσλάζει exponit; ut & Eustathius pariter in eandem sententiam. Lib. λ'. pag. 354. στεῖν δὲ διψῶν: *Stabat autem sitiens*, non probo: melius, ni fallor, antea alii: *Cupiebat*. Nos alibi de isto verbo, & propria ejus significatione plura diximus, sed & alii, Viri doctissimi, in Theophrasti Characteres. Fateor istam explanationem Veterum autoritate fultam videri, Scholiastis & Eustathii, qui ἴστω (ut Eustathius) exponunt. Sed melius & plenius Scholiastes: ἴστω ἰπὶ τῶν ποδῶν. quod rectè satis hoc loco, vim verbi genuinam exprimit. Est enim in isto verbo (ut alibi pluribus) animi gestientis, & aliquid cupidè molientis per externos gestus indicatio. Nec aliud, opinor, vetus Auctor (cujus hoc ὁ λόγος, & quem Eustathius hic allegat) hic voluit. Hoc igitur vult Poëta his verbis, eam fuisse Tantalum, seu in pedes erecti, sive alio quocunque gestu (ut de pugilibus olim loqui soliti) περιβαλεῖν, ut ardentissimam statim præ se ferret. Sed eo libentius hujus loci meminimus, ut tum Scholiastæ, tum qui Scholiastem laudat hic, Eustathii, verba illustremus. Quis enim ille ὁ ἀσκηδαστής, quem volunt? Notum, ita solere Eustathium Veteres indicare: ὁ δὲ μοσοφίης· ὁ περιηγητής· ὁ ἐξηγητής· ὁ τεχνικός, &c. unde facile quis in errorem inducatur. Sed non alius tamen hic ὁ ἀσκηδαστής, quàm Poëta ipse, qui quia ὁ ἥμα (quod vocant) ἀσκηδαστικὸν hic adhibet, & eo valde (ut observat alibi Eustathius) delectatur, ideò hoc nomine hic insignitur. Quid sit autem ὁ ἥμα ἀσκηδαστικόν, tum veteres Rhetorici, tum Eustathius ipse, valde ampliter, in Iliadem α. & β. docent. Sed minus ferendum quod ibidem paulò post, etiam in Porti editione: κενὴ δ' ἐκ κρατὸς ἱπὸρ, *pulvis autem ex capite oriebatur*. Nunquam auditos puto fuisse, qui pulverem sudarent capite. At sudorem, multo labore comparatum, & omnibus membris, capite præcipuè manantem, *lixivio* comparari, quis non amplectatur? Nec multò melius lib. ε'. pag. 391. δύναι ἐπικρόμεν, *Conscendere navim properans*. Quanto eleganti-

tius,

tius, ut δύναι in propria significatione de occasu Solis accipiamus? Maxima certè est in verbis emphasis & ἐνέργεια· quam etiam Sanctus Paulus in causa simili (quod enim ibi Sancto Paulo *dies*, seu *Oriens*; id hic Ulyssi, *Sol occidens*) adhibuit: Αἶθρ. xxv 11. vers. 29. ἔνυχοντα ἡμέραν γαίᾳ. Homerus autem,

Πολλὰ πρὸς ἥλιον κεφαλῷ τρίπε παμφανέοντα,

Δύναι ἱπαιγέμεν.

Iterum dico; elegantissimè.

Lib. i. pag. 263. Ἐνθα δὲ πῦρ κείαντες ἐβόσμεν. Tunc autem igne accenso [*caseos*] *maſtavimus*. Neſcio quo casu, *caseos* illud insertum sit. Fortasse *oves* scriptum fuerat. Lib. τ. pag. 589. Ἐνλα γὰρ βορέης, *Flabat enim ventus*: & ibidem τροχ, Ἀνλῆσι δίδουρσι, *Foraminibus duplicibus*: non puto defendi posse. Aliiter certè Eustathius explicat, & Scholiastes. Talia in ista Porti editione non pauca, quæ diligens Lector, his exemplis jam cautior, haud difficulter observabit. Nos deinceps, quod initio promissimus, insigniora aliquot loca, de multis unum aut alterum, persequemur.

Lib. χ. edit. Lugdun. 458. Porti, 686. Euryclea, nutrix Telemachi, quàm domini & alumni sui amans, tam procorum hostis ex animo; cùm accita ab Ulyſſe, procos humi jacentes & mortuos præter expectationem conspexisset;

Ἰθυσὶν ῥ' ἐλολύξα, ἐπεὶ μέγα εἶσδεν ἔργον.

Aggreſſa est ululare; ita vertunt omnes, quos hætenus vidi; repressa est autem ab Ulyſſe, his verbis:

Εἴ τι μὲν γρηῦ χαῖρε, καὶ ἴχρε, μὴδ' ὀλόλυξε.

Οὐχ' εἴη κτεμένισιν ἐπ' ἀνδράσιν ὀχρεῖα.

Vertunt:

In animo anus gaude, & te cohibe, neque ulula:

Non est fas interfectis insultare viris.

Portus autem:

Non est fas ob interfectos viros [deos averruncos] precari.

Eustathius τὸ ὀχρεῖα non simpliciter exponit ὀχρεῖα, sed τὸ ἔτος (cum ὀλολυγμὸς scilicet) ὀχρεῖα· id autem eò redit, ac si Poëta dixisset (ut ibi Eustathius ἐπικανχᾶσθαι· quod est, *insultare*. Sed quis ista, quæso, conciliet; *ululare*, & *insultare*? Næ mira hæc est verbi Græci (si tamen Græcum est dicendum) ignoratio: in qua tamen ignorantia non Lexicographi tantum præstantissimi versati sunt; sed post illos

doctissimi quoque viri, qui in vertendis Græcis occupati fuerunt. Atqui Eustathius optimè hic exponit, & non defuerunt viri docti, qui tum in Notis in Novum Testamentum, tum alibi notarunt super eo, ex quibus alii deinceps cautiores debuerant evadere. Est autem ὀλολύξαι (ut antiquissimi utuntur) ad sacra propriè pertinens vox; sed non uno modo Latine semper exprimenda. Ut plurimum, cum clamore quodam, & inusitata, nisi in sacris, vocis intentione Deos comprecari, sive gratias agentes ob res lætas, seu eorum opem in adversis implorantes. Operæ pretium, opinor, erit, locos aliquot Veterum insigniores indicasse, in quibus hic usus verbi reperitur; ex quibus non Homero tantum lux, sed & ipsis non minus opportuna & necessaria. In exultationis & gratiarum actionis significatione, usurpat vetus Poëta tragicus (cujus præstantissimam editionem Londini curatam, viro clarissimo, Domino Thomæ Stanleio, debet aliquando posteritas) Æschylus, in Agamemnone; ubi custos, qui noctu observabat, prospecto tandem Trojæ urbis expugnationis indice lumine, ita inſit, vers. 26.

Ἀγαμέμνων· γυναῖκι σημαντὶ πρὸς,
Εὐνὴς ἱπαντὶ λαοὺν ὡς πύχθ, δόμοις
ὀλολυγμὸν ὀφημέντᾳ τῇδε λαμπάδι
Ἐπὸρθιάζον.

Hoc (ut in pauca contrahamus) dicit, se ad Clytemnestram, Agamemnonis uxorem festinare, ut illam ex lecto excitet, ad indicendum ὀλολυγμὸν. Hic autem ὀλολυγμὸς quo ritu præstitus, ipsa indicente, sit, narrat ipsa postea, Ἀνολύξα μὲν πάλαι χαρῆς ὑπὸ, &c. Hic certè ὀλολύξαι planè eadem notione, quâ Homerus hoc loco.

Addamus alterum ejusdem Æschyli locum in Ἐπίᾳ ἐπὶ Θῆβαις, ubi ὀλολύξω cum χαῖρω junctum opponitur τῷ κλαίειν· id est, lamentari, & solemnibus lachrymis prosequi, vers. 831.

Πόποιον χαῖρω καὶ πολολύξω
Πόλιος ἀσπὶ σωτήρι·
ἢ τὰς μοιρὰς καὶ δυσδαίμονας
Ἀτίκνυς κλαύσω πολέμαρχας.

In altera notione Euripides in *Medea*, præstantissimæ istius in literis quadratis (quas alii *capitales* vocant) editionis, folio (ut à nobis distincta; nam nulli ibi numeri) 22. & 23. Narrat ibi nuntius *Leucam*, Creontis filiam, donis *Medeæ* venenatis infectam, cùm animam ageret, ac miserè torqueretur; accurrisse vetulam, & quòd à Deo aliquo, (quia subito correpta erat) agitari illam crederet; ὀλολυγμὸν orsam esse,

se, sed cùm mori illam observaret, & longè aliter quàm rata erat, affectam; ex desperatione ἡ δολογμὴν (deprecationem scilicet) vertisse in κωπὴν, *planctum*, sive *ululatum*. Pessimè ibi in ejus verbi interpretatione defunguntur vulgari Interpretes. Apud Theocritum, in *Idyllio* xv. vers. 64. quod scriptum est in laudem *Ptolemei*; nutrix statim ut ex utero prodiit, in manus susceptum, ἐλάλουν, id est, (non simpliciter *exclamavit*, ut ibi versio, quod tamen tolerabilius, quàm *ululavit*, ut Homeri Interpretes) *sublatâ voce preces concepit*; quæ ibi sequuntur, vers. 67. ὁ λῆγε κίρῃ γένιοι. sed & Homerus jam suprà non uno loco ἐλάλουν cum precibus conjunxerat. Hæc igitur cùm propria & primæva notio verbi fuerit, ut ab Eustathio disertè notatum, qui id etiam docet, posteriores ad significationem luctûs transtulisse; quis dubitat, quin ipsissima vox sit Hebræorum, הלל halallelujah; cujus usus tam frequens in sacris Hebræicis, ut bonam partem cultûs divini complecti nonnunquam videatur? Sed de originationibus Hebræicis, plura paulò post erunt dicenda. Jam causam sciti hujus Homericæ si quis requirat, hostibus mortuis non insultandum esse, vel ut vertunt alii, ob mortuos inimicos, non precandos Deos, sive *preces* Deo non offerendas: Eustathius acutius, opinor, quàm verius hanc reddit: *Preces* (inquit) Dei præsentiam postulant; sed Deum præsentem adesse mortuis nefas olim credebant. Sed hoc nihil ad *insultationem*, quæ sine dubio præcipua est verbi ὀχέματα hoc loco (ut & Eustathius agnoscit) significatio. Aliam igitur habet, quæ ad verba Homericæ magis apposita rectè censeatur. Ea autem est, idcò prohiberi insultationem, quod qui occisi erant, non tam ἐξ ἀνδρίας τῶν κατελευντων, virtute credentium; quàm ἐκ θυμῆς, id est, ultione, & irâ divinâ, ceciderant. Hoc ipsum videtur innuere Poëta versibus proximè sequentibus: Τὸς ἢ μὲν ἰδόμεσσι θεῶν, καὶ χέτλια ἔργα, & quæ sequuntur ibi in eandem sententiam. Sed verissima causa aliundè, ni fallor, repetenda. Inter *Proverbia* Solomonis hoc quoque non uno nomine semper mihi visum perinsigne, & præcipuâ animadversione dignum: Græca hic ponemus, & Latina; quia vim verborum originalium satis feliciter exprimunt: Ἐάν πῃς ὁ ἐχθρὸς σε, μὴ θηχαῖς αὐτῷ, ἐν δὲ τῷ ὑποκειμένῳ αὐτῷ μὴ ἐπαίρη. Ὅτι ὁ ψευὴς κύβητος, καὶ οὐκ ἀρίστη αὐτῷ, καὶ δοσερέψαι πῦρ θυμὸν αὐτῷ ἀπ' αὐτοῦ: *Cum ceciderit inimicus tuus, ne gaudeas*;

& in ruina ejus ne exultet cor tuum; ne fortè videat Dominus, & displiceat ei, & auferat ab eo iram suam; Prov. cap. 24. vers. 17. Hanc fuisse veterum Ethnorum multorum mentem, & id diligentissimè ab iis observatum fuisse, fuscè alibi probavimus. At nostri Heroës, homines, ut se perhiberi volunt, Christiani, quàm multi aliter? Sed hæc non sunt hujus loci.

Lib. x'. Lugdun. edit. pag. 204. Porti, pag. 294.

ὦ φίλοι, ἔ γάρ τ' ἰδμεν ὅπῃ ἕφθον, ἔδ' ὅπῃ ἦώς,
ὅ' οὐδ' ὅπῃ ἡλίου φαισίμβροτον ἦς ἰσθὺς γαίαν,
ὅ' οὐδ' ὅπῃ ἀννέται.

Vertunt:

O amici, neque enim scimus ubi occasus,
neque ubi aurora;
Neque qua Sol hominibus lucem præstans vadit sub terram,
Neque ubi resurgit.

Ita etiam Portus. Mihi autem semper suspecta fuit hæc versio, qui non duas duntaxat mundi plagas his verbis indicari; sed quot omnino sunt, quatuor scilicet comprehendere Poëtam voluisse, multò probabilius judicabam. Movebat tamen me auctoritas Eustathii; veteris itidem *Scholias*ti, qui duas tantum (ἕφθον de occasu interpretantes) ex hac tanta verborum congerie eliciebant. Quò magis mirarer, id erat quoque, quod iidem ἕφθον, pro *septentrione* alibi, ut plurimum, occurrere non distabantur. Sed jam omnis scrupulus exemptus est, postquam Strabonem, Geographum accuratissimum, & Homeri studiosissimum, lib. i. & x'. Veterum interpretationes laudare, ac tueri, qui ἕφθον hic quoque de *septentrione* accipiebant, atque ita de quatuor plagis sententiam amplectebantur, animadverti. Mihi jam Strabo non est ad manum. Sed quò facilius illo (ad hoc quidem quod attinet) careamus, facit Didymus, aut quisquis ille *Scholias*tes; qui quamvis (ut saltem illum exhibent, qui nunc extant libri; nam ejusdem Authoris tam sibi repugnantia esse, non ego præstem) hoc loco δύσις & ἀνατολὴ tantum meminerit; idem tamen alibi de vocis ἦώς variis agens notionibus, & eâ occasione hunc Homeri locum afferens, ex Veterum opinione quatuor mundi plagas, hic interpretatur. Ita ergo ille in *Odyss.* 6. ipso statim initio: καὶ τῷ ἡλίῳ πᾶρδον, καὶ τ' ὅπῃ ἦεν ἀναπλάει ὁ ἡλίου, κατὰ Λ' ῥίσιον. ὦ φίλοι, ἔ γάρ τ' ἰδμεν ὅπῃ ἕφθον, &c. Νῦν κατὰ φασὶν ὁ Κράτης, τῶν πτωτέρων τῷ κόσμῳ μέμνηται μερῶν.

μερὴν ἀρχῆς, μεσημέριος, ἀνατολῆς, δὲ-
σως ἀπὸ ἀλλήλων ἐξ ἀντιθέτων ἀντίκταται,
ἢ μὴ ἀρχῆς, τῇ μεσημέριᾳ ἢ δὲ ἀνατολῇ,
τῇ δὲ σφ. Suspicio in prioribus verbis
ἤντιν reperiatur aliquid desiderari ad explendam sen-
tentiam; sed quæ sequuntur, adeo
certa sunt, ut interpretatione non in-
digeant. Quis est autem, modo qui
Hebraicæ linguæ non planè sit igna-
rus, cui, dum hæc legit, non statim
in mentem veniat vox Hebraica *
שָׁפֹן, *saphon*; vel ut olim scriptum &
pronuntiatum, *Saphon*: id est, *Aquila*,
Septentrio; à radice ductum, quod oc-
cultare, recondere, delitescere, signifi-
cat: ut mirum non sit, si vox Græca
ζέφυρος etiam tenebras, caliginem, &
quæ sunt istis affinia, significet. Ita &
ἀνέρας, verbum Homero usitatissimum,
quid aliud quàm Hebraicum (& id qui-
dem nullà mutatione interveniente)
נָפֹץ *obscuritas: tenebræ*; & (ut apud
Jobum scribitur, נָפֹץ, ut qui iam vo-
lunt, *loca septentrionalia, ubi sol totis*
sex mensibus non conspicitur. Homero
certè non *tenebras* tantum, sed & *occa-*
sus significat. Atque hoc ipsum sacræ
linguæ studiosis Homerum non parum
commendare debeat, quod ut Scrip-
torum omnium, qui nunc supersunt Græ-
corum, antiquissimus est; ita apud il-
lum longè plura reperire est, quæ suas
origines referant, quàm apud ullum
alium Scriptorem Ethnicum. Exempli
causâ: πῆσις vox Homericæ, quæ
Grammaticis non parum molestiæ crea-
vit. Fuerunt, qui ἀρχαίων alii, qui
ἐξ ἀρχῆς, ἢ περὶ ἀρχῆς exponerent. Eu-
stathius propriè ὕμνον significare vult.
Sed omnes tamen in eo consentiunt;
pro μῆσις ab Homero usurpari: ita
certè Odyss. γ'. & δ. sed & in *Hymno*,
quo Apollinem celebrat, ubi πῆσις op-
ponitur τῷ ἔργῳ. Et sanè hæc est vera
& genuina verbi significatio, ut patet
ex origine Hebraico מָן (*man*) *inavi-*
tas, inane, vel informis; ut Buxtorfius
exponit. Et rectè Esaiæ cap. 49. vers. 4.
מָן redduntur à Græcis Interpretibus,
ἐς μάταιον. Frustrâ igitur Eustathius,
qui aliundè arcessere conatur; qui ta-
men parum abest, quin barbaram &
alienigenam vocem agnoscat, dum φε-
φῶ πῆσις λέγει pronuntiat.

Jam verò phrasæ, & dicendi gene-
ra elegantissima tam multa sunt in Ho-
mero, quæ si quis cum sacris conferat,
vix est ut illorum sententiæ (ut illustri-
sima & sapientissima dicta, sensus &
sententias celeberrimas omittamus) non
accedat, qui partem aliquam *Veteris*
Testamenti notam ipsi lectamque cen-
suerunt. In his est Jacobus Cappellus,
vir apprime doctus, cujus verba non

indigna visa, quæ hic apponerentur.
Ita igitur ille: *Qui Virgilium cum Ho-*
mero contulerit, non dubitabit Homerum
à Virgilio lectum; sic Homerum cum Sa-
cris Scriptoris eo vetustioribus cum con-
fero, vix temperare mihi possum, quin
credam ab Homero lectos Scriptores illos
sacros, si non integros, saltem dō μέρους.
Non affirmat ille; nec ego, ut quis-
quam credat, laboro. Sufficit si id
vincimus, tam multa id genus apud
Homerum occurrere, ut si talis *compara-*
ratio locorum, pari judicio & diligen-
tiâ instituat; multum inde fructus
& ingenuæ voluptatis ad Lectores, tum
Sacrorum Librorum, tum veteris eru-
ditionis, id est, Homeri studiosos, re-
dire possit. Aggressus est Cappellus,
& multum præstitit; sic tamen, ut mul-
ta reliquerit aliis indaganda. * Et for-
tasse non unus, aut vix unus fuerit ho-
minis (ut sunt ingenia varia, & alia
aliis in hoc genere sagaciora) id opus.
Cæterum (ut hoc obiter moniam) de
verbo Homericō ζέφυρος multa Cappel-
lus quoque in locis indicatis, non quæ
sunt à nobis notata; (quod sciam; ne-
que enim aliorum serinia compilare no-
strum est) sed quæ tamen quod in ge-
nere volumus, & contendimus, non
leviter confirmant.

Sed quia in hunc sermonem & Cap-
pelli mentionem incidimus, non erit
abs re, uno saltem exemplo Cappelli
collectionem augere, ut vel hinc tan-
tò magis aliorum provocetur indu-
stria.

Odyss. γ'. Lugd. edit. pag. 455. Porti,
pag. 685. *Phemius* vates, qui absente
Domino, procis convivantibus & bona
Ulyssis impune diripientibus, operam
suam, invitatus ille quidem, (si fides ipsi
de se testanti) sed tamen & ipse con-
viviorum particeps, & procis dilectus,
navaverat; cum jam procorum strage-
m terribilem vidisset, & suam vitam
ἐπὶ ζυγῷ ἀμύνεσθαι intelligeret; Ulyssis
supplex ad genua provolutus, verbis
cum placare pro sua virili aggreditur.
Inter alia autem, quæ sanè sunt egre-
gia, & personæ convenientia, hoc de-
linimento utitur: *ἵνα δὲ τοι ὀφθαλμοῖς*
ἴδῃς, non vidi versionem, quæ
mihi satisfaciât; & absque Eustathio
foret, in ambiguo fortasse esset egregia
sententia. Sed omnium pessimè Lug-
dunensis editio, aut quos illa sequitur:
videtur (pro, videor) autem tibi acci-
nere, Tanquam Deo. Hoc autem vo-
luit Phemius dicere (ut Eustathius ex-
ponit, & verba ipsa fidem faciunt) se
in hoc suo discrimine Ulysses specta-
re, tanquam præsentem Deum. Eusta-
thius autem, quanquam καλακωπικῶς
hæc

Jac.
Cappelli
Vindicta,
Cap. xi.
Hebraicis
Hymn. vii.
Cap. xxi.
Homericis
Eli-
gantiarum
origines ad
suos serui-
d. est, fo-
cens, re-
vocat.

hæc dici agnoscat, tantam tamen esse sententiæ δυνάμει, aut ut ipse loquitur, *μερόσια* pronuntiat, tantam ad movendum & flectendum Ulyssē vim & efficaciam, ut vel ista verba fidem facere Phemii de se jactationi, se *ἡρώδαν* esse, & à Deo inspirari solitum, fuerint idonea. Sed ipsum præstat audire: *Δῆγμα δὲ τὸ τῶ αἰδοῦ φημὶς ἔχθρην διδάχης, καὶ οἱ νῦν λόγοι. Οὐ γὰρ αὖ ἄνω ῥαδίως ἐντοιαὶ σμένεσθαι τῶν ἐντοιαῶν ἐνυπνίου ἀκαθάρτου τῷ Ὀδυσσεῖ. ματὲρ τὴν εἰς Ἰθάκην ἔλθουσιν· ἐν αἷς ἀπὸ λάρυμφος γεργῶς τὸ [τοῖα δὲ τοὶ ἀδελφεοὶν ὄντι θεοί.]* Nihil potuit magnificentius hoc iudicio. Quid nos igitur censere verum est, de verbis *Jacobi Patriarchæ*, fratrem *Esavum*, à quo sibi suisque malè metuebat, in improvviso & inexpectato congressu alloquentis: *Sic enim vidi faciem tuam, quasi viderim vultum Dei: esto mihi propitiis: (in Homero αὖ δὲ μὲ αἰδέο, καὶ μὲ ἐλθέειν)* addita quoque Dei Opt. Max. ut sibi valde propitii & benefici (quo præcipuè Phemii deprecationi nittitur) commemoratio; *suscipe benedictionem, quam attuli tibi; & quam donavit mihi Deus, tribuens omnia.* Nec malè Græci: *Ἐνεκεν τῆς αἰδῆς τὸ πρῶτον ὅτι, αἷς αὖ τις ἰδοὶ πρόσωπον θεοῦ· καὶ ἑδοκίμασθε μὲ.* (alii per præteritum, *ἑδοκίμασθε μὲ*, melius) *λάβε τις ἀλογίας μὲ, αἷς ἐνυπνίου σὺν ὅτι κληροῖ μὲ ὁ θεός, καὶ ἐστὶ μοι πάντα.* Profecto, quicquid de Homeri verbis, aut iudicio Eustathii statuamus; ausim dicere, si quis omnia Veterum myrothecia, si quis arculas omnes excutiat, non temerè reperturum, quæ cùm istis *Jacobi*, venustate certent & elegantia; aut quæ afflatum divinum magis arguant. Sed nec opus hîc ullâ *ἡραπεία*, quam Eustathius, Vatis Homericæ verbis, tantâ diligentia, ne nimia *καλαρία*, τὸ τὸ φιλοσοφίας ἐλάττωσεν, violasse videatur, magis curiosè, quàm verè, aut necessariè adhibet. Haud dubium enim, quin *Jacobus* vero affectu (quæ ipsius erga fratrem pietas) locutus sit; & mollia verba, graves ut cunque viros, & Deo fretos, instante periculo non dedecere, plura in Sacra Historia exempla, quæ doceant. Porro Lectores hîc quoque monemus, etiam *Cappellum* in opere supra citato hæc ipsa *Jacobi* verba laudare & adferre; sed quia diversa est applicatio sive collatio, non credidimus actum nos acturos, si novâ, & (si rem spectemus, nam si verba tantum, nihil similis esse potest, quàm quod ille adfert) magis apposita collatione, *Eustathii* iudicio maxime moti, eadem prosequeremur.

Postremum jam superest, quod hîc nobis propositum fuit, *Didymus*, aut

quisquis est Author seu Collector *Scholariorum*, sive breviorum Notarum in Homerum, quæ vulgò *Didymo* tribuuntur. Rectè, an secus, non hic quæram. Fuere docti, qui eo nomine nuncuparent; fuere, qui *Scholastem anonymum* maluerunt appellare. Unum certè, & antiquum esse, res ipsa clamat; nec alium voluit *Eustathius*, opinor, ut plurimum, cùm τὰ παλαιὰ ῥόλια, quod non uno loco facit, laudat; qui etiam ut plurimum, quantum illius est, in suos *Commentarios* transfert; interdum tamen, etiam non pauca, quæ notæ melioris, præterit, aut fortasse in suo Codice non reperit. Cæterum, quisquis Author ille fuerit, aut quomodocunque dicendus; recusa sunt typis certè perelegantibus, in Lugdunensi editione illa nupera Hackiana, ista Scholia, ex *Hervagiana*, ut res ipsa loquitur, editione; quæ quamvis prioribus editionibus multò purior & perfectior, cùm tamen haud paucis & ipsa mendis & ulceribus laborare, à peritis Lectoribus, & harum rerum intelligentibus; facile deprehendatur; optandum erat, ut qui hæc recendenda tanto post tempore susceperunt, exemplo *Hervagii* Typographi, quem eo nomine commendat ibi *Camerarius*, de docto aliquo Curatore operis (quales haud dubium quin plurimos *Belgium* suppeditet) sibi prospexissent; cujus operâ melior, aliquâ parte saltem, & emendatior hæc quoque editio prioribus prodiiisset. Nam quod aliquis objiciat fortasse, scriptorū manu Codicum nullam fuisse copiam; quàmvis ea magna calamitas, fateor, si quæsit nulli reperiri potuerunt; non parum tamen etiam sine scriptis Codicibus, ab industrio viro, majore fructu quàm labore, præstari potuisse, id jam aggredimur (ut saltem futuris Editoribus, & Lectoribus consulamus) aliquot exemplis, & evidenti ratione persuadere. Dicebamus antea pleraque, quæ in his antiquis (ut vulgò vocantur) *Scholiis* reperiuntur, ea *Eustathium* in suos *Commentarios* translukisse. An ita res habeat, periculum facienti facile liquebit. Nos certè experti sumus, & affirmamus. Nec tamen minus æstmanda hæc *Scholia*: nam quoruscunque est, cui aut omnino vacet, aut semper vacet, in tanta farragine (non inutili illa quidem, fateor; si quis id agat; sed non omnibus Homericæ textus studiosis pariter necessaria; nec ullis fortasse semper opportuna) tam longis & crebris *digressionibus*, quod ad rem præsentem faciat, invenire? Si igitur & *Eustathius*, eadem pleraque; quantillus

is, quæso, labor, si quis hunc laborem semel, & hoc opus, ut aliis pro-
sit, in se susceperit, ubi aliquis in Scho-
liasse nævus, aut aliquid mancum, de-
tortum, ad *Eustathium* adire, cum con-
sulere, verba inter se, si non semper
eadem, quæ tamen eodem tendant, con-
ferre? Sed exemplis res fiet liquidior.

Lugdun. edit. pag. 147. in ista Poë-
tæ: Τιτῶν γαίην ἦν· postquam dixit,
Τίτυν istum, terræ filium, amore *La-
tione*, Apollinis matris arsisse, & ideo
ab Apolline sagittis confossum: ἦκε δ' ὁ
Ῥαδάμανθους ἐπὶ γαίῃ τῇ Τιτῶ, ἡ Διὸς ὦν,
ἰσσοφρονίσεν αὐτὸν. Quid ista sibi volunt,
ἡ Διὸς ὦν. Certè non valde difficilis con-
jectura, si quis sit Ὠσοφρόνης. Sed
inspecto *Eustathio*, cujus hæc in hunc
locum inter alia: ὅθεν καὶ ὁ Ῥαδάμανθους
ἐπὶ γαίῃ τῇ Τιτῶ ἰλθάν· παλάσεται, ἡ δὲ
Ῥαδάμανθους τῇ μισθῶ, ἡ καὶ ἴνα, δίκαιος ὦν,
κατὰ τὴν ἰστορίαν, σοφρονίσῃ αὐτὸν. Quis
amplius de vera lectione dubitet, &
non videat, pro * ἡ Διὸς ὦν, scriben-
dum esse, ἡ δίκαιος ὦν. Rhadamanthi
autem δικαίους, sive *justitia*, res adeo
decantata, ut mirer vulgatos Euripidis
Interpretes, in *Cyclope*, ubi ait,

Ἐγγε τὸ δὲ τῷ Ῥαδάμανθου
Πολὺ πίποισα, καὶ δικαιοτέρην λέγω.

adeo in plana luce cæcutiisse, ut verte-
rent:

*Ego enim huic Sileno quàm Rhada-
mantho*

*Longe magis fidem habeo, & justius
loquor quàm vos:*

cùm debuissent: & *justiorem dico.*

Lugdun. edit. pag. 153. Θαυμανίστης·
διασάφει. Corrige ex *Eustathio*, δια-
σάφει, ut sensus requirit.

Lugdun. edit. pag. 164. Ἀν' ἰδὺν, &c.
ἰλλαντι γάρ. Corrige ex *Eustathio*, ἰλ-
λαντι γάρ.

Lugdun. edit. pag. 180. Κατρεφίς,
κατεκδασμένη. Corrige ex *Eustathio*:
ἐκασμένη. Verba *Eustathii*: Σπύλαιον
τὸ ἐκασμένον οἰωνοῖ ἐρίφω, ταῖς δάφναις.

Lugdun. edit. pag. 348. Τηλικῶν·
τῆς δέσσης ἡλικίας. Corrige ex *Eusta-
thio*, τῆς δὲ (vel, πιασδὲ) κῆς ἡλικίας.

Lugdun. edit. pag. 364. οὐδ' ἄλλα
δοίης — εἰδ' ἄλλα ἐκδεχέμε. πὶ κόπρ. Cor-
rige ex *Eustathio*: εἰδ' ἄλλα ἐκδεχέμε. Sed
dicet aliquis fortasse; si hoc voluit Scho-
liastes, cur igitur totum discrimen in
spiritu tantum constituit? *Aristarchus*,
inquit, εἰδ' ἄλλα cum spiritu aspero vo-
luit hic scribi: *Callistratus* autem, εἰδ' ἄλλα
cum leni. Doctè hoc advertit *Eusta-
thius*, & ne Lector hæreret, occurrit
tempestivè; cujus tamen verba harum
rerum minus intelligentibus haud mi-

nus erunt fortasse obscura. Dicit autem
Eustathius, ideo ψιλῶς, sive *spiritum
lenem*, à Veteribus hic commemorari,
quia tum soliti scribere εἰδ' ἄλλα cum spi-
ritu leni in penultima, seu medio vo-
cis, ne temerè cum εἰδ' ἄλλα, quod duo-
bus verbis scribitur, confunderetur.
Certè solitos Veteres, non initio tan-
tum verborum; sed etiam mediis voca-
libus *spiritum* superponere, nōrunt,
opinor, quibus hæc studia curæ; sed
quam tamen super eo rationem, quos
canones (ut vulgò loquimur) observa-
rent, non cujusvis fortasse est dicere.
Haud pauca non uno loco *Eustathius*,
ex quibus tota hæc res non mediocri-
ter erui & illustrari queat. Sed & *An-
gelus Caninius*, ex Athenæo & *Eusta-
thio*, in doctissima sua Grammatica
non pauca adfert. Sed non hoc nunc
agimus. Certè hujus moris & antiquæ
scripturæ ignorantiam huic loco cor-
rumpendo fuisse, certo certius est; cum
tamen sequentia verba non εἰδ' ἄλλα·
(multò minus εἰδ' ἄλλα, ut hic editum est)
sed εἰδ' ἄλλα (ab εἰδός, *limen*) necessariò re-
quirent: exponuntur enim, εἰδ' ἄλλα,
πὶ κόπρῃ, ἀπὸ τῆς εἰδ' καὶ τῆς κόπρῃ.
Pro ἐκ-
δεχέμεν πὶ κόπρῃ. (ut hic Scholias-
tes) habet *Eustathius*, ἐκδεχέται ἀπὸ πὶ κόπρῃ.
Sed ferri potest quod hic habemus.

Lugdun. edit. pag. 476. Κυλλήνη·
ὁ ἐν Κυλλήνῃ ἔρει, &c. ἡ ὅτις δαρηπικὴς,
ὡς τῶν κύλων ἔχων τὰς ἡνίας. κυλλάδης γάρ
συνεσπλημένη τῇ τῷ ὑπὸ τῆς ὀφθαλμοῦς μέρῃ,
ἐνθεν πύλα οἱ δεινοὶ Ἀττικαὶ κυλλάδισα καλῶ-
σιν. Ita habet etiam & Hervagiana edi-
tio, ne quis Lugdunensi immeritò suc-
censeat. Cæterum, nihil corruptius his
verbis, nihil, nisi *Eustathius* succurre-
ret, desperatius; quamvis non unus
medicus ad perfectam sanitatem tanto
incumbente vitio sufficiat. Sed quod
unius ope non possumus, junctà duo-
rum operâ feliciter nos assecuturos spe-
ramus. Primo igitur ex *Eustathio* ita
restituimus — ὁ πὶς ἡνίας τῶν κύλων ἔχων·
κύλῃς γάρ, ἡ κυλλάδης, πὶ ὑπὸ τῆς ὀφθαλ-
μοῦς μέρῃ· ἐνθεν ταῦτα οἶδεν (observet Le-
ctor, quàm pronus sit in describendo
lapsus, ubi etiam eadem literæ, sed &
ordo literarum retinetur: εἰ δεινὸν, pro,
οἶδεν οἱ) εἰ Ἀττικαὶ κυλλοιδίαν καλῶσι. Ha-
ctenus, ut speramus, optimè; certè
jam nihil obscuritatis in verbis. Non
tamen *Eustathius* hæc eodem ordi-
ne, aut totidem syllabis, sed nos du-
ctum literarum secuti, ordinem ver-
borum repræsentavimus, quem *Eus-
tathium* in Scholiasse reperisse proba-
bile est. Sed quid istis fiet, συνεσπλη-
νῇ τῇ, quorum nulla in *Eustathio* vestigia?
Hic nobis advocandus Auctor
Etymologici Magni, quo auctore aut
spon-

* *Eustath.*
pag. 187.

fore, restituemus in Scholiaste nostro: κύλοι γάρ, ἢ κυλάδες, συνεσπληνόμενα τῇ, πρὸς τὰς ἐφθ. Hoc igitur voluit istis verbis Scholiastes κύλοι, vel κυλάδες, cum simplici λ'. scriptum (nam κύλοι longè aliud, ut omnes nōrunt, & eādē ratione κυλάδες) cavas illas partes, quæ oculis subjacent, significare.

Sed ibidem (in Scholiaste) mox; ἀκάκηται ἐνιοὶ μὲν ἀμέτοχοι, κακῶς, &c. quamvis nihil hic quidem auxilii ab Eustathio; non dubitamus tamen, quin vera sit lectio; ἀμέτοχοι κακῶν. sequitur: ἐστὶ γὰρ θεὸς δότης ἀγαθῶν. Merito, inquit, Deus ἀκάκητα, (vel ἀκακήτης, seu *malorum expers*) à nobis censeatur & celebreretur, ut qui bonorum seu felicitatis aliis auctor. Nec multò aliter Sanctus *Jacobus*, quasi sibi connexa, & ut vulgò loquimur, *reciproca* hæc ponit in Deo: ἀπύρασον cum esse τῶν κακῶν, &, παραΐξεν αὐτὸν ἔδνα. Sed nec dissimili ratiocinatione colligit Eustathius, in *Iliad.* π'. Deum, quia sit ἀκάκητα, ideo bene credi, ὁδὸν ν. πρὸς φῶς δὲ τῷ μὴ κακοποιῆντι, τὸ ὁδόν. Dixisset τῷ μὴ κακοποιῆντι. idem quod Scholiastes dixisset.

Sunt sanè istiusmodi non pauca, in hoc Scholiaste, malè affecta, quæ solà conjecturà, ubi defunt alia præsidia, si quis diligentiam intendat, & non ἀφῶς sit, & ἀπύρ in istud genus periculis, satis feliciter sanari possint: quædam etiam, ubi neque Eustathius, neque Scholiastes fortasse satisfaciunt, in quibus ingenium (si quis tentare velit) non infeliciter cedat.

Lugdun. edit. pag. 373. ad ista Poætæ:

ἢ τὰ χα ἱρὸν αἶρος ἐπίσπασον κακὸν ἔξ.

Scholiastes: ἱρὸν ἱρὸν ἐνεμασθεῖς. Videtur aliquid deesse, & Henricus Stephanus, à linguæ & eruditionis Græcæ amatoribus nunquam sine honore nominandus, in Indice *Thesauri* sui (verè *Thesauri*) ita citat: ἱρὸν, ἐπὶ κακῷ ἐνεμ. ex aliquo MS. ut verisimile. Videtur id velle Scholiastes, *Irunt*, malo omne ita nuncupatum; perniciem *suo sibi jumento* (ut loqui amat *Plautus*) accersere. Sed nec ille, nec Eustathius rationem nominis explicant, ad quam respicere videtur *Homerus*, cum addit, ἐπίσπασον κακὸν ἔξ. Ego suspicor illum significationem verbi αἶρῳ, vel αἶρῳ, alludere voluisse. Certè αἶρετον, vel αὐθαίρετον (quod in Eustathio) planè idem quod ἐπίσπασον in hoc sensu, cum τῷ κακὸν junctum. Neque id remotius, aut longius petitum censeatur, quàm ἱρὸν ἱρὸν, quod in superioribus versibus. Plena est *Historia Sacra* istiusmodi allusionum in propriis nominibus,

in quibus etiam, quæ multò videantur alieniora, non pauca.

Jam Lugdun. edit. pag. 417. ad ista, ἐπὶ κακῶν ἐνεμ, de *novilunio* live *neomeniis*; cur illa Deis in genere; cur Apollini, speciatim consecrata, non pauca doctè & piè tradita. Sed τοῖς ἐμείνις (non τὰς ἐμείνις) χρὴ γεραίρειν legendum esse, manifesta suadet ratio; & mox ibidem: τὸν ἡμέραν εἰκός, ὅς πρῶτον φῶς, &c. corrigendum, pro τὴν ἡμέραν εἰκότως τὸ πρῶτον φ.

Ex his non multis exemplis, quàm multa præstanda restent, & præstari poterant in hac *Nova Editione*, si quis id pensì sibi proposuisset, facilè, ni fallor, Lector intelligens percipiet. Quod tantum abest ut præstitum sit; ut metuendi causà non absit, ne quædam quæ in prioribus editionibus rectè habebant, in hac novissima, Correctorum ignorantia, depravata sint. Ecce enim non procul ab initio (*Odyssæam* semper intelligimus; præstabant alii fortasse in *Iliade*, quod nos hic in *Odyssæa* præstitimus) Lugdun. edit. pag. 6. ad ista Poætæ:

Ἀτλάντῳ θυράτης ὀλοόφρονι ὅς ἐστι θυλάσσης
πάσης βένθηα εἶδεν.

cum ista in Scholiaste, οἱ δὲ, τὸ ἔξ, θυλάσσης ὀλοόφρονι, bene cohererent, malè in Lugdunensi divulsa sunt: [τὸ ἔξ, θυλάσσης. ὀλοόφρονι.] ex quibus sensus, qui prius satis in propatulo, nullus eruatur. Quatuor enim diversas hujus loci explicationes affert: prima, ut ὀλοόφρονι dicatur *Atlas*, quia θεὸς πολέμι, (sed quare Deis πολέμι *Atlas*? an ideo quòd *Perseum*, *Jovis* filium, ad hortos *Hesperidum* noluerit admittere, & ideo in saxum seu montem redactus? an quòd *Japeto* fatus, & *Promethei* frater? Sed *Aeschylus* in *Prometheo*, qui abundè satisfaciet, consulendus) *Dius* inimicus, aut infestus. Aut si cum aspiratione scribatur, ὀλοόφρονι, tum *Atlas* ita dictus, quòd *Universi* (quod humeris sustineat scilicet) curam gerat, quæ secunda expositio, quæ unica de quatuor hic allatis extat in Eustathio. Tertia, ut ὀλοόφρονι ad θάλασσαν, seu mare referatur; quòd ὀλοόφρονι, seu perniciosum nuncupetur, ut ex diris Poëtarum, aliorumque cuivis in promptu intelligere. Nec minus, ὀλοόφρονι, quamvis proprietates vocis ad mente præditos tantum pertineat, de mari efferri potest, quàm λάας ἀναίδης, lib. λ'. & id genus alia. Quarta expositio, quæ mihi maximè probatur, ut *Calypso* ipsa intelligatur; ac tum scribendum fuerit, ὀλοόφρονι. Con-

jicit autem Scholiastes, cum scriptum reperisset aliquis *ἐλαόφρον*, more veteri (cujus in veteribus libris & inscriptionibus passim exempla) pro *ἐλαόφρον*, & *ἐλαίφρον*, illud metro (quæ ipsius ignorantia fuit) repugnaret; ut versui confunderet, vocem in *ἐλαόφρον* (addito *ς*) temerè produxisse.

Lugdun. edit. pag. 110. *Ἐλαίφρον* δὲ ὡς ἐπὶ *ρίνον*. Ait ibi Scholiastes, traditum à quibusdam esse, Illyricâ dialecto *ρίνον*, *τὸ ἀχλὺν*, nuncupari, ut disertè apud Eustathium, in hunc locum, legitur: nisi quod *ἀχλὺν*, pro *ἀχλὺν*, ibi (in Basileensi saltem editione) excusum; & in Hervagiana Scholiastis editione, aliquantò pejor, literâ unâ deficiente, *ἀχλὺν*. quod importuni Correctores, quia vox omnibus nota *ἀχλὺν* se offerebat, omni jam vestigio pristinae lectionis oblitterato, in *ἀχλὺν* mutasse videntur: (ita certè Lugdunensis editio exhibet) sequentia nihil morari, quibus ineptissimi commenti vanitas apertissimè refellitur. Sequitur enim, ut in aliis editionibus, ibi quoque: *ἰφάνη* δὲ ὡς

ἀχλὺς ἡ γῆ. apud Eustathium: *ἰφάνη* γῆν τῇ οὐρανῇ ὡς ἀχλὺς τῇ γῇ.

Vereor ne plura sint ejus farinae. Hæc enim non studio quæritæ (bonâ fide dicimus) sed dum oculos huc illic in tumultuaria lectione circumferimus, oblata nobis. Quod si cum lectionem *Odyssææ* primùm cum viro nobili aggressi sumus, tale quid in animo habuissimus, ut quod etiam in Scholiaste præstitum seu peccatum esset, adverteremus; auctiora, puto, hæc fuissent, aut saltem fuisse potuissent. Aliud enim mallems, quàm tali provinciâ defungi. Sed cum ita, ut antè diximus, res tulisset, vicit utilitatis ratio, & de harum literarum studiosis bene merendi constans studium. Si verò, quod nobis propositum fuit, id aliqua ex parte assecuti sumus; illi potissimum debentur gratiæ, qui non solùm occasionem præbuit, ad studiorum horum societatem perhumaniter invitans; sed & sæpe cunctantem cohortatione suâ crexit; & judicio suo (cui multum, ut meritum ipsius est, tribuo) confirmavit.

SUPER LOCO HOMERICO,

quo Dei in hominum, &c.

DISSERTATIUNCULA.



HOMERI laudes non hic instituimus; quem quidem qui, non ut Poëtarum tantum, sed ingeniorum ab omni memoria principem, non suspiciunt & admirantur, illi pudori suo quàm bene consulant, qui suum judicium (si tamen judicium dicendum est) tot ætatum consensui opponant, ipsi viderint. Cum tot ætatum consensum dicimus, præstantissima (vel ipsis, qui de Homero aliter sentiunt, judicibus) ætatis cujusque ingenia, Philosophos, Historicos, Poëtas intelligimus; qui Homerum ut hominem supra quicquid à quoquam de homine dici possit, admirandum; & in quo vires suas natura summas semel experta sit, exquisitissimis verbis, & elogiis, uno ore prædicant. Ac ego quidem ita judico, qui Homerum contemnunt, vix illis pejor optari posse, quàm ut fatuitate suâ fruantur, ac constanter eum contemnant, ex cujus lectione & admiratione

tantos alii tum solidæ eruditionis, tum voluptatis honestissimæ fructus percipiunt.

Cæterum, qui de Homero sic censemus, non tamen ignoramus, aut negamus, multa apud illum non impia tantum, ut ethnicum; sed & ridicula planè, tantæque indigna sapientiâ reperiri; quæ tamen ut excusemus, sattem ne miremur, nihil opus est, ut ad allegoriarum commenta, quod sit à multis, confugiamus; ut in nupero *De Enthusiasmo Tractatu*, patetis, pro renata, perstrinximus. Sed ista non sunt hujus loci.

Inter alia, quæ profundam Poëtæ incomparabilis sapientiâ (qualia passim in utroque Opere plurima) testantur, sunt & ista, mox hic apponenda; de quorum genuina sententiâ variantes jam olim fuerant opiniones: è variis autem, quæ verissima nobis videantur ut ostenderemus, suscepta à nobis hæc opera est. Omisiss autem quæ nihil ad præsentem disquisitionem faciunt; his, quo-

quorum prior est cohaerentia, & quæ sine sententiæ dispendio separari non possunt, contenti erimus. Ita autem Homerus, οἷος. ε'. vers. 129. &c. sub persona Ulyssis, qui se alium simulabat:

Οὐδὲν ἀκιδιόπρην γαῖα τρέφει ἀνθρώποις
Πάντας, ὅσα π. γαῖαν ἔπιπνύει π. καὶ
ἐρεῖ.
οὐ μὲν γάρ ποτε φησὶ κακὸν πιστάσαι
οπίσσω,
ὅφρ' ἀρετὴν παρέχουσι θεοὶ καὶ χάρις
ἐρέει.
Ἄλλ' ἐπὶ δὲ καὶ λυγρὰ θεοὶ μάκαρες π-
λῶσι,
καὶ πὲρ φέρει αἰκαζόμεν' ὅττι λήσσει θυμὸν·
τοῖσι γὰρ τίσις ἐστὶν ἑπὶ χθονὶ ἀνθρώπων,
οἷον ἔσσι' ὑμᾶς ἀγγεῖσι Πατέρων ἀνδράων,
θεῶν τε.

*Nihil imbecillius terra nutrit homine
Omnium, quæcunque super terram spi-
rant & serpunt.*

*Non quidem unquam dicit malum pas-
surum esse in futurum;*

*Quousque virtutem præbeant Dei, &
genua moventur.*

*Sed quando jam & mala Dei beati
perficiunt;*

Et hæc suffert nolens patienti animo.

*Talis enim mens est terrestrium homi-
num,*

*Qualem quotidie ducit Pater viro-
rumque Deorumque.*

Hom. Od. ε. edit. Ob. Gifan. Argen-
tor. Ann. Dom. 1514. pag. 523.

Dum singula, quo se nobis offerunt ordine, percurramus, & si quid in verbis obscurum, aut dubium, excutimus; versionem interim Latinam, quam exhibet Gifaniana editio, hic in tyronum gratiam apposui.

Hominem natum omnium, quæ terra alit, animalium, animal esse miserimum; nihil in omni vita, in omni scriptorum genere decantatius. Quod nos quoque, si quibus malis non corpora nostra duntaxat, sed & animi, sorte nascendi sunt obnoxii, spectemus, ita verum esse credimus & concedimus; ut æquè certum sit, nihil eodem homine præstantius, divinius, beatius in terris denique, si animi dotes, & bona, quorum natura sua capax est, quæque multi, tum diligenti cultu, tum quâdam (non omnium sanè, qui homines audiunt) naturæ bonitate; vel, ut more Christiano loquamur, Dei Opt. Max. bonitate & gratiâ in hac vita consequuntur (ut futura taceamus) consideremus. Ex hac autem utriusque conditionis hominum consi-
deratione; hinc, ultra vilissima quæ-

que & abjectissima animalia, misero-
rum; illinc, divinitatis, meliori suâ parte, participum; bestiarum omnium, domandi, regendi, ad usum suum so-
lertia, dominorum; maximorum Dei operum, in quo sita maxima felicitas; contemplatorum, & quæ his sunt affi-
nia; magnum, inquam, ex hac con-
sideratione, rem rectâ ratione putan-
tibus (ut sacra taceamus) argumen-
tum, aliquid hominum culpâ interve-
nisse, quod rerum ordinem præter
summi Creatoris propositum, & pri-
mas mundi leges inverteret, & ejus
occasione in omnem posteritatem noxa
derivata sit. Sed ista non hic excuti-
mus.

Si ita autem res habet, & ita nati
sumus, ut homine nihil sit in terris mi-
serius; homines illos, an portenta, &
monstra in ultimas terras deportanda
consequimur, qui Deum ipsum de felici-
tate provocare sunt ausi? Utinam non
& in illis Seneca, Scriptor alioquin uti-
lissimus, nisi ubi grandiloquentiam il-
lam Stoicam (putidam magis an im-
piam?) affectat. Quid verò miramur
hominem quondam in plena felicitatis
humanæ possessione, sorte suâ non
contentum, divina affectasse, qui vide-
mus repertos esse, qui in miserrima hac
lapforum conditione, suam felicitatem
divinæ æquarent, immò antepone-
rent?

Cæterum quoniam miseriæ humanæ
consideratio multis obrectandi, & de
Providentiâ divinâ malè sentiendi oc-
casionem præbuit; quamvis plana om-
nium objectionum solutio ex una con-
diti, lapsi, & per Christum reparati
hominis historia peti possit, non pos-
sum tamen quin divinos Euripidis ver-
sus, quibus Dei causam agit, & erga
hominum genus benignitatem asserit,
dignos qui intimo animo recondantur,
Lectoribus commendem. Quia autem
plures sunt, & nos non hic id agimus,
locum indicasse (qui in ἱκετὶς ab istis,
— ἐλεῖ γὰρ τις ὡς πὲρ χεῖρονα Πηλεΐω
βροτοῖσιν ἐπὶ τῶν ἀμεινόνων· ad ista, Δο-
κῶμεν εἶναι δαιμόνων σφάπτοι) sufficiet.

Enimvero, cum miseriæ humanæ
non una sit species; non unum caput,
Homerus hic pro oblata occasione, ex
contextu orationis petenda, eam potis-
simum exagitat, quod eo plerique sint
ingenio, ut nec læta moderatè, nec
tristia constanter, seu fortiter ferre
queant. Nec id immeritò Poëta sa-
pientissimus; cum secundum Philoso-
phos, & qui à Philosophis hauserunt,
Historicos, & Poëtas, sapientiæ huma-
næ præcipua pars in eo sita sit, ut in
utriusque fortunæ periculo modum &
æquâ-

æquanimi-
tatem præstemus. Is est sapiens, quem querimus; hic est beatus, cui nihil humanarum rerum, aut intolerabile ad demittendum animum; aut nimis letabile, ad efferendum videri possit, ait Cicero, Tusc. Q. lib. iv. cap. 17. ad Homeri mentem appositissimè. Hujus generis monitis ac præceptis pleni sunt Philosophorum, ut alios Scriptores omittam, libri.

Sed aliud præterea ab Homero his verbis innuitur; quod plerique scilicet in adversis ferendis tam molles sint & queruli, id eo præcipue fieri, quod beati de fortunæ inconstancia minimè cogitarint. Quò pertinet illud sacri Vatis & Philosophi: ביום טוב וביום רעה ראה גם את זה לעכת זה עשה האלהים על דברת שרא יצא האדם אחריו סאומה: Cujus sapientissimi præcepti sensus & ordo verborum, ob quaesitam paronomasiæ * elegantiam (ראה & רעה, quæ verbis in priore membro non sine venustate repetitis, vim paronomasiæ habentibus, responderet) paulò perplexior & obscurior est, non tamen ita obscurus, ut ad mentem sagacissimus Junius, tum in versione, tum in Notis (quod nescio an de aliis Interpretibus æquè dici possit) felicissimè non penetraret. Verbum enim ראה ad utrumque membrum, seu colon orationis pertinet, ut tam in prosperis quàm adversis considerare nos jubeat divinus Magister: quasi diceret: Tum in prosperis (in quibus latari te, modò non ultra modum, minimè prohibeo) tum adversis, meditando & considerando id age, ut in utroque statu æquo te geras animo. Ita enim consultò adversa secundis, & secunda adversis miscet Deus, & eorum momenta, seu præfinita tempora, tibi ignota esse voluit; ut neque in lætis præfumeres, neque tristibus desperares. Planè quod Orator, & Philosophus æquè præstans, Dio Chrysostomus, dilucidioribus aliquantò verbis, Orat. 18.

Περὶ λόγῳ ἀσκήσιμος: τὸ ἐμπειρὸν εἶναι πρᾶξιον καὶ δυστυχῶν καὶ εὐτυχῶν, &c. ὁ γὰρ ἀπὸ τῶν ἐν τῇ ἐνέργειᾳ, εὐπὶ εὐπραγίᾳ, καὶ μετὰ τὴν ἐπὶ τῇ ἐνέργειᾳ, δυσπραγίᾳ, διὰ πᾶσαι οἱ σφῆλαι, καὶ τὸ μὴ ἐν οἷς εὐ ἐπράττειν ἀντιόχῃ εἶναι τῆς οἰς τὸ ἐκαστὸν μεταβολῆς. Id est: *Experientia rerum, prosperarum scilicet & adversarum, &c.* Qui enim rectè ista perceperit, neque in rebus secundis ultra modum efferetur; adversos verò casus omnes generosè tolerabit, ut qui in secundis suis, posse omnia in contrarium vertere, probe cogitaverit. Quò pertinet & illud Ciceronis, Tusc. Q. lib. iii. cap. 14. *Et mirum hæc est illa præstans ac divina*

sapientia, perceptas penitus ac pertrahat humanas res habere: nihil admirari cum acciderit; nihil antequam evenierit, non evenire posse arbitrari. Junii Versio, quam laudavimus, hæc est: *Tempore boni, versare in bono; tempore autem mali, utere.* (vel respice) *Etiā hoc ex adverso illius fecit Deus ipse, eā ratione, ut non possis assequi homo [eorum quæ] instant sibi quicquam.* Idem in Notis: *Utere secundis & adversis rebus, &c.* In verbis Poëtæ; (τί φησι) non dicit, sed cogitat, aut reputat vertendum; cujus exempla tum in Homero ipso, tum aliis passim obvia. Cæterum, Hesiodi nobile dictum, *Κεῖνός τις γὰρ ἔχουσιν θεοὶ βίον ἀνθρώπων*, si βίον vitam, non victum, vertamus, & ad incertos rerum eventus, quod in proluxa super eo disputatione facit vir in his literis inclytus, extendamus, non aliundè clariorem quàm ex his *Solomonis*, lucem accipiat, & ipsum vicissim, quem nos sequimur *Sacrorum Verborum* sensum, collatis sententiis, non parum confirmet. Sed Hesiodi tamen contextus aliud requirere videtur. Sed hoc obiter.

In verbis *Homeri* notat *Eustathius*, ἀρετῶν hic ab eo vocari, quod posteriores Græci verbo εὐδαιμονία expresse-
runt; cujus significationis alibi quoque in Homero exempla affert: ut & verbi inde formati ἀρετῶν, pro εὐδαιμονίᾳ, seu feliciter ago. Quæ quanquam vir doctissimus, & de lingua Græca, si quis alius, mericissimus, in *Thesauro* incomparabili in dubium vocet, dum ἀρετῶν mavult vigorem hic interpretari; sed τὴν ἀρετῶν, aliter melius exprimi censet; non tamen ab illo quicquam afferri video, cur ab *Eustathii* sententia discedendum nobis sit. Nam quòd ἀρετῶν vigorem corporis quoque significet, quæ significatio huic loco bene conveniat; verum id quidem est, si de versus unius ac singularis sententia scorsim pronunciandum nobis est. Sin eorum quæ sequuntur, & in quibus totius loci præcipua sententia versatur, habenda ratio est; multò aptior εὐδαιμονίας quàm *vigoris* significatio huic loco fuerit; quod ex iis, quæ dicenda nobis supersunt, clarius liquebit. γένεσιν porro ὁρεῖσιν, ut hic *Homerus* loquitur, opponuntur apud Auctorem *Epistolæ* † ad *Hebræos*: γένεσις ἀφαιλου-
τῆς (διὰ τὰς παρεμύχας χεῖρας, καὶ τὰς ἀφαιλουμῆας γένεσις ἀνορθώσαν) quem tamen ad Græcam phrasim sive παρεμύχας (quando vim παρεμύχας habent hæc verba, haud secus ac ista *Theocriti*: οἷς γένεσις χλωρὸν) respexisse, stultum sit credere; cum ex *Hebraicis* *Esaia* sum-
ta

Ecclesiasticus
cap. 7.
vers. 14.

* Simi-
lium in
Sacra
Scriptura
paronoma-
siarum
plura
exempla
nos alibi
in *Traffa-*
tu De
Lingua
Hebraica.

ta sint illa; nec mirum cuiquam videre debeat, si in re, quæ in ipsa natura tam manifestum habet fundamentum; plures, quamvis diversis utentes linguis, ejusdem naturæ participes, conveniant. Sed & Homero, *χρὴν ἄλ' αὖτις*, pro *occidere*, alicubi dictum.

Deum, bonorum & malorum, quæcunque homini contingunt, auctorem esse (quod & alibi quoque verbis non minus disertis) asserit hic Homerus. Quod etsi Sacræ Scripturæ, si rectè intelligatur, valde consentaneum est; cautè tamen, non tam veritatis, quam ab Homero, homine Ethnico, *Christiani* non exigimus; quàm Homeri ipsius causâ accipiendum est, ne scelesti dogmatis infamiam ipsi inuri patiamur, quasi Deum auctorem peccati, & infontium calamitatibus delectari eum scisceret. Nam quod quidam nefarii dogmatis invidiam ita conantur amoliri, quasi ipsum *esse*, seu vivere, majus esset bonum, quàm quivis seu corporis, seu animi cruciatus, malum; idque argutiis nescio quibus metaphysicis adstruere conantur; tam putidum & puerile est, ut seriò id quenquam, qui quidem mentis compos, credere; aut verò quo crederetur ab aliis, & non potius ad inanem subtilitatis ostentationem affirmasse, vix mihi credibile sit. His igitur & similibus aliis de absoluto Deorum imperio, & inevitabili fato dictis, opponantur alia, quæ ab eodem, si non faniore judicio, certè cautiore sermone, Sacræ Doctrinæ consona, tradita sunt. Qualia quæ *Odyssæ* primâ, his verbis:

ὦ πάτερ, οἷον δὴ νῦν θεὸς βρότοι ἀνθρώπων
 ἐξ ἡμῶν γὰρ φασὶ κακ' ἔμμεναι ἃ δὲ καὶ
 αὐτοὶ
 Σφῆσιν ἀτασθαλίῃσιν ὥτις μόνον ἄλγε
 ἔχουσιν.

*Pater, ut scilicet Deos mortales cul-
 pant!*

*Ex nobis enim, inquiunt, mala esse;
 qui verò ipsi*

*Sais stultitiis præter fatum angores
 patiantur.*

Quod autem *πλήρη θυμῷ* vertunt hic *patienti animo*, nihil à mente Poætæ, nisi commodâ expositione leniatur, fingi potest alienius. Est enim *patientia* non virtus tantum, sed præ virtutibus aliis, generosæ indolis, & consummatæ sapientiæ argumentum; cujus tanta est efficacia, ut maximorum malorum sensum non temperet modò, sed & quodammodo superet.

Nemo mala sua patienter ferentem, verè dicat miserum, cum tanti sit, fuisse miserum, ut patientia disceretur; aut certè, verè mala illa dicat, per quæ ad tantum bonum, quantum est *patientia*, pervenitur. Fateor apud Homerum eam verbi notionem non semel occurrere; sed nihil obstat, quin ut nomen (ut Grammatici loquuntur) *substantivum* τλήμων, aliàs, *patientem*; aliàs, *miserum* & *erummosum* significat; ita & *participium* πτλημῶς, requirente id sententiâ, eandem significationis latitudinem admittat. Haud absimilis & verbi Latini *patiens* usus apud Latinos; cum aliàs pro virtute; ut cum Cicero dicit *: *Externorum bonorum, & in utendo rationem*; (λέγον, moderatio-
 nem) & *in carendo patientiam semper expetendam putavi*; aliàs pro mera tolerantia, sive cum patientia, sive secus, conjuncta, ponatur: ut cum legimus, *patientiam turpitudinis, impudicitiae*, & id genus alia.

Jam pervenimus ad præcipuam verborum Homericorum sententiam, & quam præcipuè tractandam hic suscipimus, in istis:

Τοῖς γὰρ νόμοις ἐστὶν ἐπιχρῶντων ἀνθρώπων,
 οἷον ἐπ' ἡμᾶς ἄγχι Πατρὸς ἀνδρῶν
 ἔσονται.

Tres autem, si non omnes illas, certè præcipuas verborum istorum interpretationes nobis observatas expendemus.

I. Prima, quam antiquissimam agnoscit *Eustathius*, est eorum, qui cælo & syderibus omnia humana, ipsas etiam mentes, his verbis ab Homero subjici censebant; quasi hoc voluisset, prout cujusque diei naturalis ex astrorum positura & influxu constitutio est; tales & homines, pro cujusque particulari temperamento, & animo & corpore, quotidie existere. Diversum hoc ab Astrologorum scitis, qui ex cujusque proprio sydere, seu *hora natalitia*, (ut Cicero alicubi † loquitur) de unoquoque pronuntiant; nisi quod in eo conveniunt, quod astris & ipsi voluntates humanas subjiciunt, & inevitabile fatum, quod vulgò *mathematicum* vocant, adstruunt; de quo elegans & acuta extat *Quintiliani* Declamatio ‡. ‡ Nam. At homines callidi cum viderent suam doctrinam malè vulgo audire, ut quæ non homines tantum in truncos & stipites, libertate agendi spoliatos, convertat; sed jura divina pariter & humana variè confundat; multa commenti sunt, quibus impia dogmata pro virili mollirent; saltem quibus suæ securitati,

ritati, ut impune sibi id liceret, confulerent. Quamquam de Ptolemæo; tantæ doctrinæ meritique viro, libenter ego crediderim, aut aliis credentibus concesserim, bonâ eum fide agere, cum causas coelestes longâ disputatione in *Tetrabiblo* suo (ut & in *Carpo*) certis aphorismis sic temperat, ut multa necessitate liberet, & sapientiæ humanæ relinquat. Firmicus autem, cautus dicam, an ridiculus, qui sic omnes alios fato subicit, ut *Imperatorem* tamen *Romanum* excipiat: *Solus*, inquit, *Imperator stellarum non subjacet cursibus; & solus est, in cujus fato stellæ decernendi non habent potestatem.* Sed præcipuè quorundam de isto numero, qui *prædictiones* suas veteratoriâ arte extructas, imperitiæ plebiculæ magno pretio venditant, stuporem dicam, an impudentiam, miror, qui negant, immo magnis asseverationibus pernegant, illos ullo ævo repertos Astrologos, qui res humanas syderibus absolute subicerent, & arbitrii libertatem planè tollerent. En homines dignos, quibus futura credantur; qui de præsentibus ac præteritis, notissimis, certissimis, aut tam impudenter fallant, aut tam turpiter ipsi fallantur.

Sed redeamus in viam. De faustis & infaustis diebus extat *Hesiodi*, Poëtæ post *Homerum* antiquissimi, carmen; & conscripta sunt olim *Diaria*, sive *Ephemerides*, quæ doctrinam illam ex *Ægyptiorum* Commentariis & observationibus præcipuè petitam, continebant. Sed aliud est tamen, eventus humanarum actionum fato subicere; aliud, ipsas voluntates & mentes; quod isti modò nobis dicti ex his *Homeri* verbis adstructum volebant.

Hæc igitur Veterum quorundam fuit expositio, ut *Eustathius* perhibet; ut & *Scholia* Homerica, seorsim ab *Eustathii* Commentariis edita; quæ cur τοῖς φιλοσόφοις hanc interpretationem propriè tribuant, si mendo caret locus, non intelligo. Magis enim secunda, & tertia, de quibus dicturi sumus, Philosophum redolent quàm hæc prima. *Eustathius* certè, qui plenius hæc tradit; qui etiam *Orphei*, & *Hesiodi* meminit, nullos Philosophos commemorat; sed antiquam eam tantum expositionem esse (παλαιὸν καὶ τὸτο, ut ipse loquitur) agnoscit. Fallor, aut etiam in istis *Scholiis*, οἱ μὲν παλαιοί, non φιλόσοφοι scriptum fuit; nisi fortasse respexit consarcinator ad illud *Eustathii*, aut quod id *Eustathii* saltem de ista expositione iudicium: eam esse ὡς τὰ δοκεῖται κοινῶς. id est, præter vulgarem

sensum, seu magis receptam opinionem, atque ideò Philosophis adscribendum credidit.

Hoc loco monendus est Lector, verba Homerica, constante syntaxi, sed diverso longè sensu, dupliciter ordinari posse. Primo modo, ut τὸ οἶον ad ἡμᾶς referatur, & Præpositio ἐπὶ non ad ἡμᾶς, sed ad verbum ἀγγη pertineat; quasi scripisset *Homerus*; τοῖς νότοις τῶν ἀνθρώπων οἶον ἡμᾶς ἐπαγγέλλεται Πάτερ, &c. Hoc modo acceperunt seu verba struxerunt prioris istius interpretationis Auctores. Sed & Cicero quoque, qui etiam ad eorum mentem collimasse videri possit, dum vertit:

*Tales sunt hominum mentes, qualis
(vel, ut alii, quali) Pater ipse
Jupiter auctiferas lustravit lumine
terras.*

Ita vulgò hæc eduntur. Sed melius, ut in quibusdam, *auctiferus*. Et, si verum quod Camerarius exhibet, *lampade*; non dubitarim *auctifera*, vel *altrifera*, (id est, ἡλιακῇ. unde & ἡλιακῇ ἡμέραι, in *Eustathio*, &c.) præferre. Sed ad sensum verborum ut redeamus; *Augustinus* certè ex hac *Ciceronis* versione, etiam *Homerum fatum* constituisse, à multis ejusdem assertoribus colligi solitum docet, *De Civit. Dei*, lib. 5. cap. 8. Sed *Stoicum*, non *mathematicum fatum*, sive *astrologicum*; de quo hæctenus. Hæctenus prima constructio.

II. Aliter ordinari verba possunt, si legamus: τοῖς νότοις ἀνθρώπων οἶον (νότον scilicet) ἐπὶ ἡμᾶς ἀγγησι Π. &c. Hujus constructionis sententiam (quæ secunda verborum *Homerorum* interpretatio est) sic exequitur Vir non uno nomine mihi venerandus, & de Republica literaria indefesso studio, & labore (ut de ingenio, & cæteris dotibus nihil dicam) adeò meritis, ut de tanto exemplo nunquam cogitem, quin reunitatis meæ conscientia vehementius afficiar; hoc solo me sustentans, quod alia potius omnia, quàm voluntas defuere. Ita autem ille in *Epitola* sapiens edita: [Verè quidem dictum *Apostolo*, dona Dei esse ἀμειψόμενα, neque Deum unquam pœnitere suæ erga mortales liberalitatis: sed hoc in bene utentibus præcipuè verum apparet. Docet namque usus, eum, qui hodie fortissimè se gesserit, die crastino fieri posse ignavum; & idem est in cæteris Dei χάρισμασι. *Homerus* igitur naturalis lucis ductum secutus, divinitus monet, non debere aliquem propter quascunque ingenii, corporis,

poris, vel fortunæ dotes superbire: hominem enim tantum posse, quantum illi Deus in singulos dies bonæ mentis & auxilii sui suggerit. Divina prorsus sententia, & tam digna, quam posterius imitarentur, & memoriæ mandarent; quàm indigna, quæ, &c.] Idem ibidem: [Tanti Veteres fecerunt hunc locum, ut Archilochus, cujus alias quoque ex Homero κλαπὸς notat Clemens in lib. v. i. Miscellaneorum suorum, pulcherrimè illum sic sit imitatus:

ταῦτα γὰρ ἀνθρώποισι θυμὸς, γλαῦκος
λεπτίνων παῖ,
Θηητὶς, ἐκείνην Ζεὺς ἐφ' ἡμέρην ἄγχι.]

Hactenus ille. Notabit Lector in Archilochiana imitatione eandem, quæ in Homeri verbis, structionis ambiguitatem; ut quomodo ille legenda censuerit, incertum sit. Diogenes autem Laërtius in *Pyrrhone*, Scepticæ sectæ princeps, postquam docuit ideò Homerum à multis Scepticum haberi, quòd eadem de re aliter atque aliter, pro re nata, loquatur, neque sibi in judiciis constet, *Homeri* quidem versus nullos ibi promit *Diogenes*; sed qui ex *Homero* prompti sunt, *Archilochi*, supra allatos; quos *Diogenem* ex serie disputationis ita legisse, ut ἐφ' ἡμέρην (quæ Homericis, ἐπ' ἡμᾶρ respondent) conjunctim legeret, maximè probabile sit; quod & *Diogenis* Interpres (sed & reclamante viro doctissimo postea nominando) secutus est. Aristoteles etiam in lib. III. *De Anima*, profert Homericos versus in eum finem, ut quantum ex contextu ipsius colligere datur, ἐπ' ἡμᾶρ, & τοῖον νόον conjuncta voluerit; ut & *Pacius*, fidelis ejus Interpres, in Commentariis pluribus exponit. Ita autem *Aristotelem* censuisse, ex eo quoque mihi valde probabile est, quòd alibi in *Metaphysicis*, (ut mox dicturi sumus) ubi sensum seu moralem, seu physicum dicendum, qui ex altera sive priore ista constructione conficitur, pluribus prosequitur; loco tam opportuno, & invitante materiâ; versus tamen istos Homericos non laudat; aliud verò ex *Homero* profert, quamvis ex aliorum magis quàm propria sententia, quòd à proposito magis remotum, & dubiæ non minus interpretationis est.

Eandem constructionem secuti sunt & *Maximus Tyrius* (ut de *Plutarcho* nihil dicam, quia pars, quâ *Homeri* vitam complectitur, à *Plutarcho*, quo solo nunc utor, abest) in prima Διαλέξει. & *Theon* Sophista, in *Progym-*

nasmatibus, cap. 1. saltem si Latinos Interpretes, viros doctissimos, ipsi sequimur. Nam ex ipsis Auctoribus, quid amplexi sint, haud facilè colligas. De *Minutio Felice*, qui tamen τὸ ἐπ' ἡμᾶρ, ut minus necessarium omisit, facilius judicium: *Audio Poetas*, inquit, unum Patrem divinum atque hominum prædicantes, & talem esse mortalium mentem, qualem Parens omnium Deus induxerit. An fortasse (si conjecturæ locus) scripserat *Minutius in dies*; & ita plenè *Homerum* expresserit: quod qui non intelligebant quòd pertineret, in *Deus*, quòd obvium magis erat, mutaverint? Aut *Deus indies* à *Minutio* scriptum; & ex similitudine verborum, (quo nihil in omni Manuscriptorum genere frequentius) alterum *indies* exciderit. Propius tamen in *Minutii* verba intuens, & istud induxerit præcipuè advertens, jam incipio dubitare, an ad secundam hanc, quam nunc persequimur, interpretationem & constructionem, *Minutii* verba pertineant; an potius tertiam, mox tractandam. Attendat Lector, & fortasse non valde refragabitur. Hoc igitur primum observamus, in *Homero*, τὸ *Deus* non esse, sed *Pater* tantum. Quod si pro *Deus* in *Minutio* scribamus *diem* (& quid proclivius, quàm ista mutasse, qui de *Homero*, à *Minutio* expresso, nihil cogitabant?) nervosè & plenè totum *Homeri* sensum reddiderit: *Talem esse mentem mortalium* (Πατρὸς θνητῶν) *hominum: qualem Parens omnium (divinum atque hominum, ex superioribus verbis) diem induxerit.* Quod quid est, quàm *Homericum* purum putum: οἷον ἡμᾶρ ἐπ' ἡμέρην. Nihil video quòd possit his objici. Atque hæc sunt, quæ de secunda loci istius *Homerici* interpretatione se nobis obtulerunt.

III. Ad tertiam jam pervenimus, quæ primâ illâ verborum constructione τὰ τοῦ νόου & ἐπ' ἡμᾶρ) nititur, atque in eo quidem cum prima seu astrologica interpretatione convenit; sensum autem longè diversum ex verbis sic structis elicit: Qualem scilicet cujusque diem (id est, statum & fortunam) pro diversa temporis ratione Deus esse voluerit, talem & animum ipsius, id est, mores, & opiniones esse solere. Quod utut sæpe ita contingat, & de multis verè dici possit, mutato eorum statu, cum moribus & opiniones mutari: nihil tamen necesse est *Homeri* verba ad utrumque simul extendere, cum vox νόου ut utrumque potest comprehendere, ita & utrivis, seu moribus, seu opinionibus, ex usu loquendi, possit esse

propria. Nihil igitur obstat quin Homeri mentem planè simul & eleganter expresserit Terentius his verbis in *He-cyra* sua:

*Omnibus nobis ut res dant sese, ita
magni atque humiles sumus.*

Ubi Donatus, vetus Interpres, hos Homeri versus affert; & hoc itidem ex *Apollodoro*: οὗτος ἵκασθ' ἀπὸ τῶν πραγμάτων σμῦνός τιν, καὶ ταπεινός. Alludere autem hunc verborum Homericorum sensum plurimi, inter alios *Menander* Comicus, insigniter, non uno loco; ut cùm dicit:

Τὸ δὲ κεφάλαιον τῶν λόγων, ἀνδραπ' εἶ,
οὐ μεταβολὴν ᾗτις πρὸς ὑψ' εἶ, καὶ πόλιν
ταπεινότητι, ὥς εἰδὲν λαμβάνει.
καὶ μάλ' ἀδικαίως· ἀδινέειον γὰρ ὦν
οὗτος, μεγίστοις οἰκονομῶνται πράγμασιν.

*Namque verbo ut uno finiam, natus es
homo,*

*Quo nullum animal obnoxium sorti ma-
gis,*

*Ipsum erigenti, & deprimenti postmo-
dum.*

*Est jure; namque est omnium infirmissi-
mum;*

Tamen implicari maximis rebus solet.

Idem alibi:

— ὑπερφανὸν γίνασθ' ἢ λίαν τρυφή.
ὦ, π' ὡς ἐξέκυλε τ' κακὴν ὥρην
εἰς ἔμπρην ἔθ' εἶ, καὶ ἐν εἰ τὸ πρὸς εἶν ἔν.

Immodicus affert luxus arrogantiam.

*Faciuntque opes, ut dominus in mores
novos*

*Impingat, habeant qui simile nil pri-
stinis.*

Extant & apud alios tum Græcos, tum Latinos Scriptores in eandem sententiam non pauca, quorum collatio, prout se legentibus, & Homericorum verborum non immemoribus offerent, haud infructuosa fuerit. Tale illud apud Quintum Curtium, purissimum & prudentissimum Scriptorem, de *Gestis Alexandri* lib. 7. Cæterum, etiamsi militis tui vel in agmine deficientis & fatigati — aliqua vox asperior esset accepta, merueramus fortibus factis, ut malles ea tempori nostro (id est, κακοπεγνία, seu calamitati; ut apud Ciceronem sæpe) imputare quam animo. Cùm quid accidit tristius, omnes rei sunt. Corporibus nostris, quæ utique non odimus, infestas admoveamus manus. Parentes liberis si occurrant, & ingrati, & invidi sunt. Contrà, cùm donis honoramur, cùm præmiis onusti revertimur,

quis ferre nos potest? quis illam animorum alacritatem continere? Tot verbis non aliud dicit, quàm quod Terentium paucis expressisse vidimus.

De duplici porro notione vocis νέον antè diximus. Alii igitur π νέον, cùm propriè acciperent pro mente & intellectu, humanæ omnis, tum scientiæ, tum sapientiæ, incertitudinem & inconstantiam, ab Homero his verbis innui tradiderunt; ut quæ à Dei voluntate tota penderet; ac prout ille mentibus nostris influeret, aut res externas, lætas aut contrà, nobis offerret; talem & prudentiam nostram esse, & tales de rebus ipsis opiniones. Sextus Empiricus, adversus *Mathemat.* libro VII. π νέον πύς λογικὸς π ἡμῶν, interpretatur, π πειρίχον, (aërem scilicet) quod λογικὸν καὶ φρονήσις esse (*ratione & prudentiâ præditum*) ex his Homeri versibus colligi docet. Ipse autem rem pluribus explicat, ex Heracliti Sciris; quæ non sunt hujus loci. Ibi quoque *Archilochi*, quæ suprâ adduximus, ad eandem τῶ πειρίχον πειρῶ probationem; sed contractionibus paulò verbis: τὸς ἀνδράπ' εἶ πιαυτὰ φρονήσιν, ὁ πῶν Ζεὺς ἐφ' ἡμέρην ἀγῆ. Ubi Interpres Latinus π ἡμῶν in Homero, & ἐφ' ἡμέρην hic, in *Archilochi*, conjuncta simul interpretatur; sic tamen ut cum illis, qui Præpositionem cum Verbo ἀγῆ conjungunt (non cum illis, qui vertunt, *indies*) in verborum sententia consentiat. Vertit enim in utroque: *Ad qualem diem deducit illos Jupiter.* Idem Sextus lib. V. adversus *Astrologos*, postquam Chaldeorum doctrinam narravit, συμπαθεῖν scilicet π ἐπίγῃ τοῖς ἑσπέραις, καὶ π πῆς ἐκείνῃ ἀπὸρρίσις ἐκάστοι πύλα νοσημῶσαι nullā aliā Homeri mentione factā, versus hos eisdem Homericos inserit, ut ejusdem (quod ex contextu colligendum) doctrinæ, si non fundamentum, saltem firmamentum. Non sine causā autem suspicetur aliquis priorem illam π ἡμῶν (*indies*) syntaxin illum hic voluisse, ex isto, quod immediatè præcessit, ἐκάστοι. Interpres tamen aliter ibi Latinus, neque ego quicquam affirmo.

Plinius *Naturalis Historiæ* lib. VII. cap. 40. ubi disputat, non quod hic Homerus sanè, omnium quæ terras colunt animantium hominem esse miserrimum, sed quod proximè accedit, mortalium neminem esse felicem; paucis aliis interpolitis, eo mox argumento utitur, quod nemo omnibus horis sapiat; & id ipsum ut *Vatis dictum* profert. Verba Plinii: *Quid quod nemo mortalium omnibus horis sapit? Utinamque falsum hoc,*

hoc, & non à Vate dictum quàm plurimi judicent. Ita Plinii editio, quæ mihi nunc una suppetit, sed nescio quis sensus ex hac lectione tolerabilis exprimi possit. Puto Plinium scripsisse, *indicent* (non *judicent*) id est, indicio sint. Optat Plinius pro sua erga genus hominum benevolentia, ut aliter res haberet, & non tam multi quotidie tristissimis exemplis hanc humani ingenii levitatem comprobarent, adeoque fidem facerent, non ab homine futili, seu vulgari Poëta; sed vero *Vate* ita pronunciatum esse. Huc facit adagium, *Vates es*; & quod Plinius idem alibi de Catone; *Putat Vatem dixisse*. Et iterum: *Vatem prorsus quotidie facit Casonem, & oraculum*. Hic autem Vates, quem vult Plinius, quis alius quàm Homerus; & Homerus, hoc ipso, quem tractamus loco?

Aristoteles in divina de Veritate, & Scientiæ certitudine disputatione, contra illos, qui quidvis esse verum, quod cuique tale videretur (quorum principem narrat Anaxagoram) asserabant, addit porro de Homero: *φασὶ δὲ καὶ τὸν Ὅμηρον, τοιαύτην ἔχοντα φάντασιν τὴν δόξαν, ἐπὶ ἐπίστασιν τὴν ἐκλογὴν ὡς ἐξέστη ὑπὸ τῆς πολλῆς, καὶ ἄλλοφρονείας· ὡς φρονέτης μὲν καὶ τὰς ἄλλοφρονείας, ἀλλ' ὃ πῶτα*. Latina mox dabimus. Hic quidem Homerus ipse nominatur; at loci, quem tractamus hic, nulla mentio. Nos tamen hunc Aristotelis locum, *Joachimi Camerarii*, viri laudatissimi, nec tamen unquam satis laudati, autoritate moti, eò libentius adduximus, quòd is in *Præfatione* ad suum in primam *Iliadem* Commentarium, varias Homeri laudes persequens, & id inter alia, quòd pleraque Philosophorum (quod & Plutarchus, alique innumeri docuerunt) ab Homero sint hausta; Anaxagoræ opinionem ab hoc ipso loco, nobis tractato, præcipuè repetit. Ego tamen hoc ex verbis Homericis elici rectè posse, nisi idem sit, nullam esse veritatem, & hominum, qui veritatem sectantur, & profitentur, pro diverso suo statu, inconstantia esse (quod tamen ut verum sit, sufficit si de plerisque verè dici possit) de veritate judicari, non puto. Sed nec ex eo, quem ab aliis proferri loco (quando jam in eo sumus, & *Homeri causam* agimus) modò dicebat Aristoteles; nisi inanibus argutiolis, potius quàm verâ ratione ducimur. Verba Aristotelis Latine versa hæc sunt: *Dicunt & Homerum ejusdem sententiæ fuisse*, eo videri, (vel, constare; *φαντασθαι*) quòd *Hectorem fecerit*, cum ex vulnerum dolore mente

motus esset, *ἄλλοφρονέοντα* (quasi dicas, aliud sapientem; vel, sentientem) *jacuisse; quasi qui desperent, saperent quidem & ipsi, sed aliter quàm prius*. Nihil responderet Aristoteles pro Homero, nec, opinor, tam pueriles nugæ scriâ cujusquam responsione dignæ sunt. Quàm multa sunt in omnibus linguis, quæ composita aliud significant, quàm cum simplicia? Sed & simplicia, ut vox ista *φρονέειν*, alio atque alio modo, pro re nata usurpari, interdum & contraria significare, quis ignorat? An id potius urgent, quòd *ἄλλοφρονείας*, non *ἄλλοφρονείας*, aut aliquid aliud, quòd æquè notum, & legi metricæ congruens, usurparit? Eadem in diverso tantum verbo futilitas; cum etiam *τὸ ἄλλο*, tum in compositione, tum solum, non uno semper accipiatur modo. Qui pleniorē hujus verbi expositionem volet, adeat *Galennum*, qui *Hippocratem* quoque eadem, quā Homerus, notione usum docet; adeat & *Eustathium* in *Iliad.* ψ'. qui (quod Aristotelem illustrat) illos etiam notat, qui ex verbo, ut ipsi apud Homerum interpretabantur, *νόμος*, id est, usu & consuetudine, non ipsâ naturâ, prudentiam, seu sapientiam metiebantur. Quanquam autem non ignorem, verbum hoc *ἄλλοφρονέειν* apud Homerum non uno loco reperiri; nondum tamen mihi locus ille repertus, quem memorat Aristoteles, confirmante Camerario; ubi scilicet hoc verbum de Hectore *καυδῶν* seu *jacente* sit usurpatum. Viderint illi, quibus librorum copia, aut certè majus otium.

Quia autem Plutarchus alicubi proposito hoc Homeri versu:

Ζεὺς ἀρετῶν ἀνδρείων ἐφέλαται, μινύθει.

non patitur hic *ἀρετῶν* de virtute vera exponi, quasi *τὴν φρόνησιν αὐξάνει ἢ κολύει ἐπὶ τῇ τύχῃ καὶ ὀδῶν*, nullatenus admittendum esset, quæ Stoicorum quoque fuit opinio, quidvis potius à Deo petendum esse, quàm sapientiam & virtutem, ut quæ nostri juris essent, nec aliundè penderent; ut liquidò constet, quàm diversæ fuerit Homerus opinionis, & quàm non aliena sit ab ejus sententia, quam ultimam profecuti sumus, verborum ipsius interpretatio: age Homerum ipsum hanc litē dirimentem verbis tam clavis audiamus, ut nullus sit evadendi locus. Sic autem ille ὀδύσθ'. ψ'. Penelopen, prudentissimam, & castissimam, ut fingit ipse, foeminam, loquentem inducit:

Μαῖα Φίλη, μαρτὴν σε θεὸν ἦσαν· ὑπὲρ
δύνανται

Ἀφροίτα πιῆσαι, καὶ ἐπίφροσά περ μάλ'
ἵοντα·

Καὶ π χαλὶφρονίοντα σποφροσύνης ἐπέθεσαν.

*Nutrix dilecta, insanam te Dei, qui
possunt, fecerunt,*

*Inspientem facere qui vel prudentissi-
mus fuerit,*

*Et delirum fecerunt, ut prudentiam
iniret & assequeretur.*

Hoc unum, etsi alia non desunt, sufficere putamus, ut id efficiamus quod volumus. Neque aliud jam superest, quàm ut propositis pluribus interpretationibus; sed & syntaxi non unā verborum; quid nobis maximè probetur, ut ad Homeri scopum maximè genuinum paucis indicemus. Et de Syntaxi quidem planè ita censemus, quanquam altera magnis auctoritatibus nitatur, eam tamen, quæ π τῶν ad ἡμᾶς refert, esse verissimam; in quo viros quosdam doctissimos, & nominatim, qui multorum instar esse possit, Henricum Stephanum in Notis ad Pyrrhonis vitam, à Diogene Laërtio conscriptam, consentientes habemus. Sed & Giphanium, virum doctissimum, in Notis ad Homerum; in hunc ipsum locum. Ut ἡμᾶς autem seu ἡμέρη pro quocunque vitæ statu, sive meliore, sive deteriore, accipiatur, satis usitatum est.

Et Homerus ipse alibi in non dissimili sententia, δέλιον ἡμᾶς vocat *servitutem*. Sed præstat ipsius verba ponere, quibus interpretatio quoque, quæ mihi præter alias loco quadrare videtur, quamque Terentius in *Hecyra* (ut antea vidimus; *Omnibus nobis ut res dant sese*, &c.) paucis expressit, non parum confirmatur. Ita autem habet iste locus:

Ἡμῖν γὰρ τ' ἀρετῆς δότῃαινοπα Εὐρύπῃα
Ζεὺς

Ἀνέρο, ἔντ' ἂν μιν χ' δέλιον ἡμᾶς
ἴλησιν.

*Dimidium autem virtutis aufert late-
sonans Jupiter*

*Viris, quando ipsos servilis dies oc-
cupat.*

Notus est Hesiodi versus:

Ἄλλοτε μητρὶν πείλει ἡμέρη, ἄλλοτε μήτηρ.

*Est quandoque dies mater, quandoque
noverca.*

Cui geminum & illud Theocriti:

καὶ Ζεὺς ἄλδοκα μὲν πείλει αἰθερόν, ἄλ-
δοκα δ' ὕει.

*Et Jupiter interdum serenus est, in-
terdum verò pluit.*

Et hæc quidem hætenus.



CLAVIS EPISTOLARUM

ISAACI CASAUBONI,

S E U

ADDENDA NOTIS MARGINALIBUS.

Numerus paginam, litera *a* 1. columnam, *b* 2. significat.

- Pag. **V**enerandus parens tuus. *Joannes Mercerus Uticensis, Jurisconsultus & Philosophus, de quo vide Pauli Colomesii Galliam Orientalem, pag. 47*
1. *b* Ad maximum virum illum. *Jacobum Cujacium, (Thuan. de Vita sua lib. 111. pag. 1195. Lipsius Miscellan. Centur. 11. Epist. 61. ad Thuanum) cujus cineres nullo sepulchri titulo dignati sunt Bituriges. Sarrav. Epist. 9. edit. clariss. Burman.*
4. *a* De fragmentis Poëtarum. *Vide infra Epist. 37. pag. 24. & Epistolam Andree Schotti, n. 11. pag. 37. Epistolarum à viro rev. Joan. Brantio editarum.*
6. *a* Lipsius enim. *Miscellaneæ. Centur. 1. Epist. 20. & 28.*
- ibid.* Quem J. S. *Jacobus Schegkius.*
10. *a* Eam extolli à D. de Fresnes. *Is est Philippus Canaius à Fraxinis, qui Montspeliense negotium vehementer commendavit Isaaco Casaubono, cum quod ejus auctor ac inventor esset, tum quod à Casaubono amico tam familiari propius abesset: Casserone enim degebat. Vide Epist. 45. 98. 990.*
- ibid.* Negotio Wottonico. *De hoc lege Epist. 990.*
11. *a* Genev. a. d. 1x. Kalend. Septemb. *Ad hanc Conradi Rittershusii responsoria exstat num. 1. Epistolar. ad Isaacum Casaubonum, pag. 639.*
- ibid.* Canteros Juniores. *Theodori Canteri filios, Lambertum & Theodorum.*
13. *b* Apuleji Apologiam. *Hanc quàm brevi tempore, & quorum exhortatione impulsus, illustravit, enarrat Epist. 976. 979. & 983.*
14. *a* In manibus Stephani. *Scilicet, Henrici.*
16. *a* Ad Albericum. *Nempe, Gentilem.*
16. *b* De magnis illis amicis Parisiensibus. *Fortè, Achille Harleo & Jacobo Augusto Thuan.*
17. *a* Amici quidam. *Filii Theodori Canteri. Vide Epist. 983.*
- ibid.* De tuo fulgore. *Inscripserat enim ac dedicarat Casaubonus Apologiam illam Josepho Scaligero.*
21. *b* Apud Spartianum. *In Adriano, cap. 16.*
- Et in clientelam trado lubens meritò. *Pag. Vale. Ad hanc respondet Scaliger 23. a Epist. 40.*
- Nuperum illud *γ&α. Intelligit Notas ibid. Friderici Lindenbrogii in Appendicem & veterum Poëtarum Catalecta, edit. 1595.*
- In eruditissimo illo viro. *Joanne Leun- 24. a claudio.*
- Epigrammata duo. *Græca in Joannem 26. a Castellum, prodigiosæ malitiæ juvenem, percussorem Regis, captum in ipso conatu, ac mox supplicio affectum, quæ scripsit hortante Theodoro Bezà, uti ipse fatetur Epist. 882. Epigrammata verò ipsa exstant pag. 238. Præf. & Dedic.*
- EPISTOLA XLV. *Postea deprehendi 27. a errorem in calculo anni, qui male exhibitur CIO IO XCV. cum debeat scribi, CIO IO XCVI. atque adeo hæc Epistola inferi pag. 58. post Epist. 108.*
- Non desinit magnus ille amicus meus. *28. a Philippus Canaius à Fraxinis.*
- Stephanus antiquum obtinet. *Scilicet, 36. b Henricus.*
- D. de Chalonges. *Hujus enim filia, 38. b Odetta Spifama Chalongia, Jacobo Bongarsio erat desponsata. Bongarsii & Lingelshemii Epist. pag. 7.*
- Post tuum discessum. *Scilicet, Basileam. 39. a*
- Clarissimo viro Jacobo Grynz. *Socero 40. a tuo; nam Amandus Polanus duxerat in matrimonium Mariam Gryneam, Jacobi filiam.*
- Genevæ, a. d. viii. Kalend. Septemb. *43. b CIO IO XCVI. Ad hanc responsoria Joannis Sæckmæ exstat infra num. 13. Epist. ad Isaacum Casaubonum, pag. 647.*
- Alterius patriæ *** gratissimæ. *Exem- 50. b plum, quod summæ integritatis ac pietas vir, Joannes Battelius, Archidiaconus Cantuariensis, mihi transmisit, supplet à lacunâ legit: Alterius patriæ, si paupertatem excipias, gratissimæ.*
- Quem muneri misisti libellum. *Innuat 58. a Guilielmi Ranchini Variarum Læctionum libros tres.*
- Genevæ, a. d. xiv. Kalend. Decemb. *58. b CIO IO XCVI. Ad hanc responsoria Ste-*

CLAVIS EPISTOLARUM

- Pag. Stephani Tremulei exstat infra num. 8. Epistolarum ad Isaacum Casaubonum, pag. 643.
62. b Audemus Casseronem. Sitam in Gallia Narbonensi seu Languedocia ad Fluvium Atacem. Distat Mompelio triginta leucis. In Mappis geographicis, ni fallor, vocatur Carcassone.
65. b Monspelii, a. d. vi. Kalend. Mart. c10 10 xcvi. Ad hanc & proximè præcedentem Epistolam responsoria exstat infra num. 14. Epistolarum ad Isaacum Casaubonum, pag. 648.
70. a Et Pacii abitu. Id est, Julii Pacii, summi Juris Antistitis, abitu ad Ne-mausenses.
70. b Nobilissimam sponfam. Odettam Spi-famam Chalongiam, de qua supra ad pag. 38.
71. b Frigere magni Interpretis commentum. Magnus ille Interpres est Joannes Cal-vinus, cujus vide Commentar. in Har-moniam Euangelicam, pag. 337. edit. Amstelædam. anno 1667.
72. b Monspelii, a. d. iv. Eid. April. c10 10 xcvi. Ad hanc, & proximè præcedentem Canaii à Fraxinis Epi-stola responsoria exstat infra num. 16. Epistolarum ad Isaacum Casaubonum, pag. 649.
73. a Præles. Senatus Tolosani.
73. b SALVENDIS. Lege SALVEN-SIS, id est, Sauve in Cevennati-bus.
76. a Ante sex septem hebdomadas peperit. Florentia Stephani, uxor Isaaci Ca-sauboni, xii. April. peperit filiolum, quæ nominata fuit Elisabertha; mori-tur autem illa vi. Kalend. Septemb. 1597.
77. a Magalonensium. Magalone est urbs Gal-liæ Narbonensis.
80. b Cabassus. Is est, ut arbitror, Simon Ca-bassus, cujus meminit Thuanus, Hi-storiarum lib. 114. pag. m. 703.
- ibid. De quorum altero scis nostros cogitare. Nempe Monspelienses de Jacobo Le-ctio, ut eum vocent ad Professionem Juris, uti colligas apertè ex Epist. 138. & 146.
82. a Nisi quod Postellum. Videlicet Guliel-mum, de quo vide Paulum Colomesium, Gall. Oriental. pag. 59.
88. a Vir clarissimus Jugeus. Theodorus Ju-geus, J. U. D. qui Senecam edidit & Petronium.
90. a Præsidum princeps. Achilles Harleus. ibid. Alterius magni Præsidis. Jacobi Au-gusti Thuani.
95. a Vale, magne Scaliger, &c. Ad hanc respondet Scaliger Epist. 50.
101. b Hunc ejus Commentarium. In Phry-nichi Epitom. Diction. Atticarum, quem Hæschelius edidit anno 1601.
- Josephi Scaligeri verba. Fortè sunt hæc: Pag. m. mpteyā ipsius (scilicet Casauboni) 102. a aliorum ieyā fuerint: quæ leguntur in Epistola Scaligeri 384. data ad Da-videm Hæschelium, 1599.
- In Notis ad Manilium. Pag. 426. edit. 106. a 1600.
- Ecce literas ex aula. Fortè, à D. de ibid. Vicq.
- Mox me dedi in viam. Pridie Kalend. ibid. Mart. Lutetiam autem appulit pridie Non. Mart.
- Crabrones. Sciolos illos, regios Profes-sores, de quibus supra Epist. 204. in fine.
- Post dōmōiā veteris amici. Philippi 113. a Canaii à Fraxinis.
- Quibus nihil aliud Auctor. Franciscus 113. b Junius, qui Tertullianum edidit. vi-de pag. 15. & 136.
- R. P. Romanum Pontificem. 114. a
- Omnium autem maximè is. Scilicet Ar-naldus Pontacus, Episcopus Vasaten-sis, qui Eusebium edidit. 116. a
- Epistolam tuam ix. Kalend. Maj. scri-ptam. Exstat apud Justum Lipsium Miscellanear. Centur. 111. Epist. 69.
- Ad Episcopum Ebroicensem. Id est, 124. b Jacobum Davidem Perronium.
- A. d. 111. Non. Septemb. c10 10 ci. 116. a
- Scribe c10 10 cv. vel c10 10 cvi. adeò ut planè alio loco hæc sit inse-renda.
- Et τὰ μαχαίρα Στεφάνου. Henrici Ste-129. a phani.
- Munus tuum. Librum de Sacramentis, 133. b edit. Geneva 1598.
- Super navigationibus Indicis judicium 137. a nostrum. Ad Flavii Vopisci Firmum, cap. 3.
- Ad libellorum editionem. Scilicet de 139. a Coloribus, de Lectis, de Venatione Amphitheatrali, de Ludis Circensi-bus, quos intra manus habuisse sepe-numero profitetur ipse Casaubonus.
- Impurus ludimagister. Theodorus Mar-139. b cilius, qui Persium edidit, anno 1600.
- Quid illo Bambalione infelicius. Id est, 143. b Theodoro Marcilio.
- Juvenalem tuum, quem edi à te quàm 151. b primum cupio. E contrario Josephus Scaliger suadet, ut differat saltem, si nolit abstinere ab editione. Consule Jo-sephi Scaligeri Epist. 257. & 464.
- Illud tuum de literis Græcis judicium. 153. a Exstat hoc Epist. 56. Centur. 11. Mis-cellanear.
- Sed τὸ ἐπιμύριον Mæcenatem. Regem Gal-155. a liæ.
- Illum impurum. Casparum Scioppium. 158. b
- Μαρίανος ille. Theodorus Marcilius. 161. a
- Qui olim Epistolā quādam à te lauda-tus. Exstat illa Miscellanearum Cen-tur. 11. num. 29. ibid.

Cum

- Pag. Cum nequissimo bipedum. *Est is Theodorus Marcilius, cui Joannes à Wouweren dedicat Petri Colvii Notas in Sidonium Apollinarem, edit. Paris. 1598.*
171. a
171. b. Lutetiae Paris. a. d. 12. Kalend. Jan. *Ad hanc responsoria Joannis Wouwerii exstat in Merici Casauboni Pietate (pag. 93. & 94. hujus edit.) quae inter editas Joan. Wouwerii Epistolas non reperitur.*
172. a Per quendam Medicinæ Candidatum. *Joannem Westhovium, uti patet ex Epist. 315. & 319.*
175. b Cum ante menses fermè, &c. *Hæc est responsoria ad Josephi Scaligeri Epist. 77.*
176. b Cum urgeat Plumbæus noster. *Jacobus Esprinchardus Rupellensis. Vide supra Epist. 216.*
186. b Narrabat quidam. *Vindicinus. Vide Epist. 253.*
187. b *Βιβλιοθηκῆς* senis. *Joannis Gosselini, Bibliothecarii Regis.*
192. a Agnovi Arnoldi ibi nuperi contra Loyolitas libellum. *Fortè intelligit M. Antonii Arnoldi Orationem contra Jesuitas.*
194. a Legi etiam Temporarii. *Joannis Temporarii, Jurisconsulti Blesensis, Chronologiam editam Rupellis, in folio, anno 1600.*
196. a Subit animo dici illius infausti species. *Scilicet, xxiv. Augusti anno 1572.*
197. b Epist. cccclxxii. *Hæc non ad annum 1603. sed 1605. debet referri, adeoque inferi pag. 229.*
198. a De Autore novi operis. *Gulielmo Nau-tonnerio à Castello-Franco.*
202. b Lutetiae Parisiorum, a. d. xii. Kalend. Februar. *Hæc est responsoria ad Christophori Puteani Epistolam, quæ trigesima est Epistolarum ad Isaacum Casaubonum, pag. 655.*
219. *Σειτό τὸν σφραγισφόρα.* *Pomponium Bellevreum, qui fuit Cancellarius. Jacobus Augustus Thuanus Historiar. lib. 134. pag. 1088.*
225. a Illius jussu, &c. *Nempe, Regis Galliarum.*
237. b Præter illum priorem. *Pomponium Bellevreum.*
- ibid.* Is est Silerius. *Nicolaus Brulartus Silerius. Jac. Aug. Thuanus Historiar. lib. 134.*
238. b Syntagma tuum. *De Funere & Puerperio.*
241. a Un des Loyolites. *A sçavoir Pere Cotton. Vertunien à Monfr. de la Scald. Epitr. François. pag. 350. J'ay vcu là Messieurs du Plessis Mornay, de la Nouë, de Saint Germain, Deputé*
- de nos Eglises près de Sa Majesté, & d'Aubigny, qui tous m'ont prié vous advertir que Pere Cotton se vante que par promesses & menées il vous arrachera du lieu où vous estes honoré; & où on vous tient promesse, pour vous amener là, où vous ne recevrez ni honneur, ni le vray de ce qu'on vous promettera. Et pag. 352. MONSIEUR, ce mot ne sera que pour vous reiterer la jactance que fait le Pere Cotton de vous gagner par vaines promesses, & attirer à Paris, pour vous faire revolter: ainsi m'ont appris Messieurs du Plessis Mornay, de la Nouë, St. Germain, Deputé des Eglises près du Roi, & d'Aubigny; qui me prierent à la mort de Montieur de la Tremouille, de vous en advertir.*
- Cum in tuum nomen incidi. *Lib. 3. 242. a cap. 8. pag. 355. Amphitheatri Honoris Caroli Scribanii.*
- Magni Mæcenatis. *Id est, Regis. 243. a*
- Unica re excepta. *Nempe, Professione Religionis Protestantium. ibid.*
- Duobus exceptis viris. *Fortè, Achille Harleo & J. A. Thuano, seu Paulo Petavio. 243. b*
- Ex epigrammate in Archidicen. *Vide 249. b*
- Isidori Pelusiot. lib. 3. Epist. 224. edit. Conradi Rittershusii.*
- Sed scholium *συμπληρωμα.* *Isidor. Pelusiot. 250. a*
- lib. 2. Epist. 146.*
- Quæ ad *παιδείαν* Persarum spectant. *Isid. ibid.*
- dor. Pelusiot. lib. 4. Epist. 198.*
- Ubi legerim, nunc non memini. *Apud ibid.*
- Isidorum Pelusiotam, lib. 4. Epist. 175.*
- Baudium. *Dominici Baudii Epigrammata in obitum Theodori Bezzæ exstant Trochaicorum lib. 4. pag. 337. & Heroicorum lib. Epigr. 4. pag. 527. edit. 1616.*
- In Marcellinum Comitem. *Hujus Chronicon una cum Eusebio edidit Josephus Scaliger. 258. b*
- Quod ipse olim in mea. *In negotio videlicet Wottonico, de quo supra pag. 10. ibid.*
- Nam *ὁ πρὸς σφραγισφόρα.* *Pomponius 259. b*
- Bellevreus, Gallie Cancellarius. Ejus obitum, elogium & Epitaphium vide apud Rodolphum Botereum, Commentariorum lib. xiv.*
- Ille autem alter. *Nicolaus Brulartus Silerius. Vide supra Epist. 444. ibid.*
- Epistolam tuam de Gallia. *Exstat in 261. b*
- Opusculis variis Josephi Scaligeri ab Isaaco Casaubono editis, pag. 69. edit. Francof. 1612.*
- Quas à Conrado Ottone, Viro eruditissimo. *Planè aliter de eo sentit Joann. 263. a*
- E e*

CLAVIS EPISTOLARUM

- Pag. Joann. Christophorus Wagenselius ad
Sotam, pag. 704. 705.
263. b Et pusillum quendam libellum. Grego-
rii Nysseni Epistolam.
264. b De Colloquio Gossypieponymi cum m
dmi. De Colloquio Patris Cottonis cum
Hadriana Fraxinea demoniaca plen-
nius ac verbosius agit J. A. Thuanus
Historiarum lib. 132. pag. m. 1053.
Adde Epistolas Gallicas ad Josephum
Scaligerum, pag. 110. & 422. &
432.
265. a In scelestissimum Librum. Caroli Scriba-
nii Amphitheatrum Honoris.
- ibid. Paratur nunc, ut audimus, Ingolstadii
liber in Magnum Scaligerum. A Cas-
paro Scioppio.
271. b Libellum à me accipies. Gregorii Nys-
seni Epistolam.
272. b Ut in Mathematicis disciplinis filium
meum instituat. Joannem Casaubo-
num, qui postea ad Pontificios tran-
sit.
277. a Næ multum tibi fungi illi N. & N.
Christophorus Clavius & Thomas
Lydiates, uti colligere est ex Epist.
531.
279. b D. Calignonis. Navarra Cancellarii,
de quo lege Teisserii Elogia virorum
eruditorum, Gallicè edita, pag. 374.
& 432.
280. b Magnum Paulum. Is est Paulus Sar-
pius.
287. a Ille Apostata. Casparus Scioppius.
ibid. Ad αὐτὸ τὸ μέγιστον. Casparum Scioppium.
ibid. Οὐ δέως ὀφείσιν. Philippus Canajus à
Fraxinis.
288. a Quam olim ὁ μέγιστος Lipsius. Miscellanea-
rum Centur. I. Epist. 4. & de Milit.
Roman. lib. 1. Dialog. 2. Poliorcetic.
lib. 4. Dialog. 6.
298. a Apud Legatum Anglicum. Carew.
Vide la vie de Monsieur Mornay du
Plessis, pag. 332.
311. b De amicis Heidelbergensibus. Qui
Isaacum Casaubonum isthuc vocare
volebant. Lingelsheim. Epist. 81. pag.
236.
312. b Quæ mihi τὸν N. N. ἢ ὁ μέγιστος. Putem
supplendum Genevensium. Vide Epist.
574. pag. 303. & Epist. 603. ubi
aperte satis, pag. 316. & Epist. 608.
pag. 321.
313. b Christus Patiens tuus. Adi Hugonis
Grotii Epistolam decimam.
318. a Apud Laurentium. Casparum Lauren-
tium, Scholæ Genevensis Rectorem.
Vide Epist. 600. pag. 315.
318. b Et de affine cur querar habeo. Af-
finis autem ille erat Paulus Stepha-
nus.
321. a Accipe nunc libellum. Florilegium Epi-
grammatum Martialis, à Josepho
- Scaligero Græcè conscriptorum. Paris. Pag.
1607.
- Nobis esset crepta filia natu maxima. 322. b
Philippa.
- Ut filium meum. Mericum Casaubonum. 324. a
Vide infra Epist. 648.
- Est nobis alius minor ætate filius. Pau- ibid.
lus Casaubonus.
- Desisset esse in vivis. Consule Episto- 326. b
lam Jani Rutgersii ad G. J. Vossium,
num. 6.
- Je vous demeure, &c. Ad banc respon- 328. a
soria Mornaji du Plessis exstat infra
ad Isaacum Casaubonum, num. 36.
pag. 659.
- Me jactura rei familiaris ** accepta. 335. a
Fortè, Genevæ.
- Et Cancellarius. An Nicolaus Brular- 336. b
tius Sillerius, de quo supra Epist.
444.
- Sed obstat id, quod dixi. Nempe, ibid.
Religio.
- Sed nōiti quid nos diviserit. Transitus 361. a
ad Pontificiam Religionem.
- Et Dominus. Fortassis, Charier, qui 361. b
toto itinere ei plurima præstitit officia,
teste ipso Casaubono Epist. 1045. pag.
609.
- Cum Legatus Christianissimus Regis. 363. b
D. Bauderianus.
- Regni Cancellarium. Nicolaum Bru- 370. a
lartium Sillerium.
- Propter communem amicum. Puto J. 371. b
A. Thuanum.
- Opuscula τῶ μακροτέρου. Josephi Scali- ibid.
geri.
- Est in hac urbe nobilis Eques. Rober- 373. b
tus Cotton. Adi Epist. 724. pag. 382.
- Dominus Eliensis. Lancelottus An- 374. b
drews.
- Famolum libellum Anticottonem. Hu- 382. b
jus Auctorem se ignorare fatetur Plac-
cius de Anonymis, cap. 2. num. 627.
pag. 72. edit. nuperrimæ in folio.
- Libellum. Epistolam ad Frontonem Du- 428. b
caum.
- Episcopus Eliensis. Lancelottus An- ibid.
drews.
- Ut brevi occasione quādam insigni. 430. a
Scilicet Matrimonii. Siquidem Elisa-
betha, Jacobi I. Magnæ Britanniæ
Regis filia, nuptura erat Friderico
Electori Palatino, uti constat ex
Epistola 822. Vide sis D. Baudium
Cambicor. Funeral. lib. pag. 324. edit.
1616. & infra Epist. 857.
- Diatribam illam. Fortè indicat Petri 432. b
Bertii Apologeticum ad Fratres Bel-
gas.
- Richerius. Edmundus Richerius, qui 444. a
diem obiit supremum 1633. De eo vide
Continuationem J. A. Thuani lib. 5.
pag. 256.

Richco-

ISAACI CASAUBONI.

- Pag. Richeomus. Ludovicus Richeomus; mo-
444. b ritur anno 1625. octogenario major.
458. b Virum nobilissimum. Dom. Plessæum.
469. a τὸν μέγαν Ἰλ. Plessæum.
478. a Duos libellos. Epistolam ad Frontonem
Ducem, alteram ad Cardinalem
Perronium.
479. a. Adventus Electoris Palatini. Appetit
16. Octobris: matrimonium celebratur
14. Februarii 1613. Camden. Annal.
Apparat. pag. 9.
484. a Epistola ad Scaligerum ante annos
quinque edita. Premissa Florilegio
Epigrammatum Martialis, à Scaligero
Græcè verso.
488. b Vidistine Bavari illius novam Chrono-
logiam. De hac vide Isaacum Casau-
bonum, Exercit. I. ad Apparatum Ba-
ronii, §. 32.
489. a Regis maximi spei filius. In Henrici
Friderici, natu majoris Regis Jacobi
filii, Walliæ Principis, obitum vide
Lessum Funebrem Dominici Baudii
Jambicor. Funeral. lib. pag. 313. edit.
1616.
506. b Cum D. Cottonio. Henrico Cottonio,
nobili Anglo, qui Thuano plurima sup-
peditabat ad Historiam Angliæ perti-
nentia.
516. b Dominae Elisabethæ. In hujus disces-
sum elegans legitur Carmen Hugonis
Grotii Sylvarum lib. 3. pag. 143. edit.
1639.
ibid. οὐκ ἔστιν ἄλλος. nep. Cardinalis Perronius.
520. b Quid exciderit Justo Lipsio. Miscella-
near. Centur. 3. Epist. 61. JUDAI-
CÆ (ait) Historia vetus est è Libris
Sacris, Josepho, & ejus interprete
Hegesippo petenda: nostra hæc no-
va, id est, CHRISTIANA, olim
ex Eusebio, Sozomeno, pluribus;
nunc ex uno Cæsare Baronio adfa-
tim haurietur: & quid in diligentia
viri tanta deest? Imò ut super sit, ve-
reor: iis utique, qui ex professò
Theologos non agunt; & sufficit
universè initia, progressum, dissi-
dia, capita, & Antistites Religionis
nostræ scire.
522. b Faciet hoc alius. Joannes Prideaux.
523. a Vir magnus. Joannes Prideaux.
ibid. Virum optimum. Andreæ Schottum.
528. b Et alium pusillum (librum.) Epistolam
ad Frontonem Ducem.
529. a Pro navata opera in mittendis foliis.
Fortè, Confutationis Anti-Cottonis,
quam Andreas Eudemus Joannes
Græculus Moguntia edidit, 1611.
530. a Uxoris meæ frater. Paulus Step-
hanus.
ibid. Latinum fecit. Notisque pereruditis il-
lustratum edidit typis Commelinianis
expressum, 1604. in 8.
Oxonii apud Professore Hebræum. Pag.
Nempe, Kilburn, uti patet ex Epist. 537. a
924.
Cum ego illi Notas in Diogenem of- 557. b
ferrem. Vide Merici Casauboni Piet.
pag. 72. hujus edit.
Edictum illustrissimorum Ordinum le- 561. b
gi. Exstat hoc inter Epistolas Re-
monstrant. num. 224.
Vidimus hic librum adversus ampl. 565. a
Thuanum à Gressero Jesuita nuper
editum. Titulus libri est: Joannis
Baptistæ Galli Notæ in Thuanum
edit. 1614. de hoc libro vide Plac-
cium de Scriptoribus pseudonymis,
num. 1148. pag. 302. 303. edit.
1608.
Lipsius doctis nuper commovit. Cen- 566. b
tur. 2. Miscellaneæ. Epistol. 14.
Stephanum. Henricum, Isaaci Casau- 571. a
boni socerum.
Amicissimis sodalibus. Theodori Can- 575. b
teri filiis.
Qui tot elogiis nuper me publicè or- 577. a
nasti. In Notis ad Nonni Paraphra-
sin Joannis, pag. 115. 130.
Ut exresua illud. Apulji Apologiam ab 578. a
Isaaco Casaubono castigatam.
Cum Anglo illo. Henrico Cottonio, de 578. a
quo vide supra Epist. 17. & 18.
Martialem tuum accepi. De hoc Mar- 595. a
tiale scribit ipse Heraldus ad Joseph.
Scaligerum lib. 1. Epist. 67. pag. 128.
Epistolar. Gallicar. ad Joseph. Scali-
gerum.
Tantis cum difficultatibus Hablonem 595. b
ibamus. Hablon est suburbanum man-
cipium agri Lutetiani, ubi Novatores
(id est, Protestantes seu Calviniani)
sacra sua peragunt. Rodolph. Bo-
terejus Commentariorum lib. 12.
Quid tibi de illo viro docto videatur. 599. b
Justo Lipsio, cujus consule Epist. 76.
Centur. ad Germanos & Gallos.
Jubet nos Historiam Ecclesiasticam, & 603. a
Epist. 61. Centuriæ 3. Miscellanea-
rum. Verba adscripsimus supra ad
pag. 520.
Librum, quem ais misisse. Biblia à Deo- 603. a
dato lingua Italicà accuratè ac sum-
mà fide reddita, notisque illustratà,
de quibus adeundus est Richardus Si-
mon, Histoire Critique du Vieux
Testament, liv. 2. chap. 23.
Filiam habui natu maximam. Philip- 604. b
pam.
Ex indignatione adversus N. N. For. 607. a
tè, Protestantes, vel Genevenses.
A Domino Bathoniensi. Richardo Mon- 616. a
tacuto, Episcopo Bathoniensi.
Magno sene excepto. Theodoro Bezà. 620. b
Carmen à te super Magni Bezæ obi- 629. b
tu scriptum. Exstat autem hoc
E e 2 Far-

CLAVIS EPISTOLARUM, &c.

- Pag. *Farragin. lib. 3. pag. 254. Poëmatum Hugonis Grotii, edit. 1639.*
630. a Monseigneur l'Ambassadeur. *Bauderian. Vide Epist. 720.*
633. b Penes amicum quendam. *Nullus dubito quin velit indicare Christophorum Puteanum, qui Romæ diu fuit commoratus, uti colligere est ex Epistolis Gallicis ad Josephum Scaligerum à Revio editis, pag. 162. 163. 166. 167.*
634. a Epistolam Pauli Veneti. *Illæ exstat supra num. 811.*
635. a WENCESLAO à ZASTRIZEL. *Hic fuit Baro Moravus, cujus carmina exstant Tom. VI. Delit. Poëtar. Germanor. pag. 1192. in ejus autem Orationem habes Græcum Epigramma Isaaci Casauboni, quod expressum est pag. 250. Dedication. & Pag. Præfation.*
- Epistol. 1104. N. N. *Fortè inscriptio hujus Epistolæ fuerit, A Messieurs du Consistoire de l'Eglise à Geneve: id enim videor mihi posse colligere ex Epist. 1039.*
- Et Pindarum. *Non scripsit Isaacus Casaubonus notas, quod equidem sciam, in Pindarum; sed Græcum Carmen adjecit editioni Francisci Porti, quod habes pag. 241. Dedication. & Præfation.*
- In Poliorceticis suis. *Lib. 2. Dia-log. 4.*
- Nollem in nuperis tuis illud de Libro 663. b adjecisses. *Amphitheatro Honoris Caroli Scribanii.*

I N D E X I

Eorum, quibus scriptæ sunt

E P I S T O L Æ.

*Numerus indicat non paginas, sed Epistolas. Asteriscus * verò eas, quæ novissimè è M. S. sunt editæ.*

A.

- Aitfema (*Foppio*). 372. 412. 414. 418. 434. 449.
- Aitfema (*Leoni*) 113. b.
- * Andrews (*Lancelotto*) Episcopo Eliensi. 767.
- Anonymo N. N. 420. (* 557. à MR. VILLEROY) 848. 873. 885. 899. 940. 941. 948. * 952. 965. * 1045. * 1055. * 1056. * 1091. * 1104. * 1106. * 1107.
- * Arcerio (*Joanni*) 220.

B.

- Baronio (*Cæs.*) Cardinal. 338.
- * Barthio (*Casparo*) 523.
- Bastidano (*Simoni*) 171.
- Baudio (*Dominico*) 322. * 350. 501. 528. * 571. * 732. * 749. 853.
- * Bedwello (*Guilielmo*) 344.
- * Bellævræo (*Pomponio*) 241.
- * Berealdo (*Oleagro*) 1014.
- Bertio (*Petro*) 427. 480. 743. 797. 835. * 1052. * 1053.
- Bezzæ (*Theodoro*) 114. 116. b. 131. 141. 147. 174. * 1012.
- Bochello (*Laurentio*) 904.

- Bongarsio (*Jacobo*) 14. 18. 21. 23. 34. 42. 43. 45. 50. 52. 58. 62. 65. 69. 71. 83. 93. 116. 114. b. 119. 120. 129. 153. 155. 159. 786. * 1008. * 1026. 1086. 1087.
- Bouricio (*Hectori*) 872. 914.
- Brantio (*Joanni*) 679.
- * Brochtono (*Hugoni*) 1032. 1033.
- Brunerio (*Hebello*) 458.
- * Buxtorfio (*Joanni*) 1042.

C.

- Calignoni (*Suffrido*) 1068. 1069.
- Camdeno (*Guilielmo*) 105. * 610. * 641. 1101.
- * Camerario (*Joachimo, Joach. fil.*) 996.
- Cantero (*Lamberto*) 38. * 981.
- Cantero (*Theodoro*) 3. 4. 5. 6. 7. 10. 37. 88. 195. 248. 320. 325. * 649. 755. 778. 983. * 1093.
- Capello (*Jacobo*) * 603. 844.
- Carrierio (*Beniamino*) 912. * 924.
- Casaubono (*Joanni, Is. fil.*) 690. 693. 757. 761.
- * Casaubono (*Merico*) 648.
- Caselio (*Joanni*) 293. 432. 685.
- Chabanæo (*Isaaco*) 673. 691. * Cha-

INDEX I. EPISTOLARUM CASAUBONI.

* Chabanxo (*Petro*) 1019.
 Christiano (*Florent.*) 100.
 Cocco (*Joanni*) 97.
 * Colecto (*Christophoro*) 974. 978.
 Colladono (*Isaie*) 123. 130. 161.
 * Collino (*Samueli*) 763.
 Commelino (*Hieronymo*) 44. 81. * 986.
 * 1004.
 * Constanti (*N. N.*) 240.
 Cunxo (*Petro*) 668.

D.

* **D** Aufqueio (*Claudio*) 686.
 * Deodato (*Joanni*) 600. 1039.
 Douzæ F. (*Jano*) 16. 66. 78.
 * Drusio (*Jano*) 589. 855. 869.
 Drusio (*Joanni*) 74. * 221. * 588. * 817.
 * 832.
 Duceo (*Frontoni*) 281. * 323. 725. 730.
 746.
 Dumaio (*Paulo*) 576. 622.
 Dunxo (*Andreae*) 108. * 949. * 994.
 * 1027. * 1054. * 1109.
 * Durand (*N. N.*) 1098.

E.

Edmundo (*Thome*) 788.
 Elmenhorstio (*Geverhardo*) 289.
 311. 894.
 Eremitæ (*Danieli*) 334.
 Erpenio (*Thome*) 651. 657. 663. 681.
 711. 719. 820. 823. 833. 845. 898. 918.
 938. * 947. * 957.

F.

FAbro (*Petro*) 135. * 596.
 Firxio (*Christophoro*) 85. * 998.
 * 1001.
 Fraxinis (*Philippo Canaio à*) 60. 61.
 64. 90. 99. 101. 117. b. 118. 126. 127.
 132. 133. 137. 148. 149. * 150. 162.
 * 243. * 277. * 304. * 348. * 972.
 * 989. * 992. * 1005. * 1009. * 1013.
 * 1036. 1066. * 1099.
 Frehero (*Marquardo*) 466. * 987. * 994.

G.

Gentili (*Scipioni*) * 246. * 303. 433.
 547. 613. 630. 636. 644. * 658.
 Gillotto (*Jacobo*) 27. 110. 125. 160.
 164. 168. 169. 172. 173. 183. 205.
 407. 411. 765. 1071. 1088.
 Gothofredo (*Dionysio*) 92. 115. 142.
 144. * 997. * 1007. * 1010.
 Grotio (*Hugoni*) * 597. 758. 769. 772.
 775. 779. 780. * 793. 798. 805. 816.
 822. 843. 897. * 917. 933. 939. 953.
 958. 963. * 1030. * 1089. * 1094.
 * 1102. * 1108.

Grutero (*Jano*) 226. * 245. 441. 521.
 639. 859. * 979. * 1003.
 Guerino (*Dionysio*) 908.
 * Guijonio (*Jacobo*) 511.

H.

* **H** Adriano (*N. N.*) 923.
 Heinsio (*Danieli*) 203. 228.
 286. 310. 340. 367. 373. 375. 377. 388.
 393. 399. 403. 406. 415. 421. 429. 440.
 445. 454. 455. 461. 469. 477. 488. 504.
 526. 530. 551. 554. 559. 573. 578. 579.
 581. 592. 594. 598. 601. 612. 618. 620.
 621. 631. 632. 633. 634. 637. 653. 656.
 665. 672. 675. 683. 684. 703. 715. 721.
 722. 744. 745. 754. 760. 764. 771.
 774. 784. 790. 800. 807. 815. 821. 829.
 834. * 846. 849. 852. 881. 891. 913.
 916. 925. 928. 936. 944. 960. 962.
 966.
 * Heraldo (*Desiderio*) 234. 237. 257.
 272. 1022. 1023.
 Hæschelio (*Davidi*) 26. 53. 84. 106.
 163. 165. 186. 187. 192. 194. 197. 201.
 207. 209. 212. 227. 239. 255. 279. 294.
 296. 297. 298. 302. 313. 318. 354. 369.
 384. 385. 387. 410. 444. 457. 482. 486.
 496. 515. 522. 546. 567. 586. 607. 616.
 627. 642. 689. 734. 738. 827. 861. 907.
 943. * 980.
 Horsoni (*Phinaes*) 1067.
 * Huberto (*Stephano*) 263. 831. 1095.
 * Humio (*Alexandro*) 878.

J.

* **J**ACOBO, *Magnæ Britanniae Regi.*
 336. 664. 695. 708. 716. 1035.
 1057. 1110.
 Jungermannno (*Gothofredo*) 481. 647.
 659.
 * Junio (*Francisco*) 968. 973.
 Junio (*Patricio*) 646. * 710. * 803.
 * 1096. * 1097.
 Junio (*Petro*) 342. 580. 635. 694. 910.
 * Junio (*Melchiori*) 977. 984.
 Justello (*Christophoro*) 558.

K.

Kirchmanno (*Joanni*) * 223. * 224.
 * 231. * 524. 538. * 628.
 Kuglero (*Davidi*) 70.

L.

LAbbxo (*Carolo*) 254. 283. 307. 328.
 363. 379. 404. 439. 471. 473. 519.
 527. 531. * 532. 534. 537. 568. 706.
 753. 1072. 1073. 1074. 1075. 1076.
 F f 1077.

INDEX I. EPISTOLARUM CASAUBONI.

1077. 1078. 1079. 1080. 1081. 1082.
1083. 1084. 1085.
Labbæis (*Fratribus*) 266. 273. 397.
* Lamo (*Andrea*) 249.
Laurentio (*Gaspari*) * 259. 1070.
Lectio (*Jacobo*) 112. 128. 138. 146.
191. 199. * 219. * 305. * 605. * 1006.
* 1046.
* Lernutio (*Jano*) 382.
Lindenbrogio (*Friderico*) 32. 36. 55.
193. 200. 358. 645.
Lindenbrogio (*Henrico*) 278.
Lingelshemio (*Georg. Michaëli*) 396.
408. 437. 465. 507. 520. 525. 562. 587.
608. 623. 625. 640. 705. 737. 756. 782.
795. 825. 828. 842. 857. 866. 880. 893.
905. 935. 942. 950.
Lipſia (*Justo*) 230. * 236. 276. * 284.
* 291. * 306. * 317. * 1029. * 1103.
Lubberto (*Sibrando*) 77. * 222. * 956.
Lydia (*Joanni*) 687. 742. 762. 776.
791. 806.

M.

MAtthæo (*Petro*) 251.
Mauffaco (*Philippo Jacobo*) 864.
* Medouſio (*Jacobo*) 1002.
* Melvino (*Andrea*) 250. 475.
* Mercero (*Joſæ*) 1. 2.
Meurſio (*Joanni*) 188. 242. 426. 447.
667. 669. 748. 792. 892. 895. 927.
937. 954.
Molæis (*Fratribus*) 316. 337. 347.
* Molino (*Dominico*) 1058.
Monavio (*Jacobo*) 68.
* Mornæo (*Philippo*) de Pleſſis. 419.
451. 509. 624.
* Mortono (*Thomæ*) 735. 751. 787.
802. 1048. 1050.
Myle (*Cornelio Vander*) 671. 718. 789.
813.
* Montacuto (*Jacobo*) 696.
* Montacuto (*Richardo*) 698. 709.
712. 714. 717. 1051. 1050.

N.

* **N**ærano (*Samuëli*) 602. 614. 677.
* Nanſio (*Franciſco*) 988.
* Nebeleto (*Petro*) 970.

O.

* **O**veraldo (*Joanni*) 739.

P.

Pacio (*Julio*) 151.
* Pæto (*Dionyſia*) 1028. 1034. 1038.
1105.
Paræo (*Philippo*) 72. * 1011.
Patribus ad Synodum Gergav. congregatis. 232.

Patribus Synodi Salvenſis. 136.
Perronio (*Jac. Davy*) 417. 838. * 839.
1090.
Perrotto (*Carolo*) 12. 121. * 270.
Petavio (*Dionyſio*) 1044.
Petavio (*Paulo*) 535.
Piccarto (*Michaëli*) 862.
Pinaldo (*Joanni*) 134. 139.
* Pinello (*Vincentio*) 244.
Pithæo (*Franciſco*) 96.
Pithæo (*Petro*) 40. 41. 95. 103. 884.
Polano (*Amando*) 67.
Polyandro (*Joanni*) 955. 967.
Porthæſio (*Joanni*) 329.
* Prideaux (*Joanni*) 870. 871. 877. 879.
881. 896. 900. 901. 903. 915. 919. 922.
929. 930. 945.
Puceano (*Chriſtophoro*) 380.
* Puceano (*Claudio*) 982.

R.

R Anchino (*Gulielmo*) 98. 102. 145.
* 999. * 1000. * 1015.
Rataxo (*Guitardo*) 190.
Remo (*Georgio*) 468. 863.
* Riccerio (*Mutio*) 339.
Richardo (*Theophilo*) 94.
Rittershuſio (*Conrado*) 15. 30. 31. 51.
59. 86. 154. 301. 353. 409. 431. 443.
459. 467. 497. 499. 518. 565. 611. 643.
766. 783. 826. 860.
* Rutgerſio (*Joanni*) 638. 654. 655.
666. 699. 704. 713. 723. 733. 840.
865.

S.

Sæckmæ (*Joanni*) 75. * 868.
Salmæſio (*Claudio*) 25. 462. 487. 540.
543. 564. 584. 590. 619. 626. 674. 676.
837. * 1040.
* Sapichæ (*Joanni Stanislao*) 615. 1041.
Saraceno (*Jano Antonio*) 49. 1061.
1063.
Saraceno (*Joanni*) 22. 47. 48. 167.
* 1016.
* Saravix (*Hadriano*) 851.
Savilio (*Henrico*) 104. 265. * 1031.
* 1049.
* Savilio (*Thomæ*) 971.
Scaligero (*Joſepho*) 8. 11. 13. 17. 19. 24.
29. * 33. 35. 54. 56. 82. 117. 143. 152.
156. 157. 166. 170. 175. 176. 182. 184.
185. 189. 204. 206. 208. 210. 214. 215.
216. 217. 218. 225. 229. 247. 256. 258.
260. 267. 275. 285. 287. 290. 300. 309.
315. 319. 321. 326. 331. 332. 333. 341.
345. 346. 349. 352. 356. 365. 368. 370.
371. 374. 376. 378. 383. 389. 390. 391.
392. 394. 395. 398. 401. 402. 405. 413.
416. 422. 428. 435. 436. 438. 442. 446.
448. 450. 452. 456. 460. 463. 464. 470.
472.

INDEX I. EPISTOLARUM CASAUBONI.

472. 474. 476. 479. 483. 484. 485. 489.
490. 491. 492. 493. 498. 500. 502. 503.
506. 508. 510. 512. 513. 514. 517. 529.
536. 539. 541. 542. 549. 550. 552. 553.
555. 556. 560. 561. 563. 566. 574.
* 582. 583. 585. 591. 593. 595. 599.
604. 606. 617.
Schotto (*Andrea*) 295. 312. 364. 381.
650. 660. 678. 777. * 876.
Seriverio (*Petro*) 400. 575.
Seulteto (*Tobie*) 91.
Sebero (*Wolffango*) 545.
* Serrano (*Joanni*) 975. 976.
* Simonidi (*Simoni*) 1025.
* Spotifvodo (*Joanni*) 274. 343. 909.
1047.
Stuckio (*Joan. Gulielmo*) 63. 73. 111.
* 969.
* Sweetrio (*fortè Francisco*) 875. 964.

T.

- T**aubmanno (*Friderico*) 544. 629.
856.
Tegnagelio (*Sebast.*) 548.
* Terlonio (*Petro*) 386.
Thomsoni (*Richardo*) 12. 79. 113.
115. b. 122. 213. * 264. * 268. 652.
* 990. * 1024.
Thuano (*Jacobo Augusto*) 9. 20. 28. 39.
46. 57. 124. 158. 196. 211. 252. 253.
308. 359. 360. 361. 362. 366. 423. 424.
692. 697. 700. 701. 702. * 707. 720.
724. 726. 727. 728. 729. 731. 736. 740.
741. 747. 750. 752. 760. 768. 773. 781.
785. 794. 799. 801. 804. 808. 809. 810.

814. 818. 819. 824. 836. 841. 847. 858.
* 874. 883. 906. 911. 920. 921. 926.
931. 932. 934. 951. 959. 961. * 1017.
* 1018. * 1020. 1060. 1062.
Tileno (*Danieli*) * 233. * 235. * 262.
* 271. 299. 1043.
Tornasio (*Joanni*) 282.
Tremuleo (*Steph.*) 109. 140.
Tribaldo (*Ludov.*) 570.

V.

- V**assano (*Joanni*) 330. 351. 478. 572.
682. 1064.
Vassano (*Nicolao*) 430.
Vauprivas (*Verderio à*) 89.
Velfero (*Marco*) 76. 107. 202. * 238.
* 280. 314. 609. * 1037.
* Veneto (*Paulo*) 812.
Vertuniano (*Franc.*) 453. 533.
Vicquio (*Dominico*) 198.
* Villeroy (*N. N.*) 557. 1092.
* Vorstio (*Conrado*) 770.
* Utenbogardo (*Joanni*) 607.
Vulcanio (*Bonaventura*) 288. 327. 357.
* Uweno (*Georgio*) 661.

W.

- * **W**ackero (*Joanni Matthæo*) 355.
* Werckhovio (*N. N.*) 985.
Witten (*Joanni à*) 688. 854. 1065.
* Wottonio (*Henrico*) 292. 991. 1011.
Wouweren (*Joanni à*) 80. * 324.

Z.

- * **Z**astrizel (*Wenceslao à*) 1100.

INDEX II. EPISTOLARUM

A D

ISAACUM CASAUBONUM.

*Numerus indicat Epistolas, tam in Appendice quàm sparsim
inter Epistolas Casauboni.*

- * **A**ndreas (*Oseas*) *Appendice n. 23.*
* Bertius (*Petrus*) 796.
* Canterus (*Theodorus*) *Append. 11.*
* Caselius (*Joannes*) *Append. 32. 33.*
* Erëmita (*Daniel*) 335.
* Erpenius (*Thomas*) 662. 680. 946.
Append. 38. 39.
* Firxius (*Christophorus*) *Append. 7.*
* à Fraxinis (*Philipp. Canaius*) *Ap-
pend. 14. 16. 17. 21. 27. 28.*
* Gillottus (*Jacobus*) *Append. 2. 12.*
* Hoeschelius (*David*) *Append. 20. 42.*
* Lectius (*Jacobus*) *Append. 6. 18. 25.*
26. 37.
* Leschaftier (*N. N.*) *Append. 41.*
* Lindenbruchius (*Fridericus*) *Append.
4. 22.*
* Pelagrange (*N. N.*) *Append. 34.*
* Perealdus (*Eleazar*) *Append. 15.*
* Du Plessis (*Philipp. Mornay*) *Ap-
pend. 31. 35.*
* Puteanus (*Christophorus*) *Append. 30.*
* Rittershutus (*Conradus*) *Append. 1. 3.*
10. 24.
* Sæckma (*Joannes*) *Append. 13.*
* Scheltonius (*Leo*) *Append. 29.*
* Schottus (*Andreas*) *Append. 40.*
* Serranus (*N. N.*) *Append. 19.*
* Tremuleus (*Stephanus*) *Append. 8.*
* Tribaldus (*Ludovicus*) 569.
* Venerus (*Paulus*) 811.
* Wottonius (*Henricus*) *Append. 5. 9.*

I N D E X I I I.

Qui exhibet doctorum & clarissimorum Virorum nomina, quorum in
Epistolis ISAACI CASAUBONI fit mentio.

Numerus indicat paginas.

A.

Alberius (*Claudius*) 35. 588.
Amorianus (*Julius*) 601.
Andrews (*Lancelottus*) 437. 506. 529.
Arminius (*Jacobus*) 354.
Arnaldus (*N. N.*) 444.

B.

Balduinus (*N. N.*) 587.
Balforeus (*Robertus*) 254. 261.
Balsamus (*N. N.*) 467.
Baronius (*Cæsar*) 204.
Bauderie (*Mr. de la*) 375. 453.
Bedwellus (*Wilhelm.*) 346. 376. 478.
Bellarminus (*Robert.*) 303. 522.
Bercherius (*N. N.*) 591.
Bernardinus (*N. N.*) 65. 74. 92.
Bernardus (*Samuel*) 557. 558.
Bertramus (*Cornelius Bonaventura*) 9.
Beza (*Theodorus*) 174. 183. 258. 463.
Bibran (*A...*) 222.
Bodlæus (*Thomas*) 537.
D. Bois (*N. N.*) 380.
Boisius (*Simeo*) 567.
Du Bois (*N. N.*) Abbas. 611.
Bongarsius (*Jacobus*) 478. 479. 480.
481.
Borromæus (*N. N.*) 290.
Boudaziere (*Mr. de la*) 261.
Broughton (*Hugo*) 596.
Buchananus (*Georgius*) 373.
Bullionius (*N. N.*) 13. 578.
Burghausen (*N. N.*) 9.
Buxtorfius (*Joannes*) 476.

C.

Caligno (*Suffridus*) 190. 199. 279.
Calvisius (*Sethus*) 267. 268.
Camerarius (*Joachim*) 582.
Candolus (*N. N.*) 165.
Cantoclarus (*Carolus*) 259.
Capellus (*Antonius*) 376.
Capellus (*Ludovicus*) 468.
Cevalerius (*Petrus*) 8. 206.
Chabanæus (*Petrus*) 205.
Charier (*N. N.*) 609.
Claverius (*Stephanus*) 162.
Coisetellus (*N. N.*) 554.
A Collibus (*Hippolytus*) 462.
Cotton (*Henricus*) 506.
Cottonus (*Robertus*) 382..

D.

Dalechampius (*Jacobus*) 23.
Demetrius (*Emanuel*) 384.
Diodatus (*Joannes*) 318.
Dumbar, Comes. 622.

E.

Elisabetha, Regis Angliæ filia. 519.
Eremita (*Daniel*) 172. 176.
Erpenius (*Thomas*) 478. 565.
l'Eschasserius (*N. N.*) 177.

F.

Faber (*Nicolaus*) 94. 469. 470. 509.
511.
Faber (*Petrus*) 334. 592.
Faber (*N. N.*) 276.
Florens (*Christianus*) 295. 336.
Florius (*N. N.*) 130.
Fornicus (*N. N.*) 93.
Fortlanus (*N. N.*) 340.
Fraxinis (*Philippus Canaius à*) 455.
Fronto-Ducæus (*N. N.*) 222. 288. 295.
Fulgentius (*Franciscus*) 376.

G.

Galandius (*N. N.*) 156.
Galatinus (*N. N.*) 206.
Galenus ætæ dictus. 157.
Gentilis (*Scipio*) 31.
Gentilis (*N. N.*) 363.
Gigordius (*N. N.*) 16. 169. 585. 629.
Gillottus (*Jacobus*) 610.
Gillottus (*Nicolaus*) 90. 629.
Girgetus (*N. N.*) 92.
Gilelinus (*Victor*) 203.
Gonterius (*N. N.*) 222.
Gothofredus (*Dionysius*) 1. 191. 298.
Goulartius (*Simon*) 92.
Gretserus (*Jacobus*) 565.
Grotius (*Hugo*) 529. 531.
Gueretinus (*N. N.*) 454.
Guijonius (*Jacobus*) 283.
Guilielmus (*Janus*) 515.
Guntherus (*Fridericus*) 272.

H.

Hadrianus Fleßingensis. 194. 213.
286.
Hardivillerius (*Petrus*) 444.
Harlæus (*Achilles*). 95.
Heinsius (*Daniel*) 296.

Henricus

I N D E X I I I.

Henricus Fridericus, *Wallia Princeps*.

489. 507. 508. 509. 518.

Heraldus (*Desiderius*) 259. 318. 519.

Herwartus (*Georgius*) 488.

Höschelius (*David*) 285. 582.

Honerdius (*Rochus*) 438.

Hubertus (*Stephanus*) 294.

J.

Jaufandus (*N. N.*) 107.

Jugeus (*Theodorus*) 88.

Junius (*Franciscus*) 21. 588. 589.

Junius (*Melchior*) 34.

K.

Karrew (*N. N.*) 509.

Kirstenius (*Petrus*) 356. 522.

L.

Labbæus (*N. N.*) 238. 239.

Lacc (*Thomas*) 364.

Laet (*Joannes de*) 207.

Lago (*N. N.*) 183.

Laurentius (*Christophorus*) 170.

Lauretus (*Christophorus*) 194.

Lectius (*Jacobus*) 172. 174. 201.

Leonardus (*Paulus*) 101.

Leunclavius (*Joannes*) 580.

Levita (*Elias*) 173.

Lipsius (*Justus*) 6. 15. 266. 267. 274.

Lubbertus (*Sibrandus*) 635.

M.

Majernius (*Theodorus*) 552.

Manesserus (*N. N.*) 93.

Maria Illyricus (*Franciscus*) 185.

Marta (*N. N.*) 612.

Martault (*N. N.*) 328.

Martilierius (*N. N.*) 444.

Mercerus (*Joannes*) 174.

Mercerus (*Josias*) 277. 318. 351.

Merula (*Paulus*) 254. 300. 329.

Meursius (*Joannes*) 315.

Miræus (*Aubertus*) 339. 564.

Molinæus (*Petrus*) 350. 433.

Montacutus (*Richardus*) 512.

Montarere (*N. N.*) 177.

Morellus (*Fridericus*) 295.

Munsterus (*N. N.*) 606.

N.

NAntonnerius (*Guilielmus*) 204.

Nauberger (*Joannes*) 329.

Northonus (*N. N.*) 509.

Nunnesius (*Petr. Joan.*) 101.

O.

Ogliatus (*N. N.*) 628.

Otto (*Conradus*) 263.

P.

PAcius (*Julius*) 169. 171. 588.

Paludius (*N. N.*) 95. 635.

Patissionius (*Mamertus*) 156.

Paulinus (*N. N.*) 365.

Peirolus (*N. N.*) 92. 628.

Peleterius (*N. N.*) 440. 456. 458. 460. 612.

Perronius (*Jacobus David*) 548.

Perrottus (*Carolus*) 199. 258. 259.

Pinæus (*Hallierius*) 212.

Pinaldus (*Joannes*) 181.

Pinellus (*Vincensius*) 244.

Pithœus (*Franciscus*) 89.

Plefferius (*N. N.*) 462.

Pontacus (*Arnaldus*) 293.

Portus (*Franciscus*) Junior. 571.

Puteanus (*Erycius*) 456. 487.

Puteanus (*N. N.*) 192.

R.

RAcassius de Bagarris (*N. N.*) 169.

Ramus (*Petrus*) 526. 527.

Ramusius (*N. N.*) 133.

Ranchinus (*Guilielmus*) 16.

Ranconetus (*Emarus*) 373.

Rapinus (*Nicolaus*) 92.

Riberius (*N. N.*) 178.

Ribestus (*N. N.*) 102.

Richeomus (*Ludovicus*) 444.

Richerius (*Edmundus*) 444.

Rigaltius (*Nicolaus*) 191. 192. 236.

Rivaltius (*David*) 208. 294.

Rotanus (*N. N.*) 92.

Rutgersius (*Janus*) 340.

S.

Sæckma (*Joannes*) 21.

Salmasius (*Claudius*) 275. 284.

Santandreanus Abbas. 207.

Savilius (*Henricus*) 461.

Schegkius (*Jacobus*) 6.

Schelto (*Foppius*) 199. 221.

Scherbius (*Philippus*) 31.

Schilderus (*Robertus*) 301.

Scioppius (*Casparus*) 267. 272. 507. 510.

Scotus (*Adamus*) 468.

Scultetus (*Tobias*) 9. 17. 517. 546.

Serranus (*Joannes*) 593.

Serrarius (*N. N.*) 480.

Servinus (*Ludovicus*) 94. 540.

Stabaterius (*N. N.*) 5.

G g

Stepha-

CLARISSIMORUM VIRORUM.

Stephanus (*Robertus*) 211. 593.
 Stephanus, R. F. R. N. (*Robertus*)
 287.
 Comes Sueffonienfis. 509.
 Sylburgius (*Fridericus*) 30. 586.
 Sylly (*N. N. de*) 363.

T.

TAnquarellus (*N. N.*) 443.
 Temporarius (*Joannes*) 194.
 Terlonius (*Petrus*) 205.
 Theballior (*N. N.*) 180.
 Thomson (*Richardus*) 432.
 Thorius (*Raphaël*) 380.
 Thuanus (*Christophorus*) 443.
 Thuanus (*Jacob. Augustus*) 166. 181.
 275. 283. 443.
 Tomkys (*N. N.*) 339.
 Triuncurianus (*Auberius*) 466.
 Turnebus (*Adrianus*) 582. 629.

V.

VAlette (*Mr. de la*) 622.
 Varendalius (*N. N.*) 649.
 Vassanius (*N. N.*) 186.
 Velserus (*Marcus*) 189. 517.
 Vicquius (*Dominicus*) 176.
 Violetanus (*N. N.*) 579.
 Vulcanius (*Bonaventura*) 351.
 Urfinus (*Fulvius*) 10.

W.

Westhovius (*Joannes*) 167. 168.
 Wotton (*Henricus*) 11. 12. 506.
 578. 608.
 Wouweren (*Joannes à*) 515.

Z.

ZAnutius (*N. N.*) 336.
 Zinzerlingius (*Justus*) 454.

ERRATA TYPOGRAPHICA.

Pag. 60. *b.* lege *quæ*. Pag. 62. *b.* lege
erga. Pag. 102. *a.* lege *desperaverit*.
Ibid. lege *MERICI*. Pag. 105. *a.* lege
gonyobombyx. Pag. 110. *a.* lege *imperi-*
tia. Pag. 112. *b.* lege *feret*. Pag. 113.
b. lege *numquam*. Pag. 133. *b.* lege *ob-*
servatur. Pag. 135. *b.* lege *catharticum*.
 Pag. 140. *a.* lege *mibi*. *Ibid.* *b.* lege
 DANIELI. Pag. 162. *a.* in margine

lege, *Leg.* 20. Pag. 180. *a.* lege *purio-*
ris. Pag. 326. *b.* post *desisset* adde *esse*.
 Pag. 490. *a.* in margine dele *Joanni*
Overallo. Pag. 508. *b.* in margine lege
indicat. Pag. 561. *a.* lege *CIO* *IO* *CXIV*.
 Pag. 566. *a.* in margine omiffa est no-
 ta *X*. Pag. 577. *a.* lege *Nonnus*. Pag.
 592. *b.* lege *nova*. Pag. 639. *a.* in mar-
 gine lege *Epist. XV*.

MAG 2015851



